



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES



3 3433 07077986 7

.

.

■

■

7



PHILIPPI MELANTHONIS

OPERA

QUAE SUPERSUNT OMNIA

POST

CAROL. GOTTL. BRETSCHEIDERUM

EDIDIT

HENRICUS ERNESTUS BINDSEIL.

VOLUMEN XVI

HALIS SAXONUM

APUD C. A. SCHWETSCHKE ET FILIUM.

1850.

RECORDS SECTION

1960

1960

1960

1960

1960

1960

1960

1960

LECTORI BENEVOLO

HENRICUS ERNESTUS BINDSEIL

S. D.

Viro summe Reverendo Bretschneidero, huius Corporis Reformatorem conditore, cuius quindecim priora volumina edidit, mortuo, Schwetschkius bibliopola huius operis continuandi provinciam mihi demandavit. Hac suscepta studui subsidia necessaria colligere atque explorare, quaenam editiones scriptorum Melanthonis in bibliothecis patriae nostrae celeberrimis reperiantur, easque, quibus ad singulos libros edendos mihi opus est, congerere, qua in re tanta humanitate ab iis, qui illis bibliothecis praesunt, adiuvor, ut beneficia eorum non satis possim laudare.

Cetera autem Melanthonis scripta hoc ordine edam, ut libris, in quibus scripturam sacram enarravit, a Bretschneidero in Voll. XIII., XIV. et XV. huius Corporis editis, eos proxime adiungam, in quibus scriptores classici ab eo enarrati sunt, libris, qui ad ethicen et politicen spectant, praemissis, quia partim ad illos libros philosophicos, quos 47 priores plagulae Voluminis XIII. continent, partim ad auctorum classicorum commentarios pertinent. His reliqua eius philologica scripta addentur, et post haec Confessio Augustana ceterique libri theologici atque alia scripta varii argumenti sequentur.

Omnes hos libros ita edemus, ut editiones, quibuscunque uti nobis liceat, conferamus ad menda in iis obvia tollenda earumque varietatem adnotandam. Praeter has notas criticas etiam alias addemus, quibus homines, libri eorumve singuli loci, et res, de quibus Melanthon loquitur, breviter illustrantur vel accuratius indicantur.

In auctoribus classicis ab eo enarratis non solum varias editiones, quae eius enarrationes continent, conferemus, sed etiam novissimas easque optimas editiones horum auctorum, et, ubicunque eorum verba scholiis Melanthonis apposita ab editionibus novissimis differunt, hanc quoque varietatem notis criticis adnotabimus. Quum illae antiquiores editiones plerumque capitum, et semper paragraphorum partitione careant, hanc ex novissimis adscribemus, ut verba scholiis illustrata facilius inveniantur. Denique ubi scholiorum ordo a serie verborum auctoris classici aberrat (cuiusmodi permulta exempla inprimis scholiorum in selectiores Ciceronis orationes collectio a Riccio Lipsiae 1568. edita praebet), secundum hanc illa disponemus.

Hanc rationem secutus hoc Corporis Reformatorum volumen decimum sextum, meorum laborum primum, Tibi, lector benevole, nunc offero idque ut benevolo animo accipias oro rogoque. Halis, Idibus Octobris 1850.

VOLUMEN XVI.
SCRIPTA PHILIPPI MELANTHONIS

**AD ETHICEN ET POLITICEN SPECTANTIA, ET DISSERTATIONES
IIS ANNEXAE.**

- I. PHILOSOPHIAE MORALIS EPITOMES LIBRI DUO.
- II. ETHICAE DOCTRINAE ELEMENTORUM LIBRI DUO.
- III. ENARRATIONES ALIQUOT LIBRORUM ETHICORUM ARISTOTELIS.
- IV. COMMENTARII IN ALIQUOT POLITICOS LIBROS ARISTOTELIS.
- V. QUAESTIONES ALIQUOT ETHICAE, DE IURAMENTIS, EXCOMMUNICATIONE
ET ALIIS CASIBUS OBSCURIS.
- VI. DISSERTATIO DE CONTRACTIBUS.
- VII. DE ARBORE CONSANGUINITATIS ET AFFINITATIS SIVE DE GRADIBUS DIS-
SERTATIO.

LIBRI PHILIPPI MELANTHONIS
IN QUIBUS ENARRAVIT AUCTORES CLASSICOS.


A.

ANNOTATIONES IN PLURES CICERONIS LIBROS.

- I. PROLEGOMENA IN OFFICIA CICERONIS, COLLATIONE ACTIONUM ATTICA-
RUM ET ROMANARUM ANNEXA.
- II. ARGUMENTUM ET SCHOLIA IN OFFICIA CICERONIS.
- III. ANNOTATIONES IN LAELIUM CICERONIS.
- IV. SCHOLIA IN CICERONIS DE ORATORE DIALOGOS TRES.
- V. SCHOLIA IN CICERONIS ORATOREM.
- VI. SCHOLIA IN CICERONIS TOPICA.
- VII. IN PRIMAM, PRAECIPUAM ET DIFFICILLIMAM PARTEM ORATORIARUM
PARTITIONUM CICERONIS COMMENTARIUS.

- VIII. ARTIFICIUM, DISPOSITIO ET INTEGRA PARAPHRASIS ORATIONIS CICERONIS PRO A. LICINIO ARCHIA POETA.
- IX. DISPOSITIO ET PARAPHRASIS ORATIONIS CICERONIS PRO M. MARCELLO.
- X. DISPOSITIO ORATIONIS CICERONIS PRO T. ANNIO MILONE.
- XI. ARGUMENTUM, PARAPHRASIS ET ANNOTATIONES IN CICERONIS ORATIONEM PRO L. MURENA.
- XII. COMMENTARIUS IN CICERONIS ORATIONEM PRO M. CAELIO RUFO.
- XIII. SCHOLIA IN CICERONIS ORATIONEM PRO SEX. ROSCIO AMERINO.
- XIV. SCHOLIA IN CICERONIS ORATIONEM PRO P. SYLLA.
- XV. SCHOLIA IN CICERONIS ORATIONEM PRO A. CAECINA.
- XVI. SCHOLIA IN CICERONIS ORATIONEM PRO Q. LIGARIO.
- XVII. SCHOLIA IN CICERONIS ORATIONEM PRO REGE DEIOTARO.
- XVIII. SCHOLIA IN CICERONIS ORATIONEM PRO C. RABIRIO.
- XIX. SCHOLIA IN CICERONIS ORATIONEM PRO P. SESTIO.
- XX. SCHOLIA IN CICERONIS ORATIONEM IN L. PISONEM.
- XXI. SCHOLIA IN CICERONIS ORATIONUM PHILIPPICARUM PRIMAM, SECUNDAM, TERTIAM ET NONAM.
- XXII. SCHOLIA IN CICERONIS ORATIONEM PRO LEGE MANILIA.
-

SCRIPTA
PHILIPPI MELANTHONIS
• **AD ETHICEN ET POLITICEN SPECTANTIA**
ET DISSERTATIONES IIS ANNEXAE.



PHIL. MELANTHONIS
SCRIPTA AD ETHICEN ET POLITICEN SPECTANTIA
ET
DISSERTATIONES IIS ANNEXAE.

Melanthon, eruditam philosophiam in theologo requirens, non illas cavillationes, quibus nullae res subsint, iudicavit unum quoddam philosophiae genus eligendum esse, quod quam minimum habeat sophisticas, et iustam methodum retineat. Talis ei apparuit Aristotelis doctrina ¹⁾, praesertim quia ordine disputat, et plerumque pronuntiat quid sentiat, et sermone utitur puro ac proprio ²⁾. Quapropter eo iam sexennio, quod in Tubingensi academia exegit, Melanthon huius philosophiae studium iuvare studuit; in postfatione enim editionis principis grammaticae graecae a. 1518. dicit: „Accingimur non vano conatu ad instauranda Aristotelica, quo vel tandem nostri homines hac laudum parte cum aliarum gentium philosophis comparari recte queant. Nam quae in Aristotelem hactenus apud Germanos scripta sunt, a nescio quibus veluti in stipem emendicata adeo non referunt Aristotelem, ut indignum sit nobile *περίπαιον* in hos rhapsodos incidisse.” Qualia haec scripta fuerint, intelligitur ex his quoque verbis sermonis de corrigendis adolescentiae studiis: „— inciderunt homines quidam — in Aristotelem, eumque mancum, et lacerum ³⁾, et qui alioqui Graecis obscurus, *καὶ τοῦ Λοξία* similis videtur, latino sic redditum, ut etiam Sibyllae coniecturas exerceret.” (Corp. Ref. Vol. XI. p. 17.) Illud de Aristotele iudicium Melanthon, cum ex Tubingensi academia in Vitebergensem (mense Augusto 1518.) evocatus esset, ibique contracta cum Luthero amicitia, eiusque iudicandi vim admiratus audivisset, quam strenue ille in Aristotelem scholasticum inveheretur, aliquantisper mutavit satis dure de hoc philosopho loquens, ipsamque Lutheri de eo sententiam diserta apologia defendit ⁴⁾. In prima enim locorum communium editione haec scripsit: „Aristotelis doctrina est in universum quaedam libido rixandi, ut eum in paraeneticae philosophiae scriptoribus ne postremo quidem loco numerare conveniat. Id ut conveniat cum Aristotelis philosophia, non laboro. Quid enim ad me, quid senserit ille rixator? Hoc est et festivum et mere Aristotelicum, et Aristotelicis dignum theologis commentum.” Similiter in oratione Didymi Faventini nomine edita adversus Th. Placentinum pro M. Luthero Theologo et in Apologia pro Luthero adversus furiosum theologorum Parisinorum decretum iudicat. Nec id magnopere mirabitur, qui vel summam, qua iam tum potiebatur Lutherus, auctoritatem ingentemque, quo in emendandam ecclesiae doctrinam ferebatur, fervorem cogitaverit, vel expenderit, Melanthonem vix viginti uniusque annorum aetatem supergressum et ingenio subtimidum, novum quoque in istis sedibus hospitem, attemperavisse se eorum moribus, quos vigere eo in loco videbat. At mox pristina mens Melanthoni rediit, et reputans, non tam ipsum Aristotelem Graecum, quam Scholasticum a Luthero damnari, illius scripta maximis laudibus unicuique commendavit. Ut Leonhardo Eccio Cancellario Bavarico scribit: „Vere iudicas plurimum interesse reipublicae, ut Aristoteles conservetur, et extet in scholis, ac versetur in manibus discentium. Nam profecto sine

1) Mel. oratio de philosophia, in hoc Corp. Ref. Vol. XI. p. 282.

2) Ei. oratio de Aristotele, in Corp. Ref. Vol. XI. p. 635. Item in oratione de Aristotelis vita (Corp. Ref. Vol. XI. p. 348.) dicit: „(Arist.) duas res adhibet, quae lumen afferunt in docendo, methodum et proprietatem sermonis. Utile est igitur adolescentes ad Aristotelicam consuetudinem assueferi.” Cf. etiam ei. orat. de Platone, in Corp. Ref. Vol. XI. p. 433.

3) Haec ob rem cum Francisco Stadiano Prof. Tubingensi aliisque Aristotelis opera edere sibi proposuerat, ut in illa postfatione commemorat.

4) Ideo inter Aristotelis adversarios Melanthonem referre non dubitavit Rapius (reflexions sur la philosophie p. 451.).

hoc autore non solum retineri pura philosophia, sed ne quidem iusta docendi aut discendi ratio ulla poterit." (Corp. Ref. Vol. II. p. 956.) Praeterea legantur eius orationes duae de Aristotele a. 1537. et 1544. habitis (Corp. Ref. Vol. XI. p. 342 sqq. 647 sqq.), quarum priorem his verbis concludit: „Haec eo dicenda putavi, non solum ut magis ametis Aristotelem, sed etiam ut cogitetis, cur sit amandus, et in manibus habendus; planeque ita sentio, magnam doctrinarum confusionem securam esse, si Aristoteles neglectus fuerit, qui unus ac solus est methodi artifex. Nec alia ratione ad methodum assuefieri quisquam potest, nisi in hoc genere philosophiae Aristotelicae mediocriter exerceatur. . .”

Quamquam vero in hac oratione (vide Corp. Ref. Vol. XI. p. 349.) et aliis locis scripta Aristotelis in universum laudat, tamen inprimis eius Moralia commendat¹⁾, quorum tria distinguenda sunt: 1. *Ἠθικῶν Νικομαχείων*, Ethicorum ad Nicomachum libri X.; 2. *Ἠθικῶν μεγάλων*, Magnorum Moralium libri II.; 3. *Ἠθικῶν Εὐδημείων*, Moralium ad Eudemum libri VII. Horum primo loco posita atque politicos eius libros (de quorum intimo cum ethicis connexu infra disseremus), ut studium quam maxime iuaret, partim commentariis illustravit.

I.

In Ethica Aristotelis commentarius Phil. Mel. Wittebergae apud Ios. Clug. 1529. 8.

De hac editione princeps, quae tantummodo librum primum et secundum Ethicorum Nic. complectitur, Melanthon Ioach. Camerario 8. Iun. 1528. scribit: „Et hic excuduntur τὰ ἠθικὰ Aristotelis, quae non sine magno labore in tanta negligentia chalcographorum emendari possunt. Et addo scholia, quae adiuvent nonnihil lectorem in tam obscura et perplexa disputatione.” (Corp. Ref. Vol. I. p. 983.); eidemque 28. Aug. 1529.: „Mitto tibi enarrationem duorum librorum ἠθικῶν Aristotelis. In fine insunt grammatica quaedam de altera navigatione, quae te videre velim” (l. l. p. 1093.). — In introductione utilitatem ethicorum et differentiam christianae doctrinae et philosophiae demonstrat. Tum duos illos libros breviter explicat. Vituperat plurimos commentatores, „qui quia non enarrant sententiam populari genere orationis, nec referunt praecepta ad communem sensum et ad civilem vitae consuetudinem, e procul tantum ostendunt rem, nec satis explicatam tradunt, et plerisque locis vincere subtilitate Aristotelem certant — ambitione quadam quam longissime student discedere a captu aliorum hominum.” Versus finem dicit: „Hactenus enarravimus praecipuos locos horum librorum. Primus continet gravissimam disputationem de fine hominis, secundus definitionem virtutis.” In fine: „Nolui delictos lectores immodicis commentariis ab Aristotelis lectione absterre, quare praecipuos autoris locos delegimus, eosque, quantum in ista brevitate licuit, popularibus verbis exposuimus, pleraque consulto praetermisimus, quae diligens lector facile sine interprete assequetur.”

Haec editio recusa est Haganae 1530., Ciceronis libris de officiis annexa, sic inscripta:

Ciceronis officia cum scholiis Melanthonis, item in Aristotelis Ethica commentarius doctissimus eodem Authore. Haganae 1530. 8. 19 plagg.

Altera editio libro tertio et quinto Ethicorum Aristotelis aucta inscripta est:

In primum, secundum, tertium et quintum Ethicorum commentarii Phil. Mel. Vitebergae 1532. 8. 14 plagg.

Hanc Mel. commemorat in tribus ad Ioach. Camerarium epistolis anno 1532. scriptis, 2. Maii: „Verti quintum Ethicorum magno cum labore, et addidi commentariolum. Ego cum habebo exempla, tibi mitto.” (Corp. Ref. Vol. II. p. 585.), 19. Maii: „Mitto tibi quintum librum Ethicorum, quem ut perlegas valde te oro, et observes, si quid aliter fuisse reddendum existimabis, scis enim quam parum habeam otii, et profecto saepe divinandum est in Aristotele propter brevitatem. Novi autem tuam et diligentiam in hoc genere καὶ δεινότητα: gratissimum mihi feceris, si quid emendaveris. Ego in ambiguis locis verti id, quod simplicissimum et mollissimum videbatur, sed expecto censuram tuam, non encomium.” (l. l. p. 589.), et 2. Iunii: „De quinto Ethicorum amabo te, scribas mihi tuam censuram. In commentario ipse quaedam, cum erit plus otii, conabor reddere clariora.” (l. l. p. 595.) — In hac editione, quae primae ambitum dimidio superat, librum tertium breviter, quintum autem, in quo Aristoteles de iustitia disputat, copiose illustravit et translationem adiecit. In epistola nuncupatoria Clarissimo viro equestris ordinis Re-ctori Academiae Vitebergensis Ulrico Sillingo²⁾, compatri suo inscripta (Corp. Ref. Vol. II. p. 585 sqq.), quam libro praemisit, de difficultatibus bonae Aristotelicorum librorum translationis et de suo labore disserit. „Neque vero”, inquit, „facile dixerim, quanto cum labore verterim hunc librum e graeco. Sed id existimandum his relinquo, qui in eodem genere aliquando periculum fecerunt, ac norunt quam diffi-

1) In sermone de corrigendis adolescentiae studiis (Corp. Ref. Vol. XI. p. 22.) dicit: „In primis hic eruditione graeca opus est, quae naturae scientiam universam complectitur, ut de moribus apposite ac copiose dicere queas. Plurimum valent Aristotelis Moralia, Leges Platonis, Poetae.”

2) *Ulr. Sillingus* s. potius Schillingus, ex oppido Canstadt, Pincerna Ducatus Suaeiae.

cile sit, tam exilibus ac minutis sententiis addere lumen et perspicuitatem in lingua latina, quod quidem me ubique consecutum esse non ausim praedicare. Nonnulli in vertendo in locis parum intellectis de suo affingunt auctoribus novas sententias. Alii non intellecta reddunt ambigue, ne deprehendi queat inscitia eorum, quorum alterum impudentis est ingenii, alterum, quod meo iudicio etiam flagitiosius est, perversi atque astuti. Ego vero etsi non superstitiose annumeravi verba verbis, tamen eam fidem, quae in interprete praecipue requiritur, summo studio praestiti, ut germanam auctoris sententiam reddere conarer, idque quam maxime plane ac dilucide possem. Quid autem assecutus sim, iudicium erit doctorum."

Haec editio cum politicorum librorum Aristotelis interpretatione (v. infra) coniuncta 1535. Argentinae recusa est sic inscripta:

Commentarii in Primum, Secundum, Tertium, et Quintum Ethicorum Philippi Melancthonis.

Eiusdem in Aristotelis aliquot libros Politicos Commentaria. Argentinae apud Ioan. Albertum.

— (In fine:) *Argentinae apud Ioan. Albertum, Mense Martio, Anno M. D. XXXV. 8. 17 plagg.*

(3 ult. pagg. vac.), quorum 13^{1/2} plagg. commentariis ethicorum, 9^{9/16} politicorum complentur.

Commentarii ethicorum praefatione carent, politicorum autem a dedicatione ad Ulr. Sillingum incipiunt.

Anno 1545. editionem plane novam curavit inscriptam:

Enarratio aliquot librorum Ethicorum Aristotelis primi, secundi, tertii et quinti, ad intelligendum

Aristotelem utilis, auctore Philippo Melancthone. Vitebergae 1545. 8. 19 plagg.

cui hanc epistolam nuncupatoriam praemisit, quam hoc loco totam damus, cum in Vol. V. huius Corp. Ref. inter epistolas anni 1545. omitta sit.

Clarissimo viro eruditione et virtute praestanti Domino Arnoldo Burenio¹⁾, Philip. Melancthon. S. D.

Multi famam ingenii et sapientiae omnibus aetatibus vituperatione artium aucupati sunt, ut Aristophanes exagitat non Socratem tantum contemplantem nubes, sed etiam Metonem²⁾, qui anni rationem Atheniensibus emendavit, ac actate aliquantulum antecessit Socratem. Postea vero Arcesilas³⁾ et alii multi, impudenter etiam mathematica initia, quae vocantur *κοινὰ ἔννοιαι*, labefactare conati sunt. Sed multo plausibilior fuit semper vituperatio huius partis philosophiae, quam vocant Ethicam. Hanc enim multi commenticiam esse dixerunt, et errorum plenam, quia nullae sint de moribus firmas demonstrationes. Nam si quid certi inveniri potest, unde sunt tam multa dissidia sectarum? cur Plato ipse dicit cerni summum bonum, ut simulachra vultuum nostrorum in aquis non satis expressa, aut firma, sed motis aquis assidue fugientia? Deinde etiam, si est aliqua doctrina, quid prodest vitae, cum fere omnes homines magis naturae suae impetu, quam doctrina et sapientia regantur? Placidi sunt Laelius, Atticus et similes, quia minus habent bilis adustae. Torvi, immites, inquieti, Cleon, Cato et alii, quia abundant et atra et adusta bile, Piscator apud Plautum⁴⁾ queritur, non flecti mores populi ad virtutem bonis sententiis, quae in scaena recitantur, inquit:

Spectavi ego pridem comicos ad istum modum,

Sapienter dicta dicere, atque iis plaudier.

Cum illos sapientes⁵⁾ mores monstrabant populo⁶⁾.

Sed cum inde suam quisque ibant diversi domum,

Nullus erat illo pacto, ut illi iusserant.

Si non movent animos illae mirificae imagines vitae, quae tum in comoediis, tum in tragoediis proponuntur, imo si non frenant hominum furores atrocissimae legum publicarum minae, et supplicia, et ingentes aerumnae, quae scelera fatali, hoc est, certa et divina lege comitantur, quid proficerent hae dulces et venustae disputationes philosophorum? Si Catilinam moventem seditionem non moverunt exempla tam multa aliorum, qui, motis seditionibus in melioribus causis, tragicos exitus habuerunt, ut Gracchorum, Fulvii⁷⁾, Saturnini⁸⁾, Marii, quid quaeso apud eum hic noster libellus proficeret, disputans suaviter non conturbandam esse proportionem geometricam inter cives, dandum senatui et consulibus suum locum, huius proportionis conservationem et iustitiam esse, et nervum humanae societatis et pa-

1) De Arn. Burenio, Professore in Acad. Rostochiana, cf. Corp. Ref. Vol. X. p. 345 sq.

2) Meton Atheniensis, Pausaniae filius, rectiorem aeram instituit, secundum quam anni initium fiebat ab interlunio solstitium aestivum subsequente. Vixit adhuc tertio Olympiadis 91. anno.

3) Arcesilaus s. Arcesilas, 316 a. Chr. Pitanae, Aeolidis urbe, natus, philosophiae academicae mediae, quae dicitur, auctor.

4) Plaut. Rudens IV, 7, 23—27.

5) Ed. Bipont. *sapientis*.

6) Ed. Bipont. *populo*.

7) M. Fulvius Flaccus, M. Fulv. Flacci filius, a. u. 575. consul, unus triumvirorum ob legem agrariam Tib. Gracchi creatorum.

8) L. Appuleius Saturninus, Marii socius, quem Cicero seditiosorum post Gracchos eloquentissimum appellat.

cis? Quid si etiam accederet incurvus et squalidus senex, Iro¹⁾ similis, ac in mensa aut pariete dispositos ordine numeros pingeret, ut fit in scholis? Num magis expavesceret Catilina conspectis his figuris, quam cum vidit consulis vigilantiam, et legionibus quinque munitam Italiam, quarum duces firmissimi erant, et adiuncti Ciceroni consuli? Haec et similia multa contra hanc philosophiam de moribus saepe dicuntur ab iis, qui libenter frenos hominum cupiditatibus laxant, ad quae etsi vera respondere, nobis praesertim in ecclesia facile est, tamen in hoc argumento mala causa, et pernicioosa oratio multo plausibilior est, quod eo fit, quia magnum dissidium est in homine mentis et cupiditatum, quae vincula et carcerem aegre patiuntur, et mentis iudicio audacissime reclamant. Id dissidium, unde ortum sit, non ignorant hi, qui ecclesiae doctrinam et audiverunt, et amplectuntur. Deplorare autem magnitudinem eius mali bonae mentes solent, intuentes et iram Dei, et horrendas hominum calamitates, quae ab illa domestica discordia naturae hominis oriuntur. Nec ullius tanta est eloquentia, ut hunc dolorem oratione exhaurire et satis exprimere possit. Lachrymans igitur fateor, nec his blandissimis disputationibus Ethices, nec severa legum voce, nec atrocium suppliciorum spectaculis, errantes cupiditates semper intra metas retrahi. Quid igitur? Estne doctrina commenticia et incerta? deinde si qua est vera doctrina, estne inutilis? Imo contumelia est adversus Deum, lucem discernentem honesta et turpia, indita mentibus nostris divinitus, seu principia practica et demonstrationes practicas velle delere, sublata certitudine: Non dicas falsum testimonium, inquit vox divina: Non delectemur corruptelis veritatis, nec quaeramus praestigias ad eam eludendam. Est omnino vera aliqua doctrina, et certa de moribus, extracta ex illa luce, divinitus insita humanis mentibus, seu ex legibus naturae. Ut mens ipsa sua luce cernit hanc propositionem veram, certam et immotam esse: Bis quatuor sunt octo, sic vera, certa et immota est haec sententia: Adulterium est turpe et vitandum. Ac de fonte et certitudine doctrinae, et de sectarum diudicatione saepe in his commentariis dicitur.

Nunc vero de utilitate breviter dicam. Scimus Deum velle genus humanum disciplina domestica et civili, legibus et suppliciorum metu regi, ut multa dicta coelestia testantur. Cum igitur consilium Dei non sit prorsus inutile, fatendum est aliquid valere hanc doctrinam, quae disciplinae pars est, et fons honestarum legum. Non sit autem natura distorta, cui proponitur, et vivat non Cyclopico more sine freno, sine legum, religionum et hominum reverentia, sed versetur inter homines civilia officia colentes, invitetur exemplis honestis, metuat poenas, adsuefiat ad civilem vitae consuetudinem. Etsi autem saepe, propter naturae imbecillitatem, cupiditatum flammae vincunt, saepe diabolus impellit animos, ne recto iudicio obtemperent, tamen aliquid in vita communi loci est disciplinae, ac addam amplius plurimum valere diligentiam, et hanc ipsam doctrinam adfirmo, cum accedunt agnitio et invocatio filii Dei. Hic vero genera doctrinae recte discernenda sunt, Legis disciplina et Evangelium, qua de re saepe alias dictum est. Nec raro mihi in mentem venit, cum de legis utilitate dicitur, imaginis, quae in evangelica historia extat de Sycomoro. Significat enim Sycomorus populum Legis. Eius autem arboris fructus non maturescunt, nisi ferro scalpantur, et oleum infundatur, id est, legis doctrina ita prodest auditoribus, si castigantur, et tamen oleo, id est, Evangelio conspergantur, id est, si accedant agnitio et invocatio Christi. Cum legimus in mentibus nostris sententias a Deo inscriptas de moribus, cum vocem Dei concionantis de Sina audimus, ipsum legis auctorem primum intueamur, et cogitantes imbecillitatem nostram, et diaboli insidias, petamus, ut Deus aeternus pater Domini nostri Iesu Christi, propter filium mediatorem nos recipiat, et adiuvet, sicut filius promisit inquit: Quanto magis pater vester coelestis dabit Spiritum sanctum petentibus. Et quidem severe praecipit, ut hoc tantum munus petamus, cum ait: Petite et accipietis. Haec de utilitate breviter visum est dicere. Nam de universa disciplina saepe alias a nobis dictum est.

Quod vero studiis et ad formandum iudicium prosit inspexisse has Aristotelicas disputationes, inde animadverti potest, quod necesse est in Ecclesia perspicue discerni philosophiam et Evangelium. At non poterunt discrimen illustrare hi, qui non didicerunt utrumque doctrinae genus. Propterea saepe non modo in foro, sed etiam in Ecclesia dicendum est de aliqua Legis parte, de virtutum civilium definitionibus aut membris. Hinc autem exemplum methodi sumi potest, cum talis materia explicanda est. Propter has utilitates Aristotelis Ethica in manibus scholasticorum versari prodest, quae ut a rudioribus et tyronibus facilius intelligantur, annotationes alicubi ad textum in libris praecipuis adieci, quae et ipsae interdum ostendent usum harum tenuium disputationum. Ideo autem latinam versionem nullam addidi, quod malim graecos fontes legi propter multas causas. Nam et sententia nativa facilius cognosci potest ab iis, quibus graeca lectio fit familiaris, et qui non tenent nativam sententiam, ipsi sibi novum et dilutum philosophiae genus fingunt, ac miscent absurdas sententias, et abhorrentes a sanis iudiciis in hac communi vita. Ut autem magnum ornamentum est, et vitae humanae et Ecclesiae, philosophia, cum recte, erudite, sobrie et moderate traditur, ita pestis est et corruptela iudiciorum, cum pro philosophia instillatur animis confusio opinionum verarum et falsarum, et accersitur studium absurda defendendi ver-

1) Irus, mendicus Ithacae insulae.

borum praestigiis, ut alii Epicuræos furores, alii Stoica deliramenta, alii alias portentosas opiniones tueri conantur. Talis consuetudo parit sycophantas, artium et vitæ conturbatores. Delectus adhibeatur opinionum, et cum vera deprehensa sunt, modus sit disputationum. In omni vitæ præceptum illud gravissimum amemus, quod apud Plautum recitat meretricula, quæ et ipsa Aristotelico more mediocritatem optimam esse statuit, inquit: Hoc satius est. Satis est, quod satis est. Usus autem vitæ multis disputationibus addet lucem. Scio has operas scholasticas et hoc genus enarrationum fastidiri a multis. Sed revera hæc puerilis doctrina utilis est, ut ita dicam, *χρησιμώτα* ad maximarum rerum explicationem. Ideo sum hortator omnibus bonis ingeniis, ut hæc Aristotelica legant, ament, propius considerent, eoque tibi, Arnolde eruditissime, hanc lucubrationem dedicandam esse censui, quod cum sciam te his Aristotelicis libris delectari, exemplo tuo multos ad horum librorum lectionem invitare cupio. Etsi autem in hoc commentariolo multa sunt, quæ fastidiosus lector aspernabitur, tamen iudico bonam operam navatam esse in enarratione quinti libri de Iustitia. Me adolescentem, ipsum Iustitiæ nomen sæpe invitavit, ut quid de virtute pulcherrima et rectrice vitæ dixisset Aristoteles, cognoscere cuperem. Et ingredienti vestibulum operis, primæ partitiones, quæ res magnas proponunt, mediocriter blandiuntur. Hæe cupiditatem meam incendebant. Sed paululum progressus, hærebam velut in luto, fontes nesciebam, unde has proportionum accommodationes sumpsit Aristoteles, qui sunt apud Platonem, ideo et consilium et sententiam non satis perspicere poteram¹⁾. Nec interpretes habebamus, qui aut Platonis libros attigissent, aut ita exculi fuissent literis et vitæ communis consideratione, ut Aristotelis consilium nobis exponere possent. Sæpe igitur stomachabar ipse mecum, ac dolebam non posse nos in hanc præcipuam partem libri Aristotelici, tanquam vetustate spinis iam obsitam, penetrare. Sed postea animadverti accommodationem illam proportionum ex sexto libro Platonis de legibus extractam esse, quo in loco Plato quasi digito intento in hanc Aristotelis narrationem monstrat et consilium et eius sententiam, ut in commentario recensui. Nunc discussa caligine, quantum possumus, bona ingenia ad hanc lectionem invitemus. Neminem opinor tam ferum esse, quin degustata dulcedine harum disputationum initio, postea totas exhaurire cupiat. Sed polliceor studiosis non tantum iucundam fore hanc lectionem, sed etiam valde utilem in explicatione multarum controversiarum theologicarum et forensium. Hac tanta utilitate si qui non moventur, rigidiores sunt asperrimis, et nullo aevo motis scopulis in mari stantibus, quam assiduis fluctibus tunduntur. Etsi Astræam poetae dicunt terris expulsam esse, tamen sciamus Dei vocem de iustitia concionantem, nec deleri nec opprimi posse. Et hanc etsi multi furenter contemnunt, tamen semper audiet Ecclesia, quo in coetu si volumus esse, ut debemus, discamus ea, quæ vox divina de iustitia sonat, et conferamus genera doctrinarum. Te quidem Arnolde scio non solum doctrinae, sed etiam iustitiæ amore has quasi picturas pulcherrimæ virtutis libenter considerare. Et quia de iustitia dissero, dedi operam, ut iusta, vera et discentibus utilia dicerem; si quid vero alicubi desideratur, faciamus hæc iustitiæ officia inter nos honestissima, amici moneant errantem, ego admunitus libenter errata corrigam. Nec vero sycophantias iniustorum moror, qui vera et recte dicta livore et morbo animi, calumniis depravant, nec docent meliora. Bene vale carissime Arnolde. Mense Februario, Anno 1545.

Hanc epistolam nuncupatoriam sequuntur enarrationes in I. II. III. et V. librum Ethicorum Aristotelis, quibus in fine quinti libri duæ Melanthonis dissertationes 1. *de contractibus* et 2. *de arbore consanguinitatis et affinitatis, sive de gradibus* additæ sunt.

Alias editiones et enarrationis horum quatuor librorum et commentarii in quintum Ethicorum, quæ cum philosophiæ moralis epitome aut cum ethicæ doctrinae elementis sunt coniunctæ, deinceps enumerabimus.

In operibus Melanthon. Basil. T. IV. p. 126-sqq. (qui prodiit a. 1541.) data est altera harum enarrationum editio.

II.

Huic philosophiæ parti colendæ ut magis etiam prospiceret, Melanthon, ethica Aristotelis imitans, *epitomes philosophiæ moralis* duos libros scripsit, in quorum priore ea, quæ Aristoteles in primo, secundo et tertio libro de fine hominis, virtutibus et affectibus dixit, in altero ea, quæ ille in quinto de iustitia et iure enarravit, breviter explicat. Huius libri editio princeps prodiit 1538. inscripta:

Philosophiæ moralis epitome, Philippo Melanchthone autore, Nunquam antea excusa. M. D. XXXVIII. Cum Gratia et Privilegio Imp. — (In fine:) Argentorati apud Cratonem Mylium mense Martio, anno M. D. XXXVIII. 8. 10¹/₂ plagg.

In dedicatione ad Christianum Pontanum Vitebergæ anno M. D. XXXVII.²⁾ scripta (data in Epistolis, Vol. III. p. 359 sqq.) de huius libri origine et ratione hæc dicit: „Cum Aristotelis Ethica enarra-

1) Conf. ea quæ Leonh. Eccio a. 1535. scripsit, Corp. Ref. Vol. II. p. 967.

2) Hoc quidem anno epistola nuncupatoria scripta est, at liber ipse non Viteb. 1537, id quod Vol. III. p. 359. huius Corp. legitur, sed Argent. 1538. primum prodiit.

rem, addidi hunc commentarium, in quo non solum sententiam Aristotelis, sed methodum etiam sequor, verum ita, ut quasdam addiderim disputationes nostris temporibus magis aptas, quas quidem collegi, et quod moribus prodesse eas arbitrabar, et quod formant iudicia de multis communibus negotiis, ac praeparant studiosos ad ius civile et ad eam partem doctrinae Theologiae, quae continet praecepta de civilibus officiis. — — Etsi autem ad hunc libellum perpoliendum defuit mihi tempus, tamen cum res complexus sim admodum utiles, non repugnavi his, qui editionem flagitabant. Quod autem in disputando saepe angustas et pueriles dialecticorum formulas imitatus sum, hoc feci consilio, ut exempla methodi et dialecticarum praeceptionum etiam in his materiis iucundioribus proponerem. Et hanc docendi rationem scholis utilem esse iudico, assuefacit enim ingenia ad proprietatem in explicando, quae in magnis et gravibus causis imprimis necessaria est."

Hanc dedicationem sequitur hoc carmen:

In Ethica Phil. Mel. Melchior Acontius Ursellanus.

Viderat hunc nuper delapsus ab aethere librum

Mercurius, cum sic obstupefactus ait.

Omnia mortales hoc tempore quaeritis aegri,

Quicquid habet tellus, quicquid Olympus habet.

Discitis innumeras non absque laboribus artes,

Quas melius forsitan non didicisse fuit.

Qui tamen exornant rude pectus, et Ethica discant,

Rarior haec nunquam turba minorve fuit.

Quin potius, frustra, contendunt, ista doceri

Nescio qui nimia religione graves.

At vos qui sapitis, monitus ne spernite nostros,

Fas homines paucis sit monuisse Deo.

Ut fera mansuescit, quam callidus arte magister

Instruit, et certis legibus ire iubet,

Sic homo, praeceptis qui pectora talibus implet,

Parte fit excultus nobiliore sui.

Percipit hinc vere quae sint moderamina vitae,

Atque suo dignum nomine praestat optis.

Quid moror? en brevibus complectar ut omnia verbis,

Mortales superis ars facit ista pares.

Talia Mercurius, tu qui legis, ista videto

Ut tibi cum multis dicta fuisse putes.

In hac prima editione Melanthon nonnisi de veritate disserit.

Altera huius libri editio sequenti anno prodiit cum commentario in quintum librum Ethicorum Aristotelis coniuncta, quae sic inscripta est:

Philippi Melanthonis Moralis Philosophiae Epitome. Item in quintum librum Ethicorum Aristotelis Commentarius, recognitus a Philippo et in quibusdam locis omnino reuocatus. Argentorati 1539. 8. 18 plagg.

Tertia editio, in qua praeter veritatem etiam beneficentiam, gratitudinem et amicitiam tractavit, prodiit 1540. ¹⁾, inscripta:

Philippi Melanthonis philosophiae moralis epitomae libri duo emendati et aucti. Nam tres virtutes additae, Quintus Aristotelis totus immutatus, accessit etiam tractatus De auctoritate principum, et alter De arbore consanguinitatis et affinitatis, et index copiosus. An. M. D. XL. Cum gratia, et Privilegio Imp. — (In fine:) Argentorati apud Cratonem Milyum. An. M. D. XL. Mense Februario. 8. 1 Alph. 1 plag. (3 ult. fol. vac., in parte aversa ultimi nonnisi signum est officinae typographicae, leo columnam sustinens).

Duorum tractatum huic editioni additorum prior p. 103. incipit inscriptus: *An principes debeant mutare impios cultus, cessantibus aut prohibentibus Episcopis, aut superioribus dominis*; alter in fine Commentarii in V. librum Aristotelis p. 327. annexus est inscriptus: *De arbore consanguinitatis et affinitatis, sive de gradibus.* — Carmen Ursellani supra exscriptum indicem sequitur.

Quantum haec editio a prima differat, cognoscitur e. c. e verbis, quibus primae interrogationi: „Quid est philosophia moralis?” respondetur. In prima editione legitur responsum: „Est notitia legis naturae et conclusionum, quae ex illa in demonstrationibus sequuntur, de moribus, et omnibus honestis

¹⁾ Haec editio, quae in bibliotheca publica Illustr. Comitum Wernigerodani invenitur, Strobello ignota fuit.

actionibus humanis. Ideoque ad methodum seu scientiae vel artis formam revocata sunt praecepta de moribus, ut cum fontes intelligerentur, et teneremus demonstrationes, indicari posset, quae praecepta sint firma, certa et immutabilia, et quae actiones necessario requirantur in homine." At in hac tertia sic respondetur: „Est notitia praeceptorum de omnibus honestis actionibus, quas ratio intelligit naturae hominis convenire, et in civili consuetudine vitae necessarias esse, quaesitis fontibus praeceptorum arte et demonstrationibus, quantum fieri potest. Sed eruditissima definitio est haec: Philosophia moralis est pars illa legis divinae, quae de externis actionibus praecipit."

Haec editio recusa est Argentorati 1542. 8. iisdem verbis inscripta, 1 Alph. 1 plag.; Lugd. ap. Seb. Gryphium 1542. 8. et Argentorati mense Sept. 1544. 8. 1 Alph. 1 plag.

Nova editio prodiit Argentorati 1546. sic inscripta:

Philippi Melanthonis philosophiae moralis Epitomes Libri duo emendati et aucti. Item. Enarratio aliquot librorum Ethicorum Aristotelis, Primi, Secundi, Tertij, et Quinti, ad intelligendum Aristotelem utilis. Eodem Philip. Melant. autore. Argentorati apud Cratonem Mylium Anno M. D. XLVI. Cum Gratia et Privilegio Imp. et Regio. — (In fine:) Argentorati apud Cratonem Mylium, An. M. D. XLVI. Mense Martio. 8. 1 Alph. 8 plagg.

Haec editio praeter epitomen philosophiae moralis, cuius verba cum praecedentis editionis verbis fere omnino consentiunt, et enarrationem in I. II. III. et V. librum Ethicorum Aristotelis, continet duas Melanthonis disputationes: 1. *De contractibus.* 2. *De arbore consanguinitatis et affinitatis, sive de gradibus,* et breve Ursellani carmen supra allatum.

Hae omnes epitomes philosophiae moralis editiones eandem epistolam nuncupatoriam ad Christianum Pontanum anno 1537. scriptam continent. — In operibus Mel. Basil. T. IV. p. 199 sqq. prima editio recusa est.

III.

Anno 1550. Melanthon librum edidit, qui, quamquam post dedicationem, fol. 1. libri principium verbis: *Epitome philosophiae moralis repetita anno 1548.* et omnia sequentia folia *Epitome philos. moralis* inscripta sunt, tamen quod ab illis epitomes philosophiae moralis editionibus valde differt, novus habendus est suoque iure novo titulo: *Ethicae doctrinae elementa*, cum nova dedicatione ad Arnoldum Burenium¹⁾ mense Octobri 1550. scripta (Corp. Ref. Vol. VII. p. 684 sqq.) ornatus, et sic inscriptus:

Ethicae doctrinae elementa et enarratio libri quinti Ethicorum, edita Vitebergae Anno 1550. Autore Philippo Melanthon. Vitebergae ex officina Iohannis Cratonis. Anno MDL. 8. 17 plagg. (ult. pag. vac.)

Enarrationi libri V. Ethic. Aristotelis annexa est Mel. dissertatio: *De arbore consanguinitatis et affinitatis*, et Ursellani carmen in ethica Ph. Mel.

Hic liber cum iisdem additamentis iterum prodiit 1554. inscriptus:

Ethicae doctrinae elementa et enarratio libri quinti Ethicorum. Edita et recognita Vitebergae Anno 1553. Autore Philippo Melanthon. (Cui nomini suppositum est officinae typogr. Io. Cratonis symbolum: Simson leonem diripiens, circumscriptis verbis: De comedenti exivit cibus, et dulcedo de forti.) Vitebergae Anno M. D. LIII. 8. 18 plagg. (7 ult. pagg. vacuis.)

Alia huius libri editio 1556. Argentorati excusa inscripta est:

Philippi Melanthonis philosophiae moralis libri duo, ad usum Studiosorum paulo quam ante accommodatiores. Item, Enarratio aliquot librorum Ethicorum Aristotelis, ad intelligentiam reliquorum eiusdem authoris scriptorum mire conducens s³. Primi Secundi Tertij, et Quinti. Argentorati apud Blasium Fabricium. Anno. M. D. LVI. Gratia et privilegio Imp. 8. 26^{1/2} plagg. 2)

Hanc non Melanthonem, sed alium quendam curasse, intelligitur ex his verbis in parte aversa tituli scriptis:

Lectori S.

Antequam aggrederer hanc editionem Philosophiae Moralis, diu sane deliberabam, quam potissimum sequerer cum essent nostra et aliorum multum diversae, utraque tamen optima. Sed quod clariss. vir dominus Phil. Melanthon, meique studiosissimus vir doctiss. Beucerus voluit, hoc fuit omnino faciendum. Et quia in priori nostra editione multa praeclara adhuc sint et praecepta et exempla huius doctrinae, quibus carere nequaquam debeamus: separatim ea, Deo volente, exhibebo, tanquam commentariolum, ut conservem pro mea parte reliquias tanti viri, quae sunt, ut uno verbo semel dicam, plane

1) Arnoldus Warwick, Burenus cognominatus a patria urbe Büren, ad fontes fluminis Lippe sita, Professor in Acad. Rostochiana.

2) Haec editio, quae in bibliotheca ecclesiae Marianaee Halensis reperitur, Strobello ignota fuisse videtur.

divinae. Adiungam autem alia eiusdem generis et de ipsius authoris voluntate, ut nihil queat in hac parte amplius desiderari. Vale.

Haec verba sequitur Melanthonis praefatio ad Arn. Burenium Oct. 1550. scripta et Ursellani carmen, tum *Epitome philosophiae moralis Philip. Melanth.* 1). Enarrationibus in 4 libros Ethicor. Arist. illam sequentibus eadem ad Arnoldum Burenium epistola nuncupatoria a Melanthonem mense Febr. 1545. scripta, quam supra in his Prolegomenis exscriptimus, praefixa, in earum fine autem dissertatio de arbore consanguinitatis et affinitatis est addita.

Ultima, quam ipse Melanthon curavit, editio inscripta est:

Ethicae doctrinae elementa et enarratio libri quinti Ethicorum. Additae sunt quaestiones de Iuramentis, de Excommunicatione, et de alijs quibusdam materijs. Autore Philippo Melanth. (sub hoc nomine figura gladii a duobus anguibus circumplicati, cuius cuspidi cor infixus est, a duabus manibus sursum tenetur.) *Witebergae anno M. D. LX.* — (In fine:) *Witebergae excudebat Iohannes Luft, impensis Cunradi Ruelii. Anno M. D. LX.* 8. 22 plagg. (3 ult. pagg. vacuis).

In hac dedicationem ad Burenium Mense Octobri, Anno 1550. scriptam „Epitome philosophiae moralis repetita anno M. D. XLVIII.” sequitur, deinceps (sine ulla praefatione seu dedicatione) enarratio in V. librum Ethic. Arist., cui dissertatio „De arbore consanguinitatis et affinitatis” cum Ursellani carmine in Ethica Mel. annexa est, tum denique quaestiones illae in titulo commemoratae sequuntur, sic in-scriptae:

Quaestiones aliquot Ethicae, de Iuramentis, excommunicatione et alijs casibus obscuris, explicatae 2) in lectione Ethica. A Philippo Melanthonem.

Haec ethicae doctrinae elementa, quod in lectionibus academicis per longum tempus adhibebantur, cum iisdem additamentis etiam Melanthonem mortuo saepius recusa sunt, ut *Witebergae* a. 1561. 8. — a. 1562. 8. — a. 1566. 8. 20 plagg. — a. 1575. 8. 20 plagg. — a. 1580, excudebat Iohannes Luft. 8. 20 plagg. (2 ult. pagg. vacuis). — a. 1583. 8. 20 plagg. (2 ult. pagg. vac.). — a. 1586, per Haeredes Iohannis Cratonis. 8. 20 plagg. (2 ult. pagg. vac.). — a. 1589. 8. 20 plagg. — a. 1592. 8. — *Lipsiae* a. 1562. 8. — a. 1565, Iohannes Rhamba excudebat. 8. 20 plagg. (3 ult. pagg. vac.) — et al.

Restat, ut duos in Melanthonis epitomen philosophiae moralis atque ethicae doctrinae elementa commentarios commemoremus. Victorinus Strigelius, optimorum eius discipulorum unus, hanc praceptoris ethicam doctrinam in Academia Lipsiensi praelectionibus publicis bene illustravit, quas Christophorus Pezelius edidit et Ernesto Comiti in Hohensolms dicavit sic in-scriptas:

In Epitomen Philosophiae Moralisi Philippi Melanchthonis Hypomnemata Victorini Strigelii. Excepta de ore ipsius in praelectionibus publicis et edita opera et studio C. Pezelii. Neapoli Casimiriana, 1580. 8. Tom. I. 1 Alph. 13½ plagg. Tom. II. 1 Alph.

In prioribus 567 pagg. prima pars, in posterioribus 359 altera illustratur.

Hic liber iterum prodiit 1582:

In Epitomen philosophiae moralis Philippi Melanchthonis, υπομνηματα Victorini Strigelij. Excepta de ore ipsius in praelectionibus publicis: Quibus in Academia Lipsensi ante annos quindecim, ratione docendi ad captum iuuentutis scholasticae accommodata, illustravit initia doctrinae Ethicae. Nunc primum contexta et in lucem edita, opera et studio, Christophori Pezelii Sacrae Theologiae Doctoris. Neapoli Nemetum Excudebat Matthaeus Harnisch. M. D. LXXXII. 8. 35 plagg. (3 ult. pagg. vac.).

Haec editio post praefationem e praecedente repetitam et alteram „praefationem obiter exceptam ante in-coactionem praelectionis Ethicae” in prioribus 567 pagg. primum librum Epitomes Philosophiae moralis illustratum (in cuius fine leguntur verba: Finiuit Lipsiae anno salutis humanae 1564. 17. Maij.), pagg. 569—897. secundum librum, pagg. 898—925. explicationem „Appendicis libelli Ethici. De arbore consanguinitatis et affinitatis” continent.

Ab hoc libro valde differt alius Chrph. Pezelii, quo Mel. ethicae doctrinae elementa explicantur, sic in-scriptus:

Epitome philosophiae moralis sive Ethice Philippi Melanchthonis: Duobus libris, seu partibus distincta: Cum explicationibus ad discentium usum accommodatis: et in Gymnasio Bremensi traditis a Christophoro Pezelio Sacrae Theologiae Doctore. Servestae, Excudebat Bonaventura Faber, Anno clō lō xlc. (1589.) 8. 27½ plagg.

Haec prima pars, brevi carmine Ursellani in Ethica Mel., duabus dedicatoriis epistolis, et elencho eorum quae continentur in Epitome Philosophiae Moralisi Mel. praemissis, praefationem Mel. anno 1550. ad Arn.

1) In duabus elementorum ethicae doctrinae editionibus praecedentibus et alijs deinceps enumerandis loco eodem pro his verbis legitur in-scriptio: *Epitome philosophiae moralis repetita anno 1548.*

2) Sic pro *explicatae*.

Burenium scriptam eiusque librum primum elementorum doctrinae ethicae additis utriusque explicationibus complectitur. Altera pars inscripta:

Ethices: sive Epitomae philosophiae moralis Philippi Melanchth. Pars altera cum explicationibus ad usum scholarum accommodatis: Traditis in Bremensi Gymnasio a Christ. Pezelio Theol. Doct. Servestae Excud. Bon. Faber. Anno Cl. LXXIC. 8. 25 1/2 plagg.

sine praefatione incipiens librum secundum illorum elementorum cum explicationibus continet.

Denique etiam commemorandae sunt *Richteri Crises Melanchthonianae seu iudicia florentis scholae Mel. de lectione bonorum Auctorum. Viteb. 1592. 8.*, in quibus p. 720—733. varia elogia Melanthoni ob hos ethicos libros a doctis viris tributa afferuntur, e. c. illud Albrechti Lemigeri: „Etsi Socrates, Plato, Aristoteles de morali Philosophia multum copiose et erudite disserunt, tamen longe praefero scriptum Reu. Praeceptoris, qui doctrina Ecclesiae adiutus de fine hominis, virtutibus et affectibus ita perspicue, eleganter et erudite disputat, ut nemo sit in hoc genere, qui eum aequare, tantum abest, ut superare posse videatur. Attexuntur etiam quaestiones utiles ex iure civili desumptae, quae tanta perspicuitate tractatae et illustratae sunt, ut et facile memoriae affigi, nec facile rursus excidere possint. Huius doctrinae cognitio discentibus non tantum iucunda erit, sed valde utilis in explicatione multarum controversiarum theologicarum et forensium.” — et *I. C. Koecheri iudicium quod de Aristotelis philosophia morali tulit in Apologia Augustanae Confessionis Melanchthon. Osnabr. 1735. 4.*

IV.

In Aristotelica philosophia politica cum ethice intimo cōhaeret. Illa enim sensu latiori omnes complectitur disquisitiones, quae ad bona singulorum hominum, rei domesticae et civitatis spectant, et propterea in tres partes ab Aristotele dividitur, in ethicen, oeconomicen et politicen sensu arctiori. Ethice, quae ad bona moralia singulorum hominum spectat, ceterorum politices praeceptorum fundamentum est, quia in civitate nihil sine bonis moribus recte agitur; hanc sequitur oeconomicen, quae bonam rei domesticae institutionem tractat; huic tandem superstruitur politice sensu arctiori, quod res domestica est civitatis fundamentum.¹⁾ Quapropter Melanthon, postquam a. 1529. duos priores Ethicorum Aristotelis libros interpretatus erat, sequenti anno etiam praecipuos locos in *Politicis* eius libris illustrare coepit. Haec editio princeps inscripta est:

Commentarii in aliquot politicos libros Aristotelis. Philip. Melanch. Witebergae 1530. 8. 4 plagg.

In dedicatione ad Ulricum Sillingum, compatrem suum (Corp. Ref. Vol. II. p. 452 sqq.), dicit, se principio iustam interpretationem totius textus Aristotelici instituisse; at cum deessent auditoribus graeci codices, et in tanta desidia iuventutis nemo scriberet, deinde cum et latini libri nulli nisi mendosissimi haberentur, mutandam sibi fuisse institutam interpretandi rationem, seque iudicasse maxime profuturum, si praecipuos locos exciperet et illustraret, ut summam disputationum Aristotelis populari genere orationis tractatam et ad communem vitae consuetudinem ac nostros mores accommodatam scholastici tenerent. — In ipso libro explicat, quid politica ars doceat et quomodo differat ab Evangelio.

Hic liber recusus est Hagenoae 1531. 8. et cum ethicorum commentariis coniunctus Argentinae 1535. 8. (v. supra). — etiam in operibus Melanthonis Basileensibus Tom. IV. p. 266 sqq.

V.

Restat, ut de tribus appendicibus supra commemoratis et tractatu editioni tertiae Epitomes philos. mor. inserto pauca praemoneamus.

1. *Quaestiones ethicae*, quae inde ab anno 1560. omnibus elementorum ethicae doctrinae editionibus annexae sunt, antea bis seorsim prodierunt:

a. *Quaestiones aliquot Ethicae, de iuramentis, excommunicatione et alijs casibus obscuris, explicatae in lectione Ethica a Philippo Melanthon. Witebergae, excudebat Iohannes Crato. M. D. LII. 8. 4 1/2 plagg. (3 ult. pagg. vac.)*

b. *Quaestiones aliquot Ethicae, de iuramentis, excommunicatione et alijs casibus obscuris, explicatae in lectione Ethica a Philippo Melanthon. (sub quo nomine symbolum Cratonis, quod supra p. 13 sq. descripsimus, iisdem verbis circumscriptum.) Witebergae anno M. D. LIII. — (In fine:) Witebergae excudebat Iohannes Crato. 8. 4 1/2 plagg. (3 ult. pagg. vac.)*

2. *Dissertatio: De arbore consanguinitatis et affinitatis*, quae inde ab a. 1545. ethicis libris annexa reperitur, seorsim prodit hisce editionibus:

a. *De arbore consanguinitatis et affinitatis, siue de gradibus. Philippi Melanthonis. Anno. M. D. XXXX. — (In fine:) Witebergae ex officina Iosephi Clug. Anno. M. D. XL. 4.*

1) Conf. Heintz. Ritter, Geschichte der Philosophie P. III. p. 294.

2 plagg. (ult. folio vacuo), qua forma cum duobus Lutheri et Bugenhagenii disputationibus coniuncta est sic:

Von Ehesachen. D. Mart. Luth. Item. Vom Ehebruch vnd weglauffen. D. Johan Bugenhagen Pomer. an Königl. Maiestat zu Dennemarden u. *De arbore consanguinitatis et affinitatis, siue de gradibus. Philippi Melanthonis. Wittenberg. Anno. M. D. XL. 4.*

b. *De arbore consanguinitatis et affinitatis siue de gradibus. Philippi Melanthonis. Witebergae 1540. 8.*

c. *De arbore consanguinitatis — — —. Witeb. 1541. 4.*

d. *De arbore consanguinitatis et affinitatis: siue de Gradibus. Philip. Melanth. M. D. XLVIII. — (In fine:) Lipsiae Excudebat Iacobus Bernaldus. Fol. 1 plagg. (ult. pag. vac.), qua forma Maioris libro eiusdem argumenti addita est sic inscripto:*

De arbore consanguinitatis et affinitatis: Regulae et Tabellae. Autore D. Georgio Maiore. Abditus est in fine: De eodem argumento: libellus D. Philippi Melanthonis. Fol.

Praeterea in Operibus Melanthonis Basileensibus Tom. I. p. 446 sqq. recusa est.

3. Dissertatio: *De contractibus*, Philosophiae moralis epitomes editioni a. 1546. annexa, seorsim, quod scimus, non edita est.

4. Tractatus: *De autoritate Principum*, qui Philosophiae moralis epitomes editionibus a. 1540—1546. non sicuti tres praecedentes in fine adiunctus, sed in librum ipsum insertus est, et lat. et in germanicam linguam translatus separatim his editionibus prodiit:

a. *De officio Principum, quod mandatum Dei praecipiat eis tollere abusus Ecclesiasticos. Philip. Melanth. M. D. XXXIX. — (In fine:) Impressum Witebergae, apud Iosephum Clug. M. D. XXXIX. 8. 3 plagg.*

b. *De officio Principum, quod mandatum Dei praecipiat eis tollere abusus Ecclesiasticos. Phil. Melan. Witebergae. M. D. XL. — (In fine:) Impressum Witebergae, apud Iosephum Clug. 8. 3 plagg. (ult. pag. vac.).*

Recusus est *Basileae 1540. 8.* et in Operibus Melanthonis Basileensibus Tom. I. p. 430 sqq.

c. *Vom Ampt der weltlichen Fürsten alle misbrauch in iren Kirchen abzuthun. verdeutschet durch W. Dietrich. Nürnberg 1539. 4. 7 1/2 plagg.*

d. *Das die Fürsten aus Gottes beuelh vnd Gebot schuldig sind, bey ihren vnterthanen abgötterey, vnrechte Gottesdienst vnd falsche lehr abzuthun u. Aus dem Latein. durch G. Maiorem. Wittenb. 1540. 4. 14 plagg.*

In his Prolegomenis scribendis magnum cepimus fructum e G. Th. Strobelii commentatione: „Melanthon's Verdienste um den Aristoteles“ in eius libro lectu dignissimo: *Neue Beyträge zur Litteratur besonders des sechzehnten Jahrhunderts. Vol. IV. Fasc. I. p. 149—180.*

Quos hic enumeravimus libros a Melanthere ad ethicen et politicen Aristotelis illustrandam scriptos et appendices singulis eorum editionibus annexas hoc ordine edemus:

I. Philosophiae moralis epitomen, secundum editionem, quae Argentorati a. 1546. prodiit;

II. Ethicae doctrinae elementa, secundum editionem Witebergensem anni 1560.;

III. Enarrationem aliquot librorum ethicorum Aristotelis; et quidem primi, secundi et tertii secundum editionem Argentoratensem anni 1546., quinti secundum editionem Witebergensi a. 1560.;

IV. Commentarios in Aristotelis aliquos libros politicos secundum editionem, quae Argentinae 1535. prodiit;

V. Quaestiones aliquot ethicas ex editione elementorum ethicae doctrinae Witebergensi a. 1560.;

VI. Dissertationem: *De contractibus*, ex editione epitomes philosophiae moralis Argentoratensi a. 1546.;

VII. Dissertationem: *De arbore consanguinitatis et affinitatis siue de gradibus*, ex editione elementorum ethicae doctrinae Witebergensi a. 1560.

I.

PH. MEL. PHILOSOPHIAE MORALIS EPITOMES

LIBRI DUO.

Huius libri editio prima (anni 1538.), altera (a. 1539.) et tertia (a. 1540., annis 1542—1546. recusa) tantopere inter se differunt, ut, si omnes differentias adnotare voluissemus, singulae editiones paene totae exscribendae fuissent, id quod ex diversitate verborum p. 11—14. allatorum, quibus primae quaestioni: *Quid est philosophia moralis?* respondetur, satis elucet. Quapropter sufficiat, praeter alia multa, addere lectionis varietatem, quam in quaestionibus, quibus singulae huius libri particulae inscriptae sunt, reperimus.

LIBER PRIMUS.

Quid est Philosophia moralis?

Est notitia praeceptorum de omnibus honestis actionibus, quas ratio intelligit naturae hominis convenire, et in civili consuetudine vitae necessarias esse, quaesitis fontibus praeceptorum arte et demonstrationibus, quantum fieri potest. Sed eruditissima definitio est haec: Philosophia moralis est pars illa legis divinae, quae de externis actionibus praecipit.

Quid interest inter Philosophiam et Evangelium?

In primis opus est initio discernere genera doctrinae, videlicet Evangelium, legem Dei, et Philosophiam. Nam confusio horum generum parit horribiles errores. Econtra plurimum lucis affert collatio ad intelligenda singula genera, et verae laudes philosophiae maxime in hac collatione conspiciuntur. Haec est enim solida et praecipua laus philosophiae moralis, intelligere quod vere sit pars legis divinae, et ut Paulus inquit Romanos 1, (32.) Ius Dei¹⁾. Sed illud diligenter considerandum est, Evangelium prorsus aliud genus doctrinae esse quam philosophiam.

1) *re dicitur non dei, quod in margine adscriptum est.*

Nam proprius Evangelii locus est promissio, qua Deus propter Christum pollicetur nobis gratis remissionem peccatorum, et reconciliationem et donationem Spiritus sancti et vitae aeternae. Et haec promissio divinitus revelata est, non est deprehensa ratione, sicut Ioannes (Ev. 1, 18.) inquit: Filius, qui est in sinu patris, ipse enarravit nobis. Ratio enim sine verbo Dei non statuit Deum nobis remittere peccata, non iudicat gratis remitti peccata. Haec prorsus sunt extra conspectum rationis, et aliena a philosophia. Porro lex Dei est doctrina, quae praecipit nobis, quales nos esse oporteat, et quae opera erga Deum et homines praestanda sint, seu est doctrina requirens perfectam obedientiam erga Deum; nec est promissio gratis pollicens remissionem peccatorum, nec iudicat nos placere Deo, cum legi non satisfacimus. Iam qui discrimen Legis et Evangelii intelligit, facile iudicabit, cui generi sit affinis philosophia, prorsus enim aliud doctrinae genus est philosophia quam Evangelium. Nihil enim docet philosophia de remissione peccatorum, nec ostendit quomodo Deus approbet indignos. Caeterum philosophia pars est legis divinae. Est enim ipsa lex naturae ab ingeniosissimis hominibus animadversa atque ordine explicata. Constat autem legem naturae vere esse

legem Dei de his virtutibus, quas ratio intelligit. Nam lex divina hominum mentibus impressa est, sed in hac imbecillitate naturae obscurata est, ut non satis perspicere possint illa praecepta, quae iubent statuere de voluntate Dei, et de perfecta obedientia cordis praecipiant. Sed manet iudicium de honestis actionibus exterioribus, idque nobiscum nascitur, quod ipsum tamen est lex naturae et pars legis divinae. Nec habet humana natura ullam dotem praestantiorē hac notitia, hoc est, discrimine honestorum et turpium. Hoc est evidentissimum vestigium Dei in natura, quod testatur homines non exstitisse casu, sed ortos esse ab aliqua aeterna mente, quae discernit honesta et turpia. Quod si natura hominis esset integra, tum vero in hac notitia luceret Deus et mens hominis praedita magis perspicua notitia, multo esset illustrior imago Dei. Magna dignitas est hominis, quod mentes humanae sunt velut speculum, in quo fulget sapientia Dei, videlicet sapientia legis. Nam praecipue Deus per hominem voluit innotescere. Magna igitur laus est philosophiae moralis, quod est pars legis divinae et sapientia Dei, etiamsi non est Evangelium. Sed hic sciendum est, philosophiam esse non omnes omnium opiniones, sed certas notitias, quae sunt demonstrationes, aut earum membra, id est, principia vel conclusiones. Ut enim in aliis artibus sunt principia et demonstrationes, quae non possunt labefactari: ita et in philosophia morali sunt certa principia practica, et hinc nascuntur firmas demonstrationes. Et ut artes sunt naturae explicatio, ita demonstrationes in philosophia morali sunt explicatio naturae hominis, ut infra ostendemus. Sunt igitur explodendi Academici, qui artibus detrahunt laudem certitudinis, verum ut medicina, ita et philosophia assumit interdum probabiles rationes, quae quatenus valeant, artificis est iudicare: nam illa³⁾; quae pugnant cum principiis, prorsus repudianda sunt.

*Estne concessus usus huius doctrinae
Christianis?*

Respondeo: Manifestum est philosophiam moralem esse explicationem legis naturae. Est autem lex naturae vere lex Dei, Romanos 1, (19. 20.). Quare sicut lege naturae aut lege Dei

³⁾ illa] sic Editio 1546.; Editio 1540: illae.

uti licet, ita licet uti philosophia, quod ad externam et civilem consuetudinem vitae attinet. Non enim vocamus philosophiam commentitias omnium opiniones, sed sententias quae habent demonstrationes, ut dictum est. Primum autem non dubium est, quum Deus requirat, et praecipiat paedagogiam, id est, ut coherceantur homines externa disciplina, et assuefiant³⁾ ad honestos mores. Item ut doceantur, sicut scriptum est (Galat. 3, 24.): Lex est paedagogus, et hanc paedagogiam ornatur Deus praemiis; sicut textus (Exod. 20, 12.) ait: Honora patrem et matrem, ut sis longaevus super terram, et punit licentiam. Ideo haec paedagogia non est contemnenda. Secundo scriptura (Rom. 13, 1.) praecipit, ut obtemperemus legibus magistratum. Consentit autem philosophia cum legibus magistratum, quia utrumque genus oritur ex lege naturae. Sicut Aristoteles citat dictum Alcidas⁴⁾, qui inquit philosophiam esse propugnaculum legum: ergo ut legibus magistratum, ita philosophia uti possunt Christiani. Tertio constat veritatem, hoc est, demonstrationes in qualibet arte esse donum Dei, seu quoddam lumen divinitus insitum naturae: ergo ut veritate uti licet in Arithmetica et Geometria, ita licet uti veritate seu demonstrationibus in doctrina de moribus. Quarto, non dubium est, quin et pii, si sint rudes ut pueri et alii imperiti, sint docendi de lege, ne opera sine verbo Dei, et contra naturale iudicium faciant, qualia multa parit ignorantia apud barbaros, ut incestas libidines, et alia quae exempli causa narrantur in descriptione Cycloporum aut Centauroporum: ac natura hominum proclivis⁵⁾ est ad licentiam, et aegre patitur vincula legum, sicut videmus in moribus et religionibus homines temere, velut oblitos verbum ac legem, obtemperare cupiditatibus, ambitioni, irae, odiis, avaritiae, libidini. Alit autem et confirmat ignorantia hanc in hominibus temeritatem. Quare non dubium est, quin docendi sint de lege omnes ignari et imperiti, sicut Paulus (2. Timoth. 3, 16.) inquit: Omnis scriptura divinitus inspirata utilis est ad docendum, arguendum etc. Cumque lex enarratur, monstranda est etiam lex naturae,

³⁾ assuefiant] sic Ed. 1540.; Ed. 1546. assuefaciant.

⁴⁾ Alcidas, orator, natus Elaeae in Aeolia, Gorgiae discipulus, Isocratis tempore vixit. Duae eius orationes graecae conservatae sunt: oratio Ulyssis contra Palamedem et oratio contra Sophistas.

⁵⁾ proclivis] sic Ed. 1540.; Ed. 1546. proclivius.

quia haec quoque citatur et approbatur in scripturis, ut Rom. 1. et 2. Est autem erudita philosophia proprie et vere explicatio legis naturae, ut igitur piis lege Dei seu lege naturae uti licet, ita licet uti morali philosophia, quod ad externos mores attinet. Porro cum pii fidem et agnitionem Christi et timorem Dei addunt ad hanc diligentiam in regendis moribus, eamque praestant propter Christum, et referunt ad ornandam gloriam Christi: ita hi mores fiunt bona opera et cultus Dei. Et hoc loco vetus regula discenda est, quae docet, peccata contra legem naturae esse peccata mortalia, sicut facta contra expressa mandata Dei. Ex his liquet hanc doctrinam de moribus et concessam esse Christianis, et utilem ac plenam dignitatis esse, cum lex naturae sit lumen divinitus insitum animis et vestigium quoddam ac testimonium de Deo, in natura nostra et longe antecellat caeteras artes.

Quae sunt utilitates huius doctrinae? 6)

Plurimae sunt. Prima est, quod conducit ad disciplinam et paedagogiam, quam Deus requirit, ut supra dictum 7) est, sicut leges magistratum conducunt. Et hoc nomine philosophia magis prodest, quia non brevi dicto coeret, sicut leges, sed longa illa tractatio et meditatio in inquirendis causis in considerando ordine naturae, et contemplanda pulchritudine virtutis, invitat animos, et reddit mitiores, sicut dicitur: *Studia abeunt in mores 8)*. Atque inde proprie dicantur haec virtutes *ἡθικαί*. Nam *ἡθως* significat non rapidos aut inordinatos impetus, sed lenitatem quandam ac suavitatem animi placide moderantem actiones etc. Quam suavitatem describit Menandri versiculus: Quam dulcis est bonitas temperata prudentia, *ὡς ἡδὺ συνέσει χρηστότης κεκραμμένη*. Ut in leonibus et equis, sic in barbaris et non assuefactis saepe est egregia indoles, sed illa suavitas deest, quam doctrina addit, quae animos dulciores et mitiores reddit, et fleetit arte ad decorum 9) pro varietate circumstantiarum, et condire actiones quadam gratia studet. Haec moderatio est proprie *ἡθική*, quam pro-

fecto nemo consequitur non expolitus liberali doctrina et eruditione.

Secundo nihil dubium est iurisconsultis prodesse ethicen, quia fontes iuris continet, hoc est, primas demonstrationes, ex quibus velut aedificatur tota iuris doctrina, et hominis eruditi est videre, quatenus leges habeant in natura causas, et quatenus ars sit et certa, illa ipsa doctrina politica, quam iurisconsulti profitentur. Usitatum dictum est: pugnantia cum natura non habere vim legum, sicut et Aristoteles venustissime dixit: unam esse politiam optimam, quae est secundum naturam, id est, quae non discedit a iure naturae. Sed ad iudicanda illa pugnantia opus est aliqua accuratiore explicatione iuris naturae, qualis traditur in ethicis. Praeterea saepe in iudiciis, saepe in legum interpretatione sumuntur rationes, interpretationes ac mitigationes legum ex hac philosophia, ut apparet in pactis. Item de his, quae dolo metusve causa facta sunt, item in contractibus, poenis, adiuvat studiosos etiam methodus, quae hic observatur, ut postea plerasque iuris quaestiones dexterius explicare 10) possint. Ergo nihil dubium est studiosos iuris praeparandos esse hac doctrina, et exercitationem harum disputationum eis valde prodesse. Quam multa vero 11) oratores hinc sumant, una oratio *περὶ στεφάνου* satis monet, quae multos insignes locos continet, sumptos ex quadam eruditore doctrina, de officio boni civis, et ut anteferantur honesta consilia utilibus. Cumque illi qui causas dicunt, debeant esse instructi magna copia sententiarum moralium, ut vocantur, opus est eis hac philosophia, quia ignari huius methodi gignunt multas absurdas sententias, et traditas ab aliis male accommodant.

Maxime vero perspicuam utilitatem Theologis affert haec philosophia, erudite et prudenter tractata. Etsi enim Evangelium habet proprios locos distinctos a lege et philosophia, ut supra dictum est, tamen saepe dicendum est Theologo de dignitate rerum civilium, de legibus politicis, de magistratibus atque imperiis, de moribus necessariis in hac civili consuetudine. De his rebus dicturus magnopere adiuvabitur hac doctrina, ut testantur pleraque scripta huius ae-

6) *Quae sunt utilitates huius doctrinae?* Sic Ed. 1540. et 1546.; Ed. 1538. *Ad quid prodest.*

7) *dictum*] sic Ed. 1546.; Ed. 1540. *dictum.*

8) Ovid. *Heroid. Ep. 15, 89.*

9) *decorum*] sic Ed. 1546.; Ed. 1540. *decorum.*

10) *explicare*] Ed. 1540. et 1546. *explicari.*

11) *vero*] in Ed. 1546. *deest.*

tatis. Deinde etiamsi non accederent alia com-
moda, tamen assueferi ad methodum ingens uti-
litas est. Exercitati in hoc genere, formam vi-
dent explicandi virtutes, collatio etiam utilis est,
cum monstratur, quatenus conveniat Christiana
doctrina cum philosophia, quatenus non con-
veniat. Sed illud viderit Theologus, ne incom-
mode misceat eam partem, quae Evangelii pro-
pria est, cum his civilibus disputationibus, sed
discrimen utriusque partis teneat, et conservet,
quod ipsum facilius poterit facere, si utrumque
genus recte norit. Postremo si delectat et digna
est bonis mentibus, cognitio naturae, gemmarum,
herbarum, animantium, motuum coelestium.
Quanto magis expetenda est cognitio nostrorum
animorum et earum rerum, quae sunt in natura
praestantissimae et pulcherrimae, scilicet, quo-
modo natura ipsa nos ad virtutem vocet, et quo-
modo sint impressae virtutum causae mentibus
humanis et notitiae, quae pepererunt omnes le-
ges civitatum, et gubernant omnia honesta of-
ficia.

*Quid interest inter leges magistratum, parae-
neticos libellos et integras disputationes
philosophorum? 12)*

Leges magistratum et paraenetici libelli
continent nuda praecepta sine causis et rationi-
bus. At philosophia quaerit demonstrationes et
causas praeceptionum in natura positas; ut au-
tem in aliis artibus primum summae traduntur,
quae continent τὸ ὄν, postea causae quaeruntur
seu διότι, ita in doctrina de moribus prodest pri-
mum discere paraeneticos libellos, qualis est
praecipue Decalogus, deinde alii huius generis,
ut Hesiodi aut Phocylidis 13). Postea facilius in-
telliguntur demonstrationes. Sed ut τὸ ὄν ma-
gis intelligatur, accedere ad doctrinam debet
quaedam liberalis educatio, et assuefactio conti-
nens multa exercitia, ut usus acuat iudicia, quem-
admodum et Plato inquit: Oportet statim a te-
neris recte assueferi. Imo et lex divina propter
ea continet non modo varia exercitia, multas
ceremonias; sed etiam additae sunt poenae poli-

ticae, et calamitates communes generis humani,
quibus Deus nos admonet et cohercet, sicut Psal-
mus (32, 9.) docet, hanc esse causam, quare
Deus generi humano tantas calamitates impo-
suerit: In chamo et freno maxillas eorum con-
stringens.

Quis est finis hominis?

Hactenus prooemia tradidimus de hoc ge-
nere doctrinae, ut discernatur ab Evangelio, et
intelligi possit quatenus probandum sit, et quas
habeat utilitates. Nunc ipsam doctrinam inchoa-
mus. Est autem prima quaestio de fine, quia
sicut physica quaerit alias causas hominis, ita
philosophia moralis proprie quaerit de fine homi-
nis: ergo ad naturam hominis cognoscendam
opus est etiam doctrina morali, quia integra co-
gnitio cuiuslibet rei, quantum fieri potest, flagi-
tat inquisitionem omnium causarum. Deinde et
illud hominis eruditi est, hoc loco considerare,
quod doctrina moralis oriatur ex physicis, quia
ad physicos primum pertinet quaestio de causa.
Ut igitur de aliis rebus et animantibus necessario
quaerendum est de fine, seu de usu, seu ad quem
usum sint res conditae, ita de humano genere
maxime quaerendum est, ad quem usum et finem
haec praestans natura condita sit. Haec quaestio
de fine est initium philosophiae moralis. Unde
autem ortae sint dissensiones inter philosophos
de fine, postea ostendemus. Primum enim quid
sentiendum sit iis, qui recte et erudite philoso-
phantur, constituam. Cum philosophia moralis
sit pars legis Dei, ut supra dictum est, prorsus
idem finis est hominis secundum legem divinam,
et secundum veram philosophiam, videlicet agnos-
cere Deum, ei que obedire, et eius gloriam pa-
tefacere et illustrare, et tueri societatem huma-
nam propter Deum. Homini enim impressa est
imago Dei, ut in ea luceat et agnoscatur Deus.
Imago enim debet ostendere archetypum. Ergo
finis hominis est agnoscere Deum, et patefacere
eius gloriam. Sicut autem aliae naturae habent
acres et ingentes impetus ad suos fines, sicut Sol
ad conficiendum suum curriculum, celerrimo
motu rapitur, ita in hominibus oportuit esse ar-
dentissimos motus ad assequendum hunc finem,
id est, ad notitiam Dei illustrandam, et ad obe-
diendum Deo. Nec cogitari quicquam posset
pulchrius tali natura hominis, si in ea luceret fir-
ma et illustris notitia de Deo, et constaret har-

12) *Quid interest — philosophorum] Ed. 1538. Quid inter-
est inter leges Magistratum, et Philosophiam Mora-
lem, seu παραηθικῶς libellos.*

13) Phocylidis in urbe Mileto nati, gnomici poetae, operum
nonnulla fragmenta supersunt.

monia, sic, ut Deo obedirent omnes vires hominis. Sed postquam vitata est hominis natura morbo originis, obscurata est illa notitia Dei, et secuta inobedientia, et manet tamen finis, ad quem conditi sumus, et manet aliqua legis notitia, videt et ratio soli homini impressam esse notitiam de Deo; quare intelligit Deum conditorem esse, eumque iustum et vindicem scelerum esse, eique praecipue obediendum esse. Ergo idem finis hominis constituendus est iuxta legem Dei, et veram ac eruditam philosophiam. Recte igitur Stoici dixerunt, caetera hominum causa esse condita, homines vero Deorum causa, id est, ut innotescat Deus per homines, ut societati humanae proponamus notitiam Dei et iustitiam, ut in utroque Deus agnoscatur. Idem moment et sententiae in Poetis, qualis et illa est, quam citat Paulus in Actis (17, 28.). Sed iuxta Evangelium finis est, agnoscere Christum filium Dei, et accipere oblatam misericordiam, et glorificare Deum, eique obedire. Dictum enim est supra, discrimen esse inter legem et Evangelium, et tamen ita proponitur in Evangelio finis Christus, ut in eo Deus apprehendatur, et vere agnoscatur: ergo Evangelium etsi concionatur de agnitione Christi, tamen complectitur etiam finem in lege propositum. Iam hic cogitent bonae mentes, quid requirat notitia finis. Nusquam ab hac meta discedendum est. Omnia consilia; omnes actiones eo referri debent, omni contentione atque impetu animus conniti debet, ut hunc finem assequatur et ornet. Ita contendere toto pectore debemus, ut Deum agnoscamus, eique obtemperemus, et eius gloriam illustremus, sicut Christus (Matth. 5, 16.) inquit: Luceat lux vestra coram hominibus, ut glorificetur Pater coelestis, et in precatione primum petimus de illo fine, sanctificetur, id est, vere agnoscatur nomen tuum, et verbum tuum. Et gravissimus extat Nazianzeni¹⁴⁾ versiculus: ἀρχὴν ἀπάντων καὶ τέλος ποιῆ θεόν. Hic etiam considerandum est, quanta sit infirmitas humana, quod hunc finem non ita intuetur, et expetit ut debet. Rursus, quantus sit furor palam tollere hunc finem, quasi ex natura deleri possit, qualis est amentia Epicuri, et huius generis imagines proponuntur in poematis, ut apud Euripidem inquit Cyclops.¹⁵⁾

14) Gregorius Nazianzenus, a. 300. natus, 330. mortuus.

15) Conf. Eurip. Cycl. 319. 323. 334.

Non ulla numina expavescō coelitum,
Sed victimas uni Deorum maximo ventri offero,
Deos ignoro caeteros.

Ita poetae cum tribuunt contemptum Dei talibus personis degenerantibus a natura hominum, significant hoc vitium praecipue cum natura hominis pugnare. Nec tamen aliud est re ipsa Epicuri philosophia, quam ista vox Cyclopi.

Nunc includam in syllogismos argumenta supra posita de fine hominis. Primum, per imaginem debet cerni et innotescere archetypus. Homo est imago Dei: ergo ideo est imago, ut per illum innotescat Deus.

Secundum, notitia naturae impressa non est frustra insita mentibus, soli homini notitia de Deo est insita. Ergo homo proprie est conditus ad illam notitiam illustrandam et propagandam.

Tertium, sicut in natura effectus reguntur a suis causis, ita creaturam necesse est obedire conditori. Mens agnoscit nos ortos esse a Deo, et quidem cernit requiri obedientiam, et puniri inobedientiam: ergo praecipue debemus obedire Deo.

Quomodo loquitur Aristoteles de fine? ¹⁶⁾

Cum in natura hominis corrupta non satis luceat notitia Dei, Aristoteles de fine paulo aliter loquitur, constituit enim finem hominis generaliter rectam actionem supremae potentiae in homine, hoc est, actionem virtutis, seu virtutem. Quaerit enim finem ex ordine et dignitate potentiarum; sed si quaesisset actionum gradus, invenisset summam actionem esse agnoscere Deum et obedire Deo, et vidisset virtutem referendam esse ad illum finem, videlicet, ad agnitionem Dei. Etsi igitur finis ille, quem supra constituimus, recte et philosophice constitutus est, tamen non confutabimus sententiam Aristotelis, ne subtilitas remoretur adolescentes; verum interea studiosi cogitent hominem non esse sibi finem, sed homines Dei causa nasci, et virtutem per sese non esse illud extremum, in quo acquiescere mens debet, sed referendam esse ulterius, ad agnitionem Dei et ad obediendum Deo.

Hactenus de principali fine dictum est, commitantur autem virtutem, et alii fines minus prin-

16) In Ed. 1538. haec quaestio cum sequenti deest, sed praecedentem quaestionem sequitur haec: *Quis est huius praecepti de fine usus?*

cupales, quos etiam rectum est appetere suo loco, et possunt coniungi fines, sed ita, ne deseratur principalis finis. Et quidem prodest infixam esse animis persuasionem, quod poenae non accidant casu improbis, sed divinitus reddantur praemia et poenae, ut cum ordinationem Dei consideramus, sciamus hos fines esse certos: Deus enim pollicetur praemia pro virtute, iuxta illud (Levit. 18, 5.): Qui fecerit ea, vivet in eis. Item (Exod. 20, 12.): Honora patrem et matrem, ut sis longaevus super terram. Econtra manifestum est, divinitus ad supplicia rapi eos, qui externa delicta committunt, ut homicidas, Tyrannos, periuros, contaminatos foedis libidinibus. Nec pugnant inter se, gratis obedire Deo, et expetere praemia, aut obedire metu poenae, scilicet, si principaliter voluntas Dei spectetur, et secundo loco ac minus principaliter appetatur utilitas.

Quae est ratio sententiae Aristotelicae? 17)

Propria actio cuiusque naturae est eius finis, actio virtutis est propria actio hominis: ergo actio virtutis est finis hominis. Haec est apta demonstratio sumpta ex physicis principiis. Observent autem hic studiosi, quod inspecta natura ex ratione finium hoc argumentum sumitur, cumque ex veris et firmis physicis principiis, quae sunt divinitus ordinata in natura, ortum sit, sciendum est esse legem Dei. Ideo enim leges naturae sunt leges divinae, quia divinitus in natura ordinatae sunt.

Quid sentiendum est de Epicuri opinione, qui defendit voluptatem esse finem hominis? 18)

Non est utile moribus aut Reipublicae assuefacere ingenia ad defendendas monstrosas et absurdas opiniones. Nam et significatio est distortae naturae, delectari paradoxis, quae abhorrent a communibus iudiciis honorum et prudentum. Oritur enim ea res plerumque ex petulantia, aut perversitate quadam naturae, deinde exemplum nocet, quia sic assuefacti deinde leges, religiones atque artes evertunt. Illud est autem ingenium animi, amare simplicem veritatem, fugere absurdas opiniones improbatas honorum et prudentum iudiciis, et toto pectore odisse sophisticen, qua interdum aliqui ingeniis abutentes, fal-

sas opiniones ornant. Iure igitur vituperatur Valla¹⁹⁾, qui cum rabiose maledixerit caeteris philosophis omnibus, assurgit uni Epicuro, qui ut in caeteris philosophiae partibus plane scurratur, ita in hac opinione de voluptate longissime discedit a veris rationibus et illo fine, ad quem natura hominis condita est. Diluam igitur rationes Epicureorum diligenter collectas.

Prima. Illa actio est finis, ad quam natura ultro fertur, et non coacta.

Ad voluptatem ultro rapiuntur homines maximo impetu, ad virtutem vix cogi possunt. Ergo voluptas est finis hominis, non virtus.

Hoc argumentum non facile dilui potest a philosophis, quia philosophia non cernit, unde sit hoc dissidium ingens rationis et appetitionum in natura hominis, sed Christiana doctrina monstrat causas huius dissidii, et testatur naturam hominis vitiosam et corruptam esse. Quare iuxta Christianam doctrinam facilis est responsio ad minorem, quod scilicet per accidens fiat, ut nunc²⁰⁾ natura in hac corruptione non obtemperet rationi. Nam si esset integra natura, perfecta obedientia et concordia omnium virium existeret, et perpetuo quodam impetu, tota natura raperetur ad virtutem. Considerent igitur hoc loco studiosi, quantum philosophiae lucis accedat collata doctrina Christiana, et utrumque genus hac collatione fit iucundius. Philosophia agnoscit et fatetur horribilem imbecillitatem esse in natura hominis, et dissidium rationis et appetitionum, etsi causam non videt. At doctrina Christiana ostendit causas. Caeterum philosophi ad minorem respondere possunt hoc modo. Minor neganda est, quia non tota natura fertur ad voluptatem, sed pars inferior et bruta. Ratio vero seu iudicium mentis, quae est pars superior, reclamatur et improbat appetitiones, quae non obtemperant, et statuit virtutem quiddam praestantius esse, etiamsi non sequitur voluptas.

Secundum argumentum. Natura maxime appetit conservationem sui. Voluptas est conservatio naturae, Virtus destructio, sicut Socra-

17) Haec quaestio in Ed. 1538. deest (cf. not. 17.).

18) hominis] Ed. 1538. honorum.

19) Laurentius Valla, patricius Romanus, theologiae doctor et canonicus S. Ioannis Lateranensis, natus a. 1415., mortuus 1465.; cf. Iac. Bruckeri hist. crit. philosophiae. Tom. IV. P. I. p. 32 — 34. eiusque operis append. p. 652. et G. Chr. Hambergeri Zuverlässige Nachrichten von den vornehmsten Schriftstellern vom Anfange der Welt bis 1500. P. IV. p. 743 — 744.

20) nunc] sic Ed. 1540.; Ed. 1546. tunc.

tes et similes magni viri mortem oppetere coguntur propter virtutem. Ergo voluptas est finis hominis.

Aptissima responsio est ad minorem. Verum est voluptatem esse conservationem naturae per accidens. Sed econtra virtus per sese est conservatrix naturae, quia neminem laedit et tuetur alios. Voluptas vero multipliciter laedit alios, ut sibi consulat, non suscipit labores pro communi defensione, appetit alienas opes et coniuges. Quod autem virtus non est conservatio naturae, fit ²¹⁾ per accidens in hac malitia hominum: nam virtus Senecae non est per se causa, quod Seneca interficitur, sed iniusta cupiditas et crudelitas Tyranni, qui est hostis virtutis. Item virtus est conservatio speciei, quia omnes difficultates bonorum virorum directae sunt ad conservationem communis societatis. Econtra voluptas dissipat universam speciem, dum sibi quisque privatim consulit.

Tertium argumentum. Finis debet esse ultimum, in quo natura acquiescit, ita ut non requirat praeterea aliud. Natura adepta virtutem recto et legitimo appetitu, tamen adhuc appetit voluptatem, hoc est, incolumitatem et conservationem, ergo virtus non est ultimum bonorum.

Respondeo: Minor neganda est, etsi enim natura recte appetit incolumitatem, tamen non appetit eam tanquam summum et praecipuum bonum, sed sicut bonum utile, quod est gradus inferioris, quod intelligit ratio esse quidem necessarium, sed tamen non esse praestantius virtute, et virtutem non abiiciendam esse, etiamsi bona utilia detrahantur, quamvis haec iustissime debentur virtuti, ut Themistocli, Scipioni et similibus de republica bene meritis, certe amplissima praemia debentur, et tamen illi ipsi summi viri iudicant recte faciendum esse, etiamsi praemia non consequantur. Quod enim Valla multa colligit, omnes homines utilitate et cupiditate gloriae moveri et virtus ipsa apud Xenophontem inquit: dulcissimum carmen esse suas cuique laudes ²²⁾, haec non pugnant cum recta sententia. Fateor expetendam esse gloriam, expetenda esse vitae commoda, sed non principaliter. Ratio haec quoque recto appetitu expetit, sed gubernet hanc appellationem virtus tanquam superior finis, hoc est, anteferantur virtuti utilitates, retineatur

²¹⁾ It] sic Ed. 1540.; Ed. 1546. sit.

²²⁾ Conf. Xenoph. Hier. 1, 14. *ἔπαινος ἡδίστον ἀχρόαμα.*
MELANTH. OPER. VOL. XVI.

virtus, etiamsi non contingunt praemia, aut etiamsi adversa perpetienda sint etc. Sicut et sacrae literae proponunt nobis praemia et poenas, et tamen volunt Deo parendum esse principaliter propter ipsum, quod cum faciunt pii, licet eis etiam expetere defensionem, vitae commoda, et caetera praemia. Nam haec sacrae literae propter tres causas proponunt.

Prima est, ut intelligamus has res esse dona Dei, eo quod suo loco his etiam opus est, easque a Deo expectandas esse sciamus.

Secunda est, ut fidem in his bonis petendis exerceamus, et bonitatem Dei magis intelligamus.

Tertia est, ut hac paedagogia ad obedientiam assuescamus, et formidine poenarum coherceamur.

Quartum argumentum. Duo bona coniuncta sunt magis expetenda, et praestantius bonum: virtus et voluptas sunt duo bona coniuncta: nam haec Epicurus vult coniungi: ergo virtus et voluptas sunt finis, et non virtus sine voluptate.

Respondeo ad maiorem. Maior est vera, servata utriusque boni dignitate, seu ordine bonorum, hoc est, si virtus intelligatur esse principale et propter se expetenda. Fructus autem expetatur ita, ut, si non contingat, tamen retineatur principale bonum ²³⁾. Porro non servato ordine bonorum, maior non est vera, cum videlicet principale bonum extinguitur. Nunc venio ad minorem. Epicurus non servat ordinem bonorum, sed ita sentit voluptatem esse ultimum, ut nolit virtutem expeti, si non plerumque sequeretur voluptas, hoc est, mutato ordine, anteferre voluptatem. Ergo haec copulatio non efficit maius bonum, sed extinguit virtutem. Haec est vera responsio ad hoc argumentum, quod ostendit posse quidem expeti coniuncta bona, sed ita, ne amplectamur pro principali aliud minus principale. Sicut etiam Christianus recte expetit vitae commoda, sed ita, ut, etiamsi non sequantur, tamen retineat principale. Hinc facile potest intelligi, voluptatem non esse expetendam tanquam summum bonum seu principale.

Quintum. Christus pollicetur summum bonum. Christus pollicetur aeternam vitam et laetitiam. Ergo illa laetitia est summum bonum.

Respondeo ad minorem, vita aeterna principaliter est nova et perpetua agnitio Dei et obe-

²³⁾ bonum] sic Ed. 1540.; Ed. 1546. donum.

dientia. Haec bona principaliter Christus pollicetur, sicut testatur in Ioan. (Ev. 17, 3.): Haec est vita aeterna, ut agnoscant te²⁴⁾ Deum verum, et quem misisti Iesum Christum. Atque ita videmus in Evangelio vere restitui illum finem, ad quem proprie conditus est homo, videlicet ut homines clara luce agnoscant et celebrent Deum, et ei obediant, sicut supra dictum est. Porro haec summa bona comitantur etiam alia bona, vitae perpetuitas, et aeterna laetitia; ut autem principalem finem spectaremus, et discernere agnitionem Dei a tranquillitate corporis, subiecit Deus pios in hac vita durissimis afflictionibus, et intus teneri vult principalem finem, etiam cum non contingit tranquillitas corporis. Testatur et ipsas afflictiones exercitium esse, quo exuscitemur ad intelligendum principalem finem. Itaque etsi quidam ludentes accommodant Epicuri dicta de voluptate ad doctrinam de tranquillitate conscientiae, aut perpetuis gaudiis, tamen dissimillimae sunt sententiae, et huiusmodi sophisticae praestigiae officiant iudicio. Hactenus dilui argumenta, quae Epicuri sententiae patrocinari videntur, et ex his solutionibus facile possunt similia argumenta iudicari. Interim vero debent in conspectu esse aliquae firmae rationes, quae Epicuri opinionem evertant. Quare collegi has quinque rationes. Prima. Propria actio cuiusque naturae est eius finis. Actio virtutis est propria hominis. Ergo virtus est finis hominis.

Secunda. Naturale et immutabile iudicium est mentis humanae, quod sit Deus, et quod Deo debeatur obedientia propter ipsius voluntatem, etiamsi non sequerentur poenae aut praemia: ergo voluptas non est finis, sed agnoscere Deum, et Deo obedire. Etsi autem Epicurus impudenter²⁵⁾ deridet hanc rationem, tamen quaerendum est, quid recta ratio probet, non quid Epicurus audaciter confinxerit. Nam philosophum dissentire a iudicio naturali rationis, et a lege naturae, flagitiosissimum est. At Epicurus abolere iudicium naturae et conscientiam²⁶⁾ conatur, quae in omnibus hominibus clamat: Discite iustitiam moniti, et non temnere divos²⁷⁾. Item: At sperate Deos memores fandi atque nefandi²⁸⁾.

24) te] deest in Ed. 1540.

25) impudenter] sic Ed. 1540.; Ed. 1546. imprudenter.

26) conscientiam] sic recte Ed. 1540. propter sequentia: quae — clamat; Ed. 1546. conscientiarum (scil. iudicium).

27) Virg. Aen. 6, 620.

28) Ibid. 1, 543.

Tertia ratio. Illud est finis, quod praecipue movet agentem. *Στοργαὶ φροναὶ* movei sine respectu utilitatis et voluptatis, ut, patet, amat liberos non suae utilitatis causa: ergo voluptas non est finis, sed²⁹⁾ ipsae *στοργαὶ* et virtutes sine respectu voluptatis. Pugnante autem Epicurei et hac in re cum natura, quod tollunt *στοργὰς φροναὶς*, cum negant hominem naturae alteri bene velle, sed tantum captare propriam utilitatem aut voluptatem. Rectius Aeneas apud Virgilium³⁰⁾, qui ait se pietate, non voluptate adductum, ut patrem adiret: Vicit iter durum pietas, iuvat ora tueri etc.³¹⁾. Valla dictum Virgilii accommodat ad Epicuri sententiam. Vicit amor patriae laudumque immensa cupido³²⁾. Nec videt Virgilium coniunxisse virtutem et praemium. Non enim nego praemiis moveri animos, sed principalis finis debet esse virtus.

Quarta ratio. Impetus heroici, qui pariunt praestantissimas actiones, movent sine respectu utilitatis: ergo praestantissimarum virtutum actiones non suscipiuntur propter voluptatem et utilitatem nostram: quare voluptas non est finis. Antecedens est manifestum. Sicut enim Ovidius impetu ingenii ad scribendum poema impellitur potius, quam praemiis aut ulla externa utilitate, ita Alexander, Torquatus³³⁾, Scipio, Caesar incitantur ad fortitudinem non populari laude et commodis, sed duce natura: ergo illi ipsi motus sunt finis, non voluptas.

Quinta ratio. Illud non est praecipuus finis, quod plerasque pulcherrimas virtutes evertit: nostram utilitatem praecipue spectare repugnat multis praeclaris virtutibus: ergo nostra utilitas non est praecipuus finis. Minor confirmari potest multis exemplis. Sed illustria sunt de continentia, iustitia et amicitia. Si periculi causa tantum abstinendum est ab alterius coniuge, ut vult Epicurus, quaero an, periculo sublato, remota sit etiam turpitudine. Item quaero, an liceat fallere datam fidem, si nihil sequatur periculi. Item, an natura ad iuvandos alios, an tantum nostri commodi causa ducamur, an in rebus ad-

29) finis, sed] Edd. 1540. et 1546. finis. Sed.

30) Virgilium] Ed. 1540. Vergilium, itemque in sequentibus: Vergiliit etc.

31) Virg. Aen. 6, 688.

32) Virg. Aen. 6, 824., ubi autem pro vicit Edit. Wagner, et al. habent: vincet, Witt. vincit.

33) A. Manlius Torquatus.

versis amissa spe commodi rectum sit amicos deserere, in his omnibus ratio sani hominis iudicat, recte faciendum esse, etiamsi removeantur comoda et pericula. Est igitur explodenda opinio Epicuri, praesertim a Christianis, cum Christum multa de cruce concionetur, et tamen scimus interim bona corporis suo loco recte expeti, modo ut praeferatur virtus.

Estne probanda Stoicorum opinio³⁴⁾, qui contendunt nihil esse bonum, praeter³⁵⁾ virtutem?

Haec quaestio tantum continet controversiam de vocabulo. Nam Stoici vitam, bonam valetudinem, opes, concesserunt esse res expetendas, sed non tribuerunt eis boni appellationem, et vocabulum boni male interpretantur. Non autem decet bonos viros serere *λογομαχίας* ad conturbandas honestas opiniones. Bonum significat in philosophia proprie conveniens naturae. Est igitur duplex bonum: bonum naturale, id est, res conveniens ad conservationem naturae, seu nata ad bonum usum, ut cibus, potus, bona valetudo, opes, imperia. Sic appellatio boni continet res dubias. Altera significatio est bonum morale, quod est in actionibus conveniens naturae, iudicio mentis. Hoc modo appellatio boni intellecta, tantum significat honestum, tale bonum sola virtus est. In sacris literis bonum tripliciter intelligitur. Primum pro eo, quod est conditum et ordinatum a Deo. Huiusmodi sunt omnia, quae vocantur bona naturae. Nam omnes creaturae destinatae sunt ad aliquem usum et conservationem naturae. Secundo, bonum significat *ἀδιάφορον*, id est, concessum lege Dei. Ita bonum intelligitur, cum inquit Paulus (Rom. 14, 21.): Bonum est homini non comedere carnem. Hic bonum opponitur prohibito. Tertio, bonum significat actiones virtutis, quas Deus praecipit, seu veros cultus Dei, et quidem praeceptos a Deo, ut apud Prophetam: Hoc est bonum ambulare coram Deo, et timere Deum. Nolo autem prolixè refutare Stoicos, cum et sacrae literae, et communis sermo tribuant appellationem boni rebus utilibus. Imo ipsi Stoici adiderunt correctionem suo paradoxo, quia faten-

tur retinendam esse sententiam, quod utilia sint suo loco expetenda, ideo excogitarunt aliud vocabulum, videlicet *προηγμένα*, id est, praelata. Iam hic si quaeras, quare utilia sint praeferenda, tamen decurrendum erit ad causam: quia convenient naturae. Haec est autem definitio boni generaliter, quod sit res conveniens naturae. Retinenda est igitur Aristotelis divisio, qui bona vocat non modo virtutem, sed etiam res utiles et suaves, verum gradus facit. Bonum honestum vocat, quod propter sese expetendum est, estque sola virtus bonum honestum, seu morale, ut alias vocatur, et hic gradus habet summum locum. Oppositum est vitium seu turpitudine, quae vocatur malum in genere morum, sed malum culpa. Deinde bonum utile est res naturae conveniens ad corporis conservationem, quae est expetenda propter aliud, scilicet usus causa, ut bona valetudo, vita, opes etc. Bonum suave est cognatum utili, significat enim id, quod ideo expetitur, quia affert sensui aut animo iucundos motus. Haec duo, scilicet utile et suave, vocantur *ἀδιάφορα*, quod attinet ad genus morum. Quanquam igitur non sunt bona moraliter, tamen sunt natura res bonae, ad usus aliquos expetendos natae. Oppositum est malum poenae, ut vulgo loquuntur, iuxta illud (Ies. 45, 7.): Ego sum Deus faciens pacem, et creans malum. Item (Amos. 3, 6.): Non erit malum in civitate quod non faciat Dominus.

Haec usitata distinctio observanda est, quia et in philosophia morali, et in religione constitui oportet gradus, ut sciamus, quae res sint expetendae, et quo ordine, nec applaudendum est illis crudelibus opinionibus, quae fingunt utilia non esse expetenda, sicut Aristoteles sensit, et quidam alii, qui rerum delectum, ut Cicero loquitur, sustulerunt³⁶⁾. Verum ordo retinendus est, ne utilia anteferantur virtuti.

Quid est virtus?

Hactenus constituimus finem hominis esse virtutem, seu virtutis actionem, ut loquitur Aristoteles. Restat igitur, ut de virtute dicamus. Est autem simplicissima et planissima definitio in philosophia: Virtus est habitus, qui inclinat voluntatem ad obediendum rectae rationi. Duae sunt enim principales et immediatae causae vir-

34) *opinio*] sic Edd. 1540. et 1546.; Ed. 1538. *sententia*.

35) *praeter*] sic Edd. 1540. et 1546.; Ed. 1538. *nisi*.

36) Cic. in Verr. Act. II. I. II. c. 50. §. 123.

tutis, notitia gubernatrix et voluntas obtemperans, ut inquit Aristoteles: *δεῖ τὰ αὐτὰ τὸν λόγον φᾶναι, καὶ τὴν ὄρεξιν διώκειν*, quia divinitus insitae sunt menti quaedam notitiae, discernentes honesta et turpia, et est ordinatio Dei, ut his notitiis rectis obtemperet voluntas. Haec obedientia vocatur virtus, seu virtutis actio. Est igitur virtus in genere quaedam obedientia. Quare Plato erudite disputat virtutem in genere esse iustitiam, qua inferiores vires in homine obtemperant rationi, atque ita definit illam iustitiam universalem seu virtutem in genere esse concordiam virium hominis inter se, hoc est, appetitionum ad rationem, sicut harmonia concinna est, si ad hypaten ³⁷⁾, id est, gravissimam vocem recte consentiant reliquae voces, scilicet *μέση*, quae est quinta, et *νῆτη*, quae est octava et disdiapason ³⁸⁾. Ut enim gravissima vox regit caeteras, sic mens gubernat reliquas vires. Ita Plato virtutem generaliter vocat iustitiam, in qua quaelibet partes suam teneant harmoniam, id est, inferiores obediant superiori, ut infra rursus dicitur de iustitia universali.

Quae sunt causae virtutis?

Constat habitus oriri ex crebris actionibus. Sed actionum honestarum propinquaе causae, et adiuvantes quaerendae sunt.

Efficientes propinquaе actionum honestarum sunt mens, seu iudicium, quod vulgo vocant dictamen rectae rationis, et voluntas obediens illi iudicio. Ut enim sit certa aliqua virtutis regula, gubernanda est voluntas iudicio mentis. Est autem iudicium illud notitia et legis naturae et legis divinae, et omnis doctrinae, quae habet firmas rationes, sumptas ex lege naturae et divinae, seu quae est explicatio legis naturae et divinae. Quare et Iurisconsultus dixit, iustitiam esse constantem et perpetuam voluntatem, quae suum cuique tribuit, hoc est, habitum voluntatis, qui regitur seu principiis naturalibus, seu legibus, quae eo sunt firmatae et certae, quia et consentaneae sunt legibus naturae, et autoritate magistratus latae sunt. Ut autem speculabilia principia,

³⁷⁾ *ἑπτάη* sc. *χορδή*, infima chorda, quae gravissimum edit sonum.

³⁸⁾ *δισδιάσασον* (*δὲς διὰ πᾶσων* sc. *χορδῶν*) octava duplex, conf. J. N. Forkel: *Allgemeine Geschichte der Musik* I, p. 321 sqq.

firma et perpetua sunt, quale est: Totum est maius qualibet sua parte, ita et moralia seu practica principia sunt certa et rata, etiamsi aliquanto minus lucent in animis hominum, propter infirmitatem generis humani, quod facile abducitur a principiis illis, sicut cum natura pugnarunt idololatrae ³⁹⁾, aut qui senes parentes mactaverunt etc. Altera causa est voluntas, de cuius libertate postea dicemus. Prius autem considerandae sunt adiuvantes causae tres, doctrina, naturales ⁴⁰⁾ impetus, et assuefactio, seu disciplina, quae continet domesticam institutionem et imperia. Sicut enim in artibus opus est his adjuvantibus causis, ita et in moribus. Nemo sine doctrina discit musicam, aut graphicen, etsi natura tenemus quaedam principia, verum illae ipsae naturales notitiae exuscitandae et illustrandae sunt doctrina, videmus enim in barbaris, quia non admonentur obrui et paene extinguuntur etiam commune iudicium naturae, sicut Scythae non iudicabant turpe, senes parentes mactare, quia sine doctrina quasi obliscebantur naturalis notitiae, et ut in caeteris artibus, ita hic opus est uberiore et eruditiore doctrina, ut animi propius aspiciant praecepta, et eis firmiter assentiantur, cumque lucent in mentibus doctrina, facilius obtemperat voluntas, capta pulchritudine virtutis. Sed de doctrina brevius dicam, quia constat esse necessariam. Altera adiuvens causa est naturalis impetus. Ut enim poetae et caeteri excellentes artifices adiuvantur peculiari impetu naturae, iuxta illud ⁴¹⁾: Tu nihil invita dices faciesve Minerva: ita non potest excellens virtus effici sine peculiari inclinatione et motu ad virtutem, qualis fuit in Alexandro aut C. Caesare ad fortitudinem, et quasdam caeteras virtutes. Hi naturales impetus recte vocantur et sunt dona Dei, et usitate dicuntur heroici motus, ideo et Cicero ⁴²⁾ inquit: Nullum magnum virum sine aliquo afflatu divino fuisse. Physici quaerunt talium inclinationum causam in temperamento, quod aliqua ex parte efficiunt stellae, sed tamen accedit motus divinus. Aristoteles ipsas inclinationes vocat *φυσικὰς ἀρετὰς*. Magna autem quaestio est apud Platonem, an virtus comparari

³⁹⁾ idololatrae] Edd. 1540. et 1546. hic, ut ubique, idolatrae.

⁴⁰⁾ naturales] sic Ed. 1540.; Ed. 1546. naturalis.

⁴¹⁾ Horat. de arte poet. 385.

⁴²⁾ Cic. de nat. Deor. 2, 66, 167.

possit nostra exercitatione seu assuefactione, cum singularis sit vis naturae. Ad hoc respondendum est, sive adsint, sive desint heroici impetus, tamen virtus comparari potest nostra exercitatione. Imo necesse est adhiberi doctrinam et exercitationem, quae efficit excellentes virtutes in heroicis naturis, in aliis autem mediocres. Sicut enim etiam caeteri, qui non habent excellentes motus, si non sint monstrosi ingenii praediti, tamen assuefieri possunt, ut mediocriter pingant, cantent, aut versus faciant: ita etiam actiones virtutum mediocriter effici possunt sine heroico motu. Ideo Deus vult omnes homines legibus coherceri et regi, et vix quisquam tam monstrosus est, in quo non sint aliquae *στοργαὶ φυσικαὶ*, quae sunt bonae inclinationes communiter insitae hominibus ad plerasque virtutes.

Tertia causa adiuvans est disciplina, seu assuefactio, seu exercitatio. Haec enim idem significant. Utimur autem rursus exemplo artium, in quibus discendis, ut ad doctrinam et naturam oportet accedere exercitationem seu usum, ita in paranda virtute opus est non modo doctrina et naturali impetu, sed etiam quadam longa assuefactione, quae pariat et confirmet habitus. Haec sententia manifesta est, et tamen apparet, quam leviter curent eam homines, quia multo minus diligentiae adhibent ad formandos mores, quam artifices ad discendas artes. Ideo quondam legibus varia exercitia iuventutis instituta erant: et Deus tradidit ceremonias in sua lege, ut exercitiis quibusdam assuefieret populus. Addit etiam omnis generis afflictiones, tanquam carcerem, ut esset occasio exercendi omnium virtutum actiones.

Extant autem multa gravissima dicta de disciplina, quae hic recitare nimium longum esset: Aristides venuste coniunxit causas, qui interrogatus, quomodo virtutem consecutus esset, inquit: Praecipua causa est natura, et ego naturam studiose adiuvi.

Hactenus de philosophicis virtutibus diximus. Sed de Christianis addi debent causae, notitia Evangelii, et Spiritus sanctus adiuvans et impellens humanas vires, ubi dum considerabimus, quanta sit infirmitas humanarum virium, intelligemus, quid desit philosophiae, et magis amabimus Christianam doctrinam, quae monstrat auxilium in tanta imbecillitate. Sed de his

causis infra dicam copiosius in quaestione de libero arbitrio.

Materia in qua.

Anima hominis est subiectum, in quo existunt virtutes, materia, circa quam vocatur obiectum. Sunt alia aliarum virtutum obiecta.

Causa formalis.

Causa formalis actionum est ipsa actio, id est, motus voluntatis, qui obtemperat recto iudicio, et huic motui servit aliquis motus cordis, ut in terroribus, et caeteris affectibus conspici potest. Quia cor est organum potentiae appetentis, seu sedes affectuum, ut infra dicam. Cum autem propriissimae definitiones sumantur a causis formalibus, sequitur eam definitionem, quam supra tradidi, maxime appositam esse, ubi dicitur virtutem esse obedientiam, qua voluntas obtemperat rectae rationi.

Causa finalis.

Iuxta philosophos, virtus ipsa est finis, expetenda propter se ipsam, sed rectius est addere alium finem, quem lex Dei ostendit, scilicet Deum, virtus est expetenda propter Deum, id est, ut Deo praestetur debita obedientia, et ut gloria Dei illustretur, id est, ut invitentur alii ad agnitionem Dei, deinde sunt fines minus principales scilicet praemia virtutum. Nam leges rapiunt ad poenam homicidas, fures etc. defendunt etiam iustos. Deus etiam praemiis corporalibus et spiritualibus recta facta ornat, et hos fines minus principales licet suo loco expetere, ita, ut non deseratur principalis finis.

Estne voluntas humana libera? ⁴³⁾

Cum modo de causis dixerimus, proximum est, ut de libertate voluntatis quaeramus, an sit libera voluntas humana, hoc est, an possit obtemperare iudicio rationis, et repugnare. Constat autem hanc quaestionem et a Philosophis et Theologis saepe agitatam esse, ac saepe magnos tumultus excitasse. Ideo de ea copiosius dicam.

Initio autem veram et firmam sententiam ponam. Philosophia non loquitur de motibus

⁴³⁾ In Ed. 1538. huic et praecedenti quaestioni interpositae sunt haec duae: *Recita Aristotelicam definitionem. — Quid vocat habitum electivum.*

cordis erga Deum, nec de interiore, et integra obedientia, quam requirit lex Dei, sed loquitur de moribus vitae civilis, hoc est, de moderatione quadam affectuum erga homines, et de externis actionibus. De his ita sentiendum est, quod voluntas humana sit libera, quod ad mores vitae civilis attinet, hoc est, voluntas humana potest aliquo modo obtemperare iudicio rationis, et expetere ac fugere res oblatas, quod ad mores illos attinet, et potest externis membris imperare, ut iudicio rationis obediant. Ita et moderari affectus aliquo modo potest, et externas actiones honestas efficere propriis viribus sine renovatione. Hanc sententiam perspicue docent, et inculcant sacrae literae. Testantur enim quendam esse legis iustitiam, seu carnis, seu humanam iustitiam, quam homines efficiunt propriis naturae viribus, sicut ad Rom. 9, (31.) testatur Paulus Israelitas sectari legem iustitiae: ubi haud dubie intelligit eos facere externa opera legis: et alibi in eandem sententiam inquit (Rom. 2, 14.): Gentes naturaliter ea, quae legis sunt, facere. Necesse est igitur in hominibus delectum quendam et libertatem esse, qua officia legis sibi imperent, nam alioqui constat posse homines contrarias actiones efficere.

Secunda ratio. Deus praecipit, ut omnes homines, etiam non renati, coerceantur legibus et disciplina. Haec tota disciplina et politica ordinatio esset inutilis, si homo nullo modo posset obedire legibus: ergo necesse est aliquam esse libertatem, ideoque Paulus inquit (1. Tim. 1, 9.): Lex est iniustus posita, scilicet ut coerceantur. Item (Gal. 2, 24.): Lex est paedagogus, scilicet ut erudiat, coerceat et assuefaciat homines. Hanc libertatem in externis actionibus tollere, quid aliud est, quam in universum delere omnes leges in civitatibus, et concedere infinitam licentiam omnium scelerum, et totam societatem generis humani dissipare, ut igitur disciplina, boni mores, et tranquillitas retineantur et confirmentur, necesse est docere homines de hac libertate, ut sciant se legibus in externa consuetudine vitae obedire posse, et voluntatem Dei esse, ut omni contentione animi obtemperare conentur.

Tertia ratio. Experientia testatur in artibus, homines posse se ad certas artes, item ad varia artium opera applicare et assuefacere. Ergo manifestum est esse quendam delectum et libertatem. Nam alioqui etiam artes frustra ostensae essent

generi humano, nisi homines aliquo modo se ad eas applicare possent. Hae rationes perspicue et sine ulla dubitatione ostendunt esse aliquam libertatem humanae voluntatis in externis actionibus. Atque haec, quae diximus, adeo non dissentiunt a Pauli doctrina, ut multum etiam lucis addant.

Sed Stoici in universum sustulerunt non modo libertatem in humanis actionibus, sed etiam contingentiam in omnibus motibus et eventibus, et contenderunt omnia necessario fieri, et hanc necessitatem vocaverunt fatum. Horum sententia repudianda et explodenda est, quia pugnat cum multis firmissimis rationibus, quas postea recitabimus, et nocet moribus. Nec defendebant Stoici necessitatem fati, rationibus sumptis ex natura, aut veris fundamentis, sed aliunde accersitis cavillationibus dialecticis male consutis, quas recitabo, ut addam perspicuas solutiones.

Prima Stoica ratio.

Impossibile est duas contradictorias simul esse veras. Haec est vera, Cicero erit consul: ergo impossibile est contradictoriam esse veram. Si impossibile est illam esse veram, sequitur alteram necessario veram esse, Cicero erit consul.

Solutio.

Nego minorem. Nam haec propositio, Cicero erit consul, quatenus est propositio de futuro, non est determinate ⁴⁴⁾ vera. Nam veritas sequitur esse rei, sicut res habet esse, sic est vera propositio. Futurum autem nondum ⁴⁵⁾ habet esse. Ergo propositio de futuro contingenti nondum est vera, sed est incerta, sicut res nondum est. Cum igitur haec sit incerta, Cicero erit consul, nondum potest inferri alteram esse impossibilem, deinde etiamsi minor est vera necessitate consequentiae, scilicet quia sic eveniet, tamen necessitas consequentiae non simpliciter efficit necessitatem.

Cicero in libro de fato ad hoc argumentum ita respondet, se malle negare omnem enuntiationem ⁴⁶⁾ esse veram aut falsam: Eam, inquit, plagam potius accipiam, quam fato omnia fieri comprobem ^{*}). Sed non declarat Cicero, cur

44) determinate] sic Ed. 1546.; Ed. 1540. determinata.

45) nondum] sic Ed. 1546.; Ed. 1540. nou.

46) enuntiationem] sic Ed. 1546.; Ed. 1540. enumerationem.

*] Cic. de fato c. 10. §. 21. ed. Orelli.

propositiones *) de futuro contingenti non sint determinate verae aut falsae, verum Aristoteles hoc declarat, qui monet veritatem sequi esse rei, sicut res habet esse, sic est vera propositio. Futurum autem nondum habet esse, ac possibile est, ut non eveniat.

Secundum argumentum.

Causae connexae necessario movent. Omnes eventus fiunt a causis connexis: ergo omnia necessario eveniunt.

Maiorem declarant Stoici, ut in naturalibus effectibus non fit generatio frugum, nisi terra a coelo praeparata. Coelum non agit, nisi moveatur: ergo habet causam moventem. Propter hanc similitudinem fingunt voluntatem etiam ab aliis connexis causis moveri, videlicet ab obiectis aut inclinationibus naturalibus. Haec est in summa altera Stoicorum ratio.

Solutio.

Nego maiorem, et ratio est, quia etsi est aliqua connexio naturalium causarum, tamen non est talis connexio voluntatis cum externis causis. Non enim impellitur necessario voluntas, sed libere agit, et contingenter, estque in actionibus humanis causa contingentiae libertas voluntatis. Caeterum et in irrationalibus motibus est contingentia, cuius causa est materiae elementaris instabilitas, sicut videmus varias esse agitationes aëris, et corporum in aëre. Caeterum quomodo naturales causae agant, et quomodo impellantur et **) adiuventur inferiores a superioribus, explicari solet in physicis. Etiam si coelestes causae inserunt inclinationes hominibus, tamen sunt tantum partiales causae, ut potest eis voluntas repugnare. Ita et Cicero copiose solvit hanc rationem Stoicorum de causis antecedentibus, ac negat voluntatem cogi posse ab obiectis aut inclinantibus, seu, ut vocabant, ab antecedentibus causis.

Haec sunt praecipua Stoicorum argumenta, quibus explicatis, similia facile iudicari possunt. Addit Cicero tertium de determinatione divina, quod aliquanto dilucidius agitatur a Theologis.

Determinatio divina est immutabilis, et necessario vera, Omnia eveniunt Deo determi-

nante. Ergo omnia eveniunt ⁴⁷⁾ immutabili necessitate.

Solutio.

Primum respondeo ad minorem. Determinatio divina dissimilis est in his, quae pendent proprie ab ipsius voluntate, et in aliis, quae principaliter oriuntur a nostris voluntatibus. Deus aliter determinat venturam resurrectionem, et similia, quae constituit se facturum esse. Aliter praevidet et determinat peccata hominum, quae permittit. Haec praevisio seu determinatio prorsus nullam affert necessitatem voluntati nostrae: praevidet enim, quia sunt eventura, et determinat, quousque sit permissurus. Iam ad maiorem respondeo, determinatio divina est immutabilis, et necessario vera, scilicet necessitate consequentiae, quae non adfert simpliciter necessitatem. Deus praevidet Saulis flagitia, et determinat, quousque permissurus sit. Haec praevisio et permissio nullam adfert necessitatem voluntati Saulis. Item Saul punitur, quia peccavit. Verum poterat Saul omittere illa scelera. Quare dialectica illa necessitas consequentiae, non tollit re ipsa contingentiam aut libertatem.

Explodenda est igitur Stoicorum opinio de necessitate, praesertim cum sit incommoda moribus: ut Zenonis servulus excusavit peccatum suum, quod magistri fato coactus, deliquisset, et obscurat gloriam Dei, cum facit eum autorem peccati. Praeclare autem Euripides inquit: Si quid turpe faciunt Dii, non sunt Dii, *Ἐὶ θεοὶ τι δρῶσιν ἀλοχρὸν, οὐκ εἰσὶν θεοί* ⁴⁸⁾. Nunc accedo ad Theologorum disputationem, quorum aliqui prorsus voluerunt tollere libertatem humanae voluntatis, sed tamen diversis modis. Unus modus est Vallae, qui paene Stoico more tollit libertatem propter divinam praescientiam et determinationem. Sed hoc non tantum est libertatem voluntatis, sed in universum contingentiam tollere in omnibus actionibus, cum naturalibus, tum *) voluntariis, bonis et malis: Scriptura autem discernit inter bonas et malas actiones. Et longe alia quaestio est de actionibus omnibus in genere, quam de bonis actionibus, an a volun-

47) eventunt] sic Ed. 1540.; Ed. 1546. veniunt.

48) Eurip. Belleroph. fragm. XIX, 4., vid. Euripidis traegodiae, fragmenta, epistolae ex editione Jos. Barnesi nunc recusa et aucta appendice etc. Lips. 1778—1788. 3 Tomi. 4. T. II. p. 433.

*) tum] sic Ed. 1540.; Ed. 1546. cum.

*) propositiones] sic Ed. 1540.; Ed. 1546. propositionis.

**) et] sic Ed. 1546.; Ed. 1540. aut.

tate humana effici possint. Breviter autem et de hoc priore modo dico, voluntatem Dei in verbo propositam intuendam esse, non de arcana Dei gubernatione sine verbo iudicandum esse. Testatur autem verbum Dei, Deum non esse causam peccati, nec velle, nec ordinare peccatum: ideo proprie ortum est peccatum a libera voluntate Diaboli et hominis. Nos igitur iudicemus esse libertatem aliquam et contingentiam, nec tolli contingentiam, aut libertatem propter praescientiam, aut determinationem in genere. Praevidet enim Deus ac permittit peccata, quia eveniunt.

Quod autem obiiciuntur dicta de necessitate, quale hoc est (Luc. 24, 46.): Oportuit Christum pati, hic primum discerni debet. Nam alii eventus sunt ordinati a Deo, qui videlicet proprie et principaliter oriuntur a voluntate Dei, ut missio Christi, resuscitatio mortuorum. Alii non sunt ordinati a Deo, hoc est, non oriuntur principaliter a voluntate Dei; hoc genus dissimile est superiori. Ita peccata prorsus non oriuntur a voluntate Dei, sed a voluntate hominis etc. Nihil igitur pertinent dicta ad hoc secundum genus, quae loquuntur de divinis promissionibus, aut ordinationibus, quale hoc est: Oportuit Christum pati etc.

Obiiciuntur et alia multa dicta. Ephesios 1, (11.): Deus agit omnia secundum consilium voluntatis suae. Haec universalis non est accomodanda ad utrumque genus: videlicet ad bonas et malas actiones hominum, sed proprie loquitur de actionibus in Ecclesia, id est, de sanctificatione, defensione et glorificatione piorum. Hos enim sciamus moveri, gubernari, exaudiri, defendi a Deo.

Aliud.

Proverb. 16, (1.): Homo praeparat cor, Deus autem gubernat consilium. Haec sententia et pleraque similes de eventu loquuntur, qui discerni debet ab actione voluntatis, ut Pompeii electio est, quod vult bellum gerere, sed eventum Deus multis modis impedire potest. Quare etiam cum electio seu actio voluntatis est libera, tamen eventus, quia habet plures alias causas praeter nostram voluntatem, non est in nostra potestate, et haec interpretatio prodest ad excitandum timorem Dei. Monet enim nos habere quidem electiones, sed has non procedere, nisi Deo iuvante, ideoque cavendum esse, ne quid eligamus contra

voluntatem Dei: sicut videmus conatus Tyrannorum irritos fuisse contra pios, ut Pharaonis, Saulis et aliorum multorum.

Item (Proverb. 16, 4.) Omnia propter semet ipsum facit Deus, etiam impium etc. Ergo Deus est causa etiam impiae voluntatis.

Nego consequentiam, et ratio est, quia, etiamsi Deus condit naturam, qua postea impii abutuntur, tamen non est causa efficax ipsius impietatis, seu peccati. Et discernenda est natura a motu voluntatis, qui oritur ab ipsa libera voluntate. Et tamen Deus propter suam gloriam tolerat impios, ut aliqui convertantur, et aliorum poena ostendat iudicium Dei, sicut Pharaonis, Saulis et similium.

Est autem verecunde sentiendum et loquendum de hac tota quaestione, quia mens humana non perspicit modum gubernationis divinae. Sed sententias in hac quaestione utiles moribus, et consentaneas scripturae, et receptas iudiciis bonorum et piorum, teneamus, quod videlicet sit divina praescientia et determinatio, et quod tamen sit contingentia et libertas aliqua humanae voluntatis, quia Deus non est causa peccati.

Dicam et de altero modo, quo libertas detrahitur humanae voluntati, videlicet propter infirmitatem virium humanarum, qua fit, ne possimus vere obedire legi Dei. Item praestare perfectam obedientiam. De hoc modo praecipue disputat Paulus, et monstrat, quae sit infirmitas nostrarum virium, quatenus praestent externa opera legis, et quod non possint integram obedientiam praestare. Cum igitur de libertate voluntatis disputatur, nos ipsos intueamur, et tantisper seponamus illas arcanas disputationes de modo gubernationis divinae.

Sic autem de hoc secundo modo respondeo, quod sit libertas aliqua ad externas actiones honestas efficiendas, hoc est, quod voluntas humana sine renovatione possit efficere externas actiones legis. Ideo enim scriptura discernit iustitiam carnis a spiritali, ut ostendat hominem sine renovatione posse illa opera efficere. Idque ad Ethicem satis est. Nam philosophia loquitur de disciplina, seu honestis externis actionibus, quas tamen et ipsas requirit Deus. Sed tamen haec ipsa libertas saepe impeditur, cum aut infirmitate natura nostra ⁴⁹⁾ vincitur, aut pote-

49) natura nostra] sic Ed. 1540.; Ed. 1546. naturae nostrae.

state Diaboli, impellentis animos ad flagitia incitatur.

Quare difficile est etiam externam disciplinam conservare, et agnoscit hanc infirmitatem philosophia, sicut in Tragoedia ait Seneca ⁵⁰⁾:

Sic cum gravatam navita adversa ratem
Propellit unda, cedit in vanum labor,
Et victa prono puppis aufertur vado.
Quod ratio poscit, vincit ac regnat furor.

Ideo prodest huc iam conferre doctrinam Christianam, quae et causas infirmitatis ostendit, et pollicetur auxilium. Sic et ipsa doctrina Christiana fit dulcior, cum etiam in hac parte transfertur ad usum. Et hic apparet, doctrinam Ethicam non esse integram, nisi adiuncta doctrina Christiana, quae iubet agnosci beneficia Christi, et peti auxilium Spiritus sancti contra infirmitatem nostram, et contra Diabolum. Nec sunt irritae promissiones, in quibus auxilium promittitur, modo ut illis utamur, iuxta illud (1. Ep. Ioann. 3, 8.): Filius Dei venit, ut destruat opera Diaboli. Postremo ita demum illud ipsum, quod vocatur *ἡθικόν*, id est, tranquillitas et moderatio efficitur, cum lucet in animis vera Dei agnitio, quae veram consolationem parit, et regit omnes motus animi, ac refert ad glorificandum Deum. Sicut et Paulus (Coloss. 3, 15.) inquit: Pax Dei gubernet ⁵¹⁾ corda vestra. Nam fiducia, qua statuimus nobis Deum propitium esse propter Christum, nos exaudiri, et iuvari, consolatur nos in omnibus afflictionibus etc.

Et quia in piis reguntur affectus vero timore Dei, et vera fiducia, sunt magis compositi motus. Ita David est *ἡθικώτερος* quam Augustus, minus insolescit in rebus secundis, quia timet Deum, habet in rebus adversis consolationem, tolerat iniurias aequiore animo. Hi motus sunt excitiores et dulciores in Davide, quam in Augusto, etsi hic quoque fuit *ἡθικός*.

Reliqua est quaestio de actionibus interioribus erga Deum, scilicet de timore Dei, de fiducia, dilectione Dei, vera patientia, et similibus actionibus spiritualibus, quas in piis existere oportet. De his proprie quaeritur, an homo sine Spiritu sancto possit efficere verum timorem Dei, veram fiduciam, veram dilectionem etc. De his

⁵⁰⁾ Senecae Hippolytus Act. I. v. 181 — 184.

⁵¹⁾ gubernet] sic Ed. 1546.; Ed. 1540. gubernat.
MELANTH. OPER. VOL. XVI.

est usitata responsio, quod sine Spiritu sancto non possint hi motus effici. Sed tres causae coniunguntur, verbum Dei, Spiritus sanctus, et humana voluntas. Utile est enim mentes deducere ad verbum, quia per id Spiritus sanctus est efficax, cum sustentamus nos verbo Dei, nec est efficax Spiritus sanctus in repugnantibus, et voluntas per sese repugnare, item excutere dona Dei potest, et rursus adiuta a Spiritu sancto potest resistere propriae imbecillitati et assentiri promissioni Dei. Ita scriptum est (Luc. 11, 13.): Dabit Spiritum sanctum petentibus, non ait repugnantibus, aut contemnentibus. In hanc sententiam dicunt veteres: Praeunte gratia, comitante voluntate.

Ex his satis apparet, quatenus voluntas habeat aliquam libertatem, quatenus non habeat. Certe quod ad mores attinet, de quibus Ethica loquitur, quos et ipsos praecipit Deus, aliqua est libertas, ut dictum est, et tamen hic piis gratissimum est addi doctrinam de causa infirmitatis humanae, et de auxiliis, quae Christus proponit.

Recensui ordine quatuor locos, confutavi Stoicam opinionem, dixi in genere de contingetia, deinde de libertate in externis actionibus, postremo de spiritualibus actionibus, hoc discrimen nonnihil lucis addidit ⁵²⁾ huic controversiae.

Quid est affectus?

Hactenus dictum est, quid sit virtus, quae sint eius causae. Nunc conferenda est virtus cum quibusdam affinis. Est autem vicinum quiddam affectus: alias enim repugnant affectus virtutis, alias eam adiuvant. Ac multae sunt causae, quare prosit diligentius considerare affectuum fontes et naturam. Primum enim necesse est tenere discrimen inter affectus et virtutem. Secundo, quia de affectibus leguntur absurdae opiniones Stoicorum et his multi propter novitatem applaudunt, prodest commonefieri adolescentes, quid de illis Stoicis opinionibus sentiendum sit. Interdum enim inepte invehuntur in Ecclesiam, ubi error multa parit incommoda. Appellatio autem affectus proprie pertinet ad appetitiones sensuum et voluntatis. Fons est igitur huius disputationis discrimen appetitionum. Appetitiones sunt triplices in natura hominis: Appetitio vegetativae potentiae est, ut fames ac si-

⁵²⁾ addidit] sic Ed. 1546.; Ed. 1540. addit.

tis. Hic appetitus vocatur naturalis apud medicos, qui oritur principaliter a potentia vegetativa, etiamsi serviunt in fame quaedam motiones, ut cum melancholia irritat famem in orificio stomachi. Caeterum organa harum appetitionum sunt omnia membra disposita ad nutritionem. De hoc primo gradu nihil admodum disputatur in hac quaestione de affectibus. Secundus gradus est appetitiones sensuum, quales sunt in tactu dolor et delectatio. Deinde motus cordis, laetitia, tristitia, spes, metus, amor, odium, ira, misericordia. Tertius gradus est appetitio voluntatis. Sed huic quoque servit cor in ciendis motibus. Ideo secundum et tertium gradum in definitione coniungam. Affectus, qui sic proprie dicitur, est motus, quo sensus aut voluntas prosequitur aut fugit rem oblatam. Delectationis ac doloris in tactu, organum est rete quoddam nerveum, sparsum per totam carnem, sub prima cute, quae corium vocatur. Sed caeterorum affectuum omnium, qui non pertinent ad tactum, organum est cor, quod suis villis aut dilatatur, ut in laetitia, aut constringitur, et quasi refugit, ut in tristitia aut metu. Propemodum igitur ut pulsata cutis afficitur, ita cor impellitur re conveniente, aut non conveniente oblata. Et sunt villi in corde ad hos motus idonei. Admirari hanc inenarrabilem varietatem motuum in corde possumus, penitus autem perspicere talium motuum causas non possumus. Hinc igitur utrumque intelligi potest, quid sit affectus, Galenus quaerit, an sint motus naturales, aut violenti: et de mediocribus respondet esse motus naturales, id est, quorum principium non prorsus advenit extrinsecus. Immoderati autem corrumpunt naturam, sicut cursus immoderatus. Sed praeter affectus sunt alii duo motus cordis, pulsus articularum et *παλμός* seu palpitatio, prorsus distincti ab affectibus. Nec existimandum est affectum esse speciem horum duorum motuum, cum sit distincta species ab istis.

Estne probanda Stoicorum ἀπόδειξις, qui prorsus tollunt affectus ex natura? ⁵³⁾

Nequaquam. Duplices enim sunt affectus. Alii cum ratione consentiunt, ut amor coniugum, liberorum, benevolentia erga bene meritos, mi-

53) qui prorsus — natura? sic Edd. 1540. et 1546.; Ed. 1538. qui simpliciter omnes affectus improbant.

sericordia erga calamitosos, irasci his qui inferunt iniuriam. Hi affectus boni sunt, et vocantur *στοργαὶ φυσικαὶ*, erantque futuri in natura hominis, etiamsi non fuisset corrupta vitio originis. Et hi affectus sunt impetus ad virtutem, fiuntque virtutes, cum accedit iudicium rationis ad eos conformandos ⁵⁴⁾. Ut enim equus per sese velox facilius incitatur: ita facilius regit ratio voluntatem, quae adiuvatur et extimulatur a bono affectu. Imo ita demum fit perfecta virtus, cum voluntas et affectus pariter rationi obtemperant. Quare sciendum est, non omnes affectus pugnare cum virtute, sed quosdam esse virtutum incunabula, seu adminicula. Alii affectus sunt pugnant cum ratione et lege Dei, ut appetere alterius fortunas. Tales motus sunt vitiosi. Unde autem haec dissimilitudo sit affectuum, postea dicam. Prius enim refutandi sunt Stoici, et ostendendum non tollendos esse affectus ex natura hominis, nec accersi eos tantum opinione, sed naturaliter in hominibus existere. Estque prima ratio. Deus non condidit frustra in animantibus organa affectuum. Sunt autem naturaliter organa affectuum in hominibus. Ergo etiam affectus existunt in natura, et sunt res divinitus conditae in natura hominis. Minor est manifesta ex natura nervorum, qui sunt organa delectationis et doloris. Nervi autem sunt divinitus conditi: ergo eorum actio est res naturalis, non tollenda ex natura.

Item motus cordis sunt naturales, et ita ordinati, ut cieantur diversis villorum motibus: item ut diversi humores diversis motibus serviant ⁵⁵⁾. In ira motus cordis ciet flavam bilem, in tristitia cordis motus ciet atram bilem ex splene, quae effusa in moestitia, saepe affert hypochondrios dolores. In timore sanguis recurrit ad cor. Hi motus sunt conditi in natura. Ergo et affectus sunt in natura conditi.

Secunda ratio. Dona, quae immediate a Deo proficiscuntur, sunt res bonae et non abiiciendae. Heroici motus sunt proprie dona Dei, et immediate a Deo proficiscuntur, qualis est ira heroica, ut cum Scanderbego ⁵⁶⁾ pugnato, eru-

54) conformandos] sic Ed. 1540.; Ed. 1546. confirmandos.

55) serviant] sic Ed. 1540.; Ed. 1546. serviunt.

56) Scanderbeg, proprie Georg Castriota, Iohannis Castriotae, regis Epiri et Albaniae, filius a. 1404. natus, quem obsidem pater Murado II., Turcarum Sultano, dederat, ab hoc ob eximiam fortitudinem nomen Iskenderbeg, quod Ale-

pit sanguis ex labris, et ut Virgilius de Aenea inquit: Et magna se exuscitat ira ⁵⁷⁾. Ergo affectus non accersuntur opinionibus, nec sunt prorsus ex natura tollendi.

Tertia ratio. Lex divina praecipit, ut habeamus affectus, ut (Marc. 12, 30.): Diligas dominum Deum tuum. Item (Marc. 12, 31.): Diligas proximum. Et Paulus inter teterrima vitia numerat ἀστοργίαν, id est, non affici propinquorum secundis aut adversis rebus. Ergo affectus aliqui sunt boni, et Deo placent. Repudianda est igitur Stoicorum ἀπάθεια, cum et a natura et a verbo Dei dissentiat. Quare etsi interdum duriores sententiae Stoicorum laudantur, tamen prudens lector adhibeat iudicium, ac sciat absurdas opiniones pugnantibus cum natura et cum verbo Dei fugiendas esse. Imo boni affectus inditi sunt naturae, ut sint virtutum calcaria, seu, ut Aristoteles inquit, auxilia: sed malis affectibus, hoc est, dissentientibus a ratione et a lege Dei repugnandum est. Et sententiae in sacris literis prudenter intelligendae sunt, ne transferantur ad Stoicas opiniones. Nam sacrae literae etsi ostendunt omnes affectus in impio vitiosos esse, tamen volunt discrimen retineri, videlicet alios per se, ac tantum vitiosos et abiiciendos esse. Alios vero divinitus insitos pollui contagio corruptionis, quae est in natura humana, ut in Alexandro sunt multi boni affectus et heroicae virtutes. Sed quia absunt timor Dei et fides, reliquae dotes non placent Deo. Et ipse addit vitia, non agit gratias Deo, non agnoscit Dei praesentiam, confidit suis viribus, quaerit suam gloriam, ruit securus in omnem turpitudinem. Sed in piis laudantur boni affectus naturales, quia in his accedunt timor Dei et fides, qua fit, ut placeant reliqua bona opera. Facile est igitur respondere ad has obiectiones.

Sensus carnis mors est: item inimicitia adversus Deum. Igitur omnes affectus sunt vitiosi.

Responsio: Concedo consequens. Omnes sunt vitiosi: alii per se, alii per accidens, quia boni polluuntur variis modis, nec referuntur ad debitum finem, ut praestetur Deo obedientia. De-

xandrum Principem significat, accepit; a. 1443. patris regnum, quod iste Sultanus ei eripuerat, recuperavit et usque ad mortem a. 1467. obtinuit. Conf. Jos. v. Hammer: Geschichte des Osman. Reiches. Tom. I. p. 480 sqq. Tom. II. p. 46—95.

57) Virg. Aen. XII, 108. legitur: et se suscitavit ira.

nique non placent Deo, sine timore et fide. Hac simplici et plana solutione contenti simus, quam et altera potest addi, omnes affectus, quos habet carnalis natura, sine fide, et sine Spiritu sancto erga Deum esse vitiosos, quia natura carnalis, aut secunda contemnit iram Dei, aut in veris pavoribus irascitur iudicio Dei, et desperat. Sed haec solutio subobscura est. Ideo utamur priore. Sic respondendum est et ad hoc dictum. Omnis cogitatio humani cordis prona est ad malum omni tempore. Ergo omnes affectus mali sunt. Responsio. Concedo consequens. Alii per se, alii per accidens. Neque tamen haec conveniunt cum Stoicis, quia Stoici volunt evelli omnes affectus, bonos et malos. Lex Dei contra flagitat bonos affectus, timorem Dei, fiduciam, dilectionem, amorem coniugis, liberorum, et alios pios motus.

Hinc facile potest intelligi, Stoicam doctrinam longissime distare etiam hoc in loco de affectibus a doctrina Christiana. Sed hic ingens admiratio tenet philosophos ⁵⁸⁾, unde in homine tanta sit affectuum discordia. Caeterae naturae non pugnant ipsae secum, sed obtemperant iis legibus, quae ipsis divinitus impositae sunt. Sol conficit ordine suos cursus. Bestiae habent motus congruentes naturali inclinationi suae. Tantum homines non obtemperant iis legibus, quas Deus ipsis indidit. Huius discordiae causam sola doctrina Christiana explicat, quae ostendit morbum originis, hoc est, corruptionem naturae humanae causam esse huius discordiae. Si enim natura hominis non esset corrupta vitio originis, omnes affectus obedirent legi Dei, et iudicio rectae rationis. Nam ad hanc obedientiam homines conditi sunt, sicut ad volatum aves, ad natandum pisces, verum quia corrupta est vitio originis humana natura, amisit firmam et illustrem Dei notitiam, et virium inter se harmoniam et obedientiam. Nunc igitur mens humana per sese dubitat de Deo, vacat timore Dei, vacat fide etc. Et in inferioribus viribus est inobedientia, quae parit infinitas inordinatas cupiditates, et non obtemperantes legi Dei, et tamen interim manserunt aliqui boni affectus, qui versantur circa res subiectas sensibus, videlicet circa civilem con-

58) Sed hic — philosophos] Ed. 1538. „Magna admiratio semper tenuit viros sapientes.” Ab his verbis in hac editione incipit responsio quaestionis: Unde orta est haec dissimilitudo affectuum in natura hominis.

versationem, qui etiamsi contagione malorum contaminantur, tamen motus quidam naturales, et dona Dei⁵⁹⁾ sunt, perinde ut notitiae verae earum rerum, quae rationi subiectae sunt. Hanc causam vitiosorum affectuum ostendit doctrina Christiana, quae hoc magis amari debet, quia philosophia, cum admiretur naturae imbecillitatem, tamen causam non eruit. Quare hic adiuvatur a Christiana doctrina, quae et morbi causam ostendit, et exhibet remedia, de quibus concionatur Evangelium. Apud Galenum in quinto de sententiis⁶⁰⁾ Hippocratis et Platonis extant elegantes versiculi, quos dicit esse Cleanthis, qui describunt dissidium rationis et affectuum. Sic enim inquit ratio ad affectum:

Ratio. Quid illud est, quod vult cupiditas, dicit.

Affectus. Ut omnia, quae volo, faciam, nam id regium est.

Ratio. Dic rursus hanc sententiam mihi clarius.

Affectus. Quaecunque concupisco, ut fiant omnia⁶¹⁾. Hi versiculi clarissime pingunt inordinatos, et temere errantes animi motus. Quare agnoscenda est naturae infirmitas, ut ratio ei repugnet, utaturque et suis viribus, et auxilio Christi, et bonos motus conformet ac adiuvet.

Quid Aristoteles sentit de affectibus?

Animantia non possent prosequi convenientia, et contraria fugere, nisi haberent appetitiones et affectus. Sicut dolor movet pecudem, ut nimis calida aut frigida fugiat: ita videt Aristoteles affectus in natura necessarios esse, nec vult eos tolli ex hominum natura, et tamen quia videt eos inordinatos esse, et inter se dissimiles ac pugnantes, cum causam huius discordiae non perspiciat, tantum addit aurigam seu gubernatorem, scilicet iudicium rationis, et iubet omnes ad mediocritatem revocari, ne vel omnino ex na-

tura tollat appetitiones, vel ipsi affectus erumpant extra metas. Ideo inquit, iram adiutricem esse fortitudinis, sed ea utendum esse ut milite, non ut duce. Quia sentis huius utilitatis causa hos motus additos esse hominibus, ut sint vel instrumenta, vel incitamenta ad virtutem, modo ut recte gubernentur. Haec est sententia Aristotelis apta civilibus moribus. Nam et leges hunc gradum requirunt, ut coherceantur affectus, quia puniunt non affectus sine conatu, sed facta, quemadmodum dicitur: Cogitationis poenam nemo patitur⁶²⁾. Atque ita Homerus⁶³⁾ pingit Achillem, cum iratus gladium stringeret adversus Agamemnonem, retrahi capillitio a Pallade, ne iracundia impulsus, committeret facinus dignum poena. Caeterum Christiana doctrina admodum plana est de affectibus. Bonos affectus iubet regi lege Dei, et servari gradus divinitus traditos, ut iubet amari coniugem, liberos, amicos, sed ita, ut anteferatur Deus. Deinde iubet malis affectibus repugnari, qui videlicet dissentiant a lege Dei, quia etiam vitiosi affectus in hac vita non possunt ex animis funditus eiici, et tamen Deo placet obedientia in his, qui credunt in Christum, et repugnant vitiosis affectibus, iuxta illud (Rom. 8, 13.): Si spiritu actiones carnis mortificabitis, vivetis etc.

Recita definitionem virtutis ab Aristotele traditam⁶⁴⁾.

Virtus est habitus electivus in mediocritate consistens, quoad nos, ratione aliqua, ut sapiens iudicat. Electivus, id est, consulto et sponte agens. Complectitur enim *προαίρεσις* utrumque, mentis notitiam seu iudicium, et liberae⁶⁵⁾ voluntatis delectum: nam Aristoteles gradus facit actionum, quae cum in speciem sint similes, tamen re ipsa differunt, ut Catonis durities similis est fortitudini, cum longe distet a virtute. Lentulus Scipionis successor⁶⁶⁾ imitatur Scipionis fortitudinem, cum summa sit dissimilitudo. Sumit igitur Aristoteles discrimen a

59) dona Dei] sic Ed. 1546.; Ed. 1540. Dei dona.

60) sententiis] sic Edd. 1540. et 1546.; Ed. 1538. dogmatibus. Inscriptio horum librorum, quos in Galeni operum Tom. V. ed. C. G. Kühn (Lips. 1823. 8.) p. 181—805 invenis, graeca est: Γαλήνου περί των Ἱπποκράτους καὶ Πλάτωνος δογματικῶν βιβλία ἑννεά.

61) Verba graeca, quae l. I. p. 476. leguntur, haec sunt: τὴν μὲν τοῦ Κλεάνθους γνώμην ὑπὲρ τοῦ παθητικοῦ τῆς ψυχῆς ἐκ τῶνδε Κλεάνθους γνώμην ὑπὲρ τοῦ παθητικοῦ τῆς ψυχῆς ἐκ τῶνδε φαίνεσθαι φησὶ τῶν ἐπιών. Α Ο Γ. Τί ποτ' ἐστ' ὃ τί βούλει, θυμέ; τοῦτό μοι φράσον. Θ. Ἐχω, λογισμέ, πᾶν ὃ βούλομαι ποιεῖν. Α Ο Γ. Βασιλικόν γε. πλὴν ὁμως εἰπὸν πάλιν. Θ. Ὅσ' ἂν ἐπιθυμῶ, ταῦθ' ὅπως γενήσεται, ταῦτ' ἐμοὶ βραῖα Κλεάνθους φησὶν εἶναι Ποσειδάωνος.

62) Ulpian. in l. Cogitationis. D. de poenis.

63) Homeri Il. I. 194 sqq.

64) Haec quaestio cum subsequente in Ed. 1538. deest.

65) liberae] sic Ed. 1546.; Ed. 1540. libere.

66) L. Cornelius Lentulus bello Punico secundo a. u. 550. in P. Cornelli Scipionis locum succedens exercitum in Hispania duxit.

causis, quia scilicet alicubi errat notitia, aut deest iudicium, aut voluntas non perinde est in officio. Sunt igitur hi gradus actionum. Aliae sunt φύσει tales, aliae δόξα, aliae βουλήσει, aliae προαιρέσει.

Φύσει significat inclinationem naturae sine iudicio, in hac divisione, ut alii natura vehementes sunt, alii lenti. Cato est natura pertinax et durus.

Δόξα significat persuasionem, ut cum homines sine vero iudicio assentiuntur alicui opinioni, aut persuasione falsa moventur, ut Brutus erat imbutus Stoicis opinionibus: et habebat exemplum Catonis, cuius cum vellet esse similis, studebat esse liberior et durior.

Βουλήσει significat simulationem, ut Thraso simulat fortitudinem, Domitianus clementiam, et sic de aliis. Hi gradus differunt a virtute, quia non concurrunt integrae causae virtutis.

Est igitur quartus gradus προαιρέσει, cum recto iudicio et sponte aliquid agitur, ut Fabius ⁶⁷⁾ est fortis, videt ubi sit cedendum, ubi sit pugnandum, et cum opus est, non detrectat periculum. Pertinet autem ad rectum iudicium agnitio mandati divini et nostrae vocationis. Caeterum duplex est virtus, communis et heroica. Est autem heroica, cum singulari divino impetu magni viri ad certas honestas actiones extimulantur, unde fit excellens virtus, supra communem captum hominum, ut in Achille, Alexandro, C. Caesare, Scipione fuit heroica fortitudo, id est, excellentior, quam qualis existere potest in hominibus sine singulari divino motu. Itaque etsi προαιρέσει efficit communem virtutem, tamen ad illam excellentem virtutem, quae vocatur heroica, opus est singulari divino motu, qui adiuvat προαιρέσειν, hoc est, et mentem reddit perspicacior in iudicando, et voluntatem efficit excitatorem, ut in artibus heroicis artifex longe praestat mediocribus artificibus, ut in Musica Iosquinius ⁶⁸⁾ longe superat vulgares Musicos.

⁶⁷⁾ Q. Fabius Maximus Cunctator, Romanorum in bello Punico secundo dux celeberrimus.

⁶⁸⁾ Adrian Iosquin de Prez (Iodocus de Prato), Belga, ad musicam in Italia se applicavit, tum a. 1475. inter cantores papae receptus est, postea moderator concertus aulici regum Ludovici XII. et Francisci I., deinceps Imperatoris Maximiliani I., apud quem Bruxellis mortuus est. In componendis cantibus exemplar ad imitandum proponitur.

Atque hi sunt fortunati, etiamsi interdum extra regulam aliquid faciunt, sicut Graeci dicunt: Herculem remigando in Argo navi remos fregisse, eoque deinceps non adhibitum esse ad remigandum, et dulcissime inquit Pindarus de heroica virtute: Gratum initium et dulcis finis est impellente Deo ⁶⁹⁾. Tales sunt et sanctorum virtutes, quae a Spiritu sancto exuscitantur, ut Abrahae, Davidis, Pauli, et aliorum. Hos gradus actionum et virtutum tenere admodum utile est, saepe enim similitudo actionum fallit incautos, ut Catonem fefellit naturae durities, ut esset hortator ad movendum bellum civile. Brutum fefellit imitatio Catonis, Catilinam decepit imitatio Syllae, Antonium fefellit imitatio Caesaris, et saepe fit, ut ingenia infirma extra suam vocationem, et supra vires, non recte appetant similitudinem magnorum virorum.

Quare dicit in mediocritate consistens, quoad nos? ⁷⁰⁾

Respondeo. Duplex est mediocritas. Altera secundum Arithmeticae proportionem, ubi videlicet termini simpliciter aequali numero distant, ut 1. 2. 3. Hic termini differunt unitate, et simpliciter tantum excedit medius primum, quantum medius superatur a tertio. Haec est summa et immutabilis aequalitas. Haec etsi quadrat ad commutativam iustitiam, ut infra audiemus, tamen non quadrat ad caeteras virtutes, ut temperantia non postulat eandem mensuram cibi in singulis, largius pascendus est robustus iuvenis, quam infirmus senex: est igitur alia mediocritas iuxta proportionem Geometricam, in qua non quaeritur, an numeris aequalibus distent termini, sed fit comparatio plurium rerum ac numerorum, et constituitur proportionum aequalitas, ut sicut se habent 4 ad 2, sic se habent 10 ad 5. Hic similis est proportio, numeri non sunt aequales. Et haec proportionum similitudo est mediocritas, de qua hic loquitur Aristoteles, et quam vocat mediocritatem, quoad nos, videlicet collectam ex circumstantiis, et earum collatione. Et haec quadrat ad plerasque virtutes, ut in eleemosynis

⁶⁹⁾ Pind. Pythia X, 15. . . γλυκὸ δ' ἀνθρώπων τέλος ἀρχὴ τε δαίμονος δρόντος ἀξίεται.

⁷⁰⁾ Haec quaestio in Ed. 1538. deest (cf. quae ad quaestionem praecedentem notavimus).

largiendis tenuis aliquis dabit grossum, sed locupletior dabit amplius pro facultatibus. Hoc modo vult multarum proportionum collatione medium constitui. Dissimilis est Fabii et Marcelli fortitudo. Videbat Fabius non esse tyrones obiiciendos ⁷¹⁾ victori et veterano exercitui Hannibalis, praesertim cum esset consternata et exhausta civitas, at Marcellus aliquanto post, cum civitas plus animi et virium haberet, nunquam ⁷²⁾ detrectavit pugnam, accedebat enim hoc quoque, ut exercitus Hannibalis tunc esset languidior, et dux ipse esset invisus propter perfidiam et crudelitatem. Quanquam igitur uterque fuit fortis, tamen alter est timido propior, alter audaci, sed uterque servat medium pro proportione, quia sicut tempora Fabii postulabant contationem ⁷³⁾, sic postea circumstantiae flagitabant ⁷⁴⁾ dimicationem. Exempla possunt innumera colligi. Sed ex his, quae recitavi, satis apparet, quomodo hanc mediocritatem variant circumstantiae. Propemodum ita medici quaerunt mediocritatem, ut cum pro proportione aliis corporibus praescribunt exercitia, aliis quietem. Et iurisconsulti saepe colligunt medium ex circumstantiis, et harum volunt haberi rationem, cum iubent medium sumi *ἐν πλάτει*. Illud autem cogitent studiosi, quantum laudem mereatur Aristoteles, quod unus definivit virtutes esse mediocritates. Est enim utilissimum vitae assuefieri homines ad moderandos impetus animorum et quasi freno intra certas metas cohibendos. Est et eruditissime cogitatum, virtutes esse mediocritates. Nam formale virtutis est ipsius affectus moderatio, ut fortitudinis actio est ipsa pavoris moderatio, aut non succumbere dolori, non permoveri, ut contra naturam aut iustitiam victi dolore faciamus. Valde igitur ab eruditis laudatur haec definitio. Monendi sunt et illud studiosi, quod Isocrates inquit. Quia medium attingere difficile est, potius est minus faciendum, quam excedendum, sicut in Geometrica proportione medius numerus propior est minori, quam maiori, ut 1. 3. 9.

71) tyrones obiiciendos] sic Ed. 1546.; Ed. 1540. tyrannos abiiciendos.

72) nunquam] sic Ed. 1546.; Ed. 1540. nusquam.

73) contationem] sic Edd. 1540. et 1546.; — i. q. cunctationem.

74) flagitabant] sic Ed. 1546.; Ed. 1540. flagitant.

Rectene dictum est a Platone: Nemo est sponte malus? ⁷⁵⁾

Respondeo. Plato nequaquam loquitur de externis actionibus, non tollit libertatem voluntatis in externis actionibus, non sentit homines necessario turpia facta perpetrare, aut non posse cohiberi affectus, sed illud sentit ⁷⁶⁾, mirificum quoddam dissidium esse in homine, videlicet iudicii seu rationis, et affectuum seu imbecillitatis, quae repugnat iudicio mentis, et quidem multos habere naturas male temperatas ac distortas, quae difficulter coherceri possunt, qualis fuit in Antonio nativa intemperantia, aut in Catilina nativa crudelitas. Ideo dixit Plato: homines non sponte malos esse, id est, habere inclinationes cum ⁷⁷⁾ repugnantes rationi, tum natas una cum ipsis corporibus, quae difficulter coherceri possunt, iuxta illud: Naturae sequitur semina quisque suae. Ac in disputatione illa in Timaeo praecipue hoc agitur, distorta temperamenta esse causas multorum vitiorum, et illas vitiosas inclinationes in temperamentis confirmari mali educatione et intemperantia. Deinde adeo non tollit libertatem voluntatis, ut iubeat vitiosas illas naturas frenari legibus, disciplina, doctrina et honestis exercitiis. Liquet igitur Platonem vere tribuere libertatem voluntati in regendis externis actionibus, etiamsi haeret ⁷⁸⁾ in hominibus imbecillitas non accersita. Citat et Galenus hoc dictum Platonis in libro, cui titulus est, quod mores animi sequantur temperamenta corporis ⁷⁹⁾, ubi de causis actionum eruditissime disputat. Haec est igitur vera sententia dicti Platonici. Quare non est detorquendum ad tollendam libertatem voluntatis.

Divisio virtutum ⁸⁰⁾.

Virtutes reguntur iudicio mentis: quare a notitiis, quae eas gubernant, tanquam a causa

75) *Rectene dictum — malus?*] sic Edd. 1540. et 1546.; Ed. 1538. *Rectene Plato dixit homines invitos esse malos.*

76) sentit] sic Ed. 1546.; Ed. 1540. sensit.

77) cum] sic Ed. 1546.; Ed. 1540. tum.

78) haeret] sic Ed. 1540.; Ed. 1546. haec.

79) Galeni liber hic laudatus, qui in eius operum Tom. IV. ed. Kühn (Lips. 1822. 8.) p. 767 — 822. invenitur, graece sic inscriptus est: *Γαλήνου βιβλίον, ὅτι τὰ τῆς ψυχῆς ἤθη ταῖς τοῦ σώματος κρίσεσιν ἐπιτεταί.* Loci, in quibus Platonis sententias in Timaeo propositas avertit, l. i. p. 789 sq. 812 sq. reperimus.

80) *Divisio virtutum.*] sic Edd. 1540. et 1546.; Ed. 1538. *Quae est partitio Virtutis.*

sumendae erunt diversae species. Nam diversae causae pariunt diversas species. Sunt autem notitiae illae principia, seu conclusiones practicae, sententiae naturaliter notae, quae vocantur leges naturae, quae gubernant actiones honestas erga Deum, et erga homines, nec potest aptior ordo ullus institui aut cogitari, quam Decalogus. Hanc sciamus omnium legum summas esse. Facilis est igitur enumeratio et distinctio iuxta Decalogum. Ad primam tabulam pertinent virtutes, quibus immediate cum Deo agimus. Sed philosophia seu ratio naturalis non potest praecipere de hoc genere virtutum, sicut opus est, quia ratio naturalis tantum aliquas legis sententias novit; sed Evangelium de gratuita remissione peccatorum prorsus ignorat. Ideo de fide, seu fiducia erga Deum nihil potest praecipere, et in usu vitae magnopere prodest intelligere hac in re naturae humanae infirmitatem, ut aliunde discamus has virtutes, et in invocatione et aliis piis exercitiis voce Evangelii fidem exerceamus. Sunt autem verae virtutes, quas Christiana doctrina tradit, pertinentes ad primum praeceptum, timor Dei, fides, dilectio Dei, obedientia in afflictionibus divinitus impositis. Ad secundum, invocatio, gratiarum actio, confessio, praedicatio Evangelii iuxta vocationem, observatio iurisiurandi. Ad tertium, observatio ceremoniarum, reverentia et conservatio ministerii Evangelii. Quousque autem ratio naturalis, seu philosophia progrediat, alias dictum est, praecipit ut agnoscamus unum esse Deum, conditorem et gubernatorem naturae, sapientem et iustum. Item Deum indidisse nobis quasdam honestas notitias, iuxta has ratio iubet nos Deo obedire. Item sentit divinitus puniri atrociter flagitia. Item iubet observari iurandum, et sentit aliquibus ceremoniis opus esse. Tantum igitur aliqua ex parte docet philosophia de quibusdam officiis timoris, sed de fide nihil docet. Haec brevissime sic perstrinxi, quia locus postulat hic admoneri studiosos de discrimine et serie virtutum, et quid desit in philosophia. Venio ad secundam tabulam. Ad quartum praeceptum pertinet iustitia universalis, id est, obedientia universalis erga magistratus, seu leges, item pietas erga parentes, liberos, etc. Ad quintum, iustitia particularis, quae cavet, ne corpus cuiusquam afficiamus iniuria, mansuetudo, fortitudo. Ad sextum, castitas, temperantia. Ad septimum, iustitia particularis, quae cavet, ne

res alienas rapiamus, item liberalitas. Ad octavum, veritas, quae servat fidem in pactis et contractibus, vitat mendacia in omni sermone et simulationem insidiosam in omni actione. Hoc modo distribuere virtutes in Decalogum, prodest. Ita enim facilius est enumeratio, et ipsa series in Decalogo est aptissima, et habet eruditae demonstrationes. Philosophi leges naturae colligunt inspectis causis et effectibus propriis hominis, ut causae ostendunt esse Deum, Deum esse conditorem generis humani, Deum esse iustum, punientem atrociter delicta, Deo tanquam auctori esse obediendum. Hae notitiae pariunt qualemcumque reverentiam humanam seu naturalem erga Deum, quae apud philosophos etiam religio vocatur. Fateri enim eos oportet primam esse virtutem reverentiam erga Deum, etiamsi de his virtutibus, quibus immediate cum Deo agimus, philosophia non potest praecipere, quemadmodum opus est, sed ut supra dictum est, de his virtutibus concionatur Evangelium.

Praeterea apud philosophos oritur iustitia universalis ex notitiis de Deo. Ratio enim intelligit hoc discrimen honestorum et turpium divinitus insitum esse nostris mentibus. Deoque iuxta illud obediendum. Ideo iustitia universalis est, Deo iuxta omnes illas honestas notitias obedire. Deinde leges, quae gubernant caeteras virtutes, pleraeque colliguntur ex effectibus, ut effectus ostendunt nos nasci ad procreationem, ad conservationem⁸¹⁾ natorum, ad societatem. Hinc sunt illae leges: Nati tuendi sunt: Societas conservanda est, depellendi ac tollendi sunt, si qui conantur dissipare communem societatem, hoc est, vis vi depellenda est. Ex his legibus oriuntur certae virtutes, videlicet pietas erga liberos: ex hac lege: Nati tuendi sunt, et quia infirmiora regi debent a firmioribus, intelligimus liberos debere obedientiam parentibus. Ex alia lege de societate conservanda, oritur iustitia, quae prohibet iniurias, et affines iustitiae, gratitudo, liberalitas. Ex lege de defensione⁸²⁾ oritur fortitudo, quae est depulsio iniuriae. Debet enim regi iustitia. Maxime proprium homini est quaerere verum, et vitare ac fugere falsa. Nec sine veritate pactorum et iudiciorum conservari societas potest. Hinc oritur virtus, quae vocatur veritas. Item

81) conservationem] sic Ed. 1546.; Ed. 1540. conversationem.

82) defensione] sic Ed. 1546.; Ed. 1540. defensionis.

conservatio naturae postulat modum in cibo, potu et aliis voluptatibus. Hinc temperantia et continentia oriuntur. Ita facile potest intelligi divisionem virtutum sumendam esse ex legibus naturae, quae sunt notitiae impressae animis divini-

tus, et agnoscere ac colligi possunt inspectis causis et effectibus propriis hominis, quemadmodum dictum est. Nam causae ostendunt esse Deum, et Deo obediendum esse. Effectus ostendunt nos ad procreationem et ad societatem nasci.

LIBER SECUNDUS.

D e I u s t i t i a.

In enumeratione virtutum initio dicendum est de religione. Sed doctrina, de timore Dei, de fide, invocatione et reliquis virtutibus, quae proprie sunt Christianorum, nos satis tradi potest, nisi tota doctrina exposita de discrimine legis et Evangelii. Ideo de hoc genere virtutum consulantur literae Apostolicae. Tradunt autem philosophi magna ex parte virtutes secundae tabulae, quae gubernant actiones externas erga homines in civili societate. In his prima virtus est iustitia, de qua vere inquit Aristoteles, neque Hesperum, neque Luciferum formosior esse iustitia. Haec enim gubernat caeteras virtutes et praecipuum vinculum est societatis civilis.

Estne simplex usus vocabuli?

Minime. Nam iustitia alias in genere significat obedientiam erga omnes leges, et complectitur omnes virtutes, ut cum dicimus, Aristidem fuisse iustum civem, et sacrae literae saepe ita loquuntur de iustitia legis, ubi iustitia debet intelligi obedientia erga omnes leges, ut feci iudicium et iustitiam, et Esaias (56, 1.): Facite iustitiam, quia prope est salus vestra etc. Nam, ut deinde dicam, prima virtus est obedientia, quae vocatur iustitia universalis. Nulla enim societas esse potest, nisi hoc vinculo consociata sit, sicut venustissime dixit Aristoteles: octo praedones fuisse, qui communiter praedari consueverunt, in his mota seditione quatuor a reliquis dissidere coeperunt*) de praeda, postea quatuor captis, rursus duo mota seditione discordiam excitarunt, duobus captis, reliquus fuit unus. Hic quid futurum erat, nisi ut dextra a sinistra dissideret?

*) coeperunt] Edd. 1540. et 1546. ceperunt.

Secundo, significat tantum eam virtutem, quae in iudiciis et contractibus suum cuique reddit.

Tertio. In Pauli disputationibus iustitia significat imputationem iustitiae, seu divinam acceptationem, ut cum dicitur: Imputatum est ei ad iustitiam, et de hac significatione nihil dicunt philosophi, ego autem recenseo, ut significationum varietas observetur. Nam haec distinctio aliquid lucis affert theologicis disputationibus. Quia enim Paulus docet nos gratis reputari iustos propter Christum, necesse est iustum pro accepto intelligi, etsi comitatur acceptationem inchoata obedientia, ut latius traditur in doctrina Evangelica.

Quot sunt species iustitiae?

Aristoteles sumpsit partitiones iustitiae a Platone, ac speciebus nomina attribuit, ut ea, quae a Platone confuse disputata sunt, distingueret et diserte explicaret. Ac prima divisio est iustitiae in universalem et particularem: universalis iustitia est obedientia erga omnes leges, et complectitur omnes virtutes. Ideo autem transfertur nomen iustitiae in genere ad totum chorum virtutum, quia redditur obedientia debita seu legibus, seu magistratibus. Nam re vera prima virtus est obedientia erga Deum, si rectissime loqui volumus, vel erga magistratum, si civiliter loquimur. Itaque et Plato omnium virtutum vim et naturam ab obedientia exordiens, copiosius describit hanc speciem, eamque facit duplicem, privatam in singulis hominibus, videlicet obedientiam inferiorum virium erga rationem, hanc vocat primam virtutem. Sed multo verius definiisset hanc iustitiam esse obedientiam erga Deum. Sed Plato ordinem virium humanarum inter se contulit, et

animadvertit unam certam esse ⁸³⁾ regulam, scilicet iudicium rationis ⁸⁴⁾. Ac recte vidit ad hanc regulam caeteras vires debere congruere, ideo addidit similitudinem de harmoniis. Ut infima et gravissima vox *ὀπάτη* est certa, et regit caeteras, sic rationis iudicium certum est, videlicet lex naturae. Deinde *μέση* significat appetitiones cordis, quae cum ratione reguntur, harmonia virium hominis constat. *νῆτη* est octava, quae longissime abest a ratione, ut appetitiones voluptatum in cibo et potu, quaeque minus obtemperant rationi. Sed hae quoque ratione regendae ac frenandae sunt. Hanc harmoniam et hunc consensum Plato inquit primam iustitiam, et primam virtutem esse. Ab hac velut domestica transfertur exemplum ad societatem humani generis, et ad eundem modum vocatur iustitia obedientia erga leges, videlicet, quia debitum redditur gubernatoribus. Et cum alioqui non recensatur appellatio obedientiae inter appellationes virtutum, hic meminerimus eam ad iustitiam proprie pertinere, et quidem obedientiam primam esse virtutem, scilicet, quia Deo reddit debitum, vel sicut Plato loquitur, quia ⁸⁵⁾ inferiores vires congruunt cum ratione, et obtemperant ei tanquam gubernatrici, seu quia legibus praestamus debitum.

Quid est iustitia particularis?

Ad hanc recte convenit definitio Simonidis ⁸⁶⁾: iustitia est virtus, quae suum cuique tribuit. Nam iustitia gubernat actiones, quae nobis sunt erga alios suscipiendae, et gubernat eas, quatenus erga alios suscipiuntur. Huius sunt duae species, distributiva et commutativa ⁸⁷⁾, nec sunt plures. Estque haec partitio aptissime ex natura sumpta, quae ut recte intelligatur, tota hominum societas intnenda est. Nam in universa vitae societate tantum duo sunt genera communicationum ⁸⁸⁾. Aut enim res communicamus, seu commutamus, aut ordinamus personas, ut imperia, magistratus, gradus in civitatibus, in exercitu et in familiis

⁸³⁾ certam esse] sic Ed. 1546.; Ed. 1540. esse certam.

⁸⁴⁾ rationis] sic Ed. 1546.; Ed. 1540. rationum.

⁸⁵⁾ quia] sic Ed. 1540.; Ed. 1546. qua.

⁸⁶⁾ Simonides, Ceus, conf. van Goens: de Simonide, Ceo, poeta et philosopho. Ultraj. 1768. 4.

⁸⁷⁾ In Ed. 1538. ab his verbis incipit responsio quaestionis: *Quot sunt species iustitiae particularis.*

⁸⁸⁾ communicationum] sic Ed. 1540.; Ed. 1546. commutationum.

constituantur. Hic nemo non videt his duobus membris gubernari et contineri totam vitae societatem. Res autem communicamus per contractus, et cum haec communicatio, quae fit victus causa, in infinitum vagetur, necesse est in ea summam aequalitatem effici, hoc est, aequalia pro aequalibus reddi. Non enim posset esse perpetua communicatio, nisi essent mutuae vices, quia, si qui darent sine compensatione, ii tandem exhausti, fame essent perituri. Hinc sunt illae honestissimae sententiae: *δός τι καὶ λάβε τι*, et *τῇ μὲν δίδωμι χεῖρὸς, τῇ δὲ λαμβάνω*. Et hanc aequalitatem leges, quoties de contractibus loquuntur, diligentissime quaerunt. Ideo Aristoteles definivit commutativam iustitiam esse, quae commutat aequalia proportionem Arithmetica, id est, quae simpliciter aequalitatem efficit differentiarum inter terminos in infinitum. Est enim Arithmetica proportio ⁸⁹⁾, in qua dispositis tribus aut pluribus numeris omnes distant aequalibus differentiis sine respectu proportionum, ut 1.2.3.4. Hic in perpetuum distat numerus proximus a proximo unitate. Huiusmodi exempla sumantur alia 3. 6. 9. 12. 15. Hic semper proximus a proximo distat ternario. Hanc formam accommodat Aristoteles ad commutativam, estque facile rationem applicationis videre. Sicut enim hic omnes termini distant simpliciter aequalibus numeris, sic debet simpliciter esse aequalitas emptoris et venditoris, tantus sit numerus emptoris, quantus est numerus venditoris. Nam ex aliis locis Aristotelis et Platonis apparet, hoc modo aequalitatem differentiarum inter multos significari, ut in quinto Politicorum ⁹⁰⁾ prohibet Aristoteles in legendis magistratibus servari proportionem Arithmetica, id est, prohibet aequaliter omnes eligi ad qualescunque honores sine discrimine, et sine delectu, sicut imaginatur vulgus aequalitatem Arithmetica, cum dicitur: omnes Christianos in Synodo admittendos esse ad iudicandum. Sic enim cogitant sine discrimine doctos et indoctos admittendos esse ad dicendam sententiam. Hanc aequalitatem in legendis magistratibus improbant Plato, Isocrates et Aristoteles. Verum in contractibus haec aequalitas necessaria est, simpliciter aequales sint numeri emptoris et venditoris, sicut aequales sunt differentiae in proportionem Arithmetica.

⁸⁹⁾ proportio] sic Ed. 1546.; Ed. 1540. propositio.

⁹⁰⁾ Arist. Polit. lib. V. cap. 1. §. 7. 8.

Porro habet usum commutativa non tantum in contractibus, sed in omni vita, ubicunque fit rerum aestimatio seu compensatio, ut in poenis, non solum ubi damnum et lucrum, sed etiam ubi delictum et poena aestimantur, ut in poena talionis, homicidium nece punitur, sicut et caetera paria delicta, vis publica, impetus grassatorum. Neque ideo arbitrandum est nunquam consuli Geometricam proportionem a iudice aut negotiatoribus. Imo haec quoque adhibetur in consilium, in collatione circumstantiarum, sed antequam ventum est in iudicia aut forum: antequam fit emptio, oportet constitutum esse, quae sint pretia talium rerum: antequam iudex punit furem, oportet extare legem de poena furti, sed ante collationes circumstantiarum fit simplex rerum inter se aestimatio, ut caedis et poenae capitalis, furti et restitutionis, cum poena aliqua pecuniaria, verum postea pro diversitate circumstantiarum, nationum, temporum, poenae atrociores aut mitiores constituuntur.

Quid est distributiva iustitia?

Est personarum ordinatio in omni vita publica et privata, iuxta proportionem Geometricam, videlicet qua gradus officiorum et personarum constituuntur, et idoneis aptae⁹¹⁾ functiones tribuuntur, ut summus gradus in Ecclesia est explicatio, et diiudicatio doctrinae. Secundus administratio iudiciorum. Tertius administratio ceremoniarum. Infimus procuratio reddituum, aedificationum, eleemosynarum. Quaerendae sunt igitur personae aptae singulis generibus ad diiudicationem dogmatum, deligendus est vir caeteros⁹²⁾ doctrina, pietate et prudentia antecellens, in reliquis non requiritur tanta doctrina. In procuratione reddituum satis est esse diligentem oeconomum, doctrina non admodum requiritur. Cum haec proportio observatur, iusta est ordinatio et harmonia salutaris Ecclesiae: sed cum summa autoritas diiudicandi dogmata tribuitur indocto et impio pontifici, qui contemnit iudicium Dei, et, ut tyrannidem suam stabiliat, defendit impias opiniones, et detruditur vir doctus et pius, dignus priore loco ad infimum, ad quem fortasse non est idoneus, confunditur tota harmonia Ecclesiae.

91) aptae] sic Ed. 1546.; Ed. 1540. apte.

92) caeteros] sic Ed. 1546.; Ed. 1540. caeteris.

Ita si Marius domi gubernet rempublicam, Catulus⁹³⁾ vero mittatur contra Cimbros, utroque in loco periclitabitur respublica. Nam Marius fuit felix bellator, sed domi turbulentus et popularis. Econtra Catulus idoneus erat ad retinendam urbis tranquillitatem, in re militari non perinde erat felix. Sic princeps cancellarii munus sapienti potius commendabit, quam imperito, hebeti, infanti. Sic in familia videndum quid cuilibet personae conveniat. Denique in omni vita privata et publica gradus negotiorum et ingeniorum observare debemus, considerare merita, ingenia, mores aliorum, ut suo quemque gradu et loco collochemus. Haec iustitia est praecipua conservatrix rerum publicarum, et privatae consuetudinis. Ideo Plato sapientissime dixit, optimum reipublicae statum esse, si sit constituta Geometrica proportione, et quidem addit Dei beneficium esse hanc proportionem in republica, et quanquam exigua contingit rebus humanis, tamen si qua contingit, maximas in vita utilitates parit. Ex hoc Platonis loco sumpsit Aristoteles venustissimam collationem specierum iustitiae ad Arithmeticam, et Geometricam proportionem; nec difficilis est accommodatio hanc Platonis sententiam intuenti: semper enim in discernendis gradibus personarum non solum in praemiis et poenis distribuendis, aut legendis magistratibus, sed generaliter publice et privatim, in omni discrimine, industriae et virtutis locum habet, sicut et Aristoteles eandem distinctionem allegat quinto Politicorum. Habet igitur et distributiva usum in omni vita privata et publica, in discernendis personis. Et est necessaria diligentia, in vita discernere personas et suum locum singulis tribuere. Nam et respublica habet opus diversis artificibus, et divinitus multarum artium artifices humanae vitae donati sunt. Quare nec abiiciendi sunt ulli, quorum industria vitae necessaria est, nec conturbandus est ordo, id est, non est pro medico agricola adhibendus, neque pro concionatore homo indoctus. Sed suum quisque locum teneat. Id docet distributiva iustitia et proportio Geometrica: est autem proportio Geometrica, cum tribus aut pluribus terminis dispositis, non numerorum differentia consideratur, sed servatur aequalitas proportionum, ut sicut se habent 6 et 3,

93) Cae. Lutatius Catulus, C. Marii consulis collega; Cimbros ad Vercellos vicit.

sic se habent 20 et 10. Sicut se habet ad bellum Caesar, sic se habet Cicero ad domesticam gubernationem, sicut se habent ad dicendam sententiam in Synodo Petrus et Paulus, sic se habent illi, qui vere antecellunt alios doctrina et pietate, non titulis, sicut Paulus dicit (Rom. 2, 11.): Deus personam hominis non accipit.

*De definitione iustitiae apud iurisconsultos*⁹⁴).

Iustitia est constans et perpetua voluntas, suum cuique tribuens. Plato inquit, hanc definitionem esse Simonidis⁹⁵), proprie autem ad iustitiam particularem pertinet. Est autem genus definitionis voluntas, quae voce significatur latina consuetudine habitus, seu actio voluntatis. Sequuntur differentiae, constans et perpetua, id est, quae certa notitia naturali aut consentanea principiis naturalibus regitur. Quanquam enim negotia et casus variant, tamen mens habet certas notitias, hoc est, principia practica, aut consentaneas rationes ex principiis ductas, ex quibus in illa varietate casuum pro diversitate circumstantiarum iudicat, quid sit iustum, et cum his obtemperat voluntas, iuste agit. Altera particula: Ius suum cuique tribuens, est differentia describens proprium officium huius virtutis, videlicet, quod iustitia erga alios exerceatur, et eatenus, ut praestentur eis debita officia. Maxime autem lucet haec definitio in commutativa, ut necesse est emptorem dare pretium venditori, alioqui enim non esset durabilis commutatio. Item in distributiva, necesse est poenam flagitiosis pro scelere reddi. Ita ius suum redditur venditori, cum datur pretium. Redditur et ius suum latroni, cum supplicio afficitur. Est autem definitio causalis: Genus est voluntas, significans habitum vel actionem voluntatis, constans et perpetua, significat causam efficientem, quod videlicet illa voluntas seu actio regatur certa notitia, hoc est, principiis practicis, et rationibus, quae sunt consentaneae principiis. Nec est otiose posita haec particula. Ut enim in caeteris artibus quaerenda est certitudo, ita in hac doctrina de moribus quaerendum est, an oriatur ex certis principiis, hoc est, an sit firma ordinatio Dei. Id enim vult

⁹⁴) *De definitione — iurisconsultos.*] sic Edd. 1540. et 1546.; Ed. 1538. Rectene dictum est, iustitia est constans et perpetua voluntas.

⁹⁵) Plat. de republ. lib. I. (Opera ed. H. Steph. Tom. II. p. 331. e., ed. Ripont. Vol. VI. p. 155.).

quaestio de arte, videlicet, an doctrina sit certa, firma et divinitus tradita, quod ad principia attinet. Quare haec particula constans et perpetua significat hanc doctrinam ex certis principiis ortam esse. Quod si ita intelligitur definitio, erit perspicua, firma et plena eruditionis, et complectitur multas disputationes de ratione scientiae, de principiis et de rationibus, quae ex principiis nascuntur, bona consequentia. Postremum illud est causa finalis, ius suum cuique tribuens, sicut et caetera artes et virtutes per causas finales discernuntur: ut medicina est ars, quae tuetur et restituit sanitatem humani corporis.

*Prima divisio iuris*⁹⁶).

Vocabulum iuris saepe facultatem significat tenendi seu utendi seu faciendi aliquid iuxta aliquam legem, sive naturalem, sive positivam, ut dominus aedium habet ius, id est, facultatem tenendi aedes, iuxta legem positivam, scilicet si tenet edicto praetoris, sed alia est significatio etiam usitata iuris pro ipsis legibus, seu notitiis. Et hac significatione dividitur ius in ius naturae et ius positivum, et traditur definitio: Ius naturae significat naturales notitias de moribus, hoc est, principia practica, et conclusiones recta et necessaria consequentia ex illis principiis ortas. Quae sint illae notitiae, decalogus optime et aptissime ostendit, qui est epitome et summa legum naturae. Inde studiosi sumant earum ordinem et catalogum. Philosophi colligunt eas inspectis causis et effectibus hominis, ut supra dixi, ut effectus debet subiici causae, homo est conditus a Deo: ergo debet obedientiam Deo. Item societas humana est tuenda: ergo delicta turbantia societatem, ut caedes, adulteria, furta, mendacia sunt prohibenda. Hae ratiocinationes sunt plenae eruditionis, sed quia sunt prolixiores, utamur compendio decalogi. Iurisconsulti recitant quaedam capita, sed discernunt aliquando ius naturae et ius gentium. Vocant ius naturae *στοργὰς* bonas communes hominibus cum reliquis animantibus, ut *στοργήν* ad procreationem et educationem natorum, ad sui conservationem, ac defensionem adversus iniustam vim. Sed ius gentium vocant notitias naturales, et addunt exempla, distinctionem dominiorum, contractus, fidem pactorum.

⁹⁶) *Prima divisio iuris.*] sic Edd. 1540. et 1546.; Ed. 1538. Quotuplex est ius.

Philosophi vero non sunt usi diversis appellationibus, sed vocant utrumque gradum ius naturae, quia intelligunt ius esse notitias, et inchoant ius naturae a mente et agnitione Dei. Ideo non disputant de pecudum affectibus. Omnes enim illae notitiae sunt quoddam vestigium Dei impressum mentibus, quod testatur esse Deum, et quae sit voluntas Dei iuxta legem, hoc est, quod Deus sit sapiens, bonus, iustus, puniens scelera. Ut enim agnoscimus nos habere mentem, et in hac mente lucere Deum, ita ratiocinamur Deum esse mentem quandam. Item cum videmus in nostra mente esse notitiam ordinis, et discrimen honestorum et turpium, ratiocinamur hanc naturam non extitisse casu. Item quod Deus discernat iusta et iniusta, honesta et turpia: ita philosophi, cum inchoent ius naturae a mente hominis, et ab agnitione Dei, et tantum loquantur de actionibus humanis, non habent diversas appellationes iuris naturae et gentium. Ac demonstrationes omnes verae in philosophia morali sunt proprie ius naturae seu gentium, et cum demonstrationes sint haud dubie ordinationes divinitus factae in natura, seu notitiae divinae ordinationis in natura, recte dicitur ius naturale esse ius divinum, sicut Paulus aperte vocat *δικαίωμα Θεοῦ* ius Dei, Rom. (1, 32.). Vera est igitur regula, quae inquit: Ius naturae violentem peccare mortaliter.

Ius positivum est sententia magistratus, quae addit ad ius naturae circumstantiam aliquam ratione probabili, non necessaria, ut ius naturae docet in genere furta punienda esse. Deinde magistratus addit speciem, videlicet modum poenae, in quo constituendo sequitur probabilem rationem, ingenia ferociora durioribus vinculis cohercenda sunt. Germani non possunt coherceri levibus poenis. Ergo est utendum capitali poena. Ratio naturalis iubet parentes aliquid curare liberis, si praestent pietatem debitam. Ergo debent parentes eis relinquere quartam partem, seu trientem, quae vocabatur legitima, debita iure naturali, quam parentes non possunt eripere liberis, nisi propter certa scelera. Hic sequuntur conclusiones non necessario, sed tamen sunt determinationes quaedam generalium sententiarum, ex quibus sequuntur. Ut enim medici in curationibus propter varietatem circumstantiarum augent aut moderantur remedia formam probabili ratione, ita legumlatores propter varietatem circumstantiarum exasperant aut mitigant genera-

les notitias. Est igitur ius positivum proprie determinatio quaedam iuris naturalis, ad certum modum, propter aliquas circumstantias. Et haec ipsa determinatio habet aliquam probabilem rationem, sicut de furti poena dictum est. Cum autem circumstantiae variant, quaedam dissimilitudo est iuris positivi in diversis nationibus, et tamen ius positivum gubernari aliqua regula oportet, videlicet, ne pugnet cum iure naturali. Convenit ad descriptionem iuris positivi, definitio legis apud Demosthenem. Primum enim quod inquit, legem esse donum Dei ⁹⁷⁾, recte monet regulam omnium legum oportere esse notitias divinitus impressas hominibus. Sed quod sequitur, proprie pertinet ad ius positivum, decretum sapientum, et commune pactum civitatis. Hic enim intelligit notitiam explicatam et determinatam a sapientibus, et promulgatam autoritate ordinaria.

Estne ius naturae ⁹⁸⁾ semper immutabile?

Sicut lumen in oculis, dum sunt incolumes, idem manet: ita principia artium lucent perpetuo in mentibus sanis. Dictum est autem ius naturae, seu leges naturae esse notitias naturales, de quibus cum quaeritur, an ius naturae sit immutabile, recte respondetur immutabilem esse totum concentum notitiarum naturalium, sicut lumen in oculis sanis idem est. Sed inter ipsas notitias quidam gradus sunt, et superioribus cedunt inferiores, ut lex naturae est: Redde depositum, sed si furiosus reposcat gladium, hanc legem corrigit alia superior: Neminem laedas, qui nulli nocuit. Licet igitur non reddere. Proinde sic est immutabile ius naturae, ut quaelibet notitia suo loco atque ordine conservetur. Haec explicatio arguta est, dicere totum ordinem legum inspiciendum esse, et suo quamque loco perpetuam esse. Sic etiam est lex naturae, communiter uti rebus, tamen quia haec lex nunc in depravata natura pugnat cum superiori lege: Neminem laedas, qui nulli nocuit, iam ratio docet distinguenda esse dominia, quia praetextu legis de communione, multi in hac depravatione naturae incitati iniustis cupiditatibus nocerent aliis. Cum igitur vera et recta ratio ac demonstratio

⁹⁷⁾ Demosthenes in oratione in Aristogitonem prima (Opera ed. Reiske p. 774.; ed. Schaefer Tom. I. p. 491) dicit: *... ὅτι πᾶς ἐστὶ νόμος εὐρημα μὲν καὶ δῶρον Θεῶν δόγμα δ' ἀνθρώπων φρονιμῶν.*

⁹⁸⁾ naturae] sic Ed. 1546.; Edd. 1538. et 1540. naturale.

doceat nunc distinguenda esse dominia, dicemus distinctionem dominiorum esse iuris naturae, id est, tradi a ratione naturali. Verum Aristoteles aliquanto crassius discrimen tradidit. Quaedam naturalia sunt ita necessaria, ut, si mutantur, praesertim universaliter, sequatur corruptio naturae. Haec proprie sunt immutabilia, et sunt vere principia practica, aut conclusiones ex illis necessaria consequentia ductae, ut: Neminem laedas, qui nulli nocuit: Parentes educant liberos: Serves honesta pacta. Statim enim sequeretur humanae naturae dissipatio et interitus, si permetteretur cuilibet pro sua libidine facere impetum in aliorum fortunas et corpora. Sed alia quaedam sunt naturalia inferiore gradu, quibus mutatis, non statim sequitur naturae corruptio, aut insignis depravatio, ut natura magis utimur dextra quam sinistra, et tamen fieri potest sine naturae corruptione, ut aliquis melius utatur sinistra. Huius gradus quaedam mutata tolerantur, quia nec corrumpit naturam mutatio huius generis, nec procul discedit a vera et severiore ratione. Nec enim leges mederi omnibus vitiiis possunt, quare leviora quaedam dissimulant ac tolerant. Ita cum non omnino possent veteres legumlatores usuras prohibere, moderari eas studuerunt, et moderatas tolerari, etsi essent contra naturam. Sed moderatae non nimis procul a natura discedebant, et haec consuetudo non corrumpebat naturam. Sic polygamiam, etsi vere est contra naturam, tamen Deus in populo Israelitico toleravit. Sed in his rebus prudenter iudicandum est, nec ex exemplis leges faciendae sunt, nec ulla exempla sine divino testimonio approbanda sunt. Nam cum solus Deus conditor sit naturae, in ipsius unius potestate etiam est ius naturae. Illud etiam adiiciendum est. Etsi principia moralia sunt firma, sicut principia physica: Grave fertur deorsum etc., tamen est infirmior assensus moralium, propter corruptionem naturae. Quia enim non satis obediunt naturae, assensus fit infirmior, et ipsae notitiae sunt obscuriores, et facile assentimur contrariis imaginationibus.

Quid interest inter summum ius et ἐπιείκεια ⁹⁹⁾).

Summum ius non est calumniosa interpretatio iuris, qualis fuit, cum pactus triginta die-

⁹⁹⁾ et ἐπιείκειαν] sic Edd. 1540. et 1546.; Ed. 1538. et aequitatem seu ἐπιείκειαν.

rum inducias noctu populabatur hostium agros, aut cum legatus Romanus pactus cum Antiocho ¹⁰⁰⁾, ut dimidia pars navium ei relinqueretur, secuit naves, ut classe universa eum privaret. Tales fraudes non sunt summum ius, sed calumnia. Est autem summum ius, cum leges severe sine mitigatione retinentur, etiamsi qua circumstantia admittit mitigationem, ut si iudex furem adolescentem et lapsum aliquo casu egestatis, sine insigni atrocitate, aut petulantia, afficiat capitali supplicio. Etsi autem discrimen est inter calumnias et summum ius, tamen ubi circumstantiae flagitant mitigationem, saepe difficile est ostendere discrimen. Cum Fulvius ¹⁾ afficeret capitali supplicio senatores Capuanos, recte usus est summo iure, quia erant hostes, etsi fortassis non omnes pariter fuerant auctores defectionis, omnes tamen defecerant, et in omnes animadverti licet. Sed cum Manlius pater ²⁾ de filio supplicium sumeret, graviores circumstantiae videntur flagitasse mitigationem. Ita et in Milonis casu circumstantiae requirebant mitigationem poenae ³⁾. Etsi enim non interfecerat Clodium in continenti, tamen ille principium pugnae fecerat, ut iusto dolore motus, videatur Milo eum latitantem persecutus esse, sed habuit Milo duriores iudices, qui summum ius urgebant, quod videlicet non interfecisset Clodium in continenti. Verum ἐπιείκεια est moderatio legis in aliqua circumstantia, praesertim in casu, de quo non principaliter lex loquitur, ut cum lex iubet strangulari furem, loquitur de eo, cuius aetas est firmior, et qui petulanter furatur. Interim permittit lex iudicio prudentis iudicis mitigationem huius poenae, in casu, de quo lex non principaliter loquitur, ut si quis aetate lapsus, et in aliqua inopia commisisset furtum exiguum sine atrocitate, iudici permissa est mitigatio poenae. Hinc potest intelligi, ubi ἐπιείκεια praecipue locum habeat, non enim approbat delicta, nec abolet le-

100) Antiochus III. Magnus, Syriae rex, a. 189. a. Chr. pacem iniens cum Romanis, qui a. 191. et 190. ipsum ad Thermopylas et Magnesium, eiusque classem ad Corycum et Myonesum vicerant.

1) Q. Fulvius Flaccus, qui in secundo Punico bello a. u. 543. Capuam expugnavit, conf. Liv. 26, 14. 16.

2) T. Manlius Torquatus consul ante pugnam ad Vesuvium, qua cum consule P. Decio Mure collega Latinos eorumque socios Campanos et Volscos a. u. 340. vixit, filium, qui adversus consulare edictum extra ordinem in hostem pugnauerat, interfici iussit, conf. Liv. 8, 7.

3) Conf. Ciceronis oratio pro Milone.

ges, sed aliquando mitigat circumstantiam aliquam, praesertim in casibus, de quibus lex non principaliter loquitur. Nulla enim lex complecti omnes casus et circumstantias potest. Ideo dicitur *ἐπιείκεια* esse legum interpret⁴⁾, et haec mitigatio non caret ratione, sed aliquam superior⁵⁾ legem sequitur. Cum enim concurrunt diversae leges, quae pariter servari non possunt, praefenda est superior, ut, si quis apud te sanus gladium deposuerit, eumque reposcat furiosus, lex inferior iubet reddere, at lex superior vetat nocere furioso, videlicet: Neminem laedas. Ideo reddi gladium vetat. Nec est *ἐπιείκεια* temeraria legum et disciplinae laxatio, sed regenda est certa ratione, sicut vulgo dicitur: Dispensatio⁵⁾ non sit dissipatio. Nam contra iura naturae et contra ius divinum non sunt concedendae laxationes. Sed exemplis haec fient illustriora. In sabbatis erant Iudaeis prohibitae operae quotidianae et continuae, ne impediretur ministerium verbi. De hoc casu lex principaliter loquitur. Non igitur violabat Christus sabbatum, cum curaret aegrotum, nec discipuli, cum vellent spicas, quia hae operae non impediabant ministerium verbi. Haec mitigatio erat quaedam *ἐπιείκεια* legis de sabbato, etsi Iudaei acerbius intelligentes otium sabbati, depravarent legem falsa interpretatione et nimia acerbitate, ut nunc quoque prohibent ullos cibos coqui etc. Sed magis cernitur *ἐπιείκεια* in casu Machabeorum, qui praeliabantur in sabbato (1. Macc. 2, 41.). Fuit enim necessarium officium defensio civium, et moralia officia necessaria sunt antefenda ceremoniis, si non possint una servari. Et Machabei hoc officio servabant finem huius legis. Non enim hoc agebant, ut his exemplis abolerent sabbatum, sed ut ministerium verbi et sabbatum propugnarent et defenderent.

Cum autem tanta sit varietas casuum et negotiorum, ut non possit de omnibus eodem modo pronuntiari, sed interdum propter circumstantias opus sit, aut exacerbatione aliqua, aut mitigatione, diligenter haec doctrina de *ἐπιείκεια* consideranda est, idque monet versiculus Menandri: Leges sunt optima, sed qui nimis acute eas aspi-

4) interpres] sic Ed. 1546.; Ed. 1540. interpretes.

5) Dispensatio] sic Ed. 1546.; Ed. 1540. Dissipatio.

ciunt, fiunt calumniatores⁶⁾: haec sunt Menandri verba, quae continent utilissimam admonitionem, si dextre intelligentur, experientia enim ostendit, saepe rectissime dicta in scripturis, legibus, pactis, foederibus et contractibus mirifice depravari, propterea semper quaerenda est principalis sententia, de qua lex loquitur, deinde ubi circumstantiae diversae sunt, quaerenda est dispensatio, in Digestis ad legem Pompeiam⁷⁾ de parricidiis⁸⁾. Imperator Adrianus eum, qui filium occiderat, propterea quod novercam adulterasset, tantum deportari iubet, cum summo iure privatam caedem durius ulcisci potuerit. Sed adhibuit in consilium circumstantiam, videlicet iustum patris dolorem. Apud Gellium, lib. 12. cap. 7. Areopagitae liberant mulierem Smyrneam, quae veneno maritum et eius filium necaverat, qui tamen prius occiderant mulieris filium, natum in priori coniugio. Areopagitae tulerunt sententiam, ut centesimo anno post, causa iterum cognosceretur. Ita neque probant atrox facinus, et tamen remittunt poenam propter iustum matris dolorem. Recitantur in fabulis etiam iudicia divina, ideoque ad Deos exempla translata sunt, ut significaretur divina autoritate comprobari legum mitigationem, propter aliquam probabilem rationem. Demosthenes contra Aristocratem⁸⁾ recitat duo iudicia in Areopago a Diis habita. In altero Mars absolutus est, interfecto Neptuni filio Halirrhothio, propter stupratam Martis filiam Alcippen. Deinde Orestes absolutus est propter interfectam matrem. In his casibus, Deorum iudicio mitigata est poena. Etsi enim summo iure poterant autores caedis durius puniri, tamen iusto dolori ignovit iudex. Ac talia iudicia transtulerunt homines docti ad auctoritatem divinam, ut significarent recte concedi mitigationem propter aliquas circumstantias. Sed in sacris literis plurima sunt exempla. David in ne-

6) Verba Menandri graeca sunt:

Καλὸν οἱ νόμοι σφόδρ' εἰσὶν· ὁ δ' ὀργῶν τοὺς νόμους·
λίαν ἀκριβῶς συκοφάντης φαίνεται.

vid. Menandri et Philemonis reliquiae ed. A. Meineke p. 225. N. LXXXIX. b.

7) in Digestis ad legem Pompeiam] sic Ed. 1538.; Edd. 1540. et 1546. pro his expressis verbis habent scripturae compendia: ff. ad l. Pomp. Conf. Andr. Guil. Cramer dissert. de sigla Digestorum ff. Chilonii 1796. 4. Eadem sigla etiam in sequentibus Digesta in his Edit. indicantur.

*) Digest. XLVIII. 9. (Corp. iur. civ. ed. Beck T. I. P. II. p. 1005 sq.).

8) Demosthenis quae supersunt ed. Reiske p. 641., ed. Schaeffer Tom. I. p. 408.

cessitate vescitur panibus propositionis (1. Sam. 21, 6.), hoc exemplo non tollit legem, sed significat observationem ceremoniarum non esse id, quo iustificamur coram Deo, sed ritus politicos pro tempore servandos, qui in necessitate admitterent dispensationem, ac cederent moralibus extra casum offensionis. Discernendi enim sunt casus offensionis et scandali a simplici usu, ut 2. Machab. 7. recte faciunt pii, qui malunt interfici, quam edere suillam carnem, quia non agebatur de simplici usu, sed exemplum flagitabatur abiiciendae ac delendae legis. In talibus casibus nec ceremoniae admittunt dispensationem. Ideo diligenter causae exemplorum inspiciendae sunt. Ezechias ⁹⁾ usus insigni *ἐπιείκεια*, sed extra casum scandali aut confessionis, 2. Paralip. 30, ¹⁰⁾ (17. 18.) cum in ceremoniis paschatis multi non essent usitatis ceremoniis prius purgati, Ezechias tamen iussit eos vesci paschate, sed pro eis precatur, omissis ceremoniis purgationum. Inteligit enim invocationem et fidem esse praecipuam purgationem, et meliorem ceremoniali. Aliud exemplum. Iosue quanquam errore pacem promisit Gabaonithis ¹¹⁾, quos debuit interficere, tamen noluit iusiurandum rescindere. Norat enim scandalum violati iurisiurandi pluris faciendum esse, quam alterum mandatum de interficiendis hostibus et voluntatem legis aliquo modo conservabat, quia illa amplectebantur religionem, et redigebantur in servitutem (Ios. 9, 15—27.).

Semper in Ecclesia exortae sunt rixae, ut de tempore paschatis, et de similibus *ἀδιαφόροις*, quae non habent mandatum Dei. Haec etsi vera sunt libera, tamen Paulus ita moderatus est, ut ritibus Iudaicis apud Iudaeos plerumque usus sit, apud Ethnicos non sit usus, ne alteris petulans, alteris superstitiosus videretur. Postremo adiiciendum et hoc est, quod ipsum Evangelium tradit mirificam *ἐπιείκειαν* legis divinae. Docet enim placere Deo inchoatam et imperfectam obedientiam in his qui credunt Christo. In hac *ἐπιείκεια* lucet magnitudo misericordiae Dei, et excitantur pii ad diligentiam recte faciendi, cum cogitant tantam esse bonitatem Dei, ut propter mediatorem Christum placeat Deo exigua et infirma obedientia. Haec exempla ostendunt, quam

9) I. e. Hiskia, rex Iudae.

10) 2. Paralip. 30.] Edd. 1540. et 1546. falso: 2. Paralip. 20.

11) I. e. Gibeonitis.

late in omni vita pateat doctrina de *ἐπιείκεια*, praesertim vero in imperiis utilissima est, ubi necesse est multa condonari humanae infirmitati. Scipio condonavit publicae tranquillitati iniurias illatas a tribuno. Econtra Coriolanus intulit bellum patriae, ulciscens iniuriam summo iure. Athenis post Thrasybuli victoriam, cum cives iniuste pulsati repetere sua patrimonia summo iure potuissent, quae ab aliis possidebantur, et ipsos possessores interficere, tamen Thrasybulus aequitate usus est, ac sanxit *ἀμνησίαν*, id est, oblivionem iniuriarum ¹²⁾, ut parceretur victis, et pacis causa non mutarentur possessiones, ne nova bella orirentur. Haec moderatio adeo profuit civitati, ut finierit civilia bella inter Athenienses. Haec et similia exempla consideranda sunt, ut discamus et intelligere et amare *ἐπιείκειαν*, sicut plurima praecepta monent. In quadam graeca epistola dantur praecepta de gubernatione ancillarum, imitandas esse cytharas, in quibus fides rumpuntur, si nimium tendantur, sin autem nimium laxentur, edunt obtusos sonos. Et Sophocles inquit: grandes arbores, quia non cedant, everti impetu aquarum exundantium, sed humilia arbusta et flexibilia, quae cedunt, non everti. Scriptura etiam hortatur ad hanc moderationem, cum inquit (Eccles. 7, 17.): Ne sis nimis iustus. Item (Prov. 30, 33.): Qui nimium emungit, elicit sanguinem.

Estne iudicandum iuxta scriptum ius, an secundum aequitatem? ¹³⁾

Duae sunt quaestiones, prior an satius sit in rebus publicis uti scripto ac certo iure, an permittere magistratibus, ut res iudicent iuxta naturalem aequitatem, cogitatam sine scripta lege, sicut hodie multae gentes barbaricae nullas habent scriptas aut certas leges. De hac quaestione copiose disputat Aristoteles tertio Politicorum, et pronunciat satius esse, uti scripto ac certo iure, quia incertae opiniones facile pariunt discordias. Ubi autem non est scriptum ius, ibi saepe accidere potest, ut aliis iudicibus aliud videatur, ac praesertim potentibus ac principibus opus est le-

12) Conf. Corn. Nep. Thrasyb. 3, 2.

13) *Estne — aequitatem?*] sic Edd. 1540. et 1546.; Ed. 1538. *Estne iudicandum iuxta aequitatem, an iuxta ius scriptum.*

gibus gravi autoritate scriptis, non enim volent privatis iudicum opinionibus, sed legum oraculis cedere. Item: Ius scriptum frenat affectus iudicum. Ideo Aristoteles tradidit sententiam dignissimam memoria, de scripti iuris dignitate. Qui legem iubet praeesse, Deo et legibus imperium tribuit: qui autem hominem iubet praeesse, praeficit beluam. Nam cupiditas et iracundia depravant etiam optimos viros. Lex autem mens est sine cupiditatibus. Hanc sententiam meminerint studiosi, ut magis ament ius scriptum. Etsi enim legum vincula aegre patiuntur homines tyrannici, tamen ita statuendum est, satius esse uti scriptis legibus, nec concedendam esse licentiam imperitis vituperandi ius scriptum. Nam et Deus suae politiae tradidit scriptas leges, et Attica et Romana respublica usus compererunt, non posse retineri pacem sine scripto iure. Sed hic evidens est utilitas. Ideo de prima quaestione non addo longiorem disputationem. Secunda quaestio est, utrum, ubi extat ius scriptum, iudex potius iuxta scriptum, an iuxta aequitatem, hoc est, rationem privatam omisso scripto iure pronuntiare debeat. De hac quaestione sunt proluxae disputationes de rigore, et de aequitate. Sed trado simplicem, planam et veram regulam. Regulariter ex scripto iure pronuntiandum est, praesertim in iis casibus, de quibus lex principaliter loquitur. Ut enim magistratui, sic scriptae legi debetur obedientia. Ergo non licet discedere a scripta lege. Item iudicis sententia habet auctoritatem, non quia privata cogitatio est, sed quia legis vox est. Ergo iudex debet legem sequi, non privatas opiniones, nec pugnat aequitas cum scripto iure, nam in iis casibus, de quibus lex principaliter loquitur, gravissima deliberatione lator deprehendit id esse aequissimum, quod constituit. Ideo recte inquit textus Codicis de iudiciis ¹⁴⁾: Placuit in omnibus rebus praecipuam esse iustitiae, aequitatisque scriptae ¹⁵⁾ quam stricti iuris, rationem. Hic textus vetat a scripto discedi, et monet illud ipsum, quod scriptum est, aequitatem esse. Sed hic obiicitur: At Aristoteles vocat aequitatem mitigationem legis non scriptam. Respondeo. Aristoteles ge-

14) Codicis lib. III. tit. 1. lex 8. (Corp. iur. civ. ed. Beck T. II. P. I. p. 255.).

15) scriptae] haec vox a Melanthonne addita est, in Codice non invenitur.

neraliter aequitatem vocat mitigationem legis, sive scriptam, sive non scriptam. Ut enim nunc plurimae mitigationes extant scriptae in ipsis legum textibus, et in commentariis interpretum: sic Athenis leges mitigabantur, declarabantur, inflectebantur, aut exasperabantur decretis, quae ipsi vocabant *ψηφίσματα*. Idem accidit in omnibus rebus publicis. Lex est, ut is, qui interficit hominem, capitali poena afficiatur. Huic legi textus ipse addit mitigationem in casuali homicidio, et doctores plurima mitigant. Quod autem scriptae mitigationes sequendae sint, manifestum est, quia sunt leges, aut habent vim legum. Consensus enim doctorum vim legis habere censendus est, cum non solum honesta et gravi ratione nitatur, sed etiam autoritate, quae professoribus concessa est. Sed illud quaeritur, an aequitas non scripta sequenda sit, sicut indocti saepe contendunt. Hic iterum respondeo, ut supra. Regulariter anteferendum est scriptum ius, nec ab eo discedendum est in casu, de quo principaliter loquitur. Quid enim attineret scribi leges, si cuilibet privato arbitrio liceret pronuntiare ¹⁶⁾ de quocunque casu, sprete lege. Talis barbarica licentia indigna est bene moratis hominibus. Sed incidunt interdum casus, de quibus lex non principaliter loquitur, ac honesta ratio flagitat moderationem, propter aliquam circumstantiam perspicuam. Hic etiamsi deest scripta aequitas, tamen iudex adhibere mitigationem debet, ut lex de fure strangulando loquitur principaliter de eo, qui atroci consilio fecit furtum, non loquitur principaliter de homine modesto, impulso fame ad furandum. Hunc igitur iudex puniet mitius, habetque locum aequitas in tali casu, nec dissentit a scripto, quia scriptum de alio casu principaliter loquitur. Ita Milo fuerat absolvendus, non enim fecerat initium pugnae, etsi postea modum defensionis excessit, quia non occidit Clodium in continenti, sed tamen vir fortis toties petitus armis a Clodio, cum iam depugnasset pro vita, iustissimam causam habuit doloris et irae: habuit igitur excusationem valde probabilem. Quanquam autem hoc modo Aristoteles legum mitigationem docet, et inquit, leges sicut regulam Lesbiam ¹⁷⁾, aut plumbeam ad

16) pronuntiare] sic Ed. 1540.; Ed. 1546. pronuntiarum.

17) regulam Lesbiam] Ita Melanthon transfert Aristotelis verba *Λεσβίας οἰκοδομῆς* libri V. Ethicor. cap. X. §. 7.,

casus nonnihil inflectendas esse, tamen modus est eius rei, videlicet, ubi est perspicua et probabilis ratio: ideo Imperator in obscuris materiis iussit legum et aequitatis diiudicationem ad se referri.

Quando excusat erratum ignorantia?

Humanae leges puniunt voluntaria delicta, involuntariis poenam aut prorsus aut magna ex parte remittunt. Et de his civilibus delectis dicitur: peccatum non esse¹⁸⁾ peccatum, nisi esset voluntarium. Cum enim leges humanae ferantur, ut coherceant homines, ea puniunt, quae caveri possunt, videlicet voluntaria. Intuendae sunt igitur causae delictorum, videlicet iudicium et voluntas. Interdum iudicii error incidit, qui est ignorantia. Interdum voluntas vi impeditur. Sed primum de ignorantia dicendum est. Duplex est ignorantia, alia iuris, alia facti, ut regula inquit: Ignorantia facti non iuris excusat. Sed huic regulae addenda est interpretatio. Nam neque semper excusat facti ignorantia, et discernenda est iuris ignorantia. Primum igitur sciendum est, neminem sanum ea aetate, quae iudicare potest, excusari ignorantia iuris naturalis. Ideo inquit Aristoteles, excusabile esse, si quis erret in legibus, hoc est, in iure positivo. Verum non esse excusabile, si quis in eo iure erret, quod ipse vocat primum, id est, in naturali iure. Ad eundem modum ignorantia iuris divini excusat. Nam et lex moralis est ius naturae, ut supra dictum est. Deinde de Evangelio extat severissimum praeceptum toti generis humano traditum, ipsa voce aeterni patris, qui inquit de Christo (Luc. 9, 35.): Hic est filius meus dilectus: hunc audite. Iubet omnes Christum agnoscere, et eius beneficium accipere. Ideoque Evangelium de Christo sparsum est in totum orbem terrarum. Neminem igitur excusat ignorantia Evangelii. Caeterum sacrae literae discrimen aliquod faciunt inter eos, qui peccant scientes, et illos, qui labuntur ignorantia. Sed tamen ignorantes non

quae Michael Ephesius sic explicat: οὐ γὰρ ἐκ λέγων λέγοντες καὶ ἰσως συντιθεμένων καὶ ἀπειθονομένων ἢ καλομένην λέξις εἰσοδομῆ φθορομειτο, εἰσοχὰς γὰρ καὶ ἐσοχὰς ἔχοντας τοὺς λέγοντες (οἱ λέξιοι) φθορομουν. (vid. Aristot. Ethic. Nicom. libri X. ed. C. L. Michelet. Ed. 2. Vol. II. [Berolini 1848.] p. 195.). Erasmus Roter. ex hoc loco adagium procedit Adag. I, 5, 93. (ed. Colon. 1540. fol. p. 160.): *Lesbia regula*, quod usurpatum esse dicit de rebus praepostere factis, ubi non ad rationem factum, sed ad factum ratio accommodatur. Sed nullum praeter hunc locum protulit.

18) esse] sic Ed. 1546.; Ed. 1540. esset.

liberantur poena. Sciens voluntatem domini, et non faciens, maiore poena afficietur, ignorans minore poena afficietur (Luc. 12, 47. 48.). Excusant inscitiam nonnulli hoc dicto: Sancta rusticitas, sed Christiani sciant, mandatum Dei esse, ut recte cognoscant Evangelium, quod sine magno studio, meditatione et communicatione cum eruditis, intelligi non potest: et Petrus iubet paratos esse ad reddendam rationem poscentibus etc. (1. Petr. 3, 15.). Et Hieronymus inquit: similia peccata esse apud Christianos de doctrina, decipere et decipi.

Secundo. Nec iuris positivi, nec facti ignorantia affectata excusat. Est autem affectata ignorantia eius, quod quisque cum de iure, tum de facto scire tenetur. Aristoteles venuste eam describit: Ignorantia, quam volens aliquis accersit, non excusat, sed est perversitas. Sic et universalis ignorantia, hoc est, cum nihil eorum scimus, quae nobis agenda sunt. Deinde iubet iudicem punire ignorantiam, si quis sibi causa est ignorantiae. Sic ipse affectatam ignorantiam describit. Verba eius¹⁹⁾ haec sunt: οὐ γὰρ ἡ ἐν τῇ προαιρέσει ἄγνοια, αἰτία τοῦ ἀκουσίου, ἀλλὰ τῆς μοχθηρίας, οὐδὲ ἡ καθόλου. Itaque non excusat iudicem ignorantia iuris, quod pro officio suo scire tenetur, nec²⁰⁾ litigatorem excusat iuris ignorantia, quod ad suam causam pertinet, ut Scaevola dixit. Turpe est viro nobili, et ad causas accedenti ius ignorare, in quo versatur, sed excipi solent ab hoc gradu mulieres et milites, quibus error iuris condonatur, nec artifices, ut architectos, medicos, aut alios excusat artis inscitia, imo artificis imperitia culpae annumeratur, ut inquit Celsus in Digestis de actionibus locati²¹⁾.

Nec excusat ignorantia in facto proprio, ut, si quis venditionem suam rescindere velit, quia antea suae mercis pretium aut dignitatem nescierit. Hic venditori nihil prodest allegare ignorantiam, sicut inquit textus: Non stultis, sed errantibus succurre²²⁾.

Tertio. Est quaedam probabilis ignorantia facti, sive proprii, sive alieni, quae habet excusationem, videlicet²³⁾, si quis nesciat ea, quae

19) eius] doest in Ed. 1546.

20) nec] sic Ed. 1540.; Ed. 1546. ac.

21) Digest. XIX. tit. 2. Locati conducti, leg. 9. §. 5. (Corp. iur. civ. ed. Beck T. I. P. I. p. 749.).

22) succurre.] sic Ed. 1546.; Ed. 1540. succurrere.

23) videlicet] sic Ed. 1546.; Ed. 1540. ut videlicet.

non pertinent ad suum officium, vel quae non necessario interrogare debet; ut si quis ex probabili causa, nesciens cognatum suum decessisse, non adeat haereditatem, is non amittit ius suum. Talis est apud Paulum ignorantia eorum; qui inscii vescebantur idolothytis (1. Cor. 10, 25. 27.). Et muti casus citantur, ignoscunt enim leges infirmitati humanae, si dolo careat. Ideo et Euripides in Hippolyto *) inquit: Qui peccat inscius, dolo et culpa vacat. Fuit et facti ignorantia, cum Iacob ignoranti soror sponsae data est (Genes. 29, 23. 25.). Ideo minus reprehenditur. Etsi autem iurisconsulti haec prolixius disputant, tamen ab his initiis philosophicis caetera exculpunt. Aristoteles argute discernit affectatam ignorantiam a probabili. Differunt, inquit, quod peccat ignarus, et quod peccatur propter ignorantiam, excusabile est, ubi sola ignorantia errati causa est: at ubi non ignorantia, sed nostra ignavia ac cupiditas praecipua errati causa est, ibi ignorantia non excusat, ut ebrii peccant, non propter ignorantiam, sed ignorantes, et ignorantiae causa est mala voluntas, quae ultro accersivit ebrietatem. Ideo Aristoteles inquit: Ebrii peccatum dupliciter puniendum esse.

Quae dicuntur voluntaria delicta?

Voluntaria facta sunt, in quibus et consilium, et libera voluntas adhibetur. Involuntaria sunt, cum vel consilium non adhibetur, vel voluntas vi prohibetur, aut succumbit et peccat in re impossibili. Eadem autem intelligi debent involuntaria, et violenta, quae, ut Aristoteles inquit, extrinsecus habent principium, ut, si quis tempestate ad scopulum aliquem allidatur. Ita cum amore, ira, odio, metu et similibus affectibus impellimur, actio non dicitur involuntaria aut violenta, et recte dicunt de metu, coactam voluntatem tamen esse voluntatem. Quare ius iurandum metu extortum, servandum est. Nam voluntas multis damnis propositis, retinet libertatem in delectu externorum operum, et potest alia externa opera aliis anteferre, ut in iactu navigans, magis vult perices amittere, quam naufragium facere. Sic inter praedones captus mavult pecuniam promittere, quam corpus in periculum adducere. Recte igitur Herculis coniunx ad Tyrannum, qui minatur se coacturum ipsam ad alias nuptias, respondit illa: Cogi qui potest,

*) Eurip. Hippol. v. 1334. 1335.

nescit mori. Manet libertas voluntatis in externorum operum delectu, etiam ubi repugnant affectus.

Aristoteles tres gradus posuit, voluntaria, violenta et mixta. Voluntaria vocat, quae eligimus re deliberata, et volentes sine coactione, et sine metu: ut Verres volens spoliat Siciliam. Violenta sunt, ut stuprum prorsus vi factum. Mixta vocat Aristoteles, cum voluntas, ut vitet aliam maiorem molestiam, terrore impulsam, eligit minorem, ut qui praedoni promittit pecuniam, ne corpus laedatur. Haec mixta sunt re ipsa voluntaria, sed tamen differunt ab iis, quae sine ullo terrore eliguntur. Ideo in his leges adhibent aliquam moderationem, ut: Non dant actionem petentibus promissa metu extorta.

Recensentur et alii gradus delictorum, quos discernere est utile, dolus, lata culpa, levis, levissima, casus fortuitus. Ut enim vera virtus tunc est, cum adhibentur rectum iudicium et libera voluntas, recto iudicio obtemperant. Ita summus gradus delictorum, cum consulto et libera voluntate peccatur. Reliqui casus sunt lata culpa, quae est, cum delinquitur affectata ignorantia, aut affectata negligentia, ut si in deposito custodiendo non praestat aliquis mediocrem diligentiam, qualem in suis praestat, aut si quis in officio suo ea negligit, aut non curat, quae solent communiter sciri, aut curari a mediocribus. Est autem vicina dolo, lata culpa, quia, ut supra dictum est, affectata negligentia malitia est, ut inquit Aristoteles. Utile est meminisse legem: quod Nerva in Digestis in titulo Depositum*), hortatur enim nos ad diligentiam, et ostendit, qualis negligentia maxime vituperationem mereatur. Verba haec sunt: Quod Nerva dicebat**): latiore culpam dolum esse, Proculo displicet**), mihi verissimum videtur. Nam et si quis non ad eum modum, quem hominum natura desiderat, diligens est, nisi tamen ad suum modum curam in deposito praestat, fraude non caret. Nec enim salva fide minorem iis, quam suis rebus diligentiam praestabit. Levis culpa, et levissima infra hunc gradum sunt, deest enim voluntas delinquendi, nec accedit affectata negligentia, imo fit mediocris diligentia, quae tamen alicubi fallitur, in circumstantia aliqua. Casus fortuitus vere

*) Digest. XVI. tit. 3. leg. 32. (Corp. iur. civ. ed. Beck T. I P. I. p. 661.).

***) In Digest. : diceret.

24) displicet] sic Ed. 1546.; Ed. 1540. displiceat. — In Digest. : displicebat.

habet excusationem, ut qui eripiens lapsum in flumen, effodit ei oculum, retracto ex flumine. In his omnibus observandum est oriri hos gradus, aut ex iudicii errore, aut impedimento voluntatis. Propterea autem voluntaria vocanda sunt, in quibus concurrunt consilium et libera voluntas.

An principes debeant mutare impios cultus, cessantibus, aut prohibentibus episcopis, aut superioribus dominis. ²⁵⁾

Haec quaestio hoc tempore agitari solet, qua recte explicata, maiore studio Ecclesias pii adiuvari possunt. Est autem maxime ἡθικόν, amare et adiuvari Ecclesias, quia praecipuus finis hic propositus ²⁶⁾ est omnibus hominibus, ut studeant illustrare et ornare gloriam Dei. Contendunt autem multi, curam constituendi Ecclesias, nihil pertinere ad laicos, sed tantum ad episcopos, quia nemo debeat se alienae vocationi admiscere. Sunt autem distincta officia episcoporum, et potestatis politicae: obiciunt et alia multa argumenta, quae postea recitabimus, et perspicue diluimus. Alii contendunt auctoritati superioris domini obtemperandum esse, quia superior dominus plus iuris habeat in re inferioris. Sed reiectis his cavillationibus, respondeo. Principes et magistratus debere impios cultus tollere, et efficere, ut in Ecclesiis vera doctrina tradatur, et pii cultus proponantur. Hanc sententiam confirmo multis perspicuis argumentis.

Omnibus sine discrimine mandatum est, ut credant Evangelio, et id confiteantur, sive accedat auctoritas episcoporum et aliorum, sive adversetur, sicut scriptum est (Rom. 10, 10.): Corde creditur ad iustitiam, ore fit confessio ad salutem. Item (Matth. 10, 33.): Qui negabit me coram hominibus, negabo eum coram patre coelesti etc. Item (2. Cor. 4, 13.): Credidi propter quod locutus sum. Item 1. Petri 2, (9.): Ut potentiam annuntietis eius, qui vos vocavit ex tenebris. Item (Psalm. 102, 23.): In conveniendo reges et populos in unum, ut serviant Domino etc. Item (Psalm. 51, 15.): Docebo iniquos vias tuas. Item (Psalm. 145, 11.): Ut annuntient gloriam regni tui. Porro confessio est palam ostendere, quod non consentias idololatriae ²⁷⁾, et illud ipsum

²⁵⁾ Hic est tractatus: *De auctoritate Principum*, de quo conf. Prolegg. p. 19 sq.

²⁶⁾ propositus] sic Editt. peculiare 1539. et 1540. quas in Prolegg. p. 19 sq. commemoravimus; Editt. huius Epitomes 1540. et 1546. habent: oppositus.

²⁷⁾ idololatriae] Editt. omnes hic ut ubique: idolatriae.

genus doctrinae, quod amplecteris, aliis impertire. Item: tollere blasphemias externas apud omnes, quibus praees: ut paterfamilias debet tollere blasphemias in sua familia, multo magis princeps in ditione, cui praees. Nam qui non impertit rectam doctrinam, item: qui blasphemias externas non tollit apud eos, quibus praees, is non confitetur, sed videtur consentire cum blasphemis. Ergo princeps debet mutare impios cultus et non detereri episcoporum, aut superioris domini iudicii, iuxta illud (Act. 5, 29.): Oportet Deo magis obedire, quam hominibus. Item (Gal. 1, 8.): Si quis aliud Evangelium praedicaverit, anathema sit. (Matth. 10, 37.): Qui diligit patrem aut ²⁸⁾ matrem plus quam me, non est dignus me.

Est ergo haec prima ratio sumpta a necessitate confessionis, de qua nihil dubium est mandatum communicandae doctrinae, simpliciter necessarium esse et partem esse confessionis, sicut dicit Christus (Matth. 5, 16.): Luceat lux vestra, ut glorificetur Pater vester etc. Et Sergius proconsul (Act. 13, 7.) non solus audiebat Paulum, sed volebat eum audiri in tota provincia. Nec confitetur potestas, si non communicet doctrinam, imo plerumque fit, ut non communicans re ipsa sit coniunctus hostibus. Non confitetur autem is, qui hostibus Evangelii coniunctus est, qui cogitur adiuvari saevitiam.

Secunda ratio: Nominatim praecipit Deus his, qui praesunt, ut obtemperent Evangelio et propagari sinant, Psalm. 2, (10—12.): Et nunc reges intelligite, crudimini, qui iudicatis terram: Servite Domino in timore, exultate ei cum tremore: Osculamini filium, ne quando irascatur Dominus. Psalm. 24 ²⁹⁾, (7.): Aperite portas principes vestras, et elevamini portae mundi, ut introeat rex gloriae. Alloquitur enim Psalmus reges et imperia, quae vocat usitata metaphora portas mundi. Psalm. 102 ³⁰⁾, (23.): In conveniendo populos in unum, et reges, ut serviant Domino. Psalm. 148, (11.): Reges terrae, et omnes populi etc. laudent nomen Domini. Esaias 49, (23.): Et erunt reges nutritores tui et reginae nutrices, id est, principes et respublica debent adiuvari, defendere ministerium Evangelii, et docentibus victum curare. Nam propter hanc

²⁸⁾ aut] sic recte Editt. pecul. a. 1539. et 1540. = ἡ textus gr.; Editt. huius Epitomes 1540. et 1546.: et.

²⁹⁾ Psalm. 24.] Editt. falso: Psalm. 33.

³⁰⁾ Psalm. 102.] Editt. (secundum LXX. et Vulg.) Psalm. 101.

causam Deus ordinavit politias, ut Evangelium propagari possit. His mandatis necesse est obedire omnes potestates, etiamsi superiores domini, aut pontifices adversentur.

Tertia ratio sumpta ab officio magistratus. Magistratus est custos primae et secundae tabulae legis, quod ad externam disciplinam attinet, hoc est, prohibere externa scelera, et punire sotes debet, et proponere bona exempla. Manifestum est autem in primo et secundo praecepto, prohiberi idololatriam et blasphemias: ergo necesse est, magistratum externam idololatriam et blasphemias tollere et curare, ut pia doctrina et pii cultus proponantur. Etsi enim magistratus non mutat corda, nec habet ministerium spiritus, tamen habet suum officium externae disciplinae conservandae etiam in iis, quae ad primam tabulam pertinent. Confirmat igitur maiorem Paulus, cum inquit (1. Tim. 1, 9): Lex est iniustis posita, impiis et profanis, scilicet coercendis. Nec revocamus politiam Mosi, sed lex moralis perpetua est, et omnium aetatum. Morale et naturale mandatum est prohibere, et punire idololatriam ac blasphemias, quia prohibentur in primo et secundo praecepto, quae sunt moralia, sicut omnes gentes puniverunt periuria et haud dubie magistratus deberet punire profanos, seu ἀθέους, qui delectantur Epicureis sermonibus, de Deo et de providentia. Daniel. 3. extat illustre exemplum regis ethnici Nabuchodonosor, qui edictum proponit, ne quis dicat blasphemiam contra Deum Israel, pertinet igitur ad secundum praeceptum, lex de blasphemis interficiendis, Levit. 24, (16.).

Has rationes haud dubie secuti sunt Constantinus, Valentinianus et Theodosius, qui cultum idolorum legibus prohibuerunt, et capitalem poenam constituerunt in eos, si qui palam sacrificarent. Hae leges extant hodie in Codice³¹⁾. Theodosius etiam dirui ipsa idolorum templa iussit, ne videlicet, quod antea acciderat, manentibus templis post ipsum restituerentur sacrificia impia. Querebantur Donatistae, se a magistratibus puniri, cum causa esset ecclesiastica, sed Augustinus respondet, id recte fieri, et haec decreta ac exempla piorum imperatorum alléat. Quare manifestum est ad magistratus officium pertinere, ut aboleat impios cultus, et puniat blasphemos et malos doctores. Haec sententia, cum sit certis-

sima et firmissima, cum sit manifesta, voluntas Dei, valde reprehendendi sunt principes, qui tolerant impios cultus, et concedunt impiis doctoribus licentiam vociferandi ad populum. Porro boni principes proponant sibi mandata Dei, quae supra citavimus, deinde exempla, quae commemoravi, tertio considerent etiam exempla regum, Iuda. et Israel, quae sciant non esse propria politiae Moisaicae, cum sint moralia sed pertinere ad omnes, principes omnium aetatum. In his animadvertent horribilibus poenis affectos esse autores idololatriae. Alios vere, qui sustulerunt idola, clarissimis victoriis, miraculis et coelestibus donis ornatos esse. Propter Salomonis idololatriam regnum Israel distractum est. Huius poenae magnitudo merito deterrere omnes ab idololatria debebat. Peperit enim non solum perpetua bella, et excidium decem tribuum, sed etiam horribilem dissipationem religionis.

Deinde multi reges in Samaria propter impios cultus interfecti sunt, donec tandem abductae decem tribus in exilium, et paene prorsus deletae sunt. Quales autem poenae nunc³²⁾ impendent pro impiis cultibus, cum illi genti non pepererit Deus, cui amplissimas promissiones de regno dederat. Econtra laudantur et ornantur victoriis et aliis beneficiis reges, qui sustulerunt idola, Asa, Iosaphat, Ezechias et Iosias. Item Iehu, qui sustulit tantum cultum Baal, quem Achab addiderat supra priorem idololatriam, quae antea instituta fuerat a Ierobeam in Samaria. Exempla leguntur in libris Regum et Paralipomenis. Porro in his, quae ad Decalogum pertinent, idem est officium nostrorum regum, principum et magistratum, quod erat officium regum piorum in illo populo, in quo tunc erat Ecclesia. Quare sciant magistratus se haud dubie poenas Deo daturus esse, si non aboleant impios cultus. Extant comminationes severissimae in primo et secundo praecepto, et 1. Sam. 2³³⁾, (30.) dicitur: Glorificantes me glorificabo, et contemnentes me reddam contemptos. Hae comminationes nequaquam sunt inanes aut irritae.

Quarta ratio sumpta ab exemplo parentum. Magistratus in externa disciplina debet omnia officia subditis, quae debet paterfamilias. Certum est autem patremfamilias debere hoc officium libe-

31) Codice] Editt. habent siglam C.

32) poenae nunc] sic Editt. peccul. 1539. et 1540.; Editt. huius Epit. 1540. et 1546.: nunc poenae.

33) 1. Sam. 2.] Editt. (secundum LXX. et Vulg.) 1. Reg. 2.

ris et familiae, ut curet eos recte institui, et prohibeat impios cultus. Ergo idem debet magistratus. Minorem confirmat Paulus, Ephes. 6, (4.): Patres, educate filios in disciplina, et eruditione Domini. Duas res complectitur, eruditionem Domini, id est, verbum Dei, quia praecipit, ut parentes tradant liberis doctrinam Evangelii, deinde addit de disciplina, quae significat assuefactionem, qua arcentur a peccatis per doctrinam, minas, castigationes³⁴).

Quinta ratio ab officio communi omnium membrorum in Ecclesia³⁵).

Cessantibus episcopis, aut si ipsi episcopi falsa doceant, reliqua Ecclesia debet malos pastores ab officio remove, et in quolibet coetu praecipua membra caeteris praeire debent, et iuvare alios, ut emendetur Ecclesia. Principes et caeteri magistratus debent esse praecipua membra Ecclesiae: ergo necesse est illos hanc emendationem inchoare et adiuvere. Maior est manifesta. Nam haec praecepta pertinent ad totam Ecclesiam, et singula membra (Matth. 7, 15.): Cavete a pseudo-prophetis. 1. Corinth. 5, (13.): Auferte malum ex vobis ipsis. Gal. 1, (8.): Si quis aliud Evangelium docuerit, anathema sit, praecipit singulis, ut defensores impiorum cultuum et impiae doctrinae execremur, tanquam excommunicatos et maledictos. Hoc cum sit verissimum, Ecclesia, remotis istis debet eruditos et pios pastores eligere, sicut Antiochiae Ecclesia episcopum Paulum Samosatenum propter impium dogma excommunicavit³⁶), qui cum nollet discedere ex episcopi domo, et retineret episcopi facultates haberetque suam factionem, quae eum tuebatur³⁷), sanior pars Ecclesiae impetravit ab ethnico imperatore Aureliano, ut magistratum imperio cogeretur Samosatenus relinquere episcopi domum et facultates. Ita quaecumque constat doctrinam esse impiam, nihil dubium est, quin sanior pars Ecclesiae debeat malos pastores remove, et abolere impios cultus. Et hanc emendationem praecipue adiuvere debent magistratus, tanquam potiora membra Ecclesiae. Haec ratio adeo perspicua

est, ut nec longa declaratione opus habeat, nec aliis confirmationibus, nec labefactari ullo modo potest. Neque enim dubium est Ecclesiam, et eos, qui sunt praecipua membra, debere defensores impiorum cultuum remove ab officiis ecclesiasticis, sicut saepe mandatum est in veteri et novo Testamento. Sic Prophetae abducebant populum ab ordinariis pontificibus, si quando reges non removebant pontifices: aliquando nacti pios reges, removebant pontifices et impios sacerdotes, et ut ante dixi, Ecclesia Antiochena removit suum episcopum Paulum Samosatenum.

Sexta, a vitanda societate persecutionis. Non licet esse medium³⁸), sicut quidam imaginantur, sed necesse est, aut coniunctum esse cum persecutoribus, aut cum vera Ecclesia, ac praesertim principibus et magistratibus hoc accidit, ut necessario persecutoribus regibus aut obtemperent, aut adversentur. Inter haec non est medium. Ergo, qui non volunt se pollueri societate persecutionis, aperte se coniungant cum vera Ecclesia. Huc pertinent sententiae plurimae in scripturis, quae prohibent societatem hostium veritatis. Psalm. 26³⁹), (5. 6.): Odi Ecclesiam malignantium, et cum impiis non sededo: Lavabo manus meas inter innocentes, et circumdabo altare tuum Domine. Psalm. 139⁴⁰), (22.): Perfecto odio oderam illos. 2. Paralip. 19, (2.): Impio praebes auxilium, ideo iram merebaris⁴¹) etc. Proverb. 24, (11.): Erue eos, qui ducuntur ad mortem etc. Matth. 12, (30.): Qui non est mecum, contra me est, et in 1. Regum⁴²) (18, 21.) ait Elias: Usque quo claudicatis utroque humero? 1. Ioan. 3, (16.): In hoc cognovimus dilectionem, quia ille animam suam pro nobis posuit, et nos debemus pro fratribus animas ponere. Ergo omnes aperte profiteri necesse est, et omnes verae Ecclesiae debent defensionem. Multa sunt gravia peccata illorum, qui cum recte sentiant, tamen dissimulant suam sententiam, et non tollunt pro suo officio abusum. Primum enim exemplo suo stabiliant impietatem, deterrent infirmos, qui pendent ex eorum iudiciis, confirmant furorem adversariorum. Haec peccata

34) castigationes] sic Ed. 1546.; Ed. 1540. et Editt. pecul. 1539. et 1540.: castigationem.

35) acil. sumpta.

36) In synode Antiochena a. 269. vid. Euseb. hist. eccl. VII, 27—30., Theodoret. haer. fabb. II, 8. Epiphani. haer. 65.

37) In primis Zenobia Palmyrae regina eum tuebatur, donec ab Aureliano imperatore 272. victa est.

38) medium] sic Ed. 1540 et Editt. pecul. 1539 et 1540.; Ed. 1546.: malum.

39) Psalm. 26.] Editt. falso: Psalm. 35.

40) Psalm. 139.] Editt. (secundum LXX. et Vulg.) Psalm. 138.

41) merebaris] sic Editt. pecul. 1539. et 1540. et Ed. huius Epit. 1540.; Ed. 1546.: mereberis.

42) 1. Regum] Editt. falso: 4 Regum.

non sunt levia ducenda: errant igitur, qui nihil mutant, et gerunt se medios, cum hic nihil sit medium, et omnis societas ac familiaritas cum persecutoribus displicet Deo, parit scandala, et accersit poenas.

Septima⁴³⁾ ex iure naturali. Finis societatis humanae proprius et praecipuus est, ut Deus innotescat. Magistratus est custos societatis humanae: ergo multo magis custos illius praecipui finis esse debet, quia in omni actione proprius finis principaliter expetendus et tuendus est, ut medico in medendo sanitas praecipue expetenda et tuenda est. Ergo et in gubernatione societatis proprius finis societatis principaliter gubernatori expetendus est. Errant igitur magistratus, qui divellunt⁴⁴⁾ gubernationem a fine, et se tantum pacis ac ventris custodes esse existimant. Aliud habent maius officium, videlicet defensionem totius legis primae et secundae tabulae, quod ad externam disciplinam attinet. Propter hoc coeleste munus impertit eis Deus societatem sui nominis, inquiens (Psalm. 82, 6.): Ego dixi: Dii estis, id est, delecti⁴⁵⁾ divinitus ad conservandam veram religionem, ad prohibendam et abolendam idololatriam, ad conservationem iustitiae, coniugiorum, pacis, ad prohibendam turpitudinem etc.

Deuteron. 17, (19.) Deus regem custodem facit legis et doctrinae religionis. Et in libro, cui titulus est Sapientia, traditur initio (1, 1.) hoc praecceptum: Diligite iustitiam, qui iudicatis terram: Quaerite Deum etc. Similes sententias plures supra citavi, quae principes de hoc summo officio admonent. Postquam autem sacrificuli leges ferre coeperunt reliquo coetui, suo arbitrio, et nemini dissentire licebat a sententiis ac iudiciis pontificum, obrepsit animis plurimorum haec persuasio, curam Ecclesiarum nihil pertinere ad principes, his commendatam esse tantum corporum et fortunarum defensionem, hoc est, tantum eos ventris custodes esse. At si tantum venter curandus esset, quid differrent⁴⁶⁾ principes ab armentariis? Nam longe aliter sentiendum est, politias divinitus admirabili sapientia et bonitate constitutas esse, non tantum

ad quaerenda et fruenda ventris bona, sed multo magis, ut Deus in societate innotescat, ut aeterna bona quaerantur.

Nec opponenda sunt exempla impiorum. Non Alexander, non Augustus aliam, nisi corporis curam susceperunt, quantumvis laudati principes. Assentior plures tantum unam partem curasse. Pauci enim intelligunt praecipuum munus, multo pauciores veram religionem norunt. Sed tamen aliquos magnos heroes Deus ad instaurandam doctrinam verae pietatis subinde excitavit, ut Ioseph in Aegypto, Babylone Nabogdonosor⁴⁷⁾, et eius filium, deinde Medum Darium, Persam Cyrum, Romae Constantinum, in populo Israel Davidem, Salomonem, Iosaphat, Iehu, Ezechiam, Iosiam. Neque hi propterea ignavi erant, quia religionem emendabant, imo in hoc officio lucebat eorum fortitudo, et magnitudo animi. Non enim sine maximis periculis, sine principum odiis mutare usitatas religiones poterant.

Constantinus iussit claudi idolorum templa, prohibuit sacrificia ethnicorum, iussit publice doceri Evangelium, dedit stipendia doctoribus, denique magnam partem veteris formae in imperio Romano mutavit, cum quidam collegae et caeteri principes, et maxima pars imperii adhuc acerbe odissent nomen Christi. Itaque et Maxentius et Licinius collegae ingentia bella adversus eum moverunt, qui quidem nobilitatem et Italiae, Graeciae, Pannoniae, Thraciae robur secum trahebant. Tantum periculi cum et adire⁴⁸⁾, et sustinere ausus sit propter Christi gloriam, exemplum fortibus et bonis principibus defendendae religionis egregium proposuit.

Daniel concionatur regi Babylonico, ac iubet eum⁴⁹⁾ agere poenitentiam, et promittit ei remissionem peccatorum. Addit tamen et certa officia, ut iustitiam amet, et benefaciat iniuste oppressis, hoc est, ut innocentes, ac praecipue Ecclesias defendat contra furorem et saevitiam improborum. Hoc officium Deus praecipue requirit a summis principibus.

Sed huius aetatis reges ac principes, cum videant iniuste exerceri crudelitatem contra pios,

43) Septima] Editt. Sexta.

44) divellunt] sic Editt. pecul. 1539. et 1540. et Ed. huius Epit. 1546.; Ed. Epit. 1540.: devellunt.

45) delecti] sic Editt. pecul. 1539. et 1540. et Ed. Epit. 1540.; Ed. 1546.: dilecti.

46) differrent] sic Editt. pecul. 1539. et 1540.; Editt. huius Epit. 1540. et 1546.: different.

47) Nabogdonosor] sic Editt. pecul. 1539. et 1540. et Ed. huius Epit. 1540.; Ed. 1546.: Nabugdonosor (i. e. Nebuchadnezar).

48) adire] sic Editt. pecul. 1539. et 1540. et Ed. huius Epit. 1540.; Ed. 1546. errore typogr.: audire.

49) eum] sic Editt. pecul. 1539. et 1540.; in Editt. huius Epit. 1540. et 1546. omissum est.

cum pleraque vitia Ecclesiae intelligant, tamen ne quid accersant sibi odii aut periculi, adiuvant saevitiam, defendunt impietatem contra conscientiam. Metuunt enim conspirationes pontificiae factionis. Et quod indignissimum est heroico genere, metu, ignavia, aut etiam spe certarum utilitatum, produnt religionem et iustitiam.

Cum Cassander⁵⁰⁾ peteret ab Atheniensibus, ut Alexandrum referrent inter Deos; eumque cohererent certis sacrificiis, plerique execrabantur hanc impiam adulationem. Sed Demades⁵¹⁾ suavit, ut fieret, ne videlicet bellum eis inferretur, ac inquit: Videte, ne terram amittatis, dum coelo iniuriam fieri prohibetis. Ita nunc multi coelo iniuriam facere malunt, quam suscipere vel laborem, vel periculum propter veritatis defensionem. Sed hi ignavi et impii principes nequaquam digni sunt illa coelesti appellatione (Psalm. 82, 6.): Ego dixi: Dii estis. Deus enim impertit principibus societatem sui nominis, quia eis rerum divinarum defensionem commendavit, videlicet Evangelii, iustitiae, pacis et disciplinae.

Octava (Matth. 18, 7.): Vae homini, qui est autor aut confirmator scandali; principes, qui non mutant abusus, sunt autores et confirmatores horribilium scandalorum. Quare non dubium est eis Deum gravissime irasci. Hic diligenter magnitudo scandalorum, et veri fontes considerentur, Deus adficitur contumelia in defensione idololatriae; tot millia animarum seducuntur et pereunt, praecipue culpa principum, qui impediunt, quo minus puram Evangelii doctrinam populus audiat. Confirmatur furor adversariorum, qui fiunt pertinaciores, et saeviores⁵²⁾ exemplis principum. Confirmantur et libidines.

Sic autem inquit Deus apud Ezechielem de omnibus gubernatoribus, cap. 34⁵³⁾, (10.): Ecce ego ipse super pastores, et requiram gregem meum de manu eorum, et delebo eos. Et Amos 6, (1.): Vae vobis optimates, capita populorum etc. Nihil patiebantur super contritione Ioseph. Hae divinae comminationes profecto non erunt irritae. Quare optandum est, ut omnes principes habeant

rationem suae salutis, et liberent se ab his ingentibus scandalis. Nam hoc argumentum refutari nullo modo potest.

Quod autem et nobis scandala obiiciuntur, quod videlicet aliqui abutuntur libertate, aut alia, haec non accidunt doctrinae aut principum culpa. Si doctores et principes recte faciunt suum officium, ut inquit Ezechiel, extra culpam sunt⁵⁴⁾.

At in altera parte causa praecipua ingentium scelerum haeret in his, qui praesunt. Deinde longe atrocius scelus idololatria, quam alia vulgi errata. Et collata in unum cumulum caetera scandala omnia nequaquam tantum sceleris habent, quantum habent hi tres nervi regni Antichristi, profanatio Missae, Coelibatus et commentitia autoritas Romani episcopi, profanatio Missae palam est idololatrica. Coelibatus tot seculis quantum turpissimorum exemplorum cumulavit. Romana dominatio iam annis sexcentis toties impia bella excitavit. Videndum est autem in qualibet parte, qui vere sint autores scandalorum. His omnibus concionatur Christus (Matth. 18, 7.): Vae homini, per quem venit scandalum. Ibi autem principes autores sunt scandalorum, ubi piam doctrinam propagari vetant, defendunt idololatriam, vagas libidines sacerdotum, et alia scelera.

Hactenus rationes octo graves, firmas et veras recensui, quae pios confirmant, qui Ecclesias emendant, et merito debebant movere aliquos moderatores, ut officium in hac re suum facerent. Blasphemis frustra concionamur, sed tamen proponi eis mandata Christi debent, ut intelligant improbari suum furorem. Addam unum argumentum moderatis ingeniis considerandum.

Deus mandat, ut precemur pro politis, et conservari eas oremus. Est enim singulare beneficium Dei haec civilis vita pulcherrimo ordine consociata, in quo lucent bonitas et sapientia Dei. Et vult Deus politias existere propter Ecclesias. Has causas Deo allegant piae mentes in precatione, ut Deus ideo conservet politias, quia eius sapientia constitutae sunt. Item, quia adiuvent et defendant Ecclesias, et conferant suum officium ad gloriam Christi.

Quomodo autem pro iis politis rogari potest, quarum hic praecipuus est scopus, ut aboleant Christi doctrinam, et nomen, ut Ecclesias funditus⁵⁵⁾

50) Cassander, Antipatris filius, 319. a. Chr. Athenas occupavit.

51) Demades, orator Atheniensis, Demostheni aequalis.

52) saeviores] sic Editt. pecul. 1539. et 1540. et Ed. Epit. 1540.; Ed. 1546.: severiores.

53) 34] sic Editt. pecul. 1539. et 1540.; Editt. Epit. 1540. et 1546. vocibus utuntur: trigesimo quarto.

54) Conf. Ezech. 33, 9.

55) funditus] sic Ed. pecul. 1540. et Ed. Epit. 1546.; Ed. pecul. 1539. et Ed. Epit. 1540. typogr. errore: funditas.

deleant, ut trucident membra Christi? An hic orare mentes possunt: Domine Deus, conserva hoc regnum, ut nomen tuum contumelia adficiatur, ut extinguatur agnitio Christi, pii trucidentur? Talis est precatio pro impiis politiis, a qua necesse est pias mentes serio et vehementer abhorrere.

Ergo si principes ipsi volunt invocare Deum, caveant, ne talis sit eorum precatio, sed allegent Deo veras causas, videlicet: Cum politiis ideo conserves, ut serviant tuis Ecclesiis, ut propagari Evangelium possit, ideo rogo, ut meas politiis conserves. Hae sunt piae preces, quas Deus exaudit. Qualis est autem hominis vita, qui Deum non vere potest invocare, qui scit se vivere sine Deo, reiectum a Deo. Haec est summa omnium calamitatum et miseriarum.

Ideo hi, qui praesunt, ut ipsi Deum invocare possint, et ut possint frui piorum precibus, curent ut officium serviat gloriae Dei et Ecclesiis, non belligeretur⁵⁶⁾ cum Christo. Pericula enim Deus gubernabit, sicut promisit, quia certum est veram Ecclesiam conservari. Illud etiam viderint, ut in emendatione sint diligentes, recte constituent et ornent Ecclesias, curent stipendia ministris constitui, excitent literarum studia, quibus opus habet Ecclesia. Videmus enim etiam Apostolorum tempore scholasticos coetus apud Ecclesias fuisse, ut Ioannes, et deinde Polycarpus habuerunt scholas. Ad hos necessarios usus transferant opes collegiorum et monasteriorum, ut postea dicam. Prius enim argumenta quaedam⁵⁷⁾ diluam, quae obiiciunt nonnulli.

Primum. Magistratus officium est corpora tueri, Ecclesiarum gubernatio pertinet ad animam. Ergo magistratus non debet attingere negotia ecclesiastica.

Respondeo ad maiorem. Definitio non est integra, cum dicitur, magistratus officium esse defendere corpora, aut pacem, quia ad magistratum pertinet disciplinae externae conservatio, non tantum iuxta secundam tabulam, sed etiam iuxta primam. Estque haec integra definitio: Magistratus est custos legis, quod ad externam disciplinam attinet, eamque vi corporali tuetur.

56) belligeretur] sic Editt. pecul. 1539. et 1540. et Ed. huius Epit. 1540.; Ed. 1546. belligerentur.

57) quaedam] sic Ed. pecul. 1540. et Ed. Epit. 1546.; Ed. pecul. 1539. quodam (= quaedam); Ed. Epit. 1540. errore typogr.: quadam.

Ut prohibet adulteria, sic prohibere et punire Epicureos sermones, et externam idololatriam ac blasphemias debet; non enim dubium est, secundum praeceptum pertinere ad magistratum. Interest inter armentarios et magistratus, illi tantum ventri pecudum prospiciunt, magistratus principaliter gloriae Dei servire debet. Propter hoc excellens munus Deus ei impertit societatem sui nominis.

Dico autem custodem esse legis, quod ad externam disciplinam attinet, ut conservetur discrimen inter ministerium Evangelii et magistratum. Ministerium Evangelii proponit Evangelium, per quod Spiritus sanctus est efficax in credentibus, sicut 2. Corinth. 3, (6.) dicitur: Fecit nos ministros novi Testamenti, non literae, sed spiritus. Interea tamen magistratus suum habet officium externum, ne scandala proponantur, prohibet externam idololatriam, sicut adulteria, aut caedes. Id clare docet Paulus (1. Tim. 1, 9.) inquit: Lex est iniustis posita, profanis, contumeliosis in Deum. Et hunc usum legis vocat Paulus legitimum, hoc est, cum externa disciplina magistratus cohercet flagitia, quae cum prima et secunda tabula pugnant.

Non igitur miscemus officia, sed habet magistratus suam functionem, pertinentem ad externam disciplinam, sicut et lex iubet puniri blasphemos. Levitici 24, (14—16.) et Deuteron. 12. cap., (3.): Idola evertite etc. Habet aliam functionem Evangelii minister, ut proponat Evangelii doctrinam, qua Spiritus sanctus est efficax. Ad haec magistratus praecipue debet suum officium conferre ad gloriam Dei ornandam, debet et praestare, ut luceat confessio in suo munere, quia hi sunt fines, principales omnium honestarum functionum, in hac politica societate. Cum imperatorum decretis cohercerentur Donatistae, calumniantur Augustinum nonnulli, qui contendebant tantum docendo refutandos esse impios, sed Augustinus recte docet, quod sit in talibus causis officium magistratus.

Secundum argumentum. Nemini licet usurpare alienum officium, soli episcopi debent Ecclesias constituere: ergo non licet magistratibus rapere alienum officium.

Ad minorem respondeo dupliciter. Primum magistratus habent suum munus de externa disciplina, ut dixi, et de praeficiendis piis doctoribus. Quare non impediunt officium docentium. Deinde

neganda est minor, quia, cum episcopi sunt hostes verae doctrinae, amittunt ius gubernandarum Ecclesiarum, et reliqua Ecclesia mandatum habet, ut eos a gubernatione removeat, et praeficiat pios doctores, sicut clare praecipit Paulus (Galat. 1, 8.): Si quis aliud Evangelium docuerit, anathema sit. Hoc praecipuum ad reliqua Ecclesiae membra omnia et singula pertinet, quae impios doctores tanquam anathemata relinquere et execrari debent. Cuique principum et magistratum munus praecipue debeat ornare gloriam Dei, cum ipsorum sententiam reliquus populus intueatur, oportet eos tanquam praecipua membra in externa societate, sua autoritate, veram Ecclesiam adiuvare, removeere impios doctores, praeficere pios.

Est et illud proprie in potestate magistratum, concedere fruendos redditus. Non dubium est autem, quin peccent, cum impediunt emendationem Ecclesiarum, quia pastoribus impiis nolunt quidquam⁵⁹⁾ decerpere de redditibus, unde erant alendi pii ministri Evangelii. Aiunt, neminem ex suis possessionibus efficiendum esse, quasi ecclesiasticae facultates non dentur propter officium. Paulus inquit diserte (1. Cor. 9, 14.), Christum ordinasse, ut Evangelium docentes vivant de Evangelio. Quare iniquum est hostes Evangelii frui eleemosynis, quibus opus est ad alendos pios ministros.

Quam multa et locupletia scimus esse collegia canonicorum et monachorum, in quibus aut nulli literati sunt, aut si qui sunt, eruditionem conferunt ad obruendam veritatem, et ad perniciem Ecclesiae Christi. Interea ibi exercetur multiplex idololatria, in profanatione Missarum, invocatione sanctorum, et plerique vivunt contaminati libidinibus. His coetibus ne quid detrahant principes, dum volunt videri iusti, non violenti, nolunt quaerere idoneos doctores. Sed multiplex in hoc scelere est impietas. Non provehunt veram doctrinam, confirmant idololatriam, libidines, defraudant veram Ecclesiam, sinunt fures et praedones helluari in eleemosynis Ecclesiae, cum ad officium magistratum proprie pertineat, efficere, ut suum teneat vera Ecclesia, ut postea latius dicam.

⁵⁹⁾ quidquam] sic Editt. pecul. 1539. et 1540. et Ed. Epit. 1540.; Ed. 1546.: quiddam.

Tertium argumentum. Non est mutatio faciendae cognitionem Synodi, hae controversiae nondum sunt in Synodo diiudicatae, ergo differenda res videtur.

Homines astuti praecipue hoc argumento remorantur animos multorum. Celeritas enim inimica consilio est. Videtur laudanda in rebus tantis contatio, videtur modesti animi esse, expectare legitima iudicia, nec paucorum et ignobilium sententias subito amplecti. Haec sapientiae species praetexitur, aut arcano odio veritatis aut timiditati⁶⁰⁾. Nam controversiae aliquot nihil habent ambigui. Notoria sunt flagitia, Missarum applicatio pro aliis, invocatio divorum, prohibitio integri sacramenti, votorum superstitione, et coelibatus. In his cum omnes, qui non sunt aut prorsus Epicurei, aut prorsus stolidi, videant veritatem, tamen iubemur expectare cognitionem, quasi divini mandati autoritas pendeat ex approbatione episcoporum, aut regum, aut ullorum⁶⁰⁾ hominum, ut Romae Tiberius retulit ad senatum, ut Christus inter Deos referretur⁶¹⁾. Hoc Tiberii exemplum verissime imitantur isti contatores, qui nolunt amplecti mandata coelestia, priusquam senatus cardinalium et episcoporum, qui palam et sunt, et perhiberi volunt tyranni, et Epicurei, ea comprobaverit.

Sed respondeo ordine ad singulas propositiones. Maior neganda est, quia controversiae de verbo Dei dissimiles sunt controversiis de negotiis humanis, in quibus valet autoritas humana. Summus enim index est omnium vox divina. Singuli, etiam refragante toto orbe terrarum, obtemperare debemus verbo Dei, quod fatentur esse a Deo traditum, ut Elias querebatur se solum esse relictum. Dissentiebant ab ipso reges, execrabantur eum pontifices et sacerdotes, deserebat eum populus. Etsi igitur videbat se neque *δμόσηρον* neque *δμόσπονδον* habere quenquam, tamen sententiam suam non abiiciebat. Ita Petrus fatetur in populo diversas esse opiniones de Christo, haberi eum pro propheta, pro Elia, et ab his coniungit suam sententiam, et adfirmat hunc Iesum esse filium Dei, ac salvatorem. Quare Christus

⁵⁹⁾ timiditati] sic Editt. pecul. 1539. et 1540. et Ed. Epit. 1540.; Ed. 1546. timidity.

⁶⁰⁾ ullorum] sic Editt. pecul. 1539. et 1540. et Ed. Epit. 1540.; Ed. 1546. illorum.

⁶¹⁾ Hoc narratur a Tertulliano apologet. c. 5. 21.

inquit (Matth. 16, 17.): Caro et sanguis non revelavit tibi, sed pater meus coelestis. Hic quaero, an fuerit expectandum Petro iudicium pontificum, principum, populi. Ac ne quidem verae Ecclesiae diiudicatio expectanda est, agnito verbo Dei, sicut Paulus prius cepit docere, quam adiret Apostolos. Et quidem docebat de abrogatione legis liberius quam Apostoli, tantum abest, ut sit expectanda cognitio adversariorum. Palam est pontifices et eorum coniuratos non esse Ecclesiam, sed hostes Evangelii, quales fuerunt Pharisei et tyranni veteres, Antiochus, Diocletianus, aut alii. Extant praeiudicia, exercent inusitatam crudelitatem adversus omnes, qui nobiscum sentiunt. Collocutus sum cum multis, qui simulabant moderationem, qui tamen plerique omnes hoc tantum agunt, ut nova sophistica excusent veteres abusus, non ut emendent. Disputationes horum temporum acuerunt homines ingeniosos in utraque parte. Itaque hostes Evangelii, si qui sunt doctiores, multo venustius piungunt sua errata, quam antea. Nec raro nos in nostris vulneribus pennas nostras agnoscimus. Postea sententias scribunt sanguine, iubent nos interfici.

Cum venisset in Austriam cardinalis Alexander, recruduit ibi saevitia, et multi pii crudelissime in gratiam pontificii legati interfecti sunt. Talibus victimis scilicet litari sibi volunt isti, ut ad Troiam Graeci nece Polyxenae litabant manibus Achillis⁶²⁾: Redierat autem tunc Alexander e synodo, adfuerat deliberationi cardinalium, quae videbatur spem facere moderationis. Sed ars est istorum, *ἔσθλα ἀγορεύειν κατὰ δὲ φρεσὶ βυρσοδομεύειν*, ut inquit Homerus⁶³⁾.

Non igitur expectanda est cognitio pontificiae factionis, sed ad singulos pertinet mandatum Dei, ut audiant, discant, amplectantur et confiteantur Evangelium. Et singuli in sua vocatione debent edere testimonia suae confessionis⁶⁴⁾. Paterfamilias prohibere idololatriam in familia debet. Magistratus curare debet, ut recte doceantur illi, quos gubernat. Cunque non pendeat autoritas coelestis doctrinae ab humana conditio-

62) Conf. Euripidis Hec. 37 sqq., 521 sqq. Ovidii Metam. XIII., 441 sqq.

63) Verba Homeri Od. XVII, 66. sunt: *ἔσθλα ἀγορεύοντες, κατὰ δὲ φρεσὶ βυρσοδομεύον.*

64) [confessionis] sic Editt. pecul. 1539. et 1540. et Ed. Epit. 1540.; Ed. 1546. vocationis.

ne, non sunt expectanda hominum decreta, ut tres⁶⁵⁾ Israelitae in Babylone non expectabant regni, seu parlamenti, ut nunc loquuntur, decreta, sed impio regis edicto fortiter adversabantur.

Caeterum prodest piis quaerere non hostium iudicia, sed verae Ecclesiae testimonia, sicut Christus vult nos erudiri et confirmari mutuis admonitionibus, cum ait ad Petrum (Luc. 22, 32.): Et tu conversus confirma fratres tuos. Extant symbola, extant testimonia in probatis scriptoribus, quae, si conferemus ad Evangelium, satis adparebit, quae sit vetus et pura doctrina verae et catholicae Ecclesiae Christi. Deliberent igitur principes non cum tyrannis, non cum pontificibus, non cum hypocritis, monachis, aut aliis, sed cum ipsa Evangelii voce, cum probatis scriptoribus. Nec pudeat audire ea, quae nunc a piis et eruditis traduntur. Audienda est enim Ecclesia Christi, hoc est, piorum coetus, non hostium Evangelii, et conferendae sententiae cum verbo Dei.

Quidam sunt vel natura, vel prava consuetudine *ἔριστικοὶ* et amantes cavillationum ac sophisticas. Hi etiam cum satis patefacta est veritas, tamen non acquiescunt, sed perpetuo rixantur et cavillantur, sicut Iudaei, quantumlibet convicti, elabi tamen conantur. Ab hoc more Diabolus nomen habet, quia miris calumniis deformat, obruit et eludit Dei dicta. Porro ab hoc diabolico more abhorrere omnes homines oportuit, maxime autem principes viros, quibus turpissimum est amare sophisticam. Postquam convicta est conscientia veris et firmis testimoniis, non quaerantur nugaces glossae ad eludendam veritatem. Ac si quis quaerit veritatem pio studio, ut gloriam Dei ornet, ut suae et aliorum saluti consulat, huius conatum adiuvat et provehit Deus, sicut ait (Matth. 7, 8.): Qui quaerit, invenit etc. De caeteris amantibus cavillationes ac sophisticen dictum est (Matth. 13, 14.): Audite audientes, et nolite intelligere, quae poena est omnium calamitatum summa.

Quartum argumentum. Tantum iuris habet inferior in ditione aliqua, quantum superior do-

65) tres] sic recte Editt. pecul. 1539. et 1540.; in Ed. Epit. 1540. haec vox in *res* corrupta, in Ed. 1546. tota omissa est. Hi tres Israelitae sunt Sadrach, Mesach et Abed-Nego, quorum constantia in uno vero Deo colendo Dan. 3, 12 — 30. narratur.

minus attribuit. Superior prohibuit mutationes, tanquam in praefecturis suis. Ergo sine eius voluntate non facienda est mutatio.

Ad maiorem respondeo, sit sane vera de utilitatibus et fructibus ditionis. Habet reditus, habet commoda inferior, quae concedit superior dominus. Sed non est vera de confessione Evangelii, aut ullis operibus a Deo mandatis. Confessio est supra et extra omnes illos gradus hominum, pariter servis, filiis familiarum, privatis et magistratibus praecipit Deus confessionem, ut Matth. 10, (37.) testatur: Qui amat patrem aut matrem plus quam me, non est me dignus. In familia confiteri Evangelium etiam servi debent, ut Ioseph dominum suum ad veram Dei agnitionem traduxit. Danielis socii⁶⁶⁾, quanquam essent servi, tamen regio edicto de statua adversati sunt.

Plenae sunt exemplorum sacrae historiae, quae ostendunt inferiores non solum voce profesos esse, ut oportet, doctrinam Evangelii, contra edicta regum et imperatorum, sed etiam idola manibus evertisse. In oppido quodam Phrygiae praefectus Adauctus, tempore Diocletiani, omnia idola evertit, et persuasit universae multitudini, ut Christi doctrinam acciperent⁶⁷⁾. Quam ob causam deinde tyrannus oppugnari oppidum, et cives omnes trucidari iussit.

Apollinis simulachrum Iuliani tempore in sacello omnium tunc celeberrimo, non procul ab Antiochia, filius ethnici sacrificuli avulsum a basi collisit.

Declaraverunt et puellae robur fidei simili magnitudine animi. Filia Licinii imperatoris, Irene, nihil verita truculentiam patris, qui Christiano nomini inimicissimus erat, lares et reliqua simulachra in paternis aedibus singulari fortitudine contrivit et abiecit.

Praecipue vero in confessione principum lucere debent exempla, quae confirment caeteros, ut vir nobilis in urbe Nicomedia, inspectante populo, concepsit publicas literas a Diocletiano propositas contra Christianam religionem.

Valentinianus, qui postea imperator factus est, cum esset tribunus militum, sacrificulo ethnico afferenti lustralem aquam, colaphum impe-

git, praesente Iuliano imperatore. Talibus exemplis hi principes etiam caeteros impios confirmare voluerunt.

Cum igitur Deus flagitet confessionem Evangelii ab omnibus summis et infimis, ab omnibus hominum ordinibus et gradibus, a liberis et a servis, non est huc adferenda illa cavillatio, quantum inferior iuris habeat. Confessio pariter ad omnes gradus pertinet.

Deinde superior dominus mandans officium, non potest eam partem, quae est officii praecipua et ad eius substantiam iure divino et naturali pertinet, prohibere. Constat autem omnia politica munera conferri debere ad gloriam Dei. Omnes magistratus superiores et inferiores suo quisque loco debent parere secundo mandato decalogi, hoc est, externas blasphemias, quibus Deus adficitur contumelia, prohibere et punire. Nec obtemperandum est superiori domino, si hanc partem officii nolit exerceri, ut si flagitiosas libidines approbet ac stabiliat.

Hactenus maior argumenti satis refutata est. De minore nihil disputabo, praesunt in suo principes, et habent dominium utile, et in primis ad ipsorum officium pertinet, non permittere, ut tyrannis constituatur. Nunc nescio, an meminerint se liberos esse.

Multi enim, qui non profitentur puram Evangelii doctrinam; etsi desiderant emendationem Ecclesiae, et improbant crudelitatem, tamen sunt otiosi spectatores, sinunt grassari tyrannidem sine fine, cum sua autoritate episcopos et reges ad moderationem, ad cognitionem veram revocare deberent. Hoc convenit heroicis familiis, sicut Achilles inquit: Ita se obtemperaturum esse Atridis, si honesta iubeant, sin autem turpia praecipiant, se non obtemperaturum esse.

Quod vero amplificat obedientiae laudem, magnam esse pietatem, obedire Ecclesiae, magnam decus imperiis parere, haec speciosa oratio praetexitur summae turpitudini, Epicureo contemptui religionis. Non enim recto consilio praedicant obedientiam, sed aut tyrannidem confirmare conantur, aut quaerunt excusationem impietatis aut timiditatis ac ignaviae. Pios decet meminisse vocis apostolicae (Act. 5, 29.): Oportet Deo magis obedire, quam hominibus. Obedientia ecclesiastica nequaquam est conspiratio ad idololatriam, libidinum, et Neronianae crudelitatis defensionem. Cum pontifices, qui im-

66) Illi tres Israelitae p. 100. nota 65. nominati.

67) acciperent] sic Editt. Epit. 1540. et 1546.; Editt. pecul. 1530. et 1540. recipere.

pia docent aut defendunt, sint execrandi tanquam anathemata, nulla eis ecclesiastica obedientia debetur. Caeterum ornatur et a nobis obedientia omni genere laudis. Praestanda sunt civilia officia legitimis magistratibus, sed semper regula tenenda, ut, si quid imperent fieri contra mandata Dei, magis Deo pareamus, quam hominibus.

Haec, quae de officio magistratum in hac disputatione collegi, vera et firma sunt, ac diserte et expresse tradita in verbo Dei. Nec dubito ea congruere etiam cum veteribus canonibus, si dextre intelligantur, ac opto bonos viros hac admonitione adfici.

Illud vero eos principes, qui restituunt Ecclesias, orant et obtestantur veris lachrymis omnes pii, ut literarum et earum artium studia adiuvent et excitent, quibus Ecclesiae Christi opus est, curent publica liberalitate ali in scholis pauperes scholasticos, et recte erudiri, ac severiore disciplina regi.

In Germania adversarii odio Evangelii hoc de industria agunt, ut, quantum possunt, opprimant et extinguant omnia literarum studia, quod has putant aliqua ex parte monstratrices esse verae doctrinae. Ac plane ita dominantur, ut memini abbates quosdam dicere, se nolle suos monachos versari in literis, quia non expediret eis ullum monachum abbate doctiorem aut esse, aut videri. Est omnino inscitia magis obnoxia tyrannidi. Itaque ut vastitatem in Ecclesiis faciunt⁶⁹⁾, eruditos ac pios doctores nullos ferunt, sic cyclopicam barbariem in tota civili consuetudine efficere conantur. Utinam vero nostri propter gloriam Christi dent operam, ut floreat studia literarum.

Deus instituit, ut magni coetus essent ad tabernaculum, non aliam ob causam, nisi ut essent tanquam scholae, ubi seniores docebant et exercebant reliquos in literis, in lege divina, in historiis, in musica, in medicina. Nam has artes tunc tractabant sacerdotes, sic institutus est Samuel, sic et Prophetae scholasticos coetus habuerunt, Elias, Eliseus, Ioannes Baptista. Hunc morem et Christus servavit, et imitati sunt deinde Apostoli et eorum discipuli. Ioannes Ephesi habuit certos et assiduos auditores, postea Smyrnae Polycarpus.

⁶⁹⁾ faciunt] sic recte Editt. pecul. 1539. et 1540. et Ed. Epit. 1540.; Ed. 1546. faciant.

Ac proderat esse tales coetus, ut constaret, a quibus doctoribus et qua fide propagaretur Evangelium. Hac diligentia cum opus esset, instituta sunt deinde collegia canonicorum, ut sciret posteritas, a quibus doctrinam accepisset. Ita Dionysium Alexandrinum, et Alexandrum⁶⁹⁾ audivit Athanasius. Et Basilius allegat suos praecipitores, ait sibi adhuc eorum sententiis ac vocibus aures personare. Sed postea in collegiis opes pepererunt luxum, deinde accesserunt imperia, quae magis etiam nocuerunt studiis. Itaque ut Ecclesia apud canonicas extincta est, ita doctrinae possessionem amiserunt.

Curandum est igitur omnibus piis, ac praesertim his, qui praesunt, ut vetus exemplum retineatur, ut ibi floreat literae, ubi est vera Ecclesia. Quid est absurdius, quam quod reges et principes inimici Evangelio gloriantur se defendere veterem formam Ecclesiae, et tamen dimittant tantum de cibis aut aliis nugacibus ritibus, non hoc agunt, ut collegia ad studia revocent, quae res praecipue ad veterem formam Ecclesiae pertinebat.

Sed desino de illis dicere. Nos consideremus, quam necessarium et pium officium sit excitare studia. Nam sine scholis et sine doctrina non potest Evangelii puritas conservari⁷⁰⁾. Et plurimum refert scire, a quibus, et qua fide propagata sit. Praeterea controversiae ecclesiasticae profecto sine magna eruditione explicari non possunt.

Cum autem pauci divites haec studia ecclesiastica colant, necesse est honesta stipendia constitui pastoribus Ecclesiarum, doctoribus ac discipulis in scholis. Hanc ad rem transferendae sunt opes collegiorum, et monasteriorum, quae iniuste tenentur et devorantur ab indoctis, otiosis, denique ab hostibus Evangelii.

Quod Christus in sententia extremi iudicii inquit (Matth. 25, 35.), se circumiisse esurientem ac sitientem: iam cogitent principes, vere eum circumire esurientem ac sitientem, queri⁷¹⁾ de tyrannis, qui pios interficiunt, de collegiis, deque aliis avaris, qui devorant redditus necessa-

⁶⁹⁾ Alexander, episcopus Alexandrinus, in cuius locum Athanasius 326. successit.

⁷⁰⁾ puritas conservari] sic Editt. Epit. 1540. et 1546.; Editt. pecul. 1539. et 1540.: puritas doctrina conservari.

⁷¹⁾ queri] sic recte Editt. pecul. 1539. et 1540. et Ed. Epit. 1546.; Ed. Epit. 1540. quaeri.

rios ad doctrinae conservationem, denique etiam de ignavis, qui non adiuvant studia, qui non prospiciunt posteritati.

Hic quaeso et adhortor omnes qui praesunt, ut Christum esurientem ac sitientem agnoscant, excipiant, eique suos ministros, id ⁷²⁾ est, pastores et scholasticos curent. Ad hunc usum certum est iuste et pie conferri opes collegiorum et monasteriorum, sicut clare scriptum est (1. Cor. 9, 14.): Sic Dominus ordinavit, ut, qui annuntiant Evangelium, vivant ex Evangelio. Nec alleganda est hic regum autoritas, qui dederunt has opes collegiis, dederunt enim Ecclesiae, non voluerunt fame necari pastores, extinguere studia, et interim devorari hos redditus ab aliis otiosis aut impiis. Ideo pertinet ad principum officium, inde prospicere Ecclesiis ⁷³⁾.

Licetne privatis interficere tyrannos? ⁷⁴⁾

Respondeo: Primum si tyrannus est homo privatus, per seditionem invadens imperium, nec potitus imperio, hi, qui cum legitimis magistratibus sentiunt, privatim interficere eum possunt, sicut latronem, praesertim in ipso facto deprehensum, hoc est, molientem aliquid, concitantem populum, aut facientem impetum in aliquos. Ita Catilinam seditione mota interficere aliquis privatus iure potuit, sicut et Fulvius filium ex fuga retractum interfecit: et leges concedunt interficere patrem, qui contra rempublicam coniuravit.

Secundo: Si tyrannus est in magistratu, et atroci iniuria ac notoria subditos affecit, conceditur subditis, praesertim in continenti, defensio, cum in privato periculo, tum in negotio pertinente ad rempublicam: ut in Helvetiorum historia magistratus iussit civem producere filium, et telum ad eum dirigi a iaculante patre. Et tribunus militum in exercitu C. Marii iure interfectus ab adolescente, cui tribunus erat vim allaturus. Et iura in Pandectis concedunt, consulem in adulterio deprehensum interficere. Et in similibus casibus, si qui fiunt, hostes recte excusantur, etiamsi non

in continenti ulciscuntur iniurias notorias. Sicut Harpagus Cyrum accersivit contra Astyagen, qui ei filium edendum praebuerat. Et cum tyrannus Vincentiae civi cuidam imperasset, ut ad se filiam mitteret, postquam id civis recusavit, tyrannus mittit satellites, qui raptam per vim abducant, mane stupratam dimittit et dissectam. Pater, recum amicis deliberata, cadaver, ut erat dissectum, mittit senatui Veneto, eique pollicetur deditionem urbis. Ita tyrannus oppressus est. Huic civi in notoria iniuria, et tam atroci, omnino licuit iure gentium fieri hostem tyranno.

Tertio: Si iniuria non est notoria, recte dicunt iureconsulti magistratum tolerandam esse iustitiam, ut maneat rerum iudicatorum autoritas. Non enim debent privati dissolvere statum reipublicae, nec invadere imperia, iuxta illud (Rom: 13, 2.): Qui magistratui resistit, ordinationi Dei resistit. Quare C. Caesar non est iure interfectus, qui, ut non dicam de belli causa, tamen iam tenebat magistratum, et quidem legibus et consensu populi datum, nec sustulit e republica leges et iudicia, sed summa aequitate constitutis iudiciis, tranquillitatem imperii munit, nec caedes fecit in urbe, ut caeteri victores bellorum civilium. Nec notoriis et atrocibus iniuriis publice, aut passim cives affecit, imo hostes etiam revocatos in pristinam dignitatem restituit. Quare iniustum fuit eum interfici. Nam ut ante dixi, magistratibus condonandae sunt iniuriae non notoriae. Sicut Iason Phereus inquit, eum, qui in summa spectet ad iustitiam, multa interim iniusta in levioribus rebus admittere, quae condonanda sint summam imperii tuenti, et formam reipublicae iudicia ac leges conservanti. Et Euripides inquit in hanc sententiam: τὰς τῶν κρατούντων ἀμαθίας γέρον χρῆν ⁷⁵⁾.

Iurene Constantinus bellum affini et collegae confoederato Licinio intulit, exercenti saevitiam in Christianos?

Sicut in aliis casibus debent reges et principes contra pares armis et legitimo bello defendere subditos innocentes: ita debent etiam defendere subditos pios, qui vocantur in periculum propter veram doctrinam. Ideoque Propheta Esaias nun-

⁷²⁾ id] sic Ed. 1546.; Editt. pecul. 1539. et 1540. et Ed. Epit. 1540. hoc.

⁷³⁾ His verbis tractatus de autoritate principum finitur, in quo edendo huius Epitomes editiones cum editionibus huius tractatus peculiaribus in Prolegg. p. 19 sq. commemoratis contentimus.

⁷⁴⁾ In Ed. 1538. haec quaestio proxime sequitur illam: Quae dicuntur voluntaria delicta? (pag. 88.).

⁷⁵⁾ γέρον χρῆν.] sic omnes, quod scimus, Editt. Eurip. Phoen. 396.; Editt. huius Epit. 1538., 1540. et 1546. falso: γέρον χρῆν.

causae, quae habent aliquam excusationem. Nec mihi displicet discrimen, quod apud Gersonem⁸³⁾ est, qui discernit leges, et dicit alias latas esse necessitatis causa, videlicet quae sunt necessariae communi paci, ut de furto, de caede, de connubiis, de divisione haereditatum, de tributis, de militia, de iudiciis, et similes. Alias esse dicit non tam necessitatis causa, quam decoris cuiusdam latas, ut constitutum est, ne mulier nubat, priusquam eluxerit⁸⁴⁾ priorem virum.

Placet mihi hoc discrimen, non solum quia ratio diversam parit obligationem, sed magis quia voluntas magistratus est perspicua, quae in prioribus simpliciter requirit obedientiam. In aliis levioribus non perinde requirit. Est autem voluntas consideranda legislatoris, quatenus velit obligare. Sed tamen in his quoque levioribus debet abesse petulantia et contemptus imperii, nam exemplum est malum. Utile est autem et ad disciplinam, et ad tranquillitatem reipublicae, sic assuefacere animos, ut etiam in parvis rebus magnifaciant legum auctoritatem. Deinde illud etiam sciamus, nos non nobis, sed reipublicae vivere. Quare cavere debemus, ne nostra exempla noceant in commune. Idem Plato gravissime dixit in quinto de legibus, hunc esse optimum et praestantissimum civem, qui summam gloriam in civitate ducat esse non triumphos, non ullas victorias, sed vincere alios diligentia parendi legibus⁸⁵⁾.

Sed hic quaeritur, an idem iudicandum sit de ecclesiasticis ceremoniis, quae humana auctoritate institutae sunt. Respondeo, de his tenendam esse regulam, quod in casu scandali sit peccatum eas violare, sed extra casum scandali possunt violari sine peccato mortali. Necessae enim retinere doctrinam, quod huiusmodi ceremoniae sint res indifferentes, et non necessariae ad iustitiam coram Deo, sicut indifferens est uti toga vel pallio etc. Haec regula Pauli est utilis et ad pacem publicam, et ad⁸⁶⁾ conscientiarum tranquillitatem. Conservat enim ceremonias,

et iubet vitare offensiones, publicos tumultus, et publicam dissipationem rituum. Et rursus liberat conscientias multis superstitiosis opinionibus, et horribili carnificina: nam si existiment bonae mentes, etiam extra casum scandali, necessariam esse observationem talium rituum, dura servitus erit.

In tanta rituum multitudine, quoties impingent conscientiae saepe in ieiuniis, in recitandis precibus, in observatione feriarum, aut similibus rebus, multa incidunt, praesertim occupatis, quare possint hos ritus semper servare. Ideo haec regula continet utilem *ἐπιείκειαν*, quae et publica prohibet scandala, et mores utiles tranquillitati conservat, et privatim conscientias periculo liberat.

Intellectis autem legum ac traditionum causis, bona ingenia magis eas amabunt. Quare prodest haec teneri, quod videlicet hae ordinationes institutae sint ab Ecclesia propter publicam *εὐρασίαν*, et quod privatim Ecclesia non velit iniicere laqueos conscientiis. Est autem maxime *ἡθικόν* amare communem tranquillitatem et ordinem, quare boni hos mores, cum ad tranquillitatem et ordinem prosint, maxime amabunt, praesertim cum liberati sint superstitiosis opinionibus, et intelligant sine periculo extra casum scandali hos ritus negligi posse.

Sed his disputatur, an ordinationes ecclesiasticae et magistratum civiles leges dissimiliter obligent. Respondeo. Dissimilis est obligatio, et quanquam rationes quaeri possunt, tamen simplicissimum est haec iudicare ex planis et claris sententiis scripturae. Itaque has primum recitabo, postea addam etiam rationes et interpretationem, ne quid absurdi sumatur ex nostra sententia.

De obedientia debita legibus civilibus inquit Paulus (Rom. 13, 5.): Necessae est obedire, non tantum propter iram, sed etiam propter conscientiam. Hoc mandatum obligat nos etiam extra casum scandali. Nam auctoritati divinae oportet obedire extra casum scandali. Sed de ceremoniis ecclesiasticis ait Paulus (Col. 2, 16.): Nemo vos arguat in cibo et potu, et parte diei festi. Item ad Galat. (5, 1.): In ea libertate, qua vos liberavit Christus, state, et nolite iterum iugo servitutis subici. Et Christus inquit (Matth. 15, 11.): Omne quod intrat in os, non coinquinat hominem, et excusat Apostolus violantes traditiones.

83) Ioannes Gerson, proprie Charlier, natus 1363. in vico Gerson, unde cognomen, inde ab a. 1381. in Parisiensi academia docuit, a. 1395. eius cancellarius creatus, a. 1429. Lugduni mortuus est.

84) eluxerit (l. e. iusto tempore peracto legendi finem fecerit) sic recte Ed. 1529; Ed. 1546. minus apte: luxerit; Ed. 1540. errore typogr.: duxerit.

85) Platonis opera ed. H. Steph. Tom. II. p. 729. D. (Ed. Bipont. Vol. VIII. p. 209.).

86) ad] sic Edd. 1529, et 1540.; in Ed. 1546. omissum.

Quia enim necesse est in Ecclesia extare hanc doctrinam, quod traditiones illae de cibis, et similes non sint cultus, aut iustitiae, sed res indifferentes. Ideo Evangelium docet conscientias non esse onerandas opinione necessitatis. Et tamen cum haec vita non possit carere ordinationibus et ceremoniis, fuit opus hac ἐπιείκεια, ut ita serventur, ne obscuretur doctrina de veris cultibus et de beneficio Christi. Item ne onerarentur conscientiae infinita carnificina, quae finem excuteret. Ideo vult Evangelium, ut intelligamus hos ritus extra casum scandali posse omitti, sed propter εὐταξίαν et ad vitanda scandala observandos esse. Haec libertas cum constituta sit autoritate Evangelii, non potest humana autoritate tolli.

Ostendi ex testimoniis scripturae, dissimilem esse obligationem. Haec est simplicissima responsio ad hanc quaestionem, sed addamus etiam rationem.

Prima sumitur a causis efficientibus, seu iure potestatis, et hanc Gerson sequitur. Civilis magistratus autoritate divina ius habet condendi leges honestas et utiles de iis negotiis, quae ad defensionem vitae corporalis et societatem civilem pertinent, ut de iudiciis, de poenis delictorum, de contractibus, de successionibus, et similibus rebus, sicut Salomon inquit (Prov. 8, 15.): Per me reges regnant, et iusta constituunt.

Sed ecclesiastica potestas est circumscripta sic, ut habeat mandatum, quid docere debeat, et ne novos cultus excogitet, et traditionibus de ceremoniis oneret conscientias. Nam Petrus inquit (Act. 15, 10.): Quid tentatis Deum, imponentes iugum? etc. Et Paulus (Col. 2, 20. 21.): Quare decreta facitis? Non attingas, non contrectes etc. Proinde cum dissimile sit ius utriusque potestatis, etiam dissimiliter obligant leges.

Secunda ratio, ex causis finalibus legum. Leges civiles sunt vincula communis societatis. Quare in violatione semper laeditur charitas. Quia enim singuli debent ad communis tranquillitatis defensionem velut symbolam⁸⁷⁾ conferre suam obedientiam, tributa, operas, cum id non faciunt, defraudant reliquos, fruuntur enim alienis officiis, et ipsi nihil conferunt. Ut is qui in

87) symbolam] sic recte Edd. 1538. et 1540.; Ed. 1546. symbolum.

symposio non confert symbolam⁸⁸⁾, defraudat convivas.

Item nocet exemplum in violatione, et perturbat communem tranquillitatem. Ergo in legibus civilibus semper valet ratio charitatis et scandali. Sed pleraeque ceremoniae sunt privatae et domesticae observationes, quarum violatio non laedit alios. Cum igitur hic non periclitetur charitas, nec incurrant scandala, dissimilis est harum legum autoritas. Nam de his quoque diximus tunc necessarias fieri, nec posse violari sine peccato, cum violatio parit scandala, hoc est, nocet aliorum fidei et moribus, aut temere perturbat aliorum tranquillitatem. Etsi autem utile est has rationes expendere, et causas et gradus legum intelligere, tamen tutius est ex illis scripturae sententiis, quas recitavi, simpliciter iudicare, quas supra posui. Nam rationes habent multas ambages, nec satis muniunt conscientiam. Et homines acuti multa in utramque partem inexplicabilia quaerere et excogitare possunt, si tantum ex rationibus, et non ex scripturis iudicandum erit. Sed hic monendi sunt iuvenes, ut quamquam tenere necesse est haec ἀδιάφορα non esse cultus Dei, tamen interim discant scandali casum late patere, et singulari cura cavendum esse. Nam in violatione traditionum duae res periclitantur, disciplina et tranquillitas, seu harmonia publici status. Porro utriusque rei magnitudinem et vim praecipue nos intelligere decet, qui in studiis doctrinae et virtutum versamur.

Primum enim disciplinae causa opus est certis ordinationibus. Nam rudis aetas assuefacienda est ceremoniis et ritibus, feriis, certis lectionibus, et exercitiis domesticis et publicis. Eamque ob causam Paulus (Gal. 3, 24.) vocat legem paedagogum. Nam hae ceremoniae sunt quaedam παιδαγωγία necessariae primae aetati.

Etsi autem Evangelium quandam sublimiorem doctrinam adferat, tamen non vult aboleri disciplinam et παιδαγωγίαν, sed iubet, ut homines coherceantur, regantur et doceantur huiusmodi paedagogia; et quas utilitates habeat haec paedagogia, alio loco dixi. Deus enim efficax est in his, qui doceri se sinunt, nec repugnant ipsius verbo. Quare exemplum nocet in violatione traditionum. Quia vulgus, quod natura

88) symbolam] sic recte Ed. 1538.; Edd. 1540. et 1546. symbolum.

odit legum vincula, libenter haec exempla imitatur. Et inde assumit contemptum universae disciplinae et omnium legum. Abolitis autem ritibus, non potest existere *παιδαγωγία*, nec rudis aetas, nec indocta multitudo doceri potest.

Necesse est autem sequi infinitam barbariem, et infinitam vastitatem, ubi iuventus et vulgus non possunt institui. Quantum vero scelus est, quantum parricidium⁸⁹⁾, exempla praebere, ex quibus illa vastitas oriri possit. Iam quantum mali est in altera scandali parte, videlicet quod tranquillitas Ecclesiae et rerum publicarum turbatur.

Est enim in hac corporali vita etiam ordinis causa, seu propter *εὐταξίαν*, quae maxime conveniens est homini, opus ceremoniis. Hoc ordine dissipato, infinita confusio sequitur. Nulla est autoritas docentium, nulla certa forma doctrinae. In tali confusione nec ministerium Evangelii conservari, nec Ecclesia doceri potest.

Denique ut ordo et harmonia publicorum rituum conciliat et consociat homines, ita confusio ordinis distrahit animos, et parit ingentes tumultus et aeterna bella.

Cogitemus igitur in violatione traditionum plerumque et facile exemplum manare ad alios. Cogitemus deinde, quantum in exemplo mali sit. Quare ne conscientias nostras oneremus periculis, ne aliis noceamus, maiore cura etiam qualescunque ritus publicos observemus. Tyrannicum est magis quid nos delectet, quam quid aliis prosit, spectare. Non enim nascimur nobis ipsis, sed vita nostra ad alios pertinet, ac praecipue ad Ecclesiam, hoc est, ad gloriam Christi, ad conservationem ministerii, et retinendam *παιδαγωγίαν* populi. Has duas res, quae sunt maximae, Ecclesia praecipue tueri cupit. In his nostram obedientiam, diligentiam et studium Ecclesiae praestemus, propter communem salutem et tranquillitatem. Plato inquit, magis amandam esse patriam, quam matrem, quia patria sit divinum quiddam⁹⁰⁾. At vera patria nobis Ecclesia esse debet, et haec vere divina est. Est enim templum Dei, et coetus membrorum Christi. Quare hanc amare debemus, et ei libenter obedire, eius uti-

⁸⁹⁾ parricidium] sic Edd. 1538. et 1540.; Ed. 1546. periculum.

⁹⁰⁾ Plat. de legibus l. V. ed. H. Steph. T. II. p. 740. a. (ed. Bipont. Vol. VIII. p. 230.): πατρίδος δὲ οὐσης τῆς χώρας, θεοπρεπὲν αὐτὴν δεῖ μαιόνας ἢ μητέρα παιδῶν τῶ καὶ δέσποιναν, θεὸν αὐτὴν οὖσαν, θνητῶν ὄντων γεγενῆσθαι.

litati et tranquillitati plurima condonare. Paulus (Gal. 4, 9.) vocat traditiones egena elementa, quae etiamsi sunt egena, hoc est, res exiguae, periturae, non aeternae, non sunt cultus, non iustitia, tamen sunt elementa, hoc est, ordinationes, quibus haec corporalis vita non potest carere propter disciplinam, et propter *εὐταξίαν*. Quare non sunt ordinationes illae dissipandae, sed consilium Pauli considerandum est, qui quamquam nominat egena, tamen vocat etiam elementa, atque ita detrahit laudem iustitiae, ut ostendat interim ordinationes esse, quae suam habent utilitatem. Magna vis est disciplinae, nulla dulcior harmonia, quam ordo bonus in republica. Ideo haec vocantur elementa, hoc est, ordinationes, quae illam harmoniam retinent.

Rectene Bonifacius VIII. constituit, quod iure divino Papa habeat utrumque gladium, hoc est, et summam potestatem ecclesiasticam, et summam potestatem, seu mandatum, seu ius conferendi regna et imperia mundi?

Utilis est quaestio de discrimine ecclesiasticae potestatis et civilium magistratuum. Alitur enim in moderatis ingeniis reverentia erga utramque potestatem, cum officiis recte descriptis et distinctis monstratur, quanta sit in utraque dignitas. Est autem haec reverentia in primis digna bono viro, et virtus proprie *ἡθικῆ*. Prodest etiam in multis negotiis intelligere, quod sit proprium cuiusque potestatis officium. Est enim tyrannis confundere officia, sed suam quisque Spartam ornare debet. Et quia variae sunt de hoc discrimine disputationes, diligens explicatio multum habet eruditionis et bonae frugis.

Primum igitur sciendum est utramque potestatem, ecclesiasticam et civilem, donum et ordinationem Dei esse. Ideo honorifice de utraque sentiendum est, et gratiae Deo agenda sunt pro tantis beneficiis. Et quidem potestas ecclesiastica claro et expresso mandato ordinata et constituta est, cum Christus misit Apostolos in totum orbem, Matthaei ultimo, (19.): Euntes docete omnes gentes. Et cum semper fuerit Ecclesia a principio mundi, data promissione Deus semper constituit claro verbo potestatem ecclesiasticam. Ut cum Abrahae promissionem⁹¹⁾ et ceremoniam

⁹¹⁾ promissionem] sic Ed. 1546.; Ed. 1540. promissione.

tradidit, et iussit eum haec posteris suis commendare (Genes. 17, 6—13.).

De civili potestate affirmat Paulus (Rom. 13, 1.) clarissime, quod sit ordinatio, quam Deus vere constituit et conservat, sicut et Daniel (2, 21.; 4, 14.) inquit: Deus transfert et constituit regna. Cumque imperia sint opus Dei, et bonae creaturae Dei, constat administrationem approbatam esse a Deo, et placere Deo. Sed illud hic quaeritur: An potestas civilis initio instituta sit expresso verbo Dei, an vero tantum postea approbata. Ego quidem sentio institutam esse expresso verbo Dei, cum ad Noë dictum est (Genes. 9, 6.): Quicumque fuderit humanum sanguinem, fundetur sanguis illius, et additur: per hominem. Quare significat constituendum esse ordinem, ut per certos magistratus puniantur homicidae.

Et haec lex praecipua est, et reliquam totam politiam complectitur. Sed si cui in hoc loco aliud videtur, tamen concedet Deum vere esse autorem imperiorum, et quia rationi naturali monstravit legem de ordine politico, et impulit heroicis mentes ad constituenda imperia, sicut Psalmista inquit (Psalm. 144, 10.): Qui das⁹²⁾ salutem regibus. Et in lege claris testimoniis approbat ordinationes poenarum, ut Levitici vigesimo quarto. Et de lege minus fuit opus expresso mandato, quia est rationi nota. Sed de ecclesiastica potestate omnino fuit opus expresso mandato, quia Evangelium non est naturaliter notum rationi humanae. Quanquam, ut paulo ante dixi, mihi verius videtur institutam esse potestatem civilem expressis verbis in eo loco, ubi sunt verba dicta ad Noë. Quare potestas politica, seu imperia, inde usque ab initio mundi, etiam apud ethnicos sunt ordinationes divinae.

Dixi de origine utriusque potestatis, nunc addam discrimina.

Potestas civilis est ordinatio, in qua superiores, videlicet magistratus, habent mandatum honestos mores in externa vitae consuetudine praecipendi, et coercendi homines, ac puniendi vi corporali, ut prohibeant iniustam violentiam, et puniant delicta, et defendant publicam pacem. Prudenter autem considerandum est, quod haec definitio tribuit magistratibus non solum defensionem pacis, sed etiam mandatum disciplinae

conservandae, seu conservandi honestos mores. Nam finis pacis esse debet, ut sit otium, non ad perfrundas voluptates, sed ad educationem et institutionem sobolis, ad docendam religionem, ad mores hominum formandos. Sicut Paulus gravissime docet (1. Tim. 2, 2.), cum iubet orare pro potestatibus, ut possimus tranquillam vitam agere in pietate et honestate, id est, finis administrationum non tantum debet esse pax, sed ut in pace conserventur disciplina, honesti mores et religio. Itaque ut officium civilis magistratus recte intelligamus, cogitemus magistratus esse defensores legis, sicut confert Cicero magistratum et legem, cum ait: Magistratum esse vivam legem. Et Aristoteles: ἄρχων φύλαξ τῶν νόμων. Non igitur tantum unius atque alterius praecepti custos est magistratus, sed totius legis, id est, utriusque tabulae, quod attinet ad externam disciplinam.

Primum autem hic circumscribenda est potestas magistratum, quod scilicet non habeant auctoritatem praecipendi aliquid contra ius naturae, contra mandata Dei, contra leges sui regni. Quare non est infinita potestas magistratum, sed inclusa certis limitibus. Nam magistratus sustinet procurationem ab alio, scilicet a Deo mandatam. Non igitur debet a mandatis Dei discedere. Sicut et optimus rex Iosaphat concionatur (2. Paral. 19, 6. 7.): Non hominis exercetis iudicium, sed Dei: Quidquid iudicabitis, in vos redundabit, sit timor Dei vobiscum. Infra autem in aliis quaestionibus latius dicemus, quomodo sit circumscripita potestas legibus naturalibus, divinis et positivis.

Secundo, cum magistratus civilis sit custos etiam primae tabulae, quod ad externam disciplinam attinet, debet magistratus prohibere et punire blasphemias, idololatriam et falsa dogmata, et curare, ut vera et pia doctrina propageetur, et defendere recta docentes. Hanc sententiam primum confirmat praeceptum decalogi secundum. Omnes magistratus debent et ipsi obtemperare secundo praecepto decalogi, et eius custodes esse. Secundum praeceptum prohibet et punit blasphemias et falsa dogmata. Ergo omnes magistratus debent prohibere et punire blasphemias. Secunda ratio sumpta est ex praecipuo fine magistratum. Finis societatis humanae praecipuus est, ut homines alii alios de Deo docere possint, ut notitia Dei propageetur. Ma-

92) das] sic Edd. 1538. et 1540.; Ed. 1546. dat.

gistratus est praecipuus custos societatis: ergo debet etiam custos esse istius finis, scilicet, ut notitia Dei recte propagetur. Consequentia valet ex regula: Propter quod unumquodque tale, et illud magis tale. Magistratus custodit societatem propter notitiam Dei: ergo magis debet custodire notitiam Dei, quantum ad suum officium pertinet. Haec ratio plena est eruditionis. Monet enim de duabus rebus maxime dignis consideratione, videlicet quae sit causa praecipua, quare ad societatem conditi sint homines. Item magistratum debere intentum esse in illum finem praecipuum, ut notitiam Dei conservet in terris. Quod si ad hanc imaginem conferamus reges et principes, inveniemus paucissimos, qui hunc finem prospexerint, et ad eum contenderint.

Plurimi summa vi contrarium fecerunt, qui omni scelere contaminaverunt, et delere conati sunt religionem, quasi ad hoc ipsum essent consecuti regna, ut bella cum Deo gererent, sicut in fabulis Gygantes.

Tertia ratio sumpta est ab exemplis. Sancti reges Iuda aboleverunt impios cultus, ac propterea laudantur et ornantur magnis praemiis, et Deus inquit (1. Sam. 2, 30.): Glorificantes me glorificabo. Et lex in Deuter. (17, 19.) praecipit, ut reges teneant in manu librum legis, et conservent religionem a Deo traditam.

Haec exempla, quia pertinent ad decalogum, etiam nostri magistratus pro sua vocatione imitari debent. Item Nabuchodonosor (Dan. 3, 29.) et Darius (Dan. 6, 26.) proponunt edicta: Ne quis dicat blasphemiam adversus Deum Israelitarum. Sed hic nonnulli multa obiiciunt. Primum: Fides est in mente, magistratus non potest mentes mutare: ergo magistratus non debet errores mentis punire. Respondeo ad conclusionem. Non puniunt errores solius mentis, sed externam professionem et blasphemiam. Quia magistratus debet externam disciplinam et *παιδαγωγίαν* tueri, non debet permittere, ut imperitis proponantur scandala, quibus decepti ruant in errores.

Secundo obiicitur: Magistratus non potest iudicare, nisi de iis rebus, de quibus habet leges, magistratus habet tantum leges de negotiis profanis: ergo non potest iudicare de controversiis religionis.

Primum neganda est minor: nam magistratus habet legem, ut puniat blasphemias, sicut omnium gentium leges puniunt periuria. Sed

quia non semper constat, quae opiniones sint blasphemiae seu impiae, ideo debet praecedere aliud iudicium, videlicet cognitio de doctrina. Haec autem pertinet non solum ad ⁹³⁾ magistratum, sed ad Ecclesiam, hoc est, non tantum ad presbyteros, sed etiam ad laicos idoneos ad iudicandum, sicut Paulus inquit (1. Cor. 14, 30.): Si fuerit sedenti revelatum, taceat prior, et Christus vult summum esse iudicium Ecclesiae, cum ait (Matth. 18, 17.): Dic Ecclesiae. Huc pertinet Constantini exemplum, qui cum synodum ⁹⁴⁾ haberet, interfuit ipse disputationi, et postea sententiae subscripsit, et in publicis literis inquit, se pariter fuisse ministrum, donec examinaretur tota controversia: et Marcianus imperator, qui habuit synodum Chalcedonensem ⁹⁵⁾, ait se exemplo Constantini affuturum in synodo, ut patefacta veritate curet deinceps populo unam certam sententiam proponi, et prohibeat pravos opiniones.

Et Nicolaus papa ⁹⁶⁾ inquit Distinct. 96. Fidei causas communes esse, et non tantum ad clericos, sed etiam ad laicos pertinere.

Et Alexander II. ⁹⁷⁾ adhibuit magistratus provinciales ad deliberationem in synodo de gradibus cognationum. Postremo historiae commemorant plerosque principes et reges interfuisse synodis. Nec vero quisquam negat principes adhibendos esse ad deliberationem in synodis. Sed illud vocant in quaestionem aliqui, an reges etiam habeant suffragationem, seu, ut ipsi loquuntur, vocem decisivam. Sed non debet eis adimi suffragatio, si quidem synodi sunt iudicia Ecclesiae, ut supra dictum est. Sunt enim et ipsi membra Ecclesiae, et cum errant episcopi, laici habent mandatum, ut ab eis dissentiant, iuxta illud

93) solum ad] sic Ed. 1546.; Edd. 1538. et 1540. ad solum.

94) De hoc concilio generali primo Nicaeae, urbe Bithyniae, 325. habito conf. Mansi sacrorum concilliorum nova et amplissima collectio Tom. II. p. 635 sqq.

95) Historia et acta huius Chalcedonensis concilii 451 a Flavio Marciano imperatore habiti, quod fuit generale quartum, inveniuntur in illa Mansi collectione Tom. VI. p. 529 sqq. et Tom. VII. p. 1 sqq.

96) Vid. Corpus iuris canonici ed. Aem. Lud. Richter P. I. p. 289. Decreti Gratiani pars I. dist. XCVI. c. IV., ubi haec leguntur: *Nicolaus Papa in epistola ad Michaellem Imp. quae incipit: „Proposueramus.”* scripsit: Ubinam legistis, imperatores antecessores vestros synodalibus conventibus interfuisse, nisi forsitan in quibus de ~~940~~ tractatum est, quae universalis est, quae omnium communis est, quae non solum ad clericos, verum etiam ad laicos et ad omnes omnino pertinet Christianos? — Nicolaus I. (papa 858 — 867.) hanc epistolam a. 865. scripsit.

97) Alexander II. papa 1061 — 1073.

(Matth. 7, 15.): Cavete a pseudopropheta. Item (Galat. 1, 8.): Si quis aliud Evangelium tradet, anathema sit. Hoc mandatum pariter ad omnes pertinet, ut pro suo loco de doctrina ex verbo Dei iudicent. Et Petrus iubet omnes paratos esse ad reddendam rationem fidei suae etc. (1. Petr. 4, 5.). Quare reges debent interponere auctoritatem suam, ubi periculum est, secus pronuntiaturos esse episcopos. Et Augustinus scribit epist. 166. Constantinum principio bis commisisse causam Caeciliani⁹⁹⁾ episcopis, postea ipsum audivisse ac pronuntiasse, et multis verbis disputat, ad pios principes haec iudicia doctrinae etiam pertinere. Neque enim in Ecclesia haec tyrannis constituenda est, quod oporteat laicos assentiri, et applaudere omnibus sine delectu, quae decreverint episcopi. Nec debet esse *δημοκρατία*, qua promiscue concedatur omnibus licentia vociferandi et movendi dogmata, sed *ἀριστοκρατία* sit, in qua ordine hi, qui praesunt, episcopi et reges, communicent consilia, et eligant homines ad iudicandum idoneos. Ex his satis intelligi potest, cognitionem de doctrina pertinere ad Ecclesiam, id est, ad presbyteros et principes, sed principes re cognita et iudicata, iam custodes esse externae disciplinae, et executores sententiae synodi, ut videlicet idololatricos cultus, blasphemias et impia dogmata prohibeant, et professores puniant.

Aliud argumentum. Magistratus tantum est defensor corporum: dogmata non pertinent ad corpus: ergo dogmatum prohibitio non pertinet ad magistratum. Responsio. Neganda est maior, et ratio est. Quanquam enim conservatio corporis pertinet etiam ad officium magistratum, quia est pars legis, tamen non est finis principalis magistratum, sed conservatio legis, quod ad externam disciplinam attinet, est principalis finis magistratum. Nam magistratus est velut ipsa lex. Porro lex non tantum praecipit de defensione corporis aut rerum, sed praecipit primum de gloria Dei, et disciplina. Sicut inquit Paulus (1. Tim. 1, 9.): Lex est posita, ut coherceat inustos, blasphemos. Denique error illorum, qui nolunt a magistratu curari dogmata, omnino ex illo fonte natus est, quod fingitur magistratus velut Epicureus tantum habere mandatum defendendi corporis. Sed quod ea imaginatio sit falsa,

⁹⁹⁾ Caecilianus episcopus Carthaginiensis a. 311. electus.

facile iudicari potest, si quis magistratum et legem pares esse cogitet, et magistratus finem esse principalem conservationem legis etc.

Debet igitur magistratus, qui gladium gerit, prohibere etiam haereses, hoc est, impia dogmata, et punire haereticos, hoc est, impiorum dogmatum autores. Sed in rebus obscuris praecedat Ecclesiae cognitio. Atque ita proprie magistratus servit gloriae Dei, et fit eius functio cultus Dei, cum studet tueri, propagare et ornare veram doctrinam, et econtra prohibere impia dogmata. Quia ita facit principale officium, quod proprie ad gloriam Dei pertinet, et quod proprie meretur illum titulum, quo ornantur magistratus, in Psalmo (82, 6.): Ego dixi: Dii estis, scilicet quia et officium habent divinitus constitutum, et impertiri hominibus debent res divinas, religionem, iustitiam, disciplinam, pacem etc. Et ob hanc causam vocantur ab Esaia (49, 23.) nutricii Ecclesiae, quia nutrire et tueri debent pios doctores, et non debent saevitiam exercere in Christianos.

Sunt aliae quaestiones de potestate civili, quarum aliquas deinceps tractabimus, scilicet de legibus, quod leges contrariae divinis aut naturalibus non sint observandae. Item quod magistratui⁹⁹⁾ non liceat pronuntiare contra leges suae reipublicae; sed de his quaestionibus paulo post dicemus. Nunc redeo ad potestatem ecclesiasticam, quae est mandatum divinum docendi Evangelii, administrandi sacramenta, ordinandi ministros Evangelii, annuntiandi remissionem peccatorum singulis aut multis, constituendi iudicia dogmatum. Et eos, qui in delictis manifestis versantur, excommunicandi verbo sine vi corporali. Multae sunt partes huius definitionis, quae alibi latius explicari solent. Hic igitur breviter respondeo de Bonifacii constitutione, quod iure divino non habent Apostoli aut eorum successores gladium, hoc est, ius cohercendi vi corporali. Quare neque ius habent occupandi, neque conferendi regna mundi.

Multa possunt ex Evangelio testimonia colligi. Christus inquit (Ioann. 18, 36.): Regnum meum non est de hoc mundo. Item (Luc. 22, 25, 26.): Reges gentium dominantur eis, vos autem non sic. Discernit enim duas potestates. Regi-

⁹⁹⁾ magistratuf] sic Ed. 1546.; Edd. 1538. et 1540. magistratus.

bus concedit, ut dominantur, Apostolis non concedit, ut dominantur, hoc est, ut vi corporali utantur praetextu ministerii. Et Paulus inquit (2. Cor. 10, 4.): Arma militiae nostrae non sunt carnalia. Sed addam unam Chrysostomi sententiam, qui in secunda oratione de dignitate sacerdotum clare discernit magistratus profanos, et episcopos, et magistratibus profanis tribuit ius coercendi vi corporali: episcopos autem negat habere potestatem coercendi vi corporali. Caeterum, ut aliis Christianis, ita et episcopis, seu pastoribus Ecclesiarum licet tenere proprium, divitias et alias donationes, quia hae sunt res politicae concessae Christianis. Ita licet episcopis tenere donatam iurisdictionem in bonis certis, quae est res civilis, nihil pertinens ad proprium episcopi officium, sicut ars texendi in Paulo nihil pertinebat ad munus Apostoli. Et tamen Paulus poterat esse et Apostolus, et textor. Sed viderint episcopi, ne propter opes abducantur ab officio docendae et gubernandae Ecclesiae, et inspiciendae doctrinae illorum, quibus praesunt.

Imperator ¹⁰⁰⁾ mandaverat Ambrosio, ut cederet templum Arianis, sed Ambrosius non obtemperat. Non enim licuit obsequi impia mandanti, et imperator neque legitimam ordinationem ex Ecclesia tollere debuit, neque impium doctorem praeficere Ecclesiae. Erat enim Ambrosius legitime ordinatus, et recte docebat. Continet autem legitima ordinatio vocationem seu electionem, quae sit a populo, vel iis, quibus populus eam rem committit, et approbationem aliquorum episcoporum.

Praeterea ad episcopos pertinet constituere iudicia de doctrina, et convocare synodos, sicut vetus constitutio fuit, ut singuli episcopi bis haberent synodos suarum Ecclesiarum quotannis. Et Apostoli synodum habuerunt. Et cum Paulus Samosatenus ¹⁾ sereret impium dogma, conveniunt Antiochiam vicini episcopi ²⁾, et adhibita Ecclesia Antiochena, damnaverunt episcopum. Sed, ut supra dictum est in controversiis de doctrina, non debent soli episcopi iudicare, sed eligendi sunt homines idonei ex toto corpore Ecclesiae, quia summum iudicium debet esse Ecclesiae, hoc est, non tantum episcoporum. Itaque pro-

pter hanc ipsam causam, quia maior est autoritas Ecclesiae, cum episcopi non faciunt suum officium, debent imperatores et reges convocare synodos, sicut et Constantinus indixit aliquas synodos ³⁾, et quidem mandat, ut iis, qui nolint venire in synodum, adimantur episcopatus.

Dixi de discrimine utriusque potestatis. Prodest enim et doctoribus Ecclesiarum retinere eos, ne usurpent officia potestatis gladii. Et rursus profani magistratus discant vereri ecclesiasticam potestatem, nec invadant in officia potestatis ecclesiasticae, sicut Petrus (1. epist. 4, 15.) prohibet, ne simus ἀλλοτριεπίσκοποι, id est, ne irruamus in aliena officia. Quare imperator Valentinianus cum magna pietate inquit: Talem esse episcopum eligendum, cui ipse imperator submittere caput non revereatur. Et quidem in electione non eripit ius Ecclesiae, sed iubet, ut ipsi eligant etc. Et quanquam distinximus potestates, tamen animadverti potest, quod potestas civilis servire debeat Ecclesiae propter disciplinam, sicut quilibet paterfamilias minister et executor est Ecclesiae in sua familia. Omnes enim debemus obedire ministerio verbi, sic magistratus in republica minister et executor est Ecclesiae. Debet enim et ipse obedire ministerio verbi, et id venerari tanquam divinum, iuxta illud: Aperite portas principes vestras ⁴⁾.

Rectene fecit Naboth, quod non cessit vineam regi petenti, cum reges dicantur etiam domini privatarum facultatum?

Respondeo. Naboth iure potuit retinere suam vineam, nec licuit regi cogere civem, ut eam venderet. Ratio est, iura naturae seu gentium non sunt violanda.

3) Constantino Magno imperante haec concilia habita sunt: Romanum a. 313. (v. Mansi collectio T. II. p. 433 sqq.). Seleuciense a. 314. (ibid. p. 441 sqq.), Arelatense I. eodem a. (ibid. p. 463 sqq.), Ancyranum eod. a. (ibid. p. 513 sqq.), Neocaesareense eodem a. (ibid. p. 539 sqq.), Romanum I. sub Silvestro a. 315. (ibid. p. 551 sqq.), Laodicenum a. 320. (ibid. p. 563 sqq.), Alexandrinum I. a. 321. (ibid. p. 553 sqq.), Palaestinum a. 322. (ibid. p. 557 sqq.), Alexandrinum II. a. 324. (ibid. p. 559 sqq.), Romanum II. sub Silvestro a. 324. (ibid. p. 615 sqq.), Nicaenum a. 325. (de quo p. 120. nota 94. dictum est), Romanum III. sub Silvestro a. 325. (ibid. p. 1081 sqq.), Nicomediense a. 328. (ibid. p. 1081 sqq.), Gangreense circa idem tempus (ibid. p. 1095 sqq.), Carthaginense a. 332. (ibid. p. 1121.), Caesariense in Palaestina a. 334. (ibid. p. 1121 sqq.), et tria concilia: Tyrium a. 335. (ibid. p. 1123 sqq.), Hierosolymitanum Eusebianorum cod. a. (ibid. p. 1155 sqq.), Constantinopolitanum Arianorum a. 336. (ibid. p. 1167 sqq.).

4) Conf. Psalm. 24, 7. 9.

100) Valentinianus II. (a. 375 sqq.) eiusque mater Iustina.

1) Paulus Samosatenus episcopus Antiochenus a. 260. electus.

2) Duae synodi Antiochenae de eo habitae sunt, a. 264. et 269.

Distinctio dominiorum, seu proprietas est iuris gentium, vel, ut philosophi loquuntur, iuris naturae. Ergo conturbare distinctionem dominiorum, et aliena rapere sine causa iusta, est iniustum. Ita muniunt proprietatem, et ius naturae, et lex divina, cum inquit (Exod. 20, 15.): Non furtum facies. Nam decalogus, ut saepe dictum est, est explicatio iuris naturalis, quae ostendit ius naturae esse divinam sententiam. Quare peccant tyranni adversus Deum, cum civibus eripiunt ipsorum fortunas.

Caeterum, cum liberi amittunt iure libertatem, et veniunt in servitutem, amittunt dominia et proprietatem. Nemo autem est natura servus, ideo cum Naboth liber esset, et dominus suarum rerum, habuit ius sui fundi retinendi.

Sed hic obiicitur sententia de iure regis in Samuele (lib. II. 8, 11. 14.): Hoc est ius regis, agros vestros tollet etc. Ergo reges sunt domini privatarum facultatum.

Respondeo. Hic locus non tollit ius naturae, sed propriae loquitur de stipendiis. Sicut libere natis reges non debent eripere facultates, ita multo minus debent eis libertatem eripere, nisi cum puniunt certa delicta.

Et quanquam subditi debent regibus stipendia administrationis causa, ut etiam Paulus docet, tamen subditum esse non est servitus, sed in imperiis debet manere libertas, hoc est, ut suum quisque teneat, ut nemo plectatur, nisi propter delicta, ut iusti cives habeant debitam defensionem.

Haec est simplex et vera responsio, reges habent ius sumendi aliquid ex privatis facultatibus, scilicet administrationis causa, ad communem necessitatem, non quod praetextu imperii sint domini omnium privatarum facultatum.

Sciendum est autem dissimiles esse formas regnorum, et alibi alios esse gradus libertatis. Approbat autem Deus omnes formas imperiorum rationi et naturae consentaneas. Semper igitur valere debet ius naturae, ne distinctio dominiorum turbetur. Praeterea quaelibet potestas debet sui regni leges conservare, et eis obtemperare, ubi leges ipsae concedunt libertatem civibus, et discernunt rerum dominia, ibi reges peccant, cum occupant privatorum facultates.

Habebant autem Israelitae legem, et quidem divinitus datam, quae discernebat possessiones, et concedebat proprium civibus. Hanc legem abolere non licuit ulli regi. Ideo peccabat Achab,

cum occuparet alienam vineam. Et Deus, cum id scelus ulciscitur, declarat similiter se sumptuum poenam de aliis tyrannis. Ita et nos liberi sumus, ut possessio libertatis testatur, et Romanae leges tribuunt civibus libertatem, et distinguunt dominia. Quare peccant principes, cum rapiunt privatorum facultates, aut immoderatis explicationibus deglubunt populum. Nam et ius naturae vetat eos aliena rapere, et legibus regni sui debent obtemperare. Sicut honestissime praecipit lex Theodosii in Codice⁵⁾: Digna vox⁶⁾ maiestate regnantis, legibus alligatum se principem profiteri; adeo de autoritate iuris, nostra pendet autoritas. Et re vera maius imperium⁷⁾ est submittere legibus principatum⁸⁾. Et in Institutionibus recitatur rescriptum Severi⁹⁾ et Antonini: Licet legibus soluti sumus, attamen legibus vivimus¹⁰⁾. Iactatur vulgare dictum: Omnia sunt imperatoris, quod etiam recitat Ambrosius. Et narrant lepidam fabulam de Henrico Lutzenburgensi¹¹⁾, imperatore, qui, cum in Italico itinere de quadam arce interrogasset cuius esset, cum iurisconsultus¹²⁾ quidam responderet, imperatoris esse, etiamsi quis alius esset dominus, quia imperatoris essent omnia. Hic cum alius quidam iurisconsultus reclamaret, et negaret omnia esse imperatoris, convenit, ut Bononiae res diiudicaretur, et victori equus daretur victoriae praemium. Bononiae in gratiam imperatoris pronuntiatum est, pro eo qui defenderat omnia esse imperatoris. Hic faceti quidam dixerunt: Victor habet equum, sed alter respondit aequum. Porro cum proprie de dominio loquimur, quod videlicet est rerum proprietas, non est verum, omnia esse imperatoris: nam distinctio dominiorum cum sit iuris gen-

5) In Cod. I. tit. 14. de legibus, et constitutionibus principum lege 4. (vid. Corpus iuris civilis ed. I. L. Guil. Beck. Tom. II. P. I. p. 125.).

6) vox] in Codice legitur: vox est.

7) imperium] in Cod.: imperio.

8) In Codice addita sunt haec: Et oraculo praesentis edicti, quod nobis licere non patimur, aliis iudicamus.

9) Severi] sic recte Ed. 1538.; Edd. 1540. et 1546. typogr. errore: Veri.

10) Haec verba inveniuntur in Institutionum I. II. tit. 17. §. 8. in fine (vid. Corp. iur. civ. ed. Beck. Tom. I. P. I. p. 47.).

11) Lutzenburgensi] sic Edd. 1540. et 1546.; Ed. 1538. Lutzenburgensi, pro Luciliburgensi, Luciburg. s. Luxemburg. — Comes Henricus a Luxemburg (Lützelburg), a. 1308—1313. Imperator Germanorum Henricus VII.

12) iurisconsultus] sic Edd. 1538. et 1540.; Ed. 1546. h. l. iureconsultus (deinceps autem: iurisconsultus, quapropter etiam h. l. eandem formam praetulimus).

tium, non ideo tollitur, quia superior potestas creatur. Sic autem dicitur omnia esse imperatoris, ut dicimus legum esse omnia, id est, imperator est supremus index et protector hominum, cuius iudicio res velut cedendae sunt, cum de earum proprietate ambigitur. Et in summa, sic habet ius disponendi de rebus, ut ipsa lex. Ut igitur lex non tollit, sed confirmat dominia seu proprietates, sic regia potestas non tollit proprietates. Haec ex illo fonte omnia iudicantur, quia distinctio dominiorum valet iure naturae et divino. Manent igitur liberis suae proprietates, etiamsi constituti sint reges. Nam his non licet tollere iura naturae et divina.

Haec disputatio utilis est, quia ostendit, quomodo res nostras teneamus, et docet Deo placere hanc proprietatem, et rursus displicere tyrannidem et immoderatas expilationes. Atque ideo iura praedicant libertatem, quia libertas talis status est, in quo suum cuique tenere licet, et nihil contra leges et honestatem facere cives coguntur. Quare et ipsa iura inquirunt philosophiam favere libertati. Talis enim status maxime convenit naturae hominum. Ideo in Codice libro sexto de senatusconsulto Silaniano*) scriptum est, maxime in libertatibus, quas semper philosophia amplectitur 13).

Deinde etsi ius civile nihil proprium tribuit servis, tamen ius naturae, hoc est, ratio naturalis et ius divinum praecipiant relinqui victum servis, sicut ait Ecclesiasticus (33, 25.): Asino onus, pabulum et virgam, ita servo laborem, victum et disciplinam.

Haec sententia tametsi de servis loquitur, tamen si quis apte interpretetur, magna ex parte pingit optimum reipublicae statum.

Prima enim et nocentissima pestis est reipublicae otium vulgi: ideo principio requirit honestos labores.

Secundo opus etiam disciplina, videlicet ut delicta severe puniantur, ita conservantur in reipublica honestas et pax.

Tertio aequum est etiam cives frui suis laboribus, et opus est conservatione facultatum ad educationem liberorum, et ut sint reipublicae praesidio, ideo iubet etiam victum relinqui.

*) Silaniano] sic in Cod. scriptum est, in Edd. Epit.: Syl-laniano.

13) Haec verba inveniuntur in Cod. l. VI. tit. 35. lege 11.: „Quum Silanianum senatusconsultum“, vid. Corp. iur. civ. ed. Beck. T. II. P. I. p. 594.

Illud etiam in fine adiiciendum est, quod Ambrosius recte fecit, quod non cessit templum postulanti imperatori, et tradituro haereticis 14), quia profana potestas non habet ius mandandi contra legitimam vocationem Ecclesiae. Ideo ait, se nihil hac voce terreri, qua dicebatur omnia esse imperatoris. Non enim de templo cedendo erat contentio, sed de cedenda vocatione. Non habet autem imperator ius turbandi legitimam vocationem.

De contractibus *).

An foenus exercere pugnet cum iure naturae.

Usura est lucrum supra sortem exactum, tantum propter officium mutuationis: nam cum accedit aliquid ad sortem, cum debitor efficacem causam damni dedit, illa accessio non est usuraria, aut illicita: sed haec accessio est usuraria et illicita, de qua paciscimur propter officium mutuationis, etiam cum debitor non dedit efficacem damni alicuius causam.

Eruditi colligunt rationes, ut ostendant contra naturam esse, foenus exercere.

Prima. Iniustum est exigere pecuniam, ubi nullius rei commutatio est, hoc est, ubi aliquis pro nihilo exigit pecuniam. Foenerator salva sorte exigit usuras non pro aliqua re, quia sors est salva, sed tantum pro officio mutuationis. Ergo iniustum est usuras exigere.

Secunda. Res non fructificans natura, non est transferenda tanquam fructificans, ut pro agro elocato, cum natura fructificet, licet aliquid recipere, etiamsi ipse ager non amittitur. Pecunia autem non est res natura fructificans. Ergo pro pretio non est aliquid exigendum, cum sors maneat salva.

Tertia. Pretium non debet esse merx: pecunia est pretium: ergo pecunia non debet esse merx. Maiorem probo, quia, quodcumque pretium fit merx, semper accedit aliquid foeneratori 15) supra pretium. Ita additur aliquid pro nihilo, et fit inaequalitas. Ita pauci foeneratores exhauriunt civitatum facultates. Non enim possunt esse perpetuae commutationes, ubi non est aequalitas. Et hic quaestus eo maior est, quia

14) i. e. Arianis; conf. p. 123. et Ambrosii epistolae 20—22.

*) De hac dissertatione annexa conf. Prolegg. p. 19. sq.

15) foeneratori] sic Edd. 1538. et 1546.; Ed. 1540. typogr. errore: foeneratori.

multi sunt egentes, et plerumque sic affecti, ut etiam cum damno cupiant praesentem pecuniam conficere. Ideo facile crescunt usurae, et exhauriuntur alienae facultates. Est igitur vera sententia et rationi maxime consentanea, quod pretium non debeat esse merx.

Hanc rationem recitat Aristoteles primo Politicorum, et propter eam indicat usuras contra naturam esse. Verba Aristotelis haec sunt: Recte reprehenditur quaestus foeneratorum, quia cum pretium debeat esse medium ad mercem comparandam, usurae non mercem acquirunt, sed tantum adiiciunt ad pretium. Unde et nomen habet τόκος, quia pretio generatur pretium, quod maxime contra naturam est. Haec sunt Aristotelis verba ¹⁶⁾.

Cum igitur sit contra naturam foenus exercere, prohibent usuras etiam veteres legislatores, et Christiana doctrina eas prohibet. Et Psalm. (15, 5.): Quia pecuniam ad usuram non dedit. Et Christus inquit (Luc. 6, 34.): Mutuum date, nihil inde sperantes. Nam cum ait mutuum, non iubet donare, sed sortem vult reddi. Illud tantum vetat supra sortem aliquid exigi. Tenemus igitur piam regulam, quod foenus exigere sit illicitum, et discamus Deo displicere illicitos quaestus, praesertim tales, qui alienas facultates praetextu aliquo illicito exhauriunt. Caeterum qui solvit usuras, non peccat. Non enim afficit alios iniuria, sed patitur iniuriam. Haec regula prius tradenda fuit, nam infra alicubi fiet mentio usurarum. Sed obiiciet aliquis: Quaedam veterum iura permittunt usuras. Ergo non pugnant cum iure naturae. Nego consequentiam, et ratio est. Quanquam enim permittunt, tamen non approbant. Nam leges non possunt omnibus vitiis mederi, ideo quaedam dissimulant et moderantur, et dixi supra gradus esse naturalium. Quaedam sunt simpliciter immutabilia, quaedam sunt aliquo modo mutabilia, ut Aristoteles ait de his, qui sinistra manu facilius utuntur, quam dextra. In his mutabilibus aliquem errorem dissimulant leges. Vide autem quomodo paulatim discessum sit a natura.

16) Verba Aristotelis in Polit. I. l. c. 3. §. 23. sunt haec: εὐλογώτατα μισείται ἡ ὀβολοστατικὴ διὰ τὸ ἀπ' αὐτοῦ τοῦ νομισματός εἶναι τὴν κτήσιν καὶ οὐκ ἐφ' ὅπερ ἐπορίσθη μεταβολῆς γὰρ ἐγένετο χάριν, ὃ δὲ τόκος αὐτὸ ποιεῖ πλέον ὄθεν καὶ τὸ νόμισμα τοῦτ' ἐλλήφεν· ὁμοία γὰρ τὰ τιμηόμενα τοῖς γεννώσιν αὐτὰ ἐστίν, ὃ δὲ τόκος γίνεται νόμισμα νομισματός· ὥστε καὶ μάλιστα παρὰ φύσιν οὗτος τῶν χρηματισμῶν ἐστίν.

Vetera Romana iura, ut ait Cato ¹⁷⁾, puniebant foeneratorem quadruplo, furem tantum duplo, postea vicit leges cupiditas malorum, et foeneratores ita grassati sunt, ut cogere etiam obaeratos dedere corpora in servitutem. Inde Romae magni motus exorti sunt, et Athenis Solon lege prohibuit, ne liceret propter aes alienum aut usuras civem rapere in servitutem. Deinde imperatores in Codice ¹⁸⁾ moderati sunt usuras, et vetuerunt recipi centesimas usuras, id est, tantas, quae centesimo mense aequant sortem, hoc est, de centum aureis singulis mensibus unum aureum. Fit mentio centesimarum etiam in decretis, distinct. 47. ¹⁹⁾, ubi synodus Nicena prohibet usuras. Est autem centesima as usurarum.

An usitatus contractus, in quo emitur reditus cum pacto revendendi, sit licitus, aut sit usurarius.

Si quis disputabit has quaestiones non pertinere ad Ethicam, ab hoc petam, ut interim sinat nos iis uti, vel tanquam aliunde accersitis. Certis ²⁰⁾ enim exemplis contractuum opus est, si velimus declarare, qualis aequalitas in commutativa iustitia constituenda sit. Deinde hoc ipsum ἡθικόν est, intelligere contractus esse res honestas, et Dei ordinationes humano generi non simpliciter traditas vitae tuendae causa, sed ita traditas, ut ipsi contractus doceant nos exercere officia virtutum et mutuae dilectionis. Ipsi contractus sacramenta sunt, quae monent nos non tantum nostrae utilitati, sed etiam alienae consulere debere. Quia impossibile est esse contractus perpetuos, si non sit aequalium permutatio. Ita contractibus devinxit Deus homines inter sese, et impressit eis imagines virtutum.

Secundo. Est et hoc ἡθικόν, cum videmus legibus certas formas improbari. Sciendum est legem magis esse dominam rerum nostrarum, quam nos ipsos. Cum autem dicimus legem esse

17) M. Porcius Cato Censorinus in praefat. libri de re rustica ait: Maiores enim nostri hoc sic habuerunt, et ita in legibus posuerunt, furem dupli condemnari, foeneratorem quadrupli.

18) Cod. I. IV. tit. 32. lex 26. (Corp. iur. civ. ed. Beck. T. II. P. I. p. 377 sq.).

19) Decreti P. I. dist. 47. c. 2. ex Concilio Nicaeno c. 17. (vid. Corp. iur. can. ed. Richter. P. I. p. 147. et Mansi sacror. concillior. collectio Tom. II. p. 675. canon 17.).

20) Certis] sic Ed. 1546.; Edd. 1538. et 1540. Certe.

dominam, sentimus Deum, qui est autor iuris, esse Dominum.

Huc pertinet exemplum Levit. 25, (23.), ubi ait Dominus: Terra mea est, vos estis advenae et coloni mei. Etsi autem politia Moisi non pertinet ad nos, tamen hoc exemplum monet debere nos uti rebus ita, ut agnoscamus Deum esse Dominum rerum, et nos velut colonos Dei etc. Quare non debemus uti rebus pro nostra libidine, contra voluntatem Domini, videlicet legis et Dei.

Sed venio ad quaestionem. Prudenter monuerunt Gerson et alii, non statim contractus usitatos iudicandos esse usurarios. Cum enim haec vita habeat contractibus opus, et magna varietas incidat, reprehensio usitatorum contractuum et conscientias perturbat, et magnos tumultus excitat in republica, ut vidimus accidere, cum Strucius²¹⁾ damnatis simpliciter his contractibus, de quibus disputamus, seditionem in Thuringia excitasset. Ideo prudentia adhibenda est, ne temere pronuntietur. Sed naturae contractuum inspiciantur, et in iudicando adhibeantur eruditio et humanitas. Usurae praesertim immoderatae sunt vituperandae, quia iniuste exhauriunt alienas facultates. Rursus autem videndum est, ne aut temere, aut nimis acerbe iudicemus de contractibus, quos approbant leges. Tenenda est igitur utilis regula: contractus legibus, et autoritate magistratus, hoc est, boni et sapientis iudicis seu iurisconsulti approbatos, concessos esse Christiano homini. Licet enim Christiano uti politicis ordinationibus. Et hae ordinationes valent non solum propter rationem, sed etiam propter auctoritatem magistratus, quam Deus approbat. Sic ergo Christianus conscientiam suam erudiat, ut intelligat haec concessa esse, quia Deus approbet leges et magistratus, et velit nos uti politicis ordinationibus, et in contractibus sit contentus eo medio, ea aequalitate, quam constituunt leges et magistratus, hoc est, bonus et sapiens iudex,

²¹⁾ Strucius] sic Editt. pro germanica nominis forma: Strauss. Dr. Jacob. Strauss, concionator Isenacensis, a. 1524. theses LI. Isenaci publicavit contra usuras a sacerdotibus tantopere, ut ait, probatas et petitas. Reicit in his omnes usuras, etiam quas Concilium Constantiense permisit, prohibet usuras solvi, etiam praecipiente id magistratu, vim tamen exactionum patiendam esse, peccare vero magistratus in exigendo statuit. Haec cum fervide urgeret, et in motu rusticorum minus circumspecte se gessisset, a munere motus et in custodiam datus est. Conf. Seckendorf comment. de Luth. l. I. sect. 57. §. 102. Add. 3.; sect. 61. §. 177. Add. et al.

nec requirat punctum, seu medium indivisibile. Nam et ipsae leges docent medium sumendum esse *ἐν πλάτει*, id est, in aliqua latitudine, nec posse unam tantum formam in talibus negotiis indivisibiliter constitui.

Sciendum est autem tres esse formas contractus redemptionis, de quibus disputamus. Prima forma est, quando emitur certus fundus cum pacto de revendendo. Secunda forma est huic similis, quando emitur certus redditus in fundo certo. Hae duae formae sunt verae²²⁾ emptiones. Quare hi contractus non sunt usurarii. Nam usura accidit mutuo, non accidit emptioni. Non est usura, cum fructus agri, quem usitato emi pretio, superant pretii summam propter diuturnitatem usus. Nec usura est, si emptum agrum iterum vendam illi ipsi, a quo emi. Sed hic multa quaeruntur.

Primo, an pactum revendendi pugnet cum natura emptionis. Item an conditio de revendendo impediatur, quo minus emptor fiat dominus, cum non liceat ei²³⁾ rem transferre, sed in potestate venditoris est, eam ad se retrahere. Ideo enim aliqui contendunt hos contractus tantum esse usurarias mutationes cum oppignoratione, et simulatas emptiones, quia venditor potest rem venditam redimere. Sed hi non recte iudicant. Etsi enim interdum aliquis abuti potest praetextu huius contractus, tamen non propterea forma contractus improbari potest, cum sit re ipsa et vere emptio. Respondeo igitur ad primam quaestionem, quod conditio de revendendo non tollit naturam emptionis. Id testantur leges, ut lex: Si fundum, Codicis²⁴⁾ de pactis inter emptorem et venditorem²⁵⁾. Verba legis haec sunt: Si fundum parentes tui ea lege vendiderunt, ut sive ipsi, sive haeredes eorum emptori pretium quancumque vel intra certa tempora obtulissent, restitueretur, teque parato satisfacere conditioni dictae, haeres emptoris non paret, ut contractus fides servetur, actio praescriptis verbis, vel ex vendito tibi datur²⁶⁾. Et planior textus est in

²²⁾ verae] sic Ed. 1546.; Edd. 1538. et 1540. vera.

²³⁾ ei] sic Edd. 1538. et 1540.; in Ed. 1546. omissum est.

²⁴⁾ lex . . . Codicis] in Editt.; L. . . C.

²⁵⁾ Cod. l. IV. tit. 54. §. 2. (Corp. iur. civ. ed. Beck T. II. P. I. p. 401.).

²⁶⁾ datur.] sic Editt. huius Epit.; in Cod.: dabitur, (cui addita sunt haec verba: habita ratione eorum, quae post oblatam ex pacto quantitatem ex eo fundo ad adversarium pervenerunt.).

Digestis²⁷⁾ de contrahenda emptione et venditione. Qui fundum vendidit, ut eum certa mercede conductum ipse habeat, vel si vendat, ut non alii²⁸⁾, sed sibi distrahat, vel simile aliquid paciscatur ad complendum, quod pepigerunt, ex vendito agere poterit.

Hae leges et approbant contractum, et testantur emptionem esse. Nam et emptionem vocant, et dant actionem ex vendito. Constat autem ex regula usitata, quod de rebus civilibus legum iudicium sequendum sit, et quod Christiano liceat uti legibus et contractibus, qui approbantur a legibus.

Ad secundam quaestionem respondeo. Etiam si circumscribit dominium conditio de revendendo, sicut aliae multae conditiones, tamen non tollit naturam dominii, non prohibet, quo minus emptor vere sit dominus, ut si quis vere dominus aedium suarum obliget se eas aedes ad nullum alium translaturum esse, nisi ad te, sive donatione, sive venditione, is manet tantisper vere dominus, et tamen non potest transferre aedes ad alium. Ita docet iureconsultus in Digestis²⁹⁾ de verborum obligationibus, lege: Ita quis³⁰⁾, paragrapho: ea lege, ubi dicitur servum donatum esse ea conditione, ne ad alium transferretur, et tamen ille vere fiebat eius servi dominus³¹⁾.

Hactenus citavimus autoritatem legum, ut autem rationem etiam teneamus ex natura contractuum, addam argumenta. Nam ut leges, ita et contractus propter duo valent, videlicet propter autoritatem et rationem. In mutuo et in oppignoratione, is qui dat mutuo, habet ius repetendi pecuniam. In hoc contractu emptor non habet ius repetendi pretii. Ergo hic contractus est vere emptio. Nam si emptori ius retrahendae pecuniae non competit, necesse est vicissim aliquod dominium in eum translatum esse, ut servetur commutationis aequalitas.

²⁷⁾ Dig. l. XVIII. tit. 1. lex 75. (Corp. iur. civ. ed. Beck T. I. P. I. p. 711.)

²⁸⁾ alii] sic, convenienter cum Dig., Edd. 1538. et 1540.; Ed. 1546. aliis.

²⁹⁾ Dig. l. XLV. tit. 1. legis 135. §. 3. (Corp. iur. civ. ed. Beck T. I. P. II. p. 843.)

³⁰⁾ Ita quis] sic in ed. Hal.; in ed. Beckii: Si ita quis.

³¹⁾ Verba huius paragraphi sunt haec: Ea lege donatum sibi esse a Scia servum et traditum, ut ne ad fratrem eius, aut filium, aut uxorem, aut socrum perveniret, scripsit; et haec ita stipulante Scia, spondit Titius, qui post biennium haeredes reliquit Sciam et fratrem, cui ne serviret, expressum erat. Queritur: an Scia cum fratre et cohaerede ex stipulatu agere possit? Respondit: posse in id, quod eius interesset.

Alia ratio. Res empta perit emptori, oppignorata non perit tenenti pignus. In nostro casu fundus emptus perit emptori. Est igitur vera emptio. Haec satis sit de primo et secundo casu dixisse, non enim habent obscuram controversiam, nec difficile est intelligere has esse veras emptiones. Sunt enim ibi substantialia emptio- nis, consensus, merx, pretium. Nam merx est fundus, aut ius recipiendi certos redditus, quod fundatum est in certo fundo. Ut enim licet emi servitutem, videlicet iter vel actum in alieno agro, sic licet emi ius recipiendi certos redditus, sed ita, si sit constitutum ius in fundo certo. Nam de hoc casu hactenus dixi. Et quia ius debet esse in aliquo corpore, ut pereunte agro, periret iter, seu actus, ita perit et hoc ius, de quo nos diximus. Et ut servitus illa potest esse merx, ita ius illud in nostro casu est merx.

De tertia forma huius contractus.

Tertia forma huius contractus est, cum redditus non constituitur in fundo certo, sed in universis bonis alicuius, ut cum ementur redditus constituti in omnibus bonis alicuius reipublicae.

Porro an hic contractus sit emptio, aliquanto obscurior disputatio est, sed multi eruditi iurisconsulti probant et hunc contractum, et sentiunt emptionem esse. Nam hic sunt emptionis substantialia, merx, pretium et consensus. Merx est ius percipiendi redditus, et cum hoc ius in aliquo corpore esse debeat, corpus sunt omnia bona fructificantia istius reipublicae. Nam in his omnibus simul tale ius constitui potest, sicut in alieno agro servitus aliqua constituitur, videlicet actus aut iter.

Est enim prudentissimum et rectissimum dictum, quod scripsit Innocentius³²⁾, videndum esse in hoc contractu, ut redditus constituatur in re, seu ad rem referatur, non ad personam vendentis, et addit Innocentius talem contractum non esse usurarium, cum in eo sint merx et pretium, et talia iura realia licitum sit vendere. Nec alia difficultas in hac forma est, nisi quod aliquanto obscurius est, quod dicitur universa bona habere rationem corporis, quam quod supra dicebatur certum fundum, in quo certi redditus

³²⁾ Innocentius in lib. V. Decretal. tit. 19. c. 5. (vid. Innocentii IV. Pontif. Max. in quinque libros Decretalium commentaria absolutissima. Ex secunda edit. Francof. ad M. 1579. Fol. p. 517 sq.).

emuntur, habere rationem corporis, ut cum 20 modii in agro certo emuntur, quo percunte, simul perit emptori ius suum. Sed agitata quaestione satis intelligi poterit, quod universa bona possunt se habere tanquam certum corpus, modo ut onerentur pro proportione, et qui accipit redditum, sustineat periculum pro proportione. Adhendae sunt ergo rationes.

Prima. Pars aliqua certa potest onerari servitute. Ergo etiam universa bona possunt simili servitute onerari, nec apparet ratio dissimilitudinis.

Secunda. Licet reipublicae ex universis bonis alicui redditus aliquos donare, et huic licet donatos vendere. Licet igitur et ipsi reipublicae tales redditus vendere.

Tertia. Reditus olim constituti, ut decimae, possunt vendi. Possunt igitur et novi redditus constitui et vendi, si tanti sit corpus fructificans, ut sustinere nova onera possit.

Quarta. In emptione non habemus ius, neque tempus ullum repetendi pretii. Cum enim pretii tenendi ius omnino translatum sit in accipientem, necesse est vicissim in dantem aliquid ius tanquam mercem translatum esse, alioqui nulla existeret aequalitas. Sed in hoc casu emptor non habet ius repetendi pretii. Est igitur vera emptio. Haec ratio sumpta est ex ipsa natura emptionis. Nam proprium est in emptione non habere ius repetendi pretii.

Sed agitatis argumentis, quae contra hanc sententiam obiiciuntur, res fiet illustrior, quare ea diluamus.

Contra. Cod. ³³⁾ plus valere quod agitur, quam quod simulate concipitur ³⁴⁾, inquit lex: Emptione pignoris causa facta, non quod scriptum, sed quod gestum est, inspicitur. In tertio casu fit simpliciter emptio pignoris causa, id est, fit oppignoratio, non emptio. Ergo prorsus est simulatus contractus. Minorem probo. Quia bona illa, in quibus emptio fingitur, tantum sunt re ipsa pignus, etiamsi propter praetextum additur nomen emptionis. Imo instrumenta fatentur, quod oppignorata sint omnia bona. Respondeo ad minorem. Hoc argumentum est sane *εὐπρόσωπον*, et videtur labefactare nostram sententiam, interdum etiam fit, ut specie huius con-

tractus abutantur homines. Sed tamen fundamenta nostrae sententiae consideranda sunt, quae si sunt vera et firma, anteferri debent isti objectioni.

Sunt autem haec fundamenta. Certum est, quod licet alicui in bonis suis constituere redditum, sicut alias servitutes, certum et hoc est, hunc redditum alteri vel donari, vel vendi posse: haec sunt clariora luce meridiana. Potest igitur vera emptio existere in nostro casu, et non tantum est oppignoratio. Nam quod talis contractus differat a mutuacione, manifestum est.

Quia in mutuo ille, qui dedit mutuo, habet ius repetendi mutuum, sed in nostro casu emptor fundi aut redditus non habet ius repetendi pretii. Respondeo igitur ad argumentum. Cum hic noster contractus vere differat a mutuacione, et habeat substantialia emptionis, non est emptio pignoris causa facta. Quod autem omnia bona oppignorantur, ne id quidem vitiat emptionem. Nam oppignoratio non vitiat emptionem, ut testantur multae sententiae iurisconsultorum.

Aliud contrarium. Ius debet esse in corpore certo, quo sublato, ius sublato intelligatur. In tertio casu nullum certum corpus est, imo etiam bona illa insigni damno affecta sunt, tamen exigitur pensio, igitur tota res est simulata. Respondeo ad minorem. Est certum corpus, in quo fundatur ius illud, videlicet omnia illa bona. Sicut certus ager est, in quo servitus constituta est. Sed quemadmodum amitterem actum aut iter in agri parte, quae periisset alluvione, ita si bona illa sint insigni damno affecta, debet servari aequalitas, ut vicissim pro proportione aliquid remittat emptor. In hanc sententiam ait Baldus, se probare hunc contractum, si haec aequalitas servetur.

Aliud contrarium. Periculum rei venditae pertinet ad emptorem. In hoc contractu tantum gravatur venditor, quia emptor exigit pensionem, etiamsi illa bona sunt damno affecta, aut perierunt ³⁵⁾: ergo non est vera emptio. Respondeo ad minorem: Periculum pertinet ad emptorem, si insigne damnum acceperint illa bona, in quibus intelligimus ius fundatum esse, sicut perit actus aut iter, si ager perit alluvione.

Aliud contrarium Levitici 25, (15. 16.) mandatur, ut fructus fundorum computentur in sor-

³³⁾ Cod. l. IV. tit. 22. lex 3. (Corp. iur. civ. ed. Beck T. II. P. I. p. 356.)

³⁴⁾ Haec est inscriptio tituli 22.

³⁵⁾ perierunt] sic Ed. 1516.; Edd. 1538. et 1540. perierint.

tem. Ergo et nos debemus fructus computare in sortem, cum emimus fundum cum pacto de revendendo, et reddere fundos sine pretio etc. Respondeo: Neganda est consequentia, quia politia Mosaica nihil pertinet ad nos. Hoc autem onus de reddendis fundis in iubilaeo erat peculiaris ordinatio illius gentis, sicut circuncisio. Seditiosum autem esset eam tanquam necessariam transferre ad nostras republicas, tanetsi habuit in illo populo rationem, et exemplum humanitatis. Deus enim noluit ullam familiam expilari, sed suos fundos singulis conservari. Ita simul conservabantur familiae, et minus loci erat avaritiae, non poterant ditiores aliorum ad se praedia coemere. Erat igitur haec ordinatio utile vinculum in illa republica, verum nihil obligat nos, sicut iam non tenemur lege de circuncisione, sed nostris legibus, quae sunt consentaneae rationi, et approbatae a nostris magistratibus, obtemperare debemus.

An ratione eius quod interest, peti aliquid possit in mutuo supra sortem.

Respondeo: Interesse vocatur, quod debetur alicui, vel quia damno affectus est, vel quia lucrum aliquod impeditum est, ideo distinguitur interesse, aut oritur propter damnum emergens, aut propter lucrum cessans. Exemplum. Si quis debuit mihi solvere 20 aureos Calendis Maii, et non solvit, si propter illam moram damno affectus aliquo sum, videlicet quia tunc debebam alteri solvere, cui quum non solverem, ille fecit sumptus, et hos quoque a me petit. Id interest propter damnum mihi emergens.

Est et aliud discrimen necessario observandum. Aliud damnum accidit ante moram, hoc est, ante diem solutioni constitutum. Aliud damnum accidit post moram, id est, postquam debitor non solvit constituto die. Nunc igitur respondeo: Verum et non simulatum interest, quod accidit mutuanti, est, cum damnum emergens post moram accidit. Ut si quis debuit mihi 20 aureos solvere Calendis Maii, hos quia non solvit, postea alius quispiam, cui debebam, fecit sumptus, et hos a me repetit. Hic damno afficior propter moram illius, qui mihi debebat. In huiusmodi casu pronuntiatur ultra sortem deberi, id quod interest, et licite peti posse, etiamsi nulla accessit stipulatio de eo, quod interest. Id consentaneum est et scripto iuri et naturali

aequitati. Nam qui dat efficacem causam damni alteri, debet illi compensare. In hoc casu mora post tempus solutioni³⁶⁾ constitutum, praebet efficacem damni causam. Quare aequissimum est, ut id interest solvatur. In hoc casu perspicitur potest, quod sit verum, et non simulatum interesse, quod accidere solet mutuanti, videlicet quod debetur, etiamsi nulla accessit stipulatio. Hinc iudicari potest, ubi in mutuo praetexatur interesse, quod videlicet sine stipulatione nequaquam deberetur³⁷⁾, et efficit, ne mutuatio ipsa sit liberalis, sed est quasi pretium mutuationis, et captatio lucri ex mutuatione.

De lucro cessante post moram, hoc est, cum debitor non solvit constituto die, pronuntiant ad eundem modum deberi id, quod interest, sicut iam de damno emergente diximus. Sed in hoc secundo casu tantum personis negotiantibus hoc concedunt. Nam in negotiatione lucrum cessans, vicinius est damno emergenti, ut Panormitanus³⁸⁾ in cap. Conquestus³⁹⁾, de usuris⁴⁰⁾ scribit, sed probabili ratione iudex etiam ad reliquas personas exemplum accommodare potest.

Sed de damno emergente et de lucro cessante ante moram in mutuo, iura quidem non dant actionem, nisi quis stipulatus sit, ut solvatur illud, quod interest. Itaque nunc usitata est haec stipulatio in mutuatione, et saepe praetextus est usurarum. Hoc igitur quaeritur, an liceat stipulari de eo, quod interest etiam ante moram. Respondeo: Licet stipulari de eo, quod interest etiam ante moram. Ratio: Iustam compensationem licet stipulari: solvere id, quod interest, est iusta compensatio: ergo licet eam stipulari. Minorem probo. Quia iura diserte discernunt inter usuras, et id quod interest. In usuris captatur lucrum ex officio mutuationis, et ipsum officium confertur ad quaestum. Sed cum petitur id, quod interest, allegantur vera et non simulata damna, quae proprie ex hac mutuatione orta sunt. Nemo autem debet alteri dare efficacem

36) solutioni] sic recte Edd. 1538. et 1540.; Ed. 1546. ty-pogr. errore: solutione.

37) deberetur] sic Edd. 1538. et 1540.; Ed. 1546. debetur.

38) Nicolai Siculi, Abbatis Panormitani, lectura super quinto Decretalium, cum glosis (sic) Bernardini de Landriano. Venetiis 1495. fol. 59.

39) Conquestus] sic Decretalibus convenienter scribendum est; Editt. 1540. et 1546. falso: Cum quaestus.

40) Decretal. Gregor. IX. lib. V. tit. 19. cap. 8. (Corp. iur. canon. ed. Richter P. II. p. 784.).

causam damni, ideo diligenter considerandum est, quod Digestorum pro socio, lege Socium⁴¹⁾, et Codicis de usuris, lege Cum allegas⁴²⁾, in glossa prudentissima discernuntur usurae, et id quod interest. Ideo doctores hanc stipulationem eius, quod interest, approbant, modo sit verum et non simulatum interesse. Et in capite Pervenit, de fideiussoribus⁴³⁾ pronuntiat pontifex⁴⁴⁾, ut fideiussori, qui pro aliis solverat, solvantur et creditum, et quanti interest. Hic casus simillimus est casui nostrae quaestionis. Nam fideiussor ille interim velut mutuo dat pecuniam illi, pro quo solvit. Quare doctores hoc exemplo utuntur, et sentiunt hanc stipulationem licitam esse, et tale interesse ex conventionem peti posse. Sic iudicat Hostiensis in cap. Salubriter, de usuris⁴⁵⁾, deberi etiam id, quod interest lucri cessantis ante moram, sed addit: modo ne sit praetextus usurarum. Etsi enim aliquam aequam compensationem concedit, tamen metas certas constituit, ut in personis, quibus facultates suae praecipuae⁴⁶⁾ sunt in pecunia et negotiatione. Hic cum non possint sine damno magna pecunia carere, aequum est aliquam compensationem reddi, et eatenus probat⁴⁷⁾ hanc stipulationem.

Et haec compensatio fit mediocris pro iudicio bonorum virorum, aut certe iudicis. Nam aequalitas in civilibus negotiis non versatur in indivisibili, sed *ἐν πλάτει*, hoc est, in latitudine. Ideo non potest unum aliquod, seu punctum, seu una forma constitui, si tantum stipulatur, quantum etiam sine stipulatione bonus vir probabili ratione debere sentiret, seu quantum est damnum, seu propemodum, quantum esset lucrum, quo interea fraudatus est. Haec forma probabilis est. Sed cum lucrum captatur, ideoque accessio immoderata petitur, praesertim cum is, qui mutuo dat, nihil sustineat damni, nec honeste alia ratione tantum lucrari soleret, tunc

41) Dig. XVII. tit. 2. lex 60. (Corp. iur. civ. ed. Beck T. I. P. I. p. 691.).

42) Cod. IV. tit. 32. lex 15. (Corp. iur. civ. ed. Beck T. II. P. I. p. 376.).

43) Decretal. Greg. IX. lib. III. tit. 22. cap. 2. (Corp. iur. can. ed. Richter P. II. p. 511.).

44) Lucius III. papa 1181 — 1185.

45) Decretal. Gregor. IX. lib. V. tit. 19. cap. 16. (Corp. iur. canon. ed. Richter P. II. p. 786.).

46) praecipuae] sic Ed. 1546.; Edd. 1538. et 1540. praecipuae.

47) probat (scil. Hostiensis)] sic Ed. 1546.; Edd. 1538. et 1540. probant (scil. doctores).

interesse illud degenerat in usuram. Quare non sunt praetextu eius, quod interest, excusandae illae crudeles usurae Saxonicae, aut aliae, quae velut hircines, exugunt principes et respublicas. Videmus in legibus honestam et plenam humanitatis et aequitatis appellationem esse id quod interest. Haec honesta appellatio non debet praetextu turpissimae rapacitati foeneratorum.

Hactenus recitavi sententiam Hostiensis, etsi autem Panormitanus⁴⁸⁾ in cap. Naviganti, de usuris⁴⁹⁾ aliquanto verecundius pronuntiat, tamen idem sentit, modo non praetexatur simulatum interesse. Haec enim sunt eius verba: Nota, in contractu mutui peti posse interesse post moram lucri verisimiliter cessantis. Sed an a principio possit haberi ista ratio, posset forte dici, quod ubi mutuans ducitur bona intentione, nec mutuatur in fraudem captandi lucri causa, quod tunc excusatur a peccato, licet alia opinio sit tutior. Itaque si non sit simulatum interesse, concedit et Panormitanus ante moram peti posse, et satis honesta ratio est, si fontes considerentur. Quia, ut supra dictum est, longissime differunt⁵⁰⁾ interesse et usura. Leges ipsae indicant acquirissimam et honestissimam esse compensationem eius, quod interest, sicut Baldus inquit lege Acceptam, Codicis de usuris⁵¹⁾ commune et aequum interesse venit in omni contractu. Concludo igitur, quod liceat stipulari, quanti interest damni emergentis etiam ante moram, nec id valde obscurum est. Nam verum interesse solvere non est usura, et haec compensatio deberetur iudicio boni viri, etiamsi non intercessisset stipulatio, nemo enim debet alteri dare efficacem causam damni. Etsi autem obscurior est ratio de lucro cessante ante moram, tamen si sit probabilis⁵²⁾ ratio, etiam concedendum est, quod liceat stipulari, quanti interest ante moram lucri cessantis.

Sed ut dixi, fit probabilis ratio, videlicet si talis sit casus, in quo vir bonus iudicaret alteri deberi compensationem, etiamsi non interes-

48) In lectura p. 138. nota 38. allata, fol. 62 b.

49) Decretal. Gregor. IX. lib. V. tit. 19. cap. 19. (Corp. iur. canon. ed. Richter P. II. p. 787.).

50) dictum est, longissime diff.] sic Ed. 1546.; Edd. 1538. et 1540. dictum est longissime, diff.

51) Cod. IV. tit. 32. lex 19. (Corp. iur. civ. ed. Beck T. II. P. I. p. 376.).

52) probabilis] sic Edd. 1538. et 1546.; Ed. 1540. typogr. errore: probalis.

sisset stipulatio et sit compensatio moderata et aequa.

Haec dixi, ut moneam studiosos, ut discernant usuras a petitione eius, quod interest. Quare non sunt damnandae sine discrimine omnes mutuaciones, in quibus hi⁵⁵⁾, qui mutuo dant, stipulantur quanti interest ante moram. Nam boni viri re honesta bene uti possunt. Estque in his negotiis illud etiam considerandum, quod sufficit habere probabilem rationem, et consentaneam legibus. Quia medium, ut supra dixi, habet aliquam latitudinem. Sed cum probabilis ratio reclamatur, tum constat officium mutuacionis tantum ad quaestum conferri, quia in emptionibus honestis illa pecunia tantum lucri non pareat. Hos quaestus palam apparet usurarios esse. Sunt autem usurae iniustae propter multas causas, quia in eis non servatur aequalitas: foenerator enim recipit sortem, et supra sortem usuram, pro qua nihil dedit. Item facilius est pecuniam sic mutuo dare, quam conferre in emptionem, et accedit ingens et certum lucrum.

Foeneratores enim non sustinent periculum, et saepe alter de illa pecunia nihil lucrificat. Haec inaequalitas causa est, quare usurae facile exhauriant alienas facultates. Ideo Cato comparavit eas homicidio, Interrogatus enim quae esset optima ratio parandae rei familiaris, cum de agricultura respondisset, et alius interrogasset de usuris: quid, inquit, est hominem occidere?

Haec eo adiecimus, ut meminerimus etiam in hac contractuum doctrina nos admoneri non tantum de nostris utilitatibus, sed de officiis humanitatis ac virtutis, videlicet ut discamus referre actiones nostras ad aliorum utilitatem, et communem societatem hominum.

An sit licitus contractus societatis, cum alter pecuniam, alter operas confert, et is, qui pecuniam confert, postulat lucri partem salvo capitali.

Variae sunt societatis species, sed multae⁵⁶⁾ et hac forma iudicari possunt, quam in quaestione posui. Approbant autem leges hunc con-

⁵⁵⁾ hi] sic Ed. 1546.; Edd. 1538. et 1540. hii.

⁵⁶⁾ multae] sic Ed. 1546.; Edd. 1538. et 1540. multa.

tractum, in quo alter confert pecuniam, et salvo capitali petit lucri partem, alter operas confert.

Ita enim manifeste docet textus in Institutionibus de societate, his verbis: Nam et ita coiri posse societatem non dubitatur, ut alter pecuniam conferat, alter non conferat, et tamen lucrum inter eos commune sit, quia saepe opera alicuius pro pecunia valet⁵⁶⁾. Deinde et hoc addendum est: non vitiatur hic contractus, etiamsi alter paciscatur maiorem lucri partem. Sed hoc intelligi debet de lucro, scilicet si deductis damnis reliquum sit lucrum: ut si is, qui collocat operas, industriam et fidem adhibuit quantam debuit, si postea reliquum est lucrum, licet alteri iuxta pactum maiorem lucri partem salvo capitali accipere. Sin autem praestitit ille diligentiam et fidem quantam debuit, et tamen nihil lucratus est, imo etiam damno affectus est, in hoc casu debent aequaliter sustinere damna, nec tantum plecti is, qui collocavit pecuniam.

Sed hic quaeritur, an in societate liceat pacisci, ut nihil sustineat damni is, qui pecuniam confert, et habeat salvum capitale, etiamsi alter nihil lucratus est, imo etiam damno affectus est. Haec quaestio valde exercuit doctores. Mihi videtur is contractus, in quo ille de capitali hoc modo paciscitur, re ipsa mutuatio esse, non societas. Nam ad naturam societatis pertinet exaequatio damnorum, et talem societatem, in qua alter nihil periculi vult sustinere, clare improbat lex: Si non fuerint⁵⁶⁾, Digestorum pro socio⁵⁷⁾, ubi Cassius ait, leoninam societatem esse, ubi alter tantum lucra, alter tantum damna sentiat.

Dixi autem de mutuacione supra, in mutuo debet salvum esse capitale, sed non debet addi pactum, quasi praetextu societatis partem lucri partem, aut maiorem is, qui nihil damni vult sustinere, postulaturus sit. Nam in hoc casu nulla est societas.

Caeterum quomodo ad mutuum accedere potest pactum, ut solvatur aliquid nomine eius, quod interest, si sit moderatum, et habeat probabilem rationem, supra dictum est.

⁵⁵⁾ Institutt. l. III. tit. 25. §. 2. (Corp. iur. civ. ed. Beck T. I. P. I. p. 89.).

⁵⁶⁾ fuerint] sic, huius legis Digestorum principio convenienter, Ed. 1538.; Edd. 1540. et 1546. fuerit.

⁵⁷⁾ Digest. l. XVII. tit. 2. legis 29. §. 2. (Corp. iur. civ. ed. Beck T. I. P. I. p. 685.).

Utrum sacerdotes sint usuarii⁵⁸⁾ aut usufructuarii.

Vetus est quaestio, an sacerdotibus liceat habere proprium. Deinde, quale ius suorum reddituum habeant, et hac de re magnae sunt contentiones iureconsultorum, alii disputant sacerdotes tantum habere usum, alii defendunt etiam usufructum eos habere ecclesiasticarum pensionum.

Est autem usus, ius quo licet possidenti pro se et familia uti rebus seu fructibus ita, ut reliquorum fructuum proprietatem non consequatur. Quare illos non potest vendere aliis, aut in testamento eos transferre ad alios exempla sunt usitata, ut, cum usus alicuius praefecturae conceditur alicui.

Sed usufructus est ius, quo licet uti rebus seu fructibus ita, ut reliquorum fructuum proprietatem possessor consequatur, sed fundi proprietatem non habet.

Cum igitur interdum sacerdotes vendant reliquos fructus, aut donent aliis, aut in testamentis transferant in alios, extiterunt quaestiones, rectene id fieri possit, cum ecclesiastica bona sint eleemosynae. In eleemosynis autem tantum usus constituatur, videlicet ut supersint reliqui fructus ad necessitatem aliorum egentium. Et extat dira constitutio in decretis X. quaestione II.⁵⁹⁾ quae vetat episcopos et diaconos alienare reliquos fructus, videlicet, quia inde iuvandi sint alii egentes. Facile autem haec quaestio diiudicari potest, si prius constituamus, quod liceat pastoribus Ecclesiarum, seu ministris Evangelii tenere proprium. Quod enim id sit piium et concessum, haec ratio satis confirmat.

Pium et concessum est omnibus Christianis uti politicis ordinationibus, tanquam bonis Dei creaturis. Emptio, venditio, proprietas, usufructus⁶⁰⁾ et similes ordinationes, sunt ordinationes politicae. Ergo et sacerdotibus, ut caeteris Christianis concessae sunt. Nec ideo sunt excipiendi pastores Ecclesiarum, quia scriptum est (Marc. 6, 8.): non licet possidere argentum in zonis. Nam in hac sententia τὸ ἄητόν debet iudi-

cari ex summa doctrinae Evangelii, quod concedit et approbat usum rerum politicarum. Imo cum addit Christus (Luc. 10, 7.): Dignus est operarius mercede sua, tribuit eis proprietatem, nam merces est propria cuiusque. Et haec vox Christi dno complectitur, consolatur doctores promissionis⁶¹⁾, ut sciant Deum ipsis prospecturum esse, et quasi fideiubere, etiamsi mundus nolit eos alere. Item docet Ecclesiam, quod debeat docentibus mercedem.

Quare igitur inquit (Matth. 10, 9.): Nolite possidere argentum, aurum etc.? Respondeo: Haec dicta non tollunt civilem usum rerum, sed vetant in ministerio principaliter quaeri aut spectari alia commoda, hoc est, vetant propter inopiam deserere ministerium a vocatis: vetant etiam ministerium ad quaerendam potentiam et opes. Ita diffidentiam prohibet et ambitionem, quasi dicat: Non sic sentite, non esse docendum, nisi satis muniti sitis regum praesidiis, et instructi magnis opibus. Item: Non arrogate vobis potentiam, non occupate opes rerumpublicarum praetextu ministerii.

In synodo Basiliensi⁶²⁾ fuerunt certamina cum Bohemis, an sacerdotibus liceat habere proprium, sed nos fugiamus superstitiosas opiniones, et utraque manu θεῶν⁶³⁾ teneamus, quod Evangelium approbet politicas ordinationes, quare concedit omnibus Christianis proprietatem.

Nunc venio ad alteram quaestionem, de qua respondeo: Ministros Evangelii haud dubie esse usufructuarios. Loquor autem de doctoribus, et de discentibus, et similibus personis, quae in aliqua administratione sunt. Quia merces fit propria eius, qui meritis est. Reditus ministrorum Evangelii est merces, sicut Christus testatur (Luc. 10, 7.). Item Paulus vocat stipendia (1. Cor. 9, 14. 1. Tim. 5, 18.). Ergo ministri Evangelii, cum tota merces sit propria, habent in fructibus, qui ex mercede reliqui sunt, proprietatem, possunt⁶⁴⁾ reliquos fructus donare, vendere aliis pro suo arbitrio etc. Tales autem sunt usufructuarii:

Quod vero obiicitur, in eleemosynis non potest constitui, nisi fructus, quia eleemosynae

58) usuarii] sic Edd. 1538. et 1540.; Ed. 1546. usurarii.

59) Decreti secunda pars, causa X. quaest. II. c. 7. (Corp. iur. canon. ed. Richter P. I. p. 531.).

60) usufructus] sic Ed. 1546.; Edd. 1538. et 1540. usus, fructus.

61) promissionis (i. q. Evangelii)] sic Edd. 1538. et 1540.; Ed. 1546. promissione (hac voce ad verbum consolari relata).

62) Concilium generale Basileae a. 1431—1449. habitum.

63) θεῶν] Editt. typogr. errore: θεῶν.

64) possunt] sic Ed. 1546.; Edd. 1538. et 1540. possent.

dantur ad necessitatem, hoc est, ad usum tantum, non ut pars ad quaestum conferatur, quia ita defraudantur reliqui pauperes. Sed reditus Ecclesiarum sunt eleemosynae: ergo non potest in eis constitui usufructus. Hoc argumentum diluitur inficiatione maioris, quia in aliis eleemosynis usus, in aliis usufructus constituitur, nam Ecclesia alias dat eleemosynas tanquam stipendium, ut ministris Evangelii docentibus et discipulis, alias dat eleemosynas gratis ad necessitatem egentibus, quorum non utitur opera. Haec distinctio admodum commoda et pia est, quia monet otiosos, ne Ecclesiam defraudent, sed sint modicis eleemosynis contenti. Rursus etiam monet necessarium ac debitum opus esse, honestam mercedem dare docentibus ac discipulis. Non est igitur leve scelus, nihil velle conferre ad alendos ministros Evangelii, aut etiam Ecclesiarum facultates diripere, quae non tantum sunt eleemosynae constitutae otiosis gentibus, sed potius magna ex parte sunt stipendia debita docentibus ac discipulis constituta, ad conservandam doctrinam Ecclesiae necessariam. Quare discant hic moderata ingenia, quid debeant ministris Evangelii. Paulus inquit (1. Tim. 5, 17.): Duplici honore digni sunt, qui bene praesunt, id est, primum detur eis honos, deinde honesta merces.

Ezechias laudatur, quod diligenter curaverit, ut populus daret sacerdotibus portiones, quas ipsis lex attribuit. Et ait textus 2. Paralip. 31, (4.), ut possent vacare legi Dei. Significat igitur hanc liberalitatem ideo placere Deo, quia necessaria est ad conservanda studia religionis. Prophetarum etiam atrociter minantur populo, propterea quod non solvant sacerdotibus ea, quae lex eis attribuit, ut Haggaei 1, (6—11.) scribit, causam esse, quare male proveniant fruges, quia populus non solveret, quae templo debebat⁶⁵⁾. Et Malach. 3, (10.): Inferte omnem decimam etc. et aperiam vobis cataractas coeli.

Haec testimonia docent, quam necessarium officium sit ministris Ecclesiae⁶⁶⁾ mercedem reddere. Quod ut maiori fide praestemus, hortari nos debent gravissimae comminationes, et promissiones divinae, quae cum omnes monent, ut

⁶⁵⁾ debebat] sic Ed. 1546.; Edd. 1538. et 1540. debebant.

⁶⁶⁾ Ecclesiae] sic Edd. 1538. et 1540.; Ed. 1546. typogr. errore: Ecclesia.

singuli pro vocatione⁶⁷⁾ et facultatibus invenimus Ecclesiae ministros, tum vero vetant direptiones facultatum Ecclesiarum, quod quidem non est simplex scelus. Primum laedit gloriam Dei, quia cum deerunt sumptus, defuturi sunt Ecclesiae docti et idonei ministri. Deinde defraudantur et illi ipsi, qui sunt in ministeriis, et horum parvi liberi, qui propemodum fame necantur.

Sciamus igitur haec, quae ministris dantur, mercedes esse, quare habent usufructum suorum reddituum. Et admonet nos haec disputatio, ut diligentius solvamus ministris Ecclesiarum ea, quae eis constituta sunt. Imo singuli sciant, se aliquid conferre debere ad Ecclesiarum et ministerii conservationem, sicut Paulus inquit ad Galatas (6, 6.): Communicet discipulus docenti Evangelium. Et Salomon (Prov. 3, 9. 10.): Honora Deum de tuis facultatibus, et implebuntur horrea tua etc. Intelligit enim beneficia, quae conferuntur ad conservationem ministerii.

Iurene interfecit Mars Neptuni filium, propter stuprum Alcippes filiae Martis?

Graeci fingunt in Areopago Deos exercuisse duo iudicia capitalia. In altero aiunt Martem accusatum esse a Neptuno, Mars enim interfecerat Halirrhothium⁶⁸⁾, Neptuni⁶⁹⁾ filium, propter stuprum oblatum filiae Alcippes⁷⁰⁾. Est autem Mars absolutus Deorum iudicio. Hic quaeritur de stupri poena: an Mars potuerit stuprum filiae punire caede. Secundo, si supplicium fuit atrocius iusto, an habeat excusationem, quod paterno dolore iniuria filiae vehementius commotus sit. Quare in hac quaestione duo insunt loci communes praecipui, alter de poena stupri, alter quando caedes habeat excusationem.

De priore loco. Ratio naturalis iudicat supra severe punienda esse. Id ut significarent Graeci, fixerunt hanc poenam stupratoris, et quidem Deum autorem supplicii fecerunt, ut monerent, Deum offendi, si huiusmodi supplicia non punian-

⁶⁷⁾ pro vocatione] sic Edd. 1538. et 1540.; Ed. 1546. typogr. errore: provocatione.

⁶⁸⁾ Halirrhothium] Edd. 1538. et 1540. Alcirotaum; Ed. 1546. Alyrotaum.

⁶⁹⁾ Neptuni et Eurytes nymphae filius erat.

⁷⁰⁾ Alcippe Martis et Agraulis filia. — De hac causa conf. Apollodori biblioth. I. III. c. 14. §. 2., Pausaniae descriptio Graeciae I. I. c. 21. §. 4. et c. 28 §. 5., Stephanus Byzantinus s. v. Ἀρτεὺς πάρος, et Libanii Sophistae orationes et declamationes ed. Reiske. Vol. IV. p. 402—419.

tur. Itaque in civitatibus iure constitutis semper fuerunt leges de stupro.

Differunt autem stuprum vi factum, et stuprum sine violentia factum. Romanum ius nominatim capitali poena stuprum vi factum, et raptum punit. Et uterque casus lege Iulia ⁷¹⁾ pronuntiatur esse vis publica, quo crimine nullum est atrocius. Lex Mosaica ⁷²⁾ etiam et Atticae leges stuprum vi factum capitalibus poenis puniebant.

Sed aliud est stuprum sine violentia, hoc habet iure Mosaico poenam: Ducat et dotet ⁷³⁾. Attico iure mitiorem poenam habet: Ducat aut dotet. Lex Mosaica consulit honori puellarum, et auxit poenam, cogit enim ad ducendam: item ad dandam dotem, et vetat cum illa unquam facere divortium.

Ius Romanum constituit graviolem poenam, scilicet personas humiliores iubet coherceri corpore et relegari. Sed personas non viles punit publicatione dimidiae partis honorum ⁷⁴⁾. Itaque ius Romanum, quia severius punit supra, honestissimum est.

Nunc respondeo ad quaestionem. Si Halirrhothius ⁷⁵⁾ vi compressit Alcippen, et Mars eum deprehendit adhuc vi tenentem puellam, iure interfecit iuvenem, seu quia ille vim fecit, seu tanquam raptorem. Qui arcet vim publicam a suis, impune potest interficere in continenti eum, qui infert vim. Sic Mars ultus est vim illatam filiae. Ergo iure interfecit Halirrhothium.

Alia ratio. Stuprum vi factum et raptus sunt paria, quia utrumque est vis publica. Raptorem licet interfici, deprehensum in illo raptu. Ergo etiam stupratorem talem deprehensum, tanquam raptorem, licet interfici.

71) Scil. lege Iulia de vi publica, conf. Digest. XLVIII. tit. 6. leg. 3. §. 2—5. (Corp. iur. civ. ed. Beck. T. I. P. II. p. 999.).

72) Deuter. 22, 25.

73) Exod. 22, 16. Deuter. 22, 28. 29.

74) Institut. IV. tit. 18. §. 4.: Poena autem eadem lex (scil. lex Iulia de adulteriis coërcendis) irrogat peccatoribus, si honesti sunt, publicationem partis dimidiae bonorum, si humiles, corporis coërcitionem cum relegatione. (Corp. iur. civ. ed. Beck. T. I. P. I. p. 121.). Conf. Lex Dei sive incerti scriptoris Mosaicarum et Romanarum legum collatio. Cura Fr. Blume, tit. V. de stupratoribus cap. 2. (Corpus iuris Romani antelustiniani. Ed. Bonnens. Fasc. I. p. 339.).

75) Halirrhothius] Editt. 1538., 1540. et 1546. hic et in sequentt.: Alyrotaus.

Haec defensio Martis est propria, et sumpta ex summo iure de poena stupri vi facti, aut de poena raptus. Et hac defensione utitur Mars apud Libanium ⁷⁶⁾. Narrat enim vi puellam ⁷⁷⁾ stupratam esse, seque tanquam patrem contumeliam vi illatam iure ulcisci potuisse.

Addit exemplum, quo probat defensionem hanc seu vindictam esse naturalem, quia etiam bestiae incenduntur dolore atque ira, et propugnent aut ulciscantur vim illatam ⁷⁸⁾ soboli. Sed existimo Graecos hunc casum Alcippes finxisse de stupro sine vi facto, nam iudicium de vi non est difficile. Sed casus Alcippes videtur excogitatus, ut in controversia dubia exemplo esset, videlicet de stupro sine vi facto, an id quoque atrociter puniendum sit, an pater iusto dolore vehementius commotus, habeat excusationem. Hic casus continet eruditas disputationes. Itaque si fingamus in casu Alcippes stuprum non esse vi factum, quaero an licuerit Marti stupratorem interficere. Respondeo: De nupta concedunt Romanae leges patri interficere simul moechum et filiam nuptam alteri. Deinde marito concedunt Atticae et Romanae leges interficere moechum, non etiam uxorem.

Pausanias allegat Draconis legem ⁷⁹⁾, et extat Lysiae oratio, in qua defenditur quispiam, qui moechum interfecerat ⁸⁰⁾, et citatur lex Attica, in qua expresse scriptum est: adulterum impune interfici posse a marito. Et quidem addit, etiam illum impune interfici posse, qui concubinam alterius comprimit. Sed hae leges de nupta loquuntur, et de adulterio: non autem concedunt leges interfici eum, qui puellae innuptae stuprum sine vi obtulit. Non igitur licuit Marti interficere Halirrhothium, si stuprum sine vi fecit. Et tamen quia haec caedes multa habet dissimilia homicidiis, quae lege puniuntur, ideo fingitur haec fabula, ut moneat *ἐπιείκειαν* in iudicando adhibendam esse, si rationes probabiles propter dissimilitudinem circumstantiarum suadeant remitti aut mitigari poenam.

76) Libanii Sophistae orationes et declamationes ed. Reiske Vol. IV. p. 410—419.

77) vi puellam] sic Ed. 1546.; Edd. 1538. et 1540. puellam vi.

78) illatam] sic Ed. 1546.; Edd. 1538. et 1540. allatam.

79) Draconis legem de adulterio allegat Pausanias in descript. Graeciae lib. IX. cap. 36. §. 8.

80) Lysiae oratio I. pro caede Eratosthenis.

Halirrhothius prior intulit iniuriam, et in ea re, quae iustum et ingentem dolorem adfert patri. Quia igitur pater non sua cupiditate, sed atrociter irritatus ultus est contumeliam: iudex non pronuntiat secundum illam legem, quae punit homicidas saevientes propria cupiditate, sine probabili causa. Propter hanc dissimilitudinem remittit aut mitigat poenam, praesertim cum in vicinis casibus aperte concedatur iracundia patris, aut mariti, videlicet in poena adulteri.

Praeterea decet Deos, hoc est, reges exemplo suo declarare, se non leviter irasci stupris et libidinibus. Ideo severius punienti facilius ignoscunt. Propter has causas Mars iuste absolutus est.

Etsi autem longius progressus est, quam lex concedit, tamen quia hoc factum dissimile est homicidiis illis, quae lex ultimo supplicio punit, aliter hic iudicandum fuit. Proinde haec fabula monet de duabus rebus.

Primum significat stuprum dignum esse gravi poena, et ut plus autoritatis sit in exemplo, fingitur esse Deorum iudicium, ut cogitemus Deum requirere, ut supra puniantur.

Secundo, monet de ἐπιείχεια, quod propter probabiles causas homicidii poenae interdum remittendae aut mitigandae sint. Ita in C. l. ⁸¹⁾ Gracchus inquit: Et nox et dolor iustus factum eius relevat ⁸²⁾.

Et alicubi accidit, ut frater peregre abiens, commendarit fratri uxorem custodiendam. Hic factus familiarior uxori fratris, habet cum ea incestam consuetudinem. Frater rediens, re compta, interficit fratrem. Magistratus, audita causa, prorsus nulla poena afficiendum esse autorem caedis huius censuit. Tanta est in scelere fratris turpitudine, ut poenae atrocitatem obruat. Et videatur magistratus non temere usus esse ἐπιείχεια in remittenda poena illi, qui caedem fecerat.

In sponsalia sine consensu parentum facta, debeant esse rata.

Praecipue pertinet ad iustitiam societas coniugum. Est enim coniugium societas ita contracta, ut coniux transferat ius corporis sui certo modo pro iure alterius corporis, cum sit iustitia, aequalitas utrinque conservanda est, ut vir non

⁸¹⁾ in C. l.] sic Edd. 1538., 1540. et 1546. pro: in Codice legum? aut: in citato loco seu libro?

⁸²⁾ relevat] sic Edd. 1538. et 1540.; Ed. 1546. revelat.

sit tyrannus coniugis, sed iudicet esse aequalem, non conculcet tanquam inferiorem.

Sicut Eva condita est ex costa, non ex capite aut pedibus, ut significetur aequalitas, et haec coniunctio est rata lege divina, et lege naturae. Quaesitum est autem, an valeat desponsatio facta sine autoritate parentum aut aliorum, qui sunt loco parentum. Hic primum recitabo vetera iura, quae rescindunt desponsationes factas sine autoritate parentum. Deinde dicam de recentioribus pontificiis decretis, quae secus constituunt. Neque haec eo disputo, quod privatis concedam abrogare usitatam legem, sed causas quaerimus, et de magistratum iudicio loquor, quomodo in hoc casu praesens lex moderanda sit. Quod autem vetera iura rescindant desponsationes factas sine autoritate parentum, constat ex Institutionibus ⁸³⁾, ubi textus clare inquit: Dum tamen si filii familiarum sunt ⁸⁴⁾, consensum habeant parentum, quorum in potestate sunt. Nam hoc fieri debere, et civilis et naturalis ratio suadet, in tantum, ut iussus parentis praecedere debeat. Et 30. quaest. 5. ⁸⁵⁾ pontifex Evaristus ait, ad legitimum connubium requiri consensum parentum. Et Ambrosius in historia Rebeckae requirit, ut accedat consensus parentum, idque ait adeo ⁸⁶⁾ honestum, et naturae consentaneum esse, ut etiam poetae idem docuerint. Et allegat Euripidem ⁸⁷⁾, apud quem in Andromache cum Orestes peteret connubium Hermiones, haec respondet: eam rem pertinere ad arbitrium patris. Versus sunt hi:

*Νυμφευμάτων μὲν τῶν ἐμῶν πατὴρ ἐμὸς
Μέριμνον ἔξει, κοῦκ ⁸⁸⁾ ἐμὸν κρίνειν τάδε ⁸⁹⁾.*

Sponsaliorum meorum pater meus

curam habebit, et non est meum statuere hoc.

Huc additur confirmatio ex decalogo (Exod. 20, 12.): Honora patrem et matrem, quod liberi, cum debeant obedientiam parentibus, non habeant ius sine illorum consensu contrahendi. Et cum sint in potestate parentum, contrahens tanquam furtim abducit alienam personam. Propter has

⁸³⁾ Institutt. l. l. tit. 10. in principio. (Corp. iur. civ. ed. Beck. T. I. P. l. p. 8.)

⁸⁴⁾ si filii familiarum sunt] sic in Editt. Epit. 1538., 1540. et 1546.; in Instituta scriptum est: si filii familias sint.

⁸⁵⁾ Decreti secunda pars causa 30. quaest. 5. cap. 1. (Corp. iur. canon. ed. Richter. P. I. p. 958.)

⁸⁶⁾ adeo] sic Edd. 1538. et 1540.; Ed. 1546. ideo.

⁸⁷⁾ Euripidem] sic Ed. 1546.; Edd. 1538. et 1540. Euripides.

⁸⁸⁾ κοῦκ] sic ex editione Ios. Barnesii; Editt. Epit. habent ῥοῦκ.

⁸⁹⁾ Eurip. Androm. 988. 989.

causas in veteri iure satis perspicua honestas est, et Paulus ad Corinthios tacite tribuit auctoritatem parentibus, cum ait (1. Cor. 7, 38.): Qui elocat, recte facit etc. significans auctoritate parentum elocandos esse liberos. Praeterea hic colliguntur incommoda, quae oriuntur, si desponsationes factae sine auctoritate parentum sint ratae, saepe liberi dolo et fraude circumventi, contrahunt indignas nuptias. Et cum persona dolo circumventa non vere consenserit, tamen postea non liberatur, etiamsi re expensa cupit liberari. Interdum caeco impetu contrahunt inhonestas nuptias. Denique acerbum est parentibus, vel contemni auctoritatem suam a liberis, vel affici contumeliis ab iis, qui furtim et ex insidiis abducunt ab eis liberos.

Haec atque alia similia colliguntur ad comprobanda vetera iura, quae dirimunt sponsalia sine auctoritate parentum facta. Sed nunc aliter pronuntiatur in foro pontificio. Non enim diri-

muntur desponsationes factae sine consensu parentum. Hic disputant quidam, an sint firmae rationes, cur ita nunc pronuntietur, an vero rectius esset vetera iura sequi et restituere. Quam ego disputationem modo prudens omitto, alio forsan loco fusius eam tractaturus.

Delibavi aliquot disputationes de iustitia, ut praeparetur tenera aetas ad huiusmodi materias, et animadvertat in philosophia fontes esse harum disputationum, de iure et de moribus. Est autem de iustitia plus aliquanto disputationum, quam de caeteris virtutibus, ideo deinceps tantum brevem catalogum virtutum reliquarum addam, quas prodest quidem illustrare et amplificare oratione, sed id non tam requirit subtiles disputationes, quam rhetorica ornamenta, ut earum magnitudo aliquanto magis conspici possit. Recitabo igitur has virtutes: Veritatem, Beneficentiam, Gratitude, Amicitiam.

V e r i t a s.

Sit igitur prima veritas. Apud Homerum ait Achilles, se perinde ut mortem odisse eos, qui aliud sentiunt, aliud loquuntur. Ac propemodum talia sunt heroica ingenia, aperta, inimica simulationum, calumniis et sophisticis, et ut quaeque natura praestantior est, ita amantissima est veritatis. Qua ex re intelligi potest, veritatem esse convenientissimam homini. Praecipitur autem haec virtus in decalogo, in praecepto (Exod. 20, 16.): Non dicas falsum testimonium.

Primum igitur vocabulum definiemus, nam veritas hoc loco significat non notitiam, sed habitum voluntatis, videlicet amorem veritatis et simplicitatis in omnibus dictis et factis, in omni consuetudine vitae, et odium acre simulationis, furorum, sophisticis, calumniarum, stropharum et quidquid est huiusmodi artificiorum.

Causae efficientes sunt duae: Altera iudicium rationis, quae intelligit Deum nobis praecipere amorem veritatis, nosque ad hoc conditos esse, ut in inquisitione rerum in veritate acquiescamus, et in consuetudine vitae vera paciscamur, et prae nobis feramus. Praecipue vero, ne nocendi studio fallamus eos, quibus nocere non licet. Altera causa est voluntas obtemperans huic iudicio rationis, ac propterea amans veritatem, et fugitans *lucos* et mendacia.

Materia in qua, est voluntas humana, sed materia circa quam, vocatur obiectum.

Sunt autem triplicia obiecta, circa quae versatur haec virtus. Primum doctrina seu artes. Sunt enim ingenia quaedam, quae hanc summam laudem acuminis esse iudicant, posse omnia recte dicta evertere strophis et calumniis, serere novas opiniones et prodigiosas. Sed sciendum est has sophisticas naturas monstrosas esse et distortas. Est igitur excellens virtus in artibus et doctrina, amor simplicis veritatis. Secundum obiectum, pacta et contractus⁹⁰), iudicia, testimonia. Tertium, significatio voluntatis erga alios, videlicet esse candidum, non struere insidias, ingenue dicere cum opus est, quod sentiat.

Forma est ipsa definitio, seu res ipsa, videlicet habitus in voluntate, qui est amor verarum opinionum, et veritatis in pactis et in moribus.

Causa finalis: Virtutes propter se ipsas expetendae sunt, scilicet quia conveniunt naturae, ideo virtus ipsa sibi finis principalis est, quemadmodum philosophi de virtute loquuntur. Sed est hoc quoque philosophicum et pium, virtutum finem principalem constituere obedientiam erga Deum. Sit ergo finis veritatis, ut Deo obtempe-

⁹⁰) contractus] sic Ed. 1546.; Edd. 1558. et 1549. contracta.

remus, qui praecipit, ut amemus veritatem. Deinde sunt fines plurimi minus principales, scilicet utilitates. Nihil enim nocentius est mendacio, falsa doctrina corrumpit religiones, mores, artes, nulla iudicia, nulli contractus existere possunt, sublata veritate.

Hi fines sunt magis conspicui, et non obscure testantur, veritatem necessariam esse in vita.

Pugnancia. Aristoteles suo more veritatem collocat inter duo extrema, inter iactantiam seu simulationem, et dissimulationem. Ad quas species sane vitia pugnancia cum veritate referri possunt, videlicet vanitas, seu studium mentiendi,

arrogantia, qualis est comoedia Thrasonis⁹¹), hypocrisis in moribus, ut in impostoribus simulantibus religionem, aut perfidiosis amicis. Item suspicacem esse, infidum, item calumniose depravantem aliorum dicta et facta, sophistica seu sycophantica, id est, studium captionum, calumniarum, in doctrina, artibus, negotiis, iudiciis. Hae sunt praecipuae pestes Ecclesiae et rerunipublicarum.

Affinia veritatis, amor doctrinae, et studium inquirendi res bonas. Simplicitas proprie significat ipsam veritatem, hoc est, recta, sine fucis, sine sophistica sententia, dicere et facere⁹²).

B e n e f i c e n t i a .

Proxime cognata est iustitiae beneficentia, seu liberalitas, nam haec quoque consistit in communicatione quadam. Iustitia communicat res debitas, beneficentia res non debitas, praesertim iure civili, et tum, quia societas humani generis etiam gratuita quadam communicatione opus habet, multa sunt officia non debita iure civili, quae tamen aliquo modo inter nos iure naturae communicare debemus. Huiusmodi sunt officia omnia aliis necessaria, quae nos sine incommodo praestare possumus, iuxta regulam: Quod tibi non nocet, et alteri prodest, benigne praestandum est, qualia sunt, non prohiberi aquam profluentem, monstrare viam erranti, dare consilium petenti, haec qui non communicat, iustissime censeri et appellari debet *μισάνθρωπος*.

Secundum praeceptum: communicanda etiam esse quaedam cum aliquo nostro incommodo, nam communis societas humani generis postulat, ut iustis periculis aliorum afficiamur, eaque pro virili cum aliquo nostro incommodo depellamus. Ideoque potentes tueri debent tenuiores adversus iniurias, divites largiri debent egentibus. Sunt enim homines, ut Stoici praeclare dicunt, hominum causa nati, quare naturali obligatione debemus iis, qui versantur in periculis, etiam cum obligatione civili non debemus. Homo enim conditus est, ut caeteros homines pro virili tueatur ac iuvet. Hinc et illa lex naturae extitit: Quae vultis ut vobis faciant homines, vos quoque facite illis, et extant in doctorum scriptis innumerabiles sententiae, quae haec mutua officia praecipunt, et quidem elegantissime pinguntur in graecis versiculis:

*ἀνὴρ γὰρ ἄνδρα, πόλις⁹³) σώζει πόλιν·
χειρ χεῖρα νίπτει, δάκτυλός τε δάκτυλον.*

Sunt autem duplicia beneficia, publica et privata, longe praestantissima sunt publica videlicet eorum, qui aut constituunt aut defendunt, aut retinent respublicas. Hoc loco ponendi sunt etiam doctores, qui communicatione doctrinae caeteros homines iuvant, quo genere beneficii nullum maius est: nihil enim veritate, scientia religionis et aliarum bonarum artium, in tota hominis vita melius est. Debet autem inprimis liberalis esse communicatio in docentibus, iuxta proverbium *ἀφθονα μουσῶν θύραι*.

Alia sunt privata beneficia, cum videlicet privatim operae aut facultates communicantur: cum autem privatae facultates atque operae non possint omnibus sufficere, modum quendam liberalitatis esse oportet. Sit igitur primum hic modus, ut ita largiamur, ut tamen patrimonium et fundos mediocriter tueamur. Expedit⁹⁴) enim reipublicae, ne dissipentur patrimonium, eamque ob causam et decoctores legibus infamia notantur, et prodigi ab administratione honorum removen- tur. Sit igitur hic finis et modus beneficentiae,

91) Terentii comoedia Eunuchus inscripta, in qua glorioso militi nomen comicum Thrasonis ἀπὸ τοῦ θράσους i. e. ab insolentia et ferocitate impositum est.

92) His verbis auctor Editio princeps 1538. — Sequentes enim virtutes: beneficentia, gratitudo et amicitia sunt illae tres tertiae demum editioni additae, quarum in eius inscriptione mentio facta est (conf. Prolegg. p. 11).

93) Erasmus Roter. in Adagiorum chiliad. I. centur. I. adag. 33., ubi hoc distichon affert, ante πόλις addit καὶ. Eodem etiam Seneca philos. in Iudicio libello de morte Claudii Imp. utitur.

94) Expedit] sic recte Ed. 1540.; Ed. 1546. Expetit.

quem ipsa nobis autoritas publici iuris praescripsit, ut de fructibus patrimonii iuvenus alios, ita tamen, ne ipsi patrimonio exuamur. Hunc modum et venustissime praescripsit Salomon, cum inquit (Prov. 5, 16. 17.): Fontes tui deriventur foras, et tu dominus illorum maneto, et non alieni tecum. Significat enim ex fonte rivus deducendus esse, quibus etiam alii fruuntur, hoc est, fructus ex fundis communicandos esse cum egentibus, et tamen interim praestandum esse, ne propter immodicas profusiones fundos ipsos amittamus. Ita suavissime pingit praecepta de multis egregiis virtutibus. Docet enim et quatenus exercenda sit liberalitas erga egentes, et quod haec diligentia etiam necessaria sit reipublicae ac nobis, conservandi patrimonii. Haec diligentia virtus est, quam vocant parsimoniam, vicina liberalitati. Sed altera communicat fructus patrimonii: altera patrimonium conservat, utraque vero colenda est bonis viris, non solum propter civilis vitae consuetudinem, sed etiam propter religionem: sed de altera paulo post dicemus plura, nunc ordine quibus largiendum sit, praecipiemus. Saepe monuimus legem naturae divinam esse, quare sciamus ordinem a natura constitutum Deo quoque probari. Docet autem natura parentes, liberos, atque ita deinceps cognatos, deinde cives anteferre alienis.

Hunc ordinem et Paulus probat, cum ad Timotheum scribit (1. epist. 5, 8.): Si quis suorum, et maxime domesticorum curam non habet, fidem abnegavit, et infideli deterior est. Item (Ephes. 5, 29.): Carnem suam nemo odio habet. Et aliquoties⁹⁵⁾ vituperat *ἀστόργους*. Sunt autem *ἀστρογοί* qui naturales affectus erga parentes, et liberos, aut cognatos exuunt. Haec autem beneficentiae species, quae versatur inter parentes, liberos et cognatos, pietas vocatur. Hinc etiam leges extiterunt de legitima, quam dicunt deberi iure naturali liberis, quia *φιλοστοργία* est iuris naturalis, et inter alienos primus locus dandus est hospitibus, cuius rei multae sunt rationes. Primum enim, quia haec vita peregrinatione et commutatione opus habet, necesse est, ut mutua hospitii iura colamus. Ideoque iure gentium semper nefas fuit hospites violare. Praeterea naturalis societas non tantum obligat nos paucis quibusdam nostris, sed toti generi humano. Quare de-

95) Bis, Rom. 1, 31. 2. Tim. 3, 3.

sertis, et ad nostram fidem confugientibus deesse non debemus. Haec beneficentiae species hospitalitas vocatur, et habet egregia praecepta, et in sacris literis, et in aliis scriptis et moribus earum gentium, quae fuerunt mitiores. Sic ait lex in Mose (Exod. 19, 33. 34.): Si habitaverit advena in terra vestra, non exprobrete ei, sed diligite eum sicut vos ipsos etc., et alibi (Hebr. 13, 2.): Hospitalitatis ne obliviscamini, per hanc enim quidam meruerunt angelos hospitio excipere. Porro in primis decet Christianos hanc virtutem summo studio colere. Nam Ecclesia fere in hoc mundo hospes et exul est, quare amanter tractemus hospites tanquam exilii socios, ut cum nobis tranquillum hospitium Dei benignitate contingere optamus, vicissim praebemus hospitium et aliis, et hanc virtutem Deus ornat amplissimis praemiis. 1. Regum 17⁹⁶⁾, (10—16.): Sareptana mulier, cum in arctissima annona exciperet Eliam, ei que cibum praebens, hoc totum quod reliquum erat frumenti et olei, absumptura esset, Deus ita auxit oleum et frumentum, ut triennio sufficeret. Deinde Elias etiam filium hospitae mulieris mortuum restituit in vitam (ibid. 17, 17—23.). Revixit et filius hospitae Elisei, 2. Reg. 4, (32—36.), et Abadias⁹⁷⁾ 50 Prophetas abscondit in speluncis, ut defenderet eos adversus saevitiam mulieris Izebel. Et Christus inquit (Matth. 25, 35.): Hospes eram, et excepistis me. Item (Matth. 10, 42.): Quicumque dederit tantum aquae potum uni ex minimis, non perdet mercedem. Huiusmodi extant, et sententiae et exempla alia multa in scripturis, quae hortantur nos ad hospitalitatem, ac praesertim ad excipiendos ac tegendos eos, qui per iniuriam pulsati propter studium verae religionis exulant. Itaque sperandum est et principes, qui suo periculo studiosos Evangelii tegunt, Deo gratum officium facere, ac Deum remuneraturum esse hanc beneficentiam ingentibus praemiis, et sperandum est fore, ut eos vicissim defendat in his periculis, quae propter hoc pium officium sustinent. Caeterum loci de hac virtute, qui extant apud poetas et historiographos omnibus in promptu sunt. Deinde quo ordine benefaciendum sit alienis, facile iudicari potest, adhibenda est enim in consilium ipsorum necessitas, sed illa regula in omnibus virtutibus tenenda est: Nihil recte

96) 1. Regum 17,] Editt. 1540. et 1546.: 3. Regum (secundum LXX. et Vulg.) 19. Item deinceps 4. Reg. 4.

97) i. e. Obadia. — 1. Reg. 16, 13.

feri, quod cum iustitia pugnat, tenendum est igitur Pericleum illud: Gratificandum esse amicis *μέχρι βιωμάτων*, hoc est, ita, ne laedamus iustitiam,

proinde beneficentia praecipue ita moderanda erit, ne cui fiat iniuria, sicut et sacrae literae docent: Deo non placere victimas ex rapina.

Gratitudo.

Beneficentiae vicissim respondere gratitudo debet, ideo series ipsa virtutum postulat, ut nunc de gratitudine dicamus. Est enim gratitudo virtus, qua benemeritis debitam gratiam cum animi benevolentia ac studio, tum aliis officiis reddimus. Debitam voco, quia naturali obligatione benemeritis gratiam debemus, etsi non semper civiliter obligati sumus. Proinde quia gratia est aliquo modo debita, vicina est iustitiae gratitudo, aut species quaedam. Cum igitur omnis iniustitia pugnet cum societate humana, ingrati etiam iudicandi sunt hostes humanae societatis, nam sine hac mutua et gratuita communicatione officiorum non potest conservari humana societas. Nisi enim sint mutua officia, non potest esse diuturna benignitas, et inaequalitas ipsa iniusta et inimica naturae est, cum omnes ad mutuam conservationem nascamur. Ideo recte iurisconsulti dicunt, naturaliter nos obligari ad *ἀντίδωρα*, et quanquam leges non dant actionem in qualibet ingratitude, tamen insigniter ingratos puniunt, ut libertos ingratos retrahunt in servitum. Donationes concedunt revocari propter ingratitude. Item exhaeredari ingratos liberos. Item feudum eripi ingrato vasallo.

Sed bene instituti animi est, sentire quod Deo displiceat ingratitude: quod divinitus puniatur, iuxta sententiam Salomonis, Proverb. 17⁹⁹), (13.): Si reddas malum pro bono, non recedet malum a domo tua. Praecipit de gratitudine, et quartum praeceptum: Honora patrem et matrem,

ut sis longaevus super terram. Haec satis sit monuisse de causis gratitudinis, et de poena ingratitude, nam omnium libri pleni sunt laudum huius virtutis. Huius quidem simulachra etiam in bestiis nobis finxit Deus, in quibus sensum quendam beneficii inesse cernimus. Nota est enim historia de leone⁹⁹), et a ciconiis sumptum est illud *ἀντιπελαργεῖν*¹⁰⁰). Turpe est autem homines a bestiis vinci, virtutis officiis.

Quis modus esse debet in gratia referenda?

Gratitudo animi, ut caeterae virtutes, debet esse perpetua, et cum virtutis causa gratitudinem amplecti debeamus, in levibus beneficiis virtus ipsa se exuscitet atque exerat, et veram benevolentiam, et acre studium bene merendi pariat, non solum fructus causa, sed nostri officii atque humanitatis causa. Verum in externis officiis reddendis modus quaeritur, quem similitudine quadam constituamus, iuxta Hesiodi¹) praeceptum, ut reddamus

αὐτῷ τῷ μέτρῳ καὶ ἴσῳ αἷ κε²) δύναιτο³).

Humanissimum enim est, quod iubet vincere datum beneficium, si tamen possis. Sunt autem plurima, quae compensari non possunt externis officiis, ubi maior animi benevolentia et maius studium reddi debet, ut Deo, parentibus, praceptoribus, Ecclesiae, patriae et iis, qui de re publica bene merentur.

Amicitia.

Amicitia proprie est iustitiae species, qua redditur benevolentia mutua pro benevolentia, et peculiaris quaedam ac liberalis officiorum communicatio constituitur. Ac sciendum est amicitiam virtutem esse, ut virtutis causa discamus amicitias colere. Deinde statuendum est et iusti-

tiam esse, ut religiose mutuam fidem et benevolentiam praestemus.

⁹⁹) Haec verba spectant ad Androclum, Dacum servum, Romae in circo maximo agnitum a leone, cuius pedem vulneratum aliquando curaverat in silvis. Vid. Gell. 5, 14., Aelian. hist. anim. 7, 48.

¹⁰⁰) Ciconiae pietatis cultrices habebantur. Conf. Plin. hist. nat. 10, 31.: Ciconiae... genetricum senectutem invicem educant.

¹) Hesiod. *Ἔργ.* v. 350. ed. Goettling.

²) αἷ κε] sic Ed. 1546.; Ed. 1540. εἷ κε.

³) Ed. Goettling.: αἷ κε δύναιτο.

⁹⁸) Proverb. 17,] sic recte Ed. 1540.; Ed. 1546. Proverb. 14.

Quae sunt causae amicitiae?

Causa efficiens est declinatio, seu iudicium naturae humanae ad colendam societatem, quae etsi ducit nos in genere ad omnes, tamen proprie nos invitat ad eos amandos et complectendos, qui nobis noti sunt et usu coniuncti. Ideo amicitia non potest tam late patere, quam communis illa societas, quae nobis est cum toto humano genere. Deinde quoniam amicitia est iustitia quaedam, proprie iis nos obligat, a quibus vicissim diligimur.

Materia obiectum est, videlicet homo diligendus, sed cum nihil expetatur nisi bonum, debet in eo, quod amandum duximus, causa existere bonum aliquod. Sunt autem haec bona, virtus, merita, cognatio, vel natura, vel lege, vel usu aliquo facta. Natura enim Deo nos adiungit, deinde coniuges, parentes et liberos consociat. Lex coniungit nos cum patria, hoc est, cum Ecclesia et republica ac civibus. Usus communis vitae coniungit nos cum vicinis, cum studiorum et periculorum sociis. Haec genera complectuntur omnes species eorum, cum quibus amicitiae constitui, et foedus quoddam esse debet. Ut enim de natura dicamus: Aristoteles humanissime dicit, inter coniuges debere non solum amorem, sed etiam amicitiam esse, hoc est, iustitiam quandam, qua coniuges inter se, virtutis et humanitatis potius, quam usus causa, amant, quia natura nos ad hanc societatem invitat, deinde, ut aequalitas quaedam constituatur iustitiae propria, ne alter coniux tyrannide alterum oppressum teneat, sed ut mutua obligatio ac benevolentia quasi pares efficiat, eaque aequalitas pariat communicationem consiliorum, facultatum et administrandae familiae etc. Quanquam autem differunt parium et imparium amicitiae, tamen ut postea dicam, aequalitas quaedam efficienda est. Itaque non est parentibus amicitia cum liberis, nisi parentes vicissim debere se liberis statuunt, nec habeant eos servorum aut pecudum loco. Alter gradus est eorum, qui lege consociati sunt, est autem anteferenda omnibus amicitiiis ea coniunctio, quae nobis cum patria, cum Ecclesia ac republica esse debet, ut honestissime apud Sophoclem⁴⁾ dicitur, non esse pluris faciendos amicos, quam patriam, sed salva patria amicos faciendos esse.

4) Sophoclis Antig. 189. 190.

ἡδ' ἐστὶν ἡ σώζουσα, καὶ ταύτης ἐπιπλέοντες ὀρθῆς, τοὺς φίλους ποιούμεθα.

Postremus gradus est usu coniunctorum, ideo de vicinitate ait Terentius⁵⁾: Vel vicinitas, quod ego in propinqua amicitiae parte⁶⁾ puto. Est et commune obiectum amicitiae similitudo. Nam universa natura ita se habet, ut similia facile cum similibus iungantur ac misceantur. Inde illud est vetus: ὁμοιον ὁμοίῳ φίλον⁷⁾ simile est simili amicum. Itaque cum quasi nos ipsos, aut ea, quibus capimur, in similibus intuemur atque complectimur, benevolentiam similitudo conciliat. Postremo in omnibus quaedam inesse similitudo debet, virtus non potest vere amari ab animo abhorrente a virtute, nec potest esse vera ac firma amicitia inter voluntates in summa dissentientes, etiamsi interdum casu aliquo copulantur. Quare Homerus dixit non esse firma foedera hominibus cum leonibus⁸⁾, hoc est, non possunt esse humilibus amicitiae durabiles cum potentibus, philosophis cum tyrannis, sicut et Horatius⁹⁾ ait: Dulcis inexpertis cultura potentis amici. Et Plato venustissime dixit, sibi cum Dionysio non veram amicitiam, sed μικροφιλίαν^{*}) fuisse. Et senex apud Plautum in Aulularia negat se asinum recte iungere posse bovi¹⁰⁾, et addit: Neutrobi habeam stabile stabulum, si quid divortii fiat¹¹⁾. Denique cum in amicitia efficienda aequalitatem oporteat, est enim iustitiae species, necesse est aliquo modo obiecta inter se similia esse. Nam haec convenientia obiectorum parit similitudinem voluntatum.

Causa formalis amicitiae est ipsa mutua benevolentia amicorum inter sese excitata ab efficientibus causis et obiectis, quae recensui, eaque benevolentia, cum sit mutua, est vera quaedam animorum copulatio atque coniunctio, qua amicus amicum velut se ipsum complectitur, hinc

5) Terent. Heautontim. 1, 1, 4. 5.

6) amicitiae parte] sic Edd. 1540. et 1546.; apud Terent. legitur: parte amicitiae.

7) Plat. Gorg. (Opera ed. H. Steph. T. I. p. 510. b. — ed. Bipont. Vol. IV. p. 137.): οἱ παλαιοὶ τε καὶ σοφοὶ λέγουσιν, ὁ ὁμοῖος τῷ ὁμοίῳ. Id de legg. VIII. (ed. Steph. T. II. p. 837. a. — ed. Bip. Vol. VIII. p. 415.).

8) Hom. Il. 22, 262. ὡς οὐκ ἐστὶ λέοντι καὶ ἀνδράσιν ὄρασι πιστά.

9) Horat. epist. I. 18, 86.

*) Hanc vocem neque apud Platonem, neque in ullo Lexico invenimus (i. q. μικρὰ φιλία).

10) Conf. Plaut. Aulul. 2, 2, 52—54.

11) Ibid. 2, 2, 56. (in ed. Bipont.: Neutrobi . . . fuerat).

illae sunt ortae sententiae: Amicus est alter ego; et: Amicitia est aequalitas. Proinde etiamsi inter impares sunt amicitiae, tamen ipsum amicitiae foedus tales eos aliquo modo efficit, nec fastidendi sunt amici velut inferiores, sed completendi tanquam pares, et amicitia nostra digni, maxime cum iustitia quaedam sit illa mutua benevolentia. Quare sentiendum est paria pro paribus reddi. Haec sententia plurimum habet humanitatis, et in vita admodum utilis est: alit enim amicitias, vel maxime honorifica de amicis opinio, contemptus dissolvit, ita cum profiteatur Deus se nobis amicum esse, honorifice de nobis sentit, nosque sibi aliquo modo pares, et amore dignos iudicat, atque hanc Deo fidem ac bonitatem tribuere pium est, quod videlicet apud eum, velut alter ipse simus, eodem modo erga¹²⁾ nos et angeli affecti sunt. Sic cum inter coniuges debeat existere amicitia tanquam cum pari benevolentia, et caetera officia communicanda sunt, eodem modo et parentes erga liberos, et principes erga cives affecti sint. Non est enim amicitia, si fastidiantur tanquam impares et indigni nostra benevolentia, consuetudine aut officiis. Postremo, ut supra dictum est de obiectis, *ὁμοιον ὁμοίῳ φίλον*, etiamsi qua est dissimilitudo, tamen amicitia similitudinem aliquam efficere debet, ut sit *ὁμοιον ὁμοίῳ φίλον*, hoc enim proprie ad naturam amicitiae, et formalem rationem, ut vocatur, pertinet.

Causa finalis primum est ipsum virtutis deus, expetenda enim atque colenda est amicitia virtutis causa, etiamsi nulla sequeretur utilitas, quia mens iudicat hominem ad hanc societatem conditum esse, et virtutem esse homine dignam, colere haec foedera mutuae benevolentiae. Ac multa satis perspicua iudicia hominum naturae impressa sunt, quae testantur amicitias non tantum utilitatis, sed virtutis causa colendas esse, hoc est, propterea quod natura nos haec officia docet. Parentes enim ad diligendos liberos moventur non utilitate, sed iudicio et inclinatione naturae, ac vel maxime exierit se vis amoris in liberorum calamitatibus, cum parentes neque utilitatem neque voluptatem capere ullam ex illis possint. Hic affectus vocatur *φιλοστοργία*, estque non solum in¹³⁾ libris philosophorum, sed

12) erga] sic Ed. 1546.; Ed. 1540. typogr. errore: ergo.

13) in] sic Ed. 1540.; in Ed. 1546. omissum.

etiam in sacris literis laudatus. Rom. 12,¹⁴⁾ (10.). Sicut igitur in hac specie iudicio naturae ad amicitiam ducimur, ita et in caeteris natura plus valere, quam ratio utilitatis debet, nam et potius est naturae iudicium atque conservatio, quam utilitas, cum natura ad societatem ducamur, etiamsi utilitas nulla sequeretur, et fons est amicitiae domestica coniunctio atque necessitudo. Hoc argumentum satis clare refellit Epicurum; qui iubet nos omnia nostra causa, seu propter nostram utilitatem facere, reclamant enim in parentibus mens et naturalis affectus.

Est et cuilibet viro bono cum republica amicitia, non privatae utilitatis tantum, sed virtutis causa, adeo ut non dubitet pro republica mortem oppetere, si sit opus, et ut sic sentiant, non solum Christianae literae docent, sed etiam ipsa lex naturae ita statuit, Deum irasci illis, qui rempublicam non amant, non defendunt. Intellegit autem et hoc humana mens, Deo parendum esse, etiamsi nullae sequerentur utilitates. Itaque Plato patriam, inquit, numen quoddam esse, hoc est, colendam esse, quia Deus postulet illa sua beneficia defendi, quae omnia continentur appellatione patriae, suntque vere res divinae, videlicet religiones, leges, propagatio civium etc. Verba haec sunt in quinto de legibus¹⁵⁾: *θεραπεύειν δὲ τὴν πατρίδα δὲ μείζονως ἢ¹⁶⁾ μητέρα παῖδας· τῷ δέσποιναν αὐτῶν αὐτὴν οὖσαν¹⁷⁾*. Sed desino plura argumenta colligere, supra enim confutavimus Epicurum in genere, cumque amicitia virtus sit, necesse est eam, ut caeteras virtutes, magis propter se ipsam, quam utilitatis causa expeti, idque Christianis facile est iudicare, qui sciunt haec officia metienda esse voluntate Dei potius, quam fructu.

Qui sunt effectus?

Etsi, ut dixi, amicitia praecipue virtutis causa expeti debet, tamen utilitates eam plurimae sequuntur, nam ut in caeteris virtutibus, ita hic quoque honestas parit utilitatem, sed vix ulla virtus fructuosior est, quam amicitia, quare et veteri proverbio dictum est, amicos magis neces-

14) Rom. 12.] Editt. 1540. et 1546. falso: Rom. 13. — Verba Pauli sunt: *εἰς ἀλλήλους φιλοστοργοί.*

15) Plat. Opera ed. H. Steph. T. II. p. 740. a. — ed. Bipont. Vol. VIII. p. 230.

16) ἢ] Editt. Epit. 1540. et 1546. falso: εἰ.

17) *τῷ δέσποιναν αὐτῶν αὐτὴν οὖσαν*] sic Editt. Epit. 1540. et 1546.; Platonis verba genuina sunt haec: *τῷ καὶ δέσποιναν, θεῶν αὐτὴν οὖσαν, θνητῶν ὄντων γεγονέναι.*

sarios esse, quam ignem et aquam¹⁸⁾. Item, vir servat virum, urbs urbem, debet itaque mutua benevolentia communicationem officiorum ac rerum parere, quae quam late pateat, proverbium docet: Amicorum omnia communia¹⁹⁾. Cum autem neque opes amicorum, neque occasiones pares sint, non mercenaria, sed liberalis sit communicatio, videlicet amicitiae debita propemodum, ut est coniugum inter se, aut parentum inter liberos gratuita beneficentia. Quare indignum est amicitia, exiliter ad calculos vocare singula beneficia, et mercatoris est illud apud poetam, non amici²⁰⁾: τὶ μὲν δίδωμι²¹⁾ τὶ δὲ λαμβάνω.

18) Et graece: Ἀναγκαιότερος πῦρ καὶ ὕδατος ὁ φίλος. Conf. Erasmi Roter. adagia. II, 2, 75.

19) De hoc Graecorum proverbio: τὰ τῶν φίλων κοινὰ, quod etiam Cicero de offic. I, 16, 51. laudat, conf. Erasmus I. L. I, 1, 1.

20) mercatoris . . . amici] sic Ed. 1546.; Ed. 1540. mercatori . . . amico.

21) δίδωμι] sic Ed. 1546.; Ed. 1540. δίδομαι.

Erit tamen mutua voluntas veri amici non defutura occasionibus referendae gratiae. Modus etiam sit, ut gratificemur amicis, ut dicebat Pericles: usque ad aras²²⁾, hoc est, dum sine scelere possumus.

Pugnancia.

Mediocritas est amicitia, ut caeterae virtutes. Pugnata igitur cum vitis in utramque partem, hoc est, cum simulatione immodicae benevolentiae *μισανθρωπία*. Simulatio immodicae benevolentiae adulatio vocatur²³⁾, quae quantum habeat mali, vel una Biantis sententia docet, qui interrogatus, quae esset ex omnibus nocentissima bestia, respondit: inter feras tyrannum, inter cicures adulatorem.

22) μέχρι βωμῶν, vid. p. 157.

23) vocatur] sic Ed. 1546.; Ed. 1540. typogr. errore: vocantur.

Nota. Quae in principio huius libri de differentiis trium editionum eius diximus, de prima et tertia intelligenda sunt, quod secundam quoque conferre nobis non contigit. Illarum autem differentia maxima est in libro primo, paulo minor in ea libri secundi parte, quae tractatum *De auctoritate Principum* tertiae editioni insertum antecedit; plane vero evanescit in parte hunc tractatum subsequente, quapropter in hac parte, ubicunque varietas lectionis adscribenda erat, editionem principem una cum tertia adnotavimus, in praecedentibus autem non nisi quaestionum varietatem commemoravimus.

II.

PH. MEL. ETHICAE DOCTRINAE ELEMENTORUM

LIBRI DUO.

In Prolegomenis p. 13 — 16. tres huius libri editiones, quas Melanthon ipse curavit, descripsimus, scilicet annorum 1550., 1553—1554., 1560., quibus nunc addimus editionem anni 1557. illo loco omissam, quae sic inscripta est:

Ethicae doctrinae elementa et enarratio libri quinti Ethicorum. Additae sunt quaestiones de Iuramentis, de Excommunicatione, et de alijs quibusdam Materijs. Autore Philippo Melanthon: (cui nomini suppositum est officinae typogr. Io. Cratonis symbolum: Simson leonem diripiens [sine verbis alias circumscriptis, conf. Prolegg. p. 13 sq.]) Wittebergae anno M. D. LVII. — (In fine:) Wittebergae excudebat Iohannes Crato, impensis Cunradi Ruelii. Anno M. D. LVII. 8. 22 plagg. (3 ult. pagg. vacuis).

In hac editione dedicationem ad Burenium Mense Octobri, Anno 1550. scriptam „Epitome philosophiae moralis repetita anno 1548.” sequitur, deinceps (sine ulla praefatione seu dedicatione) enarratio „In quintum librum Ethicorum Aristotelis.” cui dissertatio „De arbore consanguinitatis et affinitatis.” cum carmine Ursellani in Ethica Mel. annexa est; tum denique quaestiones illae, quarum in titulo libri mentio facta est, sequuntur sic inscriptae:

Quaestiones aliquot ethicae, de iuramentis, excommunicatione et alijs casibus obscuris, explicatae in lectione Ethica. A Philippo Melanthon.

Editionem anno 1556. Argentorati excusam non a Melanthon ipso, sed ab alio quodam curatam esse supra ostendimus.

LIBER PRIMUS.

Qui communem doctrinam de virtutibus, quae in philosophia traditur, laudant, plerumque hac causa contenti sunt, quod sit norma vitae hominum a Deo tradita, ad regendas actiones externas, quam qui atrociter violant, multas tristes poenas sibi et aliis accersunt. Etsi autem haec ludatio vera est, et nequaquam contemnenda, tamen quodcumque de dignitate huius doctrinae et de disciplina cogitatur, adiungantur et aliae magnae et graves causae. Sint igitur semper in conspectu hae quatuor causae, propter quas necessaria est virtutum cognitio.

Prima: Quia earum¹⁾ notitia testimonium est, quod sit Deus. Nam aeternum et immotum discrimen honestorum et turpium in mente, testatur, hanc naturam non esse casu ortam, sed aliqua aeterna mente architectatrice.

Secunda: Quia docet, qualis sit Deus. Cum enim discernimus honesta et turpia, intelligimus, Deum esse sapientem, liberum, veracem, iustum, beneficum, castum, misericordem etc. Et qui-

1) earum (scilicet virtutum)] sic recte Edd. 1550. et 1554.; Edd. 1557. et 1560. eorum.

dem semper in precatione hae proprietates Dei aspiciendae sunt, ut ei honorem debitum tribuamus, et ut eum discernamus a non viventibus, et a malis spiritibus nocendi cupidis et incestis.

Tertia: Quia testimonium est de Dei iudicio. Frustra enim condidisset Deus discrimen honestorum et turpium in humanis mentibus, nisi postea accederet poena turbati illius discriminis. Item naturali ordine cruciatus universaliter sequitur conscientiam delictorum, qui testimonium est iudicii divini. Item atrocia scelera regulariter comitantur in hac vita poenae atroces.

Cum has tres causas de Deo consideraveris in doctrina de virtutibus, tunc et quarta accedat, videlicet, quia sit norma vitae hominum in actionibus externis, seu in disciplina. Harum causarum consideratio valde ornat Ethicen, et adducit mentes ad considerationem de Deo et de creatione hominis, monet mirando consilio homines conditos esse, ut natura humana esset imago Dei, in qua velut radii sapientiae et virtutum divinarum lucerent. Cum autem tanta sit infirmitas, ut illum pulcherrimum naturae ordinem facile, saepe, multipliciter et horribiliter turbemus, monet, ut quaeramus, unde sit haec infirmitas, et quae remedia Deus ostendat. Cum autem de hac causa infirmitatis, et de remediis nihil dicat philosophia, agnoscimus alia quadam doctrina supra philosophiam opus esse, scilicet voce promissionum, seu Evangelio. Ac valde opus est, habere in conspectu discrimen Evangelii et philosophiae, de quo et hic dicemus, et saepe alias dici necesse est.

Haec autem dixi initio, ut haec doctrina magis ametur, et diligentius consideretur, cum cogitabimus, eam et divinum lumen esse, et commonefactionem, et testimonium de Deo.

Quid est philosophia moralis?

Est explicatio legis naturae, demonstrationes ordine in artibus usitato colligens, quantum ratio iudicare potest, quarum conclusiones sunt definitiones virtutum, seu praecepta de regenda disciplina in omnibus hominibus, congruentia cum decalogo, quatenus de externa disciplina concionatur.

Pugnatne philosophia moralis cum doctrina, quam Deus Ecclesiae tradidit?

Saepe dicitur, lumen esse doctrinae in Ecclesia valde necessarium, nosse discrimen Legis et Evangelii.

Lex moralis est aeterna et immota sapientia et regula iustitiae in Deo, discernens recta et non recta, et horribiliter irascens contumaciae, quae repugnat huic normae in ipso, et patefacta est hominibus in creatione, et postea saepe repetita et declarata voce divina, ut sciamus, quod sit Deus, et qualis sit, obligans omnes creaturas racionales, et postulans ut omnes sint conformes ipsi, et damnans ac destruens omnes non conformes, nisi fiat remissio et reconciliatio propter filium Mediatorem ²⁾.

Evangelium vero est praedicatio poenitentiae, arguens peccata, et promissio remissionis peccatorum, et ³⁾ reconciliationis, iustitiae, et vitae aeternae, gratuita propter Filium Dei, cuius promissionis notitia nequaquam nobiscum nascitur, sed ex arcano sinu aeterni patris prolata est, supra et extra conspectum omnium creaturarum.

Dum ⁴⁾ hoc discrimen intelligitur, facile de philosophia iudicari potest. Philosophia moralis nequaquam est Evangelii promissio, sed pars est legis, sicut lex naturae, quae de disciplina concionatur, et sicut legem naturae, aut honestas leges imperiorum ex illa ortas, audire, amplecti, probare, et eis uti in regenda disciplina Christianus recte potest: ita veram philosophiam amplecti et probare, et ea uti recte potest. Imo valde dolendum est, contemptum disciplinae multis falsissimis persuasionibus confirmari, propter quem publicis et privatis calamitatibus horribiliter plectimur.

Cum autem manifestum sit legem Dei bonam esse, ut Paulus (Rom. 7, 12, 16.) inquit, et disciplinam severissime a Deo praecipit, sequitur et hoc manifestum esse, veras philosophiae sententias amplectendas et probandas esse, et Chri-

2) Lex moralis est aeterna — propter filium Mediatorem.] sic Edd. 1554., 1557. et 1560.; Ed. 1550.: Lex est doctrina, quam Deus in creatione humanis mentibus indidit, docens, quales nos esse oporteat, et quae faciendae sint, et quae non faciendae sint, praecipiens integram obedientiam, pro qua et praemia promittit, et denuntians iram Dei, et poenas violentibus legem, estque summa legum moralium recitata in decalogo.

3) et] sic Edd. 1557. et 1560.; in Edd. 1550. et 1554. deest.

4) Dum] sic Edd. 1554., 1557. et 1560. Ed. 1550. Cum.

stianos recte eis uti posse, sicut et numerorum doctrinam amplectimur, et probamus, et uti ea⁵⁾ concessum est. Universaliter enim vera doctrina, lumen est a Deo ortum, ac contradicere veritati scienter quacunquē de re, violatio est huius mandati (Exod. 20, 16.): Non dices falsum testimonium.

Verae sunt demonstrationes iuramenti honesti: Veritas antefenda est omnibus periculis proprii corporis. Regulus iuraverat se rediturum esse. Anteferat igitur iuramentum periculis corporis⁶⁾. Iustitia est non laedere innocentem. Abel fuit innocens. Ergo Cain facit iniuste, cum eum interficit.

Talibus demonstrationibus, cum sint*) veritas, contradicere, contumeliosum est adversus Deum, huius lucis autorem. Fit autem doctrinae huius illustrior utilitas, cum frenare nos ipsi disciplina incipimus. Ibi etiam discimus, propter quas causas disciplina praestanda sit, videlicet propter quatuor: Primo, propter mandatum Dei. Secundo, ad vitandas poenas. Tertio, ut aliorum tranquillitati serviamus. Quarto, quia est paedagogia in Christum. Quia Deus in his, qui perseverant in delictis contra conscientiam, non est efficax. Huius utilitatis magnitudo nos in Ecclesia ad amorem disciplinae exuscitet.

Quae sunt praecipuae utilitates huius doctrinae?

Respondeo: Dixi supra in genere, doctrinam de virtutibus, sive in Ecclesia, sive in⁷⁾ philosophia tradatur, testimonium esse, quod sit Deus⁸⁾, qualis sit, et quod iudicaturus sit. Hanc utilitatem et hic primo loco recenseo.

Deinde addamus caeteras. Cum Deus omnes homines frenari disciplina velit, et haec doctrina pars sit disciplinae, et quidem peculiariter flectat animos ad moderationem, non dubium est eam et moribus prodesse.

5) ea] sic Edd. 1554., 1557. et 1560.; in Ed. 1550. omissum.

6) Primo Punico bello M. Atilius Regulus captus a Poenis, quum de captivis commutandis Romam [a. u. 504.] missus esset, iurassetque se rediturum, primum, ut venit, captivos reddendos in senatu non censuit; deinde, quum retineretur a propinquis et ab amicis, ad supplicium redire maluit, quam fidem hosti datam fallere, Cic. de offic. I. §. 39. III. §. 99 sqq., Gell. VI, 4., Liv. Epit. XVIII. Zonar. VIII, 16. Oros. IV, 10.

*) sint] sic Edd. 1554., 1557. et 1560.; Ed. 1550. sit.

7) in] sic recte Ed. 1550.; Edd. 1554., 1557. et 1560. sit.

8) quod sit Deus,] sic Edd. 1550. et 1554.; Edd. 1557. et 1560. quod Deus.

Sed tertia utilitas est: In Ecclesia necesse est conferri doctrinam coelestem et philosophicam, in qua collatione utrumque genus doctrinae fit illustrius et dulcius. Discrimen autem ostendi non potest, nisi utroque genere cognito.

Quarta: Etiam Ecclesia cum de iis materiis loquitur, quae proprie ad legem pertinent, multa hinc sumit, videlicet nomina virtutum, definitiones, doctrinam de lege naturae, et magis concinne definire et dividere virtutes poterunt ii, qui hac doctrina praeparati sunt.

Has utilitates contemnere, magna barbaries est, in qua multa insunt vitia. Deinde omnis honestarum artium contemptus, contumelia est adversus Deum, qui luce artium genus humanum ornavit, et quidem haec moralis doctrina, cum incorrupte traditur, est sapientia congruens cum mente divina, et maxime perspicuum testimonium est in natura, ostendens esse Deum, et qualis sit.

Sed sectae erudite discernantur, ac Lucianus in Dialogo de sectis*), quaerit, unde sciri possit, quae secta sit verior, num ex barba, aut torvitate vultus, aut aliunde? Iudicet ille quidem suo more. Sed recte instituti in philosophia, sciunt eam doctrinam veram esse (ubicunque traditur), quae demonstrationes tradit, et ordine in earum investigatione procedit, et causas certitudinis quaerit, conferens doctrinam ad *κρίτηρια*. Amplectamur autem vera, et Deo gratias agamus pro ea, luce, et falsa constanter reiciamus et refutemus.

Quis est finis hominis?

Sicut iter ingressurus, initio de certa meta cogitat, ut ad eam media itinera dirigat: ita in omnibus actionibus primum intuendus est finis.

Igitur et in philosophia morali, prima de fine quaestio est, quae res sit, quam homo secundum rectam rationem praecipue appetat, et quae praecipue obtinenda sit, et ad quam referendae sint omnes actiones hominis, ne ab eo fine aberretur. At⁹⁾ doctrina Ecclesiae illustrem habet explicationem, quia deducit nos ad¹⁰⁾ agnitionem Conditoris, cui praecipuus honos debetur, et in quo acquiescit natura.

Est ergo finis iuxta legem Dei propriissime loquendo, Deus ipse, communicans nobis suam

*) Luciani Hermotimus s. de sectis c. 18. 20.

9) At] sic Edd. 1557. et 1560.; Edd. 1550. et 1554. Ac.

10) ad] sic Edd. 1554., 1557. et 1560.; Ed. 1550. typogr. errore: ab.

bonitatem, cum eum vere agnoscimus et celebramus. Idem dicunt, qui simpliciter sic respondent: Finem esse veram agnitionem et celebrationem Dei. Nam hi modi loquendi, dextre intelligendi sunt. Sic de fine docet Filius Dei (Matth. 5, 16.): Luceat lux vestra, ut glorificetur Pater coelestis. Et 1. Corinth. 10, (31.) scriptum est: Omnia ad gloriam Dei facite. Item in Psalm. (115, 1.): Non nobis Domine, non nobis, sed nomini tuo da gloriam. Et primum praeceptum docet hunc esse finem hominis, cum initio praecipit de agnitione et obedientia Deo debita.

Sumitur autem hic ipse finis ex consilio Dei, quo ¹¹⁾ condidit hominem (Genes. 1, 26.): Faciamus hominem ad imaginem et similitudinem nostram. Ideo Deus condidit creaturam rationalem, ut ipsius similitudo in ea luceat, ut agnoscat Deus, et sint similes virtutes. Cum ad hunc finem condita sit natura hominum, necesse est, homines appetere veram Dei agnitionem et dilectionem, et acquiescere in eo, communicante nobis suam bonitatem. Haec sunt perspicua recte institutis, et congruunt cum lege Dei.

Evangelium deducit nos ad eundem finem, sed adiungit ductorem filium, quae doctrina supra ¹²⁾ conspectum rationis humanae posita est, et hoc modo de fine concionatur dictum illud (Ioann. 17, 3.): Haec est vita aeterna, ut agnoscant te Deum verum, et quem misisti Iesum esse Christum.

Haec de fine, de quo doctrina Ecclesiae concionatur, primum hic dicenda sunt, ut discrimina doctrinarum considerentur. Nunc philosophica recitemus.

Vera lux rationis in homine insita naturae, congruit cum lege Dei, sed nunc in hac caligine obscurior est Dei notitia, et multis dubitationibus turbatur. Ideo philosophi, etsi interdum iubent referri actiones ad Deum, tamen plerumque nominant tantum virtutem, et dicunt, virtutem finem esse. Stoici etsi alia multa absurda tradunt, tamen hoc recte dixerunt: Omnia nasci hominum causa, homines vero Dei causa.

Testatur et conscientia, Deum finem esse. Ideo enim in scelerate factis dolent homines, quia naturali luce cernunt, et metuunt iram Dei, et

econtra in recte factis, mentes tranquillae sunt, quia indicant, talia facta Deo iudici et spectatori probari. Est igitur et secundum veram philosophiam finis praecipuus hominis, aliqua agnitio Dei, seu Deus. Sed philosophi sic loquuntur, ut dixi. Aiunt virtutem finem esse, et cum nos sic loquimur, intelligamus in ipsa appellatione, et hanc summam virtutem, ut Deus agnoscat, et omnes honestae actiones ad Deum referantur.

Cum autem iam duas contrarias opiniones, alteram Aristotelis, alteram Epicuri recitaturi simus ¹³⁾, loquemur usitato more. Quaestio haec sit: An virtus sit finis hominis, an vero voluptas? Aristoteles inquit: Actionem virtutis finem hominis esse. Nos cum dicimus, virtutem finem esse, non intelligamus otiosum habitum, sed Aristotelis sententiam retineamus, etiamsi brevitatis causa, tantum virtutem nominamus, ut et Cicero loquitur. Removeantur ergo *λογουμαχίαι*, et plane statuamus, falsam esse sententiam Epicuri, qui contendit, voluptatem finem esse. Rectius autem in philosophia dici: Virtutem esse finem hominis, id est, recte faciendum esse, etiamsi dolores et detrimenta sequantur. Confirmat Aristoteles hanc sententiam illustri demonstratione, nata in Physicis hoc modo:

Certissimum est, in qualibet natura finem esse propriissimam eius naturae actionem. Ideo enim est propria, quia ad hanc actionem natura praecipue condita est.

Actio virtutis est propriissima homini.

Igitur actio virtutis est finis.

Haec demonstratio vera est, etsi Epicurei multa plausibilia argumenta opponunt, quorum explicatio multum lucis adfert huic disputationi.

Illud autem praefari necesse est, fontem huius controversiae esse dissidium legum naturae in mente, et appetitionum in corde, quod unde ortum sit, docet Ecclesia. Et ad perspicuam diiudicationem huius controversiae, utilis est collatio doctrinae, quae in Ecclesia traditur de causis miseriarum humanarum, et dissidii legum, et appetitionum in homine, quae est malum originis, ut vocatur. Homo conditus est, ut legi obtemperet, et haec obedientia ardens et dulcis in cordibus hominum fuisset, si natura non fuisset depravata. Iustum est enim, ut bonis bene sit. Sed postquam natura hominum depravata est, multae in nobis

11) quo (scil. consilio)] sic Ed. 1550.; Edd. 1554., 1557. et 1660. minus apte: qui (scil. Deus).

12) supra] sic Edd. 1554., 1557. et 1660.; Ed. 1550. et supra.

13) simus] sic Edd. 1550. et 1554.; Edd. 1557. et 1660. simul.

ipsis et in societate confusiones sequuntur. Harmonia legum et appetitionum turbata est, postea et foris mali adversantur virtuti, ut Camillo invident mali cives. Ideo recte facta sequuntur odia, pericula et iniustae neces¹⁴⁾. Ex hoc fonte pleraeque solutiones argumentorum Epicuri sumuntur. Ideo hanc admonitionem prius recitavi, quam argumenta Epicuri recenserem.

Praecipua autem et speciosissima Epicuri argumenta haec sunt:

Primum.

Finis cuiuslibet naturae est hoc, ad quod ultro, magno impetu natura fertur, non illud, quod difficulter agit aliunde impulsus, ut lapidis motus deorsum naturalis est, sursum violentus.

Tendit autem humana natura ultro ad voluptatem. Econtra vero, difficulter obtemperat legibus.

Ergo voluptas est finis.

Respondeo ad Minorem. Nobis, qui scimus, unde turbata sit harmonia virium in homine, facilis est solutio. In Minore fallacia est accidentis, quia per accidens fit, propter depravationem humanae naturae, ut tantum sit incendium malorum appetitionum, ut difficulter obtemperemus legi Dei. Sed si natura esset incorrupta, si Deus in nobis perfunderet nos luce sua, et flammis virtutum¹⁵⁾, universa obedientia iucunda esset. Haec solutio nobis in Ecclesia illustris et utilis commonefactio est, ut cogitemus, quam triste malum sit haec discordia virium, et unde sit. Sed in philosophia vere et perspicue sic responderi potest: Nego Minorem, quia fallacia est, a dicto secundum quid, ad dictum simpliciter. Non enim tota natura fertur ad voluptatem, sed mens ante factum et post factum repugnat. Nam post delicta sequuntur tristissimi cruciatus. Impossibile est autem, finem naturae, eam rem aut actionem esse, quam natura tota post factum horribiliter aversatur, et potius non esse mallet, quam sustinere conspectum eius facti, ut David mallet non esse, quam sustinere cogitationem sui lapsus. Haec solutio manifestissime refutat Epicureos, ac osten-

14) sequuntur odia, pericula et iniustae neces.] sic Edd. 1554., 1557. et 1560.; Ed. 1550. dolores et pericula commitantur.

15) si Deus in nobis perfunderet nos luce sua, et flammis virtutum] sic Edd. 1554., 1557. et 1560.; Ed. 1550. si luceret in hominibus arma de Deo notitia, et arderet in nobis dilectio Dei.

dit, non ferri totam naturam ad voluptatem principaliter.

Secundum.

Quaelibet natura recto et ordinato appetitu praecipue appetit conservationem sui.

Voluptas est conservatio naturae hominis, virtus destructio, ut in Socrate et similibus apparet, qui propter recte facta interficiuntur. Ergo voluptas est finis, non virtus.

Nego Minorem, et ratio est, quia est fallacia accidentis. Nam quod virtus destruit naturam, id fit per accidens. Quod enim Socrates interficitur, causa est non virtus in Socrate, sed iniustitia inimicorum. Ut quod latro interficit viatorem erepturus pecuniam, non est causa viatoris pecunia, sed latronis mala voluntas. Nec tamen pericula comitentur virtutem, si natura hominis esset incorrupta. Item virtutem servatricem esse naturae, testatur iudicium Dei, qui virtuti dat praemia. Praeterea universaliter verum est, virtute servari speciem. Veritas, iustitia, fortitudo, prosunt universae societati, etiamsi individuum in praesentia destruitur. Plus est autem servari totum, quam partem.

Deinde et haec ipsa destructio, et omnes calamitates honorum, sunt manifestum testimonium, homines non tantum ad hanc vitam nasci, quia impossibile est, naturam, quae intelligit virtutem, et praemia virtutis ac poenas, ita nasci, ut postea nullum sit discrimen inter bonos et malos, quia intellectus virtutis et turpitudinis, praemiorum et poenarum, frustra naturae esset inditus.

Refutata Minore, deinde etiam neganda est Maior. Non est vera propositio: Quamlibet naturam maxime appetere conservationem tantum ut sit. Sed illa vera est, ordinate appetere omnes, ut sint incolumes in tali statu, ad quem natura condita est. Nam et in eo statu natura vere conservari potest. Sed cum vagatur appetitio sine ordine, non sequitur conclusio de fine, quia inordinata appetitio etiam contraria naturae appetit. Praeterea incolumitas, quae sic vocari potest, non debet esse destructio vel individui, vel speciei. Etsi igitur aliquantisper est incolumis Nero, tamen dolor conscientiae scelerum, destructio est, qui non potest non sequi. Et Diabolus magis optat non esse, quam sic esse, imo horribiliter dolet, se non posse abrumpere miseriam, redigendo sese in nihilum, et de Iuda tristissimum dictum est

(Matth. 26, 24.): Melius ei esset, natum non esse. Cum igitur Maior non sit vera, sequitur conclusio falsa. Sic enim in Maiori dicendum erat: Quaelibet natura recto et ordinato appetitu maxime appetit conservationem sui, in tali statu, ad quem condita est.

Sed altera solutio de Minore magis perspicua est, quae ostendit, voluptatem non esse conservatricem speciei, et virtute destrui naturam per accidens. Praeterea semper virtutem comitaretur naturae incolumitas, si hominum natura non esset depravata.

Tertium.

Recitavi praecipua Epicuri argumenta, quibus postea plura addam. Sed prius explicabo argumentum, sumptum ex doctrina Ecclesiae, quod non admonitis offundit caliginem.

Illud est optimum, quod lex Dei et Evangelium tanquam ultimum bonorum promittunt, et propter quod alia expeti iubent.

Lex et Evangelium promittunt in hac vita et post hanc vitam obedientibus tranquillitatem seu laetitiam, ut dicitur (Psalm. 112, 1. 3.): Beatus vir, qui timet Dominum, opes et divitiae in domo eius etc. (Levit. 18, 5. Rom. 10, 5.): Qui fecerit haec, vivet in eis. Item (Ioann. 16, 22.): Gaudium vestrum nemo tollet a vobis.

Ergo laetitia, quae re ipsa est voluptas, summum bonum est.

Respondeo primum ad Minorem: Etsi verum est, promitti in hac vita, et post hanc vitam praemia, quae comitantur virtutem, tamen haec praemia non sunt principale bonum, quod expetendum est. Sicut de praemiis in hac vita manifestum est, et inter causas, cur Ecclesia cruci subiecta sit, haec quoque recensetur. Ideo Ecclesiam cruci subiectam esse, ut discat Deo propter ipsius gloriam, non propter nostras suavitates serviendum esse, et tamen necesse est vivere aliquos et habere aliqua vitae commoda, ut Ieremiam, Baptistam, Paulum, et similes, sed tamen hanc ipsam ob causam ingentibus aerumnis premuntur, et tandem interficiuntur, ut sciant Deo propter ipsius gloriam serviendum esse, et summa bona esse ipsam Dei agnitionem, celebrationem et obedientiam, non commoda, quae sequuntur, quae potius media sunt, servientia principalibus bonis, quam ulteriora bona. Sic et postea de vita

aeterna sciamus principale bonum esse sapientiam agnoscentem Deum, et iustitiam, non laetitiam, quae sequitur. Ideo scriptum est (Ioann. 17, 3.): Haec est vita aeterna, ut agnoscant te verum Deum, et quem misisti Iesum esse Christum. Sed cum redacti in nihilum, non celebrent Deum, facile intelligi potest, necessariam esse vitam, et talem vitam, in qua non sint aeterni dolores, qui impedirent celebrationem Dei.

Facilis igitur responsio est. Rectum est appetere praemia, sed non ut principale bonum, sed quia necesse est celebrantes Deum non redactos esse in nihilum, sicut scriptum est (Psalm. 115, 17.): Non mortui laudabunt te Domine. Ac in genere regula tenenda est: vult Deus et expeti, et a se peti bona summa et inferiora, sed ita, ut gradus non conturbentur, sicut scriptum est (Matth. 6, 33.): Primum quaerite regnum Dei, et caetera adiacentur vobis. Et in precatione quotidiana ambo genera coniunguntur (Matth. 6, 9. 11.): Sanctificetur nomen tuum. Et: Panem nostrum quotidianum da nobis hodie.

Vult autem Deus, et in hac vita peti bona necessaria corpori, propter has quatuor causas, quarum prima est, ut agnoscamus, nos non casu vivere, nec casu spargi res necessarias vitae corporis, sed has ipsas res etiam Deo gubernante offerri praesertim Ecclesiae, iuxta illud Matth. 10, (29. 30.): Duo passeret asse veneunt, et unus ex illis non cadet super terram sine patre vestro. Vestri autem capilli capitis omnes numerati sunt.

Secunda: Quia sine vita, sine hospitii et politiis non potest fieri propagatio doctrinae. Et Deus haec bona largitur, ut serviant celebrationi et propagationi doctrinae.

Tertia: Ut harum rerum petitione exerceamus fidem et invocationem.

Quarta: Ut admoneant de promissione gratiae, quam semper in invocatione praelucere oportet. Haec quotidie in precatione consideranda sunt, et vera fide et spe expectanda sunt a Deo haec bona, iuxta illud: Iacta curam tuam in Deum, et ipse te enutriet¹⁶⁾. Et certo sentiunt¹⁷⁾ hanc invocationem et spem non inanem esse, qui se hac consolatione sustentant. Et talibus in conspectu est discrimen graduum, cum suo ordine singula petunt, et vident principalem finem et

16) Conf. 1. Petr. 5, 7.

17) sentiunt] sic Edd. 1554., 1557. et 1560.; Ed. 1550. sentiant.

alia inferiora bona, quae serviunt agnitioni finis principalis.

Alia responsio ad Minorem.

Respondeo: Lex et Evangelium promittunt principale bonum, et summum finem, Deum ipsum sese communicantem, et in hac vita conversis, et in vita aeterna beatis, iuxta dictum (1. Cor. 15, 28.): Deus erit omnia in omnibus.

Hic finis principaliter expetendus est, qui est vere summum bonum, ut scriptum est (Matth. 19, 17.): Unus Deus bonus est. Postea sequitur laetitia, quae est minus principale bonum. Hanc veram responsionem pii et eruditi studiosi expendant¹⁸⁾.

Quartum argumentum Epicuri.

Duo bona potiora sunt uno. Virtus et res secundae sunt duo bona, sicut verissimum est, ingens ornamentum esse virtutis florentem fortunam, ut longe antecellit Huniades¹⁹⁾ Sigismundo Imperatori²⁰⁾, et nemo non magis expetit curriculum Ioseph, quam Ieremiae.

Ergo virtus non est summum bonum, sed duo coniuncta bona sunt expetenda.

Respondeo. Facillima est solutio. Duo coniuncta magis expetenda sunt. Verum est suo ordine, et ita, ne praestantius amittatur, si coniungi ambo non possunt. Et semper id quaeratur, quod suo loco quemque necesse est quaerere, quia necessaria facienda sunt, id est, quae cuique suo loco lex Dei praecipit, ut dictum est (Psalm. 119, 105.): Lucerna pedibus meis verbum tuum. Non alia accersita *πολυπραγμοσύνη*, ambitione, aut avaritia. Ut necesse et Scipionem dimicare. Ieremiam necesse est docere, etiamsi scit sibi mortem propositam esse.

Cum igitur non coniungi utrumque bonum potest, alterum tamen praestantius retinere ne-

18) Alia responsio ad Minorem — studiosi expendant.] sic Edd. 1557. et 1560.; in Edd. 1550. et 1554. haec desunt.

19) Ioannes Hunyadi, gubernator Hungariae 1445—1456. (Ladislavo V. regnante), pater Matthiae I. Corvini, regis Hungariae. Res eius gestas describunt Laonicus Chalcondylas in libr. VI—VIII. historiarum, et Ioh. Mailáth in Tom. III. p. 1 sqq. libri: Geschichte der Magyaren, conf. etiam Ios. v. Hammer: Geschichte des Osman. Reichs Tom. II. p. 23 sqq.

20) De Sigismundo, Caroli IV. Imperatoris filio, Wenzelii Romani regis fratre, Hungariae rege (a. 1387—1437.) et Germanorum Imperatore (a. 1410—1437.) conf. Mailáth I. L. T. II. p. 91 sqq. et Melanthonis de eo declamatio Vol. XI. p. 316 sqq. huius Corp. Ref.

cesse est, et quia virtus est praestantior, constat virtutem finem esse, etiamsi non accedunt praemia. Haec est vera solutio, non solum philosophiae, sed etiam legi Dei consentiens.

Semper autem obstreperit humana ratio, num ideo tantum recte facit Ieremias, ut in nihilum redigatur? Hic respondet Evangelii doctrina, non redigetur in nihilum Ieremias, sed reviviscet, et servatur ideo, ut semper celebret Deum. Quare virtus praestantius bonum est, iuxta illud: Propter quod unumquodque tale est, illud magis tale est. Nec sequitur: Duo bona coniuncta sunt meliora, virtus et tranquillitas. Ergo Paulus quaerat ea coniuncta quoquo modo. Tantum enim necessaria convenientia suo loco facere Paulus debet, et econtra quae prohibita sunt, omittere debet.

Alia responsio.

Nobis in Ecclesia facilior est responsio. Duo bona coniuncta magis expetenda sunt. Nego, si alterum sit infinitum. Deus est infinitum bonum et *αὐταρκής*.

Hic semper principaliter et magis expetendus est, quam omnia creata bona. Ex hoc fonte sumi potest responsio ad multa argumenta. Lex Dei scripta et Evangelium clarissime docent, Deum ipsum sese nobis communicantem, summum finem hominis esse²¹⁾.

Quintum argumentum.

Ultimum in ordine bonorum, est finis.

Tranquillitas, quae sequitur virtutem, est posterior virtute.

Ergo illa tranquillitas est finis.

Respondeo: Nego Maiorem. Quia non necesse est, ultimum tempore esse principale, sed saepe principalis finis, prior est tempore aliis. Ut quod Sol calefacit terram in aestate, principalis est finis: siccitas, quae sequitur, non est principalis finis. Ambulationis finis principalis est excitatio caloris, ut fiat coctio. Hanc sequitur color melior, quod etsi posterius est, tamen non est principale. Ioseph abstinet ab aliena coniuge praecipue propter voluntatem Dei, postea etiam propter famam, quod etsi posterius est, tamen non est principale. Tale et hoc est: Vicit amor patriae, laudumque immensa cupido²²⁾.

21) Alia responsio. — finem hominis esse.] sic Edd. 1557. et 1560.; in Edd. 1550. et 1554. haec desunt.

22) Virgil. Aeneid. VI, 824., ubi pro vicit legitur: vincet (ed. Witt.: vincit).

Brutum principaliter movit amor patriae, postea et amor gloriae accedere potuit suo ordine. Nec Valla recte hunc versum detorquet ad confirmandam Epicuri sententiam.

Ita cum saepe multi fines sint ordinati unius rei, seu actionis, gradus finium considerandi sunt, et videndum, quis sit finis principalis, quem expecti necesse est, etiamsi caeteri non concurrunt. Ut Ieremias in confessione obtemperat Deo, et recto iudicio conscientiae suae, etiamsi non sequuntur alii fines, ut approbatio praecipuorum hominum in populo Dei, et ipsius tranquillitas etc.

Recitavi argumenta praecipua, quae Epicuri sententiam confirmare videntur, et addidi veras explicationes. Estque collocatio²³⁾ utilis etiam ob hanc causam, quia ostendit fontes, cur docti dissenserint de fine, quia videlicet, cum contumacia sit cupiditatum adversus iudicium mentis, alii recte normam immotam, convenientem cum mente divina, scilicet iudicium seu legem secuti sunt. Alii apprehenderunt cupiditates, quae quia suo impetu opprimunt decreta mentis, fit in hac confusione, ut bona mentis existimentur esse inferiora²⁴⁾. Et fit illustrior philosophia, cum ad doctrinam Ecclesiae confertur.

Iterum autem moneo et obtestor studiosos, ut praecepti divini memores: Non dicas falsum testimonium, amplectantur veritatem, et in ea acquiescant, nec ducant ingenii decus esse, falsas opiniones sophisticè tueri, ut multae distortae et monstrosae naturae amore novitatis et studio contradicendi, falsas et absurdas opiniones propugnant²⁵⁾. Porro haec mala σοφιστομανία et δοσσομανία, cum in reliqua vita saepe magnarum calamitatum causae sunt, tum vero Ecclesiae perniciosissima sunt.

Estne recte dictum a Stoicis, solam virtutem esse bonum?

Utile est, considerare veteres praecipuarum sectarum disputationes, non ut absurdas opiniones defendamus, sed ut in collatione veritas fiat

23) collocatio] sic Edd. 1557. et 1560.; Edd. 1550. et 1554. collatio.

24) quae quia suo impetu — esse inferiora] sic Edd. 1554., 1557. et 1560.; Ed. 1550. quae suo impetu rapiunt iudicium, ut videatur infirmius.

25) falsas et absurdas opiniones propugnant.] sic Edd. 1554., 1557. et 1560.; Ed. 1550. falsarum et absurdarum opinionum propugnatores videri volunt.

illustrior, et cum deprehenditur sophistica, reiciantur mendacia, et acquiescamus in sententiis veris. In hac autem quaestione, de nomine *Boni* disputatio est.

Primum vero sumatur decriptio Boni ex Genesi, ubi dicitur (Genes. 1, 31.): Omnia quae fecerat Deus, erant²⁶⁾ valde bona. Ibi Bonum significat rem conditam a Deo, congruentem cum ordine in mente divina, ordinatam²⁷⁾ ad certos usus seu fines, quos Deus approbat. Haec interpretatio dicti in Genesi diligenter cogitanda est, et considerandum²⁸⁾ quam tenuiter philosophi describant bonum, qui non faciunt mentionem Dei seu ordinis in mente divina, et creationis, sed tantum intuentur ipsas res et earum utilitates, quae in oculos incurrunt, ut cum dicunt: Potus est sitienti bonum. Hinc est usitata definitio Boni apud philosophos: Bonum est quiddam conveniens naturae. Nos iubemus considerari fontem boni²⁹⁾.

Retinemus autem usitatam distinctionem graduum³⁰⁾. Aliud est bonum naturale, aliud bonum³¹⁾ morale.

Bonum naturale est ipse Deus et deinde res quaecunque condita a Deo, congruens cum ordine in mente divina, ideoque placens Deo suo loco, ordinata ad aliquos usus Deo placentes³²⁾, ut sol, terra, cibus, potus, virtus.

Sed bonum morale est ipse Deus, videlicet sapientia aeterna et immota in Deo ordinans recta, et sanciens discrimen inter recta et non recta, et voluntas Dei semper volens recta, deinde vero in hominibus bonum morale est tantum actio

26) erant] sic Ed. 1550.; Edd. 1554., 1557. et 1560. erunt.

27) congruentem cum ordine in mente divina, ordinatam] sic Edd. 1554., 1557. et 1560.; Ed. 1550. et suo loco placentem Deo, et ordinatam.

28) considerandum] sic Edd. 1554. et 1557.; Ed. 1560. conservandum.

29) Haec interpretatio dicti — fontem boni.] sic Edd. 1554., 1557. et 1560.; Ed. 1550. habet haec: Haec est interpretatio dicti in Genesi diligenter cogitanda, ut conferatur cum philosophica. Nam philosophi non faciunt mentionem creationis, sed res tantum intuentur, ac dicunt: Bonum est quiddam conveniens naturae, et ordinatum ad certum finem. Ut Bonum est sitienti potus.

30) Retinemus autem usitatam distinctionem graduum.] sic Edd. 1554., 1557. et 1560.; Ed. 1550. Primum autem sic discernitur appellatio Boni.

31) aliud bonum] sic Edd. 1554., 1557. et 1560.; Ed. 1550. aliud.

32) ipse Deus — Deo placentes.] sic Edd. 1554., 1557. et 1560.; Ed. 1550. res quaecunque a Deo condita, placens Deo suo loco, ordinata ad aliquos usus Deo placentes.

seu motus seu habitus congruens cum sapientia aeterna et immota Dei patefacta in lege divina, quae et in creatione insita est mentibus hominum et postea voce divina promulgata. Usitate dicunt Bonum morale est tantum virtus et actio virtutis³³⁾, ut bonum morale est quod Baptista vult³⁴⁾ mortem potius quam omittere confessionem.

Cum autem sermo divinus in Genesi et alibi³⁵⁾ utatur boni adpellatione, non tantum de bono morali, sed de rebus omnibus a Deo conditis, et deinceps ita³⁶⁾ locuti sint sani homines plurimi, loquamur et nos eodem modo³⁷⁾, et videamus singulis locis de quo gradu dicatur. Sequitur ergo haec distributio bonorum humanorum³⁸⁾.

Bonum honestum humanum est actio seu motus, seu habitus congruens cum sapientia aeterna et immota Dei, patefacta in lege divina, quae in creatione insita est mentibus hominum, et postea voce divina promulgata. Usitate dicunt³⁹⁾: Bonum honestum est actio seu motus seu habitus⁴⁰⁾ congruens cum recto iudicio rationis. Sciendum est autem dici rectum iudicium rationis id quod congruit cum norma in mente divina. Ideo legem naturae sic descripsit Empedocles⁴¹⁾, ut Aristoteles⁴²⁾ recitat:

ἀλλὰ τὸ μὲν πρῶτον⁴³⁾ νόμιμον διὰ τ' εὐρυνέδοντος αἰθέρος ἠνεκέως τέταται διὰ τ' ἀπλέτου ἀγῆς.

33) Sed bonum morale est ipse Deus, — actio virtutis,] sic Edd. 1554., 1557. et 1560.; Ed. 1550. Sed bonum morale tantum est actio virtutis, seu virtus congruens cum recto iudicio rationis, quod ideo rectum dicitur, quia est lux divinitus insita mentibus, congruens cum mente divina.

34) Baptista vult] sic Edd. 1554., 1557. et 1560.; Ed. 1550. vult Baptista.

35) in Genesi et alibi] sic Edd. 1554., 1557. et 1560.; in Ed. 1550. haec desunt.

36) deinceps ita] sic Edd. 1554., 1557. et 1560.; Ed. 1550. ita deinceps.

37) loquamur et nos eodem modo,] sic Edd. 1554., 1557. et 1560.; Ed. 1550. nos quoque eodem modo loquamur.

38) de quo gradu — bonorum humanorum.] sic Edd. 1554., 1557. et 1560.; Ed. 1550. quae sit vocabuli interpretatio. Recenseamus igitur usitatum distributionem.

39) Bonum honestum humanum — usitate dicunt,] sic Edd. 1554., 1557. et 1560.; in Ed. 1550. haec desunt.

40) seu motus seu habitus] sic Edd. 1554., 1557. et 1560.; Ed. 1550. vel virtus.

41) In carmine lustrali, vid. Philosophorum graecorum veterum operum reliquiae, rec. S. Karsten. Vol. II. p. 144. vers. 404. 405.

42) Aristot. Rhetor. lib. I. cap. 13.

43) πρῶτον] sic Ed. 1554.; Edd. 1557. et 1560. typogr. errore: πρῶτων. Empedocles et Aristoteles scripserunt: πάντων.

Id est, prima lex est ipse Deus ordinans omnia in hominum mentibus et in tota natura⁴⁴⁾.

Bonum utile, quod iuvat conservationem naturae, vitam, et vitae necessaria, ut cibus, domus, vestes, aut quod propter ista expetitur, ut pecunia⁴⁵⁾.

Bonum suave, quod congruit cum aliqua naturali et ordinata appetitione, ut cum bibens in siti, delectatur potu.

Econtra et appellatio *Mali* diversa significat, sed tamen in genere sic describi potest:

Malum est destructio ordinis divini, et naturae divinitus conditae, non condita a Deo, iuxta illud (Hos. 13, 9.): Perditio ex te est Israël, tantum a me auxilium tuum. Perditio, id est, peccata, et mors, et aliae calamitates. Est autem duplex: Malum culpae, et Malum poenae.

Malum culpae, est defectus, seu actio⁴⁶⁾ vel habitus, pugnans cum lege Dei, quod malum nominamus vitium et peccatum. Idque Deus non solum non condidit, sed nec vult etiam, nec approbat, imo vere aversatur et odit, ut scriptum est (Psalm. 5, 5.): Non iniquitatem volens Deus tu es.

Aliud nominatur Malum poenae, quod est destructio naturae, sequens culpam, nec pugnat cum lege Dei, ut mors, morbi et multae calamitates. Etsi autem hae destructiones non sunt res conditae a Deo, tamen Deus cum sit iustus, non vult servare sine poena naturam, ab ipso aversam. Ita cum damnat culpam, sinit extingui naturam a se desertam, et vult poenam propter iustitiam.

Ideo malum poenae Deus velle dicitur, et approbare, propter iustitiam. Ad hanc speciem proprie pertinet dictum: Non est malum in civitate, quod non fecit dominus⁴⁷⁾, id est, nulla poena cogitari potest, qua Deus non castigaverit populum. Castigavit morbis, fame, bello. Sic Ecclesia nominat mala, mortem et alias calamitates, quia non sunt res conditae a Deo, et destruunt naturam.

44) Sciendum est autem dici — in tota natura.] sic Edd. 1554., 1557. et 1560.; in Ed. 1550. haec desunt.

45) ut pecunia.] sic Edd. 1550. et 1554.; Edd. 1557. et 1560. pecunia.

46) est defectus seu actio] sic Edd. 1554., 1557. et 1560.; Ed. 1550. est actio.

47) Conf. Amos 3, 6.

Quare Stoicas ineptias reiiciamus, qui mortem, famem et alias calamitates nolunt dici mala, sed loquamur, ut vox divina loquitur, et causas intelligamus, cur poenas nominet mala. Et prudenter discrimen inter culpam et poenam observemus, ac tetros furores illorum damnemus, qui dicunt, Deum autorem esse peccati, id est, velle, aut approbare peccatum, aut effectorem vel adiutorem esse peccati, quae opinio manifeste contumeliosa est adversus Deum. Nec difficile est refutare praestigias et sophismata, quibus defenditur.

De dicto Esaiiae (45, 7.): Ego sum Deus, creans bonum et malum. Expedita responsio est, malum intelligi materialiter, id est, de materia nocente, ut de veneno, ubi materia a Deo creata est, et est res bona, ut cicuta medetur sacro⁴⁸⁾ igni. Sed iam post lapsum haec infirma natura multipliciter laedi potest. Ideo multae res nocentes dicuntur malae et referri hic gradus erudite potest ad malum poenae, sicut Prophetiae saepe in genere loquuntur de malo poenae, ut Ieremias⁴⁹⁾: Ex ore Domini, bona et mala, id est, poenae. Sic et dextre dictum Esaiiae intelligi potest: Ego sum Deus, faciens bonum et malum, id est, poenas.

Quid est virtus?

Usitata definitio et satis plana est: Virtus est habitus, inclinans voluntatem ad obediendum rectae rationi. Monstrat autem haec definitio causas, et ut in caeteris materiis, ita hic consideratis causis, res fit conspectior.

Duae causae efficientes principales et proximae sunt virtutis, scilicet mens gubernans voluntatem recto iudicio, et voluntas, libere, constanter et firmiter amplectens id iudicium, ac gaudens ea rectitudine. Ideo et Aristoteles inquit in sexto Ethicorum: *δεῖ τὰ αὐτὰ τὸν λόγον μὲν φάναι, καὶ τὴν ὄρεξιν διώκειν*⁵⁰⁾. Ac vident omnes homines sani, lucere in mentibus discrimen faciendorum et fugiendorum, et id normam virtutis esse statuunt, sed illud etiam considerare debebant, unde sit, et quare illae naturales noti-

48) sacro] sic Edd. 1550., 1554. et 1557.; Ed. 1560. typogr. errore: sacri.

49) Conf. Thren. 3, 38.

50) Aristotelis verba in Ethic. Nicom. I. VI. c. 2. §. 2. haec sunt: *δεῖ διὰ ταῦτα τὸν τε λόγον ἀληθῆ εἶναι, καὶ τὴν ὄρεξιν ὀρθήν, εἴπερ ἡ προαίρεσις σπουδαία· καὶ τὰ αὐτὰ τὸν μὲν φάναι, τὴν δὲ διώκειν.*

tiae sint nomine virtutum, et cur obedientia bona sit, congruens cum illis notitiis etc. Hic igitur necesse est considerari fontem huius lucis in natura hominum, videlicet mentem divinam.

Cum enim homo conditus sit, ut sit imago Dei, Deus immensa bonitate praecipuarum et optimarum rerum in sua substantia similitudinem in nobis condidit, scilicet, similem legis sapientiam, libertatem in voluntate, et virtutes. Ad haec transfudit in primos homines Spiritum sanctum, impertiens suae essentiae societatem. Haec dona voluit testimonium esse magni et veri amoris erga nos. Hunc amorem agnoscere nos oportebat, et vicissim Deum diligere.

Etsi autem post depravationem naturae, ingens et tristis imbecillitas secuta est, tamen et mens retinet insitas notitias, et voluntas aliquam libertatem, quia Deus vult lucere in nobis testimonia, quod sit, qualis sit, et quod iudicaturus sit, et vult disciplinam commonefactionem esse de ipso. Quare iudicium ideo rectum dicitur, quia notitiae congruunt cum aeterna et immota Dei mente, et tunc voluntas bona est, quando cum illa norma mentis divinae congruit. Ideo cum de causis virtutum dicitur, et quaestio est, quare Ioseph recte faciat, ab aliena abstinens, et David non recte faciat, rapiens alienam, non solum norma in mente hominis consideretur, sed simul aspiciatur illa prima et immota regula, scilicet mens divina, ad cuius similitudinem condita est haec lux in mente humana.

Deinde sciamus congruentiam voluntatis cum hac norma ideo bonam esse, quia convenit cum voluntate divina. Sit autem in voluntate electio libera, magna firmitate, et quadam excelsa constantia, amplectens iudicium, nec cedens contrariis ventis affectuum, sicut scopuli non cedunt ventis aut fluctibus in mari.

Hoc modo, quoties de definitione virtutis dicitur, eundem est ad causas et primas normas. Rectissime igitur additur huic definitioni usitatae⁵¹⁾: Virtus est habitus, inclinans voluntatem, ut constanter obediat recto iudicio propter Deum, ut et gratitudinem ei declaret, et Dei voluntatem aliis ostendat, sicut inquit Christus (Matth. 5, 16.): Luceat lux vestra coram hominibus, ut glorificetur pater vester coelestis. Et Psalmus

51) usitatae] sic Edd. 1554., 1557. et 1560.; Ed. 1550. usitate.

(40, 4.): Videbunt multi, et timebunt, et sperabunt in Domino.

Quae sunt causae actionum virtutis?

Aristoteles virtutem nominat habitum. Constat autem habituum causas esse convenientes actiones. Deinde necesse est, quaeri actionum efficientes et adiuvantes causas, vel *αἴτια, συναιτίαι, et συνσπρά.*

Efficientes causae propinquae, seu *αἴτια*, secundum philosophiam sunt rectum iudicium mentis, et libera voluntas, obediens recto iudicio. Usitatum est autem vocare rectum iudicium, dictamen rectae rationis, quod est lex naturae, et aliae leges congruentes cum recto iudicio naturali et divina lege. Supra autem dixi, hoc iudicium rectum esse, quia congruit cum norma aeterna et immota, quae est in mente divina, patefacta in decalogo. Saepe enim alias dictum est, legem naturae, notitiam illam esse de moribus, congruentem cum mente divina, patefacta in decalogo.

Altera causa est voluntas, de cuius libertate postea dicemus. Est enim et libertas singulare donum Dei in natura intelligente, et pars imaginis Dei in homine, ac vult Deus reliquam esse aliquam libertatem, ut assueferi homines et disciplina regi possint. Imo ut postea etiam renati dona Dei retineant.

Causae adiuvantes, vel *συναιτίαι* sunt haec tria, doctrina, naturales impetus, et disciplina. Sicut enim in artibus opus est his adiuvantibus causis, ita et in moribus. Nemo sine doctrina discit architectonicam. Etsi enim natura tenemus principia quaedam, tamen illae ipsae naturales notitiae exuscitandae et illustrandae sunt doctrina. Quare in iis gentibus, ubi doctrinae lux extincta fuit, aut adhuc extincta est, obscurata est et naturalis notitia, ut Lacedaemonii concedebant patris cum viro de uxore.

Ideo et Deus sua voce legem promulgavit, ut quanquam erat scripta in natura, tamen voce doctrinae traderetur, repeteretur, et inculcaretur hominibus, et extaret testimonium illustribus testimoniis propositum, notitias naturales congruentes cum illa voce divina, legem Dei esse. Ac Deuteron. 6, (7.) diserte dicitur: Acues ea filiis tuis, id est, non trades tecta squalore, vel non negligenter trades, sed limata et illustrata propones, repetes, severe exiges disciplinam.

Altera adiuvens causa est naturalis inclinatio. Verum est enim, virtutes firmiores fieri in his, qui a natura adiuvantur. Ut musici, poëtae, pictores foeliciores sunt, quos natura adiuvat in operibus harum artium: ita in Alexandro, Iulio⁵²⁾ excellentior est fortitudo, quia naturales impetus habent, vel incendia potius, quae sunt harum virtutum *συναιτίαι*.

Discrimen autem hoc loco virtutum heroicarum et communium considerandum est. Nam heroicae dicuntur, quae in excellentibus naturis habent ardentes impetus. Communes sunt in mediocribus, non monstrosis hominibus, quia etiam mediocres naturae non monstrosae, flecti ad virtutem doctrina et assuefactione possunt, quia Deus vult hanc hominum naturam capacem esse doctrinae et virtutum. Quaestio est autem, unde sint haec naturarum discrimina. Paulus bonas et foelices inclinationes vocat dona Dei. Sed physici causas in temperamento quaerunt⁵³⁾, et manifestum est, temperamenta et inclinationes aliquo modo cum stellis congruere. Quare non dubitandum est, stellarum lumine misceri temperamenta et accendi inclinationes.

De disciplina.

Tertia causa adiuvens est disciplina, quae, ut hoc loco vocabulum usurpatur, est assuefactio, quae est in potestate humanae voluntatis, et est doctrinae cogitatio, et gubernatio locomotivae seu externorum membrorum, ne ruant in scelera contra conscientiam, et est mediocris diligentia vitandi illecebras et occasiones, sicut amantibus praecipitur, ut discedant ex locis ubi amant, iuxta versum: Quantum oculis animo tam procul ibit amor. Item: Vitare peccata, est vitare occasiones peccatorum. Item: Qui amat periculum, peribit in illo. Et manifestum est multorum mores malis sodalitiis corrumpi. Quare Paulus dicit (1. Cor. 15, 33.): Corruptunt bonos mores colloquia prava. Et Aeschylī dictum sit notum: οὐδὲν κάκιον ὁμιλίας κακῆς⁵⁴⁾. Et vetus praeceptum est cuiusdam senis eremitae: ὁρμόξει τῷ ἐγκρατεῖ καὶ τοὺς ὄχλους φεύγειν, ἵνα τὸν νοῦν ἀπερίσπαστον ἔχη, καὶ τὴν διάνοιαν

52) Iulio Caesare.

53) quaerunt] sic Edd. 1557. et 1560.; Edd. 1550. et 1554. querunt.

54) Aeschyl. Septem adv. Theb. 584 sq. (ed. Schütz):

Ἐν παντί πράγει δ' ἐσθ' ὁμιλίας κακῆς
Κάκιον οὐδέν.

ἀτάραχον· πολλή γὰρ ἐν τοῖς ὄχλοις ἡ ταραχή. Non igitur negligamus disciplinam, sed sciamus divinitus praecipit, ut simus intenti, nec laxemus frenos vitiosis cupiditatibus. Qui volens alit incendia vitiorum admissis illecebris, turbat Spiritum sanctum, nec expetit se gubernari a Spiritu sancto, cum ipse contrarium faciat. Postulatur enim et nostra diligentia, ut Paulus inquit ⁵⁵⁾ ad Ephes. (5, 15.): Ambulate accurate, non ut fatui, sed ut sapientes etc. ⁵⁶⁾. Cum enim inquit accurate, praecipit, ut sint in nobis cogitatio, intentio, cura ⁵⁷⁾ et conatus reprimendi vitiosos impetus. Et ad hanc circumspectionem et ad ⁵⁸⁾ nostrum conatum accedat invocatio Dei, sicut infra rursus dicemus. Et Paulus de sese iam senex ⁵⁹⁾ dixit (1. Cor. 9, 27.): Sugillo corpus meum, et in servitute[m] ~~redigo~~, ne, cum alios doceam; ipse fiam reprobus.

Hae et similes multae sententiae praecipiunt nobis diligentiam, et intentionem in regendis moribus, quae disciplina dicitur. Non confirmanda est negligentia in hominibus, praesertim cum falsa sit opinio, omnes conatus in homine in regendis externis actionibus irritos et inanes esse, ac necessario fieri, ut Alexander interficiat Clitum, sicut Anaxarchus ⁶⁰⁾ consolabatur Alexandrum.

55) Tertia causa adiuvans — ut Paulus inquit] sic Edd. 1557. et 1560.; Edd. 1550. et 1554.: Tertia causa adiuvans est disciplina, quae, ut hoc loco hanc vocem intelligimus, est assuefactio, quae est in potestate humanae voluntatis, et versatur circa causas remotiores, id est, circa illecebras et circumstantias, quae invitant ad delinquendum, et honestis laboribus reprimunt errantes cupiditates, ut Cato dixit. Homines nihil agendo, mala agere discunt (Colum. de re rust. 11, 1, 26.). Quare hominibus proponi honestos labores necesse est, qui et per sese freni sunt cupiditatum, et assuefactio ad res honestas agendas, paulatim flectit animos ad intellectum et amorem virtutis. Sic multa mala vitat, qui fugit mala sodalitia et helluaciones, qui linguae, qui oculis imperat, ne temere vagentur, sicut verissime dictum est: Vitare peccata, est vitare occasiones peccatorum. Et praesertim nos in Ecclesia, sciamus, mandatum Dei esse, ut voluntas etiam repugnet vitii. Qui volens alit incendia vitiorum admissis illecebris, turbat Spiritum sanctum, nec cogitat, Spiritum sanctum fore gubernatorem, cum ipse contrarium faciat. Nam et nostra diligentia flagitatur. Ideo Paulus inquit.

56) sapientes etc.] sic Edd. 1557. et 1560.; Edd. 1550. et 1554. sapientes.

57) cura] sic Edd. 1557. et 1560.; in Edd. 1550. et 1554. deest.

58) ad] sic Edd. 1557. et 1560.; in Edd. 1550. et 1554. deest.

59) de sese iam senex] sic Edd. 1557. et 1560.; Edd. 1550. et 1554. iam senex de sese.

60) Anaxarchus Abderita, disciplinae Democriti sectator, Diomenis Smyrnaei vel, ut alii perhibent, Metrodori Chii auditor, vixit cum Alexandro M., tantaque eius usus est gratia, ut eum illo quoque tempore, quo adulationibus

Haec falsa sunt et contumeliosa contra Deum. Poterat omnino Alexander non interficere Clitum. Sed magis abstinere ab adulterio David poterat, cum sciret se a Deo iuvari; si auxilium peteret.

Dicam igitur de causis, ut in Ecclesia recitantur. In Ioseph fugiente adulterium causae principales sunt, Filius Dei praesens in corde Ioseph ostendens verbo legis et promissionum Iosepho voluntatem aeterni patris, et simul accendens Spiritu sancto cor eius, ut repugnaret incendiis. Deinde et ipsa mens Ioseph adsentiens verbo Dei, et voluntas et cor obtemperans et simul mens voluntas libera gubernantis ⁶¹⁾ locomotivam et externa membra. Eodem modo in caeteris piis cogitentur causae efficientes ⁶²⁾.

Materia in qua.

Anima hominis est subiectum, quae est domicilium Dei ⁶³⁾, et facultati cognoscenti coniunctum est cerebrum. Voluntati autem cor oportet coniunctum esse, ut pariter in voluntate et corde motus mansuetudinis sentitur, ac nisi aliqua sit cordis et voluntatis copulatio, non existit vera virtus, sed simulatio. Et saepe motus cordis contrarius legi, rapit secum iudicium, ut equus indomitus sessorem. Officit etiam iudicio languefactio cerebri, quae oritur ab intemperantia, ut in precatione cor non potest ardere, cum turbatur intentio dolore cerebri, qui a fumis oritur turbantibus spiritus, et laedentibus cerebrum.

Causa formalis.

Cum de actionibus loquimur, ipsa actio forma est, videlicet motus voluntatis et cordis ob-

tus corruptus aegerrime amicorum monita audiebat, libere corripere auderet; at ipse tandem aliquando ad adulationem philosophia abusus est in solatio, quod Alexandro ob Cliti caedem animo anxio exhibuit. An ignoras, aiebat, ius et fas lovi assidere, ut quicquid rex agat, id fas iustumque putetur. Vid. Iac. Bruckeri hist. crit. philos. T. I. p. 1207., Plutarch. vita Alexandri c. 52. et ad principem ineruditum (Opera ed. Reiske T. IX. p. 123.).

61) mens voluntas libera gubernantis] sic Edd. 1557. et 1560.; Ed. 1554. mens et voluntas libera gubernantes.

62) In Ioseph fugiente — causae efficientes.] sic Edd. 1557. et 1560. (et, exceptis verbis in antecedente nota allatis, Ed. 1554.); Ed. 1550.: Ut de Ioseph fugiente adulterium, causae principales sunt: Spiritus sanctus, accendens cogitationem verbi divini in mente Ioseph, et mens Ioseph, cogitans verbum Dei. Deinde rursus Spiritus sanctus, inclinans voluntatem Ioseph ad obediendum verbo Dei, et ad repugnandum adulterio, et ipsa voluntas, commonefacta verbo Dei, suo etiam conatu repugnans illecebris, et anteferens mandatum Dei.

63) quae est domicilium Dei] sic Edd. 1554., 1557. et 1560.; Ed. 1550. in quo sunt virtutes.

temperans recto iudicio, ut ipsa moderatio iracundiae in Davide, parcente Sauli, est forma. Sic cum de habitibus loquimur, firma inclinatio in voluntate et corde, est forma. Cum autem a formali causa rectissimae definitiones sumantur, apparet definitionem supra recitatam, propriam esse: Virtus est obedientia, qua voluntas et inferiores potentiae obtemperant Deo⁶⁴⁾.

Causa finalis.

Usitatum est in philosophia dicere, virtutem sibi ipsi finem esse, nec principaliter expetendam esse propter aliud, sed rectius est etiam secundum rationem addere alium potiore finem, scilicet, ut propter Deum expetatur virtus. Ioseph ab aliena abstinere, ut Deo obediat, et ne scandalo polluat professionem etc. Ac tenenda est doctrina communis, de discrimine finium. Possunt esse multi fines unius rei, sed ordinati, alii principales, alii minus principales. Principaliter expetenda est virtus propter Deum, sed postea etiam propter praemia aeterna et praesentia, quia certissimum est, atrocia delicta atrocibus poenis in hac vita puniri. Iacob inquit: Si Dominus dederit mihi panem et aquam, erit mihi Dominus in Deum, et hic lapis erit domus Dei⁶⁵⁾.

Quaerendum in hoc dicto conditionalis addita non significat finem vel mercedem, sed significat possibilitatem et modum, id est, si vivam, in hoc loco congregabo Ecclesiam ad sacrificium et ad concionem, iuxta illud (Psalm. 115, 17.): Non mortui laudabunt te Domine. Sed tamen sic quoque recte intelligitur, suo loco et ordine petere Iacob bona corporis, sed ita, ut tamen anteferatur principalis finis.

Estne libera voluntas?

Quaerentibus simplicem veritatem in hac quaestione, facilis est explicatio. Ac primum discernantur actiones voluntatis. Aliae sunt electiones motuum externorum, sive in actionibus moralibus, sive in actionibus artificum, sive in motu locali hominis quocumque, ut Scipio⁶⁶⁾ po-

test se cohibere, ne attingat alterius sponsam. Fabricius⁶⁷⁾ potest se cohibere, ne aurum a Pyrrho missum accipiat⁶⁸⁾. Pictor potest cervum aut chimaeram pingere. Plato potest ex Academia in urbem ire, aut non ire. In talibus electionibus, et omnibus motibus externis, humana voluntas re ipsa libera est, id est, potest eligere hos motus, aut non eligere, potest⁶⁹⁾ imperare eos externis membris, aut non imperare, et eligens seu imperans, eligit aut imperat sponte, sine necessitate, et sine coactione. Ut Eva sponte, et sine necessitate, et sine coactione elegit esum pomi, et imperat organis mandere pomum.

Quod autem talis sit libertas voluntatis, hoc testimonio Pauli manifesto et firmo ostenditur. Saepe fatetur Paulus aliquam esse iustitiam carnis, id est, disciplinam, qua homo non genatus, facit externa honesta opera, ut cum inquit ad Titum (3, 5.): Non ex operibus iustitiae, quae nos fecimus etc. Cum igitur sit aliqua iustitia carnis, et possint homines sibi imperare, ut externa legis opera faciant, non dubium est, esse aliquem delectum et libertatem voluntatis, quae antefert honesta opera sceleribus. Hoc argumentum non sinamus eludi cavillationibus, et praestigiis sophismatum, sed utraque manu veram sententiam teneamus, quae propter disciplinam necessaria est vitae.

Deinde cum mandatum Dei sit, ut disciplina severe regatur, non excutienda est mentibus cura regendae disciplinae. Languet autem studium, cum existimatur impossibilis esse morum gubernatio, aut inutilis. Quod autem disciplina a Deo mandata sit, primum manifestum est ex dicto Pauli (1. Tim. 1, 9.): Lex est iniustis posita, id est, ut coherceantur, et violata disciplina puniuntur. Item (Rom. 13, 5.): Necessum est obedire non solum propter iram, sed etiam propter conscientiam.

Deinde horribiles poenae in hac vita in omnibus gentibus et familiis, declarant iram Dei adversus violantes disciplinam. Regula enim perpetua et firma est: Atrocia delicta puniuntur atrocibus poenis praesentibus in hac vita, iuxta illa dicta (Matth. 26, 52.): Qui gladium acceperit, gladio peribit. Item (Ebr. 13, 4.): Scortatores

64) Deo] sic Edd. 1554., 1557. et 1560.; Ed. 1550. recto iudicio rationis.

65) Conf. Genes. 28, 20 22.

66) P. Cornelius Scipio, Publii, qui a. 212. a. Chr. in Hispania ceciderat, filius. Nova Carthagine a. 211. expugnata, adultam virginem eximia forma, a militibus captam et ad ipsum adductam Allucio, principi Celtiberorum adolescenti, cui desponsata erat, intactam reddidit; vid. Liv. l. XXVI. c. 50.

67) C. Fabricius Luscinus consul a. u. c. 476., qui Pyrrhi, regis Epiri, bello praeclare rem gessit.

68) Conf. Plutarchus in vita Pyrrhi c. 20.

69) eligere, potest] sic Edd. 1550. et 1554.; Edd. 1557. et 1560. eligere potest,

et adulteros iudicabit Deus. Item (Sap. 11, 17.): Per quae quis peccat, per eadem punitur.

Utilitates autem disciplinae sunt ingentes, quod conducit ad vitanda magna mala, praesentia et aeterna. Puniuntur enim privatis et publicis poenis multa singulorum delicta, et donec perseverant homines in delictis contra conscientiam, Deus non est efficax in eis. Necesse est igitur abiici propositum faciendi contra conscientiam. Talis electio est aliquo modo in potestate humanae voluntatis. Propter has tantas causas et intelligere disciplinam discamus, et coecos impetus diligentia moderemur, et frenos disciplinae nobis ipsi iniiciamus.

Secundo: Testimonium est libertatis ipsa fabricatio humani corporis. Ita condita est hominis natura, ut nervi voluntariis motibus serviant, cum voluntas imperat locomotivae, nervi obtemperant. Hanc libertatem negare, est repugnare manifestae experientiae in opificio hominis. Certissimum est igitur, in electione externarum actionum, aliquam esse libertatem, quae etiamsi re vera manet in natura hominis, tamen impeditur duabus causis. Interdum affectuum tanti sunt impetus, ut laxet eis frenos voluntas, quae tamen volens eis laxat. Interdum Diaboli impellunt homines, ut ruant in tetra scelera praecipites, ut Nero horribiliter grassatur omni genere scelerum. Tales furores a Diabolo oriuntur, nec tamen propterea nulla est libertas. Nam et Nero arcere initia furorum aliquo modo poterat.

Accidunt autem multi tristes lapsus etiam praestantibus consilio et virtute, ut Davidi, Salomoni, et aliis, ut agnoscamus imbecillitatem humanae naturae, et serio expetamus auxilium, quod Deus Ecclesiae promisit, et vult ac severe praecipit peti, et avide opitulatur, ut praesentia eius in Ecclesia, et misericordia conspiciatur. Ideo dictum est (Luc. 11, 13.): Quanto magis pater vester coelestis dabit Spiritum sanctum petentibus.

Dixi de disciplina externa, quam voluntas humana utcumque efficere potest. Nunc de alio genere actionum dicam, quod non fit sine motibus Spiritus sancti, videlicet verus timor Dei, vera fiducia, quae vincit pavores in morte, et aliis magnis doloribus, ardens dilectio Dei, constantia confessionis, non supplicii, non succumbere incendiis libidinum, ambitionis, aemulationis, cupiditatis vindictae in magnis causis.

Tales interiores motus Deo placentes, sciamus non fieri sine auxilio Spiritus sancti, nec tamen in his nihil agit voluntas, nec habet se ut statua, sed concurrunt agentes causae, Filius Dei movens mentem verbo et Spiritu sancto cor accendens⁷⁰), mens cogitans, et voluntas non repugnans, sed utcumque iam moventi Spiritui sancto obtemperans, et simul petens auxilium Dei. Sicut ille Marci 9, (24.) inquit: Credo Domine, sed opem fer diffidentiae meae. Praeterea illae actiones, quae imperant locomotivae, sunt in potestate nostra, imperare ut legamus, audiamus, cogitemus⁷¹) doctrinam, imperare externis membris, ut omittant malas actiones, quae contra conscientiam antea factae sunt. Haec manifestissima sunt.

Est et hoc diligenter considerandum, utramque concionem universalem esse, concionem poenitentiae, et concionem gratiae. Arguit Deus peccatum in omnibus hominibus, in hac depravatione naturae. Rursus, etiam promissio universalis est iuxta illud (Matth. 11, 28.): Venite ad me omnes qui laboratis et onerati estis, et ego reficiam vos. Offert Deus gratiam omnibus confugientibus ad filium Mediatorem. Nec est *προσωποληψία* in Deo. Nec imaginanda est particularitas ut de bonis non necessariis⁷²). Non omnibus dat robur Samsonis⁷³), non omnes facit musicos summos. Sic non est cogitandum de salute, quae cum sit bonum summum et necessarium omnibus, promissio universalis est.

Hanc intueamur, nec sinamus hanc veram consolationem nobis excuti ex pectore. Verissimum est, de voluntate Dei iudicandum esse ex ipsius verbo. Verissimum dictum est (Psalm. 119, 105.): Lucerna pedibus meis verbum tuum. Cur igitur universalem promissionem abiicis et quaeris alias speculationes? Retrahe mentem et pectus ad promissionem, et intueri filium Dei. Vocem eius audias, scias eum et tibi summum sacerdotem, et mediatorem esse velle, nec fingas in Deo contradictorias voluntates esse.

70) Filius Dei movens mentem verbo et Spiritu sancto cor accendens] sic Edd. 1554., 1557. et 1560.; Ed. 1550. Spiritus sanctus movens per verbum Dei.

71) cogitemus] sic Edd. 1550., 1557. et 1560.; Ed. 1554. contigemus.

72) ut de bonis non necessariis] sic Edd. 1557. et 1560.; Ed. 1554. ut de bonis; Ed. 1550. de donis.

73) Samsonis (i. q. Simsonis)] sic Edd. 1554., 1557. et 1560.; Ed. 1550. Sansonis.

Non igitur indulgeas diffidentiae, non fingas particularitatem ⁷⁴⁾, ut si de robore Samsonis aut musicis cogitares, sed audias utramque concionem, timeas iudicium Dei, abiicito malas actiones, quae fiebant contra conscientiam, et intuere promissionem et Filium Dei, et pete ut iuvet te Spiritu suo sancto, sicut inquit (Luc. 11, 13.): Quanto magis pater vester coelestis dabit Spiritum sanctum petentibus, id est, non otiosis, non aspernantibus, non repugnantibus, sed vero gemitu petentibus auxilium.

Hinc intelligitur, cum promissio sit universalis, nostram aliquam adensionem concurrere oportere, cum quidem iam et Spiritus sanctus accenderit mentem, voluntatem et cor. Sic multa dicta scriptorum concionantur. Augustinus saepe inquit: Praeunte gratia, comitante voluntate. Et Chrysostomus: *ἔλκει μὲν ὁ θεὸς, βουλόμενον δὲ ἔλκει.* Et Basilius: *Μόνον θάλησον καὶ θεὸς προαπαντῶ.*

Hanc consolationem in agone necessariam esse, manifestum est. Quid enim dices sonti qui iam ad supplicium ducitur, qui etiam conspectu sui sceleris horribiliter cruciatur? Hunc certe ad promissionem deduci necesse est, non ad alias speculationes.

Refutatio Stoicae necessitatis.

Recitavi summam doctrinae de libero arbitrio, seu de voluntate humana, veram et simplicem, quae sine ulla dubitatione perpetuus consensus est omnium eruditorum et piorum in Ecclesia. Nec plura addi necesse erat, sed tamen moneri iuniores utile est, ne assentiantur Stoicis opinionibus de necessitate, quae etsi sunt absurdae, et a communi vita abhorrent, tamen habent applausores ⁷⁵⁾, vel quia naturae monstrosae delectantur absurdis opinionibus ipsa naturae perversitate, vel quia homines ambitiosi putant gloriosum esse, contradicere aliis ⁷⁶⁾. Tale fuit in Vallensi ⁷⁷⁾ studium contradicendi, qui magna

74) particularitatem] sic Edd. 1554., 1557. et 1560.; Ed. 1550. typogr. errore: particularitat.

75) applausores] sic Edd. 1550. et 1554.; Edd. 1557. et 1560. applausiores.

76) vel quia naturae — contradicere aliis.] sic Edd. 1557. et 1560.; Edd. 1550. et 1554.: quia naturae aliquae tales sunt, ut admirentur peregrinas et absurdas opiniones, vel quia gloriosum putant, contradicere aliis.

77) Laurentius Valla, a. 1407. Romae natus, a. 1457. ibid. mortuus, bene quidem meritis est de lingua latina, sed corruptit philosophiam et theologiam defensione et pro-

contentione detrahit voluntati humanae libertatem, et constituit necessitatem in omnibus motibus totius naturae et hominum, et falso ad Stoicos furores accommodat Pauli dicta Rom. 9. quae certe non loquuntur de omnibus motibus naturae et hominum, et alienissima sunt a Stoicis deliramentis.

Primum autem ex Dialecticis discendum est, quid significant vocabula: Necessarium et Contingens. Hic satis est brevissime recitare qualescunque descriptiones. Necessarium est, cuius contradictorium est impossibile, vel quod cum fit, aut factum est, non potest, nec potuit non fieri, aut aliter fieri. De modis alibi dictum est. Sed Contingens dicitur, quod cum fit, habet causam, quae poterat ex natura sua aliter agere, et opponitur utrique particulae: Necessario et Impossibili. Ut Paris rapuit Helenam, est propositio contingens. Etsi enim postquam hoc ita accidit, mutari non potest, tamen ideo contingens dicitur, quia causa gubernans eventum, potuit aliter agere, et potuit alius esse eventus. Fontes autem contingentiae et mutabilitatis actionum ac eventuum, sunt libertas voluntatis in Deo, libertas voluntatis in creaturis rationalibus, et vagabundi motus materiae elementaris varie ruentis.

Iam sit infixis animis firma et perspicua refutatio Stoicae necessitatis haec: Cum certissimum sit, Deum non esse causam delictorum, nec velle, nec efficere, nec adprobare delicta, et condidisse rationales naturas ita, ut bonae essent: sequitur naturas rationales ⁷⁸⁾ sua voluntate libere, sine ulla necessitate, et sine ulla coactione se avertisse a Deo. Fuit igitur libertas voluntatis, et poteraf aliter agere voluntas, quod cum ita sit, contingentiam esse manifestum est. Sic deinceps dicatur de externis actionibus voluntatum humanarum, et semper in conspectu sit dictum Psalmi (5, 5.): Deus impietatem non volens tu es. Hoc testimonium divinum constantissime opponatur Stoicae necessitati.

Et quanquam homines contentiosi miros labyrinthos in hac quaestione struere possunt, tamen testimonium coeleste anteferamus praestigiis

pugnatione Epicurearum et Stoicarum opinionum. Defendit enim dogma Epicuri de voluptate, quod sit finis hominis, et propugnavit Stoicam necessitatem, et libertatem actionum humanarum sustulit.

78) naturas rationales] sic Edd. 1557. et 1560.; Edd. 1550. et 1554. rationales naturas.

sophismatum, quorum aliqua fortasse videntur inextricabilia. Nitimur autem, ut dixi, divino testimonio, sed tamen et Platonis dictum notissimum esse omnibus eruditis debet. Verba Platonis haec sunt in 2. libro *πολιτειῶν*: Omni contentione pugnandum est, ne quis in civitate, quam bene regi volumus, vel dicat, vel audiat, seu senex, seu iuvenis, seu in poemate, seu in alia narratione, Deum causam esse alicui malorum, quod neque sancte ita dici potest, neque utile est civitati, neque secum consentiens⁷⁹⁾. Et recitat Plutarchus⁸⁰⁾ dictum Euripidis: *εἰ θεοὶ τι δρῶσιν ἀσχερὸν, οὐκ εἰσὶν θεοὶ*⁸¹⁾. Nunc addo solutionem praecipuorum argumentorum.

Primum.

Determinatio divina est immutabilis et necessario vera.

Omnia eveniunt Deo determinante.

Ergo omnia eveniunt immutabili necessitate.

Solutio.

Primum respondeo ad Minorem. Determinatio divina dissimilis est in his, quae pendent proprie ab ipsius voluntate, et in aliis, quae principaliter aut proprie oriuntur a nostris voluntatibus. Deus aliter determinat venturam resurrectionem mortuorum, et similia, quae sunt ipsius propria opera, aliter praevidet et determinat scelera hominum, quae permittit.

Haec praevisionis seu determinatio prorsus nullam adfert necessitatem voluntati nostrae. Praevidet enim, quia sunt eventura, et determinat, quousque permissurus sit. Iam ad Maiorem respondeo, determinatio divina est immutabilis, et necessario vera, scilicet necessitate consequentiae, quae non adfert simpliciter necessitatem. Deus praevidet Saulis flagitia, et determinat, seu metas constituit, quousque permissurus sit.

79) Platonis verba in l. II. de republ. (Opera ed. H. Steph. T. II. p. 380. b. c. — ed. Bipont. Vol. VI. p. 253. haec sunt: κακῶν δὲ αἰτίων φάναι θεὸν τινὲ γίγνεσθαι, ἀγαθῶν ὄντα, διαμαχετέον παντὶ τρόπῳ, μήτε τινὰ ταῦτα λέγειν ἐν τῇ αὐτοῦ πόλει, εἰ μέλλει εὐνομήσεσθαι, μήτε τινὰ ἀκούειν, μήτε νεώτερον, μήτε πρεσβύτερον, μήτε ἐν μέτρῳ, μήτε ἀνευ μέτρου μυθολογοῦντα· ὡς οὐδ' ὅσα ἂν λεγόμενα, εἰ λέγοιτο, οὔτε ἔμφρονα ἡμῖν, οὔτε ἔμφρονα αὐτὰ αὐτοῖς.

80) Plutarch. in libello *στωικῶν ἐναντιωμάτων*.

81) Eurip. Bellerophon. fragm. XIX. 4. (vid. Eurip. tragood. et epist. ex edit. Barnesii recusa. Acced. fragmenta ex recens. Musgrave Tom. II. p. 433.).

Haec praevisionis et permissio prorsus nullam adferunt necessitatem voluntati Saulis. Item Saul punitur, quia peccavit. Verum poterat Saul omittere illa scelera.

Quare dialectica illa necessitas consequentiae, non tollit re ipsa contingentiam, aut libertatem. Exempla sunt illustria in sacris historiis. Ieremias inquit, cum quidem praedixisset excidium: Si facies deditionem, non evertetur Ierosolyma⁸²⁾. Et Jonas (3, 4.) praedixerat Niniven interituram esse.

Id decretum quanquam iam voce Prophetiae promulgatum fuerat, tamen Deus retractat, unde discamus, Deum non esse Stoicum. Ideo et in versiculis dictum est de voluntate Dei:

Ipsa etiam quamvis adamanti incisa feruntur,

Cum petimus, cedunt fata severa Deo.

Nec Deus est numen Parcarum carcere clausum.

Quale putabatur Stoicus esse Deus.

Ipsa potest solis currus inhibere volantes.

Ipsa velut scopulos flumina stare iubet.

Secundum argumentum.

Causae connexae movent necessario.

Omnes eventus fiunt a causis connexis.

Ergo omnes necessario fiunt.

Maiorem Stoici sic confirmabant. Manifestum est, coeli motum necessarium esse. Deinde manifestum est, et inferiora corpora affici a coelo, nec aliter se habere, quam sicut afficiuntur a coelo, ut in aestate accedente sole, terram calefieri necesse est. Hinc sequuntur ordine naturali alii effectus, generatio frugum, et alii. Ex hoc ordine naturalium agentium, procedunt ad voluntaria. Temperamentum in Antonio est tale. Impellit igitur necessario etc. Sed respondendum est breviter: Maior falsa est. Nam etsi naturalium agentium aliqua est connexio, ut coeli, aëris, terrae, temperamenti in corporibus animantium, tamen non est necessaria cum illis connexio voluntatis humanae, sed libere et contingenter agit voluntas, estque in actionibus humanis causa contingentiae, libertas voluntatis.

Etiamsi hepar⁸³⁾ incensum et intemperatum⁸⁴⁾, inclinatur ad intemperantiam, tamen voluntas libera est, ac mandare membris potest, ne

82) Conf. Ierem. 18, 7. 8. 11.

83) hepar] Editt.: epar.

84) intemperatum] sic Edd. 1550. et 1554; Edd. 1557. et 1560. intemperamentum.

obtemperent illi inclinationi. Haec verissima esse supra ⁸⁵⁾ ostensum est ex dicto (Psalm. 5, 5.): Deus non volens peccatum tu es. Et in ipso opificio hominis experientia testatur locomotivam libere regi a voluntate. Et totus ordo politicus frustra institutus esset, si homines non possent legibus obedire in externis actionibus aliquo modo regendis etc. Ita et Cicero ⁸⁶⁾ Stoicorum argumento respondet, negans voluntatem posse a causis antecedentibus, ut ipse nominat, id est, ab obiecto, vel rebus inclinantibus, ut stellis aut temperamento cogi.

Haec copiosius explicantur in *Physicis*, ubi discrimen recitatur inter naturalia agentia et voluntatem. Etiam si inclinant stellae, tamen sunt tantum partiales et remotae causae, et voluntas eis repugnare potest. Et multae inclinationes contraria consuefactione fiunt languidiores.

Tertium argumentum dialecticum.

Impossibile est, duas contradictorias simul veras esse.

Haec est vera, Cicero erit consul.

Ergo impossibile est, contradictoriam veram esse. Si impossibile est, hanc veram esse, Cicero non erit consul, sequitur alteram necessario veram esse, Cicero erit consul.

Solutio.

Respondeo. Nego Minorem. Nam haec propositio, Cicero erit consul, quatenus est propositio de futuro, non est determinate vera humano iudicio. Nam veritas sequitur esse rei. Sicut igitur res habet esse, sic est vera propositio. Futurum autem nondum habet esse: ergo propositio de futuro contingenti nondum est vera humano iudicio, sed est incerta, sicut res, nondum esse coepit.

Cum igitur haec incerta sit, Cicero erit consul, nondum inferri potest, alteram esse impossibilem, deinde etiam si minor est vera necessitate consequentiae, scilicet, quia sic eveniet, tamen necessitas consequentiae non simpliciter efficit necessitatem.

Cicero in libro de Fato ad hoc argumentum ita respondet, se malle negare omnem enuntiationem esse veram aut falsam: Eam, inquit, pla-

gam potius accipiam, quam fato omnia fieri comprobem ⁸⁷⁾. Sed non declarat Cicero, cur propositiones de futuro contingenti, non sint determinate verae aut falsae.

Id autem Aristoteles expresse declarat, qui monet, veritatem esse proprietatem comitantem esse rei, sicut res habet esse, sic vera est propositio. Futurum autem nondum habet esse, ac possibile est, ut non eveniat. Haec in *Dialecticis* copiosius declarantur.

Theologica.

(Philipp. 2, 13.): Deus est, qui facit in vobis, ut velitis, et ut perficiatis, pro sua bona voluntate.

Ergo cum impellente Deo fiant omnia, nulla est libertas.

Respondeo. Nego consequentiam, et ratio est, quia fallacia est a dicto secundum quid, ad dictum simpliciter, et quidem duobus modis.

Primum, quia ex particulari infertur universale. Deus efficit bona in Ecclesia: ergo efficit bona et mala universaliter. Hanc consequentiam non valere, omnes intelligunt. Certissimum est autem illud Pauli dictum, sicut multa alia, tantum de bonis actionibus in Ecclesia concionari, et esse dulcissimam consolationem, quae nequaquam in Stoicam opinionem transformanda est. Alloquitur enim habentes initia fidei, ne fracti magnitudine periculorum et certaminum, postea deficient, et consolatur nos cogitatione vocationis, promissionum, praesentiae et auxilii Dei. Deus primum immensa misericordia vocavit nos, et retraxit ex tenebris et ex inferis, nec vocavit tantum, ut initia existerent, sed res tantas in Ecclesia, quas inchoavit, vult perficere, colligere aliquos coetus, servare aliqua hospitia Ecclesiae, et perseverantibus dare vitam aeternam.

Secundo, male infertur necessitas a dicto secundum quid, ad dictum simpliciter, quia etiam si Deus adiuvat nos, tamen voluntates, quae accipiunt doctrinam, volentes adiuvantur, et vera invocatione petentes auxilium, non aliqua violentia coactae, ut Manichaei imaginantur.

Quia vero vocavit Deus, et promissiones suas vult nequaquam esse irritas, et simul vult accendi et exerceri invocationem, certissime sta-

⁸⁵⁾ Conf. pag. 194.

⁸⁶⁾ Cic. in libro de fato.

⁸⁷⁾ Cic. de fato c. 10. §. 21.

tuendam est, postea eum velle gubernare pericula et certamina, et inchoatum beneficium perficere. Meminerimus igitur traditam nobis esse dulcissimam consolationem, quae nihil ad Stoicam necessitatem pertinet, sed simul requirit, ut ardenti invocatione petamus auxilium. Addita est autem causa finalis, quare Deus nos vocet, quare colligat Ecclesiam, et ⁸⁸⁾ inter ingentia certamina servet. Ut, inquit, aliqua fiant grata ipsi. Hanc causam finalem graeca verba ⁸⁹⁾ apud Paulum significant, quae multi alienis interpretationibus corruperunt, cum hoc tantum dicat Paulus, Deum immensa misericordia colligere et iuvare Ecclesiam, ne totum genus humanum faciat ingrata Deo, sed ut aliqua pars generis humani Deo obediat, et non sit condita ad aeternum exitium.

Aliud.

Proverb. 16, (9.): Homo praeparat cor, Deus autem gubernat consilium.

Ergo nulla est libertas voluntatis.

Respondeo. Prudenter considerandum est, quae dicta loquantur de electione voluntatis, quae vero de eventu. Ingens enim discrimen est electionis et eventus. Antonius vult imperium, et huius electionis causa est sola voluntas, sed eventus pendet ab aliis multis causis. Saul vult necem Davidis, sed eventus impeditur.

Cum igitur ingens discrimen sit electionis et eventus, dicta de eventibus non transferantur ad tollendam electionem voluntatis. Manifestum est, Saulem potuisse velle necem Davidis, sed eventus aliunde impediabatur. Et haec dicta sunt doctrinae et consolationes, prohibent fiduciam nostri, monent ut iusta et convenientia vocationi velimus, et petamus auxilium Dei, monent etiam, ne fracti terroribus, desinamus recte facere, quia eventus non a solis voluntatibus hominum pendent. Non confidat Pharaon, se oppressurum esse Israëlitas, etiamsi vult et decrevit. Non desperent exules, in Babylone Deum servaturum esse Ecclesiam, etiamsi dissipata erat.

Aliud.

Ieremiae 10, (23.): Scio Domine, non est hominis via eius, nec viri est, dirigere gressus suos.

Ergo nulla est libertas voluntatis.

⁸⁸⁾ et] sic Edd. 1550., 1554. et 1557.; in Ed. 1560. deest.
⁸⁹⁾ Verba: ὑπὲρ τῆς εὐδοκίας.

Nego consequentiam, et ratio est, quia non valet consequentia a particulari ad universale. Non omnia prospicimus in vocatione, et non omnia possumus perficere. Ergo nihil prospicimus, et nihil agimus. Nam haec sententia de vocatione loquitur, quam nominat viam, et exclusive intelligenda est: Non est hominis via eius, id est, vocatio non foeliciter regitur solis humanis consiliis et viribus, sed sciamus opus esse Dei auxilio, sicut multa dicta similia docent (Psalm. 127, 1.): Nisi Dominus custodierit civitatem etc. Item (Ioann. 15, 5.): Sine me nihil potestis facere.

Concurrant igitur in nobis diligentia et fides. Est aliquis conatus voluntatis in Davide renato, ad faciendum officium, sed accedat fides, petens auxilium Dei, et certo statuat, Deum vere velle optulari, et postulare hunc cultum, ut ab ipso expectemus auxilium, nec nos sine auxilio Dei salutaria facere posse. Sic et vox Psalmi docet (Psalm. 37, 5.): Commenda Deo viam tuam, et ipse faciet. Haec doctrina de copulatione diligentiae et fidei, inter praecipuas vitae regulas tenenda est, ut vitentur Stoici et Epicurei furres etc., nec vivamus sine Deo, elati fiducia propriae sapientiae, vel desperatione deserentes vocationem.

Aliud.

Ephes. 1, (11.): Deus agit omnia secundum consilium voluntatis suae.

Respondeo: Hoc universale dictum non loquitur de utroque genere actionum, de bonis et malis actionibus omnium hominum, sed tantum de beneficiis divinis in Ecclesia, videlicet de vocatione, electione, gubernatione et gloriosis liberationibus Ecclesiae etc., ut confirmet nos, ne in tanta imbecillitate nostra, et in tam variis periculis et distractionibus, existimemus Ecclesiam tantum humanis viribus et consiliis regi, ac propterea fracti desperatione, abiciamus doctrinam, imo inquit Paulus: Scitote adesse Deum Ecclesiae suae, et vobis opem ferre. Ipse sua misericordia recepit Adam et Evam, desertos ab omnibus creaturis, et filius semper fuit, est et erit custos Ecclesiae. Hic custos rexit arcam Noë, servavit populum eductum ex Aegypto. De his continuis beneficiis in Ecclesia inquit Paulus: Deum omnia agere secundum consilium voluntatis suae, id est, praestare omnia beneficia Eccle-

siae suo mirando consilio, supra quam intelligimus etc. Ac diligentia et prudentia adhibenda est in diiudicatione dictorum, et circumstantiae considerandae sunt, quae ostendunt, de qua specie dicatur.

Aliud.

Proverbiorum 16, (4.): Omnia facit Deus propter sese, etiam impium ad diem malum.

Respondeo. Consideretur particula: propter se ipsum. Deinde et Syntaxis observetur. Manifestum est Deum non velle impietatem, nec posse dici, Deum velle impietatem propter se ipsum. Sed poenam seu ordinem vult Deus propter se ipsum, et ut eius iustitia et iudicium agnoscantur: ideo referas verbum: facit ad poenam, impium ordinat ad diem malum. Concio est de providentia, et de poenis, quas adfirmat secuturas esse, etiamsi impii aliquantisper florent permitte Deo⁹⁰).

Postquam argumenta praecipua de necessitate explicata sunt, fideliter moneo lectores, ut cum mandatum Dei sit, amplecti veritatem, et fugere falsas opiniones, iuxta illud (Exod. 20, 16.): Non dicas falsum testimonium, detestentur petulantiam defendentium absurdas opiniones, ut sunt Stoici furores de necessitate, praesertim cum contumeliosi sint adversus Deum, et perniciosi moribus.

De affectibus.

Utilis est doctrina de affectibus. Primum, ut discrimen virtutum et affectuum cognoscatur. Deinde, ut fontes considerentur bonorum et malorum affectuum. Tertio, ut Stoici errores refutentur, qui saepe in Ecclesia magnos tumultus excitarunt. Nam et olim multi fanatici homines, et Anabaptistae his proximis annis omnes affectus

⁹⁰) Respondeo. Consideretur particula — permittente Deo.] sic Edd. 1554., 1557. et 1560.; Ed. 1550.: Respondeo. Discernenda est natura ab impietate. Quanquam Deus est conditor naturae, tamen impietas aliam causam habet, et impii libere abutuntur natura. Pharao, Saul et alii volentes ruunt. Interea vero Deus tolerat eos, et aliquantisper furere sinit, postea opprimit eos mirandis modis, ut extant testimonia iudicii Dei, et sciamus non ferri casu res humanas. Non igitur sequitur: Deum esse causam impietatis, sed tantum hoc sequitur: Naturam initio corruptam esse a Deo, postea vero postquam aliunde corrupta est, tolerari furores aliquantisper, ut deinde in poenam impiorum et in liberationibus Ecclesiae conspicatur praesentia Dei, et agnoscat ira adversus peccatum, agnoscatur et misericordia in servandis invocantibus eum.

tolli voluerunt, paene ut Stoici. Primum autem sedes consideranda est, videlicet anima hominis, ac postea distribuendae potentiae, et videndum, quae sint singularum potentiarum propria organa et propriae actiones. Hanc totam doctrinam necessariam in omni vita, notissimam esse omnibus oportet. Deinde postquam dicimus: affectus esse appetitiones, distribuendi sunt gradus appetitionum.

Est autem usitata distributio triplex: Appetitus naturalis, sensuum et rationalis. Naturalem vocant appetitionem cibi et potus, quae est suctio venarum, unde in orificio ventriculi dolor oritur, quo sentitur fames. Deinde sensuum appetitio duplex est: Aut propria tactus, quae est in nervis toto corpore sparsis, videlicet delectatio et dolor. Alii sunt motus, sequentes cognitionem, et proprie sunt in corde, ut laetitia, tristitia, irasci, amare, odisse etc., timere, sperare. Ultimus gradus est appetitio voluntatis. Nam in voluntate, ut in corde, prosequitio est, aut fuga, et quaedam est copulatio cordis et voluntatis. Cum autem de affectibus bonis aut vitiosis loquimur, non dicimus de fame et de siti, nec de his, qui proprii sunt nervorum. Nam hi sunt naturales proprietates, sic conditae in natura, nec reguntur consilio, aut voluntate, ut in laceratione nervorum dolere necesse est⁹¹), nec tolli potest hic dolor consilio, aut voluntate.

Sed de alio quodam genere disputatio est, videlicet de affectibus, qui proprie sunt in corde aut voluntate, ut de metu, spe, amore, odio, laetitia, moestitia, misericordia, ira etc. De his definitio tenenda est: Affectus est motus in corde aut voluntate, sequens cognitionem, quo prosequimur, aut fugimus rem oblatam, et quemcunque alium affectum comitatur ad extremum in corde laetitia vel tristitia. Sunt igitur et praecipui et ultimi omnium affectuum, laetitia, quae alit vitam in corde, et moestitia, quae extinguit vitam. Haec ita divinitus condita sunt. Sunt enim in corde villi, qui astringuntur in moestitia, et fit arefactio nativi humoris, et extinctio spirituum. Econtra in laetitia laxantur villi, et gignuntur spiritus copiosiores et lucidiores. Est autem vitae proximum alimentum spiritus, qui est flammeus halitus, quem ex sanguine cor gignit arcana vi, divinitus sic insita homini.

⁹¹) dolere necesse est.] sic Edd. 1550. et 1554.; Ed. 1557. dolere necesse; Ed. 1560. dolore necesse.

Sunt autem diversi motus cordis, laxatio et restrictio, quae efficit pulsum arteriarum. Deinde morbus, qui vocatur palpitatio. Sed affectus est tertium genus, a prioribus distinctum⁹²). Et recte dicit Galenus, etiam affectus esse naturales motus cordis, sed ita, si sint mediocres. Postquam tradidi definitionem affectuum, et sedem ostendi, iam breviter refutemus Stoica deliramenta. Errant autem tripliciter. Primum, dicunt omnes affectus opiniones esse. Secundo, dicunt omnes affectus vitiosos esse. Tertio, dicunt ex natura tollendos esse, et posse tolli.

An affectus sint opiniones.

Brevis et perspicua demonstratio est, affectus non esse opiniones.

Quaecunque subiectis differunt, realiter differunt, id est, sunt res diversae.

Opinio et affectus differunt subiectis.

Ergo sunt res diversae.

Minor est notissima, quia opiniones sunt in parte cognoscente, ad quam pertinet cerebrum. Affectus autem in corde esse, manifestum est: sed praecedit cognitio, seu opinio, quae alias vera est, alias falsa est. Sicut Solon audiens falsam narrationem de morte filii, dolore afficitur, et rursus cognita falsitate, deponit dolorem⁹³). Talis enim natura cordis est, ut moveatur re monstrata per cognitionem, seu vere, seu falso, unde dicitur: Ignoti nulla cupido. Sed tamen alia res est notitia, alia affectus⁹⁴). Sicut alia res est visus, alia incendium amoris in corde.

De secunda quaestione.

Non omnes affectus suo genere, seu per se vitiosi sunt, sed aliqui sunt boni, qui et in natura integra fuissent, et erunt in beata, et sunt in angelis, ut sequentia testimonia ostendent. Ac primum de homine loquamur, lex divina praecipit hominibus multos affectus, et quidem Deus instrumenta affectuum in homine condidit. Certissimum est igitur, aliquos esse bonos affectus suo genere. Et hae definitiones teneantur: Boni affectus suo genere sunt, qui congruunt cum lege

⁹²) Sed affectus est tertium genus, a prioribus distinctum.] sic Edd. 1554., 1557. et 1560.; Ed. 1550. Tertium genus est, a prioribus distinctum, affectus.

⁹³) Conf. Plutarchi vita Solon. c. 6.

⁹⁴) affectus] sic Edd. 1550., 1554. et 1557.; Ed. 1560. effectus.

Dei, seu cum recto iudicio rationis, ut diligere coniugem, natos, irasci atrocibus sceleribus, laetari salute amicorum, misericordia affici in calamitate innocentum, praesertim amicorum.

Econtra vitiosi affectus suo genere sunt, qui lege Dei prohibiti sunt, aut damnantur iudicio rectae rationis, ut invidentia in Cain aut in Saule, et similibus, *ἐπιχαιρῶσα* in his, qui laetantur calamitate innocentum.

Secundum argumentum.

Res conditae a Deo, sunt bonae.

Στοργαὶ sunt conditae in natura.

Igitur sunt bonae.

Manifestum est enim, ardentem amorem in parentibus esse erga natos, quem quidem sciamus ad imaginem Dei in hominibus pertinere. Ideo enim tales affectus inditi sunt humanae naturae, ut sint commonefactiones de amore Dei erga filium, et erga nos. Sicut vero amore, non imaginario nos diligimus natos: sic vero amore pater aeternus diligit filium, et afficitur misericordia in calamitate suorum.

Haec etiamsi Stoici ridicula esse dicerent, et nos non satis perspicimus, quales sint hi motus in essentia Dei placidissima: tamen vera esse, certissimum est, quia vox aeterni patris expresse ita dicit (Matth. 3, 17. et 17, 5.): Hic est filius meus dilectus, quo delector, id est, quem intuens, vera et ingenti laetitia afficio. Item (Exod. 20, 3.): Ego sum Deus zelotes, id est, vere irascens peccatis. Etsi autem verissimum est, ut dixi, aliquos esse affectus suo genere bonos, tamen postquam natura hominum depravata est, iam in corde multi sunt vagabundi motus, aberrantes a ratione. Unde ingens fit confusio affectuum, et multi per se vitiosi bonis miscentur. Item boni fiunt vitiosi per accidens, quia non reguntur ordine, ut multi homines magis amant suam vitam, vel voluptates suas, quam Deum.

Haec multiplex confusio consideranda et deploranda est, ut discamus agnoscere infirmitatem humanae naturae, et a Deo petamus auxilium et gubernationem, quae promittitur in Evangelio (Luc. 11, 13.): Quanto magis pater vester coelestis dabit Spiritum sanctum petentibus. Item (Rom. 8, 26.): Spiritus opitulatur infirmitati nostrae. Item (Zach. 12, 10.): Effundam super domum David spiritum gratiae et precum.

Deinde inenarrabilem bonitatem Dei etiam consideremus; qui certo se ipsum nobis impertit, effundens in pectora nostra Spiritum sanctum, propter Filium etc. Iam facile est explicare dicta, quae videntur omnes affectus damnare, ut (Rom. 8, 7.): Sensus carnis inimicitia est adversus Deum, id est, affectus aut per sese, aut per accidens vitiosi sunt in homine, qui non regitur luce verbi Dei, timore Dei, fide et⁹⁶⁾ dilectione Dei.

De tertia quaestione.

An omnes affectus ex natura tollendi sint.

De hac quaestione facile iudicari potest ex prioris responsione. Cum enim dictum sit, praecipua a Deo, ut sint in nobis affectus congruentes legi Dei, et aliqui tales conditi sint in natura divinitus, ut *στοργαί*, manifestum est, nec debere, nec posse tolli tales affectus ex hominum natura. Quare perspicuum est, Stoicam *ἀνάθειαν*, commentitiam, falsam et reiiciendam esse.

Haec prolixè declarari possunt, sumptis argumentis a lege Dei, et ab ipso naturae humanae opificio, ac lex quidem re vera descriptio est opificii naturae hominum, et imaginis Dei in homine. Talis esset natura hominis, si non depravata esset. Esset in ea verum incendium horum affectuum (Math. 22, 37.): Diliges Dominum Deum tuum ex toto corde. Item (Math. 22, 39.): Diliges proximum, sicut te ipsum. Et talis fuit natura in Filio Dei, nato ex virgine, etiam in hac vita mortali, et in nobis in coelesti vita talis erit natura, et nunc in renatis initia sunt talium affectuum, ut scintillae.

Deinde manifestum est ex Physicis, oportere appetitiones esse in animalibus, ut famem, sitim, et organa ad has appetitiones condita sunt. Praeterea et in hominibus moestitia destruit naturam, et e contra vitae conservatio laetitia quaedam est. Ideo nequaquam ex hominibus tolli possunt aut debent affectus. Denique totum illud deliramentum Stoicum de tollendis affectibus, vanissimum somnium et mendacium est pugnans cum lege Dei et cum natura.

Sciamus autem bonos affectus esse motus cordis et voluntatis, congruentes cum lege Dei, seu recta ratione, et hos fovendos esse, et recte

⁹⁶⁾ *fidē et]* sic recte Edd. 1557. et 1560.; Edd. 1550. et 1554. et *fidē*.

regendos, et intra metas sui ordinis retrahendos, ut Abraham magis diligit Deum, quam filium Isaac. Econtra mali affectus sunt, pugnantes cum lege Dei, seu recta ratione, et hos reprimi et coherceri oportet, sicut Paulus dicit (Rom. 8, 13.): Si spiritu actiones carnis mortificabitis, vivetis. Eruditissime autem et planissime distinguuntur boni et mali affectus, sumpto discrimine a lege Dei. Unde autem sit haec depravatio in homine, ut confusio sit in hac mortali natura bonorum et malorum affectuum, id in doctrina⁹⁶⁾ Ecclesiae traditur, a qua declaratio longior petenda est.

Quid sentit⁹⁷⁾ Aristoteles?

Bonum iuxta doctrinam Ecclesiae est res condita a Deo, congruens ad ordinem in mente divina, et ordinata ad finem aliquem, hoc est, ad conservationem speciei⁹⁸⁾. Ideo dictum est Genesis 1, (31.): Vidit omnia quae fecit, et erant valde bona, id est, ab ipso ordinata, placentia ei, et destinata ad fines bonos. Errat autem philosophia sine doctrina coelesti existimans omnia, quae nunc in natura hominis cernit, ut errantes appetitiones et mortem sic condita et ordinata esse. Ideo Aristoteles quanquam videt dissimiles esse affectus in homine, alios cum ratione congruentes, alios pugnantes, tamen initio omnes esse motus naturales et indifferentes iudicat.

Sed doctrina Ecclesiae discrimen ostendit, quae docet, qui sint affectus conditi et ordinati in natura hominis, et qui non sint conditi. Aristoteles autem hoc discrimen ignorans, genus appetitionum intuetur, et quod ad genus attinet, recte sentit, oportere in animantibus appetitiones esse, ut famem, sitim, dolorem. Quia hi motus incitant ad quaerendum pabulum et potum, et ad fugienda ea, quae naturam destruunt. Sic de genere loquens, cogitat oportere in cordibus esse laetitiam, moestitiam, amorem, metum, spem, iram, misericordiam, ut impellant ad expetenda convenientia, et fugienda contraria. Et verum est, ita condita est natura, ut tales appetitiones et affectus sint calcaria bonarum actio-

⁹⁶⁾ id in doctrina] sic recte Edd. 1550. et 1554.; Edd. 1557. 1560. id est, doctrina.

⁹⁷⁾ *sentit]* sic Edd. 1554., 1557. et 1560.; Ed. 1550. *sensit*.

⁹⁸⁾ res condita a Deo — ad conservationem speciei.] sic Edd. 1554., 1557. et 1560.; Ed. 1550. res condita et ordinata a Deo, et ad finem aliquem, hoc est, ad conservationem speciei aut individui destinata.

num, ut parentes nequaquam tantos labores perferrent in educatione, nisi ingenti vi amoris incitarentur ad curam tuendae sobolis.

Sed postea depravatio accessit, cuius causam Aristoteles ignorans retinet genus, docens, oportere affectus in natura hominis esse, qui etiamsi aberrant, tamen ratione ad certas metas revocandi sint, quia ratio ostendit, in quibus obiectis appetitiones et affectus resistere debeant, ut de fame ostendit, quae res sint naturae convenientes, et mediocritatem constituit. Ita de amore, de ira, de misericordia cogitat. Etsi saepe aberrant, tamen ratio metas praescribit, et tunc affectus boni sunt, cum intra metas illas coercentur, quas quidem ipse erudite nominat mediocritates, et sic dicit: Ira non ut duce, sed ut milite⁹⁹⁾ utendum esse¹⁰⁰⁾. Quia sentit in animantibus necessario motus, appetitiones et affectus esse oportere, quod de genere verum est. Sed in rationali natura regendos esse ratione. Ideo et leges politicae gradum constituunt, ut coerceantur affectus, ne impellant externa membra, ut contra leges faciant, sed ratione frenentur, ut Achillem iratum retrahit Pallas, ne stringat gladium¹⁾.

Et in doctrina Ecclesiae discrimen inter affectus et facta contra conscientiam, traditur, in quibus voluntas non coerces affectus, sed sciens et volens eis indulget. Cuius discriminis cognitio valde necessaria est, quia horum graduum infinita distantia est, accendi amore vel ira, et obsequi contra conscientiam, sicut mandatum est in prima concione (Genes. 4, 7.): Sub te sit appetitus eius, et tu domineris ei.

Quae potentiae regi possunt?

In omni vita ad multarum rerum diiudicationem, et ad morum gubernationem, necesse est, tenere doctrinam, quantulacunque est, quae de anima et de gradibus potentiarum traditur. Et inter caeteras partes considerari necesse est, quae potentiae agant naturaliter^{*)}, quae agant

99) ut milite] sic recte Ed. 1550.; Ed. 1554. typogr. errore: utilite, quod in Edd. 1557. et 1560. mutatum est in: utiliter.

100) Conf. Seneca de ira 1, 9.: Ira, inquit Aristoteles, necessaria est: nec quicquam sine illa expugnari potest, nisi illa impleat animum, et spiritum accendat. Utendum autem illa est, non ut duce, sed ut milite, quod est falsum.

1) Rom. II. I. 194 sqq.

*) quae potentiae agant naturaliter,] sic Edd. 1550., 1557. et 1560.; Ed. 1554. quae potentiae agant naturaliter, quae agant naturaliter.

libere, et quae sint rectrices, et quae regi possint. Primum igitur sciendum est, voluntatem in suprema potentia rationali sic conditam esse, ut habeat libertatem, id est, facultatem eligendi rem cognitam, aut non eligendi, aut suspendendi actionem. Sed haec facultas in natura integra hominis maior et minus impedita fuit. Nunc multo infirmior est, et varie impedita, sed tamen aliqua mansit, ut in disputationibus de libertate voluntatis humanae dicendum est. Reliqua est etiam in voluntate facultas mandandi locomotivae, de externorum membrorum motu, ut, mandare potest, ne manus rapiant rem alienam, et ne admoveant poculum ori.

Deinde duae potentiae sunt, quae regi possunt, appetitiva²⁾ in corde, et locomotiva. Reguntur autem dissimilibus modis, ac mirabiliter Deus duas species gubernationis ipsi naturae hominis impressas, nobis proposuit, ut hac ipsa imagine commonefacti, cogitemus discrimina disciplinae, et iustitiae cordis. Locomotiva obtemperat, ut serva, seu ut brutum, etiamsi non ostenditur causa bona vel mala. Ut cum voluntas iubet avertere oculos, locomotiva obtemperat, sive causa ostendatur, sive non ostendatur. Sed cor non obtemperat sine persuasione, id est, sine ostensione boni alicuius, et obtemperat non ut servus, seu ut brutum, sed persuasionem motum, ut sapientes et liberi cives. Ut in Varrone latitante cor non deponit metum, donec audit sibi parci ab Antonio³⁾. Haec obedientia praestantior est quam altera servilis, et est imago verae iustitiae, et non hypocriticae.

2) appetitiva] sic Edd. 1550. et 1554.; Edd. 1557. et 1560. appetiva.

3) Cum Octavius, Antonius, et Lepidus a. u. 711. in insula quadam certis pactionibus se coniunxissent, Romam redierunt, ubi rapta dominatione, edicta proscriptionis adversus inimicos suos proposuerunt, suntque statim plures nobiles viri interfecti. Fuit autem inter proscriptos et Varrus philosophus et historicus, qui propter nobilitatem, aetatem et eruditionem inter praecipuos senatores erat. Hunc alius quidam senator Fusius Calenus, Antonii amicus, in aedes suas clam recepit, et aliquot menses ibi recondidit, non deterritus Antonii iracundia vel edicto. Hoc tempore cum alii expulsi passim necarentur, saepe Antonius in Caleni domum venit, ut apud amicum convivaretur. Et tamen Varro ibi tuto latebat. Tandem cum videret Calenus saevitiam proscriptionis mitigatam esse, et Antonium placabiliorem factum, deprecatur pro Varrone, et fatetur a se interim occultatum esse. Laetae Antonius Caleni fidem, etiamsi contra edictum proscriptionis fecerat, et Varroni vitam donat, eumque in pristinam dignitatem restituit. Vid. Appian. Roman. histor. I. IV. p. 616 sq. ed. H. Stephani.

Consideranda autem sunt haec discrimina, ut sciamus, quae potentiae, quomodo regendae sint, et ut nos ipsos ad curam regendarum potentiarum exuscitemus, ut Paulus inquit (Rom. 6, 13.): **Facite membra vestra arma iustitiae.** Vegetativa et sensus agunt naturaliter, nec per sese obediunt voluntati, sed reguntur per locomotivam. Homo furax, etiamsi cupiditatem cordis non potest extinguere, tamen et potest, et debet per locomotivam cohercere manus. Hanc libertatem Deus vult reliquam esse in homine, primum ut intelligatur discrimen inter agens liberum et non liberum, et ut sciamus Deum esse agens liberum, deinde ⁴⁾ ut disciplina servetur, et ipsa facultas locomotivae, seu nervorum, manifestum testimonium est, hunc gradum libertatis in voluntate humana reliquum esse. Haec de gubernatione potentiarum plana et perspicua sunt, et lucem adferunt partitioni Aristotelis, quam recitat in fine primi libri Ethicorum ⁵⁾.

De definitione virtutis.

Gloriosum nomen est virtutis apud philosophos, ubi significat ardentem et incitatos impetus ad recte faciendum, qui tamen sapientia reguntur. Et quia haec praestantia rarissima est, ideo in sermone prophetico et apostolico non saepe usurpatur nomen virtutis, sed usitatius est dicere, bona opera, et haec appellatio magis perspicua est, quia significat actiones voluntatis, congruentes cum recto iudicio. Hae possunt intelligi et effici, etiamsi non sit in voluntate aut corde ardens impetus, ut reprimere se Alexander potest, ne aspiciat filias Darii ⁶⁾, etiamsi cor non erat sine flammis cupiditatum.

Haec de nomine monere utile est, ut consideremus, propter infirmitatem hominum aliter loqui Prophetas, quam loquuntur philosophi. Sed accedamus ad philosophica, ubi primum minime obscura definitio discenda est, quam ex ipsa natura summi etiam iuniores intelligere possunt: Virtus est obedientia voluntatis et caeterarum virium, congruens cum lege, quam et indidit Deus hominibus in creatione et postea manifestis testimoniis

4) primum ut intelligatur discrimen inter agens liberum et non liberum, et ut sciamus Deum esse agens liberum, deinde] sic Edd. 1554., 1557. et 1560.; in Ed. 1550. haec desunt.

5) Aristot. Ethic. Nicom. l. I. c. 13.

6) Hoc non omnino congruit cum illis, quae a Plutarcho in vita Alexandri c. 21. et a Iustino hist. l. 11. c. 9. narrantur.

in Ecclesia repetivit ⁷⁾. Sic condita est natura hominum, ut in ea luceat sapientia, consentiens cum norma in mente divina, et tunc recte vivit homo, cum obtemperat huic divinae normae. Ideo autem Deus hos radios suae mentis in nos transfudit, quia in creatura testimonia extare voluit, quae et esse Deum, et qualis sit, ostendant, et commonefaciant nos de divino iudicio; deinde etiam, ut gubernent actiones nostras.

In definitione autem Aristotelis, modus illius obedientiae additur. Significatur et causa, quae regit obedientiam: Virtus est habitus electivus, in mediocritate consistens, secundum rectam rationem, ut sapiens diiudicat.

Appellatio habitus nota sit ex dialectica vel ex artium exemplis. Rectius et certius pingit pictor, qui est artifex, quam qui non est assuefactus. Sed intelligamus ardentem et incitatos impetus, quos tamen oportet non ferri temere. Ideo addita est causa, regens obedientiam, cum nominat habitum electivum, seu προαιρετικόν ⁸⁾. Duo autem complectitur προαίρεσις, seu electio, iudicium in mente, et liberam assensionem, seu electionem in voluntate. In delictis ignorantiae deest mentis officium. Ideo non dicuntur facta εκ προαίρεσεως. In vera coactione deest voluntas. Ideo quae coacti faciunt, non dicuntur facere εκ προαίρεσεως. Concurrere igitur in bona actione necesse est, rectum iudicium, et voluntatem libere obtemperantem recto iudicio. Multae sunt autem actiones, in speciem similes actionum virtutis, sed quia altera causa deest, aut aliqua ex parte cessat, non omnes actiones dicuntur virtutum actiones, etiamsi in speciem similes sunt.

Fecit autem Aristoteles gradus quatuor, videlicet: Actionum aliae sunt natura tales, seu φύσει, ut, Cato dicitur fortis, quia natura durus est.

Aliae sunt δόξα ⁹⁾, id est, opinione tales, ut, Brutus existimatur fortis, quia animus est persuasionem captus.

Aliae sunt βουλήσει tales, ut, Thraso ¹⁰⁾ in speciem videtur fortis, cum sit mera simulatio.

7) congruens cum lege — repetivit.] sic Edd. 1554., 1557. et 1560.; Ed. 1550. congruens cum recta ratione.

8) προαιρετικόν.] sic recte Edd. 1550. et 1554.; Edd. 1557. et 1560. προαιρεθικόν.

9) δόξα] Editt. Ethic. δόξα.

10) In Terentii comoedia Eunuchus inscripta, conf. p. 153. nota 91.

Postremus gradus est, qui est proprius virtutis, ubi non errat iudicium et voluntas libere, et in loco eligit congruentia.

De medietate.

Natura notum est, rectitudinem in actionibus humanis, congruentiam voluntatis esse cum lege naturae, quae est lux divina, mentibus hominum insita, ostendens ordinem convenientem cum aeterna norma mentis divinae. Itaque definitio virtutis plana et perspicua haec est: Virtus est obedientia voluntatis, congruens cum lege morali, quam et indidit Deus hominibus in creatione, et postea manifestis testimoniis in Ecclesia repetivit¹¹⁾. Eadem prorsus est sententia verborum Aristotelis. Sed modum obedientiae illius exprimit Aristoteles, inquiring eam esse medietatem, id est, reducere affectus et motus omnes ad mediocritatem.

Haec cogitatio admodum elegans est, et ex Physicis sumpta, ubi cernitur, naturam in omnibus appetitionibus et motibus amare mediocritatem, ut laeditur natura nimio alimento, et nimio motu, mediocri servatur¹²⁾. Sic in affectibus, qui sunt actionum fontes, nimius timor, et nimia audacia, nimia ira, et nimia laetitia etc. nocent homini. Sic artes quaerunt mediocritatem, ut, musica vitat nimis altas et nimis submissas voces. Itaque sapienter cogitatum est, virtutes esse medietates. Et huc quadrant plurimae sententiae: Ne quid nimis. Omnibus in rebus modus est pulcherrima virtus.

Meminerimus igitur in doctrina Aristotelica commonefieri nos in omni vita, de amanda et tuenda mediocritate, quia virtutes constituit esse medietates. Sed postea quaestio est, qualis sit medietas. Nam alia est medietas immutabilis, ut centri in circulo. Alia est mutabilis, ut, alius modus cibi convenit robusto, alius debili. Quare et hic et alibi discernit Aristoteles medietates.

Notissima est autem arithmetica et geometrica doctrina de proportionibus, ubi dicitur: Alia est arithmetica *ἀναλογία*, alia geometrica. Arithmetica *ἀναλογία* est, cum tribus aut pluribus nume-

11) congruens cum lege morali — repetivit.] sic Edd. 1554., 1557. et 1560.; Ed. 1550. congruens cum recto iudicio.

12) laeditur natura nimio alimento, et nimio motu, mediocri servatur.] sic Edd. 1557. et 1560.; Edd. 1550. et 1554. laeditur natura nimio alimento et nimis modico, mediocri servatur, laeditur et nimio motu et nimis modico, mediocri servatur.

ris dispositis, servatur differentiarum aequalitas, ut 3. 5. 7. 9. Hi numeri singuli distant binario. At geometrica *ἀναλογία* est, ubi non differentiarum, sed proportionum aequalitas servatur, ut sicut se habent 9 ad 3, sic se habent 12 ad 4, quia utrobique tripla proportio est.

Hanc puerilem doctrinam omnibus notissimam esse oportet. Et saepe homines docti ad haec discrimina alludunt, ut, si Iulius¹³⁾ sine respectu personarum divideret facultates civium aequaliter, et aequali numero daret infimo et summo: haec esset aequalitas arithmetica proportionem. At¹⁴⁾ si plus daret senatori, quam infimo civi, haec esset aequalitas geometrica *ἀναλογία*¹⁵⁾. Haec recito, quia Plato et Isocrates dicunt, in republica aequalitatem geometricam custodiendam esse.

Ita et in Paulo 2. Corinth. 8, (13. 14.) aequalitas geometrica *ἀναλογία* constituta intelligitur, cum inquit: Sit aequalitas, scilicet non arithmetica, sed geometrica proportionem, et quidem voluntaria communicatione, non novis legibus politicis, id est, plus teneat princeps, quam plebeius aliquis etc.

Et quia in plerisque virtutibus non illa immota medietas quaeritur, sed alia latior, videlicet geometrica, quae propter diversas circumstantias varia est, aliud enim aliis congruit, Aristoteles in textu inquit: Sumi medietatem quo ad nos, id est, quam convenire nobis ex circumstantiis iudicamus. Non eadem medietas est temperantia in homine robusto et imbecilli.

Huius dissimilitudinis consideratio in multis negotiis vitae humanae necessaria est, ne Stoico more quaeratur unus aliquis gradus. Casti sunt Ioseph, Baptista, Petrus, sed tamen gradus castitatis sunt alii in aliis, qui omnes adhuc ad principalem normam congruunt, videlicet, ne freni laxentur libidini contra conscientiam, donec intra hanc normam manent, sunt casti, etiamsi gradus differunt. Ita iurisconsulti dicunt, se aequalitatem quaerere *ἐν πλάτει*.

Haec admonitiones pueriles necessariae sunt, ne depraventur iudicia vel superstitione, vel nimia laxatione. Ideo meminerint iuniores dictum huius loci de medietate quo ad nos, et quidem

13) Iulius Caesar.

14) At] sic Edd. 1550., 1554. et 1557.; Ed. 1560. Ac.

15) *ἀναλογία*] Editt. h. l. et in subseqq. *ἀναλογία*.

additur, ut sapiens iudicat, id est, haec medieta retineatur, quam homo sapiens et peritus congruere circumstantiis iudicat. Normam enim vult esse non cuiuslibet imaginationem, sed iudicium artificis, id est, intelligentis fontes earum rerum, de quibus iudicat, iuxta illa dicta Phocylidis: *Μηδέποτε κρίνειν ἀδάμονας ἀνδρας ἐάσης* ¹⁶⁾. Item Platonis: *Ἐπιστήμη δὲ κρίνειν* ¹⁷⁾, ἀλλ' οὐ πλήθει, id est, scientia oportet iudicare, non multitudine. Item: Exerceat artem, quam didicit. Item: *Τέκτων γὰρ ὧν ἐπραττες οὐ ξυλουργικά*. Item: *Ἰππεὺς ἰππεύειν ἐδάη, καὶ αἰδοὺς αἰδεῖν*, quae omnia monent, ut artifices iudicent.

Locus Platonis.

Addo et insigne dictum Platonis lib. 6. de legibus, in quo duarum aequalitatum fit mentio, et splendide laudatur geometrica, quia dominatur in multis virtutibus, et est imago bona status in imperiis, videlicet aristocratici. Verba haec sunt ¹⁸⁾: Recte et concinne dictum est, amicitiam aequalitate effici. Et quia non est perspicuum quae sit illa aequalitas, magni tumultus existunt. Cum enim duae sint aequalitates, quae etiamsi nomen habent idem, tamen in multis rebus con-

trariae sunt. Alteram quidem intelligunt omnes, quae aequali mensura, pondere et numero ubique distribuit. Sed verissimam et optimam aequalitatem non facile est cuiuslibet deprehendere. Dei enim iudicium est, atque hominibus tenuiter contingit. Quatenus autem contingit, civitatibus et privatis omnia bona efficit. Praestantioribus enim maiora, deterioribus minora tribuit, datque cuiuslibet apta ipsius naturae, ac maiores honores his, qui virtute antecellunt: econtra minus idoneis minores, ac singulis pro proportione convenientes. Atque hoc est iustum civile, quod expetere et ad quod respicere nos in ordinanda civitate oportet, non ad paucos tyrannos, aut unius, aut vulgi potentiam. Hoc iusto uti civitas debet, quod singulis aequalia tribuit, ut cuique conveniunt, si non vult concuti seditionibus.

Divisio vel distributio virtutum.

Semper in omni vita haec admonitio in conspectu sit, doctrinam de virtutibus necessario cognoscendam esse, non solum ut sit rectrix vitae hominum, sed etiam ut sit monstratrix, qualis sit Deus. Idque in omni invocatione cogitandum est. Non enim brachiis amplectimur Deum, sed cum sit substantia invisibilis, mente eum intuemur, et cogitamus, qualem naturam alloquamur, ubi se patefecerit, et qualem se esse ostenderit, et quibus proprietatibus discerni velit ab omnibus aliis naturis. Ideo rectissime sumitur doctrina de virtutibus, et earum enumeratio, ex decalogo, in quo expressit Deus voluntatem suam, et ordine eruditissimo virtutes distribuit, non solum ut doceret, quales nos esse velit, sed etiam ut ostenderet, qualis ipse sit, et nos commonefaceret, hominem ad eam imaginem conditum esse. Rectissime igitur distributio virtutum ex decalogo sumi potest, in quo prima tabula recitat virtutes, immediate cum Deo agentes; secunda illas, quae immediate cum hominibus agunt, quae tamen ipsae et ad hunc finem referendae sunt, ut ea obedientia Deo praestetur.

Enumeratio.

Philosophi autem de virtutibus primae tabulae valde pauca dicunt, quia etsi nascitur nobiscum aliqua legis notitia, et ratio videt multa testimonia de Deo in natura, tamen magna confusio est opinionum de Deo, et tetrae dubitationes de providentia sunt, ubicunque mentes non

¹⁶⁾ Hic versus Phocylidis reperitur in I.: Theognidis, Phocylidis, Pythagorae, Solonis et al. poemata gnomica. Opera Fr. Sylburgii. Ultraj. 1659. 16^o. p. 105.

¹⁷⁾ Plat. Laches (Opera ed. H. Steph. T. II. p. 184. e. — ed. Bipont. Vol. V. p. 173.) habet κρίνεσθαι pro κρίνειν.

¹⁸⁾ Platonis verba [Op. ed. H. Steph. T. II. p. 757. a — d. — ed. Bipont: Vol. VIII. p. 261. sq.] h. l. translata haec sunt: καλαιὸς γὰρ λόγος ἀληθὴς ὢν, ὡς ἰσότης φιλόνητα ἀπεργάζεται, μάλ᾽ αὖ μὲν ὀρθῶς εἰρηται καὶ ἐμμελῶς· ἧτις δ' ἐστὶ ποτὲ ἰσότης ἢ τοῦτο αὐτὸ δυναμένη, διὰ τὸ μὴ σφόδρα σαφὲς εἶναι, σφόδρα ἡμᾶς διαταράττει. οὐοὶν γὰρ ἰσοτήτων οὐσῶν, ὁμωνύμοι μὲν, ἔργα δὲ εἰς πολλὰ σχεδὸν ἐναντία, τὴν μὲν ἐτέραν εἰς τὰς τιμὰς πᾶσα πόλις ἰκανῆ παραγαγεῖν, καὶ πᾶς νομοθέτης, τὴν μέτρῳ ἴσην καὶ σταδμῶ καὶ ἀριμῶ, κλήρω ἀπευθύνων εἰς τὰς διανομὰς αὐτῆν· τὴν δὲ ἀληθεστάτην καὶ ἀρίστην ἰσότητα οὐκέτι ῥᾶδιον παντὶ ἰδεῖν. Λιὸς γὰρ δὴ κρίσις ἐστὶ καὶ τοῖς ἀνθρώποις ἀεὶ σμικρὰ μὲν ἐπαρκεῖ· πᾶν δὲ ἄσπον ἀν ἐπαρκέσθαι πόλεσιν ἢ καὶ ἰδιώταις, πάντ' ἀγαθὰ ἀπεργάζεται. τῶ μὲν γὰρ μέλλοσι πλείω, τῶ δὲ ἐλάττοσι σμικρότερα νέμει, μέτρια δὲ δοῦσα πρὸς τὴν αὐτῶν φύσιν ἐκατέρω. καὶ δὴ καὶ τιμὰς μέλλοσι μὲν πρὸς ἀρετὴν, ἀεὶ μέλλοσι· τοῖς δὲ τούναντιον ἔχουσι ἀρετῆς τε καὶ παιδείας, τὸ πρόβον ἐκατέροις ἀποτίμει κατὰ λόγον. ἔστι γὰρ δὴ πᾶσι καὶ τὸ πολιτικὸν ἡμῖν ἀεὶ τοῦτ' αὐτὸ τὸ δίκαιον· οὐ καὶ νῦν ἡμᾶς ὀρεγομένους δεῖ, καὶ πρὸς ταύτην τὴν ἰσότητα, ὃ Κλεινία, ἀποβλέποντας, τὴν νῦν φουμένην κατοικεῖν πόλιν. ἀλλήν τε ἂν ποτὲ τις οὐκίη, πρὸς ταῦτ' οὗτο σκοπούμενον χρεῖων νομοθετεῖν· ἀλλ' οὐ πρὸς ὀλίγους τυράννους, ἢ πρὸς ἓνα, ἢ καὶ πρὸς δῆμον τι, πρὸς δὲ τὸ δίκαιον δεῖ. τοῦτο δ' ἐστὶ τὸ νῦν δὴ λεχθέν, τὸ κατὰ φύσιν ἴσον ἀνίστασθαι ἐκάστου δοθέν. ἀναγκαῖον γε μὴν καὶ τοῦτοῖσι παρωνυμίοισι ποτὲ παρεχρήσασθαι πάλιν ἅπασαν, εἰ μέλλοι στάσεων ἐπιτηρῆ μὴ προσκρινώσασθαι κατὰ τι μέρος.

reguntur luce Evangelii. Et philosophia cum tantum sit doctrina legis, ignara promissionum Evangelii, nihil potest dicere de fide, qua homo recipitur a Deo propter Filium, de spe auxilii divini, de invocatione. Harum virtutum doctrina in solius Evangelii voce patefacta est.

Haec monere discentes necesse est, ut genera doctrinarum philosophiae et Evangelii discernant. Etiam cum nominant ethnici religionem vel pietatem erga Deum, intelligunt tantum reverentiam talem, qualem tribuit Deo humana ratio, sine luce Evangelii, id est, religio est reverentia, qua adfirmat ratio esse Deum, mentem aeternam, formatricem mundi, foventem singulas species, bonam, iustam, castam, vindicem scelerum, ut species conservetur, et iudicat propterea ei obediendum esse, et professionem externis ceremoniis declarandam esse.

Haec sunt philosophica, et demonstrationibus illustrari possunt, sed tamen haec ipsa rationis sententia vel furenter tollitur, vel corrumpitur. Epicurei prorsus tollunt, alii fingunt numina et cultus sine fine, et somniant se his ritibus placare iram Dei, et quasi emere magna vitae bona.

Has falsas opiniones, et vitiosos ritus inde ortos relinquamus, nec numeremus inter virtutes. Deinde vero necesse est, habere in conspectu nomina et definitiones verarum virtutum primae tabulae, de quibus concionatur Evangelium. Iuxta primum praeceptum, fides quae est vera notitia Dei, timor Dei, fides quae est fiducia reconciliationis, dilectio, spes, tolerantia. Iuxta secundum praeceptum, invocatio, concio, confessio, gratiarum actio. Iuxta tertium, ministerii evangelici, studiorum doctrinae, et ceremoniarum divinarum conservatio. Ut autem saepe dicitur, aliquam legis notitiam reliquam esse in natura hominis, etiam non renati: ita sciendum est, demonstrationes esse praeceptorum decalogi eruditissimas.

Prima:

Ut in naturalibus effectus pendet a sua causa, et quando non obtemperat, effectus destruitur, ut infans in utero, quando rumpit fasciolas ante tempus, extinguitur: sic effectus intelligens, pendet a sua causa, et cum ea congruere debet, non congruens rumpit foedus, et relictus a prima causa, extinguitur.

Homo est effectus Dei.

Ergo cum eo congruere debet, et non rumpere foedus.

Secunda:

Imago debet congruere cum archetypo.

Homo est conditus, ut sit imago Dei, ut etiam in veteri versu dicitur: Exemplumque Dei quisque est in imagine parva¹⁹⁾.

Ergo congruere cum Deo debet.

Tertia clarissima et firmissima:

Natura hominum condita est praecipue ad agnitionem Dei, et ut in illa agnitione ei obediat, secundum totam legem naturae, quia haec obedientia et agnitio sunt propria opera hominis. Et ut sciamus haec esse praecipua opera hominis, et necessaria, additus est carcer iudicium conscientiae et manifestae poenae, quae sequuntur atrociam scelera.

Ergo cum Deus docuerit hanc obedientiam, et puniat non obedientes, necesse est ei obedire.

Virtutes secundae tabulae.

In secunda primum constituitur imperium, quo homines ab hominibus gubernantur. Horum imperiorum fons est gubernatio parentum. Est ergo prima virtus in hac tabula, iustitia universalis, in gubernante et subdito. Est autem iustitia universalis, obedientia iuxta omnes leges. Gubernator debet inferioribus haec omnia, ut regat eos secundum omnes leges decalogi. Rursum et inferior debet obedientiam praestare iuxta omnes leges.

Hic autem perspicuae sunt demonstrationes:

Natura hominum ad societatem condita est.

Ergo necesse est, esse ordinem gubernationis, et vitari omnia turbantia societatem. Turbat autem contumacia.

Ideo obedientia necessaria est.

Pertinent autem ad quartum praeceptum pietas erga parentes, et pietas erga natos, quarum utraque est species iustitiae. Item iustitia coniugum inter sese, de qua in primis est digna memoria Pythagorae sententia, quam Aristoteles in Oeconomicis citat, videlicet, maritum debere

19) Manil. astronom. 4, 693.

uxori beneficentiam et clementiam, quia sponsa ei ad aram, ut supplex, commendatur²⁰). Iam hic ius supplicum considerandum est. Imbecillior petit, ne secum summo iure agatur, et imago pulcherrima est coniugii Christi et Ecclesiae. Ecclesia ad aram adducitur ad Christum, ipse recipit protegendam, et iacet pro ea prostratus ad aram, id est, coram aeterno patre.

Iustitia particularis est virtus, quae suum cuique tribuit.

Hanc tria praecepta sequentia complectuntur: Non occides, Non moechaberis, Non furtum facies. Et demonstratio perspicua est:

Quaelibet res in natura, quantum potest, appetit conservationem suae speciei naturali inclinatione, ut semina sunt in plantis et animantibus.

Iniustae caedes, turbatio coniugii, et iniustae facultatum direptiones destruunt speciem.

Ergo necesse est, haec mala prohiberi.

Ad praeceptum quintum etiam pertinet mansuetudo, quae est virtus, quae moderatur iram, ne contra iustitiam faciat. Ad sextum praeceptum pertinet castitas, quae est virtus, quae vitat omnes commixtiones a Deo prohibitas. Demonstratio aliqua ex parte nota est:

Ordo naturae divinus est, et ei obtemperandum est.

Est autem ordo divinus et immutabilis, ut in his, qui sunt foecundi, sit maris et foeminae coniunctio, et ne haec societas turbetur.

Ergo parere necesse est.

Cum autem haec demonstratio non satis perspicue omnia scelera turbantia hunc ordinem prohibeat, Deus expressa voce etiam in paradiso ante lapsum hominum, prohibuit omnes commixtiones extra legitimum coniugium, quod his verbis instituit (Genes. 2, 24.): Erunt duo in carnem unam, id est, inseparabiliter iuncti, unus mas, et una foemina.

Quare diligenter observandum est, hoc praeceptum in paradiso expresse etiam ante lapsum editum esse, quia Deus etiam in integra natura voluit sibi obedientiam hoc ordine praestari.

²⁰) Aristotelis verba in Oecon. I. I. c. 4. haec sunt: *Πρωτων μὲν οὖν νόμοι πρὸς γυναῖκα, καὶ τὸ μὴ ἀδικεῖν οὕτως γὰρ ἂν οὐδ' αὐτὸς ἀδικοῖτο. τοῦθ' ἀρρηγίται τε καὶ ὁ κοινὸς νόμος, καθάπερ οἱ Πυθαγόρειοι λέγουσιν, ὡς περὶ κλέτων καὶ ἀφ' ἑστίας ἡγμένην, ὡς ἤμισα δοκεῖν ἀδικεῖν.*

Rursus etiam hic praecipue observandum est, universam doctrinam virtutum generi humano traditam esse, ut qualis sit ipse Deus, consideretur, est iustus, id est, aequalis omnibus sine *προσωποληψία*, horribiliter irascens peccato in omnibus, et recipiens omnes, qui ad Filium confugiunt, est verax et castus, ut discernatur ab omnibus naturis mendacibus et immundis.

Ut igitur intellectus sit huius discriminis, voluit Deus harum virtutum notitiam in genere humano lucere, et cum Deum non possimus amplecti brachiis, ut molem corpoream, mente intuentus est, et veris proprietatibus discernendus ab aliis naturis, quod sit omnipotens, sapiens, verax, bonus, iustus, castus, liberrimus, iudex, et quotidie in invocatione hae proprietates cogitandae sunt: Invoco te omnipotens, aeternae, vive Deus, aeternae Pater Domini nostri Iesu Christi, qui te patefecisti immensa bonitate, et clamasti de Filio tuo, Domino nostro Iesu Christo (Matth. 17, 5.): Hunc audite. Conditor coeli, et terrae, et hominum, et Ecclesiae tuae, et conservator, et opitulator, et resuscitator, una cum Filio tuo, Domino nostro Iesu Christo, et Spiritu sancto, sapiens, bone, verax, iuste, caste, liberrime, misericors, vere diligens et exaudiens nos, custos Ecclesiae tuae, miserere mei propter Filium tuum, Dominum nostrum Iesum Christum, quem voluisti pro nobis esse victimam, *καὶ μεσίτην καὶ ἰκέτην*, et sanctifica nos Spiritu sancto tuo etc.

Ad octavum praeceptum pertinet virtus, quae nominatur veritas seu veracitas, quae est virtus, id est, firmitas quaedam in voluntate, seu firma *προαίρεσις*, congruentiam praestans opinionum, sermonis et gestuum cum re, nec errore, petulantia, aut cupiditate nocendi, aliud sentire et aliud ostendere.

Suntque demonstrationes perspicuae, cur necessaria sit veritas.

Prima:

Quia Deus et creaturae rationales tales sunt, ut res intelligant.

Tunc autem intellectio rerum fit, cum intelliguntur, quales sunt.

Veritas igitur necessaria est, quia est intellectio et ostensio rerum, quales sunt.

Secunda:

Tollere veritatem, est confundere et destrunere vitam, ut si venena dicantur esse remedia,

si in numeris, contractibus, iudiciis falsa misceantur, vita turbatur.

Necessaria est igitur veritas.

Hic praecipue repetenda est admonitio, quam saepe inculcamus. Ideo Deus generi humano virtutum cognitionem tradidit, ut doceret, qualis sit ipse, quia vult nostras mentes et voluntates cum sua congruere, iubet nos esse veraces, ut firmissime statuamus ipsum veracem esse, et eius sermonem non esse praestigias, vel ambiguitates offusas hominibus, tanquam pomum Eridos, aut Sphingos aenigmata, nec minas Dei inania terculamenta esse, nec promissiones editas, ut stultos quoquo modo invitent. Sed vox illa, quae extat apud Paulum, immota est (Rom. 3, 4.): Est autem Deus verax.

Haec sententia confirmata in animis, existunt suo ordine, timor Dei et fides, seu fiducia, et spes veniae. David certo metuit et expectat poenas pro adulterio, sed scit gradus constitutos esse timoris et fidei, iuxta illud (Rom. 5, 20.): Gratia exuberat supra delictum. Petit igitur veniam, et scit recipi petentes, et impetrare mitigationem poenarum.

Hinc etiam statuendum et asseverandum est, cum Deus sit verax, nequaquam in Deo ponendas esse contradictorias voluntates. Promissio est universalis, quae affirmat, omnes ad Mediatorem confugientes recipi. Nequaquam igitur imaginandum est, quod ad voluntatem Dei attinet, foris offerri omnibus veniam, sed intus aliam voluntatem inclusam esse, quae nolit recipere aliquos confugientes ad Mediatorem. Sed firmissime statuendum est, cum Deus sit verax, eam solam esse voluntatem Dei, quam ostendit in expresso verbo, non esse in eo contradictorias voluntates.

Vicinae sunt virtutes veritati, constantia in vera sententia, quae nihil aliud est, nisi perseverantia in veritate, quia constantia in causis non veris, est turpis et exitiosa pertinacia, de qua dicitur: Errare humanum est, perseverare in errore, diabolicum est. Est et candor virtus vicina veritati, aliquid leniens in interpretatione, quod vel improprie, vel horridius dictum est. Sicut *ἐπιείκεια* est vicina iustitiae, summum ius seu rigorem (ut vocant) tuenti. Comprehenduntur autem constantia et candor eadem demonstratione, qua veritas praecipitur.

Sic ad iustitiam referantur beneficentia, liberalitas, misericordia, gratitudo et temperantia. Nam beneficentia, liberalitas, misericordia, vicinae sunt iustitiae. Etsi enim dant indebitum personae, tamen dant debitum speciei, id est, communi societati, quae sine beneficentia, liberalitate et misericordia non potest conservari. Sed multo illustrius est dicere, dare eas debitum Deo, quia Deus vult intelligi has virtutes, quae propius ad bonitatem accedunt, ut sciamus ipsum talem esse, sicut scriptum est (Iacob. 2, 13.): Misericordia superat iudicium, id est, rigorem iuris. Item (Luc. 6, 37.): Remittite, et remittetur vobis.

Et amplitudo misericordiae illustri imagine describitur (Matth. 18, 23—35.) in domino, qui remittit servo ingens debitum, et postea punit servum non remittentem, ut intelligamus, et excellere in ipso misericordiam et velle eum, ut nos quoque misericordiam propter ipsum exerceamus, praesertim cum in nostris officiis misericordiae velit esse agnitionem nostrorum peccatorum, et divinae condonationis, iuxta illud (Matth. 5, 7.): Beati misericordes, quia misericordiam consequentur. Item Nazianzenus ²¹⁾: *εἰ δὲ οὐδὲς ὄφρων καὶ πρόχρησον τὸ πρῶον, οἴκτιρ γὰρ οἴκτιρος καὶ θεῶν σταθμίζεται.*

Reliquae demonstrationes perspicuae sunt, ut de gratitudine inter homines.

Necessaria est aequalitas, ut servetur genus humanum.

Sublata gratitudine, tollitur aequalitas.

Ergo necessaria est gratitudo.

Item:

Necessaria copulatio est causae et effectus.

Benefactor, ut Deus vel homo, est causa salutis alteri.

Ergo servatus debet agnoscere illam copulationem.

Et sanxit Deus inter homines gratitudinem, ut agnoscamus ipsi quoque debere gratitudinem.

De Temperantia:

Omnis natura est conservatrix sui recto ordine. Temperantia servat animantia.

Ergo est necessaria.

Sedulitas etiam ad iustitiam pertinet, quae est virtus praestans diligentiam in officio. Extrema sunt, ignavia et *πολυπραγμοσύνη*. Paulus

21) Gregorius Nazianzenus.

de ea praecipit 1. Thess. 4, (10. 11.), cum iubet nos excellere hac in re, et ambitiose hoc tueri, ut simus amantes quietis, et propria faciamus. Et Petrus (1. epist. 4, 15.) praecipit cavere, ne simus *ἀλλοτριεπίσκοποι*, id est, ne curiose admisceamus nos alienis negotiis.

Hactenus recitavi distributionem virtutum, de qua semper in conspectu sit haec admonitio. Rectissime sumi species et ordinem virtutum ex decalogo. Deinde et haec admonitio necessaria est. Virtutum aliae simpliciter necessariae sunt omnibus, aliae non necessariae. Necessarias esse sciamus eas, de quibus extant praecepta in lege divina, quae ad nos pertinent, et comminationes, quae vitis contrariis iram Dei denuntiant, de

quibus inquit Paulus (Ephes. 5, 6.): Propter haec venit ira Dei super omnes inobedientes.

Sunt autem necessariae, agnitio Dei, timor, fides, dilectio Dei, confessio, gratiarum actio, invocatio, cura tuendi ministerii, observatio ceremoniarum, quas Deus instituit, *στοργή* erga parentes et natos, obedientia erga magistratus, iustitia erga proximos, sedulitas, veritas, castitas, modestia, temperantia, beneficentia, mansuetudo, tolerantia. Non necessariae²²⁾, ut heroica fortitudo, qualis fuit in Achille, aut similibus, quae etsi est magnum decus, tamen est singulare donum Dei, quod non paratur nostra industria. Sic urbanitas non est omnium.

LIBER SECUNDUS.

De Iustitia.

Et vocabulum iustitiae varie usurpatur, et virtus, quae sic nominatur, multas virtutes complectitur, ac valde prodest divisiones et descriptiones recte tenere. Est autem triplex vocabuli usus.

Primum, saepe usurpatur nomen iustitiae pro iustitia universali, id est, pro obedientia iuxta omnes leges, ut cum dicimus, Aristidem esse iustum, id est, obedientem omnibus legibus. Sic saepe de iustitia legis usurpatur hoc nomen apud Paulum, et alibi, (Rom. 2, 13.): Non auditores legis, sed factores iusti pronuntiantur, id est, obedientes legibus. Item (Psalm. 119, 121.): Feci iudicium et iustitiam, id est, turpia damnavi, et omnia recte facta approbavi.

Secundus usus est etiam legalis, de iustitia particulari, id est, quae servat aequalitatem in contractibus, seu quae reddit suum cuique, ut cum dicimus, mercatorem iustum esse, qui non defraudat emptores, qui non est *πλεονεκτικός*.

Tertius usus proprius est Evangelii, ut cum dicimus: Latro in cruce est iustus fide, id est, acceptus Deo, seu placens Deo, et donatus remissione peccatorum propter Mediatorem. Quia enim legi divinae non praestamus perfectam obe-

dientiam, ideo in Evangelio proponitur gratuita reconciliatio propter Mediatorem, quae nominatur imputatio iustitiae.

Haec diversitas in usu vocabuli prudenter consideranda est, ne fingantur ineptiae, quales finxit Malvenda²³⁾, qui dixit, homines dilectione iustos esse, quia dilectio reddat debitum Deo, cum manifestum sit, homines in hac vita non satisfacere legi Dei, nec solvere debitum Deo, ut in quotidiana petitione fatemur: Remitte nobis debita nostra etc. Quia vero non solvimus, dicimur imputatione iusti, id est, accepti Deo ad vitam aeternam propter Redemptorem, quem agnosci oportet fide, quod cum fit simul ipse vivificat credentem et Spiritu suo sancto accendit in eo novos motus²⁴⁾.

22) necessariae (scil. virtutes) sic recte Edd. 1550. et 1554.; Edd. 1557. et 1560. necessaria.

23) Peter Malvenda, Hispanus, Dominicanus iste, qui 1540 — 1541. colloquio Wormatiensi interfuit et 1546. in colloquio Ratisbonensi cum Bucero de iustificatione disputavit, conf. Seckendorf Commentar. de Lutheran. I, III. sect. 25. §. 132. p. 623 sqq.

24) quem agnosci oportet fide — novos motus.] sic Edd. 1554., 1557. et 1560.; in Ed. 1550. haec desunt.

Prima divisio iustitiae.

Recte eruditi de ratione loquendi sciunt eadem voces interdum generalius, interdum angustius usurpari, et vicinas significationes prudenter discernendas esse. Ut igitur antea monui, vocabulum iustitiae non uno modo usurpari: ita nunc divisiones, quae in philosophia traduntur, ordine recitabo.

Prima divisio est: Iustitia est aut particularis, aut universalis. Universalem definit Aristoteles, esse obedientiam erga omnes leges in societate, quae honestis legibus regitur. Haec descriptio et perspicua est, et magni usus, quia in hac civili vitae consuetudine sic omnes sani loquuntur, vocant iustum civem, qui omnibus legibus studiose obtemperat. Ut Aristides dicebatur iustus. Sed Plato subtilius quaerit fontem, primum ipsam naturam hominis aspicit, et videt huic insitas esse notitias, quae manifeste testantur, hanc naturam non esse casu ortam, et certo esse Deum conditorem et vindicem, ac oportere hanc naturam regi iuxta insitas notitias, hoc est, iuxta ordinem ab ipso institutum. Ideo iustitiam universalem definit, obedientiam esse omnium virium erga rectum iudicium rationis, id est, conservationem ordinis divinitus instituti.

In hac definitione fontem universae gubernationis morum erudite monstrat. Sed fuisset illustrior definitio, si mentionem Dei fecisset hoc modo: Iustitia universalis est obedientia omnium virium in homine, necessaria praestanda Deo conditori iuxta omnes leges, ab ipso propterea insitas naturae humanae, ut congruat nostra natura cum mente et voluntate Dei, et non congruens, destruat, et ut in hoc iudicio agnoscatur, qualis ipse sit, et a malis discernatur.

Hanc definitionem optime intellexit Adam, qui conturbato ordine sciebat naturam destruendam esse. Est igitur eruditissima Platonis definitio, quae primum unius hominis naturam aspicit. Postea Aristotelis definitio deducit eum ad communem societatem.

Quid est iustitia particularis?

Multae sunt definitiones iustitiae apud Platonem, quarum confusio caliginem lectori offundit. Sed Aristoteles voluit confuse dicta distinguere, et sapienter excogitavit discrimen iustitiae universalis et particularis, ex diversis modis loquendi. Nominat autem proprie particularem iustitiam

eam virtutem, quae regit officia debita aliis hominibus in conversatione, id est, quae tuetur personarum ordinem, vel efficit aequalitatem in contractibus, et in compensationibus delictorum et poenarum.

Est igitur definitio iustitiae particularis, quam recitant iurisconsulti, sumpta a Simonide: Iustitia est virtus, suum cuique tribuens. Nam iustitia virtus est, gubernans hominem, quatenus cum aliis agit, hoc est, vel personas ordinans, vel res communicans certa aequalitate.

Sunt autem duae species iustitiae particularis, distributiva et commutativa, nec sunt plures. Ac ut intelligas hanc partitionem ex ipsa natura eruditissime et aptissime sumptam esse, tota hominum societas intuenda est. Nam in universa hominum societate tantum duo sunt genera communicationis. Aut enim res communicamus, seu commutamus, aut ordinamus personas, ut imperia, magistratus, gradus in civitatibus, in familiis magnis et parvis.

Ac manifestum est, totam societatem hominum gubernari his duobus modis, personarum ordinatione, et rerum commutatione. Res autem communicamus per contractus, et cum haec communicatio, quae fit victus causa, in infinitum vagetur, necesse est in ea summam aequalitatem effici, hoc est, aequalia pro aequalibus reddi. Nequaquam enim perpetua communicatio esse posset, nisi mutuae vices essent, quia si qui darent sine aequali compensatione, ii tandem exhausti, fame perituri essent. Hinc sunt hae veteres sententiae Epicharmi: *δός τι καὶ λάβε τι*, et *τῇ μὲν δίδωμι χειρὶ τῇ δὲ λαμβάνω*²⁵). Item: *τὰ ἴσα πόλεμον οὐ ποιεῖ*²⁶). Et hanc aequalitatem leges in scripto iure diligentissime quaerunt.

Ideo Aristoteles definivit commutativam iustitiam esse, quae in commutatione rerum servat aequalitatem proportionem arithmetica, id est, quae simpliciter aequalitatem efficit differentiarum in infinitum.

Est enim arithmetica proportio, in qua positus tribus aut pluribus numeris, omnes distant aequalibus differentiis, sine respectu proportionum. Ut 1. 2. 3. 4. 5. 6. 7. 8. Hic in perpetuum distat numerus proximus a proximo unitate. Huiusmodi sumantur exempla alia 3. 6. 9. 12. 15.

²⁵) Idem dictum paulo mutatum vid. p. 163.

²⁶) Platarchus in vita Solonis c. 14. hoc dictum tribuit Soloni.

Hic semper proximus a proximo distat ternario. Hanc formam accommodat Aristoteles ad commutativam, et facile est, rationem applicationis videre. Sicut enim hic omnes termini distant simpliciter aequalibus numeris, sic quaeritur summa aequalitas inter emptorem et venditorem, ut conservari genus humanum possit.

Sic, ut integer ordo maneat, iudicat sapientia Dei, aequalitatem esse oportere poenae et delicti. Hinc vetus est poena talionis, ut aequalitas, quae prius fuit, sarciatur. Ita lucet iustitia Dei in compensatione, quam voluit solvi pro delictis generis humani, cum Filius pro nobis poenam luit. Constitutum est enim pretium aequivalens, ut magnitudo iustissimae irae adversus peccatum conspiciatur etc.

Quid est distributiva iustitia?

Est personarum ordinatio in omni vita publica et privata, servans convenientiam personarum et officiorum, ut in familia alius locus est parentum, alius fratrum, alius servorum. In Ecclesia summus gradus est officiorum, explicatio et diiudicatio doctrinae. Secundus, administratio iudiciorum de disciplina. Tertius, administratio caeremoniarum. Infimus, procuratio reddituum, aedificationum et eleemosynarum.

Quaerendae sunt igitur personae aptae singulis generibus, ad diiudicationem dogmatum deligendi sunt recte docti, periti, qui non habent animos occupatos affectibus impediens iudicium. In procuratione reddituum non requiritur tanta doctrina, sed satis est, esse diligentem et iustum oeconomum. Ex hac imagine sumantur exempla de ordinatione personarum in omni societate. Sic princeps potius tradet viro sapienti, erudito, iusto, eloquenti, munus cancellarii, quam hebeti, avaro, infanti.

Haec personarum ordinatio cum maxime necessaria sit, Plato dixit, optimum reipublicae statum esse, si sit constitutus geometrica proportionem. Haec enim ordinat personas, quia geometrica proportio est, cum tribus aut pluribus terminis dispositis, non numerorum differentia consideratur, sed servatur aequalitas proportionum, ut sicut se habent 8 ad 4, sic se habent 20 ad 10. Sicut se habet ad bellum Iulius²⁷⁾, sic se habet ad rempublicam domi regendam Augustus.

²⁷⁾ Iulius Caesar.

Et quia in societate humana non solum res commutari, sed et personas ordinari necesse est, Plato et Aristoteles summa cum venustate quaesiverunt collationem personarum et officiorum, et ut mercis et pretii aequalitas tuenda est, ita personae et officii convenientiam, aequalitatem esse dixerunt. Et deinde aequalitatem vocant in toto ordine graduum, cum suus cuilibet personae locus tribuitur.

Singulorum igitur vita regitur utraque iustitia, rerum commutationem gubernat commutativa, distributiva personas ordinat. Fons est autem aequalitas, quia Deus voluit fieri consociationem et sui et hominum, et hominum inter sese. Vinculum autem consociationis est aequalitas.

Et quia virtutum cognitio principaliter ideo generi humano insita est, ut monstret qualis sit Deus: sciamus Deum, cum verissime iustus sit, verissime aequalem esse, sicut perspicue dictum est (1. Timoth. 2, 4.): Deus vult omnes homines salvos fieri. Item (Rom. 2, 11.): Apud Deum non est *προσωποληψία*, quae est, aequalibus inaequalia tribuere, aut inaequalibus aequalia. Et in graeco proverbio dicitur: *ἴσα πόλεμον οὐ ποιεῖ*²⁸⁾, quo significatum est, aequalitatis conservationem convenire naturae hominum, et pacis custodem esse. Sed aequalitas, ut supra dictum est, recte intelligatur, videlicet, ut aequalibus aequalia tribuantur.

Ac servat Deus aequalitatem: Universaliter in omnibus damnat peccatum, et rursus universaliter recipit omnes ad Filium confugientes. Hos enim modos constituit, qui discrimina ostendunt reiectionis et liberationis etc. Hanc consolationem cogitare prodest, quod non est apud Deum *προσωποληψία*, sed aequalitas, iuxta modos, quos ipsius miranda iustitia et bonitas constituit, videlicet, ut peccatum damnet in omnibus, et omnes confugientes ad Filium recipiat.

De usitata definitione iustitiae.

Iustitia est constans et perpetua voluntas, suum cuique tribuens. Hanc venustam definitio-

²⁸⁾ Cum hoc proverbio iam p. 224. et ab Erasmo Roter. in adag. chil. IV. cent. II. nr. 96. p. 728. commemorato conf. nostrum: Gleich und Gleich fahet keinen Krieg an (J. Geselein: Die Sprichwörter und Sinnreden des deutschen Volkes in alter und neuer Zeit. Freiburg 1840. S. 248.).

nem scribit Plato in 1. de Republica²⁹⁾ traditam esse a Simonide, eamque antefert caeteris definitionibus, cum quidem multas recitet, sed dextre intellecta admodum concinna est, et propria iustitiae particulari, conveniens utrique speciei, commutativae et distributivae.

Sed phrasin et genus sermonis intelligere iuniores necesse est. Constans et perpetua voluntas significat firmum propositum, seu in voluntate firmam *προαίρεσιν*, seu decretum firmum, id est, constanter velle suum cuique tribuere. Nam quod usitate habitum dicimus, videlicet firmam et constantem inclinationem, seu *προαίρεσιν*, hoc latinus scriptor in eo loco³⁰⁾ nominat constantem et perpetuam voluntatem. Nec dubium est, hanc simplicissimam enarrationem esse. Quaerendi sunt autem fontes cum aliarum virtutum, tum vero et iustitiae, et considerandum est, unde et cur in mentibus humanis sint causae virtutum, quia scilicet Deus sic condidit hominem, ut esset ipsius imago. Voluit enim agnosci ab homine.

Quare ut aliquo modo cogitari posset, qualis sit Deus, hanc imaginem et quasi picturam conditor proposuit, ut in Deo, sic in nobis sunt potentia cognoscens, et potentia libere volens, et sunt in cognoscente potentia notitiae divinitus in nos transfusae, velut radii divinae sapientiae, ut numeri et multa alia principia, et leges naturae, quae sunt normae congruentes cum mente divina, quae sic discernit honesta et turpia. Cumque velit Deus has notitias rectrices esse omnium actionum, supra dictum est, causas virtutum esse, mentem recte iudicantem, et voluntatem recto iudicio obtemperantem.

Ideo cum de iustitia dicitur, necesse est, notitias illas aspici, quae sunt normae iustitiae, hae nominantur leges. Saepe autem appellatione iuris pro legibus utimur. Sit igitur haec prima divisio iuris seu legum.

Ius aut est naturale, aut positivum. Erudita et vera definitio iuris naturalis, id est, legum naturalium a notitiis immotis sumitur ex doctrina de principiis practicis. Sit igitur haec definitio: Leges naturae sunt notitiae principiorum practicum, et conclusionum ex his extractarum, de

²⁹⁾ in 1. de Republica] Editt. Ethic. falso: in 2. de Republ., spectant enim haec verba ad locum libri I., qui in ed. H. Steph. T. II. p. 331. e., — in ed. Bipont. Vol. VI. p. 155 sq. reperitur.

³⁰⁾ Cic. Philipp. XIII. c. 6. §. 13.

regendis moribus, congruentes cum aeterna et immota norma mentis divinae, insitae nobis divinitus, ut sint testimonia, quod sit Deus, et qualis sit, et regant nos, ut congruat obedientia nostra cum voluntate Dei. Harum notitiarum conclusiones recitantur in decalogo, et inde expeditissimum est, summam legum naturalium sumere.

Possunt autem et splendidae demonstrationes praeceptorum decalogi tradi, ut supra in distributione virtutum eas recensui. Iurisconsulti sumperunt definitionem ab inclinationibus. Ius naturale est, quod est commune hominibus cum bestiis. Sed inclinationum magna confusio est, rectius est definitionem a notitiis, tanquam a norma immota sumere. Assentimur enim his notitiis, sicut numeros tenemus³¹⁾, quia divinitus talis lux in mentibus nostris condita est, et ipsa assensione ostendamus nos Deo tribuere laudem veritatis, et obedientia declaremus nos voluntati Dei parere, nec alibi quaeramus peregrinas confirmationes, non quaeramus conturbationes principiorum, sicut Academici, Epicurei et Cynici fecerunt.

Haec perspicua sunt recte institutis, qui puerilem doctrinam, quae in Dialecticis traditur, de principiis speculabilibus et practicis, norunt. Recte autem dicitur, ius naturale esse immutabile, quia non solum ut lumen in oculis manet idem, donec natura hominis est incolumis: ita notitia naturalis in mente manet eadem. Sed maior etiam firmitas est notitiae, quia est radius divinae lucis, congruens cum norma divinae mentis aeterna et immota, quam³²⁾ Deus nequaquam vult mutari.

Est igitur ius naturae idem, immotum et immutabile, quod ad propositiones in mente attinet. Sed assensio cordis propter pravas inclinationes languidior est, et coecae cupiditates turbant assensionem, propter quas discedunt homines a luce mentis, et recipiunt pravas consuetudines contra ius naturae. Sicut contra artem medicam propter intemperantiam, multas vitiosas consuetudines recipimus.

Hic autem sciendum est, gradus esse principiorum et conclusionum moralium, sicut etiam in physicis gradus sunt, et corriguntur inferiores gradus a superioribus, ut regulare est, aquam

³¹⁾ tenemus] sic Edd. 1554., 1557. et 1560.; Ed. 1550. retinemus.

³²⁾ quam] sic Edd. 1554., 1557. et 1560.; Ed. 1550. quem.

fluere deorsum in aëre, sed sistitur, ne fiat vacuum. Cedit ergo principium inferius superiori. Inferius est, grave tendit deorsum. Superius est, necesse est esse contigua mundi corpora. Sic regulare est, depositum reddendum esse, sed si furiosus gladium depositum reposcat, superior lex regat deliberationem: Neminem laedito. Haec dextre accepta, facile iudicari³³⁾ possunt. Sunt enim immota principia, singula suo ordine collocata.

Sed cum incidunt casus, in quibus inferiora principia pugnant cum superioribus, plus valent superiora, quia primis illis destructis, sequitur universalis destructio naturae. Sic et prima tabula decalogi moderatur secundam, ut cum praecipit Deus Abrahae, ut filium interficiat, aut cum praecipit Israëlitis, ut auferant vasa Aegyptiorum.

Ac discrimen propositionum in physicis et ethicis, ex effectibus sumi potest. Quaedam sunt simpliciter necessariae, videlicet, ubi dato opposito, sequitur destructio naturae, ut si tollas hanc propositionem: Nemo innocens laedendus est, sequitur destructio naturae humanae. Erunt enim promiscuae caedes in toto genere humano. Ac tales propositiones sunt ius naturae prorsus immutabile.

Aliae sunt minus necessariae, quibus videlicet admissis, et si deformitas sequitur, tamen non sequitur destructio naturae, de quibus Aristoteles hoc exemplo utitur: Naturale est, maximae parti hominum facilius uti dextra, quam sinistra, sed aliqui facilius sinistra utuntur: ita in moribus depravationes quaedam accedunt, quarum aliquas etiam Deus toleravit, ut divortia, etiamsi nequaquam congruunt ad rectitudinem a Deo institutam.

Ius positivum est decretum legitimae potestatis, non pugnant cum iure naturae, sed addens ad ius naturae circumstantiam aliquam probabili ratione, non necessario definitam, ut ius naturae in genere docet, fures puniendos esse. Deinde gubernator politicus addit speciem, videlicet modum poenae, in quo constituendo, sequitur probabilem rationem, ingenia ferociora durioribus vinculis coercenda sunt: Germani non possunt coerceseri levibus poenis: ergo fures afficiantur capitali poena. Valet autem in talibus lex propter duo, praecipue propter magistratus auctoritatem, deinde et propter rationem probabilem. Deus enim armavit magistratum auctoritate et facultate

33) iudicari] Editt. Ethic.: iudicare.

talium legum condendarum. Sed metas circumdedit, ut Paulus inquit, ut sint leges honori bono operi, et terrori malis³⁴⁾, hoc est, ne pugnent cum iure naturali.

At ius naturae, seu lex naturae, valet immediate propter auctoritatem divinam, quia est radius sapientiae et iustitiae divinae, congruens ad normam mentis divinae immotam, cuius violationem punit Deus universaliter propter iustitiam suam, ut punit Cain, Saulem, Davidem, Herculem, Oedipum, et omnes alios violantes ius naturae, etiamsi ex manibus ordinariorum iudicum effugerunt.

Cum autem iuris positivi rationes tantum probabiles sint, non necessariae, possunt in eo genere dissimiles leges esse aliis temporibus, et apud alias gentes, ut lex Moisi puniebat furem quadruplo³⁵⁾. Nunc durior poena est. Quia hae barbarae gentes sunt ferociores, et habent pauciora disciplinae vincula, et singuli obedientiam suis legibus praestant³⁶⁾, ut Paulus inquit (Rom. 13, 1.): Omnis anima potestati, quae praest, obediat. Diserte enim inquit, quae praest, id est, quae habet in praesentia imperium eius loci et populi, ubi vivis. Nec valet argumentum quorundam scriptorum:

Nulla potestas obligat ad poenam, qua non potest reum afficere.

Potestas humana non potest reum aeterna poena afficere.

Ergo leges humanae non obligant sub poenis aeternis.

Simplicissima responsio est ad Minorem: Potestas humana sola sine Deo, non potest reum aeterna poena afficere, sed semper in legitima potestate primum comprehendenda est auctoritas divina, deinde minister homo. Deus subiecit nos imperiis, et ut tucatur ordinem a se institutum, et iustitiam suam, punit contumaces ipse, sicut Paulus dicit (Rom. 13, 5.): Necesse est obedire propter conscientiam. Haec vox manifeste affirmat, peccatum mortale esse, contumaciter violare leges magistratum, et magis munit imperia et sancit obedientiam, quam ulla potentia humana, et ulla arma.

34) Conf. 1. Tim. 1, 8. 9. Rom. 13, 3.

35) Lex Mosis puniebat furem pro varietate furti duplo, quadruplo et quintuplo, conf. Exod. 22, 1. 4.

36) praestant] sic Edd. 1557. et 1560.; Edd. 1550. et 1554. praestent.

quis apud te sanus gladium deposuit, eumque reposcit furens, lex inferior iubet reddere, at lex superior: Neminem laedas, tunc reddi vetat. Ideo usitate dicitur: Dispensatio non sit dissipatio. Suntque duae virtutes vicinae, severa iustitia, et ἐπιείκεια, quarum utraque regitur vera et iusta ratione, et differunt gradibus, et versantur inter eadem extrema, crudelitatem et indulgentiam.

Exemplis autem fient haec illustriora. David in necessitate vescitur sacris panibus (1. Sam. 21, 6.), quia scit regulam, moralia anteferenda esse ceremoniis, cum utraque non possunt simul servari. Norat etiam tunc in eo facto nihil esse scandali. Maccabei pugnabant in sabbato (1. Macc. 2, 41.), cum lex praecipiat quiescere. Sed quia hostes ipsam sabbati occasionem captabant, ut tunc Iudaeos opprimerent, cum non praeliabatur, tandem Maccabei anteferunt defensionem civium, quae est praecepta lege morali, et quidem servabant finem legis. Non enim hoc agebant, ut his exemplis abolerent sabbatum, sed multo magis, ut sabbatum et doctrinam propugnarent et defenderent.

In Digestis de parricidiis⁴⁵⁾ Imperator Adrianus eum, qui filium occiderat, propterea, quod cum noverca adulterii consuetudinem habuisset, tantum deportari iubet, cum summo iure durior poena constitui potuisset. Sed propter circumstantiam mitigata est poena, quia sceleris magnitudo iustum dolorem attulit patri. Apud Gellium lib. 12. capite 7. Areopagitae liberant mulierem Smyrneam, quae veneno maritum et eius filium necaverat, qui tamen prius occiderant mulieris filium, natum in priori coniugio. Areopagitae tulerunt sententiam, ut centesimo anno post, causa iterum cognosceretur⁴⁶⁾. Ita non approbant quidem atrox facinus, sed tamen poenam remittunt propter iustum matris dolorem. Demosthenes in oratione contra Aristocratem⁴⁷⁾ recitat duo iudicia Deorum in Areopago. In altero Mars absolutus est, cum interfecisset filium Neptuni Halirrhothium⁴⁸⁾, qui stupraverat Alcippen Martis filiam⁴⁹⁾. Deinde Orestes absolu-

⁴⁵⁾ Digest. XLVIII. tit. 9. lex 5. (Corp. iur. civ. ed. Beck T. I. P. II. p. 1005.).

⁴⁶⁾ Hoc factum est, quum Cn. Dolabella proconsulari imperio provinciam Asiam obtineret.

⁴⁷⁾ Conf. p. 76. nota 8.

⁴⁸⁾ Halirrhothium] Editt.: Halirrhothoum. Conf. p. 146. nota 69.

⁴⁹⁾ Conf. p. 146. nota 70.

tus est, cum interfecisset matrem. In his casibus scripsit antiquitas, mitigatas esse poenas propter probabilem rationem, et transtulit haec illustria exempla ad auctoritatem divinam, ut significarent homines docti, propter circumstantias interdum recte concedi mitigationes poenarum.

Athenis post Thrasybuli victoriam, cum civis iniuste pulsus, sua patrimonia, quae ab aliis possidebantur, repetere summo iure potuissent, tamen quia inde novi motus orituri erant, sanxit Thrasybulus ἀμνηστίαν, id est, oblivionem omnium iniuriarum, qua prohibebat repetitionem honorum, quamlibet iustam summo iure⁵⁰⁾. Sed haec moderatio finem fecit civilium discordiarum et bellorum. Extant et in concionibus prophetis et apostolicis dicta de hac probabili mitigatione, ut Salomon inquit (Eccles. 7, 17.): Ne sis nimis iustus. Item (Prov. 30, 33.): Qui nimium emungit, elicit sanguinem. Item (Iac. 2, 13.): Misericordia superet iudicium. Ita universaliter vult Deus in Ecclesia, in poenis tamen conspici bonitatem suam et misericordiam, qua lenit poenas, iuxta illud (Thren. 3, 22.): Misericordiae Domini, quod non consumpti sumus. Item (Hos. 11, 9.): Non faciam furorem irae meae. Item (Ioël 2, 13.): Bonus est Dominus et misericors, et poenitet eum mali. Item (Psalm. 78, 38.): Non accendit totam iram suam. Item (Ier. 10, 24.): Domine, corripe me in iudicio, non in furore. Imo universum Evangelium est, miranda et ingens ἐπιείκεια legis, quia affirmat, Deo in credentibus propter Mediatorem placere hanc inchoatam obedientiam, quanquam procul abest a perfectione legis, et multum sordium adhuc in nobis haeret.

Hanc mirandam ἐπιείκειαν saepe et magna intentione consideremus, et Deo gratias agamus, et libentius obediamus. Simul etiam cogitemus Deo placere, ut nos ipsi in hac infirmitate hominum praestemus ἐπιείκειαν, et aliqua mediocria incommoda in aliorum moribus, si tamen absit enormitas, condonemus communi tranquillitati.

An iudicandum sit ex scripto iure, an vero aequitas extra scriptum quaerenda sit.

Hic duae quaestiones sunt: Prior, an necesse sit scriptas leges esse. Etsi autem multi

⁵⁰⁾ Conf. Xenoph. Hellen. I. II. c. 26—30. et supra p. 78. nota 12.

imperiti homines stolide vociferantur, non opus esse scriptis legibus, sed ex naturali iudicio eorum, qui praesunt, res iudicandas esse, tamen sciendum est, hanc barbaricam opinionem detestandam esse, et homines docendos esse, melius esse habere scriptas leges, et has reverenter tuendas et amandas esse. Sic et Aristoteles in tertio Politicorum affirmat, melius esset uti scripto iure, inquit: Qui legem vult praeesse, is Deum et leges vult praeesse, qui autem hominem sine legibus vult praeesse, addit ei beluam. Talis est enim cupiditas, quae depravat magistratus, etiam si sint viri optimi⁵¹). Sed omissa disputatione in re manifesta consideremus voluntatem Dei, qui et in sua politia voluit extare ius scriptum, et fere omnibus seculis praecipua et honestiora imperia iure scripto gubernari.

Nunc igitur de altera quaestione dicendum est: An ex scripto iure iudicandum sit, an vero quaerenda aequitas extra scriptum. Ad hanc quaestionem certum est, hanc responsionem veram esse: Regulariter ex scripto iure iudicandum esse, ac praesertim de ea specie, hoc est, in factis seu casibus, de quibus lex principaliter loquitur. Ac manifesta ratio est. Quid enim opus esset scribi leges, si iudicibus sua imaginatione semper ab eis discedere liceret. Et cum vox divina praecipiat obedire magistratibus, certe necesse est et voci legis obedire, quae est vox superiorum magistratuum.

Ex hac regula intelligi potest dictum in Codice de iudiciis: Placuit in omnibus, iustitiae, aequitatisque scriptae potiorum esse auctoritatem, quam stricti iuris⁵²). Prohibet enim lex calumniosas interpretationes, quales innumerabiles quotidie excogitantur, qualis est illa, quam refutat Cicero pro Cecinna: Non eici ex fundo, sed prohibui, ne posset accedere. Non igitur potest agi interdicto Unde vi⁵³). Interdictum autem ge-

51) Aristotelis verba I. III. Polit. c. 11. §. 4. haec sunt: *ὁ μὲν οὖν τὸν νόμον κελεύων ἄρχην δοκεῖ κελεύειν ἄρχην τὸν θεὸν καὶ τοὺς νόμους, ὁ δὲ ἄνθρωπον κελεύων προστίθῃσι καὶ θηροῖν ἢ τε γὰρ ἐπιθυμία τοιοῦτον, καὶ ὁ θυμὸς ἄρχοντος διαστρέφει καὶ τοὺς ἀρίστους ἄνδρας.*

52) Cod. III. tit. 1. lege 8. (Corp. iur. civ. ed. Beck T. II. P. I. p. 255.) haec leguntur: Placuit, in omnibus rebus praecipuam esse iustitiae aequitatisque, quam stricti iuris rationem.

53) Unde vi.] Sic Editt. Ethic. et Editt. Hervagiana Operum Cic. ex recogn. Ioach. Camerarii (Basil. 1540. Fol., quam descripsit Orelli in Edit. Operum Cic. Vol. VI. p. 201.); lectio recepta est: Unde tu. (vid. c. 30. §. 87. huius orat.

neraliter violentiam prohibet, sive fiat in eiicendo, sive fiat in arcendo etc.

Nec difficile est artifici, cuius natura recta est, et amans veritatis, non cavillationum, iudicare, quae sit calumniosa, quae vero sit principalis sententia scripti. Ut igitur lex in Codice prohibet calumniosas interpretationes, quas nominat ius strictum⁵⁴): ita econtra nominat iustitiam et aequitatem, ius scriptum, dextre intellectum in sententia principali. Nec inerudite dicitur, scriptam aequitatem sequendam esse, quia plerumque illud ipsum, quod scriptum est in eo casu, de quo lex principaliter loquitur, maxime est aequale, et propius rationi naturali. Ut maxime aequale est et rationi consentaneum, ut qui caedem consulto et petulanter fecit, vicissim afficiatur⁵⁵) poena capitali. Ita est aequalitas delicti et poenae. Et lex hanc poenam sanciens, loquitur principaliter de caede consulto et petulanter facta.

Alii vicini casus sunt, ut caedes inconsulto et prorsus casu facta⁵⁶), aut in rixa inconsiderato impetu facta⁵⁶). In his casibus iudex quaerit mitigationem. Haec ipsa mitigatio saepe scripta est, interdum non est scripta, ubi artifex tamen ex artis fontibus eam sumit. Ac si quando a scripto discedit⁵⁷), tamen ideo discedit, quia videt legem non principaliter loqui de his casibus.

Hoc modo Aristoteles nominat *ἐπισίχαιαν*, scripti correctionem, quia interdum potestas quaerit mitigationem probabili causa extra scriptum. Ut lex erat, ut interficeretur pugnans contra dictatoris imperium. Fabio tamen remittit poenam Papirius, et quia vicit, et quia deprecatur populus⁵⁸). Lex erat Thebis, ne dux retine-

c. variet. lect. in Ed. Orell. T. II. P. I. p. 433.). Plenior formula est: Unde tu deieccisti, eo restituas, (conf. Ed. Orell. Vol. VIII. p. 438.).

54) strictum] sic recte Edd. 1554., 1557. et 1560.; Ed. 1550. scriptum. Illud idem est, quod supra p. 232. appellatur summum ius, cuius species saepe calumniosi hominis interpretationi praetexitur.

55) afficiatur] sic Edd. 1550., 1554. et 1557.; Ed. 1560. afficitur.

56) facta (bis)] sic Edd. 1554., 1557. et 1560.; Ed. 1550. factae (bis).

57) discedit] sic Ed. 1550.; Edd. 1554., 1557. et 1560. discedet.

58) Quum in bello Samnitico secundo L. Papirius Cursor dictator reversus in urbem ab exercitu esset propter auspicia repetenda, Q. Fabius Rullianus magister equitum, occasione rei bene gerendae invitatus, contra edictum eius a. 324. a. Chr. prospere adversus Samnites pugnavit.

ret exercitum ultra tempus praescriptum⁶⁰). Epaminondas retinuit, et absolutus est, quia utraque res fuit evidens, viri integritas, et utilitas. Non retinuit, ut tyrannidem raperet, sed ut in cursu victoriae bellum finiret, nec daret hostibus respirandi spatium. Ex hac explicatione utcumque discatur discrimen summi iuris et *ἐπιεικείας*. Et quanquam haec explicatio puerilis est, tamen aditus est ad prolixiores aliorum disputationes, in quibus multa dexterius iudicari poterunt, his initiis cognitis. Et quidem hanc ob causam haec doctrina diligentius consideranda est, ut hoc ipsum discamus in Evangelio proponi clementissimam *ἐπιεικειαν* legis, quod videlicet in reconciliatis Deo, placet inchoata obedientia propter Mediatorem, etsi in ea multum adhuc est infirmitatis et sordium.

De gradibus delictorum, consulto et inconsulto factorum.

Gradus delictorum non solum humano iudicio, sed etiam divino maxima discrimina⁶⁰) habent. Nam et divino iudicio infinita distantia est inter delicta admissa contra conscientiam, et peccata ignorantiae. Ruentes enim contra conscientiam, id est, scientes et volentes non manent in gratia, ut David rapiens alterius coniugem. Lapsis autem ignorantia, multa condonantur, ut in Apostolis ante resurrectionem Christi magnae tenebrae sunt, sicut plerumque in magna parte Ecclesiae multum est caliginis. Et possent alii gradus recitari, ut Diaboli scelus blasphemia est. Evae lapsus non fuit blasphemia, sed infirmitas, et tamen fuit delictum contra conscientiam, et poena dignum, minus tamen atrox, quam furor Diaboli.

Omissis autem aliis gradibus, iam de Ignorantia dicemus, de qua primum iuniores meminerint usitatissimam regulam: Ignorantia facti non iuris excusat⁶¹). Quanquam autem haec regula longa declaratione indiget, tamen verba pri-

Ob eam causam quum dictator de magistro equitum supplicium sumpturus videretur, Fabius Romam profugit, et, quum causa parum proficeret, populi precibus donatus est. Vid. Liv. VIII, 30—35. Frontin. IV, 1.

⁶⁰) Plutarch. in vita Pelopidae c. 25. et Aelian. I. 13. c. 42.

⁶⁰) discrimina] sic Edd. 1550., 1554. et 1557.; Ed. 1560. typogr. errore: discrimine.

⁶¹) Conf. Digest. XXII. tit. 6. De iuris et facti ignorantia. (Corp. iur. civ. ed. Beck T. I. P. I. p. 851 sqq.). et Cod. I. tit. 18. eiusdem argumenti. (I. I. T. II. P. I. p. 150 sqq.).

um discenda sunt, et communis admonitio consideranda. Non sunt excusandi furores ethnicorum colentium idola, et fingentium multos Deos, quia ius divinum et naturale omnes scire debent. Itaque non valet excusatio, si dicant se nescire legem divinam. Nosse enim debebant, cum et naturae insita sit, et saepe a Deo repetita. Interdum facti ignorantia excusat, ut in casu Pauli, si quis invitatus ad amicorum coenam, inscius vescatur carne consecrata in templis idolorum (1. Cor. 10, 27. 28.).

Sed philosophica disputatio expeditior est. Alia est ignorantia affectata. Alia est cadens in mediocriter diligentem. Affectata est, cum voluntas peccat, non volens inquirere ea, quae necesse est cognosci et de iure, et de facto. Ideoque vitiosa est, quia voluntas peccat, ut cum episcopi aut alii nolunt inquirere veram doctrinam de Deo, cum quidem mandatum universale sit de Filio Dei (Matth. 17, 5.): Hic est Filius meus dilectus, Hunc audite. Item (Psalm. 2, 12.): Osculamini Filium. Et recte dicitur universaliter ignorantia iuris naturalis et divini esse affectata et culpanda. Ideo enim condita est hominum natura, ut hanc lucem a Deo ostensam, cum in nostris mentibus, tum in coelesti voce, aspiciat.

Interdum et facti ignorantia culpanda est, ut cum ebrius peccat, quia tunc quoque voluntatis culpa accersita est cerebri perturbatio. Ideo Aristoteles dicit, eum, qui ebrietate peccavit, duplici poena puniendum esse. Nam turpis excusatio auget culpam, non minuit⁶²).

Nec excusat ignorantia circumstantiae, praecipue in proprio facto, ut si quis venditionem suam rescindere vellet, quia antea suae mercis pretium aut dignitatem nescierit. Hic venditori non prodest allegare ignorantiam, sicut textus inquit: Non stultis, sed ignorantibus succurritur⁶³).

Sed est quaedam ignorantia facti, vel proprii, vel alieni, quae habet excusationem, ut si quis nesciat ea, quorum inquisitio non est sui of-

⁶²) Aristot. Ethic. Nicom. I. III. c. 5. §. 8. *Καὶ γὰρ ἐπὶ αὐτῷ τῷ ἀγνοεῖν κολάζουσιν, εἰν αἴτιος εἶναι δοκῆ τῆς ἀγνοίας· ὅσον τοῖς μεθύουσι διπλᾶ τὰ ἐπιτίμια· ἢ γὰρ ἀρχὴ ἐν αὐτῷ· κύριος γὰρ τοῦ μὴ μεθύσθηναι· τοῦτο δ' αἴτιον τῆς ἀγνοίας.*

⁶³) Digest. XXII. tit. 6 leg. 9. § 5. leguntur in rescripto Imperatorum Severi et Antonini haec verba: . . . sciant, ignorantiam facti, non iuris prodesset, nec stultis solere succurri, sed errantibus.

ficii propria, ut si quis non tribuat nomen consulis magistratui in alio oppido, cuius ipse non est civis, ignorans eum esse consulem. Item, si quis ex probabili causa, nesciens cognatum suum decessisse, non adeat haereditatem, non propterea ius suum amittit ⁶⁴).

Haec prima initia harum disputationum considerare utile est, quia saepissime quaeritur, ubi ignorantia excuset, ubi culpanda sit, et causa prudenter consideranda est. Voluntas enim peccat, si fugit inquisitionem debitam etc. Ex his fontibus iurisconsulti uberiores doctrinam sumunt. Est et hic ingens misericordia Dei agnoscenda, qui etiam discernit inter peccata ignorantiae, et ultro accersita, et multiplicem ignorantiam condonat illis, qui fundamentum tamen norunt, et sunt dociles, ut in Apostolis magna caligo erat ante resurrectionem Christi. Sed ut dictum est, postulat, ut simus dociles, non vult confirmari ignaviam, socordiam et stuporem, sicut in 1. Psalmo (v. 2.) dicitur: In lege eius meditabitur die et nocte.

De voluntariis et involuntariis delictis.

Fontes harum disputationum prudenter considerandi sunt. Ideo voluntaria delicta magis tetra sunt, quia concurrunt omnes causae actionis sine impedimentis, iudicium et voluntas. Et maior est contumacia voluntatis, quando mens videt, quid agat. Sicut econtra virtutis actio integra est, quando iudicium et voluntas recte regunt actionem.

Sunt autem involuntariae actiones, quae fiunt aut impedito iudicio, aut principium habent extrinsecus, ut Aristoteles loquitur ⁶⁵), id est, quae sunt violentae, cum videlicet corpus tantum rapitur aliunde, prorsus non assentiente voluntate, ut cum tempestate aliquis ad scopulum alliditur, seu ut miles ad aram nolens, vi gestatus est. Item cum ignorantia peccatur non affectata, quae probabilem causam habet, ut cum pater praeteriit filium in testamento, falso nuntiata eius morte.

Sed cum ira, amore, odio, metu non atrocissimo impelluntur homines, actiones non dicun-

tur involuntariae, quia voluntas frenare hos affectus et potest et debet. Indulgens igitur, volens indulget. Et in metu manifestum est, voluntatem eligere minus malum, ut vitet maius malum, ut cum latroni mavult pecuniam dare, quam vitam amittere. Ergo etiam metu facta, re vera sunt voluntaria, sed tamen atrocissimo timori venia datur.

Sunt igitur voluntariae actiones, quae fiunt non impedito iudicio, et cum re ipsa fit electio a voluntate, etiamsi voluntas interdum aliud mallet ut in collatione, quando mavult retinere vitam, quam pecuniam. Haec est communis doctrina, nunc quoque in forensibus disputationibus usitata. Nec obscurum est, quando fiat electio a voluntate, et quando corpus rapiatur aliunde.

Aristoteles tres gradus fecit: Involuntaria, id est, violenta. Voluntaria, cum prorsus nec iudicium, nec voluntas impeditur. Mixta, cum metu aut ira fiunt actiones. In his enim etsi verum est dominari voluntatem, tamen aliquid accedit impedimenti. Sed tamen sciendum est, re vera has actiones voluntarias esse, sicut et scriptum est: Sub te sit appetitus tuus, et tu dominaberis ei. Ibi insignis emphasis est in verbo dominandi, quod significat magnos esse impetus affectuum, ac voluntatis oportere magnam contentionem esse ad frenandos affectus. Ita certaminis magnitudo significata est verbo dominandi.

Sed hic meminerimus, in Ecclesia propter Filium Dei promitti etiam auxilium in hac lucta petentibus, iuxta illud (Luc. 11, 13.): Quanto magis Pater vester coelestis dabit Spiritum sanctum petentibus, non ignavis, non laxantibus frenos cupiditati, sed repugnantibus et confugientibus ad auxilium Dei iuxta illud: Trahit Deus, sed volentem trahit ⁶⁶). Item: *Μόνον θέλησον καὶ θεὸς προαπαντῶ* ⁶⁷). Item: Praeunte gratia, comitante voluntate ⁶⁸). Ex his fontibus sumuntur discrimina de dolo, et culpa: levi et lata.

64) Digest. XXII. tit. 6. lex 1.

65) Aristot. Ethic. Nicom. l. III. c. 1.

66) Verba graeca Chrysostomi: ἔλκει μὲν ὁ θεός, βουλόμενον δὲ ἔλκει, p. 193. allata sunt.

67) Haec sunt verba Basillii, conf. p. 193.

68) Verba Augustini, vid. p. 193.

trum probanda sit constitutio Bonifacii VIII.⁶⁹⁾, quae praecipit credendum esse, s divinum tribuere Romano episcopo utrumque gladium, id est, esse eum summum episcopum, et habere auctoritatem supra reges legem, ut cum vacant regna, ad ipsum perveniat praeficere reges. Item, ut obedientiam ei reges debeant in causis politicis?

Hanc quaestionem ideo propono, ut iunioribus in conspectu sint discrimina utriusque potestatis, politicae et ecclesiasticae, quarum confu-

⁶⁹⁾ Constitutio Bonifacii VIII. (papae 1294—1303.), de qua h. l. sermo est, invenitur in Extravagantium l. I. tit. 8. De maiortate et obedientia, cap. 1. (Corp. iur. canon. ed. Richter T. II. p. 1159 sq.), his verbis scripta:

Bonifacius VIII.

Unam sanctam ecclesiam catholicam et ipsam apostolicam urgente fide credere cogimur et tenere, nosque hanc firmiter credimus et simpliciter confitemur, extra quam nec salus est, nec remissio peccatorum, sponso in Canticis [6, 8.] proclamante: „Una est columba mea, perfecta mea. Una est matri suae, electa genetrici suae;” quae unum corpus mysticum repraesentat, cuius caput Christus, Christi vero Deus. In qua unus Dominus, una fides, unum baptisma. Una nempe fuit diluvii tempore arca Noë, unam ecclesiam praefigurans, quae in uno cubito consummata unum, Noë videlicet, gubernatorem habuit et rectorem, extra quam omnia subsistentia super terram legitimus fuisse deleta. Hanc autem veneramus et unicam, dicente Domino in Propheta [Psalm. 21, 21.]: „Erue a framea, Deus, animam meam, et de manu canis unicam meam.” Pro anima enim, id est, pro se ipso, capite simul oravit et corpore, quod corpus unicam scilicet ecclesiam nominavit, propter sponsi, fidei, sacramentorum et caritatis ecclesiae unitatem. Haec est tunica illa Domini inconsutilis, quae scissa non fuit, sed sorte provenit [Ioann. 19, 23, 24.]. Igitur ecclesiae unius et unicae unum corpus, unum caput, non duo capita, quasi monstrum, Christus videlicet et Christi vicarius Petrus, Petrique successor, dicente Domino ipsi Petro [Ioann. 21, 17.]: „Pasce oves meas.” Meas, inquit, et generaliter, non singulariter has vel illas: per quod commississe sibi intelligitur universas. Sive ergo Graeci sive alii se dicant Petro eiusque successoribus non esse commissos: fateantur necesse se de ovibus Christi non esse, dicente Domino in Ioanne [10, 16.], unum ovile et unicam esse pastorem. In hac eiusque potestate duos esse gladios, spirituales videlicet et temporales, evangelicis dictis instrui. Nam dicentibus Apostolis [Luc. 22, 38.]: „Ecce gladii duo hic,” in ecclesia scilicet, quum apostoli loquerentur, non respondit Dominus, nimis esse, sed satis. Certe qui in potestate Petri temporalem gladium esse negat, male verbum attendit Domini proferentis [Matth. 26, 52.]: „Converte gladium tuum in vaginam.” Uterque ergo est in potestate ecclesiae, spiritualis scilicet gladius et materialis. Sed is quidem pro ecclesia, ille vero ab ecclesia exercendus. Ille sacerdotis, is manu regum et militum, sed ad nutum et patientiam sacerdotis. Oportet autem gladium esse sub gladio, et temporalem auctoritatem spirituali subieci potestati. Nam quum dicat Apostolus [Rom. 13, 1.]: „Non est potestas nisi a Deo; quae autem sunt, a Deo ordinatae sunt,” non autem ordinatae essent, nisi gladius esset sub gladio, et tanquam inferior reduceretur per alium in supremam. Nam secundum B. Dionysium lex divinitatis est infima per media in supremam reduci. Non ergo secundum ordinem uni-

sio non solum errores, sed etiam saepe ingentia bella peperit. Plurimum autem ad veram reverentiam, et ad flectendos animos ad pacem conducit, fontes huius doctrinae nosse de utriusque potestatis dignitate et officiis in genere.

Primum autem de politica dicam, de qua doctrina minus obscura est. Ordinar autem a definitione: Potestas politica est potestas a Deo ordinata, ut sit custos disciplinae et pacis, coercens et puniens poenis corporalibus contumaces. Aristoteles brevissime dixit: Magistratus est custos legis⁷⁰⁾. Haec verba dextre intellecta, eandem sententiam continent, quae in nostra definitione non multo pluribus verbis recitatur. Nam cum dicimus, magistratum custodem esse disciplinae et pacis, et coercere et punire poenis corporalibus contumaces, significatur hoc ipsum, magistratum proponere legem, id est, normam certam omnium actionum, quae primum sit honesta, deinde et tranquillitati utilis. Et deinde executorem⁷¹⁾ esse legis. Sunt enim haec quatuor praecipua officia magistratus politici.

versi omnia aequae ac immediate, sed infima per media et inferiora per superiora ad ordinem reducuntur. Spiritualem autem et dignitate et nobilitate terrenam quamlibet praecellere potestatem, oportet tanto clarius nos fateri, quanto spiritualia temporalia antecellunt. Quod etiam ex decimarum datione, et benedictione, et sanctificatione, ex ipsius potestatis acceptione, ex ipsarum rerum gubernatione claris oculis intuemur. Nam, veritate testante, spiritualis potestas terrenam potestatem instituere habet, et iudicare, si bona non fuerit. Sic de ecclesia et ecclesiastica potestate verificatur vaticinium Hieremiae [1, 10.]: „Ecce constitui te hodie super gentes et regna” et cetera, quae sequuntur. Ergo, si deviat terrena potestas, iudicabitur a potestate spirituali; sed, si deviat spiritualis minor, a suo superiori: si vero suprema, a solo Deo, non ab homine poterit iudicari, testante Apostolo [1. Cor. 2, 15.]: „Spiritualis homo iudicat omnia, ipse autem a nemine iudicatur.” Est autem haec auctoritas, et si data sit homini, et exerceatur per hominem, non humana, sed potius divina, ore divino Petro data, sibi quae suisque successoribus in ipso, quem confessus fuit petra, firmata, dicente Domino ipsi Petro [Matth. 16, 19.]: „Quodcumque ligaveris etc.” Quicumque igitur huic potestati a Deo sic ordinatae resistit, Dei ordinationi resistit, nisi duo, sicut Manichaeus, fugat esse principia, quod falsum et haereticum iudicamus, quia, testante Moyse [Genes. 1, 1.], non in principiis, sed in principio coelum Deus creavit et terram. Porro subesse Romano Pontifici omni humanae creaturae declaramus, dicimus, diffinimus et pronuntiamus omnino esse de necessitate salutis. Dat. Laterani Pont. nostri Ao. VIII. [i. e. 1301.].

His consequenter idem papa in epistola ad Philippum Pulchrum, Francogalliae regem, missa scripsit: „— Scire te volumus, quod in spiritualibus et temporalibus nobis subest. . . . Aliud autem credentes haereticos reputamus.”

⁷⁰⁾ Aristot. Ethic. Nicom. l. V. c. 6. §. 5. ἐστὶ δὲ ὁ ἀρχὴν φύλαξ τοῦ δικαίου.

⁷¹⁾ executorem] sic Edd. 1554., 1557. et 1560.; Ed. 1550. executionem.

Primum, ut sit velut vox decalogi. Sic enim perspicuitatis causa loquimur, et nomine decalogi pro lege naturae utimur, quia in decalogo expressa voce Dei, leges naturae maxima perspicuitate repetitae sunt. Ideoque magistratus principaliter est minister Dei, quia legem Dei sonat, quam vult Deus immotam normam esse actionum humanarum, quia haec lex est vox sapientiae et iustitiae Dei.

Secundum officium est, attribuit Deus politico magistratui deinde et hoc munus, ut suas quasdam leges ferat, sed non pugnantem cum naturalibus. Verum est enim, politicos magistratus habere potestatem condendi suas quasdam leges, sed quae non pugnent cum naturalibus, verum sint determinationes circumstantiarum, addendae generi, et sint quasi adminicula iuris naturalis, ut lex naturae dicit: Filii et filiae sint haeredes parentum. Sed lex magistratum discernit, quae res tantum ad mares transmittantur, quae ad puellas, et habet probabilem rationem.

Tertium officium est, ut magistratus sit executor divinarum et suarum legum, id est, puniat contumaces. Lex enim inutilis est sine executione.

Quartum officium, ut sit custos obedientium, id est, defendat eos contra iniustam violentiam. Nec satis dictum est, cum aliqui sic loquuntur: Magistratus est custos corporum. Ingens enim discrimen est inter magistratum et armentarium. Custos boum tantum defendit corpora, sed magistratus prius sit disciplinae, id est, totius legis custos, quod ad externas actiones atinet, prohibeat et puniat blasphemias, periuria, vagas libidines etc.

Sed minister Evangelii, est persona a Deo ordinata, ut iuxta vocationem sonet vocem Evangelii, ac Sacramenta administret, in qua ⁷²⁾ functione Deus vere est efficax in credentibus, commendat etiam vocatis ministerium Evangelii, et sit iudex doctrinae, annuntiet remissionem peccatorum petentibus. Contumaces vero puniat non vi corporali, sed verbo, videlicet legitima excommunicatione. Discrimen autem politicae potestatis et ministri evangelici, ostendunt ipsae definitiones, ac praecipua discrimina sunt haec quatuor. Differunt obiectis, potestate ferenda-

rum legum, beneficiis, et modo executionis in poenis.

Potestas politica versatur circa externam disciplinam, quam tueri debet. Sed ecclesiastica debet sonare vocem Evangelii, quae non tantum regit externos mores, sed arguit et sanat corda.

Secunda, potestas politica habet autoritatem suas quasdam leges condendi, ut dictum est. Minister Ecclesiae non habet similem potestatem leges condendi, ut postea copiosius dicetur.

Tertio, per vocem Evangelii Deus dat aeterna bona, remissionem peccatorum, et Spiritum sanctum, et vitam aeternam. Etsi autem sapientia humana valde miratur res tantas hoc modo exhiberi, tamen certissime statuamus, Deum tantum hoc modo sibi colligere aeternam Ecclesiam, et hoc modo vere efficacem esse, iuxta illud (Rom. 1, 16.): Evangelium est potentia Dei ad salutem omni credenti. Item: Evangelium est ministerium spiritus ⁷³⁾. Haec prorsus aliena sunt a potestate politica.

Quarto, differunt modo executionis in poenis. Etsi enim oportet utramque potestatem habere ius coercendi, tamen hoc discrimen est, magistratus politicus coercet vi corporali, sed ecclesiastica potestas tantum punit verbo, scilicet legitima excommunicatione. Haec discrimina semper in conspectu sint, et norit utraque potestas sui muneris metas.

Iam igitur ad quaestionem responderi perspicue potest. Nullus minister Evangelii iure divino habet utrumque gladium, sicut constitutio Bonifacii dicit. Manifeste enim repugnant haec dicta (Ioann. 20, 21.): Sicut misit me Pater, sic ego mitto vos. Item (Matth. 20, 25. 26. Marc. 10, 42. 43.): Reges gentium dominantur eorum, vos autem non sic, id est, non volo constituere imperia per ministerium Evangelii. Quod autem multi episcopi vel pastores habent iurisdictionem politicam in aliquibus locis, habent eam donatam autoritate humana, ut multi alii patres familias habent talem iurisdictionem in suis praediis, quae habet suas metas, ut notum est.

De institutione et approbatione.

Postquam discrimina ostensa sunt, iam de utriusque institutione dicam. Perspicuum est in novo Testamento evangelicum ministerium ex-

⁷²⁾ in qua] sic Edd. 1554., 1557. et 1560.; Ed. 1550. qua.

⁷³⁾ Conf. 2. Cor. 3, 8.

pressa voce Filii Dei institutum esse, cum dicitur (Ioann. 20, 21.): Sicut misit me Pater meus coelestis, ita ego mitto vos. In veteri Testamento (Exod. 28, 29.) etiam expressa voce summus sacerdos ordinatus est, et totum Leviticum sacerdotium constitutum. Item, expressa voce Prophetarum vocati sunt ⁷⁴⁾, et addita sunt miracula, ut testarentur id ministerium divinum esse. Sic et antea Patres, quibus nominatim promissio commendata est, vocati sunt ad hoc ministerium, ut Adam confirmatus illustribus miraculis, scilicet, colloquio Dei, liberatione ex morte, et inflammatione victimarum facta de coelo ⁷⁵⁾ etc. et haud dubie aliis multis. Sic deinceps alii, ut Abraham, cuius coniunx effoeta, in senecta peperit (Genes. 21, 2.). Nec dubium est, hos prorsus eodem modo fuisse gubernatores Ecclesiae, et vocatos expressa voce a Deo, ut vocati sunt Apostoli.

Ac opus est in ministerio Evangelii expressa institutione, expressis mandatis et miraculis, quia promissio illius admirandi et aeterni beneficii ignota est rationi, et reprehensio idolorum, quae mandatur ministris Evangelii plerumque pugnat cum imperiis et ordinaria potestate. Ideo oportet sciri, expressa voce Dei constitutum esse hoc ministerium, dissentiens ab imperiis, et severissimo dicto confirmata est potestas ecclesiastica (Luc. 10, 16.): Qui vos spernit, me spernit, quo dicto non additur eis potestas extra Evangelium, sed tantum ita praecipitur obedientia, cum sonant vocem Evangelii.

De expressa politicae potestatis institutione.

Nervus potestatis politicae praecipuus et summus est, supplicium capitale, quia et mors tandem audaciam compescit, et alii metu mortis praecipue cohercentur. Haec etsi vera sunt, et ratio legem natura intelligens, videt aequalitatem esse, cum vita eripitur homicidae, tamen homo modestus non auderet interficere hominem, etiam sontem, si non sciret, se cogi mandato divino. Quaerendum est igitur mandatum, quo talis potestas vel autoritas expresse a Deo vel instituta vel confirmata est.

74) Conf. Ier. 1, 5. 9. 10.

75) Haec non de Adamo, sed de Elia propheta in scriptura sacra referuntur (conf. 1. Reg. 17. — 19. 2. Reg. 1. 2.).

Non dubium est autem, expressam esse institutionem huius potestatis in mandato, quod Noe traditum est Genes. 9, (6.): Quicumque fuderit humanum sanguinem, per hominem fundetur sanguis ipsius, quia ad imaginem Dei factus est homo. Ubi in interpretatione latina deest particula, per hominem, quae extat in fontibus ⁷⁶⁾, et nequaquam omittenda est, quia hoc ipsum vult textus, tribui auctoritatem homini, scilicet ordinato ad gubernationem, ut homicidam vicissim interficiat.

Est autem, ut dixi, poena capitalis summus nervus politicae gubernationis, et complectitur caeteros gradus poenarum et causarum. Ita statim post diluvium expressa voce Dei, instituta et sancita est politica gubernatio. Deinde quantum lex Moisi uni populo lata est, tamen voluntatem Dei ostendit. Haec autem expresse ordinat magistratus et poenas, ut Exod. 22, (28.): Principi populi tui non maledices. Deut. 19. Constituantur potestates, iudicia et poenae, et severissima vox additur (vers. 19. 20.): Non miserearis eius, sed auferas malum de medio tui, ut audientes caeteri timeant.

Cum autem ibi expresserit Deus suam sententiam, certissimum est, similem ordinationem ei in toto genere humano placere. Imo saepe alias docet vox divina, ordinem in imperiis esse opus Dei, et Deo iuvante conservari, ut Daniel inquit: Deus transfert et stabilis regna ⁷⁷⁾. Item in Proverbiis (8, 15.) dicit sapientia Dei: Per me reges regnant. Item (Proverb. 16, 11.): Libra et pondus iudicia Domini sunt, et omnes lapides sacculi, id est, Deus est autor, conservator, defensor totius ordinis politici. Et clarissima conicio est Pauli ad omnes gentes, qua testatur divinitus approbari et iuvari politicam gubernationem, Rom. 13, (5.), ubi addit et hanc sententiam: Necessesse est obedire, non solum propter iram, sed propter conscientiam.

Cum igitur sciamus expressa voce Dei institutam et confirmatam esse potestatem politicam, firmissime statuamus, Deo debitum esse officium, obedientiam quae legitima potestati praestatur. Multi frigidius loquuti sunt, qui dixerunt, poli-

76) Verba hebr. sunt: שִׁפְךָ דַם הָאָדָם בַּאָדָם דָּמֵי יִשְׁפָּךְ, verba Vulg.: „Quicumque effuderit humanum sanguinem, fundetur sanguis illius”, in quibus בַּאָדָם „per hominem” omissum est.

77) Conf. Dan. 2, 44. 4, 14. 5, 21.

ticam potestatem ideo valere, quia intellectus legis et ordinis in homine, sit opus Dei. Hoc etsi verum est, tamen magis conspicitur autoritas gubernationum, cum ostenditur expressa institutio et confirmatio potestatis. Ac vocem suam Deus ideo addit, ut utrosque erudiret de voluntate, gubernatores et subditos.

De discrimine edictorum civilium, et traditionum, quae conditae sunt humana autoritate in Ecclesia.

Differunt latrocinium et magistratus. Nec recte dixit pirata ad Alexandrum: Cur tibi licet in terra praedari, mihi non licet in mari?⁷⁸⁾ Nam latrocinium est destructio ordinis divini, et dissipat communem societatem, nec peccat, qui latroni poscenti pecuniam non dat, sed elabatur, aut reprimit eum, cum potest. Econtra vero ordinarium et legitimum imperium est conservatio ordinis divini, et fovet communem societatem, et peccat qui magistratum imponentem onus legitimum fallit, aut eum impedit. Haec perspicua sunt ex dicto (Rom. 13, 5.): Necessse est obedire propter conscientiam.

Et quanquam duo sunt genera legum politicae potestatis: Aliae sunt simpliciter divinae, ut: Non occides, Non moechaberis, Non furtum facies, quia, ut dictum est, magistratus primum sit vox et executor decalogi in externa disciplina. Aliae leges sunt ab ipsis probabili ratione conditae. Verum est enim, politicos magistratus habere potestatem condendi leges probabili ratione, quae sint determinationes aliquarum circumstantiarum in legibus divinis seu naturalibus. Tamen sciendum est, utrisque deberi obedientiam, et utriusque generis violationes peccata esse.

Sed de potestate ecclesiastica sciendum est, mandatum Dei esse, ut doceat Evangelium, et administret sacramenta, et deberi ei obedientiam in his, quae sunt iuris divini. Caeterum nullam creaturam posse nova dogmata de Deo gignere, aut novos cultus instituere, sed oportere nos intra metas doctrinae a Deo nobis commendatae manere, iuxta illud (Galat. 1, 8.): Si quis aliud Evangelium docet, anathema sit. Ideo refragari necesse est, cum alia dogmata et alii cultus proponuntur. Sed pastores boni ordinis causa distri-

78) Augustin. de civit. Dei I. IV. c. 4. hoc dictum afert ex Ciceronis I. III. de republ.

buere lectiones et tempora, et similia quaedam possunt. Hic tamen retinenda est sententia, tales ritus nec iustitiam nec cultus Dei esse, nec violationem extra casum scandali, peccatum esse, iuxta illud (Col. 2, 16.): Nemo vos arguat in cibo aut potu. Haec libertas maneat in Ecclesia, nec in alterutram partem vincula conscientiae iniiciantur.

Politicae potestatis legibus obligantur conscientiae, sicut dictum est, quia Deus hoc ita sanxit. Et vult hoc modo vitam hominum corporalem regi. Econtra potestas ecclesiastica, non obligat conscientias propriis legibus, quia hanc libertatem Deus sanxit. Et ministerium est, proprie non pertinens ad vitam corporalem. Hoc discrimen legum civilium et ecclesiasticarum perspicuum est. Gerson⁷⁹⁾ longe alias rationes astringendi et laxandi quaerit, quibus conscientiae magis turbantur et illaqueantur. Haec explicatio, quam recitavi, vera et perspicua est.

Iustene mandavit Nehemias, ut Iudaeis Iudaei reddant usuras centesimas?

In secundo libro Esdrae⁸⁰⁾ mentio fit usurarum centesimarum, de quibus et in Graecis et in Romanis legibus saepe dicitur. Prodest igitur enarrari vocabulum, et considerari antiquitatis consuetudinem.

Initio autem ipsum nomen usurae definitur: Usura seu foenus est lucrum supra sortem exactum, tantum propter officium mutationis. Nam cum debitor efficacem causam damni dedit, accessio non est usuraria aut illicita, quae est damni compensatio. Sed illa accessio est usuraria et illicita, de qua paciscitur aliquis propter officium mutationis, etiam cum debitor non dedit efficacem damni causam.

Haec definitio cognoscenda et dextre intelligenda est, ut postea leges et rationes, quae prohibent usuras, recte intelligantur. Sic enim expresse dictum est Deut. 23, (19.): Non foenerabis fratri tuo pecuniam ad usuras. Item: Fratri tuo absque usura dabis mutuo⁸¹⁾. Item in Psalmo (15, 5.): Qui pecuniam ad usuram non dedit. Et Christus inquit (Luc. 6, 35.): Mutuum date, nihil inde sperantes. Nam cum ait: Mutuum date,

79) Conf. p. 111. nota 83.

80) Nehem. 5, 11. — Nehemiae liber in Vulg. inscriptus est: Esdrae liber II.

81) Conf. Exod. 22, 25. Levit. 25, 35—37. Deut. 15, 7.

non iubet donare; sed sortem vult reddi. Alio-
qui enim non esset mutuatio. Et Evangelium ne-
quaquam tollit legitimos contractus, sed lex ibi
repetitur, quae prohibet aliquid ultra sortem po-
stulare, ratione mutuationis. Haec testimonia
ostendunt, lege divina prohiberi petitionem usu-
rarum. Hac⁸²⁾ confirmati autoritate, postea et
rationem naturalem consideremus.

Universaliter Deus in contractibus necessa-
riis servari vult aequalitatem, ne una parte ex-
hausta, et fame necata, saginetur altera. Et qui-
dem hanc ob causam sanxit Deus aequalitatem,
ut nos commonefaciat, in ipso etiam iustitiam
aequalitatem esse. Iam in usuris non servatur
aequalitas, quia una pars multo plus recipit quam
dedit, ut dans mutuo, recipit sortem, quae est
aequalis mutuo. Deinde amplius accipit pro ni-
hilo, scilicet usuras, et interdum magnas. Non
igitur servatur aequalitas, sed una pars exhauri-
tur, ut res ipsa ostendit, omnibus temporibus
exhaustos esse multos homines foenore, et saepe
totas gentes ad inopiam redactas. Plerumque
enim accidit, ut sine modo cumulentur usurae,
quod cum fit, necesse est alteram partem ex-
hauriri.

Etsi autem, ut dixi, lex divina prohibet
pacisci, petere et accipere usuras, seu magnas
seu parvas, tamen gubernatores ethnici, cum non
possent eas omnino prohibere, leges tulerunt de
earum moderatione. Et leges Graecae et Roma-
nae permiserunt singulis mensibus de centum
pendere unum, et de centum florenis uno anno
duodecim aureos. Haec usura nominatur cente-
sima apud Graecos et apud Latinos, quia cente-
simo mense aequat sortem, et hunc numerum,
videlicet centesimam usuram, nominant assem
usurarum⁸³⁾.

Raro autem avaritia foeneratorum centesi-
mis contenta fuit. Ideo lex saepe renovata est,
ut tantum centesima solveretur, sicut Lucullus,
Cicero, Iulius⁸⁴⁾, Augustus, hanc legem reno-
varunt. Apparet autem ex Nehemia hanc ipsam
legem de centesima, et in imperio Babylonico ac
Persico in usu fuisse, ac iubet Nehemias reddi

82) Hac] sic Edd. 1554., 1557. et 1560; Ed. 1550. Ac.

83) Conf. W. Wachsmuth: Hellenische Alterthumskunde.
2. Ausg. Bd. II. p. 164. et Al. Adam: Handbuch der röm-
ischen Alterthümer, übers. von J. L. Meyer. Band II.
p. 346 sqq.

84) Iulius Caesar.

centesimas, quia lex divina prohibet Israëlitas ab
Israëlitis flagitare usuras. Haec narratio veteris
consuetudinis lucem adfert dicto in libro Esdrae.
Sequitur ergo conclusio: Cum usuras accipere in-
iustum sit, restitutionem, quando possibilis est,
facere necesse est, quia donec aliquis sciens et
volens retinet res alienas, tantisper manet fur
seu raptor. Scriptum est autem a Paulo (Ephes.
4, 28.): Qui furatus est, deinceps non furetur.
Hinc regula sumpta est, quae vera est dextre in-
tellecta, de restitutione facienda hominibus, qui
iniuria affecti sunt: Peccatum non remittitur, nisi
ablatum restituatur.

*An usitatus contractus, in quo emitur fundus
aut redditus, cum pacto de revendendo, sit
licitus, aut an sit usurarius.*

Anno 1525. alicubi classicum seditionum
erant clamores indoctorum, qui vociferabantur
sine discrimine, redditus qualescunque usuras
esse⁸⁵⁾. Adversus hunc errorem necesse fuit do-
cere saniores de discrimine mutuationum et em-
ptionum, et ostendi, quae sint usurae, et quae
non sint, quia nequaquam usura, vel usurae,
similis est ager, vel redditus ex agro emptus, si sit
vera emptio, et discriminata sunt vera, et nequa-
quam sophistica. Ideo ut adversus periculosos
errores, et contra seditionum classica muniantur
studiosi, aliquid de contractibus dicendum est.

Primum autem hic sciendum est, tres formas
esse contractuum redemptionis, de quibus dispu-
tamus. Prima forma est, quando emitur certus
fundus cum pacto de revendendo. Secunda forma
est huic similis, quando emitur certus redditus in
fundo certo. Hae duae formae sunt verae emptio-
nes. Quare hi contractus non sunt usurarii.
Nam usura accidit mutuacioni, non accidit em-
ptioni. Non est usura, cum fructus agri, quem
usitato emi pretio, superant pretii summam,
propter diurnitatem possessionis. Nec usura
est, si emptum agrum rursus vendam illi ipsi, a
quo emi.

Sed hic disputatur, an talis contractus sit
vera emptio. Videtur enim conditio de reven-
dendo impedire, quo minus emptor vere domi-
nus fiat, cum non liceat ei rem transferre, sed in
potestate venditoris est eam ad se retrahere. Ideo
aliqui contendunt, hos contractus tantum esse

85) Conf. p. 131. nota 21.

usurarias mutuaciones, cum oppignoratione, et simulatas emptiones, quia venditor potest rem venditam ad se retrahere⁸⁶). Haec obiectio etsi speciosa est, tamen formae duae, quas recensui, et mox declaraturus sum, verae emptiones sunt, et contractus legibus confirmati.

Priusquam autem legum testimonia et rationes recitabimus, obiectio refutanda est. Condicio de revendendo non tollit naturam domini, nec prohibet quo minus emptor vere sit dominus, ut si quis vere dominus aedium suarum obliget se, eas aedes ad nullum alium translaturum esse, nisi ad te, sive donatione, sive venditione, is tamen manet tantisper vere dominus, quanquam non potest transferre aedes ad alium. Ita docet iurisconsultus Digestorum de verborum obligationibus, lege Ita quis.⁸⁷) §. Ea lege, ubi dicitur: Servum donatum esse hac conditione, ne ad alium transferretur, tamen ille vere est eius servi dominus⁸⁸).

Ac ut magis perspicuum sit, tales contractus vere emptiones esse, substantialia emptionis considerentur, merx, pretium, consensus. Merx est aut fundus ipse, qui emitur cum pacto de revendendo, aut ius accipiendi redditum, quod fundatum est in fundo certo. Ut enim potest emi iuste servitus, videlicet iter vel actus in alieno agro: sic iuste potest emi ius accipiendi certos redditus, sed ita, si ius in fundo certo constitutum sit.

Denique hae duae formae priores sine ulla dubitatione, nisi depraventur, verae emptiones sunt. Ideo et expressa comprobatio extat in Legum Codice de pactis inter emptorem et venditorem, lege Si fundum⁸⁹), cuius legis verba haec sunt: Si fundum parentes tui ea lege vendiderunt, ut sive ipsi, sive haeredes eorum, emptori pretium, quodcumque vel intra certa tempora obtulissent, restitueretur, teque parato satisfacere conditioni dictae, haeres emptoris non paret, ut contractus fides servetur, actio praescriptis verbis, vel ex vendito tibi datur⁹⁰). Et planior textus est Dige-

storum de contrahenda emptione et venditione: Qui fundum vendidit, ut eum certa mercede ipse conductum habeat, vel si vendat, ut non alteri, sed sibi vendat, ex vendito agere poterit⁹¹). Hae leges et contractum hunc approbant, et emptionem esse testantur. Nam et emptionem nominant⁹²), et dant actionem ex vendito.

Vera est autem regula, quae affirmat, iudicia et leges forenses cum iure naturae congruentes, Deo placere, ut suo loco de politica vita dicitur, et vere pios illis ordinationibus uti posse, sicut Ioseph Aegyptiis legibus in foro usus est, Daniel Persicis. Praeterea veram in his formis emptionem esse, etiam ex his argumentis intelligi potest:

In omni mutuacione dans mutuo retinet ius repetendi quantum debetur.

In his formis emptor nequaquam potest repetere pecuniam.

Est igitur vera emptio, ac necesse est, dominium aliquod vicissim in emptorem translatum esse, cum manifestum sit, pretii dominium in venditorem translatum esse.

De tertia forma huius contractus.

Tertia forma huius contractus est, cum redditus non constituitur in fundo certo, sed in toto cumulo bonorum alicuius, ut cum emuntur redditus constituti in omnibus bonis alicuius reipublicae.

In hac forma hoc videtur adversari emptioni, quod non videtur esse merx certa, cum redditus non constitutus sit in fundo certo, sed universaliter in toto facultatum cumulo. Sed sciendum est hic quoque vere mercedem esse ius accipiendi redditus, quod cum fundatum esse debeat in aliquo corpore, corpus sunt omnia bona fructificantia istius reipublicae. Nam in his omnibus simul constitui tale ius potest, sicut in alieno agro toto servitus aliqua constitui potest, videlicet actus, aut iter. Estque iusta admonitio Innocentii⁹³), qui dicit: Videndum esse, in hoc contractu, ut redditus constituatur in re, seu ad rem referatur, non

86) ad se retrahere] sic Edd. 1554., 1557. et 1560.; Ed. 1550. redimere.

87) Ita quis.] sic in ed. Hal.; in ed. Beckii: Si ita quis.

88) Digest. XLV. tit. 1. leg. 135. §. 3. (Corp. iur. civ. ed. Beck Tom. I. P. II. p. 843.). Verba huius paragraphi p. 133. nota 31. exscripsimus.

89) Cod. IV. tit. 54. lex 2. (Corp. iur. civ. ed. Beck T. II. P. I. p. 401.).

90) tibi datur.] in Cod. legitur: tibi dabitur, habita ratione eorum, quae post oblatam ex pacto quantitatem ex eo laudo ad adversarium pervenerunt.

91) Digest. XVIII. tit. 1. lex 75. (Corp. iur. civ. ed. Beck T. I. P. I. p. 711.) his verbis scripta est: Qui fundum vendidit, ut eum certa mercede conductum ipse habeat, vel si vendat, ut non alii, sed sibi distrahat, vel similia aliquid paciscatur, ad complendum id, quod pepigerunt ex vendito agere poterit.

92) nominant] sic Edd. 1554., 1557. et 1560.; Ed. 1550. vocant.

93) Innocent. in libr. V. Decretal. tit. 19. c. 5. vid. supra p. 134. nota 32.

ad personam vendentis, et addit Innocentius, talem contractum non esse usurarium, cum in eo sint merx et pretium, et talia iura realia licitum sit vendere.

Nec alia difficultas in hac forma est, nisi quod aliquanto obscurius est, quod dicitur, universa bona habere rationem corporis, quam quod supra dicebatur certum fundum, in quo certi redditus emuntur, habere rationem corporis, ut cum 20 medimni in agro certo emuntur, quo pereunte simul perit emptori ius suum. In hoc exemplo perspicuitas est, sed tamen et totus cumulus bonorum potest se habere ut certum corpus, modo ut oneretur pro proportione, et qui accipit redditum, sustineat periculum pro proportione. Recitemus igitur rationes, quae ostendunt, hunc contractum et emptionem esse, et concessum esse.

Prima: Pars aliqua certa potest onerari servitute. Ergo et totus honorum cumulus servata proportione onerari potest, nec ratio dissimilitudinis apparet.

Secunda ratio sumitur ex proprietate emptionis. Emptio est contractus, quo res, quo ad ⁹⁴⁾ dominium transfertur, pro certo pretio, nec habet emptor ius aut tempus ullum repetendi pretium. Si enim repetere pecuniam liceret, mutuatio esset, non emptio. At in nostro casu pretium ita transfertur, ut repetere non liceat. Est igitur vera emptio. Et ut sit aequalitas, quae fons est iustitiae in contractibus, necesse est, vicissim in emptorem ius aliquod translatum esse. Hoc argumentum ex ipsa natura emptionis sumptum, firmum esse iudicio. Sed haec controversia magis perspicua erit, agitatibus contrariis argumentis.

Contra, Codice Plus valere quod agitur, quam quod simulate concipitur, inquit lex ⁹⁵⁾: Emptione pignoris causa facta, non quod scriptum, sed quod gestum est, inspicias ⁹⁶⁾. In tertio casu fit emptio pignoris causa, id est, fit oppignoratio tantum, non emptio. Ergo prorsus est simulatus contractus. Minorem probant. Quia bona illa, in quibus emptio fingitur, sunt re ipsa tantum pignus, etiamsi nomen emptionis praetextus causa additur. Imo instrumenta fatentur, quod oppignorata sint omnia bona.

⁹⁴⁾ res, quo ad] sic Edd. 1554., 1557. et 1560.; Ed. 1550.: res, quae quo ad.

⁹⁵⁾ Cod IV. tit. 22. inscripti: Plus valere, quod agitur, quam quod simulate concipitur, lex 3. (Corp. iur. civ. ed. Beck f. II. P. I. p. 336.).

⁹⁶⁾ inspicias.] sic Editi. Ethic.; in Cod. legitur: inspicitur.

Respondeo ad Minorem: Etsi hoc argumentum speciosum est, et saepe fit, ut nomine huius contractus abutantur homines, tamen Minor neganda est, et constanter retinenda sententia, quod hic contractus sit vera emptio, non mutuatio. Nam ille, qui dat mutuo, habet ius repetendi tantundem. In nostro autem casu emptor fundi aut redditus, non habet ius repetendi pretii, et manent hic verae emptionis substantialia. Merx est ius accipiendi quotannis certum redditum. Hoc fundatum est in omnibus bonis, sicut iter aut actus in toto agro fundatus est. Sicut autem ea servitus in agro constitui, vendi, donari alteri potest: ita et ius certi redditus solvendi in omnibus bonis constitui potest, servata proportione, ut bona tolerare eam servitutem possint. Haec perspicua et vera sunt, si dextre iudicetur. Quod autem additur etiam oppignoratio, ne id quidem facit emptionem vitiosam. Potest enim oppignoratio recte accedere ad emptionem, ut testantur multae sententiae iurisconsultorum.

Aliud contrarium: Ius debet esse in corpore certo, quo sublato, ius sublatum intelligatur. In hoc tertio casu nullum certum corpus est, imo etiamsi bona illa insigni damno affecta sunt, tamen exigitur pensio. Igitur tota res est simulata.

Respondeo ad Minorem: Est certum corpus, in quo fundatur ius illud, videlicet omnia illa bona. Sicut certus ager est, in quo servitus constituta est. Sed quemadmodum amitterem actum aut iter in agri parte, quae periisset alluvione, ita si bona illa insigni damno affecta sint, servanda est aequalitas, ut vicissim pro proportione aliquid remittat emptor.

In hanc sententiam inquit Baldus ⁹⁷⁾, se probare hunc contractum, si haec aequalitas servetur.

Aliud contrarium: Periculum rei venditae pertinet ad emptorem. In hoc contractu tantum gravatur venditor, quia emptor exigit pensionem, etiamsi illa bona domino affecta sunt, aut perierunt. Ergo non est vera emptio.

⁹⁷⁾ Baldus de Ubaldis, Perusinus, natus circa a. 1324., mortuus a. 1400, iurisconsultus maxime insignis, Bartoli discipulus, Perusiae, Paduae et Pisae iuris doctrinam tradidit. Praeter nonnulla opera minora scripsit: commentarios in Digesta, Codicem et Institutiones; de feudis; commentaria in Decretales, consiliorum volumina V.; de cautellis et remediis; subtilem disputationem vulgo Accusatum de vi perturbativa; repetitiones in legem quandam Digestor. et legem Codicis. Conf. G. Chr. Hamberger: Zuverlässige Nachrichten von den vornehmsten Schriftstellern vom Anfang der Welt bis 1500. T. IV. p. 626 sqq.

Respondeo ad Minorem: Periculum pertinet ad emptorem, si insigne damnum illa bona acceperint, in quibus intelligimus ius fundatum esse, sicut perit actus aut iter, si ager periit alluvione.

Aliud contrarium: Levitici 25⁹⁸), (15. 16. 50—52.) mandatur, ut fructus fundorum computentur in sortem, usque ad annum quinquagesimum. Ergo et nos debemus fructus computare in sortem, cum emimus fundum cum pacto de revendendo, et reddere fundos sine pretio etc.

Respondeo: Neganda est consequentia, quia politia Mosaica nihil ad nos pertinet. Hoc autem onus de reddendis fundis in Iubilaeo, peculiaris ordinatio erat illius gentis, sicut circumcisio. Voluit enim Deus conservari familias et discrimina familiarum, ut sciri posset, in qua tribu Messias nasceretur. Voluit etiam avaris et prodigis frenos iniicere. Avari minus emebant, quia reddere fundos cogebantur. Prodigii difficiliter inveniebant emptores. Sed illam Mosaicam ordinationem nequaquam necessarium est transferri ad nostras republicas. Imo nos oportet obedire legibus sancitis in his imperiis, in quibus vivimus, ut Roman. 13, (1.) dicitur: Omnis anima potestati quae preest, id est, suae potestati obediat.

An ratione eius quod interest, peti aliquid possit in mutuo supra sortem.

Respondeo: Interesse nominatur id, quod debetur alicui, vel quia damno affectus est, vel quia lucrum aliquod re vera propter illud officium impeditum est. Ideo distinguitur interesse, aut oritur propter damnum emergens, aut propter lucrum cessans. Exemplum: Si quis debuit mihi solvere 20 aureos Calendis Maii, et non solvit, si propter illam moram damno aliquo affectus sum, videlicet, quia tunc debebam alteri solvere, hic iustum est servari aequalitatem, cum priori accesserit lucrum ex meo, nec servetur aequalitas, si meae facultates exhauriantur, et alii interea ex meo beneficio crescant. Id interesse nominatur interesse propter damnum emergens etc.

Est et aliud discrimen necessario observandum: Aliud damnum accidit ante moram, hoc est, ante diem solutioni constitutum. Aliud damnum accidit post moram, id est, postquam debitor non solvit constituto die. Sit igitur prima

98) Levitici 25.] sic recte Edd. 1550. et 1554.; Edd. 1557. et 1560. falso: Levitici 35.

responsio: Verum et non simulatum interesse, quod accidit mutuo danti, est, cum damnum emergens post moram accidit. Ut si quis debuit mihi 20 aureos solvere Calendis Maii, hos quia nos solvit, damno affectus sum, propter moram non solventis mihi. Hic manifesta ratio aequalitatis postulat compensationem.

In tali casu pronuntiatur ultra⁹⁹) sortem deberi id, quod interest, propter damnum emergens etiamsi nulla accessit stipulatio de eo quod interest. Id consentaneum est, et scripto iuri et naturali aequitati. Nam qui dat¹⁰⁰) efficacem damni causam alteri, debet ei compensationem. Est igitur aequalitas, ut solvatur quanti interest. In hoc casu perspicitur potest, quod sit verum et non simulatum interesse, quod accidere potest mutuo danti, quod debetur etiamsi nulla accessit stipulatio. Manifestum est enim, ibi non servari aequalitatem, ubi lucri captatio fit ex mutatione.

De lucro cessante post moram, hoc est, cum debitor non solvit constituto die, pronuntiant ad eundem modum, deberi id quod interest, sicut iam de damno emergente diximus. Sed in hoc secundo casu tantum personis negotiantibus hoc concedunt. Id non est absurdum, quia impediri cursum negotiationis, etiam est dare efficacem causam damni, de quo casu disputat Panormitanus¹) in capite Conquestus²), de usuris³).

Sed de damno emergente, et de lucro cessante ante moram in mutuo, iura quidem non dant actionem, nisi quis stipulatus sit, ut solvatur id quanti interest. Nunc igitur usitata est haec stipulatio in mutatione, et saepe honestum nomen interesse, praetextus est rei nequaquam honestae, scilicet usurarum. Hic igitur quaestio est, an haec ipsa stipulatio iusta sit.

Cum autem interesse appellatio sit honestae rei, ostendat actor vera et non simulata damna quae propter hanc mutationem acciderint⁴). Verum est enim et iustissimum, neminem alteri

99) ultra] sic Edd. 1550. et 1554.; Edd. 1557. et 1560. ultro.

100) dat] sic recte Ed. 1550.; Edd. 1554., 1557. et 1560. dant.

1) Conf. supra p. 138. nota 34.

2) Conquestus] sic Decretalibus convenienter scribendum est; Editt. Ethic. habent: Cum quaestus. Conf. p. 139. nota 39.

3) Decretal. Gregor. IX. lib. V. tit. 19. inscripti: De usuris, cap. 8. quod a verbo: Conquestus orditur. (Corp. iur. canon. ed. Richter P. II. p. 784.)

4) acciderint] sic Edd. 1550. et 1554.; Edd. 1557. et 1560. accederint.

causam efficacem damni dare debere, sive ante moram, sive post moram. Ut si petat aliquis dominus a mediocri patrefamilias mutuo 400 aureos, et hic non facile possit recusare, quo minus illi gratificetur, et tamen ipsi damna quaedam accidant, quia postea suis creditoribus solvere non potest. Hic iustissimum est, huic patrefamilias fieri compensationem. In hoc exemplo perspicuum discrimen est inter id quod interest, et usuras. Est igitur in talibus casibus licita stipulatio, cum quidem iure naturae deberetur compensatio, etiam sine stipulatione. Nec obscura est diiudicatio, an vere affectus sit aliquis damno, aut an contulerit pecuniam in quaestum, ut minore periculo plus lucretur ex mutuacione, et tantum simulet querelas de damno.

Ex hac commonefactione aliquo modo iudicari potest, quando stipulatio de eo quod interest, etiam ante moram inculpabilis sit, et quod sit discrimen eius quod interest, et usurarum. Haec enim tradimus, ut iuniores vocabula utcumque intelligant, et ne temere de contractibus pronuntient, sed in tanta varietate consulant eruditorum iudicia. Nequaquam autem patrocinaur usuris. Quia, ut dictum est, interesse honestae rei appellatio est, et quaerit aequalitatem. Sed in usuris lucrum captatur, ubi totum periculum est penes mutuo accipientem, imo cumulantur usurae insigniter. Ac manifestum est, totas gentes exhauriri, nulla aequalitatis ratione habita. Hae rapinae discernendae sunt ab eo, quod interest, et damnandae, sicut scriptum est Deut. 23, (19.): Non accipies usuras a fratre tuo etc.

Hic autem accusandi sunt etiam, qui libenter mutuo sumunt. Nam in utroque iniustitiam exercent, non student abstinere ab alieno, nec curant reddere, quantum sumpserunt. Haec defraudatio etiam furti species est, comprehensa in prohibitione 1. Thessal. 4, (6.), ubi de aequalitate perspicue praecipitur: Non plus auferre in contractu a fratre, quia vindex est Dominus, iuxta illud: Vae qui spoliast, quia spoliaberis⁵⁾. Ipsi etiam, qui mutuo dant, et qui spondent, meminerint dicta Salomonis (Prov. 20, 16.): Tolle vestem eius, qui spondit pro aliis. Item Delphicum: Spondeto, noxa praesto est. Et hoc Homericum⁶⁾:

δειλαί τοι δειλῶν γε καὶ ἐγγύαι ἐγγυῶσθαι.

5) Conf. Ies. 33, 1.

6) Hom. Od. VIII. 351.

An licitus sit contractus societatis, cum alter pecuniam, alter operas confert, et is, qui pecuniam contulit, postulat lucri partem, salvo capitali.

Variae sunt societatis species, sed multa ex hac forma iudicari possunt, quam in quaestione posui. Approbant autem leges hunc contractum, in quo alter confert pecuniam, et salvo capitali petit lucri partem, alter operas confert.

Sic enim expresse inquit textus in Institutionibus de societate, his verbis: Nam et ita coiri posse societatem non dubitatur, ut alter pecuniam conferat, alter non conferat, et tamen lucrum inter eos commune sit, quia saepe opera alicuius pro pecunia valet⁷⁾. Deinde et hoc addendum est, non vitatur hic contractus, etiamsi alter maiorem lucri partem paciscatur. Sed haec intelligenda sunt de lucro, si deductis damnis reliquum sit lucrum, ut si is, qui collocat operas, industriam et fidem adhibuit, quantam debuit, si postea reliquum est lucrum, licet alteri iuxta proportionem, maiorem lucri partem salvo capitali accipere. Sin autem praestitit ille diligentiam et fidem, quantam debuit, et tamen nihil lucratus est, aut etiam damno affectus est, in hoc casu damna aequaliter sustinere debent, nec tantum plecti is, qui collocavit operas.

Sed hic agitatur quaestio, an in societate liceat pacisci, ut nihil sustineat damni is, qui pecuniam confert, et habeat salvum capitale, etiamsi alter nihil lucratus est. Hic contractus usitatus est apud mercatores. Videtur autem re ipsa mutuatio esse, non societas, ubi haec pactio est, ut sit salvum capitale. Nam ad naturam societatis pertinet damnorum exaequatio, et talem societatem, in qua alter nihil periculi vult sustinere, clare improbat lex in Digestis pro socio, ubi Cassius inquit, leoninam societatem esse, ubi alter tantum lucra, alter tantum damna sentit⁸⁾. Iam si est mutuatio, dans mutuo, etiam lucra non petat, cum damna expectare nolit.

Caeterum, quae de mutuacione, et de eo quod interest, supra diximus, meminerint stu-

7) Institutt. III. tit. 25. inscripti: de Societate, §. 2. (Corp. iur. civ. ed. Beck T. I. P. I. p. 89).

8) Digest. XVII. tit. 2. inscripti: Pro socio. legis 29. Si non fuerint, §. 2. (Corp. iur. civ. ed. Beck T. I. P. I. p. 685.), ubi haec leguntur: Aristo refert: Cassium respondisse, societatem talem coiri non posse, ut alter lucrum tantum, alter damnum sentiret, et hanc societatem leoninam solitum appellare; etc.

diosi. Haec enim breviter recitavi tantum eo, ut in tanta varietate contractuum diligentia ad iudicandum adhibeatur, nec imperiti temere pronuntient.

Utrum sacerdotes sint usuarii⁹⁾, aut usufructuarii in redditibus Ecclesiarum.

Vetus quaestio est: An sacerdotibus liceat habere proprium, cum scriptum sit (Marc. 6, 8.): Non habentes aes in zonis. Deinde, quale ius in redditibus Ecclesiarum habeant. Alii contendunt, sacerdotes tantum habere usum, alii defendunt etiam usufructum eos habere pensionum ecclesiarum.

Est autem usus ius, quo licet possidenti pro se et familia uti rebus seu fructibus, ita, ut reliquorum fructuum proprietatem non consequatur. Quare non potest eos vendere, aut in testamento ad alios transferre, ut cum usus praefecturae alicui conceditur.

Sed usufructus est ius, quo licet uti rebus, seu fructibus, ita, ut reliquorum fructuum proprietatem possessor consequatur, sed fundi proprietatem non habet.

Cum igitur sacerdotes interdum vendant reliquos fructus, aut donent aliis, aut in testamentis transferant ad alios, motae sunt quaestiones, rectene id fieri possit, cum bona Ecclesiae sint eleemosynae. In eleemosynis autem videatur tantum usus constitui, quia parce eis utendum est, ut supersint reliqui fructus ad necessitatem aliorum egentium.

Et extat constitutio in Decretis X. quaestione II.¹⁰⁾, quae vetat episcopos et diaconos alienare reliquos fructus, videlicet, quia iuvandi sint alii egentes. Sed omitto veteres constitutiones, quae suis temporibus causas habuerunt probabiles. Nunc alia forma est in politica gubernatione facultatum et reddituum etc.

Sit autem haec prima conclusio. Sine ulla dubitatione verum est, pastores et ministros Ecclesiarum posse tenere proprium, sicut possunt esse coniuges et patres, ac diversum sentire, prorsus insania est, sicut saepe fanatici homines, Wiclef¹¹⁾ et alii, et recens Anabaptistae de hac quaestione tumultuati sunt.

9) *usuarii*] sic Edd. 1550., 1554. et 1557.; Ed. 1560. *usuarii*.

10) Decreti secunda pars, causa X. quaest. II. c. 7. (Corp. iur. canon. ed. Richter P. I. p. 531.).

11) Iohn Wycliffe vel Ioh. Wiclef, Professor Academiae Oxoniensis, natus 1324. in parochia Wycliffe iuxta Rich-

stione tumultuati sunt. Manifesta est autem conclusio conclusio ex regula verissima, et affirmat omnibus Christianis licere uti legitime ordinationibus politicis, et quidem agnoscere debemus, divinitus institutas et approbatas, sicut Salomon inquit (Prov. 16, 11.): Librataria iudicia Domini sunt. Et dictum Ch. nominatim tribuit proprietatem docentibus (10, 7.): Dignus est operarius mercede. Fit autem merces propria eius, cui solvitur merces.

Extant acta Bohemorum in Synodo Eliensi¹²⁾, ubi inter caeteras quaestiones et agitatum esse scribitur: An sacerdotibus licet habere proprium. Sed verissimum est, de ministris Evangelii honestas mercedes seu stipendia, et in his verissime habent proprietatem dominium, quia politicae ordinationes, congruentes cum iudicio naturae, sunt res bonae divinitus sancitae in humana societate, et Christianis concessum est iis uti, imo debent Christiani tueri vincula societatis communis.

Quod vero dictum est: Non possideatis in zonis, non baculum¹³⁾, non ita duriter interpretandum est τὸ ἤητόν, ut regula universalis leatur, quae affirmat, omnibus licere uti legitime ordinationibus. Sed prohibet dictum illud quaerendi mercedes et defensionem, ita ne praecipua. Et addit consolationem de victorie defensione, prohibens deseri ministerium, et

mond in comitatu Yorkshire, 31. Dec. 1384. Lutterworth mortuus, de cuius vita et scriptis theolog. et philo. conf. Henr. de Knyghton: De eventibus Angliae a. 1384. ad ann. 1395. (in: Twisden scriptores hist. Angl. I. 1652. fol.); John Lewis: The history of the life and ferings of John Wycliffe. Lond. 1720. 8.; Rob. Vaug. The life and opinions of John de Wycliffe. Lond. 2 Tomi. 8.; A. Zitte: Geschichte des englischen Reformators J. Wiclef. Prag. 1786. 8.; W. Gilpin: Biographie der bekanntesten Reformatoren vor Luther, aus d. G. Frankf. u. Leipz. 1769. 8.; G. Weber: Geschichte der tholischen Kirchen u. Secten von Großbritannien. T. I. Leipz. 1845. p. 62 sqq.

12) Fit autem merces propria eius, cui solvitur merces sic Edd. 1554., 1557. et 1560.; Ed. 1550. Fit autem propria eius, cum solvitur merces.

13) Acta huius concilii generalis a. 1431—1449. habentur in Io. Dom. Mansi sacror. conciliorum noviss. collectionis Tom. XXIX—XXXI., et Har. T. IX. — Conf. Aeneae Sylvii Piccolomini Comment. lib. III. de concilio Basileensi (Helms. 1700. — a. 1438—1440. historiam eius cont.); J. Lenfant: Histoire de la guerre des Hussites et du concile de B. Amst. 1731. 2 Tomi 4. (c. Supplem. J. de Beausobre. 1735.); Richerii hist. conc. gen. Colon. 1681. III. p. 20 sqq.; v. Wessenberg: Die großen Kirchenversammlungen T. II. P. II.

14) Conf. Matth. 10, 9. 10.

cum desunt mercedes et defensio, quia Deo curae erit, ut alicubi pii doctores et discipuli habeant hospitia et defensionem. Sicut Eliae, Daniel¹⁵⁾, Apostolis praebuit hospitia, et eos servavit, donec curriculum constitutum quisque absolveret. Ac nos quidem loquimur de ministris Evangelii, et de docentium et discentium coetibus, de quibus omnibus Paulus inquit (1. Cor. 9, 7.): Quis militat suis stipendiis? Nihil hic dicimus de otiosis helluonibus, qui devorant eleemosynas Ecclesiae, et simul eam trucidant.

Postquam autem de proprietate in mercede dictum est, fit perspicua altera conclusio: Ministri Evangelii re vera sunt usufructuarii, quia in mercede proprietatem habent, ut dictum est. Et verissimum dictum est: Honestissime partum esse, quod fideli labore docendi partum est. Iam hic monendi erant omnes gubernatores et omnes homines in Ecclesia, ut libenter conferant ad ministerii et studiorum doctrinae conservationem. Ideo in Esaia scriptum est: Reges erunt nutritores Ecclesiae, et reginae nutrices¹⁶⁾, id est, Republicae curabunt ali ministros Evangelii, et iuvare studia doctrinae.

An res conductoris non solventis aut corruptoris habitationem, sint locatori tanquam pignus obligatae.

Locatio est personae vel rei ad usum facta concessio, pro pecunia numeranda, de qua convenit. Et cum sit duplex locatio, alia perpetua, alia certi temporis, nos iam de certi temporis locatione dicemus. Omittimus etiam quaestionem de contractu emphyteutico¹⁷⁾, an sit locatio, cum tamen non multum dissimilis sit iuri feudorum, et transferat utile dominium. Pertinet autem ad bonos mores intelligere, et servare iura locationis, quia ut alias iustitia est pro rebus aut operis reddere aequalem compensationem, ita pro ho-

15) Daniel] sic Edd. 1554., 1557. et 1560.; Ed. 1550. Danieli.

16) Conf. Ies. 49, 23.

17) Contractus emphyteuticus s. emphyteuticarius est contractus, quo una contrahentium pars ad alteram confert emphyteusin i. e. ius in agro suo, circa usum rei et fructus percipiendos, cum plenum tum diuturnum. De emphyteutico iure agitur in Cod. IV. tit. 66. (Corp. iur. civ. ed. Beck T. II. P. I. p. 416 sqq.); Chr. Fr. Mühlentbruch: doctrina Pandectarum. Vol. II. cap. 5. §. 298—301. p. 165 sqq. edit. 3.; eiusd. Lehrbuch der Institutionen des Röm. Rechts. 2. Aufl. v. Ed. Bippermann p. 184. 309 sq. Conf. etiam H. Ed. Dirksen: manuale latinitatis fontium iuris civilis Romanorum p. 321 sq.

spitio reddenda est compensatio, eoque magis, quia maior est familiaritas inter hospites, quam alioqui inter ementes et vendentes. Et ut sua cuique domus receptus est gratissimus et tutissimus, ut Xenophon inquit¹⁸⁾, et verba Xenophontis a Iurisconsulto¹⁹⁾ repetita sunt: ita cum hospes recipiatur in domum, simul mutua defensio promittitur, et multorum officiorum vicissitudo. Ideo antiquitas certa religione iura hospitii coluit, et addidit ceremonias, dedit mutua signa, et in bellis parcebat hospes hospiti, ut Glauc Diomedes apud Homerum²⁰⁾. Et Deut. 10, (19.) scriptum est: Et vos amate peregrinum, quia et ipsi fuistis advenae in terra Aegypti. Et Petrus inquit: Hospitalitatem ne obliviscamini. Per hanc enim quidam exceperunt angelos, praeter expectationem suam²¹⁾. Hinc et multae sententiae veterum scriptorum acceptae a primis patribus leguntur: Ζεύς δ' ἐπιτιμήτωρ²²⁾ ἰκετάων τε ξείνων τε²³⁾. Item: ξένοις ἐπαρχῶν τῶν ἰσῶν τεύξῃ πότε. Et immanitas violentium iura hospitii, taxatur vituperatione Lestrygonum²⁴⁾, Cyclopum, Lycaonis²⁵⁾, Busiridis²⁶⁾. Haec vetera dicta et exempla diligenter considerentur, quae

18) Xenophon in Cyropaed. VII. c. 5. §. 19. ἡ τε ἀπολαύσας ἂν τῆς ἀρχῆς, εἰ μόνος ἀμειβόμενος εἴη ἐστίας, οὐδ' οὔτε ὀσιώτερον χωρὶς ἐν ἀνθρώποις, οὔτε ἡδίων, οὔτε οἰκειότερόν ἐστιν οὐδέν;

19) Scil. a Caio libro I. ad legem XII Tabularum, Digest. II. tit. 5. fragm. 18. (Corp. iur. civ. ed. Beck T. I. P. I. p. 197.): Plerique putaverunt. nullum de domo sua in ius vocari licere, quia domus tutissimum cuique refugium atque receptaculum sit, eumque, qui inde in ius vocaret, vim inferre videri.

20) Hom. II. VI. 119—236. In proelio Diomedes et Glaucus, dux Lyciorum, ad certamen progressi, priusquam manus consererent, paterna inter se hospitia recordati, facta armorum permutatione, dextras iungunt.

21) Hoc dictum non reperitur in Petri epistolis, sed in epistola ad Ephraeos 13, 2., similis tamen adhortatio legitur 1. Petr. 4, 9.

22) δ' ἐπιτιμήτωρ] sic Hom.; in Editt. Ethic. ἐπιτιμήτωρ om. δ'.

23) Hom. Od. IX. 270.

24) Laestrygones incolae orae maritimae Italiae anthropophagi fuisse narrantur, Hom. Od. X. 80—132., Plin. hist. nat. I. VII. §. 2.

25) Lycaon, Pelasgi filius, rex Arcadiae, qui advenas hospitaliter quidem excipiebat, tum vero necabat eorumque carnem convivis anteponebat, ob quam hospitii violationem a Iove in lupum mutatus esse fingitur, conf. Ovid. Metam. I. 163—243.

26) Busiris, rex Aegyptiorum, qui cum hospites omnes Iovi immolaret, ab Hercule in Aegyptum delato, cui eandem sortem parabat, una cum filio Iphidamante et praecone Chalbe interfectus est. Conf. Apollod. II. 5, 11., Schol. Apollon. IV, 1396. Macrob. Sat. VI. 7. Hygin. fab. XXXI.

docent, peculiare opus esse iustitiae, non laedere hospites. Imo pro beneficio reddere beneficia.

Ac utile est omnibus hominibus familiarissime notum esse discrimen contractuum ex naturae fontibus ortum, videlicet contractus alios dici bonae fidei, alios stricti iuris. Contractus bonae fidei sunt, in quibus aliqua non nuncupata lingua, tamen propter aequalitatem debentur. Unde haec honestissima forma verborum apud veteres usurpata est: Inter bonos bene agier²⁷⁾, id est, praestet homo honestus ea, quae communis ratio iudicat aequalia esse. Et sunt contractus bonae fidei, emptio, venditio, locatio, conductio, depositum, societas, pignus, commodatum etc.

Sed stricti iuris contractus dicuntur, in quibus tantum nuncupata lingua debentur, ut in mutuo. Quia dans mutuo, cum potuerit hoc officium omittere, nequaquam plus intelligitur velle et debere recipere, quam quantum dedit, et sicut pactus est.

Conclusio: Locatio, contractus est bonae fidei, et ut aequalitas servetur, conducens non corrumpat res locatas, nec defraudet locatorem. Ideo res conducentis in vectae in domum locatam, obligatae sunt locatori tanquam pignus, et propter mercedem locationis, et propter res corruptas. Verba textus in Digestis haec sunt. lib. 20. in titulo In quibus²⁸⁾ causis pignus vel hypotheca tacite contrahitur, lege Pomponius²⁹⁾, Pomponius scribit, non solum pro pensionibus, sed etiam si³⁰⁾ deteriorem habitationem fecerit culpa sua inquilinus, in vecta³¹⁾ et illata pignori erunt obligata. Et in Codice in titulo de locato et conducto, lege Certi iuris est³²⁾, res illatas pignoris iure teneri.

27) Cic. de offic. III. c. 15. §. 61. etiam epist. ad fam. 7, 12.

28) In quibus] sic in hoc titulo Digestor. scriptum est; Editt. Ethic.: ex quibus.

29) Digest. I. XX. tit. 2. lege 2. (Corp. iur. civ. ed. Beck T. I. P. I. p. 779.).

30) etiam si] sic Editt. Ethic.; in Digest. legitur: et si.

31) inquilinus, in vecta] sic Editt. Ethic.; Digesta habent: inquilinus, quo nomine ex locato cum eo erit actio, in vecta . . .

32) Cod. IV. tit. 65. lege 5. (Corp. iur. civ. ed. Beck T. II. P. I. p. 412.) scriptum est: Certi iuris est, ea, quae voluntate dominorum coloni in feudum conductum induxerint, pignoris iure dominis praediorum teneri. Quando autem domus locatur, non est necessaria in rebus inductis vel illatis scientia domini; nam ea quoque pignoris iure tenentur.

Quare etiam cum alii creditores retineri pe-
tunt res eorum, qui ipsis debent, tamen locatori
prius res illatae in domum obligatae sunt. Prae-
cipue enim ratio hospitii habenda est, quia domi-
cili communicatio est, rei carissimae usum con-
cedere, ut supra dictum est: Sua cuique domus
receptus sit non violandus. Quae verba ex septi-
mo libro Xenophontis in Paedia Cyri³³⁾ a iuris-
consultis³⁴⁾ sumpta sunt: Neque sanctor locus
hominibus est, neque gratior, neque magis pro-
pius sua cuique domo. Verba haec sunt: Οὐδὲ
ῶσιώτερον χωρίον ἐν ἀνθρώποις, οὐδὲ ἡδίων,
οὐδὲ οἰκιοτέρον ἐστὶν οὐδὲν οἴκου ἰδίου³⁵⁾.

*An conductor integram mercedem debeat, re-
linquens rem locatam ante tempus
constitutum.*

Familiarissime nota sit regula, aequalita-
tem esse fontem iustitiae. Quia manifestum est,
aequali compensatione servari homines. Nam si
una pars exhauriretur, perire eam necesse esset.
Et Deus hanc aequalitatem instituit, inquiens
(Matth. 19, 19.): Diliges proximum sicut te
ipsum, ut agnoscamus et ipsum aequalem esse,
non tyrannum, et velle homines et angelos non
esse tyrannos, id est, non superbe alios oppri-
mere, imo angeli Deo placentes, quanquam eo-
rum natura praestantior est quam humana, ta-
men infra homines sese abiiciunt, quia nobis ser-
viunt, nostra corpora, tecta, lectulos, focos cu-
stodiunt etc. Magis etiam abiicit se Filius Dei
omnipotens, qui pro nobis mortem sustinuit.
Haec congruunt cum dicto (Psalm. 113, 5. 6.):
Deus qui in altis habitat, et humilia respicit in
coelo et in terra.

Cum igitur aequalitas in contractibus quae-
renda sit, hic etiam consideretur aequalitas inter
mercedem et fructum conducentis. Sitque haec
prima responsio: Cum conducens relinquit rem
locatam sine causa necessaria, pertinente ad lo-
catorem, aut rem, debet integram mercedem,
quia similis est defraudanti, qui praebet damnum
locatori, cui domus aut fundus fit inutilis culpa
conducentis, lege Colonus, Digestorum locati³⁶⁾.

33) Xenoph. Cyropaed. VII. c. 5. §. 19.

34) Conf. supra p. 262. nota 19.

35) Οὐδὲ — ἰδίου.] sic Editt. Ethic.; Xenophontis verba ge-
nuina supra p. 262. nota 18. exscripsimus.

36) Digest. XIX. tit. 2. Locati conducti, lex 61. (Corp. iur.
civ. ed. Beck T. I. P. I. p. 763.).

Cum autem urget necessaria causa ad cedendum, orta a re, ut cum perit domus incendio, aut cum grassari incipit lues, solvendum est pro proportionem temporis, lege Habitatores, Digestorum locati, ubi dicitur: Si causa timoris iusta non fuisset, deberi mercedem. Sin autem causa fuisset, cur periculum timeretur, non deberi mercedem, scilicet integram³⁷⁾.

Rectene fecit Naboth, quod regi petenti ne vendere quidem vineam voluit³⁸⁾, cum reges etiam domini dicantur privatarum facultatum.

Respondeo: Naboth iure divino, quod erat illi populo traditum, sine ulla dubitatione retinere suam vineam potuit, nec licuit regi cogere eum, ut vineam venderet. Manifesta confirmatio est: Iura divina non sunt violanda. Distinctio dominiorum et proprietas est iuris divini, iuxta illud (Exod. 20, 15.): Non furtum facies. Ergo nequaquam licuit cuiquam alieno, sive regi, sive aliis, cogere Naboth, ut fundum venderet, sicut nequaquam licet ulli regi postulare alterius coniugem. Ac praesertim in republica Israël sanxerat Deus libertatem, et distinxerat³⁹⁾ possessiones, et praecepit⁴⁰⁾, ne ab una tribu ad aliam fundi transferrentur⁴¹⁾, quia sciri volebat, ex qua stirpe Messiam nasci decreverat. Fuit igitur et libertas et proprietas rerum in illa republica, et iniustum erat civibus eripi privatas facultates a regibus.

Quod vero obiicitur dictum in Samuele (lib. II. 8, 11. 14.) de iure regis: Hoc est ius regis, agros vestros tollet etc.

Respondeo: Hic locus⁴²⁾ non tollit praeceptum decalogi: Non furtum facies, et rex in

37) Digest. XIX. tit. 2. legis 27. §. 1. (l. 1. p. 755) ubi Ateus interrogatus: si quis timoris causa emigrasset, deberet mercedem, necne? respondit: si causa fuisset, cur periculum timeretur, quamvis periculum vere non fuisset, tamen non debere mercedem; sed si causa timoris iusta non fuisset, nihilo minus debere.

38) Conf. 1. Reg. 21, 2. 3. vid. supra p. 124 sqq.

39) distinxerat] sic recte Ed. 1550.; Edd. 1554., 1557. et 1560. destinxerat.

40) praecepit] sic Ed. 1550.; Edd. 1554., 1557. et 1560. praecipit.

41) transferrentur] sic Ed. 1550.; Edd. 1554., 1557. et 1560. transferentur.

42) locus] sic Edd. 1550., 1557. et 1560.; Ed. 1554. typogr. errore: locutus.

illa gente etiamsi libertatem restrinxit, et Aristocratia, quae fuerat ante Saulem, fuerat multo mitior, tamen legem a Deo traditam, et distinctionem familiarum nequaquam abolere potuit. Tantum igitur illa comminatio in Samuele intelligenda est de stipendiis, id est, reges tollent ex privatis facultatibus tantum, quantum ad legitima stipendia opus est. Id iustum est, quia cum beneficium, scilicet communis defensio ad singulos pertineat, singuli etiam conferre debent⁴³⁾. Imo singuli debemus defensionem aliis innocentibus, ubi possumus eis opem ferre, ut Proverb. 24, (11.) dicitur: Eripe eos, qui ducuntur ad mortem etc. Et 1. Iohan. 3, (16.): Sicut ille animam suam pro nobis posuit, et nos debemus pro fratribus animas ponere etc. Item: Non nobis tantum, sed patriae nascimur⁴⁴⁾. Ut autem iustum est, stipendia pendere, sicut et Roman. 13, (7.) traditur, ita rursus haec meta constituta est, quam recitat Baptista (Luc. 3, 14.): Estote contenti stipendiis vestris, neminem concutiatis, neminem calumniimini. Nec sit infinita rapacitas, nec nomen stipendii praetextatur omnibus explicationibus.

Haec est vera et simplicissima sententia in illa narratione Samuelis. Et poena Achab ostendit iram Dei adversus rapacitatem in hoc genere⁴⁵⁾.

Haec disputatio utilis est, quia pii discunt, se suas res tenere volente et approbante Deo, cum Deus sanxerit distinctionem dominiorum. Discunt etiam Deo displicere immoderatas expilationes, et ad multas virtutes vera cognitio doctrinae de ordine politico conducit. Bonae mentes considerantes sapientiam et voluntatem Dei in hac consociatione vitae et nervis societatis, agunt Deo gratias, et maiore reverentia tueri societatem student, ac intelligunt Deo displicere⁴⁶⁾ dilacerationes, maior et iustitiae amor ex hac consideratione oritur etc.

Diximus autem antea de politia Mosaica. Nunc generaliter de distinctione dominiorum in

43) conferre debent.] sic Edd. 1554., 1557. et 1560.; Ed. 1550. conferre aliquid debent.

44) Conf. Cic. pro Murena c. 38. §. 83.: . . est tuum M. Cato, qui non mihi, non tibi, sed patriae natus es.

45) Conf. 1. Reg. 21, 19. 2. Reg. 9, 25. 26.

46) displicere] sic Edd. 1550., 1557. et 1560.; Ed. 1554. typogr. errore: dispicere.

caeteris politiis dicemus: Praecepta naturalia et divina, quae sunt naturalia, sunt communia toti generi humano. Ideo ubique valet praeceptum: Non furtum facies, sicut praeceptum: Non moechaberis. Et ubique subditi habent aliqua propria, et quanquam alicubi servitus est, tamen gradus sunt servitutis, et leges imperii Germanici manifeste sanciant rerum proprietatem, ut ostendit successio in haereditatibus, tum in feudis, tum in aliis bonis, in quibus habemus dominium directum et utile.

Sunt autem in subditorum bonis ordinata tributa, necessaria ad communem pacem, quae, ut supra dictum est, iustum est et petere et praestare, sed sit mediocritas tolerabilis. Postea sciant omnes reges et principes se quoque lege divina teneri: Non furtum facies. Haec lex metas circumdat omnibus hominibus universaliter in toto genere humano. Quia sine ulla dubitatione reges etiam subiecti sunt legi divinae, ut Psalm. 82⁴⁷⁾, (1.): Deus stetit in synagoga deorum, et deos diiudicat. Et Esa. 3, (14.): Deus in iudicium veniet cum principibus. Et Zachar. 10, (3.): Super pastores iratus est furor meus.

Praeterea reges etiam subiecti sunt legibus positivis, ordinaria autoritate in regno latis. Quanquam in his habent potestatem interpretationis. Ideo saepe citatur lex Theodosii in Codice⁴⁸⁾ quae omnibus nota esse debet: Digna vox⁴⁹⁾ maiestate regnantis, legibus alligatum se principem profiteri. Adeo de autoritate iuris nostra pendet autoritas, et re vera maius imperio est, submittere legibus principatum⁵⁰⁾. Ideo enim scriptae sunt leges, ut homines legibus, non incertis magistratum arbitriis regantur. Postea additur magistratus, ut sit custos et executor legum, seu vox legis et minister in iudiciis et in poenis.

Sed multae hyperbolae leguntur ab assentatoribus male detortae, ut est: Omnia sunt regum, quod dictum etsi adeo usitatum est, ut etiam ob-

iectum sit Ambrosio, cedere templo nolenti⁵¹⁾, tamen prudenter intelligendum est. Nam eodem modo dicimus omnia esse regum; sicut dicimus omnia esse legum, seu legem esse dominam rerum, videlicet, non quod privatam proprietatem ulli eripiat lex, sed multo magis, quod sit custos distributionis, quae primum facta est. Et ultima successio in bonis desertis⁵²⁾ pervenit ad legem seu summum gubernatorem.

Cum extincti sunt privati domini, lex, id est, summus gubernator facit aliam distributionem. Et iurisconsulti modeste loquentes, dicunt: Omnia sunt regum, quod ad defensionem attinet. Quae sententia hoc ipsum vult, leges, iudicia, et gubernatores, qui sunt executores legum, esse custodes factae distributionis, et extinctis dominis habere summam autoritatem.

Hic vetus narratio de imperatore Henrico Lucelburgensi⁵³⁾, memoriae mandanda est. Hic enim cum in Italiam iter faceret, et casu interrogasset de arce, cuius esset, quae quanquam privatam dominum habebat, tamen dicebatur imperatoris esse, orta est disputatio in itinere de dicto: Omnia sunt imperatoris. Et certatum est deposito equo⁵⁴⁾, et permissa diiudicatio doctoribus, cum venissent Bononiam. Ibi cum pronuntiarent doctores pro eo, qui defenderat arcem imperatoris esse, quia omnia essent imperatoris; et alter amisisset equum ex pacto: homines facti assentationem deriserunt hoc ioco, dicentes: Alterum habere equum, alterum respondisse aequum.

Citatur et ex Augustino⁵⁵⁾ in Decretis, dist. 8.⁵⁶⁾ Tolle iura imperatorum, et quis audebit dicere: Haec villa mea est?⁵⁷⁾ Et multa ibi

47) Psalm. 82.] Editt. Ethic. secundum LXX. et Vulg.: Psalm. 81.

48) Cod. I. tit. 14. lex 4. (Corp. iur. civ. ed. Beck T. II. P. I. p. 125.).

49) vox] in Codice additur: est.

50) principatum.] in Cod. addita sunt: Et oraculo praesentis edicti, quod nobis licere non patimur, aliis indicamus.

51) Ambrosius episcopus Mediolanensis ab Imperatore Valentiniano II. eiusque matre Iustina, templa quaedam Arianae cedere iussus obsequi noluit.

52) desertis] sic Edd. 1550., 1554. et 1557.; Ed. 1560. tyogr. errore: desertas.

53) Conf. supra p. 126. nota 11.

54) equo] sic Edd. 1554., 1557. et 1560.; Ed. 1550. aequo.

55) Ex Augustini tract. VI. ad c. 1. Ioannis.

56) Decreti prima pars dist. 8. c. 1. §. 1. (Corp. iur. canon. ed. Richter P. I. p. 12.).

57) Haec villa mea est?] sic Editt. Ethic.; loci illius verba haec sunt: mea est illa villa, aut meus est ille servus, aut domus haec mea est?

intempestive dicuntur. Unde ratiocinatio sunt aliqui, iure divino omnia communia esse. Sed iuniores monendi sunt, ut Augustini dicta dextre intelligant: Iure humano haec villa mea est, scilicet, quo ad immediati iudicis executionem, non quo ad principalem auctoritatem, ut dici posset, a carnifice supplicio affici homicidam, non a rege, et tamen gradus congruentes ordinati sunt. Ita Deus in hac natura distinctionem dominiorum ordinavit, et sua voce sanxit: Non furtum facies. Constituit autem magistratus et iudices, ut huius sui ordinis defensores essent. Certissimum est igitur, distinctionem dominiorum iuris divini esse, sed ordinatam per magistratus. Sicut poenae homicidarum sine ulla dubitatione sunt iuris divini, sed ordinatae per magistratum. Haec sententia vera et perspicua est.

Ad extremum breviter addo dictum (Matth. 22, 21.): Date Caesari, quae sunt Caesaris. Non temere aut casu dictum est: Quae sunt Caesaris. Metas circumdat regibus, cum ea dari iubet, quae sunt ipsorum, non omnia quae postulant, sed quae ipsis debita sunt. Significat igitur non omnia regum esse, sed distincta esse⁵⁸⁾ dominia, ut satis dictum est, iuxta praeceptum: Non furtum facies.

In fine rursus admoneo studiosos, ut vulgare argumentum recte explicare discant:

Naturalia sunt immutabilia.

Communio rerum est naturalis.

Ergo est immutabilis.

Respondeo ad Maiorem: Naturalia sunt immutabilia, scilicet quae sunt praecepti. Voluit enim Deus manere notitias legis, quae sunt radii sapientiae divinae in nobis propter multas causas. Sed alia multa bona utilia fuerunt in natura, quorum mutatio poena est primi lapsus, ut bona valetudo fuit naturalis, quae nunc languefacta est. Respondeo igitur ad Minorem: Communio rerum est iuris naturalis, scilicet, non ut praeceptum, sed ut bonum utile, quod tunc erat possibile, sicut bona valetudo, et alia multa bona utilia naturae integrae addita fuerunt, quae postea amissa sunt. Sed notitias praeceptorum manere Deus in mentibus hominum voluit.

58) esse] sic Edd. 1550., 1557. et 1560.; Ed. 1554. est.

Alia quaestio:

Verane est regula: Peccatum non dimittitur, nisi ablatum restituatur.

Primum respondeo plane et breviter, regulam sine ulla dubitatione veram esse, quod ita perspicue intelligi potest. Etsi Deus peccata gratis remittit, id est, sine compensatione a nobis faciendae Deo, tamen ubi nulla est conversio, ibi nulla fit remissio. Nam iusiurandum perspicue dicit: Vivo ego, nolo mortem peccatoris, sed ut convertatur et vivat⁵⁹⁾. Necesse est autem in conversione deponi delicta contra conscientiam, ut inquit Paulus: Milita bonam militiam, habens fidem et bonam conscientiam⁶⁰⁾. Et de hoc ipso genere inquit Paulus (Eph. 4, 28.): Qui furatus est, deinceps non furetur, ut moechus perseverans in scelere, non accipit remissionem peccatorum.

Haec firmissima et manifestissima sunt. Ita retinens rem alienam contra conscientiam, cum quidem reddere posset, perseverat in delicto⁶¹⁾. Non igitur accipit remissionem, sed vere dolens de admissio⁶²⁾ scelere, et restituens, aut serio volens restituere, et credens sibi remitti peccata a Deo, vere accipit remissionem peccatorum. Et talis restitutio est opus mandatum a Deo in praecepto: Non furtum facies, et ad contritionem vel ad novam obedientiam pertinet, et differt a spectaculis satisfactionum canonicarum, quas dicunt esse opera non debita⁶³⁾. Hoc discrimen ut intelligatur, consideranda est integra doctrina de poenitentia, quae alibi copiose traditur, unde sumenda est explicatio argumenti:

Satisfactio in poenitentia non est necessaria.

Restitutio furti est satisfactio.

Ergo restitutio non est necessaria.

Respondeo ad Maiorem: Satisfactio, quae nominatur canonica, non est necessaria, quae

59) Conf. Ezech. 18, 23.

60) Conf. 1. Tim. 6, 12.

61) delicto] sic recte Ed. 1550.; Edd. 1554., 1557. et 1560. dilecto.

62) admissio] sic Edd. 1550., 1554. et 1557.; Ed. 1560. ty-pogr. errore: amisso.

63) Satisfactiones canonicas Catholici dicunt esse opera non debita, i. e. non mandata lege Dei, sed supererogationis, iniuncta ab episcopis vel ministris, ut peccatores mereantur remissionem poenarum purgatorii, vel aliarum poenarum huius vitae.

est opus indebitum, ut alibi copiose declaratur. Deinde ad Minorem respondeo: Restitutio furti est satisfactio, scilicet debita seu civilis, quam necesse est facere spoliato, ut fur deinceps non teneat alienum. Haec vocabulorum discrimina prudenter consideranda sunt, quia confusio magnos errores parit.

Iam quaestiones multae sequuntur: Utrum praeda in bello parta restituenda sit? Respondeo: Sicut legitimae poenae latronum sunt iustae, sic legitimum bellum, quod est depulsio latronum, aut poena⁶⁴⁾ legitima, quam exercet magistratus, est iusta. Fit igitur iusta translatio rerum, quando gerens bellum legitimum occupat res eorum, qui fontes sunt, ut iustum est latrones poena afficere. Haec sententia perspicua est ex doctrina de magistratu, Rom. 13.: Magistratus gladium gerit, ut sit honori bono operi etc.⁶⁵⁾. Et hoc modo iuste translata sunt imperia, ut Cyrus iuste factus est dominus regni Babylonici, ut Daniel inquit: Deus transfert et stabilis regna⁶⁶⁾. Et Esa. 45, (3.) de Cyro: Et dabo tibi thesauros absconditos, ut scias, quod ego sim Dominus Deus Israël.

Sed quaestio est: Cum in tanta confusione negotiorum paucis verae causae bellorum notae sint, quomodo consulendum sit conscientis eorum, qui causas non norunt?

Respondeo: Domini, qui vel inferunt aliis bella, vel depulsuri sunt, veras causas nosse debent, nec gerant, nisi sunt causae iustae, magnae et perspicuae, quia hic praecipue cavendum est, ne summum ius fiat summa iniuria. Sed dubitante conscientia inferentes, peccant contra multa mandata Dei (Exod. 20, 13. 15.): Non occidas, Non furtum facias. Item (Rom. 14, 23.): Omne quod non est ex fide, peccatum est. Et bella plerumque infinitas distractiones faciunt, quae pariunt deinde perpetua bella. Deinde subditi non semper possunt scire veras causas. Hic in dubitatione regula sequenda est: Tene certum, et relinque incertum. Perspicua regula est, obtemperandum esse potestati, non manifeste iniusta mandanti.

64) poena] sic Edd. 1550., 1557. et 1560.; Ed. 1554. typogr. errore: poenae.

65) Conf. Rom. 13, 3. 4.

66) Conf. Dan. 2, 21. 4, 14. 22. 5, 21.

Haec regula subditos excusat, cum obtemperant domino, etiamsi non norunt ea, quae scire ipsos ne quidem possibile est. Sicut Eteocles servum obiurgat, multa sciscitantem de bello. Et respondet servus: Taceo, et patiens feram quod est fatale⁶⁷⁾. Haec plerumque est vox populi ignorantis fontes negotiorum, qui hac excusatione contentus sit, quod regulae perspicuae obtemperandum sit.

Ac sapiens antiquitas bene consuluit⁶⁸⁾ communi paci, et conscientis possidentium, quia in compositionibus sanxit oblivionem iniuriarum. Utrimque consensit, ne possessores ex occupatis fundis excuterentur. Ita addiderunt in compositionibus *ἔχοντες ἂ ἔχουσι*. Item: *μὴ μνησικαχεῖν*. Sicut senatus Romae decretum fecit Iulio⁶⁹⁾ interfecto, et olim Attica civitas, recuperata a Thrasybulo⁷⁰⁾. Haec decreta et paci proderant, et ostendebant conscientis ista compositione postea res occupatas iuste retineri.

Utrum praescriptione acquiratur dominium, et an coram Deo iuste teneantur res, quarum domini sumus praescriptione.

Respondeo: Cum dominia variis occasionibus transferantur, vel bellis, vel contractibus, vel fortuitis occupationibus concessis, nec semper causae sint perspicuae, quomodo prima translatio facta sit, lex consulit paci, ut sit finis litium, et sanxit certum tempus, intra quod si non fit repetitio, postea non dat actionem, et affirmat hunc possessorem bonae fidei et longi temporis, vere esse dominum, et non excutiendum esse.

Hinc nomen est praescriptio, Graecis *προθεσμία*, quia legibus praefinitum est tempus, intra quod fieri debet repetitio. Ut cum ille dixisset, tantum se terrae vendere, quantum includi in pellem tauri posset, iste postea secta pelli tauri,

67) Aeschylus Sept. adv. Theb. 247. 248.

Eteocles. *Στήθησον, ὃ τάλαρα, μὴ φίλους φόβει.*
Chorus. *Σιγῶ· ἔσθ' ἄλλοις πείσεται τὸ μόρσιμον.*

68) consuluit] sic Ed. 1550.; Edd. 1554., 1557. et 1560. consulit.

69) Iulio Caesare a. 44. a. Chr. interfecto senatus 17. Mart. amnestiam decrevit, vid. Plutarch. Cic. c. 42. Plut. Anton. c. 14. Plut. Brut. c. 19.

70) Conf. Corn. Nep. vita Thrasyb. 3, 2.

magnam regionem occupavit⁷¹⁾. Successerunt posteris; quaestio est, an iuste teneant.

Denique maxima pars hominum dubitaret, an iuste res suas possideret, si procul quaerendae essent causae translationis. Ideo sapienter sancita est praescriptio, et constitutum, ne procul quaerantur causae, sed ut legem et nostram conscientiam aspiciamus.

Et hic primum regula tenenda est: Quod cuique attribuit lex, vera autoritate condita, id iuste tenet, etiam Deo approbante, quia Deus approbat politicas ordinationes probabili ratione factas. Itaque coram Deo bona conscientia iuste possides tuam tunicam, etiamsi non scis, quomodo lana ad eum pervenerit, qui fecit pannum.

Haec doctrina et consolatio bonis mentibus necessaria est, quae si ignota esset, conscientiae magnis dubitationibus excruciantur.

Sed dicit aliquis: Quomodo potest mihi res aliena attribui, non assentiente domino? Respondeo: Cum privatus dominus suas res negligit, lex fit talium rerum domina, sicut Deus inquit (Exbd. 19, 5. Psalm. 50, 12.): Terra mea est. Cum igitur lex sciat, oportere finem esse litium, et singulos scire oportere, an suarum rerum domini sint, et iusti possessores, consulit communi paci et conscientiae possidentium. Alioqui enim quisquis vellet, qualicumque praetextu, turbare veterem possessorem, ut tamen saepe fieri videmus. Haec cum ita lex sanxit, Deus approbat, et non dubium est praescriptione et acquiri dominia, et res iuste possideri bona conscientia.

De metis praescriptionis.

Sed leges scriptae circumdant metas praescriptioni, ubi valeat, quae si violentur, non recte accommodatur nomen praescriptionis. Ut

71) Haec spectant ad Byrsam, arcem in media urbe Carthaginensium, cuius nominis origo ex Graecorum fabulis et Servio talis est: Appulsa ad Libyam Dido, quum ab Hiarba pelleretur, petit callide, ut emeret tantum terrae, quantum posset corium bovis tenere, quod quum permisisset, corium in tenuissimas corrigias sectum tendit, occupavitque modum stadia 22. Arcem in hoc loco conditam a bubulo corio Byrsam nuncupavit. Quod et tangit Virg. Aen. 1, 367 sq. Mercatique solum, facti de nomine Byrsam, Taurino quantum possent circumdare tergo. Vid. Flor. 2, 15, 11., Drakenh. ad Sil. 1, 15. Scalig. Animadv. Euseb. n. 803, p. 48. et de emend. temp. Append. p. 28.

si quis alterius uxorem, etiam ignorans habeat, nequaquam excusare scelus nomine praescriptionis potest. Usitatum est autem in aliquibus malis consuetudine et diuturnitate temporis excusare peccata, ut nunc multi excusant profanationes Missae, et alios vitiosos cultus. Sed aeterna et immota regula tenenda est: Peccata non excusat diuturnitas temporis, ut Ezechielis 20, (18. 19.) dicitur: In praeceptis patrum vestrorum nolite ambulare. Ego Dominus Deus vester, in praeceptis meis ambulate.

Sciendum est igitur de praescriptione, conditiones quatuor tenendas esse.

Prima, ut res talis sit, quae teneri praescriptione possit, quia peccata, res furtivae, res attributae⁷²⁾ ministerio Evangelii, nec teneri praescriptione possunt, nec acquiri.

Secunda conditio, ut sit iustus titulus, videlicet successio in haereditate, vel emptio, quae fit bona conscientia, vel donatio, ut emens pannum a mercatore sine dolo, statuat se vere dominum fieri, et hoc dominium et hanc possessionem a Deo approbari.

Tertia conditio, bona fides, id est, bona conscientia. Etsi autem haec conditio correlativa secundae esse videtur, cum titulus iustus est, potest possessor habere bonam conscientiam, sed tamen haec restrictio complectitur et aliam, videlicet, ne in emente sit dolus. Posset enim emens scire, rem esse furtivam aut sacram⁷³⁾, nesciente venditore. Honestissime igitur dictum est, ad praescriptionem requiri bonam fidem, id est, bonam conscientiam, ne quid dolo agatur, et ne sit affectata ignorantia. Nam particula *bona fides* excludit multiplicia sophismata, sicut antiquum dictum: Inter honos bene agier⁷⁴⁾. Item: In contractibus bonae fidei, quaedam praestanda esse, quae non sunt nuncupata lingua.

Quarta conditio, est possessionis continuatio, sine interruptione legitima. Ut res mobilis triennio sine interpellatione legitima possessa sit.

72) attributae] sic Edd. 1550. et 1554.; Edd. 1557. et 1560. attributivae.

73) Res sacra i. q. supra in prima conditione appellatur: res attributa ministerio Evangelii.

74) Conf. supra p. 263. nota 27.

Res immota triginta annis sine legitima interpellatione possessa sit.

Quaquam autem, ut fit in negotiis voluntatum, quae flexibilia sunt, multa subtiliter in hac materia disputantur, tamen his fontibus consideratis, praecipuae quaestiones, quarum con-

sideratio in communi vita necessaria est, iudicari possunt, et unusquisque Deo gratias agat, quod scit, quare bona conscientia et Deo approbante suas res teneat, quia Deus has legitimas ordinationes approbat.

Nota. Witebergensibus elementorum doctrinae ethicae editionibus post Melanthonis mortem divulgatis, quarum in Prolegg. p. 15 sq. mentio facta est, editio, quae a. 1578. 8. Witebergae prodit, est addenda. — *Pezelii* in elementa doctrinae ethicae commentarius in Prolegg. p. 15 sq. laudatus, ex quo in nonnullis locis explicandis fructum cepimus, editionem anni 1550. sequitur.

III.

PH. MEL. ENARRATIONES ALIQUOT LIBRORUM ETHICORUM ARISTOTELIS.

Decem librorum ethicorum Nicomacheorum, quos Aristoteles scripsit, a Melanthon quatuor: primum, secundum, tertium et quintum enarratos esse, in Prolegomenis p. 3—16. diximus et varias horum commentariorum editiones accuratius commemoravimus. Has ut uno in conspectu videre possis, hic singulas annis et locis, quibus prodierunt, (omissis verbis, quibus inscriptae sunt) breviter enumeramus:

Commentarii in librum *primum* et *secundum* Ethicorum prodierunt *a*) *Witebergae* 1529. 8., recusi (Ciceronis libris de officiis annexi) *Haganae* 1530. 8. — *b*) (cum libr. III. et V. coniuncti) *Witebergae* 1532. 8., recusi (cum libr. III. et V. Ethic. et Politicorum librorum Aristotelis interpretatione coniuncti) *Argentinae* 1535. 8. — *c*) (cum libr. III. et V. Ethic. coniuncti) *Witebergae* 1545. 8. — *d*) (cum libr. III. et V. Ethic. atque Moralis philosophiae epitome coniuncti) *Argentorati* 1546. 8.

Commentarius in librum *tertium* Ethic. prodit *a*) (cum libr. I. II. et V. coniunctus) *Witebergae* 1532. 8., recusus (cum libr. I. II. et V. Ethic. atque Politicorum librorum Arist. interpret. coniunctus) *Argentinae* 1535. 8. — *b*) (cum libr. I. II. et V. Ethic. coniunctus) *Witebergae* 1545. 8. — *c*) (cum libr. I. II. et V. Ethic. atque Moralis philosophiae epitome coniunct.) *Argentorati* 1546. 8.

Commentarius in librum *quintum* Ethic. prodit *a*) (cum libr. I. II. III. coniunctus) *Witebergae* 1532. 8., recusus (cum libr. I—III. Ethic. et Politicorum librorum Arist. interpret. coni.) *Argentinae* 1535. 8. — *b*) (cum Moralis philosophiae epitomes altera editione coni.) *Argentinae* 1539. 8. — *c*) (cum huius Epitomes tertia edit. coniunctus) *Argentorati* 1540. 8., recusus (cum eadem coni.) *ibid.* 1542. et 1544., atque Lugd. 1542. 8. — *d*) (cum libr. I—III. Ethic. coni.) *Witebergae* 1545. 8. — *e*) (cum libr. I—III. Eth. et nova Moralis philos. epitomes edit. coniunctus) *Argentorati* 1546. 8. — *f*) (cum Ethicae doctrinae elementorum edit. principe coniunctus) *Witebergae* 1550. 8. — *g*) (cum eorundem altera edit. coni.) *Witebergae* 1554. 8. — *h*) (cum eorundem tertia edit. coni.) *Witebergae* 1557. 8. — *i*) (cum eorundem quarta edit. coni.) *Witebergae* 1560., recusus in editionibus annis 1561 sqq. divulgatis.

Commentarios librorum I. II. et III. Ethicorum secundum editionem anni 1546., libri V. secundum editionem anni 1560. hic edemus, quia utraque ultima est earum, quas ipse Melanthon curavit.

IN PRIMUM LIBRUM ETHICORUM ARISTOTELIS

ENARRATIONES PHILIPPI MELANTHONIS *).

Utilitates philosophiae moralis.

Prima.

Utilis est collatio cum Evangelio et lege Dei, ac illustrat genera doctrinae. Tenendum enim est discrimen legis et Evangelii, et sciendum ethicam

doctrinam esse partem legis divinae de civilibus moribus.

Secunda.

Quia ethica doctrina pars est legis naturae, et quia Deus vult legem naturae cognosci, certe

*) In Edit. 1530., 1532. et 1535. h. l. legitur inscriptio: In Ethica Aristotelis Philippi Melanch. Enarratio.

hae disputationes prosunt, quae per signa et demonstrationes colligunt leges naturae, et ordinem monstrant.

Tertia.

Cum velit Deus legibus magistratum regi civiles mores, etiam hanc doctrinam approbat, quae legum fons est.

Quarta.

Cum discunt homines erudita ratione metiri officia, fiunt mores mitiores.

Quinta.

Hae disputationes sunt exempla methodi.

Sexta.

Etiam in Ecclesia in disputationibus de civilibus officiis et moribus, multa sumuntur ex hac doctrina, videlicet ex lege naturae, ut, cum de contractibus, de officiis magistratum, de virtutibus plerisque, de legibus humanis disseritur. Et maiori dexteritate explicare tales materias possunt, qui recte instituti sunt in hac philosophia.

Septima.

Plurimum refert tenere discrimina virtutum, affectuum, temperamentorum, inclinationum, habituum.

Octava.

In dicendo et scribendo haec doctrina supeditat multa egregia lumina. Saepe enim incurrunta negotia in locos huius artis.

Nona.

Utile est observare, quae notitiae nobiscum nascantur, ut, numerorum, mensurarum, ordinis, sed multo praestantiores sunt notitiae morales, quae monstrant Deum, et ostendunt discrimen honestorum et turpium.

Decima.

Et harum notitiarum consideratio admonet nos, ex quanta dignitate deciderint homines. Transfuderat Deus imaginem suam, id est, notitiam Dei, et discrimen honestorum et turpium in mentes humanas, tanquam in speculum, et fulsissent hae notitiae multo clarius, et voluntas flagrasset amore Dei, et omnibus virtutibus ornata fuisset, si natura hominum mansisset incorrupta. Nunc vero sunt obscurae notitiae: manent tamen, et sunt testimonia, quod sit Deus, quod sit providentia, etiamsi corda non obtemperant.

Undecima.

Ergo haec consideratio legis naturae in mente hominis evidens testimonium est, quod monet esse Deum, et esse providentiam. Quare confirmat pias opiniones in his, qui recte instituti sunt.

Duodecima.

Eo etiam testificatur de doctrina religionis, quia philosophia cernit infirmitatem in hominis natura, et fatetur se causam tantae calamitatis non videre. Ideo cum divina doctrina causam ostendit, et offert remedia, agnoscendum est superius doctrinae genus.

Decima tertia.

Una est vera philosophia, quae intra metas demonstrationum versatur, nec ludit sophismatibus. Ac Aristoteles, cum sit amans methodi, pleraque rectius dicit quam caeteri philosophi. Magna est autem utilitas videre, ubi deerrent sectae. Haec collatio magis illustrat legem naturae, et clarius ostendit morbos humanos. Denique Cyclopica stoliditas et arrogantia est, aspernari doctrinam hanc, quae legum et historiarum lumen est, ac splendidissimum ornamentum eloquentiae, et regula plurimarum actionum in vita¹⁾.

1) Pro hac introductione Editt. 1530., 1532. et 1535. longe aliam continent, quae quidem ab utilitatibus ethices orditur, has autem, sine ulla inscriptione, multo brevius exponit. Deinde pauca de variis philosophorum sectis monentur. Tum sequuntur haec duo capita:

De discrimine Christianae doctrinae, et Philosophiae.

Qui nihil inter Philosophiam et Christianam doctrinam interesse existimant, et idem doctrinae genus Philosophiam ac doctrinam Evangelii esse putant, si in magno errore versantur, et tamen huic opinioni applaudunt multi magni, ut videntur homines. Sunt alii quidam illiterati, qui vociferantur praecepta philosophica cum pietate pugnare, eaque simpliciter damnant: qui quoniam inscitiae ac stultitiae suae religionem praetexunt, plane sunt, ut est in proverbio, *δνοι ἄγοντες μυστήρια*. Quoniam autem quid sentiendum sit de his studiis philosophicis, saepe alias diximus: tamen quoniam hic locus proprie id postulat, breviter et hic sententiam nostram recitabimus.

Philosophia nihil tradit de voluntate Dei, nihil de remissione peccatorum, nihil de timore, de fiducia erga Deum. Tantum docet praecepta de externa et civili consuetudine vitae, sicut publicae leges civitatum. At Evangelium exponit nobis voluntatem Dei, remittit peccata, pollicetur Spiritum sanctum, qui corda piorum sanctificat, et vitam aeternam affert. Interea foris sinit nos uti moribus civilibus, sicut cibo, potu, vestitu utimur. Et uti cibis, potus, vestitus, res corporales sunt, quae non pertinent ad fidei iustitiam: ita mores civiles non pariunt cordis iustitiam. Proinde toto coelo errant, qui nihil inter Philosophiam et Evangelium interesse iudicant. Nam Philosophia tota nihil continet, nisi praecepta de externa actione, qua, ut ita dicam, tanquam in scena, in hac civili societate hominum utendum est. Evangelium vero

De textu.

Initium ducitur e communissima sententia de finibus. Quod ut cuiusque naturae, ita hominis sit aliquis finis. Hoc verum initium est phi-

lounge alia profitetur. Non enim venit Christus in mundum, ut praecepta de moribus doceret, quae iam ante norat ratio, sed ut remitteret peccata, ut creditibus in ipsum donaret Spiritum sanctum. Et tamen, ut magistratus approbat, ita civilem consuetudinem vitae probat, vult mores esse civiles, et humanos, hoc est, non pugnantibus cum ratione naturali, seu cum iudicio rationis. Ut enim iudicium rationis in aliis corporalibus rebus valet, in aedificando, in numerando, ita valet in regendis moribus civilibus.

Quoniam enim ratio de voluntate Dei iudicare ac statuere sine verbo Dei, et sine fide nequeat, tamen est bona Dei creatura condita ad iudicanda ea, quae sensibus subiecta sunt, quaeque ad hanc corporalem vitam retinendam ac regendam conducunt: quibus in rebus si quis ea quae ratio certa demonstratione deprehendit, aspernatur, is aspernatur Dei opus. Mansit enim in ratione iudicium seu notitia de moribus, quoniam affectus omnes sint, nec et impuri, obtemperant [sic typogr. errore pro: q. a. omnes sint impuri, nec obtemperant] iudicio rationis, postquam natura degeneravit corrupta peccato originis. Haerent in natura, amor nostri, amor voluptatum, et similes mali affectus, quos non eximunt animis Philosophia, aut leges, tantum reprimunt seu coercent. Vult autem Deus aliqua disciplina coherceri illos etiam, qui nondum Spiritu sancto gubernantur, sicut docuit Paulus, quum ait: Lex est iniustis posita. Ut igitur leges rerum-publicarum non pugnant cum pietate, ita neque philosophica praecepta. Sunt autem natae et leges illae, et Philosophia ipsa ex quibusdam sententiis, quae divinitus scriptae sunt in animis humanis, quae saepe vocamus leges naturae, ut sunt, communem societatem esse iuvandam, neminem esse laedendam, sobolem esse alendam, parendum esse magistratibus, gratiam esse reddendam, pacta esse servanda, vim esse prohibendam, et similes aliae. Nec aliud est Philosophia, quam harum sententiarum quaedam explicatio et enarratio. Enarrant eas, et iura civitatum. Sed Philosophi diligentius excusserunt et illustrarunt eas. Itaque aliquanto plura praecipunt, quam legum conditores, qui ea tantum ex naturae praeceptis excerpunt, quae ad civium tranquillitatem, et ad dirimendas controversias, necessaria sunt. Philosophi autem omnia honesta, quoad ratio perspicere potest, colligunt, etiam si quaedam non omnino necessaria sint ad pacem: ut ius publicum non cogit dare egentem, cui nihil debes. At Philosophus iubet te colere beneficentiam. Iura non ubique ingratos puniunt. Philosophi ubique praecipunt gratitudinem. Ex his intelligi potest, non pugnare Philosophiam cum Evangelio, imo ut legibus publicis obtemperare rectum est, ita rectum est et philosophicis praeceptis parere: et probantur praecepta ad Rom. 2. vocat enim Paulus veritatem Dei.

Differunt Christianae et Philosophicae virtutes.

Hactenus de doctrinae usu diximus, unde aliqua ex parte intelligi potest, quid inter virtutes ipsas intersit. Philosophicae virtutes sunt, quae honesta opera, et consentanea rationi, seu legibus foris expriment, et efficit haec humana voluntas suis ipsa viribus. Sunt autem hae in tanta imbecillitate naturae, et in his insidiis Diaboli exiguae: quare sentiendum est ita nostras vires efficere posse honesta opera, ut aegra corpora incedere possunt: haec enim et per se statim defatigantur et leviter impulsa cadunt. Ita humanae vires saepe affectuum vehementia superantur, saepe a Diabolo praecipitantur et ruunt. Nec Philosophia adversus haec ostendit efficacia

Philosophiae moralis. Nam physica quaerit caeteras causas hominis, philosophia moralis quaerit finem, et monstrat iter ad illum finem, quatenus et ipsa finem agnovit. Ita ex physica oriuntur disputationes philosophiae moralis, observent igitur studiosi ordinem propositionum. Primum ait esse aliquem finem. Deinde applicat oportere esse aliquem ultimum finem, in quo*) natura acquiescat. Postea docet hunc finem esse actionem virtutis. Tandem definit virtutem, et enumerat species et affinia. Hic dialecticus ordo observandus est.

Caput I.

In primo capite ait esse aliquem finem. Qui cum sit actio, discernit actiones. Quaedam sunt effectiones, post quas reliquum est opus, ut aedificatio, quam sequitur domus. Aliae dicuntur proprie**) actiones, post quas non manet reliqua manufacta, ut ita dicam, moles, ut belle, sobrie***), caste vivere. Tertio alii fines et aliae

remedia. Nam effectus eicere ex animo ratio non potest, ut amorem gloriae aut voluptatum, cohercere aliquantum potest, et quidem apparet saepe mirari Philosophos, unde tanta sit imbecillitas, tanta malorum affectuum saevitia in animis, hanc christianae literae docent ex peccato originis existere. Est enim maledictione divina debilitata natura, posteaquam Adam lapsus est, et de Diaboli insidiis solae christianae literae docent. Philosophi quoniam viderent quosdam designare immania facinora, et a communi natura abhorrentia, tamen auctorem flagitiorum tallum non viderunt. Poetas res ipsa coegit, quum nullam in natura causam tantae immanitatis viderent, dicere, tales agitari furis, ut in tragoediis apparet. Debet itaque nobis hoc quoque nomine charior esse doctrina christiana, quod tam clare ostendit nobis vitiorum humanorum causas. Deinde quod etiam remedium adversus illa exhibet, promittit enim Spiritum sanctum, qui gubernet et custodiat eos, qui confidunt Christo.

Christianae virtutes propriae sunt, timor Dei, fiducia erga Deum, diligere proximum, deponere voluptatum et gloriae amorem, castitas etc. Atque haec efficit in piis Spiritus sanctus.

Augustinus inquit se scripsisse alicubi hominem iustum esse, si vivat secundum optimam sui partem: id recantat deinde dicens, nondum esse iustum hominem, si tantum secundum optimam suae naturae partem vivat, sed si a Spiritu sancto gubernetur. Porro externam iustitiam postulat Deus ab omnibus, adeoque ab his etiam, qui non sunt renati ex Deo. Est igitur praestanda, ut saepe diximus.

Postremo non observent studiosi Philosophiam de moribus externis praecipere, Platonici imitatione Christianae doctrinae finxerunt *καθαριὰς* virtutes, quibus animi purgentur, sed illas nugae commentus est Diabolus, ut obscuraret doctrinam Christianam, et opinionem faceret imperitis doctrinam Christianam nihil differre a Philosophia, et rationis vires ad recte vivendum et ad omnes morbos sanandos satis esse.

*) quo] sic recte Ed. 1546.; Ed. 1545. qua.

**) proprie] sic Ed. 1546.; Ed. 1545. propriae.

***) ut ita dicam, moles, ut belle, sobrie,] sic Ed. 1546.; Ed. 1545. ut dicam moles, ut velle sobrie,

artes sunt angustiores, et serviunt potioribus, ut ars equestris servit arti imperatoriae. Nam imperatoria multo plura complectitur. Ars forensis servit politicae: nam politica complectitur forensem et senatoriam. Finis ethicae, videlicet*), bene et beate vivere, complectitur omnium aliarum fines. Ideo hanc vocat architectonicam, id est, gubernatricem et principalem artem, ut si quis dicat, religionem esse architectonicam iuris. Haec sunt exilia initia, nec affingendae sunt aliae quaestiones. Sed ut in geometricis initia sunt perspicua, ita hic nihil est obscuritatis. Ordo tamen propositionum observetur, et sciant studiosi primum hunc aditum ex physicis oriri, quae docent quatuor esse cuiuslibet naturae causas. Quaerunt igitur ad quem finem, sive ad quem praecipuum usum homines nascantur 2).

*) videlicet] sic Ed. 1546.; Ed. 1545. utinam.

2) Editt. 1530., 1532. et 1535. pro illis, quae verbis „De Textu” et „Caput primum” inscripta sunt, haec habent:

Argumentum primi libri.

Primus liber ethicorum docet esse aliquem finem, ad quem homines proprie conditi sint, eumque finem vocat foelicitatem. Colligit autem certa demonstratione finem hominis esse virtutem seu actionem virtutis, quia propria actio uniuscuiusque rei finis eius est, sicut solis illustrare mundum, finis est ac proprium opus. Hominis autem propria actio est, actio secundum virtutem. Nam voluptates sensuum sunt nobis communes cum pecudibus. Est igitur finis hominis actio secundum virtutem. Et in hoc argumento fere totus primus liber consumitur. Est autem iucundum videre, quomodo ratio deprehenderit virtutem optimum esse, et praefereendam esse omnibus voluptatibus, et omnibus vitae commodis, nec a virtute discedendum esse propter ulla quamvis magnas utilitates. Erit igitur haec, si Aristotelem sequemur, prima naturae lex virtutem esse finem hominis, seu virtutem prae omnibus expeti debere, atque hinc tota vivendi ratio petitur. Hinc apud scriptores multae sententiae trahuntur, qualis est haec apud Demosth. 1. Philipp. Ego enim existimo maximam necessitatem liberos turpitudinem seu dedecus ducere debere: et iurisconsulti inter iuris praecepta primum numerant honeste vivere, ut significant naturam nos docere virtutem, non propter utilitates ulla, sed propter sese, expetendam esse iustitiam, colendam esse, etiamsi nullae poenae in iniustos constitutae essent. Item utilitates omnes esse postponendas virtuti.

Est et hoc observandum, quod leges naturae sunt notitiae quaedam non affectus, imo ne obtemperant quidem his affectus. Nemo enim virtutem propter se expetit, sed praemiis aut poenis moventur omnes. Id significavit poeta. Et vix invenias multis e millibus unum, virtutem pretium qui putet esse sui.

Qua ratione Aristoteles sit tractandus.

Aristoteles exili quodam ac tenui genere orationis usus est, et de rebus non remotis a populari sensu, oratione utitur non omnino populari. Itaque saepe interpretes propter inscitiam sermonis de verbis rixantur, et non modo non explicant sententiam, sed magis etiam intempestivis illis verborum calumniis obscurant. Saepe, quam sententiam assequuti sunt, tamen quia non enarrant populari genere orationis, nec referunt haec praecepta ad communem sensum, et ad civilem vitae consuetudinem, e procl. tantum ostendunt rem, nec satis explicatam tra-

Caput II. 3).

Secundi capitis propositio est: Necessesse est, aliquem esse extremum et ultimum finem homi-

dunt, et plerisque locis vincere subtilitate Aristotelem certant, et sententias quamvis subtiliter propositas, magis etiam limare student, et quum id agere debebant, ne viderentur a communibus opinionibus prudentium abhorreere haec praecepta, isti ambitione quadam quam longissime student discedere a captu aliorum hominum. Ita fit nae intelligendo nihil ut intelligatur, et philosophia non ad iudicandas civiles actiones comparata videatur, sed videatur ludus quidam esse otiosorum hominum in scholis altercantium. Nos vero pro viribus dabimus operam, et ut populari genere sermonis, et velut pingui Minerva, ea quae sunt ab Aristotele subtilius tradita explicemus, efficiamusque, ut non longissime a vulgi intellectu posita videantur. Sic autem facilius intelliguntur haec, si saepe communem sensum consulunt auditores, et cogitant ad quem usum haec praecepta inventa sint, quomodo a natura orta, et a prudentibus animadversa sint ad formanda iudicia hominum de moribus. Eius rei subcliam exemplum. Aristoteles finem hominis esse virtutem seu virtutis actionem, scribit, quod cum hoc modo technici dicunt, ab hominibus imperitis non satis intelligitur. Est enim gravissima sententia quaeque in omni vita latissime patet, breviter et subtilibus verbis tradita. Erit autem magis perspicua, si quis civiliter explicet, et ostendat eo pertinere hanc sententiam, quod natura humana statuat ac iudicet nihil esse melius virtute, nec unquam ab honestate propter utilitates ulla discedendum esse, nec voluptates ulla esse contra honestatem amplectendas. Nullis periculis propositis, nullis cruciatibus ab honesto deflectendum esse. Recte igitur Regulus fecit, quod ad supplicium redire, quam violare iusiurandum maluit. Praeclare Papius, quod mortem oppetere, quam principis parricidium defendere maluit. Melius Scaevola fecit, etiamsi in illo foco, in quo ambusta manus est, consumptus esset, quam Vitellii, qui patriam tyranno expulso prodiderunt, etiamsi licuisset illis restituto tyranno in patria molliter vivere. Haec enim naturae vox in intimis scripta sensibus animorum nostrorum semper hortatur nos, ne quas utilitates aut voluptates virtuti praeferamus. Et hic totus locus quam late pateat, in omni vita facile est iudicare. Est autem copiose in quinto Tuscul. Quaest. et in tertio Officiorum tractatus. Tot tantasque res complexus est Aristoteles uno versiculo, tanquam oraculo aliquo, quum inquit, virtutem esse finem hominis. Id autem quomodo colligat, supra indicavimus, et paulo post repetemus. Si quis ad hunc modum civiliter explicet Aristotelis sententias, et iuxta proverbium *κατὰ κοινῶς* dicat, multa clarius intelliguntur ac percipiuntur. Nobis hic satis est exemplum aliquid eius rei ostendisse. Alii quibus otium est, similes sententias copiosius explicant. Hinc etiam apparet sine eloquentia Philosophiae lumen deesse. Fortasse profuerit etiam conferre tales locos ad christianam doctrinam, quae docet non tantum haec civilia officia fines esse. Sed nos conditos esse ad gloriam Dei, et ut cognoscamus Deum, sed haec alias.

Sicut in aliis artibus a notissimis, et communissimis incipitur, ita Aristoteles et hic a manifestis principiis exorsus, paulatim ad obscuriora progreditur, sicut geometria a communibus sententiis orditur omne quantum dividi potest. Totum est maius parte physicus initio docet quatuor elementa esse, ita principio docet Aristoteles, omnium rerum et actionum aliquos esse fines, et unicuique rei suum finem, tanquam bonum quoddam esse, sicut terrae locum deorsum, igni sursum, militi victoriam, mercatori lucrum.

3) In Editt. 1530., 1532. et 1535., quarum verba ab his valde differunt, h. l. inscriptio legitur: In secundum caput.

nis, quem praecipue oportet expeti, nec contra eum quicquam agi, et eas actiones suscipi, quae ad illum finem quadrant. Haec cum ita communiter dicuntur, subobscura sunt. Sed cum causae investigantur, et communis vita inspicitur, et exempla adduntur, aliquid lucis accedit. Medico finis est sanitas humani corporis. Hunc finem praecipue expetit, et molitur ea, quibus defenditur aut restituitur sanitas. Ita ultimus gradus bonorum seu finis semper in conspectu esse debet, ut consilia et actiones gubernet. Postea vero de fine hominis nominatim dicetur, quem Aristoteles constituit esse beatitudinem, quam interpretatur actionem virtutis. Lex divina constituit finem, agnoscere Deum, et obedire Deo, ut suo loco dicetur. Hi fines sunt metae, a quibus non discedendum est in actionibus, et ex hac regula iudicium sumitur de actionibus. Recte fecit Regulus⁴⁾, quod ad supplicium redire maluit, quam datam fidem fallere. Recte fecit Ioseph, quod periculum famae et vitae adire maluit, quam adulterium committere.

Haec copiose disseri possunt, et saepe ex hoc fonte sumitur splendida oratio. Igitur locus observandus est, qui hic breviter et nude proponitur. Sed cum illustratur oratione, fit conspectior. Idque infra fiet, ubi monebimus quid intersit inter Aristotelis dicta, et coelestem doctrinam de fine hominis. Monebimus item singula praecepta, cruta demonstratione, esse leges naturae et divinas.

Secundo, quod hic ait Aristoteles: finem hominis pertinere ad politicam doctrinam, seu sapientiam politicam: phrasis est ex Platone⁵⁾ sumpta, nec intelligatur politica tantum de administratione magistratuum, sicut infra nomine *politices* utitur Aristoteles in libris Politicorum. Hic vero more Platonis loquitur, qui in genere politicam vocat communem quandam doctrinam, quae alioqui vocatur generali nomine *practica*, quae videlicet efficit honestos viros, bonos cives et gubernatores. Et quaerit Plato, an hanc tradant oratores aut philosophi.

Aristoteles hoc loco admonet hanc ipsam ethicen vere esse eam politicam, seu practicam, quae principaliter privatos mores et publica officia regit, et attribuit philosophis hanc doctrinam,

4) Conf. supra p. 169. nota 6.

5) Phrasis πολιτικὴ ἐπιστήμη reperitur in Plat. Polit., op. ed. H. Steph. T. II. p. 303. E.

sicut Plato, ac partes facit, gubernationem privatorum morum, senatoriam sapientiam, forenses artes.

Omnium enim harum partium actiones referendae sunt ad ultimum finem, ne quid contra virtutem fiat. Ideo haec doctrina ethica, communis est, seu superior, et finis praestantior fine singularum inferiorum artium. Ars igitur, quae de hoc fine concionatur, vere est illa vetus politica, quam Prodicus⁶⁾, Gorgias⁷⁾, Cicero, oratoribus attribuebant, Plato et alii philosophi vindicarunt philosophis. Hoc certamen breviter hic attingit Aristoteles.

Caput III.⁸⁾

Tertium caput est admonitio obiter adiecta de certitudine doctrinae moralis, videlicet, quod non sint ubique flagitandae demonstrationes, ut in geometricis. Quanquam enim fontes habent aliquas demonstrationes, ut ars medicorum, tamen postea multa praecepta tantum nituntur verisimilibus argumentis. Et hac diligentia opus est studiosis in omnibus disciplinis, ut quaerant demonstrationes quantum fieri potest, et discernant certa ab incertis. Porro ut sunt principia, quae gubernant speculabilia, ut omnes lineae ductae a centro ad circumferentiam eiusdem circuli sunt aequales: ita sunt principia moralia, quae gubernant vitae actiones, ut, homo nascitur ad civilem societatem, et hanc tueri debet.

Sed quaestio est, qui fiat, ut maior existimetur certitudo esse speculabilium⁹⁾ quam moralium. Omnes magis huic propositioni assentiuntur: Bis quatuor sunt octo, quam his: Pacta sunt servanda, Mendacium fugiendum est, Adulterium vitandum est. Respondeo: Bona mens sciat parem esse certitudinem principiorum speculabilium et practicum. Tam oportuit assentiri his propositionibus: Deus est timendus, Adulterium est vitandum, quam huic: Bis quatuor sunt octo. Quod autem videntur practica flexibiliora, fit propter morbum originis.

6) Prodicus, Cous, sophista insignis, Socratis aequalis.

7) Gorgias, Leontinus, sophista et orator celeberrimus, qui Athenis arte oratoria Isocratem, Periclem aliosque instituit.

8) Editt. 1530., 1532. et 1535. non solum inscriptione: Scholia III. Capituli, sed etiam scholiis ipsis ab hac Edit. 1546. valde differunt.

9) [speculabilium] sic Ed. 1645.; Ed. 1546. spectabilium.

Retinemus notitias utcumque, sed cor non obtemperat. Ideo rapitur voluntas diversis affectibus, ne tam firma sit assensio, sicut in speculabilibus, ut quotidie experimur, adfectibus impediri vera iudicia. Cum autem ingeniosi homines nescientes causam humanae infirmitatis, viderent morum humanorum dissimilitudinem, viderent alicubi manifesta vitia probari ut Aegyptii ducebant sorores, Scythae mactabant senes parentes. Viderent item multis virtutem exitio esse, quaerebant, utrum virtus re ipsa et natura bonum sit, an opinione.

Sed ut ante dixi, certa esse principia speculabilia, sic verissimum est certa esse principia practica, et multas esse demonstrationes practicas. Hinc vetus est illud Euripidis:

αἰσχρὸν τὸ αἰσχρὸν καὶ δοκεῖ καὶ μὴ δοκεῖ.

Quod autem flexibilia sunt practica, et facile contra iudicium mentis vitiosi mores recipiuntur, causam praecipuam monstrat sola doctrina divinitus tradita, quae concionatur de morbo originis, de imbecillitate humani cordis, et potentia Diaboli. Haec mala rapiunt mentem, ne sic adsentiatur practicis, ut assentimur speculabilibus. Estque hoc loco apud Aristotelem diligenter observanda haec quaestio, qui fiat, ut practica flexibilia sint speculabilibus, et, an practica habeant demonstrationes, an virtus re ipsa et naturae ordinatione bonum sit.

Caput IV.⁹⁾

Hic redit ad principale negotium. Ut autem a communissimis sententiis exorsus est: ita progrediens, iam illum finem hominis, quem quaerit, nominat, ac nominat tantum, nondum rem definit. Dicit enim finem hominis vocari, et esse beatitudinem. Sed quae res sit, quae efficiat vere beatos, hoc est, quid sit ultimum, in quo acquiescat hominis appetitio, hac de re semper magna est et erit opinionum varietas. Mirum est autem homines videre fines aliarum rerum, ut, frugum, herbarum, armentorum, domesticum vero finem suae naturae non agnoscere. Imo vero maxime in conspectu proprius finis esse debebat. Ac impossibile est hominis naturam ita conditam esse, ut, cum sciat alienos fines, suum ignoret.

9) Edit. 1530. 1532. et 1535.: Scholia capitis IV. (Haec ab Edit. 1546. differunt.)

Fulisset igitur illustris notitia de fine, si hominis natura mansisset integra. Manet autem nunc quoque ea notitia, tametsi obscurior, et accedit affectuum contumacia, quae facit, ut minus extent, emineant, aut conspiciantur notitiae illae, alioqui obscurae. Mens enim monstrat finem esse, Deo obedire, et eum celebrare, ut infra copiosius dicitur. In his materiis animadverti potest prodesse collationem ethices et doctrinae christianae. Monstrat enim doctrina christiana causas, cur hos locos philosophia non satis explicet, seu cur humanae mentes de fine dubitent. Et philosophiae obscuritas in his materiis significat alio genere doctrinae perfectiore opus esse. In fine rursus inserit memorabile praeceptum, quod via docendi duplex sit, aut a prioribus iter est ad posteriora, aut e contra.

Utimur autem saepe in omnibus disciplinis utraque via, sed saepius a posterioribus doctrinae inchoantur. Quia primum effectus et sensibilia se offerunt humanae cognitioni. Haec ex Dialecticis satis intelligi possunt.

Est autem duplex docendi via, altera, cum nuda praecepta sine causis traduntur. Ut, medicus tradit praeceptum laboranti febribus non esse bibendum vinum. Talia nuda praecepta vocantur τὸ ὄτι, id est, quod ita sit. Sic tradunt praecepta sine causis: Decalogus, Hesiodus, Phocylides¹⁰⁾.

Altera via est, cum adduntur causae, quam vocant δι' ὅτι, id est, propter quod. Monet autem Aristoteles principio tradendum esse τὸ ὄτι, et confirmandum assuefactione, sicut fit in institutione puerorum. Nam omnes prudentes tradunt primum nuda et communia praecepta, et ad haec adiungunt honestam disciplinam. Cognitis autem his praeceptis, postea prudentiores facile inveniant causas, ut, iuvenis audit cavendas esse imputationes legum, aut turpe esse foenus exercere, tenet igitur τὸ ὄτι. Sed peritior considerat causas. Qui vero nondum norunt causas, interim intueantur animis praecepta, et his obtemperant. Sicut Hesiodus discernit gradus hominum, et iubet imperitos parere legibus, et aliis honestis admonitionibus. In hanc sententiam apposite citantur versus, quorum haec est sententia:

Qui nullo monitore potest facienda videre,
Quaeque decent, quaeque eventus in fine secundos,

10) Phocylides, e Mileto ortus, poeta gnomicus.

Sunt tandem paritura, suisque obtemperat ipse
 Consiliis, mores vera ratione gubernans.
 Anteit hic alios virtute et laudibus omnes.
 Sunt alii minus ingenio plerique sagaces,
 Qui parere tamen curant meliora monenti;
 Laudandos inter recte numerantur et isti.
 Sed qui nec sapit ipse nec audit recta monentes,
 Nec patitur frenos, nec legum vincula curat:
 Sed pronus sequitur quo traxit caeca libido,
 Hic malus ac odio dignus ducatur, et idem
 Accerset poenas sibi tandem et tristia damna.

Caput V.¹¹⁾

Dictum est supra, cum in mentibus humanis maxime deberet lucere notitia de fine, tamen propter caliginem et affectuum contumaciam dubitari de fine. Recenset igitur nunc diversas opiniones. Has ut distribuatur aliquo modo, constituit tria vitae genera, sumens partitionem a communibus hominum exemplis. Magna pars vivit beluino more, nihil nisi voluptates quaerens. Nominat igitur primo loco voluptariam. Alii praestantiores vivunt in gubernatione aut militia. Hoc vitae genus nominat politicum. Alii suavitate et bonitate doctrinae moti, omissis negotiis imperiorum, et parcius fruenter voluptatibus subierunt discendi labores, aut docendi, ut Pythagoras, Plato et similes. Hanc vitam vocat contemplativam.

Fortassis autem commodius est nominare studiosam. Quamquam autem variae opiniones recitantur de fine hominis, tamen pleraeque congruunt re ipsa, ac duae sunt praecipuae re vera dissidentes, videlicet, utrum voluptas sit finis an virtutis actio. Qui sint autem fontes huius controversiae, postea dicitur. Nunc monendus est lector in hunc locum invectam esse disputationem a monachis de duobus vitae generibus, activo et contemplativo. Activum vocarunt gubernationem, contemplativum intellexerunt otium in studiis. Ridiculum autem fuit hic quaerere, utrum sit praestantius. Otium enim etsi est dulcius, tamen actiones anteferendae sunt. Et qui in actionibus, hoc est, in gubernatione versantur, hos necesse est adiungere studia. Et melius est su-

11) Quae in hoc capite tractantur, in Editt. 1530., 1532. et 1535. capiti quarto annexa sunt his verbis inscripta: „Quid sit felicitas.“ et „De vita contemplativa.“ quae ratione ab Editt. 1546. valde diversa h. l. explicantur.

mere genera vitae ex decalogo. Primum mandatum pariter ab omnibus requirit obedientiam erga Deum. Haec vita debet esse communis omnium. Deinde discernuntur vocationes, quarum aliae serviunt animae, aliae corpori. Alia est gubernatio ecclesiastica, alia politica, senatoria, seu castrensium, alia oeconomica. Ad senatoriam pertinet vita studiosa.

Habent autem singula genera suam laudem, et exercitia virtutum egregia, quorum omnium unus communis finis est, ut Deo obediamus, singuli in sua vocatione. Et in singulis sunt actiones et afflictiones, quae studium et meditationem requirunt, et discere ac docere, sunt actiones. Esaias cum docet, habet suas actiones, quas conferens ad communem utilitatem, est iustus civis, sicut iustus senator, aut iustus iudex. Idem de discende sentiendum est, et cum ait Christus (Luc. 10, 42.): Maria optimam partem elegit, non voluit otiosam esse, sed cognita doctrina, voluit illam proferri*) in confessione. Praetulit autem Mariam, et discendi ac docendi actiones, Martha occupationibus, id est, negotiis vitae corporalis. Et multa significata sunt. Saul angitur animo, excruiatur magnis sollicitudinibus, multa molitur, multa parat, ut solet mens humana non ardens fide. Et tamen minus efficit Saul quam David. Econtra David non accersens sibi occupationes, sed oblatas in fide suscipiens, magnas res efficit. Significata sunt et alia vicina. Martha multa conans et moliens, significat populum legis. Maria audiens Evangelium, significat alios praestantiores cultus, id est, fidem, et Evangelii confessionem, et militiam multo maiorem militia legis. Haec breviter attigi, ut studiosi prudentius iudicent de vulgatis partitionibus generum vitae.

Caput VI.¹²⁾

Certum est Platonem ubique vocare ideas perfectam et illustrem notitiam, ut, Apelles habet in animo inclusam pulcherrimam imaginem humani corporis, Archimedes imaginem *αὐτομάτων* motuum coelestium. Ac de caeteris artificibus eodem modo dici potest. Idem vult, cum hic ait, ideam boni quaerendam esse, et hanc magnificis encomiis praedicat, idque cur faciat,

*) proferri] sic Ed. 1546.; Ed. 1545. sparsa.

12) In Editt. 1530., 1532. et 1535. non modo expositio ipsa, sed etiam numerus capitis differt, quod inscriptum est: Scholia Capitis V. De Ideis.

postea intelligi poterit. Admonet sine doctrina non perfectam esse virtutem. Est igitur idea boni et hoc loco illustris cognitio, in qua cernitur pulchritudo virtutum, et firma est assensio animi amplectentis veritatem, et fontes perspicientis, ciens acres amores virtutis, ac tantos, ut virtus anteferatur voluptatibus corporis, imo ut ipsa virtute, nihil animo dulcius sit. Haec ita copulata, vocat Plato bonum universale, ut, Scipio videt quantum decus, quanta pulchritudo sit defensio patriae, legum et disciplinae, contra hostem barbarum, crudelem, impudicum, et firma assensione incitatus, accenditur acerrimo studio rei tantae suscipiendae. Estque ei iucundum suscipere et perferre hos labores, sicut Achilles interrogatus ab Aiace, quos labores omnium difficillimos pertulisset, responderat: pro amicis. Ac rursus interrogatus, qui labores ei iucundissimi fuissent, dixerat, eosdem fuisse iucundissimos. In tali animo lucet notitia virtutis magis, quam in caeteris, et acerbis stimulis pectus exuscitat. Hanc ardentem notitiam Plato vocat ideam boni, ut satis perspicue suam sententiam in sexto de republica et in Philoebo declarat. Nec dubium est Aristotelem intuentem animo in eos locos, cum haec scriberet, voluisse lectori iudicium suum significare. Quaerat autem aliquis: Quid sit absurdi in Platonis sententia, si verba dextre accipiantur. Respondeo: Re ipsa nihil esse absurdi, nec multum a sententia Aristotelis discrepare. Sentit Plato virtutes regendas esse vera et solida eruditione, et vituperat eos, qui putabant vulgares et ineruditas opiniones sufficere. Ac requirit firmam assensionem, quae exuscitat ad recte agendum, et parit in recte factis voluptatem, haec coniuncta sensit summum bonum hominis esse. Cumque non loquatur de otiosa notitia Plato, nec Aristoteles de virtute, quae non *) regitur vera doctrina, satis apparet propemodum sententias congruere.

Cur igitur reprehenditur Plato?

Quaedam improprie et confuse dicuntur in illa idea boni. Est autem Aristoteles amans proprii sermonis, quo in docendo uti praecipue necesse est. Deinde fortassis illa toties repetita querela Platonis displicet Aristoteli, in qua Plato significat, finem hominis non satis notum esse. Cum dixisset in sexto de republica maximam ac

*) non] sic Ed. 1545.; in Ed. 1546. deest.

praecipuam doctrinam esse gubernatori ideam boni, nec sine ea posse regi civitates, addit postea, non posse eam satis perspicere. Ac rursus sapientissime dicit: omnis anima appetit quoddam ultimum bonum, quasi vaticinans aliquod esse. Sed tamen non satis apprehendere potest, nec firmam de eo habere assensionem, et deinde inquit ita cerni, ut vel magnitudines¹³⁾ vel umbrae figurarum in aqua cernuntur.

Haec caligo humana et inconstantia assensionis saepe a Platone merito deploratur, etsi causam harum tenebrarum ignorabat. Sed Aristoteles has querelas non magnificat, nec vult homines de fine ambigere, et fortius asseverat, sentit non ignotam esse finem hominis, nec notitiam esse finem, sed actionem virtutis. Denique apparet praecipue ei displicuisse illam vocem: non posse ornari civitates sine illa idea, cum quidem ipse iudicaret illos *) de idea sermones improprios et confusaneos esse.

Exposui summam disputationis Platonicae de idea boni. Nunc ordine recitabo Aristotelis argumenta, quibus refutat Platonem. Etsi autem non attendenti quo referenda sint, et ignorantiam Aristotelis, videntur obscura, tamen facile intelligentur, si quis viderit hoc agi ab Aristotele, ut improprie et confuse dicta reprehendat. Plato toties dicit, nec virtutem nec voluptatem finem esse, sed ideam boni, quam imaginatur complecti virtutem et voluptatem. Deinde sua quadam grandiloquentia praedicat ideas, dicit esse perpetuas, nec esse singulare, sed tantum abstractas imagines, ut, fortitudinis ideam, dicit esse perfectam, non qualis est in Catone vel Caesare. Semper in singularibus aliquid est imperfectionis. In Catone fortitudo propius ad inutilem pertinaciam accedit. In Caesare propius ad temeritatem, seu violentiam. Vult igitur Plato suas ideas esse imagines abstractas, quae sic sunt perpetuae, sicuti definitiones a dialecticis dicuntur esse perpetuae.

Iam videamus Aristotelis argumenta. Primum est: Diversarum specierum non est una communis idea, ut leonis et asini.

Diversissimae sunt species honorum, honestum, utile, suave.

Non est igitur una idea boni, continens virtutem et voluptatem, ut imaginatur Plato in Phi-

13) magnitudines] sic Ed. 1546.; Ed. 1545. magnitudinis.

*) illos] sic Ed. 1545.; in Ed. 1546. deest.

loebo. Maiorem probat Aristoteles ex dicto Platone, qui ipse negabat ideas esse, ubi est prius et posterius. Id hic eo accommodat, ut sequens textus ostendit, ut significet diversarum specierum non esse unam ideam, sicut binarii et ternarii non potest esse una idea, quia sunt diversae species. Vides reprehendi confuse dicta, erat explicatius dicere, virtus est finis, aut virtus coniuncta cum voluptate est finis, quam fingere communem et universalem ideam boni convenientem virtuti et voluptati. Talis nulla una notitia aut imago concipi potest, praesertim in hac discordia nostra, in qua pugnat voluptas cum virtute. Quare illa idea est inane vocabulum, cui nulla res subest. Ideo Aristoteles taxat has verborum praestigias, quae non monstrant res certas in communi vita. Idem prorsus vult secundum argumentum, quod quidem a priori nihil opus est divelli.

Aequivoci non est una communis idea. Bonum aequivoce dicitur de bono naturali, honesto, utili, suavi: ergo nequaquam est una communis idea.

Maior est manifesta. Quia diversarum specierum diversae sunt imagines, ut in praecedenti argumento dictum est. Nec est una notitia, seu definitio, corvi et avis, corvi et piscis.

Minorem probat. Quia nequaquam est una notitia, seu definitio mentis, quae est bonum naturale, et virtutis, quae est bonum honestum, et pecuniae, quae est bonum utile, et dilatationis nervorum, quae est delectatio in contactu. Ideo inquit, diversorum bonorum diversas artes, et diversa praedicamenta esse, quia notitiae sunt diversae. Deinde absurditatem, seu inane vocabulum exagitat. Plato discernit inter speciem abstractam, quae est perfecta imago, et aliam vulgarem imaginem. Aliud est ei *αὐτοάνθρωπος* seu *αὐτοαρετή*, aliud *ἄνθρωπος* seu *ἀρετή*. Quid voluerit, iam dixi, vult ideam, ut fortitudinis, esse perfectam imaginem, non qualis est in Catone. Ideo abstractam vocat *αὐτοανδρείαν*. Sed Aristoteles deridet affectationem, seu novitatis, seu subtilitatis inanem, ac ait idem significari his vocibus *ἄνθρωπος* et *αὐτοάνθρωπος*.

Obiter inserit dictum Pythagoricum¹⁴⁾, quod antefert ideae Platonicae. Deinde redit ad alte-

14) Ab hoc dicto, quod Aristoteles §. 7. huius capituli affert, explicando incipiunt in Editt. 1530., 1532. et 1535. Scholia capituli VI.

rum argumentum refutationis. Pythagoraei dixerunt summum bonum esse unum quiddam, id magis probat Aristoteles, quam imaginationem de idea communi bonorum. Nec dicit quid voluerint Pythagoraei, nec nos curiose scrutabimur, quia sententiae Pythagorae fuerunt variis involucris tectae. Etsi autem interdum figuris et symbolis omnes ingeniosi delectantur, tamen modus quidam sit, et non sit nimia obscuritas, dogmata sint perspicua, et proprie dicta, et *ἔσθλόν τὸ σαφές*, inquit Euripides¹⁵⁾, id est, perspicuitas est generosi animi indicium. Quare fugiamus verborum latebras et amemus perspicuitatem praesertim in docendo. Non dubito autem Pythagoram hac unitate intellexisse Deum, quem sensit esse unicum et summum bonum, causamque boni, id est, rerum bonarum, sicut definitio sonat, quae tribuitur Speusippo¹⁶⁾: Deus est mens aeterna, causa boni naturae seu rerum. Ut autem oculis lucem summum bonum esse dicimus, ita menti humanae summum bonum esse veteres philosophi dicebant, frui Deo, id est, agnoscere Deum, et ei parere. Videbant enim mentibus humanis insitam esse quandam legis notitiam, quae monstrat esse Deum, unum conditorem rerum, bonum, iustum, vindicem, monstrat item discrimina honestorum et turpium, docetque Deo in hoc delectu obtemperandum esse adprobanti honesta. Talia disserebat vetus philosophia de Deo et de summo bono. Ideo cum Pythagoras inquit: In ordine bonorum summum esse quiddam, de Deo locutus est. Hunc sensit unicum esse, et homines frui suo bono, cum hunc agnoscunt, et ei obtemperant. Haec est legis doctrina, quae aliquo modo naturaliter nota est, quae, quomodo discernenda sit a promissione Evangelii, alias dictum est. Alii symbolum Pythagorae civiliter intelligunt, unum esse summum bonum, id est, certum, certa ratione circumscriptum, sicut dicitur: Iustitia est constans et perpetua voluntas¹⁷⁾, id est, certa et perpetua ratione seu norma circumscripta, quia vitia

15) Eurip. Iphig. Aul. 560. Ἐσθλὸν σαφές αἰεί.

16) Speusippus, Eurymedontis et Potones, sororis Platonis, filius, in avunculi mortui locum in Academia successit, quem autem post octo annos ob valetudinem infirmam Xenocrati concessit. A. 348 a. Chr. mortuus est. Scripta ab eo relicta Aristoteles trium talentorum pretio emit.

17) Cic. Philipp. XIII. c. 6. §. 12.

sunt confusi et errantes impetus, ut ait Lucretius¹⁸⁾ de amore:

Fluctuat incertis erroribus ardor amantum.

Haec interpretatio symboli satis concinna est, et admonet*), ut unum finem, quem ratio praescribit, eligamus, et ut consilia et actiones inter se consentiant, et congruant ad illum finem. Sed haec diligentia rara est. Scipioni unus finis erat propositus, ut prodesset patriae. Ideo foris fuit acer, domi modestus. Marius diversos fines intuebatur, nunc serviebat utilitati publicae, nunc ambitioni, et videmus quotidie exempla inconstantiae consiliorum in illis, qui non dirigunt vitam ad unam veram normam, ut Ecebolus in gratiam Constantii ex ethnico fiebat Christianus, rursus sub Iuliano ethnicus scripsit contra Christianos, deinde sub Valentiniano rediit ad Christianos. Etsi autem haec interpretatio symboli, taxans vagos impetus, non est absurda, tamen fortassis prior interpretatio de Deo verior est. Nam vetus philosophia erat studiosa investigatrix Dei, et plura de providentia disserebat, quam recentior, ut multa exempla possent recitari. Plato inquit: Ita recte philosophabimur, si Deum, quantum homines assequi possunt, agnosceremus.

Τοῖς δὲ λεχθεῖσιν.]¹⁹⁾

Redit ad alterum argumentum refutationis, ut longiori enumeratione ostendat non posse una idea seu imagine comprehendi diversas et dissimiles boni species. Estque haec summa sententiae, etiamsi Plato loqueretur tantum de bonis, quae propter se ipsa expetuntur, tamen nec horum est una idea, ut, sapientiae, visionis, voluptatum, honorum. Si enim una esset idea, oporteret haec, quae tamen plurimum differunt eadem ratione, seu eodem modo, dici bona. Sed constat aliter sapientiam, aliter honores dici bonum. Quare non est una idea. Deinde addit boni appellationem diversis speciebus competere quadam vicinitate seu *ἀναλογία*, hoc est, metaphorice, ut, virtus dicitur proprie bonum, quod secundum rectam rationem naturae convenit. Deinde communicatur appellatio caeteris, quae hoc bonum adiuvant, vel sunt instrumenta, ut res utiles, pecunia, imperia. Ergo etsi bonum de multis dicitur, tamen id fit quadam metaphora,

18) Lucret. de rer. nat. IV. 1070.

*) admonet] sic Ed. 1546.; Ed. 1545. monet.

19) Aristotelis verba Eth. Nic. I. I. c. 6. §. 8.

quae est aequivocatio consulto facta, nec est aequivocatio fortuita. Caeterum facilis et puerilis doctrina est de discrimine aequivocorum, quorum alia vocat Aristoteles a consilio, id est, consulto facta, ut sunt omnes metaphorae, ut, canis pro animante, et canis pro stella, fasces pro virgis colligatis, et fasces pro imperio. Alia aequivoca fortuita vocat a casu, ut, pullus significat nigrum, et significat recens natum, seu volucrem, seu catulum, iura, de legibus et de offis.

Quartum argumentum refutationis hoc est. In philosophia quaeritur bonum, quod assequi homines non monstrosi, mediocri conatu possunt. Illa idea boni, seu imago, quam pingit Plato, separatam a singularibus, non potest a nobis effici, nec aliunde attrahi, ergo frustra quaeritur: Si Plato sensisset ideam, et universalem quandam imaginem vere existere extra mentes, seu cognitionem, iure Aristoteles exagitasset hoc somnium. Sed quid Plato senserit, supra dixi. Et has *λογομαχίας* volens relinquo. Fontes potius disputationis considerentur. Plato videns caliginem humanae mentis, agnoscit aliquo modo infirmitatem humanam, et requirit boni notitiam illustriorem et firniorem, et ardentiores impetus ad virtutem. Sed Aristoteles non plus requirit, quam quantum haec natura praestare et efficere potest. Quia iudicat eam integram, et non vitiosam esse. Sic enim ratio hominis in hac infirmitate existimat. Et recte hic dicit: hominem non posse assequi illam lucem, de qua Plato disserit: Si quis hoc modo consilium utriusque considerat, et figuras sermonis in utroque intelligit, facile potest hanc controversiam in utroque diiudicare.

Τάχα δὲ τῷ δόξειεν.]²⁰⁾

Addit obiectionem Aristoteles, etiamsi non potest effici idea illa, tamen cognitio eius utilis esset, ut exemplar, ad quod dirigerentur actiones. Sicut prodest pictori cognitio perfectae formae, etiamsi eam effingere non potest. Videt enim vulgaris pictor ubi deerret. Ita prodest oratori cognitio perfectae formae orationis, etiamsi non assequitur eam. Sic inquit: Fortassis prodesset cognitio perfectae virtutis, ut eam aliquo modo imitaremur. Assentitur autem Aristoteles dictum Platonis non esse absurdum, si in hanc

20) L. I. c. 6. §. 14.

sententiam accipiatur. Sed taxat improprium sermonem. Ait non dialectice unam ideam tot diversarum specierum constitui. Deinde ait, cum agens versetur circa singularia, non sufficere ei cognitionem universalis imaginis, sed singularia cognoscenda esse, ut, medico non satis est cognoscere quid sit sanitas, sed quae sit huius corporis sanitas.

Enarravi omnes partes huius capituli perspicue, ut mihi quidem videtur, et indicavi quid uterque spectaverit. Plato requirebat in homine firmiorem assensionem de virtute, et acriores motus. Aristoteles non plus requirit, quam quantum haec natura mediocriter praestare potest. Ac, ne sine fructu hoc caput legat auditor, meminerit hic Platonis dicta de caligine humana, quae supra citavi, ubi ait, quasi vaticinando homines quaerere bonum, in quo acquiescant, sed non habere satis firmam assensionem de virtute.

Caput VII.²¹⁾

In capite septimo tantum otiosa repetitio continetur. In qua rursus discernit medios fines ab ultimis, et observandum est etiam unius actionis saepe multos esse fines, seu concurrentes, seu aliqua serie ordinatos, ut, paterfamilias facit operas, ut sibi et liberis victum quaerat. Hunc comitatur et hic finis, ne propter inopiam ipse, aut liberi turpes quaestus sectentur etc.

Miles militat cum stipendii causa, tum propter defensionem patriae et religionis. Paulus est temperans, quia intemperantia adfert morbos, incendit libidines, iram, impedit precationem, studia, consilia, administrationes negotiorum. Denique per se etiam displicet Deo, ac prodest observare concurrentes fines eiusdem actionis. Cum autem de summo aut ultimo bono disseritur, quaerendus est finis summus et ultimus. Ultimus autem finis et summus nominatur beatitudo. Hunc aliqui vocaverunt statum, cui nihil deest. De hac appellatione breviter hic^{*)} disserit. Nam infra ad eam redibit.

De capite octavo.

Nunc primum inchoat disputationem de rebus ipsis, et quaerit non de nomine, sed de re,

²¹⁾ In Editt. 1530., 1532. et 1535.: Scholia capituli VII. ab his valde differunt.

^{*)} hic] sic Ed. 1545.; in Ed. 1546. deest.

quae res sit beatitudo, ut constituat definitionem indicantem, quid rei. Hanc quaerit erudite ex gradibus actionum humanarum, quia in qualibet re actio propria est eius finis. Enumerat igitur gradus actionum et virium hominum. Primus gradus est generis vegetativi, quod commune est cum plantis. Secundus sensuum, qui communes sunt cum brutis. Tertius rationis seu mentis et voluntatis. Harum partium ordinata et praecipua actio, finis est hominis, videlicet praecipua actio mentis et voluntatis. Et inter ordinatas prima est vero rationis iudicium, agnitio Dei, et obedire Deo in observando discrimine honestorum et turpium, ac referre caeteras virtutes et obedientiam, eo, ut Dei agnitio patefiat et celebretur, sed Aristoteles in hac caligine humanae mentis, de iis virtutibus maxime loquitur, quae in hac communi societate exercendae sunt erga homines. Observandum est autem argumentum ipsum Aristotelis, quia vere et demonstrative refutat Epicuri deliria²²⁾ de voluptate. Deinde singula membra definitionis suo more colligit. Primum erat de genere. Beatitudo est actio rationis in homine. Hic usus est hac demonstratione. Propria actio hominis est beatitudo. Actio rationis est propria hominis. Ergo beatitudinem oportet esse aliquam rationis actionem. Postea atexit aliud membrum, scilicet differentiam. Beatitudo est actio rationis secundum virtutem.

Demonstratio haec est.

Inter actiones rationis praestantior et ordinata est beatitudo.

Actio secundum virtutem est praestantior et ordinata.

Ergo haec est beatitudo.

Ac satis apparet hanc differentiam necessario adiectam esse. Ut enim musici finis est recte et certa quadam arte canere, non absurdum quiddam et dissonum sonare; arithmetici est recte numerare, non conturbare et confundere multitudinem: sic in ratione quaerenda est actio ordinata certis quibusdam regulis. Inde haec demonstratio oritur. Principiis natura notis, quia certa est eorum veritas, obtemperandum est, ut, necesse est arithmeticum sequi natura notam numerationem. Principia practica naturae indita sunt, ut regant actiones. Ergo his obtemperan-

²²⁾ deliria] sic recte Edit. 1546.; Ed. 1545. delicia.

dum est. Unde et hoc sequitur, ordinatas actiones praestantiores esse, quam alias actiones, quae ab his notitiis naturalibus dissentiunt. Porro cum Aristoteles nominat actionem secundum virtutem, intelligit actionem, quae recta ratione gubernatur, quam aliquoties iam vocavimus ordinatam, ut postea latius dicetur.

Addita est tertia particula: Secundum omnes virtutes, aut praecipuas et confirmatas, et in vita perfecta. Etsi enim in Nerone erant inchoatae virtutes, tamen quia non fuerunt durabiles, sequentium flagitiorum foeditas turpissime eum deformavit. Ut autem sit firma virtus, et adsuefactione diuturna et aetate opus est, ne habitus facile vel excutiatur, vel evanescat. Ingens enim vis est in utramque partem consuetudinis in diaeta, et in moribus, ut septimo Ethicorum²³⁾ dicitur: Consuetudo est altera natura. *Ἐπίκτητος φύσις.*

Πάρεργα plura quam ἔργα.]²⁴⁾

Hactenus Aristoteles collegit definitionem beatitudinis, quam constituit esse actionem rationis secundum praecipuam virtutem in aetate, quae iam maturuit. Postea Aristoteles iterum admonet, non semper demonstrationes in Ethicis flagitandas esse, sed constituenda esse praecepta τὸ ὅτι, quorum vis et utilitas lucebit in vita et in actionibus, ut rei militaris praecepta in otio videntur levia et puerilia. Sed in usu conspicitur utilitas, et experientia ipsa praeceptionum, magnum decus adfert. Ac iubet Aristoteles vitari otiosas disputationes, et addit insigne dictum, cavendum esse ne accessoria sint maiora, aut plura quam principalis doctrina, ut saepe fit in vita. Magna cura vestes, comitatus, pompae, et similia curantur, principalia negliguntur. Deinde addit dialecticum praeceptum de principiis²⁵⁾, quae sunt natura nota, sed tamen adhibenda est quaedam commonefactio. Ideo ait declarari principia, vel inductione, vel sensu, vel consuefactione. Nam moralium principiorum veritas maxime fit perspicua consuefactione, quam pulchra res sit temperantia, seu mansuetudo, consuefactione discitur. Estque hic observandum dictum: Principium dimidium totius. Amplifi-

catio autem addita est a Platone libro sexto de legibus. Hanc Aristoteles huc transtulit, ut mutatur interdum insignia dicta Platonis. Meminerit autem studiosus hanc sententiam, et propter venustatem, et quia hortatur, ut principia artium, ordine et recte discamus, quae, nisi recte percipiantur, in caeteris turpiter errabitur.

Caput VIII.²⁶⁾

Initio accommodat ad suam sententiam dicta veterum, ut confirmet definitionem beatitudinis, quam tradidit, ut consensus ostendat, nihil esse absurditatis in hac sententia. Sumit autem partitionem bonorum a veteribus, et ex hac ostendit eos voluisse hoc, quod dictum est, beatitudinem esse actionem virtutis. Secundo inserit brevem annotationem, quod beatitudo non sit otiosus habitus, sed actio. Tertio: Quia in partitione bonorum fit mentio iucundorum, addit etiam iucundissimam esse virtutis actionem, videlicet iis, qui virtutis pulchritudinem vident, ut dicitur: Ignoti nulla cupido, et ad eam assuefacti sunt. Quarto monet gubernari virtutis actionem a recta ratione. Haec est enim regula et propria causa, cur actio sit, et dicatur honesta, id est, recta, et naturae conveniens. Quinto addit opus esse corporis et fortunae bonis, tanquam instrumentis,

Caput IX.²⁷⁾

Constituta definitione, quaerit unde homines adaequantur beatitudinem, an divinitus datur, an paretur humana diligentia, an casu veniat. Ardua quaestio est, etsi in hac tenuitate sermonis Aristotelici, lector non admonitus, vix cogitet quanta de re agatur. Ingens est infirmitas hominum, virtus imbecillis et fugax, fortuna vero multo fragilior. Multi diu florentes virtute et gloria, ad extremum ipsi sese dedecoraverunt, ut Alexander, Marius. Alii non amissa virtute, a fortuna deserti sunt, ut Pompeius, Cicero. Alii vel ignavi, vel improbi, faciliorem cursum et fortunam aequiorem, et exitus placidos habuerunt, ut Tiberius. Si semper sceleratos commitarentur poenae et virtutem res secundae, et

23) Ethicorum] sic Ed. 1546.; Ed. 1545. Ethico. — Conf. Aristot. Eth. Nic. 1. 7. c. 5. §. 3.

24) L. 1. 1. c. 7. §. 19.

25) In Editt. 1530., 1532. et 1535. haec scholiorum pars inscripta est: De principiis.

26) In Editt. 1532. et 1535. huius capituli scholia (quae ab hac editione diversa sunt) inscriptione carent, in Ed. 1530. inscripta sunt: Scholia cap. VIII.

27) Editionum 1530., 1532. et 1535. explicatio huius cap. ab hac edit. diversa inscripta est: Scholia capituli IX.

hominum animi in retinenda virtute firmiores essent, facile esset philosophis statuere, assequi homines beatitudinem doctrina, disciplina, diligentia. Sed infirmitas humana et exitus etiam bonorum dissimiles, praebuerunt occasionem verui, quem improbant philosophi:

Vitam regit fortuna, non sapientia²⁸⁾.

Quaesitum est igitur unde sit beatitudo. Si divinitus fit, ut sit firma virtus, et virtutem non deserat fortuna. Quid igitur conducit hominum conatus, doctrina, disciplina? Ut videntur Nestor, Augustus, virtutem et benevolentiam fortunae perpetuam habuisse. Cur Achilles, Hector destituti sunt a fortuna? Non est facilis responsio ignaris doctrinae christianae, quae causas humanae infirmitatis monstrat, et docet unde sit eventuum dissimilitudo, et qui eventus dedecorent, qui vero augeant decus. Saul amisit virtutem, quia descivit a Deo. Postea desertus a Deo, fuit infoelix. Econtra David retinuit virtutem, quia ad Deum rediit. Ideoque exitus tandem placidi fuerunt. Esaias retinuit virtutem, et a tyranno iniuste interfectus est²⁹⁾. Hic exitus cumulat decus. Est igitur causa retinendae virtutis et foelicitatis, agnitio et timor Dei, ad haec opus est doctrina, Deo impellente mentes, homine obtemperante, et disciplina. Est igitur virtus et foelicitas in cursu rerum gerendarum, a Deo gubernante et impellente animos, et ab humana obedientia. Aristoteles autem de Deo hic satis ambigue loquitur. Sed infra inquit, consentaneum esse, bonos viros curae esse Deo. Causam vero beatitudinis constituit esse humanam mentem, et voluntatem incitatum ad virtutem. De heroica virtute adiungitur Deus, iuxta illud dictum: Nullus fuit vir magnus sine adflatu divino³⁰⁾. Et eventuum gubernatio praecipue est a Deo, ut dicit versiculus:

χώρας θεοῦ μὲν οὐδεὶς εὐτυχεῖ βροτός³¹⁾.

28) Conf. Cic. Tusc. disp. V. c. 9. §. 25.: Vexatur idem Theophrastus et libris et scholis omnium philosophorum, quod in Callisthene suo laudavit illam sententiam: *Vitam regit fortuna, non sapientia.*

29) Iosias Manassis iussu crudeliter (serra) interfectus esse narratur, conf. Gesenii prolegg. commentarii in Ies. p. 10 sqq.

30) Cic. de nat. Deor. II. c. 66. §. 167. Nemo igitur vir magnus sine aliquo adflatu divino unquam fuit.

31) Conf. similem versum a Theophil. ad Autol. lib. I. laudatum: *Οὐκ ἔστιν οὐδὲν χωρὶς ἀνθρώποις θεοῦ*, in fragmentis incert. editionis Barnes. et Musgrav. tragoediar. et epist. Eurip. T. II. p. 487. Nr. CIV.

Ac nobis praecipue sic sentiendum est, iuxta dictum Christi (Ioann. 15, 5.): Sine me nihil potestis facere. Sed redeamus ad Aristotelem, qui quatuor argumentis confirmat suam sententiam. Quod mens humana et voluntas sit causa beatitudinis, seu quod beatitudo humano conatu parari possit.

Primum. Finis sit possibilis omnibus. Si aliae causae essent, non omnes sani assequi beatitudinem possent:

Ergo sit causa humana voluntas.

Secundum. Optimum bonum in natura aut artibus non est fortuitum.

Beatitudo summum bonum est homini:

Ergo consentaneum est eam non tantum casu contingere.

Tertium. Beatitudo est actio animae:

Non igitur casu obiicitur. Etsi enim reliquis bonis opus est, ut instrumentis, tamen actio principale est.

Quartum. Gubernatorum finis est, ut cives efficiant beatos. Propter hunc finem proponunt leges de disciplina, quae essent inutiles, nisi humana diligentia hunc finem assequi posset.

Caput X.³²⁾

Non satis explicari a philosophia potest doctrina de summo bono, aut beatitudine. Quia et virtus hominis est languida, et interdum optimis viris excutitur, et fortuiti casus tristissimi bonis etiam accidere solent. Cum igitur humana diligentia non possit assequi integre summum bonum, mirati sunt philosophi vitae imbecillitatem et confusionem, et in hac caligine alius in alias opiniones de fine hominis delapsus est. Sed inter saniores convenit, virtutis actionem esse praecipuum bonum et retinendum, etiamsi praemia non respondent. Gradus igitur facit Aristoteles: Beatus est, qui virtute praeditus est, nec opprimitur saevis fortunae casibus, ut Solon, Timoleon, Scipio, Augustus. Miser est qui contaminatus est sceleribus, sive foveatur indulgentia fortunae, ut Tiberius, sive incidat in poenas, ut Nero, et innumerabiles alii tyranni, et polluti libidinibus. Medius gradus est Aristoteli eorum qui virtute praediti sunt, et tamen saevis casibus

32) In Edit. 1530., 1532. et 1535.: Scholia capituli X. (ab hac edit. diversa).

fortuna opprimuntur, ut Hercules, Palamedes, Achilles, Socrates, Miltiades. Hos dicit non esse miseros, etiamsi non pronuntiat beatos esse. Sed tamen quia praecipuum bonum tenent, beatis proxime annumerandi sunt, et discernit adversos casus. Mediocres, inquit, non obruunt virtutem aut beatitudinem, imo virtus in mediocri certamine magis conspicitur, ut in tragoedia dicitur:

Tamen per ipsas lucet aerumnas decus.

Et boni viri qui tales casus experiuntur, ut Aristides, Camillus, non propterea desinunt esse beati. Sentiendum est enim beatitudinem non levi casu amitti, nec beatum similem esse chamaeleonti. Cuius exemplum allegari solet, cum de maxime mutabilibus naturis loquimur*), quia chamaeleon subinde mutat colorem, maxime vero mirandum est, quod Plinius³³⁾ inquit: totos eum oculos circumagere posse. Philosophis de beatitudine quaerentibus, multa absurda occurrunt, cum natura hominum sit praestantissima, cur oppressa est maximis aerumnis, quae impediunt multos, ne finem assequantur. Unde est virtutis imbecillitas? Cur virtuti saepe duriter adversatur fortuna? Cur etiam optimi, ut Abel, Baptista, tristissimis casibus opprimuntur? Denique quantum virtus prodest homini, cum mors statim abrumpat omnia consilia praeclare agendi? His quaestionibus sola doctrina christiana respondet, fatetur mortem, et caeteras calamitates esse mala, quia sunt poenae aversionis a Deo in natura hominis, ideo dum haeret in homine illa prima labes, manent mors et aliae calamitates. Imo Deus vult Ecclesiam suam praecipue subiectam esse aerumnis, propter multas causas, nec vult eam in hac vita aliter beatam esse. Sed postea abolito peccato, respondebit integrae virtuti integra tranquillitas.

Causae autem cur aerumnae maneant in hac vita, hae sunt. Prima, quia manet peccatum, manent poenae, et Diaboli morsus. Secunda, quia Deus in Ecclesia praecipue vult agnosci peccatum, ideo eam commonefacit poenis. Tertio, ut Ecclesia vocetur ad poenitentiam. Quarto, ut sint exercitia fidei et invocationis, et deponatur fiducia nostri. Quinto, ut agnoscat praesentia Dei. Sexto, ut conspectior fiat Dei potentia in nostra infirmitate. Septimo, ut fiamus similes

fili Dei. Octavo; ut optimorum aerumnae sint testimonium doctrinae et futurae vitae. Hae causae non traduntur in philosophia, sed in Evangelio, quod clarius concionatur de causis humanae infirmitatis, et de aeterna vita. Est ergo interim beatitudo, ut Esaiiae, aut Ieremiae, agnoscere Deum, et ei obedire, et tamen circumferre corpus obnoxium ingentibus malis, id est, morti, et aliis aerumnis in hac vita, a quibus tamen postea abolito peccato liberamur. Ita fatetur Evangelium, in hac vita beatitudini adiuncta esse mala, hoc est, mortem et alias aerumnas, et causas monstrat, quas recensui, sed postea inquit secuturam esse beatitudinem, in qua nihil sit aerumnarum.

Caput XI.

Philosophus constituit beatitudinem esse virtutis et bonorum fortunae coniunctionem, etsi praecipua est virtus. Deinde existimat absurdam opinionem esse, si quis arbitretur non posse homines hunc finem assequi, annitentes. Utrumque multi etiam sapientes non adsequuntur. Ideo Aristoteles posuit medium gradum. Dicit Miltiadem captivum, esse ornatum excellenti virtute, et quanquam non sit beatus, tamen non esse miserum. Nec potest philosophia satis hanc quaestionem explicare, quia virtuti fortuna respondere debebat. Quod cur non fiat, causa ignota est philosophiae, quia humana natura est oppressa peccato, ac propterea subiecta ingentibus aerumnis, sed Evangelium docet beatos in hac vita esse, habentes inchoatam lucem et iustitiam et vitae aeternae primitias, ac Deum gubernantem et defendentem. Interim tamen sustinentes acerrima certamina et calamitates. Postea vero abolito peccato et morte, habituros integram tranquillitatem, ac fatetur Evangelium, non esse in potestate hominis in hac vita, quae est subiecta morti et morsibus Diaboli, assequi coniunctionem certam virtutis et fortunae.

Ex hoc fonte facile est iudicium de sequenti quaestione: An Cyrus sit beatus, cum habuerit filium degenerem, et filiam miseram³⁴⁾. Facilis est responsio iuxta Evangelium, quod de liberis eodem modo iudicat, ut de nostris corporibus,

*) loquimur] sic Ed. 1545.; Ed. 1546. loquitur.
33) Plin. hist. nat. VIII. §. 51.

34) Hic filius est Cambyses tyrannus, filia autem Meroë, coniux istius fratris, cuius acerbissimam vexatione nocata est.

aut caeteris externis bonis. David, Cyrus sunt beati, etiamsi multa tristia accidunt et ipsis, et liberis. Quia haec natura hominum subiecta est his calamitatibus propter peccatum.

Aristoteles autem intelligens, quantum omnes sani afficiantur liberorum miseriis, quas tamen perferre necesse est, ut nostram mortem, non potest se explicare, sed eludit quaestionem. Fatetur pertinere ad singulos suorum casus, quia amicitia ex multis unum efficit. Ideoque dicitur τὰ φίλων κοινά³⁵). Sed tamen inquit, illa non sic ad amicos pertinere, ut ex beatis miseros, aut econtra ex miseris beatos efficiant. Addit autem et aliam quaestionem interesse, utrum viventibus accidant tristia, an mortuis. Ut magis excruciarunt Augustum filiae³⁶), quam Nero. Magis excruciauit Davidem Absalon, quam Manasses. Sed conclusio Aristotelis est, Augustum non propterea miserum effici, etiamsi postea Nero degenerat.

Caput XII.

In omnibus scriptis diligenter observandum est, quae sint praecipuae et utiles materiae. Quae item accedant obiter, ut semper scholae habent aliqua πάρεργα. Hoc caput quaestionem otiosam continet: An beatitudo sit res laudanda, an vero honore afficienda. Levis est vocabulorum cavillatio. Laudem tribuit humanis viribus et actionibus, et quod ad actiones attinet, defini potest hoc modo. Laus est comprobatio eorum, quae sunt recto iudicio, eaque praedicatio duplicem habet finem, ut ornent facientes, et si*) sint vera iudicia hominum, tueatur, et invitet alios ad imitationem. Ideo expetenda est ab omnibus bonis, quia, ut vitam, ut bonam valetudinem velle et expetere convenit, ita convenit velle, ut sinus incolumes, et locum in societate civili convenientem teneamus. Deinde nostrum exemplum aliis prodesse debet. Ideo recte dictum est, bona conscientia nobis opus est, bona fama proximo; et in tragoedia Senecae³⁷) dicitur:

Levis est, nec illum stimulat gloriae decus³⁸).

³⁵) Conf. supra p. 163. nota 19.

³⁶) Julia filia, quam ob vitam libidinosam pater exilio multavit.

³⁷) et si] sic recte Ed. 1545.; Ed. 1546. etsi.

³⁸) Senecae Hercules Octaeus. Act. II. v. 416.

³⁹) stimulat gloriae decus.] sic Editt. 1545. et 1546.; Seneca scripsit: gloriae stimulat decor.

Levitatem vocat non appetere gloriam, hoc est, non vereri honorum iudicia. Et ad Galat. 6, (4.): Suum opus quisque inquirat, et tunc in se solo gloriationem habebit, ac non in alio. Id est: Suam quisque conscientiam scrutetur, cumque erit sine labe, habebit gloriam, id est, comprobationem veram factorum, nec aucupabitur famam, vel ex aliena assentatione, vel ex obtreactione aliorum. Haec recensui, ut sciamus veram comprobationem nostrae conscientiae, et aliorum recte iudicantium, recte appeti et tuendam esse. Sed non dimicemus de hac comprobatione seu de laude, sine rebus. Haec quaestio alibi agitata erit de gloria, videlicet, quod expetenda sit comprobatio propriae conscientiae, et aliorum recte iudicantium, nec confirmanda falsa opinio, praesertim cum haec propter exemplum noceat. Quod vero Aristoteles nunc disputat, an beatitudo sit res laudanda, alludit ad veterem aliquam altercationem, et discernit laudanda, et honore afficienda: Virtuti tribuit laudem, sed beatitudinem collocat inter res honore afficiendas, sentit igitur honorem esse, non tantum comprobationem recte factorum, sed etiam supra hanc comprobationem evehere alium supra nos, et ei tanquam superiori officia aliqua exhibere. Eustratius³⁹) breviter discernit: Laudanda, inquit, esse humana, divina verò honore afficienda, ut Trebatius⁴⁰) laudat eloquentiam Ciceronis. Sed Augusti res secundas magis suspicit, ac regi divinitus iudicat. Ideoque Augustum honore adficit. Decernit igitur Aristoteles beatitudinem esse inter res honore adficiendas, id est, magnificiendas, tanquam supra communem hominum sortem positas. Sed non addam longiorem enarrationem, quia hic locus Aristotelis tantum otiosam cavillationem vocabulorum continet.

³⁹) Eustratius metropolitae Nicaenus vixit ineunte seculo duodecimo, imperante Alexio Comneno, cuius filia Anna Comnena ei hoc tribuit elogium: ἀνήγειρά τε θεία σοφός, καὶ τὰ θύραθεν αὐτῶν ἐπὶ ταῖς διαλέξεσι μᾶλλον, ἢ ἐπὶ περὶ τὴν στέαν καὶ ἀκαθάρτων ἐνδιατριβόντες. Scripsit in Aristotelem, cuius libros dialecticos et morales commentariis explanavit, et adversus Latinos, praecipue Chrysolanum Mediolanensem. Vid. Bruckeri hist. crit. philos. T. III. p. 544 sq.

⁴⁰) C. Trebatius Testa, eques Romanus, iurisconsultus, Ciceronis, qui plures ad eum scripsit epistolas, Maecenatis et Horatii, in cuius sat. 1. libri II. v. 4. compellatur, amicus.

Caput XIII.⁴¹⁾

Praemonet lectorem qua de re deinceps dicturus sit, et quasi praefationem ac παρασχευήν secundo libro praeponit. Dicam, inquit, de virtute, cuius natura et partibus cognitis, magis perspicui poterit, quae sit illa beatitudo, de qua diximus, et ad quam in hac vitae consuetudine, dirigenda sunt consilia. Sed quoniam virtus est animae propria et ab anima oritur, necesse est aliquid de animae viribus seu facultatibus, et de diversis functionibus dici, ut fontes ac sedem virtutis propriam monstremus. Ac multum refert ad regendas actiones, scire virium ordinem, consensum, aut dissensionem, ut cogitemus, quae, et quibus habentis singulae frenandae sint. Mens eruditione indiget, voluntas et cor flectuntur persuasione et assuefactione, ut cives. Potentia motiva est imperio coercenda, ut servi. Haec occasio est Aristoteli, hic discernendi potentias: discernit autem hoc modo. Facultates animae duae sunt, rationalis et expers rationis.

Rationalis est proprie quae iudicat, eligit, vult, aut non vult ea, quae offeruntur, et complectitur mentem et voluntatem. In mente sunt notitiae, quae gubernant virtutem, et hae regulae divinitus inditae hominibus, sunt fons virtutum. Voluntas est libera vis, prosequens, aut reiiciens obiecta. Loquitur⁴²⁾ enim de civilibus actionibus, ut in Scipione mens iudicabat honestum esse, non violare honestam virginem, sponsam viri nobilis*). Voluntas agnatum decus amplectitur, et virgine ista abstinere vult, et imperat externis membris, ut se continent.

Facultas rationis expers, est duplex. Quaedam prorsus non potest obtemperare iudicio, ut vis nutritiva, communis homini cum plantis, non enim potest imperare ventriculo coctionem. Alia potest obtemperare, et hanc vocat participem rationis, ut sensus, et appetitiva, quae sensus comitatur, ut in Scipione sensus, oculi, manus, appetitio voluptatis coercentur imperio superioris potentiae. In paroxysmo febrium mens iudicat abstinendum esse a potu largiore. Voluntas assentiens imperat inferioribus, ut abstineant. Etsi igitur appetitio sensus ardens siti, certat cum

superiore, tamen superior coercere eam potest, non ita ut tollat sitim, sed ut imperet potentiae motivae, ne potum amittat. Haec brevius hic tractantur ab Aristotele, et intricatius, quam res poscit, quia Aristoteles non tradit discrimina. Aliter reguntur alii affectus. Affectus cordis, ut ira, moestitia, sedantur ratione et deliberatione. Sed appetitio inferiorum, ut fames, sitis, non sedantur ratione, sed coercentur potentia motiva. Ideo in Politicis Aristoteles venustissime discernit duas species gubernationis: alteram cogentem, quam vocat herilem, δεσποτικήν, ut anima imperat organis locomotivae; alteram persuadentem, quam vocat civilem, ut ratio cordi imperat, ut Pericles cives gubernat persuadendo. Estque iucundum videre in ipsa hominis natura adumbratas formas gubernationum in tota societate. Item imagines duplices iustitiae, hypocriticae et verae obedientiae.

Ratio hortatur ad optima.]⁴³⁾

Insignis est sententia in fine primi libri: Ratio hortatur ad optima. Sed prudenter de ea iudicandum est. Verum enim est legem naturae, id est, naturalem notitiam hortatricem esse ad honestas actiones. Sed interim sciendum est, discrimen legis et Evangelii. Sciendum item quantum obtemperent recto iudicio caeterae vires. Nam abusi sunt quidam hoc dicto Aristotelis. Si ratio monstrat optima, quid opus est Evangelio? Respondeo: Ratio monstrat ut lex, nec satis est legem nosse, cum quaerimus de voluntate Dei erga nos. Alexandrum hortabatur ratio, ne attingeret Darii coniugem, interim tamen de Deo dubitabat. Erat igitur sine timore Dei, sine fiducia et sine dilectione. Quare ratio monstrat optima, videlicet in civilibus moribus. Addendum et hoc est de lege, seu de notitia naturali. Quamquam lex nota est naturaliter, tamen saepe repugnat cor et voluntas, nec potest verbis explicari, quanta sit confusio ordinis in homine, contra legem Dei. Quare dicit Paulus (Rom. 1, 18.): Homines veritatem detinere in iniustitia, id est, in horribili contumacia. Mens iubet Davidem, ne inflammetur amore coniugis alienae. Sed harmonia virium conturbata est, cor habet vagos et errantes impetus, et rapit secum voluntatem.

41) In Editt. 1530., 1532. et 1535. huius capituli interpretatio, ab Editt. 1545 et 1546. discrepans, capitibus XI. et XII. praetermissis, inscripta est: Scholia Capituli XI.

42) Loquitur] sic Ed. 1546.; Ed. 1545. Loquimur.
*) Conf. p. 189. nota 66.

43) Verba Aristotelis Eth. Nic. I. 1. c. 13. §. 15. sunt: ὁρθῶς γὰρ (scil. τὸ λόγον ἔχον) καὶ ἐπὶ τὰ βέλτιστα παρακαλεῖ.

Mens iubet, ut vere metuamus iram et iudicium Dei. Sed voluntas aversa a Deo leviter curat minas coelestes, cum quidem exempla quotidie atrocissima proponantur. Quare dictum Aristotelis de notitia, intelligatur non de voluntate, quae non semper obtemperat veris notitiis. Caeterum hoc ipsum dictum amemus, quia commendat nobis legem naturae, quae est regula hone-

starum actionum. Non praetereundum est etiam, quod hic quidam legunt, *ὁρθοῦς*⁴⁴⁾, id est, ratio hortatur ad optima sanos, integros, non furiosos.

44) *ὁρθοῦς*] sic recte Edit. 1545.; Edit. 1546. typogr. errore: *ὁρθός*. Hanc lectionem *ὁρθοῦς* pro *ὁρθός* nos quidem in nulla editione reperimus.

IN SECUNDUM LIBRUM ETHICORUM ARISTOTELIS

ENARRATIONES PHILIPPI MELANTHONIS.

Caput I.⁴⁵⁾

In primo libro constituta est sententia, quod beatitudo sit actio secundum virtutem. Necessesse est igitur postea investigari quid sit virtus, qui sint fontes, unde oriatur, et quae sint species. Hoc est argumentum secundi libri. Recte autem orditur Aristoteles ab hac quaestione, an natura insint virtutes, an vero parentur doctrina et adsuefactione. Ideo autem agitur haec quaestio, quia necesse est quaeri fontes virtutis. Videndum est, an sit aliqua certa vis innata homini, ut suae virtutes apibus innatae sunt. An vero sit ornamentum accersitum, quod tamen regitur certa quadam regula. Necessesse est enim aliquam certam actionum regulam esse.

Deinde cum quaedam ingenia adeo sint fera, ut flecti disciplina ad virtutem non possint, ut Nero, Caligula, rursus quidam a natura acres ad virtutem impetus habent, ut Scipio: quaesitum est inter haec, an aliquid loci sit doctrinae et disciplinae seu adsuefactioni, an vero natura sola dominetur. Aristoteles artium exempla confert ad virtutes. Quidam natura abhorrent a musica. Hi etiamsi exercentur in canendo, tamen insuaviter canunt, et saepe deerrant. Contra alii natura et amant musicam, et facile percipiunt. Quis igitur locus est arti? Esse aliquem res ipsa ostendit, mediocris natura fit cultior et melior, bona adiuvaritur et regitur ab arte. Sunt

autem virtutum duae causae: Mens iudicans et voluntas obtemperans recto iudicio, etsi mens est eadem, et notitiae naturales sunt eadem in omnibus sanis, tamen fiunt docendo illustriores. Voluntas si adiuvaritur inclinatione naturali, ut in Scipione, facilius obtemperat. Sed pauci habent acres impetus. Deinde tanta est imbecillitas hominum, ut etiam bonae naturae facile degenerent. Ideo et huic parti, scilicet voluntati et cordi, opus est freno et assuefactione. Ita breviter consideratis causis, facile intelligi potest, quali doctrina et assuefactione opus sit. Ex hoc fonte multae sunt scriptorum sententiae sumptae, quae causas coniungunt, ut apud Quintilianum: Virtus etiamsi quosdam impetus a natura sumit, tamen perficienda doctrina est, et Galenus scribit Aristidem interrogatum, unde in eo extiterit virtus, respondisse, plurimum pollere naturam, sed se naturam studiose adiuvisse. Has sententias et similes observent studiosi, et ut causas virtutis considerent, et se quisque accuratiore disciplina regat. Illud etiam hic monendi sunt studiosi, Aristotelem loqui de civilibus virtutibus, aliquanto aliter de spiritualibus dicitur, ut in Ioseph concurrunt quatuor causae. Verbum Dei, Spiritus sanctus, mens assentiens⁴⁶⁾, et voluntas obtemperans. Cogitat Ioseph praeceptum: Non moechaberis, et Spiritus sanctus inclinatur mentem, ut assentiatur praecepto, et colligat multas causas, cavendum, ne Deus iratus, prorsus te abiciat, puniat praesentibus et futuris poenis, eri-

45) In Editt. 1532. et 1535. capita I—V. summam explicata, neque capitum inscriptionibus distincta sunt.

46) assentiens] sic recte Ed. 1545.; Ed. 1546. assentis.

piat praesentia dona, habenda est et scandali ratio, parcendum item alienae*) conscientiae. His argumentis movetur voluntas et confirmat spem Spiritus sanctus, ut obtemperet legi. Ac voluntas confirmata a Spiritu sancto, et incitata, cohercet externa membra, interim et disciplinam Ioseph addit, vitat congressus, convivia, acrius intendit animum in occupationes sui muneris, studia, preces, sicut et Paulus disciplinam suo exemplo commendat, 1. Corinth. 9, (27.): Sugillo corpus meum, et in servitum redigo. Haec partim fiunt impellente Spiritu sancto, partim humana diligentia. Caeterum de iustitia, id est, de imputatione, alia prorsus quaestio est, quam hic praetereo.

Caput II.

In primo capite secundi libri hanc sententiam tradidit, quod virtus comparetur disciplina. Nunc in secundo capite nominat causam, scilicet rectam rationem, qua appellatione complectitur mentem recte iudicantem, et voluntatem obtemperantem. Et significat postea se de his causis rursus dicturum esse. Repetit autem id quod supra monuit, non quaerendam hic esse certitudinem talem, ut in geometria. Semper manet immota haec sententia: Omnes lineae a centro ad circumferentiam circuli ductae, sunt aequales. At in moralibus non manet semper immota: Redde depositum, ut si gladium furens reposcat. Variantur enim praecepta secundum diversas circumstantias in obiectis, ut in medendo. Sed tamen principia quaedam oportet esse immota, quae sunt regulae inferiorum praeceptionum, ut, Deo est obediendum. Nemo sine iusta causa laedendus est. Vagae libidines sunt vitandae. Haec sunt perpetua, ut geometrica. Sed cur non sic assentiantur homines his notitiis, ut geometricis, supra dictum est.

Quod autem ait Aristoteles, haec praecepta actionum nihil habere firmi, non intelligatur universaliter de summis, sed de plerisque inferioribus. Deinde ingreditur in locum amoenissimum, ubi ex gradibus actionum quaerit, quae sit optima actio, scilicet mediocris, et praefatur omnes artifices mediocritatem quandam quaerere. Ut, intentio vocis nimia laedit organa vocis. Nisi submissa est absurda. Amat igitur mediocri-

*) alienae] sic Ed. 1546.; Ed. 1545. aliena.

tas, quae convenit naturae, et musicus mediocritatem hanc quaerit. Ac magna profecto laus est Aristotelis, quod videt virtutes esse mediocritates, et utilis est admonitio in vita.

De mediocritate.

Ordine investigat Aristoteles definitionem et naturam virtutis, in qua primum facta est mentio praecipuae causae, videlicet, quod necesse sit eam congruere ad rectam rationem. Haec est enim prima et causa et regula virtutis. Ac caeteri scriptores plurimi, contenti fuerunt hac ipsa descriptione. Virtus est obedire rectae rationi. Sed Aristoteles addidit illustrem particulam, quae ostendit, qualis sit haec ipsa obedientia in moribus, seu actionibus, videlicet mediocris, seu certa quadam moderatione ab extremis recedens, moveturque exemplo omnium actionum in animantibus, ut virtutem etiam in mediocritate constituat, quia omnes immoderatae actiones in utramque partem nocent naturis. Iam studiosi transferant haec ad vitam, et considerent quantum decus sit mediocritas, non nimium provehi iracundia, odii et aliis motibus. Late enim in omni vita praeceptum de mediocritate patet: Ne quid nimis. Sciantque studiosi ad definitionem virtutis huc esse referendas tales sententias. Ac prudentia Aristotelis, laude digna est, quod ut magis studium mediocritatis lectori commendaret, definitioni virtutis eam inclusit, fortassis intuens vehementes impetus in regio iuvene Alexandro, quem ad moderationem flectere conabatur.

Caput III.

Ut caeterarum actionum atque artium obiecta initio quaeruntur, ut musicae obiectum est sonus, ad quem certa ratione moderandum, atque inventa est: ita hic obiecta communia sunt virtutum, voluptates et dolores. Nam circa haec moderanda versatur virtus. Fortitudo prohibet frangi animum metu, moestitia. Temperantia efficit moderationes in voluptatibus cibi et potus. Agnoscenda est igitur obiectorum natura, quid sit voluptas, quid dolor, et cur alia voluptatem, alia dolores efficiant.

Voluptas est proprie congruentia actionis cum aliqua parte hominis, cum nervis, corde, aut voluntate, ut, frigido corpori voluptas est calefieri, quia calor convenit nervis male affectis ex frigore, estque vel delectatio, vel laetitia.

Dolor vero est contraria actio potentiae, quae ei molitur destructionem, ut immodicum frigus nocet nervis.

Tristitia comprimit cor, et exhaustum spiritu, ac desiccatum enecat.

Porro omnibus actionibus voluntatis et sensus, sunt comites voluptas aut dolor, id est, extremi affectus sunt omnium aliorum affectuum et actionum delectatio, laetitia, dolor seu moestitia. Sed alia aliis partibus voluptatem aut dolorem adferunt. Estque mira dissensio partium propter imbecillitatem humanam, ut, sensus voluptate afficitur fruens adultera. Sed voluntas dolet, vel metu poenae, vel propter turpitudinem. Ideo hic monet opus esse assuefactione, ut quae voluptates aliis anteferendae sint, discamus et eas fugiamus, quae dissentiunt a ratione.

De ἀπάθεια⁴⁷⁾.

In multis disputationibus magnopere conducit nosse affectuum naturam, discrimina et species. Sunt enim illustres motus, qui valde eminent in vita. Ideo et Aristoteles quaerens naturam virtutis, prudentissime deducit nos initio ad considerandos affectus, qui magis conspiciuntur, et penitus haerent in natura, et disserit virtutem esse horum insignium motuum, id est, affectuum moderationem. Ideo statim initio monstrat nobis communia obiecta, scilicet voluptatem et dolorem, quia sunt extremi affectus, ut supra dictum est. Estque diligenter hoc Aristotelis consilium considerandum. Diserte autem hic monet et praefatur non esse ἀπάθειαν. Sed postea aliquoties ait, affectus utiliter inditos esse hominibus a natura. Haec reprehenderunt Stoici, quorum hyperbolae habent applausores, etiam non vulgares, qui fortassis mirati sunt eas, quia durities illa quaedam est, vel similitudo, vel imitatio virtutis. Sed rectius est veritatem incorruptam quaerere et tueri, nec amare praestigias sophismatum, quibus hyperbolae illae defenduntur. Porro in refutandis Stoicis primum consideranda sunt appetitionum discrimina, et quaerendum proprie, quid sit affectus.

Appetitio naturalis, ut fames, est suctio venarum a natura ordinata. Hanc non esse opinionem, facile potest intelligi, quia inest omnibus animantibus, et est in parte non cogitante. Nec vitiosa est, nec tollenda ex natura, quia

⁴⁷⁾ Haec voce Aristoteles utitur §. 5. huius capituli.

Dei fabricatio est, et natura appetit conservationem sui.

Secundus gradus appetitionum est delectatio, vel dolor tactum comitans, qualis est dolor ex vulnere, vel delectatio quae sequitur, si corpus frigefactum calefacias. Haec non esse opiniones, nec vitiosa, nec ex natura tollenda esse, similes rationes ostendunt, ut iam de fame dixi. Sunt enim proprie in nervis, et sunt fabricatio divina.

Tertius gradus est appetitionum, quae proprie affectus dicuntur, videlicet, qui sunt in corde aut voluntate, et notitiam aliquam sequuntur, ut laetitia, spes, metus, tristitia, odium, misericordia, ira. De his et similibus sciendum est, affectus esse motus cordis aut voluntatis, prosequentes aut fugientes obiectum, qui cum aut laedant naturam, aut delectent, semper comitantur extremi motus, vel dolor, laesa natura, vel suavitas et laetitia, acquiescente natura.

Sunt autem duo genera horum affectuum, alii pugnant cum ratione, seu lege Dei, ut, cum Saul invidet Davidi. Alii consentiunt cum ratione, seu lege Dei, ut, diligere parentes, coniugem, liberos, amicos, cives. Etsi autem affectus pugnantes cum ratione, seu lege Dei, sunt sua natura vitiosi, et orti a naturae humanae depravatione, tamen interim alii affectus consentientes cum ratione et lege Dei, non sunt sua natura vitiosi, nec eiiciendi sunt, sed potius excitandi, et ratione regendi. Et hos motus non esse opiniones, inde manifestum est, quia sunt in corde, opinio autem est in parte cognoscente. Deinde haec argumenta ostendunt affectus consentientes cum ratione, seu lege Dei, et res bonas esse, et non tollendas ex natura.

Primum: Fabricatio Dei est res bona, et non tollenda, divinitus autem inditae sunt cordi, et vis ipsa appetens, et aliquae *στοργαί*, ut amor sobolis, misericordia, et plerique boni motus, in aliis magis, in aliis minus acres: ergo sunt res bonae et non tollendae ex natura.

Secundum: Deus praecipit, ut sint affectus in nobis flagrantes. Dilectio Dei, coniugum, liberorum, civium, metus irae divinae, ira adversus maledicentes Deo, adversus crudeles, pollutos libidinibus.

Tertium: Veri, et non simulati motus sunt in Christo, dilectio aeterni patris, dilectio piorum, misericordia, laetitia, tristitia, ut cum inquit (Matth. 26, 38. Marc. 14, 34.): Tristis

est anima mea usque ad mortem, et Marci 3, (5.) dicitur: Et circumspiciens cum ira. Nec leve incendium animi fuit, cum expulit caupones ex templo⁴⁸⁾. Ex his perspicue iudicari potest, affectus consentientes cum ratione, seu lege Dei, esse res bonas, et non tollendas ex natura. Caeterum, quia accessit hominis naturae, pravitas, aliqui affectus prorsus vitiosi sunt, ut appetere adulteria. Hi motus reprimendi sunt, et penitus extinguuntur in natura instaurata. Interim et boni affectus non satis servant ordinem suum propter illam naturae pravitatem, quae post lapsum accessit. Amor liberorum debebat regi amore Dei, at in multis non regitur, sed pii diligentiam in ordine servando adhibent. Haec de affectibus breviter duxi hic monendum esse lectorem, ut imperiti sciant ratione regendos esse, et fugiant Stoicorum deliramenta, quae sanitatem iudiciorum corrumpunt, et cum natura, cum lege Dei, et cum Evangelio pugnant. Quod eo adieci: nam multi inepti Stoicorum ἀπάθειαν admodum insulse clamant, ipsam Evangelii vocem esse, cum Evangelium ab illis ineptiis non obscure dissentiat. Praecipue haec pars utilis est, et propter res ipsas, et propter methodi exemplum et stylum. Ac quanquam virtutes, quae vocantur theologicae, suas quasdam definitiones habent, tamen collatio huius descriptionis Aristotelicae ad illas aliquid lucis affert, et hac methodo cognita, maiori dexteritate utrumque genus explicari *) poterit. Nosque absoluta Aristotelica definitione, collationem adiciemus. Initio autem singulari prudentia genus inquiri, enumeratis iis rebus, quae deprehenduntur in subiecto, videlicet in anima. Quoties enim de actionibus et habitibus disserimus, subiecta et obiecta contemplanda sunt. Dicit autem tria in anima esse, potentias, affectus et habitus **). Hic omittit actiones, quia loquitur de rebus durabilibus, quae haerent in anima.

Affectus et appetitiones supra distribui, et definitionem tradidi perspicuam.

Primo: Potentiae sunt innatae vires effectrices actionum, et certis organis utuntur. Non posset ventriculus mutare cibum, nisi potentia innata esset efficiendae tam mirandae et velocis conversionis. Ita arbori innata est potentia ger-

minandi et extrudendi fructus. Haec de potentiis latius dicuntur in libro de anima⁴⁹⁾, etsi haec quidem verbis describi non satis possunt, mente aspicitur mirabile opificium Dei, et ex actionibus agnoscitur. Suae vires singulis partibus naturae inditae sunt ad aliquid efficiendum. Quid enim mirabilius est, quam vim esse in alvo matris, gignendi animal simile?

Secundo: De habitibus in Dialectica praecipitur, sunt autem agilitates ortae ex crebris actionibus, et quidam sunt affectuum quasi freni seu moderationes. Ratiocinatur autem Aristoteles ex sufficiente enumeratione, quod virtutes sint habitus, non potentiae, non affectus.

Caput VI.⁵⁰⁾

Constituto genere, inquiri differentiam ex causis. Est enim virtus talis habitus, qui regitur recta notitia, sic, ut mediocritatem in actionibus efficiat. Hic instituit eruditam et venustam distinctionem de medietate arithmetica et geometrica, et docet virtutem consistere in medietate geometrica, quod et de caeteris in genere dicitur, non de iustitia commutativa. Haec quo consilio tradantur, diligenter considerandum est. Actiones voluntariae habent quidem regulam, videlicet legem naturae. Sed tamen quia variae sunt actionum circumstantiae, sunt et legum gradus, nec semper prorsus eadem meta actionum constituitur, ut, aliud est faciendum, si sanus repositat pecuniam, aliud, si furiosus. Ita alia est meta liberalitatis egenae viduae, alia Salomonis, et in omni vita alia aliis personis, locis ac temporibus conveniunt. Fabii⁵¹⁾ temporibus utilior est contentio amissis tot exercitiis Romanis, postea cum, fracto Hannibale, rursus civitas abundaret multitudinem, utilius fuit dimicare. Has circumstantias etiam iudex considerat. Marcino vulnerato, cum esset aedilis, in oppugnatione nocturna aedium meretricis, mulier absoluta est. Etsi enim erat aedilis, tamen adversus temere tumultuantem noctu, unicuique concessa est aedium suarum defensio. Hic locus et tempus faciunt, ne ratio habeatur aedilitiae potestatis. Propter hanc varie-

49) Corp. Reform. Vol. XIII. p. 101 sqq.

50) In Editt. 1532. et 1535. interpretatio huius cap., ab Editt. 1545. et 1546. diversa, inscripta est: In Caput VI. De Arithmetica et Geometrica proportione.

51) Q. Fabius Maximus Cunctator, in bello Punico secundo a. 217 a. Chr. Prodictator, cuius res bene gestas Livius XXII, 6—18. 23—31. enarrat.

48) Conf. Matth. 21, 12. Marc. 11, 15.

*) explicari] sic Ed. 1546.; Ed. 1545. explicare.

***) Ab his verbis incipit explicatio capitis V. huius libri Aristot., capite IV. praetermissa.

tatem admonet Aristoteles metam actionum non esse medietatem arithmeticam, quae est immutabilis, videlicet, in qua medium aequalibus numeris distat ab extremis, ut, 3. 5. 7. Hic medium immutabiliter distat ab extremis. Item si componantur extremi numeri, et compositum rursus dividatur in duo aequalia. Medietas, quae est immutabilis, est ille ipse medius terminus. Haec medietas igitur, quia non potest mutari, relinquitur hoc loco ab Aristotele, quia non idem est medium liberalitatis egenae viduae⁶²⁾ et Salomonis⁶³⁾. Alia est igitur meta actionum, videlicet medietas, quae vocatur geometrica, id est, ubi non numerorum aequalitas spectatur, sed proportionis, ut, sicut se habet Salomon ad mille drachmas, ita se habet vidua egena ad unam drachmam. Hic servatur proportionum aequalitas, non numerorum, ut, sicut se habent 30 ad 15, sic se habent 8 ad 4. Estque eo etiam hac proportione utendum, quia hic fit collatio plurimum personarum et rerum, et inquisita aequalitate proportionum inter personas et res, meta seu medium constituitur.

De definitione virtutis.

Magna laus est Aristotelis, quod unus ita describit virtutes, ut dicat esse mediocritates. Nam universaliter verum est de omnibus actionibus animantium, appetere eas mediocritatem, ut in cursu, tactu, visu, aut aliorum sensuum actionibus animadverti potest, et vulgo dicitur. Excellens sensibile corrumpit sensum. Item, coctio requirit mediocre nutrimentum. Deinde non solum in actionibus animantium appetitur mediocritas, sed etiam artifices, qui opera efficiunt, mediocritatem quaerunt, ut pictor nec nimis gracilia, nec nimis pingua corpora pingit. Nec nulla ornamenta addit, nec nimis multa. Etsi autem haec de artibus belle cogitata sunt, tamen vera et propria ratio est, cur virtutes dictae sint mediocritates, quia in omnibus actionibus animantium, naturae convenit mediocritas, ut, in coctione, cursu, tactu, visu. Sic cum virtus versetur circa affectus, qui sunt motus in homine, et animantibus, conveniat mediocritas, consentaneum est, et hos motus tunc naturae

⁶²⁾ Conf. Marc. 12, 42.

⁶³⁾ Salomonis liberalitas in templo splendidissime aedificato narratur 1. Reg. 5, 10. — 6, 35.

aptos esse, cum sint *) mediocres, sicut et Galenus dicit: Affectus mediocres esse *ἐνέργειας*, immoderatos vero esse res violentas, exitiales naturae, seu morbos. Haec de fonte huius Aristotelici consilii satis sit monuisse. Illud autem maxime omnes meminisse debemus, ut in tota vita, et in omnibus actionibus, in hanc ipsam mediocritatem intueamur. Hanc intelligere, amare et praestare discamus, nec sinamus animi motus procul ab ea provehi. Scipio frenavit iracundiam, lacesitus a tribunis plebis. Ajax non frenavit, qui iratus mortem sibi conscivit.

Nec Marius frenavit iracundiam, qui cupiditate vindictae bellum civile excitavit, et crudelissime praecipua lumina civitatis interfecit.

Definitio.

Vulgaris et perspicua definitio est. Virtus est habitus voluntatis, inclinans ad agendum secundum rectam rationem. Vere igitur et proprie, ut Plato inquit, est obedientia, quam praestat voluntas et caeterae vires, recto iudicio, quod Deus impressit mentibus, ut sit actionum regula. Hanc obedientiam Plato vocat iustitiam universalem videlicet. Observabunt igitur studiosi appellationes fere pares esse virtutis et iustitiae universalis. Et res facilius agnosci potest, si cogites esse obedientiam, et intuearis ordinem a Deo institutum, ut notitia recta praeleuceat, et caeterae vires obtemperent. Ut autem alioqui bonum dicitur conveniens naturae: ita morale bonum est conveniens naturae, iuxta hanc notitiam rectam praeluentem. Congruunt autem vocabula: bonum, morale, honestum, rectum, laudabile, dignum approbatione, quia congruit ad verum iudicium, Aristotelica definitio prorsus idem dicit. Sed modum addit, scilicet, quod recta ratio efficiat mediocritatem. Est autem definitio causalis. Habitus est genus. Deinde differentiae sumuntur a causis. *προαιρετικὸς*, quod verterunt electivum, id est, qui regitur deliberatione, et libera voluntate suscipitur. Quid enim nuncupet *προαιρεσιν*, postea dicam. Ac libro sexto clare inquit: *προαιρεσις* comprehendit *λόγον* et *ὄρεξιν*, id est, rationem et voluntatem obtemperantem. Libro tertio discernit actiones in speciem similes. Quidam natura sunt duriores, ut Cato, ac ne quidem flectuntur, ubi opus est. Alii sunt persuasionem fortes, ut Brutus: putat enim sibi prae-

*) sint] sic Ed. 1546.; Ed. 1545. sunt.

clarum esse Catonis rigorem imitari. Alii tantum simulant fortitudinem, ut Thraso⁵⁴⁾. Hi gradus etsi in speciem similes sunt virtuti, nondum tamen sunt virtus. Sed vera fortitudo, quanquam oritur a singulari vi naturae, tamen iudicio gubernatur. Scipio moderatur suam fortitudinem, pugnat ubi opus est, cedit etiam et remittit de contentione, utilitatis publicae causa. Denique quae agit, non agit caeco impetu naturae, non simulatione⁵⁵⁾, non inepta imitatione. Sed habet veras, graves et multas causas sui consilii, ac prospicit, quid cur deceat, quis finis omnium actionum intuendus sit, quomodo ad hunc finem accommodandae sint actiones.

Haec de *προαιρέσει* latius postea declarabuntur, etsi ex his, quae iam dicta sunt, satis intelligi potest, quid vocet *προαίρεσιν*, vel *ἐκ προαιρέσεως* aliquid fieri.

Reliquae particulae definitionis non sunt obscurae. Causa formalis est ipsa moderatio, vel mediocritas, quam efficit voluntas, ut in C. Caesaris mansuetudine. Formale est illa ipsa moderatio, qua frenat iracundiam, et parcit adversariis. De mediocritate quo ad nos, id est, geometrica, supra dixi.

*Definita ratione.]*⁵⁶⁾.

Redit ad causam efficientem, ut supra dictum est, de mente iudicante, et libera voluntate, seu de *προαιρέσει*. Diserte autem additur, ut sapiens definit. Sicut in controversiis forensibus, cum homines imperiti sibi iudicium sumunt, saepe falluntur, ita in caeteris actionibus imperiti saepe aberrant. Etsi enim lex naturae omnibus insita est, tamen non fulget pariter in omnibus, sed doctrina et usu excitanda est. Sit igitur iudex peritus, ut de Alphonso⁵⁷⁾ dicitur. Cum emissa esset ex Caieta⁵⁸⁾ imbellis multitudo senum, mulierum et puerorum, ut a caeteris oppidum in obsidione defenderetur, consuluerunt duces Alphonso, ut faceret impetum in eam multitudinem, ut eo terrore moveret obsessos ad facien-

dam deditionem. Ibi Alphonsus inquit: Non totum mihi regnum Neapolitanum tanti est, ut hanc crudelitatem exercere velim. Hic melius sensit peritus et sapiens iudex Alphonsus, quam caeteri⁵⁹⁾. Ac multa exempla colligi dissimilium iudiciorum possunt. Saulem interficiendum esse censebant socii: sed David aliter censuit⁶⁰⁾, ne periculosi exempli in isto populo autor esset. Addit in textu argutam admonitionem de medio⁶¹⁾: Medium dici, non quod sit conflatum ex extremis, ut color glaucus conflatus ex albo et nigro, nec quod sit medium respectu remissionis et incrementi graduum eiusdem nominis, ut: Nero est crudelior Tiberio, seu, ut fervens aqua magis calet, quam tepida. Sed medium, quod est virtus, recedit ab utroque extremo, et est diversae rationis, ut 6 est medium inter 10 et 2. Id nec conflatum ex extremis est, nec eiusdem rationis est, sed diversae ab extremis. Verba textus sunt subobscura. Non dicimus furacitatis aliquod medium esse, sed perinde esse, sive quis medium, sive excessum, sive defectum nominet, omnia enim vitiosa sunt. Nam quod ad remissionem et incrementum graduum eiusdem rationis attinet, in uno extremo omnia concurrere possunt. Ut, magis rapax est Caligula, quam Tiberius. Sed aliter de medio loquimur, cum virtutem dicimus esse medium, scilicet diversae rationis ab extremis, ut cum dicimus, sanitatem esse medium inter qualitates distemperatas, quarum confusione laeduntur actiones naturales. Ita medium hoc loco sui cuiusdam generis est, seu suae rationis, videlicet conveniens ad rectam rationem. Extrema sunt alterius generis, videlicet pugnancia cum recta ratione. Ex hac annotatione intelligi argutia in textu potest, sed ommissa hac argutia, utilius est immorari in aliis gravioribus sententiis, fortassis autem hoc utilitatis habet, quod monet errore interdum media extremorum pro virtutibus accipi, ut simulachra virtutum saepe pro veris amplectimur: ita priorem Dionysium, etsi fuit tyrannus, egregium principem dicebant, collatum ad posteriorem Dionysium⁶²⁾.

54) Conf. p. 153. nota 91.

55) simulatione] sic Ed. 1546.; Ed. 1545. simulate (pro quo typogr. errore: simulate legitur).

56) Aristotelis verba his translata c. 6. §. 3. sunt: *Ἐὶ δὲ τοῦτ' ἐνὶ πάντων οὕτως ἔχει.*

57) Alphonsus V. rex Aragoniae, qui a Iohanna II. regina Neapolit. 1421. in auxilium vocatus et adoptatus bellum in Italia gessit.

58) Caieta nomen vetus arcis Neapolitanae, quae nunc Gaeta appellatur.

59) Haec historia etiam in Mart. Lutheri colloquiorum mensalium P. IV. p. 194 sq. ed. Foerstemann et Bindseil, reperitur.

60) Conf. 1. Sam. 24, 5—8. 26, 8—11.

61) Vid. Aristot. I. I. c. 6. §. 5.

62) Ille Dionysius, inde ab a. 405. a. Chr. Syracusarum rex, cui hic filius a. 368. successit.

Sed haec sunt vulgi iudicia, et a vero aberrant, non enim retinet medium, quod proprie sic vocatur, conveniens ad rectam rationem. Disputant et theologi, quomodo dilectio Dei sit mediocritas, cum ardentissima dilectio maxime sit virtus, et satis belle respondent, virtutes recipere incrementa graduum eiusdem rationis: ac medium diversae rationis esse ab extremis, videlicet, non convenientibus ad rectam rationem, ut, dilectio medium est inter duo vitia, inter Epicureum contemptum, et superstitionem. Ita in Davide excellens est mansuetudo, et tamen nec lentus est, nec rabiose iracundus.

Sequitur enumeratio virtutum⁶³). Erudita, rationi congruens, ac verissima distributio virtutum sumi potest ex ordine praeceptorum decalogi. Ut effigies praecipue fit, ut repraesentet archetypum, ita cum humana natura praecipue condita sit, ut sit imago Dei, hoc est, ut in nobis luceat Dei notitia, seu, ut simus exempla Dei, ut dicitur⁶⁴):

Exemplumque Dei quisque est in imagine parva, facile intelligi potest, summum hominis finem esse agnoscere Deum, ei obtemperare, et eum celebrare. Prima igitur virtus est reverentia erga Deum, quam vel religionem, vel pietatem Latini vocant. Nos in doctrina christiana nominamus fidem, timorem Dei, fiduciam et dilectionem Dei. De his virtutibus concionatur primum praeceptum.

Secundum et tertium continent externa officia erga Deum, ut, studium docendi de Deo, et curam tuendarum ceremoniarum, quia oportet externas significationes esse, per quas innotescat aliis notitia de Deo. Haec quoque a Latinis nomine religionis et pietatis comprehenduntur. Nos vocamus praedicationem, invocationem, gratiarum actionem, confessionem. Porro Aristoteles de his virtutibus primae tabulae decalogi nihil dicit. Estque vera et firma doctrina, de his ex Evangelio petenda. Etsi enim humana ratio habet quasdam de Deo notitias, intelligit Deum esse conditorem rerum, Deo parendum esse iuxta discrimen honestorum et turpium, quod est lumen divinitus insitum mentibus humanis: tamen opus est alia doctrina de reconciliatione, quam Filius Dei ex sinu aeterni Patris protulit.

⁶³) Ab his verbis incipit capitulum VII. et VIII. interpretatio.

⁶⁴) Manil. astron. 4, 893.

Virtutes secundae tabulae sunt notiores, quia gubernant actiones in hac societate civili necessarias, ac initio, secunda tabula constituit imperia, primum enim in societate necesse est multitudini praefici gubernatores. Est ergo virtus subditorum, obedientia, ut dicitur: Honora patrem et matrem. Et gubernatores illi imperent non suo arbitrio, sed iuxta legum divinarum vocem. Ideo prima tabula praecedat, ut gubernator sciat se subiectum esse Deo, et secunda tradit modum regendae societatis. Virtus ergo gubernatoris est iustitia universalis, quae iuxta leges decalogi regit, defendit et punit. Denique utriusque gradus, superiorum et inferiorum virtus est iustitia universalis, quae est obedientia, iuxta omnes leges Dei. Nam omnes debemus obedientiam, ut testatur Psalmus 82⁶⁵), (1): Deus in synagoga Deorum etc. Caeterum peculiaris virtus parentum erga natos, et natorum erga parentes, latine vocatur pietas, quae est iustitia parentum erga natos, obligans parentes, ut praestent natis ea quae debentur illis, scilicet ut alant et doceant eos de Deo, et de aliis rebus bonis, defendant, et assuefaciant ad res utiles reipublicae. Et contra pietas natorum est iustitia, obligans natos ad obedientiam erga parentes. Hic aliae species continentur: Iustitia coniugum inter se. Item: Iustitia fratrum, quae officia plura requirunt, quam aliae coniunctiones.

Quintum praeceptum: Non occides, continet iustitiam particularem, quae est, non nocere alteri vi aut fraude.

Primum autem prohibet iniurias corporum. Huc et fortitudo pertinet, quae est virtus propulsans iniustam violentiam. Item mansuetudo, quae frenat iracundiam. Item misericordia, seu *φιλοστοργία*, quae est affici aliena calamitate. Item amicitia, quae est iustitia obligans ad communia et mutua officia inter certos quosdam. Et vitia contraria fortitudini, ut timiditas seu ignavia, deserens eos, quibus defensio debetur. Item temeritas, accersens pericula non necessaria. Item mansuetudini contraria iracundia effrenis, et contra lentum esse, nec adfieri dolore, seu *νήμεσι* in alieno scelere propter gloriam Dei, aut aliorum calamitatem, aut propter exemplum. Nam *νήμεσις* virtus est, proprie ad hoc praeceptum pertinens, videlicet iusta indignatio adversus tur-

⁶⁵) Psalm. 82.] Ed. 1545. falso: Psalm. 71.; Ed. 1546. Psalm. 61.

pitudinem, qualis fuit in Phinees⁶⁶), interficiente⁶⁷) stupratorem. Vitia contraria misericordiae sunt ἀσπογία et crudelitas. Est autem ἀσπογία non affici sensu alienae calamitatis. Amicitiae multa sunt vitia contraria, μισανθρωπία, simulatio amicitiae.

Sextum praeceptum: Non moechaberis, concionatur de virtute, quae vocatur continentia, seu castitas, quae est virtus, certa lege regens opus generationis, quod Deus vult, non temere, ut in pecudibus, errare. Sed iuxta verbum a se traditum, reverenter in natura intelligente gubernari. Magna res est enim generatio, praesertim humanae naturae quae nascitur ad immortalitatem. Vult igitur Deus, ut cogitemus hoc opus singulare munus esse ab ipso attributum naturae humanae, vult nos obedientiam illi debitam declarare in regendo hoc opere. Vult vagas et portentosas libidines atrocibus poenis punire, ut historiae testantur de diluvio, de Sodomis, Troia, Graecis civitatibus, et alia innumera exempla. Vicina continentiae est temperantia, quae est virtus, moderans appetitiones cibi et potus, nam haec moderatio est custos continentiae, ut constat, luxu incendi libidines, ut dicitur:

Et Venus in vinis, ignis in igne furit⁶⁸).

Septimum praeceptum: Non furaberis, continet iustitiae particularis speciem, quae gubernat rerum divisionem et contractus, ne iniusta vi vel fraude aliena bona occupentur. Huc etiam liberalitas pertinet, quae de usu facultatum propriarum loquitur, et vicina est iustitiae. Quia iustitia praestat debitum ex naturali et civili obligatione, videlicet, quod et natura et magistratus iubent solvi. Sed liberalitas communicat id, quod ex naturali obligatione debetur. Etsi enim non debebat Samaritanus⁶⁹) propter edictum aliquod magistratum, saucio iacenti in via: tamen debebat ex naturali obligatione, quia quoddam naturale foedus est hominum inter se, quod praecipit, ut alterius vitae unusquisque quantum potest, opem ferat. Ex hac naturali obligatione oriuntur multa dicta apud iurisconsultos: Iure naturae aequum est, neminem cum alterius detrimento

et iniuria fieri locupletiolem. Ideo in contractibus bonae fidei multa praestanda sunt, quae non nuncupantur lingua. Sed hanc naturalem obligationem magis declarant sacrae literae de eleemosynis. Item Ioannes (1. epist. 3, 16.) inquit: Sicut Christus pro nobis animam posuit, ita nos⁷⁰) debemus pro fratribus animas ponere.

Vicina virtus est parsimonia, quae est virtus, servans res proprias, vitandis inanibus profusionibus, quae custos est iustitiae et liberalitatis, quia profusiones tolerari diu sine alieno non possunt. Ideo Antonius fit rapax, quia sine modo aliis largitur. Demades⁷¹) corrumpitur auro Macedonico⁷²), quia est sumptuosus. Et utraque virtus venustissime pingitur in dicto Salomonis (Prov. 5, 16. 17.): Fontes tui deriventur foras, et tu dominus eorum maneto. Pertinet ad praeceptum septimum et gratitudo, quia est iustitia, reddens debitum pro beneficio ex naturali obligatione. Ideo Deus ingratos punit, sicut inquit Salomon (Prov. 17, 13.): Non recedet malum a domo ingrati.

Octavum praeceptum: Non dicas falsum testimonium, continet veritatem, quae est virtus, voluntatem confirmans, ut recta dicamus, et in dictis constantiam praestemus, et in actionibus vitemus insidias, hoc est, ut quae agenda sunt, recte, serio, plane, agamus et prae nobis feramus, ut mens, oratio, mores congruant.

Haec virtus amplissimis laudibus praedicatur, quia mendacium, sophismata, calumniae multipliciter nocent vitae. Ideo inquit Salomon: Abominatio in labiis regis mendacium⁷³). Et Achilles inquit: Ut mortem odi, aliud dicere lingua, aliud sentire. Maxime autem Ecclesiae necessaria est haec virtus. Haec veram Ecclesiae pacem et concordiam efficit. Ut autem hoc 27. die Septembris Arca Noë consistere coepit ante annos 3830: ita Deum oremus, ut repressa sophistica, Ecclesiae tranquillitatem nunc concedat. Pertinet ad hoc praeceptum et virtus, quae vocatur candor, quae re ipsa non differt a veritate, sed tamen voce candidioris, circumstantia quaedam vocatur, ne durius iudicetur, quam res poscit, sed principalis voluntas spectetur, tum in dictis, tum in factis, ut

66) i. e. Phineas. Hoc factum eius narratur Num. 25, 7. 8.

67) interficiente] sic Ed. 1546.; Ed. 1545. interficientia.

68) Ovid. artis amator. l. 1. v. 244., ubi autem pro furit, quod Editt. huius commentar. habent, scriptum est: fuit.

69) Conf. Luc. 10, 33. 34.

70) nos] sic, verbis graecis congruenter, Ed. 1545.; in Ed. 1546. omissum est.

71) Demades Atheniensis orator, Demosthenis aequalis.

72) scil. Philippi regis Macedon.

73) Conf. Prov. 17, 7.

Scipio ⁷⁴⁾, quanquam fuit in suis negotiis modestus, fortis et felix, tamen interdum, ut sunt humana, fecit aliquid negligentius. Haec errata Cato ⁷⁵⁾ acerbè exagitabat, et gradus cumulabat. Accusabat non tantum culpam, sed etiam dolum, ait, ambitione et tyrannica voluntate Scipionem multa iniuste facere, alienabat a Scipione voluntates hominum, impediēbat negotia ei mandata. Econtra Laelius ⁷⁶⁾ haec errata extenuabat, interdum culpam agnoscebat, sed negabat voluntatem esse improbandam. Ostendebat item pensari haec incommoda magnis virtutibus, sicut et de Hercule dixit Euripides, et saepe citatur:

φᾶλος ἄκομπος, ἀλλὰ τὰ μέγιστα ἀγαθός ⁷⁷⁾.

Sic sunt in scriptoribus multa improprie dicta. Hic candor est voluntatem ex toto corpore orationis, aut ex circumstantiis, aut ex phrasi sumere. Est igitur virtus candor non calumniose, non duris interpretari dicta, aut facta, quam meretur voluntas, a qua proficiscuntur. Extrema sunt, stoliditas et studium calumniandi. Porro cum in omni vita, etiam in recte dictis et factis, incidant interdum offensiones leves et sanabiles, domineatur in iudicando candor, modo voluntas retineat necessarias virtutes, et sicut iustitia et *ἐπιείκεια* conferuntur, ita de sermone, aut iudicii veritatem et candorem conferri sciamus. Hactenus recensui distributionem virtutum iuxta decalogum, qui et species necessarias, et earum ordinem optime monstrat, ut facile iudicare prudens aestimator potest, et quoties opus est enumeratione et serie virtutum, mens decurrat per decalogum, nec alia est de virtutibus doctrina expeditior. Postea consideret studiosus, quatenus ad decalogum conveniant philosophica. Aristoteles utitur alia distributione sumpta ex proximis obiectis, in quibus fit mediocritas. Aliae faciunt mediocritates in affectibus, ut fortitudo, mansuetudo, temperantia. Aliae faciunt mediocritates in rebus, ut iustitia, liberalitas. Aliae in sermone, ut veritas et urbanitas. Item in conversationis suavitate, ut amicitia. Nec disputabo subtilius de hac distri-

74) L. Cornelius Scipio Asiaticus.

75) Cato Censor criminationibus effecit, ut ille Scipio ex equestri ordine eiceretur.

76) C. Laelius, Scipionis Africani amicus, praefectus classis bello Punico secundo.

77) Eurip. Licymn. fragm. I, 1.: *φᾶλον ἄκομπον, τὰ μέγιστα ἀγαθόν*. vid. Eurip. tragoed. fragm. epist. ex edit. Barnes. et Musgrav. T. II. p. 453.

butione, satis est utcumque videre consilium Aristotelis, qui ordinem a proximis obiectis sumpsit. Nam verum est hominis actiones, aut circa affectus, aut circa res, aut circa sermonem versari, et has omnes ratione quadam moderandas esse. Haec de enumeratione dixisse, satis est ⁷⁸⁾.

De causis virtutum ⁷⁹⁾.

Iam de causis dicendum est, quarum consideratio in primis utilis est. Philosophus has nominat principales causas honestae actionis, mentem iudicantem, et voluntatem obtemperantem. Accedunt ⁸⁰⁾ minus principales, impetus naturalis, adsuefactio, seu habitus, et membra, quae obediunt imperio rectae rationis, ut in Scipione, abstinente ab alterius coniuge ⁸¹⁾: causae sunt eius facti, mens iudicans iniustum esse, attingere alterius coniugem. Neque tamen una tantum ratione movetur, sed saepe veris et honestis argumentis multa congruunt. Alienantur hominum voluntates a ducibus, propter libidinem et crudelitatem. Sicut Iulianus recitabat carmen Bacchylidae ⁸²⁾:

Ut nisi sit vivo facies expressa colore,

Non decus in picto corpore truncus habet.

Sic reliqui mores sprete sine honore manebunt,

Ni sint ornati laude pudicitiae.

Accessit et alia ratio, cogitavit Scipio fortunam corrumpi impudicitia. His rationibus assentiens voluntas, antefert continentiam, domat affectus, et imperat externis membris, ne attingant alienam. Sed haec magis placide et sedate in mente disputantur, et a voluntate gubernantur, quia adiuvat heroicus impetus, id est, lumen mentis magis agnoscens pulchritudinem virtutis, et magis amans virtutem, quam alii imbecilliores amant. Haec difficiliter intelliguntur, quia ingens est imbecillitas hominum, et rara est, vel mediocris virtus. Sed tamen aliqua sunt exempla singularum aetatum.

Quantum decus est fortitudinis in eo milite, qui hoc anno 1542. in praelio commisso cum

78) est.] sic Ed. 1546.; Ed. 1545. sit.

79) De his disseritur in cap. IX. libri II. Ethic. Aristot.

80) Accedunt] sic Ed. 1546.; Ed. 1545. Accedant.

81) Conf. pag. 189. nota 66.

82) Bacchylides Cous, poeta lyricus (a. Chr. 450—430. flor.). Pindari aemulus in aula Hieronis regis Syracus., praeter hunc inprimis ab Iuliano imperatore maximi aestimatus, conf. Ammian. Marcellin. l. 25. c. 4. Poematum eius nihil nisi fragmenta supersunt.

Turcis in Pannonia, certae se morti obiecit, ut vitam sui domini, ducis Saxoniae, Mauritii defenderet. Cum enim dux Mauritius in praelio cum Turcis commisso, ad Pestum Ungariae oppidum, aviditate pugnandi, longius proveheretur, quam caeteri, illatus in hostium agmen a Turcis undique circumventus est. Ibi fortiter dimicanti, equus confoditur, collapsum igitur ducem una cum equo oppressuri Turci accurrunt, cumque iam Turcicus miles vestigium impressisset corpori ducis, eique stricto ferro, necem minaretur, unus ex satellitibus ducis Ribischius, Turcicum militem antevertit, ac obtruncat, hoc interfecto, facit impetum in caeteros Turcos, eosque repellit, interim plures comites ducis Mauritii adveniunt, qui cum ex ephippiis expediunt et reducunt. Ribischius vero servato domino, cum unus par esse agmini tanto non posset, multis vulneribus acceptis, tandem exanimatus, concidit. Laudanda est et fides et fortitudo militis, ac utraque virtus supra vulgus est. Habet autem causas non solum iudicium in mente, et voluntatem obtemperantem, sed etiam impetum acrem naturae et Deum, qui et ipsum militem praeliantem adiuvit, et eventum ita gubernavit, ut dux incolumis evaderet. Sunt igitur causae huius facti, mens, iudicium, voluntas obtemperans, et impetus naturalis in milite, et Deus adiutor ac gubernator, quia sine Deo virtus non est foelix.

In doctrina christiana sic traduntur causae actionum, ut sint tres: Mens iudicans iuxta verbum Dei, voluntas assentiens, Spiritus sanctus impellens mentem et voluntatem, et has infirmas vires adiuvans, et exitum gubernans, sicut inquit Christus (Ioann. 15, 5): Sine me nihil potestis facere, ut, cum Ioseph repugnat illecebris dominae. Primum mens intuetur verbum Dei, et detinetur in eius cogitatione a Spiritu sancto, ut colligat multas magnas causas. Agnoscit praeceptum, et iudicat Deo obediendum esse, cogitat poenas secuturas esse praesentes et aeternas, amissionem doni, scandala multiplicia. Cogitat se contristaturum⁸³⁾ esse Spiritum sanctum, discedentem ex suo domicilio, perturbaturum item in aliorum cordibus, cogitat item sese⁸⁴⁾ praebiturum causam, ut Diabolus triumphet adversus Filium Dei,

83) contristaturum] sic Ed. 1546.; Ed. 1545. perturbaturum.
84) sese] sic Ed. 1546.; Ed. 1545. se.

quod ruinam aliquam traxerit: item adversus infirmitatem humanam, cui nequam spiritus insultat. Denique in singulis actionibus concurrunt plurima argumenta, ex varietate causarum et effectuum collecta. His tot argumentis voluntas assentitur impulsiva et adiuta a Spiritu sancto, et quanquam postea propter calumniam rapitur in carcerem, tamen adest ei Deus, et gubernat exitum. Hae causae cogitandae sunt, ut discamus multas esse causas, multos effectus omnium actionum. Item, ut auxilium divinum petamus, et simul nostram diligentiam excitemus. Nam hae causae iungendae sunt, sicut scriptum est (Matth. 13, 12. 25, 29. Marc. 4, 25. Luc. 8, 18): Habenti dabitur, et 2. Corinthios 6, (1.): Adhortamur vos, ne frustra gratiam Dei recipiatis⁸⁵⁾. Et Basilius inquit: Tantum velis, et Deus prius occurret. *Μόνον θελήσον καὶ θεὸς προσπαντιξ.*

Nec dubium est, multos graves poenas dare ignaviae, qui etiam vocanti Deo repugnant.

Duo sunt proverbia graeca: Secundis ventis navigare⁸⁶⁾, prima seu praecipue optanda navigatio est. Sed si hoc non contingit, proximum est uti altera navigatione, quae ventis adiuvatur. Ita dicimus altera navigatione utendum esse, cum hortamur, ut quanquam destituti sumus commoditatibus, annitamur tamen, et significamus eos conatus non esse inutiles aut irritos. Ita hic inquit Aristoteles. Etiam si in tanta naturae imbecillitate non possumus perpetuo hunc cursum tenere, ut nihil peccemus, et in omnibus consiliis et actionibus certissimam normam semper sequamur, nec praecipitancia, vel errore, vel affectu aliquo impulsivi, labamur: tamen altera navigatio proderit, id est, proderit labore perficere, ne longius a medio depellamur. Sed tanquam remis acri contentione animi ad medium enitamur, quam proxime possumus. Video generaliter usurpatum esse proverbium in hanc sententiam: Qui praecipua bona non contigerunt, proximis tamen utatur, ut, cui non contigit summa vis ingenii, utatur iis viribus, quas habet, easque industria adjuvet. Non contigit prima navigatio, ut habeamus rempublicam seu Ecclesiam, qualent omnino vellemus, fruamur ergo praesenti, et eam nostris officiis, nostro labore adiuvemus.

85) recipiatis] sic Ed. 1546.; Ed. 1545. accipiatis.

86) ἐξ οὐρανόσ. ἢ ἐξ οὐρανόσ. φέρεισθαι. De hoc proverbio conf. Erasmi adag. chil. II. cent. V. nr. 16. pag. 407.

Sic de coniugio dicit *Ναυμάχιος*⁸⁷⁾: Dulcissimum esse puro corpore coelibem vivere: sed si cui opus sit coniugio, traditurum se esse praecepta, quomodo hanc alteram navigationem regat. *Πῶς χρῆ σε περιῆσαι τὸν πλοῦν, ὡς τὸν*⁸⁸⁾ *δεύτερον Φᾶσιν, εὐφρονη θυμῷ.* Quod vero Aristoteles toties admonet, quam difficile sit moderari impetus animorum, et ad mediocritatem flectere, extat in philosophia illustre testimonium de ingenti imbecillitate naturae humanae. Tacite igitur significat aliud genus doctrinae superius quaerendum esse de causis et remediis huius imbecillitatis. Constituit philosophia certo hominem ad virtutem conditum esse. Itaque miratur qui fiat, cur tam rara res sit vera virtus. Magis etiam

87) Naumachius, poeta graecus serioris aevi. Poematis gnomici eius fragmenta e Stobaei serm. 68. 93. 74. collegit Brunck (poett. gnomicc. p. 122 sqq. 322 sq.) et in carmen 73 versuum coniunxit, quod *Ναυμαχίου γαμικά παραγγέλματα* inscripsit.

88) τὸν] sic Ed. 1545.; in Ed. 1546. omiss. — Brunck I. I. p. 122. v. 10. 11. haec refert Naumachii verba: *πῶς χρῆ σε περιῆσαι τὸν πλοῦν, ὡς φασιν, τὸν δεύτερον εὐφρονη θυμῷ.*

miratur unde sit immanitas⁸⁹⁾ facinorum, ut in Atreo et Thyeste, et similibus. Hic docet vox divina, haec mala naturae humanae non esse orta a Deo, sed naturam depravatam esse vulnere Diaboli. Ac praeterea multos impelli furialibus stimulis a Diabolo, ut Atrea, Thyestem, et similes. Monstrat autem auxilium, idque non solum pollicetur, sed etiam peti praecipit, ut cum inquit (Luc. 11, 13.): Quanto magis Pater vester, qui in coelis est, dabit Spiritum sanctum petentibus, ergo fiducia Filii Dei petamus nos regi Spiritu sancto. Hic depellit Diaboli insidias, et frenat errantes impetus animorum, et inserit meliores motus et gubernat eventus, ac donat successus, si tamen voluntas etiam mediocriter annitatur, ut recte faciat. Concurrere enim causas, quas supra diximus, oportet. *Μόνον θέλησον καὶ θεὸς προαπαντᾷ.* Item, praeunte gratia, et comitante voluntate. Item, *τὸν βουλόμενον ἔλκει θεός*⁹⁰⁾.

89) immanitas] sic Ed. 1546.; in Ed. 1545. deest.

90) Conf. supra p. 193. 240.

IN TERTIUM LIBRUM ETHICORUM ARISTOTELIS

ENARRATIONES PHILIPPI MELANTHONIS.

Supra tradidit definitionem virtutis, in qua fit mentio causarum. Nunc in tertio libro de causis disserit, videlicet de iudicio mentis et de libertate voluntatis. Hi sunt fontes virtutis vere divini. Nam haec est pars imaginis Dei in homine, iudicium agnoscens Deum, et discernens honesta et turpia, et facultas voluntatis, qua potest eligere honesta. Ex hac imagine Dei consideres oriri virtutem. Etsi enim imago est obscurata caligine, et morbo lapsae naturae, tamen pars aliqua mansit, videlicet quaedam notitiae legis et facultas eligendi honestas actiones subiectas rationi, et ad externam vitam pertinentes. Ut igitur Aristoteles monstret causas, discernit gradus actionum tres: voluntarias, involuntarias et mixtas. Estque utilis distinctio, ac saepe in iudiciis usurpatur. Longe differt delictum errore admissum, a delicto, quod dolo factum est, ut differunt Evae delictum, et Mariae negligentia, amisso filio.

Actio prorsus voluntaria est, quae regitur consilio mentis non errantis circa obiectum, et in qua voluntas non impeditur externa violentia aut terrore.

Involuntaria est, quae fit per ignorantiam probabilem, aut cum externa violentia coguntur membra, ut narrat canon Presbyteros 50.⁹¹⁾ distinctionis⁹²⁾ aliquos martyres ligatos, et ad aras idolorum gestatos esse.

Mixtae dicuntur, cum non affertur manus corpori, sed errore, seu minis propositis, voluntas inter duo eligit alterum, ut praesens periculum effugiat, ut cum fractus metu, mavult⁹³⁾ abiicere Evangelium, quam amittere vitam. Has vocat mixtas actiones, quae tamen re vera sunt

91) 50.] sic recte Ed. 1546.; Ed. 1545. Se:

92) Decreti prima pars dist. L. c. 32. (Corp. iur. canon. ed. Richter P. I. p. 165.).

93) metu, mavult] sic recte Ed. 1546.; Ed. 1545. metum mavult.

voluntariae. Etsi enim voluntas metu perturbatur, tamen retinet libertatem, et vincere metum debebat. Estque usitata iurisconsultorum vox, et vera de hoc genere: Coacta voluntas est voluntas.

τὸ δὲ τέλος τῆς πράξεως]⁹⁴⁾.

Finis, seu aestimatio actionis est facienda tunc, cum fit, id est, actio redimentis se pecunia a latrone, est voluntaria, quia etsi primum non cogitarat viator se daturum esse, tamen postea cum incidit in periculum, articulo temporis movetur, ut consilium mutet, et eligat inter duo mala alterum. Haec est sententia verborum Aristotelis: Finis actionis est secundum opportunitatem⁹⁵⁾, id est, etsi principio nec cogitabas, nec expetebas hanc iacturam, imo nolebas, et aversabaris, tamen postea articulus, seu opportunitas mutavit consilium. Est igitur actio voluntaria tunc, cum fit, videlicet propter talem articulum temporis, quia iudicas illi tempori hoc magis expedire. Et quidem re vera actio voluntaria est, quia non oritur immediate a principio externo, ut supra de coactione dictum est, sed a voluntate deligente alterum inter duo mala. Exemplum monstrant usum huius sententiae. Usitatum dictum est: Serviendum est tempori⁹⁶⁾. Item:

Temporibus sapiens mores sine crimine mutat.

Item: Quando fieri non potest quod vis, velis quod potest fieri. Et Cicero inquit: Semper idem spectandum est, non semper idem sentiendum. Sentit Cicero primum adversandum esse Caesari, priusquam crevit, postquam crevisset, ac sero iam et frustra caeteri contra nitentur, sentit potius ei cedendum esse, et praesentem statum mediocrem mutandum esse, ne deteriora accidant. Cum Thrasybulus recuperaret patriam, multi exules reducti, repetebant erepta patrimonialia, sed sine novis motibus⁹⁷⁾ non poterant eis restitui. Tulit igitur legem humanissimam μή μνησικα-

94) Verba Aristot. Eth. Nic. 1. 3. c. 1. §. 6.

95) Verba Aristotelis sunt: τὸ δὲ τέλος τῆς πράξεως κατὰ τὸν καιρὸν ἐστίν.

96) Hoc dictum est Phocylidis: Καίρη λατρεύειν, μηδ' ἀντιπνέειν ἀνέμοισι; vid. Theognidis, Phocylidis, Pythagorae, Solonis et aliorum poemata gnomica, op. Fr. Sylburgii. Ultraj. 1659. 16°. p. 107. Conf. Erasmi Rot. adag. chil. 1. cent. 1. nr. 91. p. 47.

97) motibus] sic recte Ed. 1546.; Ed. 1545. typogr. errore: moribus.

καίρη, quam cum pacis causa approbarent illi ipsi exules reducti, sua volentes tunc amittebant, etiamsi prius cogitarant se non amissuros esse. Denique utile est praeceptum vitae: Serviendum est tempori, sed metae teneantur. Ac disserit hic Aristoteles breviter de mediis, videlicet utilitates maiores minoribus antefendas esse, sed addendum est, salvo officio, et salva religione, id est, ne quid fiat iniuste. Cicero iustius fecit quod se dedit Caesari, quam Cato, qui sibi mortem conscivit. Supra diserte descripsit involuntarium dici quod fit, aut vi⁹⁸⁾ coacto corpore, aut per ignorantiam. Nam ad voluntariam actionem duae vires concurrunt, mens et voluntas. Quare cum mens ignara non iudicat, nec praemonstrat voluntati quid agendum sit, temere et sine duce fertur voluntas. Nec dicitur actio proprie voluntaria. Iam igitur de errore illo et ignorantia disputat. Magna sunt enim discrimina nec omnis ignorantia excusat delictum. Estque usitata regula: Ignorantia facti excusat non iuris⁹⁹⁾. Non excusat ignorantia Evangelii eos, qui adversantur verae doctrinae. Peccat enim voluntas, cum id, quod homo scire debet, non inquirat. Omnes autem scire debent ius divinum et naturale. Id negligere, est Deum contemnere. Ideo recte dicitur ignorantiam iuris, praesertim divini et naturalis, esse dolum. Contemptus autem Dei voluntarium peccatum est. Et hic honestissime inquit Aristoteles: Affectatam ignorantiam non esse involuntariam, sed malitiam. Et iurisconsultus¹⁰⁰⁾ inquit: Non stultis sed errantibus iudicem succurrere¹⁾. Alia est facti ignorantia, aut sui, aut alieni. Alieni magis excusat, ut apud Paulum: Si quis ignarus vescitur consecratis²⁾. Haec est alieni facti ignorantia, quod inquirere me non est necesse. Ideo si quis ignorans delictum alterius, non vitet eius consuetudinem, excusatur. Ignorantia facti proprii multiplex est, aut enim praebuit aliquis causam ignorantia, ut ebrius³⁾; haec quoque est affectata, et non excusat; aut negligentius agit quod mandatum est, ut Marci negligentius custodivit relictum filium (Luc. 22. 34).

98) vij sic Ed. 1546.; Ed. 1545. in.

99) Conf. supra p. 237. nota 61.

100) iurisconsultus] sic Ed. 1546.; Ed. 1545. iureconsulta

1) Conf. supra p. 236. nota 63.

2) Vid. 1. Cor. 10, 27.

3) Ebrietate culpam non minuui, sed augeri p. 236. d. 1. ctum est.

43 sqq.). Hoc modo multum peccant omnes homines, ac sapientes etiam et boni in hac tanta infirmitate. Quia nemo satis aut vigilans, aut diligens est in officio suo. Nemo satis cautus, vel in eligendis amicis, vel in prospiciendo exitum negotiorum, quorum pleraque bona specie suscepta, tamen postea corrumpuntur. Denique infinita sunt huius ignorantiae errata, et necesse est omnes hanc vocem ad Deum adferre: Ignorantias meas ne memineris⁴⁾. Sed quaedam ignorantio facti probabilem excusationem adfert. Ut, si quis dixisset se vendere agrum Titio, et postea errans de persona traderet Fabio, putans Titium esse, hoc erratum retractatur. Recensui usitatam et utilem distinctionem de ignorantia iuris et facti. Aristoteles aliquanto aliter loquitur, sed res easdem complectitur, ignorantia affectata, inquit, non excusat. Haec est, cum vel de lege, vel de proprio facto nescitur, quod inquiri et poterat et debebat. Peccat enim voluntas non imperans inquisitionem. Est autem obscurum dictum in textu: Omnis flagitiosus ignorat quae oporteat agere. Id dictum Eustratius⁵⁾ tantum de ignorante intelligit, videlicet hoc modo: Qui ignarus est, et tamen flagitia admittit, id ignorat, quod inquirere debebat, videlicet legem, vel sui officii actiones ideo voluntas peccat, et vere sunt culpandi, qui hac ignorantia admittunt scelera. Citantur in textu⁶⁾ et exempla. Aeschylum aiunt accusatum esse, quod quaedam Eleusinia arcana inseruisset suo poemati, atque ita patefecisset. Is usus est hac excusatione, quod nescisset eam partem haberi pro arcana, et absolutus est, praesertim, quia venia dignus putabatur propter suam et fratris fortitudinem. Frater enim Aeschyli fuit Cinegirus, qui navem mordicus arripuit, in qua hostes fugiebant. Aeschylus etiam in praelio Marathonio strenue dimicaverat et ex acie semivivus in castra relatus est, cum aliquot ab hostibus vulnera accepisset⁷⁾. Alterum exemplum narrat de Merope, quae interfecit filium, putans hostem esse, id sumptum dicunt ex tragoedia Euripidis, cui titulus est

Cresphontes. Ea tragoedia non extat⁸⁾. Sed particula historiae repetitur apud Pausaniam in Messeniis, pag. 88.⁹⁾ Cresphontes dolo potitus fuerat terra Messeniorum, deceptis Aristodemi¹⁰⁾ liberis in sortitione. Habuit autem uxorem Merope, filiam regis Arcadum¹¹⁾. Sed aliquanto post irritati cives, interfecerunt cum ipsum, tum liberos eius, praeter unum. Haec sunt apud Pausaniam. Fortassis in ea caede Merope insaniens, unum ex filiis interfecit, putans hostem esse¹²⁾.

Supra tradidit definitionem non voluntarii, nunc breviter e regione dicit, quid nomet voluntarium, seu spontaneum, videlicet, cuius principium est in ipso sciente actionem, et circumstantias praecipuas. Deinde addit quaestionem: An facta per iram, aut cupiditatem, sint voluntaria. Plato nominat involuntaria, et deserit homines non sponte malos esse, sed violenter rapi impetu temperamentorum, ut ad iram biliosos. Hanc opinionem infra refutat Aristoteles. Nam temperamentum non est tota causa actionum, aut habituum, ut norunt physici. Pronuntiat igitur facta per iracundiam et cupiditatem, voluntaria, seu spontanea esse, imo puerorum¹³⁾ et pecudum actiones, ita discernit, ut alias nuncupet spontaneas, alias violentas. Etsi enim pueris et pecudibus non tribuit *προαιρεσις*¹⁴⁾, tamen videt in his quoque discrimen esse inter violenta et spontanea. Leo sponte parci homini prostrato, sed tamen sine deliberatione. Econtra vi retinetur, cum includitur carceri. Adduntur et alia quaedam argumenta, refutandi

8) Fragmenta huius tragoediae deperditae reperuntur in Euripid. tragoed. et epist. ex rec. Barnea. c. fragm. ex rec. Musgrav. T. II. p. 436 sq. Conf. Fabricii bibl. gr. T. II. p. 250.

9) Pausan. I. IV. c. 3. §. 3 sqq. Praeter hunc, historiam Merope diligenter enarrat Hyginus fab. 137., cuius pars magna fabulae 184. librorum culpa adhaesit. Cum his conferri etiam potest Apollodor. lib. II. in fine.

10) Aristodemus a. 729. a. Chr. rex Messeniorum creatus; vid. A. Pauly Real-Encyclopaedie der class. Alterthumswissensch. T. I. p. 768.

11) Scil. Cypseli, filii Aepyti, vid. Pausan. IV, 3, 3. VIII, 5, 4. Müller Dorier I, 99.

12) Hic Merope filius, aliis aliter vocatus, Euripidi Cresphontes audit, ut ex Eustratii commentar. in h. l. Aristot. novimus; ne quis putet, Cresphontem, maritum Merope, post cuius mortem omnia acta finguntur, tragoediae nomen dedisse.

13) puerorum] sic Ed. 1546.; Ed. 1545. et puerorum.

14) *προαιρεσις*] sic Ed. 1546.; Ed. 1545. h. l. et in sequent.: *prohaeresis*.

4) Conf. Psalm. 19, 13.

5) Conf. p. 306. nota 39.

6) Arist. Eth. Nic. I. 3. c. 1. §. 17.

7) Legatur Aspasii explicatio huius loci (Aristot. Ethic. Nicom. libri X. ed. C. Zell. Heidelb. 1820. 6. Vol. II. p. 86.), Actiani Var. Hist. V, 19. Clement. Alex. Stromat. II. p. 387.

Platonis causa, cum Plato concedat honesta, ad quae accedit ira, vel cupiditas, spontanea esse, ut, cum irascitur generosus animus turpitudini, cur non eodem modo iudicat de delictis, cum causae sint similes? Caetera argumenta omitto, nam haec ideo recito, ut lector admonitus, sciat occasiones harum tenuium disputationum.

Caput II.

Secundum caput utiliter discernit causas actionum, quae foris in speciem similes sunt. Nam in hac parte philosophiae, cum humanarum actionum discrimina quaerenda sunt, non solum de contrariis actionibus, sed etiam de similibus dicendum est, ut caveamus, ne decipiamur *καποζήλια*. Multae actiones Marcelli¹⁵⁾ et Terentii Varronis¹⁶⁾ sunt similes, sed causae sunt dissimiles. Hic maxime verum est quod dicitur: Duo, cum idem faciunt, non est idem. Marcellus impetu heroico movetur, adhibet cautionem et diligentiam. Alter ut fugax canis, temere facit impetum in hostem, nec cavet ea, quae sunt cavenda, et statim cedit periculis. Tales sunt plurimae differentiae in sacris historiis, ubi similes actiones in speciem, tamen re ipsa dissimillimae sunt, ut postea dicam. Nunc de civilibus loquamur. Causas recenset Aristoteles quatuor: Naturam, opinionem, voluntatem, et *προαίρεσιν*, ut, Cato est natura constans, Brutus opinione, quia sic institutus et adsuefactus est, Thraso¹⁷⁾ voluntate, id est, simulatione. Postremus gradus est, recto iudicio constantem esse, ut fuerunt Laelius, Fabius, Scipio. Hos gradus hic discernit Aristoteles, et docet tantum eas actiones gignere virtutem quae sequuntur *προαίρεσιν*, id est, quae iudicio, seu cum quodam delectu et deliberatione fiunt. Hic ultimus gradus praecipuus est. Cato etsi natura ad constantiam ducitur, non tamen moderatur naturae duritiem. Brutus, quia illam duritiem putat decus aliquod esse, accersit eam studio, nec videt quid erret. Thraso

15) M. Marcellus a. 216. a. Chr. praetor et a. 215. proconsul bellum contra Hannibalem feliciter gessit (Liv. XXIII, 14—16. 44—46. Plutarch. Marc. 9 sqq.) et a. 212. Syracusas expugnavit, quibus captis fere tota Sicilia ditioni Roman. subiecta est. (Liv. XXV, 22—31. 40. 41.).

16) C. Terentius Varro, qui cum L. Aemilio Paulo a. 216. a. Chr. consul ad Cannas ab Hannibale funditus devictus est. (Liv. XXII, 40—52.).

17) Conf. p. 210. nota 10.

prorsus simulat, sed Fabius, Laelius vere sunt constantes iudicio, vident quid agant, et cum decet, cedunt, ut, cessit Fabius magistro equitum¹⁸⁾, quod Cato nequaquam fecisset. Caeterum in genere sciamus similes actiones in speciem, propter diversas causas maxime differre. Scipio et Catulus¹⁹⁾ gerunt bella, sed in Scipione est impetus heroicus, accendens fortitudinem, in Catulo non est heroicus impetus. In Davide et Alexandro sunt impetus heroici similes, et tamen causis aliis differunt actiones. Alexandro causa impulsiva, est ingens cupiditas gloriae suae, et fiducia sui exercitus, sed Davidi causa impulsiva est studium obediendi Deo, et cupiditas defendendae religionis, ac fiducia divini auxilii. Finis Alexandro est, ut parta victoria, sanciantur gentium disciplina, constituentur iudicia, et in pace floreat honestae artes, et ipse hac gloria fruatur. Finis Davidi est, ut parta victoria conservetur Ecclesia Dei, et latius propagetur coelestis doctrina, et Deus innotescat ac celebretur, et discat populus, quare Ecclesia tantis aerumnis exerceatur, et fidem in periculis exuscitet, ac sciat se iuvare a Deo. Faciunt igitur causae discrimina actionum Davidis et Alexandri, similium in speciem, nam omnis actio praecipue aestimatur a causis in mente et voluntate. Haec satis sit breviter monuisse de hac dissimilitudine²⁰⁾.

Caput III.²¹⁾

Definit Aristoteles *προαίρεσιν* esse sponte velle, aut nolle honesta vel inhonesta praecedente deliberatione, ut, Scipio praecedente deliberatione, abstinet ab aliena sponsa²²⁾. Nasica

18) M. Minucius Rufus magister equitum, ferox et temerarius, criminando Q. Fabium Maximum dictatorem, tanquam segnem et timidum, effecit, ut populi iussu ei imperium cum dictatore aequaretur exercitusque divideretur a. 217. a. Chr., vid. Liv. XXII, 24—26.

19) Q. Lutatius Catulus, Q. Lutatii Catuli filius, Capitani cognominatus, cum Pompeio contra Lepidum bellum civile gessit a. 78 et 77 a. Chr., conf. Pauly Real-Encyclop. T. IV. p. 1248 sq.

20) In Editt. 1532. et 1535. capita I. et II. summatis multaeque brevius explicantur. Ea interpretationis pars, qua ignorantia agitur, inscripta est: Quando excuset ignorantia.

21) Huius capitis in Editt. 1532. et 1535. explicatio, ab Editt. 1545. et 1546. diversa, inscripta est: Tertium caput. *προαίρεσι*.

22) Conf. p. 189. nota 66.

re deliberata, interficit Gracchum²⁵⁾. Estque haec²⁶⁾ definitio observanda propter definitionem virtutis, supra traditam. Monstrat enim causas virtutis, scilicet mentem iudicantem, et voluntatem. Virtus est habitus proaereticus, id est, ortus ab actionibus, quae iudicio mentis, et libera voluntate suscipiuntur et reguntur. Postea hic traduntur gradus causarum efficientium, necessitas, natura, fortuna et mens.

I. L²⁵⁾ Necessitatem intelligit certam legem coelestium corporum, ut, quod certo die fiunt aequinoctia, solstitia, congressus siderum etc.

II. Naturam intelligit vim in elementis, aut mixtis corporibus, efficientibus per sese qualitatem aliquam in obiecto, ut, ignis natura calefacit corpora admota.

III. Fortuna est, cum eventus non gubernatur consilio, nec proprie oritur a necessaria, vel naturali causa propinqua.

IV. Appellatione mentis complectitur, et partem iudicantem, et partem volentem, ut, mens Scipionis proprie causa est, quod ab aliena sponsa abstinet. Hi gradus efficientium complectuntur universam naturam, nec vult Aristoteles humanos eventus ad omnes has referri, sed considerandum est, qui, a quibus oriuntur, ut temperamentum a coelesti causa, morbus a naturali causa. Fortuita multa sunt, quae non reguntur consilio. A mente oriuntur quae reguntur consilio²⁷⁾ sive bonae, sive malae actiones. Doctrina ecclesiastica addit causas bonarum actionum, motus Spiritus sancti. Malarum actionum impulsiones Diaboli, ut flagitia Neronis oriuntur ab impellente Diabolo.

Caput IV.²⁷⁾

De obiecto voluntatis recte et dextre dicitur bonum esse obiectum voluntatis, quod appetit,

25) P. Cornelius Scipio Nasica a. 133. a. Chr. Tiberium Sempronium Gracchum ob legem agrariam Licinii renovatam in Capitolio interfecit. (Plutarch. Tib. Gracch. 16—19. Appian. 14—16.).

26) haec] sic Ed. 1546.; Ed. 1545. hic.

27) I.—IV.] sic Ed. 1545.; in Ed. 1546. haec numerorum signa desunt.

28) A mente oriuntur quae reguntur consilio] sic Ed. 1545.; in Ed. 1546. haec omissa sunt.

29) In Editt. 1532. et 1535., quarum explicatio ab Editt. 1545. et 1546. valde differt. h. l. eadem inscriptio legitur, quam paulo post haec sequitur: Quintus locus de obiecto voluntatis.

seu prosequitur, sive vere bonum recte iudicanti, sive quod videtur bonum erranti. Rursus et malum esse obiectum, quod fugit voluntas. Etsi autem hanc simplicem sententiam quidam cavillationibus labefactare conantur, et contendunt adeo liberam esse voluntatem, ut etiam sine ratione boni, malum possit velle, tamen haec ratio confundit discrimina obiectorum. Sic condita est voluntas, ut in bono acquiescat, idque prosequatur, et fugiat malum. Ideo non acquiescit in malo, etiamsi perversitate aliqua, interdum eligit malum, nulla boni ratione. Quae enim absurditas esset dicere, voluntatem humanam pariter in Deo et in tauro Phalaridis²⁸⁾, acquiescere posse. Retineatur ergo communis sententia, quod bonum sit obiectum voluntatis, videlicet expetendum, seu prosequendum, nec malum expetitur, nisi ratione aliqua boni, ut Christus vult sustinere mortem, quia ducit omnium optimum esse obedire mandato Dei. Iam quaeritur de ordine honorum: an etiam infinitum bonum sit obiectum humanae voluntatis. Aristoteles tantum de finitis loquitur, quae sunt aliquo modo in potestate nostra, sicut supra dixit, *προαίρεσιν* eorum esse, quae sunt in potestate nostra. Sed nos vera ratio, et ipsa lex Dei docet, praecipuum obiectum voluntatis esse bonum infinitum, scilicet Deum, iuxta illud (Matth. 22, 37. Marc. 12, 30. Luc. 10, 27.): Diligas Dominum Deum tuum ex toto corde. Postea caetera bona iusto ordine expetuntur. David praecipue Deum diligit, postea expetit victorias, victum, bonum statum reipublicae, ut conservetur Ecclesia, Deum celebrans. Scipionis voluntas versatur circa finitum bonum, expetit virtutem, quia huius pulchritudinem cernit, et iudicat magis convenire homini actiones virtutis, quam belluinas voluptates. Sed cur mala appetuntur? laborans febriliter, intelligit immodicum potum nocere hepati²⁹⁾, et tamen appetit, causa est, quia ingens est discordia affectuum et iudicii. Rapiunt autem voluntatem affectus, etiam cum

28) Phalaridi, saevo Agrigentinarum in Sicilia tyranno, qui novis hominum tormentis delectebatur, Perilaus (quem Plin., Ovid., Propert., Sil. Perillum vocant), Atheniensis, ex aere taurum artificiosissimum fabricavit. cui ianua in latere posuit, ut, quum inclusus reus subiectis ignibus torqueretur, mugitum, et non hominis vocem videretur emittere: pro quo invento quum munus a tyranno postulasset, in eo ipse includi a Phalaride iussus ac suppositis ignibus exustus est. Tandem tyrannus ipse ob saevitiam a suis huic tauro inclusus est et crematus.

29) hepatis] Editt. 1545. et 1546. epatis.

reclamat iudicium, et affectus prosequitur aliquid, quia illi parti bonum ducitur, ut sitiendi orificio ventriculi, et oesophago, seu faucibus, suavis est restinctio fervoris, tametsi caeteris membris nocet. Ita David appetit complexum alienae coniugis³⁰⁾, quia cor inflammatum est amore, et rapit secum infirmam voluntatem, quae ideo non refugit, quia parti, id est, cordi ea res suavis ducitur. Ex hac brevi admonitione intelligi potest, quomodo contrariae res ab uno homine appetantur, sed a diversis viribus, quae quidem ita sunt adsuefaciendae, ut menti obtemperent inferiores vires, sicut Achilles stringens gladium, se reprimat a Pallade admonitus³¹⁾. Et pii discant iuvare se in hoc certamine a Deo, ut dicitur (Rom. 8, 26.): Spiritus adiuvat infirmitatem nostram. Et econtra sciamus, incendi in impiis furores istos a Diabolo.

Caput V.

Hic disputationem inserit de libero arbitrio, quae ab iis, qui recte instituti sunt in doctrina christiana, facile explicari potest. Et bonis simplex, et firma sententia cognoscenda est, qua constituta, facile postea est videre, unde aliorum certamina extiterint. Stoici in hac quaestione, rixati sunt de fato. Plato propter alias causas tollit libertatem, adductus videlicet in errorem, quia humanae imbecillitatis causam ignorabat. Vidit dissidium rationis, et aliarum virium, ideo movit certamen, ac duas recitat causas, quare disserit vitium non esse voluntarium, prior haec est, vitia sunt contra naturam, altera est, quia temperamenta corporum inclinant ad vitia. Etsi autem ignaro doctrinae christianae difficile est respondere, tamen nobis institutis in Ecclesia, facilis est explicatio. In mente manet rectum iudicium de honestis actionibus, praesertim civilibus. Huic obtemperare potest homo in externis actionibus, sicut artificis manus ipsius cogitationi in externo opere faciendo obtemperare potest. Haec libertas mansit etiam in hac corrupta natura, et discernit hominem a pecudibus. Recte igitur respondetur, voluntatem hominis liberam esse in eligendis actionibus externis. Saepe autem haec libertas vincitur, cum ab imbecillitate nostra, tum

a Diabolo, sed tamen non necesse est obsequi voluntatem vitiosis motibus, ideoque sancti iuvantur Spiritu sancto, ut imbecillitati naturali et Diabolo repugnent, et recte faciant, ut Philipp. 2, (13.) dicitur: Deus enim est, qui efficit in vobis velle et perficere.

Dixi de externis actionibus, seu de disciplina. Sunt autem aliae quaestiones de imperfecta obedientia, et de motibus spiritualibus erga Deum, quae copiose explicantur in doctrina Ecclesiae, et melius intelliguntur ab his, qui non sunt rudes disciplinae, sed mediocri diligentia regunt mores. Quomodo enim intelligent illi discrimen virtutum Laelii et Pauli, qui utrumque genus pariter ignorant, et nullum habent studium virtutis. Etsi videt Antonius³²⁾ rem pulchram esse, continentiam Scipionis, agnoscit enim talem ordinem actionum convenire naturae hominis, et prodesse communi vitae, tamen, quia ipse non exercet eam virtutem, minus videt quantum hoc decus sit, quia quodam ordine divinitus instituto, inter caeteras poenas, error et amentia sequitur flagitia. Sed Christianos necesse est vero studio hanc disciplinam praestare, id est, ita regere actiones, ne ruant contra conscientiam. Ac saepe monemus quatuor esse causas, propter quas haec diligentia necessaria est. Prima est propter mandatum Dei, secunda ad vitandas poenas, quia non dubium est externa delicta, ordine a Deo instituto, sequi poenas in hac vita, propter duas causas, ut ostendat se Deus irasci delictis, deinde ut tueatur politias, quas vult conservari, ideoque vult hominum mores regi et poenis coerceri. Ideo manifestis cladibus punit periuria, seditiones, iniustas caedes, incestas libidines, atrocia furta, usuras, etc. Tertia causa, ut aliorum tranquillitati serviamus. Quarta, ut sit paedagogia in Christum, quia Spiritus sanctus non est efficax in his qui perseverant in delictis contra conscientiam. Haec quatuor causae semper sint in conspectu, ut nos ad regendos mores exuscitent, hoc cum fit, addamus etiam veram poenitentiam et fidem. Ad hos motus concurrunt plures causae, scilicet verbum Dei, Spiritus sanctus, mens hominis, et voluntas hominis, quae mota a Spiritu sancto, cum luctatur cum infirmitate, certe non est otiosa in tam difficili certamine. Haec in praesentia monuisse satis sit. Stoica deliria de fato alias saepe

³⁰⁾ Conf. 2. Sam. 11, 3. 4.

³¹⁾ Hom. II. I. 194 sqq.

³²⁾ M. Antonius (Triumvir) maxime libidinosus.

refutata sunt. Platonis argumenta, quibus tollit libertatem, etiam facile diluuntur.

Primum argumentum.

Nemo volens appetit ea, quae sunt contra naturam.

Vitia sunt contra naturam:

Ergo nemo ea volens appetit.

Respondeo ad minorem: Vitia sunt contra naturam, scilicet integram, non sunt contraria corruptae. Item sunt contraria parti, scilicet menti, non appetenti parti aversae a Deo, ut anteferre vitam confessioni veritatis, contrarium est menti, pars appetens cupit retinere vitam.

Secundum argumentum.

Temperamenta tradunt nolentes.

Aliqua temperamenta inclinant ad vitia:

Ergo aliqui nolentes trahuntur in vitia.

Respondeo ³³⁾ ad minorem: Ita inclinant, ut sint tantum partiales, et remotiores causae actionis, sed actio externa immediate oritur a voluntate, quae et libera est, et locomotivae libere imperat.

Tertium argumentum:

Aristoteles in textu duo argumenta opponit libertati, quorum posterius est Platonicum. Prius est levius. Est autem hoc:

Habitus non possunt mox sumi aut deponi.

Virtutes et vitia sunt habitus:

Ergo non sunt voluntaria.

Respondeas: Plus est in conclusione, quam in praemissis. Etsi enim non mox sumi et deponi possunt, tamen sunt in potestate nostra, et quia praecedentes actiones, quae gignunt habitum, sunt simpliciter in potestate nostra, et quia habitus praesentes, contrariis actionibus mutari possunt. Sicut videmus artifices dediscere artes, et Alexander, qui initio iustus et mitis erat, postea factus est saevus, et Augustus initio asper et immitis, postea fuit clemens. Maior perspicuitas est loqui de actionibus. Sunt autem liberae, seu spontaneae actiones voluntatis, sive ante, sive post habitum existant. Nam voluntas et iuxta habitum, et contra agere potest. Sed de habitibus obscurior est oratio. Respicit autem Aristoteles vim consuetudinis seu adsuefactionis. Usi-

³³⁾ Respondeo] sic Ed. 1546.; Ed. 1545. Responde.

tatum dictum est: Consuetudo est altera natura, et Galenus inquit: Consuetudo est acquisita natura. Ut igitur natura impetus vehementes habet, ita consuetudo valde in eam partem impellit hominem, ad quam adsuefactus est. Ideo omnes leges sapientes conati sunt homines honesta disciplina seu adsuefactione, ad virtutem flectere, ut dicitur in versiculo:

Adeo a teneris consuescere multum est ³⁴⁾.

Manet tamen libertas actionum, et actiones contrariae mutant habitus, quia voluntas est principalis causa, quae vincit habitum minus principalem causam. Ideo dicitur:

Quod male fers, adsuesce; feres bene. Multa vetustas Lenit ³⁵⁾.

Porro omnes hae disputationes ex uno fonte oriuntur, videlicet ex consideratione humanae infirmitatis, cuius causas ignorabant philosophi. Hi intelligebant hominem nasci ad virtutem, et cum aliae res omnes suae naturae obtemperant, mirabantur, cur homo ipse tantopere secum dissideat. Videbant item, facilius ruere homines in vitia, quam retinere studium virtutis. Ex huius morbi magnitudine disputationes de libertate ortae sunt. Sed nos in Ecclesia instituti, fontes consideremus, ut quaeramus remedia promissa in Evangelio, et petamus nos iuvare divinitus, sicut promisit Christus (Ioann. 14, 18.): Non relinquam vos orphanos. Item (Philipp. 2, 13.): Deus est, qui in vobis efficit velle et successus. Haec non traduntur a philosophis, qui tantum de humana diligentia disputant, quae tamen non est par magnitudini infirmitatis. Sed Aristoteles de diligentia disputat, et hortatur, ne accersamus pravos habitus. Nos adiungamus petitionem auxilii divini.

Quartum argumentum.

Omnes actiones voluntatis oriuntur a cognitione, seu imaginatione.

Cognitio non est in nostra potestate:

Ergo nec actiones sequentes sunt in nostra potestate.

³⁴⁾ Virg. Georg. 2, 272., ubi antem pro a teneris legitur: in teneris. At excitari solet a Grammaticis a teneris, et est haec varietas in Quinctil. I, 3, 13., ubi versus laudatur.

³⁵⁾ Ovid. artis amator. II, 647. 648. — Pro lenit habet Ed. 1545. lenii, Ed. 1546. lenit.

Hoc Platonicum argumentum continet multas disputationes, videlicet, quae potentiae sint liberae, unde sit error in potentia iudicante, quae sit regula emendans errores, quod discrimen iudicii in mente, et apprehensionis in sensu. Primum itaque sciendum est, potentias cognoscentes agere naturaliter, cum agunt, id est, cum sunt sanae, et obiecta, modo convenienti offeruntur, apprehendere res ut sunt, ut, oculi vident lumen, sensus communis discernit lumen a tenebris. Sic mens intelligit res ut sunt, discernit vitam et mortem, tenet notitias principiorum, discernentes honesta et turpia, non errantes in natura sana, sicut mens sana non errat de numeris.

Caeterum quoquo modo potentia cognoscens, offerat res, manet libertas voluntatis, ut, si monstrantur equus et pretium, potes emere, aut non emere. Hoc discrimen potentiarum diligenter considerandum est, nec valet consequentia.

Apprehensio non est libera:

Ergo nec actio voluntatis.

Quia apprehensio, seu cognitio non est causa tota actionis voluntatis. Praeterea voluntas, ut superior potentia, potest sensui, et menti imperare, ut vel considerent res, vel se avertant, ut, cum Alexander audit unam partem, imperat sibi, ut aurem alteram tribuat reo. Ex hoc fonte sumitur responsio Aristotelis hoc loco ad argumentum:

Cognitio non est libera.

Cognitio est causa appetitionis in voluntate:

Ergo nec appetitio in voluntate est libera.

Aristoteles hoc modo ad maiorem respondet: Cognitio eatenus est in potestate nostra, quoad voluntas potest imperare inquisitionem rerum. Plerique enim peccant voluntaria inscitia, plerique ultro vitiosos habitus confirmant, ut, amator indulgens affectui, ut dicitur:

Intrat amor mentes usu, dediscitur usu³⁶).

In Mario paulatim consuetudo auget crudelitatem, et haec consuetudo hebetat iudicium, et confirmat falsam opinionem, iniustas caedes civium, profuturas esse ad tranquillitatem. Huius pravae consuetudinis initia Marius arcere poterat, poterat etiam postea eam corrigere. Ex hoc fundamento Aristoteles diluit argumentum, ut ex textu intelliget lector, cum inquit: Si quis sibi ipse causa est habitus aliquo modo, etiam erit sibi causa imaginationis, id est, sicut se adsuefecerit,

³⁶) Ovid. remed. amoris 503.

ita iudicabit. Quo inclinatur affectus confirmatus adsuefactione, eo inclinabit iudicium. Caeterum in natura sana mens de civilibus moribus sequens principia naturalia, non errat, sicut nec de numeris errat.

In hac tota pagina alludit Aristoteles ad Platonis disputationes in Menone et Protagora. Nam in utroque dialogo agitur quaestio: An virtus studio et adsuefactione comparari possit, et quidem in fine Menonis inquit Socrates, concludens totam disputationem: Nec natura virtutem inesse hominibus, nec doctrina comparari, sed divinitus existere in praestantibus naturis³⁷). Haec disputatio oritur ex consideratione humanae infirmitatis, quam cernunt, et agnoscunt philosophi, etsi causam et remedia ignorant.

Mirantur autem qui fiat, cum omnes res aliae obtemperent suae naturae, unde sit in homine tanta virium discordia, tanta contumacia, tanta etiam in praestantibus ingeniis infirmitas, ut nulla sit perfecta virtus sine aliqua labe, sicut recitat Plato in Protagora dictum Simonidis: Virum vere bonum nasci difficile est, qui manibus, pedibus, et mente, sit tetragonus³⁸). Ac necesse est de imbecillitate humanae naturae in Ethicis saepe dicere, sed nos eruditi doctrina Ecclesiae, causam et remedia diligenter cogitemus, quae in Evangelio monstrantur. Haec cogitatio et invocationem Dei excitat, et prodest moribus, et multum utilitatis adfert erudita collatio dictorum philosophorum cum Evangelio. Ac si vere amamus Evangelium, et Ecclesiam Dei, haec tueamur in tantis orbis terrarum tumultibus, ne lux doctrinae Evangelii penitus extinguatur. Sed redeo ad Aristotelem, cuius dicta hoc loco facilius intelligentur, his fontibus consideratis, et collato Platone. Supra respondit ad argumentum:

Cognitio non est in nostra potestate.

Virtus est ex cognitione:

Ergo virtus non est in nostra potestate.

Respondet ad maiorem, cognitio est aliquo modo in nostra potestate. Potest enim voluntas imperare inquisitionem et arcere negligentiam

³⁷) Platonis verba (Op. ed. H. Steph. T. I. p. 99. e. — ed. Bipont. Vol. IV. p. 389.) sunt: ἀρετὴ ἂν εἴη οὔτε φύσει, οὔτε διδακτὸν· ἀλλὰ θεῖα μοῖρα παραγυρομένη, ἀνευ νοῦ, οἷς ἂν παραγίγνηται.

³⁸) Simonidis verba apud Plat. Protag. (Op. ed. H. Steph. T. I. p. 339. h. — ed. Bipontin. Vol. III. p. 145.) sunt: ὅτι ἄνθρωποι ἀγαθὸν μὲν ἀλαθῶς γενέσθαι, χαλεπὸν, χερσὶ τε καὶ ποσὶ καὶ νόφ' τετραγώνον, ἀνευ ψόγου τετραγώνον.

adfectatam, et vitiosos habitus, qui corrumpunt iudicium.

Sequitur autem in textu satis obscura argumentatio, in qua rem eandem repetit, et acrius oppugnat libertatem voluntatis, de qua dictum est:

Quilibet appetit finem, quem apprehendere potest.

Multi non possunt cernere verum finem.

Ergo non possunt apprehendere verum finem, seu appetere, ut Achilles, Scipio, Laelius intelligunt veram virtutem, et vident hanc esse praecipuum finem, ideo eo dirigunt omnia consilia, et omnes actiones, non turbant rempublicam. Sed Paris, Marius, Catilina, nec intelligunt veram virtutem, nec vident praecipuum esse finem, sed alius alio tendit, ideo non recte faciunt, ut caecus metam, quam non videt, non potest petere. Etsi Aristoteles varie respondet, tamen re ipsa facilis est responsio antea tradita. Iudicium in sanis idem est, et non fallax. Sed Paris, Marius et Catilina volentes aspernantur verum finem, quam hoc concedendum est, esse aliam naturam alia praestantior, et ardentius intueri verum scopum, ac vehementius moveri vero obiecto. Talis natura sibi rectius imperat, ut Scipio magis videt magnum decus esse, non obsequi iracundiae, cum pernicie patriae, quam Marius, et illa ipsa virtutis forma magis movetur. Sed postea Aristoteles breviter diluit totum argumentum, opposita instantia: Si apprehensio finis in Scipione ingenioso non impedit, quo minus virtus sit voluntaria: ergo nec apprehensio finis impedit in Paride, quo minus vitium sit voluntarium. Scipio recte iudicans, intelligit finem esse virtutem ipsam, nec tamen hoc iudicio voluntas cogitur, et addit Aristoteles, etiamsi apprehensio finis non esset voluntaria, tamen media sponte eliguntur, etiamsi Paris captus est hac opinione, ut finem voluptatem esse existimet, non tamen necesse est eum rapere alienam coniugem, sed poterat voluptates concessas quaerere. Haec re ipsa, et in summa dicit Aristoteles, tollens coactionem. Est autem perquam spinosa hoc loco oratio, sed si textus dilucide redderetur, et rectius distingueretur, facilius intelligi posset.

Versio textus Aristotelis ³⁹⁾.

Si quis autem dicat: Omnes appetunt appetens bonum. Non est autem in potestate nostra

³⁹⁾ Versio textus Aristotelis.] sic Ed. 1546.; Ed. 1545. Versio.

imaginatio, sed qualis est unusquisque, talem expetit finem: (Responsio) Verum, si unusquisque sibi aliquo modo causa est habitus, erit etiam aliquo modo sibi causa imaginationis. Sed si nemo sibi causa est malefaciendi, sed quisque propter ignorantiam finis peccat, existimans sibi melius fore, sic agenti, nec appetitio finis voluntaria est, sed oportet sic nasci, ut adferas lumen animi tanquam oculum, quo recte iudices, et movearis ad verum bonum eligendum, sitque foelix natura, quae hanc lucem secum adfert, quae quidem ingens bonum esset, nec ab alio sumi posset, aut disci, sed naturae donum esset, sitque ingenii summa ⁴⁰⁾ praestantia, hanc praeclaram vim innatam habere. Haec si sunt vera, cur virtutem magis dicitis voluntariam esse, quam turpitudinem, cum utrique bono homini et malo, finis pariter propositus sit, vel natura vel libere. Media vero referentes ad finem, agunt libere, cum alius aliter ad finem tendat. Est igitur virtus voluntaria, sive finis non natura cogit, sed in potestate nostra est, et extra nos, sive finis natura cogit, cum tamen media sponte eligamus, sic et simili ratione turpitudine voluntaria erit. Similiter enim et malus orditur sua sponte actiones, et finem suum appetit. Cum ergo concedatur voluntarias esse virtutes (sumus enim adiutores habituum, et finem talem ponimus, quales ipsi sumus), concedendum erit eodem modo, vitia esse voluntaria, habent enim se similiter.

De Fortitudine ⁴¹⁾.

Fortitudo est virtus, quae mediocritatem efficit secundum rectam rationem, inter pavores et audaciam, et inter moestitiam et laetitiam exultantem in rebus secundis. Cum dicit: secundum rectam rationem, significat discrimen esse metuendorum, et non metuendorum. Levitas est, non fortitudo, non metuere veram infamiam, cum maius malum sit, quam mors. Sint igitur gradus, et iudicet fortis quae magis metuenda sint, et quo ordine propulsanda mala. Petulantia est, non fortitudo, facere impetum in eos, a quibus nec provocatus, nec laesus es. Nam ratio recta

⁴⁰⁾ summa] sic Ed. 1546.; in Ed. 1545. deest.

⁴¹⁾ De hac virtute Aristoteles l. I. c. VI—IX. disserit. — In Editt. 1532. et 1535. horum capitum enarratio, ab Editt. 1545. et 1546. valde diversa, iisdem verbis inscripta est, cuius partes inter se distinguuntur his inscriptionibus: Definitio. — Obiectum. — Causae. — Partitio.

iubet tueri communem pacem, et tunc demum, cum iusta causa est pugnandi, forti animo pugnare. Iniustus et crudelis est Cato, non fortis, cum sibi ipsi mortem consciscit, quia contra iudicium rectae rationis facit. Haec declarandae definitionis causa breviter adieci. Illud autem hic quaeri⁴²⁾ potest, quare primo loco de fortitudine dicat cum re vera praecedere eam iustitia debeat. Arbitror autem propter perspicuitatem hoc ordine usum esse, sicut supra in divisione, aut gratificatum Alexandro, aut certe eo motum esse, quod sine quadam celsitudine animi et constantia, nulla virtus existere potest, sicut nec consilii certitudo existere potest, nisi unus aliquis finis et scopus propositus sit.

Quae sunt causae efficientes fortitudinis⁴³⁾?

Mens iudicans, quae res asperae sint perferendae, et quomodo sint tolerandae, et quae sint depellendae, et voluntas obtemperans huic consilio. Oportet autem et cordis robur esse tale, ut possit obedire consilio, et sua firmitate adiuvere voluntatem. Nam praesertim haec virtus insignes motus cordis experitur. Marcellus⁴⁴⁾ dimicat cum Hannibale, quia mens iudicat necessariam esse dimicationem, prospicit et praeparat, quantum potest, ea quae sunt usui, et voluntas obtemperat consilio. Sed multi erant Romae, qui etsi volebant dimicare, et dimicabant utcunque, tamen facile reprimebantur. Nam cor languidum non armabat manus, non iuvabat voluntatem, non spargebat ardentis spiritus in membra. Sed Marcellum pugnans, cordis robur adiuverat. Necesse est autem ad excellentem virtutem accedere heroicum impetum, qui est singulare donum Dei, et motus singularis, quo cor incitatur. Ut autem hic impetus paucorum est, ita pauci habent excellentem fortitudinem, sed exigua inchoatio est, seu simulachrum fortitudinis in caeteris.

Doctrina Evangelii addit causas haec duo: In mente lucem, seu notitiam iubentem dimicare propter Deum, et petere ab eo auxilium, et referre dimicationem ad gloriam Dei. In voluntate vero auxilium Dei, non solum iuvantis cor Spiritu sancto, sed etiam gubernantis exitum, dantis lae-

42) hic quaeri] sic Ed. 1545.; Ed. 1546. quaeri hic.

43) fortitudinis] sic Ed. 1546.; in Ed. 1545. deest.

44) Conf. p. 335. nota 15.

tos successus. Ita movetur David ut dimicet, quia Deus id regi praecepit, et petit a Deo auxilium, qui et praeliantem iuvat, et gubernat exitus. Has causas consideremus, ut et nos ipsi excitemus, et simul de nostra imbecillitate cogitemus, et cum ea luctemur, et nos spe auxilii divini erigamus, ut placide feramus adversa, et pugnemus ubi opus est.

Materia circa quam, seu obiectum, circa quod versatur fortitudo, ab Aristotele dicitur esse periculum magnum et honestum, sed potes generaliter dicere: Omne malum esse pavoris obiectum, sed tamen gradus sunt. Alia sunt simpliciter fugienda, et semper metuenda et depellenda, ut turpitudinis. Semper decet Davidem metuere, et depellere turpitudinem. Alia sunt propter probabiles causas, et certo ordine subeunda, et saepe perferenda, ut corporis et rerum incommoda, fugiendae turpitudinis causa, ut, quamvis vivere mallet Daniel, tamen ut fugiat et depellat id⁴⁵⁾ malum, quod Deus semper iussit fugere, scilicet contumeliam Dei, potius accersit sibi vitae periculum.

Formale actionum est in voluntate et corde, seu impetus ad depellendum, seu moderatio doloris, perferens adversa sine deformitate, id est, ne quid fiat contra alias virtutes, seu ne immodicus dolor naturam opprimat, ut in Achille impetus ad praeliandum, in Scipione moderatio perferens contumelias tribunitias, suntque virtutes vicinae aliquot, quas Aristoteles uno nomine fortitudinis complectitur. Fortitudo bellica est impetus, quem tamen moderatur ratio ad depellendos hostes. Fortitudo togata⁴⁶⁾ est constantia animi perseverantis in proposito honesto, re deliberata, et cum hac coniuncta est tolerantia, seu, ut usitate vocant, patientia, quae est moderatio animi, sine deformitate tolerantis calamitates seu iniurias, propter honestam causam, ut, Scipio perfert iniuriam, ne incendat bella civilia. Caesar cum non ferret iniurias, incendit bellum civile. Paulus fert iniurias propter mandatum Dei, quia scit Apostolum non occupare imperia armis. Cum igitur de fortitudine dicitur, cognatae virtutes colligantur, ut eas agnoscere et intelligere discamus, et aliquo modo ad earum studium nos

45) id] sic Ed. 1545.; ab Ed. 1546. abest.

46) Fortitudo togata i. q. fortitudo domestica, opponitur bellicae.

adsuefaciamus. Quia hac domestica seu togata fortitudine omnibus hominibus opus est. Nam in his vitae miseriis plurima incidunt aspera, adversus quae animus quadam constantia iudicii et voluntatis confirmandus est, et quaedam tolerantia ipsa sananda sunt. Differunt autem, patientia philosophica et christiana. Christiana est obedire Deo in his, quae iubet ferre et propter Deum sine deformitate ea tolerare, id est, ita, ne Deo irascatur animus, aut dolore opprimatur, aut faciat contra alias virtutes. Ad hanc autem moderationem in Christiano necesse est spem accedere auxilii divini, ut, David exulans⁴⁷⁾, scit se Deo debere obedientiam in hac poena, eamque sustinet, ut Deo obtemperet, ac fert sine deformitate, id est, non irascitur Deo, non opprimitur dolore, non consciscit sibi mortem, ut Saul, sed erigit se, ut acer equus lapsurus, ac praeparat omnia ad bellum, petit et expectat auxilium a Deo, quem scit sic velle coli tolerantia et invocatione, sicut Psalmus 37,⁴⁸⁾ (7.) inquit: Subditus esto Domino, et ora eum. Hanc doctrinam constat omnibus necessariam esse, ideo huius virtutis descriptionem diligenter consideremus. Philosophica patientia est, obedire rationi iudicanti, quae sint toleranda, et moderari dolorem, ne opprimat naturam, aut impellat, ut faciamus contra alias virtutes, sicut dolore animi multi moriuntur. Cato sibi consciscit mortem. Timanthes victor in Olympiis, postquam arcum suum senex tendere non potuit, rogam sibi fecit, et se imponens, vitam ultro finiit. Haec sunt contra fortitudinem, quia ratio praecipit, ne faciamus contra iustitiam. Inquit autem lex Dei: Non occidas. Hae fortitudinis et tolerantiae descriptiones cognoscendae sunt, quia sine tolerantia honestum vitae propositum in tantis difficultatibus humanis retineri non potest. Ideo de hac virtute toties concionantur divinae literae, iuxta illud Hebr. (10, 36.): Necessaria est vobis patientia. Ut nauta constituit, quem portum petiturus sit, et ad hunc dirigit cursum⁴⁹⁾, et, si ventos habet secundos, facilis est navigatio, si adversos, arte contra nititur, et interdum obliquo cursu eos

aliquantulum⁵⁰⁾ declinat: sic in vita sit propositum, ad id dirigantur consilia, videatur quae res adiuvent nostrum propositum, quae impediunt, ut impedimenta vel tollamus, cum recte et honeste tolli possunt, vel arte et tolerantia mitigemus, sicut Fabio⁵¹⁾ propositum est saluti patriae consulere, id ut perficiat, arcet hostem, et quia non proderat pugnare, cedit arte, sic tamen ut rempublicam tegat, nec hostis progredi possit, et quanquam vituperatur a civibus, tamen his iniuriis non movetur, ut salutare consilium mutet, nec movet domesticos tumultus, sed omittit certamina civilia, ne respublica impediatur defensione communis salutis. Sic cedentem fingit Homerus⁵²⁾ Aiacem, qui etsi fugit, tamen tarditate fugae, reliquum exercitum tegit, et communi saluti consulit, ideo comparat eum asino, quem adolescentes tarde procedentem, subinde fustibus errantem in agris, procedere cogunt. Vocat autem Aristoteles politicam fortitudinem, hanc constantiam retinendi honesti propositi, inter pericula. Ut supra distinxi bellicam et togatam fortitudinem. Ita Aristoteles hic nominatim disserit de politica fortitudine, quae debet esse communis omnium. Est enim constantia in proposito honesto, iuxta vocationem recte suscepto, qua confirmatus animus vel depellit, vel placide perfert iniurias, nec abiicit propositum, ut Prophetae vocati divinitus, necessario idola, et regum tyrannides taxant, nec a⁵³⁾ proposito abducuntur, quamvis propter eam reprehensionem multas tristes aerumnas sustinuerunt. Ferunt autem principaliter propter Deum, et mandatum Dei. At philosophia docet hanc constantiam praestandam esse, quia recto iudicio debetur obedientia, hoc est, nihil contra conscientiam faciendum est, et honesta propter sese amplectenda sunt, etiamsi nec praemia respondent, et magni cruciatus ferendi sunt, et haec regula fons est eius virtutis, quae fortitudo vocatur, quae videlicet est propugnatrix huius sententiae, quod honesta propter sese sint amplectenda. Aristoteles hic⁵⁴⁾ ait: ferri difficultia propter iudicia civium, seu gloriam,

50) aliquantulum] sic Ed. 1546.; Ed. 1545. typogr. errore: aliquantulam.

51) Q. Fabius Maximus (Cunctator) in bello Punico secundo dictator, conf. p. 336. nota 18.

52) Hom. II. XI. 558 sqq.

53) a] sic Ed. 1546.; Ed. 1545. eo.

54) hic] sic Ed. 1546.; in Ed. 1545. deest.

47) Conf. 2. Sam. 15 — 18.

48) Psalm. 37.] Editt. 1545. et 1546. secundum LXX. et Vulg.: Psalm. 36.

49) dirigit cursum] sic Ed. 1545.; Ed. 1546. cursum dirigit.

hic non est praecipuus finis, sed tamen potest inter fines inferiores recenseri, si modo gloriam recte definias. Est enim gloria approbatio propriae conscientiae recte iudicantis, et aliorum honestorum recte iudicantium. Hoc testimonium expetendum, et tuendum est, quia nobis bona conscientia opus est. Deinde exempli causa, et propter locum honestum in communi societate, bona fama tuenda est, sed, ut dixi, primum in nobis ipsis mens recte iudicet, et conscientia sit integra, deinde sint iudicia recta aliorum. In hanc sententiam inquit Paulus Galat. 6, (4.): Suum opus quisque exploret, et sic de sese gloriationem habebit, et non de alio, id est, ne de aliis, in rebus non manifestis, maligne iudices, ne sis obtrectator, sed in te ipsum inquirito, et, si recte feceris, habebis gloriam, id est, probationem tuae conscientiae, et aliorum recte iudicantium, nec obtrectatione aliorum aucupaberis famam, nec putemus absurde dictum esse: Gloriam de sese habebit, quia intelligit hoc testimonium conscientiae, quod est bona et necessaria res, non opponenda iudicio Dei, sed iudiciis humanis. Cum autem Aristoteles ait: spectandam esse civium existimationem, intelligamus id de rectis iudiciis honestorum, haec sunt spectanda. Ideo recte dicitur:

Levis est, nec illum stimulat gloriae decus.

Deinde recenset Aristoteles gradus similes fortitudini, ubi mentionem facit praelii ad Coronaeam⁵⁵⁾ in Boeotia, in quo militum perfidia ac-

55) Haec spectant ad Aristotelis verba l. 1. c. 8. §. 9. *ὄνειρ καὶ τῷ Ἐκκατῷ συνέβη* ubi in aliquibus exemplaribus nomini *Ἐκκατῷ* additur: *τῷ ἐν Κορώνῃ τῆς Βοιωτίας*, quod a Sylburgio pro glossemate optimo iure habetur. Scripsit autem interpret Graecus (etiam a Wesselingio ad Herodot. p. 711. et Marxio in fragmentt. Ephori p. 256. laudatus) mentionem fieri h. l. proelii commissi inter Thebanos et Phocenses eo bello quod sacrum appellatum fuit, cum Phocenses Delphicum templum occupassent. Narrat autem, Hermacum esse campum vicinum Coronaeae in Boeotia, ubi aliquando Coronenses conflixerint cum Phocensibus, per prodicionem occupata arce ab Onomarcho, qui (a. 353. a. Chr.) successerat fratri Philomelo auctori belli illius. Cum autem haberent auxilia missa a ducibus Boeotorum ex vicino oppido Metachoeo, quibus praeerat Charon, proelio inito hic cecidit, statimque auxilia Boeotia in fugam fuerunt conversa; Coronenses autem etiam in urbe a Phocensibus concisi: cum quidem portas clausissent, ne cui pateret fuga volenti deserere in extremo discrimine patriam. Vid. Ioach. Camerarii et Zellii commentar. ad h. l. — Ille addit, fortasse non abhorreere a vero, mentionem factam esse h. l. eius proelii, cuius Thucydides meminerit l. I, 113., in quo Tolmides una cum praecipuis viris civibus Atheniensibus interfectus sit. Hoc proelio ad Coronaeam 447. a. Chr. in primo bello sacro Boeotia Atheniensium dominatione liberata est.

cusatur, qui fugientes initio praelii, urbanas copias desertas, hosti trucidandas obiecerunt. Eustratius citat veteres historicos, qui narrant hanc pugnam factam esse in bello sacro posteriore⁵⁶⁾. Postea Aristoteles iracundiam inter gradus similes fortitudini recenset, et dicit iram adiutricem esse fortitudinis, sed utendum ea, ut Seneca recenset⁵⁷⁾: non ut duce, sed ut milite.

De affectibus⁵⁸⁾.

Porro alio loco refutavi Stoicorum deliria de affectibus, qui finxerunt affectus esse opiniones, et omnes vitiosos ac ex natura tollendos esse, et applaudunt his dictis multi, qui, ut graviores videantur, hanc orationis asperitatem amplectuntur, sed nos quaeramus veritatem et inventam, simpliciter profiteamur⁵⁹⁾. Stoici ideo horridius de affectibus locuti sunt, quia multas in homine pravas cupiditates esse videbant, affinxerunt igitur hyperbolen: Omnes affectus simpliciter malos esse. Deinde, quia fingebant naturam nihil habere vitii, ideo contendebant affectus non oriri ex natura, sed esse accersitas opiniones, verum nobis in Ecclesia facilis diiudicatio est. Natura sic est condita, ut habeat appetitionem, et addita sunt instrumenta multiplicia, cor, villi cordis, humores certi, imo Deus etiam praecipit, ut sint affectus acerrimi in natura (Matth. 22, 37.): Diligas Dominum Deum tuum etc. (Matth. 19, 19.): Dilige proximum tuum etc. (Ephes. 5, 25.): Viri diligite uxores vestras. (Philipp. 4, 4.): Laetamini in Domino. Item (Psalm. 26, 5.): Iniquos odio habui. Item in Marco (3, 5.) de Christo dicitur: Circumspexit iratus. Fuissent igitur in natura integri affectus, et erunt ardentissimi, cum consuetudine Dei, colloquiis universae Ecclesiae fruemur, quae iam cogitant animi accensi desi-

56) Si praecedens graeci interpretis nota h. l. quadrat, haec pugna in bello sacro secundo 355—346. a. Chr. gesto, quod ab aliis primum vocatur, facta est. Conf. Pauly; Real-Encyclop. T. V. p. 939 s. v. Onomarchus.

57) Seneca de ira 1, 9. Conf. supra p. 207. nota 100.

58) Verba sic inscripta in Editt. 1545. et 1546. fere omnino inter se congruunt, inscriptio ipsa autem ab Ed. 1545. abest. In Editt. 1532. et 1535. eadem inscriptio quidem reperitur, at verba ipsa sic inscripta ab illis Editt. diversa sunt. In duabus prioribus enim ita orsus est: „Hic Aristoteles obiter de ira dicit quod adiuvet fortitudinem;” e quibus elucet, hanc explicationem pertinere ad verba Aristotelis l. 1. c. 8. §. 10. *καὶ τὸν θυμὸν δὲ ἐπὶ τῶν ἀνδρίων ἐπιφέρουσιν* et sqq.

59) profiteamur] sic Ed. 1546.; Ed. 1545. profiteamur.

derio et laetitia etc. Sed in hac vita, in natura corrupta sunt affectus, partim natura boni, ut *στοργαὶ φυσικαὶ*, partim pravi. Accessit enim post lapsum perturbatio ordinis, ut, Saul iniuste dolet propter crescentem Davidis gloriam, et propterea conatur eum interficere⁶⁰). Hic dolor, et vindictae cupiditas sunt invidia, quae vitiosa est, et oritur ex aliis vitiosis affectibus, ex amore sui inordinato. Pluris se facit Saul, quam voluntatem Dei et salutem populi. Non igitur universaliter omnes affectus damnandi sunt, nec Aristoteles male dixit, cum ait, in anima tria esse, potentias, affectus et habitus. Est autem affectus motus cordis aut voluntatis, sequens notitiam, prosequens aut fugiens obiecta, qui cum laedat aut delectet naturam, semper comitantur extremi motus, dolor laesa natura, seu suavitas, seu laetitia, acquiescente natura. Haec est integra et vera definitio affectuum. Boni sunt, qui cum ratione, seu lege naturae consentiunt, ut amor liberorum, fratrum etc. Mali, qui dissentiunt a ratione, seu lege naturae. Aristoteles, quia vidit magnam esse confusionem affectuum in homine, nec causam novit, decurrit ad hanc regulam, ut in multis aliis rebus mediocritas conveniens est naturae hominis, ut in calore, frigore, cibo, potu, voce, motu, ita statuit generaliter affectuum mediocritatem etiam convenire naturae, ideoque virtutes definiit esse mediocritates affectuum. Sed nos addamus id tolerabiliter dici de affectibus cum ratione congruentibus, non de simpliciter malis ut moderata *στοργή* erga liberos est bona, non indulgentia nimia; e contra invidia in Saule vitiosa est, sive remissa sit, sive vehemens. Haec annotasse satis sit, illud discamus ex doctrina Ecclesiae, unde sint vitiosi affectus, scilicet ex morbo originis, qui est contumacia virium caeterarum adversus rationem. Voluntas non est conversa ad Deum, et cor vagatur, et habet errantes impetus, amorem nostri nimium, neglectioem Dei, et amorem voluptatum corporis. Hinc oriuntur pravi affectus multiplices. Deinde et hoc sciamus, quod disciplina cohercentur pravi affectus, ut dicitur: Sub te erit appetitus tuus, et tu dominaris eis. Et cum ingens sit infirmitas hominis, promittit Deus auxilium ad domandos vitiosos affectus, scilicet Spiritum sanctum, ut Paulus inquit (Rom. 8, 26.): Spiritus

opitulatur infirmitati nostrae. Sed datur Spiritus sanctus non iis, qui laxant frenum cupiditatibus, sed qui repugnant eis, et petunt auxilium, sicut inquit Christus (Luc. 11, 13.): Quanto magis dabit Spiritum sanctum petentibus. Haec scire de fonte affectuum vitiosorum et eorum frenatione, utile est, et lucta ipsa huic doctrinae lucem affert. Homerus fingit Achillem iratum retrahi a Pallade⁶¹), significans praestantes viros iracundiam moderari ratione. Sed in sacris historiis habemus illustriora exempla, ut Ioseph repugnantis illecebris adulterae, Davidis repugnantis cupiditati vindictae, martyrum qui omnes cruciatus perferre maluerunt, quam deficere ab Evangelio. In fine additur disputatio, an fortitudinem comitetur voluptas. Haec quaestio inexplicabilis est philosophiae, propter naturae corruptionem, ut supra dictum est. Etsi enim virtutem comitari praemia, tranquillitas et alia comoda debebant, tamen id non fit in hac depravatione naturae. Prophetae, et multi bene meriti, Palamedes, Socrates, crudeliter interficiuntur, in his voluptas non comitatur virtutem. Aristoteles praecidit quaestionem, inquiens, non cuilibet virtuti comitem esse voluptatem, quia oportet recte facere etiam sine respectu mercedis. Alii sic dicerent, maior dolor esset bonae menti ex mala conscientia, quam ex corporis interitu. Doctrina christiana facile hanc quaestionem explicat, quae docet, cur Ecclesia subiecta sit cruci in hac vita, et pollicetur futura praemia. Rara est eximia virtus illius⁶²) generis in hominibus, nec existere potest, nisi adsint semina heroici motus, seu *φυσικαὶ ἀρεταί*. Alexander est fortis, quia in mente est iudicii perspicacitas, quae magis cernit, quam caeteri, quantum decus sit, gubernatorem facere officium, nec dedere se ignaviae, et in voluntate est vehemens amor huius virtutis et pulchritudinis, videlicet, quae est in bene mendo in communi vita, et iuvandis aliis, et in corde singulare robur est, ne facile frangatur praesentibus terroribus, ita singulae partes suam naturalem vim habent. Talis fortitudo Dei donum, et eximia virtus est. Sunt autem gradus etiam in praestantibus viris dissimiles, postea in populo magna infirmitas est, anniti tamen singulos oportet, ut aliquam habeant huius virtutis inchoationem, quia omnibus opus est praecipue

⁶⁰) Conf. 1. Sam. 18, 8 sqq.

⁶¹) Hom. II. I, 194 sqq.

⁶²) illius] sic Ed. 1545.; Ed. 1545. ullius.

togata fortitudine, seu constantia et tolerantia, seu patientia, quam supra definivi, haec inchoari et confirmari potest doctrina, et usu, ideo enim Deus praecipit de paedagogia, sicut laborans febrili, adsuefacit se ad mediocrem temperantiam, duabus rebus, doctrina et usu. Audit enim periculum vitae esse, si nimium aut intempestive bibat. Deinde accedat usus, voluntas iudicio obtemperet, mandet manibus, ne admoveant potum. Ita mens Aiakis⁶³⁾ defixa in cogitationem huius doctrinae esse debebat, non faciendum esse contra iustitiam propter dolorem acceptae iniuriae, item moderandum esse dolorem, colligere argumenta et exempla in utramque partem, et conferre debebat, ut voluntas abduceret animum a dolore, et imperaret manibus, ne in se gladium stringerent⁶⁴⁾. Sic multi in magnis calamitatibus, moderati sunt dolorem. Et cum saepe mens et voluntas sic exercentur, gradus aliqui huius virtutis in animo excitantur, et cor fit tranquillius: quia cogitatio sedat aestus cordis et foris membra domita et quasi vineta cohercentur. Haec ideo adieci, quia multi fortitudinem animi, tantum cogitant esse naturae bonum, sicut robur corporis, et generosae naturae magnam vim esse non negandum est, sed tamen etiam nos reliqui imbecilliores discamus, quomodo consequamur saltem inchoatas virtutes. Ideo enim Deus doctrinam tradidit, et disciplinam ac paedagogiam instituit, ut assuefactio flectat nos ad virtutem. Ac de consuetudine multa dicuntur in hanc sententiam⁶⁵⁾:

Quod male fers, adsuesce; feres bene. Multa vetustas Lenit⁶⁶⁾.

et Oedipus apud Sophoclem: Ipsae me aerumnas, et longum tempus docuerunt tolerantiam. Nos vero Christiani sciamus in hac assuefactione petendum esse auxilium Dei, sicut scriptum est (Ioann. 15, 5.): Sine me nihil potestis facere. Item (Rom. 8, 26.): Spiritus sanctus opitulatur infirmitati nostrae etc. Experiemur autem in his ipsis exercitiis, promissiones divinas non esse irritas.

63) Scil. Aiakis Telamonii, qui ob Achillis arma ab ipso petita Ulyssi ab Agamemnone data gravissime irascebatur, vid. Hom. Odyss. XI, 542—64. et Soph. Ajax.

64) Vid. Soph. Ajax 815 sqq. Pind. Nem. VII, 25. (36.). Lycophr. 454. Ovid. Metam. XIII, 391 sqq.

65) Ovid. art. amat. II, 647 sq.

66) Lenit] sic Ovid. scripsit; Editt. enarrat. Mel. habent: Lenit.

De Temperantia⁶⁷⁾.

Temperantia est virtus, quae mediocritatem efficit secundum rectam rationem in cibo et potu. Nam in his Latini proprie utuntur temperantiae nomine, sed Aristoteles hic addit mediocritatem in venereis, hanc usitate continentiam vocant nomine generis.

Prodest videre, quomodo in sermone apostolico virtutes nuncupentur, et ad quae praeccepta decalogi referendae sint, ut supra contulimus christianam et philosophicam tolerantiam. Proprie autem christiana tolerantia primi praeccepti virtus est, quia est obedientia in doloribus, quae immediate Deo praestatur, et cum spe auxilii divini coniuncta est. Fortitudo vero bellica ad praecceptum quintum, quod docet, quando sit pugnandum, quando non. Haec nominum et decalogi collatio admonet nos de mandatis Dei, et aliquid lucis addit huic toti doctrinae, et numerus virtutum, animadversa hac distributione aptius comprehendi potest. In sermone apostolico temperantia in cibo et potu vocatur sobrietas. Quod vero Latini proprie pudicitiam dicunt, Paulus alias dixit *ἀγνείαν*, alias sanctificationem. Vocabulum vero *σωφροσύνη* latius patet apud eum, et generaliter significat modestiam, id est, moderationem in omni gestu, sermone, incessu et voluptatibus quibuscunque, plane, ut germanice dicimus *zuchtig*, et, ut Cicero de quarta virtute in officiis loquitur⁶⁸⁾. Exempla passim obvia sunt: 1. Timoth. 2, (15.) inquit: Mulieres salvas fieri per officia partus, si tamen manserint in fide, dilectione, sanctificatione et modestia. Apte virtutes maxime necessarias complectitur, fidem, quae est fons veri cultus Dei, et verae invocationis, dilectionem, id est, honesta officia erga maritum, liberos et caeteros gradus, sanctificationem, id est, pudicitiam, seu castitatem, seu fidem coniugalem. Huic addit deinde moderationem in omnibus voluptatibus, cibo, potu, gestu, ne sit temulenta, procax, insolens etc. Ita de pudicitia loquitur, 1. Thess. 4, (3. 4.): Haec est

67) Explicatio hac voce in Editt. 1545. et 1546. inscripta spectat ad Aristot. Eth. I. 3. c. 10—12., ubi de temperantia disserit, postquam c. 6—9. de fortitudine dixerat. — In Editt. 1532. et 1535. haec inscriptio cum sequenti deest, quod libri III. enarratio illo de affectibus sermone in his finitur.

68) De quarta virtute, scil. de modestia et temperantia Cicero de offic. I. I. c. 27—42. loquitur.

voluntas Dei, sanctificatio vestra, ut abstineatis a scortatione et sciat unusquisque vas suum possidere in sanctificatione, item ad Ebraeos (12, 14.): Retinete sanctificationem, sine qua nemo Deum videbit. In his locis proprie loquitur scriptura de castitate seu pudicitia. Pertinent autem hae virtutes, temperantia seu sobrietas, et pudicitia ad sextum praeceptum: Non moechaberis. Nunc causas recitabimus. Causae efficientes hanc virtutem, quae mediocritatem in cibo et in potu tuetur, hae sunt. Mens intelligit, hanc corporis naturam, quae paulatim consumitur, instauratione indigere. Calor absumit humidum, et humido extincto, calor evanescit, ut in lychno. Videt autem oportere modum esse nutrimenti, ut ignis oleo modice infuso alitur, immodice infuso extinguitur. Praescribit ergo mens modum, et voluntas obtemperans imperat externis membris, ut alant corpus, nec tamen ingerant amplius quam opus est. In Christiano mens non tantum has philosophicas rationes considerat, sed etiam mandatum Dei: Attendite ne corda vestra graventur crapula etc. Cogitandae sunt et multae finales causae, intemperantia accersi morbos et exitium, impediri necessarios labores, meditationem et precessionem, et tandem extinguere lucem et agnitionem Dei, quia fumi multipliciter corrumpunt temperamentum cerebri, inde sequuntur deliria et furores etiam in ieiuniis, sicut Seneca inquit: Consuetudine insaniae durata vitia, vino concepta, etiam sine vino valent.

Dixi de principalibus efficientibus⁶⁹⁾, nunc dicam de dispositione adiuvente. Res enim ostendit alium alio natura magis ad temperantiam et pudicitiam duci de cibi et potus appetitione vehementiore⁷⁰⁾ aut moderatiore⁷¹⁾, causa est in temperamento sanguinis, item ventriculi, item hepatis⁷²⁾, ac⁷³⁾ magnum omnino adminiculum est temperantiae et multarum virtutum, bonum temperamentum, ut hydropici, aut febris laborantes perpetuo cruciantur vitiosa siti, ita intemperantiores sunt, qui abundant crasso et calido sanguine, item quibus hepar male temperatum est.

69) Dixi de principalibus efficientibus,] sic Ed. 1546.; ab Ed. 1545. absunt.

70) vehementiore] sic Ed. 1546.; Ed. 1545. vehementiori.

71) moderatiore] sic Ed. 1546.; Ed. 1545. moderatione.

72) hepatis] Editt. 1545. et 1546. habent h. l. epatis, et in sequentt. epar.

73) ac] sic Ed. 1546.; Ed. 1545. at.

Multa autem concurrunt, cum hepar calidius est, et praesertim cum etiam siccus est, gignit sanguinem impurum et mordacem, quia nutrimentum nimis uritur, unde et tetrae scabies oriuntur ex tali sanguine, et is in toto corpore sparsus, reddit corpus impurum, et inde spiritus et halitus vitiosi exaestuant, qui sitim augent, et appetitiones conturbant. Deinde tale hepar per sese habet vehementiores appetitiones, et attrahit vehementius, eiusque vitii signum etiam in ipsa natura est, quod talibus venae mesaraicae⁷⁴⁾ sunt ampliores. Postremo hepar calidius thoracem calefacit, unde arescunt fauces et lingua. Ex his causis naturalis est inclinatio in multis ad intemperantiam. Sed accedunt praeter naturam causae accidentales, quae multo plus nocent, consuetudo belluandi, malus victus et cruditates. Haec mala etiam naturas corrumpunt, ut, cum Alexander natura esset temperans, tamen postea prava consuetudine factus est flagitiose intemperans, exhaustus semel praebibens duos choas⁷⁵⁾, id est, quatuor nostrates mensuras, sed in eo convivio poenas temulentiae dedit. Mox enim inflammatus vino, aegrotare coepit, et post paucos dies extinctus est. Haec satis sit breviter monuisse de causis adiuvantibus in utramque partem, naturalibus et praeternaturalibus, quae diligenter considerandae sunt, ut discamus recte regere appetitiones, ut ordo naturae postulat. Vult enim Deus nos honorem habere corpori, quod sit domicilium et organum Spiritus sancti. Laeditur corpus nimis tenui aut⁷⁶⁾ immundo victu, sed multo magis laeditur, et contumelia afficitur helluationibus. Quanta enim contumelia est, sic oneratum esse cibo et potu, ut nec precibus, nec meditationi ullius seriae rei homo idoneus sit, et imago Dei vertatur in imaginem belluae. Quod igitur Paulus de libidinis inquit (Rom. 1, 24.): In corpus suum peccant, etiam de helluonibus verum est, utrique in corpus suum

74) Venae mesaraicae s. mesentericae duae sunt, altera superior s. maior, quae dextra ante arteriam mesentericam inter laminas mesenterii ascendit, altera inferior s. minor in mesocolo descendente ascendit, utraque ad systema venae portarum pertinet. Vid. Car. Fried. Theod. Krause Handbuch der menschl. Anatomie. Tom. I. p. 790.

75) duos choas] sic recte Ed. 1545.; Ed. 1546. duas choas. — Choas enim non est i. q. χοάς, Plur. vocis χοή, f. libatio, sed i. q. χόας, Plur. vocis χόος, contr. χοῦς, m., mensura liquidorum, quae congium vel sex sextarios aequat.

76) aut] sic Ed. 1546.; in Ed. 1545. omissum.

peccant, id est, sua corpora affligunt, et contumelia afficiunt, ne sint organa Dei.

Causa formalis est ipsa voluntatis actio, seu habitus, reprimens cupiditates temere vagantes. Causa materialis, in qua, ut aliarum virtutum, est voluntas, sed temperamenti subiectum est hepar et humores. Causae finales plurimae sunt, prima, ut Deo obediatur, secunda, ut conservetur corporis incolumitas ad meditationem de rebus divinis, invocationem, studia, administrationem negotiorum in armis et in toga, ad castitatem etc.

De Liberalitate ⁷⁷⁾.

Liberalitas est virtus, qua recte utimur facultatibus, et qua mediocritas efficitur inter sordes, et inter profusiones. Causa efficiens est mens iudicans, quo ordine possessiones a Deo distinctae sint, et hominibus attributae, ita ut suum quisque teneat, non defraudet alios, et invet ex suo vere egentes, quantum sine notabili detrimento potest. Et voluntas iudicio mentis obtemperans. Etsi autem ingens est vitae humanae confusio in quaerendis et dissipandis facultatibus, tamen moderati et pii regulam norunt, non solum naturae hominis insitam, sed etiam saepe repetitam in doctrina coelesti, quam Salomon tradidit, Proverb. 5, (16.): Fontes tui deriventur foras, et tu dominus eorum esto. Hic primum monet a Deo approbari legitimam dominiorum distinctionem. Iubet enim quemque manere dominum sui fontis, id est, sui fundi et sui patrimonii, deinde et suo frui. Postea additur: ut rivuli foras deriventur, id est, ut ex fructibus fundi iuvenimus alios, quia commune foedus est humanae naturae, propter quod mutuam opem singuli singulis debemus, iuxta praeceptum (Matth. 19, 19.): Diligas proximum tuum sicut te ipsum. Quare et Ioannes (1. epist. 3, 15.) homicidam vocat eum, qui, cum potest opitulari, destituit egentem. Sunt autem duae vicinae virtutes inter eadem extrema, liberalitas et parsimonia. Liberalitas dicitur, quae honeste largitur. Parsimonia, seu frugalitas, quae res proprias custodit, utiliter collocat, vitat sumptus non necessarios, emacitates, mutuationes, ambitiosas aedificationes, et alias pestes rei familiaris, et tamen ubi ratio iubet, expendit quantum convenit. Et utramque virtutem Deus praecipit, ut enim de

⁷⁷⁾ De hac virtute Aristoteles Ethic. I. 4. c. 1. dicit.

liberalitate dicit: Fontes tui deriventur foras, sic parsimoniam praecipit, cum addit: Et tu dominus eorum maneto, et paulo ante (Prov. 5, 10.): Ne saturentur alieni facultatibus tuis, nec sint labores tui in domo aliena. Est enim verborum proprietas et emphasis consideranda, non vetat egentibus opitulari, sed vetat profundi facultates in alienos, id est, in eos, cum quibus nulla est nec naturalis, nec civilis obligatio. Et Christus iubet (Ioann. 6, 12.) colligi reliquias, cum populo panes distribuisset, et Paulus iubet sic dari, ne aliis sit ignavia, nobis tribulatio, id est, non ut aliorum ignaviam profusionibus nostris confirmemus et nostras facultates sic exhauriamus, ut nostris desint necessaria. Haec ideo breviter commemoravi, ut discamus in usu facultatum intueri voluntatem Dei, nec putemus earum usum vel profusiones non esse curae Deo, sed statuamus hanc virtutem, ut caeteras, praecipit a Deo, et propter nos, et propter alios, quia vitia contraria multis nocent, ut in aulis conspici potest, quae si essent frugales, parcerent facultatibus civium, et essent instructiores pecunia, ad res necessarias gerendas, non exhaurirentur usuris. Nunc profusiones pariunt rapacitates, immodicas expilationes, et infinitam *βουλιμίαν* ⁷⁸⁾ et difficultates oeconomicae multipliciter impediunt administrationem, quam oportet instructam esse pecunia, ut Demosthenes inquit in prima Olynthiaca, et alibi pecuniam vocat belli nervos. Etsi autem aulica mala sunt conspectiora, tamen et in privatis familiis detrimenta multis aliis ex unius profusione, aut avaritia accidunt, ideo Deus vult nos parce uti nostro, abstinere ab alieno, et observare in omni contractu aequalitatem.

Quatuor breves quaestiones in fine addit. Prima: quid differant intemperans, et timidus seu impatiens. Intemperans, non dicitur quod nolit ferre dolores, sed quod nolit abstinere a voluptatibus. Impatiens, qui dolores non genereose tolerat. Secunda: quare non extet nomen alterius extremi, videlicet eius, qui minus appetit voluptates, quia vel nulli, vel paucissimi tales sunt. Tertia: utrum vitium voluntarium est, et magis reprehendendum, timiditas, an intemperantia? ⁷⁹⁾

⁷⁸⁾ *βουλιμίαν* (i. e. vehementissimum edendi appetitum) sic recte Ed. 1546.; Ed. 1545. *βουλημίαν*.

⁷⁹⁾ Intemperantia? sic recte Ed. 1545.; Ed. 1546. temperantia? — Hanc quaestionem Aristoteles Eth. I. 3. c. 12. dissolvit.

Respondet: intemperantiam magis esse voluntariam, quia magis voluntaria sunt, quae eliguntur sine coactione aliqua, voluptates non sic offerunt se nobis, ut cogant nos, sicut terror nolentes obruit. Est igitur intemperantia magis voluntaria, ideoque magis reprehendenda. Nam quae magis in potestate nostra sunt, magis laudem aut vituperationem merentur, quia Deus vult puniri humanis iudiciis turpiter facta, vult honorem tribui recte factis. Ideo autem movet hanc quaestionem, ut admoneat magis necessariam virtutem esse, et oportere magis communem omnium esse temperantiam, quam fortitudinem. Non est fortis Ovidius, sed tamen sit temperans in cibo, potu, et aliis voluptatibus. Turpius est Alexandro quod deformat se ebrietate et obscenitate, quam si fugisset ex acie.

Haec in genere monere volui, et verum est, oportere magis communem esse hanc virtutem. Quod vero in textu⁸⁰⁾ dicitur, timiditatem aliter esse voluntariam, quam singulae consternationes, sic intelligatur. Ipsae consternationes, ut constat, minus sunt voluntariae, quia terror obruit nolentes. Ipse vero habitus est aliquo modo voluntarius, ut caetera vitia, quia ideo confirmatur timiditas, quia ultro omittitur adsuefactio ad ferendos dolores, ac singula facta intemperantiae, sunt prorsus voluntaria, ipsa vero intemperantia minus, quia confirmata consuetudine magis ardet.

Quarta quaestio est de nomine ἀκολασία⁸¹⁾. Quare ἀκολασία commune nomen est lasciviae puerili et intemperantiae, quia quaedam inter haec similitudo est, ut pueriles animi in ludis va-

gantur, sic vagatur appetitio intemperantiae, et, ut pueri coercendi et cogendi sunt, sic appetitiones errantes, recta ratione domandae, et reprimendae sunt. Haec de graeco nomine disputantur, sed apud Latinos distincta vocabula sunt lasciviae et intemperantiae, et gradus considerare utile est.

Lascivia est pronitas ad varios ludos et varias voluptates, sine contumelia, seu sine cupiditate nocendi, sine flagitiis, ut dicimus equos lascivire. Alius gradus est petulantia, pronitas ad contumelias faciendas, seu ubi pro delectamento habetur alios contumelia afficere, ut de Neratio scribit Gellius⁸²⁾, cum poena iniuriae levioris esset 25 asses, solitum Neratium colaphos dare praetereuntibus, et habere servum comitem, qui mox numerabat mulctam, sed hoc exemplo moti praetores, poenam graviolem constituerunt, nam petulantia non solum cum modestia vel mansuetudine pugnat, sed cum iustitia, Graecis est ἀσέλγεια. Idem est protervitas, pronitas ad pravas voluptates, et ad contumelias faciendas. Nequitia significat affectatam levitatem, sive cum contumelia, sive cum libidinibus coniunctam, sive gratis ludentem. Nequitia fuit Alcibiadis et Axiochi, qui consuetudinem habuerunt ambo cum una quadam muliere, cumque alterutri nata esset: ex ea filia, postea uterque cum filia consuetudinem habuit, et cubans apud alterum, dicebatur alterius filia. Haec Lysias in oratione quadam obiecit Alcibiadi, ut recitat Athenaeus⁸³⁾. Ideo autem hae historiae considerandae sunt, ut causae magnarum calamitatum, quae postea secutae sunt, videantur.

80) Aristotelis verba Eth. I. 3. c. 12. §. 2. sunt: Δόξειε δ' ἂν οὐχ ὁμοίως ἑκούσιον ἢ δειλία εἶναι τοῖς καθ' ἕνασταν.

81) Aristot. I. I. 3. c. 12. §. 5.

82) Gellius Noct. Att. XX, 1. hunc hominem improbum Lucium Veratium vocat.

83) Athen. Deipnosoph. XII. c. 9. §. 46. (Tom. IV. p. 486 sq. ed. Schweighaeuser).

IN QUINTUM LIBRUM ETHICORUM ARISTOTELIS

ENARRATIONES PHILIPPI MELANTHONIS ⁸⁴⁾.Caput I. ⁸⁵⁾.

Quemadmodum poëtae scripserunt, iustitiam fugientem ex civitatibus, diu postea in rure mansisse, et ibi inter coetus hominum meliorum praecepta recte vivendi tradidisse: ita hoc tempore fere undique ex imperiis pulsa, haeret utcumque in scholis, et ⁸⁶⁾ gregi scholastico de honestis officiis concionatur. Utinam igitur eam placide audiamus, et ⁸⁷⁾ vere sentiamus, hos nostros coetus praecipuam Ecclesiae divinae partem esse, et in hac statione divinitus collocatos, ut iustitiae vocem, id est, doctrinam de rebus bonis conservemus, et in eo munere diligentiam, fidem, tolerantiam, et caetera virtutis officia praestemus. Concionatur autem iustitia, cum in libris divinis, tum in philosophorum et iurisconsultorum doctrina, quae etiam est vox divina. Nam verae demonstrationes et conclusiones de moribus sunt pars et explicatio legis divinae.

Porro hic libellus inter philosophicos de virtutibus scriptos, ut insignis gemma eminet, mira solertia partes investigatas distribuit, et lectorem ad aspiciendam naturam hominis deducit, ut in ea fontes iustitiae consideret. Primum autem

84) In Editt. 1532. et 1535. huic libro praemissa est epistola nuncupatoria clarissimo viro equestris ordinis Rectori Academiae Vitebergensis Ulrico Sillingo, compatri suo inscripta (Corp. Ref. Vol. II. p. 565—567. recusa, ubi autem in epistolae fine pro *absterreat* legendum est: *absterretur*, quod utraque editio exhibet). — In Editt. 1532., 1535. et 1545. huius libri commentarius inscriptus est: Liber quintus Ethicorum Aristotelis.; in Editt. 1539., 1540., 1542. et 1544.: Philippi Melanchthonis in Quintum librum Ethicorum Aristotelis, ab ipso authore recognitus, et in plerisque locis de integro conscriptus. — Verba Editt. 1532.—1544. ab Editt. 1545.—1560. tantopere differunt, ut, si omnes diversitates afferre voluissemus, totus liber exscribendus fuisset; quapropter, nonnullis locis exceptis, tantum inscriptiones illarum priorum editionum commemoramus.

85) In Editt. 1532.—1544. haec capituli inscriptio deest; postea vero, brevi introductione, in qua iustitiae definitio atque divisio proponitur, praemissa, hae inscriptiones deinceps sequuntur: Textus Aristotelis [in latinum sermonem translatus]. — Scholia. [In Editt. 1540., 1542. et 1544. haec inscriptio deest.] — De iustitia universali.

86) et] sic Editt. 1545., 1546., 1550., 1557. et 1560.; Ed. 1534. te.

87) et] sic Editt. 1545., 1546., 1550. et 1554.; in Editt. 1537. et 1560. omissum.

deploremus naturae humanae infirmitatem. Sapientissimus vir, de iustitia dicturus, omittit praecepta, quae primum ostendunt, quid Debeatur. Nam philosophica sunt manca. Tantum disserit de hominis ordine erga alios homines, hoc est, de civili iustitia. Hanc autem erudite describit, et cum haec pars, ut antea dictum est, etiam sit legis divinae membrum, diligenter consideremus, qua arte notitias naturales, quae regunt iustitiam, distribuat ⁸⁸⁾.

Prudentissime autem primum constituit species, et earum definitiones. Dicit iustitiam universalem esse obedientiam, quae praestatur omnibus legibus; iustitiam vero particularem, constituere aequalitatem, vel geometricam erga gradus personarum, vel arithmetica, in rerum commutatione. Postea ius dividit in ius naturae, lege constitutum, quod vocant ius positivum deinde discernit iniurias consulto et inconsulto factas. Disputat etiam de poenis, effici aequalitatem, cum, qui excessit metas officiorum vitam per poenam intra metas retrahitur. Disputat de aequalitate poenae et delicti, item, de summo iure, et *ἐπιβίχια*. In his locis fere consumitur hic liber, quorum cognitio et per sese ad vitam necessaria est, et multum lucis adfert disputationibus ecclesiasticis et forensibus. Ac ut facilius intelligi possint ea, quae dicturus est Aristoteles nos quoque primum explicabimus vocabula et definitiones.

Diligenter observanda est phrasis. Saepe in Ecclesia, nomine iustitiae intelligitur iustitia universalis, id est, obedientia universae legi debita, ut cum dicitur: Feci iudicium et iustitiam ⁸⁹⁾, id est, prohibita vitavi, et mandata feci. Interdum significatur particularis iustitia, ut cum dicitur (Matth. 1, 19.): Ioseph erat iustus, nec volebat infamare sponsam. Saepe autem, ut apud Paulum, cum dicitur de reconciliatione, significa-

88) notitias naturales, quae regunt iustitiam, distribuat.] sicut Editt. 1550., 1554., 1557. et 1560.; Editt. 1545. et 1546. eam ex naturae humanae fontibus erutam proponat.

89) Conf. Ier. 22, 3.

acceptationem divinam, imputationem iustitiae, ut cum inquit (Rom. 5, 1.): Iustificati⁸⁹⁾ fide pacem habemus. Haec tria discrimina diligenter observanda sunt. Ac nos quidem in hoc libello de tertia significatione, de qua Paulus loquitur, nihil dicemus. Hic tantum congruunt appellationes ad iustitiam, quae vocatur legis iustitia, ut constat philosophiam moralem esse legis divinae partem. Ac valde sudat Plato in quaerenda definitione. Repudiat Simonidis definitionem⁹¹⁾, quam postea iurisconsulti amplexi⁹²⁾ sunt, et recte convenire eam iustitiae particulari manifestum est. Iustitia est constans et perpetua voluntas⁹³⁾, quae suum cuique tribuit. Sed Plato videt non solum quaerendum esse, qui sit ordo homini ad alios, sed etiam qui sit ordo homini ad sese. Constituit igitur hanc definitionem, iustitiam videlicet universalem esse consensum inferiorum virium in homine, cum mente recte iudicante. Erudite inchoavit hanc doctrinam a consideratione partium hominis, sed eruditior definitio esset, dicere, iustitiam universalem esse obedientiam Deo debitam, iuxta discrimen honestorum et turpium, quod impressit Deus humanae naturae, ut et ipsum agnoscamus, et intelligamus⁹⁴⁾ quibus officiis coli velit. Haec esset prima et verissima definitio iustitiae universalis, et quidem cum lege congruit. Primum enim homini ad Deum ordo est, et hunc primum cerni et considerari necesse est. Aristoteles collocat hominem in civitatem, ac simpliciter considerat, qui sit ordo homini ad magistratus et cives. Plato altius fuit exorsus, consideravit enim, qui sit ordo homini ad suas vires, sed Aristotelica definitio facilius intelligi potest: Iustitia universalis est obedientia omnibus legibus debita. Sic iustitiae nomine saepe et in sacris literis utimur, cum fit mentio iustitiae legis, sic vulgo dicimus Aristidem esse iustum, id est, omnibus legibus obtemperantem. Constituta hac prima specie, ac definitione

iustitiae, postea quaeritur alia, est enim ordo civi non solum ad magistratum, sed etiam deinde ad singulos cives. Haec iustitia vocatur particularis, et est virtus servans aequalitatem arithmetica in contractibus, geometricam in personis ordinandis. Utramque sanxit Deus in praecepto (Matth. 19, 19.): Diligas proximum sicut te ipsum. Hic praecipit, ut exerceamus aequalitatem erga proximum, non rapiamus res, aut honores cum aliorum detrimento. Qui res alteri eripit, non diligit eum⁹⁵⁾ sicut sese, id est, non vult illius res ipsi salvas esse, sicut suas, sic qui alterius rapit honorem, non vult ei suum locum in societate attribui. Hae sunt conturbationes aequalitatis.

Deinde rursus in praecepto (Exod. 20, 15.): Non furtum facies, sancita est aequalitas in rerum commutatione. Constat enim furtum esse, auferre de alieno sine compensatione. Nec enim diuturna rerum posset esse communicatio, si una pars hominum sine compensatione exhauriret alteram. Ideo viderunt philosophi compensationem aequalem⁹⁶⁾, fontem esse iustitiae in contractibus. Ubicunque igitur leguntur aequalitatis laudes, referas eas ad has descriptiones iustitiae, et ad haec praecepta: Diligas proximum etc. Item: Quod tibi non vis fieri, alteri ne feceris⁹⁷⁾. Item: Non furtum facies. Ideoque iurisconsulti, cum iusta describunt, hanc aequalitatem magna arte quaerunt, et honestissima laudatio est aequalitatis apud Euripidem in Phoenissis⁹⁸⁾:

Κεῖνο⁹⁹⁾ κάλλιον, τέκνον.

Ἰσότητα τιμῶν ἢ φίλους ἀεὶ φίλοις,

Πόλεις τε πόλεσι, ξυμμάχους τε ξυμμάχοις

Συνδεῖ, τὸ γὰρ ἴσον νόμιμον ἀνθρώποις ἔφην¹⁰⁰⁾.

Melius est aequalitatem colere, quae amicos amicus, urbes urbibus, socios sociis devinctos retinet. Nam aequale natura hominibus legitimum est. Sed in his laudationibus diligenter considerandum est, alias locum habere arithmetica aequalitatem, alias geometricam. Id discrimen ut Aristoteles traderet, haud dubie motus est locis Isocra-

89) Iustificati] sic Editt. 1550., 1554., 1557. et 1560.; in Editt. 1545. et 1546. deest.

91) Plat. de republ. I. (op. ed. H. Steph. T. II. p. 331. e. — ed. Bipont. Vol. VI. p. 155.): *τί φησὶ τὸν Σιμωνίδην λέγοντα, ὁρθῶς λέγειν περὶ δικαιοσύνης; Ὅτι, ἢ δ' ὅς, τὸ τὰ ἀφειλόμενα ἐκάστη ἀποδίδοναι, δίκαιόν ἐστι.*

92) amplexi] sic Editt. 1550., 1554., 1557. et 1560.; Editt. 1545. et 1546. complexi.

93) Cic. Philipp. XIII. c. 6. §. 13.

94) agnoscamus, et intelligamus] sic Editt. 1550., 1554., 1557. et 1560.; Editt. 1545. et 1546. agnosceremus, et intelligeremus

95) eum] sic Editt. 1545., 1546., 1550. et 1554.; in Editt. 1557. et 1560. omissum.

96) aequalem] sic Editt. 1550., 1554., 1557. et 1560.; Editt. 1545. et 1546. aequalitatis.

97) Conf. Matth. 7, 12. Luc. 6, 31.

98) Eurip. Phoen. 538—541.

99) Κεῖνο] sic recte Editt. 1546. et 1550.; Editt. 1554., 1557. et 1560.: Κεῖνο.

100) In Editt. 1545. haec verba graeca omisa sunt.

tis et Platonis, qui reprehendunt populum volentem¹⁾ efficere aequalitatem in gubernatione civitatum perniciosam, ut pari loco sint, Scipio, et alii plebei²⁾ ignavissimi, seu, ut in Synodo pariter dicant sententias, docti et alienissimi a literis et omnibus studiis pietatis. Hanc confusionem ut reprehendant, discernunt aequalitatem. Verba Isocratis haec sunt in Areopagitico³⁾. Plurimum autem contulit eis ad civitatis gubernationem, quod cum duae sint aequalitates, quarum altera tantundem singulis tribuit, altera vero singulis ea quae congruunt. Non ignoraverunt utra sit utilior. Repudiaverunt enim eam, quae tantundem bonis et malis tribuit tanquam iniustam. Alteram vero, quae pro meritis, et honores et poenas distribuit, amplexi sunt in regenda civitate, non legentes magistratus ex promiscua multitudine, sed ex melioribus. Similis sententia extat apud Platonem libro sexto de legibus⁴⁾: Recte et concinne dictum est, amicitiam aequali-

tate effici, sed quia non est perspicuum, quae sit illa aequalitas, valde perturbamur. Cum enim duae sint aequalitates, quae etiamsi nomen idem habent, tamen inter se diversae sunt, alteram quidem intelligunt omnes, quae aequali mensura, pondere et numero ubique distribuit. Sed verissimam et optimam aequalitatem non facile est cuilibet deprehendere. Dei enim iudicium est, ac hominibus tenuiter illa aequalitas contingit. Quatenus autem civitatibus et privatis contingit⁵⁾, omnia bona efficit. Tribuit enim maiores honores his, qui virtute excellunt, econtra minus idoneis minores, ac singulis pro proportionem convenientes. Hoc est iustum civile, quod expetere, et ad quod respicere nos in condenda civitate oportet, non ad tyrannos, aut vulgi potentiam. Hoc iusto uti civitas debet, quod ita inter dissimiles aequalitatem facit, quia ordine singulis congruentia tribuit. Haec dicta Isocratis et Platonis ideo recensui, ut studiosi fontes Aristotelicae partitionis considerent, nec dubium est lucem addi Aristoteles ab istis aequalitatem geometricam recte laudari, nam hanc in ordinandis personis in omni vita sequi necesse est. Singulis tribuendus est suus honos, suus locus in qualibet parte civitatis pro merito. Sit Cicero gubernator togatus, sit Marius bellator, sit praetor Aquilius⁶⁾, sit quaestor Cato⁷⁾, sit gubernator studiorum Cratippus⁷⁾, atque ita singuli suum locum teneant, et suum officium faciant, nec impediatur alter alterius cursum, ne harmonia conturbetur. Hic ordo efficit aequalitatem inter dissimiles. Recte igitur Isocrates et Plato hanc aequalitatem laudant.

Sed accedit Aristoteles, tanquam interpres veterum, et ostendit, ubi altera aequalitas, scilicet arithmetica, quam illi praeterierant, locum habeat. Tradit igitur eruditissimam partitionem: Omnis conversatio mutua cum aliis, aut res⁸⁾

1) volentem] sic Editt. 1550., 1554., 1557. et 1560.; Editt. 1545. et 1546. conantem.

2) plebei] sic Editt. 1545. et 1546.; Editt. 1550., 1554., 1557. et 1560. plebel.

3) Verba ipsa Isocratis in Areopagitico c. 8., h. 1. in lat. translata, haec sunt: Μέγιστον δὲ αὐτοῖς συνεβόλετο πρὸς τὸ καλῶς οἰκίειν τὴν πόλιν, ὅτι δυοῖν ἰσοτήτων νομιζομένων εἶναι, καὶ τῆς μὲν ταῦτόν ἄπασιν ἀπονεμούσης, τῆς δὲ πρὸς τὸ προσήκον ἐκάστοις, οὐκ ἠγνόουν τούτων τὴν χρησιμωτέραν· ἀλλὰ τὴν μὲν τῶν αὐτῶν ἀξιοῦσαν τοὺς χρηστούς καὶ ποιητοὺς, ἀπειδοκίμαζον ὡς οὐ δικαίαν οὐσαν· τὴν δὲ καὶ ἀξίαν ἕκαστον τιμῶσαν, καὶ κολάζουσαν προήροῦντο, καὶ διὰ ταύτης οἴκουν τὴν πόλιν, οὐκ ἐξ ἀπάντων τὰς ἀρχὰς κληροῦντες, ἀλλὰ τοὺς βελτίστους, καὶ τοὺς ἰκανωτάτους, ἐφ' ἕκαστον τῶν ἔργων προχορῶντες.

4) Platonis verba l. VI. de legg. (op. ed. H. Steph. T. II. p. 757. a. — ed. Bipont. VIII. p. 261 sq.), h. 1. in lat. versa, sunt haec: παλαιὸς γὰρ λόγος ἀληθὴς ὢν, ὡς ἰσότης φιλοῦται ἀπεργάζεται, μάλα μὲν ὁρθῶς εἴρηται καὶ ἐμμελῶς· ἥτις δ' ἐστὶ ποτε ἰσότης ἢ τοῦτο αὐτὸ δυναμένη, διὰ τὸ μὴ σφόδρα σαφὴς εἶναι, σφόδρα ἡμᾶς διαταράττει. δυοῖν γὰρ ἰσοτήτων οὐσαν, ὁμωνύμων μὲν, ἔργῳ δὲ εἰς πολλὰ σχεδὸν ἐναντίας, τὴν μὲν ἑτέραν εἰς τὰς τιμὰς πᾶσα πόλις ἰκανὴ παραγαγεῖν, καὶ πᾶς νομοθέτης, τὴν μέρῳ ἴσην καὶ σταθμῶ καὶ ἀριθμῶ, κλήρω ἀπειθόνων εἰς τὰς διανομὰς αὐτῆν· τὴν δὲ ἀληθεστάτην καὶ ἀρίστην ἰσότητα οὐκέτι ὁρθῶν παντὶ ἰδεῖν. Διὸς γὰρ δὴ κρίσις ἐστὶ· καὶ τοῖς ἀνθρώποις αἰεὶ σμικρὰ μὲν ἐπαρκεῖ· πᾶν δὲ ὄσον ἂν ἐπαρκέσῃ πόλεσι ἢ καὶ ἰδιώταις, πάντ' ἀγαθὰ ἀπεργάζεται. τῷ μὲν γὰρ μείζονι πλείω, τῷ δὲ ἐλάττωσι σμικρότερα νέμει, μέτρια διδοῦσα πρὸς τὴν αὐτῶν φύσιν ἐκατέρῳ. καὶ δὴ καὶ τιμὰς μείζονι μὲν πρὸς ἀρετὴν, αἰεὶ μείζον· τοῖς δὲ τοῦναντίον ἔχουσιν ἀρετῆς τε καὶ παιδείας, τὸ πρόβον ἐκατέρῳ ἀπονέμει κατὰ λόγον. ἔστι γὰρ δὴ πού καὶ τὸ πολιτικὸν ἡμῖν αἰεὶ τοῦτ' αὐτὸ τὸ δίκαιον· οὐ καὶ νῦν ἡμᾶς δρεγομένους δεῖ, καὶ πρὸς ταύτην τὴν ἰσότητα, ὡς Κλεινία, ἀποβλέποντας, τὴν νῦν φρομένην κατοικεῖν πόλιν. ἀλλήν τε ἂν ποτὲ τις οἰκίῃ, πρὸς ταῦτό τοῦτο σκοπούμενον χρεῶν νομοθετεῖν· ἀλλ' οὐ πρὸς ὀλίγους τυράννους, ἢ πρὸς ἕνα, ἢ καὶ κράτος δήμου τε, πρὸς δὲ τὸ δίκαιον αἰεὶ. τοῦτο δ' ἐστὶ τὸ νῦν δὴ λέχθῃν, τὸ κατὰ φύσιν ἴσον ἀνίσους ἐκάστοτε δοθέν.

5) Quatenus autem civitatibus et privatis contingit,] sic Editt. 1550., 1554., 1557. et 1560.; Edit. 1545. Quatenus autem contingit, civitatibus, et privatis; Edit. 1546. Quatenus autem civitatibus, et privatis,

6) C. Aquilius Gallus, vir magnae auctoritatis et scientia iuris excellens, a. u. c. 698. praetor cum Cicerone amico; vid. Orellii Onomastici Tulliani P. II. p. 60 sq.

7) M. Porcius Cato Uticensis a. u. c. 659. quaestor fuit. (Eodem munere etiam M. Porcius Cato Censorius a. u. c. 550. functus erat.)

8) Cratippus Mitylenaeus, Peripateticorum eius aetatis facile princeps, Ciceroni amicissimus, eiusque filii a. u. c. 710. magister; vid. Orell. l. I. P. II. p. 201 sq.

9) res] sic Editt. 1545., 1546., 1550., 1554. et 1560.; in Ed. 1557. omissum.

communicat, aut ordinat personas. Haec est vera et integra divisio. Nam haec sunt prima genera, quae societatem hominum inter se devinciunt, et obligationes pariunt, videlicet rerum communicatio, et ordinatio personarum. Hanc partitionem secutus Aristoteles in rerum communicatione, vult effici aequalitatem arithmetica. Nam rerum communicatio in infinitum vagari debet. Ideo semper debet esse summa aequalitas mercis et pretii. Nec enim posset esse diuturna communicatio, si hac aequalitate sublata, altera pars exhauriretur. At in ordinandis personis vult effici aequalitatem geometricam. Princeps tribuat munus cancellarii viro sapienti, docto, amanti iustitiam et communem tranquillitatem, et *συμβιβαστικῶ*⁹⁾. Exercitum tradat bellatori perito, gubernationem Ecclesiae, doctis, piis, moderatis; gubernationem studiorum literatis, et amantibus veritatem; praeturam iurisconsulto etc. Et ut membra unius corporis omnes complectatur, suum cuique locum tribui curet, provideat ne quis cursum alterius impediatur. Sic Aristoteles eruditissime distinxit aequalitatem, et ostendit diversis materiis applicandas esse, et ex hac diversitate duas species iustitiae particularis constituit. Collatis hic locis Isocratis et Platonis, intelligi potest, quid moverit Aristotelem ad has venustas partitiones aequalitatis excogitandas, et quomodo applicandae sint in tota vitae societate. Semper autem prae luceat huic philosophiae lex divina, quae sanxit aequalitatem (Matth. 19, 19.): Diligas proximum sicut te ipsum. Item: Quod tibi non vis fieri, alteri ne feceris. Postea cogitemus, qua aequalitate in rerum communicatione, qua in personis utendum sit. Cyrus adolescens in suo iudicio conturbavit has aequalitates, cum puer grandior, indutus brevi tunica, eripisset alteri minori longiorem tunicam, data brevior, res ad puerile iudicium defertur. Cyrus pronuntiat magis convenire longam vestem grandiori, et hunc retinere eam iubet. Hic inquit Xenophon^{*)}: *Cyrum plagas a magistro accepisse, qui docuit¹⁰⁾ aequum esse, non quod nobis videtur, sed quod lex sanxit, legem autem praecipere, ut suum quisque teneat. Erraverat autem Cyrus in discernenda aequalitate, iudicaverat secundum geome-*

9) *συμβιβαστικῶ*] sic recte Editt. 1545., 1546., 1550. et 1554.; Editt. 1557. et 1560. *συμβιβαστηῶ*.

*) Xenoph. Cyropaed. l. I. c. 3. §. 17.

10) *docuit*] sic Editt. 1550., 1554., 1557. et 1560.; Editt. 1545. et 1546. voluerit.

tricam proportionem, cum aequalitas non personarum, sed rerum tantum esset facienda arithmetica proportione, ne alter damno afficeretur. Haec tota disputatio facilius intelligetur, cum in vita hoc discrimen observabimus, videlicet, in rebus compensandis hanc aequalitatem servantes, ne alii damno afficiantur. In personis vero ordinandis, hanc exaequationem facientes, ut suum cuique locum tribuamus.

Caput II.

De iustitia particulari¹¹⁾.

Quaerenda est autem et iustitia etc.]¹²⁾

Supra definitionem tradidit universalis iustitiae, a qua orditur, quasi collocans hominem in civitatem, ubi primum docendus est homo, debere legibus obedientiam, sicut et in quarto praeccepto decalogi docetur. Primus igitur hic gradus est iustitiae, ut supra diximus, universalis obedientia. Postea vero disseritur de iustitia particulari, quam acute discernit Aristoteles a caeteris virtutibus. Qui iratus, percutit alterum, peccat¹³⁾ iracundia. At qui non iratus nec laceratus pulsatur alterum, petulantia peccat, non iracundia, sed alia quadam specie non servans aequalitatem necessariam vitae. Haec species vocatur particularis iniustitia, et hic iniustitiae nomen usurpatur, quia quiddam alteri debitum non praestatur, videlicet aequalitas sancita in his dictis: Dilige proximum sicut te ipsum; item: Quod tibi non vis fieri, alteri ne feceris. Hanc distinctionem iniustitiae particularis a caeteris vitiis sagaciter hic investigat Aristoteles, prolatis exemplis, et ostendit proprie sic vocari inaequalitatem seu conturbationem aequalitatis necessariae ad vitae tranquillitatem.

11) Editt. 1532., 1535. et 1539., et Editt. 1540., 1542. et 1544. h. l. eandem quidem inscriptionem habent, at explanatione ipsa non modo tres priores a tribus subsequentibus, sed etiam utraeque a sex Editt. 1545., 1546., 1550., 1554., 1557. et 1560. valde discrepant. — In Editt. 1540., 1542. et 1544. illam inscriptionem cum ceteris Editt. communem hae sequuntur propriae: Quare Geometrica proportio convenit ad distributivam? — Quare optimus status requirit Geometricam proportionem?

12) Aristotelis verba Eth. I. 5. c. 2. §. 1., quae h. l. explicantur, sunt: *ζητούμεν δέ γε τὴν ἐν μέρτι ἀρετῆς δικαιοσύνην* etc.

13) *peccat*] sic Editt. 1545. et 1546.; Editt. 1550., 1554., 1557. et 1560. *peccavit*.

*Differunt autem iniustum etc.]*¹⁴⁾.

Priusquam inchoat explicationem particularis iustitiae, addit epilogum superiori loco, et repetit definitionem iustitiae universalis, et vocabulorum collationes, inquit *ἄδικον*, se habere, ut communius ad¹⁵⁾ has duas species *παράνομον καὶ ἄνισον*. Haec etsi tenuia et exilia sunt, tamen ab attentis facile intelligi possunt, et admovent studiosos de discrimine iustitiae universalis et particularis, quod observare necesse est. Brevia dicta sunt, omnis inaequalitas est violatio legum, sed non omnis violatio legum est inaequalitas, ut, vagae libidines sunt violatio legum, non sunt inaequalitas, seu defraudatio, qualis est in contractibus iniustis, aut iniuriis, ut humano more loquimur. Caeterum, si iudicium Dei consideres, semper polluens alterius conscientiam, seu volentis, seu nolentis, horribili contumelia illum afficit, et a Deo avellit.

Sed redeo ad Aristotelem, is cum ait: Non omnis violatio legum est defraudatio, hoc vult, iniustitiam universalem differre a particulari. Universalis est contumacia, seu inobedientia cuiuscunque generis. At particularis est defraudatio. Quod vero deinde ait: Omne quod plus est, inaequale est, at non omne inaequale plus est. Ideo dicitur, ut significetur, sicut supra dixit, istum scelerate facere, qui plus aufert, hoc est, qui suas utilitates cum alterius detrimento auget, non eum, qui damno afficitur.

In fine¹⁶⁾ addit sententiam non negligendam, leges de disciplina¹⁷⁾ complecti debere omnia officia necessaria ad communem salutem. Nos quidem exemplum optimum habemus decalogum, et Aristoteles postea inquit: Optimum statum esse civitatis, qui constitutus est secundum naturam, id est, secundum naturale et rectum iudicium rationis humanae, quod quidem est decalogi sententia.

Addit autem quaestionem Aristoteles¹⁸⁾, an eadem sit doctrina viri boni, et civis boni? Hanc quaestionem ait alibi disputandam esse, hoc au-

14) Aristot. l. I. l. 5. c. 2. §. 8.: *Διόρισται δὴ τὸ ἄδικον, τὸ τε παράνομον καὶ τὸ ἄνισον* etc.

15) ad] sic Editt. 1545., 1546., 1550. et 1554.; in Editt. 1557. et 1560. deest.

16) Aristot. l. I. l. 5. c. 2. §. 11.

17) disciplina] sic recte Editt. 1545., 1546., 1550. et 1554. (= *περὶ παιδείαν* textus gr. l. I. §. 11.); Editt. 1557. et 1560. discrimine.

18) Aristot. l. I. c. 2. §. 11.

tem sentit: Supra leges naturae in vita civili, opus esse positivo iure, ac in imperiis recte constitutis, tamen iura positiva differunt, ut respublica Iudaica differt a Romana, et verissime dictum est ab Aeschilo, quod citat Plato: Alius ad aliam civitatem magis idoneus est¹⁹⁾. Differunt igitur iura positiva, in quibus tamen hoc servari necesse est, ne pugnent cum ratione. Ideo certis legibus et doctrina quadam erudita, quae fontes honestorum officiorum monstrat, opus est, ne quaelibet somnia potentium pro legibus ducantur.

Divisio iustitiae particularis²⁰⁾.

Tandem hic²¹⁾ inchoat divisionem iustitiae particularis, ubi primum studiosus lector consideret, quas habeat Aristoteles necessarias causas harum partitionum. Fuisse autem antea discernendam universalem obedientiam a particulari virtute, facile intelligi potest, et communis sermo omnium gentium cogit eam distinctionem observare, ut testimonia sacrorum librorum indicant. Deinde huius secundae divisionis necessaria causa est. Quia iustitia particularis proprie est virtus, regens communicationem cum aliis, et efficiens²²⁾ aequalitatem rerum²³⁾. Omnis autem communicatio cum aliis, aut personas ordinat, aut res compensat. Aliter autem constituitur aequalitas in personis ordinandis, aliter in rebus compen-

19) Plat. de republ. l. VIII. (op. ed. H. Steph. T. II. p. 550. c. — ed. Bipont. Vol. VII. p. 197.): *Οὐκ οὖν μετὰ τοῦτο, τὸ τοῦ Ἀισχύλου λέγωμεν, — ἄλλον ἄλλῃ πρὸς πόλει τεταγμένον*; Haec sententia reperitur in Aeschyl. fragm. 338.

20) In Editt. 1532., 1535. et 1539. explicatio huius partis libri V. Arist. a sex Editt. 1545 — 1560. longe diversa h. l. habet inscriptionem: „Divisio iustitiae particularis in distributivam et commutativam”, quam deinceps haec sequuntur: De obiectis iustitiae. — De distributiva iustitiae. — Descriptio iustitiae distributivae. — Proportio discreta et continua. — De permutata proportione. — De iustitia commutativa. — Reprehensio definitionis iustitiae quae est a Pythagora tradita. — Causa nomi inventi. — In Editt. 1540., 1542. et 1544., quae non solum a sex sequentibus Editt. 1545 — 1560., sed etiam ab illis tribus prioribus differunt, inter inscriptionem „Divisio iustitiae particularis in distributivam et commutativam” et „De obiectis iustitiae”, insertae sunt haec: Quae consilio Aristoteles primum partitus est iustitiam in universalem et particularem? — Habetne haec consuetudo loquendi etiam rationem aliquam? — Quae est ratio secundae divisionis? Ceterae inscriptiones eadem sunt ac in illis prioribus Editt.

21) Aristot. l. I. c. 2. §. 12.

22) efficiens] sic Editt. 1545., 1546., 1550., 1554. et 1557.; Editt. 1560. efficiens.

23) rerum] sic Editt. 1550., 1554., 1557. et 1560.; Editt. 1545. et 1546. quandam.

sandis. Necessè est igitur tradi hanc distinctionem. Porro quia doctrina de virtutibus haud dubie testimonium est de Deo, mentibus humanis impressum, utile est in omnium virtutum consideratione referre oculos ad Deum, et cogitare, qualem (ut ita dicam) effigiem Dei, virtutum descriptiones pingant. Praecipue vero iustitia nos de magnis rebus admonet. Cum iustitia particularis sit aequalitas, primum testatur Deum, cum sit iustus, aequalem esse erga omnes, aequaliter se habentes, nec esse acceptatorem personarum²⁴⁾, hoc est, non recipere quemquam, aut reiicere, nisi iuxta unam normam, quam proposuit. Vere recipit omnes confugientes ad Mediatorem, reiicit omnes contemnentes Mediatorem, nec aliam praerogativam extra hanc normam admittit. Est igitur aequalis, ut Paulus dicit (1. Tim. 2, 4.): Deus vult omnes homines salvos fieri.

Secundo, aequalis est, quia certo reddit praemia pro virtute, et poenas pro delictis. Hanc vero aequalitatem in iudicio extremo clarius conspiciemus. Caeterum et haec vita civilis testis est, atrocia scelera comitari insignes poenas, et iustis et moderatis parci.

Tertio, cum aequalitatem rerum Deus inter nos velit effici, obligat omnes homines ad mutuam reverentiam inter sese, non contemnat Croesus Irum²⁵⁾. Etsi enim necesse est aetatum ac officiorum discrimina esse, tamen Deus sanxit aequalitatem inter homines, vult Irum non defraudari a Croeso, vult igitur aequalitatem inter eos esse, ita, ut utrique praestentur debita²⁶⁾ officia, nec superbe conculcetur Irus, quasi nullo vinculo cum illo copulatus et exaequatus sit, ut conculcatur truncus. Haec aequalitas sancita est in praecepto: Diligas proximum sicut te ipsum. Cum supra virtutes dixerit mediocritates esse, scilicet affectuum, venuste iam quaerit, qualis mediocritas sit iustitia. Haec enim est non affectuum, sed rerum mediocritas, id est, aequalitas mercis et pretii. Argute igitur ratiocinatur, cum omne aequale sit medium inter plus et minus,

24) Act. 10, 34. Rom. 2, 11. Gal. 2, 6. Eph. 6, 9. 1. Petr. 1, 17.

25) i. e. dives pauperem. Croesus enim, Lydiae rex 560 — 546. a. Chr., maximis divitiis insignis fuit, Irus autem, proprie Arnaeus, mendicus, qui in Ulyssis domo in Ithaca insula vixit, conf. Hom. Od. XVIII, 5 sqq.

26) debita] sic Editt. 1546., 1550., 1554., 1557. et 1560.; Edit. 1545. ei debita.

congruit²⁷⁾ hoc loco, aequalitatem dicere medium. Etsi autem difficultas in hoc textu nulla est²⁸⁾, tamen tanta est exilitas rerum, ut novum lectorem hae argutiae paene effugiant. Sed haec admonitio cogitanda est. Hoc agi scias, aequalitatem, inquit, in hac virtute medium dici, rerum videlicet, deinde addit, quia iustitia non ut caeterae virtutes tantum nos ipsos regit, sed cum aliis agit, ideo multae fiant²⁹⁾ hic³⁰⁾ collationes. Ac tandem venit ad distributiones, quas ait consistere in quatuor terminis, duobus gradibus honorum, et duabus personis, ut sicut se habent munus cancellarii, et munus imperatoris, sic se habent Cicero et Marius. Sed Cicero est aptus muneri cancellarii: ergo Marius est aptus muneri imperatoris.

Ut autem haec Aristotelica plane intelligantur, et in vita ad usum accommodari possint, summa huius loci exponenda est. Primum, causa necessaria consideretur huius divisionis, ut supra dixi. Est autem haec causa: Iustitia particularis regit omnes actiones, quae in hac societate erga alios homines exercentur.

Porro genera actionum erga alios duo sunt, nec sunt plura. Aut enim res tantum communicantur, aut personae ordinantur. Ex hoc fonte manant duae species iustitiae particularis. Distributiva in universum ordinat personas, monet, ut consideremus, ubi vivamus³¹⁾, inter quas personas versemur, quem locum singulis tribuere deceat, iubet intelligere nostrum locum, et accommodare ad caeteros, et ad conservationem universae societatis. Gradus igitur constituit³²⁾, Deum, magistratus, parentes, natos, bene meritos, propinquos, collegas eiusdem muneris, amicos, aequales, inferiores, liberos, servos.

Horum singulis tribuit convenientem honorem, et conveniens munus. Haec convenientia

27) congruit] sic Editt. 1546., 1550., 1554., 1557. et 1560.; Edit. 1545. congruunt.

28) difficultas in hoc textu nulla est.] sic Editt. 1550., 1554., 1557. et 1560.; Editt. 1545. et 1546. difficultatis in hoc textu nihil est.

29) fiant] sic Editt. 1550., 1554., 1557. et 1560.; Editt. 1545. et 1546. fiunt.

30) hic] sic Editt. 1545., 1546., 1550. et 1554.; in Editt. 1557. et 1560. deest.

31) vivamus] sic Editt. 1546., 1550., 1554., 1557. et 1560.; Edit. 1545. iuvamur.

32) constituit] sic Editt. 1546., 1550., 1554., 1557. et 1560.; Edit. 1545. constituet.

est aequalitas³³⁾ in distributiva iustitia, ut praecipua obedientia est, honos Deo conveniens. Officium alendi infantem est munus, quod parentes praestare natis debent. Haec convenientia est aequalitas. Ut autem in corpore humano, etsi dignitate membra differunt, tamen propter necessitatem omnia simul fovenda sunt, sic in societate sit exaequatio necessitatum. Differunt dignitate, concionator, senator, bellator, agricola, faber, sed necessitas omnes gradus complectitur, totam igitur societatem intuetur iustitia. Non enim posset convenientem singulis gradibus locum tribuere, nisi totum ordinem intueretur.

Necessaria igitur virtus est haec distributiva iustitia, quae nos de personis monet. Ostendit omnium loca, nostrum etiam nobis attribuit, iubet nos nostram spartam ornare, non erumpere extra metas nostri officii, et conturbare ordinem, et aliorum graduum munera. Pertinet igitur ad distributivam iustitiam, officium proprium facere, et alios non impedire, sed tribuere cuilibet suum locum, suum munus. Et cum hac virtute pugnant superbia et *πολυπραγμοσύνη*, erumpentes extra metas, in³⁴⁾ gubernatore tyrannis, quae fovet malos, et premit bonos, cum aequalitas, quam postulat iustitia, sit, benefacta beneficiis, malefacta poenis compensare.

Ex hac declaratione intelligi potest, iustitiam distributivam oportere in singulis hominibus esse. Erudite autem Aristoteles declarat eam, sumpta imagine ex collatione geometricarum proportionum, ita hic rerum et personarum convenientia quaeritur. In aula opus est munere cancellarii, et munere quaestorio, ad haec quaerantur personae idoneae, ut de geometrica proportionem dicimus: sicut se habent 8 ad 4, sic se habent 10 ad 5: hinc igitur fit argumentum a permutata proportionem hoc modo.

Sicut se habent cancellarius et quaestor, sic se habent Mercurinus³⁵⁾ et Saltzburgensis^{*}), sed Mercurinus est idoneus muneri cancellarii: ergo

33) aequalitas] sic Editt. 1545., 1546. et 1550.; Editt. 1554., 1557. et 1560. aequalis.

34) in] sic Editt. 1550., 1554., 1557. et 1560.; Editt. 1545. et 1546. et in.

35) Mercurinus Cattinarius, Caroli V. cancellarius. Hic commemoratur etiam in Lutheri colloquiis mensalibus T. II. p. 245. ed. Foerstemann et Bindseil.

* Matthaeus Langius, archiepiscopus Salisburgensis (?).

Saltzburgensis est idoneus ad munus quaestorium. Addenda est et haec collatio: Sicut se habent 1000 ad 100, sic se habet³⁶⁾ munus cancellarii ad quaestorium. Sed quaestori 100 dantur: ergo dantur 1000 cancellario. Sicut se habent Synodi iudicium et quaestura, sic se habent Erasmus et Saltzburgensis, sed Saltzburgensis est idoneus ad quaesturam: ergo Erasmus ad Synodi iudicium. Ideo Plato dicit: Quidquid boni fit in gubernatione, oriri a proportionem geometrica, id est, cum personae conveniunt officiiis. In Apologo Aesopi^{*)} exemplum illustre proponitur, quod monet confundi hanc proportionem a tyrannis: Leo, vulpes, aper, equus et asinus, simul venati, tres tauros ceperant, leo iubet asinum dividere praedam, is secat tauros omnes in quinque aequales partes, et tribuit singulis, qui una venati erant, unam. Hic leo iratus, dilaniat asinum, inquires: sibi plus deberi, quam caeteris, quia antecellat³⁷⁾ aliis robore, et plus laborasset, quam caeteri, iubet igitur equum partiri, qui³⁸⁾ admonitus exitu asini, et cogitans aliquanto plus deberi leoni, attribuit ei integrum taurum, singulis caeteris dimidium. Leo et hunc conserpit, iam non³⁹⁾ allegans operas, sed ait, plus honoris, tanquam regi, sibi tribuendum esse. Tandem iubet vulpem dividere praedam, haec cumulat omnes partes, et iubet leonem auferre universam praedam. Interrogata vulpes, unde didicisset hanc partitionem, respondit: ab his purpuratis doctoribus, id est, a laceratis divisoribus, significans tyrannos saevire in iudices, seu consiliarios, non servientes ipsorum cupiditatibus. Servaverat autem asinus proportionem arithmetica, equus geometricam, tyrannus utramque conturbat.

Sic in Synodo, qui singulis e vulgo iudicandi potestatem concedi volunt, asini divisionem imitantur. Qui deligunt idoneos, servant geometricam proportionem, sed tyranni, more leonis, conturbant eam, et ad sese rapiunt omnia. Haec exempla et illustrent textum, et quotidiana

36) habet] sic Editt. 1545., 1546. et 1550.; Editt. 1554., 1557. et 1560. habent.

*) Conf. Aesopi fab. 109.

37) antecellat] sic Editt. 1550., 1554., 1557. et 1560.; Editt. 1545. et 1546. antecelleret.

38) qui] sic Editt. 1545., 1546., 1550., 1557. et 1560.; Editt. 1554. quia.

39) iam non] sic Editt. 1550., 1554., 1557. et 1560.; Editt. 1545. et 1546. non iam.

vita insum harum disputationum Aristotelis ⁴⁰⁾ monstrat ⁴¹⁾.

Ut igitur caeteras virtutes in omni deliberatione de vita et moribus nostris aspicere nos oportet, et earum descriptionibus, tanquam legibus, frenare omnes motus, ut doctrina de mansuetudine regenda est iracundia: ita doctrina de iustitia distributiva excitet nos, ut vitae gradus intueamur, Ecclesiam, politias, familias, moneat quem gradum ipsi ⁴²⁾ teneamus, quo loco, inter quos versemur. Necessaria haec diligentia est in vita, et ad haec praecepta pertinet: Time Deum, Honora parentes, Nosce te ipsum, Dilige proximum, Spartam quam nactus es orna, Ne erumpas extra vocationem. Haec praecepta omnia cum complectatur iustitia distributiva, facile intelligi potest, latissime patere eius actiones. Facit contra iustitiam distributivam Saul, cum accensus aemulatione, non vult tribuere Davidi locum in republica quem meretur, cum non agnoscit Dei dona in illo, data propter communem salutem amanda et fovenda esse, Deo gratias agendas esse pro munere, cuicumque dederit, gaudendum propter communem salutem, si successor maior secuturus esset.

Facit contra iustitiam distributivam Monetarius ⁴³⁾, cum amisso munere docendi, erumpit in regiam vocationem, arma capiens. Hanc conturbationem officiorum seu vocationum constat non solum perniciosam esse vitae communi, sed etiam divinitus puniri magnis exemplis. Ideo veteres dixerunt, *νέμεσιν*, seu *ἀδραστείαν*, comitem esse superbiae, quae *νέμεσις* et ipsa vere intelligatur iustitia distributiva Dei, sicut Absalonis, Antonii, et innumerabilium aliorum ambitionem, comitatae sunt poenae divinitus, ac praecipue in Ecclesia extant insignia exempla.

40) Aristotelis] sic Editt. 1545., 1546., 1550. et 1554.; Editt. 1557. et 1560. Aristoteles.

41) quotidiana vita ... monstrat] sic Editt. 1550., 1554., 1557. et 1560.; Editt. 1545. et 1546. in quotidiana vita ... monstrant.

42) ipsi] sic Editt. 1545., 1546., 1550., 1554. et 1557.; Editt. 1560. ipse.

43) Monetarius] sic Editt. 1545., 1546., 1550. et 1554.; Editt. 1557. et 1560. Montarius. — Hoc latino nomine significatur Thomas Münzer, Pastor Alstedianus in Thuringia, qui fanaticis erroribus propalatis, 1524. ex Saxonia profugus rusticos Germaniae superioris ad seditionem excitavit. Conf. Beckendorf Commentar. de Luther. I. I. sect. 48. §. 118. p. 194.; I. II. sect. 2. §. 2. p. 3 sq. et al. Melancthon Historie Thomas Münzers (in Mel. Op. ed. Köthe. T. I. p. 203 sqq. et in Lutheri Op. ed. Walch T. XVI. p. 199 sqq.).

Dies nos de Nicanore admonet, qui 13. die Martii ⁴⁴⁾ ante annos 1750 interfectus est, cum superbe minatus esset excidium templo Hierosolymis. Cum igitur ipse violasset iustitiam distributivam, nec tribuisset Deo, Ecclesiae, et ministerio vocis divinae debitum honorem, Deus iustus iudex exercet suam iustitiam distributivam, ac superbum ducem ad supplicium rapit. Metuamus ergo poenas ultrices, et discamus in omni vita singulis gradibus a Deo ordinatis suum honorem tribuere, nam superbiam puniri a Deo, toties affirmat vox divina. Ut Luc. 16, (15.): Quidquid est sublime in mundo, abominatio est coram Deo. Et Petrus inquit (1. epist. 5, 5.): Deus superbis resistit, et humilibus dat gratiam.

Arithmetica *ἀναλογία* est, cum tribus aut pluribus numeris dispositis, tantum servatur differentiae aequalitas 1. 2. 3. 4. 5. Hic si in infinitum excurras, semper differentiis aequalibus numerus a numero distat, id est, unitate. Si sic disponas, 3. 5. 7. 9. semper distat binario. Ubi- cunque igitur volumus significare, terminos omnes simpliciter aequalibus numeris distare, dicimus esse aequalitatem *ἀναλογία* ⁴⁵⁾ arithmetica, ut cum inter haeredes multos fit talis divisio, ut singuli accipiant 500 florenos. Hanc aequalitatem requirit Aristoteles in commutativa iustitia, quia ibi tantum res pro rebus dantur, pretium pro merce, mulcta pro damno, sine aliqua personarum collatione. Satis autem apparet, si in communicando una pars exhauriretur, nec reciperet tantum, quantum dedit, non posse diuturnam esse commutationem.

Haec igitur aequalitas arithmetica in contractibus requiritur, ut possit esse perpetua communicatio in universo genere humano. Conturbata enim hac aequalitate, exhauriri et perire unam partem necesse est, ut, cum opulenti frumentum parvo emunt, et postea rursus magno vendunt agricolis esurientibus, hic fame pereunt agrorum familiae. Hoc fonte considerato, facile intelligi potest, quare in contractibus efficienda sit aequalitas, iuxta *ἀναλογίαν* arithmetica. Estque haec applicatio. Sicut in hac *ἀναλογία* differentiis aequalibus distant plures nu-

44) Martii] sic Editt. 1550., 1554., 1557. et 1560.; Editt. 1545. et 1546. Februarii. (Conf. 1. Macc. 3, 28. 2. Macc. 14. 15.).

45) *ἀναλογία*] sic Editt. 1546. et 1550.; Editt. 1545., 1554., 1557. et 1560. *ἀναλογία*.

meri, sic fit⁴⁶⁾ aequalitas summa mercis et pretii, nec opus est aliam subtiliorem applicationem quaerere. Illud hic etiam consideretur, Aristotelem ratio docuit, hanc summam aequalitatem in communicatione efficiendam esse, quod videlicet altera pars exhauriretur, non servata aequalitate.

Nos vero divina vox docet hanc ipsam aequalitatem 1. Thess. 4, (6.): Non plus auferre in negotio, *μη̄ πλεονεκτεῖν*. Caetera supra citavi, quae utramque speciem iustitiae complectuntur, et in utraque sancivit Deus⁴⁷⁾ aequalitatem (Matth. 19, 19.): Diligas proximum sicut te ipsum. Et: Quod tibi non vis fieri, alteri ne feceris. *Ἀναλογία* geometrica est, cum tribus aut pluribus terminis dispositis, numerorum differentia negligitur, sed retinetur similitudo proportionum, ut 3. 6. 12. 24. Sicut se habent 3 ad 6, sic se habent 12 ad 24. Utraque enim est subdupla. Inde fit argumentum a transmutata proportionem: Ergo sicut se habent 3 ad 12, sic se habent 6 ad 24. Utraque enim est subquadrupla. Postremo et totum ad totum habebit proportionem similem primae, iungendo 3 ad 12, erunt 15. Haec subdupla est ad 6 et 24. Sic sive magni, sive parvi numeri sint, manet connexio proportionum. Accommodat ergo Aristoteles hanc formam ad gradus functionum et personarum, ut aequalitatem efficiat non rerum, sed proportionum, et copulet gradus.

Ut enim necessaria consequentia et connexio est, iuxta regulas de hac *ἀναλογία*, sic necessaria ducatur connexio et convenientia graduum seu functionum. Semper valet haec regula: Sicut se habent 4 ad 12, sic se habent 3 ad 9. Ergo sicut se habent 4 ad 3, sic 12 ad 9. Et rursus totum ad totum necessariam habet connexionem 4 et 3, videlicet 7 ad 12 et 9, id est, 21. Est enim subtrippla proportio, sic etsi numeri differunt, id est, res sunt dissimillimae, ars bellatoris et literae, tamen ut se habent defensio in bellis, et gubernatio in pace, sic se habent ars bellatoris et literae. Ergo sicut se habet defensio ad artem bellatoris, sic se habet gubernatio in pace ad literas. Et totum ad totum habet connexionem necessariam. Defensio, ars bellica, seu Marius, et gu-

46) fit] sic Editt. 1550., 1554., 1557. et 1560.; Editt. 1545. et 1546. sit.

47) sancivit Deus] sic Editt. 1550., 1554., 1557. et 1560.; Editt. 1545. et 1546. sanciant.

bernatio in pace, ac literae, seu Cicero. Praecipue vero consideretur hic, quod necessaria est connexio, etiamsi res sint dissimillimae. Huius connexionis necessitas conspicitur in numeris, iuxta regulas consequentiarum huius analogiae. Observetur item similitudo proportionum. Etsi igitur longissime differunt Apostolus, senator, bellator et scholasticus, tamen haec omnia necessariam habent connexionem, et fiunt aequalia non rebus, sed similitudine proportionum. Tam necessarius est vitae scholasticus, quam rex, et est par, non numero, seu rebus, sed similitudine proportionis.

Quisque igitur suo loco sciat alios sibi connexos esse, et suum officium faciat, et connexos non impediatur, non conturbet has regulas consequentiarum, non studeat *ζυγομαχεῖν*, et hanc dixit Plato imaginem esse optimi status, congruentem ad proportionem geometricam, cum scilicet Scipio est imperator, Laelius senator, Cato quaestor, Aquilius praetor*), et omnes ita sunt connexi, ne conturbent connexionem odii, dissidiis, ignavia, aut *πολυπραγμοσύνη*⁴⁸⁾. Cum autem arithmetica *ἀναλογία* aequalitatem procedentem⁴⁹⁾ in infinitum ostendat, et certa⁵⁰⁾ sit progressio numerorum a certo initio, haec recte attributa est rerum permutationi, seu contractibus. At geometrica versatur inter quatuor certas quantitates, nec una aliqua linea est initium omnium linearum. Ideo haec analogia geometrica convenit finitis et certis gradibus in una republica, ut in Ecclesia prorsus nulli gradus sunt Turcorum, aut Iudaeorum. Mutantur etiam imperia, conturbata hac connexionem. Quare tanquam alias lineas, vel quantitates, alia imperia Deus subinde constituit.

In fine huius capituli observetur collatio, in tota natura oportet agentis et patientis aequalitatem quandam esse, cum actio non est perniciosa alterius. In calefactione corporis manifestum est, immodico calore consumi corpus: magnum lumen habet oculos etc. Sit igitur inter agens et patiens quaedam aequalitas. Haec similitudo accommodata ad societatem hominum illustre

*) Conf. supra p. 368. nota 6. sq.

48) *πολυπραγμοσύνη*] sic Editt. 1546., 1550., 1554., 1557. et 1560.; Edit. 1545. *πολυπραγμοσύνη*.

49) procedentem] sic Editt. 1550., 1554., 1557. et 1560.; Editt. 1545. et 1546. vagantem.

50) certa] sic Editt. 1545., 1546. et 1550.; Editt. 1554., 1557. et 1560. certa.

exemplum est. Cum omnes homines multis officiis inter se devincti sint, omnes habent se, ut agentia et patientia. Quare ita servatur societas, cum agens non quaerit inaequalitatem, sed accommodat se patienti, ut, cum rapit ad se omnia commoda tyrannus, conturbatur aequalitas, et dissipatur societas.

Quod igitur lex divina expresse⁵¹⁾ dixit: Diligas proximum sicut te ipsum, praecipiens, ut servemus aequalitatem. Hanc philosophia his duabus rationibus quaerit, quarum altera supra posita est. Si in contractibus non servaretur aequalitas, una pars generis humani exhauriretur. Necessaria igitur est aequalitas. Altera sic recensetur, ut inter agens et patiens est quaedam aequalitas, quia omnes sunt devincti mutuis officiis. Hae rationes essent illustriores, si natura hominum non esset corrupta. Tunc enim hic ordo, quem monstrant, integer esset, nunc tamen bene moratis iucundum est in his rationibus hunc pulcherrimum ordinem considerare, videlicet, homines ad aequalitatem mutuam et connexionem conditos esse.

Hactenus erudite interpretatus est vocabulum iustitiae, et partitiones tradidit utiles, quae et scriptis veterum, et interdum disputationibus legum aliquid lucis afferunt. Sequentur autem insignes alii loci de gradibus delictorum, de voluntario et involuntario, de iure naturali et positivo, de scripto iure et aequitate, sed hic obiter inserit reprehensionem Pythagoricae definitionis, quae etsi continet cavillationem exiguam, tamen lucem affert superioribus, et conducit ad disputationem de talione, cuius in vetustis legibus multo crebriora exempla sunt, quam in recentibus. Nam initio longe maior severitas fuit, quam postea, ut vetusta iura praecipiebant calumniatorem in causa capitali, si sciens mentitus erat, et dolo alteri periculum struxerat, eo supplicio affici, quod sustinere adversarium convictum oportuisset. Ideo et Danielis calumniatores simili poena affecti sunt.

Caeterum quod ad Pythagoricam definitionem attinet, collatio observanda est. Supra Aristoteles toties dicit iustum esse *ἀνάλογον*, ut suus cuique locus tribuendus est pro proportione, concionatori, duci, scholastico, agricolae, opifici.

51) expresse] sic Editt. 1545., 1546. et 1550.; Editt. 1554., 1557. et 1560. expressa.

Et ut in argumentis ab *ἀναλογία* sumptis necessaria est copulatio, ita dicit Aristoteles in libello, cui titulus est: Magna moralia, *ἀναλογία συνέχει τὴν πόλιν*. Quo dicto significat omnes ordines atque homines propter proportionem connexos esse, et⁵²⁾ praecipit concordiam et mutuam benevolentiam. Constat ergo, cur dictum sit: Iustum est *ἀνάλογον*. Sed Pythagoras aliter dixit, iustum esse *ἀντιπέπονθος*⁵³⁾. Id negat Aristoteles universaliter verum esse. Utraque forma loquendi geometrica est, ac de *ἀναλόγων* non dubium est, et id facile intelligi potest, sed *ἀντιπέπονθος* est obscurius, vocantur autem sic aequales figurae reciprocae. Cum autem non semper possit fieri commutatio duarum rerum simpliciter aequalium, ut librae auri, et librae ferri: ideo negat iustum semper esse *ἀντιπέπονθος*, sed in distributione et in commutatione saepe rediguntur res ad aequalitatem analogiam⁵⁴⁾, ut, pro una libra auri dantur decem argenti. Eatenus reprehenditur Pythagorica definitio, quia non tantum duae res conferuntur, et quidem eadem⁵⁵⁾ specie, aut simpliciter aequales, sed quatuor *ἀνάλογα*. Ideo postea dicit, non dari triticum pro tritico, sed triticum pro vino. Item: percutiens magistratum, non vicissim tantum percutiendus est, sed capitali poena afficiendus est. Sed aliquando locus est legi talionis, ut in homicidio, et Deus minatur eam poenam, et saepe exequitur (Matth. 7, 2.): Qua mensura mensi fueritis, eadem erit metiendum vobis.

Pertexit institutam sententiam dulcissimam, quod communicatio iuxta *ἀναλογίαν* contineat civitates. Quia enim natura sic ordinata est, ut singulis opus sit aliena ope, ut, nemo solus gignit⁵⁶⁾, nemo natus⁵⁷⁾ educari sine aliena ope potest, nemo unus potest omnia vitae praesidia parare. Ideo necessario communicanda sunt officia, et res communicandae sunt. Ut autem sit perpetua communicatio, prius res ad aequalita-

52) et] sic Editt. 1550., 1554., 1557. et 1560.; in Editt. 1545. et 1546. deest.

53) *ἀντιπέπονθος*] sic h. l. et in seqq. Editt. 1545., 1546., 1550. et 1554.; Editt. 1557. et 1560. *ἀντιπέποντος*.

54) analogia] sic Editt. 1546., 1550., 1554., 1557. et 1560.; Editt. 1545. analogiae.

55) eadem] sic Editt. 1545., 1546., 1550., 1554. et 1557.; Editt. 1560. eadem.

56) gignit] sic Editt. 1550., 1554., 1557. et 1560.; Editt. 1545. et 1546. gigni.

57) natus] sic Editt. 1545., 1546., 1550. et 1554.; Editt. 1557. et 1560. natos.

tem redigenda est, constituendum est, quantum lignorum pro tritico dandum sit.

Ita veteres rerum permutationem exercebant, ut apud Homerum pro vino dantur boves. Postea ut iis, qui res adferre non possent, aliud quiddam esset aequivalens, institutum est pretium, seu nummus, hunc ⁵⁸⁾ vocat mensuram contractuum. Haec satis prolixè hic dicuntur, sed in summa sciamus non solum in philosophia, sed etiam in lege Dei hoc tradi, homines ad societatem et communicationem conditos et ordinatos esse, et Deum praecipere aequalitatem in contractibus, ut supra saepe dictum est, imo aequalitatem quam nobis praecipit, sciamus indicium esse aequalitatis in mente divina, de qua dicitur (1. Tim. 2, 4.): Deus vult omnes homines salvos fieri. Item (Rom. 2, 11.): Deus non est acceptor personarum. Postremo et hoc consideretur, res pro ⁵⁹⁾ proportione ad aequalitatem redigendas esse, ut, magis est opus tritico, quam ligno, et minor est copia tritici, ideo tritici est maior aestimatio. Haec analogia invenitur ita, cum consideratur, quae res magis necessaria sit, et cuius sit maior copia.

De distinctione iuris naturalis et positivi⁶⁰⁾.

Dictum est supra, multos esse utiles locos huius quinti libri, inter quos et haec pars collocetur, quae fontes iuris, et distinctionem iuris naturalis et positivi ostendit, et ex vera philosophia haec explicatio sumatur⁶¹⁾, hoc est, ex consideratione humanae naturae, seu officii hominis. Primum enim sciendum est, Deum mirabili bonitate indidisse homini semina artium, quasdam primas notitias, quae sunt quasi rectrices totius vitae. Hae primae notitiae vocantur principia, et conclusiones ex illis prope ductae necessaria consequentia. Suntque principia duplicia, speculabilia et practica.

58) hunc] sic Editt. 1545., 1546.; Editt. 1550., 1554., 1557. et 1560. hanc.

59) pro] sic Editt. 1550., 1554., 1557. et 1560.; in Editt. 1545. et 1546. deest.

60) In Editt. 1532., 1533., 1539., 1540., 1542. et 1544. interpretatio huius partis libri V. Aristot., ab Editt. 1545., 1546., 1550., 1554., 1557. et 1560. diversa, inscripta est: Divisio iuris in ius naturale et ius positivum. — Hanc iuris distinctionem Aristoteles l. l. c. VII. exponit.

61) sumatur] sic Editt. 1550., 1554., 1557. et 1560.; Editt. 1545. et 1546. sumitur.

Speculabilia sunt, quae non immediate gubernant actiones morales, sed alias artes gignunt, ut notitiae numerorum, figurarum, et multae dialecticae et physicae. Quodlibet est aut non est. Impossibile est causam esse deteriore effectum. Et horum principiorum speculabilium certitudinem et firmitatem immotam et inconcussam manere, manifestum est.

Principia practica sunt notitiae a Deo mentibus insitae, ut monstrent obedientiam Deo debitam, et discrimen honestorum et turpium, et regant mores. Et quidem cum audis hominem ad imaginem Dei aut similitudinem conditum esse, praecipue cogites de hoc ipso lumine, et voluntate libera nondum aversa a Deo. Et in mente humana ⁶²⁾, quatenus similis notitia manet, similitudo est. Quantum autem decus, quantus honos est, quod Deus suae sapientiae radios in nos sparsit, et quod conditi sumus, tanquam specula aut libri mentis et sapientiae divinae. Deinde et voluntas hominis ante aversionem congruebat cum voluntate Dei, obtemperabat enim illis notitiis, quas vult Deus ⁶³⁾ ac probat, ardebat amore Dei, et studio omnium virtutum, et in corde nulla erat contumacia contra legem Dei. Hic tantus ordo, et haec dona in mente, voluntate et corde, erant similitudo Dei. Sicut Paulus inquit Ephes. 4, (24.): Induite novum hominem, qui secundum Deum conditus est, in iustitia et sanctitate vera, id est, recte agnoscente Deum, non tantum externa disciplina.

Est igitur lex naturae illa ipsa notitia principiorum practicorum et conclusionum, quae ex illis necessaria consequentia ducuntur, divinitus insita mentibus humanis, non solum de moribus civilibus, sed primum de agnitione Dei, et obedientia Deo debita, postea de moribus civilibus, qui referendi sunt ad hunc finem, ut Deus celebretur. Ac summa proposita est in decalogo.

Stigelius ⁶⁴⁾ his versiculis eleganter descripsit haec semina indita homini:

62) Et in mente humana,] sic Editt. 1550., 1554., 1557. et 1560.; Edit. 1546. ut in mente divina; Edit. 1545. ut in mente (paginae custos, qui dicitur, addit: *divi*, ex quo cognoscitur, etiam in hac Edit. principe ab auctore scriptum esse: *divina*).

63) vult Deus] sic Editt. 1550., 1554., 1557. et 1560.; Editt. 1545. et 1546. Deus vult.

64) Ioannes Stigelius, insignis poeta seculi XVI., natus fuit an. 1518. Gothae. Frequentavit Academias Lipsicam et Witebergensem, in posteriori docuit bonas literas et poet-

Indidit illorum coelestem in pectora lucem,
 Notitiae infundens semina certa suae.
 Et vitae praecepta dedit veraeque salutis,
 Servata iussit lege tenere viam.
 Illi autem illustri praesentem mente videbant,
 Atque animo ardebant non dubitante Deum⁶⁵).
 Monstravi autorem⁶⁶) et fontem legis natura-
 rae, et dixi proprie ac dialectice quid sit, vide-
 licet notitia in mentibus humanis nobiscum na-
 scens, et divinitus insita, de Deo et de bonis mo-
 ribus, seu discrimine honestorum et turpium.
 Estque eruditius legem intelligere notitiam a Deo
 insitam, quam affectum; ut cum alii dicunt, ius
 naturae esse communes inclinationes cum bestiis,
 nimis late vagatur haec descriptio. Sunt enim
 affectuum diversa genera in hominibus, alii boni,
 alii mali. Et quanquam aliquae bonae *στοργαί*
 congruunt cum inclinationibus belluarum, ut
 amor erga sobolem, sensus beneficii: tamen in
 tanta discordia affectuum eruditius est, legem
 naturae ad notitias revocare. Notitiae sunt⁶⁷)
 regulae⁶⁸), non affectus, ideo et Paulus definit
 legem naturae notitias esse, ad Romanos 1. et 2.
 Et quidem dicit has notitias teneri captivas ab
 iniustus affectibus.

Planius est igitur leges naturae definire noti-
 tias, praesertim cum necesse sit in his complecti
 agnitionem Dei, ab hac enim ordiri leges naturae
 necesse est, ut et Paulus testatur, et vere philo-
 sophica ratione ostendi potest. Teneamus ergo
 leges naturae notitias esse, et quibusdam, nec
 tamen omnibus congruere *στοργάς*, id est, incli-
 nationes naturales cordis, ac sequamur decalogi
 ordinem, qui causas habet evidentes.

Quanquam enim horribilis confusio est hu-
 manae vitae, et multa contra hunc naturae ordi-
 nem fiunt in privata et publica vita, tamen con-
 sideratio utilis est, et ut peccata agnoscamus, et
 ut aliqui saniores moderentur suos impetus.

Est igitur prima lex naturae: Mens humana
 agnoscit Deum esse aeternam mentem, conditri-

sua usque ad an. 1548., ubi transit ad Academiam Ienen-
 sem; ibique an. 1562. mortuus est.

65) Deum] sic Editt. 1546., 1550., 1554., 1557. et 1560.;
 Edit. 1545. Deo.

66) autorem] sic Edit. 1545.; Editt. 1546., 1550., 1554.,
 1557. et 1560. autem.

67) sunt] sic Editt. 1550., 1554., 1557. et 1560.; Editt. 1545.
 et 1546. sint.

68) regulae] sic Editt. 1557. et 1560.; Editt. 1545., 1546.,
 1550. et 1554. regula.

cem bonarum rerum, et Deo obediendum esse
 iuxta discrimen bonorum⁶⁹) et turpium. Huius
 legis multae sunt demonstrationes. Primum
 enim esse Deum, et curare humana, nec casu res
 oriri, aut occidere⁷⁰), testatur pulcherrimus ordo
 naturae, qui sine mente et consilio aliquo existere
 non potuit, et physica ratio ostendit in serie cau-
 sarum necessario perveniri ad unam primam cau-
 sam⁷¹), intelligentem, immensae potentiae.

Deinde, cum mens intelligat naturam hu-
 manam a Deo ortam esse, intelligit nos subiectos
 esse causae, seu conditori, ac deberi⁷²) ei obe-
 dientiam. Item, cum non frustra ordinaverit in
 mente hominis discrimen honestorum et turpium,
 et sit custos huius ordinis. Atrocia enim scelera
 punit atrocibus poenis, manifestum est eum po-
 stulare obedientiam.

Item, cum videat mens similitudinem esse
 divinae et humanae naturae in cognitione, intel-
 ligit naturalem societatem esse Dei et hominum,
 et ordinem societatis servandum, ita, ut nos ob-
 temperemus, et Deus det bona, et econtra, ut
 puniamur non obtemperantes. Ita Cicero sapien-
 tissime dixit: Primam esse homini cum Deo so-
 cietatem.

Secunda lex naturae: Sicut Deus est benefi-
 cus, et aequalis, ita intelligimus, nos ad societa-
 tem conditos esse, ut beneficentiam et aequalita-
 tem colamus. Est igitur lex naturae: Neminem
 laedendum esse sine iusta et necessaria causa.

Tertia lex: Indita est homini notitia⁷³) certo
 modo propagandae et conservandae speciei, dis-
 cernens humanam propagationem a caeteris ani-
 mantibus, videlicet certa lege coniugii, et ut haec
 notitia magis perspiceretur⁷⁴), accessit manifesta
 promulgatio legis in Paradiso (Genes. 2, 24.):
 Relinquet homo patrem et matrem, et adhaerebit
 uxori suae, et erunt duo in carnem unam. Haec
 sententia tria complectitur, prohibet quarundam

69) bonorum] sic Editt. 1550., 1554., 1557. et 1560.; Editt.
 1545. et 1546. honestorum.

70) occidere] sic Editt. 1545., 1546., 1550., 1554. et 1557.;
 Edit. 1560. accidere.

71) causam] sic Editt. 1550., 1554., 1557. et 1560.; in Editt.
 1545. et 1546. deest.

72) deberi] sic Editt. 1554., 1557. et 1560.; Editt. 1545.,
 1546. et 1550. debere.

73) Tertia lex: Indita est homini notitia] sic Editt. 1546.,
 1550., 1554., 1557. et 1560.; Edit. 1545. Tertia lex in-
 dita homini, est notitia.

74) perspiceretur] sic Editt. 1554., 1557. et 1560.; Editt.
 1545., 1546. et 1550. conspiceretur.

personarum commixtionem, prohibet omnes vagas libidines, et vult coniugium esse coniunctionem inseparabilem. Nam cum ait: Erunt duo, mas et foemina, prohibet vagari, et pluribus misceri. Et particulâ, in carnem unam, significat inseparabiliter iunctos, sicut Christus hoc dictum interpretatur Matth. 19, (4—6.). Nec dubium est magno consilio Dei hanc legem ante caeteras clara voce promulgatam esse, quia post lapsum, notitia naturalis de hoc ordine coniugii futura erat obscurior.

Ideo voce Dei praemoniti sumus, et Deus horrendis poenis postea ostendit sibi confusiones libidinum displicere, ut in diluvio, in eversione Sodomorum, in deletione Cananeorum. Et Graeci scribunt, totam Atticam ante Cecropem obrutam esse diluvio⁷⁵⁾, et nominatim causam addunt, fuisse id diluvium poenam libidinum, ideoque narrant a Cecrope restitutas esse coniugii leges. Et ut Sodoma perierunt, sic Thebae, et⁷⁶⁾ Sybaris⁷⁷⁾, et maximae urbes Ioniae propter similem causam eversae sunt. Deinde bello Peloponnesiaco praecipuae urbes, Athenae, Sparta, et aliae gravissime afflictæ sunt. Discamus igitur timere⁷⁸⁾ iudicium Dei, qui est amans castitatis, et horribiliter odit et punit prohibitas libidines.

Quarta: Insitum est homini discrimen veritatis et mendacii, et notitia addita, quod Deus sit verax, ideoque a nobis, tanquam ab imagine sua, postulat, ut simus veraces. Iudicat igitur mens veritatem in artibus, iudiciis, honestis factis, contractibus servandam esse, et, ut in caeteris legibus, utilitas sequitur honestatem, ut, si in medicina non esset discrimen inter vera et falsa, daretur venenum pro remedio.

Quinta lex: Indita est homini notitia, ubi voluntates in quaerendis rebus, et in communicatione non sunt similes, ibi dominia rerum distinguenda esse, et res legitimis contractibus pro

75) Hoc diluvium appellatur Ogygium, quod tempore Ogygi, qui circa a. 2000 a. Chr. Atticam et Boeotiam regnasse dicitur, accidit. Atticam post hoc diluvium 189 annos vastatam mansisse, et Cecropem novam regum Atticorum seriem condidisse narratur, vid. Syncell. p. 70.

76) et] sic Editt. 1546., 1550., 1554., 1557. et 1560.; in Editt. 1545. deest.

77) Sybaris, opulenta Lucaniae urbs, circa a. 510. a. Chr. a Crotoniatis diruta est; Strab. VI. §. 13. p. 263. ed. Casaub., p. 404. ed. Almeloveen.

78) timere] sic Editt. 1545., 1546., 1550. et 1554.; Editt. 1557. et 1560. et timere.

rebus seu pretio aequali communicandas. Sic philosophi hanc notitiam ex causis quaerendi et communicandi sumptam, vocant legem naturae, etsi alii hanc partem vocant ius gentium, quod philosophi non discernunt a iure naturae.

Est enim communis notitia, de qua omnium gentium sani homines consentiunt. Quod vero dicunt, iure naturae res esse communes, ordo notitiarum considerandus est. Utrumque videt mens, in natura incorrupta⁷⁹⁾ res posse communes esse. Ubi vero causae quaerendi et communicandi non sunt similes, ut in hac naturae corruptione, ibi mens relicto priore syllogismo, amplectitur alterum congruentem ad praesentem naturae imbecillitatem, is igitur nunc est lex naturae.

Sexta lex: Divinitus insita est cuilibet animanti appetitio conservationis sui, nec solum individui, sed multo magis speciei, ideo enim et bestiae diligunt sobolem, et pro ea dimicant ac oppetunt⁸⁰⁾ mortem, sed supra illam appetitionem, homini indita est notitia, ordinans officia defensionis et poenae. Etsi igitur in natura integra, nec pugnae, nec supplicia, nec bella fuissent, tamen nunc, cum multi turbant societatem humanam, necesse est speciem conservari, quod fit vel defensione subita⁸¹⁾, vel postea certis poenis, et utramque rem ordinat ratio, constituit metas defensionis, et certis personis cognitionem, et officium puniendi mandat, ac intelligit ratio tres esse poenarum causas, quarum prima est, iustitia Dei, qui vere irascitur peccatis, et iram suam conspici vult in poenis praesentibus. Certum est enim regulariter, omnia atrociora delicta puniri praesentibus poenis, sive per magistratus, sive calamitatibus domesticis, quibus Deus opprimit soutes. Hinc tota vita hominum plena est ingentium calamitatum, quia Deus ostendit se vere irasci peccatis. Haec voluntas Dei cernitur in experientia, cum in eversione imperiorum, tum in privatis singulorum calamitatibus, et declarata est initio voce divina (Genes. 9, 6.): Qui fuderit humanum sanguinem, per hominem fundetur sanguis ipsius. Item (Matth. 26, 52.): Qui

79) in natura incorrupta] sic Editt. 1550., 1554., 1557. et 1560.; Editt. 1545. et 1546. naturali iudicio.

80) oppetunt] sic Editt. 1545., 1546., 1550., 1554. et 1557.; Editt. 1560. appetunt.

81) subita] sic Editt. 1545., 1546. et 1550.; Editt. 1554., 1557. et 1560. subdita.

gladium acceperit, gladio peribit. Idem de per-
iurii, de libidinum poenis saepe dicitur.

Admonet igitur universalis experientia hu-
manam mentem de ira Dei. Sed iudicium mentis
clarius esset, si natura hominis integra mansisset.
Ut autem caeterae leges naturae admonent, qualis
sit Deus, videlicet sapiens, diligens veritatem,
aequalitatem, castitatem: ita haec lex naturae
monet, qualis sit Deus, scilicet vere irascens
violantibus regulam ab ipso nobis insitam, et
acerrime puniens scelera. Ac semper haec regula
sit in conspectu, ideo legem naturae nobis im-
pressam esse, ut doceat nos, et qualis sit Deus,
et quae sit voluntas Dei, et regat mores, ut ad
illam voluntatem congruant.

Secunda causa poenarum est, ut castigatus
fiat melior, vel ⁸²⁾ tollatur muniendae pacis causa,
ut dicitur ⁸³⁾:

Sed immedicabile vulnus

Esse recidendum est ⁸⁴⁾, ne pars sincera trahatur.

Tertia causa est exemplum, ut caeteri deter-
riti, regant mores diligentius, et ⁸⁵⁾ sint modesti.
Ad hanc igitur legem naturae pertinet dictum:
Vim vi repellere licet, scilicet ordinato modo a
ratione et legibus, nec id dictum pugnat cum
Evangelio quod ait (Rom, 12, 19.): Non vindicantes
vosmet ipsos. Sicut enim Evangelium
non delet ex mente hominis arithmetica: ita
non delet iudicium de vindicta ordinata, quod et
divinitus menti impressum est, ut sit testimonium
irae divinae, et ⁸⁶⁾ confirmatum est voce coelesti
(Gen. 9, 6.): Qui fuderit sanguinem humanum,
per hominem fundetur sanguis illius. Sed Evan-
gelium prohibet inordinatam vindictam, ut sunt
in hac corrupta natura ingentes aestus cupiditatis
vindictae et iracundiae, ruentes contra ordinem a
Deo institutum, qui vult exerceri vindictam per
leges et per magistratus, privatim vero singulo-
rum impetus ac manus coherceri vult.

Dixi quid sit lex naturae, sumpta descri-
ptione ex fontibus, ut in caeteris artibus, videli-

⁸²⁾ vel] sic Editt. 1550., 1554., 1557. et 1560.; Editt. 1545.
et 1546. ut.

⁸³⁾ Ovid. Metam. I, 190 sq.

⁸⁴⁾ recidendum est] sic Editt. 1545—1560.; in Ovidii I. I.
legitur: recidendum.

⁸⁵⁾ et] sic Editt. 1545., 1546., 1550. et 1554.; Editt. 1557.
et 1560. ut.

⁸⁶⁾ et] sic Editt. 1545., 1546., 1550. et 1554.; in Editt. 1557.
et 1560. omitt.

cet ex distinctione principiorum speculabilium et
practicorum, et catalogum utcumque proposui,
quo considerato, facile est singularum legum de-
monstrationes constituere, ut de prima lege sit
haec demonstratio. Necessae est effectum ordina-
tum a causa, obtemperare causae, ut, sol ordi-
natus obtemperat. Homo ortus et ordinatus est
a Deo, ut agnoscat autorem, et ei obediat iuxta
discrimen honestorum et turpium, ergo hunc or-
dinem tueri debet. Item: In imagine oportet lu-
cere archetypum. Mens humana est imago Dei:
ergo in ea oportet lucere agnitionem Dei, et con-
venientiam voluntatis.

De secunda: Societas non potest conservari,
nisi aequalitate et beneficentia. Homo est ad so-
cietatem conditus, ut generatio et educatio in-
fantum testantur: ergo etiam conditus est ad
aequalitatem, vel arithmeticam, vel geometricam,
item ad beneficentiam.

De tertia: Vis propagationis indita est cuilibet
naturae ad conservationem speciei, et quaelibet
natura appetit speciei conservationem. Homi-
ni indita est ⁸⁷⁾ vis propagationis. Et quia est
natura rationalis ad imaginem Dei condita, id est,
ad castitatem, intelligit propagationem certo
modo ordinatam esse, ideo homo propagationis
leges servare debet. Hic syllogismus propter na-
turae caliginem obscurior est, ideo statim in Pa-
radiso expresse ordinata est forma coniugii:
Erunt duo in carnem unam, id est, inseparabili-
ter iuncti.

De quarta: Veritas est agnitio rei, sicut est,
Homo conditus est ad res aspiciendas, et praeci-
pue ad agnitionem Dei et legis: ergo conditus est
ad veritatem.

De quinta: Ubiunque causae quaerendi fa-
cultates ⁸⁸⁾ et tuendi, non sunt pares, ibi opus
est distinctione dominiorum. Non sunt autem
pares causae tuendi et quaerendi res in singulis
hominibus in hac depravatione naturae. Neces-
saria est igitur rerum distinctio.

De sexta: Conservatio speciei et ordinis ne-
cessaria est universitati naturae. Latrones et
fures turbantes societatem, moluntur exitium
speciei et ordini: ergo arcendi et tollendi sunt.
Item, ut in mente divina ordo est, et aeternum

⁸⁷⁾ indita est] sic Editt. 1550., 1554., 1557. et 1560.; Editt.
1545. et 1546. est indita.

⁸⁸⁾ facultates] sic Editt. 1550., 1554., 1557. et 1560.; Editt.
1545. et 1546. facultatem.

ac immutabile discrimen honestorum et turpium, ita necesse est in mente humana lucere discrimen honestorum et turpium, sed poenae et praemia faciunt discrimen: ergo necesse est pro delictis poenas constituere.

Recitavi leges naturae praecipuas, additis demonstrationibus. Ut autem summa breviter comprehensa, semper in conspectu sit, decalogus Exod. 20. traditus teneatur, qui dextre intellectus iusto ordine has ipsas leges tradit, quas recensui. Sciunt igitur studiosi decalogum esse leges naturae, et propter duas causas voce divina revelatum esse.

Primum, cum in hac caligine humanae naturae post lapsum minus conspiciatur lex naturae, rursus certa voce Dei repetenda fuit, deinde, quia necesse fuit homini ostendi certis Dei testimoniis hoc iudicium naturae impressum de bonis operibus, et de peccatis, vere esse iudicium Dei. Quare ab initio mundi leges decalogi divina voce repetitae sunt, ut in Paradiso prima et sexta traditur. Et postea Genesis 4, (11.) praeceptum de homicidio vitando traditum est. Quaeri autem solet, ut Aristoteles in textu⁸⁹⁾ quaerit, an lex naturae sit mutabilis.

Brevis responsio est: Ut in caeteris artibus dicimus totam artem immutabilem esse, ita totus ordo vel harmonia legum naturalium est immutabilis, ut in medicina manet ordo demonstrationum, etiamsi aliis subiectis aliae curationes accommodantur, ita hic manet ordo demonstrationum, etiamsi de usu rerum in natura integraliter, aliter in natura depravata ratio praecipit⁹⁰⁾.

Secundo, sciendum est, quasdam leges simpliciter immutabiles esse, videlicet summas, quae praecipiunt de agnitione unius Dei. Item, ut maneat iurisiurandi religio, qua homo testatur, Deum esse spectatorem nostrarum actionum, et petit, ut puniat fallentem, item, ut species humana conservetur, item, ut⁹¹⁾ vitentur vagae libidines. Postea sunt aliae inferiores de usu rerum externarum, quae tunc cedunt superioribus, cum concurrentibus superiore et inferiore, superior violaretur, ut depositum reddendum est. At

89) Aristot. Eth. I. I. c. 7. §. 2 sqq.

90) praecipit] sic Editt. 1545. et 1546.; Editt. 1550., 1554., 1557. et 1560. praecipit.

91) ut] sic Editt. 1545., 1550., 1554., 1557. et 1560.; in Editt. 1546. deest.

furenti gladius depositus non est reddendus, quia necesse est magis parere communi⁹²⁾ legi, praecipienti de conservatione speciei: Neminem laedito; laederes autem multos, si furenti gladium redderes. Id etiam divinis legibus servatur: David dispensatione mitigat legem de panibus⁹³⁾, quia scit moralia anteferenda esse ceremoniis, praesertim extra casum confessionis. Maccabaeus praeliatur in sabbato, ut defendat cives, in quos impii captata occasione sabbati crudelius saeviebant⁹⁴⁾, sciebat enim scriptum esse (Matth. 9, 13.): Volo misericordiam, non sacrificium. Est et haec regula vulgaris hic observanda: Violatio iuris naturae, est peccatum mortale.

Cum enim ius naturae vere sit ius divinum, ut Roman. 1. et 2. Paulus testatur, sequitur violationem iuris naturae, vere esse violationem iuris divini, et poenae voluntatem Dei ostendunt. Regulariter enim Deus atrociter delicta certis poenis in hac vita punit, ut haec dicta ostendunt (Matth. 26, 52.): Qui gladium acceperit, scilicet non datum a legibus, gladio peribit. Item (Exod. 20, 12.): Honora patrem et matrem, ut sis longaevus super terram. Item, manifestae sunt poenae periurii et incestorum. Haec regula saepe multumque cogitanda est, ut impetus ruentes contra naturam, magis frenemus metu irae Dei et poenarum. Item, ut sciamus philosophiam moralem, quae est explicatio iuris naturae, consentaneam esse legi Dei.

Ius positivum.

Significat conclusiones propter rationem probabilem, additas legibus naturae, congruentes cum illis, non dissentientes, ut lex naturae praecipit puniri furtum. Hic legislator propter probabilem rationem modum poenae determinat. Aliter punit grassatorem, aliter furantem non animo latrocinandi, aliter punit fures, in iis gentibus, quae alioqui bona disciplina reguntur, aliter in gentibus ferocioribus. Sed congruat lex positiva cum hac regula, ut sit honori bono operi, et terrori malo⁹⁵⁾.

92) communi] sic Editt. 1550., 1554., 1557. et 1560.; Editt. 1545. et 1546. communiiori.

93) 1. Sam. 21, 4—6.

94) 1. Macc. 2, 32—41.

95) Pro hac brevi iuris positivi explicatione, quam Editt. 1545—1560. continent, in Editt. 1532., 1535., 1539., 1540., 1542. et 1544. multo prolixior legitur, quae hic in sequenti pagina afferenda nobis videtur:

Ius positivum quid sit?

Ius positivum est quod non praecipit natura fieri, sed valet propter auctoritatem magistratum, ut iuris positivi est, furem laqueo punire, non succedere in foedum puellam. Sicut autem supra dixi, ius naturale esse principia practica, et conclusiones ex illis ductas per demonstrationem, ita hic observandum est, ius positivum esse determinationem talium conclusionum generalium, ad certam circumstantiam, propter probabilem aliquam rationem, ut iuris naturalis est, furtum esse puniendum, hanc determinat magistratus, cum sit generalis propositio ad certam formam propter probabiles rationes. Sicut artifices in omnibus artibus, cum circa singularia versantur, determinat praecepta generalia ad certum modum, propter varietatem circumstantiarum, ut medicus, cum ars praecipit frigida dari, aliis magis frigida, aliis minus dat, quia multae et diversae causae concurrunt: ita magistratus duriores leges imponit ferocibus ingenii, quam mansuetis. Colligit igitur probabiles rationes, quare apud nos prosit capitalem poenam in fures constituere, ita oritur ius positivum ex naturali, quia generales propositiones iuris naturalis transfert ad certam speciem, et quia ius naturale demonstrationes habet, immutabile est, quia aliis temporibus aliis locis, aliae rationes concurrunt probabiles.

Postea vero ius positivum habet auctoritatem multo magis propter auctoritatem magistratus, quam propter rationem, quia natura praecipit magistratui parere. Itaque cum leges magis valeant propter auctoritatem magistratus, quam propter rationem, non sunt calumniandae leges, etiamsi ratio non statim cerni potest. Ac maxime Christianos decet honorifice de legibus sentire, etiamsi rationes earum non norunt, propterea quod scriptura maximi facit auctoritatem magistratus, et ipsas leges vocat ordinationes divinas. Quare tanquam Dei oracula venerari debemus. Et sicut vitia magistratum dissimulare necesse est, ita vitia legum boni consulenda sunt.

Ideoque et iureconsultus vetuit curiose disputari, aut quaeri legum rationes, cum inquit: Non omnium, quae a maioribus constituta sunt, ratio reddi potest.

Observandum est autem omnia immutabilia, hoc est, quae habent necessarias causas in natura, seu demonstrationes esse iuris naturalis. Voco autem ius naturale id quoque, quod iureconsulti vocant ius gentium, qualia sunt haec: pacta sunt servanda; res sunt dividendae; contractus instituendi sunt; magistratibus obtemperandum est: latrones bello depellendi sunt, et similia, quae recensentur, Digestorum *) de iustitia et iure, lege: Ex hoc iure **) , quia haec omnia habent necessarias causas in natura.

Sed mutabilium gradus quidam sunt, alia sunt simpliciter ἀδιάφορα, alia non sunt simpliciter ἀδιάφορα, sed habent in natura quasdam probabiles causas, quae magis ad unam partem ducant homines, quam ad alteram, etiamsi sine insigni corruptione naturae diversum accidere potest. Ut dextra naturaliter magis utuntur homines, et tamen sine corruptione naturae sinistra magis uti aliqui possunt. Talia enim referuntur ad ius naturae, sive ius gentium, ut sunt haec: Non habere simul plures uxores: Usuras illicitas esse. Haec aliquando mutata sunt auctoritate legum latorum.

Diligenter igitur observandum est, gradus quosdam esse inter ea, quae dicuntur esse iuris naturalis. Quaedam enim habent necessarias causas, et sunt simpliciter immutabilia, quaedam habent causas graves, quae tamen quia interdum auctoritate legum latorum mutata sunt, non habent necessarias causas. Haec etsi sunt naturae consentanea, tamen differunt a primo gradu, et sunt aliquo

modo voluntati magistratum subiecta, quia cum re ipsa sint mutabilia, oportet ea determinari ad alteram partem a magistratu. Ita legum latores usuras permiserunt, et modum in his constituerunt, paululum a natura discedentes, sed id faciebant propter communem tranquillitatem hominum, cuius praecipue debet habere rationem legis lator. Et illa moderatio usurarum non corrumpit naturam, sed aliqua ex parte prodest negotiantibus.

Aristoteles facit mentionem *) Brasidae, cuius extat historia apud Thucydidem, libro quinto **). Cum Amphipolitanus prius coluisset Hagnonem Atheniensem ***) , tanquam divum, abolita eius memoria, postea coluerunt Lacedaemonium Brasidam. Hoc institutum non habebat in natura causam, ideo citat tanquam exemplum iuris positivi. Porro Brasidas victis Atheniensibus occupaverat Amphipolim.

Quae vero in his, quae mutari possunt, naturalia sunt, quae autem non naturalia, sed lege tantum valeant, tunc intelligi potest, cum consideratur, utrum pariter utraque sint mutabilia. Et transferatur exemplum ad alia quoque. Natura dextra omnes magis utitur, et tamen fieri potest, ut homines fiant ambidextri. Verum illa, quae lege tantum valent, utilitatis causa constituta, longe aliter se habent, nec natura ad unam partem magis feruntur, sed similia sunt mensuris. Non enim ubique aequales sunt mensurae vini et frumenti, sed ubi evehunt, maiores, ubi autem vendunt, minores. Ad hunc modum haec, quae non sunt natura iusta, sed voluntate hominum, non sunt similia ubique. Neque enim civitates similes sunt. Sed illa forma, quae est secundum naturam, una atque eadem ubique est, eaque est optima.

Leges autem habent se, ut universalis ad singularia. Nam actiones sunt innumerabiles, lex autem sui cuiusque generis una est, est enim universalis. Item differunt iniuria et iniustum, et ius et iustitia. Iniustum enim dicitur id, quod vel natura, vel lege prohibetur, sed cum factum est, iniuria dicitur, priusquam autem factum est, nondum dicitur iniuria, sed iniustum. Quando enim factum est, iniuria est. Sic et ius, genus est autem iuste agere. Verum ius dicitur iniuriae emendatio. Caeterum quae sint species singulorum, et circa quae versentur, deinceps considerandum est.

Admouet gradum quendam esse naturalium, quae sunt mutabilia, haec autem sunt, ut supra dixi, quae habent probabiles rationes in natura non necessarias, et tamen magis ad unam partem feruntur, quam ad alteram, etsi sine naturae corruptione mutari possunt. Aristoteles proposuit exemplum, in quo satis clare conspici potest discrimen naturalium, quae sunt immutabilia, et quae sunt mutabilia. Et iubet illud exemplum ad similia transferre.

Quod in fine dicit, illam formam civitatis optimam esse, quae sit eadem ubique, hoc vult, illa praecipua esse, et maxime necessaria in civitatibus, quae sunt iuris naturae, et eam partem esse pulcherrimam partem civitatum rerum. Itaque si qua est civitas, quae aliqua in re discedit a iure naturae, non est vocanda civitas, sed confusio et barbaries, ut apud Sybaritas prostituebantur novae nuptae, et alia multa in aliis civitatibus contra naturam praeepta †) sunt, in illis civitatibus deficit illa optima forma, seu pars civitatum rerum.

Quod sit leges esse universales, docet leges non posse de singulis casibus ferri, sed genus aliquod in lege poni, ad quod facta similia referenda sint. Sicut et iureconsulti scribunt.

*) Aristot. I. I. c. 7. §. 1.

**) Thucyd. V, 2. 3. 6—11. conf. etiam IV, 78—88. 102—117. 120—132. 136. et Diod. XII, 68. 72 sqq. Breviter res ab eo fortiter et prudenter gestae narrantur in Pauly: Real-Encyclop. T. I. p. 1164 sq.

***) Hagnon fuit conditor huius Atheniensium coloniae.

†) praeepta] sic Edit. 1640., 1642. et 1644.; Edit. 1632., 1636. et 1639. recepta.

*) Digesta h. l. in Edit. 1532—1544. indicantur littera π. i. e. Pandectae (alias: ff. conf. supra p. 76. nota 7.).

**) Digest. I. tit. I. lex 5. (Corp. iur. civ. ed. Beck T. I. P. I. p. 152.)

Caput VIII.⁹⁶⁾

De tribus gradibus delictorum, de dolo, culpa et casu fortuito.

Et in foro, et in Ecclesia necesse est nosse discrimen inter voluntaria et involuntaria delicta. Quare et in Moise Numerorum 15⁹⁷⁾, (22 — 31.) et in Evangelio traditur. Tenenda est et regula, in infinitum distare lapsus contra conscientiam, et peccata⁹⁸⁾ ignorantiae. Lapsus contra conscientiam, id est, qui fiunt a scientibus et volentibus contra legem Dei, excutiunt fidem et Spiritum sanctum.

Sunt enim contemptus Dei accersitus a sciente et volente. Ideo pugnant cum fiducia misericordiae Dei, et damnantur hoc dicto (Rom. 14, 23.): Omne quod non est ex fide, peccatum est, id est, quod est contra conscientiam, ut lapsus Davidis rapiens alienam coniugem⁹⁹⁾, lapsus Saulis interficientis sacerdotes¹⁰⁰⁾. At in renatis sunt aliqui naevi non contra conscientiam, aut lapsus non contra conscientiam, qui tamen non excutiunt Spiritum sanctum, ut, cum Apostoli aliquamdiu¹⁾ retinent errorem de regno mundano Christi²⁾. Cum David credens Sibae, attribuit ei facultates domini³⁾. Multis tristissimis peccatis non voluntariis implicantur sancti, etiam cum putant se aliquid boni effecturos esse, ubi eventus lugubres postea errorem ostendunt, ut, cum David numerat populum⁴⁾, cum Iosias infert bellum

In fine *) est quaedam grammatica vocabulorum **) interpretatio, quae tamen iudicari non potest, nisi cognita graeca phrasi. Caeterum praecepta philosophica nulla habet.

*) Aristot. 1. 1. c. 7. §. 7.

**) scil. vocabulorum *δικαιοσύνη* et *δικαίωμα*.

96) Editiones sex priores 1532., 1535., 1539., 1540., 1542. et 1544. huius explicationis loco, paucis vocibus exceptis, nonnisi verborum Aristot. latinam translationem continent, in tres partes divisam, quarum cuique inscriptio addita est, nempe verba §. 1 — 3. usque ad voces: et in tota adeo actione (*καὶ περὶ τὴν πράξιν ὄλην*) inscripta sunt: De voluntariis et involuntariis delictis. — §. 3. inde ab illis verbis allatis usque ad §. 5. inclus.: De involuntario. — §. 6 — 12. (usque ad finem capituli): De tribus generibus delictorum.

97) Numerorum 15.] in Editt. 1545 — 1560.: 15. Numerorum. 98) peccata] sic Editt. 1546., 1550., 1554., 1557. et 1560.; Edit. 1545. preclata.

99) 2. Sam. 11, 4.

100) 1. Sam. 23, 17. 18.

1) aliquamdiu] sic Editt. 1550., 1554., 1557. et 1560.; in Editt. 1545. et 1546. deest.

2) Conf. Matth. 20, 20. Marc. 10, 35 — 37.

3) scil. Mephiboseth, 2. Sam. 16, 4.

4) 2. Sam. 24, 1 — 15.

Aegyptio⁵⁾. Ideo scriptum est: Non est iustus in terra, faciens bonum, qui non peccet, ut clare conspicitur in diversis actionibus. Bene meretur David multis et⁶⁾ magnis et utilibus rebus gerendis, sed idem multa negligit, et aliquoties errore impingit. Hic necesse est intelligere discrimen inter voluntaria et non voluntaria delicta, inter dolum et culpam, ac sciendum est, dolo peccantes excutere fidem et Spiritum sanctum. Nunc gradus describamus.

Tres gradus in doctrina civili traduntur, dolo facta, culpa, item casu facta. Et culpae gradus sunt lata, levis et levissima. Sumuntur autem haec discrimina a causis, et magnitudinem delictorum, et differentias poenarum monstrant, sicut et supra dixi, Dei iudicio⁷⁾ aliqua esse delictorum discrimina. Haec⁸⁾ oriuntur ex his fontibus, res ex causis aestimandae sunt. Proprie virtus est, cum concurrunt, mens recte iudicans, et voluntas libere eligens, et recto iudicio obtemperans, ut castitas Ioseph.

Cum vero aliqua causa deest, virtus non est integra, ut, constantia Catonis non regitur iudicio, sed est naturalis duritia, ita proprie scelus est, ad quod concurrunt, mens sciens quid sit agendum, et voluntas libera⁹⁾ contra rectum iudicium faciens. Hic gradus proprie dicitur dolum, ut, David scit non rapiendam esse alterius coniugem, et hanc, quam rapit, scit alienam esse, et¹⁰⁾ contra hoc iudicium libere et volens ruit. Hic primus gradus plurimum habet turpitudinis, deinde sequitur culpa lata, ut, cum quis crassa negligentia peccat, non tamen affectata, ut, si quis in civitate aliquamdiu commoratus, non nosset magistratum, et eum hoc errore irreverenter tractaret¹¹⁾.

Item, cum aliquis rebus suis salvis amittit depositum, quia hoc¹²⁾ forte negligentius custodi-

5) 2. Reg. 23, 29.

6) et] sic Editt. 1546., 1550., 1554., 1557. et 1560.; in Edit. 1545. deest.

7) iudicio] sic Editt. 1545., 1546. et 1550.; Editt. 1554., 1557. et 1560. iudicia.

8) Haec] sic Editt. 1545., 1546. et 1550.; Editt. 1554., 1557. et 1560. Haec.

9) libera] sic Editt. 1550., 1554., 1557. et 1560.; Editt. 1545. et 1546. libere.

10) et] sic Editt. 1545. et 1546.; in Editt. 1550., 1554., 1557. et 1560. deest.

11) et eum hoc errore irreverenter tractaret.] sic Editt. 1545. et 1546.; in Editt. 1550., 1554., 1557. et 1560. omissa.

12) hoc] sic Editt. 1550., 1554., 1557. et 1560.; Editt. 1545. et 1546. hic.

vit. Hic disputatur de dicto in lege Quod Nerva, in Digestis in titulo Depositi*): Quod Nerva dixerat**) latiore culpam dolum esse, Proculo displicebat, mihi verissimum videtur. Nam etsi quis non ad eum modum, quem hominum natura desiderat, diligens est, nisi tamen ad suum modum curam in deposito praestat, fraude non caret. Nec enim salva fide minorem iis***), quam suis rebus diligentiam praestabit.

Hic disputant, an lata culpa sit dolus? existimo erudite dici, toto genere distare dolum et culpam, id est, peccata ignorantiae, aut vitiosos impetus, quibus tamen voluntas repugnat, et intelligantur excusabilia peccata ignorantiae facti, aut iuris humani, non iuris divini, et naturalis, nam ius naturale, cum omnium mentibus insitum sit, aspicere omnes possunt, et regula est, quam Deus omnibus notam esse voluit, et toties patefecit Deus illustribus testimoniis.

Ita sentiendum est et de voce Evangelii, quae etiam certis testimoniis inde usque ab initio mundi revelata est, et saepe instaurata. Reliqui sunt gradus levis culpa, et levissima, quae ignorantiam circumstantiarum, aut negligentiam levio-rem continent.

Sequuntur quaestiones quatuor exiles et argutae¹³⁾.

Prima: An verum sit quod dicitur, scienti et volenti non fieri iniuriam. Secunda: Quae

*) Digest. XVI. tit. 3. lex 32. (Corp. iur. civ. ed. Beck T. I. P. I. p. 661 sq.).

**) dixerat] sic Editt. huius commentarii; in Digest. scriptum est: diceret.

***) iis] sic Editt. huius comm.; in Dig. legitur: his.

13) Has quaestiones Aristoteles in capite IX. proponit. — Sex priores huius commentarii Editt. 1532—1544. h. l. Aristotelis verba in latinum sermonem translata continent partim argumento praemisso, partim brevi explicatione adiecta. Nempe verbis §. 1. 2. haec praemissa sunt: Prima quaestio utrum scienti et volenti fiat iniuria, neque vero statim respondet, sed suo more multas quaestiones coarcevat, et tandem ad praecipuam respondet. — §. 3. inscripta est: „Secunda quaestio utrum iniuria sit dicenda, quoties aliquid mali infertur contra ius.” Cui inscriptioni haec adduntur: Et hic obiter admonet quid ad quasdam quaestiones responderi possit, videlicet quasdam proprie dici iniurias, quasdam dici iniurias per accidens. — Ante §. 4—7. insertum est argumentum: Tertia quaestio est, utrum aliquis sibi ipsi possit iniuriam inferre. — §. 8. inscripta est: Aliae quaestiones. — Verba §. 9. omissa sunt, pro his autem haec scripta sunt:

Responsio.

Quid si prius illud accidit, videlicet si iniustus est Agamemnon, plus tribuens Patroclo, quam Achilli, sequitur ut iniustus sit Agamemnon, plus tribuens Patro-

sint iniuriae per accidens. Tertia: An sibi ipsi quispiam iniuriam facere possit. Quarta: An iustus sit distribuens iniuste, an vero accipiens praemia supra meritum?

Priores quaestiones, ut saepe solet, proponit, non explicat, et de quibusdam argute disputari posset. De prima haec sit responsio, ut in tempestate malum eiicere¹⁴⁾ sarcinas, quam perdere vitam, sic aliqui leviores iniurias durioribus anteponunt. Hic fit iniuria volenti, sed in tali collatione non simpliciter volumus malum. Nec Christus voluit supplicium, aut Iudaeorum furores, sed voluit salutem generis humani. Intelligatur ergo regula, non fieri iniuriam scienti et volenti, scilicet simpliciter, et in re, quam habeat volens in potestate, ut fit iniuria mulieri sese prostituenti¹⁵⁾, nam voluntas eius impedita est voluntate Dei, ac lege, et avellitur mulier suo et alieno scelere a Deo. Estque regula observanda¹⁶⁾: Faciens et consentiens eadem poena digni sunt.

clo, quam sibi, id quod homines modesti facere videntur, nam modesti extenuant sua merita. An vero hoc non ita se habet simpliciter, tunc enim iniustus esset, si alienum bonum occuparet, ut gloriam alterius, aut aliud bonum. Praeterea solvi hoc potest ex regula supra tradita. Nam Agamemnon alteri plus tribuens, nihil patitur contra voluntatem suam. Quare propterea non afficitur iniuria Agamemnon, laeditur tamen.

Verbis §. 10—13. praecedit argumentum: Principalis responsio, videlicet quod distribuens praeter dignitatem iniustus sit, non is qui accipit praeter dignitatem. — §. 14—16. inscriptae sunt: „Discrimen actuum et habituum iustitiae atque iniustitiae.” Ad verba Aristotelis illustranda in fine haec adduntur:

Haec in speciem absurda videntur his, qui non discernunt inter agentes, qui agunt tanquam habiles, et assuefacti, et alios qui agunt non velut assuefacti, sed vel causa, vel certe non semper simili studio. Puer non dicitur iustus, etsi alicubi reddit depositum, ac iustum quiddam agit. Nondum enim habilis atque assuefactus est ad iustitiam. Nero non est clemens, etsi plurima videtur humanissime facere, non est enim confirmata clementia, sed casu aut simulatione quadam, aut ambitione ducitur ad humanitatis exempla. Ajax non est timidus, etiamsi aliquando perturbatus fugit. Nam animus habet robur, quo se tamen erigere solet, et vincere perturbationem. Idque robur ita confirmatum est, ut non facile debilitetur ac frangatur. In his exemplis lucet discrimen actionum, quae ab habitu oriuntur, et quae sine habitu fiunt. Idque discrimen in iudicandis hominum moribus et factis observari debet.

Verbis §. 17. praemittitur argumentum: Circa qualia bona versentur iusti, et quales sint qui iusti evadunt, videlicet, qui proficere possunt in rebus recte exoptandis.

14) scil. e navi.

15) prostituenti] sic Editt. 1546., 1550., 1554., 1557. et 1560.; Editt. 1545. prostituendi.

16) observanda] sic Editt. 1546., 1550., 1554., 1557. et 1560.; Editt. 1545. servanda.

De damnis autem rerum, quae sunt in nostra potestate, quia sine scelere cedi possunt, valet regula: Scienti et volenti non fit iniuria, ut in venditione aut permutatione, ut cum Glaucus dat aurea arma pro aeneis¹⁷⁾, haec non est iniuria. Ex his fontibus ad reliquas quaestiones facile respondetur. Cato iniuriam sibi facit, sese interficiens¹⁸⁾, quia non est dominus sui corporis, sed Deus et lex superior dominus est, ut vulgo dicitur: Nemo est dominus membrorum suorum.

Postremus locus de discrimine summi iuris et aequitatis¹⁹⁾.

Deinde sequitur in textu postremus locus huius libri, dulcissimam distinctionem explicans summi iuris et aequitatis, de qua et in Ecclesia, et in foro, et in tota consuetudine vitae saepissime dicendum est, imo de qua nos praecatio quotidiana admonet: Sicut et nos remittimus debitoribus nostris. Ac prodest commone fieri discentes de hac distinctione, ut fugiamus haec vitia, crudelitatem, cui saepe praetexitur species summi iuris, et indulgentiam, cui praetexitur interdum nomen aequitatis. Sunt enim duae virtutes vicinae, severitas seu rigor iuris, et aequitas, ac utriusque extrema sunt crudelitas et indulgentia.

Primum autem sciendum est, differre ius summum, et ius calumniose intellectum. Etsi saepe sic loquuntur homines, ut ius summum vocent ius calumniose intellectum, non recte summum ius dicunt esse Iudaei, prorsus nullas operas domesticas in sabbato facere. Nam talis inter-

pretatio calumniosa est, ut multa recitantur exempla calumniosarum interpretationum, in quibus verba contra communem consuetudinem enarrantur, ut Thraces pacti inducias dierum aliquot, noctu populabantur Boetiam, ut narrat Strabo²⁰⁾. Athenaeus²¹⁾ narrat Iphicium, cum Rhodii deditioem fecissent, ita, ut cum certo numero navium abire ipsis liceret, imposuisse eos in naves sine remis et velis. Apud Xenophontem²²⁾ Critias²³⁾ eludit defensionem Theramenis²⁴⁾ hac fraude. Lex erat, ne quis tunc Athenis eorum, quorum nomina in catalogo scripta erant, interficeretur, nisi re iudicata. Cum igitur Theramenes se audiri petit iuxta leges, facilis, inquit Critias, recusatio²⁵⁾ est, delebo nomen eius in catalogo, ita lex ad eum nihil pertinebit. Sed cum Theramenem hac elusione Critias perdidisset, ipse aliquanto post a Thrasybulo interfectus²⁶⁾, poenas sophisticas dedit. Aliud exemplum narrat Thucydides libro tertio²⁷⁾: Paches²⁸⁾, cum cinxisset obsidione Colophonem, evocavit praefectum praesidii²⁹⁾, data fide, se incolumem in urbem remissurum esse. Cum igitur ex urbe egressus esset praefectus, retinetur in castris, et Paches oppidum oppugnat, quia absente duce praesidii, facilis erat oppugnatio. Postea capto oppido, Paches reducit Arcadem in oppidum, et ibi eum interficit, sed hic Paches postea sibi in ipso iudicium concessu Athenis manu sua mortem conscivit.

17) scil. Diomedii, Hom. II. VI, 235. 236.

18) Post proelium ad Thapsum die 6. Aprilis a. u. c. 706. commissum, quo Scipio et Iuba a C. Iulio Caesare devicti erant, M. Porcius Cato, qui tunc Uticae praecerat, omnibus rebus diligentissime constitutis, liberis suis L. Caesari, qui tum ei pro quaestore erat, commendatis, ferrum intro clam in cubiculum intulit atque ita se transiecit. Qui cum anima nondum expirata concidisset, et medicus familiaresque continere atque vulnus obligare coepissent, ipse suis manibus vulnus crudelissime divellit atque animo praesenti se interemit, ne reipublicae superstes esset. (Hirt.) Bell. Afr. 87—89. Plut. Cat. 59—70. Dio 10—13. Appian. 97—100.

19) De hoc discrimine Aristoteles in capite X. dicit. — In Editt. sex prioribus 1532—1544. haec pars, inscripta: „Discrimen summi iuris et *ἐπιεικείας*”, partim Aristotelis verba latine versa, partim longiorem explicationem continet; primum enim hic afferuntur verba §. 1. capitis X., et §. 2. quae inscripta est: „Responsio”, addita longiore explicatione, hanc tandem verba §. 3—8. sequuntur.

20) Strab. IX. §. 4. (p. 401 sq. ed. Casaub.; p. 616. B. ed. ab Almeloveen. Amstelæd. 1707. Fol.; T. III. p. 392. sq. ed. Siebenkees et Tzschucke.).

21) Athen. I. VIII. c. 61. (p. 361. B. ed. Casaub.; T. III. p. 331. ed. Schweighauser).

22) Xenoph. Hellen. I. II. c. 3. §. 20—24.

23) Critias, unus trigtintavirum.

24) Theramenes, electione in numerum triginta tyrannorum relatus, resistit eorum iniustis consiliis, quapropter a Critia ob ingenium in republica mutabile accusatur et capite damnatur.

25) recusatio] sic Editt. 1550., 1554., 1557. et 1560.; Editt. 1545. et 1546. correctio.

26) Critias in proelio, quod Thrasybulus trigtintaviris commisit in Piraeo a. 403. a. Chr., occisus est; Xenoph. I. I. c. 4. §. 12.

27) Thucyd. I. III. c. 34.

28) Paches, Epicuri filius, Atheniensium dux in bello Peloponnesiaco.

29) scil. Hippium, Arcadam duce. — Hoc factum est quinto belli Peloponn. anno 427. a. Chr.

Popillius³⁰⁾ in conditionibus pacis factae cum Antiocho³¹⁾, scripserat dimidium navium Romanos Antiocho relicturos esse, postea naves dissecat, et dissectarum trabium dimidium incendit, dimidium reliquit Antiocho, sed hic Romanus habuit causam³²⁾ iudificandi regis sycophantici. Voluit enim ostendere, et intelligi ipsius artes, et puniri eum propter multas fraudes, quas adversus Romanos tentaverat.

Extat insigne exemplum in Andromacha Euripidis, ubi Menelaus promittit se non interfectorum filium Andromaches, sed postea dat interficiendum filiae suae³³⁾, et quidem additur exclamatio adversus Laconum sophismata³⁴⁾.

Haec exempla eo recensui, ut discernatur summum ius a calumnioso. Etsi saepe summum pro calumnioso dicitur, et interdum observatio summi iuris est calumniosa, sed tamen in aliis casibus saepe iusta est, ut, cum victor Augustus interficit adversarios captos post victoriam, iure summo usus est. Iulius³⁵⁾ mitigavit aequitate ius summum, non occidit cives extra aciem.

Est igitur ius summum observatio scripti in eo casu, de quo scriptum principaliter loquitur, ut, Papirius dictator praecipit³⁶⁾, ne magister equitum se absente dimicaret, dimicat, ideo dictator minatur ei supplicium, et summo iure poterat eum punire³⁷⁾. Lex erat Romae, ut proscriberetur civis, qui civem iniuste interfecisset, Milo Clodium interficit³⁸⁾, quanquam insidiatorem, sed tamen elapsam iam, cum se in tabernam abdidisset. Cum igitur interfecerit eum, non servato modo inculpatae defensionis, iure summo condemnatus est³⁹⁾. Sed ἐπιείκεια, seu

aequitas est mitigatio iuris scripti in casu, de quo non principaliter loquitur lex, ideoque probabilis ratio mitigat legis asperitatem. Ut lex de sacris panibus non loquitur de casu necessitatis, sed vult reverentiam confirmare sacerdotum, ideo discrimen inter eos et profanos in multis rebus sancit. Vult autem hoc discrimen servari in usu panum, non cum pernicie hominum, sed usitate, cum potest servari. In casu necessitatis regulam concedit: Moralia anteferenda sunt ceremoniis. Ex hac probabili ratione sumit David consilium dispensationis, ac dispensatio sine probabili ratione dicitur esse dissipatio.

Exempla multa recitantur. Lex Thebana erat, ut perfunctus magistratu, mox dimitteret exercitum. Epaminondas retinuit ultra tempus, propter utilitatem publicam post Leutricam victoriam. Cum igitur accusatus, ostenderet suum consilium profuisse reipublicae, absolutus est⁴⁰⁾. Orestes matrem⁴¹⁾ occidit interfetricem Agamemnonis, etsi erat iustum ulcisci patris necem, tamen matri parcendum videbatur, accusatus est igitur, et Argis pulsus. Sed Athenis in Areopago a Diis, id est, sacerdotibus, cognita causa, pares fuerunt calculi, id est, non damnatus est Orestes, nec tamen comprobatum facinus⁴²⁾. Hanc vim ritus⁴³⁾ habebat, quando pares erant calculi, et tamen tunc intelligitur reus absolutus. Haec exempla utcumque indicant discrimen summi iuris et ἐπιείκεια.

Hic sequuntur multae disputationes, an iudex ex scripto iure, vel ex aequitate⁴⁴⁾ non scripta, iudicare debeat. Aristoteles enim vocat aequitatem, correctionem scripti, quam iudex adhibet suo consilio, etiamsi non sit mandata literis. Hic respondendum est, regulariter iudicandum esse ex scripto iure, quod quidem et

30) C. Popillius Laenas, C. Decimus et C. Hostilius legati a Senatu Romano a. 168. a. Chr. missi sunt, ad finendum inter Antiochum regem Syriae et Ptolemaeum Philometorem regem Aegypti bellum. Liv. XLIV, 19. XLV, 10—13. Polyb. XXIX, 8—11.

31) Antiochus IV. Epiphanes (supra p. 74. nota 100., ubi eadem historia narratur, haec falso ad Antiochum III. Magnum relata est).

32) habuit causam] sic Editt. 1550., 1554., 1557. et 1560.; Editt. 1545. et 1546. causam habuit.

33) Eurip. Androm. 443.

34) Exclamatio Andromachae legitur l. l. v. 446—453.

35) Iulius Caesar.

36) praecipit] sic Editt. 1545., 1554., 1557. et 1560.; Editt. 1546. et 1550. praecepit.

37) Conf. supra p. 236. nota. 58.

38) interficit] sic Editt. 1546., 1550., 1554., 1557. et 1560.; Editt. 1545. interfecit.

39) P. Clodius Appii filius Pulcher, perniciosus civis, sceleratus, libidinosis, impius, audax (Cic. Philipp. 8, 5, 16.),

inexpiabiles cum T. Annio Milone Papiano inimicitias habuit, ab eiusque servis in Appia via a. u. c. 702. occisus est. De hac caede accusarunt eum III. Id. Apr. Appius Claudius maior, M. Antonius, P. Valerius Nepos. Defendit eum Cicero; qui, cum dicere inciperet, exceptus acclamatione Clodianorum, non ea, qua solitus erat, constantia dixit. Itaque Milo condemnatus Massiliam in exilium profectus est. Orationem pro Milone, quae exstat, Cicero postea demum scripsit.

40) Plutarch. Pelop. 25. et Aelian. l. 13. c. 42.

41) Clytaemnestram.

42) Conf. Pausan. I, 28, 5.

43) ritus] sic Editt. 1550., 1554., 1557. et 1560.; Editt. 1545. et 1546. mos.

44) aequitate] sic Editt. 1545. et 1546.; Editt. 1550., 1554., 1557. et 1560. aequalitate.

principaliter de communioribus casibus loquitur, ut, lex de poenis⁴⁵⁾ furti loquitur de furto petulanter facto, et ab eo, cuius aetas iam iudicare potest, talia enim plerumque accidunt.

Quod autem ex lege iudicandum sit, hinc intelligi potest, magistratui deberi obedientiam propter conscientiam, inquit Paulus (Rom. 13, 5.). Lex autem, anima, voluntas, et vox est magistratus: ergo legi debetur obedientia. Item, si singulis liceret suo arbitrio *ἐπιεικείας* comminisci, raro⁴⁶⁾ congruere iudicium sententiae possent. Ideo autem sunt latae leges, ut sit certa norma, et congruant iudicium sententiae, et semper curae fuit legum latoribus, cavere, ne sine gravi consilio leges mutarentur. De hac re oratio longa est Demosthenis contra Timocratem, in qua memorabilis historia recitatur his verbis⁴⁷⁾: Locri adeo existimant se veteres et patrias leges custodire debere, nec novas condere, pro civium voluntatibus, ut, si quis velit novam legem ferre, suadens eam, cogatur dicere collo in laqueum inserto. Quod si⁴⁸⁾ placet lex, et iudicatur utilis esse, dimittitur suasor incolumis, laxato laqueo, sed si non placet, astricto laqueo, mox strangulatur. Non igitur audent novas leges ferre⁴⁹⁾, sed veteribus accurate utuntur, nec intra ducen-

45) poenis] sic Editt. 1550., 1554., 1557. et 1560.; Editt. 1545. et 1546. poena.

46) raro] sic Editt. 1550., 1554., 1557. et 1560.; Editt. 1545. et 1546. nunquam.

47) Demosthenis contra Timocratem verba (T. I. p. 472 sq. ed. Schaefer; p. 744. ed. Reiske) haec sunt: Ἐκείνοι (Λοκροὶ) γὰρ οὕτως οἰοῦνται δεῖν τοῖς πάλαι κειμένους χρῆσθαι νόμοις, καὶ τὰ πατρία περιστέλλειν, καὶ μὴ πρὸς τὰς βουλῆσεις μὴδὲ πρὸς τὰς διαδύσεις τῶν ἀδικημάτων νομοθετεῖσθαι, ὥστε, ἂν τις βούληται νόμον καινὸν τιθέναι, ἐν βρόχῳ τὸν τράχηλον ἔχων νομοθετεῖ. καὶ εἰ μὲν δόξη καλὸς καὶ χρήσιμος εἶναι ὁ νόμος, ἕη ὁ τιθεὶς καὶ ἀπέρεχεται· εἰ δὲ μὴ, τέθνηκεν ἐπισπασθέντος τοῦ βρόχου. καὶ γὰρ τοὶ καινοὺς μὲν οὐ τολμῶσι τίθεσθαι νόμους, τοῖς δὲ πάλαι κειμένοις ἀκριβῶς χρῶνται. ἐν πολλοῖς δὲ πάντῃ ἔτεσιν, ὧ ἀνδρες δικασταί, εἰς λέγεται παρ' αὐτοῖς νόμος καινὸς τεθῆναι. ὄντος γὰρ αὐτόθι νόμου, εἰάν τις ὀφθαλμὸν ἐκκόψῃ, ἀντεκκόψῃ παρασχεῖν τὸν ἑαυτοῦ, καὶ οὐ χρημάτων τιμῆσεως οὐδεμιᾶς, ἀπειλήσαι τις λέγεται ἔχθρὸς ἔχθρῳ, ἕνα ἔχοντι ὀφθαλμὸν ὅτι αὐτοῦ ἐκκόψει τοῦτον τὸν ἕνα. γενομένης δὲ ταύτης τῆς ἀπειλῆς, χαλεπῶς ἐνεγκῶν ὁ ἑτερόφθαλμος καὶ ἠγούμενος ἀβίωτον εἶναι αὐτῷ τὸν βίον τοῦτο παθόντι λέγεται τολμῆσαι νόμον εἰσενεγκεῖν, εἰάν τις ἕνα ἔχοντος ὀφθαλμὸν ἐκκόψῃ ἀντεκκόψῃ παρασχέιν, ἕνα τῆ ἰσῆ συμφορᾷ ἀμφοτέρω χρόνῳ. καὶ τοῦτον μόνον λέγονται Λοκροὶ θέσθαι τὸν νόμον ἐν πλείοσιν ἢ διακοσίους ἔτεσιν.

48) Quod si] sic, graecis verbis congruenter, Editt. 1545. et 1546.; Editt. 1550., 1554., 1557. et 1560. Ubi si.

49) audent novas leges ferre] sic Editt. 1546., 1550., 1554., 1557. et 1560.; Editt. 1545. novas leges ferunt.

tos annos nova⁵⁰⁾ lex ulla praeter unam lata est, ut, si quis ei, qui unicum oculum habuit, hunc effoderit, amittat autor facti suos⁵¹⁾ oculos ambos, ut poena par sit damno, scilicet caecitas.

Sed cum accidit aliquis lapsus, ubi circumstantiae ostendunt legem non loqui principaliter de eo casu, ibi⁵²⁾ iudex adhibere mitigationem debet, ut in furto, si aetate lapsus, aut in fame sine violentia⁵³⁾ aliquid exiguum abstulit, et est ingenium sanabile, iudex non utatur legis asperitate, quae loquitur de furto atrociter facto, sed iudex sit prudens, et aequitatem ex veris fontibus legum superiorum sumat. David violat legem de panibus sacerdotum, in casu necessitatis propter regulam: ceremoniae cedunt moralibus legibus. Maccabaeus praeliatur in sabbato, nam defensio civium necessaria erat (1. Macc. 2, 41.). Sed Eleazar 2. Macch. 6⁵⁴⁾, (18—31.) mavult interfici, quam vesci suilla, nam in casu confessionis ceremonialia fiunt necessaria, et moralia. Hoc enim agebatur ab hostibus, ut exemplum ostenderetur defectionis a tota lege.

Haec casuum et circumstantiarum varietas consideranda est, ut, ubi locus sit aequitati, recte constitui possit, quae quidem est magna virtus, et in privatis offensionibus ad haec Christi dicta pertinet: Remittite, et remittetur vobis⁵⁵⁾. Item (Luc. 6, 36.): Estote misericordes. Item (Luc. 6, 37.): Nolite iudicare, ne iudicemini. In magistratu vero pertinet ad dicta, quae praecipiant clementiam, qua rigor iustitiae moderandus est, nam de utroque iudex habet mandatum, quia gerit alienum officium. Debet igitur legi obtemperare in re atroci, ubi lex severitatem postulat, ut Deuteronomii⁵⁶⁾ dicitur: Non misereberis, sed auferes malum ex medio vestri, ut satisfiat iustitiae Dei. Haec est vox severae iustitiae, quae tamen interdum propter probabilem rationem mitiganda est aequitate, quia, ut in Deo, ita

50) nova] sic recte Editt. 1545. et 1546.; in Editt. 1550., 1554., 1557. et 1560. omis.

51) suos] sic Editt. 1546., 1550., 1554., 1557. et 1560.; in Editt. 1545. deest.

52) ibi] sic recte Editt. 1545. et 1546.; Editt. 1550., 1554., 1557. et 1560. ubi.

53) sine violentia] sic Editt. 1550., 1554., 1557. et 1560.; Editt. 1545. et 1546. sine vi et armis.

54) 2. Macc. 6.] sic recte Editt. 1545. et 1546.; Editt. 1550., 1554., 1557. et 1560.: 2. Macc. 9.

55) Conf. Matth. 6, 14.

56) Conf. Deuter. 13, 8—10.

et in⁵⁷⁾ gubernatore eminere debet bonitas, ut dicitur Psalm. 78⁵⁸⁾, (38.): Non accendit totam iram suam. Et Habac. 3, (2.): Cum irascaris, misericordiae recorderis. Ideo Proverb. 20, (28.) dicitur: Clementia, seu misericordia stabilitur thronus. Et Christus inquit (Matth. 5, 5.): Beati mites, quia possidebunt terram. Et ubi sit adhibenda aequitas, monent circumstantiae, ut dictum est.

Milo non erat damnandus, quia Clodius principium pugnae fecerat, et quanquam effugerat in latebras, tamen Milo adhuc iusto dolore ardebat, quare et sententia Catonis absolutus est. Sed in privatis defensionibus extra casum defensionis, semper luceat *ἐπιείκεια*, iuxta regulam: Remittite, et remittetur vobis, obliviscamur offensionum. Item: Ambigua non flectamus in partem deteriore, ut faciunt⁵⁹⁾ malevoli et suspicaces, ut, video colloquentem cum inimico: ergo suspicor et ipsum inimicum esse.

Magnam igitur partem vitae privatae regit *ἐπιείκεια*, quia in hac infirmitate hominum non potest esse tranquillitas, nisi multa condonemus publicae paci et mutuas molestias leniamus nostra commoditate, sicut Christus praecipit in exemplo ablutionis pedum (Ioann. 13, 5 sqq.).

Breviter dixi, ubi severitas iustitiae exercenda sit, et ubi mitigatio, seu *ἐπιείκεια* adhibenda sit. Severitas pertinet ad officium, quod Dei est, non nostrum, ut textus inquit (Deuter. 32, 35.): Mihi vindictam, et ego retribuam. Nos in vita privata meminimus Deum velle, nos privatas offensiones remittere, et propter Deum, et ne turbetur publica tranquillitas. Non sumus iudices, quod ad privatas personas attinet, sed sumus Deo rei multipliciter, qui in privata condonatione admonet nos de nostris erratis, et de sua condonatione, ut Christus in parabola significat de duobus⁶⁰⁾ servis, quorum alter durior alterum in carcerem rapit.

57) in] sic Editt. 1545., 1546. et 1550.; in Editt. 1554., 1557. et 1560. deest.

58) Psalm. 78.] Editt. huius commentarii habent Psalm. 77. (secundum LXX. et Vulg.).

59) faciunt] sic recte Editt. 1545., 1546., 1550., 1557. et 1560.; Edit. 1554. faciant.

60) duobus] sic Editt. 1546., 1550., 1554., 1557. et 1560.; in Edit. 1545. deest.

Etsi autem in omni⁶¹⁾ legum interpretatione tenendum est discrimen, quod dixi, severitatis et aequitatis, tamen de eo plurimum disputatum est, cum de ritibus humanis Ecclesiarum quaesitum est, quia enim Ecclesiae nimis magna mole rituum oneratae erant, necesse erat quaeri mitigationem. Tradit autem Paulus veram et explicatam mitigationem⁶²⁾, videlicet, ne ritibus humanis assuatur opinio cultus, aut necessitatis, sed *ἀδιάφορα*, quae ad bonum ordinem conducunt, eatenus servare decet, ut bonum ordinem et tranquillitatem tueamur, nec scandalis Ecclesiam turbemus. Haec est simplex ratio, erudiuntur conscientiae, ne iustitiam tribuant illis ritibus, et levantur opinione necessitatis, et tamen in publica consuetudine bonus ordo retinetur. Haec est Paulina interpretatio.

Gerson⁶³⁾ hanc non videns, quaesivit *ἐπιείκεια* ex aliis fontibus, dicit leges alias necessitatis, alias ornatus causa latas esse, ut sunt ritus de cibis, vestitu, et similibus *ἀδιαφόροις*. Negat autem Gerson, extra casum petulantiae et scandalii peccatum esse violare leges, ornatus causa latas. Sed Paulina mitigatio conscientias multo melius docet, et munit, ut suo loco copiosius dicetur. Hic tantum admoneo, varie quaesitas esse *ἐπιείκειας*, et dispensationes rituum humanorum, sed piaes mentes et amantes boni ordinis, utrumque meminerint, videlicet, non assuendam esse opinionem cultus, vel necessitatis, nec tamen in publicis exemplis conturbationem ordinis faciendam esse. Haec regula et doctrinae pietatis lucem adfert, et simul munit bonum ordinem et tranquillitatem publicorum coetuum.

Dixi communia quaedam de severitate et mitigatione, seu aequitate, unde intelligi potest, ubi locus sit severitati, ubi aequitati. Porro et illud dictum Menandri hoc loco discant studiosi: *καλὸν οἱ νόμοι σφόδρα εἶσιν, ὅδ' ὄρων τοὺς νόμους λίαν ἀκριβῶς συκοφάντης γίνεται*⁶⁴⁾.

61) omni] sic in Editt. 1546., 1550., 1554., 1557. et 1560.; in Edit. 1545. deest.

62) mitigationem] sic Editt. 1545., 1546., 1550., 1557. et 1560.; Edit. 1554. in mitigationem.

63) Conf. supra p. 111. nota 83.

64) Haec verba in Menandri incertarum fabularum fragmentis apud Stobaeum Serm. XLIII. p. 277. Gesn.; XLIV. p. 173. Grot.; in Menandri et Philemonis reliquiis ed. Meineke p. 225. fragm. LXXXIX. b. sic referuntur:

Καλὸν οἱ νόμοι σφόδρ' εἶσιν· ὁ δ' ὄρων τοὺς νόμους λίαν ἀκριβῶς συκοφάντης γίνεται.

Valde bona res sunt leges, sed si quis nimis duriter leges intelligit, fit sycophanta, ut Iudaei sunt sycophantae, nimis duriter intelligentes legem de sabbato. Σύνοδος Chalcedonensis sanxit, de Episcopi consilio concedendum esse connubium iis, qui coelibatum promiserant, si laxatione videretur opus esse⁶⁵). Sequens aetas nimis duriter flagitans observationem legis de coelibatu, confirmavit et auxit magna scelera.

Postremo et hoc addam, Evangelium proponit dulcissimam *ἐπιείκειαν* legis divinae. Etsi enim lex perfectam obedientiam requirit, tamen *εὐαγγέλιον* testatur nos recipi propter Mediatorem Filium Dei, et placere Deo inchoatam obedientiam propter Mediatorem, etsi adhuc imperfecta est in hac vita, et multis sordibus contaminata.

Haec tota doctrina est quaedam *ἐπιείκεια* legis, et ex hoc fonte multa argumenta explicantur: Si vis in vitam ingredi, serva mandata; Nemo servat mandata: erge nemo in vitam ingreditur. Neganda est minor: Paulus servat mandata iuxta *ἐπιείκειαν*, in Evangelio traditam, id est, persona propter Christum recepta est fide et obedientia, quanquam imperfecta, tamen iam placet Deo propter Mediatorem. Hanc *ἐπιείκειαν* intelligere prodest, et ad conscientias erudientias, et ad cogitandam magnitudinem misericordiae Dei.

Supra dictum est, unde fontes aequitatis sumantur, scilicet ex collatione legum superiorum ad inferiores, et ex circumstantiis. Superior lex iubet Abraham mactare filium, ideo cedit lex inferior: Non occides. Ita superior lex: Neminem laedas, vetat depositum gladium reddi furenti. Ita superior lex: Neminem iniuste laedas, moderatur inferiorem, videlicet: Servas foedera. Ideo Pausanias⁶⁶) non adiuvat 30 tyrannos, tametsi confoederatus.

65) Historia et acta Concilii Chalcedonensis a. 451. habiti reperiuntur in Mansi sacrorum conciliorum novae et amplissimae collectionis Tomo VI. p. 529 sqq. et VII. p. 1 sqq. Quae h. l. de connubio eorum, qui coelibatum promiserant, dicta sunt, spectare videntur ad canonem „XVI. De Virginitate et Monachis. Nec eam quae se Domino Deo virginem vovit, eodem modo nec monachis nubere licebit. Si vero hoc facere voluerint, a communione suspendantur. Contentibus autem decrevimus ut habeat auctoritatem eiusdem loci episcopus misericordiam humanitatemque largiri.” (vid. Mansi l. I. T. VII. p. 397. T. VI. p. 1228.).

66) De his rebus a Pausania rege Lacedaemoniorum (402—394 a. Chr.) gestis conf. Xenoph. Hellen. II. c. 4. §. 20 sqq. Justin. hist. V. c. 10. §. 6 sqq. Diod. XIV. 33.

Haec collatio legum consideranda est hoc loco, ac⁶⁷) Aristoteles argute hos fontes quaerit disputans, an, si aequitas recta est, summum ius iniustitia sit? Respondet Aristoteles genere congruere utrumque, summum ius et aequitatem, id est, utroque probantur recta, et damnantur turpia, sed gradibus differunt propter circumstantias, ut de furto, utraeque leges, recentes et veteres, genere congruunt, damnant furtum, et puniunt, sed propter circumstantias aliquae sunt mitiores. Nunc pauciora frena sunt disciplinae⁶⁸), quam olim, et hae gentes⁶⁹) sunt ferociores, ideo lex exasperata est. Sic Paulus de magistratibus loquens Roman. 13, (3.) tantum de genere poenarum loquitur: Magistratus sit honori bonis operibus, et terrori malis. Discernit leges in genere, nec praescribit modum, sed concedit exasperari leges, quia politiarum asperitates sunt poenae humanorum peccatorum divino iudicio, in quo delinquens, reus est mortis, etiam tunc, cum leges humanae ei parcunt. Ideo dicitur lex valere, partim propter rationem, scilicet, quod ad genus attinet, partim propter auctoritatem magistratus. Ex his facile intelligi potest responsio Aristotelis.

Sed tamen illud lector monendus est, saepe summum ius pro calumnioso dici. Id simpliciter iniustum est, ut noctu populari, cum dierum induciae pactae sunt⁷⁰); item, cum Herodes propter iusiurandum interficit Ioannem⁷¹). Et Saul propter suam stultam traditionem, filium, quem Deus ornaverat victoria, interfecit⁷²). Et Iudaei vetant Christum in sabbato curare⁷³). In talibus casibus non congruunt genere, summum ius et aequitas, quia calumniosa interpretatio prorsus extra legem est, et est iniustitia, prohibita aliis legibus. Multa et magna volumina sunt plena harum disputationum de summo iure, et de mitigatione, sed his fontibus cognitis, quos hactenus recensui, facilius erit explicatio.

67) ac] sic Editt. 1545. et 1546.; Editt. 1550., 1554., 1557. et 1560. ut.

68) sunt disciplinae] sic Editt. 1546., 1550., 1554., 1557. et 1560.; Editt. 1545. hae disciplinae.

69) hae gentes] sic Editt. 1546., 1550., 1554., 1557. et 1560.: Editt. 1545. egentes.

70) Conf. supra p. 400. nota 20.

71) Matth. 14, 9.

72) 1. Sam. 14, 44.

73) Conf. Marc. 3, 2—5.

In tertio titulo libri Digestorum citantur verba Theophrasti in hanc sententiam, leges ferri de his, quae plerumque accidunt⁷⁴). Frenat legislator petulantiam, ut in lege de poena furti. Nam magistratus officium est, primum omnium petulantiam coercere et punire.

Interea scit legislator gradus esse, et accidere magis vel minus atrociam, quam de quibus lex dicit. Accedit igitur autoritas iudicis, quae durius aut mitius punit. Haec brevissime recito, ut regulam studiosi meminerint, leges de genere aliquo condi, quod plerumque accidit, ut saepe dixi: Lex de sabbato sancit, ne quis petulanter faciat operas impediens frequentiam ministerii sacri. Hoc genere animadverso, facile iudicari⁷⁵) potest de aliis casibus, cum sine petulantia propter necessitatem fiunt operae, ut, cum Maccabaei dimicabant in sabbato, iuxta regulam: Moralia sunt anteferenda ceremonialibus, seu (Matth. 12, 7.): Magis volo misericordiam, quam sacrificium. Hoc ipsum quod nos dicimus videndum esse, de quo genere lex principaliter loquitur, iurisconsulti dicunt his verbis: Spectandam esse rationem legis, quam vocant animam legis, et iuxta hanc dicunt extendi vel restringi legem. Disputant de definitione iuris, cur dicatur hic ars boni et aequi, cum tamen bonum et aequum sit correctio legum, ut hic dicitur.

Respondeo: Recte dicitur: Ius est ars boni et aequi, videlicet scripti et non scripti, id est, est nosse scriptum et causas scripti, et videre cur scriptum sit aequum, et ubi asperius aut mitius iudicandum sit, nec significat hoc loco bonum et aequum solam correctionem scripti, sed generaliter id, quod ad normam rationis quadrat, dextre ex lege naturae collectum, sive lege expressum sit, sive in aliquo casu collatione legum inveniendum sit, ut lege expressa est aequitas, caedem petulanter factam capitali poena luendam esse, prorsus fortuitam caedem non puniri. Sed quaerenda erat collatione legum aequitas, in iudicio militis adolescentis⁷⁶), qui tribu-

74) Digest. I. I. tit. 3. fr. 3. (Corp. iur. civ. ed. Beck T. I. P. I. p. 160.): iura constitui oportet, ut dixit Theophrastus, in his, quae ἐπι τὸ πλείστον accidunt, non quae ἐκ παραλόγου.

75) iudicari] sic Editt. 1545., 1546. et 1550.; Editt. 1554., 1557. et 1560. iudicare.

76) Plutarch. in vita Maril c. 14., ubi hoc narrat, illum militem Trebonium, at Valer. Max. 6, 1, 12. C. Plotium nominat.

num⁷⁷) interfecerat, stuprum illaturum. Hunc militem Marius non solum absolvit, sed etiam corona donavit, inspectante toto exercitu, et illustris ratio est huius sententiae, quia adolescens magis depellere turpitudinem, quam mortem debebat.

Rursus in fine auditores dicta ex sacris libris de severitate et aequitate repetant. De severitate dicitur: Non parces ei, qui occiderit hominem etc. Haec lex proprie concionatur magistratui, et de atroci scelere. Reliqua sunt multa dicta de aequitate, quae plurimum et plerumque valent in privatis offensionibus sanandis (Luc. 6, 36. 37.): Estote misericordes. Remittite, et remittetur vobis. Ecclesiastae⁷⁸) 7, (17.): Noli esse nimis iustus, ne plus sapias, quam necesse est, id est, non quaeras acerbitatem summi iuris, sed flecte animum ad aequitatem⁷⁹) probabilem, ut, Thrasylus summo iure poterat adversariis bona eripere, sed reliquit eos in possessione, et sanxit ἀμνηστίαν⁸⁰).

Nec sapias plus quam necesse est, id est, non gubernes aliena a tua vocatione, nec quaeras cavillatorie inexplicabilia. Proverb. 30. (33.): Qui nimium emungit, elicit sanguinem. Philipp. ultimo (4, 5.): ἐπιείκεια vestra nota sit omnibus. Iacob. 2, (13.): Misericordia superet iudicium⁸¹). Sic apud Deum temperatur severitas ingenti ἐπιεικείᾳ⁸²), quia approbatur imperfecta, mendica⁸³) et sordida obedientia piorum, etiamsi adhuc multum habent vitiorum, modo ut adsint initia fidei et obedientiae. Sicut scriptum est (Rom. 5, 20.): Gratia exuberat supra peccatum.

Redit Aristoteles ad quaestionem supra motam, an sese interficiens, ut Cato, iniuriam sibi

77) Tribunus iste militaris, C. Lusius, in exercitu C. Maril, propinquus erat huius imperatoris, sororis scilicet filius. Hoc Marius a. u. c. 650., quo his consul factus erat, egregie perfecit. Cfr Cic. pro Milone 4, 9. Quintil. Declamat. 3. et Plutarch. Apophth. T. VI. Reisk. p. 761.

78) Ecclesiastae] sic recte Editt. 1545., 1546. et 1550.; (Editt. 1557. et 1560. Ecclesiast.); Edit. 1554. falso: Ecclesiasticae.

79) summi iuris, sed flecte animum ad aequitatem] sic Editt. 1545., 1546., 1550., 1554. et 1557.; in Edit. 1560. omitta.

80) Conf. supra p. 234. nota 50.

81) Misericordia superet iudicium.] sic Editt. 1550., 1554., 1557. et 1560.; Editt. 1545. et 1546. Misericordiae maior est gloria, quam iudicii.

82) ἐπιεικείᾳ] sic Edit. 1546.; Editt. 1545., 1550., 1554., 1557. et 1560. ἐπιείκεια.

83) mendica] sic Editt. 1545., 1546., 1550. et 1560.; Editt. 1554. et 1557. mendacia.

faciat⁸⁴), et acute respondet, facere eum iniuriam civitati, non sibi, quia civitas prohibet necari civem a se, vel ab alio. Supra autem respondit planius, scienti et volenti non fit iniuria, scilicet, simpliciter volenti, et in re, quam potest velle. Cato non habet potestatem sui corporis, sicut recte dicunt iurisconsulti: Nemo est dominus membrorum suorum. Recte igitur⁸⁵ dicitur, Catonem et sibi facere iniuriam, quia etsi vult necem, tamen velle eam non licet, sed Deus et lex magis sunt domini nostri corporis, et rerum nostrarum, quam nos ipsi. Graeca phrasid est, non iubet se interficere, pro, iubet se non interficere.

Tandem post spinosas argutias in fine dicit, quomodo aliquis sese possit iniuria afficere, videlicet hoc modo, quia pars superior in homine, et inferior, sunt velut duae personae, et hae debent inter se mutua officia, et mutuam defensionem: ergo cum non praestant debitum, altera alteram iniuria adficit, ut, si⁸⁶ dominus servum obedientem fame necet. Haec est principalis solutio huius longae quaestionis in textu.

De ambitione⁸⁷.

Licetne petere gubernationes, seu⁸⁸) in Ecclesia, seu in politia? Respondeo: Licet petere

84) Ab his verbis interpretatio capitis XI. libri V. Aristot. in Editt. sex posterioribus huius commentarii 1545—1560. incipit. Editt. sex priores 1532—1544. huius interpretationis loco non nisi Aristotelis verba in latinum sermonem translata continent in tres partes divisa, quarum cuique inscriptio praemissa est, scilicet, verba §. 1—6. inscripta sunt: Quomodo sit iniustus dicendus is, qui sibi mortem consciscit. — §. 7. 8. Comparatio utrum sit maius malum iniuriam facere, an iniuriam pati. — §. 9. 10. Quomodo aliquid iustum dicatur erga nos ipsos.

85) igitur] sic Editt. 1550., 1554., 1557. et 1560.; Editt. 1545. et 1546. ergo.

86) ut, si] sic Editt. 1545., 1546., 1550., 1554. et 1557.; Edit. 1560. ut sit.

87) Hoc caput, quod Editt. sex posteriores 1545—1560. in fine huius commentarii continent, in Editt. sex prioribus 1532—1544. eam ob causam deest, quod ad librum V. Ethic. Aristot. non pertinet. — In Edit. 1535. et in Tom. IV. Edit. Basil. Operum Mel., ubi hic commentarius recusus est, p. 292 sqq. pro illo capite hic conspectus reperitur:

Summa quinti libri Ethicorum.

Iustitia legitima est parere legibus de quocunque officio latis. Iustitia est quae contractus praemia et poenas constituit. Distributiva praemia et poenas, confert personas. Commutativa contractus confert lucrum et damnum. Contractus est voluntaria communicatio rerum seu personarum.

Iustitia est τὸ ἀντιπεπονθός, respicit tantum συναλλακτικὴν, non νομικὴν iusti.

Iusta alia naturalia, alia legalia. Ius naturae notitia de moribus omnibus divinitus impressa, vocant prin-

adferenti⁸⁹) conscientiam mediocris industriae, et permittenti⁹⁰) iudicium iis⁹¹), ad quos pertinet

cipia practica, θεωρητικὰ sunt demonstrationes geometricae. Aristoteles definit φυσικὸν ὃ πανταχοῦ τὴν δυνάμιν ἔχει.

Quaedam naturalia mutantur. Ius positivum est, quod priusquam constitutum erat, nihil referebat sic aut aliter fieri. De consulto et inconsulto admissis. Inconsulto admissa condonantur, si quis peccet ignorantia facti. Quod si ignorantia peccat, non tamen errore, sed affectu, neque natural, neque humano impulsus, non condonantur. Volenti non fit iniuria. Causa, quia potest unusquisque de suo iure concedere. Si ius donandi habeo, quare etiam non habeo quod sinam me prudentem falli et decipi. Iusta sunt alia κατὰ ἐπιτέλειαν, alia κατὰ τὸ ἀκριβοδίαιον.

Ἐπιτέλεια cum iuris acerbitas mitigatur. Habet causam quod inferiores leges superioribus corriguntur.

Ἀκριβοδίαιον ius strictum.

Secundus Ethicorum.

De causa, virtutis causae sunt. Iudicium rationis et voluntas obtemperans, et movens ad recte agendum. Crebrae actiones pariunt habitum, is vocatur virtus. Sic quoque artes comparantur.

Habitus } Intellectus, Ars, Prudentia etc.
 } Animi virtus.

Potentiae duplices } Irrationales
 } Rationales.

Tria sunt in anima } Affectus
 } Potentia
 } Habitus.

Affectus est vel brevis vel durabilis motus, prosequens ea quae bona sunt visa, aut fugiens ac depellens ea quae mala sunt visa. Habent affectus in natura organa. Virtus igitur non est affectus, nam ii innascuntur, sed virtus non innascitur.

Confutatio Stoicorum, qui sapientem volunt esse ἀπαθῆ.

1. Affectus et appetitio ex natura eximi non possunt. Sunt alii affectus a ratione dissentientes, quos haesimus ex peccato originis, ut ambitio etc.

2. Alii rationi conveniunt, ut amor parentum, et haec sunt στοιχαὶ φυσικαί, hi sunt creaturae Dei bonae; quia autem in hac carne haerent, contaminantur et ipsi.

3. Spiritus sanctus novos affectus in mentes inserit, ergo non convenit Stoicorum sententia cum Evangelio.

4. Christiana virtus sunt affectus a Spiritu sancto insiti. Deinde pergit Aristoteles et concludit, virtutem neque potentiam esse. Nam et potentiae nobiscum nascuntur. Reliquum igitur est a sufficienti enumeratione, ut genus virtutis sit habitus.

Virtus quid.

5. Est habitus qui mediocritatem servat, cum in affectibus tum in contrahendo. Sic refertur virtus ad mediocritatem, omne enim nimium vitiosum. Porro mediocritas illa non est exacte, sed ἐν πλάτει intelligenda, et convenit sumere medium, non secundum rem, sed secundum nos, pro prudentis viri arbitrio, et prout res postulat: aliquando sit severior, aliquando remissior etc. Atque ea est proportio geometrica. Arithmetica est, quum medium certa ratione semper sumitur, nullo neque rerum neque personarum respectu.

Virtus est habitus electivus in mediocritate secundum nos consistens, certa ratione, quemadmodum prudens iudicabit. προαιρετικὴ (pro quo typogr. errore: προαιρετικαί) ἔστι quae suscipit actionem consulto seu certo iudicio.

Secundum nos, non secundum rem, quemadmodum dicunt magistratum esse animam legum, pro varietate rerum et personarum illud medium variat

electio. Hanc conclusionem confirmat dictum Pauli, 1. Timoth. 3, (1.): Qui episcopatum de-

Virtutum divisio.

Timiditas	Fortitudo	Andacia
Sordes	Temperantia	Intemperantia
<i>μικροπρέπεια</i>	Liberalitas	Profusio
Humilis animus	<i>μεγαλοπρέπεια</i>	<i>βαναυσία</i>
Cupiditas honoris	Magnitudo	animi Fastus
Lentus animus	Mansuetudo	Ambitio
Dissimulatio	Veritas	Iracundia
Insulsitas	Urbanitas	Vanitas
Morositas	Amicitia	Scurrilitas
Stupor	Gratitudo	Assentatio
	Verecundia	Ingratitudo
	Iustitia	Impudentia
		Iniustitia.
	Summa.	
	1. Causa virtutis	
	2. Genus	Obiter de affecti-
	3. Differentia	bus et medio
	4. Definitio tota	virtutis.
	5. Divisio.	

Primus Ethicorum.

Ethices cognitio est utilis,
 1. Docet enim humanitatem.
 2. Et sunt inde natae leges.
 Et honesta quoque.
 Ducit enim hominem in sui ipsius
 1. Cognitionem civilem.
 2. Et est donum Dei.
 Multum quoque prodest collata cum
 sacris literis.
 Praefertur Aristotelis philosophia aliis
 cum propter certas demonstrationes,
 tum propter methodum.

Caput I.

1. Quaelibet ad certum natura est condita finem.
2. Optimus est finis tandem et supremus habendus.
 Non inuito natura errore vagatur.
3. De hominis fine. Tria sunt vitae genera: politica gloriam, voluptaria voluptatem, studiosa virtutem. Illi igitur rectissime sentiunt, qui foelicitatem finem hominis esse iudicant, quae est virtutis actio.
4. Hic Platonis sententiam reprehendit.
 Idea est perfecta rei cognitio, doctrina et usu comparata et confirmata. Plato collocavit foelicitatem in perfecta virtutis notitia, quae gignat et gubernet actiones.
5. Est autem foelicitas actio secundum optimam et perfectissimam virtutem in vita perfecta.
 Hic colligit demonstratione certa finem hominis esse eius propriam actionem. Nam cum tres vitae sint gradus, vegetativa, sensitiva et rationalis, tertius gradus hominis est proprius.
 Rationis duo officia, } Iudicare de moribus.
 } Inquirere naturam.
6. Conciliat suam sententiam cum aliis.
8. (sic, omissio 7.) Voluptas est convenientia actionis cum natura. Est autem cum in sensu, tum in animo. Epicurus virtutem non expeteret, si non esset ei adita voluptas. Aristoteles solam per se expetit.
 Et Aristoteles vocat voluptatem approbationem conscientiae, Epicurus vacuitatem doloris. Requiritur autem ad foelicitatem tria honorum genera.
9. Causae foelicitatis, iudicium rationis, et voluntas obtemperans. Nisi enim esset in nostra potestate eam parare, falsa esset sententia. Finis est omnibus individuis in unaquaque specie communis. Sic est liberum

siderat, bonum opus desiderat, id est, sicut pium est, se ad alios honestos et possibiles labores offerre, sic pium est, se ad docendi aut gubernandi laborem offerre, si sit mediocris industria, et Paulus bonum nominat, non solum quia Deo placet, et aliis salutare est; sed etiam, quia arduum est, et non sine multis virtutibus sustineri potest. Sed multa obiiciuntur, primum hoc:

Non est appetenda gubernatio ultra vires nostras posita, quia dicitur (Rom. 12, 16.):
 Altiora te non appetas.

Gubernatio cum Ecclesiae, tum politicae longe superat vires humanas.

Non est igitur appetenda.

Minor manifesta est, et 2. Corinth. 3, (5.) clare dicitur: Non sumus sufficientes ex nobis prospicere aliquid. Item: Nemo potest sibi quicquam sumere, nisi ei datum sit desuper⁸⁸). Et Salomon expresse inquit (1. Reg. 3, 9.), se non posse regere tantam multitudinem populi. Respondeo: Neganda est maior, nam utraque est vera, et sciendum est, gubernationes supra nostras vires positas esse, et tamen appetendas esse, modo adferas haec duo, fidelitatem, et petitionem divini auxilii. De fidelitate dicitur 1. Cor. 4, (2.): Hoc in ministris postulatur, ut fidelis quis inveniatur. Fidelitas autem duo complectitur, conscientiam mediocris industriae, et diligentiam. Nam adferens ignorantiam adfectatam, infidelis est. Ut enim ignari artis medicae, qui tamen profitentur se medicos, sunt impostores, et

arbitrium in civilibus virtutibus aliquousque, impeditur enim nonnunquam effectibus, nonnunquam a Satana.

10. Confutat Solonis sententiam. Propositio vera de praeterito habuit veram de praesenti quoque, foelicitas autem non pendet a fortuna. Neque infortunia virtutem beate excutiunt; est enim ceu cubus, fieri tamen potest ut impediunt, et ad infoelicitatem transferant, si sint magna.
11. Duae hominis partes: Rationale, quod dividitur in iudicium vel mentem, et appetitivum; Irrationale in sensitivum et vegetativum. Sententia: Ratio *παρὰ τὸν* ad optima, est accipienda de notitiis, quae nos hortantur ad virtutem. Nam si iustitiam christianam spectes, prudentia carnis mors est. Illae ipsae notitiae quantumvis bonae non vivificant.

88) seu] (p. 411.) sic in Editt. 1546., 1550., 1554., 1557. et 1560.; in Edit. 1545. deest.

89) adferenti] (p. 412.) sic Editt. 1545., 1546., 1550. et 1560.; Editt. 1554. et 1557. adferendi.

90) permittenti] (p. 412.) sic Editt. 1545., 1546., 1550. et 1560.; Editt. 1554. et 1557. permittendi.

91) iis] (p. 412.) sic recte Editt. 1545., 1550., 1554., 1557. et 1560.; Edit. 1546. ii.

92) Conf. Ioann. 19, 11.

nocere cogitant, ita in gubernatione quacun- que adferentes ignorantiam adfectatam, sunt infide- les, id est, habent voluntatem nocendi. De spe auxilii divini inquit Christus (Matth. 10, 20.): Non vos estis, qui loquimini, sed Spiritus Patris coelestis. Item (Matth. 28, 20.): Ego ero vobis- cum usque ad consummationem seculi. Hic lu- cet ingens ἐπιείκεια: Nemo est par gubernationi vitae, seu suae, seu alienae, et tamen approbat Deus sustinentes eam, si adferamus⁹³⁾ fidelitatem et petitionem auxilii divini.

Multa non prospicit paterfamilias, multo plura negligunt principes et gubernatores Eccle- siarum. Hinc igitur proluxa ἐπιεικεία⁹⁴⁾ opus esse intelligimus, ut docet parabola de negotian- tibus (Luc. 19, 13 sqq.), quae promittit diligen- tiae praemia et successus.

Aliud argumentum:

Ambitio est, non expectare vocationem. Petens non expectat vocationem. Est igitur am- bitiosus. Respondeo ad maiorem: Ambitio est petere gubernationem, nec permittere iudicium vocantibus, sed pugnare vi, aut aliis modis pro- hibitis, ut assequaris id quod petis.

Talis non expectat vocationem, sed quan- tum in ipso est, rapere gubernationem conatur. At petitio, quae permittit iudicium vocanti, non est ambitiosa. Expectat enim vocationem sic pe- tens, ac tantum significat voluntatem suam, si videatur idoneus. Nam superior, nec nosse mul- tos potest, nec deligere⁹⁵⁾ ex multis idoneum, nisi se aliqui offerant. Et exploranda est, non solum industria, sed etiam voluntas, sicut scriptum est (2. Cor. 9, 7.): Hilarem datorem diligit Deus. Et

93) adferamus] sic Editt. 1545., 1546. et 1550.; Editt. 1554., 1557. et 1560. adferemus.

94) ἐπιεικεία] sic Edit. 1546.; Editt. 1545., 1550., 1554., 1557. et 1560. ἐπιεικεία.

95) deligere] sic Editt. 1545., 1546. et 1550.; Editt. 1554., 1557. et 1560. diligere.

verum est dictum Plauti in Stich⁹⁶⁾: Stultitia est pater, venatum ducere invitas canes. Cum prae- ficitur aliquis invitus ac repugnans, et fortassis donum serviendi non habens, fastidiosius facit officium. Quare utile est apud vocantem, signi- ficare voluntatem. Sic voluntarii concurrunt ad Gideonem⁹⁷⁾, Maccabaeum, et alios. Et Pau- lus inquit (1. Cor. 14, 31.): Volo omnes prophe- tare, seu ordine, id est, ne vocati recte docen- tes impediuntur, ut veteri consuetudine, sicut nunc in scholis liberum fuit omnibus disputare, et modeste interrogare episcopos seu doctores. Nunc ad minorem respondeo: Neganda est mi- nor: Petens pius, etsi se offert, tamen expectat vocationem, quia obtemperaturus est iudicio su- perioris, et id nec studet corrumpere, nec impe- dire iniustis modis, nec pugnat haec petitio cum ea virtute, quae vocatur humilitas, nam humili- tas non est ignavia, sed vult agere ea, quae ad vocationem pertinent. Verum agit ea non fiducia suae industriae, sed fiducia divini auxilii, nec despiciens alios. Est enim humilitas virtus, qua agnoscentes infirmitatem⁹⁸⁾ et sordes nostras, vere timemus Deum, et nihil agimus supra vo- cationem, et quae mandata sunt, agimus fiducia auxilii divini, non nostrae industriae, nec despi- cientes alios, sed scientes Deum posse aliis orga- nis uti, et nullius industriam foelicem esse, nisi Deo iuvante. Ita David fuit humilis, etsi minime ignavus⁹⁹⁾ aut otiosus, sed agnoscebat suam in- firmitatem, timebat Deum, et in vocatione Deo obtemperabat, et res mandatas gerebat fiducia di- vini auxilii, nec alios despiciebat¹⁰⁰⁾.

96) Plaut. Stich. 1, 2, 82.

97) Gideonem] Editt. 1545., 1546., 1550., 1554. et 1560. Ge- deonem, Edit. 1557. typogr. errore: Geleonem. — Conf. Iud. 7.

98) infirmitatem] sic Editt. 1550., 1554., 1557. et 1560.; Editt. 1545. et 1546. infirmitates.

99) minime ignavus] sic Editt. 1550., 1554., 1557. et 1560.; Editt. 1545. et 1546. minime fuit ignavus.

100) alios despiciebat.] sic Editt. 1550., 1554., 1557. et 1560.; Editt. 1545. et 1546. despiciebat alios.

IV.

PH. MEL. COMMENTARII IN ALIQUOT POLITICOS LIBROS ARISTOTELIS.

Horum commentariorum tres editiones in Prolegomenis p. 17 sq. commemoravimus, quarum princeps inscripta est:

Commentarii in aliquot politicos libros Aristotelis. Philip. Melanch. M. D. XXX. Witebergae. — (In fine:) Impressum per Iosephum Clug. XXX. (sic) 8. 4 plagg. (3 ult. pagg. vac.).

Altera prodiit *Hagenoae M. D. XXXI. 8.*

Tertia cum Ethicorum commentariis coniuncta est sic inscripta:

Commentarii in Primum, Secundum, Tertium, et Quintum Ethicorum Philippi Melanchthonis. Eiusdem in Aristotelis aliquot libros Politicos Commentaria.

Argentinae apud Ioan. Albertum. — (In fine:) Argentinae apud Ioan. Albertum, Mense Martio, Anno, M. D. XXXV. 8. 17 plagg.

Hic liber recusus est in operibus Melanthonis Basileensibus Tom. IV. p. 266 sqq.

IN POLITICA ARISTOTELIS.

Politica ars est continens generalia quaedam praecepta de ordinatione civitatis. Sicut architectonica ars est qua formae aedificiorum describuntur. Ita politica certam formam civitatis describit, disputat de rerum divisione, de connubiis, de magistratibus, de legibus, de populi officiiis, de contractibus, de poenis.

Sed initio magnopere opus est discernere politicam ab Evangelio et imperitorum opinionem convellere, qui somniant Evangelium nihil esse aliud nisi politicam doctrinam, iuxta quam civitates constituendae sint. Hic error non una tantum aetate mirabiliter perturbavit respublicas, dum fanatici homines abrogatis aliis legibus conantur iuxta Evangelium civitates constituere. Sed vidimus exempla plura quam vellemus nostris

MELANTH. OPER. VOL. XVI.

temporibus, quare primum hic monendus est lector, quid intersit inter politicam doctrinam et evangelicam, et quomodo approbet Evangelium politicam doctrinam. Nos ad hanc rem declarandam hac utemur similitudine. Sicut medicina longe lateque ab Evangelio distat: sic politica longe lateque distat ab Evangelio; et quemadmodum medicina continet doctrinam, quae ratione constat: ita politica ratione constat, nec magis ad Evangelium pertinet quam medicina. Sed ut optabile est ut medicus pius sit: ita optandum est ut sit pius is qui rempublicam gubernat. Artes ipsae tamen nullam habent cognationem cum Evangelio. Nam Evangelium patefacit iustitiam aeternam, quam corda concipiunt per fidem, interim iubet foris uti legibus et politiis omnium gentium, apud quas vivimus.

Politica vero est doctrina de externa actione in vita, de rerum possessione, de successione, de contractibus et similibus rebus, haec non sunt similia apud omnes gentes. Aliae leges sunt apud Persas, aliae Athenis, aliae Romae. Sicut autem Christianus alias alio vestitu utitur, seu ut alibi aliis dierum spatiis utitur: ita licet ei uti cuiuscunque loci politia, Esras apud Persas iudicat res ex Persicis legibus. Hierosolymis iudicat ex Iudaicis legibus. Centurio in Iudaea Iudaicis legibus utitur, Romae Romanis. Nec magis ista ad Evangelium pertinent quam vestitus, quam ipsa dierum spatia. Et hoc discrimen Evangelii et politices nosse valde conducit ad retinendam tranquillitatem, et augendam reverentiam erga magistratus. Vere enim seditiosi iudicandi sunt isti, qui cum doceant Evangelium, irrumpunt in alienam functionem, ferunt leges de divisione haereditatum, de tributis, de contractibus, de poenis malefactorum. Sicut multis locis concionatores vetant suspendi fures, ferunt leges de decimis, damnant publice receptos contractus etc. Wicleff¹⁾ valde tumultuatur et contendit decimas non esse solvendas otiosis sacerdotibus. Capito²⁾ contendit ut principes remittant aliquid de annuo tributo. Cinglius³⁾ vocat vectigalia Harpyias; alii venationes publicas⁴⁾ Anabaptistae damnant iudicia etc.*). Hi errores praeterquam quod impii sunt, etiam labefaciunt tranquillitatem publicam. Quare prodest adversus hanc impietatem bene munitum esse, et recte⁵⁾ tenere discrimen Evangelii et politices, ac scire quod Evangelium ad cordis iustitiam pertineat, non pertineat ad civilem statum. Imo approbet omnes formas rerum-

1) Conf. supra p. 259. nota 11.

2) Wolfgangus Fabricius Capito (proprie Köpflin), theologiae, canonum et medicinae Doctor, inde ab a. 1523. concionator Argentoratensis, prius Bruchsalensis, postea Basileensis et Moguntiacus, aliquamdiu etiam consiliarius Alberti archiepiscopi Mogunt. (Capitonis nomine alius etiam insignis theologus Anglicus insignitur, scil. Robert Grosthead, inde ab a. 1235. episcopus Lincolnensis [quapropter Robertus Lincolnensis appellatur], a. 1253. mortuus.).

3) i. e. Huldricus Zwinglius, ecclesiastes Tigurinus, reformator ille celeberrimus, qui 1. Ian. 1484. Wildhusiae natus, 11. Oct. 1531. in proelio ad Cappel commisso interfectus est.

4) venationes publicas] sic Ed. 1535.; Ed. 1530. venationes publicant.

*) Sicut multis locis — iudicia etc.] sic Editt. 1530. et 1535.; Edit. Basil.: Sicut Anabaptistae damnant iudicia et poenas publicas legibus constitutas, Monetarius volebat res iudicari ex legibus Mosaicis etc.

5) recte] sic Editt. 1530. et Basil.; Edit. 1535. recta.

publicarum, modo sint consentaneae rationi, sicut approbat architectonicam, aut medicinam rationi consentaneam.

Pauci in Ecclesia fuerunt scriptores, qui satis perspexerunt hoc discrimen. Itaque pontifices invaserunt imperia, arrogaverunt sibi ius transferendi regna. Nos igitur diligenter observemus maximum intervallum inter Evangelium et politicam esse. Et politias omnes approbari ab Evangelio, si cum ratione*) consentiant. Ac videte quae sit stultitia. Si quis theologus velit medicinam exercere, nonne hunc omnes irriderent, quia artem, quam non didicisset, profiteretur? Ita iure irridentur concionatores, qui volunt civitates gubernare, quum nunquam in republica versati sint. Veteres leges abolent, cum non intelligant causas cur latae sint, et una lege abrogata infinitas substituunt. Verum est enim illud Platonis⁶⁾, veteres leges mutare, perinde esse ac hydrae capita praecidere. Et quemadmodum in aedificio ruunt omnia uno aliquo tigno exempto: sic unius legis mutatio ruinam trahit omnium. Qua ex re necesse est infinitos motus existere: quare omnes magni viri et periti reipublicae regendae clamitant, omnem legum mutationem prohibendam esse, quantumvis habeant incommodi, quia semper mutatio reipublicae plus affert mali. Plurima extant in hanc sententiam praecepta summorum virorum, quae alias recitabimus. Nunc testimonio ducis Saxoniae Friderici contenti erimus, qui, si quis alius, vir fuit reipublicae in toga gerendae scientissimus, nec tantum administratione domestica versatus, sed iactatus in maximis et periculosissimis negotiis totius imperii Germanici. Huius auctoritas plurimum apud nos valere debet, tum propter singularem ingenii divinitatem, qua praeditus fuit, tum propter longum usum rerum. Itaque quoties ad hunc deferebatur exemplum, quod mutationem aliquam allaturum videretur⁷⁾, pertinacissime adversabatur, subiiciens rationem his verbis: Es macht bewegung. Hac voce significabat summa cura

*) cum ratione] sic Editt. 1530. et 1535.; Edit. Basil. cum iure naturae.

6) Plat. de republ. l. IV. (op. ed. H. Steph. T. II. p. 426. e. — ed. Bipont. Vol. VI. p. 341.): και γάρ που εισι πάντων χαριστάτοι οι τοιοῦτοι, νομοθετοῦντες τε οἱ αἱρετήσιμον, και ἐπανορθοῦντες αἱεὶ, οἰόμενοι τε πέρας ἐδρῆσειν περὶ τὰ ἐν τοῖς συμβολαίοις κακουργήματα, και περὶ ἃ νῦν δὴ ἐγὼ λέγων ἀγνοοῦντες οἱ τι ὄντι ὡς περ Ἰσθραν τέμνουσι.

7) videretur] sic Ed. 1530.; Ed. 1535. videtur.

providendum esse his qui tenent respublicas, ne sererentur ullae occasiones aut causae motuum. Semel excitati tumultus, postea multis seculis non consulescunt *).

Ut igitur Socrates initio suae politiae dimisit e sua civitate poetas: ita nos theologos non quidem civitate eiiciemus, sed tamen a gubernaculis reipublicae removebimus, ne novas leges ferant, et rogabimus eos, ut suum faciant officium, et Evangelium pure tradant, de fide, quae est aeterna iustitia, de poenitentia, de charitate. Haec privata doctrina est piorum, sicut privata ars est medicina. Interea sinant reges ac principes ad coercendos impios ferre leges, et munire pacem iudicii et poenis. Ita Christus praecepit: Reges gentium dominantur, vos non sic⁸⁾. Vetat enim privatos homines praetextu Evangelii publicas leges mutare et imperia invadere. Habent exemplum Christi, habent Apostolorum, qui non aboleverunt Romanas leges, non attigerunt politica, tantum Dei notitiam privatim sparserunt in pios. Sed facio finem, cum hac de re saepe alias dictum sit.

Quod Evangelium approbet politicas ordinationes.

Evangelium tradit iustitiam spiritualem et aeternam, quae paucorum est, interea opus est mundo ad coercendos impios tanquam carcere alia quadam doctrina, videlicet politica. Ut autem approbat Evangelium alias artes vitae necessarias, ut agriculturam, architectonicam: ita etiam approbat leges et politicas ordinationes rationi consentientes. Hunc locum theologus illustrare debet, ut dignitatem magistratuum ac legum intelligant⁹⁾, et qui praesunt, et qui parent. Id primum magistratuum conscientiae proderit, quum scient se gerere munus a Deo commissum,

petent et expectabunt a Deo auxilium. Deinde subditi maiore¹⁰⁾ religione parebunt tanquam Dei vicariis, quia sentient magistratus et politicam ordinationem perinde ad vitae utilitatem a Deo conditam esse, ut haec rerum universitas, ut hoc pulcherrimum lumen solis, ut vices temporum a Deo conditae sunt, ut terrae foecunditas est donata ad alenda animantia. Imo praesentiam Dei propius cernimus in conservatione rerumpublicarum, quam in illa ipsa natura rerum. Nam in tanta saevitia Diaboli, in tanta hominum malitia, non possent¹¹⁾ consistere respublicae, nisi a Deo conservarentur. Nunc defendit Deus politias, et vindicta quam magistratus exercet, vere est opus Dei. Ideo in Psalmo (82, 6.) inquit Deus: Ego dixi Dii estis; ubi Deus palam testatur a se constitutos esse magistratus, ait enim: Ego dixi, id est, ego ordinavi magistratus. Quod Deos vocat, testatur eos officium gerere divinum, et Dei vicarios esse. Est igitur bona res politica ordinatio, sicut et Paulus docet Rom. 13, (1. 2. 4. 6.).

Haec sunt inculcanda animis hominum, ut magni faciant praesentes leges et magistratus, eisque religiose pareant. Quales autem esse leges debeant, non magis ad Evangelium pertinet, quam qualia pharmaca danda sint laborantibus febri.

Ad haec male consulunt suae tranquillitati theologi, dum affectant imperia. Nulla enim res in vita habet aut plura, aut maiora pericula, quam administratio reipublicae: quare et Demosthenes inquit, se si posset retexere suam vitam, malle certam mortem obire, quam ad rempublicam accedere, etiamsi certo sciret summos se honores consequuturum esse. In tot periculis Deus adest rite vocatis, non adest his, qui per ambitionem capessunt rempublicam non vocati etc.

IN PRIMUM LIBRUM POLITICORUM.

Sicut Ethica de privatis moribus disputant, et ex natura causas virtutum colligunt, ita poli-

tica disputant¹²⁾ de societate civili, et officiis ad societatem pertinentibus, et causas societatis ex natura ducit.

Primum igitur locus est in hoc libro de causis societatis. Est itaque initium societatis con-

*) Ac videte quae sit stultitia — consulescunt.] sic Editt. 1530. et 1535.; in Edit. Basil. haec desunt.

8) Matth. 20, 25. 26. Marc. 10, 42. 43. Luc. 22, 25. 26.

9) intelligant] sic recte Editt. 1530. et Basil.; Edit. 1535. intelligat.

10) maiore] sic Editt. 1530. et Basil.; Edit. 1535. timore.

11) possent] sic Editt. 1530. et Basil.; Edit. 1535. possunt.

12) disputant] sic Editt. 1535.; Editt. 1530. et Basil. disputat.

iunctio maris et foeminae. Inde tanquam coloniam ex familiis, civitatem deducit.

Deinde colligit rationes, quod homo natura ad societatem ducatur, non tantum utilitatis gratia. Hic locus paene iisdem verbis extat apud Ciceronem in Offic.*) Ratio sumitur a signo, quia homini sermo datus est, cuius usus non est nisi in societate. Natura autem nihil facit frustra οὐδὲν¹³⁾ γὰρ, ὡς φαμέν, μάτην ἢ φύσις ποιεῖ. Addit¹⁴⁾ encomium societatis civilis: ὁ δὲ πρῶτος συστήσας μεγίστων ἀγαθῶν αἴτιος. ὡς περ γὰρ καὶ τελεωθὲν βέλτιστον τῶν ζῴων ἀνθρώπος ἐστίν, οὕτω καὶ χωρισθὲν νόμου καὶ δίκης χειριστον πάντων. χαλεπωτάτη γὰρ ἀδικία ἔχουσα ὄπλα· ὁ δ' ἀνθρώπος ὄπλα ἔχων φύεται φρονήσει καὶ ἀρετῇ, οἷς ἐπὶ τὰναντία ἐστι χρῆσθαι μάλιστ'· διὸ ἀνοσιώτατον καὶ ἀγριώτατον ἀνευ ἀρετῆς, καὶ πρὸς ἀφροδίσια καὶ ἐδωδὴν χειριστον. ἢ δὲ δικαιοσύνη πολιτικόν· ἢ γὰρ δίκη πολιτικῆς κοινωνίας τάξις ἐστίν.

II.¹⁵⁾

Saepe admonui in Aristotele diligenter observandam¹⁶⁾ esse methodum. Nullus enim melior est artifex methodi, quam Aristoteles. Itaque vel ob hanc solam causam legi debebat, ut ab eo sumeremus exempla methodi, hoc est, iusto ordine docendi aliquid. Ut autem aliae artes incipiunt a quibusdam communissimis principiis natura notis, qualia sunt apud geometras. Totum est sua parte maius. Quae alicui tertio sunt aequalia, inter se sunt aequalia. Ad hunc modum et haec ars sua habet principia, a natura seu fine hominis sumpta.

Homo est ad societatem natura conditus.

Prima societas est legitima coniunctio maris et foeminae.

Nunc attexit alia principia.

Ex prima societate domus oritur, in qua sunt parentes, liberi, servi.

In societate multorum necesse est alios praesesse, alios parere.

*) Cic. de offic. l. I. c. 7. §. 22.

13) οὐδὲν] sic Aristot. Polit. l. I. c. 1. §. 10.; Editt. huius commentarii οὐτε.

14) Arist. Polit. l. I. c. 1. §. 12. Edit. Io. Gottl. Schneider [Francof. ad V. 1809. 8.] et Edit. Ad. Stahr. [Lips. 1839. 4.] (c. 2. Edit. Academiae regiae Boruss. ex recensione Imman. Bekkeri).

15) II.] sic in Edit. 1530.; in Editt. 1535. et Basil. deest.

16) observandam] sic recte Editt. 1530. et Basil.; Edit. 1535. observandam.

Et colligit causas servitutis et imperii ex natura. Natura enim imprudentiora et imbecilliora parent prudentioribus et fortioribus, quia habent opus alieno ductu, consilio, defensione. Eius rei signum affert ex hominis partibus. In homine aliae partes naturaliter serviunt, aliae naturaliter praesunt ac dominantur, similiter igitur in multitudine, prudentiores natura praesesse debent, et imprudentiores obedire.

Quem non delectet hoc loco acumen, cum tam apte¹⁷⁾ ex hominis partibus fontes et causas imperii et servitutis inter homines colligit, cum nihil prius habet, postquam societatis causas ostendit, quam ut de imperio dicat, ut significet societatem nullam existere posse, nisi imperio contineatur. Ut igitur impressae sunt in naturam causae, quae nos ad societatem colendam ducunt, ita sciamus etiam impressas esse causas naturae hominis, quae nos ducant ad imperia constituenda, et ad parendum magistratibus. Atque hoc est philosophi officium, tales leges, seu communes sententias in natura scriptas animadvertere et [explicare. Rhetores vocant theses huiusmodi, communes sententias, quia his positis, alia multa consequantur. Nascuntur itaque ex his thesibus postea iura civilia, quae sunt tanquam hypotheses harum communium sententiarum. Societas civilis est colenda: societas civilis non potest sine imperio retineri. Hinc sunt leges latae de vi publica, de his qui laedunt auctoritatem magistratuum etc.

Interim meminerint scholastici id quod et in Ethicis dixi, ius naturae vere esse ius divinum. Omnes igitur sententiae de civili societate, quae bona et firma consequentia colliguntur ex natura, pro divinis legibus erunt habendae atque colendae. Nec levis est auctoritas talium sententiarum ducenda. Ut enim oculis divinitus mirabile quoddam lumen donatum est ad videndum, ita ratio divinitus habet lumen quoddam ad iudicandas res ad corporalem vitam necessarias. Neque vero propterea omnium philosophorum somnia pro oraculis habenda sunt, sed delectus adhibendus est, quae sententiae certa de causa affirmantur, quae sine demonstratione dicantur. Tota res enim ad dialecticam et demonstrationes revocanda est. Illae tantum inter leges naturae numerari debent, quae in demonstratione cohaerent. Multa

17) apte] sic Editt. 1530. et Basil.; Edit. 1535. apta.

ridicule disputant Stoici et alii, quae cum non habeant satis firmas causas, iure repudiantur, sicut in medicina aut architectonica multa reiiciuntur, in quibus quamvis in speciem quaedam similia veri insint, tamen quum agitata et excussa sunt, vitia deprehenduntur.

Sed redeo ad Aristotelem, ut hunc locum, quo in hoc primo libro non alius est utilior, explicem: quum imperii et servitutis similitudinem in hominis partibus ostendit, simul deprehendit duas imperii seu domini species. Ac facile est videre, ex his tanquam ex fontibus omnes illas species imperii ac servitutis, quas enumerant iurisconsulti, ortas esse.

Prior species vocatur *δεσποτικὸν* imperium, quasi dicas herile dominium, quo modo anima imperat corpori. Corpus enim cogitur obtemperare animae agitati ac moventi, nec habet sine anima peculiares motus, sicut servus cogitur obtemperare domino, ac prorsus in aliena potestate est, aut sicut pecudes vinctae coguntur sequi ducentem. Unde Graeci argute fingunt *δεσπότην* dictum esse quasi *δεσμώτην*, hoc est, iniicientem vincula. Ex hac specie oritur acerbissima forma imperii, in qua dominus sine certa lege tenet potestatem vitae et necis. Qualis fuit regum apud barbaros olim autoritas, et nunc ferunt talem esse formam imperii apud Turcas, ubi princeps pro arbitrio facit omnia et subditi tanquam pecudes coguntur parere, quicquid imperat tyrannus.

Altera imperii species dicitur *βασιλικὸν* sive *πολιτικὸν* imperium, hoc est, regia seu civilis dominatio, quomodo mens imperat appetitioni, certa lege, et propter illius utilitatem. Neque temere cogit appetitum ut obtemperet. Ex hac oriuntur legitima imperia in rebus publicis, de quibus infra libro tertio dicitur. Et in hac specie magis lucet, quid sit imperium, videlicet prospicere alienae utilitati, gubernare et defendere alios, quia mens videt quid prosit, quid noceat, et erigit ac cohercet appetitum, et studet defendere salutem universi corporis. Ab hoc exemplo sumit sententiam, quae vulgo saepe citatur: *τὸ δυνάμενον*¹⁸⁾ *τῇ διανοίᾳ προορᾷ ἄρχον φύσει καὶ δεσπότην φύσει*¹⁹⁾. Quod praestat consilio naturaliter imperat reliquis.

18) *τὸ δυνάμενον*] sic Editt. huius commentarii; Aristoteles scripsit: *τὸ μὲν γὰρ δυνάμενον*.

19) Arist. I. I. c. 1. §. 4, Editt. Schneider et Stahr (c. 2. Edit. Academ.).

Postquam has imperii et servitutis species proposuit, docet eas in familia existere. Nam ad familiae imaginem, postea civitatem constituet, ideo primum multa de oeconomia disputat. Paterfamilias dominatur servis *δεσποτικῶς*, liberis regia dominatione, in uxorem mitius esse imperium convenit, quod *πολιτικὸν* vocat affine regio.

Hic disputari solet, quare Aristoteles dicat quosdam nasci servos²⁰⁾, cum iurisconsulti doceant servitute naturae contrariam esse, et iure naturali omnes homines ab initio liberos esse natos. Hoc sic explicandum est. Aristoteles de causa eius servitutis loquitur, quam sic vocant iurisconsulti. Iurisconsulti autem de effectu²¹⁾ loquuntur, seu de certa forma servitutis. Servitus apud Aristotelem significat imbecillitatem ingenii, cui opus sit regi alieno consilio. Apud iurisconsultos significat certam formam, qua victor continet victos. Et quidem litigat Aristoteles cum his qui sentiunt hanc servitute naturae contrariam esse. Ostendit enim quod habeat causas in natura positas, scilicet imbecillitatem ingenii, quae cum nascatur cum hominibus, necesse est eos regi alieno consilio. Si qui regi se non patiuntur, hi vi opprimendi et continendi sunt, ut reliqua multitudo generis humani conservari possit, sicut a corpore interdum praecidi membra corrupta oportet, ne totum corpus pereat. Hic igitur praestantiora opprimunt, ac vi continent imbecilliora, quia natura docet nos, propositis hominis partibus, quod praestantiora debeant praeesse ac dominari. Quanquam quorsum opus est hac subtili disputatione? Illa vox: Honora patrem et matrem, subiicit omnes homines servituti. Cum autem et illa sententia sit in natura scripta, sentiendum est vere causas servitutis in natura positas esse. Recte igitur reprehendit Aristoteles illos, qui immoderata et iniusta cupiditate libertatis accusant, et ut ipsius verbis utar, *γράφονται παρανόμων*²²⁾ formam servitutis iure gentium receptam. Sed nos multo iustius accusare possemus fanaticos homines nostri temporis, qui praetextu Evangelii vulgus ad pileum, hoc est, ad libertatem vocarunt, et contenderunt

20) Aristot. I. I. c. 2. §. 7. Editt. Schneider et Stahr (c. 4. Edit. Acad.); *ὁ γὰρ μὴ αὐτοῦ φύσει ἀλλ' ἄλλον, ἄνθρωπος δὲ, οὗτος φύσει δούλος ἐστίν*.

21) effectu] sic Editt. 1530. et Basil.; Editt. 1536. effectu.¹

22) Aristot. I. I. c. 2. §. 16. Editt. Schneider et Stahr (c. 6. Edit. Acad.).

servitutem contra Evangelium esse. Verum quia hac de re alias saepe diximus, in praesentia satis est monere lectorem, quod sicut Evangelium non abolet hoc praeceptum: Honora patrem et matrem, ita nec imperia, nec servitutem improbat, sed suo testimonio confirmat ac docet, oportere ad coercendos impios et carnales in mundo existere regna et servitutem. Et iis rebus utuntur sancti, sicut aliis bonis Dei creaturis.

III.

Nondum absolvit oeconomiam, sed postquam familiam numeravit, disputandum etiam est de ea conservanda atque alenda. Docet igitur duplicem esse rationem rei familiaris comparandae. In his altera naturalis est, altera arte excogitata.

Naturalis ratio comparandae rei familiaris, has habet species²³⁾:

Pecuariam,

Agriculturam,

Venationem, cum qua praedatoriam coniungit, quae et ipsa est honesta, et naturae consentiens, si exerceatur in bellis legitimis, debet enim magistratus bella gerere ad depellenda latrocinia.

Quarta species mercatura est, qua res domi natae venduntur, ut his distractis quibus abundamus, alia importemus, quae alioqui desunt nobis. Hanc vocat oeconomiam mercaturam eamque laudat: est enim necessaria ad vitam, eaque oportebat etiam uti homines ante usum nummi, quum permutatione rerum suarum aut operarum ea quaereret unusquisque quibus indigebat. Est autem haec mercatura, qua res domi natae venduntur hodie quoque illustribus personis, ut vocant, permissa²⁴⁾, quibus alioqui negotiari turpe est.

Arte excogitata ratio rei familiaris comparandae habet artes et operas, quae tamen liberaliter communicari debent. Operarum locatio servilis est. Talis est mercatura, quam vocant *καπηλικήν*²⁵⁾, quum emimus, ut rursus carius vendamus, seu cuius finis est, non usus, sed quaestus. Hanc vituperat Aristoteles, quia quum

23) De his Arist. 1. 1. c. 3. §. 4 sqq. Editt. Schneider et Stahr (c. 8. Edit. Acad.) disserit.

24) Hoc est ius regalium, de quo conf. Frid. Pruckman tractatus de regalibus. Berol. 1887. 8.

25) Aristot. 1. 1. c. 3. §. 12. 15 sq. Editt. Schneider et Stahr (c. 9. Edit. Acad.).

emptionis finis debeat esse usus, natura enim docet nos usus et necessitatis causa contrahere, hic callide videtur alius finis excogitatus, videlicet quaestus. Haec calliditas odiosa est, quia non videtur proprie ad necessitatem comparata, et propemodum defraudat alios, qui tantum usus causa empturi erant. Si qua sunt alia vitia in hac specie mercaturae, quae magis hominum quam rei sunt, ea nihil est opus hic recitare.

De usura²⁶⁾.

Numeratur et usura inter species arte excogitatas, ad rem familiarem comparandam. Porro Aristoteles vituperat eam, et dicit contra naturam esse, quia nummus sit inventus, non ut gignat nummum²⁷⁾, sed ut sit medium in emptione mercis. At in usura nummus gignit nummum, unde et Graeci *τόκον* appellant a *τίκτω*. Est enim usura lucrum quod ad mutuum²⁸⁾ accedit, seu ubi praeter sortem solvitur aliquid propter mutationem. Verba Aristotelis²⁹⁾ haec sunt (libet enim adscribere, quia saepe citantur a doctis viris in hac disputatione de usura): *Εὐλογιότατα μισεῖται ἡ ὀβολοστατικὴ διὰ τὸ ἀπ' αὐτοῦ τοῦ νομίσματος εἶναι τὴν κτήσιν καὶ οὐκ ἐφ' ὅπερ ἐπορίσθη. μεταβολῆς γὰρ ἐγένετο χάριν, ὃ δὲ τόκος αὐτὸ ποιεῖ πλέον. ὅθεν καὶ τὸ ὄνομα τοῦτ' εἴληφεν. ὁμοία γὰρ τὰ τικτόμενα τοῖς γεννώσιν αὐτὰ ἐστίν, ὃ δὲ τόκος γίνεται νόμισμα νομίσματος· ὥστε καὶ μάλιστα παρὰ φύσιν οὗτος τῶν χρηματισμῶν ἐστίν³⁰⁾*. Id est, iure habetur odio usura, quia per eam quaeritur nummus nummo, quum non ad hoc institutus sit. Est enim propter commutationem. Usura autem se ipsam auget, unde et nomen foenoris accepit, quia genita sunt similia gignentibus, et in foenore gignit nummus nummum: itaque haec ratio comparandae pecuniae maxime est praeter naturam.

Ex hac ratione Aristotelis colligunt alias multas³¹⁾ eruditi homines, quibus ostendunt usuram contra naturam esse.

26) Aristotelis de usura, quam *χρημαστικὴν* nominat, 1. 1. c. 3. §. 10. 17 sqq. Editt. Schneider et Stahr (c. 9. Edit. Acad.) dicit.

27) nummum] sic recte Editt. 1530. et Basil.; Edit. 1535. mutuum.

28) mutuum] sic Editt. 1530. et Basil.; Edit. 1535. nummum.

29) Aristot. 1. 1. c. 3. §. 23. Editt. Schneider et Stahr (c. 10. Edit. Acad.).

30) ἐστίν] sic Editt. Aristot.; Editt. huius commentarii *ἐστίν*.

31) multas] sic Editt. 1530. et Basil.; in Edit. 1535. *deest*.

In rebus, in quibus usus est consumptio, non potest usus a re separari, et pro usu seorsum aliquid exigi. At in usura venditur usus, separatus a re. Est igitur contra naturam.

Item, res quae natura non fructificat, non debet transferri pro re fructificante. At in usura transfertur pecunia, quae natura non fructificat. Et tamen exigitur aliquid tanquam ex re fructificante. Igitur usura est contra naturam. Nam qui agrum elocat, iure aliquid percipit, quum ager natura ferat fruges.

Hic disputant recentiores, utrum liceat Christiano exercere foenus. Nos breviter respondemus, Christiano licere uti contractibus, quos leges probant, et iudicant honestos esse, quemadmodum licet Christiano uti aliis politicis ordinationibus. Quanquam aut leges veteres imperatorum permiserunt usuras, tamen non probant, nec iudicant honestas esse. Non enim omnia probant leges quae permittunt. Non enim possunt leges omnia vitia tollere ex rebus publicis, sicut nec medici omnes morbos corporum sanare possunt, quosdam etiam morbos vetant irritare medicamentis. Ita leges quaedam vitia, quae longa consuetudine confirmata, sine magno incommodo non possunt tolli, dissimulant et ferunt. Non igitur exercebit Christianus usuras. Utetur autem aliis contractibus legitimis, quos probat magistratus. Multi hoc tempore miras tragoedias

agunt de contractibus, qui nostris temporibus in usu sunt. Nos meminisse convenit, quod iudicium de contractibus, non pertinet ad privatos homines, aut docentes Evangelium. Tota res ad magistratum reiicienda est. Is debet pronuntiare, qui contractus sint probandi, sicut medici est pronuntiare, quae pharmaca danda sint in feбри, quae in pleuritide. Itaque non est permittendum concionatoribus, ut sibi sumant iudicium de contractibus, praesertim contra iudicium publicarum legum, quarum quum autoritas labefactatur, necesse est maximos exoriri motus in rebus publicis. Illud magis pertinet ad eum, qui docet Evangelium, ut admoneat, et leges publicas religiose colendas esse, et quod uti liceat contractibus omnibus, quos probant leges. Neque vero leges inhumaniter accipi debent, sed ἐπιεικῶς, ut temporibus nonnihil concedatur. Satis est in negotiis civilibus probabili ratione uti. Non ubique demonstrationes, aut exactissimae rationes quaerendae sunt. Habent iusta medium quoddam, sed id accipiendum est ἐν πλάτει, iuxta aliquam probabilem rationem. Nec conscientiae ad unam aliquam in talibus negotiis formam alligandae sunt, satis est eas obsequi publicis legibus ac magistratibus. Horum iudicium sequi tutum est in rebus civilibus, modo ut non procul a natura discedant, sed habeant aliquam suae sententiae probabilem causam.

SECUNDUS LIBER POLITICORUM.

Secundus liber totus est historicus. Recitat enim varias politias, ac primum Platonis politiam reprehendit, qui voluit omnia communia esse omnibus, etiam uxores ac liberos. Haec est enim Socratis in libris de republica apud Platonem³²⁾ sententia. Aristoteles aliquot rationes collegit, quibus ostendit hanc sententiam Platonis cum natura hominis pugnare, et nullo modo probari posse. Ego vero etiam initio duxi admonendum esse lectorem, ut meminerint legitimam divisionem rerum ac formam connubiorum, ordinationem Dei esse, quae non potest humano consilio mutari. Sicut vices temporum aestas, hiems, nox, dies, cursus solis et aliorum astro-

rum motus non possunt humana vi mutari. Imperiti homines, qui putant sine consilio Dei politias existere, hi praesentibus offensi vitiis rerum publicarum, quaerunt alias formas constituendarum civitatum, dum cogitant eas in alium statum humano consilio transferri posse. Hic error initio eximendus est animis, et sciendum, quod legitima politia et rerum divisio sit opus Dei. Si quis hoc sibi persuaserit, facile intelliget praesentem statum retinendum esse ac mutari non posse.

Recte igitur sentit Aristoteles divisionem rerum consentaneam esse naturae. Hoc est, quod iurisconsulti erudissime dicunt, esse eam iuris gentium seu iuris naturalis. Platonis vero politia prorsus a natura abhorret. Primum de coniugio facilis est probatio. Sicut ratio naturaliter

³²⁾ Plat. de republ. l. V. (op. ed. H. Steph. T. II. p. 457. d. 461. 466. c. — ed. Bipont. Vol. VII. p. 19. 27 sq. 38.).

iudicat caedem turpem esse, ita iudicat promiscuum coitum turpem esse. Item, ratio iudicat oportere certa coniugia esse, alioqui soboles esset incerta: quare educatio et cura alendi frigeret. Item, si soboles esset incerta, accideret ut nulla sanguinis discrimina servarentur in concubitu, quod est contra naturam. Relinquet homo patrem et matrem, et adhaerebit uxori suae etc.³³⁾.

De rerum communicatione etiam facilis est probatio. Causae non sunt pares in bonis comparandis et conservandis communiter: ergo bona non possunt esse communia. Antecedens perspicuum est, quia ignavi cum viderent se ex communi sumere, non essent laboraturi. Item homines cupidi vel gloriae, vel potentiae, tamen essent occupaturi pleraque et imbecilliores depulsuri a multarum rerum usu ac fructu, qua ex re maximi motus existerent. Itaque quia omnis generis cupiditates nobiscum nascuntur, necessaria est rerum divisio. Has rationes et praeterea signa multa colligit Aristoteles contra Platonis sententiam.

Sed nescio quo errore acciderit, ut passim multi applauserint sententiae Platonis, quantumvis inhumanae, et opinor quosdam theologos novitate captos, ut fit, hanc sententiam nimium amasse. Errant autem qui docent rerum communicationem iuris divini esse, ac multo magis errant qui docent in Evangelio praecipere, ut res in commune conferantur, et tamen hic error pertinaciter haeret in animis stultorum. Adeo ut etiam in Decretis distinctione octava³⁴⁾ quidam scripserit *ἐπιγραφῆν* his verbis: Iure divino omnia sunt communia omnibus³⁵⁾. Porro dum haec persuasio tenet animos, non potest fieri quin exoriantur homines fanatici, qui per superstitionem contendunt res in commune conferendas esse, hinc necesse est exoriri maximos motus in rebus publicis. Atqui ius divinum et Evangelium iubent nos servare politicas ordinationes et in his legitimam rerum divisionem, sicut docet praecceptum (Exod. 20, 15.): Non furaberis. Item Roman. 13, (9.). Hac de re alias copiose dictum est, tantum hic leviter attingere volui lectoris admonendi causa. Rectius igitur statuemus rerum

33) Genes. 2, 24. Matth. 19, 5. Marc. 10, 7.

34) Decreti Gratiani prima pars dist. VIII. I. Partis c. I. (Corp. iur. can. ed. Richter P. I. p. 11.).

35) Integra huius canonis inscriptio est: Iure divino omnia sunt communia omnibus: iure vero constitutionis hoc *neum*, illud alterius est.

divisionem esse iuris divini aut evangelici, et hae voces quod communio rerum sit iuris divini aut evangelici, quia sunt magnorum motuum semina, neutiquam probandae sunt. Et quidem textus in decretis distinctione octava, quanquam habeat epigraphen negligenter scriptam, tamen clare ostendit Deum esse autorem legitimae rerum divisionis. Sic enim inquit: Iura humana per imperatores et rectores seculi Deus distribuit humano generi³⁶⁾.

Quod vero aiunt, iure naturali omnia communia esse, sic excusant, quod ad incorruptam hominis naturam referatur, qualis fuit ante peccatum originis. Nos quum loquimur de praesenti statu post peccatum originis, recte dicimus divisionem rerum iuris naturalis esse. Nec existimo apud veteres iurisconsultos reperiri hanc vocem, quod iure naturali omnia sint communia. Nam isti de praesenti naturae statu loquuntur, cui vident necessariam esse rerum divisionem. Itaque sic dicunt: Quod ante nullius est, id naturali ratione occupanti conceditur. Haec sententia docet naturali ratione dominium seu proprietatem occupatione contingere, idque ratione naturali. Est autem ratio naturalis ius naturae. Haec dixi admonendi lectoris causa, ne quem decipiant voces illae quae laudant Platoniam rerum communicationem, quae interdum novitate blandiuntur imperitis, et occasionem praebent magnis ac perniciosis erro-

36) Integer illius canonis I., ex quo haec verba allata sunt, textus hic est: Quo iure defendis villas ecclesiae, divino, an humano? Divinum ius in scripturis habemus, humanum ius in legibus regum. Unde quisque possidet, quod possidet? Nonne iure humano? Nam iure divino *Domini est terra et plenitudo eius* (Psalm. 23, 1.). Pauperes et divites Deus de uno limo fecit, et pauperes et divites una terra supportat. Iure tamen humano dicitur: haec villa mea est, haec domus mea, hic servus meus est. Iura autem humana iura imperatorum sunt: quare? Quia ipsa iura humana per imperatores et reges saeculi Deus distribuit generi humano. *Item ibidem paulo inferius*. §. 1. Tolle iura imperatorum, et quis audeat dicere: mea est illa villa, aut meus est ille servus, aut domus haec mea est? Si autem, ut teneantur ista ab hominibus, regum iura fecerunt, vultis ut reticeamus leges, ut gaudeatis? etc. *Item ibidem paucis interiectis*. §. 2. Legantur leges, ubi manifeste praeceperunt imperatores eos, qui praeter ecclesiae catholicae communionem usurpant sibi nomen Christianum, nec volunt in pace colere pacis auctorem, nihil nomine ecclesiae audeant possidere. §. 3. Sed quid nobis et imperatori? Sed iam dixi, de iure humano agitur. Et tamen Apostolus (1. Petr. 2, 17.) voluit serviri regibus, voluit honorari reges, et dixit: *Regem reveremini*. Nolite dicere, quid mihi et regi? Quid tibi ergo et possessioni? Per iura regum possidentur possessiones. Dixisti, quid mihi et regi? Noli dicere possessiones tuas, quia ipsa iura humana renuntiasti, quibus possidentur possessiones. (Corp. iur. can. ed. Richter P. I. p. 11 sq.).

ribus. Nulla virtus magis ornat Christi cognitionem quam religiose colere politicas ordinationes, et magistratus. Quare procul ab Evangelio debent abesse voces illae, quae officiant publicae tranquillitati. Si quis vociferabitur iuris divini esse rerum communicationem, oppone mandatum: Non furaberis. Nam in hoc mandato praecipitur, ut suum quisque teneat. Si quis contendet evangelici iuris esse rerum communicationem, oppone sententiam Pauli, qui legitimas ordinationes rerumpublicarum vocat ordinationes Dei Rom. 13, (1.). Si quis disputabit esse iuris naturalis rerum communicationem, oppone rationis iudicium, quod impossibile sit res esse communes in his hominum vitiis. Nam ignavi alieno labore vellent ali, contra ius naturae, quod sancitum est his verbis (Genes. 3, 19.): In sudore vultus tui comedes panem tuum.

II. 37)

Aristoteles pergit recitare plurimarum civitatum leges, quae passim legentibus historias obviae sunt. In fine disputat de legum mutatione, quod periculosa sit. Hac de re quamquam et alias dicet, tamen operae pretium est, meminisse quasdam huius loci sententias. Verba sunt haec³⁷⁾: *Φανερόν ὡς ἐατέον ἐνίας ἀμαρτίας καὶ τῶν νομοθετῶν καὶ τῶν ἀρχόντων· οὐ γὰρ τοσοῦτον ὠφελήσεται κινήσας, ὅσον βλαβήσεται τοῖς ἀρχουσίᾳ ἀπειθεῖν ἐθισθεῖς³⁸⁾*. Sentit enim receptas leges non esse mutandas, etiamsi quid habeant incommodi. Atque hoc convenit inter omnes sapientes viros et peritos reipublicae regendae, plerumque perniciosam esse legum mutationem. Ideo inquit Ulpianus: In rebus novis constituendis evidens esse utilitas debet etc. Et Demosthenes scribit legem fuisse Locris, ut si

37) II.] sic Editt. 1530.; in Editt. 1535. et Basil. deest.

38) Aristot. l. l. I. II. c. 5. §. 13. Editt. Schneider et Stahr (c. 8. Edit. Acad.).

39) ἐθισθεῖς] sic Editt. Aristot.; Editt. huius commentarii ἐθισθεῖς.

quis novam legem laturus esset, exponeret eam prius populo inserto collo in laqueum, qui, si lex displicuisset, statim constrictus autorem novae legis strangularet⁴⁰⁾. Et Herodotus dicit insanire eos, qui patrias leges et patrios mores contemnunt: quia natura ita amemus instituta patria, ut si omnibus hominibus facultas sit eligendi optimas leges, tamen unumquemque electurum esse patrias. Taxantur et in sacris litteris isti, qui leges mutant, Ecclesiast. 10, (8.): Qui dissipat sepem, mordebit eum⁴¹⁾ coluber. Loquitur enim ibi multis verbis de magistratu formam reipublicae mutante, quam septo confert, et ut serpentes penetrant in hortos diruta sepe: sic ait futurum, ut talis magistratus improborum licentiam armet adversus rempublicam. Sed meo iudicio nihil efficacius dehortatur a consiliis mutandi receptas leges, quam si sciamus legitimum statum reipublicae Dei ordinationem esse, et honore affici debere propter Deum, ut res sacras, etiamsi habeat aliquid incommodi. Verum hic quaeri potest, quatenus sint dissimulanda legum vitia, Aristoteles hoc in Ethicis docet. Leges debent consentire cum iudicio naturali rationis humanae. Proinde si quae omnino repugnant iudicio naturae, et corrumpunt naturam, hae sunt mutandae. Sed si paululum discedant a ratione, hae tolerari debebunt. Ut si quis sinistra melius utitur quam dextra, non est cum incommodo traducendus in diversam consuetudinem. Ita nec leges mutari debent, si paululum discedant a natura, quia non abit res sine maximis motibus. Ut medicus in aegro corpore non omnes malos humores ciet, ita in republica ad quaedam vitia connivendum est. Fui in hoc loco longior, quia magna et necessaria sapientia est scire, quod quaedam vitia legum dissimulanda ac toleranda sint.

40) Conf. supra p. 403. nota 47.

41) mordebit eum] sic Editt. 1530. et Basil.; Edit. 1535. ty-pogr. errore: morbit enim.

TERTIUS LIBER POLITICORUM.

Saepe alias dixi Aristotelem optimum methodi artificem esse, quare et in his libris diligenter considerandum est, quomodo ordine alia praecepta ex aliis nascentur. Ut in aliis artibus

MELANTE. OPER. VOL. XVI.

communissima principia sunt initia artium, ita coepit in hoc libro Aristoteles a communissimis sententiis, quae sumptae sunt ex natura hominis, seu a fine hominis. Proinde in primo libro tra-

ctavit haec principia. Homo natura ad societatem conditus est. Prima societas est coniugium.

Hic addit quae ad domesticam societatem conservandam necessariae sint, et quae sint partes domus. Hinc aliud oritur principium, quod dominium et servitus ad societatem hominum retinendam necessariae sunt. Et quod natura postulet, ut alii dominantur, alii serviant. Hic valde acute vidit in natura imperii et servitutis initia esse nobis proposita. Hinc propagatur civitas, quum multae domus seu familiae certo foedere coniunguntur.

Est et in secundo libro thesis tractata de rerum divisione. Ab his principiis paulatim crescit ars. Nunc enim libro tertio incipit definire civitatem, ac cives, et recenset varias formas imperii in civitatibus. Repetivi autem superiora, ut methodus cerni posset quam magnopere prodest observare, ut initia et progressionem⁴²⁾, seu fontes et ordinem rerum in artem traditarum intelligamus. Porro quemadmodum supra praecipuos locos tractavimus: ita hic excerptemus ea, quae plurimum habent in hac communi vita utilitatis. Ac prudens auditor diligenter animadvertere debet, quis usus harum disputationum esse possit. Quaedam prosunt ad forensia negotia, ut quae de usuris supra⁴³⁾ diximus. Quaedam ad iudicandas controversias, quae de rebus civilibus interdum apud theologos agitantur, ut quae adversus Platoniam rerum communionem diximus. Est autem in hac tota ratione studiorum observandum, quomodo ea, quae discimus in singulis artibus, usui possint esse in summis artibus, quae vel ad⁴⁴⁾ respublicas regendas, vel ad privatam vitam maxime necessariae sunt.

Civitas est societas civium iure constituta, propter mutuam utilitatem, ac maxime propter defensionem.

Cives sunt, qui in eadem societate, magistratus aut iudicandi potestatem consequi possunt. Finis omnium civium est publica utilitas, seu, ut dicam clarius, tranquillitas vel incolumitas publici status. Sicut omnium nautarum⁴⁵⁾ finis est incolumitas navis, tametsi diversa sint officia.

42) progressionem] sic Edit. 1530. et Basil.; Edit. 1535. progressionis.

43) Vid. p. 428 sq.

44) ad] sic Edit. 1530.; Edit. 1535. et Basil. apud.

45) nautarum] sic recto Edit. 1530.; Edit. 1535. et Basil. nautarum.

Politia est legitima ordinatio civitatis, secundum quam alii praesunt, alii parent. Politia duplex est, recta et corrupta. Rectae species sunt tres.

Regnum est monarchia, seu unius principatus administrantis rempublicam ad utilitatem communem, haec quum degenerat, vocatur tyrannis⁴⁶⁾, in qua monarcha gerit imperium ad propriam utilitatem. Caeterum infra species regni tradentur.

Aristocratia est paucorum optimatum principatus, qui administrant rempublicam ad utilitatem publicam, qualis est status civitatis Norbergae. Quum degenerat Aristocratia, fit oligarchia, quum pauci ad utilitatem potentium administrant civitatem, qualis olim fuit Romae status Syllae tempore, aut nunc videtur esse Erfurdiensis respublica.

Tertia species est, quum summum imperium est penes populum, hanc, quum degenerat, vocat Aristoteles *δημοκρατίαν*, in qua vulgus auctoritatem suam confert ad augendam potentiam tenuiorum civium contra optimates: qualem statum somniabat plebs in tumultu rusticorum⁴⁷⁾: aut qualis est propemodum Helvetiorum status.

Deinde agitur quaestio, quae species sit optima: nec dubium est quin monarchia seu regnum sit optimus status, ut docet Homerus⁴⁸⁾:

οὐκ ἀγαθὸν πολυκοιρανίη· εἰς κοίρανος ἔστω.

Sic iudicaverunt etiam Persarum principes apud Herodot. lib. 3.⁴⁹⁾.

Recentiores interpretes in hoc loco disputant, utrum oporteat unum aliquem hominem totius mundi monarcham esse: et quidam pronuntiant Romanum pontificem monarcham esse, ac sentiunt ei a Christo commissam esse potestatem, non modo docendi Evangelii, sed etiam regna mundi constituendi et transferendi. In hanc sententiam ex Gratiano multa testimonia citantur. Et videntur mihi isti qui sic senserunt, maxime hac ratione decepti, quod sicut in lege vident reges a pontificibus ungi, ideoque iudicant reges accipere imperium a pontificibus. Ita ratiocinantur reges nunc oportere a pontificibus imperia accipere. Et quum Evangelium non ad

46) tyrannis] sic recto Edit. Basil.; Edit. 1530. et 1535. tyrannus.

47) Hic tumultus a. 1524. ortus anno sequenti victus est.

48) Hom. II. II, 304.

49) Herodot. I. III. c. 80 sqq.

unam gentem, sed ad omnes pertineat, ideo putant pontificem simul accepisse potestatem imperia apud omnes gentes constituendi. Itaque dant ei potestatem reges pro arbitrio cogendi in ordinem, et multa alia, quae non est recensere locus, et hoc praetextu Romani pontifices saepe conati sunt imperatoribus eripere imperium, et alios reges ex suis regnis eicere, et diu fuit persuasum vulgo haeresin esse, si quis neget utrumque gladium (sic enim loquuntur) ad pontificem pertinere⁵⁰). Sed haec opinio longe dissentit ab Evangelio, Christus enim inquit (Ioann. 18, 36.): Regnum meum non est de hoc mundo. Item (Matth. 25, 26.): Reges gentium dominantur eorum, vos autem non sic. Possunt et alia infinita citari, ex quibus constat, regnum Christi non esse civile regnum, sed aeternum. Christus per Spiritum sanctum ita regnat, ut iustificet et vivificet et gubernet corda sanctorum. Interim tamen non abolet externam ordinationem, quae instituta est a Deo, ut impii coerceantur, et retineatur tranquillitas inter homines. Sed de hoc discrimine etiam alias diximus. Diligenter enim discerni debet imperium a potestate episcopi. Episcopi officium est docere Evangelium, remittere peccata, minari iudicium Dei impiis, ut Christus inquit (Marc. 16, 15.): Ite praedicantes Evangelium etc. Haec potestas non fert leges, de negotiis civilibus, de honorum possessionibus, non gerit gladium, ut cogat homines ad obediendum, tantum docet conscientias de voluntate Dei, tradit Evangelium, absolvit pavefactas mentes, minatur impiis. In summa, docet de poenitentia et remissione peccatorum. Imperium vero potestas est leges condendi ad prohibendas externas iniurias, et gladio cogendi homines ad obediendum, et puniendi eos qui legibus non obtemperant. Haec definitio sumpta est ex Paulo Roman. 13⁵¹), (3. 4.): Potestas gerit gladium ad pacem honorum. Sicut autem coniugium est ordinatio Dei, tametsi diversae res sint coniugium et Evangelium: ita imperium est ordinatio Dei, tametsi Evangelium alia res sit. Est autem institutum imperium in his verbis ad Noë dictis, si quis claverit sanguinem hominis, fundetur sanguis illius per hominem. Hic enim ordinat hominem qui

sumat poenas. Constituit igitur magistratum. Praeterea naturale iudicium rationis est, oportere esse qui imperent. Est autem ius divinum, ut saepe diximus, ius naturale, seu naturale iudicium rationis. Est et in hoc praecepto institutum imperium: Honora patrem et matrem. Hic enim praecipitur obedientia erga superiores. Quidam falso dicunt, quod imperium det tantum consensus populi, sicut Occam⁵²) inquit: Nam principes iure etiam invitati imperant, et iure occupant imperia non modo per electionem aut suffragia et consensum populi, sed etiam per legitima bella, oppressis latronibus, per legitimam successionem etc.

Porro quidam disputaverunt Romanum imperatorem esse monarcham totius orbis terrarum, et citaverunt ex Evangelio (Luc. 2, 1.): Exiit edictum a Caesare Augusto etc. Item (Matth. 22, 21.): Date Caesari quae sunt Caesaris. Sed in his verbis praecipitur, ut ii qui tunc parebant Caesari, obediant ei, non praecipitur, ut totus orbis terrarum ubique uni Romano principi obediat. Imo scriptura in aliis locis testatur fore, ut Romani, qui tum magnam partem orbis terrarum tenebant, non semper teneant idem imperium. Sic igitur sentiemus nec Romanum pontificem, nec Caesarem totius orbis terrarum monarcham esse⁵³), sed singuli reges apud suos imperant, quemadmodum semper in mundo diversa regna fuerunt. Caeterum quatuor imperia ordine fuerunt, quae in historiis monarchiae vocantur⁵⁴), non quia ubique regnaverint aut ius

52) Guilielmus Occam (sic cognominatus, quod Occam, loco partis Angliae, quae Surrey vocatur, natus erat), Franciscanus, Duns Scoti discipulus, Parisiis theologiam docens, tum inde ab a. 1322. provincialis Franciscanorum Angliae, inde ab a. 1328. apud Ludovicum Bavariae ducem degens, a. 1347. mortuus, ob. eximiam doctrinam et eloquentiam Doctor singularis et invincibilis appellatus, principum iura contra papas defendit hisce scriptis: Disputatio de potestate ecclesiastica et seculari, inter clericum et militem; Tractatus de iurisdictione imperatoris in causis matrimonialibus; Quaestionum octo decisiones super potestate et dignitate summi pontificis. Praeterea plures alios theol. et philos. libros scripsit.

53) totius orbis terrarum monarcham esse] sic Edit. 1535. et Basil.; Edit. 1530. oportere totius orbis terrarum monarcham esse.

54) Prima harum monarchiarum est assyrico-babylonica 2000 — 555, altera persica 555 — 333, tertia macedonica 333 — 30, quarta romana 30 a. Chr. — 476 p. Chr. Sic Bredowio auctore; ab aliis partim aliter appellantur et determinantur; conf. Ianus antiquae de quatuor monarchiis sententiae plen. assert. Francof. 1728. 8. Ioan. Meidani de quatuor summis imperiis libri tres. Argentorati 1556. 8. et commentatores capitum VII. et VIII. Danielis prophetae.

50) Conferatur supra p. 241 sq. constitutio Bonifacii VIII.

51) Rom. 13.] sic Edit. 1535.; Edit. 1530. et Basil. Rom. 3.

habuerint ubique imperandi, sed quia latissime regnaverunt. Voluit enim Deus per eam occasionem orbem terrarum Evangelio aperire, et multa regna coniungere, ut facilius ad multos pervenire posset Evangelium. Apud Assyrios et Persas late propagata est Dei cognitio, postquam Daniel in Chaldaeam abductus est. Ita Romanis temporibus patebat orbis terrarum, et erat tuta peregrinatio Apostolis, ut ubique docere possent. Possunt et aliae causae colligi. Fortassis ostendere voluit Deus in hac regnorum mutuatione⁵⁵⁾, quod ipse regna constituat, quod non possint humana vi retineri. Voluit exemplum ostendere quum eripuit regna potentissimis populis, quod puniat iniustos etc. Caeterum hoc auget mirabiliter doctrinae christianae auctoritatem, quod sola scriptura ordine praedixit successiones imperiorum, quae cum sic acciderint, constat et a Deo traditam esse scripturam⁵⁶⁾, et Deum auctorem esse imperiorum. Quare meminimus semper praesentia imperia religiose venerari et colere propter Deum, qui sic ornat magistratus, ut gloriam sui nominis eis impertiat, cum inquit (Psalm. 82, 6.): Ego dixi, Dii estis. Testatur enim sua auctoritate constitutos esse magistratus eosque vice Dei inter homines fungi.

De variis regum speciebus.

Rex proprie est summa potestas, de qua nullus superior magistratus iudicat. Variarum regum species extiterunt in mundo, quia homines propter diversos regum mores, alias liberam potestatem eis permiserunt, alias duxerunt adstringendam et moderandam esse. Prima regni species est, qualis fuit heroicis temporibus, ubi reges sine certis legibus imperaverunt, sed ad utilitatem populi, qualis est domesticus principatus patrisfamilias in liberos. Haec forma plurimum habet humanitatis, sed in tanta paucitate bonorum principum, rara est. Degenerat autem in deterioribus in tyrannidem. Proprie enim vocant tyrannum, qui unus rerum potitur, et sine scriptis legibus imperat, et vi continet invitos, et ad suam utilitatem confert imperium, postulat non aequa tantum, sed multa etiam contra subditorum utilitates.

55) mutuatione] sic Editt. 1535. et Basil.; Edit. 1530. mutuatione.

56) scripturam] sic Editt. 1530. et Basil.; Edit. 1535. scriptura.

Sunt igitur excogitata vincula quae iniicerentur tantae potestati, additae sunt leges regibus, ut ex scripto iure gubernarent rempublicam. Est igitur alia regni species summum imperium, sed certo iure circumscriptum. Quaedam nationes etiam addiderunt custodes regibus, qui ius haberent redigendi eos in ordinem. Sicut Lacedaemonii addiderunt ephoros, quibus scribit Thucydides⁵⁷⁾ licuisse capere regem. Tales reges non sunt omnino *αὐτοκράτορες* seu *ἀνυπεύθυνοι*; hoc est, non habent ita summam potestatem, ut nemini liceat de eis iudicare, aut eorum actionibus adversari. Ac fere nunc talia regna sunt. Habent enim leges, habent et custodes. In Germania sunt electores, in Gallia certi principes curiae parlamenti, tanquam ephori regum. Sed alibi plus, alibi minus possunt. Neque enim tutum est adversari regum cupiditatibus. Itaque facile haec vincula perrumpunt. Tantum religione aliqua ex parte coherceri se patiuntur. Itaque valde commoda est haec principum et episcoporum temperatura, sunt enim appositae episcopi, tanquam ephori ad moderandam vim regiae potestatis. Et haud scio, an in statua Danielis lutum admixtum ferro (Dan. 2, 33. 34.), significet hanc in omnibus regnis episcoporum et principum mixturam.

Magnae hic quaestiones tractantur, utrum privatis hominibus liceat tyrannos occidere, seu utrum liceat vim allatam a domino contra suas leges vi depellere, quum videatur subditus ei eatenus obstrictus esse, quatenus secundum leges imperat. De hac quaestione facilis est responsio Christianis. Nam Evangelium omnem privatam vindictam prohibet, et Christus inquit (Matth. 26, 52.): Qui acceperit gladium, gladio peribit. Quare non licet Christiano occidere dominum, quantumvis tyrannum. Praeterea subditus non tantum obstrictus est domino propter illud pactum, quod inter ipsum et dominum factum, alligat dominum ad certum ius, sed etiam cogitur subiici propter mandatum Dei, quod iubet honore afficere etiam malos magistratus, et vetat privatos vim adversus magistratus suscipere. Hoc sequi tutissimum est Christiano.

Nonnulli revocant hoc in dubium, ac disputant licere privato vim iniustam a magistratu illatam vi depellere, sed ii humano more existimant,

57) Thucyd. I. L. c. 131.

me quoque licere vim depellere, cum licet non bedire. Nos autem sciamus plurimum inter aec interesse iuxta Evangelium, quod vetat obedire, si magistratus iubeant peccare, et tamen rivatam vindictam prohibet⁵⁸). Quare Daniel, 'rophetae et Apostoli non depulerunt vim iniutam, tametsi alicubi non obtemperabant dominis.

Quaeri etiam hoc loco potest, quam regni peciem approbet Deus. Ac memini hac de re varias extare disputationes apud theologos, quiam sentiunt subditos ubique vere servos esse, ac nihil habere proprium. Alii contra hanc acerbilitatem servitutis cum Evangelio pugnare disputant. Et hoc impio praetextu ante quinquennium⁵⁹) concitaverunt vulgus, ut libertatem armis recuperaret oppressis principibus. Circumferabatur impius ac seditiosus libellus⁶⁰), in quo nerat disputatio quod oporteret Christianos habere vocationem munerum, et immunitatem tributorum. Is libellus dicebatur scriptus esse a Schaplero⁶¹) quodam, qui eo tempore in urbe

58) prohibet] hoc in omnibus Edit. omissum in fine Edit. 1530. (in Erratis) his verbis recte additur.

59) i. e. anno 1525.; hoc enim scripsit a. 1530., quo editionem principem huius commentarii edidit.

60) Hic libellus duodecim articulos continebat, quos agrestes tumultuantes principibus et magistratibus porrigebant, quibus postulabant, ut sibi potestas concederetur eligendi ministros, purum verbum Dei, sine omni humanorum decretorum admixtione, praedicaturos; ut decimas non nisi ex frumento solvere tenerentur, solummodo in alimenta ministrorum et pauperum impendendas; ne principes et magistratus (quos toleraturi, eorumque mandatis, neque tamen aliis, quam quae honestati et rationi convenire ipsi subditi iudicarent, parituri essent) se posthac pro servis haberent, quia pretioso Christi sanguine omnes liberati essent; porro, ut magna onerum, quae exigebantur, parte levarentur; ut venandi et piscandi ius ubique haberent, Deum enim ab initio mundi hominibus dominium in bruta dedisse; ut silvae communes essent, et cuique lignorum usus permitteretur; denique ut omnes consuetudines aut potius abusus in detrimentum libertatis suae introducti abolerentur. His denegatis, efficacia subsidia sibi in promptu esse ad recuperandam libertatem, eamque contra omnem vim tyrannidis et oppressionis defendendam. Scriptum hoc passim divulgatum magnoque applausu exceptum, rebellionem rusticam perfecit. Vid. Sleidani de statu religionis et reipublicae Carolo V. Caesare commentar. l. V. fol. 75^b, edit. Argent. 1556. 8. et Seckendorf comment. de Luther. l. II. sect. 3. p. 5. — Adversus hos articulos Lutherus scripsit librum: *Ermanunge zum friede auff die zwelff Artikel der Bawrschafft ynn Schwaben. Wittenberg. 1525. 4^o. Conf. Strobel: Beitr. zur Litt. T. II. p. 1—108.*

61) Istorum duodecim articulorum auctor, etsi a Lutero in libro laudato tacetur, nominatur Christophorus Schaplerus, Zuinglianae doctrinae apud Memmingenses ecclesiasticae. Subactis postea a Suevici foederis ducibus apud Memmingam cohortibus rusticorum, et supplicio in civitate ipsa de aliquibus sumto, Schaplerus a civibus clam

Memmingensi concionator erat. Haec posterior opinio, praeterquam quod cum Evangelio pugnat, perniciosior etiam est priore illa, quam iudicant aliqui tristiores ac inhumaniores esse. Itaque posterior prorsus est repudianda, de priore non nihil disputandum est, quam memini agitatam a Ioanne Maiore Parisiensi Theologo⁶²). Sic autem sentiendum est, primum quod approbet Deus omnes politias legitimas, hoc est, ut Paulus loquitur, quae timori malo sunt operi, et honore afficiunt bonum opus, seu quae sequuntur iudicium rationis, et legem naturae, et honesta praecipiant, et turpitudinem prohibent ac puniunt.

Talis politia est ordinatio Dei, ubicunque gentium est, etiamsi sit alibi clementior forma imperii, alibi durior. Nam ut in aliis regionibus in curatione morborum acrioribus remediis utendum est, in aliis lenioribus, ita severioribus imperiis opus est, ubi ferociora ingenia sunt. Ea res peperit varias formas imperiorum. Alibi vere servi sunt subditi. Alibi regum potestas legibus circumscripta est, et quaedam libertas concessa populis. Sicut in Germania, quia Romano iure utuntur principes, ideo non ubique omnes subditi, proprie servi sunt. Approbat autem utramque formam Deus, et utroque loco vult principes eo iure quod receptum est uti. In historiis regum, ubi Samueli ius regni describitur⁶³), probatur acerbissima forma imperii, ornatur hoc titulo, quod ius sit regum. Significat enim Spiritus sanctus legitimum imperium, quamvis durum sit, tamen Deo probari. Et Ioseph totam

in patriam, Sancti Galli oppidum, dimissus est. Vid. Seckendorf l. I. l. II. sect. 3. §. 3. p. 6.

62) Ioannes Maior s. Maire, natus in Scotiae oppido Hardington, literis operam dedit Cantabrigiae, tum Parisios se contulit, ubi a. 1505. doctor creatus est. Deinde in patriam redux aliquot tempus in Academia Glasgoviana docuit, postea in collegium Parisiense reversus est, ubi sex libros historiae Britannicae scripsit et 1521. 4^o edidit. Denique in patriam rediit, ibique a. 1540. 62 annos natus, aut, ut Le Long in Bibl. hist. p. 123. narrat, a. 1548. mortuus est. Praeter illam historiam haec scripta eius commemorantur: Commentarius in Magistrum sententiarum. Paris. 1509. fol.; Commentarius in Evangelium Matthaei. Ibid. 1508. fol.; Comment. in Matth. XV. Paris. 1518.; Commentarius in quatuor Evangelistas. Ibid. 1529. 4^o; *Sophistica Parisiensia*; *Placita theologica*; *Latina translatio Caxtoni historiae anglice scriptae*; *Disputatio de potestate Papae in rebus temporalibus (ex eius Comment. in Matth. XV. excerpta)*; *Summa de confessionibus, de capitalibus vitiis et decalogo divinorum praecceptorum.*

63) 1. Sam. 8, 9 sqq.

Aegyptum in acerbissimam servitutem redegit⁶⁴⁾. Quare dubitari⁶⁵⁾ non debet, quin etiam tristior imperii forma, si tamen nihil turpe praecipit, Deo probetur. Neque tamen ita iudicandum est, apud omnes gentes oportere similem esse servitutem. Ubi regum potestas legibus circumscripta est, quae concedunt subditis tenere proprium, et aliis quibusdam beneficiis libertatis frui, ibi principes peccant, cum contra suas leges eripiunt proprias facultates subditis, tanquam servis. Achab rex Israelitarum iniuste conatus est eripere vineam Naboth⁶⁶⁾. Quanquam enim probavit Deus acerbam imperii formam, ut verba Samuelis ostendunt, tamen in isto populo regiam potestatem lege moderatus est. Lex enim tradiderat singulis suas possessiones, et volebat ut familiae patrimonia sua retinerent. Ad hunc modum apud nos licet tenere proprium his, quibus id imperii iura, ex quibus res apud nos iudicantur, concedunt. Neque licet principibus hunc reipublicae statum temere mutare, et vis esset possessionem libertatis eripere his, qui eam beneficio iuris hactenus tenent.

Caeterum ubi vera est servitus, tamen non licet dominis omnia rapere. Nam ius naturae et sacrae literae iubent servis relinqui, quod ad victum in unaquaquam familia sufficiat. Sic enim scriptum est in Ecclesiastico (33, 25.): Cibaria et virga et onus asino. Panis et disciplina et opus servo. Et iura civilia servis peculium relinqui volunt et ubique favent libertati.

Sed libertas habet certos fines, intra quos versari debet. Nam et ius naturae et ius divinum multa onera liberis imponunt, solvere tributa, parere magistratui, conferre facultates et corpus ad tuendam communem societatem, quoties opus est, et alia quaedam iure descripta. Itaque libertatem ita amplectamur, ut interea meminerimus nos et a Deo et a natura ipsa cogi, ut pareamus magistratibus, ut facultatibus nostris, et vita nostra civilem societatem iuvenimus.

De legibus.

In extrema parte tertii libri disputatio continetur, utrum satius sit rempublicam administrare ex arbitrio boni principis, sine scriptis

64) Genes. 47, 19 sqq.

65) dubitari] sic Editt. 1530. et Basil.; Edit. 1535. dubitare.

66) 1. Reg. 21, 2 sqq.

legibus, an ex scripto ac certo iure. Haec quaestio etiam nostro tempore saepe agitari solet ab indoctis, qui cum exercent iudicia, aegre ferunt quod tanquam pueri, dictata iurisconsultorum subsequi coguntur, nec audent quidquam de suo consilio statuere. Hoc regnum iurisconsultorum homines ambitiosos urit. Et horum amentiam adiuvant nonnulli literati, sed in alio doctrinae genere versati, qui disputant legibus non posse omnes causas comprehendere, et cum pleraeque res ex arbitrio boni viri iudicandae sint, censent abolitis legibus omnia permittenda esse prudentiae et aequitati iudicis. Vident etiam formam iudiciorum ac fori, ubi iurisconsultorum artibus lites in infinitum extrahuntur. Id non fieret, si iudicis autoritas valeret et non esset astricta legibus.

Recenset Aristoteles aliquot huiusmodi rationes, sed tandem decernit tutius esse, ut res iudicentur ex certis legibus et scripto iure, quia non saepe contingit iudex aut prudentia tanta, ut sine legibus videat, quid sit aequissimum ac maxime utile reipublicae, aut tanta iustitia, ut non sit opus eius potestatem legibus moderari. Saepe enim virum mediocre aliquam recti species decipit, qui si legibus esset admonitus, melius iudicaturus erat. Interdum animo, qui gratia aut odio impeditus est, morem gerit, quia nullis legum vinculis tenetur. Nam bonos etiam viros licentia reddit deteriores. Quare istis vinculis opus est, quae etiam si perrumpunt aliquando tyranni, tamen prosunt ad regenda et coercenda mediocria ingenia. Praestat autem hoc quod in commune prodest, etiamsi interdum secus aliquid evenit, ut medicinam colimus, quia saepe restituit aegrotos, tametsi non omnes morbos tollere possit. Ad haec quoties inter se boni viri in iudicando dissentirent, si nullam certam formam haberent praescriptam? Facile est autem ex talibus dissensionibus oriri maximos motus in rebus publicis, quod ne accidat, summa diligentia providendum est.

Sed finge ius dicere viros summa prudentia et constantia praeditos, qui nusquam falli, nusquam decipi possint, qui neque gratia, neque odio affici aut commoveri queant, tamen ad tranquillitatem proderit, certum extare ius, et certas leges. Nam importuni litigatores non obtemperant, non cedunt iudici nisi certum ius sit. Semper accusant aut fidem, aut diligentiam iudicis, nisi intelligant quam habuerit iudex causam ne-

cessariam suae sententiae. Itaque scriptum ius munit magistratus adversus importunitatem litigantium, qui cum norunt ius, vident iudicem nihil privato affectu, nihil errore pronuntiare, sed sequi praescriptum, quod mutare illi non liceat. Et intelligunt se hoc ius debere tolerare, quod excogitatum est, non ad ullius gratiam, aut privatam utilitatem, sed ad retinendam societatem et tranquillitatem inter cives. Et ob hanc causam arbitror initio leges esse latas, cum antea res iudicarentur ex arbitrio magistratum, semper enim vulgus queritur de magistratibus. Itaque visa est haec tutissima esse ratio compescendae multitudinis, certas leges proponere. Nam cum has recepissent, non licebat eorum auctoritatem detrectare⁶⁷⁾. Et extabant causae rerum iudicatarum, quae liberabant iudicem suspicione gratiae, odii et erroris. Si erat iudicatum durius, legi imputabatur, cui tamen irasci non licebat, cum omnibus placuisset, cum antea ab illo ipso recepta et comprobata esset, in quem iam videbatur esse inclementior. Quoniam quid opus est disputatione? Omnes usu periti sunt in hac sententia, ut statuunt oportere ex scriptis legibus ius dici. Et habent innumerabiles causas suae opinionones, quas omnes hic recensere non est opus. Horum auctoritatem convenit sequi maxime illos, qui nondum sunt versati in republica.

De aliis artibus nullis iudicare permittitur, nisi artificibus, et usu peritis. At de ratione reipublicae regendae, quae est haud dubie omnium artium longe difficillima, iudicant homines prorsus imperiti, qua in re non modo indignitas summa inest, sed etiam plurimum periculi, quia labefacta auctoritate legum, non potest tranquillitas reipublicae retineri. Quare haec impudentia publicis poenis castiganda erat. Nos interea meminerimus Aristotelis sententiam hac de re inscriptam et insculptam animis, ut ius scriptum non modo retinendum, sed etiam religiose colendum esse sciamus. Ac tales voces prodest inserere iuvenum animis, ut assuescant amare leges, et plurimi facere, quod quidem ad efficiendos bonos viros magnum momentum adfert.

Verba Aristotelis haec sunt⁶⁸⁾: Ὁ μὲν οὖν τὸν νόμον κελεύων ἀρχεῖν δοκεῖ κελεύειν ἀρχεῖν

67) detrectare] sic Editt. 1530. et Basil.; Editt. 1535. detractare.

68) Aristot. I. I. III. c. 11. §. 4. Editt. Schneider et Stahr (c. 16. Edit. Acad.).

τὸν θεὸν καὶ τοὺς νόμους, ὁ δ' ἄνθρωπον κελεύων προστίθῃσι καὶ θεῖον· ἢ τε γὰρ ἐπιθυμία τοιοῦτον, καὶ ὁ θυμὸς ἀρχοντας διαστρέφει καὶ τοὺς ἀρίστους ἀνδρας. διόπερ ἄνευ ὀρέξεως νοῦς ὁ νόμος ἐστίν⁶⁹⁾. Hoc est: Qui legem volunt civitati dominari, hi videntur Deum ac leges dominari velle. Qui vero hominem dominari volunt, hi belluam praeficiunt. Nam huiusmodi quiddam cupiditas est, et iracundia magistratus depravat quantumlibet bonos viros, ideoque lex est mens sine cupiditate. Nihil gravius, nihil elegantius dici in hac causa potest, quam hoc ab Aristotele dictum est. Quod enim inquit, Deum dominari, si lex dominetur, significat legem certam quandam ac firmam sententiam esse, divinitus in natura scriptam, et, ut dicam clarius, vocem Dei, quae iusta et iniusta discernit. Nam philosophi quemadmodum sentiunt esse aliquam mentem, quae hanc rerum universitatem conservat, ita certas notitias, quae cum homine nascuntur, et initia sunt artium divinitus inditas esse naturae hominis existimant. Nec errant hac in re philosophi.

Iam ut aliae nationes aliquando de suis legibus iure questae⁷⁰⁾ sint, certe hoc tempore Germanos minime decet queri⁷¹⁾, quum Romano iure utimur, quod est plenum humanitatis atque aequitatis, quod ab hominibus reipublicae regendae peritissimis scriptum est, quod hanc gentem, cuius olim summa barbaries fuit, ad mitiorem ac humaniorem vitam traduxit. Hoc enim vere dici potest, quicquid est humanitatis privatim in⁷²⁾ nostrorum hominum moribus, quicquid est civilium officiorum in republica a Romanis legibus sumptum esse, quibus imbuti nostri homines paulatim illam veterem immanitatem exuerunt. Quae est enim pars vitae civilis, de qua non reperiantur in istis legibus humanissima et honestissima praecepta? Iudaeorum leges quoniam a Deo traditae sint, tamen illi genti magis conveniebant quam possint nobis convenire. Neque enim ideo latae sunt, ut aliis gentibus imponerentur. Lycurgi politia multa habuit incommoda et vitia. Solonis leges civiliores fuerunt, sed in his multa de matrimoniis et aliis rebus correxerunt Roma-

69) ἐστίν.] sic Editt. Aristot.; Editt. huius commentarii ἐστίν.

70) questae] sic Editt. 1530. et Basil.; Editt. 1535. quaestae.

71) queri] sic Editt. 1530. et Basil.; Editt. 1535. quaeri.

72) in] sic Editt. 1530. et Basil.; in Editt. 1535. decet.

nae. Itaque nullius civitatis, nullius gentis leges praestant Romanis, quae de omnibus civilibus officiis: de iudiciis, de contractibus, ita praecipunt, ut nusquam a natura, nusquam a ratione discedere intelligantur.

Ac meo quidem iudicio, si non versarentur in foro, tamen in scholis legendae essent ad formanda et acuenda iudicia de rebus civilibus. Quare nullo modo ferenda est arrogancia istorum, qui sine hac doctrina confidunt se vim aequitatis satis perspicere, aut leges commodiores scribere posse, scilicet, melius videt aliquis theologus, qui nunquam attigit rempublicam, nunquam in foro versatus est, quae forma iudicii maxime sit utilis reipublicae, quid in contractibus, quid in divisione haereditatum aequum sit, quam Papinianus aut Ulpianus⁷³⁾, quorum uterque vitam contrivit non modo in his studiis et foro, sed etiam in imperii administratione, et gravissimis deliberationibus de summa reipublicae. Atqui novi multos, qui cum in Ecclesiis docere debeant, tamen irrumpunt in forum et curiam, et spreto Romano iure, novas leges ferre conantur. Et ad hanc rem non usum, non ingenium, non doctrinam aliquam civilem afferunt, sed meram impudentiam cum extrema stultitia atque impietate coniunctam. Hi se ipsi tanquam Deos admirantur, prae se despiciunt omnes Solonas, omnes Papinianos, omnes Pontanos⁷⁴⁾, veterum doctrinam rerum civilium neque norunt, neque nosse student, sed sua somnia obtrudunt hominibus, eaque pro oraculis haberi postulant. Huiusmodi theologo *οὔτε δίχας εἰ ἐλδοτες*⁷⁵⁾, *οὔτε θέμιστας*, ut de Cyclopius Homerus⁷⁶⁾ inquit, non hoc agunt ut Christo, sed ut sibi regnum parent. Vi-

73) Aemilius Papinianus et Domitius Ulpianus, Alexandri Severi Caesaris tempore, iuriconsulti maxime insignes, quorum ille natu maior, prius libellorum magister, deinde praefectus praetorio et tutor Caracallae et Getae, filiorum Septimii Severi, a. 212. a Caracalla interfectus; hic autem praefectus praetorio a. 228. a militibus incitatis occisus est.

74) Dr. Georgius Pontanus, proprie Heinze (a loco Brück apud Wittebergam sito, ubi natus erat, Brück s. Pontanus cognominatus) Electoris Saxonici cancellarius (a. 1557. lenae, ubi propter valetudinis imbecillitatem inde ab a. 1548. iura docuerat, mortuus) iuriconsultus non solum ob iurisprudentiam, sed etiam ob sapientiam et pietatem summa laude dignus. Conf. Lutheri de eo iudicium in colloquiis mensalibus ed. Förstemann et Bindseil P. IV. p. 522. „nur Ein Jurist ist fromm und weise, D. Gregorius Brück.“

75) Apud Homerum legitur *εἰδοτα*.

76) Hom. Od. IX, 215.

dimus exempla ante annos aliquot, Monetarii⁷⁷⁾, Struthii⁷⁸⁾, qui vulgus incitabant, ut arma caperet adversus magistratus, Nunc in quibusdam magnis civitatibus idem faciunt, consionatores: sunt autores quis coniuratis, ut vim parent adversus legitimos magistratus, ut excusso Caesare, vindicent se in libertatem. Misceri volunt omnia potius, quam ut ipsi regnum amittant.

Sed nonnulli praetexunt huic causae pietatem, negant Christiano utendum esse legibus ethnicorum. Itaque aut novas conantur ferre, aut revocant nos ad Mosaicas leges, ut Carolostadius, qui vehementissime contendebat⁷⁹⁾, explosis Romanis legibus, Mosaicas recipiendas esse. Verum nos sciamus praesentes leges retinendas et colendas esse. Nam ut praesenti potestati praecipit Evangelium obedire, ita praecipit legibus praesentibus parere. Et approbat leges illorum, quia lex est vox magistratus. Et Roman. 13, (1. 2.) vocatur ordinatio Dei. Nam sine legibus, sine iudiciis, sine institutis civilibus, nulla est imperii ordinatio. Paulus autem ait, magistratum ordinationem quandam esse.

Quod vero non sit necesse revocare in forum Moisi leges, facile intelliget is⁸⁰⁾, cui nota est natura christianae libertatis. Nam Evangelium non alligat nos ad ritus aut politiam Mosaicam, ut clare testantur Apostoli Actuum 15, (28.), cum vetant imponere legem Moisi gentibus. Et argumentantur ex nomine gentium, quum praedictum sit gentes credituras esse Christo, non debere eas cogi ut recipiant politiam Mosaicam, alioqui enim desinent esse gentes.

Sed obiiciunt aliqui:

Omne quod non est ex fide, peccatum est (Rom. 14, 23.).

Magistratus iudicans ex legibus Romanis, non potest esse certus utrum placeat Deo sententia, quia non habet verbum Dei.

Ergo quaerat leges a Deo conditas.

77) Thomas Munzerus, pastor Alstedianus in Thuringia, conf. supra p. 377. nota 43.

78) Dr. Iacobus Strauss, concionator Isenacensis, qui, cum theses Ll. Isenaci publicatas, contra usuras, fervide urgeret et in motu rusticorum minus circumspecte se gessisset, a munere motus et in custodiam datus est.

79) ut Carolostadius, qui vehementissime contendebat] sic Editt. 1530. et Basil.; Edit. 1535. qui vehementissime contendunt.

80) intelliget is] sic Editt. 1530. et Basil.; Edit. 1535. typogr. errore: intelligetis.

Respondendum est ad minorem, quae est simpliciter falsa. Magistratus enim iudicans ex Romanis legibus, potest habere fidem, ac certus esse quod sententia Deo placeat. Habet enim verbum Dei⁸¹⁾ Rom. 13, (1 sqq.) et alibi, quo Deus approbat magistratum et civiles ordinationes. Hoc generale testimonium satis est ad confirmandam conscientiam, sicut in genere scriptura probat⁸²⁾ alia externa corporis officia, edere, arare, aedificare. Et cum hae res sint subiectae rationi, nihil opus est in scriptura singulas artes tradere. Scriptura revelat nobis voluntatem Dei, non hoc agit, ut architectonicam, medicinam, aut similes artes doceat, quae ratione deprehendi possunt.

Dominari potest magistratus, quamvis sit impius.

Miras tragoedias excitavit alicubi Wiclefus⁸³⁾, qui contendit eos, qui non habent Spiritum sanctum, amittere dominium. Et collegit multas sophisticas rationes ad confirmandum hoc dogma. Nos testimonia quaedam recitabimus ex scripturis, quae ostendunt, quod imperia tenere possint etiam impii. Christus enim inquit (Matth. 22, 21.): Date Caesari, quae Caesaris sunt. Constat autem tunc fuisse impium Caesarem. Et Paulus vocat magistratum Dei ministrum, et scribebat hoc ad Romanos (13, 4. 6.), ubi sciebat impios magistratus esse. Petrus (1. epist. 2, 13. 18.) iubet etiam iniquis magistratibus obedire. Christus inquit (Matth. 20, 25.): Reges gentium dominantur, ubi aperte tribuit regibus, quales tunc erant, dominationis titulum ac laudem. Et Daniel (2, 37.) clare dicit ad Nabugdonozor quod Deus dederit ei regnum. Et Psalmus (82, 6.) illos magistratus appellat Deos, quos obiurgat et multipliciter accusat. Talibus sententiis confirmanda sunt pectora piorum adversus fanaticas opiniones, ut etiam malos magistratus tolerant et venerentur, non propter privatos mores magistratum, sed propter ordinationem Dei. Functio⁸⁴⁾ ipsa, et mandatum Dei considerari et coli debet, etiamsi quid in privatis moribus vitii est.

81) Dei] sic Edit. 1530.; in Editt. 1535. et Basil. deest.

82) probat] sic Editt. 1530. et Basil.; Edit. 1535. probet.

83) Vid. p. 259. nota 11.

84) ordinationem Dei. Functio] sic Editt. 1535. et Basil.; Edit. 1530. ordinationem. Dei Functio.

Et Christianos hoc meminisse oportet, quod propter populi peccata Deus immittat nobis malos et perniciosos magistratus. Nostra igitur peccata accusemus, non magistratus, si quid incommodi est in imperio. Itaque quod ab Euripide⁸⁵⁾ dictum est,

τὰς τῶν κρατούντων ἀμαθίαις φέρειν χρεών·

in primis decet praestare Christianos, qui sciunt imperia Dei ordinationem esse, et habent gravissima praecepta, ne hanc ordinationem perturbent, sed ut eam religiose venerentur, et summa voluntate pareant.

Verum ad exercenda ingenia recitabimus quaedam argumenta Wiclefi⁸⁶⁾ sane spinosa quae ostendunt autorem neutiquam simplici aut sano ingenio fuisse. Sic ratiocinatur:

Dominium civile fundatum est in naturali.

Naturale dominium est esse iustum.

Ergo civile dominium est esse iustum.

Minorem probat, quia Adam accepit dominium in Paradiso cum originali iustitia.

Respondendum est, minorem esse falsam, quia naturale dominium non est esse iustum, nec oportet iustitiam, praesertim privatam coniunctam esse cum dominatione. Quanquam enim Adam cum accepit dominium, iustus erat, tamen amissa⁸⁷⁾ originali iustitia, cum non moreretur, non amisit dominium, sicut nec rationem amisit. Nihil enim est dominium naturale, nisi iudicium rationis, statuens quomodo et quo ordine rebus naturalibus commode uti possimus [ad tuendam vitam.

Si quis hanc solutionem cavillabitur, poterit opponi ratio firmior. Dominium civile fundatum esse in ordinatione Dei, ordinatio Dei instituta est etiam post peccatum Adae. Igitur dominium civile potest contingere malis. Semper autem firmiora sunt, quae sumuntur a iure divino et ex scripturis, quam quae sumuntur a ratione. Ideo proximo argumento facile potest everti ratio Wiclefi. Minor autem est manifesta, quod sit ordinatio Dei, ut aliqui imperent, et alii pareant. Haec instituta est, vel in hoc praecepto (Exod. 20, 12.): Honora patrem et matrem, vel in verbis ad Noë dictis (Genes. 9, 6.): Si quis fuderit

85) Eurip. Phoen. 396.

86) Wiclef] Editt. 1530. et Basil. Vuiglephi (eadem nominis forma in proximo praecedentibus et sequentibus in Editt. huius Comment. reperitur), Edit. 1535. Vuilephi.

87) amissa] sic Editt. 1530. et Basil.; Edit. 1535. causa.

sanguinem hominis, fundetur sanguis eius per hominem, vel cum Adae commissum est imperium in familiam.

Denique lex coepit esse necessaria, post Adae peccatum, ad coercentes impios, ergo coepit etiam necessarius esse magistratus qui legem exequeretur⁸⁸⁾. Potest igitur dominium naturale hoc quoque modo definiri, quod sit lex naturalis, quae ordinet certos, qui praesint, ad coercentes impios. Constat enim Adam post peccatum retinuisse notitiam naturalem legis, sicut retinuit rationem. Porro civile dominium est executio domini naturalis. Nam ut ordine administrantur respúblicae, necesse est certis personis mandare magistratus, et reliquis interdiceret administrationem. Id dicitur civile dominium, estque effectus quidam domini naturalis. Quae vero confusio futura esset rerum publicarum, imo et familiarum⁸⁹⁾, si magistratus, si parentes amitterent dominium, quoties Deum offenderent? Nunquam certa pax esset ullius familiae aut civitatis. Quotidie enim haberent seditiosi homines causam

88) exequeretur] sic Editt. 1530. et Basil.; Edit. 1535. typogr. errore: exqueretur.

89) familiarum] sic Editt. 1530. et Basil.; Edit. 1535. familiarium.

eripiendi imperia dominis, non solvendi creditum, cum disputarent dominos esse non posse, si qui reposcerent creditum. Facile enim est invenire in altero peccatum, quod allegari posset. Argumentatur et hoc modo Wiclefus:

Impii quidquid agunt, iniuste agunt.

Ergo etiam iniuste possident res et imperia.

Non sunt igitur vere domini.

Respondendum est, non sequi quod non sint vere domini, tantum hoc sequi quod dominio abutantur, quia non addunt fidem erga Deum. Neque vero hic abusus pugnat cum natura domini. Ut si quis argumentetur:

Impii quidquid agunt, iniuste agunt,

Ergo etiam iniuste comedunt,

Igitur non vere comedunt.

Hic manifeste apparet posterius consequens *ἀνακολούθου* esse. Iniuste possidere, sicut iniuste comedere, significat sine fide coram Deo possidere, aut comedere. Non significat ipsam possessionem malam esse, aut cibum malum esse. Sed pudet recitare tam procul accersitas et molestas cavillationes. Quanquam prodest interdum in talibus disputationibus haec exempla ostendere iuvenibus, ad acuenda iudicia, ut videant quibus somniis fanaticae mentes quum a veritate semel deerraverunt, decipiantur.

Nota. Editionem anni 1531., quam in Prolegomenis commemoravi, cum reliquis conferre mihi non contigit.

V.

PH. MEL. QUAESTIONES ALIQUOT ETHICAE,
DE IURAMENTIS, EXCOMMUNICATIONE ET ALIIS CASIBUS OBSCURIS.

Hae quaestiones, vivo Melanthono, quater editae sunt, bis seorsim, bis ethicae doctrinae elementis annexae. Illae priores singulares prodierunt *Witebergae* 1552. et 1554. 8. inscriptae:

Quaestiones aliquot Ethicae, de iuramentis, excommunicatione et alijs casibus obscuris, explicatae in lectione Ethica a Philippo Melanthono. Vid. Prolegomena p. 17—18. Nr. V.

Hae autem posteriores ethicae doctrinae elementis annexae editae sunt *Witebergae* 1557. et 1560. 8. Vid. Prolegomena p. 165—166., ubi editionem a. 1557., et p. 15—16., ubi editionem a. 1560. descripsimus. Cum ethicae doctrinae elementis saepius sunt recusae.

DE IURAMENTIS.

Normas actionum recte quaerit philosophia in notitiis naturalibus, sed in hac imbecillitate naturae Deus etiam sua voce expressit discrimina actionum, tradidit legem, et ostendit quae actiones cum sua mente congruant, quae non congruant. Quare nos in Ecclesia rectius a voce et mente divina sumimus actionum discrimina. Deinde etiam intueamur radios divinae sapientiae sparsos in mentes humanas, ut saepe de lege dicimus.

Expressit autem Deus sua voce sententiam, qua affirmat se veracem esse, et odisse mendacium, ut Ioann. 7, (28.) et Rom. 3, (4.) dicitur: Deus verax est, et praecipit creaturae rationali ut sit verax, ut in praecepto secundo et octavo dicitur. Vultque hanc virtutem propter plurimas causas nobis notissimam esse, quarum prima est: Quia vult nos non ludere furoribus opinionum de se, sed agnoscere se qualis sit ¹⁾.

Deinde vult intelligi sese veracem esse, et vult sciri sua dicta comminationes et promissiones firmas et ratas esse.

Tertio, vult discerni hac virtute a diabolicis, qui mendacia spargunt contumeliosa adversus Deum, et pernicioso humano generi, ut aegre faciant Deo, et quam plurimos homines perdant.

Quarto, vult agnosci utilitates. Non potest sine veritate conservari natura, quia cum datur venenum pro cibo, extinguitur homo.

Quinto, nulli contractus, nulla societas esse posset, si pacta non servarentur. Sed utilitates tam late sparsae sunt in vita, ut commonefaciant nos de illa summa causa, ut amemus veritatem in agnitione Dei, et sciamus Deum veracem esse, et comminationes et promissiones eius firmas et ratas esse.

Haec de fonte veritatis breviter dixi, ex quo verae laudes amplissimae sumi possunt, et consideratis his fontibus, accenduntur animi ad veritatis et Dei amorem. Et quia de iuramentis dicturi

1) sit] sic Edit. 1560.; Editt. 1552., 1554. et 1557. est.

sumus, exordimur a descriptione veritatis, eo quod iuramenta sunt veritatis confirmatio.

Admonendi sunt autem iuniores de vocabulo. Aliquando veritas significat notitiam veram, seu sermonem verum, seu doctrinam veram, videlicet cum re congruentem, ut cum dico: Arithmetica est veritas. Sic loquitur Paulus (Rom. 1, 18.): Veritatem Dei in iniustitia detinent, id est, veram notitiam legis.

Aliquando significat virtutem, ut cum Paulus inquit: Veritatem facite*). Item cum dicitur: Veritas est fundamentum aliarum virtutum.

Est autem virtus veritas seu veracitas firma *προαίρεσις* in voluntate, id est, constanter velle amplecti veras sententias, dicere vera, servare pacta, in sermone et gestu cum rebus congruere. Huius virtutis pars et fidelitas nominatur, de qua dicitur in his dictis: Fac mecum misericordiam et veritatem**), id est, beneficentiam et fidelitatem servantem promissa.

Sunt et aliae vicinae appellationes, ut (Ioann. 14, 6.): Ego sum via, vita et veritas. Metalepsis est, id est, efficiens vitam, ostendens veram doctrinam, flectens corda ad verae doctrinae assensionem, et efficiens vera et aeterna bona in cordibus hominum, non umbras. Haec de vocabulo satis sit monuisse.

Necesse est autem tueri veritatem in dictis etiam sine iuramento. Sed tamen hoc³⁾ vinculum accedit, videlicet iuramentum, quod non solum expresse approbat Deus in lege sua, Deuter. 6, (13.): Per nomen eius iurabis; sed ipse suis sermonibus saepe addit, ut (Psalm. 110, 4.): Iuravit Dominus, et non poenitebit eum. Item: Vivo ego, nolo mortem peccatoris etc.**).

Est autem iuramentum asseveratio de re possibili et licita, facta cum invocatione veri Dei, qua petimus ut sit testis dictorum, et puniat fallentes, et nos ipso teste ad poenam obligamus, secundum ipsius cominationem, quasi arguentes eum mendacii, si non puniat fallentes, sicut dixit (Exod. 20, 7.): Non habebit insontem Deus, quisquis vane usurparit nomen eius.

Haec definitio aliquo modo ostendit, quam terribile vinculum sit iuramentum, et quantum mali sit violatio iuramenti, quia violatio multi-

*) Conf. Ephes. 4, 15.

2) Conf. 2. Sam. 15, 20.

3) hoc] sic Editt. 1552. et 1554.; Editt. 1557. et 1560. deest.

***) Conf. Ezech. 18, 32.

pliciter afficit Deum contumeliis, cum sit rogatus, ut sit et testis et vindex. Violatio negat eum esse testem veracem, contemnit eius vindictam, et arguit eum mendacii, sicut inquit Lysander⁴⁾: Pueros astragalus ludere, reges iuramentis. Item *ὄρκος ἐταῖρος ταῦτό καὶ δημηγόρου*. Tantas contumelias Deus verax et iustus severe punit, et expressis verbis suam sententiam de poena tradidit, eamque atrocibus exemplis quotidie confirmat.

Auget autem atrocitatem delicti quod nos ipsos ad poenam iurando obligamus. Haec saepe cogitanda sunt, non solum ne violemus iuramenta, sed etiam ne simus faciles in iurando, sicut inutilitas illa taxatur Matth. 5, (34 sqq.).

Definitio iurisconsultorum aliquanto obscurior est: Iuramentum est asseveratio de re possibili et licita sacrae rei attestazione confirmata. Illustrius est cum dicimus esse asseverationem cum invocatione ipsius Dei, ut sit testis et vindex, quia sic fit confirmatio dicti, videlicet invocatione Dei, ut sit testis et vindex. Obscurius etiam dicitur, cum nominat rem sacram.

Haec de definitione breviter dicta sint. Nunc addendae sunt explicationes sequentium quaestionum:

- I. An iurare sit prohibitum aut concessum.
- II. De quibus rebus iurari possit.
- III. Quae iuramenta sint irrita, et non sint iuramenta.
- IV. De iuramento quod vi seu metu coacti facimus.
- V. Quomodo sit iurandum.
- VI. Quis possit iurare.
- VII. Quae sit interpretatio non sophistica iuramenti.

De prima quaestione.

An iurare sit prohibitum, cum in Matthaeo (5, 34.) expresse dicatur: Ego autem dico vobis, prorsus non iurate.

Hac quaestione Anabaptistae multi turbant politica vincula in civitatibus. Sciendum est igitur sine ulla dubitatione, verum iurare esse opus suo genere bonum, et a Deo ordinatum et concessum, quia lex Dei Deuteronomion 6, (13.) expresse inquit: Per nomen eius iurabis. Et ad

4) Plut. Lysand. c. 8.: *ὄρκους ἀνδρῶν, ἀστραγάλους δὲ παιδῶν ἔξαναίτων*.

Hebr. 6, (16.): Omnis controversiae finis est iurandum. Et praecipuum vinculum est politici ordinis.

Constat autem politicum ordinem a Deo institutum et approbatum esse: non dubium est igitur et iusiurandum approbari. Et Paulus magna exaggeratione iurat Rom. 9, (1.): Veritatem dico in Christo Iesu, etc.

Quomodo igitur dictum in Matthaeo leniendum est? Respondeo: Recte institutis et intelligentibus discrimen legis et Evangelii, ac politici ordinis facilis est explicatio. Totum illud caput loquitur non de politico ordine, sed de legis interpretatione, quae singulorum corda arguit. Ut non tollit politicam defensionem, cum inquit (Matth. 5, 39.): Non resiste malo. Nequaquam enim hic constituit politiam, sed singulorum corda arguit, sicut antea dixit (Matth. 5, 28.): Qui concupiscit alterius uxorem, est moechus. Ita hic laesi praesertim iniuste incenduntur cupiditate vindictae, et ira et dolore ardentis movent imperia, sicut Coriolanus intulit bellum patriae⁵⁾, de quo dicit historia⁶⁾: οὐδὲ ἡ πάντα τ' ἀνθρώπινα ἐπικουμοῦσα χάρις ἐπὶν αὐτοῦ τρόπους, ἀλλ' αἰεὶ μικρὸς ἦν.

Iam Deus in interpretatione legis ostendit peccatum esse non solum externam caedem, sed etiam illas flammam odii et cupiditatis vindictae temere errantes. Quasi dicat: Non loquor iam de defensione politica, cum poteris eam habere, utaris; nunc tecum in iudicio Dei de tuo corde loquor, agnosce inordinata incendia cordis tui, quod fremit adversus Deum, et inordinate cupit delere adversarium.

Ita de iuramento, non prohibet Dominus iuramenta sancita lege Dei, vel ordine politico. Quasi dicat: Utaris ordine politico, cum opus est, nunc seorsim futilitatem cordis humani accuso, quod non considerat, quam formidabile vinculum sit iuramentum, et quantum malum sit

Deum contumelia afficere, cum invocatur, ut sit testis mendacii. Itaque multi facile de qualibet re iurant, multi fingunt novas formas iurandi etc. Talia multa vitia Dominus simul taxat.

Restat igitur hoc quod nequaquam prohibita sint iuramenta, quae non fiunt temere, sed cum magistratus et iudices postulant, aut alia necessitas, quia textus (Hebr. 6, 16.) perspicue dicit: Omnis controversiae finis est iusiurandum. Et hoc iusiurandum delatum a magistratu vel iudicibus Graeci nominant ὕρκον ἐπακτόν⁷⁾.

Alii respondent hoc modo: Dictum in Matthaeo tantum prohibet modos illicitos: Non per coelum, Non per terram. Nam cum iuratio sit invocatio Dei, ut sit testis et vindex, manifestum est alios modos illicitos esse, quia sunt invocationes creaturarum.

Secundo. Sin autem forma iurandi per creaturas excusatur tanquam sponsio, qua aliquid deponitur, ut, Veniam aut dabo tibi decem aureos; haec sponsio non potest fieri nisi de rebus nostris, quas transferre possumus. Ideo non facienda est per coelum et per terram, nec per caput nostrum, quia haec non possumus alteri tradere, et de nostris membris recte dicitur a iurisconsultis: Nemo est dominus membrorum suorum, iuxta dictum: Non occidas. Nostra corpora et membra sunt Dei, et utendum est eis ordine a Deo instituto.

Maxime autem consideranda est particula (Matth. 5, 37.): Sit sermo vester Est, est, Non, non. Ubi mandatur, ut simus veraces, et sciamus Deum postulare⁸⁾ hanc virtutem a nobis, ut sciamus et ipsum veracem esse, credamus eius minis et promissionibus, ne fingamus in eo contradictorias voluntates.

Postea inquit (Matth. 5, 37.): Quod amplius est, a malo est. Intellige, quod amplius est in iurantibus sine necessitate, sicut textus inquit: Quod superfluum est, id a malo est, id est, ab illa futilitate humana, non considerante magnitudinem iurandi, quam futilitatem supra taxari dictum est.

5) Ca. Marcus Coriolanus patriae intulit bellum 490—486. a. Chr., 264—266 a. u. c., vid. Liv. II, 26—40. Dionys. VIII, 12—54., Plut. Coriol. c. 26—38.

6) οὐδὲ ἡ πάντα — μικρὸς ἦν.] sic omnes Editt. harum quaestionum ethicarum. Verba Dionysii Halicarn. antiq. Rom. I. VIII. c. 61. (opera ed. Reiske Vol. III. p. 1650.), quae h. l. laudantur, genuina haec sunt: τὸ γὰρ πρὸς καὶ φραζῶν οὐκ ἐπὶν αὐτοῦ τοῖς τρόποις, οὐτὲ τὸ θεραπευτικὸν τῶν πέλας ἐν τε ἀσπασμοῖς καὶ προσαγορεύσεσιν, οὐδὲ δὴ τὸ ἐδιδάκτατον καὶ μειριοπαδές, ὅποτε δὲ ὄργης τῶ γέγοντο, οὐδὲ ἡ πάντα τὰ ἀνθρώπινα ἐπικουμοῦσα χάρις ἀλλ' αἰεὶ μικρὸς καὶ χαλεπὸς ἦν.

7) ὕρκος ἐπακτός h. l. recte explicatur: esse iusiurandum non voluntarium, sed ab altero delatum; alii contra sic vocant iusiurandum, quod quis sua sponte suscipit, vel quo quis ultro se obstringit. Vid. Harpocrat., Hesych., Suid., Etym. Magn. et Rob. Stephani thesaur. gr. ling. ed. Hase et Dindorf s. v. ἐπακτός.

8) Deum postulare] sic Editt. 1552. et 1554.; Editt. 1557. et 1560. Deum et postulare.

Secunda quaestio.

De quibus rebus iurare liceat?

Respondeo. Usitata et vera regula est: Iuramentum nequaquam sit vinculum iniquitatis. Id est, nemo promittat se facturum esse opus lege divina prohibitum, et nequaquam faciat tale opus lege Dei prohibitum, etiam cum promisit. Peccat enim promittens, et adderet peccatum peccato si faceret, ideo nequaquam faciendum est, ut Hippolytus cum iuravit Phaedrae se facturum esse quod peteret, illa postea petente incestam consuetudinem, recte dixit, se non obligari iuramento, et nota sunt eius verba:

Lingua iuravi, mentem iniuratum gero⁹⁾.

Haec regula valet in omnibus iuramentis, quae non possunt sine peccato praestari, id est, ubi iuramenti observatio ita praebet causam peccato, ut remoto eo vinculo id peccatum non fieret, ut in voto coelibatus et votis monasticis. Talia iuramenta, quae sine peccatis praestari non possunt, sunt illicita, et iudicentur esse irrita. Nam Deus invocandus est, ut sit testis et adiutor rei¹⁰⁾ honestae, non prohibita.

De iuramento quod metu coacti
facimus.

Si quis iurat hosti aut latroni, ut vitam redimat, se daturum esse¹¹⁾ aureos centum, ut crebra sunt exempla, quanquam fecit hoc terrore coactus, tamen tale iuramentum de re licita, id est, quae praestari potest sine peccato, quam promittens facere potest sine suo peccato¹²⁾, servari necesse est, quia is qui habet iurandi potestatem, et sciens iurat de re licita, necessario debet servare hoc iuramentum, iuxta secundum praeceptum Decalogi, cum talis actio vere sit iuramentum.

Nec valet elusio de violentia, nam re vera voluntas in ea promissione libera est, quia eligit

9) His verbis Cicero de offic. III. c. 29. §. 108. transfert Euripidis Hippol. 612.: 'Η γλώσσ' δ' αὐμώχ', ἡ δὲ φρον' ἀνώμοτος.

10) rei] sic Editt. 1552., 1554. et 1557.; Edit. 1560. typogr. errore: ei.

11) esse] sic Editt. 1552. et 1554.; in Editt. 1557. et 1560. deest.

12) quae praestari potest sine peccato, quam promittens facere potest sine suo peccato] sic Editt. 1552. et 1554.; Editt. 1557. et 1560. quae praestari potest sine suo peccato.

minus damnum, scilicet iacturam pecuniae, ut retineat vitam. Haec electio postquam facta est, nequaquam vult Deus periurio vitam aut pecuniam redimi. Ac recte de talibus licitis rebus dicitur: Voluntas coacta est voluntas, scilicet, quae rem licitam eligit sciens. Tales actiones nominat Aristoteles mixtas, et tamen re vera voluntariae sunt.

Etsi autem varietas responsionum de hoc casu magna est, tamen haec sententia, quam recitavi, vera est. Nec valet sophisma, quod post talia iuramenta in re licita docuerunt astute petendam esse absolutionem a iuramento. Servavit Regulus¹³⁾ tale iuramentum hosti datum, et meminimus exempla nostri temporis et eventus.

Quod autem in iure civili praetor dicit: Quod vi metus causa factum est, ratum non habeo¹⁴⁾. Sapienter et iuste sancit lex, ne praetor actionem det latroni, quia non debet confirmare latrocinia. Sed cum potestas politica nolit iudicare de alterius conscientia, relinquit hanc curam tibi ipsi privatim, ne¹⁵⁾ violes iuramentum. Non igitur prohibet facere promissa, tantum hoc ostendit, se nolle confirmare latrocinia, aut armare aut iuvare latronem.

Haec est simplex et non sophistica interpretatio vetusti iuris. Diserte autem addidi, has actiones esse iuramenta, si res licita promittatur, et iurans iuret sciens, et habeat potestatem iurandi. Nequaquam enim sunt iuramenta, cum iurans promittit se facturum esse rem prohibitam lege Dei, aut impossibilem, aut quae sine peccato fieri non potest.

In iure canonico¹⁶⁾ excogitata est elusio: Si quis iuravit metu fractus, iubent cum petere ab-

13) Vid. supra p. 169. nota 6.

14) Dig. IV. tit. 2. Quod metus causa gestum erit. fr. 1. (Corp. iur. civ. ed. Beck T. I. P. I. p. 269.): Ait Praetor: Quod metus causa gestum erit, ratum non habeo. Olim ita edicebatur: Quod vi, metusve causa. Vis enim fiebat mentio propter necessitatem impositam contrariam voluntati, metus autem propter instantis vel futuri periculi causa mentis trepidationem. Sed postea detracta est vis mentio ideo, quia, quodcumque vi atroci fit, id metu quoque fieri videatur. Conf. etiam Cod. II. tit. 20. De his, quae vi metusve causa gesta sunt (I. I. T. II. P. I. p. 227 sq.).

15) ne] sic Editt. 1552., 1554. et 1557.; Edit. 1560. nec.

16) Conf. Decretal. Gregor IX. l. II. tit. 24. De iureiurando. cap. 8. (Corp. iur. canon. ed. Richter P. II. p. 349.) inscriptum: Si iuramentum per metum extortum servari

solutionem a pontifice, et hac absolutione dicunt liberari cum qui iuravit, ne conscientia sit rea, si non praestet promissa. Sed hic error contumeliosus est contra Deum, et cumulat peccata. Nulli enim homines possunt solvere vinculum iuramenti, cum promissio re ipsa confirmata est vero iuramento, quia haec obligatio fit immediate inter Deum et hominem, ut Matth. 5, (33.) dicitur: Non peierabis, sed solves Deo iuramentum tuum. Iam cum in illo casu de metu, de quo diximus, promissio confirmata sit vero iuramento, manifestum est absolutionem pontificum commentitiam esse.

Rursus in casibus, ubi promissio non est re vera iuramentum, non quaerenda est absolutio. Non enim ludendum est praetextu absolutionis. Ut cum iurat aliquis se facturum esse aliquid a Deo prohibitum, aut cum mulier vivo marito promittit alteri coniugium futurum post mortem mariti, aut cum puer iuravit, qui potestatem iurandi non habet, in talibus casibus promissiones re ipsa non sunt iuramenta, nec conscientiae turbandae sunt, sed docendae quatenus re ipsa sint¹⁷⁾ iuramenta.

Quae personae iurare possint.

In iuramentis et personae et res considerandae sunt. Cum enim in promissione oporteat esse deliberationem et consensum, non sunt iuramenta asseverationes earum personarum, quarum nulla est deliberatio, ut puerorum et furiosorum, item fraude circumventorum, item earum quibus lex adimit autoritatem, ut sunt pupilli, item, cum filiusfamilias aut filia iurat se corpus aut rem a patre alienaturum esse, cum tamen sit¹⁸⁾ in alterius potestate. Item cum habens mandata de certis rebus egreditur fines mandati, et promittit de aliena voluntate, quam non habet in sua potestate.

Talium personarum promissiones non sunt iuramenta, nec facere promissa necesse est, sicut senatus Romanus promissa Posthumii ad furcas

potest sine interitu salutis aeternae, servandum est; ecclesia tamen Romana consuevit a tali iuramento absolvere.

17) sint] sic recte Edit. 1552.; Edit. 1554., 1557. et 1560. sunt.

18) sit] sic Edit. 1552., 1554. et 1557.; Edit. 1560. sit.

Caudinas¹⁹⁾, et Mancini²⁰⁾ ad Numantiam²¹⁾, pronuntiavit irrita esse, quia duces egressi erant fines mandati. At primo bello Punico Luctatius²²⁾, et secundo Scipio²³⁾ pacem fecerunt cum Carthaginiensibus, quae non prius valuit, quam a senatu Romano comprobata est.

Ita dicitur usitate, valet iuramentum salvo iure superioris. Quo dicto nequaquam tamen conceditur potestas superiori quaelibet iuramenta inferiorum retractandi.

Moventur autem hic disputationes, an cum iurat quispiam se facturum esse aliquid, quod lege humana prohibitum est, iuramentum valeat.

Respondeo: Cum violatio legis alioqui esset peccatum, tunc iuramentum sine dubitatione est illicitum, et non servandum. Ut si promittas latroni receptum, quod lex prohibet, aut si promittas alteri adhuc nuptiae coniugium.

Sed quando lex nec mandatum, nec prohibitio est, sed privilegium, quo sine peccato uti potes, aut non uti, tunc valet iuramentum personae habentis deliberationem, ut cum aliquis privilegio exceptus promittit se velle pendere communia tributa. Bonae menti non difficilis diiudicatio est consideranti distinctionem legum, quae sint mandata, aut privilegia tibi non mandantia.

19) Bello Samnitico secundo a. u. c. 433., 321. a. Chr., T. Veturius Calvinus et Sp. Postumius Albinus consules apud Caudinas furcas deducto in locum arctum exercitu, quam nulla spes evadendi esset, foedere cum Samnitibus facto, et sexcentis equitibus Romanis obsidibus datis, ita exercitum abduxerunt, ut omnes sub iugum mitterentur; iidemque, auctore ipso Sp. Postumio, qui in senatu suaserat, ut eorum deditio, quorum culpa tam deforme foedus ictum erat, publica fides liberaretur, cum duobus tribuna plebis, et omnibus, qui foedus sponderant, dediti Samnitibus, non sunt recepti. Vid. Liv. IX, 1—12.

20) Mancini] Edit. habent: Mantini.

21) Numantino bello a. u. c. 617., 137. a. Chr. C. Hostilius Mancinus victus a Numantinis et castris exutus, quam spes nulla servandi exercitus esset, pacem cum eis fecit, quam ratam esse senatus vetuit. Ad exsolvendum huius foederis religione populum Mancinus, quum huius rei auctor fuisset, deditus Numantinis, non est receptus. Vid. Appian. 79—83. Plut. Tib. Gracch. 5—7. Liv. Epit. LV. LVI. Val. Max. I, 6. 7. — Utrumque exemplum etiam Cicero de Offic. III. c. 30. §. 109. affert.

22) L. Lutatius Catulus Carthaginienses a. u. c. 512., 242. a. Chr. ad Aegates insulas victos coegit, ut pacem peterent. In hoc Lutatii Hamilcarisque foedere diserte additum est, ita id ratum fore, si populus censuisset. Vid. Polyh. I, 62—64. Zonar. VIII, 17. Oros. IV, 11. conf. Liv. XXI, 19.

23) P. Cornelius Scipio Africanus (maior) a. u. c. 552., 202. a. Chr. Hannibalem ad Zamam ita devicit, ut Carthaginienses anno sequenti pacem peterent, quam conditionibus a Livio XXX, 37. enarratis impetrarunt.

Caeterum disputari posset a sapientibus, an ita recte consuleretur conscientis etiam in iuramentis metu extortis, si lex simpliciter pronuntiaret iuramenta latronibus data non valere, et prohiberet solvi promissa, sicut et in Numer. cap. 30, (4—9.) scriptum est: Cum pater aut maritus contradicunt mulieri iuranti²⁴⁾, non valere iuramentum, et eam non fieri ream, cum non servat iuramentum. Sed hanc quaestionem aliis relinquo cogitandam reverenter de re tanta iudicantibus.

De interpretatione iuramenti.

Non loquimur de sophisticis iuramentis, ubi luditur ambiguitate verborum, ut multa extant exempla in historiis, ut qui pactus triginta dierum inducias, noctu populabatur agros²⁵⁾. Ibi dictum communi more recte loquentium perspicuum est, sed calumniose depravatur, et tales praestigiae non possunt regulis comprehendere, sed auctoritate superiorum tollendae sunt. Sed ubi verba perspicua sunt, et nulla cavillatio est, interdum accedere interpretationem oportet. Ut aliquis iurat se daturum alteri certam domum, haec domus perit incendio, hic impossibilitas addit hanc interpretationem, scilicet, si res manserit in eodem statu, et fit irrita promissio.

Milites iuraverunt se duci obtemperaturos esse, duce capto, liberantur ab hac obedientia. Ita facilis est interpretatio, ubi re mutata sequitur impossibilitas.

Interdum sequens iniustitia addit interpretationem. Ut iuravit aliquis se redditurum²⁶⁾ esse gladium, non reddens furioso recte facit.

Talis est casus Davidis, qui iurat se interfecturum esse Nabal et eius familiam²⁷⁾, et quia rex erat, et defenderat greges Nabal, videbatur iustam irae causam habere; sed cum interveniret deprecatrix Abigail, prorsus abiicit David consilium de vindicta, etiamsi aliter iuraverat. Sed vidit secururam esse iniustitiam, iniuste interfecisset illius uxorem matronam sanctam, et ser-

vos, quorum aliqui certe iusti erant, et in hoc casu innocentes. Et sciebat in comminationibus excipi poenitentiam, sicut Deus ipse excipit; ut ostendit historia Ioniae (3, 10.).

Quaquam autem Nabal non agit poenitentiam, tamen reliqua familia est placata, ideo parcat honestissimae matronae²⁸⁾, et familiae, et Deo gratias agit, quod interveniret Abigail, ne quid durius faceret (1. Sam. 25, 32—34.).

In hanc sententiam dicunt iurisconsulti, iuramenta calore iracundiae facta, non habere auctoritatem. Quod dictum tamen suas metas habet, ut non valent, cum secutura est iniustitia.

Est autem pulcherrima imago in exemplo Abigail²⁹⁾.

Sic comminationes divinae intelliguntur cum exceptione poenitentiae, cum Ecclesia fit deprecatrix, Deus multis parcat, et tamen suo tempore Nabal tollitur, videlicet isti, qui praecipui suis furoribus irritant iram Dei, et non agunt poenitentiam.

Facilior est responsio de Iosue, qui servavit Gabaonitas³⁰⁾, cum lex divina iussisset omnes Cananaeos deleri, ut Deut. 20, (17.) scriptum est. Quaquam Iosue deceptus erat, et propter errorem iuramentum videbatur esse irritum, tamen non mutat promissa, sed antefert iuramenti reverentiam mandato, in quo ipso tamen sciebat hanc interpretationem comprehensam esse, ut parceretur supplicibus, sicut expresse scriptum est Deut. 20, (11.). Praeterea et omnium gentium, in quibus mediocris cura fuit iustae gubernationis, mos fuit parcere supplicibus:

μηδ' ἐκέλευς ἀδικεῖν, ἐκέλευε ἰεροὶ τε καὶ ἄγνοι.

In hoc honestissimo more Deus etiam³¹⁾ imaginem suae clementiae proposuit. Vult parci supplicibus, id est, iis, qui agnoscunt culpam, et offerunt se ad poenam, et petunt mitigationem. Hoc commune ius supplicum violare turpissimum fuisset duci eius populi, qui unicus in terris erat populus Dei, et praecipue intelligebat et colebat iustitiam et alias virtutes.

24) iuranti] sic recte Edit. 1552.; in Editt. 1554., 1557. et 1560. iurandi.

25) Conf. supra p. 400. nota 20.

26) redditurum] sic Editt. 1552., 1554. et 1557.; Edit. 1560. typogr. errore: rediturum.

27) 1. Sam. 25, 22 sqq. De hoc Davidis iuramento disseritur in Decreti secunda parte, causa XXII. quaest. IV. c. 6. (Corp. iur. canon. ed. Richter F. I. p. 765.).

28) matronae] sic Editt. 1552., 1554. et 1557.; Edit. 1560. typogr. errore: matroni.

29) Abigail] sic Editt. 1552. et 1554.; Editt. 1557. et 1560.—Abigal. Illa forma reddit hebr. plenam אֲבִיגַיִל, haec contractam אֲבִיגַיִל.

30) Vid. Ios. 9, 18 sqq.

31) Deus etiam] sic Editt. 1554., 1557. et 1560.; Edit. 1552. etiam Deus.

In voto Iephtae³²⁾ vera interpretatio fuit, cum promississet se immolaturum esse quicquid primum occurrisset. Intelligenda erat promissio de re, quam licebat secundum legem offerre, non de hominibus, non de equis, non de canibus, non de porcis, ac multo minus de hominibus. Itaque nequaquam fuit immolanda filia.

Aliud exemplum.

Necesse est et de hac interpretatione omnes homines commonefieri. Cum in omni gubernatione iurent cives, sicut scholastici rectori, se legibus obtemperaturos esse, sciendum est non esse periueros eos, qui statutis, quibus poenae aliae corporales adduntur, non obtemperant, si tamen in poena obedire non recusant.

Ut scholasticus, qui noctu in plateis tumultuatur, non est periurus, si postea a rectore citatus, obtemperat in poena, quia iuramentum obligat ad legem. Lex autem obligat vel ad obedientiam, vel ad poenam.

Sed cum scholasticus aut civis recusat obedire in poena, tunc sine ulla dubitatione periurus est. Tunc quoque periurus est, cum expressa est edicto haec sententia: Nisi obtemperet censeris cum esse periurum. Item, qui citatus non accedit ad iudicem.

Has admonitiones notas esse omnibus in communi vita prodest, ubi primum hoc considerandum est, summum vinculum esse in omni imperio iuramentum, quod est invocatio Dei, qua subditi petunt, ut Deus sit custos gubernationis et ipsorum si obtemperant, et re vera puniat eos, si sint contumaces. Ita initium est imperiorum³³⁾ ab agnitione et invocatione Dei.

Deinde et haec consideratio studiosis digna est. Multi ritus politici sunt umbrae iudicii et iustitiae Dei. Sicut igitur in politica consuetudine lex obligat vel ad obedientiam vel ad poenam: ita coram Deo sumus obligati vel ad recte faciendum, vel ad poenam. Cum autem non sit in nobis obedientia, poenam solvi necesse est. Haec autem derivata est in filium, et valet poena eius pro aliis, quia ipse est innocens. Haec admiranda consilia et hunc ordinem discemus in vita aeterna. Sed tamen utile est aspicere politicam consuetudinem, et considerare hanc for-

³²⁾ Vid. Iud. 11, 30 sqq.

³³⁾ imperiorum] sic Edit. 1552.; Edit. 1554., 1557. et 1560. typogr. errore: impiorum.

nam, non temere excogitatam esse, sed esse ordinatam sapientia et iustitia Dei, et nos propter Deum reverenter huic ordini debere subiectos esse, et ei obedire propter Deum. Nam et politicarum poenarum hae causae sunt:

Prima.

Quia Deus³⁴⁾ vult intelligi et notum esse discrimen virtutum et vitiorum, ut sciamus qualis sit ipse, quod non intelligeretur, nisi sancitae essent poenae.

Secunda.

Quia cum Deus iustus sit, vult delere iniustos, sicut inquit (Deut. 4, 24.): Deus est ignis consumens.

Tertia.

Vult has breves poenas commonefactiones esse de poenis aeternis.

Quarta.

Vult commonefactiones esse de poenitentia.

Quinta.

Consultitur utilitati aliorum, cum contumaces tolluntur, ne plures laedant.

Sexta.

Exemplum ostenditur, ne alii delinquant.

Ac de postremis causis saepius loquuntur homines, quae ab utilitate sumptae sunt magis conspicuae. Sed priores illae oriuntur a sapientia et iustitia Dei.

De absolute a iuramento.

Iurat ipse Deus, sicut inquit: Vivo ego³⁵⁾. Item: Ego Dominus³⁶⁾, affirmans aliquid per hanc veritatem, quod ipse sit vere Deus, verax, et sanciens sua dicta immutabiliter. Deinde vult et inter homines iuramenta vincula esse prorsus immutabilia, sicut scriptum est Matth. 5, (33.): Reddes Domino iuramenta tua.

Quare nemo potest hominem sic absolvere a iuramento, quod re vera est iuramentum, ne faciat promissa. Et impietas est tribuere ullis creaturis hanc auctoritatem, quod possint abolere iuramentum, quod re vera est iuramentum, ut

³⁴⁾ Deus] sic Edit. 1552. et 1554.; in Edit. 1557. et 1560. deest.

³⁵⁾ Conf. e. c. Num. 14, 21. 28. Ezech. 20, 33.

³⁶⁾ Num. 14, 35. Ezech. 5, 17. 21, 17. 30, 12. et al.

cum iuravit aliquis sciens et volens, non errans, non coactus, de re honesta, possibili, quam ipse promittere potest, ut cum debitor in causa iusta iurat se certo tempore redditurum esse quantum debet, is nequaquam liberari potest, quo minus faciat promissum, et cum non facit, horribiliter peccat.

Ut autem caetera peccata post factum conversis remittuntur, ita violatio iuramenti post delictum conversis remittitur voce Evangelii audita a quocunque ministro. Nec plus ibi valet episcopi vox, quam aliorum ministrorum Evangelii, quia absolutio non propter personam ministri valet, sed quia est vox Evangelii. Et tamen sine ulla dubitatione violationem iurandi sequuntur poenae corporales. Quod autem Romani episcopi ad se traxerunt remissiones talium delictorum, iniustum est. Sed multo iniustius est, quod sumpserunt sibi auctoritatem absolvendi homines, ne facerent promissa legitimo iuramento.

Secunda regula.

Quando autem iuramentum re ipsa non est iuramentum, ut supra diximus, promissor non indiget absoluteione, ut cum David non interfecit Nabal, non erat opus ei absoluteione, quia nemo abolere potest iuramenta, quae sunt vere iuramenta. Sed quando miscentur iniustitia, error, impossibilitas, vox divina pronuntiat talia promissa nequaquam esse iuramenta, ut cum fecit aliquis vota monastica, consideret ipse cur sint irrita, quia orta sunt ex multis erroribus, et non servantur sine magnis peccatis, quia manifesti cultus idolorum in monasteriis multi sunt. In talibus casibus non absolvit Papa a iuramento, sed ipsa vox divina pronuntiat talia promissa nequaquam esse iuramenta, et usitate dicitur: Iuramentum non sit vinculum iniquitatis.

Adhibendi sunt autem in consilium homines docti et timentes Deum, cum fit interpretatio iuramenti, quia multa tristia errata accidunt propter sophisticam interpretationem, ut Zedechias promiserat pacem regi Babylonico, postea fit hostis³⁷⁾, quia multi disputabant, pacta contra legem Dei non valere. Lex promiserat stirpi Iuda

³⁷⁾ 2. Reg. 24, 20. Ier. 52, 3.

regnum et libertatem³⁸⁾: non igitur valebat promissio servitutis.

Hoc argumentum in speciem plausibile erat, cum tamen sit sophisticum, quia maior loquitur de mandato, non de promissionibus. Verum est pacta irrita esse, cum promittit aliquis, se facturum esse contra mandata Dei, ut si quis promittit cultum idolorum, sicut promittunt monachi.

Aliud est loqui de promissionibus. Lex promittit bonam valetudinem, fruges, pacem, et quidem promittit cum exceptione castigationis et crucis. Cum igitur Nabugdonosor³⁹⁾ capit regem Zedechiam⁴⁰⁾, sit iam captivus, et promittens servitutem, non promittat se facturum esse contra mandata Dei, sed toleraturum hanc poenam, ut si in carcerem abductus esset.

Est autem sophisticum dicta de mandatis transferre ad promissiones, sicut hoc errore Iudaei saepe impulsus sunt ad movendas seditiones, ut cum interrogant Dominum, an liceat pendere didrachmum Romanis⁴¹⁾.

Hac quaestione saepe disputata, sancti viri sapienter discernebant mandata et poenas. Sciebant in poenis corporalibus, cum nihil facerent contra mandata Dei, praestandam esse obedientiam, donec Deus mitteret salutare liberatores.

Sic fuit erratum a Romano pontifice^{*)}, cum iudicavit irritas esse inducias a Iohanne Huniade cum Turcis factas⁴²⁾, quia sine auctoritate Romani pontificis non liceret cum communi hoste christiani nominis aliquid pacisci. Ac postea Vladislaus rex Polonicus et Ungaricus, et multi nobilissimi homines, multarum gentium, magno proelio victi in acie⁴³⁾ ceciderunt.

³⁸⁾ Conf. Genes. 49, 10.

³⁹⁾ Nabugdonosor] sic Editt. 1552. et 1554.; Edit. 1557. Nabuchodonosor; Edit. 1560. Nabuchodonosor (quae forma cum LXX. et Vulg. congruit; hebraicae vero respondet Nebucadnezar).

⁴⁰⁾ 2. Reg. 25, 6.

⁴¹⁾ Matth. 22, 17 sqq. Marc. 12, 14 sqq. Luc. 20, 22 sqq.

^{*)} Scil. ab Eugenio IV. papa 1431 — 1447.

⁴²⁾ Hae induciae a Huniade (de quo conf. supra p. 177. nota 19.) cum Murad II. Sultano a. 1444. mense Iulio factae sunt; vid. Mailáth Geschichte der Magyaren T. II, p. 220. et Jos. v. Hammer: Geschichte des Osman. Reiches T. I. p. 456., vid. infra p. 490. nota 100.

⁴³⁾ In acie Warnensi, de qua conf. p. 480. nota 92.

Ex hac admonitione multae interpretationes iudicari possunt, videlicet, praecipue adhibendam esse hanc considerationem, an pactum prae-

cipiat aliquid facere contra mandata Dei, vel an non possit hoc observari sine violatione mandati divini.

DE DISCRIMINE POTESTATIS POLITICAE ET MINISTERII EVANGELII.

Sit ne verum dictum:

Petra dedit Petro, Petrus diadema Rudolpho⁴⁴⁾.
Et, an Constantinus⁴⁵⁾ et Theodosius⁴⁶⁾ recte fecerint, quod mandarunt claudi templa idolorum.

Hae quaestiones recitantur, ut doctrina de discrimine potestatis politicae et ministerii evangelici repetatur, quam oportet notissimam esse in genere humano, et manifestum est horrenda mala sequi, cum non intelliguntur metae utriusque potestatis, ut cum Nabuchdonosor⁴⁷⁾ et alii innumerabiles nova numina instituerunt. Et semper fuerunt aliqui reges hostes⁴⁸⁾ Evangelii. Et episcopi excogitaverunt novos cultus, et falsa dogmata, et Romani pontifices finxerunt, se dominos esse regnorum mundi, et ad suam auctoritatem pertinere, vacantibus regnis praeficere dominos, unde hic versus est, qui fuit inscriptus coronae Rudolphi, electi contra Henricum quartum, et sepulti in Mersburg, ubi in pugna ei manus praecisa est⁴⁹⁾:

44) Rudolpho] sic Edit. 1557. et 1560.; Edit. 1552. et 1554. Rudolpho. Varias enim sunt huius nominis formas, quarum Pertz in Monum. German. histor. Vol. VII. et VIII. Indice has affert: Ruodolfus, Roudolfus, Rodulfus, Rodolfus, Radulfus.

45) Constantinus Magnus paulo ante mortem suam († 337.) sacrificia publica vetuit lege, quae ipsa quidem perit, et Constantii autem iussione cognoscitur, Cod. Theodos. l. XVI. tit. 10. l. 2. (ed. Haenel p. 1612.): Cesset superstitione, sacrificiorum aboleatur insania. Nam quicumque contra legem divi principis parentis nostri et hanc nostrae mansuetudinis iussione ausus fuerit sacrificia celebrare, competens in eum vindicta et praesens sententia exseratur. Conf. Euseb. de vita Constant. IV, 23. 25.

46) Theodosius I. Magnus a. 381. sacrificia vetuit hac lege (Cod. Theodos. l. XVI. tit. 10. l. 7., p. 1614. ed. Haenel): Si qui vetitis sacrificiis, diurnis nocturnisque, velut vesanus ac sacrilegus incertorum consultorum immerserit, sanumque sibi aut templum ad huiusce modi sceleris excusationem assumendum crediderit, vel putaverit adeundum, proscriptioni se noverit subiugandum, cum nos iusta institutione moneamus, castis Deum precibus excolendum, non diris carminibus profanandum.

47) Nabuchdonosor] sic Edit. 1552. et 1554.; Edit. 1557. et 1560. Nabuchodonosor. Conf. p. 468. nota 39.

48) hostes] sic Edit. 1552.; Edit. 1554., 1557. et 1560. hostes.

49) Ob magnum inter Henricum IV. Imperatorem et Gregorium VII. Papam dissidium Principes Saxonici, tres Epi-

Petra dedit Petro, Petrus diadema Rudolpho⁵⁰⁾.
Necesse est igitur extare veram doctrinam de utroque gradu. Prius autem dicamus de potestate politica.

Cum multae tristes confusiones sint in omni gubernatione, cogitant homines profani, hanc gubernationem tantum humanis viribus et consiliis constitui aut coeco casu ab aliis ad alios volvi. Ac propterea clamarunt Manichaei et Anabaptistae, magistratus et iudicia esse res damnatas, et latrocinia, et non concessum esse Christiano gerere magistratum.

scopi et duo Legati Papae, Forchemii, qui est in dioecesi Bambergensi locus, Idibus Martii 1077., postquam Henrico IV. principatum abrogaverant, Rudolphum, Sueviae Ducem, Regem appellarunt, cui tum VII. Kal. Aprilis Archiepiscopus Sigfridus, assistente Magdeburgico, Moguntiae coronam imposuit. At Gregorius nondum satis fidens Rudolphi viribus, et casus etiam adversi providus edicit causam utriusque Regis, in conventu Principum, coram Legatis suis ab integro disceptandam. Cum vero VI. Kal. Febr. 1080. prope Fladenheimum in Thuringia a Rudolpho et Ottone feliciter cum Henrico pugnatum esset, tum demum Gregorius in synodo, quam Romae Martio mense habuit, instantibus Rudolphi et fautorum eius legatis, Henricum diris iterum devovet, ac Rudolpho, cuius iam satis fundata potentia videbatur, regnum confirmat. Nonnulli in litteras retulerunt, coronam quoque missam, cum hoc titulo:

Petra dedit Petro, Petrus diadema Rudolpho.

At, Baronio (Annal. ad an. 1080. n. XVI.) teste, errant, qui coronam ipsi missam a Pontifice tradunt, cum ab Episcopis atque Principibus Germaniae Rex fuerit nominatus. Huius celeberrimi historici testimonium eo quoque affirmatur, quod plures illarum rerum gestarum scriptores, ut Paulus Bernriedensis, Bruno, Annalista Saxo alique coronam istam non commemorant. — Autumno eiusdem anni 1080. Henricus Thuringiam ingressus, Erfurtum capit, indeque castra in Elstrae ripa locat. Hic supervenientibus Saxonibus proelium committitur Idibus Octobris, in quo Saxones quidem castris Henrici cum ingenti praeda potiti sunt, sed graviores in Rege suo Rudolpho iacturam fecerunt. Is dextra mutilatus, et gravi in inguine vulnere saucius 16. Oct. obiit Mersburgi ibique regali culta sepultus est. Conf. Bertholdi annales, in Pertz Monumentis Germaniae historicis T. VII. p. 291—326. Bruno de bello Saxon. ibid. T. VII. p. 365—381., Annalista Saxo, ibid. T. VIII. p. 712—718. Mascovii commentarii de rebus imperii Romano-German. sub Henrico IV. et V. p. 73—83. Stenzel: Geschichte Deutschland's unter den Fränkischen Kaisern T. I. p. 421—466. et al.

50) Alii pro his verbis referunt: *Roma dedit Petro, Petrus diadema Rudolpho*; alii: *Petra dedit Romam Petro, tibi Papa coronam*. Vid. Ioh. Voigt: Hildebrand. als Papst Gregorius der Siebente u. sein Zeitalter p. 361. nota 38.

Contra hos perniciosos errores necesse est bene praemuniri⁵¹⁾ mentes, et tenere, quid sit potestas politica, et quae sit principalis causa, et ubi sit in voce divina instituta et approbata, et quod conservetur a Deo mirabili⁵²⁾ consilio, et ad quem finem conservetur.

Est igitur potestas politica potestas a Deo ordinata, ut sit custos disciplinae et pacis, iuxta leges naturae, et congruentes leges, coercens et puniens poenis corporalibus contumaces.

Haec definitio tradita est a Paulo, qui inquit (Rom. 13, 3. 4.): Magistratus est minister Dei, ut sit honori bono operi et terrori malo. Vult autem discerni bona et mala opera iuxta normam sapientiae divinae, cuius radius mentibus humanis insitus est, scilicet iuxta legem naturae, quae et in Decalogo expressa est.

Nota sit et brevis definitio Aristotelis in 5. Ethicorum: Magistratus est custos legis⁵³⁾. Ubi etsi non fit mentio a Deo ordinatum esse, tamen in ipsa appellatione legis hoc intelligatur.

Sed ratio obscurius iudicat, ideo Deus expresse in Ecclesia adfirmat, se autorem et conservatorem esse politici ordinis, ut Rom. 13, (1.) dicitur: Potestates quae sunt, a Deo ordinatae sunt. Item (ibid. 13, 2.): Qui resistit potestati, Dei ordinationi resistit.

Constitutata definitione, recitemus officia potestatis politicae praecipua, ut e regione postea fiant conspectiora officia ministerii evangelici.

1. Primum est, magistratus sit vox Decalogi, id est, primum et principaliter tanquam vicarius Dei in genere humano sonet legem Dei moralem, quia genus humanum oportet congruere cum sapientia et iustitia Dei. Necesse est igitur hanc primam esse vocem magistratus, sicut et Psalmus (82, 6.) docet: Ego dixi: Dii estis, id est, officium divinum gerentes, monstrantes sapientiam et iustitiam Dei. Nec aliud gloriosius de magistratibus dici aut cogitari potest, quam hoc dictum Psalmi.

2. Secundum officium. Attribuit Deus et hanc potestatem magistratui politico, ut suas quasdam leges ferat, sed nequaquam pugnantibus

cum naturalibus. Verum est enim, politicos magistratus habere potestatem condendi suas quasdam leges, sed quae non pugnent cum naturalibus, verum sint determinationes circumstantiarum addendae generi, et sint quasi adminicula iuris naturalis. Ut lex naturae dicit: Filii et filiae sint haeredes parentum. Sed lex magistratuum discernit, quae res tantum ad mares transmittantur, quae ad puellas, et habet probabilem rationem. Haec potestas legum condendarum comprehensa est in dicto Salomonis (Prov. 8, 15.): Per me reges regnant, et iudices iusta constituunt.

3. Tertium officium est: Ut magistratus sit executor divinarum et suarum legum, id est, exerceat iudicia, et puniat contumaces. Lex enim inutilis est sine executione. Ideo ad Romanos (13, 4.) expresse dictum est: Non frustra gladium gerit. Et semper notum sit dictum Aeschinis: Nulla est utilitas politiae quae non habet nervos adversus iniuste agentes.

4. Quartum officium. Ad executionem pertinet custodiri obedientes, id est, defendere eos contra iniustam violentiam, quia in hoc ipso exemplo vitae politicae, vult Deus conspici discrimen virtutum et vitiorum, ut sciamus qualis ipse sit, et quod iudicaturus sit. Non conspiceretur autem discrimen, si nullae essent poenae, et nulla defensio honestorum.

Sic autem intelligatur executio in poenis, et in defensione, ut discernamus armentarium et magistratum. Armentarius, ut custos boum, tantum curat corpora boum. Sed magistratus prius est disciplinae custos propter gloriam Dei. Debet enim esse testis de Deo, et de iudicio Dei primum et principaliter. Postea curat corpora. Sit igitur custos totius legis, quod ad externas actiones attinet, puniat blasphemiam, periuria, vagas libidines etc., sicut expresse scriptum est (Rom. 13, 3.): Sit⁵⁴⁾ timori malo operi, et honori bono operi. Item (ibid. 13, 4.): Non frustra gerit gladium.

De institutione et approbatione politici magistratus.

Etsi conscientia satis munita est perspicuis dictis de approbatione politici magistratus, quae

51) praemuniri] sic Editt. 1552., 1554., et 1557.; Editt. 1560. praemunire.

52) mirabili] sic Editt. 1552. et 1554.; Editt. 1557. et 1560. miserabili.

53) Aristot. Eth. Nicom. I. V. c. 6. §. 5.: ἐστὶ δὲ ὁ ἀρχὸν φύλαξ τοῦ δικαίου.

54) Sit] sic Editt. 1552., 1557. et 1560.; Editt. 1554. typogr. errore: Si.

multa recitantur, ut Rom. 13, (1—7.) et in Daniele⁵⁵⁾, et in Proverbiis⁵⁶⁾, tamen utile est et verba institutionis quaerere, quae non tantum ad populum Israel post Mosen pertinet, sed ad omnes gentes.

Scripserunt autem quidam, sicut lex rationi naturaliter nota est, ita naturaliter sciri, constituendos fuisse magistratus, et executores legum. Ex hoc naturali iudicio aiunt, satis notam esse voluntatem Dei, quia lex naturae sine ulla dubitatione sapientia divina est.

Quaquam autem haec naturalis notitia vera est, et voluntatem Dei recte ostendit, tamen Deus addidit expressa testimonia tum approbationis, tum institutionis, sicut in caeteris praeceptis, ut simus certi de voluntate ipsius. Ideo statim post diluuium promulgata est lex, ut homicida occidatur per certum hominem, qui ad eam executionem constitutus sit, videlicet per magistratum.

Sunt autem haec verba Genesis, cap. 9, (6.): Quicumque fuderit sanguinem humanum, per hominem fundatur sanguis illius.

In versione usitata ommissa est particula: Per hominem⁵⁷⁾, quae tamen singulari consilio inserta est, ut magistratus significetur.

Haec sciamus esse expressa verba institutionis politici magistratus.

Manifestum est autem poenam homicidii summum nervum esse universae gubernationis politicae. Ac poena expresse instituta, tota gubernatio politica instituta est, et in textu est additum argumentum: Quia homo ad imaginem Dei conditus est; non est igitur occidendus privata cupiditate. Id est, cum conditus sit ad agnitionem Dei, iustitiam et immortalitatem, ut in vita aeterna communicetur ei sapientia et bonitas divina, primum vult Deus erga eum exerceri iustitiam, ut sit intellectus iustitiae in genere humano. Et prohibet eum interfici, quia vult intelligi, voluntatem suam esse, ut conservetur haec natura, cui communicaturus est suam sapientiam et bonitatem.

55) Dan. 2, 37 et al.

56) Conf. Prov. 8, 16.

57) LXX. enim Gen. 9, 6. ita transtulerunt: Ὁ ἐχθρὸν αἷμα ἀνθρώπων, ἀντὶ τοῦ αἵματος αὐτοῦ ἐχυσθήσεται· ὅτι ἐν εἰκότι θεοῦ ἐποίησα τὸν ἄνθρωπον, et Vulgata: Quicumque effuderit humanum sanguinem, fundetur sanguis illius; ad imaginem quippe Dei factus est homo. Omittunt igitur vocem אָדָם (per hominem).

Hoc igitur argumento discrimen facit inter pecudes, quas mactari concedit, et inter homines. Tecte⁵⁸⁾ etiam magnitudo scelerum significatur, quod horribili furore Diaboli et homines interfecuri erant Filium Dei, qui est substantialis imago aeterni Patris, et huius Filii membra et fratres sunt, omnes haeredes vitae aeternae. Significat ergo hic locus magnitudinem sceleris grassantium adversus Ecclesiam.

Accedit testimonium approbationis, exemplum legis Mosaicae, quae etiamsi ad alias gentes non pertinet, tamen expresse ostendit voluntatem Dei esse, ut sint magistratus, leges honestae, et poenae contumacium, ut expresse dicitur Deut. 19, (19.): Auferas malum de medio tui, ut caeteri audientes timeant, nec parcas ei.

De vinculo obedientiae.

Dictum est de institutione et approbatione divina, nunc et de vinculo obedientiae dicendum est. Leges enim sine obligatione ad poenas, et sine executione, sunt inutiles.

Est igitur duplex vinculum obedientiae legum civilium, ac utrumque divina iustitia sancitum est.

Alterum est obligatio ad poenam corporalem, qua magistratus cohercet et punit contumaces legitimo ordine.

Hanc poenam esse necessariam propter conservationem humanae societatis, etiam ethnici intelligunt.

Quaquam autem et utilitatis causa has corporales poenas Deus instituit: tamen altera causa prior est: Quia Deus vult destrui pugnancia cum sua iustitia, ut conspiciatur qualis sit ipse, et signa extent venturi iudicii. Ideo etiam cessantibus magistratibus, sontes atrocium delictorum, ipse ad poenas corporales rapit.

Alterum vinculum est, reatus conscientiae coram Deo, id est, contumacia est peccatum contra conscientiam, propter quod⁵⁹⁾ contumax desinit placere Deo, effundit Spiritum sanctum et fit reus aeternae poenae. Quod usitate ita dicitur, admittit peccatum mortale. Et nisi conversus fuerit, etiam propter illam ipsam contumaciam ruit in aeternum supplicium.

58) Tecte] sic Editt. 1552., 1554. et 1557.; Edit. 1560. Recte.

59) quod] sic Editt. 1552. et 1554.; in Editt. 1557. et 1560. deest.

De hoc vinculo Pauli dictum teneatur, quod non humano consilio scriptum est, sed est vox divina (Rom. 13, 5.): Necessè est obedire non solum propter iram, id est, propter poenas corporales, sed etiam propter conscientiam. Quo dicto affirmat conscientiam ream fieri coram Deo violatione civilium edictorum. Nulla praesidia, nulla autoritas, nulla supplicia magis muniunt ordinem politicum, quam haec sententia.

Ac sciamus eam singulari consilio Dei scriptam esse, et saepe eam cogitemus et expendamus. Loquitur autem Paulus de honestis legibus, tum divinis, tum a magistratu conditis propter disciplinam et pacem. Nam in toto capite ordinem politicum confirmat, non vult stabilire tyrannides, latrocinia, et confusiones politici ordinis.

Cum praecepit Astyages Harpago, ut infantem Cyrum interficiat⁶⁰⁾, peccat Harpagus iubens eum interfici. In talibus casibus, ubi⁶¹⁾ subditis praecipitur, ut faciant contra mandata Dei, regula manifesta est: Necessè est magis obedire Deo, quam hominibus. Sic obstetrices edictum Pharaonis iuste violant Exod. 1, (17.).

Alia sunt edicta, quae praecipunt, non ut subditi faciant contra mandata Dei, sed ut manifeste iniusta, et quidem atrocia patiantur, ut Naboth praecipitur relinquere paternam haereditatem⁶²⁾. Hic recusans non peccat, quia cives non sunt excutiendi ex facultatibus suis sine legitima causa, iuxta illud: Non furtum facias. Talia sunt exempla multa.

Dionysius tyrannus indigens pecunia, finxit se a Cerere monitum esse, ut Syracusanae mulieres cum toto ornatu muliebri in templum Cereis venirent, idque fieri praecepit. Ibi Dionysius totum ornatum mulieribus ademit.

In Euboea Charidemus⁶³⁾ fecit astutius, qui indigens pecunia, finxit oppido periculum esse, et iussit cives in vicinam arcem celeriter sua ornamenta transferre, tanquam ibi custodienda. Suam etiam suppellectilem eo transtulit. Postea abstulit quicquid eo fuit importatum. In his ca-

60) Herodot. I, 108 sqq.

61) ubi] sic Editt. 1557. et 1560.; Editt. 1552. et 1554. ut,

62) 1. Reg. 21, 2.

63) Vita et res gestae huius Charidemi, ab Oreo, Euboeae oppido, oriundi, mercenariorum ducis (c. 354 a. Chr.) breviter narrantur in Pauly Real-Encyclop. der class. Alterthumsw. T. II. p. 308—311.

sibus non fuit peccatum non obtemperare. Sed ut dictum est, Paulus inquit (Rom. 13, 5.) Necessè est obedire propter conscientiam, loquitur de legitimis edictis. Ex hac admonitione multa iudicari possunt.

Hic addit quaestionem Sadoletus⁶⁴⁾: Cum politicis edictis obedire necesse sit propter conscientiam, cur non et ecclesiasticis?

Responsio sit perspicua et firma, quia vox divina discernit sic utrumque gradum obedientiae. De politicis inquit: Necessè est obedire propter conscientiam. De ecclesiasticis ritibus inquit (Col. 2, 16.): Nemo vos arguat in cibo et potu, et in ritibus⁶⁵⁾ dierum festorum. Item (Gal. 5, 1.): State in libertate, in quam vocati estis. Item (Act. 15, 10.): Quid tentatis Deum imponentes iugum, etc.

Haec testimonia sine longis ambagibus docent utriusque obedientiae discrimen, et tamen gravissimae causae sunt huius discriminis. Deus armavit potestatem politicam autoritate condendi suas quasdam leges probabili ratione. Et res ipsa ostendit, harum conservationem ad communem pacem necessariam esse. Sit igitur obligatio superior. Sed minister evangelicus neque regum similis est, neque armatus est tali potestate.

Praeterea prohibet Deus institui ritus tanquam cultus aut merita. Vult igitur et intellectum libertatis retineri, ne putentur ritus esse necessarii cultus.

Caeterum in casu scandali peccant contumaces, ut fit, si quis privatus in eo loco, ubi recte constituta est Ecclesia, institueret coenam Domini in privata domo, et turbaret congressum publicum. Haec iudicare non difficile est, iuxta illud (1. Cor. 1, 10.): Non sint inter vos schismata.

Dictum est supra, oportere notum esse discrimen potestatis politicae, et ministerii evangelici. Quare descriptiones distinctae et perspicuae teneantur.

64) Iacobus Sadoletus, natus Modenae 1477, postquam Leoni X. Papae fuerat ab epistolis, episcopus Carpentoractensis factus est, denique cardinalis, 1547. mortuus est. Opera huius theologi, qui inter reformatores curiae Rom. erat (epistolasque ad Melancthonem et Ioh. Sturmium scripsit) partim theologica (comment. in epist. Pauli ad Roman., qui seorsim prodiit Venet. 1536. 8. et 1771. 4. Lyon 1536. fol. Francof. ad M. 1771. 4. — et al.), partim paedagogica prodierunt Veronae 1737. 4 Voll.

65) ritibus] sic Editt. 1557. et 1560.; Editt. 1552. et 1554. vicibus.

Iam addenda est quaestio: An Constantinus et Theodosius recte fecerint, quod templa idolorum clausurunt, aut everterunt, et publica idolorum sacrificia prohibuerunt. Et, an debeat hanc obedientiam Deo magistratus politicus?

Respondeo: Duae quaestiones sunt. Altera, An is, qui habet regiam potestatem, videlicet, si non impeditur a superiore potestate, debeat hanc obedientiam Deo, ut prohibeat⁶⁶) impios cultus, et curet recte doceri subditos.

Altera, An is, qui non habeat regiam potestatem, tamen hanc obedientiam Deo debeat, ut contra mandata superioris domini prohibeat suo loco impios cultus, et curet recte doceri homines.

Respondeo: Non disputamus quam pauci aut multi magistratus intelligant aut faciant sua officia a Deo mandata. Nota sunt enim dicta (Psalm. 110, 2.): Dominare in medio inimicorum tuorum. Item (Psalm. 110, 6.): Conquasabit caput in terra magnum. Sed tamen semper Deus aliqua hospitia dat Ecclesiae. Hic docendi sunt pii magistratus, qualem obedientiam Deo debeant, et confirmandi sunt vera consolatione.

Ut autem longas ambages omittam, fons est omnium argumentorum primum praeceptum (Exod. 20, 3.): Non habebis Deos alienos. Id immotum et aeternum est, et pertinet ad omnes homines, summos et infimos. Ita decretum immotum et aeternum est (Matth. 17, 5.): Hic est Filius meus dilectus, hunc audite.

Necesse est igitur et magistratus summos et infimos amplecti vocem Evangelii, et ostendere suam confessionem, et prohibere scandala. Tolerans autem idola, cum prohibere possit, peccat, iuxta dicta: Faciens et consentiens eadem poena puniuntur. Item (Matth. 18, 7.): Vae homini, per quem venit scandalum. Et nominatum principes alloquitur Psalmus (2, 10.): Et nunc reges intelligite. Item (Psalm. 24, 7. 9.): Aperite portas, principes, vestras, et patefiant portae mundi. Et Esaiiae 10, (1.): Vae qui condunt leges iniquas. Et Micheae 3, (12.): Propter principes et sacerdotes Zion quasi ager arabitur. Et quidem in dicto Esaiiae 49, (23.) etiam cura fovendae Ecclesiae imperiis attribuitur: Et reges erunt nutritores tui, et reginae nutrices. Item

⁶⁶) prohibent] sic Edit. 1552., 1554. et 1557.; Edit. 1560. prohibet.

(Psalm. 102, 23.): In conveniendo reges et populos in unum, ut serviant Domino.

Refutatio obiectionum.

I. Argumentum.

Officia non sunt confundenda,
Magistratus est custos corporis,
Ergo non regat negotia pertinentia ad animam.

Respondeo ad minorem: Non est sufficiens definitio. Magistratus est custos corporum, sed prius et principaliter sciamus esse custodem legis et disciplinae. Imo praecipuum opus esse debet omnium potestatum, notitiam Dei in genere humano propagare et conservare. Ideo inquit Psalmus (82, 6.): Ego dixi: Dii estis, id est, officium divinum gerentes, et bona divina imperipientes hominibus, scilicet legem Dei, iustitiam et pacem.

Et damnanda est imaginatio, quae fingit magistratum similem esse armentario, et tantum corpora, non potius disciplinam curare. Nec tamen confunduntur officia, sed magistratus tantum externa membra coercent in corporali. In cordibus vero inchoatur aeterna iustitia et vita a Deo per ministerium Evangelii. Hanc consolationem quoque tenere necesse est, iuxta haec dicta (Rom. 1, 16.): Evangelium est potentia Dei ad salutem omni credenti. Item: Evangelium est ministerium Spiritus⁶⁷).

II. Argumentum.

Non habens potestatem iudicandi de controversiis dogmatum, non mutet Ecclesiam.

Principes non sunt iudices dogmatum:

Igitur principes non mutant Ecclesiam.

Respondeo ad minorem: Nego minorem, quia unusquilibet suo loco debet edere confessionem suam de ea sententia, de qua certus est. Si est pastor, recte doceat loco pastoris. Si est princeps, non patiaturs falsa doceri sciens et volens, quia faciens et consentiens eadem poena digni sunt. Et cum conscientia certa est, non sunt expectanda alia iudicia, quia sententia immota est (Exod. 20, 3.): Non habebis Deos alienos. Item (1. Cor. 10, 14.): Fugite idola. Item (Gal. 1, 8.): Si quis aliud Evangelium docuerit, anathema sit. Item (Marc. 3, 29.): Si quis

⁶⁷) Conf. 2. Cor. 3, 8.

blasphemiam dicit in Spiritum sanctum, non remittetur ei.

Cum igitur agnitae veritati adversari non liceat, necesse est principes, si agnoverunt veritatem, concedere propagationem, et non adversari, nec expectare episcoporum iudicia.

Error in hoc argumento oritur ex *κακοζήλια*, quia adversarii putant, iudicia doctrinae prorsus similia esse politicis iudiciis, in quibus valet iudicatum propter regiam vel praetoriam auctoritatem, etiamsi quid erroris inest.

Ac episcopi aut doctores nequaquam iudicant regia seu praetoria potestate, sed tantum edunt confessionem suam. Aeternus Pater de Filio inquit (Matth. 17, 5.): Hunc audite. Hic est iudex, huic assentiri oportet, cuius extat sententia in scriptis Prophetarum et Apostolorum, et in symbolis.

Nec valet cavillatio de obscuritate seu ambiguitate scripti, quia hanc ipsam ob causam edita est vox divina, ut simus certi, iuxta illa dicta (Psalm. 119, 105.): Lucerna pedibus meis verbum tuum. Et 2. Timoth. 3, (16.): Tota scriptura Deo inspirante tradita, utilis est ad docendum. 2. Cor. 4, (3.): Si Evangelium est operum, in his qui pereunt opertum est.

Multi contra conscientiam adversantur agnitae veritati. Aliqui fascinati suis persuasionibus, non volunt audire dicta, quae ab ipsorum imaginatione dissentiunt, et impudenter eludunt testimonia veritatis, et doctrinam coelestem mutilant. Oportet autem nos discipulos esse vocis divinae, non corruptores, qui transformant eam in alienas opiniones, sicut fecerunt Samosatenus⁶⁹, Arius, Pelagius, et alii.

Constantinus delevit templum Veneris in oppido Phoenicum Avace, ubi fiebant tetrae confusiones libidinum*), norat enim praeceptum: Non moechaberis, in quo nulla est ambiguitas. Cum igitur certa esset eius conscientia, facere officium iusti gubernatoris debuit, nec erant expectanda

69) Paulus a Samosata, Syriae oppido, oriundus, inde ab a. 260. episcopus Antiochiae. Ob haereticas (antitrinitarias) eius doctrinas synodus Antiochena a. 269. hanc dignitatem ei abrogavit, sed a Zenobia, Palmyrae regina, protectus, demum anno 272., quo haec ab Aureliano imperatore devicta erat, loco suo motus est. Asseclae eius (III. et IV. seculi) Samosatani, Pauliani, Paulianistae appellantur. Conf. Euseb. hist. eccl. VII, 27 — 30. Theodoret. haeret. fabb. II, 8. Epiphan. haer. 65. et Ehrlich: de erroribus P. Samosatani. Lips. 1745.

*) De hac eversione fani apud Aphaca in Phoenice et impudicitiae abolitione vid. Eusebii vita Constantini I. III. c. 55.

alia iudicia. Manet enim regula firma: adversandum esse agnitae veritati, iuxta (Marc. 8, 29.): Si quis blasphemiam dicit in ritum sanctum, non remittetur ei. Quare a veritate, non sunt expectanda iudicia syrum aut episcoporum. Sed Filius Dei iude de quo dictum est: Hunc audite. Huic sin obtemperare oportet, non expectatis hom decretis.

III. Argumentum.

Tantum iuris habet inferior in ditione al quantum superior dominus attribuit, Superior prohibuit mutationes tanquar suis praefecturis, aut in sua domo, Ergo sine eius voluntate non est faciendatio.

Respondeo ad maiorem: Tantum ver maior de iurisdictione politica, et de redi et similibus negotiis, proprie pertinentibus superiorum. Non potest autem superior dor prohibere aliquid mandato divino praeceptu illustra exempla sunt in historia Danielis (c. 6.). Et Apostoli dicunt (Act. 5, 29.): O Deo magis obedire quam hominibus.

Manifestum est enim, confessionem c bus gradibus hominum pariter praecipit, i stratis et privatis, dominis et servis, pa bus et filiis, iuxta illud (Matth. 10, 37.): amat patrem aut matrem plus quam me, no me dignus. In familia confiteri Evangelium c servi debent, ut faciunt Ioseph et socii Dani

Filia Licinii imperatoris Irene, nihil v truculentiam patris, qui christiano nomini i cissimus fuit, lares et reliqua simulachra i ternis aedibus singulari fortitudine contrivit

Vir nobilis in urbe Nicomedia, inspec populo concerpsit publicas literas a Diocle propositas, de interficiendis Christianis⁷⁰).

Tempore Iuliani⁷¹), non procul ab A chia, filius ethnici sacrificuli, collisit simulac Apollinis avulsum a basi.

Valentinianus⁷²), qui postea imperato ctus est, cum esset tribunus militum, sacri

69) Hoc fecit c. a. 314.

70) Quod hic narratur, verosimiliter a. 303 — 305., qu pore Diocletianus imperator Christianos crudelissim sequebatur, factum est.

71) A. 361 — 363.

72) Valentinianus I. imperator 364 — 375. hoc feci a. 361 — 363.

ethnico afferenti lastralem aquam, ante locum sacrificii colaphum impegit, praesente Iuliano imperatore.

Cum igitur et praeceptum Dei, et exempla congruentia cum praeceptis ostendant, quid oporteat singulos facere, superiores et inferiores, do-

lendum est saepe diversum fieri, ut in querela apud Micheam (7, 3.) dicitur: Princeps postulat, et iudex colludit. Et qui praetextus quaerunt ad excusandam impietatem, sic ludunt, ut milites in historia Christi, cum velant eius oculos, et dant colaphos, ac iubent vaticinari, a quo colaphum acceperit.

ALIA QUAESTIO.

DE EXCOMMUNICATIONE.

Ante paucos annos fuit electus Moguntinus episcopus, comes ab Eisenberg, cui prius Senensis inter caeteras condiciones hanc imposuit, ut iuraret, se non convocaturum esse Electores, nisi Romano pontifice consulto et assentiente. Ita astute Romanus pontifex universam auctoritatem Electorum languere facere, et ad sedem Romanam, et ad ipsos pontifices transferre conatus est. Cumque Isenbergius adversaretur, Papa alium quicumque praetextu iubet eligi, comitem a Nassau, et fulmen excommunicationis edit contra Isenbergium. Hinc bellum magnum apud Rhenum ortum est. Isenbergium defenderunt Palatinus Fridericus, et alii quidam. Adversus hos quoque pontificum fulmen editum est⁷³⁾.

Iam quaestio est: An talis excommunicatio valeat, cum petitio pontificis aliena fuerit ab officio pontificis, et re ipsa fuerit iniusta.

Respondeo: Discrimen notum est politicae gubernationis et ecclesiasticae, politica interficit reos externorum scelerum atrocium, quae pugnant cum Decalogo, ut blasphemus, idolola-

73) In archidioecesi Moguntina a. 1459., Theodorico archiepiscopo mortuo, disceptatum est, utrum Dietherus comes ab Isenburg an Adolphus comes a Nassau in defuncti locum eligendus sit. Palatinus Fridericus victoriosus primum Adolphi partium erat, quapropter Dietherus illum impugnabat, at tam vano conatu, ut magno pretio pacem a Palatino emeret. Deinde vero cum a. 1461. Dietherus ob annatas recusatas a papa, imperatore annuente, ab illo munere amoveretur, Fridericus Dietheri rebus contra Adolphum favebat, et hunc 29. Iun. 1462. ad Seckenheimium vicit. Attamen Moguntia ab Adolpho 27. Oct. eiusdem anni expugnata, legatus papae 1463. hanc controversiam Francofurti composuit ea pactione, ut Adolphus archiepiscopi dignitatem obtineret, Dietherus autem, post illius mortem, succederet, eoque vero minori praefectura contentus esset. Sic a. 1475. in Adolphi mortui locum successit. Vid. J. St. Pütter vollständ. Handbuch der Teutschen Reichshistorie p. 437 sq. et G. Helwich: Moguntia devicta h. e. de dissidio Moguntiaco inter episcopos Dietherum et Adolphum, de Archipraesulatu contententes. Mogunt. 1715.

tras, magos, seditiosos, homicidas, moechos, et pollutos incestis libidinibus, fures, falsarios.

Pastor Ecclesiae neminem vi corporali interficit, quia ministerium Evangelii punit, ut retrahantur homines ad poenitentiam, et sanentur. Et voluit Deus ministros Evangelii nequaquam esse armatos gladio. Non igitur tot gradus sunt poenarum in ministerio Ecclesiae, quot sunt in politica. Sed tamen in quolibet coetu oportet esse delinquentium poenas, iuxta dictum, quod saepe repetimus: Nulla utilitas est urbis quae non habet nervos contra contumaces. Aliquarum tamen poenarum aliqua similitudo est in politiis et in Ecclesiis.

Relegatio in imperiis dicitur poena, qua civis cogitur sententia iudicis a sua civitate ad certum tempus abesse, qui non fit propterea infamis, nec amittit res suas, et quanquam abest, tamen manet dominus rerum suarum, capit haereditates, et potest legitimos contractus facere cum civibus, et redit ad honores in patria.

Alius gradus est deportatio, quae est poena, qua per sententiam iudicis civis eiicitur perpetuo, tanquam praecisum membrum a corpore civitatis, et fit infamis, nec manet dominus rerum suarum, nec capit haereditates, nec possunt alii cives cum eo contractus facere. Et bona sic damnatorum publicabantur. Haec poena olim nominabatur interdici aqua et igni, quia nulli civi licuit hospitium praebere sic damnatis, ut Polybius loquitur: μήτε πόλει δέχεσθαι μήτε πῦρ ἐναύειν⁷⁴⁾.

Hoc discrimen considerare utile est, ut vetustae leges et historiae fiant magis perspicuae, et ut praesentes poenae rectius intelligantur. Et collatio addit lucem poenis Ecclesiae.

74) Polyb. histor. ed. Schweighaeuser l. IX. c. 40. §. 5.

Sic in veteribus canonibus duo gradus sunt poenarum: Separatio, ἀφορίζεσθαι, et excommunicatio, ἀναθεματίζεσθαι.

Separatio est poena, qua homo per sententiam Ecclesiae cogitur aliquantis per intermittere officium publicum, et usum sacramentorum⁷⁵⁾, ut exploretur eius obedientia, an volens statim se emendaturus sit, et veniam petiturus, an vero contumaciter defensurus errorem, aut perseveraturus in scelere contempta voce Dei.

Altera poena ultima et summa in Ecclesia est excommunicatio, quae in canonibus nominatur Anathema⁷⁶⁾. Estque poena, qua homo legitimo iudicio eiicitur ex Ecclesia, et donec non redit ad poenitentiam, est membrum prorsus ab Ecclesia praecisum, et exclusum a societate sacramentorum et ecclesiasticorum officiorum.

Nec dubium est primos patres etiam vitasse convictum eorum, quos hoc modo ex Ecclesia eiecerunt. Ut Adam et Heva expulerunt a se Cain, ad quem dicitur voce divina (Genes. 4, 12.): Vagus eris et profugus in terra. Et gessit Cain signum reatus, sicut inquit textus (Genes. 4, 15.): Et posuit Deus in eo signum, videlicet, subitam consternationem, coram aliis hominibus, ortam ex magnis pavoribus conscientiae, qui sunt iudicium et poena sic ordinata a Deo in toto genere humano.

Hic mos eiiciendi excommunicatos a consuetudine et convictu, duravit postea in gentibus, quae magis retinuerunt disciplinam primorum patrum. Nam et apud Graecos longo tempore hoc servatum est, ut homicidae et incesti, qui non interficiebantur, sed vagabantur tanquam excommunicati, gererent signa reatus, ut Ore-

75) Separatio, ἀφορισμός, s. minor excommunicatio, consistebat in exclusione hominum a participatione eucharistiae et precum fidelium; ex ecclesia autem eos non eiiciebat. Consistere enim adhuc poterant ad audiendam psalmodiam, scripturarum lectionem, concionem et preces catechumenorum ac poenitentium, atque tum cum illis discedere debebant, prima divini cultus parte, missa catechumenorum, finita. Vid. I. Binghami origines s. antiquit. ecclesiast. in lat. vers. a I. H. Grischovio. Vol. VII. p. 81 sqq.

76) Anathema i. e. execratio s. παντελής ἀφορισμός, omnimoda separatio s. maior excommunicatio erat, quando homines de ecclesia penitus expellebantur et ab omni cum ipsa in sacris officiis communione separabantur. Frequenter etiam variis significatur phrasibus, e. g. ἀπεργεσθαι τῆς ἐκκλησίας, ἀποκλείεσθαι et ὀπίπτεσθαι τῆς ἐκκλησίας, ἐκτός εἶναι, ἐκκηρύττεσθαι τῆς συνόδου, ἀπειρεῖσαι τῆς ἀπροσώτου, ceteris. Vid. Bingham l. l. p. 84 sqq. J. Chr. W. Augusti Denkwürdigkeiten aus der christl. Archaeol. T. IX. p. 137 sq.

stes apud Euripidem⁷⁷⁾, et Adrastus apud Herodotum⁷⁸⁾, scilicet velamenta certa in capite. Et apud Euripidem Orestes comedit solus, nec licet ei adesse communi mensae. Et apud Sophoclem Oedipus incestus re cognita, ex Thebis eiicitur⁷⁹⁾.

Hi vetusti mores arcendi excommunicatos a convictu, etiam retenti sunt apud Iudaeos. Ideo Paulus hoc modo iubet vitari excommunicatos, ne sit cum eis communis mensa (1. Cor. 5, 11.).

Ex his vetustis ritibus excommunicatorum, translata sunt et in Ecclesiam spectacula publicae poenitentiae⁸⁰⁾, ut nominabantur, quae postea Graeci nuncuparunt ἐπιτίμια, id est, castigationes seu mulctas. Latini vocabulo usu sunt minus verecundo satisfactionum.

Homicidae et alii polluti manifestis sceleribus, ut adulteriis, stabant certo loco in templo per aliquot dies, induti sordidis vestibus et gestantes signa, ut homicidae gladios gerebant, adulteri fasces virgarum. His signis ostendebant se fateri culpam, et se dignos esse poenis. Sic explorati, post aliquot dies absolvebantur, et ad communionem rursus admittebantur.

Id spectaculum a disciplina veteri ortum fuit, ac prorsus nihil faciebat ad remissionem peccatorum coram Deo, sed fuit exploratio qualiscunque eorum, qui ad Ecclesiam redibant, an serio peterent veniam. Aliis etiam exemplo fuit, ut ignominiam vitarent. Item, ut cernerent ob oculos posita testimonia, quae ostendebant lapsos recipi posse.

Et hunc morem citavit Petrus Alexandrinus⁸¹⁾ contra Catharos.

77) Conf. Eurip. Iph. Taur. 76 sqq.

78) Herodot. I, 35 — 45. Adrastus Phryx, Gordii filius, nepos Midiae, fratris interemptor expiatur a Croeso, Lydiae rege, qui ei custodiam filii sui Atyis ad venationem exeuntis mandat. Hunc filium Adrastus aprum transfigere volens transfodit, quamobrem sese ipse super bustum Atyis transfodit.

79) Conf. Soph. Oed. Tyr. 1436. 1440 sq.

80) De varia huius publicae poenitentiae ratione vid. Chr. Beyer de magno veteris ecclesiae circa poenitentes rigore. Lips. 1759. 4., Bingham orig. ecclesiast. T. VIII. p. 108 — 128. et Augusti Denkwürdigk. aus der christl. Archaeol. T. IX. p. 43 — 147.

81) Petrus, episcopus Alexandrinus, ob sanctitatem et doctrinam ab Eusebio laudatus, tempore persecutionis quidem Diocletianae fuga servatus deinceps Maximiano imperante a. 311. martyris mortem passus est. A. 306. de poenitentia librum scripsit, cuius quindecim canones supersunt, qui graece et latine, cum scholiis Theodori Balsamonis et Io. Zonarae reperiuntur in Gull. Beveregii

Creverunt autem haec spectacula superstitione, cum indocti homines magno errore affingerent, hos ritus, quos nominabant canonicas satisfactiones, mereri remissionem peccatorum seu culpaе seu poenae.

Etiam apud Cyprianum extat dictum, non solum durum, sed etiam falsum: Non remitti peccata iis, qui non fuissent personae in illis spectaculis.

Ac plurimae synodi veteres nunc astrinxerunt, nunc laxarunt decreta de his ritibus, quae cum legunt iuniores, sciant unde nugaces illae traditiones ortae sint, quae non solum carnificina conscientiarum fuerunt, sed etiam extinxerunt lucem doctrinae de iustitia fidei, et de veris cultibus.

Magnum autem lumen huic toti negotio hae veteres historiae adferunt, quas recitavi. Ac si quis haec historica considerabit, multas inextricabiles disputationes monachorum et canonistarum perspicue et iudicare et refutare poterit.

Prima conclusio.

Cum sententia excommunicationis iusta est, et⁸³⁾ servatus est ordo iudiciorum, illi qui contemnunt iustam excommunicationem, augent sua peccata, et vere a Deo damnati sunt, nisi redeant ad poenitentiam, sicut scriptum est Matth. 16, (19.): Quicquid ligaveris in terra etc. Et Ioann. 20, (23.): Quorum retinueritis peccata, retinebuntur.

Hae asseverationes magni⁸⁴⁾ faciendae sunt, cum ostendant nos deduci ad ministerium, et velle Deum certo statui, hanc esse suam voluntatem, quae in Evangelio annuntiatur.

Discrimen est autem inter vocem Evangelii in ministerio, et privatam tyrannidem, ut postea dicemus. Ideo et de ordine iudiciorum dici necesse est, de quo severissime praeceptum est Matth. 18, (15.): Si peccaverit in te frater tuus, etc. Et 1. Timoth. 5, (21.): Obtestor coram Deo et Domino Iesu Christo, et coram electis Angelis, ut haec observes, sine praeiudicio, nihil faciens secundum inclinationem.

Pandectis canonum cum adnotationibus. 2 Voll. Oxoniae 1672. fol.

83) iusta est, et] sic Editt. 1552. et 1554.; Edit. 1557. iusta, et est; Edit. 1560. iusta, et.

84) magni] sic Editt. 1552., 1557. et 1560.; Edit. 1554. magnae.

Est autem praeiudicium crassissimum, statueret re non inquisita. Et Deut. 1, (17.) dictum est: Audite eos. Et Proverb. 12, (17.): Si quod novit loquitur iudex, iustus est. Hinc illa dicta sunt: μήδε δίκην δικάσεις πρὶν ἀμφοῖν μῦθον ἀκούσης. Item: μηδέποτε κρίνειν ἀδάημονας ἄνδρας ἐάσης. Et lex Attica erat: ἀμφοῖν ὁμοίως ἀχροῦσθαι. Et 1. Timoth. 5, (19.): Adversus presbyterum non recipias accusationem, nisi duobus aut tribus testibus adhibitis. Et 2. Corinth. ultimo (13, 2.) Paulus inquit, se cum redierit Corinthum, cognitis causis, usurum esse severitate. Sed cognitionem promittit: In ore duorum testium aut trium stabit omne verbum.

Nequaquam igitur comprobanda est tyrannidis, seu pontificum, seu regum, seu pastorum, seu quorumcunque, qui sine ulla cognitione edunt fulmen tristissimae sententiae, et saeviunt in homines vel innocentes, vel sine admonitione praecedenti⁸⁵⁾. Nunc igitur et de ordine cognitionis dicendum est, qui in Evangelio expressus est.

De ordine procedendi.

Sive crimen notorium est, sive ambiguum privata admonitio praecedat accusationem in iudicio faciendam⁸⁶⁾.

Hic primus gradus est Matth. 18, (15.) positus: Si deliquerit adversus te frater tuus, corripe eum inter te ipsum solum. Et Paulus expresse inquit ad Titum ultimo capite (3, 10.): Haereticum hominem post unam ac alteram admonitionem vitato.

Ac praesertim de doctrina opus admonitione, quia prius sunt docendi homines, et discernendi dociles ac infirmi, a pertinacibus, ut Galat. 6, (1.) dicitur: Si quem aliquis lapsus praevertit, vos rursus facite integrum spiritu lenitatis. Et Rom. 14, (1.): Infirmum in fide assume, non ad dubitationem.

Haec dicta postulant initio fieri admonitionem.

Sequens gradus est, sprete admonitione accusare et convincere contem, adhibitis testibus apud Ecclesiam, ut ibi quoque scriptum est: Dic Ecclesiae. Ubi haec duo diligenter consideranda sunt: Summum iudicium in hac visibili Ecclesia,

84) praecedenti] sic Editt. 1552. et 1554.; Editt. 1557. et 1560. praecedentes.

85) faciendam] Editt. 1552. et 1554. faciendum; Editt. 1557. et 1560. faciendo.

neque penes unum aliquem tyrannum esse, neque penes promiscuum vulgus, sed penes Ecclesiam, id est, electos ex multis peritos ad iudicandum. Sicut in Actis cap. 15, (6.) dicitur: Convenerunt Apostoli et seniores de verbo hoc. Item 1. Cor. 14, (30.): Si fuerit sedenti revelatum, taceat prior.

Ita Antiochiae in causa gravissima de dicto Ioannis (1, 1.): In principio erat verbum, institutus est processus contra ipsum episcopum, cui nomen erat Paulus Samosatenus⁸⁶). Et iudices fuerunt viri gravissimi in eadem Ecclesia, et multi accersiti ex vicinis, ut Gregorius⁸⁷) Neocaesariensis, et alii.

Secundo, hic expresse fit mentio testium. Ex hoc fonte multae leges natae sunt, quae praecipunt de modo cognoscendi controversias.

Ac valde memorabile dictum est, quod extat in 17. cap. (v. 4.) Deuteronom. his verbis: Audias, inquiras bene, et cum fuerit verum certum, punias etc.

Vult iudici ita notam esse veritatem, ut sit certus, nec sequatur tantum suspiciones, aut incertas opiniones, sicut saepe in controversiis religionis reges et episcopi sequuntur opiniones errore multitudinis confirmatas, non inquirunt certam veritatem.

Exod. 23⁸⁸), (2.) nominatim praecipitur, ut caveamus, ne decipiamur iudiciis multitudinis: Non sequaris turbam in iudicio.

Congruunt autem huc multa dicta, ut illud Platonicum: *θεῖ κρίνειν οὐ πλήθει, ἀλλὰ ἐπιστήμῃ*⁸⁹).

86) Conf. supra p. 479. nota 68.

87) Gregorius] sic Edit. 1552.; Editt. 1554., 1557. et 1560. Georgius. — Gregorius, proprie Theodorus, per Origenem christianae doctrinae cognitione imbutus a. 240. Neocaesariae, Cappadociae oppido, ubi natus erat, episcopus factus est, ob miracula, quae patrasse dicebatur, Thaumaturgus cognominatus. In synodis a. 264. et 269. Antiochiae habitis Pauli Samosatani errores impugnavit. A. 270. mortuus est. Vitam eius Gregorius Nyssenus descripsit. Scripta eius sunt: Panegyricus in Origenem; Metaphrasis in Ecclesiasten; Expositio fidei; Epistola canonica ad Papam seu Episcopum quendam Ponti (quae in Guil. Beveregii Pandect. canon. Tom. II. p. 24. reperitur). Tractatus de anima ad Tatianum et quatuor homiliae falso ei adscribuntur. Opera eius (genuina et spuria) una cum vita ed. Ger. Vossius. Moguntiae 1604. 4.

88) Exod. 23.] sic Editt. 1552., 1554. et 1557.; Edit. 1560. Exod. 32.

89) Plat. Laches (op. ed. H. Steph. T. II. p. 184. c. — ed. Bipont. Vol. V. p. 173.): *Ἐπιστήμη γὰρ, οἶμαι, θεῖ κρίνεισθαι, ἀλλ' οὐ πλήθει, τὸ μῆλλον καλῶς κρίνεσθαι.*

Secunda conclusio.

Cum sententia excommunicationis, quod ad ipsam causam attinet, iniusta est, necesse est condemnatum tamen retinere confessionem veritatis, iuxta illud (Galat. 1, 8.): Si Angelus de coelo aliud Evangelium doceat, anathema sit.

Hic antithesis consideretur. Papa excommunicans nos anathemata, id est, maledicta esse, horribiliter damnata a Deo, et propter nos, nobis et toti generi humano poenas attrahi. Sic et Ioann. 16, (2.) dicitur: Quisquis occidet vos, putabit se sacrificium offerre Deo.

Cum autem non sine magno dolore possit homo pius sustinere contumelias, quanquam iniustas, cum pontificum, regum, et sapientum iudiciis condemnatur⁹⁰), et venit in odia et pericula, vicissim nos consolatur Paulus, inquit: Imo illi, qui veritatem condemnant, sunt anathemata et maledicta, horribiliter reiecta et damnata a Deo, propter quae cumulantur poenae generi humano, non nos qui veritatem confitemur.

Ac necesse est pios tenere expressas consolationes contra iniqua iudicia, ut vincant dolorem, et statuunt se nequaquam propter iniustas sententias reiici a Deo, aut excludi a vera Ecclesia.

Sint igitur in conspectu haec dicta: Psalmus 109⁹¹), (28.): Maledicent illi, et tu benedices. Confundentur inimici mei, servus autem tuus laetabitur. Esai 51, (7.): Ne timete probra hominum. Matth. 5, (11.): Beati estis, cum maledixerint vobis homines mentientes propter me.

Ac in talibus certaminibus notum sit discrimen verae Ecclesiae, et illius agminis, quod falso sibi titulum Ecclesiae arrogat, cum certissimum sit, hostes veritatis non esse Ecclesiam Dei, iuxta haec dicta (Ioann. 10, 27.): Oves meae vocem meam audiunt. Item de hostibus (Ioann. 10, 26.): Vos non estis ex ovibus meis. Item (Ioann. 8, 44.): Vos ex patre diabolo estis. Interea tamen Deus aliquas reliquias verae Ecclesiae semper servat, iuxta haec dicta: Nisi Dominus reliquisset nobis semen sicut Sodoma et Gomorrha essemus. Item (Matth. 28, 20.): Ecce ego sum vobiscum usque ad consummationem seculi.

Et in symbolo profiteamur conservari veram Ecclesiam: Credo Ecclesiam sanctam catholicam.

90) condemnatur] sic Editt. 1552., 1557. et 1560.; Edit. 1554. contemnatur.

91) Psalm. 109.] Editt. omnes (secundum LXX. et Vulg.): Psalm. 108.

ALIA QUAESTIO.

AN CUM ULYSSES PROMISSISSET DOLONI SPECULATORI VITAM, DIOMEDES SOCIUS EUM IUSTE INTERFECERIT⁹²).

Tempus me de hac quaestione admonet, quia heri, id est, decima Novembris, fuit annus centesimus septimus, post tristissimam cladem Varnensem⁹³), in qua rex nobilissimus et excellens virtute Vladislaus, interfectus est ab Amurathe⁹⁴), cum post promissam pacem iuramento, persuasus esset a Romani pontificis legato Iuliano⁹⁵) rursus movere bellum, quia illa pax facta esset sine consensu sociorum. Repetam autem breviter historiam.

Ioannes Huniades, Matthiae pater⁹⁶), tres Turcicos duces vicit multis praeliis. Mezeth et Ziabim⁹⁷) interfecit, postremum Carambum⁹⁸)

92) Haec res narratur ab Homero II. X, 313—464. Agamemnon insomnis cum fratre Menelao lectis evocant Nestorem et alios principes, cum iisque excubias ad fossam obeunt. Consilio ibi habito mittunt speculatores in castra Troiana, Diomedem atque Ulysem. Eodem tempore Achivorum consilia exploratum prodierat Troianus quidam, Dolon, Hectoris promissis incitatus, quam, ad navalia quam maxime tendentem, illi comprehendunt. Hic quum vitam sibi deprecatus, omnem situm castrorum, et, ubi Rhesus, rex Thracum, tenderet, indicavit, proditor a Diomede occiditur.

93) Exercitus Vladislai III., regis Poloniae et Hungariae, a rege ipso et Huniade atque Agriae et Waradini episcopis, legatoque papae ductus ad Warnam oppidum 10. Nov. 1444. a Sultano Murad devictus et Vladislaus occisus est. Hanc cladem, Callimacho de pugna Varnensi, Bonfinio Decadis III. l. VI. aliisque auctoribus, descripserunt Mailath: Geschichte der Magyaren T. II. p. 225 sqq. et Ios. v. Hammer: Geschichte des Osmanischen Reiches T. I. p. 461 sqq.

94) Amurathes i. e. Murad II., natus 1403., Sultanus inde ab a. 1421. usque ad mortem 1451.

95) Ab Eugenii IV. papae legato, cardinali Iuliano Cesarini.

96) Conf. supra p. 177. nota 19.

97) Mezeth i. e. Mesid-Beg, et Ziabim i. e. Schehabeddin-Pascha, quorum clades a. 1442. ab Huniade factas narrat Ios. v. Hammer l. I. T. I. p. 450—452. et Mailath l. I. T. II. p. 208—210.

98) Carambus a Callimacho (de rebus a Wladislavo, Polonorum et Hungarorum Rege, gestis), Bonfinio (Decadis III. l. VI.) iisque, qui Laonici Chalcocondylae librum de origine Imperatorum Turcicorum in lat. linguam translatorunt, appellatur Mahmud Tschelebi, sororis Sultani Murad maritus, provinciae Boli praefectus (Beg), qui 24. Dec. 1443. ab Huniade ad Cunobizam montem in campis Ialovazi victus captusque, mense Iulio a. 1444. a Sultano septuaginta millibus aureorum redemptus est. Vid. v. Hammer l. I. T. I. p. 454. 456. 661. et Mailath l. I. T. II. p. 216. 220.

captum emit a gregario milite quadraginta aureis, quem postea vendidit quadraginta millibus aureorum. Cum igitur Turcicae vires multis cladibus languefactae essent, et Carmam⁹⁹) in Asia provincias Turcicas popularentur, Amurathes pacem petivit. Nec Ungari defessi assiduis bellis a pace abhorrebant. Itaque utrimque pax iuramento promissa est¹⁰⁰).

Non multo post cum iam constaret Amurathen in Asiam contra Carmanos traiecisse, et existimarent omnes magnam esse occasionem Turcas ex Europa eiiciendi, hortantur legati pontificii et Graeci¹) regem Vladislaum, ut rursus bellum moveat, quod cum propter pacta videretur iniustum esse regi, legatus pontificius affirmavit illa pacta irrita esse, quia nec sine Romani pontificis auctoritate, nec sociorum consensu licuerit promittere pacem, et suadet rursus moveri bellum.

Huic infelici consilio rex Vladislaus obtemperat et initia laeta erant, sed celeriter ex Asia rediit Amurathes. Iam vero accesserat Vladislaus usque ad littus ad oppidum Varnam, quod veteribus fuit aut Dyonyssopolis, aut Anchialos²), si tam in littore supra Constantinopolim non longo intervallo. Ibi rex Vladislaus interfectus est, et trucidata utrimque ingens multitudo. Huniades cum parte copiarum effugit, sed in fuga a Dracola Vualacho captus est, et postea dimissus,

99) Ibrahim-Beg, Caramaniae dux, sororis Sultani Murad maritus, a. 1443. tertium bellum Turcis inferens eorum terram inde ab oppido Kutahie usque ad Angoram, Bula-wadin et Siwrihissar populatus est urbesque Akhissar, Akschehr et Begschehr vastavit, vid. v. Hammer l. I. T. I. p. 455.

100) Haec pax mense Iulio 1444. Segedini urbe in decem annos facta atque a Wladislao rege et Sultano Murad iuramento sancita est, vid. Hammer l. I. T. I. p. 456. et Mailath l. I. T. II. p. 220.

1) Praeter Eugenii IV. papae legatum, cardinalem Iulianum Cesarini, etiam cardinalis Franciscus Condolmieri, praefectorum classis papae in Hellesponto summus et Ioannes Palaeologus, Graecorum imperator, epistolis Vladislaum ad pacem rumpendam commoverunt; vid. Hammer l. I. T. I. p. 459 sq. et Mailath l. I. T. II. p. 220 sq.

2) Hammero l. I. T. I. p. 461. teste Warnam oppidum prius Constantia vocabatur.

quem Dracolum Huniades postea captum interfici iussit³⁾.

Quaesitum est igitur et post cladem, an iustum fuerit, pacta iuramento sancita non servare.

Disputatum est autem de potestate Romani pontificis, et de iure sociorum. Agitata sunt enim duo argumenta.

Iuramentum inferiorum non est ratum sine comprobatione superiorum in causa publica, ut docent historiae foederis Luctatii⁴⁾, item Numantini foederis⁵⁾ etc.

Reges sunt inferiores pontifice.

Igitur non valebat illud pactum, pontifice non approbante.

Sed minor simpliciter neganda est, quia ministris Evangelii non est mandata politica potestas, sed hanc cum sibi sumunt episcopi, erumpunt extra metas suae vocationis, et peccant, alterum pedem, ut dicitur, habentes in curia, alterum in templo. Ac semper in conspectu sit dulcissima vox Filii Dei (Ioann. 20, 21.): Sicut misit me Pater coelestis, sic ego mitto vos. Id est, sicut misit me Pater coelestis, ut sonarem vocem Evangelii in genere humano, et fuit efficax per meam vocem, sic ego mitto vos, ut sonetis Evangelium, et ego ipse ero efficax per vestram vocem, convertam corda ad Deum, et lucem, iustitiam, et vitam aeternam in credentibus accendam.

Sed de imperio politico inquit (Ioann. 18, 36.): Regnum meum non est de hoc mundo. Itaque quod ad politica attinet, reges non sunt inferiores pontifice, et nota sunt, quae alias

3) Huniades paucis diebus post cladem Varnensem in Wallachia ducis (Woiwodae) Drakul iussu captus, postea autem cum magnis donis dimissus, circa a. 1446. subito bellum huic duci intulit; vid. Mailath l. l. T. II. p. 228. T. III. p. 6. 9. 192.

4) L. Lutatius Catulus consul a. 242 a. Chr. bello Punico primo ad Aegates insulas Carthaginiensium classem vicit eosque cogit, ut pacem a Romanis peterent. Iis autem pacis conditionibus, de quibus inter Lutatium et Hamilcarum Carthaginiensium ducem convenerat, senatus Rom. non stetit, verum decem legatos in Siciliam misit, ex quorum sententia auctoritateque aliud ictum foedus ac confirmatum est; vid. Polyb. I, 62 — 64. conf. Liv. XXI, 18.

5) Bello Numantino 143 — 133. a. Chr. plures annos a Romanis infeliciter gesto, postquam pacem a M. Popillio a. 138. cum Numantinis factam senatus irritam fieri censuerat, etiam pacem, quam L. Hostilius Mancinus a. 137. cum iis fecerat, ignominiosam ratam esse senatus vetuit, vid. Liv. LV. LVI. Conf. supra p. 462. nota 21.

saepe dicuntur de discrimine potestatis politicae, et ministerii evangelici.

Fuit Leontius episcopus in Mysia ad Istrum⁶⁾, qui in synodo⁷⁾, cum imperator Constantius adesset, et alii eum laudarent postulantes quid vellet a synodo agi; unus Leontius iussus dicere sententiam, reprehendit imperatorem, inquit: Miror te imperator, cum ad alia negotia ordinatus sis, alia tamen aggredi, *θανυμάζω σε ὄτι ἕτερα διέπειν ταχθεῖς, ἕτερα ἐπιχειρεῖς*⁸⁾. Hac voce commonefactus imperator, discessit ex consessu. Haec Suidas.

Alterum argumentum est de iure sociorum.

Aliud est loqui de uno Domino, qui quamquam amicorum auxilia habet, tamen non habet adiunctos ut socios, quibus ipse obligatus sit, sicut Troiani habebant auxilia Glauci⁹⁾ et aliorum, et poterat Priamus sine illis pacisci. Talis Dominus et Vladislaus fuisse videtur. Valebant igitur pacta, et erant servanda, etiamsi nunquam consulti fuerunt illi, qui auxilia miserant. Ergo quae de societate opponuntur, non faciunt ad hanc rem.

Sin autem fuit societas, in qua mutua obligatio fuit omnium sociorum, etsi non potuit sua pactione rex obligare alios, tamen postquam ipse pacem fecit, et iuramento confirmavit, suo loco servare pacta debet, etiamsi alii disenserunt.

Sin autem consenserunt, fuerunt et ipsi obligati, sicut credibile est.

Postea vero quaesitum est sophisma ad rescindenda haec pacta, postquam novam occasionem rei bene gerendae oblatam esse existimaverunt, ut solent reges ludere faciendis et rescin-

6) Auctore Suida s. v. *Λεόντιος*, hic Leontius fuit Tripolis Lydiae episcopus, natione Mysus, ex iis, qui ad Istrum habitant (qui plerumque Moesi appellantur).

7) Fortasse hoc factum est in synodo Seleuciensi a. 359. Constantio imperante habita, quod inter eos, qui ad dei expositionem in hac synodo editam subscripserunt, etiam Leontius episcopus *Lydiae* invenitur, vid. Maratori saecror. concilior. nova et ampliss. collectio T. III. p. 322.

8) *θανυμάζω — ἐπιχειρεῖς*.] sic Editt. huius commentationis; Suidas ed. Bernhardt s. v. *Λεόντιος* scripsit: *θανυμάζω, ἔρη, ὅπως ἕτερα διέπειν ταχθεῖς ἕτεροις ἐπιχειρεῖς*.

9) Glaucus, Hippolochi filius, Bellerophonis nepos, Lyciorum agmina Priamo auxilia adduxit bello Troiano; conf. Hom. II. II, 875. VI, 119 sqq.

dendis pactionibus induciarum, sicut Lysander dicebat: Pueros ludere astragalis, reges iuramentis¹⁰⁾.

Nunc et de Homericō exemplo respondeo. Etiam si excusari interfectio Dolonis potest sub-

10) Conf. supra p. 456. nota 4.

tili ratione, sumpta a iure sociorum, tamen quia Diomedes dolo tacuit, cum ille intelligeret sibi promitti vitam utriusque nomine, et praeberet ipsis hoc beneficium, quod petiverant, non servata est aequalitas, cum pro mercede, videlicet pro narratione petita, non concederent vitam, quam ille pro hac mercede promitti existimaverat.

VI.

PH. MEL. DISSERTATIO DE CONTRACTIBUS.

Haec dissertatio bis a Melanthere edita est, primum enim ab eo adiuncta est libro:

Enarratio aliquot librorum Ethicorum Aristotelis primi, secundi, tertii et quinti, ad intelligendum Aristotelem utilis, autore Philippo Melanthere. Vitebergae 1545. 8.

vid. Prolegg. p. 5—10., deinde editioni Epitomes philosophiae moralis, quae Argentorati 1546. prodit sic inscripta:

Philippi Melanthonis philosophiae moralis Epitomes Libri duo emendati et aucti. Item. Enarratio aliquot librorum Ethicorum Aristotelis, Primi, Secundi, Tertij et Quinti, ad intelligendum Aristotelem utilis. Eodem Philip. Melant. autore. Argentorati apud Cratonem Mylium. Anno M. D. XLVI. 8.

vid. Prolegg. p. 13—14.

DE CONTRACTIBUS.

In quinto libro Ethicorum eruditissimum dictum est, in rerum communicatione efficiendam esse aequalitatem arithmetica proportione, nam alioqui non posset perpetuo durare rerum communicatio, quia ubi non servatur aequalitas, ut in usuris, et aliis expilationibus immoderatis, una pars exauritur, et ad famem redigitur. Ideo et de hac aequalitate praecipit Deus, cum inquit (Exod. 20, 15.): Non furtum facies. Item 1. Thessal. 4, (6.): Non transgredi, nec plus auferre in negotio, id est, non recedere in contractibus a legitima aequalitate.

Primum igitur sciamus, non tantum propter nostram tranquillitatem servandam esse hanc aequalitatem, sed multo magis propter Deum. Ideo vult nos amare iustitiam, ut de sua iustitia nos admoneat. Docet iustitiam aequalitatem esse, ut se quoque sciamus aequalem esse, non tyrannum, non acceptatorem personarum. Quod cogitare, profecto magna pietas et consolatio est,

sicut docet Paulus (Rom. 10, 12.): Idem Deus in omnes qui invocant eum. Item Petrus (Act. 10, 34.): In veritate cognovi, quod Deus non est acceptator personarum.

Amemus ergo hanc in contractibus divinam ordinationem, et sciamus in eis proposita esse exempla, commonefacientia nos de Deo. Haec semper cogitanda sunt, quoties de iustitia dicimus in his contractibus. Primum autem de mutatione dicemus.

Mutuatio est contractus, in quo pecunia, vel alia res, quae usu consumitur, gratis transfertur, non modo quoad usum, sed etiam quoad dominium, illo tamen accipiente, obligato ad reddendum idem in genere, seu aequivalens.

Cur necesse est esse gratuitam mutationem?

Quia, cum sit rei, quae usu consumitur translatio, non est rei fructificantis translatio. Plus autem redderet accipiens mutuo, si ex re

non fructificante insuper lucrum adderet, non igitur servaretur arithmetica aequalitas, ideo humanissimum dictum est, mutuacionem esse officium, et liberalem contractum. Depravatur autem mutuatio usuris. Ideo hic definitio usurae tradenda est.

Usura est lucrum, propter mutuacionem supra sortem exactum. Quod autem iniustum sit usuras petere et accipere, primum lex divina testatur, Levit. 25, (36.): Non accipias a fratre tuo usuras nec amplius, quam dedisti. Et Psalmus 15¹⁾, (5.): Qui pecuniam suam ad usuram non dedit. Et Christus inquit (Luc. 6, 35.): Mutuum date, nihil inde sperantes, id est, non petentes lucrum supra sortem, nam si prohiberet sortem peti, diceret: Donate. Nunc cum ait: Mutuum date, hunc ipsum contractum mutuacionis approbat, distinctum a donatione.

Haec divina testimonia amplectamur, et sciamus usuras vere displicere Deo, nec quaeramus cavillationes ad excusationem manifestarum usurarum, ut multi faciunt. Postea vero consideremus et rationes naturali iudicio collectas, quare usurae sint iniustae, quarum haec praecipua est: Societas civilis non potest esse perpetua, cum non servatur aequalitas in rerum communicatione, nam altera parte exhausta, dissipari societatem necesse est.

At in usuris non servatur aequalitas, nam qui dedit mutuum, recipit suum, et accipit amplius. Exhaustitur ergo altera pars, et non servatur aequalitas, sicut res ipsa ostendit, ubi concessae fuerunt immoderatae usurae, magnas gentes redactas esse ad inopiam, multos coactos vendere filias et filios. Qua ex re saepe mutuaciones imperiorum ortae sunt. Ideo etiam ethnici saepe coacti sunt, moderari usuras, ut Solon²⁾, Lu-

1) Psalm. 15.] Editt. (secundum LXX. et Vulg.) Psalm. 14.

2) Solon non praefinivit modum usurae, maxima enim Athenis erat fenerandi licentia, approbata veteri hac Solonis lege: τὸ ἀργύριον στάσιμον εἶναι, ἐφ' ἑπόσον ἂν βούληται ὁ δανειζών, vid. Petiti legg. Att. l. V. tit. 4. l. 1. et p. 403. commentarii. Nam eiusdem tituli legem 2. μὴ λαμβάνειν πολλοὺς τόκους Salmasius de usurar. modo p. 94. expunxit nunquam latam ostendens; pertinere ad ἔθος, quod privati inter sese constituerant ipsimet in usurarum modo, quem lex Solonis scripta nullis cohibitum finibus permiserat, coercendo; vid. Petit. l. l. p. 406. commentarii. At ista lex, ex qua feneratores mutuam dabant pecuniam etiam oppigneratis debitorum corporibus, ut creditoribus addicerentur, si non solvissent, a Solone est antiquata, et altera lata, qua cavebatur ne nexu corporis in servitutem abducendi pecuniam fenori collocarent,

cullus, Cicero, Iulius et Augustus praefinierunt modum usuris, ne plus quam centesima solveretur, id est, quae centesimo mense aequat sortem³⁾. Narrat autem Cicero Brutum quatuor centesimas in Cypro exegisse⁴⁾, et aliquot senatores fame necatos esse. Verum in libro Esdrae 2.⁵⁾ cap. 5, (11.) etiam centesimas Iudaei remittere iubentur. Quod eo recito, ut meminerint studiosi eo loco fieri mentionem centesimarum, ac discant, quid sint centesimae, quia earum saepe fit mentio in iure et in historiis.

Teneatur et dictum Aristotelis, qui primo πολιτικῶν damnat usuras his verbis⁶⁾: Iuste in odio est foeneratoria, quia nummo utitur tanquam merce, et ex eo quod non fructificat natura, fructum capit; at commutationis causa factus est nummus: maxime igitur praeter naturam est, nummum fieri mercem. Dixi et praecceptis Dei, et vera naturali ratione damnari usuras. Nunc quaestiones adiiciam de certis casibus, de quibus in hac communi vita saepe disputatur.

Constat enim quosdam turbulentos homines sine omni discrimine, omnes redditus damnasse⁷⁾. Adversus tales seditiosas opiniones praemunendi sunt animi.

his verbis: ἐπὶ τοῖς σώμασι μὴδὲν δανείζειν; vid. eiusd. tituli leg. 5. et p. 412. commentarii.

3) Conf. C. Salmasius de modo usurarum. Lugd. B. 1639.; Wilh. Bein, Böm. Privatrecht p. 301—312.; eiusd. Criminalrecht der Römer p. 830—832.; Albr. Schweppe, Böm. Rechtsgesch. u. Rechtsalterth. 3. Aufl. herausgeg. v. Gründler p. 476—479. Pauly, Real-Encyclop. T. III. p. 445—461. s. v. Fenus.

4) M. Iunius Brutus, M. Bruti et Servillae filius, natus a. u. c. 669., ταραννεξιόνος cognominatus, istas permagnas usuras exegit, cum Salaminiorum Cypriorum civitas in eius fide caset locata, a. 703 et 704 a. u. c., Cicero proconsul Ciliciae hoc tempore eius rem pecuniariam curabat adversus debitorem Ariobarzanem, Cappadociae regem, nec magno opere eius cupiditatem pecuniae et iniqua postulata de Salaminis in Cypro insula, qui item et debebant, probabat, cuius de hac re conquestiones reperiuntur maxime in Epp. ad Att. VI, 1. vid. ibid. V, 21. et Savigny über den Zinswucher des M. Brutus, in den philol. Abhandl. der Berlin. Acad. der Wiss. 1818—1819. p. 187 sq.

5) Esdrae 2.] sic Editt. secundum Vulg. Nehemiae librum significant.

6) Aristotelis verba Polit. I. c. 3. §. 23. ed. Stahr, haec sunt: Ἐδλογώτατα μισεῖται ἡ δβολοστατικὴ διὰ τὸ ἀπ' αὐτοῦ τοῦ νομισματός εἶναι τὴν πηγήν καὶ οὐκ ἐφ' ὅπερ ἐπορεύθη· μεταβολῆς γὰρ γίνετο χάριν, ὃ δὲ τόκος αὐτὸ ποιῆι πλέον. (vid. supra p. 428., ubi eadem verba allata sunt, in quibus autem pro ἐδλογώτατα typogr. errore ἐδλογώτατα excusum est).

7) Conf. supra p. 441.

Primum igitur sciendum est, multos redditus esse tributa imperiorum, imposita fundis initio, ut inde magistratus habeant necessarios sumptus, sic Athenis Pisistratus accepit vicesimam partem fructuum⁸⁾, id est, de C modiis quinque. Ioseph indixit quintam partem⁹⁾; lex Moisi decimam¹⁰⁾, et haec nunc fere in usu est in Germania. Haec tributa caeteris paribus, non sunt damnanda, quia magistratui debetur stipendium, ut Rom. 13, (6. 7.) dicitur, et Lucae 3, (14.)¹¹⁾. Et haec sua tributa saepe vendiderunt, et vendunt domini, aut varie transtulerunt et transferunt, donatione, aut bellicis tumultibus. Iuste autem tenentur ab aliis vendita, seu alioqui honeste translata. Quare nequaquam in genere omnes redditus damnandi sunt, et hi redditus prorsus nihil ad quaestionem de usuris pertinent.

Secundo, usitati sunt contractus, emere aliquid cum pacto de revendendo, et huius contractus triplex est forma.

Prima¹²⁾, quando emitur certus fundus cum pacto de revendendo. Secunda¹³⁾ forma huic similis, quando emitur certus redditus in fundo certo.

Hae formae sunt valde usitatae privatis hominibus, et totis civitatibus et collegiis. Porro hae duae formae sunt verae emptiones, nam pactum de revendendo non tollit naturam emptionis. Ita pronuntiat lex: Si fundum, Codice de pactis inter emptorem et venditorem¹⁴⁾, et in his duabus formis insunt emptionis substantialia, videlicet merx, pretium et consensus, nam merx est fundus, aut ius certi redditus percipiendi ex certo

fundo. Nec talis emptio est simulata, aut pignoris causa facta, ut quidam dicunt, quia si esset oppignoratio, fundus periret oppignoranti, nunc autem fundus perit emptori¹⁵⁾. Praeterea quod maxime proprium est emptioni, videlicet, quod emptor non habeat ius repetendi pretium, id inest in his duabus formis. Quare cum illud ius omnino amiserit, non potest esse mutuatio, sed est vera emptio. Denique has duas formas, quas recensui, esse veras emptiones, perspicuum est dextre iudicanti. Quod vero obiicitur: dominium esse facultatem disponendi de re sua etc.; at in his casibus et formis emptor fundi non potest eum alienare, aut alteri, nisi venditori rursus vendere. Hoc videtur pugnare cum ratione dominii.

Respondeo, non pugnat cum natura dominii. Nam haec obligatio non prohibet, quo minus emptor efficiatur vere dominus. Ut, si quis vere dominus suarum aedium obliget se eas aedes ad neminem translaturum esse, nisi ad te, sive donatione, sive venditione.

Is tantisper manet vere dominus, et tamen non potest transferre ad alium.

Ita dicit iurisconsultus Digestis de verborum obligationibus, lege: Ita quis¹⁶⁾ §. 17) Ea lege¹⁸⁾, ubi dicitur¹⁹⁾, servum donatum esse ea conditione, ne ad alium transferretur, et tamen ille, cui donatus erat servus, vere eius servi dominus fiebat.

Tertia²⁰⁾ forma huius contractus est, cum redditus non constituitur in uno aliquo fundo, sed in bonis universis alicuius fundi, ut, cum emuntur redditus constituti in omnibus bonis alicuius reipublicae. De hac forma disputant eruditi timidius, an sit vera et iusta emptio, sed illi, qui

8) Pisistratus ipse decimam fructuum partem accepit, vid. Meursii Pis. 6. 7. 9.; filii eius autem, Hipphas et Hipparchus vicesimam tantum partem postularunt, vid. Thucyd. 6, 54. Boeckh Staatsh. I, 351. Wachsmuth Hellen. Alterthumsk. 2. A. T. I. p. 555. not. 17.

9) Genes. 41, 34.

10) Levit. 27, 30—33. Num. 18, 21 sqq. Conf. J. D. Michaëlis Mosaisches Recht T. IV. §. 192. p. 95 sqq.

11) Hic locus non nisi ob vocem *stipendia* hic allatus est; nam de stipendio magistratui solvendo ibi minime dicitur.

12) Prima] sic Edit. 1546.; Edit. 1545. I.

13) Secunda] sic Edit. 1546.; Edit. 1545. II.

14) Cod. IV. tit. 54. legis 2. (Corp. iur. civ. ed. Beck T. II. P. I. p. 401.) verba haec sunt: Si fundum parentes tui ea lege vendiderunt, ut, sive ipsi, sive heredes eorum emptori pretium quocumque vel intra certa tempora obtulissent, restitueretur, teque parato satisfacere conditioni dictae, heres emptoris non parat, ut contractus fides servetur, actio praescriptis verbis vel ex vendito tibi dabitur, habita ratione eorum, quae post oblatam ex pacto quantitatem ex eo fundo ad adversarium pervenerunt.

15) emptori] sic recte Edit. 1546.; Edit. 1545. emptor.

16) Ita quis] sic Edit. secundum Editionem Corp. iur. Halensem, in qua lex ab his verbis incipit; Edit. Beckii habet: Si ita quis.

17) §.] sic recte Edit. 1546.; in Edit. 1545. deest.

18) Dig. XLV. tit. 1. leg. 135. §. 3. (Corp. iur. civ. ed. Beck T. I. P. II. p. 843.): Ea lege donatum sibi esse a Seia servum et traditum, ut ne ad fratrem eius, aut alium, aut uxorem, aut socrum perveniret, scripsit; et haec ita stipulante Seia, spondit Titius, qui post biennium heredes reliquit Seiam et fratrem, cui ne serviret, expressum erat. Quaeritur: an Seia cum fratre et coherede ex stipulatu agere possit? Respondit: posse in id, quod eius interesset.

19) dicitur] sic Edit. 1546.; Edit. 1545. dicit.

20) Tertia] sic Edit. 1546.; Edit. 1545. III.

mitius iudicarunt, cum tam vulgaris contractus sit, noluerunt hanc formam in universum condemnare, sicut Gerson²¹⁾ inquit: Non facile contractum, in quo mediocris aequalitas conspicitur, pronuntiandum esse usurarium. Quaerunt autem, an hic sit merx certa conveniens huic reditui. Quaerunt item, an sit aequalitas, cum de reditu nihil remittatur, etiamsi aliqua pars facultatum detrimento afficiatur, sed sic respondent hi, qui mitius iudicant, quibus adsentior, hanc tertiam formam, caeteris paribus, etiam esse veram et iustam emptionem. Merx enim est ius percipiendi reditus, quod cum in aliquo corpore constitui necesse sit, corpus sunt omnia bona fructificantia istius reipublicae. Nam in his omnibus simul, tale ius constitui potest, sicut in alieno agro servitus aliqua constituitur, videlicet actus, aut iter. Sed dictum Innocentii memorabile in hac quaestione tenendum est, qui inquit: videntur esse in hoc contractu, ut reditus constituatur in re, seu ad rem referatur, non ad personam vendentis, et addit Innocentius, talem contractum non esse usurarium, cum in eo sit merx et pretium, et talia iura realia licitum sit vendere. Semper ergo meminerit lector, ius quod emitur in hoc casu, in corpore aliquo fructificante constituendum esse, sicut supra de secunda forma dictum est. Ius enim constitutum est in fundo certo, ubi pereuntibus agris, etiam reditus perit. Ita hic universa bona habent se tanquam corpus certum, sed ita, si onerentur pro proportione, et is, qui accipit reditum, sustineat periculum pro proportione, ut aequalitas mediocris efficiatur, quia constat inaequalitatem enormem, iniustam, a Deo damnatam, et exitiosam esse communi societati.

Quod autem et tertia forma sit iusta emptio, his argumentis ostenditur. Primum, emptioni proprium est, emptorem prorsus amittere ius repetendi pretii, in hac tertia forma emens reditus, prorsus amittit ius repetendae pecuniae. Necesse est igitur vicissim in eum aliquod ius translatum esse tanquam mercem, alioqui non esset aequalitas inter dantem pecuniam, et accipientem. Haec ratio ex natura emptionis sumpta, non est contemnenda, ad quam et aliae adiungantur. Pars aliqua onerari certa servitute potest. Igitur et universa bona possunt onerari caeteris paribus.

21) Conf. supra p. 111. nota 89.

Alia.

Potest alicui donare respublica redituum partem, ut saepe fit, et hoc ius donatum, is, qui tenet, vendere potest. Talis autem reditus constitutus est in universo corpore facultatum, et iure²²⁾ defendi et emi potest. Expendantur autem et ea, quae opponuntur. Nam collatio contrariorum argumentorum magis ostendit naturam contractus, quando sit iusta emptio, quando circumstantiis depravetur. Nam humanae actiones omnes, quae a voluntatibus oriuntur, sunt flexibiles, et facile depravantur, ut a severitate facile disceditur ad crudelitatem, et usitate dicitur, vitia vicina esse virtutibus, iuxta illud²³⁾:

Et bona sunt vicina malis²⁴⁾. Errore sub illo

Pro vitio virtus crimina saepe tulit.

Facile igitur sunt depravationes contractuum, et facile ab aequalitate disceditur. Quanquam in tanta infirmitate humana exigua errata condonantur, tamen cum conspicua est, et enormis inaequalitas, conscientiae eam iudicare possunt. Cavendum est autem, ne contra conscientiam agatur.

Alia.

Opponuntur autem haec contraria. In titulo Plus valere quod agitur, quam quod simulatur²⁵⁾, leguntur haec verba²⁶⁾: Emptione pignoris causa facta non quod scriptum est, sed quod gestum est, inspicitur.

In tertio casu simpliciter fit emptio pignoris causa, id est, fit oppignoratio, non emptio: ergo prorsus est simulatus contractus. Minorem probo, quia bona illa, in quibus emptio fingitur, tantum sunt re ipsa pignus, etiamsi propter praetextum additur nomen emptionis. Imo fatentur instrumenta, quod oppignorata sint omnia bona. Hoc argumentum sane speciosum est, et difficulter refutari potest.

Multi speciose opponi possunt contra tertiam formam, et verum est, saepe depravari cir-

22) iure] sic Edit. 1546.; Edit. 1545. ius.

23) Ovid. remedia amoris 323. 324.

24) Et bona sunt vicina malis.] sic Editt. huius dissertat.; Ovidius scripsit: Et mala sunt vicina bonis.

25) quam quod simulatur] sic Editt. huius dissert.; in hoc titulo codicis scriptum est: quam quod simulate concipitur.

26) Cod. IV. tit. 22. 1. 3. (Corp. iur. civ. ed. Beck T. II. P. I. p. 356.).

cumstantiis hunc contractum. Sed ut in ratione victus, nemo non aliquando peccat, ita in contractibus exactissimam normam aequalitatis servare in tanta confusione vitae, et imperiorum, difficile est. Hoc igitur praestetur, ne procul recedatur ab aequalitate, et ne sit enorme delictum. Nunc igitur respondeo ad argumentum. Neganda est minor, ac asseverandum, quod vera emptio possit in toto corpore honorum constitui, sicut servitus aliqua constitui in fundo potest, actus aut iter. Ac potest dominus donare alicui partem reddituum suorum, et hoc onus universo corpori honorum imponere, quare talem partem etiam vendere potest. Sed tamen cavendum est, ne corpus immodice oneretur.

Deinde, quod in hoc tertio casu sit vera emptio, inde etiam intelligi potest, quod dans pecuniam, amittit ius repetendae pecuniae. Necessesse est igitur vicissim aliquod ius in eum translatum esse, nec oppignoratio aliorum honorum corrumpit emptionem.

Aliud contrarium.

Periculum rei venditae pertinet ad emptorem, in hoc contractu tantum gravatur venditor, quia emptor exigit pensionem, etiamsi illa bona damno affecta sunt²⁷⁾. Non est igitur vera emptio. Respondeo ad minorem. Emptor debet sustinere periculum, et si bona perierunt, ius simul peribit, ut actus, seu iter amittitur, cum ager alluvione perit. Cum igitur insigni damno affecta sunt bona, remittat aliquid emptor de pensione, et hinc depravatio huius contractus oritur, quia haec circumstantia saepe non observatur. Sed amans aequalitatem, facile poterit iudicare, ubi haec circumstantia moderationem aliquam postulet.

Aliud contrarium.

Levitici 25, (15. 16.) mandatur, ut fructus fundorum computentur in sortem, ergo et nos debemus fructus computare in sortem, cum emimus fundum cum pacto de revendendo, et reddere fundos sine pretio. Respondeo. Neganda est consequentia, quia politia Mosaica non obligat nos. Onus autem de reddendis fundis in iubilaeo, erat peculiaris ordinatio illius gentis, sicut circumcisio, nec necesse est exemplum ad nos transferre, tametsi

²⁷⁾ sunt] sic Edit. 1546.; Edit. 1545. sint.

ibi probabilem rationem habuit, quia Deus ibi servari discrimina²⁸⁾ familiarum voluit, ut certo sciretur stirps Messiae, voluit et caeteras familias servari florentes. Ideo restitutio fundorum ordinata est, quae in exigua gente possibilis est, subiecta uni iudici, et non conveniret aliis gentibus in hac dissipatione imperiorum, sed in illo populo lex erat pauperibus salutaris, ne eorum fundi a divitibus empti retinerentur et ipsi ex aedibus pellerentur. Significabat et hoc. Deum huius politiae custodem esse, quia si distracta esset imperiis externis, neque haec lex, neque aliae multae servari potuissent. Testatus est autem Deus, deleta politia Iudaica, nunc non necessariam esse observationem ceremoniarum, et legum forensium Moisi, quae non sunt iuris naturae. Ac de discrimine harum legum saepe dictum est.

An ratione eius quod interest, peti aliquid possit in mutuo supra sortem.

Respondeo: Interesse vocatur, quod debetur alicui, vel, quia damno affectus, vel quia lucrum aliquod impeditum est. Ideo distinguitur interesse, aut enim oritur propter damnum emergens, aut propter lucrum cessans. Exemplum: Si quis debuit mihi solvere Calendis Maii 20 aureos, et non solvit, ego vero in petendo, et mittendis nuntiis feci sumptus, et accepi aliqua detrimenta, quorum proprie causa fuit debitoris mora, id dicitur damnum emergens.

Est et hoc discrimen observandum, aliud damnum accidit ante moram, hoc est, ante diem solutioni constitutum, aliud damnum accidit post moram, id est, postquam debitor non solvit constituto die. Nunc igitur respondeo. Verum et non simulatum interesse quod accidit mutuanti, est, cum damnum emergens post moram accidit, ut, si quis debuit²⁹⁾ mihi solvere Calendis Maii, et non solvit, si qua adficior iactura propter illius moram, in eo casu iuste solvitur supra sortem, ratione eius³⁰⁾, quod interest, videlicet, ut mea iactura compensetur. Hoc interesse, id est, haec compensatio damni, iuste petitur et accipitur, etiamsi nulla accessit stipulatio de eo,

²⁸⁾ quia Deus ibi servari discrimina] sic Edit. 1546.; in Edit. 1545. omissa.

²⁹⁾ debuit] sic Edit. 1545.; in Edit. 1546. omiss.

³⁰⁾ eius] sic Edit. 1546.; Edit. 1545. typogr. errore: eim.

quod interest. Hoc et scripto iure traditum est, et naturali aequitati consentaneum est, nam qui alteri dat causam efficacem damni, debet id compensare. Verissima est enim regula, et ex fontibus iustitiae sumpta, quae dicit: Iure naturae aequum est, neminem cum alterius detrimento et iniuria locupletari. Congruit enim haec regula ad aequalitatem, de qua dicit praeceptum: Diligas proximum sicut te ipsum, et ad ea quae dicuntur quinto Ethicorum.

Honesta igitur, et iustae rei appellatio est, verum et non simulatum interesse, et debetur, etiamsi non accessit stipulatio, cum videlicet alius efficacem causam damni dedit. Sed haec honesta appellatio saepe usuris praetextitur, ut postea dicemus. Quare prudenter considerandum est discrimen, et fontes considerandi sunt.

De lucro cessante post moram, hoc est, cum debitor non solvit constituto die, pronuntiant ad eundem modum, deberi id quod interest, sicut iam de damno emergente diximus, sed in hoc secunde casu tantum personis negotiantibus hoc concedunt, nam iis, quibus facultates sunt non in fundis, sed in negotiatione, insigne detrimentum est facultatum, et simile damno emergenti, non tueri honestam negotiationem. Haec a Panormitano³¹⁾ traduntur in capite Conquestus³²⁾, de usuris³³⁾. Haec fiunt illustriora, considerata distinctione mutuationis.

Alia mutuatio est vere officiosa, in qua scilicet dans mutuo, potest sine detrimento suarum facultatum alteri opitulari, in hac, vel dare aliquid, vel pacisci supra sortem, iniustum est, nisi accidat insigne damnum emergens, aut iactura insignis, lucro cessante, ubi accipiens mutuo, vere causam damni dedit, et haec proprie mutuatio est, de qua loquitur Evangelium (Luc. 6, 35.): Mutuum date, nihil inde sperantes. Vult enim Deus nos opitulari civibus, et vult mutuacionem esse officium, hoc est, vult te opitulari alteri, ita ne excutiaris ex possessionibus tuis, ne dominia rerum confundantur, ne oeconomiae, et

politicae dissipentur, sicut scriptum est apud Salomonem (Prov. 5, 16.): Deriventur fontes tui foras, et tu dominus eorum manebis, et 2. Corinthios 8, (13.) dicitur: Ita dandum esse, non ut tibi sit afflictio, aliis otium, et in hac mutuacione officiosa, etiam hoc in petente officiosum est, ne velit alterum insigni damno affici. Haec est inter honestos homines civilis mutuatio, seu, ut ita dicam, oeconomica, non *καπηλευτική*³⁴⁾, et haec officiosa mutuatio, necessaria est vitae communi.

Alia est mutuatio non³⁵⁾ officiosa, ubi nec petens habet officii rationem, ne supra facultates oneret alium, nec dans mutuo, movetur officio, ut studio iuvandi det mutuo, sed sentit se supra facultates onerari, et collaturus erat pecuniam in usus oeconomicos, quae petitur, ut, cum reges a civibus mutuo sumunt, etiam sine publica necessitate, tantos acervos, ut patrimonia tueri non possent, si nihil nomine eius, quod interest, redderetur. Hic vere locum habet ratio eius, quod interest, si sit moderatum, et probabili ratione quaeratur aequalitas. Ex hoc exemplo aestimari alia similia possunt, sed dextre iudicandum est, non enim patrocinator iis, qui lucri captatione exercent mutuacionem velut artem. Sed ut danti mutuo, praecepta severa traduntur³⁶⁾, ne plus petat, sic erat sumenti etiam severe praecipendum, ut bona fide reddat iuxta praeceptum: Non furtum facias.

Saepe autem perfidia debitorum, bonos constantiores reddit ad officiosam mutuacionem. Quod vero interdum pii ministri Evangelii dubitant, utrum iuste accipiant mercedes suas, quas pendit aerarium, quod dicitur, usuris crescere. Huic dubitationi ita occurrant pii. Primum considerent discrimina contractuum, saepe enim fiscus veras emptiones facit, cum pacto de revendendo, de quibus supra dictum est. Interdum et mutuaciones accedunt, quarum aliquae nimis

31) Conf. supra p. 138. nota 36.

32) Conquestus] sic Decretalibus convenienter h. l. scriptum est; Editt. huius dissert. habent: Cum quaestus. Conf. supra p. 138. nota 39. et p. 256. nota 2.

33) Decretal. Gregor. IX. lib. V. tit. 19. cap. 8. (Corp. iur. canon. ed. Richter P. II. p. 784.).

34) *καπηλευτική* (i. e. cauponaria) hac voce utitur Plato de legg. VIII. (op. ed. H. Steph. T. II. p. 842. d. — ed. Biont. Vol. VIII. p. 425.); in Sophista (op. ed. H. Steph. T. I. p. 223. d. et p. 224. d.) eadem significatione adhibet vocem *καπηλεύς*, qua utitur etiam Aristoteles Polit. I. c. 3. § 12—17., in qua §. eadem ratione *οικονομική* et *καπηλεύς* sibi opponuntur.

35) non] sic Edit. 1545.; in Edit. 1546. omis.

36) traduntur] sic recte Edit. 1545.; Edit. 1546. tradantur.

onerant fiscum, ubi ratio eius, quod interest, locum habet. Nec enim aequum est magnis beneficiis fisci frui, et non referre gratiam, cum tueri respublica fiscum sine magnis sumptibus non possit, cumque omnes et singuli alioqui debeant conferre aliquid ad tuendum fiscum, Ecclesiae praesertim, sicut scriptum est: Non apparebis vacuus coram Domino Deo tuo³⁷). Multo magis hi con-

ferunt, qui mediocribus ac peculiaribus beneficiis fisci fruuntur³⁸).

37) Conf. Exod. 23, 15. 34, 20. Deut. 16, 16.

38) His verbis de contractu dissertatio finitur in Edit. 1546.; in Edit. 1545. autem sequitur caput inscriptum: *An sit licitus contractus societatis, cum alter pecuniam, alter operas confert, et is qui pecuniam confert, postulat lucri partem salvo capitali.* Hoc caput in Edit. 1546. omissum est, quod iisdem verbis in Mel. philosophiae moralis epitome eiusdem anni reperitur (vid. p. 141 sq. huius Voluminis). Hanc ob causam in nostra etiam editione hoc caput omittimus. Pluribus locis mutatum in ethicae doctrinae elementis repetitum est (vid. p. 258 sq. huius Voluminis).

VII.

PH. MEL. DE ARBORE CONSANGUINITATIS ET AFFINITATIS SIVE DE GRADIBUS DISSERTATIO.

Haec dissertatio vivo Melanthere tredecies prodit:

a) bis seorsim:

1. *De arbore consanguinitatis et affinitatis siue de gradibus. Philippi Melanthonis. Witebergae 1540. 8.*
2. *De arbore consanguinitatis et affinitatis, siue de gradibus. Philip. Melanth. Anno. M. D. XLI. — (In fine:) Excusa Witebergae, per Iosephum Clug. Anno. M. D. XLI. 4. 2 plagg. (ult. fol. vac.)*

b) bis *Lutheri, Bugenhagii et Maioris* commentationibus annexa:

1. *De arbore consanguinitatis et affinitatis, siue de gradibus. Philippi Melanthonis. Anno. M. D. XXXX. — (In fine:) Witebergae ex officina Joseph Clug. Anno. M. D. XL. 4. 2 plagg. (ult. fol. vac.)*

Hac forma cum duobus *Lutheri* et *Bugenhagii* libellis sic coniuncta est:

Von Ehesachen. D. Mart. Euth.)*

Item. Vom Ehebruch vnd weglauffen D. Johan Bugenhagen Pomer, an Königl.che Raiesrat zu Denemarden ic.

De arbore consanguinitatis et affinitatis, siue de gradibus. Philippi Melanthonis.

Wittenberg. Anno. M. D. XL. 4.

In fine Bugenhagii dissertationis, quae cum Lutheri libello 21 plagg. (ult. pag. vac.) complet, leguntur:
Gebruct zu Wittenberg, durch Joseph Clug. M. D. XXXX.

His Melanthonis commentatio illa ita adiuncta est, ut primum folium libri inscriptionem tantummodo contineat.

2. *De arbore consanguinitatis et affinitatis: siue de Gradibus. Philip. Melanth. M. D. XLVIII. — (In fine:) Lipsiae Excudebat Iacobus Bernaldus. Fol. 4 folia (ult. pag. vac.)*

Hac forma *Maioris* libro eiusdem argumenti sic addita est:

*De arbore consanguinitatis et affinitatis: Regulae et Tabellae. Auctore D. Georgio Maiore**).*

Additus est in fine: de eodem argumento: libellus D. Philippi Melanthonis. Fol. 24 folia.

Has quatuor editiones in annotationibus criticis, vocibus: *Edit. singul.* (i. e. Editiones singulares) annorum numero praemissis a ceteris distinximus, quoniam *cum alio Melanthonis libro* non coniunctae sunt.

c) quater *Melanthonis* moralis philosophiae epitomae annexae:

nempe huius libri editionibus Argentoratensibus annorum 1540. 1542. 1544. 1546. (vid. Prolegg. p. 11—14.).

d) *eiusdem* enarrationi aliquot librorum Ethicorum Aristotelis primi, secundi, tertii et quinti, quae Witebergae 1545. prodit (vid. Prolegg. p. 5—6.), adiuncta.

e) quater *eiusdem* ethicae doctrinae elementis addita:

scilicet eorum editionibus Witebergensibus annorum 1550. 1554. 1557. 1560.***) (vid. Prolegg. p. 13—16. et 165—166.).

*) Huius commentationis editio princeps a. 1530. separatim prodit sic inscripta: *Von ehesachen. Mart. Euth. Wittenberg. M. D. XXX. — (In fine:) Gebruct zu Wittenberg, durch Hans Euff. M. D. XXX. 4. 2 1/4 plagg. (In illa edit. a. 1540. 11 1/4 plagg. explet.)*

***) Alia huius libelli editio singulatim prodit a. 1551. sic inscripta:

De arbore consanguinitatis et affinitatis, regulae et tabellae. D. Georgii Maioris. Wittenbergae ex officina typographica Iohannis Cratonis. M. D. L. I. 8. 4 plagg. (ult. pag. vac.) — (In illa edit. a. 1548. 20 folia continet.)

****) Editionem huius libri Argentoratensem anni 1556., cui itidem addita est, h. l. omisimus, quia non ipse Melanthon eam curavit, vid. Prolegg. p. 13—16.

Has novem editiones aliis Melanthonis libris annexas, in annotationibus criticis, solis annorum, et prodierunt, numeris indicavimus.

Cum illis ethicae doctrinae elementis, Melanthone mortuo, haec commentatio saepius recusa est (vid. Pro p. 15—16.); praeterea in Operum Melanthonis Basileensium Tomo I. (a. 1541, edito) p. 446—451. reperitur

DE ARBORE CONSANGUINITATIS ET AFFINITATIS, SIVE DE GRADIBUS

Consanguinei, sive cognati sunt, ut iurisconsultus¹⁾ ait, ab eodem orti ac propagati²⁾. Est enim consanguinitas vinculum personarum, quae propterea quod ab eodem stipite³⁾ ortae sunt, sanguinis et naturae societate propius iunctae sunt. Discernuntur autem lineis et gradibus.

Linea triplex est: Ascendentium, Descendentium, Collateralium.

Gradus est intervallum, quo cognoscitur⁴⁾, quae persona stipiti propior sit. Aliter⁵⁾ autem vetera iura civilia numerabant gradus, quam nunc numerat ius canonicum⁷⁾. Primum recita-

bimus hoc tempore usitatam supputationem; choanda est autem series ab uno stipite, ut Abraham. Supra ponantur maiores eius, infra nantur liberi et nepotes.

	Thare ⁶⁾	
Haran ⁹⁾	Abraham	Nachor
Loth ¹⁰⁾		Bathuel ¹¹⁾
	Isaac ¹²⁾	Rebecca
	Iacob	
	Ioseph.	

Addantur in lateribus fratres et sor Traduntur autem regulae tres ad gradus co tuendos.

Prima regula:

Prima est de recta linea, videlicet ascen tium et descendentium¹³⁾. Quot sunt persc

1) sive de gradibus] sic Editt. 1540., 1542., 1544., 1545., praeter has etiam Editt. singulares, in quibus inscriptio non dissertationi proxime superposita, sed in peculiari pagina praecedit; in Editt. 1550., 1554., 1557., 1560. haec verba omissa sunt; item in Editt. 1546. in inscriptione superposita desunt, at in ea, quae simul in peculiari pagina praemissa est, inveniuntur.

2) iurisconsultus] sic Editt. 1545., 1546., 1550., 1554., 1557. et 1560.; Editt. 1540., 1542., 1544. et Editt. singul. 1540., 1541. et 1548. iureconsultus.

3) Dig. XXXVIII. tit. 8. fr. 1. §. 1. (Corp. iur. civ. ed. Beck T. I. P. II. p. 475.): Cognati autem appellati sunt quasi ex uno nati, aut, ut Labeo ait, quasi commune nascendi initium habuerint. [Haec sunt verba Ulpiani libro XLVI. ad Edictum.]

4) ab eodem stipite] sic Editt. 1540., 1542., 1544., 1545., 1546. et Editt. singul. 1540., 1541., 1548.; Editt. 1550., 1554., 1557., 1560. ab eadem stirpe.

5) cognoscitur] sic omnes Editt. excepta Edit. 1560., quae habet: agnoscitur.

6) Aliter] sic omnes Editt. praeter Edit. 1560., in qua legitur: Altera.

7) De graduum computatione secundum ius civile vid. Inst. III. tit. 6. De gradibus cognationis, et Dig. XXXVIII. tit. 10. De gradibus, et affinitibus, et nominibus eorum, et Georgii Schultzens arboris consanguinitatis et affinitatis brevis expositio (Wittebergae 1633. 8.) cap. II. p. 34 sqq. et cap. VI. De singularibus iuris Saxonici, circa graduum computationem (p. 88 sqq.); de ratione numerandi gradus secundum ius canonicum vide Decretal. Greg. IX. lib. IV. tit. 14. De consanguinitate et affinitate, et arbores consanguinitatis et affinitatis earumque declarationem, quae in fine Partis II. iur. canon. ed. Richter inveniuntur; et Schultz, l. l. cap. III. p. 53 sqq., cap. IV. quo inquiritur, utranam computatio melior, verior ac convenientior sit (p. 61 sqq.), et cap. VII. De affinitatis, eiusdem generum, ipsiusque arboris definitione, nec non

ratione computandi gradus affinitatis de iure cui (p. 116 sqq.); conf. etiam Georgii Maioris de arbore sanguinitatis et affinitatis regulae et tabellae (Witteb. 8.) fol. B. 3 sqq.

8) Thare] sic omnes Editt. secundum Vulg.; hebraice mini תרה responderet Therah, Lutherus, formam pausalem תרה sequens, scripsit Tharah.

9) Haran] sic h. l. et in sequent. secundum Genes. 1—28. recte Editt. 1550., 1554., 1557. et 1560.; Editt. 1542., 1544., 1545., 1546. et Editt. singul. 1540., 1548. Aram. (similiter in Vulg. scriptum est: Aran,

10) Loth] sic Editt. 1540., 1542., 1544., 1545., 1546. et singul. 1540., 1541., 1548.; Editt. 1550., 1554., 1560. addunt: „filius Haran”, id quod verum quidem Genes. 11, 27. 31., at supervacaneum est, quia haec ex serie, qua filii nomen sub patre positum est, ut teris, sic in hoc quoque satis intelligitur.

11) Bathuel] sic h. l. et in sequent. secundum LX. Vulg. scripsimus; Editt. h. l. partim Bathuel, partim tuel, in sequent. omnes Batuel habent. Secundum אַבְרָהָם scribendum esset: Bethuel.

12) Isaac] hoc nomen per se inter Loth et Bathuel possum fuisset, quia Isaac ab Abrahamo eodem gradu quo Loth ab Haran et Bathuel a Nachor; at in om Editt. h. l. positum est iuxta Rebeccam coniugem.

13) et descendentium] sic Editt. 1540., 1542., 1544. et singul. 1540., 1541., 1548.; in Editt. 1545., 1546., 1554., 1557., 1560. desunt. — Recta enim linea d est: ascendentium et descendentium. Linea ascende

tot sunt gradus, una dempta, videlicet dempto stipite, a quo inchoanda est supputatio. Ut, Ioseph distat tertio gradu ab Abraham, Iacob secundo, Isaac primo gradu. Itaque¹⁴⁾ filius primum gradum constituit, nepos secundum, pronepos tertium, abnepos quartum. De recta linea traditur sententia: Nullos ascendentes et descendentes inter se posse connubium contrahere. Quare si Adam hodie superstes esset, non posset ducere uxorem.

Secunda regula de collateralibus in linea aequali¹⁵⁾.

Quoto gradu distat alter a communi stipite, toto gradu inter se distant: ergo duo fratres, seu frater et soror, unum gradum tantum constituunt, videlicet primum. Quare Iacob primo gradu iunctus est Esau.

	Aeacus	
Peleus		Telamon
Achilles		Ajax
Pyrrhus.		

Iam si vis scire, quoto gradu inter se iuncti sint Achilles et Ajax, vide alteram seriem, et observa quoto gradu distet Achilles a stipite, distat autem secundo gradu, quare et inter se distant Ajax et Achilles secundo gradu. Ad hunc modum facilis est sequentium personarum supputatio.

Nunc inter¹⁶⁾ collaterales prohibita sunt connubia intra¹⁷⁾ quartum gradum¹⁸⁾, olim fratrum

est, quando numeramus a filio ad patrem, a patre ad avum, ab avo ad proavum etc. Linea descendentium est, quando numeramus a patre ad filium, a filio ad nepotem, a nepote ad pronepotem. Praeter hanc rectam lineam est linea transversa collateralium, quando numeramus fratres et sorores, et ulteriores quoque.

14) Itaque] sic omnes Editt., exceptis Editt. singul. 1540., 1541., 1548., quae habent: Ita.

15) aequali] sic Editt. 1540., 1542., 1544., 1545., 1546. et Editt. singul. 1540., 1541., 1548.; Editt. 1550., 1554., 1557., 1560. inaequali. — Linea collateralium enim duplex est: aequalis et inaequalis. Linea aequalis est, quando gradus aequae distant a communi stipite, ut frater et soror, patruelis et consobrini. Linea inaequalis est, quando quaedam persona aliam gradu praecedit, ut frater et fratris mortui filius.

16) inter] sic omnes Editt., exceptis Editt. 1540., 1542., ubi legitur: in.

17) intra] sic Editt. 1540., 1542., 1544., 1545., 1546. et Editt. singul. 1540., 1541., 1548.; Editt. 1550., 1554., 1557., 1560. inter.

18) Conf. C. A. M. Schlegel krit. u. system. Darstellung d. verbotenen Grade der Verwandtschaft u. Schwägerschaft bei Heirathen, nach d. Mosaischen Gesetze, dem röm. u. can. Rechte u. den Protestant. Kirchenordnungen. Hannover. 1802. 8.

filiis et filiabus licuit inter se contrahere connubia, etiam Romanis legibus, ut docent Institutiones¹⁹⁾. Ut Orestes duxit consobrinam Hermonien. Id non ideo recito, ut nunc concedi velim, sed ut consideremus, quae prohibitiones sint iuris divini, quae sint iuris humani.

	Atreus	
Agamemnon		Menelaus
Orestes		Hermione.

Simile est exemplum²⁰⁾ in Genesi:

	Bathuel	
Rebecca		Laban
Iacob		Rachel et Lia.

Iacob iunctus est consobrinae suae, Rachel secundo gradu.

Tertia regula:

Collateralium in linea inaequali, quoto gradu remotior distat a stipite, toto inter se distant.

	Thare	
Abraham		Haran
		Sara.

Sara distat secundo gradu a stipite: ergo et Abrahae iuncta est secundo gradu. Hoc gradu in linea inaequali prohibita sunt coniugia iure divino²¹⁾. Aliud exemplum:

	Thare	
Abraham		Nachor
Isaac		Bathuel
		Rebecca.

Rebecca distat tertio gradu a stipite, ideo et ab Isaac distat tertio gradu.

DE AFFINITATE.

Affinitas est propinquitas personarum, quae oritur ab iis, quae sunt iunctae²²⁾ copula carnali,

19) Instit. I. tit. 10. de Nuptiis. §. 4. (Corp. iur. civ. ed. Beck T. I. P. I. p. 9.): Duorum autem fratrum vel sororum liberi, vel fratris et sororis iungi possunt.

20) est exemplum] sic omnes Editt. exceptis Editt. singul. 1540., 1541., 1548., quae habent: exemplum est.

21) Levit. 18, 10. 11. De hac legis Mosaeicae, quae sororem ex patre uxorem ducere vetat, a patriarchalis temporis consuetudine, ex qua huiusmodi matrimonium licebat (Genes. 12, 13. 20, 12.), discrimine vid. Joh. Dav. Michaelis Abhandlung von den Ehegesetzen Moses. 2. Aufl. §. 34. 35. p. 148 sqq.

22) propinquitas personarum, quae oritur ab iis, quae sunt iunctae] sic Editt. 1545., 1546., 1550., 1554., 1557., 1560.; Editt. 1540., 1542., 1544. et Editt. singul. 1540., 1541., 1548. propinquitas personarum, quae sunt iunctae.

ut, David alienus est a Ionatha, sed postquam²³⁾ accepit uxorem, sororem Ionathae, iam fit affinis Ionathae.

Traditur autem regula:

Quoto gradu quispiam est mihi consanguineus, toto gradu uxor eius est mihi affinis, ut, frater et frater sunt iuncti primo gradu consanguinitatis: ergo fratris mei uxor est mihi iuncta primo gradu affinitatis.

Priamus

Helenus

Hector, uxor
Andromacha.

Ergo Andromacha fuit iuncta Heleno, primo gradu affinitatis.

Iacob

Noverca, id est, Bala²⁴⁾

Ruben.

Ergo Ruben attingit novercam primo gradu affinitatis.

Casimirus²⁵⁾

Sigismundus²⁶⁾

Rex Poloniae,

Filia²⁷⁾, coniunx

Marchionis

posterior.

Barbara coniunx

Ducis Georgii²⁸⁾,

Filia²⁹⁾, coniunx

Marchionis

prior.

Sigismundi filia fuit consanguinea filiae Ducis Georgii gradu secundo: ergo Marchioni affinis³⁰⁾ fuit secundo gradu.

23) postquam] sic Editt. 1546., 1550., 1554., 1557., 1560. et Editt. singul. 1540., 1541., 1548.; Edit. 1540. quam; Editt. 1542., 1544. quum; Edit. 1545. quam post.

24) Bala] sic omnes Editt. secundum Vulg. (similiter LXX. *Ballá*); hebraico בַּלְאָה respondet Bilha. Cum hac Iacobi concubina, quam Rahel uxor illi in coniugium dederat (Genes. 30, 3. 4.), Ruben, filius Leae, alterius uxoris Iacobi, adulterium commisit (Genes. 35, 22.).

25) Casimirus III. (vel IV.) a. 1427. natus, prius Lithuaniae dux, tum inde ab a. 1447. usque ad a. 1492., quo mortuus est, Poloniae rex. A. 1454. Elisabetham, Alberti II. Imperatoris filiam uxorem duxit, quae a. 1505. mortua est. Ex hac sex filios et quinque filias genuit.

26) Sigismundus I., Casimiri filius a. 1467. natus, rex Poloniae inde ab a. 1506. usque ad mortem 1548. Primum a. 1512. uxorem duxit Barbaram, Stephani Comitis filiam, quae a. 1515. mortua est; deinde a. 1518. Bonam, Iohannis Galeacii, Ducis Mediolanensis, filiam, quae a. 1538. mortua est. Cum his unum filium et quatuor filias procreavit.

27) Hedwig, Sigismundi et Barbarae filia, a. 1513. nata, a. 1535. Ioachimo II. Hectori, Electori Brandenburgico, nupsit, a. 1573. mortua est.

28) Barbara, Casimiri filia, a. 1478. nata, a. 1496. Georgio Saxoniae Duci, qui dives et barbatus cognominabatur, nupsit; a. 1534. mortua est.

29) Magdalena, Georgii barbati filia, a. 1524. cum Ioachimo II., Electori Brandenburgico, matrimonio iuncta, a. 1534. mortua est.

30) affinis] sic omnes Editt., exceptis Editt. 1542., 1544., in quibus legitur: *affini*.

Non late vagatur affinitas; nam consanguinei mei non sunt affines consanguineis uxoris meae. Ergo a consanguinea uxoris abstinere debeo, mei consanguinei abstinere debent a mea uxore, non a consanguineis meae uxoris. Quare duo fratres cum duabus sororibus contrahere possunt; non enim impediuntur affinitate. Pater et filius cum matre et filia contrahere possunt. Quomodo igitur gradus affinitatis numerentur, ex propositis exemplis intelligi potest. Habent autem aliquae personae nomina.

Socer

Socrus.

ἐκυρὸς, mariti pater, *ἐκυρὰ*, mariti mater,
πενθερὸς, pater uxoris, *πενθερὰ*, mater uxoris.

Gener

Nurus

Vitricus

Noverca

Privigni.

Mariti frater, Levir *δαήρ*,

Mariti soror, Glos *γάλως*, et fratris uxor³¹⁾,

Duorum fratrum uxores³²⁾ *εἰνατέρες*.

Hae appellationes extant Iliados 6.³³⁾, ubi Helena Hectorem appellat *δαέρα*. Postea vero³⁴⁾ Hector interrogat, an abierit aliquo Andromache ad sorores viri, aut ad fratrum coniuges:

ἦέ περ ἐς γαλόων, ἢ εἰνατέρων εὐπέπλων.

Octavius

Augustus

Octavia soror³⁵⁾

Iulia

Marcella

Agrippae

Uxor posterior.

Uxor prior.

31) et fratris uxor.] sic Editt. 1540., 1542., 1544., 1545., 1546. et Editt. singul. 1540., 1541., 1548.; in Editt. 1550., 1554., 1557., 1560. haec desunt.

32) uxores] sic recte Editt. 1540., 1542., 1544., 1545., 1546. et Editt. singul. 1540., 1541., 1548.; Editt. 1550., 1554., 1557., 1560. sorores.

33) Iliados 6. (sen Iliados ζ vel z)] sic recte omnes Editt., excepta Edit. 1540., ubi typogr. errore littera lat. *z* orto, legitur: Iliados 2. — Helena Hectorem II. VI, 344. 355. *δαίρ* appellat.

34) Postea vero] scil. Hom. II. VI, 378.

35) Haec C. Octaviani Augusti soror (minor cognominata, ut ab Octavia maiore sorore distingueretur) primum C. Claudio Marcello nupsit, tum post eius mortem M. Antonio triumviro (Plutarch. Anton. 30 sq. Marc. 30.). Cum priore marito praeter filium, qui a. 731. a. u. c. mortuus est, duas filias procreavit, quarum altera a. 728. cum M. Vipsanio Agrippa matrimonio iuncta est, a quo a. 723. dimittebatur, ut Iuliam, Octaviani filiam, Iulius Marcellus a. 721. mortui viduam in matrimonium duceret (Plutarch. Anton. 87.). Conf. Pauly Real-Encycl. I. p. 274 sq. IV. p. 1522. V. p. 826 sq.

Augustus fuit affinis Agrippae in primo gradu, sed non fuit affinis fratri Agrippae.

De supputatione graduum in iure civili.

Recensui usitatam supputationem graduum, nec difficile est videre, quantum ab ea³⁶⁾ distet vetus consuetudo legum Romanarum; nam in linea recta ascendentium et descendentium nullum est discrimen. Retinetur enim regula: Tot gradus sunt, quot personae, una dempta. Sed in collateralibus est discrimen. Quando conferuntur collaterales, duplicandi sunt gradus, quia hic quoque retinent regulam: Tot sunt gradus, quot personae.

	Atreus	
Agamemnon		Menelaus
Orestes		Hermione.

Iuxta leges distat Orestes ab Hermione quarto gradu, nam iuxta leges duo fratres faciunt duos gradus, frater et soror duos gradus, ita deinceps reliqui, quia in legibus habetur ratio successionum in haereditatibus, ubi fratri succedit frater aut soror, ideo distrahuntur hae personae per gradus. Sed in iure canonico alia ratione numerantur. Coniugium duabus personis constat, quae sunt una caro, ideo gradus contracti sunt³⁷⁾. Estque supputatio canonica facilis intellectu, si hanc regulam diligenter observaveris, quod frater et frater, seu frater et soror iuncti sunt primo gradu. Iam ut intelligi possit haec pertinere ad conscientiam, et ad pietatem³⁸⁾, addendae sunt regulae de connubiis legitimis, quae ostendunt Deum requirere reverentiam sanguinis, et severe punire illicitos concubitus³⁹⁾.

36) ea] sic Editt. singul. 1540., 1541., 1548.; ceterae Editt. habent: eo.

37) Ius canonicum numerat gradus ratione matrimonii. Sicuti ergo nuptiae requirunt duas personas, sic quoque duae personae simul, de iure canonico constituunt unum gradum, vid. Decreti Gratiani secunda pars, causa XXXV. questio V. c. 2. Ad sedem (Corp. iur. canon. ed. Richter P. I. p. 1110 sqq.), ut frater et soror de hoc iure constituunt primum gradum, consobrini et patruales secundum. Conf. Maioris dissert. huius argumenti fol. B 3 sq.

38) et ad pietatem] sic Editt. 1540., 1542., 1544., 1545., 1546. et Editt. singul. 1540., 1541., 1548.; Editt. 1550., 1554., 1557., 1560. et pietatem.

39) concubitus] sic omnes Editt., exceptis Editt. singul. 1541., 1548., quae habent: concubitos.

Duplex est prohibitio.

Altera est iuris divini, altera est iuris humani. Prohibitio divina extat Levitici 18.⁴⁰⁾ quae in recta linea intelligitur prohibere omnia connubia. In collateralibus prohibet primum et secundum gradum, in linea inaequali⁴¹⁾, hoc est, ne frater ducat sororem, ne nepos ducat amitam, aut materteram, sed non prohibet secundum gradum in⁴²⁾ linea aequali⁴³⁾, hoc est, duorum fratrum liberis conceditur connubium, ut Orestes potuit ducere Hermionen. De affinitate etiam intelligi debet prohibitio perpetua in linea recta, hoc est, inter vitricum, privignam, filiam privignae, et sic deinceps. Inter privignum⁴⁴⁾ item novercam, matrem novercae. In collateralibus prohibentur primi gradus connubia, ne quis ducat nurum, ne mater nubat genero, ne quis ducat fratris⁴⁵⁾ uxorem. Addit et secundi gradus lineae inaequalis personas, ne quis ducat uxorem patrum. Haec summa est prohibitionis in Levitico.

Quaquam autem politia Moisi non pertinet ad nos, tamen naturalia et moralia pertinent ad omnes gentes; sunt enim leges divinae, quas Deus voluit ad totum genus humanum pertinere, et esse normam vivendi insitam naturae, nec id lumen omnino extinctum est. Quod autem haec prohibitio sit iuris naturalis seu moralis primum, textus⁴⁶⁾ ipse indicat, qui ait⁴⁷⁾: Divinitus deleri Cananeos propterea, quod contraxerint connubia in primo et secundo gradu.

Cum igitur Deus haec facta damnet in his, ad quos non pertinet lex Moisi, imo cum non-

40) Levitici 18.] sic recte omnes Editt., exceptis Editt. 1540., 1542., 1544., ubi: Levitici 10.

41) inaequali] sic omnes Editt., praeter Editt. 1545., 1546., in quibus legitur: aequali.

42) secundum gradum in] sic omnes Editt., praeter Editt. 1540., 1542., 1544., quae habent: secundum gradum, gradum in.

43) aequali] sic omnes Editt., exceptis Editt. 1545., 1546., ubi: inaequali.

44) privignum] sic Editt. 1545., 1546., 1550., 1554., 1557., 1560.; Editt. 1540., 1542., 1544. et Editt. singul. 1540., 1541., 1548. privignam.

45) fratris] sic omnes Editt., exceptis Editt. 1542., 1544., quae habent: patris.

46) moralis primum, textus] sic recte Editt. singul. 1540., 1541., 1548.; ceterae Editt.: moralis, primum textus. — Primum enim h. l. non significat i. q. primo, sed i. q. summa lex.

47) qui ait] Conf. Lev. 18, 27. 28. 20, 23.

dum lata esset lex, sequitur, quod sentiat esse peccata, quae iure naturae prohibita sint. Nam et ratio naturalis docet propter reverentiam sanguinis abstinendum esse a proximorum connubiis, idque statim initio creaturae etiam verbo sancitum est (Genes. 2, 24.): Relinquet homo patrem et matrem, et adhaerebit uxori suae. Haec est vox naturae, in qua Deus discernit personas, matrem et uxorem, et vetat iungi matri. Item Paulus retinet has prohibitiones in priore epistola ad Corinthios (5, 1.), ubi docet horrendum scelus esse, ducere novercam. Et Ioannes (Math. 6, 18.) obiurgat Herodem his verbis: Non licet tibi⁴⁸⁾ habere uxorem fratris tui. Quare hae prohibitiones sunt in Ecclesia retinendae. Item Iacob (Genes. 49, 4.) ante legem Moisi maledicit filio, qui novercam attigerat. Cum igitur hae prohibitiones sint iuris naturae, pertinent ad omnes gentes, et praecipue in Ecclesia retinendae sunt, ideoque hi concubitus dicuntur incesti apud omnes gentes, id est, non approbati publicis legibus, et ceremoniis. Nam *νεστός* significat zonam nuptialem sponsae⁴⁹⁾, quae significabat legitimam nuptiam, et approbatas publicae ceremoniae. Itaque incestum vocant illegitimam⁵⁰⁾ coniunctionem, quam nullae ceremoniae publicae approbant.

Nec dubium est, a Deo puniri magnis calamitatibus incestos concubitus, ut scriptura monet de causis diluvii⁵¹⁾, de Cananeis deletis⁵²⁾. Et exempla multa observari possunt vetera et⁵³⁾ recentia, ut Oedipi, Iocastae, Ptolemaeorum⁵⁴⁾ tragici et tristes exitus, quare et in vetustissimorum poetarum praeceptis certi gradus prohibentur, ut apud Phocyliden et Hesiodum, qui quidem et hanc prohibitionem continent, ne quis fratris uxorem attingat.

48) tibi] sic omnes Editt., exceptis Editt. 1554., 1557., 1560., quae habent: te.

49) sponsae] sic omnes Editt.; Edit. singul. 1548. habet hanc vocem unciis inclusam: (sponsae).

50) illegitimam] sic omnes Editt. praeter Editt. 1554., 1557., 1560., quae habent: legitimam.

51) Genes. 6, 2. 4 sq.

52) Conf. supra p. 518. nota 47.

53) et] sic Editt. 1545., 1546., 1550., 1554., 1557., 1560.; Editt. 1540., 1542., 1544. et Editt. singul. 1540., 1541., 1548. ac.

54) Hoc exemplum spectat ad regum Aegyptiorum morem cum sororibus connubio se iungendi.

Sciendum est autem, prohibitiones, quae sunt iuris divini, perpetuas esse debere, nec valere humanas dispensationes contra mandata Dei, quia Deus non concedit hominibus potestatem abolendi sui mandati. Quare non imitanda, sed detestanda est audacia pontificum, qui dispensatione sua interdum approbaverunt coniugia contra prohibitiones divinas.

Caeterum accesserunt et quaedam prohibitiones humanae, secundi, tertii et quarti gradus, ut enim prohibitiones divinae maiore reverentia observarentur, Ecclesia initio aliquos gradus adiecit. Haec ratio honesta et probabilis est, sed tamen discrimen divinarum et humanarum prohibitionum observandum est. Divinae prohibitiones nunquam solvendae sunt, ut dixi. Potest autem incidere probabilis ratio solvendi humanam prohibitionem; id fieri debet per doctos pastores Ecclesiarum et magistratus. Prorsus autem reiiciendae sunt prohibitiones de commentitia cognatione spirituali, ne quis ducat eam, cuius baptismo adfuit, et similes. Praeterea prudentes pastores Ecclesiarum et magistratus considerent, quos gradus humanae prohibitionis retinere velint. Adieci exempla probata de fratrum filiis et filiabus connubio coniunctis⁵⁵⁾, ut appareat hunc gradum discernendum esse a divinis prohibitionibus.

Exempla dispensationum in prohibitionibus humanis.

	Fratres ⁵⁶⁾	
Tobias		Raguel
Tobias		Sara.
	Aliud exemplum:	
	Fratres	
Constantinus		Constantius ⁵⁷⁾
Helena		Iulianus apostata Imperator.

55) coniunctis] sic Editt. 1546., 1550., 1554., 1557., 1560.; Editt. 1540., 1542., 1544., 1545. et Editt. singul. 1540., 1541., 1548. iunctis.

56) Tob. 7, 5. Raguel quidem Tobiam ἀδελφόν appellat, at haec vox h. l. non fratrem germanum et uterinum, sed aequae ac hebr. אָבִי sensu latiori, s. q. συγγενής 6, 10. cognatum significat. Quapropter K. D. Ilgen, die Geschichte Tobl's (Jena 1800. 8.) eam vertit: unsern Stammverwandten.

57) Constantius] sic recte Editt. 1540., 1542., 1544. et Editt. singul. 1540., 1541., 1548.; Editt. 1545., 1546., 1550., 1554., 1557., 1560. Gallus. — Constantius, frater Constantini Magni Imperatoris, eiusque uxor altera, Basiliensis, filia cuiusdam praefecti Imperatoris, fuerunt parcu-

	Aliud:	
	Mathan ⁵⁸⁾	Eli ⁵⁹⁾
Ioachim ⁵⁹⁾		Ioseph.
Maria		
	Aliud:	
	Theodosius I. ⁶¹⁾	Placidia
Arcadius		
Theodosius II. ⁶²⁾		
Eudoxia nupta		Valentinianus III.
Valentiniano III.		natus ex Placidia.

Honorius duxit duas sorores, filias⁶³⁾ Stilliconis, sed prior est mortua ante nuptias, ex posteriore deinde non habuit liberos. Fortassis excusari illud exemplum potest, propter mortem prioris ante nuptias, sed tamen non est imitandum.

Non quaelibet exempla Patrum imitari licere.

Haec ideo collegimus, ut intelligi possit, quae connubia concessa sint. Non enim licet quaelibet exempla Patrum imitari, ut Iacob. Nec⁶⁴⁾ concedendum est, ut aliquis ducat sororem mortuae uxoris⁶⁵⁾, nec licet allegari post

tes Iuliani apostatae Imperatoris, qui Helenam, Constantini Magni filiam uxorem in matrimonium duxit. Ille Galus, quem h. l. plures Editt. exhibent, non pater, sed frater Iuliani est. Conf. A. Neander über den Kayser Julianus u. sein Zeitalter. p. 71.

58) Mathan, rectius Matthan, Iosephi avus appellatur a Matthaeo 1, 16.; a Luca autem 3, 24. Matthat.

59) Ioachim et Anna parentes Mariae nominantur in Protevangelio Iacobi c. 4. (vid. Codex apocryphus Novi Testamenti ed. Thilo T. I. p. 184 sqq.).

60) Eli (חֵלִי) pater Iosephi appellatur a Luca 3, 23., a Matthaeo vero 1, 16. Iacob. Conf. Lutheri commentatio: Vom Schem Hamphoras u. vom Geschlecht Christi (Luther's polem. deutsche Schriften herausgeg. v. Irmischer T. VI. p. 326—335.).

61) Theodosius I. Magnus (Imperator 379—395.) ex Aelia Flaccilla, priore uxore, genuit Arcadium et Honorium, ex Galla Placidia, Valentiniani I. Imperatoris filia, Placidiam.

62) Theodosius II., Arcadii et Aeliae Eudoxiae filius (Imperator 408—450.), cum Aelia Eudoxia, Leontii philosophi filia, procreavit Liciniam Eudoxiam, quae primum Valentiniano III., Placidiae filio, Imperatori, tum, illo mortuo, Petronio Maximo Imperatori nupsit.

63) filias] sic recte omnes Editt., excepta Edit. singul. 1541., ubi: filius. — Harum filiarum Stilliconis, quem Honorius Imperator ducem belli creaverat, priori nomen fuit Maria, alteri Thermantia.

64) Nec] sic Editt. 1540., 1542., 1545., 1546., 1550. et Editt. singul. 1540., 1541., 1548.; Editt. 1544., 1554., 1557., 1560. Non.

65) uxoris] sic Editt. 1540., 1542., 1544., 1545., 1546. et Editt. singul. 1540., 1541., 1548.; Editt. 1550., 1554., 1557., 1560. sororis.

promulgatam legem, et contra verbum Dei iam nobis propositum, priorum Patrum facta. Nam propter exempla non est discedendum ab expresso verbo Dei. Nec opus est disputare de excusatione Patrum, etiamsi quid vitii fuit in aliquorum connubiis. Etsi fuit excellens virtus Abrahae, Iacob, Davidis, et aliorum Patrum et Prophetarum, qui aut cognatas, aut plures coniuges simul habuerunt, tamen non existimemus nullos in eis nevos fuisse. Fuit robustissima natura Patrum ante diluvium, et, ut vires corporis magnae fuerunt, ita sapientiam fuisse eximiam, non dubium est, et id ostendit artium inventio, quae illius aureae aetatis sagacitate repertae, et posteris monstratae sunt. Norant autem pii Patres concionem in Paradiso traditam (Genes. 2, 24.): Erunt duo in carne una, quo dicto matrimonium definitur, et sancitur esse inseparabilis coniunctio duorum, id est, unius maris et unius foeminae. Quod enim dicitur: Erunt in carne una, sancit, ut sint una caro, id est, iuncti inseparabiliter, et talia fuisse coniugia piorum Patrum ante diluvium, non dubito. Imo pii intelligebant hoc dicto damnari a Deo vagas libidines. Sed impii hoc frenum non sunt passi, quare vagae libidines inter causas diluvii recensentur.

At post diluvium etsi mansit magna virtus Patrum, ut Abrahae, tamen cum iam plus confusionum esset in moribus, essent crebra divortia, et unus simul multas coniuges duceret. In illa vitiosa consuetudine etiam sancti Patres normam veterem languidius custodierunt. Sed nos verbo Dei regamus vitam et mores, non quibuslibet exemplis. Verbum Dei in Levitico (18.) clare adfirmat a Deo damnatas esse incestas consuetudines, videlicet, coniunctiones in primo et secundo gradu lineae inaequalis. Quare non licet imitari exemplum Iacob, quem vel ignorantia excusat, vel aliqua divina revelatio. Non imitemur Patrum nevos, vel ambigua facta, sed virtutes, quas Deus in eis clare adprobat, quod verbum Dei certis testimoniis divinis acceptum, audiebant, amplectebantur fide, propagabant, Deum verum⁶⁶⁾ invocabant, damnabant idola, sustinebant magnas aerumnas et certamina propter doctrinae verae propagationem, erant iusti erga homines in contractibus, et in civilibus vitae officiis, non rapie-

66) verum] sic recte Editt. 1545., 1546., 1550.; Editt. 1554., 1557., 1560. vero.

bant aliorum coniuges, non polluebant filias⁶⁷⁾ cuiusquam, timebant Deum, et non petulanter contra conscientiam violabant mandata Dei. Tales cum essent, etiamsi quas sordes propter contagia seculi habuerunt, tamen quia lucebant in eis fides, vera invocatio, bona conscientia, aliqui eis nevi condonati sunt, cum crederent se placere Deo per misericordiam propter venturum

67) filias] sic Editt. 1550., 1554., 1557., 1560.; Edit. 1545., 1546. filios.

68) Semen] i. e. Christum.

69) est vox] sic Editt. 1550., 1554., 1557., 1560.; Editt. 1545., 1546. vox est.

70) Matth. 19, 5. 6. Marc. 10, 8.

71) Nec opus est disputare de excusatione Patrum, etiamsi quid vitii fuit in aliquorum connubiis. — ad primam et pulcherrimam coniunctionem unius maris et unius foeminae.] sic Editt. 1545., 1546., 1550., 1554., 1557. et 1560.; Editt. 1540., 1542., 1544., Editt. singul. 1540., 1541., 1548. et Edit. Basil. Operum Mel. pro illis verbis haec habent: Nec opus est disputare de excusatione Patrum, etiamsi quid vitii fuit in aliquorum connubiis ante legem, tamen erant peccata ignorantiae probabilis, quae sanctis Deus condonat, qui praestant Deo veros cultus spirituales. Patres verbum Dei ac veram doctrinam retinent, defendunt, docent, vere timeant Deum, vera fide invocant eum, non excogitant idololatrios cultus, belligerantur cum idololatriis, deinde in externa vita praestant officia dilectionis,

Semen⁶⁸⁾. Ita et nobis multi nevi condonantur, qui oriuntur a contagiis temporum ac gentium. Sed interim discamus virtutes Patrum imitari congruentes cum mandatis Dei, ut dictum est. Repetita est vox⁶⁹⁾ in Evangelio⁷⁰⁾: Erunt duo in carne una, quae revocat nos ad primam et pulcherrimam coniunctionem unius maris et unius foeminae⁷¹⁾.

et cavent scandala. Erat autem tunc polygamia mos politicus, nec putabatur esse turpitudine. Etsi enim erat dictum: Erunt duo in carne una, et Lamech peccavit, quia fuit autor polygamiae (Genes. 4, 19.), tamen paulatim a naturae rectitudine magis discesserant homines. Et magna vis est consuetudinis. Et nondum extabat lex, quae postea promulgata est.

Cumque polygamia duceretur esse mos politicus, et acirent Patres Deum velle, ut viverent in communi vita, essent mariti, gignerent, usi sunt et hoc more, sed saepe aliquid vitii est in politicis moribus, quod Deus condonat piis, non agentibus contra expressam prohibitionem divinitam. Nam ignorantia probabilis non impedit, quo minus maneat bona conscientia et fides, quae talia incommoda in politicis moribus tegit. Magna et excellens pietas est, fidem Patrum imitari, qui vera invocatione Deum coluerunt, et bellum gesserunt cum impiis cultibus. Hae sunt magnae virtutes, quas considerare in Patribus debemus. Exempla vitae politicae variant temporibus. Et est prudentia necessaria Christianis discernere veram et spirituales iustitiam et mores politicos.

LIBRI
PHILIPPI MELANTHONIS
IN QUIBUS ENARRAVIT AUCTORES CLASSICOS.

THE UNIVERSITY OF CHICAGO
DIVISION OF THE PHYSICAL SCIENCES
DEPARTMENT OF CHEMISTRY
5780 SOUTH CAMPUS DRIVE
CHICAGO, ILLINOIS 60637

Postquam in priore huius Voluminis parte praeter Melanthonis philosophiae moralis epitomen, ethicae doctrinae elementa et dissertationes iis annexas, eius in aliquot ethicos et politicos libros *Aristotelis* commentarios dedimus iisque initium fecimus edendarum annotationum, quas in auctores classicos scripsit, nunc ad ceteros auctores ab eo illustratos transeamus.

I. ANNOTATIONES PH. MEL. IN PLURES CICERONIS LIBROS.

Inter scriptores classicos, quos Melanthon interpretatus est, Aristotelem *Cicero* primo loco sequatur, quod ipse Melanthon huius de officiis libros in editione, quae Haganoae 1530. prodiit (vid. Prolegg. p. 3—4.) cum Aristotelis Ethicis coniunxit, quia eiusdem fere argumenti sunt, eamque ob causam ab his Ciceronis libris exordimur. Ceterorum eius librorum Melanthon hos enarravit: Laelium s. de amicitia, dialogos de oratore, librum de perfecto oratore ad Brutum, topica ad Trebatium, partitiones oratorias, orationes nonnullas, et epistolas ad familiares.

PH. MEL. PROLEGOMENA IN OFFICIA CICERONIS.

Ciceronis de officiis libros et prolegomenis et scholiis explicavit, quorum haec ipse edidit; illa vero, ipso auctore mortuo, generi eius Casparis Peuceri cura una cum Cracovii in primum librum officiorum commentario 1562. prodierunt sic inscripta:

Eruditae annotationes Philippi Melanthonis in officia Ciceronis recens editae.

*Commentarius in primum librum officiorum viri clarissimi Georgij Cracovij I. V. Doctoris et Professoris in Academia Witebergensi *).*

Witebergae excudebat Petrus Seitz. Anno LXII. 8. 24¹/₂ plagg. (quarum 10⁷/₈ prior liber, 13⁵/₈ alter explet; ult. pag. vac.)

quibus hanc epistolam dedicatorem editor praemisit:

Clarissimo viro doctrina, virtute, prudentia et dignitate praestanti D. Laurentio Lindeman, I. V. Doctori, Consiliario illustrissimi Principis Ducis Saxoniae Electoris etc. compatri et patrono suo colendo. S. D.

Ut rerum et causarum in natura, sic totus ordo politicus, discrimen honestorum et turpium, leges, distinctio dominiorum, coniugia, contractus, iudicia, poenae, gradus magistratuum, distinctae, ceu classes hominum, diversae formae politiarum et gubernationis, Dei opus est et ingens beneficium, quod illustria de Deo testimonia plurima ostendit. Ideo dicit Sapientia divina apud Salomonem (Prov. 8, 16.), quae est ipse Filius Dei λόγος: Per me reges regnant et iudices iusta decernunt. Nec minor est pulchritudo in ordine politico quam in ordine naturae. Sed in hac tanta caligine humana minus consideramus, quantae res sint sapientia et iustitia Dei, leges, quae sunt radii sapientiae divinae, magistratus armati autoritate divina. Et multi furores hanc considerationem impediunt. Diaboli vero horum organa multis horrendis ac tristibus et confusionibus ordinem politicum turbant et deformant. Idcirco cum consensum inter sese rati statique ordinis in natura admiremur omnes, societatis humanae consideratione levius afficiuntur plerique, qui aut casu concurrerint aut temeraria violentia coactos esse coetus hominum, et vel violentia vel calliditate humana sola retineri eosdem atque gubernari imaginantur.

Etsi vero fatendum est longe plus confusionum esse in genere humano quam in reliqua natura, tamen certum est Deum adesse societati hominum, et tueri ordinem, quem instituit, ne diabolorum et malorum hominum furoribus penitus deleatur, et quidem sceleratorum poenis iudicium et praesentiam suam declarat, quorum exempla

*) Huic commentario in peculiari pagina praemissa est inscriptio: *Commentarius in primum librum officiorum Ciceronis. Autore Georgio Cracovio I. V. Doctore et professore in Academia Witebergensi. Anno M. D. LIII. — (In fine:) Anno. 1553.*

in omnibus gentibus quotidie conspiciuntur. Certum et hoc est ideo homini, cum sit ad societatem conditus, inditum esse intellectum ordinis et notitias discernentes inter honesta et turpia, ut Deo obediat in honestis faciendis et turpitudine vitanda. Nec minor est certitudo harum notitiarum quam physicarum, etsi in hac caligine et in his incendiis errantium cupiditatum minus divinam illam lucem aspiciamus, et affectuum effrenes impetus magis languescunt assensum in his quam reliquis. Ex his notitiis Deo ducente, demonstrationibus extracta est doctrina ethica, quae regit mores hominum. Ex hac deducti sunt fontes legum politicarum. Ideo magna semper fuit in scholis dignitas doctrinae ethicae, quam qui non didicerunt, veros legum fontes vix satis intelligunt.

Illustravit hanc autem ut multas alias sobriae et verae philosophiae partes, socer meus Philippus Melanthon monstrato usu et ostensis fontibus. Et ut perpetuo esset in manibus adolescentum, alias aliis occasionibus in schola eam repetere solebat. Etsi enim cum Ethicorum Aristotelis enarratione, quam retineri in scholis volebat gravissimis de causis, semper coniungebat repetitionem elementorum Ethicorum, tamen miscebat interdum vel interpretationes poematum Graecorum, quae praecepta de moribus continent, ut Phocylidis aut Theoguidis carmina, vel enarrationem libri Ciceronis de officiis. Hunc cum postremo percurrisset, adiecit quaedam declarationis uberiores causas, quae cum plena sint eruditionis, et multarum controversiarum fontes explicent, multa accuratius distinguant, quam alibi, communicanda cum pluribus censuimus.

Ad te vero clarissime D. Doctor, compater et patrone colende haec annotata mitto, cum ut de studio erga te meo et observantia testificer, tum quia ex necessitudine veteris coniunctionis cum socero meo deberi tibi hoc munus existimo. Puerum ille te intra domesticos parietes et paterno amore complexus est eximie, et singulari cura erudiit. Huius opera ductuque in optimarum artium, et praecipue doctrinae ethicae elementis institutus, cum ad legum studium attulisses cognitionem fontium et artium philosophicarum adminicula, id consequutus es, ut non solum doctrinae laude, sed et sapientia in moderatione sumorum consiliorum et negotiorum publicae gubernationis excellas.

Adieci autem his annotationibus soceri commentarium in primum librum officiorum viri clariss. D. D. Georgii Cracovii, praecipui amici nostri, quem auditoribus in hac schola suis proposuit ante multos annos, tunc cum adhuc inter Professores philosophiae publico loco doctrinam ethicam ex graecis pariter et latinis fontibus tradidit magna cum utilitate publica, quos ille labores cum non recusaret quanquam gravioribus occupatus, eximium decus adiunxit et auxit dignitatem atque admirationem artibus nostris acumine et praestantia ingenii, doctrinae multiplici ubertate, latinae facundiae suavitate, gravis iudicii maturitate, denique ea ipsa opinione, quod et magnificare philosophiam indicaretur, et hanc cum legum scientia ita coniungeret, ut in utraque cum multis aliis singularum professoribus certare posset. Etsi autem scio autorem consilium meum de editione non probaturum esse, tamen publicae utilitatis rationem anteferendam esse censui iis causis, propter quas fortasse suppressa sua esse mallet. Te vero pro eximia tua erga me benevolentia et humanitate perpetua oro atque obtestor, ut quod optimo a me consilio factum est, gratum tibi esse acceptumque patiaris, et me patrocinio tuo, ut fecisti hactenus, porro complectaris ac tuearis. Datae Witebergae Calen. Octob. Anno a nato Christo 1562.

Tui studiosissimus
Caspar Peucerus D.

Similiter atque Philosophiae moralis epitomes editioni a. 1542. commentatio: *De autoritate Principum*, quae prius bis seorsim prodierat, a Melanthono adiuncta est (vid. Prolegg. p. 19—20. et Philos. moral. epit. p. 85—105.), etiam his Prolegomenis inserta est: *Collatio actionum Atticarum et Romanarum ad Decalogum*, quae antea separatim a Melanthono ter edita est:

1. *Collatio actionum forensium Atticarum et Romanarum praecipuarum. Auctore Philippo Melanthono. Witebergae. Anno M. D. XLVI. — (In fine:) Impressum Witebergae apud Vitum Creutzer. M. D. XLVI. 8. 4 plagg.*

Epistola nuncupatoria ad Ioach. Mollerum Calend. Septemb. 1546. scripta, quam Melanthon huic libello praemisit, recusa est in Vol. VI. p. 225—229. huius Corp. Reform.

2. *Collatio — — — Auctore Philip. Melanth. Wittebergae Excudebant Haeredes Petri Scitz. Anno M. D. LI. 8. 3 plagg.*

3. *Collatio — — — Auctore Philip. Melanth. (sub quo nomine symbolum Cratonis est, quod supra Prolegg. p. 13—14. descripsimus, iisdem verbis circumscriptum.) Witebergae Anno M. D. LIII. — (In fine:) Witebergae. Excudebat Iohannes Crato. 8. 3 plagg. (ult. fol. vac.).*

Editioni principi adiecta est: Solonis elegia, citata a Demosthene de causis, quae adferunt exitum regnis et magnis civitatibus, conversa a Phil. Mel. In editione altera et tertia haec Solonis elegia est omissa.

Harum trium editionum altera G. Th. Strobelio, viro de Melanthonis scriptis optime merito, ignota fuit, quapropter in libro: *Neue Beyträge zur Litteratur besonders des sechszehnten Jahrh. Vol. IV. Fasc. II.*, ubi p. 104—106. de hac commentatione dicit, p. 106. tertiam editionem a. 1554. *secundam* nominat. Ibidem e quinto Melanthonis epistolarum libro p. 299. haec auctoris de hoc libello verba affert: „Mitto tibi libellum tenuem de forensibus actionibus. Dices me ineptum esse, qui tales materias edam. Non refuto; sed edidi, quia alicubi illustrat Graecorum oratorum lectionem, et vetustatem disciplinae considerare utile est. Vident enim adolescentae, ex *divina lege orias esse actiones*, et quasi praesidia disciplinae esse.” — H. Gwil. Rotermond in libro: *Verzeich-*

niss von den verschiedenen Ausgaben der sämtlichen Schriften Ph. Melanchthons (Bremen 1814. 8.), duabus prioribus omissis p. 45. nonnisi tertiam editionem commemorat.

Haec autem dissertatio sequentibus Prolegomenis non integra, sed tantummodo pars eius inserta est eaque tam variata, ut aptius videatur his Prolegomenis totam illam commentationem, qualem ipse Melanthon edidit, in eorum sine annectere, notis adiectis, ex quibus lectores cognoscant, quantopere illa Prolegg. pars ab hac integra differat.

PHIL. MEL. IN OFFICIA CICERONIS PROLEGOMENA.

Universa sapientia humana, seu philosophia de virtutibus, est vix tenuis paedagogia, collata ad sapientiam, quae in doctrina Ecclesiae continetur. Sed tamen voluit Deus aliquam legis notitiam in hominibus lucere, voluit et regi externas actiones. Ideo explicationes legis, quae sunt demonstrationes collectae a philosophis, qui minus a natura aberraverunt, verae sunt, et non inanes. Et gubernatio externorum gestuum ad eam normam est possibilis, et vitae utilis, et quantum differat haec externa gubernatio gestuum a vera virtute, ostendit initio pictura foliorum fici Adam et Evae. Adam et Eva ante lapsum fuerant templum Dei, et fulserat in eis notitia Dei per Filium λόγος sicut sol, et arserat cor dilectione Dei per Spiritum sanctum. Ita erat in eis vera virtus et rectitudo. Sed excusso Deo rectore, postea in mente erant caligo et dubitationes, et in corde motus varie errantes, fuga iudicii et mortis, fremitus adversus Deum, et deinde variae flammae. Haec interiora vulnera tegunt foris foliis fici, sic disciplina utrumque foris regit gestus, non tollit interiora vitia, ut in Augusto modesto principe sunt minus deformes gestus, quam in Caligula aut Nerone.

Quamquam igitur disciplina plurimum differt a vera virtute, id est, a luce et motibus divinis, vel ab ipso Deo regente hominum pectora: tamen sciendum est primum quid sit disciplina, et quam habeat normam. Secundo cur necessaria sit disciplina. Tertio quomodo sit possibilis. Quarto quid a vera virtute differat.

Quid sit disciplina et quam normam habeat.

Cum in hac imbecillitate naturae humanae vix ostendi possit, quid sit virtus interior, magis utimur nomine disciplinae, quod significat honestas actiones externas. Est igitur disciplina rectio

externorum membrorum, seu, ut alibi diximus, potentiae locomotivae rectio, congruens ad hanc normam immotam, quae nominatur Decalogus recte intellectus seu ad legem naturae, quae est Decalogus recte intellectus.

Fit autem gubernatio locomotivae, cogitatione legis in mente, et imperante voluntate nervis, ut externa membra sic moveantur, sicut lex praecipit. Etsi enim cogitatio et voluntas non possunt interiorem naturam mutare, aut ardentem affectus ex corde tollere, tamen nervis imperare possunt, ut externa membra contineant et cieant. Et talis est nervorum natura, ut obedire cogitationi et voluntati possint, ut cogitatio et voluntas non tollunt sitim in febricitante, sed tamen imperare nervis possunt, ut manus reprimant, ne pocula ori admoveant.

Hanc libertatem in homine reliquam esse certum est etiam ex Paulo, qui nominat iustitiam carnis¹⁾, qua homines suo delectu, etiam non renati, faciunt externas honestas actiones²⁾, ac vult Deus hanc libertatem reliquam esse, primum ut discrimen intelligamus inter agens liberum et non liberum, et sciamus ipsum esse agens liberum.

Secundo, quia vult scire, nos non cogi ad scelera externa, et dedit legem, et constituit imperia, ut externa membra coerceant. Nullus enim usus esset legum et imperiorum, si omnes homines sine delectu et libertate agerent, et neque honesta facientes possent aliter agere, neque turpia facientes possent aliter agere. Dictum est autem (Galat. 3, 24.): Lex est paedagogus, videlicet docens, coericens et puniens.

1) Phrasia: iustitia carnis, δικαιοσύνη σαρκός, non invenitur in Pauli epistolis; fortasse cum illa: δικαιώματα σαρκός (i. e. instituta ad corpus et ad res corpore perageudas pertinentia), Hebr. 9, 10. commutata est.

2) Conf. Rom. 2, 14, 15.

Adiuvantur autem cogitatio in mente, et voluntas imperans nervis, temperamento. Catilina facilius facit caedes, quia nec cogitatio firma est de pulchritudine iustitiae, et honesta societate, ut in Scipione aut Augusto. Et temperamentum cordis et sanguinis abundat mala mixtura ruffae et atrae bilis, quae cum redundant et sunt inflammatae, gignunt spiritus turbidos, flatuosos, insuaves, venenatos, mordaces, qui languere faciunt cerebrum, et humores efficiunt ac imaginationes ad tollendos alios, quae cum spiritibus virulentis incitant membra ad saevas et truculentas actiones. Ideo philosophi dicunt, mores congruere cum temperamento, et usitate dicitur: Naturae sequitur semina quisque suae. Adiuvat cogitationem et assuefactio, quia cum saepe repetat doctrinam et admonitionem, firmior est memoria, et citius promitur et aspicitur praeceptum, ut qui saepe fecit iter per aliquam regionem, magis meminit viam, et minus errat, membra etiam facilius ad hoc diriguntur quod crebro exercent, ut citharaedus assuefactus, celerius movet digitos, et certius tangit fides, ita assuefactio confirmat memoriam, facit imaginationem seu considerationem fortiorem, in qua conspicitur aliquo modo pulchritudo honestae actionis et ordinis.

Inclinat etiam assuefactio seu voluntatem, seu spiritus forti imaginatione ad eam actionem, de qua attente cogitatur: Eam inclinationem, quantulacunque est, nominat Aristoteles *ἔσις*, quae cum sit languida et facillime turbetur affectibus, valde obscurum est nomen virtutis in homine, si sit sine motu divino. Sed hoc quod nominatur virtus heroica, ut fortitudo in Achille, Alexandro, Iulio³⁾, est singulare donum Dei, qui creavit tale cor, ut ciere motus ardentiores et rectiores possit. Ut creat oculos longe prospicientes, ut creat herbam tollentem certum morbum. Et accedit aliud donum Dei in praestantibus hominibus, quod aliquibus dat eventus magis felices.

Ex his descriptionibus utcunque iudicari potest quid nominetur disciplina, et quae sint causae propinquae, scilicet mens cogitans praecepta, et voluntas imperans nervis, ut ciant externa membra iuxta praecepta, etiamsi intus repugnant affectus. Facilius autem obtemperant

3) Iulius Caesar.

externa membra, cum in mente est fortis consideratio seu imaginatio, et temperamentum seu sanguis et spiritus minus sunt turbulenti: ut difficilius regit iram, cuius sanguis valde biliosus est, et immoderate incenditur. Cum autem cogitatio praecedat, necesse est normam certam eius cogitationis esse.

Est igitur verissime norma rectae actionis, lex Dei, seu Decalogus recte intellectus. In philosophia normam nominant rectam rationem seu legem naturae. Sciant autem omnes homines, legem naturae esse radios divinitus insitos mentibus humanis, id est, notitias congruentes cum Decalogo, quod cum ita sit, philosophia et politica sapientia, cum has notitias sine corruptelis proponunt, sunt res bonae, et veritas a Deo ostensa, sicut notitiae numerorum, et excellens donum Dei, nec sunt mendacia pugnantia cum Deo. Quare et Paulus Rom. 2, (14. 15.) affirmat, in gentibus iudicium conscientiae esse iudicium Dei, et divinitus additum esse carnificem, horrendum cruciatum cordis, qui ordine divinitus sancito, sequitur cogitationem legis accusantis delictum.

Haec cogitatio et hic dolor non sunt mendacia, sed res sic ordinatae a Deo in natura hominum. Nam etiam in hac depravata natura, ut numerorum notitiae, ita legis notitiae nobiscum nascuntur. Quia vult Deus eas testimonium esse de ipso, quod sit Deus, qualis sit, quod sit vindex scelerum, vult per eas accusari peccata, et delinquentes puniri, sicut dicitur (Rom. 3, 20.): Per legem cognitio peccati. Vult etiam regi vitam externam in omnibus actionibus, ut dicitur (Galat. 3, 24.): Lex paedagogus est. Item (1. Tim. 1, 9.): Lex iniustis posita est. Cumque lex Dei sit res bona, et sapientia Dei ac veritas, perspicuum est, hanc philosophiam et politicam sapientiam, quae cum lege Dei de externis actionibus congruit, non damnandam esse.

Sed necesse est recte discerni genera doctrinarum, legem et Evangelium, ut alibi copiose dicitur. Has admonitiones addo, ut iuniores considerent, qui sint veri fontes philosophiae et quatenus probanda sit, et recte discernant legem et Evangelium. Est enim philosophia moralis particula legis divinae de externis honestis actionibus, congruens cum lege divina.

Cum autem ad regendas actiones recta cogitatio et quidem attenta consideratio, et fortis ima-

ginatio necessaria sit, congruens cum lege Dei, perspicuum est assiduo studio doctrinae, lectionis et commonefactionum, opus esse. Ideo dictum est: Studia abeunt in mores⁴⁾, scilicet pro modo naturae. Item vetustas disputavit virtutes esse scientias, etsi id dictum non integre docet, quid sit virtus, ut non satis est ad temperantiam, scire, moderandum esse usum cibi et potus. Sed tamen vetustas hoc significare voluit, doctrina opus esse.

Semper autem sint in conspectu definitiones legis et Evangelii, quae sunt commonefactiones de discrimine doctrinarum. Lex moralis est aeterna et immota sapientia, et norma iustitiae in Deo, quae est patefacta rationali creaturae in creatione, et postea saepe repetita, ostendens quod sit Deus, et qualis sit, et quod sit vindex scelerum, postulans ut omnes rationales creaturae sint conformes ipsi, et requirens integram obedientiam, et horribili ira destruens omnes non conformes, nisi fiat remissio.

Evangelium est praedicatio poenitentiae et promissio, in qua propter Filium Dei Mediatorem gratis offeruntur credentibus remissio peccatorum, reconciliatio et vivificatio, qua Filius Dei dicens consolationem in cordibus, voce Evangelii vivificat ea, et dat Spiritum sanctum, et facit credentes haeredes vitae aeternae, in qua fruuntur sapientia, iustitia et laetitia Dei, et Deus erit omnia in omnibus, quos ad haec aeterna bona resuscitat.

Quare necessaria sit disciplina?

Disciplina etsi non meretur remissionem peccatorum, nec est impletio totius legis, tamen est necessaria propter quatuor causas. Prima est mandatum Dei, quia verissimum est omnes rationales creaturas debere obtemperare Deo. Secunda est, ut vitentur poenae, quia regula certissima est, atrocia delicta puniri atrocibus poenis in hac mortali vita in omnibus hominibus, ut dicitur (Matth. 26, 52.): Qui gladium acceperit, gladio peribit. Item: Vae qui spolias, quia spoliaberis⁵⁾. Item de adulteriis et incestis libidinibus (Levit. 18, 29.): Omnis anima quae fecerit has abominationes, peribit de populo suo. Ac multa sunt similia dicta scriptorum ethnicorum et a patribus sumpta et perpetua experientia

4) Ovid. Heroid. epist. XV, 83.: Sive abeunt studia in mores, artesque magistras.

5) Conf. Ies. 33, 1. Habac. 2, 6—8.

cognita, ut: Discite iustitiam moniti et non temnere divos⁶⁾. Item: Aspiciunt oculis superi mortalia iustis⁷⁾. Item: Τεύχων ὡς ἐτέρῳ τὶ ἐφ' κακὸν ἤπατι τεύχει⁸⁾. Item Pindar. 9): Ἐντὶ θνατῶν φρένες ἰσχυτέραι ἀέρδος αἰνῆσαι πρὸ δίκης δόλιον, τραχεῖαν ἐρπόντων πρὸς ἐπίβδαν δ' ὕμῳς.

Hae poenae huius vitae in his, quae non convertuntur, ut in Iuda, Saul, Nerone et similibus, sunt initia aeternarum poenarum. Alii vero, qui convertuntur, quanquam et horum lapsus puniuntur, tamen poenae aeternae remittuntur et mitigantur poenae huius vitae alias aliter, ut Davidi, Manasse, ut dicitur (Hos. 11, 9.): Non faciam furorem irae meae, quia Deus ego sum. Item (Habac. 3, 2.): In ira inisericordiae recordaberis. Item: Bonus est Dominus, mitigans poenas. Item (Thren. 3, 22.): Misericordiae Domini quod non consumpti sumus. Item (Psalm. 89, 3.): Visitabo in virga iniquitates eorum. Misericordiam vero meam non auferam ab eis. Item (Ies. 1, 18.): Si fuerint peccata vestra ut coccinum et vermiculus, dealbabuntur ut nix.

Tertia causa est, ut communi paci, id est, omnium tranquillitati consulatur, quia homines nascuntur ad conservationem sui et societatis communis, iuxta haec dicta (Matth. 19, 19.): Diligas proximum tuum sicut te ipsum. Item: Quod tibi non fieri vis, alteri ne feceris. Item: Non nobis tantum, sed et patriae¹⁰⁾, id est, communi societati nascimur.

Quarta causa est, quia lex est paedagogus in Christum, id est, disciplina, non quidem tollit peccata, nec meritum est reconciliationis, sed est paedagogia, idem, hi qui perseverant in sceleribus contra conscientiam, non sunt conversi ad

6) Virg. Aen. VI, 620.

7) Ovid. Metam. XIII, 70.

8) Hic est proverbialis versus, qui alias sic affertur: Ὅς δ' ἄλλῳ κακὰ τεύχει, ἐφ' κακὸν ἤπατι τεύχει, Qui alii malum struit, suo ipsius lecinori malum struit. Sumptus est autem hic versus ex illo Hesiodi Op. 263.: Οἱ αὐτῷ κακὰ τεύχει ἀνὴρ ἄλλῳ κακὰ τεύχων.

9) Pind. Pyth. IV, 247—249., ubi autem Ἐντὶ μὲν pro ἐντὶ, et ὕμῳς pro δ' ὕμῳς in Edit. Huntingford. legitur.

10) Conf. Cic. de offic. I, 7, 22.: Sed, quoniam, ut praecclare scriptum est a Platone, non nobis solum nati sumus ortusque nostri partem patriam vindicat, [partem parentes.] partem amici; etc. Hoc scriptum est a Platone in epist. IX. (op. ed. H. Steph. T. III. p. 358 a. — ed. Bipont. Vol. XI. p. 163.), ubi haec leguntur: ἀλλὰ κἀκεῖνο δεῖ σε ἐνθυμείσθαι, ὅτι ἕκαστος ἡμῶν οὐχ αὐτῷ μόνον γέγονεν, ἀλλὰ τῆς γενέσεως ἡμῶν τὸ μὲν τι ἡ πατρίς μερίζεται, τὸ δὲ τι, οἱ γεννήσαντες· τὸ δὲ, οἱ λοιποὶ φίλοι.

Deum, nec sunt viva membra Christi, nec domicilia Dei, sed fiunt rei aeternae poenae et domicilia diabolorum, iuxta haec dicta (1. Cor. 6, 9. 10.): Nolite errare, scortatores, adulteri, moechi, fures etc. non possidebunt regnum coelorum. Item (1. Ioann. 3, 8.): Qui facit peccatum ex diabolo est. Item (1. Timoth. 1, 18. 19.): Milita bonam militiam, habens fidem et bonam conscientiam.

Singulare decus est disciplinae quod Paulus (Galat. 3, 24.) inquit, legem esse paedagogiam in Christo. Etsi enim disciplina non est meritum remissionis et reconciliationis, tamen sit eo directa, ut homines doceri possint de Filio Dei. Item, ut sciant Filium Dei non efficacem esse in his qui perseverant in sceleribus contra conscientiam.

Quomodo sit possibilis disciplina, suo loco copiosius dicitur, libertatem voluntatis in non renatis reliquam esse, ut possit regere locomotivam, id est, ciere nervos, ut externa membra gestus habeant cogitationi convenientes, ut Achilles imperat nervis, ut manus gladium condant in vaginam¹¹⁾. Non est autem talis libertas voluntatis humanae, ut possit tollere peccatum in mente et corde, sed ipse Filius Dei per sese colligens aeternam Ecclesiam, voce Evangelii, efficax est verbo suo, et Spiritu sancto trahit et movet corda, ut ad Deum convertantur.

Est igitur etiam in non renatis honesta disciplina possibilis. Nam et Paulus expresse nominat iustitiam carnis, quae est externa obedientia, etiam in non renatis. Fatendum est igitur hanc libertatem regendi locomotivam reliquam esse. Vult enim Deus aliquo modo intelligi discrimen inter agens liberum et non liberum, ut sciamus ipsum esse agens liberrimum, sicut in illis versiculis dicimus:

Nec Deus est numen Parcarum carcere clausum,
Quale putabatur Stoicus esse Deus¹²⁾.

Et cum Deus velit omnes homines etiam non renatos, regi politicis legibus, vult eas non prorsus inutiles esse. Essent autem inutiles, si nec externi gestus regi possent. Saepe autem in tanta imbecillitate naturae nostrae vincunt caeci affectus, et diaboli horribiliter insidiantur omnibus

hominibus, ut eos impellant in tetra scelera, et aeternum exitium, ideo nos in Ecclesia diligentius consideremus imbecillitatem naturae, et diaboli furores, et confugiamus ad Filium Dei, et petamus auxilium, sicut Filius Dei promittit (Luc. 11, 18.): Quanto magis dabit Pater vester coelestis Spiritum sanctum petentibus.

Fit igitur disciplina magis possibilis, cum accedunt conversio ad Deum et vera invocatio, tunc etiam haec diligentia regendi mores, prae-lucente Filio Dei, et fide et ducente Spiritu sancto, virtutum interiorum inchoatio est, et opus Deo placens, iuxta hoc dictum (Rom. 8, 13.): Si actiones carnis Spiritu mortificabitis, vivetis, ubi Paulus erudite discernit ethnicam disciplinam a christiana. Bellerophontes¹³⁾ ratione vincit illecebras mulieris, quae invitat eum ad adulterium. Ioseph vincit non tantum ratione, sed multo magis frenante cum Filio Dei per verbum et Spiritum sanctum, lucente in mente agnitione vera Dei, et assidue repetita invocatione Dei. Hunc custodem Ecclesiae Filium Dei agnoscamus qui dixit (Ioann. 10, 28.): Nemo rapiet oves meas ex manibus meis, qui certissime depellet ab invocantibus ipsum, diabolos insidiatores, et addet vires imbecillitati nostrae, et quanquam initia fidei sunt exigua et languida: tamen accedat assidua petitio, iuxta exemplum in Marco (9, 24.): Credo Domine, sed opem fer imbecillitati meae. Et exsuscitent nos ad has petitiones dicta Filii Dei (Luc. 11, 13.): Quanto magis Pater coelestis dabit Spiritum sanctum petentibus.

Quid differat disciplina a vera virtute.

Discrimen disciplinae et verae virtutis facilius intelligi possunt, cum exempla intuemur, et in eis causas aspiciamus: ut in beatis erit integra et vera virtus, quia Deus erit omnia in omnibus. Est igitur lux ostendens Deum, et res efficiens conformitatem cum Deo, id est, vera virtus ipse Deus, et sunt deinde in homine radii illius lucis et flammae ortae a Deo, quae etiam vera virtus nominari possunt, cum sint effectus Dei in bea-

¹¹⁾ Hom. II. I, 219 sq.

¹²⁾ Conf. Cudworthi systema intellectuale, a Io. Laur. Moshemio vers. c. 1. §. 3. p. 5.

¹³⁾ Bellerophontes, Glauci, Corinthiorum regis, filius, Sisyphi nepos, fratre occiso, ad Proetum, Tirythiorum regem, fugit, cuius uxor Antea (vel, Apollodoro II, 3, 1. auctore, Sthenoboea) amore eius flagrabat, sed repudiata falsis criminationibus eum insectabatur, vid. Hom. II. VI. 154 sqq.

tis. Sunt autem agnitio Dei, et motuum conformitas cum Deo. Sic in Ioseph in hac vita vera virtus est ipse Deus, habitans in Ioseph per verbum, per quod ipse *λόγος* Filius Dei est in mente Ioseph, ostendens Deum, et voluntatem Dei, et spirant Pater et Filius Spiritum sanctum in cor Ioseph, qui flammam ac motus tales accendit, qualis ipse est.

Igitur ibi quoque est vera virtus ipse Deus, habitans in Ioseph per *λόγον*, et motus seu impetus, qui excitatur per Spiritum sanctum. Et unaquaelibet species seu actio virtutis in renatis simul complectitur agnitionem Dei, verum timorem, veram fiduciam Mediatoris, et laetitiam in Deo. Sicut continentia Ioseph habet causam efficientem Filium Dei in mente efficacem cum verbo vocali, et ostendentem verum Deum, prohibentem adulterium et approbantem obedientiam propter Mediatorem. Item Spiritum sanctum in corde confirmantem assensionem, et hunc ipsum motum castitatis accendentem, quia ipse talis est. Praelucet igitur fides, timor et dilectio Dei, laetitia in Deo, et accedunt invocatio et causa finalis, quod refertur haec obedientia ad gloriam Dei, ne doctrina deformetur scandalo. Est et ipse motus castitatis in corde, flamma accensa a Spiritu sancto, cui voluntas libenter et constanter obtemperat, etiamsi sentit repugnantem infirmitatem.

At continentia in Alexandro non habet tales causas. Tenebrae sunt in mente de iudicio Dei, et de Mediatore, nec sunt in corde timor Dei, laetitia in Deo, invocatio Dei, nec causa finalis est gloria Dei, tantum utcumque cogitat, quod ratio videt legem esse prohibentem adulteria, ex hac lege ratiocinatur imperandum esse locomotivae, ne attingat Darii coniugem, et huic ratiocinationi assentitur¹⁴⁾. Haec tota cogitatio movet cerebrum, cerebri motu impelluntur nervi, ut cieant motus in membris congruentes huic cogitationi.

Quid igitur est haec actio in Alexandro? Tantum ratiocinatio et assensio est movens cerebrum, et cerebri motus impellens nervos, nec alia res in isto monstrari potest, quae nominetur castitas quae sit virtus. Utcumque autem iuvatur haec ratiocinatio, et assensio bonitate temperamenti in Alexandro, quod non habet tam rapida

incendia, sicut Ajax¹⁵⁾, qui stupravit Cassandram in templo Palladis¹⁶⁾.

Etsi igitur et fieri possunt externae actiones honestae, et quomodo fiant ex consideratione causarum, de quibus dictum est, intelligi potest: tamen quid sit virtus in voluntate et corde hominis non renati vix ostendi potest, ut de gregario milite, etsi cogitatione seu ratiocinatione et assensione moveri potest, ut imperet externis membris ne fugiant, et haec qualiscunque firmitas adiuvatur temperamento, tamen intus quae sit eius fortitudo vix monstrari potest.

Est autem motus quidam heroicus in viris praestantibus etiam non renatis, ut fortitudo in Achille, Alexandro, Iulio et aliis multis, qui etsi est donum Dei, tamen ubi est sine vera agnitione Dei, non nominatur lux Filii Dei et flamma Spiritus sancti, quia in renatis lucent agnitio vera Dei, et praesentia Spiritus sancti.

Discernendi sunt igitur motus in renatis ab iis donis, quae naturae attribuit Deus etiam in non renatis, ut servetur genus humanum, quia nulla gubernatio esset, nisi aliqua esset excellens virtus, de his donis recte dictum est a Cicerone: Nulla est excellens virtus sine afflatu divino¹⁷⁾. Et Seneca: Nulla est excellens virtus sine Deo.

Et quia hi motus heroici non sunt in omnibus, recte inde ratiocinatur Cicero, esse eos testimonia, quod sit Deus, et quod sit providentia, quia hi motus aliquibus tribuuntur propter communem generis humani salutem.

Sed semper quaesiverunt sapientes, cum manifestum sit heroicis impetus in paucis esse, an alii homines assuefactione possint sibi firmam inclinationem indere, quae sit virtus, id nominat Aristoteles *ἔξις*, quae quid sit, aut ubi sit, difficile est ostendere. Non negandum est, notitias posse retineri, et artes esse memorias, et *ἔξεις*, ut in pictore, in citharaedo, mens retinet memoriam doctrinae, et manus habent *ἔξις* assumptam assuefactione, ac certius faciunt artis opera, quam alii non assuefacti. Haec de artibus manifesta sunt. Fatendum est igitur talem esse naturam humanam, ut habitus aliquos assumere pos-

15) Ajax, Oilei, Locrorum regis, filius.

16) Hoc narrant Lycophr. 357 — 60. 1142 sq. et Quint. Smyrn. XIII, 492. Conf. etiam Heynii commentar. ad Virg. Aen. I, 41. II, 403. eiusque Excurs. X. ad libr. II.

17) Conf. Cic. de nat. Deor. II, 66, 167.: Nemo igitur vir magnus sine aliquo afflatu divino unquam fuit.

14) Conf. Plut. Alex. c. 21.

sit: Lapis non potest ulla assuefactione flecti, ut molliat naturam suam.

Quamquam autem Aristoteli conceditur in voluntate et corde posse utcumque habitus assuefactione fieri, qui sint seu fræni seu aculei: ut qui se assuefecit ad temperantiam, facilius et firmitus servat ordinem in cibo et potu. Biliosus qui se assuefecit ad iram frenandam, facilius reprimat subitos motus; tamen hi habitus quicquid sunt, valde languidi et obscuri sunt.

Memoria notitiæ legis firmior est, quæ et debet et potest externas actiones regere, ut supra dictum est, aliquid igitur conducit crebra cogitatio legis, exemplorum, præmiorum, poenarum. Sæpe cogitat Scipio de omnibus officiis honesti ducis, de defensione coniugii, de turpitudine et deformitate vagarum libidinum, de poenis etc. Hæc cogitationes sunt assiduæ monitricæ, ut externam actionem diligentius regat. Ideo conducunt aliquid doctrina, assuefactio, exempla etc., sicut dicitur: *Studia abeunt in mores*¹⁸⁾.

Videmus autem in hac collatione causarum, quam sit languidum in hac misera hominum natura hoc totum, quod nominatur virtus. Quare nos in Ecclesia sciamus Filium Dei missum esse, ut petentibus opem ferat, regat ac doceat mentes, et effundat in corda Spiritum accendentem tales motus, qualis ipse est, procedens ab aeterno Patre et Filio. Hoc auxilium assidue petamus, sicut præceptum est, et veras virtutes ab umbris seu cogitationibus humanis discernamus.

Folio 8.¹⁹⁾. *Sed omne quod honestum est*²⁰⁾, etc.] Cicero omnes habitus intellectuales sub nomine prudentiæ comprehendit. Habitus intellectuales nominantur quinque: intellectus, notitia principiorum, scientia, ars, sapientia, possunt addi opinio et fides.

Demonstratio de veritate et omnibus habitibus intellectualibus.

Nulla membra et nullæ vires membrorum attributæ toti speciei humanæ, frustra condita sunt.

18) Ovid. Heroid. epist. XV, 83.: *Sive abeunt studia in mores, artesque magistrae.*

19) Folio 8.] sic in Edit. horum Prolegg. indicatur locus sequentium verborum, quæ inveniuntur Offic. I. I. c. 3. §. 14.

20) *honestum est*] Orellius præfert lectionem: *est honestum.*

In homine sunt membra et vires ordinatæ ad cognitionem et ratiocinationem, imo et notitiæ insitæ sunt.

Ergo necessaria est ratiocinatio et consideratio veritatis.

Alia.

Deus est natura intelligens et verax.

Homo est imago Dei.

Ergo homo est intelligens natura, et quærens veritatem.

De iustitia demonstratio.

Pœna conscientiæ ostendit, et esse Deum et esse vindicem, et discernit iusta et iniusta.

Caedem iniustam sequitur immoto ordine, dolor conscientiæ, qui indicat caedem iniustam esse rem malam et vitandam.

Ergo iniustitia est res mala.

Alia.

Indita est naturæ hominum notitia et *στοργή* ducens ad conservationem proprii corporis et cognatorum, et speciei, et indita est pœna in conscientia.

Aequalitas, quæ est iustitia, servat individua et speciem: inæqualitas lædens alios, item *ἀστοργία* destruunt speciem.

Ergo æqualitas, quæ est iustitia, est necessaria.

De fortitudine.

Intellectus iustitiæ est naturæ insitus.

Fortitudo autem est propugnatio iustitiæ contra iniustas læsiones, contra fures et latrones.

Ergo fortitudo est necessaria.

Vel sic:

Naturæ insita est *στοργή* ad sese conservandum, et ad speciem conservandam.

Illa *στοργή* est fortitudo depellens ordinate iniustas læsiones.

Ergo hæc fortitudo est necessaria (*Stt eben baß man sagt*) vim vi repellere licet, concedit hoc natura.

De temperantia.

Omnia nascentia servantur alimento convenienti, et tali mediocritate, ut sit æqualitas agentis et patientis, id est, naturæ convertentis nutrimentum.

Temperantia est illa mediocritas.

Ergo temperantia est necessaria.

De modestia.

Intellectus ordinis non est frustra insitus homini, cum non sit in bestiis, modestia est ordinis conservatio. Ergo modestia est necessaria. Immodestia peccat alias contra veritatem, alias contra iustitiam.

Veritas est virtus, qua volumus res recte intelligere. Item qua acquiescimus constanter in eo quod verum est, et dicimus aliis vera in docendo et paciscendo.

Primum de lege.

Lex moralis est aeterna et immota sapientia et norma iustitiae in Deo, cuius radii in nos transfusi sunt in creatione, et eadem doctrina postea saepissime voce divina in Ecclesia inde usque ab initio generis humani repetita est, ostendens quod sit Deus et qualis sit, et cernens recta, et non recta, ac praecipiens ut omnes simus conformes Deo, et condemnans ac denuntians destructionem omnibus, qui non sunt conformes.

Haec sapientia in Deo, causa est notitiarum naturalium, ex quibus et deinde sapiens gubernator extruit leges, quae nominantur ius positivum. Cumque notitiae antecedant voluntatem, sciendum est iustitiam a legibus esse, quia iustitia in hominibus est velle, et imperare membris conformia legi.

Considerari etiam necesse est triplicem usum vocabuli iustitiae: Cum de disciplina et in foro loquimur, utimur vocabulo iustitiae legaliter, ac ibi prima distinctio est. Iustitia alia nominatur universalis, alia particularis.

Universalis est obedientia iuxta omnes leges honestas ad nos pertinentes, sic Aristides nominatur iustus, quia non habuit externa delicta contra ullam legem. Est autem in hac imbecilli natura haec obedientia, qualiscunque externarum actionum gubernatio, quae congruit legi, cum videlicet cogitatio praecipit nervis, ut cieant motus externorum membrorum congruentes legi, ut Achilles quanquam iratus, tamen cogitans non esse interficiendum imperatorem, praecipit manibus, ut gladium recondant in vaginam, et pedibus, ut ipsi cedant²¹⁾.

21) Achilles ob Briseidem ipsi ereptam Agamemnoni vehementer irascens hunc interficere statuit; at a Pallade ab hoc facinore retinetur, vid. Hom. Il. I, 199—221.

Iustitia particularis est servare aequalitatem in non laedendis iis, a quibus non sumus laesi, item in contractibus et in ordine personarum. Ac proprie usitata definitio: Iustitia est constans et perpetua voluntas suum cuique tribuens, pertinet ad particularem iustitiam²²⁾.

Altera divisio. Iustitia est aut commutativa, aut distributiva. Commutativa est, quae servat aequalitatem in contractibus et poenis sine discrimine personarum.

Distributiva est, quae recte ordinat personas, tribuit maiorem reverentiam parentibus quam alienis, maiorem reverentiam dominis quam servis etc.

Et ratio huius divisionis est, cum iustitia gubernet omnes actiones in societate. Quicquid autem agimus cum aliis, sit aut rerum communicatio, aut personarum ordinatio. Manifestum est duas esse species iustitiae particularis, quarum altera personas ordinat, altera regit rerum communicationes, et constituit aequalitatem arithmetica, quia rerum communicatio vagatur in infinitum, non posset autem in infinitum procedere, nisi esset arithmetica aequalitas, quia una pars generis humani exhauriretur et periret.

Tertia significatio est iustitiae in Paulo, cum docet, quomodo homo in iudicio Dei fiat iustus, id est, reconciliatus et acceptus Deo, ut cum inquit (Rom. 5, 1.): Iustificati fide pacem habemus. Item (Rom. 5, 9.): Iustificati sanguine Christi. Ibi quaeritur non qualis in nobis virtus sit, sed quomodo Deo reconciliemur, et accepti simus coram Deo. Et phrasis hebraea²³⁾ iustificare, est non reum pronuntiare. Ibi iustitiam interpretatur Paulus imputationem iustitiae²⁴⁾. Haec forma loquendi prorsus discernenda est ab intellectu vocabuli Iustitiae, quo Cicero et iurisconsulti in sermone politico utuntur hoc nomine Iustitiae.

Ridicule quidam de Pauli sententia scripsit: Iustitia significat Fromkeit ut dicimus, vir iustus est vir bonus, aequus, humanus etc. In hac insulsa descriptione non est discrimen iustitiae, de qua Paulus loquitur, et iustitiae legis. Deinde nec discrimen est iustitiae universalis et particu-

22) Conf. supra p. 226 sq.

23) Verbi hebr. יָדוּשׁ (iustus fuit) forma: יָדוּשׁוּךְ.

24) Conf. Rom. 4, 3. 5. 9. 11. 22. Galat. 3, 6. ubi Paulus utitur phrasi λογίζεσθαι τινα εις δικαιοσύνην.

laris, quia bonus significat iustitiam universalem, aequus particularem. Humanitas est copulatio iustitiae particularis cum aliis mitioribus virtutibus.

Insulsissimum est autem cogitare hominem iustum esse coram Deo propter humanitatem. Talium ineptiarum consideratio monet iuniores, ut prudenter discernant genera doctrinarum, et modos loquendi.

Est et hoc observandum in scriptis prophetis et apostolicis. Interdum vocabulum iustitiae etiam de legali iustitia, vel universali vel particulari, intelligendum est. De universali, ut (Psalm. 119, 121.): Feci iudicium et iustitiam. Alibi de particulari dicitur, ut Gen. 30, (33.) ait Iacob: Cras respondebit mihi iustitia mea. Et Psalm. 7, (9.): Iudica me secundum iustitiam meam, videlicet particularem in hac causa, petit enim ostendi, quod non sit seditiosus, unde si quis hoc modo argumentetur:

David petit se iudicari secundum iustitiam suam.

Ergo David erat iustus propria iustitia.

Concedo de particulari, sed haec non est iustitia personae, qua persona coram Deo accepta est, sed est iustitia causae in illo negotio, in quo periclitabatur, et debet petere auxilium a Deo in causa iusta, iuxta dictum (Psalm. 37, 5.): Commenda Deo vias tuas, et ipse faciet. Item (Psalm. 37, 7.): Subditus esto Deo, et ora eum. Sed sciebat aliud esse, propter quod coram Deo persona habebat remissionem peccatorum et reconciliationem. Loquitur autem Cicero hoc loco praecipue de iustitia particulari erga homines, quae regitur his praeceptis: Non occides, Non furtum facies, Non dices falsum testimonium etc. Necessae enim sunt virtutes regi certis legibus.

Est igitur haec particularis iustitia civilis, de qua Cicero loquitur, congruentia cum istis legibus, quas recitavit. Et actio iusta in hoc genere, est cogitatio harum legum, et voluntatis electio, mandans exterioribus membris, ne laedant corpus aut famam alterius, et ne vi aut fraude res alienas auferant aut teneant. Ita fontes sunt huius iustitiae haec praecepta: Non occides, Non furtum facies, Non dices falsum testimonium.

Si natura hominum esset integra, tunc haec iustitia esset, vel ipse Deus regens hominem, vel ardens et firma *στοργή*, creata a Deo in humano corde, congruens cum illa notitia legis, sine ullis

pravis affectibus, immutabiliter inclinans ad agendum secundum illas leges. Sed in homine deserto a Deo *στοργαὶ* aut nullae sunt aut valde languidae, et vincuntur pravis affectibus et furis diabolicis, ut in Cain et omnibus latronibus. Sed aliqui homines utcunque regunt externas actiones, ut Achilles reprimit iram²⁵⁾.

Ac valde utile est, saepe multumque cogitare de causis honestarum et non honestarum actionum, ut et nos ipsi regamus disciplinam diligentius, et accendamus nos ad petitionem auxilii divini. Nunc natura infirma est, pravis affectibus varie incenditur, simul etiam astutissime omnibus hominibus insidiantur diaboli, sicut Petrus inquit (1. epist. 5, 8.): Circumit diabolus tanquam leo rugiens, quaerens quem devoret, quemadmodum horribilia exempla omnium temporum ostendunt. In tanta infirmitate quid sit in homine virtus, valde obscurum est. Sed hoc constat: externas actiones aliquo modo regi posse cogitatione legis divinae. Talis est enim nervorum natura, ut cogitatione et mandante voluntate cieri possint. Haec externa gubernatio significata est in folio fici, tegente partem corporis in primis parentibus. Sed cum in mente lucescit vivum verbum Dei et Spiritus sanctus voluntatem et cor movet, et sese cordis spiritibus implicat, ut in Ioseph fugiente adulterium, tunc intelligi potest, quid sit virtus seu interius illud bonum, regens et confirmans mentem et voluntatem.

Nec displicet mihi nominari ipsum Deum potius in renatis, quam habitum, iuxta dictum (Philipp. 2, 13.): Deus est, qui efficit, ut velitis et perficiatis. Sint autem in conspectu praecepta et promissiones de petitione auxilii divini. Ut cum dicitur, Luc. 11, (13.): Quanto magis Pater vester coelestis dabit Spiritum sanctum petentibus.

Iam ut fontes consideremus actionum iustarum, sciendum est, quae mandata Decalogi regant actiones iustas. Deinde et demonstrationes addemus. Iustitiam particularem, de qua Cicero loquitur, regunt haec mandata: Non occides, Non furtum facies, Non dices falsum testimonium. Ideo inquit: Primum munus iustitiae est, ut ne cui quis noceat, nisi laecessitus iniuria, item ut privatis utatur ut

25) Hom. II, I, 194 sqq.

suis²⁶⁾. Postea inquit: Nihil est proprium natura²⁷⁾, id non est recte dictum. Nam haereditas iure naturae et divino est propria sobolis. Ac regula tenenda est, distinctionem dominiorum esse iuris divini, quia praeceptum dicit: Non furtum facies, significat igitur Deus velle se distinctionem dominiorum. Et quidem hoc praecepto tanquam muro singulorum domus et res munivit. Ideo non recte dicitur iure divino nihil est proprium. Et discatur explicatio argumentorum.

Primum argumentum.

Naturalia sunt immutabilia.

Communio rerum est iuris naturae.

Ergo est immutabilis.

Respondeo ad maiorem: Naturalia sunt immutabilia, videlicet notitiae, quae sunt praecepta, ut notitia numerorum est immutabilis: sic immutabilia sunt praecepta moralia: Agnosce et invoca verum Deum, Honora parentes, Non occides, Non moechaberis, Non furtum facies, Non dices falsum testimonium etc. Sed bona utilia sunt mutabilia, ut quanquam sic condita est natura hominis, ut retineret vitam, sanitatem corporis et tamen haec bona propter peccatum postea mutata sunt. Sic facultas communiter utendi rebus, fuisset bonum utile, quod mutatum est post peccatum propter multas causas. Quia iam causae quaerendi et fruendi non sunt similes in omnibus.

Secundum argumentum.

Quicquid est Christi, est cohaerendum.

Omnia sunt Christi.

Ergo omnia sunt cohaerendum.

Non est igitur distinctio dominiorum.

Respondeo: Concedo totum argumentum, sine ambiguitate intelligendo maiorem et conclusionem. Quicquid est Christi, est cohaerendum, in hac vita quoad ius ad rem; et verum est, nos habituros esse vitam sine morte, et libertatem et laetitiam sine impedimentis. Sed in hac vita adhuc corpus morti et morbis obnoxium est, et sub-

iectum est servituti imperiorum. Nondum enim habemus ius in re, quod habebimus post resurrectionem.

Sic rursus valebit argumentum intelligendo maiorem et conclusionem de iure in re: Quicquid est Christi, est cohaerendum, scilicet in vita aeterna, cum erunt in possessione; Omnia sunt Christi: Ergo omnia sunt nostra, scilicet in vita aeterna, cum erimus in possessione, ut vita, sanitas, libertas et tunc neque servitus politica, neque rerum corporalium distinctio erit. Sed si maior intelligatur de iure ad rem in hac vita, et conclusio de iure in re in hac vita, falsum est argumentum, quia plus erit in conclusione quam in praemissis.

Uno verbo responderi posset: Maior est vera, intelligendo ordinate. Sed haec brevis solutio postea tamen longa declaratione explicanda esset, ideo priori responsione contenti simus.

Hoc argumentum recito propter Augustinum, qui ex dicto Psalmi (24, 1.): Domini est terra etc., sumit hanc conclusionem: Ergo non est distinctio dominiorum iure divino. Haec consequentia non valet, quia etiamsi Filius Dei est dominus universae naturae, et habet iam ius in re, vicit mortem et omnem servitutem, et nobis opitulatur, tamen non sequitur, nos iam habere simile ius in re, videlicet corpora non obnoxia morti et aliis calamitatibus, aut habere similem potentiam, sed illud sequitur: resuscitati erunt domini vitae et mortis liberati omni servitute.

Tertium argumentum.

Tolle iura imperatorum: nemo potest dicere:

Haec villa mea est, inquit Augustinus²⁸⁾.

Ergo tantum autoritate hominum distincta sunt dominia.

Respondeo: Nego consequentiam, et ratio est, quia proceditur a non sufficientibus causis, quia sola autoritas magistratum nequaquam est principalis causa distinctionis dominiorum, sed hoc sequitur, quod aliquid agat magistratus, videlicet, est minister ordinis divini in executione vel defensione etc.²⁹⁾. Ut in praecepto: Non occides, magistratus non dat vitam hominibus, sed est minister ordinis divini et sequitur poena,

26) Ciceronis verba l. l. de offic. c. 1, 20. haec sunt: Sed iustitiae primum munus est, ut ne cui quis noceat nisi necessitas iniuria: deinde, ut communibus pro communibus utatur, privatis ut suis.

27) Conf. l. l. 1, 21.: Ex quo, quia suum cuiusque fit eorum, quae natura fuerant communia, etc.

28) Haec ex Augustini tract. VI. ad c. 1. Ioannis citantur in Decreti prima parte dist. 8. c. 1. §. 1. (Corp. iur. canon. ed. Richter P. I. p. 12.). Conf. supra p. 268. notae 55—57.

29) Vid. Rom. 13, 1 sqq.

si quis vitam a Deo datam alteri eripit. Sic magistratus non dat tibi ius haereditatis paternae tenendae, sed hoc ius immediate a Deo est, minister autem est ordinis divini magistratus in iudiciis, et in poena, si quis velit tibi eripere paternam haereditatem.

Longissime differunt haec, habere ius seu dominium, et habere defensorem magistratum. Sic in omnibus contractibus ius a Deo traditur iuxta praeceptum: Non furtum facies, item non facias inaequalitatem in emendo, vendendo, ponderibus etc. Sed magistratus est minister Dei ad executionem istius iuris.

Quartum argumentum.

Amicorum omnia sunt communia.

Omnes boni sunt amici inter se.

Ergo honorum inter se omnia sunt communia.

Respondeo ad maiorem: Amicorum omnia sunt communia, scilicet virtute, non obligatione seu iure civili. Cum autem dicitur virtute, intelligitur voluntaria communicatio rerum communicabilium, cum habet probabilem causam seu officii rationem, sine mutatione politici ordinis, ut hospes Davidis in exilio Galadites³⁰⁾, praebebat Davidi et eius amicis hospitia, et alia multa, non debita civili obligatione et sine mutatione politici ordinis. Nec David excutiebat eum ex dominio, et hospes voluntaria communicatione, id est, virtute dabat, sicut vox divina docet certo tempore opitulari sine mutatione politici, ut dicitur (Prov. 5, 16.): Fontes tui deriventur foras, et tu dominus eorum maneto. Est enim virtus vocis divinae recte intellectae volentem obedire.

Quintum argumentum.

In Actis Apostolorum (4, 32. 34. 35.) scriptum est, Christianos contulisse facultates in commune.

Ergo Evangelium tollit distinctionem dominiorum.

Respondeo ad antecedens: Iudicandum est legibus, non exemplis. Lex divina sanxit distinctionem dominiorum, Non furtum facies etc. Nec abolet Evangelium politica et oeconomica. Exemplum vero Apostolorum non est lex univer-

30) Barsillai, Gileadites ex urbe Rogelim, vid. 2. Sam. 17, 37—39. 19, 31 sqq.

salis, sed erat strategema illo tempore utile, quia facultates credentibus eripiebantur. Erat igitur utilius eas vendere. Et quod Ananias a Petro interficitur³¹⁾, punitur propter mendacium, non propterea quod facultates non contulisset in commune.

Sextum argumentum.

2. Corinth. 8, (14. 15.) Paulus inquit: Ut fiat aequalitas, sicut scriptum est (Exod. 16, 18.): „Qui multum, non abundabit, et qui modicum, non minus habebit”³²⁾.

Ergo tollitur distinctio dominiorum, si aequaliter licet uti rebus alienis.

Respondeo ad antecedens: Paulus ipse ostendit se non mutare ordinem politicum, sed loqui de voluntaria communicatione, quae fit virtute scilicet beneficentia. Expresse enim inquit (2. Cor. 8, 8.): Non quasi imperans dico, ut unusquisque ipse eligit in corde suo, id est, volens, non ex coactione.

Addas et de aequalitate, Paulus non loquitur de aequalitate possessionis, sed de aequalitate distributionum, et quidem non arithmetica proportionem, id est, non ut eodem numero singuli conferant, ut si Fuccarus³³⁾ det 100 aureos, similiter paupercula vidua det 100 aureos. Sed proportione geometrica videlicet in genere ut multum habens, multum det pauperibus, minus habens pauca det.

Nec erit inconcinna accommodatio etiam de possessionibus, habeant principes, quantum ipsis habere convenit, deinde alii ordines, quantum cuique suo loco habere convenit.

Discant autem hoc loco iuniores discrimina appellationum. Proportio arithmetica est cum pluribus terminis positis, differentiae sunt simpliciter aequales, ut 3. 5. 7. 9. differentiae sunt binarii.

Proportio geometrica est cum quatuor terminis positis, proportionum aequalitas custoditur, etiamsi differentiae seu numeri non sunt aequales, ut hic est quadrupla proportio, 12. 3. 4. 1.³⁴⁾

31) Act. 5, 1—5.

32) non abundabit . . . non minus habebit] Utroque loco scriptum est Praeteritum, quapropter Vulg. habet: non abundavit . . . non minoravit.

33) Fuggeri mercatores Augustani ditissimi a Carolo V. imperatore 1530. ad dignitatem comitum evecti.

34) i. e. 12:3=4:1.

Harmonica proportio est, in qua tribus terminis positus, sicut se habet maximus ad minimum terminum, sic se habet differentia maximi et medii, ad differentiam medii et minimi, ut 6. 4. 3. Sex distant a 4. binario, 4. distant a 3. unitate, ut autem dupla proportio 6. est ad 3., sic dupla proportio est 2. ad 1. Accommodat Camerarius aequalitatem Paulinam ad harmonicam proportionem, hoc modo, si sint cives, pauper nihil habens, et deinde habentes, 3. 4. 6., si adimantur senario 2., quaternario unum, medius numerus erit aequalis 3. Et si adempta triuantur nihil habenti, habebit is quoque 3.

Septimum argumentum.

Roman. 13, (8.): Nemini quicquam debetis nisi dilectionem.

Ubi autem non est debitum, omnia sunt communia.

Respondeo de dicto Pauli: Verbum *ὀφείλετε* enarrandum est imperative: Nemini quicquam debete, non in indicativo: Debetis. Et hoc ipso dicto confirmatur distinctio dominiorum, quia Paulus duo praecepta tradit, alterum de obligatione civili, alterum de obligatione naturali seu divina ac perpetua.

Ait ergo primum de obligatione civili: Nemini quicquam debete, id est, servate iura contractuum, date creditoribus, venditoribus, locatoribus ea quae eis debentur, et sic vos liberate obligatione civili. Interea scitote tamen manere obligationem divinam et naturalem de dilectione, quae multa officia postulat, de quibus non praecipunt leges forenses, sed lex divina, quorum officiorum tamen hic modus est, de quo dicit Salomon (Prov. 5, 16.): Fontes tui deriventur foras, et tu dominus eorum maneto. Item Paulus (2. Cor. 8, 13.): Ut non sit vobis tribulatio. Item (1. Tim. 5, 8.): Habenda ratio maxime domesticorum.

Altera sententia: Nemini quicquam debete nisi dilectionem, illa quae debentur civili obligatione praestanda sunt. Verum illa naturalis et aeterna obligatio manet immota. Est autem finis obligationis civilis, cum numeratur id, quod civili obligatione debetur. Nunquam autem finis est obligationis naturalis, quia etiamsi pro tempore officium praestiteris, tamen manet obligatio aeterna, et benevolentiae in corde et officiorum, si quando ea praestare poterimus.

Octavum argumentum.

Matthaei 19, (21.): Si vis perfectus esse, vade, vende quae habes, et da pauperibus, et veniens sequere me.

Tollitur ergo distinctio dominiorum, si necesse est vendere facultates, et distribuere eas pauperibus.

Respondeo ad antecedens: Dictum illud ad adolescentem, est singularis vocatio, non est universale praeceptum, ut multa sunt singularia mandata, et singulares vocationes. Ut cum Abrahae praecipitur mactatio filii³⁵), cum Moses vocatur ad educendum populum³⁶). Talia singularia mandata recte discernenda sunt ab universalibus praeceptis: nec transferantur ad *κακοζήλιās*, sicut multi impie secuti sunt exemplum Abrahae, et multi non vocati, voluerunt liberatores esse populi, exemplo Mosi, Davidis et aliorum. Ita hoc loco vocatur adolescens ad ministerium Evangelii certo modo. Haec vocatio non ad omnes pertinet, et perfectio est non in desertione facultatum, sed in causa quae additur: Sequere me.

Deinde et de perfectione sciendum est, quia saepe vocabulum hoc occurrit. Perfectum dicitur dupliciter aut substantia aut qualitate seu gradibus. Perfectum substantia est habens omnes partes integrales, etiamsi partium gradus non sunt completi, ut puer est perfectus homo substantia. Sic Paulus ad Philipp. 3, (15.) loquitur: Hoc sentiamus quotquot perfecti sumus, id est, habentes omnes partes integrales, videlicet omnes articulos fidei, fidem et bonam conscientiam, etiamsi nondum obedientia erga legem omnes gradus habet. Dicatur sane perfectum numero partium, non gradibus.

Alio modo perfectum dicitur qualitate seu gradibus, ut puer, etiamsi habet partes integrales omnes, tamen nondum omnibus uti potest. Sic de perfectione Paulus in eodem capite loquitur (Philipp. 3, 12.): Non quod comprehenderim et perfectus sim.

Caeterum observetur usus vocabuli. Nam latinus interpres uno vocabulo perfectus reddidit diversa hebraea et graeca. 1. Corinth. 1, (10.): Non sint inter vos schismata et sitis perfecti in

35) Genes. 22, 1.

36) Exod. 3, 10.

eadem mente et eadem sententia. Hic graece legitur *κατηρτισμένοι*, id est, coagmentati. Hic perfectum non significat: habens omnes partes vel gradus, sed significat continuum, et opponitur solutioni continui. Ut cum membra luxata aut lacerata sunt, non sunt *κατηρτισμένα*. Vult enim Paulus non esse distractiones universi corporis Ecclesiae, non hoc iubet, ut quodlibet membrum habeat summos gradus, sicut aedificium est continuum recte coagmentatis partibus, etiamsi alia tigna aliis maiora aut minora sunt.

Sic ad Coloss. (3, 14.) dicitur: Dilectio est vinculum perfectionis, id est, coagmentationis. Hic quoque de continuo dicitur, id est, ubi est dilectio, ibi Ecclesia non distrahitur odiis, ambitione, cupiditate vindictae, et imbecilliores audiunt eruditiores. Item 1. Petri 1, (13.): Perfecte sperate gratiam quae offertur. Hic simplicissime, non simulate intelligatur. Sicut Christus inquit (Ioann. 17, 13.): Sit gaudium meum impletum in eis, id³⁷⁾ est, sine simulatione habens initia vitae et vincens mortem. Talem consolationem affert Filius Dei per Evangelium, philosophia non affert, nec tollit radicem doloris, etiam externos gestus reddit utcunque magis placidos, ut radix laetitiae non est in Socrate, ut est in Petro. In Genes. 17. cap. (v. 1.) dicitur ad Abraham: Esto perfectus, hic in hebraea lectione vocabulum est *תָּמִיךְ* Thamim, quod significat perfectionem numero, id est, habens omnes partes integrales, et opponitur mutilo, ut si ovis claudicat aut sit caeca, aut scabiosa, contraria est huic vocabulo, quod latinus vertit: sine macula, id est, sine mutilatione, vel enormi laesione partis. Sic loquitur Psalm. 119³⁸⁾, (1.): Beati immaculati, ubi ponitur idem vocabulum *תָּמִיךְ*, quod significat integrum, id est, non mutilum, sine enormi laesione, etiamsi non sunt summi gradus, ut Abraham est perfectus, habens fidem, et bonam conscientiam, sine idololatria, sine impiis opinionibus, sine scelere contra conscientiam. Sic intelligatur dictum (Genes. 17, 1.): Esto perfectus. Item (Genes. 6, 9.): Noë erat iustus et perfectus, id est, habens fidem et bonam conscientiam, sine idololatria, sine impiis opinionibus, sine scelere contra conscientiam. Eo-

37) id] Frolegg. typogr. errore habent: in.

38) Psalm. 119.] in Prolegg. secundum LXX. et Vulg. scriptum est: Psalm. 118.

dem modo loquitur Lucas cap. 1, (6.): Ambulabant in omnibus mandatis sine reprehensione.

Math. 5, (48.): Estote perfecti sicut Pater vester coelestis perfectus est. Hic significat simplicissime idem, quod est aequalis, sine *προσωποληψία*, date omnibus respectu necessitatis, et pro facultatibus, propter Deum, non homines.

Ad Coloss.: In Christo perfecti estis³⁹⁾, oratio exclusiva est, quasi dicat, non estis perfecti in vobis ipsis, nec estis perfecti vestra perfectione, vestra obedientia, sed in Christo in hac vita imputatione, et post hanc vitam consummatione.

Explicata ambiguitate vocabuli Perfecti, iam ad argumentum redeo: Si vis perfectus esse, vade, vende omnia quae habes, et da pauperibus, et sequere me. Ergo perfectio est discedere a facultatibus. Respondeo: Nego consequentiam, quia hoc dictum est vocatio singularis, non universalis. Secundo perfectio consistit in particula: Sequere me, non in prioribus. Et haec pars ad omnes pertinet, sed pro singulorum vocatione, ut in alia vocatione sequitur Christum pius miles, in alia materfamilias, in alia doctor, pastor. Et illud sequi tunc est est perfectio, non gradu. Paulus enim expresse inquit⁴⁰⁾, se non esse perfectum scilicet gradu, sed est perfectio numero, sicut ad Abraham dicitur (Genes. 17, 1.): Esto perfectus, id est, habens omnes partes integrales fidem ac bonam conscientiam sine idololatria, sine simulatione.

Ac simul hic sciendum est desertionem facultatum duplicem esse. Alia fit sine mandato Dei; haec est *ἐθελουθησικία*, et non est cultus Dei. Alia desertio fit mandato Dei, ut cum tyranni praecipunt abiicere veram doctrinam, aut discedere a facultatibus, hic mandatum Dei praecipit potius deserere facultates. Talis desertio cum habeat mandatum Dei, est opus necessarium, et ad illa dicta pertinet: Esto perfectus, quia haec obedientia est pars integralis, pertinens ad hoc totum, quod nominatur obedientia necessaria, scilicet habere fidem et bonam conscientiam. Caeterum ego iudico simplicissimam esse enarrationem, si vis perfectus esse; id est, sine hypocrisi, sine simulatione, ostende hanc tuam non fucosam obedientiam hoc modo, sicut ego te singulariter voco.

39) Conf. Coloss. 1, 28. 4, 12.

40) Philipp. 3, 12.

Nonum argumentum.

Matth. 5, (42.): Da omni petenti te.

Sic ⁴¹⁾ necesse est dare omnibus.

Ergo nihil manet proprium.

Respondeo ad antecedens: Universalis ibi non significat omnia individua speciei, sed sub genere quarumlibet specierum aliquos, ut cum dicitur ⁴²⁾: Omne animal fuit in arca Noë, id est, sub genere quarumlibet specierum aliquot, id est, da amicis et inimicis petentibus, id est, vera causa petentibus, non furacibus stellionibus, petacibus, impostoribus, quos omnes nominat Salomon crudeles ⁴³⁾. Eodem pertinet quod sequitur (Matth. 5, 48.): Estote perfecti sicut Pater vester coelestis perfectus est, id est, aequales sine *προσωποληψία*, date omnibus respectu verae necessitatis, et pro facultatibus, non omittas iniusto odio, vel cupiditate vindictae.

Praeterea interpretatio dicti sumatur ex communi regula, Evangelium non abolet politica et oeconomica congruentia legi Dei, dicit autem lex: Non furtum facies, sancit igitur distinctionem dominiorum et proprietatum. Et Paulus inquit (1. Tim. 6, 17. 18.): Praeceptum divitibus, ut sint *κοινωνοί*. Et ad Corinth. (2. Cor. 8, 8.) expresse inquit, se petere ita, ut sit voluntaria collatio, non imperata lege aliqua, et addit modum (ibid. v. 13.): Non ut vobis sit afflictio, aliis ignavia, vel cessatio.

Explodantur ergo fanatica deliramenta anabaptistarum, quae etiam olim saepe turbaverunt Ecclesiam, quae finxerunt necessario res in commune conferendas esse. Et sciamus distinctionem dominiorum et proprietatum sapientia et lege Dei ordinatam esse, et Deo placere, quam ob causam laeti teneamus nostra, et ab alieno abstinemus, obtemperantes legi Dei, et gaudeamus divinitus munitos esse nostros nidulos hac lege (Exod. 20, 15.): Non furtum facies. Utamur etiam rebus nostris, sicut Deus praecipit. Sciamus item hanc propositionem veram esse. Distinctio dominiorum est iuris divini. Item iure divino et naturali propria sunt legitimae haereditates, iustae mercedes, res traditae per emptionem et donationem etc. In his non dat ius te-

41) Sic] Prolegg. habent: Si.

42) Genes. 7, 8. 9. 14.

43) Conf. Prov. 5, 9. 11, 17.

nendi humana autoritas, sed Deus ipse dedit ius, magistratus est tantum custos, seu defensor, seu executor ordinis divini, sicut est tantum defensor vitae et coniugii. Deus autem dedit ius tenendae vitae, et tenendae coniugis.

Supra ⁴⁴⁾ igitur reprehensum est dictum: Nemo potest dicere: Haec villa mea est, haec villa tua est iure divino etc. Praeterea quod dicit Cicero, Nulla esse privata natura, manifeste falsum est de haereditatibus, de mercedibus, de acquisitis per emptionem. Quae autem sophistica interpretatio potest, scilicet de prima occupatione terrae non habentis dominum, vel de occupatione rei, quae in nullius bonis est. Sed de his etiam dico, quod Deus dederit ius terram tenendi, non habentem dominum, sicut scriptum est Genes. 1, (28.): Subiicite terram, dominamini universis animantibus etc.

Folio 11. *Sed iniustitiae genera etc.* ⁴⁵⁾] Prima divisio: Iniuriae sunt duplices, aut quae fiunt inferendo, aut quae fiunt deserendo. Aliae fiunt commissione, aliae omissione. Commissione, id est, quae fiunt dolo, *κακία* est generale ad culpam et dolum, *πονηρία* est speciale ad dolum. Secunda divisio: Iniuriae aut fiunt palam, aut fiunt fraude, de hac concionatur Ioannes (Luc. 3, 14.): Neminem concutiatis, neque calumniemini, id est, nemini fraude clam noceatis.

Maximam autem ⁴⁶⁾,] id est, aliae iniuriae fiunt cupiditate nocendi, aliae metu, aliae ex mera malitia, sine ullo alio affectu, ut caput Catullum*) dicitur: Tantum tibi gaudium in omni culpa est, in quacunque est aliquid sceleris.

Gloria, recte intellecto vocabulo, est approbatio conscientiae propriae, recte iudicantis et aliorum recte iudicantium.

Estne appetenda gloria mandato divino?

Est. Ratio: Bonae conscientiae approbatio est appetenda mandato divino. Gloria est approbatio conscientiae recte iudicantis. Ergo est appetenda. Maior manifesta est, iuxta dictum (1. Tim. 1, 18.): Milita bonam militiam, retinens fidem et bonam conscientiam. Minor manifesta est ex Paulo (2. Cor. 1, 12.): Haec est gloriatio nostra, testimonium conscientiae nostrae.

44) Pag. 550.

45) Haec verba inveniuntur Cic. de offic. I, 7, 23.

46) Haec sunt verba Ciceronis de offic. I, 7, 24.

*) Catull. 91, 9. 10.

Et de hac vera gloria sunt haec dicta (Prov. 22, 1.): Melius est nomen bonum quam argentum et aurum. Et Sirach. cap. 41, (15.) inquit: Cura de bono nomine, est enim durabilius quam magni thesauri auri. Et ad Galat. (6, 4.): Probet unusquisque suum opus, sic habebit gloriam apud sese, non ex aliis, id est, non ex obtreptione aut stulto applausu. Et Augustinus: Bona conscientia mihi opus est propter Deum, bona fama propter proximum. Sic et Paulus inquit: Non sitis Ecclesiae scandalo⁴⁷⁾. Et honestissimum dictum est in Mimis: Honestus rumor alterum patrimonium est⁴⁸⁾. Item: Levis est, nec illum stimulat gloriae decus⁴⁹⁾.

Licetne petere gubernationem Ecclesiae aut reipublicae? Respondeo: Licet, iuxta dictum (1. Tim. 3, 1.): Qui episcopatum desiderat, honestum opus appetit. Est autem honesta petitio sese offerre, et permittere iudicium eligentibus, et honeste faciunt qui sic se offerunt, ut sint noti, et ex turba eligi possint. Vitiosa ambitio seu vitiosa petitio, est in petendo vel corrumpere iudicia, vel quoquo modo pugnare, ut impediatur iudicia. Huc pertinet dictum Pauli (Galat. 5, 26.): Non inanis gloriae cupidi este.

Contra.

Nemo petat impossibilia,
Omnis gubernatio est impossibilis.
Ergo non est appetenda ulla gubernatio.

Respondeo ad minorem: Omnis gubernatio est impossibilis sine auxilio divino, fit autem possibilis, cum ad vocationem accedunt sedulitas et invocatio Dei, iuxta dictum: In me fructum multum feretis⁵⁰⁾. Item (1. Cor. 15, 58.): Labor vester non erit inanis in Domino. Item (Ecclesiastes 11, 1.): Mitte panem tuum in aquam, quia tamen invenies.

*Sed in omni iniustitia etc.]*⁵¹⁾ Distinctio cul-pae et doli. Quid nominatur dolus? Est delictum, quod aliquis sciens et volens facit, ubi peccant simul et mens et voluntas, mens non er-

rans et voluntas contumax. Culpa est delictum, quod etiamsi est contra normam, tamen habet aliquam excusationem, vel quoad mentem quando errat, vel quoad voluntatem.

*Perturbatione aliqua animi.]*⁵²⁾ Ut quando dico, fecit iratus, amore fecit, ebrietate victus fecit, illa non excusant, quamvis metus, qui cedit in virum constantem, excusat. Quando pater promisit stupratori 100 florenos, iudex stupratori non dat actionem.

*Praetermittendum aut defendendum etc.]*⁵³⁾ Duplicia sunt delicta, alia commissionis, alia omissionis.

*Quod dubites aequum.]*⁵⁴⁾ Quicquid fit dubitante conscientia, est iniustum.

*Sed incidunt saepe etc.]*⁵⁵⁾ De iusto ex circumstantia concurrentibus pluribus regulis. Ut in pactis, ut reddas depositum, est regula, est item regula: Neminem laede. Deposuit apud te gladium sanus et repositurus furiosus, ergo non dandus est, quia lex superior: Non occides, praecedit.

De pactis.

Pactum est consensus duorum vel plurium, verbis expressis, ad aliquid honestum dandum aut capiendum. Et honesta pacta servanda esse praecipit lex divina. De iuramento confirmatis praecipit secundum praeceptum (Exod. 20, 7.): Qui vane usurpat nomen Dei, non erit impunitus. De mendaciis etiam sine iuramento loquitur praeceptum octavum (Exod. 20, 16.): Non dices falsum testimonium. Et Levit. 19, (11.): Non facietis furtum, Non mentiemini, Nec decipiet unusquisque proximum suum etc. Item (Matth. 5, 37.): Sit sermo vester, Est, est, Non, non. Deinde praecepta naturalia plurima passim leguntur. De pactis inquit Papinianus: Huius edicti aequitas naturalis est. Quid enim tam congruum est vitae, quam servare homines illa, quae ipsi inter sese pacti sunt⁵⁶⁾?

47) Conf. Rom. 14, 13.

48) Hoc dictum invenitur in P. Syri Mimi ac L. Annaei Senecae sententia 281.; vid. I. Gruteri florilegium ethico-politicum (cui illae annexae sunt) Francof. 1610. 8. p. 168.

49) Senecae Hercul. Oct. Act. II. v. 416.: Levis est, nec illum gloriae stimulat decor.

50) Conf. Ioann. 15, 8.

51) Verba Ciceronis Off. I, 8, 27. In Prolegg. pro iniustitia typogr. errore legitur: iustitia.

52) Cic. Off. I, 8, 27.

53) Ciceronis verba genuina Off. I, 9, 28. sunt: praetermittendae autem defensionis.

54) Cic. Off. I, 9, 30.

55) Cic. Off. I, 10, 31.

56) Haec differunt a Digest. II. tit. 14. de pactis, l. 1. (Corp. iur. civ. ed. Beck T. I. P. I. p. 214.), ubi non Papinianus, sed Ulpianus haec dicit: Huius edicti aequitas naturalis est. Quid enim tam congruum fidei humanae, quam ea, quae inter eos placuerunt, servare?

Sed considerata est particula Honestum. Recte enim dicitur, pacta quae turpem causam habent, non sunt observanda. Ac praesertim hoc sic intelligatur, quae praecipiant facere contra legem Dei, ut cum Phaedrae promittit Hippolytus se facturum quidquid ipsa petivisset, et illa petit incestam consuetudinem, recusât Hippolytus, et recte dicit: Lingua iuravi, et mentem iniuratum gero⁵⁷⁾.

Contra legem divinam nihil velle, nihil petere, nihil promittere, nec promissa facere licet. Ac superior regula hic restringit inferiorem: Nihil velis contra praecepta Dei. Inferior regula est: Serves pacta. Haec regula restringitur tantum ad ea, quae praecepta ac concessa sunt lege Dei.

Cum filii adolescentes aut pupilli mutuo sumunt aes alienum, etiamsi promittunt se soluturos esse, tamen pactio irrita est, quia illa aetas non habet liberum consensum. Hic fit correctio ex definitione pacti, quia consensus deest, ut si furiosus pacisceretur. Sic et consensus deest in promissionibus terrore extortis, ut cum latroni promittitur pecunia, ne vitam eripiat. Haec pactio irrita est, nisi sit sancita iuramento. Nam in iuramento prorsus debet abesse simulatio, et non sunt eludenda promissa violatione iuramenti, quia non sunt facienda mala; ut eveniant bona. Ideo recte docent canones⁵⁸⁾, talia pacta iuramento sancita servanda esse, cum non iurasti te ipsum facturum aliquid contra legem Dei.

Caeterum in iure civili praetor non dat actionem⁵⁹⁾, quia non vult opitulari latroni, et confirmare scelera. Tamen interea sinit illum, qui iuravit, habere rationem suae conscientiae. Haec diligenter considerata sunt, ut intelligatur, aliud spectare canones, qui docent conscientiam, aliud praetorem in iure civili, qui habet rationem publicae pacis.

Haec igitur duae particulae in definitione pacti, consensus et ut promissa sint honesta, interpretantur multas pactiones.

Ad honesta et hic casus pertinet: Deposuit gladium sanus; si repetat furens, non est dandus,

57) Conf. supra p. 459.

58) Conf. Decretal. Gregor. IX. l. II. tit. 24. De iureiurando, cap. 8. (vid. supra p. 460. nota 16.).

59) Conf. Dig. IV. tit. 2. Quod motus causa gestum erit, fr. 1. et Cod. II. tit. 20. De his, quae vi metusve causa gesta sunt (vid. supra p. 460. nota 14.).

quia desinit honestum esse reddere furenti. Inrisconsulti sic dicunt quia res non mansit in eodem statu: Pactio facta est cum sano. Si repetat furens, status est contrarius pactioni de restitutione.

Sed incidunt saepe etc.]⁶⁰⁾ De iusto a circumstantia vel de correctione communium regularum.

Theseus Hippolyto etc.]⁶¹⁾ Pactio cum Theseo fuit irrita, quia in Theseo non fuit consensus, scilicet propter errorem, quia ad consensum requiritur rectum iudicium, et libera voluntas eligens. Theseus enim errabat, putans filium ad concubitum sollicitasse novercam.

Discrimen severae iustitiae et *ἐπιεικείας.*

Duae sunt vicinae virtutes, iustitia severa et *ἐπιεικεία*, et utraque est iusta. Sed *ἐπιεικεία* interdum anteferenda est, et tunc in ea lucet magis bonitas; quae est minus tristis, et homini convenientior, quia magis debemus velle conservationem aliorum, si non sit turpis et pernicioosa, quam exitium, sicut scriptum est de Deo (Iac. 2, 13.): Misericordia superat iudicium. Item (Habac. 3, 2.): In ira misericordiae recordaberis. Et doctrina de *ἐπιεικεία* eo nobis gratior sit, quia Evangelium est dulcissima *ἐπιεικεία* legis divinae, approbat inchoatam obedientiam, quae tamen valde exigua, mendica et squalida est.

Est igitur iustitia severa, quae legem sequitur, non quidem calumniose intellectam, sed retentam in nativo intellectu verborum, sine mitigatione. Ut Torquatus dictator interfecit filium⁶²⁾, quia contra interdictum dimicaverat, quanquam et provocatus fuerat, et patris pietati convenientius fuisset, cum exercitus pro eo deprecaretur, remittere poenam, sic Papirius accusat magistrum equitum Fabium⁶³⁾, quanquam victorem, quod contra interdictum pugnasset, et quanquam ille argumentatur victoriam utilem esse patriae, tamen contra Papirius inquit, nullam victoriam

60) Cic. Off. I, 10, 31.

61) Cic. Off. I, 10, 32.

62) T. Manlius Torquatus consul bello Latino a. u. c. 414. filium, quod contra edictum extra ordinem adversus Latinos, quamvis prospere, pugnasset, securi percussit, vid. Liv. VIII, 7. conf. Pauly Real - Encyclop. T. IV. p. 1492.

63) Conf. supra p. 226. nota 58.

utiliorem esse conservatione disciplinae militaris, postea tamen poenam remittit, cum deprecaretur pro eo populus.

David ius habebat secundum severam iustitiam interficiendi Saulem, item Semeiam⁶⁴⁾, sed repressit se propter graves causas. Augustus Antonio⁶⁵⁾ petenti et offerenti se ad privatum otium noluit donare vitam. Ita saepe iustitia severa est iusta, et ibi summum ius seu ἀκριβοδίκαιον non est iniuria.

Ac sciendum est inter iustitiam severam et calumniosam interpretationem magnum discrimen esse. Est autem calumniosa interpretatio, quando receditur a nativo intellectu verborum, de quo sani et honesti consentiunt, ut pactus 30 dierum inducias, cum noctu populatur agros⁶⁶⁾, recedit a nativo intellectu verborum, quia loquitur de die naturali. Menelaus promittit se non interfecturum esse filium Andromaches, postea dat Helenae⁶⁷⁾ interficiendum. Paches⁶⁸⁾ evocat ducem Arcadicum⁶⁹⁾ ex Colophone⁷⁰⁾, et promittit se eum vivum et incolumem remissurum esse in urbem, capta urbe, reducit eum vivum, sed reductum interficit. Hispanicus praeses in quodam oppido prope Mediolanum, promittit mulieri, cuius maritus erat captivus, si cum ipso concumberet, redditurum se esse maritum. Reddidit postea interfectum. Sed Gonsaga⁷¹⁾ iustum supplicium de hoc Hispano sumpsit. Simile exemplum est apud Augustinum.

Theramenes iniuste accusatus citat legem, quod neminem in catalogum scriptum liceret in-

64) I. e. Simei conf. 2. Sam. 16, 5—13. 19, 16—23.

65) Antonius in pugna navali ad Actium a. 30. a. Chr. devictus ex Aegypto Euphronium ad Augustum in Asiam misit, qui ab eo peteret, ut sibi in Aegypto vel Athenis privato otio frui liceret; at ille hoc recusavit; vid. Plutarch. Anton. 73. 74.

66) Vid. supra p. 400.

67) Non Helenae, sed Hermionae filiae Menelaus filium Andromachae occidendum dedit, auctore Euripid. Androm. 443.

68) Paches, Atheniensium dux bello Peloponnesiaco Ol. 88, 1. a. 438. a. Chr.; conf. supra p. 400.

69) Huic duci nomen fuit Hippiae.

70) Non ex Colophone, sed ex urbe Notio, ubi Colophonii, Colophone antiqua patria ipsius erepta, habitabant, illum evocavit eoque dolo hac urbe potitus est, vid. Thucyd. III, 34.

71) Gonsaga vetus principum Italiae familia inprimis seculis XV. et XVI. celebris.

terficere. Critias⁷²⁾ inquit, facilem esse responsionem, si deleatur eius nomen ex catalogo. Hae sophisticae elusiones et praestigiae non recte dicuntur summum ius, sed nominantur calumniae.

Discernendum est igitur ius summum a calumniis. Sed ἐπιείκεια est mitigatio legis propter probabilem rationem, ut, lex est: Iniuste erepta civibus reddenda sunt⁷³⁾. Thrasybulus victor sancit ἀμνηστίαν⁷⁴⁾, nec cogit erepta restitui civibus, sed fuit probabilis ratio, quia magis consulendum est toti corpori civitatis pace publica, quam privatis commodis aut personis. Ut igitur pax esset, privatas repetitiones prohibuit, quae excitaturae essent nova bella.

Orestes etsi matrem occidit, tamen absolvitur⁷⁵⁾, quia erat probabilis ratio, erat enim vindex paternae necis.

Cum Pompeius Imeraeos⁷⁶⁾ interfecturus esset, prodiit Sthenus⁷⁷⁾ et dixit parcendum esse civibus, et sese ad poenam obtulit, quia causa defectionis fuisset. Pompeius hac ingenua confessione placatus, pepercit et civibus et auctori seditionis.

Cum imperator Cunradus⁷⁸⁾ obsideret oppidum Weinsberg, in quo erat Guelfus dux Bavariae cum coniuge et multis matronis nobilibus, ac tandem peterent mulieres sibi concedi ab imperatore, ut sine ulla iniuria discederent ex arce, in loca tuta, cum rebus quas possent exportare, concessit hoc imperator. Illae tollunt viros in humeros et conantur eos alio gestare extra periculum. Hic poterat imperator disputare non fuisse sententiam pacti; sed delectatus consilio et virtute matronarum, iussit principes portari in

72) Critias minor, unus triginta tyrannorum, qui rerum Athenis potiebantur, vid. Xenoph. Hellen. I, II, c. 3. §. 20—24., vid. supra p. 400.

73) Conf. Petiti leges Atticae p. 363., ubi refertur haec lex post exactos Athenis triginta tyrannos lata: Iudicia arbitrariae quaecunque, libera republica, ex legibus pronuntiat, rata sunt. Acta vero, triginta tyrannis rerum potentibus, et iudicia sive privatim, sive publice reddita, rescinduntur.

74) Conf. supra p. 78.

75) Absolvitur ab Areopago, cf. Aeschyl. Eumen. et supra p. 402.

76) Himeram urbem Siciliae Cn. Pompeius Marianos delens a. u. c. 672. occupavit.

77) Hic Himerasorum orator a Plutarcho in vita Pompeii 10., ubi hanc historiam narrat, Sthenis vocatur, in moral. Stheno, in apophth. Sthenius, ut L. Fr. S. Kaltwasser ad illum locum translat. germ. adscripsit.

78) Conradus III, hanc urbem a. 1140. obsedit.

tentorium, ubi hospitaliter eos excepit, et pacem cum eis fecit. Postea fuerunt imperator et Guelfus socii expeditionis Syriacae⁷⁹⁾, nec aliter nominavit imperator Guelfum quam fratrem.

Antonius triumvir pepercit captivo seni, quem filia in carcere aluerat lacte suo.

Ludovico regi Gallorum, eius nominis duodecimo, erant quidam incitatores, postquam rex factus esset⁸⁰⁾, ut puniret aliquos, qui antea ipsi fuerant inimici, et fuerant suasores, ut in carcerem includeretur, sed respondit Ludovicus iniuriam factam duci Aurelianensi non pertinere ad regem, significans multas iniurias obliviscendas esse, praesertim mutatis temporibus et mutata fortuna.

Talia exempla consideranda sunt, ut discant iuniores, quid significet *ἐπιείκεια*, quae eo diligentius consideranda et magis amanda est, quia Evangelium est ingens *ἐπιείκεια* legis, remittit peccata, sed propter Mediatorem, qui iram in sese derivavit, et factus est pro nobis peccatum, ut nos fieremus iustitia Dei in ipso⁸¹⁾.

Affirmat etiam Evangelium, recipi inchoatam obedientiam, quanquam mutilam, exiguam, mendicam et sordidam. Docet autem quomodo placeat, scilicet fide propter Mediatorem in conversis. Ac in explicatione huius dicti (Matth. 19, 17.): Si vis in vitam ingredi, serva mandata, intelligi *ἐπιείκειαν* necesse est, videlicet iuxta interpretationem seu *ἐπιείκειαν* in Evangelio traditam.

De vindicta et de bello.

Iulianus imperator et alii vituperaverunt Evangelium et scripserunt, absurdum et communi societati perniciosum esse, quia prohibeat vindictam: Matth. 5, (39.): Ego autem dico vobis non resistere malo. Et Rom. 12, (19.): Non vindicantes vosmet ipsos. Inde ratiocinati sunt, politicum⁸²⁾ ordinem, iudicia et legitimas poenas prohiberi, quod esset absurdum.

Monachi sic excusant, dicunt consilium esse, non praeceptum. Sed haec excusatio refutanda est. Nam si subditis non esset prohibita privata

vindicta, liceret unicuique privato in domum alterius, a quo utcumque laesus esset, irrumpere, et vicissim illum privato impetu male mulctare. Huic sequerentur infinitae confusiones.

Item, si tantum consilio moverentur magistratus, liceret eis permittere, ut latrones impune grassarentur. Ita nulla esset societatis civilis defensio. Quare somnium monachorum prosum falsum est.

Furenter errant et anabaptistae, qui dicta illa sic interpretantur, quasi damnent magistratus et iudicia. Nos igitur sic respondemus: utraque dicta, videlicet praeceptum, quod iubet magistratus exercere vindictam, et quod prohibet privatis personis exercere vindictam, non tantum consilia, sed praecepta esse, quia scriptura expresse discernit magistratum a personis privatis. Magistratui mandat, ut exercent vindictam. Rom. 13, (4.): Dei enim minister est, vindex ad iram ei, qui male agit. Sicut enim vult Deus hominum societatem lege regi, ita vult magistratum esse custodem legis et executorem. Sic igitur exercent vindictam, sicut lex praecipit et ordinat iuxta primam et secundam tabulam, id est, defendat magistratus Ecclesias recte sentientes, et reprimat tyrannos, qui bella inferunt Ecclesiae, puniat suae ditionis blasphemos, defendat et in societate civili colentes iustitiam, et reprimat et puniat latrones, praedones, incestos, sicut has causas complexus est rex Alphonsus in suo symbolo, cum pinxit pelicanum fodientem sibi pectus, et suo sanguine alentem pullos, et adscripsit haec verba pro lege et pro grege.

Est igitur legitimum bellum, aut legitima defensio, quae fit vi corporali per magistratus, aut est recuperatio legitima, aut poena legitima, quae fit vi corporali per magistratus. Ut defensio erat, cum Graeci reprimebant Xerxem, aut Romani Hannibalem, Constantinus Licinium⁸³⁾, Maccabaei Antiochum. Recuperatio erat, cum Diou recuperat Syracusas⁸⁴⁾, Thrasybulus Athenas⁸⁵⁾, Alexander civitatibus Ionicis iniuste oppressis restituit libertatem. Poena erat, cum Israelitae intulerunt bellum tribui Benjamin propter stupratam Levitae coniugem⁸⁶⁾.

79) Haec est altera expeditio cruciata Conrado III. imperatore et Ludovico VIII. rege Francogalliae ducibus a. 1147. facta.

80) Hic rex Francogalliae factus est a. 1496.

81) 2. Cor. 5, 21.

82) politicum] Prolegg. typogr. errore habent: politicum.

83) A. 1076.

84) A. 357. a. Chr.

85) A. 403. a. Chr.

86) Iud. 19, 25 sqq. 20, 1 sqq.

Hactenus dixi praeceptum esse magistratibus, ut iuxta legem certo ordine vindictam exercent, contra singulos latrones, aut multos. Sed privatas personas vult Deus ordine et officio magistratuum defendi, non vult quemlibet sibi iudicem et vindicem esse et irrumpere in alienas domos, aut movere seditiones. Quare dicta prohibentia vindictam, ad privatas personas pertinent, et prohibent omnem vindictam, quae non est mandata et ordinata lege Dei.

Sic igitur respondendum est de dictis illis (Rom. 12, 19.): Non vindicantes vosmet ipsos, scilicet privata vindicta, hoc est, non ordinata lege Dei. Et huc pertinet dictum (Rom. 12, 19.): Mihi vindictam, et ego retribuam, scilicet aut per me immediate, ut punitur Pharaos: aut mediate per magistratum ut punitur Catilina per Ciceronem, Antonius per Augustum, Astyages per Cyrum. Nam et vindicta, quam legitime exercet magistratus, est Dei opus, qui eam mandat, ordinat, adiuvat et tuetur.

Hinc leges belli sumuntur, quando iusta et necessaria sunt bella; deinde quis modus et finis esse debeat; item quae sint concessa contra legitimos hostes, quae non concessa.

Leges belli.

Scriptum est (Ezech. 20, 19.): In praeceptis meis ambulate. Nec cessat lex Dei inter hostes, ut quanquam sponsa alterius adducta ad Scipionem capta est ex hostibus⁸⁷⁾, tamen manet lex divina: Non moechaberis. Nec bellum tribuit ius Scipioni attingere alterius sponsam. Sic Consalvus⁸⁸⁾ Genuae iuste fecit, qui cum domum, in qua miles praedam quaerens etiam matronam cogere voluit ad adulterium, praeteriret, audiens eiulatum mulieris, ingressus est in domum, et audita querela honestae matronae, militem sua manu interfecit. Alexander iussit Timocleam liberam esse, quae interfecerat unum ex tribunis militum, qui eam ad adulterium cogere conatus erat.

Cum in bello 1546. Alexander Farnesius quaedam inter matronas nobiles inhoneste fecisset, Carolus imperator sic exarsit ira, ut gladium

⁸⁷⁾ Conf. supra p. 189. nota 66.

⁸⁸⁾ Hernandez y Aquilar Gonsalvo, ob eximiam belli peritiam et multas res egregie gestas el gran Capitano (magnus dux) cognominatus, 1502 et 1503 in Italia exercitum duxit.

strinxerit et diceret; se sua manu illum interfectorum esse, si adesset, ac iussit statim ei mandari, ut ex Germania discederet.

Sciendum est igitur legem divinam inter hostes non cessare. Ideo initio non moveatur bellum, nisi lege Dei cogente, sicut lex Dei cogit latrones et seditiosos reprimi, et supplicio affici, ut Deuteron. 19, (13.): Non parcas ei.

Maxime autem perspicua causa belli gerendi, est casus verae et non simulatae defensionis. Ut Graeci gerunt bellum contra Xerxen necessaria defensione, Romani contra Hannibalem, Iudaei contra Antiochum, ideo scriptum est Rom. 13, (4.): Magistratus Dei minister est vindex ad iram facienti malum.

Teneatur ergo regula, leges divinas servandas esse erga hostes. Quare eatenus tantum licet nocere hostibus, quatenus lex Dei concedit, ut lex Dei iubet hostem iniuste pugnantem reprimi aut puniri, talem licet occidere, et facultates ei eripere, quae sunt aut fuerunt instrumenta ad iniuste nocendum. Ibi et rerum translatio in bello legitimo est iusta, sed donec vivit hostis, manet vinculum coniugii divinum (Math. 19, 6.): Quos Deus coniunxit, homo non separet. Celebratur ergo factum Totilae Gothici regis⁸⁹⁾, qui post victoriam in Italia multas honestas matronas et virgines, et adolescentulos captivos remisit parentibus et maritis.

Alia regula.

Quando hostis petit pacem, servandum est ius supplicum, suntque supplices, qui aut nihil peccarunt, et deprecantur manifeste iniustam violentiam, aut qui peccarunt, faciunt tamen ditionem, et offerunt se ad poenam et petunt mitigationem propter probabilem causam, quia aut error fuerit aut paucorum temeritas. Talibus vult parci Deus, et hoc ius supplicum sancit lex Dei Deuteron. 20, (10. 11.), ubi primo iubet offerri pacem, et deditibus se parci. Item Deuteron. 24, (16.): Filius non portabit iniquitatem patris, sed unusquisque propter proprium delictum puniatur.

Sic et ethnici ius supplicum religiose servabant. Et Lacedaemonii vituperati sunt, quod

⁸⁹⁾ Ostrogothorum, quorum regnum in Italia 493 — 554 stetit, rex fuit Totila 540 — 552.

Plateenses post deditionem interfecerunt⁹⁰). Contrarium fecerunt Brettani, in bello Bavarico, qui vicinos captos 300 dimiserunt omnes, non solum illaesos, sed etiam gratis sine lytris propter viciniam, et cum dimitterent, nihil aliud petiverunt, nisi ut huius beneficii memores essent in simili vicinorum fortuna.

Et adhuc in ipsis praeliis servatur hoc ius, ne vita eripiatur dedititiis⁹¹), ut in monomachia San Severinatis⁹²) et comitis de Sonnenberg victor Germanus pepercit San Severinati dedititio.

Ex his regulis, et ex regulis de iure supplicum, sequitur regula de moderatione et fine bellorum, et regula omnium dulcissima est Cyri apud Xenophontem lib. 5.⁹³): Sic agendum est, ut quam minimum sit belli etc., id est, non laedantur homines, nisi quos reprimi necesse est, et eodem loco⁹⁴) narrat Xenophon, edicta proposita esse a Cyro, ut parceretur agricolis, ne agricultura impediretur.

Et narratur factum Friderici Palatini⁹⁵), qui tribus principibus captis, in prima coena, cum alioqui splendide excepti essent, non dedit panem, captivis interrogantibus causam, respondet eos inhoneste fecisse, quod sine necessitate vastassent agros.

Est igitur regula ex iure supplicum nata, deditos populos aut exercitus non interficiendos aut perdendos esse, causas etiam ducum a populi errore discernendas esse, ut Sthenis monuit Pompeium. Cum enim Pompeius omnes Himeraeos interfectorus esset, prodiit Sthenis, et dixit se fuisse suasorem belli, nec esse defectionem a populo ortam, quare sese ad poenam obtulit, et populo parci oravit⁹⁶).

⁹⁰) Quinto belli Peloponnesiaci anno 427. a. Chr., vid. Thucyd. III, 52. 66.

⁹¹) dedititiis] Prolegg. typogr. errore habent: dedititiis.

⁹²) San Severinatis] in Prolegg. typogr. errore: San Severinatis. — Nomen proprium huius nobilis viri est Sanseverine, conf. Zedler: Universal-Lexicon T. XXXIII. p. 2050 sqq.

⁹³) Xenoph. Cyrop. I. V. c. 4. §. 26. ed. Bornemann (§. 13. ed. Thieme).

⁹⁴) Xenoph. Cyrop. I. V. c. 4. §. 24 sq. ed. Bornemann (§. 12. ed. Thieme).

⁹⁵) Fridericus Comes Palatinus, qui a. 1544. fratri Ludovico mortuo in Electoratu successit.

⁹⁶) Vid. supra p. 564.

Alia regula.

Est et defensionis modus, ne cum natura pugnetur, sed cum hostibus, ut de Anaxilao scribit Xenophon⁹⁷), qui Byzantii deditionem fecit, cum iam videret multos fame mori, postea accusatus in iudicio Spartano, quod urbem sibi commendatam tradidisset hostibus, respondit, se defensis, donec cum hostibus bellum esset, postquam vero vidisset bellum esse cum natura, et perire eos, quibus in bello parci solet, iudicasse se finem belli esse. Hac honesta excusatione audita iudices eum absolverunt.

Hic agitur haec quaestio: *An politicus magistratus debeat tollere impios cultus, et punire blasphemos et haereticos*⁹⁸).

Respondeo: Debet tollere apud subditos, ita lex divina praecipit de subditis in Israel, et in iis locis, in quibus habebant Israelitae iurisdictionem, non praecipit ut omnibus gentibus inferant bella propter idola, sed si quando bellum oriebatur ex quacunque causa cum vicinis, et Israelitae erant victores, potiti urbe, postea etiam debebant tollere idola, quia tunc urbs illa erat subdita, idque ita servabatur, neque tamen urbes vicinae, quae fuerant ethnicorum, cogebantur recipere circumcisionem et ritus Mosaicos, sed tantum tollebantur idola, et imponebatur decretum, quod in Actis recitatur cap. 15, (19. 20.), quod postea imitati sunt Apostoli. Non aliquid novi constituerunt, sed propter commoditatem retinuerunt praesentem consuetudinem, sicut nos festorum ordinem propter commoditatem sine superstitione retinemus.

Etsi autem praeceptum Dei manifestum est de tollendis idolis apud subditos, et puniendis blasphemis et haec moralia pertinent ad omnia tempora, tamen aliqui reclamant, qui dicunt magistratui politico nihil esse negotii cum prima tabula. His respondendum est, magistratus non tantum est armentarius et custos ventris, sed potius ac primum est custos legis, et quidem utriusque tabulae, quod ad⁹⁹) externam disciplinam attinet, iuxta haec dicta (1. Tim. 1, 8.): Lex est bona legitime utenti. Item (Psalm. 24, 9.): Ape-

⁹⁷) Xenoph. Hellen. I. I. c. 3. §. 12. ed. Thieme.

⁹⁸) Conf. de auctoritate principum tractatus in Mel. philosophiae moralis epitome, p. 85—105.

⁹⁹) ad] Prolegg. typogr. errore: ab.

rite portas principes vestras, et aperiimini portae mundi, et introibit rex gloriae.

Secundum argumentum.

Qui non est iudex, non debet punire, quia cognitio debet antecedere poenam.

Magistratus politicus non est iudex dogmatum. Ergo non puniat.

Respondeo: Magistratus politicus solus non est iudex, sed sit pars Ecclesiae, et cum ea iudicet controversia recte inquisita, et consideratis fontibus et iudiciis recte docentium in Ecclesia, non sit tyrannus procedens sine legitima cognitione, non sit Midas, qui habet aures asininas, id est, vel nihil intelligens, vel avidus calumniarum, vel stulte credens quibuslibet fabellis, vel fascinatus usitatis erroribus.

Postquam autem controversia rite cognita et audita est, et iudicata per Ecclesiam, singula membra Ecclesiae debent facere quae sunt proprii officii, paterfamilias domo eiiciat filium blasphemum, dominus servum, ut Paulus inquit 1. Corinth. 5, (9—11.): Ne sit familiaritas cum idololatriis, sic et magistratus blasphemum vel haeticum vel eiiciat civitate, vel interficiat pro atrocitate sceleris. Ac prorsus congruit similitudo de paterfamilias in oeconomia, et de magistratu in politia, quia magistratus debet esse membrum Ecclesiae, sicut quilibet paterfamilias suo loco.

Tertium argumentum.

(Matth. 13, 30.): Sinite utraque crescere.

De hoc dicto respondeo, non prohiberi officia, sed confusionem officiorum. Qui manifestum est, severissime mandatum esse, ut ministri Evangelii refutent errores docendo, sicut Paulus iubet ad Titum 1, (13.): Argue eos severe, ut discant sani esse in fide etc. Et de politico magistratu manifeste praeceptum est, ut puniat blasphemos.

Haec manifesta mandata addunt interpretationem dicto Christi, ut intelligamus prohiberi confusionem officiorum. Ecclesia doceat et iudicet, non utatur vi corporali. Magistratus politicus neque tyrannus sit, neque Midas, sed audiat Ecclesiam, intersit cognitioni, tanquam membrum Ecclesiae, sicut interfuerunt Constantinus, Theodosius, Martianus etc.

Quartum argumentum.

Fides est in mente.

Magistratus non iudicat de mente, sed de externis factis.

Ergo magistratus non debet punire errorem mentis.

Respondeo: Concedo totum, quia magistratus non punit errorem mentis, sed externam blasphemiam, sicut praeceptum est Levit. 24, (14.). Sicut non punit in mente odium, sed externam laesionem, sicut dicitur: Cogitationis poenam nemo patitur¹⁰⁰).

Erant Noribergae pictores, qui cum haberent enthusiasticas opiniones et imaginationes de violentis raptibus, passim dicebant, se nondum credere symbola, sed expectare violentos raptus. Hos senatus iussit ex urbe discedere, nolens habere cives professione publica negantes, se credere symbola, ac iuste fecit senatus. Etsi enim fides accenditur Deo trahente, tamen Deus volentem trahit, et repugnantem diffidentiae. Ut moechus cogitans legem Dei, debet et potest externum delictum omittere, debet etiam volens petere, ut a Deo trahatur, repugnare cupiditati, non confirmet incendium indulgendo, ut dicitur: Ipse alimenta sibi maxima praebet amor. Item (Ecclesiastic. 3, 27.): Qui amat periculum, peribit in illo: Item: Vitare peccata est vitare occasiones peccatorum¹). Sic Nicodemus debet et potest omittere externas blasphemias, et debet profiteri, se velle credere et petere, ut fides accendatur et augeatur, ac tunc volens trahitur, sicut Basilius inquit: Tantum velis, et Deus praecurrit*), et in libro Sapientiae dicitur: Sapientia antevertit expetentem se²), id est, non cogitet se expectatum esse violentos raptus. Et cum verbo Dei se sustentat, iam habet initia fidei, et dicat ut ille apud Marcum (9, 24.): Credo Domine, sed fer opem imbecillitati meae. Item apud Hieremiam (31, 18.): Convertite me, et convertar etc.

Quintum argumentum.

Assensio extra demonstrationes et sensus ac principia, non potest externa coactione men-

100) Cum hoc Ulpiani dicto conf. proverbium: Gedanken sind goldfrei, et similia, quae J. Eiselein: die Sprichwörter u. Sinnsreden des deutschen Volks p. 213. affert.

1) Conf. Proverbium nostrum: Gelegenheit macht Diebe.

*) Conf. supra p. 193.

2) Conf. Sap. 7, 12.

tibus imprimi, ideo Paulus inquit (2. Cor. 1, 23.): Non dominamur fidei vestrae.

Ergo magistratus neminem debet cogere ad credendum.

Respondeo: Concedo totum, non enim cogit mentem, sed locomotivam, cogit ut audiat veram doctrinam, prohibet externam blasphemiam, postea auditor debet et potest aliquo modo velle cognoscere veritatem simul etiam petat ut trahatur a Deo, non indulgeat indiffidentiae, ut indulget Saul, sed intuens verbum Dei, sustentet se eius cogitatione, et repugnet diffidentiae, simul in hac ingenti lucta petat se a Filio Dei iuvare, sicut dicitur (Matth. 11, 28.): Venite ad me omnes qui laboratis et onerati estis, ego reficiam vos. Item (Luc. 11, 13.): Quanto magis dabit Pater coelestis Spiritum sanctum petentibus. Item (Matth. 7, 7.): Petite et accipietis.

Ac nos quidem a verbo revelato ordiri debemus, non quaeramus alias speculationes extra verbum, sciamus Filium veracem legatum esse aeterni patris.

De dicto, vim vi repellere natura movet etc.

Bestiae naturali inclinatione repellunt violentiam, quia cuilibet naturae insita est a Deo appetitio conservandi sese: in homine autem duae res movent ad depulsionem iniustae violentiae, *σφογγή*, quae est appetitio conservationis sui, altera res est notitia, quae docet, quomodo haec *σφογγή* regenda sit, et docet genus humanum sic conditum esse, ut conservetur aequalitas.

Sunt autem notitiae naturales leges naturae, quae sunt radii sapientiae Dei, sparsi in mentes, ut sint testimonia de Deo, ostendentia discrimen inter iusta et iniusta.

Verum est igitur dictum, vim vi repellere natura concedit, sed notitia naturalis docet intelligendum esse certo modo, vim iniustam repellere licet vi ordinata, scilicet officio magistratus, cum eius auxilio uti potest, aut manu propria, si desit magistratus, ut si quis incidat in latrones. Nec Evangelium delet naturalem notitiam, non abolet politicum ordinem, cum dicit (Rom. 12, 19.): Non ulciscentes vosmet ipsos, sed magis munit politicum ordinem, quia docet petere defensionem a magistratu, et prohibet seditiones.

C o n t r a.

Paulo non licet arma capere contra Neronem. Ergo doctrina Evangelii improbat hoc dictum.

Respondeo: Dictum intelligatur de ordinata defensione. Paulus erat defendendus per magistratus, sed ipsi non est concessum seditionem movere: et in dicto, vim vi repellere licet, intelligatur vi ordinata, non per seditionem.

C o n t r a.

Etiam contra magistratum licita est defensio, ut Marius laudavit militem comprobante universo exercitu, qui se defenderat contra tribunum militarem cognatum suum. Praefectus Austriacus*) Hilli filio pomum imposuit capiti et iussit patrem id pomum iaculando ferire. Hillus**) pomum sagitta deiecit illaeso filio, postea sagitta altera petit praefecti pectus, et eum interfecit. Hoc fuit initium Helveticae libertatis.

Alexandrum Phaereum, qui solitus fuerat homines insuere in pelles ursorum, et canes contra eos incitare, interfecit uxor manibus fratrum.

Traianus constituens praefectum praetorii, dedit ei ense cum his mandatis: Hoc ense pro me utaris iusta faciente, contra me utaris, si iniusta fecero³⁾.

Respondeo: In politicis negotiis, quia haec ratione iudicari possunt, cum iniuria manifesta et notoria est et atrox, licet uti defensione etiam contra magistratum, ut in iure scriptum est, etiam consulem in adulterio deprehensum iuste interfici a patre mulieris⁴⁾. Sed cum iniuria non est notoria, aut etiamsi est notoria, cum non est atrox, nihil violenter faciendum est contra magistratum, quia in hac infirmitate hominum etiam boni gubernatores interdum hallucinantur, et ta-

*) Gesslerus.

**) i. e. Guil. Tell, qui hoc fecit a. 1307.

3) Haec spectant ad illa verba Dionis Cassii Nicaei in vita Nervae Traiani: Cum tribunatum militum ei [Surae] traderet, parazonium quo pro dignitate accingendus erat, nudum ei porrexit, ac Talem, inquit, ense accipe, quem pro me ita demum strinxeris, si iuste imperavero; quod si perperam quicquam per me fieri cognoveris, eo in perniciem meam utaris velim. (vid Caesarum vitae post Suetonium Tranquillum conscriptae, Lugd. 1551. 16°. p. 17 sq.)

4) Paulli receptarum sententiarum (cura L. Arndts) l. II. tit. XXVI. de adulteriis, §. 1. Capite secundo legis Iuliae de adulteriis permittitur patri, tam adoptivo quam naturali, adulterum cum filia cuiuscunque dignitatis domi suae vel generi sui deprehensum sua manu occidere. (Corp. iur. Romani Antejustiniani ed. Böcking etc. Fasc. I. p. *84.) Conf. W. Rein: das Criminalrecht der Römer von Romulus bis auf Iustinianus p. 843.

lium errata toleranda sunt, ut Aristoteles inquit 2. politicorum, quaedam errata legum et gubernatorum toleranda esse⁵⁾.

Sed tamen discrimen teneatur inter tyrannum mediocrem magistratum, et inter atroces iniurias, et non atroces in negotiis politicis.

An cum dictum sit (Luc. 6, 35.): *Mutuum date, nihil inde sperantes, tollantur contractus inter Christianos?*

Cum supra dictum sit, distinctionem dominiorum iure divino sancitam esse in praecepto: Non furtum facies, et tamen haec vita talis sit, ut alii aliorum rebus et laboribus indigeant, quaestio est, quomodo fiat communicatio.

Respondeo: Fit per contractus certo ordine. Vocabuli definitio usitata haec traditur: Contractus est ultro citroque obligatio, orta ab expresso consensu: seu est legitima pactio seu expressus consensus, ex quo oritur obligatio, germanice *handlung* vel *bewilligung* vel *verpflichtung*, graece *συνάλλαγμα* a rebus quae transferuntur utrinque, vel quae conferuntur ad translationem.

Usitate autem numerantur contractus novem: emptio, mutuatio, donatio, permutatio, commodatum, locatio, oppignoratio, *ἐμφύτευσις*, depositum.

M u t u a t i o.

Mutuatio est contractus, in quo pecunia vel res utilis, cuius usus est consumptio, transfertur gratis, officii causa in alterum, quoad dominium, sed ita ut sit obligatus, ut post aliquod tempus reddat non idem individuo, sed tantundem in numero, pondere et mensura.

Quare inseruntur particulae gratis et officii causa?

Respondeo: Ut excludantur pactiones usurarum, et mutationes damnosae.

Est autem usura, lucrum, quod ultra sortem accedit propter officium mutationis.

Prohibet autem lex divina petere et accipere usuram, quia cum vita sine mutuis auxiliis esse non possit, iuxta dicta *χείρ χεῖρα νίπτει, δάκτυλος δὲ δάκτυλον. Σώζει δὲ ἀνὴρ ἀνδρα, καὶ πόλις πόλιν*⁶⁾, item, *δεῖται χερὸς μὲν χεῖρ καὶ*

5) Aristot. Polit. I. II. c. 5. §. 12. ed. Stahr: *ὅταν γὰρ ἢ τὸ μὲν βέλτιον μικρόν, τὸ δ' ἔλαττον εὐχερῶς λύει τοὺς νόμους φαῦλον, φανερόν ὡς ἐλάττον ἐνίας ἀμαρτίας καὶ τῶν νομοθετῶν καὶ τῶν ἀρχόντων.*

6) *Conl. supra p. 154.*

ποὺς ποδός. Vult Deus in commutatione servari aequalitatem ordinatam in praeceptis (Exod. 20, 13—15.): Non occides, Non moechaberis, Non furtum facies. De hac ordinata aequalitate inquit (Matth. 19, 19.): Dilige proximum tuum, sicut te ipsum. Item: Quod tibi non vis fieri, alteri ne feceris.

De hac ordinata aequalitate intelligatur et definitio: *δικαιοσύνη ἐστὶ κοινωνία θεοῦ μετὰ ἰσότητος.* Aequalitas autem sit talis, ne quis alteri sit efficax causa damni, ut cum emens agrum dat pretium legitimum, servatur aequalitas, etiamsi possidens agrum aliquot annos plus inde accipit. Dedit enim pretium legitimum, quo venditor agrum alium, aut rem pariter utilem emere potest, ac postea emptor longis annorum spatiis amplius accipit, non ex alieno, sed ex suo; ut cum cineres emit parvo in Livonia, et magno vendit in Anglia: debetur enim accessus propter laborem et sumptus transvectionis, et potest fieri, ut res ipsa propter usum maiorem alibi pluris fiat.

In emptione igitur rei translatio fieri potest propter lucrum, quia empto agro, postea non ex alieno, sed ex meo accipio lucrum, item procul vehens rem parvo emptam, debet habere sumptus et pretium laboris. In mutatione fit translatio rei quae consumitur usu, ut frumenti mutuatio ad usum. Quia ergo res usu consumitur, aut sua natura nihil gignit, aequalitas est, ut tantundem reddatur, quantum datum est, non plus, quia, si plus redderetur, id accideret pro nihilo, et exhauriretur reddens, sicuti videmus magnis usuris exhauriri totas gentes, quia pro nihilo redduntur. Item, Nemo debet lucrum accipere ex non suo, res data mutuo desinit esse dantis. Ergo non plus reddendum est. Sic igitur ordinata est mutuatio lege divina, ut sit officium; officium autem neque damnium, neque lucri captatio esse potest.

Sint igitur hae demonstrationes fundamenta in hac doctrina, et adiungatur lex Dei. In emptione et venditione servatur aequalitas, quia uterque aliquid accipit, et est rerum facta exaequatio, etiamsi postea tempore emptor sumit plus, aut venditor sumit plus, propter suos labores, et sumptus, quia et emptor et venditor sumunt plus ex proprio. Ergo talis emptio et venditio est iusta.

Altera demonstratio.

Officium debet esse gratuitum.

Mutuatio est officium, non captatio lucri, quia captaretur pro nihilo, cum sors sit salva, item captaretur ex alieno.

Ergo non est plus dandum.

Etsi autem hae demonstrationes verae sunt, et lex divina intra has metas iubet manere homines: tamen extra eas erupit hominum cupiditas, et captat ex officio lucrum, poscit usuras. Hanc cupiditatem etsi leges ethnicae frenarunt, et non plus permiserunt quam poscere centesimas, id est, quae centesimo mense aequant sortem, tamen multorum avaritia etiam has leges violavit, ut scribit Cicero Salaminios solvisse Bruto 4 centesimas 7).

Excogitatae sunt et usurae usurarum, quas nominant ἀνατοκισμὸν⁸⁾, cum videlicet propter non numeratas usuras postulabantur novae usurae, et hae crescebant vel cumulabantur sine modo.

Saepe autem revocata est lex de centesima, ut a Lucullo in Asia, ubi scribit Plutarchus⁹⁾ magnitudine usurarum ita exhaustos fuisse homines honestos, ut vendere filios et filias cogentur. Hac iniustitia abolita, Lucullus restituit legem de centesimis. Et Cicero eam in Cilicia restituit¹⁰⁾, postea restituerunt Iulius et Augustus, ac postea mitigavit eam Iustinianus.

Fit igitur mentio centesimae et in libris iurisconsultorum, et passim in historiis. Et quidem centesima nominabatur As usurarum¹¹⁾, unde postea sunt partes assis in Codice de usu-

7) Vid. Ciceronis epist. ad Atticum V, 21, 11. ubi Attico scribit, M. Scaepium, Bruti familiarem, a Salaminis ex syngrapha postulasse quaternas centesimas (i. e. 48 pro cent.); conf. supra p. 493. nota 4.

8) Cicero l. l. commemorat centesimas cum anatocismo anniversario. Ernesti in clavi Ciceron. hanc vocem sic explicat: anat. anniv., cum solvuntur usurae usurarum, sed earum tantum, quae singulis annis solutae sunt pro sorte, non pro usuris. Tamquam si quis accipiat mille florenorum usuram pro sorte, anniversarius anatocismus est, cum postero anno, adiectis mille florenis ad caput, capiantur 50 floreni amplius, 1050, tertio 1100, quarto 1150 etc., nulla autem usura solvitur anno tertio pro illis 50 florenis, qui ad caput pro usuris usurarum accesserunt.

9) Plutarch. Lucull. c. 7.

10) A. 703 et 704 a. u. c., quum praesul huius provinciae esset, conf. eius epist. ad Att. V, 21. VI, 1.

11) Scil. as pro centenis in singulos menses solvendus, unde sunt duodeni in annum. Conf. Adam Handb. d. röm. Alterth. übers. v. J. L. Meyer. T. II. p. 346.

ris¹²⁾, semissis usurarum, triens et aliae partes. Et apud Esdram lib. 2.¹³⁾ cap. 5, (11.): Nehemias praecipit reddi usuras, quas in mutuo poscebant, illi qui Iudaeis mutuo dederant frumentum, pecuniam, aut alia, et ibi expresse nominantur centesimae.

Notae sint autem prohibitiones primum in Mose traditae Deuteron. 23, (19.): Non sumes usuram a fratre tuo pro pecunia, frugibus, aut quacunque re alia. Ab alieno sumes usuram, a fratre autem tuo non sumes. Et Levit. 25, (36.): Non accipias usuras a fratre, nec amplius quam dedisti.

Sed duae quaestiones agitantur hic vicinae: *An ratione eius quod interest, aliquid debeat et peti possit.*

Hic vocabulum interesse recte intelligatur, quod significat deberi compensationem damni accepti, vel cessantis lucri. Nam interest eius qui damnum accepit, sarciri damnum. Est autem accidens aliorum contractuum, et naturali iudicio debetur id quod interest, sive sit expresse promissum sive non, quia dans efficacem causam damni alteri, debet id sarcire iuxta praeceptum: Non furtum facies, item iniustum est cum damno alterius locupletari, scilicet si des efficacem causam damni, et iniustam alteri. Item, Peccatum non dimittitur, nisi ablatum restituatur. Ut si tibi dedi mutuo 20 loachimicos, ut reddas Calendis Maii: si non reddas, et ego propterea damno afficiar, hic interest ut fiat compensatio, id nominatur interesse, quod quidem iure naturali debetur, ex praecepto: Non furtum facies.

Sit igitur haec conclusio: Ratione eius quod interest, iustum est petere compensationem damni. Ac non dubium est de damno post moram, id est, quod accepit dans mutuo, propterea quod constituto termino non est redditum quantum debebatur, quia dans efficacem causam damni, debet facere compensationem, iuxta praeceptum: Non furtum facies.

Altera quaestio est de pactione eius quod interest ante moram, ubi vocabulum *Interesse* videtur plerumque praetexti ad excusandas usuras.

Hic primum respondeo, regulam iurisconsultorum bonam esse, si sit interesse non sophi-

12) Cod. IV. tit. 32. de Usuris, l. 26. (Corp. iur. civ. ed. Beck T. II. P. I. p. 377 sq.).

13) Esdra lib. 2. j sic in Prolegg. secundum Vulg. Nehemiae liber nominatur.

sticum, tunc deberi compensationem, id est, si quis efficacem causam damni dederit. Est autem mutuatio iam discernenda, altera est officiosa, altera est damnosa.

Mutuatio, quae proprie officium est, est cum honestus homo honesto homini indigenti ad honestas causas dat mutuo talem summam, qua sine notabili detrimento suo carere potest, et constituit certum terminum solutionis, et accipiens, bona fide reddit in termino constituto, ut Tobias dat indigenti Gabelo mutuo 10 talenta et recipit syngrapham, et is tantundem reddit, nec amplius¹⁴⁾.

De hac officiosa mutuazione simpliciter servandum est dictum (Luc. 6, 35.): Mutuum date, nihil inde sperantes. Loquitur enim Christus de officio inter cives, sicut lex Moisi ante praeceperat. Credibile est multos Iudaeos nec erga cives servasse leges. Retrahit igitur Christus suos ad vocem legis. Et habet lex rationem naturalem. Officium quod volens ultro praestat sine suo incommodo, nequaquam debet esse captatio lucri: dans mutuo volens sine suo incommodo, ac recipiens ad certum tempus quantum dederat, vult existimari officiosus, ergo non debet amplius petere¹⁵⁾, alioqui nomen officii transfertur ad insidias, et ad avaritiae praetextum. Vult igitur lex Moisi inter cives hoc officium gratuitum esse, quia civis in communicatione rerum, quae communicari possunt, plus obligatus est civi, quam peregrino et hosti, sicut lex Deuteron. 15, (2. 3.) vetat anno 7. peti debitum a cive; sed a peregrino expresse concedit. Item praecipit Hebraeorum servum dimitti, natum in alia gente non oportebat dimitti. Ita multa sunt officia, quae Deus vult cives civibus praestare, quae non necesse est hostibus aut peregrinis praestare. Qui igitur utrinque sunt membra Ecclesiae, sint sine captatione lucri et sine usura: ut si pius homo vere egens petiverit ab alio dari mutuo frumentum aut pecuniam, et non egens illi dederit mutuo volens et certo tempore receperit, nihil petat amplius, quia Deus sic praecipit de mutuazione, quae est officium inter cives, quod debet esse gratuitum et sine insidiis.

Alia est damnosa mutuatio*), ut cum mercator a tenuiore petit magnam pecuniam sibi mutuo

dari, quia ille tenuior carere suo non potest sine incommodo, et aut non constituitur tempus solutionis certum, aut nimis longum. Hic manifestum est mutuacionem alteri damnosam esse. Ut autem mutuatio non debet esse captatio lucri, sic danti mutuo non debet esse damno. Et iniustum est velle locupletari cum iniuria alterius. In tali casu iuste petitur interesse, id est, compensatio damni, mediocri aestimatione.

Sunt et mutuaciones damnosae, cum principes petunt magnam pecuniam a subditis, quae sine detrimentis subditi carere non possunt et nulla constituunt tempora reddendi, cum ad naturam mutuacionis pertineat constitui certum tempus ad reddendum. Tales mutuaciones similes sunt illi generi, de quo lex divina loquitur, cum concedit usuras peti a peregrinis. Non est enim ibi officii ratio, quia nec dans mutuo prorsus sponte id facit, nec facit virtute, ut illi egenti opem ferat, et accipiens multo plus petit, quam quantum sine compensatione alter sustinere possit. Talis contractus certe non est officiosa mutuatio, ut quidam disputarunt esse innominatum contractum: Do ut des, quia hoc deest, quod ad naturam mutuacionis pertinet, ut ad certum tempus sors reddatur.

Cum autem petitur compensatio damni, sit aestimatio mediocris restricta legibus, non petantur centesimae aut tricesimae aut usurae usurarum etc.

Alius est contractus societatis, cum alius confert pecuniam, alius operam, et vicissim petit collocans pecuniam certum lucrum, sic tamen, ut et damnorum sit societas, ne sit leonina societas¹⁶⁾. Talis societas est, cum opulentus collocat suam pecuniam, aut tutores collocant pupillorum pecuniam ad certas emptiones et venditiones, cum pacto certi lucri etc.

Expresse enim et in Codice et in Institutionibus approbata est haec societas, in qua alter confert pecuniam et salvo capitali petit lucri partem, alter operas confert¹⁷⁾. Verba haec sunt in Institutionibus¹⁸⁾: Nam et ita coiri posse societatem non dubitatur, ut alter pecuniam conferat, alter non conferat, tamen¹⁹⁾ lucrum inter

14) Tob. 1, 16. 17. 4, 21.

15) petere] Prolegg. typogr. errore: perere.

*) mutuatio] Prolegg.: mutatio.

16) Conf. supra p. 258. nota 8.

17) Conf. supra p. 141 sqq. 258 sqq.

18) Instit. III. tit. 25. de Societate, §. 2. (Cod. iur. civ. ed. Beck T. I. P. I. p. 89.).

19) tamen] sic Prolegg.; in Instit. scriptum est: et tamen.

eos commune sit, quia saepe opera alicuius pro pecunia valet.

Sed quaestio est, an in societate liceat pacisci, ut nihil sustineat damni, qui pecuniam contulit, sed habeat salvum capitale, etiamsi alter nihil lucratur.

Hic contractus usitatus est apud mercatores. Est autem re ipsa mutuatio²⁰⁾, non societas, ubi haec pactio fit, ut sit salvum capitale, etiamsi alteri perit pecunia sine sua culpa. Nam ad naturam societatum pertinet damnorum exaequatio: et hanc societatem, in qua alter nihil debet periculi sustinere, clare improbat lex in Digestis de Socio²¹⁾, ubi Cassius inquit, leoninam societatem esse, ubi alter tantum lucra, alter tantum damna sentit.

Ideo autem danti mutuo reddi necesse est, sive culpa, sive sine culpa mutuum pereat, quia mutuum fit accipientis, et accipienti perit, quod iam ipsius fuerat proprium, nec tollitur ius alterius, qui dederat mutuo. Talis enim est natura contractus. At in vera societate quilibet socius manet dominus pro proportione: ut cum plures eundem fundum communiter tenent, perit pars cuiuslibet pro proportione.

De venditione et emptione.

Venditio et emptio sunt contractus, in quo obligat se vendens ad tradendam mercem alteri, videlicet ementi, atque ita ad transferendum dominium et possessionem mercis pro certo pretio, et vicissim emptor obligat se ad dandum pretium, et ut merx fit ementis, ita pretium fit vendentis, nec licet emptori repetere pretium.

Nominantur autem substantialia venditionis et emptionis, merx, pretium et consensus: credo recte addi posse traditionem de re corporali.

Extant exempla emptionum et venditionum, Abrahae, Iacob, Davidis, Hieremiae, quae et hunc contractum et alios legitimos contractus ostendunt concessos esse Christianis, iuxta regulam: Evangelium non abolet politicas et oeconomicas ordinationes: imo Deus vult nos agnoscere politiam et oeconomiam esse suas ordinationes et opera, et vult nos illis reverenter uti. Cum enim Deus velit homines copulatos esse mutua dilectione, iuxta dictum (Matth. 22, 39.): Dilige

proximum tuum sicut te ipsum, ut cogitemus nos ab ipso quoque diligere, iuxta dictum: Bonum est conservativum sui, communicativum et congregativum, sic condidit genus humanum, ut singuli multorum laboribus et rebus indigeamus, et haec ipsa indigentia commonefactio esset de voluntate Dei. Ut autem possit esse perpetua communicatio, vult servari mutuam aequalitatem. Hinc sunt illa dicta Epicharmi: *δός τι και λαβέ τι*. Item *τῇ μὲν δίδωμι χειρὶ, τῇ δὲ λαμβάνω*. Item *χειρ χειρα νίπτει, δάκτυλος δὲ δάκτυλον*. Item *ἀνὴρ δὲ σώζει ἄνδρα, και πόλις πόλιν*²²⁾. Et hanc aequalitatis conservationem nominat Deus iustitiam, eamque vult intelligi, ut discamus et ipsum iustum et aequalem esse.

Et expressa approbatio est emptionis 1. Corinth. 7, (30. 31.): Qui emunt tanquam non possideant, utentes hoc mundo, sic ut non abutantur, praeterit enim gestus huius mundi. Item Proverb. 16, (11.): Libra et pondus iudicia Domini sunt, et omnes lapides lancis. Cum igitur non dubium sit veras emptiones et venditiones concessas esse Christianis, moventur hic tres praecipue quaestiones.

P r i m a.

An sit vera emptio, cum venditur fundus cum conditione de revendendo?

Hic respondeo, veram emptionem esse, nec naturam contractus mutari hoc onere, quod magis emptori, quam venditori grave est. Cumque vere sit emptio, non est usura, quod interea emptor accepit, quia de suo fundo accepit.

Esse autem hanc formam emptionis antiquam et probatam legibus, ostendit textus in Codice de pactis, inter emptorem et venditorem, lege Si fundum etc.²³⁾, cuius verba haec sunt: Si fundum parentes tui ea lege vendiderunt, ut sive ipsi, sive haeredes eorum emptori pretium quandocumque, vel intra certa tempora obtulissent, restitueretur, teque parato satisfacere conditioni dictae haeres emptoris non paret, ut contractus fides servetur, actio praescriptis verbis vel ex vendito tibi dabitur, habita ratione eorum, quae post oblatam ex pacto quantitatem ex eo fundo ad adversarium pervenerunt.

²⁰⁾ mutuatio] Prolegg.: mutatio.

²¹⁾ Digest. XVII, tit. 2. in scripti: Pro socio, l. 29. §. 2. (Corp. iur. civ. ed. Beck T. I. P. I. p. 685.).

²²⁾ Conf. supra p. 154.

²³⁾ Cod. IV, tit. 54. l. 2. (Corp. iur. civ. ed. Beck T. I. P. I. p. 401.).

Opponitur autem hoc argumentum praecipuum:

Emptor fit dominus rei emptae et traditae.

In hoc contractu videtur emptor non fieri dominus, quia non licet ei fundum illum transferre in alium suo arbitrio, sed in potestate venditoris est eum redimere.

Non est igitur emptio, sed potius mutuatio cum oppignoratione.

Respondeo ad minorem: Condicio de revendendo non tollit naturam dominii, nec prohibet, quo minus emptor vere sit dominus, ut si quis vere dominus aedium suarum, obliget, se eas aedes ad nullum alium translaturum, nisi ad te, sive donatione sive venditione: is tamen manet tantisper vere dominus, quanquam transferre aedes ad alium non potest.

Ita docet iurisconsultus de verborum obligationibus, lege Ita quis²⁴⁾, paragrapho Ea lege²⁵⁾, ubi dicitur, servum donatum esse hac conditione, ne ad alium transferretur, et tamen in lege vere est eius servi dominus.

Sunt autem tres formae huius contractus, cui condicio de revendendo additur. Prima forma in omnibus imperiis fuit et est usitatissima, cum fundus ea conditione emitur. Secunda forma est, cum emitur certus redditus in fundo certo. Tertia forma est, cum redditus constituitur non in fundo certo, sed in toto cumulo bonorum alicuius, ut cum emuntur redditus constituti in omnibus bonis alicuius reipublicae.

Facile est in prima forma ostendere substantialia contractus: Fundus est merx, pretium pecunia tanto numero data, quantus est usitatus pro fundo sine fraude: Consensus, quo uterque sine fraude volens se offert, et quidem emptor onerat se non levi incommodo, quod de fundo cessurus est, cum alter vult redimere.

In forma secunda merx est ius percipiendi certum redditum ex fundo alterius, ut si servitus, actus, aut iter, per alterius agrum emeretur. Nam et servitutes possunt emi et vendi: pretium, pecunia data tanto numero, quantus pro proportionem tali pensioni respondet. Consensus est, quia uterque sine fraude volens se offert.

24) Digest. XLV. tit. 1. de verborum obligationibus, lege 125., quae in edit. Halensi a verbis: Ita quis, in Beckii edit. autem (T. I. P. II. p. 843.) a verbis: Si ita quis, incipit.

25) Ab his verbis exorditur §. 3.

Dixi autem tertiam formam huius contractus esse, cum redditus non constituitur in certo fundo, sed in toto cumulo bonorum alicuius, ut cum emuntur redditus constituti in omnibus bonis alicuius reipublicae. In hac tertia forma videtur hoc adversari emptioni, quod non videtur esse merx certa, cum redditus non constitutus sit in fundo certo, sed universaliter in toto facultatum cumulo. Et sciendum est hic quoque vere mercem esse ius accipiendi redditus, quod cum fundamentum esse debeat in aliquo corpore, corpus sunt omnia bona fructificantia reipublicae illius. Nam in his omnibus simul constitui tale ius potest, sicut in alieno agro toto servitus aliqua constitui potest, videlicet actus aut iter. Estque iusta admonitio Innocentii, qui dicit, videndum esse in hoc contractu, ut redditus constituatur in re, seu ad rem referatur, non ad personam vendentem, et addit Innocentius talem contractum non esse usurarium, cum in eo sint merx et pretium, et talia iura realia licitum sit vendere.

Nec alia difficultas in hac forma est, nisi quod aliquanto obscurius est hoc, quod dicitur, universa bona habere rationem corporis, quod supra dicebatur, certum fundum, in quo certi redditus emuntur, habere rationem corporis, ut cum 20 medimni in agro certo emuntur, quo pereunte, simul perit emptori ius suum. In hoc exemplo perspicuitas est: sed tamen et totus cumulus facultatum potest se habere, ut certum corpus, modo ut oneretur pro proportione, et qui accipit redditum, sustineat periculum pro proportione.

Quod autem et tertia forma contractus, quam recitavi, sit vera emptio, si non depravetur, ostendunt hae rationes.

I. Pars aliqua certa potest onerari servitute. Ergo et totus bonorum cumulus servata proportione onerari potest. Nec est ratio dissimilitudinis.

II. Ratio sumitur ex proprietate emptiois. Emptio est contractus, quo res pro certo pretio obligata alteri, et tradita, transfertur quoad dominium. Nec habet emptor ius aut tempus ullum repetendi pretium. Si enim repetere pecuniam liceret, mutuatio esset, non emptio. At in nostro casu pretium ita transfertur, ut repetere idem, vel tantundem nunquam liceat. Est igitur vera emptio: et ut sit aequalitas, quae fons est iustitiae in contractibus, necesse est vicissim in emptorem ius aliquod translatum esse. Hoc ar-

mentum ex ipsa natura emptionis sumptum, mutuum est. Sed agitatis contrariis argumentis, veritas magis conspici potest.

Argumenta contraria.

Codice Plus valere quod agitur, quam quod simulate concipitur, Emptione autem pignoris causa facta, non quod scriptum, sed quod gestum est inspicias. Haec verba sunt legis²⁶⁾.

Iam in nostro casu tertio fit emptio pignoris causa, id est, fit oppignoratio tantum, non emptio.

Ergo prorsus est simulatus contractus.

Maiorem²⁷⁾ probo, quia bona illa, in quibus emptio fingitur, sunt re ipsa tantum pignus, quasi nomen emptionis praetextus causa additur: imo instrumenta fatentur, quod oppignorata sunt omnia bona.

Respondeo ad minorem: Etsi hoc argumentum speciosum est, et saepe fit, ut nomine ius contractus homines abutantur, tamen mirum neganda est, et constanter retinendum, quod si non accedat dolus, forma contractus tenenda, quam recitavi, vera sit emptio, non mutuum. Nam ille, qui dat mutuo, ius habet repetendi certum, certo tempore; in nostro autem casu emptor fundi aut redditus, non habet ius repetendi pretium ullo tempore, et manent hic verae emptionis substantialia. Merx est ius accipiendi certum redditum, hoc fundatum est in omnibus bonis, sicut iter aut actus in toto agro datus est. Sicut autem servitus in agro conueniendi, vendi aut donari alteri potest, ita et ius reddendi solvendi in omnibus bonis constitui potest servata proportione, ut bona tolerare eam virtutem possint.

Manifestum est, senatum alicuius urbis, aut ius dominum posse alicui stipendium constituere mutuum pensionem, posse etiam donare alicui mutuum pensionem centum aureorum ex toto tempore facultatum fisci: cur non talem pensionem vendere alicui etiam posset servata propor-

²⁶⁾ „Emptione — est inspicias.” verba sunt legis tertiae tituli 22. inscripti: Plus valere, quod agitur, quam quod simulate concipitur, libri IV. Codicis (Corp. iur. civ. ed. Beck T. II. P. I. p. 356.), ubi autem pro *inspicias* scriptum est: *inspicitur*.

²⁷⁾ Maiorem] Prolegg. habent: Minorem.

tionem? Quod autem additur etiam oppignoratio, ne id quidem facit emptionem vitiosam. Potest enim oppignoratio recte accedere ad emptionem, ut testantur multae sententiae iurisconsultorum.

Aliud contrarium.

Ius debet esse in corpore certo, quo sublato, ius sublatum intelligatur.

In hoc tertio casu nullum certum corpus est, imo etiam cum bona illa insigni damno affecta sunt, tamen exigitur pensio.

Igitur tota res est simulata.

Respondeo ad minorem: Est certum corpus, in quo fundatur ius illud, videlicet omnia bona, sicut certus ager est, in quo servitus constituta est, sed quemadmodum amitterent actum aut iter in agri parte, quae periisset alluvione, ita si bona illa insigni damno affecta sint, servanda est aequalitas, ut vicissim pro proportione aliquid remittat emptor, sicut aequalitas in praeecepto ordinata est: Non furtum facies. In hanc sententiam inquit Baldus²⁸⁾: Se probare hunc contractum, si haec aequalitas servetur.

Aliud.

Levit. 25, (15. 16.) mandatum est, ut fructus fundorum computentur in sortem usque ad annum 50.

Ergo et nos debemus fructus computare in sortem, cum emimus fundum cum pacto de revendendo, et reddere fundos sine pretio.

Respondeo: Neganda est consequentia, quia Evangelium non alligat nos ad politiam Mosaicam, sed sinit nos uti nostris legibus politicis, et quanquam moralia quae sunt iuris naturae, necesse est ubique eadem esse, tamen forensia, quae magistratus probabili ratione constituit, non necesse est ubique eadem esse. Fuit autem ordinatio de reddendis fundis in Israel peculiaris, quia in ea gente voluit Deus distingui tribus, ut sciretur, ex qua tribu nasceretur Christus. Praeter hanc causam accedebant hae utilitates in parva politia, avari minus emebant, quia reddere sine lucro fundos cogebantur, et prodigi difficilius inveniebant emptores.

Sic et aliae parvae politicae prohibuerunt sumere mutuo aut promittere usuras ex agris, aut

²⁸⁾ Conf. supra p. 254. nota 97.

facere oppignorationes agrorum²⁹⁾, ut fuit lex Eliaca³⁰⁾ condita ab Oxylo, ut narrat Aristoteles in 6. Politicorum³¹⁾, *μη δανείζειν εἰς τι μέρος*³²⁾ *υπαρχούσης ἐκάστῳ γῆς*. Hae leges etsi honestae et utiles erant, tamen nos non ligant, quia nobis mandatum est parere legibus eorum imperiorum, in quibus vivimus: si tamen non pugnant cum ratione naturali. Ideo Rom. 13, (1.) dicitur: Omnis anima potestati quae praeest, id est, suae potestati obediat.

Aliud contrarium.

Periculum rei venditae pertinet ad emptorem.

In hoc contractu tantum gravatur venditor, quia emptor exigit pensionem, etiamsi illa bona damno affecta sunt aut perierunt.

Ergo non est vera emptio.

Respondeo: Nego minorem, quia etiam in hoc casu periculum rei venditae pertinet ad emptorem, cum enim corpus illud bonorum, in quo reditus fundatus erat, insigne damnum accepit, tunc iustum est diminuere aliquid de reditu, ut perit actus, aut iter, si ager periit. Ac nostra memoria senatus Erphordiensis, cum magno detrimento civitas affecta fuisset, diminuit multorum reditus, ita ut cum volentibus pacisceretur. Ac si fiat collatio damnorum, tunc sunt verae emptiones, magis gravatur emptor quam venditor in his casibus, quia venditor potest, cum vult recipere fundum, aut fundi reditum propter pactum de revendendo. Emptor non potest recipere pretium, cum vult, propter emptionis proprietatem, et saepe mallet retinere fundum aut reditum in loco opportuno.

Recte igitur in his casibus natura et proprietates emptionis considerentur. Et sit iudex, qui fontes doctrinae iuris et contractuum intelligat. Nam Evangelium non abolet politicum ordinem legibus naturae congruentem. Et vult Deus has res ex honestarum legum fontibus iudicari, iuxta dictum (Prov. 16, 11.): *Libra et pondus iudicia Domini sunt.*

Haec quaestio et in synodo Constantiensi agitata est. Cum enim disputassent Bohemi, sa-

cerdotibus non licere proprias possessiones habere, vicini etiam hanc quaestionem moverunt, pensiones Ecclesiis non solvendas esse, quae essent venditae a nobilibus, quia emptoribus pensionum sors sit salva, et interea ipsi plus accipiant. Quare vociferabantur pensiones illas usurarias esse. Hoc praetextu conabantur deponere onera. Sed utrumque recte decretum est, iuste posse proprias possessiones et pensiones habere Ecclesias et ministros Evangelii, quia manifesta est vox Filii Dei (Luc. 10, 7.): *Dignus est operarius mercede sua, merces autem fit propria illius, cui iuste datur.* Item: *Nemo militat suis stipendiis*³³⁾. Item: *Templo Hierosolymae Deus attribuit didrachmum*³⁴⁾: et deinde Cyrus³⁵⁾ et Artaxerxes³⁶⁾ certas pensiones attribuerunt. In tali iure habuit Ecclesia proprietatem, et regula tenenda est: *Pertinet ad Ecclesias et ministros Evangelii praeceptum: Non furtum facies, quod dominia distinguit Ecclesiarum et ministrorum Evangelii, sicut et aliorum.*

Et edita est constitutio, post electionem Martini quinti³⁷⁾, in qua emptiones usitatae iuxta hanc formam, de qua diximus, cum pacto de revendendo confirmantur, et expresse dicitur, re inter eruditos disputata, iudicatum esse, eos contractus esse legitimas emptiones, non simulatas, et praecipitur, ne defraudentur emptores. Cum enim pretium re vera translatum sit in venditorem, et emptor non habeat ius retrahendae pecuniae, sicut fit in mutationibus, necesse est in emptorem etiam mercem translata esse. Quod autem emptor longo tempore plus accipit, ex suo accipit.

De contractu ἐμφυτευτικῷ³⁸⁾.

Contractus ἐμφυτευτικός est obligatio, in qua transferens in alium dominium utile fundi alicuius, retinet dominium directum, et obligat illum ad fundi culturam, et ad exiguam pensionem dandam habenti directum dominium. Nomen est ab ἐμφυτεύω, id est, *insero plantulas, quia ἐμφυτεύτης debet fundum colere, et melio-*

29) Conf. W. Wachsmuth: *Hellenische Alterthumskunde*. Edit. 2. T. II. p. 131.

30) *Eliaca*] Prolegg. habent: *Heliaca*.

31) Arist. *Polit.* I. VI. c. 2. §. 6. ed. Stahr.

32) *μη δανείζειν εἰς τι μέρος*] sic Editt. Arist.; Prolegg. habent: *μη δανείζειν εἰς τὸ μέρος*.

33) 1. Cor. 9, 7. *Quis militat suis stipendiis unquam?*

34) Exod. 30, 13. conf. *Matth.* 17, 24.

35) *Esa* 1, 1—11.

36) Conf. *Nehem.* 2, 1 sqq.

37) *Martinus V. papa* 1417—1431.

38) Conf. *supra* p. 261. nota 17.

rem facere. Est autem usitatus contractus, ut plerumque tenent hoc modo agricolae fundos, in quibus tantum habent utile dominium pro certa pensione.

Alius est contractus huic vicinus feudalis. Nomen autem Feudum est germanicum *fūeden*, quod est pascere³⁹⁾, unde est nomen *Voit*⁴⁰⁾, id est, Villicus. Itali dicunt nomen a fide factum esse, quia mutua quaedam sint officia inter dominum feudi et inter tenentem vel fruentem feudo.

Est autem feudalis contractus obligatio, in qua transferens in alium fundi dominium utile, retinet dominium directum, et obligat illum non ad pensionem aliquam, sed ad militarem personae laborem. Sic Constantinus tulit legem, ut dati fundi militibus in imperio, transirent ad haeredes hoc modo, ut Romanus imperator retineret directum dominium, milites utile dominium, et continuaretur in iisdem familiis honos militiae.

Quid est locatio?

Locatio est personae vel rei ad usum facta concessio pro pecunia numeranda, de qua convenit: Cum dicitur ad usum, excluditur abusus et corruptio rei locatae. Quare conductor si quid sua culpa corrumpit, compensare debet, etiamsi

39) *Feudi* vocabulum eo saltem intellectu ante saeculum XI. inauditum [conf. Muratori Antiq. Ital. med. aevi T. I. col. 594.], quo proprietatem rei alicuius designat, etiam ad haeredes transituram, retentis solummodo clientela et superiori dominio, cum quibusdam servitiis, maxime militaribus, ex pacto statutis, h. l. derivatur a german. *fūeden*, pascere [Graff: Althochdeutscher Sprachschatz T. III. p. 378. affert has formas: *fōtjan*, goth. *fōdjan*, anglosaxon. et antiq. saxon. *foedan*, alere, pascere]. Eadem ratione Stiernhielmus a Wachtero in glossario german. s. h. v. laudatus feudum ab alendo deducit, quia *fōden* sit nutrire, et *fōda* alimentum in omnibus veterum dialectis. Alii hanc vocem arcessunt ab anglosaxon. *feoh*, quod stipendium interpretantur; alii eam compositam esse censent ex *feo*, pecu, et *od*, bonum, ita ut *feudum* sit bonum rusticum vel pecuarium, aut ex *feo*, stipendium, salarium, merces, et *od*, substantia, fundus, possessio, ut *feudum* sit stipendiaria possessio [haec est Hugonis Grotii compositio]; alii ad latinas origines prolapsi *feudum* a *fide* vel gallica forma inde orta *foi* derivant, quia *feudum* sit genus clientelae, cuius prima lex sit fidelitas erga patronum et vitae fortunarumque eius defensio. Vid. Wachter l. l. p. 440 sq. Du Cange in glossario mediae et infimae latinitatis *feudum* interpretatur beneficii vocabulo. Conf. etiam nota a Pfothenhauero editioni 2. libri: Tittmann's Handbuch für angehende Juristen, pag. 463. adscripta.

40) *Voit* ortum est ex *fogat*, i. q. *hofstern*. *Vogt*, quod quaestorem regium, vicarium, patronum, iudicem, advocatum, defensorem significat, vid. Graff l. l. T. III. p. 432. 451.

non est expresse mentio facta illius compensationis. Numeratur ergo locatio inter contractus bonae fidei.

Prodest autem moribus nosse et considerare discrimen contractuum bonae fidei, et contractum stricti iuris. Contractus bonae fidei sunt, in quibus aliqua non nuncupata lingua, tamen propter aequalitatem debentur. Sunt autem hi: Venditio, emptio, locatio, conductio, depositum, societas, commodatum; ut cum venditor sciens sefellit emptorem, esset inaequalitas, si pretium daretur pro re inutili. Inde vetus dictum est: Inter bonos bene agier⁴¹⁾, id est, praestet homo honestus ea, quae communis ratio iudicat aequalia esse, etiamsi non sunt omnia nuncupata lingua. Ita si quid corruptum est culpa eius, qui usus est re locata, fiat compensatio, etiamsi nominatim id non expressum est, quia res non ad turpem usum, nec ad corruptionem locata est.

Sed contractus stricti iuris dicuntur, in quibus tantum ea debentur quae sunt nuncupata lingua, ut in mutuo, quia dans mutuo, cum potuerit hoc officium omittere, nequaquam plus intelligitur velle aut debere recipere, quam quantum dedit, nisi fuerit damno affectus.

Cum igitur locatio sit contractus bonae fidei, conducens non corrumpat res locatas, nec conferat ad turpem usum, nec defraudet locatores, ideo res conducentis invecetae in domum locatam, obligatae sunt locatori tanquam pignus, non solum propter locationis mercedem, sed etiam ad compensationem rerum corruptarum.

Verba textus in Digestis haec sunt lib. 20. in titulo Ex quibus causis pignus vel hypotheca tacite contrahitur, lege Pomponia⁴²⁾: Pomponius scribit non solum pro pensionibus, sed etiam⁴³⁾ si deteriore habitationem fecerit culpa sua inquilinus⁴⁴⁾, inveceta et illata pignori erunt obligata. Et in Codice de locato et conducto, Certi iuris est res illatas pignoris iure teneri⁴⁵⁾.

41) Cic. de offe. III. c. 17. §. 70. illa aurea: ut inter bonos bene agier oportet et sine fraudatione; et epist. ad fam. VII. 12.: Ubi porro illa erit formula fiduciae, ut inter bonos bene agier oportet.

42) Dig. XX. tit. 2. in scripti: In quibus causis pignus vel hypotheca tacite contrahitur, lege 2.

43) etiam sic Prolegg.; Dig. habent: et.

44) Post „inquilinus” h. l. omissa sunt legis verba: quo nomine ex locato cum eo erit actio.

45) Cod. IV. tit. 65. in scripti: de locato et conducto, legis 5. verba haec sunt: Certi iuris est, ea, quae voluntate

Quare etiam cum alii creditores retineri pe-
tunt res eorum, qui ipsis debent: tamen locatori
res illatae in domum prius obligatae sunt.

Huic iuri locationis simile est ius hospitii,
sive gratis communicatum, sive pro mercede, ubi
non tantum habitatio conceditur, sed etiam multa
alia officia concurrunt, pro quibus non reddere
honestia officia, iniustum est, sicut scribitur (Prov.
17, 13.): Non recedet malum a domo ingrati.
Quare antiquitas singulare foedus inter hospites
esse iudicavit, nec violari hospitem ab hospite
voluit, et singulari modo puniri sensit a Deo
excipientis et excepti iniustitiam, sicut Home-
rus⁴⁶⁾ inquit: *Ζεὺς ἐπιτιμῆτωρ ἰκετάων τε ξεί-
νων τε.*

Expressi sunt igitur hi casus, propter quos
expelli conductores possunt, cum videlicet con-
ductoris culpa habitatio corrumpitur, quia cum
tantum usus locatus sit, furti simile est plus au-
ferre, videlicet rem ipsam sive negligentia, quae
culpam habet, sive malignitate corrumpere. Item
cum conductor turpitudinem exercet in habita-
tione, quia usus locatus est, non abusus, et nul-
lus contractus debet esse pactio turpitudinis.

Horum casuum regulae non tantum propter
forenses disputationes notae sint, sed multo mag-
is propter mores, ut cogitemus de voluntate
Dei, qui sanxit contractus, ut sint vincula socie-
tatis humanae, et vult in eis exerceri iustitiam,
ut discamus quid sit iustitia, videlicet aequalitas,
et agnoscamus ipsum esse iustum, aequalem etc.
Ideo praeceptum est Levit. 19, (35.): Non facias
corruptelam in libra, pondere.

Discrimen officiorum et contractuum.

Semper in conspectu sit Decalogus, ut sit
norma omnium actionum. Cum autem iam non
dicamus de actionibus primae tabulae, quae omnes
possunt nominari communi nomine sacrificia, seu
σεβάσματα vel *λατρίαι*: discernemus actiones se-
cundae tabulae, oeconomicas et politicas erga
alios homines. Hae possunt distinguere in duo

dominorum coloni in fundum conductum induxerint, pigno-
ris iure dominis praediorum teneri. Quando autem do-
mus locatur, non est necessaria in rebus inductis vel il-
latis scientia domini; nam ea quoque pignoris iure tenentur.

46) Hom. Od. IX, 270., ubi autem Ζεὺς δ' ἐπιτιμῆτωρ scri-
ptum est.

genera: in officia et in opera debita ex contra-
ctibus.

Vocantur officia omnia opera oeconomica et
politica debita obligatione naturali, ut officia pa-
rentum erga sobolem, educatio, nutritio, insti-
tutio, magistratum erga subditos, coniugis erga
coniugem, docentium erga discentes, amicorum
erga amicos, civium erga cives, non debita obli-
gatione civili. In talibus etiamsi mutua benevo-
lentia et gratitudo in omnibus esse debeat*), ta-
men dantes officia necesse est ea praestare, ut pa-
rentes, magistratus, docentes etc., etiamsi non
reddantur vices mutuo debita. Ut parentes de-
bent soboli etiam ingratae benefacere, quia sunt
obligati obligatione naturali, hoc est, ordine di-
vinitus sancito: sic magistratus debet benefacere
populo, etiamsi multi sint ingrati, sicut Alexan-
der inquit: *βασιλικόν ἐστι εὖ ποιοῦντα κακῶς
παθεῖν*⁴⁷⁾.

Semper autem in vocabulo officii inest ho-
nesta causa eius actionis, sive vicissim aliquid
pendatur, sive non pendatur.

Contractus autem differunt ab officiis eo,
quod altera persona in contractu obligata est,
non solum divina et naturali obligatione, sed
etiam civili, ad mutuam compensationem, ubi
videlicet magistratus cogit reddere compensatio-
nem, aut punit non reddentem.

Sciendum est igitur nomen officii commu-
nius esse nomine contractus: et omne opus prae-
ceptum in Decalogo, officium est, sed opera ex
contractu debita, de obligatione civili debentur,
ut in venditione debet venditor rem tradere, et
emptor debet dare pretium.

Etsi autem in quibusdam mutuis compensa-
tionibus quaedam similitudo est officii et contra-
ctus, tamen propria significatio contractuum per-
tinet ad civilem obligationem, ut inter amicos
mutuum vinculum est, velut in contractibus, item
inter dantem beneficium et accipientem. Sed hoc
vinculum est naturalis obligatio seu divina, non
civilis, id est, non accedit ad eam executio ma-
gistratus, quia non potest magistratus omnia de-
licta punire, sed quaedam punit atrociter, item

*) debeat] Prolegg.: debebat.

47) Conf. Plutarch. Alex. c. 41. ὁ δὲ καὶ πάντα πρώτως ἐν
ἀρχῇ πρὸς τὰτα διέλετο, φάσκων βασιλικόν εἶναι τὸ κα-
κῶς ἀποθεῖν εὖ ποιοῦντα.

insigniter turbantia pacem, ut caedes, rapinas, furta etc. Tamen semper hoc sciamus, naturalem obligationem divinam esse, et a Deo puniri eius violationem, sicut in Salomone dicitur (Prov. 17, 13.): Non recedet malum a domo in-

grati. Et de deserentibus amicos inquit Catullus⁴⁸⁾:

Nec facta impia fallacum hominum coelicolis placent:
Quae tu negligis, ac me miserum deseris in malis.

48) Catull. XXX, 4.

COLLATIO ACTIONUM ATTICARUM ET ROMANARUM⁴⁹⁾.

Utilis est actionum veterum in laudatis civitatibus consideratio. Nam illae civitates, quae non tantum pacis, sed etiam disciplinae causa leges tulerunt, et actiones et poenas instituerunt, in ipsis actionibus doctrinam virtutum hono consilio et ordine complexae sunt. Sic igitur legantur Atticae et Romanae actiones, tanquam doctrina de virtute sumpta ex lege naturae, seu a primorum patrum doctrina: multumque valebant hae leges ad regendos mores, quia poenae erant additae, quarum metus coercescet mediocria ingenia et ad virtutem flectit. Haec de actionibus praemonere volui, ut sciant studiosi eas non tantum esse formulas litigantium, sed virtutis doctrinam a Deo traditam, et philosophiam⁵⁰⁾. Sequemur autem in earum recitatione Decalogum⁵¹⁾.

49) Haec haec dissertatio ab ipso Melantheone edita est inscripta; in Prolegg. legitur inscriptio: Collatio actionum Atticarum et Romanarum ad Decalogum.

50) sed virtutis — philosophiam] sic Editt. 1551. et 1554.; Edit. 1546.: sed philosophiam et virtutis doctrinam.

51) Pro hac brevi in collationem actionum Rom. et Att. praefatione, quam illae tres Editt. 1546., 1551. et 1554. habent, in Prolegomenis in officia Cic. legitur haec prolixior:

Utilissimum est mentes assuefacere ad cogitationem de legum fontibus, et reverentiam totius politici ordinis. Primum enim notitiae naturales, quae sunt discrimen recti et non recti, et aliae verae notitiae, nobiscum nascentes, sunt illustra testimonia de Deo et de providentia. Ostendunt enim naturam humanam non casu ex Democriti atomis confuisse, sed vere ortam esse a creatore sapiente, benefico, veraci, iusto, casto, libero, vindice scelerum. Deinde et testimonia sunt de Deo, miranda conservatio societatis humanae, imperiorum constitutio, et horrendae poenae sceleratorum, iuxta haec dicta (Matth. 26, 52.): Qui gladium acceperit, gladio peribit. Vae qui spoliatis, quia spoliaberis*). Item de incestis (Levit. 18, 29.): Omnis anima quae fecerit has abominationes, evometur ex terra. Hae cogitationes confirmant assensionem de Deo, et de providentia, et abducunt mentes a Cyclopicis opinionibus, et prosunt ad disciplinam, inserunt amorem legum et politici ordinis. Cum enim cernimus leges esse aeternam sapientiam, quae in Deo est, conservationem societatis hominum et poenas sceleratorum esse opera Dei, fatendum est has res magnificendas esse, et ad bonos

* Conf. Habac. 2, 8.

mores flectit. Ideo propter duas causas, propter gloriam Dei, et propter nostros mores prodest saepe de fontibus harum rerum dicere.

Apud Platonem inquit Hippias, legem tyrannum esse*): sic hominum vagabunda cupiditas aegre patitur leges, et existimat vincula esse, tantum astutia hominum excogitata, pacis causa, et Politianus**):

Inventum Attae dicuntur iura Draconis,
Vera est fama nimis, nil nisi virus habent.

Sic sentire de legibus est horribilis contumelia adversus Deum. Nos contra simus memores dicti Pauli (1. Tim. 1, 8.): Lex est bona legitime utenti. Et Siracides inquit cap. 33.***): *Ἄνθρωπος σοφός οὐ μισήσει νόμον, ὁ δὲ ὑποκρινόμενος ἐν αὐτῷ, ὡς ἐν κατακλιθεὶς πλοῖον, id est, Vir sapiens non odit legem, qui vero est hypocrita in ea, est velut in tempestate cymba: id est, simulator, qui non vere assentitur voci divinae, qui putat fabulam esse astute excogitatum ab hominibus pacis causa, is erit ut cymba in tempestatibus, iactabitur fluctibus cupiditatum et diabolorum impulsione, et tandem sine consolatione ruet in exitium, ut ruunt tyranni, qui sic sentiunt, ut in tragedia †) dicitur:*

— — — Sanctitas, pietas, fides,

Privata bona sunt: qua iuvat, reges eant.

Addit autem legibus Deus magistratus, quorum haec quatuor praecipua officia sunt. Primum ut sint vox decalogi in societate civili.

II. Ut sint executores poenarum, et puniant delinquentes contra Decalogum, et coercescant plurimos, sicut scriptum est: Non parcas homicidam. Lex enim sine poenis contemnitur. Quare laudatur dictum Aeschinis ††): *οὐδὲν ὄφελος †††) πόλεως, ἤτις μὴ νεῦρα ἐπὶ τοὺς ἀδικούντας ††††) ἔχει.*

*) Haec verba non in Hippias, sed in Protagora Platonis inveniuntur (op. ed. H. Steph. T. I. p. 337. D. — ed. Bipont. Vol. III. p. 142.): *ὁ δὲ νόμος τύραννος ὢν τῶν ἀνθρώπων, πολλὰ παρὰ τὴν φύσιν βιάζεται.*

***) Angelus Politianus, proprie Ambrogini, a. 1454. in urbe Montepulciano, a. 1494. Florentiae, ubi linguam graecam et latinam docebat atque Laurentii a Medicis filios educabat, mortuus est illustri laude celebratus, erat enim poeta praeclarus, historicus gravissimus, Homeri, Herodiani aliorumque scriptorum graecorum interpres, ac multarum orationum epistolarumque auctor. Opera eius omnia collecta prodierunt Basileae 1653. fol. (vid. Sam. Baur, KL. historisch-literar. Wörterbuch. T. II. p. 372.).

***) cap. 33.] sic Prolegg. secundum Editt. Complut., Vulgatam et Lutheri versionem; in ceteris LXX. Editt. hoc est cap. 36.

†) Senec. Thyest. Act. II. v. 217. 218.

††) Hoc dictum non Aeschinis est, sed Demosthenis *περὶ τῆς παραπροσβίτου* (Oratt. T. I. p. 432. 9. 10. ed. Reiske).

†††) *οὐδὲν ὄφελος*] sic Prolegg.; in Demosth. oratione ed. Reiske legitur *ὡς οὐδὲν ἐστὶν ὄφελος* (ed. Dindorf: *ὡς οὐδὲν ἐστὶ ὄφελος*).

††††) *ἀδικούντας*] Prolegg. typogr. errore: *ἀδικούτας*.

III. Officium magistratus est, ut suas leges quasdam addat, et interpretationes, quae non pugnent cum divinis legibus, sed sint determinationes aliquarum circumstantiarum, ut lex divina iubet fures punire, sed magistratus determinat modum poenae.

III. Officium, ut magistratus sit etiam executor poenarum, quae in suis legibus sancitae sunt. Haec officia comprehenduntur in definitione Aristotelica, quae quamquam brevis est, tamen multas commonefactiones continet, et recte intelligenda est: Magistratus est custos legum*), videlicet proponendo Decalogum, et suas leges, et faciundo executionem iudiciis, poenis et legitimis bellis.

Quod autem Anabaptistae contra vociferantur in hoc dicto prohiberi magistratum officium (Rom. 12, 19.): Mihi vindictam, et ego retribuam, insulsissime hanc sententiam corrumpunt. Nam in hoc ipso dicto comprehenditur magistratus officium: Mihi vindictam, vindicanti aut sine humano ministerio, ut cum deletur Pharao, aut per magistratus, ut punitur Catilina per consulem, Iudaei per Titum.

Vult Deus magistratum executorem esse poenae certo modo, et hoc ordine vult regi genus humanum. Sed quia humana imbecillitas non potest omnia scelera punire, ideo Deus valde saepe punit immediate, ut puniuntur Sodoma, Pharao et alii innumerabiles.

Est igitur utraque vindicta divina, et illa quae fit a Deo sine ministerio hominum, et haec quae fit a magistratu faciente officium divinitus mandatum.

Iulianus imperator et alii multi scripserunt contra Christianos, et nominatim eo vituperant doctrinam in evangelicis libris scriptam, quod prohibeat vindictam. Inde ratiocinantur, si vindicta non sit exercenda, non posse humani generis societatem conservari, nullas posse politicas esse, nullos magistratus, nulla iudicia, nullas legitimas poenas latronum et raptorum. Haec cum sint absurda, tragice vociferantur contra doctrinam Christi.

Sed sciendum est manifesta et horribili iniuria affici doctrinam Christi et Ecclesiae. Quia Ecclesia magis ornat et munit magistratum, et totum politicum ordinem, quam ulla philosophia, aut ullae ethnicorum disputationes. Nam dicta prophetica et Paulina expresse affirmant Dei opus esse hunc ipsum ordinem, ut alii praesint, alii obediant, ut sint honesta coniugia, distinctio dominiorum, contractus, iudicia et legitimae poenae: et hunc ordinem, quatenus manet in genere humano, mirabiliter conservari a Deo, ne diabolus et organa diaboli, tyranni et homines sedtiosi, faciant infinitas dissipationes.

Munit etiam Deus hunc ordinem hac regula: Necesses est obedire propter conscientiam. Haec de praesentia et voluntate Dei in ordine politico, non docuit sapientia ethnicorum.

Ut autem confusio ordinis tollatur, expresse constituit et sanxit Deus, ut magistratus exerceat legitimam vindictam, loco Dei, sed privati non exercent vindictam, petant autem, ut magistratus faciat ea, quae ipsi Deus praecepit, et ad iustitiae conservationem, et ad defensionem societatis.

Haec distinctio ornat gloriam Dei, et auctoritatem magistratus, et est salutaris generi humano. Ita fit dulcor doctrina Christi, cum recte intelligitur, et sapientia Dei in ea consideratur.

Haec vera responsio ad Iuliani calumnias omnibus nota sit. Monachi frigidius responderunt, dixerunt prohibitionem vindictae, non praeceptum, sed consilium esse. Haec imaginatio insulsa est. Utrumque enim praeceptum est, et ut magistratus exerceat legitimam vindictam, et ut privati non exercent.

Tenenda est autem regula firmissime: Evangelium non abolet politicum ordinem, sed approbat et firmissime munit, ut Rom. 13, (1—7.) perspicua testimonia traduntur:

*) Conf. Aristot. Polit. III, c. 11. §. 3. ed. Stahr.

vult Deus etiam Ecclesiam in hac vita corporali regi et defendi legitimis imperiis, legibus et iudiciis, ut suo loco copiosius dicitur.

Sed Anabaptistae opponunt dictum Pauli 1. Corinth. 6, (7.): Iam quidem delictum est in vobis, quod inter vos litigatis. At hic plana responsio est: Paulus non damnat cognitionem ipsam, et certe reus cogitur venire in iudicium, et exponere causam, ut magistratus obtemperet, nec dicit Paulus ipsam cognitionem esse peccatum, sed ait esse peccatum in ipsis videlicet in personis moventibus iniustam causam, aut tuentibus. Semper enim altera pars habet iniustam causam.

Et tamen hic Paulus usus est verbo, quod non proprie significat peccatum aut delictum, sed infirmitatem, seu defectum, videlicet *ἡττημα*, q. d. Ceditis cupiditati aut dolori, cum vincere deberet patientia: alias autem magis, alias minus excusabilis est infirmitas, alias de magnis, alias de futilibus negotiis moventur lites, ut memini duos theologos vicinos litigare de aucupio columbarum: et longe plures sunt futiles et non necessariae lites, quam necessariae.

Discernatur ergo politicus ordo a privatis affectibus. Nam ordo politicus est ipsa iudicis cognitio, quae est sapientia, et veritatis ac iustitiae inquisitio, et partium disputatio, quaerens veritatem remotis praestigiiis sophismatum et sycophantiarum: et est in partibus virtus, amor iustitiae et reverentia ordinis divini, qua sese Deo et legibus subiciunt, et frenant cupiditatem et proprium dolorem. Ac grati agnoscamus hunc ordinem esse opus Dei, et Deum adesse rectorem iudiciorum et vindicem, sicut Iosaphat inquit: Iudicium Domini exercetis. Verba in Paral. lib. 2. cap. 19, (6.): Non hominis exercetis iudicium, sed Dei, et vobiscum est in verbis iudicii. Item, Sit timor Domini nobiscum, sitis intenti, circumspecti et exequamini.

Obiciunt Anabaptistae et haec dicta (Matth. 5, 40.): Si quis volet tecum iudicio contendere, et tunicam tuam tollere, relinque ei et pallium. Item: Remittite et remittetur vobis*). Respondeo brevissime: Haec dicta non prohibent officium magistratus, qui divinitus constitutus est, ut sit honori bonis, et terrori malis**), id est, defendat innocentes et puniat sotes. Alterum dictum: Si quis volet tecum iudicio contendere etc. prohibet privatam vindictam et seditiones. Alterum dictum: Remittite et remittetur etc. non prohibet defensionem legitimam, si quis fecit tibi vulnus, non prohibetur medicatio vulneris: sic, si quis velit tibi eripere facultates tuas, non prohibetur remedium divinitus ordinatum, scilicet auxilium magistratus. Non igitur prohibetur defensio, cum dicitur: Remittite, sed in corde prohibentur odia, debes iudici te et tua subicere, et ipsi permittere, ut statuat, interea cordis odium deponatur, causae certent, non certent peccata.

De actionum nominibus.

Cum autem fons sit Decalogus omnium honestarum actionum, plurimum prodest assueferi, ut in enumeratione virtutum semper intueamur Decalogum, et videamus, ad quae praecepta singulae virtutes congruant. Sunt autem actiones in iudiciis custodes virtutum, quia sunt executio honestarum legum, ut supra diximus, et haec civitates fuerunt honestiores, quarum actiones in iudiciis magis ad Decalogum congruerunt, ut magna turpitudine fuit Laconicae civitatis, quod concessit pacisci cum marito de coniuge***), nec fuit actio vel accusatio lenocinii.

*) Conf. Matth. 6, 14.

**) Rom. 13, 3. 4.

***) Xenoph. de republ. Lacedaem. 1, 8. Plutarch. Lycurg. 15.

PRIMA TABULA DECALOGI.

Prima accusatio.

Romani non habuerunt nomen actionis aut accusationis, qua sermones impii accusarentur. Sed Attici habuerunt et nominant hanc accusationem *ἔγκλημα ἀσεβείας*⁵²⁾. Sic accusati et condemnati sunt Anaxagoras⁵³⁾ et Diagoras Melius⁵⁴⁾, quod opiniones Athenis receptas de Diis reprehendebant, et quidem interfectori Diagorae civitas mercedem de publico promisit talentum, duo vero talenta ei, qui vivum attraxisset. Nunc convenit ad hanc accusationem in Ecclesia accusatio haereseos⁵⁵⁾.

52) De hac accusatione conf. Meier et Schömann: Attischer Process p. 300 sqq., Wachsmuth: Hellen. Alterthumsk. Ed. 2. T. II. p. 211. et Böckh: Staatshaushalt. der Athenen T. I. p. 411.

53) Anaxagoras] sic Editt. 1546. et 1554.; Edit. 1551. Anaxagores. — Hunc Athenis in carcerem detrusum fuisse, sibi de vita metuisse, veteres scriptores unanimi fere consensu testantur, causam vero et accusationem varie referunt. Sotion enim apud Diogenem Laertium II. 12. a Cleone impietatis accusatum tradit, quod solem candentem dixisset laminam, defensum autem esse a Pericle discipulo, et quinque talentis multatum exilioque damnatum fuisse. Suidas s. v. Anaxagoras et Iosephus contra Apionem I. II. p. 1079. tradunt, eum in carcerem coniectum, quod novam de Diis sententiam invexisset, solemque sensus et rationis expertem dixisset, ideoque ad mortem condemnatum, et tandem exilio multatum esse. Conf. etiam Plutarch. Nicias c. 23. et Pericl. c. 6. Vid. Bruckeri hist. crit. philos. T. I. p. 494 sq. et Meier et Schömann I. I. p. 303.

54) Diagoras ex Melo insula, Cycladum una, oriundus, Pindaro coaevus, Deos negavit, et ob eam causam Athenensium, inter quos habitabat, divinum cultum sacraque traduxit, mysteria quoque omnibus enuntiavit eaque despicit, illos etiam, qui sacris initiari volebant, dehortatus est. Tanta inde non ignominia solum ei contracta est, ut atheus cognominaretur, sed Athenienses quoque eo proscripserunt, cum Olymp. XCI. ad causam dicendam vocatus non comparuisset, non tantum voce praeconis pronuntiari, sed et aereae columnae inscribi iuberent, eum, qui Diagoram occidisset, talentum, qui vero vivum adduxisset, duo talenta accepturum esse. Vid. Suidas s. v. Diagoras, et Brucker I. I. T. I. p. 1204.

55) Prima tabula Decalogi — accusatio haereseos.] sic tres singulares huius collationis Editt.; Prolegg. illorum loco haec habent: Sed incipiamus a prima tabula Decalogi. Attici habuerunt actionem seu accusationem, qua accusabantur sermones impii, seu, ut nominamus, blasphemi, nomen fuit *ἔγκλημα ἀσεβείας*, id est, crimen impietatis, sic accusati et condemnati sunt Anaxagoras et Diagoras Melius, quia opiniones Athenis receptas de Diis deriserunt, et quidem interfectori Diagorae civitas mercedem de publico promisit talentum, duo vero talenta ei, qui vivum attraxisset.

Romae non fuit nomen illis actionibus, quanquam interdum quaestiones decretae sunt, id est, iudicia extraordinaria constituta sunt, de sacris pollutis, item de Bacchanalibus. Athenis etiam paulatim vetus severitas extincta est, ut Epicuri tempore tetra licentia permixta est. Nunc in Ecclesia accusatio est haereseos, seu blasphemiae, ut et lege divina praecipitur. Levit. 24, (16.): Qui blasphemaverit nomen Domini, morte moriatur.

Secunda accusatio.

Quia a primo praecepto exorsi sumus, ac⁵⁶⁾ de crimine impietatis diximus, proxime adiungam crimen sacrilegii. Id Attici vocarunt *δίκτην ἱεροσυλείας*⁵⁷⁾. Hoc iudicium nomen habebat in utraque civitate. Accusabantur autem vel qui res consecratas ex templis rapuerant, vel qui loca consecrata vastaverant, aut mutaverant in profana, vel qui ex templis rapuerant supplices. Exempla in historiis passim obvia sunt. Saepe magna bella propter hos casus orta sunt. Lacedaemonii supplices Messenios rapuerunt ex templo, ideo postea secutus dicitur terrae motus et bellum inter Spartanos et mancipia⁵⁸⁾. Item propter lucum violatum Pericles movit bellum exitiosum toti Graeciae⁵⁹⁾. Item propter Delphicum templum spoliatum Phocenses dissipati sunt⁶⁰⁾, et duces, qui fuerant hortatores sacrilegii, variis modis perierunt. Philomelus⁶¹⁾ de rupe praecipitem se deiecit in fuga. Onomarchus successor eius a suis militibus confossus est⁶²⁾. Phayllus cum somniasset se similem esse statuae Hippocratis in Delphis, brevi post phthisi interiit⁶³⁾. Nam in Delphis statua fuit Hippocratis similis corpori tabefacto, in quo consumpta carne lineamenta ossium tenui cute vestita comparent. Haec sunt apud Pausaniam in Phocaeis⁶⁴⁾.

miae, ut et lege divina praecipitur. Levit. 24, (16.): Qui blasphemaverit nomen Domini, morte moriatur.

56) ac] sic Editt. 1551. et 1554.; Edit. 1546. et.

57) Conf. Meier et Schömann I. I. p. 306 sq. 361. et Petiti legum Atticarum I. VIII. tit. 4. p. 362.

58) Thucydides I. I. c. 128. narrat, Lacedaemonios, cum olim Helotas (Messenios) supplices ex Neptuni templo a Taenaro excitassent, eos abductos interfecisse. Quam ob rem etiam Lacedaemonii magnum illum terrae motum [a. 465. a. Chr.] Spartae sibi ipsis accidisse putarunt. Eodem anno Helotae et Messenii seditionem concitarunt, ex qua tertium Messenium bellum decem annorum oriebatur.

59) Scil. bellum Peloponnesiacum 431 — 404.

60) Anno 346., quo bellum sacrum (355 — 346.) per Philippum, Macedoniae regem, finiebatur.

61) Philomelus] sic recte Edit. 1554.; Editt. 1546. et 1551. Philomedes. — Hic Phocensium in bello sacro dux ita se interfecit a. 354. a. Chr., ne ab hostibus caperetur.

62) Hunc Philomeli fratrem et successorem, a Philippo Macedoniae devictum a. 352. a. Chr. sic periisse, narrat Pausanias X, 2, 5.

63) Phayllum, Philomeli et Onomarchi fratrem huiusque successorem a. 351. phthisi interiisse refert Pausanias X, 2, 6. 7. Diodoro XVI, 37 sqq. teste in pugna occisus est.

64) Quia a primo praecepto — in Phocaeis.] sic Editt. singular.; in Prolegg. pro illis haec scripta sunt: Exorsi sumus a prima tabula, ac de crimine impietatis diximus.

SECUNDA TABULA DECALOGI.

Quartum praeceptum.

Honora patrem et matrem etc.

Tertia accusatio.

Secundae tabulae praecipuum scelus est crimen laesae maiestatis, cum videlicet aut persona magistratus aut ipsa functio contumelia adficitur. Cum seditio movetur ad evertendam imperii formam, aut cum proditioes fiunt, aut transitiones ad hostes, aut alia scelera horum similia, quibus labefactatur forma imperii, ut Romae Manlius propter crimen laesae maiestatis damnatus est⁶⁵), et Veturius senator damnatus est propter crimen laesae maiestatis, qui tribuno plebis trans-eunti de foro non cessisset de via, ut narrat Plutarchus in vita Gracchorum⁶⁶).

Etsi autem Attici quibusdam speciebus peculiares adpellationes attribuerunt, tamen commune nomen habent, videlicet *εἰσαγγελίαν*⁶⁷), quo complectuntur omnia delicta, quae inter crimina laesae maiestatis recensentur. Et peculiare est in *εἰσαγγελία*. In caeteris accusator non convincens reum, fit infamis tanquam calumniator. At in hac non fit infamis, quia existimatur haec accusatio munimentum esse publicae tranquillitatis.

Huic proximo adiungam crimen sacrilegii, id Graeci nominarunt *δίχην ἱεροσυλείας*, id est, spoliati templi. Huic iudicio nomina fuerunt in utraque civitate. Accusabantur autem his nominibus, ut qui res consecratas ex templis rapuerant, vel qui loca consecrata deleverant aut mutaverant in profana, vel qui ex templis rapuerant supplices.

Exempla in historis passim obvia sunt, ut propter lucum violatum ortum est bellum Peloponnesiacum: item propter Delphicum templum spoliatum, Phocensibus bellum illatum est, in quo Philomelus dux praecipitem se de rupe deiecit in fuga, et frater successor eius, a suis militibus confossus est.

Recte autem diducunt Christiani, quae sint sacrilegia, quia lex divina praecipit deleri idola et templa idolorum. Non igitur fuit sacrilega Cyrene filia Licini imperatoris, quae patris idola et aras evertit: sicut Rachel abstulerat idola patris (Genes. 31, 19.) etc.

65) M. Manlius Capitolinus, qui Capitolium a Gallis defenderat, quum obstructos aere alieno liberaret, nexos exsolveret, crimine affectati regni damnatus, de saxo Tarpeio deiectus est a. u. c. 370., vid. Liv. VI, 18—20.

66) Plutarch. vita Caii Gracchi c. 3. Haec fortasse ad illum C. Veturium (quem Sigonius Spurium Veturium nominat) a. u. c. 300. Consulem spectat, qui, postquam magistratu abierat, a tribunis in ius vocatus XV millibus aeris damnatus est, vid. Liv. III, 31.

67) Conf. Meier et Schömann l. I. p. 260 sqq., Potter: Griech. Archäol. übers. von Rambach T. I. p. 258. 368., Wachsmuth l. I. T. II. p. 226, et Petit. VII, 12. p. 544 sq.

Quarta.

Apud Latinos proditio ad crimen laesae maiestatis pertinet, Graeci peculiarem accusationem fecerunt ac nominant *δίχην προδοσίας*⁶⁸).

Quinta.

Apud Latinos ad crimen laesae maiestatis pertinet, pecunia ab hostibus conductum esse. Graeci peculiarem accusationem fecerunt et nominant *δίχην δωροδοσίας*⁶⁹). Hoc iudicio accusatus est Athenis Timagoras, qui cum Pelopida ad regem Persarum⁷⁰) legatus missus dona accepit, nec cum collega in eodem hospitio fuit. Propter has causas domi a civibus re iudicata interfectus est⁷¹), ut scribunt Xenophon⁷²) et Plutarchus in vita Pelopidae⁷³), et recenset plura exempla Demosthenes in oratione de perfidia Aeschinis in legatione⁷⁴).

Sexta.

Apud Latinos deserens exercitum, item fugiens ex acie accusatur iudicio laesae maiestatis. Apud Graecos peculiare adpellationes sunt, *γραφῆ λειποταξίου* et *λειποστρατίου*⁷⁵), et sunt similia nomina a navibus facta⁷⁶).

68) Meier et Schöm. l. I. p. 341 sqq., Böckh: Staatshaush. d. Ath. T. I. p. 413. et Petit. VIII, 4. p. 562.

69) De *δίχην δώρων* seu *δωροδοσίας* vide Meier et Schöm. l. I. p. 222. 351., Böckh l. I. I. p. 399. 413. et Petit. IV, 1. p. 313 sq. et V, 7. p. 432 sq.

70) Scil. Artaxerxem.

71) Accusatus est a Leonte, qui socius legationis ei per quadriennium fuerat, teste Demosth. de falsa legat. p. 400, 28. ed. Reiske.

72) Xenoph. Hellen. VII, 1, 38.

73) Plutarch. vita Pelop. c. 30. et vita Artax. c. 22.

74) Demosth. oratio de falsa legatione p. 350, 26. 383, 18. ed. Reiske.

75) De *γραφῆ λειποταξίου* (desertionis ordinis militaris), *λειποστρατίου* (desertionis exercitus), *λειποναντίου* (desertionis navis) vid. Petiti legg. Att. p. 313. 557 sq., Meier et Schöm. l. I. p. 364 sq., Potter l. I. I. p. 254., Wachsmuth l. I. II. p. 213.

76) Tertia accusatio — a navibus facta.] Pro hac quatuor accusationum III—VI. in Editt. singularibus explicatione, in Prolegg. legitur haec brevior: Secundae tabulae crimen est praecipuum crimen laesae maiestatis, quod ita nominatur, cum seditio movetur ad evertendam imperii formam, ad interficiendos legitimos magistratus, aut cum proditioes fiunt aut transitiones ad hostes aut alia scelera horum similia, quibus labefactatur forma imperii, ut Romae Manlius propter crimen laesae maiestatis damnatus est. In genere nominatur haec accusatio ab Atticis *εἰσαγγελία*, id est, accusatio laesae maiestatis.

Et peculiare est in *εἰσαγγελία*. In caeteris delictis accusator non convincens reum, fit infamis tanquam ca-

Quintum praeceptum.

Non occides.

Septima accusatio⁷⁷⁾.

Iudicia de caede, quae nunc comprehenduntur lege Cornelia⁷⁸⁾, diversa erant Athenis, et curiae iudicum diversae.

De caede ex insidiis facta, et de incendiis iudicabant Areopagitae⁷⁹⁾ hoc ordine. Primum oportuit dari iuramentum calumniae; postea rem narrari⁸⁰⁾ sine proemiis et sine affectibus; deinde produci testes, nec licebat iudicibus colloqui⁸¹⁾, sed calculis latae sunt sententiae iuxta leges⁸²⁾. Condemnatus autem reus adficietur capitali supplicio. Narrantur autem duo⁸³⁾ insignia iudicia Deorum in Areopago facta, in quorum altero Orestes absolutus est⁸⁴⁾, quamquam matrem consulto interfecerat. In altero Mars absolutus est, qui stupratorem filiae interfecerat, filium Neptuni Halirrhothium⁸⁵⁾. Quae exempla recitat antiquitas, ut ostendat ἐπιχειρίας⁸⁶⁾ ex probabili causa sumendas esse⁸⁷⁾.

lumuiator; at in accusatione laesae maiestatis apud Atticos, non erat infamis, non convincens reum, quia haec accusatio existimabatur munimentum esse reipublicae.

Comprehendit autem crimen proditiōnis, δίκην προδοσίας; item δίκην δωροδοκίας. Est autem δωροδοκία accipere pecuniam ab hostibus, ut Athenis Timagoras necatus est, quia cum Pelopida ad regem Persarum missus, ingentia dona ab eo accepit, ut scribunt Xenophon et Plutarchus. Item desertionem exercitus γραφήν λιποστρατίου.

77) Septima accusatio.] sic Edit. 1551, et 1554.; Edit. 1546. Septima. (omissa voce: accusatio); Prolegg. habent: Quarta accusatio de caede.

78) Scil. lege Cornelia de sicariis et veneficis, quae non solos sicarios et veneficos, sed omnem caedem comprehendebat, vid. Rein: Criminalrecht der Römer p. 408 sqq. Conf. Orellii et Balteri Onomast. Tullian. P. III., quae indicem legum continet, p. 162.

79) De iurisdictione Areopagi conf. Tittmann: Darstell. der griechischen Staatsverfass. p. 220 sqq., Potter l. l. T. I. p. 212 sqq. et Wachsmuth l. l. T. II. p. 255 sq.

80) narrari] sic recte Edit. singul.; Prolegg. habent: narrare.

81) nec licebat iudicibus colloqui.] sic Edit. singul.; Prolegg.: nec colloqui iudicibus licebat.

82) leges] in Prolegg. post hanc vocem addita sunt: Erat etiam usitatum iudices primum iurare iuxta leges.

83) Narrantur autem duo] sic Edit. singul.; Prolegg. habent: Verum duo narrantur.

84) absolutus est] Prolegg. addunt: paribus calculis.

85) Halirrhothium] Edit. 1546. et 1551. Alirrothoum, Edit. 1554. et Prolegg. Halirrhothoum. — Conf. supra p. 146.

86) ἐπιχειρίας] sic recte Edit. 1554.; Edit. 1546. et 1551. επιχειρίας.

87) ut ostendat — sumendas esse] sic Edit. singul.; in Prolegg. leguntur haec: ut ostendat interdum legem mi-

De caede non facta ex insidiis, sed defensionis causa iudicabatur in alio loco scilicet Delphinio⁸⁸⁾, et ab aliis iudicibus, ac ostensa necessitate defensionis reus absolvebatur ita, ut maneret civis et omnia ornamenta civis retineret. Ibi Theseus causam dixit et absolutus est, cum interfecisset Pallantidas⁸⁹⁾, qui fuerant eum invasuri et ei regnum erepturi.

De caede non facta defensionis causa, sed fortuita, iudicabatur etiam in alio loco, in Palladio, et poena erat fortuitae caedis⁹⁰⁾, exilium, sicut ex multis veteribus exemplis constat. Telamon, quia in ludo Phocum fratrem occiderat⁹¹⁾; Patroclus, quia in ludo occiderat Clisonymum⁹²⁾, exulant, et Adrastus apud Herodotum⁹³⁾. Ac consideratione dignum est, quod necessitati maior venia data est⁹⁴⁾, quam fortuito casui, in quo aliqua negligentia accedit⁹⁵⁾.

O c t a v a.

Apud Latinos iniuriarum actio una et atroces et leves iniurias continet et complectitur convicia, verberationes, et signa contumeliosa⁹⁶⁾,

tigandam esse ἐπιχειρίας, quae tamen probabilem causam habet.

88) De hoc tribunali τῷ ἐπὶ Δελφινίῳ, et sequenti, τῷ ἐπὶ Παλλάδιῳ conf. Sigonii de republ. Athen. l. l. (operum ab Argelato edit. T. V. p. 18 sq.), Meier et Schömann l. l. p. 143. et Wachsmuth l. l. II. p. 256.

89) Pallantidae, filii Pallantis, qui erat frater Aegaei, contra hunc coniurationem fecerunt, quibus victis Theseus patris regnum confirmavit, conf. Banier: Erläuterung der Götterlehre übers. v. Schröckh T. IV. p. 681 sqq.

90) fortuitae caedis] sic recte Edit. 1554.; Edit. 1546. et 1551. fortuita caedis; Prolegg.: caedis fortuitae.

91) Telamon et Peleus Phocum fratrem in ludo quidem, at consulto occiderunt disco, eamque ob causam ab Aeaco patre ex Aegina in exilium missi sunt; conf. Banier l. l. T. V. p. 217 sq., Pauly: Real-Encycl. T. V. p. 1279. s. v. Peleus.

92) Clisonymum] sic Edit. singul.; Prolegg. eum vocant Lysonymum, alii (Banier l. l. T. IV. p. 259.) Cleonymum aut Orantem, Amphidamantis filium. Hunc Patroclus, Menoetii, Locrensiū regis, filius, in ludo talario interfecit, quamobrem Phthiam ad Peleum exulat.

93) Historiam Adraſti Phrygiſ, qui fratre interempto a Croeso expiatus huius filium transfodit, aprum transfingere volens, narrat Herodotus I, 35—45.

94) Telamon — data est.] sic Edit. singul.; Prolegg. habent: Telamon, quia in ludo fratrem Phocum occiderat, coactus est ab Aeaco in exilium ire. Patroclus exulat, quia in ludo occiderat Lysonymum. Estque dignum consideratione, quod defensionis maior data est venia.

95) in quo aliqua negligentia accedit.] sic Edit. 1554.; Edit. 1546., 1551. et Prolegg. habent: quia in fortuito casu aliqua negligentia accedit. — Sequens huius collationis pars in Prolegg. deest.

96) Iniuriarum sensu arctiori ab auctore ad Herenn. IV, 25. sic definiuntur: Iniuriae sunt, quae aut pulsatione cor-

et discernitur ab accusatione de vi privata. At apud Atticos diversae sunt actiones. *γραφὴ ὑβρεως*⁹⁷⁾ dicitur accusatio de vi privata vel de iniuria atroci, et poena erat universaliter infamia, interdum erat etiam capitalis poena, ut expresse ait Lysias⁹⁸⁾. Hi qui accusantur iudicio verberationis pecunia mulctantur. Eos vero, qui condemnati sunt *ὑβρεως*, etiam capitali poena affici licet, ut in vi privata. Vicina est *συκοφαντίας*⁹⁹⁾, cum accusabatur is, qui antea falso accusaverat, aut falsum crimen de aliquo sparserat, aut falsum commiserat, quod Latini lege Cornelia de falsis¹⁰⁰⁾ comprehendebant. Et poena erat infamia. Convenit latina actio contra calumniatorem ex Senatusconsulto Turpiliano¹⁾, et accusatio quae ex lege Cornelia instituitur.

Deinde aliae tres sunt mitiores actiones, quae vocantur civiles, et ut Graeci loquuntur privatae, *δίκη αἰτίας*²⁾, cum fit verberatio non atrox, et non coacta turba, et poena erat pecuniaria. *Δίκη κακηγορίας*³⁾ erat levium conviciorum, quae etiam si vera essent, non afferrent infamiam, et erat poena arbitraria sine infamia. Latina lex est durior, quae ait condemnatum in actione iniuriarum infamem esse. Tertia species non pertinet huc, sed ad praeceptum: Non furaberis, *δίκη βλάβης*⁴⁾, ubi tantum petitur, ut

pus, aut convicio aures, aut aliqua turpitudine vitam cuiuspiam violant. De harum actione conf. Rein: Criminalrecht der Römer p. 354 sqq.

97) Meier et Schöm. p. 319 sqq., Böckh l. l. p. 400 sq. 416. et Petit, legg. Att. VI, 5. p. 469 sqq.

98) Ad *γραφὴν ὑβρεως* pertinent Lysiae in Calliam, Sostratum et Dioclem orationes deperditae, vid. eius oratt. ed. Reiske Vol. II. fragm. 68. 116.

99) Meier et Schöm. l. l. p. 335.

100) De lege Cornelia de falsis, quae etiam testamentaria vocatur, vid. Rein l. l. p. 777 sqq., Sigonii de iudiciis l. II. c. 32. (op. T. V. p. 825.) et Orellii et Balteri onomast. Tull. P. III. p. 163.

1) Senatusconsulto Turpiliano] sic recte Edit. 1554.; Editt. 1546. et 1551. puncto interposito: Senatusconsulto. Turpiliano. — Hoc Senatusconsulto calumniae poena, quam tergiversantes et praevaricatores sustinebant, proposita est illis, qui accusatores subiecissent, aut ab accusatione suscepta, neque per abolitionem sopita, desisterent. Vid. Digest. XLVIII. tit. 16. et Cod. IX. tit. 45.; conf. Rein l. l. p. 276. 804 sq.

2) *αἰτίας*] sic recte Editt. 1551. et 1554.; Edit. 1546. *αἰτίας*. — De hac accusatione vid. Meier et Schöm. l. l. p. 547 sqq. et Pettii legg. Att. VII, 1. p. 524.

3) De hac vide Meier et Schöm. l. l. p. 195. 491. et Petit. VII, 6. p. 535 sq.

4) Meier et Schöm. l. l. p. 475 sqq. et Petit. VII, 3. p. 528 sq.

damnum sarciatur. Haec actio convenit tota ad legem Aquiliam⁵⁾.

Hic autem quaeri potest, an, qui vera crimina de alio dicit, puniendus sit? Respondet lex, non esse puniendum. Verba legis haec sunt: Eum, qui nocentem infamavit, non esse bonum et aequum ob eam rem condemnari. Peccata enim nocentium nota esse et oportet et expedit. Hoc in Ecclesia concionatores sciant, quibus non solum cum crimina manifesta sunt obiurgare reos licet, sed etiam cum fama probabilis, rei nondum prorsus manifestae aliquem accusat, taxare eum concessum est, ita ut ad purgationem, id est, ad famam refutandam eum adigant, aut certe ad emendationem, et tales reprehensiones, quae fiunt ex officio, non sunt iniustae, ac praesertim Ecclesiae interest, non solum culpam cavere, sed etiam malam famam, quae praebet occasionem contemnendae⁶⁾ Ecclesiae et doctrinae ecclesiasticae. Et recte dictum est: Bona conscientia mihi mea causa opus est, sed bona fama opus est propter proximum.

Sextum praeceptum.

Non moechaberis.

Nona accusatio.

Accusatio adulterii apud Romanos lege Iulia⁷⁾ describitur, Graece vocabatur *δίκη μοιχείας*⁸⁾, et poena veteribus legibus Atheniensium cuiuscunque adulteri fuit capitale supplicium, ut scribit Pausanias⁹⁾. Postea lege Solonis, qui per vim corrumpebat alterius uxorem, non afficiebatur capitali supplicio, sed notabatur infamia et puniebatur laceratis natibus¹⁰⁾. Ille vero, qui per-

5) Haec lex de damno iniuria dato lata est, vid. Orellii et Balteri onomast. Tull. P. III. p. 137 sq. Inst. IV, 3. Digest. IX, 2. Cod. III, 35. et Rein l. l. p. 338 sqq. 399.

6) contemnendae] sic Editt. 1546. et 1551.; Edit. 1554. contemnendae.

7) Haec lex Iulia de adulteriis in Digest. XLVIII, 5. inscripta est: l. l. de adulteriis coërcendis, in Cod. IX, 9.: l. l. de adulteriis et stupro, in Sueton. Oct. 34.: l. l. de adult. et de pudicitia; conf. Rein l. l. p. 839 sqq. 861.

8) Meier et Schöm. l. l. p. 327 sqq. et Petit. VI, 4. p. 460 sqq.

9) Pausan. l. IX. c. 36. §. 4.

10) Poena, qua nates adulteri afficere marito licebat, est *παραταμὸς* (pillorum evulsio) et *ράφανιδωσις* (raphani in podice intrusio). — Lege autem in illos, qui vi pudicitiam feminarum expugnant, hoc constitutum est: *Ἐάν τις γυναῖκα ἀισχόνη βίη, δαπλοῦν τὴν βλάβην ὀφείλει*, vid. Petit. l. l. p. 465.

suadendo sine vi corruperat alterius uxorem, capitali supplicio adficietur, ut clare recitat Lysias¹¹⁾, et rationem addit, quia persuasor et mentem et corpus corrumpit.

D e c i m a.

Lenocinii accusatio apud Graecos vocabatur *δίχη προαγωγίας*¹²⁾, cum pater filium aut filiam, aut alius quispiam adolescentem aut puellam prostituisset¹³⁾, et poena erat capitale supplicium, ut ipsam legem recitat Aeschines contra Timarchum¹⁴⁾, Romana lex de lenocinio minus habet severitatis¹⁵⁾.

U n d e c i m a.

*Δίκη δοκιμασίας*¹⁶⁾, Latini unum nomen non habent, sed erat et honesta et insignis censura morum apud Atticos. Nam haec accusatio instituebatur adversus eos, qui polluebant se nefariis libidinibus, cum natura pugnantis; item contra desertorem; item contra eos, qui parentes male tractabant. Ac poena stupratoris erat capitale supplicium¹⁷⁾, sed alterius personae poena erat infamia, ne magistratus gereret, ne sacerdotio fungeretur, neve admitteretur ad dicendum publice, aut ad ullos honestos congressus.

Exempla huius accusationis extant, oratio Aeschinis contra Timarchum, et oratio Demosthenis contra Androcionem. Ac scribunt aliqui Timarchum ante iudicii diem sibi mortem conscivisse¹⁸⁾.

D u o d e c i m a.

Actio divortii Graece *δίχη ἀποπομπής*¹⁹⁾. Apud illam severiorem antiquitatem haud dubie fuit actio, qua causae divortii apud iudicem ex-

ponebantur, et petebatur, ut persona laesa pronuntiaretur libera. Hunc fuisse morem ex Alcibiadis historia apparet, quam recitant Lysias²⁰⁾ et Plutarchus²¹⁾.

Cum enim uxor²²⁾ Alcibiadis offensa vagis libidinibus mariti discessisset ad fratrem factura divortium, petivit Alcibiades, ut libellum repudii apud magistratum exhiberet, non per amicos, sed per se ipsam. Cumque mulier in iudicium venisset, Alcibiades cum aliquot amicis veniens, vi eam reduxit in suam domum. Postea igitur apud eum, donec ipsa vixit, mansit. Ita initio arbitror non esse facta divortia sine cognitione, ut postea Romani fecerunt²³⁾, et nunc faciunt Turci. Nec opinor ex qualibet causa concessa esse divortia. Iudaeos quoque existimo abusos esse lege Moisi, cum ex qualibet causa fecerunt divortia.

Caeterum hoc in Graecis et Romanis legibus congruit, cum fiebat divortium propter delictum mulieris, dos manebat apud virum. Cum vero fiebat divortium non propter delictum mulieris, ut saepe accidit, dos sequebatur mulierem, ut verba legis expresse recitat Demosthenes contra Neaeram²⁴⁾. Congruerat severior illa antiquitas et hac in re cum lege Moisi. Sicut Moises vetuit dimissam rursus duci a dimittente²⁵⁾: ita Graecae et Romanae leges vetuerunt²⁶⁾ dimissam rursus duci, ut Catoni²⁷⁾ probri vice obiectum est, quod Marciam Hortensio mortuo rursus duxit. Sed postea leges Romanae, cum disciplina fuit perturbatior, concesserunt, rursus duci dimissas. Multum enim vitii fuit in legibus ethnicis, ut nunc quoque in Turcicis, quae de coniugio receptae

11) Hoc recitat Lysias in oratione pro caede Eratosthenis c. 11.

12) Meier et Schöm. l. l. p. 382 sqq. et Petit. VI, 5. p. 469 sq.

13) prostituisset] sic Editt. 1546. et 1551.; Edit. 1554. protestuit.

14) Aeschin. contra Timarch. p. 40. ed. Reiske.

15) Conf. Rein l. l. p. 860 sq.

16) Meier et Schöm. l. l. p. 200 sqq.

17) supplicium] sic Editt. 1546. et 1551.; Edit. 1554. typogr. errore: supplicium.

18) Scil. laqueo, conf. Argumentum orationis Aeschinis contra Timarchum in Hieron. Wolfii editione operum Demosthenis et Aeschinis. Basil. 1572. Fol. T. II. p. 170.

19) Meier et Schöm. l. l. p. 413 sqq., Wachsmuth l. l. II. p. 166. et Petit. VI, 3. p. 459.

20) Lysias in Alcibiadem c. 7.

21) Plutarch. Alcibiad. c. 8.

22) Hipparete, Hipponici filia.

23) De divortio Romanis licito vid. Adam: Handbuch der röm. Alterth. übers. v. Meyer T. II. p. 281 sqq. et Schweppe: Römische Rechtsgech. u. Rechtsalterth. 3. Aufl. herausg. v. Gründler §. 411 sq. p. 719 sqq.

24) Demosthenes contra Neaeram p. 1362, 25. 26. ed. Reiske, ait: κατά τον νόμον, δε κλειύει, εάν ἀποπέμπη την γυναίκα, ἀποδώσει την προίκα, εάν δέ μη, επ' εννέ' δβολοις τοκοφορεϊν.

25) Deuteron. 24, 4.

26) vetuerunt] sic Editt. 1551. et 1554.; Edit. 1546. vetuerant.

27) M. Porcius Cato Uticensis alteram uxorem Marciam Q. Hortensio Hortalo a. 700. cessit, eoque mortuo a. 704. recepit; vid. Plutarch. Cat. 52. et Pauly: Real-Encycl. T. III. p. 1496.

fuertunt²⁸⁾, et calamitates publicas omnibus temporibus vagae libidines multipliciter cumularunt.

Decima tertia.

Actio contra coelibem, quae vocabatur *δίχη ἀγαμίον*²⁹⁾, nunc in Romano iure coelibatus poenam nullam habet, nec actio datur adversus coelibem, sed olim Romanis legibus, quarum titulus erat de maritandis ordinibus³⁰⁾, erat poena, ne coelibes ad magistratus admitterentur.

Decima quarta.

In hoc praecepto recitabo et accusationem *ἀργίας*³¹⁾, id est, otii, quae instituebatur contra cives, qui non exercebant agriculturam aut artem certam, et veteribus legibus a Dracone latis poena erat infamia, si quis semel ac primum damnatus erat de otio. Postea Solon ita mitigavit, ut infamis esset tertio damnatus; volebat enim prioribus iudiciis commonefactum instituere postea³²⁾ certas operas, quod si non faciebat, apparebant³³⁾ deinde contumacia, petulantia, et malitiose confirmata ignavia, et contemptus legum, quae sunt digna graviore poena.

Huic accusationi latina nulla respondet, cum quidem ad disciplinam utilissimum sit, prohibere ignavum otium, quia verum est dictum illud Catonis: Nihil agendo discunt homines mala agere, et inopia multos hortatur, ut confugiant ad malas artes³⁴⁾.

28) receptae fuerant] sic Edit. 1554.; Editt. 1546. et 1551. latae sunt.

29) Meier et Schöm. l. l. p. 287.

30) Titulo legum varii argumenti, de maritandis ordinibus, inscripta est §. 8. legis Iuliae, in Dirksen manuale latinis fontium iuris civil. Rom. p. 513. Commemoratur haec lex e. c. in Gail comment. l. §. 178. „Nam et lege Iulia de maritandis ordinibus ei, quae etc.“ Alii eiusdem legis tituli sunt: lex Iulia miscella, lex Iulia Papiave, lex Iulia et Papia Poppaea, conf. Dirksen l. l. (et Schweppe l. l. p. 777.).

31) Meier et Schöm. l. l. p. 298 sq., Wachsmuth l. l. II. p. 21. 214. et Petit. V, 6. p. 424.

32) postea] sic Editt. 1551. et 1554.; Edit. 1546. interim.

33) apparebant] sic Editt. 1551. et 1554.; Edit. 1546. apparebat.

34) Conf. Colum. 11, 1, 26. 27. Nam illud verum est M. Catonis oraculum: Nihil agendo homines male agere discunt.

Septimum praeceptum.

Non furtum facies.

Decima quinta accusatio³⁵⁾.

Alia furta publica sunt, adversus quae accusatio ex lege Iulia³⁶⁾ instituitur, quae vocatur accusatio peculatus³⁷⁾, Graece *φάσις*³⁸⁾ dicebatur, id est, indicatio, seu delatio, quae multa complectitur, accusationem eorum qui aerarium defraudant, aut iniuste occupant fundos, aut redditus publicos, aut monetam adulterant, quod apud Romanos ad crimen falsi pertinet³⁹⁾.

Decima sexta.

Latini duas habent vicinas actiones, actionem mandati, et actionem negotiorum gestorum⁴⁰⁾, quarum altera adversus eum datur, qui mandata negotia non recte administravit; altera adversus illum, qui sponte suscepta.

Has complectuntur Attici una appellatione, et vocant, *ἐνθύναις*⁴¹⁾. Verum hac actione Graeci usi sunt non tantum in civilibus causis in petenda ratione de tractata pecunia, aut fundi administratione, sed etiam in publicis criminibus, ut cum magistratus perfuncti officio vocabantur in iudicium, cum aliquando contra leges fecissent, aut cum legationum perfidia accusabatur, ut Demosthenes accusat Aeschinem⁴²⁾, quod multa perfidiose in legatione fecerit.

Est autem erudita actio muniens duas virtutes maxime necessarias in omni administratione, scilicet, fidem in negotiis, susceptis, et diligen-

35) accusatio.] sic Editt. 1551. et 1554.; in Edit. 1546. deest.

36) Scil. ex lege Iulia peculatus, quae simul crimen sacrilegii et de residuis complectebatur, vid. Digest. XLVIII, 13. et Cod. IX, 28.

37) De peculatu l. e. furto pecuniae publicae vid. Rein l. l. p. 672 sqq.

38) Meier et Schömann l. l. p. 247 sqq., Böckh l. l. I. p. 376 sqq. 394 sqq., Wachsmuth l. l. II. p. 237. et Petit. V, 4. 5. p. 415 sqq.

39) De falso conf. Rein l. l. p. 774 sqq.

40) De mandato agitur Instit. III, 26. Digest. XVII, 1. Cod. I, 15. IV, 35.; de negotiis gestis Digest. III, 5. Cod. II, 19.

41) Meier et Schöm. l. l. p. 214 sqq., Böckh l. l. I. p. 204 sqq., Tittmann l. l. p. 323 sqq., Wachsmuth l. l. I. p. 419 sq. 486. II. p. 249. — In Edit. 1546. huic loco in margine adscripta sunt haec: Tutor *ἀνυπεύθυνος* qui non reddit rationem tutelae.

42) Demosthenes hoc fecit in oratione de falsa legatione.

tiam, de quibus ambabus dicit Paulus⁴³⁾. De caetero hoc requiritur, ut fidelis quis sit.

Decima septima.

Actio tutelae Graece dicitur *δίκη επιτροπής*⁴⁴⁾, quae contra tutores datur, qui pupillorum negotia male administrarunt, ut Demosthenes suos tutores accusavit⁴⁵⁾.

Decima octava.

Actio depositi *δίκη παρακαταθήκης*⁴⁶⁾ datur contra eos, qui in servando aut reddendo deposito non praestiterant fidem aut diligentiam. Condemnatus autem dupliciter puniebatur, videlicet ut solveret depositum, et quanti intererat, et ut esset infamis.

Decima nona.

Actio furti *δίκη κλοπής*⁴⁷⁾, cum de restituenda re, aut compensanda agebatur civiliter. Erant enim et apud Graecos tres gradus, fures, qui sine violentia res abstulerant. Hi condemnati duplo puniebantur. Deinde erant grassatores, qui armati penetrabant in alienas domos, quos vocamus grassatores, Graece *τοιχωρύχοι*, id est, perfossores parietum, vel *λωποδύται*, id est, detrahentes vestes aliis. Item, qui latrocinium exercent, *λησταί*. Hi duo postremi gradus poenis capitalibus puniebantur. Recens lex horum temporum severior est, quae omnes fures capitali supplicio adficit, quod habet rationem in his barbaris nationibus, ubi plerique fures omnes habent animum latronum similem.

43) Conf. 1. Cor. 4, 2. Tit. 2, 10.

44) Meier et Schöm. l. l. p. 454., Böckh l. l. p. 378. 380., Petit. VI, 7. p. 493.

45) Demostheni a patre tres tutores erant constituti Aphobus, Demophon et Therippides, qui omnes cum fraudulenter egissent eiusque patrimonium spoliassent, ab eo sui iuris facto in iudicium vocati sunt. De hac causa in Aphobum tres habuit orationes. (conf. etiam Pauly: Real-Encycl. T. II. p. 959.)

46) Meier et Schöm. l. l. p. 512 sqq. De iure Romano quod ad depositum attinet, conf. Digest. XVI, 3. Cod. IV, 34.

47) Meier et Schöm. l. l. p. 229 sq. 356 sqq., Wachsmuth l. l. II. p. 212., Petit. VII, 5. p. 528 sqq. Actionem furti apud Romanos exposuit Rein l. l. p. 293—329.

Actiones ex contractu.

Vicesima.

Actiones ex contractu apud Latinos iuxta species diversa nomina habent⁴⁸⁾, et Graeci quasdam species nominant, sed genus est *δίκη ξυμβολαίου*⁴⁹⁾. Species recensentur actio ex debito mutui, quam vocant *δίκην χρέους* et *δίκην δανείου*, cum videlicet petitur pecunia debita mutatione. Sic inscriptae sunt duae orationes in Demosthenē, quae actiones ex mutuo natas continent⁵⁰⁾. Sed actio *χρέους* dicitur etiam de debito ex emptione. Usurae autem proprie dicuntur, cum propter mutationem plus sorte petitur.

Veteres etiam cogebant solvere usuras, cum non esset persolutum debitum constituto die, etiamsi debebatur ex emptione. Ac licebat legibus Atticis et Romanis centesimas usuras⁵¹⁾ petere, et has debitor solvere cogebatur. Sed supra centesimas non licuit petere aut stipulari, et iudex absolvebat debitorem, a quo plus petebatur quam centesima.

Caeterum nos scimus lege divina prohiberi omnes usuras, sed cum homines profani non obtemperant legi Dei, magistratus in imperiis modum usurarum sanxerunt, ne prorsus exhauriantur tenuiores, sed ne hunc quidem modum servat feneratorum rapacitas.

Saepe igitur propter magnitudinem usurarum seditiones in imperiis ortae sunt, aut secutae magnae mutationes, ut Athenis et Romae accidit. Id vero quod interest petebatur *δίκη βλάβης*⁵²⁾. Nam interesse tunc proprie dicitur, cum aliquis contrahens efficaciter causam dedit damni.

48) De variis contractus speciebus apud Latinos vid. Schweppe l. l. p. 553 sqq.

49) De hac conf. Meier et Schöm. l. l. p. 422. 510.

50) Ad *δίκην χρέους* enim pertinet Demosthenis adversus Timotheum oratio (*ὅπερ χρέους λόγος*), ad *δίκην δανείου* eius adversus Phormionem oratio (*ὅπερ δανείου λόγος*).

51) De usuris apud Graecos conf. Böckh l. l. I. p. 135 sqq., Wachsmuth l. l. II. p. 183 sqq., Petit. V, 4. p. 403 sqq.; apud Romanos Adam l. l. II. p. 346 sq. et Schweppe l. l. p. 475 sqq.

52) *δίκη βλάβης*.] sic Edit. 1546.; Edit. 1551. et 1554. *δίκη ξυμβολαίου* (i. e. actio rei indicatae). — De *δίκη βλάβης* vid. Meier et Schöm. l. l. p. 186 sqq. 373. 475 sqq., Böckh l. l. I. p. 397., Wachsmuth l. l. II. p. 190 sq., Petit. VII, 3. p. 526 sq.

Actio ex empto.

Vicesima prima.

Congruit cum actione Romana, quae vocatur actio ex empto⁵³⁾, Attica, quae vocatur *δίχη βεβαιώσεως*⁵⁴⁾, id est, emptionis non labefactandae, quae dabatur emptori adversus venditorem, ut rem traderet, item ut praestaret evictionem, hoc est, si esset opus, ostenderet se esse dominum rei venditae, aut redderet pretium, si vendidisset rem alienam ignoranti. Complectitur et vicinas actiones, quae dantur emptori.

Actio ex interdicto Unde vi.

Vicesima secunda.

Actio vocatur *δίχη ἐξούλης*⁵⁵⁾ a verbo *ἐξείλω*, id est, expello. Datur vel ad recuperandam, vel ad retinendam possessionem, vel ad fruendam, si quis frui prohibet vel impedit.

Has species Romani discernunt diversis appellationibus, videlicet, interdicto Unde vi⁵⁶⁾, item Uti possidetis⁵⁷⁾. Sed Attici generali appellatione, quam dixi, vicinas complexi sunt. Ut autem Deus vult suas cuique res munitas esse, velut muro, sua lege: Non furtum facies, ita magistratui praecipit huius legis executionem, vult defendi cives, ut suo quisque frui, retinere suum, et recuperare iniuste erepta possit. Exempla cum in historiis, tum in quotidiana vita obvia sunt.

Memorabilis historia recitatur a Seneca⁵⁸⁾. Philippus Macedo militem aliquo miserat cum certis mandatis, qui cum tempestatibus ad litus repulsus et saevitia tempestatis languefactus esset, exceptus est a vicino rustico. Apud hunc cum per aliquot dies recreatus vires iterum collegisset, redit ad regem, ac periculum narrat, rustici beneficia non recitat, sibi vero donari villam eo loco sitam testem periculi sui petit. Rex liberaliter donat. Cum autem miles venisset occupatu-

rus villam, rusticus ad regem accedit, narrat a se servatum esse militem, et pro beneficio se expelli ex suo. Hic rex donationem retractat, et rusticum iubet retinere suum praedium, ac militi ingrato iubet iniuri stigmata in fronte: *Hospes ingratus*.

Vicesima tertia.

Ex locato⁵⁹⁾, *μισθώσεως*⁶⁰⁾, de qua etiam Attici observabant, quod est in iure Romano, ut res in domum locatam translatae, quae sunt conductoris, sint oppigneratae locatori ipso iure, etiamsi nullum accessit decretum magistratus, sicut dicitur in titulo. Ex quibus causis pignus vel hypotheca tacite contrahitur, ubi dicitur: Invecta et illata pignori erunt obligata.

Vicesima quarta.

Haereditatum actiones multae fuerunt, *ἀμφισβήτησις*⁶¹⁾, qua quaerebatur, quis esset haeres? cum decessisset aliquis sine liberis, et sine testamento; *ἐπιδικασία*⁶²⁾, cum proximi agnati petebant haereditatem, etiamsi factum erat testamentum, cum querebantur⁶³⁾ se iniuste praeteritos esse.

Octavum praeceptum.

Non dicas falsum testimonium.

Vicesima quinta accusatio.

In Areopago⁶⁴⁾ accusabatur, qui dixerat falsum testimonium, et vocabatur accusatio *ψευδομαρτυρίου*⁶⁵⁾. Erant et aliae actiones eorum, qui dixerant se audivisse ab inspectantibus, *ἐκμαρτυρίας*⁶⁶⁾. Dabatur etiam actio *λεπομαρτυ-*

53) Conf. Digest. XIX, 1. Cod. IV, 49. et Adam l. l. l. p. 422. de actionibus emti et venditi.

54) Meier et Schöm. l. l. p. 525 sqq., Petit. V, 3. p. 400.

55) Meier et Schöm. l. l. p. 186. 379. 485 sqq. 749 sq., Böckh l. l. l. p. 404., Petit. V, 4. p. 413 sq.

56) Digest. XLIII, 16. et Cod. VIII, 4. Unde vi.

57) Digest. XLIII, 17. et Cod. VIII, 6. Uti possidetis.

58) Seneca de beneficiis III, 1 sqq. IV, 37.

59) Vid. Inst. III, 24. de Locatione et conductione; Digest. XIX, 2. Locati conducti; Cod. IV, 63. de Locato et conducto.

60) Meier et Schöm. l. l. p. 294 sqq. 454. 532. Böckh l. l. l. p. 380 sq., Petit. VI, 7. p. 492.

61) Wachsmuth l. l. II. p. 231 sqq. Petit. I, 2. p. 96. conf. Meier et Schöm. l. l. p. 464.

62) Wachsmuth l. l. II. p. 231 sqq. Petit. VI, 1. p. 442 sq. conf. Meier et Schöm. l. l. p. 367 sq.

63) querebantur] sic Editt. 1546. et 1551.; Edit. 1554. tyogr. errore: quaerebantur.

64) Tittmann l. l. p. 221.

65) Meier et Schöm. l. l. p. 183. 380 sqq., Böckh l. l. l. p. 400., Wachsmuth l. l. II. p. 222., Petit. IV, 7. p. 358 sq.

66) Meier et Schöm. l. l. p. 670 sq., Wachsmuth l. l. II. p. 265., Petit. IV, 7. p. 355 sq.

ρίας⁶⁷⁾, contra eos, qui cum possent nolebant dicere testimonium, sicut nunc de cogendis testibus iura constituta sunt, quia utrique sunt iniusti, et qui falsum dicunt, et qui veritatem occultant, cum eam sciunt, sicut et Christus non solum oppugnatorem, sed etiam dissimulatorem veritatis damnat (Luc. 11, 23): Qui non colligit mecum, dispergit:

Vicesima sexta.

Accusatio *παράνομων*⁶⁸⁾ ignota est Latinis, cum accusatur is, qui legem aut decretum proposuit contrarium prioribus receptis legibus. Ideo autem haec forma nomen apud Latinos non habet, quia privata legum mutatio Romae accusabatur crimine laesae maiestatis⁶⁹⁾, sicut nunc in Ecclesia crimine haereseos. Attici vero gradus legum distinxerunt, ac violantem nervos religio-

67) Meier et Schöm. I. I. p. 672 sq., Wachsmuth I. I. II. p. 266., Petit. IV, 7. p. 257.

68) Meier et Schöm. I. I. p. 282 sqq., Böckh I. I. I. p. 408. 411., Petit. II, 1. p. 109. III, 2. p. 255.

69) Scil. ex lege Iulia de maiestate, conf. Bein I. I. p. 515 sqq.

Nota. Huic collationi in editionibus singularibus 1546., 1551. et 1554. in fine annexum est: „Exemplum quod monet non temere mutandas esse leges, quae gravi iudicio maiorum receptae, et postea longo usu comprobatae sunt. Ex Demosthenis oratione contra Timocratem.” In Editione principe 1546. huic „Exemplo” adiuncta est: „Solonis elegia, citata a Demosthene, de causis, quae adferunt exitium regnis, et magnis civitatibus, conversa a Philip. Melanth.”, quae in Editt. 1551. et 1554. omissa est. Has duas appendices referemus inter auctores graecos a Mel. enarratos. — In Prolegg. accusationes VIII—XXVI. cum appendicibus desunt, earumque loco accusationi septimae annexa sunt haec:

*Optime autem socii etc.*⁷⁴⁾] Quod sit naturalis societas et adiunctio homini ad hominem ostendit ipsa natura in propagatione, quia unus homo non gignit hominem, et omnes multorum officii indigemus. Ostendit item communicatio sermonis. Sed maxime illustre testimonium et vinculum est lex Dei (Matth. 19, 19.): Diliges proximum tuum sicut te ipsum. Ex hoc fonte scilicet quod natura est homini ad homines adiunctio, sequitur doctrina de duplici obligatione naturali et civili. Naturalis obligatio praecipit egenti in necessitate praestari omnia communicabilia, quae sine damno communicari possunt. Postea civilis obligatio habet etiam suos gradus.

74) Verba Cic. de offic. I, 16, 50., ubi autem pro *socii* legitur *societas*.

nis aut imperii, accusabant vel *εἰσαγγελλία*⁷⁰⁾, vel accusatione *ἀσεβείας*⁷¹⁾; sed violationem legum inferiorum transferebant ad hanc vulgatissimam accusationem *παράνομων*, qua condemnatus erat tantum infamis, non adiciebatur capitali supplicio. Ut Ctesipho accusatur ab Aeschine, quod decretum fecisset, ut Demostheni ante relatas rationes decernerentur honores⁷²⁾.

Econtra accusatus iniuste, poterat accusatorem vicissim accusare *συκοφαντίας*⁷³⁾, ut supra diximus, ut in iure Romano ex Senatusconsulto Turpiliano licet accusare calumniatorem, qui condemnatus infamis est. Sed vetus severitas calumniatorem in causa capitali eodem supplicio puniendum censuit, quo adfectus esset adversarius, si convictus esset.

70) *εἰσαγγελλία*] Editt. *εἰσαγγελλία*. — Conf. supra p. 599. tertia accusatio.

71) Vid. supra p. 597. prima accusatio.

72) Ctesiphon Leosthenis, Anaphlystius, ob decretam Demostheni coronam auream ab Aeschine accusatus est, Archonte Chaeronda, vid. Aeschynis oratio contra Ctesiphontem et Demosthenis de corona p. 243, 12. 266, 17. ed. Reiske.

73) *συκοφαντίας*] sic Editt. 1551. et 1554.; Editt. 1546. *συκοφαντίας*. — Conf. supra p. 603. octava accusatio.

Fortitudo⁷⁵⁾.

Est virtus propugnatrix veritatis et iustitiae, retinens firmitatem in rectis sententiis et propositis in mente et voluntate, et habens robur ad depellenda contraria. Vel fortitudo est firmitas cordis, quae ratione regitur, et retinet firmas sententias, et in defensione veritatis et iustitiae praeliari potest, et perfert adversa sine turpitudine, ne quid fiat contra aliquam virtutem, et habet adiumenta, seu heroica dona, seu in his, qui Deum recte invocant, Spiritum sanctum, quo et agnoscitur Deus, et refertur obedientia ad gloriam Dei.

75) Cic. de offic. I, 23, 80. In Prolegg. hic locus sic indicatur: Folio 24.

II. PH. MEL. ARGUMENTUM ET SCHOLIA IN OFFICIA CICERONIS.

Argumentum et scholia, quibus Melanthon Ciceronis de officiis libros enarravit, primo prodierunt a. 1525. sic inscripta:

Officia Ciceronis, cum scholiis Phil. Melan. Quae possint esse uice prolixi commentarij. Nam pleriq; loci quos hactenus nemo attigit, hic enarrantur. Haganoae, apud Iohan. Secer. Anno M. D. XXV. — (In fine Indicis:) Haganoae excudebat Iohan. Secer. Anno M. D. XXV. 8. 15¹/₂ plagg. (fol. 1^b. Carmen inscript.: Philippus Engentinus hospes Secerij in Vandalos. fol. 2—4. Argumentum Melanthonis. fol. 5—114. Ciceronis officiorum libri III. cum scholiis margin. Mel. 9 foll. non num. Index. folli ult. pars antica signum typogr., lani bifrontis caput, continet, pars aversa vac.)

secundo a. 1526:

(Index, ut in illa Ed. Seceriana principe) *Haganoae, apud Iohan. Secer. M. D. XXVI. *)* 8.

tertio a. 1530. ab auctore cum suo in lib. I. et II. Ethicorum Aristotelis commentario coniuncta:

Officia Ciceronis, multo quam antea castigatiora, cum Scholiis Phil. Melan. Quae possint esse uice prolixi cōmentarij. Nam pleriq; loci quos hactenus nemo attigit, hic enarrantur.

Item in Aristotelis Ethica, Commentarius doctissimus, eodem authore. Haganoae per Iohan. Secerium, Anno M. D. XXX. — (In fine:) Haganoae in officina Ioan. Secerij, anno M. D. XXX. Mense Martio. 8. 19 plagg. (fol. 1^b. Carmen Engentini. fol. 2—4. Argument. Melanth. fol. 5—205. Cic. de offic. libri III. c. schol. Mel. 7 foll. non num. Index. 39 foll. non num. In Ethica Aristot. [libr. I. et II.] Melanthonis enarratio., folii 39. pars aversa nonnisi cont. verba: Haganoae etc., infra quae caput lani bifrontis. ult. fol. vac.)

quarto a. 1532. cum commentario in lib. I. II. et V. Ethicorum et in lib. I. II. III. Politicorum coniuncta:

Officia Ciceronis, multo quam antea castigatiora, cū Scholijs Phil. Melan. Quae possint esse uice prolixi cōmentarij. Nam pleriq; loci quos hactenus nemo attigit, hic enarrantur.

*Item, in Aristotelis Ethica et Politica Cōmentarij doctissimi, eodē authore. Haganoae per Iohan. Secerium. Anno M. D. XXXII. — (In fine: Haganoae in officina Iohan. Secerij, Anno Christi, M. D. XXXII. Mense Februario. 8. 23¹/₂ plagg. (fol. 1^b. Carmen Engentini. fol. 2—4. Argum. Melanth. fol. 5—105. Cic. de offic. libri III. c. schol. Mel. fol. 106—142. In Ethica Arist. [lib. I. et II.] Mel. enarratio. fol. 143—170. In Polit. Arist. [lib. I—III.] Mel. enarratio, praemissa ad Sil-lingum epist. fol. 170^b.—180. [pro 183 script.] In V. librum Ethic. commentar. Mel. 7 foll. non num. Index eor., quae in Offic. Cic. cont. folii ult. pars antica nonnisi cont. verba: Haganoae etc., infra quae caput lani, pars aversa vac.) **)*

*) Hanc Edit., quam F. L. A. Schweiger in libro: Handbuch der classischen Bibliographie Tom. II. P. I. p. 197. et I. C. Orellius in Indice editionum scriptorum M. T. Ciceronis (Op. Cic. Vol. VI. p. 345.) commemorant, nondum vidimus.

**) Haec Editio rarissima, quae in bibliotheca Guelpherhytana asservatur, non me solum antea fugit [quapropter supra in Prolegg. p. 3—4., 17—18., 277—278. et 417—418 omissa est], sed etiam Strobelium, Schweigerum, Orellium aliosque. A ceteris Editt., quae Melanthonis in lib. I. II. et V. Ethic. Aristot. commentarios continent, primum eo differt, quod liber III. Ethic. deest, deinde eo, quod liber V. Ethic. non proxime librum II. Ethic., sed libri III. Politicorum Arist. enarrationem sequitur.

Hae editiones, quae ipsius auctoris cura prodierunt eamque ob causam primariae sunt, in parte aversa folii, quod inscriptionem libri continet, hoc habent carmen:

Philippus Eugentinus hospes Secerit in Vandalos.

Omnia qui vultis truculenta perdere clade
 Et paene in sterilem ducere quaeque situm,
 Heus sinite, ut nobis saltem monumenta supersint
 Quae non peiores reddere lecta solent.
 Quid meruere boni manes mutique magistri?
 Ista parant vobis turpiter invidiam.
 Quae modo certatim studio damnantur iniquo
 Sunt olim pulchre sidere nata suo.
 Cur quae durarunt longos servata per annos
 Nunc veniunt fato praecipitanda novo?
 Scilicet infandis urgetis casibus orbem,
 Dum quisque ex animo saevit in ingenia.
 Cessate et studiis ereptum reddite honorem
 Ultrices Nemesis ne ferat ipsa manus.
 An non ille dedit civilem ducere vitam
 Omnia qui pleno numine corda trahit?
 Nemo igitur damnat cantata volumina Tulli,
 Quae porro laudem commeruere suam.
 Utque petenda fluunt sacris e fontibus, unde
 Instituas firma religione fidem.
 Dogmata sic nostros formant civilia mores,
 Et sacer e superis spiritus ista dedit.

Argumentum et scholia, quibus Mel. in his editionibus Ciceronis de officiis libros enarravit, saepe repetita sunt ab aliis, qui hos libros aut solos aut cum Ciceronis de amicitia et de senectute libris et paradoxis, plerumque etiam cum somnio Scipionis coniunctos atque commentariis illustratos ediderunt*). Prioris generis editiones hae sunt:

* *M. T. Ciceronis officia cum annotationibus Erasmi et Phil. Melanchthonis. Paris., excudebat Simoni Colinaeo Ludovicus Cyanius. 1530. m. Aug. 8.*

* — *officiorum lib. III. Opera et diligentia Vuolffgangi Anemoccij ex vetustissimo codice, qui multos annos in Cocnobio D. Huldrici Augustae delituit, plusquam, in centum locis castigati atq; restituti. Adiuncta sunt scholia D. Erasmi Roterodami, et Philippi Melanchthonis, cum Dialogo Anemoccij, in quo reddit rationem cur illos locos mutauerit. Anno M. D. XXXV. — (In fine:) Impressum Augustae Vindelicorum per Alexandrum Weissenhorn, anno Domini M. D. XXXV. 8. (8 foll. non num. Praef. f. 1—81^a. num. Officia. f. 82^b—90. Dialogus Anemoccij. f. 91—99^a. Erasmi annotatt. f. 99^b—106^a. Melanchthonis scholia. fol. 106^b—108^b. M. T. Ciceronis vita ex Historia Volaterrani. 1 f. clausula.)*

Alterius generis editiones has commemoramus:

* *M. T. Ciceronis Officia, de amicitia, de senectute, Paradoxa. Omnia denuo recognita per D. Frasmum Roterodamum et Conradum Goclenium. Additis etiam scholiis Phil. Melanchthonis. Coloniae, Io. Gymnicus. 1530. 8.*

* — (Index, ut in Ed. Colon. anteced. 1530.) *Coloniae, Io. Gymnicus. 1533. 8.*

* — *Officia, de Amicitia, de Senectute, Paradoxa et Somnium Scipionis cum annotationibus Erasmi Roterodami et Phil. Melanchthonis. Parisiis, apud Simonem Colinaeum 1533. 8.*

* — *Officia, de amicitia, senectute, Paradoxa, de Somnio Scipionis cum D. Erasmi, Phil. Melanchthonis ac Barth. Latomi annotatt. Quibus accessit Graeca Th. Gazae in libr. de senect. et somn. Scip. traductio. Lugduni, Gryphius 1535. 8. (36 foll. non num., pagg. 264., 30 foll. non num. Gazae interpretatio.)*

— *libri tres de Officiis. Item, De Amicitia: De Senectute: Paradoxa: et, De Somnio Scipionis: cum D. Erasmi, Philippi Mel. ac Barptolemaei Latomi annotationibus. Quibus accessit Graeca Theodori Gazae in lib. de Senectute, et Somnium Scipionis traductio. Lugduni apud Gryphium, 1536. 8. 20^{1/2} plagg. (17 foll. non num. Erasmi praefat. et annotatt. in libr. de offic., de amicitia, de senectute, paradoxa et somnium Scip. et Phrissemii nota. 14 foll. non num. Melanchthonis praef. et annotatt. in Offic. 4 foll. non num. Latomi in paradoxa Cic. annotatt. p. 1—3. Erasmi*

*) Has editiones, quas asterisco notavimus, e Schweigeri libro laudato et Orellii Indico editionum, quem in Ciceronis operum editione Vol. VI. (s. Onomastici Tulliani P. I.) p. 197—276. proposuit, additisque ad eum analectis Vol. VIII. (s. Onom. Tull. P. III.) p. 344—361., depromimus: ceteras autem ipsi in manibus tenemus.

- epist. p. 4—159. Cic. de offic. p. 160—196. Cic. Laelius. p. 199—234. Cic. Cato Maior. p. 235—254. Cic. paradoxa. p. 255—264. Cic. somnium Scip. 31 foll. non num. Th. Gazae in lib. de senect. et somn. Scip. transductio graeca. penult. pag. vac.; ult. gryphum, typhothetae symbolum, cont.)
- M. Tullii Ciceronis Officiorum libri III. Opera et diligentia Vuolffgangi Anemoecij ex vetustissimo codice, plusquam in centum locis castigati atque restituti, adiectis etiam de Amicitia, de Senectute, atque Paradoxis, una cum Dialogo Anemoecij, in quo reddit rationem cur illos locos mutauerit. Omnia vigilantia cura recognita, per Desiderium Erasmus Roterodamum et Conradum Goelenium, passim etiam Philippi Melanchthonis scholiis appositis. Coloniae, Apud Ioannem Gymnicum, An. M. D. XXXVII. (et M. D. XXXVIII., Ciceronis enim de amicitia liber, qui in huius editionis parte extrema continetur, in indice hunc annorum numerum habet.) 8. 24 $\frac{1}{2}$ plagg. (pag. 3—9. Erasmi et Melanthonis praef. in Offic., p. 10—227. Officia Cic. cum annotatt. Erasmi et Melanthonis, 3 pagg. non num. Index, 19 pagg. non num. Anemoecii dialogus castigationum. Deinde cum proprio indice: Ciceronis liber de senectute. Cum annotatt. Erasmi Roterodami. Ibid. 1537. 31 foll. non num. Paradoxa Cic. cum annotatt. D. Erasmi Rot. Additis in margine scholiis artificii Barth. Latomo Arlunensi autore. 14 foll. non num. Denique cum proprio indice: Cic. liber de amicitia. Cum annotatt. D. Erasmi Rot. et Melanchth. Ibid. 1538. 28 foll. non num.)*
- * — *Officia, diligenter restituta. Eiusdem de Amicitia et Senectute dialogi singuli: Item Paradoxa, et Somnium Scipionis: Cum annotationibus Erasmi Roterodami, et Philippi Melanchthonis. Item, Annotat. Bartholomaei Latomi in Paradoxa. Parisiis, Apud Simonem Colinaeum 1538. 8. (8 foll. non num. et 180 foll. num.)*
- (Index, ut in Ed. Colon. 1537.) s. l. [Lipsiae] *Ex officina typographica Nicolai Fabri. M. D. XXXIX. 8. 28 $\frac{1}{2}$ plagg. (p. 3—14. alternis num. Erasmi et Melanthonis praef., p. 15—268. Cic. officia Erasmi et Melanthonis scholiis adiunctis; 3 pagg. non num. Index, 22 pagg. non num. Anemoecii dialogus castigationum. Deinde cum proprio indice: Ciceronis liber de Amicitia. Cum annotatt. D. Erasmi Rot. et Phil. Melanchthonis. 1539. In fine: Ex officina typographica Nicolai Fabri 1539. 32 foll. non num. Tum cum proprio indice: Cic. liber de Senectute. Cum annotatt. Erasmi Rot. 1539. 31 foll. non num., 1 fol. vac. Denique cum proprio indice: Paradoxa Ciceronis cum annotatt. D. Erasmi Rot. Additis in margine Scholiis artificii Barth. Latomo Arlunensi autore 1539. 16 foll. non num.)*
- * — (Idem Index ut in Ed. anted. ex off. Fabri 1539.) *Basileae, ex officina Balth. Lasii. 1541. 8.*
- * — *Officia, de amicitia et senectute dialogi, Paradoxa et Somnium Scipionis cum annotatt. Erasmi et Melanchthonis. Item annotatt. Latomi in Paradoxa. Parisiis, Simeon Colinaeus 1541. 8.*
- * — *Officia, Laelius, Cato, Paradoxa. Somnium Scipionis cum Erasmi, Melanchthonis et Latomi annotationibus. Parisiis, ex officina Franc. Gryphii 1545. 12.*
- * — *de Officiis libri tres. Eiusdem de Amicitia, de Senectute Dialogi duo: cum Paradoxis et Somnio Scipionis. Omnia denuo optimis quibusque collatis exemplaribus diligentissime castigata. Una cum scholiis Philippi Melanchthonis. Quibus accesserunt M. Ioan. Velcurionis Annotationes in librum Officiorum, de Senectute et de Amicitia nusquam hactenus edita. Item Ambrosii Schulerii et Barth. Latomi Annotationes in Paradoxa. Francofurti, ex off. Petri Brubacchii (sic) 1545. 8.*
- * — *cum var. lectt. et Erasmi annotatt. et notis Phil. Melanchthonis in Officia et Barth. Latomi in Paradoxa. Parisiis, ex off. Rob. Stephani 1546. 12.*
- *libri tres de officiis. Item, de amicitia: de senectute: paradoxa: et, somnium Scipionis: cum quorundam doctissimorum virorum annotationibus, et prolegomenis Ioach. Camer. Pabergen. edita, Lipsiae in officina Valentini Papae. Anno M. D. XLVI. 8. 24 $\frac{1}{2}$ plagg. (15 foll. non num. Camerarii Prolegg. in Offic., p. 1—149. Officia Ciceronis, p. 150—185. Cic. Cato Maior, p. 186—225. Cic. Laelius, p. 226—245. Cic. Paradoxa, p. 246—255. Cic. Somnium Scipionis, p. 256—265. variae lectiones, p. 266—328. Erasmi praef., epist. et annotatt. in libros de officiis, de senectute, de amicitia, paradoxa et somnium Scip., p. 329. J. Matthaei Phrissemii nota, p. 329—357. Melanthonis argumentum et annotatt. in libros de officiis, p. 358—365. Barpt. Latomi in Paradoxa Cic. Annotationes, p. 366. Errata.)*
- * — (Index, ut in Ed. Lips. praeced. 1546.) *Lipsiae, ex off. Val. Papae 1548. 8.*
- * — *Officiorum libri III. cum commentariis Petri Marsi et Ascensii. Dialogus de Amicitia, cum commentariis Petri Marsi et Ascensii. Dialogus de Senectute, cum commentariis Petri Marsi, Martini Filetici et Ascensii. Paradoxa, interprete Ascensio. Accesserunt praeterea Des. Erasmi, et Philippi Melanchthonis scholia quaedam luculentissima, ad linguae Latinae phrasin apprime utilia. Cum duplici indice, tam omnium capitulum, quam rerum adnotatione dignarum. Quae omnia prius erroribus plurimis corrupta, nunc summa cura atque diligentia emendata eduntur. Venetiis, (Aldus) M. D. XLVIII. — (In fine:) Venetiis. M. D. XLIX. Fol. (4 foll. non num. Praef., 163 foll. columnatim impr., 1 fol. non num. cum ancora.)*

- * *M. T. Ciceronis de officiis libri III. cum commentariis viri doct. Viti Amerbachii, Erasmi, Ph. Melanchthonis et disquisitionibus Coelii Calcagnini. Accedunt de senectute, de amicitia, Paradoxa et Somnium Scipionis cum commentariis eumque annotatt. Erasmi et Barth. Latomi. Studio et opera Pet. Balduini Sampolini. Parisiis, apud Thomam Richardum 1550. 4.*
- *de Officiis. lib. III. Cato maior, sive de Senectute. Laelius, sive de Amicitia. Somnium Scipionis. Paradoxa. Sylloge lib. de Repub. Θεόδωρου περί γήρωσ ἐρμηνεία. Καὶ ὄνειρος Σκιπίωνος. Post postremam Nangerianam, et Victorianam, correctionem Emendata a Ioanne Sturmio. Cum Indice locupletissimo. Additae etiam sunt Erasmi Roterodami, et Philippi Melanchthonis, et Bartholomaei Latomi annotationes in eisdem libros. Omnia, quam antehac, et locupletiora et emendatiora. M. D. LIII. s. l. (Argentorati.) et s. typogr. nom. 8. 34 plagg. (9 foll. non num. Sturmii, Egnatii et Erasmi praefatt., 24 foll. non num. Erasmi annotationes in Cic. libr. de Offic., de Amicit., de Senect., Parad. et Somn. Scip. cum Phrissemii nota. 15 foll. non num. Melanchthonis argumentum et annotationes in Cic. libros de Offic. 5 foll. non num. Latomi in paradoxa Cic. annotatt. 2 foll. vac. fol. 1—76. Cic. de Offic. f. 77—95^a. Cic. Cato Maior. f. 95^b—115. Cic. Laelius. f. 116—126^a. Cic. paradoxa. f. 126^b—131. Cic. de somnio Scip. 3 foll. non num. Testimonia praestantiae Cic. libror. de republ. 16½ foll. non num. Loci sex libror. Cic. de republ. 7½ foll. non num. Autoritates ex libris Cic. de gloria, et ex Oeconomicis, ex uariis scriptoribus collectae. 26½ foll. non num. M. T. Κικέρωνος Ρ. Κατῶν ἢ περὶ γήρωσ. Ἐρμηνεία Θεόδωρου. 7½ foll. non num. M. T. Κικέρωνος ὄνειρος τοῦ Σκιπίωνος. 22 foll. non num. Index. 1½ foll. vac. ult. pag. cont. typogr. signum, angelum, qui normam tenet.)*
- De officiis M. T. Ciceronis libri tres. Item De Amicitia, De Senectute, Paradoxa, et De Somnio Scipionis. Cum castigationibus et annotationibus virorum doctissimorum et nouis quibusdam, ut sequens pagella indicabit. Tiguri apud Christophorum Froschouerum. M. D. LIII. 8. 30 plagg. (p. 2. Index eorum, quae in hac editione continentur, p. 3—7. Erasmi praef., p. 8—14. Melanthonis argumentum in Officia Cic., p. 15—273. Cic. Officia a Wolsf. Anemoetio castigata cum argumentis et annotatt. Erasmi, Melanthonis, Barpt. Latomi et Conr. Coelenii, iisque ita permixtis, ut quae cuiusque sint cognoscere non possis; p. 274—284. Ioach. Camerarii in Cic. libros Offic. annotatt., p. 285—306. Anemoetii Dialogus castigationum; p. 307—353. Cic. Laelius s. de Amicitia, p. 354—358. In hunc librum Erasmi Rot. Annotatt., p. 358—361. Ioach. Camerarii in eund. libr. Annotatt., p. 362—404. Cic. Cato maior s. de Senectute, p. 405—411. In hunc librum Erasmi Annotatt., p. 411—412. Camerarii in eund. libr. Annotatt., p. 412—421. In eund. librum Ioann. Metzleri Commentariola; p. 422—444. Cic. Paradoxa, p. 445—449. Annotatt. Erasmi in Parad., p. 449—456. Latomi in ea Annotatt.; p. 457—467. Cic. de somnio Scipionis, p. 468—469. In hoc Erasmi Annotatt., p. 469. Io. Matth. Phrissemii nota. p. 470—473. M. T. Ciceronis vita, ex historia Volaterrani; 4 pagg. non num. Index rerum in Officiis memorabilium; 3 ult. pagg. vac.)**
- * *M. T. Ciceronis Officiorum libri tres summa cura nuper emendati commentantibus Petro Marso, Franc. Maturantio et Ascensio. Dialogus de amicitia cum comm. Petri Marsi, Omniboni et Ascensii. Dialogus de senectute commentantibus eodem Petro Marso, Mart. Philetico et Ascensio. Paradoxa omnia cum commentariis Omniboni, Franc. Maturantii et Ascensii. Annotatt. aliquot doctiss. hom. (Erasmi scil. et Melanchthonis) in omnia Ciceronis supra scripta opera. Marii Nizolii defensiones locorum aliquot Ciceronis contra disquisitiones Calcagnini, in quibus multa Ciceronis loca difficillima explanantur. Venetiis, Franciscus Bindonus 1554. Fol. (4 foll. non num., 222 foll. columnatim impr.)*
- * — *de officiis libri III., de amicitia, de senectute, Paradoxa, Somnium Scipionis, cum annotatt. quorundam viror. doctorum (Erasmi, Melanthonis et Latomi, conf. Ed. Lips. 1546.) et prolegomenis Ioach. Camerarii. Lipsiae 1554. 8.*
- *de officiis lib. III. cum copiosissimis viri longe doctissimi commentariis, et cum Viti Amerbachij commentariolis, Annotationibus Erasmi Roter. Philippi Melanch. et Disquisitionibus aliquot Caelij Calcagnini. Eiusdem, De Senectute, de Amicitia, dialogi singuli cum commentariis longe utilissimis, Paradoxa cum triplici commentario, et Somnium Scipionis cum annotationibus Erasmi, Bartholomaei Latomi, et praelectionibus Petri Rami. Haec omnia, summa fide ac diligentia ex collatione vetustissimorum codicum sunt a Petro Balduino Sampolino integritati restituta, quod ex eius in aliquot loca annotationibus lector deprehendet in calce libris additis. Parisiis, Apud Sebastianum Niuellium 1556. 4. 88 plagg. (3 foll. non num. Balduini, Erasmi, Melanchthonis et Amerbachii in offic. praefationes, fol. 1—165^a. Cic. Officia cum annotatt. Erasmi, Melanchthonis, Betuleii et Amerbachii; fol. 165^b—175^a. Calcagnini Disquisitiones aliquot in libros officiorum Cic. fol. 175^b—180. Balduini annotatt. in Cic. de offic. Deinde cum proprio*

*) Haec duae Editiones anni 1553, quarum prior in Bibliotheca Academiae Ienensis, altera in Bibliotheca Senatus Norimbergensis asservatur, Schweigerum et Orellium fugerunt.

indice fol. 1—54. M. T. Cic. Cato Maior, seu de Senectute dialogus ad T. Pomponium Atticum, partim commentariis Xysti Betuleij, partim Erasmi Roterod. et Petri Balduini adnotationibus, illustratus. Ibid. apud eund. 1556. Tum cum proprio indice fol. 1—34. M. T. Cic. Paradoxa, ad M. Brutum, Francisci Syluij, Xysti Betuleij, cuiusdam etiam incerti authoris, commentariis, et annotationibus B. Latomi, locis item aliquot multum quam antea emendatis per Leodegarium a Quercu, illustrata. Ibid. ap. eund. 1556. Postea cum proprio indice fol. 1—33. M. T. Cic. Somnium Scipionis, ex libro sexto de repub. Adnotationibus Erasmi Roterod. Schollis Petri Oliuarij, praelectionibus Petri Rami, et doctissimi cuiusdam viri commentario explicatum. Ibid. ap. eund. 1556. 1 fol. vac. Denique cum proprio indice fol. 1—46. M. T. Cic. Laelius, sive de Amicitia dialogus ad T. Pomponium Atticum, cum doctissimi viri Xysti Betuleij commentariis, adiectis Desid. Erasmi, P. Victorij, et Petri Balduini adnotationibus. Ibid. ap. eund. 1556.)

M. T. Ciceronis de officiis libri III. Commentarijs Erasmi Roterodami, Philippi Melanchthonis, Viti Amerbachij, et Francisci Maturantij, tum Disquisitionibus Caelij Calcagnini illustrati. Eiusdem, De Senectute, De Amicitia, Paradoxa, Somnium Scipionis, cum Adnotationibus longe doctissimis D. Erasmi, Bartholomaei Latomi, Petri Marsi et Omniboni. Omnia iam recens sedulo castigata, et copiosissimo rerum atque verborum Indice locupletata. Lugduni, apud Theobaldum Paganum, 1556. 4. 129¹/₂ plagg. (7 foll. non num. Balduini, Erasmi, Melanchthonis, Amerbachii et Maturantii praefatt., 13 foll. non num. Index rer. et voc. in Offic., p. 1—519. Cic. Officia cum annotatt. Erasmi, Melanchthonis, Betuleij, Amerbachii et Maturantii, p. 520—534. Calcagnii disquisit. in Offic. Cic. p. 535—547. Balduini annotatt. in Off. Cic. Deinde cum proprio indice p. 1—136. M. T. Cic. Cato Maior, seu De Senectute Dialogus ad Tit. Pomponium Atticum, partim commentariis Xysti Betuleij, partim Erasmi Rot., Petri Balduini, et Petri Marsi adnotationibus illustratus. Ibid., ap. eund. 1556., 5 foll. non num. Index rer. et sentent. in Cic. Cat. Mai., 1 fol. vac. Tum cum proprio indice fol. 1—57. M. T. Cic. Laelius, sive De amicitia Dialogus ad Tit. Pomponium Atticum, cum doctissimi viri Xysti Betuleij commentariis, adiectis Desid. Erasmi, P. Victorij, Petri Balduini, et Omniboni adnotationibus. Ibid. ap. eund. 1556., 1 fol. vac., 3 foll. non num. Index voc. et sent. in Cic. Lael., 1 fol. vac. Postea cum proprio indice 16 foll. non num.: In M. T. Cic. de officiis, amicitia, senectute libros, chronologia, Xysto Betuleio autore. Ibid. ap. eund. 1556. Deinde cum proprio indice p. 1—68. M. T. Cic. Paradoxa, Ad M. Brutum, Franc. Syluij, Xysti Betuleij, D. Erasmi Rot. cuiusdam etiam incerti autoris, commentariis, et adnotationibus B. Latomi, locis item aliquot multum quam antea emendatis per Leodegarium a Quercu, illustrata. Ibid. ap. eund. 1556. Denique cum proprio indice fol. 1—33. M. T. Cic. Somnium Scipionis ex libro de Rep. sexto, adnotationibus Erasmi Rot., Schollis Petri Oliuarij, praelectionibus Petri Rami, et doctissimi cuiusdam viri commentariis explicatum. Ibid. ap. eund. 1556., 1 fol. vac. 3 foll. non num. Index rer., voc. et sent. in Somn. Scip.)

* — *de officiis, de amicitia, de senectute, Paradoxa et Somnium Scipionis, cum quorundam doct. viror.* (Erasmi, Melanchthonis et Latomi, conf. Ed. Lips. 1546.) *annotatt. et prolegomenis Ioach. Camerarii. Lipsiae, in off. Valent. Papae 1558. 8.*

* — *de officiis cet. cum Erasmi aliorumque (Melanchthonis et al.) annotatt. Acc. Graeca Theodori Gazae in libr. de senect. et Somn. Scip. traductio. Lugduni, Seb. Gryphius 1558. 8.*

* — — (Index, ut in Ed. [Argentorat.] praeced. 1553.) s. l. (Argentorati) et s. typogr. nom. 1559. 8.

* — *de officiis libri tres. Item de amicitia, de senectute, Paradoxa et de Somnio Scipionis. Cum castigationibus et annotationibus virorum doctissimorum et novis quibusdam. Tiguri, apud Christophorum Froschoverum 1560. 8. 468 pagg. Insunt in hac Ed. Pseudoanemoeciana annotationes Erasmi, Melanchthonis, Latomi et Coelenii, Anemoecii Dialogus; Annotatt. novae Latomi in libros de officiis Lutetiae, ut dictabat, a studioso quodam exceptae, Ioach. Camerarii in eisdem libros et Io. Metzleri in dialogum de senectute commentariola.*

* — *de officiis, de amicitia, de senectute, Paradoxa et Somnium Scipionis cum quorundam doct. viror.* (Erasmi, Melanchthonis, Latomi) *annotatt. et prolegomenis Ioach. Camerarii. Lipsiae, in off. heredum Valent. Papae 1562. 8.*

De officiis M. T. Ciceronis libri tres. Item, de Amicitia: de Senectute: Paradoxa: et de Somnio Scipionis. Cum quorundam virorum doctissimorum Annotationibus. Quibus accessit Graeca Theodori Gazae in libr. de Senectute, et Somnium Scipionis longe omnium emendatissima traductio. Ex castigatione Ioannis Boulicerij. Lugduni, Apud Ioannem Freloniam. 1562. — (In fine:) Lugduni, Excudebat Symphorianus Barbierus. 8. 19¹/₂ plagg. (p. 3—8. Boulicerij et Erasmi praefatt., p. 9—193. Cic. de offic. cum annotatt. Melanthonis et Erasmi, p. 191—235. Cic. Laelius s. de Amicitia Dial. cum annotatt. Erasmi, p. 236—275. Cic. Cato Maior s. de Senectute cum annotatt. Erasmi adiectis nonnullis e Gazae versione graeca, p. 276—300. Cic. Paradoxa cum annotatt. Latomi et Erasmi et una Phrissemii, p. 301—311. Cic. de somnio Scipionis cum annotatt. et loco quodam e Gazae vers. gr.)

* — — (Index, ut in Ed. Veneta 1551.) *Venetis, Bonellus 1563. Fol.*

- M. T. Ciceronis de Officiis libri III. Cato maior, siue de Senectute. Laelius, siue de Amicitia. Somnium Scipionis. Paradoxa. Sylloge lib. de Repub.* Θεόδωρου περι γήρωσ ἐρμηνεία, καὶ ὄνειρος Σκιπίωνος. *Post postremam Naugerianam, et Victorianam correctionem Emendata a Ioanne Sturmio. Cum indice locupletissimo. Additae etiam sunt Erasmi Roterodami, et Philippi Melanchthonis, et Bartholomaei Latomi annotationes in eisdem libros. Omnia, quam antehac, et locupletiora et emendatiora. M. D. LXIII.* — (In fine:) *Argentorati excudebat Iosias Rihelius. M. D. LXIII.* 8. 34 plagg. (9 foll. non num. Sturmii, Egnatii et Erasmi praefatt., 24 foll. non num. Annotatt. Erasmi in Officia, in lib. de Amicitia, de Senectute, in Paradoxa et in Somnium Scip., addita una Phrissemii nota. 15 foll. non num. Argumentum et Annotatt. Melanthonis in Officia. 5 foll. non num. Latomi in Paradoxa Cic. annotatt., 2 foll. vac. fol. 1—76. Cic. de Offic. libri, fol. 77—95^a. Cic. Cato Maior, fol. 95^b.—115. Cic. Laelius, fol. 116—126^a. Cic. Paradoxa, fol. 126^b.—131. Cic. de Somnio Scip. ex l. VI. de repub. 3 foll. non num. Testimonia praestantiae Cic. librorum de republ. 16¹/₂ foll. non num. Loci sex libror. Cic. de republ. ex opt. autorum citatione collecti. 7¹/₂ foll. non num. Autoritates ex libris Cic. de gloria, et ex Oeconomicis, ex uariis scriptoribus collectae. 26 foll. non num. *M. T. Κικέρωνος Κατῶν, ἢ περὶ γήρωσ. Ἐρμηνεία Θεόδωρου.* 7 foll. non num. *M. T. Κικέρωνος ὄνειρος τοῦ Σκιπίωνος.* 1 foll. vac. 2 foll. non num. Index. 2 foll. vac. *)
- *libri III. de officiis, fide vetustissimorum exemplarium, recogniti atq; restituti. De amicitia liber: de senectute: paradoxis atque de somnio Scipionis, omnia uigilanti cura et opera castigata, una cum Annotationibus. Ioachimi Camerarii in omnes hos libros Annotationes, ac Castigationes prius non uisae. Item: D. Erasmi Roterodami, Philippi Melanchthonis, Aldi Manutij, Bartholomaei Latomi, Vuolfgangi Anemoetij, passim etiam Conradi Coclenij Scholia apposita. Praeterea: Ioannis Metzleri Commentariola in Catonem Maiorem, hoc est, de Senectute antehac non addita. His quoq; Dialogus Anemoetij accessit, in quo reddit rationem cur complures locos Officiorum mutauerit. Cum indice diligenti. Basileae.* — (In fine:) *Basileae, apud Bartholomaeum Westhemerum anno M. D. LXVI.* 8. 23 plagg. (2 foll. non num. M. T. Ciceronis vita, ex historia Volaterrani Anthrop. Lib. XX., 5 foll. non num. Erasmi et Melanchthonis praefatt. in Offic. p. 1—192. Cic. Officia cum Erasmi et aliorum, quorum nomina scholiis non adscripta sunt, annotatt., ita ut praeter Erasmi argumentum libro I. et II. praemissum, eiusdemque annotatt. in calce trium librorum additas nullius annotationis auctorem ex hac Edit. cognoscas. p. 193—198. Camerarii in Offic. annotatt. p. 199—215. Anemoetij dialogus. p. 216—262. Cic. de amicitia cum Erasmi et Camerarii annotatt., p. 263—311. Cic. de senectute cum Erasmi, Camerarii et Metzleri annotatt. p. 312—337. Cic. Paradoxa cum Erasmi, Camerarii et Latomi annotatt. p. 337—347. Cic. de somnio Scip. (sine annot.); 4 plagg. non num. Index generalis eorum, quae in Offic. tractantur. Ult. pag. scutum continet, in quo sagitta a pisce circumplicata est. **)
- * — (Index, ut in Ed. Lips. 1554.) *Lipsiae 1567.* 8.
- * — (Index, ut in Ed. [Argentorat.] praeced. 1553.) *Argentorati, Ios. Rihel. 1570.* 8.
- (Index, ut in Ed. [Argentorat.] praeced. 1553.) *M. D. LXXIII.* — (In fine:) *Argentorati excudebat Iosias Rihelius. M. D. LXXIII.* 8. 28¹/₂ plagg. (Haec Ed. ab Ed. Argent. 1564. eo differt, quod Index breuior (14 foll. compl.) et Theodori Gazae graeca libri de senect. et somnii Scip. translatio, quamquam in inscriptione libri commemoratur, omissa est.)
- * — *de officiis libri cum comment. Erasmi Roterod., Phil. Melanchthonis et variorum. Accedunt de senect. etc. cum notis variorum. Lugduni, L. Cloquemin. 1578.* 8.
- * — *de officiis, de senectute, de amicitia, Paradoxa et Somnium Scipionis. Cum quorundam doct. viror. (Melanchthonis et al.) annotatt. et prolegomenis Ioach. Camerarii. Lipsiae, impr. Io. Steinmann 1580.* 8.
- * — (Idem Index, ut in praeced. Ed. Lips. 1580.) *Lipsiae, Io. Steinmann. 1584.* (etiāne 1585?) 8.
- De officiis M. T. Ciceronis libri III. Item, Laelius, siue de Amicitia. Cato Maior, siue de Senectute. Paradoxa Stoicorum sex. Somnium Scipionis. D. Erasmi Roterodami, et Philippi Melanthonis, aliorumque doctissimorum virorum annotationibus, et varietate lectionis, ex veterum exemplarium collatione deprehensa, illustrati, supraque omnes omnium hactenus editiones, quam castigatissime editi. Quibus accessit Graeca Theodori Gazae in lib. de Senectute et Somnium Scipionis, longe omnium emendatissima transductio. Praeterea Eiusdem Ciceronis vita ex historia Volaterrani Anthrop. lib. 20. desumpta. Cum Indice. Franc. M. D. LXXXVIII.* (In fine:) *Francofurti, ad Moenum, ex officina Haeredum Christ. Egenolphi. Anno M. D. LXXXVIII.* 8. 29 plagg. (fol. 2—9^a. Erasmi et Melanthonis praefatt., f. 9^a.—10. Cic. vita ex hist. Volaterrani, f. 11—136. Cic. de Offic. cum Melanthonis et Erasmi annotatt. f. 137—164. Cic. Laelius cum Erasmi annotatt. f. 165—190. Cic. Cato Maior cum Erasmi annotatt. f. 191—

*) Haec Editio, quae in bibliotheca Senatus Norimbergensis est, Schweigerum et Orellium fugit.

**) Haec etiam editio, quae in bibliotheca Academiae Vratislaviensis asservatur, Schweigero et Orellio latuit.

207. Cic. Paradoxa cum Latomi et Erasmi annotatt. f. 208—214. Cic. de somnio Scip. cum annotatt. 18 foll. non num. Index.)

* *M. T. Ciceronis libri de officiis, de senectute, de amicitia, Paradoxa et Somnium Scipionis. Cum quorundam doctt. virr. annotatt. et prolegomenis Ioach. Camerarii. Lipsiae 1589. 8.*

* — *— Editio ad Manutianam et Brutinam conformata. Adiectae sunt annotationes et castigationes ex variis doct. viror. scriptis selectae. Lipsiae (sine nomine typographi) 1593. 8.*

* — (Index, ut in Ed. Lips. 1580.) *Lipsiae 1597. 8.*

Ex hoc magno Editionum numero has sedecim in manibus tenemus: 1) Ed. anni 1525. Hagan., 2) 1530. Hagan., 3) 1532. Hagan., 4) 1536. Lugdun., 5) 1537. Colon., 6) 1539. [Lips.] ex offic. Fabri, 7) 1546. Lips., 8) 1553. Argentorat., 9) 1553. Tigur., 10) 1556. Paris., 11) 1556. Lugdun., 12) 1562. Lugdun., 13) 1564. Argentorat., 14) 1566. Basil., 15) 1574. Argentorat., 16) 1588. Francofurt., quarum varietatem ita adnotabimus, ut lectioni annum tantummodo adscribamus, duas autem anni 1553. Editt. addita littera A. (Argentor.) et T. (Tigur.), et duas anni 1556. Editt. addita litt. P. (Paris.) et L. (Lugdun.), ubi diversa habent, distinguamus.

ARGUMENTUM PH. MEL. IN OFFICIA CICERONIS *).

Quid conferat lectio librorum de officiis **).

Quemadmodum vetant in exercendo sterili solo aut sumptus facere, aut sumere laborem: ita lectoris scriptorem aliquem inprimis videndum est, quid doceat, et quam inde accessionem ad studia nostra facere possimus. Porro vix pauci in relegendis scriptoribus secum ipsi deliberant, equod operae pretium facturi sint: et bona pars discendum in universum nescit, ad quem scopum studia omnia dirigenda sint. Proinde initio huius libelli et argumentum operis indicandum est, et quid conferat studiis nostris. Ea demum est solida eruditio, de rebus, moribusque recte iudicare posse: deinde quae animo comprehenderit, perspicue¹⁾ et commode explicare, atque eloqui. Rerum cognitio ad iudicandum, et ad parandam²⁾ prudentiam est necessaria. Magna inprimis optimorum verborum copia requiritur ad dicendum. Voco autem rerum scientiam physio-

logiam, mathemata, praecepta de civilibus moribus.

Nam de religione hic nihil dicimus. Estque ad communem vitam inprimis utile ea tenere, quae de moribus, deque civili vitae consuetudine tradita sunt. Belluam dicas, non hominem, quisquis non est excultus hoc doctrinae genere, et ad humanitatem, et civilia officia assuefactus. Nam virtutis incunabula atque rudimenta sunt hae litterae, quibus ad honestatem teneri animi aluntur et incitantur. Porro non alius extat libellus de moribus absolutior Officiis Ciceronis. Diligentissime enim praecepit³⁾ de omnibus vitae partibus, quid deceat quamlibet aetatem. Accedit hoc⁴⁾ etiam, quod iusto ordine formas virtutum proposuit, ut extarent ob oculos lectoribus, tanquam regulae omnium consiliorum et factorum. Fecit enim quatuor virtutis membra, prudentiam, iustitiam, fortitudinem, modestiam: quae tanquam locos communes proponant sibi adolescentes, ut eo referant omnia de moribus consilia, et quos iudicaturi, quid deceat, ceu Theseum filium⁵⁾ sequantur. Nam ut Zeusis⁶⁾,

*) Haec inscriptio invenitur in Editt. 1536., 1546., 1553. A., 1556., 1564., 1566., 1574., 1588.; Editt. 1525., 1530., 1532., 1537., 1539., 1553. T. hanc quidem inscriptionem non habent, singulae autem paginae, quae hanc enarrationis partem continent, inscriptae sunt voc.: Argumentum s. Arg. Philip. Melanch. — In Edit. 1562. totum hoc argumentum deest.

**) Editt. 1525., 1530., 1532., 1537., 1539., 1553. T. his verbis addunt: Phil. Melanchthon; ceterae autem quae auctoris nomen in praecedente inscriptione habent, iis addunt: M. Tullii Ciceronis.

1) perspicue] sic omnes Editt., exceptis 1537., 1539., 1566., quae habent: perspicere.

2) parandam] sic omnes Editt., excepta 1566., ubi legitur: *parandum.*

3) praecepit] sic Editt. 1525—1539. et 1588.; Editt. 1546—1574. praecipit.

4) hoc] sic Editt. 1525., 1530., 1532., 1537., 1539., 1566.; ceterae Editt. huc.

5) Theseum filium (i. e. filium Theseo ab Ariadne datum)] sic Editt. 1525., 1530., 1532., 1566.; Editt. 1556., 1566. Theseum (1556. L. Theseum) filium; Editt. 1537., 1539. typogr. errore: Theseum filium; Editt. 1536., 1546., 1553. T., 1564. Theseum Theseus filium; Editt. 1553. A., 1574. Theseum Theseus filium.

6) i. e. Zeuxis Heracleotes, pictor nobilissimus, qui Plinio XXXV, 9, 26. auctore Ol. XCV. 4. forebat, Socrati

cum Helenam Crotoniatis pingeret, inclusam habebat in animo pulcherrimam quandam mulieris speciem, seu, ut Graeci dicunt, *ἰδέαν*⁷⁾, collectam ex optimis exemplis: ita iudicatos⁸⁾ de moribus oportet animo tenere tanquam formas quasdam, virtutum descriptiones, quas consulant, quas intueantur, in quas defigant oculos, quoties de honestate deliberant. Neque ego hic de religione dico, quae ex sacris libris petenda est. Civilis vitae consuetudo a Cicerone describitur, cum qua religio nihil pugnat. Scripsit de Officiis etiam Divus Ambrosius⁹⁾, credo, ut pueris inculcarent religionem, de qua videbat in Ciceronianis nihil praecipere¹⁰⁾. Verum ego religionem ex divinis literis censeo hauriendam esse; de civilibus moribus malim audire Ciceronem, qui maximis rebus gestis versatus in republica principe orbis terrarum, usu pleraque comperit, pleraque ex Graecorum scriptis, qui maximas civitates gubernarunt, vertit. Habes itaque, quid hic libellus ad iudicandum conferat. Est enim vel prima prudentiae pars tenere praecepta de moribus. Est autem Cicero res partitus in honesta et utilia¹¹⁾. Honestatis partes in primo libro tractat, ubi primum virtutes definit dialectica quadam consuetudine; deinde congerit multa praecepta de moribus velut in acervum. In secundo libro res omnes enumerat¹²⁾, quas natura ad utilitatem seu usum hominum condi-

dit: docetque quem ex quaque re usum percipere debeamus. In tertio confert cum honestate utilitatem.

Quid ad dicendum conferat libellus de Officiis¹³⁾.

Praeterquam quod, ut caetera Ciceronis omnia, magnum numerum lectissimorum verborum et figurarum suppeditabit hic libellus: ideo etiam ad dicendum plus aliquanto¹⁴⁾ quam pleraque alia scripta confert: quia locorum aliquot communium formulas, et propemodum simulachra continet. Porro cum hi loci virtutum ac¹⁵⁾ vitiorum regulae sint, ad quas hominum mores et facta exigimus in iudicando, oratio etiam omnis referri ad eos debet: inde argumenta, amplificationesque petantur¹⁶⁾: ut si quis in ingratum dicat, multa illi non de persona tantum, sed de ipso¹⁷⁾ vitii genere erunt dicenda, eritque danda opera, ut intelligant auditores, quanta sit in eo vitio turpitudine. Verum id nemo praestare poterit, nisi locorum illorum formulas bene meditata habeat, et exempla veterum teneat, unde verba, sententias et ornamenta mutuatur. Erit itaque hic libellus veluti¹⁸⁾ penu, et, sicut inquit Thucydides¹⁹⁾, *κτῆμα*, unde depromant orationem studiosi, de quacunque re dicendum fuerit. Hinc argumenta, hinc sententias, hinc figuras, hinc apta verba excerpant. M. Cicero magnum instrumentum eloquentiae id esse putavit, habere locos in numerato paratos atque expeditos, in quibus procudendis²⁰⁾ multum profecto Ciceronis exemplis adiuvabimur. Quae enim potest de dolo

aequalis vel paulo antiquior, Crotoniatis pinxit Helenam in templo Iunonis Laciniae dedicandam, et ut formosissimam pingeret, ex omnibus illorum virginibus, publico decreto, exhibitae illi sunt quinque nudaee, ad quarum exemplar consummatam unius Helenae pulchritudinem exprimeret. Vide Perizonii nota ad Aelian. var. hist. IV, 12, et Plin. l. l., qui tamen Agrigentinis eam pictam tradit. Conf. Iul. Sillig: catalogus artificum (Dresdae et Lipsa. 1827. 8.) p. 459—464.

7) *ἰδέαν*] Hanc usitatiorē vocis formam habent Editt. 1536., 1546.—1564., 1574.; Editt. 1525., 1530., 1532., 1537., 1539., 1566., 1588. autem poeticam: *ειδέαν*.

8) iudicatos] sic omnes Editt., exceptis 1553. A., 1564. et 1574., quae typogr. errore habent: indicatos.

9) Ambrosius, episcopus Mediolanensis 374—397., praeter multos alios etiam tres libros de officiis clericorum scripsit, qui in eius operibus et in Bibliotheca Patrum ecclesiasticor. latinor. selecta, edita cur. E. G. Gersdorf. Vol. VIII. inveniuntur.

10) praecipere] sic omnes Editt., excepta 1532., ubi typogr. errore legitur: praecipere.

11) utilia] sic Editt. 1525., 1530., 1532., 1537., 1539., 1566., 1588.; Editt. 1536., 1546., 1553., 1564., 1574. vitia.

12) enumerat] sic omnes Editt., exceptis 1553. A., 1564. et 1574., quae habent: numerat.

13) libellus de Officiis] sic Editt. 1525., 1530., 1532., 1537., 1539., 1553. T., 1566., 1588.; Editt. 1536., 1546., 1553. A., 1564., 1574. libellus Ciceronis de Officiis; Editt. 1556. libellus Ciceronis de Officiis, per eundem Philippum Melanch.

14) plus aliquanto] sic Editt. 1525., 1530., 1532., 1537., 1539., 1566., 1588.; Editt. 1536., 1546., 1553., 1556., 1564., 1574. aliquanto plus.

15) ac] sic omnes Editt., exceptis 1536., 1553. A. et 1574., in quibus deest.

16) petantur] sic Editt. 1525., 1537., 1539., 1566., 1588.; Editt. 1530., 1532. petuntur; Editt. 1536., 1546., 1553., 1556., 1564., 1574. repetantur.

17) sed de ipso] sic Editt. 1525., 1532., 1537., 1539., 1588.; caeterae habent: sed de ipso etiam.

18) veluti] sic omnes Editt., exceptis 1537., 1539., 1566., 1588., in quibus legitur: velut.

19) Thucyd. I, 22.

20) procudendis] sic omnes Editt., exceptis 1553. A., 1564., 1574., 1588., quae habent: producendis.

malo, deque aequitate uberior, graviorve disputatio excogitari, quam illa, ea de re²¹⁾ in tertio Officiorum, qua ad innumerabiles causas ceu Delphico gladio²²⁾ uti possis²³⁾.

Plurimum etiam ad dicendum conducunt narratiunculae, quae sunt in hoc opere^{23 a)} et multae, et variae. Quondam in Rhetorica progymnasmata erant *διηγημάτια* (sic enim vocarunt²⁴⁾), in quo genere qui se volent exercere, magnam hic exemplorum copiam inveniunt²⁵⁾: Et cum nihil sit difficilius, quam commode narrare, non est alia exercitatio fructuosior, quam haec. Quanta, Deum immortalem, elegantia, quantus lepos est in narratione gestorum Arati Sicyonii in secundo libro²⁶⁾? Non minorem laudem meretur Gygis Lydi^{26 a)} historia versa ex Platone²⁷⁾, in libro tertio²⁸⁾. Similes aliae multae sunt in hoc commentariolo, quas sibi ad imitandum proponant, quicumque tolerabiliter dicendi studio tenentur²⁹⁾. Eaque exercitatio non tantum augebit verborum suppellectilem, sed etiam³⁰⁾, quae mihi in dicendo paene maxima

21) illa, ea de re] sic Editt. 1525., 1530., 1532., 1537., 1539., 1553. T., 1566., 1588.; ceterae habent: illa de re.

22) Delphicus gladius, qui etiam ab Euripide (Orest. 1656. *θανεῖν Δελφικῆ ξίφει*) et Aristotele (Polit. I. c. 1. §. 5. *τὴν Δελφικὴν μάχαιραν*) commemoratur, ad eum modum erat fabrefactus, ut eodem simul et sacras mactarent victimas, et nocentes afficerent supplicio. Quapropter Delph. gladius proverbialiter de re dicebatur ad diversos usus accommodabili. Vid. Erasmi Adag. chil. II. cent. III. prov. LXIX.

23) qua ad innumerabiles causas cen Delphico gladio uti possis.] sic omnes Editt., exceptis 1530. et 1532., in quibus haec verba desunt.

23 a) opere] sic omnes Editt., excepta 1566., ubi typogr. errore: operae.

24) (sic enim vocarunt)] sic Editt. 1536., 1546., 1553. A., 1556., 1564., 1574.; ceterae haec verba sine uncis praebent.

25) inveniunt] sic omnes Editt., praeter 1553. A., 1564., quae habent: inveniunt, et 1574., ubi legitur: inveniunt.

26) Cic. de offic. II, 23, 81.

26 a) Lydi] sic Editt. 1525., 1530., 1532., 1536., 1546., 1553., 1564., 1574.; Edit. 1556. Lydii; in Editt. 1537., 1539. et 1566. deest.

27) Plat. de republ. I. II. (op. ed. H. Steph. T. II. p. 359. d. — ed. Bipont. Vol. VI. p. 211.).

28) Cic. de offic. III, 9, 38.

29) quas sibi ad imitandum proponant, quicumque tolerabiliter dicendi studio tenentur.] sic omnes Editt., exceptis 1530. et 1532., quae habent: quas sibi studiosi omnes ad imitandum proponant.

30) etiam] sic Editt. 1536., 1546., 1553., 1556., 1564., 1574.; in ceteris Editt. deest.

virtus videtur, bene disponendi scientiam. Nam indocti non tantum adulterinae monetae verbis orationem obscurant, sed ita etiam confundunt ac miscent omnia, ut intelligi prorsus nequeat³¹⁾.

Scholia alicubi brevissima adscripsimus, quae indicarent lectori orationis ordinem et dispositionem: quam qui deprehenderint³²⁾, facile sententiam scripti adsequentur³³⁾. Nam de consilio auctoris pronuntiare aut iudicare nemo potest, nisi serie orationis animadversa.

Ubi sententiam collegeris, hic immorandum erit in singulis membris orationis: videndumque, quo genere verborum, quibus schematis orationis usus sit Cicero. Estque cum illius oratione certandum, et nostris verbis exponendum arguendum. Ita fiet, ut et sententiam propius adspicias, et clarius appareant lumina Ciceronianae orationis, ubi cum tua *παραφράσει* contuleris. Interea et verba, et sententiae auctoris obiter firmiter adhaerescant animo. Sed faciamus in exordio periculum. Initio proponit Latine se de philosophia ad filium scribere: quod totidem verbis dici poterat; verum est addita occupatio, cur in tanta copia Graecorum scriptorum ipse Latine scribat iisdem de rebus, quas Graeci copiosissime splendidissimeque tractaverunt. Et facta praeceptoris mentio, et urbis, et, ut in distributione, sua, cuique subiecta ratio: estque *περιοδικῶς* cum occupatione coniuncta propositio. Quanquam extent³⁴⁾ de moribus sapientissime scripta multa a Graecis, et cum Cratippus doctrina, tum Athenae ipsae exemplis te erudire³⁵⁾ queant: tamen quia meus mos est Latina cum Graecis coniungere, volebam Latine ad te philosophica quaedam scribere. Ad eundem modum in omnibus partibus orationis Ciceronianae sententiae earumque figurae excutiendae sunt.

31) prorsus nequeat] sic omnes Editt., exceptis 1530. et 1532., quae habent: nihil possit.

32) deprehenderint] sic omnes Editt., praeter 1525., 1530., 1537., in quibus legitur: deprenderint.

33) adsequentur] sic omnes Editt., excepta 1574., quae habet: adsequuntur.

34) extent] sic Editt. 1525., 1530., 1532., 1537., 1539., 1566., 1588.; ceterae Editt.: extant.

35) erudire] sic omnes Editt., exceptis 1525., 1530. et 1532., quae habent: erudiri.

SCHOLIA PH. MEL. IN OFFICIA CICERONIS.

Haec scholia in editionibus supra enumeratis diverse sunt disposita. In iis enim, quae ipsius auctoris cura 1525—1532. prodierunt, maxima ex parte Ciceronis verbis in margine sunt adscripta. In illis autem, quas alii curaverunt, aut omnia continua serie ante*) vel post**) Ciceronis de officiis libros continuos, aut, his libris in multas particulas divisus, ita collocata sunt, ut quaque particulam scholia, quae ad eam pertinent, sequantur ***). — In his editionibus, quae aliorum cura prodierunt, scholiis Mel. verba Ciceronis, ad quae pertinent, adscripta sunt; cum autem haud raro ambiguitas orta sit, ad quae verba Ciceroniana Mel. scholia marginalia sint referenda, non miremur, editores in his Ciceronis verbis adscriptis partim inter se differre. — Ex illa diversa scholorum dispositione alia quoque nascitur diversitas. In iis enim editionibus, in quibus aut in margine aut post singulas libri Ciceroniani particulas collocata sunt, peculiari inscriptione carent; in iis autem, ubi continua serie Ciceronis de officiis libros continuos antecedunt aut sequuntur, his verbis sunt inscripta: *Philippi Melanthonis annotata in M. T. Ciceronis libros de Officiis.*

*) Sic in Editt. 1536., 1553. A., 1564., 1574.

**) Sic in Edit. 1546.

***) Sic in Editt. 1537., 1539., 1553. T., 1556., 1562., 1566., 1588.

IN PRIMUM CICERONIS LIBRUM DE OFFICIIS

SCHOLIA PHILIPPI MELANTHONIS*).

Caput I. §. 1.**) *Quamquam te]* Propositio: Latine de philosophia scribo. Estque figurata occupatione¹⁾: Tametsi Graecis abundes. *Quam quidem*²⁾] Circumstantia: Saepe alias Latine scripsi de philosophia.³⁾

*) Editt. 1536., 1553. A., 1564., 1574. hoc quidem loco tantum communem habent inscriptionem: Ph. Mel. annotata in M. T. Ciceronis libros de Officiis (singulae autem paginae, quae scholia in libr. I. continent, praeter primam, inscriptae sunt verbis: In I. lib. de offic.); sola Edit. 1546. huic h. l. addit peculiarem: In librum primum; ceterae utraque inscriptione carent.

**) Omnes Editt. supra allatae et Capitulum et Paragraphorum distinctione nunc usitata egent; utramque igitur ipsi secundum Editionem Orellianam addimus, ut quisque Ciceronis verba, ad quae singula scholia pertinent, facile inveniat. In Editt. 1536., 1546., 1564., 1574. verbis Ciceronianis paginae et versus, in quibus reperiuntur, eo consilio adscripti sunt.

1) figurata occupatione] sic Editt. 1525., 1530., 1532., 1537., 1539., 1546., 1566.; Editt. 1536., 1553., 1556., 1564., 1574. figurata occupatio; Editt. 1562., 1588. figura occupatio.

2) *Quam quidem]* Haec Cic. verba annotationi Mel. adscripta sunt in Editt. 1537., 1539., 1556., 1566.; in Editt. 1536., 1546., 1553. A., 1562., 1564., 1574., 1588. huic verba Cic. antecedentia: *Sed etiam in dicendi,* sunt adscripta.

3) In Editt. 1553. T. haec annotatio deest, quod non miremur, quia in hac Edit., in qua scholiis nomina auctorum non addita sunt, plura ita sunt mutata, ut facile cognoscas Editoris consilium, Melanthonis aliorumque annotationes non integra, sed suo arbitrio inversa lectoribus praebendi, quapropter huius Edit. omnes varietates afferre supersedemus.

§. 2. *Quam ob rem]* Reiectio. *Non poenitebit]* id est, non parum videbitur, sicut Terent. in Heautont.⁴⁾ *Sed tamen nostra*⁵⁾] Res alii forte tradent non infoeliciter, at mea proderunt ad Latine dicendum. *Nec vero arroganter*⁶⁾] *αιτιολογία*⁷⁾, cur sua putet conducere ad locupletandam facundiam.

§. 3. *Vis enim maior in illis dicendi*⁸⁾] Duplex est⁹⁾ dicendi genus, tragicum et violentum in forensibus orationibus, comicum et summissum¹⁰⁾ in philosophicis disputationibus. *Et id*

4) Terent. Heautont. 1, 1, 20: At enim te, quantum hic operis fiat, poenitet. In Edit. 1553. T. haec Terentii verba addita sunt.

5) Ad haec Cic. verba sequens annotatio refertur in Editt. 1536., 1546., 1553. A., 1556., 1562., 1564., 1574., 1588.; at in Editt. 1537., 1539., 1553. T., 1566. haec nota cum antecedente „Reiectio” in unam est coniuncta.

6) In Edit. 1553. T. sequens nota refertur ad Cic. verba: *Philosophandi scientiam.*

7) *αιτιολογία]* sic omnes Editt., exceptis 1536., 1553. A., 1564., 1574., in quibus legitur: *ἀπολογία.*

8) *Vis enim maior in illis dicendi]* sic Edit. Orelliana, secundum quam Ciceronis verba ubique afferemus; illae antiquiores Editt. habent: *Vis enim dicendi maior est in illis.*

9) est] in Editt. 1525., 1530., 1532., 1553. T., 1556. deest.

10) summissum] Editt. 1536., 1546.: summissimum.

quidem nemini] Amplificat collatione Graecorum, quod nemo elaborarit¹¹⁾ in utroque genere dicendi.

Cap. II. § 4. *Sed quum statuissem*] Secunda pars praefationis, cur de officiis scribat. *Latissime patere*¹²⁾] Ab utilitate¹³⁾. *Nulla enim vitae pars*] *συναθροισμός*.¹⁴⁾

§. 5. *Communis est*] Ab exemplis aliorum¹⁵⁾. *Sed sunt nonnullae d.*] Taxat eos, qui parum civiliter praeceperunt de officiis. *Nam qui summum b.*] Hoc ad Epicureos¹⁶⁾ pertinet, quamquam enim summum bonum in voluptate ponat Epicurus, tamen non potest perpetuo voluptatem inter optima ducere. Saepe enim honestatem coget natura praeferre, neque enim promiscuas libidines probare¹⁷⁾ poterit, itaque a natura vincitur.

§. 6. *Quoniam Aristonis*] Aristo¹⁸⁾ et Pyrrho¹⁹⁾ nullum delectum mediarum rerum reliquerunt, ut inter optime et pessime valere, inter inopiam et divitias nihil dicerent interesse. Id vero alienum est a communi vita et civili consuetudine. Herillus²⁰⁾ solam scientiam dicebat esse bonum²¹⁾.

§. 7²²⁾. *Placet igitur*] Principio definitio est concipienda ex Dialecticorum doctrina.

Cap. III. §. 7. *Quod positum est in praeceptis*] Sicut medicina dupliciter tractatur, nam

11) elaborarit] Editt. 1537., 1539., 1566. elaboravit.

12) Ad haec Cic. verba sequens nota refertur in Editt. 1537., 1539., 1556., 1566.; in ceteris autem ad verba: *Nulla enim vitae pars.*

13) Ab utilitate] sic Editt. 1525., 1530., 1532., 1537., 1539., 1556., 1566.; ceterae habent; Commendat ab utilitate.

14) *συναθροισμός*] sic recte Editt. 1525., 1556.; Editt. 1530., 1532. *συναθροισμός*; Editt. 1537., 1539. *συναθροισμός*; Editt. 1566. Synatrismos.; in ceteris, in quibus antecedens nota ad haec Cic. verba refertur, deest.

15) Haec annotatio in Editt. 1537., 1539., 1556., 1566. est omissa.

16) Epicureos] Editt. 1556. Epicuros.

17) probare] Edit. 1566. probareque.

18) Aristo Chius, Zenonis discipulus, qui floruit circa a. 275 a. Chr., saepius a Cicerone refutatur, e. c. de Finn. II, 13, 43. IV, 17, 47. 18, 49. 22, 60. Acad. II, 42, 130. conf. Diog. Laërt. VII, 2.

19) Pyrrho] sic recte omnes Editt. exceptis 1553. A. et 1564., quae habent: Pyrrhus. Pyrrho Elidensis, aequalis Alexandri Magni, conditor est scepticismi, conf. Diog. Laërt. IX, 11. et Bruckeri hist. crit. philos. T. I. p. 1317 sqq.

20) Haec Herilli Carthaginensis sententia a Cicerone afferitur etiam de Finn. II, 13, 43. V, 8, 23. 25, 73. Acad. II, 42, 129. conf. Diog. Laërt. VII, 3.

21) bonum] Editt. 1553. A., 1564., 1574. bonam.

22) Haec paragraphus in Editt. 1525., 1530. et 1532. inscripta est: Quid Officium.

23) Hoc caput in Editt. 1525., 1530., 1532., 1537., 1539., 1553. T., 1556., 1562., 1598. inscriptum est: Divisio Officii.

aut *μεθοδικῶς* causae morborum²⁴⁾ excutiuntur et remediorum, aut tantum praecepta sanitatis, aut remedia traduntur, quod saepe solent aniculae imperitae causarum: ita de officiis bifariam scribitur. Nam aut natura hominis, et finis bonorum *μεθοδικῶς* inquiritur, aut *παραινέσεις* tantum traduntur, sine disputatione accuratiore de natura hominis et de bonis, ut sunt praecepta Phocylidis aut Theognidis, aut quae dicuntur Catonis²⁵⁾. Hoc modo Cicero profitetur hic se praecepta congressisse.

§. 8. *Quod Graeci κατόρθωμα*] *Κατόρθωμα* perfectum officium est. Et negabant ullum factum esse cuiusquam tale. Medium vero officium tribuebant mediocribus et civilibus viris: quare hic *περὶ κατορθωμάτων* nihil disputat, quae tantum disputando imaginamur²⁶⁾, sicut perfectum oratorem, aut alias species in artibus.

§. 9.²⁷⁾ *Triplex igitur est,*] Genera rerum, ad quae tanquam ad scopos diriguntur omnia consilia et facta: honestum²⁸⁾ et utile, quae sibi pueri proponant, ut discrimina et rerum et factorum humanorum perspiciant.

Cap. IV.²⁹⁾ §. 11. *Principio generi animalium*] Utilis in primis disputatio, quomodo sint innata semina virtutum humanis animis. Illa semina dicuntur alias³⁰⁾ leges naturae, suntque *προλήψεις*³¹⁾ quaedam, hoc est, opiniones, quas ex natura sine doctore tenemus, de moribus: nemini iniuriam facere, tueri sobolem et commissos nostrae fidei, non nimio labore aut luxu naturam corrumpere, sed modum in dictis, factis, vitare quae omni conservare.

24) morborum] Editt. 1525., 1530., 1532., 1537., 1539., 1566.: verborum.

25) Dionysii Catonis disticha de moribus ad Alium, ed. Chr. Daumius. Zwickav. 1672. 8. — rec. O. Arntzen. Traiecti 1735. 8., ed. alt. Amstelaedami 1754. 8. — ed. C. H. Tschucke. Lips. 1824. 12.

26) imaginamur] sic omnes Editt. excepta 1532., quae habet: imaginantur.

27) Haec paragraphus in Editt. 1537., 1539., 1553. T., 1562., 1588. inscripta est: Quae in deligendis rebus deliberandi ratio.

28) honestum] Editt. 1536., 1546., 1553. A., 1562., 1564., 1574., 1588.: sunt honestum.

29) Hoc caput in Editt. 1525., 1530., 1532. inscriptum est: Honestum a natura investigat, cuius semina hominibus ingenta. In Editt. 1537., 1539., 1556. haec verba annotationi sequenti proxime antecedunt.

30) alias] Editt. 1536., 1546., 1553. A., 1556., 1562., 1564., 1574., 1588. alio nomine.

31) *προλήψεις*] Edit. 1566. prolypses; Edit. 1562. *ἐπολήψεις*, Edit. 1588. *ἐπολήψεις*.

§. 12. *Eademque natura*] Iustitiae semina.

§. 13. *Itaque quum sumus*] Prudentiae semina. *Huic veri videndi*] Fortitudinis³²⁾ semina.

§. 14. *Nec vero illa p.*] Modestiae³³⁾ semina.

Cap. V. §. 14. *ut ait Plato*] Ex Phaedro Platonis³⁴⁾ *Δεινούς γὰρ ἂν παρείχεν ἔρωτας³⁵⁾ εἴτι³⁶⁾ τοιοῦτον ἑαυτῆς ἐναργές³⁷⁾ εἰδῶλον³⁸⁾ παρείχετο³⁹⁾ εἰς ὄψιν ἴον.* *Sed omne quod est h.*] Dividit honestum et singulis virtutibus proprium munus assignat⁴⁰⁾. Species honesti, quatuor virtutes⁴¹⁾. Iustitia suum cuique reddit. Prudentia deliberat de omnibus rebus⁴²⁾. Fortitudo commissos nobis tuctur. Modestia naturam conservat, ne nimius⁴³⁾ vel labor vel luxus corrumpat.

Cap. VI.⁴⁴⁾ §. 18. *Primus ille, qui*] Prudentia⁴⁵⁾ veri cognitio. *Unum, ne incognita*] Praecepta⁴⁶⁾. *Tempus et diligentiam.*] Aristoteles: *Tempus*⁴⁷⁾ artium autor. Et sane perniciosum est pronuntiare de his, in quibus non sis diu versatus⁴⁸⁾.

32) Fortitudinis] Editt. 1537., 1539., 1553. T., 1556., 1566. Magnanimitatis.

33) Modestiae] Editt. 1537., 1539., 1553. T., 1556., 1566. Modestiae seu temperantiae.

34) Plat. Op. ed. H. Steph. T. III. p. 250. D. — Ed. Bipont. Vol. X. p. 329.

35) *παρείχεν ἔρωτας*] Edit. 1574. falso: *παρείχεν ἔρωτες*.

36) *εἴτι*] sic in Plat. Op. ed. H. Steph. et Bipont.; Editt. 1535., 1530., 1532., 1537., 1539., 1566. *εἴτ'*; ceterae: *εἰ*.

37) *ἐναργές*] Editt. 1537., 1539., 1553. T., 1566. falso: *ἐναργές*.

38) *εἰδῶλον*] Edit. 1562. *οἰδῶλον*; Edit. 1564. *εἰδῶλον*.

39) *παρείχετο*] Editt. 1539., 1553. T., 1566. falso: *παρείχετε*.

40) Dividit — assignat.] Haec verba in Editt. 1525., 1530., 1532. tanquam inscriptio Ciceronis verba praecedunt, (reliqua huius annotationis pars in his Editt. in margine Cic. verbis adscripta est), in Editt. 1537., 1539., 1566. desunt.

41) quatuor virtutes] Editt. 1536., 1546., 1553. A., 1562., 1564., 1568. quatuor sunt virtutes.

42) rebus] in Editt. 1537., 1539., 1553. T., 1556., 1566. deest.

43) nimius] Editt. 1553. T., 1574. nimis.

44) Hoc caput in Editt. 1525., 1530., 1532. inscriptum est: Prudentia.

45) Prudentia] Editt. 1536., 1546., 1553. A., 1556., 1562., 1564., 1574., 1568. Prudentia est; Editt. 1537., 1539. Prudentiae.

46) Haec nota in Editt. 1525., 1530., 1532. Cic. verbis in margine adscripta in ceteris Editt. deest.

47) Aristoteles: Tempus] in Editt. 1536., 1546., 1553. A., 1562., 1564., 1574., 1568.: Tempus enim est (omisso Aristotelis nomine).

48) Et sane — versatus] Haec verba in Edit. 1566. ad Cic. verba §. 19. *Quibus vitis referuntur*; in Editt. 1537., 1539. desunt.

§. 19. *In astrologia C. Sulpicium*] Vide Plut. in vita Pauli Aemilii⁴⁹⁾. *Omnis autem cogitatio*] Prudentiae munera, de moribus deliberare, et naturam inquirere.

Cap. VII.⁵⁰⁾ §. 20. *Sed iustitiae primum m.*] Iustitiae munus⁵¹⁾, nec corpus alterius, nec res occupare.

§. 22. *Atque ut placet Stoicis*⁵²⁾] Communicatio rerum quamvis privatarum ratione fit.

§. 23.⁵³⁾ *Fundamentum autem iustitiae*] Fides vinculum⁵⁴⁾ contractuum. *Sed iniustitiae genera*⁵⁵⁾] *ἀντίθεσις*. Vis et⁵⁶⁾ fraus duo vitia pugnancia cum iustitia⁵⁷⁾.

Cap. VIII. §. 26. *Nulla sancta societas*] Lucanus:

Nulla fides regni sociis, omnisque potestas

Impatiens consortis erit.

Temeritas] alias⁵⁸⁾ tempestas.

Cap. IX.⁵⁹⁾ §. 28. *Praetermittendae autem*] De his, qui vim non propulsant⁶¹⁾. *Aut etiam*

49) Plut. vita Aemilii Pauli c. 17. Livius XLIV, 37. narrat, C. Sulpicium Gallum tribunum militum, antequam cum Perseo configeret, praedixisse exorcitui, ne mirarentur, quod luna nocte proxima defectura esset. — Haec annotatio in Editt. 1536., 1546., 1553. A., 1562., 1564., 1574., 1568. est omissa.

50) Hoc caput in Editt. 1525., 1530., 1532., 1537., 1539., 1553. T., 1562., 1568. inscriptum est: iustitia. — In Editt. 1525., 1530., 1532. in huius cap. initio Cic. voces *iustitia* et *beneficentia* in margine repetuntur, ut sermonis dispositio ostendatur. Eiusmodi notae marginales, quae Cic. verba non explicant, sed tantum repetunt, in ceteris Editt. aut itidem in margine sunt adscriptae, aut omissae. Has nos quoque non solum in his de officiis libris, sed etiam in aliis sequentibus omitemus.

51) munus] sic Editt. 1525., 1530., 1532., 1537., 1539., 1566.; ceterae: munus est.

52) In Editt. 1537., 1539., 1553. T. ad Cic. verba §. 21. *Eo si qui sibi* haec annotatio refertur.

53) Haec paragr. in Editt. 1525., 1530., 1532. inscripta est: Fundamenta iustitiae quae sint.

54) vinculum] Edit. 1536., 1546., 1553. A., 1556., 1562., 1564., 1574., 1568. vinculum est.

55) His in Editt. 1525., 1530., 1532. praefixa est inscriptio: Duo genera iniustitiae.

56) et] in Editt. 1553. A., 1564., 1574. deest.

57) iustitia] Editt. 1537., 1539., 1553. T. virtute.

58) Lucan. de bello civili I, 91. 92.

59) alias] Editt. 1536., 1546., 1553. A., 1562., 1564., 1574., 1568.: aliter; in Editt. 1537., 1539., 1553. T., 1566. deest. — In Editt. 1556. haec annotatio est omissa.

60) Hoc cap. in Editt. 1525., 1530., 1532. inscriptum est: De causis, quibus praetermittitur officium.

61) Haec nota in Editt. 1536., 1546., 1553. A., 1562., 1564., 1574., 1568. omissa est.

*negligentia*⁶²⁾] Epicuridogma est λάθε βιώσας⁶³⁾, quo vetuit attingi respublicas. Id reprehendit hic M. Cicero. Est autem et apud Horatium⁶⁴⁾: Nec vixit male, qui natus⁶⁵⁾ moriensque fefellit.

§. 29. *Aut odio quodam hominum*] Τιμωρες⁶⁶⁾ οἱ μισάνθρωποι taxantur. *Quoniam igitur*] ἐπίλογος⁶⁷⁾.

§. 30. *Est enim difficilis*] Difficultas in conservando officio.

Cap. X.⁶⁸⁾ §. 31. *Sed incidunt saepe tempora*] Iustum ex circumstantia, id vero etiam ad summam iustitiae legem referendum est, ne quis laedatur. Nam inferiores leges omnes ita demum sequendae sunt, si cum summa illa consentiant⁶⁹⁾. At depositum gladium si reddas furioso, summam legem violaveris.

§. 32. *Ex tribus enim optatis*] Optaverat Theseus⁷⁰⁾, ut Minotaurum conficeret, ut adiret inferos⁷¹⁾. *In rem praesentem*] In iudicium; nam in ipsis finibus⁷²⁾ primum disceptabatur.

§. 33.⁷³⁾ *Existunt etiam iniuriae*] De fraude⁷⁴⁾. *Summum ius summa iniuria*] Fraus in iudiciis⁷⁵⁾.

62) In Editt. 1536., 1546., 1553. A., 1562., 1564., 1598. haec nota refertur ad Cic. verba: *desertos esse*.

63) Teste Marino in Vita Procli hoc est Pythagoricum effatum; vid. H. G. Huebneri commentar. in Diog. Laërt. Vol. II. p. 348.

64) Horat. epist. I, 17, 10.

65) natus] sic recte Editt. 1525., 1530., 1532., 1537., 1539., 1553. T.; ceterae: vivens.

66) Τιμωρες] Timon Atheniensis temporibus fuit Peloponnesiaci belli; describitur ut inhumanus ac vitans hominum congressus. Quum semel in concionem ascendisset, facto silentio mirantibus omnibus inquit: Est mihi, o viri Athenienses, pone domum parvus hortus, ubi ficus coaluit quaedam, in qua permulti nostri cives se suspenderunt. In eodem loco nunc ego aedificare volo. Quamobrem visum est mihi, vos publice admonere, si quis forte sit, qui se prius velit suspendere, antequam arbor excidatur. His igitur de causis ab Atheniensibus μισάνθρωπος est appellatus. Haec et plura Plutarchus in vita Marci Antonii c. 71. refert.

67) Haec nota et proxime sequens in Editt. 1536., 1546., 1553., 1562., 1564., 1574., 1598. omissae sunt.

68) Hoc cap. in Editt. 1525., 1530., 1532. est inscriptum: De officiis a circumstantia.

69) consentiant] Editt. 1530., 1532. typogr. errore: consentiam.

70) Theseus] Editt. 1536., 1546., 1553. A., 1562., 1564., 1574., 1598. addunt: a Neptuno.

71) Eadem Editt. h. l. addunt tertium, de quo hic agitur, votum: ut Hippolytus discerperetur. (Editt. 1536. hoc primo loco afferunt; Editt. 1553. T., 1566. eadem Erasmii verbis dicunt.) Huius tertii voti causa ex Ovid. Metam. XV, 498. cognoscitur.

72) finibus] in Editt. 1537., 1539., 1566. deest.

73) Haec §. in Editt. 1525., 1530., 1532. est inscripta: Iniuriae a malitia et vaframento.

74) Haec nota non nisi in Editt. 1525., 1530., 1532. in margine exstat.

75) Haec annot. in Editt. 1536., 1562., 1598. deest.

Cap. XI.⁷⁶⁾ §. 33. *Sunt autem quaedam off.]* De iure publico bellorum⁷⁷⁾. *Iniuriae suae poenitere*] Quem poenitet facti, is prope⁷⁸⁾ non peccavit.

§. 35. *Parta autem victoria*] Moderatio in bellis⁷⁹⁾. *Et quum iis, quos*] Argumenta moderationis.

§. 36. *Ac belli quidem aequitas*] Livius lib. I.⁸⁰⁾ de feacialibus⁸¹⁾.

Cap. XII. §. 37. *Hostis enim*] Hostis significat peregrinum veteri lingua Latinorum⁸²⁾.

§. 38⁸³⁾. *Quum vero de imperio*] Causae alias moderationem, alias saevitiam requirunt⁸⁴⁾. *Aeacidarum genere*] Aeacidae Achillis genus⁸⁵⁾.

Cap. XIII. §. 39. *Atque etiam*] Fides etiam hostibus servanda⁸⁶⁾.

§. 41. *Meminerimus autem*] Iustitia etiam erga infimos servanda. *Est autem infima*] Dominis erga suos iustitia servanda⁸⁷⁾. *Quum autem duobus modis*] Collatio fraudis et violentiae.

Cap. XIV.⁸⁸⁾ §. 42. *Deinceps ut erat pr.]* In beneficentia spectandum principio, non violetur iustitia. Itaque tria praecepta colligit, ne bene-

76) Hoc cap. in Editt. 1525., 1530., 1532. est inscriptum: De officiis servandis in eos, qui intulerunt nobis iniuriam.

77) Haec nota in Editt. 1536., 1546., 1553., 1562., 1564., 1574., 1598. deest.

78) prope] Edit. 1556. L. typogr. errore: proprie.

79) Haec nota et proxime sequens in Editt. 1536., 1546., 1553., 1562., 1564., 1574., 1598. omissae sunt.

80) Liv. I, 24. 32. conf. etiam ib. IX, 5. XXX, 43. XXXVI, 3.

81) Haec nota in Editt. 1536., 1562., 1598. deest.

82) Haec nota in Editt. 1536., 1546., 1553. A., 1562., 1564., 1598. deest.

83) Haec §. in Editt. 1525., 1530., 1532. inscripta est: De officio servando, quando de imperio certatur. In Editt. 1556. haec verba inter annotationes relata sunt.

84) Causae — req.] Editt. 1536., 1546., 1553. A., 1562., 1564., 1574., 1598.: Causarum aliae moderationem, aliae saevitiam req.; Edit. 1556. P. typogr. errore: Causae alias saevitiam requirunt.

85) Haec annot. in Editt. 1536., 1546., 1553. A., 1562., 1564., 1574., 1598. deest.

86) Haec nota et proxime sequens in Editt. 1525., 1530., 1532. inscriptionis loco, in Editt. 1537., 1539., 1553. A., 1556., 1566. inter annotatt. positae, in ceteris autem omissae sunt.

87) Haec nota et proxime sequens in Editt. 1536., 1546., 1553. A., 1562., 1564., 1574., 1598. desunt.

88) Hoc cap. in Editt. 1525., 1530., 1532. est inscriptum: De Beneficentia et Liberalitate.

ficiis nostris laedantur, vel ipsi qui accipiunt, vel alii⁸⁰⁾).

§. 44. *Alter locus*] 2. Ut pro modo facultatum nostrarum largiamur.

§. 45. *Tertium est*] 3. Ut pro dignitate demus, ne, quod in proverbio est, *Suem Veneri*⁸¹⁾. Item beneficium accepit⁸¹⁾, qui digno dedit.

Cap. XV.⁸²⁾ §. 46. *Quoniam autem vivitur*] Hinc illud est: *Mores amici noveris, non oderis*⁸³⁾, quia quaedam amicorum vitia ferenda sunt. *Virtutibus his lenioribus erit o.*] Qualis est apud Terentium in *Adelphis*⁸⁴⁾ Mitio.

§. 47. *De benevolentia autem*] Quo ordine collocanda sint beneficia, ac primum quidem bene meritis gratia est referenda. Est autem totus locus de gratitudine nonnihil rhetoricis argumentis amplificatus⁸⁵⁾. *Sin erunt merita*] Propositio⁸⁶⁾.

§. 48. *Etenim si in eos*] Ex minore. *Nam quum duo gen.*] A causa.

§. 49. *Quo quisque animo*] Modus in remediendis⁸⁷⁾ beneficiis.

Cap. XVI. §. 50. *Optime autem societas*] Quomodo consideranda sit vitae communitas⁸⁸⁾. *Fontes liberalitatis*⁸⁹⁾ et quomodo natura nos fin-

80) Haec nota cum duabus sequentibus in Editt. 1536., 1546., 1564., 1574., 1588. in unam ita est conluncta, ut e Cic. verbis ante „ne beneficiis” *Primum*, ante „Ut pro modo” *Alter locus*, ante „Ut pro dign.” *Tertium est*, in notam ipsam inserta sint.

81) *Ἀποδοῖτε ἃν ἔδωκεν*, suam Veneri immolavit, dici solitum, ubi quis munus offert minime gratum. Invisus enim erat Veneri sus propter Adonidem illius amasium apri dente perentum, vid. Erasmi adag. chil. III. cent. I. prov. 30.

81) accepit] Editt. 1536., 1546., 1553. A., 1556., 1562., 1564., 1574., 1588. : dando accepit.

82) Hoc cap. in Editt. 1525., 1530., 1532. est in scriptum: Quomodo considerandi sunt mores.

83) De hoc proverbio: *Φίλων τρόπους γινώσκει, μισήσας δὲ μή*, Mores amici noveris, non oderis, conf. Erasmi adag. chil. II. cent. V. prov. 96.

84) in *Adelphis*] in Editt. 1525., 1530., 1532., 1537., 1539., 1553. T., 1556., 1566. desunt.

85) argumentis amplificatus.] Editt. 1525., 1537., 1539. argumentis est amplificatus; Editt. 1536., 1546., 1553. A., 1562., 1564., 1574., 1588. amplificatus argumentis. — Haec nota in Editt. 1525., 1530., 1532. pro titulo §. 47. est, quapropter in Editt. 1536., 1553. A., 1562., 1564., 1574., 1588. initio additur: pro titulo.

86) Propositio.] Editt. 1525., 1530., 1532. Propositio. Similitudo. Haec nota et duae sequentes in Editt. 1536., 1546., 1553. A., 1562., 1564., 1574., 1588. omisae sunt.

87) remediendis] Editt. 1537., 1539., 1566. remittendis.

88) Quomodo — communitas] haec in Editt. 1537., 1539., 1553. T., 1556., 1566. desunt.

89) Fontes liberalitatis] Edit. 1525. Fontes libertatis; Editt. 1536., 1546., 1553. A., 1562., 1564., 1574., 1588. Aperit autem fontes societatis humanae.

xerit ad communicanda officia, addidit enim orationem, ut significaret factos nos esse ad societatem¹⁰⁰⁾.

§. 51. *In qua omnium rerum*] Quomodo sint res communicandae. Sunt enim primum omnia communicanda, quae citra¹⁾ incommodum aut iniuriam praestari possunt, iuxta proverbium: *πάντα τὰ τῶν φίλων κοινά*²⁾. Sunt autem humanissimi versiculi Ennii, qui docent, quae res sine iniuria communicari possint.

Cap. XVII. §. 53. *Gradus autem plures*] Quo ordine gratificandum. Ordinem vero natura parit coniux³⁾, liberi, parentes, cognati, propinqui, cives, amici, virtute adiuncti.

§. 54. *Qui quum una domo*] Platonis est 6. de legibus⁴⁾: *ὄλον εἰς ἀποικίαν ἀφικνουμένους αὐτούς*. Ad hunc modum saepe alias elegantissimae⁵⁾ figurae ex Platone versae sunt.

§. 56. *Ut unus fiat ex pl.*] *σώματα μὲν δύο, ψυχὴ δὲ μία*⁶⁾.

§. 57. *Quo est detestabilior*] *πάθος* rhetoricum⁷⁾ ornamentum obiter accersitum. Invehitur autem in eos, qui lacerarunt rempublicam⁸⁾.

Cap. XVIII⁹⁾. §. 59. *Sed in his omnibus*] Circumstantiae saepe mutant gradus ordinemque eorum, quibus largiendum est. *Consuetudo exercitatioque*] Usus magister artium¹⁰⁾.

100) factos nos esse ad societatem.] Editt. 1536., 1546., 1553. A., 1562., 1564., 1574., 1588. nos ad societatem factos. — Haec nota in Editt. 1525., 1530., 1532. pro inscriptione est, quamobrem Editt. 1536., 1546., 1553. A., 1564., 1574. initio addunt: titulo.

1) citra] Edit. 1566. circa.

2) Hoc est Pythagorae dictum, vid. Huebneri commentar. in Diog. Laërt. Vol. II. p. 292. et Erasmi adag. chil. I. cent. I. prov. 1.

3) gratificandum — coniux] Editt. 1537., 1539., 1553. T., 1566. gratificandum. Ordinem vero natura gerit coniux; Editt. 1536., 1546., 1553. A., 1556., 1562., 1564., 1574., 1588. gratificandum sit. Ordine autem, quem natura parit, sunt coniux.

4) Plat. Op. ed. H. Steph. T. II. p. 776. A. — ed. Bipont. Vol. VIII. p. 300.

5) elegantissimae] Editt. 1536., 1553. A., 1562., 1564., 1574. elegantissime.

6) Conf. Erasmi adag. I. I. et Huebner ad Diog. Laërt. I. I.

7) rhetoricum] Editt. 1553. T., 1562., 1588. Rhetoricorum.

8) rempublicam] Edit. 1574. rem.

9) Hoc cap. in Editt. 1525., 1530., 1532. in scriptum est: De officiis a circumstantia.

10) Haec nota in Editt. 1536., 1546., 1562., 1588. deest.

§. 61¹¹⁾. *Salmacida*¹²⁾ *spolia*] μεταφορὰ ἀ ἀ Salmaci¹³⁾ fonte, de quo Ovid.¹⁴⁾ *Metamorph.* 4.¹⁵⁾ Reliquas¹⁶⁾ historias require ex Iustino¹⁷⁾.

Leuctris, *Stratocle*¹⁸⁾, *hinc n.*] Sabellicus legit *Stratoque*¹⁹⁾. Nam Stratos urbs est, de cuius gestis rebus Thucydides libro II.²⁰⁾ scribit. Stratocles vero dux²¹⁾ Atheniensium ad Chaeroneam²²⁾, de quo Aeschines²³⁾ κατὰ Κτησιφώντος²⁴⁾.

Cap. XIX. §. 62. *Sed ea animi elatio*] Fortitudo²⁵⁾ iustitiae propugnatrix est: ergo, ubi a iustitia removeris, furor est, non virtus.

§. 64. *Nimia cupiditas principatus*²⁶⁾] Cognatum²⁷⁾ fortitudini vitium ambitio. *Difficile autem est*] Proverbium: Χαλεπὰ τὰ καλὰ²⁸⁾.

11) Haec §. in Editt. 1525., 1530., 1532. inscripta est: Fortitudo et Magnanimitas.

12) *Salmacida*] sic in illis Editt. omnibus legitur, ad quam lectionem spectat annotatio Mel.; recentiores, ut Gernhard., Orell., habent: *Salmaci*, *da*.

13) *Salmaci*] Editt. 1530., 1532. *Salinaci*. — *Salmacis* fons homines effeminatos reddere credebatur.

14) *Ovid*] in Editt. 1525., 1530., 1532., 1537., 1539. *omissum* est.

15) *Ovid*. *Metam.* IV, 295 sqq.

16) *Reliquas*] Edit. 1574. *reliqua*.

17) *Iustin*. *hist.* II, 11. 12. *res in Persico bello ad Marathonem, Salaminam, Plataeas et in Thermopylis angustiis egregie gestas narrat.*

18) *Stratocle*] haec vox in recentioribus Editt., ut Gernhardi et Orellii, deest.

19) *Stratoque*] Editt. 1536., 1546., 1553. A., 1562., 1564., 1574., 1588. addunt vocem praecedentem: *Leuctris Stratoque*.

20) *Thucyd.* I. II. c. 80—82. *Stratus* c. 80. nominatur maxima Acarnaniae urbs.

21) *Stratocles* vero dux] Editt. 1537., 1539., 1566. *Alii Stratocles*, qui dux; Edit. 1556. L.: *Stracoles* vero dux.

22) *Chaeroneam*] Editt. illae omnes: *Cheroniam*, praeter 1562., 1588. ubi: *Chaeroniam*. — In pugna ad *Chaeroneam* a. 338. a. Chr. Athenienses et Thebani a Philippo Macedonum rege devicti sunt.

23) *Aeschini* oratt. p. 535. ed. Reiske; conf. etiam *Demosthenis* orat. adversus *Pantaenetum*, p. 980, 21. ed. Reiske.

24) Editt. 1536., 1546., 1553. A., 1556., 1562., 1564., 1574., 1588. huic voci addunt: *Caetera nomina sunt locorum insignium*, non ducum.

25) Huic voci in Editt. 1525., 1530., 1532. antecedit inscriptio: *De animi elatione*, quae vitio datur et audacia potest appellari.

26) In Editt. 1536., 1546., 1553. A., 1562., 1564., 1574., 1588. huic notae pro his *Cic.* verbis adscripta sunt praecedentia: *Sed illud odiosum*.

27) *Cognatum*] Editt. 1553. A., 1564. *typogr. errore: Cognitum*.

28) τὰ καλὰ.] Edit. 1536. *καλὰ*. — Hoc proverbium saepius laudatur a Platone, ut in *Hipp. mai.* p. 304. E., *Cratyl.* p. 384. B., *Polit.* IV. p. 435. C., VI. p. 497. D. conf. *Erasmii* *adag. chil.* II. cent. I. prov. 12.

Cap. XX.²⁹⁾ §. 66. *Omnino fortis animus*] Partitur fortitudinem in domesticam et πολιτικὴν³⁰⁾. *Domestica* privatim³¹⁾ animum armat adversus fortunam, de qua dixit *Horatius*³²⁾:

Aequam memento rebus in arduis

Servare mentem, non secus in³³⁾ bonis,

Ab insolenti temperatam

Laetitia³⁴⁾.

Πολιτικὴ tuetur societatem civilem hominum.

§. 68. *Cavenda est etiam*] *Invictum* animum adversus gloriam gerere³⁵⁾.

§. 69. *Multi autem et sunt*] De his³⁶⁾, qui se a republica removerunt. *περὶ τοῦ λάθε βιώσας*³⁷⁾.

Cap. XXI. §. 72. *Sed iis, qui habent*] *Officia* fortitudinis politicae³⁸⁾.

Cap. XXII. §. 74. *Sed quum plerique arb.*] *Disputatio*³⁹⁾, qua ostendit res urbanas maiores esse bellicis, et togatorum consilia imperatoris laudi praeponit⁴⁰⁾. *Locus communis: Artes pacis, et virtutes togatae, quibus domi republicae tenentur ac reguntur, non sunt inferiores artibus belli seu castrensibus virtutibus.* Nam et urbana negotia prudentiam, magnitudinem animi et praesentiam animi non minorem requirunt quam bella.

Cap. XXIII. §. 80. *Bellum autem ita suscipiatur*] *Bella*⁴¹⁾ pacis causa suscipienda.

29) Hoc cap. in Editt. 1525., 1530., 1532. *inscriptum* est: De his, circa quae fortis animus et magnus versatur.

30) *πολιτικὴν*.] Editt. 1536., 1546., 1553. A., 1562., 1564., 1566., 1574., 1588. *politicam*. *Eadem* in sequent. pro *Πολιτικὴ* habent: *Politica*.

31) *privatim*] Editt. 1536., 1546., 1553., 1556., 1562., 1564., 1574., 1588. *privatum*.

32) *Horat.* *carm.* II, 3, 1—4.

33) in] sic omnes illae Editt.; apud *Horat.* legitur: *ac*.

34) *Laetitia*.] *Horatii* versus integer est: *Laetitia*; *moriture Delli*. In Edit. 1566. haec verba sic transposita sunt: *moriture Delli Laetitia*. In ceteris Editt. *moriture Delli* omittuntur.

35) *gerere*] Editt. 1546., 1553. A., 1562., 1564., 1574., 1588. *gerere oportet*; Edit. 1553. T. *gerendum*.

36) *his*] Editt. 1536., 1546., 1553. A., 1562., 1564., 1574., 1588. *iis*.

37) Haec nota in Editt. 1525., 1530., 1532., 1537., 1539., 1553. T., 1566. illis *Cic.* verbis pro titulo est. — Verba graeca (iam supra laudata) in Edit. 1566. sunt *omissa*.

38) Haec annotat. in Editt. 1536., 1546., 1562.—1588. *deest*.

39) *Disputatio*] Editt. 1536., 1546., 1553. A., 1562., 1564., 1574., 1588. *Disputatio* est.

40) *Disputatio* — *praeponit*.] Haec verba argumentum contentia, ideoque in Editt. 1525., 1530., 1532. *inscriptionis* loco posita, in Editt. 1537., 1539. sunt *omissa*; in Editt. 1553. T., 1566. pro illo *Mel.* argumentum *Erasmii* legitur.

41) *Bella*] Editt. 1536., 1546., 1553. A., 1562., 1564., 1574., 1588. *Notetur*, *bella*.

Cap. XXIV. §. 82. *De evertendis autem*] Officium⁴²⁾ imperatoris bello, urbeque evertenda diripiendaque⁴³⁾. *Periculosa et calida consilia*] *Θερμά*. Sicut apud Aristophanem⁴⁴⁾ *Θερμὸν ἔργον*, audax facinus⁴⁵⁾.

§. 83. *Periculosas curationes*] Ut in Mimo⁴⁶⁾: Nunquam periculum sine periculo⁴⁷⁾ vincitur.

Si plus adipiscare re e. l.] Extat in eam sententiam Augusti dictum: Aureo hamo piscari⁴⁸⁾. *Promptiores igitur debemus e.*⁴⁹⁾] Publica salus privatae praeponenda⁵⁰⁾.

§. 84. *Ut Callicratidas*] De Callicratide Xenophon in *παρалаιπομένοις*^{50a)} libro primo⁵¹⁾: *Καλλικρατίδας*⁵²⁾ δὲ εἶπεν⁵³⁾, ὅτι ἡ Σπάρτη οὐ-

δὲν μὴ κάκιον οἰκείται⁵⁴⁾ αὐτοῦ ἀποθανόντος· φεύγειν δὲ ἀσχερὸν εἶναι⁵⁵⁾ ἔφη. *Cleombrotus invidiam timens*] Cur dixerit de Cleombrote, invidiam timens⁵⁶⁾, intelligi nisi ex historia^{56a)} non potest⁵⁷⁾, quae extat in libro sexto apud Xenophontem in *παρалаιπομένοις*⁵⁸⁾: *Ἐνθα δὲ τῷ Κλεομβρότῳ οἱ μὲν φίλοι προσιόντες, ἔλεγον· ὦ Κλεομβρότε, εἰ ἀφήσεις⁵⁹⁾ τοὺς Θηβαίους ἀνευ μάχης, κινδυνεύσεις ὑπὸ τῆς πόλεως τὰ ἔσχατα παθεῖν. Ἀναμνησθήσονται⁶⁰⁾ γάρ σου, καὶ ὅτι⁶¹⁾ εἰς Κυνὸς κεφαλὰς ἀφικόμενος οὐδὲν τῆς χώρας^{61a)} τῶν Θηβαίων ἐδήλωσας⁶²⁾, καὶ ὅτι ὕστερον στρατεύων, ἀπεκρούσθης τῆς ἐμβολῆς, Ἀγηλαίου ἀεὶ ἐμβάλλοντος διὰ τοῦ Κιθαιρώνος· εἶπερ οὐν ἡ σαυτοῦ⁶³⁾ κήδη^{63a)}, ἢ τῆς πατρίδος ἐπιθυμῆς, ἀκτίον⁶⁴⁾ ἐπὶ τοὺς ἄνδρας.* οἱ μὲν φίλοι τοιαῦτα ἔλεγον. οἱ δ' ἄνδρες⁶⁵⁾ ἐναντίοι⁶⁵⁾· νῦν δὲ, ἔφασαν, δηλώσει^{65a)} ὁ ἀνὴρ^{65b)}, εἰ τῷ ὄντι⁶⁶⁾ κήδεται τῶν Θηβαίων, ὥσπερ λέγεται. Id est. Ibi Cleombrotum amici accedentes dicebant: Si dimiseris⁶⁷⁾ Cleombrote Thebanos sine pugna, periculum est, ne a civibus extrema patiaris. Obiicient enim, quod neque hostium agrum va-

42) Officium] Editt. 1536., 1546., 1553. A., 1556., 1562., 1564., 1574. Describitur officium.

43) Haec nota, quae in Editt. 1525., 1530., 1532. pro titulo est, in Editt. 1537., 1539. deest; Editt. 1553. T., 1566. etiam pro hoc Mel. argumento Erasmi utuntur.

44) Aristophanem] Mel. in Editt. 1525., 1530., 1532. in marg. pro illa forma integra scripturae compendie usus est: Aristot., quod alii editores h. l. falso Aristotelis nomine interpretati sunt; Editt. enlm 1536.—1588. omnes habent: apud Aristotelem. Invenitur autem illa phrasia in Aristoph. Plut. v. 415: ὦ Θερμὸν ἔργον, κἀνόσιον, καὶ παράνομον, ad quem locum conf. not. editionis Bekkeri Vol. V. p. 114 sq., vid. etiam Erfurd ad Soph. Trachiu. v. 1048.

45) facinus] Editt. 1553. A., 1564., 1574. huic voci haec addunt, quae ad lectionem: *calida*, pro qua alii habent: *callida*, spectant: „Ascensius: Sic melius quam callida, quia callida non sunt periculosa, ut calida.”

46) L. Annaei Senecae ac P. Syri Mimi sententiae v. 523., in Iani Gruteri Florilegio ethico-politico. (Francof. 1610. 8.) p. 175.

47) periculum s. periculo] sic Syrus Mimus et Editt. 1525., 1530.; ceterae Editt.: periculum s. periculo.

48) Aureo hamo piscari dicuntur, qui mediocris commodi cupiditate periculum adeunt, ut maximarum rerum faciant iacturam. Commemoratur inter facete dicta Octavii Caesaris a Suetonio in illius vita c. 25., conf. Erasmi adag. chil. H. cent. II. prov. 60. — In Editt. 1530., 1532., 1537., 1539., 1553. T., 1566. haec nota cum antecedenti in unam est coniuncta.

49) In Editt. 1537., 1539., 1566. huic notae pro his Cic. verbis adscripta sunt antecedentia: *Periculosae autem*, quibus in Editt. 1525., 1530., 1532., 1553. T., 1556. praeposita est inscriptio s. argumentum: Dividit actiones, quae afferunt periculum, et docet quid agendum sit.

50) Publica — praeponenda.] Editt. 1536., 1546., 1553. A., 1556., 1562., 1564., 1574., 1588. Quia publica — praeponenda est.

50a) *παρалаιπομένοις*] Editt. 1536., 1546., 1553. A., 1562., 1564., 1574., 1588. Paralipomenis.

51) Xenoph. Hellen. I, 6, 23.

52) *Καλλικρατίδας*] sic Xenoph. I. I. et Editt. 1525., 1530., 1532., 1537., 1539., 1566., 1566.; ceterae: *Καλλικρατίδης*.

53) εἶπεν] Editt. 1530., 1532. εἶπεν; Edit. 1566. εἶπον.

54) οἰκείται] sic Xenoph. I. I. et 1525., 1530., ceterae: οἰκείται.

55) εἶναι] Editt. 1536., 1546., 1553. A., 1556., 1562., 1564., 1574., 1588. εἶσιν; Edit. 1553. T. ἐπιν.

56) invidiam timens] Editt. 1536., 1546., 1553. A., 1556., 1562., 1564., 1574., 1588. quod esset invidiam timens.

56a) ex historia] Editt. 1525., 1530., 1532.: ex historiis.

57) intelligi — potest] Editt. 1536., 1546., 1553. A., 1562., 1564., 1574., 1588. intelligi non potest, nisi ex historia.

58) apud Xenophontem in *παρалаιπομένοις*] haec verba desunt in Editt. 1536., 1546., 1553. A., 1562., 1564., 1574., 1588. — Invenitur haec hist. in Xenoph. Hell. VI, 4, 4. 5.

59) ἀφήσεις] Editt. 1530., 1532. ἀφίσεις.

60) ἀναμνησθήσονται] Editt. 1556. ἀναμνησθήσονται.

61) ὅτι] Editt. 1525., 1530., 1532., 1537., 1539. ὅτε.

61a) χώρας] Editt. 1537., 1539. χώρας.

62) ἐδήλωσας] sic Xenoph. I. I.; Editt. 1556. ἐδήλωσας (forma, ex qua illa contracta est); ceterae falso: *ἐδήωσας* (sine s. subscr.).

63) σαυτοῦ] Editt. 1537., 1539. σεαυτοῦ.

63a) κήδη] Editt. 1537., 1539., 1562., 1588. κήδη.

64) ἀκτίον] Edit. 1532. ἐκτίον.

64a) οἱ δ'] Edit. 1553. A. οἱδ'; Editt. 1562., 1588. οἱδ'.

65) ἐναντίοι] Editt. 1525., 1536., 1546., 1553., 1556., 1562., 1588. ἐναντίον.

65a) δηλώσει] Edit. 1556. διλώσει.

65b) ἀνὴρ] Editt. 1562., 1588. ἀνός.

66) ὄντι] Editt. 1525., 1530., 1532., 1537., 1539. ἄντι.

67) dimiseris] Edit. 1539. diviseris.

staveris, cum in Cynos cephalas ventum est, neque postea data pugnandi copia, cum hoste conflixeris, cum Agesilaus iniquiore loco, per Citheronem toties adortus sit hostes. Proinde si quam tui rationem habes, aut patriam retinere cupis, dimicandum est. Atque haec amici dicebant. Aemuli vero, Nunc, dicebant, palam erit, an verum sit, eum cum Thebanis colludere, sicut dicitur⁶⁸⁾.

Cap. XXV. §. 85. *Omnino qui reipubl.*⁶⁹⁾ Utilissimum praeceptum, ut⁷⁰⁾ totam rempublicam complectantur hi⁷¹⁾, qui praefuturi sunt rebus publicis⁷²⁾. Nam et nostris temporibus dum soli plebi consulunt concionatores, evertunt respublicas.

§. 87. *Miserrima omnino est ambitio*] Ut cum iustitia, ita cum vera fortitudine ambitio pugnat. *P. Africanum et Q. Metellum*] Vide Valerium Maximum⁷³⁾ de moderatione animi⁷⁴⁾.

§. 88. *Omnis autem et animadversio*⁷⁵⁾] De poenae modo⁷⁶⁾.

§. 89. *Quae placet Peripateticis*] Citat Aristotelis sententiam de mediocritate. Nam Aristoteles omnes virtutes ita definiit⁷⁷⁾, esse mediocritatem inter extrema vitiosa, ut inter timiditatem et audaciam fortitudo est⁷⁸⁾.

Cap. XXVI. §. 90. *In rebus prosperis*] Virgilius⁷⁹⁾:

Nescia mens hominum fati sortisque futurae,
Et servare modum rebus sublata secundis⁸⁰⁾.

68) *Ἐνθα δὴ* — sicut dicitur.] haec in Edit. 1566. sunt omissa.

69) Haec verba in Editt. 1525., 1530., 1532., 1556. inscripta sunt: Officia illorum, qui rempublicam gerunt.

70) ut] Editt. 1536., 1546., 1553. A., 1556., 1562., 1564., 1574., 1588. ne.

71) hi] Editt. 1536., 1546., 1553. A., 1562., 1564., 1574., 1588. ii.

72) rebus publicis] Editt. 1553. T., 1566. reipublicae.

73) Valerium Maximum] Editt. 1525., 1530., 1532., 1537., 1539., 1566. Valerium.

74) de moderatione animi] Editt. 1537., 1539., 1553. T., 1556., 1566. de animi moderatione. — Valerius Maximus l. IV. cap. I. inscript.: De moderatione, §. 12. de hac Metelli Macedonici cum Scipione Africano minore s. Aemiliano dissensioe dicit.

75) Haec verba in Editt. 1525., 1530., 1532. inscripta sunt: Officium illius, qui in alios animadvertit.

76) Haec nota in Editt. 1536., 1546., 1553., 1562. — 1568. deest.

77) definiit] Editt. 1553. T., 1556., 1562., 1568. definit. — Conf. de hac virtutis definitione ab Aristotele tradita supra p. 56. 210 sq. 317.

78) De hac fortitudinis definitione conf. supra p. 346.

79) Virgilius] hoc nomen in Editt. 1525., 1530., 1532., 1537., 1539. deest.

80) *Virg. Aen. X, 501. 502.*

Item Sallustius⁸¹⁾: *Secundae res etiam*⁸²⁾ sapientum animos fatigant. *Praeclaraque est aequabilitas*⁸³⁾] *γνώμη* Bis vincit, qui sese vincit in victoria⁸⁴⁾. *Ut equos*⁸⁵⁾] *παραβολή*⁸⁶⁾.

§. 92. *Esse autem magni animi*] De his qui latent⁸⁷⁾.

Cap. XXVII. §. 93. *Temperantia et modestia*] Sunt obscuri loci aliquot⁸⁸⁾ hic⁸⁹⁾. Prior, quid inter honestum et decorum intersit. Id fortasse potest ex hac similitudine intelligi: Bonus habitus corporis seu valetudo bonum colorem gignit, inalus habitus malum colorem. Ita honestas parit decorum. Estque decorum, virtutis color quidam seu species. Posterior locus, generale decorum, nihil contra naturam facere. Nam facere caedem, praedari ex alieno, ut sunt contra naturam, ita deformia et monstrosa sunt. Contra, dignitas quaedam est et pulchritudo in iustitia, prudentia⁸⁹⁾ et fortitudine, quia nihil faciunt haec contra naturam. Speciale decorum est non modo nihil contra naturam facere, sed illa ipsa, quae fert natura, delectu quodam et ordine facere, ut cacare nihil habet vitii, at si more Diogenis caces in publico, vitiosum erit. Hoc secundum decori genus requiritur in hac quarta virtute, quam Modestiam vocavimus. Ut non pugnat contra naturam vestiri⁹⁰⁾ peregrino more, at indecorum⁹¹⁾ est, etc. Porro quod dicit philosophos aliter de decoro loqui atque poetas, id ita accipias: Philosophi negant decorum esse,

81) Sallust. Coniurat. Catil. c. 11.

82) etiam] apud Sallust. l. I. deest.

83) Pro his Cic. verbis, quibus haec nota in Editt. 1525., 1530., 1532. in margine adscripta est, Editt. 1536., 1546., 1553. A., 1556., 1562., 1564., 1574., 1588. hanc ad verba *Quanto superiores* referunt.

84) Invenitur haec *γνώμη* inter Syri Mimi et Senecae sententias v. 92., in Gruteri florilegio ethico-politico p. 161. In Editt. 1537., 1539., 1553. T., 1566. haec nota antecedenti annexa est.

85) In Editt. 1537., 1539., 1556., 1566. pro his Cic. verbis huic notae adscripta sunt: *Panaetius quidem*.

86) *παραβολή*.] Editt. 1536., 1546., 1553. A., 1562., 1564., 1574., 1588. Parabola insignis.

87) Haec nota in Editt. 1536., 1546. — 1568. deest.

88) aliquot] Editt. 1536., 1546., 1553. A., 1556., 1562., 1564., 1574., 1588. duo.

89) hic] Editt. 1553. T., 1556., 1566. hic et in proximo capite.

89) prudentia] Editt. 1536., 1546., 1553. A., 1562., 1564., 1574., 1588. in prudentia.

90) vestiri] Editt. 1525., 1530., 1532. vestire.

91) indecorum] Editt. 1553. A. typogr. errore: inde coram.

ai quid a natura dissentiat, ut in crudelitate⁹²⁾, neque dignitas neque decorum est. At poetae suum quoddam decorum singulis personis tribuunt, sicut pictores monstris etiam decorum quoddam tribuunt, tametsi si naturam spectes, in monstro nihil est decori.

§. 96. *Est autem eius descriptio duplex.*] Divisio⁹³⁾ ipsius decori et⁹⁴⁾ definitio, differentiaque inter decorum philosophicum et poeticum⁹⁵⁾.

Cap. XXVIII. §. 100.⁹⁶⁾ *Officium autem, quod*] Sensus communis iudicat^{96a)}, quid deceat in his⁹⁷⁾ actionibus, quae non sunt contra naturam. Est autem modestiae maxima vis in frenandis⁹⁸⁾ libidinibus.

§. 101.⁹⁹⁾ *Duplex est enim vis*] Duae hominis partes, *ὄρη* appetitio et *λόγος* iudicium de rebus.

Cap. XXIX. §. 104. *Duplex omnino est iocandi genus*] Philosophi ethnici in mediocritate iocandi virtutem quandam collocaverunt, quam *εὐτραπέλιαν*, id est, comitatem dixerunt. Sed D. Ambrosius homini christiano existimat non esse iocandum: quam idem fatetur in nostro sermone leporem quandam et suavitatem esse debere^{99a)}. *Ἀποφθέγματα*] *ἀπόφθεγμα*¹⁰⁰⁾ breve dictum, Latini scitum dixere¹⁾.

Cap. XXX. §. 105.²⁾ *Sed pertinet ad omnem*] Quatenus voluptati concedendum³⁾.

92) crudelitate] Editt. 1564., 1574. credulitate.

93) Divisio] Editt. 1546., 1553. A., 1564., 1574. Descriptio.

94) et] in Edit. 1539. deest.

95) Haec nota in Editt. 1525., 1530., 1532. inscriptionis loco posita, in Editt. 1536., 1562., 1568. est omissa.

96) Haec §. in Editt. 1525., 1530., 1532. inscripta est: Via officii, quod a decoro manat, et utilitas.

96a) iudicat] Editt. 1556., 1564., 1574. indicat.

97) his] Editt. 1536., 1546., 1553. A., 1562., 1564., 1574., 1568. iis.

98) frenandis] Editt. 1556. refranandis.

99) Haec §. in Editt. 1525., 1530., 1532. inscripta est: Dividitur motus animorum, docens appetitum debere parere rationi.

99a) Haec nota, Melanthonis nomine adscripto, non nisi in Editt. 1556. invenitur, quapropter valde dubium est, an haec vere sit illius auctoris.

100) *ἀπόφθεγμα*] hoc nomen in Editt. 1536., 1546., 1553. A., 1562., 1564., 1574., 1568. deest.

1) dixere] in Editt. 1556. deest.

2) Haec §. in Editt. 1525., 1530., 1532. est inscripta: Quae ratione officium, quod a decoro manat, invenitur.

3) Haec nota in Editt. 1536., 1546., 1553. A., 1556 — 1568. deest.

§. 107.⁴⁾ *Intelligendum etiam est*⁵⁾] In decoro⁶⁾ diiudicando primum natura hominis, deinde suum cuiusque ingenium spectandum est. Itaque hic varietatem ingeniorum tractat, iuxta illud⁷⁾:

Tu nihil invita dices faciesve^{7a)} Minerva.

§. 108. *In C. Laelio multa hilaritas*] Vide apud Silium Italicum lib. 15.⁸⁾ Laelii⁹⁾ descriptionem:

Cum dulcia solveret¹⁰⁾ ora,

Aequabat Pyliae Neleia verba¹⁰⁾ senectae.

Et Periclem] De Pericle apud Thucydidem lib. 2.¹¹⁾

Ἐκείνος μὲν δυνατὸς ὦν τῷ τε ἀξιώματι καὶ τῇ γνώμῃ, χρημάτων τε διαφανῶς ἀδωρότατος¹²⁾ κατείχετο τὸ πλῆθος ἐλευθέρως, καὶ οὐκ ἤγετο¹³⁾ μᾶλλον ὑπὲρ αὐτοῦ ἢ αὐτὸς ἤγε, διὰ τὸ μὴ κτώμενος ἐξ οὗ προσηκόντων τὴν δύναμιν, πρὸς ἡδονὴν τι¹⁴⁾ λέγειν, ἀλλ' ἔχων ἐπ' ἀξιώσει καὶ πρὸς ὀργὴν τι ἀντειπεῖν^{14a)}. ὁπότε γοῦν αἰσθοιτό^{14b)} τι αὐτοῦς παρὰ καιρὸν ὑβρεῖ θαρσοῦντας, λέγων κατέπλησσε ἐπὶ τὸ φοβεῖσθαι· καὶ δεδιότας αὐτὸν ἀλόγως¹⁵⁾, ἀντικαθίστητο πάλιν ἐπὶ τὸ θαρσεῖν. ἐγγίνεται τε λόγῳ μὲν, δημοκρατία, ἔργῳ δὲ, ὑπὸ τοῦ πρώτου ἀνδρὸς ἀρχή. Id est. Pollebat ille cum dignitate, tum consilio, minime omnium pecunia expugnabilis; plebem in officio liberaliter retinebat, neque vero ex eius

4) Haec §. in Editt. 1525., 1530., 1532. inscripta est: Varietas animorum et diversae qualitates.

5) In Editt. 1536., 1546., 1553. A., 1562., 1564., 1574., 1568. pro his Cic. verbis huic notae adscripta sunt: Sic in animis existunt.

6) decoro] Edit. 1574. decore.

7) illud] Editt. 1553. T., 1566. illud Flacci. — Hoc enim dictum est Horatii de arte poet. 385.

7a) faciesve] Edit. 1574. typogr. errore: faciesne.

8) lib. 15.] in Editt. 1525., 1530., 1532., 1537., 1539., 1553. T., 1566. non h. l., sed post „senectae” ponuntur. — Verus sequentes invenis apud Sil. Ital. XV, 458. 459.

9) C. Laelius, qui Sapiens usurpatur.

10) *solveret . . . verba*] sic omnes illae Cic. de offic. librorum Editt. secundum vulgarem huius loci lectionem, pro qua autem meliores Drakenborchii, Rupertii al. Editiones habent: *solverat . . . mella*; conf. notae ab his editoribus adscriptae.

11) Thucyd. II, 65.

12) *ἀδωρότατος*] sic omnes illae Cic. de offic. librorum Editt.; apud Thucyd. I. I. legitur *ἀδωρότατος γενόμενος*.

13) *ἤγετο*] sic recte secundum Thucyd. Editt. 1525., 1530., 1532.; ceterae habent: *ἐγένετο*.

14) *ἡδονὴν τι*] Editt. 1525., 1530., 1532. *ἡδονόντι*.

14a) *ἀντειπεῖν*] Editt. 1546., 1553. A., 1564. *ἀντιπεῖν*.

14b) *αἰσθοιτό*] Editt. 1525., 1530., 1532., 1537., 1539. *αἰσθοιτό*.

15) *ἀλόγως*] Edit. 1525. *ἀλόγως*.

voluntate pendebat, sed eam sibi parere cogebat. Nam cum bonis artibus potentiam adeptus esset, nihil erat, cur adsentiretur multitudini; eamque saepe offendebat, etiam cum pro autoritate refragaretur. Proinde si quando temere audere eam animadvertit, metu incusso dicendo repres- sit. Contra stulte¹⁶⁾ formidantibus animum restituit; videbaturque in speciem summa rerum penes populum esse. Verum re ipsa penes unum Periclem erat¹⁷⁾.

Themistoclem] De Themistocle^{17a)}, ex Thucydide lib. 1.^{17b)}. Nam inde Cicero et haec et alia est mutuatus. Et quia personarum descriptiones apud historicos in primis observandae sunt, et vel ad mores, vel ad eloquentiam multum conducunt, excerptissimus^{17c)}. Ἦν γὰρ ὁ Θεμιστοκλῆς βεβαιότατα δὴ φύσεως ἰσχύον¹⁸⁾ δηλώσας, καὶ διαφερόντως τὶ ἐς αὐτὸ μᾶλλον ἑτέρου ἀξίος θαυμάσαι. οἰκεία^{18a)} γὰρ ξυνέσει, καὶ οὔτε προμαθῶν ἐς αὐτὴν οὐδέν, οὔτ' ἐπιμαθῶν, τῶν τε παραχρῆμα δι' ἐλαχίστης βουλῆς κράτιστος γνώμων, καὶ τῶν μελλόντων^{18b)} ἐπιπλεῖστον τοῦ γενησομένου ἀριστος εἰκαστής¹⁹⁾. καὶ ἂ μὲν μετὰ χεῖρας ἔχοι, καὶ ἐξηγήσασθαι οἷος τε ὦν δὲ²⁰⁾ ἀπειρος εἶη, κρῖναι ἰκανῶς οὐκ ἀπήλλακτο. τό, τε ἀμεινον ἢ χεῖρον ἐν τῷ ἀφανεῖ ἐτι προεώρα μάλιστα, καὶ τὸ ξύμπαν εἰπεῖν, φύσεως^{20a)} μὲν δυνάμει, μελέτης^{20b)} δὲ βραχύτητι, κράτιστος δὴ οὗτος αὐτοσχεδιάζειν²¹⁾ τὰ δέοντα ἐγένετο. Id est. Erat Themistocles firmissimo naturae robore praeditus, propter quod apud omnes eximia admiratione merito fuit. Suapte enim ingenio,

16) stulte] Editt. 1525., 1530., 1536., 1546., 1553. A., 1564., 1574. stulto.

17) Ἐκείνος μὲν — Periclem erat] totus hic locus in Edit. 1566. deest.

17a) De Themistocle] haec verba in Editt. 1553. A., 1562., 1564. desunt.

17b) Thucyd. I, 138.

17c) excerptissimus.] Edit. 1566. lectu digna sunt.

18) ἰσχύον] Editt. 1530., 1532. ἰσχόν; Editt. 1562., 1568. ἰσχύον.

18a) οἰκεία] Editt. 1537., 1539., 1553. T. οἰκεία; Editt. 1536., 1553. A., 1564. οἰκία, Editt. 1546. οἰκία.

18b) μελλόντων] Edit. 1546. μελόντων.

19) εἰκαστής] Editt. 1536., 1537., 1539., 1546., 1553. A., 1556., 1562., 1564., 1574., 1588. εἰκαστής; Editt. 1553. T. εἰκαστής.

20) δὲ] Edit. 1532. ἦ.

20a) φύσεως] Edit. 1562. φύσεος.

20b) μελέτης] Editt. 1537., 1539. μελέγης.

21) αὐτοσχεδιάζειν] Edit. 1536. αὐτοσχεδιάζειν; Editt. 1556. αὐτὸ σχεδιάζειν.

quod doctrina neque exercuerat, neque auxerat, praesentium et improvisarum rerum brevissima deliberatione egregius erat aestimator. Futura autem nemo unquam vel longius vel certius prospexit. Quae tenebat, inque manibus habebat, explicare potis erat. Incerta vero et obscura²²⁾ donec deprehendisset²³⁾, non acquiescebat. In rerum delectu, quo facto, quove praeterito opus esset, nullis indiciis erat oculatissimus²⁴⁾, de quacunque re incidisset, dicebat naturae bonitate, negligentissime meditatus. Neque quisquam hunc extemporali in rebus necessariis usu unquam vicit²⁵⁾.

Et Pheraeum Iasonem] De Iasone, quem Pheraeum ab oppido Thessalorum Φέραις²⁶⁾ vocat, ubi imperavit paulo ante Philippum Macedonem. Nec est Argonauta ille, de quo est in fabulis, ut quidam suspicati sunt²⁷⁾. Extat autem eius elegans *προσωπογραφία* apud Xenophontem lib. 6.²⁸⁾, ad quam²⁹⁾ hic allusit Cicero, scribens fuisse vafrum ingenium viri. Φρόνιμος μὲν οὕτω στρατηγός ἐστιν, ὡς ὅσα τε λανθάνειν, καὶ ὅσα φθάνειν, καὶ ὅσα βιάζεσθαι ἐπιχειρεῖ, οὐ μᾶλα ἀφαιμαρτάνειν. ἰκανὸς γὰρ ἐστι καὶ νυκτός³⁰⁾ ἀπερ³¹⁾ ἡμέρας³²⁾ χρῆσθαι³³⁾, καὶ ὅταν σπεύδῃ³⁴⁾, ἀριστον καὶ δειπνον ποιησάμενος ἀμα πονεῖσθαι; οἶεται δὲ καὶ ἀναπαύεσθαι χρῆναι³⁵⁾,

22) obscura] Edit. 1532. obscuro.

23) deprehendisset] Editt. 1537., 1539. deprehendisset.

24) oculatissimus (i. e. acutissimus)] Editt. 1537., 1539. occultissimus.

25) Ἦν γὰρ ὁ Θεμιστοκλῆς — usu unquam vicit] haec omnia in Edit. 1566. omissa sunt.

26) Φέραις] Edit. 1566. Phaeis.

27) De Iasone — suspicati sunt.] Editt. 1536., 1546., 1553. A., 1562., 1564., 1574., 1588. Iason Pheraeus non est Argonauta ille, de quo est in fabulis, ut quidam suspicati sunt, sed fuit Thessalorum princeps proxime ante Philippum Macedonem, dictus Pheraeus ab oppido Thessalorum Φέραις, ubi imperavit. — In Editt. 1525., 1530., 1532. praeter notam supra allatam, quae ante Cic. verba posita est, Iasonis nomini in margine adscripta sunt verba: Iason Pheraeus non est Argonauta ille, sed Thessalorum princeps fuit proxime ante Philippum Macedonem.

28) Xenoph. Hellen. VI, 1, 4.

29) ad quam] Edit. 1525. quam.

30) νυκτός] Editt. 1530., 1532. νυκτόν.

31) ἀπερ] Edit. 1553. T. ὄπερ; Editt. 1562., 1568. ὄσπερ.

32) ἡμέρας] Editt. 1525.—1539., 1553. A. ἡμέρα; Editt. 1546., 1553. T., 1556., 1562., 1568. ἡμέρας.

33) χρῆσθαι] Editt. 1553. A., 1564., 1574. σχῆσθαι.

34) σπεύδῃ] Editt. 1536., 1537., 1539., 1553. T., 1562. σπεύδει.

35) χρῆναι] in Edit. 1574. deest.

ὅταν ἀφίκηται³⁶⁾ ἐνθ' ἂν ὀρμώμενος ἦ³⁷⁾, καὶ διαπράξῃται ἂ δεῖ. Καὶ τοὺς³⁸⁾ μετ' αὐτοῦ δὲ ταῦτα εἶδικεν³⁹⁾. ἐπίσταται δὲ καὶ ὅταν ἐπιπονήσαντες⁴⁰⁾ ἀγαθὸν τι πράξωσιν οἱ στρατιῶται, ἐκπλήσαι τὰς γνώμας αὐτῶν· ὥστε καὶ⁴¹⁾ μεμαθήκασιν πάντες οἱ μετ'⁴²⁾ αὐτοῦ⁴³⁾, ὅτι ἐκ τῶν πόνων καὶ τὰ μαλακὰ⁴⁴⁾ γίγνεται. καὶ μὴν ἐγκράτεστατός γε ἐστίν, ὃν ἐγὼ οἶδα, τῶν περὶ τὸ σῶμα ἡδονῶν· ὥστε οὐδὲ διὰ ταῦτα ἀσχολίαν ἔχει εἰς τὸ μὴ πράττειν αἰὲ τὸ δέον. Id est. Catus⁴⁵⁾ adeo dux est, ut cum fallere hostem, aut antevertere⁴⁶⁾, aut vi adoriri instituit, haud fere frustretur. Noctu ac⁴⁷⁾ die iuxta paratus, ne tum quidem cum convivium agitatur, otiosus. Nec antea acquiescit quam eo, quo tendit, pervenerit, quamque effecerit, quae ex usu sunt. Ad eundem modum et milites adsuefecit, quibus prolixè⁴⁸⁾ indulget, ubi facinus aliquod egregium fecerunt, estque persuasum omnibus, qui apud eum stipendia merent, voluptatem atque otium labore parari. Ipse vero omnium, quos novi, parcissime voluptatibus fruitur, quare nec hae morantur quo minus recte res gerat⁴⁹⁾.

§. 109. *Lacedaemonium Lysandrum*] Vide Plutarchi Lysandrum. *Xenocratem quidem se-*

36) ἀφίκηται] Edit. 1562. ἐφίκηται.

37) ἦ] Edit. 1525., 1530., 1532., 1537., 1539. ἦ; in ceteris deest.

38) τοὺς] Edit. 1536., 1546., 1553., 1564., 1574., 1588. τοῦ; Edit. 1556. τόν; Edit. 1562. τῶν.

39) εἶδικεν] Edit. 1562., 1588. εἶδικεν.

40) ἐπιπονήσαντες] Edit. 1537., 1539. ἐπιονήσαντες.

41) καὶ] sic omnes illae Cic. de offic. libror. Edit. , pro καὶ τοῦτο, quod ap. Xenoph. I. I. legitur.

42) μετ'] Edit. 1536., 1546., 1553. A., 1556., 1564., 1574. μετ'.

43) αὐτοῦ] Edit. 1546., 1553. A., 1564. αὐτοῦ.

44) τὰ μαλακὰ] Edit. 1564., 1574. τὸ μαλακόν.

45) Catus] Edit. 1536., 1553. A., 1562., 1564., 1574., 1588. Cantus.

46) antevertere] Edit. 1525 — 1553. A. habent antiquiorem formam: antevortere.

47) ac] Edit. 1530., 1532. et.

48) quibus prolixè] Edit. 1536., 1546., 1553., 1556., 1562., 1564., 1574., 1588. quibus et prolixè.

49) Φρόνιμος μὲν — recte res gerat.] totus hic locus in Edit. 1566. deest. — In Edit. 1525., 1530., 1532. notae ad §. 107. et 108. pertinentes (excepta illa ad Laellium spectante) non in margine, sed ante Cic. verba: *Intelligendum etiam est, ita deinceps positae sunt, ut de Theistocle nota illi ad Periclem spectanti antecedit.*

verissimum] Tanta fuit⁵⁰⁾ severitate, ut Plato saepe diceret ei: σπένδε⁵¹⁾ Χάρισι⁵²⁾.

Cap. XXXI. §. 110. *Admodum autem tenenda*] Cavet Cicero, ne quis male accipiat, quod modo est dictum, petendum esse decorum a proprietate naturae cuiusque. Addit enim circumscriptionem, ut id intelligatur, in natura non vitiosa, alioqui non tam esset philosophicum decorum quam poeticum, ut supra dictum est. *Sic enim est faciendum*] Aetiologia est superioris loci, significatque primum retinendam esse virtutem, quae manat ab universa natura, id est, animi ratione. Deinde quid sit in propria cuiusque natura, quod rationi non repugnet, illud in instituto vitae esse retinendum.

§. 111. *Omnino si quidquam*] Hoc quoque theorema antea positum est. Diximus etiam temperantiam positam esse in vitae aequabilitate et constantia, ubi quoque positum est decorum. Esset enim inconstantiae et levitatis, a sua discedere natura.

§. 112. *Atque haec differentia nat.*] Praeceptum hoc ex opinione antiquorum est ductum. Aristoteles et Christiani illos esse putant molles et timidos, qui aliqua de causa sibi mortem consciscunt. In qua opinione Plato quoque fuit. Cicero tamen se hoc excusare videtur. Male enim audiebat, quod res adversas acerbius ferret, tyrannidemque Caesaris pateretur⁵³⁾.

§. 114. *Epigonos*] ἐπίγονοι nomen fabulae⁵⁴⁾, dicuntur autem ἐπίγονοι^{54 a)} a Graecis

50) Tanta fuit] Edit. 1536., 1546., 1553. A., 1556., 1562., 1564., 1574., 1588. Tanta is fuit.

51) σπένδε] Edit. 1536., 1537., 1539., 1546., 1553., 1562., 1564., 1566., 1574., 1588. σπένδε.

52) Diog. Laert. IV, 2, 3.: Σεμνός δὲ τὰ τε ἄλλα Ξενοκράτης καὶ σκυθρωπός ἀεὶ, ὥστε αὐτῶν λέγειν συνεχῆς τὸν Πλάτωνα, „Ξενοκράτης, θύε ταῖς Χάρισι.“ Conf. Huebneri Commentar. ad h. l. T. I. p. 534 sq.

53) Hae quatuor ad §§. 110—112. annotationes non nisi in Edit. 1556. referuntur Melanthonis nomine adscripto; at cum nulla alia Editio has inter Melanthonis scholia praebeat, earum auctoritas est valde dubia.

54) Epigoni, Sophoclis tragoedia, quam latine expressit Accius s. Attius, cuius versum laudat Cicero Tuscul. quaest. II, 25, 60.; meminit etiam in libro de oratorum optimo genere c. 6. huius fabulae, in qua tractabatur argumentum secundi belli Thebani (c. 1210. a. Chr.) ab Ἐπιγόνοις, filiis septem principum, patrum, qui in primo occiderant, ulciscendorum causa gesti. — Davisius al. Accii Epigonos ex Aeschyl dramate, Facciolatus al. eos ex Euripidis tragoedia conversos fuisse opinantur. Conf. Soph. opera ex edit. Brunck (Argent. 1769. 8.) T. IV. p. 612 sq., ubi de hoc dramate deperdito disseritur, et Cic. de offic. ed. Gerhard ad h. l.

54 a) ἐπίγονοι] Edit. 1536., 1546., 1553. A., 1562 — 1588 Epigoni.

posterii eorum, qui Polynice duce ad Thebas occubuerant⁵⁵). Hi duce Alcmeone⁵⁶) postea renovarunt bellum, cuius belli meminere Diodorus Siculus in 5.⁵⁷) et Pausanias in Boeotiis⁵⁸). *Menalippam*⁵⁹)] Menalippa⁶⁰) uterum ferens in carcerem coniecta est. Diodor. lib 5.⁶¹) *Quam ut vitia fugiamus*^{61a}) Horatius⁶²):

Virtus est⁶³), vitium fugere; et sapientia prima.

Cap. XXXII.⁶⁴) §. 115. *Ac duabus iis personis*] Quatuor gradus facit: naturam, suam cuiusque indolem, vitae genus, in quod⁶⁵) casu incidimus, studium, ad quod voluntate nos⁶⁶) contulimus. *Ipsi autem gerere*] Si persona illa fortuita nobis imposita fuerit, videre etiam atque etiam debemus, ut decore illam geramus: cum autem personam eligimus arbitrariam, et digni-

tatem in eligendo observare debemus, et cum adepti fuerimus, eam decore sustinere debemus⁶⁷).

§. 116. *Quorum vero patres*] Decorum esse dicit in electione personae decora, honesta, maiorum studia aut aequare aut superare. Sic Quintus Mucius Pontifex⁶⁸) cum patrem habuisset iurisconsultum, iuris peritissimus fuit, primusque ius civile in corpus redegit, ut scribit Paulus⁶⁹) iurisconsultus, scriptis decem et octo libris. *Quod idem fecit Timotheus*] Isocrate⁷⁰) praeceptore usus est tam familiariter, ut in castris etiam habuerit⁷¹).

§. 117. *In primis autem constituendum*⁷²)] Praecipit de quarto gradu.

§. 118. *Herculem Prodicium dicunt*] Prodicus rhetor finxit Herculi voluptatem ac virtutem apparuisse⁷³), Silius in Scipione lib. XV.⁷⁴) imitatus est⁷⁵).

Cap. XXXIII. §. 120. *Ad hanc autem rationem*] Collatio ingenii et casus⁷⁶). *Sensim dissuere*] Dissuere amicitias⁷⁷) sic praecepit⁷⁸) et in libello⁷⁹) de amicitia⁸⁰).

55) Hi septem fuerunt: Adrastus, Tydeus, Polynices, Capaneus, Amphiarus, Hippomedon, Parthenopaeus.

56) Epigonos novem fuere numero, et eorum nomina memorat Eustath. in Iliad. IV. Nempe hi fuerunt: Adrasti Aegialeus, Polynicis Thersander, Tydeos Diomedes, Capanei Sthenelus, Parthenopaei Promachus (secund. al. Stratolaus), Hippomedontis Polydorus, Amphiarai Alcmaeon et Amphiloehus, et Mecistei Euryalus (secund. al. Eteocli Melon). Alii septem tantum Epigonos enumerant, vid. Pauly Real-Encyclop. T. III. p. 167.

57) Diodorus Siculus in 5.] sic omnes illae Cic. de offic. libror. Editt.; at hoc Epigonorum bellum non in libro V., sed in I. IV. c. 66. narratur.

58) Pausan. Boeot. s. I. IX., c. 5. §. 7. conf. etiam eiusd. Phoc. s. I. X. c. 10., ubi Epigonorum eorumque patrum nomina commemorantur.

59) *Menalippam*] sic non solum illae antiquiores sed etiam recentiores Editt., ut Gernhardi; Orellius praefert lectionem: *Melanippam*. Hanc, Desmontis filiam, sive Aeoli, ut alii poetae dicunt, formosissimam Neptunus compressit, ex qua procreavit filios duos, Boeotum et Aeolum. Quod cum Desmontes rescisset, filiam excoecavit et in monumento conclusit etc. (est enim longior fabula).

60) *Menalippa*] Editt. 1536—1553., 1564., 1574. *Menalippa* autem.

61) Diodor. lib. 5.] sic omnes illae Editt., at non in lib. V., sed in I. IV. c. 16. *Μενάλιππη* (Poggius: *Menalippe*) memoratur, ab illa autem Desmontis filia diversa. Haec enim fuit Antiope Amazonum reginae soror, quae ab Hercule capta fuit in bello, quod contra Amazones gessit.

61a) Pro his Cic. verbis in Editt. 1536., 1539., 1553. T., 1556., 1566. adscripta sunt antecedentia: *Nec tam est enitendum*.

62) Horatius] hoc auctoris nomen, quod Editt. 1536.—1566. addunt, in Editt. 1525., 1530., 1532. deest.

63) *Virtus est*] sic congruenter cum Horat. Epist. I, 1, 41. Editt. 1556.; ceterae habent: *Est virtus*.

64) Hoc cap. in Editt. 1525., 1530., 1532. est inscriptum: *Aliae personae, quas aut casus imponit, aut iudicium nostrum.*

65) quod] Edit. 1566. quo.

66) nos] in Editt. 1562., 1566. deest.

67) Haec nota et proxime sequens non nisi in Editt. 1556. inter Melanthonis annotationes inveniuntur, quamobrem dubitamus, an haec vere sint huius auctoris.

68) Q. Mucius P. f. P. n. Scaevola pontifex maximus, de quo conf. Pauly Real-Encycl. T. V. p. 184 sqq. et p. 162. nota.

69) Illud Q. Mucium primum ius civile constituisse generatim in libros XVIII redigendo, non Paulus, sed Pomponius libro singulari Euchiridii dicit, ex quo in Dig. I. tit. 2. fr. 2. §. 41. asseritur.

70) Isocrate] Editt. 1536., 1546., 1553. A., 1556., 1562., 1564., 1574., 1566. Is Isocrate.

71) ut — habuerit] sic Editt. 1525., 1530., 1532.; ceterae habent: ut etiam in castris eum habuerit.

72) Haec verba in Editt. 1525., 1530., 1532., 1537., 1539., 1553. T., 1556., 1562., 1566. inscripta sunt: *Constituendum genus vitae et institutum*. — In Editt. 1536., 1546., 1553. A., 1562., 1564., 1574., 1566. pro his Cic. verbis sequenti notae adscripta sunt haec: *Et in quo genere vitae*.

73) Hanc Prodicum de Hercule narrationem refert Xenophon in Memorabb. II, 1, 21—34.

74) Sili Ital. Punica XV, 18—130.

75) est] in Editt. 1537., 1539., 1566. omissum.

76) Haec nota in Editt. 1536., 1562., 1566. desideratur.

77) *Dissuere amicitias*] in Editt. 1536., 1546., 1553. A., 1556., 1562., 1564., 1574., 1566. desunt.

78) praecepit] Edit. 1574. praecipit.

79) libello] Edit. 1539. typogr. errore: bello.

80) de amicitia] Editt. 1537., 1539., 1553. T., 1566.: qui de amicitia est. — Phrasid *dissuere amicitias* reperitur ap. Cic. de amic. 21, 76.

Cap. XXXIV. §. 122. *Est igitur adolescentia* Adolescentis officia⁸¹⁾. Hoc vero praeceptum inprimis est necessarium, ut adolescens et in studiis, et in instituenda vita proponat sibi aliquem, quem effingat, quemque exprimat summo studio. Ideo Virgilius⁸²⁾ de Pallante ait:

Sub te tolerare magistro

Militiam et grave Martis opus, tua cernere facta
Adsuascat, primis et te miretur ab annis.

Eadem apud Homerum de Achille.

§. 123⁸³⁾. *Senibus autem labores*] Apud Homerum⁸⁴⁾ Nestor:

*Βουλῆ καὶ μύθοισι*⁸⁵⁾. τὸ γὰρ⁸⁶⁾ γέρας ἐστὶ γερόντων.

Cap. XXXV. §. 126. *Principio corporis nostri*⁸⁷⁾] Semina verecundiae in natura⁸⁸⁾.

Cap. XXXVI. §. 130. *Quum autem pulchritudinis*] Habitus⁸⁹⁾.

§. 31. *Cavendum est autem*] Incessus.

Cap. XXXVII. §. 132. *Sermo in circulis*] Comitatus laudata in Ennii carmine apud Gellium lib. XII. cap. 4⁹⁰⁾.

§. 133. *In voce autem*] Primum praeceptum⁹¹⁾.

§. 134. *Sit igitur hic sermo.*] Congeries praeceptorum.

§. 135. *Habentur autem*] Argumenta sermonis.

Cap. XXXVIII. §. 136. *Obiurgationes etiam*] Plautus in Trinummio: Nae⁹²⁾ amicum castigare ob meritam noxiam, immane est facinus, verum

81) Adolescentis officia] haec verba, quae in Editt. 1525., 1530., 1532. inscriptionis loco posita sunt, in Editt. 1537., 1539., 1556. desunt.

82) Virg. Aen. VIII, 515—517.

83) Haec §. in Editt. 1525., 1530., 1532. inscripta est: Officia senum.

84) Hom. II. IV, 323.

85) *Βουλῆ καὶ μύθοισι*] scil. *κελεύσω*, quod v. 322. praecedit. — In Editt. 1536—1553. A., 1562., 1564., 1574. *μύθοισι* legitur pro *μύθοισι*.

86) *γὰρ*] sic recte Editt. 1525., 1530., 1532.; ceterae: *καὶ*.

87) In Editt. 1525., 1530., 1532. haec verba inscripta sunt: Decorum a verecundia. — Anteced. §. 124. ibid. inscripta est: Officia diversarum personarum conditionumque; et §. 126.: Decorum, quod in dictis consistit et corporis motu.

88) Haec nota in Editt. 1526., 1546., 1562., 1598. deest.

89) Haec annotatio et proxime sequens in Editt. 1526., 1546., 1562. A., 1566—1568. sunt omissae.

90) Hoc cap. inscriptum est: Versus accepti ex Q. Ennii septimo annalium, quibus deplungitur finiturque ingenium comitatusque hominis minoris erga amicum superiores.

91) Haec nota et duae sequentes in Editt. 1526., 1546., 1562. A., 1562., 1564., 1574., 1598. sunt omissae.

92) Nae] Editt. 1530., 1532., 1566. No.

in aetate⁹³⁾ necessarium. *Sed ut ad urendum* Similitudo⁹⁴⁾. *Sed tamen ira procul absit* Virgilius⁹⁵⁾:

Furor iraque mentem

Praecipitant.

§. 137. *Deforma etiam est*] Iactantia⁹⁶⁾.

Cap. XXXIX.^{96 a)} §. 138. *Et quoniam omnia*] Modus⁹⁷⁾ in aedificando. *Et tamen adhibenda* Xenophon in Oeconomico⁹⁸⁾ damnat *φιλοικοδόμους*⁹⁹⁾.

§. 141. *In omni autem actione*] *ἐπίλογος*¹⁰⁰⁾.

Cap. XL. §. 142. *Deinceps de ordine*] Quomodo circumstantiae varient officia. Thersites obiurgat¹⁰¹⁾ Agamemnonem, seditiosum est^{101 a)}; faciat idem Nestor, videbitur e republica fieri. *εὐταξία*] *εὐταξία*¹⁰²⁾ ordinis observatio^{102 a)}. *εὐκαιρία*] *εὐκαιρία* temporis observatio.

§. 143. *Et earum similibus*] Id est¹⁰³⁾, Est sane prudentia cum modestia cognata. Sed modestiam hactenus vocamus, quatenus gestus ipsos, et tanquam illam actionem¹⁰⁴⁾ *καὶ ὑπόκρισιν* gubernat.

§. 144. *Turpe est enim*] De temporibus^{104 a)}.

§. 145. *Sic videndum*¹⁰⁵⁾ est] Similitudo.

93) in aetate i. e. aliquando.

94) Haec nota non nisi in Editt. 1525., 1530., 1532., 1556. invenitur.

95) Virg. Aen. II, 316. 317.

96) Haec nota in Editt. 1536—1553., 1562—1568. deest.

96 a) Hoc cap. in Editt. 1525., 1530., 1532. inscriptum est: Qualis debet esse domus honorati civis et principis.

97) Modus] Editt. 1536., 1546., 1553. A., 1556., 1562., 1564., 1574., 1598.: Modus praescribitur.

98) Xenoph. Oecon. 3, 1.

99) Haec nota cum antecedente in unam coniuncta est in Editt. 1536., 1546., 1553. A., 1562., 1564., 1574., 1598.

100) Haec nota in Editt. 1536., 1546., 1553. A., 1556—1568. deest.

101) Thersites obiurgat] Editt. 1526., 1546., 1553. A., 1562., 1564., 1574., 1598.: Obiurgat Thersites; Editt. 1537., 1539., 1553. T., 1556.: Thersites obiurgat.

101 a) Vid. Hom. II. II, 311—377.

102) *εὐταξία*] Editt. 1536., 1546., 1562., 1568.: *εὐταξία* est.

102 a) Haec nota et sequens in Editt. 1533. A., 1556., 1564., 1574. desiderantur.

103) Id est] in Editt. 1526., 1546., 1553. A., 1556., 1562., 1564., 1574., 1598. omisa.

104) actionem] Editt. 1562. auctionem.

104 a) Haec nota et proxime sequens in Editt. 1526., 1546., 1553. A., 1562—1568. desunt.

105) *videndum*] sic Ed. Orell.; omnes illae Editt.: *videndum*.

Cap. XLI. §. 146. *Fit enim nescio*] Catullus¹⁰⁶):

Sed non videmus manticae quod¹⁰⁷) in tergo est¹⁰⁸).

§. 147. *Ut enim pictores*] Similitudo¹⁰⁹).

Cap. XLII.¹¹⁰) §. 150. *Iam de artificibus*] Opificia et quaestus. *Qui mercantur a mercat.*] προπώλαι¹¹¹).

Cap. XLIII.¹¹²) §. 152. *Sed ab iis partibus*] Collatio virtutum. Porro praeferantur hae¹¹³),

106) Catull. carm. XXII, 21.

107) quod] sic recte Editt. 1546., 1574.; ceterae Editt. (et nonnullae Catulli): quid.

108) Hoc versu respicitur illa Aesopi fabula de duabus peris, quam tractavit etiam Phaedrus IV, 9.

109) Haec nota et sequens in Editt. 1536., 1546., 1553. A., 1562., 1564., 1574., 1588. desunt.

110) Hoc cap. in Editt. 1525., 1530., 1532. inscriptum est: De quaestibus, artibusque honestis et inhonestis.

111) προπώλαι] Editt. 1536—1539., 1553. T., 1556., 1562., 1588. H sunt προπώλαι. In Editt. 1553. A., 1564—1574. haec nota desideratur.

112) Hoc cap. in Editt. 1525., 1530., 1532. inscriptum est: Comparatio duorum honestorum inter se.

113) hae] Editt. 1536., 1546., 1553. A., 1556., 1562., 1564., 1574., 1588. eae.

quibus communis societas hominum inter ipsos conservatur. Est itaque iustitia in fastigio virtutum.

Cap. XLIV. §. 155. *Nam et erudiverunt multos*] Quid literati conferant in communi, quamquam non gerant respublicas¹¹⁴).

§. 157. *Ita fit, ut vincat*] Obiter disputat, unde societas nascatur.

Cap. XLV.¹¹⁵) §. 159. *Illud forsitan quaerendum*] Societas ita servetur, ut verecundia tamen seu modestia non violetur.

§. 160. *Patefactus enim locus*] επίλογος. Summae sunt virtutes, quae conservant communem societatem¹¹⁶).

114) Haec nota et sequens in Editt. 1536., 1546., 1553. A., 1562., 1564., 1574., 1588. desunt.

115) Hoc cap. in Editt. 1525., 1530., 1532. est inscriptum: An iustitia verecundiae modestiaeque praeponenda sit.

116) επίλογος — societatem.] Editt. 1536., 1546., 1562., 1566. 1588.: Epilogus. Summae autem sunt virtutes, quae societatem communem conservant. In Editt. 1553. A., 1564., 1574. haec nota cum proxime antecedente desideratur.

IN SECUNDUM CICERONIS LIBRUM DE OFFICIIS

SCHOLIA PHILIPPI MELANTHONIS.

Cap. I. §. 1. *Quemadmodum officia*] ἔλεγχος. Argumentum libri¹). *In quo tum quaeri*] Praefatio²).

§. 2. *Quamquam enim libri*] Cur philosophetur, et exponit occasionem, quae ad philosophandum detulit.

Cap. II. §. 5. *Quid est enim per Deos*] Exposita occasione subiicit laudes philosophiae. Est enim philosophia cum naturae pervestigatio³), tum civile de moribus iudicium, et disciplina quaedam, qua ad humanitatem seu ad civiles mores animi adsuefiunt.

§. 7. *Occurritur autem nobis*] Occupatio⁴), cur tradat certa praecepta, cum tamen Academicus haberi velit, qui nulla de re pronuntiant. Est autem haec longa disputatio, quam in his scholiis explicare non possumus. Duae fuerunt

sectae, quae non solebant pronuntiare, Pyrrhonii⁵) et Academici. Pyrrhonii dicebant omnia iuxta incerta esse, nec esse magis probabile, oriri solem, quam non oriri, cum illucescit. Proinde hi prorsus explosi sunt. At Academici reliquerunt tamen discrimen hoc, ut quaedam dicerent similia veri, quamquam suspenderent iudicium. Vide Gellium lib. XI. cap. 5.⁶) et Ciceronem⁷) in Academicis quaestionibus⁸), ubi ait: Non sum sapiens, et meas cogitationes sic dirigo, non ad illam parvulam κυνοσοῦραν⁹),

Qua fidunt duce nocturna Phoenices in alto¹⁰),

5) Conf. supra p. 635. nota 19.

6) Hoc enim cap. continet: De Pyrrhoniis philosophis quaedam, deque Academicis strictim notata, deque inter eos differentia.

7) et Ciceronem] Editt. 1532., 1537., 1539. Et Cicero.

8) Cic. Academ. prior. II, 20, 66.

9) Cynosura et Heike, duo sidera, quae ἀγροί vocantur, vid. Cic. de Nat. Deor. II, 41, 105. 106.

10) Sic Cic. in lat. transtulit Arati Phaenom. 39: Τῆ δὲ ἀρα Φόινικες πύρρονι περιόσαι θάλασσαν.

1) Pro hac nota in Editt. 1556. in margine adscripta sunt haec verba: ἔλεγχος argumenti totius huius libri.

2) Haec nota non nisi in Editt. 1525., 1537., 1539., 1556. invenitur.

3) pervestigatio] Editt. 1537., 1539. pervestigatione.

4) Occupatio] Editt. 1536., 1553. A., 1564. Occupatio animi.

ut ait Aratus, eoque directius gubernant, quod eam tenent¹¹⁾,

Quae cursu interiore, brevi convertitur orbe¹²⁾: sed ad Helicen et clarissimos Septemtriones, id est, rationes has, latiore specie, non ad tenue climatas¹³⁾.

Cap. III.¹⁴⁾ §. 9. *Quinque igitur rationibus*] Propositio operis seu distributio¹⁵⁾.

§. 11.¹⁶⁾ *Quae ergo ad vitam*] Quia hoc libro de utilitate praecipitur, ideo res, quae sunt usui ad vitam, primum dividuntur¹⁷⁾.

§. 12. *Homines hominibus obesse*] Homo homini deus. Item homo homini lupus¹⁸⁾.

Cap. IV. §. 13. *Tecta vero, quibus*] Congeries artium¹⁹⁾.

Cap. V. §. 17. *Quum igitur hic locus*] Utilitas²⁰⁾ ex honestate nascitur. Nam homines ut prosint, honestate adiunguntur²¹⁾ et invitantur.

Cap. VI. §. 19. *Magnam vim esse*] Casu saepe res omnes aut prodesse aut laedere²²⁾. *Haec ergo, ut dixi*] Et quamquam de casibus praecipitur certi nihil possit, tamen monet, ut quisque fortunam suam adhibeat in consilium, cum de vita deliberat.

§. 21.²³⁾ *Quaecunque igitur h.*] Cur homines hominibus inserviant.

§. 22. *Sed quoniam nonnunquam*] In imperiis quomodo homines adiungendi²⁴⁾. *Ducuntur*

11) tenent] sic omnes illae Editt., exceptis Editt. 1556., quae habent: tenerent; Orellius praetulit lectionem: teneant.

12) Arati Phaen. 43: *Μειότερη γὰρ πᾶσα περιστρέφεται στρουφάλλγη.*

13) climatas] sic illae Editt.; Orellius praetulit lect.: *limatas.*

14) Hoc cap. in Editt. 1525., 1530., 1532. inscriptum est: *De his, quae ad utilitatem pertinent vitamque degendam.*

15) Haec nota in Editt. 1536., 1546., 1553. A., 1562., 1564., 1566., 1574., 1588. deest.

16) Haec §. in Editt. 1525., 1530., 1532. est inscripta: *Dividit ea, quae ad vitam degendam pertinent.*

17) Haec annotatio in Editt. 1553. A., 1564., 1574. desideratur.

18) Haec aequae ac graeca: *ἄνθρωπος ἀνθρώπου δαιμόνιον* et *ἄνθρωπος ἀνθρώπου λύκος* proverbialia sunt, de quorum usu conf. Erasmi adag. chil. I, cent. I. prov. 69. 70.

19) Haec nota in Editt. 1536., 1546., 1553., 1556., 1562., 1564., 1574., 1588. deest.

20) Utilitas] Editt. 1539. typogr. errore: *Utilitates.*

21) adiunguntur] Editt. 1553. T., 1562. adiguntur.

22) Haec nota et duae proxime sequentes in Editt. 1536., 1546., 1553. A., 1562., 1564., 1574., 1588. desunt.

23) Haec §. in Editt. 1525., 1530., 1532. inscripta est: *Quibus rationibus homines moventur ad aliquem honestandum.*

24) Haec nota et tres sequentes in Editt. 1553. A., 1564., 1574. desunt; in Editt. 1566. haec quidem nota invenitur, at tres sequentes desiderantur.

enim] Primum benevolentia emerendum esse amorem²⁵⁾.

Cap. VII.²⁶⁾ §. 23. *Omnium autem rerum*²⁷⁾ Rhetoricus locus. Propositio^{27a)}. *Quem metuunt*] Ratio ex natura adfectuum petita²⁸⁾.

§. 24. *Sed iis, qui vi*] Seneca:

Ferrum tuetur principem, melius fides²⁹⁾.

§. 25. *Quid enim censemus superiorem*] Exemplis probat obfuisse crudelitatem multis, suntque hic aliquot venustissimae narrationes.

§. 26. *Se ad Pyrrhum contulerunt*] Vide Plutarchi Pyrrhum³⁰⁾.

Cap. VIII. §. 29. *Quam P. Sylla quum vibrasset*] Hic P. Sylla est, pro quo extat Cicero- nis oratio, et cuius in Caesaris bello civili^{30a)} mentio fit. Scriba Cornelius^{30b)} fuit, cuius fit mentio in Lepidi oratione^{30c)}, quae extat inter Sallustianas³¹⁾.

§. 30. *Certum igitur hoc sit*] *ἐπίλογος*^{31a)}. Amicitia³²⁾ est opus et privatis hominibus et tenentibus republicas.

Cap. IX. §. 31. *Summa igitur et perfecta*] Popularem³³⁾ favorem quae res emereantur³⁴⁾. Estque illo opus his³⁵⁾ qui republicas tenent.

25) Haec nota cum antecedente in unam coniuncta est in Editt. 1536., 1546., 1562., 1588.

26) Hoc cap. in Editt. 1525., 1530., 1532. est inscriptum: *Nihil utilius quam amari.*

27) *Omnium autem rerum*] sic Ed. Orellii; illae Editt. habent: *Rerum autem omnium.*

27a) Propositio.] Editt. 1537., 1539., 1556. Estque propositio.

28) Haec nota cum antecedente conglutinata reperitur in Editt. 1536., 1546., 1562., 1588.

29) Senecae Octavia Act. II. v. 456. *Nero*: Ferrum tuetur Principem. *Seneca*: melius fides.

30) Plutarch. Pyrrh. c. 10. — In Editt. 1536., 1546., 1553., 1562., 1564., 1574., 1588. haec nota desideratur; in Editt. 1537., 1539., 1556., 1566. nonnisi Pyrrhi nomen omis- sum est.

30a) Caes. de bell. civ. III, 51.

30b) I. e. Servius Cornelius Sulla, illius P. Cornelli Sullae frater; conf. Panly: Real-Encycl. T. II. p. 678 sq. nr. 8. 9.

30c) Haec oratio, in qua haud longe ab initio scriba Cornelius memoratur, inscripta est: *Oratio Lepidi Consulis ad Populum Romanum ex libris historiarum C. Crispi Sallustii.*

31) Sallustianas] Editt. 1553. A., 1564., 1574. Sallustinas.

31a) *ἐπίλογος*] Editt. 1536., 1546., 1553. A., 1562., 1588. Epilogus.

32) Amicitia] Editt. 1536., 1546., 1553. A., 1562., 1564., 1574., 1588. Item amicitia.

33) Popularem] Editt. 1536., 1546., 1553. A., 1556., 1564., 1574. Docet popularem; Editt. 1562., 1588. Docet per popularem.

34) emereantur] Editt. 1537., 1539., 1553. T., 1566. emereantur.

35) Estque illo opus his] Editt. 1536., 1546., 1553. A., 1556., 1562., 1564., 1574., 1588. et quod illi opus est

Haec autem sunt quae emerentur³⁶⁾, benevolentia, iustitiae³⁷⁾ ac prudentiae fama³⁸⁾, admiratio insignium virtutum. Atque haec ordine³⁹⁾ explicat.

§. 32⁴⁰⁾. *Ac primum de illis tribus*] De benevolentia. Amor amore emitur⁴¹⁾.

§. 33.⁴²⁾ *Fides autem ut habeatur*] Fama iustitiae ac prudentiae⁴³⁾.

Cap. X. §. 35. *Sed ne quis sit admiratus*⁴⁴⁾] Occupatio, cur virtutes, quae tamen natura videntur cohaerere, divellat a sese.

§. 36.⁴⁵⁾ *Erat igitur ex tribus*] Admiratio insignis virtutis, qualis erat admiratio continentiae Scipionis, cum restituit virginem optima forma captam sponso, intactam, apud Livium lib. 6. Decadis secundae⁴⁶⁾.

Cap. XI. §. 39. *Ac mea quidem sententia*] Epilogus longior, continet autem *ἐγκώμιον*⁴⁷⁾ iustitiae.

§. 40. *Viriathus Lusitanus*] Vide Flori *ἐπιτομήν*⁴⁸⁾. *Quum igitur tanta vis*] Ex minori⁴⁹⁾.

Cap. XII. §. 42. *Sed ut pecuniae non q.*] Antea de paranda existimatione, hic de tuenda praecipit. Conservabitur autem, si esse virtute praediti, quam videri malumus⁵⁰⁾. Nam simu-

latio virtutis non est diuturna. Sunt autem haec⁵¹⁾ ad verbum versa ex Xenophonte.

§. 43. *Vera gloria radices agit*] *ἐπιφάνημα* praeclarum⁵²⁾.

Cap. XIII. §. 45. *Prima est igitur adolescenti*] Studia adolescentium, quae existimationem augent rei militaris⁵³⁾.

§. 46. *Pietate in parentes*] Pietas⁵⁴⁾ erga bene meritos. *Si frequentes sunt*⁵⁵⁾] Consuetudo cum bonis viris.

Cap. XIV. §. 48. *Sed tamen difficile*] Comitas⁵⁶⁾. *Magna est enim admiratio*] Eloquentia.

Cap. XV. §. 52. *Sed expositis adolescentium officii*] Quomodo⁵⁷⁾ debemus⁵⁸⁾ uti liberalitate ad captandam multitudinis benevolentiam⁵⁹⁾. Quomodo⁶⁰⁾ beneficentia adiungantur voluntates hominum, ac⁶¹⁾ primum docet, quatenus deceat largiri⁶¹⁾.

§. 53. *Praeclare in epistola*] Auget exemplis praeclarum Philippi praeceptum.

§. 54. *Sed diligenter atque moderate*] Iuxta proverbium *οὔτε πάντα οὔτε πάντη*⁶²⁾.

§. 55. *Largitionem fundum*] Proverbium⁶³⁾.

Cap. XVI.⁶⁴⁾ §. 55. *Omnino duo genera*] Prodigalitas damnatur.

36) emerentur] Editt. 1536., 1546., 1553. A., 1556., 1564., 1574. emerentur eum; Editt. 1562., 1568. emerentur cum b.

37) iustitiae] Editt. 1537., 1553., 1564., 1566., 1574. iustitia; Editt. 1539. instantia.

38) prudentiae fama] Editt. 1553. A., 1564., 1574. prudentia, fama.

39) ordine] Editt. 1536., 1546., 1553. A., 1556., 1562., 1564., 1574., 1568. ordine suo.

40) Haec §. in Editt. 1525., 1530., 1532. inscripta est: Qua ratione benevolentia multitudinis comparetur.

41) De benevolentia — emitur.] Editt. 1536., 1546., 1553. A., 1556., 1562., 1564., 1574., 1568. De benevolentia tractat, innuens quod amor amore emitur.

42) Haec §. in Editt. 1525., 1530., 1532. est inscripta: Quibus rebus fides acquiratur.

43) Haec nota non nisi in Editt. 1525., 1537., 1539., 1553. T., 1556. invenitur.

44) Pro his Cic. verbis huic notae in Editt. 1536., 1562., 1568. adscripta sunt antecedentia: *Quam ob rem intelligentiae.*

45) Haec §. in Editt. 1525., 1530., 1532. inscripta est: Quibus rebus consequimur, ut multitudo nos admiretur, et honore dignos putet.

46) lib. 6. Decadis secundae] omnes illae Editt. male habent: lib. 6. Decadis tertiae; hoc enim non narratur lib. XXXVI., sed lib. XXVI. c. 50., conf. supra p. 189. nota 66.

47) *ἐγκώμιον*] Editt. 1566. encomium.

48) *ἐπιτομήν*] Editt. 1536., 1546.—1568. Epitomen. — Vid. Flori Epitom II, 17, 15.

49) Haec nota in Editt. 1536., 1546., 1553. A., 1562., 1564., 1574., 1568. docet.

50) malumus] Editt. 1536., 1546., 1553. A., 1556., 1562., 1564., 1574., 1568. malimus.

51) haec] scil. verba: *Socrates hanc viam ad gloriam proximam, quasi compendiarium dicebat esse: si quis id ageret, ut, qualis haberi vellet, talis esset, quae ad verbum versa sunt ex Xenoph. Memorab. I, 7, 1. et II, 6, 39.*

52) Haec nota in Editt. 1536., 1562., 1568. est omissa.

53) Pro hoc Melanthonis argumento Editt. 1537., 1539., 1566. Erasmi argum. afferunt.

54) Pietas] Editt. 1536., 1546., 1553. A., 1556., 1562., 1564., 1574., 1568. Adnotatur pietas.

55) Pro his Cic. verbis huic notae in Editt. 1537., 1539., 1553. T., 1556. adscripta sunt antecedentia: *Facillius autem.*

56) Haec nota et sequens in Editt. 1536., 1546., 1553., 1562.—1568. desiderantur.

57) Quomodo] Editt. 1536., 1546., 1553. A., 1556., 1562., 1564., 1574., 1568. Docet quomodo.

58) debemus] Editt. 1574. debeamus.

59) Quomodo — benevolentiam.] pro his verbis in Editt. 1525., 1530., 1532. pro inscriptione positus, quoniam Mel. argumentum continent, Editt. 1537., 1539., 1566. Erasmi argumentum praebent.

60) Quomodo ac] Editt. 1536., 1546., 1553. A., 1556., 1562., 1564., 1574., 1568. et quomodo et.

61) quatenus deceat largiri] Editt. 1566. quantum deceat largire.

62) *πάντη*] Editt. 1539., 1553. A., 1562.—1574. *πάντη*.

63) Hoc proverbio significabant, stulta liberalitate quantalibet opes exhauriri vel effluere; vid. Erasmi adag. chil. I. cent. X. prov. 32. — In Editt. 1537., 1539., 1566. pro hac Mel. nota Erasmi in margine est adscripta.

64) Hoc cap. in Editt. 1525., 1530., 1532., 1537., 1539., 1553. T. inscriptum est: De liberali et prodigo.

§. 57. *Quamquam intelligo*⁶⁵⁾] Quomodo Romae laudem meruerit prodigalitas.

Cap. XVIII.⁶⁶⁾ §. 61. *In illo autem altero*] Liberalitatis pars, gratificari largiendo.

§. 64. *Tum in exigendo*] Impudentia⁶⁷⁾ flagitare officium.

Cap. XIX.⁶⁸⁾ §. 65. *Quae autem opera*] Pars liberalitatis, opera gratificari. *Tum quod*⁶⁹⁾ *optime*] Respondere de iure⁷⁰⁾.

§. 66. *Atque huic arti*⁷¹⁾] Dicendo⁷²⁾ gratificari.

§. 67. *Admonebat me res*] Deplorat reipublicae calamitatem.

Cap. XX.⁷³⁾ §. 69. *Sed quum in hominibus*] Quibus⁷⁴⁾ sit gratificandum. *Commode autem quicumque*] *Γνώμη*⁷⁵⁾. Extat et pro Plancio⁷⁶⁾. Gellius⁷⁷⁾ videtur praeter rem calumniari hanc sententiam.

§. 71. *Fundamentum enim*] Revocat ad iustitiam⁷⁸⁾.

Cap. XXI.⁷⁹⁾ §. 72. *Sed quoniam de eo*⁸⁰⁾] De publicis⁸¹⁾ largitionibus quam perniciosas

sint⁸²⁾ rebuspublicis⁸³⁾. *C. Helii et P. Gracchi*⁸⁴⁾] Sp. Melii⁸⁵⁾ et C. Gracchi⁸⁶⁾. M. Octavius Gracchi adversarius⁸⁷⁾ fuit.

§. 73. *Ad aequationem bonorum*] Plato tamen in libris de republica in sua civitate videtur constituere aequationem bonorum. Eandem constituit Lycurgus in republica Lacedaemoniorum, ut autor est Plutarchus⁸⁸⁾. *Qua peste, quae*] *ἐπιφώνημα*⁸⁹⁾. *Hanc enim ob causam*] Ratio est a causa finali. Quamquam enim homines propter naturae coniunctionem primum congregati sunt: hanc tamen secuti sunt causam, ut res suas tuerentur⁹⁰⁾.

§. 75. *Caput autem est*] Avaritia vacare debent, qui muneribus publicis funguntur⁹¹⁾. *Ἀντίθεσις*⁹²⁾. Commemorat enim continentiam principum.

Cap. XXII. §. 76. *Laudat Africanum*] Exemplorum acervus⁹³⁾.

§. 77. *Spartam nulla re*] Apollinis oraculum.

Cap. XXIII. §. 80. *Lacedaemonii Lysandrum* . . . *Agin regem*] Vide Plutarchum in horum vitis⁹⁴⁾.

§. 81. *At vero Aratus Sicyonius*] Extat et huius vita in Plutarcho. Estque epigramma⁹⁵⁾ in

65) His verbis in Editt. 1525., 1530., 1532. antecedit inscriptio s. argumentum: De aedilitiis muneribus.

66) Hoc cap. in Editt. 1525., 1530., 1532. inscriptum est: Alterum genus largiendi, quod a liberalitate proficiscitur.

67) Impudentia] Editt. 1536., 1546.—1564., 1574., 1588. Impudentia est.

68) Hoc cap. in Editt. 1525., 1530., 1532. est inscriptum: Alterum genus liberalitatis, quod opera praestatur.

69) *quod*] sic Orellii Editt.; illae Editt. habent: *quam*.

70) Haec nota in Editt. 1536., 1546., 1553. A., 1562., 1564., 1574., 1588. deest.

71) Pro his Cic. verbis huic notae in Editt. 1536., 1546., 1553. A., 1562., 1564., 1574., 1588. adscripta sunt: *Quid enim eloquentia laudabilius?*

72) Dicendo] Editt. 1536., 1546., 1553. A., 1562., 1564., 1574., 1588. Docendo.

73) Hoc cap. in Editt. 1525., 1530., 1532. inscriptum est: In officio praestando vir bonus locupleti praefendus est.

74) Quibus] Editt. 1536., 1546., 1553. A., 1562., 1564., 1574., 1588. Docet quibus.

75) *Γνώμη*] in hisdem 7 Editt. deest.

76) Plancio] Editt. 1556. Planco. — In Cic. oratione pro Plancio c. 28., praeterea etiam in eiusd. orat. ad Quirites post redditum c. 9.

77) Gellii Noct. Att. l. l. c. 4.

78) Haec nota in Editt. 1536., 1546., 1553. A., 1562., 1564., 1574., 1588. deest.

79) Hoc cap. in Editt. 1525., 1530., 1532. inscriptam est: Beneficia, quae ad universos pertinent.

80) Pro his Cic. verbis huic notae in Editt. 1537., 1539., 1553. T., 1556. adscripta sunt: *Deinceps de his*.

81) De publicis] Editt. 1536., 1546., 1553. A., 1556., 1562., 1564., 1574., 1588. addunt: agit.

82) quam perniciosas sint] Editt. 1536., 1546., 1553. A., 1562., 1564., 1574., 1588. quae perniciosas sunt.

83) rebuspublicis] Editt. 1564., 1574. reipublicae.

84) *C. Helii et P. Gracchi*] Orellius huic lectioni, quam illae Editt. omnes habent, praetulit: *C. Gracchi*.

85) Sp. Melii] Editt. 1536., 1546., 1553. A., 1556., 1562., 1564., 1574., 1588. Alias, Sp. Melii.

86) C. Gracchi] Editt. 1564., 1574. T. Gracchi.

87) C. Gracchi. M. Octavius Gracchi adversarius] Editt. 1537., 1539., 1553. T., 1566. C. Gracchi M. Octavius adversarius.

88) Haec nota non nisi in Editt. 1556. inter Mel. scholia invenitur, quapropter auctoritas eius dubia est.

89) Haec nota in Editt. 1536., 1546., 1553., 1562., 1564., 1574., 1588. deest.

90) Haec nota (aeque ac anteced. 86.) tantum ab Editt. 1556. exhibetur.

91) Haec verba, quibus in Editt. 1525., 1530., 1532. haec §. inscripta est, in Editt. 1537., 1539., 1553. T., 1566. desunt.

92) *Ἀντίθεσις*] Editt. 1536., 1546., 1553. A., 1556., 1562., 1564., 1574., 1588. Estque antithesis.

93) Haec nota et sequens in Editt. 1536., 1546., 1553. A., 1556., 1562., 1564., 1574., 1588. omissae sunt.

94) De Agide III. rege a. 240. a. Chr. suffocato vid. Plutarch. Agis c. 19—21.

95) Hoc epigramma statuae inscriptum, quam exsules ei ex aere posuerunt, invenitur apud Plutarchum in vita Arati c. 14.

eum compositum, quod ad commendandam lectoribus memoriam virtutis huius viri libuit adscribere:'

Βονλαὶ μὲν καὶ ἄεθλα⁹⁶), καὶ⁹⁷) ἄ⁹⁸) ὑπὲρ⁹⁹) Ἑλλάδος ἀλλὰ¹⁰⁰),

Τοῦδ' ¹) ἀνδρὸς σιήλας²) πλάθεται Ἡρακλέους Ἄμμες³) δ' εἰκόν⁴), Ἄρατε, τιάν, νόστοιο⁵) τυχόντες, Στάσαμεν⁶), ἀντ'⁷) ἀρετῆς ἡδὲ⁸) δικαιοσύνας, Σωτήρος, σωτήρησι θεοῖς, ὅτι πατρὶδι τῷ σῶ Δαίμον' ἴσον⁹) θείαν τ' ὠπασας¹⁰) εὐνομίαν.

96) ἄεθλα] Editt. 1546., 1553. T., 1562., 1588. ἄθλα.

97) καὶ] in Editt. 1553. A., 1564. omissum.

98) ἄ] sic Plutarch. l. I.; illae Editt. omnes habent: ἡ.

99) ὑπὲρ] sic Plutarch. et Editt. 1525., 1530., 1532.; ceterae: περί.

100) ἀλλὰ] Editt. 1537., 1539. ἀλκαί.

1) Τοῦδ'] Editt. 1537., 1539. τοῦ δὲ.

2) σιήλας] sis omnes illae Editt.; Plutarch. σιάλα.

3) Ἄμμες] sic Plutarch.; illae Editt. habent ἀμεις aut ἀμεις, (7 Editt. spiritu omissio; αμεις).

4) εἰκόν'] Editt. 1536., 1539., 1553. A., 1564., 1574. εἰκόν; Ed. 1562. εἰκον; Ed. 1588. εἰκον.

5) νόστοιο] Edit. 1536. νόστοιο; Editt. 1537., 1539. νόστοιοι; Editt. 1564., 1574., 1588. νόστοιο.

6) Στάσαμεν] Editt. 1536., 1546., 1553. A., 1562., 1564., 1574., 1588. Σάσαμεν.

7) ἀντ'] Editt. 1556., 1562., 1588. ἀντ'.

8) ἡδὲ] Edit. 1539. ἡ δὲ; Editt. 1556. ἡδὲ.

9) Δαίμον' ἴσον] sic Plutarch. l. I.; omnes illae Editt.: Δαίμονι σῶ.

10) τ' ὠπασας] sic Plutarch.; Editt. 1525., 1530., 1532., 1537. ὠπασας; Editt. 1536., 1546., 1553. T., 1556., 1562., 1564., 1574., 1588. ὠπασας; Ed. 1539. ὠπασεως; Ed. 1553. A. ὠπασας.

Id est:

Herculeas quamvis aequent tua facta columnas

Dum patriam servas inclyte Arate tuam;

Nos tamen hanc statuam pro libertate recepta
Virtutis testem fecimus esse¹¹) tuae.

Communis tibi cum Diis servatoribus esto

Hic honor, in patriam nam pia iura refers¹²).

§. 84. *Tabulae vero novae*] Novae tabulae¹³)
condonatio debitorum.

Cap. XXIV. §. 84. *Quibus ita restiti*¹⁴)
Suum exemplum commemorat¹⁵). *At vero hic
nunc victor*] Caesaris exemplum contrarium.

§. 86. *In his autem utilitatum*] Valetudinis
curatio¹⁶).

§. 87. *Res autem familiaris*] Rei familiaris
cura. *Parsimonia*] Parsimonia magnum ve-
ctigal¹⁷).

11) esse] Edit. 1562. esset.

12) quod ad commendandam — iura refers.] haec in Edit.
1566. sunt omissa.

13) Novae tabulae] Editt. 1536., 1546., 1553., 1562., 1564.,
1574., 1588. Tabulae novae.

14) Pro his Cic. verbis huic notae in Editt. 1537., 1539.,
1553. T. adscripta sunt: *Nunquam enim vehementius.*

15) Haec nota et quatuor sequentes in Editt. 1536., 1546.,
1553. A., 1556., 1562., 1564., 1574., 1588. desunt.

16) Haec nota praeter illas 9 Editt. modo indicatas etiam
in Editt. 1537., 1539., 1566. est omissa.

17) Haec nota praeter illas 9 Editt. etiam in Edit. 1566. de-
est. — Cap. XXV. §. 88. in Editt. 1525., 1530., 1532.
inscripta est: Comparatio duorum utilium inter se.

IN TERTIUM CICERONIS LIBRUM DE OFFICIIS

SCHOLIA PHILIPPI MELANTHONIS.

Cap. I. §. 1. *Publium Scipionem*] Orditur
a *χρεία*¹), et poterit hic locus esse exemplo²)
τῶν *χρειῶν* tractandarum³). *Magnifica vero*

1) *χρεία*] Editt. 1556., 1574. *χρεία*.

2) exemplo] Editt. 1536., 1546., 1553. A., 1562., 1564.,
1574., 1588. Exemplum.

3) tractandarum] Edit. 1566. tractandum. — Editt. 1556. haec
addunt: Est autem *χρεία*, commemoratio brevis aliquam
personam apte referens. Alia est verbalis, quae utilita-
tem oratione significat, ut Plato virtutis ramos a sudori-
bus et laboribus produci dicebat. Alia activa, quae ora-
tionem declarat, ut Pythagoras interrogatus, quanta esset
hominum vita, latebras petiit, mensuram vitae ex mo-
mentaneo conspectu designans. Alia mista, quae ex utra-
que fit, ut Diogenes intuitus adolescentem lascivum, pae-
dagogum percussit, superaddens: Cur talem instruis ne-
bulionem?

vox] Laudat *χρεία*. *Sed si minus imitatione*⁴)
Accommodat ad suum institutum⁵).

§. 2. *Ille enim requiescens*] Dissimilitudo⁶).

Cap. II. §. 5. *Sed quum tota philosophia*] Commendatio dedicatioque operis.

§. 6. *Quod cum omnibus*] Exaggerat suasoriis
locis⁷).

4) Pro hic Cic. verbis huic notae in Editt. 1537., 1539.,
1556. adscripta sunt: *Nam et a re.*

5) Editt. 1556. haec addunt: Nam cum flagrarent bella ci-
vilia inter Antonium et Caesarem, Cicero eo tempore in
fundo Tusculano, Formiano Arpinateque plerumque solus
philosophabatur.

6) Haec nota et sequens in Editt. 1536., 1546., 1553. A.,
1562., 1564., 1574., 1588. desunt; in Editt. 1556. haec
tantum deest, sequens autem in margine est adscripta.

7) Haec nota nonnisi in Editt. 1525., 1537., 1539., 1566.
invenitur.

§. 7⁸⁾. *Panaetius igitur*] Distributio continet argumentum tertii libri. Nam hic praecipitur, quid sequendum sit⁹⁾, si utilitas cum honestate pugnet¹⁰⁾.

§. 8. *Quod eo magis*] Aufert excusationes negotiorum, et immaturae mortis testimonio Posidonii, qui philosophus fuit Stoicus, Rhodique docuit, cuius auditor et familiaris Cicero fuit¹¹⁾. *Nullum esse locum*] Nam propter utilitatem et honestatem philosophi constituunt diversos bonorum et malorum fines, atque hac de causa sunt inter eos contentiones, ideoque hominum sententiae distrahuntur in officii electione.

§. 9. *De quo alterum*] Panaetii excusatoribus respondet, duplicemque facit quaestionem: An Panaetius susceperit hanc quaestionem, et an debuerit. Prior quaestio pertinet ad refutationem excusatorum, posterior ad constitutionem sequentis disputationis.

Cap. III. §. 11. *Rectene autem hanc t.*] Otiosa¹²⁾ disputatio est, cum Stoici ne utile quidem quicquam dicant, quod non sit idem honestum¹³⁾, cur Panaetius dixerit utilitatem pugnare cum honestate. Cicero respondet¹⁴⁾, primum hic non de perfecto officio, sed de mediis disputari; et tamen ne in mediis quidem officiis esse utilitatem¹⁵⁾ iudicandam, si ab honesto dissideat; posse autem quaeri a mediocribus hominibus¹⁶⁾ saepe, an, quod videtur utile, sit re vera utile. *Dubitandum non est, quin*] Per distributionem veluti dilemmaticam confutat Panaetium. Quod autem de Peripateticis ait, est huiusmodi: Si tanti sunt aestimanda honesta, ut prae iis contemnantur utilia in officii consultatione, nunquam haesita-

bunt homines, sed semper honestatem sequentur. Ita in negligendo pugna non videbitur¹⁷⁾. *Itaque accepimus*] Hunc locum sic exprimit 1. de legibus. Itaque Socrates execrabatur eum, qui primus utilitatem a natura separasset. Hoc enim causabatur caput omnium exitiorum.

§. 13. *In iis autem, in quibus sapientia perfecta non est*] Et sapientem illum suum Stoici et *κατόρθωμα* imaginatione tantum concipiunt, sicut¹⁸⁾ perfectum oratorem fingunt.

§. 14. *Illud autem officium quod rectum*] Id est¹⁹⁾ *κατόρθωμα*.

Cap. IV. §. 19. *Itaque ut sine ullo*] Propositio est huius libri, quam duxit a Panaetii dicto, ac suam sequitur interpretationem, scilicet videri aliquando pugnare honestum cum utili, quamquam re vera non pugnent²⁰⁾.

§. 20. *Erit autem*] Causam affert, quam ob rem Stoicos sequatur potius, quam Peripateticos aut Academicos. Illustris enim est et splendida Stoicorum sententia: Nihil utile, quod non sit honestum. Locus autem est ex comparatione. *Academicis et Peripateticis*] Multis in locis testatur Academicos et Peripateticos sententiis consensisse, verbis tantum discrepasse. Triplex autem fuit Academia, vetus, a Platone et Speusippo; media, ab Archesila; nova, ab Lachete: hanc sequebatur Cicero. *Nobis autem*] Per occupationem ostendit sibi licere, ommissa Academia, Stoicorum dogma sequi: nam Academia nullis adstricta legibus, cum nihil certo sciri posse putet, probabile maxime sequitur. Maxime autem probabilis videtur Stoicorum sententia.

Cap. V. §. 21. *Detrahere igitur alteri*] Formula, qua officium cognoscitur²¹⁾. Summa utilitas hominum est, conservatio societatis humanae. Proinde censendum est inutile esse quicquid laedit societatem. At iniustitia laedit societatem, ergo nulla ex ea potest colligi utilitas.

8) Haec §. in Editt. 1525., 1530., 1532. inscripta est: De comparatione utilis ac honesti.

9) sit] in Edit. 1539. deest.

10) pugnet] Edit. 1532. pugnat.

11) Haec nota et duae proxime sequentes tantum in Editt. 1556. inter Melanthonianas exhibentur, quare auctoritas earum dubia est.

12) Otiosa] Editt. 1556.: Secundam quaestionem nunc exequitur, ita tamen, ut multis argumentis ostendat non debuisse Panaetium hanc suscipere partem. Deinde eius sententiam clementer interpretatur. Otiosa autem.

13) quicquam — honestum] Editt. 1536., 1546., 1553. A., 1562., 1564., 1574., 1588. quicquam, quod non idem sit honestum, dicant.

14) respondet] Edit. 1566. respondit.

15) esse utilitatem] Editt. 1537., 1539., 1553. T., 1556., 1566. utilitatem esse.

16) hominibus] in Editt. 1536., 1546., 1553. A., 1562., 1564., 1574., 1588. deest.

17) Haec nota et sequens non nisi in Editt. 1556. inter Mel. scholia afferuntur.

18) sicut] Editt. 1536., 1546., 1553. A., 1556., 1562., 1564., 1574., 1588. sicut rhetores.

19) Id est] eadem 9 Editt.: quod rectum, id est.

20) Haec nota et tres sequentes tantum in Editt. 1556. inter Mel. scholia inveniuntur.

21) Formula, qua officium cognoscitur.] haec verba, in Editt. 1525., 1530., 1532. pro inscriptione posita, in Editt. 1537., 1539., 1553. T., 1566. sunt ommissa. Editt. 1556. autem his verbis addunt: a iustitia petita atque comparatione amplificata.

Et primum de iustitia²²⁾ dicit, postea de utilitatibus pugnantibus cum reliquis virtutibus. *Nam principio tollit*] Ratio est a consequentibus, officiumque iustitiae commemorat, quod positum est in conservatione societatis humanae²³⁾.

§. 22. *Ut, si unumquodque*] Similitudo²⁴⁾. *Nam sibi ut*] Alia est probatio petita a iure gentium. Licet enim iure gentium, legitime acquirere, attamen est contra ius gentium et ius naturae, alterum spoliare²⁵⁾.

§. 23. *Neque vero hoc solum natura et iure gentium*] Ius gentium est ratio et²⁶⁾ communis sensus hominum; leges populorum, suum cuiusque civitatis ius²⁷⁾ est²⁸⁾. *Atque hoc multo*] Adicit argumentum vehementius a lege naturae, quae a Deo proficiscitur, lex divina dicitur: ut autem eam a Deo nostris mentibus insculptam sequitur, lex humana dicitur, qua de re sic Cicero. Principalem autem et ultimam legem vocabant mentem, aut omnia ratione vetantis aut cogentis Dei, ex qua illa lex, quam Dii hominibus dederunt, est rite laudata²⁹⁾.

§. 24. *Etenim multo magis*] Ab enumeratione partium colligit potiore utilitate honestatem. Fortitudinem posuit, quae in contemplatione rerum externarum: comitataque est temperantia iustitiam et liberalitatem, quae sunt in conservatione societatis humanae: ut dictum est libro primo. *Detrahare autem de altero*] Saepenumero iterat eandem propositionem, quia propter eas causas homines solent honestatem relinquere, hac etiam de causa in Tusculanis maxime laboravit Cicero, ut has res non esse malas ostenderet, sed contemnendas.

§. 25. *Itemque magis est*] Non solum non est inferenda iniuria, sed ne sibi quidem soli vivendum. Hoc docet Herculis exemplo, qui regiones peragrabat, sceleratosque homines de

medio tollebat. Itaque colebatur Alexicacus Hercules, id est, malorum depulsor. Caeterum id ait Cicero propter Epicurum, qui scripsit sapientem sibi soli vivere debere.

§. 26. *Deinde qui alterum*] Altera est argumentatio per dilemma. Quidam enim ita pravo sunt ingenio, ut secundum naturam esse putent, alterum violare. Vulgus autem suapte natura sordidum, posthabet emolumentis honestatem. *Si nihil existimat*] Assumptio est argumenti superioris, cuius vis est a coniugatis, aut, si mavis, a proprio. Est enim humanitas hominibus propria, quam tollit, qui alterum laedit. *Sin fugiendum*] Altera est assumptio per collationem. Nam animi vitiis quaecunque alia sunt leviora.

Cap. VI. §. 26. *Ergo unum debet*] Colligit ex superioribus omnes coniunctos esse inter se. Quod si verum est, coniunctio quoque utilitatis esse debet: ac re vera iure naturali omnia sunt communia, servandum est tamen, quod praescriptum est iure gentium et civili. Id enim pertinet ad societatem.

§. 27. *Atque etiam, si*] Id enim probat syllogismo acervali, quem soritem appellant. Homines enim ratione et oratione inter se coniuncti sunt. Ita iure naturali utilitatis esse debet coniunctio.

§. 28. *Nam illud quidem*] Anthypophora est. Nonnulli enim aiunt non nocendum esse consanguineis, sed tamen aliis omnibus. Qui sint autem gradus coniunctionis humanae, dictum est libro primo. *Qui autem civium*] Alia est Anthypophora. Digreditur ab arctiore societate ad communem, quae prima nobis est secundum naturam. *Qua sublata*] Eventa posuit, easque complexus est virtutes, quae societatem civium tumentur, ut dictum est libro primo. *Etiam adversus Deos immortales*] Amplificat³⁰⁾ a religione³¹⁾.

§. 29. *Forsitan quispiam*] Propterea quod ratio circumstantiarum efficit, quod aliquid nunquam videatur vel honestum, vel turpe. Igitur adversus formulam opponit exempla ficta, a circumstantiis petita³²⁾. *Non enim*] Solutio est per comparisonem. Bona enim corporis posthabenda sunt bonis animi. *Si Phalarim*

22) iustitia] Editt. 1537., 1539. in iustitia.

23) Haec nota nonnisi in Editt. 1556. invenitur.

24) Haec nota in Editt. 1536., 1546., 1553., 1562—1588. deest.

25) Haec nota tantum ab Editt. 1556. exhibetur.

26) est oratio et] Editt. 1562., 1588. id est ratio, est.

27) ius] Edit. 1553. T. mos.

28) Editt. 1556. praeter hanc notam ad eundem Cic. locum paulo post hanc alteram referunt: Crescit vis argumenti magis, et cadit in speciem. Ostendit enim iniuriam non magis esse contra ius gentium, sed etiam contra ius civile. Idque probat a causa finali.

29) Haec nota et 11 sequentes nonnisi in Editt. 1556. inter Mel. scholia afferuntur.

30) Amplificat] Edit. 1553. T. Est amplificatio.

31) Haec nota in Editt. 1536., 1562., 1588. deest.

32) Haec nota et 3 sequentes tantum in Editt. 1556. reperiuntur.

Opponit alterum fictum, quod maiorem habet circumstantiae evidentiam. Itaque solutum est facilius. Antea enim vir erat duntaxat inutilis, nunc vir, qui omnibus noceat.

§. 30. *Nam si quid*] Non satis complectitur universam quaestionem priore solutione. Utitur ergo distinctione, nihil detrahendum esse utilitatis propriae causa: utilitatis autem publicae causa licere. *Sed communis utilitatis*] Conclusa priore parte distinctionis, per antithesin assumit secundam; significatque utilitatem publicam rebus omnibus esse praeventendam: huiusque causa sapientem inertii homini detrahere.

§. 32. *Nam quod ad*] Hypothesin facit ex thesi, significatque non violari naturam, cum laeditur tyrannus. Hoc enim pertinet ad utilitatem, et coniunctionem communem, quae est secundum naturam. *Etenim ut membra*] Similitudo³³⁾. *Huius generis*] Omnes aliae quaestiones, quae exoriri possunt, a circumstantiis pendent, ut superiores. Earum solutio petenda est ex regulis honestatis aut turpitudinis, de quibus libro primo et secundo³⁴⁾.

Cap. VII. §. 33. *Sed quoniam operi*] Aliam sumit propositionem aptiorem ad quaestionis tractationem priorem: quod autem de geometris ait, est huiusmodi. Propositiones sunt quaedam ita evidentes ac certae, ut illis unusquisque statim assentiatur. Hae ἀξιώματα vocantur, sunt aliae utique certae propositiones, non tamen ita evidentes, quas sibi concedi postulant; illae ἀλήθεια vocantur, id est, postulata et petitiones. *Sin hoc non licet*] Vulgo tamen aiunt Aristotelem sensisse, utilitatem non propter se, sed propter honestatem esse expetendam. Aliter tamen Aristotelem sensisse Cicero testatur. *Mihi utrumvis*] Ita loquitur ut Academicus novus. Est enim Academicorum, probabilia sectari.

§. 34. *Ac primum in hoc*] Rursus Panaetium adversus calumniatores defendit, utiturque eius verbis ad confutandum. Repetitur hic sententia Socratis de coniunctione utilitatis et honestatis.

33) Haec nota in Editt. 1525., 1530., 1532., 1537., 1539., 1556., 1566. invenitur. In Editt. 1556. eidem loco praeter hanc notam paulo post haec altera adscripta est: Decens est similitudo a gangraena, id est, carne emortua ex ulcere, aut inflammatione, quae est abscindenda, ne sinceras partes corrumpat.

34) Haec nota et 5 sequentes nonnisi in Editt. 1556. inveniuntur.

Hanc igitur] Induxerat locum superiorem, ut se laudaret, quod neminem hac in re imitetur. Scripserant tamen de officiis Athenodorus, Hecaton, Diogenes Babylonius et Antipater, quorum sententias non satis probat.

Cap. VIII. §. 36. *Quare error hominum*] Rhetorice³⁵⁾ amplificat errorem hominum taxans.

§. 37. *Atque etiam ex omni deliberatione*³⁷⁾] Exaggerat honesta propter se, non propter famam deligenda³⁸⁾, turpia³⁹⁾ vitanda propter se, vel si ignominia aut poena nulla sequeretur.

Cap. IX. §. 38. *Ibi quum palam eius annuli*] Pala massa, qua annuli gemma clauditur⁴⁰⁾. *Sic repente annuli beneficio rex ortus est L.*⁴¹⁾] De Gyge locus est⁴²⁾ apud Platonem 2. πολιτειῶν⁴³⁾.

Cap. X. §. 40. *Incidunt multae saepe causae*] Exemplum⁴⁴⁾.

§. 43. *Maxime autem perturbantur*] In amicitia quantum utilitati amicorumtribuendum sit, scite Pericles: usque ad aras gratificandum amicis⁴⁵⁾. *Ponit enim personam amici*] Similitudo,

35) Hoc cap. in Editt. 1525., 1530., 1532. est inscriptum: Praeceptum, ne quid ducamus utile, quod cum turpitudine coniunctum est.

36) Rhetorice] Editt. 1566. typogr. errore: Rhetoricem.

37) Pro his Cic. verbis huic notae in Editt. 1537., 1539., 1553. T., 1556., 1566. adscripta sunt: Satis enim nobis.

38) deligenda] Editt. 1536., 1546., 1553. A., 1562., 1564., 1574., 1588. diligenda.

39) turpia] eadem 7 Editt. addunt: autem.

40) clauditur] Editt. 1537., 1539., 1556. tegitur. — Haec nota in Editt. 1536., 1546., 1553., 1562., 1588. deest.

41) His Cic. verbis haec nota in Editt. 1525., 1530., 1532. in margine est adscripta; in Editt. 1536—1548. autem refertur ad antecedentia: Hinc ille Gyges inducitur a Platone.

42) De Gyge locus est] haec in Editt. 1536., 1546., 1553. A., 1562., 1564., 1574., 1588. desunt.

43) πολιτειῶν] Editt. 1536., 1546., 1564., 1574., 1588. πολιτικῶν. — Vid. Plat. op. ed. H. Steph. T. II. p. 359. D. — ed. Bipont. Vol. VI. p. 211., quo cum loco conf. Herodot. I, 8—12.

44) Haec nota in Editt. 1536., 1546., 1553. A., 1562—1568. deest. — Seq. §. 42. in Editt. 1525., 1530., 1532. inscripta est: Propria commoda sine aliorum iniuria quaeramus.

45) Haec nota in Editt. 1536., 1546., 1553. A., 1562., 1564., 1574., 1588. deest. — Responsum est a Pericle, quem cum amicus quispiam rogaret, ut in causa quadam sua gratia falsum diceret, Δεῖ μὲ, ἔφη, συμπράττειν τοῖς φίλοις, ἀλλὰ μέχρι βωμῶν. Ita refert Gellius Noct. Att. I, 3. Plutarchus in libello περὶ δόξωπίας in hunc modum proverbium effert: μέχρι τοῦ βωμοῦ φίλος εἶμι. Admonet hoc, nonnunquam, quo consulamus amicorum commodis, eorumque voluntati morem geramus, fas videri paululum a recto deflectere, verum eatenus, ne propter hominem

ut in ⁴⁶⁾ iudiciis tamdiu amici causam tueatur, dum per leges licet: ita ⁴⁷⁾ in aliis rebus ea praestet, quae fas est ⁴⁸⁾. *Tantum dabit*] Poterit tamen iudex amico prodesse, quatenus patiuntur leges: ut dilationibus ampliacionis, comperendinationibus lege permissis efficiat, ut amicus habeat opportunitatem litis orandae. Sic Cicero thesin revocavit ad hypothesin, ut facilius esset intellectus ⁴⁹⁾.

§. 44. *Quum vero iurato*] Nam praetor postquam sortitus erat iudices, eos adigebat, ut in legem iurarent, id est, nihil se contra leges staturos et aequitatem.

§. 45. *Damonem et Pythiam*] Exemplum ⁵⁰⁾.

Cap. XI. §. 46. *Sed utilitatis specie*] Non solum in privatis rebus, sed etiam publicis, nulla est existimanda utilitas absque honestate. Romani autem ob violatos legatos Corinthum everterunt, quia locum videbant esse idoneum bellis excitandis. Coercere certe debuerunt Corinthos, non Corinthum evertere, ut dictum est in iustitia publica libro primo ⁵¹⁾.

§. 47. *Male etiam*] Tauricidae peregrinos immolare solebant Dianae, ut est apud Euripidem in Iphigenia. Lacedaemonii peregrinos eiiciebant, ne contaminarentur alienigenis moribus. Fuitque apud Romanos lex Papia de exterminandis peregrinis, et eadem de re legem tulit Pennus, Bruti gentilis, qui vixit paulo ante Gracchum, autor Cicero in Bruto ^{51a)}. *Crassus et Scae-*

amicum numinis reverentiam violemus. Olim iurantes aram manu contingebant. Conf. Erasmi adag. chil. III. cent. II. prov. 10. — In Editt. 1556. praeter hanc notam eidem Cic. loco paulo post haec altera adicitur: Theophrastus propter nimiam amicitiae utilitatem paulum ab honestate deflectendum esse censuit. Cuius sententiam Cicero in libro de Amicitia est secutus. Chilo quoque dubitavit, quatenus esset amico obsequendum; nam pro amici utilitate malum consilium dederat. Hic Cicero omnia honestate metitur, more Stoicorum.

46) in] in Edit. 1553. T. deest.

47) ita] Editt. 1536., 1546., 1553. A., 1556., 1562., 1564., 1574., 1588. et ita.

48) Editt. 1556. praeter hanc notam ad eundem Cic. locum paulo post afferunt hanc alteram: Posthabere debemus quamcumque nostram utilitatem petitionibus amicorum. Quod cum petant contra honestatem, obsequendum non erit amicorum petitionibus et utilitatibus.

49) Haec nota et sequens non nisi in Editt. 1556. inter Melanthonianas inveniuntur.

50) Haec nota in Editt. 1536., 1546., 1553., 1562., 1564., 1574., 1588. deest.

51) Haec nota et duae sequentes tantum ab Editt. 1556. exhibentur.

51*) Cic. Brutus 28, 109.

vola] Cum multi Romae se gererent pro civibus Romanis, hi consules leges tulerunt de civibus regendis, id est, de civibus in propriam urbem redigendis.

Cap. XI. ⁵²⁾ §. 48. *Libertatemque Graeciae classe def. Cyrsilum q.*] Historia recensetur a Demosthene *περι στεφάνου* ⁵³⁾: *Τὸν δ' ὑπακούειν* ⁵⁴⁾ *τοῖς ἐπιταττομένοις ἀποφηνάμενον* ⁵⁵⁾ *Κυρσίλον* ⁵⁶⁾ *καταλιθώσαντες, οὐ μόνον αὐτὸν, ἀλλὰ καὶ αἱ γυναῖκες αἱ ὑμέτεραι τὴν γυναῖκα αὐτοῦ* ⁵⁷⁾.

§. 49. *Quae subducta esset ad Gytheum*] Gytheum navale Lacedaemoniorum ⁵⁸⁾. *Melius hi quam nos*] Pompeius divisit piratas in colonias. Caesar Campanorum agrum divisit ⁵⁹⁾.

Cap. XII. §. 50. ⁶⁰⁾ *Vir bonus Alexandria*] Tangit iurisconsultorum more hypothesin, ac idoneum eligit locum. Est enim Aegyptus tam fertilis, ut dicatur orbis horreum, deque ea proverbio feratur: Nescit Aegyptus Lybiae arenas ⁶¹⁾. *Sapientem et bonum virum*] Constituit quae sit quaestionis voluntas, ne perperam intelligatur. Sapiens enim hic dubitat, an res sit turpis; quod si turpem sciret, nunquam susciperet.

§. 51. *Venditor norit*] Antipater sequitur ius naturale, quod est positum in hominum coniunctione; Diogenes autem ius civile et gentium, quod leges praescripsit emendi et vendendi. *Diogeni venditorem* ⁶²⁾] Diversae philosophorum sententiae ac rationes recitantur ⁶³⁾.

52) Hoc cap. in Editt. 1525., 1530., 1532. est inscriptum: In publicis consultationibus quantum utilitati tribuendum, et quantum ibi peccetur.

53) Demosth. oratt. p. 296., lin. 10—12. ed. Reiske.

54) ὑπακούειν] Editt. 1536., 1546—1564., 1574., 1588. ἐπακούειν.

55) ἀποφηνάμενον] Editt. 1525—1553., 1564. ἀποφηνάμενον.

56) Κυρσίλον] Editt. 1537., 1539. Κυρολλον.

57) Τὸν δ' ὑπακούειν — γυναῖκα αὐτοῦ.] Edit. 1566. pro his habet: vide locum.

58) Haec nota in Editt. 1536—1588. deest.

59) divisit] Editt. 1536., 1546—1564., 1574., 1588. addunt: militibus.

60) Haec §. in Editt. 1525., 1530., 1532. inscripta est: In contractibus praeferenda utilitati honestas. Fingit autem species, id est, casus quosdam more iureconsultorum, ubi utilitas cum honesto pugnat.

61) Haec nota et duae sequentes non nisi in Editt. 1556. inter Mel. scholia referuntur.

62) Pro his Cic. verbis huic notae in Editt. 1537., 1539., 1553. T., 1556. adscripta sunt antecedentia: *In huiusmodi causis.*

63) Haec nota in Editt. 1536., 1546., 1553. A., 1562—1588. deest.

§. 52. *Quid ais?* ⁶⁴⁾] Argumentum est a fine petitum. Nam secundum Stoicos, homines hominum causa nati sunt, ut tueantur scilicet societatem et utilitatem communem: quam tollere videtur, qui plurius distrahit frumentum ⁶⁵⁾. *Respondebit Diogenes*] Solutio est a differentibus, addita confirmatione per comparisonem.

Cap. XIII. §. 55. *Quod Athenis execrationibus* ⁶⁶⁾] Observa exemplum Atheniensium, qui execrari soliti sunt eos, qui erranti viam non monstrarent ⁶⁷⁾.

§. 56. *Quae diiudicanda sunt*] Exponit suam sententiam de formulis contractuum supra propositis ^{67a)}.

Cap. XIV. §. 59. *Nomina facit*] Nomina facit, debita contrahit ⁶⁸⁾.

Cap. XV. §. 61. *Non licitatorem* ⁶⁹⁾ *venditor*] Licitator, der etwas feylscht. *Nequidquam sapere sapientem*] *Μισῶ* ⁷⁰⁾ *σοφιστήν, ὅστις οὐχ* ⁷¹⁾ *αὐτῷ* ⁷²⁾ *σοφός* ⁷³⁾.

Cap. XVI. §. 67. *C. Sergio Oratae vendidit*] Require hoc ex ⁷⁴⁾ primo de Oratore ⁷⁵⁾.

64) ais] sic Edit. Orell.; illae Editt.: agis.

65) Haec nota et sequens tantum in Editt. 1556. reperuntur.

66) Pro his Cic. verbis huic notae in Editt. 1537., 1539., 1553. T., 1556. adscripta sunt: *Quid enim aliud.*

67) Petitus legg. Att. I. VIII. tit. IV. §. 13. p. 567. ait: Athenensium lege publicisque execrationibus, erranti viam monstrare, et peregrinos tecto excipere (*ἐποφάσκειν ὁδὸν πανομήνους, καὶ κοινωπιῖν κατὰ τὸν βίον ὕδατος ἢ πυρός.*) sancitum est.

67a) His verbis hic Cic. locus in Editt. 1525., 1530., 1532. est inscriptus; in ceteris Editt. desunt.

68) Haec nota et sequens in Editt. 1536., 1546., 1553. A., 1562., 1564., 1574., 1598. desunt.

69) *licitatorem*] sic illae Editt.; Orellius praetulit lectionem: *illicitatorem.*

70) *Μισῶ*] Editt. 1536., 1546., 1553. A., 1556., 1562., 1564., 1574., 1598. Adnotavit illud Graecum *μισῶ.*

71) *οὐχ*] Editt. 1562., 1598. *οὐχ.*

72) *αὐτῷ*] Editt. 1525., 1530., 1532., 1537., 1539., 1553. T., 1562., 1566., 1598. *αὐτῷ.*

73) Hic versus in Euripidis fragmentis affertur (vid. Eurip. trag. et epist. ex edit. I. Barnesii. Acced. fragm. ex recens. S. Musgrave T. II. p. 487. fr. CXI.), etiam inter Menandros recensetur (vid. Menandri et Philemonis reliquiae ed. A. Meineke p. 326. v. 332.), et a Luciano repetitur in Apologia pro mercede conductis c. 5., et a Plutarcho in vita Alexandri c. 53. atque in libello, qui *Ἐὶ καλῶς εἰρηται τὸ λάθε βιώσας* inscriptus est (Op. Moral. p. 2067. Ed. Steph.). Conf. Ennii fragmenta ab H. Columna conquis., dispos. et explic., recusa accur. Fr. Hesmelio. (Amstelaed. 1707. 4.) p. 210.

74) ex] in Editt. 1553. A., 1564., 1574. deest.

75) Cic. de Orat. I, 39, 178.

Cap. XIX. §. 75. *Ut digitorum percussione* ⁷⁶⁾] Digitorum percussione ⁷⁷⁾, proverbium, id est, levi momento ⁷⁸⁾.

§. 77. *Quicum in tenebris mices*] Micare digitis, ludi genus est, Cicero de divinatione ⁷⁹⁾.

Cap. XXI. §. 82. *Nam si violandum*] Euripides ⁸⁰⁾:

Εἴπερ γὰρ ἀδικεῖν χρῆ ⁸¹⁾, *τυραννίδος πέρι*
Κάλλιστον ἀδικεῖν. τᾶλλα δ' εὐσεβεῖν χραιών ⁸²⁾.

Cap. XXIII. §. 89. *Plenus est sextus liber*] Multae formulae casuum atque exempla, in quibus videtur pugnare utilitas cum honestate ⁸³⁾.

Cap. XXV. §. 96. *Reliquae sunt duae partes honestatis*] Supra de utilitate, quae cum iustitia pugnat, disputat; hic de ea utilitatis specie, quae a constantia dissidet ⁸⁴⁾.

Cap. XXIX. §. 104. *O Fides alma*] Fidem coluerunt, et inter Deos numerarunt Romani ⁸⁵⁾.

§. 108. *Scite enim Euripides: Iuravi lingua*
'H γλῶσσο' ὁμώμοχ', ἣ δὲ φρήν ἀνώμοτος ⁸⁶⁾.

76) Pro his Cic. verbis huic notae in Editt. 1537., 1539. adscripta sunt anteced.: *Ut si digitis concrepuerit.*

77) Digitorum percussione] haec Cic. verba in Editt. 1536., 1546., 1553. A., 1562., 1564., 1574., 1598. in nota non reperiuntur.

78) Conf. Erasmi adag. chil. II. cent. VII. prov. 99.

79) Cic. de divinat. I. II. c. 41. — Editt. 1553. A., 1564., 1574. illis verbis haec addunt: Ascensius. Sic ludentes simul digitos alterius manus, quot volunt, citissime erigunt (Editt. 1553. A., 1564. falso: eriguntur), et simul ambo divinant, quot simul erecti sunt: quod qui definiunt, lucratus est. Unde acri visu opus et multa fide (Editt. 1553. A., 1564. falso: vide), ut cum aliquo in tenebris mices. — In Editt. 1556. haec nota deest.

80) Hoc nomen poetae, in cuius Phoeniss. v. 527. 528. hi versus reperiuntur, in Editt. 1525., 1530., 1532. deest; Editt. 1536., 1546., 1553. A., 1562., 1564., 1574., 1598. habent: Euripideum carmen a Caesare usurpatum. (conf. Sueton. Caesar. c. 30. extr.)

81) *χρῆ*] Editt. 1598. *χρῆ*; in Editt. 1553. A., 1564., 1574. deest.

82) Haec nota in Editt. 1537., 1539., 1556., 1566. deest.

83) His verbis Mel. argumentum continentibus illa Cic. verba in Editt. 1525., 1530., 1532. inscripta sunt, in ceteris Editt. desunt.

84) Haec etiam verba pro argumento illis Cic. verbis in Editt. 1525., 1530., 1532. superposita sunt, in ceteris autem desiderantur.

85) Fidem — Romani] Editt. 1536., 1546., 1553. A., 1556., 1562., 1564., 1574., 1598.: Ut ex hoc patet, Fidem coluerunt, atque inter Deos habuerunt Romani. — Editt. 1537., 1539., 1566. pro hac nota in margine habent: Fides in Capitolio Iovi proxima.

86) *ἀνώμοτος*] Editt. 1525., 1530., 1532. *ἀνώματος*. — Editt. 1537., 1539. his gr. verbis addunt: „In Hippolyto coronato.” (quae verba sunt Erasmi.) Reperitur enim hic locus in Eurip. Hippol. 612. — In Editt. 1536., 1546., 1553., 1562., 1564., 1574., 1598. haec nota et sequens de-

Cap. XXXI. §. 112. *L. Manlio Auli filio*] Extant⁸⁷⁾ pleraeque historiae ex his apud Livium⁸⁸⁾.

sunt, in Edit. 1566. haec tantum desideratur, sequens autem adest.

87) Extant] Edit. 1525. extant.

88) De Manlio et Pomponio vid. Liv. VII, 4. et Valer. Max. V, 4, 3.

Cap. XXXIII.⁸⁹⁾ §. 116. *Atqui ab Aristippo*] Aristippus Cyrenaicus fuit. Inde nomen sectae fuit. Et Annicerii dicti sunt ab Annicere Cyrenaico⁹⁰⁾.

89) Hoc cap. in Editt. 1525., 1530., 1532. inscriptum est: De utilitate, quae pugnat cum modestia.

90) Conf. Diog. Laërt. I. II. c. 8. et Bruckeri hist. crit. philos. T. I. p. 584 sqq. 601 sq.

Nota 1. Verba, quibus singula capita vel partes eorum in Editt. 1525., 1530., 1532. inscripta sunt, *Melanthonis argumenta* continent. Quapropter haec, ubicunque non inter Mel. scholia in aliis Editt. relata sunt, in annotationibus a nobis adiectis adscripsimus, exceptis illis, quae ad §§. 56. 89. 96. libri III. pertinent, argumentis, quae ipsi inter scholia retulimus, quamquam a ceteris Editt. omnibus sunt praetermissa.

Nota 2. Hac in Officia scholiorum editione confecta praeter illas sedecim editiones in ea collatas etiam Ed. *Parisiensis* anni 1538. 8., Ed. *Lugdunensis* a. 1538. 8., Ed. *Veneta* a. 1548—1549. Fol. et Ed. *Argentoratensis* a. 1559. 8. in manus meas venerunt, quas quidem serius acceptas cum illis conferre non potui, sed h. l. accuratius describam. Ed. *Paris.* 1538., cuius Index (quem Schweigerus et Orellius, quos p. 619. secuti sumus, minus accurate descripserunt) est: *M. Tullii Ciceronis officia, diligenter restituta. Eiusdem de Amicitia et Senectute dialogi singuli: Item Paradoxa, et Somnium Scipionis: Cum annotationibus Erasmi Roterodami, et Philippi Melanchthonis. Item, Annotat. Bartholomaei Latomi in Paradoxa.* [Intra haec temporis imago.] *Parisij Apud Simonem Colinaeum.* 1538., cont. 23¹/₂ plagg. 8. (4 foll. non num. Erasmi praefatt. in Offic., 3 foll. non num. Melanthonis argum. in Offic. f. 1—109. Cic. de Offic. libri cum Erasmi et Melanth. annot. f. 110—135. Cic. Laelius c. Erasmi annot. f. 136—159. Cic. Cato Maior c. Erasmi annot. f. 160—174. Cic. Parad. c. Erasmi et Latomi annot. f. 175—180. Cic. Somn. Scip. c. Erasmi annot.) — Ed. *Lugdun.* 1538. (cuius Index idem est ac Editionis Lugdun. 1536. 8., quacum omnibus partibus congruit): *Lugduni apud Gryphium,* 1538. 8. cont. 20¹/₂ plagg. Haec Editio, quae et Schweigerum et Orellium fugit, in bibliotheca Academiae Tubingensis asservatur. — Ed. *Veneta* 1548—1549. Fol., cuius Indicem accurate descriptum supra p. 619. invenis, 1 fol. non num. Epist. nuncup. editoris; et Melanchthonis argumenti pars prior inscripta: Quid conferat lectio librorum de officiis. 2 foll. non num. Index duplex et P. Marsi praefat. f. 1—5^a. Cic. libri de Offic. cum Marsi, Ascensii, Erasmi et Melanchthonis annot. f. 105^a—123. Cic. Laelius c. Marsi, Ascensii et Erasmi annot. f. 124—149^a. Cic. Cato Maior c. Marsi, Philetici, Ascensii et Erasmi annot. f. 149^b—163^a. Cic. Parad. c. Francisci Maturantii, Ascensii et Erasmi annot. fol. 163^b vac. [haec 163 foll. columnatim impr.] 1 fol. non num. Aldi symbolum cont. — Ed. *Argentorat. M. D. LIX.* 34 plagg. 8. cum Ed. Argent. 1553. 8. supra p. 621 sq. descripta et Indice et singulis partibus fere congruit.

III. PH. MEL. ANNOTATIONES IN LAELIUM CICERONIS.

Harum annotationum tres nobis notae sunt Editiones, in quibus omnibus cum Erasmi in eundem librum annotationibus sunt coniunctae:

Marci Tullii Ciceronis Liber de Amicitia. Cum annot. D. Erasmi Roterodami. et Melanchto. hoc signo + praenotat. Coloniae Apud Ioannem Gymnicum Anno M. D. XXXIII. 3 plagg., sign. A—C, quarum folia numeris carent. 8. Duo ult. folia inscripta: „In librum de Amicitia Erasmi Rot. annotationes”, 42 scholia continent, quorum numeri singulis libri locis, ad quos spectant, adscripti sunt in margine, in quo etiam omnes Melanthonis annotationes aliaeque appositae sunt. Ultima pagina vacat.

— *Liber de Amicitia. Cum annotationibus D. Erasmi Roterod. et Melancht. hoc signo * praenotatis. Coloniae Ioannes Gymnicus excudebat. Anno M. D. XXXVIII. 3½ plagg. sign. A—D, quarum folia numeris carent. 8. Aequae ac in Edit. anteced. duo ult. fol. 42 annotatt. Erasmi cont., Melanthonis autem omnes aliaeque in margine Cic. verbis adscriptae sunt. Ult. pag. vac.*

— *Liber de Amicitia. Cum annotationibus D. Erasmi Roterodami, et Philippi Melanthonis. Hoc signo + (*) praenotatis. M. D. XXXIX. — (In fine:) Ex officina typographica Nicolai Fabri. M. D. XXXIX. 4 plagg. sign. A—D, quarum folia numeris carent. 8. Ult. pag. vac., 5½ pagg. anteced. illas 42 annotatt. Erasmi cont., Melanthonis autem omnes aliaeque in hac quoque Edit. in margine Cic. verbis sunt adscriptae.*

Harum Editionum alteram et tertiam iam supra p. 619—620. memoravimus, quoniam in his de Amicitia liber cum libris de Officiis coniunctus est. Schweigerus in libro: Handbuch der classischen Bibliographie T. II. P. I. p. 185. et Orellius in indice Editionum scriptorum Cic. p. 329. (et p. 348.) non nisi tertiam afferunt Editionem, quae Guelferbyti et Berolini in bibliotheca regia asservatur; altera Lipsiae in bibl. Senatus, prima autem Vratislaviae in bibl. academica invenitur.

PH. MEL. IN CICERONIS DE AMICITIA LIBRUM ANNOTATIONES.

Cap. I. §. 4.¹⁾ *Catonem induxi senem disputantem*] Dialogorum autoritas.

Cap. II. §. 7. *D. Bruti auguris*] De augurum officio lib. 1. divinationis²⁾.

Cap. III. §. 10. *Moveor enim tali amico orbatus*] Quomodo ferat mortem eloquentissimi hominis.

Cap. IV. §. 13. *Eius, qui Apollinis oraculo sapientissimus est iudicatus*] De Pythagora loquitur. *Qui non tum hoc tum illud*] Invehitur in Platonem, qui varia de animae immortalitate sensit.

Cap. V. §. 17. *Nihil est enim tam naturae aptum*] Propositio generalis. Amicitia omnibus rebus humanis anteponenda.

Cap. VI. §. 20. *Divitias alii praeponunt*] Distributio, qua reliquis bonis antefert amicitiam.

§. 22. *Quid dulcius quam habere*] Congeries commodorum ex amicitia proficiscentium.

1) In hoc etiam libro capita et paragraphos secundum Editionem Orellianam adscripsimus, ut quisque singulos, ad quos notae pertinent, locos facile inveniat; illae enim Edit. eiusmodi partitionibus carent.

2) Cic. de divinatione I. I. c. 42. conf. Pauly: Real-Encycl. T. II. p. 1157 sqq.

Cap. VII. §. 24. *Qui clamores*] Hypotyposis.

Cap. XII. §. 40. *Etenim eo loco Fanni*] Excurrit in temporum calamitates.

§. 43. *Quare talis improborum consensio*] Epilogus huius loci, quatenus colendae sint amicitiae.

Cap. XIII. §. 45. *Nam quibusdam, quos audio*] Dilutio argutiarum, quae de amicitia proponuntur a Graecis.

Cap. XIV. §. 48. *Quum autem contrahat virtus amicitiam*] Diluit alteram argutiam, qua collebant Graeci, amicitias esse utilitate mediendas.

Cap. XV. §. 53. *Quis enim aut eum diligit*] Ennius:

Quem metuunt, oderunt:

Quem quisque odit, periisse expetit³⁾.

Cap. XVI. §. 56. *Unam ut eodem modo*] Ut antea de fonte amicitiae disseruit, ita nunc exponit, quantum oporteat esse studium voluntatum et animorum inter amicos.

§. 59. *Negabat ullam vocem*] Confutatio sententiae Biantis: Ama tanquam osurus⁴⁾.

§. 60. *Illud potius praecipendum*] De delectu amicorum.

Cap. XVII. §. 61. *His igitur finibus utendum*] Concludit suam sententiam proponens.

§. 63. *Sin⁵⁾ erunt aliqui reperti*] Causae, quibus possit cognosci constantia.

§. 64. *Ubi enim istum invenias*] Iulius Caesar:

Si violandum est ius, regnandi gratia

Violandum est: aliis rebus pietatem colas⁶⁾.

3) Vid. Ennii fragm. ab H. Columna conquis., recusa accur. Hesselio. (Amstelæd. 1707. 4.) p. 298.

4) Diog. Laërt. I. c. 5. §. 87. *ἔλεγε (Βίας) τὸν βίον οὕτω μετρεῖν ὡς καὶ πολὺν καὶ ὀλίγον χρόνον βιωσομένους, καὶ φιλεῖν ὡς μισήσοντας· τοὺς γὰρ πλείστους εἶναι κακοὺς.*

5) *Sin*] sic Edit. Orell.; illae Editt.: *Si vero*.

6) Hoc dictum ex Euripidis Phoenissis 527. 528. conversum refert Sueton. Caes. c. 30., ubi autem pro *Si* legitur *Nam si*. Conf. supra p. 678. Mel. annot. ad Cic. de offic. III, c. 21. §. 82., ubi *idem* versus laudantur.

Cap. XVIII. §. 66. *Accedat huc suavitas*] Suavitas condimentum amicitiae.

Cap. XIX. §. 68. *Novitates autem*] Isocrates: Novos amicos parans noli veterum oblivisci⁷⁾.

Cap. XX. §. 73. *Tantum autem cuique tribuendum*] Quatenus inferiori amico serviendum.

§. 74. *Dispares enim mores*] Amplificat a dissimili.

Cap. XXI. §. 78. *Cavendum vero⁸⁾, ne etiam*] Praestandum, ne ex amicis hostes fiant. *Omni- no omnium horum vitiorum*] Generalis regula, qua admonemur, ne nimis cito diligamus, neve indignos.

§. 81. *Quod si hoc apparet⁹⁾*] Ab exemplo bestiarum.

Cap. XXII. §. 84. *Haec est, inquam, societas*] Amplificatio.

Cap. XXIII. §. 86. *Una est enim amicitia*] Amplificatio ostendens, quam late pateat amicitia, et quanto praestabilior sit omnibus reliquis bonis.

Cap. XXV. §. 91. *Nullam in amicitis pestem*] Nullam pestem maiorem esse in amicitis quam adulationem.

§. 92. *Quum autem omnium rerum*] A genere assentationis.

§. 95. *Secerni autem blandus amicus*] Secerni posse amicum ab adulatore.

§. 96. *C. Papius*] Ab exemplo.

Cap. XXVI. §. 98. *Nec parasitorum*] Probat exemplo, assentationi obnoxios esse illos tantum, qui sibi placent. Semper auget assentatio.

Cap. XXVII. §. 103. *Equidem ex omnibus rebus*] Coacervatio omnium commodorum et officiorum, quae contulit Scipionis amicitia.

7) Conf. Isocratis ad Demonicum paraenesis (eius scripta, ed. Basil. 1570. fol. p. 7 sq.).

8) *vero*] sic Ed. Orell.; Editt. 1534., 1538., 1539. *vero est*.

9) *hoc apparet*] sic Ed. Orell.; Editt. 1534., 1538., 1539. *haec apparent*.

Nota. Hae Melanthonis annotationes in illis tribus Editionibus ubique iisdem verbis sine ulla lectionis varietate inveniuntur.

IV. PH. MEL. SCHOLIA IN CICERONIS DE ORATORE DIALOGOS TRES.

Huius libri Mel. scholiis illustrati hae editiones*) prodierunt:

- * *M. Tullii Ciceronis de oratore libri tres a Phil. Melanchthone nova ac locupletiore quam antea locorum insignium enarratione illustrati. Francofurti, Petr. Brubach m. Mart. 1524. 8. (16 foll. Melanchth. Scholl. et 165 foll.)*
- *de oratore dialogi tres, a Phil. Melan. passim notis quibusdam illustrati, una cum Scholiis in fronte adiectis, quibus loci obscuriores explicantur. Haganoae excudebat Iohan. Secer. Anno. M. D. XXV. — (In fine:) Haganoae, excudebat Iohan. Secer. Anno. M. D. XXV. (sub his verbis Iani caput bifrons). 21 $\frac{1}{2}$ plagg. 8. (7 foll. non num. Mel. argumentum et scholia; 163 foll. num. Cic. librum cum notis marginal. continent; fol. ult. non num. in antica parte illa typographi verba cum Iani capite cont., pars eius aversa vacat.)**).*
- * — *de oratore cum scholiis Phil. Melanchthonis. Parisiis exc. Sylvius aere et impendio Chr. Wecheli. 1526. cal. Decembr. 8.*
- *de oratore libri tres, a Philippo Melanchthone scholijs ac notulis quibusdam illustrati. Parisijs, apud Simonem Colinaeum, mense Decembri. M. D. XXIX. — (In fine:) Parisiis ex officina Ludovici Blaubomii Gandavi, impensis Simonis Colinaei, anno salutis M. D. XXIX. 20 plagg. 8. (7 foll. non num. Melanth. argumentum et scholia, 152 foll. num. Cic. de Orat. libri cum Mel. notulis margin.)*
- *de oratore dialogi tres, a Philippo Melan. passim notis quibusdam illustrati, una cum Scholiis in fronte adiectis, quibus loci obscuriores explicantur. Haganoae per Iohan. Secerium, Anno. M. D. XXX. Mense Martio. — (In fine:) Haganoae, in aedib. Io. Secer. An. 1530. 21 plagg., ult. pag. vac. 8. (7 foll. non num. Mel. argumentum et locorum enarrationem, 160 foll. num. Cic. librum cum notis marginal. cont.)***)*
- * — — (Idem Index, ac in Ed. Paris. 1529.) *Lugduni, Seb. Gryphius. 1533. 8.*
- *de Oratore dialogi tres, a Philippo Melanch. noua ac locupletiore quam antea unquam, locorum insigniu enarratione illustrati. Eiusdem de perfecto Oratore ad M. Brutum Liber. Item Rhetorica ad Herennium. Haganoae ex Offi. Petri Brubacchii. Anno M. D. XXXV. Mense Iunio. 46 $\frac{1}{4}$ plagg. 8. (fol. 1—161. Cic. de Orat. libri cum Mel. notis margin. fol. 162—184. Mel. argument. et scholia in illos libros. 63 foll. non num. Cic. Orator a Phil. Mel. nouis Scholijs enarratus. 110 foll. non num. Cic. Rhetorica ad Herenn. 13 foll. non num. Explicatio locorum quorundam difficilium in Perfectum Oratorem Cic., Authore Phil. Mel.)*

*) Harum editionum eae, quas nonnisi ex Schweigeri libro laudato et Orellii indice editionum cognovimus, asterisco signatae sunt; ceteras in manibus habemus.

**) Haec editio, quae Lipsiae et Norimbergae in bibliothecis Senatus asservatur, et Schweigerum et Orellium fugit.

***) Haec editio, quae Berolini in bibliotheca regia est, Schweigero et Orellio ignota fuit.

- M. Tullii Ciceronis de oratore libri tres, omnem antiquorum et Aristotelicam et Isocraticam rationem oratoriam complectentes, a Philippo Melanthono nova ac locupletiore quam antea, locorum insignium enarratione illustrati. Francofurti ex Officina Petri Brubacchij Mense Martio. Anno M. D. XLI. — (In fine:) Francofurti Anno. XLI. 21½ plagg. 8. (16 foll. non num. Mel. argumentum et scholia, 156 foll. num. Cic. librum cum notis margin. cont.) **.
- * — — *cum scholiis Phil. Melanchthonis. Parisiis, ex off. Sim. Colinaei 1543. 8.*
- *de oratore dialogi III. Eiusdem de perfecto oratore ad M. Brutum liber. Cum absolutiss. doctiss. uiri Philippi Melanthonis castigationibus et scholiis. Coloniae Ioan. Gymnicus excudebat, Anno M. D. XLIII. 31 plagg. sign. A—Z, A—H, 8. (48 foll. non num. Cic. de Orat. lib. I. cum not. marginal., 9 foll. non num. Mel. argum. et scholl. in l. I.; 69 foll. non num. Cic. de Orat. l. II.; 7 foll. non num. Mel. scholl. in l. II.; 44½ foll. non num. Cic. de Orat. l. III., 5½ foll. non num. Mel. scholl. in l. III.; 49 foll. non num. Cic. Orator cum not. margin.; 15 foll. non num. Explicatio locorum quorundam difficilium in Perfectum Oratorem Ciceronis, Authore Philippo Melanthono) **).*
- * — — *a Phil. Melanthono nova ac locupletiore quam antea unquam locorum insignium enarratione illustrati. Parisiis, Franc. Gryphius 1544. 4.*
- * — — *Iac. Lod. Strebacii, Leodegarii a Quercu et cuiusdam incerti authoris commentariis et scholiis Ph. Melanchthonis illustrati. Parisiis, Thomas Richardus 1556. 4.*
- *de Oratore ad Q. Fratrem dialogi tres, Scholiis Philippi Melanchthonis illustrati. Parisiis, Ex typographia Thomae Richardi. 1561. 17½ plagg. sign. A—R 4. (121 foll. num., ult. fol. vac.), Mel. scholia in margine sunt adscripta.*
- *de oratore ad Quintum fratrem Dialogi tres. Iacobi Lodoici Strebacii, Leodegarii a Quercu, et cuiusdam incerti authoris commentariis, itemque scholiis Philippi Melanchthonis quam eruditissimis illustrati. Parisiis Ex officina Thomae Brumennij. 1564. — (In fine:) Parisiis Excudebat Thomas Richardus, 1552. (sic) 53½ plagg. 4. (3 foll. non num. Strebacii praefat., 300 foll. num. [quorum primum num. 5, ult. num. 304 habet] Cic. de orat. libri III. cum Strebacii, L. a Quercu et cuiusd. incerti auctoris commentariis, qui post singulas horum libror. partes deinceps sequuntur; Melanthonis autem scholia in margine Cic. verbis apposita sunt.).*
- *de oratore libri tres. Eiusdem de perfecto oratore ad M. Brutum liber. Cum absolutiss. doctiss. uiri Philippi Melanthonis castigationibus et scholiis. Coloniae Excudebat Petrus Horst. Anno 1564. 29 plagg. 8. (174½ foll. non num. Cic. dialogi de Oratore scholiis Mel. illustr., 57 foll. non num. Cic. ad Brutum Orator a Mel. novis scholl. enarratus, ult. pag. vac.).*
- * — — *a Phil. Melanthono noua ac locupletiore quam antea unquam locorum insignium enarratione illustrati. Paris., Sim. Colinaeus 1572. 8.*

Praeter has editiones, in quibus Melanthonis scholia cum Ciceronis de Oratore libris coniunctae inveniuntur, memoranda est alia, quae sola Melanthonis aliorumque scholia continet sine Ciceronis libris, ad quos spectant. Haec sic inscripta est:

En habes lector in omnes de arte rhetorica M. Tul. Ciceronis libros, doctissimorum uirorum commentaria, magno studio in Eloquentiae candidatorum gratiam atque usum iam in unum ueluti corpus redacta, ac separatim a Ciceronis textu, qui omnium alioqui manibus uersatur, ne inani quisquam sumptu grauaretur, summa cum diligentia partim nunc primum, partim non paulo etiam quam antea emendatius in lucem edita. Basileae. — (In fine Tomi III.) Basileae, ex officina Roberti Winter, et Thomae Platteri, Anno M. D. XLI. Mense Martio. Fol. Huius operis Tom. I. (2 foll. non num. Strebacii praefat., 11 foll. non num. Index, 924 column. num.) continet 1. Strebacii et Melanchthonis commentar. atque Becichemi et Victorii castigationes in libros III. de Oratore; 2. Antonii scholion atque Rivii et Victorii castigatt. in Brutum. s. de claris oratoribus; 3. Pisani, Strebacii et Melanchthonis commentar. atque Rivii et Victorii castigatt. in Perfectum Oratorem, ad Brutum. T. II. (1 pag. non num. Boëtii praefat., 692 column. num., 8 foll. non num. Index) cont. 1. Boëtii, Vallae, Visorii, Latomii, Melanchthonis et Hegendorphini commentar. in Topica; 2. Vallae, Strebacii, Latomi et Hegendorphini enarrationes in Partitiones oratorias; Tom. III. (6 foll. non num. Angelii defensio et Becichemi censura, 442 column. num., 4 foll. non num. Index) cont. 1. Longolii, Pontani et Capiduri scholia atque Victorii et Becichemi castigatt. in Rhetorica ad Herennium; 2. Victorini commentar. et Becichemi castigatt. in Rhetoricos de Inventione.

*) Haec quoque editio, quae Norimbergae in biblioth. Senatus asservatur, Schweigerum et Orellium latuit.

***) Haec etiam editio, quae in bibliotheca regia Dresdensi inuenitur, illos viros fugit

Ex his elucet, Melanthoniani in Cic. de Oratore libros III. commentarii decem editiones in nostris manibus esse, quarum varietatem in hac nova editione critica adnotabimus, scilicet *Hagan.* 1523. 8., *Paris.* 1529. 8., *Hagan.* 1530. 8., *Hagan.* 1535. 8., *Francof.* 1541. 8., *Basil.* 1541. fol., *Colon.* 1543. 8., *Paris.* 1561. 4., *Paris.* 1564. 4., *Colon.* 1564. 8., quas solis annorum numeris significabimus, exceptis binis annorum 1541. et 1564., quas adiectis locorum literis initialibus: 1541. F., 1541. B., 1564. P., 1564. C., ubi diversa continent, distinguemus.

IN CICERONIS DE ORATORE LIBRUM PRIMUM

PHILIPPI MELANTHONIS SCHOLIA.

ARGUMENTUM.

Hi libri continent rhetoricen, sed non tantum praecepta tradunt, ut fit in prima puerili institutione, sed iudicant etiam de praeceptis, et fontes ostendunt, et colligunt omnia, quae decent in dicendo. Ac in primo libro¹⁾ disputatio est de his, quae sunt extra artem, hoc est, de studiis eius, qui futurus sit orator, quas praeterea artes nosse eum oporteat. In secundo traditur ars de inventione ac dispositione^{1a)}. Tertius liber continet elocutionem, de qua longe gravius et sapientius loquitur Crassus²⁾, quam vulgo praecipitur in aliorum libellis. Et quia in primo libro de studiis oratoris disputat, duas species nobis proponit: alteram perfecti oratoris, quem vult instructum esse omnibus disciplinis, philosophia, scientia iuris et religionis. Nam cum oratio nascatur ex rerum cognitione, erit inops orator sine harum rerum scientia. Et cum orator maxima reipublicae consilia gubernet, opus est ei ad sapienter dicendum et iudicandum omnium illarum maximarum artium scientia. Nam existere aliquos tales rerumpublicarum gubernatores necesse est omnibus aetatibus. Et fuit nostra aetate talis Mercurinus³⁾ cancellarius imperatoris. Altera species est mediocris oratoris, cui non tribuit illam perfectam doctrinam, sed instruit eum ad mediocres causas; et tamen osten-

dit, quam multa ad hanc ipsam mediocritatem requirantur. Erit autem nobis hic primus liber, velut quidam modus discendi: ostendit enim, quomodo primum institui atque^{3a)} exerceri studiosos eloquentiae oporteat. Ac fines huius lectionis sibi quisque proponat. Primus est: ut ipsam artem, videlicet rhetoricen, hic discendam nobis putemus. Sed quia hic de praeceptis iudicatur et colliguntur extra artem omnia, quae in dicendo decent, plus conferunt hi libri Ciceronis ad iudicandum, quam aliorum rhetorici libelli. Secundus finis: Quia multa de varietate artium extra rhetoricen disputantur, multi loci traduntur profuturi in aliis artibus, ut cum de utilitate philosophiae disputat, commemorat omnem copiam dicendi nasci ex philosophia. Tertius finis est: Quia genus sermonis est optimum, imitationis causa etiam legi debet. Sabellicus⁴⁾ scribit, primum lectione horum librorum, postquam Guarinus⁵⁾ eos reperit, et in lucem protulit, excitatos esse in Italia homines studiosos ad diligentius dicendum, et ex his ipsis libris quasi renatam esse eloquentiam. Porro ad imitationem hoc primum requiritur, ut exemplum recte intelligamus: deinde ut intellectum exemplum saepe multum-

1) libro] in Edit. 1541. B. deest.

1a) dispositione] Ed. 1564. C. disputatione.

2) L. Licinius L. f. L. n. Crassus, natus a. u. c. 614., mortuus est a. u. c. 663. orator est persona primaria in his de Oratore libris, et in aliis scriptis Cic. saepe laudatur. Conf. Orellii et Baileri Onomast. Tullian. P. II. p. 344 sqq.

3) Mercurinus Cattinarius, qui a Sleidano de statu relig. et reip. Carolo V. Caes. (Argent. 1558. 8.) p. 16. 104. memoratur.

3a) atque] Ed. 1564. C. ac.

4) Sabellicus, proprie Marcantonio Coccio, natus c. a. 1436. Vicovari, antiquas literas primum Udinae, tum Venetiis docens, mortuus a. 1506., historicus elegans. Ex scriptis eius inprimis laudantur: De vetustate Aquileiae lib. VI. De Venetis magistratibus. De Venetae urbis situ lib. III. Rhapsodiae historiarum enneades ab orbe cond. ad inclinationem imp. rom. Poema de rerum et artium inventuribus. Opera eius ed. Coel. sec. Curio. Basil. 1560. Voll. IV. fol. (vid. S. Baur kl. hist. - liter. Wörterb. T. II. p. 527.).

5) Guarinus vel Varinus, Veronae a. 1370. natus, antiquas literas variis Italiae urbibus docebat, Plutarchi et Strabonis libros multos transtulit, Valerium Maximum et Ciceronis scripta nonnulla scholiis illustravit, a. 1460. mortuus est. (vid. Baur l. l. T. I. p. 694.).

que aspiciamus, et verba, phrasin et compositionem consideremus⁶⁾.

In praefationem⁷⁾.

Propositio exordii est: Quantum continget otii inter has publicas et privatas contentiones, conferam ad scribendum. Huic propositioni anteponit querelam, quod^{7a)} speratum otium non contigerit, sed quod tunc, cum maxima spes esset tranquillitatis, inciderit in turbulentissima negotia, quia in his corruptis moribus ista civitas minus tranquilla fuit; et omnium tumultuum quasi epitas, incidit in meum consulatum, et post consulatum acerrima certamina fuerunt cum reliquiis seditionis. Huic querelae anteponit locum communem. Magna foelicitas est, si cui contigit, neque inter ipsa negotia periculis op-

6) Hoc Argumentum, quod Editt. 1541., 1543., 1564. C. exhibent, in Editt. 1561., 1564. P. deest; Editt. 1525., 1530. autem eius loco hoc habent diversum: „Primo libro duas oratoris species proponit, alteram absolutam, cui tribuit omnium rerum absolutam cognitionem, propterea quod orator is demum sit, qui et recte iudicare, et recte dicere de rebus omnibus potest. At recte iudicare nemo poterit, qui non omnium artium scientiam complexus fuerit. Altera species mediocris est, huic tribuitur facultas copiose dicendi, quae tamen condita sit mediocri peritia aliarum artium. Hunc putat ingenii beneficio, ubi usu excultus fuerit, non stulte iudicatum esse de communibus rebus. De absoluta specie Crassus disserit, de altera Antonius. Porro uterque quibus rebus comparari possit eloquentia, et ceu viam quandam ad paraudam dicendi facultatem indicat. Quapropter primus hic libellus meretur assidue in sinu gestari, et ad verbum edisci, ut inde discendi ratio concipiatur. Cum rebus humanis omnibus praestare literas elegantiores animadverterem, nihil perinde semper optavi, atque quantum res sineret, totum me illarum studio dedere. Verum invidit rectissimis consiliis (ut fere solet) fortuna. Nam cum res familiaris tenuior esset, quam ut studiis sumptus suppeteret, coactus sum me ad quaestuaras artes conferre. Incideram enim in eam aetatem, quae quidvis potius quam elegantiam mirabatur. Nec omnino ad vitam recte instituendam putabat aliquid momenti humaniores literas habere. Itaque cum mihi deserendi instituti necessitatem imponeret inopia, una cum saeculo insanii, sed paulo mitius aliis. Nam si quando dabatur otium, tanquam succisivas horas impartiebar elegantioribus studiis. Ubi hoc quoque consequerbar, ut disciplinas illas receptas sincerius tractarem.” — Ab his duabus Editt. 1525., 1530. Editio 1529. eo differt, quod huius argumenti altera pars: „Cum rebus humanis omnibus — receptas sincerius tractarem”, priori: „Primo libro duas — discendi ratio concipiatur.” praemissa est epistolae nuncupatoriae instar inscripta: *Philippus Melancthon* (sic) *lector*. Pars prior autem, in hac Ed. secundo loco posita, „Primo igitur (sic) loco duas — concipiatur.” est inscripta: *Argumentum eiusdem in lib. I.*

7) In Praefationem] sic Editt. 1535., 1541. F., 1543. 1564. C.; in Edit. 1541. B. legitur inscriptio: In Praefationem et Librum primum. — In Editt. 1525., 1529., 1530., 1561., 1564. P. haec inscriptio et quae eam sequuntur, desunt.

7a) quod] Ed. 1541. B. quam.

primi, et postea, rebus praeclare gestis, retinere cum tranquillitate dignitatem⁸⁾.

Locus communis est, de inconstantia fortunae. Rarissimum enim est in republica, ut excellentes viri non aut inter ipsa negotia afflicti aliquo gravi casu concidant, sicut Pompeius, Cato, Brutus et alii multi, aut post res praeclare gestas per invidiam opprimantur^{8a)}, sicut Miltiades, Themistocles et alii multi. Nec opus est hic disputare, quid sit foelicitas; loquitur enim de una quadam boni parte, scilicet de fortunae beneficio. Profecto enim ingens bonum est, ac beneficium Dei, si cui contigit, ut neque inter ipsa negotia, neque post res praeclare gestas a fortuna everteretur. Et in his tribus membris, in loco communi, in querela, in propositione, consumitur exordium. Nec est proprie argumentatio, sed narratio quaedam, in qua recitat querelam, donec perveniat ad propositionem⁹⁾.

Paraphrasis exordii

in alio argumento¹⁰⁾.

Cogitanti mihi¹¹⁾, quae sint in hac vita vera et solida bona, nihil melius ac magis expetendum esse videtur, quam perfecta doctrina, et cum virtutis, tum aliarum bonarum rerum cognitio. Atque ego nihil optavi¹²⁾ unquam ardentius, quam ut me totum dedere studiis literarum possem, tum ad eruendas abstrusas in natura rerum causas, tum ad religionis, et omnium honestorum officiorum vim et rationem penitus cognoscendam. Sed me flagrantem¹³⁾ harum rerum

8) Propositio exordii — dignitatem] sic Editt. 1535., 1541. F., 1543., 1564. C.; in Ed. 1541. B. iisdem praefixa sunt Cic. verba: *Cogitanti mihi saepe numero*. De nota his Cic. verbis in Editt. 1561., 1564. P. adiecta vid. infra.

8a) opprimantur] Editt. 1535., 1541. F., 1543. opprimuntur.

9) Locus communis — ad propositionem] in Edit. 1541. B. his praefixa sunt Cic. verba: *Perheati fuisse*. — In Editt. 1525., 1530., 1535., 1541. F., 1561., 1564. his Cic. verbis non nisi adscripta sunt verba: Locus communis (cetera desunt). Vid. infra.

10) Hoc loco cum hac inscriptione sequentia collocata sunt in Editt. 1535., 1541. F., 1543., 1564. C.; in Edit. 1541. B. post notam „ἀποστροφή” Cic. verbis: *Tibi vero* etc. adscriptam sequuntur; in Editt. 1525., 1529., 1530., 1561., 1564. P. haec desunt.

11) Cogitanti mihi etc.] his verbis in Editt. 1535., 1541. F., 1543. in margine adscripta sunt: *Maior. Locus communis*.

12) Atque ego nihil optavi etc.] his in iisdem 3 Editt. in margine adscripta sunt: *Minor. Applicatio loci communis*.

13) Sed me flagrantem etc.] his in iisdem 3 Editt. margine est adscriptum: *Adversativa*.

ore et in haec studia quadam cum spe ingressi subito stultissima quaedam amicorum peritio ab honestissimo instituto abstraxit, qui vulgi more, virtutis ac doctrinae vim atque utilitatem non intelligant, nihil mirantur praequaestuosas artes. Hi cum arbitrarentur in dissensionibus religionum nulla rectae doctrinae praemia esse, coegerunt me studia omnium abdicere, meque ad mercaturam adierunt, a qua et natura et voluntate abhor-

Nam ut de ipsa mercatura¹⁴⁾ nihil dicam, quam acerbum est homini moderato, quod omnis agitur cum illiteratis: qui cum hunc in pecuniae usum esse iudicent, ut abunde opes omnis generis suppeditet, literas, res et omnium virtutum studia magnifice emunt. Quod exilium non optabilius esset, quam inter tales Epicureos vivere?

Sed quoniam¹⁵⁾, seu meo quodam, seu temerario malo fato, in hoc vitae genus incidi, vim inae, quantum fieri potest, arte corrigendae esse duxi. Furtim interdum ad mea studia revertor, et id tempus, quod alii in ludis et votibus perdunt, ego in literis pono: idque in tantisper, dum melior aliquando fortuna revertit, quae me ex his sordibus ereptum inae consuetudini vitae¹⁶⁾ restituat. Qua in re me frater plurimum adiuvare poteris, si illis, apud quos propter aetatem auctoritate vales quam ego, ostenderis, me non solum a vitae abhorrere ab hoc vitae genere, sed etiam oratoris vires tenuiores esse, quam ut his laboribus suffecturae sint. Etsi autem humanitatem nullo modo tribuo, tamen non arbitror tales esse, ut nullam habituri sint rationem corporis. Quod si reditum mihi ad literas traveris, vitam ipsam me tibi debere praestabo.

Cap. I. §. 1.¹⁷⁾ *Cogitanti mihi*] Exordii propositio¹⁸⁾. *Perbeati fuisse*] Locus commu-

Nam ut de ipsa mercatura] huic loco in iisdem 3 Editt. margine adscriptum est: Amplificatio.

Sed quoniam etc.] huic loco in Editt. 1535., 1541. F., 1543. in margine adscripta sunt: Alia adversativa. vitae] Ed. 1541. B. ac vitae.

Capitum et paragraphorum partitionem, quae in illis litt. desideratur, secundum Edit. Orellianam adnotavimus, ut loci his notis illustrati facilius inveniantur.

Haec adnotatio in Editt. 1561., 1564. P. illis Cic. verbis data est. Quae adnot. in Ed. 1541. B. iisdem verbis

nis¹⁹⁾. *Ac fuit quidem*²⁰⁾] Querimonia²¹⁾. *Si infinitus*] Si, id est, postquam²²⁾.

§. 2. *Quam spem*] Adversativa²³⁾. *Nam qui locus*] αἰτιολογία. *Neque vero nobis*] Amplificatio²⁴⁾.

§. 3. *Disciplinae veteris*] Id est, gravitatis et tranquillitatis²⁵⁾. *Sed tamen*] Alia adversativa²⁶⁾.

§. 4. *Tibi vero*] ἀποστροφή.

Cap. II. §. 4. *Ac mihi repetenda est*] Propositio²⁷⁾.

§. 6. *Ac mihi quidem*] Collatio oratorum cum aliis artificibus. Hoc autem vult efficere ex illa paucitate oratorum, ut intelligatur, magnam quandam rem et difficilem esse eloquentiam. Itaque subiicit definitionem oratoris, in qua ostendit eloquentiam complecti non tantum linguae celeritatem, sed etiam omnium maximarum artium cognitionem²⁸⁾.

§. 7. *Quis est enim*²⁹⁾] Congeries multarum artium³⁰⁾. *Quin belli duces*] στρατηγική³¹⁾.

§. 8. *Iam vero consilio*] πολιτική.

adscripta sit, ex anteced. nota 8, elucet. — In Editt. 1525 — 1530., 1564. C. haec adnot. deest.

19) Haec adnot. illis Cic. verbis in Editt. 1561., 1564. est adiecta; de adnot. in Ed. 1541. B. iisdem verbis adscripta vid. not. 9.; in Editt. 1525 — 1535., 1541. F., 1543. eadem adnot. in margine Cic. verbis: *Cogitanti mihi*, apposta est.

20) *Ac fuit quidem,*] sic Ed. Orell.; illae Editt. omnes habent: *Ac fuit tempus illud.*

21) Querimonia] sic Editt. 1525 — 1530., 1564. C.; in Editt. 1535., 1541., 1543., 1564. P. pro hac voce illi Cic. loco adscripta est vox: Applicatio; in Editt. 1561. autem: Amplificatio cum querimonia.

22) Haec nota non nisi in Ed. 1530. invenitur.

23) Haec nota ab Editt. 1535., 1541., 1543., 1561., 1564. P. exhibetur; in Editt. 1525 — 1530., 1564. C. deest.

24) Haec nota, quae in Editt. 1535., 1541., 1543., 1561., 1564. P. invenitur, in Ed. 1561. ad Cic. verba (§. 3.): *Nam prima aetate*, refertur.

25) Haec adnot. tantum in Ed. 1530. reperitur.

26) Haec nota in Editt. 1535., 1541., 1543., 1564. P. legitur; Ed. 1530. eius loco habet: Correctio; in ceteris deest.

27) Haec nota in Editt. 1525 — 1530., 1561., 1564. invenitur, in cett. deest.

28) Haec nota in Editt. 1535., 1541., 1543., 1564. C. (in scholiis longioribus libro I. in fine annexis) invenitur; Editt. 1561., 1564. P. non nisi verba habent: Collatio oratorum cum aliis artificibus. In Editt. 1525 — 1530., 1564. C. (in margine) leguntur haec: Loci communes. Oratoris dignitas colligitur rei difficultate.

29) *est enim*] sic Ed. Orell.; illae Edit.: *enim est.*

30) Haec adnot. ab Editt. 1535., 1541., 1543., 1561., 1564. P. exhibetur; Ed. 1530. habet: Congeries; in cett. deest.

31) Haec nota et sequens in Editt. 1525 — 1530., 1564. C. desunt.

Cap. III. §. 12. *Quod hoc etiam mirabilius*³²⁾] Amplificatio³³⁾ ab opportuno.

Cap. IV. §. 13. *In hac ipsa civitate*] Amplificatio a praemiis.

§. 14. *Nemo fere laudis cupidus*] Ab incrementis ac progressionibus eloquentiae³⁴⁾.

§. 16. *Sed nimirum maius est*] ἐπίλογος, cui adiecit ea, quae rei difficultatem pariunt³⁵⁾.

Cap. V. §. 18. *Tenenda praeterea*] Historia est cognoscenda³⁶⁾.

§. 19. *Quamobrem mirari*] Epilogus istius totius loci³⁷⁾. *Hortemurque potius*] Adhortatio³⁸⁾.

Cap. VI. §. 20. *Ac mea quidem sententia*] Conclusio praefationis, in qua definit, quid sit orator, et est collecta ex difficultatibus superioribus³⁹⁾.

§. 22. *Seposuisse a caeteris dictionibus*] Dictionibus, id est, causis. Graeci enim λόγους vocant⁴⁰⁾. Quaestio est apud Graecos, circa quas res versetur orator. Versatur autem circa causas forenses et suasorias materias. Nihil enim ad oratorem pertinet, quomodo bellum sit gerendum, sed illa sunt imperatoris. Oratoris est, hortari et incitare imperatores ad bellum suscipiendum⁴¹⁾.

32) mirabilius] sic Ed. Orell.; illae Editt.: admirabilius.

33) Amplificatio] Editt. 1543., 1564. C. Amplificat.

34) Haec nota nonnisi in Ed. 1530. invenitur.

35) Haec nota in Editt. 1525—1530. illis Cic. verbis apposita est; in ceteris Editt. pro ea sequent. verbis eiusd. §. (Cap. V.) *Quis enim aliud* (Edit. Orell. *Quid enim quis aliud*) adscripta est haec: Causae, quae afferunt difficultatem in discendo (Editt. 1561., 1564. C. dicendo).

36) Haec nota in Editt. 1530., 1535., 1541. F., 1543., 1564. C. legitur; Editt. 1541. B., 1564. P. habent: Historiae cognitio; in Editt. 1525., 1529., 1561. deest.

37) istius] sic Editt. 1535., 1541., 1543., 1561., 1564. P.; in Ed. 1530. haec vox deest. — In Editt. 1525., 1529., 1564. C. haec nota desideratur.

38) Haec nota reperitur in Editt. 1525—1530., 1561., 1564.; in 4 reliq. Editt. deest.

39) Conclusio — superioribus.] sic Editt. 1535., 1541., 1543., 1561., 1564.; Ed. 1530.: αἰτιολογία adhortationis. — In Editt. 1525., 1529. haec nota deest.

40) Dictionibus — vocant] sic Editt. 1541. B., 1561., 1564. P.; Ed. 1530. in marg. habet: Dictionibus, id est, causis; Editt. 1535., 1541. F., 1543. in marg.: Dictionibus, id est, causis, Graeci enim λόγους (Ed. 1543. λόγους); in Editt. 1525., 1529., 1564. C. haec desunt.

41) Quaestio — suscipiendum] sic Editt. 1535., 1541., 1543., 1564. C. haec, excepta 1541. B., in scholiis longioribus libro I. aut praemissis aut in calce annexis; in Editt. 1525—1530., 1561., 1564. P. haec desiderantur.

Cap. VII. §. 24. *Quam igitur vehementius*] διαλόγου⁴²⁾ occasio. Iudicia publica erant penes equestrem ordinem, quae cum acerbe in principes exercerent, Livius Drusus tribunus plebis⁴³⁾ suscepit causam transferendi iudicia ad senatum, in quam rem ingressus, cum equites acerrime resisterent, nec par esset, ipse ut sibi populum adiungeret, tulit leges agrarias, et Italicis ius civitatis promisit, quibus legibus vehementissime adversatus est consul Philippus⁴⁴⁾. Postea Druso interfecto, ex his legibus sociale bellum⁴⁵⁾ ingens extitit⁴⁶⁾. *Inveheretur in causam principum*] Prohibens ne transferrentur iudicia ab equitibus ad senatum⁴⁷⁾.

§. 26. *A tribus illis consularibus*] Antonio, Crasso et Scaevola⁴⁸⁾.

§. 28. *Duobus spatiis tribusve factis*] Cum semel atque iterum obambulasset⁴⁹⁾. *Cur non imitamur*] Platonis imitatio. Est autem in Phaedro Platonis⁵⁰⁾ eadem disputatio de eloquentia, quae est in hoc libro, videlicet quibus artibus oratorem oporteat instructum esse, praeter facultatem illam dicendi⁵¹⁾. *Durissimis pedibus*] Id est, firmissimis, nam Socrates potuit totum diem stare ac intueri solem⁵²⁾.

Cap. VIII. §. 30. *Non sibi cohortandum*] Propositio⁵³⁾. *Neque vero mihi*] Laudat eloquentiam συναθροισμῶ. *Haec una res in omni*] Publica commoda⁵⁴⁾.

42) διαλόγου] Editt. 1535., 1561., 1564. Dialogi.

43) M. Livius M. f. Drusus, tribunus plebis a. u. c. 663. (91 a. Chr.). De eius legibus aliisque rebus gestis conf. Pauly: Real-Encycl. T. IV. p. 357., 984., 1109 sqq.

44) L. Marcius Q. f. Q. n. Philippus, natus a. u. c. 629., Consul cum Sext. lul. Caesare a. 663., conf. Pauly l. l. T. IV. p. 1539 sq.

45) Bellum sociale s. Marsicum s. Italicum a. 663. [ortum est.

46) Iudicia publica erant — extitit] sic Editt. 1535., 1541., 1543., 1564. C.; in Editt. 1525—1530., 1561., 1564. P. haec desunt.

47) Haec nota in Editt. 1525., 1529., 1564. C. deest.

48) Hic Scaevola est Q. Mucius Q. f. Q. n. Scaevola augur, de quo conf. Orellii et Baileri Onomast. Tullian. P. II. p. 405 sq. et Pauly: Real-Encyclop. T. V. p. 183 sq. — Haec nota in Editt. 1525—1530., 1564. C. desideratur.

49) Haec nota ab Editt. 1525., 1529., 1564. C. abest.

50) Plat. op. ed. H. Steph. T. III. p. 229. a. sqq. — ed. Bipont. Vol. X. p. 284 sqq.

51) Est autem — dicendi] in Editt. 1525—1530., 1561., 1564. P. haec desunt.

52) Haec nota in Editt. 1525—1530. deest.

53) Haec nota in Editt. 1525., 1529., 1564. C. deest.

54) Haec nota in Editt. 1535., 1541., 1543. deest.

§. 31. *Quid est enim*⁵⁵⁾] Ab honesto⁵⁶⁾.
Aut tam iucundum] A iucundo.

§. 32. *Quid autem tam necessarium*] Pri-
vata⁵⁷⁾. *Age vero*] Quod eloquentia domi sit
necessaria.

Cap. IX. §. 35. *Tum Scaevola*] Ut clarius
exponat, quid conducant aliarum artium studia
ad locupletandam eloquentiam, personarum con-
tentionem instituit. Crassus statuit eloquentiam
complecti aliarum artium scientiam, Scaevola
contra separat alias artes ab eloquentia, et colligit
fuisse sine eloquentia civitatum conditores,
legumlatores, item philosophos. Itaque sepa-
randam ab aliis artibus eloquentiam esse contendit.
Crassus respondet, alias artes sine eloquentia
teneri posse, sed eloquentiam sine illis absolu-
tam esse non posse: sicut absolutus geometer
sine pingendi arte esse potest, absolutus pictor
sine geometria esse non potest⁵⁸⁾.

§. 36. *Quis enim tibi hoc concesserit*] Adimit
scientiam reipublicae gerendae⁵⁹⁾.

§. 37. *An vero tibi Romulus*] Ab exemplo.

§. 38. *Tiberium*] Tiberius Gracchus⁶⁰⁾.
Libertinos in urbanas tribus transt.] Libertini
cum in nullas tribus redacti essent (erant enim a
servis oriundi, qui in civium numero non habentur),
nullo ordine suffragabantur in comitiis, unde
varii tumultus oriebantur: qui ut comprimerentur,
libertini in certas tribus distributi sunt, idque
non semel Romae accidit, vide Livianum Epitomen
libri 20. et 24.⁶¹⁾. *Eius filii*] Quia Tiberius
et Caius Gracchus erant nati ex filia Scipionis⁶²⁾.

55) *Quid est enim*] sic Ed. Orell.; illae Editt.: *Quid enim est.*

56) Haec nota et sequens in Editt. 1525—1530., 1564. C. desiderantur.

57) Privata, scil. comoda. Haec nota non nisi in Editt. 1525—1530., 1564. C. invenitur, in quibus autem sequens nota deest.

58) Crassus statuit — non potest] in Editt. 1525., 1530., 1561., 1564. P. haec desunt; Ed. 1529. non nisi habet verba: Ut clarius exponat — contentionem instituit.

59) Haec nota in Ed. 1541. F. est omissa.

60) Tiberius Gracchus] sic Editt. 1535., 1541. F., 1543.; Ed. 1541. B. Gracchum; Editt. 1561., 1564. P. male: Tiberius Crassus; in Editt. 1525., 1530., 1564. C. haec nota deest.

61) Hanc notam Editt. 1525—1530. in scholiis in fronte adfectis praebent; Editt. 1535., 1541., 1543., 1564. C. pro ea hanc exhibent: Multum incommodi illa res habet, esse in civitate, qui non sunt cives, qui nec in suffragando, nec in successione ius haberent. Itaque hic Tiberius transtulit libertinos in urbanas tribus. — In Editt. 1561., 1564. P. utraque nota deest.

62) Haec nota in Editt. 1525—1530., 1564. C. desideratur.

Cap. X. §. 39. *Quid? leges veteres*] Adimit scientiam iuris.

§. 41. *Quod vero*] Adimit et philosophiam. *Non tulissem*] id est, retraherem te ex alieno, et philosophis iterum traderem, quod ipsorum esset⁶³⁾. *Praeessem*] Praeesse dicebantur illi, qui gubernabant aliquam actionem⁶⁴⁾. *Interdictio*] Interdictum. Ius praetorium est, quo prohibetur, ne cuius possessionem vi turbemus. Qui ea lege adiutus litem intendit vim adferenti, is dicitur interdicto contendere⁶⁵⁾. *Ex iure manu consertum*] Ex iure manu conserere, id erat, gleba adferebatur, quam uterque prehensens declarabat sese de re litigaturum esse, fuitque et haec vindicandae rei actio, tametsi quaestionem de vi non continebat. Vide Gell. lib. 20. cap. 10.⁶⁶⁾.

§. 42. *Agerent enim*] Distributio⁶⁷⁾. *Iusto sacramento*] Sacramentum significabat sponsionem, ubi praeter rem, de qua erat controversia, deposita etiam pecunia apud pontificem litigabatur; ubi victor suam auferebat, victi pecunia redibat ad aerarium. Haec Varro, qui et ipsam pecuniam sacramentum vocat⁶⁸⁾. Sic vocat aes et Sextus Pompeius.

63) Haec nota in Editt. 1525—1530., 1564. C. deest; in Editt. 1541. B., 1564. P. (in qua pro: ipsorum esset, legitur: ipsorum est), cum sequenti coniuncta ad voc. *praeessem* est relata.

64) Hanc notam Ed. 1530. exhibet; Editt. 1535., 1541., 1543., 1561., 1564. pro ea habent: Tres aut quatuor accusabant, qui subscriptores dicebantur; ille vero qui praecerat, dicebatur praeesse. — In Editt. 1525., 1529. utraque nota deest.

65) Haec nota et duae sequentes, quarum altera vocibus: *Ex iure manu consertum*, altera verbis: *Iusto sacramento*, adscripta est, tantum ab Editt. 1525—1530. praebentur; Editt. 1535., 1541., 1543., 1564. C. pro his tribus habent: Unde (Ed. 1564. C. male: Vide) vi agitur ad recuperandam possessionem rei, unde vi delecti sumus. Ex iure manu consertum vocamus, cum agitur de recuperanda rei proprietate, seu de rei vindicatione. Sacramento contendere, est poenalis actio, cum utraque pars certam pecuniam in sacro loco deponit, ea conditione, ut victus amitteret pecuniam, quae quidem ad aerarium redibat. — In Editt. 1561., 1564. P. neque haec, neque illae reperiuntur.

66) cap. 10.] Editt. 1525—1530., quae solae hanc notam exhibent, falso: cap. 9. — Gell. Noct. Att. I. XX. cap. 10. inscriptum est: Quid vocabulum, *ex iure manuum consertum*, significet.

67) Haec nota in Ed. 1564. C. omissa est.

68) Varro de L. L. 5, 36.: Ea pecunia, quae in iudicium venit in litibus, sacramentum a sacro. Festus s. v. sacramentum ait: Sacramentum aes significat, quod poenae nomine penditur. . . Sacramenti autem nomine id aes dicitur coeptum est, quod et propter aerarii inopiam, et sacrorum publicorum multitudinem consumebatur id in rebus divinis.

§. 44. *Satis id est magnum*] Relinquit oratori facultatem tractandi lites.

Cap. XI. §. 45. *Tum ille, Non sum*] Crassus respondet, Graecos separare, et dicere quod sola rhetorica versetur in scientia tractandarum litium. Itaque⁶⁹⁾ tota haec disputatio eo spectat, ut sciamus eloquentiam peculiarem vim atque artem esse: sicut poetica, aut ars pingendi peculiaris vis atque ars est. Nam indocti putant eloquentiam non esse peculiarem vim atque artem, nec separant ipsam dicendi rationem a materiis forensibus; sed putant quemlibet oratorem esse, si sciat, quid in foro agendum et dicendum sit. Adversus hanc persuasionem totus hic locus agitur. Et Crassus primum respondet Scaevolae, eloquentiam peculiarem vim atque artem esse explicandi res atque augendi verba, quae accommodatur ad omnes res, sicut arithmetica, sicut poetica, sicut ars pingendi ad varias materias accommodatur. Cumque artes sint distinctae, ius, philosophia, medicina, architectonica et caeterae, teneri possunt sine eloquentia. Possunt igitur existere philosophi et iureconsulti, qui non sint⁷⁰⁾ eloquentes: et si qui sunt eloquentes, addunt suis materiis aliam quandam artem, scilicet eloquentiam. Deinde addit de ipsa natura eloquentiae, quod etiamsi aliae artes sine ea teneri possint, tamen ipsa multa sumat ex aliis artibus. Item ut maxime orator relegandus sit in forum et curiam, tamen necesse est eum habere doctrinam multarum magnarum rerum, ut religionum, politicae, iuris, etc. Exagitat oratorem et Plato, et contendit ad philosophum pertinere gubernationem reipublicae; item neminem eloquentem esse posse sine cognitione philosophiae. Cicero respondet, Graecos de vocabulo rixari, quia vocent philosophum, quem ipse appellat oratorem, si tamen eidem tribuant rerum et dicendi scientiam. Sed si philosopho tantum⁷¹⁾ tribuunt rerum scientiam, non recte arrogat ei gubernationem rerumpublicarum. Illud concedit Cicero, oratorem sine philosophia existere non posse⁷²⁾.

69) Itaque] haec vox non nisi in Editt. 1541. B. inserta est, ut sequentia, quae in Editt. 1535., 1541. F., 1543. inter scholia longiora sunt collocata, cum praecedentibus, quae in iisdem Editt. Cic. verbis in margine sunt adscripta, arctius coniungerentur.

70) sint] Ed. 1541. B. sunt.

71) tantum] in Ed. 1541. F. deest.

72) Haec adnotatio prolixior tantum in Editt. 1535., 1541., 1543. (in Editt. 1535., 1541. F., 1543. in duas partes dis-

§. 48. *Nam si quis*] Concessio⁷³⁾.

§. 49. *Quamobrem si ornate*] Discernit rhetoras ac φιλοσόφους, esse plerosque philosophos, tametsi oratores non sint, et eo paulatim it, ut statuatur artes singulas sine eloquentia teneri posse, eloquentiam sine illis non posse⁷⁴⁾.

Cap. XII. §. 51. *Quicquid erit igitur*] ἐπίλογος⁷⁵⁾, quo statuit, quae complectatur oratoris officium, probatque epilogum argumento tracto a causarum generibus.

§. 54. *Atque*⁷⁶⁾ totus hic locus] Ab exemplo philosophorum.

Cap. XIII. §. 55. *A me*] Id est, pro me⁷⁷⁾.

§. 58. *Iam vero de legibus*] Ut de philosophis antea, sic et de iurisconsultis hic statuit.

§. 58. *Sed oratorem*] Repetit ἐπίλογον⁷⁸⁾.

Cap. XIV. §. 59. *Etenim saepe*] Probat a materie⁷⁹⁾ seu causarum generibus.

§. 63. *Neque tamen verum quod Socrates*] Socraticae χρείας correctio.

Cap. XV. §. 64. *Quamobrem si quis universam*] Conclusio. Quamquam velim oratorem eum esse, qui et explicare omnia sua quadam ratione possit, et res omnes perceptas⁸⁰⁾ teneat, tamen facile patiar de rebus aliquid detrahi. Illud autem manere necesse est, quod est proprium eloquentis, scilicet rationem dicendi⁸¹⁾.

iuncta, vid. nota 69.) invenitur; in Editt. 1561., 1564. P. pars eius longior: „Itaque tota haec — existere non posse,” deest. In Editt. 1525 — 1530. praebetur haec brevior marginalis: Praefatur de Graecis, cum quorum sententia confert Scaevolae opinionem, priusquam dituat. Ed. 1564. C. eandem notam h. l. in margine habet, in calce autem libri I., inter longiora scholia, sequuntur verba illa: Tota haec disputatio — existere non posse.

73) Haec nota in Ed. 1564. C. deest.

74) Hanc notam Editt. 1525 — 1530., 1564. C. praebent; Editt. 1535., 1541., 1543. pro ea habent: Id est, ego etiam separo artes; aliae artes possunt teneri sine eloquentia, eloquentia vero sine illis non potest; Editt. 1561., 1564. P. exhibent hanc: Ostendit artes singulas sine eloquentia teneri posse, eloquentiam sine illis non posse.

75) ἐπίλογος] Editt. 1541. B., 1561., 1564. Epilogus.

76) Atque] sic Ed. Orell.; illae Editt.: Atqui.

77) Haec nota in Editt. 1525 — 1530., 1564. C. deest.

78) ἐπίλογον] sic Editt. 1525., 1530.; Editt. 1535., 1541., 1543., 1561., 1564. P. concessionem; in Editt. 1529., 1564. C. neque haec, neque illa vox reperitur.

79) materie] sic Editt. 1525., 1530.; Editt. 1535., 1541., 1543. materia; Editt. 1529., 1561., 1564. materiae.

80) perceptas] Ed. 1541. F. praeceptas.

81) Hanc notam Editt. 1535., 1541., 1543., 1564. C. exhibent; Editt. 1561., 1564. P. habent solam vocem: Conclusio; in Editt. 1525 — 1530. tota deest.

§. 65. *Sin cuiquam nimis infinitum*] Correctio. Detrahit quaedam oratori, et tamen relinquit⁸²⁾ omnia tractandi facultatem.

§. 68. *Quoniam philosophia*] Philosophiae partes⁸³⁾. *Duo illa relinquamus*] Relinquit⁸⁴⁾ ἡθικὴν.

Cap. XVI. §. 71. *Namque illud quare Scaevola*] Quid elegantior literatura conferat⁸⁵⁾. *Nunquam mehercule hoc dicerem*] De philosophia⁸⁶⁾.

§. 72. *Sed, ut solebat C. Lucilius*] Quod bonum civem describeret, qualis esse deberet, non qualis esset ipse⁸⁷⁾.

§. 73. *Ut qui pila ludunt*] Similitudo⁸⁸⁾.

Cap. XVIII. §. 80. *Tum Antonius*] Discrimen orationis philosophicae et forensis, cumque intersit inter ipsa genera orationis, Antonius mavult oratorem in suo genere exerceri et versari, quam deductum ad philosophicas disputationes delabi in quoddam tenuius et exilius dicendi genus⁸⁹⁾.

§. 81. *Sed primum id difficile*] Castigatio⁹⁰⁾. *Aliud enim mihi*] Alia causa, cur non commorandum sit in philosophorum scriptis oratori⁹¹⁾.

§. 82. *Namque egomet*] Recitat⁹²⁾ inanes quasdam Graecorum disputationes, utrum eloquentia sit virtus, utrum rhetorica sit ars^{92a)}.

§. 84. *Hic enim mos erat*] Ipsi enim vocantur ἐπέχειν, id est, suspendere sententiam⁹³⁾.

Cap. XIX. §. 88. *Dicebat*⁹⁴⁾ illum in animis] Id est, contendit oratorem sua illa naturali et

civili prudentia per se videre discrimina honestorum et turpium, et omnes res idoneas ad movendos et impellendos animos, quare nihil opus esse scholastica illa doctrina, quam philosophi profitentur⁹⁵⁾.

Cap. XX. §. 90. *Saepe etiam in eam partem*] Alia quaestio, utrum rhetorica sit ars⁹⁶⁾.

§. 91. *A Corace, nescio quo*] Historia de Corace et Thysia⁹⁷⁾ extat apud A. Gellium⁹⁸⁾ et Erasmus in Chiliad.

§. 92. *Artem vero negabat*] Alia ratio, quare rhetorica non sit ars. Quidam syllogismi sunt necessarii, quidam non necessarii, ut necessarius est, cum dicimus: Omnium rerum finis est aliquis, ergo etiam hominis. Vocantur autem necessarii syllogismi demonstrationes. Nunc praecipitur, omnes artes debere ex demonstrationibus constare, et proprie ars dici non debet, quae ex certa demonstratione probari non potest. Rhetoricam autem cum coniecturis nitatur, artem dici non debere. Est hoc verum, quia non demonstrat omnia, sed satis est aliquam partem demonstrare. Lucianus in parasitica praeclare definiit⁹⁹⁾ artem: τέχνη ἐστὶ σύστημα ἐγκαταλήψεων¹⁰⁰⁾ ἐγγεγυμνασμένων, πρὸς τι τέλος εὐχρηστον τῶν ἐν τῷ βίῳ¹⁾.

§. 93. *Quid multa?*] Epilogus²⁾.

Cap. XXI. §. 96. *Hoc loco Sulpicius*] ἀπροσδόκητον³⁾. In Rhetoricis locis Cicero fere alio genere orationis utitur et longiori ambitu orationis, quam in disputatione. Est igitur hic sermo Sulpicii tanquam quaedam oratio seu epistola. Saepe autem solemus ordiri ab inopinato, ut pro

82) relinquit] Ed. 1564. C. relinquit.

83) Haec nota in Editt. 1525 — 1535., 1541. B., 1564. deest.

84) Relinquit] Ed. 1564. C. Relinquit.

85) Haec nota in Editt. 1535., 1541., 1543. deest.

86) Haec nota in Editt. 1525 — 1530., 1541. B., 1564. C. deest.

87) Hanc notam, quae in Editt. 1525 — 1530. deest, Ed. 1541. F. cum antecedente in unam coniunxit.

88) Haec nota in Editt. 1525 — 1530., 1564. C. deest.

89) Cumque intersit — dicendi genus] in Editt. 1561., 1564. P. desunt. In Editt. 1525 — 1530. tota adnotatio desideratur.

90) Haec nota in Editt. 1525., 1529., 1561., 1564. invenitur, in cett. deest.

91) Haec nota in Editt. 1525 — 1530., 1564. C. deest.

92) Recitat] sic Editt. 1535., 1541., 1543.; Editt. 1561., 1564. P. Recitat Antonius.

92a) Pro hac nota, quam Editt. 1535 — 1543., 1561., 1564. P. exhibent, ab Editt. 1525 — 1530., 1564. C. haec praebetur: Videt Antonius Graeculas disputationes de oratoris officio proditas.

93) sententiam] Ed. 1541. F. sententias. — Haec nota in Editt. 1525 — 1530., 1564. C. deest.

94) Dicebat] sic Ed. Orell.; illae Editt. Docebat.

95) Haec nota in Editt. 1525 — 1530. desideratur.

96) Haec nota ab Editt. 1525 — 1530., 1564. C. abest.

97) de Corace et Thysia (pro quo recent. Editt.: Tisia)] haec in Ed. 1541. F. desunt.

98) Gellius Noct. Att. V, 10., quae hic (et a Luciano Pseudolog. c. 30.) de Corace et Tisia dicuntur, Protagorae sophistae eiusque discipulo Euathlo tribuit.

99) definiit] sic Editt. 1535., 1541.; Editt. 1543., 1546. C. definiit.

100) ἐγκαταλήψεων] sic Editt. 1541., 1543., 1546. C.; Reitzius (Luciani op. T. II. p. 841.), Lehmann (Luc. op. T. VII. p. 100.), al. restituerunt ἐκ καταλήψεων.

1) Quidam syllogismi — ἐν τῷ βίῳ] haec non nisi in Editt. 1535., 1541., 1543., 1564. C. inveniuntur; Editt. 1561., 1564. P. tantum prima habent huius notae verba: Alia ratio, quare rhetorica non sit ars. — In Editt. 1525 — 1530. tota deest.

2) Haec nota in Editt. 1525 — 1530., 1564. C. deest.

3) ἀπροσδόκητον] sic Editt. 1535., 1541., 1543.; Ed. 1530. ἀπροσδοκίον; Editt. 1561., 1564. P. ἀπροσδοκίτω; in Editt. 1525., 1529., 1564. C. deest.

Flacco utitur in principio Delectat, si in medio aut fine, tum habet epiphonemicum quiddam. Simile schema est adynaton, et paradoxon, quibus frequenter in epistolis utitur⁴⁾.

§. 97. *Ego enim*] αἰτιολογία tracta ex coniecturis, ex superiore tempore acceptis⁵⁾.

§. 98. *Nunc quoniam*] Propositio petitionis⁶⁾. *Quod quidem*] Clausula.

Cap. XXII. §. 99. *Nam me quidem*] Excusatio, qua extenuat suam eruditionem⁷⁾.

§. 101. *Quibus sciam poteroque*] Formula est a iurisconsultis accepta⁸⁾.

§. 102. *Atque, inquit Sulpicius*] Prima quaestio: sitne ars rhetorica⁹⁾. *Quid? mihi nunc*] Ridetur vulgaris quaestio. *Si quis quid quaereret*] Id est, nihil omnino sciat rerum humanarum¹⁰⁾.

Cap. XXIII. §. 106. *Equidem te quum*] Iam infert probationem¹¹⁾.

§. 107. *Ac primum illud*] Responsio ad illam quaestionem, an sit rhetorica, dicendi ars.

§. 108. *Nam si ars*] Rhetorica ars est maxime, quod ad inventionem attinet, nam in unaquaque causa potissima argumenta certa et necessaria ratione quaeruntur, nempe a definitionibus, a causis, ab effectibus, a membris. Quemadmodum pingendi ars vere sic appellatur, quia certam quandam rationem in corporum modo ac proportionibus servat. Sed sicut pictores in illu-

minando aliquando sequuntur ea, quae blandiuntur oculis sine certa ratione, ita etiam in oratione seu in elocutione, sine necessaria ratione nonnunquam fit aliquid¹²⁾. *Ab opinionis arbitrio seiunctis*] id est, non fallentibus¹³⁾.

§. 109. *Verum intelligendum est*] ἀκόλουθον¹⁴⁾.

Cap. XXIV. §. 111. *Dicam equidem*] Extenuatione captat benevolentiam. *Atque ex forensi usu etc.*] Imitatio Platonis¹⁵⁾.

§. 112. *Equidem, quum peterem*] Amplificat a persona Scaevolae.

Cap. XXV. §. 113. *Sic igitur sentio*] Optima descriptio ingenii¹⁶⁾.

§. 114. *Latera*] Id est, robur, quod non facile¹⁷⁾ afficiatur pulmo¹⁸⁾.

§. 116. *Magnum quoddam*¹⁹⁾] ἐπιφώνημα. *Adest enim fere nemo*] Quod dolet meminuit, quod placet obliviscitur²⁰⁾.

§. 117. *Neque haec in eam sententiam*] Occupatio: non haec dici, ut deterreat.

Cap. XXVI. §. 118. *Fingendus est nobis*] Debemus quaerere certam imaginem, etsi non est perfectus orator²¹⁾. *Itaque in iis artibus*] uti histrionica²²⁾. *Sed animi libera quaed.*] Excursum quo magnitudinem rei ex minore deinde signo colligit²³⁾.

4) In Rhetoricis — utitur] sic Editt. 1535., 1541., 1543.; Editt. 1525 — 1530. pro ea hanc habent notam: *Διαλόγου* (Editt. 1529., 1564. C. Dialogi) more pergunt instare iuvenes, ut postquam de amplitudine eloquentiae dixere, viam indicent, qua consequamur eloquentiam. — Ed. 1564. C. utramque notam habet, hanc inter scholia longiora libro I. annexa, illam autem in margine Cic. verbis appositam. — In Editt. 1561., 1564. P. neutra reperitur.

5) Haec nota in Editt. 1525 — 1530., 1561., 1564. C. deest.

6) Haec adnot. et proxime sequens ab Editt. 1525., 1529., 1564. C. absunt.

7) Excusatio — eruditionem] sic Editt. 1535., 1541., 1543., 1561., 1564. P.; Ed. 1530. Excusatio, in qua extenuit suam eruditionem; Editt. 1525., 1529. Extenuatio. — In Ed. 1564. C. haec nota deest.

8) De hac formula conf. Gaii institutionum commentar. lib. II. §. 164 — 173. (p. 158 — 161. ed. Lachmann.), Ulpiani fragm. tit. XXII. §. 27 — 33. (p. 64 sq. ed. Böcking) et Brisson. de formulis et solennibus P. R. verbis l. VII. c. 25. (p. 573. ed. Bacch. Francof. et Lips. 1755. fol.). — In Editt. 1525 — 1530., 1564. C. haec nota desideratur.

9) Haec adnot. ab Editt. 1525., 1529., 1564. C. abest.

10) Haec nota in Editt. 1525 — 1530., 1541. B., 1564. C. deest.

11) Haec adnot. et sequens in Editt. 1525 — 1530., 1564. C. desiderantur.

12) Pro hac nota, quam Editt. 1535., 1541., 1543. habent, Editt. 1525 — 1530. praebent hanc: Decernit civiliter, quatenus ars sit dicendi ratio. Ed. 1564. C. utramque exhibet, hanc brevioram in margine, illam prolixioram inter scholia libro I. annexa. — In Editt. 1561., 1564. P. utraque deest.

13) Haec nota in Editt. 1525., 1530., 1564. C. deest.

14) Haec adnot. nonnisi in Editt. 1535., 1541., 1561., 1564. P. invenitur.

15) Haec nota in Editt. 1525 — 1530., 1564. C. deest, in Ed. 1541. B. proxime antecedenti est adiuncta.

16) Optima — ingenii] sic Editt. 1535., 1541., 1543., 1561., 1564. P.; Ed. 1530. De ingenio. — In Editt. 1525., 1529., 1564. C. haec nota deest.

17) facile] Editt. 1541. B., 1561., 1564. P. ita facile.

18) id est — pulmo] sic Editt. 1535., 1541., 1543., 1561., 1564.; Ed. 1530. Robori posse contentionis vocem tolerare. — In Editt. 1525., 1529., 1564. C. haec nota desideratur.

19) quoddam] sic Ed. Orell.; illae Editt. quiddam.

20) Haec nota ab Editt. 1525., 1529., 1564. C. abest.

21) Haec adnot. in Editt. 1525 — 1530., 1564. C. desideratur.

22) uti histrionica] sic Editt. 1535. et (addito: etc.) 1541. B., 1543.; Editt. 1561., 1564. P. ut histrionica; Ed. 1541. F. histrioni; in cett. deest.

23) Haec nota nonnisi ab Editt. 1525., 1529., 1561., 1564. P. exhibetur.

§. 119. *Est igitur oratori]* De verecundia centium²⁴⁾. *Ac si quaeritis]* Alius locus, et t vehemens obiurgatio²⁵⁾. *Tumen, nisi ticide]* In principio oportet oratorem esse timidum, non impudentem²⁶⁾.

§. 122. *Fuit enim mirificus]* Commendationem fidei et autoritatis adfert.

Cap. XXVII. §. 123. *Cuius quidem rei]* αἰτιολογία²⁷⁾. *Has causas inveniebam]* Duae verecundiae causae²⁸⁾.

Cap. XXVIII. §. 126. *Illud vero quod]* Iam dit ad illum locum de ingenio²⁹⁾.

§. 127. *Non quaeritur mobilitas]* Exagget³⁰⁾.

§. 128. *In oratore autem]* Quae in oratore quirantur³¹⁾.

§. 129. *Atqui vide]* Querela de negligentia rum, qui veniebant in forum³²⁾. *Si aliquid vdo esset vitii]* Id est, unum aliquod peccatum ulta bona corrumpit³³⁾.

§. 130. *Hanc ego absolutionem]* Aptae sunt iec personae Crassi³⁴⁾. *Num qui non potest]* αἰτιολογία loci³⁵⁾ de ingenio.

Cap. XXIX. §. 131. *Num tu igitur]* παρατηρή ad secundum locum de studio. *Quae sunt specie posita]* Id est, in decoro, in externo otu et forma corporis et instrumentis naturalibus³⁶⁾.

24) Haec nota in sola Ed. 1530. invenitur.

25) Haec nota in Editt. 1525—1530., 1564. C. deest.

26) Haec adnot. et sequens in Editt. 1525—1530., 1564. C. desunt.

27) Haec nota in Ed. 1564. C. desideratur.

28) Haec nota in Editt. 1525., 1529., 1564. C. deest.

29) Iam redit — ingenio] sic Editt. 1535., 1541., 1543., 1561., 1564. P.; Ed. 1530. ἐπιλογος superiorum, in quo est exaggeratio difficultatis. — In Editt. 1525., 1529., 1564. C. haec nota deest.

30) Exagget] sic Editt. 1535., 1541., 1543.; Editt. 1561., 1564. P. Exaggeratio. — In Editt. 1525—1530., 1564. C. haec adnot. desideratur.

31) Haec nota ab Editt. 1525., 1529., 1564. C. abest.

32) Querela — forum] sic Editt. 1535., 1541., 1543., 1561., 1564. P.; Ed. 1530. Conquestio de negligentia qui tum veniebant in forum; Editt. 1525., 1529., 1564. C. Conquestio (cett. om.).

33) corrumpit] sic Editt. 1535., 1541., 1543.; Editt. 1561., 1564. P. corrumpit. — Ed. 1530. pro hac nota habet: Vitia facile cernuntur. — In Editt. 1525., 1529., 1564. C. utraque deest.

34) personae Crassi] Ed. 1543. Crassi personae. — Haec nota in Editt. 1525., 1529., 1564. C. deest.

35) loci] in Editt. 1525—1530., 1564. C. deest.

36) Haec nota ab Editt. 1525—1530., 1564. C. abest.

Cap. XXX. §. 134. *Nisi studium et ardorem]* Id est³⁷⁾, studium est vehementia quaedam sive motus animi, qui non potest esse³⁸⁾ nisi in perfectis artificibus. Non est illa nostra lectio, sed ipsa intentio animi³⁹⁾.

Cap. XXXI. §. 138. *Dicere ad persuadendum]* Id est, ad explicandas res obscuras⁴⁰⁾. *Aut de infinitae rei quaestione]* Duplices⁴¹⁾ quaestiones theses et hypotheses⁴²⁾.

§. 139. *Aut factumne sit]* Tres sunt status⁴³⁾.

§. 140. *Existere autem controversias]* Addit et alios status, qui dicuntur legitimi⁴⁴⁾. *Argumenta propria]* Id est, unusquisque status habeat suos locos.

§. 141. *Sed causarum]* Tria causarum genera⁴⁵⁾.

§. 142. *Quumque esset omnis oratoris vis]* Quinque oratoris officia⁴⁶⁾.

§. 143. *Initio conciliandos]* Quinque orationis partes.

Cap. XXXII. §. 144. *Audieram etiam]* De elocutione.

§. 147. *Et exercitatio quaedam]* Exercitatio, quae⁴⁷⁾ est praecipuus locus⁴⁸⁾.

Cap. XXXIII. §. 149. *Equidem probo]* Declamatio⁴⁹⁾.

§. 150. *Dicendo facillime consequi]* ἐκ τοῦ λέγειν τὸ λέγειν πορίζεται⁵⁰⁾. *Nam si subitam]* αἰτιολογία⁵¹⁾.

37) Id est] in Editt. 1541. B., 1561., 1564. P. omiss.

38) potest esse] Editt. 1561., 1564. P. esse potest.

39) Haec nota in Editt. 1525—1530., 1564. C. desideratur.

40) explicandas res obscuras] sic Editt. 1535., 1541., 1543.; Editt. 1561., 1564. P. obscuras res explicandas. — In Editt. 1525—1530., 1564. C. haec nota deest.

41) Duplices] Ed. 1541. B. addit: enim.

42) Duplices — hypotheses] sic Editt. 1535., 1541., 1543., 1561., 1564. P.; Editt. 1525—1530., 1564. C. Duplex quaestio.

43) Haec adnot. in Editt. 1525., 1529., 1564. C. deest.

44) Haec nota et sequens ab Editt. 1525—1530., 1564. C. absunt.

45) Haec nota in sola Ed. 1530. invenitur.

46) Haec adnot. et duae sequentes in Editt. 1525., 1529., 1564. C. desunt.

47) quae] in Ed. 1541. B. deest.

48) Exercitatio — locus] sic Editt. 1535., 1541., 1543., 1561., 1564. P.; Editt. 1525—1530., 1564. C. in marg. habent solam vocem: Exercitatio.

49) Haec nota in Ed. 1541. B. est omissa.

50) De hoc proverbio vid. Erasmi adag. chil. I. cent. VI. prov. 30. — In Editt. 1525—1530., 1564. C. haec nota deest.

51) αἰτιολογία] sic Editt. 1525—1530., 1564. C.; Editt. 1535., 1541., 1543., 1561., 1564. P. Ratio.

§. 152. *Haec sunt*] Id est, apposita, excogitata⁵²⁾ argumenta, illustria verba et collocatio verborum.

Cap. XXXIV. §. 154. *In quotidianis autem*] Argumenta, quibus exerceare.

§. 155. *Quae legeram*⁵³⁾ *Graece*] Graeca ver-tenda⁵⁴⁾.

§. 157. *Educenda deinde dictio*] Alius locus de lectione. Non tantum domi declamandum est, sed prodeundum in lucem⁵⁵⁾.

§. 159. *Ex aliquo circulo*] Circulo, id est, coetu⁵⁶⁾.

Cap. XXXV. §. 160. *Haec quum Crassus*] Praeparatio est ad sequentem orationem, qua rationem fere subiiciet huius disputationis.

§. 162. *Strictim adspeximus*] Strictim, id est, tantum perstringendo.

Cap. XXXVI. §. 166. *Potes igitur*] Pluribus explicaturus locum de peregrinis artibus orditur a iuris civilis ἐγκωμίω, et primum argumentum a necessario tractum est, quod satisfacere officio oratoris sine scientia iuris nemo possit, idque exemplis declarat. *Causa cadere liceret*] Causa cadere, est litem perdere, ut in Institutionibus clare scriptum est de Actionibus, §. Si quis agens⁵⁷⁾, ubi docet textus causa cadere illos, qui plus petunt, ut qui ante tempus petunt, aut petunt amplius, quam debetur. Ac veteri iure cum semel ita errasset actor, totam rem perdebat; sed novo iure aliter punitur, non enim perdit rem, sed eius iudicii sumptus. Ut autem intelligatur locus Ciceronis, fingamus facti speciem. Hypseus pupillus accusat Octavium tutorem iudicio tutelae. Postea ut vehementius urgeat adversarium, conatur praeterea agere rerum distractarum, aut plus petit, quam quantum initio petierat. Cum

autem non liceat discedere a formula actionis⁵⁸⁾, nec simul agi possit tutelae et rerum distractarum, iam Hypseus cecidit causa, postquam admiscuit aliam actionem, postquam a formula discessit, aut plus petivit. At Octavius, non intelligens illum discedentem a formula actionis causa cadere, non opponit exceptionem, qua se prorsus liberare poterat. Reprehendit igitur Cicero utriusque stultitiam, quod Hypseus non viderit se nocere sibi ipsi, cum discederet a formula actionis; Octavius stulte pugnavit, ut pergeret adversarius de priore negotio dicere, cum petere posset se absolvi, quia alter causa cecidisset. Non igitur hoc reprehendit, quod non intellexerint hanc sermonis figuram, causa cadere, sed quod ius ignoraverint, ex quibus causis iudicatur aliquis causa cadere⁵⁹⁾.

Cap. XXXVII. §. 168. *Quid? his paucis diebus*] Casus secundus. Si Sempronius Titium in ius vocet, postuletque pecuniam ante dictam diem, nec desistat ultra ab ea actione ante litem contestatam, causa cadit, id est, rem amittit, veteri scilicet iure. Hic si reus opponat exceptionem ante litis contestationem, quod dies nondum ve-

58) De formulis actionum vid. A. Schweppe: Röm. Rechtsgesch. und Rechtsalterth. 3. A. v. Gröndler §. 554 sqq. p. 946 sqq.

59) Pro hac nota, quam Editt. 1535., 1541., 1543., 1564. C. exhibent, Editt. 1525., 1529., 1530. habent haec: Causa cadere, est litem perdere. Sic usus est M. Cicero infra, cum inquit: Nam est etiam periculosum, cum, si uno verbo sit erratum, tota causa cecidisse videamur. Et iureconsultus Paulus de iure fisci, lege in fraudem [Pauli recept. sentent. l. V. tit. XII. de iure fisci et populi, §. 1. In fraudem]. Et in quarto Institutionum [l. IV. tit. VI. §. 33. init.] iureconsultus sic exponit in textu: Causa cadebat, id est, rem amittebat. Verum patroni, quorum hic mentionem facit Cicero, causa cadere pro eo acceperunt, quod est praeter institutam actionem aliud petere. Dupliciter itaque falsi sunt, quod et verbo *causa cadere* abusi sunt, et non viderunt mutata actione quid incommodi actori, quid reo commodi accederet. Quod ut magis perspicuum fiat, facti speciem imaginabimur. Et quando tutelae iudicium fuit, fingamus Caio pupillum instituisse actionem tutelae rationis, ut vocant, conferendae. Postea cum urgere vehementius adversarium vellet, plus petitur postulavit, ut causa cadere liceret, id est, praeter institutam actionem aliud petere, agereque rerum distractarum. Reus negat Caio permitti debere, ut plus petat, nec intelligit, iam tum causa cecidisse Caio, cum plus petit, et ab instituta formula discedit. Falsus est Hypseus, cum petebat, ut liceret actionem priorem relinquere. Nam cum praeter institutam actionem aliquid petitur, iam rem, de qua agere ceperas, amiseris. Falsus est et Octavius, quod non animadvertit ex rei utilitate esse, si ille praeter institutam actionem aliud susciperet. Sic enim futurum erat, ut prorsus actor litem perderet. — Editt. 1541., 1564. P. tantummodo continent verba: Causa cadere, est litem perdere, ut in Institutionibus clare scriptum est de Actionibus, §. Si quis agens.

52) apposita, excogitata] sic Editt. 1535., 1541. F., 1543.; Editt. 1541. B., 1561., 1564. P. apposite excogitata. — In Editt. 1525—1530., 1564. C. haec nota deest.

53) *legeram*] sic Ed. Orellii; illae Editt. *legerem*.

54) Haec nota in Editt. 1525., 1529., 1541. B., 1564. C. deest.

55) prodeundum in lucem] sic Editt. 1535., 1541., 1543.; Editt. 1561., 1564. P. in lucem prodeundum. — Pro hac nota, quam illae Editt. praebent, Editt. 1525—1530., 1564. C. illis Cic. verbis in marg. adscripserunt: Quae peregrinae artes cognoscendae.

56) Haec nota et duae sequentes in Editt. 1525—1530., 1564. C. desunt.

57) Instit. l. IV. tit. VI. de Actionibus, §. 33. Si quis agens.

perit, actor admonitus sine damno desistere potest. Reprehendit igitur Cicero patronum, qui opposita exceptione admonuit adversarium, ut in praesentia desisteret ab agendo: non illud debebat facere infitiando: debebat rem extrahere ad litis contestationem, ubi postea in probra apparuisset illum plus petivisse, et sic adversarius prorsus cecidisset causa⁶⁰).

§. 169. *Quid ergo*] Epilogus horum⁶¹) exemplorum⁶²).

§. 170. *Equidem propinquam*] Alia exempla Crassi et Scaevolae.

§. 171. *M. Cato*] Catonis⁶³) descriptio est apud Livium⁶⁴).

Cap. XXXVIII. §. 173. *Magnarum rerum*] Non capitalium rerum.

Cap. XXXIX. §. 176. *Quid? qua de re*] Duae familiae Claudiae fuerunt, Suetonio autore⁶⁵), altera plebeia, altera patricia. Utraque petit haereditatem alicuius Marcelli, quia stirpe propiores sint: altera, quia is, qui decessit, eiusdem gentis fuit. Gens significat agnatos seu paternam originem. Stirps significat cognatos seu maternam originem. Ut autem intelligi possit Cicero, fingamus exemplum. Ducum Bavariae agnati sunt Palatini; Saxoniae duces cognati sunt, et quidem propiore gradu quam Palatini sint

agnati⁶⁶). Si igitur Bavari decederent sine suis haeredibus, Palatini succederent, etiamsi Saxones propiores sint Bavaris non gente, sed stirpe⁶⁷).

§. 177. *Quid? quod*] Iste casus hodie non est in usu⁶⁸). *Ius applicationis*] Est ius, quo haereditas quasi clientis petitur a patrono⁶⁹).

§. 178. *Sergii Auratae*] Hic casus est in tertio libro Officiorum⁷⁰). Finge similem casum: Si quis vitiatum equum pro integro aut incolumi venderet, respondet, quod vitia, quae in oculos incurrunt, non necesse est dicere, sed latentia⁷¹). *In mancipii lege*] In mancipii lege, id est, in forma venditionis. *In mancipio*] Mancipium pro mancipatione dixit. Quod est alieni concedere dominium, quemadmodum et in Officiis⁷²) locutus est. Et in Persa Plautus⁷³) ait: Mancipio dare, et mancipio accipere⁷⁴). *Praestare debere*] Id est, satisfacere pro illo incommodo⁷⁵).

§. 179. *Ita recepit*] Id est, ita promisit, ut sicut nunc sunt lumina, ita haberet ius retinendi illa lumina. Et est formula iuris, lumina uti

60) Hanc notam praebent Editt. 1535., 1541., 1543., 1564. C.; in Editt. 1525., 1529., 1530. pro ea invenitur haec: Exemplum alterius casus hoc est. Si Sempronius Titium in ius vocet, postuletque pecuniam ante dictam diem. Sen, ut iuriconsulti loquuntur, cuius dies nondum venit, nec desistat ultro ab ea actione, causa cadit, id est, rem omnem amittit. Porro si Titius opponat statim exceptionem, diem pecuniae nondum venisse, tum actori non est fraudi amittere actionem. Reprehenditur itaque patronus, qui opposita exceptione commoverit Sempronium, ut omitteret in praesentia actionem, cum aliqui iudicari potuerit, ita ut fuerit ei prorsus cadendum causa, si vel exceptionem distulisset, vel prorsus negasset debitum, imprudentiam patroni, qui exceptione non est in tempore usus, reprehendit. — In Editt. 1561., 1564. P. neutra reperitur.

61) horum] sic Editt. 1535., 1541., 1543.; Editt. 1561., 1564. P. praecedentium.

62) Haec nota et tres sequentes in Editt. 1525 — 1530., 1564. C. desunt.

63) Catonis] Ed. 1541. B. Huius. — M. Porcius Cato Censorius, Tusculo municipio ortus a. u. 520., quaestor 550., praetor 556., consul 559., censor 570., obiit 606. Conf. Pauly: Real-Encycl. T. V. p. 1904 sqq.

64) Livius imprimis XXXIX, 40. Catonis laudes magnifice ornat.

65) Sueton. Tiber. c. 1. patriciam gentem Claudiam distinguit et plebeiam, cuius familia maxime insignis Marcello- rum erat. Conf. Pauly I. I. T. II. p. 402 sqq. T. IV. p. 1518 sqq.

66) Vid. Joh. Häbner: Genealogische Tabellen. P. I. tab. 26. 132. 137. 149.

67) Pro hac nota, quam Editt. 1535., 1541., 1543., 1564. C. exhibent, Editt. 1525., 1529., 1530. habent hanc: Quia hic liberti filius ex liberto Claudiae familiae natus est: ideo petunt haereditatem nomine adducti seu gentis iure Claudii Patricii. Marcelli vero petunt quod ex se ortus sit, idque stirpis ius est. Fuerunt autem, Suetonio teste, duae familiae Claudiorum, altera patricia, altera plebeia, qui Claudii Marcelli dicti sunt. Imitabimur huius facti qualemcunque speciem, quo rectius intelligi possit, quid inter stirpem et gentem intersit. Duae familiae sunt Bavarorum, et illi qui Bavariam tenent, et Palatini: qui, tametsi eadem gens sit, remotiore tamen agnatione illos contingunt. Bavaros Saxonici Duces propius contingunt, quod ad stirpem maternam attinet. Nunc si Bavaria regulos suos amitteret, peterentque haereditatem et Palatini, et Saxones: Palatinis veniet haereditas, quod gens eadem sit, non Saxonibus, tametsi hi stirpe propiores sint. Maque sicut hic quaestionis status est, gentine veniat haereditas, an stirpi agnatis. — Editt. 1561., 1564. P. tantum habent verba: Duae familiae Claudiae fuerunt auctore Suetonio, altera plebeia, altera patricia.

68) Haec nota in Editt. 1525 — 1530. deest.

69) Peregrini vel inquilini Romae sibi deligebant aliquem, quem sibi adoptarent patronum, ad quem ita se ut clientes Romani habebant. Ius applicationis igitur est, quod habet patronus in eum hominem, qui se ad eam applicuit, in eius bona, haereditatem etc.

70) Cic. de Offic. III, 16, 67.

71) Haec nota et sequens in Editt. 1525 — 1530. desiderantur.

72) Cic. de Offic. III, 16, 67.

73) Plaut. Persa 4, 3, 64. et 4, 4, 40.

74) Haec nota nonnal in Editt. 1525 — 1530. inventitur.

75) Haec nota in Editt. 1525 — 1530.; 1564. P. deest.

tum essent⁷⁶). In Digestis de servitutibus urbanorum praediorum distinguitur inter lumen et prospectum, nam prospectus est ex inferiori loco: lumen autem est, unde coelum conspici potest⁷⁷).

§. 180. *Quid vero? clarissima*] Controversia est scripti et voluntatis. Est enim quaestio, an substitutus sit haeres non nato posthumo, cum tamen in testamento non fuerit diserte scriptum: si non fuerit natus posthumus, Curius haeres esto. Postliminium significat ius recuperatae civitatis, honesta conditione⁷⁸). *Antequam in suam tutelam venisset*] Ea scilicet aetate, qua non opus habet aliis tutoribus⁷⁹).

Cap. XL. §. 181. *Pater patratus*] Id est, facialis.

§. 182. *Quam possumus*] Epiphonema huius loci. *Similique in genere*] Ex oratione pro Cornelio Balbo potest aliquo modo intelligi. *Amisisset hanc civitatem*] Nam confoederatis populis non dabatur civitas. Ergo qui domum redierat, si civis suae patriae fuit, non potuit esse Romae civis⁸⁰).

§. 183. *Census sit*] Id est, redemptus, et propterea census⁸¹). *Quid, quod usu*] Status est. Utrum contrahens cum alia illis verbis, quibus ducitur materfamilias, an interpretatione cum priore faciat divortium, cum qua prius contraxerat⁸²).

§. 184. *Haec igitur*] Hactenus locus necessitatis tractatus est, necessariam esse cognitionem iuris oratori.

Cap. XLI. §. 185. *Nam si esset*] A facili.

76) Conf. Brissonii de formulis lib. VI. c. 28.

77) Digest. VIII. tit. 2. fr. 16. Paulus ait: Lumen, id est, ut coelum videatur. Et interest inter lumen et prospectum; nam prospectus etiam ex inferioribus locis est, lumen ex inferiore loco esse non potest. — Haec nota invenitur in Editt. 1535., 1541., 1543., 1564. C.; Editt. 1561., 1564. P. nonnisi habent verba: Id est, ita promisit, ut sicut nunc sunt lumina, ita haberet ius retinendi illa lumina. In Editt. 1525 — 1530. tota deest.

78) Pro hac nota longiore, quam Editt. 1535., 1541., 1543., 1564. C. praebent, Editt. 1561., 1564. P. habent: Controversia est scripti et voluntatis. In Editt. 1525 — 1530. deest.

79) Haec nota et tres sequentes Editt. 1525 — 1530., 1564. C. desiderantur.

80) Haec nota nonnisi ab Editt. 1535., 1541., 1543., 1564. C. exhibetur.

81) Haec adnot. in Editt. 1525 — 1530., 1564. C. deest.

82) Haec nota et sequens ab Editt. 1525 — 1530. absunt.

§. 186. *Cn. Flavio*] De isto Flavio est apud Livium lib. 9.⁸³).

Cap. XLII. §. 187. *Et modi*] Modi, id est, mensurae vocum⁸⁴).

§. 188. *Adhibita est igitur ars*] Id est, dialectica. *Sit ergo*] Finis et utilitas iuris.

Cap. XLIII. §. 191. *C. Aculeonem*] Fuit hic⁸⁵) propinquus Ciceronis⁸⁶).

§. 193. *Mira quaedam in cognoscendo*] A iucundo seu fructibus, complectitur enim antiquitatem, philosophiam, patriae instituta⁸⁷).

§. 194. *Ab alienis mentes*] Id est, ne quidem decipere debemus⁸⁸).

Cap. XLIV. §. 196. *Ac si nos*] πάθος.

§. 197. *Percipietis etiam*] Amplificatio legum Romanarum. *Lycurgo, et Dracone et Solone*] Apud Plutarchum⁸⁹). *His ego de causis*] Observandum est, quasdam utilitates esse proprias, quasdam longius positas a re, ut propria utilitas literarum est, mores facere mansuetos; sed quod adfert dignitatem, remotior est utilitas. Cicero igitur iam in hoc tertio argumento a propriis utilitatibus argumentatus est. Magnam, inquit, utilitatem adfert cognitio antiquitatis, scire, quid deceat, quid non: et ibi fecit collationem, contulit enim leges cum philosophia. Postea ab amore patriae, cum dicit, civitates non posse consistere, si tollas ex iis leges, et honestam formam reipublicae. Deinde argumentatur etiam ab utilitatibus, quae longius absunt, et dicit magnas quoque opes ac dignitatem adferre eloquentiam⁹⁰).

83) Liv. IX, 46. — Haec nota in Editt. 1525., 1530., 1564. deest.

84) Haec nota et tres sequentes in Editt. 1525 — 1530., 1564. C. desunt.

85) hic] in Editt. 1535., 1541. F., 1543. deest.

86) C. Aculeo, eques Rom., in matrimonio habebat sororem Helviae, matris Ciceronis, vid. Cic. de Orat. II, 1, 2.

87) Sic haec tria in unam notam coniuncta sunt in Editt. 1541. B., 1561., 1564. P.; in Editt. 1525 — 1530., 1535., 1541. F., 1543., 1564. C. „Philosophiam.” verbis Cic. §. 193. *philosophia delectat*, et „Patriae instituta” verbis cap. XLIV. §. 196. *patriae delectat*, in margine sunt adscripta.

88) Haec nota et sequens in Editt. 1525., 1529., 1541. B., 1564. C. desunt.

89) Plut. vitae Lycurgi et Solonis et illius cum Numa comparatio. — Haec nota in Editt. 1525., 1529., 1541. B., 1564. C. deest.

90) Haec nota in Editt. 1525 — 1530., 1561., 1564. P. deest.

Cap. XLV. §. 198. *Iam vero ipsa*] Ab utilitatibus et externis commodis⁹¹⁾. *πραγματικοί*] Qui respondebant de iure, qui subministrabant iura ac leges oratoribus⁹²⁾ agentibus causas⁹³⁾.

§. 199. *Ista ab solitudine*] *Ista*, id est, per istam artem⁹⁴⁾. *Suarum rerum*] Senarii iam-blici⁹⁵⁾.

Cap. XLVI. §. 201. *Iam vero*⁹⁶⁾ *illa*] De iure publico.

§. 202. *Non enim causidicum*] *αἰτιολογία*⁹⁷⁾. *Vel inter hostium tela*] Sic Virgilius⁹⁸⁾:

Ille regit dictis animos, et pectora mulcet⁹⁹⁾.

§. 203. *Equidem vobis*] Epilogus totius orationis.

Cap. XLVII. §. 204. *Mihi vero, inquit M.*] Quatenus prosint doctores, nempe ut accedant ad discendum animos.

§. 205. *Nobis vero*] Est quaedam praeparatio sequentis libri¹⁰⁰⁾. *Vias earum rerum*] Id est, artem cupimus cognoscere¹⁾.

§. 206. *Quid si, inquit Cr.*] *πάθος*²⁾. *Apud me tenerem*] Translatio³⁾.

Cap. XLVIII. §. 207. *Deprehensum equidem*] Exordium ab extenuatione suae personae⁴⁾.

§. 208. *Ipsaque illa*] A re⁵⁾.

§. 209. *Ego vero, inquit*] Constituendam esse definitionem. — Definitio oratoris. Corrigit autem Crassi sententiam, et aliquanto civilius iudicat, et ad communem consuetudinem aptius. Tribuit enim oratori certam materiam, causas fo-

rensens et suasorias: in his explicandis vult eum valere, etiamsi non sit artifex aliarum artium⁶⁾.

§. 210. *Nam si forte*] Similia.

§. 211. *Quis esset is qui*] Id est, quis esset senator bonus⁷⁾.

Cap. XLIX. §. 213. *Oratorem autem*] Quis orator.

§. 214. *Crassus vero*] Separat ab oratoris facultate *πολιτικῆν*⁸⁾. *Apud se esse audio*] Apud se, id est, in suo praedio⁹⁾. *Vindicari a te*] Vindicari, id est, occupari.

§. 215. *Neque vero si quis*] Occupatio¹⁰⁾.

Cap. L. §. 217. *Nam si quisque*] A simili.

§. 218. *Ac, si iam placet*] Quid relinquat oratori *τῆς πολιτικῆς*.

Cap. LI. §. 219. *Neque vero istis tr.*] Separat et philosophiam. — Saepe¹¹⁾ mutuamur orationem ex locis communibus etiam si non de ipsis locis, sed de personis dicamus, ut in oratione pro Marcello Cicero fortunae bona separat a virtute. Dicit enim de moderatione victoriae, item de omnibus officiis victoris. Neque vero tanquam thesin dicit, seu ut in schola solet locus communis tractari; sed ita accomodat ad personam, ut vix sentiatur mutuam esse orationem a praeceptis scholasticis. Pro Milone dicit de lege naturae. Saepe alias de boni civis officiis dicit, non tantum ex vulgi opinionibus, sed ex recondita doctrina, virtutum species discernens, aut causas praeceptorum colligens. Sic tractare locos communes, vel in probando, vel in amplificando, vel in movendis affectibus, nemo potest, qui non penitus perspexit eorum naturam. Haec autem in philosophia traditur. Itaque praeclare Cicero inquit, se non ex rhetorum officinis, sed ex Aca-

91) Ab utilitatibus — commodis] sic Editt. 1535., 1543., 1561., 1564. P.; Ed. 1541. F. Ab utilitatibus et externis opibus; Editt. 1525—1530., 1564. C. Ab utili commoda quae obiter accedunt. — In Ed. 1541. B. haec nota deest.

92) oratoribus] in Ed. 1541. F. omisa.

93) agentibus causas] sic Editt. 1530., 1535., 1541., 1543.; Editt. 1561., 1564. P. causas agentibus. — In Editt. 1525., 1529., 1564. C. haec nota deest.

94) Haec nota in Editt. 1525—1530., 1564. C. desideratur.

95) Haec adnot. ab Editt. 1525., 1529., 1564. C. abest.

96) *vero*] sic Ed. Orellii; in illis Editt. omisa.

97) Haec nota in Ed. 1564. C. omisa est.

98) Virg. Aen. I, 153.

99) Haec nota et sequens in Editt. 1525—1530., 1564. C. desunt.

100) Haec nota in Editt. 1525., 1529., 1564. C. deest.

1) Haec adnot. ab Editt. 1525—1530., 1564. C. abest.

2) Hanc notam solae Editt. 1525., 1530. exhibent.

3) Haec nota in Editt. 1525—1530., 1564. C. desideratur.

4) Exordium — personae.] sic Editt. 1535., 1541., 1543., 1561., 1564. P.; Editt. 1525—1530., 1564. C. Extenuatio sui a persona sua.

5) Haec nota in Ed. 1529. deest.

6) Editt. 1535., 1541. F., 1543., 1561., 1564. C. huius notae partem priorem „Constituendam esse definitionem” in margine Cic. verbis appositam, posteriorem „Definitio — artium” in scholiis longioribus praebent; Editt. 1525., 1530., 1561., 1564. P. tantum priorem habent, Ed. 1541. B. solam posteriorem, Ed. 1529. autem neutram.

7) Haec nota in Editt. 1525—1530., 1564. C. deest.

8) *πολιτικῆν*] Editt. 1525., 1530., 1535., 1541. F., 1543. typogr. errore *πολιτικῆν*. In Ed. 1541. B. illa vox ab hac nota separata et ad sequentia Cic. verba *Nam et civitatum* relata est.

9) suo praedio] sic Editt. 1535., 1541., 1543.; Editt. 1561., 1564. P. praedio suo. — Haec nota et sequens in Editt. 1525—1530., 1564. C. desunt.

10) Pro hac nota, quam Editt. 1535., 1541., 1543., 1561., 1564. P. praebent, Ed. 1525. habet: Antonii sententia; in ceteris utraque deest.

11) Saepe] Ed. 1541. B. Saepe autem.

demiae spatiis oratorem extitisse. Sit autem philosophiae genus, quod cum sensu communi consentiat, et genere sermonis usitato utatur. Stoica vero et Epicurea doctrina procul discessit a communi sensu. Aristoteles igitur ac Plato maxime utiles erunt, si recte legantur: aut certe Cicero, qui utrumque secutus est. Diluit autem hoc in loco Crassi sententiam de philosophia, et ex dissimilitudine opinionum philosophicarum et civilium ratiocinatur, oratori satis esse communem illam prudentiam ad tuendas causas, etiamsi non accedat interior doctrina de philosophia¹²⁾.

§. 220. *Quis enim unquam*] Extenuat ea, quae traduntur a φιλοσόφοις¹³⁾. *Quique eos in iud.*] Ut Peripatetici¹⁴⁾.

§. 222. *An haec inter se*] Ut virtus et voluptas. *Sed aliud quiddam*] Correctio¹⁵⁾. Quid relinquat τῆς φιλοσοφίας oratori¹⁶⁾.

Cap. LII. §. 225. *Quis tibi, Crasse*] Exemplum.

§. 226. *Quae et semper et sola libera est*] Iuxta Stoicam doctrinam¹⁷⁾.

Cap. LIII. §. 288. *Sine libra*] Militantibus licebat testamenta facere sine solennibus observationibus, et dicebantur in procinctu facta. Fuerunt autem quondam tres formae testamenti faciendi. Aut enim fiebat calatis comitiis, aut in procinctu, aut per aes et libram, scilicet cum haeredi manciparet familiam solennitate quadam is, qui faciebat testamentum, adhibitis quinque testibus et libripende. Is enim, qui instituebatur haeres, percussus libram aere, dicebat suam esse illam familiam¹⁸⁾.

12) Editt. 1535., 1541., 1543. huius notae utramque partem exhibent; Editt. 1525—1530., 1561., 1564. P. solam priorem: Separat et φιλοσοφίαν, Ed. 1541. B. tantum posteriorem: Saepe — de philosophia.

13) φιλοσόφοις] sic Editt. 1525., 1530., 1535., 1543.; cett. 6 Editt. philosophis.

14) Haec nota et sequens in Editt. 1525—1530., 1564. C. desunt.

15) Correctio] in Editt. 1525—1530., 1564. C. deest.

16) τῆς φιλοσοφίας oratori] sic Editt. 1525—1530., 1535., 1541., 1543.; Editt. 1561., 1564. P. oratori philosophiae; Ed. 1564. C. philosophia oratori.

17) Haec nota in Editt. 1525—1530., 1564. C. deest.

18) Haec nota invenitur in Editt. 1535., 1541., 1543., 1564. C.; Editt. 1561., 1564. P. habent tantum exordii verba: Militantibus licebat — in procinctu facta. — In Editt. 1525—1530. tota deest. — De variis testamenti faciendi apud Romanos formis conf. A. Schweppe: Röm. Rechtsgesch. u. Rechtsalterth. 3. Aufl. v. C. A. Gründler. §. 447. 448. p. 779 sqq. et A. Adam: Handb. der röm. Alterthümer, übers. v. J. L. Meyer. T. I. p. 103 sq.

§. 230. *Credo, ne Stoicis*] Quia Rutilius Stoicus erat¹⁹⁾.

Cap. LIV. §. 231. *Imitatus est homo Rom.*] Romanum exemplum confert cum Graecis.

Cap. LV. §. 234. *Nam quod ius civile*] Separat perfectam cognitionem iuris civilis ab oratore²⁰⁾. *Primum Scaevolae etc.*] De Crassi persona²¹⁾.

§. 235. *Sed vide, Crasse*] Calumniatur Crassi sententiam. *Ne, dum novo*] Id est, si separares²²⁾ eloquentiam a cognitione iuris, videretur esse ars peculiaris, quae eloquentiae opponi posset²³⁾.

Cap. LVI. §. 237. *Quod vero*] Confutat locum necessitatis²⁴⁾. *Neque illud est mirandum*] Coemptio est, qua fiebat materfamilias, porro certa solennitate peragebatur coemptio. Interrogabant enim se invicem vir et mulier, vir ita, an sibi mulier materfamilias esse vellet. Illa respondebat, velle. Mulier, an sibi vir paterfamilias esse vellet. Ille, velle respondebat. Itaque mulier conveniebat in manum viri, et in societatem honorum. Hic ritus coemptio vocabatur, quia tanquam se mutuo coëmebant vir ac mulier. Est enim alias dictum, uxores fuisse quasdam, quae non essent matresfamilias²⁵⁾.

§. 238. *Nam quod maximas*] Exempla.

19) Haec nota in Editt. 1525—1530., 1564. deest.

20) Pro hac nota, quam Editt. 1541., 1543. praebent, Editt. 1525—1530., 1564. C. habent: Separat et iuris studium. In Ed. 1564. P. neutra reperitur.

21) Haec nota tantum ab Editt. 1525—1530., 1564. C. exhibetur.

22) separares] Ed. 1564. C. separet.

23) Haec nota in Editt. 1525—1530. desideratur.

24) Pro hac nota, quam Editt. 1535., 1541., 1543., 1561., 1564. P. praebent, Editt. 1525—1530., 1564. C. habent: Ab inutili.

25) Hanc notam praebent Editt. 1535., 1541., 1543., 1564. C.; Editt. 1561., 1564. P. tantum prima eius verba habent: Coemptio est, qua fiebat materfamilias; Editt. 1525—1530. autem pro ea hanc exhibent: Coemptio est convenire in manum. Sic enim contrahebantur matrimonia certis verbis, ubi mulier fiebat materfamilias. Nam inter uxorem et matremfamilias hoc quondam interfuit, quod materfamilias ea tantum fuit, quae venerat in familiam viri, eique haeres erat, et quicum [quacum] maritus bona fortunasque omnes communes fecerat, qualia nunc sunt apud nos omnia matrimonia. Erant alioqui uxores etiam, quibuscum non erant communicatae facultates. Coemptionis verbo usus est M. Cicero pro Lucio Murena [c. 12.], vide Boethium 2. [rect. c. 3.] Topicorum, et Gell. lib. 4. [c. 4.], Kem 18. [c. 6.]. Huc alludit et Virg. 1. Georgicon [v. 31.]: Teque sibi generum Tethys emat omnibus undis. — De coemptione conf. etiam Schweppe l. l. §. 288. p. 685 sqq.

Cap. LVII. §. 241. *Attamen, quae causae*] Dilemma est. Aut ius est certum aut incertum²⁶⁾. Si certum, potes²⁷⁾ consulere iureconsultos; si incertum, facilius ab oratore quam iureconsultis tractari potest²⁸⁾.

§. 242. *Amentatas hastas*] Id est, quibus lora sunt annexa. Graeca vox est ἵματα. Cum acceperit a iureconsultis aliquas rationes, illis addet pondus dicendo, et alias probabiles rationes iuveniet²⁹⁾.

§. 244. *At in hoc genere*] Id est, thesis³⁰⁾ rhetorica est, dicere pro scripto, et dicere contra scriptum³¹⁾.

§. 245. *Uti lingua nuncupasset*] Haeredes aut scribuntur, aut nuncupantur sola voce, in Digest. de Testamentis, lege Haeredes palam³²⁾. Ita hic fingit patrem nuncupare filium haereditem, etiamsi scripto testamento praeterierit³³⁾.

Cap. LVIII. §. 246. *Nam quod inertiam*] A difficili. *Ita subnixi*] Subnixi, id est, elati, ut, Subnixa Petilia muris³⁴⁾, id est, elata, apud Maronem³⁵⁾. *Quam Manilianas*³⁶⁾] Manilianas, id est, actiones Hostilii³⁷⁾.

§. 247. *Tum*³⁸⁾ *autem*] Diluit caetera Crassi argumenta.

§. 248. *De me autem ipso*] Quid ex scientia iuris oratori relinquat. — In hoc loco comme-

morat, quid relinquat oratori de cognitione iuris: nam non totum ipsum despoliat hac arte³⁹⁾.

§. 249. *Cui nostrum non licet*] A simili. — Et est exemplum valde idoneum, quod causam mirifice illustrat⁴⁰⁾.

§. 250. *Si de finibus*] De finibus, id est, de agrorum liminibus⁴¹⁾.

Cap. LIX. §. 250. *Nihilne igitur*] Concessio est, quam sequitur correctio.

§. 251. *Quis neget*] Amplificat similibus multa obiter ab oratore percipienda esse. *Munitionem*] νόμιον⁴²⁾.

§. 253. *Itaque illi disertissimi h.*] Ab exemplo Graecorum.

Cap. LX. §. 254. *Nam quod dicis*] Diluit Crassi argumentum ab utilitate peregrina⁴³⁾ tractum. *Ab uno artifice*] Id est, a Roscio⁴⁴⁾.

Eo tardiores] Dicit se usurum remissioribus modis. Sic Homerus fingit Nestorem senem uti genere orationis dulci. Econtra iuvenem Ulyssem uti grandi et concitato genere orationis: eius orationem comparat hibernis nivibus. Cicero quoque iam senex, dicebat orationem canescere. Sic Isocrates natus 94 annos cum scriberet panegyricum, molliori et leniori stylo usus est⁴⁵⁾. *Sed totos mutare*] Id est, totum dicendi genus⁴⁶⁾.

§. 257. *Nam et subitae*] Quae potissimum requirantur in oratore⁴⁷⁾.

Cap. LXI. §. 258. *Illud vero fuit horr.*] Est quaedam extenuatio difficultatis⁴⁸⁾.

§. 259. *Itaque nos raucos*] Probat per mediocritatem⁴⁹⁾.

26) Aut ius est certum aut incertum] sic Editt. 1535., 1541. F., 1543., 1561., 1564. P.; Ed. 1541. B. ius est certum ac incertum.

27) potes] sic Ed. 1543.; Editt. 1535., 1541., 1561., 1564. P. potest.

28) Editt. 1525 — 1530., 1564. C. pro his verbis habent haec: Dilemma, aut certi, aut ambigui iuris quaestio est, si certi monet ὁ πραγματικός, si incerti, valet orator.

29) Haec nota in Editt. 1525 — 1530. desideratur.

30) thesis] sic recte Editt. 1535., 1541., 1543., 1561.; Ed. 1564. P. testis.

31) Haec adnot. ab Editt. 1525 — 1530., 1564. C. abest.

32) Digest. XXVIII. tit. 1. Qui testamenta facere possint etc. lege 21., quae incipit a verbis: Haeredes palam ita.

33) Hanc notam solae Editt. 1525 — 1530. habent.

34) muris] sic illae Editt.; apud Virg. Aen. III, 402. legitur: muro.

35) Haec nota et sequens in Editt. 1525 — 1530., 1564. C. desunt.

36) Manilianas] sic Editt. Orell., Ellendt., al.; illae autem Editt. Manilianas.

37) Manilianae venalium vendendorum leges, quas Manilii actiones vocat Varro, erant formulae a Manio Manilio iurisconsulto supra c. 48. §. 212. laudate, ut videtur, compositae, ad quas mancipationes fiebant. Vid. Ellendt et Henrichsen ad h. l., atque Schweppe l. l. §. 86. p. 162., Pauly: Real-Encycl. T. IV. p. 1481 sq.

38) Tum] sic Editt. Orell., Ellendt., al.; illae Editt. Tu.

39) Editt. 1535., 1541. F., 1543., 1564. C. utramque huius notae partem continent, Editt. 1525 — 1530., 1561., 1564. P. solam priorem „Quid — relinquat“, Editt. 1541. B. tantum posteriorem „In hoc — arte.“

40) Editt. 1561., 1564. P. habent utramque huius notae partem, Editt. 1525 — 1530., 1564. C. tantum priorem: A simili; Editt. 1535., 1541., 1543. solam posteriorem: Exemplum valde idoneum, quod mirifice illustrat causam.

41) Haec nota et sequens in Editt. 1525 — 1530., 1564. C. desunt.

42) Haec vox in sola Ed. 1525. in marg. est adscripta.

43) peregrina] sic Editt. 1525., 1561., 1564.; Editt. 1543. peregre; Ed. 1535. peregr.; cett. Editt. perigr.

44) Haec nota in Editt. 1525 — 1530., 1564. C. deest.

45) Haec nota in Editt. 1525 — 1530. deest.

46) Haec nota in Editt. 1525 — 1530., 1564. C. desideratur.

47) requirantur in oratore] sic Editt. 1525 — 1530., 1535., 1541., 1564. C.; Editt. 1543., 1561., 1564. P. in oratore requirantur.

48) Haec nota in Editt. 1525 — 1530., 1564. C. deest.

49) Haec adnot. non nisi in Editt. 1525., 1529., 1564. C. invenitur.

§. 260. Ergo ut ad primum] *ἐπίλογος*⁵⁰⁾.
Imiteturque illum] Adhortatur a Demosthenis
exemplo⁵¹⁾.

§. 261. Binae ei contentiones] Id est, duo
cola⁵²⁾.

50) *ἐπίλογος*] Editt. 1529., 1541., 1561., 1564. Epilogus.

51) Haec nota in Ed. 1564. P. deest.

52) Haec nota in Editt. 1525 — 1530., 1561., 1564. desideratur.

Cap. LXII. §. 264. Tu autem, quoniam]
παρασκευῆ sequentis libri⁵³⁾. Secundum hunc
diem] Secundum, id est, post.

§. 265. Neque enim, inquit] Dissimulatio
est, quae in magnis viris grata est.

53) Haec nota et duae sequentes in Editt. 1525 — 1530.,
1564. C. desunt.

IN CICERONIS DE ORATORE LIBRUM SECUNDUM

PHILIPPI MELANTHONIS SCHOLIA.

Cap. I. §. 1. Magna nobis pueris] Narratio,
in qua exempla proponit oratorum, quorum
eloquentia extitit ex quadam eximia doctrina¹⁾.

§. 2. Aculeo] Aculeo fuit iurisperitus propter
cognitionem iuris Crasso valde familiaris²⁾.

§. 5. Quorum consilium quale] Accommodat
exempla ad locum communem supra disputatum,
in quo Crassus constituit uberem et admirabilem
eloquentiam sine multiplici doctrina non posse
existere³⁾.

Cap. II. §. 5. Etenim caeterae fere artes]
*αἰτιολογία*⁴⁾.

§. 6. Quare equidem] Correctio et interpre-
tatio loci communis⁵⁾.

§. 7. Quo etiam feci libentius] Occasio, cur
instituerit scribere⁶⁾.

Cap. III. §. 10. Nec vero te, carissime frater]
Commendatio operis. Praefatur enim, hos libros
graviores et uberiores esse vulgaribus rhetoricis
libellis⁷⁾.

§. 12. Postero igitur die] *διαλόγου*⁸⁾ occasio.

1) Hanc notam praebent Editt. 1535 — 1564.; Editt. 1525 —
1530. pro ea habent solam vocem: Narratio.

2) Haec nota in plerisque Editt. cum praecedente in unam
coniuncta in Editt. 1525 — 1530. deest.

3) Accommodat — existere.] sic Editt. 1535 — 1564., exceptis
Editt. 1561., 1564. P., quae tantum habent verba: Accom-
modat — disputatum. (cett. om.). — In Editt. 1525 — 1530.
pro hac nota legitur: Propositio (quae vox etiam in Ed.
1564. C. in marg. adscripta est).

4) Hanc notam solae Editt. 1525., 1529., 1561., 1564. C.
habent.

5) Haec nota in Editt. 1525 — 1530., 1561., 1564. C. deest.

6) In Editt. 1543., 1564. P. haec nota desideratur.

7) Pro hac nota, quam Editt. 1535 — 1564. exhibent, Editt.
1525., 1530. habent: „Dedicatio operis,” quae verba in
Editt. 1529., 1564. C. notae proximo antecedenti sunt ad-
dita.

8) *διαλόγου*] Editt. 1529., 1541. B., 1561., 1564. Dialogi.

§. 14. Scaevolam enim] Dilemma⁹⁾.

Cap. IV. §. 15. Tum Crassus] Extenuat sua
Crassus¹⁰⁾.

§. 18. Ut enim quaeras] Budaeus in lib. 1.
de asse et part. eius, *ἀπειρόκαλον* apud Graecos
tam significans esse ait, quam apud nos ineptum¹¹⁾.

Cap. V. §. 19. Tum Catulus, Ne Graeci]
Hortatur Crassum Catulus ad disputandum Grae-
corum illustrium exemplo¹²⁾.

§. 20. Ac si tibi] Refellit argumenta Catuli
de loco ac tempore, quod videlicet remissionum
causa secesserint in hunc locum hoc tempore.
Et addit locum communem de relaxandis animis:
interdum opus esse hominibus otio¹³⁾. Num
tandem aut l.] Ab opportuno. Qui omnes] A
personis.

§. 21. Omnia ista] Diluit haec Crassus.

Cap. VI. §. 22. Saepe ex socero] Exemplo
amplificat.

Cap. VII. §. 27. Ego, inquit Iulius] Exor-
dium Antonii de arte disputaturi. Captat bene-
volentiam ab extenuatione suae personae.

§. 28. Audite vero, audite] Orditur ab ironia,
in qua detrahit sibi doctrinam. Dicit se non in-
structum esse hac scholastica doctrina, nec esse
se versatum in hoc genere studiorum¹⁴⁾.

§. 30. Ars enim] Sitne ars.

9) Haec nota non nisi in Editt. 1535., 1541., 1543. invenitur.

10) Hanc notam solae Editt. 1525., 1530. exhibent.

11) Hanc notam tantum Editt. 1529., 1561., 1564. habent.

12) Hortatur — exemplo.] sic Editt. 1525 — 1530.; Editt.
1535 — 1543., 1564. P. Egregia dilutio, et opponit con-
trarium exemplum per *ἀντιποφώραν*. — In Ed. 1564. C.
haec nota et tres sequentes desunt.

13) Hanc notam tantum Editt. 1535 — 1543. habent.

14) Haec nota in Editt. 1525 — 1530. deest.

Cap. VIII. §. 32. *Sic illud affirmo]* Quatenus sit ars.

§. 33. *Nunc hoc propono]* Excursus de eloquentiae dignitate.

Cap. IX. §. 35. *Huius est in dando c.]* Alludit ad laudes Periclis in Thucydide ¹⁵⁾.

§. 36. *Historia vero]* Illa sunt fere in principio historiae Thucydidis. *Nam si qua est]* Redit ad praeceptionem ¹⁶⁾, quod ¹⁷⁾ sit ars peculiaris.

Cap. X. §. 39. *Tum Catulus]* Laudatur Antonii oratio ¹⁸⁾.

§. 41. *Sequitur igitur]* Redit ad artem. *Duo prima genera]* Duo esse genera quaestionum *ῥέσεις καὶ ὑποθέσεις* ¹⁹⁾.

§. 42. *Certum autem]* Tria genera causarum: iudiciale, deliberativum, et demonstrativum ²⁰⁾.

Cap. XI. §. 45. *Ex iis* ²¹⁾ *enim fontibus]* Praecepta generis deliberativi ²²⁾. *Qui laudabit]* Praeceptiones.

Cap. XII. §. 51. *Age vero]* Amplificat institutum a laude historiae ²³⁾. *Ut noster Cato]* Qui Latini scriptores et quales.

§. 53. *Hanc similitudinem scribendi]* Imperiti in scribendis historiis exponunt acta et eventus: quemadmodum et nostri historici commemorant bellum fuisse Henrico tertio ²⁴⁾ cum Romano pontifice ²⁵⁾, imperatorem esse delectum ab im-

perio, filium ²⁶⁾ patri suffectum gessisse atrox bellum cum patre; causas vero dissensionis cum pontifice non exponunt. Secundo neque consilia partium dissentientium recitant, videlicet, qua occasione, aut quo consilio primum motum sit bellum. Verum huius rei satis magnus artifex est Livius. Qui legerit illum diligenter, ille non perdiderit operam.

De imitatione.

Cum in aliis omnibus artibus magnam vim esse imitationis constet, dubitari non debet, quin eos etiam, qui in his eloquentiae studiis versantur, magnopere adiuvet. Etenim cum quotidianus sermo imitetur eorum linguam, quibuscum vivimus, et quorum oratione aures nostrae quotidie personant, verisimile est id genus dicendi colorem ducere eorum, quae saepe multumque legimus. Sed cum de imitatione nonnulla sit eruditorum dissensio, ut intelligi, quae ea de re a Quintiliano ac aliis tradita sunt, facilius possint, placuit et nostram sententiam recensere. Principio quaedam generalis est imitatio verborum, ac phrasis, seu formularum latini sermonis. Prima enim cura esse debet, ut quam copiosissimam suppellectilem bonorum verborum ac figurarum nobis paremus. Ad hoc proderit non omnium lectio, sed horum maxime, Ciceronis, Terentii, Caesaris, Livii. Plautus abundat bonis verbis ac figuris; quare et is legendus est, sed ita, ut fugiamus obsoleta quaedam illius verba, ea scilicet, quae videmus Ciceronis aetate repudiata esse. Idem fere de Sallustio iudicari potest. Non oberit etiam attingere Plinius, Tacitum; sed cum horum seculo iam degenerasset nonnihil sermo Romanus, iudicium adhibendum est, ne nimium amemus quasdam novas illorum seu formulas seu figuras. Post hos, eloquentiae studiosi fugiendi paene omnes. Deinde generalis imitatio rerum est, quam probat Fabius ²⁷⁾, putatque multarum lectionem profuturam, quia acumen in inveniando, prudentiamque in disponendo multorum exempla acuunt, et iisdem inventionis locis, eadem ratione in disponendo fere omnes diserti

15) Periclis res gestas Thucydides l. I. c. 111 sqq. enarrat. — Haec nota et sequens in Editt. 1525—1530., 1564. C. desunt.

16) Redit ad praeceptionem] in Editt. 1525—1530., 1564. C. desiderantur.

17) quod] Ed. 1564. C. quid.

18) Laudatur—oratio] sic Editt. 1525—1530., 1564. C.; Editt. 1535—1543., 1561., 1564. P. Excursus, quo laudatur Antonius.

19) Duo—ῥεσεις] sic Editt. 1525., 1530., 1535., 1541. F., 1543., 1561., 1564. P.; Editt. 1529., 1564. C. Duo esse genera quaestionum; Ed. 1541. B. scilicet ῥέσεις καὶ ὑποθέσεις.

20) Tria—demonstrativum] sic Editt. 1535., 1541., 1543.; in Editt. 1525—1530. illis Cic. verbis in marg. adscripta est nota: Duo esse genera causarum; et verbis subseq. (§. 43.) *id enim video poni*, nota: De demonstrativo genere. Ed. 1564. C. hanc utramque notam in margine, et simul illam in scholiis in calce libri annexis exhibet. Editt. 1561., 1564. P. non nisi notulam habent: Duo esse genera causarum.

21) *iis]* sic Ed. Orell.; illae Editt. *his*.

22) Haec nota in Editt. 1525—1530., 1564. C. desunt.

23) Amplificat—historiae.] sic Editt. 1535—1561., 1564. P.; Editt. 1525—1530., 1564. C. Excursus in historiam.

24) Henricus III., alias Henr. IV. appellatus, imperator 1056—1106.

25) Huic imperatori inde ab a. 1075 bellum fuit cum Gregorio VII. (papa 1073—1085.), Victore III. (papa 1056—

1067.), Urbano II. (papa 1088—1099.) et Paschali II. (papa 1099—1118.).

26) Henricus IV., alias Henr. V. nominatus, imperator 1106—1125.

27) M. Fabius Quintilianus in instit. orator. l. II. c. 3. et l. X. c. 1.

utuntur. Quare non oberit multa exempla cognovisse, praesertim cum in similibus causis, iisdemque locis, tamen aliud aliis in mentem veniat, quod magis ad rem pertinet. Neque vero tantum similitudo quaedam est artificum in inveniando ac disponendo, sed etiam quaedam elocutionis similitudo est. Omnes enim alicubi utuntur amplificationibus et reliquis ornamentis orationis. Postremo, specialis quaedam imitationis ratio est posita in collocatione verborum, in absolvendis argumentis et in ordine periodorum. Neque est haec, ut aliqui existimant, inutilis diligentia; reddit enim illustrem et perspicuam orationem. Est autem omne in dicendo studium eo referendum, ut oratio quam maxime clara perspicuaque efficiatur. Et quia Ciceronis in compositione diligentia summa fuit, hunc nobis magistrum, hoc exemplum maxime²⁸⁾ proponere debemus, in hunc toto animo, totaque mente intueri: hunc ita amare, ut cum ad alios tanquam ad hospites, aliquando expatiati simus, ad hunc statim redeamus, apud hunc habitemus, hunc familiarissimum nobis faciamus, ut scribentes imaginem orationis eius intueamur, ad eamque cogitationes ac stylum dirigamus. Sed priusquam praecepta huius rei tradamus, exempla quaedam ostendemus, ut intelligi possit, quantum praestet Ciceronem potius quam alios sequi. Pliniana oratio saepe numeris Platonis obscurior est, hanc ob causam, quia compositio Ciceroniana dissimilis est. Ita accidit, ut saepe in unam periodum infarciantur multa, quae syntaxin perturbant. Saepe non explentur inchoatae sententiae, connectuntur alicubi sententiae nihil cohaerentes, alicubi desunt argumentis conclusiones et epiphonemata. Huiusmodi vitia sequuntur negligentiam in componendo. Sic argumentatur Plinius in praefatione²⁹⁾, unumquemque ei maxime iudici debere satisfacere, quem ipse sibi elegerit, non quem sors dederit; sors enim saepe dat iniquos, dat imperitos iudices: cum autem ipse ad sui operis cognitionem Caesarem³⁰⁾ tanquam iudicem adhibuerit, se quoque hoc debuisse praestare, ut placeret scriptum Caesari. Hic locus paulo obscurior est apud autorem, cum

28) maxime] in Ed. 1541. F. deest.

29) Plinius secundus in praefatione historiae naturalis I. I. init.

30) scilicet Vespasianum imperatorem.

tantum antecedens ponat, idque exemplis amplificet, postea relinquat argumentum mutilum sine conclusione, hoc modo: Quam³¹⁾ plurimum refert, sortiatur aliquis iudicem, an eligat, multumque adparatus interest apud invitatum hospitem et oblatum. Cum apud Catonem illum³²⁾ ambitus hostem et repulsis tanquam honoribus ineptis gaudentem, flagrantibus comitiis pecuniam deponebantur, hoc se facere pro innocentia, quod in rebus humanis summum esset, profitebantur. Inde illa nobilis M. Ciceronis suspiratio: O te foelicem M. Porci, a quo rem improbam petere nemo audet! Cum tribunos adpellaret L. Scipio Asiaticus, inter quos erat Gracchus, hoc adtestabatur³³⁾, vel inimico iudici³⁴⁾ se probari posse³⁵⁾. Vides deesse conclusionem his exemplis, praeterea etiam quaedam esse assuta praeter rem. Atque in huiusmodi exemplis facile est videre rationem componendae servandaeque orationis, non modo voluptatis causa, ut modulatio ad aures accideret oratio, sed multo magis utilitatis causa excogitatum esse, quia re ipsa experimur, sermonem temere effusum saepe obscurum esse. Neque nos hoc loco ea, quae de numeris a veteribus tradita sunt, attingemus. Quae, posteaquam usus Latinae linguae vernaculus esse desiit, intelligi magna ex parte non possunt, sed alia quaedam praecepta leviora colligemus, quae tamen vel ad intelligendos eos, qui de compositione orationis scripserunt, vel ad cognoscendam imitandi rationem nonnihil conducent. Quid enim profuerit de imitatione praecipere, nisi antea demonstramus, quae virtutes maxime intuendae petendaeque sint? Est autem initio error eorum reprehendendus, qui tum se effingere aliquem scriptorem iudicant, cum multos ab illo versus ex variis collectos locis, ubi commodum est, consuunt; quo genere dicendi nihil deformius aut monstrosius cogitari potest. Ut enim si quis statuarius transferat a Phidiae Minerva³⁶⁾ caput,

31) Quam] sic illae Editt.; apud Plin. I. I. (ed. Bipont. T. I. p. 5.) legitur: quoniam.

32) M. Porcius Cato Uticensis, qui a. u. c. 692. tribunus plebis Murenam consulem ambitus accusavit.

33) adtestabatur] Ed. 1535. typogr. errore: adstabatur.

34) iudici] sic Plin. I. I.; illae Editt.: iudice.

35) Quam (pro: quoniam) plurimum—se probari posse.] haec verba sunt Plinii secundi hist. nat. I. I. init. (ed. Bipont. T. I. p. 5.).

36) Phidias, Charmidae filius Atheniensis, artifex celeberrimus, tres Minervae statuas fecit, nempe primam Felle-

thoracem a Polycleti puero³⁷⁾ sumat, pedes ab Hercule Euthycratis³⁸⁾ mutuetur, quia haec maxime laudentur, plane monstrum efficit: quia haec ut suo quaeque loco maxime decent, ita avulsa a suis corporibus inter se minime consentiunt. Ita neque oratio ex variis locis auctoris alicuius excerpta, rite cohaerebit. Et si qui hanc unam imitationis vim esse arbitrantur, aliena scripta compilare, et velut rhapsodias quasdam undique converrere: hi iure veluti Aesopica cornicula³⁹⁾ irridendi erunt. Accidit⁴⁰⁾ his etiam, qui alieno sermone tanquam per interpretem eloqui omnia, conantur, saepe ut desit oratio. Neque enim nisi magno labore ista auctoris, quem sequuntur, fragmenta e libris excerpti possunt. Non igitur probanda est illa servitus, quam irrisit Horatius, cum inquit:

O imitatores, servum pecus; ut mihi saepe

Bilem, saepe iocum vestri movere tumultus!⁴¹⁾

Sed debet imitatio quandam efficere similitudinem, ut cum ipsi genuimus orationem, agnoscere tamen possit, quod exemplum secuti simus. Ad eam rem opus est primum copiosa supellectile bonorum verborum, quae ultro se dicturis offerant. Deinde tenenda est etiam forma iungendorum verborum, quae non abhorreat a latina consuetudine, ad quam velut archetypum dirigamus et ipsi mentem in verbis coniungendis. Hanc similitudinem petere in imitando debemus. Etenim nisi etiam in coniungendis verbis veterum consuetudinem sequemur, novum quoddam sermonis genus ac peregrinum invehere in Latium, non Latine loqui videbimur. Proinde eligendus est Cicero, cuius orationem nobis velut archetypum proponamus, in quam mentem atque ocu-

nensem, alteram Plataeensem, tertiam Atheniensem aureoboream a. 438. a. Chr., Theodoro archonte in Parthenone dedicatam. Vid. Pausan. VII, 27, 1. et Sillig: Catalog. artificum p. 334 sq. 340.

37) Polycletus Sicyonius, ab aliis Argivus appellatus, Ageladae discipulus, qui Ol. 87. potissimum florebat, praeter alias statuas Doryphorum viriliter puerum fecit, quam statuam Cicero Orat. c. 2. §. 5. laudat. Vid. Sillig l. l. p. 364.

38) Euthycrates statuarius Ol. 120. filius et discipulus Lyssippi clarissimus praeter alias statuas etiam Herculem Delphis optime expressit. Vid. Plin. XXXIV, 8, 19. et Sillig l. l. p. 210.

39) Hoc spectare videtur ad Gabrieae de cornicula et ceteris avibus fabulam, quae cum aliis huius poetae fabulis Aesopis annexa est. Vid. Ed. Basil. 1518. 8. p. 243.

40) Accidit] sic Ed. 1541. B.; Editt. 1535., 1541. F., 1543., 1544. C. Accedit.

41) Horat. Epist. I, 19, 19. 20.

los defigamus: non aliter atque pictor eam faciem contemplatur, quam depingit. Porro ut intelligi melius possit, et quid in iungendis verbis servaverit Cicero, et quid in illius lectione in primis considerare oporteat, explicabimus praecepta de compositione paulo ante instituta. Primum praeceptum de iungendis verbis: in quibus hoc maxime cavendum est, ne sint hyperbata vitiosa⁴²⁾ in oratione:

Saxa vocant Itali, mediis quae in fluctibus, Aras⁴³⁾.

Et omnino, ne longius inter se distent voces, quas intellectus copulat, quod multis de causis accidit. Aliquando enim longe fluit oratio, cum parentheses longiores inseruntur: quale est Pliniana praefationis initium. Saepe longius fluit oratio, ob alias causas: quod quoties intellectui officit, vitiosum est. Vitanda sunt et *ἀναρταπόδοτα*. Sed de similibus, cum grammatici praecipiant, nos hoc loco breviores erimus. Quae autem esse spatia sententiarum soleant, postea ostendemus, cum de commatis et colis dicemus. Hoc interea monere satis est, in Cicerone longius aliquanto distare eiusdem membri voces, quam in Terentio; est enim comoedia quotidiano sermoni similior. Et Cicero saepe illo⁴⁴⁾ humili genere orationis utens, maxime in epistolis et philosophicis disputationibus breviter membra efficit, non valde absimilia Terentiano generi, ut sunt illa: Grata tibi esse officia mea⁴⁵⁾ non miror, cognovi enim te gratissimum omnium, idque nunquam destiti praedicare. Nec enim tu mihi gratiam modo habuisti⁴⁶⁾, verum etiam cumulate⁴⁷⁾ retulisti⁴⁸⁾. In grandiore genere verba plerumque claudunt orationem aut collectivae particulae aut comparativa aut superlativa. Quae si quis transferat in medium, statim sentiet, sonum orationis esse submissiorem, ut sunt haec: An vero vir amplissimus P. Scipio⁴⁹⁾ Pontifex Maximus Tiberium Gracchum mediocriter labe-

42) Conf. Quintil. inst. orat. VIII, 2. ubi idem versus affertur.

43) Virg. Aen. I, 109.

44) illo] in Ed. 1541. F. deest.

45) esse officia mea] sic illae Editt.; Ed. Orell. mea esse officia.

46) gratiam modo habuisti] sic illae Editt.; Ed. Orell. habuisti modo gratiam.

47) cumulate] sic illae Editt.; Ed. Orell. cumulatissime.

48) Hic locus invenitur in Cic. epist. ad fam. V, 11. init.

49) P. Scipio Nasica hoc perpetravit a. 133. a. Chr. Conf. Plut. vita Tib. Gracchi c. 16—19.

factantem statum reipublicae privatus interfecit⁵⁰). Fac ita esse: An vero vir amplissimus P. Scipio Pontifex Maximus privatus⁵¹) interfecit Gracchum, mediocriter labefactantem statum reipublicae. Hic mutato duarum vocum situ, plane alius est sonus orationis. Sed haec tota ratio varie tractatur a Cicerone. Nam is grandioribus minus est etiam in Philippicis usus, quo tempore dixit canescere orationem suam, et fieri leniorem. Haec duxi esse adscribenda, ut monerem, ne temere clauderetis orationem, sed exempla veterum observaretis. Qui quidem plerumque eo in loco verba ponunt, et alias quas dixi voces, maxime cum volunt sonum orationis esse pleniorum. Rursum cum volunt videri summissius dicere, eiusmodi particulas in medium transferunt. Quod fecisse mihi initio primae Philippicae videtur: Antequam de republica, Patres conscripti, dicam ea, quae dicenda hoc tempore arbitror, exponam vobis breviter consilium et profectionis et reversionis meae⁵²). Fac ita esse: Breviter consilium et profectionis et reversionis meae vobis exponam; sic enim subsideret oratio in longiorem pedem: exponam, quod Quintilianus probat⁵³). Secundum praeceptum plus aliquanto negotii habet de absolvendis sententiis. Est enim diligenter videndum, non modo ne propter verborum breviter fiat obscura oratio; sed etiam, ut cum opus est argumentis, subiiciantur conclusiones, ut conclusionibus praependantur rationes, ne aliena a proposito inseramus argumentationibus. Quod dum fit, nimis procul conclusio a rationibus distrahitur. Magna vis est huius praecepti; nam haec diligentia multum ad orationis perspicuitatem facit. Atque huius rei mirum artificem esse Ciceronem videbis⁵⁴).

Cap. XIII. §. 55. *Namque et Herodotum*] Catalogus historicorum Graecorum⁵⁵).

Cap. XIV. §. 61. *In philosophos vestros*] Sic Aristoteles obscurus est propter breviter⁵⁶).

50) Hic locus reperitur in Cic. orat. I. in Catil. c. 1. §. 3.

51) privatus] in Ed. 1541. F. deest.

52) Cic. orat. Philipp. I, 1, 1.

53) Conf. Quintil. instit. orat. IX, 4.

54) Haec longa expositio non nisi in scholis Editt. 1525., 1541., 1543., 1564. C. exhibetur, in ceteris deest.

55) Catalogus — Graec.] sic Editt. 1525., 1541., 1543.; Editt. 1525 — 1530., 1564. C. Qui Graeci; Editt. 1561., 1564. P. Catalogus historicorum scriptorum.

56) Haec nota in Editt. 1525 — 1530., 1564. C. deest.

Cap. XV. §. 62. *Sed illuc redeo*] Praecepta de historia⁵⁷).

§. 63. *Consilia primum*] Consilia, acta, eventus, causae, voluntates et iudicia hominum⁵⁸).

§. 64. *Iudiciali asperitate*] Id est, non nimis argutum, acutum⁵⁹), vel subtile⁶⁰).

§. 65. *Atque in hoc genere*] De thesibus⁶¹). *Explicat nemo*] Id est, omnino non attingunt theses⁶²).

§. 66. *Si enim est*] Quatenus theses pertineant ad oratorem.

Cap. XVI. §. 67. *Sed si illam*] Theses, locos communes officiorum cognoscendos esse.

§. 68. *Hisce autem ipsis*] Usus locorum⁶³).

§. 69. *Neque est omnino ars*] ἐπιφώνημα.

§. 70. *Hunc de toto illo genere*] Id est, de historia aut de thesibus.

Cap. XVII. §. 71. *Praeclare mihi*] Facit repetitionem orationis Antonii⁶⁴), ut meminisse lector possit.

§. 72. *Omnium caeterarum*] Iudicialium causarum difficultas. *Rei dominus*] Id est, iudex⁶⁵).

Cap. XVIII. §. 74. *Tum Catulus*] Adhortatur⁶⁶) Catulus, ut pergat absolvere exceptiones⁶⁷).

§. 75. *Nec mihi opus est*] Amplificat a persona et exemplo⁶⁸).

§. 76. *Hoc mihi facere*] Accommodat exempla.

Cap. XIX. §. 78. *Dividunt totam rem*] Redit ad artem. Commemoratur aliquot generalia praecepta ex arte⁶⁹).

57) Pro hac nota, quam Editt. 1525 — 1561., 1564. P. praebent, Editt. 1525 — 1530., 1564. C. habent: Praeceptiones in historico genere.

58) Haec nota in Ed. 1541. B. desideratur.

59) acutum] Editt. 1561., 1564. P. et acutum.

60) Haec nota ab Editt. 1525 — 1530., 1564. C. absent.

61) Haec notam solae Editt. 1525 — 1530. exhibent.

62) Haec nota et sequens in Editt. 1525 — 1530., 1564. C. desunt.

63) Haec nota et tres sequentes in eadem 4 Editt. desiderantur.

64) Antonii] Ed. 1543. Antonius.

65) Haec nota in Editt. 1525 — 1530., 1564. C. deest.

66) Adhortatur] sic Editt. 1525 — 1543.; Editt. 1525 — 1530., 1561., 1564. Hortatur.

67) ut pergat absolvere exceptiones] sic Editt. 1525 — 1561., 1564. P.; Editt. 1525 — 1530., 1564. C. ut pergat et amplificat exemplo.

68) Haec nota et sequens in Editt. 1525 — 1530., 1564. C. desunt.

69) Sic Editt. 1525., 1541. F., 1543., 1564. C. utramque huius notae partem exhibent; Editt. 1541. B., 1564. P. ab his eo tantum differunt, quod praebent „Commemoratur aliquot”

§. 79. *Denique quinque*] Quinque officia: invenire, disponere etc.⁷⁰⁾. *Atque haec ego non reprehendo*] Partes orationis, et compendio perstringit, quicquid est traditum a rhetoribus de arte⁷¹⁾. *Ut eas item quatuor*] Quatuor partes orationis: exordium, narratio, contentio, peroratio.

§. 81. *Quae enim praecepta*] Praeceptiones de his partibus⁷²⁾.

Cap. XX. §. 84. *Sed videant*] Quid conferat ars⁷³⁾.

§. 85. *Sit enim mihi tinctus*] Quae praeter artem requirantur. Ingenium. Eruditio. Imitatio⁷⁴⁾.

Cap. XXI. §. 88. *Atque ut a familiari*] Amplificat exemplo⁷⁵⁾. *Voce et forma*] Instrumenta naturalia ad eloquentiam⁷⁶⁾. *Volo enim se efferat*] Illa ingenia maxime laudantur, quae sunt uberiora⁷⁷⁾.

Cap. XXII. §. 90. *Ergo hoc sit primum*] Imitatio⁷⁸⁾.

Cap. XXIII. §. 96. *Hunc igitur similitudinem*] De stylo⁷⁹⁾.

§. 97. *Ne tabulas quidem*] Tabulas, id est, rationes sumptuum⁸⁰⁾.

§. 98. *In qua nihil illi defuit*] Redit ad artem⁸¹⁾.

Cap. XXIV. §. 99. *Hoc ei⁸²⁾ primum praecipimus*] De cognoscenda causa, deinde status constituendus⁸³⁾.

habent „et commemorat aliqua“; Editt. 1525—1530., 1561. nonnisi priorem continent partem: Redit ad artem.

70) Quinque—disponere etc.] sic Editt. 1525—1530., 1535., 1541. F., 1543., 1561., 1564. C. in margine habent, praeterea in scholiis long. Editt. 1535., 1541. F., 1543., 1564. C. hisdem Cic. verbis adscripta est adnotatio: Officia oratoris; Editt. 1541. B., 1564. P.: Officia oratoris, invenire, disponere etc.

71) Haec nota in Editt. 1525—1530., 1561., 1564. deest.

72) Haec nota in Editt. 1530., 1535., 1541., 1543. deest.

73) Haec nota in Editt. 1525—1530., 1564. C. deest.

74) Ingenium. Eruditio. Imitatio.] in Ed. 1541. B. desunt; in Ed. 1564. P. sola vox imitatio h. l. deest.

75) Haec nota in Editt. 1525—1530. desideratur.

76) Haec nota. ab Editt. 1525—1530., 1561. abest.

77) Haec nota in Editt. 1525—1530., 1564. C. deest.

78) Haec nota in Editt. 1541. B., 1564. C. deest.

79) Haec adnot. in Editt. 1525—1530., 1541. B., 1564. C. desideratur.

80) Haec nota in Editt. 1525—1530., 1564. C. deest.

81) In Editt. 1535., 1541., 1543. haec adnotatio deest.

82) ei] sic Ed. Orell.; illae Editt. *enim*.

83) Pro hac nota, quam Editt. 1535., 1541. F., 1543., 1561., 1564. P. exhibent, Editt. 1525—1530., 1564. C. habent:

§. 102. *Equidem soleo*] Amplificat ab exemplo suo⁸⁴⁾. *Tres personas*] Id est, ego⁸⁵⁾ non blandior meae causae, sed summa diligentia colligo ea, quae contra me faciunt.

§. 104. *Quum rem peritus*] De statibus.

Cap. XXV. §. 105. *Ac nostrae fere causae*] Quis sit usus⁸⁶⁾ statuum. *Id est igitur genus*] Coniecturalis.

§. 106. *Saepe autem res*] Qualitatis.

§. 107. *Iam quid vocetur*] Finitivus.

§. 108. *Alia est enim*] De definitionibus⁸⁷⁾. *In quibus hoc*] Quomodo sit definiendum.

Cap. XXVI. §. 110. *Sed in eo genere*] Ambigui statum et reliquas species ad qualitatis statum refert.

§. 113. *Ita tria sunt*] *ἐπίλογος*⁸⁸⁾. Quot status.

Cap. XXVII. §. 116. *Ad probandum autem*] De probationibus. — Duplicia dicit esse argumenta, quaedam *ἄτεχνα*, id est, non artificialia, quaedam *ἐντεχνα*, id est, artificialia. *ἄτεχνα* offert ipse status causae, atque ipsa materies, de qua est controversia: non enim ab oratore excogitantur, sicut alia quae *ἐντεχνα* dicuntur⁸⁹⁾. *Positae*⁹⁰⁾ *ratione tractantur*] Ratione tractantur, id est, verbis illustrantur⁹¹⁾.

§. 118. *Et primum genus*] Duplices esse theses. *Pro quaestionibus etc.*] Loci communes⁹²⁾. Id est, pro confessis.

lubet, ut diligenter perquirat, quis status causae. (In Editt. 1525., 1530. haec nota cum praecedente in unam est coniuncta.)

84) Haec nota et sequens in Editt. 1525—1530., 1564. C. desunt.

85) ego] Ed. 1543. typogr. errore: nego.

86) Haec nota in Editt. 1525—1530., 1564. C. deest.

87) Haec nota et sequens in hisdem 4 Editt. desunt.

88) *ἐπίλογος*] Editt. 1529., 1541., 1561., 1564. Epilogus; in Ed. 1543. omis.

89) Editt. 1535., 1541. F., 1543. utramque notam, brevior in margine, longior in scholiis praebent; Editt. 1561., 1564. P. tantum illam brevioram, Ed. 1541. B. solum longioram continent. Editt. 1525—1530. pro illis habent: Praecipit de argumentis. Ed. 1564. C. hanc eandem in marg., illam autem longioram in scholiis exhibet.

90) *Positae*] sic Ed. Orell.; illae Editt. *proposita*.

91) Haec nota et sequens in Editt. 1525—1530., 1564. C. desunt.

92) Loci communes] haec verba in Editt. 1535., 1541. F., 1543. desunt. — In Editt. 1541. B., 1564. C. non solum haec, sed etiam subsequencia desiderantur.

§. 120. *Excogitationem non habent*] Id est, in utroque genere probationum⁹³⁾ elocutio difficilior est quam inventio⁹⁴⁾.

Cap. XXVIII. §. 121. *Haec sunt enim tria*] Cicero proponit oratori tres fines⁹⁵⁾.

§. 122. *Namque ego Catule*] Excursus. *Quanta sunt*⁹⁶⁾ *in Crasso*] *ἐγκώμιον*⁹⁷⁾ Crassi.

§. 123. *Tradam eum Crasso*] Ego dicam de inventione, Crassus dicat de elocutione⁹⁸⁾.

§. 124. *Tu vero inquit Antoni*] *παρασκευῆ* libri tertii⁹⁹⁾. — Tergiversatio. Sententia huius loci est¹⁰⁰⁾: quia, ut dixisti¹⁾ iam de inventione, ita¹⁾ debes etiam dicere de ornamentis. *Quod enim ornamentum*] Laus Antonii.

§. 125. *Cn. Manlii*] Qui fuit collega Cepionis²⁾. *Q. Regis*] id est, Metelli.

Cap. XXIX. §. 128. *Depromam equidem*] Proponit reliquae orationis summam. — Ratio tractandi theses³⁾, cum videlicet a causa ad locos communes te recipis⁴⁾.

Cap. XXX. §. 130. *Neque enim, quoties*] *Πάρεργον*, quae requirat praeter artem. — De locis dialecticis⁵⁾. *Sed habere certos locos*] Loci

93) probationum] sic Editt. 1535., 1541., 1543.; Editt. 1561., 1564. P. probationis.

94) Haec nota et sequens in Editt. 1525 — 1530., 1564. C. desunt.

95) Haec adnot. praeter illas 4 Editt. etiam in Ed. 1541. B. deest.

96) sunt] sic Ed. Orell.; illae Editt. sint.

97) ἐγκώμιον] Editt. 1561., 1564. Encomium. — In Editt. 1525., 1529., 1564. C. haec nota cum antecedente in unam est coniuncta; in Editt. 1535 — 1543. deest.

98) dicat de elocutione] sic Editt. 1535 — 1543.; Editt. 1561., 1564. P. de elocutione dicat. — In Editt. 1525 — 1530., 1564. C. haec nota deest.

99) παρασκευῆ libri tertii] haec tantum in Editt. 1525 — 1530., 1564. C. inveniuntur.

100) Sententia huius loci est] sic Editt. 1535 — 1543.; 1564. C.; Editt. 1561., 1564. P. id est.

1) quia, ut dixisti . . . ita] sic Ed. 1541. F.; Editt. 1541. B., 1543., 1561., 1564. quia dixisti . . . itaque; Ed. 1535. quia ut dixisti . . . itaque. — In Editt. 1525 — 1530. verba „Sententia — ornamentis.” desunt.

2) Haec nota et sequens in Editt. 1525 — 1530., 1564. C. considerantur.

3) theses] Editt. 1561., 1564. P. θέσεις.

4) Ed. 1564. C. huius notae utramque partem continet, Editt. 1525 — 1530. solam priorem „Proponit — summam”, Editt. 1535 — 1561., 1564. P. tantum posteriorem „Ratio — recipis.”

5) Ed. 1564. C. utramque huius notae partem habet, Editt. 1525 — 1530. tantum priorem, Editt. 1535 — 1543., 1564. P. non nisi posteriorem, in Ed. 1561. utraque deest.

debent nobis sic⁶⁾ esse noti quasi literae scriptionibus.

§. 132. *Ac primum naturam causae*] Deprehenso statu quaeritur *αἴτιον*, et deinde *κρινόμενον*. — De *αἰτίῳ καὶ κρινόμενῳ*. *αἴτιον* significat principalem rationem, ut in oratione Miloniana: Milo iure occidit Clodium etc. Exemplum est et in oratione pro Murena: Murena non potest accusari de ambitu. *αἴτιον*, quia hoc, quod dedit, est lege datum, non contra legem. *αἴτιον* est maior et minor; *κρινόμενον* interdum minor, interdum maior est⁷⁾.

Cap. XXXI. §. 133. *Atque hic illud videndum est*] De thesibus disseri, non de hypothesis⁸⁾. *Constituunt enim in part.*] Iterum praecipit de locis communibus, seu thesibus, et prudenter reprehendit scriptores rhetorices, quod omittant theses, cum has maxime oporteat tractari. De hypothesi nihil attinet praecipere: nam personarum nomina parum ad rem faciunt. Iubet igitur semper revocare exemplum ad thesim. Thesim autem debemus scribere perfecte ductam per locos dialecticos, scilicet per definitionem, divisionem, causas, pugnantia et affinia⁹⁾.

§. 134. *Nulla denique est causa*] Hypotheses¹⁰⁾ infinitae et innumerabiles; theses¹⁰⁾ paucae, et quae arte comprehendi possunt.

§. 135. *Quod sumptuosus*] Exempla.

Cap. XXXIII. §. 142. *Video enim in Catonis*] Ridet iuriconsultos¹¹⁾. *Debilitati a iure*] Debilitati, sic in perfecto Oratore, pro: deterriti, in principio¹²⁾.

6) debent nobis sic] sic Editt. 1535., 1541. B., 1543.; Ed. 1541. F. sic debent nobis; Editt. 1561., 1564. P. nobis debent sic. — In Ed. 1541. B. haec nota, quae in Editt. 1525 — 1530., 1564. C. cum antecedentis parte posteriore in unam est coniuncta.

7) Editt. 1535 — 1543. utramque huius notae partem praebent, Editt. 1561., 1564. P. solam priorem. Editt. 1525 — 1530. pro ea habent: Quae ratio inventendorum argumentorum, nempe quod statu reperto eo dirigenda sint omnia argumenta. Ed. 1564. C. hanc eandem in margine, et illius notae partem posteriorem in scholiis exhibet.

8) Hanc notam tantummodo Editt. 1525 — 1530., 1561., 1564. continent.

9) Haec nota in Editt. 1525 — 1530., 1561., 1564. P. deest.

10) Hypotheses . . . theses] Editt. 1525., 1530. ὑποθέσεις . . . θέσεις. — In Editt. 1535., 1541., 1543. haec nota et sequens desunt.

11) In Editt. 1525 — 1530. pro hac nota, quam Editt. 1535 — 1561., 1564. P. habent, in margine legitur: *σκληρῶς*; in Ed. 1564. C. neutra reperitur.

12) Cic. Orator c. 2. §. 3.

Cap. XXXIV. §. 145. *Huius quidem loci*] Thesis debet esse perfecte cognita, et ducta per locos dialecticos¹³⁾.

Cap. XXXV. §. 147. *Et sic, quum*] Epilogi pars est, quo cum arte ingenium et diligentiam confert¹⁴⁾.

§. 148. *Diligentia inquam*] Encomium diligentiae.

§. 150. *Ars demonstrat*] τί ἡ τεχνολογία¹⁵⁾.

Cap. XXXVI. §. 152. *Est, inquit, ut dicis*] Excursus de philosophis, et Aristotelis mentionem facit, ut indicet, quem in ratione locorum sequatur¹⁶⁾.

Cap. XXXVII. §. 156. *Ego ista studia*] Quae dialectica oratori conducant¹⁷⁾.

Cap. XXXVIII. §. 157. *Sed ut eo revocetur*] Quid philosophi conferant¹⁸⁾.

§. 159. *Hic nos igitur Stoicus*] Quid Stoici.

§. 160. *Critolaum istum*] Quid Peripatetici.

§. 161. *Carneadis vero*] Quid ἀκαδημικοί¹⁹⁾.

Cap. XXXIX. §. 162. *Ego autem*] Quid adferant utilitatis prima praecepta²⁰⁾. *Qui illi sedes*] Loci²¹⁾.

§. 163. *Quid enim est in quo*] Partitio locorum dialecticorum. Sunt autem loci triplices: Interiores, definitiones; Exteriores, pugnantium; Medii, causarum et effectuum²²⁾.

§. 164. *Si res tota*] A definitione²³⁾.

§. 165. *Sin pars*] A divisione. *Si ex vocabulo*] Ab etymologia.

Cap. XL. §. 167. *Ex coniunctis*] Ex coniugatis. *Ex genere*] Ex genere.

13) Pro hac nota, quam Editt. 1535—1561., 1564. P. habent, Editt. 1525—1530., 1564. C. exhibent: Ἐπιλογος quo rursus colligit instruendos esse θεσίων (Editt. 1529., 1564. C. Epilogus . . . thesium) locos.

14) Hanc notam solae Editt. 1525—1530., 1564. C. praebent, sequens autem nota in his Editt. deest.

15) τί ἡ τεχνολογία.] sic Editt. 1525—1535.; Editt. 1541. F., 1543., 1561., 1564. Quid ars efficiat. In Ed. 1541. B. neutra invenitur.

16) Haec nota in Ed. 1564. C. deest.

17) Haec nota in Editt. 1525—1530., 1564. C. desideratur.

18) Haec nota et sequens in Editt. 1525—1543. desunt.

19) ἀκαδημικοί] Editt. 1529., 1541. F., 1561., 1564. Academici.

20) Haec nota in Editt. 1525—1530., 1564. C. deest.

21) Haec adnot. in Editt. 1541. B. est omissa.

22) Editt. 1561., 1564. P. huius notae prima tantum verba continent: Partitio locorum dialecticorum; in Editt. 1525—1530. tota deest.

23) Haec nota et 7 proxime sequentes, quae huius loci artificium a dispositionem demonstrant, in Ed. 1541. B. sunt omissae.

§. 168. *Si omnes*] Ex specie. *Ex similitudine*] Ex simili.

§. 169. *At ex dissimilitudine*] Ex dissimili. *Fictae narrationes*] Habes exempla fictarum narrationum in primo epistolarum Horatii de Vulteio; et in 2. de Argivo spectatore²⁴⁾, et in Erasmo bello de duobus fratribus²⁵⁾. *Iam ex contrario*] Ex contrario²⁶⁾.

§. 170. *Ex consequentibus*] Ex consequentibus²⁷⁾. *Ex consentaneis*] Ex consentaneis.

§. 171. *Ex causis autem*] Ex causis. *Ex iis autem quae*] Ex²⁸⁾ effectis.

Cap. XL. §. 173. *Foris autem assumuntur*] Extranea, testes etc.²⁹⁾.

Cap. XLI. §. 174. *Haec ut brevissime*] ἐπιλογος³⁰⁾.

§. 176. *Si vero assequetur*] De affectibus. Ratio³¹⁾ tractandorum affectuum magna ex parte sumitur ex locis generis deliberativi, scilicet ex honesto et utili, honesta enim et utilia amamus, turpia ac damnosa odio habemus ac fugimus. Sed haec ipsa ratio honestorum et utilium vestienda est circumstantiis, in quibus plurimum valent picturae, quae incurrunt in oculos, et, ut Fabius³²⁾ ait, vim oculis afferunt. Quale est Virgilio³³⁾ de caede Priami:

Altaria ad ipsa trementem

Traxit et in multo lapsantem sanguine gnati.

Hic enim in singulis verbis singuli affectus sunt. Primum auget atrocitatem caedis, quod ad aras fit. Postea πάθος est in oculos incurrens Trementem, item Traxit, item Lapsantem ac volutantem in sanguine; sed atrocissimum est, quod in gnati sanguine volutatur. Itaque quod summum erat, in postremum locum distulit. Talia

24) Conf. Horat. epist. l. I, 7, 91., ubi Vultei, et l. II, 1, 178., ubi spectator commemoratur.

25) Haec nota in solis Editt. 1525—1530. legitur.

26) Haec etiam nota et 4 seqq., eiusdem generis ac illae proxime antecedentes, in Ed. 1541. B. desunt.

27) Haec nota non solum in Ed. 1541. B., sed etiam in Editt. 1525—1535., 1543., 1564. C. deest.

28) Ex] in Editt. 1525., 1530., 1535., 1541. F., 1543. deest.

29) testes etc.] Ed. 1541. B. testes; Editt. 1561., 1564. P. ut testes et caetera.

30) ἐπιλογος] Editt. 1529., 1541., 1561., 1564. Epilogus.

31) Ratio] Ed. 1541. B. Ratio autem.

32) Fabius Quintilianus in inst. orat. II, 15.

33) Virg. Aen. II, 550. 551.

sunt et haec ex turpitudine, nempe ex ingratitude tracta, ac vestita circumstantiis. Quale:

Nusquam tuta fides. Eiectum litore, egentem
Excepi, et regni demens in parte locavi³⁴⁾.

Plato scribit rhetoricam esse particulam assentationis³⁵⁾. Ut autem certa praecepta assentatori dari non possunt, ita fortassis in hac quoque parte rhetoricae³⁶⁾, certa praecepta praescribi non possunt. Multum autem adiuvabitur aliquis cognitione honestorum et turpium, sine qua alioqui etiam eloquentia inops est³⁷⁾.

Cap. XLII. §. 178. *Haec ut et properans*] Conclusio³⁸⁾.

§. 179. *Qui ordo*] De dispositione.

§. 181. *Nam si ego*] Reiectio³⁹⁾.

Cap. XLIII. §. 182. *Valet igitur multum*] Quae res valeat ad conciliandos animos⁴⁰⁾. *Conciliantur autem*] De lenioribus affectibus⁴¹⁾. *Facilitatis, liberalitatis*] ἐντεχνα⁴²⁾.

§. 183. *Reos autem appello*] Rei qui dicantur⁴³⁾.

Cap. XLIV. §. 185. *Huic autem est illa*] Movendi artes πᾶθη.

§. 187. *Sed tantum vim*] Descriptio eloquentiae⁴⁴⁾.

Cap. XLV. §. 188. *Haec sunt illa*] Exemplum Crassi⁴⁵⁾.

34) Virg. Aen. IV, 373. 374.

35) Plat. Gorg. (op. ed. H. Steph. T. I. p. 463. b. — ed. Bipont. Vol. IV. p. 37.): ἤμητι ἐγὼ τῆς κολακείας μόνιον εἶναι τὴν ῥητορικὴν.

36) rhetoricae] Ed. 1541. F. rhetorices.

37) Haec nota, quam Editt. 1535—1543., 1564. C. exhibent, in Ed. 1564. C. non illis Cic. verbis, sed paulo post sequentibus Cap. XLIII. §. 178. *Nihil est enim in dicendo*, adscripta est, quae in Editt. 1525—1530. illustratur hac diversa: Duo affectuum genera. Quidam sunt lenes et blandi, quemadmodum sunt quibus Terentius fere utitur, is regnat in hoc genere leniorum et mitiorum affectuum, et dicuntur ἡδῶη. Alterum genus est quod vocant πᾶθη, sunt violenti affectus et animi motus. Livius regnat in isto genere vehementium affectuum. In Editt. 1561., 1564. P. illis Cic. verbis sola verba: „De affectibus” in margine apposita sunt.

38) Haec nota et sequens in Editt. 1525—1530., 1564. C. desunt.

39) Haec adnot. in Ed. 1564. C. omissa est.

40) Pro hac nota, quam Editt. 1535., 1541., 1543., 1561., 1564. P. praebent, Editt. 1525—1530. habent: Conciliandi artes ἡδῶη ἀτεχνα. In Ed. 1564. C. neutra reperitur.

41) Haec nota in Editt. 1525—1530., 1564. C. deest.

42) Haec notam nonnisi Editt. 1525—1530., 1541. F. exhibent.

43) Haec nota in solis Editt. 1529., 1564. C. invenitur.

44) Haec nota in Editt. 1525—1530., 1564. C. deest.

45) Haec notam nonnisi Editt. 1525—1530., 1564. C. exhibent.

§. 189. *Neque fieri potest*] αἰτιολογία. Natura nos adiuvari ad commovendos alios⁴⁶⁾.

§. 190. *Ut enim nulla*] παραβολή⁴⁷⁾. Nihil nisi admoto igni accenditur.

Cap. XLVI. §. 191. *Ac ne forte*] αἰτιολογία, unde alienos adfectus nobis induamus.

§. 193. *Sed ut dixi*] Confirmat exemplis histrionum. *Tamen in hoc genere*] Fabius⁴⁸⁾ testatur vidisse se histriones, qui deposita persona flerent adhuc.

Cap. XLVII. §. 194. *Quare nolite*] Suo exemplo.

§. 196. *Quamobrem hoc vos*] εἰρωνεία⁴⁹⁾.

Cap. XLVIII. §. 198. *Meam defensionem*] Causa Norbani⁵⁰⁾.

§. 199. *Omniura seditionum*] Maior⁵¹⁾. *Conclusique ita*] Ab exemplis⁵²⁾. *Nullam illa causam*] A causa⁵³⁾. *Tum omnem orationem*] Minor⁵⁴⁾.

Cap. XLIX. §. 200. *Nihil mihi ad existimationem*] A sua Antonii⁵⁵⁾ persona.

Cap. L. §. 204. *Atqui si ita placet*] Praecepta de movendis affectibus⁵⁶⁾.

Cap. LI. §. 205. *Equidem primum consid.*] Ubi conveniat⁵⁷⁾.

§. 207. *Nihil ad utilitatem*] Dignitate et utilitatis mentione conciliari animos.

§. 208. *Atque iisdem his*] Contrariorum eadem disciplina⁵⁸⁾. *Nam si quod ipsis*] Turpitude et damnus odium conflant⁵⁹⁾.

46) Haec nota in Ed. 1564. C. deest.

47) παραβολή] Ed. 1564. C. Parabola. — In Edit. 1564. P. haec nota omissa est.

48) Fabius Quintilianus in inst. orat. VI. c. 2. fin.: Vidi ego saepe histriones atque comoedos, cum ex aliquo graviore actu personam deposuissent, stentes adhuc egredi.

49) εἰρωνεία.] Editt. 1541. F., 1543. Ironia. — In Editt. 1525—1530., 1564. C. haec nota deest.

50) Haec nota in Editt. 1535—1543. omissa est.

51) Haec nota in Editt. 1525—1530., 1564. C. deest.

52) Haec adnot. in Editt. 1541., 1543. desideratur.

53) Haec nota in Editt. 1525—1530., 1564. C. his Cic. verbis, in Editt. 1561., 1564. P. autem sequentibus: *iudices causa agebatur*, adscripta reperitur, in cett. deest.

54) Haec notam tantum Editt. 1535—1543., 1561., 1564. P. habent.

55) Antonii] Ed. 1561. et Antonii.

56) Haec nota in Editt. 1525—1530., 1564. C. deest.

57) Haec nota et sequens in Editt. 1535—1543. omissae sunt.

58) Haec nota in Editt. 1525—1530., 1564. C. deest.

59) conflant] Ed. 1564. C. typogr. errore: constant. — In Editt. 1525—1543. haec nota desideratur.

§. 209. *Item timor incutitur*] Invidiam conflatur⁶⁰⁾ arrogantia, et esse quiddam praeter meritum consecutum.

Cap. LII. §. 211. *Iam misericordia movetur*] Misericordiam conflatur calamitas. *Ita quum singuli*] Miscendos esse leniores affectus et vehementiores⁶¹⁾.

Cap. LIII. §. 213. *Et principia tarda sunt*] Initia leviora⁶²⁾, finis concitator.

§. 214. *Ita misericordiam aut invidiam*] Urgendos esse affectus copia orationis post probationem.

§. 215. *Sed argumento resistendum est*] Docet respondentem, quomodo argumenta sint diluenda. — De confutatione, vel de dissolvendis argumentis. Docet dissolvere argumenta hoc modo. Aut enim propositio aliqua argumenti, vel eius probatio interpretanda est distinctione aliqua, ut cum sic ratiocinor: Christianis non licet vindicare, bellare est vindicare, non licet igitur bellare. Hic maior neganda est, et^{62a)} probatio interpretanda. Aut vitium aliquod est in consequentia, ut: Lex Moisi Iudaeis prohibuit suspendere fures: ergo nobis non licet suspendere fures. Aut solvitur argumentum, si opponatur contrarium, ut: Christus vetat iurare, ergo peccatum est iurare. Hic enim opponitur exemplum Apostoli iurantem⁶³⁾.

§. 216. *Illu autem quae*] Quomodo affectus convellendi.

Cap. LIV. §. 216. *Suavis autem est*] De facetiis.

§. 217. *Quam de ipsis facetiis*] Arte tradi non posse⁶⁴⁾.

60) conflatur] haec vox in hac et seq. nota in Editt. 1525—1530., 1564. C. omissa, e proxime anteced. nota mente supplenda est. — In Editt. 1535—1543. haec nota et sequens desunt.

61) Pro hac nota, quam Editt. 1535—1561., 1564. P., his Cic. verbis adscriptam habent, in Editt. 1525—1530., 1564. C. sequentibus verbis Cap. LIII. §. 212. apposita est haec: ἡθροῦν παθητικῶν misceri.

62) leviora] sic Editt. 1525—1530.; Editt. 1561., 1564. leviora. — In Editt. 1535—1543. haec nota et sequens desunt.

62a) et] in Ed. 1541. F. deest.

63) Editt. 1535., 1541. F., 1543., 1564. C. utramque huius notae partem continent; Editt. 1525—1530. solam priorem: Docet — diluenda.; Ed. 1541. B. tantum posteriorem: De confutatione — iurantem. Editt. 1561., 1564. P. habent hanc: De confutatione, vel dissolvendis argumentis. Docet autem, quomodo argumenta sint diluenda.

64) Haec nota non nisi in Editt. 1525—1530., 1561., 1564. invenitur.

§. 218. *Etenim quum duo genera*] Distributio. — Duo sunt genera facetiarum, alterum est triste, alterum perpetua hilaritas, ut est oratio Terentii⁶⁵⁾.

§. 220. *Quid enim hic meus*] Exempla, et proficisci vultum et ἀρετὴν esse⁶⁶⁾.

§. 221. *Curiana defensio*] Id est⁶⁷⁾, de testamento.

§. 222. *Nam ea dicta appellantur*] Dicta, quae dicantur⁶⁸⁾.

Cap. LV. §. 223. *Modo enim existi de balneis*] Significavit balneas in patrimonio relictas decoxisse⁶⁹⁾.

§. 226. *Ne in rutis quidem et caesis*] De verborum significationibus scribit Mucius⁷⁰⁾: In rutis et caesis ea sunt, quae terra non tenentur, quaeque opere structili tectoriove non continentur⁷¹⁾.

Cap. LVI. §. 229. *Haberi enim dixisti*] Regulae.

Cap. LVII. §. 232. *Hic quum Sulpicius*] Hic locus admonet nos, quam vim habeant artes rhetoricae⁷²⁾. *Sed ego in his praeceptis*] Ars prodest ad iudicandum, utrum repertis argumentis evagemur extra propositum, an apta dicamus, an cohaerentia, etc.⁷³⁾.

§. 233. *Ego vero, inquit*] Exordium Caesaris⁷⁴⁾. *Quis enim sese commovere p.*] Benevolentiam extenuatione captat.

Cap. LVIII. §. 235. *De risu quinque sunt*] Propositio⁷⁵⁾. *Atque illud primum*] Quid sit risus.

§. 236. *Locus autem*] Materia. *Est autem*] Sitne oratoris.

65) Editt. 1535—1564. utramque huius notae partem habent, Editt. 1525—1530. autem solam priorem: Distributio.

66) Haec nota tantum in Editt. 1525., 1530. reperitur.

67) id est] sic Editt. 1535., 1541. F., 1543.; Editt. 1541. B., 1561., 1564. P. scilicet. — In Ed. 1564. C. haec nota deest.

68) Hanc notam solae Editt. 1529., 1561., 1564. praebent.

69) Haec nota in Editt. 1525—1530., 1564. C. deest.

70) Quintus Mucius Scaevola libro singulari Ὁρῶν, ex quo verba sequentia afferuntur in Digest. lib. L. tit. 16. de verborum significatione, fr. 241. — De hoc Iuriconsulto insigni conf. Pauly: Real-Encycl. T. V. p. 184—187. et infra nota ad Cic. de Orat. I. III. c. 3. §. 10.

71) Haec nota tantum in Editt. 1525—1530. legitur.

72) Haec nota in Editt. 1525—1530., 1564. C. desideratur.

73) Haec nota in Editt. 1525—1530. deest.

74) Hanc notam et sequentem tantummodo Editt. 1525—1530., 1561., 1564. exhibent.

75) Haec nota in Editt. 1529., 1564. C. deest.

§. 237. *Quatenus autem*] Quatenus.

Cap. LIX. §. 240. *Duo enim sunt genera*] Facetia re, dicto. — Facetum ex re: narratio, apologus, historia, similitudo, *ὑπερβολαὶ*, causae, *εἰρωνεῖαι*, inversio causae, non intellecta, retorta, suspiciosa, patienter dicta, coniecturae, discrepantia, reprehensio, mores, *ἀπροσδόκητα*, imitatio gestus. Facetum ex dicto: ambiguum, *ἀπροσδόκητον*, *παρονομασία*, *ἐτυμολογία*, versus, *παροιμία*, *μεταφοραὶ*, *εἰρωνεῖαι*⁷⁶⁾, contraria⁷⁷⁾.

§. 241. *Perspicitis hoc genus*] Res narrando, imitando.

§. 242. *In re inest*⁷⁸⁾ *item*] De imitatione gestuum⁷⁹⁾. *Si nimia est imitatio, sicut obsc.*] Vitanda verborum turpitudine, obscenitas in imitando⁸⁰⁾.

Cap. LX. §. 244. *In dicto*] Ex dicto⁸¹⁾. *Scurrilis oratori dicacitas*] Vitanda scurrilitas⁸²⁾. *Qui igitur distinguemus*] Discrimen scurrilitatis et dicacitatis⁸³⁾.

§. 246. *Manus lava*] Quo notavit aliquem reum repetundarum⁸⁴⁾.

Cap. LXI. §. 248. *Sed hoc mementote*] Idem loci⁸⁵⁾ et iocorum et seriorum. Sunt enim facetiae duplices, quaedam ioci tantum, comparati ad risum movendum, ut est: Nisi lagena nos defecisset, occidissemus te. Quaedam seriae, quibus perstringas alios, ut: Furem video: aut laudes etiam, ut illud: Nimirum plus fidei mihi quam eloquentiae est⁸⁶⁾.

76) *εἰρωνεῖαι*] sic Editt. 1525., 1530.; Ed. 1529. *εἰρωνεῖα*.

77) Editt. 1525 — 1530. utramque huius notae partem continent, Editt. 1535., 1541. F., 1543 — 1564. solam priorem: Facetia re, dicto. In Ed. 1541. B. utraque eius pars et sequens nota desunt.

78) *inest*] sic Ed. Orell.; illae Editt. *est*.

79) *gestuum*] sic Editt. 1535 — 1543.; Editt. 1561., 1564. P. *gestus*. — In Editt. 1525 — 1530., 1564. C. haec nota deest.

80) Hanc notam tantum Editt. 1525 — 1530., 1561., 1564. habent.

81) Haec nota in Editt. 1541. B., 1564. C. desideratur.

82) Hanc notam solae Editt. 1525 — 1530., 1564. C. praebent.

83) Haec nota nonnisi in Editt. 1535 — 1543. invenitur.

84) *reum repetundarum*] Ed. 1541. B. *repetundarum reum*. — In Editt. 1525 — 1530., 1564. C. haec nota deest.

85) *idem loci*] Ed. 1561. *Eidem locum*; Ed. 1564. P. *Eidem loci*.

86) *quam eloquentiae est*] Ed. 1561. *est quam eloquentia*; Ed. 1564. P. *est quam eloquentiae*. — In Ed. 1564. C. *haec nota deest*.

§. 250. *Calvus satis est*] Ambiguum est, satis, nam id multum admodum alioqui significant hic mutat, Satis est quod dicit, si pauca dicit, quia nimium et ineptum est; si plura dicit malus orator⁸⁷⁾.

§. 251. *Atque hoc etiam*] Vitia vitanda facetis⁸⁸⁾.

Cap. LXII. §. 251. *Quare primum genus*] 1. Distortum os⁸⁹⁾.

§. 252. *Alterum genus est*] 2. Imitatio morum⁹⁰⁾. *Tertium oris depravatio*] 3. Vox. *Quartum obscenitas*] 4. Obscenitas⁹¹⁾. *De tractis igitur*] *σχήματα διανοίας*⁹²⁾. *Quod mutatis verbis*] *σχήματα λέξεως*⁹³⁾.

§. 253. *Ambigua sunt*] Primus locus, ambiguum.

Cap. LXIII. §. 255. *Sed scitis esse notiss.*] Secundus, *ἀπροσδόκητον*.

§. 256. *Alterum genus est*] Tertius, *παρονομασία*.

§. 257. *Etiam interpretatio*] Quartus, *ἐτυμολογία*.

Cap. LXIV. §. 257. *Saepe etiam*] Quintus, versus. *Tuam legem de civitate*] Nam Crassus legem tulit de civibus regundis, hoc est, ut cuius quisque civitatis civis erat, is eo sese reciperet, nec Romae haereret tanquam Romanus civis⁹⁴⁾.

§. 258. *In hoc genus*] Sextus, proverbialia. *Agas asellum*] Per eclipsim intelligendum est, id est⁹⁵⁾, agaso.

Cap. LXV. §. 261. *In verbis etiam illa sunt*] Septimus, *μεταφοραὶ*⁹⁶⁾.

§. 262. *Invertuntur autem verba*] Octavus, *εἰρωνεῖαι*⁹⁷⁾.

§. 263. *Ornant igitur*] Nonus, contraria.

87) Hanc notam solae Editt. 1525 — 1530. exhibent.

88) Haec nota in Editt. 1561., 1564. P. deest.

89) Haec nota nonnisi in Editt. 1525 — 1530., 1535., 1564. C. reperitur.

90) Haec nota et sequens in Editt. 1541. B., 1561., 1564. P. desunt.

91) Haec nota in Ed. 1541. B. est omissa.

92) Haec adnot. in Editt. 1525 — 1530., 1564. C. deest.

93) Haec nota praeter eandem 4 Editt. etiam in Ed. 1541. B. desideratur.

94) Haec nota in solis Editt. 1525 — 1530. invenitur.

95) *est, id est*] in Ed. 1564. P. omiss. — In Editt. 1525 — 1530., 1564. C. haec nota deest.

96) *μεταφοραὶ*] Editt. 1561., 1564. *metaphorae*.

97) *εἰρωνεῖαι*] Ed. 1543. *Ironia*; Editt. 1561., 1564. *Ironiae*.

Cap. LXVI. §. 264. *Rerum plura sunt*] Rerum loci. Narratio⁹⁸⁾. *Narrationes apologorum*] Apologi. Historiae⁹⁹⁾.

§. 265. *Ex similitudine*] Similitudo.

§. 267. *Etiam illa, quae*] ὑπερβολαί¹⁰⁰⁾.

§. 268. *Arguta etiam*] Causa.

Cap. LXVII. §. 269. *Urbana etiam dissimulatio*] εἰρωνείαι¹⁾.

§. 273. *Acutum etiam illud*] De inversione²⁾.

Cap. LXVIII. §. 275. *Ex quo genere*] Non intellecta.

§. 277. *Est bellum illud*] Retorsio³⁾.

Cap. LXIX. §. 278. *Salsa sunt etiam*] Suspiciosa.

§. 279. *Huic generi*] Patienter dicta.

§. 280. *Movent illa etiam*] Coniecturae. *AFP*] P. M. Pestis maxima⁴⁾.

Cap. LXX. §. 281. *Est familiaris reprehensio*] Reprehensio⁵⁾.

§. 282. *Huic similis est etiam admonitio*] Admonitio⁶⁾.

§. 283. *Bellum etiam est*] Mores⁷⁾.

§. 284. *Sed ex his omnibus*] ἀπροςδόκητα⁸⁾.

§. 285. *Potest fieri inquit*] Isagoge seu inductio⁹⁾.

Cap. LXXI. §. 288. *Sed haec ipsa*] ἐπίλογος¹⁰⁾.

98) Narratio.] in Ed. 1541. B. omiss.

99) Historiae.] Ed. 1541. F. Historia. — In Ed. 1541. B. haec nota et sequens desunt.

100) ὑπερβολαί.] Editt. 1561., 1564. P. Hyperbole. — In Editt. 1529., 1564. C. haec nota et sequens desunt.

1) εἰρωνείαι] Ed. 1541. F. Ironiae; Editt. 1561., 1564. Ironia; in Ed. 1541. B. deest.

2) Pro hac nota, quam Editt. 1535—1543. exhibent, Ed. 1525. habet: Inversio causae; in cett. deest.

3) Retorsio] sic Editt. 1535—1543.; Editt. 1525—1530., 1561., 1564. Retorta.

4) Pro his in Editt. 1541. B., 1564. P. leguntur: Sic P. M. pestis maxima, Pont. Max. — In Editt. 1529., 1561., 1564. C. haec nota deest.

5) Haec vox, quae aequae ac sequens eo tantum consilio e Cic. verbis in margine repetitur, ut orationis artificium facilius cognoscatur, in Editt. 1561., 1564. recte His Cic. verbis est adscripta, in ceteris autem Editt. apposita est sequentibus Cic. verbis §. 282. *Huic similis est.*

6) Haec vox his Cic. verbis in Editt. 1561., 1564. C. adscripta, in ceteris Editt. deest.

7) Haec nota in Ed. 1564. P. deest.

8) ἀπροςδόκητα] Ed. 1561. ἀπροςδόκητον; in Ed. 1564. P. omiss.

9) Haec nota in Editt. 1525—1530., 1564. C. deest.

10) ἐπίλογος] Editt. 1529., 1541., 1561., 1564. Epilogus.

§. 290. *Sed iam tu, Antoni*] Conclusio¹¹⁾. *Ego vero atque*] Antonii oratio de iudicio. Primum autem monet de delectu, ut bona eligamus, et mala arte occultemus. Deinde videndum, ne quid mali faciamus in causa¹²⁾.

Cap. LXXII. §. 291. *Ego enim, quem*] Repetitio de iudicio¹³⁾. *Tum constituo quid h.*] Delectus.

§. 292. *Sed ut totum*] Duas regulas proponit extra artem¹⁴⁾.

§. 293. *Summa denique huius g.*] Quae tegenda ac dissimulanda¹⁵⁾.

§. 294. *Non modo non abiecto*] παραβολή de re militari¹⁶⁾.

§. 295. *Alterum est illud*] Nihil malefacere¹⁷⁾.

Cap. LXXIII. §. 295. *Sed quid hoc loco*] ἀποστροφή¹⁸⁾.

§. 296. *Ego mehercule*] Occupatio.

Cap. LXXIV. §. 299. *Ut apud Graecos*] Amplificat ab exemplo. *Gratius sibi illum esse facturum*] Ut est Friderici imperatoris sententia, quae et Norimbergae in aere est scripta: Rerum irrecuperabilium summa foelicitas est oblivio¹⁹⁾.

§. 300. *Sed neque propter*] Accommodat argumentum²⁰⁾.

11) Haec nota in Editt. 1525—1530., 1564. C. deest.

12) Pro hac nota, quam Editt. 1535., 1541., 1543. praebent, Editt. 1525—1530. habent: Antonii sermo, quo pertexit reliquam disputationem, repetit autem quaedam ex superioribus, πιστεῖς, ἡθῆ, πύθῆ. Ed. 1564. C. utramque, haec in margine, alteram in scholiis libro II. annexis continet. Editt. 1561., 1564. P. tantummodo exhibent verba: Antonii oratio de iudicio.

13) Haec nota et sequens in Editt. 1525—1530., 1564. C. desunt.

14) Haec nota non nisi in Editt. 1525., 1529., 1564. C. invenitur.

15) Pro hac nota, quam Editt. 1535., 1541., 1543., 1561. praebent, Editt. 1525—1530., 1564. C. habent: Quae urgenda, quae dissimulanda. — In Ed. 1564. P. neutra exstat.

16) Haec nota in Editt. 1525—1530., 1564. C. deest.

17) Haec adnot. in Editt. 1535—1543. est omissa.

18) Haec nota in Editt. 1525—1530., 1564. C. desideratur.

19) In arce imperatoris, quae Norimbergae exstat, supra fores conclavis, quod caesareum appellatur, haec verba aureis literis scripta leguntur: „Fridericus tertius Romanorum Imperator. Rerum irrecuperabilium summa felicitas est oblivio.” Hic enim imperator saepius hac urbe, praesertim in hoc conclavi annis 1442., 1444., 1471., 1474., longissime autem a. 1487. commorabatur. Conf. Chr. G. von Murr: Beschreibung der vornehmsten Merkwürdigkeiten in Nürnberg und Altdorf. Nürnberg 1778. 8. p. 387. et 379. — Illa nota tantum in Editt. 1525—1543., 1564. C. invenitur.

20) Haec nota in Editt. 1525—1530., 1564. C. deest.

§. 301. *Saepe aliquis testis*] De exemplis sui generis²¹⁾. *Homines enim imperiti*] γνώμη²²⁾.

Cap. LXXVI. §. 307. *Itaque nunc illuc*] Principalium partium generalis dispositio.

§. 308. *Ut vero statuamus*] De dispositione argumentorum²³⁾.

Cap. LXXVII. §. 310. *Et quoniam, quod*] Quomodo disponantur ἡθῆ καὶ πάθη²⁴⁾. *Reliquae duae*] Adspersi τὰ ἡθῆ καὶ πάθη omnibus orationis partibus, sed tamen potissimum locum esse eis in exordio, post narrationem epilogis²⁵⁾.

§. 311. *Sed his partibus*] Ubi ponendae sint digressiones²⁶⁾.

§. 312. *Itaque vel narratione*] Amplificatio aliqua post narrationem ponenda. *Recte id fieri potest*] In Murenæ causa²⁷⁾. *Exitus dant ad eiusmodi*] Digressiones nihil sunt nisi ἐπιφωνήματα, quae sunt verae amplificationes ad locum communem²⁸⁾.

§. 315. *Hisce omnibus rebus*] De exordiis. Utendum esse exordiis²⁹⁾.

Cap. LXXVIII. §. 315. *Prima est enim quasi cognitio*] Cognitio, alii Coitio prima semper acerrima est³⁰⁾.

§. 316. *Sed hominem*] Amplificat exemplo³¹⁾. *Quum brachium concalefecerit*] παραβολὴν³²⁾ retorquet. Metaphora sumpta³³⁾ a militibus, qui non antea exercent brachium, quam pugnent³⁴⁾.

§. 317. *Nihil est denique*] A natura rerum³⁵⁾.

21) Pro hac nota, quam Editt. 1535 — 1561., 1564. P. exhibent, in Editt. 1525 — 1530., 1564. C. legitur: Cavenda. Exempla regulæ (1525. 1530. Cavenda exempla r.).

22) Haec nota et sequens in Editt. 1525 — 1530., 1564. C. desunt.

23) argumentorum] in Editt. 1525 — 1530., 1561., 1564. C. deest.

24) Haec nota in solis Editt. 1525., 1530. reperitur.

25) Haec nota in Editt. 1535 — 1561., 1564. P. deest.

26) Haec nota et sequens in Editt. 1525 — 1530., 1564. C. desunt.

27) Hanc notam tantum Editt. 1525 — 1530., 1561., 1564. exhibent.

28) Haec nota in Editt. 1525 — 1530., 1561. deest.

29) Haec nota in Ed. 1541. B. est omissa.

30) prima semper acerrima est.] haec in Editt. 1525., 1529., 1564. C. desunt.

31) exemplo.] Editt. 1561., 1564. P. ab exemplo.

32) παραβολὴν] Editt. 1561., 1564. Parabolam.

33) Metaphora sumpta] sic Editt. 1535., 1541. B., 1543.; Ed. 1564. P. quae sumpta est.

34) Editt. 1525 — 1530., 1541. F., 1561., 1564. C. solam priorem huius notae partem habent: παραβολὴν (s. Parabolam) retorquet.

35) A natura rerum.] sic Editt. 1525 — 1543., 1564. C.; Editt. 1561., 1564. P. A rerum natura.

Cap. LXXIX. §. 320. *Omne autem principium*] Tres loci exordiorum³⁶⁾.

§. 321. *Ex reo*] Omnia illa praecepta sunt in exordio Demosthenis περὶ στεφάνου³⁷⁾.

§. 324. *Maximam autem copiam*³⁸⁾] Quae supra de affectibus dicta sunt, illa ad exordia³⁹⁾ pertinent⁴⁰⁾.

Cap. LXXX. §. 325. *Audientiam sibi fieri*] Audientiam, scilicet novam⁴¹⁾.

§. 326. *Narrare vero*] De narratione.

§. 329. *Quod et difficilius est*] Difficillimum dilucidam narrationem texere⁴²⁾.

Cap. LXXXI. §. 330. *Sed quando utendum sit*] Quando utendum narratione⁴³⁾.

§. 331. *Sequitur, ut causa*] De statu⁴⁴⁾. *Numque una*] Confirmatio et confutatio.

§. 332. *Omnia autem concludenda*] Amplificatio et⁴⁵⁾ peroratio.

§. 333. *Neque sane iam*] De genere deliberativo⁴⁶⁾.

§. 334. *Ergo in suadendo*] Loci. Dignitas⁴⁷⁾. Utilitas.

Cap. LXXXII. §. 336. *Sed quid fieri possit*] A necessitate⁴⁸⁾. *Inciditur enim*] Inciditur, id est, tollitur⁴⁹⁾.

36) Tres loci exordiorum.] sic Editt. 1535 — 1543.; Editt. 1561., 1564. P. Loci exordiorum tres; Editt. 1525 — 1530., 1564. C. Loci exordiorum.

37) Hanc notam tantum Editt. 1535 — 1561., 1564. P. praebent.

38) Maximam . . copiam] sic Ed. Orell.; illae Editt. *Maxima . . copia*.

39) illa ad exordia] Ed. 1561. ad illa exordia.

40) Pro hac nota, quam Editt. 1535 — 1561., 1564. P. habent, Editt. 1529., 1564. C. exhibent: Quomodo disponantur ἡθῆ καὶ πάθη (1564. C. ethe et pathe). In Editt. 1525., 1530. neutra exstat.

41) Haec nota in Editt. 1525 — 1530., 1541. B., 1564. C. deest.

42) Haec nota in Ed. 1541. B. deest.

43) utendum narratione] sic Editt. 1535 — 1543.; Editt. 1561., 1564. P. narratione utendum. — In Editt. 1525 — 1530., 1564. C. haec nota deest.

44) De statu] sic Editt. 1535 — 1561., 1564. P.; Editt. 1525 — 1530., 1564. C. Propositio.

45) Amplificatio et] haec in Editt. 1525 — 1530., 1564. C. desiderantur.

46) Pro hac nota, quam Editt. 1535 — 1564. P. exhibent, Editt. 1525 — 1530., 1564. C. habent: De suasoriis.

47) Loci. Dignitas] Editt. 1541. B., 1561., 1564. P. Loci dignitas. — Hae voces et sequens e Cic. verbis in margine repetitae sunt, aequae ac, e. g. c. 70. §. 231.

48) Pro hac nota, quam Editt. 1535 — 1561., 1564. P. habent, in Editt. 1525 — 1530., 1564. C. legitur: Necessitas. Impossibilitas.

49) Haec nota in Editt. 1525 — 1530., 1543., 1564. C. deest.

§. 337. *Ad consilium autem*] ἀτρυνα.

Cap. LXXXIII. §. 339. *Et quum sint popu- res*] Vitia vitanda, ne quid inepte dicas, ne nos laedas, ne turpia dicas, ne commoveare more multitudinis. *Tum obiurgatio*] Remedia ponit singulis vitiis omnia⁶⁰⁾.

Cap. LXXXIV. §. 341. *Nec illud tertium*] laudatorio genere⁶¹⁾. *Ipsi enim Graeci*] iis usus ἐπιδεικτικοῦ⁶²⁾.

§. 342. *Perspicuum est igitur*] Duo genera norum⁶³⁾.

§. 343. *Virtus autem*] Duplices virtutes, vulnotae, ut αἱ Καίσαρος⁶⁴⁾.

§. 344. *Omnes enim hae*] Obscurae, ut αἱ Ἰτωνος⁶⁵⁾.

Cap. LXXXV. §. 345. *Quid cum aequabili- e*] ἐπιείκεια⁶⁶⁾.

§. 346. *Quae vero etiam*] Exemplum est Facontatio⁶⁷⁾.

§. 347. *Neque tamen illa*] Peregrina. Iudim hominum. *Sumendae autem*] Non sunt nia laudanda, sed praestantiora⁶⁸⁾.

§. 350. *Habetis de inveniendis*] ἐπίλογος⁶⁹⁾.

Cap. LXXXVI. §. 351. *Sed ut ad rem*] De moria. Memoria magna ex parte naturae boate contingit, adiuvatur aliqua ex parte etiam

) omnia] in Editt. 1529., 1564. C. omiss.

) De laudatorio genere.] sic Editt. 1525—1543., 1564. C.; Ed. 1564. P. De genere laudatorio; Ed. 1561. De genere laudativo.

) ἐπιδεικτικῶν] Editt. 1561., 1564. demonstrativi generis.

) Pro hac nota, quam Editt. 1535—1543. exhibent, Editt. 1525—1530., 1561., 1564. habent: Duplicita bona.

) αἱ Καίσαρος] Editt. 1561., 1564. illae Caesaris.

) αἱ Ἰτωνος] Ed. 1564. P. Catonis. In Editt. 1561., 1564. C. haec nota, quae in Ed. 1541. B. cum antecedente in unam est coniuncta, desideratur.

) ἐπιείκεια] sic Editt. 1525—1530.; Editt. 1561., 1564. Epiceia. In cett. Editt. haec nota deest.

) Haec nota ab Editt. 1525—1530., 1564. C. abest.

) Haec adnot. in Editt. 1525—1530., 1564. C. deest.

) ἐπίλογος] sic Editt. 1525., 1530., 1535., 1541. B., 1543.; Editt. 1529., 1541. F., 1561., 1564. Epilogus.

arte. Actio tota iam est alia quam olim fuit, de qua infra plura dicet⁶⁰⁾.

§. 354. *Itaque iis qui*] Primum praeceptum de capiendo loco, et est de⁶¹⁾ rerum memoria. *Sic fore, ut*] Amplificat ab usu artis⁶²⁾.

Cap. LXXXVII. §. 357. *Vidit enim hoc*] Memoria adiuvatur signis externis⁶³⁾.

§. 358. *Quare ne in re*] Secundum praeceptum de imaginibus capiendis⁶⁴⁾. *Quam facultatem et exercitatio*] Duplices similitudines, rerum et verborum⁶⁵⁾.

Cap. LXXXVIII. §. 361. *Habetis sermonem*] Conclusio⁶⁶⁾ et παρασκευή ad sequentem dialogum⁶⁷⁾.

Cap. LXXXIX. §. 362. *Nec enim te ista*] Id est, Graecas artes⁶⁸⁾.

§. 364. *An aetatem afferet*] Invitatur Crassus.

Cap. XC. §. 367. *Si quod difficilius est*] Dilemma. *Opus hoc censorium*] Scilicet⁶⁹⁾ praestare fidem.

60) Pro hac longiore nota, quam Editt. 1535., 1541. B., 1543., 1564. C. continent, in Editt. 1525—1530., 1541. F., 1561., 1564. P. tantum legitur: De memoria.

61) capiendo loco, et est de] sic Editt. 1535—1543.; Ed. 1561. P. capiendo loco, et de. — In Editt. 1525—1530., 1564. C. pro hac nota, e Cic. verbis locorum ordo etc. in margine repetita sunt: Ordo. Loci. Imagines. Editt. 1561., 1564. P. eadem post hanc notam praebent.

62) ab usu artis] sic Editt. 1525—1543., 1564. C.; Ed. 1561. ab usitatis. — In Ed. 1564. P. haec nota deest.

63) Pro hac nota, quam Editt. 1535—1561., 1564. P. habent, in Editt. 1525—1530., 1564. C. legitur: Fons artis.

64) Editt. 1525—1530., 1564. C. pro hac nota, quam Editt. 1535—1561., 1564. P. exhibent, Cic. verba: Loci. Imagines, in marg. repetunt.

65) Haec nota in solis Editt. 1525., 1529., 1564. C. invenitur.

66) Conclusio] sic Editt. 1535—1543.; Editt. 1561., 1564. P. Epilogus.

67) In Editt. 1525—1530., 1564. C. pro hac nota, sola vox: ἐπίλογος (1529., 1564. C. Epilogus) legitur.

68) Haec nota in Editt. 1525—1530., 1564. C. deest.

69) scilicet] sic Editt. 1535., 1541. B., 1561., 1564. P.; Ed. 1541. F. id est. — In Editt. 1525—1530., 1543., 1564. C. haec nota desideratur.

IN LIBRUM DE ORATORE TERTIUM

PHILIPPI MELANTHONIS SCHOLIA.

Cap. I. §. 1. *Instituenti mihi*] Propositio: dicam de interitu Crassi ¹⁾).

§. 2. *Ut enim Romam*] Narratio, in qua commemorat genus mortis Crassi. — Cum iudicia penes equestrem ordinem essent et equites damnato Rutilio pro ludibrio ²⁾ vexarent principes civitatis, et depecularentur vectigalia, Drusus conatus est transferre iudicia ad senatum, idque ut efficeret, frumentarias leges tulit. His cum adversaretur Philippus ³⁾, ab senatu abalienatus est, tametsi causam equitum non probabat; nam ipsum quoque contumeliose tractaverunt equites ⁴⁾).

§. 3. *Hic ut saepe*] Collatio ⁵⁾. *Deploravit enim casum*] Perstringit capita argumenti ⁶⁾ Crassi. *Orbitatem senatus*] Quia consul senatum defendere debebat, iam opprimit ⁷⁾).

§. 4. *Pignoribusque ablatis*] De pignoribus ex prima Philippica Ciceronis ⁸⁾ intelligi potest ⁹⁾).

Cap. II. §. 6. *Est lateris dolore*] id est, pleurisi ¹⁰⁾).

§. 7. *O fallacem hominum*] ἐπιφώνημα, quod est applicatio ad aliquem locum communem ¹¹⁾. *Ab honorum perfunctione*] Id est, a censura ¹²⁾).

1) dicam de interitu Crassi.] haec in Editt. 1535—1561., 1564. P.

2) pro ludibrio] sic Editt. 1535., 1541. B., 1543., 1564. C.; Ed. 1541. F. pro libidine.

3) Vid. supra p. 696. notam ad Cic. de Orat. I. I. c. 7. §. 24.

4) Huius notae utramque partem continent Editt. 1535—1543.; Editt. 1561., 1564. P. autem habent solam breviorcm: Narratio, in qua commemorat genus mortis Crassi. Editt. 1525—1530. nonnisi habent vocem: Narratio. Ed. 1564. C. in margine eandem vocem, in scholiis libro III. annexis autem longiorem praebet partem: Cum iudicia — tractaverunt equites.

5) Haec nota et sequens in Editt. 1535—1543. desunt.

6) argumenti] sic Editt. 1525., 1530., 1561., 1564. P.; Ed. 1564. C. argumentorum; Ed. 1529. habet scripturae compendium: argu.

7) Hanc notam tantum Editt. 1535., 1541. B., 1543., 1564. C. exhibent.

8) Cic. orat. Philipp. I, 5, 12.

9) Pro hac nota, quam Editt. 1535—1543. praebent, Editt. 1525—1530., 1564. C. habent in marg.: „De pignoribus Philippica prima”, in scholiis long. autem haec: „Fuisse morem pignora capere, si quis auctoritatem detrectaturus videretur. Testatur et prima Philippica Ciceronis, quid praeter pignus et mulctam”. Editt. 1561., 1564. P.: De pignoribus ablatis Philippica prima.

10) Haec nota in Editt. 1525—1530., 1564. C. deest.

11) Pro hac nota, quae in Editt. 1535—1561., 1564. P. legitur, Editt. 1525—1530., 1564. C. habent: Exclamatio, qua deplorat immaturam mortem. In Editt. 1525. hanc notam antecedit vox ἐπιφώνημα Cic. verbis §. 6. *Namque tum lacus*, in marg. adscripta.

12) Haec nota in Editt. 1525—1530., 1543., 1564. C. deest.

§. 8. *Fuit hoc luctuosum*] ἐπιφώνημα ¹³⁾. *Flagrantem bello*] Bello sociali ¹⁴⁾).

Cap. III. §. 9. *Sed quoniam*] Transitio ¹⁵⁾).

§. 10. *Neque collegae sui*] Collegae scilicet Scaevolae, qui in templo Vestae interfectus est ¹⁶⁾).

§. 12. *Ego vero, te Crasse*] ἀποστροφὴ ad Crassum ¹⁷⁾).

Cap. IV. §. 13. *Mihi quidem*] πάθος. Accommodat historias ad se ¹⁸⁾. *Sententia saepe tua vera*] Amplificatio a γνώμη, λάθη βιώσας ¹⁹⁾).

§. 15. *Neque enim quisquam*] Dialogi ²⁰⁾ commendatio.

Cap. V. §. 17. *Ut igitur ante meridiem*] Dialogus.

§. 19. *Nam quem omnis ex re*] Rerum et verborum scientiam cohaerere.

§. 20. *Ac mihi quidem*] Exemplis amplificat.

Cap. VI. §. 22. *Una est enim*] Laus eloquentiae.

§. 25. *Sed priusquam illa*] Varia esse dicendi genera. — De variis dicendi generibus. Humile genus orationis et exile, sermoni quotidiano quam simillimum est, singularem quandam dissimulationem prae se ferens, nullis utitur metaphoris longius ductis, non atrocibus, sed blandis verbis, nec quidem argumenta procul accersit: verbis proprietatem cum quadam emphasi custodit: amat verecundos iocos, non habet crebras interrogationes, nullos habet omnino atroces motus. Talis est Terentii oratio. Item oratio in Officiis Ciceronis, de Amicitia, etc. et hoc genus plerumque vocant Atticum. Sublime est, quod supra consuetudinem quotidiani sermonis

13) Haec nota in solis Editt. 1525., 1530. reperitur.

14) Bello sociali.] sic Editt. 1535., 1541. F., 1543., 1561., 1564. P.; Ed. 1541. B. sociali bello; in cett. Editt. deest.

15) Transitio] sic Editt. 1535—1543., 1564. P.; Ed. 1561. Translatio; in cett. deest.

16) Q. Mucius P. f. P. n. Scaevola, Pontifex maximus a. n. c. 672. (82. a. Chr.) Martii iunioris iussu ante simulacrum Vestae trucidatus est. Vid. Oic. ad Att. 9, 15, 2. de Nat. D. 3, 32, 80. Conf. Orellii et Baileri Onomast. Tullian. P. II. p. 406 sq. Pauly: Real-Encycl. T. V. p. 185—187. — In Editt. 1525—1530., 1564. C. haec nota deest.

17) Haec nota ab Editt. 1535—1543. abest.

18) Haec nota in Editt. 1525—1530., 1564. C. desideratur.

19) Haec notam tantum Editt. 1525—1530., 1564. exhibent.

20) Dialogi] sic Editt. 1535—1561., 1564. P.; Editt. 1525—1530., 1564. C. Operis.

surgit: longis periodis utitur, recipit metaphoras multas, et saepe procul ductas; motus habet hementes, verba atrocia, argumenta procul cersita: multas habet hypotyposes, cuiusmodi ut quaedam Ciceronis orationes, et quarum orationum partes: item Livii oratio. Errant i hoc genus vocant Asiaticum; nam Asiatica atio tumida est ²¹⁾, et vitiose grandis est, impropria, multas periphrases, metaphoras nimis ocul accersitas, ineptas compositiones, stultas, scuras et absurdas sententias habet. Medium nus temperatum est, magis pictum ²²⁾ quam ticum, sed aliquanto lenius quam subtile nus ²³⁾.

Cap. VII. §. 25. *Nam et auribus]* Amplificat exemplis ²⁴⁾.

Cap. IX. §. 34. *Nonne* ²⁵⁾ fore] Occupatio.

§. 35. *Quod non est ita]* Conclusio de illis neribus dicendi ²⁶⁾. *Videndum, quo sua emque]* Urgenda natura.

Cap. X. §. 37. *Ergo haec et agenda]* Praepta de eloquentia ²⁷⁾. — Eloquentiam constare tribus: sermone grammatico, figuris, et amplificationibus. Priores duas partes assequi non difficile. Primum enim simplex sententia incipitur, ut: Scientia literarum est utilis. Secundus gradus est, haec verba figuris variare, : Nulla possessio neque melior est, neque suavis, cognitione honestarum artium. Tertia pars consistit in figuris sententiarum, ut in amplificationibus, in distributionibus, in causis et effectibus, in similitudinibus, in contrariis, ut si is depingat vitam earum gentium, quae nullas eras norunt, et cum humanioribus gentibus conferat. Hic commemorandi sunt effectus literarum, quomodo ad publicam tranquillitatem osint, quia iura et religiones continent. Bar-

bari quia nullas literas norunt, sine iure certo ²⁸⁾ vivunt, perpetua latrocinia exercent. Talis est fere Cyclopium imago apud Homerum ²⁹⁾. Et in hac tertia parte regnant Cicero et Livius. Atque haec pars tractari non potest sine magna rerum scientia. Nam cum volumus aliquid illuminare dicendo, oportet nos eius rei causas et effectus penitus pervidere: ita demum fiet, ut res offerant nobis idonea verba. Ut si quis de Turcico bello dicat, necesse est eum scire, quod liceat Christianis belligerare ³⁰⁾, quod pium sit opus, et inter officia charitatis pulcherrimum et sanctissimum depellere immanissimos latrones, retinere praesentem statum reipublicae. Ideo Crassus ad hanc partem necessariam esse rerum scientiam contendit. Porro ad haec certa quaedam periodorum compositio accedere debet, quam nondum assecuta est nostra aetas ³¹⁾.

§. 38. *Atque eorum quidem]* Oratio sit Latina, dilucida, ornata, apta ³²⁾. *Alterum adhibetur]* Prima virtus est in oratione perspicuitas ³³⁾.

§. 39. *Neque tamen erit]* Praecepta de genere sermonis ³⁴⁾.

Cap. XI. §. 41. *Nam de voce]* Pronuntiatio puerilis ³⁵⁾.

§. 42. *Me autem tuus sonus]* Hunc Catulum facit Cicero oratorem Atticum ³⁶⁾.

Cap. XIII. §. 48. *Neque vero in illo]* De perspicuitate ³⁷⁾.

Cap. XIV. §. 51. *Atqui vides]* Ironia ³⁸⁾.

28) certo] sic Editt. 1535—1543.; in Ed. 1564. C. deest.

29) Hom. Odys. IX, 106 sqq.

30) belligerare] sic Ed. 1564. C.; Editt. 1535—1543. belligerari.

31) Huius notae utramque partem continent Editt. 1535—1543., 1564. C.; Editt. 1525—1530., 1561. solam priorem breviorum; Ed. 1564. P. autem haec habet: Eloquentiam constare his tribus: sermone grammatico, figuris et amplificationibus. — De eloquentia praeccepta.

32) Haec nota in Editt. 1535—1543. deest.

33) Haec nota in Editt. 1525—1530., 1564. C. desideratur.

34) Pro hac nota, quam Editt. 1535—1564., 1564. P. praebent, Editt. 1525., 1530. habent: Sermo ait latinus; in Editt. 1529., 1564. C. neutra reperitur.

35) Haec nota in Editt. 1535—1543. deest.

36) Haec nota ab Editt. 1525—1530., 1564. C. abest.

37) Pro hac nota, quam Editt. 1535—1543., 1564. P. h. i. praebent, Editt. 1525—1530., 1564. C. habent: Sit dilucidus. Ed. 1561. utramque exhibet, haec; „Sit dil.“ Cic. verbis *Neque vero*, illam autem: „De perap.“ verbis anteced. *Praeterea* *igitur*, in marg.; appositam.

38) Haec nota in sola Ed. 1541. F. invenitur.

21) est] in Ed. 1541. B. deest.

22) pictum] Editt. 1543., 1564. C. typogr. errore: dictum.

23) Huius notae utramque partem continent Editt. 1535., 1541. F., 1543., 1564. C.; Ed. 1541. B. habet solam longiorum: „De variis—subtile genus“, Editt. 1525—1530., 1561., 1564. P. tantum breviorum: *Varia esse dicendi genera* (1561., 1564. P.: V. dicendi esse g.).

24) Amplificat exemplis] sic omnes Editt. excepta Ed. 1543., in qua: Exemplis amplificat.

25) *Nonne]* sic Ed. Orell.; illae Editt. *Numne*.

26) generibus dicendi] sic Editt. 1535., 1543., 1564.; Ed. 1541. B. dicendi generibus. In cett. Editt. haec nota deest.

27) Praecepta de eloquentia] sic Editt. 1535., 1541.; Editt. 1525—1530., 1561., 1564. C. De elocutione praeccepta; Ed. 1543. Praecepta de elocutione.

§. 53. *In quo igitur*] De ornatu. Compre-
hendit autem hoc titulo figuras et amplificationes³⁹⁾.

§. 54. *Quare omnes istos*] Praeparatio ad
disputationem de philosophia⁴⁰⁾. *Verum enim
vero*⁴¹⁾ *oratori*] De philosophia⁴²⁾.

39) Hanc notam Editt. 1535—1543., 1564. continent; Editt.
1525—1530. in margine verba: De ornatu; in scholiis
autem hanc notam habent:

Ornatus est	{	In verbis: cum blan- dibus, atrocibus, tri- stibus, amarulentis verbis insigniora reddimus ea, de qui- bus dicimus.	Blandum	{	Nos dulcia linquimus arva a).
			Atrox		Dat tibi fortunae parva prioris Munera b)
			Triste		Dii talem terris averte pestem c).
			Amarulentum		Item furiale malum d). Primitiae iuvenis mise- rae bellicae propinqui Dura rudimenta e).

Ventosa in lingua pe-
dibusque fugacibus
istis f).

In rebus: cum loci communes asperguntur orationi virtu-
tum aut vitiorum etc.
Item similitudines, distributiones, *εἰκόνες*, de quibus dili-
genter praecipit Erasmus in secundo de Copia commen-
tario g).

Et quia locos communes philosophi tractant, philoso-
phiae operam dare iubet Crassus, ut inde tanquam ex
fonte loci communes petantur. Sic Cicero orationem Mu-
renae ornavit, cum in exordio de officio amici disseruit.
Postea eloquentiam cum scientia iuris et rei militaris
confert. Item multa passim de pace, de seditionibus, et
similibus locis aspersis Cicero suas orationes adornavit.

Certa quaedam inesse debent emblemata, quae prae-
terea eminent sicut stellae, et sic asperguntur, ut paene
eximi possint aut mitti, ut illud apud Terentium: Sapienter
vitam instituit, namque hoc tempore Obsequium amicos,
veritas odium parit h). Et illud: Troiae et patriae com-
munis Erinnyis i). Potuit enim aliter dici Helenam fuisse
exitio Troiae et Graeciae, sed atrocius est, cum Erinnyem
vocat. Praeter haec perpetuam orationem oportet esse
nitidam, eaque omnia, quae sic dicuntur, ut eximi non
possint, spirare oportet verbis significantiae plenioris.
Exemplum habes narrationem primam Andriae, eorum
obsequi studiis, adversus nemini etc. Item hoc: Sine in-
vidia laudem invenies et amicos pares k). — In Ed.
1561. nominis legitur: De ornatu.

a) Virg. Bucol. Ecl. I, 3. Nos patriae fines et dulcia lin-
quimus arva.

b) Virg. Aen. VII, 243. 244.

c) Ibid. III, 620.

d) Ibid. VII, 375.

e) Ibid. XI, 156. 157.

f) Ibid. XI, 390.

g) Des. Erasmi Rot. de duplici copia verborum ac rerum
commentarii duo. — In huius libri commentario secundo
de rerum copia disserit, in cuius cap. 14. de parabola s.
similitudine et de imagine agit.

h) Terent. Andria I, 1, 40. 41.

i) Virg. Aen. II, 573.

k) Terent. Andria I, 1, 39. Sine invidia invenias laudem,
et amicos pares.

40) Haec nota in Editt. 1525—1530., 1564. C. deest.

41) *vero*] sic Ed. Orell.; in illis Editt. deest.

42) Pro hac nota, quam Editt. 1535—1561., 1564. P. ex-
hibent, in Editt. 1525—1530. in marg. adscripta sunt:
Eloquentia complectitur prudentiam *ἢ φιλοσοφίαν*; in Ed.
1564. C. eodem leguntur ommissis verbis: *ἢ φιλοσοφίαν*.

Cap. XV. §. 56. *Hanc, inquam, cogitandi*
Excursus de philosophia: et dicit⁴³⁾ veteres con-
iunxisse philosophiam et eloquentiam. — σοφοί⁴⁴⁾.

§. 57. *Ut illum efficeret oratorem*] Homerus⁴⁵⁾:
*Μύθων τε ῥητῆρ' ἔμεναι, προηκτιῆρά τε ἔργων*⁴⁶⁾.

Cap. XVI. §. 59. *Hanc dicendi exercitationem*
Scissae professiones⁴⁷⁾.

§. 61. *Proseminatae sunt*] De sectis et quam
probet⁴⁸⁾.

Cap. XVII. §. 63. *Ex illis autem, quae*] Quod
philosophiae genus maxime sit aptum⁴⁹⁾ oratori.

Cap. XVIII. §. 67. *Reliqui sunt Peripatetici*
Probat *περιπατητικὴν καὶ ἀκαδημικὴν*⁵⁰⁾.

Cap. XIX. §. 69. *Haec autem*] *ἐπίλογος*⁵¹⁾.

§. 72. *Namque ut ante dixi*] Ratio *ἐπιλόγου*⁵²⁾.

§. 73. *Sic Socratici*] Amplificatio a simili

Cap. XX. §. 74. *Quae cum ita sint*] A sua
persona.

§. 77. *In quo genere*] Accedit ad locum fa-
cilitatis, ut ostendat non esse infinitam istarum
rerum doctrinam: et hominem ingeniosum con-
sequi posse quantum opus sit, et quantum ad
usum transferri possit⁵³⁾.

Cap. XXI. §. 78. *Quid enim meus familiaris*
Occupatio⁵⁴⁾ praefert disertos philosophis. Nam

43) et dicit] sic Editt. 1535—1543., 1564. C.; Ed. 1564. P.
aitque.

44) Editt. 1564. huius notae utramque partem continent,
Editt. 1535—1543. solam priorem „Excursus — eloquen-
tiam”. Ed. 1561. habet: Excursus de philosophia. σοφοί.

45) Hoc poetae nomen, a nobis additum in illis Editt. deest.

46) *προηκτιῆρά τε ἔργων*] sic Hom. II. IX, 443. et Editt.
1525—1543.; Ed. 1543. typogr. errore: *προηκτιῆρα τε ἔρ-
γον*, Ed. 1564. C. *προηκτιῆρα τε ἔργων*. Editt. 1525—1530.
his verbis graecis in margine adscriptis, addunt in scho-
liis hanc notam: Homerus lib. 9. Iliados:

Incertos casus dubique pericula Martis
Consilique artes noudu Pelida tenebas
Quae decus immensum pariunt famamque perennem
At tibi me Peleus comitem pater addidit, unde
Dicendi discas rationem et fortia facta.

In Editt. 1561., 1564. P. neque illa verba graeca, neque
haec latina interpretatio reperiuntur.

47) Haec nota in Editt. 1535—1561., 1564. P. deest.

48) Haec nota in Editt. 1525—1530., 1564. C. desideratur.

49) maxime sit aptum] sic Editt. 1525—1543., 1564. C.;
Editt. 1561., 1564. P. sit maxime aptum.

50) *περιπατητικὴν καὶ ἀκαδημικὴν*] sic Editt. 1525—1543.;
Editt. 1561., 1564. Peripateticam sectam et Academicam.

51) *ἐπίλογος*] sic Editt. 1525., 1530., 1535., 1543., Editt.
1529., 1541., 1564. Epilogus; in Ed. 1561. deest.

52) *ἐπιλόγου*] sic Editt. 1525., 1530., 1535., 1543.;
Editt. 1529., 1541. F., 1561., 1564. epilogi.

53) Haec nota in Editt. 1525—1530., 1564. P. deest; Ed.
1561. habet: Accedit ad locum facilitatis.

54) Occupatio] sic Editt. 1525—1530., 1564. C.; Editt.
1561., 1564. P. Occupations.

philosophiam tractare possunt disertī, ut maxime non didicerint^{54a)}, quod philosophia se ultro offerat: tamen perfectior⁵⁵⁾ futurus est orator, si didicerit φιλοσοφίαν⁵⁶⁾.

§. 80. *Sin aliquis extiterit]* ἐπιλόγου⁵⁷⁾ repetitio.

Cap. XXII. §. 82. *Quum omnes*⁵⁸⁾ *gradus]* Dilemma⁵⁹⁾. *In tuis tantis occupationibus perd.]* Succisivis horis et obiter posse philosophiam perdisci⁶⁰⁾.

Cap. XXIII. §. 86. *Omnes enim artes]* Redit ad argumentum a facili⁶¹⁾. *Magister hic Samnitium]* Exempla.

Cap. XXIV. §. 91. *Quorsum igitur]* Conclusio⁶²⁾. *Quarum altera dici postulat]* Quod oratori opus sit philosophia, quia ornatum gignit ipsa rerum cognitio⁶³⁾.

§. 93. *Magistri dicendi extiterunt]* Gell. lib. 15. cap. 11.⁶⁴⁾.

Cap. XXV. §. 97. *Genus igitur dicendi]* De modo in ornando⁶⁵⁾.

§. 98. *Quanto molliores]* Amplificat similibus⁶⁶⁾.

§. 99. *Quod ceram, quam quod crocum]* Terram sapiunt. Vide Plin. lib. 17. cap. 5. Debent enim esse nativi, non factitii et accersiti odores — Plinius libro 17. cap. 5. legit: quod terram, quam quod crocum etc. Et sic ait: Cicero lux doctrinarum: Altera, inquit, meliora

54a) didicerint] Ed. 1564. C. didicerit.

55) tamen perfectior] sic Editt. 1525—1530., 1564. C.; Editt. 1561., 1564. P. perfectior tamen.

56) φιλοσοφίαν.] sic Editt. 1525., 1530.; Editt. 1529., 1561., 1564. philosophiam. — In Editt. 1535—1543. haec nota deest.

57) ἐπιλόγου] sic Editt. 1525., 1530., 1535., 1541. B., 1543.; Editt. 1529., 1541. F., 1561., 1564. epilogi.

58) omnes] sic Ed. Orell.; illae Editt. omnis.

59) Haec nota in Editt. 1525—1530., 1564. C. deest.

60) Haec nota in Editt. 1535—1543. est omnia.

61) Haec nota in Editt. 1525—1530., 1564. C. deest.

62) Conclusio] sic Editt. 1535—1561., 1564. P.; Editt. 1525., 1530. ἐπιλόγου; Editt. 1529., 1564. C. Epilogus.

63) Haec nota, quae in Ed. 1541. F. cum antecedente in unam est coniuncta, in Editt. 1525—1530., 1561. deest.

64) Gell. lib. 15. cap. 11.] Editt. 1535—1543. male: Gell. lib. 5. cap. 11.; Editt. 1561., 1564. P. falso: Livius lib. 15. cap. 11. — Gellius h. l. L. Crassi et Cn. Domitii Ahenobarbi censorum de coercendis rhetoribus Latinis edictum affert, quod etiam apud Suetonium de claris rhetor. inquit. exstat.

65) Pro hac nota. his Cic. verbis in Editt. 1525—1543. adscripta, in Editt. 1525—1530., 1561., 1564. legitur haec Cic. verbis anteced. §. 96. *Ornatur igitur oratio, apponitur:* Quis modus esse in ornando debeat.

66) Haec nota in Ed. 1564. C. deest.

unguenta⁶⁷⁾, quae terram, quam quae crocum sapiunt. Quod si admonendi sumus, qualis sit terrae ille odor, qui quaeritur: contingit saepe etiam quiescente ea sub occasum solis, in quo loco arcus coelestis deiecerit capita sua. Et cum a siccitate continua immaduerit, tunc emittit illum suum halitum divinitus ex sole conceptum, cui comparari suavitas nulla potest⁶⁸⁾.

Cap. XXVI. §. 101. *Quare bene]* Acclamatio⁶⁹⁾.

§. 104. *Summa autem laus]* De amplificatiōibus.

Cap. XXVII. §. 105. *Nihil est enim]* Loci communes⁷⁰⁾.

Cap. XXVIII. §. 109. *Dicunt igitur illi nunc quidem*⁷¹⁾] Quae tractatio locorum communium⁷²⁾.

Cap. XXIX. §. 111. *Omnis igitur res]* θέσεις θεωρητικαί, πρακτικαί^{72a)}. Haec divisio comprehendit dialecticam. Tradidit autem Cicero eam propterea, ut ostenderet, quomodo, si quod thema inciderit, penitus cognoscenda res, et per quos locos deducendum thema sit. Haec partitio

67) Cicero — sapiunt] sic Editt. 1535—1543.; apud Plinium ed. Sillig l. l. haec leguntur: Certe Cicero, lux doctrinarum altera, Meliora, inquit, unguenta sunt, quae terram, quam quae crocum sapiunt.

68) Huius notae utramque partem Editt. 1535—1543. continent, quarum autem Ed. 1541. B. a ceteris tribus eo differt, quod pro „accersiti odores — Et sic ait: Cicero”, habet: „accersiti odores. Et sic ait Plinius: Cicero” (verbis intermediis omissis). Editt. 1525—1530. habent: „Terram sapiunt. Vide Plin. lib. 17. cap. 5.”; Editt. 1561., 1564. „Terram sapiunt. Vid. lib. 17. cap. 5., debent enim esse nativi, non factitii (1561. fictitii) et accersiti odores. Alii codices habent: magis laudari, quod ceram, quam quod crocum olere videatur”.

69) Haec nota in Editt. 1525—1530., 1561., 1564. C. deest.

70) Haec nota in solis Editt. 1525., 1529., 1561., 1564. P. invenitur.

71) *illi nunc quidem]* sic Ed. Orell.; illae Editt. nunc quidem illi.

72) In Editt. 1525—1530. huic notae in margine appositae in scholiis additur haec tabula:

Quaestiones	ἐποθέσεις	Lis	} Coniectura, sitae res, quae origo causa, mutatio.
		Laudatio	
	θέσεις	θεωρητικαί	} Simpliciter de expectando aequo, honesto.
πρακτικαί		} Comparatione quid intersit, utrum praestet.	
			Adhortationes.
		Obiurgationes.	

72a) *πρακτικαί.]* sic Editt. 1525., 1530—1543.; Editt. 1529., 1561., 1564. καὶ πρακτικαί.

simpliciter continet eosdem locos seu formas | de methodo: An sit, Quid sit, Quale sit, Quae
quaestionum, quas nos in Dialectica tradidimus | causae, Qui effectus.

Thesis alia est	Θεωρητική ⁷³), ubi cognitio finis est, et habet tres modos: Πρακτική, cuius finis est actio: ut, sitne capessenda respublica.	Coniecturam, An sit. Uti- mur autem coniectura qua- drifariam, aut quaerentes de	Existentia, sitne: Sintne pygmaei. Origine: Quae sit legum origo. Aliis causis: Propter quas causas latae sint leges. Exitu: An animae sint immortales.
		Definitionem, quid sit. Sunt ⁷⁴) definitionum for- mae ex	Genere. Proprio. Partibus. Circumstantiis. Collectis multis accidentibus.
		Consecutionem, quae de qualitate quaerit: quum egressi substantiam quaeri- mus, quid in aliis praedi- camentis tribuatur themati. Estque duplex consecutio ⁷⁵).	Simplex, quaerit <table border="0" style="display: inline-table; vertical-align: middle;"> <tr> <td style="border-left: 1px solid black; padding-left: 5px;"> An res sit expetenda. An sit aequa. An sit honesta. </td> </tr> </table> Comparativa. <table border="0" style="display: inline-table; vertical-align: middle;"> <tr> <td style="border-left: 1px solid black; padding-left: 5px;"> Aut quaerit differentias: ut, quid intersit inter regem et tyrannum. Aut comparat inter se utilia, honesta: utrum utilius, utrum honestius, etc. ⁷⁶). </td> </tr> </table>
An res sit expetenda. An sit aequa. An sit honesta.			
Aut quaerit differentias: ut, quid intersit inter regem et tyrannum. Aut comparat inter se utilia, honesta: utrum utilius, utrum honestius, etc. ⁷⁶).			

Cap. XXX. §. 118. Quae vero referuntur] De practicis thesibus⁷⁷).

§. 120. Ornatissimae sunt igitur] επίλογος⁷⁸) revocandam esse causam ab υποθέσει ad θέσεις⁷⁹).

Cap. XXXI. §. 123. Quae quoniam] De artibus, quare sit opus doctrina et doctoribus⁸⁰).

Cap. XXXII. §. 126. Namque illos veteres] Exemplis veterum commemorandis comprobatur Crassi orationem.

Cap. XXXIII. §. 132. An tu existimas] Ponit exempla oratorum, qui multas artes complexi sunt⁸¹). Aristophane, aut Callimacho] Καλλιμάχος Κυρηναῖος. Ἀριστοφάνης Βυζάντιος μαθητής Καλλιμάχου⁸²).

§. 135. Quid enim M. Catoni] De Catone T. Livius⁸³): Sed omnes patricios plebeiosque⁸⁴) nobilissimarum familiarum etc. Textum lege apud Livium⁸⁵).

§. 136. Nunc contra] Obiurgatio. Quam in clamore] Id est⁸⁶), non adhibent rerum cognitionem.

Cap. XXXIV. §. 138. Ut quum contra vol.] Verba sunt ex Thucydide, quae nos in commentariolo de Officiis citavimus⁸⁷).

Cap. XXXV. §. 142. Nunc sive qui vult] Epilogus est: Ego voco tum oratorem, tum philosophum eum, qui magnarum et multarum rerum scientiam complexus est. Et sic tractavit

73) Θεωρητική (h. l. i. q. θεωρητική)] sic Editt. 1535., 1541. B., 1543., 1564. C.; Ed. 1541. F. Theoreticj.

74) Sunt] sic Editt. 1535., 1541. F., 1543., 1564. C.; Ed. 1541. B. Suntque.

75) consecutio] sic Editt. 1535., 1541. F., 1543.; Ed. 1541. B. typogr. errore: consectio.

76) Huius notae utramque partem Editt. 1535., 1541. F., 1543., 1564. C. continent; Ed. 1541. B. solam alteram longiorem: „Haec divisio comprehendit—utrum honestius etc.” praebet; Editt. 1525—1530., 1561. tantum prioram breviorum „θέσεις—πρακτικά”; Ed. 1564. P. habet: Haec divisio comprehendit dialecticam. θέσεις θεωρητικά καὶ πρακτικά.

77) Haec nota in Editt. 1525—1530., 1564. C. deest.

78) επίλογος] sic Editt. 1525., 1530., 1535., 1543.; Editt. 1539., 1541., 1561., 1564. Epilogus.

79) ab υποθέσει ad θέσεις.] sic Editt. 1525—1543.; Editt. 1561., 1564. P. ab hypothesis ad thesim; in Ed. 1564. C. omīssa.

80) Haec nota in Editt. 1525—1530., 1564. C. deest.

81) Hanc notam non nisi Editt. 1535., 1541., 1561., 1564. P. exhibent.

82) Hanc notam omnes habent illae Editt. excepta Ed. 1541. B., ubi voci Aristophane adscripta sunt haec: „Byzantio, qui Callimachi discipulus fuit”. — Callimachus Battiaes, qui Cyrenaicus, regnantibus Ptolemaeo II. et III. Alexandriae

Museo adscriptus vixit, et grammatica, historia, carmina scripsit. Aristophanes autem Byzantius, Callimachi et Zenodoti discipulus, nobilissimus grammaticus bibliothecaeque Alexandrinae praefectus, regnantibus huiusmodi Ptolemaeis vixit. De eius meritis scriptisque conf. Wel-lauer in Erschil et Gruberi Encyclop. Vol. V. p. 271 sq.

83) Liv. XXXIX, 40.

84) plebeiosque] Ed. 1543. typogr. errore: plebeios quae.

85) Haec nota in Editt. 1525—1530., 1561. deest.

86) Id est] in Ed. 1541. F. omīss. — In Editt. 1525—1530. tota deest nota.

87) Scil. ad Cic. Offic. I, 30, 106. Vid. supra p. 650. — In Editt. 1525—1530., 1561. haec nota desideratur.

hactenus hunc locum: coniungendam cum ratione loquendi magnam et ubere[m] rerum cognitionem⁸⁸⁾.

§. 143. *Sin quaerimus*] Utrum politica scientia sit philosophia et eloquentia⁸⁹⁾.

Cap. XXXVI. §. 144. *Sed certe et*⁹⁰⁾ *haec partes*] *παρὰσχευή* ad figuras amplificationis⁹¹⁾.

Cap. XXXVII. §. 149. *Nam est quidam ornatus*] De verborum ornatu⁹²⁾.

§. 150. *In propriis est igitur*] De propriis verbis signate rem significantibus⁹³⁾.

Cap. XXXVIII. §. 152. *Tria sunt igitur*] Figurae verborum. Gellius⁹⁴⁾ ex Caesare: verbum insolens fugiendum esse tanquam scopulum⁹⁵⁾.

§. 155. *Tertius ille modus*] *μεταφοραί*⁹⁶⁾.

Cap. XXXIX. §. 157. *Sed ea transferri*] Ut apud Maronem⁹⁷⁾:

Invadunt urbem somno vinoque⁹⁸⁾ sepultam.

§. 159. *Atque hoc in genere*] Causae, cur placeant⁹⁹⁾ *μεταφοραί*¹⁰⁰⁾.

88) Pro hac nota, quam Editt. 1535—1543. exhibent, Editt. 1525—1530., 1561. habent hanc: Decidit controversiam graeculam de officiis oratoris ac philosophi; Ed. 1564. C. utramque, hanc in margine, illam in schollis praebet; Ed. 1564. P. autem: Epilogus est. Decidit—philosophi.

89) Haec nota in Editt. 1525—1530., 1564. C. deest.

90) et] sic Ed. Orell.; in illis Editt. deest.

91) Pro hac nota, quae in Editt. 1535—1561., 1564. P. legitur, Editt. 1525—1530., 1564. C. habent: Repetit argumenta universi huius libri, accessurus ad eam ornatus partem, quae est in verbis.

92) Haec nota in Editt. 1535—1543. deest.

93) Haec nota ab Editt. 1525—1530., 1564. C. abest.

94) Gellius Noct. Att. I, 10. ait: Vive ergo moribus praeteritis; loquere verbis praesentibus; atque id, quod a C. Caesare excellentis ingenii ac prudentiae viro, in primo de Analogia libro, scriptum est, habe semper in memoria atque in pectore, ut tanquam scopulum, sic fugias insolens verbum.

95) Hanc notam solae Editt. 1535. (in schol.), 1541. B., 1543. (in schol.) habent; in margine autem Cic. verbis *Tria sunt igitur—Inusitata sunt prisca*, in Editt. 1525—1530., 1564. C. adscripta sunt: Figurae. Nova. Inusitata. *μεταφοραί* (1529., 1564. C. Metaphorae); in Editt. 1535., 1541. F., 1543., 1561., 1564. P. Figurae verborum. Nova. Inusitata.

96) *μεταφοραί*] sic Editt. 1525., 1530., 1535., 1541. B., 1543.; Editt. 1529., 1541. F., 1561., 1564. P. Metaphorae; Ed. 1564. C. Metaphora.

97) Virg. Aen. II, 265.

98) somno vinoque] sic Virg. l. I. et Editt. 1535., 1541.; Ed. 1543. typogr. errore: somno unoque; Editt. 1561., 1564. P. vino somnoque. — In Editt. 1525—1530., 1564. C. haec nota deest.

99) placeant] Ed. 1543. male: placent.

100) *μεταφοραί*] sic Editt. 1525., 1530., 1535., 1541. B., 1543.; Editt. 1529., 1541. F., 1561., 1564. metaphorae.

Cap. XL. §. 159. *Pes in navi*] Virgilius Aen. lib. 5. 1).

Iubet ocius omnes

Attolli malos, intendi brachia velis.

Una omnes fecere pedem; pariterque sinistros,

Nunc dextros solvere sinus; una ardua torquent

Cornua, detorquentque. Ferunt sua flamina classem.

Pes significat funem, quo extenditur velum²⁾.

Ut nexum] Nexus Mancipatio, imaginaria venditio erat, quae certo quodam ritu fiebat. Ritui nexus nomen erat, fiebatque hoc modo, adhibitis quinque testibus civibus Romanis, et eo qui libripens dicitur. Emptor aes tenens, ait: Hunc ex iure Quiritium meum esse aio, isque mihi emptus est hoc aere atque libra. Deinde aere percutit libram, idque aes dat ei, a quo mancipium accipit quasi pretii loco³⁾.

§. 162. *Quo in genere*] Vitia *μεταφορών*⁴⁾. *Quamvis sphaeram*] Dissimilia⁵⁾.

Cap. XLI. §. 163. *Deinde videndum est*] Longe petita. — Translatio debet esse brevis narratiuncula, non longe accersita, item debet sumi a rebus honestis, non obscenis⁶⁾.

§. 164. *Nolo morte dici*] Turpia. *Nolo esse verbum*] Excedens.

§. 165. *Atque etiam, si vereare*] *προεπίπληξις*⁷⁾, praecastigatio, ut: pace tua dixerim⁸⁾.

§. 166. *Modus autem nullus*] *ἐπιφώνημα*⁹⁾. *Nam illud quod*] *ἀλληγορία*. — De allegoria, quae non est in verbo uno ut metaphora, sed est in longa oratione, ut:

Non profecturis litora bobus aras¹⁰⁾.

1) Virg. Aen. V, 828—832.

2) Haec nota et sequens in solis Editt. 1525—1530. inveniuntur.

3) De nexu s. nexu conf. A. Schweppe: Römische Rechtsgeschichte u. Rechtsalt. 3. Aufl. v. C. A. Gründler §. 252. p. 459 sqq. §. 301. a. p. 555 sq.

4) *μεταφορών*] sic Editt. 1525., 1530., 1535., 1541. B., 1543.; Editt. 1529., 1541. F., 1561., 1564. metaphorarum.

5) Dissimilia] sic Editt. 1525—1535., 1541. F., 1543., 1561., 1564. P.; Ed. 1564. C. Dissimilis; in Ed. 1541. B. deest.

6) Editt. 1535—1543., 1564. C. huius notae utramque partem, Editt. 1525—1530., 1561., 1564. P. solam priorem „Longe petita” continent.

7) *προεπίπληξις*] sic recte Editt. 1541. F., 1543., 1561.; Editt. 1535., 1541. B., 1564. P. *προεπίπληξις*.

8) Pro hac nota, quam Editt. 1535—1561., 1564. P. praebent, Editt. 1525—1530., 1564. C. habent: Mollienda metaphora.

9) Haec nota in Editt. 1561., 1564. P. deest.

10) Ovid. Heroid. V. 116.

Item:

Sincerum est nisi vas; quodcumque infundis, aescit¹¹⁾.

Cap. XLII. §. 167. *Ne illa quidem traductio*] Metalepsis¹²⁾. *Gravis est modus*] Metonymia.

§. 168. *Quum intelligi volumus*] *συνεχδοχή*. *At Romanus homo*] Id est¹³⁾, non sunt insolentes in rebus secundis¹⁴⁾.

Cap. XLIII. §. 169. *Abidimur saepe*] *κατά-χησις*¹⁵⁾. *Verum illa*] *ἐπίλογος*¹⁶⁾.

§. 171. *Sequitur continuatio verb.*] De compositione¹⁷⁾. *Collocationis est componere*] Collocatio¹⁸⁾.

Cap. XLIV. §. 173. *Hanc diligentiam*] De periodis et numeris¹⁹⁾. *Versus enim veteres*] Versus. — Tametsi vix puerilem quandam Romane loquendi facultatem hactenus consecuti sumus, et ad orationis numeros fere surdi simus, tamen aures mediocriter literatorum in quamvis puerili sermone alias prolixius quiddam, alias breviter desiderant, saepe claudicantia, saepe redundantia et pigra offendunt. Quare cum ut rectius ipsi loquamur, tum ut veteres intelligamus, non est committendum, ut quae de orationis cantu et modulatione praecepta sunt, prorsus intermori sinamus. Observari autem et a leviter doctis initia sententiarum finesque possunt, eamque ob causam de initiis et clausulis veteres diligentius praecepere. In media sententia fuere liberiores, minusque anxie numeris servierunt. Indicabimus itaque et nos quos isti pedes in fine

11) Horat. Epist. I, 2, 54. — Huius notae utramque partem Editt. 1535., 1541. F., 1543., 1564. C.; solam priorem „*ἀλλεγορία*” Editt. 1525—1530., 1561.; tantum posteriorem „*De allegoria — aescit*” Ed. 1541. B. habet; in Ed. 1564. P. utraque deest.

12) Pro hac voce, quae in Editt. 1535—1561., 1564. P. invenitur, in Editt. 1525., 1530., 1564. C. his Cic. verbis adscripta est: *μετωνυμία*, quae vox in Editt. 1529., 1535—1561., 1564. P. verbis seqq. *Gravis est modus* appositum est.

13) Id est] sic Editt. 1535., 1541. B., 1543., 1564.; in Ed. 1541. F. omiss.

14) Haec nota in Editt. 1525—1530., 1561. deest.

15) Haec nota in Editt. 1525—1530., 1564. C. desideratur.

16) *ἐπίλογος*] sic Editt. 1525., 1530., 1535., 1543.; Editt. 1529., 1541., 1561., 1564. Epilogus.

17) Pro hac nota, quam Editt. 1535., 1541., 1561., 1564. P. habent, in Editt. 1525—1530., 1564. C. legitur: De collocatione et versu.

18) Hanc vocem e Cic. verbis repetitam in margine habent Editt. 1525—1530., 1561., 1564. P.; in Ed. 1564. C. pro ea legitur: Collatio, in Ed. 1543. De collatione; in cett. neutra reperitur.

19) Haec nota in Editt. 1525—1530., 1564. C. deest.

sententiae, quos in initio, cum ad aurium iudicium orationis sonum exigent, maxime probant.

Initiis 1. prae reliquis omnibus tribuere Creticum, hoc Cicero usus est in oratione de re-ditu: Quod precatus a Diis immortalibus²⁰⁾. Et Philippica V. Advolabat ad urbem a Bruundusio²¹⁾. Hoc pede et saepissime Cicero utitur, et Fabius²²⁾ dixit initiis optimum esse. 2. Usus creber est et Anapaesti, ut pro Cluentio: Animadverti iudices²³⁾ etc. 3. Dactyli, ut: Principio generi animalium²⁴⁾. 4. Paeonis, ut pro Roscio: Credo ego²⁵⁾ etc. Aut in Verrem: Venio nunc²⁶⁾. 5. Spondeorum, pro Quintio: Quae res in civitate²⁷⁾. 6. Nonnunquam et Molossi: Quanquam conspectus²⁸⁾, sed is fini gratior est. 7. Epitrito usus est Demosthenes. 8. Iambis fere utuntur in insectationibus. Haec de initiis.

In fine probant 1. maxime Ditrochæos, ut: Comprobavit, Consecutus, Constitisset etc. 2. Bacchium, ut: Probarium. 3. Amphibrachum: Fuisse sinamus. 4. Molossum: Coniunctis. 5. Epitritos, ut: Videbatur, Redundarunt. Omnino in longas syllabas rectius subsidunt sententiae, adeoque in verba aptius quam in nomina.

In media sententia qui pedes cum quibus conveniant, docuit Fabius²⁹⁾, sed hoc in univ-ersum caput est illarum praeceptionum, ut misceantur brevibus longi, verum subiiciemus exemplum. Creticus est in initio libri primi de Oratore: Cogitanti; finis, esse possent³⁰⁾, qui Epitritus est. In media sententia Dactyli, Spondei, pauci Iambi, Cretici frequentes et Anapaesti sunt. Deinde initio sequentis sententiae rursus sunt Cretici: Ac

20) Cic. orat. ad Quirites post reditum 1, 1. Quod precatus a Iove Optimo Maximo, ceterisque diis immortalibus, sum.

21) Cic. Philipp. V. c. 16, 42.

22) Fabius Quintil. instit. orat. IX, 4, 107. ed. Spalding.: Creticus est initiis optimus.

23) Cic. orat. pro A. Cluentio Avito 1, 1.

24) Cic. de officiis I, 4, 11.

25) Cic. orat. pro S. Roscio Amerino 1, 1.

26) Cic. in Verrem actionis secundae lib. IV. c. 1, 1.

27) Cic. orat. pro P. Quintio 1, 1.

28) Haec verba spectare videntur ad Ciceronis pro lege Manilia orationis initium: Quanquam mihi semper frequens conspectus vester.

29) Fab. Quintil. instit. orat. IX, 4.

30) Cic. de orat. I, 1, 1. prima sententia incipit a voce *Cogitanti*, et finitur verbis: *esse possent*.

fuit tempus illud etc. In fine, constitisset, Ditrochaeus est. Imo et comma, non colon finit Ditrochaeus: Arbitrarer³¹⁾. In medio varii pedes commixti sunt. Dulcis est mirum in modum numerosa ad Servium Sulpicium epistola in lib. 4. Ego vero Servi vellem³²⁾ etc.³³⁾.

Idque princeps Isocrates] Quis ostenderit in oratione versus.

Cap. XLV. §. 176. *Quonam igitur modo]* Facilitas³⁴⁾.

§. 178. *Sed ut in plerisque]* Amplificatio, qua excurrit in communem locum: Elegantiam seu venustatem coniunctam esse cum utilitate.

Cap. XLVII. §. 182. *Longissima est igitur]* Praeceptiones³⁵⁾. *Trochaicum]* Tribrachum, ut Quintilianus^{35a)}. *Quare primum ad heroum]* Duo sunt genera orationis: Alterum, quod vocant humilium, quod non habet ita accurate compositas periodos, ut sunt compositae Ciceronis orationes, sed liberius est. Interdum habet breviora membra, et quidem magna ex parte constat brevibus membris, et raro fluit longius. Habet etiam^{35b)} interdum periodos. Talis oratio, modo non claudicat in caeteris virtutibus, non est aspernanda. Sic enim omnes fere Graeci et Latini praeter Isocratem et Hieronem³⁶⁾, scri-

bunt: idque propter hanc causam admoneo, ne studium eloquentiae abiiciendum putemus, quia Ciceronis compositionem non assequimur, quam etiam illis ipsis Ciceronis temporibus paucissimi sunt assequuti. Ac ne Cicero quidem ubique struit eodem modo orationem, sed saepe laxat eam his vinculis. Et tamen in hoc genere quaedam grammatica compositio adhibenda est, ne relinquuntur imperfecta et quasi truncata argumenta. Item membra seu sententiae apto ordine distribuuntur, ne fiant hyperbata. Aliud genus orationis est, quod vocant compositum. Id habet ordine dispositas periodos et quidem numerosas. Cum autem de numeris orationis, praesertim hac aetate, difficile sit iudicium, tantum hoc memineritis, si periodos efficiemus mediocriter sonantes et integras, et cola interdum ornabimus seu augebimus duobus comatis, sponte accedent numeri. Et si volumus habere pedum rationem, maxime finis considerandus est, et efficiendum, ut desinat periodus ac subsidat^{36a)} in longos ac tardos pedes, ac longiusculam quidem dictionem, et saepius claudatur verbo quam nomine. Caeterum et nomina adiectiva interdum vim et gratiam habent in fine, ut apud Cicero- nem: Helluo invasit in eius viri fortunas, cuius virtute terribilior erat populus Romanus exteris gentibus, iustitia charior³⁷⁾. A periodi principio grati sunt pedes celeriores, ut anapaesti, amphimacri³⁸⁾, iambi; in polysyllabis dictionibus amphimacri³⁸⁾, dactyli. Perpetuus spondeus reddit nimis tardam periodum. Hic initio crebri sunt anapaesti, postea tardiores pedes accedunt. An cum statuas et imagines non animorum sinu- lacra, sed corporum, studiose multi summi homines reliquerunt³⁹⁾: consiliorum relinquere ac virtutum nostrarum effigiem nonne⁴⁰⁾ multo malle debemus, summis ingeniis expressam et po-

31) *Ac fuit tempus illud* (Ed. Orell. pro his habet: *Ac fuit quidem*) *arbitrarer*, *constitisset*. init. med. et finis sunt secundae eiusdem Cic. libri sententiae.

32) Cic. epist. ad famil. l. IV. ep. 6. init.

33) Hanc notam longiorem tantum Editt. 1525—1530. continent; Editt. 1561., 1564. habent solam vocem: *Versus*; in cett. Editt. ne haec quidem vox in marg. invenitur.

34) Haec nota in Ed. 1543. deest.

35) Haec nota in Ed. 1564. C. deest.

35a) Quintil. instit. orat. IX, 4, 82.: Tres breves trochaicum, quem tribrachyn dici volunt, qui choreo trochaei nomen imponunt . . . efficiunt. — Haec nota tantum in Editt. 1561., 1564. invenitur. Editt. 1525., 1530., 1541. F., 1543., et (iuxta illam notam) 1561., 1564. P. in margine habent: *τροχαιοί* (s. Trochaei). iambi.

35b) etiam] sic Editt. 1535., 1541.; in Editt. 1543., 1564. C. deest.

36) Hieronem] hoc nomen, quamquam omnes quinque Editt., quae hanc continent notam, scil. Editt. 1535., 1541., 1543., 1564. C. hanc eandem formam habent, falsum esse, ex eo elucet, quod huius nominis orator a nemine memoratur. Videtur h. l. n. typogr. errore positum esse pro *cl*: Hieroclem; Hierocles enim, eiusque frater Menecles, Alabandensis, rhetores circa a. 94. a. Chr. celebres fuerunt, quorum utriusque orationes, quarum nobis ne fragmenta quidem supersunt, Cicero Brut. 95, 325. teste, in primis, ut Asiatico in genere, erant laudabiles. Conf. etiam Cic. de Orat. II. 23, 95. Orat. 69, 231. et Strabo XIV. p. 661. Huius coniecturae id tamen opponi possit, quod Melanthon h. l. de oratore loqui videatur, cuius orationes ipse legent.

36a) subsidat] Editt. 1535—1543.; Ed. 1564. C. subsistat.

37) Hic locus invenitur in Cic. Philipp. II, 26, 65.

38) amphimacri] Editt. 1535., 1541. F. antimacri, Editt. 1541. B., 1543., 1564. C. antimachii. Neutra vox in prosodia occurrit, quapropter utramque censemus vitiosam esse scripturam pro „amphimacri”, amphimacros enim s. creticos initiis imprimis gratos esse pedes, e nota verbis l. III. c. 44. §. 173.: *Versus enim veteres* (supra p. 760.) adscripta apparet.

39) reliquerunt] sic illae 5 Editt. 1535—1543., 1564. C.; Ed. Orell.: reliquerint.

40) nonne] sic illae 5 Editt.; Ed. Orell. non.

litam?⁴¹⁾ Haec periodus est expressa ex Isocrate; sed fuisset durior, si totidem verbis reddidisset Isocratem. Ideo Cicero quaedam adiecit, ut Latinis auribus fieret periodus mollior. Sic est apud Isocratem: Ἐγὼ δὲ ὦ Νικόκλεις ἡγοῦμαι μὲν εἶναι, etc.⁴²⁾, id est: Ego autem Nicocles, etsi existimo egregia monumenta esse corporum imagines, pluris tamen facio actionum et animi effigiem, quam in orationibus quisquis⁴³⁾ artificiose scriptis conspexerit. Danda igitur opera, ut periodos faciamus, easque mediocriter ornemus. Habet autem id studium multas ac magnas utilitates, quia non solum molliorem reddit orationem, sed necesse est etiam sententias mollius cohaerere, et absolvi argumenta, si periodos efficere conemur⁴⁴⁾.

§. 183. *Desinite, incipite*] παιῶνες⁴⁵⁾. *Si, Quiritēs*] κρητικός⁴⁶⁾.

Cap. XLVIII. §. 184. *Liberior est oratio*] Numeros non esse anxie observandos.

§. 185. *Etenim sicut ille suspicatur*] Facile fuit deprehendere numeros in oratione conflata Dactylis et Spondeis. Proinde perrexerunt et alios pedes observare in oratione, coeptumque est scribi liberius carmen, ut Pindaricum et tragicum post Homeri Hexametros. Deinde et in solutam orationem adhibiti sunt illi liberiores numeri⁴⁷⁾.

§. 186. *Quare aut paria*] Aures exactissime de περιόδοις⁴⁸⁾ iudicant.

Cap. XLIX. §. 190. *Hanc igitur, Crassus*] Facilitas.

§. 191. *Neque vos paeon*] Pedes sponte se offerent facienti periodos⁴⁹⁾.

41) An cum statuas — politam?] haec verba Ciceronis inveniuntur in orat. pro Archia poeta c. 12. §. 30.

42) Hic locus reperitur in Euagora Isocratis vid. Eius scripta graecolatina, Hieron. Wolfio interprete. Basil. 1570. fol. p. 297. lin. 41 sq.

43) quisquis] sic Editt. 1535., 1541. F., 1543., 1564. C.; Ed. 1541. B. quisque.

44) Hanc notam solae Editt. 1535 — 1543. continent; Editt. 1525., 1530., 1535., 1543. h. l. in marg. habent: δίκτυλοι, ἀνάπαιστοι, σπονδαίοι, Editt. 1541. F., 1561., 1564. P. Dactyli, Anapaesti, Spondei.

45) παιῶνες] sic Editt. 1525 — 1543.; Editt. 1561., 1564. P. Paeon; in Ed. 1564. C. deest.

46) κρητικός] sic Editt. 1525 — 1535., 1541. B., 1543., 1561., 1564. P.; Ed. 1541. F. Creticus; in Ed. 1564. C. deest.

47) Haec nota in solis Editt. 1525 — 1530. invenitur.

48) περιόδοις] sic Editt. 1525., 1530., 1535.; Editt. 1541., 1561., 1564. P. periodis. — In Editt. 1529., 1543., 1564. C. haec nota deest.

49) Haec nota in Editt. 1525 — 1530., 1564. C. desideratur.

Cap. L. §. 192. *Clausulas autem*] Praecepta de fine orationis⁵⁰⁾.

§. 193. *Aut choreos*⁵¹⁾] Trochaeos⁵²⁾, ut Quintilianus⁵³⁾. *Horum vicissitudines*] Ab exemplo hortatur⁵⁴⁾ ad rei quamvis difficilis studium.

§. 194. *Quod si Antipater*] Amplificatio⁵⁵⁾.

§. 195. *Illud autem ne quis*] Alia amplificatio. *Quum in omni genere*] Quis sensus, quae animadversio numerorum apud imperitos⁵⁶⁾.

Cap. LIII. §. 199. *Exposui fere*] ιδέαι⁵⁷⁾ orationis: Sublimis, mediocris, summissa.

§. 201. *Formantur autem*] De schematibus. σχήμα est gestus orationis, ne oratio sit otiosa. Si pictor eodem habitu et statu pingeret omnes imagines, tum pictura nihil haberet admirationis; sed cum singulis personis suum gestum ac vultum tribuat, est in admiratione. Tropus nihil aliud est quam metaphora; quia autem multae species sunt metaphorae, multi tropi etiam numerantur⁵⁸⁾. *In perpetua autem oratione*] σχήματα διανοίας⁵⁹⁾.

Cap. LIII. §. 202. *Nam et commoratio*] Commoratio. ὑποπνώσεις. — De figuris sententiarum. Commoratio est, quando firmissimus locus in causa urgetur, et saepe repetitur, ut si quis de dignitate legum dicens, exaggeret vocem Pauli,

50) Haec nota in Ed. 1561. deest.

51) choreos] sic Ed. Orell.; illae Editt. chorios.

52) Trochaeos] sic Editt. 1561., 1564. C.; Ed. 1564. P. Trochaeus.

53) Haec nota, quam solae Editt. 1561., 1564. habent, spectat ad Quintilianum locum instit. orat. IX, 4, 80. [ubi alii legunt: „chorem, nos ut alii trochaicum nominemus.” At meliores Editt. pro hac, quam illa nota sequitur, lectione habent: „chorem, non (s. nos non) ut alii trochaicum nominemus.” Cum hac recta lectione congruit Quintilianus locus supra in adnot. 35 a. a nobis allatus, ex quo elucet, ab hoc auctore pedem — ∪, quem alii trochaicum nominant, chorem appellari, ∪ ∪ ∪ autem, qui vulgo tribrachys dicitur, trochaicum nominari. Conf. Ed. Bonnellii lexicon Quintilianum s. vv. choreus et trochaeus.

54) hortatur] sic Editt. 1525 — 1530., 1564. C.; Editt. 1561., 1564. P. adhortatur. — In Editt. 1535 — 1543. haec nota deest.

55) Haec nota et sequens in Editt. 1525 — 1530., 1564. C. desunt.

56) Haec nota in Editt. 1535 — 1543. est ommissa.

57) ιδέαι] sic Editt. 1525 — 1530., 1541. F., 1543.; Editt. 1561., 1564. Ideae. — In Ed. 1541. B. haec nota deest.

58) Pro hac nota, quam Editt. 1535 — 1543., 1564. C. praebent, Editt. 1525 — 1530. habent: σχήματα, Editt. 1561., 1564. P. De schematibus.

59) Haec nota in Editt. 1525 — 1530., 1543., 1561. his Cic. verbis, in Editt. 1535., 1541. F., 1564. P. autem sequentibus *Nam et commoratio* in margine adscripta, in Editt. 1541. B., 1564. C. deest.

qui vocat leges ordinationes divinas; nam hoc firmissimum argumentum est in ea causa. Fit autem commoratio, aliis figuris adhibitis. Ut si quis similitudinem adferat, quemadmodum scelerate faceret, qui sacras ceremonias in templis pedibus conculcasset: ita scelerate facere iudicandus est is, qui leges contemnit. Neque minus quam ceremoniae, coelo leges traditae sunt. Quemadmodum admiramur corporum pulchritudinem, et certos motus, qui temporum vices efficiunt: ita leges divino consilio conditas mirari, et observare debemus⁶⁰).

Et illustris explanatio] Id est⁶¹), hypotyposis. *Et huic contraria*] scilicet praecisio⁶²). *A praecipis Caesaris*] Qui in secundo libro praeccepta facetiarum tradidit⁶³).

§. 203. *Rogatio*] Interrogatio, ut: Quid igitur faciam? non eam?⁶⁴) *Percontatio* est, in qua arguimus alios, et ipsis statim subiicimus nostram sententiam. Ut: Quid est praestantius doctrina? profecto nihil. Quid tuus ille gladius Tubero in acie? cuius latus petebat nisi Caesaris.

§. 204. *Praemunitio*] Id est, excusatio, priusquam in aliquam rem ingrediare; exemplum prima Verrina⁶⁵). *Communicatio*] Cum adversarium tanquam iudicem in consilium adhibemus. *Morum ac vitae*] Mimesis.

§. 205. *Descriptio*] Quando effectus alicuius rei commemorantur.

Cap. LIV. §. 206. *Orationis autem*] σχήματα λέξεως.

60) Huius notae utramque partem praebent Editt. 1535., 1541. F., 1543.; Editt. 1525—1530. habent solam priorem. Commoratio ὑποτυπώσεις, Ed. 1564. P. tantum vocem: Commoratio, Ed. 1561. Correctio; Ed. 1541. B. solam posteriorem: De figuris — debemus.

61) Id est] sic Editt. 1535., 1541. B., 1543., 1564. C.; in Editt. 1561., 1564. P. deest. — In Editt. 1525—1530. haec nota desideratur.

62) Haec nota non nisi in Editt. 1535., 1541. B., 1543., 1564. C. invenitur.

63) Haec nota in Editt. 1525—1530., 1561. deest.

64) Haec nota et sequens, quas tantum Editt. 1535—1543., 1564. C. exhibent, in his cum antecedente nota in unam sunt coniunctae.

65) Haec nota et tres sequentes non nisi in iisdem 5 Editt. reperiuntur.

Cap. LV. §. 210. *Quamobrem, quoniam*] De decoro⁶⁶).

Cap. LVI. §. 213. *Sed haec ipsa*] De actione seu pronuntiatione. *Quo mihi melius*] Exemplum.

Cap. LVII. §. 216. *Omnis enim motus*] Praeceptiones⁶⁷).

Cap. LVIII. §. 217. *Quo nunc me vertam*] Medeae sunt verba⁶⁸).

§. 218. *Multi' modis*] Metuentis verba.

§. 219. *Iterum Thyestes*] Irati dicta⁶⁹).

Cap. LIX. §. 220. *Scenicus gestus*] Qui exprimit singula verba⁷⁰). *Manus autem minus*] Manus non debent esse nimis actuosae⁷¹).

§. 222. *In eo autem ipso*] Oculi sunt in amore duces et iudices, sic etiam in agendo⁷²).

Cap. LX. §. 224. *Ad actionis autem usum*] De voce; eaque est exercenda, quamvis sit beneficium naturae bona vox. Nihil interest inter ornamenta et argumenta, nisi cum ad probandum adhibentur, argumenta dicuntur, cum ad illustrandum, ornamenta. Cicero sic eloquentiam partitus est in sermonem grammaticum, perspicuum, ornatum rerum, ornatum verborum, apte dicere⁷³).

Cap. LXI. §. 228. *Edidi quae potui*] Epilogus⁷⁴).

66) Haec nota et sequens in Editt. 1525—1530., 1564. C. desunt.

67) Haec adnot. in Editt. 1529., 1561., 1564. C. est omissa.

68) Ennius in Medea his versibus imitatus est Euripidis Med. 499 sqq. Vid. Q. Ennii fragm. ab Hieron. Columna conquis. , dispo. et explic. , recusa accur. Fr. Hesselio. (Amstel. 1707. 4.) p. 206. — In Editt. 1525—1530., 1564. C. haec nota et sequens desunt.

69) dicta] sic Editt. 1535., 1541., 1543.; Editt. 1561., 1564. P. verba; in cett. Editt. haec nota deest.

70) Haec nota in Editt. 1525—1530., 1561., 1564. P. desideratur.

71) Haec nota ab Editt. 1525—1530., 1561. abest.

72) Pro hac nota, quam Editt. 1535—1543., 1564. C. exhibent, Editt. 1525—1530. habent solam vocem: Oculi.

73) Hanc notam Editt. 1535—1543., 1564. C. exhibent; in Editt. 1525—1530., 1561. Cic. verbis in margine tantummodo adscripta est: Vox.

74) Haec nota in Editt. 1525—1530., 1564. C. deest.

V. PH. MEL. SCHOLIA IN CICERONIS ORATOREM.

Hic Ciceronis liber varie: *ad Marcum Brutum Orator* s. *de perfecto Oratore ad M. Brutum*, s. *perfectus Orator*, s. *de optimo genere dicendi*, inscriptus *) cum Melanthonis scholiis aut seorsum aut cum Cic. de Oratore dialogis coniunctus, quod scimus, novies **) prodiit:

* *M. Tullii Ciceronis ad M. Brutum orator cum explicationibus Phil. Melanchthonis. Parisiis, ex off. Rob. Stephani 1534. 4. Non. Iul. 8. ***).*

— *de Oratore dialogi tres, a Philippo Melanch. noua ac locupletiore quam antea unquam, locorum insigniū enarratione illustrati. Eiusdem de perfecto Oratore ad M. Brutum Liber. Item Rhetorica ad Herennium. Haganoae ex Offi. Petri Brubacchii. Anno M. D. XXXV. Mense Iunio. 8. ****).*

* — *ad M. Brutum orator. Explicatio quorundam locorum difficilium, authore Philippo Melanchthone. Parisiis, ex off. Roberti Stephani 1538. — (In fine:) Excudebat Rob. Stephanus Parisiis Ann. M. D. XXXVIII. X. Cal. Novemb. †).* (114 pagg. et 2 foll. non num.).

— *de oratore dialogi III. Eiusdem de perfecto oratore ad M. Brutum liber. Cum absolutiss. doctiss. viri Philippi Melanthonis castigationibus et scholijs. Coloniae Ioan. Gymnicus excudebat, Anno M. D. XLIII. 8. ††).*

— *ad M. Brutum orator, Iacobi Lodoici Strebacii, et Victoris Pisani Commentariis, Philippi Melanchthonis scholiis, Ioannis Riuij Athendoriensis, et Petri Victorii castigationibus, illustratus. Parisiis, Apud Ioannem Roigny. M. D. XLIII. — (In fine:) Parisiis, excudebat Io. Lodoicus Tiletanus. 1543. 4. (3 foll. non num. Strebacii praef., 222 pagg. Cic. ad M. Brutum Orator cum Strebacii et Victorii commentariis, qui post singulas huius libri partes deinceps sequuntur; Melanthonis autem scholia Cic. verbis in margine sunt apposita. 9 foll. non num. Index alphabeticus rerum ac verborum in hoc libello insignium.)*

* — *Orator, Iac. Lod. Strebacii, Victoris Pisani et incerti auctoris commentariis, item scholijs Phil. Melanchthonis illustratus. Parisiis, Thom. Richardus 1552. 4.*

— *ad Marcum Brutum Orator, Iacobi Lodoici Strebacii, Victoris Pisani, et cuiusdam incerti auctoris Commentariis, item Philippi Melanchthonis argumentis et scholiis, illustratus. Parisiis, Apud Thomam Richardum. 1554. — (In fine:) Parisiis, excudebat Thomas Richardus, 1551. (sic). 27 plagg. 4. (Primi folii pars aversa cont. Argumentum Ph. Melanchthonis; fol. 2—108. Cic. ad M. Brutum orator cum Strebacii, incerti auctoris, Victorii et Melanchthonis commentariis, qui post singulas huius libri partes deinceps sequuntur, aliae autem Melanchthonis adnotationes, eaeque plurimae, Cic. verbis in margine adscriptae sunt.) †††).*

*) Conf. M. T. Ciceronis ad M. Brutum Orator rec. et illustr. Franc. Goeller. (Lips. 1838. 8.) Prolegg. p. XVIII. nota 85.

**) Harum editionum eae, quas tantum ex Schweigeri libro: Handbuch der classischen Bibliographie T. II. P. I. p. 123., et Orellii indice editionum scriptorum Ciceronis (Onomast. Tullian. P. I. p. 232 sq. P. III. p. 345.) cognovimus, asterisco signatae sunt; ceteras in manibus habemus.

***) Huic editioni verosimiliter alia Haganoae antecessit, quae autem hucusque nobis ignota est.

****) Hanc editionem iam supra p. 685—686. descripsimus.

†) Hunc indicem habet exemplar, quod Orellius Basileae vidit; apud Schweigerum autem sic legitur: M. T. C. orator ad Brutum cum adnotationibus Phil. Melanchthonis. 8. Paris., Franc. Stephanus 1539.

††) Hanc editionem, quae et Schweigerum et Orellium fugit, iam supra p. 687—688. descripsimus.

†††) Haec editio, quae in bibliotheca regia Berolinensi asservatur et Schweigerum et Orellium latuit.

* *M. Tullii Ciceronis Orator cum argumentis et Scholiis Phil. Melancthonis. Parisiis, Thom. Richardus 1538. 4.*

— *de oratore libri tres. Eiusdem de perfecto oratore ad M. Brutum liber. Cum absolutiss. doctiss. viri Philippi Melancthonis castigationibus et scholijs. Coloniae Excudebat Petrus Horst. Anno 1564. 8.* (Huius editionis ultima 57¹/₂ folia non num. continent Cic. Oratorem a Mel. novis scholl. enarratum, quorum 47 priora foll. Cic. librum cum notis marginal., 10 foll. posteriora Explicationem locorum quorundam difficultium in perfectum Oratorem Ciceronis, Authore Philippo Melancthone, continent, ¹/₂ fol. vac.)*).

Praeter has novem editiones, in quibus Melancthonis scholia cum Ciceronis libro coniunctae reperiuntur, commemoranda est illa scholiorum collectio supra p. 687—688. descripta, sola Melancthonis aliorumque scholia sine Ciceronis libris, ad quos spectant, continens, quae *Basileae ex officina Roberti Winter, et Thomae Platterii, M. D. XLI. Mense Martio.* Fol. prodit, in cuius Tom. I. col. 861—874. Phil. Melancthonis in Cic. perfectum oratorem scholia collecta inveniuntur.

Ex his editionibus has sex in manibus tenemus: 1) Ed. anni 1535. *Hagan.*, 2) Ed. scholior. 1541. *Basil.*, 3) Ed. 1543. *Colon.*, 4) Ed. 1543. *Paris.*, 5) Ed. 1554. *Paris.*, 6) Ed. 1564. *Colon.*, quarum varietatem ita adnotabimus, ut lectioni annum tantummodo adscribamus, duas autem anni 1543. Editt. addita littera C. (*Colon.*) et P. (*Paris.*), ubi diversa habent, distinguamus. — In harum editionum tribus, scil. *Hagan. 1535.*, *Colon. 1543.* et *Colon. 1564.* Cic. libro Melancthonis notis marginalibus illustrato annexa est eiusdem locorum quorundam difficultium explicatio, quae partim ad eosdem locos spectant ac illae notae margin., partim ad alios. Ubi utraque ad eundem locum pertinet, aut omnino inter se consentiunt, aut differunt, quod vel nota margin. tantummodo partem scholii explicationis annexae iisdem verbis praebet, vel diversa continet verba. Quapropter in annotationibus a nobis adiectis non solum editionum varietatem, sed etiam notarum margin. et scholiorum, quae explicatio exhibet, diversitatem verborum memorabimus.

*) Hanc editionem iam supra p. 687—688. commemoravimus.

PH. MEL. IN CICERONIS ORATOREM SCHOLIA.

ARGUMENTUM.

Hic libellus tradit novam quandam rhetoricam. Continet enim elocutionis praecepta et maxime in compositionis praeceptis versatur, quorum nos in loco de imitatione fecimus mentionem. Proinde continet hic libellus ¹) praecepta compositionis, quae est elocutionis potissima pars. A principio quidem obiter inventionis praecepta, et alia quaedam puerilia praecepta adpersit ²). Cicero hunc libellum senex iam scripsit, cum iam ³) abstineret a republica et rursus C. Caesaris gratia uteretur. Proinde ⁴) in hoc libello voluit indicare Bruto, quae ratio dicendi omnium maxime esset utilis in republica. Nec quisquam tam demens sit, qui putet se hoc, quod hic traditur, adsecuturum. Non enim quilibet de populo hoc intelliget, imo nemo omnium, qui vivit,

hanc rationem de compositione intelligit. Interim tamen multa sunt, quae usui nobis esse possunt, propter multarum rerum cognitionem, quas complexus est. Nam cum de optimo genere scriberet ⁵), eius generis exemplum exhibet in hoc scripto. Itaque convenit hunc libellum vel in primis a studiosis magnifieri atque exoculari ⁶).

Cap. I. §. 1 ⁷). *Utrum difficilius]* Exordium a dubitatione ductum est, et captat benevolentiam hoc modo significans voluntatem gratificandi, et tamen opponit rei difficultatem ⁸). *Nam et negare]* Ratio ⁹).

§. 2. *Quid enim est maius]* αἰτιολογία proximae rationis. *Quod quoniam]* Conclusio prioris argumenti.

- 1) hic libellus] sic Editt. 1535., 1541., 1543. C., 1564.; in Ed. 1554. desunt.
2) adpersit] sic Editt. 1535., 1541., 1543. C., 1564.; Ed. 1554. adscripsit.
3) iam] sic Editt. 1535., 1541., 1543. C., 1564.; in Ed. 1554. deest.
4) Proinde] sic Editt. 1535., 1541., 1543. C., 1564.; Ed. 1554. Caeterum.

5) scriberet] sic Editt. 1541., 1564.; Editt. 1535., 1543. C. scribere; Ed. 1554. scribat.

6) Hoc argumentum, quod Editt. 1535., 1541., 1543. C., 1554., 1564. exhibent, in Ed. 1543. P. deest.

7) Capita et paragraphos secundum Editionem Orellianam ipsi adscripsimus; illae enim Editt. eiusmodi partitionibus carent.

8) ductum—significans] sic Editt. 1535., 1541., 1543. C., 1564.; Ed. 1554. ductum, in quo captat benevolentiam, significans. — In Ed. 1543. P. haec nota deest.

9) Haec nota in Editt. 1543. P., 1554. est omissa.

§. 3. *Quaeris tigitur*] Propositio, quae sit perfecta oratio. Nam argumentum libri est de compositione, quae est extrema et summa pars elocutionis, tametsi obiter repetat etiam, ut diximus, praecepta inventionis¹⁰⁾. *In quo vereor*] Occupatio, nolo quemquam absterre¹¹⁾.

§. 4. *Quod si quem*] Correctio. *Prima enim sequentem*] γνώμη. *Nam*¹²⁾ *in poetis*] Exempla correctionis.

§. 5. *Nec vero Aristotelem*]. Si Platonem copia et amplitudine¹³⁾ orationis non vicit, tamen in methodo vicisse constat.

Cap. II. §. 5. *Qui aut Ialysi*¹⁴⁾] De hoc^{14a)} pictore¹⁵⁾ vide Plinium¹⁶⁾. Plutarchus in vita Demetrii¹⁷⁾ scribit Apellem admiratum esse opus Ialysi pictum in Rhodo, et emisisse huiusmodi vocem, esse quidem praeclarum et admirabile opus, sed tamen nescivisse eum manum tollere de tabula. Dicunt autem quidam, Ialysum nomen esse urbis, et eius viri, qui urbem condidit, quidam vero monumentum pictum. Fuit autem hoc nomine urbs in Rhodo insula. Apud Suidam lego Bacchum ab illo pictum^{17a)}, sed arbitror locum mendosum esse¹⁸⁾.

10) elocutionis—inventionis] sic Editt. 1535., 1541., 1543. C., 1564.; Ed. 1554. eloquentiae, tametsi obiter repetat praecepta inventionis. — In Ed. 1543. P. haec nota deest.

11) Occupatio—absterre.] sic Editt. 1535., 1541., 1543. C., 1554., 1564.; in Ed. 1543. P. legitur sola vox: Occupatio.

12) *Nam*] sic Ed. Orell.; illae Editt.: An.

13) et amplitudine] sic Editt. 1535., 1541., 1543. C., 1564.; in Ed. 1554. desunt. — In Ed. 1543. P. tota haec nota omisa est.

14) *Ialysi*] sic Ed. Orell. et Editt. 1543. P., 1554.; Editt. 1535., 1541., 1543. C., 1564. h. l. et in nota: Hyalisi.

14a) De hoc] sic Editt. 1535., 1543. C., 1564.; Ed. 1541. De hoc autem.

15) Ialysus non fuit pictor, sed heros, qui filius fabulosi cuiusdam Cercaphi et Cydippae, et Solis nepos putabatur, cui aedificatio et denominatio Ialysi urbis insulae Rhodi, a Diodoro Siculo 5, 58. tribuitur. Haec fabula causa facta est tabulae pictae nobilissimae, in qua Protogenes Ialysum, qui Ialysios condidisse putabatur, suxerat. Protogenes Caunius, pictor celeberrimus, simul et statuarius, auctore C. O. Mueller Archaeol. §. 139. adn. 2. p. 136. ed. 2., soruit inde ab Ol. 112. (332) ad Ol. 120 (300). Vid. Franc. Goeller ad h. l. et I. Sillig: catalog. artificum p. 391—396.

16) Plin. hist. nat. lib. 35. c. 1. sect. 36.

17) Plut. Demetr. c. 22.

17a) Apud Suidam ed. Kuster. s. v. *Πρωτογένης* legitur de hoc pictore: δ τὸν ἐν Ῥόδῳ Διονύσιον Ἰεροπόρου. MSS. Paris. habent τὸ ἐν Ῥόδῳ Διονύσιον i. e. templum Bacchi, quod Rhodi erat. Si autem articulus masculinus, quem vulgatae Editt. exhibent, retineatur, pro *Διονύσιον* scribendum erit *Διονύσιον* i. e. Bacchum. Leopardus vero Emend. lib. 16. cap. 2. ex Plutarchi loco allato apud Suidam *Ἰάλυσον* pro *Διονύσιον* rescribendum esse censet. Vid. Kusteri adnot. ad h. l.

18) Haec nota ab Editt. 1535., 1543. C., 1564. in explicito. annexa exhibetur, in margine autem Cic. verbis adscripta

§. 6. *In oratoribus vero*] Addit¹⁹⁾ exempla ex oratoribus. *Quare non est*] Conclusio. *Nam neque illud*] γνώμη.

§. 7. *Atque ego in summo oratore*] Redit ad institutam²⁰⁾ propositionem, et praefatur ex praeceptis definitionis rem mudam et per se considerandam esse, non qualis est in hoc aut illo. Hanc absolutam et perfectam rei definitionem Plato vocat ideam. Et recte iubet ideas concipere, hoc est, vetat contentos esse vulgo collectis opinionibus, sed iubet perfectam et absolutam notitiam comparare, iuxta praecepta dialectices. Haec demum recte iudicabit, recte gubernabit actiones, ut perfecta idea in animo architecti recte gubernat aedificantem. Illae vulgares opiniones facile extorquentur hominibus: sicut videmus in vulgo accidere, quod alias alia probat, quia non habet perfectam notitiam honestarum rerum. At perfecta notitia certius iudicat. Quod vero dicantur ideae^{20a)} esse perpetuae, intelligendum est, sicut Aristoteles inquit, demonstrationes et definitiones perpetuas esse, hoc est, semper sui similes. Quia vera definitio et demonstratio semper est sui similis, ubicunque aut quacunque aetate cogitetur. Et ex hoc loco Ciceronis iudicari potest ideas apud Platonem intelligendas esse non animas aut formas coelo delapsas, sed perfectam notitiam, iuxta dialecticam. Ut cum virtutem definimus et consideramus per se, non qualis est in Catone aut Socrate, quia in his non est integra: ita hic Cicero praefatur se dicturum esse de ipsa eloquentia, non qualis fuit in plerisque oratoribus, sed imaginem se propositurum esse dicit per se consideratae²¹⁾. Hanc imaginem seu definitionem vocat ideam²²⁾. *Informabo*] Id est, in animo institutam aut concipiam. Nam sic loquuntur Latini²³⁾.

sunt: Loquitur de statu. In Ed. 1541. haec verba marginalia illi notae longiori praefixa sunt. Ed. 1554. non nisi haec in marg. nomini Ialysi sunt adscripta: Alias Hyalisi, et Ialysi. De hoc pictore vide Plinium lib. 35. cap. 10. In Ed. 1543. P. nota h. l. omnino deest.

19) Addit] sic Editt. 1535., 1541., 1543. C., 1564.; in Editt. 1543. P., 1554. deest.

20) institutam] sic Editt. 1535., 1541., 1543. C.; in Ed. 1564. deest.

20a) Conf. Bruckeri hist. crit. philos. T. I. p. 695 sqq. 699 sq.

21) consideratae (scil. eloquentiae)] sic Editt. 1535., 1541.; Editt. 1543. C., 1564. considerate.

22) Haec nota in Editt. 1543. P., 1554. deest.

23) Id est—Latini] sic Editt. 1535., 1541., 1543. C., 1564.; Ed. 1554. Id est, in animo constituam, aut concipiam. — In Ed. 1543. P. haec nota est omisa.

§. 8. *Sed ego sic statuo*] Huc quadrat philosophorum sententia²⁴⁾, causa debet perfectior se quam effectus.

Cap. III. §. 10. *Appellat ideas*] Id quod Plato eas vocat, Aristoteles demonstrationes appellat²⁵⁾. *Et ait semper esse*] Id est, sui similes se apud omnes sanos²⁶⁾.

§. 11. *Ac video hanc primam*] Occupatio est, in imperiti reprehensuri erant hanc philosophicam disputationem de ideis, hoc est, definitione²⁷⁾ rei per se conceptae. Huic reprehensio respondet bifariam, et quod primum philosophia instruxerit oratorem, et quod sine philosophia existere oratores non possint²⁸⁾. *Tum obscuram*] Id est, non omnes philosophi tenent in. *Res ipsa cognita*] Id est²⁹⁾, hic libellus formabit, qualis esse debeat eloquentia, nonialis sit.

§. 12. *Ego autem et me saepe nova*] Est duplex responsio ad occupationem. — Responsio prima quod philosophia primum instruxerit oratorem³⁰⁾. *Curricula*] Id est, studia scholae³¹⁾. *riorumque sermonum*] Id est, disputationum de natura solum, sed etiam de ratione dandi et moribus³²⁾. *In quibus Platonis*] Neminem perinde refert Cicero atque Platonem, ultimum enim verborum atque rerum ab illo impsit³³⁾. *Exagitatus*] Acutior factus. —

24) Huc — sententia] sic Editt. 1535., 1541., 1543. C., 1564.; in Editt. 1543. P., 1554. desunt.

25) Id — appellat] Editt. 1535., 1541., 1543. C., 1564.; Editt. 1543. P., 1554. Aristoteles demonstrationes vocat.

26) Haec nota in Editt. 1543. P. deest.

27) definitione] sic Editt. 1535., 1541., 1543. C.; Ed. 1564. de definitione.

28) Haec nota prolixior in Editt. 1535., 1541., 1543. C., 1564. in explicatione annexa exhibetur, in margine autem fisdem Cic. verbis in his 4 Editt. adscripta sunt: Occupatio, ad quam bifariam respondet, in Ed. 1554. Occupatio (cett. om.). — In Ed. 1543. P. haec nota et 3 sequentes desunt.

29) Id est] sic Editt. 1535., 1541., 1543. C., 1564.; in Ed. 1554. omiss.

30) Editt. 1535., 1543. C., 1564. harum notarum priorem „Est — occupationem” in explicatione annexa, posteriorem „Responsio — oratorem” in margine exhibent; in Ed. 1541. haec leguntur: Est duplex responsio ad occupationem. Haec autem prima est, quod philosophia primum instruxerit oratorem; in Ed. 1554.: Responsio prima ad occupationem, quod philosophia primum instruxerit oratorem.

31) Haec nota in Editt. 1543. P., 1554. desideratur.

32) Id est — moribus] sic Editt. 1535., 1541., 1543. C., 1564.; Ed. 1554. Disputationum de natura et ratione dandi. — In Ed. 1543. P. haec nota deest.

33) Haec nota in Editt. 1543. P., 1554. deest.

Hoc dicit³⁴⁾ propter locos communes, quos oratores a philosophis mutuuntur³⁵⁾. *Agrestibus musis*] Quasi diceret, res subtilius disputari³⁶⁾ in scholis, quam ab illis, qui in rebus versantur.

§. 13. *Sed tamen ornata verbis*] Id est, etiamsi ratio rhetorum, qui in foro dicerent, reprehensa est a philosophis, quod careret cognitione rerum et locorum communium, tamen quia fuit in admiratione ad vulgus, facile rhetores iudicium paucorum philosophorum, et contempserunt et neglexerunt³⁷⁾.

Cap. IV. §. 14. *Positum sit igitur*] Altera responsio³⁸⁾, sine philosophia non posse fieri oratorem. *Nam nec latius*] Quia destituunt eum loci communes.

§. 16. *Nec vero sine phil.*] Hic incipit partiri philosophiam in dialecticam, in doctrinam de moribus, et in cognitionem rerum naturalium³⁹⁾. *Quid dicam*] *φυσική*⁴⁰⁾. *De vita* *ἡθική*.

Cap. V. §. 17. *Quod alia intelligendi*] Id est, quod factae sunt diversae professiones philosophia et eloquentia⁴¹⁾. *Insidebat videlicet*] Redit ad institutam praefationem de idea.

§. 20. *Tria sunt omnino genera*] Quae hactenus tractavit Cicero, fuerunt quasi praefatio. Nunc autem incipit tradere praecepta, et principio

34) Hoc dicit] sic Editt. 1535., 1543. C., 1564. (in quibus verba „Acutior factus” in explicatione annexa, „Hoc — mutuuntur” in margine leguntur); Ed. 1541. Hoc autem dicit; in Ed. 1554. desunt.

35) a philosophis mutuuntur] sic Editt. 1535., 1541., 1543. C., 1564.; Ed. 1554. mutuuntur a philosophis. — In Ed. 1543. P. huius notae altera pars „Hoc dicit — mutuuntur” deest.

36) Quasi — disputari] sic Editt. 1535., 1541., 1543. C., 1564.; Ed. 1554. Res subtilius disputantur. — In Ed. 1543. P. haec nota omissa est.

37) Haec nota in Editt. 1543. P., 1554. deest.

38) Altera responsio] sic Editt. 1535., 1541., 1543. C., 1564.; Ed. 1554. Responsio altera ad occupationem. — In Ed. 1543. P. haec nota et sequens desunt.

39) Hic — naturalium] sic Ed. 1541. et Editt. 1535., 1543. C., 1564. in explicatione annexa; in margine autem haec 3 Editt. haec habent: Partitur philosophiam in tres partes, et primum de dialectica loquitur, deinde de physica, postea de morali; Ed. 1554. Partitur philosophiam in dialecticam, doctrinam de moribus, cognitionem rerum naturalium; Ed. 1543. P. Partitio philosophiae.

40) Haec nota et sequens in Ed. 1543. P. desunt.

41) Id est, quod factae — eloquentia] sic Ed. 1541. et Editt. 1535., 1543. C., 1564. in explicatione annexa; Ed. 1554. et Editt. 1535., 1543. C., 1564. in margine: Quod factae — eloquentia; Ed. 1543. P. Philosophiae eloquentiaeque divertium.

dicit de tribus generibus dicendi, quia hic liber maxime versatur in elocutionis et compositionis praeceptis ⁴²⁾. *Quibus in singulis*] Livius in grandi genere, Terentius in exili, Caesar in medio. *Perpauci in omnibus*] Scilicet ut unus Cicero, qui in orationibus est grandis, et interdum mediocris, in philosophicis vero libellis mirabilem proprietatem et parsimoniam conservat. *Nam et grandiloqui*] Grande genus. *Alii laevi* ⁴³⁾] Medium. *Et contra tenues*] Exile.

Cap. VI. §. 21. *Potius expers*] Elegans est ⁴⁴⁾ correctio, utraque excidunt, quando utrumque leviter attingitur. *Ut in corona toros*] Dicuntur tori ⁴⁵⁾ eminens quiddam in quacunque re. Plinius utitur hac voce saepe, et vocat toros nodos in herhis.

Cap. VII. §. 23. *Qui vim accommodarit*] Id est, qui sese accommodarit ad exprimentam perfectam eloquentiam, et meliorem, quam in omnibus aliis est videre. Cicero vero, quod ad copiam attinet, similior est Platoni quam Demostheni, verum quod ad consilium, compositionem et diligentiam attinet, simillimus est Cicero Demostheni ⁴⁶⁾. *Itaque nobis monendi sunt*] Secundum praeceptum, qui sint Attici; facit autem duas species, videlicet quosdam esse tenues, alios aliquanto etiam uberiores et grandiores, qualis fuit Demosthenes, aut Plato, aut Isocrates. Et reprehendit errorem istorum, qui solum ieiunos, aridos et siccos vocabant Atticos ⁴⁷⁾.

§. 24. *Non alienum puto*] Monet utendum esse foro, et sensus auditorum cognoscendos ⁴⁸⁾.

42) Quae — praeceptis.] sic Editt. 1541., 1554. et Editt. 1535., 1543. C., 1564. in explicat. ann.; in marg. autem haec 3 Editt. habent: De tribus generibus dicendi. — In Ed. 1543. P. haec nota et 5 sequentes desunt.

43) *laevi*] sic Ed. Orell.; Editt. 1543. P., 1554. (et Ed. Goeller.) *leui*; Editt. 1535., 1541., 1543. C., 1564. *lent*.

44) Elegans est] sic Editt. 1535., 1541., 1543. C., 1564.; in Editt. 1543. P., 1554. *omiss*.

45) De huius vocis significatione vid. Goeller ad h. l. — In Editt. 1543. P., 1554. haec nota *deest*.

46) Ed. 1554. huius notae, quam Editt. 1535., 1541., 1543. C., 1564. habent, solum initium „Id est — eloquentiam” exhibet; in Ed. 1543. P. *tota deest*.

47) Sic haec nota ab Editt. 1535., 1541., 1543. C., 1564. *affertur*; in Ed. 1554. eadem invenitur, at pro „quosdam esse tenues” in hac legitur: „quosdam tenues”, pro „aliquanto”: „aliquando”, pro „istorum”: „eorum”; in Ed. 1543. P. *deest*.

48) cognoscendos] sic Editt. 1535., 1541., 1543., 1564.; Ed. 1554. *esse cognoscendos*.

Cap. VIII. §. 24. *Semper oratorum eloquentiae*] Oratio plerumque sequitur fortunam, et quemadmodum sumus adfecti, sic quoque scribimus. Sic in oratione pro Marcello usus est medio genere dicendi, id quod in aliis orationibus non facit ⁴⁹⁾.

§. 25. *Rhodii nunquam probaverunt*] Nam cum apud hos Aeschines exularet ⁵⁰⁾, primum eos instituit cultiori orationis genere adsuescere et verecundiori ⁵¹⁾.

§. 26. *In illa pro Ctesiphonte*] *περὶ στεφάνου*.

Cap. IX. §. 28. *Quorum genera*] Versatur adhuc in illa collatione Atticorum.

§. 30. *Ecce autem aliqui*] Aliud genus perverse Atticum, videlicet breve, horridum ⁵²⁾ et obscurum ⁵³⁾.

§. 31. *An victus hominum*] Sicut Athenienses primi ostenderunt nobis fruges, sic etiam eloquentiam. Itaque non debemus uti oratione, quae ne quidem ab ipsis probatur ⁵⁴⁾.

§. 32. *Nomen eius extaret*] Adeo fuit fere ⁵⁵⁾ ignotus. *Huius tamen nemo*] Id est ⁵⁶⁾, eius virtutem non imitantur, sed tantum vitia. *Mutila*] Breviora iusto et obscura. Inter Xenophontem et Lysiam non multum interest, nisi

49) Haec nota in Editt. 1543. P., 1554. *omissa est*.

50) Aeschines, a Demosthene oratione pro corona victus, Athenas reliquit et in Asiam minorem, atque inde Alexandro Magno mortuo a. 324. in Rhodum se contulit, ibique scholam rhetoricam instituit, conf. Plut. Demosth. c. 24., Pauly: Real-Encycl. T. I. p. 183.

51) Haec nota in margine Editt. 1535., 1543. C., 1564. legitur, in explicatione autem his 3 Editt. *annexa et in marg. Ed. 1554. invenitur haec*: Apud Rhodios fuit Aeschines, a quo illud subtile ac tenue orationis genus didicerunt. Ed. 1541. utramque notam coniungens priori „Nam cum — verecundiori” addidit verba: itaque ab eodem illud subtile ac tenue orationis genus didicerunt. — In Ed. 1543. P. haec nota et sequens *desunt*.

52) videlicet breve, horridum] sic Ed. 1541. et Editt. 1535., 1543. C., 1564. in explicat. ann., in margine autem: videlicet breve et horridum; Editt. 1543. P., 1554. breve scilicet, horridum (voce *scilicet* per compendium s. scripta).

53) obscurum] sic Editt. 1535., 1541., 1543. C., 1554., 1564.; Ed. 1543. P. *obscoenum*.

54) Sicut — probatur] sic Editt. 1535., 1541., 1543. C., 1564. (1543. C., 1564. in marg. *se omisa*, quod in explic. ann. recte additur); Editt. 1543. P., 1554. Sicut Athenienses (1543. P. Athenienses sicut) primi ostenderunt nobis fruges, ita eloquentiam. (cett. om.).

55) fere] sic Editt. 1535., 1541., 1543. C., 1564.; in Editt. 1543. P., 1554. *deest*.

56) Id est] sic Editt. 1535., 1541., 1543. C., 1564.; in Ed. 1554. *desunt*. — In Ed. 1543. P. haec nota *omissa est*.

quod hic mollior esse videtur, uterque tamen suavissimus, ac velut rivuli amoenissimi decurrentes⁵⁷⁾.

§. 33. *Referamus nos igitur*] Epilogus est superiorum, et nova propositio⁵⁸⁾.

Cap. X. §. 33. *Quae specie dispares*] Hoc est sumptum ab Aristotele, qui omnes virtutes connexas in prudentia esse inquit⁵⁹⁾.

§. 34. *Ergo omnibus terris*] Hoc tempore Brutus⁶⁰⁾ erat proconsul in Gallia Cisalpina, vel Bononiae, vel Placentiae. Galli enim cum transcendissent Alpes, conseruerunt in istis locis⁶¹⁾.

§. 35. *Catone absoluto*] Caesar scripsit tres libros Anticato⁶²⁾, in quibus illum nec prudentem, nec bonum virum esse iudicavit. Semper enim fuerunt graves inimicitiae et perpetuae Caesari cum Catone. Istitis libris responderunt Brutus et Cicero⁶³⁾, de quibus sic iudicavit, videri se sibi disertum, cum legat Bruti, infantem vero, cum legat Ciceronis.

57) Pro hac nota, quam Ed. 1541. et Editt. 1535., 1543. C., 1564. in explic. ann. exhibent, in marg. harum 3 Editt. leguntur: Id est, breviora iusto et obscura. — In Editt. 1543. P., 1554. neutra invenitur.

58) Epilogus — propositio] sic Editt. 1535., 1541., 1543. C., 1564.; in Editt. 1543. P., 1554., hac nota in duas disjuncta, his Cic. verbis *Referamus* etc. in marg. adscripta sunt: Epilogus superiorum; sequentibus *Magnum opus omnino* autem: Nova propositio.

59) Hoc — inquit.] sic Ed. 1541. et Editt. 1535., 1543. C., 1564. in explicat. ann., in marg. harum 3 Editt. autem haec leguntur: Ex Aristotele sumptum, qui omnes virtutes connexas esse in prudentia dicit; Editt. 1543. P., 1554. Sumptum ab Aristotele, qui omnes virtutes connexas in prudentia esse ait. — Quid Aristoteles de prudentia (*σοφία*) doceat, Ritter Gesch. der Philosophie P. III. p. 344 sqq. exponit.

60) Marcus Iunius Brutus (*τυραννοκτόνος*) a Caesare Galliae Cisalpinae praefectus est a. u. c. 707., a. 47. a. Chr., quam provinciam praecclare administravit, vid. Cic. epist. fam. VI, 6, 10. XIII, 10—14. Plutarch. Brut. c. 6., Appian. bell. civ. II, 111.

61) Hoc tempore — locis.] sic Ed. 1541. et Editt. 1535., 1543. C., 1564. in explicat. ann. (in quibus 4 Editt. haec nota cum antecedente in unam est coniuncta); in margine autem harum 3 Editt. et Editt. 1543. P., 1554. nonnulli leguntur: Hoc tempore Brutus erat proconsul in Gallia Cisalpina (Ed. 1564. Transalpina).

62) Caesaris Anticato, teste Suetonio Iul. Caes. c. 56., duobus libris constabat. Quibus autem rationibus Caesar ad hos libros conscribendos adductus sit, Plutarchus Caes. c. 54. exposuit.

63) Scripserat ille M. Iunius Brutus Catonem sive de laudibus Catonis Uticensis librum, item Cicero M. Catonem seu laudem M. Catonis, quorum librorum iam dudum deperditorum Caesar alterum Ciceronis alteri Bruti longe praeferebat, ut e Cic. epist. ad Attic. 13, 46. elucet. Conf. Goeller ad h. I. Orat. et Ciceronis op. ed. Orell. Vol. IV. P. II. p. 457.

Cap. XI. §. 36. *Sed in omni re*] Repetit propositionem, videlicet quaerendum esse, quod genus orationis sit optimum⁶⁴⁾. *Χαρακτῆρ*] Est plane idem⁶⁵⁾, quod supra ideam vocavit.

§. 37. *Sed quoniam plura*] Tria sunt genera causarum, et sic⁶⁶⁾ perstringit obiter communia et vulgaria praecepta. *Ἐπιδεικτικόν*] Id est⁶⁷⁾, demonstrativum, quod quasi ad pompam et ostentationem comparatum est.

Cap. XII. §. 38. *Ut verba verbis quasi dimensa*] Id est, ut sint iusta et paria spatia periodorum. *Et ut⁶⁸⁾ pariter extrema*] Ut sint⁶⁹⁾ *ὁμοιοτέλευτα*. *In Panathenaico*] Panathenaeam orationem scripsit Isocrates; cum esset natus annos 94. Est autem encomium Athenarum et rerum gestarum. Sic enim est in principio: *ἡγοῦμαι γὰρ οὐχ ἀρμόττειν, οὔτε τοῖς ἔτεσι τοῖς ἐνεγήκοντα καὶ τέσσαρα, ὧν ἐγὼ τυγχάνω γεγονώς, οὔτε ὅλως τοῖς ἤδη πολιὰς ἔχουσιν, ἐκείνον τὸν τρόπον ἐπιλέγειν*, etc.

§. 39. *Versicolorum similia*] Membra mutila⁷⁰⁾ et hiulca. *Commota est*] *ἄρμησεν*⁷¹⁾, exorta est, coepit tractari.

Cap. XIII. §. 40. *Horum aetati successit*] Brutus amavit quoddam triste et breve, siccum et aridum genus orationis. Isocrates autem longissimos ambitus et circumductiones habet, et primus adhibuit artem ad explendas hiulcas et pendentes sententias. Itaque cum Brutus versaretur in alio genere orationis, non potuit laudare Isocratem⁷²⁾. *Si quid in eo laudem*⁷³⁾] Ideo laudo,

64) Repetit — optimum] sic Editt. 1535., 1541., 1543. C., 1564.; Editt. 1543. P., 1554. Repetit propositionem. (cett. om.).

65) Est plane idem] sic Editt. 1535., 1541., 1543. C., 1564.; Editt. 1543. P., 1554. Plane idem est.

66) Et sic] sic Editt. 1535., 1541., 1543. C., 1564.; in Ed. 1554. omiss. — In Ed. 1543. P. haec nota deest.

67) Id est] sic Editt. 1541., 1554. et Editt. 1535., 1543. C., 1564. in expl. ann., in marg. autem harum 3 Editt. omiss. — In Ed. 1543. P. haec nota deest.

68) ut] sic Ed. Orell. et Editt. 1543. P., 1554.; Editt. 1535. (1541.), 1543. C., 1564. aut.

69) Ut sint] sic Editt. 1535., 1541., 1543. C., 1554., 1564.; in Ed. 1543. P. desunt.

70) mutila] sic recte Ed. 1541.; Editt. 1535., 1543. C. inutilia, Ed. 1564. inutilia. — In Editt. 1543. P., 1554. haec nota desideratur.

71) ἄρμησεν] sic Editt. 1541., 1543. P., 1554.; Editt. 1535., 1543. C. ἄρμησεν; Ed. 1564. ὄμωσεν.

72) Haec nota in Editt. 1543. P., 1554. deest.

73) laudem] sic Ed. Orell. et Editt. 1543. P., 1554., 1564.; Editt. 1535., 1543. C. laudum.

quia Isocrates primum adhibuit artem ad explendas hiulcas et pendentes sententias⁷⁴).

§. 41. *Itaque ut ego*] Similitudo elegans⁷⁵. *Maiore mihi ingenio*] Platonis iudicium de Isocrate⁷⁶).

Cap. XIV. §. 43. *Quoniam tria videnda*] Hactenus de genere demonstrativo, et primo dixit quid sit, postea recitavit exempla, nunc de iudicialibus causis. Principio autem breviter percurrit praecepta inventionis et dispositionis, admonet quod oporteat horum peritum esse oratorem, quamquam id nondum⁷⁷) sit satis.

§. 44. *Ac duo breviter*] Inventio et dispositio⁷⁸). *Qua tamen in causa*] Ego sic lego⁷⁹), quae tamen qua in causa est vacua prudentia?

§. 45. *Nam quoniam*⁸⁰) *quicquid est*] Tres status⁸¹). *Sed hic excellens*] Id est, sciat etiam transferre hypothesin ad thesin. *Probatum*] Approbat concessum⁸²).

§. 46. *Idemque locos*] Topica intelligit.

Cap. XV. §. 48. *Sed ut segetes*] Similitudo⁸³).

§. 50. *Iam vero ea*] Dispositio. *Vestibula nimirum*] In exordiis quid observandum.

Cap. XVI. §. 51. *Quum autem quid*] De elocutione nunc incipit dicere, et perstringit obiter quaedam de actione⁸⁴). *Scitum est enim quod*

74) Haec nota ab Ed. 1541. abest.

75) Haec nota et sequens in Editt. 1543. P., 1554. desunt.

76) Hoc Platonis de Isocrate iudicium legitur in fine Phaedri (op. ed. H. Steph. T. III. p. 279. a. — ed. Bipont. Vol. X. p. 389.): Δοκεί μοι (scil. Ἰσοκράτης) ἀμείνων ἢ κατὰ τοὺς περὶ Ἀντιστάν εἶναι λόγους, τὰ τῆς φύσεως· ἐτι δὲ ἤδη γενικωτέρῳ κεκράσθαι· ὥστε οὐδὲν ἂν γένοιτο θαυμαστόν προϊούσης τῆς ἡλικίας εἰ περὶ αὐτοῦς τε τοὺς λόγους οἷς γὰρ ἐπιχειρεῖ, πλεον ἢ παίδων διενέγκοι τῶν πάποτε ἀψαμένων λόγων· ἐτι τε εἰ αὐτῶ μὴ ἀποχρήσαι ταῦτα, ἐπιμείζω δὲ τις αὐτῶν ἀγοι ὀρμῇ θειοτέρα. φύσει γάρ . . . ἐπιστὶ τις φιλοσοφία τῆ τοῦ ἀνδρός διανοία.

77) nondum] sic Ed. 1541. et Editt. 1535., 1543. C., 1564. in explic. ann.; Ed. 1554. non. — In marg. Editt. 1535., 1543. C., 1564. legitur nota: De iudicialibus causis; in Ed. 1543. P. neutra adnot. reperitur.

78) Haec nota in Editt. 1543. P., 1554. deest.

79) Ego sic lego] sic Editt. 1535., 1541., 1543. C., 1554., 1564.; in Ed. 1543. P. omittas.

80) quoniam] sic Ed. Orell. et Editt. 1543. P., 1554.; in Editt. 1535., (1541.), 1543. C., 1564. deest.

81) Haec nota ab Editt. 1543. P., 1554. abest.

82) Huic notae, quae in Editt. 1543. P., 1554. deest, adscripta est vox Cic. *Probat*, quae autem h. l. nusquam reperitur, quapropter ad vocem *Probatum* eam retulimus.

83) Haec nota et duae sequentes in Editt. 1543. P., 1554. desiderantur.

84) Haec nota in Editt. 1543. P., 1554. ad Cic. verba antecod. (Cap. XV. §. 50.) *Atque in primis duabus* relata est.

Carneades] Hic fuit Academicus⁸⁵) ex nova Academia, quae nihil certi constituit, sed alia aliis esse magis probabilia. Et sapientem virum debere ἐπέχειν, id est, suspendere suum iudicium, quod nihil certi in humana sapientia esset⁸⁶). *Eodem etiam modo*] Pari foelicitate, pari cursu elocutionis et actionis.

§. 52. *Rem difficilem*] Quia sunt varia genera dicendi. Item diversae sunt naturae⁸⁷), quae diversum probant.

§. 53. *Elaborant alii in lenitate*⁸⁸)] Ut Cicero in epistolis. *Ecce aliqui*⁸⁹) *duritatem*] Ut Thucydides apud Graecos, Varro vel⁹⁰) Cato apud Latinos.

Cap. XVII. §. 54. *Hoc munus*] Elocutionem intelligit. *De orationis modo*] Id est⁹¹), de elocutione. Prius de actione dicam, quam venero ad elocutionem⁹²).

§. 55. *Est enim actio*] De actione; supra dixit de inventione, infra de elocutione⁹³). In has enim partes partitus est eloquentiam. Ea autem apud nos actio commendatur, quae quam minimum corpus commovet. Nec possumus imitari veteres in hac parte, cum de actione et pronuntiatione hodie nulla extent exempla. *Vocis mutationes*] Id est⁹⁴), singuli affectus habent suas⁹⁵) indicationes in voce. Demosthenes ideo primas, secundas et tertias tribuit actioni, quia iudicavit se non esse satis foelicem in agendo propter vitium linguae, quo laborabat⁹⁶). Itaque

85) De Carneade Cyrenaeo, Egesini discipulo et in Academia cathedra successore vid. Diog. Laert. l. IV. c. 9. Bruckeri hist. crit. philos. T. I. p. 728. 759 sqq.

86) Haec nota in Editt. 1543. P., 1554. deest.

87) genera dicendi. Item diversae sunt naturae] sic Editt. 1535., (1541.), 1543. C., 1564.; Editt. 1543. P., 1554. dicendi genera: item (1543. P. itemque) diversae naturae.

88) in lenitate] sic Ed. Orell.; Editt. 1543. P., 1554. lenitate; Editt. 1535., (1541.), 1543. C., 1564. levitate.

89) aliqui] sic Ed. Orell.; illae Editt. alii.

90) vel] sic Editt. 1535., 1541., 1543. C., 1564.; Editt. 1543. P., 1554. et.

91) Id est] sic Editt. 1535., 1541., 1543. C., 1564.; Editt. 1543. P., 1554. Hoc est.

92) Prius — elocutionem.] haec in Editt. 1543. P., 1554. desunt.

93) De actione — elocutione] sic Editt. 1535., 1541., 1543. C., 1564.; Ed. 1554. Supra dixit de inventione, infra de elocutione dicet, nunc de actione agit. — In Ed. 1543. P. tota haec adnot. deest.

94) Id est] in Editt. 1543. P., 1554. omittas.

95) habent suas] sic Editt. 1535. — 1543., 1564.; Ed. 1554. suas habent.

96) Conf. Plut. Demosth. c. 7. 11.

indicabat se destitutum esse hac parte, et ea se⁹⁷⁾ saepe vinci a stultis. Sunt autem plerumque maiori admirationi ea nobis, quae deesse nobis animadvertimus⁹⁸⁾.

§. 56. *Contenta voce*] Id est, intensa, exaltata⁹⁹⁾.

§. 57. *Mira est enim quaedam*] Id est, est¹⁰⁰⁾ mirabilis quaedam musica in voce. Ex tribus enim tonis temperatur tota musica¹⁾.

Cap. XVIII. §. 57. *Non hic e Phrygia*] Id est, non Gallicum genus cantillandi²⁾. Est enim umbra quaedam carminis in prouuntiatione.

§. 58. *In quo illud etiam*] Id est³⁾, natura voluit indicare, alia esse elevanda, alia deprimentanda.

§. 59. *Ille princeps*] Perfectus orator⁴⁾. *Rarus incessus*] Id est⁵⁾, in dicendo non multum progrediatur aut regrediatur. *Non ad numerum articulus*] Sic minoribus monarchis cadunt omnes articuli in concionibus, et est cantus imitans asininum quiddam⁶⁾.

Cap. XIX. §. 61. *Sed iam illius*] De elocutione. Elocutio proprie pertinet ad oratorem⁷⁾. Actio enim etiam est histrionum⁸⁾. Inventio et dispositio sunt omnium prudentium hominum.

97) se] sic Editt. 1535., 1541., 1543. C.; in Ed. 1564. omiss.

98) Demosthenes — animadvertimus.] sic Editt. 1535., 1541., 1543. C., 1564.; in Editt. 1543. P., 1554. desunt.

99) Id est — exaltata.] sic Editt. 1535., 1541., 1543. C., 1564.; Ed. 1543. P. Id est, intensa et exaltata; Ed. 1554. Contenta, intensa, exaltata.

100) Id est, est] sic Editt. 1535., 1541., 1543. C., 1564.; in Editt. 1543. P., 1554. desunt.

1) Ex tribus — musica.] sic Editt. 1535., 1541., 1543. C., 1554., 1564.; Ed. 1543. P. quae ex tribus tonis tota temperatur.

2) Id est — cantillandi.] sic Editt. 1535., 1541., 1543. C., 1564.; Ed. 1554. Non Gallicum cantillandi genus. — In Ed. 1543. P. tota haec nota desideratur.

3) Id est] in Editt. 1543. P., 1554. omiss.

4) Perfectus orator] sic Editt. 1535., 1541., 1543. C., 1564.; Ed. 1543. P. Id est, perfectus orator; Ed. 1554. Principem vocat perfectum oratorem.

5) Id est] sic Editt. 1535., 1541., 1543. C., 1564.; Ed. 1543. P., 1554. Hoc est.

6) Haec nota in Editt. 1543. P., 1554. deest.

7) De elocutione — oratorem.] sic Editt. 1535., 1543. C., 1564. in explicatione annexa; in margine autem harum Editt. leguntur: De elocutione, quae est propria oratoris; Ed. 1554. De elocutione, quae proprie ad oratorem pertinet; Ed. 1541. De elocutione, ea autem proprie pertinet ad oratorem.

8) histrionum] sic Editt. 1535., 1541., 1543. C., 1554.; Ed. 1564. ad histrionem. — In Ed. 1543. P. tota haec adnot. deest.

*Non enim*⁹⁾ *inventor*] Id est¹⁰⁾, quia dicitur orator, non inventor, ab elocutione videlicet, ergo ista est praecipua virtus.

§. 62. *Quamquam enim et philosophi*] De oratione philosophorum. Separat elocutionem philosophorum ab oratorum¹¹⁾. Nam illorum elocutio contenta est grammatico sermone: amplificationes aut nullae sunt aut raras. Compositio vero prorsus nihil habet dissimile quotidiano sermoni. Utitur genere orationis philosophorum Cicero in philosophicis, [et Aristoteles. Plato vero est oratorius philosophus¹²⁾. *Isocratem ipsum lacesivit*] Quia ab illo est irrisus postea¹³⁾. *Nervos*] Solida et valentia in pugna argumenta¹⁴⁾.

§. 63. *Loquuntur cum doctis*] Exemplum philosophicae¹⁵⁾ orationis habes apud Ciceronem in Officiis.

§. 65. *Sophistarum, de quibus supra dixi*] Sophistarum oratio, ut est Isocratea¹⁶⁾. *Concinnas magis sententias*] Id est¹⁷⁾, multa dicunt voluptatis causa, quae tamen non sunt firma. *A re saepe discedunt*] Id est, utuntur¹⁸⁾ metaphoris longius ductis.

Cap. XX. §. 66. *Ab his non multo secus*] Quia historia est similis poemati recipiens multum figurarum et ornamentorum¹⁹⁾.

§. 67. *Quod sub aurium*] Id est²⁰⁾, nunc deprehensum est oratores suum habere versum et numerum, sed versus oratorum est liberior. *Ῥυθμὸς* habet certa intervalla, quae constant

9) enim] sic Ed. Orell. et Editt. 1543. P., 1554.; in Editt. 1535., (1541.), 1543. C., 1564. deest.

10) Id est] in Ed. 1554. omiss. — In Ed. 1543. P. tota haec adnot. deest.

11) ab oratorum] sic Editt. 1535., 1543. C., 1564. in explic. ann.; in margine autem harum Editt. et in Ed. 1541. ab oratorum elocutione.

12) Separat elocutionem — philosophus] sic Editt. 1535., 1541., 1543. C., 1564.; in Editt. 1543. P., 1554. desunt.

13) Haec nota ab Editt. 1543. P., 1554. abest.

14) Solida — argumenta] sic Editt. 1535., 1541., 1543. C., 1564.; Ed. 1543. P. Id est, solida et valentia argumenta; Ed. 1554. Nervos vocat valentia et solida argumenta.

15) philosophicae] Ed. 1535. typogr. errore: philosophici.

16) ut est Isocratea] sic Editt. 1535., 1541., 1543. C.; Ed. 1564. ut est Isocratica: Ed. 1543. P., 1554. id est Isocratea („Sophistarum oratio” in Ed. 1543. P. omiss.).

17) Id est] in Ed. 1554. omiss. — In Ed. 1543. P. haec nota et sequens desunt.

18) Id est, utuntur etc.] sic Editt. 1535., 1541., 1543. C., 1564.; Ed. 1554. A re discedunt, cum saepe utuntur etc.

19) multum figurarum et ornamentorum] sic Editt. 1535., 1541., 1543. C., 1564.; Editt. 1543. P., 1554. multas figuras et ornamenta.

20) Id est] in Ed. 1554. omiss.

incertis²¹⁾ pedibus. *Mέτρων* seu versus habet certa intervalla, quae certis pedibus constant, sicut versus Virgilio, Ovidii et aliorum poetarum²²⁾.

§. 68. *Ego autem etiam si*] Oratores differunt a poetis, quia non habent versum, deinde nec tam crebras figuras habent²³⁾.

Cap. XXI. §. 69. *Erit igitur eloquens*] Quintum praeceptum²⁴⁾, in quo definitur orator, quod videlicet is demum sit orator, qui complexus sit haec tria officia, docendi, delectandi et movendi. Livius movet etiam, cum loquatur de rebus ignotis et aliis temporibus gestis²⁵⁾.

§. 70. *Ut enim in vita*] Sextum praeceptum de decoro, quod non potest verbis satis explicari, cerni quidem in scriptis et in usu vitae potest. Nam alii homines aliter tractandi sunt, et aliis temporibus alii vultus sumendi sunt²⁶⁾.

§. 71. *Non enim omnis fortuna*] Id est, decorum variatur pro varietate circumstantiarum. Alia est enim oratio Aeneae, qui constans, gravis et dissimulator calamitatum est. Sic enim est apud Virgilium²⁷⁾:

Spem vultu simulat, premit altum corde dolorem. Alia Mesentii²⁸⁾, qui mavult omnia ruere, quam remittere aliquid de sua pertinacia. Sic Micio etiam, cum irascitur, est commodus, Demea vero etiam placatus est acerbus²⁹⁾.

21) incertis] sic recte Editt. 1535., 1541. (Numerus enim poeticus ab oratorio, praeter alia, eo differt, quod in illo certi atque numerati pedes, in hoc pedes quidem sunt, sed neque certi neque numerati; conf. Strebacii adnot. ad h. l.); Editt. 1543. C., 1564. in certis.

22) *Μέτρων* — poetarum.] sic Editt. 1535., 1541., 1543. C., 1564.; in Ed. 1554. desunt. — In Ed. 1543. P. tota haec nota et duae sequentes desiderantur.

23) Oratores — habent.] sic Editt. 1535., 1541., 1543. C., 1564.; Ed. 1554. Oratores hoc differunt a poetis, quod non habent versum, nec tam crebras figuras.

24) Quintum praeceptum] sic Editt. 1541., 1543. C., 1554., 1564. et Ed. 1535. in explic. ann., at in marg. huius Ed. male: Quintum non praeceptum.

25) Quintum — gestis.] sic Editt. 1535., 1541., 1543. C., 1564.; Ed. 1554. Quintum praeceptum, eum demum esse oratorem, qui haec tria officia complexus sit, docendi, delectandi et movendi.

26) Nam alii — sumendi sunt.] sic Editt. 1535., 1541., 1543. C., 1564.; in Ed. 1554. haec desunt. — Ed. 1543. P. nonnisi huius notae initium exhibet: Sextum praeceptum.

27) Virg. Aen. I, 209.

28) Mesentii] sic Editt. 1535., 1541., 1543. C., 1564.; apud Virgil. legitur: Mesentius. — Huius viri pertinacia pluribus locis a Virgilio describitur, e. c. Aen. X, 689 sqq.

29) Sic Micio et Demea, duo dissimillimo ingenio fratres, a Terentio in Adelphis effinguntur. — In Editt. 1543. P.,

§. 72. *Non quum de recto ipso*] Dii rectum et decorum³⁰⁾. Rectum est omnium tutum. Decorum est tantum quartae speciei vocatur modestia.

Cap. XXII. §. 72. *Genere toto*] Id est argumento, quia³¹⁾ res humiles tractantur gnifice et splendide. *Tamen eadem res*] Id dictum non eodem modo, non idem valet.

§. 73. *Tamen magis offendit*] Est Is praeceptum³²⁾, multo melius est abstinere ris, et tantum proprio sermone uti, quam sere peregrinas et procul quaesitas figuras. *non sentirent quid*] Id est, qui erant nimis gentes, debebat enim speciem quandam neitiae habere³⁴⁾. *Quum hoc, inquam, decere* est, aliud sit decere quam oportere³⁵⁾. C. pertinet ad iustitiam, fortitudinem et alias res. Decere pertinet ad modestiam. C. nos edere, sed quomodo edamus, ad de. pertinet. Sic loqui ad oportet pertinet, se modo loquamur, ad decorum³⁶⁾.

§. 74. *Oportere enim perfectionem*] hoc quod est necessarium, semper adsit o ut solvere debitum creditori, significat oportet. Decorum versatur in rebus, quae mutantur poribus. Oportere autem versatur in rebus perpetuo sunt necessariae³⁷⁾.

Cap. XXIII. §. 75. *Sequitur ut cuiusque* neris] Forma submissi generis, seu oratorici, ut Terentii et Philipp. Ciceronis.

1554. tantummodo huius notae verba „Decorum pro varietate circumstantiarum” inveniuntur.

30) Differunt rectum et decorum] sic Editt. 1535. 1543. C., 1564.; in Ed. 1554. desunt. — In Ed. tota haec adnot. et duae sequentes omissae sunt.

31) quia] sic Editt. 1535., 1541., 1543. C., 1564.; I nam.

32) Id est] in Ed. 1554. omiss.

33) Est Isocratis praeceptum] sic Ed. 1541. et Editt. 1543. C., 1564. in explic. ann.; in marg. autem Editt.: Isocratis praeceptum est. — In Editt. 1554. haec nota deest.

34) debebat — habere.] sic Editt. 1535., 1541., 1564.; in Editt. 1543. P., 1554. omiss.

35) Id est — oportere] Pro his, quae ab Editt. 1541., 1554. et in explicat. ann. Editt. 1535., 1543. C. exhibentur, in margine harum 3 Editt. leguntur: runt decere et oportere.

36) Oportet — decorum.] sic Editt. 1535., 1541., 1564.; in Editt. 1543. P., 1554. desunt.

37) Id est — necessariae] sic Editt. 1535., 1541., 1564.; in Editt. 1543. P., 1554. sola inveniuntur. Hoc quod est necessarium, semper adsit oportet.

enim et grandis natu dixit parcus, quam cum floretet adhuc³⁸⁾.

§. 76. *Consuetudinem*] Id est, quotidianum sermonem³⁹⁾. *Illis maximis*] Id est⁴⁰⁾, non sit⁴¹⁾ macies orationi. Ut in versibus nos elidimus vocales, sic olim in soluta oratione elidebant⁴²⁾.

§. 77. *Solutum quiddam*] De compositione huius generis⁴³⁾.

§. 78. *Circuitus*] Id est, periodus⁴⁴⁾. *Conglutinatioque*] Compositio, id est, in hoc submisso genere non fiunt adeo accuratae⁴⁵⁾ periodi. *Sed quaedam etiam negligentia*] Non tamen oportet, ut sit rustica negligentia⁴⁶⁾.

Cap. XXIV. §. 79. *Ex abdito erutae*] Id est, redoleant aliquam⁴⁷⁾ doctrinam.

§. 80. *Oratoriae quasi supellectilis*] Id est, figurarum⁴⁸⁾. *Ut⁴⁹⁾ mutuo*] Alii legunt, aut mutuo sumunt.

§. 81. *Collocata autem verba^{49a)}*] Ut, Inceptum est amentium haud⁵⁰⁾ amantium. *Etiam si verba mutaveris*] Ut⁵¹⁾; Quid igitur faciam? non eam? etc.

§. 82. *Docendi causa*] Id est, necessitatis causa. Quando non habemus aliud verbum,

38) Forma — adhuc.] sic Editt. 1535., 1541., 1543. C., 1564.; Editt. 1543. P., 1554. Formula summissi generis seu oratoris Attici, qualis est Terentius et Cicero in Philippicis.

39) Id est — sermonem.] sic Editt. 1535 — 1543, 1564.; Ed. 1554. Consuetudinem vocat quotidianum sermonem.

40) Id est] in Editt. 1543. P., 1554. omiss.

41) sit] sic Editt. 1535 — 1554.; Ed. 1564. est.

42) elidebant.] sic Editt. 1535., 1541., 1543. C., 1564.; Editt. 1543. P., 1554. fiebant. — Verba „Ut in versibus — oratione fiebant”, in his 2 Editt. ab antecedentibus seiuncta, Cic. verbis (§. 77.) *Habet enim ille tanquam hiatus*, in marg. adscripta sunt.

43) Haec nota in Editt. 1543. P., 1554. deest.

44) Haec nota et sequens ab Ed. 1543. P. absunt.

45) accuratae] sic Editt. 1535., 1541., 1543. C., 1554.; Ed. 1564. accurate.

46) Haec nota in Editt. 1543. P., 1554. omisa.

47) redoleant aliquam] sic Editt. 1535., 1541., 1543. C., 1564.; Ed. 1554. redolebant aliquando. — In Ed. 1543. P. haec nota et duae sequentes desunt.

48) Id est, figurarum] sic Editt. 1535., 1541., 1543. C., 1564.; Ed. 1554. Oratoriam supellectilem vocat figuras.

49) Ut] sic Ed. Orell. et Editt. 1543. P., 1554.; Editt. 1535., (1541.), 1543. C., 1564. aut.

49a) Pro his Cic. verbis in Ed. 1541. huic notae et sequenti cum ea coniunctae Cic. verba *Quod verbis mutatis adscripta sunt*.

50) haud] sic Editt. 1535., 1543 — 1564.; Ed. 1541. non.

51) Ut] sic Editt. 1535., 1543 — 1564.; Ed. 1541. Item. — Haec voce haec nota in Ed. 1541., Cic. verbis omissis, cum antecedente in unam coniuncta est.

tum⁵²⁾ oportet isto uti, ut: ferre crucem; iam enim usus molliit hanc vocem⁵³⁾.

Cap. XXV. §. 83. *Caeteroquin*] Id est, alioquin. *Nam sicut*] Adhibet schemata⁵⁴⁾.

§. 84. *Nam illa, de quibus*] ἀντίθετα, ὁμοιοτέλευτα καὶ⁵⁵⁾ ὁμοιοπίπρωτα.

§. 85. *Continuationem verborum modo*] Definitio generis Attici⁵⁶⁾. *Nec acervatim*] συναθροισμῶς intelligit⁵⁷⁾.

§. 86. *Accedet⁵⁸⁾ actio*] Actio in hoc genere.

Cap. XXVI. §. 87. *Unum facetiarum*] Facetia est in perpetua oratione, et istiusmodi⁵⁹⁾ sunt Terentianae orationes. *Alterum dicacitatis*] Dicacitas est in uno dicto.

§. 91. *Uberius est aliud*] De medio vel mediocri genere. Est autem plane verum, nos in Latina lingua plura habere exempla eloquentiae, quam Graecos. Habemus enim Livium, cuius ego⁶⁰⁾ neminem similem scio apud Graecos, quod ad eloquentiam attinet, deinde Ciceronem, qui in omnibus generibus valet⁶¹⁾. *Nervorum*] Id est, seriorum argumentorum. *Oratores⁶²⁾* sumunt ornamenta a poetis, nervos vero a philosophis.

Cap. XXVII. §. 92. *Translata verba*] Metaphora⁶³⁾.

§. 94. *Genere melius ille*] Id est⁶⁴⁾, Aristoteles omnes tropos vocat metaphoras⁶⁵⁾.

52) tum] sic Ed. 1541. et Editt. 1535., 1543. C., 1564. in explicat. ann.; Ed. 1554. tamen.

53) Quando — vocem.] sic Editt. 1541., 1554., et Editt. 1535., 1543. C., 1564. in explic. ann.; in margine autem harum 3 Editt. pro his leguntur: Oportet enim isto uti, quando aliud verbum non habemus, ut ferre crucem. — In Ed. 1543. P. haec nota deest.

54) Haec nota in Editt. 1543. P., 1554. omissa est.

55) καὶ] sic Editt. 1535., 1541., 1543. C., 1564.; in Ed. 1554. omiss. — In Ed. 1543. P. haec nota deest.

56) Haec nota in Editt. 1543. P., 1554. desideratur.

57) Haec adnot. in Ed. 1543. P. deest.

58) *Accedet*] sic Ed. Orell.; illae Editt. *Accedit*. — Haec nota in Editt. 1541., 1543. P., 1554. omissa est.

59) et istiusmodi] sic Editt. 1535., 1541., 1543. C., 1564.; Ed. 1554. cuiusmodi. — In Ed. 1543. P. haec nota et sequens desunt.

60) ego] sic Editt. 1535., 1541., 1543. C.; in Ed. 1564. deest.

61) De medio — valet.] sic Editt. 1535., 1541., 1543. C., 1564.; Editt. 1543. P., 1554. De medio et mediocri genere (cett. om.).

62) Id est — Oratores] sic Editt. 1535., 1541., 1543. C., 1564.; Ed. 1554. Nervos appellat seria argumenta. Oratores autem. — In Ed. 1543. P. haec nota deest.

63) Haec nota in Editt. 1541., 1543. P., 1554. est omissa.

64) Id est] in Editt. 1543. P., 1554. omissa.

65) vocat metaphoras] sic Editt. 1535 — 1543., 1564.; Ed. 1554. metaphoras vocat.

§. 96. *Est enim*⁶⁶⁾ *quoddam*] Sophisticum genus etiam ad medium pertinet.

Cap. XXVIII. §. 97. *Tertius est ille*] De grandi⁶⁷⁾ genere, in quo est Livius⁶⁸⁾. *Hic est enim, cuius*] Id est, ista eloquentia implevit aures populi.

§. 99. *At vero hic*] Grandis⁶⁹⁾ non valet, nisi interdum se submittat.

§. 100. *Tenemus igitur*] Conclusio⁷⁰⁾.

Cap. XXIX. §. 100. *Quis est igitur*] Definitio eloquentis viri.

§. 101. *Ego enim quid desiderem*] Hoc est⁷¹⁾, ego de re ipsa disputo, non de persona. *Rei formam*] Rem⁷²⁾ consideratam sine⁷³⁾ persona.

§. 102. *Tota mihi causa*] Exempla trium generum. Pertinet autem oratio pro Caecinna ad subtile genus⁷⁴⁾. *De verbis interdicti*] Caecinna⁷⁵⁾ arcetur lapidibus a suo praedio a quodam, qui illud occupaverat. Egit cum illo de interdicto, respondit alter se non eiecisse, sed prohibuisse etc. Itaque est tantum quaedam calumnia verborum.

Cap. XXX. §. 107. *Et quae sequuntur*] Locus extat in oratione pro Aulo Cluentio⁷⁶⁾.

66) *enim*] sic Ed. Orell. et Editt. 1543. P., 1554.; in Editt. 1535., (1541.), 1543. C., 1564. deest.

67) *grandi*] sic Editt. 1535., 1541., 1543. C., 1554., 1564.; Ed. 1543. P. gravi.

68) in quo est Livius] sic Editt. 1535., 1541., 1543. C., 1564.; Editt. 1543. P., 1554. ut Livii.

69) *Grandis*] sic Editt. 1535., 1541., 1543. C., 1564.; Ed. 1554. Amplum genus. — In Ed. 1543. P. deest.

70) Haec nota et sequens in Editt. 1543. P., 1554. desiderantur.

71) Hoc est] sic Ed. 1541. et Editt. 1535., 1543. C., 1564. in explic. ann.; in marg. harum 3 Editt. et Editt. 1543. P., 1554. Id est.

72) *Rem*] sic Editt. 1535., 1541., 1543. C., 1564.; Ed. 1543. P. Id est, rem; Ed. 1554. *Rei formam* vocat rem.

73) *sine*] Ed. 1535. typogr. errore: *sine*.

74) Pertinet — genus.] sic Ed. 1541. et Editt. 1535., 1543. C., 1564. in explic. ann.; in marg. autem harum 3 Editt.: Oratio pro Caecinna pertinet ad subtile genus. — In Editt. 1543. P., 1554. haec verba desunt.

75) A. Caecinna, Volaterranus, a Cicerone in causa haereditaria defensus circa a. u. c. 685. (69 a. Chr.), vid. Orellii Onomast. Tull. P. II. s. h. v. — In Editt. 1543. P., 1554. haec nota deest.

76) Locus hac §. laudatus „Quid enim tam commune — mortui conquiescant” non in oratione pro Aulo Cluentio, sed in oratione pro Sex. Roscio Amerino c. 26. §. 72. extat. Verba autem seq. §. 108. allata „Uxor generi, noverca filii, filiae pellex” in illa pro A. Cluentio ora-

Cap. XXXI. §. 110. *Subtilitate*] Id est, gracilitate et tenuitate⁷⁷⁾. — Demosthenes non eodem modo omnia dicit⁷⁸⁾.

§. 111. *Subtiles*] Id est, tenues⁷⁹⁾. *Leptinem*] Fuit consuetudo Athenis, ut cives benemeriti donarentur immunitate. Itaque cum Leptines vellet ferre legem contra istam immunitatem, Demosthenes adversatus est⁸⁰⁾. *Quum gravitatis locis*] Id est, cum est grandis, ut in exemplo Cyrsili⁸¹⁾ pro Ctesiphonte.

§. 112. *Existimatores*] Id est⁸²⁾, censores.

Cap. XXXII. §. 113. *Esse igitur perfecte*] Postquam diversas species oratorum descripsit, nunc informat illum perfectum ac grandem oratorem, et quia hic pauca primum de inventionem repetit, duas res tribuit ei ad inventionem necessarias, quae alioqui in⁸³⁾ vulgaribus libellis rhetoricis praetermittuntur⁸⁴⁾: videlicet dialecticam et locorum communium scientiam, quae ex philosophia sumenda est. Dialectica res nudas brevissime concipit, rhetorica dilatat, et plurimis verbis opus habet, ut res intelligantur, et ut tantae videantur, quantae re ipsa sunt⁸⁴⁾.

tione c. 70. §. 199. reperiuntur. — In Ed. 1543. P. haec nota et 3 sequentes desunt.

77) Id est — tenuitate.] sic Ed. 1541. et Editt. 1535., 1543. C., 1564. in explic. ann.; Ed. 1554. *Subtilitate*, *gravitate* et *tenuitate*.

78) Demosthenes — dicit.] haec in margine Editt. 1535., 1543. C., 1564. iisdem Cic. verbis adscripta et in Ed. 1541. addita voce *ergo* priori notae adiuncta sunt: Demosthenes ergo non etc. In Ed. 1554. haec verba desunt, in Ed. 1543. P. utraque nota est ommissa.

79) Haec nota et sequens in Editt. 1543. P., 1554. desunt.

80) Fuit — adversatus est.] sic Ed. 1541. et Editt. 1535., 1543. C., 1564. in explicat. ann.; in marg. harum 3 Editt. haec leguntur: Leptines voluit legem ferro contra immunitatem, qua cives benemeriti donabantur, cui Demosthenes restitit. — Demosthenes huic restitit oratione iudicialia *περί τῆς ἀρετέας πρὸς Λεπτίνην* Ol. CVI, 2. (355. a. Chr.). Conf. Pauly Real-Encycl. T. IV. p. 934.

81) Cyrsilus Atheniensis suadens, ut in urbe manerent Xerxemque reciperent, cum uxore lapidatus est a civibus, qui Themistocle suasore et duce regionem et urbem in trireribus relinquere malebant, ne imperata facere cogentur; quorum virtutem Demosthenes laudat in oratione pro Ctesiphonte de corona §. 204. ed. Dissen. Conf. Cic. de offic. III, 12, 48.

82) Id est] in Ed. 1554. ommissa. — Haec nota et sequens in Ed. 1543. P. desunt.

83) in] sic Ed. 1541. et Editt. 1535., 1543. C., 1564. in explicat. annexa; in Ed. 1554. deest.

84) quae alioqui — praetermittuntur: et quae ex philosophia — re ipsa sunt.] haec in Editt. 1535., 1543. C., 1564. in explicatione annexa quidem reperiuntur, in earum margine autem, ubi eadem nota in al. Editt. est adscripta, desunt.

§. 114. *Omnem quae ad dicendum*] Id est⁸⁵⁾, dialecticam. *Spinosa multa*] Similia⁸⁶⁾ parvis logicalibus nostrorum temporum, ut: Quod ego sum, tu non es. Item: Quicquid loqueris, habes in ore, rotam loqueris, ergo⁸⁷⁾.

Cap. XXXIII. §. 116. *Et quoniam*] De definitione⁸⁸⁾. *Tum ut scis*] De divisione. *Formae*] Id est, species⁸⁹⁾. *Partes*] Id est, membra, alia enim est generis in species⁸⁹⁾, totius in partes etc.

§. 117. *Non doctorem volo*] Id est⁹⁰⁾, non possum etiam praecepta tradere, satis sit⁹¹⁾ ut scias, quod omnino oporteat te habere dialecticam⁹²⁾.

§. 118. *Nec vero dialecticis*] De locis communibus⁹³⁾.

Cap. XXXIV. §. 119. *Omnia profecto*] Exempla sunt in oratione pro Milone, ubi de mente dicit, quae regit et gubernat omnia⁹⁴⁾.

§. 120. *Quid est enim*] De iure civili⁹⁵⁾. *Cognoscat etiam*] De historia. *Attici nostri levavit labor*] Libros *χρονικῶν*⁹⁶⁾ intelligit. *Commemoratio autem antiquitatis*] Illa enim exempla reddunt⁹⁷⁾ orationem grandiore, atque etiam⁹⁸⁾

similiorem veri propter dignitatem illarum⁹⁹⁾ rerum, quae dicuntur.

Cap. XXXV. §. 122. *Quid enim iam*] Partes orationis¹⁰⁰⁾.

§. 123. *Quoniam autem*] De decore.

Cap. XXXVI. §. 123. *Ut quidque erit dicendum*] Magnas res dicit oratione splendidiore, exiguas subtili.

§. 124. *Principia*] Debemus in exordio aliquid habere, quo statim capiamus auditorem¹⁾. *Nec historico*] Minus grandi sono, quam quo historia utitur.

§. 125. *Quum vero causa ea*] Quid deceat, et quid maxime spectandum sit in contentione, tum qui loci potissimum sint ornandi et illustrandi amplificationibus et affectibus²⁾. *Alteram in augendis*] Thesis est illustranda³⁾. — Omnis⁴⁾ oratio habet probationem, in qua fere sunt theses. Postea consistit oratio in delectando et movendo, quae continentur in amplificationibus et affectibus. Auxesis est, ut si quis dicat, quod non solum liceat Christiano bellum gerere, sed quod sit etiam res necessaria mandata principibus. Et fit amplificatio comparatione, quod nulla eleemosyna, nullus cultus, nullum sacrificium, nullum denique opus sit Deo gratius quam defensio totius reipublicae⁵⁾.

§. 126. *Sed proprii singularum*] Id est, sic debent tractari, ut videantur nati e causa, non tanquam alieni, velut assuta purpura⁶⁾. *Κρινομενον*] De quo indicatur et dicitur dubia pro-

85) Id est] sic Editt. 1535., 1541., 1543. C., 1564.; Ed. 1543. P. Nemppe. — In Ed. 1554. haec nota deest.

86) Similia] sic Editt. 1535., 1541., 1543. C., 1554.; Ed. 1564. Simillis.

87) Item—ergo.] Ed. 1554. pro his, quae in Editt. 1535., 1541., 1543. C., 1564. exstant, praecedentibus addit: etc. — In Ed. 1543. haec nota et 5 sequentes desunt.

88) Haec nota praeter Ed. 1543. P. etiam in Ed. 1554. desideratur.

89) membra—in species] sic Ed. 1541. et Editt. 1535., 1543. C., 1564. in explicat. annexa, in earum margine autem haec desunt; Ed. 1554. membra—in suas species.

90) Id est] in Ed. 1554. omisa.

91) satis sit] Ed. 1554. Sit satis.

92) Pro hac nota, quae in Ed. 1541. et in Editt. 1535., 1543. C., 1564. in explic. ann. inveniuntur, in earum marg. haec sunt adscripta: Non possum omnia praecepta persequi.

93) De locis comm.] sic Ed. 1541. et Editt. 1535., 1543. C., 1564. in explic. ann.; in earum marg. autem: Loci communes.

94) Cic. pro Milone 31, 84.

95) Haec nota et sequens in Editt. 1543. P., 1554. desunt.

96) T. Pomponius Atticus librum scripsit, in quo omnem rerum memoriam breviter et perdiligeret complexus est. Hic deperditus liber, quem *Annalem* inscripsit, laudatur a Cicerone praeter hunc locum in epist. ad Attic. XII, 23, in Bruto 4, 14. 15. 5, 19., de Finibus II, 21, 67. et a C. Nepote in vitis Attici c. 18. et Hannibalis c. 13. Conf. Pauly: Real-Encycl. T. I. p. 980.

97) reddunt] sic Editt. 1535., 1541., 1543. P., 1554., 1564.; Ed. 1543. C. typogr. errore: redeunt.

98) atque etiam] sic Editt. 1535., 1541., 1543. C., 1564.; Editt. 1543. P., 1554. et.

99) illarum] sic Editt. 1535., 1541., 1543. C., 1564.; in Editt. 1543. P., 1554. deest.

100) Haec nota in Editt. 1543. P., 1554. desideratur.

1) Haec nota et sequens in Editt. 1543. P., 1554. desunt.

2) Quid deceat— affectibus.] sic Ed. 1541. et Editt. 1535., 1543. C., 1564. in explicat. ann.; in earum margine autem pro „et quid maxime sp. sit“ leguntur: „et maxime sp. siet“, et pro: „tum qui loci potissimum“ scripta sunt: „et qui loci maxime“. Ed. 1554. Quid deceat, quid spectandum in contentione, tum qui loci sunt ornandi amplificationibus. Ed. 1543. P. Contentiones. (cett. om.).

3) Thesis est illustranda.] haec Editt. 1535., 1543. C., 1564. in margine habent (sequentia autem „Omnis oratio — reipublicae“ in explicat. ann. leguntur). Ed. 1541. Thesim esse illustrandam dicit. In Ed. 1554. haec desunt.

4) Omnis] Ed. 1541. Omnis autem.

5) Postea consistit—reipublicae.] sic Editt. 1535., 1541., 1543. C., 1564.; in Ed. 1554. haec desunt. — In Ed. 1543. P. utraque huius notae pars omisa est.

6) non tanquam—purpura.] sic Ed. 1541. et Editt. 1535., 1543. C., 1564. in explic. ann.; in earum margine autem et Ed. 1554. haec omisa sunt. — In Ed. 1543. P. tota haec nota et sequens desunt.

positio in causa, de quo controvertitur: ut, Omnis cultus ab homine institutus est inutilis, Monachus est institutus ab homine, ergo etc. Maior est *κρινόμενον* 7). Item, Christiano principi est belligerandum pro subditis, Caesar est princeps Christiani nominis, ergo Caesar debet belligerari pro subditis. Hic maior est *κρινόμενον* 7), de ea enim iudicatur 8).

§. 127. *Peripateticorum more*] Id est, non exilliter 9). Est enim omnino alia ratio disputandi apud philosophum, quam sit ratio dicendi in foro 10).

Cap. XXXVII. §. 128. *Duo sunt etiam*] De affectibus, qui sunt duplices, ἡδῆ sunt affectus moderati et mitiores animi motus: ut si de imperatoris benevolentia erga patriam dicamus, quamquam enim imperatorem oportuit etiam exteris nationes defendere adversus Turcam, tamen decet eum hoc tempore, cum patria periclitatur, maiore fide ac studio rem suscipere. Πάθη, ut si exaggeremus crudelitatem Turcarum, quomodo trucident infantes haerentes in complexibus parentum, etc. 11).

§. 130. *Me enim ipsum non poenitet*] Id est, ego boni consulo. Et perinde est, ac si diceret: neque me poenitet meorum studiorum. Similis est oratio in Terentio 12).

7) *κρινόμενον*] Ed. 1564. bis male *κρινόμενον*.

8) Ed. 1564. huius notae, quam Editt. 1535., 1541., 1543. C., 1564. exhibent, solum habet initium: Id est, de quo iudicatur.

9) Id est, non exilliter] sic Editt. 1541., 1554. et Editt. 1535., 1543. C., 1564. in explic. ann.; in harum 3 Editt. margine autem, ubi eadem nota repetitur, leguntur: „Id est, exilliter.” Haec differentia ex eo explicanda est, quod nota *Id est, non exilliter* vim exprimit verborum *Peripateticorum more* (i. q. eleganter), marginalis autem nota *Id est, exilliter* significationem illorum Cic. verborum adiuncto praeced. non: *non Peripat. more* (i. q. ineleganter) indicat. Male in Ed. 1541. scripta sunt: *Non Peripat. more*] Id est, non exilliter. (Illorum enim mos, Cicerone h. l. testante, non exillis, sed elegans est).

10) Est enim—in foro] sic Editt. 1535., 1541., 1543. C., 1564.; Editt. 1543. P., 1554. Est enim alia ratio disputandi philosophi quam oratoris.

11) Pro hac nota, quam Ed. 1541. et Editt. 1535., 1543. C., 1564. in explic. ann. exhibent, in harum margine leguntur: Duo genera affectuum, in Editt. 1543. P., 1554.: De affectibus, qui sunt duplices. (cett. om.).

12) Terent. Heautont. 1, 1. 20. At enim me quantum hic operis fiat, poenitet. — Huius notae, quam Editt. 1535., 1541., 1543. C., 1564. habent, in Ed. 1564. tantum afferuntur verba: „Ac si dicerent—meorum studiorum.” — In Ed. 1543. P. haec nota et duae sequentes desunt.

Cap. XXXVIII. §. 131. *Nec vero miseratione solum*] Serv. 13) Galba, qui triginta millia 14) Lusitanorum occiderat contra foedus, hoc modo evasit iudicium populi, quod liberos infantes exhibuerat.

Cap. XXXIX. §. 134. *Sed iam forma ipsa* 15)] Supra dixit, qui loci recipiant ornamenta ex rebus sumpta, videlicet thesis, auxesis et affectus. Nunc enumerat ornamenta verborum, scilicet tropos et σχήματα. *Reliqua*] Id est, reliqui tropi. *Sunt enim similia*] Sicut in scena, quamquam omnia ornent, tamen quaedam res praecipue eminent, ita in oratione quaedam prae caeteris lucere debent 16).

§. 135. *Quum aut duplicantur*] Intelligit repetitionem, ut: O Choridon 17), Choridon, etc. *Aut idem ad extremum*] Traductio, qui nihil in vita duxit 18) iucundius vita 19). *Aut quum similiter*] ὁμοιοτέλευτα. *Aut multis modis*] Comparatio. *Aut quum gradatim*] Gradatio. *Aut quum demptis*] ἀσύνητον. *Aut quum aliquid*] Praeteritio, ἀποδιώξις 20). *Aut quum corrigimus*] Correctio.

§. 136. *Sed sententiarum*] Schemata διαβολίας 21). *Sine quadam conformatione*] Id est, sine quadam 22) figura. *Nec aliud quidquam est dicere*] Regula generalis 23).

Cap. XL. §. 137. *Commoreturque*] Commoratio. *Ut quod dixit*] Repetitio 24). *Ut*

13) Serv.] hanc usitatorem compendii formam restitimus; Editt. 1535., 1541., 1543. C., 1564. habent: Ser.; Ed. 1564. male: Serg., secundum vulgatos codices; in quibus hic imperator (*Servius Galba*) non recte *Sergius* dicitur. *Servius* enim est praenomen, *Sergius* autem familiae nomen; conf. Burmanni prima nota ad Sueton. Galb.

14) triginta millia] sic recte Editt. 1535., 1541., 1543. C., 1564. secundum Sueton. Galb. c. 3.; Ed. 1564. 3000.

15) *forma ipsa*] sic Ed. Orell. et Ed. 1554.; Editt. 1535.—1543., 1564. *ipsa forma*.

16) Haec nota in Editt. 1543. P., 1554. deest.

17) Choridon] Ed. 1541. Coridon; Ed. 1554. Corydon. — Ed. 1543. P. pro hac nota, quam Editt. 1535., 1541., 1543. C., 1554., 1564. exhibent, solam habet vocem: Repetitio.

18) duxit] sic Editt. 1535., 1541., 1543. C.; Ed. 1564. dixit.

19) qui nihil—vita.] haec in Editt. 1543. P., 1554. desunt.

20) ἀποδιώξις.] sic Editt. 1535., 1541., 1543. C., 1564.; in Editt. 1543. P., 1554. deest.

21) διαβολίας.] sic Editt. 1535., 1541., 1543. C., 1564.; in Editt. 1543. P., 1554. omiss.

22) quadam] sic Editt. 1535., 1541., 1543. C., 1564.; in Editt. 1543. P., 1554. deest.

23) Haec nota et sequens in Editt. 1543. P., 1554. desiderantur.

24) Haec nota et 11 sequentes in Ed. 1543. P. desunt.

argumentum] Clausula²⁵⁾. *Ut rursus*] Subiectio. *Ut contra ac dicat*] Ironia. *Ut ad-dubitet*] Dubitatio. *Ut dividat*] Distributio. *Ut aliquid relinquat*] Ἀποδιώξις²⁶⁾. *Ut ante praemuniat*] Praemunitio. *Ut in eo ipso*] In-versio.

§. 138. *Ut saepe cum iis*] Communicatio. *Ut hominum sermones*] εἰκῶν. *Ut muta quaedam*] Prosopopoeia. *Ut ab eo quod*] Digressio²⁷⁾. *Ut ante occupet*] Occupatio. *Ut aliquid reticere*] Reticentia²⁸⁾.

§. 139. *Saepe etiam rem*] Hypotyposis. *Saepe supra*] Hyperbole. *Hoc in genere*] Praefatio in locum qui sequitur, de compositione, in qua respondet et excusat se, si²⁹⁾ cui videatur contra dignitatem suam facere, quod quasi ludimagister haec puerilia praecepta tradat³⁰⁾.

Cap. XLII. §. 140. *Occurrebat enim*] Propositio. Prima ratio ab officio ducta est illius, ad quem scribit. Secunda ratio ab exemplo ducta est³¹⁾. Si ius civile licet, quanto magis illas eloquentiae artes, sine quibus republicae regi non possunt? *Quibus si nihil*] Αἰτιολογία ducta ab officio.

§. 141. *Nam quis unquam*] Alia ratio ab exemplo³²⁾.

Cap. XLII. §. 143. *At alterum*] Obiectio est. Oratores fuerunt occupati, iurisconsulti non³³⁾. *Alteros enim*] Hoc loco alludit M. Cicero³⁴⁾ ad morem docendi iuris apud Romanos. *Itaque illi*] Extenuatio.

25) Clausula] sic Editt. 1535., 1541., 1543. C., 1564.; Ed. 1554. Conclusio.

26) Ἀποδιώξις] sic Editt. 1535., 1541., 1543. C., 1564.; Ed. 1554. Apodixis.

27) Haec nota et sequens in Editt. 1543. P., 1554. omissae sunt.

28) Haec nota et 4 sequentes in Ed. 1543. P. desunt.

29) si] sic Editt. 1535., 1541., 1543. C., 1554.; in Ed. 1564. deest.

30) tradat] sic Editt. 1535., 1541., 1543. C., 1564.; Ed. 1554. tradit.

31) Propositio — ducta est.] sic Ed. 1541. et Editt. 1535., 1543. C., 1564. in explic. ann.; Ed. 1554. Prima autem ratio est ab officio ducta illius, ad quem scribit. Secunda ab exemplo. — Haec verba et sequentia „Si ius civile — possunt” in hac Ed. cum antecedente nota arctissime coniuncta sunt.

32) Haec nota in Editt. 1543. P., 1554. deest.

33) Haec nota et sequens in Ed. 1543. P. desiderantur.

34) Hoc loco alludit M. Cicero] sic Editt. 1535., 1541., 1543. C., 1564.; Ed. 1554. Alludit.

§. 144. *Sacrorum abalienatio*] Sicut iureconsulti docent³⁵⁾ de traducendis rebus sacris ad alium³⁶⁾ usum.

§. 146. *Quid*³⁷⁾ *enim? possem*] Hoc est³⁸⁾, quomodo possem dissimulare? *Quid erat cur*] locus³⁹⁾.

Cap. XLIII. §. 147. *Nam omnium magnarum*] Fructus nos delectat artium, ipsae vero artes et praecepta non perinde.

§. 148. *Quod si ea*] Postrema ratio ab occasione temporis.

Cap. XLIV. §. 149. *Collocabuntur igitur verba*] De compositione. Hic primum praecipit de literis, ut ain' pro aïsne etc. Secundo de structura dictionum⁴⁰⁾, ut:

O Tite, tute, Tati, tibi tanta tyranne tulisti⁴¹⁾. Tertio de periodis et numeris⁴²⁾. *Orbem suum*] Id est⁴³⁾, ne eadem litera crebro repetatur. Latini homines libenter coniungunt vocales. Aiunt enim speciem quandam prae se ferre negligentiae, si dictio praecedens desinat, et sequens incipiat a consonante. Itaque Germanica lingua nequaquam conferenda est cum istis elegantioribus linguis, cum sit aspera lingua, ac equinum quiddam habeat⁴⁴⁾. *Ut fiat quasi structura*] Ut fiant numerosae periodi⁴⁵⁾.

§. 150. *Quod quidem*] Exemplum⁴⁶⁾:

Durate, et vosmet rebus servate secundis.

35) Iureconsulti docent] sic Editt. 1535., 1541., 1543. C., 1564.; Editt. 1543. P., 1554. iurisconsulti tradunt.

36) sacris ad alium] sic Editt. 1535.—1543., 1564.; Ed. 1554. sacrorum alium.

37) Quid] sic Ed. Orell. et Editt. 1535., 1541., 1543. C., 1564.; Editt. 1543. P., 1554. Quod. Quapropter in marg. harum 2 Editt. adscripta sunt: alias, Quid enim possem?

38) Hoc est] sic Editt. 1535., 1541., 1543. C., 1564.; Editt. 1543. P., 1554. Id est.

39) Haec nota et sequens in Editt. 1543. P., 1554. desunt.

40) dictionum] sic Editt. 1541., 1554. et Editt. 1535., 1543. C., 1564. in explic. ann., in earum margine autem deest.

41) Versus est Ennii Annal. 1, 151. p. 32. Spangenberg., qui etiam in Ennii fragm. a Columna conquis. et explic., accur. Hesselio recensis p. 139. invenitur. Hic versus exemplum est vitii nimiae assiduitatis eiusdem literae. — Pro hoc integro versu Ed. 1554. habet: O Tite tute tati etc.; Ed. 1541. et Editt. 1535., 1543. C., 1564. in explic. ann.: Tite — tulisti; in margine autem: Tite tute tati etc.

42) Haec nota in Ed. 1543. P. est omissa.

43) Id est] in Editt. 1543. P., 1554. omissa.

44) Latini homines — habeat.] sic Ed. 1541. et Editt. 1535., 1543. C., 1564. in explic. ann., in earum marg. autem et in Editt. 1543. P., 1554. haec desunt.

45) Haec nota in Editt. 1543. P., 1554. deest.

46) Ed. 1554. addit: Virg. Versus sequens enim est Virgillii Aen. I, 207.

§. 151. *Ubi etiam de industria*] Quia habeat speciem negligentiae, priore desinente a vocali, incipere sequentem a vocali, et hoc in dialogis delectat⁴⁷⁾. — *Qua mos est Athenis*] Platonis oratio continens epitaphia interfectorum civium⁴⁸⁾. Et laudata est ob eam causam potissimum, quod multos locos communes contineat, de immortalitate animae etc. Itaque et Athenis constitutum erat, ut illa oratio sit quotannis pronuntiata. *Vocum concursio*] Id est, vocalium.

Cap. XLV. §. 152. *Sed Graeci viderint*] Id est⁴⁹⁾, Graeci faciunt synaloephas in oratione soluta, nos non facimus⁵⁰⁾.

§. 154. *Capsis*] Id est⁵¹⁾, cape si vis⁵²⁾.

Cap. XLVIII. §. 159. *Quid vero hoc elegantius*] Gellius lib. 2. cap. 17.⁵³⁾ dicit in his, quae Cicero scribit, brevia esse facta, *n* literam exemptam esse in pronuntiando, ut sit iclitus pro inclitus, coposuit pro composuit, cocrepuit pro concrepuit, cofecit pro confecit etc.

§. 160. *Usam loquendi populo*] Id est, cum populo locutus sum. Aristoteles in *Topicis* ait⁵⁴⁾: Loquendum ut plures, sapiendum ut pauci.

Cap. XLIX. §. 163. *De numero morum*] Secundus locus de structura dictionum⁵⁵⁾.

Cap. L. §. 168. *Genus illud tertium*] De numeris⁵⁶⁾ orationis et periodis. *Non erat hoc apud antiquos*] Obiectio per subiectionem.

47) Haec nota et sequens in Editt. 1543. P., 1554. desunt.

48) In Platonis Menexeno (op. ed. H. Steph. T. II. p. 236. d.—249. c. — ed. Bipont. Vol. V. p. 279—305.). Socrates orationem recitat in laudem pro patria defunctorum, quam audiase se ab Aspasia, ex tempore dicente, affirmat.

49) Id est] in Editt. 1543. P., 1554. omiss.

50) Graeci—facimus.] sic Editt. 1535., 1541., 1543. C., 1554., 1564.; Ed. 1543. P. Graeci synaloephas faciunt in soluta oratione, nos non.

51) Id est] in Editt. 1543. P., 1554. omiss.

52) cape si vis] sic Editt. 1543. P., 1554.; Editt. 1535., 1543. C., 1564. cave si vis. — In Ed. 1541. haec nota deest.

53) Gell. lib. 2. cap. 17.] sic recte Ed. 1541. et Editt. 1535., 1543. C., 1564. in explic. ann. (hoc enim, cap. a Gellio laudantur verba Cic. Orat. c. 48. §. 159. *Quid vero—debet oratio.*); male in marg. Ed. 1543. C. Gell. lib. 2. cap. 27., in marg. Ed. 1564. Gell. lib. 8. cap. 27. — In Editt. 1543. P., 1554. haec nota deest.

54) ait] sic Ed. 1541. et Editt. 1535., 1543. C., 1564. in explic. ann.; in earum marg. autem et in Editt. 1543. P., 1554. deest.

55) dictionum] sic Editt. 1535—1543., 1564.; Ed. 1554. orationis.

56) De numeris] sic Editt. 1535., 1541., 1543. C., 1564.; Editt. 1543. P., 1554. Tertius locus de numeris.

Cap. LI. §. 172. *Omitto Isocratem*] Quasi diceret: Non utar testimoniis oratorum, quae fortassis suspecta sunt, quia⁵⁷⁾ videntur augere magnitudinem artis supra modum favore quodam sui artificii, quamquam maxime debebant eorum testimonia valere, qui in dicendo excelluerunt⁵⁸⁾. *Quis porro Isocrati*] Si numeri essent supervacanei, certe odio Isocratis Aristoteles illos reprehendisset.

§. 173. *Quid?*⁵⁹⁾ *ipsi suis sensibus*] Redit ad rationem, omissis testimoniis, quasi dicat: Etiam si non percipiant in integra compositione suavitatem numerorum: tamen fines percipere debebant, ubi facile iudicari possunt, quae sunt breviora iusto, et quasi pendentia, aut etiam quae sint productiora⁶⁰⁾.

Cap. LII. §. 174. *Primum ergo origo*] Methodus de numeris orationis. *Nam qui Isocratem*] De autoribus⁶¹⁾ numerorum.

§. 175. *Sed princeps inveniendi*] Id est⁶²⁾, ars illa sicut caeterae paulatim inventa et aucta est. *Pariq paribus*] Comparia⁶³⁾, ut: Vicit pudorem libido, timorem audacia, rationem amentia. *Id autem est genus*] Est⁶⁴⁾ secunda species compositionis, in qua dictiones considerantur⁶⁵⁾, sicut supra diximus⁶⁶⁾, ut: Haec non est scripta lex, sed nata, quam non accepimus etc.⁶⁷⁾.

57) quia] sic Editt. 1535., 1541., 1543. C.; Ed. 1564. qui.

58) Quasi—excelluerunt.] sic Editt. 1535., 1541., 1543. C., 1564.; Editt. 1543. P., 1554. exhibent huius notae tandemmodo verba: „Non utar—suspecta sunt”, quibuscum nota sequens accuratissime in his Editt. coniuncta est.

59) *Quid?*] sic Ed. Orell. et Editt. 1543. P., 1554.; Editt. 1535., 1543. C., 1564. *Quia*.

60) quasi dicat—productiora.] sic Editt. 1535., 1541., 1543. C., 1564.; in Editt. 1543. P., 1554. haec desunt.

61) autoribus] sic Editt. 1535—1543., 1564.; Ed. 1554. autoritatibus.

62) Id est] Ed. 1554. Princeps, id est. — Haec nota, quam Editt. 1535., 1541., 1543. C., 1564., 1564. habent, in Ed. 1543. P. desideratur.

63) Comparia] sic Editt. 1535., 1543. C., 1564.; Ed. 1554. Contrariis relata; in Ed. 1541. omisa. — In Ed. 1543. P. haec nota et sequens desunt.

64) Est] sic Ed. 1541. et Editt. 1535., 1543. C., 1564. in explic. ann.; in earum marg. autem et in Ed. 1554. omiss.

65) considerantur] sic Editt. 1535., 1541., 1543. C., 1564.; Ed. 1554. consideramus.

66) sicut supra diximus] sic Editt. 1535., 1541., 1543. C., 1564.; in Ed. 1554. desunt. — Haec spectant ad huius libri c. 44, 149. et c. 49, 164.

67) Cic. orat. pro Milone 4, 10.

Cap. LIII. §. 177. *Quoniam igitur*] De causa, scilicet finali.

§. 178. *Productiora alia*] Id est, ideo illa magis offendunt propter obscuritatem.

§. 179. *Quoniam igitur*] De natura numerorum. Hic tertius locus est plane obscurus, quia numerus in oratione soluta est maxime varius, et a paucissimis iudicari potest⁶⁸⁾. *Sed artis intimae*] Curiosae⁶⁹⁾ cuiusdam subtilitatis. Interiorem doctrinam vocant⁶⁹⁾, quae non cui libet e populo sit nota. *Et ad quam rem*] Qui pedes sint laeti, tristes, graves, qui pedes in⁷⁰⁾ impetu describendo valeant, aut in tardo quodam negotio.

Cap. LIV. §. 180. *Qualis sit*] Utrum sint tales⁷¹⁾ pedes, quales in poetis.

§. 181. *An etiam vel compositione*] Id est, utrum numerus sit aliquid aliud, quam ipsa collocatio periodi.

Cap. LV. §. 183. *Esse ergo*⁷²⁾ in oratione] An sit in oratione numerus, quem probat esse, etiamsi non animadvertatur, natura enim illum sua sponte efficit⁷³⁾. *In quo iniquum est*] Etiamsi causam non teneamus, quare numerosa, tamen est numerosa⁷⁴⁾. *Notatio naturae*] Observatio, id est, prius erant⁷⁵⁾ exempla, postea illorum observatio peperit artem.

Cap. LVI. §. 186. *Numerus autem non domo*⁷⁶⁾ depromebatur, neque habebat] Ego existimo particulam *Sed* addendam esse, id est, non solum

numeri nullam⁷⁷⁾ rationem habuerunt, sed prorsus neglexerunt.

§. 187. *Necesse est id non literarum*] Accidit non propter dictiones, sed propter naturas⁷⁸⁾ vocum. *Perspicuum est igitur*] Qualis sit numerus, an poeticus⁷⁹⁾. Respondet autem iisdem utendum⁸⁰⁾ esse pedibus, quibus in poematis utimur. Neque enim natura habet aliam mensuram vocum in sermone⁸¹⁾ nisi pedes.

§. 188. *Ut unus sit e tribus*] E tribus generibus pedum⁸²⁾. Quidam enim pedes sunt dissyllabi, quidam polysyllabi, et illi sunt duplices. *Duplex iambus*] Ubi pars parte duplo⁸³⁾ maior est, fit iambus.

§. 189. *Sed quaeritur*] Quibus pedibus utendum⁸⁴⁾. *Senarios vero*] Ut pro Marcello est integer Senarius:

Fortuna in istius se societatem gloriae etc.⁸⁵⁾.

Hipponacteus versus:

Doctis Thalia vatibus favebat.

Et pro Marcello in eodem loco est Hipponacteus:

Tuam esse totam et propriam fatetur⁸⁶⁾.

Ego vero non legi in Cicerone integrum Anapaesticum et Latina lingua non tantum habet Anapaestorum, quantum Graeca. Quo enim quaeque lingua est barbarior, eo minus habet brevium syllabarum. Graeca autem habet longas voces, itaque et plures breves syllabas. Anapaesticus Aristophaneus:

Date vina mihi, date sarta, iuvant in vino namque coronae.

68) Haec nota et sequens in Ed. 1543. P. desunt.

69) Curiosae . . . vocant] sic Editt. 1535., 1541., 1543. C., 1564.; Ed. 1554. Id est, curiosae . . . vocat.

70) Qui pedes sint laeti . . . qui pedes in] sic Editt. 1535., 1541., 1543. C., 1564.; Ed. 1554. Qui pedes simul laeti . . . qui in —. In Ed. 1543. P. pro hac nota leguntur: Pedes alii aliis locis apti.

71) tales] sic Editt. 1535., 1541., 1543. C., 1554., 1564.; in Ed. 1543. P. deest.

72) ergo] sic Ed. Orell.; illae Editt. *igitur*.

73) An sit — sponte efficit] sic Ed. 1541. et Editt. 1535., 1543. C., 1564. in explic. ann.; in earum margine autem: An sit — sponte parit. Editt. 1543. P., 1554. pro illa nota habent haec: Natura numerum in oratione sua sponte facit (Ed. 1554. efficit).

74) Haec nota in Editt. 1543. P., 1554. deest.

75) Observatio, id est, prius erant] sic Ed. 1541. et Editt. 1535., 1543. C., 1564. in explic. ann.; in earum marg. autem: Id est observatio. Prius erant; Ed. 1543. P. Id est, observatio naturae, prius enim erant; Ed. 1554. Notatio, observatio naturae. Prius enim erant.

76) domo] sic Ed. Orell.; illae Editt. *modo*.

77) Ego — numeri nullam] sic Editt. 1535., 1541., 1543. C., 1564.; Ed. 1554. Puto particulam *sed* addendam: *sed neque habebat*, ut sit sensus, non solum mundi nullam. — In Ed. 1543. P. neutra nota invenitur.

78) naturas] sic Editt. 1535., 1543. C., 1564.; Ed. 1541. naturam.

79) Qualis — poeticus.] sic Editt. 1541., 1543. P., 1554. et Editt. 1535., 1543. C., 1564. in explic. ann.; in earum marg. autem: Quales sint numeri, an poetici.

80) utendum] sic Editt. 1535., 1541. et Editt. 1543. C., 1564. in marg., in earum explic. ann. autem omis.

81) habet aliam mensuram vocum in sermone] sic Ed. 1541. et Editt. 1535., 1543. C., 1564. in explic. ann.; sed in earum margine: aliam mensuram vocum in sermone habet. — In Editt. 1543. P., 1554. verba „Respondet — nisi pedes.” desunt.

82) E tribus generibus pedum.] sic Editt. 1535., 1541., 1543. C., 1564.; in Ed. 1554. omis. — In Ed. 1543. P. haec tota adnot. et sequens desunt.

83) duplo] sic Editt. 1535., 1541., 1543. C., 1564.; ab Ed. 1554. abest.

84) Haec nota in Editt. 1543. P., 1554. deest.

85) Cic. orat. pro Marcello c. 2, 7.

86) Cic. orat. pro Marcello l. 1.

Aristophanes in Nubibus ⁸⁷⁾:

ὦ τῆς μεγάλης σοφίας ἐπιθυμήσας ἀνθρώπε παρ' ἡμῶν⁸⁸⁾.
Trochaicus creber in Terentio, ut:

Dii boni, boni quid porto ⁸⁹⁾.

Cap. LVII. §. 191. *Sunt enim qui iambricum putent*] Sic pro Marcello: Incendium salute patriae restinxis⁹⁰⁾. *Ex optima disciplina*] Isocratis⁹¹⁾. Paeon habet tres breves et unam longam. Oratio autem, quae multas⁹²⁾ habet syllabas breves, est suavior et submissior, sicut spondei sunt grandiores et duriores.

§. 194. *Sed eo vitiosus* ⁹³⁾] Optimum praeceptum est: Periodus subsidere in longum pedem debet⁹⁴⁾, ut pro Marcello: Quamquam iste tuus animus etc. ⁹⁵⁾.

Cap. LVIII. §. 196. *Quos autem numeros*] Sextum praeceptum, de miscendis numeris ⁹⁶⁾.

§. 198. *Atque id in dicendo*] Id est ⁹⁷⁾, non debetis quaerere certos pedes, sed tantum observare certas periodos, ne prior pars periodi sit longior quam posterior.

Cap. LIX. §. 199. *Solet autem quaeri*] Quaestio, utrum in fine sit tantum utendum numeris, an etiam in reliquis partibus ⁹⁸⁾.

Cap. LX. §. 203. *Ita si numerus*] In omni periodo efficitur aliquis numerus, sed alius est alio melior.

Cap. LXI. §. 204. *Satis multa*] Docet, quomodo sit facienda periodus, et est praecipua pars totius huius libri ⁹⁹⁾.

§. 205. *Aequaliter particulas*] Commata et cola ¹⁰⁰⁾. Debet enim esse proportio quaedam membrorum et commatum inter se ¹⁾.

§. 207. *Ergo in aliis*] Id est, in oratione forensi non ubique opus est periodis, nam natura rerum non patitur, ut ubique cogatur in periodos, praesertim ubi disputationes incidunt, sed satis est orationem distinctam esse ²⁾.

Cap. LXII. §. 209. *Genus aut hoc*] Secunda pars prioris praecepti. *Tollit funditus*] Imo aculei disputationum propter brevitatem non patiuntur illud lentum et tractum et periodicum genus orationis ³⁾. *Adhibenda nonnunquam*] Ut in narrationibus, amplificationibus, prooemiis et epilogis ⁴⁾.

§. 210. *In accusationis secundo*] Id est, oratione septima in Verrem, cuius initium est: Multa mihi necessario ⁵⁾, ut, Neque enim tam facile opes Carthagini tantae concidissent, nisi illud et rei frumentariae subsidium et receptaculum etc. ⁶⁾ Versus iambricus est in principio, in fine incipit esse Aristophaneus ⁷⁾. *Saepe*

⁸⁷⁾ Aristoph. Nub. 411. ed. Bekker.

⁸⁸⁾ Sic Editt. 1535., 1541. hunc versum referunt (Editt. 1543. C., 1564. habent *ἐπιθυμήσας ἀνθρώπη* pro *ἐπιθυμήσας ἀνθρώπε*, cetera eadem); in Bekkeri Ed. sic legitur: *ὦ τῆς μεγάλης ἐπιθυμήσας σοφίας ὦ ἄνθρωπε παρ' ἡμῶν*.

⁸⁹⁾ Terent. Andr. 2, 2, 1. — Editt. 1543. P., 1564. huius notae, quae in Ed. 1541. et Editt. 1535., 1543. C., 1564. in explic. ann. invenitur (in earum marg. verba: „Hipponacteus versus—porto” sunt ommissa), tantum exhibent verba: Ut pro Marcello, Fortuna in istius se societatem gloriae etc.

⁹⁰⁾ Cic. orat. pro Marcello c. 9, 29. — Haec nota in Editt. 1541., 1543. P., 1554. deest.

⁹¹⁾ Isocratis] sic Editt. 1535., 1541., 1543. C., 1564.; Ed. 1543. P. Nempe Isocratis. (Verba seq. „Paeon—duriores.” in hac Ed. desunt); Ed. 1554. Nempe Isocrates.

⁹²⁾ multas] sic recte Editt. 1535., 1541., 1543. C., 1564.; Ed. 1554. nullas.

⁹³⁾ vitiosus] sic Ed. Orell.; illae Editt. *vitiosus*.

⁹⁴⁾ Optimum—pedem debet] sic Editt. 1535., 1541., 1543. C., 1564.; Editt. 1543. P., 1554. pro his haec habent: Periodus subsidere debet in longum pedem. (praeced. verbis om.)

⁹⁵⁾ Cic. orat. pro Marcello c. 9, 27.

⁹⁶⁾ Sextum—numerus.] sic Editt. 1535., 1543—1564.; Ed. 1541. De miscendis numeris, sextum praeceptum.

⁹⁷⁾ Id est] in Ed. 1554. omiss. — In Ed. 1543. P. tota haec adnot. deest.

⁹⁸⁾ Haec nota et sequens in Editt. 1543. P., 1554. desiderantur.

⁹⁹⁾ Docet—libri.] sic Ed. 1541. et Editt. 1535., 1543. C., 1564. in explic. ann.; in earum margine autem haec leguntur: Quomodo sint adhibendi numeri, et quomodo sit facienda periodus, et haec est praecipua pars totius huius libri. Editt. 1543. P., 1554. habent haec: Docet, quomodo sit facienda periodus, quae praecipua est pars totius libri.

¹⁰⁰⁾ Commata et cola.] sic Editt. 1535., 1541., 1543. C., 1564.; Ed. 1554. Nempe commata et cola; in Ed. 1543. P. desunt.

¹⁾ et commatum inter se] sic Editt. 1535—1543., 1564.; in Ed. 1554. ommissa sunt.

²⁾ Id est—distinctam esse.] sic Editt. 1535., 1541., 1543. C., 1564.; Ed. 1554. In oratione forensi non ubique opus est periodis, praesertim ubi disputationes incidunt. Satis est autem orationem distinctam esse. — In Ed. 1543. P. haec nota deest.

³⁾ illud lentum—orationis.] sic Editt. 1535., 1541., 1543. C., 1564.; Editt. 1543. P., 1554. pro his habent unam vocem: periodos.

⁴⁾ Haec nota ab Editt. 1543. P., 1554. abest.

⁵⁾ Multa mihi necessario] hoc est initium libri II. actionis II. in Verrem.

⁶⁾ Neque enim tam facile etc.] haec verba sunt extremae capitis I. eiusdem in Verrem libri.

⁷⁾ Id est, orationem—Aristophaneus.] sic Editt. 1535., 1541., 1543. C., 1564.; Ed. 1554. Oratione septima in Verrem. Multa mihi, et caetera. Versum iambricum invenies, qui in fine incipit esse Aristophaneus. — In Ed. 1543. P. haec nota deest.

etiam in amplificanda] Sicut est locus in oratione pro Milone de Deo ⁸⁾).

§. 211. *Haec autem forma]* Id est, oratio debet esse mixta, ita ut plurimis quidem periodis constet, sed tamen inserantur interdum inter periodos cola ⁹⁾).

Cap. LXIII. §. 212. *Fluit omnino numerus]* De numeris periodorum, quod ¹⁰⁾ desinant in longos pedes et tardiores, et incipiant a velocioribus pedibus.

Cap. LXIV. §. 215. *Sed sunt clausulae]* Ut de Cretico in oratione pro Archia poeta ¹¹⁾: Si quid est in me ingenii, iudices, quod sentio quam sit exiguum etc. ¹²⁾).

Cap. LXV. §. 219. *His igitur tot]* Oratio fit ¹³⁾ numerosa per antitheta et similes figuras.

Cap. LXVI. §. 221. *Sed quoniam non modo]* Oratio non debet tota constare ¹⁴⁾ periodis, sed interdum utendum est singulis colis. *Constat enim]* Quomodo fiat periodus ¹⁵⁾. *Sed habeo mediocritatis rat.]* Non oportet esse mensuram certam, et tam accurate servari spatia et longitudes periodorum, quam in versu observant ¹⁶⁾).

§. 222. *Sed nihil tam debet]* Numeros in minutis particulis nos non possumus animadvertere vel deprehendere. Iambicus ¹⁷⁾ numerus est mollissimus, quo Cicero maxime utitur.

8) Sicut est—de Deo.] sic Editt. 1535., 1541., 1543. C., 1564.; Ed. 1543. P. Ut est in oratione pro Milone; Ed. 1554. Sicut est locus in oratione pro Milone. — Haec verba (quae in Ed. 1554. cum nota antecedente arctissime coniuncta sunt) spectant ad locum iam supra p. 789. ad c. 34., 119. laudatum orat. pro Milone c. 31., 84.

9) Id est—cola.] sic Ed. 1541. et Editt. 1535., 1543. C., 1564. in explicat. ann. (in earum marg.: „Oratio debet—cola.”, omiss. „Id est”); Editt. 1543. P., 1554. Oratio debet esse mixta periodis, sed sic, ut inserantur inter periodos cola.

10) quod] sic Editt. 1541., 1554., et Editt. 1535., 1543. C., 1564. in explic. ann.; in earum margine autem: qui. — Ed. 1543. P. habet huius notae solum initium: De numeris periodorum.

11) poeta] sic Editt. 1535., 1541., 1543. C., 1564.; in Editt. 1543. P., 1554. omiss.

12) Si quid est—exiguum etc.] sic Editt. 1535., 1541., 1543. C., 1554., 1564.; Ed. 1543. P. Si quid est in me ingenii etc. — Hoc est initium orationis pro Archia poeta.

13) fit] sic Editt. 1535., 1543. C., 1564.; Ed. 1541. sit. — Ab Editt. 1543. P., 1554. haec nota abest.

14) Oratio non debet tota constare] sic Editt. 1535., 1541., 1543. C., 1554., 1564.; Ed. 1543. P. Oratio tota constare non debet.

15) Haec nota in Editt. 1543. P., 1554. desideratur.

16) Non oportet—observant.] sic Editt. 1541., 1554. et Editt. 1535., 1543. C., 1564. in explic. ann.; in earum margine autem leguntur: Non oportet esse mensuram certam, ut in carmine. — In Ed. 1543. P. haec nota deest.

17) Iambicus] sic Editt. 1535., 1543. C., 1564.; Ed. 1541. porro Iambicus. — In Editt. 1543. P., 1554. haec nota et duae sequentes desunt.

§. 223. *Prima sunt illa duo]* Simile est apud Livium: Inferimus bellum, infestisque signis descendimus in Italiam, tanto audacius fortiusque pugnaturi, quanto maior est spes, maiorque animus inferentis etc. ¹⁸⁾. Primum comma: inferimus bellum; alterum comma: infestisque signis descendimus in Italiam. Haec coniuncta absolvunt primum colon. Deinde sequitur periodus, quae habet nodum, tanto quanto. Ita docet Cicero a parvis membris crescere orationem, ut sit in fine aliqua comprehensio. Tale est et illud in secunda Philipp. ¹⁹⁾: Helluo invasit in eius viri fortunas, cuius virtute terribilior erat populus Romanus, etc.

Cap. LXVII. §. 223. *Sed quae incisim]* Cicero transit a brevibus colis ad longam comprehensionem.

§. 226. *Dum ille quoque]* Dum in totum fugit ²⁰⁾ periodos et longiores ambitus.

Cap. LXVIII. §. 226. *Et quoniam plura]* Commendatio huius diligentiae.

§. 228. *Palaestram quandam]* Celeritatem aptam ²¹⁾.

Cap. LXIX. §. 230. *Apud alios autem]* Tria vitia recenset ²²⁾. Quidam ²³⁾ ut expleant periodos, infarciunt inutilia verba, quo nomine aliqui etiam Isocratem reprehenderunt. Deinde quidam nimis concisi ac breves, aut nullos habent numeros, aut nimis breves. Tertium genus est, quod quidam claudant omnia similibus pedibus ²⁴⁾.

Cap. LXX. §. 232. *Quantum autem sit apte]* Prima sententia est apud Sallustium, Omnes qui se student ²⁵⁾. Si subiecisset ordine has senten-

18) Inferimus bellum—inferentis] sunt verba Livii l. XXI. c. 44., ubi autem in Ed. Gronov. (Basil. 1740.) pro „quanto maior est spes, maiorque animus” leguntur: quanto maior spes, maior est animus.

19) Cic. orat. Philipp. II. c. 26., 65.

20) fugit] sic Editt. 1535., 1541., 1543. C., 1564.; Ed. 1554. fingit. — Ab Ed. 1543. P. haec nota abest.

21) Celeritatem aptam.] sic Editt. 1535., 1543. C., 1564.; Ed. 1541. Id est, celeritatem aptam. — In Editt. 1543. P., 1554. haec nota deest.

22) Tria vitia recenset.] sic Editt. 1535., 1541., 1543. C., 1564.; Ed. 1554. Tria recenset vitia.

23) Quidam] Ed. 1564. typogr. errore: Quidnam.

24) quo nomine—pedibus.] sic Editt. 1535., 1541., 1543. C., 1564.; Ed. 1554. alia nimis breves et concisi, nullos habent numeros; alii claudunt omnia similibus pedibus. — In Ed. 1543. P. haec nota deest.

25) Omnes qui se student] sic Editt. 1535., 1543. C., 1564.; Ed. 1541. Omnes qui student; apud Sallustium belli Catilinae prima sententia haec est: Omnes homines, qui sese student praestare ceteris animalibus etc.

tias, oratio futura erat planior. Itaque omnes qui in rebuspublicis clari evaserunt, animi virtute gloriam consecuti sunt. Etenim non solum in pace, sed etiam in bello plus pollere consilium, quam corporis vires, usu compertum est. Sic iunctae sententiae melius intelligi possent, et cerni posset, quo illa commemoratio de priscis regibus spectet, in qua probare vult, quod etiam illi qui bello clari facti sunt, animi virtute laudem consecuti sint. Verum id maxime in magnis bellis animadversum esse, quae gesta sunt post Cyrum, antea non perinde animadverti potuit, quantum consilia in bellis possint²⁶⁾. Temporibus Ciceronis Laelius et Brutus, qui fuerunt in illo exili genere, damnabant genus dicendi orationis Ciceronis, nullam aliam ob causam, quam quod propter imbecillitatem naturae non poterant adsequi illam ubertatem dicendi Ciceronis. Et sic volebant videri iudicio contemnere Ciceronis genus orationis²⁷⁾. *Corrumpatur enim*] Quintilianus²⁸⁾ ita dicit: Melius subsidunt sententiae in verba, quam nomina, et hoc experientia et usus docet.

Cap. LXXI. §. 234. *Ita facti sunt repente*] Nam qui exiliter dicebant, praetexebant suae

26) Haec spectant ad Sallustii libri I. c. 2. — Ab Editt. 1543. P., 1554. haec nota et sequens absunt.

27) Temporibus Cic. — genus orationis.] haec, quae in Editt. 1535., 1541., 1543. C., 1564. verbis „Prima sententia — in bellis possint.” adiuncta sunt, in Ed. 1541. post notam sequentem „Quintilianus — docet” collocata eique arctissime sunt annexa.

28) Quintil. instit. orat. I. IX. c. 4.

imbecillitati titulum Attici generis dicit *Sane modo sic, ut si*³⁰⁾ *quis*] Facit³¹⁾ discipula inter pseudoatticos et veteres Atticos.

menta comparent] Quorundam oratio proest hoc nomine, quod etsi non est composita, tamen habet alias magnas virtutes, scilicet abundat verbis bonis et sententiis gravibus.

§. 236. *Sine sententiis*] Sine prudenti cogitatione, sine rebus dignis, quae nihil ad faciunt³²⁾.

§. 237. *Habes meum*] Conclusio³³⁾. *id quodcumque mihi*] Scilicet more Academicus Cicero iam senex volebat perhiberi Academicum hoc est, suspendere iudicium. Elegans Praeterea sententia est: Exiguum quiddam de veritate sequi, etiam in extrema senectate, est infelicitas.

29) dicendi] sic Ed. 1541. et Editt. 1535., 1543. C. in margine; in explicatione autem iis annexa et l. omitt. — In Ed. 1543. P. haec nota et duae a desunt.

30) *Sane modo sic, ut si*] sic Ed. Orell.; illae Ed. modo si.

31) Facit] sic Editt. 1535., 1541., 1543. C., 1564.; l. fuit.

32) scilicet] sic Editt. 1535., 1543. C., 1564.; E. videlicet.

33) Quorundam — gravibus.] sic Editt. 1535., 1541., 1564.; Ed. 1554. Quorundam oratio cum non sit composita, tamen hoc probanda, quod abundat verbis bonis et sententiis gravibus.

34) Sine prudenter — faciunt.] sic Editt. 1535., 1543. C., 1564.; Editt. 1543. P., 1554. Sine rebus dignis ad rem nihil faciunt, sine prudenter cogitatis.

35) Haec nota in Editt. 1543. P., 1554. deest.

36) Scilicet — Academicus] sic Editt. 1535., 1541., 1564.; Ed. 1554. pro iis verbis habet haec: Cicero senex voluit videri Academicus.

Nota. In hoc libro editionem 1541. in pluribus notis, in quibus varia *Ciceronis* verborum lectio inest, uncis inclusimus tantummodo eam ob causam, quod Ciceronis textu caret, eiusque verba non nisi scholastica scripta continet, quapropter in eius verborum varia lectione colligenda minoris est momenti, quam ceterae editiones.

VI. PH. MEL. SCHOLIA IN CICERONIS TOPICA.

eronis ad C. Trebatium Topica Melanthon anno 1524. cum Boetii commentario edidit sua praefatione praefata:

M. T. Ciceronis Topica. Cum Commentarijs Boe. Witembergae. 1524. 20¹/₄ plagg. 8. (1 fol. non num. Mel. praef., 2 foll. non num. [quorum ult. pag. vac.] Index eorum quae sunt in commentariis, 307 pagg. Topica Cic. cum commentariis Boe., ult. pag. vac.) *).

¶ libri praefatio inter Mel. epistolas in Vol. I. huius Corp. Reform. p. 700 sq. recusa est, ubi autem p. 700 ult. pro *ad harum literarum studium* typogr. errore legitur *ad harum literarum stadium*. — Anno 1. hunc librum cum Boetii commentario iterum edidit atque praeter praefationem illam sine ulla varietate hinc titam, et notulas marginales et scholia in libri fine annexa adiecit. Haec scholiorum Mel. in Cic. Topica princeps sic est inscripta:

*Topica Ciceronis a Philippo Melanch. atque Boetio diligentissime enarrata. Haganae, ex officio. Sece. (i. e. Seceriana) M. D. XXXIII. 22¹/₂ plagg. 8. (1 fol. non num. Mel. praef.; 162¹/₂ foll. non num. Cic. Topica cum notulis marginal. Mel. **) et Boetii commentariorum libris VI. ita adiunctis, ut Ciceronis libri in multas particulas divisi quamque particulam [aeque ac in illa Ed. a. 1524.] Boetii scholia ad eam pertinentia sequantur; 15¹/₂ foll. non num. In Topica Ciceronis brevia quaedam Scholia Philippi Melanch.)*

* *M. T. Ciceronis Topica a Philippo Melanchthone et Boethio diligentissime enarrata. Parisiis apud Simonem Colinaeum MDXXXV. 8. ***).*

* — — *Topica cum scholiis Phil. Melanchthonis. Parisiis apud Francisc. Gryphium MDXXXVI. 4. †).*

* — — *c. notis Phil. Melanchthonis Parisiis, Frc. Gryph. 1537. 8.*

* — — *c. scholiis Melanchthonis et Hegendorphini. Parisiis, apud Lud. Cyaneum 1537. 8.*

* — — *cum enarrationibus Barthol. Latomi et Phil. Melanchthonis ac Chrp. Hegendorphini scholiis. Parisiis, exc. Io. Lodoicus Tiletanus 1543. 4.*

* — — *c. schol. Latomi, Melanchthonis, Hegendorphini et Ant. Govcani. Parisiis, Io. Lod. Tiletanus 1546. 4.*

M. T. Ciceronis ad C. Trebatium Iurisconsultum Topica. In eadem Seuerini Boetij commentariorum libri VI. Ioannis Visorij commentariorum libri III. Bartholomaei Latomi Enarratio-

Haec Editio, quae in biblioth. Senat. Lips. asservatur, et Schweigerum et Orellium fugit.

) Has notulas marginales, certe maximam earum partem vel ab ipso Melanthono Cic. verbis adpersas, vel ab alio ex Melanthonis scholiis huic libro annexis excerptas esse, ex eo elucet, quod illae, paucis exceptis, in his iisdem fere verbis reperiuntur.

*) Hanc Editionem et sequentes, quoniam in manibus non habemus, asterisco significavimus. — Huius Edit. inscriptionem secundum Panzeri Annal. typogr. Vol. VIII. p. 185. nr. 2440. h. l. attulimus; Schweigerus et Orellius eam antecedenti a. 1533. sic addiderunt: — (*Idem Index*) Parisiis, ap. Sim. Colinaeum 1535. 8.

¶ Hanc Ed. (etiam a Schweigero et Orello paulo brevius indicatam) itidem secundum Panzerum l. l. p. 200. nr. 2600. describimus, sequentes autem secundum Schweigeri et Orellii indices supra commemoratos.

nes. *Philippi Melancthonis et Ch. Hegendorphini Scholia. Antonij Goveani Commentarius. Quibus in fine libri adiectae sunt adnotatiunculae quaedam ad eadem Topica, auctore Vito Amerpachio. Parisiis, Apud Thomam Richardum, 1550.* — (In fine:) *Parisiis. Excudebat Thomas Richardus. 1550. 38 plagg. 4.* (fol. 2—4. Io. Visorii Coenomani et Barthol. Latomi praefatt. fol. 5—144. Cic. Topica in multas particulas divisa, quarum quamque Boetii, Visorii, Latomi, Melancthonis, Hegendorphini et Goveani scholia ad eam spectantia deinceps sequuntur. fol. 145—147. Annotationes quaedam breues ad Topica Ciceronis, per Vitum Amerpachium, 1 fol. non num. vac.)*).

* *M. T. Ciceronis Topica cum enarrationibus Barth. Latomi et Phil. Melancthonis ac Chr. Hegendorphini scholiis. Parisiis, apud Mich. Vascosanum 1554. 4.*

Ad has editiones, in quibus Melancthonis aliorumque enarrationes cum ipso Ciceronis libro coniunctae sunt, accedit illa scholiorum collectio supra p. 687—688. descripta, Basileae 1541. fol. edita, in cuius Tomo II. Boetii, Vallae, Visorii, Latomi, Melancthonis et Hegendorphini commentarii in Topica, sine textu, reperiuntur.

Ex his editionibus has tres in manibus habemus: 1) Ed. *Hagan. 1533.*, 2) Ed. *Basil.* (sola scholia cont.) 1541., 3) Ed. *Paris. 1550.*, quas in sequenti horum scholiorum editione solis annorum numeris indicabimus.

*) Haec Editio, quae in biblioth. Senat. Lips. invenitur, Schweigerum et Orellium latuit.

IN CICERONIS TOPICA PHILIPPI MELANTHONIS SCHOLIA.

Hic libellus pertinet ad eam partem rhetorices, quae rationem inveniendorum argumentorum tradit, et modum amplificandae orationis. Convenit autem plane cum secundo libro Copiae Erasmi¹⁾, estque idem utriusque libelli argumentum, quia non multum interest inter argumenta et *σχήματα διαβολας*. Et spectandum est, in quas partes artium singula scripta referri debeant. Et qui hoc non fecerit, is sciat se inutiliter in studiis versari. Continent itaque Topica, ut dixi, praecepta inveniendorum argumentorum, et rationem amplificandae orationis. Exemplo primus Psalmus poterit esse, qui hanc habet propositionem: Illi beati sunt, qui se gubernant ex verbo Dei. Hoc uno versiculo potuisset dicere; verum iam eius oratio sic est, ut tota consentiat cum propositione. Amplificatur itaque statim a principio, a contrario, deinde ab effectibus. Impii dissipabuntur, pii floreant ut palma. Sic est ille Psalmus^{1*)}: Ecce quam bonum. Concordia est bona res. Amplificatur tamen amoenioribus figuris²⁾: Tam bona res con-

cordia est, ut vincat balsamum, quo inungi pontifices solent: et vincit rorem, quo rigantur arida arva. Adiecit aliud: Deus illis benedicit, qui sunt concordēs. Haec exempla possunt ostendere, quid sit petendum ex hoc libello, quem proponimus.

Praefatio sic disposita est. Principio est propositio generalis: Tu retraxisti me ex cursu meo, quo institueram aliud opus. Philosophica tractare volui, tu ad rhetorica me revocas³⁾. Sic enim statim in principio orationis solemus proponere: ut, nunquam fuit magis ferrea aetas, quam haec nostra.

Cap. I. §. 1.⁴⁾ *Quum enim mecum in Tusc.]* Subiecit propositioni narrationem, quod casus obtulerit ei hoc argumentum: et dicit se in perfectione hunc commentarium scripsisse. Contulit se autem Cicero sub Caesare ad scribendum libros de philosophia. Estque in Cicerone mollis et aequabilis verborum compositio, ac nihil insolens. Aristotelis libri vix possunt intelligi sine

1) Erasmi Roter. de copia verborum ac rerum libri duo, in eius opp. (Lugd. Bat. 1703—1706. fol.) Tom. I. p. 3—116. Hi libri prius seorsim prodierunt Haganoae 1534. 8., Basileae 1543. 8., Lipsiae 1550. 8.

1*) Psalm. 133, 1.

2) Conf. Psalm. 133, 2. 3.

3) Principii verbis (Cap. I. §. 1.) *Maiores nos res scribere ingressos*, in margine Ed. 1533. adscripta sunt haec: *Propositio: Philosophica tractare volui, tu ad Rhetorica me revocas.*

4) Etiam in hoc libro capitum et paragraphorum distinctiōnem, quae in illis Editt. deest, secundum Ed. Orellianam adscriptimus.

aliquo, qui viam ac methodum, quam secutus est in disputatione, indicet⁵⁾.

§. 3. *Rhetor*] Ironia est. Adiecit reprehensionem, qua taxat negligentiam istorum, qui tam insignem philosophum negligebant. Sunt enim res cum primis praeclaræ⁶⁾ traditae ab Aristotele, ut ab alio nemine, atque ut etiam iudicetur vincere magistrum suum Platonem. Usus autem ratione dicendi brevi et concisa, estque subtilis quaedam elegantia eius orationis, tam^{6a)} suavis et iucunda, quae eruditum lectorem possit delectare. Plutarchus scribit Ciceronem dixisse, Aristotelem esse fluvium vehentem aurum⁷⁾. Idem ei tribuit in principio de Oratore⁸⁾.

§. 4. *Ne ipsi iuris*] Ratiuncula est ex circumstantia: Non volui tibi debere, quia multa mihi praestitisti officia. Tu es iuris professor, eo magis sum veritus adversum te ingratum^{8a)} esse. Multo enim iniquius est adversum te ingratum esse, quam alios, cum sis tanquam publici iuris custos⁹⁾. Quae est amplificatio ex persona. Cavere^{9a)}, significat instruere formulis agentem in iudicio, vel contrahentem. Est eodem modo usus in epistola ad Trebatium: Tu qui aliis solitus es cavere¹⁰⁾, id est, eos instruere formulis in agendo¹¹⁾. Nam multum interest, quo genere actionis¹²⁾ aliquis utatur. Veteres

5) In Ed. 1533. his verbis notae extremis in margine scholiorum haec addita sunt: Aristoteles res optime tradidit, dicendi genus est angustum et breve. — In margine textus illis Cic. verbis in hac Ed. apposita est sola vox: Narratio.

6) praeclaræ] sic Editt. 1541., 1550.; Ed. 1533. praeclare.
6a) tam] sic Editt. 1533., 1541.; Ed. 1550. tamen.

7) Plutarch. Cic. c. 24. πολλά δ' αὐτοῦ (scil. Κιστέρωνος) καὶ ἀπομνημονεύουσιν· οἷον περὶ Ἀριστοτέλους, ὅτι χρυσίου ποταμός ἐν ἔλαρτος. (In Ed. 1533. Cic. verbis §. 3. Sed dicendi quoque incredibili, in margine adscripta sunt: χρυσίου ἔλαρτος ποταμὸν.)

8) Non in principio de Oratore, sed in Academicorum priorum libro II. c. 38, 119. Cicero de Aristotele ait: Veniet, fumen orationis aureum fundens, Aristoteles etc.

8a) ingratus] sic Editt. 1533., 1541.; Ed. 1550. ingratus.

9) custos] sic Editt. 1541., 1550.; Ed. 1533. typogr. errore:ustus.

9a) Cavere] sic Editt. 1533., 1541.; Ed. 1550. Cavisses, Cavere.

10) Cic. epist. ad fam. I. VII. epist. 6, 2. Tu, qui ceteris cavere didicisti. Conf. etiam earundem I. III. epist. 1, 3.

11) Cavere de iureconsultis dicitur, cum litigantibus aut aliquid contrahentibus, sive verbis, sive scripto, ostendunt, quomodo his instruenda, res contrahenda sit, ne causa cadant, aut decipiantur.

12) Actio h. l. in sensu forensi est formula, qua actor utitur in intendenda reo lite, quae a iureconsultis fere petebatur.

etiam cautiones¹³⁾, hodie cautelas vocant. Alioqui cavere, est cautionem exigere (versichern), ut: Ego Brute non solvam, nisi prius a te cavero¹⁴⁾.

§. 5. *Ut autem a te*] Post interfectum Caesarem, cum iam Antonius minaretur bellum.

Cap. II. §. 6. *Quum omnis ratio*] Principio dicit duas esse partes dialecticae, inveniendi et iudicandi^{14a)}. Inventio, quando res oblata casu, ut locos tanquam indices inveniam, qui submovent^{14b)}, quid cogitare debeam. Artes non docent causam, sed casus offert materiam, causam et propositionem, ut: Si pecunia egeam, scribo ad amicos, ut mittant. Illa causa est, quam casus offert. Sed posteaquam causam iam invenit, tum consulendi praeceptores et libri, recurrendumque ad locos suasorios: Quod sit¹⁵⁾ honestum, utile, facile etc. Cicero recensuit multos locos, et pleraque ad verbum ex Aristotele descripsit.

Omnia argumenta aut ex definitione, aut ex causis nascuntur, nam reliqui loci sunt cum his cognati. Ex definitione, ut cum quaero, num philosophia sit necessaria, statim quaero, quid sit philosophia.

Ex causis, Christiana iustitia non est secundum philosophiam, probo ex causis: Iustitia Christi facit nos consummatos coram Deo, id non facit iustitia philosophica^{15a)}, ergo etc.

Ab exemplis, Non sunt novae leges statim recipiendae: probo ab exemplo Locrensi, qui, inserto in collum laqueo, suadent leges¹⁶⁾.

A contrario, Venite exultemus Domino^{16a)}. Addit rationem a causa finali, et subiungit contrarium: Ne facite sicut fecistis in deserto¹⁷⁾.

Ab autoritate, sicut scriptum est, etc. Et hi sunt fere loci praecipui, qui quoties scribis, statim tibi in mentem veniant, et non dubium

13) Cautio h. l. est formula iureconsulti, quo cavetur alicui.

14) Cic. Brut. 5, 18.

14a) Conf. Mel. Erotem. Dialect. I. IV. init. (Corp. Reform. Vol. XIII. p. 641.).

14b) submovent] sic Editt. 1533., 1541.; Ed. 1550. typogr. errore: submovent.

15) sit] sic Editt. 1533., 1550.; Ed. 1541. si.

15a) philosophica] sic Editt. 1533., 1541.; Ed. 1550. philosophi.

16) Vide supra p. 403. nota 47.

16a) Psalm. 95, 1.

17) Conf. Psalm. 95, 9.

est, quin illi loci in tuam materiam, de qua instituisti scribere, incidant.

Altera pars ratio iudicandi vocatur, quae traditur in reliqua dialectica, de quinque vocibus, praedicamentis, syllogismis etc. Illa itaque altera pars de formulis cogitat.

§. 7. *Ut igitur*] Nunc orditur opus.

§. 8. *Sed ex his locis*¹⁸⁾] Locorum divisio: Quidam intrinseci, quidam extrinseci, quidam medii. Intrinseci, qui in natura rei^{18a)} sunt, de qua dicimus, ut locus a definitione, cum quibusdam aliis. Extrinseci, id est, alieni a causa, a contrario exemplo^{18b)}, etc. Medii loci sunt cognati istorum. *Ex toto*] Philosophia est laudata, ergo cognitio rerum mediarum et motuum coelestium haud dubie est laudanda. *Ex partibus*] Non licet resistere potestati publicae: Principes sunt magistratus publici, ergo illis non licet resistere^{18c)}. *Extrinsecus*] Nunc incipit proponere exempla de singulis locis. *Longe disiuncta.*] sicut contrario^{18d)}: Si sapere est bonum, ergo stultitia^{18e)} mala.

§. 9. *Sed ad id totum*] Id est, totum amplificatur dupliciter, primo definitione, postea partium enumeratione. Definitio est propria¹⁹⁾ eius rei pictura, de qua dicitur. Ius gentium vel naturae est, quod omnium hominum sanorum animis inscriptum est, et de quo inter omnes sanos homines convenit. Paulus vocat veritatem Dei, ut: Neminem laedas²⁰⁾, etc. Ius civile non sunt communes sententiae^{20a)}. Aequitas est, non acerba interpretatio eorum, quae in iure scripta sunt. M. Cicero ita est locutus, ut ius sentiat esse cognitionem scriptarum et certarum sententiarum. Itaque de iure dicunt, quod non calumniose interpretetur aequum et bonum: alio-

18) *Sed ex his locis*] sic Ed. Orell. et Editt. 1533., 1550.; in Ed. 1541. huic notae adscripta sunt: *Sed de his locis.* (eadem etiam in schol. Ed. 1533. ei praefixa sunt.)

18a) rei] sic Editt. 1533., 1541.; in Ed. 1550. deest.

18b) a contrario exemplo] sic Editt. 1533., 1541.; Ed. 1550. commate interposito): a contrario, exemplo.

18c) Haec nota in sola Ed. 1550. invenitur.

18d) contrario] sic Ed. 1533., 1541.; Ed. 1550. ex contrario.

18e) ergo stultitia] sic Editt. 1533., 1541.; Ed. 1550. ergo et stultitia.

19) propria] sic Editt. 1541., 1550.; Ed. 1533. proprie. — De definitione conf. Mel. Erotem. Dialect. in huius Corp. Reform. Vol. XIII. p. 563 sqq.

20) Conf. 2. Cor. 7, 2.

20a) non sunt communes sententiae.] sic Editt. 1533., 1541.; Ed. 1550. communes sententiae non sunt.

qui non ius est, si non ex aequo et bono administratur.

§. 10. *Si neque censu*] Census Romae dicebatur, aestimatio facultatum civium Romanorum. Sic enim Romana respublica erat descripta, ut iuxta census honores distribuerentur: ita plebs nihil habebat, quod quereretur, cum ad honores non admittebatur. *Neque vindicta*] Vindicta est ritus, quo praetor servi caput virga tangens, declarabat eum manumissum esse²¹⁾. Persius²²⁾:

Vindicta postquam meus a praetore recessit²³⁾.

Postea vindictam hanc virgam appellabant. Iam vero vindex est, qui asserit in libertatem eum, qui servus²⁴⁾ alicubi habetur. Et videtur lege Aelia Sentia²⁵⁾ ideo constitutum esse, ut opulento opulentus vindex esset, ne, si divitem pauperi liceret in libertatem asserere, tenuiores pecunia conducerentur ad id faciendum^{25a)}. *Tum partium enumeratio*] Altera pars de definitione^{25b)}. *Tum notatio*] Id est, etymologia.

Cap. III. §. 11. *Ducuntur etiam argumenta*] Absolvit iam priores locos: nunc ad reliquos accedit, qui aliquanto longius recedunt ab re, de qua dicitur, tamen ad rem referri possunt.

§. 12. *Coniugata dicuntur*] Coniugata sunt vicini loci etymologiae. Brutus scelerate fecit, quando occidit Caesarem, ergo fuit sceleratus. Item: Caesar clementer fecit, ergo fuit clemens. Item: Homines sunt praecipue ad humanam societatem conservandam nati, ergo²⁶⁾ ea virtus

21) Vid. A. Adam: Handbuch der röm. Alterth., übers. v. J. L. Meyer T. I. p. 73.

22) Persii Satira V, 88.

23) recessit] sic Editt. 1533., 1541.; in Ed. 1550. et apud Pers. ed. Koenig legitur: recessi.

24) servus] sic Editt. 1541., 1550.; Ed. 1533. serro.

25) lege Aelia Sentia] sic Editt. 1533., 1541.; Ed. 1550. lege Aelia Sanctia. Illa verba sequuntur lectionem *Cum lex Aelia Sentia assiduo* etc., quam Editt. 1533. et 1550. in textu habent; at a melioribus Codd. nomen huius legis recte abest, quoniam a Cicerone esse non potest, lex enim Aelia Sentia est consulum a. u. 755., ideoque post mortem Ciceronis, tempore Augusti, lata. Quapropter Ed. Orell. habet: *Quum lex assiduo* etc. Haec lex, quae assiduo iubet assiduam vindicem esse, est e XII Tab. petita. Vid. Ernesti clavis Ciceron. p. 6. ed. 5. sub lege Aelia Sentia, cuius verba in Orellii et Baileri Onomast. Tullian. T. III. p. 131. sub hac lege repetita sunt.

25a) In margine Ed. 1533. pro hac nota longiore Cic. verbis adscripta sunt: Totum explicari dupliciter.

25b) Haec nota et sequens non nisi in margine Ed. 1533. leguntur.

26) humanam societatem conservandam nati, ergo] haec, quae ab Editt. 1533., 1550. exhibentur, in Ed. 1541. typogr. errore omisa sunt.

est potissima, quae eam conservat. Est quando a nomine ad adverbium, ab adiectivo ad substantivum etc.

§. 13. *A genere sic ducitur*] A genere ad speciem valent argumenta negativa, ut: Illi vino est interdictum, ergo vinum Creticum est interdictum. Illa argumenta affirmativa non valent, ut: Vinum licet bibere, ergo Creticum licet, non sequitur.

A specie ad genus est affirmativum argumentum: Caesar est praeditus clementia, ergo praeditus virtute. Synodus constituit sacerdoti habere concubinam, ergo constituit ei habere uxorem^{26a}). Paulus ita argumentatur: Vos Iudaei estis sacrilegi, ergo estis peccatores.

Forma enim] Formam vocat, quod nos speciem vocamus^{26b}).

§. 14. *Si ea in manum viri non convenerat*] Id est, si non venit in societatem honorum omnium. *Genus enim est*²⁷), *uxor*] Quia quando species aliqua certo nomine caret, mutuatur generis nomen. Est autem materfamilias, quae in manum viri per coemptionem convenit, quaeque in societatem omnium bonorum venit. In manum viri convenire, est promittere sic, ut mea bona sint illius, et illius mea. Coemptio autem certo ritu peragebatur. Nam interrogabant se invicem, vir ita, an mulier vellet sibi materfamilias esse; illa respondebat, velle. Item mulier interrogabat, an vir vellet sibi paterfamilias esse; ille respondebat, velle, itaque mulier conveniebat in manum viri, et dicebantur nuptiae per coemptionem factae²⁸). Huc allusit Virgilius, cum ait²⁹):

Teque sibi generum Tethys³⁰) emat omnibus undis. id est, dabit tibi omnes undas, atque ita coemptionem faciet. Cicero sic argumentatur: Ipsa non venit in manum viri, et non est per coemptionem facta materfamilias, ergo illi non est legatum argentum.

26a) Synodus constituit — uxorem.] haec, quae Editt. 1533., 1541. habent, in Ed. 1550. desiderantur.

26b) Haec nota et sequens tantum in margine Ed. 1533. reperiantur.

27) enim est] sic Ed. Orell.; illae Editt. est enim.

28) Vid. Adam: Handb. d. röm. Alterth., fibers. v. Meyer. T. II. p. 264 sq.

29) Virg. Georg. I, 31.

30) Tethys] sic Virg. ed. Heyne et Wagner; illae Editt. *Thetis*, sollenni errore, quo *Θέτις* et *Τηθύς* permutantur.

Regula de genere.

Cui adiungitur genus, adiungitur quoque species: Cui tribuitur species, tribuitur quoque genus.

§. 15. *A similitudine*] De similibus hanc nota regulam, ut semper similia similibus tribuantur: ut non est obligandum os bovi trituranti³¹): ita non est fraudandus mercede, qui operam suam tibi locavit³²). Sic Paulus^{32a}): Qui in stadio cucurrerunt, palmam auferunt: ita et nos debemus omnia perpeti, ut consequamur vitam aeternam.

Regula de definitionibus.

Quae competunt definitioni, competunt definito.

Vitium facere, est rumpi. Muri vitium fecerunt, id est, rupti sunt, ita agger vitium fecit, ist eingefallen^{32b}).

Usus dicitur quaedam servitus, ius quoddam, eyn gerechtigkeit^{32c}), ut ea re ad nostrum usum utamur. Ut si habeam usum alicuius sylvae caeduae, tunc possum tantum secare ligni, quantum mihi opus est, nec amplius. *Ususfructus* autem, cum ius habeo etiam fructum ex re illa vendere: ut cum sylvae ligna etiam aliis vendere possum. Magna sane est controversia inter iurisperitos, utrum usum, an usumfructum habeat sacerdos³³), hoc est, disputatur, utrum sacerdos ex illis suis redditibus seu praebendis tantum debeat uti, quantum ipsi opus est, et reliqua reddere ecclesiae^{33a}) seu pauperibus.

Regula de coniugatis.

Cui tribuitur coniugatum unius casus, tribuitur coniugatum alterius quoque^{33b}).

31) Deuter. 25, 4.; 1. Cor. 9, 9.; 1. Tim. 5, 18.

32) Deuter. 24, 14. conf. Luc. 10, 7. 1. Tim. 5, 18.

32a) 1. Cor. 9, 24.

32b) agger vitium fecit, ist eingefallen] sic Editt. 1533., 1541.; Ed. 1550. ager vitium fecit, id est, subsidit. — In margine Ed. 1533. Cic. verbis *Si aedes exesae* [sic Ed. 1533.; Ed. 1550. et Ed. Orell. *cae*] *corruerunt vitiumve fecerunt*, adscripta sunt: Id est, ruptae sunt.

32c) ius quoddam, eyn gerechtigkeit] sic Editt. 1533., 1541.; Ed. 1550. ius quoddam in aliqua re.

33) De hac quaestione iam supra in Philosophiae moralis epitome p. 143 sqq. et in Ethicae doctrinae elementis p. 259 sqq. dictum est.

33a) ecclesiae] sic Editt. 1533., 1541.; Ed. 1550. ecclesiae suae.

33b) Conf. Mel. Erotem. Dialect. in hulus Corp. Reform. Vol. XIII. p. 699.

§. 16. *A differentia*] Differentia dicitur, quando tribuitur speciei aliquid proprie^{33c)}: ut homines canunt, luscinae non proprie canunt. Paulus ita arguit: Lex est nata ad coerendum, ergo non est iustificatio³⁴⁾. Coercere est proprium legis, vel differentia: illa enim duo Aristoteles non separat; nos itaque possumus eodem nomine comprehendere.

Regula.

Differentiae non cadunt in idem.

Vir legavit omne suum argentum: quaestio, utrum etiam illud, quod ei debebatur, sit legatum? Respondeo: Non; suum enim legavit. Porro quod debebatur, non erat suum.

Eleganter dicitur: Nomina facere, Borgen^{34a)}; item, In nominibus fuerunt, id est, debitores fuerunt³⁵⁾. Cicero libro 3. Offic.³⁶⁾ Nomina facta sunt, man hat die Verschreibung gegen eynander gemacht^{36a)}. Sic nomina deinde simpliciter pro debitoribus ponuntur. Columella: Mala nomina saepe interpellanda sunt³⁷⁾. A contrario, differentia et dissimili, sunt fere eadem.

Regula.

Contraria non cadunt in idem, id est, non sunt eidem tribuenda^{37a)}.

§. 17. *Non abusus*] Id est, non consumptio; nam usus et absumptio sunt contraria, ut illud: Lex mors est³⁸⁾, ergo non est iustitia.

Cap. IV. §. 18. *Ab adiunctis*] Similia tribuuntur adiunctis, et adiuncta sunt fere similia, ut: Si licet monacho ducere uxorem, ergo licebit monachae nubere. Item^{38a)}: Si licet Christiano magistratum gerere, ergo licet Christiano bellum gerere, causas agere etc.

33c) Conf. Mel. l. l. Corp. Ref. XIII. p. 521. 666.

34) Conf. Gal. 3, 24.

34a) Nomina facere, Borgen,] sic Editt. 1533., 1541.; Ed. 1550. Nomina facere, id est, credito dare.

35) Conf. Ernesti Clav. Cicer. s. v. nomen.

36) Cic. de Offic. III, 14, 59. Nomina facit; negotium conficit.

36a) man hat — gemacht,] sic Editt. 1533., 1541.; in Ed. 1550. desunt.

37) Columella 1, 7, 2: Nec rursus in totum remittendum, quoniam vel optima nomina non appellando fieri mala, foenerator Alphius dixisse verissime fertur.

37a) Conf. Mel. Erotem. Dialect. in Corp. Reform. Vol. XIII. p. 630.

38) Conf. Rom. 7, 10 sqq.

38a) Si licet monacho — nubere. Item] sic Editt. 1533., 1541.; in Ed. 1550. omnia sunt.

Capitis diminutio est prioris status permutatio. Maxima, quando amittitur libertas et civitas. Media, in qua civitas amittitur, retinetur libertas, ut: Pomponius Atticus voluit fieri civis Atheniensis. Minima cum quoque modo prior status mutatur, ut cum mulieres convenissent in virorum manus, id est, in virorum potestatem. Porro olim mulieres erant in perpetua tutela, donec nubent: ergo cum nubebant, se capite diminuisse dicebantur. Sie enderten yhren standt^{38b)}. Sicut autem pupilli testamentum non possunt facere, ita nec mulieres, dum sunt in tutela. Est itaque quaestio: Utrum mulier possit testamentum facere, quae adhuc in tutorum tutela sit? Respondet Cicero: Non, quia sicut pueri non possunt, sicut nec exules, nec servi, quia sunt in aliena potestate, sic nec mulieres. Ex antecedenti consequitur consequens: Ipse non peccavit, ergo non erubuit. A causa seu effectis^{38c)} ad signa: Non laborat, ergo non manducet³⁹⁾.

§. 19. *Nuntium remisit.*] Id est, discessit a viro, fecit divortium cum viro. Quaestio: Si divortium est matrimonii et hoc sine culpa mulieris factum est, dos integra repetetur a muliere. Quod si culpa mulieris factum est divortium, in singulos liberos sexta pars dotis a marito retinetur, sicut et nostro iure dos vel donatio propter nuptias amissa, cedit commodo liberorum⁴⁰⁾.

§. 20. *A consequentibus.*] Cicero nominavit antecedentia et consequentia, quae longius distant inter se, sicut supra vocavit repugnantia et contraria; dialectici vero tantum causas et effectus numerant. Si qui ergo antecedentia et consequentia huc numerare voluerint, non magnum flagitium fecerint. A consequentibus sic: Cum isti a parricidio absoluti sint, qui in cubiculo reperti sunt dormientes, isthic necato patre, non tanta vis huius flagitii, ut non, etc. Item, Isti non quaerunt latebras: ergo non sunt sibi conscii tam magni sceleris. Cicero usus est isto exemplo in oratione pro Roscio⁴¹⁾.

38b) Sie enderten yhren standt,] sic Editt. 1533., 1541.; in Ed. 1550. desunt.

38c) effectis] sic Editt. 1533., 1541.; Ed. 1550. affectis.

39) 2. Thessal. 3, 10.

40) Conf. Schweppe: Röm. Rechtsgesch. u. Rechtsalterth. 3. Ausg. herausg. von Gründler §. 411 sq. p. 719 sqq.

41) Cic. pro Roscio Amer. 23, 65.

Quando civis Romanus ex muliere, quae non habebat ius Quiritium, liberos suscepit, liberi matrem sequebantur, nec erant in potestate^{41a)} patris. Rursus etiam quando mulier, quae habebat ius Quiritium, nupta erat peregrino, aut alicui, cum quo non erat ius connubii, liberi matrem sequebantur⁴²⁾. Non enim erat ius connubii civibus Romanis, nisi cum habentibus ius Quiritium⁴³⁾. Quando igitur mulier discedebat a viro, non oportuit eam partem dotis pro liberis apud patrem relinquere. Neque enim liberi sequebantur patrem.

§. 21. *A repugnantibus*] Repugnantia vocat, quae non ita proxime inter se, vel ex diametro dissident: ut, Non est album, ergo non est nigrum, rubrum. Finge facti speciem. Quidam testamento facto filium haereditatem instituit: substituit et alium, qui filio decedenti intra pubertatem succederet, is secundus haeres dicitur. Constituit autem ille, ut filius permitteret uxori usumfructum ancillarum. Filius intra pubertatem moritur. Iam secundus haeres vult eripere ancillarum usumfructum mulieri, quia non sit constitutum expresse, quod secundus haeres debeat ei permittere usumfructum ancillarum, sed primus haeres. Cicero negat posse eripi mulieri, quod testamento datum sit. Hic repugnant eripere et concedere. *A filio*.] Quod filius debet permittere. *Neque a secundo haerede*.] Id est, non fecit mentionem, quod secundus haeres debet permittere. *Quod enim*.] Ratio, nam contraria non cadunt in idem; et illa sunt contraria, donare et auferre.

§. 22. *Ab efficientibus causis*.] Ex causis maxima definitionum pars conficitur; nam sine causis res intelligi nequit. Damnum infectum est, quod nondum factum est, sed timetur futurum.

Parietis communis est, quem communiter aedificant vicini: ad eum enim ius habet vicinus adiungere aedificium. Directus paries est contiguus paries^{43a)}, qui iuxta alterum attollitur, et ei coagmentatur, sicut et Vitruvius ait libro septimo⁴⁴⁾: Coagmentorum compositio planam ha-

41a) potestate] sic Ed. 1550.; in Editt. 1533., 1541. deest.

42) Schweppe l. l. §. 369. p. 661 sq.

43) Adam l. l. T. l. p. 86.

43a) In margine Ed. 1533. Cic. verbis *parietem directum* adscripta sunt: Id est, continuum.

44) Vitruvii de architectura l. VII. c. 1, 4.

bet⁴⁵⁾ inter se directionem. Solidus paries est, in quo nullus arcus est: fornicatus, qui arcum habet. Si autem aedificaturus communis parietis partem demoliatur, et ruat reliquus paries seu fornix, sine aedificantis culpa, sed quia sustineri non poterat, non debet praestare damnum is, qui promisit damni infecti, quia sine sua culpa communis paries ruit; Digestorum de damno infecto, lege Fluminum, et lege Inter quos⁴⁶⁾.

§. 23. *Ab effectis rebus*.] Ista pecunia est matrisfamilias, ergo est etiam viri. Probo ab effectu ad efficiens, quia ista pecunia dotalis est viri etc. *Ex comparatione*.] Comparationis loci ad similitudines pertinent. Si iusti adfliguntur, quanto magis impii? Si imperator non potest, quanto minus eques? Regula Aristotelis: Si id non inest, quod magis inesse videtur: multo minus id, quod minus inesse videtur. *In re maiore*.] ut, Religio est colenda, ergo litterae colendae, et charitatis officia facienda. *Fines regere* est disterninare agros. Actio itaque finium regendorum ad agros pertinet, non ad aedificia urbana, sicut iurisconsultus ait in Digestis Finium regundorum. Hoc iudicium locum habet in confinio praediorum rusticorum, in urbanorum displicuit⁴⁷⁾. Actio aquae pluviae arcendae adversus eum competit, qui in agro fossam facit, in quam colligat aquam, aut deducat, ex qua damnum alteri accidit. Ea quoque tantum ad rustica praedia pertinet, sicut iureconsultus ait. Item sciendum est, hanc actionem non alias locum habere, quam si aqua pluvia agro noceat. Caeterum si aedificio vel oppido noceat, cessat actio haec. Agi autem ita poterit, ius non esse stillicidia vel flumina immittere. Est autem maius fines regere, quam aquam pluviam arcere, quia prius est fines disterninare. Etenim si fines agrorum non essent disterninati, non posset agi de aqua pluvia arcenda: ut si aedificia nulla disiuncta essent, non esset de stillicidiis aliqua dissensio.

Convertere.] Si in urbe aqua arcetur, igitur fines reguntur. Praescriptio est in re immobili, usucapio in re mobili, sed veteres promiscue

45) habet] sic Editt. 1533., 1541., 1550.; apud Vitruv. ed. Io. Gottl. Schneider (Lips. 1807. 8.) T. l. l. l. legitur: habet.

46) Digest. XXXIX. tit. 2. de Damno infecto etc. l. 24. Fluminum publicorum etc. et l. 39. Inter quos paries etc.

47) Hoc iudicium — displicuit.] haec sunt verba Digest. X. tit. 1. Finium regundorum, legis 4. §. 10.

utuntur nomine usucapionis, cum tempore res fit eorum, qui possident⁴⁸⁾. Porro anno mobilia usucapiebantur, biennio immobilia ex legibus XII tabularum. Colligit igitur Cicero: Si fundus biennio usucapitur, igitur et aedes: quia sicut fundus res immobilis est, ita et aedes.

Ex paribus⁴⁹⁾ argumentum.

Non licet resistere potestati publicae, episcopi sunt magistratus publici: ergo illis non licet resistere^{49a)}.

Auctoritas fundi biennium est] Id est, biennio res fit mea^{49b)}.

Valeat aequitas.] Id est, ut etiam aedes biennio usucapiantur.

§. 24. *Quae autem extrinsecus* etc.] Postremus locus ab autoritate est. Locus ab autoritate non valet negative, id est, ita valet, si expresse fecerint eius rei autores mentionem. Finge speciem facti: Caius parietem, qui suam aream a vicini area dirimit, tegere vult, et coniungere suis aedibus. Si quaeris, an liceat: respondeat aliquis, non licere, quia Caius si coniunxerit aedibus suis communem parietem, stillicidium avertet in tectum vicini. At Caius ita pollicetur se aedificaturum, ut tamen stillicidium non transmittat in vicini aedes. Alter rursus negat, licere Caio suis aedibus adiungere parietem et tegere, quia, si tegat, parietem in alieno aedificet, quoniam paries claudit spatium aedium vicini. Respondet Cicero ex autoritate Scaevolae⁵⁰⁾: Paries non claudit aedium ambitum, sed ambitus est, quantum est spatium, quo tectum prominet. Tota igitur quaestio in eo vertitur, utrum aedificando liceat communem parietem occupare, et adiungere meo aedificio, necne? Scaevola hoc admittit, cum ambitum definit, quantum spatium est, quo tectum proiicitur.

§. 25. *His igitur locis*] Omnia argumenta aut sunt necessaria, quae sunt demonstratio; aut verisimilia, quae sunt significatio. Estque haec

48) Conf. Ernesti Clav. Ciceron., Car. Frid. Elvers promptuarium Gajanum et Dirksen manuale s. vv. praescribere, praescriptio et usucapere, usucapio.

49) paribus] sic Editt. 1533., 1550.; Ed. 1541. partibus.

49a) Ex partibus — resistere.] sic Editt. 1533., 1541.; in Ed. 1550. haec desunt.

49b) Haec nota tantum in margine Ed. 1533. invenitur.

50) De Q. Mucio Scaevola iuris peritissimo conf. Orellii et Baetii Onomast. Tullian. P. II. p. 405 sqq. et Pauly: Real-Encycl. T. V. p. 180 sqq.

differentia diligenter observanda. *Utrum igitur*] Transitio. Hactenus catalogum omnium locorum recensuit; nunc recurrit ad fontes, et copiosius exponet^{50a)}.

Cap. V. §. 26. *Definitionum autem duo sunt genera*] Donatus⁵¹⁾ dicit: Nomen est, quod corpus aut rem significat; sic Cicero dicit: Quaedam sunt subiecta sensibus, quaedam non, ut domus. Reliquae, quae non, ut comparationes et intellectus mentis.

§. 27. *Fundum*] Grundt und boden^{51a)}. Mancipium est aliquid, quod est proprium nobis, et quarum rerum habemus dominium: dictum, quod manu capiatur, id est, teneatur. *Penus*] Vorradt an korn, wein etc. *προθεσμίαν* vocant Graeci, quod nos praescriptionem, certum tempus definiri, quo agi debeat, postea nullam dari actionem^{51b)}. *Si agnationem*] Agnati, qui a patre consanguinei sunt; cognati, qui a matre. *Conformatio*] Id est, imago quaedam in animo, quam Graeci *ἔννοιαν καὶ πρόληψιν* vocant.

§. 28. *Aliae divisionum*^{51c)}] De divisione^{51d)}. M. Cicero vocat partitionem aliud quiddam quam divisionem. Divisio est, specierum unius generis enumeratio, ut animalium aliud bos, aliud asinus etc. Partitionem vocant, quando aliqua res in membra discerpitur, ut corporis partes aliae caput, pedes, manus etc. Leges hoc, quod populus scivit, dixerunt^{51e)}, id est, senatus et plebs. *Senatusconsultis*] Id est, decreta senatus; is enim multa sine plebis arbitrio facit. Aequitas est scripti iuris correctio, quae ex iure naturali petitur. *Abalienatio*] Translatio rei in aliud, ut domini, possessionis; et sicut res duplices, corporales et incorporales, sic species abalienationis sunt etiam duplices. *Mancipi*] Id

50a) exponet] sic Editt. 1533., 1541.; Ed. 1550. exponit.

51) Aelius Donatus, grammaticus et orator, qui c. a. 354. p. Chr. Romae floruit, sic nomen definit in sua arte grammatica, cuius editio prima inscripta est: De litteris, syllabis, pedibus et tonis; editio secunda: De octo partibus orationis (recusa in Putschii Grammat. Lat. p. 1735 sqq. et in Lindemannii Corpore Grammat. Lat. T. I. init.).

51a) Grundt und boden] sic Editt. 1533., 1541.; Ed. 1550. Agri pars.

51b) Vorradt an korn — actionem] sic Editt. 1533., 1541.; Ed. 1550. Reconditorium frumenti, vini etc.

51c) In Ed. 1550. huius notae pro his Cic. verbis adscripta sunt proxime antecedentia: *Atque etiam definitiones.*

51d) De divisione] sic Editt. 1533., 1541.; in Ed. 1550. desunt.

51e) ut corporis partes — dixerunt] sic Editt. 1533., 1541.; in Ed. 1550. omissa sunt.

est, cuius dominium habeas; genitivus est, pro mancipii. *Translatio*] Id est, translatio domini rerum corporalium. *Cessio*] Id est, traditio actionum, id est, rerum incorporalium. *Nexus* est ritus quidam, seu imaginaria venditio, quae fiebat hoc modo: adhibitis quinque testibus, et eo qui libripens vocabatur; ibi emptor tenens aes, pronuntiabat: Hanc rem aio meam esse, emptam hoc aere: deinde libram percutiebat, et aes dabat venditori tanquam pretium⁵³⁾. Hoc ritu significabatur translatio domini rei venditae; huc Ovidius⁵⁴⁾ alludit, cum ait:

Meque tuum libra norit et aere minus.

Id est, sum plane tuus, nisi quod non sum servus. Summa est, quod quando volumus genus probe tractare, tum species colligendae, vel ad minus illarum differentiae, quibus genus fiat illustrius: ut, Virtus versatur circa varias actiones.

Cap. VI. §. 29. *Aut possessione retenta*⁵⁴⁾] Id est, non talis, cuius possessionem seu usum fructum decedens habuerit; nam alio iure redit res ad dominum usufructuario extincto. *Gentiles*] ut Bruti, Cassii etc., qui linea paterna se contingunt.

Cap. VII. §. 30. *Idea*] Idem vult Plato, cum ideas vocat, quod Aristoteles speciem^{54a)}. *Sed inutiliter*] Id est, ego malo uti nomine formae, quod plures casus recipiat, quam species. Asinius Pollio⁵⁵⁾: Male hercle eveniat verbis, si res cogatur verba sequi. *Specierum*] Proximum nomen, quod tibi venit in mentem, cum proprium nomen dixisti, est species. Ego possum equos a bobus discernere, etiam cum ibi non sint boves, quod eius rei imaginem in animo geram. Sic generis non possum unam imaginem habere.

§. 32. *Saepe etiam*] ut Horatius⁵⁶⁾ dixit:

Mors ultima linea rerum,

53) Vid. Schweppe l. l. §. 252. p. 459 sqq. et §. 301. a. p. 555 sq.

54) Ovidii epistolarum ex Ponto l. IV. epist. 15, 42.

54) *Aut possessione retenta*] pro his Cic. verbis huic notae in Editt. 1533., 1541., 1550. adscripta sunt: *Non retenta possessione.*

54a) quod Aristoteles speciem (scil. vocat)] sic Editt. 1533., 1541.; Ed. 1550. quod Aristoteles cum species.

55) De C. Asinio Pollione vid. Orellii et Baileri Onomast. Tullian. T. II. p. 76 sq. et Pauly: Real-Encyclop. T. I. p. 862 sq.

56) Horat. epist. I, 16, 79.

Solebat igitur Aquilius] Est apud Quintilianum libro quinto⁵⁷⁾. *Translatione utens*^{57a)}] Id est, iureconsultorum, qui accuratam curam verborum habent^{57b)}.

Cap. VIII. §. 33. *Inscienter facias*] Id est, si non sunt multae, tum omnes sunt enumerandae. Si vero infinitae, tum potiores enumerasse satis est, ut si dicendum est de matrimonio, non enumerandi omnes casus, qui innumerabiles⁵⁸⁾ et infiniti incidunt; nam ex quibusdam formis caeterae cognosci possunt. Stipulari est, interrogare aliquem, si velit dare; si hic respondeat se daturum, est stipulatio.

§. 34. *Itaque in oratoriis artibus*] In rhetorica omnes quaestiones recensentur^{58a)}, An sit, Quid sit, Iure an iniuria factum sit; verum non omnia schemata. *Σχῆμα* proprie est⁵⁹⁾ gestus vel figura^{59a)}. Cum enim interrogo, est alius gestus orationis, quam cum simpliciter loquor: sic cum aliquid amplifico, est alius quidam gestus et impetus orationis.

§. 35. *Multa etiam ex notatione*] Hic locus nihil obscuritatis habet.

Regula.

Cui convenit nomen, quod exponitur, huic convenit expositio; habet magnam utilitatem, et fit, quando vocabula urgemus.

§. 36. *Postliminium quid sit*] Postliminium vocarunt, quando hostes aliquid interceperant, et illud rediit postea ad pristinos dominos: ut si servus captus effugeret, et rediret domum.

§. 37. *Clitellarius*] Id est, qui fert onera.

Cap. IX. §. 38. *Sequitur is locus*] De coniugatis, ut Paulus scribit, magistratus esse divinitus ordinatos⁶⁰⁾: ergo ordinationes in republica

57) Quintil. instit. orat. l. V. c. 14. extr.: cum etiam ipsi iurisconsulti, quorum summus circa verborum proprietatem labor est, litus esse audeant dicere, qua fluctus eludit. [In margine Ed. 1533. male: Est apud Quintilianum lib. 6.] — C. Aquilius Gallus, Ciceronis familiaris et collega, erat enim praetor cum illo a. u. c. 668.

57a) *Translatione utens*] sic Ed. Orell.; illae Editt. *Translatione enim utens.*

57b) Haec nota tantum in margine Ed. 1533. legitur.

58) innumerabiles] sic recte Editt. 1541., 1550.; Ed. 1533. enumerabiles.

58a) Conf. Mel. Elementa rhetor. in huius Corp. Reform. Vol. XIII. p. 424.

59) est] sic Editt. 1541., 1550.; in Ed. 1533. deest.

59a) *σχῆμα* quid sit, Melanthon etiam in illis Elem. rhetor. l. I. p. 463. 474. explicat.

60) Rom. 13, 1 sqq.

sunt divinae. Diximus autem supra⁶¹⁾ de aqua pluvia; verum in istis levibus exemplis non apparet vis et utilitas locorum.

Cap. IX. §. 39. *A capite arcessere*] Id est, non est necesse ire ad extremum genus; ut non sic dico: Omnis substantia corporea animata, etc. movetur, sed simpliciter sic dico: Omne animal movetur. *Loci vitio*] Id est, aggeres non manufacti, quando conditio loci sic est, ut necessario influat in alterius agros aqua. *Manu nocens*] Quando aliquis arte et manu aquam in alterius agros inducit.

§. 40. *Dolus malus*] A specie ad genus. De dolo malo Cicero libro 3. Offic.⁶²⁾. Nulla pecunia in publicos usus instituta, est vertenda in privatos usus: ergo nec pecunia monasteriorum est vertenda in privatos usus.

Cap. X. §. 42. *Si tutor fidem*] Dno genera similitudinum facit. Unum, quod dialectici inductionem, quae est, quando ex multis similibus unum aliquod colligimus. *Fiduciam*] Fiduciam accepit^{63a)} is, cui res aliqua mancipatur, ita ut eam mancipanti remancipet: ut nostri equites belli temporibus mancipant amicis fundos suos, ut post periculi tempus restituant. Vide Cicero- nis lib. 3. Offic. et pro Flacco⁶³⁾. *Procurator*] Procurator est, qui multa negotia de alicuius mandato facit. *παρὰγωγὴ*] Ego puto legendum *ἐπαγωγὴ*⁶⁴⁾. Sic enim Aristoteles vocat^{64a)}.

§. 43. *De finibus*] Scilicet regendis, quae actio est de describendis limitibus et finibus agrorum. Exempla etiam ad similitudinem pertinent. Discipulus non est maior magistro⁶⁵⁾; Christum oportuit pati⁶⁶⁾: ergo et nos oportebit.

§. 44. *Exemplis plurimis usus est*] Quibus docuit voluntatem scripti spectandam esse, non ipsa verba^{68a)}. *In suam tutelam*^{68b)}] est apud Ciceronem in oratione pro Caecina, et in Ora-

61) Vid. nota ad Cic. Top. 4, 23.

62) Cic. de Offic. III, 15, 61.

62a) accepit] sic Editt. 1533., 1541.; Ed. 1550. accipit.

63) Cic. de Offic. III, 15, 61. et pro Flacco c. 21, 51. vocab. *fiducia* occurrit.

64) Orellius *ἐπαγωγὴ* in textum recepit.

64a) Haec nota in Editt. 1533., 1541. ante duas proxime antecedentes collocata est.

65) Matth. 10, 24.

66) Luc. 24, 26.

66a) Haec nota in Editt. 1533., 1541. proxime sequenti postposita est.

68b) *In suam tutelam*] Pro his Cic. verbis in Ed. 1550. legitur: *Haec de re.*

to, item in Perfecto oratore⁶⁷⁾. Instituit autem Crassus hanc controversiam adversus Scaevolam. Quidam discedens fecit testamentum, ut si uxor peperisset, filius haeres esset. Si autem interisset, priusquam in suam tutelam venisset, ut ei succederet alius haeres, quem substituisset. Uxor non fuit gravida. Iam amici illius defuncti petunt haereditatem, et ille substitutus etiam petit. Crassus ad substitutum dicit pertinere, a testamenti voluntate.

§. 45. *Campus illorum*] scilicet oratorum.

Cap. XI. §. 46. *Differentia*] Locus differentiae, quando inter res aliquid interest. Non sequitur, traditiones institutas ad iustificationem non esse faciendas: ergo quae ad civilem cultum institutae sunt, non liceat facere, quia inter illas traditiones aliquid interest^{67a)}. Sic Pauli locus totius^{67b)} capitis 6. ad Romanos est in tali differentia et dissimilitudine.

§. 47. *Contrariorum autem genera*] Hoc in dialecticis solet tradi, videlicet quatuor esse genera oppositionum^{67c)}. Primo, contrariae qualitates: sanum, aegrum; calidum, frigidum, etc. Secunda species, quae privative opponuntur: sapientia, insipientia. Habitum lucem vocant, privationem lucis tenebras, quando non natura, sed defectus naturae opponitur. Tertia species est relationum, sicut pater et filius. Nam non est possibile, simul esse patrem et filium. Quartum genus est contradictionum. Hoc cadit tantum in propositionem: Sedeo, non sedeo; loquor, non loquor.

Regula.

Quando tribuis unum contrarium alicui, necesse est alterum adimere.

§. 48. *στερητικά*] *στερητικά* nos vocamus privative opposita. Et videndum est, quae vocabula naturam aut absentiam naturae significant.

67) Cic. pro Murena c. 10, 23., occurrit *in tutela*; de Orat. I, 39, 160. Brut. c. 52, 195. *in suam tutelam venire*.

67a) Non sequitur — aliquid interest.] sic Editt. 1533., 1541.; Ed. 1550. Non sequitur: Perfectionis Christianae est, illatas sibi iniurias remittere. Ergo princeps Christianus homines scelerosos sibi iniurios impunitos debet dimittere, quia inter privati hominis iniuriam et crimen maiestatis multum interest.

67b) totius] sic Ed. 1550.; Editt. 1533., 1541. totus.

67c) Conf. Mel. Erotem. Dialect. in huius Corp. Reform. Vol. XIII. p. 561 sq. 564 sqq. 607 sqq.

§. 49. *Quae cum aliquo conferuntur.*] Relative opposita. ἀποφατικὰ] ἀπόφασις negatio dicitur, sicut κατάφασις affirmatio.

§. 50. *Ab adiunctis*] Adiuncta eiusmodi sunt similia, quae tamen non necessario cohaerent. *Si statuissemus*, etc.] Id est, si pupillo non licet testamentum facere: ergo etiam mulieribus non licet.

Cap. XII. §. 51. *Quid post rem*] Hic locus signorum dicitur, quae diligenter tractantur a rhetoribus, a dialecticis fere praetermittuntur. Extat praeclarum signorum exemplum in Miloniana oratione^{67d)}.

§. 53. *Ex consequentibus et antecedentibus* etc.] *Antecedentia* dicuntur, quae aliquid necessario ex se gignunt. *Adiuncta* non necessario gignunt^{68a)}. *Consequentia*, quae necessario sequuntur.

Cap. XIII. §. 53. *Quum tripartito.*] Hoc totum nihil aliud est, quam quod dialectici tradunt de hypotheticis propositionibus^{68a)}. Conditionalibus propositionibus sic utimur in colligendo. Ex antecedenti recte colligimus consequens affirmative, ut: Si homo currit, animal currit; sed homo currit: ergo etiam animal currit. Sic Paulus: Si gentes servant legem, gentes erunt pro circumcisis; sed gentes servant legem: ergo gentes erunt pro circumcisis^{68b)}. Si haec parva et moritura corpora mente aliqua reguntur: ergo etiam^{68c)} aeterna corpora mente aliqua reguntur; sed constat humana corpora mente regi: ergo hic mundus etiam mente, id est, divinitus regitur. Sic Cicero collegit pro Milone. Ex consequente colligimus antecedens negative: Si magistratus pius est, prius volet cognoscere controversias ecclesiasticas, quam quemquam damnare; sed non cognoscit prius: ergo non est pius^{68d)}. In disiunctivis ita colligimus, cum unam partem ademeris, alteram tribuere necesse est, ut: Mundus aut regitur aliqua mente, aut nullo ordine certo res iunt; sed certo ordine res fiunt: ergo mundus aliqua mente regitur. In copulativis ex tota alterutram partem colligimus, ut: Deus exigit

67d) Conf. Mel. Elementa Rhetor. in eodem Vol. p. 434. eiusque Erotem. Dialect. ibid. p. 704 sq.

68) gignunt] sic Ed. 1550.; Editt. 1533., 1541. iungunt.

68a) Conf. Mel. Erotem. Dialect. l. I. p. 378 sq.

68b) Conf. Rom. 2, 14. 26 sqq.

68c) etiam] sic Editt. 1533., 1541.; Ed. 1550. iam.

68d) Si magistratus — non est pius.] sic Editt. 1533., 1541.; Ed. 1550. Si Iudaei ex Deo essent, verba Dei audirent; sed non audiunt: ergo ex Deo non sunt.

timorem et fidem: ergo Deus timorem exigit. Magistratus debet et punire sotes, et bonos honore afficere: ergo non satis est magistratui punire sotes^{69a)}.

§. 55. *Enthymema*] Illa enthymemata^{69b)} valde firma sunt, quae conflata sunt ex contrariis, ut: Cum sis expertus, quae incommoda sequantur ebrietatem: ergo debes studere sobrietati et illam amplecti. Cum nihil sit perniciosius humano generi, bello: nihil debet esse gratius pace. Item, Lex iram operatur: ergo non iustitiam.

Cap. XIV. §. 58. *Proximus est locus*] De causarum locis, quae in quatuor genera distribuuntur. Hic autem circumstantias et occasiones causas facit.

Cap. XV. §. 58. *Si quis aes causam statuae*] Materiam vocat^{69c)}.

§. 59. *Fatum*] Fatum ordinem vocarunt causarum inter se connexarum: nec tamen voluntati necessitatem afferre Chrysippus^{69d)} dixit, quod semper certo ordine sidera vehantur. Fuerunt autem variae hac de re dissensiones. Chrysippus dicit, causas praecedentes caedem, esse adiuvantes, non sufficientes. Verum praeter eas causas esse rationem in nobis assentientem aut refragantem visis: fieri tamen plerumque, ut quales sunt in natura impetus, ita trahant nos visa, aut non afficiant. Sicut cylindrum si quis impulerit in area, quia rotundus est, per sese volvitur⁷⁰⁾ longius: sic in ipsa figura cylindri causa est, quae motionem recipiat. Sed si cubum impellas, non volvetur longius. Hinc intelligi potest, cur Cicero fatum ponat inter adiuvantes causas non necessarias. Christiani autem est sic sentire, quod quanquam sit aliqua vis naturalium causarum et voluntatis humanae, tamen Deus eas gubernet, et nunc quoque moderetur, et pro suo consilio vel impediatur actionem earum, vel iuvet, iuxta illud: Unus de istis passeribus non cadet super^{70a)}

69a) In margine Ed. 1533. Cic. verbis *Quum tripartito* etc. adscripta sunt: Tradit formulas colligendi ex conditionalibus etc., et sequentibus *utrum hoc modo concludas argumentum?* haec: Si promiscue ex antecedente consequens et ex consequente antecedens colligeretur.

69b) Conf. Mel. Erotem. Dialect. l. I. p. 616 sqq.

69c) Haec nota non nisi in margine Ed. 1533. legitur.

69d) De Chrysaippo Stoico, Apollonii Tarsensis filio, Solis orto, urbe Ciliciae, quae Pompeiopolis postea dicta est, vid. Diog. Laërt. l. VII. c. 7. et Bruckeri hist. crit. philos. T. I. p. 974 sqq.

70) volvitur] sic Editt. 1533., 1541.; Ed. 1550. evolvitur.

70a) super] sic Vulg. l. I. et Editt. 1541., 1550.; Ed. 1533. supra.

terram sine voluntate patris⁷¹⁾. Item: In ipso sumus, vivimus et movemur⁷²⁾. Multa etiam praeter naturales causas Diabolus efficit in his, qui deserti a Deo impelluntur a Diabolo.

Cap. XVI. §. 61. *Diligenter est separandum*] Id est, causae necessariae sunt separandae a non necessariis, ut cum iustitiam humanam posuerit^{73a)} causam iustificationis, est quaestio, an sit necessaria, an non? Paulus respondet, non⁷³⁾. *Utinam*, etc.] Hoc Cicero saepe allegat, et recitantur hi versus in Rhetorica ad Herennium, ex Medea⁷⁴⁾. *At quum in Aiakis.*] Ex comoedia aliqua sunt petita.

§. 62. *Atque etiam est causarum dissimilitudo*] Summa haec genera sunt causarum, naturae et voluntatis. Illorum ergo generum hic exempla ponit. Affectus et habitus non procul dissident. Itaque sunt habitus in animis, tanquam colores in corporibus. Naturam vocat inclinationem naturalem. Quidam magis ad iram, quidam natura ad lenitatem propensiores sunt. Casum subiecit voluntariis causis, quod humanum consilium possit fortunae et casui mederi.

§. 62. *Huiusmodi causae non necessariae.*] Id est, non semper pariunt^{74a)} suos effectus.

§. 63. *Omnium autem causarum.*] Alia causarum divisio. Quaedam certos effectus, quaedam dissimiles et contrarios effectus habent. Omnes tamen causae ad superiores referri possunt, voluntatis et naturae. *In natura et in arte.*] Quia ars est velut aemula, et effectum certum habet.

Cap. XVII. §. 63. *Aliae sunt perspicuae*] Quas vocamus voluntarias. *Aliae latent.*] Ut fortuna. Sunt autem causae fortunae^{74b)} aliquando naturales et divinae, aliquando voluntariae. Est enim fortuna, cum eventus nullo nostro consilio regitur. Et tamen is eventus causam

aliquam habet. Et sunt nonnunquam naturales causae eiusmodi eventuum, quarum pleraeque sunt nobis ignotae, ut si quis morbum ex gravitate coeli contrahat et rursus convalescat loci mutatione. Multa praeterea accidunt divinitus, quae non habent proprias et necessarias ullas in natura causas, ut cum in naufragio contingat alium enatare, alium perire. Item regnorum vices. Recte igitur definias fortunam eventum esse, qui non nostro, sed divino consilio regitur. Huc illud Salomonis⁷⁵⁾ pertinet: In sinum deiiciuntur sortes, at a Deo iudicium earum proficiscitur.

§. 64. *Ex quo aries*] Id est, vos saepe argumentamini in iure de fortuna; nam multum interest, si quis voluntarie^{75a)} an insciens occiderit^{75b)}. *Cadunt etiam in ignorationem, atque*] Id est, affectus possunt etiam videri naturales causae et non voluntariae.

§. 65. *Toto igitur loco*] Concludit locum causarum; in tractatione causarum versatur tota oratio pro Milone: quid consilii Clodius habuerit, quod Miloni insidiatus sit: quid consilii Milo, quod Clodium occiderit. *Differentia.*] Id est, oportet te observare alias esse naturales causas, alias necessarias. Neque enim sequitur: Clodius odio habuit Milonem, ergo illum occidit. *Privata enim iudicia*] Civiles controversiae, non capitales. Hoc iudicium exercebant centumviri⁷⁶⁾. *Hastas ministrant*] Id est, iuvant oratores^{76a)}.

§. 66. *In omnibus igitur*] Subiecit exempla, et inquit locum causarum praecipue iureconsultis usui esse, quia saepe quaeritur, qua causa aliquid sit factum, ut dolone an errore aliquis laesus sit. Divortium qua causa factum sit. Item in actionibus bonae fidei, qua causa emptor se venditori praestare confiteatur. Ducuntur enim in omnibus quaestionibus firmissima argumenta ex causis. Et id demum recte docere, est causas rei colligere et patefacere, ut cum dicemus^{76c)},

71) Matth. 10, 29.

72) Act. 17, 28.

72a) posuerit] sic Editt. 1533., 1541.; Ed. 1550. posueris.

73) Conf. Rom. 3, 20 sqq.

74) Hi versus sunt ex Medae fabula, quam ex Euripide Ennius more suo liberius convertit. Inveniuntur in Ennii fragmentis a Columna conquis. et explic., recens. accur. Hesselio (Amstelæd. 1707. 4.) p. 197. In Rhetoricis; ad Herennium I. II. c. 22. praeter hos duos versus, qui Eurip. Med. 3. 4. respondent, etiam septem proxime sequentes afferuntur.

74a) semper pariunt] sic Editt. 1533., 1541.; Ed. 1550. pariunt semper.

74b) fortunae] sic Editt. 1533., 1541.; Ed. 1550. fortunatae.

75) Prov. 16, 23.

75a) si quis voluntarie] sic Editt. 1533., 1541.; Ed. 1550. voluntarie quis.

75b) In margine Ed. 1533. vocibus *aries ille* haec adscripta sunt: Id est, fortissima oppugnatio.

76) De centumviris conf. Adam: Handb. der Röm. Alterth. übers. v. Meyer T. I. p. 269 sq. 434. et Schweppe: Röm. Rechtsgesch. u. Rechtsalterth. 3. A. v. Gründler §. 547. a. p. 931 sqq.

76a) Haec nota non nisi in margine Ed. 1533. invenitur.

76b) iureconsultis] sic Editt. 1533., 1541.; Ed. 1550. iurisconsultis.

76c) dicemus] sic Editt. 1533., 1541.; Ed. 1550. docemus.

quid sit iustificatio, exponendum est, quod Spiritus sanctus efficiat in animis hominum metum divini iudicii, et quod in ea consternatione consoletur et erigat animos per Evangelium intuentes in Christum. Ex tertio Officiorum⁷⁷⁾ apparet in iudicio de fiduciaria mancipatione, haec verba in formulis solitos adscribere: Inter bonos bene agier. Quaerebantur enim in iudicio causae, quomodo aliquis alteri fundum tradidisset, cur hic restituere recusaret. Fortassis et in sociorum controversiis et aliis actionibus bonae fidei, eadem formula usi sunt. Est autem egregium praeceptum, ad omnem vitam pertinens, et vox plena humanitatis, ut inter bonos bene agatur, hoc est, bonos ex fide debere praestare etiam quae non aperte lingua nuncupata sint, Dass keiner den anderen gefehren soll⁷⁸⁾. Actio rei uxoriae erat, quando facto divortio repetebatur dos. Ibi vir saepe causabatur, impensas se fecisse; praeterea alia, cur dotem recusaret reddere. Ergo in cognoscendo quid melius, aequius esset quaerebant, et iudicabant ex aequitate quid viro deberetur, ne mulier defraudaretur⁷⁹⁾. Sed haec actio, ut fraus excluderetur, praeclare correctae est. Quaerendae autem et in hac controversia causae erant, an vir fecisset impensas, an res donatae, etc. *Eum qui negotia aliena*] Procuratorem.

Cap. XVIII. §. 67. *Coniunctus huic*] De effectibus sequitur locus. In tota autem fere philosophia fit, ut causae ex effectu quaerantur, et econtra, ut: Est arcus in nubibus, ille est effectus. Causae quaeruntur, cur ita fiat.

§. 69. *Specie autem*] Id est, substantia, ut cum aurum cum argento confero, et rem per se considero. Bonorum genera sunt honestum, utile, iucundum, ut: Si possum ex literis et rem familiarem parare, et bonam existimationem, possum item aliis prodesse: ergo multo meliores sunt literae, quam cerdonica, ex qua non potest colligi existimatio. *Innata atque insita*] Naturalia bona assumptis et adventitiis: Bona valetudo melior est divitiis. *Non artificiosis*] Id est, fortuitis.

77) Cic. de Offic. III, 15, 61.

78) Dass keiner den anderen gefehren (i. e. gefährden, in periculum vocare) soll.] sic Editt. 1533., 1541.; in Ed. 1550. omissa sunt.

79) defraudaretur] Ed. 1541. typogr. errore: defrauderetur.

§. 70. *Efficiens causa gravior*.] Quae res efficit maximas utilitates hominum, pecunia, an virtus? Maxime virtus. Vides hic quaeri de qualitatis effectibus, id est, de virtutibus⁸⁰⁾. *Affectio autem*] Id est, relationes⁸¹⁾. *Principum*] Quia ad exemplum pertinet, quicquid princeps facit. *Pluribus probata*.] Quaestuariae artes a pluribus laudatae: ergo sequendae.

§. 71. *At quod primum est*] Scilicet in laude. Magnus est honor imperatoribus, itaque debet etiam esse magnus iis, qui defendunt causas. *Perfecta est omnis*] Epilogus est totius libelli⁸²⁾.

Cap. XIX. §. 73. *Haec ergo argumentatio*] Appendix hic sequitur totius libelli. Nam locorum tractatio absoluta est. Loci ergo ἀρεχνοι^{82a)} sequuntur, qui ab alio adferuntur, et extra artem positi^{82b)} sunt.

Cap. XX. §. 75. *Ut Stalerio*⁸³⁾ nuper accidit] Alii Stalerio, nihil autem extat de hac historia apud Thucydidem lib. 1.⁸⁴⁾. *Huic simile quiddam*] Historiam apud Thucydidem⁸⁵⁾ lege. Cum Pausanias propter suspicionem defectionis incurrisset in odium civium suorum, metu supplicii confugit in templum; sed quia crimen satis manifestum esset, quendam subornarunt, qui cum eo tanquam conscius de defectione expostularet^{85a)}, Ephoris clam ad parietem auscultantibus. Ita suo testimonio se Pausanias prodidit, liberius cum illo locutus.

§. 76. *Concursio autem fortuitarum*] Id est, multa signa concurrentia. *Quae autem virtute*] Id est, non incerta opinione. Firma testimonia sunt duplicia. Quaedam natura valent, id est, prorsus certa sunt, ut petita a divinis rebus; quaedam vero industria valent.

§. 77. *Aërei volatus avium*] Praedicebant enim ex auguriis futura⁸⁶⁾.

80) In margine Ed. 1533. his Cic. verbis tantum haec adscripta sunt: Hoc ad qualitatem pertinet.

81) Haec nota tantum in margine Ed. 1533. reperitur.

82) Haec nota non nisi in marg. Ed. 1533. exhibetur.

82a) Conf. Mel. Elem. Rhetor. in huius Corp. Ref. Vol. XIII. p. 434. 446.

82b) positi] sic Ed. 1550.; Editt. 1533., 1541. posita.

83) Stalerio] sic illae Editt.; Ed. Orell. Staleno.

84) Haec nota tantummodo in marg. Ed. 1533. invenitur.

85) Thucyd. I, 133.

85a) expostularet] sic Editt. 1533., 1541.; Ed. 1550. postularet.

86) Haec nota non nisi in marg. Ed. 1533. legitur.

§. 78. *Itaque quos ingenio*] Nam publicae leges, ex quibus res iudicantur, mutuantur testimonia a Demosthene, Platone, Homero, Hippocrate, etc.

Cap. XXI. §. 79. *Definitum est quod ὑποθ.*] Haec quoque sunt apud Aristotelem⁸⁷⁾.

§. 80. *Nec tamen in maximis*] Id est, thesis non tam multos locos recipit, quam hypothesis: ut, Liceatne gerere bellum Christiano? Habes unum tantum locum, videlicet, Christiano licet magistratum gerere: ergo etiam bella; sed bellandum esse cum Turcis, recipit longe plures locos de Turcico latrocinio, quod mutat religionem et totam pristinam formam reipublicae. *Sed omnis quaestio earum aliqua de re est*] Id est, quaestiones sunt de hypothesibus⁸⁸⁾.

§. 82. *A naturae ius*] Utrum ius habeat aliquod initium a natura, an tantum factum sit temerario quodam hominum consensu et conspiramento. *De commutatione.*] Id est, possitne aliquis virtutem comparatam amittere. *Quarum una est, cum quaeritur etc.*] Haec tractantur in Dialectica Philippi, ubi docet rationem tractandorum simplicium thematum⁸⁹⁾.

Cap. XXII. §. 83. *Descriptio, qualis sit avarus*] Ut est illa Gnathonis in Terentio et avari in quodam epigrammate graeco⁹⁰⁾.

§. 85. *De cognitionis quaestionibus*] Absolvit hactenus formas quaestionum speculativarum; nunc eam partem quaestionum tractat, quae *πρακτική* dicitur.

§. 86. *In causas.*] Id est, in hypotheses transferuntur.

87) Haec etiam nota tantum in marg. Ed. 1533. invenitur.

88) Haec quoque nota tantum in marg. Ed. 1533. reperitur.

89) Haec nota, quae non nisi in marg. Ed. 1533. legitur, non a Melanthe, sed ab alio addita esse videtur. — Locus Dialecticae Philippi Melanthonis, in quo haec tractantur, in Ed. Lipsiensi 1545. 8. p. 59 sqq. et in huius Corp. Reform. Vol. XIII. p. 573 sqq. invenitur.

90) Haec etiam nota tantum in margine Ed. 1533. exstat. — Gnatho parasitus est persona Eunuchi, fabulae Terentii.

Cap. XXIII. §. 87. *Coniunctis*] Comm accidentibus. *Quae ex coniunctis sumi po* Hoc est, videre quae pugnent in causa, et deantur coniuncta⁹¹⁾.

§. 89. *Ad tertium genus*] Qualitatis genus, utrum divitiae sint praefereendae v Talis est locus pro M. Marcello. *In id aut nus*] Qualitatis est genus, utrum divitiae praefereendae virtuti⁹²⁾.

Cap. XXIV. §. 90. *De proposito*] Id est thesi.

Cap. XXV. §. 93. *Status*⁹³⁾.] Dili est observandum, qua de re potissimum certatur et litigetur. Est itaque status pro tio, de qua potissimum disceptatur.

§. 94. *Usus est nimis impudenter Caesara Catonem*] Quibus respondit Cicero vivo Caesare⁹⁴⁾.

§. 95. *κρινόμενον*] Unaquaeque causa unum aliquem principalem statum, ut Milo Clodium iure. Habet quoque unaque causa firmum aliquod argumentum praeter ut hoc: Vim vi repellere licet, Milo vim vi lit: ergo iure occidit Clodium. Conclus status. Syllogismus ex *αἰτίῳ* constat, et *κρινόμενον*. Minor est *αἴτιον*, quare iure dit, quia vim vi⁹⁵⁾ repulit. *κρινόμενον* status est, de qua dubitatur. Non dubitatur in hoc syllogismo de minore, sed de⁹⁶⁾ Vocatur itaque τὸ αἴτιον quoque κρινόμενον

91) Haec nota non nisi in marg. Ed. 1533. legitur.

92) Haec quoque nota et sequens tantum in marg. E inveniuntur.

93) *Status*] sic Editt. 1533., 1541.; Ed. 1550. *στά* est status.

94) Haec etiam nota non nisi in marg. Ed. 1533. ex De libro, quo Cicero Caesaris Anticatoeni respondit in nota ad Cic. Oratorem c. X. §. 35. dictum est,

94) ex] sic Editt. 1533., 1541.; in Ed. 1550. deest.

95) vi] sic Editt. 1533., 1550.; in Ed. 1541. omis.

96) de] sic Ed. 1533.; in Editt. 1541., 1550. deest.

VII. PH. MEL. IN PRIMAM, PRAECIPUAM ET DIFFICILLIMAM PARTEM ORATORIARUM PARTITIONUM CICERONIS COMMENTARIUS.

Hic Mel. commentarius, quod scimus, non seorsim prodiit, sed tantum cum aliis in easdem Oratorias Partitiones commentariis coniunctus invenitur in hocce libro:

Valentini Erythraei tabulae partitionum oratoriarum Ciceronis: et quatuor dialogorum Ioan. Sturmii in easdem: recognitae, et alicubi auctae. Interpositus est ipse Dialogus, cui addita sunt Scholia oeconomica eiusdem Erythraei. His adiecitimus, in gratiam Studiosorum doctrinae dicendi, Tullianarum Partitionum, Commentarios duos clariss. virorum: alterum D. Philippi Melanthonis, alterum D. Ioachimi Camerarij Pabergensis: quibus multa loca obscura explanantur, et illustrantur. Argentorati apud Christianum Mylium 1560. — (In fine:) Argentorati excudebat Christianus Mylius. Anno 1560. Fol. (3 foll. non num. Sturmii epist. et Erythraei praef.; 2 foll. non num. G. Fabricii ad Erythraeum epist. poetica, Tabula generalis, quae complectitur omnes Partitionum Oratoriarum Schematismos, Mich. Toxitae in Tabulas Erythraei elegia; 12 foll. non num. Ciceronis Partitiones Oratoriae cum dispositione et annotatt.; p. 1—76. Tabulae Partitionum Oratoriarum M. T. C. et Dialogorum Io. Sturmij, in easdem; 11 foll. non num. Philippi Melanthonis in primam, praecipuam, et difficillimam partem Oratoriarum Partitionum Ciceronis, Commentarius, brevi Ioannis Saxonii Hattestedii praefatione praemissa; 1 fol. non num. Ioach. Camerarii praef. a. 1544. scripta; p. 89—99. Eiusd. in Partitiones Ciceronianas Commentationeulae columnatim impressae; ult. pag. vac.)).*

Huic Melanthonis commentario illam Ioannis Saxonii Hattestedii praefationem h. l. praemittimus, ex qua lector huius scripti originem cognoscat.

Ioannes Saxonius Hattestedius Lectori S. P. D.

De Partitione Oratoria librum Ciceronis sciunt eruditi perobscurum esse, primum propterea, quod Cicero in eo vocabula artis, in Graecis Rhetoribus, qui tunc extabant, lecta, Latine transtulit, aliena a vulgari consuetudine Rhetorum Latinorum; deinde quia, etsi omnes partes Rhetoricae in eo scite et venuste enumerantur atque describuntur: tamen exempla magna ex parte sunt omissa, sine quibus praecepta luce carent. Propter hanc causam, et praeterea ideo, quod hic dialogus in plerisque Academicis iuventuti studiosae dicendi, publice legi solet atque explanari: impetravi a clarissimo doctissimoque viro, Philippo Melanthono, meo in artibus liberalibus praeceptore bene merito, ut, iuvandae iuventutis causa, potissimum eius partem et plurimum obscuritatis habentem commentario illustraret. Hunc ille in maximis gravissimisque occupationibus, quibus Ecclesiae, rei publicae causa distinetur, a me subinde interpellatus, sine ulla praemeditatione, planeque ex tempore scripsit. De eo ego recte dicere possum, quod de commentariis Caesaris dixit Hirtius: Caeteros scituros esse, quam bene atque erudite, me etiam, quam facile atque celeriter hunc libellum perfecerit, scire. Cuius libelli quanta sit commoditas, is facile videbit, qui animadverterit in illo totam elocutionem, primariam et difficillimam artis istius partem, explicatam, et quasi apertam atque patefactam esse. Quantum illa exercentibus stylum, inque lectione eloquentium scriptorum versantibus

*) Hic liber, Schweigero (Handb. d. class. Bibliogr. Tom. II. P. I. p. 256.) et Orellio (Onomast. Tullian. P. I. p. 436.) testibus etiam antea ibidem in off. Crato-Myliana 1547. Fol. prodiit. M. Mart. Lipenius quoque in bibliotheca reali philosophica Tom. II. p. 1060. duas editiones ann. 1547. et 1560. commemorat, eo autem errat, quod has octonaria forma excusas esse dicit. Equidem hucusque solam illam editionem a. 1560. vidi et in manibus teneo.

prosunt, quae de genere eloquendi sua sponte fuso, et de converso atque mutato, quae de delectu et collocatione verborum, quae de compositione Ciceroniana, deque numeris, quae de oratione dilucida, brevi, probabili, illustri, suavi, quae de varianda disputatione tradit? Quam est fructuosa iisdem illuminatio illa locorum inventionis, qui etiam loci dialectici appellari solent, qui ex hoc commentariolo cogniti, universam Topicen Ciceronis, et in secundo de Oratore, et ad C. Trebatium scriptam, facilem perceptu reddent? Haec, quae dixi, omnia Philippus pulcherrimis, aptissimis, et ad nostra tempora accommodatis exemplis ita illustravit, ut doctis et aequis lectoribus adprobantibus confirmare ausim, amatores Rhetoricae plus ex istis utilitatis, quam ex ipso contextu Partitionum Ciceronis percepturos esse. Id vere videlicet, praeclareque et divino ingenio praeditis sapientibusque viris hoc est singulare, ut quemadmodum praestantes cytharoedi saepe per ludum et negligentiam non minus iucunde et suaviter fidibus canunt, quam cum magna cura, atque arte adhibita, carmen legitimum modulantur: ita etiam istorum scripta, quae sine acri contentione animi, et velut aliud agentes scribunt, plerumque aequae utilia sint et frugifera, atque accuratae et meditatae commentationes eorundem; idque vel in primis foelicissimo ingenio, singulari industriae, doctrinae perfectae huius viri est datum. Hoc verum esse, isto commentario legendo comperies. Ipse quidem eum vel non edi, vel non suo nomine edi voluit. Sed ego et alii eius amici, amicitia ipsius sive freti, sive abusi, adolescentium utilitatis causa, et hoc opusculum edidimus, et auctoris nomen adscripsimus. Quod ut quam plurimis prosit faxit Christus optimus maximus. Vale. Vuitemberga, 18. Calend. Septembr. Anno M. D. XLV.

IN CICERONIS PARTITIONES ORATORIAS
PHILIPPI MELANTHONIS COMMENTARIUS.

Cap. II. §. 7.¹⁾ Quae infra sunt rebus ipsis] Cicero locos infixos in rebus non vocat tantum interiores, sed generaliter omnes, qui vocantur artificiales, ut ipsa enumeratio ostendit. Ac ut intelligas hanc Ciceronis pagellam, intuearis animo vulgarem doctrinam, quae in Dialecticis traditur de locis, seu in Topicis, ut vocant. Nam Ciceronis enumeratio ex secundo Topicorum Aristotelis sumpta est, quam quidem Cicero paene iisdem verbis in tribus libris recenset, in secundo de Oratore, in Topicis, et hic in Partitionibus. Facile igitur intelligent has Ciceronis descriptiones hi, quibus vulgaria praecepta Dialecticorum initio recensent definitionem, postea genus, speciem; deinde totum, partes, causas, pugnancia: ita sequitur eundem ordinem alibi Cicero. Sed hoc loco orditur a toto, partibus, etymologia, ut vides in textu; deinde venit ad definitionem. Haec tantum moneo, ne quem ordinis dissimilitudo remoretur. Nec ego de causa disputabo, cur hoc Cicero fecerit: fortuitum mihi videtur, ut cum Apion²⁾ evocaret Ho-

meri manes ex inferis, ac interrogaret, cur librum Iliados sic inchoasset *Μῆνιν ἄειδε*, essetne id singulari consilio factum? Responderunt Homeri manes, mirari se inanem curiositatem eorum, qui causam quaerent. Sibi forte haec verba in mentem venisse: *οὕτως ἔτυχε*. Ita nec ego anxie de Ciceronis consilio disputabo, etsi quaedam mihi probabilia occurrunt. Exempla tantum locorum breviter ponam.

Universale praeceptum est in Rhetoricis, referre hypothesin ad thesin, id est, partem ad totum, seu genus ad speciem. Ideo hic orditur a toto. Si voles disserere, an sit pia res bellum Turcicum; necesse est prius scire, an bellum in genere sit res concessa. Ita hypothesis ad thesin transfertur, seu pars ad totum, seu species ad genus.

Sed pono breviter exemplum de toto et partibus: Legavit victum: ergo et vestitum. Hoc argumentum vere ducitur ex toto ad partem.

Magistratus est custos totius Decalogi: ergo et primae tabulae. Debent igitur principes tollere *εἰδωλα*, haereticos punire, etc.

1) Capitum et paragraphorum numeros etiam in hoc libro sicut in antecedentibus secundum Editionem Orellianam Ciceronis verbis adscripsimus.

2) Apion vel, ut in hoc Commentario et in pluribus Gellii *edit.* legitur, Apollon, Pilonices (*Πιλονίτες*) ob per-

multas victorias in litterariis certaminibus deportatas cognominatus, ex Aegypto oriundus, Tiberio et Claudio imperatoribus, Romae grammaticam et rhetoricam docuit; vid. Pauly: Real-Encycl. T. I. p. 605 sq. Conf. Gell. Noct. Att. V, 14. VI, 8. Plin. hist. nat. praef. in lib. I. et lib. XXXVII. c. 5.

(Top. cap. II. §. 8.)³⁾ *Ex partibus ad totum*⁴⁾]. Provocatio est licita, ut ex Pauli exemplo⁵⁾ apparet: ergo litigare in foro est licitum, quia similis est ratio omnium partium, et totius. *Ex notatione.*⁶⁾] Cicero in Topicis multis verbis describit hunc locum, et diserte ait, se notationem vocare eum locum, qui alias etymologia dicitur. Intelligimus autem etymologiam, non tantum puerilem nominis interpretationem: ut philosophus significat studiosum sapientiae: sed generaliter hoc loco complectimur emphases vocabulorum, et quae inde ratiocinamur, ut, Paulus vocat magistratum ordinationem Dei⁷⁾: ergo magistratus est res bona, quia diabolus non est autor ordinis, sed tantum destructor ordinis, et autor confusionis et dissipationis. Hic tantum emphasis vocabuli *ordo* urgetur. Magistratus vocantur dii⁸⁾: ergo res divinas, iustitiam et pacem, impertire hominibus debent. Moyses initio definit Deum esse conditorem dicentem: ergo affirmat Deum esse mentem aeternam, quia mentis est dicere. Diabolo inditum est nomen calumniatoris: ergo haud dubie offundit animis piorum dubitationes ad calumniandum verbum Dei: sicut Evae dixit (Genes. 3, 4.): Non moriemini. (Galat. 1, 8.): Si quis aliud Evangelium docet, anathema sit: ergo ducatur pro re teterrima, invisae Deo, et naturae rerum, quia anathema non est leve probrum, sed idem, quod maledictum, abiectum a Deo, etc. *Tum ex*

3) Ne quis miretur, in hac partitionum oratoriarum enarratione locos Topicorum explicari, monendum est, in illarum partitionum editionibus, quae ante Ernestianam, Lallemandianam et Schuetzianam prodierunt, post verba (cap. II. §. 7.) *Quae infra sunt rebus ipsis e Topic. cap. II. §. 8 et seqq.* inculcata esse haec: *tum ex toto, tum ex partibus, tum ex notatione, tum ex iis rebus, quae quodam modo affectae sunt ad id, de quo quaeritur, et ad id totum, de quo disseritur; tum definitio adhibetur, tum partium enumeratio, tum notatio verbi, ex iis* (Ed. Lambin. *his*) *autem rebus, quae quodam modo affectae sunt ad id, de quo quaeritur, alia coniugata appellantur, alia ex genere, alia ex forma, alia ex similitudine, alia ex differentia, alia ex contrario, alia ex coniunctis* (Ed. Lamb. *adiunctis*), *alia ex antecedentibus, alia ex consequentibus, alia ex repugnantibus, alia ex causis, alia ex affectis, alia ex comparatione maiorum, aut parium, aut minorum.* (vid. Orellii not. crit. ad Cic. orator. partitt. c. II. §. 7. ad v. *ipsis*).

4) Apud Ciceronem l. I. legitur: *tum ex toto, tum ex partibus.*

5) Act. 25, 11.

6) *notatione*] sic hic Commentar. et Ed. Lamb. (conf. verba in nota 3. allata); Ed. Orell. habet: *nota*.

7) Rom. 13, 1 sqq.

8) Ioh. 10, 34. 35. *Dei*, et Psalm. 82, 6. אֱלֹהִים

*his*⁹⁾ *rebus, quae quodam modo affectae sunt ad id, de quo quaeritur.*] Usitata locorum distributio est in locos interiores et exteriores. Interiores rursus dividuntur: alii vocantur loci ex substantia; alia ex comitantibus substantiam. Haec appellatio sumpta est ex Boëtio, et a Ciceronis exemplo, qui hic et in Topicis nominat adfecta ad id, de quo quaeritur, id est, quae sunt vicina, nec tamen singula totam rem declarant, aut complectuntur, ut definitio, vel iusta divisio. Sic vulgo vocant locum ex comitantibus substantiam, ut, aliquid ad notitiam angeli facit, si dicas angelum esse spiritum, non corpus; nondum tamen integre rem tenes. Aliquid ad iridis notitiam facit, quod dicit arcum illum fieri lumine solis oppositi in densa et cava nube, ut in speculo. Aliquid haec causae animadversio iuvat discentem; nondum tamen rem integre, ut in bona definitione faciendum est, proponit. Etsi autem Cicero secutus est Aristotelem: tamen ad quod verbum apud Aristotelem alluserit, non satis animadverti potest. Non sic loquitur Aristoteles in distributione locorum; sed in secundo libro¹⁰⁾, postquam de definitione dixit, addidit: deinde quaerendum esse, quo posito, sit hoc, de quo disseritur, id est, quae sint vicina, quae propositam rem utcumque ostendunt. Haec verba fortassis intuens Cicero, hanc classem locorum vocavit *adfecta ad id, de quo quaeritur*. Sed satis est de hac appellatione hoc teneri, dici *adfecta*, ut vulgo dicunt locos ex comitantibus substantiam.

(Top. cap. II. §. 9.) *Et ad totum, de quo disseritur, definitio accommodanda est.*¹¹⁾] Totum vocat ipsum thema, cuius instituitur explicatio, ut in causa Norbani, totum erat thema, crimen laesae maiestatis. Id ibi definiendum erat. Nunc igitur Cicero recenset locum definitionis. Exempla huius loci non difficile est monstrare, quia in omni disputatione praecipue oportet definitiones recte constitutas esse. Hic fons est uberimus argumentorum, ut: Crimen laesae maiestatis est, movere bellum contra superiores, non defensionis necessariae causa, aut propter iustum

9) *his*] sic in hoc Comment. et Ed. Lamb. (vid. nota 3.); Ed. Orell. *iis*.

10) Aristot. *Analyt. post. I. II.*, ubi c. 3 sqq. de definitione disseritur.

11) *definitio accommodanda est*] sic in hoc Comment.; Ed. Orell. *tum definitio adhibetur* (vid. nota 3.).

dolorem. C. Caesar movit bellum propter necessariam defensionem, condemnatus senatus-consulto, quod erat classicum. Ergo in C. Caesarem non potest conferri crimen laesae maiestatis.

Iustitia legis est obedientia iuxta omnes leges Deo placens: Zacharias dicitur iustus¹²⁾: ergo Zacharias habet obedientiam iuxta omnes leges Deo placentem, scilicet propter fidem.

*Ex partibus.*¹³⁾ Ecclesiae catholicae unitas consistit in tribus rebus necessariis: in consensu verae et purae doctrinae Evangelii, in simili usu legitimo sacramentorum, in praestanda obedientia ministerio. Has partes retinent Ecclesiae nostrae: ergo Ecclesiae nostrae retinent unitatem catholicae Ecclesiae. Similis usus humanarum ceremoniarum non est pars necessaria ad unitatem Ecclesiae: ergo esus carniū die sexto non violat unitatem.

*Ex notatione.*¹⁴⁾ Dixi supra etiam de notatione. Sed quia repetivit Cicero eandem sententiam, adiiciam hic rursus exemplum. Germani nomen habent, quod alioqui significat sinceritatem: simus igitur Germani sinceri, sine fūco, γνήσιοι, inter nos amantes¹⁵⁾.

(Top. cap. III. §. 11.) *Ex his autem rebus, quae quodam modo adfectae sunt ad id, de quo quaeritur, alia coniugata appellantur.*¹⁶⁾ Dixi iam, adfecta vocari classem aliquot locorum, paene ut vulgo nominamus comitantia substantiam. Primus autem in hoc numero locus est coniugatorum, ut cum casus mutatur. Iustum est punire ingratos: iuste igitur fecit Macedo Philippus, qui militi, qui fuerat ingratus erga hospitem, inuri has literas iussit: Ingratus hospes^{16a)}. *Ex genere.*] Notissimus est locus, et in omnibus

12) Luc. 1, 6.

13) *Ex partibus*] sic in hoc Comment.; in illo loco, quem in nota 3. attulimus, pro his leguntur: *partium enumeratio*.

14) *Ex notatione*] sic in hoc Comment.; in loco nota 3. laudato pro his leguntur: *notatio verbi*.

15) Conf. Strabo l. VII. init. (p. 444. A. edit. Amstelæd. cur. ab Almelooven): *Διὸ δίκαιά μοι δοκοῦσι Ῥωμαῖοι τοῦτο αὐτοῖς λέσθαι τὸ ὄνομα* (scil. Germanorum nomen), *ὡς ἂν γνήσιους Γαλάτας φράζην βουλομένοι· γνήσιοι γὰρ οἱ Ἑσθραῖοι κατὰ τὴν Ῥωμαίων διάλεκτον.* et H. Luden: *Gesch. des deutschen Volkes. T. I. p. 593. nota 17.*

16) *Ex his — appellantur.*] sic in hoc Comment. et in loco nota 3. laudato; in Top. III, 11. autem Ed. Orell. pro his haec habet: *Ducuntur etiam argumenta ex his rebus, quae quodam modo affectae sunt ad id, de quo quaeritur. Sed hoc genus in plures partes distributum est. Nam alia coniugata appellamus.*

16a) *Haec historia narratur a Seneca de beneficiis IV, 37.*

materiis requirendus, quia semper in declaratione propositi thematis, initio mens ipsa requirit genus, ut quoties tecum cogitas, quid sit anima, primum quaeris, an sit natura elementaris, vel alia quaedam. Exempla ubique sunt in promptu, et regulae in hoc loco observandae, traduntur in omnibus Dialecticis. Omnis emptio legitima est concessa: ergo emptio cum pacto de revendendo, est concessa, quia est vera et legitima emptio. Nullae usurae sunt concessae: ergo nec centesimae: nec senisses sunt excusabiles. *Ex forma.*] Quod vulgo speciem dicimus, usitate Cicero vocat formam. Effregit fores armatus: ergo fecit vim publicam. Iason rapuit Medeam, hospitis filiam, insciis et invitis parentibus¹⁷⁾: ergo fecit vim publicam. *Ex similitudine.*] Cum non de singulis, quae accidere possunt, leges ferri queant, multa ex similibus iudicantur, ut iurisconsulti dicunt. Sed videndum est, ne interveniat ratio dissimilitudinis, sed ut sit rationis convenientia, ut iurisconsulti loquuntur. Negotiator ratum habuit, quod egit institor: ergo debet, perinde ac si ipse stipulatus esset, quia aequiparantur rati habitio et stipulatio. Adfectata negligentia est ignorantium Evangelium: ergo tam peccant, quam peccant, qui dolo et scientes Evangelium persequuntur, quia lata culpa et dolus aequiparantur. *Ex differentia.*] Sine animadversione differentiarum infinita est confusio omnium materiarum. Ideo diligenter investigandae sunt differentiae, ut, Quia non discernunt monachi paedagogiam et iustitiam spiritualem, saepe turpissime errant. Satisfactio, quam vocant, fuit politicum exemplum, institutum, ut caeteri essent cautiore. At monachi fluxerunt esse cultum Dei et compensationem aeternae poenae. Differentiae igitur quaerendae sunt. Ordo politicus est concessus: talis est observatio festi dici, ut sciant homines, quo tempore conveniendum sit: ergo talis observatio concessa est. Superstitio, id est, opinio meriti propter festum diem, est prohibita: ergo non sunt instituendi festi dies cum tali opinione. Aliud: Mutui proprium est, retinere ius repetendae sortis. In contractu redemptionis dans pecuniam, non retinet ius repetendae eius: ergo non est mutuatio, nec usurarius contractus. Aliud:

17) Conf. Pauly: *Real-Encycl. T. I. p. 730. T. IV. p. 27 24.*

Propheta Elias interfecit impios sacerdotes¹⁸⁾: ergo licet idem facere caeteris concionatoribus. Hoc argumentum refutatur, monstrata differentia. Alia est vocatio prophetae extraordinaria, alia ordinaria ministrorum Evangelii. Nam prophetae vocabantur peculiari modo a Deo et ad docendum et ad politicam gubernationem, et mirabiles regni mutationes. Sed ordinaria vocatione ministri Evangelii vocantur, ad docendum Evangelium, et administrationem sacramentorum, non ad politicam gubernationem. *Ex contrario.*] Facillime agnosci possunt argumenta ex contrario, et vix alia forma est usitatior. Vina calefaciunt hominum corpora: ergo non frigefaciunt, nec refrigerant incensa corpora; sed potius magis inflammant, ut in febrī. *Ex coniunctis.*¹⁹⁾] Alibi *adiuncta* vocat Cicero, hic nominat *coniuncta*. Etsi autem multi disputant, qui locus sit adiunctorum: tamen cum Cicero semper una serie collocet haec, adiuncta, antecedentia et consequentia, satis significat, quid velit. Et in Topicis clare explicat suam sententiam. Ut igitur antecedentia dicimus, quae necessario, aut plerumque praecedunt, ut: Coelum obducitur nubibus: ergo pluet. Et consequentia, quae necessario, aut plerumque sequuntur, ut: Corpus contabuit: igitur laboravit morbo aliquo. Ita vocamus adiuncta, quae simul existunt cum re proposita, ut: Rubescit: pudet igitur. Velocissimus est et inaequalis arteriae pulsus: igitur cor inflammatum est. Ambitiosus est: igitur suspicax est et invidus. Et videndum est, quae necessario sint coniuncta, ut: Facto locum et tempus congruere oportet; Clodius eo die fuit in urbe²⁰⁾: non igitur fecit insidias Miloni. Annibal venit in Italiam occidente sidere Vergiliarum, ut Livius²¹⁾ inquit: ergo mense Octobri²²⁾ Italiam ingressus est.

Longa est apud Rodolphum Agricolum²³⁾ disputatio de adiunctis, in qua paulo aliter hos

18) 1. Reg. 18, 40.

19) *coniunctis*] sic in hoc Comment. et loco nota 3. laudato; in Top. III, 11. Ed. Orell. habet: *adiunctis* (eandem vocem Ed. Lamb. illo loco exhibet, vid. nota 3.).

20) Conf. Cic. orat. pro Milone c. 17 sq.

21) Liv. XXI, 35.

22) Vergiliarum occasu hiems incipit, vid. Pfln. hist. nat. XVIII, 29. init.

23) Rodolphus Agricola, proprie Husmann, Omlandus Frisius circa a. 1441. natus, Lovanii, Parisiis et in Italia litteris studebat, tum legati munere perfuncto Heidelbergae

locos partitur. Et quaedam adiuncta maluit dicere adplicita, ut locum et tempus: quaedam connexa, ut vestitum. Deinde partem adiunctorum transfert in locum, quem vocat contingentium. Ita ex uno fonte Ciceronis quasi plures rivulos ducit. Sed simus contenti Ciceronis distributione, quae perspicua est et facilis. Intelligamus adiuncta, quae in re proposita simul existunt, seu necessario, seu certe plerumque. Et usus magnus est horum trium locorum, antecedentium, consequentium et adiunctorum, in doctrina de signis, quae vocantur vel *τεκμήρια* vel *εἰκότα*²⁴⁾. *Τεκμήρια* sunt necessaria signa, ut: Intumescit uterus iuenculae: igitur gravida est. *Εἰκότα* sunt signa, ex quibus plerumque verae coniecturae sumuntur, ut: Defugit congressus aequalium: ergo odit eos, ut dicitur:

Saepe tacens odii semina vultus habet²⁵⁾.

Facies perpetuo habet pallorem, quasi liventem: laborat igitur ventriculi imbecillitate, male concoquentis. *Ex antecedentibus.*] Iam exempla tradidi. Sunt autem antecedentia vel causae, vel signa, vel alioqui necessario aut plerumque praecedentia, ut: Necesse est progredientem ad metam, antea conficere spatium propius. Necesse est ante liberationes aliquid fuisse periculi. Cum igitur non omnia praecedentia prorsus se ut causae habeant: peculiaris locus antecedentium constitutus est. Ac multum eo utimur, vel signa colligentes ut in Miloniana, vel alioqui ex praecedentibus ratiocinantes posteriora, ut saepe necesse est, ut: Bellum movetur: ergo fient caedes, direptiones, excidia oppidorum, expilationes civium, distractiones eorum, qui in studiis versantur, desertiones scholarum et solitudines Ecclesiarum, denique barbaries, hoc est, oblivio doctrinarum, neglectio iudiciorum, interitus disciplinae et morum feritas. *Ex consequentibus.*] In docendo alias a prioribus ad sequentia progredimur, alias econtra. Nam magna ex parte ea, quae homines discunt, venantur a posteriore.

Wesselo populari et praeceptori suo a. 1489. mortuo succedens philosophiam et linguas aliquamdiu docebat, circa a. 1497. decessit, celeberrimum nomen adeptus. Opera eius omnia (classicorum auctorum interpretationes, orationes, poemata, philosophicas dissertationes, al.) edidit Alardus Amstelod. Colon. 1539. 2 Voll. 4.

24) Vid. Melanthonis erotemata dialectices, in huius Corp. Reform. Vol. XIII. p. 618 sq.

25) Ovid. artis amator. III, 512.

Homo intelligit, numerat, iudicat, meminit praeterita, prospicit futura. Ergo partem quandam habet incorpoream, scilicet mentem, capacem harum excellentium actionum. Utitur hoc loco Paulus Rom. 10, (13. 14.): Deus est invocandus: ergo opus est fide. Nihil enim est invocatio, nisi credas esse numen, quod exaudiat et adficiatur nostris aerumnis. Item, Fide opus est: ergo et verbo: necesse est igitur divinitus missos esse doctores. Sic apud Esaïam: Christus mortuus est, et tamen e iudicio, id est, ex poena ereptus regnat: ergo necesse est eum resurrexisse.

Iustificati fide, pacem habemus: ergo praecedent pavores et consternationes. *Ex repugnantibus.*] Supra recensuit locum contrariorum, ubi ea complectitur, quae vulgares Dialectici tradunt de oppositis. Hic ut antecedentia, adiuncta et consequentia iubet inquiri: ita monet etiam videndum esse, quae adiungi non possint, ut: David polluit se adulterio²⁶⁾: ergo nunc sine fide, seu fiducia divinae misericordiae erat. Multo hic latius vagantur repugnantia, quam illa opposita, de quibus Dialectici loquuntur. Sunt enim repugnantia, quae quoquo modo non possunt cum re proposita existere. Atticus Ciceroni fuit amicus et fuit vir constans in amicitia, et non fucatus: ergo non adiuvit Clodium in expellendo Cicerone. *Ex causis.*] Varias sunt causarum species. Et regulae hinc multae oriuntur, quae requirantur ex vulgaribus Dialecticis. Ego hic breviter exempla recitabo. *Ex causa efficiente.*²⁷⁾] Deus condit tantum res bonas: Deus vere est conditor politici ordinis: ergo politicae sunt vere res bonae. *Ex materiali.*] Spiritus carnem et ossa non habet: angeli sunt spiritus: ergo angeli non sunt carnei, aut ex natura corporum elementarium. *Ex formali.*] Obedientia erga legem Dei est iustitia; dilectio est impletio legis, ut ait Paulus (Rom. 13, 10.): ergo est iustitia. *Ex finali.*] Principes vocantur ab Esaïa²⁸⁾ nutritores Ecclesiae: ergo tueri Ecclesias debent, et curare ut victum habeant doctores. *Ex ef-*

26) 2. Sam. 11, 4.

27) Haec verba et sequentia: *ex materiali; ex formali; ex finali*, in illo loco nota 3. laudato non inveniuntur. (Haec sequentia ex rhetoricis recentioribus h. l. allata videntur.)

28) Conf. Ies. 49, 23.

*fectibus.*²⁹⁾] Certus est ordo naturae rerum in mundo, certi motus in coelo, certae et utiles temporum vices, certae species, et modi procreationis, certae notitiae in mente hominis, numerorum, ordinis, actionum honestarum et turpium. Ergo necesse est mundum ortum esse ab aliqua mente architectatrice, quia impossibile est, tam multa mirifice ordinata casu extitisse. *Ex comparatione maiorum.*] Imperatoris sententia contra leges lata non valet: quanto minus igitur valet principis sententia contra leges lata. Consullem deprehensum in adulterio licet interficere: ergo et privatum. *Ex comparatione parium.*] Licet latronem interficere: ergo et stupratorem, qui vim adfert. Nam stuprum vi factum lex adeo atrox scelus esse iudicat, ut etiam dicat esse vim publicam.

Componens librum famosum, fit infamis: ergo et proferens tale scriptum, etiamsi non est autor, quia sunt pares, in Digestis de iniuriis³⁰⁾. *Ex comparatione minorum.*] Legata ad spectacula lex vult non reddi haeredibus, si spectacula tempore mutentur, sed ad alios usus publicos transferri: ergo multo magis legata ad vitiosas ceremonias, transferenda sunt ad alios usus ecclesiasticos, et non reddenda haeredibus. Verba legis haec sunt in Digestis de usufructu legato³¹⁾: Legatum civitati relictum est, ut ex redditibus quotannis in ea civitate memoriae defuncti conservandae³²⁾ gratia spectaculum celebretur, quod illic celebrare non licet. Quaero, quid de legato existimes? Modestinus respondit: Cum testator spectaculum edi voluerit in civitate, sed tale, quod ibi celebrare non licet, iniquum esse hanc quantitatem, quam in spectaculum defunctus³³⁾ destinavit, lucro haeredum cedere³⁴⁾. Igitur adhibitis haeredibus et primoribus civitatis, despicendum esse, in quam rem converti debeat fidei-

29) *Ex effectibus*] sic in hoc Comment.; in illo loco nota 3. laudato pro iis leguntur: *ex affectis*, et Top. c. III. §. 11. *ex effectis*.

30) Digest. XLVII. tit. 10. de iniuriis et famosis libellis.

31) Digest. XXXIII. tit. 2. de usu, et usufructu, et redditu, et habitatione, et operis per legatum vel fideicommissum datis, lex 16.

32) defuncti conservandae] sic hic Comment.; Digesta habent: conservandae defuncti.

33) defunctus] sic illa lex Digest.; hic Comment. falso: defuncti.

34) cedere] sic illa lex; hic Comment.: caedere.

ommissum, ut memoria testatoris alio, et licito genere celebretur.

Monetam depravare capitale scelus est: ergo nullo magis sit capitale scelus, leges depravare, aut falso citare. Hoc argumento Demosthenes nititur, contra Aristogitonem: maius igitur est scelus depravare, aut falso citare testimonia ex sacris libris.

(Orator partitt.) Cap. II. §. 7. *Ut definitio.*] Non pauci mirantur hanc repetitionem, et de consilio Ciceronis disputant. Alii otiosam *ταυτολογία* esse putant. Alii iudicant novos quosdam locos addi superioribus. Sed cum addiderit Cicero particulas, *ut et quasi*, satis significat quid expectaverit. Non est otiosa *ταυτολογία*, sed novi loci superioribus adduntur. Ac sequitur Cicero Aristotelem, qui in qualibet materia iubet inquiri veras, proprias, appositas materias, erutas ex veris fundamentis. Et e contra: apparentes, ut ipse loquitur, seu vicinas, quae interdum ad propositum apte quadrant, interdum sunt inanes praestigiae. Est ergo novus locus, ut, *Definitio*, id est, apparens, seu popularis definitio, non propriissima, non ex fontibus rei sumpta. Ut, usitatissima definitio est: Peccatum est cogitatum, dictum aut factum contra legem Dei: concupiscentia nec cogitatum, nec dictum, nec factum est: ergo non est peccatum. Sic serio argumentantur multi, et valde confidunt autoritate huius definitionis, quae vulgo recepta est, cum tamen sit mutila. Aliud: Ecclesia est pulcherrima politia, habens gubernatores certis gradibus distinctos, qui et potestate aliqua armati sunt, cogendi homines verbo Dei, et interpretandi verbum Dei. Haec est quasi definitio, quae facile fucum facit imperitis; attexunt enim ex humanis politis: Si est distincta gradibus: ergo sit unus primus ac summus episcopus. Item, Si sunt armati potestate cogendi homines, et interpretandi: ergo licet eis condere novas leges, nova dogmata. Haec falsa ex quasi definitione, vel potius ex male detorta definitione sequuntur. Nam definitio ipsa recte intellecta, vera est: Ecclesia est pulcherrima politia, scilicet divinitus constituta, non similis humanis: ac habet gubernatores gradibus, id est, donis, seu etiam ministeriis distinctos, armatos potestate cogendi, scilicet quatenus cogit vox Dei: et interpretandi, scilicet iuxta donum, non iuxta potestatem regiam aut praetoriam.

*Ut contrarium, seu quasi contrarium.*³⁵⁾] Si quaeratur, an concionator traducens suspectum de aliquo scelere, etiamsi probare non possit, debeat puniri tanquam calumniator? Respondeo: Quod non; sed is, qui praegravatur coniecturis probabilibus, debet se purgare. Ideo lex dicit, in Digestis de iniuriis³⁶⁾: Eum, qui nocentem infamavit, non esse bonum et aequum ob eam rem condemnari. Peccata enim nocentium nota esse, et oportere et expedire³⁷⁾. Item, Doctores usitate dicunt: Communis fama excusat a calumnia.

Quasi contrarium est, calumniatorem esse, qui obiicit crimen, quod probare non potest. Hoc urgere solent hi, qui traduci aegre ferunt, cum re vera non sit contrarium, quia calumniator est, qui infamat aliquem sine probabilibus coniecturis. Haec materia tractatur in titulo de purgationibus³⁸⁾. Aliud: Peccatum est quod pugnat cum lege Dei; in baptizato manet vitium pugnant cum lege Dei, Rom. 7, (23.): ergo manet peccatum post baptismum. Quasi contrarium est: Peccatum in baptismo tollitur, ut ait Paulus (1. Cor. 6, 11.): Absoluti estis, sanctificati estis. Etsi enim persona recipitur; tamen morbus manet.

*Quasi simile.*³⁹⁾] Vulgo dicitur, plerumque similia claudicare. Ideo videnda est ratio, quia similia conferuntur, ut: Petrus interfecit mentientem Ananiam^{39a)}: ergo licet caeteris ministris Evangelii interficere contumaces. Respondeo: Liceret, si prorsus esset similitudo, id est, qui interficiunt solo verbo, et potentia Spiritus sancti, ut saepe fit, recte faciunt. Sed a verbo ad corporalem potentiam, et arma non valet consequentia, et est quasi simile.

Sic Cicero argumentatur a quasi simili: Licuit interfici Gracchum⁴⁰⁾: ergo et Clodium.

35) *seu quasi contrarium*] haec synonyma illis Cic. verbis a Melantheone h. l. addita sunt.

36) Digest. XLVII. tit. 10. de iniuriis et famosis libellis, lex 18.

37) et oportere et expedire] sic illa lex Digest.; hic Comment. habet: et oportet et expedit.

38) Eiusmodi titulus in Corpore Iuris civilis Romani non invenitur. — Purgatio est, quum factum conceditur, culpa removetur, Cic. de invent. I, 11, 15. conf. ad Herenn. II, 16, 23.

39) *Quasi simile*] sic in hoc Comment.; apud Cic. (ed. Orell.) I. l. c. II. §. 7. legitur: *similia*.

39a) Act. 5, 3—6.

40) Conf. supra p. 337. nota 23.

Aliud: Caepio peccavit lata culpa, amittens exercitum⁴¹⁾: ergo dolo peccavit.

Non valet consequentia, quia non semper lata culpa est dolus.

Aliud: Si pater erogavit pecuniam ad filii honorem, deducitur hoc in haereditate de parte filii: ergo sumptus scholastici etiam deducendi sunt de haereditate filii.

Quasi simile est, cum re vera non sit simile: Quia lex sumptus studiorum non vult deduci, cum liberalis institutio et communicatio doctrinae pars sit educationis, et tam necessaria, quam alimenta, quae parentes debent liberis. De honore aliter se res habet, quem filius virtute consequi debet.

Quasi dissimile.⁴²⁾] Supra locus tractatus est, quasi contrarium. Eo loco intellecto, non difficile est iudicium de hoc, cui titulum fecit *quasi dissimile*. Ut autem saepe decipiuntur homines similitudine, ut Ecclesiam constituere multi ad similitudinem politicae Mosaicae, aut humanorum imperiorum inepte conantur: ita econtra saepe falluntur homines opinione dissimilitudinis, ut usitatissimum est praetexere vitii nomina virtutum.

Sylla non vult se iniustum et crudelem dici, sed severum, et fingit necessariam esse asperitatem ad comprimendas seditiones. Sed cum hic praetextus inanis sit, nihil interest inter Syllanam severitatem et iniustam crudelitatem. Et sunt quasi dissimilia, severitas et Syllana crudelitas.

Usitatissimum est nunc, pro appellatione usurarum, uti vocabulo *interesse*, et sic se excusant foeneratores. Negant se pacisci usuras, sed id, quod interest. Hic tantum nomina mutata sunt, res est eadem. Plerumque certa lucra, quae ipsi petunt nomine *interesse*, sunt re vera usurae. Est ergo quasi dissimile pacisci de eo, quod vocant interesse, et pacisci usuras.

Ut *consentanea*.⁴³⁾] Quae supra nominavit antecedentia et consequentia, hic nominat consentanea, id est, ea quae congruunt cum aliqua

41) Q. Servilius Caepio proconsul temeritate sua exercitum amisit adversus Cimbro pugnans a. u. c. 649. (105. a. Chr.) prid. Non. Oct. vid. Iustin. XXXII, 3, 10. Gell. Noct. Att. III. 9. Liv. LXVII. Conf. Orellii et Baileri Onomast. Tullian. P. II. p. 540 sq.

42) *Quasi dissimile*] sic in hoc Comment.; apud Cic. (ed. Orell.) h. l. legitur: *aut dissimilia*.

43) *Et consentanea*] sic in hoc Comment.; apud Cic. (ed. Orell.) h. l. legitur: *aut consentanea*.

re, et velut antecedunt, vel sequuntur, patefaciunt. Et hic praecipue signa collocantur. Sunt autem quaedam fallacia signa, ut non tur: Ulysses est inimicus Aiaci⁴⁴⁾: ergo et terfecit⁴⁵⁾. Et tamen allegari tanquam ceteraneum solet. Aliud: Atticus est dives, principibus: ergo est superbus, confidens. talibus argumentis utimur. Etsi autem ceteraneum est divites esse superbos: tamen et signum perpetuum. Sunt interdum aliqua plina facti moderatiores.

Quasi dissentaneum.⁴⁶⁾] Quae non conad eam rem, quae posita est, vocantur dissentanea, ut: Habet corpus vegetum; bene colopatens laborum: ergo non laborat febri. saepe signa sunt fallacia, ut: Miltiades er in carcere⁴⁷⁾: ergo fuit malus civis.

Quasi dissentaneum est cruciari bonum, et tamen hoc saepe accidit. Incidunt boni viri in magnas calamitates, alii causis, nonnunquam invidia, nonnunquam improborum opprimuntur, interdum suam fato et inconstantia fortunae concidunt Ovidius inquit⁴⁸⁾:

Exitus acta probat: carent successibus opto,
Quisquis ab eventu facta notanda putat.

Quasi adiuncta.⁴⁹⁾] Supra declaratae quae vocet adiuncta, videlicet signa, autentia, quae simul cum re existunt, ut: Pocatione, ponitur oppignoratio rerum contractis, quae in aedes locatas inferuntur, ut dicit Digestorum Ex quibus causis pignus potheca tacite contrahitur, lege Pomponii verba haec sunt: Pomponius libro tertio

44) Ajax, Telamonis filius, arsit ira Ulyssis, quo Achilles occisi arma, quae ipse petebat, a iudiceperat.

45) Hoc ad Dictys Cretensis narrationem V, 15. videtur, ex qua Ajax ab Agamemnone, Menelao clam occisus est. Alii alia referunt. Conf. Paul. Encycl. T. I. p. 284.

46) *Quasi dissentaneum*] sic in hoc Comment.; Cf. Orell.) h. l. habet: *aut dissentanea*.

47) Miltiadem, quo duce apud Marathonem pugna ob crimen peculatus in carcerem coniectum ibi quatum esse, narrat Iustin. II, 15., vid. etiam Plut. Nep. Milt. 7. Cim. 1.

48) Ovid. Heroid. ep. II, 85, 86.

49) *adiuncta*] sic in hoc Comment.; Ed. Orell. con

50) Digest. XX. tit. 2. In quibus causis pignus potheca tacite contrahitur, lex 2.

51) libro tertio sic in hoc Comment. scriptum est Digest. lege autem editio Beckii habet: libro quinsimo, editio (Gebaueri) Halensis: libro decimo t

riarum lectionum scribit: Non solum pro pensionibus; sed et si deteriorem habitationem fecerit culpa sua inquilinus, quo nomine ex locato cum eo erit actio, invecta et illata pignori erunt obligata⁵²). Est ergo locationi adiunctum, oppigneratio earum rerum. Sed quid, si in illis rebus sit aliquod depositum? Hic ex quasi adiuncto erit falsum argumentum: Res sunt oppigneratae locanti, ergo et depositum.

Quasi pugnancia.] Locus idem supra tractatus est in titulo *Quasi contrarium*. Hic innumera exempla suppeditant ἀντινομίας, id est, leges, vel sententiae, quae videntur pugnare. Ut: Remittuntur ei multa, quia dilexit multum. Hoc dicto videntur remitti peccata propter dilectionem: altero propter fidem (Matth. 9, 22.): Fides tua salvam te fecit. Haec sunt quasi pugnancia. Duplex enim est absolutio. Altera conscientiae coram Deo, haec proprie fit fide: ideo de fide concionatur Christus, loquens cum muliere. Altera est absolutio publica, quae requirit externa testimonia operum, ut conversio sit manifesta. Ideo dilectionem et opera commemorat pharisaeo⁵³). Haec est simplex et plana explicatio.

Aliud: In emptione transfertur dominium rei; dominium autem est plena facultas disponendi de re emptā, et eam alienandi; at in contractu, in quo est pactum de revendendo⁵⁴), emptor non potest alienare rem emptam: ergo videtur nec vera emptio esse, nec dominium transferri.

Haec obiectio quasi pugnans est cum natura domini. Nam re vera non pugnat, quia dominium est facultas de re propria disponendi nisi quantum dominus impeditur legibus, aut licitis pactis.

Quasi pugnancia sunt: Quaedam constitutiones admittunt ius suffragandi laicis, in iudiciis synodorum; aliae constitutiones concedunt ius suffragandi laicis.

Sed haec ita conciliantur: Laici habent ius suffragandi in controversiis dogmatum, seu fidei, sicut clare dicit textus nonagesima sexta distinctione⁵⁵): Ubinam legistis imperatores synodis interfuisse, nisi forte in quibusdam, ubi de fide

52) His verbis illa lex finitur.

53) Luc. 10, 27 sqq.

54) Conf. supra p. 130 sqq. 250 sqq.

55) Decreti Gratiani P. I. Dist. XCVI. c. 4. (Corp. iur. canon. ed. Richter P. I. p. 289.).

tractatum est: quae omnium communis est, et non solum ad clericos, sed etiam ad laicos, et ad omnes Christianos pertinet⁵⁶). Sed quando synodi iudicant de caeteris negotiis, quae ad politiam Ecclesiae pertinent, non debent se admiscere laici.

Quasi causa.] Hic locus similis est fallaciae secundum non causam, ut causam. Hic quotidiana vita suppeditat magnam copiam argumentorum.

Multi qui iactitant se esse studiosos purae doctrinae, sunt mali: Ergo doctrina fugienda est.

Sic multi hoc tempore argumentantur, ac iniuriam doctrinae piae faciunt, allegantes non causam.

Cicero in defensione Milonis deliberavit, utra causa firmiter esset: an si diceretur, vim vi depulisse; an vero si diceretur, fas esse occidi turbulentum civem, ut antea Gracchus⁵⁷), Saturninus⁵⁸) et alii similes interfecti erant. Et Brutus magis probavit causam posteriorem, existimavitque Clodium potuisse iure interfici, eodem modo ut Gracchum, seu tyrannum aliquem. Cicero vidit hanc causam non satis firmam esse, et maluit uti probabiliore argumento, quod liceat interfici latronem vim inferentem. Sed tamen postquam usus est argumento, adiicit et illam quasi causam: quamobrem si cruentum gladium tenens clamaret Titus Annius⁵⁹): Publium Clodium interfeci, eius furores, quos nullis iam legibus, nullis iudiciis frenare poteramus, hoc ferro et hac dextra a cervicibus repuli, etc.

Quasi effectus.] Vicinus locus est, et ex superiori facile intelligi potest. Ut enim supra causae per accidens allegari possunt, sunt enim quasi causae: ita hic ex effectibus, qui per accidens sequuntur, de causa ratiocinari possumus, ut: In politiis multa accidunt errata, multa fiunt

56) Ubi nam — pertinet.] sic in hoc Comment. ille canon refertur, Richteri autem editio haec verba exhibet: Ubinam legistis, imperatores antecessores vestros synodalibus conventibus interfuisse, nisi forsitan in quibus de fide tractatum est, quae universalis est, quae omnium communis est, quae non solum ad clericos, verum etiam ad laicos et ad omnes omnino pertinet Christianos?

57) Conf. supra p. 337. nota 23.

58) L. Appuleius Saturninus tribunus plebis cum C. Servilio Glaucia praetore Mario et Flacco consulibus a. u. c. 654. publice est interfectus, vid. Cic. Brut. 62, 224. (Conf. Orellii et Baileri Onomast. Tullian. P. II. p. 59.).

59) Titus Annius Milo.

iniuste, multa crudeliter: ergo politiae non sunt ordo divinitus institutus.

Non valet consequentia. Nam etsi ordo ipse divinitus institutus est, et semper aliqua ex parte a Deo conservatur: tamen interim varie conturbatur hic ordo, vel humana infirmitate, vel Diabolo incitante tyrannos, aut alios ad iniustas caedes, et alia scelera. Caeterum hoc vitioso argumento, quod ducitur a quasi effectu, decepti Manichaei⁶⁰⁾, et multi alii, negarunt politias esse opus Dei.

Quasi distributio.] Usitatissimus error est, legem divinam distribuere in has tres species: in naturalem, Mosaicam, et evangelicam. Et tamen, quia inter haec genera doctrinarum aliquid interest, potest falli indoctus hac quasi distributione.

Una est, et eadem lex naturalis omnibus temporibus, sicut eadem hominum natura manet; sed in Mose additae sunt aliquae positivae leges. Evangelium vero promissio est, non lex: et tamen in scripturis Apostolorum lex naturae repetitur; omissis Mosaicis ceremoniis, idque quare fiat, alibi satis copiose dicitur.

Quasi genus.] Iura naturalia sunt immutabilia; legitima debetur liberis iure naturali: ergo non potest eis adimi, aut diminui.

Hoc argumentum recte ducitur a quasi genere. Non legitima est quasi naturalis, hoc est, aliquam partem haereditatis parentes debent liberis relinquere, iure naturae; sed triens non est proprie iuris naturae. Hinc sunt illae disputationes, an legitima possit per statutum diminui.

Quasi species.] Maritus raptum matrisfamilias ulcisci debet, ergo concubinae: iuste igitur Achilles irascitur Agamemnoni propter abductam Briseidem⁶¹⁾. Hoc argumentum ducitur ex quasi specie, quia concubina est quasi species uxoris. Et textus in iure civili hoc argumento usus est, citans Homeri versus:

Coniugis ereptae quod Atrida dolore moveris,
Et probo et in simili reliquis concedite causa
Irasci, legesque, pudicitiamque tueri.

Quasi praecurrentia.] Themistocles clam misit literas ad Xerxen⁶²⁾: ergo molitur proditionem.

60) Manichaei] in hoc Comment. legitur: Manichaei.

61) Hom. II. I, 318 sqq.

62) Plat. Themist. c. 12.

Supra dictum est de signis, quorum alia certiora et illustriora sunt aliis. Et hic infirmiora signa ponantur. Iudici non licet contra leges pronuntiare: ergo nec arbitro. Etsi enim iudex quasi maior est arbitro, et aliquae sunt differentiae, tamen uterque subiectus est legibus.

Ex quasi pari.] Interdum vera, interdum falsa argumenta ducuntur ex quasi pari, sicut et supra monuimus de caeteris locis huius classis, quae quasi fontes continet.

Verum argumentum est ex quasi pari: Homicidium punitur ultimo supplicio: ergo calumnia, qua quis exitium vitae alterius molitur, puniendum est ultimo supplicio. Etsi enim grassari ferro aut veneno atrocius est, tamen generoso animo interdum tolerabilius est mortem optetere, quam aspergi vel levi suspitione ficti alicuius abominandi criminis. Recte igitur leges ipsae eandem poenam columniati minantur, si obiciat capitale crimen, quam illud ipsum facinus merebatur, si vere obiceretur, ut dicit lex ultima, Codice de calumniatoribus⁶³⁾: Calumniantes ad vindictam poscat supplicii similitudo⁶⁴⁾.

Aliud: In oratione pro Caecina⁶⁵⁾ disputatur, interdicto unde vi, utrumque casum contineri, si quis expellat ingressum in fundum, et si quis arceat accedentem. Haec sunt quasi paria, nam et Labeo existimavit, non posse agi interdicto unde vi, adversum eum, qui arceat accedentem⁶⁶⁾.

Aliud: Verum argumentum ducitur ex quasi paribus. Licet repeti pecuniam metu mortis extortam: ergo licet mulieri repeti pecuniam metu stupri extortam. Haec videntur non omnino paria; sed lex honeste dicit: Bonis metus stupri maior est, quam mortis metus, in Digestis Quod metus causa gestum erit⁶⁷⁾.

Falsa argumenta multa hinc ducuntur, quia, ut supra dixi, similitudo saepe fucum facit incautis. Dolus et lata culpa aequiparantur; Caepio

63) Cod. IX. tit. 46. de calumniatoribus, lex 10.

64) supplicii similitudo.] sic hic Comment.; Codex habet: similitudo supplicii.

65) A. Caecina, Volaterranus, a Clcerone defensus circa a. u. c. 685.

66) Conf. Digest. XLIII. tit. 16. de vi et de vi armata, lex 1.

67) Digest. IV. tit. 2. Quod metus causa gestum erit, leg. 8. §. 2.: Quodsi dederit, ne stuprum patatur vir seu mulier, hoc edictum locum habet, quum viris bonis iste metus maior, quam mortis, esse debeat.

nisi exercitum lata culpa⁶⁸⁾: ergo fuit reus lae-
e maiestatis, et proditor, ac si dolo amisisset.
spondendum est: Etsi dolus et lata culpa sunt
asi paria: tamen genere differunt; alterum de-
tum est proprie voluntarium, alterum non est
oprie voluntarium.

Ex quasi minore.] Reus stellionatus corpo-
li poena puniendus est: ergo multo magis furti
us. Verum est argumentum, ex quasi minore
ctum. Nam stellionatus est quasi minor furto.
tamen re ipsa interdum plus insidiarum et pe-
uli struit, quam furtum.

Collatio naturarum, seu substantiarum, ut
codili et tyranni. Ut enim crocodilus est sae-
s, et tamen fugax adversus audaces, et audax
versum timidos: sic tyranni sunt *θρασύδειλοι*.

Aliud, Horatii lib. 4.⁶⁹⁾:

Fortes creantur fortibus et bonis,
Est in iuvenis, est in equis patrum
Virtus, nec imbellem feroces
Prognerant aquilae columbam.

Collatio facultatum significat generaliter col-
liones effectuum: ut sicut artes crescunt exer-
o: sic virtus exercitio fit excitator.

Cornelius Tacitus de eloquentia⁷⁰⁾: Magna
quentia, sicut flamma, materia alitur, et
tu⁷¹⁾ excitatur et urendo clarescit.

*Unum igitur genus est eloquendi sua sponte
um.]* Natura prius est invenire, hoc est, co-
are quas res significare aliis velis. Et cum
mo ideam earum rerum, tanquam aedificii
cipimus, simul etiam de ordine cogitatur.
inde accedat elocutio, id est, facultas, quae
cogitatas suis verbis, significantibus et recte
ctis effert, seu exponit. Ac ut differunt inge-
sagacitate in cogitando, alii aliis aptiora in-
niunt: ita magna differentia est naturarum in
quendo. Alius alio natura est foelicior, ma-
proprius, magis nitidus, et splendidus: ut
is alio natura magis musicus est. Multum igi-
et in hac parte foelicitas naturae valet; sed
en haec pars plus ab arte sumit, quam supe-

riores. Nam facundi natura, si non recte assue-
facti sunt, fiunt inepte garruli, aut tumidi.
Econtra, qui sunt aridiores, fiunt prorsus ieiuni,
horridi, sordidi et squalidi: ut est Symmachi⁷²⁾
oratio. Quare studiosis diligenter in elocutione
elaborandum est, praesertim cum haec facultas
sit ingens hominis decus. Magis enim lucet, et
conspicitur eloquentia, quam abstrusa in animis
et prolata sapientia. Traduntur autem haec
praecepta, cum in aliis libris rhetoricis, tum hic.

Primum est: Perficiendum est doctrina et
studio: ut primum tibi proprius sermo et gram-
maticus bene notus sit: et ut iusta copia verbo-
rum instructus sis, hoc est, ut pleraque omnia
suis verbis recte et signate eloqui possis. Nam
corpus orationis magna ex parte constare ex pro-
prio sermone debet, ut tunicae tela ex lana. Ut
autem aurea fila alicubi intertextuntur: sic in pro-
prio sermone quaedam ornamenta certis interval-
lis arte sparguntur. Ac maxime in ornando mo-
dus laudatur. Nam neglecta proprietate, sermo
fit obscurus, tumidus, inepte redundans. Talis
fuit Asianorum⁷³⁾ quorundam loquendi consue-
tudo, quae a prudentibus valde reprehensa est:
ut Augustus Maecenatem reprehendit, qui nimis
ambitioso cultu et immodicis figuris uti solebat.
Ideo Cicero hic primum partitur genera elo-
quendi in duo membra, quorum alterum vocat
fusum sua sponte, id est, quotidianum, pro-
prium, grammaticum, quo ficum ficum, sca-
pham scapham appellamus. Huius generis prima
et praecipua sit cura, cuius quidem tanta suavi-
tas est, ut in pueris et puellis natura facundis mi-
rifice hac proprietate delectemur. Deducit enim
hanc aetatem natura primum ad proprietatem.
Et saepe audimus reprehendi pueros ab aequali-
bus, nominantes aliquid non sua appellatione;
quia enim natura sanis ingeniis curam recte lo-
quendi ingeneravit: non possunt sine stomacho
audire inepte detorta.

Alterum genus vocat versum et mutatum,
videlicet, cum non in uno tantum verbo trans-

68) Conf. supra p. 847. nota 41.

69) Horat. Carm. IV, 4, 29—32. — In Commentario verba:
„Aliud, Horatii lib. 4.” male post versum 29. Fortes —
bonis, in eadem linea posita sunt.

70) De oratoribus sive de causis corruptae eloquentiae dia-
logus, qui ab aliis Corn. Tacito, ab aliis Fab. Quintiliano
tribuitur, sequentia verba exhibet c. 36. init.

71) motu] sic hic Commentar., in illo dialogo (ed. Pichon.
Paris. 1687. 4. T. IV.) legitur: motibus.

72) De hoc Q. Aurelio Symmacho Romano (c. a. 395.), viro
consulari et praefecto urbis vid. Fabricii bibliotheca la-
tina aucta dilig. Ernesti Tom. III. p. 204 sqq. Epistoliarum
libros decem reliquit; orationum eius tantummodo partes
supersunt, quas Ang. Malus a. 1815. Mediolani primus
edidit.

73) Legas Ciceronis de Asiaticis s. Asiaticis oratoribus iu-
dicia in Bruto 13, 51. 95, 325; Oratore 69, 230; de
opt. gen. orat. 3, 8.

latio est ad vicinam significationem, sed passim oratio figuris conspersa est, quod cum fit medio-criter, laude dignum est; cum fit ambitiose et immodice, ingratum est.

Discernit autem haec genera, non quod in longo corpore versus, seu figuratus sermo non sit intertextus proprio; sed ut moneat, discrimen esse inter proprium sermonem et figuratum, seu inter quotidianum et poetarum aut oratorem sermonem, qui plus ornamentorum habet, quam quotidianus. Etsi Romae loquebantur latine puellae: tamen forensis oratio Ciceronis multum ab illa puellarum consuetudine differt. Sumpsit autem Cicero has appellationes membrorum ex Aristotele, qui sermonem distinguit in *πεφυκότα*, id est, nativum et *πεπλασμένον*, id est, arte factum⁷⁴).

Alia divisio.

Sequens divisio non est miscenda superiori, sed universaliter discernit delectum verborum et collocationem. Primum, inquit: sit copiosa suppellex simplicium verborum; postea praecipiet de collocatione.

Cap. V. §. 16. *Simplicia* dividit. Alia sunt nativa, videlicet propria, ut dicere oculum, pro membro, quo videmus.

Alia sunt reperta. Horum species sunt quatuor.

Facta, seu novata propter similitudinem, ut sunt metaphorae, dicere in vitibus gemmam vel oculum. Livius⁷⁵) dixit, Scipionem allatrari a Catone.

Facta immutatione, ut sunt metonymiae, cum permutatio fit continentis pro contento, ut Curiam pro senatu dicimus; vel personae pro re attributa, ut pro frumento Cererem, pro vino Bacchum; vel signum pro re signata, fasces pro magistratu, togam pro pace; materiam pro re fabricata, ut ferrum pro ense; partem pro toto, ut puppim pro nave. Has, ut ita dicam, permutationes vocum usitate appellari *μετωνυμίας* constat, quas in tertio de Oratore Cicero⁷⁶) vocat immutata. Ex eo loco Ciceronis sumpsimus et emendationem et interpretationem huius lectionis in Partitionibus.

74) Conf. Aristotelis Rhetor. III, 2, 4., ubi λέγειν πεπλασμένως et λ. πεφυκότως distinguit.

75) Liv. XXXVIII, 54.

76) Cic. de Orat. III, 42.

Facta . . . inflexione] De his varie divinant interpretes. Sed apparet ex eodem loco in tertio de Oratore, sic vocare eas *μετωνυμίας*, cum idem nomen, sed alio casu usurpatur, ut cum dicimus: Superbia evertit respublikas. Hic vitium pro personis nominamus, superbiam pro superbis. At Romanus homo tunc, cum res est bene gesta, corde suo trepidat. Dicimus Romanum pro Romanis. Germania est belliosa. Hic Germaniam dicimus pro Germanis. Epicurei providentiam et vindictam divinam fabulas esse dicunt, id est, fabulose narrari. Et crebrae sunt numerorum mutationes, ut:

Vince animos, iramque tuam, qui caetera vincis⁷⁷). Hic de unius Achillis animo dicitur. Et in descriptione venustatis formae apud Claudianum⁷⁸):

Non labra rosae, non colla pruinae,

Non crines aequant violae, non lumina flammae.

Hic pro singulari colla dixit.

Quidam inter vocabula facta inflexione recensent et derivata, sine analogia, ut sunt: decimare, consulatus, tribunatus, paludatus, tunnicatus, poetaster, et verba imitationem significantia, ut philosophari, laconizare; et Cicero dixit: Caesar syllaturit⁷⁹), id est, studet imitari regnum Syllae. Haec Graeci vocarunt *παραγόμενα*, ut legimus apud Quintilianum⁸⁰), id est, traducta: quia traducuntur in alium casum. Estque in utraque lingua horum magna copia, sed maior in Graeca, quae facilius ex nominibus verba gignit, ut *τύραννος τυραννείν, συκοφάντης συκοφαντεῖν*.

Facta adiunctione verborum, haec vocant *ἐπίθετα*. Nec dubium est, quin hoc velit Cicero, saepe cum desunt propria, utendum esse periphrasi. Ut cum dicimus stellam crinitam, aut stellam cadentem; nam propria his rebus desunt. Ita dicimus rempublicam bellum civile; vagas libidines, cum genus nominamus vitiosum, oppositum consuetudini coniugali, quam Deus approbat. Et atrocius est, incestae libidines, nam et hic circuitione utimur, cum proprium desit. Et saepe propter emphasim utimur periphrasi, etiam cum non desunt propria, ut apud Livium: Furialibus agitati stimulis; cum brevius

77) Ovid. Heroid. ep. 3, 85.

78) Claudiani epithalamium Honorii et Mariae 265. 266.

79) Cic. epist. ad Attic. IX, 10, 6.

80) Quintil. instit. orat. VIII, 6.

asset: agitati furiis. Ineluctabile fatum⁸¹⁾,
nt dulces animas⁸²⁾, Cyclopica barba-
c pictura Cyclopium auget atrocitatem.
na saevitia. Et saepissime differentiae
aeri epitheta necesse est: ut tyrannica
, politica, paterna imperia; effrenata
i. Et Iuvenalis⁸³⁾ dixit:

erum Cereris sine caede et sanguine⁸⁴⁾ pauci
lunt reges, et sicca morte tyranni.

nortem opponit cruentae. Tales descri-
sunt insignia lumina orationis, quare
xempla obvia sunt, ut Aeneidos 6.⁸⁵⁾:
est illis vigor, et coelestis origo
us, quantum non noxia corpora tardant,
que hebetant artus, moribundaque membra.

epitheta omnia differentiae causa addita,
issimam descriptionem efficiunt naturae
i, quae constat ex anima et corpore.

ait esse semen fusum a coeli calore in
Ideo vocat igneum vigorem et coele-
ginem, id est, calidam naturam, a coelo
corpora. Econtra, corpus est natura
moritura, noxia, id est, nocens, hebe-
languefaciens flammam coelestem.

Altera divisio verborum.

o. V. §. 17. *Atque etiam est haec distin-*
erbis: altera natura, tractatione altera]
divisio addit praeceptum de sonis et
e verborum. Postea repetit quaedam
cta. Ac prodest moneri studiosos, ut
adhibeant in verbis: primum ita, ut
cuiusque rei eligant, deinde, inter pro-
vicina anteferant sonantiora et splen-
Tibullus⁸⁶⁾ inquit:

Ludit et assidue proelia miscet amor.
dicere: Saepe leves rixas et parit omnis
ec alia est sententia; sed verbum ludendi
levitatem, et mollius est; deinde sonan-
miscet praelia, quam parit rixas.
pertius⁸⁷⁾ inquit:

git et attollit vires in milite causa:
nisi iusta subest, excutit arma pudor.

. Aen. VIII, 334.
III, 140.

al. satir. 10, 112, 113.
aline] sic hic Comment.; apud Iuven. I. 1. (ed. Bu-
legitur: vulnere.

. Aen. VI, 730—732.

I. I, 3, 64.

ert. IV, 6, 51, 52.

Poterat eadem sententia aliis verbis mediocriter
dici; sed significantissima, et tamen propria hic
extant: Frangit vires; item, Excutit arma pudor.
Quanto frigidius esset, si sic diceret:

Militibus pavidos animos, mala reddere causa,

Efficere audentes sed bona causa solet.

Haec satis est breviter hic monere, quia
nota sunt praecepta rhetorica de hoc delectu.
Ac magnopere prodest adsueferi ad hanc dili-
gentiam, quae initium est eloquentiae; facileque
animadverti potest, natura alios deduci ad durum
et confragosum, aut sordidum genus orationis,
alios ad mollius, venustius et splendidius. Ac
saepe in puerorum sermone comparent notae
huius discriminis.

De tractatione.

Cap. V. §. 17. *Tractatione autem*⁸⁸⁾] Dixit
antea de sonis et splendore; nunc de tractatione,
id est, de multiplici usu. Suntque species duae
praecipuae. Verba alia sunt propria, alia sunt
translata.

Propria sunt, aut quae in usu familiari
sunt recte loquentium, aut prisca, aut nova,
aut periphrases. Eligenda autem est aetas optime
loquentium: hinc iudicandum est, quae sint prae-
sentia, quae prisca, quae nova. Nos in lingua
Latina scimus maxime intuendam esse aetatem
eam, quae fuit a Terentio usque ad Livium.
Et tamen alii aliis melius loquuntur: ut Cicero
antecellit caeteris, Caesar antecellit Sallustio.
Sint igitur prisca, quibus Cicero et eleganter
loquentes Ciceronis aetate, aut rarissime, aut
nunquam utebantur. Accius⁸⁹⁾ ait:

Quae ego cuncta esse fluxa, in re mea⁹⁰⁾ crepera comperi;
id est, in rebus dubiis comperi amicorum prae-
sidia mutabilia et caduca esse. Duobus antiquis
verbis utitur, quorum altero nemo iam Cicero-
nis aetate utebatur, scilicet, creperum pro dubio,
etsi inde est crepusculum⁹¹⁾. Altero usus est,

88) In hoc Commentario sola inscriptio illa legitur, haec
autem Cic. verba sunt omissa.

89) Lucius Accius Phoenissis. De hoc poeta eiusque fabu-
lis, quarum tantummodo fragmenta quaedam ad nos per-
venerunt, vid. J. N. Funccii de adolescentia latinae lin-
guae tractatus (Marburgi Catt. 1723. 4.) p. 86 sqq.

90) in re mea] sic hic Comment.; in P. Scriverii collectaneis
veterum tragicorum (Lugd. Bat. 1620. 8.) p. 141. legitur:
in mea re.

91) Funccius in tract. modo laudato p. 264 sq. dicit: *Cre-
pera res proprie dicitur, quae dubia est; unde crepuscu-
lum, lux dubia, et senes, decrepiti, qui in dubio vitae*

sed parce. Fluxa atque caduca, id est, fluentia, imbecillia, inconstantia.

Nova sunt, post illam aetatem nata, ut mutatio imperii multa vocabula mutat, et ut caeterae res humanae infinitis mutationibus obnoxiae sunt: ita temporibus varie mutantur linguae. Vitanda sunt igitur nova, nisi vicina sint aetati Livianae, ut quaedam Pliniana ⁹²): Licentia vero sequentis aetatis post Quintilianum, nequaquam imitanda est, qua fingeat quisque nova vocabula pro libidine. Etsi autem nobis in Ecclesia nostris quibusdam vocabulis utendum est: tamen corpus sermonis constet ex illa nota seculi Ciceroniani. Nec liceat cuilibet fingere novum sermonem. Nam assiduae corruptelae sermonis adferunt obscuritatem. Parcissime igitur priscis et novis utendum est. Sed certae aetatis consuetudinem sequamur, et ab ea sumamus genus sermonis mundum, et perspicuum, iuxta Ovidii ⁹³) praeceptum:

Munda, sed e medio, consuetaque verba, puellas,
Scribite, sermonis publica forma placet.

Vocat enim mundum sermonem, non priscis, non novis, non recens confictis, non barbaris aut peregrinis passim contaminatum.

Alteram speciem verborum vocat verba ab oratore modificata et inflexa, id est, tropos. Hos in genere vocat Cicero verba modificata et inflexa. Recenset autem hic quinque species. Ea, quae transferuntur, quae usitate vocamus metaphoras, cum aliquid rei similis appellatione significamus. Et quia metaphorae adhibentur velut picturae, multum lucis addunt orationi, ut cum Virgilius ⁹⁴) ait:

Invadunt urbem somno vinoque sepultam.

Hic dixit sepultam pro dormitante. Sed cum imago rei sepultae incurrit in oculos, significatio negligentiae et stuporis est illustrior. Caeterum ex aliis rhetoricis praecepta de metaphoris ⁹⁵)

putantur esse constituti. Ita *creperum bellum*, anceps et dubium. His adscripsit versum Lucretii, in quo *creperum bellum*, et Lucilii, in quo *crepera iuventus* legitur.

⁹²) Ipse Plinius in epist. hist. nat. (ed. Bipont. T. I. p. 6.) libros suos respersos esse affirmat plurimarum rerum aut rusticis vocabulis, aut externis, immo barbaris, etiam cum honoris praefatione ponendis.

⁹³) Ovid. art. amator. III, 479. 480.

⁹⁴) Virg. Aen. II, 265.

⁹⁵) De variis troporum generibus, metaphora, metonymia, catachresi, al. conf. Mel. Elementa rhetorices, in Iulius Corp. Vpl. XIII. p. 464 sqq.

sumantur, quae magnum decus addunt orationi, et sunt tanquam stellae, ut ait Cicero, si apte, in loco et non immodice sparguntur in oratione.

Secundam speciem, videlicet *μειωνυμίας* vocat immutata, ut supra dixit, et eadem appellatione Cicero usus est in tertio de Oratore ⁹⁶). Exempla supra recensui: ut fasces pro magistratu, Bacchus pro vino, ferrum pro ense, sceptrum pro regno.

Tertiam speciem vocat ea, quibus abutimur, usitate dicitur abusio, seu *κατάχρησις*, ut apud Virgilium ⁹⁷):

At sperate Deos, memores fandi atque nefandi.

Sperate dixit, pro timete, existimati vindices:

Instar montis equum, divina Palladis arte
Aedificant ⁹⁸).

Sic et certo consilio ut vitia tegantur, abutimur virtutum nominibus: ut pro crudelitate dicimus severitatem, pro sordibus parsimoniam, bellissimae sunt catachreses, cum versum aliquem in alienam sententiam detorqueamus: ut quod de corruptelis iudicum inhoneste dicitur: Qui multa furatus est, et pauca dat, absolvitur. Id per iocum detorquetur ad rem honestam: Qui multa furatus est, videlicet ex monasteriis, et pauca dat, scilicet Ecclesiis: re vera absolvitur. Aut de sophista aliquo:

Omnia transformat sese in miracula rerum ⁹⁹).

Quartam speciem, ea qua obscuramus, intelligit allegoriam et aenigmata. Nam et haec plerumque sunt allegoricae. Sciant autem studiosi, primam et praecipuam virtutem orationis esse perspicuitatem, sicut communis sensus monet. Et extant in hanc sententiam multa prudentum dicta, ut Aristoteles inquit in tertio libro Rhetoricorum: Constituatur hoc praecipuam esse virtutem orationis perspicuitatem ¹⁰⁰). Quare non saepe licet nti obscure dictis, sed interdum habent locum. Et allegoriae minus obscurae sunt crebriores. Est autem allegoria, plurium verborum metaphora, ut: Margaritum non est obiciendum porcis ¹). Pleraque sunt prover-

⁹⁶) Cic. de Orat. III, 43, 169.

⁹⁷) Virg. Aen. I, 543.

⁹⁸) Virg. Aen. II, 15. 16.

⁹⁹) Virg. Georg. IV, 441.

¹⁰⁰) Aristot. Rhetor. III, 2, A. *ὁπίσθω λέξεως ἀρετή, σαφή σίνα.*

¹) Matth. 7, 6.

, quibus venuste interdum uti licet, ut
 ait contra expilationes immodicas: Boni
 is est pecus tondere, non deglubere⁸⁾.
 Plautum de modo sumptum, struenda esse
 a pro opibus⁹⁾. Rarissime utimur aeni-
 us, ut apud Hesiodum: Dimidium plus
): quod dicitur de laude mediocritatis.
 Quinta species est hyperbole, ut:

Geminique minantur

In coelum scopuli⁶⁾.

vero ait de Verre: in Sicilia non fuisse ut
 um, quales fuerunt Phalaris, aut Diony-
 sed tanquam Scyllam aut Charybdim⁶⁾.

De compositione.

cap. VI. §. 18. C. F. *Habeo de simplicibus
 nunc de coniunctione quaero. C. P. Nu-
 pidem⁷⁾ sunt*, etc.] Cicero ipse duabus
 compositionem constare dicit; sed prius
 os nuncupat, postea consecutionem, id est,
 entiam. Sed natura ipsa prior est conse-
 et cohaerentia, quae corpus est, in quo
 i sunt, velut in machina motus, aut inter-
 erta.

rimum igitur de consecutione dicendum
 uae praecipue constat grammaticis prae-
 videlicet, ut iusta et observata syntaxi,
 ant, sententia aliqua ponatur, ac posita
 t; deinde vero alia congruens ad rem se-
 . Hic ordo verborum et rerum apte co-
 tium, vocatur hic consecutio. Miretur
 aliquis, cur de re tam vulgari praecepta
 tur. Quis enim nescit, regulas syntaxeos
 andas esse? quis nescit orationem confusam
 telligi, in qua nec verba recte iuncta sunt,
 cohaerent, et quae est similis (ut Hora-
 quit) febrilibus somniis, ubi nec pes nec
 ni formae congruit?

ad peritissimi homines viderunt, etsi nihil
 turale est, quam in loquendo anniti, ut
 ua et cohaerentia dicantur: tamen multos
 qui de magnis rebus dicunt, oblivisci

Ion. Tiber. c. 32.

t. Stich. 5, 4, 13: Tamen vivimus nos, tamen effi-
 pro opibus nostra moenia.

hoc aenigmate proverbiali: *πλέον ἡμῶν πατρός*, vide
 mi adag. chil. l. cent. IX. prov. 95.

l. Aen. I, 162. 163.

in Verrem act. II. l. V, 56, 145 sq.

lem] sic hic Commentar.; Ed. Orell. *quidam*.

sui, et miscere, ac coacervare multa, quae sunt
 aliena a proposito, et nihil faciunt (ut dicitur)
πρὸς ἔπος. Indoctorum exempla sunt in promptu,
 quae testantur nihil percipi ex oratione, si leges
 syntaxeos negligantur. Sed videamus exempla
 veterum scriptorum. In oratione Marii apud
 Sallustium⁸⁾ haec sunt verba: Et illud intelligo
 Quirites, omnium ora in me conversa esse,
 aequos bonosque favere (quippe beneficia⁹⁾ mea
 reipublicae procedunt), nobilitatem locum inva-
 dendum quaerere. Fit obscura oratio, inserta
 parenthesi, quae etiam est vitiosa. Est autem
 haec sententia: Intelligo bonos mihi favere, no-
 biles vero insidiari, et occasiones quaerere, me
 evertendi et opprimendi. Id in fine ambigua
 constructione effertur, nobilitatem locum inva-
 dendum quaerere. Media parenthesis plus obscu-
 ritatis habet. Ideo mihi bene volunt cives aman-
 tes reipublicae, quia me de republica bene mereri
 constant, seu quia mei labores sunt reipublicae
 utiles et salutares. Id dixit Sallustius inusitato
 verbo: Mea beneficia reipublicae procedunt, quod
 Graece videtur dictum *προχωροῦσιν*.

Flagitat igitur consecutio et syntaxin iustam,
 et rerum ordinem congruentem, ne sit oratio
 temeraria quaedam coacervatio. Quare Cicero
 plerumque posita aliqua propositione, attextit
 vicinam sententiam natura cohaerentem, videli-
 cet, aut causam aut amplificationem. Ac suma-
 mus exemplum ex oratione notissima pro Archia.
 Sententia primae periodi est: Debeo defensionem
 Archiae. Nam ad vitandam suspicionem
 temeritatis et declinanda odia, maxime prodest
 allegare honestam officii ac debiti rationem.
 Porro brevitatis fuisset nimis horrida, si tantum
 dixisset: Debeo defensionem Archiae. Quare
 haec ipsa sententia augetur distributione partium
 industriae, seu facultatis, quae constat ingenio,
 exercitatione et arte. Si quid est¹⁰⁾ in me in-
 genii iudices, quod sentio quam sit exiguum,
 aut si qua exercitatio dicendi, in qua me non
 infitior mediocriter esse versatum; aut si huiusce
 rei ratio aliqua ab optimarum artium studiis
 et¹¹⁾ disciplina perfecta, a qua ego nullum con-

8) Sallust. Iugurth. c. 85.

9) beneficia] sic hic Comment.; apud Sallust. legitur: bene
 facta.

10) Si quid est—suo iure debet.] haec est sententia prima
 Cic. orat. pro Archia.

11) et] sic hic Comment.; Ed. Orell.: ac.

caetera et hoc scriptum est: Iudicem pariter ambos auditurum esse ¹⁵).

Haec est altera pars propositionis, qua petit rem iustissimam, ut audiatur. Nam Aeschines, etsi Demosthenem petebat: tamen astute alium accusaverat ¹⁶), ac petiverat, ne indices Demostheni concederent dicendi partes, cum non esset accusatus. Opponit igitur Demosthenes suam petitionem, et hanc exaggerat mentione legum, et iurisiurandi civium.

Deinde querela sequitur, plena gravitatis: Multa sunt autem adversario commodiora in hoc iudicio, quam mihi; ac duae res nominatim, et magnae. Prior, quod non dimicamus pari periculo. Nam ille et sine necessitate accusat, et si non vincit, nullo detrimento adficitur. Ego vero de fama fortunisque omnibus, et vestra erga me benevolentia in discrimen venio. Sed nolo mihi initio orationis male ominari. Altera res est, quod natura homines libenter audiunt convicia et criminationes, et aegre ferunt, si quis suas laudes ipse praedicet. Iam quod iucundius est, ille praeripuit: mihi vero reliquit id, quod odiosum est ¹⁷).

Haec querela et invidiam movet Aeschini. Est enim inhumanum periculum civi sine necessitate creare. Deinde conciliat animos Demostheni, qui videtur inique praegravari. Praeparat etiam animos, ut facilius audiant narrationem suarum res gestas.

15) Demosthenis verba h. l. translata, quae illa antecedentia proxime sequuntur, sunt haec: *Ἐπειδὴ, ὅπερ ἐστὶ μάλα θ' ὑπὲρ ὑμῶν καὶ τῆς ὑμετέρας εὐσεβείας τε καὶ δόξης, τοῦτο παραστήσαι τοὺς θεοὺς ὑμῖν, μὴ τὸν ἀντίδικον σύμβουλον ποιήσασθαι περὶ τοῦ, πῶς ἀκούειν ὑμᾶς ἐμοῦ δεῖ (σφέλιον γὰρ ἂν εἴη τοῦτο γέ), ἀλλὰ τοὺς νόμους καὶ τὸν ἔρκον, ἐν ᾧ πρὸς ἅπασιν τοῖς ἄλλοις δικαίως καὶ τοῦτο γήγρῃται, τὸ ὁμοίως ἀμφοῖν ἀκροῦσθαι.*

16) Aeschines Ctesiphontem accusavit, qui decretum fecerat de Demosthene aurca corona ornando; vid. illius orat. contra Ctesiphontem.

17) Multa sunt autem — quod odiosum est.] Demosthenis verba his latine reddita, quae paulo post illa notae 15. sequuntur, haec sunt: *Πολλὰ μὲν οὖν ἐγὼ γ' ἐλαττοῦμαι κατὰ τοῦτον τὸν ἀγῶνα Αἰσχίνου, δύο δ', ὡ ἄνδρες Ἀθηναῖοι, καὶ μεγάλα· ἐν μὲν, ὅτι οὐ περὶ τῶν ἰσῶν ἀγωνίζομαι· οὐ γὰρ ἐστὶν ἴσον νῦν ἐμοί, τῆς παρ' ὑμῶν εὐνοίας διαμαρτεῖν, καὶ τούτῳ, μὴ εἰεῖν τὴν γρομῆν, ἀλλ' ἐμοὶ μὲν — οὐ βούλομαι δὲ δυσχερὲς εἰπεῖν οὐδὲν ἀρχόμενος τοῦ λόγου — οὗτος δ' ἐκ περιουσίας μου κατηγορεῖ· ἐτερον δ', ἃ ὑμεῖς πᾶσιν ἀνθρώποις ὑπάρχει, τῶν μὲν λοιδοριῶν καὶ τῶν κατηγοριῶν ἀποθεῖν ἡδέως, τοῖς ἐπαινοῦσι δ' αὐτοὺς ἀγθεσθαι, τούτων τούτων δ' μὲν ἐστὶ πρὸς ἡδονήν, τούτῳ δέδοται, δ' δὲ πᾶσιν, ὡς ἐπος εἰπεῖν, ἐνοχλεῖ, λοιπὸν ἐμοί.*

Huiusmodi exempla multa recitari possunt; sed nolo in hac parte prolixior esse. Haec autem exempla duo recensui, ut, quid consecutio hic vocetur, melius intelligi possit. In his enim facile mediocris lector agnoscet, verborum ordinem minime confragosum esse, et res prudentissime cogitatas esse, et aptissime cohaerere.

Sunt autem oratorum exempla legenda, non solum propter genus verborum, sed etiam ut ad diligentiam in rerum delectu nos assuefaciamus, ut Cicero monet in primo de oratore ¹⁸), in-quiens: Ex rerum cognitione efflorescat, et re- dundet oportet oratio: quae nisi subest res ab oratore percepta et cognita, inanem quandam habet elocutionem.

De numeris.

Prius dicendum fuit de consecutione. Nam syntaxis, et ordo periodorum sunt initia et fundamentum numerorum. Primum igitur hic monendi sunt studiosi, ut considerent, quid sit colon, quid comma, quid periodus. Nam his partibus oratio perpetua constat.

Colon latine membrum dicitur, quod est unica integra sententia, ut: Doctrina exuscitat rudes ad diligentiam, et flectit ad moderationem. Partes autem coli vocantur commata, ut hic duo sunt commata: Doctrina rudes animos ad diligentiam exuscitat; alterum est: Et flectit ad moderationem.

Periodus seu circuitus seu circumductio coniungit plura cola particulis rationalibus, causalibus, relativis, comparativis, adversativis, interdum etiam copulativis. Nec opus est longis praeceptis; sed exempla ostendent, quid sint periodi, et quam variae.

Ubique apud Ciceronem obvia sunt exempla, ac praesertim in exordiis. Nam his magis convenit haec quasi tardior et sedatior orationis forma, ut de lege Manilia ¹⁹): Quamquam mihi semper frequens conspectus vester multo iucundissimus, hic autem locus ad agendum amplissimus, ad dicendum ornatissimus est visus, Quirites, tamen hoc aditu laudis, qui semper optimo cuique maxime patuit, non mea me voluntas, sed meae vitae rationes ab ineunte aetate susceptae prohibuerunt. Hic finis est primae periodi,

18) Cic. de Orat. I, 6, 20.

19) Cic. orat. pro lege Manil. I, 1.

in qua non difficile est discernere commata et cola. Sequitur deinde proxima sententia, etiam alligata periodo.

Sed exempla ubique se offerunt in Cicerone; estque diligentia utilis considerare, ubi Cicero crebras textat periodos, ut in exordiis. Nec tamen semper utendum est periodis; sed miscenda sunt cola. Sunt et in narrationibus et in contentionibus ac disputationibus crebriora cola. Et quidem in libris philosophicis minus est periodorum, quam in orationibus. Sed tamen studiosis annitendum est, ut discant et periodos texere et apte miscere cola.

Nunc de numeris dicatur. Etsi tanta est ignavia nostrorum hominum, vix ut grammaticam orationem texere discant: tamen iis, qui et natura ad eloquentiam magis idonei sunt, et amant recte dicendi studium, danda est opera, non solum ut sit grammatica oratio; sed etiam, ne prorsus horrida et confragosa sit, verum aequabilis et auribus gratior. Propter hanc causam veteres de numeris dixerunt.

Discernunt autem rhythmum et metrum²⁰⁾. In soluta oratione volunt esse rhythmum, non metrum. Vocant autem metrum proprie, quod Latinis est carmen, certis pedibus ligatum, ut sunt hexametri, pentametri, iambici versus, et alia metrorum genera. Sed rhythmus est mensura liberior, magna ex parte pedibus constans; sed tamen admittens redundantes syllabas, paene ut sunt versus Pindarici, item chori in Graecis tragoediis.

Facile autem numerosam orationem efficit, qui texet periodos. Nam periodi ductus per sese concinnitatem quandam efficit, ut pro Archia²¹⁾: An cum statuas et imagines, non animorum simulachra, sed corporum, studiose multi summi homines reliquerunt²²⁾; consiliorum relinquere, ac virtutum nostrarum effigiem nonne²³⁾ multo malle debemus, summis ingeniis expressam et politam?

Hoc est illustre exemplum numerosae orationis, ex quo facile praecepta intelligi poterunt.

20) Conf. Mel. not. ad Cic. Orat. 20, 67. supra p. 763 sq.

21) Cic. orat. pro Archia 12, 30.

22) reliquerunt] sic hic Comment. et multae Editt.; Ed. Orell.: reliquerint.

23) nonne] sic hic Comment. et multae Editt.; Ed. Orell.: non.

Nec enim prorsus ut in versu, certi sunt pedes²⁴⁾; sed hoc plerumque servandum est, initia ut habeant pedes longiusculos, finis claudatur longis dictionibus et longis pedibus, media sint mixta brevibus et longis. Suntque gradi pedes anapaesti, dactyli, cretici seu iambi, mixtis spondeis, ut in periodo, quam recensui, initio spondeus est: An cum; postea anapaesti, iambi: Statuas et imagines. Deinde dactylus, spondeus, anapaestus, iambus, creticus: Non animorum simulachra, sed corporum. Sequitur anapaestus, duo spondei, anapaestus et epitritus: Studiose multi summi homines reliquerunt. Ita primum colon absolvitur, et in longum pedem subsidit, quod aures approbant: sic, ut alterum colon mixtum est dactylis, iambis, spondeis, anapaestis, ac subsidit, in ditrochaicum et politam²⁵⁾.

Ac si quis praeceptum aliquod desiderat, sciat fieri compositionem plerumque maxime aequabilem, si senariis aut septenariis aut octonariis iambicis cola sint similia, ita tamen, ut una aut pauculae syllabae redundant. Nam in eo genere mixtura est spondeorum, dactylorum, anapaestorum, iamborum et interdum creticorum. Est enim dulcissima mixtura longorum et brevium pedum. Ut pro Marcello²⁶⁾: Quos amisimus cives, eos Martis vis perculit, non ira victoriae. Si primam omittas, sequitur septenarius iambicus: Amisimus cives, eos Martis vis perculit. Et rursus initium iambici, non ira victoriae. Et in fine longus pes est epitritus. Ac in principio: Quos amisimus, maxime gratus pes trisyllabus longus.

Nec vero adscribam aut praecepta plura, aut exempla. Non enim sunt certae leges, ut versuum. Sed disertis et uberes considerent exempla Ciceronis, et aures suas ad illam concinnitatem, quantum a nobis fieri potest, assuefaciant. Quod si exempla Ciceronis utcumque effingere conabuntur, imitando veterum compositionem intelligere poterunt.

Illud etiam adiicio, hanc numerorum concinnitatem inter Latinos apud Ciceronem et Livium reperiri. Caeteri sunt horridiores. Nec Ciceronis omnia sic sunt vineta periodis. Suarum quisque naturam igitur consideret, et videat

24) Conf. supra p. 763.

25) Conf. Mel. not. ad Cic. de Orat. III. c. 44, 173. supra p. 760. et c. 47, 182. p. 762.

26) Cic. orat. pro Marcello 6, 17.

quid apte efficere possit. Si natura splendida est, facere periodos studeat. Has numerus plerumque per sese comitatur, si mediocris diligentia accesserit. Nec prorsus una forma est periodorum. Non semper necesse est praeponere causales particulas, aut coniunctivas.

Illa ipsa sententia recitata ex oratione pro Archia, extat apud Isocratem, ac reddita totidem verbis, fit periodica et numerosa: Ego Nicocles etiam corporum simulacra iudico monumenta praeclara esse, et digna, quae expetantur: longe tamen anteferenda esse monumenta actionum et consiliorum, quae tantum in scriptis luculentis spectari possunt²⁷⁾.

Cap. VI. §. 19. *Communia autem simplicium coniunctorumque sunt haec quinque quasi lumina, dilucidum etc.*²⁸⁾] Supra de duabus virtutibus orationis dixit, videlicet, de consecutione, hoc est, de cohaerentia et de concinnitate. Nunc addit alias virtutes. Prima est et omnium (ut supra saepe dictum est) praecipua, perspicuitas, de qua hic praeceptum traditur, quomodo fiat oratio dilucida et magna ex parte supra eadem dicta sunt.

Primum iubet eligere verba usitata. Dixi autem supra, certae aetatis consuetudinem sequendam esse, quae recte et pure locuta est. Postea addit propria; nam maxima pars orationis debet contexi ex proprio sermone: Et vituperanda est Asiatica dicendi ratio, in qua paene omnia dicuntur per periphrases, ut pro pane, farina cocta, pro vino, uvae liquor. Sic Hieronymus inquit: Iacentis elementi terga crispantur, id est, maris undae, seu fluctus cientur ac agitantur.

Semper ingeniis sanis tales ineptiae displicuerunt adfectantium immodicas metaphoras et periphrases, ut Seneca²⁹⁾ de Porcio Latrone scribit: Non placebat ei³⁰⁾ orationem inflectere, nec unquam recta via discedere, nisi cum hoc aut necessitas coëgisset, aut magna suasisset utilitas,

27) Conf. Mel. not. ad Cic. de Orat. III, 47, 192. supra p. 763.

28) *Communia autem — dilucidum etc.*] sic Ed. Orell.; hic autem Commentar. habet: *Communia simplicium et coniunctorum, dilucidum etc.*

29) Senecae controversiarum lib. I. prooem. (Ed. Elsevir. 1672. 8. T. III. p. 75.)

30) ei] sic hic Comment.; illa Senecae Ed. habet: illi.

summamque dementiam esse dicebat, detorquere orationem, cui rectum esse liceret³¹⁾.

Addit Cicero, ut sint disposita, id est, ut vitentur hyperbata et ineptae perturbationes syntaxeos. Item, ne rerum ordo dissentiat a natura, seu communi sensu et rectis iudiciis.

Aut circumscriptione conclusa.] Aliud praeceptum, ut sit circumscriptione conclusa, id est, ut sint intertextae suis locis periodi.

Item, *intermissione et concisione verborum*³²⁾] Id est, sint suis locis cola et distincta membra commatibus, ut variat haec Cicero, ut pro Caelio³³⁾: Detur aliquid aetati, sit adolescentia liberior, non omnia voluptatibus denegentur; non semper superet vera illa et directa ratio, vincat cupiditas³⁴⁾ voluptasque rationem, dummodo illa in hoc genere praescriptio moderatioque teneatur: parcat iuventus pudicitiae suae, ne spoliat alienam; ne effundat patrimonium, ne foenore trucidetur, ne opprobrium castis³⁵⁾, labem integris, infamiam bonis inferat. In his praeceptis *concisionem verborum* interpretantur et alii distinctionem membrorum, ut suis locis sint commata et cola. Quid Cicero vocarit *intermissionem*, dubitatur. Sequar et ego aliorum opinionem, qui intelligunt praetermissionem. Nam volenti tueri perspicuitatem, necesse est quaedam omittere, nec omnia, quae quoquo modo videntur addi posse, recitare. Sicut Apuleius^{35a)} recitaturus unam Hippiae sententiam, immoratur personae et loci descriptioni multis paginis. Sic Horatius³⁶⁾ laudat Homerum, quod bellum Troianum non sit exorsus a gemino ovo, id est, a Ladae partu, in quo Helena in lucem edita est:

Nec gemino bellum Troianum orditur ab ovo.

31) summamque — liceret.] sic hic Commentar.; apud Senecam pro his leguntur: Schemata negabat decoris causa inventa, sed subsidii: ut quod palam aures offensurum esset, si palam diceretur, id oblique et furtim surreperet. Summam quidem esse dementiam, detorquere orationem, cui rectam esse liceret.

32) *intermissione et concisione verborum*] sic hic Comment., apud Cic. leguntur: *aut intermissione aut concisione verborum.*

33) Cic. orat. pro Caelio 18, 42.

34) vincat cupiditas] sic hic Comment.; Cic. l. I. scripsit: vincat aliquando cupiditas.

35) ne opprobrium castis] sic hic Comment.; apud Cicero-nem ed. Orell. h. l. leguntur haec: ne incurrat in alterius domum atque famam; ne probrum castis.

35a) Apuleii Florida l. I. n. IX.

36) Horat. ars poet. 147.

Obscurum autem.] Contrariorum vicina esse doctrina traditur. Dicit orationem obscuram fieri nimia prolixitate, nimia brevitate. Sicut Horatius³⁷⁾ quoque dicit:

Brevis esse laboro,

Obscurus fio.

Item ambiguitate, ut:

Aio te, Aeacida, Romanos vincere posse³⁸⁾.

Apud Sallustium^{38a)}: Gloria industria alitur: ubi eam dempseris, ipsa per se virtus amara atque aspera est. Hic dubitare possit non admonitus lector, an industriam dicat ali gloria, an vero gloriam industria. Sed scias gloria esse ablativum.

Inflexionem et immutationem verborum vocat ineptas metaphoras, aut alias figuras inusitatas et duriores: ut supra³⁹⁾ citavi ex Hieronymo dictum de procellis maris, iacentis elementi terga crispantur, et ineptum est, quod Politianus⁴⁰⁾ usurpat, ferruminare amicitias, id est, animorum coniunctionem maiorem efficere.

Brevitas autem conficitur simplicibus verbis, semel unaquaque re dicenda.] Proprietas necessaria est, non vitiosa brevitate usuris. Estque talis oratio Terentii. Sed illa Laconica brevitatis non est imitanda, quae paene a vitae communis consuetudine abhorret. Fugienda est et obscuritas, quae plerumque breviter comitatur. Cavendum, ne sint mutilae et truncatae tum syntaxes, tum sententiae, ut apud Sallustium et Plinium interdum sunt truncatae syntaxes, ut apud Sallustium in praefatione belli Iugurthini⁴¹⁾: Verum magistratus et imperia minime mihi hac tempestate cupienda videntur, quoniam neque virtuti honos datur, neque illi, quibus per fraudem ius fuit, utique⁴²⁾ tuti, aut eo magis honesti sunt. Postremum membrum, quia paene trun-

37) Ibid. 25. 26.

38) Hunc versum ex V. Annali Ennii (vid. eius fragmenta a Columna conquis., recusa accur. Hesselio, p. 58.) laudat Cicero de divinat. II, 56, 116.

38a) Sallustii orat. II. ad C. Caesarem de republ. ordinanda (Opp. ed. Haverkamp. T. II. p. 191.).

39) Vid. supra p. 869.

40) Angelus Politianus, etiam Bassus, proprie Cini appellatus, natus 1454. Monte Pulciano, Magni Ducatus Florentini urbe, Canonicus et Prof. gr. et lat. ling. Florentiae 1494. mortuus, scripsit miscellanea, rusticum carmen in Hesiodi et Virg. Georg., epist. lib. XII., notas in Aristot. quosdam libros, epigrammata gr., orationes, al. Opera eius prodierunt Lugd. 1550. 3 Tomi. 8. Vid. C. J. Bougné Handbuch der allgem. Litterargesch. T. I. p. 585.

41) Sallust. bell. Iugurth. c. 3.

42) utique] sic hic Comment., a Sallust. I. I. abest.

catum est, fit obscurius, id est, fraude adepti honores, non tamen tuti sunt, aut honorati, quia virtute et autoritate retinere civium, aut exercituum voluntates non possunt. Non enim diu parent homines tyrannidi et violentis imperiis.

Probabile autem genus est orationis, si non nimis est comptum.] Nihil est obscuritatis in hoc praecepto, tantum consulatur sensus communis. Ut in formis nativa fucatis antecellunt, ita in oratione plus est autoritatis et gratiae, quae nativum decus habet, quam quae accersitis peregrinis coloribus picta est. Sit igitur gravis et vera oratio, qualis Apelleis⁴³⁾ est color in tabulis, id est, naturae proximus. Ideo hic tria requirit: non nimis comptam orationem, id est, non immodice ornatam; sed propriam, verecundam et nativam.

Deinde pondera in verbis, id est, lecta verba, quae magnitudini rerum, quantum fieri potest, respondeant. Ut si de Catilina dicas, non satis est tenuiter dicere: Catilina est inquietus civis, sed augenda est atrocitas: Catilinam furiae exagitant ad evertendam patriam, ad delendam arcem imperii orbis terrarum. Haec lumina maxime sumuntur ex causis et circumstantiis.

Tertio sint sententiae aptae communi vitae. Hoc praeceptum admodum utile est, ut vitentur paradoxa. Etsi enim novae, prodigiosae, Stoicae aut Epicureae et absurdae sententiae habent admirationem apud indoctos: tamen quia sunt simpliciter commentitiae, et inanes, non possunt placere sanis et prudentibus, ut ridicula erat oratio Fabricio, cum audiret omnia voluptatis causa facienda esse⁴⁴⁾. Ideo utendum est veris, rectis, honestis materiis, quae etiam sua natura gignant splendidam orationem, sicut ait Quintilianus⁴⁵⁾: Nihil non ornate dicitur, quod honeste dicitur. Et haec ipsa vox hortatur studiosos ad rerum doctrinam. Nisi enim fontes rerum, de quibus dicimus, utcunque nobis noti sint, non possumus apta et convenientia proposito dicere: sicut verissime dixit Ovidius⁴⁶⁾:

Quodque parum novit, nemo docere potest.

43) De Apelle, summo antiquitatis pictore, conf. Sillig catalogus artificum p. 60 sqq.

44) Vid. Clc. Cato Maior 13, 43.

45) Quintil. instit. orat. XII. 1, 30.: Nec quidquam non diserte, quod honeste, dicitur.

46) Ovid. Trist. II, 348.

tes apud Platonem: Nemo potest in eo
nens, quod non intelligit⁴⁷⁾.

ique haec tota ratio, quomodo sit effi-
robabilis oratio, requirit prudentiam
ectionem et consilium dicentis, nec po-
rehendi praeceptis.

. VI. §. 20. *Illustris autem oratio est.*]
aliud praeceptum de illustri genere. Id
ipse Cicero a dilucido, seu perspicuo:
lmoneat illustre plus esse perspicuo, id
lius et splendidius. Semper efficiendum
t perspicua oratio. Sed ut sit splendida,
etaphoris, hypotyposibus et amplificati-
on semper necessarium est. Graeci
nt hoc modo. Perspicuum vocant *σα-*
plendidum seu illustre vocant *λαμπρόν*.
t autem exempla huius formae ostendere,
n apud poetas. Staius describens Achil-
minatam amore puellae regiae, poterat
r dicere: Non latet haustus amor; sed
rumpit in ipsum vultum. Hanc senten-
per hypotyposin, causas et effectus ex-
m, venustissime ornavit⁴⁸⁾:

latet haustus amor; sed fax vibrata medullis.
s atque ora redivit, lucemque genarum
) , et impulsam tenui sudore pererrat:
Massagetae veluti cum pocula fuscant
e puniceo, vel ebur corrumpitur ostro.
e est differentia inter perspicuam et illu-
mam, ut inter tenuem et grandem. Hae
iudicari facile possunt.

num iubet graviora verba eligi. Sunt
aviora vel propria vel translata. Etsi
ferentia magis conspici potest in trans-
nen et propria alia aliis sunt pleniora aut

ranslatis insigne exemplum est:
adunt urbem somno vinoque sepultam⁵¹⁾.

plus est, quam dicere sopitam. Plus
as: Sycophantae inflammant odiis regum
dversus piam doctrinam, quam si tan-

Phaedr. (op. ed. H. Steph. Tom. III. p. 262. c. —
nt. Vol. X. p. 354.): *Λόγων ἄρα τέχνην, ἃ ἐκείρε,
ἐλλήθειαν μὴ εἰδώς, δόξας δὲ τεθηρακώς, γελοίαν
ὅς ἔοικε, καὶ ἀτεχνον παρέξεται.*

Achill. I, 304—306.

sic hic Comment.; Staius (ed. Basil. 1531. 8.)
Nec.

[] sic hic Comment.; Staius: Tingit.

Aen. II, 265.

tum dicas: Alienant regum animos. Ita de meta-
phoris exempla sunt illustria. Sed tamen etiam
propria interdum alia aliis atrociora sunt, ut:
Contumelia plus habet atrocitatis, quam iniuria.
Plus est si dicas: Turci immanem saevitiam exer-
cent in captivos; quam si dicas: Captivi duriter
tractantur.

Secundum praeceptum: Utendum est inter-
dum hyperbolis; has Cicero vocat *superlata*, ut
Dido inquit⁵²⁾:

Littora littoribus contraria, fluctibus undas.

Vult etiam ea, quae sensu carent, inter se ho-
stilia odia exercere, et dicere: fulmina verbo-
rum⁵³⁾, pro: vehementer oratione.

Tertium praeceptum: Utendum est inter-
dum crebris epithetis; haec enim haud dubie vo-
cat ad nomen adiuncta, ut plus est, si dicas:
Neronianam saevitiam, quam si simpliciter no-
mines crudelitatem. Huc et periphrases perti-
nent et metonymiae, ut pro vivere, ducere spiri-
tum. Sic saepe pro Deo dicimus mentem aeter-
nam, conditricem et conservatricem omnium re-
rum. Sed plurimum lucis habent metonymiae,
ut pro luxurioso, dicere Sardanapalum, aut Api-
cium; pro crudeli, Phalaridem aut Cyclopem;
pro astuto, Ulysses.

Quartum praeceptum: Interdum repetitione
utendum. Haec intelligo vocari duplicata ut
Aeneidos 4.⁵⁴⁾:

Imprecor, arma armis.

Quintum praeceptum: Utendum ea figura,
quae vocatur interpretatio, cum synonymis cre-
scit oratio. Item coacervatione, ut interpretatio
est Philippica decima tertia⁵⁵⁾: Quem discor-
dia⁵⁶⁾, quem caedes civium, quem bellum civile
delectat: eum⁵⁶⁾ ex numero hominum efficien-
dum, ex finibus humanae naturae exterminan-
dum puto. Hic satis apparent synonymiae, quia
bellum civile non aliud, nisi discordias, et cae-
des civium significat. Coacervatio est: Verres
iniuste invasit in fortunas provincialium; rapuit
multorum coniuges ac filias; innocentes incitatus

52) Virg. Aen. IV, 628.

53) Cic. epist. ad faml. IX, 21. Init.: Insanire tibi videris,
quod imitare verborum meorum, ut scribis, fulmina?

54) Virg. Aen. IV, 629.

55) Cic. orat. Philipp. XIII, 1, 1.

56) discordia eum] sic hic Comment.; Ed. Orell.:
discordiae eumque.

avaritia aut iracundia interfecit; spoliavit fana; trucidavit sacerdotes; saeviit et in domesticos.

Sextum praeceptum: Elaborandum est, ut hypotyposes inserantur, incurrentes in oculos, ut, Claudianus ⁵⁷⁾ laudat formam sponsae Honorii:

Non labra rosae, non colla pruinae,

Non aequant crines ⁵⁸⁾ violae, non lumina flammae.

Apud Livium lib. 9. secundae ⁵⁹⁾ decadis, de Pleminio extat egregium exemplum huius splendoris generis, de quo hic loquitur Cicero. Ubi Pleminius praefectus Locrensis accusatur, et propter loci vicinitatem confertur ad Scyllam, quae fuit scopulus in vicino mari Siculo. Sic enim ait Livius: Pēstis ac bellua immanis, quales ⁶⁰⁾ fretum quondam, quo ab Sicilia dividimur ad perniciem navigantium circumsedisse, fabulae ferunt. Et aliquanto post sequitur coacervatio: Omnes rapiunt, spoliant, verberant, vulnerant, occidunt, constuprant matronas, fiunt in virgines ingenuas raptus ⁶¹⁾ ex complexu parentum, puerosque. Quotidie capitur urbs nostra, quotidie diripitur, dies noctesque passim omnia ⁶²⁾ mulierum, puerorumque, qui rapiuntur atque asportantur, ploratibus ⁶³⁾ sonant. Videant studiosi totam illam de Pleminio descriptionem. Continet enim exempla amplificationum valde utilia, in quae intueri debemus, ut oratio nostra formam antiquitatis imitetur. Et quamquam adsequi veterum splendorem non possumus: tamen imitatio multum adfert utilitatis, acuit iudicia, et adsuefacit, ut melius dicamus, quam si veterum vestigia desereremus. Sicut Quintilianus vituperat eos, qui confisi ingeniis, putant se sine duce et sine lectione multum posse proficere. Sic enim ait lib. 10. ⁶⁴⁾: Et citra lectionis exemplum, labor ille carens rectore fluitabit ⁶⁵⁾. Et vulgare dictum est: Sibi

57) Claudiani epithalamium Honorii et Mariae 265. 266.

58) aequant crines] sic hic Comment.; Claudianus ed. Burmann. habet: crines aequant.

59) secundae] in hoc Comment. male scriptum est: tertiae. Hic enim locus invenitur Liv. XXIX, 17.

60) quales] sic Livius l. l.; hic Comment. male habet: qualem.

61) constuprant m., fiunt in virgines ingenuas raptus ex c. p.] sic hic Commentar.; apud Livium leguntur haec: constuprant m., virgines, ingenuos, raptos ex c. p.

62) passim omnia] sic hic Comment.; Livius (ed. Basil. 1740. 8.) habet: omnia passim.

63) ploratibus] sic Livius; hic Comment. male: plorantibus.

64) Quintil. instit. orat. X, 1, 2.

65) fluitabit] sic hic Comment. et quaedam Edit.; Edit. Lugd. 1538. B. et Spalding. habent: fluit.

quisque magister pessimus est. Aliena et insignia artificum exempla intuenda et sequenda sunt. Sicut Isocrates scribit, se hoc modo discipulos erudiisse: Proposita idea (nam hoc verbo utitur) hoc est, proposito aliquo exemplo, iussisse discipulos, ut similia componerent. Et hac imitatione adsuefactos esse discipulos, ut melius scriberent. Aliud est splendidissimum exemplum apud Livium lib. 8. primae Decadis ⁶⁶⁾, ubi Papirius dictator accusat Fabium magistrum equitum, quod se absente contra edictum suum dimicasset. Magna et splendida causa fuit, et iuris contentio; quare suppeditat egregia orationis lumina; nam Papirius urget summum ius, omnibus victoriis maiestatem imperii et disciplinam militarem anteferendam esse. Fabius contra de aequitate disserit, se nactam occasionem pugnandi, dimicasse et victoriam prodesse reipublicae. Dictatorum edicta temeritati frenos iniicere et habere interpretationem ex aequitate. Si magna sit opportunitas rei bene gerendae, magistrum equitum non debere deesse reipublicae, quia pluris sit facienda tota respublica quam dictatura, praesertim cum magister equitum sit dictatoris legatus, et velut alter dictator. Haec disputatio de summo iure et aequitate, plena est eruditionis et ornamentorum. Nam magnae causae suppeditant splendidam orationem, ut inquit Euripides.

De suavi dicendi genere.

Cap. VI. §. 21. *Suave autem genus erit dicendi* ⁶⁷⁾] Vulgare dictum est, contraria fieri illustra collatione. Quare et hic melius intelligi poterit, quid vocet suavem orationem, si contraria exempla conferas. Opponuntur autem suavitati duo genera: alterum propter materiam, alterum propter verba, videlicet atrox et horridum. Atrax est, cum facta immania, et gestus terribiles recitantur. Nam ibi res ipsa gignit orationem tristem, quae magnum dolorem, aut etiam iram in animis audientium excitat. Tales sunt apud poetas et historicos multae descriptiones, ut apud Virgilium ⁶⁸⁾ terribilis imago est Didonis mortem sibi consciscantis; apud tragicos, Hercules furens

66) Liv. VIII, 31—35.

67) In hoc Comment. sola inscriptio illa invenitur, haec autem Cic. verba desunt.

68) Virg. Aen. IV, 642 sqq.

interficiens suam uxorem et liberos⁶⁹⁾, apud Livium lib. 8. primae Decadis⁷⁰⁾, historia est Alexandri Epirotae, cuius cadaver, inquit, dissectum esse, ut cruentae partes aliae alias contumelia adficerentur. Haec, quia a natura abhorrent, nunquam placide audiri possunt; sed excitant acres motus. Subit enim animum non solum miseratio earum personarum, quae nominantur; sed totius generis humani, quod dolemus tantis miseriis obnoxium esse. Verba Livii haec sunt: Ibi foeda laceratio corporis facta, nam⁷¹⁾ praeciso medio, partem Consentiam miserunt⁷²⁾; pars ipsis retenta ad ludibrium, quae cum iaculis saxisque procul incessetur, mulier una saevienti⁷³⁾ turbae immixta etc. Tales sunt descriptiones in historiis, de his, qui in obsidionibus humana carne pasti sunt, ut Polybius⁷⁴⁾ scribit, exercitus obsessos in Africa decimatos esse ad caeteros alendos; et mulieres leguntur coxisse filiorum membra⁷⁵⁾; et tyrannus Astyages dedit Harpago tosta filii membra edenda⁷⁶⁾. Sit ergo praeceptum in hoc loco praecipuum, delectus rerum naturae convenientium: praesertim virtutum, quae propriae sunt civilis et tranquillae vitae, quas humanitatis appellatione complectimur, ut iustitiae, modestiae, verecundiae, bonitatis et aliarum cognatarum; item rerum pulchrarum, ut formarum bonarum, camporum vernantium, temporum, ut apud Ovidium descriptio est veris, Fastorum 1.⁷⁶⁾:

Omnia tunc florent, tunc est nova temporis aetas:

Ludit et in pratibus, luxuriatque pecus.

Et Cicero in hoc ipso libello⁷⁶⁾ de suavitate praecipiens, inquit: sumendas esse res, quae significant oratoris ipsius amabiles mores et animum humanum et liberale. n. Haec ad res pertinent. Alterum praeceptum est de genere verborum. Alterum contrarium est suavitati, quod non in rebus, sed verbis versatur. Etiam si res sunt populares et gratiae: tamen horriditas orationis est insuavis, ut in Germanicis historiis. Sit igitur alterum praeceptum de verbis. Cum electae

69) Senecae Hercules furens 995 sqq.

70) Liv. VIII, 24.

71) nam . . . miserunt] sic hic Comment.; Livius ed. Basil. 1740.: namque . . . misere.

72) Ante saevienti h. l. omissa sunt Livii verba: ultra humanarum irarum fidem.

73) Polybii histor. I, 84.

74) 2. Reg. 6, 28, 29.

75) Herodot. I, 119.

76) Ovid. Fast. I, 151, 156.

76) Cic. orator. partit. c. VI. §. 22.

sunt materiae honestae, et quae oculis aut menti voluptatem aliquam praebent, ut supra dixi, efficiendum est, ut proprio, perspicuo et nitido sermone recitentur, ut aspergantur ornamenta mediocria, metaphorae dulces, similitudines, collationes contrariorum. Et in hoc genere maxime opus est modum adhiberi ornamentorum. Nam deliciae immodicae fastidium pariunt, et significant adfectionem, quae semper odiosa est. Nunc exempla quaerantur. Iure primas tribuimus epistolae Ciceronis ad Servium⁷⁷⁾, in qua filiae mortem deplorat. Hic primum res sunt honestae. Ipse suam *στοργήν* erga filiam depingit, et cum dolore de interitu filiae coniungit dolorem de republica. Hae materiae per sese commiserationem in animo lectoris movent. Deinde oratio consideretur. Moesta est, ut in luctu, et prorsus nihil habet accersiti ornatus; nec sunt multae aut longae periodi, sed cola apte cohaerentia. Et multum gratiae habet ipsa haesitatio, quae nunc admittit, nunc reiicit consolationem. Hic admittit consolationem: Me autem non oratio tua solum, et societas paene aegritudinis; sed etiam autoritas consolatur. Ac gratiam auget hoc ipsum *πάθος*, quod illi tribuit societatem luctus. Postea disputat contra consolationem: Sed opprimor interdum et vix resisto dolori, quod ea me solatia deficiunt, quae caeteris, quorum exempla mihi⁷⁸⁾ propono, simili in fortuna non defuerunt. Postremo quantum *πάθος* est, cum inquit: Aspicere curiam non poteram. Existimabam, id quod erat, omnes me industriae meae⁷⁹⁾ fructus et fortunae perdidisse. Haec lumina ideo recensui, non solum, quia sunt exempla praecepti de suavitate; sed etiam, quia commoneferi studiosos prodest, ut similia observent. Nam ad formandam orationem, nulla res est utilior, quam observatio talium exemplorum, coniuncta cum studio imitationis.

Extat et epistola Erasmi ad Longolium⁸⁰⁾, quae exemplum huius generis esse potest, etsi et alia multa exempla ab Erasmo mutuari possumus. Prudenter enim et res eligit per sese venustas,

77) Haec Ciceronis ad Servium Sulpicium epistola a. u. c. 709. scripta invenitur in eius epist. ad famil. IV, 6.

78) exempla mihi] sic hic Comment.; Ed. Orell.: mihi exempla.

79) industriae meae] sic hic Comment.; Ed. Orell.: et industriae meae.

80) In Erasmi Op. ed. Lugd. Bat. 1703 — 1706. Fol. Tom. III. p. 425. epistola 408. a. 1529. scripta.

aut iocosas, et addit genus orationis comicum et festivum.

Cap. VI. §. 21. *Deinde coniunctione, quae neque asperos habeat concursus, neque disiunctos.*] Ciceronis locus est obscurior, quia promiscue de rebus et de verbis loquitur. Initio de rebus praecipit: ne vocabula sint aspera, et ne confragosa sit structura, ut:

Lucida terribiles miscent aconita novercae⁸¹⁾. Hic simul et rei atrocis mentio fit, et verba aspera sunt et confragosa structura. Hanc asperitatem vitari vult, et eligi vocabula leniora, et fieri compositionem molliorem.

Deinde vetat longas periodos texere, quia prolixitas obscuritatem adfert, aut significat ostentationem. Haec quoque ingrata est, quia verecunda et modesta oratio plus delectat sanos auditores. Ideo Xenophontis oratio semper in admiratione fuit, propter sententias honestas, verba plana et compositionem similem vernaculo sermoni, nihil habentem ostentationis. Postea Cicero requirit schemata, *ἀντίθετα*, contraria relata contrariis. Exemplum optimum est in Miloniana⁸²⁾, de lege naturae: Est enim haec, iudices, non scripta, sed nata lex, quam non didicimus, accepimus, legimus; verum ex natura ipsa arripimus, hausimus, expressimus; ad quam non docti, sed facti; non instituti, sed imbuti sumus. In hac descriptione, res, verba, schemata et numeri miram suavitatem efficiunt. Nam rerum dignitas grata est, quia nihil gloriosius dici de natura hominis potest, quam homines nascentes secum adferre lucem, quae sit vitae et morum gubernatrix, notitias videlicet divinitus insitas, discernentes honesta et turpia. Deinde verba lenia sunt, et antithesis lucem addit: Non didicimus, verum ex natura arripimus. Postremo numeri, paeanes maxime sunt sonantes: Non didicimus, accepimus⁸³⁾, legimus, arripimus, hausimus, expressimus. Talia exempla diligentissime consideremus, ut quantum possumus, similia effingamus.

Paria paribus relata vocantur *ισόκωλα*, ut pro Cluentio⁸⁴⁾: Falsa invidia dominetur in con-

81) Ovid. Metam. I, 147.

82) Cic. orat. pro Milone 4, 10.

83) accepimus] sic Cic. I. I.; hic Commentar. h. I. male: accipimus.

84) Cic. orat. pro Cluentio 3, 5.

cionibus⁸⁵⁾, iaceat in iudiciis, valeat in opinionibus ac sermonibus imperitorum; ab ingeniis prudentum repudietur.

Relata ad idem verbum, ut zeugmata: Vicit pudorem libido, timorem audacia.

Duplicata, geminata et iterata sunt variae repetitiones, ut in traductione: Qui nihil in vita iucundius habet vita: is non potest cum virtute vitam agere. Cicero pro Murena: Sit denique in civitate ea prima res, propter quam civitas est omnium princeps. Hic insunt ipsis figuris arguta enthymemata.

Coniunctionibus copulata, et laxata intelligit *πολυσύνδετον* et *ἀσύνδετον*, ut:

Ferte citi flammis, date tela, impellite remos⁸⁶⁾.

Item pro Ligario⁸⁷⁾: Quis⁸⁸⁾ sensus erat armorum tuorum? quae tua mens, oculi, manus, ardor animi? etc. Et vidi et magno dolore affectus sum, et contendi omnibus animi atque ingenii viribus, ut misero aliquid opis adferrem. Reliqua pars in textu loquitur de rebus; dicit suavem orationem fieri, si res novae et mirandae eligantur, ut cum historiae inseruntur; ut Demosthenes contra Timocratem⁸⁹⁾, recitat historiam de lege Locrensi, narrans non licuisse novam legem suaderi aliter, nisi ita, ut suasori dicturo laqueus circa collum circumdaretur, qui constringebatur, si lex non placuisset. In philosophicis Ciceronis multae sunt dulcissimae narrationes, quae non solum propter res, sed etiam propter formam orationis saepe legendae sunt, ut in secundo Officiorum⁹⁰⁾ narratio de Arato Sicyonio; in tertio Officiorum sunt narrationes praecipue admirandae, de Gyge⁹¹⁾, item de Damone et Pythia⁹²⁾; gratissimae sunt et animantium descriptiones, ut in Erasmica declamatione aquilae et scarabaei: ut poetae saepe sumunt ab animalibus similitudines. Quid iucundius et ornatus cogitari potest, descriptione fugientis Turni.

85) Falsa invidia dominetur in c.] sic hic Comment.; Cicero scripsit: Sic in hoc loco falsa invidia imbecilla esse debet. Dominetur in c.

86) Virg. A. IV, 594.

87) Cic. orat. pro Ligario 3, 9.

88) Quis] sic hic Comment.; Ed. Orell.: Qui.

89) Vid. supra p. 463. nota 47.

90) Cic. de offic. II, 23, 81, 82.

91) Ibid. III, 9, 38, et 19, 78.

92) Ibid. III, 10, 45. — Pythias falsa lectio est pro: Phytias.

leoni cedenti confert Virgilius in fine noni-
los⁹³):

Et neque terga

are, aut virtus patitur, nec tendere contra, etc.
st apud [Homerum⁹⁴] descriptio fugientis
quem ait Homerus asini more incessisse,
si tunditur fustibus: tamen nihilo magis
at; sed nunc huc, nunc illuc in agros in-
r et frumenta carpit. Mira est collatio
ris animosi ad ignavum asinum. Sed haec
ssimilitudo auget admirationem. Signi-
im interdum et fortem virum cedere, sed
, et ita cedere, ut tamen remoretur, et
at hostem: sicut Fabius⁹⁵) cessit Annibali.
ne et prorsus imago est Fabii, hic asinus
icus. Ita multae sunt in sacris libris venue
ne imagines, quae, si exponantur, red-
rrationes suavissimas, Daniel⁹⁶) Macedo-
eges pingit specie pardalis, quae pictura
or cogitari poterat? Pardalis robore, ce-
et audacia tanta praedita est, ut vi capi
ssit, adoritur cataphractos, et celeritate
mia excutit. Sed quia compertum est,
esse vini, capitur hac arte. Venator
vinum non procul a specu, ubi scit lustra
rdalidum; deinde certo loco ponit cymbia
ino. Pardalides odorantes vinum proce-
t cymbia quaerunt, quae ubi exhauserunt,
atae ruunt in Venerem. Postea cum de-
sopiuntur, sine ullo certamine venatores
alioqui pugnacissimis, laqueos iniiciunt,
as capiunt. Dicis esse prorsus effigiem
Macedonicorum, qui in armis invicti fue-
t in primis celeritate ingeniorum et corpo-
celluerunt. Postea in otio, voluptatibus,
Venere perierunt. Tales fuerunt Phi-
pater, Alexander filius, Demetrius Anti-
us. Huiusmodi descriptiones et imagines
usurpatae et orationem ornant et invitant
: ac studiosis prodest in talibus exemplis,
nveniendi et stylum exercere.

ldit Cicero, fieri suavem orationem, si
de sua voluntate, et de suis moribus ea
quae significant iustitiam, bonitatem, mo-
. De hac parte dictum est supra. Et

⁹³g. Aen. IX. 794. 795.

m. II. XI, 536 sqq.

Fabius Maximus Prodictator a. u. c. 537. (217.
rr.).

n. 7. 6.

H. OPER. VOL. XVI.

illustre exemplum est in oratione Demosthenis⁹⁷),
ubi Demosthenes refutat Aeschinem, exprobran-
tem ipsi fortunam, ac dicit crudelitatem et insa-
niam esse exprobrare homini fortunam, cum ne-
mo sciat, an sibi fortuna ad vesperam eadem fu-
tura sit. Haec propter hanc ipsam causam, quia
sunt vera, honesta et congruentia modestiae,
sunt grata. Habes et exempla apud Ciceronem
pro Murena, cum purgat se de officio amici⁹⁸);
item, cum de Catonis severitate dicit, quam ait
exasperatam esse Stoica doctrina, et vellet esse
mitiori genere doctrinae temperatam⁹⁹).

Cap. VII. §. 23. *De conversa oratione atque
mutata*¹⁰⁰)] Non differt ab illustri forma, de qua
supra dictum est: Haec ornata et ampla ratio,
quam vocat conversam, nisi quod plus additur
amplificationum et figurarum. Facilius autem
haec tota ratio in poeticis exemplis agnoscitur: ut
Virgilius¹) propositione mediocri usus est:

Arma virumque cano, Troiae qui primus ab oris

Italiam, fato profugus, Laviniaque²) venit,

Littora, multum ille et terris iactatus et alto, etc.

Nihil hic vides esse accersiti cultus. Ac proposi-
tio Thebaidos multo est prolixior et habet peri-
phrases grandes, ut pro verbo cano, Statius³)
inquit:

[Pierius menti calor incidit, Evolvere, etc.⁴)]

Fraternas acies, alternaque regna prophanis

Decertata odiis, soutesque evolvere Thebas

Pierius menti calor incidit unde iubetis

Ire Deae? etc.

Plurima et a Lucano exempla sumi possunt:
ut in exordio, primum simplex forma est propo-
sitionis:

Bella per Aemathios plus quam civilia campos⁵).

⁹⁷) Demosthenis verba in oratione de corona (p. 311. ed.
Reiske, p. 198. ed. Schaefer) haec sunt: Ἐγὼ δ' ὄλω;
μὲν, ὅστις ἀνθρώπος ὢν ἀνθρώπων τύχην προφέρει, παν-
τελὲς ἀνόητον ἡγοῦμαι καὶ ἀπαίδεστον. ἦν γὰρ ὁ τὰ βέλ-
τιστα πράττειν νομῶν καὶ ἀρίστην ἔχειν οἰόμενος οὐκ
οἶδεν, εἰ τοιαύτη μὲν εἰ μὴ καὶ τῆς ἐσπέρας, πῶς καὶ
περὶ ταύτης λέγειν, ἢ πῶς οὐκ ἔδεικεν ἑτέροι;

⁹⁸) Cic. orat. pro Murena c. 2 sq.

⁹⁹) Ibid. c. 29.

¹⁰⁰) *De conversa — mutata*] sic Ed. Orell.; hic Comment.
habet: *De conversa atque mutata oratione.*

¹) Virg. Aen. I, 1—3.

²) Laviniaque] hic Comment. male: Laviniaque.

³) Statii Thebaid. I, 1—4.

⁴) Haec verba unciis inclusimus, quia h. l. mendose posita
esse videntur.

⁵) Lucan. I, 1.

Deinde adduntur amplificationes iuxta hanc conversam formam:

Iusque datum sceleri canimus, populumque potentem
In sua victrici conversum viscera dextra⁶⁾.

Pro altero commate: iusque datum sceleri, dictum fuisset simpliciter: contemptum iuris; sed atrocius est quod ait: oppresso iure, vel praetextu iuris immania scelera suscepta esse. Alterum comma habet illustrem hypotyposin in sua viscera, cum simpliciter dicere potuisset: mutuis vulneribus cecidisse populum.

Exempla sunt innumera apud Lucanum, ut, cum recenset causas, quare multi bellum civile expetiverint:

Quemque suae rapiunt scelerata in praelia causae:
Hos polluta domus, legesque in pace timendae:
Hos ferro fugienda fames, mundique ruinae
Permiscenda fides etc.⁷⁾.

Prius colon est simplicius: Quidam conscii sibi scelerum, metu iudiciorum gaudent moveri bellum, ne rapiantur ad poenas. Alterum colon est grandius: Quidam propter aes alienum gaudent moveri bellum, ne cogantur solvere. Hos, inquit, sequi castra propter famem, quae tantum est malum, ut ignoscendum sit arma capienti, ne fame pereat. Et addit, obaeratos miscere, id est, turbare fidem ruinis mundi, id est, potius concutere bello civili totum mundum, quam servare fidem creditoribus. Id his verbis usitatis dictum, minus grande videtur, quam cum Lucanus inquit:

Mundique ruinae

Permiscenda fides.

Talia exempla et propter orationis varietatem et propter sententias in autoribus observare utile est.

Declaratio textus.

Primum dicit de mutatione simplicis verbi, videlicet, cum unum verbum dilatamus aut orationem in unum verbum contrahimus, ut pro his duobus, Aulae non sunt fideles, dicit Seneca⁸⁾:

Non intrat unquam regium limen fides.

Hic vero oratio contrahitur in unum verbum, Fata viam invenient; nam vocabulum Fati

6) Lucan. I, 2. 3.

7) Lucan. II, 251 — 254.

8) Scucae Agamemnon 285.

multa complectitur, quae omnia significamus hac unica voce prolata, videlicet, consilium Dei, gubernantis et actiones nostras et earum eventus.

Cap. VII. §. 23. *Ex verbo.*] Cum proprium, vel synonymum vel metaphora explicatur. Hoc fit, cum periphrasis, aut interpretatio, aut distributio aut aliae expolitiones adduntur; ut: Tyrannides non sunt diuturnae. Si addas periphrasin: Imperia iniusta, crudelia, quae vim atrocem naturae hominum inferunt, iusta iracundia homines armant ad defensionem eorum, quos natura ipsis tuendos commendavit. Unum verbum est Impius, at dilatatum est in Miloniana per distributionem: Qui nullam vim coelestem existimat numinis divini. Satis erat; sed additur distributio: Quem neque imperii magnitudo, neque sol ille, neque coeli et signorum motus, neque vicissitudines rerum, atque ordines movent.

Ex oratione, quam aut definitio ad unum verbum revocatur.] Ut supra tradidit rationem dilatandi: ita nunc e regione formas tradit contrahendae orationis. Ac primus modus est, pro longis definitionibus aut descriptionibus uti definito. Tunc autem commodius utimur hac ratione, cum illa vox plus lucis et atrocitatis habet, quam descriptio: ut ad Atticum libro 10: Nec iam recusat; sed quodammodo postulat, ut quemadmodum est, sic etiam appelletur tyrannus: uno verbo plus atrocitatis significavit, quam si dixisset: principes qui iniuste rapta dominatione, oppressit rempublicam. Sic alibi ait: Dubium est utrum Phalaridis more, an Pisistrati regnatus sit. Hic differentiae tyrannorum ab exemplis illustribus sumuntur. Significat autem dubium esse, an Caesar pro sua libidine interfecturus sit honestos cives, mutaturus totam formam reipublicae, et aboliturus iudicia et leges, sicut fecit Phalaris; an vero moderate usus sit summa potentia, ita ut formam magistratum, et iudicia tucatur, sicut fecit Pisistratus Athenis. Infinita possunt exempla in hoc genere proferri, ubi maior atrocitas est in uno verbo, quam in longis descriptionibus, ut Paulus inquit: Apostolos esse καθάρματα⁹⁾, quid cogitari tristius potest? nam catharma significat piaculum, id est, rem tollendam e medio; quae si non tolleretur, Deus toti rerum naturae irasceret, terram sterilem face-

9) 1. Cor. 4, 13, ubi aliae Editt., a Knapp. habent περικαθάρματα.

ret, et maioribus calamitatibus ornaret universum genus humanum.

Assumpta verba removentur.] Etsi hic locus obscurus est: tamen quia de oratione non vulgari loquitur, sed de ea, quae etiam ambitiosius ornata est, intelligunt hic aliqui non praetermissionem, sed potius remotionem per correctionem, ut sunt hae in Verrina tertia¹⁰⁾: Non furem, sed ereptorem; non adulterum, sed expugnatorem pudicitiae; non sacrilegum, sed hostem sacrorum religionumque; non sicarium, sed crudelissimum carnificem civium sociorumque, in vestrum iudicium adduximus. Hic per correctionem removetur prior particula, vel potius exaggeratur. Levius crimen est furari, quam manifesta vi grassantem rapere aliena. Levius est crimen adulterium sine violentia factum, quam honesti civis filiam rapere palam per servos armatos, et patre viro nobili crudeliter vexato. Sicut in eadem oratione narrat, Verrem conatum esse rapere filiam viri nobilis Lampsaceni¹¹⁾, etc. Sunt et aliae formae correctionum, ut: Errore lapsus est, casu in illum incidit, quem vulneravit, nihil est horum; sed diu captata occasione locum idoneum faciendis insidiis ante occupavit, quam eo veniret inimicus. Hic nihil tale opinantem, imparatum solum adortus est, cum quidem audacissimorum gladiatorum manum secum haberet.

Ut autem semper collationes magnam vim habent: ita tales remotiones cum contineant comparationes, multum¹²⁾ lucis et virium orationi addunt.

T e x t u s.

Tertia forma est, colligere in unam periodum praecipua argumenta, ut maxime fit in epilogis. Ideo dicitur in textu: (Cap. VII. §. 23.) *Aut in circuitus diriguntur.* Haec forma ad pompam et splendorem maxime accommodata est, quia periodi propter numerosam coagmentationem et aptos exitus per sese magnam gratiam habent, et rationes antea prolixè tractatas apte repetunt. Ut si de bello Turcico in epilogo dicas: si liberos vestros in

10) Hic locus invenitur in Cic. in Verrem actione secunda lib. I. c. 3, 9.

11) Ibid. l. I. c. 26 sq.

12) multum] hic Comment. typogr. errore: malum.

turpissimam servitutem, si coniuges et filias vestras ad stupra rapi, si deleri funditus familias vestras, si hanc formam honestam iudiciorum et gubernationis politicae, si lucem coelestis doctrinae in terris extinguere non vultis: necesse est tandem vos serio, et vere consentientibus studiis et voluntatibus reprimere grassantem hostem, et vobis exitium et Ecclesiae vastitatem minitantem.

Quarta forma, *ex duobus verbis unum facere.*¹³⁾] Saepe aliquid composita voce significantius effertur et illustrius quam simplici; idque Graecis facilius est, quam Latinis. Nam Graeci compositis abundant, ut illustrius est dicere una voce *θρασύδειλον*, quam petulantem in lacescendo, et pavidum ac imbellem in sustinendo hoste. Sic illustre est, quod ex Ennio citat Cicero, Flexanima eloquentia¹⁴⁾.

Cap. VII. §. 24. *In coniunctis eadem verbis triplex adhiberi potest commutatio.*] Supra dixit de verborum dilatatione et contractione, hoc est, de ea variatione, quae non nihil discedit a communi forma sermonis et figuras adhibet crebriores. Simplex est, ut dixi: Arma virumque cano¹⁵⁾. Grandius est, et tamen laudandum,

Fraternas acies, alternaque regna prophanis
Decertata odiis, sotesque evolvere Thebas,
Pierius menti calor incidit¹⁶⁾.

Sic apud Lucanum¹⁷⁾ simpliciter dicitur:

Causa iubet superiores melior^{17a)} sperare secundos.

Praeclare hoc dicitur; sed tamen pluribus verbis dilatata est eadem sententia a Propertio¹⁸⁾:

Frangit et attollit vires in milite causa:

Quae nisi iusta subest, excutit arma pudor.

Et haec varietas declarat, quid sit dicere communia novo modo, et nova communi modo, *κοινὰ κοινῶς*, et *κοινὰ κοινῶς*.

13) *ex duobus verbis unum facere.*] sic hic Comment.; Cic. verba Cap. VII. §. 23. haec sunt: *aut in coniunctione fit unum verbum ex duobus.*

14) Haec spectant ad Cic. de Orat. II, 44, 187.: Sed tantam vim habet illa, quae recte a bono poeta dicta est *flexanima atque omnium regina rerum*, oratio. Haec verba Cicero non citat ex Ennio, sed ex Pacuvii Hermione; vide Nonium v. *flexanima* (cap. II. 349, p. 548. Gothofr.), qui poetae Latini versum ita citat: *O flexanima atque omnium regina rerum oratio.*

15) Virg. Aen. I, 1.

16) Stat. Thebaid. I, 1 — 3.

17) Lucan. VII, 349.

17a) superiores melior] sic hic Comment.; Lucan. scripsit: melior superiores.

18) Propert. IV, 6, 51. 52.

Postremo vero Cicero loquitur de variatione non verborum aut orationis, sed rerum, quarum variata dispositio saepe decus adfert, ut, Virgilius singulari consilio prius recitat navigationem Aeneae ex Sicilia, quam excidium urbis Troiae¹⁹⁾. Id inserit obiter et fingit recitari in convivio. Nam alioqui nimis longa narratio fuisset futura, si a bello Troiano ordiri voluisset. Ita Demosthenes varie intertextit historiam bellorum, quae Athenienses cum Philippo rege Macedonum gesserant. Nam ab oratore non flagitanda est integra historia; sed occasiones, causas, motus animorum, iudicia populi orator commemoret. Id facit Demosthenes, exponit causas, quae Philippum attraxerunt in Graeciam, et ostendit adiutum esse a proditoribus, et excerptit ex historia ea, quae plausibiliter dicere poterat.

Hanc rationem variandae dispositionis iudico hic tradi, cum loquitur Cicero de invertendo

19) Virgilius illam libro I. Aen., hoc autem libro II. recitat.

Nota. Ad duos huius libri locos p. 846. lin. 18 sq. et p. 851. lin. 39—42. illustrandos haec a Prior locus spectat ad Decretal. Gregorii IX. lib. V. tit. 34. de purgatione canonica, et tit. 35. de purgatione canonica; alter autem ad Digest. XLVIII. tit. 5. fr. 13. §. 1. cuius verba in Ed. Beckii haec sunt: „Plane si uxor fuit, sive iniusta, accusationem instituere vir poterit; nam ut Sextus Caecilius ait, haec lex ad omnia trimonia pertinet, et illud Homericum [Iliad. IX, 340 sq.] affert: [nec enim soli, inquit, Atridae uxor amant.]

Οὐ μῶνοι φιλέουσ' ἀλόχους μερόπων ἀνθρώπων Ἀτρεΐδαι.”

Pro Οὐ μῶνοι . . . Ἀτρεΐδαι. apud Hom. ed. Wolf. leguntur Ἡ μῶνοι . . . Ἀτρεΐδαι;

ordine et sursum versus, ac retro dicendo emplum recens, et Vidae carmen ostendi Christeidem a passione orditur, et reliqua historiam narrat, ut in iudicio, coram Pil. Diligenter autem haec exempla studiosi vent, quia magna laus est prudentiae, et quae dispositio rerum prosit causae.

Cap. VII. §. 26. *Germana*²¹⁾ *literaturae* est, soror scriptionis.

20) Marcus Hieronymus Vida, 1470. Cremonae natus quam Mantuae, Paduae et Bononiae litteris et Mantuae in Congreg. canonicor. reg. S. Marci, Romae in Congreg. can. reg. Lateran. receptus, Leone X. prior S. Sylvestri Tiburtini, a Cleme 1532. Albae episcopus creatus Monte Ferrato ibique, 96 annos natus, 27. Sept. 1566. mortuus operibus huius extimii poetae h. l. laudantur Ch libri VI., qui saepe seorsim editi et ab Alex. I. linguam italicam translati sunt. Praeter hos Hymnos de rebus divinis, De arte poetica lib. Bombycum lib. II., Scacchia ludum, Bucolica, diversi generis, Dialogos de reipublicae dignitatibus, Epistolas etc. Vid. C. J. Bouginé Handl allgem. Litterargesch. T. II. p. 144.

21) *Germana*] sic hic Commentar. et quaedam Ed. Orell. allaque: *gemina* (h. l. i. q. similis).

II. PH. MEL. ARTIFICIUM, DISPOSITIO ET INTEGRA PARAPHRASIS ORATIONIS CICERONIS PRO A. LICINIO ARCHIA POETA.

Melanthonis enarratio huius orationis prodiit quatuor modis: 1) cum hac sola Ciceronis oratione coniuncta; 2) cum et oratione pro Marcello connexa; 3) cum multis aliis Ciceronis orationibus et in eas commentariis coniuncta; in e textu, in scholiorum, quae ad plures vel omnes Ciceronis orationes pertinent, collectionibus.

Primae classis editiones hae sunt:

Dispositio orationis quam pro Archia poeta Cicero habuit, iam primum a Philip. Mel. aedita. Haganoae in officina Secc. Anno XXXIII. — (In fine:) Haganoae, ex officina Seceriana, Anno M. D. XXXIII. Mense Februario. 5 plagg. 8. (1 fol. non num. Epistola nuncupatoria moderatoris officinae Secerianae; 9^{1/2} foll. non num. Mel. dispositio orationis pro Archia poeta; 8 foll. non num. Paraphrasis Mel.; 18^{1/2} foll. non num. Cic. pro Archia oratio, cui Mel. artificium in margine adscriptum est; 2 foll. non num., quorum prima pag. illam typographi notam cum lani capite bifronte cont., cett. 3 pagg. vac.)

* *M. T. Ciceronis oratio pro Archia Poeta cum Annotationibus Bartholomaei Latomi, addito artificio et dispositione et integra Paraphrasi Philippi Melanchthonis. Parisiis apud Franciscum Gryphium M. D. XXXIV. 4. **

* — — (Idem Index) *Parisiis apud Franciscum Gryphium M. D. XXXVI. 4.*

* — — *cum dispositione et paraphrasi Phil. Melanchthonis. Antverpiae, apud Io. Steelsium typis Io. Graphci 1537. 8.*

* — — (Index, ut in Ed. Paris. anteced. 1534.) *Parisiis apud Franciscum Gryphium M. D. XXXVIII. 4.*

— *pro A. Licinio Archia Poeta Oratio, Francisci Sylvii Commentariis, Bartholomaei Latomi Adnotatiunculis, et Martini Boleri Scholiis illustrata: Addito artificio et dispositione, item integra paraphrasi in eandem orationem per Philippum Melanchthonem. Parisiis Ex officina Michaelis Vascosani. M. D. XXXIX. 4. (fol. 1^b — 2^a Argumentum Sylvii et Latomi; f. 2^a — 5^b Mel. dispositio et paraphrasis; f. 5^b — 7^b Boleri scholia; f. 8^a — 26^b Cic. oratio cum Sylvii, Latomi et Boleri adnotat.; 2 foll. non. num., quorum 3 pagg. Indicem cont., ult. pag. vac.)*

* — *oratio pro Archia poeta cum artificio et dispositione, item paraphrasi Ph. Melanchthonis additis annotatiunculis Barth. Latomi. Parisiis, 1540. 4.*

* — — (Index, ut in Ed. Paris. 1539.) *Parisiis Ex officina Mich. Vascosani. M. D. XLI. 4.*

* — *oratio pro Archia cum Franc. Sylvii comment. et Barthol. Latomi scholiis et Mart. Boleri notis et Phil. Melanchthonis paraphrasi. Parisiis, ex off. Mich. Vascosani 1543. 4.*

* — — *cum Franc. Sylvii commentariis, Barth. Latomi artificio rhetorico et Mart. Boleri scholiis addita dispositione et Phil. Melanchthonis paraphrasi. Parisiis, exc. Thomas Richardus 1547. 4.*

* — — *cum dispositione Phil. Melanchthonis. Parisiis, Andr. Wechel. 1556. 4.*

Editiones asterisco signatas e Schweigeri et Orellii libris supra laudatis depromimus, ceteras autem in manibus ipsi habemus.

Secundae classis editiones sunt:

M. T. Ciceronis orationes II. altera pro A. Licinio Archia poeta, altera pro M. Marcello. Cum artificio, dispositione ac Paraphrasi Philippi Melanchthonis. Coloniae Martinus Gymnicus excudebat. Anno M. D. XLV. 5 plagg. 8. (5 foll. non num. Mel. dispositio orationis pro Archia; 4 foll. non num. Paraphrasis Mel.; 10¹/₂ foll. non num. Cic. pro Archia oratio, Mel. artificio in marg. adscripto; 18 foll. non num. Oratio Cic. pro M. Marcello cum paraphrasi et dispositione Ph. Melanchthonis [Paraphrasis ult. 8¹/₂ pagg. explet]; 1¹/₂ foll. non num. vac.)^{*)}.

— **orationes duae: altera pro A. Licinio Archia poeta, altera pro M. Marcello. Cum artificio ac dispositione Philip. Melanch: eiusdemque paraphrasi. Nunc denuo accuratissime emaculatae et editae, 1592. Impensis Iohannis et Friderici Hartmannorum Bibliopol: Francofordiae March. 4³/₈ plagg. 8. (8 foll. non num. Mel. dispositio et paraphrasis orationis pro Archia; 9¹/₂ foll. non num. Cic. pro Archia oratio, Mel. artificio in marg. addito; 16¹/₂ foll. Oratio Cic. pro M. Marcello, cum Paraphrasi et dispositione [4 ult. foll. paraphrasin cont.]^{**}).**

— **orationes II. altera pro A. Licinio Archia Poëta, altera Pro M. Marcello. Cum artificio, dispositione, ac Paraphrasi Philippi Melanchthonis. Coloniae. (sine anno.) 5 plagg. 8. (5 foll. non num. Mel. dispositio orationis pro Archia; 4 foll. non num. Paraphrasis Mel.; 10¹/₂ foll. non num. Cic. pro Archia oratio, Mel. artificio in marg. adscripto; 18 foll. non num. Oratio Cic. pro Marcello cum paraphrasi et dispositione Mel. [Paraphrasis ult. 8¹/₂ pagg. explet]; 1¹/₂ foll. vac.)^{***}.**

Tertiae classis editio est:

M. T. Ciceronis Orationes, Cum doctorum omnium, qui in cis in hunc usque diem elaboraverunt, Commentariis, in unum volumen collatis. Quibus accessere non pauca, nunc primum nata et edita. Apud Ioannem Roigny. — (In fine:) Parisiis excudebat Ioannes Lodoicus impensis Ioannis Roigny, anno M. D. XXXVI, mense Augusto. Fol. (foll. II — CCCLXXXVIII. continent commentarios in 20 oratt. Cic. atque Sallustii in Ciceronem invecivam et Ciceronis in Sallustium responsionem. His ad finem adiecti sunt foll. I—XVIII. Q. Asconii Paediani in Verrinas Ciceronis et alias aliquot selectiores orationes commentarii, quos foll. XVIII—XXVII. sequitur Index in commentarios.). In hoc volumine ex Melanthonis in Cic. oratt. enarrationibus tantum inveniuntur dispositio et paraphrasis orationis pro Archia poeta (foll. CCXXVII sq.) atque in orationem pro M. Marcello commentarii cum Sylvii et Latomi in eam adnotatt. coniuncti, et paraphrasis (fol. CCCXLIX—CCCLVI).

Quartae classis editiones hae sunt:

Lucubrationum in M. Tullii Ciceronis orationes aliquot, Francisci Sylvii Ambiani, Philippi Melanchthonis, Bartholomaei Latomi, et aliorum: Pars prima. quarum Catalogum proxima a praefatione pagina indicabit. In easdem Lucubrationes rerum ac verborum memorabilium locupletissimus Index. Basileae M. D. XXXVI. — (In fine:) Basileae, per Thomam Platterum, et Balthasarem Lasium, Mente Martio, Anno M. D. XXXVI. — Pars secunda. Ibid. ap. eod. M. D. XXXVII. 4. Harum lucubrationum, quas Iacobus Bedrotus edidit et Martino Peyero Schafhusano dicavit, Pars I. cont. 17 foll. non num. (Iac. Bedroti epist. dedicatoria; Catalogus lucubrationum huius partis; Autores, quorum loci hic explicantur; Rerum ac verborum in his annotatt. observandorum elenchus) et 442 pagg., quas 1 fol. non num. sequitur. Ex Melanthonis in Ciceronis orationes enarrationibus in hac parte tantum dispositio et paraphrasis orationis pro Archia poeta 345—353. invenitur. Altera huius operis pars, quae verosimiliter Mel. in orationem pro M. Marcello commentarium continet in manus meas nondum pervenit.

In omnes M. Tullii Ciceronis orationes, quot quidem extant, doctissimorum virorum Lucubrationes, summa diligentia, ac singulari erga Ciceronianae eloquentiae studiosos fide in unum volumen collectae, ac partim etiam antea, partim nunc primum in lucem editae: quarum Catalogum mox a Praefatione reperies. Rerum ac verborum in ijodem Lucubrationibus memorabilium diligentiss. Index. Basileae. — (In fine:) Basileae ex officina Roberti Winter, anno a Christo nato M. D. XXXIX. Mense Septembri. Fol. Hanc quoque collectionem Iacobus Bedrotus edidit, eidemque Peyero dicavit. (1 fol. non num. Iac. Bedroti praefatio Argentorati 1539. scripta ab epistola dedicatoria libri antecedentis a. 1536. perpauca diversa; 4 foll. non num. Oratio B. Latomi de laudibus eloquentiae et Ciceronis; Lucubrationum huius voluminis Catalogus; hunc sequitur ipsa scholarum collectio, quae, argumentis exceptis, columnatim impressa 1484 columnas num. complectitur; 1 fol.

^{*)} Haec editio, quae in bibliotheca regia Berolinensi asservatur, Schweigerum et Orellium fugit.

^{**}) Hanc editionem, quae in bibliotheca regia Dresdensi reperitur, Orellius quidem affert, Schweigerus autem omisit.

^{***}) Haec etiam editio, quae Guelferhyti invenitur, illos viros latuit.

non num. Errata; 18 foll. non num. Rerum ac verborum Index.) In hac collectione ex Melanthonis enarrationibus hae continentur: 1. in Cic. pro *Sex. Roscio* orationem scholia Melanthonae praelegente excepta (coll. 95—102.); 2. in Cic. pro *L. Murena* orationem scholia Mel. praeleg. excepta (coll. 499—504.); 3. in Cic. pro *P. Sylla* orationem scholia Mel. praeleg. excepta (coll. 575—584.); 4. Orationis pro *Archia* poeta dispositio et paraphrasis (coll. 601—608.); 5. in Cic. pro *M. Caelio* orationem scholia Mel. praelegente excepta (coll. 813—820.); 6. in Cic. pro *Milone* orationem dispositio (coll. 921—930.); 7. in Cic. pro *M. Marcello* orationem dispositio et paraphrasis (coll. 995—1002.).

* *In omnes M. T. Cic. orationes doctiss. viror. lucubrationes accurate in unum volumen collectae locisque non paucis ad veritatem emendatae. Adiectis Q. Asconii Pediani commentariis cum correctionibus Pauli Manutii prope innumerabilibus. Rerum ac verborum in iisdem lucubrationibus memorabilium plenissimus index. Venetiis, apud Aldi filios 1547. Fol. (1 fol. non num., 706 pagg. et 14 foll. Indicis.)*

— — *Ibid., apud eosd. 1552. Fol. (1406 columnae, 12 foll. Indicis, 2 foll. cum clausula et ancora.)*

*In omnes M. Tullii Ciceronis orationes, quot quidem extant, doctissimorum virorum enarrationes, summa diligentia, ac singulari erga Ciceronianae eloquentiae studiosos fide in unum velut corpus collectae, ac partim etiam antea, partim nunc primum in lucem editae. Basileae, per Ioannem Oporinum. (Tom. I.). — Lucubrationum in M. T. Ciceronis orationes, Tomus secundus: quo inuectiviarum eius omnium Explicationes comprehendere libuit, quarum Auctores atque seriem cum primi Tomi Catalogo reperis. Ad haec, Rerum et verborum in utroque hoc Lucubrationum Tomo memorabilium Index. Basileae per Ioannem Oporinum. — (In fine huius Tomi II.): Basileae, ex officina Ioannis Oporini, anno salutis humanae M. D. LIII. Mense Martio. Fol. (Tom. I. 3 foll. non num. lo. Oporini praef.; 3 foll. non num. B. Latomi de laudibus eloquentiae et Ciceronis oratio; 1 fol. non num. Enarrationum in M. T. Cic. oratt., quae in hoc libro continentur, Catalogus; 2036 columnae. Tom. II. 1004 columnae, 1 pag. non num. Errata; 1 fol. vac., 18 foll. non num. Index rerum et verborum; 1 fol. non num. cont. seriem chartarum et clausulam typogr.; 1 fol. vac.) In Tomo I. huius operis e Melanthonis enarrationibus hae continentur: 1. in Cic. pro *Sex. Roscio* orationem scholia Melanthonae praelegente excepta (coll. 173—177.); 2. in Cic. pro *A. Cecinna* orationem scholia (coll. 576—579.); 3. in Cic. pro *L. Murena* orationem scholia Melanthonae praelegente excepta (coll. 809—821.); 4. in Cic. pro *P. Sylla* orationem scholia Mel. praeleg. excepta (coll. 1058—1105.); 5. Orationis pro *Archia* poeta Mel. dispositio et paraphrasis (coll. 1126—1132.); 6. in Cic. pro *M. Caelio* orationem scholia Mel. praeleg. excepta (coll. 1505—1510.); 7. in Cic. pro *Milone* orationem dispositio (coll. 1705—1712.) et in eandem orationem Mel. scholia aliter (coll. 1712—1716.); 8. in Cic. pro *M. Marcello* orationem dispositio et paraphrasis (coll. 1894—1900.) atque in eandem orationem Mel. scholia aliter (coll. 1900—1906.); 9. in Cic. pro *Q. Ligario* orationem commentariolus (coll. 2045—2050.). Tomus II. nulla huius auctoris scholia continet.*

*In omnes M. Tullii Ciceronis orationes, quot quidem extant, doctissimorum virorum Enarrationes, summa diligentia, ac singulari erga Ciceronianae eloquentiae studiosos fide in unum velut corpus collectae. Accesserunt huic postremae editioni Claudij Baduelli in Milonianam et pro M. Marcello orationem annotationes. Item Caelij Secundi Curionis in omnes Philippicas Commentarij non minus docti quam copiosi. Catalogum tum Orationum, tum eorum qui in ipsas scripserunt, post ipsam praefationem habes. Cum indice rerum et verborum locupletissimo. Lugduni, apud Ioan. Tornaesium et Guil. Gazeium. M. D. LIII. (Tom. I.). — Lucubrationum in M. T. Ciceronis orationes, Tomus secundus: quo inuectiviarum eius omnium Explicationes comprehendere libuit, quarum Auctores atque seriem cum primi Tomi Catalogo reperies. Ad haec, Rerum et verborum in utroque hoc Lucubrationum Tomo memorabilium Index. Lugduni, apud Ioan. Tornaesium, et Guil. Gazeium. M. D. LIII. Fol. (Tom. I. 7 foll. non num. lo. Oporini praef. et Latomi oratio ex editione Basil. 1553. recusae atque Enarrationum in M. T. Cic. oratt. Catalogus, qui ab illius editionis eo tantum differt, quod in Tom. I. Claudii Baduelli in oratt. pro Milone et pro Marcello scholia et Ioach. Camerarii in orat. pro Marcello, atque in Tom. II. Camerarii in VII. actionem contra Verrem scholia et Caelii S. Curionis in XIV Philippicas addita sunt; 16 foll. non num. Index rerum et verborum; 1754 columnae, 1½ foll. vac. Tom. II. coll. 1757—2396.). Huius libri Tom. I. easdem, ac antecedens editio, enarrationes Mel. in novem Cic. oratt. continet, scil. coll. 143—146. in orat. pro *Sex. Roscio*, coll. 475—478. in orat. pro *A. Cecinna*, coll. 667—677. in orat. pro *L. Murena*, coll. 903—909. in orat. pro *P. Sylla*, coll. 926—931. in orat. pro *Archia* poeta, coll. 1237—1242. in orat. pro *M. Caelio*, coll. 1401—1407. et aliter 1407—1411. in orat. pro *Milone*, coll. 1555—1560. et aliter 1560—1565. in orat. pro *M. Marcello*, coll. 1679—1683. in orat. pro *Q. Ligario*.*

In selectiores M. T. Ciceronis orationes Philippi Melanckthonis, Iohannis Velcurionis, aliorumque doctissimorum virorum, qui in Academia Vvittenbergensi olim floruerunt, enarrationes

summa diligētia ac singulari erga eloquentiae studiosos fide collectae, ac partim etiam antea, partim nunc primum in lucem editae, per M. Stephanum Riccium. Tomus primus. M. D. LXXVIII. — (In fine Tomi I.:) *Lipsiae Iohannes Rhamba excudebat expensis Iacobi Apelij Bibliopolae Lipsen. M. D. LXXVIII.* — *Commentariorum in M. T. Ciceronis quasdam selectiores orationes ex Scholis et praelectonibus tam publicae, quam privatae doctrinae doctissimorum virorum, qui in Academijs harum regionum olim magna cum laude docuerunt, collectorum ac singulari erga Eloquentiae studiosos fide in lucem editorum, per M. Stephanum Riccium, Tomus secundus. M. D. LXXVIII.* — (In fine Tomi II.:) *Lipsiae apud haeredes Iacobi Bervaldi. Anno M. D. LXXVIII.* (sic) 8. (Tom. I. 7 foll. non num. Riccii praef.; Nic. Seluecceri carmen in praelectionem orationis pro M. Marcello 1555. mense Martio; Elenchus orationum Cic., quae Scholijs illustratae sunt a D. Ph. Melanch.; Elenchus orationum Cic., quae Scholijs illustratae sunt a Ioh. Velcurione. Acc. duae oratt. habitae a Ioh. Stratio Belga; 660 pagg.; 2 foll. non num., quorum prima pag. clausulam typogr. cont., cett. vac. — Tom. II. 7 foll. non num. Riccii praef.; Elenchus orationum Cic., quae scholijs illustratae sunt a doctissimis viris, qui in Academijs harum regionum summa cum laude docuerunt; 565 pagg.; ult. pag. clausulam typogr. cont.). In huius operis Tomo I. continentur Melanthonis enarrationes in has octodecim Cic. orationes: 1. pro *M. Marcello* (dispositio et paraphrasis p. 1—16., alia dispos. p. 17—31., alia dispos. p. 32—42., alia dispos. p. 42—46., alia paraphr. p. 46—49., alia scholia p. 49—64.); 2. pro *Archia* poeta (dispositio p. 72—80., paraphrasis p. 81—88., scholia p. 88—97.); 3. pro *Sex. Roscio Amerino* (scholia p. 98—109., alia p. 189—204.); 4. pro *A. Cecinna* (scholia et paraphr. p. 109—117.); 5. pro *L. Murena* (scholia et paraphr. p. 117—150., alia p. 150—189.); 6. pro *P. Sylla* (scholia p. 205—250.); 7. pro *M. Caelio* (scholia p. 250—264., alia p. 265—285.); 8. pro *A. Milone* (dispositio p. 286—305., alia scholia p. 305—324., alia p. 324—363.); 9. pro *Q. Ligario* (commentariolus p. 363—373., alia scholia p. 373—393.); 10. pro rege *Deiotaro* (scholia p. 394—422.); 11. pro *C. Rabirio Posthumo* (fragmentum scholiorum p. 422—425.); 12. pro *P. Sestio* (scholia p. 425—442.); 13. in *L. Pisonem* (brevis scholia p. 442—447.); 14. in *Philippicam I.* (scholia p. 447—460.); 15. in *Philippicam II.* (scholia p. 461—469.); 16. in *Philippicam III.* (scholia p. 469—471.); 17. in *Philippicam IX.* (scholia p. 471—473., alia p. 474—479.); 18. pro *lege Manilia* (scholia p. 479—482.). Tomus II. nullas Mel. enarrationes continet.

Ex his lector cognovit, I^{ae} classis editionum duas, II^{ae} tres, III^{ae} unam, IV^{ae} quinque, ergo undecim editiones in nostris manibus esse, quarum varietatem in hac nova editione critica adnotabimus, scilicet secundum annorum ordinem has: 1) *Hagan.* 1533. 8., 2) *Basil.* 1536. 4., 3) *Paris.* 1536. fol., 4) *Basil.* 1539. fol., 5) *Paris.* 1539. 4., 6) *Colon.* 1545. 8., 7) *Basil.* 1553. fol., 8) *Lugdun.* 1554. fol., 9) *Lips.* 1568. 8., 10) *Francof. ad Viadrum* 1592. 8., 11) *Colon.* sine anno. 8., quarum ultimam nomine *Colon.*, decem priores autem solis annorum numeris significabimus, exceptis binis annorum 1536. et 1539., quas adiectis locorum literis initialibus: 1536. B., 1536. P., 1539. B., 1539. P., ubi diversa continent, distinguemus.

Melanthonis enarratio huius orationis tres continet partes: 1) dispositionem, 2) paraphrasin, 3) artificium s. scholia, quarum duae priores ab omnibus illis editionibus praebentur, tertia autem tantum in margine quatuor editionum 1533., 1545., 1592. et *Colon.* invenitur, atque cum nonnullis annotationibus aucta in *Ed.* 1568., in qua sic est inscripta: „Scholia eiusdem (Melanthonis) in orationem Ciceronis pro Archia, ipso Publice praelegente, excepta.” In *Ed.* 1539. P. hoc artificium in indice quidem commemoratur, at in libro ipso deest.

In editione principe, quae Haganoae 1533. 8. prodit, Melanthonis enarrationi praemissa est haec epistola nuncupatoria:

Optimo Viro D. Nicolao Gerbelio Officinae Secerianae Moderator S. D.

Cum nuper ex Nundinis Francfortensibus redissem, Gerbeli doctissime, coepi tecum ut sit deliberare, quidnam potissimum imprimerem, quo et studiosis pro mea virili gratificarer, et tibi optime de me merito etiam gratitudinis vicem quandam rependerem. Inter alia quae tum praelo destinata habebam, haec Dispositio dignissima visa est, quam non solum studiosis communicandam, verum etiam tibi horum patrono singulari dedicandam esse iudicarem. Nam cum hoc consilio a Philippo Me. conscripta sit (quantum ex illis videor memoria consecutus, quae triennio abhinc fere, cum in frequentissima Vittenbergensium Schola tres de Oratore lib. Cice. absolvisset, adiungeretque orationem pro Archia enarrandam, memini me audire) ut haberet inventum exemplum quod ad artis Rhetoricae praeccepta non incommodè posset accommodare: nec aliam ob causam Secerio socero meo sit transmissa, quam ut quamprimum excuderetur, inhumanus profecto ac iniquus essem, si tanto bono studiosos diutius pergerem defraudare, impius vero in illum defunctum, si ipsius fidem nolim liberare. Tibi vero quid gratius offerri possit non video, quam cum illius viri scripta legis, quem propter summam eruditionem plurimi fecisti semper, quique tibi vicissim vel propter singularem humanitatem tuam, quam cum cognitione omnium bonarum artium tibi coniunctissimam esse voluisti, ex animo vult ac cupit. Nec est cur timeam minus gratum tibi fore, quod de meo nihil dedicem, cum hoc mearum virium non sit, et tu non tam quid me facere in te aequum sit, quam quid possim soleas spectare. Quare

um hanc spem de te conceperim, ut vel significationem aliquam gratiae mentis boni consulas, minime praetereun-
um esse occasionem existimavi, qua et meam in te gratitudinem, erga studiosos vero omnes, promptissimam vo-
ntatem declararem. Vale.

Haec epistola eam ob causam h. l. est recusa, quod ex ea tempus, quo huius orationis enarratio a Melan-
one scripta sit, cognoscitur. In Ed. 1568. et dispositioni et paraphrasi annus 1529. adscriptus est.

I. DISPOSITIO ORATIONIS PRO ARCHIA POETA

AUCTORE PHILIPPO MELANTHONE ¹⁾.

nitio *ὁλκονομίαν* exordii trademus. De reliqua
ratione, et de ²⁾ causa postea dicturi sumus.
c multas utilitates adfert haec ³⁾ ratio distri-
endarum sententiarum, qua hic utemur. Pri-
um enim voluntatem uniuscuiusque auctoris is-
mum recte adsequi poterit, qui seriem omnium
ntentiarum contemplabitur, et animadvertet,
omodo inter se consentiant. Deinde cum in
ienis scriptis rationem coniungendi sententias ⁴⁾
nimadverterimus, scribemus et ipsi magis co-
erentia. Plurimum itaque prodest haec dili-
gentia considerandae dispositionis in oratione,
um ad imitationem, tum etiam ad iudicandum.
am etiamsi nihil scripturi sumus, tamen hac
atione iudicandi de alienis scriptis carere non
ssumus.

Locus exordii sumptus est ex communi loco,
ilicet ex officio referendae gratiae. Nulla est
item efficacior ratio conciliandae benevolentiae,
iam quae ab honesto aut ab officio ducitur.
stque haec propositio, ex qua totum exordium
ascitur, in prima periodo posita: Ego debeo
rchiam tueri, ut referam ei gratiam. In
cunda periodo sequitur *ἀπιλογία*, hoc est,
robatio huius sententiae: Quia Archias adiuvit ⁵⁾
oc meum studium dicendi. Tertio ⁶⁾ est ad-
ta conclusio: Cum beneficio Archiae aliis opem
rre ⁷⁾ possim, convenit ut ipsum quoque de-
ndam. Cum sententiae ad hunc modum de-
actis ornamentis digeruntur, facile postea est

videre, quae ornamenta accedant. Prima perio-
dus continet incrementum; nam hae cognatae ⁸⁾
species ad unam sententiam amplificandi causa
referuntur, ingenium, exercitatio, ratio, id est,
ars. In secunda periodo paene nullum est or-
namentum; tantum fecit mentionem circumstan-
tiae, ne nimis brevis esset circumductio. Con-
clusio est facta enthymematis ⁹⁾ modo, et est
repetitio duarum periodorum superiorum: Cum
haec vox sit ab Archia ad salutem aliorum as-
suefacta ¹⁰⁾, ergo debet etiam Archiae prodesse.
Nam omissa est maior absolvens syllogismum:
Aequum est, ut quisque fructum ferat sui bene-
ficii. Tametsi hanc rationem subindicat, cum
quaedam verba ab ea mutuatur ¹¹⁾.

Deinde sequuntur occupationes duae. Prima:
Quomodo potest poeta adiuvere ¹²⁾ oratorem?
Respondet brevissime: Quia omnes artes cognatae
sunt, et se mutuo adiuvant. Altera occu-
patio est: Videtur ineptum in foro loqui de ar-
tium et litterarum studiis, id quod iam fecit
Cicero, et paulo post copiosius faciet. Hoc ex-
cusat sumpto argumento a persona Archiae: quia
pro poeta ita conveniat dicere, ne magis etiam
perturbetur ille, qui nunquam versatus est in
iudiciis ¹³⁾, si res agatur usitata contentione.

8) cognatae] Ed. 1592. cognitae.

9) enthymematis] sic omnes Editt. excepta Ed. 1592., ubi legitur: enthymematum. — De enthymemate conf. Melanthonis erotem. dialect. in huius Corp. Reform. Vol. XIII. p. 616 sqq.

10) Cum haec vox sit ab — assuefacta] sic Editt. 1533., 1536., 1539., 1553., 1554., 1568.; Ed. 1545.: Cum haec vox ab Archia ad salutem aliorum adsuefacta; Editt. 1592. et Colon.: Cum haec vox ab Archia ad salutem aliorum assuefacta est.

11) mutuatur] Ed. 1536. P. mutuamur.

12) adiuvere] Ed. 1545. typogr. errore: aduvere.

13) iudiciis] Ed. 1592. iudicium.

1) Ed. 1568. h. l. hanc habet inscriptionem: Dispositio orationis, quam pro Archia poeta Cicero habuit, auctore Philippo Melanch. 1529.

2) de] in Ed. 1554. deest.

3) haec] ab Editt. 1536. P., 1539. P. abest.

4) sententias] Ed. 1568. typogr. errore: sententia.

5) adiuvit] Ed. 1592. male: audivit.

6) Tertio] Ed. 1568. Tertia.

7) ferre] Ed. 1536. P. typogr. errore: fere.

MELANTH. OPER. VOL. XVI.

Oratio est generis iudicialis. Status causae est, quod Archias sit civis Romanus. Et haec est principalis propositio, ad quam referre argumenta oportet. Haec in tota oratione ob oculos versari debet: cuius si quis oblitus fuerit, non intelliget reliquam orationem. Nam in omnibus causis inprimis oportet principalem propositionem meminisse. Est autem status iudicialis. Argumenta ducta sunt a lege et a testibus. Nam hi proprii loci sunt quaestionum iudicialium.

Sed praeter haec, longissimum argumentum a persona Archiae, et ab artium dignitate tractum est. Illae laudes proprie¹⁴⁾ ad genus demonstrativum pertinent; sed inde mutuamur¹⁵⁾ saepe argumenta ad iudiciales causas, quia dignitas personarum conciliat favorem iudicum, et reddit causam magis probabilem et verisimilem. Ita et hic argumentatur Cicero: Quia Archias magna facultate ingenii praeditus est, ergo credibile est eum civitate donatum esse. Item: Quia tali est ingenio, meretur retineri in civitate. Genus dicendi in hac oratione initio summissum, et, ut vocant, Atticum est. Neque enim longis circumductionibus, aut expolitionibus, aut figuris procul accersitis usus est. Multae breves sunt periodi, et propria oratio. Postea circa finem aliquanto¹⁶⁾ floridior est oratio.

Narratio continet propemodum historiam vitae Archiae et peregrinationum, ex quibus pervenit eo, ut doceat, quomodo ius civitatis consecutus sit ex lege. Et est ad finem narrationis syllogismus additus, ubi primo loco ponitur conclusio: Data est civitas; deinde maior: Omnes qui¹⁷⁾ in sociis civitatibus adscripti sunt, si in Italia, cum lex ferretur, domicilium habuerunt, et professi sunt intra dies LX¹⁸⁾ apud praectorem etc., sunt cives. Archias adscriptus est Heraclaeae, et habuit domicilium Romae, et professus est, etc. Ita clauditur narratio, non repetita conclusione propriis verbis, sed quadam generali adseveratione, quia necesse¹⁹⁾ intelligi conclusionem recitato syllogismo: Si nihil nisi de civitate

14) proprie] Editt. 1539. B., 1553., 1554. propriae.

15) mutuamur] Ed. 1592. mutuantur.

16) aliquanto] Editt. 1568., 1592. aliquando.

17) Omnes qui] Ed. 1592. Omnesque.

18) LX] sic omnes Editt. exceptis Editt. 1592. et Colon. quae habent: LV.

19) necesse] Editt. 1554., 1568., 1592. necesse est.

ac²⁰⁾ lege dicimus, nihil dico amplius, causa dicta est.

Deinde sequitur confirmatio, ante quam non repetit propositionem supra positam ante narrationem, sed tantum de²¹⁾ minore adseverat, quia minor²²⁾ est *χρινόμενον*, ideo habet opus²³⁾ probatione. Et ut causae summam complecti animo possis, syllogismus supra positum meminisse oportet: Omnes inscripti in sociis civitatibus etc., sunt cives. Archias est inscriptus, ergo Archias est civis. Maior nihil habet ambigui; minor autem est incerta. Propterea tota confirmatio versatur in minore probanda: et habet locos a testibus et tabulis, quod sit Heraclaeae adscriptus, quod sit professus. Postea addit verisimile ex minore²⁴⁾: Multi alii leviorum artium periti, adscripti sunt in²⁵⁾ sociis civitatibus: ergo verisimile est et hunc adscriptum esse. Postremo addit signa Romani civis: Adiit haereditates, testamentum fecit, in beneficiis ad²⁶⁾ aerarium delatus est, id²⁷⁾ est, aerario pecuniam donavit ex testamentis.

Quia causa per se tenuis et exigua est, reddit²⁸⁾ eam splendidiorem et illustriorem addito loco communi de laude litterarum. Et cum supra argumenta a re seu causa traxerit, hic a persona ducit argumentum: Archias est homo literatus et poeta, ergo est dignus quem in civitate retineamus. Transfert igitur orationem ab hypothese ad thesin, id est, ad locum communem, scilicet: Omnes studiosi sunt colendi. Sed ut modeste praedicet Archiam, ne immodicae laudes noceant ei, transfert rem in suam personam, dicit se plurimi facere Archiam. Est²⁹⁾ ergo propositio: Ego magni facio³⁰⁾ Archiam. Sequitur ratio enthymematis forma: Quia eius studia prosunt mihi ad delectationem, deinde etiam ad utilitatem in hac forensi facultate dicendi. Et huic rationi est subiecta brevis vel comprobatio vel re-

20) ac] Editt. 1539. B., 1553., 1554. hac.

21) de] in Ed. 1545. deest.

22) minor] Ed. 1554. maior.

23) habet opus] Ed. 1568. opus habet.

24) minore] sic omnes Editt. praeter Editt. 1592. et Colon. quae habent: minori.

25) in] in Ed. 1592. deest.

26) fecit, in beneficiis ad] Ed. 1592. fecit in beneficiis, ad.

27) id] Ed. 1568. hoc.

28) reddit] Editt. 1536. P., 1539. P. reddet.

29) Est] Editt. 1545., 1592. et Colon.: Krat.

30) magni facio] Ed. 1592. magnificiam.

petitio³¹⁾. Sequitur occupatio: Tunc igitur fateris te versari in litteris? Ad hoc respondet per concessionem, et subiicit tres causas finales. Prima est: Ita versor in litteris tanquam in ludis, ut tamen non abducar a negotiis. Secunda: Ex litteris crescit mihi facultas dicendi. Tertia: Litterae etiam gubernant meos mores, et consilia regendae reipublicae. Et addit rationem: Quia litterae continent doctrinam bene vivendi. Et hanc sententiam illuminat per interpretationem, nonnihil mutatis verbis.

Sequitur obiectio: Num igitur nulli sunt magni viri sine doctrina? Primum concessione utitur, quod multi viri magni sine doctrina fuerint. Et addit rationem: Quia magna naturae vis est. Deinde subiicit correctionem: Multum tamen conducit doctrina, et perfectum quiddam existit, cum ad naturam bonam accesserit. Id probat exemplis. Postremo claudit hanc disputationem repetitione causae finalis levioris, videlicet, quod delectationis causa litterae non sint³²⁾ aspernandae. Et amplificat hunc finem per collationem: Nullae aliae voluptates perinde sunt perpetuae. Porro distributio fit³³⁾ temporum: Agunt senectutem, etc.

Hactenus de sua persona tantum dixit Cicero. Hic transitionem facit, et probat debere iudices etiam admirari artem: et est³⁴⁾ argumentum a genere artis tractum. Ars est digna admiratione, ergo etiam Archias magni faciendus est. Et similitudine reddit perspicuum argumentum: Sicut celeres motus erant corporis Roscii, qui magno opere delectabant, etc.: ita sunt ingenii Archiae. Accedit probatio: Quia multos versus ex tempore fundit. Sequitur argumentum a differentia poetices. Distinguit enim antithesi poeticam ab aliis artibus, et haec est enthymematis summa³⁵⁾: Poetica³⁶⁾ est divina, ergo poetae sunt tractandi humaniter et colendi. Et adiecit amplificationem ex laude musices ductam ex³⁷⁾ maiore: Saxa respondent vocibus, bestiae flectuntur cantu, ergo et nos amemus carmen.

31) repetitio] Ed. 1533. typogr. errore: repetio.

32) sint] Ed. 1502. sunt.

33) sit] Ed. 1554. sit.

34) est] in Ed. 1554. haec vox deest.

35) summa] Ed. 1568. forma.

36) Poetica] Ed. 1592. ars Poetica.

37) ex] Ed. 1502. a.

Hactenus recitavit argumenta sumpta a persona Archiae extra causam, quod in civitate retinendus sit, quia sit poeta. Nunc subiicit exempla eodem pertinentia: Sicut aliae civitates honore adfecerunt poetas, ita et nos Archiam honore adficere debemus. Homerum multi sibi vindicant³⁸⁾, ergo et nos retineamus Archiam. Additus est affectus: Nemo non favet suis laudibus. Archias autem descripsit laudes populi Romani. Recitat igitur argumenta quaedam poematum Archiae. Deinde subiicit Scipionis exemplum: Scipio³⁹⁾ Ennium honore adfecit, ergo et vos hunc honore adficate. Accedit amplificatio a Graeca lingua: Plures legunt Graeca quam Latina; at Archias Graece⁴⁰⁾ scribit: melius igitur scribit quam Ennius. Addita est amplificatio ab utilitate scriptorum: Quia gloria ad virtutem incitat; scripta autem gloriam pariunt, quia retinent memoriam rerum gestarum: ergo scripta illa ad virtutem incitant. Sequitur igitur, scriptores esse dignos, qui omni officii genere colantur. Adiectum est exemplum de Achille et Homero: Achillis memoriam retinuit Homerus. Item: Pompeius iudicavit haec scripta gloriam adferre, etc. Accedunt et alia exempla Syllae et Metelli, qui poetis delectati sunt. Et schema ex minore interpositum est, quod facit verisimilem Archiae causam: Si alios poetas studiose audierunt nostri imperatores, ergo verisimile est eos et hunc audivisse et facile concessisse civitatem. Postea additur *αἰτιολογία*⁴¹⁾ ex communi sententia: Trahimur omnes cupiditate laudis. Haec sententia Bruti et Fulvii exemplis comprobata est. Sequitur brevis conclusio, postquam suum exemplum commemorat: Et ego laude delector, et cum res meas gestas Archias descripserit, bene volo illi. Sequitur repetitio loci communis, quod gloriae et immortalitatis cupiditas haereat in animis, quae ad res magnas gerendas exuscitat: estque argumentum⁴²⁾ a causa finali ductum: Omnes gloriam appetimus tanquam finem laborum, quare hi, qui monumenta condunt, honore afficiendi sunt. Et haec sententia rhetorica expolitione est variata, verbis quater mutatis res

38) vindicant] illae Editt. omnes habent: vendicant.

39) P. Cornelius Scipio Africanus maior.

40) Graece] Ed. 1568. male: Graecae.

41) *αἰτιολογία*] Ed. 1536. B. typogr. errore: *ἀρτιολογία*.

42) argumentum] Ed. 1536. B. male: argumenti.

eadem repetitur. Virtus appetit gloriam. Nemo tantos labores, tanta⁴³⁾ pericula susciperet, nisi laudis amore duceretur. Illa gloriae cupiditas haeret in animis, quae ad agendum exuscitat. Turpe esset⁴⁴⁾ magnis viris et in republica versantibus, si ea essent opinione, simul cum ipsis morituram esse memoriam omnium, quae gesserunt. Hic subinde vides eandem sententiam paulum modo variatam repeti. Multum accedit lucis, cum et locus argumenti notatus est; dixi enim, a⁴⁵⁾ causa finali sumptum esse, et elocutionis figurae ostensae sunt. Nam hic sententia valde redditur perspicua, si moneatur lector, rem eandem dici, tantum variata forma orationis.

43) tanta] Ed. 1554. et tanta.

44) esset] Ed. 1592. est.

45) a] sic omnes Editt. exceptis Editt. 1592. et Colon., quae habent: e.

Amplificatio in fine addita est, vel a simili, vel ex minore: Si corporum statuas relinquere cupimus, multo magis poemata relinquenda erunt, quia sunt durabiliora et sunt imagines animorum et consiliorum. Est autem sumptus hic locus ex Isocratis Euagora⁴⁶⁾: Ἐγὼ δὲ, ὦ Νικόκλεις, ἡγοῦμαι μὲν εἶναι καλὰ μνημεῖα καὶ⁴⁷⁾ τὰς⁴⁸⁾ τῶν σωμάτων εἰκόνας⁴⁹⁾, πολὺ μὲντοι πλείονος ἀξίας τὰς τῶν πράξεων, καὶ τῆς διανοίας, ἃς ἐν τοῖς λόγοις ἂν τις μόνον τοῖς τεχνικῶς ἔχουσι θεωρήσειε. Postea sequitur peroratio, quae continet deprecationem, in qua argumenta causae brevissime repetuntur, ut fit in epilogis.

46) Isocr. Euag. 30. ed. Lange. — Idem locus iam supra p. 763. laudatus est.

47) μνημεῖα καὶ] Ed. 1536. P. μνημεῖα (omisso καὶ).

48) τὰς] sic Isocr. et Editt. 1554., 1592., Colon.; ceterae Editt. male: τοὺς.

49) εἰκόνας] Ed. 1568. typogr. errore εἰκόνας.

2. PARAPHRASIS PHILIPPI MELANTHONIS⁵⁰⁾.

Ego nisi parum gratus existimari velim, hanc meam dicendi facultatem, si qua est, ad salutem defensionemque Archiae conferre debeo. Nam hic mihi inde usque a prima aetate autor adiutorque ad haec eloquentiae studia suscipienda atque colenda semper fuit. Quare cum aliis opem ferre soleam, multo aequius est, ut Archiam defendam, a quo plurimum in hoc studio adiutus sum, ut aliquem beneficii sui fructum ferat. Sed miretur quispiam, qui potuerit me⁵¹⁾ in hac forensi ratione dicendi adiuvere Archias, qui cum sit poeta, in dissimili genere artium versatur. Verum hac de re⁵²⁾ ita statuetis: disciplinas omnes tanquam foedere quodam inter se copulatas atque coniunctas esse. Quare etiam haec ratio dicendi multum a poetis sumit. Est autem hoc loco venia etiam mihi petenda, quod in foro atque iudicio, praeter consuetudinem de studiis litterarum multa dicturus sim. Nam id spero mihi vos propter hunc reum concessuros esse, quem verebar animo debiliore⁵³⁾ futurum esse, si usitata con-

50) In Ed. 1568. haec sic inscripta est: Oratio pro Archia poeta paraphrastico reddita a Philip. Melanch. 1529.

51) me] in Ed. 1536. P., 1539. P. deest.

52) hac de re] Ed. 1592. de hac re.

53) debiliore] Ed. 1592. debilliori.

tentione⁵⁴⁾ causam agi videret, cum antea nunquam in iudiciis versatus sit. Quamobrem novo genere orationis confirmandus mihi fuit. Proinde si me benigne audietis, efficiam, ut illum non modo civem esse statuatis, sed etiam si civis non esset, dignum esse cui civitas donetur, intelligatis.

Ego iudices⁵⁵⁾, non adducor levibus causis, cur Archiam plurimi faciam, quia magnum ex studiis eius fructum capio, tum ad oblectationem, tum etiam ad hanc orationis copiam conservandam. Neque enim sustinere possem hanc in foro contentionem, nisi mitioribus studiis interdum relaxarem⁵⁶⁾ animum atque recrearem. Et cresceret haec facultas dicendi, nisi doctrina alere-

54) contentione] sic omnes Editt. exceptis Editt. 1592. et Colon., quae habent: concessione.

55) His verbis Editt. 1533., 1536., 1539. P., 1545., 1592. et Colon. in margine hanc addunt notam: „Narrationem et confirmationem primam (Ed. 1536. P. primam) a lege ductam omisit. Locus communis habet paraphrasin de studiis (Editt. 1536. P., 1539. P.: de laude studii). Prodest autem ad sententiam orationis melius intelligendam et perspicuum ordinem argumentorum, conferre paraphrasin ad Ciceronem.” In Ed. 1568. haec nota iisdem verbis non in margine apposita, sed proximo praemissa est, in cett. Editt. deest.

56) relaxarem] Editt. 1592. et Colon.: laxarem.

r. Non enim dissimulo me in studiis litterarum versari, praesertim cum me neque a reipublicae⁶⁷⁾, neque ab amicorum negotiis abducant. inquam enim me vel commoda mea, vel otii peditas, vel inertia, vel voluptates remoratae⁶⁸⁾, quo minus aut reipublicae, aut amicis, cessario ipsorum tempore, operam dederim. rari concedi mihi peto, si quantum temporis in ponunt in alea, in conviviis⁶⁹⁾, in spectandis ludis⁶⁹⁾, tantum ego in litteris colloco. Idcirco etiam ob causam aequius est mihi permitti, quia ad alios inde non exigua utilitas redit. Haec enim oratio fit uberius ex illis studiis, quae multum salutem defendere solent. Praeterea materiam etiam utilitatem ex illis litteris capio. Nam toritate earum commotus, nihil antiquius virtute duco. Nullum pro salute reipublicae discrimen adire unquam⁶⁹⁾ dubitavi, nec me a defensione reipublicae voluptas unquam, aut metus us retraxit. Video enim in litteris honestissima accepta proposita, video exempla a doctis hominibus mandata memoriae hanc ob causam, ut exprimeremus atque imitaremur in omni vita, quae ego intuens, ad virtutem et ad decus extendendum accendi me sentio.

Sed quia vim harum artium tantopere praestas, quaeret aliquis fortasse, an nemo unquam literis⁶⁹⁾ vir magnus sine doctrina, cum quibus in hac republica constet, sine litteris multos clarissimos et moderatissimos viros, et peritissimos reipublicae regendae fuisse? Ego vero⁶⁹⁾ non nego, multos naturae beneficio, ac paene intuitus, ad virtutem factos, sine doctrina praesentes viros extitisse. Magna enim in omni genere naturae vis, adeo ut plus ad virtutem conquirendam foelix natura sine doctrina valeat, quam sola doctrina, repugnante ingenio et invita nerva, quod aiunt. Quamquam autem hoc verum sit, tamen illud etiam affirmare ausim, peritissimam sapientiam ac virtutem ita demum exire, cum ad bonam naturam ratio doctrinaque

accesserit. Sumit enim impetus quosdam a natura virtus, quae litteris et doctrina⁶⁵⁾ perficienda⁶⁶⁾ est. Viderunt patres nostri Africanum, Laelium et Catonem, qui acerrimum studium ad has artes contulerunt. Neque vero existimari debet, tales viros in tanta varietate occupationum haec studia attingere voluisse, nisi sensissent ea magnum momentum⁶⁷⁾ ad colendam virtutem adferre. Sed ut nulla maior utilitas inde percipi posset⁶⁸⁾, tamen expetenda videntur delectationis causa. Nam aliae voluptates non sunt perpetuae. At⁶⁹⁾ haec studia delectant in omni aetate atque fortuna. Exercent adolescentiam, exhilarant senectutem, secundas res ornant, in adversis leniunt animi curas. Hactenus de me dixi, cur Archiam plurimum faciam. Non dubito autem, quin et vos ei propter artis suavitatem bene cupiatis. Ut enim Roscium⁷⁰⁾ omnes admirabamur, ac diligebamus propter venustatem, quam in corporis motu adhibebat: ita in hoc ingenii celeritas favorem meretur. Saepe enim vidi Archiam ex tempore magnum numerum versuum effundentem, cum litteram nullam scripsisset, ac rursus eandem sententiam commutatis verbis ornatissime explicantem. In his vero, quae maiore cura scribit ac componit, ne veteribus quidem ulla ex parte cedit. Quis igitur eum non amet? quis non defendat? quis non omni officii genere prosequi velit? At reliquas artes ferunt praecipue constare, poetas vero divina quadam vi commoveri. Quamobrem Ennius eos appellat sanctos, hoc est, religione quadam colendos. Proinde et nos reverentia quadam poetici nominis tangi convenit, praesertim cum carmine moveantur saxa etiam ac bestiae: quanto magis nos, ad humanitatem optima disciplina institutos, voce poetarum⁷¹⁾ moveri decet?

Homerum multae civitates mortuum reputant, tanquam suum⁷²⁾: nos unum Archiam, qui

7) reipublicae] Editt. 1539. P., 1592. republica.

8) remoratae sunt] Ed. 1592. removerunt.

9) conviviis] Ed. 1545. typogr. errore: conviis.

10) spectandis ludis] Ed. 1536. P. spectandis (om. „ludis”); Ed. 1539. P. spectaculis.

11) solent] sic recte Ed. 1592.; cett. Editt. omnes habent: solet.

12) unquam] Ed. 1568. male: inquam.

13) extiterit] Ed. 1553. typogr. errore: extierit.

14) vero] Ed. 1568. vere.

65) doctrina] Editt. 1592. et Colon.: doctrinis.

66) perficienda] Ed. 1592. percipienda.

67) momentum] Ed. 1568. monumentum.

68) posset] sic omnes Editt. excepta Ed. 1539. P., ubi legitur: possit.

69) At] Ed. 1545. male: Ad.

70) Q. Roscius Comoedus, Lanuvinus.

71) voce poetarum] sic Editt. 1533., 1536., 1539., 1553., 1554., 1568.; Editt. 1545., 1592. et Colon.: poetarum voce.

72) Distichon a Gellio Noct. Att. III, 11. laudatum septem memorat urbes de stirpe Homeri certantes:

iure in nostram civitatem pervenit, non retinebimus, cum quidem de nobis praeclare meritis sit? Nemo suis laudibus non favet: nos igitur Archiae, qui res praeclare gestas populi Romani carmine complexus est, favere debemus. Descripsit enim Cimbrorum cladem in Italia acceptam; descripsit et Mithridaticum bellum. Pertinent enim ad populi Romani gloriam res gestae nostrorum imperatorum. Scipio honore adfecit Ennius: et non modo vivum coluit, sed mortuum etiam in sepulchro Scipionum collocavit. Hic celebraverat Catonem et alios egregios cives: quae res cum ad populi Romani gloriam pertinere iudicaretur, civitate donatus est Ennius, ignobili natus loco, in oppido Rhudiis⁷³⁾. Quanto minus decet nos hunc Archiam, in socia civitate Heraclea⁷⁴⁾ adscriptum, civitate eiicere, praesertim cum Graece res gestas populi Romani conscripserit? Maiorem enim gloriam pariunt Graece quam Latine scripta, quia Graeca lingua plures gentes utuntur quam nostra. At cum famam virtutum nostrarum ad eas etiam⁷⁵⁾ gentes pervenire cupiamus, quo nondum arma nostra penetraverunt: ornare eas litteras debemus, quae nominis Romani notitiam eo perferunt⁷⁶⁾.

Huc accedit, quod scriptores non vulgariter de republica merentur, qui, quia memoriam rerum praeclare gestarum retinent, excitant homines ad virtutis studium⁷⁷⁾. Nullum enim efficacius incitamentum est periculorum ac laborum, quam gloria. Atque ita iudicasse Alexandrum apparet, viros fortes ac magnos gloriae dulcedine tangi. Nam cum ad Achillis tumulum adstitisset,

*Ἐπὶ πόλεις διερχομαι περὶ ὅσων Ὀμήρου,
Σμύρνα, Ῥόδος, Κολοφών, Σιλαμίν, Ἴος, Ἄργος,
Ἀθήναι.*

Sic legitur in Gelmi Edit., quae Lugd. Bat. 1706. 4. prodiit; paulo aliter autem in Pauly: Real-Encycl. T. III. p. 1420. nota hoc distichon affertur:

*Ἐπὶ ἐριδμαίνουσι πόλεις διὰ ὅσων Ὀμήρου,
Κύμη, Σμύρνα, Χίος, Κολοφών, Πύλος, Ἄργος, Ἀθήναι.*

73) Q. Ennius natus a. u. c. 515. Rudis, Calabriae oppido; conf. Orellii et Baetleri Onomast. Tullian. P. II. p. 201.

74) Heraclea] sic Editt. 1533., 1536., 1539., 1553., 1554., 1568.; Editt. 1545. et Colon.: Heraclia; Ed. 1592. Heracliae. — Heraclea, Magnae Graeciae urbs inter Metapontum et Tarentum sita, cuius civitatem A. Licinius Archias, quom a. u. c. circiter 661. cum M. Lucullo huc venisset, impetravit.

75) etiam] in Ed. 1592. deest.

76) perferunt] Ed. 1592. proferunt.

77) ad virtutis studium] Editt. 1536. P., 1539. P. virtutis ad studium.

pronuntiavit illum⁷⁸⁾ hoc nomine fortun fuisse, quod Homerum praeconem nactus quasi amplissimum virtutis praemium illi c gisset. Etenim quod⁷⁹⁾ absque Homero fu ipsum etiam nomen Achillis oblivione obl fuisset⁸⁰⁾. Noster Pompeius pro concione tam quendam civitate donavit, idque comp vit exercitus. Delectabat enim eos, quoc gestae ipsorum mandatae litteris, non tantu praesentia, sed etiam ad posteros gloriam pariturae erant. Cum autem imperatores n hanc ob causam saepe scriptoribus honorem buerint, verisimile est et Archiam, si civis esset, facile ius civitatis ab aliquo impetrare tuisse. Sylla enim, cum etiam inepto p praemium dari iusserit, hunc propter singul ingenii vim atque copiam maxime admirat set. Q. Metellus⁸¹⁾ Hispanicos poetas in civit adscivit. At ab⁸²⁾ hoc facile vel per se, vel Lucullos idem impetrare Archias potuit. N enim dissimulari hoc potest, gloriae cupidit animis omnium innata esse. Hanc ipsi e philosophi, cum de contemnenda gloria pr piunt, adfectant. Hanc propositam habue nostri imperatores, qui in publicis monum carmina perscribi⁸³⁾ curaverunt, in quibus mina eorum extarent. Ego, ut ingenue fa incredibili voluptate adficio, cum huius p recitari audio, quod de rebus in consulatu pro salute reipublicae gestis inchoavit. Nu enim virtus praemium copiosius desiderat, q laudem atque gratam memoriam laborum. I omnes expetunt atque ambiunt. Est enim i quaedam gloriae⁸⁴⁾ cupiditas omnibus, quae timulat, ut memoriam nominis nostri ad p ros extendamus. Nemo enim tantos labores ciperet, nemo tot pericula subiret, si nulla immortalitatis tangeretur, si arbitraretur, se memoriam omnium laborum interituram esse non ob oculos spes quaedam immortalitatis versaretur⁸⁵⁾. Et cum voluptas quaedam sit,

78) illum] Editt. 1592. et Colon.: eum.

79) quod] Editt. 1592. et Colon.: quod si.

80) fuisset.] Editt. 1545., 1592. et Colon.: fuisse.

81) Q. Caecilius Metellus Pius, Numidici filius, de vide Orellii et Baetleri Onomast. Tullian. P. II. p. 11 Pauly: Real-Encycl. T. II. p. 31 sq. nr. 22.

82) ab] Editt. 1553., 1554. ob.

83) perscribi] Editt. 1592. et Colon.: praescribi.

84) gloriae] Ed. 1568. gloria.

85) obversaretur] Ed. 1545. falso: observaretur.

tuas et corporum simulachras relinquere: quanto magis optandum est, ut extent animorum et consiliorum nostrorum⁸⁶⁾ imagines, arte summa factae atque elaboratae. Ego quidem in iis rebus, quas gessi, iam tum in universam posteritatem intuebar, et illius calculis probari consilia mea cupiebam. Et sive post mortem sensus aliquis est animorum, ut sapientissimi homines maluerunt, sive nullus est sensus: nunc tamen haec me consolatio ac⁸⁷⁾ spes delectat, reputantem famam rerum gestarum a me ad posteritatem⁸⁸⁾

86) nostrorum] in Ed. 1586. deest.

87) ac] sic Editt. 1533., 1536., 1539., 1553., 1554., 1568.; Editt. 1545., 1592. et Colon.: et.

88) posteritatem] sic omnes Editt. exceptis Editt. 1592. et Colon., in quibus legitur: posteros.

perventuram⁸⁹⁾ esse. Quaeso igitur vos iudices, cum causa legis autoritate defensa sit, in ipso autem reo tanta sit dignitas, ut eum in civitate retinendum esse statuatis. Erit humanitatis vestrae, talem virum, divina quadam vi ingenii praeditum, quod quidem totum ad ornandum populi Romani nomen contulit, liberare. Ego quae de causa dixi, ita plana⁹⁰⁾ esse confido, ut nemini dubia videri possint. Quae extra causam de studiorum laude dixi, existimo vos boni consulere.

89) perventuram] Ed. 1533. preventuram, Ed. 1568. praeventuram.

90) plana] Ed. 1592. plane.

3. ARTIFICIUM ET SCHOLIA PHILIPPI MELANTHONIS⁹¹⁾.

Cap. I. §. 1.⁹²⁾ *Si quid est in me*] Propositio exordii: Ego debeo Archiam defendere referendae gratiae causa, et suas vires amplificat contrahens istas tres species, ingenium, exercitationem et artem⁹³⁾. *Huiusce*⁹⁴⁾] scilicet dicendi. *Ratio*] i. e. ars, doctrina. *Nam quoad longissime*] *αὐτιολογία*: Ipse adiuvit hoc meum studium dicendi⁹⁵⁾. *Principem*] i. e. auctorem, consultorem, Er hat mich darzu getrieben, oder, Er hat mir darzu geholfen⁹⁶⁾. *Quod si haec or*] Conclusio: Si haec vox aliis fuit saluti,

91) Haec enarrationis pars in Editt. 1533., 1545., 1592. et Colon. in quarum indice nomine *Artificii* signatur, non ut duae priores orationi praemissa, sed Ciceronis verbis in margine apposta est; in Ed. 1568. autem, quae textu caret, illas partes subsequitur sic inscripta: „*Scholia* Phil. Mel. in orationem Ciceronis pro Archia, ipso publice praelegente excepta.” Quotopere haec scholia ab illarum 4 Editionum artificio differant, ex notis criticis a me adiectis intelligetur. — In Ed. 1539. P. hoc Melanthonis artificio in indice quidem memoratur, at in libro ipso (aeque ac in cett. Editt.) deest, nihilominus magna eius pars etiam in hac Ed. invenitur, quoniam Bolerus, Latomus et Sylvius in multis schollis, quae in ea exhibentur, iisdem fere verbis, ac Melanthon in artificio suo, utuntur.

92) Capita et paragraphos secundum Ed. Orell. ipsi adscriptimus.

93) Propositio — artem.] sic Ed. 1568.; Editt. 1533., 1545. Propositio exordii; Editt. 1592., Colon.: Propositio. Exordium. (cetera in his Editt. desunt.)

94) Haec nota et sequens in sola Ed. 1568. inveniuntur.

95) Pro hac nota, quam Ed. 1568. exhibet, Editt. 1533., 1545., 1592., Colon. in marg. habent solam vocem: *Ratio*.

96) Haec nota non nisi in Ed. 1568. exstat.

multo magis illi debet esse saluti, a quo accipi. Est tanquam enthymema⁹⁷⁾. *Confirmata*] i. e. instituta, assuefacta, et traducta ad quandam certam rationem, Er hat mich fein regiert und geschickt gemacht⁹⁸⁾.

§. 2. *Ac ne quis*] *Occupatio*⁹⁹⁾. *In hoc*] scilicet Poeta Archia⁹⁹⁾. *Facultas*] scilicet dicendi. *Ratio*] scilicet convenit cum poetica. *Ne*¹⁰⁰⁾ *nos*] scilicet ego nunquam tantopere versatus sum in poetica. *Cunctis*] scilicet totus. *Studio*] scilicet poeticae. *Etenim omnes artes*] *Ratio* seu solutio occupationis¹⁾. *Humanitatem*] Vocant institutionem, quae ducit nos ad suavitatem morum et vitae, et belluinam mentem in animis hominum avertit²⁾. *Vinculum*] Est brevis oratio, et recte quidem licet vocare Atticum genus, Es hilft immer ein handwerck dem andern. *Submisso genere* usus est in hac oratione.

97) Conclusio — enthymema.] sic Ed. 1568.; Editt. 1533., 1545., 1592., Colon.: Conclusio (cett. om.).

98) Haec nota tantum in Ed. 1568. reperitur.

99) Haec nota in Editt. 1533., 1545., 1568., 1592. et Colon. legitur.

99) Haec nota et 5 sequentes in sola Ed. 1568. praebentur.

100) *Ne*] sic Ed. Orell., Ed. 1592. et al.; Ed. 1545. et al.: *Nec*.

1) *Ratio* — occupationis.] sic Ed. 1568.; cett. illae 4 Editt.: *Solutio occupationis*.

2) Haec nota et 6 sequentes non nisi in Ed. 1568. inveniuntur.

Cap. II. §. 3. *Quaestione*] scilicet in negotio iudiciali. Quia ibi erat quaestio de iure civitatis, utrum Archia esset civis. *Publico*] scilicet capitali. *Quaeso*] A persona poetae: Quia nunquam versatus est in talibus nostris contentionibus: ergo non est perturbandus. Verecunda et summissa est prior pars orationis. *Patiamini*] Expolitiones hic sunt, et eandem sententiam ex circumstantiis auxit. *Et in*] Ratio.

§. 4. *Quod si mihi*] Propositio causae³⁾.

Cap. III. §. 4. *Nam ut primum*] Narratio. — Romani non erant vectigales, sed cogebantur militari, quotiescunque evocabantur: Ita habebant ius militandi, et erant occasiones ad consequendas maximas opes. Praeterea non licuit pronuntiare de capite civis Romani, nisi consensu totius populi Romani, id quod etiam cernere licet in Actis Apostolorum. *Κρινόμενον* est, quod venit in contentionem. Quaestio iudicialis haec est, wenn er sich bey dem Rath hat angezeigt, quod esset civis, et indicavit quoque suas facultates, ut sciret populus Romanus et senatus, quid facultatum et exercitus sustinere possint⁴⁾. *Ex pueris*] scilicet ephelis⁵⁾. *Contulit*] scilicet statim excellit prae reliquis. *Copiosa*] i. e. divite. *Affluenti*] i. e. plena. *Post in ceteris*] Gradatio⁶⁾. *Famam*] scilicet quo propius vescebatur, eo pluris fiebat⁷⁾. *Superaret*] Minuit praesentia mala.

§. 5. *Oppidis*] scilicet quam in Asia. *Propter tranquillitatem*] scilicet ante motum Marianum. *Itaque*] Peregrinationes. *Hac*] Amplificatiuncula. *Alter*] scilicet Marius. *Alter*] scilicet Catulus. Nam fuit etiam eruditus, ut est in Oratore Ciceronis^{7a)}. *Praetextatus*] scilicet adolescens. *Sed enim*⁸⁾] *πάθος*, qui facit causam probabiliorem et favorabiliorem. — Signum ingenii modesti et humani, quod perpetuo man-

3) Sic omnes illae 5 Editt.

4) Huius annotationis pars prior „Narratio” tantum ab Editt. 1533., 1545., 1592. et Colon., altera „Romani — sustinere possint” a sola Ed. 1568. exhibetur.

5) Hanc notam et 3 sequentes sola Ed. 1568. praebet.

6) Haec nota in omnibus illis 5 Editt. invenitur.

7) Haec nota et 8 sequentes non nisi in Ed. 1568. reperiuntur.

7a) Huius Q. Lutatii Catuli eruditionem et linguae elegantiam Cicero laudat de Orat. II, 7, 28. et III, 8, 29.

8) *Sed enim*] sic illae Editt.; Ed. Orell. *Sed* [etiam].

sit in una familia⁹⁾. *Prima*] Hoc est ingenium *Familiarissima*] Hoc est tribuendum modesti.

§. 6. *Erat*] Historia. *Crasso*] scilicet histori. *Lucullus*¹¹⁾] Poeta etiam fuit. *sos*¹²⁾] scilicet Oratores. *Simulabant*] s qui non omnino volebant videri agrestes.

Cap. IV. §. 6. *Heraclea*] Urbs in Italia. *Quae*] scilicet habebat ius civitatis Romae. *Idque cum ipse*] Minor¹⁴⁾.

§. 7. *Data est civitas*] Conclusio. *Pr* Maior¹⁵⁾. *Quum hic domicilium*] Pars mi Professio est, quando fidem dabant magistris et iudicabant suas facultates. *Proferi*, sic sen einschreiben¹⁶⁾.

§. 8. *Si nihil aliud*] *ἐπίλογος* narratio. *Quid enim horum*] Propositio confirmatio. *Heracleaene esse eum*] Confirmatio a testimonio] scilicet attulerunt litteras. Est tam brevis confutatio¹⁹⁾. *Est*²⁰⁾ *ridicula*] Collatio est quaedam tabularum et rum²¹⁾.

§. 9. *At domicilium*] Probatio a tabulis

Cap. V. §. 10. *Quae quum ita sint*] Conclusio probationis: Ergo Archias est civis, p

9) Duae huius annotationis partes in Ed. 1568. dis praebentur, prior enim h. l. legitur, altera nota *Familiarissima* adscriptam sequitur. — Editt. 1545., 1592. et Colon. habent solam vocem: (cett. om.).

10) Hanc notam et 8 sequentes sola Ed. 1568. continet.

11) *Lucullus*] in Cic. orat. h. l. legitur: *Lucullos*.

12) *Drusos*] Cic. scripsit: *Drusum*.

13) Hoc nomine urbes multae fuerunt. Haec autem illa s. Magna Graecia inter Metapontum et Tarentum erat, de qua conf. Strabo l. VI. p. 280 sq. ed. Paris. (p. 439 sq. ed. Amstelae. 1707. Fol.).

14) Haec nota et sequens in omnibus illis 5 Editt. niuntur.

15) Haec vox, in Ed. 1568. voci *Professi* adscripta. Editt. 1533. et 1545. Cic. verbis *si tum quum le batur* in margine apposita, in Editt. 1592. et deest.

16) Huius notae, quam Ed. 1568. praebet, Editt. 1545., 1592., Colon. tantummodo habent verba: *Proferi*.

17) Sic Ed. 1568.; cett. illae 4 Editt.: *Epilogus* tionis.

18) Haec nota et sequens in omnibus illis 5 Editt. niuntur.

19) Hanc notam sola Ed. 1568. exhibet.

20) *Est*] sic Ed. Orell. et illae Editt. excepta Colon. legitur *Et*.

21) Pro hac nota Editionis 1568., ceterae illae 4 Editt. habent: *Collatio fidei et tabularum*.

22) Haec nota non nisi in Ed. 1568. invenitur.

minore²³⁾. *Etenim quum mediocribus*] Amplificatio ex verisimili²⁴⁾. *Id huic*] Ex minore. *Scenici artifices*] scilicet histriones, Pfeiffer. Haec non multum faciunt ad causam²⁵⁾. *Quid? cum ceteri*] De iure civitatis Romanae. Papiam lex fuit, quae iussit urbe excedere omnes, qui non essent cives Romani²⁶⁾. *Irreperint*²⁷⁾] scilicet cum aliis permiserint, ut inter cives habeantur²⁸⁾.

§. 11. *Census nostros requiris*] Pars confutationis. Census solebat agi quinto quoque²⁹⁾ anno³⁰⁾. *Proximis*] scilicet Romae non est census³¹⁾. *Sed quoniam*] Brevissime respondet ad illa obiecta argumenta. *Criminarius*] Sunt verba adversarii. *Adiit*] Signa civis Romani, aerario donavit pecuniam ex testamentis.

§. 12. *Quaeres a nobis*] Locus communis de fructu, quem ipse ex Archiae studiis capiat, estque propositio: Ego delector hoc homine, vel, ego magni facio Archiam, quia prodest mihi eius studium ad utilitatem et delectationem. Deinde addit occupationem: Versaris tu in studiis, et facit correctionem: Versor in studiis, sed tamen ne abducar a negotiis³¹⁾. *Quia*] Ratio³²⁾. *Forensis*] Enthymema. *An tu existimas*] Comprobatio vel repetitio³³⁾. *Suppetere*] id est, prosunt studia Archiae ad alendam facultatem dicendi, et ad delectationem³⁴⁾. *Aut ferre animos*] Occupatio: Tunc fateris te versari in litte-

ris?³⁵⁾. *Ego vero fateor*] Concessio³⁶⁾. *Me autem quid*] Correctio: Sic vivo in litteris, ut non abducar a negotiis, estque prima causa finalis³⁷⁾. *Aut voluptas avocavit*] Congeries³⁸⁾.

§. 13. *Quare quis tandem*] A simili: Hoc tempus pono in studiis, quod alii in ludis collocant³⁹⁾. *Atque hoc adeo*⁴⁰⁾] A causis finalibus: Quia alit eloquentiam hoc studium⁴¹⁾. *Quae si cui*] Ab altera causa finali, quod litterae prosint ad bene vivendum⁴²⁾.

§. 14. *Obiecissem*] Quia iste magnam multitudinem Catilinae coniurationis oppresserat⁴³⁾. *Sed pleni*] Ratio: Litterae continent rationem bene vivendi. *Profigitorum*] scilicet perditorum, verwegener buben. *Voces*] Interpretatio. *Quam multas*] Dicit idem, sed mutatis verbis. *Quas ego*] De vi et utilitate litterarum. *Conformabam*] scilicet ad illorum exemplum accommodabam.

Cap. VII. §. 15. *Quaeret quispiam, quid*] Obiectio seu occupatio⁴⁴⁾. *Difficile est hoc*] Concessio. *Habitu*] videlicet, qualis fuit Fabricius⁴⁵⁾. *Ego multos homines*] Ratio: Quia magna est saepe naturae vis⁴⁶⁾. *Atque idem ego*] Correctio, et iste locus sumptus est ex loco communi, quod valeat natura sine doctrina⁴⁷⁾.

23) Pro hac nota Editionis 1568. ceterae illae 4 Editt. habent solam vocem: Conclusio.

24) Pro hac nota et sequente, quas Ed. 1568. habet, in Editt. 1533., 1545. et Colon. verbis Cic. *Etenim quum mediocribus* in margine adscripta sunt: Amplificatio a verisimili ex minore; in Ed. 1592. autem: Amplificatio a verisimili.

25) Hanc notam sola Ed. 1568. continet.

26) De iure — Romani.] sic Ed. 1568.; Editt. 1533., 1545., 1592. et Colon. iuxta eadem Cic. verba habent haec legem Papiam explicantia: Quae iussit urbe excedere omnes qui non erant cives Romani.

27) *Irreperint*] sic Ed. Orell., Ed. 1592. et al.; Ed. 1545. et al. *Irreperunt*.

28) Haec nota non nisi ab Ed. 1568. praebetur.

29) quoque] Ed. 1568. quoquo.

30) Pars — anno] sic Ed. 1568.; Ed. 1533. Pars confutationis; Editt. 1545., 1592., Colon.: Pars consultationis. (cett. om.).

31) Haec nota et 3 sequentes in sola Ed. 1568. inveniuntur.

32) Pro hac nota, quam Ed. 1568. exhibet, ceterae illae 4 Editt. habent solam vocem: Propositio.

33) Haec nota et sequens tantum in Ed. 1568. reperiuntur.

34) vel repetitio] haec sola Ed. 1568. habet, in cett. 4 Editt. desunt.

35) Hanc notam sola Ed. 1568. exhibet.

MELANTH. OPER. VOL. XVI.

35) Occupatio — litteris?] sic Ed. 1568.; in Ed. 1592. iisdem Cic. verbis in marg. adscripta est sola vox: Occupatio; in Editt. 1533., 1545., Colon. eadem vox non his, sed sequentibus Cic. verbis *Ego vero fateor* in marg. apposita est.

36) Concessio] haec vox a sola Ed. 1568. praebetur; in Editt. 1533., 1545., Colon. vocem „Occupatio” his Cic. verbis adscriptam esse modo diximus.

37) Pro hac nota Editionis 1568. ceterae illae 4 Editt. habent solam vocem: Correctio.

38) Haec nota in omnibus illis 5 Editt. reperitur.

39) A simili — collocant.] sic Ed. 1568.; Editt. 1533., 1545., Colon. tantum habent: A simili; in Ed. 1592. pro hac nota proxime praecedens „Congeries” his Cic. verbis *Quare quis tandem* in marg. apposita est.

40) *adeo*] sic Ed. Orell.; illae Editt. *ideo*.

41) Pro hac nota Editionis 1568. Ed. 1533. habet: A causis finalibus, Editt. 1545., 1592. et Colon.: A causis similibus.

42) quod litterae — vivendum.] sic Ed. 1568., in cett. illis 4 Editt. desunt.

43) Haec nota et 6 sequentes in sola Ed. 1568. inveniuntur.

44) Haec nota et sequens in omnibus illis 5 Editt. reperiuntur.

45) Hanc notam sola Ed. 1568. exhibet.

46) Hanc notam omnes illae 5 Editt. habent.

47) Pro hac nota Editionis 1568. Editt. 1533., 1545. habent solam vocem: Correctio; in Editt. 1592. et Colon. ne haec quidem inveniuntur.

§. 16. *Ex hoc esse*] *Exempla*⁴⁸⁾. *Laelium*] scilicet oratorem⁴⁹⁾. *Furium*] scilicet iurisconsultum⁵⁰⁾. *Ex hoc fortissimum virum*] Conclusio⁵¹⁾. *Contulissent*] Cicero contra Sallustium: An ullum existimas posse fieri civem egregium, qui non his artibus et disciplinis sit eruditus? an ulla alia putas esse rudimenta et incunabula virtutis, quibus animi ad gloriae cupiditatem aluntur⁵²⁾. *Quod si non*] Conclusio seu repetitio causae finalis levioris⁵³⁾. *Animi aversionem*⁵⁴⁾] hoc est, studium vel exercitationem⁵⁵⁾. *Nam ceterae res*] Collatio temporum⁵⁶⁾. *Agunt*⁵⁷⁾] scilicet regunt. Aliae voluptates non sunt omnium temporum⁵⁸⁾.

Cap. VIII. §. 17. *Quod si ipsi*] scilicet litterarum studia. Transitio. Tamen ea debemus admirari etiamsi in aliis artibus occupati⁵⁹⁾. *Quis nostrum*] Similitudo⁶⁰⁾. *Ergo*⁶¹⁾] Consequens: Ars debet esse admiranda⁶²⁾.

48) *Exempla.*] sic Editt. 1533., 1545., 1568. et Colon.; Ed. 1592. habet: Exemplum (quae vox verbis Cic. praecedentibus naturam eximiam in marg. apposita est).

49) Haec nota et sequens a sola Ed. 1568. exhibentur.

50) De hoc L. Furio Philo, qui a. u. c. 618. consul fuit, conf. Orellii et Baetleri Onomast. Tullian. P. II. p. 263. et Pauly: Real-Encycl. T. III. p. 553.

51) Conclusio] haec vox in Ed. 1545. his Cic. verbis *Ex hoc fortissimum v.*, in Ed. 1533. sequentibus *senem qui profecto*, in Editt. 1592. et Colon. autem antecedentibus *Ex hoc Catium Laelium* in margine apposita, in Ed. 1568. deest.

52) Hic locus in Sallustium declamationis, quae Ciceroni falso tribuitur, in Sallustii Ed. Havercamp. T. II. p. 214. invenitur. — Haec notam sola Ed. 1568. habet.

53) Conclusio — levioris.] sic Ed. 1568.; cett. illae 4 Editt. habent: Repetitio (Ed. 1533. typogr. errore: Repetio) causae finalis.

54) *Animi aversionem*] sic Ed. Orell.; illae Editt. *animadversionem*.

55) Haec nota tantum in Ed. 1568. reperitur.

56) temporum] haec vox, quam Ed. 1568. addit, a cett. illis 4 Editt. abest.

57) *Agunt*] sic Ed. 1568., quacum multi Codd. consentiant (vid. Orellii nota crit. ad h. l.); Ed. Orell. et Editt. ceterae illae: *Alunt*.

58) Haec nota in sola Ed. 1568. exstat.

59) Pro hac nota Editionis 1568. ceterae illae 4 Editt. habent solam vocem: Transitio.

60) Similitudo.] haec nota tantum in Editt. 1533., 1568. invenitur, in Editt. 1545., 1592. et Colon. deest.

61) *Ergo*] Ed. 1568. typogr. errore: *Ego*.

62) Consequens — admiranda.] sic Ed. 1568.; cett. illae 4 Editt. solam exhibent vocem: Consequens (quae in Ed. 1533. Cic. verbis *animorum incredibiles motus*, in Ed. 1545. verbis *Ergo ille corporis motus*, in Ed. 1592. verbis *sensu nostro gustare*, in Ed. Colon. verbis *qui cum esset senex mortuus* in margine apposita est).

§. 18. *Quoties ego hunc*⁶³⁾] *Comprobatio*⁶⁴⁾. *Novo genere*] Quia non versatur in causa. Sic etiam dixit in Oratore lib. 2.⁶⁵⁾. *Quae vero*] Brevis conclusio seu consequens, estque argumentum a definitione. *Atqui sic a summis*] Antecedens a differentia poetices⁶⁶⁾. *Spiritu*] Ovidius⁶⁷⁾:

Est Deus in nobis, agitante calescimus illo,
Impetus hic sacrae semina mentis habet.

§. 19. *Sit igitur iudices*] *ἐπιλογος*: Etiam barbari colunt poetices⁶⁸⁾. *Barbaria*] Ex alia differentia, seu consequens⁶⁹⁾. *Saxa et solitudines*] Amplificatio a maiore⁷⁰⁾. *Homerum Colophonii*] Ab exemplo. Multae civitates contenderunt de ortu Homeri⁷¹⁾.

Cap. IX. §. 19. *Praesertim cum omnem*] Affectus seu amplificatio ex meritis Archiae⁷²⁾. *Attigit*] scilicet descripsit⁷³⁾.

§. 20. *Neque enim quisquam*] *αἰτιολογία*⁷⁴⁾. *Themistoclem illum*] Exemplum. *Acroama*] scilicet carmen, quod auditur⁷⁵⁾. *Praedicaretur*] scilicet suas laudes. *Itaque ille Marius*] Redit ad merita Archiae⁷⁶⁾.

§. 21. *Pontum*] scilicet regnum Mithridatis⁷⁷⁾. *Eiusdem*] scilicet Luculli. De his historiis lege Florum⁷⁸⁾. *Belli*] scilicet Mithridatici. *Pugna*] scilicet Mithridatis. *Tropaea*] scilicet

63) *Quoties*] sic Ed. Orell. et Ed. 1592. et al.; Editt. 1533., 1545. et al. *Quotiens*.

64) Haec notam omnes illae 5 Editt. praebent.

65) Haec nota et sequens in sola Ed. 1568. inveniantur.

66) Pro hac nota Editionis 1568. ceterae illae 4 Editt. habent solam vocem: Antecedens.

67) Hoc poetae nomen illic omissum ipsi addimus; legitur enim hi versus apud Ovidium *Fast. VI, 5. 6.*

68) Pro hac nota Editionis 1568. in ceteris illis 4 Editt. his Cic. verbis in marg. appositum est: Consequens.

69) Haec nota in Ed. 1568. huic Cic. voci est adscripta.

70) Haec notam omnes illae 5 Editt. praebent.

71) Conf. supra p. 906 sq. nota 72. — Pro hac nota Editionis 1568. ceterae illae 4 Editt. habent: Ab exemplo.

72) Affectus — Archiae.] sic Ed. 1568.; ceterae illae 4 Editt. tantum habent: Ex meritis Archiae.

73) Haec nota in sola Ed. 1568. legitur.

74) Haec notam et sequentem omnes illae 5 Editt. continent.

75) Haec nota et sequens non nisi in Ed. 1568. inveniantur.

76) Haec notam omnes illae 5 Editt. exhibent.

77) Haec nota et 4 sequentes in sola Ed. 1568. inveniantur.

78) Vid. Florus l. III. c. 5.; in quo bellum Mithridaticum descripsit.

na victoriae. *Quare quorum ingeniis*] Con-
clusio ⁷⁹⁾).

§. 22. *Carus fuit*] Secundum exemplum.
mius] Ovidius ⁸⁰⁾:

Ennius emeruit ^{80a)}, Calabris in montibus ortus
Contiguus poni, Scipio magne, tibi.

marmoratis laudibus ⁸¹⁾] scilicet inscriptis in
armore ⁸²⁾. *Sed etiam*] Puto hic aliquid
esse. P. M. *Cato*] scilicet apud Ennium.
mes] Sicut Cato praedicatur, ita et populus
manus celebratur. *Decorantur*] scilicet ab
imio.

Cap. X. §. 22. *Rudem* ⁸³⁾] Alii legunt, Ru-
um scilicet ex oppido Rudiis. *Heracleen-*
n ⁸⁴⁾] scilicet ex socia civitate.

§. 23. *Nam si quis*] Amplificatio a Graeca
gua ⁸⁵⁾. *Quare*] Argumentum ab utili ⁸⁶⁾.
od quum ipsis] Amplificatio ab utilitate ⁸⁷⁾.

§. 24. *Alexander*] quasi diceret: clari nihil
petunt, nisi memoriam rerum gestarum, glo-
m, quae parit virtutem ⁸⁸⁾. *Alexander*] Proba-
ab Alexandro. Sigaeum Troiae promontorium
. *Magnus*] scilicet Pompeius. Encomium
mpeii. Vide Plutarchum in vita Pompeii.

§. 25. *Itaque*] Ex minore facit verisimilem
chiaie causam ⁸⁹⁾. *Sylla*] quasi diceret: Sylla
am honorem habuit malo poetae, quanto magis
et hunc honore afficere ⁹⁰⁾.

§. 26. *Cordubae*] scilicet in Hispania.

Cap. XI. §. 26. *Neque enim est*] Ratio, cur
riles delectati sint, quia omnes trahimur cupi-
ate laudis ⁹¹⁾. *Ferendum*] scilicet fatendum ⁹²⁾.

9) Haec notam et duas sequentes omnes illae 5 Editt. ha-
bent.

0) Ovid. artis amat. l. III, 409. 410.

0a) emeruit] Ed. 1592. typogr. errore: emereravit.

1) Et *marmoratis laudibus*] sic Editt. 1545., 1568. et al.;
Ed. Orell. et Ed. 1592. e *marmore*. At *is laudibus*.

2) Haec nota et 6 sequentes in sola Ed. 1568. inveniuntur.

3) *Rudem*] hanc corruptam lectionem illae Editt. habent;
Ed. Orell. *Rudinum*, aliae *Rudium*.

4) *Heracleensem*] sic Ed. Orell.; illae Editt. *Heractien-*
sem; conf. supra p. 907. nota 74.

5) Haec notam omnes illae 5 Editt. exhibent.

6) Haec nota in sola Ed. 1568. reperitur.

7) Haec notam omnes illae 5 Editt. habent.

8) Haec notam et 2 sequentes sola Ed. 1568. praebet.

9) Haec nota in omnibus illis 5 Editt. inveniuntur.

0) Haec notam et sequentem sola Ed. 1568. habet.

1) Pro hac nota Editionis 1568. in cett. illis 4 Editt. legi-
gitur: Ratio.

2) Haec nota et sequens in sola Ed. 1568. leguntur.

Trahimur] Epiphonema. *Ipsi illi*] Exem-
pla ⁹³⁾.

§. 27. *Martis*] scilicet belli ⁹⁴⁾. *Manu-*
biae ⁹⁵⁾] scilicet pecunia ex praeda redacta.
Quare in qua urbe] Conclusio sive ex maiore, sive
ex minore ⁹⁶⁾.

§. 28. *Atque ut id libentius*] Proximam ra-
tionem probet a suo exemplo: Ego quoque de-
lector Archia, quia describit meas res gestas ⁹⁷⁾.
Nullam] Repetitio loci communis, in qua eadem
sententia aliquoties mutatis verbis est repetita ⁹⁸⁾.
Exiguo] Antithesis, virtus nullam mercedem suo-
rum laborum desiderat, nisi gloriam ⁹⁹⁾.

§. 29. *Certe*] Ratio: Animi sunt immorta-
les. Itaque est quaedam cura minor in animis, et
est totum sumptum ex quadam epistola Platonis
ad Dionysium ¹⁰⁰⁾. *Nunc*] Affirmative. *Vir-*
tus] Argumentum a signo scilicet cura immortalita-
tis, quae innascitur, ut significet animos esse
immortales.

Cap. XII. §. 30. *An vero*] Hic est dictum
negative, quasi diceret: necesse est animos esse
immortales. *Moritura*] quasi diceret: non.
An quum statuas] Ex minori ¹⁾. *Politam*] sonder-
lich wolgemacht ²⁾. *Ego certe malui* ³⁾] scilicet
ut meae res gestae ad posteritatem pervenirent.
Haec vero] *πάθος*, sumptus ex communibus dispu-
tationibus.

§. 31. *Quare conservate*] Peroratio, in qua
brevissime repetuntur argumenta supra tracta-
ta. — Conclusio ⁴⁾. *Comprobari*] Es ist ein

93) Exempla] haec vox in Ed. 1568. Cic. verbis *Ipsi illi*
adscripta, in Editt. 1533., 1545. verbis *et in eo ipso*, in
Ed. Colon. verbis *Decius quidem Brutus* in marg. appo-
sita est; in Ed. 1592. iuxta haec verba: *Decius* etc.
legitur: Exemplum.

94) Haec notam et sequentem sola Ed. 1568. praebet.

95) *Manubiae*] sic Ed. 1568.; Cicero scripsit *manubias*.

96) Pro hac nota Editionis 1568. in cett. illis 4 Editt. legi-
tur sola vox: Conclusio.

97) Proximam — gestas.] sic Ed. 1568.; cett. illae 4 Editt.
habent: Probat a suo exemplo.

98) Haec notam omnes illae 5 Editt. exhibent.

99) Haec nota et 5 sequentes in sola Ed. 1568. reperiuntur.

100) Vid. Platonis ad Dionysium epist. II.

1) Haec notam omnes illae 5 Editt. habent.

2) Haec nota et duas sequentes in sola Ed. 1568. inveniuntur.

3) *Ego certe malui*] Haec verba in Ed. 1568. huic notae
adscripta in hac Cic. oratione h. l. non inveniuntur, sed
non multo malle debemus? pro iis illic leguntur.

4) Huius notae pars prior „Peroratio — tractata.” in omni-
bus illis 5 Editt. inveniuntur (eaeque huius orationis artifi-
cium in Editt. 1533., 1545., 1592. et Colon. anitur), al-
tera autem „Conclusio” in sola Ed. 1568. legitur.

ehrlicher man⁵⁾. *Quae quum*] Petitio in sua causa. — Repetitio proximae sententiae. *Domesticis*] scilicet in coniuratione Catilinae: Quia est de vobis bene meritus, ergo servate eum.

§. 32. *Quae de causa*] Clausula.

In fine orationis huius placuit adiciere tres locos ex Platone et Isocrate, quorum Cicero videtur facere mentionem, et ad eos alludere. Primus est Platonis in quadam epistola ad Dionysium. Bonorum virorum consentientes sententiae sunt verae; animam hominis esse immortalem boni viri magno consensu dicunt: ergo animas immortales esse verum est. In Axiocho autem dialogo inter caetera verba haec ponuntur: *Ἡμεῖς μὲν γὰρ ἐσμὲν ψυχὴ ζῶον ἀθάνατον, ἐν θνητῷ καθειργμένον φρουρίῳ*⁶⁾.

Secundus est Isocratis ex Euagora⁷⁾: Proinde pulchra esse monumenta reor, o Nicocles, corporum simulachra, longe vero digniores insignium factorum ac mentis imagines, quas literis et orationibus artificiose tantummodo compositis, aliquis sane fuerit contemplatus.

Tertius est etiam Isocratis ex oratione contra Sophistas⁸⁾: Plerique in philosophiae studiis demorati, vulgares permansere. Quidam vero nunquam artis praeceptoribus conservantes, et

dicendo, et rempublicam gubernando potentes extitere, si quidem vires et eloquentiae et aliarum actionum omnium, industriis et bona indole claris ingenitae cognoscuntur, et illis, qui ipso rei experimento exercitati sunt. Ad haec eruditio eos, qui ingeniosiores sunt, victu etiam abundantiores fecit. In quae enim nunc errantes incidunt, ea expeditius ferre docuit. At vero, qui inferiore ingenio dotati videbuntur, nec egregios certatores, nec scriptores quidem perfecerit, alios vel sua ipsorum industria provexerit, ita ut ad pleraque habiliores fiant. Verba Graeca haec sunt: *Ὅτι πολλοὶ μὲν τῶν φιλοσοφῶντων, ἰδιῶται διετέλεσαν ὄντες, ἄλλοι δὲ τινες οὐδενὶ⁹⁾ πώποτε συγγεγόμενοι τῶν σοφιστῶν, καὶ λέγειν καὶ πολιτεύεσθαι δεινοὶ γέγονασιν. Αἱ μὲν γὰρ δυνάμεις καὶ τῶν λόγων καὶ τῶν ἄλλων ἔργων ἀπάντων, ἐν τοῖς εὐφύσειν ἐγγίγνονται καὶ τοῖς περὶ τὰς ἐμπειρίας γεγυμνασμένοις· ἡ δὲ παιδεύσεις τοὺς μὲν τοιοῦτους τεχνικωτέρους, καὶ πρὸς τὸ ζῆν εὐπορωτέρους ἐποίησεν· οἷς γὰρ καὶ νῦν ἐντυγχάνουσι πλανώμενοι, ταῦτα ἐξ ἐτοιμοτέρου λαμβάνειν ἐδίδαξε· τοὺς δὲ καταδεεστέρων¹⁰⁾ τὴν φύσιν ἔχοντας, ἀγωνιστὰς μὲν ἀγαθούς ἢ λόγων ποιητὰς, οὐκ ἂν ἀποτελέσειεν, αὐτοὺς δὲ ἂν αὐτῶν προαγάγοιτο, καὶ πρὸς πολλὰ φρονιμώτερον διακίεσθαι ποιήσειεν.* Hic locus testatur perfectam sapientiam ac virtutem ita demum existere, cum ad bonam naturam ratio doctrinaque accesserit.

5) Haec nota et omnia quae eam in huius orationis enarratione hic sequuntur, a sola Ed. 1568. exhibentur.

6) Vid. Plat. op. ed. H. Steph. Tom. III. p. 365. e. — ed. Bipont. Vol. XI. p. 184 sq.

7) Isocratis Euag. c. 30. Verba ipsius Isocratis graeca hic latine reddita iam supra p. 904. allata sunt.

8) Isocratis orat. contra Sophistas c. 8.

9) οὐδενί] Ed. 1568. male: οὐδενὸι.

10) καταδεεστέρων] Ed. 1568. corrupte: κατὰ δεεστέρων.

IX. PH. MEL. DISPOSITIO ET PARAPHRASIS ORATIONIS CICERONIS PRO M. MARCELLO.

Melanthonis enarratio huius quoque orationis prodiit aequae ac antecedentis quatuor modis 1) cum hac sola Cicero-
nis oratione coniuncta, 2) cum hac et pro Archia poeta oratione connexa, 3) cum multis aliis Ciceronis orationibus
et in eas commentariis coniuncta, 4) sine contextu, in scholiorum, quae ad plures vel omnes Ciceronis orationes
pertinent, collectionibus.

Primae classis editiones hae sunt:

- * *M. T. Ciceronis Oratio pro M. Marcello distributis omnibus membris ac locis cum paraphrasi Phil. Melanchthonis. Witebergae 1533. 8.**
- * — — *cum artificio et Paraphrasi Philippi Melanchthonis et annotationibus Bartholomaei Latomi. Parisiis apud Franciscum Gryphium M.D. XXXVI. 4.*
- * — — *cum dispositione et paraphrasi Phil. Melanchthonis et tribus epistolis Ciceronis ad Marcellum. Antverpiae, apud Ioan. Steelatum, typis Ioan. Graphei 1537. 8.*
- * — — *cum lucubrationibus Sylvii, Latomi, Melanchthonis et Luschi. Parisiis, Vascosanus. 1539. 4.*
- * — — *cum notis Sylvii et Latomi et paraphrasi Melanchthonis. Parisiis, Io. Lodsicus Tiletanus 1539. 4.*
- * — — *cum notis Georgii Merulae, Fr. Sylvii, Barth. Latomi, Ph. Melanchthonis, Iac. Buegelii, Ger. Bucoldiani et Ant. Luschi. Parisiis, Vascosanus 1547. 4.*
- * — — *Fr. Sylvii comment., argumentis et annotationibus, B. Latomi artificio et paraphrasi Ph. Melanchthonis illustrata. Parisiis, Prig. Calvarinus 1550. 4.*
- — *Cum dispositione ac paraphrasi Philippi Melanth. Phrases item! singulari diligentia ex eadem excerptae, inspersis quibusdam progymnasmatis, ut ad puerilem captum omnia essent accommodatiora. Autore M. Matthaeo Schinckelio Lucano. Witebergae excudebat Ioannes Crato. Anno M.D. LXIII. 7 $\frac{1}{2}$ plagg. 8; (In parte Indicis aversa: Epigramma Zach. Wagneri; 17 fol. non num. Oratio Cic. cum paraphrasi et dispositione Ph. Melanth. [8 $\frac{1}{2}$ ult. pagg. paraphrasin cont.]. Has sequuntur cum proprio Indice: Phrases ex oratione Ciceronis pro M. Marcello, inspersis quibusdam progymnasmatis ad puerilem captum, autore M. Matthaeo Schinckelio Lucano, 42 foll. non num., quorum 3 priora praeter Indicem Schinckelii epist. dedicat., 38 seqq. Phrases ex hac orat., ult. fol. nihil nisi imaginem parvam Davidis, qui a Samuele inungitur, in parte antica cont.)**).*
- — (Idem Index) *Witebergae, Typis Clementis Scheich et Antonij Schön. M.D. LXIII. 7 $\frac{1}{2}$ plagg. 8. (Haec editio ab antecedente tantum paucis litteris et figuris typographicis differt, ult. fol. plane vac.)***).*

*) Editiones asterisco signatas e Schweigero et Orellii libris supra laudatis commemoramus.

***) Haec editio, quae in bibliotheca academica Ienensi asservatur, et Schweigerum et Orellium fugit.

****) Haec quoque editio, quae in bibliotheca regia Berolinensi est, illos viros latuit.

Secundae, tertiae et quartae classis editiones caedem sunt, quas ad orationem pro Archia poeta enumeravimus; nam Lucubrationum in Cic. orationes aliquot Basileae 1536. 4. editarum Pars secunda, quae in manus nostras nondum venit, verosimiliter huius quoque orationis enarrationem Mel. continet.

Huius igitur enarrationis Melanthonianae editiones, quas in manibus habemus, secundum ordinem annorum, quibus prodierunt, hae sunt decem: 1) *Paris*. 1536. fol., 2) *Basil.* 1539. fol., 3) *Colon.* 1545. 8., 4) *Basil.* 1553. fol., 5) *Lugdun.* 1554. fol., 6) *Witeberg.* 1564. 8., 7) *Lips.* 1568. 8., 8) *Witeberg.* 1574. 8., 9) *Francof. ad Viadrum* 1592. 8., 10) *Colon.* sine anno. 8., quarum ultimam nomine *Colon.*, novem priores autem solis annorum numeris in nostra editione critica significabimus.

Hae editiones hoc fere modo inter se differunt:

1) Editt. 1545., 1564., 1574., 1592. et *Colon.* continent a) Melanthonis dispositionem cum Ciceronis textu ita coniunctam, ut Mel. argumento praemisso Cic. oratio exhibeatur in novem particulas divisa, quarum quamque sequitur dispositionis pars ad hanc particulam pertinens (singulis Cic. verbis non adscriptis); b) eius paraphrasin.

2) Ed. 1536. foll. 349—356. continet a) Sylvii, Melanthonis et Latomi dispositiones cum Cic. textu ita connexas, ut Sylvii et Latomi argumentis praemissis, Melanthonis autem omisso, Cic. oratio praebeatur in undecim particulas dissecta, quarum quamque sequuntur partes dispositionum Sylvii, Melanthonis et Latomi, singulis Cic. verbis, ad quae spectant, praepositis (decimae textus particulae non nisi Sylvii et Latomi dispositionum partes adiectae sunt); b) Mel. paraphrasin.

3) Ed. 1539. coll. 993—1002. continet a) Mel. dispositionem (ab eius argumento incipientem), cui neque integer Cic. textus, neque singula eius verba addita sunt, ita ut tota dispositio uno tenore continuetur; b) eius paraphrasin.

4) Ed. 1553. T. I. coll. 1894—1906. et Ed. 1554. T. I. coll. 1555—1565. continent a) Mel. dispositionem aequae ac in Ed. 1539. continuam; b) eius paraphrasin; c) eiusdem in eandem orationem scholia aliter, quae partim aliam dispositionem, partim aliam paraphrasin complectuntur.

5) Ed. 1568. T. I. p. 1—64. continet a) Mel. dispositionem, cuius singulis partibus singula Cic. verba, ad quae pertinent, praefixa sunt; b) eius paraphrasin; c) eiusdem aliam dispositionem (et paraphrasin) cum illis scholiis alteris editionum 1553. et 1554. nr. c. plane congruentem; d) eiusdem aliam dispositionem a. 1529; e) eiusdem aliam dispositionem privatis discipulis memoriae causa a. 1531. conscriptam; f) eiusdem aliam paraphrasin primae partis huius orationis a. 1529.; g) alia scholia in eandem orationem eodem praelegente excepta.

IN CICERONIS PRO MARCELLO ORATIONEM

PHILIPPI MELANTHONIS ENARRATIO.

I. DISPOSITIO¹⁾.

Oratio pro M. Marcello habet duas causas. Prior est gratiarum actio pro restituto Marcello; altera est purgatio quarundam suspicionum Caesaris, cuius vitae insidiari quidam dicebantur. Itaque non ad unum genus pertinet oratio; sed pars prior²⁾ est generis demonstrativi; laudatur enim Caesaris factum, et finis est cognitio, videlicet ut Caesar intelligat suum beneficium Marcello gratum esse, et ut alii dignitatem pulcherrimi et humanissimi facti³⁾ intelligant. Quibus

autem argumentis constet ea pars, qui communes loci de moderatione adhibenda in magna potestate rerum aspersi sint⁴⁾, postea dicam. Altera pars orationis pertinet ad genus iudiciale, ad statum coniecturalem. Probat enim suspensiones illas inanes esse. Deinde addit concessionem, fieri posse, ut sint verae: ideo opponit consilium contra insidias valiturum: hortatur, ut muniat se praesidiis: et addit rationes sumptas ex locis communibus, ex reipublicae necessitate, et principis officio. Est autem tota oratio plena gravissimarum sententiarum, quae ex omnibus doctrinis, de mutationibus rerumpublicarum sumptae sunt. Et genus orationis mollissimum

1) Haec dispositio Mel. in Ed. 1568. sic inscripta est: Oratio M. T. Ciceronis pro M. Marcello, diligenter distributis omnibus membris ac locis a Phil. Melanthono 1532.

2) pars prior] sic Editt. 1539., 1545., 1564., 1574., 1592., *Colon.*; Editt. 1553., 1554., 1568. prior pars.

3) facti] sic Editt. 1539., 1553., 1554., 1564., 1568., 1574.; Editt. 1545., 1592. et *Colon.*: factum.

4) sint] sic Editt. 1568., 1574.; Editt. 1539., 1545., 1553., 1564., 1592. et *Colon.*: sunt.

est, et aliquanto ⁵⁾ minus ambitiosum in compositione, quam in aliis orationibus longioribus ⁶⁾.

Cap. I. §. 1 — 3. 7). *Diuturni silentii — suspicionibus anteferre*] ⁸⁾ Exordium instituitur a causa dicendi seu agendi, et initio auctum est occupatione; diu enim nihil egerat Cicero, propterea quod propter ruinam ⁹⁾ partium ¹⁰⁾ decebat eum lugere amicos. Ad haec minus gratiae atque autoritatis tum habebat. Nunc igitur addet causam ¹¹⁾, quare contra suum morem coeperit ¹²⁾ iam dicere. Et hinc sumitur exordii propositio, et postea causa dicendi exponatur.

Propositio: Cum hactenus causas nullas lixerim, hodie primum renovo ¹³⁾ veterem meam licendi consuetudinem. Ratio sumitur ex loco communi: Quia egregias virtutes naturaliter sequitur laus et praedicatio, ideo dicit: Non possum facere, quin praedicem Caesaris virtutem et moderationem. Deinde sequitur expositio proximae rationis, scilicet qua in re Caesar fuerit ¹⁴⁾ moderatus, videlicet in restituendo Marcello: idque beneficium exaggerat, et transfert primum ad se, deinde ad rempublicam: ita fit duplex translatio. Transfert enim Cicero exemplum ad se et ad rempublicam, quia Caesar hoc exemplo ostendit se tales viros in republica retinere velle, et eorum auctoritatem ursus excitare. Sequitur igitur conclusio, primum de se, deinde de ¹⁵⁾ republica. Primum dicit ad se pertinere beneficium, quia restituito

socio iterum ¹⁶⁾ ad dicendum redeat. Nam restituito oratore addidit Ciceroni animum, quod oratoribus iterum concessurus esset locum in republica. Deinde addit de republica, quod beneficium ad totam pertineat rempublicam, quia Caesar cum privatas iniurias condonet senatui, declarat se senatum et rempublicam incolumem velle servare ¹⁷⁾. Atque haec pars exordii prope modum in hoc syllogismo versatur: Magna virtus non potest dissimulari; Caesar insigni clementia et moderatione utitur erga Marcellum, me et rempublicam: ergo ¹⁸⁾ redeo ad dicendum.

§. 3. *Ille quidem*] ¹⁹⁾ Postea fit amplificatio beneficii ex persona Marcelli: Honorificum est Marcello, quod a senatu tanti fit, ut pro eo deprecetur. Item quod tu eum dignum iudicas restitutione. Ergo ex natura correlativorum: Si gloriosum illi est accipere hoc beneficium, tibi dare gloriosius est. *Est vero fortunatus ille*] ²⁰⁾ *Ἐπιφώνημα* ²¹⁾. Marcellus est fortunatus, cum ipsius laetitia pariat publicam laetitiam. Amplificatio a dignitate Marcelli: Dignus est hac fortuna, quia est ²²⁾ nobilis et virtute praestans.

Cap. II. §. 4. *Nullius tantum flumen*] ²³⁾ Haec oratio non habet narrationem facti, quia res nota erat. Incipit igitur causam a propositione: et propositio facta est per comparisonem: Quamquam multa gessisti, et cum summa laude: tamen ex restitutione Marcelli multo maiorem laudem es adeptus, quam ex aliis rebus bello gestis.

§. 5. *Soleo saepe*] ²⁴⁾ Primum argumentum ex causis sumptum est. Estque enthymema: Res bellicae non sunt proprie ²⁵⁾ nostrae, et magna ex parte ne quidem consilio reguntur. At clementer facta sunt proprie nostra et ratione tantum fiunt. Igitur sunt honestiora. Sed conclusio differtur, et ratio consequentiae omissa est.

5) aliquanto] sic Editt. 1539., 1545., 1564., 1568., 1574., 1592. et Colon.; Editt. 1553., 1554. aliquando.

6) Oratio pro M. Marcello habet — in aliis orationibus longioribus.] totus hic locus, qui Melanthonis argumentum huius orationis continet, in Ed. 1536. est omissa, quippe quae tantum Sylvii et Latomi argumenta praebet, ut iam in Prolegomenis commemoravi.

7) Capita et paragraphos secundum Ed. Orell. ipsi adscriptissimi.

8) Sola Ed. 1568. huic dispositionis parti praefixit Cic. verbum *Diuturni*, ceterae Editt. nihil eiusmodi addunt.

9) propter ruinam] sic omnes Editt. praeter Ed. 1545., ubi legitur: ruinam propter.

10) partium] in Ed. 1536. deest.

11) addet causam] sic Editt. 1536., 1545., 1564., 1568., 1574., 1592. et Colon.; Editt. 1539., 1553., 1554. addet ad causam.

12) coeperit] sic Editt. 1536. — 1554., 1568. et Colon.; Editt. 1564., 1574. ceperit; Ed. 1592. caeperit.

13) renovo] sic Editt. 1536., 1545., 1564. — 1592. et Colon.; Editt. 1539., 1553., 1554. revoco.

14) fuerit] Ed. 1536. fuit.

15) de] sic Editt. 1536., 1539., 1553., 1554., 1568., 1592.; Editt. 1545., 1564., 1574. et Colon.: in.

16) iterum] in Ed. 1536. deest.

17) velle servare] Ed. 1536. servare velle.

18) Ergo] Ed. Colon.: ego.

19) Haec Cic. verba Ed. 1536. addit.

20) In Ed. 1536. pro his adscripta sunt verba: *Est vero ille*.

21) *Ἐπιφώνημα*] Ed. 1568. Epiphonema.

22) est] in Ed. 1536. deest.

23) Haec Cic. verba in Editt. 1536., 1568. sunt h. l. adscripta.

24) Haec quoque Cic. verba eadem Editt. addunt.

25) proprie] sic Editt. 1536., 1554. ceterae Editt.: propriae.

Nam sensus communis eam offert, quia neque aliena laudem nobis²⁶⁾ pariunt, neque illa, quae non reguntur consilio.

Praepone autem enthymemati concessionem, in qua res bellicas Caesaris amplificat; quia enim praefert hanc domesticam laudem, ne nimium videretur extenuare res bellicas, proderat eas prius ornari atque laudari.

Cap. III. §. 8. *Domuisti gentes*]²⁷⁾ Secundum argumentum a difficultate sumitur. Difficilius et gloriosius est iram vincere, praesertim in victoria, quam bello hostes atque urbes capere. Alibi hostes bello superasti, hic vicisti iracundiam: igitur hoc factum difficilius et gloriosius est. Sed haec conclusio paulo post sequetur. Haec est sententia duorum argumentorum. Cicero etsi non adstrinxit formis dialecticis, tamen ita recitat, ut membra dialecticae formae agnosci possint, et tamen sermo liberior est. Caeterum addit ornamenta, sententias ex locis communibus sumptas, et compositionem, quae agnosci facile possunt cognitis principalibus membris.

§. 9. *Itaque C. Caesar*]²⁸⁾ Conclusio est duorum argumentorum, quae supra recensuit: Ergo haec moderate²⁹⁾ facta sunt laudabilia. Sed Cicero auxit conclusionem, repetita concessione de bellicis laudibus, his postea opponit³⁰⁾ moderate facta. Et tota res est sumpta³¹⁾ ex loco communi ex collatione virtutum castrensiarum et aliarum virtutum³²⁾, quae, quia sunt mitiores, naturaliter blandiuntur magis hominibus quam alterae. Valent enim tantum ad bonitatem, seu ad benefaciendum³³⁾, non ad nocendum: quare suaviores et amabiliore sunt.

§. 10. *Te vero*]³⁴⁾ Amplificat conclusionem ex minore: Haec bonitas delectat etiam in absentibus, et in personis fictis, quanto magis in

26) laudem nobis] Ed. 1536. nobis laudem.

27) Haec Cic. verba huic dispositionis parti in Editt. 1536., 1568. adscripta sunt.

28) Haec etiam Cic. verba in hisdem Editt. h. l. praefixa inveniuntur.

29) moderate] sic omnes Editt. exceptis Editt. 1592. et Colon., quae habent: moderata.

30) postea opponit] Ed. 1568. opponit postea.

31) est sumpta] Ed. 1536. sumpta est.

32) castrensiarum et aliarum virtutum] haec in Ed. 1564. desunt.

33) benefaciendum] Ed. 1536. beneficium.

34) Haec Cic. verba in Ed. 1536. h. l. apposita sunt.

te praesente, quia virtus est quidem ipsa³⁵⁾ amabilis, etiamsi mortuis aut fictis personis tribuatur; sed tamen efficacius movet animos, cum ipsi praesentes ea fruimur. *Parietes medius fidius*]³⁶⁾ Sequitur *προσωποποιία*³⁷⁾: Curia sentit hanc nostram lactitiam, et gaudet te restituere rempublicam restitutis senatoribus.

Cap. IV. §. 10. *Equidem quum C. Marcelli*]³⁸⁾ Aliud *πάθος*: Mortui gaudent conservari³⁹⁾ familias.

§. 11. *Hunc tu igitur*]⁴⁰⁾ Deinde repetit conclusionem breviter, et mox attexit tertium argumentum: Durabilis laus est amplior. Haec laus, quam consecutus es hac⁴¹⁾ bonitate, non est quidem ornata trophaeis et statu; sed est in animis posita, et perpetua, quia insignem virtutem semper amant, semper admirantur homines. Ideo haec laus est amplior quam ulla⁴²⁾ trophaea.

§. 12. *Et caeteros quidem*]⁴³⁾ Quartum argumentum habet collationem civilium victoriarum, quae plurimum valent, et ex ipsis officiis, et exemplis summorum principum sumpta est. *Vereor, ut hoc*]⁴⁴⁾ Amplificat quartum argumentum, primum posita propositione, quod mitigaverit crudelitatem victoriae, quod videlicet nemo praeter Caesarem ante fecit unquam in ista republica.

Cap. V. §. 13. *Atque hoc C. Caesaris*]⁴⁵⁾ Commoratur⁴⁶⁾ in hoc loco, commemorans, quam multos⁴⁷⁾ conservavit⁴⁸⁾ Caesar, quibus iure irasci potuit. Et amplificat hunc locum dupliciter. Primum ait ipsum Caesarem, cum

35) ipsa] in Editt. 1564., 1574. deest.

36) Haec Cic. verba in sola Ed. 1536. h. l. leguntur.

37) *προσωποποιία*] Ed. 1568. *Prosopopoeia*.

38) *C. Marcelli*] Ed. 1536., quae sola h. l. haec Cic. verba addit, habet: *M. Marcelli*.

39) conservari] sic Editt. 1536., 1539., 1553—1568.; Editt. 1545., 1574., 1592. et Colon.: conservare.

40) In Ed. 1536. h. l. adscripta sunt verba: *Hunc igitur*.

41) hac] in Ed. 1536. deest.

42) ulla] sic Editt. 1536., 1539., 1553—1568., 1592.; Editt. 1545., 1574. et Colon.: illa.

43) Haec Cic. verba in sola Ed. 1536. h. l. sunt praefixa.

44) Haec Cic. verba in Editt. 1536., 1568. h. l. adscripta sunt.

45) Haec Cic. verba in sola Ed. 1536. h. l. addita sunt.

46) Commoratur] sic Ed. 1536.; ceterae Editt.: Et commoratur.

47) multos] Ed. 1536. male: multas.

48) conservavit] sic Editt. 1545., 1564., 1574., 1592. et Colon.; cett. Editt.: conservaverit.

conservet⁴⁹⁾ adversarios et pristinae dignitati restituat⁵⁰⁾, significare, quod non sint improbi cives, quod errore lapsi sint. Deinde ipsi Caesari tribuit studium pacis. Ratiocinatur eum pacem maluisse, quia nunc studeat conservare pacis autores. Haec coniectura ex effectu prudentissime cogitata, mirifice hic valet.

§. 15. *Atque id minus*⁵¹⁾] Amplificatio a tempore, quod parcere autoribus pacis post victoriam plus sit, quam cum exitus adhuc incertus est. Addit de Marcello, quod is quoque fuerit autor pacis; id exemplum pertinet ad enthymema supra positum. Deinde confert Caesarem cum adversariis, qui non fuerant tam moderati in victoria futuri.

Cap. VI. §. 18. *Ut mihi quidem*⁵²⁾] Epiphonema, a causa, quod divinitus acciderit; alioqui enim funditus⁵³⁾ perituram⁵⁴⁾ fuisse rempublicam, nisi tam moderatus victor contigisset.

§. 19. *Quare gaude*⁵⁵⁾] Sequitur conclusio principalis totius primi negotii, continens laudem huius clementiae et adhortationem, ut pergat servare cives.

Cap. VII. §. 21. *Nunc vero venio*⁵⁶⁾] Deinde accedit ad alterum negotium huius orationis, videlicet ad purgationem suspicionum Caesaris: ubi primum est infitatio: Non est credibile quemquam insidiari vitae Caesaris. Ratio habet *δίλημμα*⁵⁷⁾: Nec tui, nec hostes possunt insidiari. Postea addit concessionem: Sed sint tamen aliqui tam improbi, qui te salvum⁵⁸⁾ esse nolint. Huic concessionem opponit locum firmiorem, scilicet adhortationem de cavendo. Addit rationes ex necessitate reipublicae: Non potest restitui respublica, nisi a te uno. Igitur debes te reipublicae servare.

Cap. VIII. §. 25. *Itaque illam tuam*⁵⁹⁾] Amplificat institutam adhortationem confutatione cu-

iusdam dicti, quod primum reprehendit ex causis finalibus: Satis vixisti naturae et gloriae, sed non patriae, quia reipublicae adhuc opus est tua incolumitate.

§. 26. *Parumne igitur*⁶⁰⁾] Secundo sequitur inversio de gloria: Imo nec gloriae satis vixisti, et ratio sumitur ex definitione: Perfecta est gloria, quam pariunt insignia merita erga homines: illa non est vere gloria, si quis quamlibet magnas res gesserit, relinquat tamen⁶¹⁾ rempublicam in periculo. Tu ita demum bene mereberis de toto genere humano, cum hanc rempublicam constitueris: igitur tum demum dicito, te satis diu vixisse gloriae, cum rempublicam constitueris.

Cap. IX. §. 27. *Quid est enim omnino*⁶²⁾] Tertio reprehendit particulam *diu*, ex collatione⁶³⁾ vitae periturae. Estque propositio: Non debes tempus vitae desitutum respicere, sed aeternitatem.

§. 29. *Sed nisi haec urbs*⁶⁴⁾] Postremo non laudabit te posteritas, si nullam aut dissipatam rempublicam reliqueris; tunc enim nulla erit posteritas. Ergo da operam, ut eam constituas.

Cap. X. §. 30. — Cap. XI. §. 34. *Diversae voluntates* etc.⁶⁵⁾] Conclusio orationis, in qua primum est commemoratio beneficii Caesaris, quod bellum maximum sua bonitate tantum finierit, ac nunc instauret⁶⁶⁾ reliquias imperii. Deinde accedit consequens, vituperatio ingratitude insidiatorum. Hac vituperatione praecipue suspicionem Caesaris minuit. Postea sequitur adhortatio, ut Caesar vitam tueatur, et addit *πάθος*, quod principes ipsi promittant se futuris corporis eius custodes. Ad extremum redit ad Marcelli causam, et cum supra beneficium Caesaris laudaverit, nunc in fine gratias agit, primum publice nomine omnium, deinde privatim suo.

49) conservet] Ed. 1536. conservat.

50) restituat] sic Editt. 1539., 1553., 1554., 1564., 1574., 1592. et Colon.; Editt. 1536., 1545., 1568. restituit.

51) Pro his Cic. verbis, quae in Ed. 1568. h. l. leguntur, in Ed. 1536. adscripta sunt proxime antecedentia *Ex quo nemo* (Ed. Orell. *Ex quo iam nemo*).

52) Haec Cic. verba in sola Ed. 1536. h. l. reperiuntur.

53) funditus] in Ed. 1536. deest.

54) perituram] Ed. 1592. typogr. errore: periturum.

55) Haec Cic. verba in sola Ed. 1536. h. l. sunt addita.

56) Pro his Cic. verbis Ed. 1536. h. l. et in textu habet *Nunc venio*.

57) *δίλημμα*] Ed. 1568. dilemma, Ed. 1592. *δίλημμα*.

58) salvum] Ed. 1568. typogr. errore: saluus.

59) Pro his Cic. verbis, quae in Ed. 1568. h. l. adscripta sunt, Ed. 1536. addit verba: *Quare enitere*, quae h. l. in Cic. textu non inveniuntur.

60) Haec Cic. verba in sola Ed. 1536. h. l. addita sunt.

61) relinquat tamen] sic Editt. 1545., 1564., 1574., 1592. et Colon.; Editt. 1536., 1539., 1553., 1554., 1568. et relinquat.

62) Haec Cic. verba, ad quae haec dispositionis pars spectat, ipsi adscriptimus.

63) collatione] Ed. 1564. collatio; Ed. 1539. collocatione.

64) Haec quoque Cic. verba ipsi adiecimus.

65) In Ed. 1568. huic dispositionis parti praefixa sunt Cic. verba *Diversae voluntates*, in Ed. 1536. (Cap. X. §. 32.) *Quare omnes*.

66) instauret] sic Editt. 1564., 1574.; cett. Editt.: instaurat.

2. P A R A P H R A S I S ⁶⁷⁾.

Cum hactenus in senatu nihil egerim, quaedam impeditus ⁶⁸⁾ moestitia temporum, nunc libenter pristino meo more rursus dicere incipio. Non enim possum facere, quin Caesaris moderationem, qua in summa potestate rerum utitur, dignissimam summo principe planeque divinam praedicem. Restituit enim nobis admirabili clementia M. Marcellum, qua in re primum meam auctoritatem excitavit. Nam absente Marcello ⁶⁹⁾, videbatur auctoritas omnis oratorum iacere: nunc, eo restituto, recreari illa videtur. Itaque C. Caesar et mihi veterem consuetudinem dicendi aperit, et universam rempublicam bene sperare iubet. Cum enim privatas iniurias senatui condonat, satis declarat, senatum atque universam rempublicam incolumem esse velle. Ac Marcello quidem honorificum est, quod et senatus dignum censuit, ut pro eo deprecaretur, et tu, cum restituis, iudicare videris eum reipublicae atque tibi ornamento futurum esse. Cum autem illi gloriosum sit, hoc tuum beneficium accipere: quanto tibi gloriosius est dedisse? Profecto fortunatus est Marcellus, cum ipsius salus ac laetitia ingentem universae reipublicae laetitiam parit. Atque hanc ei foelicitatem gratulor; est enim ea propter nobilitatem et excellentem virtutem dignissimus ⁷⁰⁾.

Etsi autem tot, tamque variis bellis res gessisti maximas: tamen veriore laudem nulla res habet, quam haec tua moderatio, qua hodie in restituendo Marcello usus es. Neminem enim tecum conferre possumus vel exterorum regum, vel nostrorum imperatorum. Totum orbem terrarum pervagata sunt arma tua, superatis bellicosissimis nationibus, et devictis fortissimis ac maximis exercitibus. Harum rerum magnitudinem cogitatione consequi vix quisquam potest, tantum abest, ut praedicare pro dignitate possit. Quamquam igitur haec esse maxima, ut sunt, fateor: tamen sunt alia in te maiora; nam illa iure praeferruntur, quae et tua sunt proprie, et in

quae nihil habet iuris fortuna. At rerum bello gestarum laus ad milites etiam pertinet, et prope modum eis ⁷¹⁾ fortuna dominatur. Haec autem moderatio, tua est proprie: neque hic milites, nec fortuna sibi quidquam arrogare potest: quae cum sit expers consilii, nihil ad sapienter facta pertinet.

Deinde difficilius et gloriosius ⁷²⁾ est magnis viris in victoria cohibere et moderari iracundiam, quam ferro ac viribus hostes frangere. Tu vero in victoria civili, quae solet esse crudelior, non solum parcis adversario nobili ac praestanti, sed etiam eum in pristinam dignitatem restituis. Quamquam igitur consilii magnitudinem, virtutem, ac foelicitatem tuam in gerendis bellis perpetuo celebrabit universa posteritas, te ⁷³⁾ principem inter heroes omnes ponet atque praedicabit: tamen haec moderate ⁷⁴⁾ facta mirabiliter animos hominum adficient, et in amorem tui rapient. Nulla enim virtus aut admirabilior, aut hominibus gratior est, quam modestia in summa potestate rerum, iracundiae moderatio, praesertim in victoria. Haec cum in fabulis leguntur ficta, tamen ita commovent nos, ut illos, qui nunquam extiterunt, praeditos his virtutibus non solum admiremur, sed etiam amemus, quanto magis te praesentem suspicere atque amare cogimur, cuius videmus tantam animi magnitudinem, ut victoriam non ad privatam libidinem, aut crudelitatem exercendam, sed ad salutem publicam omnium gentium conferre studeas, cuius bonitate fruimur ipsi, et salutem et dignitatem recuperavimus. Haec ipsa curia communem omnium laetitiam sentit, et gaudet una nobiscum, auctoritatem huius consilii in his aedibus restitui. Denique illi ipsi maiores nostri, quorum excellenti sapientia et virtute hoc imperium partum atque constitutum est, cum in illa aeterna sede nihil perinde optent, atque ut haec respublica perpetua sit, maximam voluptatem ex tua humanitate percipient, cum viderint te hanc urbem restituere,

67) Haec paraphrasis in Ed. 1568. inscripta est: Paraphrasis orationis pro M. Marcello eodem Phil. Mel. autore 1532.

68) impeditus] Editt. 1536., 1539., 1553., 1554. impeditus:

69) Marcello] Ed. 1592. M. Marcello.

70) dignissimus] sic Editt. 1539., 1553 — 1574.; Editt. 1536., 1545., 1592. et Colon.: dignissima.

71) eis] Ed. 1568. in eis.

72) gloriosius] Ed. 1574. typogr. errore: gloriosus.

73) te] sic Editt. 1536 — 1554., 1568., 1592. et Colon.; Editt. 1564., 1574. et.

74) moderate] Ed. 1568. moderata.

et familias nobilissimas ab interitu vindicare. Mihi quidem nunc⁷⁵⁾ subiit⁷⁶⁾ omnium Marcello-
rum recordatio, totam familiam paene extinctam
videris in lucem revocare.

Hanc igitur bonitatis laudem, omnibus
riumphis tuis, omnibus monumentis ac trophaeis
antepones. Quae quidem et perpetua est, ne-
que ulli temporis iniuriae obnoxia. Nam alia
nonumenta vetustas consumit omnia: haec vero
aus bonitatis in animis atque memoria universae
posteritatis condita, extingui aut obliterari nun-
quam potest. Nunquam enim potest animis ho-
ninum excuti admiratio eximiae virtutis. At-
que⁷⁷⁾ antea quidem alios victores bellorum civi-
um humanitate⁷⁸⁾ vicerat, hodie vero te ipsum
viciisti. Et quod difficillimum est, victoriae vim
atque crudelitatem moderatione tua mitigasti,
cum his pepercisti, quibus victor iure irasci po-
teras. Ista vero clementia latissime patet. Pri-
mum enim ad nos omnes pertinet exemplum.
Declaras enim te velle totum hunc ordinem con-
servare, cum non inducis in curiam barbaros at-
que exterarum nationum homines, sed nostri or-
dinis viros revocas: ac significas nos a te non
iudicari sceleratos, sed magis errore lapsos, cum
arma adversus te cepimus⁷⁹⁾. Deinde ad te per-
tinet exemplum, cum me et alios pacis autores
conservas, ostendis te semper pacem, quam bel-
lum maluisse. Constat⁸⁰⁾ enim, quae mea de
pace sententia fuerit; verum quod hostes tuos se-
cutus sum⁸¹⁾, non probavi belli consilium un-
quam, sed privato officio adductus, deesse Pom-
peio nolui. Neque enim obscurum est, hos, qui
in republica versantur, implicitos amicorum stu-
liis, minime in sua potestate esse. Fuit in ea-
dem sententia de pace mecum et Marcellus, quem
vidi non solum belli calamitates deplorantem, sed
etiam pertimescentem victoriae crudelitatem.

Quare tua bonitas nobis gratissima est, qua
victoriam mitigas. Nemo in urbe interfectus est:

75) nunc] Ed. 1592. non.

76) subiit] Ed. 1574. subit.

77) Atque] Ed. 1539. typogr. errore: Atque ue.

78) humanitate] Ed. 1568. humaniter.

79) cepimus] sic Editt. 1536., 1539., 1554., 1564., 1574. et
Colon.; Editt. 1545., 1568., 1592. coepimus; Ed. 1553.
caepimus.

80) Constat] sic Editt. 1536., 1539., 1553 — 1574.; Editt.
1545., 1592. et Colon.: Constet.

81) sum] Ed. 1592. sim.

nemo usquam⁸²⁾ nisi in acie periit: haec in victo-
ria civili divina quaedam virtus est. Alterius
vero partis victoria videbatur futura plena crude-
litate. Minabantur enim non solum adversariis,
sed etiam otiosis. Ac videtur singulari bonitate
Dei accidisse, ut postquam nos hoc misero lu-
ctuosoque bello plecti voluit, tamen victoria tibi
contingeret, cuius moderatione exitus mitigaretur,
ne respublica periret funditus. Quare, quod
facis, perge conservare cives: et hanc tuam cle-
mentiam in summis bonis ducito: quae quidem
non solum longe omnibus iis antecellit, quae tibi
beneficio fortunae contigerunt; sed etiam inter
virtutes, in tanta fortunae indulgentia, nulla
magis quam haec animi moderatio lucet.

Nunc venio⁸³⁾ ad atrocissimam suspicionem
tuam, in qua significas quosdam vitae tuae insi-
diari: hanc vero non⁸⁴⁾ duxi purgandam esse,
sed te⁸⁵⁾ potius adhortandum, ut vitam tuam
summa diligentia tuearis, quamquam spero ne-
minem esse tam dementem, qui non optet te
salvum et incolumem esse. Primum enim non
est credibile quemquam ex tuis esse⁸⁶⁾, cui salus
tua non sit charissima; nam te duce maximas
opes consequuti sunt. Deinde inimici aut in acie
perierunt, aut dimissi incolumes non solum ho-
stilem animum exuerunt, sed etiam sentiunt se
tibi vitam et omnia pro immortalis beneficio tuo
debere. Sed non utar purgatione; nam ingrati
atque improbi multi sunt. Quare potius augenda
est suspicio, ut salutem tuam custodias diligen-
tius; nam salute tua continetur universae reipu-
blicae atque omnium nostrum salus. Bellum, ut
fit, audacissimo cuique licentiam omnium rerum
concessit, iudicia perturbavit, leges oppressit:
nunc iterum autoritas legum excitanda est, iudi-
cia constituenda, poenis coercendi improbi, fren-
nanda licentia, mores regendi sunt. Haec cum
praeter te nemo possit efficere, facile intelligi po-
test, nisi te salvo, rempublicam salvam esse non
posse. Itaque vehementer consternatus sum,
cum diceres te satis diu vel naturae vel gloriae
vixisse. Quamquam est quaedam laus fortitudi-
nis non formidare mortem: tamen reipublicae

82) usquam] Editt. 1553., 1554. unquam.

83) venio] Ed. 1554. nemo.

84) non] Ed. 1592. nos.

85) te] Ed. 1564. tu.

86) Primum — esse] Ed. 1592. corrupte: Primum enim cre-
dibile tanquam ex tuis esse.

causa vitam tueri te oportet: propterea quod de tua incolumitate salus reipublicae pendet. Deinde si recte aestimes, nondum gloriae tuae satis vixisti. Etsi enim ea, quae gessisti hactenus, maximam apud omnes gentes admirationem habitura sunt: tamen perfecta gloria ea demum est, quam pariunt egregia merita, quae insignem utilitatem universo generi humano adferunt.

Quare ita demum ad omnem posteritatem relinques perfectam gloriam, si hoc imperium in tranquillum restitueris, ac legibus, et⁸⁷⁾ praesidiis ita muniveris, ne dissipetur, ac penitus concidat; nam ea res ad salutem totius humani generis pertinet, ut sit⁸⁸⁾ certum aliquod imperium, quo gentes omnes contineantur, hoc a te beneficium orbis terrarum expetit. Atque alii fama rerum suarum gestarum sufficit, qui res tantas perficere non potuerunt. Tu vero ad caeteras res gestas debes addere hoc opus summo principe dignum, quod cum perfeceris, tum demum satis diu vixisse te dicito. Quamquam illud etiam in te non competit, vitae tempus atque aetatem⁸⁹⁾ metiri, aeternitatem animo intueri debes, et illam vere vitam tuam existimare, quae vigeat apud universam posteritatem, apud quam ita vives, si rempublicam a te constitutam ei reliqueris; tunc⁹⁰⁾ enim, etsi caeteras res admirabuntur, tamen ita iudicabunt, hoc divinae cuiusdam sapientiae fuisse, quod rempublicam ex tanto bello restitueris in tranquillum, et quia⁹¹⁾ tuo maximo beneficio fruuntur, nomen tuum summis honoribus et divinis grati prosequuntur. Neque vero sensus nullus⁹²⁾ est exutis hoc corpore. Quare illa posteritatis iudicia ad te perti-

87) et] sic Editt. 1539., 1553., 1554.; cett. Editt.: ac.

88) sit] Ed. Colon.: si.

89) aetatem] Ed. 1568. etiam.

90) reliqueris; tunc] Ed. 1592. relinqueris: tum.

91) quia] Ed. 1574. qui.

92) nullus] sic recte Editt. 1536., 1539., 1553., 1554., 1568.; cett. Editt.: ullus.

nebunt, aut si tunc sensus nullus erit, certe iam ad te pertinet, quo animo sis et qualem de te opinionem relinquere cupias.

Quantum autem tibi debeamus omnes pro tua eximia ac paene divina bonitate, nemo consequi verbis potest. Bellum horribile fuit inter cives, quod hanc rempublicam haud dubie funditus evertisset ac delesset, nisi nunc victoris moderatione clementiaque conservaretur atque instauraretur, qui non explet iracundiam suam in delendis reliquiis huius urbis, sed oblitus privati⁹³⁾ doloris redit in gratiam cum hostibus, eosque ut imperii auctoritatem conservet, in patriam revocat, quam legibus, iure, denique omni⁹⁴⁾ ratione munit atque ornat. In tanta bonitate si quis adhuc victori irascitur, is profecto ingratus, et in patriam impius est: quae, nisi incolumi Caesare, salva esse non potest. Quare necesse est omnibus, qui quidem non oderunt patriam, vitam Caesaris praecipuae⁹⁵⁾ curae esse: optareque ut quam maxime diuturna sit. Te quoque adhortamur, atque obsecramus omnes, qui hanc rempublicam interire nolumus, ut vitam tuam tuearis, eamque ad rem pollicemur nos ipsos corporis tui custodes fore.

Sed ut redeat oratio ad eam causam, a qua sumpsit exordium: gratias tibi Caesar agimus maximas omnes, quod Marcellum restitueris: quodque eo restituto significaveris te reliquis nobis etiam placatum esse, et privatas offensiones reipublicae condonare. Postremo quoniam Marcellum ita amo, ut nemini praeter fratrem concedam in amore eius, meo nomine privatim tibi ago gratias; nam ad caetera tua erga me ingentia beneficia, quod fieri vix posse arbitrabar, cumulus hodie maximus accessit.

93) privati] Ed. 1554. typogr. errore: privari.

94) denique omni] Editt. 1564., 1574. omni denique.

95) praecipuae] sic Editt. 1536., 1545.; cett. Editt.: praecipue.

3. ALIA DISPOSITIO ET PARAPHRASIS⁹⁶⁾.

Duae sunt huius orationis partes, seu causae, seu status. Prior est gratiarum actio, quae

pertinet ad genus demonstrativum. Est enim laudatio beneficii. Secunda pars est iudicialis. Di-

96) Haec altera dispositio cum altera paraphrasi coniuncta invenitur in Editt. 1553., 1554. et 1568., in quarum duabus prioribus inscripta est: „Eiusdem Phil. Mel. in ean-

dem pro Marcello orationem Scholia, aliter.”, in Ed. 1568. autem: „Alia dispositio eiusdem Phil. Mel. in eadem pro M. Marcello orationem.”

luuntur suspiciones, quia Caesar significaverat sibi insidias strui⁹⁷⁾. Argumenta postea distribuam. Ideo etiam⁹⁸⁾ valde utilis lectu est oratio, quia tota versatur in loco communi⁹⁹⁾. Primum confert res bello gestas cum consiliis domesticis restituendae reipublicae. Deinde dicit, quanta virtus sit in victore clementia et moderatio iracundiae. Item, quod victor debeat legibus et iudiciis restituere quassatam rempublicam. Hi loci oriuntur ex gravissima doctrina de collatione virtutum, de dignitate legum civilium, de conservatione legum et aliorum vinculorum¹⁰⁰⁾ societatis humanae. Primum autem de exordio dicam. Id ducit ab occasione aptissima et a thesi. Diu enim Cicero abstinuerat a negotiis publicis, ut consentaneum est, victos minus habere auctoritatis. Nunc restituto Marcello transfert hoc factum ad thesin. Hoc exemplo, inquit, et se confirmari et bonam spem ostendi de tota republica^{100a)}. Est ergo propositio exordii: Etsi hactenus abstinui a negotiis publicis, tamen nunc redibo ad pristinum morem dicendae sententiae. Ratio est: Quia Caesaris clementia addit mihi animum, et ut intelligatur, quae sit clementia, addit factum: Restituto M. Marcello, declaravit hoc exemplo, se et mihi et aliis reddere libertatem. Tertio sequitur repetitio eiusdem sententiae, et accommodatio ad *ῥέσις*^{100b)}. Hoc exemplum omnibus bonam spem ostendit de republica. Quarto addit amplificationem, quam sit haec restitutio honorifica Marcello. Honorificum est Marcello, quod et a senatu expetitus est, et quod tu dignum restitutione duxisti propter ipsius virtutem et propter rempublicam. In his sententiis versatur totum exordium, quod nascitur prorsus ex hac thesi, quae transfert factum ad exemplum. Hoc exemplum omnibus gratum esse debet, quia bonam spem de republica ostendit.

Paraphrasis exordii¹⁾.

Hactenus raro in senatum veni propter magnitudinem doloris, quem ex civium dissensione

97) strui] sic recte Ed. 1568.; Editt. 1553., 1554. struere.

98) etiam] sic Ed. 1568.; Editt. 1553., 1554. autem.

99) in loco communi] Editt. 1553., 1554. in L. C.

100) vinculorum] sic Ed. 1568.; Editt. 1553., 1554. rivulorum.

100a) tota republica] sic Editt. 1553., 1554.; Ed. 1568. republica tota.

100b) *ῥέσις*] sic Ed. 1568.; Editt. 1553., 1554. thesin.

1) exordii] sic Ed. 1568.; in Editt. 1553., 1554. deest.

et clade reipublicae cepi²⁾. Sed hodie decrevi renovare pristinam meam³⁾ in dicenda sententia consuetudinem. Nam Caesaris clementia et heroica moderatio in victoria mirum in modum me recreat, qui cum restituit Marcellum, non obscure⁴⁾ ostendit se cupere et conservare cives, et senatus auctoritatem ac dignitatem restituere. Ac dolebam antea Marcellum, quem habueram socium consiliorum de pace, nondum in patriam revocatum esse, eoque magis taedebat attingere negotia publica, quod carebam veteri amico, qui suam sententiam cum mea fere⁵⁾ coniungere solebat. Quare tibi gratias ago C. Caesar, quod restituto illo et mihi animum⁶⁾ addis, ut veteri more rursus liberius dicam sententiam, et in spem vocas universos, te ea moderatione in imperio usurum esse, ne libertas, iudicia, leges, senatus auctoritas opprimantur; id quod in eo apparet, quod restituto acri inimico declaras te voluntatem senatus tuo dolori anteferre. Gratulor autem M. Marcello⁷⁾ haec honorificentissima iudicia, quod et senatus dignum iudicavit, quem expeteret, et tu eo revocandum duxisti, quod ornamentum futurum reipublicae sentiebas. Cum autem hoc beneficium augeat opinionem virtutis de Marcello, quanto magis augebit opinionem sapientiae et moderationis de te, qui singulari iudicio talem civem revocasti. Magna etiam illa foelicitas est Marcello⁸⁾, quod eius salus non ad ipsum tantum pertinet, sed ingentem laetitiam omnibus civibus parit. Est autem ea nobilitate, virtute, doctrina, innocentia praeditus Marcellus, ut omnes ei bene velle, et hanc foelicitatem gratulari iure debeant.

Cap. II. §. 4. *Nullius tantum*⁹⁾] Propositio amplificata est collatione: Restitutio Marcelli plus

2) cepi] sic Ed. 1554.; Ed. 1553. coepi, in Ed. 1568. deest.

3) meam] sic Editt. 1553., 1554.; in Ed. 1568. omiss.

4) obscure] sic Editt. 1553., 1554.; Ed. 1568. obscuro.

5) cum mea fere] sic Editt. 1553., 1554.; Ed. 1568. fere cum mea.

6) mihi animum] sic Editt. 1553., 1554.; Ed. 1568. animum mihi.

7) M. Marcello] sic Editt. 1553., 1554.; Ed. 1568. Marcello.

8) illa foelicitas est Marcelli] sic Ed. 1554.; Ed. 1553. illa foelicitas est Marcello; Ed. 1568. foelicitas est illi Marcello.

9) Haec Cic. verba in sola Ed. 1568. h. l. adscripta sunt; in Editt. 1553., 1554. autem haec dispositionis pars praecedenti paraphrasi ita est adiuncta, ut paraphrasis continuatae speciem praebet.

officii causa, ne periculo eius deesse viderer²⁵⁾, qui non defuisset meo. Gratissimum igitur nobis iudicium esse tuum debet, quod eo nobis dignitatem reddis, quia nos scelere vacare iudicas. Iam illud tibi honestissimum est quod res ostendit, te maluisse pacem, cum pacis autores conservas. Nam Marcello testis sum, et initio eum a violentis consiliis abhorruisse, et postea saepe pacem suasisse. Postremo, quod in universum post victoriam neminem inermem trucidasti, quod pacem toto orbe terrarum fecisti. Hoc vero est ingens et immortale decus. Meminimus enim Marii, Syllae et aliorum crudelitatem, qui cives inermes in urbe inter aras penatium²⁶⁾ suorum occiderunt. Nec Pompeii victoria mitior illis futura erat. Quare cum de exitu victoriae cogito, saepe venit mihi in mentem, extitisse hoc bellum, ut civitas aliquorum delictorum poenas Deo daret; postea tamen Deum misertum huius imperii victoriam illi donasse, qui sua bonitate communes miserias leniret.

Conclusio.

Gratulor igitur tibi tantam virtutem et fortunam, cumque praestanti et magno viro praecipua voluptas sit, non applausu populi, non opibus et potentia maxime delectari, sed conscientia recte factorum: tu quoque hunc fructum ex conservatis civibus capies. Nam in hoc beneficio tua bonitas et sapientia lucent. Opes et potentia magis fortunae arbitrio contigerunt, nec prorsus sunt in tua potestate. Quare, ut facis, perge conservare cives et omnia belli vulnera, quantum potes, tua sapientia et moderatione sanare²⁷⁾.

Secunda pars orationis²⁸⁾.

Alterum negotium huius orationis est *διζα-
νισόν*. Purgat enim suspicionem insidiarum. Status est coniecturalis.

Propositio.

Non est credibile quemquam insidiari tibi. Argumentum a voluntate sumptum est, et est enumeratio partium, nec tuos nec alienos struere insidias suspicor. Sed quia altera pars est infir-

mior, addit correctionem, et transfert negotium ad rempublicam. Inde sumit splendidum argumentum: Quia reipublicae interest, ut sit superstes Caesar: ideo prudentium civium est, nequam optare mortem Caesaris. Et reipublicae causa Caesar ipse diligentius tuetur vitam suam. Commoratur autem in illo dolore necessitatis publicae, eumque ornatissime amplificat. Nam magnitudo causae suppeditat splendidam orationem.

Paraphrasis.

Restat, ut de querela tua dicam, in qua commemorasti nonnullos insidiari vitae et capiti tuo. Cuius autem tanta²⁹⁾ est naturae immanitas et crudelitas, ut cum clementiam videat tuam, cum a tua salute tranquillitatem orbis terrarum pendere intelligat, tamen extinctum te esse cupiat? Itaque etsi hanc suspicionem inanem esse spero, tamen eam accurate diluere nolo. Diligentiam enim in te custodiendae vitae augere nolum. Neque vero credibile est eos, qui tua signa secuti sunt, tibi exitium moliri, cum tua salus praesidio eis sit ad retinendam dignitatem et opes, quas te victore consecuti sunt. Porro multo plus debent tibi alii, quibus, cum in hostium castris fuissent, vitam donasti, et patriam reddidisti. Non arbitror autem ullius tantum esse furorem, tam saevam naturam, ut tanto affectus beneficio adhuc erga te hostili animo sit. Sed quoniam infinita est ingratitude et perfidia hominum, non purgabo has suspiciones diligentius; imo te adhortabor, ut maiore cura te nobis et reipublicae servare studeas. Quis est enim tam vecors³⁰⁾ et stupidus, ut non intelligat rempublicam nisi tua autoritate instauretur, funditus perituram esse, et exorituras iterum turbulentissimas tempestates, si fata nobis iniqua te eriperent terris, antequam certum et durabilem reipublicae statum constituis- ses? Nam bello civili, ut fit, legum et iudiciorum autoritas labefactata est, corrupta disciplina, magna licentia, homines audaces et facinorosi, violatae et religiones, et lacerata coniugiorum iura, deserta agricultura, abiecta studia honestarum artium. Nullum enim genus calamitatis non

25) viderer] sic recte Editt. 1553., 1554.; Ed. 1568. typogr. errore: videret.

26) penatium] sic Ed. 1568.; Editt. 1553., 1554. poenatum.

27) sanare] sic recte Editt. 1553., 1554.; Ed. 1568. sanari.

28) orationis.] sic Ed. 1568.; in Editt. 1553., 1554. deest.

29) autem tanta] sic Editt. 1553., 1554.; Ed. 1568. tanta autem.

30) Quis est enim tam vecors] sic Editt. 1553., 1554.; Ed. 1568. Quis enim tam vecors est.

mitatur bellum civile. Nunc parta victoria
rum legibus et iudiciis pax inveniendae est, mo-
emendandi sunt, cohercenda licentia, fre-
nda cupiditas omnis generis, coniugiorum le-
renovandae, religionum et caeterarum civi-
m artium studia iterum excitanda sunt, quem-
modum recuperata Sicyone meministis Aratum
ere³¹⁾. Haec nisi te autore nequaquam afferri
ssunt. Quare omnes sanos cives maxime de-
, ut te quam diutissime superstitem superi
vent.

Confutatio dicti³²⁾ de gloria et³³⁾ vita.

Itaque quod saepe te dicere audio, te satis
vel naturae vel gloriae vixisse, etsi laudanda
magnitudo animi mortem non formidantis,
ne invitum vocem illam³⁴⁾ audio. Primum
non ad te unum pertinet vita tua, sed ad
publicam, quae nisi te incolumi salva esse
non potest. Deinde ne gloriae quidem satis vixi-
, siquidem vera et solida gloria est, res ma-
gestas conferre ad totius humani generis sa-
nem, consulere et posteritati. Hic tibi restat
actus³⁵⁾, ut postquam dignitatem tuam defendi-
, nunc parta pace efficias, ut diuturna tran-
quillitate frui cives possint, et in toto orbe terra-
rum res bonae et honestae artes reflorescant.

Conclusio.

Haec est solida gloria magnis viris expeten-
da, non suae tantum utilitati consulere, sed uni-
verso generi humano prodesse. Confutatio de
era parte dicti, scilicet de spatio vitae. Uti-
tudo autem reiectione: Praesens spatium vitae non
est considerandum, et opponit aliam quandam
vitam, videlicet immortalem expetendam esse, et
argumentatur: Immortalitas et vera vita est,
oppugnare memoriam verae virtutis gratam
in omnibus bonis ad omnem posteritatem. Hanc
vitam memoriam ita assequeris bene merendo
in patria. Ergo illam vitam vere expetendam
nondum es adeptus.

1) Vid. Plut. Arat. c. 9 sqq.

2) dicti] sic Editt. 1553., 1554.; in Ed. 1568. omisa.

3) et] sic Ed. 1568.; in Editt. 1553., 1554. deest.

4) invitum vocem illam] sic Ed. 1568.; Editt. 1553., 1554.
vocem illam invitum.

5) restat actus] sic Ed. 1568.; Editt. 1553., 1554. actus
restat.

Secundum argumentum.

Vera vita est, perpetuo frui recte factis et
vera gloria. Hanc veram gloriam nondum es
adeptus, sed adipisceris bene merendo de pa-
tria: ergo illam veram gloriam expetes. Sequi-
tur conclusio, in qua initio vituperat insidiatores.
Postea hortatur Caesarem ad custodiendam suam
salutem. Deinde repetit gratiarum actionem de
restituto Marcello.

Paraphrasis.

Postremo quod satis diu te naturae vixisse
dicis, nequaquam animus tuus praesentis vitae
spatio, quod est fugacissimum, contentus esse de-
bet. Sed illa est vera vita ducenda, quae erit
perpetua, cum memoria virtutum tuarum ad
omnem posteritatem propagabitur. Quae ita te
demum veris laudibus ornabit et summis heroi-
bus annumerabit, si patriam quassatam tanto
bello rursus erexeris, si bene constitutam atque
ornatam rempublicam posteris tradideris. Nam
bella ipsa fortissima deplorabunt aliqui, et exi-
tium adscribent fati. Sed hac in re sapientiam
et bonitatem tuam praedicabunt omnes, teque
inter salutare principes censebunt, qua laude³⁶⁾
nulla est amplior, aut magis expetenda summis
viris, videlicet si victoriam ad civium et totius
humani generis salutem contuleris. Ita et me-
moriam tui vivet, et erit bonis omnibus gratissima.
Et hac gloria tu ipse fruere. Errant enim, qui
animas extinguere et interire una cum corpore ar-
bitrantur. Quare cum vera vita sit ducenda³⁷⁾
illa immortalitas, eo referes tua consilia, ut in
illa sempiterna vita voluptatem ex recte factis et
vera gloria capias³⁸⁾.

Conclusio.

Etsi autem initio belli in tanta negotiorum
caligine alii odio tui acres fuerunt, alii metu tibi
minus aequi, tamen nunc, postquam victor arma
posuisti, et non obscure significas, te semper pa-
cis cupidum fuisse, et nunc servare omnes studeas,
quibus belli fortuna pepercit, et omni cura ac ra-
tione efficias, ut coalescat iterum in unum corpus

36) laude] sic recte Ed. 1568.; Editt. 1553., 1554. tanta.

37) ducenda] sic Editt. 1553., 1554.; Ed. 1568. corrupte:
dilecta.

38) capias] sic Editt. 1553., 1554.; Ed. 1568. capios.

respublica³⁹⁾ impius et sceleratus fuerit, si quis⁴⁰⁾ his pacatis consiliis non favet, sed odii pertinacia tuo beneficio abutitur, et cum servatori exitium machinatur; tum vero accendere novum et exitiale bellum in republica⁴¹⁾ conatur. Aequum est igitur omnes exemplo tui pacem expetere, odia ponere, et tecum in servanda republica consentire. Quod cum ita sit, hoc imperium, nisi te incolumi, non possit esse tranquillum, optare omnes debemus, ut superi diu te servant superstitem. Sed quoniam perfidiam aliquorum metuendam ducis, hortamur te ad cavendas insidias, tibi que officia nostra et excubias pro tua salute pollicemur. Postremo, ut ad Marcelli causam redeam, gratias tibi agimus, et quod ipsum revocasti, et quod caeteris in rebus

39) respublica] sic recte Ed. 1568.; Editt. 1553., 1554. reipublicae.

40) quis] sic Editt. 1553., 1554.; Ed. 1568. qui.

41) in republica] sic Editt. 1553., 1554.; Ed. 1568. in rempublicam.

victoriam tua bonitate mitigas, et collapsam rempublicam restituis. Cum autem ex Marcelli calamitate propter nostram amicitiam praecipuum dolorem ceperim⁴²⁾, vix ut unum C. fratrem^{42a)} ipsius maiore in luctu fuisse existimem, reditus eius incredibilem mihi voluptatem affert. Itaque cum debeam tibi omnia Caesar mea causa, tamen hoc nomine, quod talem mihi reddideris amicum, libenter profiteor plurimum etiam me tibi debere. Ac^{42b)} gratiam tibi habeo maximam, cum pro caeteris tuis erga me summis beneficiis, tum quod ad illa tantum addideris⁴³⁾ cumulum.

42) ceperim] Editt. 1553., 1554.; Ed. 1568. coeperim.

42a) C. fratrem] sic Ed. 1568.; Editt. 1553., 1554. C. patrem. — C. Claudius Marcellus C. f. M. n., consul a. u. c. 704, erat frater patruelis M. Claudii Marcelli M. f., ad quem haec oratio spectat. Vid. Pauly: Real-Encycl. Tom. IV. p. 1521. nr. 13.

42b) Ac] sic Editt. 1553., 1554.; Ed. 1568. At.

43) addideris] sic Editt. 1553., 1554.; Ed. 1568. typogr. errore: addiderit.

4. ALIA DISPOSITIO⁴⁴⁾.

Haec oratio est generis demonstrativi. Agit enim gratias C. Caesari pro beneficio, videlicet pro restituto in patriam M. Marcello, qui exulabat, quia in bello civili fuerat hostis Caesaris. Hoc beneficium Caesaris laudatur praecipue ex locis communibus. Sunt autem loci communes, disputationes de virtutibus, de fortuna, et similibus locis, qui saepe incidunt in communia vitae negotia. Nam fere negotia aut a virtute, aut a fortuna, aut a vitiis proficiscuntur. Et quia haec oratio magna ex parte versatur in talibus locis communibus, ideo in primis utilis est legentibus, ut inde sumant exemplum aspergendi locos communes, si quid ipsi scripturi sint. Nam Antonius in Oratore Ciceronis⁴⁵⁾ inquit, prudenter esse causis intertextendos locos communes. Diligenter autem in legendis autoribus dispositio singularum partium observanda est.

44) Haec tertia Melanthonis in eandem orationem dispositio in sola Ed. 1568. invenitur inscripta: Alia dispositio eiusdem in eandem Ciceronis orationem pro M. Marcello 1529.

45) Cic. de Orat. III, 27, 106.

Primum vocant exordium. Docet enim ante causas quaedam praefari ad conciliandos animos audientium. Exordium sumptum est ex occasione, Cicero nihil diu egit in senatu, aut foro; nunc vero restituto M. Marcello coepit veterem consuetudinem renovare. Hic casus praebet materiam exordio. Solemus enim in exordiis plerumque de officio nostro disputare et ostendere, cur illud, quod suscipimus, faciendum esse duximus. Solet autem in exordiis initio quaedam sententia proponi, cui postea subiiciuntur rationes et expositiones. Prima sententia est: Hodie meam veterem dicendi consuetudinem renovo. Sic enim sententia breviter est concipienda, et postea videndum, quomodo Cicero eam illuminet atque verbis ornet. Ratio est: Quia non possum me continere, ut non praedicem clementiam Caesaris. Sequitur expositio, qua in re fuit clemens Caesar, in restituendo Marcello. Sequitur amplificatio, cum Marcellus fuerit orator, Cicero sumit inde amplificationem, cum fuerit orator, et socius

mei laboris, fuit mihi acerbum carere hoc socio. **Conclusio:** Ergo et mihi meae pristinae vitae consuetudinem C. Caesar aperuisti, hoc est, reddito Marcello redeo ad veterem dicendi consuetudinem. Et additur translatio, quod fructus beneficii pertineat ad rempublicam, quia restituto Marcello omnes boni viri videbant Caesarem fore clementem, et sperabant rempublicam fore tranquillam. **Ratio:** Hic videmus te senatum plurimi facere, cum tales cives restituis. Accedit epiphonema relatum ad personam Marcelli: Ille fructum maximum cepit ⁴⁶⁾, hoc est, hoc maxime gloriosum est Marcello, quod a te tanti fit. **Ratio ex dignitate Marcelli,** quia virtus eius meretur hunc honorem, quod quidem ei merito atque optimo iure contigit, etc. Haec sunt exordii partes, usque ad hanc periodum: Nullius est tantum flumen ingenii, etc. Saepe est relegendus Cicero, et partes omnes hoc ordine propositae considerandae. Ita res plane intelligetur, et perspicui consilium oratoris poterit. Deinde est observandum, quibus ornamentis verborum in singulis partibus usus sit. Et imago huius orationis in animum includenda est, ut cum et nos scribemus, eam. intueri atque imitari possimus.

Nulla in hac oratione narratio est, sed pro narratione propositio est, continens comparisonem: Magnas res bello gessisti, sed vincit illas laudes, haec laus hodierni beneficii. Haec est principalis causa, et propositio huius causae, ad quam omnia argumenta referenda sunt. Nam in omnibus causis certa aliqua propositio constitui solet, in qua rei summa inest. Rhetores vocant statum causae. Quare cum ipsi scribimus, ante omnia principalem totius rei propositionem in animo constituere debemus. Alioqui semper errabit animus incertus, nec quo se referat, habebit. Eruditi homines saepe vocant scopum, quia propositio signum est, ad quod perinde dirigitur omnis animi cogitatio, ut ad scopulum iacula. Hactenus tantum de ordine rerum admonui, sed verba etiam observanda sunt. Elocutionis ornamenta egregia hic sunt. Non dicit simpliciter: Magnas res gessisti Caesar, sed amplificat: Nullius est tantum flumen ingenii etc. per ἀδύνατον. Sequitur confirmatio. Haec solet esse tertia pars in qualibet oratione, in

46) cepit] Ed. 1568. ocepit.

qua propositio confirmatur argumentis. Sic enim argumentabimur. Res bellicae non sunt propriae ducum; virtus est propria, virtutis tuae est benefacere, et ignoscere civi: ergo maius est, quam vincere in acie. Haec est argumenti summa, quam hoc modo complecti oportet. Postea videndum est, quomodo Cicero eloquatur. Elocutio enim debet esse amplior et uberior. Primum sit occupatio. Laudantur res Caesaris bello gestae, et amplificantur hic diligentius, quia postea erunt in comparatione comparandae. Haec est occupatio: Soleo saepe ante oculos ponere. Sequitur extenuatio rerum bello gestarum, quia sunt communes ducibus, militibus, fortunae, sed tamen sunt alia maiora. Nam bellicas laudes solent quidam extenuare verbis. Alterum membrum comparationis: At vero huius gloriae C. Caesar, quam es adeptus, etc. Hic profert factum per virtutem, quia sit proprium Caesaris, virtus enim proprie nostra est. Aliud argumentum a difficultate: Difficilius est iram vincere, et victoriam moderari, quam hostes proelio superare. Igitur plus laudis meretur hodierna victoria, cum iniuriam condonasti Marcello: Domuisti gentes, etc. Elegantes sunt coacervationes, ubi multae res agnae, ut oratio fiat uberior, in unum locum congeruntur. Vides autem ex locis communibus ducta esse argumenta de dignitate virtutis, quae praestet fortunae et aliis omnibus rebus.

Conclusio repetens comparisonem: Ergo quamvis aliae tuae res gestae celebrabuntur, tamen haec tua virtus declarata hodierno beneficio magis laudabitur *Πάθος* est: Delectant sapienter et moderate facta in fabulis; multo magis in praesentibus, quos intuemur, sicut te intuemur. Aliud *πάθος*: Parietes gestiunt, etc. Continet autem translationem, quod beneficium hoc publice prosit. Quia alii cives hoc exemplo confirmentur, ut sperent futurum, ut Caesar oblitus iniuriarum ignoscat omnibus, et restituat auctoritatem senatui, ne occupet tyrannidem, nec saeviat in senatum. Aliud *πάθος* a Marcello familia, et est translatio. Transfert enim beneficium ab uno Marcello ad totam Marcellorum familiam. Sequitur brevis repetitio conclusionis: Hunc diem antepones tuis gratulationibus, et praeparat viam ad tertium argumentum: Trophaea et similia monumenta non sunt durabilia, clementia ipsa subinde magis incla-

rescit; laus clementiae non potest vetustate consumi.

Sequitur amplificatio, quae continet comparisonem Caesarinae victoriae cum aliis civilibus victoriis. Nam Marius, Sylla, Cinna, et similes post victorias civiles in urbe occiderunt inermes cives plurimos. Id Caesar non fecit, neque quemquam voluit occidi in urbe. Sic igitur laudat Caesarem. Alii fuerunt crudeles in urbe; tu contra clemens es hic. Caeteros quidem omnes victores iam pietate viceras. Alia amplificatio: Te ipsum vicisti, et est sumpta ex loco communi: Omnes victores sunt irati, ac iure videntur posse victos occidere. Econtra Caesar in victoria non fuit iratus, pepercit inimicis. Hoc aliquoties repetit, quia maximam vim habet ad conciliandum Caesarem. Nam haec summa laus est imperatoris in victoria moderatum esse.

Cap. V. §. 13. *Atque hoc C. Caesaris iudicium*] Translatio vocatur, quando res a proposito et a praesenti persona transfertur ad alios. Ita hic transfert Cicero beneficium collatum in Marcellum, ad omnes alios, qui secuti erant Pompeium, et ad totam rempublicam. Sicut Caesar pepercit Marcello: ita significat se simili clementia usurum esse erga alios et erga totam rempublicam. Sequitur igitur amplificatio, in qua transfertur exemplum ad alios, et sunt tres loci in amplificatione. Translatio: Sicut Caesar ignoscit Marcello, ita parcat aliis. Excusatio civium: Secuti sumus Pompeium non aliqua cupiditate, sed errore. Addit signa: Ego semper de pace dixi. Accedit et excusatio Caesaris: Caesar ostendit se invitum bellum suscepisse, quia nobis post victoriam parcat.

Cap. VI. §. 17. *Vidimus*⁴⁷⁾ *tuam victoriam*] Repetitio: Post bellum neminem interfecisti. Comparatio cum Pompeianis, Pompeiani non erant tam clementes futuri in victoria.

§. 19. *Quare gaude*] Conclusio gratiarum actionis, in qua repetitur principale argumentum. Meliora sunt bona animi seu virtutis, quam bona fortunae: ideo iubet eum delectari hac clementia sua. Et accedit adhortatio, ut pergat hac clementia erga cives uti. Nam hi solent esse loci conclusionum. Brevis repetitio argumenti, et adhortatio aliqua.

⁴⁷⁾ *Vidimus*] sic Ed. Orell.; Ed. 1568. *Videmus*.

Hic est finis praecipuae partis huius orationis. Sequitur enim velut alia ac nova oratio nihil ad Marcelli causam pertinens, sed continens quasi generis iudicialis quaestionem. Excusat enim cives, quod non insidientur vitae et capiti Caesaris. Ac diligenter oportet meminisse lectorem haec intervalla, et quasi certas regiones diversarum partium in qualibet oratione, et ut hic totam causam animo complecti possit, breviter repetantur et propositio et argumenta. Postea relegenda est oratio, ut singulorum locorum ac sententiarum verba insignia, et insignia ornamenta observentur. Propositio est: Beneficium in Marcellum collatum honestius est, quam alia praeclara facta in bellis. Argumenta tria sunt. Primum propria facta maiorem laudem habent, quam aliena. Hoc beneficium est proprium factum, quia est animi: ergo maiorem laudem habet, quam militaria, quae sunt aliena, communia duci cum militibus. Secundum argumentum est: Difficiliora sunt honestiora; difficilius est iram vincere, quam hostem: ergo hoc beneficium, superata ira erga hostem, honestius est, quam ipsae victoriae. Tertium argumentum est: Trophaea victoriarum consumuntur vetustate; virtutis laus consumitur non vetustate. Deinde accedunt amplificationes et conclusio. Cum hanc orationis dispositionem quasi lineamenta consideravit lector, facile erit meminisse causam et omnia orationis ornamenta.

Nunc sequitur altera orationis pars, et quasi nova oratio. Propositio est: Non suspicandum, quod aliquis insidietur tibi. Elegans occupatio est in ipsa propositione: Nunquam verbis extenuabo. Tua enim cautio nostra cautio est, quasi diceret: Prodest nobis, te esse salvum et incolumem. Coniecturalis status est ex personis: Quis insidiatur? Non tui, quia sunt amici. Non hostes, quia perierunt. Concessio: Sed fac superesse hostes, qui tibi parum aequi sint, tamen illi ipsi te salvum esse volunt propter rempublicam, quia respublica non potest, nisi a te, restitui. Et hic locus maxime dignus est admiratione; prudentissime colligit omnes calamitates in bello acceptas sanandas nunc diligentia imperatoris. Initio transfert inimicorum cogitationes in suam personam, dicit se de Caesaris vita sollicitum esse propter rempublicam. Confutatio vocis Caesarianae de eadem re, quod satis diu vixerit. Est autem confutatio ducta ex

causis finalibus. Naturae satis vixisti, gloriae etiam satis, sed patriae nondum satis vixisti. **Conclusio** huius confutationis: Quare omitte quaeso istam doctorum hominum in contemnenda morte prudentiam. **Repetitio**: Noli nostro periculo sapiens esse.

Cap. VIII. §. 25. *Saepe enim venit ad aures meas* etc.] Hic repetit Caesaris vocem aliis verbis, et confutat eam ex superiore oratione ducta a fine. Caesar inquit, se satis diu sibi vixisse. Cicero confutat: Imo non vivis tibi, sed nobis et patriae. Et additur ratio: Quia patriae opus est tua vita, ut restituas statum reipublicae et totius imperii. Deinde additur egregia rhetorica correctio. Supra concesserat Caesarem suae gloriae satis diu vixisse. Hic retractat et corrigit: Perfecta gloria est rempublicam restituere; aliae res gestae nondum pepererunt perfectam gloriam. Observet autem lector haec argumenta omnia nata esse in locis communibus: Gloria est virtutis comes; hostes vincere cum pernicie patriae non est virtus, sed summa turpitudine. Ita igitur iudicandus est Caesar mereri perfectam gloriam, si non solum hostes superaverit, sed etiam constituerit rempublicam iure et legibus.

Alia correctio particulae *diu*, quae et ipsa sumpta est ex locis communibus, quod magni viri debeant immortalitatem intueri, non praesentem vitam, quae etiamsi longior contigerit,

tamen re ipsa brevissima et fugacissima est. Sic igitur corrigit Cicero vocem Caesaris: Nihil est, quod disputemus de aetate, quam diu vivere velis, quia tuus animus flagravat amore immortalitatis et perpetuae gloriae. **Minor**: Sed perpetua gloria erit, si rempublicam constitueris. Hanc sententiam longa et rhetorica amplificatione ornavit per collationem alias res gestas, comparans cum studio constituendae reipublicae. Quae quidem qui miretur, iam pridem multa habet. Et repetit eandem collationem. Erit inter eos, qui nascentur, sicut inter nos fuit magna dissensio. Postremo redit ad propositionem de insidiis, ubi coniecturas colligit ad probandum, quod non sit verisimile quemquam insidiari Caesari, quia ingratus civis esset, qui tam clementem victorem odisset. Incipit autem paulo altius, fuisse bellum inter cives, victorem Caesarem fuisse moderatum. Haec narratio ita facta est paulo longior, ut magis conspiceretur clementia Caesaris. Initium est: Diversae voluntates civium fuerunt. Aliud argumentum ab utili seu necessario: Nos non possumus esse salvi, nisi te salvo: ergo nullus civis insidiatur tibi. Neque enim poterit esse tranquilla Caesare extincto. **Conclusio**: Maximas tibi gratias agimus omnes. Redit ad Marcelli causam in conclusione, et agit gratias senatus et suo nomine pro restituto Marcello. Supra laudavit factum; hic agit gratias.

5. ALIA DISPOSITIO⁴⁶⁾.

Exordia debent habere quosdam affectus, et motus animi.

1. Hactenus dolore impeditus propter bellum tacui. 2. Nunc iterum dico, quia laetitia afficior propter Caesaris clementiam. 3. Quia Caesar restituit Marcellum. **Repetitio**. 4. Hactenus dolebam M. Marcellum abesse. 5. Ergo eo restituto gaudeo.

Translatio, Ex privato negotio publicum fecit: Omnibus sustulisti signum ad bene sperandum.

⁴⁶⁾ Hanc quartam Melanthonis in eandem orationem Cicerois dispositionem sola Ed. 1568. continet, in qua sic est inscripta: Alia dispositio eiusdem in eandem Cicerois orationem pro M. Marcello privatis discipulis memoriae causa anno 1581. conscripta.

Ratio: Quia hoc factum testatur, quod pluris facias rempublicam quam privatam cupiditatem vindictae, quia propter rempublicam parcis inimico.

A persona Marcelli: Honorificum est Marcello, qui cum publica laetitia et iudicio senatus et Caesaris restituitur.

Amplificatio: Et meretur, quia nemo est eo praestantior nobilitate.

Propositio per comparisonem: Multas praeclaras res bello gessisti; verum hodiernum beneficium superat res bello gestas.

Probatio: Quia res bello gestae partim fortunae, partim militibus adscribuntur; verum clementer facta sunt proprie tua. **Syllogismus**:

Proprie nostra facta habent maiorem laudem, clementer facta sunt proprie nostra; militaria sunt communia cum militibus et fortuna: ergo clementer facta praestant militaribus.

Sed praecedit amplificatio rerum bello gestarum Caesaris, per comparisonem.

Secundum argumentum: Maior laus est vincere natura inexpugnabilia, quam illi, qui vinci possunt. In bellis vicisti ea, quae vinci natura poterant; nunc autem vicisti iracundiam, quae se vinci non patitur, nisi summa sapientia: ergo nunc es maiorem laudem consecutus.

Sequitur maior: Valde probamus, cum aliquid moderate, iuste, sapienter factum est in victoria. Sed praecedit repetitio comparisonis: Bellicae laudes praedicabuntur, sed magis miramur moderate facta in victoria.

Amplificatio: Delectat moderatio in fabulis, quanto magis in te vivo, quem coram aspicimus.

Prosopopoeia, Reddit sensum rei: Ex animo parietes gestiunt tibi gratias agere.

Πάθος, a memoria veterum Marcellorum.

Conclusio.

Cap. IV. §. 11. *Hunc diem antepones etc.*^{48a)} id est, ergo hoc factum omnibus tuis bellicis laudibus antepones.

Tertia ratio: Diuturna et praestantiora trophaea consumentur vetustate; sed laus virtutis manet: ergo laus virtutis praestantior.

Quarta ratio (Cap. IV. §. 12.): *Ceteros*⁴⁹⁾ *quidem omnes victores bellorum civilium*, etc. Comparatio Caesaris cum aliis victoribus civilibus, Caesar pepercit omnibus vivis; hoc ita dicit: Omnes enim, qui ad illa arma compulsi sumus etc., sumus iam restituti restituto M. Marcello. Deinde addit eodem pertinentia: Non induxit hostes in curiam.

Cap. V. §. 14. *Quo quidem in bello*] Excusatio illorum, qui Pompeium secuti fuerant, dicit eos fuisse autores pacis. Per id facit transitum ad Caesarem, quem antea dixit in victoria civili moderatum fuisse. Nunc addit, quod etiam appareat, eum invitum suscepisse bellum, ac maluisse pacem. Pepercit victis, sed maxime illis,

48^{a)} *Hunc diem antepones etc.*] sic Ed. 1568.; Ciceronis verba sunt: *Hunc tu igitur diem tuis maximis et innumerabilibus gratulationibus iure antepones.*

49) *Ceteros*] sic Ed. 1568. Ed. Orell. Et *ceteros*.

qui fuerant autores pacis: ergo ipse etiam fuit cupidus pacis.

Cap. VI. §. 17. *Si fieri posset*^{49a)}] Repetit comparisonem victoriarum civilium.

§. 18. *Ut mihi quidem*] *ἐπιφώνημα*, Dii placati dederunt clementem.

§. 19. *Quare*] Conclusio continens repetitionem.

§. 20. *Noli defatigari*⁵⁰⁾] *πάθος*.

Cap. VII. §. 21. *Nunc venio*⁵¹⁾] *Secunda* pars orationis est, plane nova quaedam causa et oratio. Ideo non est quaerendum, utrum apte, aut inepte cum superiori parte cohaereat. Est enim prorsus aliud negotium.

Propositio est: Falsa est suspicio Caesaris suspicantis aliquos ipsius vitae et capiti insidiari. Probatio prima sumpta est ex praeteritis meritis Caesaris, Caesar omnibus benefecit, omnes servavit: ergo non est credibile quemquam ei insidiari. Dilemma: Non insidiantur tui, quia illi sunt consecuti praemia victoriae; non inimici, quia sunt reconciliati tuo beneficio.

§. 22. *Sed tamen*] *Occupatio*. Contra, amici reconciliati sunt infideles. Huic argumento opponit rationem firmiorem ex publica utilitate futura sumptam. Omnes sciunt rempublicam non posse consistere, nisi te vivo: ergo omnes volunt te esse salvum.

Cap. VIII. §. 25. *Itaque illam*] *Confutatio* dicti Caesaris, qui dixerat se satis diu vixisse, vel naturae, vel gloriae. Confutat opponens firmiter, quod patriae nondum satis vixerit. *Saepe enim*] Repetit: Satis diu tibi vixisti. Confutat: Imo non consideres, quomodo tibi vixeris, sed nobis potius. Vivis enim non tibi soli, sed patriae. *Ne gloriae quidem tuae*] Confutat et de gloria, et interpretatur gloriam de restitutione reipublicae, non de victoriis.

Cap. IX. §. 27. *Satis diu vixisse*] *Correctio* particulae *diu*, primum dicit hoc ipsum, quod *diu* dicimus exiguum esse, et opponit aeternitatem. Hanc dicit Caesari potius expetendam et intuendam esse, quam sic assequemur restituta republica, si perfectam et immortalem gloriam relinquet.

49^{a)} *posset*] sic Ed. Orell.; Ed. 1568. *possit*.

50) *Noli defatigari*] sic Ed. 1568.; Ciceronis verba integra sunt: *Noli igitur in conservandis bonis viris defatigari.*

51) *Nunc venio*] sic Ed. 1568.; Ed. Orell. *Nunc vero venio*.

Cap. X. §. 30. *Diversae voluntates*] Conclusio huius secundae partis orationis: Cum tu servaveris nos post bellum, sequitur ingratum fore, si quis contra te aliquid moliantur.

Cap. XI. §. 33. *Sed unde*⁵²⁾ *est orsa*] Gratiarum actio. *Ex omnium*⁵³⁾ *precibus*] Translatio ad communem securitatem.

⁵²⁾ *Sed unde*] sic Ed. Orell.; Ed. 1568. *Sed ut unde*.
⁵³⁾ *omnium*] sic Ed. Orell.; Ed. 1568. *omnibus*.

6. ALIA PARAPHRASIS PRIMAE PARTIS HUIUS ORATIONIS ⁵⁴⁾).

Propositio: Hactenus mea me fortuna his miseris et luctuosis reipublicae temporibus silere coëgit. Nunc inaudita Caesaris clementia bonitasque me a luctu revocat M. Marcello mihi ac vobis, Patres Conscripti⁵⁵⁾, restituto.

Ratio: Primum enim dici non potest, quantae voluptati sit mihi privatum socium studiorum meorum et huius curriculi mihi reddi, quo adiutore veterem dicendi consuetudinem renovem. **Distributio:** Et publice C. Caesar spem nobis facis, cum doloris tui oblitus inimicum senatui condonas; fore, ut suam per te senatus auctoritatem retineat. **Amplificatio** a persona Marcelli. Nihil profecto Marcello potuit per omnem vitam honorificentius contingere, et tanta senatus erga eum benevolentia, et hoc tuo C. Caesar gravissimo iudicio, qui tantum illi tribuisti, ut quamvis offensus, putaris tamen domum esse revocandum. **Pathos:** Accedit ad cumulum felicitatis Marcelli id quoque, quod ex eius commodo summa ad omnes laetitia manat, qui postquam edidit hoc specimen suae clementiae Caesar, in optimam spem de republica venimus. Neque vero his amplissimis honoribus indignus est Marcellus, sive generis nobilitatem, sive optimarum artium studia, summamque virtutem spectes. **Propositio:** Nulla tanta vis ingenii, nulla tam locuples eloquentia est, quae pro merito res a te foris gestas ornare

possit. At longe maiorem gloriam peperit hodie Marcelli restitutio, quam ulla unquam belli decora. **Ratio** per collationem: Animi facta praestant militaribus. Nam quamquam nemo exterorum regum, nemo nostrorum civium unquam fuerit, quem non anteeas magnitudine rerum gestarum, tamen in societatem laudis huius veniunt milites, venit etiam fortuna domina rerum, quae inprimis in bellis exercet imperium suum. At animum atque iracundiam vincere, ignoscere adversario, ea vero propria tua laus est, ex qua arrogare sibi fortuna, nihil decerpere miles possit. **Amplificatio** difficultatum: Maximas citra controversiam res armis gessisti. Sed est tamen natura rerum talis, ut ferro, ut vi frangi omnia expugnarique possent. At suum ipsius animum vincere propemodum supra naturam mortalium est. Et haud scio, an cum ullo imperatorum omnium hanc laudem communem habeas. Mihi quidem Diis simillimus ipsis videtur, si quis tanta magnitudine, tanto robore animi est, ut malit incolumem servare inimicum, quam iracundiae morem gerere. **Conclusio:** Itaque res bellicae tuae celebrabuntur ad posteros omnium gentium litteris atque linguis; sed nescio, quomodo gratior est memoria earum virtutum, quae victoriae vim atque impetum lenisse videntur. Quare cum sit natura insolens ac superba, Deum immortalem, quo studio incendimur, quanto favore complectimur eos, qui modum sui in victoria habere potuere, nec est invenuste dictum: Bis vincere eum, qui sese vicerit in victoria. Huc usque etc.

⁵⁴⁾ Haec paraphrasis in Ed. 1568., quae sola eam praebet, sic est inscripta: *Alia paraphrasis primae partis in oratione pro M. Marcello, autore Phil. Mel. 1529.*

⁵⁵⁾ Haec voces in Ed. 1568. scriptae sunt per notas: P. C.

7. ALIA SCHOLIA⁵⁶⁾.

Nos debemus in nostris scriptis ad similitudinem optimorum autorum alludere. Haec autem oratio est suavissima, mollissima, et gravissima. Habet enim tam graves sententias et convenientes nostris temporibus, ut non sine magna voluptate haec oratio legi possit. Argumentum tale est. M. Marcellus fuit consul sub id tempus, quo bellum civile motum est, et vehementer est adversatus Caesari. Non igitur audebat redire Romam, cum devicto Pompeio Caesar rempublicam occupasset. Quibusdam autem ex senatu intercedentibus pro eo apud Caesarem, impetratus est ei redditus. Genus igitur orationis pro M. Marcello duplex est. Priore enim parte laudatur Caesaris factum, et aguntur gratiae pro restituto Marcello, atque ea pars est generis demonstrativi. Posteriore parte suspicio insidiarum purgatur, quae pars est generis iudicialis, et tractatur coniecturis. Hanc orationem dixit Cicero senex. Ideo ex optimis una est. Omnia sunt hic contractiora et verecundiora, propterea quod senes plerumque soleant de rebus maximis contractius et verecundius loqui.

Cap. I. §. 1. *Diurni*] Orditur a circumstantia temporis, et persona Caesaris. Habet suas periodos Cicero in hac oratione, sed voluit mollius et verecundius ordiri. *Temporibus*] scilicet quibus armis disceptari coeptum est. Postquam enim ortum est bellum civile de iure publico, nihil est actum cum dignitate praeter restitutionem Marcelli. *Partim*] Duplex propositio. *Timore*] scilicet propter Caesarem, quasi diceret⁵⁷⁾: Non silui, quod timerem potentiam Caesaris. Turpe enim esset Caesarem timeri tanquam tyrannum. *Dolore*] scilicet accepto propter exulantem Marcellum. *Verecundia*] scilicet propter moestitiam temporum, vel, quia puduit me reipublicae, quia verecundiae fuit me in foro versari Marcello studiorum et laborum meorum socio exulante. *Pristino*] pro, diu usurpata consuetudine. Hactenus fuit propositio exordii. *Tantum*] Ratio: Quare mutas tuam consuetudi-

56) Haec quoque scholia in sola Ed. 1568. inveniuntur sic in scripta: Alia scholia in eandem Ciceronis orationem pro M. Marcello, Phil. Melan. praelegente excepta.

57) Haec voces: „quasi diceret“ in schollis Editionis 1568. ubique scriptae sunt per notas: Q. d.

nem? Quia aliquid magni accidit, quod praeterire silentio non possum. Magna enim virtus non potest taceri. *ἄλλως*. Ratio: Quia in magno gaudio nemo sibi facile temperare potest. Nihil autem magis delectat praestantes viros, quam insignis virtus, praesertim in summis principibus. *Tantum*] Ratio posterioris, quod dixit, hodiernus dies finem diurni silentii attulit. *Clementiam*] Quia Caesar ignovit Marcello. *Inauditum*] scilicet quam difficillimum est praestare in victoria. Hic est declaratio proximae propositionis. *Potestate rerum*] scilicet in qua modum tenere difficillimum est, iuxta illud poetae⁵⁸⁾:

Nescia mens hominum fati sortisque futurae,
Et servare modum, rebus sublata secundis.

Modum] scilicet moderationem. *Ac paene*] Incrementum.

§. 2. *M. Marcello*] Transfert beneficium ad se, estque rationis confirmatio per amplificationem. *Dolebam*] Conclusio translationis et prima propositionis expositio, quia dixit se tacuisse partim dolore, quia, cum abesset Marcellus, qui unus reliquus erat ex praestantissimis oratoribus, putabat oppressam esse auctoritatem oratorum. Nunc illo restituto meam auctoritatem mihi restituit Caesar. *Talem*] scilicet Marcellum tam clarum et praestantem virum, quia uterque est secutus partes Pompeii. *In eadem*] scilicet Pompeiana. *Nec mihi*] Ratio eius, quod dixit, partim verecundia. *Curriculo*] scilicet forensi studio, vel pristina et solita exercitatione dicendi. *Ergo*] Conclusio, cur gaudeat, *ἄλλως*. Altera translatio. Transfert enim ad rempublicam. *ἄλλως*. Apostrophe ad Caesarem, qua amplificat beneficium per translationem. Hoc diligenter est observandum, Ciceronem in brevioribus orationibus esse magis Atticum, verecundum et studiosum proprietatis. *Interclusam*] scilicet interceptam. *Signum*] Metaphora sumpta a re militari.

§. 3. *Intellectum*] *αἰτιολογία* amplificationis, in qua facit ex privato beneficio praeiudicium animi Caesariani ad rempublicam. *Offensionibus*] scilicet acerbitate Marcelli. *Suspicionibus*] sci-

58) Virg. Aen. X, 501. 502.

insidiarum vitae tuae, quia ipse Caesar abatur insidias sibi fieri, et ipsum Marcello prorsus secum rediturum in gratiam, suum beneficium nihili facturum, id quod dicitur ex epistola ad Marcellum lib. 4.⁶⁰): Nihil aliud, quod dubitationem affert Caesari,

Ordinis] scilicet senatorii. **Ille quidem]** amplificatio a persona Marcelli, quasi diceret: Non omni vita accidit illi honorificentius, glori- osius et melius, quam quod senatus pro eo de- crevit, et tu iudicas eum tibi futurum orna- mentum, et eius restitutionem tibi honori futuram.

no] scilicet quo restitutus est a te, o Caesare. **Iudicio]** scilicet quo tanto fructu Marcello indignum iudicasti. **Ex quo]** Amplificatio a beneficii magnitudine. Bona autem pars gratitudinis scire, quantum debeas. **Est**

)] ἐπιφώρημα implet et auget corpus ora- tionis.

Laetitia] Quia omnes sperant se quodlibet futuros, et Caesarem restitutum esse ad eam pristinam praestantissimis quibusque.

4. Quod ei] Locus, ex dignitate, et argu- mentum natum est ex loco causarum. **Quis**

] Coacervatio.

Cap. II. §. 4. **Nullius tantum]** ἀδύνατον, propositio per comparisonem in hanc sen- tentiam: Nemo est tanta eloquentia praeditus, ut, qui possit res tuas gestas, non dicam ex- ceptis, sed enarrare, e quibus tamen non tan- tum audis, quantum ex Marcello restituto con- sideras, ad quam tanquam ad scopum omnia, in priori parte huius orationis per longam orationem dicuntur, referenda sunt. Hanc orationem primum confirmat collatione re- rum Romanis imperatoribus et exteris gestarum, et res Caesaris praefert.

5. Soleo] Confirmatio a natura facti, est- imus ab honesto. ἄλλως. Concessio, in qua significat res bellicas, quia videbatur eas nimium valere. Ideo statim opponit occupationem: Res bellicae in bello gestae sunt maximae, et est ita comparatio cum aliis regibus et principibus. **his]** Aliud ornamentum, estque distributio instantiarum, quae exaggerant. **Numero]** Quia Caesar signis collatis cum hoste quinquagies

dimicavit. **Varietate]** scilicet Galliarum, Hispaniarum, Africae, Aegypti, etc. **Nec vero]** Amplificatio laudum bellicarum a circumstantiis: Bellicae laudes, quae sunt multorum communes, minores sunt iis, quae sunt propriae imperato- rum. Sed laudes, quas hactenus tibi, o Caesar, ex rebus gestis comparasti, sunt multorum communes, restitutio Marcelli tui solius. Itaque illae laudes iis ex restituto Marcello partis inferiores, unde Livius ait: Fortuna per omnia humana maxime in res bellicas potens, et Curtius⁶²): Fa- tendum tamen est, cum plurimum virtuti debue- rit, plus debuisse fortunae, si sit prudentia, vis fortunae nulla est. **Illustratae⁶³]** In quindecim diebus occupavit maximam provinciam Hispaniam, et deinde mox recurrit in Italiam, consti- tutis consulibus properavit in Apuliam, et pugnavit cum Pompeio, et victor exitit.

§. 6. **Cogitatione⁶⁴]** quia sunt supra huma- num captum. **Nam bellicas]** Extenuatio a cir- cumstantiis. **Et certe]** Distributio. **Sed tamen]** Antecedens: Sed tamen res bellicae minus laudis habent. **Vindicat]** zeucht zu jr, eignet jr zu.

§. 7. **At vero]** Altera pars antecedentis: Hoc factum fit consilio et ratione, non fortuito. **Nihil]** Ratio. **Nunquam]** Ratio: Quia fortuna est expertis consilii. Multum habent haec verba urbanitatis.

Cap. III. §. 8. **Domuisti]** Minorem primo posuit, quasi diceret: facilius est vincere hostes, quam affectus. **Gentes]** A difficultate. **Copiarum]** A minore. **Nulla]** γνώμη a maiore. **Deo]** Non enim est humanum, sed heroicum.

§. 9. **Itaque]** Conclusio duorum argumen- torum, in qua confert aestimationem et iudicium, quo excepturi sunt res bello gestas cum hoc facto. **Nulla⁶⁵ unquam]** Amplificatio a circumstantiis. **Tubarum sono]** quasi diceret: illae laudes aliquid molestiae habent propter clamorem militum, hoc est, non admodum gratiae sunt. **Quo studio]** hoc est, quam vehementer afficiunt. **Non modo]** Amplificatio ex minori: Summa laus est principis, quod post victoriam omnia consilia ad communem tranquillitatem conferat, et totam rempublicam, quantum reliquum est, cupiat salvam.

Cic. epist. ad famil. IV, 7, 3.: Sic enim intellexi, nihil aliud esse, quod dubitationem afferret ei, penes quem est potestas, etc.

vere] sic Ed. 1568. et al.; Ed. Orell. **vero.**

Quis est] sic Ed. 1568.; Ed. Orell. **Quis enim est.**

NTH. OPER. VOL. XVI.

⁶²) Curt. X, 5, 35. (Ed. Snakenburg.).

⁶³) **Illustratae]** sic Ed. 1568. et al.; Ed. Orell. **lustratae.**

⁶⁴) **Cogitatione]** sic Ed. 1568.; Ed. Orell. **cogitatio.**

⁶⁵) **Nulla]** sic Ed. 1568.; Ed. Orell. **neque ulla.**

§. 10. *Cuius mentem*] Amplificatio a periphrasi. *Parietes*] πάρος per hyperbolen. *Autoritas*] scilicet quae fuit; quasi diceret: quod ibi iterum futurus sit senatus, qualis antea fuerit.

Cap. IV. §. 10. *Equidem*] Aliud πάρος a maioribus, quod familiae et posteri conserventur. *Effodit*⁶⁶⁾] id est, venit mihi in mentem, quasi diceret: omnes familiae agunt tibi gratias. *Vindicasti*] id est, eripuisti.

§. 11. *Hunc*] ἐπιφώνημα. *Gratulationibus*] id est, triumphis. Respicit ad primam rationem institutam. *Quae quidem*] Tertium argumentum a facti perpetuitate, quasi diceret: illa laus est durabilis et perpetua. *Nihil*] γνάμη.

§. 12. *Iustitia*] hoc est, laus iustitiae et lenitatis. *Florescet*] id est, efflorescet, crescet, erit vivacior, vel confirmatur diuturnitate opinionis atque temporis. Caesar non est corruptus indulgentia fortunae, non est fractus aut mollitus successu.

Propositio fuit, illam clementiam plus habere verae laudis, quam maximas res gestas in ista varietate bellorum, quorum Caesar gessit plurima. Deinde virtutes togatas magis delectare, quam castrenses. Romae fuerunt magni motus, sicuti necesse est fieri in magnis corporibus, quia fuit magna libertas principum et populi. Nullum enim venenum praesentius est civitati, quam nimia libertas. Marii et Syllae bellum fuit adolescente existente Cicerone. Marius, quicquid fuit nobilissimorum civium, curavit trucidari domi, nihil minus expectantes, quam talem exitum; Sylla 7000 occidit, et tamen Mario moderatior fuit. Nunc igitur laudat Caesarem, qui certe laudandus est eo, quod clemens fuit in civilibus dissensionibus. Imperia perturbare facile est, inquit Pindarus, sed restituere in integrum, aut mutare in melius, solius Dei est, et vulgo dici solet: Honores mutant mores, sed raro in meliores.

Et caeteros] Amplificatio per incrementum et prosopopoeia, et dixit figurate: Tu fuisti moderatior reliquis. Nemo enim in rebus secundis habet sui modum. Victoria reddit insolentes. Propositio est: Victoriā mitigasti. Dicit autem hoc cum quadam hyperbole: Vicisti victoriā, hoc est, affectus illos et istam insolentiam, quam secum affert victoria. *Vereor*] A persona Caesa-

ris collata cum aliis victoribus civilium bellorum. *Sentio*] Praecastigatio. *Nam*] Ratio. *Recte*] Amplificatio ex distributione, quia respublica manet in eodem statu.

Cap. V. §. 13. *Atque hoc*] Translatio, qua ex privata causa publicam facit docens restituto M. Marcello declarare Caesarem, quam non sit hostili in rempublicam animo. *Caesaris iudicium*] scilicet in victis conservandis. *Omnes enim*] Est vice parenthesis. Hoc enim non ad institutum argumentum pertinet. *Fato*] Est occupatio quaedam, in qua excusat omnes, qui secuti erant bellum civile. *Liberati*] Non enim restituisset, si sceleratos iudicasset. *Nam*] Ista sunt clara et plana; ostendit se velle nos salvos, et rempublicam conservatam. Alludit ad omnes historias priorum bellorum civilium, ut, Marius dedit patrimonia barbaris et suis militibus deletis praestantissimis civibus. Non multo aliter fecit Sylla. *Videtur*] scilicet praesentem senatum. *In curiam*] scilicet ut Marius. *Hostes*] Ratiocinatio: Si Caesar post victoriā eo est animo, ut salvam velit rempublicam, consentaneum est, idem voluisse ante susceptum bellum. *Sed iudicavit*] Ad Caesarem hoc quoque pertinet, primum hoc nomine, quod omnes existiment eum non abhorruisse a conditionibus pacis, quia conservavit autores pacis. *Ignorantione*] scilicet belli causa non satis intellecta.

§. 14. *Quo quidem*] Excursus de suis consiliis, et causis belli civilis: Tu fuisti pacis autor. Probatio enthymematis: Tu conservas autores pacis; ego fui autor pacis et me conservasti: ergo maluisti pacem, quam bellum. *Repudiari*] Quantum ex Pompeii multo et accurato sermone perspexi, ne voluntas quidem est pacificationis. Et lib. 8. ad Atticum⁶⁷⁾: Nec illos congressuros, nec, si congressi essent, Pompeium ad ullam conditionem accessurum putabam. *Togae*] lib. 10. ad Atticum⁶⁸⁾: Mea causa autem alia est, quo beneficio vinctus ingratus esse non possum. Paulo tamen aliter lib. 8. epist. Maximis⁶⁹⁾: Cum merita Pompeii summa erga salutem meam, familiaritasque^{69a)}, quae mihi cum eo est, tum ipsa reipublicae causa me adducit, ut mihi vel consi-

67) Cic. epist. ad Attic. I. VIII, ep. 15, 3.

68) Ibid. I. X, ep. 1, 1.

69) Ibid. I. VIII, ep. 3, quae a voce Maximis incipit, §. 2.

69a) familiaritasque] Ed. 1568. male: familiaritatisque.

66) *Effodit*] sic Ed. 1568. et al.; Ed. Orell. *offudit*.

lium meum cum ⁷⁰⁾ illius consilio, vel fortuna coniungenda esse videatur. *Privato*] Pompeius enim restituerat Ciceronem, Er hatte jm viel guts gethan, et Cicero voluit erga illum gratus, ideo eum secutus est. *Publico*] scilicet non ut gereret bellum adversus Caesarem. *Animi*] scilicet erga Pompeium.

§. 15. *Ordine*] scilicet senatu. *In ipso bello*] A signis, reditque ad ratiocinationem. *Capitis mei* ⁷¹⁾ *periculo*] Id quod Plutarchus ⁷²⁾ quoque testatur. Cicero enim post victum Pompeium in campis Pharsalicis cum copiis rogante Catone praesse voluisset, a iuniore Pompeio ac aliis plerisque proditor appellatus est, fuissetque trucidatus, nisi Cato eum liberasset. *Ex quo*] Ex digressionem colligit praeiudicia quaedam, quibus invidiam belli civilis a Caesare in Pompeium transfert. *ἄλλως*. Applicatio exempli. *Enthymema*: Tu conservas autores pacis: ergo ostendis te maluisse pacem, quam bellum. *Voluntas*] scilicet maluisse pacem. *Caesaris*] scilicet ut Catoni, qui suavit bellum. *Atque id*] Collatio Caesaris cum suis hostibus, quales fuerint, si vissent. Thucyd. 3. lib. inquit: Εἴ, quae sunt in medio, perduntur ab utrisque ⁷³⁾. *Mirum videretur* ⁷⁴⁾] scilicet bene sensisse de autoribus pacis. *Pacis auctores*] A circumstantia temporis amplificat.

Cap. VI. §. 16. *Atque huius*] Exemplum: Ego semper in ea sententia fui, ut res componeretur, quocumque modo fieri posset. In hac sententia fuit etiam Marcellus. *M. Marcello*] scilicet quod et ipse suaserit pacem. *Quoties*] Collatio Caesaris cum adversariis, quasi diceret: Futuri erant crudelissimi. *Victoriae*] Oblique perstringit Caesarem. *C. Caesar*] Epilogus. *Non enim iam*] Occupatio, qua tantae laudis amolitur invidiam.

§. 17. *Vidimus tuam*] Collatio. *Gladium*] Hypallage. Dicere enim debuisset: Gladium vacuum vagina. *Perculit*] scilicet peremit. *Ab*

inferis] Ratiocinatio per hyperbolen. *Partis*] scilicet Pompeianae. *Alterius*] Altera pars collationis.

§. 18. *Sensisset*] scilicet utrum probasset bellum, nec ne. *Ut mihi*] Optimus est hic locus et gravissimus, qui potest ornari et illustrari. *Contulisse*] ἐπιφώνημα, Deus bene voluit nostrae reipublicae.

§. 19. *Quare*] Conclusio, quasi diceret: delectare tua clementia. *Bono*] id est, tua sapientia. *Fruere*] πάθος. *Ex quo*] scilicet moribus, virtute. *Sapientis*] Aspersi sunt loci communes, et ostendit Caesari uno atque altero verbo magnas res, magnam materiam, etiamsi non exaedificet eos locos. *Caetera*] id est, res bellica. Amplificatio, qua praefert fortuitis ea, quae sapienter facta sunt. *Toties*] Expolitio. *Quae non*] Laus clementiae. Alludit ad superiora: Alia sunt propria, alia non. *Tantus*] Ratio seu ἐπιφώνημα.

§. 20. *Noli*] Adhortatio. *Stulta*] Extenuatio. *Non enim*] Νοῦμα.

Cap. VII. §. 21. *Nunc*] Secunda, planeque nova orationis pars, quae est generis iudicialis. Status autem coniecturalis, qua suspicio tractatur. Estque propositio novam esse suspensionem. *Atrocissimam*] Transitio. *Providenda*] id est, cavenda. *Quam etsi*] Occupatio. *Extenuabo*] Concessio: Si tibi caveris, nobis caveris. *Sed quisnam*] Propositio: Nemo insidiatur tibi. *Vulnera non sunt tractanda*, quae volumus statim coire. *Quisnam*] Negatio criminis a probabili. *Demens*] scilicet qui velit patrem patriae, suique servatorem interficere. *Tametsi*] Confirmatio per dilemma, estque coniectura a voluntate. *Non est*] Subiectio. *Tui*] Dilemma ex causa finali. *Qui?*] quasi diceret: nulli sunt inimici. Hoc argumentum est infirmum, propterea statim omittit.

§. 22. *Sed tamen*] Concessio, qua adhortatur Caesarem, ut observet inimicos, et oblique significat non posse non optime velle ei cives. *Latebrae*] Correctio, quae habet concessionem, quasi diceret: nihil est tenacius, quam animus improborum hominum, ut Cassius, qui primus autor fuit interficiendi Caesaris. *Augeamus*] id est, concedo illam suspensionem, ut iubeam te esse diligentiorum. *Nam quis*] Propositio, cuius ratio est: Quia non possumus esse salvi, nisi te salvo. *ἄλλως*. Ab utili confirmat concessionem,

70) cum] in Ed. 1568. deest.

71) mei] sic Ed. Orell.; in Ed. 1568. deest.

72) Plut. Cic. c. 39.

73) Thucyd. 1. III. c. 82. inquit: τὰ δὲ μέγα τῶν πολιτῶν ἐπ' ἀμφοτέρων, ἢ δτι οὐ ξονηγωνίζοντο, ἢ φθόνῳ τοῦ περιείναι, διεφθείροντο.

74) *Mirum videretur*] sic Ed. 1568. et al.; Ed. Orell. *Mirum* (sine verbo *videretur*); conf. Orellii nota crit. ad h. l.

quod omnium salus Caesaris salute contineatur. *Casus*] quasi diceret: Opto, ut quam diutissime vivas. *Doleoque*] Collatio, qua ruinas reipublicae confert cum veteri statu et dignitate Romani nominis, docetque restitui non posse, nisi opera Caesaris.

Cap. VIII. §. 23. *Omnia*] Ratio propositionis: Quia bellum civile graviter afflixit rempublicam, quam nemo sua autoritate potest restituere, nisi tu. *Iudicia*] Secunda pars huius orationis magis consumitur in laudatione et adhortatione Caesaris, quam purgatione, et illa laude hoc agit, ut ad moderationem, humanitatem et lenitatem flectat et adhortetur. Extat similis oratio Sallustii ad C. Caesarem de republica ordinanda⁷⁵⁾. *Fides*] scilicet creditorum et debitorum, pactorum.

§. 25. *Itaque*] Amplificatio ex voce Caesaris. *Sapientissimam*] Dicit propter hoc, quod sequitur, quia est fortitudo et sapientia non formidare mortem. *Satis*] Concessio. *At*] Reprehensio ex causa finali. *In contemnenda*] Alia est publicae vitae ratio, alia privatae. Publicam vitam publicis commodis metiamur, privatam libertate. *Saepe*] Repetitiones: Incolumitas reipublicae pendet a tua salute. Igitur non debebas spectare, qualis tibi privato conveniret fortitudo in contemnenda morte. *Ut fundamenta*] Noëma. *Aequitate*] h. e. Aequabilitate, contemptu mortis. *Quid? si istud*] Correctio.

§. 26. *Parum*⁷⁶⁾] Occupatio seu inversio. *Immo*] Correctio, quasi diceret: tuae res sunt eiusmodi, quod eis adhuc aliquid desit. Igitur non habes perfectam gloriam. *Quicquid*] Minor. *Quod si*] Minor. *Siquidem*] Maior. *Siquidem*] Definitio.

Cap. IX. §. 27. *Haec igitur*] Epilogus dilutionis, seu conclusio huius syllogismi. *Satis diu*] Tertia pars dilutionis, qua refellit, quod dicit, se satis diu vixisse. *Quid enim*⁷⁷⁾] Reprehensio particulae *diu*, quasi diceret: Non debes metiri tempus, sed respicere aeternitatem, et est sumpta ex collatione vitae periturae et immortalitatis. *Quamquam*] Castigatio. *Quamquam*] Antecedens seu maior, quasi diceret: illa tua vita est memoria posteritatis.

75) Duae ad C. Caesarem de republica ordinanda orationes Sallustio adscriptae in huius operibus exstant.

76) *Parum*] sic Ed. 1568.; Ed. Orell. *Parumne*.

77) *Quid enim*] sic Ed. 1568.; Ed. Orell. *Quid est enim*.

§. 28. *Quae quidem*] Redit ad discrimen gloriae et admirationis per distributionem.

§. 29. *Non habebit*] id est, non habebit certam rempublicam, in qua praedicetur, vel, habebit admirationem, sed tamen non perfectam gloriam: Homines mirabuntur, sed tamen tum laudabunt, si rempublicam constitueris. *Erit inter*] Expolitio. *Servi*] Conclusio. *Qui multis*] Epilogus adhortatorius.

§. 30. *Id autem*] Occupatio: Quid ad me pertinet, quid postea homines de me iudicent, quia nullus sensus est? Respondet Cicero: Certe ad te pertinet, quia est aliquis sensus post hanc vitam, quasi diceret: debes iam esse hoc animo, ut velis honestam opinionem relinquere. *Ut quidam falso*] Occupatio: Platoniorum sententia fuit, eos, qui bene vixissent, post hanc vitam merito praemio affici, atque ita partem rerum bene gestarum ad auctoris voluntatem redundare. Id vero constanter negat Aristoteles primo Ethicorum⁷⁸⁾. Amplificat a paradoxo quodam philosophico.

Cap. X. §. 30. *Diversae*] Repetit argumentum ab utilitate publica tractum in hanc sententiam: Salva esse respublica non potest, nisi te salvo. Consentaneum igitur non est, esse quosdam, qui tuae saluti insidientur. *ἄλλως*. Conclusio, in qua repetit cum quadam amplificatione illud, quod est in causa praecipuum, scilicet quod sua bonitate rempublicam restituerit in tranquillum, quae funditus videbatur interitura esse. Res enim divina est restituere rempublicam. Ex illa magnitudine beneficiorum colligit neminem esse, qui ei insidietur; si autem sint, ingratos esse. *Diversae*] Exaggeratio publicarum calamitatum per incrementum. *Expediret*] Exaggeratio est, quod animi fuerint dubii, in quam partem honeste se conferre deberent. *Liceret*] hoc est, alii conferebant se ad honestos et bonos duces, non studio reipublicae, sed causa privatorum negotiorum, et perficiendi res, quas cupiebant.

§. 31. *Iratus*] Commemoratio beneficiorum. *Posita*] quasi diceret: quidam ultro sese dediderunt. Cicero discessit ultro ab armis, et contulit se ad Caesarem. *Liberatus*] Consequens est: Ingratus ille est, qui te adhuc odit, sed quia bellum sedatum est tua aequitate: ergo omnes sani

78) Conf. Arist. Eth. Nic. I, 1.

debemus velle te salvum esse. *Profudit*] id est, qui adhuc contra causam stat, vel, qui iam post profligatum bellum non desinit esse hostis victori, qui conservavit rempublicam. *Quae enim*] quasi diceret: possunt esse quidam.

§. 32. *Quare*] Adhortatio, in qua defert officium, et epilogus. *Pro aliis*] *πάθος*. *Subesse aliquid*] scilicet insidiarum.

Cap. XI. §. 33. *Sed ut*⁷⁹⁾) Gratiarum actio. Agit enim gratias tanquam pro republica. Deinde privatim⁸⁰⁾, quia Caesar in illo exemplo, quod restituerit Marcellum, satis declarabat ad eundem modum, placatum esse his, quibus id non satis ostenderat. *Sed*] Peroratio pertinens ad primam et principalem orationis partem. *Lachrymis*] scilicet pro Marcello factis. *Ordini*] scilicet senatus. *Laetari*] scilicet quia beneficium ad omnes pertinet, et videris rempublicam in veterem formam restituere.

79) *Sed ut*] sic Ed. 1568. et al.; Ed. Orell. *Sed unde*.

80) privatim] Ed. 1568. typogr. errore: pravatim.

§. 34. *Quod autem*] *πάθος* privatum. Nam agit de se privatim gratias. *Quod autem*] Privata gratiarum actio. Sic construe: Cum id tam diu praestiterim, quod summae benevolentiae est, etc., quasi diceret: Hactenus fui pro eo sollicitus, pro eo rogavi et intercessi, quae sunt signa benevolentiae. *Doloribus*] scilicet propter exilium eius. *Praestare*] scilicet hanc benevolentiam.

In fine orationis addebat D. Philippus⁸¹⁾, hanc oratiunculam non obiter degustandam esse, sed saepius relegendam, et dignam esse, quae ad verbum ediscatur. Nisi enim saepissime repetamus, non potest fieri, ut perspiciamus, quo consilio Cicero haec scripserit, et quid voluerit, et consideremus sapientissimas sententias, quibus saepe usus est in hac oratione, deinde observemus lumina orationis, quorum multa hic reperiuntur.

81) l. e. Melanthon.

X. PH. MEL. DISPOSITIO ORATIONIS CICERONIS PRO T. ANNIO MILONE.

Huius etiam orationis enarratio Melanthonis prodiit quatuor modis: 1) cum hac sola Ciceronis oratione coniuncta; 2) cum hac et pro Murena oratione connexa; 3) cum hac atque pro rege Deiotaro et Q. Ligario orationibus coniuncta; 4) sine contextu, in scholiorum, quae ad plures vel omnes Ciceronis orationes pertinent, collectionibus.

Primae classis editiones hae sunt:

In orationem Ciceronis pro Milone, Dispositio Philippi Melanthonis iam recens scripta. (Infra haec Iani caput bifrons.) *Haganoae Anno M. D. XXXV.* 9 plagg. 8. (19¹/₂ foll. non num. In orationem Cic. pro Milone Dispositio Phil. Mel. iam recens scripta; 51¹/₂ foll. non num. M. T. Ciceronis pro T. Annio Milone Oratio.)*) Has novem plagg. litteris A—I signatas sequuntur duae plagg. litteris K et L signatae, in quibus continentur: Oratio Philip. Melanch. dicta ab ipso cum decerneretur gradus Magisterij D. Andreae Vucinclero Vratisla. et alijs quibusdam bonis et doctis uiris. Anno M. D. XXXV. Die April. 14. **). Item Quaestio, quare Plato dixerit optimum esse statum Reip. eum, qui medius est inter Tyrannidem et Democratiam proportione Geometrica ***).

Oratio Ciceronis pro Milone, cum dispositione Philippi Melanch. (Infra haec Iani caput bifrons.) *Halae ex officina Petri Brubachii Anno Domini 1536.* 7 plagg. 8. (fol. 9—17. In orationem Cic. pro Milone dispositio Ph. Mel. iam recens scripta; fol. 18—56. M. T. Ciceronis pro T. Annio Milone Oratio, ult. pag. vac.).

* — — *cum dispositione Phil. Melanthonis. Antverpiae, apud Ioan. Steelsius typis Ioan. Graphi 1536. m. Novembr. 8. †).*

* — *pro T. Annio Milone cum comment. Asconii et Sylvii et adnotatt. Melanthonis, Latomi et Luschi et compendium de arte dicendi. Parisiis, Vascosanus 1537. 4.*

M. T. Ciceronis pro T. Annio Milone oratio: Q. Asconii Paediani, F. Sylvii, Phil. Melanthonis, et Bar. Latomi, commentariis et artificio illustrata. Parisiis. Apud Ioannem Lodoicum Tiletanum, M. D. XXXIX. — (In fine:) Parisiis. Excudebat Ioannes Lodoicus Tiletanus.

*) Haec editio, quae in bibliotheca Senatus Norimbergensis invenitur, Schweigerum et Orellium fugit.

**) Haec Mel. oratio in Corp. Reform. Vol. XI. p. 267—271. recusa hisce locis ab Ed. Hagan. 1535. differt: p. 268. lin. 33. typogr. errore: *experitis*, Ed. Hag. *expetitis*; p. 269. lin. 32. *centauros ac*, Ed. Hag. *Centaurus aut*; p. 270. lin. 25. in conciliis, quinam, Ed. Hag. in consiliis, qui nam.

***) Haec quaestio in Corp. Reform. Vol. X. p. 708—711. invenitur his locis ab Ed. Hagan. discrepans: p. 709. lin. 2. cum *arbitrer*, Ed. Hag. cum *arbitror*; ibid. lin. 8. ex parte *levem*, Ed. Hag. ex parte *levemus*; ibid. lin. 10. *encomion*, Ed. Hag. *encomium*; ibid. lin. 18. sequantur *ii*, Ed. Hag. sequantur *ii*; ibid. lin. 26. *nepharis*, Ed. Hag. *nefaris*; p. 710. lin. 7. *δλιγαρχίαν*, Ed. Hag. *Oligarchiam*; ibid. lin. 8. *Platonis proportio*, Ed. Hag. *Platonis proportio*; ibid. lin. 10. *et doctissimi quique*, Ed. Hag. *ac doctissimi quique*; ibid. lin. 15. *et doctorum virorum consilia*, Ed. Hag. *et doctorum consilia*; ibid. lin. 17. *tueatur et ornet*, Ed. Hag. *tueatur atque ornet*; ibid. lin. 19. *et obtemperent*, Ed. Hag. *atque obtemperent*; ibid. lin. 28. *Democratiam*, Ed. Hag. *Democratiam*; ibid. lin. 38. hanc *Harmoniam*, Ed. Hag. hanc *harmoniam*; ibid. lin. 47. *plurimum boni Ecclesiae afferet*, Ed. Hag. *plurimum Ecclesiae boni afferet*; p. 711. lin. 9. *σύνστημα*, Ed. Hag. *systema*; ibid. lin. 14. *hoc in loco*, Ed. Hag. *in hoc loco*; ibid. lin. 16. 17. *doctissimo viro D. Magistro Alexandro Alesio commendo. Dixi.*, Ed. Hag. *doctissimo viro D. Decano commendo. Finis.*

†) Editionum asterisco signatarum indices ex Schweigeri et Orellii libris l. exscriptimus, quia nondum in manus nostras venerunt.

M. D. XLI. 17 plagg. 4. (fol. I^b Franc. Syluii epistola dedicatoria Parisiis III. Id. Decemb. M. D. XXVI. ad Io. Aurellium Tolosanorum Archiepiscopum scripta; f. II—V^a De arte dicendi, in genere iudiciali, Compendium per F. Syluium; f. V^a — VI^a F. Syluii Ambiani in M. T. Cic. pro Milone orationem argumentum; f. VI^a — VIII^a Q. Asconii Paediani in eandem commentatio; f. VIII^a.^b In eandem Latomi Argumentum; f. VIII^b In eandem dispositio Melanchth. iam recens scripta; f. IX—LXVIII^a Pro T. Annio Milone M. T. Cic. oratio cum Syluii, Asconii, Latomi et Melanchthonis commentariis; f. LXVIII^b vac.).

* **M. T. Ciceronis pro T. Annio Milone oratio: Q. Asconii, Paediani et Fr. Syluii commentariis, Bar. Latomi scholiis et Ph. Melanchthonis dispositione illustrata. Parisiis, ex off. Mich. Vascosani 1539.** 4.

* — — (Idem Index) *Parisiis, ex off. Mich. Vascosani 1541.* 4.

M. Tullii Ciceronis pro T. Annio Milone oratio, Philippi Melanchthonis, et Bartholomaei Latomi adnotationibus et artificio illustrata. Coloniae Haeredes Gymn. excudebant Anno M. D. XLIIII. 8 plagg. 8. (In folii primi, quod Indicem continet, parte aversa legitur carmen inscriptum: Argumentum orationis Miloniana per Reinhardum Lorichium Hadamarium; 2 foll. non num. In orationem M. T. Cic. pro Milone dispositio Ph. Mel.; In eandem B. Latomi Argumentum; 54¹/₂ foll. non num. Pro T. Annio Milone M. T. Cic. oratio cum Ph. Melanchth. et Barth. Latomi commentariis; 6¹/₂ foll. non num. Q. Asconii Paediani in eandem argumentum.).

— — (Idem Index) *Coloniae Martinus Gymnicus excudebat. Anno M. D. XLV.* 8 plagg. 8. (Pars primi folii aversa et 2 foll. seqq. non num. eadem continent, ac in Ed. praeced.; 53 foll. non num. Pro T. Annio Milone M. T. Cic. oratio cum Ph. Mel. et B. Latomi commentar.; 6¹/₂ foll. non num. Q. Asconii Paediani in eandem argumentum; 1¹/₂ foll. vac.)*).

* — — *Asconii, Fr. Syluii, Ph. Melanchthonis et B. Latomi commentariis illustrata. Parisiis 1548.* 4.

— — (Index, ut in Ed. Colon. 1544.) *Coloniae (sine typogr. nomine), Anno M. D. LXIII.* 8 plagg. 8. (Haec Ed. cum Ed. Colon. 1545. congruit; foll. numeris carent, 1¹/₂ foll. ult. vac.).

— — (Idem Index) *Coloniae (sine anno).* 8 plagg. 8. (Haec Ed. cum Editt. 1545. et 1563. congruit; foll. numeris carent, 1¹/₂ foll. ult. vac.)*).

Secundae classis editio est:

* **M. T. Ciceronis orationes pro T. Annio Milone et pro L. Murena cum notis Phil. Melanchthonis et Barth. Latomi. Coloniae 1545.** 8.

Tertiae classis editio est:

Nobilissimae tres M. Tullii Ciceronis orationes, pro T. Annio Milone, Rege Deiotaro, et Q. Ligario. Partim Philippi Melanch. partim Bartholomaei Latomi ac Gerardi Bucoldiani Dialecticis ac Rhetoricis artificio illustratae. Reinhardus Hadamarus lectori.

Qui modica retinet precij plus atque valoris

Materia, numus chartior esse solet.

Complures diuas Oratio symmate profert

Res casto, Gentiumque Ciceronis habet.

Marpurgi ex officina Eucharj Cernicorni Agrippinatis, Anno M. D. XXXVII. 11 plagg. 8. (In folii primi, quod Indicem continet, parte aversa legitur idem Lorichii carmen, quod Editt. Colon. h. l. praebent; pag. 3—59. M. T. Cic. pro T. Annio Milone oratio; p. 60—77. In orationem Cic. pro Milone, Dispositio Phil. Melanchthonis iam recens scripta; p. 78—112. Expositio artificij et dispositio Bart. Latomi in hanc orat.; p. 113—132. Annotationes B. Latomi in locos obscuriores huius orat.; p. 133. Carmen inscriptum: Argumentum orationis pro rege Deiotaro, per Reinhardum Hadamarium; p. 134—155. M. T. Cic. pro rege Deiotaro ad C. Caesarem oratio XLIII. cum notis marginalibus; p. 156. Carmen inscript.: Orationis pro Q. Ligario Argumentum, authore Reinhardo Hadamario; p. 157—174. M. T. Cic. pro Q. Ligario ad C. Caesarem oratio XLII. cum notis margin.; ult. fol. vac.)*).

Quartae classis editiones sunt eadem, quas ad orationem pro Archia enumeravimus, excepta illa lucubrationum in Cic. orationes aliquot collectione, quae Basileae 1536—1537. 4. prodit.

*) Haec editio, quae in bibliotheca regia Berolinensi asservatur, Schweigerum et Orellium fugit.

**) Haec editio, quae in bibliotheca academica Ienensi asservatur, Schweigerum et Orellium latuit.

***) Haec etiam editio, quae in bibliotheca Senatus Norimbergensis est, illos viros fugit.

Ex his elucet, Mel. enarrationis in hanc orationem duodecim editiones in nostris manibus esse, scilicet has secundum annorum, quibus prodierunt, ordinem: 1) *Hagan.* 1535. 8., 2) *Halae Suev.* 1536. 8., 3) *Marpurg.* 1537. 8., 4) *Paris.* 1539. 4., 5) *Basil.* 1539. fol., 6) *Colon.* 1544. 8., 7) *Colon.* 1545. 8., 8) *Basil.* 1553. fol., 9) *Lugdun.* 1554. fol., 10) *Colon.* 1563. 8., 11) *Lips.* 1568. 8., 12) *Colon.* sine anno. 8., quarum ultimam nomine *Colon.*, ceteras solis annorum numeris significabimus, binas autem anni 1539., ubi diversa praebent, litteris locorum initialibus *B.* et *P.* adscriptis distinguemus.

Harum editionum novem, scilicet Editt. 1535., 1536., 1537., 1539. B., 1539. P., 1544., 1545., 1563. et *Colon.* solam dispositionem; duas, Editt. 1553. et 1554. praeter hanc alia scholia continent; una denique, Ed. 1568., illi dispositioni et his scholiis iterum alia scholia addidit.

1. IN ORATIONEM CICERONIS PRO MILONE DISPOSITIO

PHILIPPI MELANTHONIS ¹⁾.

Oratio pro Milone est generis iudicialis. Status est iudicialis; quaeritur ²⁾ enim de iure. Est igitur haec propositio principalis huius orationis, et status totius negotii: Milo iure interfecit Clodium. Principalis syllogismus huius causae est: Vim vi depellere licet; Milo vim a Clodio illatam vi depulit: igitur Milo iure interfecit Clodium. Maior cum sit manifesta, praesertim si auditor sit admonitus de genere, videlicet quod sit lex naturae, non habet opus probatione. Itaque Cicero non tam probat quam ornat eam, seque ad locum communem refert de lege naturae. Minor est *κρινόμενον* in hac tota disputatione, ideo maxima pars orationis in ea consumitur, et pertinet minor ad statum coniecturalem, quia est facti quaestio, uter alteri insidiatus sit. Cum autem duo sint in summa loci status coniecturalis, voluntas et facultas, sumit Cicero argumenta primum a voluntate utriusque, deinde a facultate, quibus fidem facit, Clodium insidias fecisse Miloni. Longum fuerit hic recensere singula argumenta, sed monstrabimus ea, et distribuemus suis locis. Tantum memineris, id quod in singulis causis facere necesse est, statum principalem, seu propositionem principalem negotii, Milo iure occidit Clodium: deinde *κρινόμενον*, Clodius insidiatus est ³⁾ Miloni; nam haec duo in qualibet disputatione, status et *κρινόμενον*, praecipue requiri debent. Causa acta est magno tumultu, quia Clodii factio potens erat, et Mi-

lonem atrociter deposcebat ad poenam. Quare et senatusconsultum factum est, quod valde praegravabat Milonem, nam eiusmodi senatusconsultum non fiebat, nisi in periculosissimis seditionibus. De his praeiudiciis queritur ⁴⁾ Cicero, quae suo loco exponemus.

Exordium ⁵⁾.

Constat tribus locis, querela, adhortatione et correctione, in qua breviter indicat ⁶⁾, quo argumento defensurus sit Milonem, propterea quod id cum esset aequissimum, inprimis valuit, ut aequo animo audirent eum iudices. Querela autem iusta fuit, quia Pompeius tanquam in re atrocissima delectus habuerat, cohortes armatas deposuerat ⁷⁾ in foro, cum exerceretur iudicium. Itaque amici Milonis metu armorum deterriti, minus libere pro eo niti aut suffragari poterant. Ideo Cicero ab hac querela orditur; sed prudenter tamen addit inversionem, quo consilio forum septum sit ⁸⁾ armatis, et ut iudices confirmet, et ne Pompeium nimium offendat.

Cap. I. §. 1. ⁹⁾ *Etsi vereor iudices]* Querela, quod forum septum sit armatis.

§. 2. *Sed me recreat]* Inversio, quod arma deposita ¹⁰⁾ sint non contra Milonem, sed pro salute Milonis.

1) His inscriptionis verbis in Editt. 1535., 1536., 1537. adduntur haec: iam recens scripta.

2) quaeritur] sic omnes Editt. excepta Ed. 1563., quae habet: quaerit.

3) insidiatus est] Ed. 1568. est insidiatus.

4) queritur] Editt. 1545., 1554., 1568. quaeritur.

5) Haec inscriptio in Ed. 1568. deest.

6) indicat] Ed. 1539. P. iudicat.

7) deposuerat] sic Editt. 1535., 1536., 1537., 1539. B., 1553., 1554., 1568.; Editt. 1539. P., 1544., 1545., 1563. et *Colon.*:

disposuerat.

8) septum sit] Ed. 1568. sit septum.

9) Capita et paragraphos secundum Ed. Orell. ipsi adscriptissimus.

10) deposita] sic omnes Editt. praeter Ed. 1539. P., ubi legitur: disposita.

§. 3. *Reliqua vero multitudo*] Addit ex vicino populi studiis. Armati non adversantur, nec lus, etsi seditiosi quidam contra Milonem errantur. Estque haec occupatio necessaria, amici Milonis deterrebantur concionibus nitiis, in quibus seditiosa multitudo contra nem incitabatur¹¹⁾. Quare opus fuit hac uatione Clodianae factionis¹²⁾.

Cap. II. §. 4. *Quamobrem adeste*] Secunda exordii, quae est adhortatio ad iudices, ut er iudicent.

§. 5. *Et quidem*¹³⁾ *caeteras*] Indignitatem erat ex collatione meritorum et periculorum, Milo semper extra iudicia cum seditiosis naverit et pericula susceperit, nunc certe so iudicio nihil debebat¹⁴⁾ habere periculi.

§. 6. *Quamquam in hac causa*] Tertia pars ii, et est reiectio: non defendam¹⁵⁾ Milona meritis publicis, sed eo argumento, quod quissimum.

Cap. III. §. 7. *Sed, antequam*] Transitiō. *ut intueri*] Priusquam ad causam accedit, iudicia quaedam diluit, quibus magnopere¹⁶⁾ ravabatur causa Milonis. Primum autem, generale est, minus laedebat Milonem, sci quod vociferabantur adversarii, non esse dendum in republica iure et legibus con- , ut quisquam indemnatus interficeretur, ivati arma caperent, etc. Cicero contra nit exempla, quae testantur aliquando iure ci etiam indemnatos. Deinde addit ratio- et casum, in quo ius palam concedit in- atum interficere, scilicet, cum vis vi depel- est, et venuste amplificatur hic locus com- translatus ad genus. Admonet enim¹⁷⁾ o, quod sit ius naturae. Itaque inserit issimam descriptionem iuris naturae, Non a, sed nata lex, quam non didicimus, ac- us, legimus, verum etiam ex natura ipsa

ncitabatur] Ed. 1539. P. incitabantur.

haec nota in Editt. 1544., 1545., 1563. et Colon. his- lem Cic. verbis adscripta invenitur.

Et quidem] sic illae Editt.; Ed. Orell. *Equidem*.

lebat] sic omnes Editt., excepta Ed. 1539. P., quae et: debeat.

defendam] sic Editt. 1535., 1536., 1537., 1539., 1553., 1554., 1563.; Editt. 1544., 1545., 1563. et Colon.: defendebam. magnopere] Ed. 1545. magnoperae.

mim] sic omnes Editt. praeter Ed. 1539. P., ubi legi- : etiam.

NTH. OPER. VOL. XVI

arripuimus, hausimus, etc. Ideo autem profuit amplificare hanc sententiam, quia erit fons praecipuae¹⁸⁾ probationis in hac causa; est enim maior syllogismi principalis huius controversiae. Latina exempla nemini sunt ignota. Sed fit mentio Orestis etiam¹⁹⁾, quem dicit absolutum esse Deae sapientissimae sententia, id plerique de Diana interpretantur, sed falluntur. Cicero enim Palladem intelligit, nam Palladis iudicio Athenis in Areopago absolutus est Orestes, priusquam ad Dianam profectus est, ut testatur Euripides, ordine commemorans iudicium in traegodia Iphigenia in Tauris. Euripidis²⁰⁾ versus hi²¹⁾ sunt:

Ὦς δ' εἰς Ἄρειον ὄχθον²²⁾ ἦκον²³⁾, ἐς δίκην,
Τ' ἔστην, ἐγὼ μὲν θάτερον²⁴⁾ λαβὼν²⁵⁾ βάθρον²⁶⁾,
Τὸ δ' ἄλλο πρόσβειρ' ἦπερ²⁷⁾ ἦν²⁸⁾ Ἐριννύων²⁹⁾
Ἐλπῶν³⁰⁾ ἀκούσασθ'³¹⁾ αἵματος μητρὸς πέρι;
Φοῖβός μ' ἔσωσε³²⁾ μαρτυρῶν· ἴσας δέ μοι³³⁾
Ψήφους διηρίθμησε³⁴⁾ Παλλὰς ὠλένη,
Νικῶν δ' ἀπήρα³⁵⁾ φόνια πεிரαιτήρια.

Id est,

Ut in iudicium veni in vico Martio,
Egoque in altero subsellio steti,
In altero quaedam dicens pro Erinnybus,
Hic Phoebus caedis audiens causam piam,
Defendit ipse testis, at³⁶⁾ Pallas mihi
Effecit, ut ferrentur calculi pares:
Victor removi signa parricidii.

18) praecipuae] Editt. 1537., 1563. praecipuae.

19) etiam] in Ed. 1563. deest.

20) Eurip. Iphig. in Tauris 961—967.

21) hi] in Editt. 1563. et Colon. deest.

22) Ἄρειον ὄχθον] Ed. 1537. typogr. errore: ρειονὸ ὄχθον.

23) ἦκον] Editt. 1536., 1537., 1563. ἦκον.

24) θάτερον] Ed. 1563. θάτερον.

25) λαβὼν] Editt. 1563. et Colon. λαβὼν.

26) βάθρον] Ed. 1537. βάθρον; Ed. 1563. βάθρον.

27) ἦπερ] Ed. 1563. ὅπερ.

28) ἦν] Editt. 1563. et Colon. ἦν.

29) Ἐριννύων] sic recte Editt. 1535., 1536., 1537., 1539. P., 1553., 1554., 1563.; Editt. 1539. B., 1544., 1545. Ἐριν- νοῦσων; Editt. 1563. et Colon. Ἐριννοῦσων.

30) Ἐλπῶν] Editt. 1544., 1545., 1563. et Colon. Ἐλγῶν.

31) ἀκούσασθ'] Editt. 1535., 1554., 1563. ἀκούσας θ'.

32) ἔσωσε] Ed. 1563. ἔσωσε.

33) δέ μοι] Editt. 1537., 1563. δέμοι.

34) διηρίθμησε] Editt. 1535., 1536., 1563. διηρίθμησε; Ed. 1537. διηρίθμησε.

35) ἀπήρα] Editt. 1545., 1563. et Colon. ἀπήρα.

36) at] sic Editt. 1535., 1536., 1537., 1539., 1553., 1554., 1563.; Editt. 1544., 1545., 1563. et Colon.: ac.

Facit huius iudicii mentionem et³⁷⁾ Demosthenes in oratione *κατὰ Ἀριστοκράτους*³⁸⁾, ubi inquit iudicia capitis duo a Diis facta esse in Areopago: in altero Martem absolutum esse, qui stupratorem filiae interfecerat; in altero Orestem absolutum esse³⁹⁾, quod ultus esset patris necem. Idem est apud Pausaniam in Atticis⁴⁰⁾. Haec videntur homines sapientissimi finxisse, ut significarent, iudices debere discernere inter caedem dolo factam, et factam ex aliquo iusto dolore, vel probabili causa: et interdum in aliquo casu legum severitatem in poena mitigandam esse. Itaque huius moderationis seu *ἐπιεικείας* Deos autores fecerunt, ne videlicet ipsi iudices viderentur temere a legibus⁴¹⁾ discedere.

Cap. IV. §. 10. *Est enim*⁴²⁾ *haec iudices non*, etc.] Conclusio, in qua transfertur ratio ad locum communem seu genus, scilicet ad legem naturae.

Cap. V. §. 12. *Sequitur illud*, etc.] Duo praeiudicia sequentia subobscura videntur iis, qui non satis norunt formam Romanae reipublicae. Ideo sciendum est, quando senatusconsultum fiebat in haec verba, videri illud esse contra reipublicam. Item, ut viderent consules, ne quid respublica detrimenti caperet: hoc senatusconsulto dabatur summa potestas consulibus habendi delectus, armis opprimendi etiam sine iudicio eos, adversus quos factum erat senatusconsultum. In summa, simile quiddam erat proscriptioni, qualis nunc est, cum imperator aliquem principem proscribit. Cum autem tale senatusconsultum iam factum esset, certe praegravabatur Milo; propemodum enim habebatur

pro proscripito, ac reo laesae maiestatis. Ideoque Pompeius conscripsit exercitum contra Milonem, et tamen acerbitatem huius senatusconsulti ipse quoque novo exemplo leniit, scilicet quod tulit, ut res cognosceretur ac iudicaretur. Sed tamen in hoc iudicio plus periculi fuit, quam si ordinaria via res fuisset cognita: sicut principibus hoc tempore minus periculi est in iudiciis ordinariis, ubi valent multae exceptiones, negotii prorogationes, studia amicorum. Ita Milo in iudicio usitato multa habiturus erat commoda, quae non habuit in hoc inusitato⁴³⁾ iudicio: nam et species illa proscriptionis⁴⁴⁾ praegravabat eum. Item quia praesidium contra eum conscriptum erat, amici eius minus audebant pro eo niti. Hae sunt causae, quare Cicero toties reprehendit hanc novam quaestionem constitutam. Nam nova quaestio complectitur haec duo, videlicet et senatusconsultum illud atrox, quo Milo habebatur propemodum pro reo laesae maiestatis⁴⁵⁾: et hoc extraordinarium iudicium, quo etsi leniebatur senatusconsulti atrocitas, tamen plurimum habuit periculi: et probabile est, Milonem in iudicio ordinario servari potuisse. Reprehendit autem iure Cicero Pompeium collectis multis exemplis, quibus ostendit, nihil simile fuisse decretum interfectis clarissimis viris, Scipione⁴⁶⁾, Druso⁴⁷⁾ et aliis; sed senatum reiecissee ea negotia ad ordinaria et usitata iudicia: et commemorat Cicero, senatum principio in causa Milonis nihil novi voluisse decernere, et tamen postea aliquanto durius senatusconsultum factum est opera factionis Clodiana. Quamquam id quoque mitigat Cicero, ut postea dicam, et ostendit mollius fuisse ea lege, quam postea tulit Pompeius: ideo duo sunt praeiudicia, alterum senatus, alterum Pompeii⁴⁸⁾ durius.

37) et] sic Editt. 1535 — 1539., 1553., 1554., 1568.; in Editt. 1544., 1545., 1563. et Colon. deest.

38) *κατὰ Ἀριστοκράτους*] sic omnes Editt. excepta Ed. 1568., quae habet: contra Aristocratem. — Hic locus invenitur in Demosth. op. p. 641. ed. Reiske (T. I. p. 408. ed. Schaefer).

39) absolutum esse] sic Editt. 1535 — 1539., 1553., 1554., 1568.; in Editt. 1544., 1545., 1563. et Colon. desunt.

40) Pausanias I, 28, 5. haec scripsit: *Κάτω δὲ καὶ ὁ Ἄρειος πάγος· ἔστι δὲ Ἄρειος πάγος καλούμενος, ὅτι πρῶτος Ἀρης ἐνταῦθα ἐκρίθη· καὶ μοι καὶ ταῦτα δεδήλωκεν ὁ λόγος, ὡς Ἀλιφρόδιον ἀνέλεο, καὶ ἐφ' ὅτι κτείνει. κριθῆναι δὲ καὶ ὄσπερον Ὀρέστην λέγουσιν ἐπὶ τῷ φόνῳ τῆς μητρὸς· καὶ βωμὸς ἔστιν Ἀθηναίς Ἀρεῖας, ὃν ἀνέθηκεν ἀποικυγῶν τὴν δαίην.*

41) legibus] sic recte Editt. 1536., 1539. B., 1553., 1554., 1568.; cett. Editt. regibus.

42) enim] sic Ed. Orell. et Ed. 1568.; Editt. 1535., 1536., 1539. B. ergo; Editt. 1539. P., 1544., 1545. et Colon. in textu habent: enim, in hac dispositione autem (ut Editt. 1539. B., 1553., 1554.): ergo.

43) inusitato] sic omnes Editt. excepta Ed. 1568., quae habet: usitato.

44) proscriptionis] Ed. 1563. praescriptionis.

45) pro reo laesae maiestatis] sic Editt. 1535., 1537., 1568.; Editt. 1536. laesae maiestatis (omiss. „pro reo”); cett. Editt.: laesae maiestatis reus.

46) P. Cornelius Scipio Aemilianus, Africanus minor, a. u. c. 625. a C. Carbone interemptus est; vid. Orellii et Baisteri Onomast. Tullian. P. II. p. 188 seq.

47) M. Livius M. f. Drusus tribunus plebis a. u. c. 663. a Q. Vario per sicarium domi occisus est; vid. Onomast. Tullian. P. II. p. 358 sq. et Pauly Real-Encycl. T. IV. p. 1109 sqq.

48) Pompeii] Editt. 1544., 1545. et Colon.: Pompei.

§. 13. *Cur igitur incendium, etc.*] Senatusconsultum mitigatur tripliciter. Primum quod fuerit generale complectens utramque partem, quare non poterat videri Milo proprie damnatus. Secundo, quod discrete addiderit de usitatis iudiciis. Multa autem commoda habiturus erat Milo in iudiciis ordinariis⁴⁹⁾. Tertio, quod ad extremum nihil communi consensu senatus decretum sit, propterea quod cum tribunus intercessisset, senatui erepta est facultas aliquid decernendi. *Nulla vis unquam*] Generalis responsio est, quae interpretatur et mitigat senatusconsultum. Semper, inquit, exemplum est malum, etiamsi interdum in aliquo casu habet autor caedis excusationem: ut cum Nasica privatus occidit Tiberium⁵⁰⁾, exemplum certe minime erat probabile, et tamen aliquam excusationem Nasica habuit. Recte igitur senatus facit, quod in exemplo periculoso quaestionem constituit: quia periculosa exempla non sunt negligenda. Et tamen constituta quaestione, prudenter reliquit senatus Miloni legitimam defensionem.

Cap. VI. §. 14. *Divisa sententia est*⁵¹⁾] Dividere sententiam est, cum in sententia multae partes sunt, nominatim ac discrete de singulis decernere. Cum igitur aliquis postulasset, ut senatores dicerent, quid proprie de Milonis facto⁵²⁾ iudicarent, et alii condemnarent Milonem, alii dicerent sententias mitiores, cum non conveniret⁵³⁾, tribunus Fusius intercessit. Sic interpretatur Asconius⁵⁴⁾ hanc figuram, dividere sententias. Alii putant esse idem quod numerare suffragia, cum videlicet multae ac diversae sententiae dictae sunt. Id nihil facit ad hunc Ciceronis locum.

Cap. VI. §. 15. *At enim Cn. Pompeius*] Cum magni in urbe tumultus essent et de caede Clodii, et de comitiis, creatus est consul Pompeius sine collega. Et quia in senatu non convenerat de causa Milonis, consul rem ad se revocavit, et le-

49) Multa autem—ordinariis.] haec verba in Editt. 1539—1563. et Colon. unciis sunt inclusa.

50) P. Cornelius Scipio Nasica a. 133. a. Chr. Tiberium Sempronium Gracchum interfecit; conf. supra p. 337. nota 23.

51) *Divisa sententia est*] pro his Cic. verbis in omnibus illis Editt. huic notae adscripta sunt: *Dividere sententias.*

52) facto] Ed. 1545. typogr. errore: facta.

53) conveniret] sic omnes Editt. praeter Editt. 1563. et Colon., quae habent: convenirent.

54) Fragmentum commentariorum Q. Asconii Pediani in orationes aliquot M. Tullii Ciceronis (cum praefat. edit. a Melanthon). Ex Hagenoia (sic), per Ioh. Secerium. (s. a.) Fol. — Huius phrasim interpretatio fol. IX. invenitur.

gem tulit, in qua nominatim proposuit, se quaesiturum esse de caede Clodii. Haec vero lex magis praegravabat Milonem, quia talis inquisitio solebat esse executio quaedam re iam damnata, ac propemodum similis erat proscriptioni, qualis est nostris temporibus. Sed Cicero mitigat legem, dicit hanc inquisitionem non statim executionem esse, praesertim cum ipse Pompeius novo exemplo potestatem faciat⁵⁵⁾ Miloni dicendae causae. Haec etsi deflectit ita Cicero ad suam partem, tamen re ipsa sentit praegravari Milonem, et succenset Pompeio, quasi hoc praeiudicio damnet Milonem, et certe usitata iudicia ei ademit. Ideo sequitur longa in eam sententiam querela, in qua colligit multa exempla, quibus probat hoc negotium ad usitata iudicia reiiciendum fuisse, in quibus, ut dixi⁵⁶⁾, multo minus periculi habiturus erat Milo, quam in hac nova forma iudicii.

§. 16. *Iam illud dicet, etc.*] Querela de nova quaestione constituta.

Cap. VII. §. 16. *Domi suae nobilissimus*] Exempla, quibus probat non fuisse novam quaestionem constituendam de facto, sed rem reiiciendam fuisse ad usitata iudicia.

Cap. VIII. §. 21. *Non fuit ea causa etc.*] Excusat Pompeium.

Cap. IX. §. 23. *Quamobrem, iudices*] Transitio est, in qua refutatis praeiudiciis Cicero defensionem incipit, et proponit quaestionem propriam huius iudicii, videlicet querendum esse, uter fecerit insidias; id enim erit *κρινόμενον*. Proposita hac quaestione principali, instituit facti narrationem, in qua prudentissime spargit semina totius defensionis, videlicet consilia utriusque personae, et⁵⁷⁾ occasiones eorum quae acciderunt.

Cap. XI. §. 30. *Insidiator superatus, etc.*] Minor principalis, continens summam controversiae, et totius status. *Sin hoc et ratio, etc.*] Ex narratione colligit in epiphonemate summam facti, de qua praecipue dimicatur in hac controversia, et quae est minor principalis syllogismi: ideo nunc inchoat confirmationem, attexens maiorem, atque ita complectitur summam probatio-

55) faciat] sic Editt. 1535—1544., 1553., 1554., 1563.; Editt. 1545., 1563. et Colon.: facit.

56) ut dixi] haec verba in Editt. 1539—1563. et Colon. unciis inclusa sunt.

57) et] sic omnes Editt. praeter Editt. 1563. et Colon., in quibus haec vox deest.

nem. Verum quia minor syllogismi fit *κρινόμενον*, ideo repetitur illa propositio: Milo non fecit insidias, sed Clodius. Haec propositio cum ad statum coniecturalem pertineat, argumenta ducuntur ex locis eius status, videlicet a voluntate et facultate. Locus voluntatis vocatur impulsio, cum a spe, commodis⁵⁸⁾, item aliis affectibus impellentibus et hortantibus ad facinus argumentatur. Ac⁵⁹⁾ primum argumentum ducitur a spe, quod includemus in syllogismum, etsi Cicero ipse non admodum a forma syllogismi discedit: et quamquam paulo liberior est oratio, tamen agnoscere membra facile possunt. Verisimile est fecisse insidias eum, cui praecipue bono fuit. Clodio magis opus fuit Milonem e medio tolli, quam Miloni perire Clodium. Ideo verisimilius est Clodium fecisse insidias. Minorem probat collatione, quia Clodius ea parabat, quae vivo Milone vidit nullo modo perfici posse. Econtra Miloni studebant boni, ob hanc causam praecipue, ut Clodium reprimeret: ergo extincto Clodio metuendum ei fuit, ne suffragatores minus firmos habiturus esset.

Cap. XII. §. 32. *Satis est quidem*, etc.] Primum argumentum a loco voluntatis, scilicet a spe commodorum. *Magnam ei causam*, etc.] Minor. *Etsi boni nullo*, etc.] Maior. *Atqui Milone interfecto*, etc.] Probatio minoris, constans collatione.

Cap. XIII. §. 34. *At nunc*⁶⁰⁾ *Pub. Clodio*.] Altera pars collationis. *At valuit odium*, etc.] Secundum argumentum. Clodius magis odit Milonem: igitur credibile est Clodium Miloni fecisse insidias.

Cap. XIV. §. 36. *Reliquum est ut iam illum*] Tertium argumentum a natura et perpetuis moribus Clodii: Credibile est eum potius consilium caedis faciendae habuisse, qui semper multa seditiose et crudeliter fecit. Clodius semper fuit et crudelis et seditiosus. Milo Clodium ne quidem cum gloriose posset, occidere voluit. Igitur verisimilius est Clodium fecisse insidias. Longa est narratio factorum utriusque, quae ad minorem pertinet⁶¹⁾. Addita est amplificatio ex minore: Si Milo tunc non voluit, cum posset sine periculo,

58) a spe, commodis,] sic omnes Editt., excepta Ed. 1568, ubi legitur: a spe commodi.

59) Ac] Ed. 1537. At.

60) nunc] sic Ed. Orell.; illae Editt. omnes: non.

61) pertinet] Ed. 1563. pertinent.

quanto minus nunc voluit⁶²⁾ cum periculo occidere? et praecipue exaggeratur⁶³⁾ tempus comitiorum. *Quid ergo, iudices* etc.] Narratio utriusque factorum.

Cap. XVI. §. 41. *Quem igitur cum omnium*] Amplificatio a minore.

§. 42. *Et dies comitiorum*, etc.] Exaggerat tempus comitiorum.

§. 43. *Quid quod caput*, etc.] Quartum argumentum. Credibilius est hunc fecisse insidias, qui speravit impunitatem. Milo non potuit hanc sperare: igitur non est credibile Milonem fecisse insidias. Ponuntur autem ad verbum maior et minor syllogismi. *Quid? quod*, etc.] Maior. *In utro igitur*, etc.] Minor.

§. 44. *Sed quid ego argument.* etc.] Sequuntur argumenta facultatis, sumpta ab occasionibus, ac primum a tempore itineris ducit: Clodius sciebat iter Milonis, ergo potuit struere insidias. Milo nesciebat iter Clodii, ergo ne potuit quidem moliri insidias. Probatio est antecedentis: Clodius habuit causam manendi in urbe, ergo ne quidem fuit exiturus, nisi ad cogitatum facinus. Aditum autem facit ad argumenta facultatis, commemoratione minarum Clodii, in quibus ille tempus constituerat.

Cap. XVII. §. 46. *Pub. Clodium illo die in Albano*] Quidam testis dixerat, Clodium fuisse in Albano pernoctaturum, sed nuntiata Cyri morte, repente eum mutasse consilium, et Romam properasse. Huius testimonii alteram partem detorquet Cicero ad Milonis excusationem: Si enim Clodius in Albano mansurus erat, ergo neque egressus est Milo, ut ei occurreret, neque scire potuit eum esse rediturum. Alteram partem calide invertit: Si Clodius subito mutavit consilium, ergo non de Cyri morte nuntiatum est, sed de adventu Milonis. Ita diluit testimonium, et addit rationes de Cyro, non fuisse causam, cur properaret propter Cyri mortem. Deinde sequuntur rationes sumptae a loco. Prima: Si Milo sciebat advenire Clodium, debuit non procul ab urbe provehi, quia facilius occultari facinus potuit in vicinia⁶⁴⁾ urbis. Secunda de loco: Milo debuit Clodio occurrere, priusquam in vil-

62) cum posset sine periculo, quanto minus nunc voluit] sic Editt. 1535 — 1539, 1553, 1554, 1568; in Editt. 1544, 1545, 1563. et Colon. haec verba desunt.

63) exaggeratur] Ed. 1539. P. exaggerant.

64) vicinia] Ed. 1568. vicina.

lam diverteret, ne elaberetur, ne id quidem fecit Milo, ergo non habuit consilium faciendi insidias. Hic addit epilogum, in quo repetit superiora argumenta, ut videlicet ad id, quod valere plurimum videbatur, aditum sibi faceret. Est autem sumptum a loco pugnae, item ab apparatu. Clodius restitit in loco commodiore, item fuit eques, habuit praeter morem secum tantum gladiatorum: item contatus⁶⁵⁾ est, ut solent qui expectant, et moliuntur⁶⁶⁾ aliquid. Milo contra pugnavit iniquo loco, duxit secum uxorem et caetera impedimenta: ergo non est verisimile Milonem cogitasse de insidiis faciendis. Additur confutatio de servis; nam adversarii argumentabantur Milonem ideo servos manumisisse, ne rapti ad cruciatus faterentur et proderent Milonis consilia. Cicero aliam causam manumissionis allegat, scilicet meritos esse libertatem, quia dominum defendissent. Confutat et testimonia servorum Clodii, facile enim intelligi potest, leve testimonium esse⁶⁷⁾ servorum Clodii pro Clodio.

Cap. XVIII. §. 48. *Video enim illum, qui dicitur]* Inversio: Imo non de Cyro nuntiavit, sed de Milonis adventu, ut Clodius haberet spatium occupandi loci insidiarum.

Cap. XIX. §. 49. *Atque ut illi nocturnus]* Sextum argumentum et primum de loco.

§. 51. *Atque illo die certe Aricia]* Septimum argumentum, secundum de loco.

Cap. XX. §. 53. *Videamus nunc]* Octavum argumentum et tertium de loco.

Cap. XXIII. §. 61. *Quod si nondum satis*⁶⁸⁾ Nonum⁶⁹⁾ argumentum sumitur a signis consequentibus, scilicet a conscientia. Bene consci sunt erecto et intrepido animo: Milo adeo fuit intrepido animo, ut redire ausus sit, et se committere iratis et armatis magistratibus: ergo sibi bene conscius fuit. Probatio minoris est longa illa narratio de reditu Milonis, de contemptis suspicionibus et falsis rumoribus, ex quibus plurimum ei fuit periculi: ac per hanc occasionem

additur purgatio, qua Milonem purgat Pompeio, ut eximat Pompeio suspiciones, quibus maxime praegravabatur Milo. Ratio purgationis sumpta est ex Pompeii⁷⁰⁾ beneficiis. Huic loco in fine addit gravissimam admonitionem, qua commonefacit Pompeium, ne tales amicos abiiciat, quorum ei fides aliquando praesidio esse possit in suis periculis. Fortunam enim, cum sit mutabilis, etiam ipsi Pompeio metuendam esse. Correctio additur prudentissime cogitata. Arguntur enim ex ipso facto Pompeii⁷¹⁾, quod Milonem salvum esse velit. Pompeius enim habebat ius interficiendi Milonis sine iudicio, quia facto senatusconsulto, ut videret ne quid respublica detrimenti acciperet, iam tacite Milo fuit hostis iudicatus⁷¹⁾, et Pompeio datum ius interficiendi Milonem. Debuit igitur sine iudicio interficere, si Milonem poena dignum esse statuebat; sed non interfecit: igitur significat eum non esse dignum poena. Hic locus subobscurus est, si quis Romanum morem et vim senatusconsulti non novit, quo magistratus in⁷²⁾ summis periculis armari solebant. Facto enim hoc senatusconsulto, ut viderent consules, ne quid respublica detrimenti caperet, dabatur potestas consulibus conscribendi exercitus, eosque interficiendi, contra quos tale senatusconsultum fiebat, sicut Caesar testatur in principio belli civilis⁷³⁾, cum inquit: Quotiescunque decretum sit, darent magistratus operam, ne quid respublica detrimenti caperet: qua voce et quo senatusconsulto populus Romanus ad arma vocatus sit, factum in perniciosius legibus, in vi tribunitia⁷⁴⁾, etc. Atque hic finis est defensionis principalis. Sequitur nova defensio, in qua tuetur Milonem alio quodam argumento, videlicet fuisse e republica Clodium interfici, tanquam tyrannum, aut civem seditiosum. Quare Milo recte fecerit, et poena liberandus sit. *Quod si nondum satis, etc.]* Nonum argumentum et ultimum de conscientia. Orditur autem a minore⁷⁵⁾. *Magna vis est, etc.]* Maior.

65) contatus] Ed. 1568. cunctatus.

66) moliuntur] Ed. 1563. moliantur.

67) esse] sic Editt. 1535—1539., 1553., 1554., 1568.; in Editt. 1544., 1545., 1563. et Colon. deest.

68) nondum satis] sic Ed. Orell.; illae Editt. *satis nondum*.

69) Nonum] sic Editt. 1535., 1536. (quae pro illa voce numeri signum IX. habent), 1537., 1539., 1544., 1553., 1554., 1568.; Editt. 1545., 1563. et Colon: Novum.

70) Pompeii] Editt. 1544., 1545. Pompei.

71) iudicatus] Ed. 1568. indicatus.

72) in] sic omnes Editt. exceptis Editt. 1539. B., 1553., 1554., in quibus deest.

73) Conf. Caes. Bell. Cic. I, 5, 3.

74) tribunitia] Ed. 1536. typogr. errore: tribunita.

75) Haec altera nota huiusmodi Cic. verbis adscripta in omnibus illis Editt. invenitur.

§. 62. *An vero obliti estis?*] Declaratio et probatio minoris, de suspicionibus ac falsis rumoribus.

§. 63. *Miseros interdum cives*] πᾶθος.

Cap. XXIV. §. 65. *Sed dicam, ut sentio, etc.*] Leviter reprehendit Pompeii⁷⁶⁾ suspensiones et timiditatem.

Cap. XXV. §. 67. *Quod si tamen*⁷⁷⁾ *metuitur, etc.*] Purgatio Milonis.

§. 68. *Quod si Miloni etc.*] Ratio purgationis⁷⁸⁾. *Te, Magne, tamen, etc.*] Admonitio de conservandis fidis et firmis amicis.

Cap. XXVI. §. 70. *Quamquam quis hoc credit, etc.*] Correctio, qua probat ex facto Pompeii⁷⁹⁾, quod velit salvum Milonem.

Cap. XXVII. §. 72. *Nec vero me iudices*] Haec nova defensio, etsi per sese non satis firma erat, tamen addita superiori valet: propterea quod commemoratio flagitiorum Clodii inflammat odia adversus eum, et Miloni iudices reddit aequiores. Ac plane in tam gravi causa superior disputatio minus haberet ponderis, detracto hoc loco, qui postquam accedit, sonum maiorem addit, et impetu quodam iudicium⁸⁰⁾ animos commovet. Est autem syllogismi summa: Seditiosos cives licet impune interficere; Clodius fuit seditiosus: igitur Clodium impune licuit interfici⁸¹⁾. Maiorem Cicero proponit transformatam in exempla, quae videlicet eam confirmant; deinde subiicit longam enumerationem scelerum Clodii, quae est minor et probatio minoris; et minor est ornata antithesi, quantum prosit civitati Clodii interitus. Deinde adduntur tres amplificationes: prima a contrariis: Nemo cuperet Clodium in vitam restituere, ergo mortem ulcisci iniustum est. Secunda ab exemplo: In Graecis civitatibus praemia constituta sunt tyrannicidis. Hic⁸²⁾ addit occupationem: Etiam si fortibus viris non contingunt

76) Pompeii] Editt. 1544., 1545. Pompei.

77) *Quod si tamen*] sic Ed. Orell.; Editt. 1535., 1536., 1537., 1539. B., 1553., 1554., 1568. *Cum tamen si*; Editt. 1563. et Colon. *Quod tamen si*; Editt. 1539. P., 1544., 1545. habent in textu: *Quod tamen si*, in hac nota autem: *Cum tamen si*.

78) Haec nota tantum in Editt. 1535., 1537., 1568. invenitur, in cett. deest.

79) Pompeii] Editt. 1544., 1545. Pompei.

80) iudicium] Ed. 1568. iudicium.

81) licuit interfici] sic Editt. 1535. — 1539., 1553., 1568.; Editt. 1544. et Colon.: licet interfici; Editt. 1545., 1563. licet interficere; Ed. 1554. licuit interficere.

82) Hic] Ed. 1563. Huic.

iusta praemia, tamen virtutis laude contenti sunt etc. Conclusio syllogismi.

Cap. XXX. §. 83. *Quamobrem uteretur eadem confessione, etc.*] Tertia amplificatio est gravissima et splendidissima. Est autem translatio; causam enim mortis Clodii transfert in Deos, atque ita admonet hanc gratiam Diis pro hoc beneficio deberi, ut iudices Milonem servent. In his locis consumitur reliqua pars tota usque ad perorationem. *Sed huius beneficii etc.*] In translatione primum proponit: Dii sunt autores caedis Clodii. Rationes sumptae sunt a signis, quia religiones violarat, aras demolitus fuerat: ergo Dii sumpserunt de eo poenas. Secundum signum a loco sumptum est: Ad ipsum sacellum Bonae Deae interfectus est: ergo tunc Bona Dea ulta est pollutas caeremonias, cum antea ulcisci in iudicio non potuisset. Sequitur amplificatio, in qua est longa querela, quod nemo unquam eum reprimere potuerit: ergo nunc Dii represserunt ad salutem reipublicae. Initio vero breviter inserit locum communem, quo⁸³⁾ probat esse Deos, et Diis humana curae esse. Argumentum ad verbum sumptum est ex Xenophonte⁸⁴⁾: Sicut in nobis est mens, quae etsi non cernitur, tamen ex effectibus intelligitur: ita Deus intelligitur ex effectibus, etsi aliter non cernitur. Cicero autem usus est figura orationis non valde usitata, sed extant eius exempla in Topicis Ciceronis. Non est in hoc nostro imbecilli corpore mens, et non est in illo⁸⁵⁾ aeterno et pulcherrimo corpore mens aliqua. Haec⁸⁶⁾ duae negationes habent vim adfirmationis, et enthymema efficiunt ex maiore, hoc modo: Si nostrum corpus mente gubernatur, multo magis totum mundi corpus, quasi dicat: Non est consentaneum, cum nostrum corpus mente regatur, non regi mente totum mundi corpus, ut⁸⁷⁾ si dicas: non est opus imitatione in levioribus artibus, ut in pingendo: et, non est opus imitatione in arte multo difficillima dicendi, et hoc modo saepe loquitur Isocrates, interdum etiam Demosthenes. *Nec vero quisquam, etc.*] Locus communis, et est antecedens.

83) quo] sic omnes Editt. praeter Ed. 1563., quae habet: quod.

84) Conf. Xenoph. Memorab. Socr. IV, 3, 14.

85) illo] sic omnes Editt. exceptis Editt. 1563. et Colon. in quibus haec vox deest.

86) Haec] Editt. 1536., 1539. B. male: Haec.

87) ut] Ed. 1539. B. et.

Cap. XXXI. §. 84. *Illam perniciem* ⁸⁸⁾ *ex-*
linxit] Consequens.

§. 85. *Religiones me hercule*] Signum, pro-
batio antecedentis.

§. 86. *Nisi forte hoc etiam casu*] Secundum
ignum.

Cap. XXXII. §. 87. *Dura mihi, medius fidius*] Amplificatio: Nemo potuit eum reprimere, ergo Dii aliquando represserunt ad salutem reipublicae.

Cap. XXXIV. §. 92. *Sed iam satis, etc.*] Peroratio tantum habet adfectus, videlicet deprecationem, quam tamen transfert in suam personam, ne Milo videatur aut imbecillior animo, aut parum ⁸⁹⁾ causae confidere. Ac prima ratio deprecationis sumpta est ex meritis Milonis, et apte fingit Milonem commemorantem merita, et eviter querentem de ingratitude civium: deinde consolantem se ex loco communi, videlicet ex officio viri fortis, satis magnum praemium auferre gloriam huius facti. Reliqua pars habet querentem Ciceronis, quanto cum dolore amissurus sit Milonem; postea argumentatur a Milonis meritis

88) *Illam perniciem*] sic Ed. Orell.; Editt. 1535—1537., 1563., 1568. *Quae illam perniciem*; Editt. 1539. P., 1544., 1545. et Colon. in textu habent *Quae perniciem*; in hac nota autem *Quae illam perniciem*; Editt. 1539. B., 1553., 1554. in hac nota *Quae illum perniciem*.

89) parum] Ed. 1568. eorum.

erga ipsum. Tertio allegat sua merita, et sibi Milonem condonari petit. Extrema clausula est, dignum esse Milonem, qui propter virtutem retineatur. *Nisi ut orem, etc.*] Deprecatio, quam transfert in suam personam.

§. 93. *Valeant, valeant, inquit, cives* ⁹⁰⁾] Querela Milonis de ingratitude civium.

§. 94. *Ego quum tribunus pl.*] Commemoratio meritorum.

Cap. XXXV. §. 96. *Addit haec quae certe, etc.*] Consolatio ex loco communi.

Cap. XXXVI. §. 99. *Nec vero si mihi eriperis, etc.*] Querela Ciceronis propria, quanto cum dolore amittat Milonem ⁹¹⁾.

Cap. XXXVII. §. 102. *Revocare tu me in etc.*] A meritis Milonis.

§. 103. *Quodnam ego* ⁹²⁾ *concepi tantum etc.*] A suis meritis.

Cap. XXXVIII. §. 104. *Imo vero poenas, etc.*] Correctio ex loco honestatis. *Hiccine vir, etc.*] Clausula: Milo dignus est propter virtutem, ut retineatur.

90) *Valeant, valeant, inquit, cives*] sic Ed. Orell.; illae Editt.: *Valeant, inquit, valeant cives*.

91) Haec nota in Editt. 1539. P., 1544., 1545., 1568. et Colon. iisdem Cic. verbis bis adscripta est.

92) *ego*] sic Ed. Orell.; in illis Editt. deest.

2. ALIA SCHOLIA PHILIPPI MELANTHONIS ¹⁾.

Utiliter institutum est in scholis, ut in enarrationibus primum quaeratur de genere causae, einde de statu, tertio de principali syllogismo, in quo praecipue versatur controversia, quarto quod sit *κρινόμενον* in syllogismo ²⁾. Non enim potest intelligi penitus ulla controversia, nisi haec quatuor recte intelligantur; et his quatuor partibus animadversis argumentum integre tenetur. Itaque ³⁾ oratio pro Milone generis iudicialis,

1) Haec scholia tantum inveniuntur in Editt. 1553., 1554., in scripta „In eandem pro Milone orationem, eiusdem Philippi Melanthonis Scholia, aliter.“, et pluribus aucta in Ed. 1568., in qua sic in scripta sunt: „Alia Scholia Philippi Mel. in orationem Ciceronis pro Milone dictata 19. die Martii. 1537.“

2) in syllogismo] sic Ed. 1568.; in Editt. 1553., 1554. haec desunt.

3) igitur] sic Editt. 1553., 1554.; Ed. 1568. itaque.

hoc est, non est tantum ⁴⁾ historia, non est deliberatio, sed est disputatio forensis. Status est iudicialis, hoc est, quaeritur principaliter de iure, estque haec propositio principalis huius orationis, et status totius negotii: Milo iure interfecit Clodium. Principalis syllogismus huius controversiae est: Vim vi depellere licet; Milo vim a Clodio illatam vi depulit: igitur Milo iure interfecit Clodium. De maiore nullum est certamen; est enim manifesta, praesertim si auditor sit admonitus, quod sit lex naturae. Quare Cicero non tam confirmat eam, quam ornat et amplificat. De minore est certamen. Minor est *κρινόμενον* in hac tota disputatione, et maxima pars orationis in ea consumitur. Pertinet autem

4) est tantum] sic Editt. 1553., 1554.; Ed. 1568. tantum est.

minor ad statum coniecturalem: Quia est facti quaestio, uter alteri insidiatus sit. Cum autem duo sint in summa loci status coniecturalis, voluntas et facultas, sumit Cicero argumenta primum a voluntate utriusque, deinde a facultate, quibus fidem facit Clodium fecisse insidias Miloni. Singula argumenta suo loco monstrabimus. Causa acta est magno tumultu, quia Clodii factio erat potens, et Milonem atrociter deposcebat ad poenam. Quare et senatusconsulta quaedam⁵⁾ facta sunt, quae valde praegravabant Milonem. De his praeiudiciis queritur Cicero, quae suo loco exponemus.

Exordium.

Constat sex membris: Querela, inversione, extenuatione Clodiana factionis, adhortatione ad libere decernendum, exaggeratione indignitatis, et reiectione. 1.^o) Querela est: Commoveor nova forma iudicii. Nam metu armorum et iudicum et aliorum amicorum studia deterrentur. 2. Inversio: Sed tamen ea est Pompeii iustitia, ut, cum reum in iudicium adduxerit, non in hoc arma comparaverit, ut eum per vim opprimat. Quare haec arma disposita sunt, ut seditiosam plebeculam tumultuantem pro Clodio coherceant⁷⁾, et ut pars utraque tutior sit. 3. Extenuatio Clodiana factionis aditus est ad adhortationem: Cum nec armati nobis adversentur, et inermes honesti cives omnes nobis sint aequissimi, et maxime cupiant servari Milonem, non est formidanda factio Clodiana, quae habet tantum in partibus paucos quosdam turbulentos homines, qui largitionibus Clodii se sustentarunt. 4. Adhortatio: Quare, iudices, libere et fortiter decernite, et servate civem, qui et ipse solitus est fortiter resistere turbulentis et improbis civibus. Hac in re mea etiam causa⁸⁾ laboro. Nam Milo et ego pariter depugnabimus cum seditiosis. Quare hoc servato me quoque tutiorem fore spero. 5. Exaggeratio indignitatis: Ac⁹⁾ profecto miserabile esset¹⁰⁾ Milonem nunc in ipso

5) quaedam] sic Ed. 1568.; in Editt. 1553., 1554. deest.

6) 1.] hic numerus et seqq. in Ed. 1568. adscripti ab Editt. 1553., 1554. absunt.

7) coherceant] sic Ed. 1568.; Editt. 1553., 1554. coherceat (scil. Pompeius).

8) mea etiam causa] sic Ed. 1568.; Editt. 1553., 1554. mea causa etiam.

9) Ac] sic Editt. 1553., 1554.; Ed. 1568. At.

10) esset] sic Editt. 1553., 1554.; Ed. 1568. est.

iudicio periclitari, cum sua virtute semper defenderit iudicia et leges adversus seditiosos, qui iudicia et leges abolere conabantur. 6. Reiectio: Sed in hac causa non defendam Milonem commemoratione publicorum meritorum, sed utar defensione, quam natura hominibus concedit, quod insidiatorem iure interfecerit.

Haec distributio sententiarum affert lumen orationi, et ostendit, quid habuerit consilii Cicero. Queri¹¹⁾ voluit, quemadmodum merito poterat, de dispositis armis. Nunquam enim antea ulla aetate quisquam ita dixerit¹²⁾ causam inter armatos. Deinde voluit confirmare dubitantes et infirmos iudices, qui metuebant arma Pompeii, et Clodii factionem¹³⁾. Deinde cum videmus ordine disposita membra, imitatio est facilior. Ita enim cognitis¹⁴⁾ principalibus membris videmus, quomodo oratio paulatim¹⁵⁾ crescat, cum propositioni positae addantur¹⁶⁾ aliae vicinae, ut argumenta vel consequentia¹⁷⁾. Videmus etiam, quae figurae additae sint ornandi causa, sicut lumina. Haec qui observat, et rectius intelliget bona scripta, et facilius ea imitabitur. Nec vero compositio Ciceroniana animadverti potest, nisi hoc modo observata fine¹⁸⁾ membrorum. Facilius etiam auctorum sententiae aliis verbis reddi possunt, cum intervalla membrorum videmus.

Cap. I. §. 1. *Etsi vereor*] Querela: Commoveor hac nova forma iudicii. *Terret*] Emphasis est in hac voce. *Non enim*] Repetitio eiusdem sententiae.

§. 2. *Collata*] vel collocata¹⁹⁾ (Dubitat autem Philipp. Melanthon, utrum legendum sit). *Quae si opposita*] Correctio seu inversio: Arma disposita sunt pro communi tranquillitate, scilicet, ut iudices libere possint decernere, et utraque pars tutior sit. *Reum*] id est, non est inustum armis illum opprimere, de cuius causa diu.

11) Queri] sic Editt. 1553., 1554.; Ed. 1568. Queri.

12) dixerit] sic Editt. 1553., 1554.; Ed. 1568. dixerat.

13) factionem] sic Ed. 1568.; Editt. 1553., 1554. factionum.

14) cognitis] sic Editt. 1553., 1554.; Ed. 1568. agnitis.

15) oratio paulatim] sic Editt. 1553., 1554.; Ed. 1568. paulatim oratio.

16) addantur] sic Editt. 1553., 1554.; Ed. 1568. addantur.

17) consequentia sic Editt. 1553., 1554.; Ed. 1568. consequentiae.

18) observata fine] sic Editt. 1553., 1554.; Ed. 1568. observata serie.

19) Ed. Orell. *collocata*. — Sequentia verba unciis inclusa adiecit, qui haec scholia conscripsit vel edidit.

dicandam est. *Concitatae*] id est, Clodianae factionis.

§. 3. *Reliqua vero multitudo*] Extenuatio Clodianae factionis.

Cap. II. §. 3. *Unum*] id est, satellites Clodii. *Praeirent*] id est, heri damnaverant Milonem pro concione. Pulchra antithesis est.

§. 4. *Quamobrem adeste animis*] Adhortatio: Ergo libere decernite. Gratum enim facietis omnibus bonis viris, qui huc servatum volunt, non de mea causa laboro.

§. 5. *Equidem* ²⁰⁾ *caeteras tempestates*] Exaggeratio indignitatis, cum ille semper depugnaverit pro iudiciis, miserabile est eum in ipso iudicio periclitari.

§. 6. *Quamquam in hac causa*] Reiectio: Non defendam Milonem mentione publicorum meritorum ²¹⁾.

Paraphrasis exordii ²²⁾.

Cum haec nova iudicii forma aliena sit a consuetudine liberae civitatis, angor animo, nec possum, quantum opus est, virium et contentio- nis ad hanc causam agendam afferre. Sed tamen iustitia Pompeii me ²³⁾ consolatur, qui haud dubie hoc ²⁴⁾ accersivit praesidium, non ut vim afferret Miloni, sed ut coherceret seditiosam plebeculam, ut utraque pars sit tutior, et iudices libere possint decernere. Cum enim Pompeius Milonem in iudicium adduxerit, iniustum esset ²⁵⁾ non expectatis iudicum sententiis, opprimere eum armis. Itaque cum ab armatis nihil periculi nobis sit, reliqua vero multitudo honestorum civium nobis aequissima sit, et Milonem servari cupiat, non valde pertimescendi sunt quidam e vulgo satellites Clodii, quos rapinae Clodianae aluerunt. Qui etsi in hesternae concione tribunitia suffragio suo Milonem damnaverunt ²⁶⁾, tamen eorum clamores nullam debent auctoritatem in gravissimo iudicio habere, ac multo magis vos

deceat servare hunc civem, qui huiusmodi seditiosos clamores virtute sua saepe compressit ²⁷⁾. Quare adeste animis, et fortiter decernite, et liberate periculo hunc civem, qui improbis et turbulentis solitus est fortissime resistere ²⁸⁾. Qua in re exemplum statuetis gratum omnibus bonis viris, qui intelligent vos praesidio esse bonis et fortibus viris. Laboro ²⁹⁾ enim in hac re etiam mea causa, quod hoc mihi cum Milone commune est, quod cum iisdem portentis pro salute reipublicae perpetuo uterque depugnativimus. Quare auctoritate vestra perficite, ut tandem aliquando respiremus, et periculo liberemur. Ac illud quidem indignissimum est, Milonem nunc in ipso iudicio periclitari, cum sua virtute semper iudicium ³⁰⁾ et leges adversus seditiosos defenderit, Clodium aliquando represserit, vi iudicium in medio foro dissipantem. Sed in hac causa Miloni non tantum merita publica patrocinantur ³¹⁾, verum habet alia argumenta iustissima. Utar enim defensione, quam natura concedit omnibus, ut nos adversus latrones tueamur. Cum enim Clodius ex insidiis Milonem adortus sit, ac prior impetum in eum fecerit, ut ostendam, spero vos pronuntiaturos esse, ut liceat nobis vim illatam a capite nostro depellere, vitamque adversus latrones defendere. Sed prius quaedam praeiudicia diluenda sunt, quae adversarii ita obiciunt, ut contendant causam nostram iam damnatam et victam esse ³²⁾.

Cap. III. §. 7. *Negant intueri* ³³⁾] Priusquam narrat factum, diluit quaedam praeiudicia, quibus Milo praegravabatur. Sed primum, quia generale est, minus laedebat Milonem, scilicet, quod ³⁴⁾ vociferabantur adversarii, non esse concedendum, ut in republica iure ac ³⁵⁾ legibus con-

20) *Equidem*] sic Ed. Orell.; Ed. 1568. et al. *Et quidem*.

21) Cap. I. §. 1. *Etsi vereor publicorum meritorum.*] haec 13 annotationes in sola Ed. 1568. inveniuntur.

22) Haec enarrationis pars in Editt. 1553., 1554. inscripta est: *Παράφρασις*, in Ed. 1568.: *Paraphrasis Exordii orationis Ciceronis pro Milone* Philip. Melanch.

23) Pompeii me] sic Editt. 1553., 1554.; Ed. 1568. me Pompeii.

24) hoc] sic Editt. 1553., 1554.; Ed. 1568. eo.

25) esset] sic Ed. 1568.; Editt. 1553., 1554. est.

26) damnaverunt] sic Editt. 1553., 1554.; Ed. 1568. damnabant.

27) saepe compressit] sic Ed. 1568.; Editt. 1553., 1554. compeccit.

28) solitus est fortissime resistere.] sic Ed. 1568.; Editt. 1553., 1554. fortissime resistere potest.

29) Laboro] sic Editt. 1553., 1554.; Ed. 1568. typogr. errore: Labore.

30) iudicium] sic Editt. 1553., 1554.; Ed. 1568. iudicia.

31) patrocinantur] sic Editt. 1553., 1554.; Ed. 1568. patrocinentur.

32) damnatam et victam esse.] sic Ed. 1568.; Editt. 1553., 1554. condemnatam et confosam esse.

33) Haec Ciceronis verba in Ed. 1568. adscripta in Editt. 1553., 1554. h. l. desunt.

34) quod] sic Ed. 1568.; Editt. 1553., 1554. quia.

35) ac] sic Ed. 1568.; Editt. 1553., 1554. et.

stituta quisquam interficiatur indemnat, sive³⁶⁾, ut violetur pax publica. Cicero disputat aliquando caedem sine iudicio factam habere excusationem, idque probat primo exemplis Romanis. Nam Romae seditiosi quidam interfecti sunt sine iudicio. Secundo confirmat Graeco exemplo. Tertio, verbis legis, in quibus diserte describitur casus, in quo caedes habet³⁷⁾ excusationem, videlicet cum vis illata depellitur. Quarto, amplificat hunc casum translatione ad genus, videlicet ad thesin de iure naturae. Inserit igitur ornatissimam descriptionem iuris naturae. Ac profuit amplificare hanc sententiam, quia erit fons praecipuae probationis in causa. Est enim maior syllogismi principalis huius controversiae. Latina exempla nemini ignota sunt. Sed fit mentio Orestis, quem dicit absolutum esse Deae sapientissimae sententia. Id vulgo de Diana interpretati sunt, sed falso³⁸⁾. Nam Cicero Palladem intelligit. Est enim absolutus Orestes iudicio Palladis Athenis in Areopago in sacello Eumenidum, quo expiationis causa polluti casuali caede veniebant³⁹⁾. Ac prius absolutus est, quam ad Dianam profectus est, ut testatur Euripides ordine commemorans historiam in tragoedia Iphigenia in Tauris. Euripidis versus hi sunt:

Ut in iudicium veni in vico Martio,
Egoque in altero subsellio steti,
In altero quaedam dicens pro Erinnybus,
Hic Phoebus caedis audiens causam piam,
Defendit ipse testis; at Pallas mihi
Effecit, ut ferentur calculi pares,
Victor removi signa parricidii⁴⁰⁾.

Facit huius iudicii mentionem et Demosthenes in oratione *κατὰ Ἀριστοκράτους*, ubi inquit, iudicia capitis duo a Diis facta esse in Areopago. In altero Martem absolutum esse, qui stupratorem filiae interfecerat⁴¹⁾; in altero Orestem absolutum esse⁴²⁾, quod ultus esset patris necem. Idem

36) sive] sic Editt. 1553., 1554.; Ed. 1568. seu.

37) caedes (*Sing.*) habet] sic Ed. 1568.; Editt. 1553., 1554. caedes (*Plur.*) habent.

38) falso] sic Editt. 1553., 1554.; Ed. 1568. falsum est.

39) Conf. supra p. 978.

40) Ac prius absolutus est — signa parricidii.] haec sola Ed. 1568. h. l. exhibet, at in Editt. 1553., 1554. desunt. — Conf. supra p. 978.

41) interfecerat] sic Editt. 1553., 1554.; Ed. 1568. interfecit.

42) esse] sic Ed. 1568.; in Editt. 1553., 1554. omiss.

est apud Pausaniam in Atticis⁴³⁾. Haec homines sapientissimi finxerunt, ut significarent⁴⁴⁾ iudices debere discernere inter caedem dolo factam, et factam⁴⁵⁾ ex aliquo iusto dolore vel probabili causa, et interdum in aliquo casu legum severitatem in poena mitigandam esse. Itaque⁴⁶⁾ huius moderationis seu *ἐπιειχείας* Deos fecerunt⁴⁷⁾ autores, ne ipsi iudices viderentur temere a legibus discedere.

Sed] Transitio. *Negant*] Primum praeiudicium. *M. Horatii*] Opponit exempla.

§. 8. *Itaque hoc*] Secundum argumentum a fabulosis exemplis.

§. 9. *Quod si*] Tertium argumentum ab ipsa lege, quae ponit casum, quando caedes habeat excusationem.

§. 10. *Est ergo*⁴⁸⁾] Epiphonema de iure naturae: In hoc casu est iuris naturae interficere.

§. 11. *Etsi persapienter*] Subtilis interpretatio legis. *Quapropter*] Conclusio praeiudicii⁴⁹⁾.

Cap. V. §. 12. *Sequitur illud*⁵⁰⁾] Duo praeiudicia sequentia non possunt intelligi, nisi aliquo modo considerata forma Romanae⁵¹⁾ reipublicae. Primum igitur sciendum est, proscriptioni, quae nunc est in usu⁵²⁾, respondere apud veteres duas formulas, unam apertam, alteram obscuriorem. Senatus iudicavit Catilinam hostem. Haec est aperta forma⁵³⁾, quam nunc vocant exbannire⁵⁴⁾, echtigen, oder in die acht thun⁵⁵⁾. Alia fuit formula idem valens re ipsa, sed tectior. Fiebat senatusconsultum⁵⁶⁾, ut vi-

43) Pausan. I, 28, 5. conf. supra p. 979. nota 40.

44) ut significarent] sic Ed. 1568.; in Editt. 1553., 1554. haec sunt omissa.

45) et factam] sic Ed. 1568.; in Editt. 1553., 1554. desunt.

46) Itaque] sic Ed. 1568.; Editt. 1553., 1554. et.

47) fecerunt] sic Ed. 1568.; Editt. 1553., 1554. ferunt.

48) *Est ergo*] sic Ed. 1568. et al.; Ed. Orell. *Est enim*.

49) *Sed* — praeiudicii.] haec 8 annotationes, quas Ed. 1568. continet, ab Editt. 1553., 1554. absunt.

50) Haec Ciceronis verba in Ed. 1568. adscripta in Editt. 1553., 1554. desunt.

51) Romanae] sic Ed. 1568.; in Editt. 1553., 1554. deest.

52) quae nunc est in usu,] sic Ed. 1568., ab Editt. 1553., 1554. absunt.

53) Haec est aperta forma,] sic Ed. 1568.; Editt. 1553., 1554. ea aperta est.

54) exbannire (i. e. verbannen)] sic Editt. 1553., 1554.; Ed. 1568. expannire.

55) echtigen, oder in die acht thun.] sic Ed. 1568.; in Editt. 1553., 1554. haec desunt.

56) Fiebat senatusconsultum] sic Ed. 1568.; Editt. 1553., 1554. fiebatque senatusconsulto.

derent consules, ne quid respublica detrimenti caperet, aut sic, videri hoc contra rempublicam esse⁵⁷⁾. His verbis senatus tecte⁵⁸⁾ significabat se illos, contra quos senatusconsultum fiebat⁵⁹⁾, habere pro reis laesae maiestatis et damnatis, et dabat consulibus summam potestatem habendi delectus⁶⁰⁾, armis opprimendi etiam sine iudicio illos, contra quos senatusconsultum factum erat. Hac formula utebantur aliquando in iis causis, in quibus populi voluntates metuebant. Fiebat ergo decretum in speciem nimis⁶¹⁾ atrox, aliquando etiam propterea, quia spes erat rei componendae, ut in causa Caesaris. Porro in causa Milonis erat hoc senatusconsultum factum, caedem videri contra rempublicam esse, et additum, ut Pompeius videret, ne quid respublica detrimenti caperet. Itaque Pompeius habuit delectum⁶²⁾. Cum igitur his verbis tecte⁶³⁾ videretur Milo damnatus, tanquam reus laesae maiestatis, valde praegravabant eum haec praeiudicia. Ideo Cicero valde sudat in interpretando et mitigando decreto. Ac primum opponit infitiationem, negat senatum ita expresse decrevisse contra Milonem. Postea mitigat⁶⁴⁾ tripliciter: Primum⁶⁵⁾, quod senatusconsultum sit generale, complectens facta⁶⁶⁾ utriusque partis. Nam in decreto erat, incendium curiae, et oppugnationem aedium⁶⁷⁾ Lepidi esse contra rempublicam. Haec autem fecerant accusatores Milonis. Deinde⁶⁸⁾ senatus diserte addiderat de usitatis iudiciis, in quibus multo minus est periculi. Ibi enim sunt multae⁶⁸⁾ prorogationes, multa valent⁶⁹⁾ studia amicorum, etc.⁷⁰⁾. Nec dubium est, quin Milo fuis-

set absolutus in iudicio ordinario. Tertio⁶⁵⁾ ait Cicero, quod ad extremum nihil communi consensu potuerit decerni, quia tribuno impediente senatus non potuerit libere decernere. Ita partim mitigat⁷¹⁾, partim reiicit praeiudicium illud⁷²⁾. Inserit autem rationem, quare senatus debuerit hanc rem in iudicium deducere: Quia semper exemplum privatae caedis est malum, etiamsi interdum autor caedis habet excusationem. Ideo tales causae sunt in iudicium deducendae, ut, cum Nasica privatus occidit Tiberium⁷³⁾, exemplum certe minime erat probabile, et tamen aliquam excusationem Nasica habuit⁷⁴⁾. Recte igitur senatus fecit in Miloniana causa, quod in exemplo periculoso quaestionem constituit, quia periculosa exempla non sunt negligenda, et tamen constituta quaestione senatus reliquit Miloni defensionem in iudiciis usitatis.

Cap. V. §. 12. *Sequitur illud*] Secundum praeiudicium de senatusconsulto. *Illam vero*] Infitiatio: Imo senatui magnam laetitiam attulit hoc factum, gaudebant tyrannum sublatum esse. *Tribuni plebis*] scilicet qui adversabatur Miloni, concionatus erat Ciceronis auctoritatem tantum valere, ut senatus nihil statuere posset.

§. 13. *Hanc vero quaestionem*] Redit ad propositum, hoc est, senatus non voluit decernere extraordinarium iudicium. *Quaestionem*] scilicet quam constituit Pompeius. *Erant enim leges*] Senatus reiiciebat res ad leges, ordinaria iudicia. *Cur igitur incendium curiae*] Sequitur mitigatio. *Caedem hanc ipsam contra rempublicam*] Concedit aliqua senatusconsulta facta esse. *Quia nulla vis unquam est in libera civitate*] Ratio, quare debuerit senatus aliquid decernere: Quia exemplum privatae caedis semper est periculosum.

§. 14. *Non vulnerarunt*] scilicet propter exemplum, quia erat malum.

Cap. VI. §. 14. *Crimen iudicio reservavi, rem notavi*] id est, exemplum improbavi, et volui rem deduci in iudicium⁷⁵⁾.

57) aut sic, videri hoc contra r. esse.] sic Ed. 1568.; Editt. 1553., 1554. aut, sic videri, et contra r. esse.

58) tecte] sic Ed. 1568.; Editt. 1553., 1554. recte.

59) senatusconsultum fiebat] sic Ed. 1568.; Editt. 1553., 1554. fiebat senatusconsultum.

60) delectus] sic Ed. 1568.; Editt. 1553., 1554. delectum.

61) nimis] sic Ed. 1568.; Editt. 1553., 1554. minus.

62) delectum] sic Editt. 1553., 1554.; Ed. 1568. delectus.

63) tecte] sic Ed. 1568.; Editt. 1553., 1554. recte.

64) mitigat] sic Editt. 1553., 1554.; Ed. 1568. negat.

65) Primum — Deinde — Tertio] sic Editt. 1553., 1554.; Ed. 1568. 1. Primum — 2. Deinde — 3. Tertio.

66) facta] sic Editt. 1553., 1554.; Ed. 1568. factum.

67) aedium] sic Ed. 1568.; Editt. 1553., 1554. caedium.

68) sunt multae] sic Ed. 1568.; Editt. 1553., 1554. multae sunt.

69) multa valent] sic Ed. 1568.; Editt. 1553., 1554. ubi valent.

70) etc.] sic Ed. 1568.; in Editt. 1553., 1554. deest.

71) Ita partim mitigat] sic Ed. 1568.; Editt. 1553., 1554. Itaque mitigat partim.

72) illud] sic Ed. 1568.; in Editt. 1553., 1554. deest.

73) Conf. supra p. 337. nota 23.

74) habuit] sic Editt. 1553., 1554.; Ed. 1568. habet.

75) Cap. V. §. 12. *Sequitur illud* — deduci in iudicium.] haec 11 annotationes, quae in Ed. 1568. inveniuntur, in Editt. 1553., 1554. desunt.

De tertio praeiudicio.

Quaestio apud Ciceronem significat iudicium publicum de re capitali, id est ⁷⁶⁾, inquisitionem vel ⁷⁷⁾ de facto, vel de iure, an aliquis sit reus, item, an reus habeat aliquam excusationem, et in Pandectis interdum sic usurpatur. Sed in titulo de quaestionibus ⁷⁸⁾ significat inquisitionem per tormenta (ein scharffe frage). Sed hoc loco apud Ciceronem alia est significatio, sicut saepe alias; tantum enim usurpatur pro iudicio publico. Decernere quaestionem est constituere, ut rei vocentur in iudicium et puniantur, ut Octavius legem tulit de quaestione habenda in eos, quorum opera Caesar occisus erat. Plerumque autem quaestione decreta tantum de facto quaerebatur, ut cum quaestio haberetur in eos, qui Bacchanalibus initiati erant ⁷⁹⁾. Iam res damnata erat, tantum personae inquirebantur, et quaerebatur ⁸⁰⁾ de facto, scilicet, qui essent initiati. Ideo nova quaestione decreta, species ipsa praegravabat Milonem, quasi Pompeius rem damnasset, et tantum quaereret confessionem facti. Ideo Cicero mitigat hoc praeiudicium, et disputat, quaestionem non de facto tantum haberi, sed etiam de iure. Secundo, quia Pompeius erat armatus atroci senatusconsulto, daret consul operam, ne quid respublica detrimenti caperet ⁸¹⁾. Item, quia Miloni vere ⁸²⁾ oberat, quod res non cognoscebatur ordinario modo, Cicero addit gravem querelam de nova quaestione constituta, et colligit exempla, quae ostendunt clarissimis civibus interfectis rem tantum ad ordinaria iudicia reiectam esse ⁸³⁾.

Cap. VI. §. 14. *Quod si per*] III. Mitigatio. *Quod sentiebat*] id est, ut res ad iudicia reiicerentur. *Novam quaestionem*] id est, novum iudicium. *Decernebat*] scilicet senatus. *Extra ordinem*] id est, non servatis temporum discrimenibus. *Divisa sententia*] id est, nominatim

76) id est] sic Editt. 1553., 1554.; Ed. 1568. h. e. (hoc est).

77) vel] sic Ed. 1568.; in Editt. 1553., 1554. deest.

78) Digest. XLVIII. tit. 18. de quaestionibus.

79) Conf. Pauly: Real-Encycl. T. II. p. 1070 sq.

80) quaerebatur] sic Editt. 1553., 1554.; Ed. 1568. quaerebantur.

81) daret consul — caperet.] sic Ed. 1568.; in Editt. 1553., 1554. haec verba desunt.

82) vere] sic Ed. 1568.; in Editt. 1553., 1554. deest.

83) His verbis haec scholia in Editt. 1553., 1554. sunt finita; sequentia in sola Ed. 1568. inveniuntur.

interrogatum est, quid quisque censeret de singulis partibus.

§. 15. *At enim*] Tertium praeiudicium. *Ut quaereretur*] id est, ut iudicium publicum haberetur. *Quid porro*] Mitigat: Haec quaestio est de iure, non de facto. *Neque quaeri*] id est, non deduxisset rem in iudicium. *Causam interitus*] id est, is de iure disputationem haberi voluit.

Cap. VII. §. 16. *Domi suae*] Colligit exempla. *Nulla quaestio*] scilicet nova, hoc est, res est permissa usitatis iudicii.

§. 18. *Non fuit illud facinus puniendum*] Clodiani sic disputant, quasi liceret Clodio in Appia via latrocinari, quemadmodum vellet.

§. 19. *In illa causa*] scilicet ubi Pompeio insidiatus est Clodius. *Hominum consilia*] id est, conatus.

Cap. VIII. §. 20. *Coloniae* ⁸⁴⁾] Metropolis quasi mater urbium a *μήτηρ*, id est, mater, et *πόλις*, id est, urbs. Coloniae retinebant ius capiendi honores Romae, id est, habebant privilegia Romana.

Cap. IX. §. 23. *Quamobrem*] Transitio et epilogus praeiudiciorum. *Sapienterque disceptet*] id est, iudicet recte. *Reliquum est iudices*] *χρηνόμενον*.

§. 24. *P. Clodius quum st.*] Narratio. Orditur narrationem a causa praecipua odii adversus Milonem, quare voluerit tolli Milonem.

§. 25. *Contulit se*] id est, iuvabat eos pecunia, gratia, et multis modis, ut ille Miloni praeferretur. *Tribus*] id est, convocabat populum, et promittebat ei se multa daturum, ne eligerent Milonem consulem. *Homo*] scilicet Clodius. *Certissimum*] id est, haud dubie Milonem fieri consulem.

§. 26. *Favonius*] Senator Romanus et imitator Catonis. Flamen fuit apud veteres, sicut apud nos episcopus aut canonicus.

Cap. X. §. 29. *Neque praesente domino*] Servi interfecerunt Clodium.

Cap. XI. §. 30. *Haec sicut*] Epiphonema est, in quo repetit propositionem, et addit praecipuum syllogismum, ut postea accedat ad confirmationem *χρηνόμενον*.

Cap. XII. §. 32. *Quonam igitur pacto*] Confirmatio: Cui plus propositum est commodi, hunc

84) Hanc Clc. vocem huic notae ipsi adscripsimus.

credibile est fecisse insidias; Clodio proderat mors Milonis, Miloni obfutura fuit mors Clodii: ergo credibile est Clodium fecisse insidias.

Cap. XIII. §. 35. *At valuit odium*] Syllogismus secundi argumenti a causa impulsiva: Is fecit insidias, qui habuit vehementiores odii causas; Clodius habuit vehementiores odii causas: ergo Clodius fecit insidias Miloni.

Cap. XIV. §. 36. *Reliquum est*] Tertium argumentum ab utriusque natura: Verisimilius est audacem et improbum hominem consilium faciendae caedis suscipere; Clodius perpetuo fuit improbus et audax: ergo verisimilius est Clodium consilium faciendae caedis suscepisse. *Omnia per vim*] Minor vel antecedens. *Actionem perduellionis intenderat*] id est, accusaverat me. *Obiici nolui*] id est, ideo cessi, quia nolui pugnare cum Clodio.

Cap. XVI. §. 41. *Quem igitur cum, etc.*] Amplificatio a tempore comitiorum: Morosa iudicia candidatis vitanda sunt; Milo nunc fuit candidatus: ergo nunc praecipue debuit cavere, ne cuius voluntatem offenderet.

§. 43. *Quid? quod caput*] Quartum argumentum: Verisimilius est hunc fecisse insidias, qui maiorem spem habuit impunitatis, hunc verisimile est coepisse consilium faciendae caedis; Clodius habuit maiorem spem: ergo verisimile est Clodium coepisse consilium faciendae caedis.

§. 44. *Sed quid ego*] Quintum argumentum.

Cap. XVII. §. 45. *Quid? si, ut ille scivit*] A facultate: Milo non potuit scire Clodium exiturum esse; Clodius potuit scire Milonem exiturum esse; ergo verisimile est Clodium fecisse insidias. Argumenta a facultate ducta: Ille fecit insidias, qui praescivit iter alterius; Milo non scivit iter Clodii, multo minus reditum: ergo non fecit insidias. Econtra Clodius scivit iter Milonis: ergo Clodius fecit insidias.

Cap. XVIII. §. 48. *Nunc persequar caetera*] Callida et arguta inversio: Clodius fuerat mansurus in villa, et mutavit consilium: ergo mutavit nuntiatio adventu Milonis. Nam de Cyri morte antea sciverat.

Cap. XIX. §. 51. *Video adhuc constare*] Epilogus. *Constare*] id est, inter se consentire, congruere, es reimet sich zu hauff.

Cap. XX. §. 53. *Videamus nunc*] Septimum argumentum a loco et apparatu utriusque; Milo vehitur in rheda cum uxore, liberis, etc. Clo-

dus sedet in equo, et secum habet gladiatores, latrones suos. *Substructiones*] id est, aedificationes. *Atque excelso*] Ironia.

Cap. XXI. §. 57. *Cur igitur eos manumisit?*] Confutatio de servis: Milo manumisit servos.

Cap. XXII. §. 59. *In atrio Libertatis*] id est, istius templi. *Dii boni!*] Ironia.

Cap. XXIII. §. 61. *Quod si satis nondum*⁸⁵⁾ *cernitis*] Octavum argumentum a conscientia: Qui animo est erecto et imperterrito, hunc credibile est sibi bene conscium esse; Milo est animo erecto, et ausus est redire: ergo credibile est eum bene sibi conscium esse.

Cap. XXIV. §. 66. *Cum telo esse*] id est, insidiari.

Cap. XXV. §. 67. *Si Milonem times*] Ocurrit suspicionibus Pompeii. *Conquisitores*] In historiis significant capitaneos illos, qui conducunt milites, die Heuptleute die knechte annemen. *Magna in hoc*] Ironia. *Dux electus*] scilicet Pompeius.

§. 68. *Locus datus esset*] scilicet tecum privatim colloquendi. *Is qui ita natus est*] scilicet Milo.

Cap. XXVI. §. 70. *Quamquam quis hoc credit*] Correctio. Pompeius non odit Milonem. Potuisset enim interficere sine iudicio. *Qui vel*⁸⁶⁾ *iudicia ipsa tolleret*] id est, si sic sensisset de Milone, parare eum vim et moturum esse seditionem.

Cap. XXVII. §. 72. *Nec vero me iudices*] Secunda defensio. Syllogismus secundae defensionis: Licet occidere privatis palam seditiosum; Clodius fuit palam seditiosus: ergo iure interfectus est. *Cuius nefarium*⁸⁷⁾ *adulterium*] Minor continet coacervationem omnium flagitiorum Clodii.

§. 73. *Sollemnes religiones expiandas esse censuit*] id est, senatus voluit eum condemnare, ut satisfaceret pro violatis religionibus. *Quaestionibus habitis*] id est, examine habito. *Eum qui civem*] scilicet Ciceronem, se enim intelligit. *Ut memoriam publicam*] scilicet ut prioribus tabulis amissis ipse daret ius civitatibus, quibus vellet, wer mehr wil verzeren, dann sein pflug.

⁸⁵⁾ *satis nondum*] sic Ed. 1568. in hac nota; Ed. Orell *nondum satis*.

⁸⁶⁾ *vel*] sic Ed. 1568. et al.; Ed. Orell. *vi*.

⁸⁷⁾ *nefarium*] sic Ed. 1568. et al.; Ed. Orell. *nefandum*.

kann erehren⁸⁸⁾, der mus zuletzt verderben und am galgen sterben⁸⁹⁾.

§. 74. *Non iniustus iudiciis*⁹⁰⁾ *ac sacramentis*] Sacramentum significat hic iudicium, in quo deposita pecunia certabatur de aliqua re, et poena fuit tenere litigantium⁹¹⁾. *Qui Ianiculo*] Instrumenta metiendi.

Cap. XXVIII. §. 76. *Percalluerat*] id est, callos contraxerat.

§. 77. *Quamobrem si cruentum gladium*] Conclusio. *Nequeo*⁹²⁾ *vetera*] Amplificatio et *πίθος*.

Cap. XXIX. §. 79. *Quin sic attendite, iudices*] Ex contrario. *Huius ergo interfector*] Conclusio huius enthymematis. Ab exemplis tyrannidarum. In Graecis civitatibus constituuntur praemia tyrannicidibus⁹³⁾; Milo est tyrannicida: ergo Milo est privandus periculo et ornandus honoribus.

§. 80. *Vos tanti conservatorem*] Maior.

Cap. XXX. §. 81. *Nam quid esset ingratus*] Ratio maioris, quare debeantur praemia tyrannicidis: Iniustum est caeteros beneficio aliquo laetari, non laetari autorem beneficii.

§. 82. *Quamquam hoc animo*] Correctio quaedam. *Periculum quoque*] scilicet ut etiam gratias cupiant liberare patriam.

§. 83. *Sed huius beneficii*] Translatio ad divinam vindictam, quae et ipsa auget odium Clodii, et mitigat periculum Milonis: Quia si divinitus poenam luit Clodius, non est sceleratus Milo, qui interfecit, etc. *Nec vero quisquam*] Ibi incipit locus communis, quod Deus puniat improbos. Argumenta physica, quod sit Deus: Primum⁹⁴⁾ a serie causarum. Secundum ab effectibus, hoc est, ordine rerum, motuum coelestium, conservatione specierum, con-

88) Verbum nunc inusitatum *erehren* significat: arando parare s. acquirere; verbum enim obsoletum *eran* s. *ehren* arare significat, conf. Wachteri glossar. German. et Schmeller Bayer. Wörterb. s. h. v.

89) Hoc est dictum celebris rhapsodi Iohannis Sachtii.

90) *iudiciis*] sic Ed. 1568. in hac nota; Ed. Orell. *vindiciis*.

91) Conf. Ernesti clavis Ciceron. Ed. 5., ubi s. v. *sacramentum* haec leguntur: In foro sacramentum erat pecunia, quae a litigantibus deponeretur apud pontificem, ut, qui causa cecidisset, amitteret eam pecuniam: quod eius rei causa fiebat, ne impune alicui negotium petendo, aut iusta petenti infitiando, frustra crearetur.

92) *Nequeo*] sic Ed. 1568. et al.; Ed. Orell. *Non queo*.

93) Haec spectant ad Aristogitonem et Harmodium, qui ob Hipparchum tyrannum ab iis Ol. 66, 3. (513. a. Chr.) occisum magnis honoribus ab Atheniensibus sunt affecti, vid. Petiti commentar. in legg. Att. l. III. tit. 2. p. 229 sq. et Wachsmuth Hellen. Alterthumsk. Ed. 2. T. I. p. 556.

94) Primum—Secundum—etc.—Octavum] Ed. 1568. I. Primum—2. Secundum—etc.—8. Octavum.

sensu superiorum et inferiorum corporum. Hic ordo palam testatur, quod non existit mundus casu. Tertium a causis finalibus. Quartum a mente hominis: Nostra mens oritur, ergo oritur ab aliqua aeterna mente. Quintum a notitiis naturalibus, et discrimine honestorum et turpium. Sextum a terroribus conscientiae. Hoc argumentum est Xenophontis⁹⁵⁾. Septimum a politica societate, a poenis homicidarum, tyrannorum, item ab heroum donis, item a constitutione imperiorum. Octavum a significationibus rerum futurarum et vaticiniis.

Cap. XXXI. §. 84. *Et est*⁹⁶⁾ *profecto illa vis*, etc.] Enthymemata ducta a minori. Graeci efferunt peculiari figura duabus negationibus, ut, si miles potest expugnare castellum, quanto magis rex potest, Graeci sic efferunt: Non hoc potest miles, et non potest rex. Estque ellypsis, quasi diceret: Haec non conveniunt, cum miles hoc possit, regem non posse. Ita hic non in corpore mortali mens est, et non est in perpetuo mundi corpore. Ellypsis est. Haec non conveniunt, cum in corpore fragili et morituro actiones ordinatae regantur aliqua mente, non esse aliquam mentem in perpetuo corpore rectricem certissimorum motuum.

§. 85. *Religiones me hercule*] Signa.

§. 86. *Ut ante ipsum sacrarium Bonae Deae*] Hoc est praecipuum signum.

Cap. XXXII. §. 86. *Oblitus*] Est legendum media brevi.

§. 87. *Dura mihi, medius fidius*] A causis finalibus: Multa ingentia mala extitissent, vivo Clodio, ergo credibile est divinitus extinctum esse, ut respublica esset tranquilla.

Cap. XXXIII. §. 88. *Nunquam illum*] Congeries.

Cap. XXXIV. §. 92. *Quid restat, nisi ut orem*] Epilogus, et est deprecatio.

§. 94. *Ego, quum tribunus plebis*] Indignitas a meritis.

Cap. XXXV. §. 96. *Addit haec, quae certe vera sunt*] Correctio: Boni viri etiam sine praemiis recte faciunt.

Cap. XXXVI. §. 99. *Nec vero si mihi eriperis*] Translatio: Duco hanc calamitatem esse meam.

Cap. XXXVIII. §. 104. *Hunc sua quisquam sententia*] Pulchrum argumentum ab exemplo.

95) Conf. Xenoph. Memorab. Socrat. I, 4, 13. 16.

96) *Et est*] sic Ed. 1568. in hac nota; Ed. Orell. *Est, est*.

3. ALIA SCHOLIA⁹⁷⁾.

Imitatio magis efficit artificem, quam praecepta. Igitur danda est opera, ut aliquo modo simus similes exemplo veterum, et utamur certa aliqua forma dicendi. Milo erat tribunus plebis post Clodium. Milo tulit rogationem de revocando Cicerone, et hanc rem iuverunt principes reipublicae. Ita revocatus fuit Cicero⁹⁶⁾. Ex illo tempore perpetua fuerunt certamina, ita ut credibile sit fuisse acerrimum odium inter Milonem et Clodium. Forte accidit, ut occurrerent sibi mutuo in itinere, ibi Clodius coepit pugnare, et invasit Milonem, qui fortiter vim depulit a suo capite, ita ut Clodius in cauponam vicinam fugerit, quem Milo cupidus vindictae sequitur, et nactus occasionem irruit in tabernam et expugnata taberna occidit Clodium. Ibi cum venit Milo Romam, familia Clodiana coepit deponere Milonem ad poenam. Milo dicebat se non repugnare, quo minus cognoscatur res. Ibi constitutum est iudicium post longa certamina a Pompeio, in quo accusatus est a Clodianis factae caedis. Ibi Cicero acerrime defendit Milonem. Iam incidit quaestio: An Milo sit absolvendus, vel non. Testes autem confirmaverunt omnes Clodium fecisse principium pugnae, sed Milonem interfecisse Clodium in taberna, postquam latitaret. Cicero defendit, quod vim vi depulerit. Tantum manet illa quaestio, utrum servaverit modum inculptae tutelae. Relinquo istam quaestionem discernendam studiosis iuris, utrum potuerit absolvi iure, tamen condemnatus fuit Milo in illo iudicio. Principio autem status quaerendus est in orationibus legendis, sicut in hoc negotio est principalis propositio: Milo iure interfecit Clodium. Oportet etiam videre praecipuum argumentum, quo causa nititur. Quaelibet enim causa habet unum atque alterum principale argumentum, sicut duplex deliberatio fuit de defendendo Milone. Brutus putabat Clodium iure interfectum propter tyrannidem, quia tyrannos licere impune interficere. Quod verum qui-

97) Haec scholia in Ed. 1568., in qua sola inveniuntur, sic inscripta sunt: Alia Scholia Philip. Mel. in orationem pro Milone 1535. partim dictata, partim ex ore legis excepta.

96) Cicero, qui a. u. c. 696. aet. XLIX. a consiliis et ab ipso Cn. Pompeio desertus urbe cesserat, a. u. c. 697. aet. L. P. Cornelio Lentulo Spinthero et Q. Caecilio Metello consiliis revocatus est.

dam erat, quia erat civis turbulentus, et propter suam fortunam diu tumultuatus fuit in republica. Ideo Brutus voluit uti hac defensione. Sed noluit Cicero, quia putavit eam infirmam esse, quod debuerat accusari, si quid mali fecisset. In summa, non fuit notorium, eum esse tyrannum, sed voluit uti illo argumento: Vim vi depellere licet; Milo vim vi depulit: ergo iure interfecit Clodium. Iam tenes in animo imaginem totius orationis. D. Philippus⁹⁸⁾ putat iniuste esse condemnatum Milonem; quia alter fecerat principium pugnae, ideo mitigandam fuisse poenam; quia civem Romanum non licuit occidere, sed relegatur in exilium sub hasta venditis eius bonis: ergo illa poena summi iuris Romani fuit mitiganda, et contendit valde principium pugnae factum esse a Clodio. Minor igitur, Milo vim vi depulit, fit in hoc negotio *κρινόμενον*. Asconius Pedianus⁹⁹⁾ dicit adversarios in accusatione posuisse, principium pugnae factum esse a Milone. Ideo Cicero maxime versatur in illo refutando. Satis sit haec dixisse de orationis argumento.

Oratio est generis iudicialis. Intentio enim Ciceronis est, ut liberet Milonem; status est iuridicialis, et argumentatur a lege, quae impressa est omnium hominum animis naturaliter, quod vim vi liceat depellere. Nunc de exordio dicemus, quod quidem videtur obscurum, cum re vera non sit. Ita hic diligenter componit, et singulas sententias illuminat, et addit aliquid pigmentorum et ornamentorum. In his sententiis consumitur exordium. 1. Ab affectu orditur: Commoveor hac nova forma iudicii, quod forum plenum est armatorum; qui delecti videntur, ut debilitent studia et animos eorum, qui nituntur pro Milone. 2. Inversio: Sed tamen existimo haec arma disposita esse pro communi tranquillitate, ut iudices libere decernere possint. Itaque armati non adversantur nobis, multo minus inermes et honesti cives, tantum turbulenti quidam sunt iniqui Miloni, qui suam inopiam,

98) i. e. Melanthon.

99) Vid. Q. Asconii Pediani in eandem Ciceronis orationem argumentum, quod in huius orationis Ph. Melancthonis et C. Latomi adnotationibus et artificio illustratae Editionibus Colonienisibus in fine annexum invenitur.

otium, voluptates, Clodii largitionibus sustentantur. 3. Adhortatio: Quare libere decernite iudices de eo cive, qui semper solitus est fortiter resistere turbulentis et inquietis civibus. 4. Exaggeratio indignitatis, Indignum esse, Milonem succumbere in iudicio, cum satis certaminum extra iudicia antea habuerit adversus improbos cives. 5. Reiectio: Non defendam Milonem mentione meritorum publicorum, sed privato argumento, quod videlicet vim vi depulerit.

Cap. I. §. 1. *Etsi vereor*] Summa causae hoc constat syllogismo, vim vi repellere licet, Milo vim vi arcens Clodium occidit. Iure igitur occidit. Orditur autem Cicero a querela, qua cum magnitudo periculi ex nova iudicii forma, tum indignitas exaggerantur. Neque enim convenit in iudiciis vim minori. Porro favemus iis, qui periclitantur. Ita clam irrepit in animos iudicum. ἄλλως. Generis iudicialis est. Quaestio enim est de iure. Orditur autem ab inusitata et nova forma iudicii. Pompeius favebat Clodio, qui erat ex familia Claudiorum. ἄλλως. Exordium ab inversione. Cum enim existimaret praesidium comparatum esse contra Milonem, tamen invertit rem, et interpretatur praesidium bono consilio comparatum esse contra furorem multitudinis. Ex hoc loco accedit ad confirmandos et adhortandos iudices, ut fortiter dicant sententias. *Etsi*] Querela de praesidio, quasi diceret: Commoveor hac nova forma iudicii. *Viro*] scilicet Milone. *Novi iudicii*] scilicet quod inter privatos dicenda est sententia. *Corona*] scilicet multitudine vulgi, vel civium inermium. *Praesidia*] id est, armatos. Pompeius enim delectus habuerat. *Non enim*] Ratio querelae.

§. 2. *Ne non*] Potentiale est. *Quae si*] Correctio seu inversio, qua et Pompeii benevolentiam captat et Clodianam factionem perstringit. *Reum*] quasi diceret: Postquam noverat eum in iudicio, non voluit, ut opprimatur a vulgo.

§. 3. *Silentium*] scilicet a multitudine. *Rehqua vero*] Ut extenuat auctoritatem populi, qui favebat Clodio, discernit inter bonos et malos cives. ἄλλως. Expositio est. Elevat auctoritatem adversariorum, idque ideo facit, ut simul auctoritatem derogat vocibus vulgi, quibus pridie damnatus esset Milo, cum in eum vehementer invectus esset Plancus pro concione. Et quia

videntur voces illae praescribere iudicibus, ideo hortatur, ut firmis animis sint, pro Clodio eos tantum tumultuari, quos ille reipublicae calamitatibus sibi adiunxit. *Civium*] id est, honorum, seu honestorum.

Cap. II. §. 3. *Unum genus*] ἀντιθεσις seu extenuatio Clodianae factionis. *Hesternae*] scilicet habita a Planco Munatio. *Voce praevent*] id est, praecurrerent. *Retineatis*] scilicet, absolventis.

§. 4. *Quamobrem*] Adhortatio, qua confirmat iudices. *Timorem, si quem habetis*] scilicet quia aliqui metuebant, ne vulgus ineptum faceret in iudices, *Nam, si unquam*] Epilogus superiorum, seu ratio a meritis Milonis.

§. 5. *Quid enim nobis*] Indignitas exaggeratur, seu est communicatio periculorum Milonis et Ciceronis. *Et quidem*¹⁰⁰⁾ *caeteras*] Amplificatio ex iudicum officio. *Fluctibus*] quasi diceret: Tantum adversus improbos putavi contendendum esse Miloni. *Concionum*] scilicet adversus vulgus.

§. 6. *Quamquam in hac*] ἀποδιώξεις, Propositio causae summa, Clodium esse iure occisum. Hanc propositionem ἀποδιώξει figuravit. ἄλλως. Correctio superioris rationis. Nolo eum defendere ex suis meritis, sed ex causae huius rationibus. *Hoc saltem nobis*] Transitio. *Defendere*] scilicet ut vim vi liceat repellere.

Cap. III. §. 7. *Sed antequam*] Confutatio praeiudiciorum. *Negant*] Propositio praeiudicii, quod in casibus certis etiam iure homines interfici possint sine iudicio. *Negant*] θεσις, Propositio generalis. *In qua*] Argumentatur ab exemplis. *Nempe*] Ab exemplo, Livius lib. 1.¹⁾ *Libera*] scilicet temporibus regum²⁾. Horatius interfecit suam sororem, quod lugebat in publica victoria³⁾. Scipio fuit cognatus Gracchi⁴⁾.

§. 8. *Nisi vero*] A consuetudine iudiciorum. *Servilius*] scilicet qui Spurium Maelium⁴⁾ interfecit.

100) *Et quidem*] sic Ed. 1568. et al.; Ed. Orell. *Equidem*.

1) Liv. I, 26.

2) Tullo Hostilio a. u. c. 82—114. regnante.

3) De hac sororis nece et iudicio, quo Horatius crimine absolutus est, vid. praeter Livium I. I., Dionys. III, 21. 22. et libri in Pauly: Real-Encycl. T. III. p. 1460 sq. laudati.

3^a) Ti. Gracchus, pater, Scipionis Africani minoris socer erat, vid. Cic. Lael. 27, 101.

4) Maelium] Ed. 1568. falso: Lelium. — L. Quintii Cincinnati dictatoris iterum (a. u. c. 315.) iussu magister equitum C. Servilius Ahala Sp. Maelium regnum appetentem manu sua occidit, vid. Cic. Cato 16, 56, orat. in Catil. I, 1, 3.

Vasica] scilicet Tiberium Gracchum⁵⁾. *Opimius*] scilicet C. Gracchum⁶⁾. *Marius*] scilicet qui Saturninum occidit⁷⁾. *Itaque hoc*] A fabula. *Eum*] scilicet Orestem. *Patris*] scilicet Agamemnonis. *Matrem*] scilicet Clytaemnestram. *Variatis hominum sententiis*] Nam Argis condemnatus est, teste Euripide. Habet aures calculos, hoc est, res neque est probata, neque improbata. Nam in rebus dubiis semper est eligendum id, quod minus est. Hinc observandum, quando iudex pares habebat calculos, dubia relinquatur sententia. *Non solum*] Ex minore. Demosthenes in oratione contra Aristocratem adducit duo iudicia capitalia fuisse in Areopago de Halirrhothio⁸⁾ et Oreste, quem accusaverunt Aemulionides. Dicitur autem vicus Martius Areopagus, quia primus ibi Mars in iudicium vocatus est⁹⁾, quod Halirrhothium⁸⁾ stupratorem filiae interfecisset, qui cum absolutus esset, aram ibi consecravit Palladi. Verba Demosthenis¹⁰⁾ subiiciam: ἐν δ' οὖν ἰδιαίτατον πάντων καὶ σεμνότατον, ὃ ἐν Ἀρείῳ πάγῳ δικαστήριον, ὑπὲρ οὗ τσαυτὶ στικ¹¹⁾ εἰπεῖν καλὰ, παραδεδωμένα καὶ μυθώδη, καὶ ὧν αὐτοὶ μάρτυρες ἐσμέν, ὅσα περὶ οὐδενὸς ἄλλου δικαστηρίου, ὧν ὡς περὶ δείγματος ἐνεκεν ἕξιόν ἐστιν ἐν ἡ¹²⁾ δύο ἀκοῦσαι. τοῦτο μὲν γίνεσθαι τὰ παλαιὰ, ὡς ἡμῖν ἀκοῦσαι παραδεδωμένα, ἐν μόνῳ τούτῳ τῷ δικαστηρίῳ¹³⁾ θεοὶ δίκας κλονοῦν καὶ δοῦναι καὶ λαβεῖν ἕξιῳσαν, καὶ δικασταὶ γενέσθαι διενεχθεῖσιν ἀλλήλοις, ὡς λόγος λαβεῖν μὲν Ποσειδῶν ὑπὲρ Ἀλιφρόθιου τοῦ υἱοῦ παρὰ Ἀρεῶς, δικάσαι¹⁴⁾ δὲ Εὐμενίσι καὶ Ὀρέστῃ καὶ δώδεκα θεοί. etc. *Deae*] scilicet Palladis.

5) Vid. supra p. 337. nota 23.

6) Q. Metellus, cuius quatuor filii consulares, P. Lentulus, princeps senatus, complures alii summi viri cum L. Opimio consule (a. u. c. 633.) armati Gracchum in Aventinum persecuti sunt, quo in proelio Gracchus interfectus est, vid. Cic. Philipp. VIII, 4, 14.

7) C. Marius consul VI. cum L. Valerio Flacco (a. u. c. 654.) interfecit L. Saturninum, tribunum plebis.

8) Halirrhothio — Halirrhothium] Ed. 1568. Alyrotao — Alyrotaum.

9) Conf. supra p. 995. — De hac causa vid. etiam supra p. 146.

10) Demosthenis Op. p. 641. ed. Reiske, p. 407 sq. ed. Schaefer.

11) τσαυτὶ στικ] sic in Editt. Reisk. et Schaefer.; Ed. 1568. τσαυτὰ ἐστιν.

12) ἐν ἡ] sic Editt. Reisk. et Schaefer.; Ed. 1568. ἐν (om. ἡ).

13) δικαστηρίῳ] Ed. 1568. typogr. errore γικαστηρίῳ.

14) δικάσαι] sic Editt. Reisk. et Schaefer.; Ed. 1568. δικάσασθαι.

§. 9. *Quod si*] A simili. Enthymemata sunt, Horatius occidit suam sororem, Hala Sp. Maellium¹⁵⁾, Nasica Tiberium Gracchum, etc. Ergo licet interficere hominem in certis casibus sine iudicio, quasi dicat: Leges nos iubent interdum interficere. Ergo quaedam caedes est licita. *Puniendum putet*] scilicet tunc aliquem, vel, tunc poenam esse constituendam, quasi dicat: Quarendum est, an iure sit interfectus, nec ne.

Cap. IV. §. 9. *Pudicitiam*] Subiicit aliud exemplum, cuius facit mentionem Plutarchus in vita Marii¹⁶⁾. *Liberavit*] id est, absolvit Marius.

§. 10. *Insidiatori*] A signo: Leges concedunt nobis arma gerere: ergo necesse est concedi nobis defensionem. *Quid comitatus*] A signo. *Est ergo*¹⁷⁾] Epilogus loci, quem et ipse Cicero laudavit. ἄλλως. Conclusio translata ad locum communem. Transit enim a specie ad genus. *Nata*] Sunt egregia antitheta. *Arripuimus*] Sunt praeoccupationes, man weis es, ehe dann man es lernet. *Expediendae*] scilicet liberandae, retinendae. *Silent*] Ratio ipsius legis, seu γνώμη.

§. 11. *Et*¹⁸⁾ *persapienter*] Argumentum ex verbis legis. *Esse cum telo*] id est, esse instructum et paratum. *Occidendi*] Ergo licet cum telo esse defendendi causa. A contrario sensu argumentatur. *Iudicari hostes*] Atrocius nomen fuit, proscribi autem mitius nomen fuit, In die acht thun. Hinc proscriptio dicitur, die acht, oder der bann. Alioqui dicitur, Exbannire¹⁹⁾, hoc est, proscribere. Extraordinaria iudicia sunt periculiosiora ordinariis iudiciis. *Quapropter*] Clausula. *Oblivisci*] Quia est lex naturae.

Cap. V. §. 12. *Sequitur illud*] Duo^{19a)} praeiudicia sequentia non possunt intelligi, nisi cognitis quibusdam moribus Romanae reipublicae. Ideo sciendum est, quoties senatusconsultum fiebat his verbis, videri hoc contra rempublicam esse, item, viderent consules, ne quid republica

15) Maellium] Ed. 1568. falso: Lellum; conf. supra p. 1008. nota 4.

16) Plut. Mar. c. 14.

17) ergo] sic Ed. 1568. et al.; Ed. Orell. enim.

18) Et] sic Ed. 1568.; Ed. Orell. Et si.

19) exbannire] Ed. 1568. male: expannire. — Conf. Du Cange glossar. mediae et infimae latinitatis ed. G. A. L. Henschel T. III. p. 129. s. h. v.

19a) In Ed. 1568. huic voci praemittitur auctoris huius adnotationis nomen: Phil. Mel.

detrimenti caperet. Hoc senatusconsulto dabatur summa potestas consulibus habendi delectus, armis opprimendi etiam sine iudicio eos, adversus quos factum erat senatusconsultum. In summa, simile quiddam erat proscriptioni, qualis nunc est, cum imperator principem aliquem proscribit. Talia erant saepe facta senatusconsulta contra seditiosos, ut contra Catilinam et similes. Ideo cum adversus Milonem tale senatusconsultum videretur factum esse, Milonis causa valde praegravabatur, habebatur pro reo²⁰⁾ laesae maiestatis, et pro proscripto. Et quidem Pompeius auctoritate huius senatusconsulti conscripsit exercitum contra Milonem, sed huius senatusconsulti acerbitatem novo tum exemplo leniit Pompeius. Addidit enim, ut res cognosceretur, ac iudicaretur. Verum in hoc extraordinario iudicio plus periculi habiturus erat Milo, quam si res cognita esset ordinaria via, ubi valent multae exceptiones, negotii prorogationes, studia amicorum, novi magistratus. Praegravabatur igitur Milo primum senatusconsulti atrocis specie, cum haberetur pro proscripto. Adversarii enim disputabant eum iam damnatum esse auctoritate senatusconsulti illius. Deinde oberat ei extraordinaria cognitio. Postremo deterrebantur studia amicorum propter praesidium adversus eum conscriptum. Hae sunt causae, quare Cicero et senatusconsultum illud diluit ac mitigat, et ipsum extraordinarium iudicium reprehendit, de quo multa exempla colligit, quibus ostendit nihil simile decretum fuisse interfectis clarissimis viris Scipione, Druso²¹⁾ et aliis, sed senatum reiecissee ea negotia ad ordinaria iudicia. Primum igitur respondet infitiatione, negat senatusconsultum esse factum consentiente senatu, sed docet senatum principio adversatum esse vehementer illi senatusconsulto. Deinde vero commemorat esse quoddam senatusconsultum generale factum, quod mitigat tripliciter^{21a)}. Primum quia fuerit generale complectens utramque partem. Quare non poterat videri Milo proprie damnatus. Secundo, quod diserte addiderit de ordinariis iudiciis. Tertio, quod non sit factum communi consensu senatus, sed extortum per tribunum quibusdam senatoribus Clodianae factionis.

20) reo] Ed. 1568. typogr. errore: eo.

21) Conf. supra p. 980.

21a) Conf. supra p. 981. 997.

Sequitur] Secundum praeiudicium de senatusconsulto, quo videbatur damnatus et proscribitus Milo. Quaestio non statim condemnat, sed praebet potestatem inquirendi. *Caedem*] scilicet Clodii propositio huius praeiudicii. *Contra rempublicam*] id est, esse seditionem, esse vim iniustam et capitalem, Milonem esse reum laesae maiestatis, vel Milonem ob eam causam exbannitum²²⁾ et proscriptum esse. *Illam vero*] scilicet caedem. Infinitio. Negat enim Milonem a senatu condemnatum fuisse. *Studiis*] scilicet favoribus. A voluntate senatus, quam decreto opponit. *Declarant*] Ambustum vocat propter incensam curiam. *Intermortuae*] scilicet ut senatus condemnaret Milonem. *Intermortuae*] id est, contemnebantur, vel, nihil habebant auctoritatis. *Quae quidem*] Concessio interposita minuendae invidiae causa.

§. 13. *Hanc vero quaestionem*] scilicet quam constituit Pompeius, ut novo exemplo haberetur, iudicium, vel, ut iudicaretur vel dignosceretur causa Milonis. *Nunquam tamen*] id est, nihil voluit novi praecipere in inquirendo. *Constituendam*] scilicet senatusconsultum fecit, neque voluit extraordinarium iudicium constituere. *Erant*] Redit ad sententiam. *Nova quaestio*] id est, nova forma iudicii. *De cuius illo incesto stupro*²³⁾] quasi dicat: Non licuit senatui decernere, ut ille vocaretur in ius propter stuprum. Acerbum hoc est. Commemorat historiam Plutarchus in vita Caesaris²⁴⁾. *Cur igitur incendium*] Secunda^{24a)} mitigatio. Cum inimici Milonis obicerent Milonis causam iam damnatam esse senatusconsulto, quo velut proscribitus videbatur Milo, Cicero primum respondit per infitiationem, quod senatus nunquam decreverit communi consensu, caedem Clodii videri contra rempublicam factam esse, et tamen quia quoddam generale decretum erat factum, opus fuit commoda interpretatione. Ideo Cicero addit mitigationem. Tripliciter autem mitigat senatusconsultum^{24b)}. Primum, quod fuerit generale complectens utramque partem: ideo non

22) exbannitum] Ed. 1568. male: expanitum.

23) *De cuius illo incesto stupro*] sic Ed. 1568.; Ed. Orell. *Cuius enim de illo incesto stupro.*

24) Plut. Caes. c. 9. 10.

24a) In Ed. 1568. huic voci nomen auctoris „Phil. Mel.” praefixum est.

24b) Conf. supra p. 981. 997. 1011.

damaavit proprie Milonem. Secundo, quod diserte additum sit, ut usitatis iudiciis res cognosceretur. Tertio, quod nihil decretum sit communi consensu senatus. Reddit autem hic rationem Cicero, quare senatus debuerit aliquid decernere: Quia semper exemplum privatae caedis est malum, etiamsi interdum autor caedis habet excusationem, ut cum Nasica privatus occidit Gracchum, etsi postea habuit excusationem, tamen exemplum fuit malum. Si episcopis permitteretur suo arbitrio indicta causa movere bellum adversus respublicas, quae in doctrina aliquid mutarunt, exemplum esset malum; quia hoc praetextu fieret impetus a cupidis hominibus etiam in insontes. Ita exemplum privatae caedis semper est periculosum reipublicae, etiamsi interdum habet excusationem. Ideo senatus propter exemplum debuit aliquid decernere, et tamen rem ad iudicia reiicere, nec propter speciem exempli statim damnare totum factum. Hoc consilio inquit Cicero decretum aliquod factum esse, et tamen rem reiectam esse ad usitata iudicia, et cum in decreto multae essent partes, tribunus postulavit, ut nominatim pronuntiaretur caedem Clodii contra rempublicam esse, sed tunc variantibus sententiis tribunus impedivit, ne pro Milone pronuntiaretur.

Cur igitur] Correctio infitiationis, in qua mitigat et interpretatur senatus decretum, et dicit quaestionem constitui propter inquisitionem, non statim propter damnationem. *ἄλλως*. Estimatum est incensionem curiae esse factam ab amicis Milonis. *Quia*] Interpretatione senatusconsultum mitigat amphibolum. *Nulla vis*] quasi dicat: Vis ipsa semper nocet reipublicae, sive sit iusta, sive iniusta, et tametsi noceat, tamen postea opus habet inquisitione. *In libera civitate*] Quod propter exemplum senatus aliquid decreverit in genere complectens utramque partem. *Contra rempublicam*] scilicet propter exemplum.

§. 14. *Defensio*] quasi dicat: Defensio est quidem licita, sed tamen non statim constat, an fuerit defensio vel offensio. *Nisi vero*] Ponit exempla. *Aut*] scilicet quia in speciem sunt atrocitas, ideo datur postea iudicium. *Vulnerarunt*] scilicet propter exemplum.

Cap. VI. §. 14. *In Appia*] scilicet versus Hetruriam. *In re*] scilicet exemplo. *Reservavi*] scilicet de persona nihil constitui, de genere in-

vidiae iudicavi. *Notavi*] scilicet hoc decrevi rem esse malam, sed tamen cognoscendam esse. *Quod si*] Translatio. *Quaestionem*] id est, extraordinarium iudicium. *Decernebat*] scilicet senatus. Elevat hic locus auctoritatem senatusconsulti, quod scilicet impediens tribunis plebis non liceret senatui proferre, quod voluit. *Ut veteribus*] id est, non nova aliqua lege. *Extra ordinem*] id est, delectis exquisitoribus, vel extraordinarium iudicium. *Quaereretur*] scilicet ut fieret iudicium pro more sine armis. *ἀποδίωξις*. *Divisa sententia est*] hoc est, postulatum est, ut nominatim contra Milonem pronuntiaretur, sed tamen id non est factum. Nam cum animadvertit tribunus pro Milone potius senatum pronuntiatum esse, vetuit pronuntiare. Erasmus in Colloquiis suis dividere sententiam intelligit pro numerare suffragia. Sed non est huius loci sententia. *Divisa sententia est*] scilicet cum plura complecteretur sententia, postulatum est, ut de singulis ordine referretur. *Reliqua auctoritas*] id est, nihil decrevit. *Intercessione*] scilicet Planci tribuni, qui vetuit pronuntiare (*ἄλλως*, scilicet per tribunum, qui intercessit, hoc est, vetuit pronuntiare²⁵⁾). *Sublata*] id est, repressa, quasi dicat: Non potuit libere iudicare, quod quidem intercesserunt subornati a Clodianis.

§. 15. *At enim*] Tertium praeiudicium de lege Pompeii. *Ut quaereretur*] quasi dicat: Sed quaestio non statim est executio. Mitigat: Haec quaestio est de iure, non de facto. *A quo?*] scilicet Milone. *Neque quaeri unquam*] Nota absolutionis et condemnationis. *Iussisset*] quasi dicat: Non fecisset vobis potestatem damnandi, aut absolvendi. *Salutarem*] scilicet absolutionis. A. significat: absolvo. Θ. significat: mortem, vel damnationem. N. L. significat: nondum licet. Erat enim quaedam prorogatio²⁶⁾. *Tristem*] id est, notam condemnationis. *Causam*] Confessio est manifesta.

25) Conf. A. Adam Handb. d. röm. Alterth. übers. v. J. L. Meyer T. I. p. 19.

26) Praetor cuique iudici, ut sententiam ferret, tres tabellas dabat, in quarum una erat littera C. id est, condemnatio (quapropter littera tristis appellata), in altera littera A. id est, absolvo (littera salutaris), in tertia N. L. id est, non liquet, scilicet mihi, causam nondum satis perspexi. Si plurimi iudices hanc tertiam tabellam in urnam demiserant, causa ampliata est. — Apud Graecos littera damnatoria erat Θ. id est, θάνατος. Vid. Adam l. l. T. II. p. 478 sq.

§. 16. *Iam illud*] Querela, qua figurate reprehenditur Pompeius^{26a}), quod novum et inusitatum iudicium constituerit, quale nunquam in aliis gravioribus causis constitutum sit. *Iam illud*] Elevat Pompeianae legis auctoritatem, quod videlicet non atrocitate facinoris coactus sit gravius in Milonem statuere, sed improbitate Clodianorum. *Ipsae*] scilicet Pompeius. *Clodio*] scilicet tumultuantibus Clodianis. *An tempore*] quasi dicat: Si Pompeius non fuisset gratificatus quibusdam importunis, nunquam hoc decrevisset. Figurata reprehendit Pompeii consilium, quod novam quaestionem constituerit, quod delectus habuerit.

Cap. VII. §. 16. *Domi suae*] Colligit exemplis non esse habitam dignitatis Clodianae rationem. *Vir*] scilicet Drusus. *Huius*] scilicet M. Drusi. *Consultus*] scilicet a tribunis plebis, quasi dicat: Populus est concitatus. *Africano*] scilicet inferiori, seu Aemiliano²⁷). *Necessariam*] scilicet naturalem. Amplificatio indignitatis. *Quaestio*] scilicet nova.

§. 17. *Quid ita?*] Ratio, qua confirmat iustitiam. *Necantur*] quasi diceret: Nulla unquam facta est quaestio huius caedis, sed fortasse iam facta est temporis causa. *Iisdem poenis*²⁸)] scilicet sive potens, sive infimus interficiatur, pariter illa puniri debent.

§. 18. *Itaque in eodem*] Invidiosa sunt haec, quibus sternit sibi viam ad alia Clodii flagitia. *Occidisset*] scilicet Clodius. *Puniendum*] sunt ironiae. *Monumentis*] id est, in maiorum suorum operibus. *Tragoedias*] Amplum est hoc. *Parricidae*] scilicet Clodii. *Sed quid*] Addit amplificationem scelerum, ut exaggeret indignitatem. *In templo*] Aliis exemplis exaggerat invdiam. *Collocarat*] Hoc etiam est apud Plutarchum²⁹). *Extorta*] scilicet quod sit dispositus. *Sica*] scilicet gladius.

§. 19. *Num*] Dicit haec ad concitandum et inflammandum Pompeium adversus Clodianos. *Insidiator*] Repetitur, atque adeo exaggeratio. *Vestibulo*] scilicet in curia. *Viro*] scilicet Pom-

26a) Pompeius] Ed. 1568. falso: Clodius.

27) P. Cornelius Scipio Aemilianus, Africanus minor, L. Pauli Aemilii filius adoptatus a P. Cornelio Scipione, Africani maioris filio.

28) *Iisdem poenis*] sic Ed. 1568. et al.; Ed. Orell. *iisdem et poenis*.

29) Conf. Plut. vita Pompeii c. 49.

peio. *Tempore*] scilicet pulso Cicerone. *Perinde*] Occupatio: Quamquam non interfecit, sed tamen consilium habuit interficiendi. In iure vero conatus punitur, etiamsi eventus non responderit.

§. 20. *Quotiens ipsum*³⁰)] Aliud exemplum.

Cap. VIII. §. 20. *Sed stulti*] Ironiae, quibus finit hanc clausulam. *Luget*] Distributio. *Agri*] scilicet rustici.

§. 21. *Non*] Responsio ad illas ironias. *Fuit*] scilicet quod tanti faceret dignitatem Clodii. *Cur*] Rhetorica excusatio Pompeii consilii, ne plus, quam oportet, defendat Pompeium. Quadriennio aut quinquennio ante bellum civile habita est haec oratio³¹). *Reconciliatae*] Ista non fuit causa, sed quod omnia aliorum arbitrio faciebat. *Multa etiam*] Inversio. *Iudicibus legendis amicos meos*] scilicet ut legeret amicos meos, hoc est, familiares, et mihi privatim coniunctos. Paucissimi enim sunt, praesertim ex principibus, quibus cum sit mihi illa familiaritas. *Viris legendis*] scilicet ut mei studio improbe faceret. Nam illi eatenus sunt amici, quatenus sinit respublica. *Assequi potuisset*] scilicet in bonis viris legendis, quasi dicat: Non potuit eligere, nisi tales, qui reipublicae causa mihi benevolunt, non propter privatam familiaritatem. Amicorum nomine familiares Milonis intelligit, et non illam vulgarem coniunctionem, quasi diceret: Eos legit, qui mihi non propter familiaritatem, sed propter rempublicam benevolunt. *Cupiisset*] scilicet ut multos meos familiares legeret. *Non enim mea*] quasi dicat: Illi, qui mihi benevolunt, reipublicae causa benevolunt, non propter privatam familiaritatem. *Mea gratia*] scilicet quod sum in quadam gratia principum, non eo sunt mihi familiares, sed illa gratia tota ad rempublicam pertinet. Amicos vocat familiares homines, quia pauci sunt tales.

§. 22. *Quod vero*] Captat iudicis benevolentiam. *Te*] scilicet tanquam praetorem, qui habet ius interrogandae sententiae, der die umbfrage hat, id quod in hunc usque diem conservatur in iudiciis. *Quaestioni*] scilicet publico iudicio.

30) *Quotiens ipsum*] sic Ed. 1568.; Ed. Orell. *Quoties ego ipse*.

31) Milo ob Clodium a. u. c. 702. (52. a. Chr.) 20. Ian. occisum, 4. April. eiusdem anni accusatus et a Cicerone defensus est, quam orationem postea scripsit; triennio post, a. u. c. 705. (49. a. Chr.) Caesarem Rubiconem transiens bellum civile commovit.

Tulit] scilicet Pompeius legem de iudiciis eligendis. *Esse*] scilicet praeesse iudicio. *Populares*] scilicet vulgi motus, quia Domitius oppresserat ante praeturam quendam urbanum tumultum. *Documenta*] scilicet a praetura, cum Manlium tribunum plebis oppressisti legem ferentem, qua libertinis promiscue suffragandi ius faciebat³²⁾.

Cap. IX. §. 23. *Quamobrem*] Epilogus praedictorum. *Disceptet*] scilicet iudicet. *Reliquum*] Propositio, in qua est summa causae praefixa narrationi. Status causae est: Milo iure occidit Clodium. Iste habet *αἴτιον*, de quo est dimicatio: Insidiatorem fas est occidere, est vera; Clodius fuit insidiator: ergo fuit iure occisus. *Nisi, uter*] Repetit propositionem. *Insidias*] scilicet uter fecerit principium pugnae. *Attendite*] Narratio, et est dilucida, nihilque habet obscuri. Inseruntur tamen quaedam argumenta, quae praegravant Clodium, et sublevant Milonem.

§. 24. *P. Clodius*] Occasio et consilium. Nam Clodius sibi obstaculo habuit Milonem, quo minus vexaret rempublicam, quamquam in epistolis ad Atticum testatur Cicero Milonem semper prius cogitasse de morte Clodii, ne illi obesse posset in ambitione consulatus. Hic porro mitigat narrationem, quantum potest, ut causae serviret. At ibi in privatis litteris verum scribit: Milo tanquam homo potens et popularis multos pro se habuit, nisi uno Clodio resistente, unde et eum tollere prius cogitabat. *ἄλλως*. Narratio, quae res occasionem dederit, ut Clodius susciperet consilium interficiendi Milonis. Clodius oderat Milonem propter rogationem restituti Ciceronis. Viletur verisimile Milonem insidiatum esse Clodio, quia Milo timebat, ne posset obtinere consulatum propter magnam potentiam et temeritatem Clodii, cui deinde favebat Pompeius. *Vexare*] Occasio et consilium, quod oderit Milonem, et quare Milonis consulatus et praetura Clodii incidebant in eundem annum. Lex annalis fuit Romae, ne

³²⁾ L. Domitius Cn. f. Ahenobarbus praetor a. u. c. 696. (56. a. Chr.), cum Cn. Manlius, tribunus plebis, subnixus libertinorum et servorum manu perditissimam legem ferret, ut libertinis in omnibus tribubus suffragium esset idque per tumultum ageret et clivum Capitolinum obsideret, discussit perrupitque coetum ita, ut multi Manliorum interficerentur. Quo facto et plebem infamam offendit et senatus magnam gratiam iniit. Vid. Orellii et Baetleri Onomast. Tullian. P. II. p. 227.

quis statim ad summos honores admitteretur, et quibus annis liceat petere magistratum. *Rempublicam*] id est, occasionem et consilia. Miratus est narrationem Fabius Quintilianus^{33a)}, et mirifice eam laudat. *Religione*] scilicet propter funus.

§. 25. *Occurrebat*] Vide, ut spargat argumenta causae in narrationem. *Petitionem*] scilicet illorum competitorum Milonis. *Gubernaret*] Clodius emebat suffragia quorundam competitorum, ut Milonem consulatu deiicerent. *Fortissimum*] scilicet Milonem. *Eius*] scilicet Milonis. *Convocabat*] scilicet promittebat vulgo, quod vellet deducere colonias.

§. 26. *Ex Apennino*] Apenninus porrigitur per Italiam. *Favonio*] Favonius est imitator Catonis, et ausus est libere obiurgare cives prope modum, ut Cato.

Cap. X. §. 27. *Interim*] Occasio, quod facile potuerit deligere locum et tempus idoneum interficiendi Milonis. *Flaminem prodendum*] scilicet ad designandum sacerdotem et creandum, einen Priester zu machen, oder einen Bischoff zu weihn. Ius patronatus. *Dictator*] id est, summa potestas. Suspiciose narrat rem Cicero. *Lanuviis*] Nam Lanuvio praefuit Milo. *Profectus*] scilicet Clodius. *Turbulentam*] scilicet tribunitiam. Circumstantiae et apparatus, quae significant tarditatem, et non habuisse eum consilium pugnandi. *Desideratus est*] scilicet in Milonem.

§. 28. *Milo*] Signa cunctantis, et nihil cupide facientis. *Expeditus*] scilicet ut esset idoneus ad pugandum. *Sine uxore*] scilicet Fulvia. *Paenulatus*] id est, inermis. Paenula, ein schlechter gemeiner Rock. *Hic insidiator*] scilicet Milo. *εἰρωνεῖα*.

§. 29. *Hora fere undecima*] Est sub vesperam iuxta supputationem Romanam, qui ab ortu solis numerant primam horam usque ad occasum 12. *Undecima*] auf den abend. *Adversis*] scilicet Clodiani. *Hic*] scilicet Milo. *Recurrere*] scilicet Miloniani recurrebant. *Fecerunt*] id est, interfecerunt Clodium. *Dicam*] Fidem facit orationi suae ista libertate. *Derivandi*] scilicet non dubito confiteri, non defugio confessionem.

Cap. XI. §. 30. *Haec sicut*] Conclusio narrationis, repetit propositionem, et huic additur deinde principalis syllogismus, videlicet, vim vi

^{33a)} Quintil. institutt. orat. IV, 2, 25. et al.

repellere; Milo vim vi repulit: ergo iure occidit Clodium. *Insidiator*] επιφώνημα. ἀποδιώξις. *Audacia*] επιφώνημα. *Nihil dico*] Praeteritio- nes seu reiectiones: Nolo ex suis meritis tueri, sed ex privato negotio. *Sin hoc*] Circumductio, qua repetit thesin. ἄλλως. Principalis syllogis- mus et maior est, nempe, vim vi repellere licet. Et est sumpta a iure naturae. Nam ius naturae omnes docet se ipsum defendere. ἄλλως. Insi- diatorem fas est occidere; Clodius insidiatus est: ergo Milo iure Clodium occidit. *Ratio*] quasi dicat: si ius naturae hoc omnes docet. *Distributio*. *Iudicare*] Conclusio: ergo recte fecit.

§. 31. *Dare iugulum*] πάθος. *Sin hoc*] Propositio. *Iure*] κρινόμενον et status causae. *Ab utro*] scilicet uter fecerit insidias.

Cap. XII. §. 31. *Num quid igitur*] Propositio, in qua est κρινόμενον, nempe, quod vim vi repulit Milo. Nam haec prope in disputando negaretur. *Hic*] scilicet Milo. *Ille*] scilicet Clodius.

§. 32. *Quonam*] Orditur a minori, id quod libentius Cicero facere solet, quam quod ordiatur a maiore, et amplificat minorem exaggeratione appellationis. ἄλλως. Confirmatio, et hinc argu- menta exorditur, et primum argumentum vocatur probabile, et certe ex voluntate et facultate sumuntur argumenta in causis coniecturalibus. Iurisconsulti signa et praesumptiones appellant. Nam signa verae causae veri effectus sunt quorundam ingeniorum. Ducuntur haec argumenta partim ex voluntate, partim ex facultate. Et primum ex voluntate est ductum: Cui bono fuit, hunc verisimile est magis voluisse facere insidias; Clodio magis bono fuit, quam Miloni: ergo verisimile est potius Clodium voluisse interfectum Milonem. Argumentum ex causa finali. Nam Clodius non potuit rempublicam gubernare pro sua libidine vivo Milone. Et Cicero ad Herennium probabile argumentum vocat, quod alii a causa finali vocant. Et causa finalis continet utilitatem in se, natura, moribus. *Satis est*] Ratiocinatio a spe commodorum. *Satis*³³⁾ *audaci*] Minor, a qua orditur libenter Cicero, et eam pulchre vestivit verbis: Improbi impelluntur tantum utilitatis opinione. *Ei*] scilicet Clodio. *Itaque*] Maior, Cassius ita solitus est dicere, verisimile esse eum peccasse, cui peccatum bono fuerit. *Illud*] Haec

33) *Satis*] sic Ed. 1568. et al.; Ed. Orell. *tam*.

Cassii sententia. *Cui bono fuerit*] scilicet cui prodest facinus, wem er mehr zutregt, vel, qui expectaverit aliquid lucri ex ea re. In praesumptionibus debent multa concurrere. Facit enim eum improbum. *In his personis*] Personae vocabulo non tam pro conditione, quam pro natura usus est Cicero. Sic in 2. Philipp. et Academicis Quaestionibus. *Etsi*] Correctio. *Fraudem*] scilicet facinus. *Atqui, Milone*] Declaratio seu expositio minoris: Quia Clodius non poterat proferre suas rogationes et pessimas leges vivo Milone. *Eludere*] scilicet auctoritatem patrum. *Illi*] scilicet alii consules. *Beneficium*] scilicet quod Milone non factus esset consul. *Ille*] scilicet Clodius. *Arbitrarentur*] scilicet quod ipsi hac occasione ad rempublicam pervenerunt, quod Milo sublatus est.

§. 33. *An vero*] Probatio minores per ironiam. *Peregrinantur*] quasi dicat: Vos certe audivistis, qui rumor de Clodio fuerit in tota civitate. *Ille*] scilicet Clodius. *Leges*] scilicet de educendis coloniis. *Pestes*] Metaphora elegans. *Exhibe*] Digressio. *Librarium*] scilicet libellum. *Turbaque*] scilicet post interfectum Clodium. *Tamquam*] quasi dicat: Putas te rem praeclaram fecisse. Troiae erat Palladium, quo abrepto demum vincebatur civitas. *Sustulisse*] quasi dicat: ut extincto Clodio tu iam regnares. *Adspexit*] scilicet Sextus Clodius. *πάθος* seu prosopopoeia. *Minabatur*] scilicet quando combussit cadaver Clodii. *Lumen*] id est, incendium. Nam cum Clodio funus ducere- tur, curia flagravit. *Curiae*] scilicet incensae.

Cap. XIII. §. 33. *Quid? tu*] Persequitur πά- θος per ironicam subiunctionem. *Inimicissimum*] scilicet Clodium. *Punitus es*] pro punivisti, hoc est, multasti. Vetus modus dicendi. *Fabius*³⁴⁾ dicit Ciceronem usum esse verbo *punior* activa significatione³⁵⁾. *Imaginibus*] scilicet quae praeferebantur in funere, quod fecit Clodio. Est insertus locus nihil pertinens ad argumentationem. *Semiustulatum*³⁶⁾] pro semiustum. Nam ita cadaver ambustum postea devoratum est a canibus. *Fecisti*] Quia fuit coactus fugere ex

34) Fab. Quintil. instit. orat. IX, 3, 6.

35) Fabius — significatione.] haec verba in Ed. 1568. male a praecedentibus seiuncta et post sequentem notam „Semiustulatum — a canibus.” posita sunt.

36) *Semiustulatum*] sic Ed. 1568. et al.; Ed. Orell. *semu- stulatum*.

foro, in incendio. *Irasci certe]* Haecenus fuit parenthesis, nunc redit ad minoris probationem, quod Milonis interitus profuerit Clodio, et econtra, quod Miloni non sit profutura mors Clodii.

§. 34. *At non* ³⁷⁾] Extrema pars epilogi, quasi dicat: P. Clodius subinde quotidie magis ac magis obtinebatur Miloni. *Tueatur]* scilicet Clodius. Querela, qua sternit sibi viam ad novam argumentationem. *Dignitatem]* scilicet quia vinci largitione emptis suffragiis Milo non potest, tollatur sane novo exemplo e medio, cum appareat alioqui certo consulem futurum, et Clodio frenum iniecturum esse. *Huic uni]* scilicet Miloni.

§. 35. *At valuit]* Secundum argumentum a causa impulsiva, probabile est hunc fecisse insidias, qui acerbius odit; Clodius multo vehementius oderat, quam Milo: igitur probabile est Clodium fecisse insidias. Hoc argumentum pertinet ad locum voluntatis. *Doloris sui]* Nihil est dulcius, quam explere iram, inquit Achilles apud Homerum. *Quid? si haec]* Impulsio, quando scilicet tractantur affectus. *In illo]* scilicet Clodio. *Ille, erat]* scilicet Clodius magnas causas habebat. *Lege Plotia]* scilicet de vi ³⁸⁾ propter expugnatas aedes Milonis. Lex Plotia de vi lata fuit. Nam Clodius impetum fecerat in aedes Milonis, occupaverat quaedam eius vi. *Tyrannum]* scilicet accusari vel subiici iudicibus. *Odium]* scilicet in Clodio. *Iniusto]* scilicet Clodio.

Cap. XIV. §. 36. *Reliquum est]* Tertium argumentum a perpetuis moribus, probabile est illum potius scelerate fecisse, qui semper contempsit omnia iura et leges omnes; Clodius contempsit semper omnia iura: igitur struxit insidias, et scelerate fecit. *Reliquum]* A qualitate personarum. *Illum]* scilicet Milo. *Per vim]* Ironia, quasi dicat: nullo modo. Recitat omnia malefacta Clodii. *Attulit* ^{38a)}] *ἐλκυσία*. *Actionem]* scilicet laesae maiestatis. *Perduellionis]* scilicet laesae maiestatis, quasi ego violaverim publicas leges. *Intenderat]* Intentaverat legit Phil. Mel., quasi dicat: Expulit indemnatum et indicta causa turba ^{38b)} seditiosorum hominum.

37) non] sic Ed. 1568. et al.; Ed. Orell. nunc.

38) De hac lege Plotia vid. C. G. Waechteri illustratio in libro: Neues Archiv des Criminalrechts Vol. XIII. p. 8 sqq. ex quo in Orellii et Baileri Onomast. Tullian. P. III. p. 233 sqq. repetita est.

38a) Haec vox h. l. apud Cic. non invenitur.

38b) turba] Ed. 1568. male: tuba.

Obiici volui ³⁹⁾] Ich bin gewichen, auf dass nicht ein grösserer lerm daraus würde.

§. 37. *Cum hoc]* scilicet Hortensio. *Conquievit?*] scilicet fuit quasi Catilinae coniuratus, qui post occisum Catilinam fureret in republica. *Regiam]* scilicet basilicam.

Cap. XV. §. 39. *Atqui* ⁴⁰⁾] quasi dicat: Omnes magistratus oderant eum. Facit Cicero verisimile, quod Milo non admodum curaverit, utrum vivat, an mortuus sit. *Patronus illius]* Interpretatio. *Cuius]* scilicet Pompeii.

§. 40. *Quae tum non modo]* Applicatio argumenti: Antea potuisset accidere cum gratia, iam illud tempus habet aliquid incommodi. Est signum ex circumstantia temporis. *Nuper]* Vide secundam Philippicam.

Cap. XVI. §. 41. *Iniquo loco]* Signa ab opportunitate. *Dubitavit]* quasi dicat: minime.

§. 42. *Ambitio]* scilicet petitio magistratus, quasi dicat: In ipsis comitiis non libenter laedimus voluntates hominum. *Nihil]* *ἐπιφώρημα*. *Improbitali* ⁴¹⁾] scilicet quando aliquid intempestive petit quis et non desinit, quasi dicat: quando candidati intempestive petunt.

§. 43. *Diem]* scilicet petendi consulatum. *Veniebat?*] quasi dicat: nullo modo hoc facturus esset illo tempore. *Quid, quod caput]* Quartum argumentum: Probabile est illum malefecisse, qui sibi promittebat impunitatem; Clodius omnia ante fecit impune: igitur credibile est Clodium fecisse insidias. *Quid]* Minor. *In utro]* scilicet impunitatis spes. Maior.

§. 44. *Sed quid]* Quintum argumentum a testibus. *Triduo]* Facultas.

Cap. XVII. §. 45. *Dies]* scilicet tertius. *Dixi equidem]* Sextum argumentum a tempore, quod certe potuerit scire tempus, Clodius norat tempus: igitur poterat sibi locum constituere faciendis insidiis. *Lanuvii* ⁴²⁾] Rectius, Lanuvini. *Illo ipso]* Tempus. *Concio]* scilicet contra petitionem Milonis. *Illi]* scilicet Clodio. *Clodium]* scilicet fore in itinere.

§. 46. *Dictator]* Burgermeister. *Prodi]* scilicet creari. *Largiar]* vulgo concedam. *Ser-*

39) volui] sic Ed. 1568.; Ed. Orell. nolui.

40) Atqui] sic Ed. 1568. et al.; Ed. Orell. At quod.

41) Improbitali] sic Ed. Orell.; Ed. 1568. improbati.

42) Lanuvii] sic Ed. 1568.; Ed. Orell. Lanuvini.

um] Occupatio. *Legite]* Colligit ex testimoniis, ne potuisse quidem scire de reditu Milonis.

Cap. XVIII. §. 47. *Quippe si]* Parenthesis brevis. *Rogatione]* scilicet in hac lege de iudicio constituendo, vel, rogatione scilicet de quaestionibus constituendis de caede Clodii. *Describebant]* sie meineten mich. *Quid]* Obiter interiecta est confutatio de Cyro. *Cogitasse]* scilicet eo vespere rediturum fuisse Clodium. *Illi]* scilicet Clodio, si non fuit insidiator. *Fuit]* scilicet si scivit Milo Clodium venturum esse, debebat eum ad urbem expectare.

Cap. XIX. §. 49. *Age si⁴³⁾ ita factum]* scilicet si mansurus erat, et Cyri causa nihil fuit, quod properaretur. Ergo verisimile est illi, de Milonis adventu nuntio excurrisset.

§. 50. *Neganti]* scilicet si occidisset Milo ad urbem Clodium, ubi crebro interficiebantur homines, et sine suspicione poterat occidi Clodius, et sine ullo periculo facile potuisset negari. *Neganti]* scilicet Miloni. *Sustinuisset]* scilicet defendisset. *Multi]* scilicet vicini Hetrusci. *Illo]* scilicet Clodio.

§. 51. *Video adhuc]* Epilogus, in quo repetit superiora argumenta.

§. 52. *Mortem]* Testimonium. *Profectionis]* scilicet de die. *Huius]* scilicet Milonis. *Illius]* scilicet Clodii. *Hunc]* scilicet Milonem. *Illum]* scilicet Clodium. *Hunc]* scilicet Milonem. *Illum]* scilicet Clodium. *Causam]* scilicet de reditu, cum substitisset in Albano. *Huic]* scilicet Miloni. *Illi]* scilicet Clodio.

Cap. XX. §. 53. Septimum argumentum a loco et apparatu: Clodius fuit in insidiis in loco commodiore, ergo verisimile est eum fecisse insidias. Aliud, probabile est illum facere impetum, qui occupat superiorem locum; Clodius tenuit superiorem locum: ergo Clodius voluit inferre impetum. *Ab eo]* scilicet Clodio.

§. 54. *Cogitaret]* quasi dicat: minime. *Paenulatus]* Hypotyposis loci et apparatus. *Locum]* scilicet superiorem.

Cap. XXI. §. 55. *Compare]* scilicet conferte. *Ille]* scilicet Clodius, quasi dicat: Clodius tenuit superiorem locum, non Milo. *Uxore]* scilicet Fulvia. *Graeculi]* id est, parasiti, histriones, moriones. *Symphoniaci]* Singer. *Cur igitur]* Confutatio suspicionum.

§. 56. *Martemque]* Mars ἀλλοπρόσαλλος⁴⁴⁾. *Perculit]* id est, depulit.

§. 57. *Cur igitur eos]* Secundum argumentum de manumissione servorum. De facto quaeritur in tormentis, non de iure. *Metuebat]* quasi dicat: minime, quia dicebatur Milonem ideo manumisisse servos, ne in tormentis confiterentur, Clodium a Milone interfectum esse. *Quid opus]* Ironiae. Eculeum est instrumentum factum ad torquendos homines. Milo manumisit servos, non quod timuit, ne arriperentur ad tormenta.

Cap. XXII. §. 57. *Quod]* scilicet factum. Amplificatiuncula, in qua magnificat servorum operam. *Agamus]* scilicet quaeramus, scilicet de iure. *Si quid⁴⁵⁾]* scilicet ipse potius amplioribus praemiis debuit afficere.

§. 58. *Dixit]* Allegat dictum Catonis: Imo manumisit, quia erant digni maximis praemiis. *Propter eosdem]* πάθος suavissimum. *Ultiores]* Ironia.

§. 59. *Sed quaestiones]* Confutatio, in qua diluit ea, quae obiecta erant Miloni. *Quaestiones]* scilicet inquisitiones facti, vel examina. Diluit testimonium servorum Clodii. *Atrio]* scilicet templo. *Appius]* scilicet qui accusat Milonem. *Quaestio est]* Invidiosum. *Incestu]* scilicet quando servi interfecerunt suum dominum, licet eos quaerere. *Incestu]* Alii legunt, interitu. *Clodius]* scilicet mortuus est. A simili, quasi dicat: De violatis religionibus inquiri de servis potest. *Penetrarat]* scilicet in sacello Bonae Deae. Iocus, vel, quando violavit templum Bonae Deae. *Noluerunt]* quasi dicat: Si torquere servum de domini causa non licet, quanto minus credi ei potest de facto inimici herilis, vel, si non licet quaerere de morte domini, multo minus de morte inimici. *Inveniri]* quasi dicat: minime.

§. 60. *Coniiciuntur]* scilicet custodiuntur. *Incorruptius?]* quasi dicat: Illa quaestio nihil habet autoritatis. Ironice ista omnia dicuntur.

Cap. XXIII. §. 61. *Quod si nondum satis]* Opponit suspicionibus signa fiduciae et bonae conscientiae Milonis. Haud dubie est sibi bene conscius et innocens, qui audet venire in senatum et in publicum; Milo venit in senatum: ergo credibile est Milonem optime sibi fuisse conscius.

43) si] sic Ed. 1568.; Ed. Orell. sit.

44) Hoc epitheton Marti tribuit Homerus II. V, 831. 889.
45) Si quid] sic Ed. 1568.; Ed. Orell. si id.

Recordamini] Minor. *Potestati*] scilicet Pompeio, qui iam erat unus consul. *Cui se unquam*⁴⁶⁾] *Nunquam* legit Phil. Mel. *Causae*] Perstringit imbecillitatem Pompeii. *Nonnulla*] quia Pompeius inique favebat Miloni. *Magna*] Maior et ἐπιχώρημα.

§. 62. *An vero*] Amplificat locum de conscientia.

§. 63. *Multi*] quasi dicat: Multi dicebant eum talem seditionem excitaturum esse, qualem Catilina excitavit. *Erumpet*] Mimesis. *Miseros*] Exclamatio seu πάθος. Ausus est redire cum magno periculo, quia atrocissimi sermones de eo Romae erant sparsi.

Cap. XXIV. §. 64. *Quid? quae postea*] Epilogus totius argumenti de conscientia. *Congesta*] scilicet multa dicta. *Perculissent*] scilicet potuissent movere conscientias. *Sustinuit*] scilicet contempsit illa dicta. *Immo vero*] Docet palam compertum fuisse, falso conficta fuisse in Milonem crimina. *Contempsit*] scilicet confidit suae bonae conscientiae. Sparsi significant sudes, et teli genus est.

§. 65. *Laudabam*] Occupatio, qua obiter satisfacit Pompeio. *Tota commissa est republica*] Molliter reprehendit Pompeium, quod praegravaverit causam Milonis falsis suspicionibus. *Non poteram*] Omnia illa dicit ad mitigandum Pompeium, quia gubernavit totum iudicium. *Acu punctum*] Omnia fuerunt conficta ab adversariis, ut incenderent Pompeium adversus Milonem.

§. 66. *Ut intelligo, cavebat*] Repetitio occupationis. *C. Caesaris*] Gessit tunc bellum in Gallia. *Non poteram*] Iterum repetit occupationem. *Frequentissimo*] Aliud crimen. *Capitolio*] Argumentum est, quo vult eximere metum Pompeio.

Cap. XXV. §. 67. *Omnia falsa*] Placat Pompeium, quasi dicat: Conaris opprimere Milonem, non ut caedem Clodianam vindices, sed ut te ipsum a metu libereres. *Dux electus*] scilicet Pompeius.

§. 68. *Sed quis*] Amolitur invidiam per correctionem: Sed tu non habes exercitum contra Milonem, sed contra tumultus vulgi. *Quod si Miloni*] A voluntate Milonis, et meritis. *Datus esset*] scilicet tecum privatim colloquendi. *Peste*] scilicet Clodio. *Nae*] scilicet certe. *Is*] scili-

cet Milo. *Te, magne*] Admonet Pompeium inconstantiae fortunae, ne fortes et fidos amicos contemnat, quorum aliquando praesidio ei opus futurum sit.

Cap. XXVI. §. 69. *Vide*] Locus communis de inconstantia fortunae. *Ratio*] scilicet Clodiani deserent te. *Erit, erit*] Vaticinatur Pompeio. *Viri*] scilicet Milonis.

§. 70. *Quamquam*] Correctio, qua docet arma non esse comparata ad vim faciendam. *Moris*] Quia Opimus Gracchum interfecit facto illo senatusconsulto, Marius Saturninum⁴⁷⁾, quasi dicat: Tu scis, quae sit vis illius senatusconsulti. *Senatus*] Erat senatusconsultum factum adversus seditiosos, et data est ei^{47a)} summa potestas omnium rerum. *Fuerunt*] scilicet per se potestatem habuerunt contrahendi exercitus. *Hunc*] scilicet Pompeium. *Iudicium*] scilicet si iudicasset Milonem malefecisse, habuisset ius interficiendi eius sine iudicio facto illo senatusconsulto; sed non interfecit Milonem: igitur significavit eum absolvi posse. *Vindicandis*] id est, in constituendo iudicio de Milone. *Tolli*⁴⁸⁾] scilicet si talis esset, qualis ferebatur, scilicet quod futurus esset alter Catilina. *Pompeio*] quasi dicat: Sapienter fecit Pompeius, quod non statim oppressit Milonem. *In Milonem*] scilicet quod Milo reus sit. *Legem*] scilicet ut audiatur, quasi dicat: Scit, quod habeat ius interficiendi Milonis, si male sentit de eo. Non est otiosa laudatio. *Vobis*] scilicet iudicibus. *Oporteret*] scilicet quia Pompeius non occidit, qui habet ius interficiendi. Superior et ordinaria potestas non interfecit eum: ergo significat eum absolvi posse.

§. 71. *Quod vero in*] Quia Pompeius declaravit iam insontem esse Milonem, quia non oppressit eum facto senatusconsulto, cum posset: ideo significat vim contra Milonem non esse comparatam, et facile laturum se esse, si absolvatur Milo.

Cap. XXVII. §. 72. *Nec vero*] Hic ommissa causa violentam et tragicam insectationem Clodii orditur, ut posteaquam satis docuit, iudicem pathetica oratione impellat. *Nec vero*] Exaggeratio, in qua ciet affectus totius iudicii. Gravissima pars orationis est, et habet vehementissimos motus. *Mentiri*] Quia ipse non occidit eum. *Occidi*] Amplificatio per collationem. Hic autem

⁴⁷⁾ Conf. supra p. 1009. notae 6. 7.

^{47a)} et (sc. Pompeio)] Ed. 1568. male: eis.

⁴⁸⁾ Tolli] sic Ed. 1568.; apud Ciceronem legitur tolleret.

⁴⁶⁾ se unquam] sic Ed. 1568.; Ed. Orell. nunquam se.
MELANTH. OPER. VOL. XVI.

totus locus est comparatus ad movendos affectus. Tyrannum grassantem in rempublicam licet occidere; Clodius fuit tyrannus: ergo Clodius iure est interfectus. Hoc argumentum non ad tollendam, sed ad levandam culpam Milonis valet. Si placet effectus, debet etiam placere causa. Maior est in exemplis, saepe tyrannici homines privatim occisi sunt, et caedes probatae sunt: ergo et haec probetur. *Liberasset*] scilicet posset dicere, se ultro et data opera occidisse Clodium, non quod insidiatorem interfecerit. In hac urbe interfecti sunt aliqui sine iudicio, propter suspicionem tyrannidis, qui tamen nullo modo tantum mali perpetraverunt, quantum fecit Clodius: ergo licuit Clodium interficere. Item, Multi sunt propter beneficia occisi: ergo propter mala licet occidere Clodium. *Cuius*] Recitabit omnia scelera Clodii, ut describat, qualem tyrannum occiderit ille. *Pulvinaribus*] scilicet ad aras. Pulvinaria vocabant lectisternia, hoc est, aras tectas pulvinaribus.

§. 73. *Expiandas*] Expiare religiones dicitur, quando religiones violatae novis sacrificiis quasi purgantur. Expiatio dicitur satisfactio seu propitiatio. *Supplicio*] id est, condemnatione. *Quaestionibus*] id est, examinibus. Quaestio hic significat examen et torturam, supra iudicium. *Civem*] scilicet me. *Ut memoriam*] scilicet ut perderet censorias tabulas. *Censionis*⁴⁹⁾] id est, census, quasi dicat: censorum et perscriptorum civium. Recensio est perscriptio civis, quid dat nomen magistratui.

§. 74. *Litium*] scilicet per vim grassabatur. Vindiciae sunt lites de possessione rerum. *Sacramentis*] id est, litibus, sponsionibus. Vocatur sacramentum, quia adhibebatur sacris illa pecunia. Decempeda est vocabulum mensurae. Ianiculum fuit Romanum suburbanum, quasi dicat: Habuit bona a Roma usque ad Mediolanum.

§. 75. *Sed ausus fuit*⁵⁰⁾] Repetitio.

Cap. XXVIII. §. 77. *Quamobrem*] Exaggeratio: Civitas non potuit esse tranquilla isto viro. *Nequeo*⁵¹⁾] Amplificatio.

§. 78. *Vivo P. Clodio*] A commodis. *Viro*] scilicet Milone. *Nunc enim quis*⁵²⁾] Ironia.

49) *Censionis*] sic Ed. 1568.; Ed. Orell. *recensionis*.

50) *fuit*] sic Ed. 1568.; Ed. Orell. *est*.

51) *Nequeo*] sic Ed. 1568. et al.; Ed. Orell. *Non queo*.

52) *Nunc enim quis*] sic Ed. 1568.; Ed. Orell. *Num quis igitur*.

*Habui*⁵³⁾] scilicet quod in omnium possessiones invasisset.

Cap. XXIX. §. 78. *Non timeo*] Facit fidem orationi suae.

§. 79. *Fingite*] Egregium πάθος a vita Clodii ex antithesi. *P. Clodius revixerit*] ἀποστροφῆ, qua se ad iudices convertit, quod est opportunum πάθος. *Huius ergo*] Ab effectu procedit ad causam ex antithesi: Vitam non vultis, ergo mortem debetis velle. Si mors placet, placeat et interfector.

§. 80. *Graeci*] Maior: Tyrannos licet occidere, quasi diceret: Ipse habet excusationem probabiliorem, quod defenderit suum caput. *Graeci*] Ab exemplo. *Vos tanti*] Accommodatio. Minor. *Magno animo*] Repetitio epilogi.

Cap. XXX. §. 81. *Legat*⁵⁴⁾] scilicet quod se defenderit. *Probari*] scilicet deletio Clodio omnes cives sunt salvi. *Cecidisset*] id est, extitisset, fuisset. *Cederet*] scilicet sicut cesserat Nasica. *Nam quid esset ingratus*] A turpitudine ingratitude.

§. 82. *Quamquam*] Correctio. *Omnes*] scilicet singuli, quasi dicat: Singuli fortes viri sic sunt affecti, ut etiam gratis cupiant liberare patriam. *Proposita invidia*] Epiphonema. *Is vir vere*] Hic redit ad gratitudinem. Milo aequo animo ferret, si esset ei discedendum, quia fortes viri bene mereri student de republica.

§. 83. *Quamobrem*] Conclusio. *Sed huius*] Aliud argumentum. Translatio egregia, quod populus debeat esse gratus pro divino beneficio. Divinum enim beneficium esse illam interfectionem Clodii. Autor illius caedis est Deus, non Milo. Inserta est occupatio: Dii curant res humanas. Deus reddit pro benefactis praemia. Clodius fuit impius in religiones: ergo non dubium est, quin Deus sumpserit poenas de Clodio. *Nec vero*] A pietate locus auxit argumentum de gratitudine. *Arbitrari*] scilicet quin Clodius Deo poenas dederit. Maior. *Imperii vestri*] Argumentatur a magnitudine imperii. *Prodiderunt*] quasi dicat: Certe est aliquod numen divinum. Item, certe est Deus, qui curat res humanas. Item, vices rerum testantur esse mentem, qua creentur et conserventur ista omnia.

53) *Habui*] sic Ed. 1568.; apud Ciceronem legitur: *habere potuissent*.

54) *Legat*] sic Ed. 1568.; Ed. Orell. *negat*.

Xenophon in Cyro colligit, quod multa sint testimonia de Deo in natura⁵⁵), et de opificio Dei loquens in creandis hominibus dicit: σοφοῦ τινος δημιουργοῦ καὶ φιλοζώου τεχνήματι ταῦτα ἔοικε⁵⁶). lib. 1. de factis et dictis Socratis. Alia probatio, esse Deum, qui puniat improbos, sumitur apud Xenophontem a terroribus conscientiae⁵⁷): Constat homicidas et alios, perpetratis magnis sceleribus, horribiles animorum cruciatus sustinere, etiamsi nulla humana iudicia metuant. Est igitur aliqua mens, quae hoc iudicium in animis ordinavit, quae probat recta facta, et improbat secus facta.

Cap. XXXI. §. 84. *Ille vis*] scilicet est Deus. Habet vim argumenti ex maiori, si in nostris corporibus inest mens, multo magis in illo mundi corpore. Hae duae negationes, quas ponit Cicero, sunt resolvendae in affirmationem, ut si dicam: Si nostrum corpus mente regitur, multo magis totum mundi corpus, vel, Non est sentiendum, quod in nostris corporibus sit mens, et tamen non sit in meliori, praestantiori, et perpetuore corpore, vel, Ista nostra mens intelligit, necesse est ergo esse causam intelligentem, a qua condita sit. Hoc est firmum argumentum, et insolubile apud philosophos. Impossibile enim est effectum esse perfectiorem causa. *Atque in hac imbecillitate*] Apud Isocratem frequentissimus est usus huius formulae, cuius extant exempla in Topicis apud Ciceronem⁵⁸): Non est legatum argentum, et non est legata numerata pecunia; legatum autem argentum est: legata igitur numerata pecunia est. Tale exemplum est: Et non in artibus parvis opus est imitatione, et non est opus in his summis. *Ea vis*] scilicet illa mens aeterna. Applicat locum communem ad suam hypothesin.

§. 85. *Non est humano*] Prosopopoeiae, quibus repetit superiorem sententiam, Deos esse auctores huius caedis, estque commutatus sermo per apostrophen. *Religiones*] A signis. Minor, Clodius fuit impius. *Commovisse*⁵⁹] id est, gavisae sunt arae. *Videntur*] scilicet quando vocatus est in iudicium propter violatum sacrum Bo-

nae Deae. *Vestra vis*] πάθος magnificentissimum. *Sed ad hanc insignem*] Spargit in personas supplicium.

Cap. XXXII. §. 86. *Ambureretur*] id est, honore sepulturae caruit. *Clarissimorum*] scilicet Claudianorum. *Formas*] scilicet statuas, quas in funere circumferebant.

§. 87. *Dura mihi*] Exaggeratio, cur Dii Clodium e medio sustulerint: Quia nemo alius eum cohercere potuerit. ἄλλως. Pergit in commemoratione impietatis et scelerum Clodii. Impietas est quaedam inclinatio saeviens adversus Deum. Pietas est insignis obedientia erga Deum. Clodius est impius, hoc est, grassatus est libere, grassatus est in omnia, fecit omnia impune. *In tribunatu*] scilicet quando Clodius eiecit Cicronem ex urbe contra senatus voluntatem. *Gesta*] scilicet a Cicerone. *Domum incenderat*] Obiter repetit scelera. *Incidebantur*] scilicet in aes. *Servis addicerent*] Quia ipse voluit deducere colonias, et locupletare egentes, ut haberet eos obnoxios adversus principes. *Hoc anno*] scilicet, praeturae suae.

Cap. XXXIII. §. 88. *Nunquam illum*] Congeries malorum, quae extiterint vivo Clodio. *Circumscripsisset*] id est, cohercuisset. Ironia, quasi dicat: minime. Antea non potuit eum senatus privatum cohercere, cum vellet: ergo multo minus tunc, cum summam potestatem esset adeptus. *Ne quam audebat*⁶⁰] Ironica interrogatio.

§. 89. *Virum*⁶¹) *consularem*] scilicet C. Vibienum. *Necatam esse*⁶²)] De Seio loqui Cicronem opinatur Phil. Mel., si non est mendum in hac lectione. At si legeris *tractatum*, de Pompeio est intelligendus locus. *Legibus Clodianis*] Alludit iterum ad legem de libertinorum suffragiis⁶³).

§. 90. *Sexto Clodio*] Rursus spargit in reliquis personas audaciam et malitiam Clodii. *Sanctitatis*] scilicet curiam. *Ab uno*] scilicet Sexto Clodio.

§. 91. *Et sunt qui*] Invidiosum, quo extenuat caedem. *Taceant de curia*] scilicet hoc de-

55) Conf. Xenoph. Cyropaed. VIII, 7, 3. et al.

56) σοφοῦ — ἴσως.] sic Ed. 1568.; Xenophontis verba Memorab. Socr. I, 4, 7. haec sunt: ἀλλ' οὕτω γε σκοποῦμένῃ πάντῃ ἔοικε ταῦτα σοφοῦ τινος δημιουργοῦ καὶ φιλοζώου τεχνήματι.

57) Conf. Xenoph. Memorab. Socr. I, 4, 16 sqq.

58) Conf. Cic. Top. 3, 16.

59) *Commovisse*] sic Ed. 1568.; Ed. Orell. *commosse*.

60) *audebat*] sic Ed. 1568.; Ed. Orell. *solebat*.

61) *Virum*] sic Ed. 1568. et al.; Ed. Orell. *virtutem*.

62) *Necatam*] sic Ed. 1568. et al.; Ed. Orell. *vevatam*.

63) Clodius per omnes tribus divisus libertinis servos omnes, qui in libertate morarentur, lege nova additurus erat, ut ipsi cum ingenis aequaliter suffragia ferrent; vid. Orellii et Baileri Onomast. Tullian. P. III. p. 156.

bebant exaggerare, quod est incensa curia. *Excitate* ⁶⁴⁾] Ironia. *Frangetis*] Ironiae. *Falci- bus*] mit den Hellparten ⁶⁵⁾ oder Partisanen ⁶⁶⁾. *M. Caelius*] scilicet qui defendebat Milonem ad populum.

Cap. XXXIV. §. 92. *Sed iam satis*] Conclusio vel peroratio, qua movet affectus a sua persona. *Quid restat*] Deprecatio. Non conveniebat Miloni, ut oraret, qui se iure defendebat. *Sed Cicero deprecatur propter merita erga se. Atque haud scio* ⁶⁷⁾] Inversio occupationis. *In gladiatoriiis*] Similitudo, exemplum a ludis gladiatoriiis.

§. 94. *O frustra*] Indignitatem rei voluit depingere, ut scirent principes, turpe esse non haberi honorem virtuti. *Ego, quum*] Indignitas a meritis.

Cap. XXXV. §. 95. *Negat enim*] Occupatio, qua amolitur invidiam, et docet se placasse plebem. *ἄλλως*. Correctio, quamquam non accusat ingratitude, sed timiditatem increpat, quod non velint resistere Pompeio, et Pompeium esse imbecilli animo, nec audere resistere factionibus Clodianis. *Tribus suis*] scilicet unde habeat studia plebis. *Vos non*] scilicet ne vos non conciliarit.

§. 96. *Vocem praeconis*] scilicet in renuntiando consulatu. *Si haec*] scilicet sua merita, largitiones, studia populi. *Sibi facinoris*] quasi dicat: Pompeius metuit, ne si consul fiat Milo, ipse opprimatur. *Facinoris crimen*] id est, odium vel metum Pompeii ex falsis suspicionibus conceptum. *Non tam praemia*] Elevat praemia.

64) *Excitate*] sic Ed. Orell.; Ed. 1568. *Excitatas*.

65) Hellparten] sic Ed. 1568., rectius Hellebarten. Haec vox bipennem significans composita est ex *bart* (securis), quia est hasta in securim desinens, punctim feriens et caesim, et *helle* (pugna), quia securis militaris est et pugnae apta. Ob eandem causam vocari solet *Streitaxt*; vid. Wachteri glossar. german. s. h. v.

66) Partisanen] Ed. 1568. male: Cartisanen. De hac voce, quae hastam illi Hellebarte appellatae simillimam significat, conf. Wachter glossar. l. et Adelung Wörterb. d. hochd. Mundart s. h. v. — Schmeller Bayer. Wörterb. T. I. p. 296. pro illa forma avertit Parteisen.

67) *Atque haud scio*] sic Ed. 1568. et al.; Ed. Orell. *Haud scio*.

A suis civibus] Phil. ⁶⁸⁾ legit, a tuis, quasi dicat: Ulciscuntur odium tui in meo capite.

§. 97. *Sed tamen* ⁶⁹⁾] Alia correctio: Ego habui aliud summum praemium, videlicet gloriam.

§. 98. *Omitto*] scilicet omnes homines gratulati sibi sunt, esse interfectum Clodium.

Cap. XXXVI. §. 99. *Nec vero si*] Translatio: Duco hanc calamitatem esse meam, in qua hoc est acerbissimum, quod iidem te mihi eripiunt, qui mihi sunt amicissimi, scilicet iudices. *Nec vero*] Querela Ciceronis. *Non enim inimici*] Valde bonum et idoneum *πάθος*. *Nullum unquam*] A suis meritis; petit enim suis meritis condonari Milonem, ut ipse gratus esse possit in Milonem.

§. 100. *Nunc me una*] Consolatio admixta est querelae per correctionem. *Non recuso*] Deprecatio a sua persona.

Cap. [XXXVII. §. 101. *His lacrimis*] Rursus admiscet occupationes. *Vos vos*] Sparsa est res in personas, siquidem hic convertit se ad centuriones. *Tantum mali* ⁷⁰⁾] scilicet ut Milo det poenas suorum beneficiorum erga me.

§. 102. *O me infelicem*] Ex beneficiis Milonis in Ciceronem: Ergo ego quoque debebam te servare. In conclusione Milo accusat ingratitude, nem populi. Cicero vero utitur deprecatione. *Abes*] scilicet in Gallia apud Caesarem.

§. 103. *Communis exitii*] scilicet Catilinae coniurationis.

Cap. XXXVIII. §. 103. *Utinam Dii*] a voto. *Minime*] scilicet reviviscat Clodius. *Inquit*] scilicet Milo. *Nos subeamus*] Subiicit valde opportunam correctionem. *Huius vos animi*] id est, hoc facinus praeclaram caedem Clodii. *Hunc sua*] Argumentum ab exemplo.

§. 105. *Vos oro*] Clausula. *Is maxime*] scilicet Pompeius.

68) i. e. Phil. Melanthon.

69) *Sed tamen*] sic Ed. 1568.; Ed. Orell. *Nec tamen*.

70) Haec verba, quae in Ed. 1568. h. l. tanquam Ciceronis explicantur, in hac oratione h. l. non inveniuntur.

PH. MEL. ARGUMENTUM, PARAPHRASIS ET ANNOTATIONES IN CICERONIS ORATIONEM PRO L. MURENA.

ius orationis enarratio Melanthonis tribus modis prodiit 1) cum sola hac Ciceronis oratione coniuncta, 2) cum et pro Milone oratione connexa, 3) sine contextu, in scholiorum, quae ad plures vel omnes Ciceronis orationes inent, collectionibus.

Primae classis editiones hae sunt:

M. T. Ciceronis oratio lepidissima pro L. Murena, una cum annotationibus Philp. Melanthonis ac Barthol. Latomi. Coloniae Ioannes Gymnicus excudebat, Anno M. D. XL. 6 plagg. 8. (1 fol. non num. Argumentum orationis pro L. Murena; 41 foll. non num. M. T. Cic. pro L. Murena oratio cum notis marginalibus, quibus autem auctorum nomina non addita sunt); 5 foll. non num. M. T. Cic. ad Octavium epistola, ult. pag. vac.).*

— — (Idem Index) *Coloniae Martinus Gymnicus excudebat. Anno M. D. XLV. 5 plagg. 8. (1 fol. non num. Argumentum orationis pro L. Murena; 33 foll. non num. M. T. Cic. pro L. Murena oratio cum notis marginal.; 3½ foll. non num. M. T. Cic. ad Octavium epist.; 1½ fol. vac.)**).*

— — (Idem Index) *Coloniae***) (sine anno). 39 foll. non num. 8. (1 fol. Argumentum huius orat.; 33 foll. Cic. pro L. Murena oratio c. notis margin.; 3½ foll. Cic. ad Octavium epist.; ult. pag. vac.).*

Secundae classis editio supra p. 973 sq. ad orationem pro Milone est descripta.

Tertiae classis editiones eadem sunt, ac editiones quartae classis ad Cic. pro Archia orationem enumeratae, pta illa lucubrationum in Cic. orationes aliquot collectione, quae Basileae 1536—1537. 4. prodiit.

Huius enarrationis Mel. editiones, quas in manibus habemus, secundum annorum ordinem sunt hae septem; *Basil. 1539. fol., 2) Colon. 1540. 8., 3) Colon. 1545. (ea huius anni Ed., quae solam pro Murena oratio-continet) 8., 4) Basil. 1553. fol., 5) Lugdun. 1554. fol., 6) Lips. 1568. 8., 7) Colon. sine anno. 8., im ultimam nomine Colon., ceterae solis annorum numeris significabimus.*

Harum editionum duae Basileenses et Lugdunensis Melanthonis argumentum, exordii paraphrasin et annotationes continent; Lipsiensis his alia in eandem orationem scholia, scilicet aliam paraphrasin exordii a. 1529. et brevia scholia a. 1532. adiecit. Editiones tres Colonienses praebent argumentum, quorum prior pars Latomi, autem Melanthonis est, et notas marginales utriusque auctoris.

*) Hanc ob rem, utrius auctoris argumentum eiusve partes et singulae notae marginales huius editionis et duarum sequentium sint, non nisi e scholiorum collectionibus, in quibus horum auctorum scholia seiuncta continentur, potest cognosci.

) Haec editio, quae in bibliotheca academica Tubingensi est, nec a Schweigero, nec ab Orellio commemoratur.

) Schweigerus et Orellius addunt typographi nomen uncis inclusum: (apud Cratonem Mylliam).

1. IN ORATIONEM CICERONIS PRO MURENA SCHOLIA

PHILIPPI MELANTHONIS 1).

Argumentum.

Sub extremo tempore consulatus Ciceronis petivit consulatum Murena, quem putabat Ser. Sulpicius solus sibi obsistere posse, quod notior multitudini esset, quod pater suus et ipse imperatores in bello fuissent. Itaque ut ipsum ab hoc honore depelleret, diem dixit. Oratio autem est 2) generis iudicialis. Servius enim accusat Murenam, ut consulatum illi praeripiat dupliciter: primum, quia non satis sit dignitatis in Murenae persona; deinde obiicit crimen de ambitu. Cicero defendit Murenam, cum diversa sint 3) crimina, diversi fiunt status orationis. Primus status est coniecturalis. Infitiatur enim Cicero probra obiecta Murenae; deinde addit collationes quasdam ex genere demonstrativo, in quibus praecipue digna est admiratione collatio rei militaris, eloquentiae et scientiae iuris. In altero crimine utitur primo coniecturali statu, negat ambitum factum esse; sed quum Murena praebuerat 4) quaedam munera populo, transit Cicero ad finitivum statum, negat illud officium esse ambitum, et disputat, lege non simpliciter omnem liberalitatem prohiberi. Est et hic inserta iucundissima reprehensio Catonis. Nam cum Murenam autoritas Catonis praegravaret, opus fuit eam extenuari in hoc iudicio; et vidit tamen Cicero parcendum 5) esse dignitati Catonis. Ideo transfert causam asperitatis in Stoicam doctrinam, et hanc facete deridet. Quintilianus 6) laudat consilium Ciceronis, quod ita extenuarit auctoritatem Catonis, ut tamen dignitati pepercerit, ac sine conviciis eum molli articulo (ut ipse ait) tractaverit. In fine sunt additae rationes, sumptae a periculis reipublicae, quantum referat,

ne consulatus eripiat Murenae. Ita status initio quaerendi sunt, ut negotii summa intelligi possit ac prospici orationis finis, qui hic est, ut Murena absolutus recipiat dignitatem.

Exordium non constat usitata forma, sed habet excusationes quasdam. Inchoatur autem a voto, ut esset auspicius. Deinde excusat se Catoni, qui reprehenderat Ciceronem, quod reum 7) ambitus defenderet. Cicero respondet hac propositione: Decet designatum consulem a consule defendi; et subiicit quatuor argumenta. Primum argumentum sumitur a similitudine: In iudicio emptionis venditor debet emptori praestare periculum rei venditae; ego mea voce renuntiavi Murenam consulem, et velut tribui ei possessionem consulatus: ergo nunc periculum praestare debeo. Secundum ab exemplo: In aliis civitatibus turpe ducitur, magistratum a privato defendi: ergo apud nos etiam honestum sit, consulem a consule defendi. Tertium ex causa impulsiva: Maxime afficimur iis periculis aliorum, quibus nos perfuncti sumus: ergo et ego afficior periculis novi consulis, quae video plurima ei obeunda esse. Quartum a periculo reipublicae: Me consulem decet prospicere reipublicae; magno autem in periculo erit respublica, nisi sint certi consules: ergo defendendus est consul Murena. Postea diluit duo Catonis argumenta: Turpe est autori legis de ambitu, defendere reum ambitus; diluit per infitiationem: Turpe esset defendere Murenam, si 8) faterer eum ambitus reum esse. Altera cavillatio Catonis est: Cicero antea severe gessit consulatum, nunc propter hanc lenitatem videtur sui dissimilis. Respondet, dissimilem esse causam, cur antea fuerit severus, nunc lenis. Porro Servius etiam questus 9) fuerat, Ciceronem oblitum amicitiae, quae inter ipsos esset, contra se in iudicio venire. Cicero quinque argumentis ostendit, neque amicitiam a se laedi, neque contra officium hanc defensionem susceptam esse. Primum argumentum est: Tantisper amici adiuvandi sunt, dum id fieri potest sine aliorum

1) Haec scholia in Editt. 1539., 1553., 1554. et 1568. inscripta sunt: In orationem Ciceronis pro L. Murena Scholia, Philippo Melanchthone praelegente, excepta.

2) autem est] sic Ed. 1554.; Editt. 1539., 1553. est autem; Ed. 1568. autem (omisso: est).

3) diversa sint] sic Editt. 1539., 1553., 1554.; Ed. 1568. sint diversa.

4) praebuerat] sic Ed. 1539.; Editt. 1553., 1554., 1568. praebuerit.

5) parcendum] Ed. 1568. typogr. errore: parendum.

6) Quintil. instit. orat. XI, 1, 70.

7) reum] Ed. 1568. typogr. errore: rerum.

8) si] sic Editt. 1539., 1554.; in Editt. 1553., 1568. deest.

9) questus] Ed. 1554. quaestus.

iniuria; in petitione honoris sine aliorum iniuria contendimus; nunc tu opprimere hominem innocentem conaris, et spoliare dignitate: ergo ut antea merito te adiuvi, ita et nunc contra officium facerem, si te adiuverem. Cicero maiore dissimulata, minorem et conclusionem ponit; estque ratio sumpta ex loco communi, quatenus iuvandi sint amici et prudenter cogitata est ἀντιθέσις, in petitione honoris non fieri iniuriam competitori, sed in iudicio fieri iniuriam innocenti, si dignitate et parte honore spoliatur. Secundum ex communi consuetudine defensionis, ex maiori: Licet contra amicos etiam alienissimos defendere: quanto magis licet mihi Murenam defendere, quicum est mihi vetus amicitia. Tertium ab officio causidici: Ex officio cogor recipere causam: recte igitur facio. Sed hic addita est amplificatio, quorum criminum infamiam subiturus sit, si honestorum hominum causas repudiet: Videbor ingratus, ignavus, superbus etc. Quartum ab exemplo iurisconsultorum, qui olim utrique parti de iure respondebant: ergo licet etiam oratori contra amicos venire. Quintum ab exemplo aliorum, qui aderant Murenæ, quibus etiam cum Servio amicitia fuit. Huic ratiocinatur absurdum quiddam: Si hos quoque tua amicitia a defensione Murenæ deterruisset, nullum prorsus patronum haberet Murena. Addit igitur conclusionem, quod Murenam defendere debuerit: et tamen mollit hoc occupatione quadam, dicens ita se moderaturum esse hanc defensionem, ut meminerit utrumque esse amicum¹⁰⁾.

10) Huius argumenti loco, quod Editt. 1539., 1553., 1554., 1568. continent, Editt. 1540., 1545. et Colon. præbent sequens e Latomi et Melanthonis argumentis mixtum:

Argumentum orationis pro L. Murena.

L. Murena plebeo genere natus, patrem habuit L. Murenam, qui in praetura cum adolescente filio de Mithridate triumphavit. Acta sub patre adolescentia, mox quaestor una cum Ser. Sulpicio factus est. Deinde legatus Lucullo in Asia contra Mithridatem additus, singulari fide et diligentia industriam suam imperatori probavit. Postea aedilitatem et praeturam obtinuit, in qua ludos exhibuit, quos in aedilitate praetermiserat. Praeturam primum in iure dicendo Romae, deinde in Gallia cisalpina gessit. Inde consulatum petiit cum Ser. Sulpicio, qui tum in iure civili eminebat, cum Iunio Syllano et L. Catilina, sub extremo tempore consulatus Ciceronis et Antonii. Eodem quoque tempore Lucullus cum exercitu ad triumphum ex provincia revertebatur. L. Murenam cum Syllano consulem designatum, Ser. Sulpicius competitor, et eius filius, una cum M. Catone et Posthumio quodam familiari Ciceronis, ambitus accusant, ut eo pacto ab honore deturbaretur. Defensus est tum a L. Hortensio ac M. Crasso clarissimis viris, tum potissimum a *) Cicerone. Patrefacta

*) a] in Ed. Colon. deest.

Exordii paraphrasis¹¹⁾.

Quod in comitiis renuntiato consule L. Murena a Diis immortalibus publice precatus sum, ut L. Murenæ consulatus faustus felixque universae reipublicae esset: idem rursus precor, et ut retinere consulatum L. Murena vestris sententiis possit, et ut ea res reipublicae bene eveniat. Deinde quoniam apparet Deos huius reipublicae custodes esse, existimandum est, et preces nostras et vota a Diis immortalibus adprobari. Itaque precor etiam, ut privatim hic consulatus Murenæ faustus felixque sit. Et quia Deorum immortalium potestas vobiscum, iudices, communicata est, perinde L. Murenæ salutem ac dignitatem vobis atque Diis ipsis commendo, rogoque ut cum nostra voluntate retinere populi beneficium possit, neve a custodia reipublicae cum periculo civitatis abstrahatur. Sed quia accusari me animadverti, qui hanc causam susceperim, initio orationis cogor pro me ipso pauca dicere, ut plus autoritatis ad hanc defensionem adferam. Reprehendit Cato, quod et consul et lator legis de ambitu, et tam severe gesto consulatu, reum ambitus defendere ausit. Non autem leviter commoveor gravissimi viri

iam coniuratione Catilinaria, sub finem anni, priusquam illo magistratu decederet, crimine absolutus est*). Oratio autem generis est iudicialis. Servius enim accusat Murenam, ut consulatu**) eum spoliaret, dupliciter: primum, quia non satis sit dignitatis in Murena: deinde crimen de ambitu ei obiicit. Cicero defendit Murenam. Atque propter diversa crimina, diversi quoque sunt status orationis. Primus status est coniecturalis. Infertur enim Cicero probra obiecta Murenæ; deinde adiicit collationes quasdam ex genere demonstrativo. In altero crimine, primo utitur statu coniecturali, negans ambitum factum esse; sed, quoniam præbuerat Murena populo quaedam munera, transit Cicero ad finitivum, negans illud officium esse ambitum, disputatque, non simpliciter omnem liberalitatem lege prohiberi. Estque hic inserta iucundissima reprehensio Catonis, cuius auctoritatem ita extenuat, ut eiusdem dignitati tamen nihil derogaverit, ac sine convitiis, molli articulo (ut Quintilianus ait) eum tractaverit, causam asperitatis in Stoicam doctrinam transferendo, quam facete deridet. In fine additæ sunt rationes, sumptæ a periculis reipublicae quantum referat, ne consulatus eripatur Murenæ***).

11) Hanc paraphrasin Editt. 1539., 1553., 1554., 1568. præbent.

*) L. Murena plebeo genere — crimine absolutus est.] hanc priorem huius argumenti partem Latomi esse, ex Editt. 1539., 1553., 1554. intelligitur.

**) consulatu] sic Ed. 1545. et Colon.; Ed. 1540. consulatum.

***) Oratio autem generis est iudicialis — eripatur Murenæ.] hanc alteram partem Melanthonis esse, ex argumento supra proposito cognoscitur.

reprehensione; neque enim vobis tantum, sed ipsi etiam Catoni, integerrimo viro, probari meum officium velim. Est enim boni viri, praestare ut optimis quibusque placeat. Ac principio, Cato, a quo est aequum consulem, quam a consule defendi? nam ut honos communis, et consilia omnia communia sunt, sic etiam existimare debeo, pericula communia esse debere. Proinde contra officium facerem, si illi de dignitate, de salute, denique de capite dimicanti, ego, quem omnium periculorum socium esse oportuit, dessem. Deinde ut venditor periculum iudicii praestare emptori debet, si qui alius vindicare rem venditam velit: ita cum mea voce L. Murena consul renuntiatus sit, aequum est, me, ne ei hic honos eripiatur, praestare. Etsi, ut in aliis civitatibus, in hac urbe publice darentur patroni in iudiciis, nemo rectius consuli¹²⁾ patronus, quam consul daretur. Est enim turpe principem magistratus ab inferioris ordinis homine, salutis et dignitatis propugnationem postulare. Postremo natura fit, ut eorum salus nobis curae sit, qui in eadem pericula ingrediuntur, quibus ipsi perfuncti sumus. Videmus enim, quam diligenter consulant navigaturis¹³⁾ hi, qui iam in portum ex longa iactatione invehuntur. Quod cum ita sit, aequum est, me perfunctum paene hoc magistratu, et praevidentem, quantae tempestates futuro consuli subeundae sint, ei non deesse, sed eum autoritate mea, quantum possum, defendere, praesertim cum etiam reipublicae¹⁴⁾ intersit. Nam cum intelligam, quam periculosum sit, civitatem sine consulari praesidio esse, boni consulis est, providere, ne orbata consulibus respublica improbis et perniciosis consulibus obiiciatur. Quod cum ita sit, non modo privato officio ad amici salutem propugnandam adductus, sed etiam respublica me adversus impendentia pericula firma praesidia comparare cogit. Sed legem (inquit) de ambitu cum tuleris, turpe est tibi reum ambitus defendere. Ego vero fateor, me legem de ambitu tulisse; sed illa veteri lege humanitatis non ideo solutus sum, quam mihi tuli de civium periculis propulsandis. Deinde nihil me lex de

12) consuli] Ed. 1568. (typogr. errore: consuli).

13) navigaturis] sic Editt. 1539., 1553., 1554.; in Ed. 1568. deest.

14) etiam reipublicae] sic Editt. 1539., 1553., 1554.; in Ed. 1568. reipublicae etiam.

ambitu impedit. Nam si hunc reum esse ambitus confiterer, et crimen defenderem, non recte facerem; sed cum largitionem factam esse negem, nihil video, cur latio legis vetet hunc defendere. Postremo dissimilem mei factum me esse Cato dicit, qui nunc pro Murena dicam, antea tam severe in nefarios ac perditos cives animadvertens. Ego vero fui vehemens adversus improbos cives, quamquam natura ad lenitatem factus, cum¹⁵⁾ mihi hic magistratus et summam reipublicae periculum eam necessitatem imposuisset; nunc alia res est. Non enim improbum civem defendo. Proinde, cum me multae causae ad miseriam atque humanitatem vocent, libenter illam severitatis personam, quam tunc imposuerat respublica, depono, et ad naturam meam consuetudinemque redeo. Sed cum de meo officio, tum de tuo disputabo fortasse postea etiam. Sed me, iudices, non minus commovit Servii querela, quam Catonis accusatio, qui se moleste ferre dicit, me oblitum nostrae necessitudinis, inimicum suum defendere, huic satisfacere cupio. Nam cum fidem accusari grave est, tametsi falso accusetur, nullo modo dissimulandum est. Tantis per omnia officiis tibi me praestiti, cum sine cuiusquam, praesertim amici, iniuria facere id possem. Proinde¹⁶⁾ te in petitione honoris adiuvi. Nunc autem, cum non honorem petas, sed huius caput, non possum tibi cum iniuria huius gratificari. Sic enim amicitiae colendae sunt, ut sine iniuria aliorum amicis nostris gratificemur. Non est obscura lex illa amicitiae Graeca, Amicis usque ad aras obsecundandum esse¹⁷⁾. Deinde humanitatis est, adversus amicos etiam alienissimos defendere. At cum Murena vetus mihi etiam amicitia est, quam non ideo hoc tempore, cum per iniuriam salus ac dignitas eius in summum discrimen vocentur, dissimulare debeo, quia tibi in honoris petitione, cum sine iniuria huius possem, studui. Aequum est enim, iniuriam a capite amici propulsare, non iniusto dolori cuiusquam morem gerere. Huc accedit honoris amplitudo, quem adeptus est. Neque enim sine superbiae suspitione potui repudiare causam consulis, non modo de dignitate,

15) cum] sic Editt. 1553., 1554., 1568.; in Ed. 1539. deest.

16) Proinde] sic Editt. 1539., 1553., 1554.; Ed. 1568. Porro.

17) De dicto: Μέχρι τοῦ βωμοῦ φίλος, Usque ad aras amicus, vid. Erasmi adag. chil. III. cent. II. prov. 10. et supra p. 674. nota 45.

sed etiam de salute periclitantis. Versor enim in iudiciis, nec mihi iam integrum est recusare laborem defendendi afflictos cives, praesertim amicos. Est enim improbum, amicorum periculis deesse; inhumanum supplices repudiare, vel alienos. Iurisconsulti respondent etiam illis, contra quos venerunt: quanto magis licet nobis amicos nostros defendere? Et quidem si nemini tuorum amicorum licuit Murenam defendere, defuisset in hac civitate consuli designato patronus, ubi nunquam maiores nostri deesse patronum infimo cuique voluerunt. Omnibus enim nobis, qui in iudiciis foroque versamur, tecum amicitia est. Ego itaque existimavi, me iniuste facturum, si amico deessem; crudeliter, si supplici; superbe, si consuli designato. Quare ita tamen hunc defendam, ut amicitiae nostrae habuisse rationem intelligas: et huius salutem sine tua iniuria propugnabo.

Scholia textus¹⁸⁾.

Cap. I. §. 1. *Comitiis centuriatis*] id est¹⁹⁾, magnis, quando singulae centuriae conveniebant, hoc est, ex centum semper aliqui. Sunt deinde minora comitia, quae curiata dicuntur, quando ex singulis tribubus aliqui conveniebant²⁰⁾. *Quod si illa sollemnis*] Auget illam ipsam sententiam: Si qua vis est in precatone, quod ad publicum ius attinet, eandem esse arbitror in privato²¹⁾.

§. 2. *Quae cum ita sint*] A precibus ad iudices transit: Quemadmodum Diis immortalibus ipsum commendavi, ita ipsum vobis commendo. Estque collatio magistratum cum Diis²²⁾. *Et*

18) Sic haec scholia, quae in Editt. 1539., 1553., 1554., 1568. continentur, in sola Ed. 1568. inscripta sunt. — Scholia marginalia Latomi et Melanthonis, quae in tribus editionibus Coloniensibus 1540., 1545. et illa quae s. a. prodiit, sine auctorum nominibus inventiuntur, partim cum illis Melanthonis ceterarum 4 Editt., partim cum Latomi, qualia in Editt. 1539., 1553., 1554. praebentur, partim cum neutris congruunt, quapropter ea integra in notis adscripsimus.

19) id est] sic Editt. 1539., 1553., 1554.; Ed. 1568. h. l. et plerisque aliis locis, ubi illae Editt. habent „id est”, praebet „h. e.” (hoc est).

20) In 3 Editt. Colon. pro hac annotatione, Cic. verbis *Quae precatus sum* in marg. haec adscripta sunt: Exordium est a precatone vel voto.

21) Pro his in 3 Editt. Colon. iuxta illa Cic. verba haec in marg. leguntur: A religione Cicero iudices sibi benevolos facit, quibus reum commendat.

22) Editt. Colon. habent tantummodo haec: Collatio magistratum a Diis.

quoniam in hoc] Excusatio: Iniuste defendis ipsum. Occupatio, quare ipsum defendat²³⁾.

Cap. II. §. 3. *Negat fuisse rectum*] Propositio est excusationis. Illa actio valde laudata est inter actiones Ciceronis, a Plutarcho in vita Catonis. Hic ubique multum tribuit adversariis, et tamen vicit²⁴⁾. *Et legis ambitus*] id est, qui tulit legem ambitus, ne quis ambiret populum. *A quo tandem*] Ab officio publico. Prima ratio²⁵⁾. *Quod si in his²⁶⁾ rebus*] Similitudo est a privatis iudiciis²⁷⁾. *Mancipi*] Legendum est Mancipi²⁸⁾, ex consuetudine eruditorum: etsi recte scriptum sit; genitivus enim est a mancipium. Sententia est: Si in rebus repetendis, quae nostra sunt, postulamus. Mancipationem hodie vocant translationem dominii²⁹⁾. *Qui se nexu obligavit*] publico³⁰⁾ ritu testante venditionem. Nexus est mos quidam publicus vendendi. Hodie solet sic in omnibus rebus publicis veteri Romano more fieri. *Auctor*] id est, testis.

§. 4. *Ac si ut nonnullis*] Tertia est ratio, si constituendus esset voluntate iudicum patronus, tamen ille par honore esse deberet³¹⁾. *Quod si e portu³²⁾ solventibus*] Alia similitudo, quae est quarta ratio. Naturaliter fit, ut bene cupiamus iis, qui pericula adeunt, quibus nos iam perfuncti sumus³³⁾. *Quare si est boni consulis*] Quintum argumentum, et est conclusio huius loci³⁴⁾.

§. 5. *Quod si ita est*] Translatio a publico commodo³⁵⁾.

23) Editt. Colon. horum loco praebent hanc notam: Occupatio est, qua removel invidiam a se respondendo adversariorum reprehensioni, et sui officii rationem reddendo.

24) In iisdem Editt. Colon. iuxta illa Cic. verba in marg. non nisi leguntur verba: Propositio est excusationis.

25) Prima ratio.] sic Editt. 1539., 1553., 1554.; Ed. 1568. estque prima ratio. — Haec adnotatio: „Ab officio — ratio.” etiam in 3 Editt. Colon. legitur.

26) his] sic illae Editt.; Ed. Orell. iis.

27) Editt. 3 Colon. eandem habent notam, omisso „est”.

28) Hanc formam *mancipi* Ed. Orell. in textum recepit.

29) In Editt. 3 Colon. illi Cic. voci in marg. tantum adscripta sunt verba: mancipi potius.

30) publico] Ed. 1568. hoc est, publico.

31) Editt. 3 Colon. iuxta illa Cic. verba habent notam marg.: Secunda ratio ab exemplo.

32) e portu] sic illae Editt.; Ed. Orell. portu.

33) Editt. 3 Colon. pro his habent notam: Tertia ratio ex causa impulsiva redditur apta similitudine.

34) Editt. 3 Colon. exhibent notam: Quarta (scil. ratio) a periculo reipublicae, et est conclusio huius loci.

35) Eadem nota in 3 Editt. Colon. reperitur.

Cap. III. §. 5. *Nam quod legem*] Secunda pars occupationis aut propositionis. Opponit legi suam consuetudinem ³⁶).

§. 6. *Negat esse*] Tertia pars propositionis ³⁷). *Ac de officio*] Transitio ³⁸).

§. 7. *Sed me, iudices*] Alia occupatio, cur contra amicum defendat: dicit sibi molestum esse reprehendi in amicitia, proinde operam se daturum, ut quoquo modo placet Servium ³⁹). *Me tibi contra honorem*] A licito vel honesto orditur argumentum primum: Licet defendere Murenam, quia non de petendo honore, sed de illo perdendo meditaris. Honorem petere liberum est omnibus, si quis vicerit, nulla iniuria alium afficit ⁴⁰). Verum ille iniurius est, qui alium a nacta gloria conatur deiicere. Amicis enim usque ad aras solum gratificandum est ⁴¹).

Cap. IV. §. 8. *Mihi autem cum Murena*] Secundum argumentum, ab amicitia Murenæ. Non est reprehendendum, si quis defendat alienissimos. Nam calamitosi sunt adiuvandi, utut habeat res; hic vero fuit amicus: ergo multo magis adiuvandus. Argumentum a minore ⁴²). *Non idcirco obruetur*] id est, non debetur. *In honoris contentione*] id est, ubi non est laesus Servius. *Quae si causa non* ⁴³) *esset*] Ab officio, quod distributione amplificavit ⁴⁴), primo a dignitate personae ⁴⁵).

36) Editt. 3 Colon. habent: Secunda pars occupationis, qua legi opponit suam consuetudinem.

37) Editt. 3 Colon. habent: Tertia pars. — Proxime sequentibus Cic. verbis *Ego autem has *artem lenitatis et misericordiae* in harum Editt. margine haec adscripta sunt: Purgat levitatis et inconstantiae reprehensionem. *Alii legunt *partem*.

38) Eadem nota h. l. in 3 Editt. Colon. invenitur.

39) Editt. 3 Colon. pro his exhibent notam: Occupatione respondet post Catonem etiam Sulpicio. — Iuxta Cic. verba proxime seqq.: *Quod esset aut ab amico aut a gratioso* etc. ibidem haec leguntur: Defendit factum suum a tempore et periculo Murenæ.

40) alium afficit] sic Editt. 1539., 1553., 1554.; Ed. 1568. afficit alium.

41) Editt. 3 Colon. in marg. non nisi haec exhibent verba: A licito et honesto orditur argumentum primum.

42) Editt. 3 Colon. iuxta illa Cic. verba in marg. habent: Ab amicitia Murenæ secundum argumentum.

43) *causa non*] Ed. 1568. *non causa*.

44) amplificavit] sic Editt. 1539., 1553., 1554.; Ed. 1568. amplificat.

45) Editt. 3 Colon. h. l. praebent notam: A dignitate eiusdem amplificat suum officium. — Hanc ibidem sequuntur haec tres: iuxta *Neque enim iam mihi licet*] A sua persona argumentatur. *Quod si licet desinere*] A fictione. *Sed autem inertiam*] Approbatio a contrariis.

§. 9. *Atque huiusce rei*] Ab exemplo: Iure-consulti saepe respondent inimicis suis de iure, cur nos non tueamur amicos? ⁴⁶) *Te advocato*] id est, si te consulat. Hic videtur, quam sancta tum professio iuris fuerit, cum simpliciter responderint, quid sit in iure; hodie non ita fit, etc. *Causa cadere*] Ita dixerunt quoque, cum non licebat causam plane agere ⁴⁷).

§. 10. *Etenim, si me*] Ab absurdo, postremum argumentum ⁴⁸). *Ego vero, iudices*] Brevis epilogus per distributionem. Nulla in hac oratione narratio est, sed loco narrationis partitio est, qua totam causam in tria membra distribuit: videlicet purgationem infamiae, collationem dignitatis, et crimen ambitus. Primum igitur confutatio instituitur, in qua refellit quasdam leves suspensiones seu convicia, quibus Murena aspersus est. Primum est: Fuit in Asia, igitur est mollis, et luxu corruptus. Cicero opponit necessariam et honestam causam petita Asiae, quod apud patrem esse debuerit. Deinde genus ⁴⁹) negotii, Militavit: igitur non fuit otium ad fruendas voluptates. Inversio: Si Asia habet suspensionem luxuriae: ergo hoc magis laudandus erit Murena, quod inter istas occasiones continenter vixit. Deinde sequitur conclusio, in qua est *παράδιαστολή*: Esse in Asia nihil habet turpitudinis, sed turpiter in Asia vivere, sicut nec apud nos alicui debet esse fraudi, quod in Italia fuit. Nam et isthic boni et sancti viri sunt. Additur et laudatio Asiaticae peregrinationis, ubi iterum per distributionem una in re multas virtutes colligit: Militare, fortitudinis; patri obedire, pietatis est. Diluit et alterum convicium de saltatore, per infitiationem, quia signa coniuncta non reperiantur in Murena. Conclusio habet infitiationem, et prudenter urget confessionem adversariorum, qui ipsi liberant suspensione Murenæ, cum nihil gravius ipsi ⁵⁰) obicere potuerint ⁵¹).

46) Editt. 3 Colon. pro hac nota habent: A simili exemplo ipsius Sulpicii.

47) In Editt. 3 Colon. neque haec nota neque antecedens invenitur, proxime sequentibus autem Cic. verbis *Noli tam esse iniustus* adscripta est haec: Enthymema *κατά ἀντίθεσιν*.

48) Editt. 3 Colon.: Ab absurdo argumentum postremum.

49) genus] sic Editt. 1539., 1553., 1554.; in Ed. 1568. *doest*.

50) ipsi] sic Editt. 1539., 1553., 1554.; Ed. 1568. *illi*.

51) Editt. 3 Colon. huius longioris notae solum habent exordium: Brevis epilogus per distributionem. — Proxime seqq. Cic. verbis *Quare, quod dandum* in marg. apposita est vox: *ἀντίθεσις*.

Cap. V. §. 11. *Intelligo iudices*] Propositio vel distributio⁵²⁾. *Criminibus ambitus*] quod⁵³⁾ largitione pervenit in magistratum. *Atque harum*] Confutatio criminis. Ita Romana respublica erat instituta, ut adolescentes simul operam rei militari et litteris darent. Nam statim in ipsa adolescentia, ubi domi robur aliquod in litteris fecerant, mittebant eos parentes in castra, ubi minimum periculi erat, et litterarum studia florerent; propterea frequenter in Graeciam, vel in minorem Asiam mittebantur⁵⁴⁾. *Qui si adolescens*] Argumentum a necessario⁵⁵⁾. *Praetextati*] Praetexta vestis nobilium adolescentium fuit.

§. 12. *Hic vero, iudices*] Distributio⁵⁶⁾. *Quamobrem*] Conclusio huius loci.

Cap. VI. §. 13. *Saltatorem appellat*] Secundum convicium, id plane pernegat M. Cicero⁵⁷⁾. *Maledici conviciatoris*] id est⁵⁸⁾, Demosthenis. *Neque temere*] Ratio, qua negat esse verisimile⁵⁹⁾ saltasse, propter modestiam praeteritae vitae⁶⁰⁾. *Nemo enim*] id est, non cadit nisi in extremam impudentiam. *Omnium vitiorum esse postremum*] id est, reliqui eius mores sunt honesti, quos non reprehendis; verum arripis extremum convicium. Opponit suos mores.

§. 14. *Nihil igitur*] ⁶¹⁾ Conclusio, qua affirmat nihil posse reperiri, quod in eius vita et moribus reprehendi possit.

52) Haec nota etiam in Editt. 3 Colon. reperitur.

53) quod] sic Editt. 1539., 1553., 1554.; Ed. 1568. scilicet quod.

54) In Editt. 3 Colon. illis Cic. verbis in marg. adscripta sunt haec: Contemptu quodam vitae criminationem diluit.

55) Eadem nota in Editt. 3 Colon. h. l. legitur.

56) In Editt. 3 Colon. praeter hanc notam et sequentem, iuxta Cic. verba illis interposita *Et si habet Asia* in marg. leguntur haec: Interpretatio criminis Asiani, quod oblici soleat. παραδιαστολή.

57) Pro hac nota in Editt. 3 Colon. illis Cic. verbis adscripta est haec: Alia defensio, quam ducit ex personis, et Caetonem reprehendit per infatiationem.

58) id est] sic Editt. 1553., 1554.; Ed. 1568. hoc est; Ed. 1539. est.

59) esse verisimile] sic Editt. 1539., 1553., 1554.; Ed. 1568. verisimile esse.

60) Editt. 3 Colon. sola habent verba: Ratio, qua negat esse verisimile saltasse.

61) His Cic. verbis in Editt. 3 Colon. in marg. haec adscripta est nota: „Concludit vitae purgationem. ἀναδιπλωσις.” Huic ibidem in eadem §. duae antecedunt, quibus Editt. 1539., 1553., 1554., 1568. carent; nam iuxta Cic. verba *Et quum ea non reperiantur* legitur nota: Urget confessionem adversariorum., et voci *quamquam* in marg. addita est varia lectio: alias *quaeque*.

Cap. VII. §. 14. *Quo constituto, facilius est*] ⁶²⁾ Secunda pars orationis tantum est collatio dignitatis. Conferuntur utriusque genus, gesta magistratus, postremo studia seu vitae genus. Hic tertius locus est splendidissimus; transtulit enim causam ad locos communes, et confert inter se rem militarem, eloquentiam et scientiam iuris. Ac primum ut mollior aditus esset, tantum hoc detrahit scientiae iuris, quod minus habeat commendationis ad consequendum consulatum; sed postea simpliciter extenuat. Est autem integer syllogismus: Artes, quae conciliant benevolentiam, debent habere magnam dignitatem et utilitatem: Iuris scientia nec dignitate nec utilitate caeterae vincuntur: igitur non magis conciliat benevolentiam quam caeterae. Minorem confirmat a tenuitate rerum et superstitiosis interpretationibus, et ab aliis quibusdam circumstantiis.

§. 15. *Summam video*] Concessio est: Honesti homines ita de dignitate digladiari debent, ut multum adversario concedant, non quemadmodum in triviis vulgus solet conviciis obruere; honesti vero ita tribuunt, ut eam tanquam ex insidiis praeripiant⁶³⁾. *Paria cognosco*] Opponit Murenam. Consulere et gerere res, sunt artes summae ad tenendas respublicas. *Contempsisti*] Oblique adimit dignitatem Servio⁶⁴⁾.

§. 16. *Et historicis est notior*] Nobilitatem illi concedit, sed illa non est illustris. *Nec mihi unquam*] Exempla⁶⁵⁾. *Q. Pompeio*] Patrem putat, qui filio fortunatior et melior fuit.

Cap. VIII. §. 17. *Meo labore*] id est, meum exemplum possum nobilissimis opponere. *Iacebant*] id est, ante me consulem iacebant. Quando vero ego consul factus sum, feci aditum novis hominibus ad consulatum. *Etenim mihi ipsi*] Permanet in suo exemplo⁶⁶⁾.

62) Haec Cic. verba, ad quae haec nota spectat, ei ipso adscripsi, in Editt. 1539., 1553., 1554., 1568. enim desunt. — In Editt. 3 Colon. iuxta haec Cic. verba in marg. legitur nota: Altera pars contentiois causae, de dignitate, quam parem in utroque facit, et pluribus disputat.

63) In Editt. 3 Colon. invenitur solum huius notae exordium: Concessio est.

64) Editt. 3 Colon. habent notam prolixiore: Collatio modesta generis Sulpicii et Murenarum, et oblique adimit dignitatem Servio.

65) Editt. 3 Colon. praebent notam longiorem: Exemplis ostendit, nobilitatem virtute potius quam generis vetustate spectandam.

66) Editt. 3 Colon.: Manet in suo exemplo.

§. 18. *Omittamys igitur*] Transito⁶⁷⁾. *Sed quaestura*]⁶⁸⁾ Collatio quaesturae. Quaestura urbana multa habuit negotia. Quadriennium autem erat intervallum inter duos magistratus; nam lege id sancitum erat annali vel annaria⁶⁹⁾, ab Atheniensibus transsumpta. *Lege Titia*]⁷⁰⁾ Alii legunt: lege Decia, quia a Decio et Porcio est factum senatusconsultum, ut quaestores quoque provincias inter se sortirentur⁷¹⁾. *Tacitam et quietam*] id est, ubi nullius voluntatem laederet. *Campum dedit*] Metaphora ab equis⁷²⁾.

Cap. IX. §. 19. *Servius hic nobiscum*] Collatio rerum gestarum, atque amplificatio est. *Stomachi*] Pro nausea dixit. *Magna laus est*] Epiphonema. Scientia enim rei militaris est fere omnium virtutum humanarum summa, quod sub ea tanquam sub clypeo lateant omnes civiles disciplinae⁷³⁾.

§. 20. *Quid*]⁷⁴⁾ *Murena interea?*] Collatio Murenae. Homerus in quodam hymno⁷⁵⁾ dicit, Martem *συναρωγὴ*⁷⁶⁾ *Θέμιστος*, quasi auxiliatorem iuris; illae enim vere⁷⁷⁾ laudes, ut manu forti defendamus, quod vel prudentia vel consilio non possumus⁷⁸⁾.

§. 21. *Summa in utroque*] Utrius artes aptiores ad consulatum. *Apud exercitum*] Sermocinatio⁷⁹⁾. *Mihi quidem*] Confutatio⁸⁰⁾. *Positam in oculis*] id est, me quamquam prae-

sentem esse gratum, vel beneficia praesentis esse grata. Est rara locutio. *Desiderium*] id est, absentia.

§. 22. *Sed, ut hoc omisso*] Collatio artium, egregius est communis locus⁸¹⁾.

Cap. X. §. 23. *Et, quoniam*] Extenuat scientiam iuris. Adhibita est autem praecastigatio, in qua prius tribuit ei multas virtutes, ut extenuatio professionis minus sit odiosa⁸²⁾. *Omnes enim artes*] Ratio superioris propositionis, et est plane syllogismus. Omnes artes debent esse splendidae et utiles. Maior. Summa dignitas et utilitas est in re militari, etc. Minor. Porro iureconsulti olim respondebant tantum, non dicebant in foro, quod oratorum erat⁸³⁾.

Cap. XI. §. 24. *Dignitas*] Cicero τὸ καλὸν alibi vertit dignitatem. Omnis dignitas ex virtute fit, propterea quod ea in animis hominum magnam admirationem habet etc. ideoque est velut color virtutis⁸⁴⁾.

§. 25. *Id, enuntiatis*] Historia est apud Livium in fine 9. lib.⁸⁵⁾ ab urbe condita de populo propositis fastis. *Cornicum oculos confixerit*] id est, coarguebat eos, quod desiperent⁸⁶⁾. *Ut omnibus in rebus*] id est, excogitarunt formulas actionum, ut si quis non petat iusto genere actionis, causa cadat. *Notas*] id est, formulas actionum.

Cap. XII. §. 26. *Manu consortum voco*] Solebant ritu quodam glebam attingere et testari se velle litigare⁸⁷⁾ de hoc bono. *Tibicinis*

67) Editt. 3 Colon.: Transito est.

68) In Editt. 3 Colon. non his Cic. verbis, sed proxime praecedentibus *Quaesturam una petiit* apposita est haec nota: Comparatio graduum honorum utriusque ex industriae studiis, et rerum gestarum laude.

69) De legibus annalibus s. annariis vid. Orellii et Baetleri Onomast. Tullian. P. III. p. 132 sq.

70) De hac lege conf. eiusd. Onomast. Tull. P. III. p. 284 sq.

71) Editt. 3 Colon. iuxta *Titia* in marg. habent solam vocem *Decia*.

72) Haec nota etiam in Editt. 3 Colon. invenitur, eique ibidem iuxta Cic. verba eiusdem §. *Reliqui temporis spatium* addita est haec: Temporis inter quaesturam et praeturam interiecti collatio: extenuatione iuris civilis professionis et amplificatione industriae bellicae.

73) Editt. 3 Colon. huius notae solum principium habent: Epiphonema est.

74) *Quid*] Ed. 1568. *Quod*.

75) Hom. hymn. VII. (*Εἰς Ἀρεα*) v. 4.

76) *συναρωγὴ*] sic recte Ed. 1554.; Editt. 1539., 1553., 1568. *συναρωγῆ*.

77) vere] sic Editt. 1539., 1553., 1554.; Ed. 1568. verae.

78) Editt. 3 Colon. huius notae solum initium praebent: Collatio Murenae. — Eiusdem §. verbis *Qua in legatione duxit* ibid. adscripta est nota: Amplificatio legationis.

79) Editt. 3 Colon. habent notam: Lepida sermocinatio ad invidiam Sulpicio conciliandam.

80) Haec nota etiam in 3 Editt. Colon. reperitur.

81) Editt. 3 Colon.: Collatio artium, et est egregius locus communis. — Ibid. Cic. verbis eiusd. §. *Rei militaris quam iuris civilis gloria?* adscripta sunt haec: Concinna comparatio per antitheta.

82) Editt. 3 Colon. hanc exhibent notam: Extenuatio iuris scientiae, quam praecastigatione minus facit odiosam.

83) erat] sic Editt. 1539., 1553., 1554.; Ed. 1568. est. — In 3 Editt. Colon. illis Cic. verbis haec apposita est nota: Argumentatione utitur, et est ratio superioris propositionis.

84) In 3 Editt. Colon. pro hac nota haec quatuor huius §. verbis in marg. appositae sunt: *Gravis etiam illa est*] Praefert oratoriam facultatem scientiae iuris. *Quorum in isto artificio*] Extenuatio iuris civilis. *In isto iure?*] * *Alias studio. Posset agi lege*] Comprobatio ab exemplis.

85) Liv. IX, 46.

86) In Editt. 3 Colon. illis Cic. verbis pro hac nota adscripta est vox: Proverbium. (Moc proverbium „cornicum oculos confingere” idem valere videtur, quasi dicas, novo quodam invento veterum eruditionem obscurare, efficereque ut superiores nihil scisse, nihil vidisse videantur, conf. Erasmi adag. chil. I. cent. III. prov. 75.) — Sequenti verbo *pervulgata* ibid. in marg. apposita est varia lectio: *Alias promulgata*.

87) litigare] sic Editt. 1553., 1554., 1568.; Ed. 1539. litigari.

Latini modo] Tibicines Latini dicebantur, quorum usus erat in Latinis feriis, qui praecludebant iam huic, iam alteri choro; de his est apud Livium lib. 4.⁸⁸). *Redite*] Alludit ad totum morem veterum Romanorum. *Qui causa vindicaveritis*⁸⁹)] Vindicare est suum repetere. Exempla sunt mutilata ex veteribus iureconsultis, qui cum non extent, non possumus divinare. Est adhuc in illis exemplis, quibus probat nugas esse et versutias in iure civili. *Ibi ego te ex iure manu*] Voco te, ut mecum congregiaris in iudicio. *Ille unde pelebatur*] id est, reus. *Et haec*] scilicet inepta sunt. Vindicare est asserere fiduciarium⁹⁰) possessionem rei, de qua litigatur, quoad lis finitur. Sunt ergo vindiciae, quod nunc vocant possessorium⁹¹), cum uterque disceptat de possessione, uter possideat; rei vindicatio, cum quis proprietatem et dominium rei sibi asserit. *Qui causa vindicaveris*] Lis vindiciarum, id est, de recuperanda re amissa⁹²).

§. 27. *Nam quum permulta*] Prius dixit, esse tenuem scientiam: iam calumnias esse inquit et comparatam ad fraudem faciendam. *Mulieres omnes, propter infirmitatem*] Romano iure omnes mulieres, etiam maritatae, in tutela non videm maritorum, sed agnatorum et cognatorum erant, ita tamen, ut illi potius curatores quam tutores sint vocandi. Eiusmodi enim curatores non personae, sed quibusdam bonis dantur, quibus curandis et agendis praesunt. Caeterum curatoribus suae personae et aliquorum bonorum tutandorum facultas concessa est. Secus est de tutela, quia tutores tam personae quam rebus et bonis omnibus dantur. Perstringit ergo Cicero hic subtilitatem iureconsultorum, qui tutelam a iura seiunxerint⁹³). *Genera tutorum*] scilicet

88) Liv. lib. 4.] sic Editt. 1539., 1553., 1554., 1568.; at non in illo libro, sed Liv. IX, 30. de tibicinibus, qui sacrificiis praecinebant, narratur.

89) *vindicaveritis*] sic Editt. 1539., 1553., 1554., 1568.; Ed. Orell. *vindicaveris*.

90) *fiduciarium*] sic Editt. 1539., 1553., 1554.; Ed. 1568. *fiduciarum*.

91) *possessorium*] sic Editt. 1539., 1553., 1554.; Ed. 1568. *possessionem*.

92) In Editt. 3 Colon. pro his 8 notis, quae ad §. 26. pertinent, haec quatuor eiusdem §. verbis in marg. appositae sunt: *Fundus, inquit, qui est in agro, etc.*] Verba solennia vetusti iuris in lege vindiciarum. *Usui*] Alias usu. *Haec iam tum apud illos*] Alludit ad totum morem veterum Romanorum. *Fraudis autem et stultitiae plenissima*] Alia exempla ineptiarum.

93) *seiunxerint*] sic Editt. 1539., 1553., 1554.; Ed. 1568. *seiunxerunt*.

curam vel curatores, quia etiam mulieribus licet fungi officio curatoris in bonis liberorum adultorum, et in quibusdam suis bonis. Item mulieres adultae agunt sub cura, non sub tutela. Haec est sententia: Maiores nostri noluerunt sacra gentilitia omitti aut negligi a mulieribus, tametsi maritus alterius sit gentis. Iureconsulti vero caeremoniam invenertint, quam coemptionem vocant, per quam mulier suis relictis sacris gentilitiis, mariti, hoc est, alterius gentis, et aliena sacra suscipiat; sicque confinxerunt caeremoniam, qua sacra gentilitia interirent per mulieres, scilicet per coemptionem. *Ad coemptiones faciendas*] Coemptio est ritus faciendi matresfamilias⁹⁴), etc. de quo ritu lege Boetium in Commentario in Topica⁹⁵). *Utrum diem tertium*] Simile est nugis nostrorum iureconsultorum, qui dubitant, an valiturum sit testamentum Lazari, postquam revixit. *An perendinum*] Perendinus dies est, cum iudex statuit, aut cum inter partes convenit, ut omne instrumentum litis aut acta utrinque proferantur intra triduum: tunc lis et res comperendinata dicitur, quasi iudex post tertium diem, aut etiam die⁹⁶) tertio sententiam laturus sit. Inde comperendinare, et comperendinati rei, quorum iudicium est suspensum.

Cap. XIII. §. 28. *Gratiae vero*] Extenuat per omnes circumstantias iurisprudentiam⁹⁷). *Rebus prolatiis*] id est, palam factis. *Quae de scripto aguntur*] Certae sunt leges et certi casus ad has atque illas brevi aliquis perdiscet, cum sint scriptae libris. Totum ius est comprehensum certa ratione, et iusto ordine. Verum quod ita iam est diffusum, facit quod quisque adfingit, quod sibi videtur; atque infinitatem illam casuum volunt expendere infinitate legum, cum potius explicandi essent communi sensu et iudicio rationis. *Controversum ius*⁹⁸)] id est, diversum.

94) *matresfamilias*] sic Editt. 1539., 1553., 1554.; Ed. 1568. *matris familias*.

95) Boethii in Topica Ciceronis commentariorum (quorum indices supra p. 805 sq. inveniuntur) liber II. ad locum Top. c. 3. §. 14. Conf. etiam Melanthonis adnotationem ad h. l. supra p. 813. — In 3 Editt. Colon. legitur haec nota voci *coemptiones* adscripta: „id est, nuptiae.”

96) *die*] Ed. 1568. typogr. errore: *de*.

97) Editt. 3 Colon.: Extenuat iurisprudentiam per omnes circumstantias. — Verbis proxime sequentt. *Licet consulere, iam perdidistis*] ibid. haec in marg. adscripta sunt: Dictum iurisconsultorum.

98) *Controversum ius*] sic Ed. Orell. et Editt. 3 Colon.; Editt. 1539., 1553., 1554., 1568. *Ius controversum*.

§. 29. *Quapropter non solum*] Ius cum eloquentia confert⁹⁹). *A vobis*] id est, modicum remedium a vobis accipitur.

Cap. XIV. §. 30. *Duae sunt artes*] Epilogus, quem auxit citata sententia ex Ennio¹⁰⁰). Ita ad verbum coniunxit has duas artes in imperatore Phoenix apud Homerum Iliad. 9.¹). Porro Ennii versus citantur apud Gellium lib. 20. cap. 9.²):

Pellitur³) e medio sapientia, vi geritur res.

Spernitur orator bonus, horridus⁴) miles amatur.

Haud doctis dictis certantes, nec⁵) maledictis,

Miscent inter sese inimicitias agitantes.

Non ex iure manum⁶) consertum, sed mage ferro⁷)

Res⁸) repetunt, regnumque petunt, vadunt solida⁹) vi.

Quod si ita est] Congeries. Eandem rem subinde repetit verbis mutatis, ut auditorem in cogitatione rei diu detineat. Sequitur amplificatio belli Mithridatici: quia Cato, ut Murenæ detraheret laudem militiae, extenuavit bellum. Primum autem in genere opponit propositionem, bella cum Graecis gesta non fuisse levia. Postea signa colligit a circumstantiis, grave fuisse bellum et periculosum cum Mithridate¹⁰). *Civitas omnium*

99) In 3 Editt. Colon. illis Cic. verbis in marg. apposita est haec nota: Conclusio superioris argumentationis, qua redit ad oratoriam facultatem primum. — Vocit *Aulaedos* ibid. adscripta est varia lectio: *Alia auletas*.

100) Ex Ennii VIII. Annali, vid. Ennii fragmenta a Columna conquis. dispos. et explic., recusa accur. Hesselio. (Amstel. 1707. 4.) p. 79—81.

1) Iliad. 9.] sic recte Ed. 1568.; Editt. 1539., 1553., 1554. male: Iliad. 1. pro Iliad. 2. (= IX.). — Conf. Hom. II. IX, 162—668.

2) cap. 9.] sic Editt. 1539., 1553., 1554., 1568.; at non hoc cap., sed cap. 10. hos Ennii versus continet.

3) Pellitur] sic Editt. 1539., 1553., 1554., 1568., Gell. ed. Gronov. (Lugd. Bat. 1706. 4.) et Cic. ed. Orell.; Ennius ed. Amstel. in textu habet: Tollitur.

4) horridus] Ethnius: horridu'.

5) nec] sic Editt. 1539., 1553., 1554., 1568.; Gell. in textu et Enn. habent: sed.

6) manum] sic Editt. 1539., 1553., 1568., Gell.; Ed. 1554., Cic. ed. Orell. et Enn.: manu.

7) mage ferro] sic Ed. 1554., Gell. in textu; Ennius in textu: *magi ferro*, quod etiam Gellium scripsisse Gronovius l. l. iudicat; Cic. ed. Orell.: [*mage*] *ferro*, (*mage* unci inclusum, quoniam non est in Cic. Codd., sed e Gellio insertum); Editt. 1539., 1553., 1568. *magis errore*, quam lectionem Gronovius etiam Gellii loco l. adscripsit.

8) Res] sic Editt. 1539., 1553., 1554., 1568.; Gell., Cic. ed. Orell. et Ennius habent: Rem.

9) In 3 Editt. Colon. verbis Cic. *Duae sunt artes* in marg. adscripta sunt: „Deinde ad bellicas laudes cum amplificatione” (scil. redit); sequentibus autem verbis *Etenim, ut ait ingeniosus poeta* haec: „Ennii versus sunt, qui extant apud Gellium lib. XX. cap. IX.”

10) In Editt. 3 Colon. in marg. illis Cic. verbis adscripta est sola vox: Congeries.

princeps] Colon plenissimum. Caeterum As tum apud Romanos audiebat, quemadmodum die a nobis Itali praeter meritum, cum Itali beat homines optimos et industrios. Studionum ita sunt, ut prae se singulae content alios, cum quaelibet et vitia et virtutes sua beat.

§. 31. *Nam si omnia bella*] Transit ad sin¹¹). *Eandem sibi hic ex Asiae nom.*] i vocavit se Asiaticum.

§. 32. *Qualem te*] id est, forti natura. tri] L. Scipioni.

Cap. XV. §. 32. *Atqui*] Redit ad hyp sin¹²). *Cum pace dimisit.*¹³)] id est, L. maluit bellum finire foedere, quam oppresso quod videbat non posse obtineri¹⁴) victoriam maximum periculum. *Oceanum*] id est, F nias.

§. 33. *Alterius res*] scilicet Cott: *Quum contento cursu*] id est, intento, vehet et concitato.

Cap. XVI. §. 34. *Hoste pulso*] id est, destitit eum persequi¹⁵). *Arbitraretur*¹⁷)] hic passive, quod rarum est.

Cap. XVII. §. 35. *At enim in praeturae tione*¹⁸)] Transfert culpam confusi ordinis i pulum. Estque egregius locus communis mobilitate vulgi. Nunquam enim vel raro constat factorum suorum ratio. Illa fere e

11) In Editt. 3 Colon. eadem nota invenitur, et Cic. seqq. *Cur Asiaticae nationes atque ille* etc. ad sunt haec: Ostendit magnitudinem belli Mithridatic

12) Editt. 3 Colon. his verbis addunt haec: Confirm persona Mithridatis. — Verbis Cic. seqq. *quum invectum* (sic haec Editt.; Ed. Orell. *eum bello inv. ibid.* in marg. apposita est varia lectio: *cum bel vectum*).

13) *dimisit*] sic Ed. Orell. et Editt. 3 Colon.; Editt. 1553., 1554., 1568. in hac nota habent: *domini si*

14) obtineri] sic Editt. 1553., 1554., 1568.; Ed. 1539 nere.

15) In Editt. 3 Colon. haec nota non reperitur; se verbis seqq. *L. Luculli vero res*, in marg. adscript A rebus a Lucullo gestis.

16) In Editt. 3 Colon. pro hac nota haec duae legunt Cn. Pompeium detulisset] A Pompei persona et eiusdem cum Mithridate. *Bellum confectum iud* Concludit locum de bello.

17) *Arbitraretur*] sic Editt. 3 Colon.; Editt. 1539., 1554., 1568. habent in hac nota: *arbitrarer*; Ed. *arbitraremur*.

18) *in praeturae petitione*] sic Editt. 3 Colon. et Ed. Editt. 1539., 1553., 1554., 1568. in hac nota exhibe *praetura et petitione*.

unt in oratione pro Plancio¹⁹⁾. *At enim* etc.] Confutatio argumenti Servii. Servius prior renuntiatus est in praetura: ergo prior debuit fieri consul. Cicero diluit per translationem. Transfert enim causam in populi et comitiorum mobilitatem. Estque hic locus eleganter ornatus. Deinde recitat tres causas, cur renuntiatio in praetura fuerit prior, posterior in consulatu. Prima est: Tunc affuit exercitus, cuius prima sunt suffragia. Secunda: Ludos fecit, postquam fuit praetor creatus. Addit amplificationem vel maiorem, quod ludi grati sint et concilient studia urbanae multitudinis: ergo fuit aliqua causa, cur praelatus sit Murena. Tertia ratio: Praetura Murenæ fuit gratiosior, etc. *Quod enim fr-*

uum] Amplificatio per interpretationem²⁰⁾.

§. 36. *Nihil est*] Epiphonema²¹⁾. *Quis L. Philippum*] Exempla. Fortuna dominatur in comitiis²²⁾.

Cap. XVIII. §. 37. *Sed tamen*] Ratio. Duo argumenta sunt tracta ab utilitate²³⁾. *Sermonibusque competitorum*] id est, qui volebant invidiosum facere.

§. 38. *Omen valuerit praerogativum*] id est, cognita felicitas, quae semper in magistratu spectatur²⁴⁾.

Cap. XIX. §. 38. *Sed, si haec leviora*] Secundum argumentum. Recte Horatius^{25 a)} dixit: Stultitiam patiuntur opes. Sententia est: Multitudo delinitur et devincitur ludis et spectaculis. Honestiores homines favent iis, qui rem feliciter gesserunt²⁵⁾. *Sunt enim populi*] id est, nihil attinet rationem reddere: Quem populus elegit, is consul esto.

§. 39. *Sed si nosmet ipsi*] Amplificat ludos.

19) In Editt. 3 Colon. illis Cic. verbis in marg. haec adscripta sunt: Venit ad praeturam utriusque, et initio solvit, quod Servius obiecerat se priorem renuntiatum esse.

20) In Editt. 3 Colon. eadem nota legitur, et praeterea Cic. verbis subsequentibus in marg. haec apposita sunt: Locus communis. Metaphora permixta allegoriae et similitudinis gratia ad populi mobilitatem reddendam.

21) Haec nota etiam in 3 Editt. Colon. invenitur.

22) Editt. 3 Colon. habent: Illustratio ab exemplis.

23) Editt. 3 Colon. h. l. exhibent: Redditio causae. Suntque duo argumenta tracta ab utilitate.

24) In Editt. 3 Colon. haec nota deest, sed Cic. verbis praeced. *Num tibi haec parva* in marg. haec apposita sunt: Amplificat suffragationem militarem.

25 a) Horat. Epist. I, 18, 29.

25) Editt. 3 Colon. h. l. hanc praebent notam: Secundum argumentum, et est amplificatio ludorum a Murena factorum in praetura.

§. 40. *L. Otho vir fortis*] Amplificat exemplum. Ille tulit legem, ne promiscue spectarent ordines ludos. *Fructus quoque*] id est, quod effecit, ut equites possent commode spectare. *Quod ego in mea pet.*] Secundum exemplum, quo ludos amplificat. *Competitricem*] Nomen competitoris transfert ad scenam, id est, meus competitor scenam instruxerat. *Trinos ludos*] id est, ter feceram ludos: sic trinas litteras. Nam male diceremus tertias litteras²⁶⁾.

§. 41. *Quid? in ipsa praetura*] Praeturae collatio utriusque; locum illum supra attigit, sed non pertractavit. Tu, inquit, in tua praetura non conciliasti tibi plebem sed exulcerasti; ille vero sibi conciliavit multos²⁷⁾.

Cap. XX. §. 41. *Lenitate audiendi*] ἀρχὴν ἀρχοῦ καὶ δίκαιως καὶ ἀδίκως, id est, contemne hominum rumores de te, non debes intumescere laudibus vulgi, neque offendi, si vulgus vituperat. Haec verissima huius versus sententia esse videtur, quamvis alii aliter interpretentur. Hic Cicero adumbrat summam laudem in principe, admonet etiam, quae eius officia sint.

§. 42. *Quaestio peculatus*] Est de publico furto capitale iudicium. *Ex altera parte, lacrimarum*] Videtur ad Sulpicium praetorem delata esse causa peculatus contra Faustum²⁸⁾ Syllae dictatoris filium, et alios Syllanos, qui publicam pecuniam a dictatore Sylla interceptam retinere ferebantur. Asconius pro Cornelio^{28 a)}. *Ex altera*] Cum servi pro dominis torquerentur, ut indicia contra dominos etiam inviti²⁹⁾ facerent de criminibus, quorum accusabantur domini. *Ordo*] id est, nobilitas. *Syllana gratificatio*] Nam Sylla donaverat fortunas Romanorum civium aliis, qui deinde eiecto Sylla reposcebant. *Syllana gratificatio*] Quia Servius nobilitatem timens nihil gravius contra Syllanos iudicare volebat.

Cap. XXI. §. 43. *Et, quoniam* etc.] Paulo ante tria argumenta recitavit, cur praelatus sit

26) In Editt. 3 Colon. h. l. habent haec: Exemplum secundum, quo ludos amplificat.

27) Editt. 3 Colon. non nisi huius notae exordium praebent: Collatio praeturae utriusque. — Cic. verbis praeced. autem *Sed haec sane sint* etc. ibid. in marg. haec adscripta sunt: Concedit leviora, ut ad graviora transeat. Et est species ironiae.

28) L. Cornelius Sulla Faustus, dictatoris filius, plerumque vocatur Faustus Sulla.

28 a) Ascon. Pediani annott. in Cic. orat. pro L. Cornelio Balbo, in libro supra p. 981. nota 54. laudato fol. XI b sqq.

29) inviti] sic recte Ed. 1539; Editt. 1553., 1554. ianulti; Ed. 1568. multi.

Murena, scilicet suffragationem militarem, ludos et praeturam gratiosam. Nunc addit duo argumenta, in quibus commemorat, quae res proprie alienaverit voluntates hominum a Servio. Accusatio est odiosa; Servius accusationem instituit admodum importune: ergo Servius abalienavit hominum voluntates, et impedivit se ipsum. Maior est varie aucta, quomodo deterreat homines accusatio, et impediatur candidatos, quo minus interim spatii habeant ad adiungendos homines, et conciliandos. Secunda ratio est: Cum iam certus esset consul M. Marcellus, et tantum de altero adhuc deliberaretur, necesse fuit populo suffragari Murenæ, ne Catilina fieret consul, qui collatus cum Servio, facile vicisset eum numero suffragiorum³⁰⁾. *Primum accusandi terrores* Cum³¹⁾ competitores tuos ambitus reos te accusare velle dicebas.

§. 44. *Inquisitio candidati*] scilicet contra competitores suos³²⁾.

Cap. XXIII. §. 47. *Poena gravior in plebem*] scilicet quod venderent sua suffragia. *Exilium in nostrum ordinem*] Nam crimen ambitus exilii poena puniebatur³³⁾. *Confusionem suffragiorum*] id est, ut libertini ultimi hominum liberorum, par suffragium cum ingenuis civibus haberent. *Prorogationem legis Maniliae*] Manilius tribunus plebis legem tulit, ut libertini eorumque filii idem ius, eandemque potestatem suffragandi in comitiis haberent, atque eundem gradum in libertate et civitate Romana cum ingenuis. *Item editicios iudices*] Editicii sunt iudices, quos altera pars tantum, id est, accusator pro suo arbitrio contra aliquem accusatum edit, id est, eligit. Alterni vero iudices sunt, quos utraque pars, id est, tam reus quam accusator eligit; vide orationem

pro Plancio³⁴⁾. Inde edere iudices, et editicium iudicium. Fiebat autem fere, ut in certis quibusdam causis accusator ederet iudices editicios, plerumque reo infensissimos. *Optimi cuiusque*] id est, contra quem illi iudices editicii darentur.

§. 48. *Atque ex omnibus illa plaga*] Ab absurdo modum eius in petendo reprobatur; et haec est sententia: Cum videret populus a Sulpicio remissius petente studia multorum alienata, reclinavit³⁵⁾ in Murenam, eique suffragia contulit, ne Catilina improbissimus homo competitor Murenæ, multitudine suffragiorum superans Murenam, fieret consul³⁶⁾. *Occurro vestrae sapientiae*³⁷⁾] id est, redigo vobis in memoriam.

Cap. XXIV. §. 49. *Secessionem subscriptorum*] id est, qui accusationi tuae subscribebant, sibi de eiusmodi criminibus contra aliquem constare, se eum velle simul accusare³⁸⁾. *Collegae*] scilicet Antonii, quo homine familiari et omnibus necessitudinibus circumvento, facile se ex voluntate usurum Catilina sperabat. *Distinguebant homines*] id est, quidam erant in illis hominibus, quibus favebat populus. *Vultus erat ipsius*] Amplificatio, a signis spei Catilinae³⁹⁾.

Cap. XXV. §. 50. *Quibus rebus*] Amplificatio, quantum fuerit periculi, si Catilina factus esset consul.

§. 51. *Tum igitur, his*] scilicet senatus timebat, ne Catilinae suffragaretur populus, si non esset prius⁴⁰⁾ a senatu notatus⁴¹⁾. *Apertissimus*] id est, audacissimus. *Infirmitate capite*] id est⁴²⁾, bonos. *Non aqua, sed ruina*] id est, se,

34) Cic. orat. pro Planc. 15.

35) reclinavit] sic Editt. 1539., 1554.; Editt. 1568., 1569. reclinavit.

36) In Editt. 3 Colon. h. l. pro hac nota legitur haec diversa: Alia causa offensionis, ex metu Catilinae. — Sequentibus autem Cic. verbis quo etiam mihi dardior etc. ibid. in marg. apposita sunt: Ab absurdo.

37) sapientiae] sic Editt. 3 Colon. et 1539., 1553., 1554., 1568.; Ed. Orell. satietati.

38) In Editt. 3 Colon. pro hac nota iuxta Cic. verba Etenim te inquirere videbant etc. in marg. legitur haec: Confirmatio ex adiunctis de metu populi.

39) Editt. 3 Colon. h. l. hanc praebent notam: Hypotyposis ad odium in Catilinam. Estque amplificatio a signis spei Catilinae.

40) esset prius] sic Editt. 1539., 1568., 1554.; Ed. 1568. prius esset.

41) In Editt. 3 Colon. illis Cic. verbis in marg. apposita est nota praecedenti quatuor Editionum 1539., 1568., 1554., 1568. respondens: Amplificatio periculi a Catilina.

42) id est] Ed. 1568. scilicet.

30) suffragiorum] Ed. 1539. typogr. errore: suffragorium. — In Editt. 3 Colon. illis Cic. verbis in marg. haec apposita sunt: Ostendit dignitate pari demonstrata, quibus rebus fuerit inferior Servius; sequentibus autem Cic. verbis quas te magno et forti animo etc. haec: παράστα συνιουκτα cum ἀποστροφή.

31) Cum] Ed. 1568. scilicet cum.

32) Editt. 3 Colon. pro hac nota praebent has quatuor: §. 44. Quid ergo? acceptam etc.] Occupatio contradictionis et solutio. Cap. XXII. §. 45. Accedit eodem, ut etc.] Difficultas ex tempore (sic Ed. 1540.; Ed. 1545. D. tempore; Ed. Colon. s. a.: D. a tempore). Cap. XXIII. §. 46. Legem ambitus flagitasti] Alia offensio populi ex legis novae flagitatione.

33) In 3 Editt. Colon. haec nota non reperitur, sed sequentibus Cic. verbis Quid ergo? haec quis, in marg. haec est adscripta: Excusat suam personam culpamque in Servium transfert.

si esset ruendum, tracturum secum universam rempublicam.

Cap. XXVI. §. 52. *Verum ut omnes boni*] id est, non suffragarentur Catilinae, sed potius contra Catilinam. *Itaque quum te, Servi*] Conclusio, qua brevissime repetuntur superiora⁴³⁾.

§. 54. *Nunc mihi tertius ille etc.*⁴⁴⁾] Tertia pars orationis. In purgatione de ambitu, priusquam ad causam accedit, dicit de personis accusatorum, et praetexit quosdam communes locos, deplorat pericula eorum, qui accedunt ad rempublicam. Et quia maxime Catonis autoritate Murena praegravabatur, ideo praefatur Cicero, dignitatem personae non debere plus nocere reo, quam causam. Postea extenuat Catonis auctoritatem, cum facit eum asperiores, quam opus sit. Et ne eum laedat, transfert culpam non in ipsius naturam, sed in Stoicam doctrinam, quam facete deridet velut minus convenientem vitae, quia recedit a mediocritate, quam natura requirit. Recte autem disputat Cicero, id doctrinae genus, quod cum vita et natura pugnat, esse repudiandum: sicut et Aristoteles sapientissime inquit in 10. Ethicorum: Veritas opinionum requirenda est ex actionibus et vita⁴⁵⁾. Quare si opiniones ad vitam congruunt, recipiendae sunt; sin autem pugnant cum vita, existimentur⁴⁶⁾ esse inanes fabulae. *Nunc mihi*] Transito a contentione ad tertiam propositionem, quae habet statum primarium coniecturalem, Murenam non admisisse crimen ambitus⁴⁷⁾. *De deprehensis pecuniis*] id est, quas Murena largitus sit tribubus. *De divisorum indicibus*] id est, quia dicit, se indicare posse divisores, id est, eos qui pecuniam viritum in tribus pro emendis suffragiis Murenas dividerunt. Divisores tribuum vocat Asconius in 2. Verrina⁴⁸⁾ et Plautus⁴⁹⁾ magistris curiae.

43) Editt. 3 Colon. h. l. habent hanc notam: Concludit locum de Catilina et dignitate Murenas, cum brevi superiorum repetitione.

44) Haec Cic. verba h. l. ipsi adscripsimus; nam in Editt. 1539., 1553., 1554., 1568. huic notae non praefixae sunt.

45) Aristotelis Ethic. Nicom. X, 8, 12. *Τὸ δ' ἀληθές ἐν τοῖς πρακτοῖς ἐκ τῶν ἔργων καὶ τοῦ βίου κρίνεται.*

46) existimentur] sic Editt. 1539., 1553., 1554.; Ed. 1568. existimemur.

47) Editt. 3 Colon. h. l. exhibent hanc notam: Transito a contentione ad tertiam partem defensionis de crimine ambitus, quae propria est causae.

48) Fragmentum commentariorum Q. Asconii Pediani in orationes aliquot M. Tullii Ciceronis, ed. Phil. Melanchthon. Hagenoiae s. a. Fol., ubi in Verrinarum lib. II. fol. XXV. haec leguntur: *Divisores omnium tribuum* Utrum legitimos habent omnes tribus divisores suos, quos Plautus

Athenis erat honestum, Romae turpe. *Et deprehensis*] id est, quod divisores se ipsos prodiderint, aut proditi sint. *Equitum centuriis*] id est, quod corruperit equites Murena.

Cap. XXVII. §. 55. *Sed pauca quae meum*] Querela communis de periculis eorum, qui accedunt ad rempublicam⁵⁰⁾. *Quae relicta*] scilicet sunt a maioribus.

§. 56. *Servium Sulpicium*] id est, filius⁵¹⁾. *Sodalis filii*] scilicet Murenas.

§. 57. *Quasi desultorius*] id est, qui relicto certamine equestri, contulit se in certamen curule: id est, cum non petat consulatum, tamen accusat consulem, debebat⁵²⁾ ambisse praeturam potius quam consulatum⁵³⁾. *Cuius competitores*] scilicet praeturae⁵⁴⁾.

Cap. XXVIII. §. 58. *Ne quid expectatio tribunatus*] quem⁵⁵⁾ iam adeptus est Cato. Locus communis, quod autoritas accusantium non debeat nocere reo. Extenuat autem postea hanc auctoritatem Catonis: propterea quod aliquanto asperior sit, quam opus est. Et tamen ne offendant Catonem, transfert culpam et illius inhumanitatis causam a natura Catonis in genus doctrinae, quod Cato secutus est⁵⁶⁾.

magistros curiarum in Aulularia vocat, his verbis: Nam noster, nostrae qui est magister curiae dividere argenti nummos dicit in viros; an divisores criminis nomen est. Sed si hoc esset, non sibi ex his carum esse dixisset, cum ipse praeturam petisset. Ostendit Verrem non gratis factum fuisse praetorem urbanum, et alterum Metellum praetorem Siciliae, pecunia Verris similiter meruisse praeturam.

49) Plaut. Ulular. 1, 3, 29.

50) In Editt. 3 Colon. illis Cic. verbis in marg. haec apposta sunt: Movet commiserationem erga reum ex fortuna Murenas.

51) Editt. 3 Colon. hanc notam non habent, sed hanc aliam verbis praeced. *Quae quum sunt* (Ed. Orell. sint) *gravia* adscriptam: In invidiam vocat accusatores.

52) debebat] Ed. 1568. typogr. errore: debebat.

53) In Editt. 3 Colon. h. l. pro hac nota invenitur haec brevior: Comparatio est de curruli certamine sumpta. — Verbis Cic. praeced. *Respondebo igitur Posthumio* ibid. adscripta sunt: Posthumio respondet.

54) Haec nota in Editt. 3 Colon. desideratur, sequentibus autem Cic. verbis *quam suam persequatur** in marg. haec apposta sunt: * Hic ea omnia, quae et Posthumio et Ser. Sulpicio adolescenti responsa sunt, desiderantur. (Conf. Orellii nota critica ad h. l.).

55) quem] Ed. 1568. scilicet quem.

56) Editt. 3 Colon. h. l. hanc praebent notam: Minuit Catonis auctoritatem ex Stoicorum reprehensione. Removet auctoritatem eiusdem a causa Murenas aequitate et exemplis. (In Ed. 1540. his additur: Estque locus communis.). — Sequent. Cic. verbis ** quanta in imperio* ibid. in marg. adscripta est varia lectio: * *Alia, quanta in homine*

Cap. XXIX. §. 60. *Conformare*] quasi dicat: corrigere ⁵⁷⁾. *Accessit his* ⁵⁸⁾] Opponit concessioni vitiosum genus doctrinae, quo detrahit ei illas ipsas virtutes, quas antea tribuerat ⁵⁹⁾.

§. 61. *Fuit enim quidam*] Digressio de Stoica disciplina. Sic Lucanus de disciplina et instituto Catonis in 2. Pharsal. ⁶⁰⁾:

Hi mores, haec duri immota Catonis
Secta fuit, servare modum, finemque tenere,
Naturamque sequi, patriaeque impendere vitam;
Nec sibi, sed toti genitum se credere mundo ⁶¹⁾.

Neminem misericordem] quia in sapientem non cadunt affectus ⁶²⁾.

Cap. XXX. §. 62. *Illa sunt*] scilicet verba Catonis, quae sequuntur: Dixi in senatu, etc. ⁶³⁾. *At temporis causa*] Mutanda erat sententia: concedendum est.

§. 63. *Nostri autem illi*] ἀντιθεσις Peripateticae doctrinae et Stoicae. Dicit autem, mediocritate omnia officia regenda esse ⁶⁴⁾.

Cap. XXXI. §. 65. *Etenim isti ipsi*] Ratio reprehensionis, quia Stoica doctrina est falsa ⁶⁵⁾.

Cap. XXXII. §. 67. *Quid accusas Cato?*] Principalis iudicii quaestio de ambitu. Respondet autem Cicero per infitiationem, videlicet neminem mercede conductum esse ad suffragandum, aut ad caetera officia. Et purgat suspiciones, videlicet per translationem. Ostendit enim alias causas

quoquam, in imperio (Ed. Orell. *quanta in ipso imperio*; conf. eius nota crit.). — Et iuxta Cic. verba (§. 60.) *Nam si quis hoc* ibid. legitur nota: Solutio oblectionis.

57) Editt. 3 Colon. in textu habent: *confirmare, cui in marg. haec adscripta sunt: *Conformare (sic Editt. 1540., 1545.; Ed. Colon. s. a.: Confirmare), id est, corrigere. — Verbis Cic. seqq. *at ego te verissime* ibid. haec apposita est nota: Mire temperat orationem.

58) *his*] sic illae Editt. omnes; Ed. Orell. *istuc*.

59) Eadem nota (omisso „ei”) in Editt. 3 Colon. reperitur.

60) Lucan. Pharsal. II, 290 — 293.

61) In Editt. 3 Colon. iuxta illa Cic. verba in marg. leguntur haec: Digressione improbat et irridet severitatem Stoicae sectae.

62) Editt. 3 Colon. h. l. habent hanc notam: Haec disputantur a Cicerone in Paradoxis (scil. in Paradoxo V.).

63) In Editt. 3 Colon. haec nota doest, sed Cic. verbis praeced. *Haec homo ingeniosissimus M. Cato* adscripta est haec: Depingit mores Catonis, quos vult severiores esse ex disciplina Stoica.

64) Editt. 3 Colon. huius notae priorem tantum partem: „ἀντιθεσις — Stoicae.” continent. — Seq. Cic. verbis (Cap. XXXI. §. 64.) *Hos ad magistratos si qua te fortuna, Cato*, ibid. apposita est nota: Callide mores vituperando, Catonis interim naturam laudat.

65) Eadem nota etiam in 3 Editt. Colon. legitur, quam ibid. haec duae sequuntur: *Immu resistito gratiae*] Concessio. §. 66. *Huiuscemodi Scipio ille fuit*] Praefert suae sententiae confirmandae contraria exempla.

fuisse, cur multi venientem exceperint, deduxerint, cur sit datus locus tribulibus etc. ⁶⁶⁾. *Non defendo*] scilicet ambitum, id est, turpitudinem ambitus, genus ipsum. Non intelligendum est autem, Murenam reum ambitus. *Non innocentiam*] id est, hos qui iniuste accusarentur ambitus. *Vulgo locus tributim*] id est, per singulas tribus. *Ergo ita senatus*] id est, senatus nihil novi in ea re decernit, quia tantum in genere ⁶⁷⁾ decernit, si hoc esset factum: ego nego autem factum esse ⁶⁸⁾. *Ergo ita senatus iudicat* ⁶⁹⁾] id est, senatusconsultum a me factum nihil novi cavet, nisi quod lex Calphurnia antea cavit. Hoc autem senatusconsultum in gratiam candidatorum factum est, ut contra ambituosos suos competitores certius ius accusandi haberent, si illi contra legem Calphurniam ambitum admisissent. Iam vero quia Murena in legem Calphurniam nihil admisit, ideo nec in senatusconsultum peccavit. Quare inepte et praeter rem nobis senatusconsultum obiicitur ⁷⁰⁾. *Decernit quod nihil*] id est, nihil laedit Murenam, quia in genere loquitur de re, non de persona. *Dum* ⁷¹⁾ *candidatis morem*] Servio ⁷²⁾ et Catone.

§. 68. *Quod est dubium*] id est, de persona. *Quod nemini dubium*] id est, de re. *Atque id*] id est, generaliter decernit de re, non persona. *Quare doce*] Infitiatio ⁷³⁾.

Cap. XXXIII. §. 68. *Eccui* ⁷⁴⁾ *autem non* ⁷⁵⁾] Translatio causae, quare venientem exceperit ⁷⁶⁾.

66) In Editt. 3 Colon. h. l. in marg. haec leguntur: Distributio. Venit ad criminum dissolutionem, et acris pugnat per infitiationem.

67) tantum in genere] sic Editt. 1539., 1553., 1554.; Ed. 1568. in genere tantum.

68) nego autem factum esse] sic Editt. 1539., 1553., 1554.; Ed. 1568. autem nego esse factum.

69) *ita senatus iudicat*] sic in Ed. Orell.; Editt. 1539., 1553., 1554., 1568. *ita senatus si iudicat*; Editt. 3 Colon. *si ita senatus iudicat*.

70) In Editt. 3 Colon. illis Cic. verbis adscripta est haec nota: Interpretatio senatusconsulti, et negat in id commissum esse.

71) *Dum*] sic Editt. 3 Colon. et Ed. Orell.; Editt. 1539., 1553., 1554., 1568. in hac nota habent *Cum*.

72) *Servio*] Ed. 1568. scilicet Servio.

73) Haec nota etiam in Editt. 3 Colon. invenitur; eamque ibid. sequitur haec Cic. verbis *tum egomet tibi contra legem* etc. adscripta: Purgat obiecta argumenta.

74) *Eccui*] sic Ed. Orell.; Editt. 3 Colon. in textu habent: *eccui*, in margine: *et cui*; Editt. 1539., 1553., 1554., 1568. in hac nota: *et cui*.

75) *non*] sic Ed. 1539., Editt. 3 Colon. et Ed. Orell.; Editt. 1553., 1568. *nam*; Ed. 1554. *nam*.

76) Editt. 3 Colon. habent sola verba: Translatio causae.

§. 70. *At sectabantur*] Repetitio infitiationis. gat enim illos mercede conductos esse ⁷⁷⁾.

Cap. XXXIV. §. 70. *Sectoribus*] Deducto- us ⁷⁸⁾, comitibus assiduis ⁷⁹⁾. *Basilicae*] Loca publica iudiciorum.

§. 71. *Si, ut suffragantur*] id est, postquam fragantur. Puto esse corruptum; legendum m: Ut suffragentur ⁸⁰⁾. *Restiterunt*] id est, populus illi legi restitit. *Nulla est enim*] Anti- quis ⁸¹⁾ legibus constituta.

§. 72. *At spectacula*] Alia translatio. Tri- bus sunt conductae tabernae ad spectandum ⁸²⁾. *actorum*] id est, suffragiorum; multa ⁸³⁾ suffra- gamentis, quia in inquirendo eramus nimis es. *Haec homines tenuiores*] Totus locus est mutilatus. Ego sic intelligo: Fecerunt, ut alter eri cederet. *Nondum*] id est, nondum fue- rit, qui suis totas tabernas conducerent.

Cap. XXXV. §. 73. *Haec omnia sectorum*] inclusio ⁸⁴⁾. *Quid enim? senatus*] Interpreta- legis ⁸⁵⁾. *Doce*] id est, proba, quod nos con- terimus ⁸⁶⁾. *Aut ad prandium invitare?* ⁸⁷⁾] et ⁸⁸⁾ dare prandium, sed ita, ne detur simul iversis. Licet conducere tabernas, sed ita, ut educantur tantum tribulibus, non alienis. *Non tur*] Probat exemplis, quod hoc non sit contra em. Locus communis: Non est opus nimia et asi superstitiosa severitate, sed in republica

mediocris comitas et magnificentia laudem habet. Omnes leges sunt directae ad quandam comita- tem, non ad illam Stoicam horribilitatem et acri- moniam ⁸⁹⁾.

§. 74. *Verum esse*] id est, rectum esse ⁹⁰⁾. *Neque tamen* etc.] Exempla mediocris severitatis et mitigatae ⁹¹⁾.

Cap. XXXVI. §. 75. *Lectulos*] id est, mensas.

§. 76. *His haedinis*] id est, propter sordes. *Odit populus Romanus* ⁹²⁾] Epiphonema ⁹³⁾. *Nam, quod ais, nulla re allici* etc.] Auget locum com- munem exemplo Catonis, quod ipse quoque blan- ditiis et communi more ambiat magistratum ⁹⁴⁾. *Rogas tu me*] id est, si volumus ista vera ratione examinare, nulla res est gravior et praestantior quam regere respublicas, et tamen isti magistra- tum petunt: cum populus magis deberet ab illis petere, ut hoc negotium susciperent.

§. 77. *Quid? quod habes nomenclatorem?*] Nomenclator est, qui indicat nomina civium; estque index quidam, qui suggerit nomina prae- stantium civium, ut is, qui petebat magistratum, posset unumquemlibet vocare suo nomine et invi- tare ad suffragandum. *Quid quod habes*] Di- lemma est: Si habes nomenclatorem petitionis causa, facis quod nos; si honoris illorum causa, decipis nos ⁹⁵⁾. *Quid, posteaquam est*] Lege, es ⁹⁶⁾, id est, tu Cato etiam uteris falsis et fucatis officiis: fingis te nosse cives, quos non nosti; fin- gis te illis amicum esse, cum nunquam noveris eos. Aut sic: Nonne tu quoque es ex illo genere, qui salutas cives, quos non novisti, et fingis te nosse, quos tamen non novisti? et si honoris

7) Huius quoque notae solum exordium „Repetitio infitiationis” ab Editt. 3 Colon. exhibetur.

8) Deducitoribus] Ed. 1568, scilicet deductoribus.

9) In Editt. 3 Colon. Cic. verbis *Quid opus est, inquit*, etc. in marg. haec adscripta sunt: Occurrit obiectioni, quam solvit a consuetudine et observantia tenuiorum erga superiores.

10) Editt. 3 Colon., quae itidem in textu habent: *ut suffragantur*, in marg. exhibent notam: „*Ut suffragentur*. Sic putat legendum Melanchthon.” Ed. Orell. *ut suffragentur* in textu habet.

11) Antiquis] Ed. 1568. scilicet antiquis.

12) In Editt. 3 Colon. illis Cic. verbis in marg. haec adscripta sunt: Alia obiectio, quam negat et defendit.

13) multa] Ed. 1568. quasi dicat, multa.

14) Editt. 3 Colon. h. l. habent: Conclusio est; praeced. autem verbis **Praefectum fabrum* ibid. in marg. haec apposita sunt: *Totus hic locus teste Melanchthone mutilatus est (Orellius etiam h. l. adnotavit: Deest non-nihil.).

15) Editt. 3 Colon. h. l. habent notam: Rursus interpreta- tur senatusconsultum.

16) In Editt. 3 Colon. pro hac nota iuxta Cic. verba *num sectari multos?* etc. in marg. legitur vox: Subiectio.

17) *invitare?*] sic Ed. Orell. et Editt. 3 Colon.; Editt. 1539., 1553., 1554., 1568. *innuit*.

18) Licet] Ed. 1568. id est, licet.

89) In Editt. 3 Colon. iuxta illa Cic. verba legitur haec nota: Probatio est per exempla, quod hoc non est contra legem agere: estque locus communis.

90) In Editt. 3 Colon. verbis *Negat verum esse allici* in marg. adscripta sunt: „Alia obiectio Catonis”; et sequentibus Cic. verbis *Quippe, inquit, tu mihi*] „Invidiosa prosopopeia.”

91) Editt. 3 Colon. h. l. haec habent: „Exempla mediocris et mitigatae similitudinis”; sequenti autem nomini *Q. Tubero* ibid. adscripta est haec nota: *Q. Tuberonem Stoicum* dicit, cuius exemplo reprehendit ipsius Catonis severitatem.

92) Ed. 1568. pro siglis P. R., quibus voces *populus Romanus* in Editt. 1539., 1553., 1554. scriptae sunt, habet P. C. (patris conscripti).

93) Haec nota etiam in Editt. 3 Colon. invenitur.

94) In Editt. 3 Colon. illis Cic. verbis haec apposita sunt: Alia reprehensio ipsius Catonis exemplo.

95) Editt. 3 Colon. huius notae solum exordium habent: Di- lemma est.

96) Editt. 3 Colon. et Ed. Orell. *es* in textu habent.

ipsorum causa salutare, tum, posteaquam es designatus, eos ipsos coleres diligentius, quod tamen non facis.

Cap. XXXVII. §. 78. *At enim te ad accusandum*] Translatio, quod reipublicae expediat, retineri Murenam consulem. Et hic locus egregie ornatus est, nec alia pars orationis huius grandior est, aut magis tragica. Primum autem exaggerat periculum, quod hostes intra moenia sint, quibus necesse est opponere certos consules. Ad- dit igitur velut in enthymemate consequens, praestandum esse, ut certi consules succedant. Deinde sequitur repetitio et periculi et consequentis⁹⁷⁾. *Audite, audite*] Ratio ex periculo. Periculum requirit, ut sint duo certi consules in republica. Ergo date operam ut sint etc.⁹⁸⁾.

§. 79. *Magni interest, iudices*] Consequens: Quia tantum est periculum, in quo plurimum refert, ut respublica habeat certos magistratus⁹⁹⁾.

§. 80. *Nolite arbitrari*¹⁰⁰⁾] Repetitio periculi¹⁾. *Auditum aliquando*] id est, usitatum, quasi dicat: aliud quiddam quaeritur, quam usitatum malum sit²⁾. *Sed vos moneo*] Consequens³⁾.

Cap. XXXVIII. §. 81. *Atque ad*⁴⁾ *haec mala*] Apostrophe ad Catonem, in qua exaggeratur periculum ex tribuni concione, et ex circumstantia temporis, et ostendit hoc nominatim agi, ut reipublicae eripiantur magistratus et custodes⁵⁾.

§. 82. *Syllanum*⁶⁾] id est, alterum designatum consulem⁷⁾.

97) Editt. 3 Colon. h. l. habent hanc notam: Translatio. Commemorat periculum reipublicae, si damnato Murena Catilina consul factus sit.

98) Editt. 3 Colon. huius notae solum initium exhibent: Batio ex periculo est; sequentibus autem Cic. verbis *intus inquam est equus Troianus* apposita est nota: Allegoria est.

99) In Editt. 3 Colon. illis Cic. verbis in marg. adscripta sunt haec: Consequens. Movet iudices et vehementius contendit.

100) *Nolite arbitrari*] Ed. 1568. corrupte: *Non lite arbitra*.

1) Haec nota etiam in Editt. 3 Colon. invenitur.

2) Editt. 3 Colon. pro hac nota exhibent has duas: *Initia sunt in hac civitate*] Amplificat atrocitatem periculi. *Atque haec cives*] ἀναδιπλωσις cum correctione.

3) Haec nota etiam in Editt. 3 Colon. legitur.

4) *ad*] in Ed. 1568. deest.

5) Editt. 3 Colon. h. l. hanc praebent notam: „Vehementius movet per apostrophen et anadiplosin”, quam iuxta Cic. verba *intonuit vox perniciosa* sequitur haec: Metaphora concinna.

6) *Syllanum*] sic omnes illae Editt.; Ed. Orell. *Silanum*.

7) *designatum consulem*] sic Editt. 1539., 1553., 1554.; Ed. 1568. consulem designatum.

Cap. XXXIX. §. 83. *Quamquam huiusce rei*] Quarto fit apostrophe ad iudices, et argute ratio- cinatur ex absurdo, Catilinos maxime optare, ut condemnetur Murena. Turpissimum autem fuerit, sententias iudicum cum seditiosorum sentiis congruere. Deinde addit conclusionem, in qua iterum exaggerat periculum⁸⁾.

§. 84. *Mihi credite*] Conclusio, quae continet amplificationem periculi⁹⁾.

§. 85. *Hunc iam qui impedituri sint*¹⁰⁾] scilicet tribuni creati sunt. Non puto multa deesse¹¹⁾. *Catilinae*¹²⁾] Lego, Catilina.

Cap. XL. §. 86. *Quae quum ita sint*] Peroratio, in qua principio hortatur, obtestatur, precatur, ut absolvant Murenam. Deinde aspergit quaedam argumenta et affectus. Continet autem peroratio adhortationem et deprecationem, in quibus ipsa principalis propositio repetitur, videlicet ut retineatur consul Murena. Estque elegans distributio facta, in qua amplificatio, adhortatio, deprecatio habent affectus ex persona et virtutibus Murenarum, et ex ipsa causa, ex poenae magnitudine, ex molestia consulatus, ex patre, fratre, matre etc.¹³⁾. *Deinde ego fidem vestram*] Deprecatio¹⁴⁾.

§. 87. *Huc eum re*] id est, miserum et acerbum esset, propter petitionem consulatus, non tantum amittere ipsum¹⁵⁾ consulatum, sed omnia ornamenta prioris vitae. *Qua se honestiorem*] id est, in qua nihil peccavit, sed tantum petivit, ut adderet quaedam ornamenta prioribus. *Atque ita vos L. Murena*¹⁶⁾] Argumentum ex per-

8) In Editt. 3 Colon. illis Cic. verbis in marg. haec adscripta sunt: Apostrophe ad iudices, et monet contrarii exempli fictione, ab absurdo.

9) Editt. 3 Colon. non nisi primam huius annotationis vocem exhibent: „Conclusio”; deinceps autem has addunt notas: *Hostis est enim non etc.*] Periculi magnitudinem amplificat a propinquitate. *In ipsa, inquam, curia*] πῖδος movet a loco per indignationem. §. 85. *Unus erit consul etc.*] Hypotyposis est furoris Catilinae.

10) *sint*] sic Ed. Orell. et Editt. 3 Colon.; Editt. 1539., 1553., 1554., 1568. in hac nota: *sunt*.

11) Non puto multa deesse] Editt. 3 Colon.: „desunt nonnulla”, scilicet inter Cic. verba *Hunc iam qui impedituri sint* et sequentia *illa pestis immanis*. Orellius idem duobus asteriscis h. l. interpositis indicavit.

12) Hoc nomen ab Orellio unci est inclusum.

13) In Editt. 3 Colon. illis Cic. verbis haec adscripta sunt: Peroratio, quam convertit ad deprecationem.

14) Editt. 3 Colon. h. l. hanc exhibent notam: πῖδος a fortuna Murenarum.

15) ipsum] sic Editt. 1539., 1553., 1554.; in Ed. 1568. deest.

16) *Atque ita vos L. Murena*] sic Ed. Orell.; Editt. 3 Colon. *Atque ita vos Murena*; Editt. 1539., 1553., 1554.,

sona sumptum¹⁷⁾. *Si nemini, ut levissime dicam, odio . . . fuit*¹⁸⁾] id est, si nemini fuit molestus. *Misericordiam spoliatio*] *πάθος*, ex magnitudine poenae¹⁹⁾.

Cap. XLL. §. 88. *Quo se miser*] Affectus ex personis cognatis²⁰⁾.

1568. in hac nota habent: *Atque ita vos sic* (conf. Orellii nota crit. ad h. l.).

17) Editt. 3 Colon. h. l. habent hanc notam: A vitae integritate et innocentia argumentum.

18) *Si nemini, ut levissime dicam, odio . . . fuit*] sic Ed. Orell. et Editt. 3 Colon.; Editt. 1539., 1553., 1554., 1568. in hac nota habent: *Nemini fuit odio*.

19) Editt. 3 Colon. h. l. exhibent notam: *πάθος*, ex magnitudinis poenae, ab honore consulatus, si spoliatus fuerit.

20) In Editt. 3 Colon. Cic. verbis *Si . . . hunc vestris sententis affliceritis, quo se miser vertet?* etc. in marg.

§. 89. *Repente eo accedat*²¹⁾] Eo ipse redibit, nuntius suae calamitatis²²⁾.

§. 90. *Facere*] id est, sacrificare. Sacrificium autem consulare fiebat Lanuvii Sospitae Iunoni a consule²³⁾.

apposita sunt haec: Ex consequentibus incommodis, quae auget ex personis et rerum gestarum gloria. Affectus ex persona cognatorum.

21) *Repente eo accedat*] sic Ed. Orell. et Editt. 3 Colon.; Editt. 1539., 1553., 1554., 1568. in hac nota habent: *Repente accedat*.

22) In Editt. 3 Colon. haec nota non invenitur, sed praeced. Cic. verbis *ad orientisne *partis* (sic hae Editt.; Ed. Orell. *partes*) in marg. adscripta est lectio **parteis*.

23) Editt. 3 Colon. huius notae solum initium exhibent: „id est, sacrificare.” — Verbis Cic. praeced. *Quae si acerba* ibid. in marg. adscripta est nota: *Extrema conclusio*.

2. ALIA SCHOLIA PHILIPPI MELANTHONIS²⁴⁾.

Paraphrasis exordii²⁵⁾.

Quemadmodum die comitiorum precatus sum, ut Murenarum consulatus reipublicae salutaris esset, ita nunc precor, et ut liceat illi obtinere consulatum vestris sententiis, et ut privatim bene vertat ei magistratus. Et cum potestatem suam Dii vobiscum communicarent iudices vobis eadem religione, qua Diis antea commendavi, dignitatem Murenarum, salutemque commendo, ut benigne tueamini ac defendatis. Verum quia intelligo reprehendi officium meum, quod huius causae defensionem susceperim, reddenda est ratio consilii mei, ut aliquanto plus autoritatis ad defensionem adferam. Negat Cato decere, ut consul et lator legis de ambitu, defendam reum ambitus. Ego vero meum factum non vobis tantum, sed ipsi etiam Catoni valde probare velim. Est enim peracerbum a gravissimo atque integerrimo viro reprehendi. Quis tandem Cato consulem iustius defendet, quam consul, cum inter se consilia periculaque omnia communia hos habere conveniat. Et cum mea ille voce consul declaratus est, egoque beneficium populi ei detulerim, aequum est, ut id illi conficiam, perinde atque in rei vindicatione periculum praestare eum oportet,

qui se alteri publice obligaverit. Deinde cum consulari nomine nihil in hac republica sit augustius, fortasse etiam reprehendendum erat, si ad privati hominis patrocinium designato consuli esset fugiendum. Et ego inprimis vice eius commoveor, quoties expendo, quae pericula adeunda sint gerentibus rempublicam. Natura enim adfert, ut, ubi ex discrimine emergeris, sublevare cupias eadem pericula ingredienti, ut portu soluturos hi, qui iam in portum inveci sunt, diligenter monent, quae loca, quas regiones, quos scopulos cavere debeant. Hic vero mihi etiam respublica periclitari videtur. Nam nisi Calendis Ianuariis certos consules duos habuerit, vereor, ne in orbatum praesidio seditiosi quidam cives impetum faciant. Ergo quod Murenarum defendo, cum officio adducor ad tuendam dignitatem amici, tum respublica cogit, ne, si quantum in me est, magistratu discedens sine certo consule, ac sine publico praesidio relicta, seditiosis civibus prodam. In legem vero committimus. Nam si largitionem factam esse confiterer, eam probarem, ita demum lex obici posset. At ego ad defensionem vocor ea etiam lege, quam ipse mihi iam olim tuli, ne cui civi periclitanti dessem. At in Catilinam severus fui, in hunc lenior. Ego vero malui etiam Catilinae parcere, nisi respublica imposuisset necessitatem mihi summa vi coercendi eos, qui patriae excidium, idque intra moenia machinabantur. Nam me na-

24) Haec scholia in sola Ed. 1568. inveniuntur sic inscripta: *Alia Scholia in eandem Ciceronis orationem pro L. Murena, Phil. Melanch. praelegente, excepta.*

25) Haec Paraphrasis in Ed. 1568. inscripta est. *Paraphrasis Exordii pro Murena, Phil. Melanch. 1529.*

tura ad bonitatem et humanitatem finxit. Proinde cum nulla causa sit saeviendi in Murenam, multae defendendi eius, debeo profecto omni studio afflictum civem calamitate levare, et a capite eius vim atque iniuriam propulsare, etc.

Brevia scholia ²⁶⁾).

Praefatio.

Oratio est generis iudicialis. Accusatur enim Murena bifariam: primum, quod indignus sit consulatu propter vitae turpitudinem; secundo de ambitu, quod largitione mercatus sit suffragia. Quare in eum poenam legis de ambitu constitui postulat, videlicet, ut eripiatur ei consulatus. Status in priore parte est coniecturalis. Negat enim Cicero illa crimina, quae obiiciuntur Murenae, purgat suspiciones, et opponit rationes et signa ex genere demonstrativo, quae continent laudes Murenae. Addit et collationem dignitatis Murenae atque Servii. Atque haec prima pars orationis tota consumitur in locis generis demonstrativi. Solent enim iudiciales causae interdum aliquid sumere ex aliis generibus, idque maxime fieri oportet in iudicio dignitatis et famae. Posterior status etiam coniecturalis est de ambitu. Negat enim Murena mercedem datam esse, et signa contraria partim diluit, partim defendit locis iudicialibus, quod officia illa, quae reprehendunt adversarii, sint licita. Haec est summa orationis, in qua monstrato genere causae et statu, quid agatur, et quis sit orationis finis, intelligi potest. Est enim finis, ut Murena absolutus retineat consulatum.

De exordio.

Exordium non est usitato more compositum. Habet enim duas purgationes, quasi peculiare controversias. Sed hae excusationes officii etiam ad locum benevolentiae conciliandae pertinent. Necessae est enim dicenti, praesertim si reprehensum sit officium susceptae causae, initio de sua persona dicere, ut fidem et auctoritatem ad causam afferat, quae a bono viro requiritur. Initium sumptum est a voto. Deinde sequuntur excusationes officii, in quibus prima propositio est: Decet me defendere Murenam. Addam autem argumenta dialectico more comprehensa,

²⁶⁾ Haec scholia in Ed. 1568. sic inscripta sunt: Brevia Scholia Phil. Melanch. in Orationem pro Murena. 1532.

ut agnosci loci inventionis facilius possint, quibus animadversis cerni etiam poterit, qualem in elocutione ac compositione orationis ordinem adhibeat Cicero, quod ad imitationem magnopere utile est animadvertere. Est autem prima ratio sumpta ex societate officii: Consul consuli debet curae esse, igitur decet me defendere Murenam. Secunda ratio est similitudo: Sicut venditor cavere debet emptori, cum tradit ei possessionem, ita ego, qui quasi tradidi consulatum Murenae, debeo etiam ei cavere, ut retinere possessionem consulatus queat. Tertia ratio ab exemplo sumitur: Alicubi mos est, ne magistratus a privato defendantur, sed publice dentur patroni ex magistratibus, ergo nobis etiam honestum erit pro magistratu dicere. Quarta sequitur translatio a privatis argumentis ad publica: Propter rempublicam defendo Murenam, expedit enim reipublicae me prospicere futuro consuli propter hanc causam, ut sint in republica certi consules, quod periculosis temporibus maxime necessarium est. Inchoat autem et hoc argumentum a similitudine, sicuti hi, qui in itinere evaserunt ex periculis, naturaliter solliciti sunt pro his, qui idem iter ingressuri sunt, ita ego pro futuro consule sollicitus sum. Scio enim hanc ei praecipuam dimicationem impendere de retinendo consulatu. Interest autem reipublicae nunc, ut habeat certos consules.

Cap. I. §. 1. *Quae precatus* ²⁷⁾ sum] A voto incipit. In magnis causis ita saepe praefati sunt, quod velit felix faustumque esse, ut Homerus ²⁸⁾:

Ἄνδρα μοι ἔννεπε, Μοῦσα, πολύτροπον, ὃς μάλα πολλὰ, etc.

Ita etiam Hesiodus ²⁹⁾:

Μοῦσαι Πιερίθεν ἀοιδῆσι κλείουσαι, etc.

Comitiis centuriatis] Comitia centuriata dicuntur maxima comitia, quando conveniebant cives Romani ex singulis centuriis. Viginti curiae fuerunt. Plures autem centuriae ³⁰⁾. Vide Gellium lib. 13. cap. 15. ³¹⁾. Crearunt consules suffragiis populi. *Concordiam*] Festivum et urbanum est, quod ad illam precationem alludit, sicut antea precatus

²⁷⁾ *precatus*] sic Ed. 1568.; Ed. Orell. *deprecatus*.

²⁸⁾ Hom. Odyss. I, 1.

²⁹⁾ Hesiod. Opera et dies 1.

³⁰⁾ Conf. A. Adam: Handb. der röm. Alterth., übers. v. J. L. Meyer. T. I. p. 151 sqq.

³¹⁾ cap. 15.] Ed. 1568. cap. 14.; at non cap. 14., sed cap. 15. comitia centuriata commemorantur.

sum, ut felix faustusque sit consulatus reipublicae. Ita iam precor, ut vestrae mentes conveniant cum populo Romano, et Murena retineat salutem et consulatum. *Quod si ita* ³³⁾] Repetitio eiusdem sententiae cum quadam amplificatione. *Consecrata*] id est, destinata, die gehöret ad consularia auspicia. *Postulat*] scilicet si illa precatio non est irrita, spero hanc etiam non fore irritam. Sumpta est ex vi precatationis. Neque vero est irrita, quia respublica testatur nostros cultus non esse res irritas. Hinc arguit: Non dubium est, quin nostra respublica divinitus administretur. Cum autem conservetur divinitus, ergo nostrae precatationes sunt efficaces et non irritae. Et illud argumentum est enthymema, non in enthymematis formam compositum, sed tacitae orationi insertum.

§. 2. *Quae quum*] Transitus ab illa precatatione ad precatationem adversus iudices. Apostrophe ad iudices, in qua votum seu precatationem transfert ad iudices, quia potestas divina videatur cum illis communicata esse. *Tueatur*] Primo precatus est Deos, deinde iudices, iam venit ad defensionem. *Et quoniam*] Prima ratio, cur dicat de suo officio: Dicam primum de me, quia laborandum est, ut videar afferre fidem.

Cap. II. §. 3. *A quo tandem*] Prima propositio: Consul consuli debet esse curae, ergo ego iure defendo Murenam consulem. *Sustinenda*] Ratio: Quia nemo debet mihi esse coniunctior, quam consul. *Quod si*] Secunda ratio. *Quae mancipi* ³⁴⁾] Mancipi est genitivus per contractionem. Res mancipi autem vocantur res propriae, quarum proprietatem consecuti sumus, ut Lucretius ³⁵⁾:

Vitaeque mancipio nulli datur, omnibus usu ³⁶⁾.

Mancipi res veteres appellabant, quae ita abalienabantur, ut ea abalienatio per quandam nexus fieret sollemnitate. Nexus vero est iuris sollemnitas, quae fiebat eo modo, quo in Institutionibus Caius ³⁷⁾ exponit adhibitis non minus quin-

que testibus Romanis puberibus, et praeterea alio eius conditionis, qui libram aeneam teneat, qui appellatur libripens, is qui mancipium accipit, ita dicit: Hunc ego hominem, qui mihi emptus est, hoc aere, aeneaque libra ex iure Quiritum meum esse aio ³⁷⁾. *Mancipi*] Quae sunt emptae. Nexus est ceremonia et sollemnitas, in qua aliquis tradit alteri rem coram praetore, ein bund, das sie sich beide vorpflicht haben. *Praestare*] scilicet quod velit praestare, ne patiatur damnum. Similitudo. *Obligavit*] scilicet venditor. *In iudicio*] scilicet proprietatis, scilicet de rei vindicatione, in qua repetit aliquis meam domum. *In iudicio*] id est, de re aliqua recuperanda. *Designatus*] scilicet futurus. Solebant enim creari consules, priusquam advenisset tempus. *Declaravit*] scilicet quasi tradidit possessionem consulatus.

§. 4. *Ac si*] Tertium argumentum. *Affecto*] scilicet illi, qui habet honorem scilicet consuli designato. Sequitur translatio. Praeterea expedit reipublicae in imperio esse duos certos consules. *Quod si*] *Quod* positum est ibi pro *quia*, ut: quod natura affert, id est, quia natura ³⁸⁾, etc. *Quare*] Conclusio: Ergo non privata causa tantum adducor, sed reipublicae causa, ut ipsum defendam.

Cap. III. §. 5. *Nam quod legem de ambitu*] Illa exordia maxime probantur in respondendo, quae alludunt ad superiorem orationem. Hoc exordium est velut peculiaris quaedam oratio. Habet enim duas controversias. Prima fuit, se recte facere, quod suscepit causam Murenae. Observandum autem est, quod in una causa multos patronos adhibuerint, et Cicero queritur quodam in loco istum morem a Pompeio mutatum esse, et dicit illam breviter obfuturam esse studio eloquentiae, quae deinde interiti,

³⁷⁾ Gail verba l. l. §. 119. haec sunt: Est autem mancipatio, ut supra quoque diximus, imaginaria quaedam venditio: quod et ipsum ius proprium civium Romanorum est; eaque res ita agitur, adhibitis non minus quam quinque testibus, civibus Romanis puberibus, et praeterea alio eiusdem conditionis, qui libram aeneam teneat, qui appellatur libripens, is, qui mancipio accipit, rem tenens ita dicit: „Hunc ego hominem ex iure Quiritium meum esse aio, isque mihi emptus est hoc aere aeneaque libra“; deinde aere percussit libram, idque aes dat ei, a quo mancipio accipit, quasi pretii loco. — Conf. Adam Handb. d. röm. Alterth., lib. v. Meyer. T. I. p. 87. et Schweppe Röm. Rechtsgesch. u. Rechtsalterth. 3. Aufl. v. Gründler. §. 271. p. 498 sqq.

³⁸⁾ natura] Ed. 1568. nam.

³³⁾ *Ita*] sic Ed. 1568.; Ed. Orell. *illa*.

³⁴⁾ *mancipi*] pro hac forma, ad quam haec nota pertinet, Ed. 1568. h. l. habet: *mancipii*.

³⁵⁾ Lucret. III, 965.

³⁶⁾ l. e. Nulli ita datur, ut propriam ac perpetuam habeat.

³⁷⁾ Gail Institutionum commentarii IV. eruit Goechen, l. I. §. 119. (p. 56. edit. 3. cur. Lachmann.).

posteaquam in foro non agebantur causae. *Nam quod*] Philipp. Melanchthon supra exposuit causas susceptae defensionis, sicut fit in confirmando, nunc diluit duo argumenta Catonis, quorum prius hoc fuit: Non videtur sibi constare Cicero, qui severe tulit legem de ambitu, nunc defendit reum ambitus. Cicero recte diluit: Lege lata improbavi ambitum, nec nunc probo ambitum, quia non confiteor crimen, igitur non pugno mecum ipse; tunc pugnarem mecum, si crimen faterer et defenderem honeste factum esse. Sed hunc locum gratiorem efficit allusio ad locum communem. Opponit enim legi aliam legem, videlicet, humanitatis esse defendere innocentem. Huic legi ait se parere, et negat eam pugnare cum lege de ambitu. Altera cavillatio Catonis est: Cicero antea severe gessit consulum, nunc propter hanc lenitatem videtur sui dissimilis, ergo turpiter agit. Cicero respondet dissimiles esse causas, cur antea fuerit severus, nunc vero lenis. Sequitur in exordio quasi nova controversia. Dixi enim supra, hoc exordium nonnihil dissimile aliorum esse. Excusat Servio, quod contra ipsum, cum quidem ei sit amicus, in iudicio venerit. *Propositio* est: Non feci contra amicitiae iura. Prima ratio ab officio amici: Amicos adiuvere debemus sine iniuriis aliorum: ergo te adiuvi tantisper, donec honorem petebas; nunc cum innocentem vis opprimere, non debeo te adiuvere: igitur nihil feci contra amicitiam. Cicero maiore syllogismi ommissa minorem ponit, sed verbis aliquanto mitioribus. *Secunda* ratio sumpta est ex maiore a communi officio defensionis: Licet contra amicos defendere etiam alienissimos: ergo multo magis amicos. Deinde addit de amicitia, quae ei est cum Murena. *Tertia* ratio ab officio causidici: Ex officio cogor recipere causam: igitur non facio turpiter. Sed hoc argumentum auget amplificatione turpitudinis, dum colligit plura vitia, quorum videtur subiturus infamiam, si omisso officio suo tales causas repudiet. *Quarta* ratio sumpta est ab exemplo iureconsultorum, qui olim utrique parti respondebant de iure: ergo licet oratori amicos defendere contra alios, qui amici videntur. *Quinta* sumpta est etiam ab exemplo aliorum, qui aderant Murenae, et hinc efficit absurdum: Si hos quoque tua amicitia removisset a defensione Murenae, Murena neminem haberet patronum.

Nam quod legem] 1. Est tanquam dilutio: Tu obiicis, quod tulerim legem de ambitu, nunc defendam ambitum. Respondeo: Verum est, quod tuli. Sed alia lex est, quae me vocat ad defensionem, imo facerem contra legem de ambitu, si confiterer bene factum esse. Nego enim eum reum esse ambitus: igitur non turpiter facio. Habeo legem, cui pareo; haec non pugnat cum lege de ambitu, quia Murena non est mercatus suffragia largitione.

§. 6. *Pro Murena*³⁹⁾ *dicere*] 2. Cavillatio: Tunc fui severus, cum erat alia causa, nunc vero lenis sim. *Mihi imposita*⁴⁰⁾] Tribuit sibi clementiam, et dicit suae naturae proprium. Prudenter dictum est, quod illud, quod est inhumanus et asperius, transfert alio. *Non quam volebam*] Illa a prudenti lectore intelligi, non verbis explicari possunt. *Nunc, quum*] A causis sumpta dilutio: Aliae causae tunc erant, nunc alia causa est.

§. 7. *Negligendum*] *Propositio*: Accusor falso. Inserit locum communem, quod bonus vir imprimis laborare debeat, ut honeste videatur colere iura amicitiae. Prima ratio est: Non possum te iam adiuvere. Nam honestum est amicis opitulari, tantisper donec res quaerunt, quas possunt obtinere sine extrema pernicie seu iniuriis aliorum. Sed inhonestum est etiam in iusta causa adesse amico morem gerenti odio, et cupienti alteri eripere vitam. Non tam clare illa dixit, quia parcat dignitati Servii, cum quo sibi magna fuit familiaritas. Aliud argumentum: Crudele est adiuvere amicos, etiamsi in bona causa velint aliis eripere vitam seu dignitatem. Nam ille condemnatus ambitus fuisset expulsus urbe, et illud exilium est capitale. *Gratioso*] *Gratiosus*, qui iuvat alios in suffragando propter suam gratiam, qui est in magna gratia aliorum, der einen anhang hat. Passive significat. *Et illud*⁴¹⁾] Alludit ad superius argumentum, si esset res parva, non defenderem contra te. *Nihil debere*] Secundum argumentum ex maiore: Defensio iuris est omnibus concessa.

Cap. IV. §. 8. *Obruetur*] hoc est, mea amicitia non propterea obruetur a Servio, quod Servius superatus est a Murena in petitione consulatus.

39) *Murena*] sic Ed. 1568.; Ed. Orell. *L. Murena*.

40) *imposita*] sic Ed. 1568.; Ed. Orell. *impositam*.

41) *Et illud*] sic Ed. 1568.; Ed. Orell. *Abiit illud*.

ἀντιθετικόν est seu comparatio. *Vel dignitas]* Antecedens, quasi diceret: Fuissem valde superbus, si designati consulis causam repudiasset. *Adeptus sis]* scilicet illa praemia. *Eos]* Puto hic mendam esse, et omittendum *eos* ⁴²⁾ esse, quamquam possit referri ad labores. *Esset hominis]* Videbor ignavus, postquam abstuli praemia. 2. Superbus. 3. Inhumanus et improbus, si amicos repudiarem. Ista omnia fierent, si non defenderem Murenam.

§. 9. *Atque huiusce]* Quarta ratio. *Contra quem* ⁴³⁾ *veneris]* wider einen stehen. *ἀντιθετικόν:* Si tu iureconsultus cogaris respondere inimico, quanto magis ego orator debeo iuvare amicum. De formula, causa cadere, vide in Oratore ⁴⁴⁾.

§. 10. *Deesse]* Quinta ratio: Absurdum, si omnes deberemus habere rationem amicitiae, certe Murena nullum haberet defensorem. *Cru- delem]* Sexta, Conclusio seu distributio: Ego istum defendam, ita tamen, ne violem tuam amicitiam. *Isto in loco]* Mollissimo verbo notavit istius studium.

Cap. V. §. 11. *Intelligo iudices]* Nulla ⁴⁵⁾ est narratio in hac causa, sed loco narrationis partitio. Ac prima quidem pars est confutatio. Refellit enim quasdam leves suspensiones seu convicia, quibus est aspersus Murena. Primum est: Fuit in Asia, igitur est mollis et luxu corruptus. Cicero opponit necessariam et honestam causam petitaе Asiae, scilicet, quod apud patrem esse debuerit. Deinde genus negotii in Asia: Militavit, igitur non est corruptus otio et voluptatibus. Inversio: Si Asia habet suspensionem luxuriae, ergo hoc magis laudandus est Murena, quod inter illas occasiones modeste vixerit. Conclusio est *παρὰ διαστολή*, et habet infitiationem: Esse in Asia nihil habet turpitudinis, sed turpiter vivere in Asia. Vos autem nullum crimen commemoratis. Deinde opponitur laudatio Asianae peregrinationis per distributionem una re in multas virtutes pro varietate circumstantiarum distributa: Militare, fortitudinis est; patri adesse, pietatis est. Dilutio secundi convicii est de saltatione. Est autem infitatio, quia signa eius rei nulla extant. Conclusio ex confessione adversariorum: Nulla est

⁴²⁾ In Ed. Orell. haec vox omisa est.

⁴³⁾ *Contra quem]* sic Ed. 1568.; Ed. Orell. *quem contra.*

⁴⁴⁾ Vide Melanth. scholia in Cic. de Orat. I, 36, 166. supra p. 707 sq.

⁴⁵⁾ Nulla] in Ed. 1568. huic voci auctoris nomen „Phil. Melanch.“ est praefixum.

turpitudine in huius vita, cui nec inimici quidem probrum aliquod obiicere possunt. Secunda pars orationis habet collationem dignitatis, in qua sine acerbitate (dicebat enim contra amicum) extenuat ornamenta Servii. Primum probat exemplis aditum ad consulatum non solum nobilitati patere; secundo aequat quaesturas; tertio sequitur collatio studiorum et generis vitae, a qua discedit ad collationem doctrinae iuris, et rei militaris. Praefert autem rem militarem propter magnitudinem negotii ac periculi. *Intelligo]* Partitio. *Atque]* Extenuatio. *Accusatoria]* Non dixit, lex declamatoria, quia fuisset contumeliosum in tales viros, quales ibi fuerunt Servius et alius. *Obiecta]* Propositio. *Qui si]* Rationes subiicit. Prima ratio est causa petitaе Asiae. *Praetextati]* junge knaben, qui nondum sunt togati.

§. 12. *Et, si habet]* Inversio. *Quamobrem]* Conclusio. *Meruisset* ⁴⁶⁾ *]* Infitiatio ornata distributione, quanti boni insit huic peregrinationi.

Cap. VI. §. 13. *Saltatorem]* Secundum convicium. Alia infitatio, in qua parcit dignitati. *Quare]* Comparatio. Argumentum est: Nulla signa extant saltationis: ergo nullus saltator est, et tu facis imprudenter, cum iacias convicium in eum tam odiosum, neque eius rei propria signa habeas. *Quamquam* ⁴⁷⁾ *vitiosa]* scilicet et tamen vitium est. *Esset indignum voluptatem tribuere vitiis.*

§. 14. *Nihil igitur]* Conclusio. *Iacta sunt]* Transitio ex confessione: Nihil possunt ei obiicere ne inimici quidem.

Cap. VII. §. 15. *Summam]* Facit concessionem: Quia non vult exacerbare Servium, nihil in eum dicit acerbum. Secunda pars orationis, quae habet collationem dignitatis. Concessio seu propositio. *Contempsisti]* Primum argumentum, in quo probat non solum nobilitati patere aditum ad consulatum, sed etiam plebeiis. Opponit exempla. *Aventinum]* Ubi plebs a patribus defecerat, contenderunt, ut ex suo corpore crearentur consules, sicut aliquamdiu factum est.

§. 16. *Populo]* Extenuatio nobilitatis Servii. L. Murena notior est populo, quam tu, quia triumphavit. *Nec mihi]* Collatio virtutis et

⁴⁶⁾ *Meruisset]* sic Ed. 1568.; Ed. Orell. *Meruisse.*

⁴⁷⁾ *Quamquam]* sic Ed. 1568.; Ed. Orell. *quaque.*

nobilitatis. *Aemilio*] scilicet Scauro ⁴⁸⁾. Aemilius fuit nobilis, eius maiores iacuerunt. Pompeius fuit ignobilis, et tamen posteris reliquit nobilitatem.

Cap. VIII. §. 17. *Quamquam*] Reiectio. Exempla sunt in promptu: Ergo sum ex equestri loco, et tamen pervenio ad consulatum. *Iacebant*] id est, arcebantur ab honoribus, et obiciebant illis exempla. *Mariis*] scilicet quibus cum essent ignobiles, pervenerunt tamen virtute ad summos honores, quasi diceret: Meus consulatus debuisset eos admonere de nobilitate generis. *Improbissimo* ⁴⁹⁾] scilicet Catilinae.

§. 18. *Quaesturam*] Obiectio. Sunt enim verba Servii. *Non est*] Responsio. *Nostrum*] Vestrum ⁵⁰⁾, legendum fuit. *Sed quaestura*] Quaestura propemodum in utroque nihil habet, quod emineat. Collatio studiorum et generis vitae. Dimicare in acie est maius, quam in foro.

Cap. IX. §. 19. *Praesto*] Qualia perpeti oporteat eos, qui in foro versantur. Cicero versatur iam in illustri loco, ideo usus est hic multis bonis verbis.

§. 21. *Summa*] Pulchra concessio: In consiliis propemodum tantundem est periculi, quantum in acie. Sed Servius contemnit imperatoriam virtutem, et praefert ei virtuti suum genus. Hoc non est ferendum. *Apud exercitum*] Sunt verba Servii. Bellatores magis conspiciuntur ab hominibus, quam nos, qui quotidie versamur in oculis sicut alibi dicit: Homines non meminerunt meorum beneficiorum, sed oportet me in dies rursus mihi homines demereri, alioqui intermoriretur beneficiorum memoria. Omne rarum, charum est, vulgo dicitur ⁵¹⁾.

§. 22. *Sed, ut*] Collatio doctrinae iuris et rei militaris. *Regendis*] scilicet in limitibus designandis.

Cap. X. §. 23. *Et, quoniam*] Iam instituit narrationem professionis, quae tunc erat iuris. Iurisperiti apud eos tantum respondebant de iure, non agebant ipsi. Priusquam autem eo pervenit,

48) M. Aemilius M. f. L. n. Scaurus consul a. u. c. 639. cum M. Caecilio Metello, princeps senatus eodem anno, censor a. u. c. 645., consul iterum a. u. c. 647. L. Cassio Longino in proelio occiso suffectus, cum C. Mario. Vid. Orellii et Baileri Onomast. Tullian. P. II. p. 17 sqq.

49) *Improbissimo*] Ed. 1568. *Improbis*.

50) Ed. Orell. in textu habet: *vestrum*.

51) J. Eiselein in 1. Die Sprichwörter u. Sinnreden des deutschen Volkes in alter u. neuer Zeit, affert p. 594. proverbium: Omne rarum carum, vilescit quotidianum.

praeponit quandam praecastigationem. Tribuit enim ei multas virtutes et artem, qua videbat eum maxime antecellere, extenuat. *Aliis ego*] Praecastigatio, in qua prius ei tribuit multas virtutes, ut extenuatio professionis minus sit odiosa, et ut mitiget hoc, quod ad praesentem causam attinet. *Omnes*] Maior est. *Dignitatem*] id est, honestatem. In minore facit collationem, summa honestas est in laude imperatoria, sed in hac scientia iuris non est tantum laudis.

Cap. XI. §. 24. *Summa*] Minor. *Resistat*] Quia tribuni nulla alia re melius reprimi poterant, nisi eloquentia praestantissimorum virorum, sicut Cicero sua eloquentia Rullum deterruit a latione legis agrariae ⁵²⁾. *Eadem res*] scilicet eloquentia. Omnia in pace per eloquentes geruntur, ipsi sunt oracula civitatum et rerum publicarum. *Quorum in*] In qualibet causa excerpimus illud, quod ad causam nostram est appositum. Hic itaque sumit ea, quae in speciem rideri poterant, caetera dissimulat, quae ornari poterant. Hoc loco serviit tempori, et quaedam exagitat, non quod ob eam causam male nobis sentiendum sit de hac professione iuris.

§. 25. *Res enim*] scilicet rixae de vocabulis. *Contemptum*] De tempore actionis loquitur. *Posset agi*] scilicet quibus diebus liceret exercere iudicia. *Fastos*] id est, Calendaria. Ovidius ⁵³⁾:

Ille nefastus erit, per quem tria verba silentur:

Fastus erit, per quem lege licebit agi.

Consulebam ⁵⁴⁾] scilicet pontifices et sacerdotes. *Chaldaeis*] scilicet astrologis, quia artes istae primum sunt tractatae et excultae ab Aegyptiis et a Chaldaeis. Non verisimile mihi videtur hanc artem primum esse tractatam a Chaldaeis, cum in Aegypto annos amplius bis mille perpetua schola istorum studiorum fuerit. *Cornicum oculos confixerit*] Significat adimere opinionem et famam sapientiae senibus. Cornices sunt vivaces, et senes per eas significantur. Perinde valere videtur Cornicum oculos configere, quasi dicas: novo quodam invento veterum eruditionem obscurare, efficereque ut superiores nihil scisse, nihil vidisse videantur. Vide Erasmus

52) P. Servilius Rullus tribunus plebis consule Cicerone (a. u. c. 691.) legem agrariam tulit, quam Cicero tribus orationibus dissolvit. Conf. Orellii et Baileri Onomast. Tullian. P. III. p. 271.

53) Ovid. Fast. I, 47. 48.

54) *Consulebam*] sic Ed. 1568.; Ed. Orell. *consulebantur*.

in Chiliad.⁵⁵⁾ *Compilarit*] scilicet furatus sit vel pilis pervellerit, sic fraudaverit furto, ut ne pilos quidem in corpore spoliatis reliquerit. *Agi*] id est, exerceri iudicia. *Notas quasdam*] scilicet post fastos editos composuerunt formulas actionum. Oportuit certis verbis rem proponere, certa formula. Transfert consilium callide, sed bene potuisset aliter dicere. *Notas*] scilicet formulas actionum, quas excogitarunt, ut res ipsa eos adhiberi in iudicium cogeret.

Cap. XII. §. 26. *Immo*] Verba sunt rei. *Iudicium*] id est, postea iudex tulisset legem. *Notuerunt*] scilicet iurisconsulti. Mimesis est⁵⁶⁾. *Manu conserutum*] hoc est, ut conseras mecum manum, ut mecum in iudicio congregiaris. Qui litigabant aliqua de re, ut de agro, illi proferebant glebam, et uterque attingebat eam. Inde dicunt factam esse formulam, conserere manum scilicet iudicialiter⁵⁷⁾. *Petebatur*] scilicet reus. Verba sunt rei. Utrique parti respondebant iurisconsulti, vel oratores. *Tibicinis Latini*] scilicet quorum usus erat in Latinis feriis, in quibus chori habebantur et adhibebantur tibicines, qui applaudebant iam huic, iam illi choro. Vide Ovidium in Fastis⁵⁸⁾. *Vocasti*] scilicet ut tecum contendam, etiam te voco, ut mecum contendas. Totus ille locus est aspersus ironiis et salse et calumniose dictis. *Causa vindicaveris*] Vindictarum lis est, in qua quis rem vindicat, das seine ansprechen, hoc est, est lis de re retrahenda vel de re amissa recuperanda.

§. 27. *Nam quum*] Exempla. *Voluerunt*] scilicet veterum legumlatores. *Coëmptiones*] Non puto hic significare, sicut alibi. Hic significat tantum emptionem. Iure constitutum est, ne venderentur monasteria. Aliquis autem occupavit monasterium, ut arendaretur. Hic est praetextus. Neque tamen meretur ius vituperari, etiamsi callidi quidam homines eo abutantur. Hominum sunt vitia, non artium. *Aequitatem*] Disputat de scripto, et de sententia, quod finis legis sit, quando verba defenduntur contra men-

tem legis, sicut ille fecit, qui cum depopularetur agros nocte, et interrogaretur, quam ob causam id faceret, cur ne non staret promissis, respondit, factas esse inducias diei, non noctis⁵⁹⁾. *Coëmptionem*] Hic ponitur pro contractu, quo fit materfamilias.

Cap. XIII. §. 28. *Itaque*] Conclusio huius syllogismi. Omnes artes debent habere dignitatem et utilitatem. Ista ars versatur tantum in levibus rebus: ergo non est dignitas. *Consularis*] Paululum mitigavit. *Consulere*] scilicet doctrina iam pervulgata et edita. *Sapiens*] Amplificatio a loco, nullum esse usum, nisi in urbe. *Prolatis*] id est, pervulgatis. *De scripto*] Dilemma: Si ius est scriptum, possum legere. Si est incertum, tunc licet argumentari in hanc vel illam partem, in quam volo. *Consuluntur*] scilicet quae non sunt scripta.

§. 29. *Quapropter non solum*] Redit in pleniorum et sonantiorum locum. *Maluisse*] scilicet fieri oratores. Est conclusio collationis oratorum et iurisconsultorum. Multa requiruntur a natura, multa etiam a doctrina ad eloquentiam. *Auloedos*] Pfeiffer. *Cytharoedi*] Lautenschleger. *Non potuerint*⁶⁰⁾] Nullum opus humanum difficilius est, quam dicere. Nullibi enim magis apparet vis ingenii, quam in dicendo. *Salubritas*] scilicet remedia. *In qua*] scilicet eloquentia.

Cap. XIV. §. 30. *Duae*] Repetitio conclusionis. *Ab hoc*] scilicet oratore, quod praefert rem militarem omnibus reliquis artibus, etiam eloquentiae. *Ingeniosus*] scilicet Ennius. *Horridus*] Horridu⁶¹⁾ legendum est propter versum. *Quod si*] Clausula seu traductio. Nostra ars est prima propter rem militarem: ergo illa res debet esse prima, propter quam civitas est prima.

§. 31. *Verum haec Cato*] Tertius⁶²⁾ locus fuit collatio rei militaris cum aliis artibus. Nunc addit amplificationem rerum in Asia gestarum ex belli magnitudine et difficultate. Primum autem reprehendit generale convicium gentis. Cato enim extenuans res Asiaticas dixerat, cum mulieribus bellatum esse. Cicero contra ostendit multa cum Graecis et Asiaticis aspera bella populo Romano

55) Erasmi adag. chil. I. cent. III. prov. 75.

56) Melanthon in Elementorum Rhetorices lib. II. sic explicat: Vicina est ironiae *μῦθος*, cum alterius gestum repraesentamus, aut recitamus verba. Vid. Corp. Reform. Vol. XIII. p. 473., ubi pro *μῦθος* errore typogr. *μῦθ-σῖς* legitur.

57) Conf. Schweppe, Röm. Rechtsgesch. und Rechtsalterth. 3. Aufl. v. Gründler §. 567. p. 971.

58) Ovid. Fast. VI, 657 sqq.

59) Vide supra p. 231 sq. nota 39.

60) *potuerint*] sic Ed. 1568. et al.; Ed. Orell. *potuerunt*.

61) *Horridu*] sic legitur in Ennii fragmentis a Columella conquis., recus. accur. Hesseio p. 80.

62) *Tertius*] in Ed. 1568. huic voci auctoris nomen „Philip. Melanch.“ praefixum est.

fuisse. Postea nominatim bellum Mithridaticum amplificat, et commemorat, quam varium, quam longum ac periculosum fuerit. Commemoratur enim multorum imperatorum res in eo gestas. *Verum*] Omnia sunt valde perspicua, et dicta sunt communi sermone, non sunt accersitae procul, aut longae amplificationes, res sunt satis magnae, etiamsi tenuiter dicantur. *Quod ego*] Propositio. Reprehensio generalis convicii, non sunt contemnenda Graeca bella. *Derideatur*] Argumentum ab exemplo: Illa bella fuerunt magna et asperrima, et non iudicatum est bella fuisse gesta cum mulierculis: ergo non fuerunt levia⁶³⁾ bella. *L. Scipio*] Post bellum secundum Punicum gessit populus Romanus bellum cum Antiocho, et senatus misit L. Scipionem adversus istum⁶⁴⁾. Quia autem verebatur populus non satis roboris esse et consilii in L. Scipione, ideo addidit P. Scipionem. Ita ergo argumentatur: Si fuit tale bellum, ut senatus coactus sit addere ducem summum et peritissimum, verisimile est maximum fuisse bellum. Item, si fuit bellum, unde consul nomen retulerit, apparet magnam esse rem. *Ille*] scilicet Publius. *Ferebat*] Quia vocabat se Africanum. *Assumpsit*] hoc est, honeste se vocavit Asiaticum, sicut frater se Africanum^{64a)}.

§. 32. *Neque vero cum Africano*] Exaggeratio periculi: Addiderunt legatum, quo urbs neminem habebat meliorem et prudentiorem: ergo fuit magnum bellum.

Cap. XV. §. 32. *Atqui si*] Amplificatio belli Mithridatici. Hic sunt multa enthymemata: Mithridaticum bellum fuit, in quo Murena magnam laudem comparavit: ergo non levis est existimanda eius opinio. *In Asiam*] scilicet esset, quasi diceret: Si leve fuisset bellum, Sylla statim oppressisset. Sed rediit coactus componere cum illis pacem, unde apparet magnum fuisse et periculosum. *Oceanum*] Mithridates imperavit in Ponto Euxino. *Putaret*] Eodem tempore, quo cum Mithridate populus gessit bellum, fuit bellum cum Sertorio in Hispania⁶⁵⁾. Cum Mithridates

autem videret, quantum sibi negotii fieret a Romanis, invitavit socium Sertorium. Ita sperabant Romani se more Hannibalis eodem tempore in Italia gesturos esse bellum.

§. 33. *Consulibus*] scilicet M. Aurelio, Cotta et L. Lucullo. *Culamitosae*] In qua pugna Mithridates amisit quadraginta millia militum, nec tamen repressus est. Tantum virium et roboris habuit ille rex. *Regis*] scilicet Tigranae. Postquam enim res suae fuerunt afflictae, contulit se ad regem Tigranem⁶⁶⁾. *Rege*] scilicet Mithridate.

Cap. XVI. §. 34. *Ille rex*] scilicet Mithridates. Magnum fuit bellum, quia exercuit omnes nostros imperatores Syllam, et Murenas praestantissimos viros, et hoc est antecedens. *Hunc tu hostem Cato*] Consequens: Ergo ille hostis non est contemnendus. Applicatio: Asiatica bella non sunt contemnenda, quia nostri imperatores magnis cladibus saepe affecti sunt, et Mithridatem magnis cladibus affectum tamen non opprimere potuerunt: ergo non iudicabis eos homines molles.

Cap. XVII. §. 35. *At enim*] Primus locus fuit de nobilitate. Secunda de quaestura. Tertia collatio militaris scientiae cum aliis artibus. Quartus locus habet confutationem argumenti Servii: Prior factus est praetor, ergo prior debuit fieri consul. Cicero negat hoc oportere sequi, quia liberum sit populo ordinem illum non observare. Postea addit causas, quare in praetura minorem habuerit commendationem, in consulatu vero maiorem. Harum altera est, quia in petitione praeturae nondum dederat munus. Altera, quia in petitione praeturae nondum aderat exercitus; nunc autem in petitione consulatus advenit exercitus. Deinde opponit gratiam praeturae Murenae, et offensiones praeturae Servii, ex quibus ostendit praeturam obfuisse Servio. *Syngrapha*] gleichsam hette sich das Volk vorschreiben, hoc est, populus non curat istum ordinem. Amplificatio: In comitiis non servatur iste ordo, et multa geruntur in comitiis, quorum nulla potest reddi ratio. *Quod enim*] quasi dicat: Populus habet varias voluntates. *Fretum*] id est,

63) levia] Ed. 1568. laevia.

64) Hoc factum est a. u. c. 564. (190. a. Chr.). Vide Liv. XXXVII, 7. 33 sqq.

64a) Africanum] Ed. 1568. errore typogr.: Asiaticum.

65) Cum Sertorio bellum fuit a. u. c. 676—682. (78—72. a. Chr.); cum Mithridate tria bella sunt gesta: primum a. u. c. 667—670. (87—84.), secundum (671—673. (83—81.)), tertium 680—691. (71—63.).

66) Tigranes, Armeniae rex, ad quem Mithridates tertio bello a. u. c. 683. (71. a. Chr.) fugit, eius socer erat.

67) Strabonis geogr. IX. p. 403. ed. Casaub. (p. 618. ed. ab Almeloveen) de vicibus Euripi Chalcidis hoc narratur: *Περὶ δὲ τῆς παλιγγόου τοῦ Εὐρίπου τοσοῦτον μόνον εἰπεῖν ἱκανόν, ὅτι ἐπιτίμεις μεταβάλλειν φασὶ κατ' ἡμέραν καὶ νόματα· τὴν δ' αἰτίαν ἐν ἄλλοις σκεπτέον.*

aestus maris. *Quem Euripum*] Ad Euboiam dicitur mare Euripus, et miras habet vices, et mirros aestus, refluit ac defluit. Vide Strabon. lib. 9.⁶⁷⁾ Et sic scribit Plinius lib. 2. de Euripo: Et quorundam tamen privata natura est velut Taurominitani Euripi, saepius et in Euboiâ septies die ac nocte reciprocantis⁶⁸⁾, tam rapida conversione, ut ventos ac plena etiam ventis navigia secum portet⁶⁹⁾. Ab Euripi igitur maris prodigiosa quadam reciprocandi celeritate, hominem incerta fide, mutabilem et inconstantem, vocamus Euripum. Erasmus: Euripus homo⁷⁰⁾.

§. 36. *Nihil*] Ratio, quia vulgus dominatur in istis comitiis, et vulgus est incertum. *Quis L.*] Exempla. *Nam*] Egregia similitudo.

Cap. XVIII. §. 37. *Sed tamen*] Altera pars huius loci. Rationes, quare in praetura inferior Murena, et postea in consulatu superior fuerit. *Muneris*] scilicet quod nondum dederat in petitione praeturae. *Decesserant*] scilicet in petitione praeturae. *Praesto fuit*] scilicet ille ipse exercitus venit ad petitionem consulatus. *Restituit*] hoc est, praetor factus dedit munus. Consulatus fuit summum imperium, et ad imperium pertinet belligerari.

§. 38. *Gratia*] Mimesis. *Praerogativum*] hoc est, si adverso aliquis casu ictus est in provincia, non mandari solent ei summi honores. Consulatus. Timebat enim postea populus, ne eius infelicitas ad rempublicam perveniret, ac infeliciter gereret rempublicam.

Cap. XIX. §. 38. *Sed si haec*] Partitur populum quasi in duplices turbas. Altera facit militarem, quae libenter homines peritos rei militaris eligit. Altera urbana, quae magis videtur suffragari illis, qui aluerunt voluptates urbanas. Iste autem Murena non tantum commendationem habet a militibus, sed etiam ab otiosa turba, cui etiam inservivit.

§. 40. *L. Otho*] Ille distinxit ordinem, et tulit legem, quo ordine principes et equites sederent, cum populus antea confuse spectaret. *Competitricem*] scilicet Antonium, qui cum eo factus est consul.

68) Et quorundam — reciprocantis] haec sunt verba Plinii hist. natur. l. II. c. 97.

69) tam rapida — secum portet] haec verba non Plinii sunt, sed partim Pomponii Melae II, 7. ubi de Euripo inquit: adeo immodice fluens, ut ventos etiam ac plena ventis navigia frustretur.

70) Erasmi adag. chil. I. cent. IX. prov. 62.

§. 41. *Quid? in ipsa*] Gratia praeturae Murenae et offensiones praeturae Servii. Quia tua praetura incurrit in offensionem hominum, ille autem sibi multos conciliavit: ergo non est mirum, quod iste prior est factus consul.

Cap. XX. §. 41. *Huius*] scilicet Murenae. *Sors*] scilicet suburbana praetura. Praetura Murenae fuit plena officiorum et humanitatis. Tua autem incurrit in Syllanam, et est plena offensionis.

§. 42. *Tua*] scilicet urbana. *Peculatus*] scilicet iudicium repetundarum. *Inviti*] Nemo versatur in causis istis libenter, quae sunt plenae offensionis. *Cui placet*] Proverbium. *Umbria*] Ubi est iam Mantua. Longobardia fuit charissima Romanis, et quia eam consequi potuit, is fuit beatus⁷¹⁾. *Umbria*] scilicet Gallia Togata.

Cap. XXI. §. 43. *Et quoniam*] Transitio ad quintum locum. *Petere consulatum*] Opponit⁷²⁾ et alias offensiones, quae alienarunt animos populi a Servio, qui etsi nobilitate et dignitate fortasse excelluerit, tamen propter alias causas, quae in hoc negotio magis movent animos hominum, deterruit studia populi. Altero offensio est adornatio accusationis, quia desperant homines de accusatoribus. Praeterea etiam oderunt eos. Neque enim fieri potest, quin multorum civium voluntates in unius alicuius accusatione offendantur. Altera est, quod boni metuerint, ne Catilina fieret consul. Maluerunt igitur suffragari Murenae, ut eo attraherent animos populi, qui videbatur propter desperationem non suffragaturus esse Servio. *Petere*] Argumenta sunt nude posita sine aliquibus longioribus, amplioribus et grandioribus luminibus, quasi dicat: Offendisti populum etiam aliis in rebus. *Nescio quo*] Probatio aut enthymema: Qui adornant accusationem, videntur desperare de consulatu: ergo et tu visus es desperare de consulatu. *Candidatus*] scilicet petens consulatum.

§. 44. *Non placet?*] quasi dicat: Reprehendo ne ego te et alios. *Deduci volo*] Illa sunt aliquanto uberiora. *Non testium*] id est, placet testium, quasi dicat: Qui vult petere consulatum, det operam, ut magis comparet suffragatores,

71) Conf. Cic. Philipp. III, 5, 13., ubi Gallia cisalpina sive Italiae, armamentum imperii populi Romani, ornamentum dignitatis appellatur.

72) Opponit] in Ed. 1568. huic voci auctoris nomen „Phil. Melanch.“ est praemissum.

quam testes. *Declamatio*] id est, praeparatio accusationis. *Omnes*] scilicet plebei.

§. 45. *Videsne*] Sic dicunt, Mimesis est. Hic est oratio comica et simplex, sine magnis ornamentis. *Inquirere*] scilicet quaerit crimina, quae eis obiciat, et quaerit testes. *Abiiciunt*] id est, palam profitentur apud amicos, se non velle suum officium prodere, sed magis inire gratiam.

Cap. XXII. §. 45. *Accedit eodem*] Alia probatio: Qui adornat accusationem, desperat de consulatu, quia non potest dare operam conciliandis hominibus, deinde quia totus est in adornanda accusatione.

§. 46. *Quare ego*] Conclusio: Quare non possit simul sustineri cogitatio accusationis et petitionis, quasi dicat: Scio, quantum habeat negotii, sive petitio, sive defensio, sive accusatio. *Tu, quum*] Expolit nonnihil illas offensiones, et transfert ad alias. Apparet, quod ipso consule renovata sit lex de ambitu.

Cap. XXIII. §. 47. *Tenuiorum*] scilicet pauperum. *Communi*] scilicet tenuioribus, pauperibus. *Morbi*] scilicet ne quis absit ex comitiis. *Quid ergo*] Occupatio: Tuli istam legem, sed invitus. *Paruit*] Translatio culpae: Tuli invitus, tibi mos est gestus. *Is tulit*] scilicet Cicero. Praeterea addit alia graviora, quae offendunt alios. *Legis Maniliae*] Quantum ex hoc loco colligi potest, apparet fuisse legem de novo ordine suffragationis⁷³⁾. *Municipiis*] Fuit consuetudo, ut municipales rogarentur candidati. *Tulerunt*] id est, tibi non concedi usitatam praerogativam suffragiorum. *Editicios*] id est, certos, nominatos, et electos ab accusatore. *Iudices*] scilicet de ambitu.

§. 48. *Atque ex omnibus*] Alia offensio de Catilina. *Maxima*] scilicet quam praedixi. *Occurro*] scilicet nos tantum admoneo.

Cap. XXIV. §. 48. *Sed tamen*] Repetitio.

§. 49. *Inquirere*] id est, crimina et testes. Sic construe: Etenim videbant te ipsum tristem inquirere, etc. *Subscriberum*] scilicet qui simul accusaverunt, ut: Servius accusavit Murenam, cui subscripsit Cato, et alii. *Iudicibus*] Philipp. Melanchthon legit *indicibus*⁷⁴⁾. *Spe*] scilicet

Antonii. Catilina habuit suffragationem militarem, sed non alicuius honesti exercitus. *Distinguabant*] scilicet quidam erant in illis, quibus favebat populus. *Vultus*] Amplificatio a signis spei Catilinae.

Cap. XXV. §. 50. *Quibus*] Amplificatio periculi: Quantum periculi fuisset, si Catilina factus fuisset consul.

§. 51. *Itaque*] scilicet quia senatus metuebat, ne Catilinae suffragaretur populus, si non esset prius a senatu notatus. *Apertissimus*] scilicet audacissimus. *Innuit*⁷⁵⁾] id est, palam professus est, se minari reipublicae et magnos motus excitaturum esse. *Debile*] scilicet bonos. *Sine capite*] id est, improbos, multitudinem videlicet. *Congemuit*] id est, illa vox displicuit senatui. *Ruina*] scilicet non sine incommodo vicini.

Cap. XXVI. §. 52. *Commotus*] scilicet ne suffragarentur Catilinae, sed potius contra Catilinam.

§. 53. *Magna est*] Conclusio, in qua brevissime superiora repetit.

§. 54. *Nunc mihi tertius ille locus*] Quintus⁷⁶⁾ locus de ambitu, in qua primum elevat auctoritatem personarum, quae accusant, ac maxime Catonis, quae videbatur praegravare Murenam, et opponit Cicero locum communem, quod res iudicandae sint ex reorum meritis, non ex personis accusatorum, et recitat exempla. Hoc loco disputatio est de ambitu. Illud enim unicum crimen fuit, de quo accusatus Murena fuit, quod scilicet emisset suffragia. Priusquam autem respondet de crimine, elevat auctoritatem personarum. Divisores dicti sunt, qui distribuebant pecuniam candidatorum in singulis tribubus, qua emebantur suffragia multitudinis. Plautus in *Aulularia*⁷⁷⁾ eodem nomine usus est. *Indiciis*] scilicet quod divisores se ipsos prodiderint, aut perditii sint. *Sulpicio*] scilicet filio⁷⁸⁾. *Centuriis*] id est, quod ille corruperit equites.

Cap. XXVII. §. 55. *Sed pauca*] Generalis quaedam querela: Est profecto misera conditio eorum, qui accedunt ad rempublicam, quia ille Murena iam primum conatus ascendere gradum,

73) Conf. Orellii et Baileri Onomast. Tullian. P. III. p. 218 sq.

de lege Manilia de suffragiorum confusione.

74) Ed. Orell. in textu habet *indicibus*.

75) *Innuit*] sic Ed. 1568. et al.; Ed. Orell. *induit*.

76) Quintus] in Ed. 1568. huic voci auctoris nomen „Phil. Melanch.” praefixum est.

77) Plaut. *Aulul.* 1, 3, 30.

78) Ser. Sulpicius Rufus, Ser. Sulpicii Lemoniae Rufi filius, subscriptor accusationis L. Murenae.

in periculum venit, ut non modo privaretur consulatu, verum etiam fama. Locus communis est de periculis eorum, qui accedunt ad rempublicam, quo multis in locis usus est Cicero. *Secuti*] scilicet qui accessissent ad rempublicam. *Relicta*] scilicet sunt a maioribus. *Laudis*] scilicet consulatus.

§. 56. *Non qui*] Honesta querela: Miserum est accusari ab iis, qui nullas odii causas habent. Miserum est, homines tanta esse immanitate, ut cum non alioqui oderint, tamen in gratiam alios accusent. *Servius*] scilicet filius. *Sodalis*] scilicet Murenæ. *Ingenio*] scilicet Servii. *Necessarii*] scilicet Murenæ.

§. 57. *Desultorius*] scilicet qui relicto certamine equestri contulit se in certamen currule. Ille, cum non petat consulatum, tamen accusat consularem, et non modo non petat, rerum etiam praeturam, quam debebat petere, abiiebat. *Quasi desultorius*] id est, relicta petitione praeturæ. *Consularem*] scilicet ad vexandos consulares. *Competitores*] id est, praeturæ. *Expetendus*] Suavis ironia.

Cap. XXVIII. §. 58. *Venio nunc*] Locus communis, quod autoritas accusantium non debeat nocere reo. *Tribunatus*] scilicet quem iam adeptus est Cato. *In eo*] scilicet Africano. Recitat exempla, quod immodica autoritas profuit reo. *Noluerunt*] Sunt enthymemata, quasi ἀπτιολογία exemplorum. *Reipublicæ*⁷⁹⁾] id est, causæ iudicantur ex meritis rei, non ex potentia accusantium.

• Cap. XXIX. §. 60. *Ego tuum*] Extenuat auctoritatem, propterea quod aliquanto asperior sit, quam opus est, et tamen ne offendat Catonem, transfert culpam, et illius inhumanitatis causam a natura Catonis in genus doctrinae, quod Cato secutus est, scilicet Stoicum. *Non audeo*] Praecastigatio seu occupatio: Volo te aliquantulum reprehendere, non vituperare. *Conformare*] quasi dicat: corrigere, ein wenig bessern. *Finxit*] Concessio, cui deinde genus vitiosum doctrinae opponit, quo detrahit ei eas ipsas virtutes, quas ante tradiderat.

§. 61. *Magistro*] Est pulcherrima partitio, virtutes dicit proprias esse naturæ, vitiosa autem esse a doctrina. Stoica doctrina non est vera, quia repugnat naturæ. *Levem*] Quia in sapien-

79) Haec vox apud Ciceronem h. l. non invenitur.

tem non cadunt affectus. Misericordia autem est affectus. *Reges*] Quia sola virtus sit bona.

Cap. XXX. §. 62. *Vivendi*] id est, vult proferre ad consuetudinem vivendi. *Nefarium*] Exempla, Mimeses, quasi dicat: Nunquam mutat sententiam, est pertinacissimus. *Statutum*] id est, mutari non potest. *Opinione*] scilicet putasti Murenam peccasse, et te propterea accusaturum esse eum. *Nobis*] Sunt verba Catonis. *Inquit*] scilicet Cato. *Temporis*] scilicet mutari poterat sententia. Verba sunt Ciceronis. *Improbi*] Verba Catonis. *Misereri*] Quia misericordia apud eos est vitium.

§. 63. *Nostris*] ἀντιθεσις Peripateticae doctrinae et Stoicae. Peripatetici dicunt, virtutem esse, quae regat et moderetur, etc. *Ingenio*] scilicet mediocritate omnia officia regenda esse. *Constantem*] id est, aliquem posse esse constantem, etiamsi ignoscat aliquando. *Moderatas*] Conclusio. Virtutes concedit, sed asperitatem reprehendit.

Cap. XXXI. §. 64. *Te*] scilicet propter tribunatum.

§. 65. *Protulisse*] Ratio reprehensionis: Quia Stoica doctrina est falsa, ergo tu mitigabis eam, flectes eam ad moderationem et mediocritatem. *Consisteremus*] Iniquum petendum est, ut aequum feras. *Ignoveris*] scilicet dicunt. Stoici. *Immo*] scilicet ego dico. *Ne sis*] scilicet dicunt. *Etiam*] scilicet ego dico, scilicet non ideo debeo esse misericors, ut dissolvatur severitas. *Humanitatis*] Exempla.

§. 66. *Tu*] scilicet audire Stoicos, quasi dicat: Tamen moderabitur Stoicam doctrinam suavitate ingenii. *Eruditissimum*] scilicet Panaetium. *Eadem*] scilicet Stoica. *Istorum*⁸⁰⁾] scilicet Stoicorum, quia uterque dabat operam Panaetio. *Comitatem*] scilicet suaviora erunt, cum accesserit mediocritas.

Cap. XXXII. §. 67. *Quid accusas*] Instituta est disputatio de ambitu, quae continet principalem quaestionem de hoc iudicio. Priusquam autem de re dicit, praefatus est quaedam de auctoritate personarum, quas elevat. Hic accedit ad causam. Cato enim accusaverat Murenam, quod corrupisset pecunia populum, et emisset suffragia, ad quod respondet Cicero per translationem, pecunia non fuit causa, cur exceperint eum. Deinde

80) *Istorum*] sic Ed. 1568.; Ed. Orell. *ista*.

alia ratio allegabatur: Corrupisti populum, quia dedisti populo locum ad spectandum. Ad hoc respondet: Non alienis, sed suis tribulibus dedit locum. *Ambitum*] hoc est, in genere multa declamitas contra ambitum. *Defendo*] scilicet ipsam turpitudinem ambitus. *Ambitum*] scilicet genus. *Innocentiam*] id est, non volui punire hos, qui iniuste accusarentur ambitus. *Accusabo*] scilicet in genere. *Dixisti*] Propositio et infitatio, hoc est, nego hunc esse reum ambitus, quasi dicat: non quaeritur, quid sit ambitus, sed quaeritur, utrum ille factus sit reus ambitus. *Referente*] scilicet proponente. *Gladiatoribus*] scilicet si cum gladiatoribus prodirent. *Locus*] scilicet si locus ad spectandum datus est. *Tributum*] id est, per singulas tribus, quasi dicat: est quaestio coniecturalis, non negotialis. *Opus*] scilicet nihil laedit Murenam, quia in genere loquitur de re, non de persona. *Candidatis*] scilicet Servio et tibi Catoni. *Nam*] id est, alia quaestio est.

§. 68. *Dubium*] scilicet de persona. *Iudicare*] scilicet de re. *Atque id*] id est, generaliter decernitur de re, non de persona. *Quare*] Infitatio.

Cap. XXXIII. §. 68. *Multi*] Translatio causae, quare venientem exceperint. *Solet fieri*] Ergo non fit mercede. *Videretur*] id est, multo magis mirandum esset, si nemo obviam venisset.

§. 69. *Multi*] id est, omnes candidati venerunt illi obviam.

§. 70. *At sectabantur*⁸¹⁾] Repetitio infitiationis de sectatoribus.

Cap. XXXIV. §. 70. *Sectatoribus*] id est, debitoribus, comitibus assiduis. *Assestationem*] id est, deductionem. *Ut suos*] id est, non fieri potest, ut semper homines nobiles deducant candidatos: ergo tenuiores assidui sunt, quibus vacet. *Basilicae*] id est, loca publica iudiciorum, consistoria.

§. 71. *Valent gratia*] id est, celebritate, qua invitent alios etiam ad suffragandum. *Si ut suffragantur*⁸²⁾, *nihil valent gratia*] Ut, id est, postquam. Si legitur: si nihil valent gratia, ut suffragantur plures, id est, reliqui, sententia facilius erit intellectu. *Loqui*] scilicet tenuiores, se

81) *sectabantur*] Ed. 1568. errore typogr. *spectabantur*.

82) *suffragantur*] sic Ed. 1568. et al.; Ed. Orell. *suffragantur*.

nihil posse nobis praestare, nisi hoc officium deductionis. *Fabiae*] scilicet quae leges voluerunt, ut certus numerus sectatorum alicui adiungeretur. *Poena*] scilicet constituta.

§. 72. *At spectacula*] Alia translatio: Datus est locus spectandi, conductae sunt tribulibus tabernae. *Punctorum*] id est, suffragiorum. Vide: Omne tulit punctum, etc.⁸³⁾. Significat Cicero se ea in re studuisse Servio, iam quasi in se transfert illam iacturam, id est, multa suffragia tunc amisimus, quia in exquirendo eram nimis severi et acres. *Primum*] scilicet fecerunt, videlicet, ut alius alteri cederet. *Nondum*] scilicet fuerunt, qui suis tribulibus totas tabernas conducerent.

Cap. XXXV. §. 73. *Dedisse*] scilicet fertur. Vult loqui de autore, qui primum conduxerit tabernas universae tribui. *Haec omnia*] Conclusio. *Sectatorium*] scilicet comitum. *Spectaculorum*] id est, quod tabernae sint conductae pro tenuioribus. *Quid enim?*] Interpretatio legis. *Convince*] id est, proba, quod dederimus mercedem. *Sed vulgo*] id est, licet dare prandium, sed ita, ne detur simul universis; licet conducere tabernas, sed ita, ut conducantur tantum tribulibus, non alienis. Lex dicit de mercede, nos autem neminem mercede conduximus. *Non igitur*] Probat exemplis, quod haec non sint contra legem, quae dixit. *Crimini*] id est, quod dedit prandium, aut quod conduxit tribulibus tabernas.

§. 74. *At enim*] Locus communis: Non est nimia et quasi superstitiosa severitate, sed in republica mediocris comitas et magnificentia laudem habet. *Verum*] id est, rectum, quasi dicat: Magistratus debet esse praemium virtutis. Est Stoica et aspera doctrina. *Quippe*] *μίμησις*. Sunt enim verba Catonis. *Horribilis*] Uno verbo eludit hoc argumentum. *Sed eam*] Opponit exempla mediocris severitatis, quasi dicat: Tota natura repugnat huic nimiae severitati. *Robore*] id est, quercu. *Accumbunt*] Opponit exempla. *Cubans*] id est, stantes comedunt. *Retinuerunt*] hoc est, quantumvis sint severi Lacedaemonii aut Cretenses, tamen nos melius retinemus rempublicam mediocri nostra severitate, quam ipsi retinent sua nimia severitate. *Alteri*] scilicet

83) Horat. ars poet. 343.: Omne tulit punctum, qui miscuit utile dulci.

Lacedaemonii extincto Nabide tyranno, de quo vide Livium⁸⁴⁾. *Alteri*] scilicet Cretenses.

Cap. XXXVI. §. 75. *Is, quum*] Pulcherrimum exemplum. *Triclinium*] id est, mensam. *Lectulos*] id est, mensas. *Samia*] id est, testacea, non aurea.

§. 76. *Nepos*] scilicet quamquam esset nobilis. *Odit*] ἐπιώρνησα, et est ratio superiorum. *Nam quod ais*] Quintus locus habuit causam de ambitu, cui respondet per infitiationem. Negat enim mercede conductos esse, qui suffragentur. In eo loco non diu versatur, quia negativa non probat. Deinde ingressus est locum communem. Nimiam severitatem non habere laudem in communibus hominum moribus. *Nam quod*] Auger⁸⁵⁾ locum communem exemplo Catonis, quod ipse quoque blanditiis et communi more ambiat magistratum, quasi dicat: Tu quoque Cato, quantum libet, es severus, soles nostra consuetudine uti in petendo magistratu. *Rogas*] id est, nonne rogas me, ut meo suffragio te adiuvem? Si vera ratione disputare volumus, nullum est maius beneficium, quam praeesse reipublicae, tamen ita fit, ut hi, qui praeesse debent, rogent infimos, ut mandent sibi magistratum. *Rogas*] scilicet populus debebat potius praestantes viros rogare.

§. 77. *Quid? quod*] Sententia huius loci est: Tu Cato etiam uteris falsis et fucatis officiis, fingis te nosse cives, quos salutas, quos tamen non nosti, fingis te illis amicum, cum nunquam noveris. *Decipis*] Dilemma: Si habes nomenclatorem petitionis causa, facis, quod nos omnes facimus. Sin honoris illorum causa decipis nos, et hoc probo, quia habes nomenclatorem propter illos tibi conciliandos, quos noris. *Quam tibi*] Occupatio: Dices, facio honoris illorum causa. Imo non facis honoris illorum causa, quia non nosti eos. Quod (inquit) non illos noris, probo, quia cum porrigis illis dextram, tuus nomenclator adest, et insurrat tibi, qualis vir, et quis sit, petis, ut te suo suffragio adiuvet. Nomenclatores dicebantur indices, qui indicabant nomina singulorum civium. *Salutas*] id est, nonne es quoque ex eo genere, qui fucata officia

84) Liv. XXXI. 25., vid. etiam Polyb. XIII. 6 sqq. XVI. 13. XVII. 13. 17. Pausan. IV. 29. 10. VII. 8. 4. Hic, Machanida tyranno mortuo, rerum Lacedaemoniorum 206 a. Chr. potitus erat, conf. Pauly: Real-Encycl. T. V. p. 385.

85) Auger] in Ed. 1568. huic voci nomen auctoris „Phil. Melanch.” praefixum est.

praestās, salutas omnes, quos fingis te nosse, cum non noris? *Posteaquam est*] Phil. Melanth. mavult legere: es⁸⁶⁾, hoc est, postquam es illum honorem consecutus, non amplius curas eos.

Cap. XXXVII. §. 78. *At enim*] Translatio⁸⁷⁾, quod reipublicae expediat retineri Murenam consulem, et hic locus egregie ornatus est, nec alia pars huius orationis grandior est, aut magis tragica⁸⁸⁾. Primum autem exaggerat periculum, quod hostes intra moenia, quibus necesse est opponere certos consules. Addit igitur velut in enthymemate consequens, praestandum esse, ut certi consules succedant. Deinde sequitur repetitio et periculi consequentis. *At enim*] Propositio. *Adduxit*] id est, laboro reipublicae causa. Haec est propositio, quam probat ex periculo: Quia magna pericula impendent isti imperio, igitur constituendi sunt certi consules et legitimi, alioqui Catilina non opprimeretur. Ex hoc loco apparet Catilinam urbe eiectum esse, sed non extinctum. *Audite*] Ratio ex periculo: Periculum requirit duos certos consules, ergo demus operam, ne eiiciatur ille e consulatu. *Intus*] Alludit ad fabulam, sicut equus receptus decepit Troianos⁸⁹⁾, ita significat in ipsa urbe esse hostes.

§. 79. *Métueret*] id est, oppressi coniurationem et adversus eum exercitum misi. *Hi et integrum*] id est, nihil magis profuturum est Catilinae, quam si respublica orbata erit custodibus. *Coniunctum*] id est, alienum a seditiosis. *In campo*] id est, in comitiis. *Magni interest*] Consequens: Quia tantum est periculi, in quo plurimum refert, ut respublica habeat duos consules.

§. 80. *Nolite*] Repetitio periculi. *Auditum*] scilicet imo maius quiddam quaeritur, quam usitata sunt mala. *Quaeri*⁹⁰⁾] id est, Catilina rempublicam occuparet non per largitionem, sed per seditionem, non molitur consuetum aliquid, sed inusitatum. *Inita*⁹¹⁾] Exponit se. *Trucidandorum*] id est, haec sunt inusitata mala. *Sed vos*] Sequitur consequens: Prodest retinere duos consules.

86) Ed. Orell. es in textu habet.

87) Translatio] in Ed. 1568. huic voci nomen auctoris „Phil. Melanch.” est praemisum.

88) tragica] Ed. 1568. typogr. errore: Trogica.

89) Virg. Aen. II, 15 sqq.

90) Quaeri] sic Ed. 1568. et al.; Ed. Orell. quaeritur.

91) Inita] Ed. 1568. typogr. errore: Initia.

Cap. XXXVIII. §. 81. *Atque ad haec*] quasi dicat: Ecce ille tribunus est factionis Catilinae, ille eum aliquo modo conatur sublevare. *Agitata*] Ex circumstantia temporis, quasi dicat: Hoc in speciem et nominatim agunt, et tollant custodes reipublicae.

§. 82. *Nam ne*] id est, certi sunt, non posse surrogari consulem, quia, si Murena fuisset damnatus, fuissent de novo habenda comitia, quae maxime erant impedimento. *Tuorum*] scilicet tribunorum.

§. 83. *Otium*] hoc est, divitem. Adhortatur Catonem, ut suum consilium quoque conferat ad utilitatem reipublicae.

Cap. XXXIX. §. 83. *Quamquam*] Omisso Catone, redit ad iudices. *Si L. Catilina*] Absurdum. *Idemne*] ἀντίθεσις, Catilinae prodesset deiici Murenam de consulatu.

§. 84. *Mihi*] Conclusio. *Nihil*] Amplificatio periculi, quasi dicat: Non debemus tollere praesentes magistratus, quos habemus. *Anienem*] id est, non ad muros, sed in urbe est hostis. *Sacrario*] id est, curia.

§. 85. *Impedituri sint*] id est, tribuni creati sunt. Illa pestis Catilina, legendum est. Descriptio est futuri periculi. *Opprimuntur* ⁹²⁾] Consequens, si habebimus consules.

Cap. XL. §. 86. *Quae quum ita sint*] Ista est peroratio, hoc est, conclusio orationis, quae habet adhortationem et repetitionem praecipuorum argumentorum, quia conclusio in syllogismo nihil est aliud, nisi repetitio propositionis. Principio adhortatur, et monet, ut absolvant Murenam, ut eum retineant consulem. Deinde adspersit quosdam affectus. Peroratio ⁹³⁾ continet adhortationem et deprecationem, in quibus ipsa principalis propositio repetitur, videlicet, ut retineatur consul Murena. Est autem elegans distributio facta, in qua amplificatur adhortatio. Deprecatio habet affectus, ex persona et virtuti-

92) *Opprimuntur*] sic Ed. 1568. et al.; Ed. Orell. *comprimuntur*.

93) Peroratio] in Ed. 1568. huic voci nomen auctoris „Phil. Melanch.“ praemissum est.

bus Murenae, ex ipsa causa, ex poenae magnitudine, ex molestia consulatus, ex patre, matre, fratre, quasi dicat: Deprecor pro Murena. Miserum enim et peracerbum est, si iste ornatus a magistratu affligeretur, ita tamen peto, si nihil deliquit: In ea re respicite eius patrem senem. *Quae quum*] Peroratio et adhortatio. *Moneo*] Monere enim diligentius est. *Deinde*] Deprecatio.

§. 87. *Nolite*] id est, miserum esse eum iam amittere propter istum magistratum omnia ornamenta prioris vitae, civitatem, patriam, omnes fortunas. *Haec eum re*] id est, in hac re, quasi dicat: in ista condemnatione, in isto iudicio de consulatu. *Honestiorem*] scilicet in qua nihil peccavit, tantum petivit consulatum, ut aliquid adderet ad ornamenta prioris vitae suae. *Atque ita vos*] Sumpsit argumenta ex virtutibus Murenae. *Odio*] id est, nemini fuit molestus. *Demissis*] id est, modestis, tranquillis, stillen Leuten. *Misericordiam*] παράδος ex magnitudine poenae, quasi dicat: Non statim currendum est ad illam poenam, in qua eripiuntur illi non solum consulatus, sed etiam alia ornamenta. *Nullam potest*] id est, consulatus non est valde expetendus. Quid est iam consulatus, nisi maxima molestia?

§. 88. *Quare*] quasi dicat: Non est causa, cur invideatur consuli. *Quare*] Ironia.

Cap. XLII. §. 88. *Domum*] παράθη ex personis cognatorum. *Laureatam*] scilicet propter triumphum. Pater enim triumphavit propter rem praeclare gestam in bello Asiatico.

§. 89. *Sed quid*] Exaggeratio: Cogitur exulare, quod magis est miserum. *At habet*] Enthymema. Ista commemorat, ut iudicibus revocet in memoriam res gestas Murenae. *Abdet*] id est, occidat. *Repente*] id est, eo ipse excidet, id est, recidet, unde hospites, etc.

§. 90. *Quae si*] Clausula, hoc est, brevis conclusio perorationis. *Facere*] id est, sacrificare. Omnes consules solebant in Latinis feriis sacra facere Iunoni Sospitae. Argumentum est a loco, quasi parcendum esse isti loco, ne laedatur incola.

II. PH. MEL. COMMENTARIUS IN CICERONIS ORATIONEM PRO M. CAELIO RUFO.

[sic Melanthonis commentarius duobus modis prodiit: 1) cum huius orationis textu, 2) sine eo, in scholiorum, quae plures vel omnes Ciceronis orationes pertinent, collectionibus.

Prioris classis editio est:

* *Ciceronis oratio pro M. Caelio Ioan. Tislini, Barthol. Latomi et Phil. Melanthonis et Leodeg. a Quercu commentariis illustrata. Parisiis, ex off. Mich. Vascosani* *). 1544. 4.

Alterius classis editiones sunt eadem, quas ad Cic. pro Archia orationem in quarta classe enumeravimus, excepta lucubrationum in Cic. orationes aliquot collectione, quae Basileae 1536—1537. 4. prodiit.

Quatuor huius commentarii editiones, quas in manibus tenemus, sunt haec 1) *Basil.* 1539. fol., 2) *Basil.* 53. fol., 3) *Lugdun.* 1554. fol., 4) *Lips.* 1568. 8., quas solis annorum numeris significabimus.

Harum editionum duae Basileenses et Lugdunensis continent Melanthonis argumentum et scholia, Lipsiensis tem praeter haec paraphrasin exordii et alia scholia eiusdem auctoris in eandem orationem praebet.

*) Schweigerus et Orellius in libris l., ubi hanc editionem memorant, quam equidem nondum vidi, addunt: alia exempla: *apud Io. Roigny.* Verosimiliter autem haec ad alteram eiusdem anni et loci editionem spectant.

1. IN ORATIONEM CICERONIS PRO CAELIO SCHOLIA PHILIPPI MELANTHONIS 1).

Argumentum.

Caelius cum quadam muliere consueverat Cloviae familiae, quae cum ipsum odisse coepisset, t est ingenium mulierum (nam vel amant, vel derunt, nihil est tertium 2)) dixit illi diem: et accusavit, quod 3) venenum sibi, nescio quo in loco dare paravit; deinde, quod nescio cui caedi interfuisset, eiusque conscius esset. Eam causam

agitabat Atratinus 4) quidam adolescens, cuius patrem Caelius 5) paulo ante in ius vocaverat. Cicero vero negat simpliciter factum utrumque. Et oratio ipsa in genere iudiciali est, et constitutio coniecturalis; nam quaeritur, factumne sit, an non. Illa nomina artifices indiderunt actionibus, ut causarum summa facile possit percipi. Fuit ipse quoque Caelius 6) orator insignis. Nam ex

1) Haec scholia in Editt. 1539., 1553., 1554., 1568. sic inscripta sunt: In orationem Ciceronis pro M. Caello scholia Philippo Melanthoni praelegente (Ed. 1568. publice praelegente) excepta.

2) nihil est tertium] sic Editt. 1539., 1553., 1554.; Ed. 1568. tertium est nihil.

3) quod] sic Editt. 1553., 1554., 1568.; Ed. 1539. quod.

4) Atratinus] sic Ed. Orell.; Editt. 1539., 1553., 1554., 1568. ubique pro altero f habent c: Atracinus, Atracini etc. — Integrum huius adolescentis eiusque patris nomen est L. Sempronius Atratinus.

5) Caelius] sic recte Editt. 1539., 1553., 1554.; Ed. 1568. (h. l. et multis aliis huius commentarii locis) falso: Caecilius. — Integrum eius nomen est M. Caecilius Rufus.

in his orationibus etiam Fabius ⁶⁾ loca illustria ⁷⁾ citat. Egit Romae multas et magnas causas ⁸⁾.

Exordium.

Exordium hoc, ita ut et alia exordia solent, potest propemodum avelli a reliqua oratione. Sunt autem exordiorum loci, benevolentia, attentio et docilitas: quorum uno pluribusve uti licebit, ut commodum erit, utque causa ipsa requirere videtur. Non enim omnibus ubique utimur, sed illis tantum, quae commoda videntur. In hac vero causa est attentionis locus tractatus; extenuat enim rem statim initio. Attentio autem rem vel auget, vel extenuat, prout commodum videbitur causae. Locus igitur benevolentiae non adest, quamquam, qui attentos reddit, idem reddit et benevolos. Est autem hoc exordium valde simplex; et illae orationes optimae sunt, quae sunt simplicissimae, qualis Appellis ⁹⁾ est color in tabulis. Sanam esse decet orationem, non fucata, non peregrinis ornamentis luxuriantem: et quae in hunc modum composita est, illa deum grata est.

Loci exordii.

Principio extenuat causam, atque a re ipsa orditur. Res, inquit, tanta non est, quam oportuerat tempore alieno tanta cum contentione agere. Secundus locus est translatio criminis, quae est, cum culpa vel praemium transfertur alio, ut, quod privatum est, ad rempublicam transfertur, vel contra. Culpa vero in hunc modum prope transferri solet, cum nos alterius suasu aut impulsu id fecisse causamur. Translationis vero haec est ¹⁰⁾ sententia: Atratinus, inquit, vel aetate peccat, vel errore quodam; at illa meretrix, cuius ille impulsu hoc facit, est comprimenda. Cicero hoc in loco adversarium suum Atratinum non tractat graviter, sed omnino civiliter et molliter, eo quod sibi fami-

6) Fab. Quintil. instit. orat. I, 5, 61.; I, 6, 42.; IV, 2, 123 sq. cfr. VIII, 6, 53.; IX, 3, 56.; XI, 1, 51.

7) loca illustria] sic Editt. 1539., 1553., 1554.; Ed. 1568. illustria loca.

8) Accusavit enim Caelius C. Antonium, Ciceronis in consulatu collegam, de maiestate, et L. Sempronium Atratinum (patrem) de ambitu; defendit M. Saufeum, et Milonis causam egit ad populum. Conf. Cic. Brut. 79, 273. et Orellii et Baetleri Onomast. Tullian. P. II, p. 112—115.

9) Conf. Sillig catalogus artificum p. 60 sqq.

10) haec est] sic Editt. 1539., 1553., 1554.; Ed. 1568. est haec.

liaritate coniunctus erat. Transfert ergo rem omnem in Clodiam meretricem, qui est tertius locus, scilicet excusatio rei Atratinus. Primum crimen, obiectus est pater; Cicero respondet per infitiationem. Secundum crimen de municipibus. Transitio, continens argumentum, quo probatur, quod mores Caelii sint probabiles, quia scilicet ipsius pater et municipes probent. Tertium crimen de pudicitia. Respondet per infitiationem. Locus communis de conviciis, quae sine testimonio dicuntur. Alius locus communis de pudore adolescentiae. Quartum crimen de familiaritate Catilinae. Confutat a signo: Non fuit familiaris Catilinae, cum esset adolescens, quia fuit familiaris inimico Catilinae, scilicet mihi. Concessio: Fuit familiaris Catilinae, sed cum moribus non erat periculum. Defendit ab exemplis, et additur causa a Catilinae industria, et describuntur contrariae res in Catilina. Postea pauca quaedam dicuntur ad excusandam societatem coniurationis. Utitur coniectura, quia accusavit coniuratos et reos ambitus. Quintum crimen, de aere alieno vel sumptibus. Sextum crimen, de habitatione vicina Clodiae. Septimum praeiudicia de testibus. Transitio longior, donec pervenit ad obiurgationem deliciarum refellendam. Et quia ad multorum orationes respondet, obiter diluit quaedam, quae illi obiecerant, videlicet Herennius et Clodius. Et cum breviter accusavit mulierem Clodiam, signa colligens falsae et odio confictae accusationis, postea transit ad excusationem deliciarum Caelii ¹¹⁾. Sequitur obiectio de severitate. Respondet autem, severitati opponens mediocritatem et naturam adolescentiae. Primum laudat severitatem, si cui natura contigit. Deinde a conditione temporum, mediocritatem laudandam esse dicit. Ratio a natura locorum, quae invitant ad voluptates. Secunda ratio ab exemplis: Multi in hac civitate acta adolescentia in voluptatibus, tamen postea emerserunt ad frugem. Alia propositio, scilicet infitatio, in qua omnino Caelium ¹²⁾ excusat, et ¹³⁾ negat eum deditum esse voluptatibus. Ratio, argumentum sumitur ex studiis: Nullus deditus voluptatibus, potest esse deditus studiis, tolerare laborem dicendi ¹⁴⁾, scribendi etc.

11) Caelii] Ed. 1568. Caecilii.

12) Caelium] Ed. 1568. Caecilium.

13) et] sic Editt. 1539., 1553., 1554.; Ed. 1568. ac.

14) dicendi] sic Editt. 1539., 1553., 1554.; Ed. 1568. discendi.

Caelius¹⁵⁾ est studiosus: ergo non est deditus voluptatibus. Cicero incipit syllogismum a minori, sicut fere solet. Obiectio: Nihil igitur illa vicinitas redolet; quasi dicat: At fama publica testatur, eum habuisse consuetudinem cum Clodia. Repondet per concessionem, et excusat, quod liceat. Secundum crimen, de auro sumpto mutuo. Tertium crimen, de veneno Clodiae dando. Propositio: Caelius¹⁵⁾ non accepit aurum dandum servis, ut interficerent Dionem¹⁶⁾. Primum argumentum. Translatio criminis in ipsam Clodiam: Si sciebat Clodia, igitur est rea caedis. Secundum argumentum: Si non¹⁷⁾ erat familiaris, non dedit, ex causa impulsiva. Tertium, de caede Dionis: Quod Caelius non curaverit interfici Dionem. Ex causa finali: Caelius¹⁵⁾ non curavit interfici Dionem: igitur falso criminatur, pecuniam ad eam rem sumptam esse. Argumenta¹⁸⁾ percurrit a signis et testibus. Conclusio: In crimine nulla suspicio. Reliquum est igitur crimen de veneno, etc. Infitiatio; argumenta sumpta ex causis et circumstantiis.

Hucusque a nobis de inventionis locis actum est; iam de dictionis schematis dicemus. Est autem primum schema *παράδοξον* a tempore, cum rem mirandam dicimus; et in hunc modum hic coepit Cicero: Mirum est, inquit, tantas traegedias in nugis agere, ac causam istam tam levem in diebus ludorum, inque feriis agi, quasi Hannibal sit ante portas¹⁹⁾, ut alibi dicit Cicero. Est et aliud schema in principio, circumductio scilicet. Nam cum binae sententiae in unam periodum concluduntur, circumductio est. Periodus autem est, quae habet commata et colon; illae vero sententiae, quae per *si*, *etsi*, *quamvis*, *cum* etc. conficiuntur, sunt circumductiones²⁰⁾, et ab illis frequenter ordiri Cicero solet.

15) Caelius] Ed. 1568. Caecilius.

16) Dio Alexandrinus Academicus, a civibus legatus Romam adversus Ptolemaeum Auletem (vid. Strab. XVII. p. 796. ed. Casaub., p. 1147. ed. ab Almeloveen), huius iussu veneno necatus est eaque caedes in M. Caelium collata.

17) non] Ed. 1568. typogr. errore: nox.

18) Argumenta] sic Editt. 1539., 1553., 1554.; Ed. 1568. Argumentum.

19) Hannibal ad portas, proverbium, Cic. de Finn. IV, 9, 22.

20) Hoc loco circumductio a periodo distinguitur, in Elementis Rhetoricis autem Melanthon dicit, periodum idem esse, quod latine circuitus aut circumductio dicatur, vid. Corp. Reform. Vol. XIII. p. 499.

Scholias textus²¹⁾.

Cap. I. §. 1.^{21 a)} *Si quis iudices*] Extenuatio criminis. Schema est, *παράδοξον* a tempore, scilicet alieno tempore²²⁾ rem tam levem agi. *Unum hoc iudicium exercentur*] Nota, orationem pleno et longiore²³⁾ verbo esse²⁴⁾ finitam²⁵⁾. *Idem, quum audiat*] Interpretatio. *Nullam audaciam*] id est²⁶⁾, incertum esse crimen. Est etiam interpretatio. *Quem ipse in iudicium²⁷⁾*] Atratinum²⁸⁾, quem Caelius²⁹⁾ ambitu accusavit. *Atratini³⁰⁾ illius*] Translatio. *Vos laboriosos existimet*] Distributio, partitur negotium in plures personas. Hic tibi videndum est, quam commode et quam concinne ad hunc usque locum omnia ex prima illa periodo deriventur, omniaque eo tendant.

§. 2. *Etenim, si attendere diligenter*] *αἰτιολογία³¹⁾*, quare sit Atratino ignoscendum. *Vel pietatis*] Distributio, id est, si voluit persequi paternas amicitias.

Cap. II. §. 3. *Ac mihi quidem videtur*] Propositio. In causarum generibus aliud ex alio nonnunquam mutuatur. Nam in demonstrativum nonnunquam excusatio incidit, ut in Camilli causam, cum foedus sine dictatore sancitum erat³²⁾:

21) Sic Scholia sequentia in Ed. 1568. Inscripta sunt, in cett. Editt. inscriptione carent.

21 a) Capita et paragraphos secundum Ed. Orell. ipsi adscriptissimus.

22) tempore] sic Editt. 1539., 1553., 1554.; in Ed. 1568. deest.

23) longiore] sic Editt. 1539., 1553., 1554.; Ed. 1568. largiore.

24) esse] sic Editt. 1553., 1554., 1568.; in Ed. 1539. omias.

25) Conf. Melanthon. scholia in Cic. de Orat. III, 44, 173. supra p. 760.

26) id est] Ed. 1568. h. l. et plerisque aliis locis: h. e. (hoc est).

27) iudicium] Ed. 1568. male: iudicum.

28) Atratinum] Ed. 1568. scilicet Atracium; Editt. 1539., 1553., 1554. corrupte: Abdiam. — L. Sempronium Atratinum (patrem) M. Caelius Rufus (filius) de ambitu postulavit, vid. supra p. 1095. nota 8.

29) Caelius] Ed. 1568. Caecilius.

30) Atratini] sic Ed. Orell.; Editt. 1539., 1553., 1554., 1568. Atratini, vid. supra p. 1094. nota 4.

31) αἰτιολογία] sic Ed. 1568.; Editt. 1539., 1553., 1554. Aetiologia.

32) Roma a. u. c. 364. (390. a Chr.) a Gallis capta praeter Capitolium, et Romanis, qui in hoc se contulerant, fame coactis descendere, ut mille pondo auri darent, et hoc pretio finem obsidionis emerent, M. Furius Camillus dictator absens creatus inter pendendum aurum cum exercitu venit auferrique aurum de medio et Gallos submoveri iubet. Quum illi renitentes, pactos dicerent sese, negat eam pactionem ratam esse, quae, postquam ipse dictator creatus esset, iniussu suo ab inferioris iuris magistratu facta esset, denuntiatque Gallis, ut se ad proelium expediant; Liv. V, 49. Plut. Camill. c. 29.

ita hac in causa quaedam mutuatus est ex genere demonstrativo; multa enim de persona dicit. Praeponit autem excusationes quaedam principali negotio. Nam adversarii atrociter erant in Caellium³³⁾ invecti, multa in illum congesserant³⁴⁾ crimina, quae ad personam illius pertinebant, nihil ad causam veneficii. Illa confutat, et tollit, antequam ad causae caput accedat. Haec oratio caret narratione, quia in respondendo raro integris utimur narrationibus. Nam ordinem in confutando plerumque adversarii tenemus; et certe hic erat ex re causae, levia illa³⁵⁾ crimina principio diluere. Ergo haec pars orationis, confutatio est. *Ac mihi quidem*] Transitio. Hic primus locus continet duo crimina: primum, patrem non esse nobilem; secundum, quod eum non officiose coluerit. Ad primum respondit, patrem esse nobilem, equitem Romanum; et illum ordinem non esse contemnendum, probat suo et iudicum exemplo. Dicit non esse turpe, equitis Romani filium esse. Sunt autem omnes illi loci ἀτέχνους³⁶⁾. Ad secundum locum dicit, debere ea de re patri credi, qui hic adsit sordidatus, sollicitus pro filii salute. Argumentum hoc est³⁷⁾ a signo. Pater deprecatur pro filio et pro eo adest sordidatus: ergo in eum est paterna voluntate. Et haec sunt adhuc angusta, inferius demum³⁸⁾ pandet vela.

§. 4. *Squalor patris*] Illustre verbum Squalor sordide vestiri significat; inde sordidati dicuntur.

§. 5. *Nam, quod est obiectum*] Secundus locus³⁹⁾, de municipibus. Municipia urbes in Italia erant, quibus beneficii loco concessum est a populo Romano ius militandi. Factum est hoc, ut gentes in tranquillitate possint contineri, si non arma ubique et passim in potestate haberentur; sed ut quique erant honestissimi, ita arma merebantur a populo Romano. Beneficii ergo loco ius militandi dabatur. Nam a⁴⁰⁾ caeteris publicis oneribus, qui militabant, liberi erant. Quibus ergo illud ius dabatur, municipes

dicebantur, quasi simul onera cum populo Romano accipientes. Municipales non ferebant honores Romae, tantum una militabant, et liberi erant a vectigalibus et oneribus realibus⁴¹⁾. Plerique cives Romani possessiones et sedes suas⁴²⁾ in municipiis habebant: sic erat Caellius⁴³⁾, nempe civis Romanus, tamen bona sua Puteolis habebat. Confutat id etiam⁴⁴⁾ argumento ἀτέχνου; nam testes allegat. *In amplissimum ordinem*] scilicet decurionum; nam in oppidis parvis decuriones erant, id, quod senatores Romae; et duumviri id, quod consules Romae. *Videor mihi*] Epiphonema: Assurgit nonnihil, quamquam parce et modice. Est autem Epiphonema, accommodatio causae ad communem sententiam, quae valde orationem adiuvat, multumque lucis et gravitatis addit. Dicit autem hic, multum referre, Caellium⁴⁵⁾ esse probatum suis. Nam quem sui non probant, multo minus potest esse probatus aliis.

Cap. III. §. 6. *Equidem, ut ad me revertar*] Adiecit suum exemplum, id est: Commendatione meorum innotui, et coepi inclarescere. Nam Arpini municipii erat Cicero⁴⁶⁾. *Et meus hic forensis*] συνωνυμία⁴⁷⁾; idem dicit, sed aliis verbis. *Nam quod est obiectum*⁴⁸⁾] Quarta propositio⁴⁹⁾, seu quartum crimen, de adolescentia impure acta. Fuerat egregia forma: ergo verisimile est fuisse luxuriosum. Forma bona est obnoxia criminationi. *Sunt etenim ista maledicta*] Loco communi detrahit fidem maledictis. Locus consistit in ἀντιμεταβολῇ⁵⁰⁾, id est, commutatione, quae fit, quando contraria explicamus. Discernit enim inter accusatorem

33) Caellium] Ed. 1568. Caecilium.

34) congesserant] sic Editt. 1539., 1553., 1554.; Ed. 1568. congesserunt.

35) illa] in Ed. 1568. deest.

36) De locis ἀτέχνους conf. Melanthonis Element. Rhetor. lib. I., in Corp. Reform. Vol. XIII. p. 446.

37) est] in Ed. 1568. omis.

38) demum] sic Editt. 1539., 1553., 1554.; Ed. 1568. tandem.

39) locus] Ed. 1568. locus est.

40) a] sic Editt. 1539., 1553., 1554.; Ed. 1568. in.

41) realibus] sic Editt. 1539., 1553., 1568.; Ed. 1554. realibus.

42) suas] Ed. 1539. typogr. errore: suos.

43) Caellius] Ed. 1568. Caecilium.

44) id etiam] sic Editt. 1539., 1553., 1554.; Ed. 1568. etiam id.

45) Caellium] Ed. 1568. Caecilium.

46) M. Tullius Cicero orator in villa Arpinati a. u. c. 648. natus est. Itaque duas censebat sibi esse patrias, unam naturae (Arpinum), alteram civitatis (Romam), sive alteram loci, alteram iuris.

47) συνωνυμία] Ed. 1568. Synonymia.

48) est obiectum] sic Editt. 1539., 1553., 1554., 1568.; Ed. Orell. obiectum est.

49) propositio] sic Editt. 1539., 1553., 1554.; Ed. 1568. dispositio.

50) Quid sit ἀντιμεταβολή, Melanthon' docet in Element. Rhetor. lib. II., Corp. Reform. Vol. XIII. p. 468.

et conviciatorem. Accusator secum crimen adfert, conviciator calumnias tantum. Non, inquit, iudicia constituta sunt, ut ibi debacchentur conviciis, etc. Ita etiam Demosthenes in Aeschinem dixit⁵¹⁾, et Cicero videtur illum locum inde mutuatus. Est autem hic aliquanto⁵²⁾ uberior, sed tamen non tam copiosus quam inferiores.

§. 7. *Quam quidem partem accusationis*] A persona. Nam adolescentem mirabiliter decet verecundia; Atratinus est adolescens: ergo illum non decet impudica oratio. Locus⁵³⁾ de decore adolescentis. *Et meum erga te, etc.*] id est, ego de te benemeritus sum: ergo meam gratiam apud te repositam nolo mihi perire.

§. 8. *Talem te esse existimes*] id est, des operam, ut talis videaris, qualis es. *Falso responsa sint*] id est, re gesta in te, posset ille sumpto exemplo a te, tibi similiter maledicere⁵⁴⁾. *At non sine argumento*] Quia haec aetas obnoxia et calumniis. *Sed istarum partium*] Translatio criminis.

Cap. IV. §. 9. *Verum ad istam omnem*] Argumentum a circumstantiis, quod in coniecturis fieri solet. *Tantum sit, quantum etc.*] Nihil, inquit, de meis moribus loquor.

§. 10. *Num quod Catilinae*] scilicet crimen de familiaritate Catilinae. Diluit hoc crimen signis, loco et tempore. Fuit apud me tum, cum mihi fuit acerrimum certamen cum Catilina: ergo non est verisimile huic illum favisse. *At enim postea*] Concessione utitur. Deinde excusat hoc similitudine: Adolescentibus sumpta toga constituuntur magistri, qui curent, ut rite vestem sumant, ne brachium alterum nudetur: quemadmodum et hodie apud nos nihil turpius est, quam cum adolescentes non tecto pectore incedunt. Post vero liberum est illis incedere, quomodo velint, quippe cum iam adultiore ipsi se emen-

dare possint. *Locus infestus*⁵⁵⁾] id est, non festus.

Cap. V. §. 11. *Quem ergo ad finem*] Coepit diluere a similitudine, qua ad aetatem transit, potuisse eum esse apud Catilinam sine suspicione.

§. 12. *Studuit Catilinae*] Secundo exclusit Catilinae consuetudinem purgatione; purgat vero illam contentione vitiorum et virtutum. Locus ille constat miris antithesibus, quibus umbrae virtutum Catilinae describuntur, quas ita fuisse dicit, ut caute imponere potuerint⁵⁶⁾. Ille locus est valde illustris et habet figuras quam plurimas, ut prope poemati sit similis. In magnis viris magnae virtutes et magna vitia nascuntur, Ein weiser man thut kein kleine thorheit. In mediocribus ingeniis non sunt verae virtutes, inquit Cicero in Officiis, sed simulachra tantum^{56a)}, minus in malis ingeniis. *Habuit enim ille*] Descriptio Catilinae. *Non expressa signa*] id est, erat in ea industria, rei que militaris scientia, sed adumbrata tantum utraque. Et hic est contentio, quia illa contraria inter se conferuntur; et est congeries, quia multa conferuntur. Omnino orationem hic observa, quia pulchre assurgit; semper in vitiis usus est verbis plenioribus et significantioribus. *Neque ego unquam*] Epiphonema.

Cap. VI. §. 13. *Quodam tempore*] id est, Syllanis temporibus. Fuit semper gratus Syllae, qui optimates in republica defendit. Tribuit ubique Catilinae contraria studia. *Versare suam naturam*] id est, potuit esse sui dissimilis⁵⁷⁾. Oportet in amicitia polypum agere⁵⁸⁾.

§. 14. *Me ipsum*] Allegat suum exemplum. *Oculis prius*] ὑπερβολή⁵⁹⁾.

Cap. VII. §. 15. *Itaque a maledictis pudicitiae*] Transitio ad sextum crimen, Non fuisse inter coniuratos. Adversarii hanc partem breviter attigerant, quamobrem etiam breviter diluit.

51) Demosthenes in oratione de corona p. 268. ed. Reiske (T. I. p. 171. ed. Schaefer) haec dicit: καίτοι καί τούτο, ὃ ἄνδρες Ἀθηναῖοι, ἐγὼ λοιδορίαν κατηγορίας τούτω διαφέρειν ἡγοῦμαι, τῷ μὴν μὲν κατηγορίαν ἀδικήματ' ἔχειν, ὃν ἐν τοῖς νόμοις εἰσὶν αἱ τιμωρίαι, τὴν δὲ λοιδορίαν βλασφημίας, ἣς κατὰ τὴν ἀπείραν φύσιν τοῖς ἐχθροῖς περὶ ἀλλήλων συμβαίνει λέγειν. Ad hunc locum spectat haec Melanthonis annotatio.

52) aliquanto] sic Editt. 1539., 1553., 1568.; Ed. 1564. aliquando.

53) Locus] sic Editt. 1539., 1553., 1554.; Ed. 1568. Est locus.

54) similiter maledicere] sic Editt. 1539., 1553., 1554.; Ed. 1568. maledicere similiter.

55) *Locus infestus*] sic Editt. 1539., 1553., 1554., 1568.; apud Ciceronem pro his leguntur verba: *tempus . . . infestum est.*

56) potuerint] sic Editt. 1539., 1553., 1554.; Ed. 1568. potuerit.

56a) Conf. Cic. de Offic. I, 15, 46.

57) sui dissimilis] sic Editt. 1539., 1553., 1554.; Ed. 1568. dissimilis sui.

58) Oportet in amicitia polypum agere.] sic Editt. 1539., 1553., 1554.; in Ed. 1568. haec desunt.

59) ὑπερβολή.] Ed. 1568. Hyperbole.

Primum argumentum accepit a natura Caelii⁶⁰⁾, et istud in Rhetoricis probabile dicitur. Est adolescens moderati ingenii; quare⁶¹⁾ non est verisimile, eum tantum scelus potuisse concipere. *Naturaque vulnus*] Grave est hoc: Mens sibi male conscia solet eiusmodi designare. *Hoc tamen dico*] Secundum argumentum a simili et ambiguo: Accusavit coniuratos: ergo non est verisimile, eum cum coniuratis sensisse.

§. 16. *Quod haud scio*] Alius locus de ambitu. Est mihi etiam de illo, inquit, dicendum, quod obiectum est de ambitu. Nam aedilis factus fuerat Caelius, ut est apud Ciceronem de claris oratoribus⁶²⁾. Accusat ergo eum, emisse pecunia et largitione suffragia, atque ita ad eum pervenisse magistratum, letalisque ambitus urbi, dixit ille eleganter. Haec crimina obiecerant ei sodales, et sequestres, id est, socii Atratinii. Sequestres hic dicuntur, qui assistunt alicui in petendis magistratibus et in causis agendis. *Ambitus alterum accusasset*⁶³⁾] scilicet patrem Atratinii. Accusat alium⁶⁴⁾, ergo sibi non est⁶⁵⁾ male conscius. Argumentum est a signo. *Accersiret*⁶⁶⁾] Sic in uno atque altero Ciceronis loco legitur, cum tamen secundum analogiam accersere esset legendum tertiae coniugationis; sed nolo quicquam mutare. *Quod quamquam nec sapienter*] scilicet quod accusat Atratinum. Illum superiorem locum correctione mitigat, ne offendant adversarium; nam Atratinus eo iudicio absolutus fuit.

§. 17. *Nam quod aes alienum*] Septimus locus, de aere alieno; simpliciter negat factum. Totus locus est ἀρεχθος. Argumentum sumptum⁶⁷⁾ a lege; nam tabulas conficere non potuit, qui adhuc in patria potestate fuit. *P. Clodia insulam esse venalem*] Ironia. Locus est acerbus in Clodium, quia sequestres et sodales in hac causa

aderant. De illa insula⁶⁸⁾ Clodii est in Miloniana oratione, ubi dicit per viam Clodium eum locum occupasse, exturbatis dominis. Puto esse illam sententiam, quod obiter obiiciat scelus Clodio⁶⁹⁾, quod exturbet suis possessionibus veteres dominos. Si parvae aediculae tanti locari⁷⁰⁾ possunt, tum certe vellet aliquis vendere insulam et emere hic aediculas. *Decem ... millibus*] 250 coronatis.

§. 18. *Reprehendistis, a patre*] Octavus locus, quod migravit a patre⁷¹⁾. In forum commigravit, ut istic obiret negotia, id quoque flagitium putarunt. Diluit hoc crimen a causa.

Cap. VIII. §. 18. *Quo loco possum dicere*] πάθος, et occasio totius huius negotii. *Utinam ne in nemore*] Illi versiculi extant in libris ad Herennium⁷²⁾, de vitiosis argumentis; nam hoc est longius petitum argumentum. Detorquet enim versiculos illos Crassus ex veteri poemate ad causam Ptolemaei⁷³⁾ regis. Vult hic dicere, illas aedes esse occasiones omnium malorum Caelio⁷⁴⁾. Nam haec domus omnium malorum occasio fuit, quia non procul erat a Clodia⁷⁵⁾, et per eam coepit innotescere Clodiae, etc. Porro quae sequuntur, sunt ex eodem poemate petita, seu Ennii⁷⁶⁾, sive⁷⁷⁾ Pacuvii⁷⁸⁾. *Palatinam Medeam*] id est, Clodiam, quae in palatio habitabat.

§. 19. *Quamobrem illa*] Nonum crimen, quod diluit dilemmate. *Ex quo iste fonte*] id est, an commentitius⁷⁹⁾ sit, an subornatus.

60) Caelii] Ed. 1568. Caecilii.

61) quare] sic Editt. 1539., 1553., 1554.; Ed. 1568. ergo.

62) de claris oratoribus] sic recte Editt. 1539., 1553., 1554.; Ed. 1568. de Orator. clariss. — Hic locus invenitur in Cic. Bruto s. de claris oratoribus libro c. 79: §. 273.

63) accusasset] sic Editt. 1539., 1553., 1554., 1568.; Ed. Orell. accusaret.

64) alium] sic Editt. 1539., 1553., 1554.; Ed. 1568. illum.

65) sibi non est] sic Editt. 1539., 1553., 1554.; Ed. 1568. non est sibi.

66) Accersiret] sic Editt. 1539., 1553., 1554., 1568.; Ed. Orell. arcesseret.

67) sumptum] sic Editt. 1539., 1553., 1554.; Ed. 1568. sumptum est.

68) Insula h. l. significat domum a nulla parte aliis aedibus iunctam, sive potius aedes plures iunctas unius domini, et ab omni parte liberam.

69) scelus Clodio] sic Editt. 1539., 1553., 1554.; Ed. 1568. Clodio scelus.

70) locari] sic Editt. 1539., 1553., 1554.; Ed. 1568. locare.

71) Octavus — patre.] sic Editt. 1539., 1553., 1554.; in Ed. 1568. haec desunt.

72) Ad Herennium lib. II. c. 22. — Hi sunt versus ex Medea Ennii, vid. Ennii fragmenta a Columna conquis., recusa accur. Hesselio p. 197.

73) Ptolemaei] Ed. 1568. Ptolomei.

74) Caelio] Ed. 1568. Caecilio.

75) Clodia] sic Editt. 1539., 1553., 1554.; Ed. 1568. Clodio.

76) Hi versus sunt ex Medea Ennii petiti, vid. Eius fragmenta modo laudata p. 197.

77) sive] sic Editt. 1539., 1553., 1554.; Ed. 1568. seu.

78) Pacuvius quoque tragoediam Medeam scripsit, cuius reliquiae exstant in P. Scriverii collectaneis veterum tragicorum p. 64 sq. ed. Lugd. B. 1620. 8. (In his illi versus, quia Ennii sunt, non inveniuntur.)

79) commentitius] Ed. 1568. corrupto; commune mitius.

§. 20. *Nec tamen*] Decimum crimen. *Constituto*] scilicet iure.

Cap. IX. §. 20. *Sed totum genus*] Epilogus. *Non enim ab eisdem*⁸⁰⁾] Nam accusatur ab Atratio, et oppugnatur a Clodianis.

§. 21. *Quae sit multitudo*] Facit verisimile, quod dixerat, illos conductitios esse a Clodianis.

§. 22. *Equidem vos abducam*] Transitio.

Cap. X. §. 23. *De Dione*] Obiter perstringit causam de caede Dionis, legati Siculi⁸¹⁾.

§. 24. *At praevaricatione*] id est⁸²⁾, corrupto iudicio.

Cap. XI. §. 25. *In quo etsi*] Elevat auctoritatem Herennii.

§. 27. *Sed haec omittam*] Transitio, qua respondet Clodiana contentioni.

Cap. XII. §. 28. *Equidem multos*] Excursus in locum communem, de adolescentium licentia, quo⁸³⁾ sibi viam parat ad reliquam defensionem. Et est *κρινόμενον*⁸⁴⁾, si est aliquid indulgendum adolescentibus, non vitio verti debet Caelio, si aliquando liberius vixit.

Cap. XIII. §. 30. *Sunt autem duo*] Principalis propositio, syllogismus hypotheticus: Si Caelius familiaris fuit Clodiae, aurum recepit, venenum non dedit; si vero familiaris⁸⁵⁾ non fuit, aurum non recepit.

§. 31. *Auro opus fuit*] Signa, quibus confutat locum de auro.

Cap. XIV. §. 33. *Non hac barbula*] scilicet fratris. *Mulier quid tibi*] Sermocinatio, qua Cicero probat suum dilemma.

80) *eisdem*] sic Editt. 1539., 1553., 1554., 1568.; Ed. Orell. *eisdem*.

81) legati Siculi] haec voces, quae ad praecedentem annotationem pertinent, in Editt. 1539., 1553., 1554., 1568., ab ea selunctae et typis perinde exscriptae sunt, ac si *legati* vox Ciceronis, et *Siculi* nota sit illi adscripta. (Conf. eadem nota in alteris schollis infra p. 1113. ad hunc Cic. locum repetita) — Dio Alexandrinus ab illius urbis civibus Romam legatus, ad quem haec Cic. verba spectant (conf. supra p. 1097. nota 16.), in hac annotatione falso appellatur legatus Siculus, fortasse cum Dione Syracusio commutatus; vid. Orellii et Baileri Onomast. Tullian. P. II. p. 219 sq.

82) id est] Ed. 1568. scilicet.

83) quo] Ed. 1568. male: quod.

84) *κρινόμενον*] Ed. 1539. errore typogr. *κρινόμενον*. — Quid sit *κρινόμενον*, a Melantheone in Element. Rhetor. lib. I. explicatur, Corp. Reform. Vol. XIII. p. 430.

85) vero familiaris] sic Editt. 1539., 1553., 1554.; Ed. 1568. familiaris vero.

Cap. XVIII. §. 42. *Ergo haec deserta via*] Conclusio.

§. 43. *Ac multi et nostra*] Subiicit exempla.

Cap. XXI. §. 51. *Sed quoniam*] Transitio. *L. Luceii*⁸⁶⁾] id est, ut nota inureretur Luceio, qui hospitem non defendisset.

Cap. XXII. §. 55. *Quid expectatis*] Amplificatio testimonii. *In crimine ipso nulla suspicio*] Epilogus signorum, quibus adversarii uti poterant. *Domus autem illa*] scilicet Luceii.

Cap. XXIII. §. 56. *Reliquum est*] Transitio. *Quae fuit enim causa*] A causa. *Si hic*] scilicet Caelius.

Cap. XXIV. §. 59. *Pro Diis immortales!*] Exclamatione insectatur impudentiam Clodiae. Amplificat a dignitate mariti eius, atque oblique in suspicionem adducit, Clodiam maritum veneno sustulisse.

Cap. XXV. §. 61. *Datum esse hoc aiunt*] Commentitia narratio de exhibendo veneno.

Cap. XXIX. §. 68. *Adsunt*⁸⁷⁾ *servi*] Elevat auctoritatem servorum, qui in hoc manumissi erant, ut testificarentur.

§. 70. *Dicta est a me causa*] Peroratio, qua docet Caelianum crimen non contineri de vi.

Cap. XXX. §. 71. *Atque etiam hoc*⁸⁸⁾ *loco*] Exempli adversariorum refutatio.

§. 72. *Cuius prima aetas*] Repetitio argumentorum suorum, et commemoratio antea vitae Caelii.

Cap. XXXI. §. 74. *Vellem alio potius*] *πάθος*, quo accusationem extenuat. *Praeclari in rem publicam beneficii*] quod⁸⁹⁾ una cum Cicerone⁹⁰⁾ Catilinam oppressit.

§. 75. *In hoc flexu*] Confessio liberior placat iudices.

Cap. XXXII. §. 80. *Conservate igitur*] Adhortatio *παθητικῶς*⁹¹⁾.

86) *Luceii*] sic ubique secundum Ed. Orell. scripsimus; Editt. 1539., 1553., 1554., 1568. h. l. et in sequent. schollis habent: *Luceii*. — De hoc L. Luceio Q. f. conf. Orellii et Baileri Onomast. Tullian. P. II. p. 361 sq.

87) *Adsunt*] sic Editt. 1539., 1553., 1554., 1568.; Ed. Orell. *At sunt*.

88) *etiam hoc*] sic Editt. 1539., 1553., 1554., 1568.; Ed. Orell. *hoc etiam*.

89) quod] Ed. 1568. scilicet quod.

90) Cicerone] sic Editt. 1539., 1553., 1554.; Ed. 1568. Clodio.

91) *παθητικῶς*] sic Editt. 1539., 1553., 1554.; Ed. 1568. *paethica*.

2. ALIA SCHOLIA PHILIPPI MELANTHONIS ⁹²).

Paraphrasis exordii pro Caelio.

Magna vero res in iudicium venit et digna, in quam feriis profanatis et publicis ludis intermissis tota civitas incumbat non aliter, atque in publico incendio universi domesticis ac publicis rebus relictis ad propulsandum patriae periculum concurrunt. Quid enim agitur? num ut seditiosis civibus arma in patriam suscepta eripiantur? num ut capitolium obsidione liberetur? Non, sed mos geritur impudentiae meretricis, quae adolescenti irata periculum capitis intentat, ut dolorem animi sui ulciscatur. Id est vero in nugis tragoediam agere, fabulam ab irata muliercula confictam et ementitam tantis studiis tam alieno tempore in forum adferre. Neque ego nunc succenseo Atracino ⁹³), sed muliebrem furorem comprimendum duco, quo hic incitatus et impulsus ⁹⁴) innocenti perniciem machinatur. Nemo enim ad hanc accusationem sanus ultro descendisset, aut si descendisset, polliceri sibi victoriam potuisset, nisi in malis artibus, aut potentia improborum spem positam haberet. Verum Atracino libero culpa, qui vel officio vel aetate ad accusandum Caelium adductus est. Nam si paternas inimicitias persequendas putavit, pietate lapsus. Sin autem speravit victoriam, condonetur aetati imprudentia. Sed cum reliqua accusatorem manu acrius mihi concertandum est, etc.

Scholia.

Oratio est generis iudicialis, quia purgat crimina obiecta Caelio. Exordium autem habet extenuationem causae contrariam opinioni publicae. Quia enim diebus festis exercebatur iudicium: Cicero rem extenuat, et dicit indignam fuisse, quae diebus festis cognosceretur. ἄλλως. Haec oratio est in senatu habita; quae sequitur, eam pro nostris ad populum dixit. Haec autem ora-

⁹²) Haec scholia in sola Ed. 1568. inveniuntur sic inscripta: Alia scholia Philipp. Mel. in orationem pro M. Caelio partim privatis discipulis conscripta, partim ex ore legentis excerpta, 1531.

⁹³) Atracino] Ed. 1568. h. l. Atracino, aliis autem locis: Atracino. Nos ubique in omnibus huius nominis formis litteram c in t mutavimus; conf. supra p. 1094. nota 4.

⁹⁴) impulsus] Ed. 1568. male: impulsis.

tio caret narratione, quia in respondendo rarus est usus narrationum.

Cap. I. §. 1. *Si quis*] A paradoxo, hoc est, a tempore captat exordium. *Legum*] Congeries. *Miretur*] Insinuatio, qua extenuat novum exemplum, quod vi debeatur Caelii causa degravari. *Negotiis*] Collatio temporis et legis. *Nec dubitet*] Ratio: Quia magis gravatur Caelius odio Clodiae, quam causa. *Quum audiat*] Interpretatio per synonymiam. *Filio*] scilicet Atracino. *Vocari*] Caelius enim accusavit Atracinum patrem Atracini, tanquam reum coniurationis. *Atracini illius*] Secundus locus exordii est, in quo extenuat causam translatione.

§. 2. *Sed ego Atracino*] Tertia excusatio Atracini. Tractat enim adversarium molli articulo, ut ait Quintilianus ⁹⁵).

Cap. II. §. 3. *Deformandi*] zu schmehen. *Obiectus*] Prima propositio. Hae autem responsiones continent ἀρετὰ, hoc est, argumenta sine arte, quia infitiatur tantum ea, quae obiciuntur, et addit rationes vulgares sumptas a signis, sine arte. *Quod iam diu minus*] Propositionem propositioni opponit, estque hic locus confutatio.

§. 4. *Equitis Romani*] A suo et iudicium exemplo arguit, non criminis loco poni debere esse equitis Romani filium. *Nam, quod de pietate*] Translatio. *Existimatio*] wir mügen darvon reden.

§. 5. *Nam, quod*] Secundum crimen de municipibus. *Puteolani* ⁹⁶)] A testimonio et litteris. *Ordinem*] id est, senatorium. *Cooptarunt*] haben ihn in Raht gewehlet. *Detulerunt*] haben sich also gegen ihn erzeigt, als sie solchs noch gegen keinen ⁹⁷) erzeigt haben, der sie denoch darumb gebeten hat. *Videor*] Transitio continens argumentum, quo probatur, quod mores Caelii sint probabiles, quia scilicet ipsius pater et municipes probent. *Iecisse*] Epilogus, und epiphonema. *Commendata*] ihr werdet ihn nicht vordechtig halten.

⁹⁵) Quintil. instit. orat. XI, 1, 70., vid. supra p. 1035.

⁹⁶) Puteolani] sic Ed. Orell.; Ed. 1568. errore typogr. Puteolam.

⁹⁷) keinen] Ed. 1568. keinem.

Cap. III. §. 6. *Ut ad me revertar*] Auger exemplo suo, fuit enim Arpinas Cicero. *Fontibus*] scilicet meorum maiorum. *Nam quod*] Ad tertium crimen de pudicitia respondet per infitiationem. *Poeniteat*] Vide Gellium lib. 17. cap. 1., qui explicat hunc locum. *Sunt etenim*] Loco communi detrahit fidem maledicentiae, constatque ἀντιμεταβολῆ⁹⁸). *Sed aliud*] Translatio. Transfert enim accusationem in maledictionem. ἄλλως. Locus communis de conviciis, quae sine testimonio dicuntur. *Accusatio crimen desiderat*] Wenn einer für gericht kömpt, sol er nicht sagen, der ist ein böser schalck, sondern er sol dem Richter anzeigen, was er gethan hat, wer er sey, und sol gezeugen fürstellen. *Urbanitas*] A decoro personae.

§. 7. *Patrem*⁹⁹)] scilicet Atratinum. *Tueri*] Ich mus sehen, das wir freunde bleiben.

§. 8. *Pateat*] denn es kan ein jeder schelten.

Cap. IV. §. 9. *Nam quoad*] Alius locus communis de pudore adolescentis. *Fuit primum*] signo colligit coniecturam, Caelium a crimine alienum esse.

§. 10. *Nam quod Catilinae*] Quartum crimen de familiaritate Catilinae confutat a signo: Non fuit familiaris Catilinae, cum esset adolescens, quia fuit familiaris inimico Catilinae, scilicet nihi. *At enim*] Pernegat collectis signis a loco et tempore. *Causam . . . dixit*] hoc est, se excusavit, et defendit. Catilina enim accusabatur, quod spoliasset provincias. Sallust.¹⁰⁰).

Cap. V. §. 12. *Studuit*] Concedit fuisse familiarem Catilinae. ἄλλως. Concessio: Fuit familiaris Catilinae, sed iam grandior factus, ubi moribus non erat periculum. Defendit ab exemplis, et additur causa a Catilinae industria, et describuntur contrariae res in Catilina. Postea pauca quaedam dicuntur ad excusandam societatem coniurationis. Utitur coniectura, quia excusavit coniuratos et reos ambitus. *Iam aliquot annos*] Descriptio ingenii Catilinae. Excusat errorem purgatione. *Multi hoc idem*] Excusat hanc familiaritatem exemplo aliorum, hoc est, similitudine. *Virtutum*] Contentio per conge-

98) ἀντιμεταβολῆ.] Ed. 1568. errore typogr. ἀντι μεταβολῆ.

99) Patrem] sic Ed. 1568.; Ed. Orell. parentem.

100) Sallust. Catil. c. 18. inquit: „Post paulo Catilina, pecuniarum repetundarum reus, prohibitus erat consulatum petere.“ — L. Sergius Catilina enim ex praetura Africam provinciam obtinuit; ex ea accusatus est repetundarum a P. Clodio adolescente.

riem. *Stimuli*] id est, erat deditus voluptati, laboriosus, et studiosus rei militaris. *Flagrabant*] A contrario, war ein muthwilliger hube. *Neque*] ἐπιφώνημα, diese descriptio ist der feinste bosse¹⁾ in tota oratione. Dicere causam est esse reum.

Cap. VI. §. 13. *Clarioribus*] Ware mit den ehrlichsten mennern sehr wol eins. *Iucundior*] scilicet fuit simul coniunctus claris et improbis. *Partium*] Ist allewege bey den ehrlichsten leuten gestanden, contra vulgus. Meliorem²⁾ esse significat esse apud principem contra vulgus, quasi dicat: Aliquando fuit defensor, postea adiunxit sibi vulgus, et voluit patriae bellum inferre. *Rapacitate*] Profusi homines plerumque sunt rapaces. *Obsequio tueri*³⁾] er köndte ihnen dienen. *Communicare*] er halff, wo es von nöten war. *Servire temporibus*] er kondte den mantel hengen, wo der Windt her wehet. *Versare suam naturam*] id est, habebat versatile ingenium. Observanda est illa descriptio, in qua mores Catilinae tanquam penicillo exprimuntur. *Severe*] ernstlich. *Iucunde*] fröhlich. *Graviter*] tapfer. *Comiter*] freundlich.

§. 14. *Collegerat*] hat ihm jederman zu freunde gemacht. *Neque unquam*] Est pulchra amplificatio, et egregius locus. *Extitisset*] id est, exortus esset et excitatus. Quod Graeci dicunt Existere⁴⁾, Latini dicunt Exoriri, ut, Ex schola tota ista extitit ista opinio, hoc est, exorta est et excitata. Sic alibi usus est in Bruto, cum ait: Et fateor⁴⁾ me oratorem, si modo sim, aut etiam quicumque sim, non ex rhetorum officinis, sed ex Academiae spatiis extitisse, hoc est, exortus vel excitatus sum. Sic etiam dicimus: Omnia mala ex istis fontibus extiterunt. *Quare*] Epilogus. *Respuatur*] sol verworffen sein. *Haereat*] id est, non potest celari, tegi, excusari, dissimulari, Er kan es nicht entschuldigen, Es sol ihm nicht nachtheilig sein. *Me ipsum*] A suo exemplo. *Est enim*] Haec dicuntur ad excusan-

1) Der Bosse apud scriptores superioris Germaniae seculi XVI. significat artificium, dolum, callidum inventum: ut in vocibus compositis: Kriegsboss, dulus bellicus, Juristenboss, techna causidicorum; vid. Adelung: Wörterb. der Hochdeutsch. Mundart T. III. s. v. der Possen.

2) Meliorem] Ed. 1568. Mellior.

3) Obsequio tueri] sic Ed. 1568.; Ed. Orell. tueri obsequio.

4) i. e. γίγνεσθαι.

4) fateor] Ed. 1568. corrupte: frater.

dam societatem coniurationis. *Cuius ego*] Es ist ein fein Hyperbole. *Oculis*] Ich hette es ge- gleubet, wenn ich es nicht gesehen hette. *Cateruus*] Dicit, ut multos significet.

Cap. VII. §. 15. *Posuistis*] Transitio. *Haerebat*] Er hat da einen feinen bossen gemacht mit dem Wort Haerebat. *Adolescentis*] scilicet Atratinii. *Qui enim*] A natura Caelii. Excusat enim eum, quod non fuerit in coniuratione Catilinae. *In moribus*] quasi dicat: Sittige leute können das nicht fürnehmen. *Accusatione*] quasi dicat: Accusavit reos ambitus et coniuratos, ergo non fuit socius coniurationis. Ambitus est, quando suffragia pecunia emebantur. *Commendare*] hette er sich nie dürfen herfür thun.

§. 16. *Quod haud scio*] Est affirmativa particula. *Sequestres*⁵⁾] scilicet sectatores, an- henger, qui alios sequuntur. Accusat alios: ergo non onerat se invidia culpae, cuius ipse est reus. *Alerum*] scilicet Atratinum, quasi dicat: Non est sibi male conscius, alioqui certe non alium accusaret. *Neque enim*⁶⁾] Quia Caelius accusavit Atratinum ambitus. *Accersiret*⁷⁾] Qui- dam utuntur in quarta coniugatione, sed nobis utendum est in tertia. *Quod quamquam*] Depre- catio invidiae. Nam Atratinus fuit absolutus.

§. 17. *Nam quod aes*] Quintum crimen de aere alieno vel sumptibus. *Tabulae flagitatae*] Was Cicero hier wil, weis ich nicht, an velit, quod Caelius flagitaverit novas tabulas, oder, ob si gebeten haben, das man die Register solte für- legen. *In patris*] Nam filius non est sui iuris, cum pater adhuc in vivis est. Ideo non credebatur illi pecunia, quia ipse non obligatur reddere. *Versuram . . . fecit*⁸⁾] Versuram facere significat solvere debitum novo debito contrahendo, vel, solvere aes alienum aere alieno, schuld mit Schuld bezalen. *ἄλλως*⁹⁾). Versuram facere vel solvere honesta locutione apud Romanos dicebatur, quod nos nunc dicimus, pecuniam mutuam maiori foe- nore iterum accipere, ut syngrapha una dissolvatur, et una cautio liberetur. Huiusmodi com-

5) *Sequestres*] sic Ed. 1568.; apud Ciceronem legitur: *se- questrium*.

6) *enim*] sic Ed. 1568. et al.; Ed. Orell. *enim*.

7) *Accersiret*] sic Ed. 1568.; Ed. Orell. *arcesseret*.

8) Haec Cic. verba, ad quae haec annotatio pertinet, ipsi ei adscriptimus.

9) *ἄλλως*] hanc vocem addidi, ut haec altera nota ex nescio quo libro Budaei allata, a praecedente ipsius Melanthonis facilius distinguatur.

mentis multos quotidie videmus fortunis om- everti, qui, dum tueri in publico fidem sua- lunt, aere alieno usque adeo se obruunt, et ad extremum fide labefactata, cum iam vers- facere non possunt, aut foro cedere, aut etiam vertere coguntur. Haec Budaeus *Sumptus*] Sextum crimen de habitatione Clodiae. *Obiectus*] Da macht Cicero ab einen bossen. *Triginta millibus*] scilicet sestertiis, hoc est, 750 coronati. *P. Clodii*¹⁰⁾ *lam*] Ubi arx S. Angeli est nunc Romae. *culis*] scilicet meritoriiis. *Decem . . . mi* scilicet sestertiis, hoc est, 250 coronati. dius bestia illa urgebat Caelium invidia, et incitabat adversus eum.

§. 18. *Reprehendistis a patre*] Cur a recesserit. *Gloriosam*] scilicet honestam. *cusavit enim quosdam coniuratos, ut P. S. Sed etiam suadente*] A causa. *Obire*] z kommen.

Cap. VIII. §. 18. *M. Crassus*] Excus- querimoniam de vicinitate Clodiae. *Utinam* Ich wolte, das das holtz nie gehawen were ludit ad versus Ennii¹¹⁾, qui extant in 2. lib- ronis ad Herennium¹²⁾, de vitiosa expositio-

Utinam ne in nemore Pelio securibus
Caesae cecidissent abiegnae¹⁴⁾ ad terram tra-
Neve inde navis inchoandae exordium
Coepisset, etc.

Hera] scilicet Clodia. Aut odit, aut ama-
lier, aut nihil est tertium. *Sic enim* it-

10) Gull. Budaeus (Budé) a. 1467. Parisiis natus ib- Aug. 1540. mortuus, philologus insignis scripsit et partibus eius lib. V. Paris. 1514., 1516. fol. recusa., auct. ib. 1548. fol. Venet. 1522. 4. Lugd. 1 de contemptu rerum fortuitarum lib. III. Par. 1524., Argent. 1529. Lugd. B. 1624. 12.; Epistolae lib. V. et graecar. lib. I. Par. 1520. fol., Basil. Commentarios linguae graecae. Par. 1529. fol., 1530. fol., auct. ib. 1548., Basil. 1556. fol.; de st- gia lib. II. Par. 1526. fol., Basil. 1533. 8.; de sti- narum litterarum recte et commode instituendo. P. 4.; de transitu Hellenismi ad Christianismum lib. 1535., 1556. fol. et alia. Opera eius prodieru 1557. 4 Voll. fol. Vid. C. Jos. Bouginé: Handb. gem. Litterargesch. T. II. p. 94—96. et Sam. Bau- Histor. - Biogr. - Liter. Handwörterb. T. I. p. 523.

11) *P. Clodii*] sic Ed. Orell.; Ed. 1568. *Publii*.

12) Versus ex Ennii Medea, vid. Ennii fragmenti- luma conquis., recusa accur. Hesselio p. 197.

13) Ad Herenn. II, 22, 24.

14) *Caesae cecidissent abiegnae*] sic Ed. 1568.; Enn- I. I. habent: *Caesa cecidisset abiegnae*; Auctor ad- nium ed. Orell. I. I.: *Caesa accidisset abiegnae*.

optimum crimen, praeiudicia de testibus. *Memoriam*] scilicet Clodiam.

§. 19. *Fretus*] ich vorsehe mich, ihr werdet wol so vernünftig sein, das ihr werdet sehen, was es alles erdicht ist. *A quo quaeram*] Diluit dilemmate. *Agere*] Agere est accusare. Quaesire autem est dicere testimonium adversus alium. *saluerit*] scilicet sin confictum fuerit. *Capite*] scilicet Clodia. Haec omnia praecedunt adhuc usam.

§. 20. *Attrectatas*] habe sie angefallen, und weg wollen führen. *Graves*] ehrliche leute müssen es sein, Si tanta res accidit, et illi nunquam caesti sunt. *Experiri*] id est, cum eo coram non exostulaverunt, Es ist eitel spiegel fechten.

Cap. IX. §. 20. *Sed totum*] Epilogus. *Inrretur*] Wenn es wird fürgebracht. *Propulere*] ablenen, oder abwenden. *Iaciuntur*] id est, accusatur, man klagt ihn an. *Clam*] es gehet heimlich zu.

§. 21. *Iunguntur*] Loquitur de Atratinio. *agnant*] Quia Caelius accusavit patrem Atratinii, leo Atratinus ira commotus vicissim accusat Caelium. *Ex hac copia*] Elevat fidem testium. *ratiois*] die einen anhang haben. Gratosus significat etiam benignum, munificum, liberalem, gnedigen. Inde gratiosum dicitur, darzu man geneigt ist. *Offerre*] sich erbieten. *Testimonium*] Facit verisimile, quod dixerat conductio esse a Clodianis.

§. 22. *Hoc ex genere*] scilicet sit cautio¹⁵⁾ exempli causa. *Proiecerint*] Transitio ad locum communem. *Excluditote*] 8. Transitio lonior, donec pervenit ad obiurgationem deliciam refellendam. *Potentias*] Wider gewaltigen mutwillen. *Abducam*] Wir wollen es nicht auf den zeugen beruhen lassen. *Fingi*] scilicet simulari. *Flecti*] scilicet pecunia. *Agemus*] scilicet non praegravemur existimatione illorum, qui ausas agunt, sed expendantur res cum rebus.

Cap. X. §. 23. *Itaque*] Reiectio, nihil se de se dicturum. *M. Crasso*] Saepe multi eandem ausam dicebant. *De Dione*] Obiter perstringit ausam de caede Dionis legati Siculi¹⁶⁾. *Infamia . . . aspersus*] auff den man es nie gedacht. Observanda est formula: infamia aspersus et aspicio. Late enim patet usus huius verbi: spergere.

15) cautio] Ed. 1568. corrupte: cautis.

16) Conf. supra p. 1105. nota 81.

§. 24. *At praevaricatione*] Obiectio. Praevaricatio dicitur, quando adversario gratificamur et concedimus clam, et prodimus causam. Ulpianus¹⁷⁾ inquit, praevaricatorem esse, quasi varicatorem, qui diversam partem adiuvat prodita sua causa. Deinde praevaricatorem appellamus, quicumque a praescripto officii sui deflexerit atque aberraverit. Vide Vallam lib. 6. cap. 50.¹⁸⁾. Est igitur sententia huius loci: sein gegenteil hat ihm geheuchelt, hoc est, collusit. *Liberatus*] id est, absolutus. *Hospitio*] sie lagen oder beherbergeten bey ihm. *Alexandria*¹⁹⁾] scilicet in Aegypto. *Producti*] Haec enim consuetudo fuit, quando testis dicebat testimonium, ut aliquem laudaret vel vituperaret.

Cap. XI. §. 25. *In quo*] Primum elevat auctoritatem Herennii. *In quo*] Quia ad multorum orationes respondet, obiter diluit quaedam, quae illi obiecerant, videlicet Herennius et Clodius. *Dicendi genere*] id est, dicebat honesta et grata, non quod laederet Caelium, sed tamen timebam, ne vos accenderet. *Et, qui*] scilicet quamquam non est severus, ut mihi videtur, so schilt er den Hortensium ein wenig. *Patruus*] Patruos in comoediis vocant, die sehr schelten. Nam pater est mitis. Censores erant, qui de moribus cognoscebant²⁰⁾. *Obiurgavit*] Percurrit quaedam dicta Hortensii, quae sunt leviora. *Parens*] scilicet suum.

§. 26. *Lupercis*²¹⁾] Luperci fuerunt, Pfaffen, die da haben Wolfsheute angezogen, und sind umbher gelauffen, wie unsere narren in der fastnacht, et hoc apud illos erat sacrificium²²⁾. *Deferunt nomina*²³⁾] id est, alius alium accusat, Es darff ein gesell den andern verklagen.

17) In Digest. XLVII. tit. 15. fr. 1.

18) cap. 50.] Ed. 1568. falso: cap. 467. (verosimiliter pag. pro cap. legendum est). — Laur. Vallae elegantiarum lib. VI. cap. 50. est in scriptum: In eodem (scil. Iurisconsultos) de Praevaricator, Tergiversator et Calumniator.

19) *Alexandria*] apud Ciceronem legitur: *Alexandriae*.

20) Solent patrum severius nepotes obiurgare, si quid peccaverint. Hinc patruus pro saevo et aspero reprehensore seu castigatore, vid. Gesneri thesaur. s. h. v.

21) *Lupercis*] hanc Ciceronis vocem, ad quam haec nota pertinet, ei ipse adscripsit.

22) De lupercis vid. Adam: Handb. der röm. Alterthümer, übers. v. Meyer T. I. p. 556 sq. Ex lupercalibus aliisque sacris Graecorum et Romanorum, ludicra Christianorum ieiunium sollempne antecedentia sunt orta.

23) *Deferunt nomina*] sic Ed. 1568.; Ed. Orell. *nomina deferunt*.

§. 27. *Nam P. Clodius*] Transitio, qua respondet Clodianorum contentioni. *Baias*] scilicet balnea. *Renuerit*] scilicet qui istis deliciis usus sit.

Cap. XII. §. 28. *Gustassent*] id est, breviter attigissent. *Datur enim*] Excurrit in locum communem de adolescentiae licentia, quo viam sibi ad reliquam defensionem muniat, estque *απορόμενον*. Nam si indulgendum est aliquid adolescentiae, vitio verti non debet Caelio, si quando liberius vixerit. *Abduci*] id est, abalienari.

§. 30. *Non recuso*] Principalis propositio.

Cap. XIII. §. 30. *Aurum sumptum*] Syllogismus hypotheticus est, si Caelius familiaris fuit Clodiae, aurum recepit: ergo venenum dedit; sin vero familiaris non fuit: ergo aurum non recipit.

§. 31. *Maximum video*] Signa, quibus locum de auro confutat.

§. 32. *Quae si*] Dilemma. *Praesertim cum ea*] Salsum hoc est.

Cap. XIV. §. 33. *Quid cum homine*] Sermo cinatio, qua probat suum dilemma de Clodia.

§. 34. *Quid igitur fuit*] Conclusio. *Nonne²⁴ te*] Versatus est hactenus in rebus brevioribus et levioribus et habentibus minus argumentorum, excepto illo loco de societate Catilinae, nunc facit prosopopoeias. *Imagines viriles*] Schilt und Helm, quamquam habebant statuas illustrium virorum. *Progenies*] solte sie nicht an andere Weiber gedencken. *Aemulam*] folgen. Redit ad exempla. Filius debet aemulari paternam laudem. *Vestalis Claudia*] Vide Ovidium 4. Fast.²⁵) de historia Claudiae, quae navem Cybeles ad portum deduxit. Vestales fuerunt Nonnen, nicht wie unsere, sed tantum manserunt in monasterio usque ad trigesimum annum, et fuit ita domestica quaedam disciplina. Ad historiam alludit hic Cicero, quam describit et Livius lib. 9. secundi belli Punici de Q. Claudia²⁶). *Fraterna*] Significat, quod frater cum ea habeat consuetudinem, id quod saepe illi obiicit in orationibus. *Pyrrhi*] Peregrina *πάθη* a rebus gestis maiorum Cyneas legatus a Pyrrho ad senatum missus petiit, ut componendae pacis causa rex in urbem

24) *Nonne*] sic Ed. 1568. et al.; Ed. Orell. *non*.

25) Ovid. Fast. IV, 343 sqq.

26) Vid. Liv. XXIX, 14.

reciperetur, de qua re cum ad frequentiore senatum referri placuisset, Appius Claudius, qui propter invaliditatem oculorum iam diu a consiliis publicis abstinerat, venit in curiam, et sententia sua tenuit, ut id Pyrrho negaretur²⁷). Ita postea turpiter pulsus ex Italia discessit²⁸). *Foedera*] id est, ut faceres foedera cum amatoribus. *Adduxi*] geführt und gelegt. *Inceste*] schendlich. Incestus est concubitus contra naturam, ab *in*, id est, non, et *cestus*, quod significat cingulum Veneris, quo cingebant se sponsae^{28a}), quasi dicat: sine casto. Cestus enim significat legitimas nuptias. Inde incestus, quod fit contra legitimas nuptias, contra naturam. *Viam*] unde dicta est Appia via, denn er hat viel gebawet, und daraus kan man mercken, das es dreckicht sey umb Rom gewesen, denn es sind viel berge herumb gewesen, und gemeiniglich ist es in dem Thal tieff für Kot gewesen.

Cap. XV. §. 35. *Gravem*] scilicet Appium Claudium. *Gravitate censoria*] Censores erant, qui habebant tabulas censorias, Reichsregister, tabulas redituum, proventuum, facultatum omnium civium, et qui cognoscebant de moribus civium. Puniebant autem delicta leviora, ut, si iuvenis non assurrexisset seniori, etc. *Disceptatoribus*] hoc est, iudicibus ordinariis. *Probaturum*] ich wil es also ausrichten, das du und ein jeglicher einen gefallen daran haben solt. *Mulier*] scilicet Appia Claudia. *Loquar²⁹*] Redit ad dilemma. *Quae moliris*] Ex illis signis vult argumentari, si ille tecum concubuit, non est, quod cum eo expostulas. *Convivia*] bancketiren. *Effrenata*] aus Zorn. *Aut diluas*] Acutum dilemma. Ist es sache, das du wilt, das man dir gleuben sol, so mustu selbst die ding umbstossen, die sie ihm schult gaben.

§. 36. *Illum*] scilicet Appium Caecum³⁰). *Genere*] in den sachen. *Qui te amat*] ist ein guter bancketirer und gesell gewesen. Amarulenta sunt haec. *Pepulerent³¹*] legendum est: pepulerunt³²). *Copiis*] scilicet pecunia. Merae

27) Vid. Plutarch. Pyrrh. c. 18. 19.

28) Ibid. c. 21. 22.

28^a) sponsae] Ed. 1568. errore typogr.: sponsis.

29) *Loquar*] sic Ed. 1568.; Ed. Orell. *loquor*.

30) Appius Claudius Caecus ille, qui pacem Pyrrhi diremit.

31) *Pepulerent*] hanc formam corruptam h. l. exhibet Ed. 1568.

32) *pepulerunt*] hanc lectionem, quam Ed. Orell. et pluri-
mae aliae Editt. habent, ipse adscripsi, cum in Ed. 1568.

sunt hic ironiae. *Conditiones quotidie legas*³³⁾] Conditiones legere, significat, einen andern Man oder Weib suchen. Apud Suetonium est: Legit sibi aliam conditionem. Omnia haec sunt obiter dicta. Et cum breviter accusavit mulierem Clodiam signa colligens falsae et odio confictae accusationis, postea transit ad excusationem deliciarum Caelii.

Cap. XVI. §. 37. *Redeo nunc ad te*] Facit prosopopoeiam, in qua obiurgat Caelium, et vicissim excusat. Patri duriori respondet per infitiationem, patri leniori per extenuationem et deprecationem. *Suscipio*] ich stelle mich wie ein vater. *Durum*] sicut est Demea apud Terentium³⁴⁾. *Nunc*] Verba poetae comici. *Exempla enim haec sunt sumpta ex comoediis. Aut illum*] Duri patris sermonem repetit, ut iudicium Micionis³⁵⁾ gravius reddat. *Contulisti?*] Warum hastu dich an die hure gehenget? *Dede*³⁶⁾] scilicet dissipa, Wirff weg. Puto esse verba mulieris, non patris, quamquam utrumque, possit esse, estque ita ambigue dictum. *Qui*] scilicet quo. De via decedere significat aliquid inhonesti designare, etwas unehrliches begehen.

§. 38. *Versura*] schult. *Decretum*] scilicet constitutum. Observandum est in masculino genere. *Baias*] scilicet balnea. Significat Clodiam talem fuisse, etiamsi aperte non velit eam depingere.

Cap. XVII. §. 39. *Dicet aliquis*] Obiectio de severitate. *Instituis*] Occupatio, qua a severitate revocat iudices ad lenitatem. *Ego si quis*³⁷⁾] Obiectio de severitate. Respondet severitati opponens mediocritatem, et naturam adolescentiae. Primum laudat severitatem, si cui natura contigit. Deinde a conditione temporum et aetatis mediocritatem laudandam esse dicit. *Ego si quis*] Propositio per contentionem. *Haec*] scilicet hanc rempublicam. Pulchra extenuatio est.

§. 40. *Obsoluerunt*³⁸⁾] sind voraltet, verdorben, verschimlet. *Praecepta*] Romani excoGITaverunt aliam philosophiam.

post verba „legendum est“ haec lectio errore typogr. omissa sit.

33) Haec Cic. verba, ad quae haec nota pertinet, ei ipse addidi.

34) Vid. Terentii comoedia Adelphi. ●

35) Micio est persona eiusdem comoediae Terentii.

36) *Dede*] sic Ed. 1568. et al.; Ed. Orell. *Dide*.

37) *quis*] sic Ed. 1568. et al.; Ed. Orell. *qui*.

38) *Obsoluerunt*] sic Ed. 1568. et al.; Ed. Orell. *obso-*
luerunt.

§. 41. *Voluptatis*] Illa fuit doctrina Epicureorum. *Alii*] scilicet ut Aristoteles. *Dignitatem*] scilicet honestatem. *Iter*] scilicet ut Stoici. *Soli*] scilicet Stoici. *Relicti*] haben in den Schulen keine auditores mehr. *Multa*] Ratio a conditione aetatis. *Blandimenta*] anreizung. *Sopita*] geschwecht. *Conniveret*³⁹⁾] solt schlemmen. Ratio a naturae bonis, quae invitant ad voluptatem. *Lubricas*] gefehrliche wege. *Iucundissimarum*] hat darzu schöne lust geben. *Corroborata*] id est, severior et tristior.

Cap. XVIII. §. 42. *Ergo*] Conclusio. *Interclusa*] verwachsen ist es. *Ratio*] nicht alles nach der schnur. *Praescriptio*] das man doch ein mas halte. *Fenore*] das er nicht in schult komme.

§. 43. *Ac multi*] Secunda ratio ab exemplis: *Multi* in hac civitate acta adolescentia in voluptatibus, tamen postea emergerunt ad frugem. *Summi*] Subiicit exempla. *Extiterunt*] Hic vides usum verbi *extiterunt*, quasi dicat: sie sind herfür gewachsen. *Multi a me summi*] Hic haud dubie intelligit C. Caesarem. *Profusa luxuries*⁴⁰⁾] Luxuries non significat libidinem, sondern das man viel vergibt und verthut.

Cap. XIX. §. 44. *At vero in M. Caelio*] Alia propositio, scilicet infitatio, in qua omnino Caelium excusat, et negat eum deditum esse voluptatibus. Ratio. Argumentum sumitur ex studiis. Nullus deditus voluptatibus potest esse deditus studiis, tolerare laborem dicendi, scribendi. Caelius est studiosus: ergo non est deditus voluptatibus. Cicero enim incipit syllogismum a minori, sicut fere solet. *Nullum aes*] Infinitio, qua colligit verisimile non esse, fuisse ei aliquid cum Clodia commercii. *Lustra*⁴¹⁾] id est, specus, Winckel, da huren und buben zusammen kriechen. *Quod quidem vitium*] quasi dicat: Si tum fuisset deditus voluptatibus, nunc quoque esset, Denn man entwonet nicht schlemmen und demmen, sondern man gewonet es je mehr und mehr.

§. 45. *Atque scitote*] Maior.

39) *Conniveret*] sic Ed. Orell.; Ed. 1568. errore typogr.: *conviveret*.

40) Haec Cic. verba in Ed. 1568. omissa huic notae ipse adscripsi.

41) *Lustra*] sic Ed. 1568.; apud Ciceronem legitur: *lustrorum*.

§. 46. *An vos*] Probat a signo.

§. 47. *An hic*] Redit ad probationem minoris.

Cap. XX. §. 47. *Nihil igitur*] Obiectio, quasi dicat: At fama publica testatur eum habuisse consuetudinem cum Clodia. Respondet per concessionem, et excusat, quod liceat. *Redolet?*] Sensus est, merckt man nichts von der Nachbarschaft?

§. 48. *Est ille quidem*] Digreditur Clodiam insectaturus, ut redeat ad propositum dilemma.

§. 49. *Procar*] quae ultro accersit et invitat viros.

Cap. XXI. §. 51. *Sed quoniam*] Transito referens poeticam phrasin: Absolvi locum, qui erat asperrimus. Coniecturalis status tractatur per coniecturas, per rationes et signa. Rationes autem sunt, quae movent aliquem spe commodi aut incommodi. *Duo*] Secundum crimen de auro sumpto mutuo. *Veneri*] Tertium crimen de veneno Clodiae dando. *Aurum*] Propositio: Caelius non accepit aurum dandum servis, ut interficerent Dionem. *Dio*] scilicet legatus. *In servis*] Amplificatio criminis. *Plenum*] Primum argumentum est translatio criminis in ipsam Clodiam, si sciebat Clodia: igitur est rea caedis.

§. 52. *Devinxit*] er hat sich schuldig gemacht. *Tunc aurum*] Amplificatio: Tu es rea, si dedisti, cum scires ad hanc rem peti. *Promere*] Faciens et consentiens eadem poena plectuntur. *Ornamentis*] Alludit ad clinodia⁴²⁾. *Huic*] Dativus regitur a nomine adiutrix.

§. 53. *Ornatum*] Ludi, quos exhibebant populo, magno constabant. *Familiaris*] geheim. Secundum argumentum sumptum est ex causa impulsiva, si non erat familiaris, non dedit.

Cap. XXII. §. 53. *Tanti sceleris*] Tertium argumentum de caede Dionis, quod Caelius non curaverit interfici Dionem. *Ingenioso*] A persona Caelii. *Congressus*] Signa a circumstantiis.

§. 54. *Patiemini*⁴³⁾] id est, pronuntiabitis iuxta huius iusiurandum. *Negligere*] solt er nicht gemerckt haben, das die knechte eine böse that fürhatten? *In hospite*⁴⁴⁾] Ex causa finali, Caelius non curavit interfici Dionem: igitur falso criminantur pecuniam ad eam rem sumptam esse.

42) Clinodia est germanica vox Kleinodien.

43) *Patiemini*] sic Ed. 1568. et al.; Ed. Orell. *pattamini*.

44) *hospite*] sic Ed. 1568. et al.; Ed. Orell. *hospitem*.

Quod in agris] Quartum argumentum percurrit a signis. *Ferret*] quasi dicat: Si Lucecius deprehendisset servos tale quiddam molientes, eos certe punivisset. *Postmitteret*⁴⁵⁾] verachtet.

§. 55. *Percipite*] id est, audite eius testimonium. *Recita*] Testis. *Vocem*] Amplificatio testimonii. *Veritatem*] der handel kan sich nicht klerer an tag geben. *In crimine*] Conclusio seu epilocus congerit omnia argumenta, quibus adversarii uti poterant. *Domus*] scilicet Lucecii. Argumentum ab integritate familiae Lucecii.

Cap. XXIII. §. 56. *Reliquum*] Infitiatio. Argumenta sunt sumpta ex causis et circumstantiis. *Cuius*] Transito. *Ne aurum*] Percurrit omnes circumstantias, quis, quid, ubi, quibus auxiliis, cur, quomodo, quando. *Petivit*] scilicet voluitne igitur eam occidere. *Haereret*] das man ihn ihrenthalben nicht lestern kondte. *Obiecit?*] scilicet crimen, quod esset moechus Clodiae. *Fingi*] scilicet quod voluerit ei praebere venenum. *Sceleris*] Quia sine causa volebat eam interficere.

§. 57. *Quo socio*⁴⁶⁾] A sociis. *Committeret*] scilicet quia non oderant dominam, ut alii servi. *Communi*] die da hart gehalten wurden. *Vivat*] darinnen man nichts ehrlichs handelt. *Servos*] id est, servi enim non possunt illi dominae aliquid facere, cui sunt familiares.

Cap. XXIV. §. 58. *Ratio fingitur?*] Wie weis man es aber, das er das gift hat zugericht?

§. 59. *Proh Di*] Exclamatio, in qua vicissim obiicit crimen veneni mulieri Clodiae, videlicet quod maritum veneno sustulerit. *ἄλλως*. Exclamatione insectatur impudentiam Clodiae. *Connivetis*] achtet es ihr nicht. Connivere est non respicere, vel oculis caecutientibus aliquid quasi praeterire. *In diem*] auff borg, quasi dicat: Warumb borget ihr ihm, und straffet ihn als balde? *Quumque ille vir*] Amplificat a dignitate mariti eius, et exclamatione oblique in suspicionem adducit Clodiam, quasi veneno interfecerit maritum. *Procella*] Cicero respicit eo, quod significavit Metellus⁴⁷⁾, illam totam factionem aliquando esse molituram magnum aliquod malum.

§. 60. *Ex hac*] Clodius effecit, ut Cicero eiceretur urbe, et eam rem adiuvit alter Metel-

45) *Postmitteret*] sic Ed. 1568.; Ed. Orell. *praetermitteret*.

46) *socio*] sic Ed. Orell.; Ed. 1568. errore typogr.: *scio*.

47) Q. Caecilius Metellus Celer, a. u. c. 691. praetor, a. 694. consul, a. 695. ab uxore Clodia veneno sublatus.

lus⁴⁸⁾, de quo hic loquitur. Cum autem esset restituendus Cicero, adversabatur Metellus illi restitutioni, et quia Clodia favebat partibus sui fratris, veneno sustulit maritum. *Nonne*⁴⁹⁾] *πάθος*, quo praegravat suspicionem⁵⁰⁾ maximi sceleris. *Sed revertar*] Redit ad infitiationem, et persequitur reliquas circumstantias.

Cap. XXV. §. 61. *Licinio*] Commentitia narratio de exhibendo veneno. *Lacrimae*] das ist die meinung, quod Caelius aspernatur eam.

§. 62. *Comprehendi*] das man die sache leichtlich uberzeugen möchte.

Cap. XXVI. §. 62. *Rationem habent*] sind ungereumbte lügen. *Nisi forte*] Ironia. Alludit ad illud Horatii. Quadrans et triuncius idem est. Quadrans sunt tres unciae, 1 $\frac{1}{2}$ heller. *Quadrantina*⁵¹⁾] De dignitate istorum testium.

§. 63. *Impetravisset*] Ironia, quasi dicat: Non potuit impetrare, nisi a nihili et perditis hominibus. *O magna*] Exclamatio, estque egregia sententia, die Wahrheit ist starck.

Cap. XXVII. §. 64. *Poetriae*⁵²⁾] Poetria significat mulierem poeticam, et hic fabulam vocat poetriam, quasi quae gignat alias multas fabulas⁵³⁾. *Pysidem*] Iocus. *Provincia*] id est, munus.

Cap. XXVIII. §. 66. *Quos quidem ego*] De testibus.

Cap. XXIX. §. 68. *Adsunt*⁵⁴⁾ *servi*] Elevat auctoritatem servorum, qui in hoc manumissi

48) Q. Metellus Nepos, frater praecedentis (nota 47.), a. u. c. 698. tribunus plebis, 696., quo anno Cicero urbe cessit, consul designatus, inimicus Ciceronis. Conf. Orellii et Baileri Onomast. Tullian. P. II. p. 107 sq.

49) *Nonne*] sic Ed. 1568. et al.; Ed. Orell. *Non*.

50) suspicionem] Ed. 1568. suspicione.

51) *Quadrantina*] sic Ed. 1568.; Ed. Orell. *quadrantaria*.

52) Hanc Ciceronis vocem, ad quam haec annotatio pertinet, ei ipse adiecit.

53) fabulas] Ed. 1568. errore typogr.: fabula.

54) *Adsunt*] sic Ed. 1568.; Ed. Orell. *At sunt*.

erant, ut testificarentur. *At propinquis*] Obiectio.

§. 70. *Dicta est a me*] Epilogus seu peroratio. *Commissa*] Iudicium est, utrum reus sit laesae maiestatis. *De vi*] Amplificatio legis. Docet Caelianum crimen non contineri lege de vi. *Lex*] scilicet de vi. Occidere civem Romanum est crimen laesae maiestatis.

Cap. XXX. §. 71. *Camurti*⁵⁵⁾] Significat Camurtium⁵⁶⁾ habuisse consuetudinem stupri cum ista bellua. *O stultitiam*] Exempli adversariorum confutatio.

§. 72. *M. vero Caelius*] Repetitio argumentorum superiorum, et commemoratio totius vitae Caelii. *Disciplinis*] Studia. *His*⁵⁷⁾ *autem*] Amicitiae.

§. 73. *Voluit vetere*] Initia in foro.

Cap. XXXI. §. 74. *Detulisset*] *πάθος*, quo invidiam accusationis extenuat. *Concessit*] id est, superavit omnes suos aequales.

§. 75. *In hoc flexu*] Illa omnia sunt tacita enthymemata. *Notitia*] Confessio liberior placat iudices.

§. 76. *Atque ut iste*] Elevat invidiam secundae actionis. *In herbis*] Es stehet wol, es erzeiget sich wol.

Cap. XXXII. §. 77. *Conservate*] Apostrophe ad iudices. *Bonarum*] Adhortatio pathetica. *Promitto*] Qualis videatur erga rempublicam.

§. 78. *Quare*] Ab exemplo, a minore. *Latronem*] Sextum Clodium intelligit.

§. 79. *Ante oculos*] *πάθος* a patre. *Liberorum*] A liberorum charitate.

§. 80. *Addictum*] Clausula.

55) *Camurti*] sic Ed. 1568. et al.; Ed. Orell. *Camurtii*.

56) *Camurtium*] Ed. 1568. male: *Camurtum*.

57) *His*] sic Ed. 1568. et al.; Ed. Orell. *his*.

XIII. PH. MEL. SCHOLIA IN CICERONIS ORATIONEM PRO SEX. ROSCIO AMERINO.

Melanthonis in hanc orationem scholia duobus modis prodierunt: 1) cum huius orationis textu, 2) sine eo, in scholorum, quae ad plures vel omnes Ciceronis orationes pertinent, collectionibus.

Prioris classis editio est haec:

**Ciceronis oratio pro Sexto Roscio Amerino Guarini Veronensis, Franc. Sylvii commentariis, Phil. Melancthonis et Barthol. Latomi scholiis et artificio rhetorico illustrata. Parisiis, ex off. Mich. Vascosani. 1541. 4. **

Alterius classis editiones sunt eadem, quas ad orationem pro Archia in quarta classe descripsimus, excepta collectione Basileensi a. 1536—1537. 4.

Quatuor horum scholorum editiones, quas in manibus habemus, sunt haec: 1) *Basil. 1539. fol.*, 2) *Basil. 1553. fol.*, 3) *Lugdun. 1554. fol.*, 4) *Lips. 1568. 8.*, quas solis annorum numeris significabimus. Harum editionum quarta a tribus prioribus eo maxime differt, quod, praeter earum scholia, alia etiam eiusdem auctoris continet.

*) Hanc editionem, quam Schweigerus et Orellius libris I. commemorant, nondum vidi.

1. IN ORATIONEM CICERONIS PRO ROSCIO AMERINO SCHOLIA PHILIPPI MELANTHONIS 1).

Haec est prima causa publica in crimine capitali, quam Cicero dixit natus annos 20. 2). Auditus est a populo non sine magna voluptate. Roscius autem absolutus est.

Loci exordii.

1. Excusatio aetatis. 2. Necessitas et officium. 3. Cur alii non defendant. 4. Epilogus.

1) Haec scholia in Editt. 1539., 1553., 1554., 1568. sic inscripta sunt: In orationem Ciceronis pro Sex. Roscio Amerino Scholia, Philippo Melancthone praelegente, excepta.

2) natus annos 20.] sic Editt. 1539., 1553., 1554., 1568.; at non XX., sed XXVII. anno aetatis, a. u. c. 674. Cicero Sex. Roscium Amerinum filium parricidii reum defendit, vid. Orellii et Baileri Onomast. Tullian. P. II. p. 599.

5. Apostrophe ad iudices. 6. Exaggerat dignitatem. Qui loci hoc disticho comprehenduntur: Aetas, officium, metuunt defendere multi, Epilogus sequitur posthaec 3), et apostrophe Fanni.

Scholia textus 4).

Cap. I. §. 1. 5). *Credo* 6) *ego vos iudices*] Excusatio aetatis. Primus locus 7). *Iniquitatem temporum*] Syllanorum videlicet.

3) posthaec] sic Editt. 1539., 1553., 1554.; Ed. 1568. posthaec.

4) Hanc inscriptionem sola Ed. 1568. habet.

5) Capita et paragraphos secundum Ed. Orell. adscripsimus.

6) *Credo*] Ed. 1568.: 1. *Credo*.

7) aetatis. Primus locus.] sic Editt. 1539., 1553., 1554.; Ed. 1568. aetatis est primus locus.

§. 2. *Quid ergo? audacissimus*] Subiectio. *Si verbum de republica fecisset*] propter⁸⁾ Syllam videlicet.

§. 3. *Deinde, quod caeterorum*] Repetitio prioris sententiae. *Concedi*] id est⁹⁾, ignosci. *Tametsi non modo*] Scomma.

§. 4. *Accedit*¹⁰⁾ *illa*] Necessitas vel officium. Locus secundus¹¹⁾. *Se facere posse*] id est, ut recusare possint. *Neque benevolentiam erga me*] Incrementum.

Cap. II. §. 5. *Forsitan*¹²⁾ *quaeratis*] Cur alii non defendant. Locus tertius¹³⁾. *ἀτεχρον* hoc est; nascitur enim ex causa. *Eius rei, qua conflavit hoc iudicium*] id est, dissimulaverant fontem rei.

§. 6. *Quae sunt sexagies*] id est, sexagies centena sestertia, hoc est, eine Tonne¹⁴⁾ Golt. *Honoris causa*] id est, adversus eum nihil dico. Germani dicunt: löblicher gedechtniss¹⁵⁾. *Duobus millibus nummum*] id est, duobus sestertiis, hoc est, 50 coronatis. Sestertium enim est¹⁶⁾ pretium 25 coronatorum. *Quoniamque ei pecuniae*] Invidiose dictum¹⁷⁾. *Sese*¹⁸⁾, *hoc incolumi*] scilicet Roscio filio. *Hunc sibi ex animo*] Repetitio.

Cap. III. §. 7. *Ut pecuniae*¹⁹⁾ *fortunisque nostris*] *πάρδος*, id est, facile possemus ferre, eripi fortunam nobis, modo relinquerent hunc animum.

§. 8. *In deferendo nomine*] id est, accusando. *Quibus satis nihil est*] scilicet Syllanis. *Ut ad illam opimam*] Amplificatio.

8) propter] Ed. 1568. scilicet propter.

9) id est] Ed. 1568. h. l. et plerisque aliis locis: h. e. (hoc est).

10) *Accedit*] Ed. 1568.: 2. *Accedit*.

11) officium. Locus secundus.] Ed. 1568.: officium est secundus locus.

12) *Forsitan*] Ed. 1568.: 3. *Forsitan*.

13) defendant. Locus tertius.] Ed. 1568.: defendant, est locus tertius.

14) eine Tonne] sic Ed. 1568.; Editt. 1539., 1553., 1554. ein dunen.

15) löblicher gedechtniss] sic Ed. 1568.; ceterae 3 Editt.: loblicher gedechtnuss.

16) enim est] sic Ed. 1568.; in ceteris 3 Editt. haec desunt.

17) dictum] sic Editt. 1539., 1553., 1554.; Ed. 1568. dictum est.

18) *Sese*] sic Editt. 1539., 1553., 1554. et Ed. Orell.; Ed. 1568. *Saepe*.

19) *pecuniae*] sic Editt. 1539., 1553., 1554., 1568.; Ed. Orell. *pecunia*.

Cap. IV. §. 9. *His de rebus*] Ab impossibilitate, *ἀδύνατον*. *Quapropter*²⁰⁾ *vos oro*] Epilogus. Quartus locus.

§. 11. *Te*²¹⁾ *quoque magnopere*²²⁾] Apostrophe ad iudicem. Locus quintus²³⁾.

Cap. V. §. 11. *Quanta multitudo*] Ab expectatione hominum. *Omnes hanc quaestionem*] Sperant in iudiciis non futuram crudelitatem, qualis est alias in quotidianis maleficiis, quasi dicat: Improbi obiecerunt Roscium iudicibus iugulandum, et sperant tam facile in iudicio opprimi posse, quam si ipsi manu confoderent; sed boni diversum sperant. Status huius actionis est, non esse parricidium factum a Roscio. Constitutio est coniecturalis.

§. 12. *Qua*²⁴⁾ *vociferatione*] Fiducia et²⁵⁾ exaggeratio dignitatis est sextus locus²⁶⁾.

§. 13. *Accusant ii*] Frequentatio. *Causam dicit*] id est, reus est.

§. 14. *Atque ut facilius*] Transitio.

Narratio²⁷⁾.

Cap. VI. §. 15. *Sex Roscius*] Narratio.

§. 16. *Hic quum omni tempore*] Semina probationis aspergit. *In discrimen veniret*] scilicet bello civili Marii et Syllae. *Eam partem*] scilicet Syllanam. *Victoria constituta est*] id est, devictus est Marius. *Atque ex omni regione*] Incrementa rhetorica. *Quam timere*] Occasiones sunt, quibus confirmat, non metuentdam fuisse Roscio proscriptionem.

§. 17. *Plurimarum palmarum*] id est, qui multos occidit, qui magnus est latro. Metaphora²⁸⁾ a gladiatoribus sumpta. *Hic autem*] id est, alter qui adest. *Lanista*²⁹⁾] Lanistae erant³⁰⁾, qui instituebant³¹⁾ gladiatores. *Ante hanc pugnam*] id est, ante occisum Roscium.

20) *Quapropter*] Ed. 1568.: 4. *Quapropter*.

21) *Te*] Ed. 1568.: 5. *Te*.

22) *magnopere*] sic Editt. 1539., 1553., 1554., 1568. et al.; Ed. Orell. *maximo opere*.

23) iudicem. Locus quintus.] Ed. 1568. iudicem, est locus quintus.

24) *Qua*] Ed. 1568.: 6. *Qua*.

25) et] sic Editt. 1539., 1553., 1568.; Ed. 1554. est.

26) est sextus locus.] sic Ed. 1568.; in cett. 3 Editt. haec desunt.

27) Haec inscriptio in sola Ed. 1568. invenitur.

28) Metaphora] Ed. 1568. metaphora est.

29) *Lanista*] hanc Cic. vocem huic notae ipse adscripsit.

30) erant] sic Ed. 1568.; in cett. 3 Editt. deest.

31) instituebant] Ed. 1554. errore typogr.: intuebant.

Cap. VII. §. 18. *Num quum hic]* Commemorat caedem. *Hunc affinem culpae]* scilicet filium.

§. 19. *Nuntiat domum]* Ille primus scivit: ergo verisimile est ipsum occidisse. *Cisiis]* id est, vehiculis binarum rotarum, Karrhen. 56 millia passuum 10 milliaria sunt nostratia. *Telumque paulo ante]* Tragicum πάθος. Pecuniam veteres vocabant universam possessionem³²⁾.

§. 20. *Huius inopia]* scilicet mei clientis, filii. *Societas coitur]* id est, illi duo Roscii faciunt societatem cum Chrysogono.

Cap. VIII. §. 21. *Manceps]* id est, redemptor honorum. Mancipes illi sunt, qui a republica redimunt, quod postea vendunt suo arbitratu. *Duobus millibus nummum]* id est, 50 coronatis. *Hic³³⁾ omnia iudices]* Occupatio. Cavet autem ubique, ne impingat in Syllam.

§. 22. *Quum et pacis constituendae]* id est, cum et bellum gerat, et pacem constituat. *Despexerit³⁴⁾]* id est, connixerit³⁵⁾.

§. 23. *Vir optimus]* Ironia. *Qui nondum . . . paterno funeri]* Pathetica et tragica. *Qui in sua re]* scilicet T. Roscius. Noëma. *Constitutata auctione]* scilicet a Chysogono.

Cap. IX. §. 24. *Quod Amerinis]* Occasio profugiendi.

§. 25. *Ut decem primi]* qui³⁶⁾ erant successuri in oppidis; sunt autem senatores in municipiis. *Allegat]* id est, subornat ἀναστράζειν.

§. 26. *Homines antiqui]* id est, simplices, candidi, homines antiquorum morum. Ista faciunt orationem verisimilem. *Confirmaret]* id est, promitteret. *De tabulis]* scilicet proscriptionum. *Re ignorata³⁷⁾]* apud³⁸⁾ Syllam.

Cap. X. §. 27. *Quod is simul atque]* Profugium Roscii filii. *In qua muliere]* Laudatiun-

cula mulieris³⁹⁾. *Ut hic potius vivus⁴⁰⁾]* ἀντίθεσις iucunda.

§. 28. *Aliquem accusatorem]* Erucium⁴¹⁾, qui fuit nihili rabula. *Denique ut, quoniam]* Occasiones, quibus rem reddit verisimilem.

Cap. XI. §. 29. *Quid primum querar]* Epilogus narrationis et exclamationis; habet etiam repetitionem, qua prostruit⁴²⁾ vallum, etc.

§. 30. *Pater occisus]* Collectio criminum, seu⁴³⁾ congeries. *Testes in hunc]* Invidiosum est. *Conditionem . . . ferunt]* id est, dant optionem, thun ihm den fürsschlag⁴⁴⁾.

§. 31. *Nulla res tanta⁴⁵⁾]* γνῶμη in fine, quae addit aliquid ponderis superioribus. Nihil incidet, quod plus apud me valiturum sit, quam fides.

Cap. XII. §. 33. *C. Fimbriam]* Exemplum. Fimbria fuit iniquus partibus optimatum. *Quod non totum telum]* Quia non potui occidere; ve-reor ne me accuset, ego eum antevertam.

§. 34. *Nam per Deos immortales]* Transitio.

Distributio⁴⁶⁾.

Cap. XIII. §. 35. *Tres sunt res]* Distributio, qua praemonet iudicem, quid expectare debeat et quid intendat. Sed quia narratio praeter crimen continebat multa alia, negat se iam parare orationem in Chrysogonum, sed purgare suspitione Roscii filium. *Roscii]* scilicet qui accusabant. Eruciorum etiam mentio est in claris oratoribus⁴⁷⁾. *Non eodem modo de omnibus]* quasi diceret: Erat adversus illum etiam dicendum; sed non est huius negotii.

§. 36. *Prima illa res]* scilicet de crimine. *Propositio collecta ex distributione.* *Ergo crimen oportet diluam]* id est, non accusabo illos, sed defendam Roscium, meum clientulum. *Vos*

32) Hoc probat etiam Festus s. h. v.: Pecuniae verbum non solum numeratam pecuniam complectitur, verum omnem omnino pecuniam, hoc est, omnia corpora. Nam corpora quoque pecuniae appellatione contineri, nemo est, quin approbet.

33) *Hic]* sic Editt. 1539., 1553., 1554.; Ed. 1568. *Hic;* Ed. Orell. *Haec.*

34) *Despexerit]* sic Editt. 1539., 1553., 1568. et Ed. Orell.; Ed. 1554. *Dispexerit.*

35) connixerit] sic recte Editt. 1539., 1554., 1568.; Ed. 1539. convixerit.

36) qui] Ed. 1568. scilicet qui.

37) *ignorata]* sic Ed. 1539., 1553., 1554., 1568.; Ed. Orell. *inorata.*

38) apud] Ed. 1568. scilicet apud.

39) mulieris] Ed. 1568. est mulieris.

40) *vivus]* sic Editt. 1539., 1553., 1554. et Ed. Orell.; Ed. 1568. *unius.*

41) Erucium] Ed. 1568. scilicet Erucium.

42) prostruit] Ed. 1568. praestruit.

43) seu] sic Ed. 1568.; in cett. 3 Editt. deest.

44) thun — fürsschlag.] sic Ed. 1568.; in cett. 3 Editt. haec desunt.

45) *tanta]* Ed. 1568. *est tanta.*

46) Haec inscriptio in sola Ed. 1568. reperitur.

47) Cic. Brut. c. 74. §. 259. *C. Erucio* et §. 260. *C. Erucius* in quibusdam Editt. legitur; Ed. Orell. autem et al. habent: *C. Rustio, C. Rustus*, (conf. Orellii nota crit. ad h. l.).

*audaciae*⁴⁸⁾ *resistere*] id est, cavete vos, ne scelerere et audacia Roscius aliquid iniqui patiat.

§. 37. *Occidisse*] Confutatio duorum argumentorum Erucii. *Scelestum, Dii immortales*] Amplificatio a contrario adhibetur propterea, ut extenuentur causae, quibus usus est Erucius. *Etenim si, id*] Amplificat a communi sententia.

§. 38. *In crimen vocetur*⁴⁹⁾] In crimen vocari est suspicionem movere. *Profligata*] id est, perfecta atque consummata; tamen in malam partem sumitur. Vide Gellium⁵⁰⁾.

Cap. XIV. §. 39. *Qui homo?*] Repetitio superioris sententiae, quasi dicat: Nullae sunt notae improbae mentis.

§. 41. *At is quidem*] scilicet pater.

Cap. XV. §. 42. *Nescio, inquit, quae*] Argumentum Erucii ex signo est. *Quod Erucio*] Confutatio, sed praefatur *ἀντιθέσει*. *Ego res tam leves*] id est, tam clara sunt, ut non opus habeant confutatione.

§. 43. *Quid ais, Eruci?*] Inversio: Si odisset eum, non tradidisset ei sua bona rusticana.

§. 44. *Sed certis fundis*] Pater dedit ei certos fundos, quibus pro suo commodo fruetur. *Vides Eruci*] Repetitio et exaggeratio interrogationis. A specie transit ad genus, et ad locum communem. *ἐντεχνα* hactenus fuerunt, iam sunt *ἀτεχνα* argumenta.

Cap. XVI. §. 46. *Si tibi fortuna non dedit*] Scomma acerbum; obiicit⁵¹⁾ illi, quod natus sit incerto⁵²⁾ patre, significans eum esse spurium. *Ut ad fabulum veniamus*] Contulit illum locum ad scenicum exemplum. Finge tu ex Terentio⁵³⁾, Ctesiphontem rus ablegari, et tam charum parenti esse quam Aeschinum⁵⁴⁾.

Cap. XVII. §. 49. *Non tu isto*⁵⁵⁾ *artificio*] *τάθη* et affectus obiter aspersi. Suspendit eum etiam naso, non satis excultum litteris esse.

48) *Vos audaciae*] sic Editt. 1539., 1553., 1554., 1568.; Ed. Orell. *vos et audaciae*.

49) Haec Cic. verba, ad quae haec nota pertinet, ei ipse adscripsi.

50) Gellii Noct. Att. XV. c. 5., in quo cap. ostendit, verbum *profligo* a plerisque dici improprie insciteque.

51) obiicit] Ed. 1568. obiicit enim.

52) incerto] Ed. 1553. errore typogr.: incerto.

53) Terentii comoedia Adelphi, cuius personae primariae sunt Aeschinus et Ctesiphon fratres.

54) Aeschinum] sic recte Editt. 1539., 1553., 1568.; Ed. 1554. Aeschinem.

55) *isto*] sic Editt. 1539., 1553., 1554., 1568.; Ed. Orell. *in isto*.

Cap. XVIII. §. 50. *Ne*⁵⁶⁾ *tu, Eruci*] Pergit laudare rem rusticam.

§. 52. *Odiū igitur*] Secundum argumentum Erucii, quod veluerit eum exhaeredare.

Cap. XIX. §. 58. *Amorem illum*] Amplificatio exhaeredationis.

§. 54. *Qui*⁵⁷⁾, *quum taces*] id est, cum non probas, significas a te esse conficta. *Videaris id facere*] id est, mentiri.

§. 55. *Nemo nostrum*] Incipit accusare Erucium: Ergo accepisti pecuniam, ut iniuste accuses. *Et*⁵⁸⁾ *legem Memmiam*⁵⁹⁾] quae⁶⁰⁾ lata est adversus accusatores impudentes.

Cap. XX. §. 55. *Veruntamen hoc*] id est, nemo est accusandus, nisi suspicio aliqua adsit criminis et peccati.

§. 56. *Causam non dicere*] id est, non vocari in iudicium. *Anseribus cibaria*] Similitudo per iucunda.

§. 57. *Si ego hos*] id est⁶¹⁾, iudices. *Litteram*] id est⁶²⁾, nigrum *θ*.⁶³⁾ *Eas omnes*⁶⁴⁾] *Salsum hoc est*. *Ad caput affigent*] id est, damnabunt.

Cap. XXI. §. 58. *Non, quicum deliberarit*] Repetitio superiorum. *Nonne hoc palam dicit?*] Pergit caetera commemorare, quae perpulerint ad accusationem, et est expositio consilii. *In falsam fraudem*⁶⁵⁾] id est, in hoc damnum.

§. 59. *Operae pretium erat*] Gestus signa.

Cap. XXII. §. 60. *Alias res agere*] id est, ludere. Describit gestus et negligentius ab eo omnia dicta. Quintilianus valde admiratur hunc locum⁶⁶⁾. *Aperiri*] id est, palam fieri. *Societatem*] scilicet Chrysogoni, cum duobus Rosciis.

56) *Ne*] sic Editt. 1539., 1553., 1554., 1568.; Ed. Orell. *Nae*.

57) *Qui*] sic Editt. 1539., 1553., 1554., 1568.; Ed. Orell. *quae*.

58) *Et*] sic Editt. 1539., 1553., 1554. et Ed. Orell.; Ed. 1568. *Ea*.

59) *Memmiam*] sic Editt. 1539., 1553., 1554., 1568. et al.; Ed. Orell. *Remmiam*. (Conf. Orellii et Baiteri Onomast. Tullian. P. III. p. 254 sq.).

60) quae] Ed. 1568. scilicet quae.

61) id est] Ed. 1568. scilicet.

62) id est] Ed. 1554. errore typogr.: in est.

63) Vide supra p. 1014. nota 36.

64) *Eas omnes*] sic Editt. 1539., 1553., 1554., 1568. et al.; Ed. Orell. *Kalendas omnes*. Conf. Orellii nota crit. ad h. l.

65) *In falsam fraudem*] sic Editt. 1539., 1553., 1554., 1568.; Ed. Orell. *falsa in istam fraudem*.

66) Conf. Quintil. instit. orat. IV, 2.

§. 61. *Dedi*] scilicet neci. *De parricidio*] Epilogus confutationis, qui constat amplificatione criminis. Constat autem hic epilogus quatuor locis: ratione, exemplo, fabulis et legumlatorum sententiis. Omnino dignus locus est, quem ediscamus, quod in ea perspicua et clara copia sit, quique exemplum copiae esse debeat. *De parricidio*] Propositio⁶⁷⁾ est epilogi.

§. 62. *In quo scelere, iudices*] Et hodie iureconsultus dicit, probationes in capitali crimine debere luce meridiana clariores esse.

§. 63. *Magna est enim vis*] Ratio epilogi.

Cap. XXIII. §. 64. *Propter cubantes*] id est, iuxta.

Cap. XXIV. §. 66. *Videtisne, quos*] Amplificatio a fabula, qua depingit vim conscientiae. *Quodne pii quidem*] quia est ultus Orestes caedem patris.

Cap. XXV. §. 69. *Itaque cum multis*] A sententiis legumlatorum et poenis.

Cap. XXVI. §. 71. *O singularem sapientiam*] Amplificatio supplicii. *Noluerunt feris*] Declamatorium hoc est. *Ne bestiis quidem*⁶⁸⁾] id est, ne fierent saeviores bestiae, contagione ista.

§. 72. *Tanti maleficii crimen*] Repetita propositio supra instituta. Utitur tribus locis. Primo, a circumstantia, quomodo sit occisus aut a servis, aut ab aliis, etc. Secundo, a fortuna servorum. Tertio, a probabili, scilicet a spe commodi, vel metu incommodi.

Cap. XXVII. §. 73. *De meo iure decedam*⁶⁹⁾] id est, faciam, ut interea dicas meo tempore, cum mihi est dicendum. Demosthenicum est: *Tibi mea aqua fluit*⁷⁰⁾, quae sunt indicia fiduciae.

§. 74. *Hunc hominem ferunt*⁷¹⁾] Pugnancia. *Nunquam in oppido*] scilicet Ameria.

67) Propositio] sic Editt. 1539., 1553., 1568.; Ed. 1554. Praepositio.

68) quidem] sic Editt. 1539., 1553., 1554., 1568.; Ed. Orell. quoque.

69) decedam] sic Editt. 1539., 1553., 1554.; Ed. 1568. con-
cedam.

70) Conf. eius dictum: ἐπὶ τοῦ ἐμοῦ ὕδατος . . . μαρτυρη-
σάτω (Demosth. op. ed. Reiske p. 1318, 6.; ed. Schaefer
II. p. 340.) et illud, quo Aeschinem provocat, ut vel in
sua aqua, si possit, dicat, ἀναστὰς καὶ ἐν τῷ ἐμῷ ὕδατι
εἰπάτω. Utrumque spectat ad priscum morem iudiciorum,
in quibus ad clepsydrae modum dicebatur (vid. Erasmi
adag. chil. I. cent. IV. prov. 73.).

71) ferunt] sic Editt. 1539., 1553., 1554., 1568.; Ed. Orell.
ferum.

§. 75. *Ut non omnem frugem*] Egregia similitudo ex locis communibus.

Cap. XXVIII. §. 76. *Illud quaero, is homo*] Redit ad circumstantiam quomodo, et est fiducia. *Reliquum est, ut per servos*] De servis torquendis. Secundus locus⁷²⁾.

§. 77. *Te nunc appello*] Illi erant iudices. *Aliquoties duos servos*] Apparet Erucium dixisse, quod per servos sit caedes facta.

Cap. XXIX. §. 79. *Ubi scopulum offendis eiusmodi*] quia servi sunt apud Chrysogonum, is est scopulus et scrupus in hac re.

§. 80. *Eiusmodi tempus erat*] Alia suspiciuncula. *Interim*⁷³⁾ *mihi videris*] Retorquet suspicionem in adversarios. *A quibus mercedem*] id est, Syllanos, quasi dicat⁷⁴⁾: Vis tu illos suspicione aspergere, qui te conduxerunt. *A sectoribus*] Sectors erant emptores bonorum proscriptorum; et eiusmodi appellatio erat infamis, quod turpe videbatur sectari bona miserorum et innocentium civium. *Eosdem fere sectores*] ἀμφιβολογία. Ludit eleganter in ambiguitate⁷⁵⁾ nominis.

§. 82. *Vereor, ne aut molestus*] Brevis epilogus. *Quae mihi iste visus est*] Festivum.

Cap. XXX. §. 83. *Venio nunc eo*] Translatio suspicionis per argumentum probabile. Et est plane confirmatio propositionis. Tractat hunc locum syllogismo. Maiorem, scilicet: Verisimile est eum occidisse, ad quem maxima commoda redierunt, copiose tractat; dicit tamen, se nolle accusare illum alterum Roscium, sed tamen transferre suspicionem criminis. *Nam si mihi liberet*] Occupatio est: Neminem volo accusare. *Dum utrumvis licebit*] id est, accusare et non accusare. *Is enim mihi videtur*] Noëma. *Quae sunt inania*] id est, suspensiones tractare de Roscio. *Quod non prosequar longius*⁷⁶⁾] id est, non accusabo, tantum defendam.

§. 84. *Causam tu nullam reperiebas*] Probabile. *Suas palmas cognosces*] id est, caedes. *L. Cassius ille*] Maior incipit: Verisimile est eum fecisse caedem, cui fuit bono, id est, commodo. *Sic vita hominum est*] αἰτιολογία.

72) locus] Ed. 1568. locus est.

73) Interim] Ed. 1568. errore typogr.: Interino.

74) quasi dicat] sic Ed. 1568.; in cett. 3 Editt. haec desunt.

75) in ambiguitate] sic Editt. 1539., 1553., 1554.; Ed. 1568. ambiguitate.

76) longius] Ed. 1539. errore typogr.: longis.

§. 85. *Implicatus ad severitatem*] *πάθος*. *Vel apud Cassianos*] id est, severos. Huius est mentio apud Sallustium in Iugurthino bello ⁷⁷⁾.

Cap. XXXI. §. 86. *In hac enim causa*] Minor syllogismi. *Sed eo perspicuum crimen*] id est, citra suspicionem statuerent ⁷⁸⁾, illum esse reum, hunc innocentem.

§. 87. *Avaritiam praefers*] id est, ostendis. *Qui societatem coieris*] scilicet cum Chrysogono. *De municipis*] id est, deines landsmanns. *Sed etiam offerres*] scilicet ad accusandum, id est, ostentares etiam te autorem fuisse caedis.

§. 88. *Restat, iudices*] Conclusio syllogismi. Et est repetitio argumenti, et collatio in conclusione. *Ut quaestum nosset nullum*] id est, non negotiabatur, sed fruebatur suis praediis.

Cap. XXXII. §. 89. *Haec tu, Eruci*] Insectatio Erucii; laedit hic eius existimationem ⁷⁹⁾ atrocissimis criminibus.

Cap. XXXIII. §. 92. *Video igitur*] Redit ad institutum. Supra voluntatem et impulsionem tractavit; iam facultas sequitur.

§. 93. *Cum defensione nostra contendito*] id est, confer.

Cap. XXXIV. §. 95. *Videamus nunc strictim*] Coniecturae et suspensiones.

⁷⁷⁾ Sallust. Iugurth. c. 32.

⁷⁸⁾ statuerent] sic Editt. 1539., 1553., 1568.; Ed. 1554. statuerunt.

⁷⁹⁾ existimationem] sic Editt. 1539., 1553., 1568.; Ed. 1554. aestimationem.

Cap. XXXV. §. 100. *Hanc primam esse* ⁸⁰⁾ *lemniscatam*] id est, insignem, nobilem. Lemnisci, fasciae a coronis propendentes. Elevat fidem atque auctoritatem Capitonis testis.

Cap. XXXVI. §. 102. *Itaque more maiorum*] Ab exemplo et auctoritate, fidem testium elevat.

§. 105. *Age num* ⁸¹⁾ *illa*] Pergit ad reliqua, et quomodo bona empta sint commemorat.

Cap. XXXVIII. §. 109. *Venit in decem*] De legatione alia suspicio.

§. 111. *In privatis rebus*] Ex minori.

Cap. XLI. §. 119. *Etenim quoniam fidem magistri*] Repetit locum de servis ad quaestionem postulatis.

Cap. XLIV. §. 128. *Reduviam curem*] Reduvia morbus est, qui Graece *παρωνυχία* ⁸²⁾ dicitur, quando cutis circa unguis resolvitur.

Cap. XLVIII. §. 138. *Haec*] scilicet Syllana. *Ac iam nihil est quod quisquam*] Alia occupatio, qua illis occurrit, qui metu se prohiberi dicebant. Separat autem Chrysogoni causam a communi Syllae causa.

Cap. XLIX. §. 144. *Rogat oratque*] Peroratio, constans amplificatione, collatione, affectibus, indignitate, *ἀποστροφῆ*.

⁸⁰⁾ esse] Ed. Orell. esse tamen.

⁸¹⁾ num] sic Editt. 1539., 1553., 1554., 1568.; Ed. Orell. nunc.

⁸²⁾ Conf. Henr. Stephani thesaur. ling. graecae ed. Hase e Dindorf. s. h. v.

2. ALIA SCHOLIA PHILIPPI MELANTHONIS ⁸³⁾.

Roscus fuit locuples. Hunc occidit unus ex Syllanis nomine Chrysogonus, ut eius invaderet bona. Cum autem timeret, ne a Roscio filio bona aliquando rursus sibi adimerentur, postquam Sylla extinctus esset, usus est hac astutia, accusavit filium Roscium, tanquam interfecisset patrem. Ibi Cicero egit causam Roscii, et tantum odii conciliavit, et tantum periculi accersivit, ut coactus sit post hoc iudicium secedere in Grae-

⁸³⁾ Haec scholia in sola Ed. 1568. inventiuntur sic inscripta: Alia scholia brevia in orationem Ciceronis pro Roscio Amerino, Philippo Melanchthone privatim praelegente, excepta 1533.

ciam, ne simili modo a quodam Syllano interficeretur. *ἄλλως*. Oratio est generis iudicialis, status est coniecturalis. Est enim quaestio, an verisimile sit patrem Roscium a filio interfectum esse. Cicero defendit Roscium non a filio interfectum, et utitur locis coniecturalibus, voluntate et facultate filium nunquam fuisse alienum a patre, nec potuisse id facere. Huiusmodi argumenta vocant rhetores praesumptiones seu coniecturas. Habet *ἀντικατηγορίαν*, hoc est, recriminationem, quae plurimum valet in hac causa. Crimen enim transfertur in accusatorem, et multa dicit de licentia istorum temporum. Ci-

cero autem iuvenis natus 20 annos⁸⁴⁾ dixit hanc causam, et fuit prima causa publica. Multum igitur interest inter has orationes, quas iuvenis dixit, et inter seniles. Oratio enim fit mollior tunc, cum canescit. Homerus tribuit Nestori eloquentiam mollem et suavem, sine vi, motu et contentione; Ulyssi vero tribuit florenti vim, impetum atque contentionem in dicendo. Cicero igitur Ulysses probatur, cum est iuvenis; Nestor probatur, cum est senex.

De exordio.

1. Exordium constat primum ex ratione suscepti officii, quare suscepit hanc causam, cum neque aetate, neque autoritate par sit aliis. 2. Deinde detrahit fidem accusationi adversarii, totam causam caedis transferens in accusatorem, ut significet iudicium calumniosum esse. 3. Tertius locus exordii est ab officio iudicum; implorat opem eorum. Utitur autem eleganti figura, inversione scilicet. In aliis iudiciis adversarii petunt, ut iudices severe iudicent. Hic contrarium fit. Reus enim nihil aliud petit, quam ut severissime iudicetur.

Cap. I. §. 1. *Credo*] Propositio exordii: Suscepi hanc causam. *Omnes*] Ratio susceptae causae, estque iniquitas temporum ratio, cur alii taceant.

§. 2. *Officiosior*] Extenuatio est suae personae et sui periculi.

§. 3. *Concedi*] id est, ignosci. *Ego*] Paronomasia. *Tametsi*] Correctio. Valde acerbe et vehementer est dictum: Non solum non ignoscitur, sed optimates quique interficiuntur. Avunculus Ciceronis, Gratidianus⁸⁵⁾ scilicet, fuit a Catilina occisus, et caput adhuc cruore sparsum delatum est ad Syllam. Inde exarsit odium inter Catilinam et Ciceronem. Est satis libera reprehensio status temporum.

§. 4. *Accedit*] Secunda ratio.

Cap. II. §. 5. *Forsitan quaeratis*] Secunda⁸⁶⁾ pars exordii, in qua fidem detrahit accusatori,

84) Conf. supra p. 1123. nota 2.

85) Gratidianus] Ed. 1568. corrupte: Grandianus. — M. Marius Gratidianus filius fuit M. Gratidii Arpinatis. Eius soror Gratidia fuit M. Ciceronis oratoris avia. Hunc Gratidianum, summe popularem hominem, qui ob id bis praetor fuit, Catilina crudelissime occidit eiusque caput abscissum per urbem manu tulit temporibus Sullanis. Vid. Orellii et Baileri Onomast. Tullian. P. II. p. 388.

86) Secunda] huic voci in Ed. 1568. praefixum est auctoris nomen: Phil. Melanch.

cum ostendit, ex quo fonte tota res manet, et indicat causam, cur verisimile sit adversarios cupere, ut per occasionem opprimatur Roscius.

§. 6. *Sexagies*] eine Tonne goldes. *Honoris*] Tecta est excusatio in ista formula, quasi dicat: Istum non accuso, sed alium. *Duobus*] id est, duobus sestertiis, hoc est, 50 coronatis: *Tollatis*] id est, ut sit securo animo, petit, ut Roscium tollatis e medio. *Sese, hoc incolumi*] Ironiae.

Cap. III. §. 7. *Contentus*] Odiose dictum est. Concessio ista valde auget odium.

§. 8. *Deferendo*] id est, accusando. *Dedatur*] id est, ut occidatur ad istorum voluntatem. Perstringit hic non unum tantum Syllanum, sed multos homines audaces et facinorosos. *Vos idoneos*] Exaggeratio indignitatis a personis iudicum. Locus est rhetoricus. Non cuilibet enim venisset in mentem. Sicarii dicuntur domestici latrones, Itali vocant Rhiphiener⁸⁷⁾.

Cap. IV. §. 9. *Hic*⁸⁸⁾] ἀδύνατον. *Summus*] id est, ad dicendum. *Libertati*] id est, si aliquid liberius dico, tunc dicunt me hostem republicae victoris, bonorum. *Quapropter*] Adhortatio ad iudices.

§. 11. *Quaestioni*] so man vorhin auch davon gehandelt hat.

Cap. V. §. 11. *Iudicium . . . committitur*] id est, inchoatur, sicut apud Virgilium: Committuntur ludi⁸⁹⁾, hoc est, inchoantur. *Hanc quaestionem*⁹⁰⁾] Quaestio significat capitale iudicium. Inde dicti sunt quaesitores, qui exercebant capitalia iudicia. *Demissius*⁹¹⁾] id est, mitius. *Sperant*] id est, sperant te non gratificaturum esse crudelitati improborum.

§. 12. *Qua vociferatione*] ἀντίστροφον. In aliis iudiciis reo petitur misericordia. Magna est fiducia causae. Causam dicere, usurpantur non de accusatore, sed de reo.

87) Rhiphiener.] haec vox corrupta esse videtur ex *ruffani*, quae vox autem non sicarios, sed lenones significat; vid. du Cange glossarium mediae et infimae latinitatis ed. Henschel, et Dizionario della lingua Italiana (Bologna 1821. 4.) s. h. v.

88) *Hic*] sic h. l. Ed. 1568.; Ed. Orell. *Hic de rebus*; in prioribus scholiis (supra p. 1126.) ab Ed. 1568. aequae ac ab Editt. 1539., 1553., 1554. exhibentur verba: *Hic de rebus*.

89) Haec phrasid occurrit etiam in Cic. epist. ad Q. fratrem III, 4, 6.: quo die ludi committentur.

90) Haec Cic. verba huic notae ipse adscripsi.

91) *Demissius*] sic Ed. 1568.; Ed. Orell. *remissus*.

§. 13. *Accusant*] Amplificatio sceleris adversariorum.

Cap. VI. §. 15. *Sextus Roscius*] Narratio, quae habet expositionem facti, est valde perspicua, et superior locus semper habet semina inferioris. *Municeps*] Cives dicuntur, qui honores et onera simul capiunt. Municipales, qui simul capiunt munia, sed non honores, hoc est, qui simul militant. Socii, qui foedere sunt coniuncti. Vectigales, qui neque honorum, neque militiae participes sunt, sed pendent tributa. *Municeps*] id est, aliquis in municipio. *Gratia*] Est significatio reverentiae.

§. 16. *Hic*] scilicet interfectus est tantum scelere, non propter bellum. *Tumultu*] scilicet Syllano et Mariano. *Proscriberentur*] id est, eicerentur in exilium. Haec dicit, ut reddat sequentia verisimilia.

§. 17. *Quas*] Quis fecerit istam caedam, scilicet Titus Roscius. *Neque enim*] Res ostendit, quam acerbe istum oderit, quia alter occidit eum. *Palmarum*] id est, multos interfecit. Metaphora est, qua vult significare eum fuisse sicarium. Palma fuit signum victoriae. Lanista, qui instituebat gladiatores. *Eum*] id est, alterum Roscium. *Pugnam*] id est, ante interfectum Roscium. *Superavit*] id est, est melior sicarius, quam suus magister, quasi dicat: uterque est sicarius.

§. 18. *Hunc*] scilicet filium Roscium.

§. 19. *Primam*] id est, vesperi. *Diluculo*] id est, mane. *Passuum*] id est, decem milliaria Germanica. *Cisiis*] id est, carris, quod habeat duas rotas.

§. 20. *Huius*] scilicet filii. *Societas*] id est, contractus, handel, gesellschaft, qui una contrahebant. Haec immiscet, ut reddat verisimile Roscium non occasione proscriptionis potuisse invadere bona.

Cap. VIII. §. 21. *Manceps*] Manceps significat, qui emit aliquid a populo, ut, si emat aliquis alicuius proscripti bona. Manceps etiam dicitur, qui conducit aliquod opus faciendum, hoc est, qui accepta pecunia a republica administrationi alicui praeest, ut aedificio, aut simili, etc. Graeci vocant *λειτουργόν*. Cicero vocat alibi redemptores. 9. Philipp. ⁹²). *Haec bona*] Sic legendum est: Haec bona sexages sestertio, id est,

⁹²) Cic. orat. Philipp. IX, 7, 16.
MELANTH. OPER. VOL. XVI.

eine Tonne goldes, emuntur duobus millibus, hoc est, duobus sestertiis, hoc est, 50 florenis. *Haec omnia*] Excusatio Syllae.

§. 22. *Praeparet*] id est, est occupatissimus, qui unus gubernet omnia. *Spectent*] id est, intueantur. Sic construe: Neque enim mirum, si aliquid, etc. *Simul atque*] *ἅμα καὶ* Graece dictum est. *Despexerit*] id est, non consideraverit, non aspexerit. *Servum*] Vulgo enim dici solet: Quot servi, tot hostes ⁹³).

§. 23. *Optimus*] Ironia. *Insolens*] id est, superbus, contumeliosus in cives suos.

Cap. IX. §. 24. *Mors*] *πάθος*.

§. 25. *Decurionum*] Decuriones sunt principes in municipiis. In iure vocant decuriones senatores, Rathherrn. Consules in parvis oppidis vocabantur duumviri. *Imprudente*] id est, inscio, nesciente. Haec dicit, ne videatur accusare Syllam, et reddat etiam causam probabiliorum. *Allegat*] id est, mittit ad eos, schicket sie zu ihnen.

§. 26. *Antiqui*] id est, boni, nondum assuefacti ad fallendum, ad mendacia. *Confirmaret*] id est, promitteret. *Tabulis*] id est, proscriptionum. *Inorata*] id est, non perlata ad Syllam.

Cap. X. §. 27. *Nepotis*] scilicet Metelli. *Honoris*] meine gnedige Frawe. *Muliere*] id est, illam fidem voluit etiam praestare filio, quam debuerat patri propter amicitiam. *Officii*] id est, officiosa. *Hospiti*] id est, filio hospiti. *Tempore*] id est, occasione.

Cap. XI. §. 29. *Quid primum*] Amplificatio indignitatis, qua colligit ordine illa flagitia, quae sunt in hoc negotio, patrem occiderunt, bona eriperunt, vitae insidiati sunt, etiam ⁹⁴) in iudicio occidere volunt.

§. 30. *Crimen*] Leges recitant hunc textum Ciceronis. *Desunt*] id est, idonei. *Suscepi*] Magnam laudem consecutus est Cicero ex hac oratione, non propter eloquentiam tantum, sed etiam propter fidem et constantiam.

§. 31. *Fecerim*] Concessio. *Quoniam*] Ad dit de suo officio, et de sua persona.

§. 32. *Patrem*] Mimitice ⁹⁵) haec loquitur sub persona Roscii.

⁹³) De hoc proverbio vid. Erasmi adag. chil. II. cont. III. prov. 31.

⁹⁴) etiam] Ed. 1568. et iam.

⁹⁵) De mimesi vid. supra p. 1077. nota 56.

Cap. XII. §. 33. *Hominem*] Ab exemplo. *Curasset*] id est, cum fuisset procurator pompae funeris. *Potuit*] scilicet, quia Scaevola⁹⁶⁾ fuit pacificator inter Marianos et Syllanos.

Cap. XIII. §. 35. *Tres sunt res*] Distributio. Confictum crimen. Audacia et potentia Chrysogoni.

§. 36. *Pertinet*] scilicet diluere crimen.

§. 37. *Occidisse*] Propositio. Infitiatio: Sextus non occidit patrem. *Scelestum*] Occupatio, prius confutet, quam confirmet. Voluntas in his disputationibus vocatur tota hominis natura, mores, etc. *Complexa esse*] Complector a te, non est usitatum. *Complexa*] id est, comprehensa. *Etenim*] Non est credibile tantum facinus sine maximis causis factum. Erucius non affert magnas causas: igitur non est credibile crimen.

Cap. XIV. §. 40. *Patri . . . non placebat*] Primum argumentum. In coniecturalibus sumuntur argumenta a signis, quae indicia sunt voluntatis.

Cap. XV. §. 42. *Nescio*] Obiectio: Ablegatur rus. Respondeo: Sunt signa, quae prosunt Roscio, non obsunt. Applicatio sive interpretatio signi, est testimonium benevolentiae, non odii.

Cap. XVI. §. 46. *Quid⁹⁷⁾ tandem*] Instantia, opponit aliud exemplum. Imo pluris fit, quam alter. Probo per comoediam, quae est imago communis nostrae vitae. Quae enim scribuntur in comoediis, ea sic geruntur inter homines.

§. 48. *Sis⁹⁸⁾*] id est, si vis. Particula excitantis.

Cap. XVII. §. 49. *Artificio*] scilicet colendorum agrorum. Laus est rei rusticae. Probat enim non esse criminis, colere agros, quasi dicat: Laus rei rusticae non admodum ad nostram causam pertinet.

§. 52. *Odiū igitur*] Aliud argumentum, voluit exhaerere. Hoc negat. Est infitiatio.

Cap. XIX. §. 54. *Planum facere*] id est, debes probare.

96) Q. Mucius Q. f. Q. n. Scaevola Augur, de quo vid. Pauly: Real-Encycl. T. V. p. 183 sq.

97) *Quid*] sic Ed. 1568.; Ed. Orell. *Ecquid*.

98) *Sis*] Ed. 1568. errore typogr. *Scis*.

§. 55. *Memmiam⁹⁹⁾*] scilicet de iudiciis et de poena temere litigantium. Comparat accusatores anseribus et canibus. Loquitur de officio accusatorum.

Cap. XX. §. 57. *Si ego hos*] et populum. *Litteram . . . ad caput affigent¹⁰⁰⁾*] scilicet *Θ.*¹⁾ et significat mortem²⁾. *N. L.*³⁾ significat, non liquet, dilatio negotii, prorogatio. *A.* significat absolutionem, *Θ.* condemnationem.

Cap. XXI. §. 59. *Causa publica⁴⁾*] id est, causa publici iudicii, causa capitalis. Tacita consilia adversariorum in causis explicari debent.

Cap. XXII. §. 61. *De parricidio*] Ab amplificatione criminis diluit illa levia argumenta, quae obiecit Erucius. Maximi criminis et rarissimi debent esse gravia et evidētia signa, et afferri magnae causae contra Sextum Roscium, ne levissimae quidem coniecturae adferuntur, legitur crimen, non est verisimile.

§. 62. *Tamen non temere*] Maior.

§. 63. *Magna*] Minor.

Cap. XXIII. §. 64. *T. Caesium⁵⁾*] In ista historia iudicatum est ex natura.

Cap. XXIV. §. 66. *Quos nobis poetae*] scilicet Orestem et Alcmaeonem. *Ne pii*] scilicet ulciscētes patrem. Alcmaeon occidit matrem Eryphylen, quia prodiderat patrem Amphiarum: Orestes matrem Clytaemnestram, quia subornarat⁶⁾ Aegisthum, ut Agamemnonem interficeret. *Lavi⁷⁾*] id est, elui.

§. 68. *Haec magnitudo*] Conclusio.

§. 69. *Quare hoc*] Probatio minoris.

Cap. XXV. §. 70. *Eius*] Collatio de poena parricidii, Solon nullam poenam constituit, sed nostri constituerunt atrocissimam poenam. *In-*

99) Conf. supra p. 1130. nota 59.

100) *affigent*] Ed. 1568. errore typogr.: *affigeat*.

1) *Θ.*] sic apud Graecos, apud Romanos autem *C.* vel *K.*: conf. supra p. 1014. nota 26. et vetus Scholiastes, cuius verba ab Orellio ad h. l. allata sunt.

2) mortem] hanc vocem in Ed. 1568. omissam ipse addidi.

3) *N. L.*] Ed. 1568. male graecis litteris utitur: *ν. λ.*, cum latinae voces significentur.

4) *Causa publica*] sic Ed. 1568.; apud Ciceronem: *causam publicam*.

5) *T. Caesium*] sic Ed. 1568. et al.; Ed. Orell. *T. Cloellum*.

6) Orestes matrem Clytemnaestram, quia subornarat] sic scribendum censeo pro verbis corruptis Ed. 1568.: „*Orestis*] scilicet qui subornarat.”

7) *Lavi*] sic Ed. 1568. et al.; Ed. Orell. *elui*.

sis] Amplificatio poenae, et est distributio, eripit eis ignem, etc.

Cap. XXVI. §. 71. *Immanioribus*] id est, ne bestiae fierent ferociores pollutae isto sanguine. *Non sic nudos in flumen deiicere*⁸⁾] Quia sunt insuti in culeum. *Expiari*] id est, aquis lavantur in sacris, qui purgantur, sine aëre nemo potest vivere.

Cap. XXVII. §. 73. *Eruci, quomodo?*] Sequitur locus facultatis. Hoc totum est *ἄνεργον*.

Cap. XXVIII. §. 76. *Illud quaero*] Circumstantia, quomodo. Quaestio significat iudicium capitale, et examinationem in iudicio capitali.

§. 77. *Polliceantur*⁹⁾] id est, offerant.

§. 78. *Omnia*] Probabile.

Cap. XXIX. §. 80. *Interim*] Inversio. *Sectores*] id est, emptores honorum proscriptorum. Honesti viri non emebant, quia videbant rapinas esse. Manceps est, quia ita emit aut vendit, ut det certam pecuniam reipublicae et reliquum ipse lucrifaciat; sector, qui simpliciter si emit aliquid. Peculatus significat publica furta, hoc est, quando aliquid eripitur reipublicae furto. Oratio haec dividitur 1.¹⁰⁾ in dilutionem argumentorum Erucii; 2. in recriminationem, qui sint magis redarguendi; 3. de potentia Chrysogoni.

Cap. XXX. §. 83. *Venio nunc eo*] Recriminatio, in qua totam causam caedis confert in T. Roscium.

§. 84. *At ego*] Propositio recriminationis. *Suas palmas*] id est, sua latrocinia. *Lucius Cassius ille*] Locus communis. Verisimile est fecisse caedem, cui profuit, qui abstulit lucrum; T. Roscius aufert lucrum: ergo verisimile est caedem fecisse.

§. 85. *Quaesitorem*¹¹⁾] Quaesitor est iudex causarum capitalium. *Quaerente*] id est, exercente iudicium.

Cap. XXX. §. 87. *Societatem coieris*] id est, simul emeris bona tui municipis, tui cognati, propinqui. Summa crudelitas est velle crescere ex bonis cognati per vim oppressi. Signum est etiam audaciae et crudelitatis, quod accuses tuum co-

8) Pro his Cic. verbis, ad quae haec nota pertinet, in Ed. 1568. ei adscripta est vox (§. 72.): *fluctuantibus*.

9) *Polliceantur*] sic Ed. 1568.; Ed. Orell. *polliceatur*.

10) 1.) hunc numerum ipse addidi.

11) Hanc Cic. vocem, ad quam haec nota pertinet, et ipse adscripsit.

gnatum. Sector, qui emit bona proscriptorum. Tu aliquos interfecisti, ut esses celebrior orator.

Cap. XXXII. §. 89. *Cannensis*] scilicet ubi Hannibal multos Romanos interfecit. Ita sunt figurate dicta. Vox Antistii¹²⁾: O mea villa quantum mihi nocet. Sicarii, qui rapiebant aliena bona, quoniam interficiebant homines divites, ut aes alienum dissolvere possent. 2. Argumentum a facultate. Et quae non prosunt singula, multa iuvant, hoc est, omnia simul congregata. Dilemma. Sicarii erant, qui appetebant aliena bona, aut qui patiebantur se conduci ad faciendam caedem. Tu appetebas; tui socii conducebantur: ergo, etc.

Cap. XXXIII. §. 93. *In . . . clientela*] id est, Chrysogoni. *Contendito*] id est, conferto.

§. 94. *Fateor*] Mimesis. *Sectorem*] id est, emptorem honorum proscripti. *Permulta*] Verba Ciceronis.

Cap. XXXIV. §. 95. *Quod . . . possim*] id est, quantum.

Cap. XXXV. §. 98. *Automedontem*] qui fuit auriga Achillis, id est, Glauciam¹³⁾.

§. 100. *Infames palmas*] id est, multas caedes fecisse. *Lemniscatam*] id est, coronatam frondibus, einen kranz. *Prodierit*] Excursus de testimonio. Credibile est illum detulisse, qui accepit praemium iudicii; Capito et Titus acceperunt praemium iudicii: igitur Capito et Titus detulerunt.

§. 101. *Caecos*] Epiphonema: Adeo caeci sunt, ut prodant suum scelus.

Cap. XXXVI. §. 102. *Alter*] scilicet Titus. *Socium*] scilicet Capitonem.

Cap. XXXVII. §. 108. *Manubiae*¹⁴⁾] id est, pecunia ex praeda coacta. Actio mandati dicitur, quando aliquis mala fide administrat mandatum.

Cap. XXXIX. §. 114. *Si hanc*] quasi dicat: Multo maiore poena afficiendus est, qui publicam

12) P. Antistius, qui a. u. c. 666. tribunus plebis fuerat, a. u. c. 672. senex occisus est ad lacum Servillum; vid. Orellii et Baileri Onomast. Tullian. P. II. p. 45.

13) qui fuit auriga Achillis, id est, Glauciam] sic transposui et mutavi verba Editionis 1568.: „id est, Glautium, qui fuit auriga Achillis”, nomen enim illius hominis non est Glautius, sed Glaucia, isque non fuit Achillis auriga, sed Automedon. — Huius ex Iliade noti aurigae propter celeritatem nobilis nomine h. l. iocose appellatur Mallius Glaucia ob celeritatem cursus, qua cisius Roma Ameriam decem horis nocturnis pervolaverat, caedem Sex. Rosci patris nuntiaturus, conf. c. 7. §. 19.

14) *Manubiae*] sic Ed. 1568.; apud Ciceronem legitur: *manubias*.

fidem mandati violat, quam qui privatam fidem violat. *Transactio*, verdrag. *Decidere*¹⁵⁾] Wenn man mus geld geben.

§. 115. *Sextus Roscius*] Amplificatio.

Cap. XL. §. 116. *Videte iam porro*] Alius locus communis, fides societatis violata. *Socium*] Hostes facilius cavere possumus, quam socios: ergo qui fidem societatis violat, gravius puniri debet, quam hostis. *Etiam si*] scilicet cum. *Ius*] Nihil mali suspicari debemus de socio. *Recte*] Est infamis, qui fallit socium. *Oportere*] id est, est infamis. Crudele est fallere praetextu auxilii. Decepit socios legationis, istud est sceleratum.

§. 117. *Maleficium*] id est, caedem.

§. 118. *Etenim*] Conclusio: Quia multae circumstantiae concurrunt, primi sciverunt, etc. Ergo verisimile est caedem ab eis perfectam, quasi dicat: Cum caeterae omnes circumstantiae conveniant, et tanta sint in eis scelera, verisimile est eos fecisse. *Scelus*] id est, caedem illam. *Hoc*] scilicet caedes. *Quid tandem*] Transitio ad T. Roscium. *Lanista*] scilicet Capito. Lanista dicitur magister gladiatorum, et qui eos instituit. *Gladiatore*] scilicet Tito. *Videtur*] id est, non exercet amplius. Videtur dimisisse suum discipulum, quasi dicat: minime.

Cap. XLI. §. 119. *Dixi iam antea*] Postremum argumentum de servis postulatis in quaestione. *Iste*] scilicet Sextus.

§. 120. *Fuerunt*] scilicet Servi. *Oppugnari*¹⁶⁾] id est, recusari. Obiectio: Non quaeritur in vos, sed quaeritur, ut fateantur, an Roscius fecerit istam caedem. Item, vos estis scelere facti domini. *An*¹⁷⁾] id est, at. *Quaeritur*] scilicet in vos.

Cap. XLII. §. 123. *Ego*] Conclusio secundae partis.

Cap. XLIII. §. 124. *Venio*] Tertia pars orationis de Chrysogono, et habet duos locos. Primus est de venditione. Postea de iniusta potentia Chrysogoni, quasi dicat: Est odiosum dicere contra Chrysogonum, ne videar adversari voluntati Syllae. *Alii quoque*] scilicet Sylla. *Haec enim causa*] Tantum proscriptorum bona vendi debent;

15) *Decidere*] sic Ed. 1568.; apud Ciceronem: *decideret*.

16) *Oppugnari*] sic Ed. 1568.; Ed. Orell. *pugnari*.

17) *An*] sic Ed. 1568.; Ed. Orell. *Anne*. (quaedam Editt. *At ne*, *At nec*, vid. Orellii nota crit. ad h. l.)

Roscius non fuit proscriptus: ergo bona Roscii non vendi debent.

§. 125. *Chrysogonum*¹⁸⁾] scilicet esse. *Atque hoc*] De emptione, quod emptio sit facta contra legem. *Verum*] Lex duas partes habet, proscriptorum bona vendi debent. Item, qui fuerant in praesidiis hostium.

Cap. XLIII. §. 126. *Si lege*] scilicet occisus est. *In eum*] scilicet Syllam.

Cap. XLIV. §. 128. *Facetius*] scilicet Chrysogono. *Reduvia*¹⁹⁾] Graece *παρωρυχία*, significat morbum, quem nos vocamus den Wurm, circa unguis. Est ulcus in digito circa unguis²⁰⁾, in quo est vermiculus, qui urit digitum, et facit inflammationem.

§. 129. *Audietis*] Dicit Cicero, quod Roscius petat tantum, ut retineat vitam, non possessiones.

Cap. XLV. §. 130. *Primum, quare*] Querela supra fuit, in qua deplorat ea, quae scelere fiebant praetextu publicae praescriptionis. Hic est querela indignitatis, videlicet quod indignum sit vexari bonos viros, et nocentes falso praetextu legum et civilis belli. Hoc facit Cicero, ut transferat invidiam a misero Roscio in se. Multi sunt in hac oratione loci communes digni observatione, qualis fuit locus de supplicio parricidarum. Item, de vexatione reipublicae. *Tantulo*] id est, tam parvo. *Nihil egerit*] Occupatio de Sylla, quia videbatur alioqui tota oratio ad Syllam pertinere. Hoc dicit suae securitatis causa, et ut a Sylla transferat invidiam in unum Chrysogonum.

§. 131. *Etenim*] Rhetoricum schema. *Pernicie*²¹⁾ *causa*] Genitivus contractus. Alii pernicii, Virgilius²²⁾:

Libra diei²³⁾ somnique pares, etc.

Pernicie] id est, ut noceat hominibus. *Spiritum*] id est, aërem. Similitudo, sicut Iovi maxima beneficia adscribimus: ita et Syllae sunt maxima beneficia adscribenda.

§. 132. *Intelligere*] scilicet ex hoc iudicio intelligi potest, Syllam hoc nescire. *Deferendum*] id est, accusandum. *Iudicium*] id est, curavit

18) *Chrysogonum*] sic Ed. 1568.; Ed. Orell. *Chrysogonus*.

19) *Reduvia*] sic Ed. 1568.; apud Ciceronem legitur *reduviam*.

20) unguis] Ed. 1568. errore typogr.: unges.

21) *Pernicie*] sic Ed. 1568. et al.; Ed. Orell. *pernicii*.

22) Virg. Georg. I, 208.

23) diei] sic Ed. 1568. et al.; vulgaris lectio est: die. (vid. Heynii et Wagneri nota crit. ad h. l.)

constitui, comparari, haberi. *Cuius*] scilicet Chrysogoni. Fuit fortasse interposita quaedam descriptio morum et luxus Chrysogoni.

Cap. XLVI. §. 132. *Habere*] id est, quidam nobiles bene agi secum putant, si habent praedia etiam procul. *Salentinis*] id est, in ultima ora Italiae.

§. 133. *Alter*] scilicet Chrysogonus. Facit collationem alicuius nobilis et Chrysogoni. *Suburbanum*] scilicet urbi vicinum. *Vasa Corinthia*²⁴⁾] scilicet facta²⁵⁾ ex auro, argento, et aere confuso fuerunt, quia, cum Corinthus fuit eversa, aes fuit confusum. *Authepsa*] nomen vasis, gemacht Silber, ab *αὐτός* ipse *καὶ αἶψον*, id est, coctum, quod per se coctum et factum est, id est, sponte natum²⁶⁾, die sich im Ertz selbst gehen, wie in der Schlesien die Töpfe. Describit luxum improborum, quibus victoria quaestui fuit.

§. 135. *Vereor*] quasi dicat: Non dico, quod iniquus sim victoriae.

Cap. XLVII. §. 136. *Tenui*] für einen geringen und armen gesellen. Cicero fuit in castris Syllae, et noluit sectari partes Marianas, tametsi esset Mario sanguine coniunctus²⁷⁾. *Humilitatem*] id est, equestrem ordinem cum principibus. Tota haec res orta est a iudiciis. *Cuique*] illi puniti sunt, Sulpicius et Marii filius, Norbanus. *Gaudeo*] id est, gaudeo victoriam esse principum, ut cuique sit suus redditus honos.

§. 137. *Arbitror*] id est, ut improbi punirentur, et reliqui fortes viri retinerent suam dignitatem. *Sin autem*] De fine victoriae: Illa victoria non eo pertinet, ut serviamus servis libertis potentum.

Cap. XLVIII. §. 138. *Concessum*] id est, dicunt illa esse prohibenda. *Dicat*] id est, iam libertas est restituta. Libertas est non cogi contra honestatem facere, et vivere legibus. Argu-

24) *Vasa Corinthia*] sic Ed. 1568.; apud Ciceronem: *vasis Corinthiis*.

25) facta] Ed. 1568. errore typogr.: *facta*.

26) *Authepsa*, *αὐθέψης*, ab *αὐτός* ipse, et *ἔψω* coquo, elix, derivanda vox, i. q. per se coquens s. elixans, significat ollam s. vas tanto artificio factum, ut paucissimo et fere nullo igni supposito elixaret, quae imponebantur; conf. Gesneri thesaur. ling. lat. s. h. v.

27) M. Tullius Cicero orator fuit nepos Gratidiae, quae erat M. Gratidii Arpinatis filia et soror M. Marii Gratidiani, qui adoptatus est a M. Mario, eoque aut C. Marii septies consulis patruo aut eius potius fratre, vid. Orellii et Baisteri Onomast. Tullian. P. II. p. 388. et Pauly: Real-Encycl. T. III. p. 962 sq.

mentum: Si libertas est restituta et iudicia iterum constituta: ergo debetis vere et graviter iudicare.

§. 139. *Iis hominibus*] id est, aliis. *Haec*] id est, virtutes. *Ornamenta*] id est, imperia.

§. 140. *Quapropter*] Reddit ad querelam. *Quae*] scilicet erat antea extra iudicium. *Affectet*] id est, penetrat in iudicia.

§. 141. *Hicne*] Exaggeratio indignitatis.

Cap. XLIX. §. 142. *Improbissimus*] id est, nullus bonus vir laeditur.

§. 143. *Sed Roscius*] Petitio Roscii, ut liceat sibi vivere, ne interficiatur sine causa.

§. 144. *Si*] scilicet quia. *Os*²⁸⁾] id est, auctoritatem suam, Alle seine macht und gewalt, was er zu gebieten hat.

Cap. L. §. 145. *Quod*] scilicet quia. *Reddam*²⁹⁾] id est, cogites te facile posse retinere propter auctoritatem Syllae. Proscriptorum liberis non licuit petere bona paterna.

§. 146. *Monumentis*] In paternis bonis retinebant locum aliquem sepulchri aut statuae. *Pirata*, qui in mari latrocinatur, ein Meerreuber. Collatio.

§. 147. *Redderet*] Compar.

Cap. LI. §. 148. *Si pro*] Locus de defensione. *Haec*] Translatio: Consistere non posses, si fremeret tota respublica pro isto conservando. *Messala*³⁰⁾ fuit studiosus Ciceronis.

§. 149. *Sectorum*] id est, Capitonis, T. Rosci, Chrysogoni. *Videtis*] id est, boni et iusti homines, qui tegunt innocentes, quasi dicat: Non hoc agitur, ut servi libertorum exercent tyrannidem. *Possent*] scilicet suam potentiam.

Laborarent] id est, minus periculi haberent.

Cap. LII. §. 150. *Verum*] Petit a iudicibus. *Reddidit*] id est, si ad arbitrium servorum vultis exercere tyrannidem. *Versari*] id est, ubi exercent tyrannidem privati homines, ubi in iudiciis est nulla fides, nullum praesidium.

§. 151. *Hoc*] scilicet iudicium. *Forum*] id est, non debet esse tutela latrociniorum.

§. 152. *An vero*] Repetitio principalium argumentorum. *Suspicio*] id est, non approbavit, sed Sylla sua auctoritate fecit.

28) *Os*] sic Ed. 1568. et al.; Ed. Orell. *de digito*, vid. Orellii nota crit. ad h. l.

29) *Reddam*] sic Ed. 1568.; Ed. Orell. *reddantur*.

30) M. Valerius Messala M. f. M. n. Niger, de quo conf. Orellii et Baisteri Onomast. Tullian. P. II. p. 630 sq.

XIV. PH. MEL. SCHOLIA IN CICERONIS ORATIONEM PRO P. SYLLA.

Haec scholia tantum in illis scholiorum, quae ad plures vel omnes Cic. orationes pertinent, collectionibus ad orationem pro Archia enumeratis, excepta Basileensi a. 1536—1537. 4., inveniuntur, quarum hae quatuor in nostris manibus sunt: 1) *Basil.* 1539. fol., 2) *Basil.* 1553. fol., 3) *Lugdun.* 1554. fol., 4) *Lips.* 1568. 8., quas solis annorum numeris significabimus. Harum editionum quarta, Lipsiensis (quam haec nostra editio sequitur), a tribus prioribus eo maxime differt, quod earum scholia plurimis locis aucta continet.

IN CICERONIS ORATIONEM PRO P. SYLLA¹⁾ SCHOLIA PHILIPPI MELANTHONIS²⁾.

Argumentum.

Oratio est generis iudicialis, status coniecturalis; quaeritur enim, utrum Sylla fuerit coniuratus Catilinae. Cicero defendit, non fuisse; et consumitur oratio, ut fit in respondendo, magna ex parte in confutatione argumentorum, quae adversarii obiecerant. Confirmationis loci duo tantum sunt, ex testibus, et natura seu moribus Syllae; et hic extremus locus valde ornatus est verbis et sententiis. Cum autem in causa facili et plana oratio perspicua sit, et habeat alicubi aspersos locos communes, plurimum confert lectoribus ad iudicandum de ratione dicendi. Ac primum observandum est, quod peculiaris in hac oratione perspicuitas est. Deinde observabis, prudenter distributas singulas partes in

tota oratione. Tertio, additas esse certis³⁾ locis communibus amplificationes. Haec tria praecipue sunt observanda, videlicet perspicuitas, ordo singularum partium, et ratio amplificandi⁴⁾. Porro hic Publius Sylla fuerat antea in petitione consulatus, in iudicio ambitus condemnatus, cum accusasset eum pater Torquatus. Post aliquot annos⁵⁾ filius Torquatus inimicitias paternas⁶⁾ persequitur et Syllam olim consulatu deiectum rursus accusat, et criminatur eum cum Catilina coniurasse, ut ille miser exilio aut morte puniretur. Fuerunt autem coniurationes duae, ut et Sallustius⁷⁾ scribit. Quare Sylla accusatur in utraque coniuratione fuisse: et ita defenditur, ut Hortensius de priore, Cicero de posteriore coniuratione dicat.

1) Sylla] sic Editt. 1539., 1553., 1554., 1568.; Ed. Orell. Sulla.

2) Haec inscriptio in Editt. 1539., 1553., 1554. legitur; in Ed. 1568. haec scholia multis aucta sic inscripta sunt: In orationem Ciceronis pro P. Sylla scholia, Philippo Melanchthone praelegente, excepta, 1531. et nunc in plurimis locis aucta.

3) certis] sic Ed. 1568.; in Editt. 1539., 1553., 1554. desunt.

4) Haec tria — amplificandi] sic Ed. 1568.; in ceteris 3 Editt. haec desunt.

5) aliquot annos] sic Ed. 1568.; ceterae 3 Editt.: annos aliquot.

6) inimicitias paternas] sic Ed. 1568.; ceterae 3 Editt.: paternas inimicitias.

7) Sallust. Catil. c. 17 sqq.

De exordio⁸⁾.

Exordium duos locos habet. Prior est votum, cui additur insinuatio; quia enim dicendum est Ciceroni paulo post, cur defendat Syllam⁹⁾, cum erga alios coniuratos inclementior fuerit: initio purgat suspicionem crudelitatis, et¹⁰⁾ significat se antea per occasionem fuisse severiorem; nunc vero gaudere se, quod sit oblata occasio declarandae suae erga cives misericordiae atque lenitatis. Alter locus continet rationem, cur defendat Syllam; videbatur enim inconstanter facere, quod nunc defenderet reum coniurationis, antea vero severissime in eiusmodi reos animadvertisset; et nulla futura erat fides defensionis, si Cicero videretur inconstans. Itaque initio cogebatur rationem reddere sui officii¹¹⁾. Ac primum nihil allegat nisi exemplum aliorum, qui una defendebant. Infra vero addet rationem firmiorem, quod ideo defendat, quia iudicet innocentem esse.

Scholia textus¹²⁾.

Quando quaerimus de genere orationis, quaerimus, quae sit summa rei. Negotium autem est iudiciale. Iudicium ambitus non erat capitale, sed dignitas tantum ei eripiebatur, et honores, quos illi speraverant. Illustrantur loci, qui possunt (ut ait Horatius) splendescere, et qui digni sunt. In aliis orationibus, quae habent confirmationes, hoc esset faciendum, faceremus propositionem et redigeremus in syllogismos. Principio est propositio: Sylla non fuit coniuratus Catilinae, neque in priori, neque in posteriori coniuratione. Deinde sumeremus argumenta, quae confirmentur, sed quia sunt ἀρετὰ, non diu in illis immorandum est. Duo argumenta plurimum valent in hac oratione: Coniurare contra patriam est scelus, quod non cadit in ingenium moderatum; Sylla autem apud nos

8) Haec inscriptio in sola Ed. 1568. invenitur.

9) dicendum est Ciceroni paulo post, cur defendat Syllam] sic Editt. 1553., 1554., 1568.; Ed. 1539. dicendum est Ciceroni pro Sylla.

10) et] sic Ed. 1568.; in cett. 3 Editt. deest.

11) sui officii] sic Ed. 1568.; cett. 3 Editt.: officii sui.

12) Haec inscriptio in sola Ed. 1568. reperitur. — His scholiis textus in hac Ed. praemissa est Brevis ratio retexendi exordii, quae a nobis illo loco collocata est, quo in Editt. 1539., 1553., 1554. invenitur, nempe post notas Ciceronis verbis cap. III. §. 9., quibus orationis exordium finitur, adscriptas.

vixit moderatissimus: ergo non verisimile est eum tale scelus perpetrasse.

Cap. I. §. 1.¹³⁾ *Maxime*] Composita quinque aut sex colis est; et tamen periodus. Mos est in calamitatibus, ut initio bene precemur illis, illos scilicet ea fortuna esse, ut non opus habeant misero auxilio. Multa exordia sic ordiuntur a calamitatibus. Ita hic orditur a voto, ut decuit in amici calamitate¹⁴⁾. *Antea*] scilicet in iudicio ambitus, lege Calphurnia¹⁵⁾, hoc est¹⁶⁾, Utinam iste meus amicus antea non fuisset condemnatus in iudicio ambitus. In alio enim iudicio oppressus est et condemnatus, nunc eum iterum vexari doleo. Ex aliis locis accedit ad alios, et perspicuo genere utitur Cicero¹⁷⁾. *Post calamitatem*] id est¹⁸⁾, post condemnationem. Quia fuit quietus hactenus, aequum erat sinere istum, et concedere illi otium. Sunt autem brevia enthymemata. *Calamitatem*] id est, utinam licuisset ei quieto esse animo post illam primam damnationem, praesertim cum esset modestus, nec ullos tumultus excitaret ad ulciscendam suam illam calamitatem, et nullus moveret tragoedias. Aequum fuisset concedere, ut esset miser, cum alioqui miser sit¹⁹⁾. *Causa infestus*] id est, adversa fortuna. *Tum singulari Antronii*²⁰⁾] quasi diceret: Ipse²¹⁾ non fuisset condemnatus, nisi habuisset socium ambitus Antronium, cui propter scelera erant infessi iudices. *Odio*] Quoniam ille malis moribus esset praeditus, ideo condemnabant eum²²⁾. Aliquid mali propter vicinum malum. *Haberet quosdam*] scilicet Torquatum. *Quorum animos*] Insinuatio, qua viam sibi facit ad excusandam

13) Capita et paragraphos secundum Ed. Orell. adscriptissimus.

14) Quando quaerimus de genere orationis — in amici calamitate,] haec non nisi Ed. 1568. habet.

15) De lege Calpurnia (sic nomen apud Orellium legitur) de ambitu vide Orellii et Baileri Onomast. Tullian. P. III. p. 147 sq.

16) hoc est] sic Ed. 1568., in cett. 3 Editt. haec desunt.

17) In alio enim iudicio — utitur Cicero] sic Ed. 1568.; in cett. 3 Editt. desunt.

18) id est] sic Editt. 1539., 1553., 1554.; Ed. 1568. h. l. et plerisque aliis locis: hoc est.

19) Haec notam et proximo sequentem sola Ed. 1568. habet.

20) Antronii] sic Editt. 1539., 1553., 1554., 1568. et al.; Ed. Orell. Antronii. — Eodem modo etiam in ceteris huius nominis formis Ed. Orell. ab illis 4 Editt. differt.

21) Ipse] sic Ed. 1568.; in cett. 3 Editt. deest.

22) Odio — condemnabant eum,] sic Ed. 1568., in cett. 3 Editt. haec desunt et verba seqq. „Aliquid — malum”. notae praecedenti annexa sunt.

dissimilitudinem, cur erga alios vehemens, erga hunc videretur mitior; quasi dicat: Cum res posebat, fui severus: nunc igitur, cum res requirit, sum lenis et clemens erga eum, qui videbatur reus coniurationis²³⁾. *Et quoniam L. Torquatus, meus familiaris*] Defensio²⁴⁾ officii, quare defendat talem, qui accusetur reus Catilinae coniurationis. Defendit autem Cicero se exemplis aliorum, postea eadem de re dicturus accuratius. ἄλλως. Secundus locus, qui continet rationem sui officii, in quo exemplis aliorum se tuetur. ἄλλως. Secundus locus est defensio officii: Antea fuisti severus. Respondet ab exemplo aliorum: Imo mea defensio non erit sine autoritate, et habebit satis roboris, quia alii quoque honesti viri mecum defendunt²⁵⁾. *Quo quidem genere*] id est, de me non dicerem, nisi adversarius mihi imponeret hanc necessitatem. *Probaturum*] quasi dicat: Si erit aliqua fides in mea defensione, causa Syllae melius agetur²⁶⁾.

§. 3. *At*²⁷⁾ *primum*] Argumentum ab exemplis: Si non est inconstantia, quod isti defendunt: igitur nec est inconstantia, si ego defendo. *Cernas*] Secernas legitur. *Meum denique gravius esse iudicium*] scilicet quam aliorum, id est: Debeone ego gravius et diligentius expendere, qui mihi sit defendendus reus, quam Hortensio Lucullus, etc. *Ita inquit*] Occupatio: Dissimile est, etiamsi aliis licet defendere illos, tamen tibi non licet, qui patefecisti coniurationem.

Cap. II. §. 4. *Quaero illud etiam*] Redit ad exempla. *Non enim una est ratio*] id est, non tantum orator defendit, sed etiam alii, qui adsunt in iudicio, etiamsi tacent, tamen sua autoritate videntur tueri aliquem. *Pro sua parte*] scilicet²⁸⁾ etiamsi non dicant ipsi, tamen taciti sua autoritate²⁹⁾ tuentur.

§. 5. *An vero*] Repetitio eiusdem³⁰⁾ sententiae: Si illis licet, et mihi licet. *Subsellis*]

23) Hanc notam sola Ed. 1568. habet.

24) Defensio] huic voci in Ed. 1568. praefixum est auctoris nomen: Philipp. Melanch.

25) Has tres notas illis Cic. verbis *Et quoniam* etc. adscriptas Ed. 1568. exhibet; ceterae 3 Editt. tantum habent secundam: „Secundus locus, qui continet rationem sui officii, in quo exemplis aliorum se tuetur.”

26) Haec nota et duas sequentes in sola Ed. 1568. inveniuntur.

27) *At*] sic Ed. 1568.; Ed. Orell. Ac.

28) scilicet] sic Ed. 1568.; in cett. 3 Editt. deest.

29) sua autoritate] sic Ed. 1568.; cett. 3 Editt.: autoritate sua.

30) eiusdem] sic Ed. 1568.; cett. 3 Editt.: superioris.

Excusat locum. Est enim hoc iudicium apud centumviros factum. Subsella sunt minorum magistratuum. Prima sententia exordia fuit illa: Suscipio defensionem Syllae, ut ostendam me esse lenem erga bonos, et vehementem erga improbos. Illa non est perpolita et perfecta. Deinde quia obtreccarat Torquatus Ciceronem, quod esset inconstans, scilicet Ciceronem defendere hunc reum, cum vehementissimus fuisset erga alios, et ita voluit defensionem Ciceronis detrahare, quia multum momenti poterat Cicero afferre: hic respondet, et opponit exempla aliorum: Si alii boni viri tuentur, cur mihi non licet, si iudicant reum coniurationis posse defendi, cur ego non iudicarem? Istam rationem ipse amplificat per inversionem, quae callide tractata est³¹⁾. *Atque*³²⁾ *ut intelligas*] Amplificatio³³⁾ per inversionem, quasi dicat: Tu Torquate contendis, quod non liceat adesse coniuratis, id fatemur; non igitur affuimus aliis, huic adsumus: igitur sentimus eum non fuisse coniurationis socium. Observandum est, quomodo prudenter in una quaque re immoretur, et nihil assuat alienum, et nihil dicat, quod videatur extra propositum.

§. 6. *Quid nostrum adfuit*] quasi dicat³⁴⁾: Alii non adfuerunt, huic adsunt. *Non enim iam se*³⁵⁾] Illa brevis oratiuncula sumpta est ex loco communi: Nulla debet nobis esse societas cum illis, qui pacem publicam conturbant, vel, qui coniurant contra patriam, quia seditiosi dissolvunt omnia vincula societatis humanae, et omnium officiorum, id quod dicit Homerus Iliad. 9.³⁶⁾:

ἀφρήτωρ, ἀθέμιστος, ἀνέστιός ἐστιν ἐκεῖνος,
ὃς πολέμου ἔραται ἐπιδημίου, δακρυόεντος.

Hos versus Eobanus Hessus sic reddidit:

Flagitiosus enim est, sceleratus, inutilis, excors,
Quisquis amat populis bella intestina movere,
Quae mala tanta ferunt secum, causasque malorum
Innumeras sine fine serunt civilibus armis³⁷⁾.

31) Prima sententia exordii — tractata est.] sic Ed. 1568.; cett. 3 Editt. pro his habent verba: sellae curules maiorum aut honoratorum magistratuum.

32) *Atque*] sic Ed. 1568. et Ed. Orell.; Editt. 1539., 1553., 1554. At.

33) Amplificatio] huic voci in Ed. 1568. praefixum est auctoris nomen: Phil. Melanch.

34) quasi dicat] sic Ed. 1568.; in cett. 3 Editt. desunt.

35) *iam se*] sic Editt. 1539., 1553., 1554. et Ed. Orell.; Ed. 1568. *se iam*.

36) Hom. Il. IX, 63. 64.

37) vel, qui coniurant contra patriam — civilibus armis.] haec sola Ed. 1568. habet.

Tanto scelere] id est ³⁸⁾, concitata seditione. *Publium*] Est alius Publius ³⁹⁾. *Necessarii*] id est, propinqui, vorwant, quasi dicat ⁴⁰⁾: In aliis causis defendimus nocentes, in seditione non defendimus.

§. 7. *Quid Antronio*] quasi dicat: Nostri advocati adfuerunt aliis coniuratis. Quam propositionem exposuit per enumerationem ⁴¹⁾.

Cap. III. §. 8. *Hanc mihi tu si propter*] Brevis purgatio crudelitatis, seu excusatio severitatis ⁴²⁾.

§. 9. *Quare nihil est*] Conclusio exordii seu argumenti ab exemplo: Ergo (inquit) ⁴³⁾ sicut aliis licet defendere, sic mihi licet. *Nulla est*] Ratio conclusionis ⁴⁴⁾. *Propria*] Quia eram consul. *Communis*] scilicet si senatus defuisset. *Neque ego*] Brevis occupatiuncula.

Brevis ratio retexendi exordii ⁴⁵⁾.

Ratio, cur susceperit defensionem, ex loco communi sumitur, ut liberet se suspitione crudelitatis, et ostendat ⁴⁶⁾ se iure vehementem fuisse erga improbos, nunc lenem esse ⁴⁷⁾ erga bonos. Prima propositio exordii est ⁴⁸⁾, postquam Sylla dignitate spoliatus est ⁴⁹⁾, nunc etiam de vita periclitatur, suscepi eius defensionem, ut ostenderem me, qui adversus ⁵⁰⁾ improbos vehemens fui, erga bonos levem atque misericordem esse. Secunda propositio est ⁵¹⁾ excusatio inconstantiae: Quod autem Torquatus defensionem meam fidem detrahere conatur propterea, quod parum constans videar, qui cum antea adversus ⁵²⁾ coniuratos acerrimus fuerim, nunc

in simili causa hunc defendam. Primum ratio facti mei exponenda est, ut et suspitione inconstantiae liberer, et ad defensionem plus autoritatis afferam. Ac primum exemplum me tuetur ⁵³⁾, cum ⁵⁴⁾ Hortensii, tum aliorum, qui huic in iudicio adsunt. Quod si his licet defendere reum coniurationis, licebit idem mihi. Nam respublica non magis ad me pertinet, quam ad istos. Nec ideo arceri ab hac defensione debeo, quia patefecit coniurationem. Nihil enim interest inter hunc, quia patefecit ⁵⁵⁾, et alios, qui resistunt ⁵⁶⁾, sed similiter turpe est omnibus defendere coniuratos, si sciant factam esse coniurationem. Sequitur inversio et conclusio ⁵⁷⁾: At hi non adfuerunt aliis in iudicio, quia cognoverant eos contra rempublicam coniurasse. Quare nunc cum Syllae adsint, intelligi potest, eos non male suspicari de isto. Quare nec mihi turpe est hunc defendere, nisi ego unus debeo inhumanior esse caeteris.

Cap. III. §. 10. *In Antronium*] quasi dicat: Neque laesi Antronium, neque defendi Syllam ⁵⁸⁾.

Cap. IV. §. 11. *Duae coniurationes* etc.] Propositiones duae de duabus coniurationibus. Priorem reiicit ad Hortensii defensionem ac testimonium. Alteram plane infitatur. Negat enim Syllam fuisse coniuratum. Quidam in orationibus Ciceronis hoc tantum agunt, ut excerpant inde quaedam eleganter dicta, nonnumquam orationes quasdam ad phrasin pertinentes, et compositiones, qualis est illa, molestiam capere, et alias quasdam formulas orationis, et flosculos sententiarum. Verum hoc non est satis. Quamquam enim illa sint necessaria verba et phrasin observare, et sententias de moribus excerpere, tamen hoc non sufficit, sed opus est, ut totius orationis imaginem quandam in animo includamus. Et sicut aliquis, cum inspicit statuam, totius corporis habitum considerat, ita etiam totius orationis habitus considerandus est. Deinde videndum est, quomodo inter se consentiant singulae partes, quomodo membrum cum

38) id est] sic sola Ed. 1568.

39) Haec nota tantum in Ed. 1568. invenitur.

40) vorwant, quasi dicat] haec verba in Ed. 1568. addita sunt.

41) Hanc notam sola Ed. 1568. praebet.

42) seu excusatio severitatis.] haec verba in Ed. 1568. adiecta sunt.

43) (inquit)] haec vox in Ed. 1568. addita est.

44) Haec nota et 3 sequentes in sola Ed. 1568.veniuntur.

45) Hoc loco, orationis exordio finito, haec brevis ratio eius retexendi apte collocata est in Editt. 1539., 1553., 1554.; in Ed. 1568. autem ante scholia verbis exordii adscripta invenitur, conf. supra p. 1149. nota 12.

46) et ostendat] sic Ed. 1568., cett. 3 Editt.: et ut ostendat.

47) esse] sic Ed. 1568.; in cett. 3 Editt. deest.

48) Prima propositio exordii est] sic Ed. 1568.; in cett. 3 Editt. haec desunt.

49) est] sic Editt. 1539., 1553., 1554.; in Ed. 1568. omiss.

50) adversus] sic Editt. 1539., 1553., 1554.; Ed. 1568. erga.

51) Secunda propositio est] sic Ed. 1568.; in cett. 3 Editt. haec desunt.

52) adversus] sic Editt. 1568.; cett. 3 Editt.: erga.

53) me tuetur] sic recte Editt. 1539., 1554., 1568.; Ed. 1553. errore typogr.: metuatur.

54) cum] sic Ed. 1568.; cett. 3 Editt. tum.

55) patefecit] sic Ed. 1568.; cett. 3 Editt. patefacit.

56) resistunt] sic Editt. 1539., 1553., 1554.; Ed. 1568. resciscunt.

57) Sequitur inversio et conclusio] sic Ed. 1568.; cett. 3 Editt. habent solam vocem: Inversio.

58) Hanc notam sola Ed. 1568. praebet.

membro conveniat. Ita futurum est, ut nos etiam scribamus ad illorum similitudinem, ut omnia membra nostrae orationis bene inter se consentiant, et ut phrasis habeat quandam similitudinem antiquae formae, quae est Ciceronis, atque ita aequabilior fiat. Exordium habuit tres locos. Primus fuit, cur susceperit defensionem Syllae, nempe, ut ostendat se lenem erga bonos, et vehementem erga improbos esse. In secundo loco incepit excusare inconstantiam, quia Torquatus obiecerat, Ciceronem non videri constantem, quod alios non defendisset, hunc vero defenderet. Ad hoc respondet per obiectionem, et dicit se exemplo clarorum virorum hoc fecisse. Tertio inserit occupationem: Quia tametsi alii defendunt coniuratos, tamen minus ad te res pertinet, quia patefecisti coniurationem. Ad hoc respondet per obiectionem. Deinde addit inversionem: Concedo turpe esse defendere reum coniurationis, ideo nos non adfuimus reliquis coniuratis, quia sciebamus illos sontes esse. Huic autem adsumus, quia iudicamus eum non esse reum coniurationis, et addit conclusionem. Cum aliquis ita principalia membra meditata habet, melius seriem orationis consequitur. Hactenus exordium fuit, nunc sequuntur duae propositiones. Hic non opus fuit narratione, quia nihil potuit narrari, quoniam sit infitiatio. Qui nihil perfecit, de eo nihil narrari potest. In respondendo nihil opus est. Propositio est: Tu Torquate accusas Syllam tanquam reum utriusque coniurationis; ego vero nego. Cicero autem hoc loco utitur reiectione, et priorem propositionem reiicit ad Hortensii defensionem, quia Hortensius satis multa de hac dixerit. De secunda per infitiationem respondet, et negat Syllam reum esse coniurationis neque prioris, neque posterioris. Ita summa rerum est comprehendenda. Ergo Cicero diligentissime conservavit rationem proponendi, quia ipse voluit esse plenus et perspicuus. Iam accedit ad causam, quamquam nondum addat confirmationem seu confutationem⁵⁹⁾.

59) Pro hac longa annotatione, quae in Ed. 1568. illis Cic. verbis adscripta est, Editt. 1539., 1553., 1554. hanc habent brevem hisdem Cic. verbis appositam: Propositio de duabus coniurationibus. Priorem reiicit ad Hortensium, alteram plane infitiatur; negat enim Syllam fuisse coniuratum.

Designato] Designati consules dicebantur, qui toto anno, antequam inirent magistratus, creabantur⁶⁰⁾. *Patris tui*] Reiectio. De priore coniuratione dicit se nihil dicturum esse, quia nihil unquam de ea re constiterit⁶¹⁾. *Patris tui*] id est, qui inquisitionem prioris coniurationis fecit. *Ambitio*] Accipitur in bonam partem⁶²⁾.

§. 12. *In primis Q. Hortensius*] A testibus, Crasso, Lucullo, Hortensio. Circumstantiae in hoc argumento notandae, quae sit testium auctoritas, fides et dignitas, cuius in hoc crimine, hoc est, Hortensius potest esse testis de prima historia, non tantum defensor, quia ipse interfuit omnibus rebus, et est vir dignus fide⁶³⁾.

§. 13. *Qui vobiscum illa*] Illud confirmat auctoritatem orationis Hortensii. Hortensius laesit suo testimonio Antronium; ille idem suo testimonio nunc Syllam laederet, si sciret eum esse reum coniurationis⁶⁴⁾. *Mei consulatus*] Posterioris propositionis defensionem suscipit et addit rationem consilii. ἄλλως⁶⁵⁾. Transito ad secundam propositionem.

Cap. V. §. 14. *Multa, quum essem*] Infitiatio, qua negat obiectum crimen. *Multum haec vox*] Admiscet locum Cicero, qui ad suam personam et consilia sua pertinet. ἄλλως. Redit ad excusationem defensionis, et colligit dissimilitudines Antronii et Syllae, ut ostendat se ideo non defendisse Antronium, quia de eo male suspicaretur, Syllam vero ideo se defendere, quia existimet innocentem esse. ἄλλως. Hic admiscet locum ad suam personam pertinentem. Post propositionem in causis semper solet sequi confirmatio vel confutatio. Sed hic Cicero repetit causam, cur defendat illum⁶⁶⁾ Syllam, cum antea acerrime et vehementissime urserit alios et contenderit, ut sumeretur supplicium de illis, qui fuissent rei coniurationis. Ad hoc respondet et

60) Hanc notam sola Ed. 1568. continet.

61) Pro hac annotat., quam Ed. 1568. praebet, cett. 3 Editt. habent solam vocem: Reiectio.

62) Hanc notam tantum Ed. 1568. exhibet.

63) cuius in hoc — dignus fide.] pro his verbis in Ed. 1568. huic notae adiectis, ceterae 3 Editt. exhibent notam Cic. verbis *Qui cum propter honorem adscriptam*: Hortensius potest esse testis de prima coniuratione, non tantum defensor, quia ipse interfuit omnibus actionibus.

64) Haec nota in sola Ed. 1568. invenitur.

65) Posterioris — ἄλλως.] haec tantum Ed. 1568. habet.

66) illum] Ed. 1568. errore typogr.: illam.

co'ligit dissimilitudines Antronii et Syllae, Antronius est reus, Sylla non est reus; ergo licet mihi hunc defendere. Et est defensio officii sui, quare scilicet dicat causam Syllae, cum non defenderit alios. Ratio apposita est: Quia iste est innocens, igitur decet me innocentem defendere. Coniurationem vocarunt inter magnos principes, seditionem vero inter vulgus, sed tamen res eadem est ⁶⁷⁾.

§. 15. *Ambitus*] Antronius fuit seditiosus, Sylla non est: ergo sunt dissimiles. *Sylla si sibi*] id est, Sylla aequo animo tulit se condemnari, et non movit seditionem ⁶⁸⁾. *Damnatus*] scilicet Antronius ⁶⁹⁾. *Hic*] scilicet Sylla. *Nisi quod*] id est, retinuit tamen amicitiam bonorum propter modestiam.

§. 16. *Ille*] scilicet Antronius. *Ei*] scilicet Antronio. *Illis*] id est, Catilina et Lentulo.

§. 17. *Illum*] scilicet Antronium. *Allobroges*] Sabaudienses ⁷⁰⁾, Sophoier ⁷¹⁾ iam vocant; quia coniuratio Catilinae patefacta est per legatos Allobrogum. Vide Sallustium in initio ⁷²⁾. *Ille*] scilicet Antronius intus capiebat urbem incendere. *Expectatus foris*] scilicet ⁷³⁾ ut se cum exercitu adiungeret coniuratis. Colligit signa *ἄτεχνα*, ex quibus probat dissimilitudinem Syllae et Antronii ⁷⁴⁾. *Expectatus*] scilicet perdita urbe ⁷⁵⁾. *Sanitatem*] id est, tamen non desinit opem ferre Catilinae. *Hic*] scilicet Sylla. *Ubi neque homines*] id est, Neapoli nulli sunt turbulenti aut seditiosi cives. Illa enim perpetuo in fide mansit Romanorum. Hic nihil dicit, nisi signa, ex quibus apparet dissimilitudo Antronii et Syllae, et haec argumenta vocantur *ἄτεχνα*, quia sunt allata a causa ad oratorem, non ab ipso oratore excogitata, ut: Dissipavit iudicium, misit arma Catilinae, nihil tale fecit Sylla ⁷⁶⁾.

67) ἄλλως. Redit ad excusationem — res eadem est] haec verba et nota sequens in sola Ed. 1568. leguntur.

68) et non movit seditionem.] sic Ed. 1568.; cett. 3 Editt.: nihil movit.

69) Hanc notam et 8 sequentes sola Ed. 1568. exhibet.

70) Sabaudienses (i. q. Sabaudi)] Ed. 1568. corrupte: Sabaudienses.

71) Sophoier] sic Ed. 1568. pro Savoyer, Savoyarden.

72) Sallust. Catil. c. 40 — 45.

73) scilicet] sic Ed. 1568.; in cett. 3 Editt. deest.

74) Antronii] sic Editt. 1539., 1553., 1554.; Ed. 1568. Antonii.

75) Haec altera nota voci *Expectatus* adscripta et duae seqq. nomen in Ed. 1568. reperiuntur.

76) Illa enim perpetuo in fide — tale fecit Sylla.] haec verba tantum Ed. 1568. praebet.

Cap. VI. §. 17. *Propter hanc*] Conclusio huius loci per enthymema: Sunt dissimiles: ergo ego me quoque dissimilem praebui ⁷⁷⁾.

§. 18. *Veniebat*] Amplificat ex Antronii petitione ⁷⁸⁾. *Uxoris meae*] Vide Sallustium ⁷⁹⁾. Defendissem, nisi iudicasset nefarium esse defendere seditiosum. Valde enim a me contendit Antronius.

§. 19. *Sed, quum mihi*] Est hypotyposis pathetica. Hypotyposis autem est pictura illorum, quae fiunt. Ista autem fingit Cicero, ut addat motum et impetum orationi. Fuisset enim frigidus, si tantum dixisset, sed cum coniurasset contra patriam, resistendum est. Ex his sequitur Syllam esse innocentem.

§. 20. *Atque idem ego*] ἀντίθεσις: Sicut ergo ⁷⁹⁾ non possum defendere Antronium, sic non possum non defendere Syllam. Scio enim eum innocentem esse. Ita de suo officio hactenus dixit ⁸⁰⁾.

Cap. VII. §. 21. *Hic ait se ille*] Respondet per inversionem: Ego consul non regnavi, sed prohibui regnum ⁸¹⁾. Ad aliud argumentum respondet ⁸²⁾ per communicationem, qua culpam cum Torquato communicat, qui ipse quoque narrationi iudicum interfuit, et postea de illis testis fuit. ἄλλως. Cicero versatur in quatuor locis. I. Defendo Syllam, ut me liberem suspitione crudelitatis. II. Excusatio. III. Occupatio. IV. Inversio, cur defendat nunc Syllam, et antea non defenderit alios. Deinde sequitur conclusio. Postea accedit ad causam, et instituit propositionem per infitiationem. De priore coniuratione non respondeo; de posteriori sum responsurus: Nego Syllam fuisse socium posterioris coniurationis. Hanc propositionem nondum probat; quia res nititur maximo testimonio, ideo aliud immiscet de suo officio: Tu accusas me, cur Syllam defendo, et Antronium non defendi. Ratio est, Antronius et Sylla sunt dissimiles. Antronius semper fuit coniunctus cum Catilina, Sylla con-

77) Conclusio — praebui.] sic Ed. 1568.; cett. 3 Editt. habent: Conclusio (Ed. 1553. Conclusi) ἐναντιωματός. Sunt dissimiles: ergo ego me dissimilem praebuo.

78) Hanc notam et duas seqq. sola Ed. 1568. habet.

79) Sallust. Catil. 18.

79) ergo] sic Editt. 1539., 1553., 1554.; Ed. 1568. ego.

80) Scio enim — hactenus dixit.] haec verba in sola Ed. 1568. inveniuntur.

81) regnum] sic recte Editt. 1539., 1553., 1554.; Ed. 1568. regum.

82) respondet] sic Ed. 1568.; cett. 3 Editt.: respondit.

tinuit se post damnationem summa cum modestia. Qui cum dissimiles fuerint, ego quoque sum dissimilis. In respondendo solet ita fieri, ut accommodetur oratio ad illos, quibus respondetur; ideoque multa immiscet, antequam ad causam venit. Sic hoc loco diluit cavillum quoddam Torquati, qui dixerat se regnum Ciceronis ferre non posse. Romae illud nomen *regnum* male audiit, et receptum est pro tyrannide. Cicero de regno respondet primum per inversionem: Imo ego consul non regnavi, sed potius prohibui regnum, videlicet Catilinae, qui moliebatur Romae regnare, idque prohibui, ideoque regnum prohibui. Et illam regni appellationem ducit per illa tempora, quae post consulatum consecuta sunt. Sed fortasse intelligis me pro rege esse, quod tui damnati sunt, quibus dixisti testimonium, et ego non visus sum clemens⁸³). *Antum*] hoc est, fortasse tu non arguis consulatum. *Regem*] scilicet me. *Hic tibi ego*] Communicatio, qua communicat culpam cum Torquato. *Te in eos*⁸⁴) *dixisse*] hoc est, erit communis culpa tua cum ea, quia tu quoque testis fuisti, postquam interfuisti narrationi iudicum. *Sin*⁸⁵) *verum*] Quia qui verum dicit, non regnat, sed legibus obtemperat. *Regnare*] id est, uti aliqua tyrannide. *Ista sunt generalia*⁸⁶).

§. 22. *De huius spe*] Ad cavillum regni respondet per infitiationem. *Indicta*] id est, non dicta. *Uter tandem rex est*⁸⁷)] *Egregia*⁸⁸) inversio: Imo tu (inquit) rex, hoc est, tyrannus es, qui postulas homines innocentes tibi non resistere; ego non sum rex, quia innocentes defendo. *At hic*⁸⁹) *etiam*] Diluit cavillum de rege. *ἄλλως*. Alia confutatio de peregrinitate. Obiecit enim Ciceroni Torquatus, quod iam regnet Romae tertius peregrinus rex. 1. Numa. 2. Tarquinius. 3. Cicero, si sum peregrinus, non potui

esse consul. *Ista sunt ἀπεργνα*. Fingit multas expositiones de peregrino. Tuetur se exemplis, si ex municipio esse est peregrinum, praestantissimi viri sunt peregrini. Romae res ita se habebat. Non poterant ibi omnes habitare; itaque alii in aliis locis erant. Et ipsae urbes habebant ista discrimina. 1. Roma erat caput. 2. Coloniae. 3. Municipia, quae capiunt onera cum Romanis, sed non honores. 4. Vectigales erant, qui parebant populo Romano; et erant tanquam servi. Cicero non tantum erat municipalis, sed etiam civis. Quasi dicat: Fateor me esse ex municipio⁹⁰). *Quam consulem*⁹¹)] id est, si sum peregrinus, etiam consul esse non possum. Porro municipium est, quod capit onera cum urbe Roma, et non honores. Itaque soli Romani cives, et illi, qui in coloniis erant, capiebant Romae honores et consulatum ac provincias. Tertium genus erat vectigalium, qui tantum parebant, et tributa dabant, et erant servi. Multi autem vera cives in municipiis habitabant. *Peregrinum*] Hoc magis mirum est, quam esse regem⁹²).

§. 23. *Ex eo*] scilicet ex Arpino. *Unde iterum iam salus*] Quia duos praestantes cives habuit Marius et Ciceronem, ego servari urbem extincto Catilina, Marius vero deletis Cimbris. *Missa est*] Marius servavit urbem fuis Cimbris et Germanis, qui invaserunt in Italiam cum magno exercitu, et magnum timorem incusserunt Romanis. Cicero vero servavit urbem extincto Catilina⁹³). *Nemo enim istuc*⁹⁴)] Tuetur se exemplis; nihil est novi, Romae esse cives ex municipiis.

Cap. VIII. §. 24. *Quorum iam et nomen*] id est, qui sumus nati ex civibus, quamquam sumus oriundi ex⁹⁵) municipalibus locis. *De honore*] id est, de praetura⁹⁶). *Superari*] quasi dicat: Vide, ne te peregrini in suffragiis vincant⁹⁷).

83) ἄλλως. Cicero versatur in quatuor locis — visus sum clemens.] haec verba et 4 notas sequentes sola Ed. 1568. exhibet.

84) eos] sic Ed. 1568. et al.; Ed. Orell. eosdem.

85) Sin] sic Ed. 1568. et Ed. Orell.; Editt. 1539., 1553., 1554. Si.

86) Haec nota et duae sequentes in sola Ed. 1568. inveniuntur.

87) Pro his Cic. verbis, quae Ed. 1568. h. l. habet, in Editt. 1539., 1553., 1554. Cic. verba subsequencia *isne, cui innocentes* huic notae apposita sunt.

88) Egregia] hanc vocem sola Ed. 1568. habet.

89) At hic] sic Ed. 1568. et Ed. Orell.; Editt. 1539., 1553., 1554. Ad haec.

90) Pro hac nota longiori, quam Ed. 1568. habet, ceterae 3 Editt. exhibent hanc breviorē: Alia confutatio de peregrinitate.

91) consulem] sic Ed. 1568. et Ed. Orell.; Editt. 1539., 1553., 1554. consulētis.

92) Haec nota et sequens in sola Ed. 1568. exstant.

93) Hanc notam sola Ed. 1568. exhibet.

94) istuc] sic Ed. 1568. et Ed. Orell.; Editt. 1539., 1553., 1554. isthuc.

95) sumus oriundi ex] sic Ed. 1568.; Editt. 1539., 1553., 1554. habitem in.

96) Pro hac Editionis 1568. nota, ceterae 3 Editt. habent hanc: *Contendant*] scilicet de praetura.

97) Hanc notam et sequentem sola Ed. 1568. habet.

§. 25. *Aut gaudeat*] id est, patiatur aequo animo alios municipales. *Quare*⁹⁶⁾] Amplificatio ex definitione. Rem aliter definit, quam vulgo solet definiri, sicut in alio loco definit popularem consulem: Ille est popularis, qui pacem imperii tuetur. *Nisi forte regium*] Amplificatio ex definitione regis, et opponit sua pericula et labores. Si ideo me vocas regem, quod dico liberas sententias. Rex est, qui non obtemperat cupiditatibus⁹⁹⁾. *Nisi forte*] Detorquet regis appellationem ad bonos mores. *Maledicti*] quasi dicat: Si quod verbum tyrannicum dixi, cur non adfers illud?

Cap. IX. §. 26. *Ego, tantis a me*¹⁰⁰⁾] Opponit invidiosae¹⁾ appellationi regis tres locos: primum suos labores; deinde a periculis suis et maxime ab illis, quae ab improbis impendent; tertio, ab illis, quae impendent ab aliis. Igitur liberat se suspitione, opponens regno, quae ei sunt contraria, videlicet quod ultro suscipiat maximos labores, et propemodum se in servitutem coniciat: Ego sum servus, ergo non regno. ἄλλως. Ita solet in respondendo fieri, ut oratio imitetur omnem ordinem, omnes locos, et fere totam dispositionem prioris orationis. Ita Demosthenes concedit temporibus aliquibus, et respondet ad tempora, quae recensuerat Aeschines. Sic hic Cicero, postquam instituit propositionem, digreditur tanquam in locum alienum, nihil pertinentem ad hoc institutum. Dederat enim ei occasionem Torquatus, qui acerrime in Ciceronem invectus fuit, eique multa probra obiecerat. Ideo Ciceroni hic de se dicendum fuit. Et propterea admiscet hunc locum alienum a negotio Syllae. Fuit autem ista propositio: P. Sylla non est reus posterioris coniurationis. Postea redit ad illam explicationem defensionis, et respondet: Quia non est reus coniurationis, ideo defendo eum. Boni enim civis est sublevare innocentem. Et quia Torquatus invidiose tractaverat ista cum Ciceronis contumelia, Cicero facit inversionem, si hoc est regnare, innocentem defendere, imo hoc

96) *Quare*] pro hac Cic. voce, quam Ed. 1568. h. l. habet, in Editt. 1539., 1553., 1554. Cic. verba seqq. *Nisi forte regium* tibi huic notae adscripta sunt.

99) Haec nota et duae sequentes in sola Ed. 1568. inveniuntur.

100) *a me*] sic Ed. 1568. et Ed. Orell.; Editt. 1539., 1553., 1554. ante.

1) invidiosae] sic Ed. 1568.; cett. 3 Editt.: invidiose.

est regnare, innocentem prohibere. *Ego tantis*] Opponit illi invidiosae appellationi regni tres locos: primum suos labores et quotidianas miseras, ut invidiam verbi declinet. Quomodo possum dici regnare, cum sustineam gratis pro publica maximos labores? Secundus locus est a periculis improborum: Ille certe non regnat, qui gerit talia negotia, propter quae adducit in summum discrimen suam vitam; ego propter res meas gestas sum in maximo odio omnibus, et sum vix in hac urbe tutus, ergo, etc. Tertius locus est etiam a periculis: Impendent mihi pericula non solum a vulgo, sed etiam a praestantissimis. Nam et Torquatus reprehendit res meas gestas, etc.²⁾. *Quis non concederet?*] id est, ego ultro suscipio labores, quia respublica concederet mihi otium, si vellem; si ultro facio, ergo non sum rex, hoc est, nulla cupiditate regni videri possum accensus³⁾. *Quid? si*] Fecit ἀντιθεσιν. *Si neque amici . . . requirunt*] id est⁴⁾, si non desum amicis. *In curia*] scilicet in senatu dicenda sententia. Forum, iudicia, Rathaus idem fere est⁵⁾. *Tamen hoc regnum*⁶⁾ *appellas*] Cum rectius appellaretur servitus. *Inveniri nemo potest?*] cuiusmodi⁷⁾ regnum nemo petat.

§. 27. *Si quaeris, qui*] ἀντικατηγορία, id est, recriminatio. Torquatus accusavit Ciceronem, quod haberet regnum in civitate libera. Hoc non ita est⁸⁾. *Ex domesticis*] Significat Maulium affectasse regnum. Ex illa enim gente erat Torquatus⁹⁾. *Res enim gestae, credo*] Opponit¹⁰⁾ et pericula sua gloriae rerum gestarum ad invidiam minuendam. ἄλλως. Secundus locus, in quo opponit pericula regno suo. Dicit se non regnare, quia sit in perpetuo periculo: Ego propter res meas gestas sum in perpetuo periculo,

2) Ego sum servus, ergo non regno — res meas gestas etc.] haec verba non nisi Ed. 1568. continet.

3) hoc est, nulla — accensus.] haec verba et nota sequens in sola Ed. 1568. inveniuntur.

4) id est] sic Ed. 1539., 1553., 1554.; Ed. 1568. quasi dicat.

5) Haec nota in sola Ed. 1568. legitur.

6) *regnum*] sic Ed. 1568. et Ed. Orell.; Editt. 1539., 1553., 1554. *regium*.

7) cuiusmodi] Ed. 1568. scilicet cuiusmodi.

8) id est, recriminatio — Hoc non ita est.] sic Ed. 1568.

9) Significat — Torquatus] haec verba, quibus in Ed. 1568. Cic. verba *Ex domesticis* adscripta sunt, in cett. 3 Editt. voci ἀντικατηγορία praecedentis annotationis sunt annexa.

10) Opponit] in Ed. 1568. huic voci auctoris nomen praefixum est: Phil. Melanch.

igitur nolite putare, me affectare regnum, vel, ego nihil amplius periculi accersere volo¹¹⁾.

§. 28. *Nisi vero paucos*] Opponit pericula, quae impendent ab improbis. *Nisi vero paucos*] id est, multi supersunt adhuc seditiosi, qui favebant Catilinae consiliis¹²⁾.

Cap. X. §. 29. *Praesidiis*] id est, gratia. *Coniungunt*] ἀντιθεσις, quod se liberare vult omni suspitione cupiditatis. *Coniungunt*] id est, favent mihi, vel, adiuvant me. Alii cives in senatu laudabant res gestas Ciceronis. Ante exilium habita est haec oratio.

§. 30. *At vero quid*] Exaggerat¹³⁾ periculum suum a persona Torquati, quod videlicet incurrit in odia non solum plebeiorum, sed etiam nobilium. Et addit pleraque alia ad conflandam invidiam Torquato, quasi aucupatus sit vulgi gratiam in hac insectatione Ciceronis. ἄλλως. Oponit pericula, quae impendent a bonis. Cicero non dicit aperte, quod Torquatus reprehendat eius res, sed coniectura ex eius actione colligit, quod Torquatus faveat hominibus seditiosis in deformandis rebus Ciceronis¹⁴⁾. ἄλλως¹⁵⁾. Reprehendit adversarium, et quod oblitus decori, cum contra coniuratos dicat, videatur favere coniuratis¹⁶⁾, et aspergit eum obiter suspitione, quasi assentetur multitudini. In supplicio voluit videri deplorare interitum talium virorum, quos amabat¹⁷⁾. *Qui ea probatis*] scilicet quod vituperantur coniurati. *Et queribunda*¹⁸⁾ voce] scilicet¹⁹⁾ ut videretur deplorare interitum talium virorum in gratiam vulgi.

11) Opponit — volo.] pro hac nota prolixiori Editionis 1568, ceterae 3 Editt. habent hanc breviorē: Secundus locus; opponit pericula regno: Ego sum in magno periculo propter res meas gestas, ergo nihil amplius periculi accersere volo.

12) Haec altera nota iisdem Cic. verbis adscripta et 3 sequentes tantum in Ed. 1568. inveniuntur.

13) Exaggerat] huic voci in Ed. 1568. praefixum est auctoris nomen: Phil. Melanch.

14) Exaggerat — rebus Ciceronis.] pro his verbis Editionis 1568, ceterae 3 Editt. habent haec: Opponit pericula, quae impendent a nobis.

15) ἄλλως] sic Ed. 1568.; in Editt. 1539., 1553., 1554. sequentibus verbis „Reprehendit — assentetur multitudini.” praefixa sunt Cic. verba *Qui quum suppressa voce.*

16) coniuratis] sic recte Editt. 1539., 1553., 1554.; Ed. 1568. errore typogr.: coniuratas.

17) In supplicio voluit — amabat] haec in Ed. 1568. addita sunt.

18) queribunda] Ed. 1568. quaeribunda.

19) scilicet] sic Ed. 1568.; in cett. 3 Editt. adest.

§. 31. *Is tribunus*] scilicet P. Clodius, statim post consulatum Ciceronis coepit ista tate, et non quievit, donec perfecit, ut exiret in exilium²⁰⁾.

§. 32. *Sed reprehendo*] Brevis obiurgatio vel occupatio: Imo ne putes, quod ista plura populo, quae coniurati senserunt²¹⁾.

Cap. XI. §. 32. *Ecquem*²²⁾ tu horum] est²³⁾, plurimi cives cupiunt tranquillam rempublicam, et oderunt coniuratos²⁴⁾, in quoque vituperabunt, quod videris favere ceteris. *An vero*] A simili exemplo: Nonne omnes laudant Torquatum, quod occiderit filium lantem contra edictum dictatoris? Ergo et publica laudanda est, si vehementior fuerit coniuratos²⁵⁾. *An vero*] Interrogatio est temporis, non tantum proximi coli²⁶⁾. *Nempe* [reprehendit] quasi dicat: Certo nemo reprehendit scilicet Manlium Torquatum, qui filium se percussit dimicantem contra edictum dictatoris *Ut in caeteris*²⁸⁾] hoc est²⁹⁾, auctoritatem deplinae militaris.

§. 33. *Adestote*³⁰⁾ omnes animis] παροισία³¹⁾, qua Cicero commemorat et praedicat gestas sui consulatus, ne videatur invidiam cogere, cum Torquatus eas res figurate reprehendisset, ut invidiam ei conflaret, earumque mentem in Torquatum transfert, non ut invidiam minuatur, sed ut Torquati imprudentiam ostendat qui res a se ipso et a patre gestas improbare vult. ἄλλως. Series partium orationis observa-

20) scilicet P. Clodius — in exilium.] sic Ed. 1568.; 3 Editt. habent tantummodo: P. Clodius.

21) Brevis obiurgatio, — senserunt.] sic Ed. 1568.; 3 Editt. habent huius notae exordium: Brevis obiurgatio.

22) *Ecquem*] sic Editt. 1539., 1553., 1554. et Ed. Orell. 1568. et al. *Et quem.*

23) hoc est] sic Ed. 1568.; in cett. 3 Editt. desunt.

24) et oderunt coniuratos] haec tantum Ed. 1568. habent.

25) A simili — coniuratos.] pro hac nota Editionis ceterae 3 Editt. habent: Sumptum argumentum ab exemplo.

26) Haec altera nota iisdem Cic. verbis adscripta et pro me sequens in sola Ed. 1568. inveniuntur.

27) Hoc fecit T. Manlius Imperiosus Torquatus tertio sui a. u. c. 414. (340. a. Chr.) in bello Latino, vid. VIII, 3 — 12. Secundum Sallust. Catil. 52. hoc fecit in Gallico. Conf. Pauly: Real-Encycl. T. IV. p. 1492.

28) *caeteris*] sic Editt. 1539., 1553., 1554., 1568. et al. Orell. *ceteros.*

29) hoc est] sic Ed. 1568.

30) *Adestote*] sic Ed. 1568. et Ed. Orell.; Editt. 1539., 1554. *Adeste.*

31) παροισία] huic voci in Ed. 1568. auctoris nomen praefixum est: Philip. Melanch.

st. Ubi incepit rursus excusare suum officium, respondet plenum esse humanitatis innocentem demerere. Iurisconsultus inquit: Semel malus semper praesumitur malus. Respondit autem colligens issimilitudines, postea incipit tractare locos, nihil ad hanc causam pertinentes, sed magis ad personam Ciceronis, quos diluit ordine. 1. Se non esse peregrinum. 2. Se non esse regem. Primum opponit suos labores invidiosae appellationi. Sic autem utitur quadam asseveratione. Est autem asseveratio, cum confidenter aliquid asseveramus: Ego gessi has res, et non poenitet me fuisse. Secundus locus est communicatio: Ego istas res, quas gessi, tecum gessi, usus sum in his gerendis plurimum tua et patris tui opera. Si quid peccavi, tu quoque peccasti. Ita communicat cum eo, si quid in his suis rebus gestis visus sit peccare. Atque ita tandem accedit ad causam. *ἄλλως*. Praefatur tanquam in poemate quodam, via vult asseverare et ostendere, se non improbare ea, quae gesserit, non poenitere se istorum consiliorum, quibus in consulatu suo oppresserit seditiosos³²⁾. *Incensio urbium*³³⁾] Distributiones, quia per partes explicat commoda beneficii citius. Ista est sententia asseverationis: Ego favor me ista fecisse, nec defugio pericula, neque poenitet me meorum consiliorum³⁴⁾.

§. 34. *An me existimasti*] *ἐπιφώνημα*: Ponas me non ista libenter dicere, cum tamen ea dixi, quando abdicavi consulatum. Nam pro pronuntiatione Cicero abdicans consulatum dixit, se pro primo consilio omnia in coniuratione egisse, se nihil spectasse, nisi publicam utilitatem, se omnia concessisse coactum legibus³⁵⁾. *Quae iuratus in maxima concione*] scilicet quando abdicabam me consulatu.

Cap. XII. §. 34. *Atque etiam illud*] Communicatio ironica. Aspergit enim quasdam ironias, ut oratio sit urbanior et festivior³⁶⁾. *Quum signifer esset*] Dicitur etiam princeps iuventutis,

32) *παρόρησια* qua Cicero — oppresserit seditiosos] pro hac longa nota Editionis 1568. ceterae 3 Editt. habent hanc brevem: *παρόρησια*, qua commemorat et praedicat res gestas sui consulatus, et orditur velut in poemate.

33) *Incensio urbium*] sic Ed. 1568.; Ed. Orell. *incensione urbem*.

34) Haec nota in sola Ed. 1568. invenitur.

35) *ἐπιφώνημα* — coactum legibus.] sic Ed. 1568.; ceterae 3 Editt. habent solam vocem: *ἐπιφώνημα*.

36) Communicatio — festivior.] sic Ed. 1568.; ceterae 3 Editt. habent tantum verba: Communicatio ironica.

et is dicitur, quem constituit consul signiferum³⁷⁾. *Iuventutis*] De Bruto, Germanico et C. Caesare legimus, quod fuerint principes iuvenes; et dicuntur illi, quibus consul aut summus magistratus signum tradit.

§. 35. *Vide ne*³⁸⁾] *ἐπιφώνημα εἰρωνικόν*. *Sed iam redeo*] Transito. Tota haec disputatio propemodum nihil pertinebat ad causam Syllae. Hic reddit rationem, cur illis locis usus sit. *Nam si Torquatus*] Brevis excusatio, cur prolixius responderit Torquato³⁹⁾.

Cap. XIII. §. 36. *Allobrogibus*] Confutat⁴⁰⁾ primum argumentum, quod Sylla sit nominatus ab Allobrogibus. *ἄλλως*. In hac oratione sicut plerumque solet fieri in respondendo, ut oratio, quantum potest, imitetur ordinem prioris. Confirmatio non sequitur propositionem, sed hic praeposuit confutationem. Infra autem sequetur quaedam confirmatio. Illud autem est argumentum. Sic enim argumentatus fuerat Torquatus: Allobroges nominaverunt Syllam, ergo verisimile est Allobroges etiam scisse aliquid de societate Syllae cum coniuratis. *ἄλλως*. Refutat argumentum per distinctionem, quod Allobroges interrogaverint de Sylla, non affirmaverint. Aliud est autem interrogare, aliud affirmare, et in testimonio requiritur asseveratio. Ista sunt *ἄτεχνα*, quia non constant peculiari quadam et subtili ratione, quia sunt posita in omni vita, etc.⁴¹⁾. *Quis negat*⁴²⁾] id est, concedo Syllae iudicium, quod de Sylla interrogaverit. *Audissent eos*] scilicet Syllam et Antronium⁴³⁾. *De quibus illi aliquid*] scilicet⁴⁴⁾ quod neque Cassius asseveret.

§. 37. *Etenim esset*] Haec est sententia. Cassius dicit se nihil scire de Sylla, quia turpe esset ei, si antea nominasset alios, hunc praeterisset⁴⁵⁾.

37) Haec nota in sola Ed. 1568. invenitur.

38) *Vide ne*] sic Editt. 1539., 1553., 1554., 1568.; Ed. Orell. *Videsne*.

39) Haec notam sola Ed. 1568. exhibet.

40) Confutat] huius vocis in Ed. 1568. praefixum est auctoris nomen: Philip. Melanch.

41) Pro hac nota prolixiori Editionis 1568. ceterae 3 Editt. habent hanc brevioris: Confutatio. Refutat argumentum per distinctionem, quod Allobroges interrogaverint de Sylla, non affirmaverint. Aliud est interrogare, aliud affirmare; et in testimonio requiritur asseveratio.

42) *Quis negat*] sic Ed. 1568. et Ed. Orell.; Editt. 1539., 1553., 1554. *Quis negat Syllae*.

43) Haec nota in sola Ed. 1568. invenitur.

44) scilicet] sic Ed. 1568.

45) Haec notam et duas seqq. sola Ed. 1568. habet.

Nisi forte] Responsio ad quandam occupationem. *Retulisset*] scilicet Cassio. *Etiā, ut arbitror*] scilicet cum maxime vellet nominare istos⁴⁶⁾, quorum mentione commovere Gallos posset.

§. 38. *Iam vero illud*] Argumentum ex minore, si mentio Syllae venit in mentem Gallis, quanto magis debebat Cassio venire in mentem. Illa figura frequens est apud Ciceronem, et in hac re videtur Isocratē imitatus esse⁴⁷⁾. *Inquit*] scilicet Torquatus.

§. 39. *Sed ego in iudiciis*] id est, asseverationem acquirō in testimonio. Quaestiones significant ipsa iudicia et examen, et torturam⁴⁸⁾. *Utrum subleuat*] scilicet⁴⁹⁾ quod prodest Syllae. *Gallos*] Verba sunt Torquati, quae ei affingit⁵⁰⁾. *Quid ita? ne indicent?*⁵¹⁾] id est, Cassius ideo non indicat⁵²⁾ Syllam, ne⁵³⁾ Galli prodant Syllam. *Quid? si periculum esse*] scilicet si Cassius putasset illos prodituros esse quemquam, nunquam neque se, neque alios indicasset⁵⁴⁾. *Credo, iudices*] *εἰπωσεία*, quasi dicat: Cassius certe bene scivit Syllam non esse socium coniurationis⁵⁵⁾. *Atqui*⁵⁶⁾ *hoc perspicuum est*] Inversio, proprius locus coniecturalium quaestionum⁵⁷⁾. Sumit enim argumentum pro Sylla ex ipsius⁵⁸⁾ Cassii responso, quod obiecerat adversarius. *Nihil esse*⁵⁹⁾] id est, nihil esse asseverat.

Cap. XIV. §. 40. *Exclusus hac criminatione*] Confutatio⁶⁰⁾ secundi argumenti de fide publica-

46) scilicet cum maxime vellet nominare istos,] sic Ed. 1568.; ceterae 3 Editt.: id est, quam maxime velle istos nominare.

47) Haec nota et sequens non nisi in Ed. 1568. reperiuntur. 48) Quaestiones — torturam.] sic Ed. 1568.; in cett. 3 Editt. haec desunt.

49) scilicet] sic Ed. 1568.

50) Haec nota in sola Ed. 1568. invenitur.

51) *indicent*] sic Ed. 1568. et Ed. Orell.; Editt. 1539., 1553., 1554. *indicentur*.

52) *indicat*] sic Ed. 1568.; Editt. 1539., 1553., 1554. *indicat*.

53) *ne*] sic recte Editt. 1539., 1553., 1554.; Ed. 1568. *me*.

54) scilicet — indicasset] sic Ed. 1568.; Editt. 1539., 1553., 1554.: Si Cassius putasset prodituros quemquam, nec se nec alios indicasset.

55) Hanc notam tantum Ed. 1568. habet.

56) *Atqui*] sic Ed. 1568. et Ed. Orell.; Editt. 1539., 1553., 1554. *Atque*.

57) proprius locus coniecturalium quaestionum.] haec in sola Ed. 1568. leguntur.

58) *ipsius*] sic Ed. 1568.; cett. 3 Editt.: *ipso*.

59) In Editt. 1539., 1553., 1554. pro his Cic. verbis sequentia in *iudicio* (Ed. Orell. in *iudicio*) huic notae adscripta sunt.

60) Confutatio] in Ed. 1568. huic voci praefixum est nomen auctoris: Philipp. Melanch.

rum tabularum, et est infitiatio, cui fidem facit per testes. *ἄλλως*. Cicero in hoc loco, cum Torquatus labefactasset et reprehendisset fidem in publicis iudiciis, quasi Cicero in tabulas scripsisset, quae ipse voluerit, non quae narraverint indices, nihil aliud facit, quam quod contra Torquatum arguat mendacii, et allegat testes. Est ergo locus *ἄτεχνος*, continens tantum infitiationem, cui fidem facit per testes. Additur et locus communis, in quo reprehenditur vehementia Torquati⁶¹⁾. *Retulisse*] scilicet magnum crimen est in tanta causa perscripsisse falsum⁶²⁾. *O Dii immortales*] hoc est, ego satis diligenter curavi adhiberi testes⁶³⁾. Translatio, quod ipse non providerit, sed Deus potius, quae necessaria fuerint. *Menti meae*] Ut minus esset grandis oratio, addidit quasi claudicans epilogum⁶⁴⁾.

§. 41. *Vidi ego hoc*] Causa, quare adhibuerit testes, quasi dicat: Non cogitavi mihi impendere periculum a tali viro, qualis est Torquatus⁶⁵⁾. *Huius iudicii*] Indicium hic vocat narrationem Allobrogum⁶⁶⁾. *Iudicii*] scilicet Allobrogibus. *Quo facilius, vento*] Quia homines obaerati metuentes legum et iudiciorum cupiunt exoriri bella, ut inde resarciant aes alienum.

At quos viros!] Amplificatio a circumstantia personae, quales fuerint viri.

Cap. XV. §. 42. *Privata*] scilicet ipsius consulis.

§. 43. *In quo ego*] Dicit, quare passim distribuerit exempla iudicii. *Primum ne*] scilicet ne falsa crimina fingerentur in illos. *Commentariis*] scilicet domesticis.

§. 44. *Sed tamen abs te*] Alia⁶⁷⁾ reprehensio sumpta ex occasione: Quare tunc non reprehendisti iudicium, cum esset perscriptum? Nunc sera est reprehensio. *Tuus inimicus*] scilicet⁶⁸⁾ Sylla. *Tibi, meo*] scilicet item tunc debebas reprehendere, cum habebas testimonium sena-

61) Editt. 1539., 1553., 1554. huius longioris notae, quam Ed. 1568. exhibet, tantum priorem continent partem: „Confutatio — per testes.”

62) Haec nota in sola Ed. 1568. invenitur.

63) hoc est — adhiberi testes.] haec verba non nisi Ed. 1568. habet.

64) Hanc notam sola Ed. 1568. praebet.

65) Causa — Torquatus.] sic Ed. 1568.; ceterae 3 Editt.: Causa, quare adhibuerit testes.

66) Haec nota et 7 sequentes in sola Ed. 1568. inveniuntur.

67) Alia] sic Ed. 1568., in cett. 3 Editt. haec vox desit.

68) scilicet] sic Ed. 1568.; cett. 3 Editt.: id est.

tus⁶⁹). *Aliter fieri*] hoc est, cum videres non omnia scribi, aliquid omitti, aliquid falsum scribi⁷⁰).

Cap. XVI. §. 45. *Mihi cuiusquam salus*] Verisimile ex periculo Ciceronis. *Quod si iam*] hoc est, non est, quod fides mearum tabularum vocetur in dubium, cum supersit adhuc senatus, qui possit dare testimonium⁷¹).

§. 46. *Fero ego te*] ἀποδῶξίς, et addit, quare non respondeat durius⁷²).

Cap. XVII. §. 48. *Neque vero, quid mihi*] Amplificatio a causa, quare Torquatus succenset Ciceroni, et illam causam diluit. Usitatus mos est defendere amicum⁷³). *Ac, si considerare*] Brevis⁷⁴) collatio sui facti et Torquati inversiones adhibentur.

§. 49. *An*⁷⁵) *vero quum honos agebatur*] Ab exemplo, quod non debeat defendenti adversarium succensere: Pater tuus non succensuit illis, qui Syllam defenderunt ambitus. Neque igitur tu nunc succense mihi⁷⁶). *Honos amplissimus*] Quia Sylla et Torquatus pater certabant de consulatu, Sylla victus, alter consul factus est. *Intelligebat*⁷⁷)] *Sumpta est*⁷⁸) ratio ex⁷⁹) sententia. *Et erat huic*] Amplificatio ex maiore: In iudicio patris tui periclitabatur honos patris; in tuo iudicio extremum periculum Syllae vertitur sine ullo tuo periculo⁸⁰): ergo tu minus debebas irasci defendentibus Syllam. *Afflicto*] id est, condemnato in iudicio patris⁸¹). *Tum qui*] scilicet tum periclitabatur honos patris tui. *Ve-*

69) Haec nota in sola Ed. 1568. reperitur.

70) hoc est — scribi.] sic Ed. 1568.; cett. 3 Editt.: id est, falsum scribi.

71) Hanc notam sola Ed. 1568. praebet.

72) et addit — durius.] haec verba tantum in Ed. 1568. leguntur.

73) et illam — amicum.] haec in sola Ed. 1568. inveniuntur.

74) Brevis] sic Ed. 1568.; in cett. 3 Editt. deest.

75) An] sic Editt. 1539., 1553., 1554., 1568. et al.; Ed. Orell. At.

76) Pater tuus — succense mihi.] haec verba tantum Ed. 1568. exhibet.

77) *Intelligebat*] pro hac Cic. voce, quam Ed. 1568. h. l. habet, in cett. 3 Editt. huic notae adscripta sunt verba: *Ut mollius* (corrupte pro: *Ut nullius*).

78) *Sumpta est*] sic Ed. 1568.; in cett. 3 Editt. haec desunt.

79) ex] sic recte Editt. 1539., 1553., 1554.; Ed. 1568. est.

80) sine ullo tuo periculo] sic Ed. 1568.; in cett. 3 Editt. haec desunt.

81) Hanc notam et sequentem sola Ed. 1568. exhibet.

terti exemplo] quasi dicat⁸²): Nemo reprehendit, pater non est iratus his⁸³), qui defenderunt Syllam.

Cap. XVIII. §. 50. *Ego vero quibus*] Altera pars collationis. *Honor*] scilicet consulatus⁸⁴). *Insignia*] id est, tu es filius consularis. *Tu ornatus*] Ita⁸⁵) reddit rationem defensionis Cicero, ut in Torquato crudelitatem accuset.

§. 51. *At accusat C. Cornelii*] Confutatio⁸⁶) tertii argumenti, quod Sylla cum Antronio voluerit interficere, ad quod respondet Cicero per infitiationem, et locum ab impossibili. Porro index dicitur honeste, et proditor turpiter, ut si quis effert improborum hominum scelera, dicitur index. ἄλλως. Primum argumentum fuit Syllam nominatum esse ab Allobrogibus, igitur verisimile esse, quod Sylla fuerit socius Catilinae. Cicero hoc argumentum diluit per distinctionem, dicit nominatum esse, sed nihil asseveratum. Aliud est nominare, aliud asseverare, et in testimoniis requiritur asseveratio. Secundum de fide tabularum publicarum, quod Cicero aliud scripserit in litteras publicas, quam narraverint indices. Hoc quoque diluit per infitiationem, et allegat testes. Sequitur tertium argumentum. C. Cornelius eques quispiam fuit coniunctus etiam Catilinae, quemadmodum multi istis temporibus Romae. Huius mentionem quoque facit Sallustius. Iste Cornelius dixit affuisse quoque Syllam in isto conventu, quando insidiae structae sint Ciceroni in campo Martio, cum eum essent interfectori. Cicero respondet valde clare, per infitiationem, et per locum ab impossibili, et dicit eum tunc Romae non fuisse, sed Neapoli, quae civitas prorsus nihil haberet commune cum coniuratis. Ista est responsio, atque hae responsiones, quia pendent ex facto, non ex subtili disputatione oratoris, dicuntur ἀτεχναι, quia a re ipsa afferuntur ad oratorem. Ista est summa huius argumenti. Observa hic tantum ordinem verborum, et orationis Ciceronianae⁸⁷). *Ac*

82) quasi dicat] sic Ed. 1568.

83) his] sic Ed. 1568.; cett. 3 Editt.: istis.

84) Haec nota et duae seqq. in sola Ed. 1568. inveniuntur.

85) Ita] huic voci in Ed. 1568. praefixum est auctoris nomen: Philip. Mel.

86) Confutatio] huic etiam voci in Ed. 1568. praefixum est auctoris nomen: Phil. Melanch.

87) Confutatio — Cicerontanae.] pro hac longa Editionis 1568. annotatione ceterae 3 Editt. habent hanc: Tertium argumentum, quod Sylla cum Antronio voluerit interficere Ciceronem; ad quod respondet Cicero per infitiationem,

si pater indicaret] scilicet ⁸⁸⁾ qui etiam indicaverat reliquos coniuratos, et propter illam causam consecutus est impunitatem. Index dicitur honeste, qui dicitur proditor in re turpi. Ideo usus est verbo indicandi, quia iste Cornelius fuit coniunctus Catilinae, et postea index ⁸⁹⁾. *O patrem]* *εἰρωνεῖα*, quasi dicat: Nemini est credendum alleganti suam turpitudinem ⁹⁰⁾. *Qui, quod praemii]* scilicet diffidens causae, desperans victoriae; quasi dicat: qui non laedit adversarium, et tamen confitetur suam turpitudinem ⁹¹⁾. *Sin, ut ais, illum]* Infinitio ab impossibili, quia abfuerit Sylla ⁹²⁾. *Comitatum Antronii]* scilicet indicat.

§. 52. *Sed quoniam]* Recriminatio adversus Cornelium, quae inserta est nihil ad hunc locum pertinens. Cornelius interfuit seditiosissimis deliberationibus Catilinae, Sylla non interfuit: Hac recriminatione vult elevare fidem testimonii Cornelii ⁹³⁾. *Adumbratum]* scilicet simulatum ⁹⁴⁾. *Falcarios* ⁹⁵⁾] Falcarii, die da Helleparten tragen, quia ipsi valde generaliter usi sunt isto vocabulo falcis ⁹⁶⁾.

Cap. XIX. §. 53. *Hoc tempore]* Exponit illum locum ab impossibili, quia tunc abfuerit Sylla. *Quid ergo indicat]* Alia infinitio de emptis gladiatoribus. *ἄλλως*. Confutat ab impossibili, a loco. Probavit Cornelius suum indicium a coniectura, quia Sylla emisset gladiatores. Solebant enim potentes viri frequenter gladiatores emere, sed tamen sub praetextu ludorum, ut, si quando opus esset, haberent tales homines ad se muniendos. Cicero respondet istum non volentem emisse. Ista verba ponun-

et locum ab impossibili. Porro index dicitur honeste et proditor turpiter, ut si quis effert improborum hominum scelera, dicitur index.

88) scilicet] sic Ed. 1568.; cett. 3 Editt. id est.

89) et propter illam — postea index.] haec tantum in Ed. 1568. inveniuntur.

90) *εἰρωνεῖα*, quasi — turpitudinem.] sic Ed. 1568.; in cett. 3 Editt. illis Cic. verbis adscripta est haec nota: Qui confitetur suam turpitudinem, nec laedit adversarium.

91) scilicet — turpitudinem.] sic Ed. 1568.; cett. 3 Editt.: Diffidens causae.

92) Sylla.] sic Ed. 1568.; cett. 3 Editt.: Cornelius.

93) Pro hac nota Editionis 1568. in cett. 3 Editt. legitur haec: *Quid tandem de illa]* Recriminatio adversus Cornelium.

94) scilicet simulatum.] sic Ed. 1568.; cett. 3 Editt.: id est, simulatum.

95) *Falcarios]* hanc Cic. vocem huius notae ipse adscripsit.

96) Hanc notam et sequentem sola Ed. 1568. habet.

tur *μμητικῶς* ⁹⁷⁾. *Gladiatores]* Verba Cornelii ⁹⁸⁾. *Ita prorsus]* Verba Ciceronis. *Patris]* scilicet Fausti. *Arrepta est familia]* Iterum sunt ⁹⁹⁾ verba Cornelii. *Arrepta]* hoc est, nominatim exagitata est haec familia ¹⁰⁰⁾. *Quae si esset praetermissa]* quasi dicat: Quid opus fuit gladiatores novos ¹⁾ comparare, et tam instructos, cum alii minus instructi possent in ludis satisfacere. *Alia]* scilicet non tam magno empti ²⁾. *Utinam quidem haec ipsa]* Verba sunt Cornelii, quasi dicat: Haec familia vix potest satisfacere in ludo, tantum abest, ut aliquem excitare possit, vel, certe haec familia non est usque adeo instructa, vix potest satisfacere in ludis, tantum abest, ut possit eius usus esse in aliquo tumultu ³⁾. *Properat* ⁴⁾ *vehementer]* Verba Cornelii. *Quasi]* Respondet Cicero ⁵⁾. *Nec opinante]* Verba Cornelii. Qui fecit testamentum, non mandavit enim gladiatores.

§. 55. *At litterae]* Verba Ciceronis. *Quod profert]* Philip. Melanch. legit: praefuit ⁶⁾. *Sed tamen]* scilicet quod obtulisset se illis ad paranda bona arma ⁷⁾.

Cap. XX. §. 56. *At enim Cincius* ⁸⁾] Confutatio ⁹⁾ quarti argumenti de Cincio misso in Hispaniam. *ἄλλως*. Hoc argumentum est aliquanto magis rhetoricum. Ipsi accusaverunt quendam Cincium missum esse a Sylla ad Hispaniam, ut exagitaret Hispaniam, quo ille facilius posset Romae ea, quae moliebatur, efficere. Cicero respondet

97) Alia — *μμητικῶς*.] pro hac longa annotatione Editionis 1568. ceterae 3 Editt. habent hanc brevem: Alia infinitio, de emptis gladiatoribus.

98) Hanc notam et 2 sequentes sola Ed. 1568. exhibet.

99) sunt] sic Ed. 1568.; in cett. 3 Editt. deest.

100) Haec altera nota iisdem Cic. verbis adscripta in sola Ed. 1568. reperitur.

1) gladiatores novos] sic Ed. 1568.; cett. 3 Editt.: novos gladiatores.

2) Hanc notam tantum Ed. 1568. habet.

3) Verba sunt — tumultu.] sic Ed. 1568.; cett. 3 Editt. habent hanc notam: id est, haec familia vix potest satisfacere in ludo, tantum abest, ut aliquem tumultum excitare possit.

4) *Properat]* sic Editt. 1539., 1553., 1554., 1568.; Ed. Orell. *Properatum*.

5) Haec nota et duae sequentes tantum in Ed. 1568. inveniuntur.

6) Pro hac nota, quam Ed. 1568. exhibet, ceterae 3 Editt. habent: „Alii praefuit legunt“. — (Ed. Orell. *praefuit*).

7) Hanc notam sola Ed. 1568. praebet.

8) *Cincius]* sic Editt. 1539., 1553., 1554., 1568. et al.; Ed. Orell. *Sittius*.

9) Confutatio] huic voci in Ed. 1568. praefixum est auctoris nomen: Phil. Melanch.

per infitiationem: Cincius non est missus ad perturbandam provinciam. Probat per coniecturas, Sylla non dimisisset illum Cincium a se, si voluisset aliquid moliri in urbe. Deinde a persona Cincii, Cincius fuit vir melior, quam qui talia faceret¹⁰⁾. *Fuisse*] id est, saepe fuit antea in Hispania¹¹⁾. *Magna ratione*¹²⁾] id est, magno aere alieno¹³⁾ contracto, quod videlicet rex Mauritaniae debuerit ipsi Cincio. *Aes alienum*] scilicet quod Cincius Romae debebat¹⁴⁾. *Diminutis*¹⁵⁾] Illi cives sunt metuendi reipublicae, qui per luxum et libidinem contraxerunt aes alienum, et tamen non volunt solvere, etiamsi opposuerint foenori suas facultates. Cincius autem debuit, et fuit negotiator, sed venditus facultatibus dissolvit.

§. 57. *At haec ipsa*] Verba sunt Cornelii¹⁶⁾. *Per se*] id est, per singulos. Imo (inquit) unusquisque deposcit suam quandam provinciam. *Ipsa per se*] Quae hactenus dixit, tantum ostensa sunt, non exposita.

§. 58. *Ipsae autem Cincius*] Secundum argumentum a persona Cincii¹⁷⁾. *Quum ceteri*] scilicet in bello Italico¹⁸⁾. *Venire*] id est, vendi¹⁹⁾.

§. 59. *A quo quidem genere*] Ista est maior in probatione: Illi non sunt formidandi in republica, qui vendunt suas possessiones. Isti sunt metuendi, qui magnum contrahunt aes alienum, et non volunt²⁰⁾ solvere²¹⁾. *Illud erat genus hominum*] ἀντίθεσις, quasi diceret: qui simul grande aes alienum contrahebant, et tamen non dissolvebant, sed retinere suum splendorem

et possessiones volebant²²⁾. *Citius*] scilicet quam possessiones²³⁾. *Cincius*] id est, non gravatus est vendere suas possessiones, posteaquam non habuit, unde solveret. *Patrimonio suo*] scilicet vendito, hoc est, pluris fecit fidem creditorum, quam aliquam spem coniurationis.

Cap. XXI. §. 60. *Iam vero quod subiicit*] Confutatio²⁴⁾ quinti argumenti, quod Pompeianorum coloniam impulerit ad coniurationis societatem. Diluit per infitiationem. ἀλλως²⁵⁾. Aliud crimen de Pompeianis sollicitatis a Sylla contra rempublicam confutat a testibus et favore utriusque partis. *Pompeianos*] id est, novos colonos in oppido Pompeii. Fuit enim quoddam oppidum, in quo post Syllae victoriam Pompeius adiutor istius victoriae deduxit quosdam milites, et istis assignavit agros et possessiones expulsis possessoribus prioribus, sicut consueverat fieri in istis victoriis. Iam allegat Torquatus inter caetera, quod Sylla quosdam tales deductos in oppido concitaverit ad societatem istius coniurationis. Cicero respondet per infitiationem, et negat hoc esse factum. Quamquam enim esset aliqua discordia inter novos et oppidanos cives, tamen Cicero inquit illam coniurationem perveterem fuisse, et diiudicatam ab illorum patronis, et nihil pertimuisse ad hanc coniurationem²⁶⁾.

Pompeiani] id est, novi coloni²⁷⁾ eo deducti. *A colonis*] id est, a veteribus civibus eius oppidi. Coloni in iure dicuntur, die da die güter bawen. Domini, qui tradunt colendos agros²⁸⁾. *Colonorum*] id est, istorum qui novis civibus tanquam dominis colebant agros. *Deinde ita*] id est, tota res est cognita per patronos, quia singula oppida habebant suos patronos, Schutzherrn²⁹⁾.

§. 61. *Ab illis*] id est, adversariis, scilicet Torquato. *Crimen*] scilicet coniurationis. *De*

10) Confutatio — talia faceret.] sic Ed. 1568.; ceterae 3 Editt.: Confutatio quarti argumenti, de Cincio misso in Hispaniam.

11) Haec nota in sola Ed. 1568. invenitur.

12) *Magna ratione*] sic Ed. 1568. et Ed. Orell.; Editt. 1539., 1553., 1554.: *Magna ratione scilicet pecuniaria* (Ed. 1554. *pecuniariae*). Conf. Orellii nota crit. ad h. l.

13) alieno] sic Ed. 1568.; in cett. 3 Editt. deest.

14) Hanc notam et sequentem sola Ed. 1568. exhibet.

15) *Diminutis*] sic Ed. 1568.; Ed. Orell. *deminutis*.

16) Pro hac nota et duabus sequentibus, quas Ed. 1568. praebet, ceterae 3 Editt. habent hanc unam: *At haec ipsa per se*] id est, per singulos. Verba Cornelii.

17) Pro hac nota Editionum 1539., 1553., 1554. in Ed. 1568. legitur haec: *Verisimile est* (Ed. Orell. *Veri simile non est*)] Confirmat a persona Cincii.

18) Pro hac nota Editionis 1568. ceterae 3 Editt. habent: *Finitimi ac vicini*] in bello Indico.

19) Haec nota in sola Ed. 1568. invenitur.

20) non volunt] Ed. 1568. errore typogr.: non nolunt.

21) Ista — solvere.] sic Ed. 1568.; ceterae 3 Editt. habent hanc notam: *Maior huius probationis*.

22) ἀντίθεσις — volebant.] sic Ed. 1568.; ceterae 3 Editt.: id est, qui simul grande aes alienum contrahebant, et tamen non dissolvebant, sed retinere suum splendorem et possessiones volebant. ἀντίθεσις.

23) Haec nota et duae sequentes in sola Ed. 1568. inveniuntur.

24) Confutatio] huic voci in Ed. 1568. praefixum est auctoris nomen: Philip. Melanch.

25) ἀλλως.] sic Ed. 1568.; in cett. 3 Editt. huic alteri notae Cic. verba *Iam vero* etc. iterum adscripta sunt.

26) id est — coniurationem.] sic Ed. 1568.; ceterae 3 Editt. habent tantum verba: novos colonos in oppido Pompeii.

27) coloni] sic Ed. 1568.; Editt. 1539., 1553., 1554. cives.

28) Coloni — agros.] haec in sola Ed. 1568. leguntur.

29) Haec nota et duae seqq. in sola Ed. 1568. leguntur.

suffragiis suis] hoc est³⁰⁾, antea in petitione consulatus Syllae adversati sunt suis colonis, nunc consentiunt, et suffragati sunt Pompeiani pro Sylla³¹⁾.

§. 62. *Ac*³²⁾ *ne haec quidem*] hoc est³³⁾, quia Pompeiani in alienas possessiones deducti³⁴⁾ sunt propter victoriam civilem Syllae. *Constituisse*] Solebat Romae fieri, ut victor milites suos in alienos agros collocaret. Est ergo sententia: Sylla quamquam ipse deduxerit hanc coloniam scilicet autore L. Sylla collocavit ibi novos possessores, tamen sic moderatus est rem, ut utrisque charus fuerit, ut bene secum actum putarint, quod incidissent in talem victorem³⁵⁾.

Cap. XXII. §. 62. *At enim et gladiatores*] *Confutatio*³⁶⁾ *sexti argumenti*³⁷⁾, quod Caecilium adiuverit ferentem rogationem pro reis ambitus³⁸⁾. *ἄλλως*. Sextum argumentum, Torquatus argumentatus est, quod Sylla comparaverit gladiatores, ut frater ipsius Caecilii posset quandam legem ferre de abroganda et tollenda poena ambitus. Erat enim tribunus plebis in consulatu Ciceronis. Cicero respondet verum esse, quod scripserit legem, sed tamen non protulerit, et fuisse dehortatorem perferendae legis P. Syllam, quia maluerit poenam perferre, quam exoriri tumultum veteris legis abrogatione, quia leges non mutantur, nisi violentis quibusdam motibus³⁹⁾. *ἄλλως*⁴⁰⁾. Aliud crimen de promulgatione Caecilii contra legem Cassiam, de qua Asconius in Corneliiana⁴¹⁾. Lex a C. Cassio tribuno plebis,

30) hoc est] sic Ed. 1568.; in cett. 3 Editt. omiss.

31) adv. sunt suis colonis — pro Sylla.] sic Ed. 1568.; ceterae 3 Editt.: adv. sunt a colonis, Pompeiani suffragati sunt pro Sylla.

32) *Ac*] sic Ed. 1539. et Ed. Orell.; Editt. 1553., 1554., 1568. *At*.

33) hoc est] sic Ed. 1568.; in cett. 3 Editt. omiss.

34) deducti] sic Ed. 1568.; ceterae 3 Editt.: seducti.

35) Haec nota in sola Ed. 1568. invenitur.

36) *Confutatio*] huic voci in Ed. 1568. praemissum est auctoris nomen: Phil. Melanch.

37) *Confutatio sexti argumenti*] sic Ed. 1568.; cett. 3 Editt.: *Sextum argumentum*.

38) pro reis ambitus.] sic Ed. 1568.; cett. 3 Editt.: pro ambitu.

39) *ἄλλως*. Sextum argumentum, Torquatus — quibusdam motibus.] haec in sola Ed. 1568. inveniuntur.

40) *ἄλλως*.] sic Ed. 1568.; in cett. 3 Editt. Cic. verba *At enim et gladiatores* ante hanc notam repetita sunt.

41) *Conf. supra p. 1054. nota 28^a.*

C. Mario et L. Flacco⁴²⁾ consulibus, ad minuentem nobilitatis potentiam lata est, ut quem populus damnasset, et cuius imperium abrogasset, is in senatu non esset. Contra hanc legem L. Caecilius tribunus plebis postea intercessit, quia contra C. Caecilium fratrem suum ab infesto tribuno plebis Cassio lata erat. Q. enim Caecilio re in Cimbro male gesta imperium consulare erat abrogatum. Arguebat erga Syllam Torquatus, quasi et ipse damnatus de ambitu una cum L. Caecilio contra legem eam, et contra rempublicam rogationem illam adiuvisset. Sed utrumque Cicero excusat ab eventu, nihil pertinaciter neque Caecilium neque Syllam, aut contra rempublicam intercessisse, aut fecisse tollenda lege.

Cap. XXII. §. 62. *Comparabantur*] id est, tu Torquate⁴³⁾ dicis eum gladiatores comparasse, ut adiuveret Caecilium in perferenda rogatione legis⁴⁴⁾ de tollenda poena ambitus. Estque concessio. Postea addit correctionem: Verum est, voluit consulere fratri, sed tamen destitit ab hac rogatione dehortante fratre Sylla⁴⁵⁾. *Autoritate deductus*] id est, Sylla dehortante.

§. 63. *Atque in ea re*] Est⁴⁶⁾ inversio: Tu accusas eum, quod voluerit ferre legem, ergo vero laudo. Sequuntur rationes⁴⁷⁾. *ἄλλως*. Tu accusas illum, quod voluit ferre hanc legem de abroganda poena ambitus, ego laudo, primo quod voluerit defendere fratrem suum motus specie humanitatis, etc.⁴⁸⁾. *Primum*] scilicet, Sylla laudandus est, quod dehortatus est fratrem, ne lex perferretur. *Res iudicata*] scilicet, postquam Sylla condemnatus erat⁴⁹⁾. *Ut statuere-*
tur] id est, ut res iudicatae et legibus sancitae

42) *L. Flacco*] sic Editt. 1539., 1553., 1554., 1568.; at non L. Flacco, sed C. Flavio et C. Mario consulibus a. u. c. 649. L. Cassius L. f. Longinus tribunus plebis hanc de senatu legem tulit, vid. Orellii et Baileri Onomast. Tullian. P. III. p. 149.

43) *Torquate*] sic Ed. 1568.; in cett. 3 Editt. deest.

44) *legis*] sic Ed. 1568.; in cett. 3 Editt. omiss.

45) *Verum est, voluit — fratre Sylla.*] haec in sola Ed. 1568. leguntur.

46) *Est*] sic Ed. 1568.

47) *rationes.*] huic voci in Ed. 1568. addita sunt haec: „Primum scilicet laudandus est, quod dehortatus est fratrem, ne lex perferretur.” quae h. l. omissimus, quia proxima nota voci *Primum* adscripta eadem verba continet.

48) *ἄλλως*. Tu accusas — humanitatis, etc.] haec altera nota eadem Cic. verbis addita in sola Ed. 1568. exstat.

49) *Hanc notam tantum Ed. 1568. exhibet.*

non⁵⁰⁾ irritae fierent. *Statueretur*] id est, approbaretur, perficeretur⁵¹⁾. *Iudicatis rebus*] id est, autoritate iudicatarum rerum, ne sententiae revocentur et retractentur⁵²⁾. *Neque ego autum*] quasi dicat, Caecilius recte fecit, quia praetulit publicam salutem saluti fratris⁵³⁾. *Nihil de iudicio*] Excusatio Caecili: Tantum legem oppugnabat, non accusabat sententiam latam secundum legem. *Constitutata*] scilicet ante legem latam in consulatu Ciceronis, cum aucta est poena ambitus. *Rogatione*] quasi dicat: Nihil fecit Caecilius contra hoc iudicium, sed tantum accusavit legem⁵⁴⁾. *Sed legis vitium*] Nam voluit quoque Caecilius servari legem de ambitu, et legem Cassiam, sed tamen severitatem legis non nihil mitigari; reprehendit promulgationem eam, si videretur contra leges, et contra rempublicam.

Cap. XXIII. §. 64. *Sed quid ego*⁵⁵⁾] Confessio cum excusatione⁵⁶⁾. *Ex humanitate communi*] scilicet quia fratrem tuebatur, quasi dicat: Lapsus est specie quadam humanitatis, sed uterque ea in re fuit moderatus⁵⁷⁾.

§. 65. *Nihil est actum*] quasi dicat: statim, ubi est abiecta mentio legis. Maximum est signum moderationis hanc legem in suo casu ferri⁵⁸⁾. *Rogationem*] id est, de poena ambitus tollenda. Fuit homo peritissimus rerumpublicarum⁵⁹⁾. *Ex illo tempore*] scilicet postea in omnibus Caecilius fuit adiutor meus in conservanda publica tranquillitate, non fuit adversatus mihi ulla in re, neque in agrariis legibus⁶⁰⁾. *Intercessorum*] Quia Caecilius prius adiuverat illam legem, ut testatur ista oratio. *Largitionibus*] id est⁶¹⁾, agrariis. *Domestici officii*] id est, postquam

50) non] sic Ed. 1568.; cett. 3 Editt.: ne.

51) Haec altera nota huic Cic. verbo adscripta non nisi in Ed. 1568. reperitur.

52) et retractentur.] sic Ed. 1568.; in cett. 3 Editt. desunt.

53) Hanc notam sola Ed. 1568. habet.

54) Haec nota tantum in Ed. 1568. invenitur.

55) Pro his Cic. verbis, quae Ed. 1568. h. l. habet, in cett. 3 Editt. sequentia verba *Dicerem fortasse* huic notae adscripta sunt.

56) excusatione] sic Editt. 1539., 1568.; Editt. 1553., 1554. accusatione.

57) quasi dicat: Lapsus — fuit moderatus.] haec in Ed. 1568. addita sunt.

58) Pro hac nota Editionis 1568., ceterae 3 Editt. praebent hanc: *Prius* scilicet statim ubi est abiecta mentio legis.

59) Pro hac longiore nota Editionis 1568., ceterae 3 Editt. habent hanc breviorē: De poena ambitus tollenda.

60) Hanc notam et sequentem sola Ed. 1568. continet.

61) id est] sic Ed. 1568.

fratrem aliquantulum defendisset. *Socio*] scilicet condemnationis de ambitu, quia simul sunt condemnati, et simul petiverunt consulatum⁶²⁾.

Cap. XXIV. §. 67. *Hic tu epistolam*, etc.] Confutatio⁶³⁾ septimi argumenti, quod ex epistola Ciceronis⁶⁴⁾ videbatur sumptum, et est infitatio, quia negat nihil de Sylla in epistola scriptum, eaque epistola extat inter familiares⁶⁵⁾.

§. 68. *De quo etiam*] scilicet utrum voluisset tuum⁶⁶⁾ patrem Torquatum occidere. *Neque enim istorum*] scilicet occidendi consulis, inflammandae urbis, interficiendorum civium. Illud est novum argumentum, et est confirmatio. Supra negavit Syllam esse reum coniurationis, et hoc probat iam ex persona, ex moribus, ex natura, et ingenio P. Syllae, atque ex tota eius vita, Syllam esse bono et moderato et humano ingenio; ideo non sit verisimile eum aliquid tale cogitasse, sicut Catilina et similes⁶⁷⁾.

§. 69. *Criminibus . . . dissolutis*] scilicet⁶⁸⁾ postquam respondi ad argumenta, quae nobis⁶⁹⁾ obiecta sunt. *Etenim de principio* etc.] Confirmatio⁷⁰⁾ infitiationis ducta ex signis, videlicet ex moribus P. Syllae, et est rhetorica collatio immatissimi sceleris et modesti ingenii iuxta illud⁷¹⁾:

Format enim natura prius nos intus ad omnem Fortunarum⁷²⁾ habitum.

Occurrere] id est, diluere obiecta⁷³⁾.

Cap. XXV. §. 69. *Omnibus in rebus*] Maior: In omnibus causis et rebus faciendis^{73a)} est conjectura praecipua ex cuiusque ingenio; Sylla est moderato ingenio: ergo non est verisimile illum habuisse ista horribilia consilia contra patriam. Ille

62) quia simul sunt — consulatum.] haec in sola Ed. 1568. leguntur.

63) Confutatio] huic voci in Ed. 1568. praefixum est auctoris nomen: Phil. Melanch.

64) Ciceronis] sic Ed. 1568., in cett. 3 Editt. deest.

65) quia negat nihil — inter familiares] haec in sola Ed. 1568. inveniuntur. — Ciceronis epistola ad Cn. Pompeium a. u. c. 692. (quo anno Syllam hac oratione defendit) scripta exstat inter epistolas ad familiares V, 7.

66) tuum] sic Editt. 1539., 1568.; Editt. 1553., 1554. tnm.

67) Illud est novum argumentum — et similes.] haec in sola Ed. 1568. exstant.

68) scilicet] sic Ed. 1568.; cett. 3 Editt.: id est.

69) nobis] sic Ed. 1568.; in cett. 3 Editt. deest.

70) Confirmatio] huic voci in Ed. 1568. praefixum est auctoris nomen: Phil. Melanch.

71) Horat. ars poet. 108. 109.

72) prius nos intus ad omnem fortunarum] sic recte Ed. 1568.; cett. 3 Editt.: nos prius ad omnem fortunae.

73) Hanc notam et sequentem sola Ed. 1568. praebet.

73a) faciendis] Ed. 1568. faciendi.

locus est optimus in hac tota oratione, quomodo ex moribus res in criminibus existimari debeant.

§. 70. *Circumspicite paulisper*] Contraria exempla, ut maior fiat illustrior. Catilina per omnem vitam fuit sanguinarius et inquietus⁷⁴). *Sceleri*] scilicet coniurationi. Rhetorice exaggeravit⁷⁵). *Indicibus*] scilicet Allobrogibus. *Miretur*] quasi dicat: nemo.

§. 71. *Huius*] scilicet Syllae. *Non*] pro nonne.

Cap. XXVI. §. 72. *Agedum, conferte*] Minor: Sed Sylla semper fuit moderatus: ergo non est verisimile eum talia crudelia contra patriam tentasse. Illa, quae hactenus recitavit de Catilina, Lentulo, et aliis, sunt pathetica, continent magnos affectus. Illa, quae iam recitabit de moderatione Syllae, sunt ἡδῆ, hoc est, lenes, suaves et moderati affectus⁷⁶). *Syllae*] scilicet Lucio. *Quod potuit*] scilicet perdere multos. *Quod fecit*] scilicet deprecando, et non perdidit, hoc est, quod maluit servare multos⁷⁷).

§. 73. *Quae ita a fortuna*] quasi dicat: Natura ostendit esse moderatum ingenium, etiamsi fortuna cooperuit, vel, in moribus et natura nullum improbitatis signum cernitur, sed tantum damnatio illa hanc fortunam corrumpere voluit⁷⁸). *Deformata*] id est, corrupta sunt⁷⁹). *Quae domus, etc.*] Status huius orationis est coniecturalis. Status autem discernuntur, ut sciamus, ex quibus locis sumantur argumenta, quo debeant applicare animum ad eruenda argumenta. Hic de voluntate dicit: Credibile non est P. Syllam fuisse socium coniurationis. Iste est syllogismus: Consilium coniurationis non potest cadere in hominem moderatum; P. Sylla est homo moderatissimi ingenii: ergo non est verisimile illum fuisse participem coniurationis. Sed oratio est latior et uberior. Pervenimus ad minorem, quod Sylla sit moderato ingenio, quodque

74) ut maior fiat — et inquietus.] sic Ed. 1568.; cett. 3 Editt.: propter amplificandam maiorem.

75) Haec nota et 4 sequentes tantum in Ed. 1568. inveniuntur.

76) ergo non est verisimile — affectus] haec verba et notam sequentem sola Ed. 1568. habet.

77) scilicet — multos] sic Ed. 1568.; cett. 3 Editt.: deprecando, et non perdidit.

78) Pro hac longiore annotatione Editionis 1568. ceterae 3 Editt. habent hanc breviorē: id est, moribus et natura nullum improbitatis signum cernitur, sed damnatio hanc fortunam corrumpere voluit.

79) Haec nota et sequens in sola Ed. 1568. exstant.

declaraverit id in secundis rebus et adversis. In secundis rebus, quia in victoria Sylla multos servavit, et cum multis nocere potuisset, quantum potuit, nemini nocuit. In adversis, quia patienter tulit suam illam adversam fortunam, quod fuit iudicio ambitus damnatus, non movit seditionem, sicut alii. *Una eripuit hora*] scilicet condemnationis, hoc est, quia condemnatus est, amisit suos amicos, illam conversationem amicorum, non fuit amplius in illo splendore, in quo antea fuerat. Et quaedam occupatio est: Quod condemnatus est, potius fortunae attribuendum est; tamen, si non moderatus homo fuisset, non continuisset se, sicut Alcibiades non potuit se continere, sed intulit bellum toti Graeciae⁸⁰). *Accepit P. Sylla*] Illa est quasi occupationis dilutio⁸¹). *Verumtamen*⁸²)] hoc est⁸³), quod potuit cadere in bonum virum⁸⁴) et moderatum, conveniebat cum eius moribus optimis et honestissimis. *Cupidior iudicatus*] quasi dicat: non improbus. Cupiditas honoris non est facinus, quod plecti supplicii debet⁸⁵).

§. 74. *Postea*] Signa moderationis in adversa fortuna. Ista est minor⁸⁶). *Nisi*⁸⁷) *maerentem*⁸⁸)] quasi dicat: nihil molientem contra rempublicam. *Restiterunt*] scilicet reliqua fuerunt⁸⁹). *Cum lege retineretur*] id est, non fuit proscriptus, vel, non erat condemnatus, ut exularet⁹⁰).

Cap. XXVII. §. 74. *Explicata*⁹¹)] scilicet quae fuit conspicua⁹²).

80) Pro hac nota Editionis 1568. ceterae 3 Editt. habent tantum haec verba: scilicet condemnationis.

81) Haec nota in sola Ed. 1568. legitur.

82) Pro hac Cic. voce, quam Ed. 1568. h. l. habet, in cett. 3 Editt. huic notae adscripta sunt verba: *Quod videtur eius vis* (Ed. Orell. *quod videretur eius vita*).

83) hoc est] sic Ed. 1568.; in cett. 3 Editt. desunt.

84) bonum virum] sic Ed. 1568.; cett. 3 Editt.: virum bonum.

85) Cupiditas honoris — debet.] haec verba in sola Ed. 1568. leguntur.

86) Ista est minor.] haec in Ed. 1568. addita sunt.

87) *Nisi*] sic recte Editt. 1539., 1553., 1554.; Ed. 1568. errore typogr. *Misi*.

88) *maerentem*] sic Ed. Orell.; Ed. 1568. *moerentem*; Editt. 1539., 1553., 1554. *merentem*.

89) Hanc notam sola Ed. 1568. praebet.

90) vel, non erat — exularet] haec non nisi in Ed. 1568. leguntur.

91) *Explicata*] sic Editt. 1539., 1553., 1554., 1568.; Ed. Orell. *explicatam*.

92) scilicet quae fuit conspicua] sic Ed. 1568.; cett. 3 Editt.: id est, conspicua.

§. 75. *Hosne amicos*] Valde opportunum πά-
; ab advocatorum amicitia⁸³⁾. *Non, inquam,*
[it] Conclusio seu epilogus collationis⁸⁴⁾. *No-*
quaedam] Amplificatio et hyperbole, non fue-
rit homines, sed belluae. Descriptio hominum
itiosorum est, et locus communis. Haec est
editio collationis⁸⁵⁾. *Ex multis*] quasi dicat:
vicia diu aluerunt, et postea erupit subito
ad maximum scelus. Isti loci sunt prorsus rhe-
tici, quia alias dicuntur loci communes; quia
describit, quid sit seditio. Isti autem loci
maxime alunt eloquentiam. Quare saepe legendi
sunt⁸⁶⁾.

§. 76. *Perspicite etiam*] Urget locum a vo-
tate. *Reperietis*] Ergo non fuit humanus co-
sus, sed potius immanitas quaedam, quae longe
nem barbariem vincit, furiae sunt ultrices sce-
rum⁸⁷⁾.

Cap. XXVIII. §. 77. *Ubi erit igitur*] Ampli-
tatio: Si unquam prodest vita modeste acta,
maxime debet adversus talia crimina prodesse.
doris] id est, bona existimatio. Crudelis est,
si famam negligit, religiose et rectissime dictum
est⁸⁸⁾.

§. 78. *Quaestiones nobis, etc.*] Confutatio⁸⁹⁾
mentorum, quibus opponit argumenta ex re-
tione morum Syllae, et infitiationem. *ἀλλως*.
llatio tormentorum, et ipsius vitae P. Syllae.
versarius minatus erat, quod vellent eius ser-
s torquere, ut illi indicarent, an habuisset ali-
id societatis cum coniuratis. Cicero opponit
am P. Syllae indicio servorum. Plus (inquit)
oet ponderis ista perpetua vitae consuetudo,
am testimonia servorum, quae tormentis ex-
ta sunt⁹⁰⁾. *In quibus*] Extenuatio¹⁾. *Na-*
a cuiusque] id est²⁾, ut quisque est fidus, vel

infidus, vel fortis, vel imbecillis, ita respondet.
Regit quaesitor] scilicet qui callida interrogatione
interdum decipit auditorem³⁾. *Libido*] scilicet⁴⁾
odium. Circumstantiae extenuant fidem
quaestionis. *Vita P. Syllae*] Altera pars colla-
tionis⁵⁾.

§. 79. *Nullum*] Repetitio. *Sed tamen si*
Amplificatio, quod ad exemplum pertineat, ut
ratio habeatur vitae anteactae. *Sed in magnis*
id est, prodest bonis viris considerare anteactam
vitam, quia ipsi quoque contra subita crimina et
subitas suspiciones tuentur se existimatione ante-
actae vitae. *Valeat*] scilicet vita vel⁶⁾ existi-
matio.

Cap. XXIX. §. 80. *Quid vero? haec auctoritas*
Quia facta est mentio tormentorum testimonio-
rum, Cicero opponit illis servorum testimoniis,
testimonium suum, et aliorum consularium, quos,
quia fidem eorum extenuaverat Torquatus, de-
fendit Cicero ab exemplo. Cicero respondet prae-
dicans consularium constantiam in illa causa con-
iurationis⁷⁾. *Auctoritas*] scilicet mea⁸⁾. *Con-*
iurationis causis] id est, neminem defendi. Si
neminem defendi; hunc defendo: ergo credibile
est illum esse innocentem, quia ego unus omnium
maxime adversatus sum coniuratis. *Abstiniui-*
*mus*⁹⁾] id est, nullum ex coniuratis defendi;
hunc defendo: ergo, etc. *Grave si appetimus*
Est mitigatio vel correctio quaedam. Poterat
enim obiici: Quae est ista tyrannis? oportetne
omnes haberi non reos, quos tu defendis, et
econtra? Hoc corrigit. *Si quum ceteri*] quasi
dicat: Si tantum sumimus nobis, ut illi habeantur
innocentes, quos ego defendo, rursus ut isti
habeantur rei, quos ego accuso. Hoc certe vide-
tur esse regni aliqua species¹⁰⁾. *Sed si laedimur*

83) Hanc notam sola Ed. 1568. habet.

84) seu epilogus collationis] haec verba in Editt. 1568. ad-
dita sunt; cett. 3 Editt. habent solam vocem: Conclusio.

85) seditiosorum est, et locus — collationis.] sic Ed. 1568.;
cett. 3 Editt.: seditiosorum. Locus communis.

86) Haec nota et sequens in sola Ed. 1568. inveniuntur.

87) furiae sunt ultrices scelerum.] haec in Ed. 1568. sunt
adiecta.

88) Hanc notam sola Ed. 1568. habet.

89) Confutatio] huic voci in Ed. 1568. praefixum est aucto-
ris nomen: Phil. Mel.

90) Pro hac duplici nota Editionis 1568. ceterae 3 Editt.
habent: Collatio tormentorum et ipsius vitae P. Syllae;
opponit indicio (Ed. 1554. iudicio) servorum vitam Syllae.

1) Hanc notam sola Ed. 1568. exhibet.

2) id est] sic Ed. 1568.

3) scilicet — auditorem.] sic Ed. 1568.; cett. 3 Editt.: qui
callida interrogatione decipit.

4) scilicet] sic Ed. 1568.; cett. 3 Editt.: id est.

5) Haec nota et sequens in sola Ed. 1568. leguntur.

6) vel] sic Ed. 1568.; in cett. 3 Editt. deest.

7) Pro hac nota Editionis 1568. ceterae 3 Editt. habent
haec: Opponit testimonium suum et aliorum consularium.

8) Hanc notam et sequentem sola Ed. 1568. praebet.

9) Abstiniimus] pro hoc Cic. verbo, quod Ed. 1568. h. l.
exhibet, in cett. 3 Editt. huic notae adscripta sunt prae-
cedentia: *Coniurationis causis*.

10) *Grave si appetimus* — regni aliqua species.] sic Ed.
1568.; ceterae 3 Editt. pro his duabus notis habent hanc
unam: *Grave si*] Correctio quaedam: Si tantum sumimus
nobis, ut illi habeantur innocentes, quos ego defendo,
rursus, ut isti habeantur rei, quos ego accuso.

hoc est, tamen in libera civitate, quando accusatur aliquis, licet illi respondere, hoc est, defendere suam sententiam¹¹⁾).

§. 81. *Accusati sunt*] id est, ego non solus accusor, sed omnes consulares. *Nulla tum*¹²⁾ *patebat*] id est, tunc affuerunt Catilinae, priusquam patebat coniuratio. *Insequebantur*] id est, persequabantur, quia inhumanum est saevire in calamitosum¹³⁾. *Quin etiam parens, etc.*] Exemplo¹⁴⁾ patris Torquati excusat alios consulares, qui defendissent Catilinam. *De pecuniis repetundis*] Iudicium repetundarum dicitur, quando aliquis accusabatur, quod depopulatus esset rempublicam. *Sin illa res prima*] id est, si propter primum iudicium non adfuit, etiam non debebat adesse in posteriore¹⁵⁾ iudicio. *Ista sunt ἀντιστροφοντα*, hoc est, inversiones et retorsiones, quibus inprimis delectatur Cicero¹⁶⁾. *Non inverteata*] id est, non debuit illud iudicium vel illa suspicio coniurationis plus valere postea, quam antea. *Periculi sui*] ἐπίθρασις est in voce *sui*, quia dicebatur Catilina coniurasse contra Torquatum, et illa coniuratio incidit in consulatum Torquati¹⁷⁾.

§. 82. *His*¹⁸⁾ *qui*] scilicet Vargunteio¹⁹⁾, Antronio et aliis. *Atque, ut de eorum*²⁰⁾] Praedicat constantiam consularium contra Torquatum, qui accusaverat eos levitatis. *Quis non de comuni*] hoc est, si fuerunt antea fortes et asperi contra coniuratos, certe essent iidem nunc contra P. Syllam, si iudicarent eum coniurationis socium. *Communis est laus*] scilicet quod omnes fuerunt asperi contra coniuratos. *Quis non de*] Exaggerat testimonium suum et aliorum consularium, quo patrocinabantur Syllae²¹⁾.

11) Hanc notam et sequentem sola Ed. 1568. habet.

12) *tum*] sic Ed. 1568. et Ed. Orell.; Editt. 1539., 1553., 1554. *tamen*.

13) Haec nota et duae seqq. in sola Ed. 1568. leguntur.

14) Exemplo] huic voci in Ed. 1568. praemissum est auctoris nomen: Phil. Mel.

15) posteriore] Ed. 1568. errore typogr.: posterio.

16) id est, si — Cicero] sic Ed. 1568.; ceterae 3 Editt.: si propter primum iudicium non adfuit, nec in posteriore adesse debuit.

17) Haec nota et 3 sequentes in sola Ed. 1568. exstant.

18) *His*] sic Ed. 1568.; Ed. Orell. *itis*.

19) L. Vargunteus, senator, Catilinarius, vid. Sallust. Catil. c. 17.

20) *eorum*] sic Ed. Orell.; Ed. 1568. *eo*.

21) Hanc notam sola Ed. 1568. praebet.

Cap. XXX. §. 83. *Sed quid? ego*] Redit ad suum testimonium. *Adeone vobis*] id est, non sum tam levis, ut adversus hunc essem lenior, cum antea contra alios fuerim vehemens, si scivissem Syllam struxisse meae vitae insidias, non defenderem²²⁾. *Si medius fidius*²³⁾] Facit verisimile testimonium, quia odisset Syllam, si insidias fecisset vitae suae, et capiti suo. Illa autem ducta sunt ex locis communibus, ex voluntate et humanis affectibus²⁴⁾.

§. 84. *Quid ergo? Hoc tibi, etc.*] Occupatio²⁵⁾, qua occurrit invidiae, et allegat necessariam causam, cur autoritas sua valere debeat.

§. 85. *Grave esse*] Concessio²⁶⁾. *Dicere in iudicio: Non defenderem*] scilicet quia esset praeiudicium quoddam, quasi dicat: Ego non debeo nimium confidere causae illius partis, quam ego tueor, sed debeo sinere iudicium istis, ad quos haec causa est delata²⁷⁾. *Sed pudori meo*] id est, propter constantiam meam hoc dico. *Arbitrari*] ἐμφρασις est in hoc verbo²⁸⁾. *Ego iudices*] Verba testimonii. Advocati est non asseverare, sed suam causam agere.

Cap. XXXI. §. 86. *Quamobrem*²⁹⁾] Peroratio repetitionibus³⁰⁾ et affectibus constans. Obtestatio.

§. 87. *Praecipitanti*] id est, ruenti.

§. 88. *Neque enim nunc*] πᾶθος sumptum ex superiori condemnatione, quasi dicat: Vos scitis eum priori iudicio esse confossum, et satis debilitatum, et vultis ei iam vitam eripere³¹⁾. *Propulsandae*³²⁾] id est, ipse satis est calamitosus^{32a)}

22) Haec nota tantum in Ed. 1568. reperitur.

23) *fidius*] Ed. 1554. errore typogr.: *fitius*.

24) et capiti suo — affectibus.] haec verba in Ed. 1568. addita sunt.

25) Occupatio] huic voci in Ed. 1568. praemissum est auctoris nomen: Philip. Mel.

26) Hanc notam sola Ed. 1568. exhibet.

27) scilicet quia — est delata.] sic Ed. 1568.; ceterae 3 Editt.: Quia esset praeiudicium quoddam.

28) Haec nota et sequens in sola Ed. 1568. exstant.

29) *Quamobrem*] pro hac Cic. voce, quam Editt. 1539., 1553., 1554. h. l. habent, in Ed. 1568. huic notae adscripta sunt verba (§. 87.) *Itaque idem*.

30) repetitionibus] sic recte Editt. 1539., 1553., 1554.; Ed. 1568. repetitionia.

31) Haec nota in sola Ed. 1568. invenitur.

32) Pro hac Cic. voce, quam Ed. 1568. h. l. habet, in ceteris 3 Editt. huic notae adscripta sunt verba: *Neque enim nunc propulsi* (Ed. Orell. *propulsandae*).

32a) est calamitosus] sic Ed. 1568.; cett. 3 Editt.: calamitosus est.

propter priorem condemnationem. *Domus erit*] Ista omnia sunt negative intelligenda³³⁾. *Unius iudicis*] scilicet prioris de ambitu.

§. 89. *Hic vos orat*] *πάθος* a filiolo. Significare voluit crebro eum esse productum ad vendendam misericordiam, et secutum patrem in curiam, quasi dicat: Amissa dignitate nihil est, cur velis vivere³⁴⁾.

Cap. XXXII. §. 90. *Te ipsum*] Apostrophe ad Torquatum. *Pateat*³⁵⁾] scilicet ostende³⁶⁾ te esse expletum. *Foedisimi criminis*] scilicet coniurationis, quasi dicat: Non gravaretur mori, si non auferret istam ignominiam coniurationis, tantum deprecatur infamiam coniurationis³⁷⁾.

33) Haec nota in sola Ed. 1568. legitur.

34) Haec notam et sequentem sola Ed. 1568. exhibet.

35) *Pateat*] sic Editt. 1539., 1563., 1564., 1568. et al.; Ed. Orell. *par erat* (vid. Orellii nota crit. ad h. l.).

36) ostende] sic Ed. 1568.; cett. 3 Editt. ostendat.

37) Haec nota et 5 sequentes tantum in Ed. 1568. inveniuntur.

§. 91. *O miserum*] Querela, qua dicit consulum sibi esse ereptum. *Omnia*] Affectus. Deplorat enim calamitatem Syllae, in quam incidit superiore iudicio de ambitu. *Urget*] Amplificatio. *Urget*] scilicet in praeceptis, hoc est, addit calamitatem calamitoso.

Cap. XXXIII. §. 92. *Sed iam impediōr*] Apostrophe ad iudices, et deprecatio. *Reiectione*³⁸⁾] scilicet cum Torquatus reiecisset quosdam iudices, et curasset eligi quosdam, quos putabat magis esse suarum partium. Hos admonet Cicero, ne sint crudeles³⁹⁾.

§. 93. *Devenire convenerit*] id est, ex pacto constitutum sit prodere Syllam, hoc est, ne ex pacto constituti et subornati videamini ad perdendum Syllam, etiam indicta causa⁴⁰⁾.

38) *Reiectione*] sic Ed. 1568.; cett. 3 Editt. *Neō sū rēiectione*; Ed. Orell. *Vos, reiectione*.

39) scilicet cum — sint crudeles.] sic Ed. 1568.; cett. 3 Editt.: Cum Torquatus reiecisset quosdam iudices.

40) id est, ex pacto — indicta causa.] sic Ed. 1568.; ceterae 3 Editt.: Ne ex pacto constituti et subornati videamini ad perdendum Syllam.

XV. PH. MEL. SCHOLIA IN CICERONIS ORATIONEM PRO A. CAECINA.

Haec Melanthonis scholia tantum in tribus illis scholiorum in plures vel omnes Ciceronis orationes collectionibus supra p. 893—896. descriptis invenimus, scil. 1) *Basileensi* 1553. fol., 2) *Lugdunensi* 1554. fol., 3) *Lipsiensi* 1568. 8., quas solis annorum numeris significabimus.

IN ORATIONEM CICERONIS PRO CAECINA SCHOLIA PHILIPPI MELANTHONIS 1).

Argumentum.

Oratio pro Caecina²⁾ subobscura est propter tenues cavillationes, quibus referta³⁾ est. Sed continet illustrem locum, videlicet laudationem iuris civilis et quasdam memorabiles sententias, et exempla de scripto iure et aequitate interpretationis. Propter hos locos cognoscenda est haec oratio. Reliquae partes sunt tenues et alibi utilior est lectio Ciceronis, grandioribus et splendidioribus figuris ornata. Historia facti, ex quo lis orta est, haec est. Caesennia⁴⁾ moriens reliquit haerodem maritum Caecinam ex maiore parte bonorum.

1) Haec scholia in Editt. 1553., 1554. sic inscripta sunt: In Ciceronis pro A. Cecinna orationem Philippi Melanthonis scholia; in Ed. 1568.: In orationem Ciceronis pro A. Cecinna scholia, Phil. Mel.

2) Caecina] sic ubique secundum Ed. Orell. scribimus; Editt. 1553., 1554., 1568. h. l. et in sequent. scholiis habent: *Cecinna*.

3) referta] Ed. 1568. errore typogr.: reperta.

4) Caesennia] sic secundum Ed. Orell. ubique scribimus; Editt. 1553., 1554., 1568. *Cesennia*. — Haec Tarquinien- sis femina fuit uxor primum M. Fulcinii, postea A. Caecinae.

Alteri autem cuidam Aebutio⁵⁾, cuius consilio et opera multum usa fuerat, reliquit sextulam, id est⁶⁾, duas unciae partes. Sed Aebutius, cui res Caesenniae optime notae erant, venit in spem cuiusdam fundi ad se avertendi, qui olim per ipsum Caesenniae emptus fuerat. Ideoque nomen Aebutii apud argentarium, cum fundus emeretur, perscriptum fuit.

Porro Caecina iam adierat haereditatem, et fundum illum tenebat. Quare cum ei controversiam movisset Aebutius, placet delectis arbitrariis venire in rem praesentem, et ibi litem dirimere. Venit prior Aebutius; cum aliquot armatis; et Caecinam paulo post accedentem ad fundum, facto in eius comites impetu, prohibuit, ne accederet. Questus est de ea re apud praetorem Caecina. Praetor iussit ex interdicto Unde vi⁷⁾, ut,

5) Aebutio] sic cum Ernestio, Orellio al. scribendum esse, nummi demonstrant; Editt. 1553., 1554., 1568. ubique pro *Ae* habent *E*: *Ebutio* etc., vid. Orellii et Baikeri Onomast. Tullian. P. II. p. 9. s. v. Sex. Aebutius.

6) id est] Ed. 1568. h. l. et plerisque aliis locis: h. e. (hoc est).

7) De hoc interdicto, quod non ad omnem vim pertinet, verum ad solam atrocem vim et ad eos tantum, qui de solo

unde deiecisset Aebutius Caecinam, eodem restitueret. Aebutius elusit interdictum, ac videri voluit, nihil contra edictum fecisse. Ideo res venit in iudicium, forma sponsionis, hoc est, certa poena constituta victo. Est igitur praecipua quaestio iudicii, an Aebutius teneatur interdicto Unde vi. Negat Aebutius. Etsi enim fatetur impetum in Caecinam factum esse, tamen negat se teneri interdicto Unde vi, quia non ex fundo expulerit Caecinam, in quem velit restitui, sed antequam eo perveniret, rixam ortam esse.

Iudices bis audita causa pronuntiare dubitarunt. Disputabant enim aliqui, iniuriarum agi potuisse, sed non posse agi interdicto Unde vi, quia rixa orta esset, antequam in fundum venisset Caecina. Haec elusio satis arguta, et non absurda fuit. Magnum autem discrimen est inter has actiones. Victus actione iniuriarum, multo minus habet incommodi, et ea sententia non restitueret possessionem. Tandem acta res est in tertio iudicio, in quo haec oratio habita est, cuius status principalis est in iudicialis, ut condemnetur Aebutius ex interdicto Unde vi. Sed quia negabat, hunc casum contineri interdicto Unde vi, opus fuit interdicti definitione, quae parit statum finitivum eius partis, quae in hac oratione prolixior est. Estque hic principalis syllogismus: Tenetur interdicto Unde vi, non solum is, qui possessorem vi expellit, ingressum in domum aut fundum, sed etiam qui accedentem arcet, repellit aut quoquo modo vi excludit. Aebutius vi repulit accedentem Caecinam: ergo Aebutius condemnandus est ex hoc interdicto. Maior est *ἡ νόμιμον*. Ideo de hac parte prolixius disputatur. Minor est nota ex confessione adversarii. Breves sunt in fine duae refutationes. Obiecerat enim Aebutius antea, Caecinam non fuisse in possessione. Item, Caecinam non potuisse possidere, cum non esset civis, quia Sylla ius civitatis Volaterranis⁹⁾ ademerat.

Exordii tres partes sunt. Primum reprehenditur impudentia Aebutii, ad quam reprehensio-

deliciuntur, ut de fundo seu de aedificio, vid. Digest. XLIII. tit. 16.; Cod. VIII. tit. 4.; Pauli sententiarum receptorum I. V. tit. 6. De Interdictis §. 3 sqq. in libro: Iurisprudentia Vetus Ante-Justiniana ex recens. et c. not. Schultingii. Ed. nova. (Lips. 1737. 4.) p. 456 — 458.; Schweppe: Röm. Rechtsgesch. u. Rechtsalterth. 3. Aufl. von C. A. Gründler, §. 332. p. 610 sq. et Brissonius de formulis I. V. c. 49.

⁹⁾ De his conf. Orellii et Baiteri Onomast. Tullian. P. II. p. 630.

nem aditus fit arguta collatione duorum vicinorum vitiorum, violentiae et impudentiae. Violentia usus est Aebutius extra iudicium. Nunc in iudicio addit impudentiam confessionis et cavillationum⁹⁾. Secunda pars est iudicum reprehensio, qui hactenus pronuntiare noluerant¹⁰⁾, cum incidisset disputatio: Utrum potuerit agi ex interdicto Unde vi, an vero utendum fuerit actione iniuriarum. Ut autem aptius attexeret reprehensionem iudicum, superiori parti adhibet correctionem: Etsi magna est impudentia confessionis Aebutii, tamen astute vidit, si sine infitiatione facti quaereret aliam rimam, scilicet cavillationem actionis, facilius extrahi rem, aut nos eludi posse. Et agnoscit Cicero, difficiliorem sibi hanc disputationem esse, in qua non de facto, quod testibus ostendi poterat, sed de iuris autoritate et vi interdicti dicendum sit. Reprehendit autem iudices, quod dubitarint pronuntiare, cum cavillatio actionis sit inanis. Addit item, miratum se, cur tardius damnentur rei in atrocioribus delictis, cum citius coerenda sit violentia. In tertia parte exordii refutat breviter eos, qui disputabant alia actione utendum fuisse.

Paraphrasis.

Si tantum in iudicio valeret impudentia, quantum in agris audacia et vis valuit, nunc quoque cederet A. Caecina. Sed civile est, non dimicare armis de ea re, quae iudicum autoritate retinenda est. Et in iudicio omnibus ingenii atque animi viribus adversarium refutare, retegere fraudes, convincere malitiam et nocendi cupiditatem, denique fortiter propugnare veritatem, iura, leges, quae sunt praecipua communis societatis praesidia. Fortassis autem ubique sibi Aebutius prodesse petulantiam et inusitatas vias arbitratur, quia contra ius moremque cum fecit, videtur fugiente Caecina fundi possessione potitus: quod non accidisset, si rite et iuste dimicandum fuisset. Nunc in iudicio similiter sperat eludi facilius adversarium, si, quod absurdum est, confiteatur delictum; sed eo confiteatur, ut aliam rimam quaerat, videlicet in interdicti cavillatione.

⁹⁾ cavillationum] sic Editt. 1553., 1568.; Ed. 1554. cavillationem.

¹⁰⁾ noluerant] sic Editt. 1553., 1554.; Ed. 1568. voluerant.

Aut sic.

Si non ante fundum dimicasset, sed ut interdum alii ex possessione adversarios ingressos iam intra aedes aut fundos extrudunt, hunc usitatum morem si secutus esset, fuisset in dimicando inferior: sic sperat et nunc in iudicio facilius eludi adversarium. Verum mihi aliqua ex parte prod est haec ipsius impudentia. Quia enim factum confitetur ipse, non erunt metuendi testes ab eo instructi.

Alia sententia.

Neque tamen nihil consilii habuit, cur se non facti infitiatione, sed cavillatione interdicti defendere conatus sit; dubitationem vobis iniicere voluit. Nam de facto perspicuis testimoniis convinci se posse sciebat. Si vero de interdicti interpretatione disputaret, videbat haec, ut sunt flexibilia, certamen inter iudices paritura esse, et futuros, qui assentirentur disserenti, non violatum esse interdictum, sed rixam esse commissam. Eoque mihi plus accedit oneris, quia non iam de Aebutii negotio, sed de iure, et interdicti vi dicendum est. Multum enim valebit iudicatum deinceps in similibus causis, si nunc patiemur interdicti auctoritatem eludi, quod est murus possessionum et vallum adversus violentos cives. Postea spreta¹¹⁾ interdicti auctoritate, simili modo alii in fortunas et corpora nostra¹²⁾ impetus facient.

Reprehensio iudicum.

Quod vero hactenus nondum pronuntiastis, contentionis huius causam fuisse arbitror, non de iure dubitationem, sed quod videbatis Aebutio condemnato ex interdicto Unde vi, postea impendere graviora pericula famae et fortunarum, si deinceps accusaretur de vi. Solent enim nunc iudices tardius pronuntiare, cum condemnationem infamia sequitur, scilicet facti, non iuris. Quae lenitas etsi est usitata, tamen aliquid habet incommodi. Iudicia enim omnia constituta sunt, ut aut nostra teneamus aut poenis malefactorum muniatur communis tranquillitas; cumque celerime occurrendum sit violentiae in iis causis, res ipsa postulat, citius de poenis pronuntiarum, casti-

11) sprete] sic Editt. 1553., 1554.; Ed. 1568. errore typogr.: spera.

12) nostra] sic Ed. 1554.; Ed. 1553. castra; Ed. 1568. casta.

gari fontes et deterreri improbos. In caeteris controversiis mora minus adfert periculi. Cum de emptione litigatur, mox dicuntur sententiae; cum iudicium est de dolo malo, res diu extrahitur, cum expediret improbitatem cito puniri et coherceri.

Cap. II. §. 4.¹³⁾ De improbitate] id est, de sententia interdicti. De iure] id est, de sententia interdicti.

§. 5. Demonstratur¹⁴⁾] scilicet factum.

§. 6. Quamquam ego] Reprehensio, quod tarde pronuntiant, quoniam laeditur existimatio. Hoc iudicium pertinere] scilicet, quia postea posset accusari de vi. Nunc enim tantum pronuntiat de possessione. Nec condemnatus ex interdicto Unde vi, est infamis infamia iuris; sed si commisit atrocitatem, postea de vi accusari potest. Et condemnatus de vi privata, erat infamis infamia iuris, et multabatur tertia parte honorum. Vis privata rerum deponit de ordine rerum. Querendum] id est, deplorandum. Alterum] id est¹⁵⁾, persecutorium. Disceptatore] id est, arbitro. Alterum] id est, poenale. Honorariam] id est, arbitrariam. Edicta praetoris vocantur ius honorarium.

Cap. III. §. 7. Fiduciae rationem] Ratio fiducia est contractus tradendi aliquid ad fideles manus.

§. 8. Turpe iudicium] id est, infame. Inter bonos bene agitur. At¹⁶⁾ si quis] Postrema pars exordii.

Sequitur παράφρασις.

Quod vero obiicitis, me potuisse alia leniore actione uti, iniuriarum videlicet, vel rei vindicatione, scitis nobis liberum esse, nostro iudicio actionem liberam eligere. Deinde nostra actio tantum de possessione dimicat, cum potuissemus agere multo durius, de vi scilicet armata aut publica. Quare non videri potest Caecina vel atrox vel summo iure contendere. Quaecunque autem fuit causa vestrae¹⁷⁾ cunctationis, ego iuris quaestionem ita explicabo, ut perspicue ostendam ex interdicto Unde vi Aebutium condemnandum esse.

13) Capita et paragraphos secundum Ed. Orell. adscripti.

14) Demonstratur] sic Editt. 1553., 1554., 1568.; Ed. Orell. demonstratur.

15) id est] Ed. 1568. scilicet.

16) At] sic Editt. 1553., 1554., 1568. et al.; Ed. Orell. At.

17) vestrae] sic Editt. 1553., 1554.; Ed. 1568. nostrae

Cap. III. §. 8. *Videatur*] id est, videri potest. *Constituta re*] id est, inchoata actione.

§. 9. *Ius nostrum*] id est, possessionem. *Vim*] id est, actionem ex interdicto Unde vi.

Cap. IV. §. 9. *Alterius rei*] scilicet, an hic casus pertineat ad interdictum Unde vi.

§. 10. *Ne summo iure*] id est, non vult videri atrocissime egisse.

Differunt { Colonia;
Municipium;
Ius civitatis;
Ius vectigalium.

*Cives*¹⁸⁾ sunt, qui una capiunt honores et munera. *Municipes*¹⁹⁾ vocabantur, qui una capiebant munera, sed non honores; qui militabant

una. Sic erat magna pars Italiae. Colonia²⁰⁾ habet ius civitatis. Hoc vocabatur ius Latinitatis. Vectigales²¹⁾ non militabant, nec capiebant honores, sed tantum dabant tributa. *Argentariam*²²⁾ . . . *fecit*] id est, fuit mensarius, hat geld gewechselt. Mensarii faciebant usuram in parva pecunia, argentarii in magna.

§. 11. *Fundum . . . vendidit*] id est, Romano iure poterat vendere uxori maritus fundum et econtra uxor marito.

§. 12. *M. Fulcinus*] id est, filius. *Matriquo*] id est, Caesenniae.

Cap. V. §. 13. *Quum esset haec auctio*] id est, venditio publica. *Partitionis*] id est, divisionis haereditariae.

²⁰⁾ Colonia] Ed. 1568.: 3. Colonia.

²¹⁾ Vectigales] Ed. 1568.: 4. Vectigales.

²²⁾ *Argentariam*] sic Editt. 1553., 1554. et Ed. Orell.; Ed. 1568. *Argentarium*.

¹⁸⁾ *Cives*] Ed. 1568.: 1. *Cives*.

¹⁹⁾ *Municipes*] Ed. 1568.: 2. *Municipes*.

XVI PH. MEL. SCHOLIA IN CICERONIS ORATIONEM PRO Q. LIGARIO.

Haec Melanthonis scholia tantum in tribus illis scholorum, quae ad plures vel omnes Ciceronis orationes pertinent, collectionibus ad orationem pro Archia p. 893—896. descriptis invenimus, scil.: 1) *Basileensi* 1553. fol., 2) *Lugdunensi* 1554. fol., et 3) *Lipsiensi* 1568. 8., quas solis annorum numeris signabimus. Harum editionum tertia, Lipsiensis, a duobus prioribus eo maxime differt, quod, praeter earum scholia, alia etiam eiusdem auctoris continet.

1. IN CICERONIS PRO Q. LIGARIO ORATIONEM PHILIPPI MELANTHONIS COMMENTARIOLUS ¹⁾.

Summa Ligariana.

Valde dissimilis est aliarum orationum oratio pro Ligario. Gravior est enim ²⁾ iudici sapienti et potenti oratio verecunda et ingenua, prae se ferens simplicissimam speciem, et aliena ab ostentatione, quam ambitiose elaborata vel ornata. Ideo et hic Cicero sine usitato splendore forensi, quasi familiariter colloquens cum Caesare, verecunde excusat amicum, et pro eo deprecatur. Et quamquam ad artis praecepta congruit summa ³⁾ negotii (necesse est enim aliquem finem a dicente prospici, nec totam orationem temere vagari), tamen singula membra usitatis et puerilibus praeceptis accommodare ineptum est. De summa dicam. Genus causae est iudiciale. Accusatur enim Ligarius, quod contra Caesarem in Africa fuerit. Status est iuridicialis

1) Sic haec priora scholia in Editt. 1553., 1554., 1568. sunt inscripta.

2) est enim] sic Editt. 1553., 1554.; Ed. 1568. enim est.

3) congruit summa] sic Editt. 1553., 1554.; Ed. 1568. summa congruit.

seu *δικαιολογικός* ^{3a)}). Etsi enim, ut decuit apud adversarium et victorem, magna pars consumitur in deprecatione, tamen hoc loco fuit occurrendum calumniosae accusationi. Est igitur status iuridicialis assumptivus: concessio videlicet, cum purgatione, seu remotione criminis. Fateor, inquit Cicero, fuisse in Africa Ligarium; sed nec profectus est, nec mansit, ut arma gereret contra Caesarem. Est et remotio criminis, quod Tubero scelus nominaverat studium partis Pompeianae. Hanc particulam diligenter refutat Cicero per translationes; dicit errorem fuisse. Tertio et translatio, quam nunc diceremus exceptionem: Non potes accusare Ligarium apud Caesarem, cum iniurias non Caesaris, sed tuas privatas persequaris. Quid enim ad Caesarem attinet, quod tibi non tradidi provinciam, qui eras Pompeianus? Haec exceptio fortiter repellit Tuberonem. Turpe est enim ⁴⁾ privato

3a) De hoc statu conf. Melanthonis Elem. Rhetor. I. I., in huius Corp. Reform. Vol. XIII. p. 436.

4) est enim] sic Editt. 1553., 1554.; Ed. 1568. enim est.

odio, Caesaris causam calumniose praetexere; nec Caesar de privatis odiis cognoscebat. Recensui status. Probationes sunt narrationes facti, et sunt breves; quas tamen si quis vult alligare syllogismis, facile est, ut videat *αἴτιον* et *κρινόμενον*. Non est crimen fuisse in Africa, sed ibi contra Caesarem arma gessisse; Ligarius fuit in Africa, missus a senatu ante bellum, nec gessit arma contra Caesarem: igitur non est damnandus. Minor est *κρινόμενον*. Item de exceptione: Caesar non cognoscit de privatis odiis; Tubero privatas iniurias persequitur, non agit causam Caesaris, erat enim hostis Caesaris, nec traditurus erat Africam Caesari: igitur haec causa nihil ad Caesarem pertinet. Minor est *κρινόμενον*. Et ut ad⁵⁾ exceptionem perveniat, inserit recriminationem: Tu gessisti arma contra Caesarem, tenere provinciam voluisti, non ut Caesari traderes: ergo nihil haec res ad Caesarem pertinet. Reliqua est deprecatio, quae est prolixior, in qua sunt argumenta a bonitate Caesaris, a causis rogantium, a dignitate intercedentium, a meritis T. Ligarii^{5a)}, qui fuerat quaestor Caesaris. Postremo redit ad argumentum de laude bonitatis.

Exordium.

Cap. I. §. 1. ⁶⁾ *Novum crimen, C. Caesar]* Fere omnia membra huius orationis videntur familiari sermoni similia, quam forensi contentioni. Ideo exordium est breve, et miscet multas figuras, *ἀπροσδόκητον*, ironiam, concessionem. excerpens ex causa id, quod non erat criminis. Addit in fine exordii et recriminationem. Hae figurae omnes adhibitae sunt, ut arte extenuetur crimen, et Caesar fiat placatior, et incendatur adversus Tuberonem⁷⁾. Initium est⁸⁾ extenuatio, cum ait: Novum crimen ad te Tubero detulit. Estque prima figura et satis *salsa ἀπροσδόκητον*, et tacite detrahit Tuberoni candorem, quasi dicat: Magis cupiditate nocendi accusat Tubero, quam adductus vera aliqua causa. Ideo excerpit id, quod mollius erat; et concessionem utitur. Nam per se nihil est culpae, fuisse in Africa. Inquit igitur: Non putaram hoc crimen

5) ad] sic Editt. 1553., 1554.; in Ed. 1568. omiss.

5a) T. Ligarius est Q. Ligarii frater.

6) Capita et paragraphos secundum Ed. Orell. adscripti.

7) Q. (Aelius) Tubero, propinquus Ciceronis, accusator Q. Ligarii.

8) est] sic Editt. 1553., 1554.; in Ed. 1568. omiss.

allaturum esse Tuberonem, etsi re vera crimen non est, fuisse in Africa. Haec extenuatio illustre vestibulum est totius defensionis. Commoratur in ironia: Negassem, si nescisses, quasi dicat: Scio te non ignorare, ubi uterque fuerit, et alterum in Africa quievisse, alterum in acie fuisse contra te: quare miror Tuberonem, qui fuit acrior hostis, accusare alium. Cumque sit antecedens, sed ironicum: Negare crimen non possum: additur postea consequens: Habes confidentem⁹⁾ reum. Iam vero omissa ironia, addit *ἀντικατηγορίαν*, ut conspici possit inhumanitas Tuberonis, qui cum atrocior hostis fuerit Caesari, nunc accuset Ligarium, qui otiosus comes fuit Pompeianae partis.

§. 2. *Q. igitur Ligarius]* In narratione fundamenta sunt excusationis, quia recenset, qua occasione, et propter quas causas Ligarius in Africam profectus sit, et quae fuerit manendi necessitas. Distribuit igitur eam in tria tempora, et ostendit priora duo non solum extra culpam, sed quidem causam esse, cur quisquam suspicari possit eum hostili animo fuisse. Tertium tempus aliquid habet¹⁰⁾ suspicionis: Mansit Ligarius, cum Varus hostis Caesaris provinciae praererat¹¹⁾. Hic purgat suspicionem, conferens causam commorationis in necessitatem; mansit, quia moto iam bello, quasi in ipso incendio omnium provinciarum, nec egredi e provincia, nec applicare ad ullos portus tutum erat.

Cap. II. §. 6. *Nullum igitur crimen habes*¹²⁾] Conclusio narrationis. *O clementiam admirabilem]* Transito ad refutationem, quae inseritur, ut perveniat Cicero ad refutationem, in qua primum opportuna occupatione utitur: Magna clementia est, dare victo potestatem pro altero dicendi. Id cum facias Caesar, bonitate et

9) confidentem] sic Editt. 1553., 1554.; Ed. 1568. confidentem.

10) Tertium tempus aliquid habet] sic Editt. 1553., 1554.; Ed. 1568. Tertium habet aliquid (om. „tempus”).

11) Q. Ligarius a. u. c. 704. C. Considii, propraetoris Africae, legatus fuit, qui ei, cum decederet, provinciam tradidit. A. u. c. 705. initio belli civilis et Pompeiani imperium detulerunt, quod cum ille recusasset, P. Atilius Varus, qui aliquot annis ante Africam pro praetore obtinuerat, Uticam venit, imperiumque sibi oblatum recepit. Ligarius, cum evadere non posset, Africano bello interfuit ac deinde, cum iratum haberet Caesarem, exulavit. Vid. Orellii et Baetleri Onomast. Tullian. P. II. p. 355. et p. 83.

12) *Nullum igitur crimen habes]* sic Editt. 1553., 1554.; Ed. 1568. *Nullum igitur crimen habet;* Ed. Orell. *Nullum igitur habes, Caesar.*

mansuetudine omnes claros duces, qui unquam fuerunt¹³⁾, antecellis.

Cap. III. §. 7. *Suscepto bello, Caesar*] Subiicit confessionem sui facti.

§. 9. *Sed hoc quaero*] Recriminatio, in qua, ut leniat causam Ligarii, ostendit Tuberonem multo fuisse atrociorē hostem Caesaris, eoque inciviler et inhumaniter facere, cum impetrata venia obsistit, quo minus alteri similiter ignoscatur. Haec ἡδὶκα etiamsi non proprie ad controversiam pertinent, tamen et alienant animos a Tuberone, et conciliant Ligario. Estque propositio recriminationis odiose amplificata. Collatio est¹⁴⁾ duarum propositionum: Ligarius fuit in Africa, id non est crimen. Nec tulit arma, haec est propositio propria huius controversiae. Additur altera de Tuberone, quae continet recriminationem: Tubero non solum in provincia aliqua fuit¹⁵⁾ inimica Caesari, sed fuit in acie, et dimicavit. Et diligenter hoc loco insignis amplificatio, celebrata omnium Latinorum rhetorum scriptis, observanda est. Estque tum coacervatio, tum distributio. Est brevitās in colis, et numeri celeres sunt¹⁶⁾, accommodati ad vehementiam, in exprobrationem rei indignae et iniustae, quod congressus cum Caesare et veniam consecutus, impedit, ne aliis donetur venia; et quidem privato odio iniuste praetexit causam, quae ad Caesarem nihil pertinebat, videlicet de exclusionē ab Africa.

Cap. IV. §. 10. *Atque in hac causa*] Communicatio cum patre.

§. 11. *Haec non modo mirabilia*¹⁷⁾ sunt] Sequitur exaggeratio recriminationis, quod non solum impediatur veniam, sed etiam contendatur, ut Ligarius interficiatur. Iam exulat Ligarius, et tu vis incendere iratum: ergo vis, ut interficiatur Ligarius¹⁸⁾. Haec amplificat collatione Syllani temporis.

Cap. V. §. 14. *Si, quum hoc domi*] Alia amplificatio per hypotyposin et collationem de-

13) qui unquam fuerunt] sic Editt. 1553., 1554.; Ed. 1568. quicumque fuerant.

14) est] sic Editt. 1553., 1554.; in Ed. 1568. omis.

15) aliqua fuit] sic Editt. 1553., 1554.; Ed. 1568. fuit aliqua.

16) Conf. Melanthonis annotatt. ad Cic. de Orat. III, 44, 173. et 47, 182., supra p. 759 sqq.

17) *Haec non modo mirabilia*] sic Editt. 1553., 1554., 1568.; Ed. Orell. *Haec admirabilia*.

18) et tu vis incendere — Ligarius.] sic Editt. 1553., 1554.; in Ed. 1568. desunt.

hortationis et accusationis: Si nobis flentibus et prostratis esses dehortator, esset inhumanissimum. Nunc accusator es, quod est atrocius; et exemplo offendis voluntates aliorum, qui nolunt¹⁹⁾ acui asperitatem Caesaris. *Dicam plane, C. Caesar*] Valde opportunum πάθος, quo et probat et laudat sapientiam et clementiam Caesaris, quod ipse suo consilio et sua bonitate mitiget civilis victoriae saevitiam, nec sinat se incendi a malis. Haec est insignis et heroica virtus, proprio iudicio recte facere, nec gerere morem cupiditatis aut odiis amicorum. Et est amplificatum πάθος: Minus flagitii esset, si te victores acuerent; nunc Tubero est exasperator, qui fuit atrox hostis; est victus, tantum misericordia tua servatus.

Cap. VI. §. 17. *Ac primus aditus*] Nunc paulisper omisā recriminatione, redit Cicero ad defensionem Ligarii. Ac primum refutat dictum Tuberonis, qui statim in propositione graviter offenderat multorum animos, cum coniunctionem cum Pompeio vocasset scelus. Est igitur plena dignitatis et gravitatis responsio, maximeque conveniens personae Ciceronis et aliorum honestorum virorum, quibus nolentibus exarserat bellum civile, in quo tamen hi, quorum praecipua fuit dignitas, Pompeium secuti fuerant. Hos²⁰⁾ omnes dici sceleratos, erat iniustum, praesertim cum multi non solum hortatores fuissent, ut arma deponerentur, sed etiam mediocres conditiones pacis ostendissent. Recte igitur Cicero primum reprehendit appellationem seu nomen criminis, quod videlicet hanc coniunctionem Tubero scelus nuncupavit. Estque locus definitionis; et quaerit Cicero vicina vocabula minus atrocia, quae excusationem Pompeianorum continent. Fere iisdem verbis excusat Pompeianos pro Marcello²¹⁾. Caeterae appellationes minus continent turpitudinis, ut: error, metus, spes, cupiditas, pertinacia. Sed scelus plenum est turpitudine, quia significat ardentem iniusta cupiditate, non sui tuendi causa, sed studio nocendi consulto et volentem, iniuste moliri aliquid²¹⁾ contra rempublicam vel innocentes et honestos cives, ut Catilina fecerat.

19) nolunt] sic Editt. 1553., 1554.; Ed. 1568. volunt.

20) Hos] sic Editt. 1553., 1554.; Ed. 1568. His.

21) Conf. Ciceronis orat. pro Marcello 10.

21) aliquid] sic Editt. 1553., 1554.; Ed. 1568. aliqua.

Sed Pompeius et alii principes movetant bellum, seu errore, seu metu; putabant sibi opus esse defensione. Pompeius metuebat, ne dignitate spoliaretur, timebant et alii iratum Caesarem. Multi errore Pompeium sequebantur existimantes eam esse partem honestiorem, quia ibi initio erant consules, praetores et principes, ut nunc multi sequuntur pontifices propter titulum. Et speciosa excusatio est videri coniunctos esse cum ordinaria potestate. Ergo cum aliqua sit excusatio Pompeianae partis, nec summa turpitudine, nec scelus fuit coniunctio cum Pompeio. Haec oratio maxime decebat Ciceronem, ne agnoscere videretur culpam vera reprehensione dignam. *Ac mihi quidem, si proprium]* Usitatum est in eventibus tragicis decurrere ad fatales causas. Idem hic Cicero facit: et omissis causis odiosis, translatione utitur. Dicit fatum fuisse causam belli civilis.

§. 18. *Quando hoc quisquam ex te]* Argumentatur a testimonio Caesaris: Ne tu quidem nominas scelus, sed vocas defensionem dignitatis tuae, cum alii tibi vel metu vel errore adversarentur. *Quid? tu, quum pacem esse cupiebas]* Rursus a testimonio Caesaris: Volebas esse pacem cum Pompeianis: ergo non ducebas sceleratos esse, quia non volebas cum sceleratis rempublicam gubernare.

§. 19. *Mihi vero, Caesar]* Ab ipsorum dignitate, qui servati sunt. Nollem me ut sceleratum servatum esse. *Secessionem tu illam existimasti]* Vocat secessionem, motum civium aliquid probabili causa petentium, nec inferentium bellum, sicut olim accidit in secessionem in sacrum montem. Deinde declarat, cur vocaverit errorem: Quia initio aliquid utraque causa probabile habebat. *Nunc melior certe]* Melius est, te esse victorem, quia tua victoria minus est saeva, quam fuerat Pompeii victoria futura.

Cap. VII. §. 20. *Sed, ut omittam communem causam]* Redit ad defensionem Ligarii, et repetita narratione, et agitatis circumstantiis, ostendit Ligarium nec profectum esse, nec mansisse hostili animo. Simul autem addit collationem, in qua ostendit Tiberonem et appetuisse provinciam hostili animo contra Caesarem, et postea in causa Pompeiana vehementiorem fuisse. Nam Tubero profectus est, cum non oportuit; et non receptus in Africam, venit in castra, in Thesaliam.

MELANTH. OPER. Vol. XVI.

§. 23. *Sed quoquo modo illud se habet*²²⁾] Collatio est voluntatum. Tubero provinciam Caesari traditurus non fuerat, et repulsus ad Pompeium in castra se contulit. Quare cum repulsio nihil ad Caesarem pertinnerit, non potest Ligarius hac de re coram Caesare accusari. Nam Caesar non est iudex privatarum iniuriarum, quibus Pompeiani suos adfecerunt, sed quibus ipse adfectus est.

Cap. VIII. §. 23. *Vide, quid*²³⁾ *licentiae]* Multis verbis amplificat antecedens, in quo dictum est de Tiberonis voluntate. Gradus enim declarantur: Non tradidisset provinciam Caesari, etiamsi Ligarius aut Varus cessisset. Praeterea exclusus non iratus est Pompeianis, sed mansit in partibus, quamquam iniuria adfectus. Denique profectus est in castra Pompeii.

Cap. IX. §. 26. *Sed vide, quaeso, Caesar*²⁴⁾, *constantiam]* Exaggerat pertinaciam Tiberonis, quod quamquam iniuria adfectus, tamen non discesserit a Pompeianis.

§. 27. *In Macedoniam]* Postea addit profectum esse in castra ad Pompeium, et interfuisse proelio Pharsalico²⁵⁾.

Cap. X. §. 29. *Nunc quaero]* Epilogus continet translationem, ut rhetores vocant, seu exceptionem²⁶⁾, ut iurisconsulti loquuntur. Caesar non est iudex de privatis iniuriis Pompeianorum inter sese; tu tantum de privata iniuria quereris, quod exclusus sis a provincia: ergo nihil haec res ad Caesarem pertinet. Hic finis est defensionis. Nam haec translatio seu exceptio maxime praegravat Tiberonem. *Itaque num tibi videor, Caesar, in causa Ligarii?]* Deprecatio. Primum transitio est, et correctio: Nolo de iure disputare, sed fretus tua excellenti bonitate, veniam petere malo. Et hanc correctionem amplificat collatione iudicis et patris, in

22) *illud se habet]* sic Editt. 1553., 1554. (in Ed. 1568. haec desunt, solis verbis *Sed quoquo modo* huic notae praefixis); Ed. Orell. *sese illud habet.*

23) *quid]* sic Editt. 1553., 1554. et Ed. Orell.; Ed. 1568. *quod.*

24) *Caesar]* sic Editt. 1553., 1554. (in Ed. 1568. hoc nomen cum voce seq. deest); Ed. Orell. *C. Caesar.*

25) Proelium Pharsalicum a. u. c. 706., 48. a. Chr. descriptum est a Caesare de bello civili III, 90 - 99.

26) De exceptione iurisconsultorum conf. Melanthonis Elem. Rhetor. I. I., Corp. Reform. Vol. XIII, p. 445. Chr. Fr. Elvers: Promptuarium Gajanum p. 226. et H. Ed. Dirksen: Manuale latinitatis fontium iuris civilis Romanorum p. 338.

qua tamen prudenter initio et argumenta repetit, quae minuunt culpam Ligarii, quasi dicat: Etsi hanc causam apud te ago, magis ut apud patrem, quam apud iudicem, tamen etiam ad iudicem haec argumenta valerent. Non attulit odium tui, non studium belli civilis in provinciam, sed ante bellum profectus est. Postea invitus retentus est, et haesit sine pertinacia, sine odio tui. Hae circumstantiae minuunt culpam etiam in severis iudiciis. Postea discedens ab hac parte, inchoat deprecationem: Ad patrem loquor. Estque propositio deprecationis: Ad clementiam tuam confugio, delicti veniam peto, ut ignoscas oro. Haec est propositio. Sequuntur argumenta.

Primum ab exemplo: Si nemo impetravit, arroganter peto; si plurimi, tu idem fer opem, qui spem dedisti.

Secundum a suo exemplo: Cum ego sim veniam consecutus, qui in castris fui ad Pharsalum, nunc vero etiam sim deprecator pro altero, videarque gratia valere: quanto magis veniam speret Ligarius?

Tertium argumentum prudentissime cogitatum est a causis deprecantium. Antonius et similes multa petebant, non honesta ratione, sed vel *πλεονεξία*, vel ostentatione, alias volebant opes suas augere, alias conspici suam gratiam aut potentiam volebant. Et quamquam multa²⁷⁾ talia impetrabant, tamen Caesar aequiore animo tribuit beneficia iis, qui propter necessariam officii rationem petebant, non aulica ostentatione, ut cum aliquis pro exule parente, fratre, propinquo laborabat²⁸⁾. Haec virtus decebat talem principem, concedere libentius pietati, quam ostentationi, aut ambitioni. Hinc instituitur syllogismus: In omnium petitionibus spectas causas, et libentius tribuis pietati quam ostentationi aut²⁹⁾ ambitioni; deprecatores pro Ligario habent pias causas, laborant pro fratre propinquo: ergo his concedas, moveat pietas, moveat germanitas.

27) multa] sic Editt. 1553., 1554.; Ed. 1568. multi.

28) laborabat] sic Editt. 1553., 1554.; Ed. 1568. laborat.

29) ostentationi aut] sic Ed. 1568.; in Editt. 1553., 1554. desunt.

Cap. XI. §. 33. *Valeat tua vox illa*] Quartum³⁰⁾ argumentum sumptum est a conditione deprecantium: Dixisti omnes te numeraturum esse inter tuos, qui non contra te arma gererent. Hi deprecatores partim tecum fuerunt, partim non gesserunt arma contra te, eamque ob causam nos Pompeiani minitabamur eis. Ergo tui sunt, ac digni, quibus fratrem dones, cuius fuisset futura eadem mens, si domi fuisset. Id *πάθος* exaggerat: Quod si penitus perspicere posses concordiam Ligariorum, etc.

Quintum³¹⁾ sumptum est ex necessitudine consulis et quaestoris. More veteri quaestor erat consuli filii loco; Ligarii frater fuit quaestor Caesaris, fidelior quam caeteri, nihil tunc captans, sed liberaliter inserviens: quare nunc ei aliqua gratia reddenda est, praesertim rem piam petenti, videlicet fratris restitutionem.

Sextum³²⁾ ab exemplo restitutionis Marcelli: ut in curia exemplum clementiae principibus praebuisti, ita nunc caeteris ordinibus in foro declares, te civium salutem anteferre tuae iracundiae. Et additur ratio: Si ille dies tibi gloriosus fuit, quia summa gloria est ignoscere civibus. Ratio: Quia³³⁾ bonitas, misericordia debent eminere inter caeteras virtutes summorum principum, ac vincere iuris asperitatem. Haec ratio ex loco communi sumpta est, de collatione virtutum in viris potentibus. Fortitudo est digna laude in Scipione, et utilis reipublicae; sed eius³⁴⁾ bonitas gratior est privatis, quia non solum publicis beneficiis, sed etiam privatis multos cumulat. Et in his, quorum potentia formidabilis est, si emineat bonitas, multis est salutaris, et ingens decus est.

Cap. XII. §. 38. *Longiorem orationem*] Brevis epilogus est, verecunde praecidens totam orationem, et breviter admonens Caesarem, ut suam sapientiam et bonitatem adhibeat in consilium.

30) Quartum] Ed. 1568.: 4. Quartum.

31) Quintum] Ed. 1568.: 5. Quintum.

32) Sextum] Ed. 1568.: 6. Sextum.

33) Quia] sic Editt. 1554., 1568.; Ed. 1553. errore typogr.: Qui.

34) eius] sic Editt. 1553., 1554.; in Ed. 1568. deest.

2. ALIA SCHOLIA PHILIPPI MELANTHONIS ⁵⁵).

Argumentum.

Q. Ligarius ante ullam belli civilis inter Pompeium et Caesarem suspicionem cum Considio consule ⁵⁶) legatus in Africam profectus ita se gessit, ut Considius provincia decedens Afris satisfacere non potuerit, nisi Ligarium iis praefecisset ⁵⁷). Ligarius provinciam quamdiu recusans invitatus accepit, tanta integritate et fide in pace administravit, ut omnibus esset gratissimus. Caeterum cum bellum inter Caesarem et Pompeium subito exarsisset, et Afri solliciti ducem circumspectarent, Ligarius desiderio suorum domum spectans se nullo negotio implicari sustinuit. Interea P. Atius ⁵⁸) Varus, qui partes Pompeii secutus fuerat, amissis cohortibus ex fuga protinus Uticam venit. (Nam paucis ante annis ex praetura Africam tenuerat) et delatum ad se imperium magna cupiditate arripuit. Itaque Ligarius necessitate coactus in provincia substitit. Postea cum Tuberonem Uticam venientem idem Atius portu atque oppido prohibuisset, neque affectum valetudine filium in terram exponere passus esset, Tubero hanc iniuriam conquestus in Macedoniam ad Pompeium se recepit. Quo victo, cum impetrata venia a Caesare Tubero restitutus esset, Ligarium, quod in Africa contra Caesarem stetitisset, accusavit, unde Caesar exacerbatum in Ligarium (cum Cicero rogatu fratrum eum defensusurus adesset) ad suos versus dixisse fertur: Vir ille diu malus, nosterque hostis, sed interim quid impedit audire Ciceronem? Cuius actio ea varietate et gratia admirabilis fuit, ut ad eam Caesar subinde vultum mutarit. Pharsalicam autem pugnam orator ubi attigit, ita Caesarem concitavit, ut velut amens exiliret, et libelli, quos tenuit, ex manu exciderent, sed vi orationis victus

55) Haec altera scholia in sola Ed. 1568. inveniuntur sic inscripta: Alia scholia Philip. Melanch. in orationem Ciceronis pro Q. Ligario ex ore privatim praelegentis excerpta, 1532.

56) C. Considius Longus non consul, sed propractor Africae fuit, conf. supra p. 1198. nota 11.

57) iis praefecisset] sic scribendum censeo pro „sibi praefecisset“, quae verba in Ed. 1568. h. l. leguntur. Conf. nota 11. modo memorata.

58) Atius] sic Ed. Graeviana B., Ernestiana I., Schuetziana 2. et Orelliana; Ed. 1568. et Gruter. Accius; Ed. Lambiutiana Actius; vid. Orellii not. crit. ad c. 1. §. 3. huius orat. et eiusd. Onomast. Tullian. P. II. p. 81.

Ligario ignovit. Generis est iudicialis, quod ea accusatum Ligarium Cicero defendit; status est iudicialis seu negotialis. Cicero enim factum non negat, sed tale esse contendit, cui ignosci debeat. Vide Plutarchum in vita Ciceronis ⁵⁹).

De statu causae.

Status est extenuatio criminis cum deprecatione, hoc est, non defendit absolute, sed aliquo modo mitigat. Prior pars orationis tota consumitur in Tuberone obiurgando. Secunda in ipsa causa, scilicet in extenuatione. Tertia pars in deprecatione.

Cap. I. §. 1. *Novum crimen*] Propositio exordii ex ipsa causa tracti, quo teste Quintiliano ⁶⁰) ironia utitur. *ἄλλως*. Breve exordium, et est ironia, continens extenuationem criminis. *Tubero detulit*] Ironia extenuat crimen obiectum. In voce enim *novum* ⁶¹) est ironia, quia Caesari omnia erant notissima. *Confiteri*] scilicet quod nihil est periculi hoc fateri. *Itaque, quo*] Mirabilis est dubitatio. *Abuterer*] scilicet, ut eo facilius possemus deprecari, et illi impetrare reditum. *Integrum*] scilicet negare, scilicet Ligarium in Africa fuisse. *Controversia*] Onittit ironiam. *Qua plurimi*] Primo captavit benevolentiam a persona confitentis, iam a facto ipsius Caesaris.

§. 2. *Habes*] Epilogus cum apostrophe, qua dedit vires sententiae. Quintil. lib. 4. cap. 1. ⁶²). *Habes*] Concessio, sed mitigat crimen regerendo crimine, quasi dicat: Tamen tu etiam fuisti Pompeianus. Cicero habet egregiam occasionem obiurgandi Tuberonem, qui clementia et misericordia Caesaris usus erat, tamen impediabat, quominus Ligario pateret reditus, quod erat valde inhumanum. Nihil enim est indignius homine, quam invidere salutem homini, qui nobis est par, et cum illo agere summo iure. Illa sumpta sunt ex ⁶³) lege naturae: Quae tibi vis fieri, facias

59) Plut. Cic. c. 39., ubi Caesaris verba a Melanthonem modo allata inveniuntur.

60) Conf. de hoc loco Quintil. instit. orat. IV, 1, 38 sq. 70.

61) *novum*] Ed. 1568. errore typogr.: *novum*.

62) Quintil. instit. orat. IV, 1, 67.

63) *ex*] Ed. 1568. errore typogr.: *est*.

et alteri. Item, *ἴσα πόλεμον οὐ ποιεῖ*⁶⁴⁾. Peccavit igitur Tubero contra aequitatem. *Sed tamen*] Illa regeſtio criminis reddit causam Tuberonis magis invidiosam. *Itaque prius*] Clausula. *Q. igitur*] Hactenus fuit exordium; nunc sequitur narratio, in qua dicit honestas rationes, quare Q. Ligarius profectus fuerit in Africam. *Legatus*] Stadhalter, qui addebatur magistratui, ut vicem obtineret, si magistratus alibi esset occupatus, sicut Itali habent provisorem. Argumentatur ab ipsius probitate. *Considio*] A verisimili. Mos enim erat, ut legati cum consulibus in provincias irent. *Sociis*] Partitio et redditio. *Itaque Q. Ligarius*] Obiter spargit in narrationem argumenta, et primum est commendatio a factis.

§. 3. *Bellum*] Separatio est proprium splendoris schema. *Subito*] Addit, ut nulla ratione futurum bellum Ligarius videretur potuisse suspicari. *Exarsit*] Translatio est commodissima, quae cum subitam ex igne flammam erupisse ante oculos ponat, ardoris etiam ac magnitudinis plena est. *Ligarius*] Narrationem facit verisimilem rationibus, quae a circumstantiis fluunt. *Atius*⁶⁵⁾] scilicet qui gessit bellum adversus Curionem. *Si illud*] Correctio. Nunc cupiditatem Vari auget, ut ex hac contentione probitas Ligarii magis emineat.

§. 4. *Conquievit*] scilicet mansit in provincia.

Cap. II. §. 4. *Adhuc*] Applicatio ad causam, seu commonitio, hoc est, brevis quaedam eorum, quae dicta sunt, repetitio ad longam orationem accommodatissima. *Expediret*] Enthymema, non fuit ei opus bello. *Necessitatem*] Caesari mirabili artificio purgationis speciem subiicit, Ligarium, si potuisset ex Africa effugere, cum fratribus Caesarem secuturum fuisse. *Unum, quum*] Divisio.

§. 5. *Necessitatis*] Quia cum esset praepositus provinciae a Considio, non licuit ei discedere. *An ille*] Confirmatio, non peccasse Ligarium, quod restitit in Africa. Est autem ductum argumentum a coniectura. *ἄλλως*. Obliqua et figurata translatio criminis est, et purgatio ex neces-

sitate. Quod enim ex necessitate cogimur facere, iudicamur non fraude aut dolo fecisse. *Romae*] quasi dicat: non. Necessitas mansionem confirmat per coniecturas. *Atio*^{65a)} *quam*] Collatio, qua auxit orationem. *Maluisset?*] Continuatio, cum omnia membra unico verbo concluduntur. *Quum legatio*] Confirmatio rationis est a contrario, dupliciter a legatione ac dignitate ad privatum habitum, a pace ad bellum. *Legatio*] scilicet vicariatus.

§. 6. *Nullum*] Conclusio confirmationis, seu epilocus narrationis. *Meam*] id est, causam. *O clementiam*] Excursus de clementia Caesaris, in quo occupat cum Caesaris tum iudicis de se opinionem. *ἄλλως*. Obiurgatio Tuberonis, quod turpe ei sit consecuto misericordiam, accusare alterum, et videri crudelem esse in alterum. Non statim obiicit, quod fuerit hostis Caesaris. Ideo primum dicit de se, quod et ipse fuerit hostis. Pulcherrimum est consilium Ciceronis in hac oratione, qua nihil simplicius et suavius dici potest. De hoc loco vide Quintil. lib. 9. cap. de figuris sententiarum⁶⁶⁾. *O clementiam*] A rebus maioribus, quae Caesari gloriae fuerant, ad misericordiam impellit. Clementiam enim Caesaris in manifestos hostes praedicat, ut clementiorem ipsum in Ligarium reddat, qui vel nihil, vel coactus peccavit. Obiter extenuat crimen. *Confitetur*] Ergo plus peccavi, quam Ligarius. Haec omnia dicit, ut apte possit pervenire ad reprehensionem Tuberonis. Turpe enim est doctori, si culpa redarguit ipsum. *Ne tuas*⁶⁷⁾] Aperit, quantum confidat, qui vel de animo ipsius Caesaris certiore se esse ostendit.

Cap. III. §. 6. *Vide, quanta*⁶⁸⁾] Collatione sui defendit Ligarii delictum. *Oboriatur*] Quasi diceret: Haec non auderem dicere, nisi iudicarem te virum esse sapientissimum et clementissimum, quia cupiditas vindictae non cadit in homines sapientes. Et vere est sapientia despicere omnes offensiones. *Quantum*] scilicet volo meum peccatum exaggerare clara voce.

§. 7. *Suscepto*] Exaggeratio: Feci iudicio et voluntate. *ἄλλως*. *παρρησία*, quae habet significationem, esse infinitam quandam bonitatem,

64) Hoc est Solonis apophthegma, quemadmodum scribit Plutarchus in huius vita c. 14., admonens dictum hoc fuisse vulgo celebre. Laudatur etiam ab Erasmo adag. chil. IV. cent. II. prov. 96.

65) *Atius*] sic Ed. Orell.; Ed. 1568. et al. *Actius*; conf. supra p. 1205. nota 58.

65a) *Atio*] Ed. 1568. *Actio*.

66) Quintil. instit. orat. IX, 2, 51.

67) *Ne tuas*] sic Ed. 1568.; Ed. Orell. *nec tuas*.

68) *quanta*] sic Ed. 1568.; Ed. Orell. *quam*.

humanitatem et clementiam in Caesare. *Apud quem*] Interpellat se, et Caesaris exemplo Caesarem mitigat. *Passus est*] Cicero in Cilicia fuerat imperator propter res gestas appellatus. Istum titulum Caesar illi quoque tribuit, denn er wuste wol, das ihm der Cicero nicht schaden kundt.

§. 8. *Vide, quaeso*] Epilogus excursus. Conversio autem ad adversarium acris est, et a maiore infert minus. Magis enim quisque celari sua crimina cupit, quam aliena. *Atque*] Redit ad Tuberonem. Obiicit illi suum crimen. Praeparatio ad recriminationem, et ne videatur odio aut ira commotus recriminari, et commemorat prius de se dixisse, et cur gloriae faveat Tuberonis ostendit.

§. 9. *Sed hoc quaero*] Contentio, quae tota in anticategoria⁶⁹⁾ consumitur, nisi quod alieni deprecatione utitur. *Qui sensus erat*] Apostrophe per interrogationem adhibita causa instandi. Fab. lib. 9. cap. 2.⁷⁰⁾ Est item congeries. Fab. lib. 8. cap. 4.⁷¹⁾

Cap. IV. §. 10. *Egimus*] scilicet nos voluimus perdere Caesarem. *Hic*] scilicet Caesar. *Quorum*] Conclusio illius obiurgationis. *Eorum*] quasi dicat: minime decet. Non debemus te acuere ad crudelitatem, qui antea tua misericordia usi sumus. *Atque in hac*] Prodest tenere in autoribus, quomodo omnes partes cohaereant, quae partes sint principales. Ideo repetam superiora, ut sciat auditor, quomodo aliud ex alio sequatur, memoriaeque possit mandare. Nam hanc habet utilitatem haec dialectica dispositio. Primum fuit exordium habens concessionem criminis, quam solvit per instantiam, ut dialectici dicunt⁷²⁾, hoc est, quae mitigatur recriminatione et deprecatione. Recriminatio autem constat ironia, quae plurimum valet in hac causa, quia ipse accusator redditur invisus propter immanem crudelitatem et inhumanitatem. Deinde fuit narratio facti, quid acciderit, in qua Cicero ostendit Ligarium iustas habuisse causas suae profectionis. Tertio fuit epiphonema de clementia Caesaris, qui patiatur apud se causas inimicorum dici, et praesertim a Cicerone, qui etiam fuit hostis. Hoc

69) anticategoria (*ἀντικατηγορία*)] Ed. 1568. anticategoria.

70) Fab. Quintil. instit. orator. IX, 2, 7. 38.

71) Fab. Quintil. l. I. VIII, 4, 27.

72) Instantia apud dialecticos significat exemplum contrarium, quo vitatur enuntiatio universalis; vid. Gesneri thesaur. s. h. v.

autem consilio facit Cicero, et suum delictum confitetur, ut per hanc occasionem perveniat ad Tuberonis reprehensionem. Et ille locus patheticus praecipuus est in causa, quia deformat adversarium, eiusque causam reddit invisam. Magna enim crudelitas est, cum sit consecutus misericordiam in ea causa, in qua vult excludere alterum ab occasione consequendae misericordiae. *Atque in hac causa*] Ab imprudentia Tuberonum. Cicero autem potuisset egregie exaggerare illam inhumanitatem, si Tubero non fuisset amicus Caesaris. *Desidero*] Exaggeratio turpitudinis, quasi dicat: Ipse habet parem causam, et vis eum excludere a misericordia.

§. 11. *Haec non*⁷³⁾] A crudelitate Tuberonum. Fab. lib. 5. cap. 13.⁷⁴⁾ *Necetur*] Exaggeratio accusationis Tuberonis, quasi dicat: Tua oratio non modo excludit a misericordia, sed vult prorsus perdere eum. *Necetur*] scilicet haec agis, ut perdat. *Externi isti*] Dilemma.

§. 12. *At istud, ne apud eum*] scilicet Syllam. Amplificat crudelitatem Tuberonis collatione Syllae et Caesaris. *ἄλλως*. Collatio, quae etiam valet ad exaggerandum. *Dictatorem*] scilicet Syllam. Saepe facit collationem victoriae Syllanae cum victoria Caesaris, quasi dicat: Apud Syllam hoc nemo faciebat, nemo acuebat eum ad crudelitatem. *Ab hoc*] scilicet Caesare, qui multos damnatos a Sylla restituit, ut Cinnam. *Vindicata est*] scilicet restitutis exulibus damnatis a Sylla. Vide Suetonium⁷⁵⁾.

Cap. V. §. 12. *Postulo*] scilicet ut interficiatur Ligarius. Cicero exaggerat, quia Caesar, si fiet invisior, eum vita mulctabit.

§. 13. *Si enim in exilio*] Altera pars dilemmatis, tendere eo accusationem, ut non ignoscatur Ligario. *An, ne ignoscatur?*] scilicet hoc postulatur. Dilemma: Crudelius est petere, ne restituatur, quam ut interficiatur. *Quod nos domi*] Exaggeratio inhumanitatis a loco, si domi impedires nostram causam, esset inhumanum. Tu autem publice impedis, multo inhumanius est.

§. 14. *Dicam plane*] ἀποστροφὴ ad Caesarem, et est translatio exempli ad rempublicam: Si isto modo aliis liceret agere, essent infinita

73) *Haec non*] sic Ed. 1568.; Ed. Orell. *Haec*. (conf. supra p. 1199. nota 17.).

74) Fab. Quintil. instit. orat. V, 13, 5.

75) Conf. Sueton. Caesar 11. 41.

latrocinia in urbe, illa respublica funditus periret.

§. 16. *Quod si probare*] Omnia illa reddunt accusatorem invisum, ideo valent in causa. Est autem reprehensio consilii Tiberonis, et obiurgatio hactenus fuit, quasi dicat: Voluit alios excludere a misericordia, quod est inhumanissimum. Iam redit ad causam. *Caesari possemus*] Confutatio, et primus locus est definitio facti; Tubero vocavit scelus, Cicero negat esse scelus. Hic usus est artificio, Tubero vocavit scelus, non quod faverit partibus Pompeii, sed quod sit exclusus ab Africa. Cicero ad totum Pompeianum negotium transfert, quia hoc prodest ei. *Qua qui apud te*] Transitiō ad confutationem.

Cap. VI. §. 17. *Admiratus eis*] scilicet Caesar. *Quisquam*] scilicet dixisset hoc, scelus illum commisisse in hac causa. *Scelus*] Infitiatio, utrum secutum esse partes Pompeii, sit scelus, an sit error. Scelus dicitur, quod fit fraude et dolo, das da geschicht aus eitel mutwillen. *Ac mihi quidem*] A suo pronuntiato. Translatio in fatum, quia hoc necesse fuit ei dicendum, cum fuit in eadem causa.

§. 18. *Liceat esse miseros*] Correctio: Liceat miseros esse, sed exprobrare alteri miseriam, inhumanum est. *πάθος*: Quia nemo crudeliter de mortuis loquitur, qui modo sanae mentis est. Athenis fuit lex lata, ne quis loqueretur de mortuo, et fuit humanissima lex, et profecta ex intima quadam sapientia. Humanum enim est levare miseriam, non augere. Et Caesar nunquam nisi honorifice locutus est de Pompeio, quae est heroica virtus. *Liceat multis*] A Caesaris iudicio. *Voluerunt*] Rationes, quare non sit scelus: Quia tu non indixisti nobis bellum, tanquam sceleratis. *Dignitatem*] Caesar noluit istum titulum ferre, tanquam gessisset bellum contra rempublicam aut pro republica, sed ut suam dignitatem defenderet, suumque ius promissum tueretur. Vere enim ius habuit Caesar, Aber das ers mit der scherffe gesucht hat, das ist zu viel gewest.

§. 19. *Mihi vero, Caesar*] A Caesaris in se beneficiis. *Mihi*] Transfert in suam personam. *Secessio*] Pro nomine sceleris substituit aliam definitionem, est secessio, non est scelus, sicut Caesariani et Papistae Lutheranam doctrinam non vocant haeresin, sed schisma, scilicet sectionem. Schisma enim est mitius nomen. *Cupientibus*]

id est, putaverunt se tueri rempublicam, et non defenderunt. *Studiis*] id est, affectibus, favore. *Causa tum dubia*] Enthymema ex consequentibus, quod habet propositionem, coniunctamque protinus probationem, Quintil. 5. ⁷⁶). *Nunc melior*] Lucanus ⁷⁷) inquit:

Victrix causa Diis placuit, sed victa Catoni.

Cognita] Omittit hoc, et redit ad clementiam, quasi dicat: Pompeius non esset tam clemens.

Cap. VII. §. 20. *Sed, ut omittam*] Transitiō. *Utrum*] Absolvit locum definitionis, et persequitur confutationem ⁷⁸). *Utrum tandem existimas*] Amplificatio a comparatione seu contentione facti Ligarii et Tiberonum. *ἄλλως*. In narratione recitat causas Ligarii fuisse honestas, quod sit profectus in Africam, et ibi manserit. Haec dicit, ut significet eum sine ulla cupiditate belli gerendi adversus Caesarem profectum fuisse. Nam Tubero ideo venerat in Africam, ut bellum gereret adversus Caesarem. Secundo obiurgat eum, quod crudelitas sit, cum ipse in eadem causa consecutus sit veniam, et tamen velit Ligarium excludere a simili beneficio Caesaris. Tertio fuit confutatio, et primus locus ex definitione sumptus est, videlicet quid sit illud totum consilium belli gerendi adversus Caesarem, an sit scelus, nec ne. Cicero transfert ad totum negotium, quod de una tantum parte dixerat Tubero. Tubero enim non vocabat hoc scelus, quod Ligarius contra Caesarem stetisset, sed quod a Ligario ab Africa exclusus esset. Nunc sequitur purgatio, quae habet extenuationem eorum, quae fecit Ligarius, et additur recriminatio, in qua amplificatur cupiditas seu studium belli gerendi in Tuberone adversus Caesarem. Cicero hoc vult efficere, quod causa Ligarii minus mali habeat, quam Tiberonis. *Utrum tandem*] Ista omnia extenuant delictum Ligarii. *Exire*] quasi dicat: Nullo modo potuit deserere provinciam. *Poteramuse*] scilicet non venire in Africam. Hoc dicit, ut ostendat causam, quod Tubero profectus sit cum cupiditate belli gerendi adversus Caesarem. *Si me consulis*] Verba sunt Ciceronis. *Paruit*] scilicet ante bellum civile. *Necesse*] id est, nos debuistis senatui obtemperare. Ipsa libertas decet in hac causa. Facit autem collatio-

76) Quintil. instit. orat. V, 14, 1.

77) Lucan. Pharsal. I, 128.

78) confutationem] Ed. 1568. errore typogr.: consutationem.

nem, ut ostendat Ligarium sine cupiditate, Tiberonem cum cupiditate profectum esse. *Nemo*] quasi dicat: Non parebant senatui, qui volebant partium Caesarianarum.

§. 21. *Sors coniecta*] Sortiebantur Romani de provinciis. *Sors*] id est, sorte consecutus est Africam, das loss gab es ihm. *Quae*] Haec inserit, ut non videatur, eum hostiliter persequi, sed adductum humanitate Ligarii.

§. 22. *Viri*] scilicet Pompeii. *Una*] scilicet qui bellum volebant gerere cum Caesare. *Occupatam*] scilicet a Varo, qui etiam fuit partium Pompeianarum. *Oritur*] Quia alius prius fuit in Africa, quasi dicat: Si Ligarius peccatum commisit, qui tenuit Africam, nos etiam peccastis, qui voluistis tenere. *Quam aliquem se*] Epitasis est in voce *se*. *Non fuit*] Varus maluit esse imperator. Nemo enim libenter ex talibus possessionibus excedit. *Fasces*] scilicet insignia imperii.

§. 23. *Recepti*] Recriminatio, in qua facit pares causas, imo Tiberonis deteriolem.

Cap. VIII. §. 23. *Vide quid*] Apostrophe ad Caesarem, qua captat benevolentiam. *ἄλλως*. Quia vult dicere, quod videtur esse contra Caesarem, quasi dicat: Si tradidisses provinciam Caesari, male fecisses. Respondeo: Caesar probat constantiam, non perfidiam. Haec dicit, ut causam Tiberonis reddat magis invisam, et dicit eum valde hostili animo contra Caesarem fuisse. Sententia igitur huius loci est: Tu Caesar es clementissimus. Et hoc schema vere apud rhetoricos vocatur *ἀπροσδόκητον*. Addit enim, quod Caesar non fuisset probaturus, si tradidisset, quia non amat proditores. Figurate probat clementiam Caesaris, etiamsi videtur aliquid contra eum dicere. Philippus Macedo dixit, se probare proditorem, non proditores.

§. 24. *Victoriae*] scilicet Caesaris. *Rex*] scilicet Iuba, sicut nunc rex Galliae. Ille autem Iuba iuvabat partes Pompeii adversus Caesarem. *Conventus*] scilicet loca, ubi praesidia erant, quasi dicat: praesidia firma et magna.

§. 25. *Nempe ad eum*] Ex consequenti probat eum voluisse, bellum gerere adversus Caesarem. *Cuius auctoritatem*] Subiectio. *Querela*] quasi dicat: Nihil aliud accusatis, quam quod Ligarius non permiserit vos bellum gerere contra Caesarem. *Atque in hoc*] Ironia. *Culpam esse*] *εἰρωνικῶς*.

Cap. IX. §. 26. *Sed vide, quaeso*] Laus Tiberonis a constantia. *Constantiam*] Vocat constantiam, non pertinaciam belli gerendi. Haec dicit, ut praegravet causam Tiberonis. *Ereptus*] Legendum est, receptus⁷⁹⁾. *Magni cuiusdam*] A magnitudine animi. *Nulla*] quasi dicat: Fuerunt omnia in Tiberone superiora.

§. 27. *Causam illam*] scilicet Pompeii, quasi dicat: Iste asperrime gessit bellum adversus Caesarem.

§. 28. *Quid*] Maius argumentum constantiae Tiberonis. *Eius*] scilicet Pompeii, quasi dicat: Noluit nos restituere Africae. *Eius animum*] quasi dicat: Non fuistis remissiores, sed magis cupiebatis gerere bellum. *In praesidiis*] id est, otiosi, quasi dicat: minime. *An*] scilicet hoc fecistis, scilicet ut cuperetis vincere et delere hostes. *In reliquis*] scilicet an eratis vos sic affecti, ut alii. *Omnes*] Est novum *κῶλον*. Responsio: Ergo quoque volui vinci. Transfert culpam et in se. *Fui*] scilicet ante bellum civile. *Eum*] scilicet in acie. *Quamquam*] Correctio.

Cap. X. §. 29. *Haec ego*] Occupatio: Scio, quod Caesar non aegre fert ista dici, et scio, quod vultis videri recte fecisse, sed secuti fuistis Pompeium. Ideo mitigat mitiori vocabulo, et est veluti quaedam excusatio. *Nunc quaero*] Conclusio per divisionem, in qua iterum obiurgat Tiberonem, quod excludat alios a misericordia, et facit dilemma. *Si reipublicae*] quasi dicat: Nequaquam reipublicae iniurias persequuntur, quia Tubero non voluit tenere Africam reipublicae causa, sed Pompeii causa. Sed si voluisset reipublicae causa tenere, debuisset quiescere, non debuisset palam profiteri se hostem esse Caesaris. *Erretis*] quasi dicat: Cum ignoverit vobis, non debetis eum acuere contra alios. *Itaque*] Epilogus continens⁸⁰⁾ deprecationem, cuius propositio est: Nihil volo disputare, sed tantum volo deprecari. Estque transitio. Postquam enim Ligarii crimen extenuavit, et ostendit Tiberonem vehementiorem hostem fuisse, omissa recriminatione, venit ad deprecationem. *Num tibi*] Correctio: Sed fortasse putas me velle defendere Ligarium. *Facto*] scilicet defendendo.

79) receptus] sic Ed. Orell. in textu habet.

80) continens] Ed. 1568. errore typogr.: continens.

ἀποδίωξις est superioris loci, Er begibt sich in gnade und ungnade.

§. 30. *Causas*] Breviter repetit purgationem, quasi dicat: Ergo non hanc causam ago, sicut alias; sed tantum deprecor. *Certe*] Ista sunt simplicia. *Dic, te*] quasi dicat: Habet aliquam excusationem Ligarius, sed tamen ego nolo ea uti, sed tantum deprecatione. *Dic*] quasi dicat: Finge sane. *Quaere*] scilicet si es iudex, quaere, an in insidiis fuerit contra te. *Taceo*] scilicet non volo ista excutere, tametsi possim uti defensione. *Legatus*] Ergo non est profectus, ut adversus te gereret bellum. Subsunt enthymemata. Omnia autem mollissime perstringit, ut in causa exulcerata nihil videatur petere, nisi misericordiam. *Relictus*] scilicet adhuc pax erat, cum relinqueretur in provincia. *Oppressus*] scilicet praeter opinionem incidit bellum illud civile, quo impeditus non potuit ante tumultum redire in patriam, quasi dicat: Bellum antevortit eius reditum. *Ad parentem*] Redit ad deprecationem. In factis disputatur, an quid casu, an dolo factum sit. *Ut ignoscas*] Distributio. *Si nemo*] Primum argumentum a suo exemplo: Quamquam Ligarius haberet excusationem, quod casu incidit in id bellum, tamen non ad iudicem, sed ad parentem ago. Peto igitur veniam. *Si plurimi*] quasi dicat: Multis aliis ignovisti et mihi, ita ut mihi locus sit pro altero deprecandi.

§. 31. *Quamquam neque*] Occupatio. *Quamquam*] Sapientissima correctio: Quamquam tu Caesar non sis mulier, ut movearis lachrymis et adulationibus, sed sis vir, quaeris causas, propter quas quis dignus sit, ut restituatur. Correctio autem sumpta est ex loco communi: Vera liberalitas non metitur officium nostra utilitate, sed illius, cui des, necessitate. Item, si ille, qui deprecatur, habet iustam causam deprecationis suae, tu moveris. Syllogismus hic est: In omni petitione spectas causas rogantium; hi, qui deprecantur, habent iustas causas, et tibi probantur, et sunt tui: ergo tu debes moveri istorum causis.

Cap. XI. §. 31. *Vidi enim*] Expolitio. *Vidi enim*] Maior: In petitionibus apud te valent causae rogantium honestae, non ambitiosae preces. *Laborarent*] id est, non respicis ambitiosas preces, sed honestas, iustas et veras. *Laboraret*]

scilicet tu non moveris. Verecunde⁸¹⁾ dicit illa, quae poterat dicere contra ambitionem. *Itaque*] Correctio: Tu non es talis, qui non inservias amicis. Cicero haec dicit propter se. Minor: Isti non solum habent honestas causas, sed etiam sunt tui. *Quam tu ipse*] Repetitio.

§. 33. *Quid de fratribus*] *πάθος* seu amplificatio: si fratres adeo laborent pro eo, ut etiam exulaturi sint, nisi restituatur Ligarius. *Si fraterne*] quasi dicat: Habent iustam causam deprecandi. Minor: Secundo, isti sunt tui. *Valeat*] Alii Ligarii non fuerunt in castris Caesaris. Pompeius denunciaverat illos sibi hostium loco fore, qui quiescerent. Caesar rursus edixit, se loco suorum habiturum esse eos, qui quiescerent. Inde obiter ratiocinatur Cicero, Ligarios esse Caesarianos. *Atque his*] Vere sunt tui: ergo, si Pompeianis fuerint odio, tibi debent chariores esse. Cicero ex illa collatione facit, ut Caesar magis eos respiciat. *Ut quemadmodum*] id est, non solum tuos esse, qui tecum in armis sint, sed etiam qui quiescant.

Cap. XII. §. 34. *Quod si penitus*] Redit ad Ligarium. *Consensum*] scilicet quia bene inter eos convenit, non dubita, quin omnium eadem fuisset sententia. *Qui, si consilio*] *παρρησία*.

§. 35. *Sed ierit*] Concessio ex maiore: Si consulto ivisset ad Pompeium, deberes tamen illi ignoscere, quia, si mihi ignovisti, quanto magis debes ignoscere ei, qui casu incidit in id bellum civile. *Equidem*] Ex officio, quod debetur quaestori. Quaestor semper est praetori loco filii. Pompeio non licuit accusare Albucium⁸²⁾, quia fuisset eius praetoris quaestor. Cicero vocat religionem sortis. Cicero in divinatione: Sic enim a maioribus nostris accepimus praetorem quaestori suo parentis loco esse oportere, nullam neque iustiore neque graviore causam necessitudinis posse reperiri, quam coniunctionem sortis, quam provinciae, quam officii, quam publicam muneris societatem. *Memoria teneo*] A meritis Ligarii. *Quaestor*] quasi dicat: Fuit quaestor tuus: ergo debes esse in illum clementior. *Oblivisci*] Transitum facit a sua persona ad illius: Es excellenti animo, ut bene memineris hominum bene aut secus facta.

81) Verecunde] Ed. 1568. errore typogr.: Verecundae.

82) T. Albucius propraetor Sardiniae a. u. c. 649., a C. Iulio Caesare Strabone repetundarum postulatus est; vid. Orelli et Baetleri Quomast. Tullian. P. II. p. 27.

§. 36. *Hic igitur*] Fuit fidelis, non captavit aliquam utilitatem, cui voluit redimere fratrem, non fuerunt fucata officia: igitur debes moveri. *Quam huius*] Conclusio, 1. ab exemplis multorum. 2. Syllogismus. 3. Quaestori debes aliquid amplius concedere, quam aliis. 4. Ab exemplo Marcelli: Nuper deprecanti senatui restitui Marcellum⁸³⁾: ergo nunc deprecanti populo des Ligarium.

§. 37. *Fac igitur*] Exemplo invitatur ad amicitiam, ut ignoscat Ligario. *Etsi*⁸⁴⁾ *ille*] scilicet quando restitui Marcellum. *Similem . . . laudem*] scilicet ex restituto Marcello. *Nihil*] 5. Ratio ex ipso genere virtutis sumpta est: Quia bonitas est summa virtus, et digna tanto principe,

83) Conf. Cic. orat. pro Marcello 1, 3. et epist. ad fam. IV, 4, 3.

84) *Etsi*] sic Ed. 1568.; Ed. Orell. et, si.

quasi dicat: Nullam potes maiorem laudem consequi, quam quod tanta in summa potestate clementia utaris. Misericordia enim est divina virtus. Aristoteles ad Philippum regem Macedoniae scribit: *Οἱ πολλοὶ τῶν φιλοσόφων τὴν εὐεργεσίαν*⁸⁵⁾ *θεῶ ἰσότημον παρεσκεύασαν*⁸⁶⁾. *Ρομύλαρε*] scilicet gratum.

§. 38. *Nihil*] Collatio fortunae et naturae, et dilemma est. *Quare*] Translatio: Tu ipse cogita. *Te ipsum*] Clausula. *Praesentibus*] id est, melius postea habebunt, erunt in perpetuo moerore.

85) *εὐεργεσίαν*] Ed. 1568. errore typogr.: *ἐνεργεσία*.

86) Ab his verbis orditur tertia Aristotelis epistola, qua invenitur in libro: Epistolae graecanicae mutuae antiquorum Rhetorum, Oratorum, Philosophorum, Medicorum, Theologorum, Regum, ac Imperatorum aliorumque praestantissimorum virorum a Iacobo Cuiacio magnam partem Latinitate donatae. Aureliae Allobrogum M. DCVI. Fol. pag. 314.

XVII. PH. MEL. SCHOLIA IN CICERONIS ORATIONEM PRO REGE DEIOTARO.

Haec scholia tantum in enarrationum in selectiores Ciceronis orationes a Steph. Riccio editarum Tomo I. (Lipsiae 1568. 8.) supra p. 893—896. descripto leguntur.

IN ORATIONEM CICERONIS PRO REGE DEIOTARO SCHOLIA PHILIPPI MELANTHONIS ¹⁾.

Post bellum civile habita est haec oratio, cuius genus est iudiciale. Habet enim haec causa accusationem cum defensione. Accusatus enim Deiotarus a Phidippo ²⁾, quod propter insidias C. Caesarem necare voluisset, hac egregia oratione apud ipsum Caesarem a Cicerone defenditur. Status est coniecturalis.

Cap. I. §. 1. ³⁾. *Quum in omnibus*] Propositio exordii est commemoratio doloris et perturbationis, imo est querela difficultatum, et praecipue indignitatis huius causae, quasi dicat: Quid est crudelius, quam accusari a nepote, et praesertim per servum? Ita deplorat, quod indignum sit regem accusari a nepote, et a servo suo. *ἄλλως*. M. Tullius in huius orationis exordio Caesarem sibi conciliaturus, fingit se varie turbari, quod rhetores interim faciendum praecipiant (teste Fab. lib. 4. ⁴⁾) ut sibi aditum ad aures iudicis faciat, auctoritatemque induat vera

sentientis. Nam fiducia etiam in genere causae indubitabili non debet se nimium exercere. *Quum*] scilicet quamvis. Captat benevolentiam a suo metu. *Gravioribus*] scilicet difficilioribus, periculosioribus. *Commoveri*] id est, terri, affici. *Usus*] id est, exercitatio. *Aetas*] scilicet iam grandior. *Tum*] scilicet tamen. Vide Vallam lib. 2. cap. 59. et 76. ⁵⁾. *Ut, quantum*] Amplificat per comparisonem. *Fides*] scilicet fiducia. *Studii*] id est, diligentiae, curae. *Mihi*] scilicet eloqui. *Salutem*] scilicet incolumitatem. *Facultatis*] scilicet virium eloquentiae. *Detrahat*] id est, auferat. *Primum dico*] Distributio, quasi dicat: Primum est, miserum regem vocari in iudicium capitis. Deinde crudele est, quod accusetur a nepote suo, et per servum suum. Est tanquam narratio, tametsi sint enthymemata. Voluit gradum facere ad istum locum, quod crudelitatem voluit reddere invisam. *Primum*] scilicet me turbat. *Quod ipsum*] scilicet pro rege dicere. *Regem capitis*] A persona.

1) Haec scholia in illa Editione Lipsiensi sic inscripta sunt: Scholia Philippi Melanthonis in orationem Ciceronis pro rege Deiotaro, privatim ex ore praelegentis excepta, 1533.

2) Phidippus medicus, servus Deiotari.

3) Capita et paragraphos secundum Ed. Orell. adscripti.

4) Fab. Quintil. instit. Orat. IV, 1. ubi de prooemio disserit.

5) cap. 59. et 76.] sic male Ed. 1568. pro cap. 22. et 40. in quorum priore de *cum* et *tum*, in altero de *tamen* aliisque vocibus quandoque ab oratione abiectis dicitur.

§. 2. *Deinde*] Alia causa, quare turbetur sumpta a relatione meritorum. *Ornare*] scilicet honestare. Etenim a senatu minoris Armeniae rex appellatus fuit. Vide Caesarem in 3. lib. Comment. ⁶⁾ et 2. lib. Cicer. de divinatione ⁷⁾, et Philipp. 2. ⁸⁾. *Nostram*] scilicet Romanam. *Atrocissimum*] id est, immanissimum, crudelissimum, foedissimum. *Accedit*] scilicet ad superiores causas. Querela indignitatis a multitudine accusatorum. Deiotarus fuit tetrarcha Galatiae, et fuit rex Armeniae. *Alterius*] scilicet Castoris nepotis. *Alterius*] scilicet accusatoris servi. *Indignitate*] id est, humilitate in hac causa. Castor fuit nepos Deiotari ex filia. *An* ⁹⁾] id est, tam improbus est, ut nesciam, quo nomine ex tribus illis eum vocem. Nam impietas est accusare avum vel nepotem. Item scelus est corrumpere servum. *Sceleratum*] scilicet qui in suos non sit pius. *Adolescentiae*] Amplificatio ab officio. *Adolescentiaeque*] Alii sic legunt: Adolescentiaeque suae terrores intulerit ei, cuius etc. Hoc sumptum est ex officio pietatis. *Ab scelere*] Aldus omittit, sed nihil refert. *Duxerit*] id est, auspicatur, facit auspiciam, auspicatus sit. *Ac qui* ¹⁰⁾] Aldus omittit. *Servum*] scilicet medicum traxerit. Locus communis est: Perturbor crudelitate Castoris. *Praemiis*] id est, pecunia. *Legatorum*] scilicet cum quibus Deiotarus eum Romam misit.

§. 3. *Fugitivi*] scilicet servi medici. *Absentem*] Nam erat in Gallograecia. *Os*] quasi dicat: impudentiam. *Regiam*] scilicet statum regium, den betäubten zustandt des Königs. *Fortunis*] scilicet omnium dominorum, ne scilicet huius servi exemplo et alii suos dominos accusarent. *Nam*] Nolebant Romani de servis in dominos quaeri invitis ¹¹⁾ dominis, hoc est, noluerunt torqueri servos, ut aliquid confiterentur in dominos, sed iam adest servus, qui libere

⁶⁾ in 3. lib. Comment.] Ed.] 1568. male: in 4. lib. Comment. — Commemoratur enim Deiotarus a Caesare de bello civili Kb. III. c. 4. et ab Hirtio de bello Alex. c. 34. 67—70. 78.

⁷⁾ Cic. de Divin. II, 37, 79.

⁸⁾ Cic. orat. Philipp. II, 37, 93. 95.

⁹⁾ An] sic Ed. 1568. quae sequitur sectionem: *Crudelem Castoremne dicam, an sceleratum*, pro qua Ed. Orell. habet: *Crudelem Castorem, ne dicam sceleratum* (vid. Orellii nota crit. ad h. l.).

¹⁰⁾ *Ac qui*] sic Ed. 1568.; Ed. Orell. avi.

¹¹⁾ *invitis*] Ed. 1568. corrupte: *invittis*.

accusat dominum, quem non posset accusare in tormentis. *More*] Haec dicit, ut eo perveniat, ne torqueantur servi, quasi dicat: Tanta fuit reverentia illius iuris, quod est inter servum et dominum, ut ipsae leges iubeant servos, quo protegant delicta domini. Voluerunt significare, ut servus doleat et gaudeat cum suo domino, tamen illi ignosci posset, si per dolorem aliquid diceret, sed iam sine ullo dolore dicit. *More*] scilicet secundum leges et instituta. *Dolor*] id est, cruciatus. *Elicere*] scilicet extorquere. *Invito*] scilicet domino Deiotaro. *Extortus*] scilicet per Castorem. *Eculeo*] id est, tormentis. *Eculeum* est machina, in quam impositi homines torquentur, Rösslin. Vide Valerium de fide servorum in dominos ¹²⁾. *Appellare*] scilicet accusare in tortura. *Eum*] scilicet Deiotarum. *Solutus*] scilicet non vinctus.

Cap. II. §. 4. *Perturbat*] A persona Caesaris, qui est pars et iudex. Hoc necesse erat dici. *Caesar*] scilicet tu cogitas, cum sis iudex, te fore talem iudicem, ne succumbas tuis affectibus. *Illud*] scilicet quod apud te iudicem de tuo periculo dico. *Recognovi*] id est, penitus aestimavi. *Tua sapientia*] id est, tam sapiens es, ut non sis iudicaturus contra veritatem. *Acquissimum*] scilicet quod tu ipse de tua causa cognoscas. *Eum*] scilicet iudicem. *Facinore*] scilicet alicuius. *Cuius*] scilicet iudicis, quasi dicat: Non facile obtinebitur causa apud eum iudicem, contra quem peccatum est. *Facinoris*] scilicet perpetrati. *Arguare*] scilicet accuseris. *Sui periculi*] scilicet in se commissi. *Reo*] id est, accusato. Ein jeder mensch ist ihm in seiner eigenen sache ein gnediger Richter. *Sed*] quasi dicat: Nullus unquam fuit te clementior, nec benignior. *Singularis*] scilicet quae omnium est praestantissima. *Non enim*] quasi dicat: Haud dubie ita iudicaturus es, ut omnes intelligant te favere ei, ut omnes Romani probent tuam sententiam, quasi dicat: Causa tua quidem bona est, ita ut forte possis eum damnare, sed non facies, ne male tibi id interpretentur homines. *Non enim*] Querela oratoris ad legenda caetera, ne videatur in aliis durius Caesarem tetigisse. *Quam intelligo*] scilicet quia vis te clementem haberi, magis hoc spectabis,

¹²⁾ Valerii Maximi lib. VI. cap. 8. inscriptum „De fide servorum erga dominos.”

ne clementiae laudem amittas. *Quid tu de rege]* Ratio inversionis. *Iudicare]* scilicet pronuntiare.

§. 5. *Moveor]* Captat etiam benevolentiam a loco. *Loci]* scilicet quia in foro solebant agi causae. *Quanta]* scilicet quanta causa nunquam ullam^{12a)} venit in controversiam, quia est causa regia. *Domesticos]* scilicet domum tuam. *Oratorum]* scilicet patronorum. Ita enim orator dicit, ut non tantum iudici, sed etiam circumfusae multitudini velit probari, quod ubi obtinerit, de causa sua bene sperat. Nam iudex non temere contra probatam vulgo sententiam pronuntiat. *At quiesco*¹³⁾] id est, ex te solo pendeo. *Unum]* scilicet litigatorem et iudicem. *Quae mihi]* Correctio: Sed tamen ego causam minus bene possum dicere. Disceptator proprie significat arbitrum, sed tamen etiam sumitur pro iudice. Iudex est ordinarius. Arbitrator est extraordinarius, electus a partibus, ein Schiedsman. *Gravissima]* id est, maximi momenti. *Motum]* scilicet affectum, quasi dicat: Non tam moveor, cum solus tecum ago, quam si agerem pluribus videntibus. *Impetum]* scilicet vim. *Leviora]* scilicet minoris ponderis.

§. 6. *Si in foro]* scilicet ubi agi causae consueverant. *Disceptante]* scilicet iudice, iudicium exercente, iudicante, disserente. Disceptare est iure contendere. Ita ratio ratione confirmatur. *Quis enim]* Nam postquam esse in castris potuit per aetatem, Romanis in Asia, Cappadocia, Ponto, Cilicia, Syria bella gerentibus semper affuit. *Ei]* scilicet Deiotaro. *Consumptam]* id est, confectam, quasi dicat: Non erat senio confectus. *Curia*¹⁴⁾] scilicet in qua et multa et honorifica decreta de eo facta sunt a senatu. Curia locus est, in quo agere solet senatus. *Forum]* scilicet in quo saepe pro virtute laudatus est. *Coelum]* scilicet in quo habet praesentes Deos. Religiosissimus enim rex est Deiotarus, et Deorum observantissimus. Nam mira scribuntur de eius religione. Nihil unquam coepit, nisi prius consultis auguribus. Observavit avium garritus. Illudit huic Deiotaro Cic. in 2. lib. de divinatione¹⁵⁾. *Deorum]*

12a) ullam] Ed. 1568. ulla.

13) *At quiesco]* sic Ed. 1568.; Ed. Orell. *acquiesco*.

14) *Curia]* sic Ed. 1568.; apud Ciceronem h. l. legitur: *curiam*.

15) Cic. de Divin. II, 37, 79.

scilicet Deiotaro faventium. *Beneficia]* Circumstantia beneficiorum, quae in regem Deiotarum populus Romanus contulisset. *Oratio]* scilicet facultas dicendi.

§. 7. *Quae]* scilicet illa omnia. *Angustiora]* scilicet contractiora. *Actio]* scilicet tractatio causae. *Debilitatur]* id est, reprimitur. *Tuum est]* Conclusio: Ergo audies studiose. *Tuum]* id est, pertinet ad te, es wil dir gebüren. *Nunc]* scilicet cum agam non in foro, sed in tua domo. *Ad te ipsum]* id est, de te coniecturam facere. *Referre]* id est, a te exemplum coepi, quasi dicat: Facile per te potes aestimare, mihi nunc non tantum esse animi, agendi in tua domo, quantum si agerem in foro. Antequam sectaretur bella, solebat patronum agere in foro. *Aequitas]* id est, benignitas, remissio iuris. De hac pulchre loquitur Cicero in oratione pro Murena. *Audiendi]* scilicet me. *Perturbationem]* scilicet qua hic agens varie afficior. *Sed antequam]* Repetitio exordii.

Haec oratio pro rege Deiotaro non habet tam varia consilia, quemadmodum Ligariana, ideo est facilis et plana. Propositio exordii habet querelam indignitatis et aliarum difficultatum, quasi dicat: Multis difficultatibus in hac causa perturbor. Prima difficultas est: Dico pro rege in iudicio capitali, quod est novum et inauditum. Novum enim est accusari regem, cum sit *αὐτοκράτωρ*¹⁶⁾. Regia enim potestas est *ἀνυπεθύνη*¹⁷⁾, hoc est, quae nullius subicitur iudicio. Secunda est difficultas: Indignum est, quod rex accusetur a nepote et a servo. Tertia: Causa dicitur apud ipsum Caesarem, qui sit iudex, et qui sit actor, hoc est, ad quem res maxime pertineat, et timendum est, ne sibi sit futurus aequior, quam adversario. Addit autem correctionem: Hoc esset quidem in aliis difficile, apud te autem nihil est periculi, quia nihil iniquum statues, non vis traduci tanquam homo levis et iniustus, non succumbes istis affectibus. Quarta: Movet me insolentia loci. Ista addidit tantum, ut oratio fiat uberius, ut speciem pugnae exhibeat, sicut Antonius dicit apud Ciceronem, tametsi haec aliquo modo concilient favorem, magnam esse regis existimationem.

16) *αὐτοκράτωρ]* Ed. 1568. errore typogr. *αὐτοκράτωρ*.

17) *ἀνυπεθύνη]* Ed. 1568. corrupte: *ἀνυπεθύνη*.

In istis locis fere consumitur totum exordium, quod concludit: Quaeso, ut me clementer audiendo liberes istis difficultatibus.

Sed antequam] Causas et occasiones calumniae tollit Cicero, et occurrit tacitae offensionis, quam verebatur esse reliquam in animo Caesaris, et opponit argumentum a constantia et fide Caesaris, atque ita praeparat Caesarem ad totam causam, ut videlicet non facile statuere aliquid possit adversus Deiotarum, ne videatur parum bona fide ei veniam dedisse, aut non satis bona fide cum eo in gratiam rediisse. *ἄλλως*. Priusquam venit ad infitiationem, inserit occupationem, in qua occurrit tacitae offensionis, quae reliqua videbatur in animo Caesaris, et adversus illam offensionem praeparat animum Caesaris, atque ita significat ei, quod nihil ex istis offensionibus debeat iudicare. Istud enim non est signum constantis viri. *Venerunt*] Castor accusabat Deiotarum, et tantum hoc agebat, ut regnum eriperetur Deiotaro, et traderetur ipsi Castori. Istos fontes calumniae considerat Cicero.

Cap. III. §. 8. *Iratum*] Occupatione prehensat Caesaris animum, ut veteris odii obliviscatur, quod obesse huic causae potuit. *Iratum*] Expositio est. *Incommodis*] scilicet quibus eum afficisti. *Quumque*] Altera pars est crudelitatis. *Exulcerato*] id est, irato, exasperato. *Insideret*] id est, inhaereret. *Quamobrem*] Deprecatio, in qua non defensio facti, sed ignoscendi postulatio continetur. Deprecatur enim, ut semel Deiotaro velit ignovisse. Cum non scimus defendere factum nostrum, solemus precari veniam, sicut hic Deiotarus. *ἄλλως*. Opponit argumenta fidei et constantiae: Tu semel cum eo rediisti in gratiam, ergo non debes mutare sententiam. Item, rediisti cum eo in gratiam, ergo bona fide et sancto iure hospitii cum eo rediisti in gratiam. *Metu*] scilicet ne suspicemur aliquid iracundiae. *Fidem*] scilicet quam dedisti Deiotaro. *Dexteram*] scilicet quae est sacra fidei, sicut est mos apud Germanos. *Per dexteram*] A iure hospitii amplificatio et conduplicatio. Est enim iteratio verbi causa amplificationis. *Porrexisti*] scilicet cum apud eum hospitio esses exceptus. *Promissis*] Commendat enim magis ab animo, quam a virtute corporis. *Tu*] Commoratio per incrementum. *Vetus*] Repetitio, quasi dicat: Quod tibi multis annis fuit cum Deiotaro. *Penates*] scilicet domestici, scilicet penes nos nati. *Arae*]

In vestibulis aedium erant arae larium, ubi sacrificabant. Hunc morem hic perstringit, et vide proverbium: Salem et mensam non violes¹⁸⁾. Demosthenes obiicit Aeschini, quod in *πρεσβεία* accusavit aliquem, cuius socius mensae fuisset. Ista non poterant dici, nisi ab illo, qui intelligebat humanitatis officia. *Arae*] scilicet in quibus Dii coluntur.

§. 9. *Semel*] id est, ut postea nunquam sis exorandus, vel, soles semel exorari, ita ut non semper postea opus sit. *Nemo*] Sententia est ad personam relata per asseverationem. *Simultas*¹⁹⁾] id est, odium tacitum et inclusum in animis, ein heimlicher unville. *Simultatis*] id est, inveterati odii. *Quamquam*] quasi dicat: Quid multa opus est precari me, cum tu saepe aliis dixisti tibi dolere^{19a)}. *Inauditae*] Ab ipsius Caesaris testimonio probat, quod placatus sit Deiotaro. *Cum Deiotaro*] quasi dicat: Tu saepe doluisti vicem Deiotari, quod ipse sit secutus partes Pompeianas. *Querelae*] scilicet quibus doluit vicem Deiotari. *Nunquam*] Allegat suum testimonium. Leones non sunt simulatores, sed lupi et vulpes. *Nunquam*] Interpretatio continens extenuationem facti. *Hostem*] Quia Deiotarus putavit se pro salute imperii Romani sumpsisse arma. *Cui*] scilicet quamvis propensior fuit in amicitiam. *Excusatione*] id est, ne venisset ad bellum. Vide Comment. Caesaris lib. 3.²⁰⁾.

§. 10. *Itaque non solum*] Personale argumentum, Deiotarum non fuisse acerbo animo adversus Caesarem. *Itaque*] Similiter cadens, dissolutum, sive asyntheton. *Animadvertisti*] scilicet quod iure belli potuisses. *Hospitem*] Quia ad eum divertisti. *Regem*] id est, tetrarcham. *Reliquisti*] Castigatio est, quasi dicat: Quid multis deprecor, ut semel velis Deiotaro ignovisse, cum te nemo non audierit conquerentem vicem Deiotari, cui rationem subiungit, ut Deiotarus veniret in castra Pompeii, quae continet facti Deiotari excusationem, atque erroris deprecatio-

18) Proverbium: Ἄλα καὶ τράπεζαν μὴ παραβαίνειν, id est, Salem et mensam ne praetercas, significat: Ne violes amicitiae iura. Nam his rebus olim conciliabantur amici, et familiares antiquitus mutua inter se convivia actabant; vid. Erasmi adag. chil. I. cent. VI. prov. 10.

19) *Simultas*] Ed. 1568. errore typogr.: *Si multas*. (apud Ciceronem h. l. legitur: *simultatis*).

19a) dolere] Ed. 1568. errore typogr.: delere.

20) lib. 3.] Ed. 1568. male: lib. 4.; conf. supra p. 1221. nota 6.

nem. *Neque*] Translatio a Deiotaro in communem errorem. *Odio*] scilicet quod haberet te odio. *Progressus*] scilicet ad Pompeium. *Errore*] id est, quo communiter omnes Romani lapsi sunt. *ἄλλως*. Excusatio Deiotari de bello, quod lapsus sit communi errore et specie reipublicae. Idque facit, ut Caesar minus ei irascatur, quasi dicat: Peccavit, sed lapsus est communi errore. *Hoc nomine*] scilicet regio. In oratione de aruspicum responsis, dicit hunc tamen Deiotarum saepe a senatu regali nomine dignum existimatum. *Appellavisset*] scilicet decretum fecit, in quo ²¹⁾ scriptum fuit: Honorificentissime rex Deiotare. *Sanctissimum*] id est, augustissimum. *Duxisset*] id est, voluit videri esse in partibus honestioribus. *Iisdem*] id est, argumentis, quasi dicat: Facilius fuit illum decipi, qui procul fuit, quam nos, qui fuimus in media urbe. 1. Ratio ab honesto. 2. A necessitate, ipse fuit coactus a Pompeio. Amplificatio est, seu congeries beneficiorum Deiotari, et studiorum erga rempublicam. *Longinquus*] id est, longe ab urbe positus. Extenuatio facti.

Cap. IV. §. 11. *Consentientis*] Quia bona pars senatus decrevit, ut arma sumerentur contra Caesarem pro Pompeio. *Consulibus*] scilicet Lentulo et Marcello. *Novis* ²²⁾ *Imperatoribus*] Occupat suspiciones. *Movebatur*] id est, turbabatur. *Huic*] scilicet Romano. *In qua*] Translatio. *Inclusam*] scilicet contineri. *Timore*] scilicet periculo. *Maxime*] Confirmatio rationis, scilicet Deiotarum non odio Caesaris arma sumpsisse. *Consules*] id est, Lentulus et Marcellus. Vice narrationis hoc schema est, quo laudatur Deiotarus, estque occupatio, quae facit, cur verisimile videri non possit crimen, quod intendit adversarius. *Nuntiabatur*] id est, in regione Deiotari. *Effusam*] scilicet fugisse. *Veri*] scilicet qui vera nuntiasset. *Nihil ille*] Illa iterum mitigant superiora, quod Caesar voluerit inferre bellum patriae. *Conditionibus*] scilicet quas proposuisti senatui. *Audiebat*] Nam Caesar volebat rationem haberi sui absentis, scilicet ut consul crearetur absens. *Hominum*] scilicet Lentuli, Marcelli, Catonis et Scipionis. *Litterae*] scilicet quibus fuit vocatus ad arma.

21) quo] Ed. 1568. male: quibus.

22) *Novis*] sic Ed. 1568. et al.; Ed. Orell. *novis*.

§. 12. *Ignosce*] Translatio a persona Pompeii, qui habuit maximam auctoritatem in republica, et fuit charissimus reipublicae. Augustus optavit Germaniae virtutem Alexandri, gratiam Pompeii, et suam fortunam. *Quem nos*] Pompeius fuit omnium Romanorum praestantissimus, Plin. lib. 7. ²³⁾. Excelluit omnes Romanos sapientia et prudentia. *Neque enim*] Commendatione Pompeii elevat culpam Deiotari. Nam ut vulgo dicitur: Honestus est error, magnos duces sequi. *Si tuae res*] Collatio. *Quantum*] πάθος a δικαιολογία. *Genere*] scilicet terrestri et navali. *Gloria*] scilicet rerum gestarum. *Bellum* ²⁴⁾] Figura rhetorica, quae dicitur articulus. *Enumerare*] Fecit collationem illam, ne offenderet Caesarem, si nimium extolleret Pompeium.

Cap. V. §. 13. *Ad eum*] Epilogus huius loci continens varias causas, an Deiotarus Pompeium secutus sit. *Hostilibus*] id est, contra hostes gestis. *Ut amicus*] Causae, propter quas debuisse venire ad Pompeium. *Postremo*] Amplificatio, nihil fecit odio tui, quia venit ad periculum, non ut frueretur victoria. *Fugientem*] scilicet te Caesarem. *Non*] scilicet ante evocatus. *Pharsalico*] id est, campis Pharsalicis Thessaliae, quasi dicat: Cum res cognovit, eos deseruit. *Debuerat*] scilicet Pompeio, quasi dicat: Postquam vidit, quales illi essent, qui adversus te bellum gererent. *Nescierat*] scilicet te Caesarem iure bellum contra Ptolemaeum suscepisse. *Alexandrinum*] scilicet adversus Ptolemaeum. *Paruit*] Dicit de meritis Deiotari erga Caesarem.

§. 14. *Domitii*] id est, imperatoris. *Ephe-sum*] scilicet in urbem Asiae. *Auctionibus*] id est, rebus publice venditis. *Pharnacem*] id est, filium Mithridatis. Auctio est publica venditio, inde auctionari. Alias dicitur etiam subhastatio, et sub hasta vendere. *Honore*] scilicet ut eum regem reliqueris et appellaveris.

§. 15. *Is igitur*] iam aggreditur confutationem argumentorum ab adversariis adductorum. Propositio autem est, non est verisimile, quod voluerit te interficere. *Liberatus*] Nam non animadvertisti in eum, ut in hostem. *Honore*] scilicet regio, quia reliquit eum regem cum filio.

23) Plin. hist. nat. VII, 26. 27.

24) *Bellum*] sic Ed. 1568.; apud Ciceronem legitur: *bellorum*.

Arguitur] scilicet probatur, accusatur. *Voluisse*] Voluntas primum in causis coniecturalibus spectanda est. *Susplicari*] Amplificatio. *Ut enim*] Confirmatio seu occupatio. *Tanti*] scilicet immanissimi. *Hospitem*] scilicet te Caesarem. *Omnis memoriae*] A pietate. *Extinguere*] Metaphora. *Ferocitatis*] scilicet audaciae. *Ingrati animi*] id est, beneficiorum immemoris. *A quo*] scilicet ut a te Caesare. *Rex*] scilicet Deiotarus. *Tyrannum*] Alii legunt: Tyrannus, hoc est, crudelis et impius. Confert inter se regem et tyrannum. *Ut haec omittam*] Primum argumentum a periculo. Non est ²⁵⁾ credibile quemquam sanum suscipere consilium, in quo sit certum et summum periculum. Hoc autem consilium de interficiendo Caesare fuisset periculosissimum: igitur non est verisimile. *Liberos*] id est, confoederatos cum Romanis. *Quonam*] Confutatio. *Quonam*] quasi dicat: miserimo. *Distractus*] id est, desertus, divulsus. *Tanto*] scilicet te interficiendi. *Cogitato?*] A consequentibus.

Cap. VI. §. 16. *At, credo*] A signis personalibus subiectio. *Credo*] quasi dicat: Non est credibile. *Inconsultus*] scilicet inconsideratus. A corpore ad animum. *Videbat*] scilicet intelligebat. *Quamquam hoc loco*] Secundum argumentum ab ipsis moribus naturae: In hominem moderatum non cadit talis immanitas aut furor, Deiotarus est moderatissimus: ergo non est credibile concepisse eum in animo tantum scelus. *Quamquam*] Correctio. *Loco*] scilicet hac parte causae. *Ingenio*] scilicet quo praeditus est. *Fide*] scilicet constantia. *Religione*] Timens enim fuit Deorum. *Nota . . est*] A probatis moribus, et antea vitae integritate Caesaris, et aliorum testimonio. *Quod igitur*] Conclusio sive epilogus, a contrario. *Imprudentem*] id est, temerarium. *Exitii*] scilicet quod occidenti Caesari impendisset. *Vos*] scilicet accusatores. Apostrophe ad accusatores.

§. 17. *At quam*] Affert crimen accusatoris, ut ostendat non convenire, sed perabsurdum esse. *Credibiliter*] id est, hoc confingitur. *Quum, inquit*] Confutatio accusatoria, in qua refellit coniecturas adversariorum. *Quum*] Mimesis. *Inquit*] scilicet accusator. *Munerare*] Nam moris erat, ut reges donarent munere quodam dictato-

res vel Caesares pro parta victoria. *Accumberes*] scilicet coenares. *Fugitivus*] scilicet Phidippus medicus. A decoro personae. *Dominum*] Adducit occasionem in contemptum et odium. *Ego mehercule*] Tertium argumentum, et hoc tollit per instantiam: In tanto scelere credibile est, id eligi, quod est occultissimum, Deiotarus non elegit id, quod est occultissimum: ergo non est credibile crimen. *Initio*] Ostendit incredibile esse, voluisse Deiotarum Caesarem manu occidere, cum facilius potuerit, et securius veneno in cibo et potu dato. *Legatis*] Legatos miserat Deiotarus Romam, ut conciliaret sibi Caesarem, aut certe, ut impetraret regiones, quae sibi per Caesarem ademptae erant. *Adollescente*] scilicet Castore. *Crimen*] scilicet Deiotarum voluisse te veneno interficere. *Veritate*] scilicet quia non verum fuit. *Criminandi*] scilicet accusandi. *Res*] scilicet crimen veneni.

§. 18. *At id fieri*] Confutatio ab importunitate et consequentibus. *Quod*] Epilogus.

§. 19. *At quam*] Ironia. Transitus ad alias confutationes. *Tua*] Confirmatio accusatoris.

Cap. VII. §. 19. *An Deiotarus*] Quartum ²⁶⁾ argumentum: Non est verisimile non mutata causa non mutari effectum, si armati dispositi sunt ad insidiandum ante coenam: ergo etiam post coenam tantillo tempore manere ibi potuissent, praesertim cum nulla appareat causa mutandi. Sed post coenam non affuerunt: ergo credibile est etiam ante coenam non affuisse. *Alius*] scilicet quam is, in quo erant munera. *At*] Confirmatio criminis. *Eodem*] scilicet ideoque Deiotarus tibi alibi non fuit insidiatus. *Fecisti*] scilicet eodem rediisti. *Arma* ²⁷⁾] scilicet qui te erant interfecuri. *Retinere*] quasi dicat: minime. *Illuc*] scilicet ubi dicebantur esse insidiae. *Quo in loco*] Confutatio a loco. *Talem*] scilicet tam munificum. *Rex*] scilicet Pergamenorum. *Attalus*] scilicet qui Asiam liberam populo Romano testamento legaverat ²⁸⁾. *P. Africanum*] scilicet minorem deletorem Carthaginis. *Scriptum*] scilicet de Attalo. *Numantiam*] scilicet urbem Hispaniae. *Quod*] scilicet Attalus absens fecerat.

²⁶⁾ Quartum] huic voci in Ed. 1568. praefixum est auctoris nomen: Phil. Mel.

²⁷⁾ Arma] sic Ed. 1568.; Ed. Orell. armatos.

²⁸⁾ Attalus III. Philometor, Pergami rex, a. u. c. 621. heredem instituit populum Romanum.

²⁵⁾ Non est] Ed. 1568. Phil. Mel. Non est.

§. 20. *Obsecro*] Quintum²⁹⁾ argumentum ex signis, ex cultu et gestu: Magnorum scelerum significationes apparent in vultu et gestu. *Deiotarus* tunc fuit animo maxime tranquillo, nullam praebeuit significationem ullius perturbationis: ergo tota res est conficta. *Obsecro*] *πάθος* ab hominum gestibus. *Illius*] scilicet quo discessisti in cubiculum. *Num quae*] Signis probat. *Trepidatio*] scilicet fuit. *Hominis*] scilicet Deiotari. *Quid igitur*] Subiectio per interrogationem, quasi diceret: Si insidiae tum fuissent, id haud dubie vel ex hominis vultu, vel etiam trepidatione deprehendisses. *Lautum*³⁰⁾] id est, ubi lavisses, quasi dicat: ante coenam. *Coenatum*] id est, cum coenasses.

§. 21. *Inquit*] scilicet accusator. *Distulit*] scilicet Deiotarus te occidere. *Castellum*] id est, oppidum. *Perficeret*] scilicet te interimeret. *Loci*] id est, non intelligo, cur locum mutatum voluerit Deiotarus. *Criminose*] id est, ista finguntur valde suspiciose. *Inquit*] scilicet accusator. *Movere alii legunt, alii vero vomere. At te eadem*] Sextum³¹⁾ argumentum: Si in balneo potuit collocare insidias, potuisset etiam transferre in cubiculum, sed in cubiculo nullae fuerunt: ergo etiam non fuerunt in balneo. *Fortuna*] scilicet quae antea semper. *Malle*] scilicet quam in balneum, ubi erant insidiae. *Dii*] Execratio. *Amens*] scilicet mente captus. *Quid?*] Confutatio. *Signa*] scilicet quibus Caesarem munerare voluit. *Balneo*] scilicet ubi erant ante. *Transferris*] scilicet per Deiotarum. *Habes*] Approbatio. *Dixit*] scilicet accusator. *Horum*] Confirmatio accusatoris. *Quid tum?*] Septimum³²⁾ argumentum est firma coniectura: Non est credibile dimitti conscium praesertim Romanam: ergo si Medicus fuisset conscius, nullo modo esset missus Romam. *Quem conscium*] A regis facto. *Vindicare*³³⁾] id est, punire cum absentem.

§. 22. *Conscii*] scilicet insidiarum. *Te*] scilicet Medicum Servum. Confutatio. *Eadem*] scilicet insidias factas Caesari, quasi dicat: non est verisimile.

29) Quintum] huic quoque voci in Ed. 1568. auctoris nomen praefixum est: Phil. Mel.

30) Lautum] sic Ed. 1568. et al.; Ed. Orell. lotum.

31) Sextum] Ed. 1568. Phil. Mel. Sextum.

32) Septimum] Ed. 1568. Phil. Mel. Septimum.

33) Vindicare] sic Ed. 1568. et al.; Ed. Orell. indicare.

Cap. VIII. §. 22. *Reliqua*] Confutatio³⁴⁾ aliorum quorundam signorum et criminum. *ἀλλήως*. Confutat reliquam accusationis partem. Adversarii enim dicebant: Deiotarus optavit Caesaris interitum. *Reliqua*] Transitio per divisionem. *Una*] Confutata accusatione de insidiis, per divisionem reliquam partem accusationis repetit et confutat. *Una*] scilicet fuit. *Speculis*] scilicet paratum fuisse ad se defendendum. *Animo*] id est, male affectus de te. *De exercitu*] Propositio. *Nunquam*] Confutatio alterius partis ab impossibili, seu a qualitate copiarum. *Latrociniis*] scilicet vastationibus hostium. *Atque*] *πάθος* a fortuna. *Tueri*] scilicet propter calamitates acceptas in bello, et propter ademptam ditionem.

§. 23. *At misit*] Repetitio obiectionis accusatoris. *Caelium*³⁵⁾] quasi dicat: Non est credibile misisse ad privatum quendam. *Caelium*] scilicet adversarium tuum, o Caesar. *Sed*] Infinitatio: Imo non misit. *Quaero*] scilicet disputo. *Regem*] scilicet Deiotarum. *Mitteret*] scilicet ad Caelium. *Eos*] Alii, qui missi essent, legunt. *Paruisse*] scilicet Deiotaro. *Causam*] scilicet Pompeianorum. Phil. Mel. intelligit causam, scilicet de aere alieno. *Victam*] scilicet Caelium statim oppressum esse. *An*] Confutatio ab humilitate personae Caelii. *Hominem*] quasi dicat: minime. *Qui optime*] Dilemma est: Caelium contemneret Deiotarus, vel quia non nosset, vel quia nosset hominem abiectum. Non igitur misit.

§. 24. *Addidit*] Transitio ad aliam obiectionem. *Misisse*] scilicet Deiotarum Caesari. *Veteres*] scilicet quia prius in bellis Romanis fuerunt. Iste fuit olim mos, quod orientalis equitatus fuerit leviter instructus, et tantum ad velocitatem, sicut hodie est Turcicus equitatus. Occidentalis autem fuit bene instructus ad statariam pugnam, ad dimicandum, sicut est equitatus Germanicus. *Veteres*] Confutatio per extenuationem. *Tuum*] scilicet nihil ad comparisonem tui equitatus. *Habuit*] Caesar habuit apud se equites Italicos, Gallicos et Germanicos; Deiotarus vero habuit tantum Asiaticos. *Numero*] scilicet equitum. Adversarii tantum haec obiecerunt, ut extenuarent beneficia Deiotari. *Nescio*

34) Confutatio] Ed. 1568. Phil. Mel. Confutatio.

35) Caelium] sic Ed. 1568. et al.; Ed. Orell. Caecilium.

quem] Repetitio alterius obiectionis. *Servum]* Nam ignominiosum erat servum adesse.

Cap. IX. §. 24. *Alieno . . a te]* Coniectura a temporis difficultate, quasi diceret: Quod si odisset te Deiotarus, haud dubie declarasset id rebus eius maxime dubiis. ἄλλως. Alteram partem accusationis confutat argumentis ductis a facto Deiotari. *Credo]* Ironice. *Alexandriae]* scilicet belli Alexandrini, scilicet cuius parte occupata Caesar contra alteram periculosissimum bellum gessit, quod hic pro causa elevat Cicero. *Naturam]* id est, naturalem situm. *Fluminis]* scilicet Nili. *Pecuniam]* Enthymema: Non fuit alienus, quia misit ei magnam copiam pecuniae. *Praesto fuit]* scilicet adversus Pharnacem.

§. 25. *Graves]* scilicet periculosi. *Sparsi]* scilicet de te Caesar, quasi diceret: Tu versareris in bello periculosissimo. *Caelium*³⁶⁾] scilicet contra te, quasi diceret: Caelius non contra te arma sumpsisset, si non audisset tibi omnia esse adversa. *Quo tum]* Accommodat, quasi dicat: amicissime. *Auctionatus sit]* scilicet fecerit publicam venditionem, subhastationem, per auctionem bona vendiderit. Domitius fuit partium Pompeii. Sumit argumentum a moribus Deiotari. *At eo]* Repetitio obiectionis adversarii. *Tempore]* scilicet belli Africani. *Rumores]* scilicet de bello in Africa gesto. *Ad se]* scilicet sibi renuntiarent. *Itaque]* Excusat speculas. *Domitium]* scilicet legatum tuum, o Caesar. *Circumsederi*³⁷⁾] scilicet quamquam is rumor falsus erat. *Percant]* scilicet amici, scilicet ut dominus. *Dum]* scilicet dummodo. *Quod]* Confutatio a mansuetudine Deiotari. *Quod]* scilicet quem verum Graecum. *Inimicissimus]* scilicet ut Caesar. *Quod si ille*³⁸⁾ *esset]* A persona. *Mansuetus]* id est, mitis, clemens. *Immanis]* id est, durus, inhumanus. *Qui autem]* quasi dicat: nulla causa. *Domitio]* scilicet cum tamen Domitius esset ex parte tua. *Inimicus?]* quasi dicat: Nullo modo potuit. *Tibi]* scilicet Caesari. Argumentum a beneficiorum Caesaris magnitudine. *Meminisset?]* scilicet Deiotarus.

§. 26. *Quid deinde?]* Dilutio novi criminis de saltatione, quasi dicat: Non est credibile moderatum saltare ebrium; Deiotarus est modera-

tissimus homo: ergo non verisimile est eum saltasse. *Deinde]* Transitio ad aliam quandam confutationem. *Quid]* scilicet dixit. *Laetitia]* scilicet rumoris superioris. *Crux]* Indignatio, du must warlich ein bösswicht sein, quod tantum scelus fingis in regem. *Deiotarum]* Confutatio ab antea vita et virtutibus Deiotari. *Quisquam]* quasi dicat: nemo. *Omnes]* Probatio. *Singularis]* scilicet in Deiotaro est. *Frugalitas]* Dicitur modestia et temperantia. Frugalitas est modestia rerum frugarum. *Quod te, Caesar]* Appellat ipsum Caesarem. *Etsi hoc]* Interpretatio seu castigatio. *Verbo]* scilicet a frugalitate. *Scio]* A personae moribus. *Laudari]* Quia in rege haec virtus dicitur paritas. *Frugi hominem]* id est, temperatam in rebus frugendis, temperantem. Non satis est regem esse bonum virum et frugalem, sed oportet etiam esse beneficum. *Severum]* scilicet qui non potest semoveri a veritate. *Regiae]* id est, convenientes regibus. *Illa]* scilicet frugalitas est privatorum. *Ut volet]* id est, sive fit tantum privata, seu regia virtus frugalitas, non disputo hic. *Ego]* Interpretatio. *Haec]* Commendatio frugalitatis Deiotari a testibus. *Legatis]* scilicet publicis oratoribus.

§. 27. *Regium]* scilicet a populo Romano concessum. Nam antea erat tetrarcha. *Quicquid*³⁹⁾] scilicet temporis. *Vacabat]* scilicet Deiotarus. *Rationes]* scilicet contractus. Tetrarcha est appellatio principum, vulgo dicitur ein Fürst. *Paterfamilias]* scilicet administrator rerum domesticarum. *Agricola]* scilicet rerum rusticarum. *Pecuaris]* qui optime colit pecudes. *Qui igitur adolescens]* Amplificatio a tempore, seu epilogus a contrario. *Tanta]* scilicet regia, quanta nunc rex. *Eaque]* scilicet tam grandi.

Cap. X. §. 28. *Castor]* Apostrophe est ad Caesarem, qua maledictum eius confutat primum a spectata vita Deiotari, deinde ab aetate. *Quam optimo]* πάθος. *Quod si]* Confutatio. *Saltandi]* scilicet studio. *Exacta]* scilicet senili. *Itaque]* scilicet quia cuncta defecerunt cum exacta aetate. *Sustulissent]* Ex minore: Non potuit sustinere labores equitandi, quanto minus potest saltare. *Hic vero adolescens]* μετάρβασις. Invehitur enim in accusatorem. ἄλλως. Recrimi-

36) *Caelium]* sic Ed. 1568.; Ed. Orell. *Caecilium*.

37) *Circumsederi]* sic Ed. 1568.; Ed. Orell. *circumsideri*.

38) *si ille]* sic Ed. 1568. et al.; Ed. Orell. *ille, si*.

39) *Quicquid]* sic Ed. 1568.; Ed. Orell. *quidquid*.

natio, in quo obiicit ei, quod omnium acerrime faverit Pompeio, et censuerit bellum instaurandum esse. *Adolescens*] scilicet Castor. *Miles*] scilicet quando tenuit provinciam ante bellum civile. *Graecia*] scilicet mecum militavit sub Pompeio. *Commilito*] scilicet in castris Pompeii. *Pater*] scilicet Castoris, scilicet Brogitarus⁴⁰). In oratione de responsis aruspicum⁴¹) dicitur de patre Castoris⁴²), scilicet Brogitaro⁴⁰), quod fuerit homo impurus et nefarius. Deiotarus fuit Castoris avus maternus. *Ostentare*] scilicet volebat acerrimus hostis Caesaris videri. Incrementum. *Illa*] scilicet adversus te Caesarem. *Cupiditate*] scilicet vincendi.

§. 29. *Quum vero*] Trahit Castorem in invdiam. *Exercitu*] scilicet cum victus esset Pompeius. *Pacis*] scilicet inter te et Pompeium, quasi dicat: Statui tunc omnibus modis operam dandam esse, ut cum Caesare in gratiam rediremus⁴³). *Pharsalicum*] scilicet in causis Pharsalicis gestum. *Abiiciendorum*] scilicet quod plus est. Incrementum. *Ipsa*] scilicet Castor. *Studio*] scilicet contra te. *Felix*] Ironia. Amplificatio per contentionem ab indignitate rei. *Accusandi*] Contentio. *Iisdem*] scilicet Pompeii contra te Caesarem. *Vos vestra*] Exaggeratio crudelitatis: Non debebamus ferocire, atque insuper periculum creare propinquis. *Vos*] id est, tu et pater tuus. *Propinquorum*] scilicet ut Deiotari.

Cap. XI. §. 30. *Sint*] Concessio. *Inimicitiae*] id est, inter te et Deiotarum, inter nepotem et avum. *Abiectam*] scilicet vilem. *Obscuram*] id est, ignobilem. Amplificatio sceleris Castoris. Incrementum. *Tenebris*] id est, ignobilitate. Metaphora. *Necessitudinis*] scilicet propinquitatis, scilicet propter Deiotarum. *Humano*⁴⁴) *more*] id est, non tam crudeliter. *Capitis arcessere*] id est, de vita accusare, capitali iudicio accusare. *Odi*] scilicet in Deiotarum. *Adeone*] scilicet concedatur, quasi dicat: non. *Violentur?*] scilicet per vos. *Sollicitare*] scilicet

40) Brogitarus . . . Brogitaro] Ed. 1568. male: Progitarus . . . Progitaro. — Conf. Orelli et Baileri Onomast. Tullian. P. II. p. 98.

41) Orat. de haruspicum responsis 13, 28, 29.

42) De patre Castoris diversa traduntur; vid. Onomast. illud p. 138.

43) rediremus] Ed. 1568. errore typogr.: roderemus.

44) Humano] sic Ed. 1568.; Ed. Orell. *hominum*.

ad accusandum dominum. *Abducere*] scilicet Deiotari. *Uni propinquo*] scilicet Deiotaro avo, quasi diceret: Possent multa in nos comminisci. Vide: Domesticus testis. *Nam*] Translatio a privato in publicum commodum. *Auctoritate*] scilicet tua, o Caesar. *Intus*] id est, in domo nostra. *Fit*] id est, ipsi servi redduntur domini. Vide pro: Tot hostes, quot servi^{44a}).

§. 31. *O tempora*] Amplificatio ab exemplo, seu antithesis, seu exclamatio, quasi dicat: Quam diversa nunc sunt tempora et mores, quam apud priscos. *Tempora*] id est, perversa. *Eum*] scilicet Domitium. *Clam*] scilicet noctu. Hanc historiam lege apud Valerium Maximum lib. 6. cap. 5. de iustitia⁴⁵). *Iussit*] scilicet Domitius. *Scaurum*] scilicet dominum suum. *Vide, quid*] Collatio per rhetoricam contentionem. *Intersit*] scilicet inter Castorem et Domitium. *Etsi*] Correctio. *Ille*] scilicet Domitius. *Inimico*] scilicet Scauro. *Tu*] scilicet Castor. *Abduxisti*] scilicet servum,

§. 32. *At semel*] Translatio. *Semel*] quasi dicat: non semel, sed saepius. *Nonne*] Non semel corruptum servum Deiotari probat testibus. *Legatos*] scilicet Deiotari. *Hunc*] scilicet praesentem, qui fuit in iudicio. *Venit*] scilicet servus. *Nonne*] scilicet etiam. *Hoc*] scilicet patre. *In fraudem*] scilicet ad scelus, quasi diceret: ut accusaret dominum. *Confessus*] scilicet servus.

Cap. XII. §. 32. *Quae est ista*] Reprehensio seu castigatio, seu epilogus amplificationis. *Idcirco*] ἐπιφώνημα, et finis istius recriminationis. *Idcirco*] scilicet ut servi exemplo tuo alienarentur per te a dominis. *Iura*] Nam non licebat servos dicere contra dominos. *Exempla*] Quia antea nunquam sit auditum a servo accusari regem. *Domestica*⁴⁶)] scilicet a te excogitata. *Humanitatem*] scilicet dexteritatem.

§. 33. *At quam*] Excusatio novorum criminum, et redit ita ad defensionem. *Acute*] quasi dicat: stolidissime. *Collecta*] id est, non acceperunt a Blesamio. *Blesamius*] Nunquam faceret, quia est natus in regno. Translatio ad repetitionem accusatoris. *Blesamius*] scilicet lega-

44a) Vide supra p. 1138. notam 33.

45) Valer. Max. VI, 5, 5.

46) Domestica] sic Ed. Orell.; Ed. 1568. errore typogr.: Domestici.

tus. *Inquit*] scilicet accusator. *Maledicebat*] Servus Caesari. *Regem*] scilicet Deiotarum. *Tyrannum*] id est, nos iudicamus te clementem, quanto magis cogitur Blesamius iudicare te clementem. *Tyrannum*] id est, crudelem regem. *Existimari*] id est, haberi. *Statua*] scilicet item scribebat: Confutatio. *Istis*] scilicet accusatoribus. *Multorum enim*] Ironiae. *Multorum*] Aperta ironia, quasi dicat: Nunquam vidit. *Capita*] scilicet abscissa in foro. *Domos*] scilicet ut Marii et Syllae. *Victoria*] id est, contra te armis instructus. *Sensimus*] id est, experti sumus.

§. 34. *Et quem*] Confutatio eiusdem obiectionis a minore. *Liberi*] id est, nulli regi subiecti. *Blesamio*] scilicet regio legato. *Regno*] scilicet Deiotaro. *Statua*] scilicet tibi posita. *Multas*] scilicet alibi positas. Hic locus reddit causam splendidiorem, et est confutatio obiectionis de statua. *Valde*] Ironia est. *Locus*] scilicet quod statua posita est inter reges. *Invidiam*] scilicet tibi Caesari. *Rostris*] scilicet eo loco ad statuam collocandam. *De plausu*] Confutatio de plausu, scilicet quod tibi non plaudatur. *Obstupefactis*] id est, percussis. *Ipsa*] id est, praeter admirationem. *Praetermissus*] scilicet plausus. *Vulgare*] scilicet commune, protritum, qualis est plausus.

Cap. XIII. §. 35. *Nihil a me*] Purgatio suspicionis Caesaris, et opponit illi suspicioni beneficia Caesaris. Haec omnia dicta sunt suaviter, molli-ter et sapienter. *Nihil*] Epilogus alterius partis est, Deiotarum non fuisse alieno a Caesare animo, cum confirmatione dictorum. *Praetermissum*] scilicet quod pertineat ad confutationem obiectorum. *Non enim*] Propositio: Ego scio te fidum et gravem esse, qui promissa summa fide praestes. *Vereor*] quasi dicat: Deiotarus non est animo a te abalienato, non odit te. *Ne tibi illum*] Peroratio, in qua primum purgat suspicionem Caesaris de voluntate Deiotari erga se. *Quod abest*] Dilutio. *Quid*] Ratio: Quia meminit beneficia, et beneficia longe maiora sunt, quam ulla maleficia. *Tribuenda*] scilicet pecunias, ut posses huius stipendia perficere. *Altera*] scilicet cum ipse foveret partes Pompeianas. *Potuisset* ⁴⁷⁾] id est, quae tamen etiam Pompeius

amisisset ei. *Potuisset*] scilicet Deiotarus. *Ea*] scilicet partem regni.

§. 36. *Etenim*] Exemplum est, quo probat Deiotarum non alienato animo fuisse a Caesare: Antiochus boni consuluit sibi aliquid adimi: ergo et Deiotarus boni consulit. Verba videntur sonare, quasi sit *σαρχασμὸς* et ironia, quasi dicat: Antiochus ipse irriserit suum infortunium. *Scipione*] Lucius Scipio intelligitur, non Publius, qui vicit Carthaginem. Hic enim dicitur Lucius Scipio Asiaticus. *Tauro*] scilicet usque ad Taurum montem, ita, ut iis, quae citra Taurum montem essent, sese contineret. *Asiam*] scilicet minorem. *Modicis*] id est, Assyriae et Armeniae. *Consolari*] scilicet propter ademptam partem regni. *Furoris*] scilicet sui, quia ipse ultro intulit bellum Romanis. *Omnia*] Amplificatio beneficiorum: Summum beneficium est, quod reliquisti ei nomen regium. *Beneficium*] scilicet in se collatum. *Iudicium*] scilicet decretum de se, quia multa egregia senatusconsulta facta sunt a Romanis, quod scilicet dignus sit, qui sit rex, et afficiatur honore. *Magno animo*] Commendatio Deiotari ab autoritate Romanorum.

§. 37. *Peperisse*] id est, comparasse. *Factis*] scilicet rebus gestis. *Quae enim*] Argumentum a moribus et natura Deiotari: Boni pluris faciunt beneficia, quam improbi; est vir intelligens virtutem, et amans virtutis: ergo non erit ingratus. *Quae enim*] Amplificatio virtutis Deiotari. *Imperatorum*] scilicet Romanorum. *Omnibus*] scilicet imperatoribus. *Asia*] Regiones Asiae et Europae. *Consignata*] id est, tradita, prodita. *Quid de*] Commendatio a virtute. *Summa*] Vide 5. Tusculanarum Quaestionum ⁴⁸⁾. *Sola*] scilicet ut Stoici. Primo opponit beneficia Caesaris. Deinde dicit: Est vir magna virtute praeditus, et non magni facit istam iacturam, quod amisit aliquam partem regni: igitur non odit te. *Sola*] Academici et Peripatetici virtutes quidem, quae sunt bona animi, summa existimarunt. Reliqua corporis et fortunae dixerunt esse mediocria. Stoici autem animi bona sola ad felicitatem facere contenderunt. Vide Ciceronem in 5. lib. de finibus ⁴⁹⁾.

§. 38. *Haec*] scilicet virtutes esse sola et summa bona.

47) *Potuisset*] hanc vocem apud Ciceronem h. l. non inveni.

48) Cic. Tusc. Quaest. V, 8, 21. et al.

49) Cic. de Fin. V, 26, 63 sqq.

Cap. XIV. §. 38. *Quo quidem*] Cicero cogit quasi Caesarem, ne mutet suam sententiam. *Tarracone*] Ab oppido Galliae nominato. *Blesamio*] scilicet legato.

§. 39. *Labore equidem*] Translatio privatae causae in publicam. *ἄλλως*. Transitio. Opponit adversus illas omnes suspiciones argumentum a constantia Caesaris, quasi dicat: Vide, C. Caesar, ut beneficium tuum sit ratum. *ἄλλως*. Translatio: Si isti non ignosces, omnes dicent te per simulationem nos in gratiam recepisse, ut postea nos iugulares. Ab hoc argumento incoepit Cicero orationem, et in hoc desinit. *Deiotarus*⁵⁰⁾] Est nomen Germanicum, Diter. *Sed quum de illo*] Translatio de exemplo, in qua re-

50) *Deiotarus*] sic Ed. 1568.; apud Ciceronem h. l. legitur: *Deiotari*.

petit illud argumentum, quod est firmissimum de constantia Caesaris. Inde apparet, quam benigna fuerit Caesaris natura. Apud tyrannum enim haec non licuisset dicere.

§. 40. *Non debeo*] Movet adfectus, et redit ad causam. *Non debeo*] Conclusio, et figurata occupatio: Nihil opus est ambitiose te flectere ad misericordiam, quia omnibus ultro exposita est, ut omnium orationes antevortat. *Reges*] scilicet patrem et filium. *Negavisti*⁵¹⁾] Movet misericordiam a dignitate regis; prostrata fortuna in summis viris movet maxime misericordiam.

Cap. XV. §. 41. *Corpora*] *ἄτεχνα* a testibus, quid legati polliceantur.

§. 43. *Quocirca*] Clausula. *Pestem*] Satis libere dicit.

51) *Negavisti*] sic Ed. 1568. et al.; Ed. Orell. *denegasti*.

XVIII. PH. MEL. SCHOLIA IN CICERONIS ORATIONEM PRO C. RABIRIO POSTUMO.

Haec quoque scholia nonnisi in illius Ricciana scholiorum in selectiores Ciceronis orationes collectionis Tomo I., qui Lipsiae 1568. 8. prodiit, inveniuntur; vid. supra p. 893—896.

IN ORATIONEM CICERONIS PRO RABIRIO POSTUMO SCHOLIA PHILIPPI MELANTHONIS ¹⁾.

Cicero dicit se omni genere amplificandi exarsisse in causa Rabiriana, sed oratio non videtur esse integra.

Cap. I. §. 1. ²⁾. *Si quis*] Exordium est concessio, in qua fatetur quidem errorem, sed aliquo modo excusat culpam, se ideo non fecisse, ut laederet maiestatem populi Romani. Figurata defensio est, et status assumptivi. Rabirius dederat mutuo pecuniam Ptolemaeo exulanti, postea vocatus est in iudicium propter istam pecuniam. *Regiae*] scilicet quod suam pecuniam dedit mutuo Ptolemaeo homini impio. *Displicet*] scilicet dat satis magnas poenas male collocatae pecuniae. Plautus in Pseudolo: Omnes ita sapimus, ut fortuna fert. *Quamquam*] Correctio. Elegans autem est oratio sumpta procul dubio ex oratione Demosthenis *περὶ στεφάνου*. Vide lib. 1. epist. 9. Famil., ubi similem sententiam citat Cicero. *Hoc*] scilicet Postumo ³⁾. *Ut iam*] *ἐπιφώνημα*. Sapiencia nihil est, nisi divinatio, der es trifft, wie es gerahten wil, der ist sapiens.

1) Haec scholia in Ed. 1568. sic inscripta sunt: Fragmentum scholiorum Phil. Mel. in orationem Ciceronis pro C. Rabirio Postumo, ex ore privatim praelegentis exceptum, 1553.

2) Capita et paragraphos secundum Ed. Orell. adscripsi.
3) Postumo etc.] Ed. 1568. Postumo etc.

§. 2. *Illud tamen*] Excusatio et deprecatio. Valde timide accedit ad causam. Quaedam imbecillitatis confessio grata est. Ideo bene exorsus est. *Satis est*] Enthymema seu ratio, quare non debeant eum magis prosternere. Florentem fortunam non solemus oppugnare, sed quando venit in discrimen, urgemus et conculcamus eum. Ita solet mundus contemnere prostratos homines, et Cicero ut summus orator novit egregie, et quasi vivis coloribus depingere sensus et affectus hominum adversus prostratam fortunam. Istum autem furorem vulgi pinxit Homerus in Hectore. Hoc exordium est *περὶ ἡθῶν*, de quibus Cicero dicit in 2. de Oratore ⁴⁾. *Praesertim*] Causa elocatae pecuniae honesta, quae facit ad excusandum illum errorem. Omnes volumus studiose sequi exempla maiorum. *Paullum*] scilicet Aemilium. *Scipio*] scilicet posterior, qui coepit Carthaginem, et fuit filius Aemilii, quem sibi adoptavit Scipio, qui vicit Hannibalem. *Maximum*] scilicet Fabium. *In devotione* ⁴⁾] Devovere, vorbannen. Devotio idem est, quod anathema, ein

3) Conf. Melanthonis annot. in Cic. de Orat. II, 77, 310, supra p. 743.

4) *In devotione*] haec Cic. verba, ad quae haec nota spectat, ei ipse adscripsi.

Fluch. Maximus et Paulus fecerunt se victimas pro exercitu. *Sint igitur*] Correctio.

Cap. II. §. 3. *Huius*] scilicet Rabirii. *Publicani*⁵⁾] Zölner oder Schösser. *Benignitas*] id est, liberalitas.

§. 4. *Hoc ille*] Narratio. *Hoc*] id est, C. Rabirio. *Credidit*] hat geliehen. *Alexandrino*] scilicet Ptolemaeo. *Fide sustentare*] bürge für sie werden.

§. 5. *Quid admonet iam*⁶⁾] scilicet sero. Post factum habemus multos monitores. *Putares?*] id est, si bene cecidisset. Iam autem male putant, cum male cecidit. *Extremum*] scilicet ita fit, ut principio rerum occasiones bonas et honestas habeamus, sed postea longius progredimur.

5) *Publicani*] sic Ed. 1568.; apud Ciceronem legitur: *publicanus*.

6) *Quid admonet iam*] sic Ed. 1568.; Ed. Orell. *quis iam non admonet?*

Cap. III. §. 5. *Rex*] scilicet Postumo. *rogabat*] scilicet Postumum. *Illo*] scilicet Ptolemaeo. *Hoc*] scilicet Postumo.

§. 6. *Nos*] scilicet senatus. *Corrupti*] scilicet ut rex restitueretur. *Syngraphae*⁷⁾] Syngrapha, eine handschrift oder kauffbrief. *In Albano*] id est, in villa Albana. *Quaerere*] Hoc erat crimen, quod adiuverit Ptolemaeum pecunia, quem tamen senatus non adiuvandum esse censebat, et ita laeserit maiestatem populi Romani. *Consuli*] scilicet Lentulo, scilicet ut restitueret eum Lentulus.

Cap. IV. §. 8. *Praedes*] id est, sponsores. Gabinius et Postumus sunt damnati, quod hic dicitur adiuvisse regem, ille quod invito senatu reduxerit regem.

Huc usque Phil. Mel. privatim legit in hac mutilata oratione.

7) *Syngraphae*] hanc Cic. vocem, ad quam haec nota pertinet, ei ipse adscripsi.

XIX. PH. MEL. SCHOLIA IN CICERONIS ORATIONEM PRO P. SESTIO.

Haec etiam scholia tantum in illo Tomo I. Ricciana scholiorum in selectiores Ciceronis orationes collectionis reperiuntur, vid. supra p. 893—896.

IN ORATIONEM CICERONIS PRO SESTIO SCHOLIA PHILIPPI MELANTHONIS ¹⁾.

Cicero habuit hanc orationem pro Sestio ²⁾, cuius fit mentio apud Sallustium ³⁾.

Cap. I. §. 1. ⁴⁾. *Si quis antea*] Exordium habet querelam, quod non tantum non reddantur praemia benemeritis, sed etiam coniciantur in maximas calamitates propter virtutem. Locus autem est communis: Non mirum est, quod pauci serviant reipublicae, quia videmus omnes de reipublica benemeritos in maxima pericula incidere et incurrere. Eius rei ⁵⁾ exemplum mei et aliorum habetis. *Nam*] Ratio: Quia indignum est parari periculum non tumultu vulgi, sed apud iudices. *Eos*] id est, me et alios, qui mecum coniuncti sunt.

§. 2. *In quo*] *ἐπιφώνημα*. *Per vos*] Amplificatio: Moliuntur nobis periculum sub praetextu iudiciorum. Rhetoricum est: Et alia in re si est indignum, tunc hoc est, quod nos iam volunt perdere praetextu iudiciorum. Ciceroni postremae saepe sunt datae partes causae. Ideo non multa dicit de causa, sicut in causa Rabiriana, ideo obscura est. *Ego autem*] Ratio defensionis: Quia debeo illi hoc.

Cap. II. §. 3. *Atque*] Elegans translatio: Ego non tam hoc agam, ut illum defendam, quam querar vicem illorum, qui benemeriti sunt de reipublica, et tamen illis non redditur par gratia. Sestius revocavit Ciceronem.

§. 5. *Sed, quoniam*] Conclusio.

Cap. III. §. 6. *Parente*] Narratio. *Mors filiae*] id est, filia est mortua. *ἀντίθετον*.

§. 7. *Fluctibus*] scilicet in temporibus Marianis. *Provinciali*] scilicet qua usus est in provincia. Sestius adiuvit Ciceronem in negotio Catilinario.

§. 8. *Videretur*] quasi diceret: Quamquam Antonius erat infidus, tamen hic erat fidus.

1) Haec scholia in Ed. 1568. sic inscripta sunt: Scholia Philippi Melanthonis in orationem Ciceronis pro P. Sestio ex ore privatim praelegentis excepta 1533.

2) Sestio etc.] sic Ed. 1568. et Orellii et Baileri Onomast. Tullian. P. II. p. 546 sq.; huius orationis Ed. Orell. habet: *Sestio* etc.

3) Sallust. Iugurth. 29.

4) Capita et paragraphos secundum Ed. Orell. adscripsi.

5) Eius rei] in Ed. 1568. adduntur verba unciis inclusa: „inquit D. Phil.” (i. e. Phil. Melanthon).

Cap. IV. §. 9. *Volutaret*⁶⁾] id est, non sustulit illam suspicionem, neque sedavit, quasi dicat: Aliquantulum aequior fuit negotio Catilinario, et multum negotii fuit collegam flectere in meam sententiam. *Coniuratio*⁷⁾] scilicet Catilinaria. Hoc est apud Sallustium. *Familiam*] scilicet gladiatorum. Ipsi habent gladiatores causa suae securitatis, et ut paratos haberent ad tumultus, et tamen praetexebant ludos. *Conventus*] der hauffe, der zu Capuae gelegen ist. *Decurionesque*⁸⁾] Decuriones, die Rathsherrn.

§. 10. *Non*] ἐπιφώρημα. Commendatio autem est decreti, quod non sit extortum ambitione, sed sit virtute, et maximo beneficio partum.

Cap. V. §. 12. *Consecutus*] scilicet postquam Romae non amplius opus habuimus exercitu, quasi dicat: Cum Sestius advenisset, terruit tribunos, qui me in exitu consulatus mei opprimere volebant. Sed cum intercessit Cato, apparuit nobis nihil opus esse praesidio.

§. 13. *Hunc igitur*] Defensio tribunatus. Defendit enim res in tribunatu gestas. *Integritas*] id est, fuit in provincia diligens, non compilavit provinciam. *Verum*] Schema.

Cap. VI. §. 13. *Orationem*] Quia haec oratio praecipue defensio est tribunatus Sestii, commemorat omnia consilia. Accusatus est Sestius, quod in tribunatu fecisset quaedam per vim, quando tulit legem de reducendo Cicerone, quia Sestius et Milo reducerunt Ciceronem. Haec commemoratio debet esse exemplum historiae.

§. 14. *Hortensio*] quasi dicat Hortensius exposuit totam causam, ego tantum repetam. Nescio, an legatur: uti. *Ut eius oratio*] Phil.⁹⁾ hunc textum ita legendum censet: ut eius oratio defensionem non modo criminum videretur continere, sed etiam memoria digna, scilicet, videretur et reipublicae capessendae, etc. *Tacent*] Praefatio, moderate dicam illa negotia. *Ut in eum*] Correctio. Invadere ultro grassantis est ad aliquem. Incurrere autem est casu in aliquem incidere.

§. 15. *Consilia*] id est, ad communem salutem. *Versata*] quasi dicat: Hoc fecit ad colli-

6) *Volutaret*] sic Ed. 1568.; Ed. Orell. *volitaret*.

7) *Coniuratio*] sic Ed. 1568.; apud Ciceronem legitur: *coniuratione*.

8) *Decurionesque*] hanc Cic. vocem huic notae ipse adscripsi.

9) Phil. Melanthon.

gendum naufragium, quod passa est respublica superiori anno, scilicet, cum essem exul. Igitur oportet me prius dicere de illis malis, quam dicam de tribunatu.

Cap. VII. §. 15. *Fuerat ille annus tanquam in republica*] Phil. Mel. censet legendum esse: tanquam reipublicae¹⁰⁾. *Traductione*] id est, homo nobilis voluit cooptari in plebeiam familiam. *Hominis*] scilicet Clodii.

§. 16. *Solvit subito legum consul, vel ut ego arbitror exhortatus*¹¹⁾, *vel ut non nemo putaret miratus*¹²⁾] Phil. Mel. sic hunc textum legendum esse existimat: Solvit subito legibus consul, vel, ut ego arbitror exoratus, vel ut nemo putaret mihi iratus. *Consul*] scilicet Gabinius et Piso fuerunt consules, quando Cicero in exilium pulsus est. *Qui*] scilicet Clodius.

§. 17. *Consules*] scilicet Gabinium et Pisonem, quasi dicat: Valuit alienis auxiliis, vel adiutus est a consulibus in evertenda republica. *Hocine*] Descriptio consulum. Ista sunt valde florida, et plurimum ornamentorum habet haec oratio. *Proditores*] Correctio, quasi dicat: Non fuerunt consules. Gabinius fuit audax, facinorosus, deditus gulae et ventri, quales multi sunt nobiles, qui non student virtuti.

Cap. VIII. §. 18. *Despiciens conscios stuprum ac veteres vexatores aetatulae suae, putealis*¹³⁾ *et foeneratorum gregibus vexatus atque percussus*¹⁴⁾, *olim Nesculeio*¹⁵⁾ *illo aeris alieni in freto ad columnam adhaeresceret*] Phil. Mel. hunc locum ita restituit. Sententia autem est: Gabinius fuisset proscriptus in columna, fuisset exutus omnibus fortunis, eius bona venissent sub hasta. Factus est enim consul, et tunc despexit omnes, quibus debuit. Fuit obaeratus, et credidissent eum, nisi confugisset ad magistratum, ubi poterat compilare. *Percussus*] vexirt. *Freto*] Fuit locus Romae. *Nesculeio*] scilicet foeneratori. Prodigii fuerunt infames. *Adhaeresceret*] scilicet cum multum deberet illi Nesculeio, scilicet foeneratori. *Venditabat*] scilicet servis. Operae

10) *reipublicae*] hoc Ed. Orell. in textu habet.

11) *exhortatus*] Ed. Orell. *exoratus*.

12) *miratus*] Ed. Orell. *mihi iratus*.

13) *putealis*] Ed. Orell. *puteati*.

14) *vexatus atque percussus*] Ed. Orell. *infatus atque percussus*.

15) *Nesculeio*] Ed. Orell. *ne Scyllaeo*. — Vjd. Orellii nota crit. ad hunc locum corruptum.

enim usurpantur pro servis. *Ab iis]* scilicet per servos.

§. 19. *Alter]* scilicet Piso. *Ut Capua]* Hunc locum sic legit Phil. Mel.: ut Capuae, qua ipsa tum imaginis formandae causa duumviratum gerebat, saepius iam sublaurus videretur. Duumvir in reliquis oppidis extra Romam est consul. *Sublaurus*¹⁶⁾ *]* id est tristis et gravis vir. *Videbatur*¹⁷⁾ *]* id est, adpectus erat tetricus et valde tristis. *Ut illo supercilio Calphentius ille niti tanquam videretur*¹⁸⁾ *]* Sic legit Phil. Mel. hunc locum. Sententia¹⁹⁾ autem est: Nulla re putabat se habere commendationem, quam illa simulatione gravitatis. *Calphentius]* id est, ignobilis. Extenuat eius nobilitatem.

§. 20. *Est tandem]* Minessis. Quia ipse ex familia Calphentia fuit, quae erat ignobilis. Fuit Piso socer Caesaris, et post eius mortem multa fecit praeclara ad constituendam pacem, et tranquillitatem reipublicae. *Coeno]* scilicet Gabinio. *Affinem]* Quia ex familia Pisonum fuit gener Ciceronis.

Cap. IX. §. 20. *Alter]* scilicet Gabinus. *Emersum]* scilicet qui emersit. Active positum est. *Qui]* Extenuatio.

§. 21. *Alter]* scilicet Piso. *Conciliatricula]* Quia fuit nobilis, ideo homines melius de illo senserunt. Patricii tantum dicebantur nobiles, non equites. Illae descriptiones ducuntur ex locis communibus. *Nomine]* scilicet Piso frugi. *Materni]* scilicet Calphentii. Obiicit ei ignobilitatem.

§. 22. *Nequam]* ein loser, leichtfertiger mensch. *Parietibus]* scilicet intus erat alius, quam foris apparebat.

Cap. X. §. 22. *Possemus]* Obiicit, quod fuit defensor Epicureae doctrinae.

§. 23. *Philosophos]* scilicet Epicureos, quasi dicat: Fuit deditus voluptati. *Cuius]* quasi dicat: Voluptati se dedebat, caetera omittit. *Devorabat]* id est, toto animo amplectebatur. *Sua causa]* scilicet propter utilitatem. *Rempubicam]* scilicet quia respublica impedit voluptatem. *Eos]* scilicet alios philosophos. *Ducendam]* scilicet

16) *Sublaurus]* sic Ed. 1568.; Ed. Orell. *sublaturus*.

17) *Videbatur]* sic Ed. 1568.; Ed. Orell. *videretur*.

18) *Calphentius ille niti tanquam videretur]* Ed. Orell. *res publica, tanquam Atlante caelum, niti videretur.* (conf. Orellii nota crit. ad. h. l.).

19) *Sententia]* Ed. 1568. corrupto: *suam*.

19) *tandem]* sic Ed. 1568. et al.; Ed. Orell. *tamen*.

faciendum esse, quicquid fieri possit honestatis causa, non utilitatis tantum. Illa sumpsit, quae videbantur profutura ad incitandos indices. *Vaticinari]* scilicet barbari.

§. 24. *Nugis]* id est, nugatore. *Sed ita est]* quasi dicat: Consulatus est magna dignitas, et si homo nequam fungitur consulatu, potest tamen nocere alteri propter nomen consulatus. *Tradidissent]* Expositio consiliorum, quare consules gratificati sint tribuno plebis.

Cap. XI. §. 25. *Praecipitanti]* id est, labenti. *Transfert a se in reipublicam*²⁰⁾.

§. 26. *Vestem]* scilicet ad deprecandum. *Consulem]* id est, Gabinium factum a Cincinnis, der mit den krausen haaren. *Quaestum faceret]* scilicet cum se prostituere. Obscoenum est. *Amisi]* Legendum est: amisit²¹⁾. *Lenonis]* scilicet Gabinii.

Cap. XII. §. 27. *Sordidati]* id est, non sagam, sed vestes, quibus in luctu utebantur. *Tribunus]* scilicet Clodius. *De consulibus]* Totus locus adhuc est narratio earum rerum, quae gestae sunt expulso Cicerone. Pertinet autem ad defensionem Sestii. Vituperata enim factione Clodii, necesse est probari Sestii consilium in restituendo Cicerone.

§. 28. *Exanimatus]* id est, Gabinus. *Creditorum]* Salse dictum est. Antea obiecit, quod omnia decoxerit, et sit vexatus a creditoribus. *Orationem]* id est, non solum crudeliter dixit, sed etiam fecit. *Illum iam*²²⁾ *]* scilicet quandam equitem pro me deprecantem.

Cap. XIII. §. 29. *Collega]* scilicet Pisone. *Edicto]* Quia fuit provocatio a consulibus ad totum populum. Inusitatum et crudelissimum est.

§. 30. *Nihil]* Exemplum. Olim ita fiebat in societatibus, ut, si quis agebat mala fide, iuberet eum consul exire urbem. *Damnabit]* quasi dicat: Ista omnia fiunt contra leges. *Tollere?]* Quia contra senatus voluntatem Clodium adiuve-

20) Huic notae in Ed. 1568. addita sunt haec: „Saga est militaris tunica.” In his vox *saga* pro *sagum* scripta est; *saga* enim magam, divinatricem, etiam indagatricem ad libidinem significat, *sagum* autem est vestis militaris, qua etiam omnes cives Rom. in urbe utebantur in tumultu. Cum h. l. apud Ciceronem neque *saga*, neque *sagum* inveniantur, illa verba non solum falsa, sed etiam ab hoc loco plane aliena sunt, easque ob causas ea omisi.

21) *amisi]* hoc Ed. Orell. in textu habet.

22) *Illum iam]* hae voces in Ed. Orell. h. l. non reperiuntur.

runt. *Evertere*²³⁾] scilicet cum illa proscrizione.

§. 31. *Iudices*] Occupatio est, ut aliquantum minuat taedium tam longae narrationis et causae, quae videtur aliunde accersita praeter Sestium. Tota res pertinet ad Sestium, qui suum tribunatum contulit ad me revocandum. *Eorum*] scilicet Clodii. *Huius*] scilicet Sestii.

Cap. XIV. §. 32. *Erat igitur*] Redit ad narrationem, quae miris modis est amplificata, et facit propositionem generalem, quam late patuerit illa calamitas. *Ipsius*] scilicet senatus, hoc est, consul non solet prohibere, quo minus senatus sua senatusconsulta servet. *Lugere*] Translatio ad locum communem: Humanum est, ut locus concedatur hominibus sui luctus. *Fefellisti*] scilicet non iuvisti Ciceronem. Deprecatio est omnibus concessa. *Contemneres?*] Aperte iuvabat Clodium Gabinus.

§. 33. *Pro te*] id est, tamen aliquando tibi opus fuit mutatione vestitus. *Desperati*] Piso tenuit provinciam Macedoniam, et amisit exercitum, et rediit Romam cum summa ignominia. Ibi amici eius pro eo mutarunt vestes, et lugebant eius vicem. *Fastis*] Kalender. *Dixerant*] Phil. Mel. legit: dixerat²⁴⁾, scilicet Clodius.

Cap. XV. §. 33. *Obnuntiaret*²⁵⁾] Obnuntiare est reprehendere aliquam publicam actionem mentione auspiorum sacrorum. Helia et Fusia lex eadem fuit de resistendo perniciosis legibus. Constitutum enim erat, ut liceret resistere actionibus et legibus per intercessionem et obnuntiationem. *Rogatione*] quasi dicat: Si unicuique pernicioso civi licet ferre, quicquid lubet, actum est de republica.

§. 34. *Collegiorum*] gesellschaften. Ipse vocabat collegium, suam conscriptionem delectus. *Decuriarentur*] scilicet quando decimus quisque eligitur, Welen. *Unus*] scilicet tribunus plebis. *Possidebat*] scilicet Clodius.

§. 35. *Restitissemus*] id est, ego me his opposuissem, sed nolui facere, ne patria mea causa in tantum discrimen adduceretur.

Cap. XVI. §. 36. *Confiteor*] id est, fui timidus.

23) *Evertere*] sic Ed. 1568. et al.; Ed. Orell. *pervertere*.

24) *dixerat*] hoc Ed. Orell. in textu habet.

25) *Obnuntiaret*] hanc Cic. vocem huic notae ipse adscripsi.

§. 37. *In legem*] Saturninus legem agrariam²⁶⁾ tulit, et senatus iurare in eam coactus est. Sed Metellus²⁷⁾ unus²⁸⁾ restitit illi legi, et exulare, quam iurare maluit in eam rem, propterea cessit ex urbe²⁹⁾. *Legem*] scilicet Saturnini. *Commutare*] scilicet maluit videri constans, quam cupidus manendi in patria. Vide *Florum*³⁰⁾. *Huic*³¹⁾] scilicet Metello. Veteranis Marii promittebantur agri. *Attamen tergiversatus cessit*, legit Phil. Mel. omissa voce *nec*³²⁾, quasi dicat: Metellus cessit.

§. 38. *Meam causam*] Metello nemo promiserat, mihi vero promiserat tota Italia. *Eas*³³⁾ *res gesseram*] id est, quod curavi interfici coniuratos Catilinae, non meo consilio, sed senatus voluntate feci.

Cap. XVII. §. 38. *Prodigia*] id est, consules, Gabinium et Pisonem. *Tribuno*] scilicet Clodio.

§. 39. *Saturnino*] quasi dicat: Saturnino praebat occasionem res, quae in specie erat aliqui momenti. *Scorto*] scilicet Clodio, qui nihil de republica cogitabat. Collatio sui et Metelli. *Testamentario*] scilicet latrone. *Amicissimo*] Crassus et Caesar non bene volebant Ciceroni. Propterea aliqua ex parte hoc verum est, Pompeius fuit homo inconstantissimus. *Peste*] scilicet Clodio.

§. 40. *Unum*] scilicet Caesarem. *Privati . . . essent*] scilicet Pompeius et Crassus.

Cap. XVIII. §. 40. *Videbantur*] Non quia ita sentirent, sed quia non audebant offendere tribunum plebis. *L. ipse Caesar*³⁴⁾] C. Caesar, legit Phil. Mel.

Cap. XIX. §. 42. *Haec ego quum*] Est adhuc continua narratio temporis illius, quando Clodius eiecit ex urbe Ciceronem, et sunt causae, quare ipse recesserit. *Eos, qui plurimum*] scilicet

26) *legem agrariam*] scilicet de agro Cimbrico dividendo.

27) Q. Caecilius Metellus L. f. Numidicus, conf. Orellii et Baileri Onomast. Tullian. P. II. p. 103 sq. et 59.

28) *unus*] Ed. 1568. errore typogr.: *uvus*.

29) Hoc actum est a. u. c. 654., quo anno L. Appuleius Saturninus iterum tribunus plebis erat.

30) Flor. III, 17., ubi exilium Metelli memoratur.

31) *et*] sic Ed. 1568. et al.; Ed. Orell. *huic*.

32) Hoc spectat ad Editionis Hervagianae et al. interpolationem: *populariter agentis, attamen nec tergiversatus cessit*. Ed. Orell. h. l. habet: *populariter abstinenterque versato. Cessit* (vid. Orellii nota crit. ad h. l.).

33) *Eas*] sic Ed. Orell.; Ed. 1568. errore typogr.: *Ea*.

34) *L. ipse Caesar*] sic Ed. 1568. et al.; Ed. Orell. *ipse autem Caesar*.

mpetium, Caesarem et Crassum. *Effusam*³⁵⁾ id est, vos voluistis me defendere, sed ego lui vos adducere in discrimen.

§. 43. *Haec quum viderem*] Quare noluerit, se defenderet senatus^{35a)}.

§. 44. *Consules*] Ironiae, quasi dicat: mine. Bona causa non potest perpetuo iacere.

Cap. XXI. §. 47. *Victi essent improbi*] Ob-
tio. *Fata canere*] id est, canere fatalem vo-
n, mortem, et minari mortem.

§. 48. *Erechthei*³⁷⁾] Erat oraculum, Athe-
s fore victrices, si filiae regis se pro exercitu
roverent. Ibi virgines se fecerunt victimas pro
ercitu, et Athenae victrices extiterunt³⁸⁾. *Vi-
rem*] scilicet Marium, qui post reditum prae-
ntissimos principes³⁹⁾ occidit.

Cap. XXII. §. 49. *Haec ego*] quasi dicat:
o volui me melioribus temporibus et patriae
ervare, quia cogitare debemus bonos viros per-
uo iacere non posse.

§. 50. *Periculo reipublicae*] Ipse vult, fuisse
iculosum reipublicae, si moreretur.

Cap. XXIII. §. 51. *Nam externa*] Foris nihil
periculi, sed domi erunt multa certamina.
*n fere quam*⁴⁰⁾] id est, nunquam. *Reti-
da*] Vult dicere: Hoc meum exemplum prodest
publicae, ut videant, quales habeant exitus do-
stica certamina, et quod malis causis hoc modo
sumus resistere, quia bonae causae perpetuo
a possunt iacere. Clodius totum suum tribu-
um contulit ad perniciosissimas res reipubli-
: ergo Sestius recte fecit, quod repressit eius
unatum.

Cap. XXIV. §. 53. *Lex erat lata*] scilicet de
expellendo.

§. 54. *Partitionem aerarii*] Quando alicui
datur aliqua provincia, simul dabatur magna
unia summa nomine vasarii, hoc est, ad
a, sive instrumenta comparanda.

Cap. XXV. §. 55. *A magistratibus*] scilicet
uentis anni. *Censoria notatio*⁴¹⁾] Censura
servavit gradus dignitatum Romae, et fuit res

optima. Hinc apparet, quanta scelera perpetra-
rit Clodius. In Asia colebatur magna mater Cy-
bele, id est, terra.

§. 57. *De hoc nihil*] Adhuc est narratio,
quam perniciosus fuerit ille consulatus, praeterea
etiam tribunatus Clodii, ut deinde possit efficere,
bene fecisse illos, qui improbaverunt istas actio-
nes. *Operis forensibus*⁴²⁾] scilicet plebe suffra-
gante, quae fuit conducta. Placetne istum re-
gem spoliari regno? placet. *Nullis repetitis*] scilicet nondum sunt missi ad eum, qui cum eo
expostularent. *Rex est publicatus*⁴³⁾] id est,
expannitus, quasi dicat: Bona sunt ipsi erepta et
publicata.

Cap. XXVII. §. 58. *Antiochum illum*] Est
amplificatio ex dissimili. Maiores nostri non eri-
piebant regna regibus, sed potius conservabant
reges. Et quod occupassent, non retinuerunt,
sed Attalo dederunt. *Pristina mente*] scilicet
mansit hostis.

§. 59. *Tigranes*] scilicet qui conflixit. *Sex-
centas*] scilicet suffragatores conductos.

Cap. XXVIII. §. 60. *M. Catonis*] id est,
postquam eripuerunt regi regnum, postea mise-
runt Catonem, qui gubernaret Cyprum. *Quid
denique virtus*] Locus communis, hoc est, virtus
non potest opprimi, etiamsi aliquamdiu male
exerceatur et tractetur, tamen elucescit. *Non
illi ornandum*] Ipse igitur misit Catonem in Cy-
prum, ne posset sibi Romae obsistere.

§. 61. *Consul designatus*⁴⁴⁾] qui est electus,
ut postea succedat in magistratu. *Dixit . . . sen-
tentiam*] scilicet contra coniuratos; sicut videre
licet in Sallustio⁴⁵⁾ sententia Catonis maxime con-
demnari coniuratos. *Praestare periculum*⁴⁶⁾] id
est, cavere periculum, quod impendebat. *Pu-
tabat*] id est, ipse cogitabat non de privato peri-
culo, sed potius de publico.

Cap. XXIX. §. 62. *Consecutus*] id est, post-
quam factus est tribunus plebis.

35) *Effusam*] sic Ed. 1568. et al.; Ed. Orell. *fusam*.

35a) *defenderet senatus*] Ed. 1568. *defenderent senatum*.

37) *Fata canere*] apud Ciceronem leguntur: *fata . . .
canebantur*.

38) *Erechthei*] Ed. 1568. *Erichthei*.

39) *Conf. Pauly: Real-Encycl. T. III. p. 232*.

39) *principes*] Ed. 1568. errore typogr.: *principis*.

40) *quam*] sic Ed. 1568.; Ed. Orell. *quemquam*.

41) *notatio*] sic Ed. 1568. et al.; Ed. Orell. *notio*.

42) *forensibus*] sic Ed. 1568.; Ed. Orell. *suffragium feren-
tibus*.

43) *Rex est publicatus*] apud Ciceronem h. l. leguntur:
rex . . . cum . . . publicaretur.

44) *Consul designatus*] apud Ciceronem in Ed. Orell. h. l.
leguntur: *Consule me, quum esset designatus tribunus
plebis*.

45) Sallust. Catil. 52.

46) *Praestare periculum*] apud Ciceronem in Ed. Orell.
h. l. leguntur: *cutus invidiam capitis periculo sibi prae-
standam videbat*.

§. 63. *Quod ex malis bonum*⁴⁷⁾] hoc est, posteaquam vidit tamen regnum esse publicatum, et Cyprum esse occupandam, quia non potuit solus resistere, et tamen in malis aliquid boni fecit, et moderate se in Cypro gessit. *Periculis cessit*] id est, ipse est ablegatus in Cyprum, sicuti ego sum eiectus.

Cap. XXX. §. 64. *In eius magistratus*] id est, in tutela consulum. *Non modo stantem*] Amplificatio. *Si ius susceperat*⁴⁸⁾] (si vim esse debet, vel, si vis susceperat) quasi dicat: Aut ego cessi odiis plebis, si erit inimica mihi, cum tamen non esset, aut cessi temporari, aut tribuno, aut pactio-nibus magistratuum. Epilogus, in quo colligit omnes causas, quare cesserit. Libertas Romana vocabatur, quod Romanum civem non licuit occidere, nisi in centuriatis comitiis de eo ferretur. Comitia centuriata maxima, quando ex singulis centuriis ibant in comitia.

§. 65. *Per operas concitatas*] id est, per vulgus conductum ad suffragandum.

§. 66. *Ab senatu petebat*] Omnia petebantur a tribuno plebis.

Cap. XXXI. §. 68. *Ligus*] pro Ligor, sicut honos pro honor. *Discesserat*⁴⁹⁾] id est, ex provincia in minore Asia. *Pietatis suae*] id est, ipse nihil potuit obtinere, quamquam pro me deprecarentur. *A propinquo*] scilicet Pisone consule. Temporibus duris experienda fides.

Cap. XXXII. §. 70. *P. Lentulus*] scilicet consul.

Cap. XXXIII. §. 71. *Hoc . . . iter*] scilicet ad Caesarem. *Exierunt*] scilicet in provinciam, Gabinius in Syriam, Piso in Macedoniam, pessime afflixerunt provincias, et amiserunt exercitum. *Malis omnibus*⁵⁰⁾] scilicet omnibus. *Vulturnius*⁵¹⁾] pro crudeli. *Paludati*] id est, induti paludamento. Paludamentum vestis regia fuit.

§. 72. *Gracchum*] Quia Gracchi perturbaverunt rempublicam. Hoc etiam iste conatus est. *Culatis*] id est, numeratis. *Calare*] id est, vocare, censere.

47) bonum] sic Ed. 1568.; Ed. Orell. boni.

48) Si ius susceperat] sic Ed. 1568.; Ed. Orell. si vis suberat.

49) Discesserat] sic Ed. 1568.; Ed. Orell. Decesserat.

50) omnibus] sic Ed. 1568.; Ed. Orell. omnibus.

51) Vulturnius] sic Ed. 1568.; Ed. Orell. culturif.

Cap. XXXIV. §. 74. *Sese otii mei] aut abundat.* Credo Ciceronem hoc voluisse in hac sententia, se subiturum omnes tempestates et omnia pericula ad populum mei otii causa. Est defectus.

Cap. XXXV. §. 76. *In comitio*⁵²⁾] Comitium dicitur locus, in quo habebatur senatus, die Rahtsstube. Sestius reus fuit de eo, quia censebatur armatis hominibus templum occupasse.

§. 77. *Referciri*⁵³⁾] id est, impleri.

Cap. XXXVII. §. 79. *Sanctitate*] Quia tribuni erant sacrosancti, hoc est, inviolabiles. *Sanctitate*] id est, privilegio. Sacrae leges dictae sunt, quia latae sunt de non violandis magistratibus.

§. 80. *De vi?*] scilicet cum ipse sit sic male tractatus. *Lentidium*] scilicet qui debuit eum interficere. *Tam tempore*] scilicet tam tempestive.

Cap. XXXVIII. §. 81. *Latrone*] scilicet Clodio.

§. 82. *Non incautus*] scilicet Gracchus. Dicit eum esse hominem ignobilem. *Penulam*⁵⁴⁾] Penula, eine Hispanische Kappe. *Mulioniam*⁵⁵⁾] scilicet quam muliones gerunt, quasi dicat: Fuit homo ignobilis. Argumentum est a contrario, si ipse esset interfectus, statueram ei posuissetis. Nunc cum non sit interfectus, isti volunt eum interficere.

Cap. XXXIX. §. 84. *Homines, inquit, emisti]* Hactenus nihil fuit, nisi historia tribunatus. Sestius vocatur in iudicium, cur cum telo fuerit una cum Milone. *Disturbaret]* sicut Clodius, quasi dicat: minime. *Inflammarer?*] Hoc dicit, quia Clodius ista omnia fecit. Noster adhibuit sibi praesidium defensionis causa, non laedendi. *Principem]* id est, Pompeium. *Comparavit]* quasi dicat: minime, sed defensionis gratia.

§. 85. *Divini]* scilicet Milonis, qui habuit secum per speciem ludorum magnam manu gladiatorum.

Cap. XL. §. 86. *Et tu]* scilicet Scaure accusator. Sestius est condemnatus.

Cap. XLII. §. 90. *Hunc de vi]* Maior: Licet vim vi depellere; Sestius defensionis gratia com-

52) In comitio] haec Cic. verba, ad quae haec nota pertinet, et ipse adscripsi.

53) Referciri] Ed. 1568. errore typogr.: Referciri.

54) Penulam] hanc Cic. vocem huic notae ipse adscripsi.

55) Mulioniam] sic Ed. 1568. et al.; Ed. Orell. mulioniam.

paravit praesidium, ergo⁶⁰⁾ Sestius recte fecit. Ubicunque est violentia, oportet eam arcere violentia.

§. 91. *Transtulerunt*⁶⁷⁾] id est, sublatis iudiciis, necesse est nos vi tueri. Amplificatiuncula loci communis, quod vim vi repellere liceat.

§. 92. *Uti*] scilicet iudicio. *Altero*] scilicet defensione armata. *Eademque ratio*] Minor. *Cogitabat*⁶⁸⁾] Sestius non adversus senatum vel populum suscepit praesidium, sed contra privatam saevitiam unius Clodii: ergo non fuit seditiosus Sestius. Seditio est vis suscepta contra magistratum sine autoritate legum, et contra formam imperii.

Cap. XLIII. §. 93. *O Dii immortales*] Quærela: Si boni viri veniunt in periculum, quod se defendunt et causam reipublicae, quis tandem aliquid boni in republica faciet? *Quotus quisque*] ἐπιφώνημα: Si nulla sunt præmia virtutis, res est pessimi exempli.

Cap. XLIV. §. 95. *Adducetur*] scilicet Sestius, quasi dicat: Illum non poenitet suae virtutis, sed hoc exemplum proponere adolescentibus non est utile. *Redundans*⁶⁹⁾] die iudices iudicent ihm, was sie wollen. *Volitat*] scilicet grassatur per omnium aedes, er füllt jedermann in das haus.

Cap. XLV. §. 96. *Duo genera*] Definitiones optimatum et popularium. Populares dicuntur, qui universo populo gratificantur, vel qui turbulentæ multitudini gratificantur. Isti non sunt laudandi.

§. 97. *Rustici*] scilicet qui sunt amantes publicæ tranquillitatis, qui non sunt obaerati, cupidi tumultuum. Civitatis ius habere, est habere honores et onera civitatis Romanæ. Municipales, qui habebant onera, sed non honores, erant liberi a tributis, una militabant. Vectigales, qui nec militabant, nec onera, nec honores capiebant cum civitate, sed pendebant tributa. *Optimates*] alle redliche fromme leute, sie sind geringe oder grosse Herrn.

§. 98. *Cum dignitate otium*] id est, retinere tranquillitatem et dignitatem. Optimates dicuntur, qui sunt obtemperantes legibus, amantes

56) ergo] Ed. 1568. errore typogr.: ego.

57) *Transtulerunt*] sic Ed. 1568.; Ed. Orell. *transduzerrunt*.

58) *Cogitabat*] hæc vox in Ed. Orell. h. l. non invenitur.

59) *Redundans*] sic Ed. 1568.; Ed. Orell. *redundat*.

tranquillitatis publicæ, et abhorrent a seditiosis, et adversantur seditiosis.

Cap. XLVII. §. 100. *Boni nescio*] Collatio: Mali semper sunt vehementiores bonis. Fuit acerrima contentio Scauro⁶⁰⁾ cum Mario.

Cap. L. §. 106. *Nunc, nisi*] Qui sint populares. Populares vere sunt, qui sentiunt cum potiore et meliore parte populi, iidem sunt optimates. Isti autem non sunt vere populares, qui turbulentæ factioni assentiuntur. *Operas*] id est, conducta multitudine ad suffragandum Clodio. *Gladiatorum*] scilicet Clodio. *Me*] scilicet restituendo.

§. 108. *Caedo*⁶¹⁾] id est, dic. *Inimici*] id est, Clodii. *Quis non*] quasi dicat: Omnes non modo non approbaverunt, sed indignum facinus putarunt. *Illum non*] Hactenus dixit de concionibus, nunc dicet de comitiis et ludis, in quibus significatum est de eiecto Cicerone, quæ sit voluntas populi.

Cap. LI. §. 109. *Popularis*] id est, nihil dicit cum populo. Salse dicta sunt. Ludit in vocabulo: popularis.

Cap. LII. §. 111. *Meo periculo*] scilicet ut in me saevires.

Cap. LIV. §. 116. *Quæso*⁶²⁾] Excusatio. *Maxime ludius*] Phil.⁶³⁾ legit: Maximus ludius, id est, histrio, veteri lingua, scilicet Clodius. *Achroma*⁶⁴⁾] Philipp.⁶⁵⁾ censet legendum esse: Achrochirista⁶⁶⁾ vel athleta. Achrochiristæ autem (teste Budæo⁶⁷⁾) dicebantur summis inter se manibus depugnantes, nullo complexu haerentes, ut palaestritæ. Achromus⁶⁷⁾ dicitur, qui prostat in lupanaribus. Vide Suidam⁶⁸⁾. *Embolia*] scilicet ornamenta; quia fuit suspectum de concubitu sororis, quod solitus sit concumbere cum sorore.

60) De hoc M. Aemilio M. f. L. n. Scauro vid. Orellii et Baileri Onomast. Tullian. P. II. p. 17—19.

61) *Caedo*] sic Ed. 1568.; Ed. Orell. *Cedo*.

62) *Quæso*] sic Ed. 1568.; Ed. Orell. *quaero*.

63) Phil. Melanthon.

64) *Achroma*] sic Ed. 1568.; Ed. Orell. *acroama*. — *Acroama* (ἀχροάμα) est homo, qui cantu, dictis exhilarat convivas etc. vid. Ernesti Clav. Cicer. s. h. v.

65) Achrochirista] sic male Ed. 1568. pro Acrochirista, ἀχροχιστήης.

66) Vid. supra p. 1112, nota 10.

67) Achromus] ἀχρωμος, non erubescens, impudens.

68) Suidas s. h. v. hæc habet: Ἀχρωμος. Ἦν δὲ ἡ ἐργασία αὐτοῦ ἀχρωμος· (τούτῃστιν, ἀναδύς) ἐπὶ πορνείου γὰρ ἐκαθίστατο.

Cap. LVL §. 120. *Egit*] scilicet Roscius.

Cap. LVIII. §. 124. *In hunc consensum*⁶⁹⁾] Nunc dicit de consensu populi, quasi dicat, non dissensisse populum a suo negotio, quod gesserit pro optimatibus, sed totum populum secum sensisse. Applicatio: Sestius voluntati populi et optimatum pariter satisfacit. Sestii actiones susceptae sunt pro optimatibus et populo. Igitur non fuit seditiosus. *In hunc consensum*] Applicatio: Optimates et honestos vocavit, qui verentur leges, et pariter obediunt legibus, sicut et dicit Plato, nullum triumphum in Olynthiis esse clariorem, quam parere legibus suae civitatis.

Cap. LXV. §. 135. *Strumam*] id est, tuber, quicquid intumuit.

§. 136. *Sed, ut*] Locus communis et adhortatio ad studium defensionis bonorum, et dehortatio a popularibus consiliis.

§. 137. *Laudari*] scilicet placere bonis. Laudari a laudatis, id est, placere bonis et honestis.

Cap. LXVI. §. 138. *Haec*] ἀντίθεσις.

§. 139. *Neque eos in laude*] Descripsit primum illos, qui reipublicae dignitatem student,

69) *consensum*] sic Ed. 1568.; Ed. Orell. *consessum*.

hoc est, qui student tranquillitati reipublicae. Iam illos, qui sunt seditiosi et populares, describit.

Cap. LXVII. §. 141. *Fecerunt*⁷⁰⁾] id est, qui rempublicam defenderant. *Qui ita facerent*⁷¹⁾] scilicet qui defenderent rempublicam. *Calamitas*] Quia in carcere mortuus est. Valde elegans est hoc exemplum Graecum. *Defendentem*] scilicet ut perinde sit, si quis occidat defensorem, ac si quis oppugnat patriam. Quaestio fuit illa, utrum Sestius fuerit seditiosus, quia habuerit arma. Respondet Cicero, quod habuerit praesidia defensionis causa. Illo loco absolute dicit de voluntate populi. Vocat optimates omnes honestos in populo.

Cap. LXIX. §. 144. *Sed me repente*] πᾶθῃ. Transfert in se. Magis autem ignoscitur, si quis propter alium vocatur in periculum, quam si propter proprium.

§. 146. *Neque hic . . puer*] scilicet filius Sestius. *Ingemiscet*] Valde grave πᾶθος.

70) *Fecerunt*] sic Ed. 1568. et al.; Ed. Orell. *fecerant*.

71) *Qui ita facerent*] sic Ed. 1568.; Ed. Orell. *qui ita fecerant*.

XX. PH. MEL. SCHOLIA IN CICERONIS ORATIONEM IN L. CALPURNIUM PISONEM.

Haec scholia in solo illo Riccianaee scholiorum collectionis Tomo I. inveniuntur, vid. supra p. 893 — 896.

IN ORATIONEM CICERONIS IN PISONEM SCHOLIA PHILIPPI MELANTHONIS¹⁾.

Genus orationis est demonstrativum. Vituperat enim Pisonem, qui reversus in civitatem, de insectatione Ciceronis in senatu conquestus est, et in eum invecus fiducia maxime Caesaris generi, qui tum Gallias obtinebat.

Cap. I. §. 1. ²⁾ *Iamne vides*] Exordium a persona Pisonis vel a signis. *Oculi*] Noëma. *Obrepsisti*] Propositio.

§. 2. *Se omnes*] Collatio.

§. 3. *Nihil . . . dicam* ³⁾] Castigatio.

Cap. II. §. 4. *Ego Calendis*] Enumeratio factorum. Modeste tamen recenset, ut decuit, quae gessit in consulatu. *Rabirio*] vide orationem pro C. Rabirio.

Cap. III. §. 6. *A tribuno plebis*] scilicet a Q. Metello Nepote. *Prohiberer*] scilicet conacionari de rebus, quas in eo magistratu gessi.

§. 7. *Quo quidem tempore*] Epilogus. *Exposui*] Transitio.

Cap. IV. §. 8. *Compitalitii*] Dicit de ludis compitalitiis, quos Q. Metellus fieri vetuit. *Sed ille*] Amplificatio a dissimili.

Cap. V. §. 10. *Neque vero multum*] Amplificatio ab officio magistratus. *Centum*] A tempore.

§. 11. *Ab eo*] scilicet P. Clodio. *O proditor*] Amplificationes. *Non modo ad eum*] A sua persona.

Cap. VI. §. 12. *Gabinium; sine*] Amplificatio a causa.

Cap. VII. §. 14. *Crudelitatis*] Translatio. *Et diligens*] Invidiose dictum est.

§. 15. *Quid enim interfuit*] Collatio. Conferunt enim Catilinam cum Pisonem.

Cap. VIII. §. 17. *Tu es ille*] Recenset crudele factum Pisonis per amplificationem.

§. 18. *Quis hoc facit* ⁴⁾] A natura affectus. *Potestatis erat*] Amplificatio a voluntate ex minore.

Cap. IX. §. 18. *At quaerebat*] De officio consulis.

¹⁾ Haec scholia in Ed. 1568. sic inscripta sunt: Brevia scholia Philip. Mel. in orationem Ciceronis in Pisonem, 1590.

²⁾ Capita et paragraphos secundum Ed. Orell. adscripsi.

³⁾ *dicam*] sic Ed. 1568.; Ed. Orell. *loquar*.

⁴⁾ *facit*] sic Ed. 1568. et al.; Ed. Orell. *fecit*.

§. 19. *Truncus*] Tapinosis ⁵⁾.

§. 20. *Quem ego civem*] Amplificatio ab exemplo.

§. 21. *Nefarii*] Hypotyposis.

Cap. X. §. 23. *Aut te fuisse*] Amplificatio a consulari officio. *Animo consulem*] Quid sit consul. *Templum*] Dicit de Castoris templo. *A coniuratorum reliquiis*] Epilogo repetit superiora. *Lapidibus*] Lamia ⁶⁾ a Gabinio consule edicto relegatus est. *Senatui*] Catilina lege repetundarum absolutus est, accusante P. Clodio.

Cap. XI. §. 24. *Magnum nomen*] Epiphonema. *Seplasia*] Extenuatio a loco. Vide Asconium Pedianum ⁷⁾.

§. 25. *Nam haec quidem*] Castigatio.

§. 26. *Non casu*] De incendio aedium Ciceronis ⁸⁾.

Cap. XII. §. 26. *Quum obmutuisset*] ἄτοπον.

§. 27. *Quum experrecta*] De restitutione Ciceronis. *Clarissimi viri*] scilicet Cnei Pompeii.

Cap. XIII. §. 29. *Consulem tum*] Amplificatio a persona Pompeii.

§. 31. *Itaque, credo*] Quomodo profectus sit in provinciam Piso post consulatum.

Cap. XIV. §. 31. *Tunc*] Collatio. *Patres conscripti, fructum*] Apostrophe ad senatum. *Cum tantis a vobis*] Epilogus.

Cap. XV. §. 33. *Sed perge porro*] Dilemma. Si legem non putabitis mussantes, tamen commodi vestri causa ne liberi quidem fuistis. Sin putabitis esse legem consularem, non sapitis. *Sed perge*] Transitio.

§. 34. *Illuxit*] De suo reditu.

Cap. XVI. §. 37. *Confert* ⁹⁾ *nunc*] Extenuatio. *Nam, lege*] Collatio absentiae Pisonis et exilii sui.

Cap. XVII. §. 39. *Quis unquam*] Ironia.

§. 40. *Ad senatum*] id est, si senatus tuas litteras ferre potuisset, habuissesne, quod scriberes? Nihil plane.

5) Tapinosis] *ταπεινωσις* quid apud rhetoricos significet, e Melanthonis Element. Rhetor. I. II. intelligitur. Corp. Reform. Vol. XIII. p. 483.

6) Lamia] Ed. 1568. corrupte: Clamia. — L. Aelius Lamia, eques Romanus ab A. Gabinio consule a. u. c. 696. in concione Romae relegatus est, quod manifestata coniuratione Catilinae in primis senatum defenderat et in clivo Capitolino steterat, vid. Orellii et Balteri Onomast. Tullian. P. II. p. 10.

7) Vide Asconii Paediani librum supra p. 981. nota 54. laudatum, in cuius fol. II^b hic locus explicatur.

8) Ciceronis domum P. Clodius Pulcher incenderat. Conf. illius oratio pro domo pridie Kal. Octobr. a. u. c. 697. habita.

9) *Confert*] sic Ed. 1568.; Ed. Orell. *Confert*.

Cap. XVIII. §. 41. *Atque adeo*] Amplificatio a genere poenarum.

Cap. XIX. §. 43. *M. Regulus*] Ab exemplo. *Vobis mala*] A voto.

§. 44. *Marcellus qui*] Tragica verba.

Cap. XX. §. 46. *Atqui*] Interpretatio illorum facti insani. *Impulsu*] Auget exemplo scenae.

§. 47. *Mitto*] Concessio.

§. 48. *Si familiam*] A minore.

Cap. XXI. §. 50. *P. Lentulus*] Amplificatio ab exemplo.

Cap. XXII. §. 51. *Sed, quoniam*] Transitio. *At* ¹⁰⁾ *meus quidem*] Collatio sui redditus cum reditu Gabinii.

§. 53. *Praeter os*] id est, impudentiam.

Cap. XXIII. §. 53. *O familiae*] id est, obscurus fuit redditus tuus.

§. 55. *Homo promptissimus* ¹¹⁾] scilicet salse perstrinxit me. *Tu inventus es*] Exagitat eius necem.

Cap. XXIV. §. 56. *Decius Sylla* ¹²⁾] Ab exemplo. Non autem legendum est: Decimus.

§. 57. *Quod si te senatus*] Ab honoris conditione. *Quum exhauriebas*] Interpretatur avaritiam fuisse cupiditatem pecuniae.

§. 58. *Non est integrum*] A contrariis exemplis. *Coronam*] Ironia. *O stultos*] Antithesis ironica.

Cap. XXV. §. 59. *Dices enim, tu*] Sermocinatio.

§. 61. *Neque alia ulla*] Ironiae. *Argentum οἶχεται*] Plautina est imitatio ¹³⁾. Hic locus videtur mendosus, quem doctissimus vir Budaeus ¹⁴⁾ hoc modo restituit in suis Pandectis: Rationem ad aerarium rettuli continuo Caesar, sicut lex tua iubebat, neque alia ulla in re legi tuae parui. Quas rationes si cognoris, intelliges nemini plus, quam mihi litteras profuisse. Ita enim sunt perscriptae scite et litterate, ut scriba ad aerarium, qui eas rettulit perscriptis rationibus, ipse caput sinistra manu perfricans commurmuratus sit, ratio quidem hercle apparet, argentum decoctum οἶχεται. In aliis exemplaribus legitur: argentum et doctum te thecae. Verba sunt Plauti in Trinummio ¹⁵⁾ a Cicerone

10) *At*] sic Ed. 1568. et al.; Ed. Orell. *Ac*.

11) *promptissimus*] sic Ed. 1568. et al.; Ed. Orell. *promptus*.

12) *Sylla*] sic Ed. 1568.; Ed. Orell. *Silanus*.

13) Plautus in Trinumm. 2, 4, 17. hisdem verbis utitur.

14) Vid. supra p. 1112. nota 10.

15) Vide praeced. notam 13.

per parodiam in orationem illam suam traducta hoc sensu: Ratio quidem comparet, sed reliqua non extant. *οἴχεται*, hoc est, abiit, excessit, non extat, es ist verschwunden. Verba enim sunt Pisonis ex provincia reversi significantis rationes se optime confecisse, sed reliqua consumpsisse, ita se cum rationibus paria facere non posse. Demosthenes illa voce *οἴχεται* usus est in oratione *κατὰ Ἀριστογείτονα*¹⁶⁾.

Cap. XXVI. §. 62. *Fractum*] Ironia.

§. 63. *Iam vides*] Epilogus.

§. 64. *Nunc*¹⁷⁾ *etiam*] Translatio. Hactenus enim dixit de rebus publice gestis, nunc de eius studiis, et privato cultu vitae.

Cap. XXVII. §. 64. *Age, senatus*] Distributio.

§. 65. *Ubi sunt*] Amplificatio a professione. *Infamia*] Ironia. *Animi sui*] De cultu et studiis privatae vitae.

Cap. XXVIII. §. 68. *Est quidam Graecus*] Extenuat vitia illius, quod sit corruptus illius amicitia. *Nec fere ab isto*] De studiis.

§. 69. *Atque audivit*] Comparat furorem hominis cum bestia.

Cap. XXIX. §. 72. *Non ulla*¹⁸⁾ *tibi*] Invidiam versicolorum minuit. *Scriptisti*] Ironiae.

Cap. XXX. §. 73. *Sed Phalarim*] Translatio.

§. 75. *Nihil istum*] Diluit calumniam. *Sed sit offensus*] Concessio.

16) Demosth. op. ed. Beiske p. 776, 2.; ed. Schaefer T. I. p. 492.: ἡ πολιτεία οἴχεται.

17) *Nunc*] sic Ed. 1568. et al.; Ed. Orell. *Num.*

18) *ulla*] sic Ed. 1568. et al.; Ed. Orell. *illa.*

Cap. XXXI. §. 78. *Sed Torquatus*] scilicet posse edicto comprimi amentiam tribuni.

Cap. XXXII. §. 79. *Ego C. Caesarem*] *Placat Caesarem. Adducta*] De probandis actis.

§. 81. *Quam tunc de*¹⁹⁾] Cur Caesarem tantopere amet.

Cap. XXXIII. §. 82. *Sic tuis sceleribus*] Commemorat flagitia in provincia male admissa.

Cap. XXXIV. §. 83. *An vero tu parum*] *Re- censio historica. Quum miser ille*] πάθος.

§. 84. *Ad necem*] Novum genus poenae. *Urbes ceperunt*] Coacervatio. *Sanctissimisque*] Argumentatur a loco.

Cap. XXXV. §. 86. *Quid avaritiae*] Hactenus caedes, nunc exemplum avaritiae. *Pater nunquam*²⁰⁾] Acerbum. A patris facto.

Cap. XXXVI. §. 89. *Samothraciam*] Humanitas populi Romani.

Cap. XXXVII. §. 90. *Vocabula*] id est, non vocabas coronarium.

Cap. XXXVIII. §. 92. *Macedonia*] Amplificatio a contrario.

§. 94. *Quae quum*] Epilogus.

§. 95. *Non eadem supplicia*] Correctio. *A poenae natura*²¹⁾] Poenarum non esse calamitatem, sed infamiam.

Cap. XL. §. 96. *Dyrrhachium*] δεινωσις.

Cap. XLI. §. 99. *Nunquam ego*] Frequentatio.

19) *tunc de*] sic Ed. 1568.; Ed. Orell. *tu ne de.*

20) *Pater nunquam*] haec verba apud Ciceronem h. l. in Ed. Orell. non inveni.

21) *A poenae natura*] haec etiam verba apud Ciceronem h. l. non inveni.

XXI. PH. MEL. SCHOLIA IN CICERONIS ORATIONUM PHILIPPICARUM PRIMAM, SECUNDAM, TERTIAM ET NONAM.

Haec etiam scholia tantum in Ricciana scholiorum collectionis Tomo I. reperiuntur, vid. supra p. 893—896.

1. IN CICERONIS ORATIONEM PHILIPPICAM PRIMAM SCHOLIA PHILIPPI MELANTHONIS 1).

Ut concitavit Demosthenes populum Atheniensem adversus regem Macedonum insidiantem libertati, sic hoc loco facit Cicero contra Antonium. Omnes autem hae orationes sunt habitae in senatu; ideo sunt molles, suaves, et non habent longas circumductiones, sicut Verrinae. Ita enim solet senilis aetas loqui, et hoc genus dicendi vocatur Atticum 2). Prima Philippica dicit sententiam de duabus legibus iniustis, et est generis iudicialis. Antonius postquam vidit labascere partes Bruti, coepit esse ferocior, et ferre novas leges, voluit dare multa privilegia veteranis militibus, ut haberet eos in officio. Item 60 tonnas auri effudit, sicut in omni vita fuit mirum in modum prodigus. Ibi habitus est senatus de legibus.

Cap. I. §. 1. 3). *Antequam*] Exordium habet quandam querelam de mutatione consulum, cum consules viderentur praediti optima voluntate

1) Haec scholia in Ed. 1568. sic inscripta sunt: Scholia Philip. Mel. in primam Philippicam Ciceronis ex ore privatim praelegentis excepta, 1533.

2) Conf. Melanthonis annotat. ad Cic. de Orat. III, 6, 25. supra p. 749 sq.

3) Capita et paragraphos secundum Ed. Orell. adscripsi.

erga rempublicam. Postea facti sunt prorsus sui dissimiles. *ἄλλως*. Exordii vice recensetur consilium profectionis et reditus sui, quia videbatur ad auctoritatem personae suae nonnihil facere. *Ego*] Congeries verborum vel interpretatio. *Nec vero*] Cicero orationi iam aliquantulum roboris et nervorum addit. *Deiiciebam*] Suavis est metaphora: Ich wandte kein auge vom regiment. *Quantum in me fuit*] Es ist am ersten wol gestanden. *Graecum enim* 4) *verbum*] Quando respublica Atheniensis a Lacedaemoniis fuit eversa, reliquerunt ibi Lacedaemonii triginta viros, quos vocarunt tyrannos, qui abutebantur sua administratione, plurimosque in exilium egerunt. Inter exules autem erat Thrasybulus, qui adiutus a Thebanis praelio vicit triginta tyrannos, et urbem recepit. Cum autem penitus expenderet nullum exercendae caedis finem fore, si cuilibet sua bona erepta restituenda essent, sanxit *ἀμνηστίαν*, hoc est, omnium iniuriarum oblivionem, ut qui amisissent facultates, carerent iis pacis causa. Fuit optimum exemplum, et sapientissimum consilium. Tali consilio usus est quoque Henricus IV.

4) *enim*] sic Ed. 1568.; Ed. Orell. *etiam*.

in concilio Leodiensi⁵⁾. Vide plura apud Xenophontem in 2. lib. de paedia Cyri⁶⁾, et in proverb.: Malorum ne memineris⁷⁾. Iustinum⁸⁾ et Valerium lib. 4. de moderatione⁹⁾ et Aemilium Probum¹⁰⁾ in vita Thrasybuli¹¹⁾. *Exemplum*] scilicet qui sanxerunt ἀμνηστίαν recuperata republica. *Graccum*] scilicet ἀμνηστίαν. *Illa*] scilicet Athenae. *Censui*] Multi enim privati erant suis fortunis in bello civili. Mortuo autem Caesare volebat quisque sibi reddi abrepta bona. Ideo Cicero dicit sententiam, ut acta Caesaris servarentur, et dedit consilium, ut sanciretur ἀμνηστία. Ita non possunt in republica omnia agi summo iure, sed saepe opus est oblivione iniuriarum tranquillitatis reipublicae causa. Iason Pheraeus fertur dixisse, spectantes ad summam iustitiam oportere aliquid interdum peccare in inferiori iustitia¹²⁾.

§. 2. *Liberos eius*] scilicet quos senatui dedit obsides. *Principes*] Magna res est Caesarem esse interfectum, sed πρᾶγμα ἄθελος, id est, res inutilis. Cicero non amplius anno vixit post mortem Caesaris. *Ordinem*] scilicet senatum. *Res optimas*] hoc est, quae vel publice vel privatim agebat, omnia honestissime faciebat. *Commentariis*] in seinen Registern, da er seine civilia et domestica acta innen hatte. Cum autem Antonius esset ferocior, quicquid voluit,

5) Leodiensi] Ed. 1568. Leodicensi. — Henricus IV. Imperator 1054—1106. Leodii quidem 1061., 1071., 1101., 1103. et 1106. aliquot tempus commoratus ibique mortuus est (conf. E. Brinckmeier: Itinerarium der deutschen Kaiser u. Könige von Conrad dem Franken bis Lothar II., p. 174. 180. 198 sq. 201.), at concilium in hac urbe non habuit.

6) Conf. etiam Xenoph. Anab. II, 4, 1. δεξιὰς παρὰ βασιλέως φέροντες, μὴ μνησικαχῆσιν βασιλείᾳ αὐτοῖς—μηδενός. et Hellen. II, 4, 30. ὁμόσαντες ἄρκους, ἢ μὴν μὴ μνησικαχῆσιν.

7) Graece: μὴ μνησικαχῆσιν. De hoc proverbio vide Erasmi adag. chil. I. cent. I. prov. 94.

8) Iustin. V, 10, 11.

9) Valer. Max. IV, 4.

10) Aemilium Probum] Ed. 1568. Probum Aemilium. — Aemilii Probi seu Cornelli Nepotis liber de vita excellentium imperatorum.

11) Nepotis vita Thrasyb. c. 3. Conf. Dionysii Lambini commentar. ad h. l. (in eius Edit. Lutetiae 1569. 4^o. p. 129 sq.).

12) Aristot. Rhetor. I, 12, 31. Καὶ οὗς ἀδικήσαντες δυνήσονται πολλά δίκαια πράττειν, ὡς ῥᾶθις ἰασόμενοι. ὥσπερ ἐρητῆσιν ὁ Θεταλός, δεῖν ἀδικεῖν ἔνια, ὅπως δύνηται καὶ δίκαια πολλὰ ποιῆν. Haec etiam Plutarchus in praecipis gerendae reipublicae c. 24. refert. Conf. de hoc Iasone Pauly: Real-Encycl. T. IV. p. 29—32.

finxit scriptum esse in commentariis Caesaris, et faciebat, quicquid libuit.

§. 3. *Restituti*] id est, consentiente et annuente Caesare. *Unum*] scilicet Sextum Clodium, P. Clodii filium. *Immunitates*] das man die Stedte frey machet, quod tamen reipublicae non prodest, quia reipublicae extenuantur. *Figeretur*] scilicet proponeretur.

Cap. II. §. 4. *Lux*] ἐπιρῶννημα. *Regno*] scilicet sublato. *Sublato*] scilicet ne quis deinceps posset fieri dictator praetextu reipublicae. *Dictaturae*] hoc est, post interfectum Caesarem legem tulit Antonius, ne quis appelleretur perpetuus dictator.

§. 5. *Caedis periculo*] Quidam seditiosi erexerant statuam in foro, ad quam parentabant mortuo Caesari. Multitudo autem videbatur eo concurrens invasura in senatum. In ea multitudine fuit quidam C. Marius. *Paucis post*] id est, post mortem Caesaris. Idibus enim Martiis interfectus est Caesar¹³⁾, qui per quinque menses fuit in urbe; bellum autem duravit quinque annos. In urbem venit domito iam orbe terrarum mense Novembri. *Impactus*] id est, comprehensus est, man hat ihn erhascht. *C. Marii nomen*] Huius facti fit mentio lib. 9. Epist.¹⁴⁾. *Collega*] scilicet Dolabella.

§. 6. *Ecce enim Kalendis*] Altera narratio pars, in qua iudicia mutatae voluntatis Antonii commemorat. *Ecce*] Mutatio. *Consules*] id est, Hirtius¹⁵⁾ et Pansa. *Liberatores*] scilicet Brutus et Cassius, quia illi coacti sunt discedere, postquam respirabat Antonius, et sentiebat desiderari a multis Caesarem. Veterani dicebantur, qui habebant missionem, et tamen sollicitabantur. *Ordo*] scilicet senatus. *Caverat*] scilicet ut retinerent beneficia Caesaris. Libera legatio dicitur. *Ius*] scilicet concedebatur ei potestas peregrinandi cum quadam dignitate, et agendi aliquid in provinciis, in quacumque veniebant. *Adessem*] scilicet cum novi consules inirent magistratum. Er wolte ein halb jar aus sein.

13) Caesar a. u. c. 710. (44. a. Chr.) Idibus Martiis a M. Bruto et C. Cassio interfectus est.

14) Huius Pseudo-Marii (cui proprie C. Amatii nomen fuit) mentio fit in Cic. epist. ad Atticum XII, 49, 1. Conf. Orellii et Baierii Onomast. Tullian. P. II. p. 387. et Pauly: Real-Encycl. T. IV. p. 1565 sq. nr. 8.

15) Hirtius] Ed. 1568. Hircius.

Cap. III. §. 7. *Syracusas*] Quia ibi fuit quaestor.

§. 8. *Edictum*] scilicet de provinciis. *Edictum*] Quia Brutus et Cassius fuerunt praetores urbani, et fuerunt tantum edicta iudicialia.

Cap. IV. §. 9. *Atque ego celeriter*] Hactenus descripsit occasionem sive causam reditus, nunc de reditu. *Vidi*] Plenus est doloris in ipsa brevitate. *Facti*] scilicet interfectionis Caesaris. Ita cogebatur publice dicere Cicero et probare, quod factum est.

§. 10. *Pisonis*] scilicet de deponendis armis. *Oratio*] scilicet de retinendis in urbe Bruto et Cassio. L. Piso¹⁶⁾ fuit autor pacis, et socer Caesaris. *Perficere*¹⁷⁾] scilicet revocare Brutum et Cassium.

§. 11. *Quoniam utriusque*] Cum oratio haec sit senilis, et habeat suos sensus, suosque motus, finis eius erit patheticus et rhetoricus. Omnia autem brevissime dicuntur, et tamen suavissime, non sunt pendentes sententiae. Absoluto loco sui discessus et reditus, nunc expostulat cum Antonio, quod non receperit excusationem, quo minus venerit in senatum. Antonius quidem in omnibus negotiis civilissime gessit se obtemperans senatui. Cum autem vidit desiderari Caesarem, et coepit respirare, tulit seditiosas leges ad animos vulgi sibi conciliandos. In senatu actum est primum de supplicationibus decernendis Caesari. Deinde quoque de nova decuria iudicum. Cicero non venit in senatum, hoc male habuit Antonium. *Quoniam*] Propositio.

Cap. V. §. 11. *Quid tandem*] Primum argumentum insectationis, quo Antonii auctoritatem elevat, petitum est a causa morae, quare licuerit ei abesse, quasi dicat: Non fuit tanta causa, ut me oportuerit adesse. *An non*] Extenuatio ex antithesi, quasi vero fuerit magnum periculum. *Pyrrhi*] Pyrrhus cum victus esset, voluit pacem facere cum populo Romano, Appius¹⁸⁾ vero dissuasit hanc pacem. Antiqua historia est. *Senem, delatum*] scilicet lectica in senatum.

§. 12. *De supplicationibus*] scilicet decernendis mortuo Caesari. *Non pignoribus*] Quando

16) L. Calpurnius Piso Caesoninus, de quo vide Orellii et Baileri Onomast. Tullian. P. II. p. 123 sq.

17) *Perficere*] sic Ed. 1568.; Ed. Orell. *proficerem*.

18) App. Claudius Caecus vid. supra p. 1116.

consules voluerunt vocare senatorem detrectantem, acceperunt pignus, haben ihnen lassen ein pfand geben. *Gratia*] id est, volentes veniunt in gratiam eorum, quibus decernebantur supplicationes. Ista res fuit honorifica. *Triumpho*] scilicet ultro veniunt. *Misi*] scilicet Antonio, quasi dicat: Excusavi me. *Aedificatam*] scilicet Ciceronis. *Quis autem*] De ipso more. Argumentum a communi consuetudine: Non est mos senatorem alio modo cogere, quam pignore, aut gratia. *Coëgit?*] id est, vocavit. *Multum?*] scilicet pecuniarum, non propterea vis ei affertur. *Remississet*] Reprehensio senatus-consulti. Colligit autem inde, quod sit contra religionem. Parentalia significant inferias, quae habentur mortuis, Todtenfest. Illa sunt irreligiosa, simul aliquem afficere isto honore parentalium, et decernere supplicationes.

Cap. VI. §. 13. *Parentalia*] id est, funebria. *Inexpiabiles*] id est, nefariae, quae irritant Deum, propter quas sumit Deus supplicium de toto genere humano. *Religionis*¹⁹⁾] Insectatur decretum. *Nihil dico*] *παρὲνθεσις*, quasi dicat: ut non dicam interim Caesarem iure interfectum esse, tanquam tyrannum, et nefarium, tantum abest, ut divinos honores mereatur. Metalepsis per consequens, aliud loquitur, et aliud vult intelligi, er ist übel gerüst, hoc est, er hat wenig gerüst. *Stirpem*] scilicet M. Brutus. *Religione*] Primum Caesari factum est, ut homini divini honores decernerentur. *Sepulchrum*] Quia corpus eius fuit crematum. *Parentetur*] id est, ut cantetur ei requiem, da man ihm möchte vigilien halten. *Ego vero*] quasi dicat: Timeo futurum, ut Deus puniat istas novas religiones clade aliqua publica: ergo ego dixissem contrariam sententiam, ut potuissem me excusare, me non esse autorem cladum publicarum. *Impendant*²⁰⁾] Impendere pro impendere promiscue usurpatur saepe a Cicerone. Noluit tamen corrigere D. Phil.²¹⁾ impendant pro impendeant. *Ignoscant*] id est, decretas istas novas religiones.

§. 14. *Quid? de reliquis*] *πάθος*, quo res nonnihil augetur. *Mihi vero*] *πάθη sumpta*²²⁾ ex locis communibus, ex officio fortis et con-

19) *Religionis*] sic Ed. 1568.; Ed. Orell. *religiones*.

20) *Impendant*] sic Ed. 1568.; Ed. Orell. *impendeant*.

21) Phil. Melanthon.

22) *sumpta*] Ed. 1568. errore typogr.: sumpti.

stantis senatoris, ich wil die warheit sagen, weil ich lebe. *Atque utinam*] Amplificatio a voto, vel reprehensio alterius senatusconsulti de exilio Bruti et Cassii. *Qua quidem ex re*] Ab officio. *Usos*] scilicet consulares. Cassius et Brutus cum viderent multitudinem concitari adversus eos, qui interfecissent Caesarem, interrogarunt Antonium, num se velit defendere adversus vim aliorum, Antonius respondit, se non posse eos tueri: igitur cesserunt. *Pro nihilo haberemus*] quasi diceret: Aliorum gratiam pluris, quam rempublicam faceremus.

§. 15. *Necessaria*] scilicet sub Caesare. *Dignitati*] scilicet propter pecuniam, propter provincias, propter commoda sua, non propter aliquem metum, quod eis condonandum esset.

Cap. VII. §. 16. *Primum igitur*] Reprehensio tertii senatusconsulti de tertia decuria; sed prius praefatur in genere de actis Caesaris conservandis, et facit collationem, argumentaturque ex senatusconsulto contra Antonium. *Otii*] Sicut supra decrevimus de ἀμνηστία. *Vellem idesset*] A voto ad tractationem factorum. *Advocatis*] scilicet armatis. *Uno auctore*] Accusat leges de provinciis, et leges iudiciarias. *Pro-latis*] id est, non monstratis, quasi dicat: Fingit esse in commentariis, cum tamen re ipsa non est. *Acta Caesaris*] Collatio actorum Caesaris. *Habebuntur*] id est, illa debent esse arma, quasi dicat: minime.

§. 17. *Multis*] Nihil est tam aulicum, quam benigne promittere, zu Herrn hofe sind viel hende und wenig hertzen. *Non moveo*] Totus hic locus parenthesis quaedam est. *Necessaria*] scilicet reipublicae, quia alioqui non redderetur is, quibus erepta est. *Effusa*] sechs Tonnen goldes.

§. 18. *Quod tam*] Opponit vera acta commentatiis illis actis. *Quaere*] Exempla. *Praeclaras*] Nemo tulit leges utiliores reipublicae tabulandae, quam Caesar. *Duceret*] id est, liceret esse privata negotia.

Cap. VIII. §. 19. *Quae lex*] Voluit cavere, ne unius civis potentia tanta fieret, quanta sua acta est. Inde apparet eum non affectare istum principatum. *Defendetur*] quasi dicat: minime. *Tabebitur*] scilicet imo maxime. Antonius tulit egerem, ut homines tertiae decuriae iudices eligerentur sine censu. Patricius ordo censum ha-

buit 30000 aureorum; equestris circiter 16000. Exi is facti sunt iudices.

§. 20. *Iudicatus*] scilicet dignitas iudicandi. *Patebat?*] scilicet qui non sunt ex eorum numero. *Inquit*] scilicet Antonius. Antonius enim tulit haec in egentium et perdentium gratiam, voluit adversus reipublicae principes armare homines egeres, quod non est utile reipublicae. *Istos*] scilicet qui habent censum, sed volo hoc esse universale. *Probaretis*] id est, si omnes velletis fieri iudices nulla habita ratione census. *Alaudarum*] Caesar vocavit suam quandam legionem, quam duxit ex Gallia, Alaudam a galerita, hoc est, ex peregrinis. *Nostri*] scilicet Caesariani. *Iis*] scilicet peregrinis. *Iudex* ²³⁾] id est, talis est tuus iudex. *In tertia decuria*] quasi dicat: Tertia decuria debet esse ex centurionibus. *In quo*] Inversio: Antoni putas illos egenos molliter iudicatos esse corruptos pecunia, imo non facient. Sed quia sciunt homines illud suspicari, eo volent severius iudicare, ut liberent se ista suspicione. *Istam legem*] Confutat legem a voluntate eorum, qui promulgarunt. *Laborabit*] scilicet ambitione. *Eluet*] Volet se purgare suspicione, ideo iudicabit severius. *Honestis*] scilicet equestri.

Cap. IX. §. 21. *Altera promulgata*] Dixit principio de mutatione consulum. Secundo dicitur sententia de quibusdam legibus. *Altera lex*] scilicet illa lex facit potestatem provocandi ad populum. Erat provocatio a consulibus, non a iudiciis, quia erant constituta non tantum auctoritate magistratus, sed erant adscripti, qui ex omnibus ordinibus iudicarent. Postremo adhortatur ad moderata consilia Antonium et Dolabellam. *Altera*] 3. De vi, scilicet publica, et maiestate, scilicet laesa, hoc est, de seditione, quasi diceret: qui coepissent arma sine auctoritate magistratus. *Dissoluta* ²⁴⁾] id est, verissima. Sic improbus quisque nunquam poterit coherceri. Seditio est dissolutio reipublicae: ergo lex lata contra seditionem est summa lex, ne multitudo aliqua armetur contra rempublicam. *Quis enim est* ²⁵⁾ *hodie*] Declarat voluntatem legis. *Nemo*] Breves sunt ratiunculae. *Nemo*] scilicet Caesarianus, quasi dicat: Nihil opus est vobis ista lege. *Legibus*] scilicet omnes Caesariani

²³⁾ *Iudex*] sic Ed. 1568.; Ed. Orell. *iudex*.

²⁴⁾ *Dissoluta*] sic Ed. 1568.; Ed. Orell. *dissolutio*.

²⁵⁾ *enim est*] sic Ed. 1568. et al.; Ed. Orell. *est enim*.

militarunt, tanquam specie legitimi belli. *At res*] id est, propter futuros motus res est grata turbulentis. *Populare*] quasi dicat: communem libertatem salvam esse. Sed hoc agitis, ut communem libertatem civibus eripiatis. *Omnes enim*] id est, haec res non est popularis. *Quae est igitur*] A contrario. *Minuerit*] scilicet qui fuerit seditiosus. Lex Iulia fuit, ut damnati de vi et maiestate eicerentur ex bonis, et ultimo supplicio plecterentur²⁶⁾. *Reverti*] id est, confugere ad maiestatem, et ab ea expectare salutem, quod est turpissimum.

§. 22. *Condemnato*] id est, absolvetur tamen ab aliqua multitudine turbulentorum. *Operas*] id est, ad conductos illos suffragatores. *Tolluntur*] scilicet de vi et maiestate. Quaestio est inquisitio, aut iudicium rerum capitalium. *Quam*] Loquitur iam de provocatione, quia, quando fiebat provocatio, tunc tribuni convocabant populum.

§. 23. *Abrogatur*] id est, detrahitur et minuitur autoritas legum, man handelt wider die leges. *Aqua et igni interdici?*] In die acht thun. *Quae quidem*] id est, acta Caesaris. *ἐπίλογος*, amplificatio, collatio, seu commemoratio, quod Antonius multa comminiscatur, quae in actis Caesaris dicuntur esse, cum tamen non sint.

Cap. X. §. 24. *Mortuo*] scilicet Caesare. Finxit Antonius, quod beneficio Caesaris sint datae immunitates. *Civitas*] scilicet datum ius civitatis Romanae. Suetonius²⁷⁾ de Augusto dicit, quod Latinitatem quibusdam, civitatem vix paucis dedit. *Mortuo*] scilicet per mortuum. *Uno*] id est, Antonio. Ironia.

§. 25. *Quaerunt*] Redit ad provocationem, et est occupatio. *Quas tu mihi*] Oppositio, est nihil, multitudo vincit, etiamsi intercedat aliquis. *Armati*] scilicet res geretur armis a turbulentis.

§. 26. *Credo*] Phil. Mel. legit: caedo²⁸⁾, id est, dic, quasi dicat: Ista non fient, quae olim facta sunt, quae lege fieri debebant. *Consules*] quasi dicat: Consules reprimentur, ne quid possint agere. *Populus*] Mimesis. *Qui populus?*] quasi dicat: Quidam paucissimi turbulenti nebu-

26) De lego Iulia de vi et Iulia de maiestate conf. Orelli et Baileri Onomast. Tullian. P. III. p. 194—197.

27) Sueton. August. c. 47.

28) caedo] sic Ed. 1568., i. q. cedo; conf. supra p. 1256. nota 61.

lones dicentur populus. *Augurum*²⁹⁾] Non ex doctrina augurum divinat, sed ex alia rhetorice detortum est huc. *Promulgatis*] id est, propositis, nondum prolatis de illa promulgatione.

Cap. XI. §. 27. *Arma*] Est contractum genus, quia est oratio senilis et plena doloris.

§. 28. *Illi*] scilicet familiares. *Socero*] scilicet Caesaris.

Cap. XII. §. 29. *Sed per Deos*] Obiurgatio Dolabellae et Antonii, quod sui sint dissimiles. *ἄλλως*. Adhortatio egregie rhetorica ad Dolabellam, ut malit legitimus esse consul, quam affectare regnum. Utitur autem commemoratione earum rerum, quas antea pro republica gessit, quasi dicat: Tu es magnam gloriam consecutus: ergo vide, ut caetera consentiant cum rebus, quas antea gessisti pro tranquillitate reipublicae. Dolabella iam erat in senatu, Antonius vero non. *Credo enim*] Propositio: Suspisor vos affectare regnum. Verum ego dehortor, et adhortor, ut potius recta via tendatis ad virtutem, quam illa perversa. *Ea*] Maior: Illa sunt gloriosa, quae a probis probantur; tu antea gessisti, quae a bonis probata sunt: ideo vide, ut retineas istam gloriam. Gloria autem est opinio de virtute, de benemeritis, de rebus bene gestis.

§. 30. *Dicerem*] A sua ipsius persona. *Expiato*] id est, sublata illa statua, ad quam fiebant impia sacra. *Doloris veteris*³⁰⁾] id est, belli civilis.

§. 31. *Hanc*] Antithesis, et consequens rationis supra positae: Debes esse tui similis.

Cap. XIII. §. 31. *Te*³¹⁾ autem] Apostrophe ad Antonium, quem adhortatur a rebus gestis, quas antea pro tranquillitate reipublicae gessit, ut sit sui similis, quia inconstantia est turpissima. Deinde a periculo, periculosum est affectare regnum. Idibus Martiis autem est sancita *ἀμνηστία*. Post mense Augusto rediit Cicero in urbem, et intra quatuor menses Antonius est immutatus. *Concordia*] Quia sibi male metuebat, ideo passus est sibi adiungi consulem. *Collegam*] scilicet Dolabellam³²⁾.

29) *Augurum*] sic Ed. 1568. et al.; Ed. Orell. *amicorum*.

30) *Doloris veteris*] sic Ed. 1568.; Ed. Orell. *veteris doloris*.

31) *Te*] sic Ed. 1568. et al.; Ed. Orell. *Tu*.

32) Haec nota in Ed. 1568. ante *Maiores tuos* (§. 33.) male repetita est.

§. 32. *Fortissimos*] scilicet quatuor interfece-
Caesarem. *Quia*] *ἐπιφώνημα*. *Licet*]
e dicit: Affectatis regnum, sed affectate alio

§. 33. *Depravare*] scilicet te, quasi dicat:
a facis ad gratiam domesticorum tuorum.
e] *Quia* habebat familiam rapacem.

Cap. XIV. §. 33. *Illud magis vereor*] Propo-
Tu affectas tyrannidem. *Verum iter glo-*
A natura gloriae. *Carum esse civibus*]

us:

tuem metuunt, oderunt:

tuem quisque odit, periisse expetit³⁸⁾.

Offic. Cic.³¹⁾. *Carum*] Ab honesto, et a
alo: Illa dominatio, quam affectas, non erit
rna. Verecunde alludit ad locos communes.
a³²⁾:

errum tuetur principem; melius fides³⁶⁾,

st, benevolentia civium, quia metus non
turnus custos imperii.

§. 34. *Utinam*] Ab exemplo. *Avum*] sci-
M. Antonium oratorem. *Putasne illum*]
xemplo. *Immortalitatem*] Romanum³⁷⁾

n est, scilicet non accepisset omnia regna
li, quod hoc vel cogitasset.

Enni fragmenta a Columna conquis., recusa accur.
ssello, p. 298.

Cic. de Offic. I, 28, 97.: Oderint, dum metuant!

Senecae Octavia Act. II. v. 456.

tria priora verba sunt Neronis, duo posteriora Se-
ne.

Romanum] Ed. 1568. Romanae.

§. 35. *Sed quid*] Redit ad exemplum Caesa-
ris. *Caesaris efficere*] Caesaris exemplum.
Quare] Conclusio. *Maiores tuos*³⁸⁾] A iudiciis
populi Romani.

Cap. XV. §. 36. *Gladiatorii*³⁹⁾ *clamores*⁴⁰⁾]
scilicet quos ediderunt interim, dum ludi facti
sunt. *Ipsis*] id est, Bruto et Cassio. Haec di-
cit, ut incutiat eis terrorem. *Pompeii statuae*]
scilicet quae coronatae sunt illis temporibus.
Apollinarium] scilicet quos fecit Brutus, quam-
quam absens. *In medullis*] id est, applausum
est tyrannicidae. *Haerebant*] scilicet ibi potest
intelligi, quod populus Romanus probet illorum
factum, et cupiat restitui veterem libertatem.
Sexagesimo] Phil.⁴¹⁾ legit: sexcentesimo. *Libe-
ratoris*] scilicet Bruti.

§. 37. *Equidem is sum*] Amplificat iudicium
multitudinis. *A. Hirtii*⁴²⁾] scilicet qui in acie
perierat.

§. 38. *Coepi*⁴³⁾] Clausula generalis: Gau-
deo, quod dixi meam sententiam. *Coepi*⁴³⁾]
Extrema clausula.

38) *Maiores tuos*] ante has voces in Ed. 1568. nota quae-
dam ex antecedentibus male repetita est, vide supra
p. 1276. nota 32.

39) *Gladiatorii*] sic Ed. 1568.; Ed. Orell. *gladiatoribus*.

40) *clamores*] Ed. 1568. errore typogr.: *clamares*.

41) Phil. Melanthon.

42) *Hirtii*] sic Ed. Orell.; Ed. 1568. *Hircii*.

43) *Coepi*] sic Ed. 1568.; Ed. Orell. *Cepi*.

2. IN CICERONIS ORATIONEM PHILIPPICAM SECUNDAM

SCHOLIA PHILIPPI MELANTHONIS⁴⁴⁾.

Coacto senatu respondet Cicero criminationi
iii. Habet autem duas partes: prima pur-
nem, deinde recriminationem. Exordium
sumptum est ab exemplis superiorum, qui
nt inimici Ciceronis, idque facit, ut admo-
Antonio eundem⁴⁵⁾ futurum esse exitum.

Cap. I. §. 1. *Quoniam*] Ab admiratione or-
ἄλλως. Exordium *παθητικόν* ab admi-

Haec scholia in Ed. 1568. sic inscripta sunt: Scholia
Iip. Mel. in secundam Philippicam Ciceronis ex ore pri-
mum praelegentis excerpta, 1533.
eundem] Ed. 1568. errore typogr.: eundem.

ratione, cui subiicit exitus suorum inimicorum.
Dicit enim se nescire, quo fato suo contingat, ut
communes habuerit hostes ipse et respublica. Hic
omnia sunt contractiora. *Viginti*] id est, a meo
consulatu. *Nec vero*] Propositio generalis. *Te
miror*] Comminatio, seu amplificatio a causa.
Non est illa compositio orationis, qua utitur alibi.
Voluntarius] Collatio: Illius consilia impediui, et
coepi eum lacessere. Non est igitur mirum, quod
fuerit meus inimicus. *Furiosior*] Collatio egre-
gia. *Impios*] Quia Cicero habebatur pro tali,
qui odisset turbulentos et seditiosos cives.

§. 2. *Nec in hac mea*] Amplificatio a sua causa. *Dedit*] Reprehendit stultitiam eius, quod maledixerit sibi in senatu. *Illud profecto*] Conclusio: Ideo invectus est in me, ut venditaret se improbis hominibus. ἄλλως. A consilio illius. Contra rem suam venisse, ich sey wider ihn gewesen. Sunt reiectiones de consilio, quo invectus est Antonius in Ciceronem. 1. Admonitio. 2. Illi habuerunt tales exitus. 3. Consilium Antonii, non quod me despiciat, sed vult ostendere improbis, se esse hostem reipublicae. Hocque est argutum, interpretatio scilicet consiliorum.

§. 3. *Cui prius*⁴⁶⁾] Purgatio, quae continet breves defensiones, quibus obiter respondet ad crimina, quae obiecit Antonius. *Violatam*] Respondet querelae Antonii, ut fidem suam testatam faciat. Primum enim questus est de violata amicitia.

Cap. II. §. 3. *Contra rem*] Venire contra aliquem, est defendere aliquem in iudicio contra aliquem. *Flore*] Puto eum notare Curionem. Opponit rationem honestatis. *Intercessoris*] scilicet Curionis, quia inter Antonium et Curionem fuit turpis familiaritas. Intercessor est, qui proposita aliqua lege adversatur, et impedit illam legem. *Libertinum*⁴⁷⁾] Quia Antonius duxit uxorem ignobilis cuiusdam. *At*] Secundum crimen. *Nae*] Affirmantis.

§. 4. *Auguratus*] Tertium crimen, quasi dicat: Antonius gloriatus est se cessisse de suo loco Ciceroni, scilicet cum ipse Antonius posset fieri augur, se tamen ultro passum esse, ut Cicero eligeretur. Augures fuerunt, sicut modo apud nos sunt canonici. *Concessisse*] gewichen. *Nominaverunt*] Illi enim, qui erant praecipui, habebant ius nominandi. *Solvendo*] Quia nullus obaeratus admittebatur ad magistratus. *Unam tribum*] id est, non potuisses unius tribus suffragia emereri. *Ferre*] id est, habere suffragia, aut calculos unius tribus. Omne tulit punctum⁴⁸⁾. *Cuius*] scilicet Curionis.

Cap. III. §. 5. *At beneficio*] Quartum crimen. *Prae me tuli*] id est, egi tibi gratias. Iniurias accipiendo, et gratias agendo evasit tanta pericula, inquit quidam aulicus apud Senecam.

46) *prius*] sic Ed. 1568.; Ed. Orell. *priusquam*.

47) *Libertinum*] sic Ed. 1568.; Ed. Orell. *libertini*.

48) Horat. ars poet. 343.: Omne tulit punctum, qui miscuit utile dulci.

*Brundusii*⁴⁹⁾] scilicet postquam redii in Italiam post pugnam Pharsalicam. *Victor*] scilicet Caesar. *Detulerat*] Elevat beneficium. *Qua in re*] Translatio ad statum reipublicae: Non tam est iucundum mihi, quod me non occideris, quam fuit mihi molestum, talem fuisse reipublicae statum, in quo quemque impune tibi occidere licuit⁵⁰⁾.

§. 6. *Promulgatae*] id est, propositae. Promulgare enim est proponere legem, priusquam concludatur. Ferre autem est concludere. *Intercessionem*] id est, tribunitiam. *Pudica*] scilicet Pompeii, quia tenuit post victoriam domum Pompeii.

§. 7. *Uno*] scilicet aliquo. *Acceperit*] scilicet ego tractabo eum hodie prolixius.

Cap. IV. §. 7. *At etiam litteras*] Alius est locus de litteris, quae extant blandissimae ad Atticum lib. 14. Quod mecum per literas agis, etc.⁵¹⁾.

§. 8. *Stultitiam*] Amplificatio. *Ut Mustellae*] Exaggerat. *Tamisio*] id est, militibus tuis sicariis. Semper enim cum armata manu exemplo Caesaris venit in senatum. *Chirographo*] Quia allegabat chirographa Caesaris. *Librarii manu*] id est, scriptae meae litterae. *Iam invideo magistro*] Invehitur in praeceptorem Antonii. *Magistro*] scilicet Sexto Clodio.

§. 9. *At ego tuas*] Praeteritio. *Quendam*] id est, Clodii filium.

Cap. V. §. 10. *Sed quum mihi*] Transito iucunda.

§. 11. *Qui consulatus*] Transito de suo consulatu.

§. 12. *At placuit P. Servilio*] A testibus, qui consulatum Ciceronis probarunt.

Cap. VI. §. 14. *De republica retulisti?*] Excursus.

§. 15. *Tu quum principem*] Frequentatio. *Tuam exhauriunt*] ἀντιθεσις.

Cap. VII. §. 15. *In hoc*⁵²⁾ templo] scilicet Concordiae.

§. 16. *Consule, plenum*] Ironia. Partes subiicit, quas reprehendit in consulatu.

49) *Brundusii*] sic Ed. 1568.; Ed. Orell. *Brundisii*.

50) licuit] Ed. 1568. errore typogr.: locuit.

51) Ab his verbis incipit epistola Ciceronis ad Antonium consulem scripta, cuius exemplum Attico in epist. 13. libri XIV. misit.

52) *hoc*] sic Ed. 1568.; Ed. Orell. *eo*.

Cap. VIII. §. 18. *Tam autem erus excors]* Pugnantia. *Vitricum]* Stultitiam Antonianae orationis reprehendit.

§. 20. *Ab uxore mima*⁵³⁾] id est, scorto, quia uxor non fuit.

§. 21. *Nec reipublicae]* ἀντίθεσις. *Meaeque literae]* Studia Ciceronis.

§. 23. *Quod vero dicere]* Tertium caput de bello civili, quod imputavit M. Ciceroni. *Pompeium a Caesaris]* scilicet cum Caesar ferret legem agrariam.

Cap. X. §. 24. *Aut nunquam]* Vox Ciceronis.

Cap. XI. §. 25. *Sed haec vetera]* Quartum de caede Caesaris.

§. 26. *Brutos ego]* Coniecturae, cur neget crimen. *Quid? C. Cassius]* Alludit ad Cassium, qui damnatus est affectati regni. Livius⁵⁴⁾.

Cap. XII. §. 28. *Caesare interfecto]* Diluit Antonii argumentum.

§. 30. *Sed stuporem hominis]* Pugnantia. *Constituere]* scilicet probas, an improbas.

Cap. XIII. §. 31. *Solutus]* scilicet cum praetor urbanus esset.

§. 32. *Liberati]* id est, absoluti.

§. 33. *Tu vero adscribe]* A consentaneo.

Cap. XIV. §. 34. *Quamquam si interfici]* Obiectio similis criminis.

Cap. XVI. §. 40. *HS ducenties*⁵⁵⁾] Plus est aliquanto ducentibus millibus aureorum. *L. Rubrius]* Ironice.

Cap. XVII. §. 42. *Vini exhalandi]* Per excusum ridicule insectatur Antonium. *Magistrum]* scilicet rhetorem. *Avum tuum]* scilicet M. Antonium oratorem. *Tu cursim dicis]* Inclaris oratoribus hoc quoque ei tribuit.

§. 43. *Ex Caesaris commentariis]* Acerbum loc est. *Possessoribus]* Noëma.

Cap. XVIII. §. 44. *Visne igitur]* Accusatio criminum Antonii. *Primo vulgare scortum]* Haec sunt obscœna.

53) *Ab uxore mima]* sic Ed. 1568.; Ed. Orell. a *mima uxore*.

54) Liv. Epitome CXX.

55) *HS ducenties]* Ed. 1568. male: N. S.) ducenties). — De Romanorum usu sestertios numerandi eorumque numeros signandi vid. A. Adam: Handbuch der röm. Alterthümer, übers. v. J. L. Meyer. T. II. p. 336 sqq. Sestertius dicitur quasi semis tertius, eo quod contineat in se asses duos et dimidium tertium. Unde nota vetus pro sestertio ponebatur, III, scilicet duae lineae et dimidia. Deinde hoc modo HS vel LLS. id est, librae duae semis. quae tandem coaluerunt in HS notam hodie vulgatissimam. vide Gesneri thesaur. s. h. v

§. 45. *Intercessisse]* id est, spondidisse.

§. 46. *Aes alienum]* id est, sexagies centena sestertia debebat.

§. 48. *Ex Aegypto]* scilicet ad Caesarem. *Obtinebat]* scilicet ante Caesaris victoriam. *Vitrici*⁵⁶⁾] scilicet Lentuli.

§. 51. *Mancipatum*⁵⁷⁾] zu eigen geben. *Illius tui sceleris]* scilicet quod adversatus esses senatui.

Cap. XIX. §. 47. *Sed reliquum cursum videte]* Acutum hoc est.

§. 48. *Omnium incendiorum fax]* Metaphora insignis.

Cap. XX. §. 49. *In petitione quaesturae]* Reddit ad historiam, cuius supra meminit.

Cap. XXI. §. 50. *Atque in domesticum dedecus]* id est, bellum civile.

§. 52. *Quum tu, unus]* Invidiosum hoc est.

Cap. XXII. §. 53. *Sed nihil de Caesare]* Amplificatio a calamitatibus acceptis.

§. 54. *Imperii populi]* πάθος ab indignitate rei.

§. 55. *Ut igitur in seminibus]* Similitudo.

Cap. XXIII. §. 56. *Sed ut, quod in alea]* Ironia. *Rem indicta causa]* quasi dicat: hae non fuerunt causae. *Vel in foro alea ludere]* quasi dicat: Nonne testaris te aleatorem, cum restituis aleatorem.

§. 57. *Etenim quod unquam]* ἀδύνατον.

Cap. XXIV. §. 58. *Volumniam]* scilicet uxorem. *Mater]* scilicet lulia honestissima matrona. *Faecunditatem]* scilicet quae talem filium genuit.

§. 59. *Victor]* Quae post bellum facta sunt.

Cap. XXV. §. 63. *Robustioris improbitatis]* die gute grobe stück. *Tu istis faucibus]* De vomitu Antonii in tribunali facto. *Hoc tibi accidisset]* Ex minore. *Is vomens]* ὑποτύπωσις. *Frustis]* grosse brocken,

Cap. XXVI. §. 64. *Recepit]* scilicet post pugnam Pharsalicam. *Inventus est nemo]* Repetitio.

§. 65. *Quum sector sis]* Amplificatio a persona.

Cap. XXVII. §. 66. *In eius . . . copias]* Secundus locus. *Sed ut est]* lucunda dissimulatio.

56) *Vitrici]* sic Ed. 1568.; in Ed. Orell. hanc vocem h. l. non inveni, sed c. VIII. §. 17. huius orationis.

57) *Mancipatum]* sic Ed. 1568.; Ed. Orell. *emancipatum*.

§. 67. *Quae charybdis*] Occupatiuncula. *Tam cito absorbere*] Hypotyposis. *Apothecae totae*] id est, repositoria. *Suggerebantur*] id est, succrescebant. *Conchyliatis*] id est, purpuratis. *Peristromatis*] id est, tegumentis, Depich. *στρώμα ἀπὸ τοῦ στρώννυμι*⁵⁸⁾, id est, sterno. Vide, quam apte detorqueat omnia ad genera vitiorum, aut virtutum, id quod oratoris proprium est.

§. 68. *Os importunissimum*⁵⁹⁾] πάθος, quo confert veterem habitatorem cum novo.

Cap. XXVIII. §. 69. *Frugi factus*] Ironia.

§. 70. *Impudicissimus*] Responsio nonnullorum verborum. *Avus*] scilicet M. Antonius orator. *Collega*] id est, Antonius. *Propria*] scilicet privata. *Natum, conflatum*] scilicet quod non fuerit solvendo.

Cap. XXIX. §. 71. *Quibus rebus tantis*] Amplificat repetitione superiorum.

§. 72. *Leges perniciosas*] Tulerat enim legem de consulatu, habendam esse eius rationem abeuntis. *Contra senatum*] Congeries. *Ius postulabas*] Ironia. *Postulabas*] scilicet Romae.

§. 73. *Vestis Pompeii*] Hypotyposis.

§. 74. *L. Rubrii*] Significat eum invasisse Rubrii haereditatem, per quam dissolverit aes alienum. *Ipsis temporibus*] Exaggerat inconstantiam, quod ne Caesari quidem satis fidus fuerit. *Rudem tam cito*] id est, missus es accepta rude.

Cap. XXX. §. 75. *Hispaniam*] scilicet in Galliam usque. *Cn. Pompeii liberi*] Concessio. *Repetebant*] quasi dicat: Esto, iure susceptum sit bellum ab hostibus, tamen tu Caesarem non debebas.

§. 76. *Caligis*⁶⁰⁾] id est, calceis militariibus. *Nae*] id est, certe. *Lacerna*] est vestis militis gregarii.

Cap. XXXI. §. 77. *Cassia*] Alii legunt: Cisio⁶¹⁾. *O hominem nequam*] scilicet apud quem nulla est honesti ratio.

§. 78. *Te rei tuae causa*] Ambiguum. *Ducem*⁶²⁾] Alii legunt: dicacem.

58) *στρώμα ἀπὸ τοῦ στρώννυμι*] Ed. 1568. *στρώμα ἀπὸ τοῦ στρώνω*.

59) *importunissimum*] sic Ed. 1568. et al.; Ed. Orell. *impurissimum*.

60) *Caligis*] sic Ed. 1568.; Ed. Orell. *calceis*.

61) Cisio] hanc vocem Ed. Orell. in textu habet.

62) *Ducem*] sic Ed. 1568.; in Ed. Orell. hanc vocem h. l. non inveni.

Cap. XXXII. §. 79. *Elusus*] über das seyl geworffen.

§. 80. *Ut comitia auspiciis*] scilicet ut possis impedire comitia consultantium, ut maxime consul non esses.

§. 81. *Prohibiturum auspiciis*] scilicet more augurum.

Cap. XXXIII. §. 82. *Sortitio praerogativae*] Sorte ducebantur centuriae, quae primum suffragantur. Praerogativam igitur vocat, cuius prior pars erat. *Sortitio praerogativae*] scilicet refragabantur.

§. 83. *Augur auguri*⁶³⁾] scilicet Dolabella.

§. 84. *Vitiosus consul*] Dilemma. *A collega*] scilicet Caesare. *M. Antonii rem*] πάθος.

Cap. XXXIV. §. 86. *Vereor, ne imminuam*] A simili exitu Caesaris.

§. 87. *Non modo urbem odisse*] A consequentibus.

Cap. XXXVIII. §. 97. *Gladiatorum libellos*] scilicet quibus gladiatores utebantur. *Provinciam Cretam*] ἐπιφώρημα.

§. 98. *Caesar tulit*] De restitutis sordidis exulibus.

§. 99. *Comitia non habuisti*] id est, censuram creandorum. *Alia conditione*] Conditionis vocabulo uti solemus in matrimoniis. Sueton. in Caesare⁶⁴⁾. *Qui in senatu*] Amplificatio opportuna.

Cap. XXXIX. §. 100. *Ac*⁶⁵⁾ *sic placuerat*] Acutum dilemma.

§. 101. *Compransoribus*] scilicet non militibus.

Cap. XL. §. 102. *Aratrum circumduces*] Nam in condendis et evertendis urbibus solebat circumduci aratrum circa pomerium. *Perstrinxisti*] scilicet multa ademisti Campano agro.

§. 103. *Valeant tabulae*] hoc est, non probo auctionem a Caesare factam, tuas tabulas probo, in quibus nihil continetur praeter aes alienum.

§. 104. *Remove*] ἀποστροφή.

Cap. XLI. §. 105. *Quae in illa villa*] Collatio. *Obsolebant*⁶⁵⁾] id est, ne dignus quidem erat, ut salutaretur.

63) Sueton. Caes. 27.

64) *Ac*] sic Ed. 1568.; Ed. Orell. *At*.

65) *Obsolebant*] sic Ed. 1568. et al.; Ed. Orell. *Obsolebant*.

Cap. XLII. §. 109. *Is leges Caesaris*] id est, leges in quaestu habere non potuit Antonius, potuit autem chirographa. *Obtentum esse*⁶⁶⁾] gehalten. *Pompeii*] scilicet cuius domum tenebat.

Cap. XLIII. §. 110. *Quam ut haberet*] Ironica collatio, quae ex pronuntiatione tantum deprehendi potest. *Pulvinar*] ein gedeckter Altar. *Ludorum Circensium*⁶⁷⁾] Minae.

§. 111. *Avum*] scilicet M. Antonium, lib. 2. de oratore. Locus ille est pulcherrimus antithesibus. *Tuum hominis*] Invidiosa et amarulenta.

Cap. XLIV. §. 113. *Pensionem tertiam*⁶⁸⁾] id est, tertiam mariti caedem. *Pacis*⁶⁹⁾] Pax est tranquilla libertas. Castigatio, quae constat definitionibus elegantissimis.

66) *esse*] sic Ed. 1568.; apud Ciceronem legitur: *est*.

67) *Circensium*] sic Ed. 1568.; Ed. Orell. *Romanorum*.

68) *Pensionem tertiam*] sic Ed. 1568.; Ed. Orell. *tertiam pensionem*.

69) *Pacis*] hanc Ciceronis vocem huic notae ipse adscripsit.

§. 114. *Tarquinius Brutus*] Exemplis amplificat minas.

Cap. XLV. §. 115. *Nummationi*⁷⁰⁾] Alii: inundationi. Novum et inusitatum est. Voluit enim turpem turpi vocabulo insignare.

§. 116. *Quam ille quosdam*] Magna laus Caesaris. *Congiariis*] id est, publicis muneribus. *Congiariis*] Distributio egregia: Nulla re perinde capitur multitudo, atque splendore et munificentia.

Cap. XLVI. §. 118. *Respice quaeso*] Adhortatio.

§. 119. *Utinam*⁷¹⁾] Enthymema ex duobus contrariis. *Annos prope*] Decennium iam erat ab initio belli civilis.

70) *Nummationi*] sic Ed. 1568.; Ed. Orell. *nundinatione* (vid. Orellii nota crit. ad h. l.).

71) *Utinam*] sic Ed. 1568. et al.; Ed. Orell. *ut*.

3. IN CICERONIS ORATIONEM PHILIPPICAM TERTIAM SCHOLIA PHILIPPI MELANTHONIS⁷²⁾.

Status est tertiae Philippicae, Antonium iudicandum esse hostem.

Cap. I. §. 1. *Serius omnino*] A periculo orditur, cur ante tempus senatus habeatur.

§. 2. *Tamen breve tempus*] Pulcherrima et illustris collatio. *Fugit Antonius*] scilicet profecturus Brundisium.

§. 3. *Quousque enim*⁷³⁾] Propositio.

Cap. II. §. 3. *C. Caesar adolescens*] Laudatum consilium privatum Caesaris.

§. 4. *Cui quamquam*] Blandum est. *Hac ille crudelitate*] Amplificatio a voluntate.

§. 5. *Sic enim perspicio*] Repetitio.

Cap. III. §. 6. *Nec vero de legione*] Laudantur et legitime facta C. Caesaris.

Cap. IV. §. 8. *Secutae sunt*] Res Bruti. *Neque enim, Tarquinio*] Collatio Tarquinii et Bruti.

72) Haec scholia in Ed. 1568. sic inscripta sunt: Scholia Philipp. Mel. in tertiam Philippicam Ciceronis ex ore privatim praelegentis excerpta, 1533.

73) *Quousque enim*] sic Ed. 1568. et al.; Ed. Orell. *Quousque enim usque*.

Cap. VI. §. 15. *At quam contumeliosus*] Insectatio. *Naturalis*⁷⁴⁾ *pater*] scilicet Octavius Augustus. *Suppeditasset*] scilicet re bene gesta in Macedonia.

§. 16. *Sellae curules*] id est, magistratus curules. *Tusculanam?*] scilicet, quam adhuc non habes. *Qui cum palla*] Palla est Graecus habitus.

§. 17. *Iulia*⁷⁵⁾ *natus*] id est, Octavius.

Cap. VII. §. 18. *Certatim*] Blandum est hoc.

Cap. VIII. §. 19. *Currentem*] Opportune usus est proverbio.

§. 20. *Corrogati*] die er darzu gebeten hat.

§. 21. *Qui contra se*] Enthymema acutum.

Cap. IX. §. 21. *At in rebus tristissimis*] Exagitat barbarum sermonis genus.

§. 22. *Ut*⁷⁶⁾ *possideat*] Alludit ad agrum, qui illi donatus sit.

§. 23. *Ne intercederent*] εἰσρωεΐα.

Cap. X. §. 24. *Die vespertina*] De sortitione provinciarum.

74) *Naturalis*] sic Ed. 1568. et al.; Ed. Orell. *natura*.

75) *Iulia*] sic Ed. 1568. et al.; Ed. Orell. *Aricina*.

76) *Ut*] sic Ed. 1568.; in Ed. Orell. *deest*.

§. 25. *L. Lentulus*] Ut quisque fuit optimus, ita maxime improbavit hanc sortitionem. *Patrem*⁷⁷⁾] Oratorem.

§. 26. *In ore*] die vult er haben.

Cap. XI. §. 27. *O C. Caesar*] ἐπιφώνημα. Estque longa adhortatio. *O praeclarum ius*⁷⁸⁾] Proverbium.

§. 28. *Patres conscripti, longo*] ἐπίλογος, quem orditur ab occupatione.

§. 29. *Aut libertatem*] Repetitio eiusdem sententiae. *Multa*] quod antea de se dixit, iam de omnibus dicit.

77) *Patrem*] sic Ed. 1568.; Ed. Orell. *patre*.

78) *ius*] sic Ed. 1568.; Ed. Orell. *custodem*.

Cap. XII. §. 30. *Quid hic faciat*⁷⁹⁾] Amplificat congerie scelerum Antonii.

Cap. XIII. §. 32. *Haec eadem*] ἐπιφώνημα, quod brevis est epilogus. *Nullum erit tempus*] Ab occasione.

§. 33. *Hoc feci*] Occupatio, cur dissimularit publicam calamitatem.

Cap. XIV. §. 36. *Omnes iam patefecerunt*] Redit rursum ad occasionem a viribus.

Cap. XV. §. 37. *Ut*⁸⁰⁾ *senatus Calendis*] Consilium. *Quum senatus auctoritatem*] Forma decreti.

79) *faciat*] sic Ed. 1568.; Ed. Orell. *faciet*.

80) *Ut*] sic Ed. 1568. et al.; Ed. Orell. *uti*.

4. a. IN CICERONIS ORATIONEM PHILIPPICAM NONAM SCHOLIA PHILIPPI MELANTHONIS⁸¹⁾.

Oratio est generis iudicialis, utrum iure liceat ponere statuam. Rationes sumuntur ab exemplis, interpretatione morum, et laudatione Sulpicii⁸²⁾ ex genere demonstrativo.

Cap. I. §. 1. *Vellem, Di*] Exordium breve est a voto sumptum: Utinam viveret Sulpicius. *Nec vero*] Ratio: Quia vita eius erat profutura reipublicae in hac legatione. *Non quod*⁸³⁾] Correctio: At alii affuerunt non minus boni viri. Respondet per comparisonem: At Servius praestabat aetate.

§. 2. *Quod si cuique*⁸⁴⁾] Propositio: Iustum est decernere honores Servio. *Caeteri*] Ratio: Quia suscepit certum periculum. *Qui quum ita*] Repetita est haec sententia: Vidit se oportere mori, si labor accederet. *Itaque non*] Amplificatio ex causis difficultatis, quod hae non absteruerint eum.

§. 3. *Ut igitur*] Conclusio: Placet igitur mihi sententia Pansae. Quaestio iuris in hac tota oratione incidit: Utrum liceat statuam decernere ei, qui non est ferro interfectus. *Ego autem*] Cicero

legem interpretatur, quae sic sonabat: Interfecto propter legationem statua ponatur. Verba videntur sonare de eo, qui ferro aut telo interfectus est. Cicero iubet voluntatem legis considerare, quae est, statuam esse ponendam cui libet, cui non solus morbus, sed legatio causam mortis praebisset, et facit verisimilem interpretationem, quia verisimile est, quod respublica voluerit honore afficere, non tantum ferro⁸⁵⁾ interfectos, sed omnes, quibus ipsa respublica causam mortis praebisset. Ubi est par ratio, debet sequi et par iudicium. *Etenim cui*] Maior fuit: Statua debetur istis, quibus respublica praebet causam mortis.

Cap. II. §. 4. *Cn. Octavii*] Probat per exempla: Octavio decreta est statua interfecto non propter legationem, sed in gymnasio: ergo multo magis decernenda est statua Servio, cui legatio praebet causam mortis.

Cap. III. §. 5. *Itaque, Patres conscripti*] Minor: Itaque respublica praebet causam mortis: ergo, etc.

§. 6. *At ille*] Probatio minoris: Quia maluit mori, etc. cum domi salvus esse possit. *Multis illi in*] Amplificatio: valde properavit. Haec properatio auxit morbum.

81) Haec priora scholia in Ed. 1568. sic inscripta sunt: Scholia Philip. Mel. in nonam Philippicam Ciceronis pri- vatis discipulis conscripta, 1531.

82) Sulpicii etc.] sic Ed. Orell.; Ed. 1568. Sulpitii etc.

83) *quod*] sic Ed. 1568.; Ed. Orell. *quo*.

84) *cuique*] sic Ed. 1568.; Ed. Orell. *cuiquam*.

85) *ferro*] Ed. 1568. *ferri*.

§. 7. *Cuius quum*] *πάθος*, Antonius occidit, quia morte eius laetatus est, et praebuit mortis causam. *Is enim*] Extra causam, ponenda statua, ut posteri existiment, hoc bellum grave fuisse.

Cap. IV. §. 8. *Quod si*] Repetitio minoris: Ipse excusabat morbum, sed vos compulistis eum ad iter: ergo respublica praebuit occasionem mortis.

Cap. V. §. 10. *Reddite igitur*] Conclusio. *Vita enim*] Ratio: Quia memoria est vita. *Nam*

reliqua] Amplificatio ex aliis vitae Servii laudibus, ex cognitione iuris, ex prudentia et iustitia.

§. 11. *Ergo hoc statuae*] Dissimile a causa ponendae statuae.

§. 12. *Multum etiam*] *πάθος* a filii affectu et petitione, quia filius dicitur petere statuam.

Cap. VI. §. 13. *Mihi autem recordanti*] *πάθος* a Servii moribus: Mavoleat Servius sylvestrem statuam. *Magnum civium dolorem*] De sepulchri honore.

§. 14. *Sin id tribuit*] Collatio sepulchri et statuae.

b. ALIA SCHOLIA PHILIPPI MELANTHONIS ⁸⁶⁾.

Plerumque ita solet accidere doctis viris, quo sunt seniores, eo timidius aliqua de re iudicant et scribunt. Cicero igitur cum esset iam senex, contentus fuit tenui, simplici et proprio genere dicendi, quod vocant Atticum, nec ita ostentavit ornatum, quemadmodum in aliis orationibus, quas iuvenis scripsit. Idem fecit et in hac oratione, in qua est verecundus et facilis, et propriissime loquitur. Argumentum huius orationis est. Post interfectum C. Caesarem coeperunt tumultuari Antonius et alii, et voluerunt potiri illo principatu. Antonius iudicebat bellum senatui. Servius autem Sulpicius ⁸⁷⁾ missus est a senatu ad Antonium, ut ageret de conditione pacis. In illo itinere extinctus est Servius. Ista autem oratio habita est de statua ponenda Servio, estque ex Attico genere, ex simplici et proprio, tenui haec oratio, et est valde facilis, quia in ea est propriissime locutus. Vocantur Philippicae ad imitationem Demosthenis scriptae. Exordium sumptum est a voto: Utinam adhuc viveret Sulpicius, sicut etiam exorsus est Ovidius in oratione Ulyssis Metam. 13. ⁸⁸⁾:

Si mea cum vestris valuissent ora Pelasgi ⁸⁹⁾,
Non foret ambiguus tanti certaminis haeres.

⁸⁶⁾ Haec altera scholia in Ed. 1568. sic inscripta sunt: Alia scholia Phil. Mel. in nonam Philippicam Ciceronis ex ore privatim praelegentis excepta, 1531.

⁸⁷⁾ Sulpicius etc.] sic Ed. Orell.; Ed. 1568. Sulplitiu etc.

⁸⁸⁾ Ovid. Metam. XIII, 128, 129.

⁸⁹⁾ ora Pelasgi.] sic Ed. 1568.; Ovidii op. ed. Bipont.: vota, Pelasgi.

Cap. I. §. 1. *Quaeremus*] Ex hac sententia potuisset Cicero longas periodos facere, sed voluit esse tenuis, et tamen propriissimus. Patres principio fuerunt tantum nobiles. Conscripti autem erant additi senatui ex inferioribus ordinibus. *Reditus*] scilicet profuisset reipublicae, si vixisset. *Non quod* ⁹⁰⁾] Correctio: sind doch mehr feiner und erbarer leute gewesen, die da hetten können etwas ausrichten. *Defuerit*] nicht das sie unfleissig gewesen sind. *Sed quum*] Comparatio Sulpicii cum aliis. *Anteiret*] weil er elter war. *Debilitatem*] Eleganter dictum est. *Reliquit*] hat ursach gegeben, das die andern nicht haben können so viel ausrichten.

§. 2. *Quod si*] Venit ad propositionem: Iustum est honore afficere mortuum Sulpicium. Primo tantum generalem fecit quandam propositionem. *Spe*] mit guter hoffnung. *Affectus*] weil er so krank war. *Labor*] scilicet viae. *Spiritu*] da es nun gar aus war. *Itaque*] Amplificatio. *Longitudo*] die grosse reise. *Asperitas*] nicht die bösen wege. Est elegans oratio, es ist ein fein rein dinglein. *Obeundi*] wie er es wolt fürnehmen.

§. 3. *Ut igitur*] Conclusio.

Repetitio. Exordium fuit a voto, utinam viveret adhuc Servius. Sic enim semper solemus exordiri, cum loquimur de mortuis, et illorum mala deprecamur: Vellem, ut potius vivo Servio gratias ageremus, quam deliberarem, quomodo

⁹⁰⁾ quod] sic Ed. 1568. et al.; Ed. Orell. quo.

essent decernendi honores mortuo Servio. Observandae sunt formulae: Totam legationem orbem et debilitatam reliquit.

Cap. I. §. 2. *Quod si*] Propositio, et est quaestio scripti et sententiae, Servio sunt decernendi honores, quia suscepit certum periculum, tametsi laboraret adversa valetudine.

§. 3. *Quibus a te*] quasi diceret: ich wolte nichts anders sagen, denn du, wenn ich dem Servilio antworten müste. *Qui hunc*] Lex erat, ut nemini poneretur statua, nisi qui ferro esset interfectus; Servium esse autem extinctum morbo: igitur non ponendam esse illi statuam. Ad hoc respondet Cicero, et interpretatur legem de eo, qui propter rempublicam sit interfectus, et facit talem syllogismum: Statua ponatur illi, qui propter rempublicam interficitur; Servius interfectus est propter rempublicam: igitur ponenda est illi statua. Minorem enim probat: Ipse excusabat morbum, sed vos nolulistis ipsius excusationem accipere, et impulistis eum ad obeundum illud munus. *Causam mortis*] In omnibus factis quaerendum, non quomodo sit factum, sed quae causa impulerit ipsum ad hoc faciendum. Titulo ad legem Aquiliam, occidisse dicitur, qui mortis causam quolibet modo praebuit⁹¹⁾. Item ad legem Corneliam de sicariis inquit Ulpianus: Nihil interest, occidat quis, an causam mortis praebet⁹²⁾. *Etenim cui*] Ratio, quae non tantum extenditur ad causam, sed ad omnia pericula. *Obirent . . . audacius*] auff das sie sich deste lieber brauchen lassen. *Exempla*] was sie gethan haben. *Consilium*] Sed cur id fecerunt?

Cap. II. §. 4. *In rostris*] Predigstüle nahe bey dem Rahthause. Plinius⁹³⁾ dicit esse facta ex Antiatium navibus^{93a)}. *Familiam*] Geschlecht. *Novitati*] Noëma. Novi homines erant apud Romanos, quorum maiores nulli clari fuere, ipsi per se ipsos clari esse incipiunt. *Animos*] das sie erforscheten, was sie sich zu ihnen versehen solten. *Liberi populi*⁹⁴⁾] Reichsstede, qui non

91) Digest. IX. tit. 2. Ad legem Aquiliam, fr. 51., in quo paulo post initium haec leguntur: Respondi: occidisse dicitur vulgo quidem, qui mortis causam quolibet modo praebuit, sed lege Aquilia etc.

92) Digest. XLVIII. tit. 8. Ad legem Corneliam de sicariis etc., fr. 15.

93) Plin. XVI, 4. et Liv. VIII, 14.

93a) ex Antiatium navibus] Ed. 1568. corrupte: ex antiatibus navium.

94) *Liberi populi*] sic Ed. 1568.; apud Ciceronem: *liberorumque populorum*.

erant sub Romanis, sed tantum socii. *Antiochus*⁹⁵⁾] Es ist der hüse, qui gessit postea bellum cum Iudaeis. *Leptine*] scilicet non propter legationem, sed propter ludos. Probat per exempla.

Cap. III. §. 5. *Itaque Patres conscripti*] Conclusio. *Extulit*] er wuste wol, das er sterben müste.

§. 6. *At ille*] Probatio minoris, et facit dilemma: Servius propter rempublicam interfectus est: ergo illi statua ponatur. *Dissimilem*] so würde er unredlich gehandelt haben. *Multis*] Amplificatio, scilicet potuisset commemorari, si noluisset obtemperare reipublicae. Est rhetoricum schema. *Hospitum*] viel redlicher leute erboten sich freundlich gegen ihm. *At ille properans*] Brevis alia causa.

§. 7. *Iudicium*] das ihr den Antonium habt für einen feind gehalten. Servius enim interfectus est ab Antonio, tanquam ab hoste. *Grave*] wiewol es ebenteuerisch laut.

Cap. IV. §. 8. *Ordinem*] id est, senatum. *Auctoritate*] Ich sahe, das viel an ihm gelegen war. *Auctoritate*] scilicet legationis.

Cap. V. §. 10. *Reddite*] Conclusio. *Nam reliqua*] iam sequitur alius locus ex laudatione personae. *Admirabilis*] Fuit enim talis iurisconsultus, ut omnibus sit praelatus. *Divina*] Hic videmus, quibus laudibus debeat laudari bonus iurisconsultus. *Aequitate explicandis*⁹⁶⁾] Aequitas est moderatio, et remissio summi⁹⁷⁾ iuris, quae adversatur summo iuri. Summum ius, das scharff recht. Aequitas dicitur, quando concedimus de nostro iure. Graeci vocant *ἐπιεικειαν*. Leges autem debent ad aequitatem flecti, sicut etiam iurisconsultus⁹⁸⁾ inquit: Benignius leges interpretandae sunt, quo voluntas earum conservetur. *Consultus*] id est, prudens, verstendig, qui consulitur aliqua de re.

§. 11. *Actiones*] hader anrichten. *Ergo*] Dissimile: Ergo ponatur illi statua, non propter illum, sed propter legationem, propter mortem. *Clari viri*] das er sey ein weiser Man gewesen.

§. 12. *Tamen sic*] Ratio: Vestri officii est videri gratos, magis ad vos quam illum pertinet, ut statua ponatur. *Affectus*] betrübt. *Attinere*⁹⁹⁾] das es ihm gebüre. *Cuius luctus*]

95) *Antiochus*] sic Ed. 1568.; apud Ciceronem: *Antiochi*.

96) *explicandis*] sic Ed. 1568.; Ed. Orell. *explicandu*.

97) summi] Ed. 1568. errore typogr.: summis.

98) Celsus in Digest. I. tit. 2. fr. 18.

99) *Attinere*] sic Ed. 1568. et al.; Ed. Orell. *pertinere*.

Filius petit hoc fieri: ergo praestetis, quia est in magno luctu.

Cap. VI. §. 13. *Mihi autem*] Argumentatur ex modo statuae. *Sensus*] ein leben nach diesem leben. *Continentiam*] züchtig und eingezogen. *Insolentiam*] Sicut in Germania nunc omnium rerum maior splendor est, quam olim fuit. *Ut igitur*] Facit pulcherrimam prosopopoeiam. Fingit enim se quasi loquentem et deliberantem cum Servio. *Voluntate*] gemüt und wille.

§. 14. *Atque*] Collatio sepulchri et statuae.

Cap. VII. §. 16. *Versus*] id est, in unamquamquam partem, auff allen seiten. *Causam*]

scilicet cur obierit. *In basi*¹⁰⁰⁾] Basis der stock, da die seule auff stehet. *Quaestoribus*¹⁰¹⁾] Quaestores apud Romanos fuerunt die Rentmeister, quos apud nos vocamus: die Geldkammerer. *Locent*] das sie solten die statnam verdingen zu machen und aufzustellen, und wie sie sie verdinget hetten, dasselbige solt man dem, so sie gemacht hette, geben.

100) *In basi*] haec Ciceronis verba huic notae ipse adscripsi.

101) *Quaestoribus*] hanc etiam vocem huic notae ipse adscripsi.

XXII. PH. MEL. SCHOLIA IN CICERONIS ORATIONEM
PRO LEGE MANILIA.

Haec quoque scholia in solo Tomo I. Riccianae scholiorum collectionis supra p. 893—896. descriptae leguntur.

IN ORATIONEM CICERONIS PRO LEGE MANILIA SCHOLIA
PHILIPPI MELANTHONIS ¹⁾.

Cap. I. §. 1. ²⁾. *Quamquam*] Exordium petitem est a casu, quare hic hactenus non dixerit. *Tamen hoc*] Captat benevolentiam extenuatione sui. *Statuerem*] id est, arbitrarer. *Nam, quum antea*] αἰτιολογία.

§. 2. *Nunc quum et*] Secunda pars benevolentiae, cur nunc dicat.

§. 3. *Atque illud*] Benevolentia a causa. *Huius autem*] Attentio.

Cap. II. §. 4. *Bellum grave*] Narratio.

§. 6. *Causa quae sit*] Propositio per divisionem. *Genus est*] Confirmatio a necessario. *Atque amicorum*] Argumentorum congeries, quorum capita proponuntur. *Aguntur bona*] Ab utili.

Cap. III. §. 7. *Et quoniam*] Ab honesto. *Sed ab alio* ³⁾] πάθος, quo rem exaggerat.

§. 8. *Etenim adhuc*] Magis exaggerat. *Verum tamen*] Extenuatio vel castigatio superiorum.

Cap. IV. §. 10. *Sed de Lucullo*] Occupatione suspectam facit orationem suam extenuandis rebus Luculli.

Cap. V. §. 11. *Ac navicatoribus* ⁴⁾] Ab honesto ex parte civium, et a minori. *Libertatem civium*] Collatio.

§. 12. *Expulsus*] scilicet Cappadocia. *Quid? quod*] Alterum argumentum a iure sociorum. *Cuncta Asia*] Amplificatio a circumstantiis.

§. 13. *Tamen ipsorum*] Oblique perstringit Lucillum.

Cap. VI. §. 14. *Quare, si*] Conclusio. *Nam caeterarum*] A publica utilitate. *Asia vero*] Amplificat comparatione. *Itaque haec*] Alia amplificatio.

§. 16. *Quo tandem*] πάθος. *Quum una*] Exaggeratio.

Cap. VII. §. 17. *Quod mihi ego*] A privata civium utilitate.

¹⁾ Haec scholia in Ed. 1568. sic inscripta sunt: Scholia Philip. Mel. in orationem Ciceronis pro lege Manilia, 1531.

²⁾ Capita et paragraphos secundum Ed. Orell. adscripsi.

³⁾ alio] sic Ed. 1568.; Ed. Orell. illo.

⁴⁾ navicatoribus] sic Ed. 1568. et al.; Ed. Orell. nauticalis.

§. 18. *Erit igitur*] Per translationem rursus ex privatis rebus publicam facit causam.

§. 19. *Quare videte*⁵⁾] *ἐπίλογος*.

Cap. VIII. §. 20. *Quoniam de genere*] Secundum argumentum, estque transitio.

§. 21. *Populi Romani*] Facit narrationem verisimilem.

Cap. IX. §. 25. *Sinite*] Amplificat per *πάθος*.

§. 26. *Sed ea vos*] *ἐπίλογος*.

Cap. X. §. 27. *Satis mihi*] Transitio. *Utinam*] *πάθος* a voto. *Cn. Pompeius*] Propositio.

§. 28. *Scientiam rei*] Confirmatio per divisionem. Est autem petita a genere demonstrativo. *Quis igitur*] Expositio primi membri. *Ad patris*] Congeries.

Cap. XI. §. 29. *Iam vero*] Expositio secundi membri. *Non enim ille*⁶⁾] Amplificatio per distributionem.

§. 31. *Quis enim*] Exaggerat per congeriem belli piratici causas, ut eius famam celebriorem faciat.

Cap. XII. §. 32. *Sed quid ego*] Amplificatio a dissimili.

§. 33. *Ut vos, qui*] Amplificat a circumstantiis.

§. 34. *Aut consequendi*] Amplificatio per comparisonem.

§. 35. *In oram*] Venetum mare est, quod alias Adriaticum dicitur.

Cap. XIII. §. 36. *Quid? caeterae*] Amplificatio a divis virtutibus, quae non proprie requiruntur in imperatore.

§. 36. *Ac primum*] Propositio. *Sed ea magis*] Collatio: Alii imperatores, a Sylla usque ad Pompeium male audiunt, hic vero bene.

§. 38. *Neque enim potest*] Noëma.

§. 39. *Hic miramur*] Altera pars comparisonis.

5) *videte*] sic Ed. Orell.; Ed. 1568. errore typogr.: *videre*.

6) *Non enim ille*] sic Ed. 1568.; Ed. Orell. *Neque enim illae*.

Cap. XIV. §. 40. *Unde illam*] Aliud exemplum temperantiae. *Sed hae*⁷⁾ *res*] Incrementum.

Cap. XV. §. 43. *Et, quoniam auctoritas*] Expositio tertii membri.

§. 44. *Quum universus*] Amplificatio a circumstantiis. *Ab eodem*] Admisset probationem maioris probationi minoris.

§. 45. *Et quisquam*] Amplificatio a minore ad maius, quasi dicat: Si tantum solo nomine profecit, quantum manu profecturus est.

Cap. XVI. §. 46. *Potestis igitur*] Epilogus.

§. 47. *Reliquum est*] Expositio quarti membri, atque hic, quia per se invidiosa est laus, atque fortuna, et illa nihil incertius, ideo multis occupationibus rem mitigat. *Fuit enim profecto*] Ratio maioris. *Quo de nunc*] Occupatio.

Cap. XVI. §. 49. *Quare quum*] Epilogus generalis.

Cap. XVII. §. 50. *Cneius Pompeius*] Ab opportunitate.

§. 51. *At enim vir*] Confutatio. *Quae adhuc*] Insinuatio egregia.

§. 53. *An tibi*] Amplificat pericula, et incommoda belli piratici enumerans.

Cap. XVIII. §. 54. *Quae civitas*] Amplificatio a minore.

§. 55. *Nos, quorum*] Amplificatio a circumstantiis.

Cap. XIX. §. 56. *Bono te animo*] Occupatio.

§. 57. *Quo nihil*⁸⁾ *etiam*] Amplificatio a persona, et invidiose rem exaggerat. Confutatio eius, quod negarant adversarii mittendum Gabinium Pompeio legatum. *Quum caeteri*] Ab exemplo.

§. 58. *Mea quidem sententia*] Epilogus.

Cap. XX. §. 59. *Reliquum*] Confutatio sententiae Catuli. *Sed in hoc ipso*] Inversio.

§. 60. *In bello*] Dilutio ab exemplis.

Cap. XXI. §. 61. *Quid tam*⁹⁾ *novum*] Congeries eorum, quae praeclare contigerunt Pompeio.

7) *hae*] sic Ed. 1568. et al.; Ed. Orell. *hae*.

8) *nihil*] sic Ed. 1568.; Ed. Orell. *mihi*.

9) *Quid tam*] sic Ed. 1568. et al.; Ed. Orell. *Quid [enim] tam*.

§. 62. <i>Spee constituatur</i>] Epiphonema.		Cap. XXIV. §. 69. <i>Quae quum ita</i>] Conclusio
Cap. XXII. §. 63. <i>Quare videant</i>] Epilogus.		contuens hortationem et fidem oratoris, qui cau-
§. 65. <i>Difficile est</i>] Rem exaggerat difficul-		sam egit.
tate circumstantiarum.		§. 70. <i>Qui ad rempublicam</i>] Diluit ea, quae
§. 68. <i>Quare nolite</i>] Epilogus.		ipsum suspectum reddere poterant. <i>Propterea</i>
		<i>quod</i>] Facit verisimilem confutationem.
		§. 71. <i>Tantumque</i>] A contrario.

A D D E N D A.

ad pag. 509—510.

Melanthonis de arbore consanguinitatis et affinitatis sive de gradibus dissertatio etiam recusa est

f) cum aliis duabus eius commentationibus coniuncta sic inscripta:

De officio principum, quod mandatum Dei praecipiat eis tollere abusus Ecclesiasticos.

Item, Christianis an liceat litigare in iudicio.

Ad haec, De Arbore Consanguinitatis et affinitatis, sive de Gradibus.

Philippo Melancthone autore. Basileae 1540. — (In fine:) Basileae, per Balthasarem La-
sium, Mense Augusto, Anno M. D. XL. 8. 5³/₄ plagg., quarum ult. 6 foll. Indicem cum clau-
sula, et typographi insigne continent. (in Bibliotheca publ. Orphanotrophei Halensis.)

ad pag. 767—768.

Melanthonis explicatio locorum quorundam difficilium in perfecto oratore Ciceronis primum prodiit annexa

Eiusdem annotatiunculis in Virgiliti opera. Haganoae 1534. 8.

Haec editio, qua id, quod illo loco nota^{***}) diximus, probatur, a Schweigero et Orellio in libris laudatis inter scripta Ciceronem illustrantia, commemoratur.



